

**PRIMAE PARTIS [-
SECUNDAE
SECUNDAE]
SUMMAE
THEOLOGIAE...**

Girolamo : de Medici, Tommaso :
d'Aquino santo, Benjamin Wright





X.11.11.26

8-13-D-9



PRIMÆ SECVNDÆ
S V M M A E
THEOLOGIÆ

SANCTI THOMAE
A Q V I N A T I S
Doctoris Angelici.

FORMALIS EXPLICATIO.

*Qua omnia Argumenta, & Rationes, quæ in singulis
Articulis tractantur, non modica claritate for-
mantur, & explicantur, Argumentorumq;
reſponſiones explicatæ ad ip-
ſorum partes aptè
accommodantur.*

CVM VARIJS INDICIBVS.

Auctore F. HIERONYMO de MEDICIS à
Camerino Sac. Theol. Mag. Ord. Præd.
& Mantuæ contra Hæreticā pra-
uitatem Gñali Inquiretore.

*Ad Illuſtriſſ. et R. DD. S. S. P. O. N. E. M.
B. R. G. S. J. M. S. R. E. Card. Ampliſſ.*

V E N E T I I S.

*Apud Ambroſium, & Bartholomeum Dei, Fratres
Ad Signum S. Marci Anno M. DC. XIV.
Superiorum permiſſu. Cum Priuilegio.*



THE UNIVERSITY OF CHICAGO

1911

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

AD ILLUSTRIS. ET REVERENDISSIMUM D. D. SCIPIONEM BURGHESIVM S.R.E. CARDINALEM AMPLISSIMUM, Sacri Ordinis Prædic. Protectorem vigilantis.

FRATRIS HIERONYMI DE MEDICIS A CAMERINO,
dicti Ordinis in Primæ Secundæ Summæ Sacræ Theologiæ S.Thomæ Aquinatis
Formalem Explicationem.

P R Æ F A T I O.



QUOD de nihilo cuncta in principio creavit Deus, et si hominem duplici compositum substantia, quo ad corpus de limbo Terræ formavit; inspirando tamen in faciem eius spiraculum vite per rationalis Animæ infusionem, ad tam sublimem illum extulit dignitatis gradum, ut non modo super omnia opera manuum suarum tanquam totius creaturæ compendium constituerit; sed (quod longè est maius) vix Angelicis cedat Ordinibus: Quibus licet quo ad naturalia dona se norit inferiorem; in supernaturalibus tamen, non modo non rapinam arbitratur, se ad ipsorum posse aequalitatem pervenire, iuxta supremæ Veritatis promissa, verum & in cælesti gloria ipsosmet beatissimos Spiritus transgredi se posse non desperat, prout de Intemeratæ Virginis Deiparæ excellentia gaudet, & psallit Sancta mater Ecclesia, concinens; Exaltata est Sancta Dei genitrix super Choros Angelorum ad Cælestia Regna. Omnia igitur cum Deus propter hominem fecerit, quin & Angelos, qui omnes sunt administratorij Spiritus, in ministerium missi propter eos, qui hereditatem capient salutis; Ipsum tamen hominem, Arbitrij libertate donatum, ad imaginem, & similitudinem suam, Divinæ visionis capacem, propter se tantum fecit; voluitque ultimus ipse hominis finis esse, ut meritis gloriaretur Augustinus Theologorum Princeps: Feciisti nos Domine ad Te, & inquietum est cor nostrum, donec requiescat in Te. Humanus siquidem appetitus nulla unquam creatura expleri poterit: qui si sanè sapit, cum Propheta semper ingemiscit: Quid enim mihi est in cælo, & a Te quid volui super terram? Certè Nihil: Tunc quidem dumtaxat satiabor, cum apparuerit gloria tua, & cum in cælesti Coniugio Magnus ille Paterfamilias dulcissimis nos illis vocibus invitaverit: comedite amici, & bibite, & inebriamini charissimi. Nec satis esse arbitrans immensa Dei largitas, tantis hominem donasse muneribus, propter nimiam charitatem; qua dilexit nos, naturam tandem nostram sibi personaliter unire voluit, & tam admirabili contracto commercio, sibi insolubili adstringere nodo, ut vere dicatur Deus homo, & Homo Deus; sicque Humanitatem in Verbo, quod est totius Ecclesiæ caput Angeli ipsi, & supremæ omnes cæli Potestates supplices adorent: Dictum est enim, cum introduceretur primogenitus in Orbem Terræ: Adorent eum omnes Angeli eius. Hinc postmodum dedit Deus hominibus potestatem filios Dei fieri, & Divinæ facti Consortes nature, verè filij Dei nominentur, & sunt, hæredes quidem Dei, cohæredes autem

Christi. Nullis proprijs meritis at tantam fuit Homini hereditatem admissa; sed sola id ei infinita liberalitate promissum, cuius non est, quid dicere possit, cur ita facis? nec Consiliarius eius quisquam fuit: cumque se ab eadem peccando primus Adam, & nos omnes exclusisset, ad eam denuo Ius nobis Unigenitus Dei filius proprio suo sanguine restituit; Non ita tamen, ut sufficientes simus ex nobis, tanquam ex nobis; Vtlo vquam tempore eam consequi, sed omnis sufficientia nostra ex Deo est, cui nihilominus nos voluit, & dignatus est admittere Cooperatores; sicque qui nos sine nobis fecit; saluare non vult nos sine nobis; nec parata, & promissa, ac recuperata nobis gloria potiri vquam poterimus, nisi debitis, & convenientibus medijs ad propositum scopum, & finem tendamus, quæ sunt opera, & via mandatorum Domini: Non enim coronabitur, nisi qui legitime certauerit. Quis verò in scopum tela dirigat, quis ad finem perueniat, quem aut non norit, aut viderit? nemo siquidem ad incognita tendere potest. Necessaria igitur est Homini finis sui cognitio, ut sciat in quo vera eius felicitas consistat, & veram a falsa beatitudine distinguat, ut hac posthabita, in illam suos omnes actus, & cogitationes dirigat. Ad id autem necesse imprimis est, ut quæ operationes tanto fini consequendo conformes, & convenientes, quæ vè itidem discrepantes, & minus congruæ sint discernat; quibus se ut applicare valeat, easque toto corde completi necessaria Dei imploret auxilia, qui multò minus quam Natura in necessarijs deficit. Hæc omnia in Sacris scripturis ad eruditionem, & consolationem nostram digito Dei digesta fuerunt sparsim, & a Patribus, Diuino numine afflatis, plerumque explanata. Angelicus tandem Doctor Sanctus Thomas Aquinas dictante Spiritu Sancto, hæc in unum redacta, miro ordine compilauit, atque Volumine hoc, quod Prima Secunda nuncupatur, est complexus. In hoc siquidem primum de Vltimo fine, ut sit omnium actionum nostrarum veluti Scopus; tum de Humanis actibus, ac de ipsorum principijs adeo mirè tractauit, ut verè mirabilis in suis omnibus scriptis, ac planè Diuinus; In libro hoc seipsum excessisse, & superasse videatur: Nihil enim, quod ad materiam hanc pertineret, reliquit intactum, nihil indiscussum, omnia diligentissimè examinauit.

At vero si eius, de quo agitur, necessitatem spectemus: Nulla alia Sacra Theologiæ pars est Christi fidelibus magis quam hæc, Volumine isto comprehensa, necessaria. Utiles est certè (nec inficior) Pars illa, in qua de his, quæ pertinent ad essentia Diuinæ unitatem, ad Diuinarum personarum Trinitatem, ad rerum creationem, ad naturas creatas præ spiritualibus, præ corporales, & ex utroque compositas, tractatur: non tamen adeo est cuiuslibet Christiano necessaria, quin absque horum exactiori notitia queat saluari: Sat enim est, si credat in unum Deum Patrem omnipotentem, visibilibus, & invisibilibus conditorem, & in Iesum Christum filium eius, & in Spiritum Sanctum. Debent omnes ea nosse, quæ ad Incarnationis mysterium pertinent; sed quid si rudes, & simplices non adamussim omnia penetrent? sufficit enim credant, filium Dei conceptum de Spiritu Sancto, natum ex Maria Virgine, Crucifixum, mortuum, & sepultum, resurrexisse a mortuis, ascendisse in cælum, sedere ad dexteram Dei Patris, venturum ad iudicandum viuos, & mortuos: Requiritur pariter Sacramentorum Doctrina (non nego) At ignarus homo si communionem Sanctorum, remissionem peccatorum credat, illa etiam facietur implicite, & in simplicitate sua saluabitur, & plerumque pereuntibus Doctis rapiet Regnum cælorum. At materia, de qua in presenti Volumine agitur, non modo vniuersa Christiana Reipublica, & Principibus viris, ac Prælati, & aliorum moderatoribus, sed cuiuslibet Christi fideli necessaria est, necessitate sine qua non. Teneatur enim quisque intelligere vltimum finem suum, non in diuitijs, voluptatibus, honoribus, aut alia re quæpiam, sed in vno Deo situm esse: Debent omnes nosse, quid velle, quid nolle, quid eligere, quid reprobare, quid intendere, quo vti, quo frui sit opus: Effrenatæ animi passionibus qualiter moderandæ, proprijs actibus in vltimum finem ut dirigendi, quæ sint virtutes amplexandæ, quæ cauenda vitia, neminem latere debet: Præceptorum, tum Diuinæ, tum humanæ legis, & ad hæc omnia adimplenda Diuina gratia necessitatis ignorantia neminem excusat: Omnia hæc libri huius sunt subiecta materia.

Hic.

Hic magnus est ille Theſaurus, ſine quo ad Diuinam cmititiam admiſſitur reme, in Agro Sa-
era Theologia abſconditus, propter quem operapretium eſt, cetera omnia vendere, ut ematur.
Quare ergo appendimus argentum, & non in panibus, & laborem noſtrum non in ſaturitate?
Audiant me obſecro quicunque ſacras paginas euoluunt; Doctrinę huic intendamus, & dele-
Etabitur in craſſitudine anima noſtra. Quare relinquimus fontem aque viue, qui de celo ma-
naui, & querimus ciſternas diſſipatas, quę continere non valent aquas? Angelicus Doctör,
qui de Deo, Dei ipſius teſtimonio, tam egregie, & bene ſcripſit, in Prima Secundę Partis ſcrip-
ſione preſenti, Scriba doctiſſimus, ſimilis eſt Homini Patriſamilias, qui proſert de theſauro
ſuo noua, & vetera: Hic omnes, ſibi conuenientia, & congrua, inuenient: & certe abſque libri
huius exacta cognitione vix video, qui poſſimus recte quicquam peragere: Quomodo enim Ver-
bi Dei concionatores vitia extirpare, & euellere, & virtutes plantare poterunt, ſi rationes, di-
ſtinctiones, circumſtantias, & cetera ad virtutes, & vitia pertinentia ignorent. Quare ratione,
qui conſcientijs expurgandis ſunt praſecti, minus ſuum recte obibunt, ſi naturas, ſi ſpecies, ſi
conditiones peccatorum non norint? Iudices, legum latores, Iuriſperiti nullo pacto ſibi ipſis, &
ceteris, domi, ſerui, multo minus in foro poterunt ſatiſfacere, ſi legum vires, & id genus
alia præ manibus non habuerint. Theologus demum, ad quem de his omnibus ſpectat ſicre Iu-
dicium, & a cuius ore ceteri omnes pendere debent, niſi in preſenti libro fuerit imprimis diu,
multumque verſatus, aut obmutet, aut minime reſpondebit ad rem. Accedant igitur Theo-
logi, Iuriſperiti, Concionatores, Confeſſarij, qui Dei flagrant eharitate, qui peccatorum laqueis
ſunt irretiiti, & comedant volumen iſtud, & viſcera omnium implebuntur ſaturitate, & ſit in
ore ipſorum ſicut mel dulce. Mirum ſanę quod plerique adeo librum hunc, non dixerim, negli-
gant, ſed parui faciant, ut vix cum euoluere, aut in Scholis proponere dignentur, quod vel
hinc euenire arbitror, quia altiora ſpeculantes, & plerumque minus vtilia, cetera, quę ma-
gis proficua forent, prætereunt: vel forte materię difficultate perterriti, ſicco hæc pede per-
tranſeunt.

Quocirca Ego, eſſi Theologorum minimus, ne talentum mihi a Domino gratis conſeſſum
abſcondam, iuxta tamen vires ingenij mei admodum infirmas, & vniuerſam hanc libri huius ma-
teriam, Deo dante, ac Sancto ipſo Angelico Doctore Protegente ad faciliorem hanc Metho-
dum conatus ſum redigere, ut cuique mediocriter in Theologicis rebus verſato peruia reddatur,
& facilis. Grauis eſt propoſita materia, vtilis, & pernecceſſaria; ſiquid in ea digerenda ſæ-
licius mihi ſucceſſerit, Id omne Dei eſto: Mihi ſanę in hoc non leuiter ſuit elaborandum.

Ceterum labor hic meus, & (ſiquis inde proveniet) fructus, non niſi Tibi Illuſtriſſimę, &
Reuerendiſſ. Princeps fuit dicandus, quem iam longę ante mihi patronum, ac Mæcenatam,
ac Protecctorem, & elegi ſponte, & vniuerſa Predicatorij familia Deus dedit, in cuius ma-
nu Cor Regis Ecclęſię militantis Auunculi Tui Pauli Quinti Chriſti Vicarij. Is meritorum
tuorum, & virtutum optime conſcius, te latere ſub modio minime paſſus, ſuper candelabrum
Cardinalitię Dignitatis ab initio ſuſcepti Pontificatus collocauit: ut luceat lux tua coram toto
orbe, & videant omnes opera tua bona, & glorificent Patrem tuum, qui in cælis eſt, & dum
Opus hæc anguſtiſſimo tuo Nomine inſcriptum, & decoratum legerint, cognoscant, ac fatean-
tur, quaſi Te preſentem habuiſſe Angelicum Doctorem, dum Primam Secundę conſcripſit; ac
veluti Piectorem egregium, Te ipſum, ac mores tuos, & vitam delineaffe, licet de Te ipſo ſen-
tias quãtũ humillime, & laudari Te a quoquam egerrimę patiaris: Quod me ideo ulterius
progredi prohibet. Labor meus, in inſigni Voluminis agro, animi mei ſit nuncius, & inſignis
erga te meę obſervantię teſtis veriſſimus, ac ardentis cuiuſdam Amoris pignus. Pauper enim
ego Religioſus, cum aurum, & argentum mihi non ſit (quę Tu nunquam deſideraſti) quod ha-
beo, hoc Tibi do. Tu me interim Illuſtriſſime Domine, prout hæctenus, ſoue, ac protege, Cui
ego ſemper, quamdiu vixero, in omnibus propitiũ Diuinum numen præcabor. Vale.



A D
LECTOREM.



RIVSQUAM huic Formali Explicationi in Primam Secundæ Summæ Sancti Thomæ Aquinatis, primam partem apponerem, intentio mea non fuit fingula, quæ in hoc opere tractantur, sed solum difficiliora prosequi, faciliora vero, vel omnino omittre, vel ad verbum solum referre, ne Lector ex frequenti recurſu ad textum gravaretur. In ipsotamen operis exordia, cum intimius, & accuratius omnia fuisset contemplatus, omnia subtilissima ac profundissima, non sine admiratione animadverti, nam ea, quæ prius peruia, & perspicua visa fuerant, difficilia, & ardua apparuerunt. Quare priori, quod proposueram, relicto inſtituro, diuino fretus auxilio, quod Sanctissimi Doctoris præcipi assuturum speraui, singula lustrare decreui, luxta igitur exiles ingenij vires formata sunt argumenta, explicatæ sunt singulæ

rationes articulorum, responsionesque ad argumentorum partes sunt applicatæ, exceptis quibusdam argumentis, & responsionibus, quæ ad verbum retuli, ita enim hæc aperta visa sunt, ut non occurrerint primo verba, quibus planius possent explicari. Quorum tamen, nonnullis suadentibus Patribus, qui opus examinarunt, ea, quæ ad maiorem eorum claritatem facere videbantur, sunt adiuncta. Ex quo factum est, ut pauca admodum intacta relicta fuerint.

Tractatur in hac parte de motu rationalis creaturæ in suum vltimum finem, & primo quidem de ipso vltimo fine, tum in communi, tum in particulari, ostenditurque vltimum finem rationalis creaturæ in solo Deo situm esse. Inde de humanis actibus, per quos rationalis creatura ad vltimum finem tendere, vel ab eo deuiare, contingit, disseritur, & primo de his, qui sunt homini proprii, quales sunt Velle, Frui, Intendere, qui sunt circa finem, & Eligere, Consiliari, Cōsentire, & uti, qui sunt circa ea, quæ sunt ad finem. Postea de actibus his, qui sunt homini, brutisque communes, qui & passionēs appellantur, tum inquam de pertinentibus ad concupiscibilem, ut sunt Amor, Odium, Desiderium, Fuga, Gaudium, & Tristitia, tum etiam de pertinentibus ad irascibilem, quales sunt, Spes, Desperatio, Audacia, Timor, & Ira. Agitur subinde de eorundem humanorum actuum principijs tum intrinsicis, tum extrinsecis. Intrinsicæ quidem sunt habitus boni, respectu bonorum actuum, & mali respectu malorum. Habitus boni sunt virtutes Intellectuales, Morales, & Theologicæ, & his annexa, quæ sunt Dona, Beatitudines, & Fructus quorum omnium considerat onem, sequitur tractatus de Vijs, & Peccatis. Principia verò extrinseca humanorum actuum de quibus vltimo loco fit sermo, sunt Lex, per quam Deus nos instruit, & Gratia, per quam nos iuuat. Cōsiderantur igitur postremo vniuersa, quæ ad legem æternam, naturalem, humanam, diuinam, veterem, vel nouam pertinent. Et tandem quæ ad gratiæ diuinæ notitiam sunt necessaria traduntur. Quæ omnia cum ardua sint, valdeque difficilia, fieri potuit, ut in multis defecerim, tum in formandis argumentis, explicandisque rationibus, ac responsionibus: Tātam enim rerum varietatem, & difficultatem, quis ex ætate nisi Angelicus intellectus explicare sufficeret? In his enim in quibus expositores præuios habui, consului, & eorum sententiā sum secutus. In his verò, circa quæ non innotantur, eum sensum, qui verior visus est, elegi. Vniuersos autem hos meos defectus

curte

correctioni melius explicantium libenter suppono, quæsetian, si per me ipsum, aut amicorum
monitu dum superfluum animaduertero, corrigam, & monenti, & corrigenti gratias agam. Cete-
rum huius mei qualiscunque laboris sit, finis extitit, ut Nouitij in Sacra Theologia, ita doctrinam
Sanctissimi Doctoris Thomæ Aquinatis ebibant, & premanibus habeant, ut non solum in vno,
aut altero tractatu suæ Summæ sint versati, sed de omnibus, quæ ad Theologiam pertinent in-
struantur, quod si post priorem partem, hanc sibi etiam familiarem efficiant, vniuersorum, quæ ad
moralia pertinent, sibi notitiam comparabunt, sine qua de actibus humanis, virtutibus, &
vitijs, de legibus, & diuinæ gratiæ dono, non nisi casu, rectè loqui quis poterit. Non dormiat
igitur amplius apud nos tam necessaria doctrina, non sit amplius absconditus tam magnus, &
præciosus Thesaurus, ad nos diuina benignitate ex cælo transmissus, sed eo indefesse vtamur, ut
participes effici mereamur amicitia Dei.

Secunda Secundæ hac eadem methodo accomodata, breui Deo dante in lucem prodibit.



N O S
FR. SERAPHINVS
SICCVS PAPIENSIS
SACRAE THEOLOGIAE PROFESSOR.

*& totius Ordinis Predicatorum humilis Magister
Generalis, & seruus.*



VM, sicut accepimus, Tu Adm. Reuer. P. Magister Frater Hieronymus à Camerino Inq. Mantuanus Formalem Explicationem Summæ D. Tho. inceperis, totamque primam iam partem compleueris, & in primam secundæ præparatum habeas opus inceptum, quod in magnam routhiorum Theologorum vtilitatem redundare intelleximus, Harum serie, publicæ vtilitati consulere cupientes, licentiam concedimus, immo, præcipimus tibi supradicto Adm. Reuer. P. Magistro Fratri Hieronymo de Camerino, vt seruatis omnibus, & singulis seruandis, tam iuxta Sacri Concilij Tridentini sanctiones, quam indicis nuper æditi regulas, ac denique omnibus alijs iuxta nostrarum seriem legum, & ordinationum, quam primum prædicta scripta in primam secundæ excudenda procures. In nomine Patris, & Filij, & Spiritus Sancti. Amen.

Dat. Prati die 10. Martij. 1614.

F. Seraphinus qui supra.

Registrata fol. 58.

F. Ioannes Baptista Bossius de Capriata Magister, & socius.

Non cegniter, ac ea qua potui diligentia . vidi ego Fr. Felix Zibramontes Mantuanus Sacrae Theologiae Lector , ac Magist' et studij Bononiensis nostri Ordinis Prædicatorum , vnus ex Deputatis, &c. Opus Ad R. P. Magistri Fratris Hieronymi Medices, a Camerino Inquisitoris Mantuani Typis mandandum , cuius extat titulus Formalis Explicatio Summæ Primæ partis Secundæ partis Angelici D. Thomæ Aquinatis Ord. nostri , vidi inquam, a 1. quæst. vsque ad 60. inclusive, nihilque in isto deperi, quod sit contra Decrèta Sanctæ Romanæ Ecclesiæ, Sanctorum Conciliorum Diui, ac eiusdem Sancti Doctoris assera aduersetur, vel bonis moribus, Quin ob claritatem in eo, & facilitatem illius, vtile laboriosum id onus ad literam ipsius Angelici Doctoris intelligendam fore satis, dignumque vt imprimatur . In quorum Omnium fidem, &c.

Dat. in Conuentu S. Dom. Mantuæ die 7. Maij M. DC. XIII.

Ego Fr. Felix de Mantua Ord. Præd. qui sup. manu propria.

Cum hæc Formalis Explanatio Primæ Secundæ Partis Summæ Totius Theologiæ D. Thomæ Aquinatis Doctoris Angelici, rectæ fidei, bonisque moribus nihil aduersum contineat, quinimmo vt aliud eiusdem Admodum Reuer. Auctoris, Primæ Partis Opus, iam ante editum, eruditum, accuratum, veluti ex varijs Honoribus tota corona pulcherrima, spiret per quam suauiter, & salubriter, dignissima etiam mihi videretur, quæ typis committatur. Et in vsum fructumq; magnum plurimorum Theologorum quamprimum publice appareat.

Dat. Mantuæ die 8. Iunij. M. DC. XIII.

Fr. Franc. Graffus de Mant. Sac. Theol. Lect. & Prior Conu. S. Dom. de Mant.

Pariter, & ego, maxima animi mei dulcedine, Formalem Explicationem Primæ Secundæ Summæ Theologiæ S. Thomæ Aquinatis Doctoris Angelici, editam ab Adm. Reuer. P. Magistro Fr. Hieronymo Medices a Camerino Generali Inquisitore Mantuæ, legi, attenteq; consideraui, ac continere perspexi maximam claritatem, & facilitatem in exponendis Angelici Doctoris sensibus, de rebus valde necessarijs cuilibet viro Theologo, ac scitu dignis, Nec quid se se obtulit, non consentaneum Orthodoxæ fidei S. Romanæ Ecclesiæ, Doctrinæ Sacrorum Doctorum, vel contrarium bonis moribus, ac Christianæ pietati, propterea attestor dignam, quæ pro publica utilitate, ac commodo, typis manderetur.

Dat. Venetijs, die 13. Septembris. M. DC. XIII.

Fr. Hippolytus Franc. Bonus de Mant. Ord. Præd. Sac. Theol. Lect. & S. Inq. Mant. Vic.

INDEX LOCORVM

SIVE RERVM,

Quę in Prima Secundę D. Thomę Aquinatis explicantur.

Actus humani. quaest. 7
 Actus humani sequentes rationem bonitatis. q. 21
 Actus imperati a voluntate. q. 17
 Amor. quaest. 26
 Amoris causa. quaest. 27
 Amoris effectus. quaest. 28
 Audacia. quaest. 45
 Beatitudo. quaest. 2. & 3
 Bonitas, & malitia actuum. q. 18. 19. 20
 Circumstantia humanorum actuum. q. 7
 Concupiscentia. quaest. 30
 Consensus. quaest. 15
 Consilium. quaest. 14
 Decalogus. quaest. 100
 Delectatio. quaest. 31. 32. 33. 34
 Desperatio. quaest. 40
 Dolor. quaest. 35
 Dona. quaest. 68
 Electio. quaest. 13
 Finis ultimus hominis. q. i
 Fructus. quaest. 6
 Fruitio. quaest. 11
 Gratia. q. 109. vsque ad finem.
 Habitus in generali. q. 49. vsque 54
 Ignorantia. quaest. 76
 Intentio. quaest. 12
 Inuoluntarium. quaest. 6
 Ira. quaest. 46. 47. 48
 Iustificatio impij. quaest. 113. 114
 Legum discrimen. q. 91
 Lex. quaest. 90
 Lex aeterna. quaest. 93
 Lex humana. quaest. 95
 Lex naturalis. quaest. 44
 Lex noua. q. 106. 107. 108
 Lex vetus. quaest. 98

Legis nouae ad veterem comparatio. q. 107
 Legis veteris praecepta. quaest. 99
 Legis humana potestas. q. 96
 Legis humana mutatio. q. 97
 Malitia actuum voluntatis. q. 19
 Malitia actuum humanorum in generali. q. 18
 Malitia actuum humanorum exteriorum. q. 20
 Malum circa passionem animae. q. 24
 Meritum. quaest. 114
 Motuum voluntatis. quaest. 9
 Odium. quaest. 29
 Passio animae. quaest. 22
 Passionum animae discrimen. q. 25
 Passionum animae ordo. q. 25
 Peccatum. q. 71. 72
 Peccati causa. q. 75 vsque 81
 Peccatorum discrimen. q. 83
 Peccati effectus. q. 85. 86. 87
 Peccatum mortale. q. 88
 Peccatum originale. q. 82
 Peccatorum subiectum. q. 74
 Peccatum Veniale. q. 89
 Praecepta Ceremonialia. q. 101. 102. 103
 Praecepta Iudicialia. q. 104. 105
 Praecepta moralia. q. 100
 Spes. quaest. 40
 Timor. q. 41. vsque 44
 Tristitia. q. 35. 36. 37
 Tristitia remedia. q. 38
 Virius. q. 55
 Virtutum aequalitas. q. 66
 Virtutes Cardinales. q. 61
 Virtutum causa. q. 63
 Virtutum Connexio. q. 65
 Virtutum distinctio. q. 57. 58. 59. 60
 Virtutum duratio. q. 61
 Virtutum medium. q. 64
 Virtutes Theologicae. q. 62
 Vitium. q. 71
 Voluntarium. q. 6
 Voluntas. q. 8
 Vfus. quaest. 16

FINIS.

A V T H O R I T A T V M S A C R A E S C R I P T V R A E,

Quæ in hac Prima Secundæ D. Thomæ Aquinatis Doctoris Angelici exponuntur.

Primus numerus Quæstionem, Secundus Articulum, Tertius locum designat.

Ex Genesi.

- I**N principio creauit Deus cælum, & terram. 99. 5. corp.
- Cap. I. Vidit Deus cuncta quæ fecerat, & erāt valde bona. 9. 6. 3
- Dominamini piscibus maris, bestiis terræ, &c. 106. 3. 3
- 3 Ne forte moriamur. 39. 3. 2
- 4 Sub te erit appetitus tuus, & tu dominaberis illius. 10. 3. cont. 77. 3. 3
- Cain obtulit de fructibus terræ munera Domino, &c. 103. 1. 1
- 6 Sensus hominis proni sunt ad malum, &c. 8. 5. 3. ad 2
- 7 Ex omnibus mundis animalibus tolles septena &c. 103. 1. 4
- 8 Noe obtulit Holocausta Domino. 103. 1. 1
- Quasi Olera virentia dedi vobis omnem carnem. 102. 6. 2
- 9 Carnem cum sanguine non comedetis. 102. 3. ad 8
- 12 Abraham incæpit fieri promissio de Christo. 98. 6. 2
- 13 Abraham ædificauit altare Domino. 103. 1. 2
- 14 Melchisedech erat sacerdos Dei summi. 103. 1. 3
- 17 Circuncideris carnem præputij vestri, & c. 102. 2. 1
- Circuncidetur in vobis omne masculinum. 103. 1. 3
- Erit pactum meum in carne vestra. 102. 5. ad 1.
- 19 Sodomitæ fuerunt puniti temporali etiam poenâ. 114. 10. 3
- 21 Præcipitur Abraham, vt occidat filium. 94. 5. 2
- Tolle filium tuum vnigenitum, &c. 100. 8. ad 3
- Offeres illum in Holocaustum super vnū nōtum, &c. 102. 4. ad 2
- Abraham obtulit Domino sacrificium. 103. 1. 1
- Nūc cognoui, quod timeas Dominum. 112. 5. 5

- 28 Iacob tulit lapidem, & crexit in titulum. 103. 1. 2
- 39 Dominus dedit Ioseph gratiam. in conspectu principis carceris. 110. 1. 1
- Ex Exodo.
- C. 1. Quia timuerunt obstetrices Dominum, &c. 114. 10. 2
- 3 Inuitatur populus ad regnum Chananæorum. 91. 5. corp.
- 8 Abominaciones Aegyptiorū imolabimus Deo nostro. 102. 3. ad 2
- 12 Si quis peregrinorum in vestram voluerit transire colon. &c. 98. 5. 3. & 105. 3. ad 1
- Petierunt ab Aegyptijs vasa aurea, &c. & exprolauerunt Aegyptios. 100. 8. ad 3
- Comedetis festinanter, & de cæremonijs comestionis Agni habes. 102. 5. ad 3
- Cum dixerint vobis Filij vestri, quæ est ista religio. &c. 105. 4. corp.
- 13 Erit quasi signum in manu tua. &c. 102. 2. 1
- Dijs non detrahes. 2. 4. 1
- 16 Imple Gomor ex eo, &c. 102. 4. ad 6
- 17 Bellum erit contra Amalech. 105. 3. corp.
- 18 Esto populo in his, quæ ad Deū pertinent, &c. 101. 1. aff.
- Prouide de omni plebe viros sapientes, &c. 105. 1. 1
- 20 Ego sum Deus Zelotes visitans, &c. 81. 2. 1.
87. 8. 1
- Locus est Dominus sermones hos. 98. 3. 1
- Non occides, non furrum facies. 99. 2. corp.
- Memento vt diem Sabbati sanctifices. 100. 3. 2
- Non habebis Deos alienos coram me, non facies sculptile 100. 4. 1. & 2
- Non facies tibi sculptile, &c. 100. 4. corp. 10. 2. 4. 6
- Totum fere caput exponitur. quæst 100. art. 5. 6. 7. 8
- Sex. n. diebus operaberis, &c. 100. 5. ad 2
- Altare de terra facietis mihi. Et non ascendes

I N D E X.

- ad altare meum per gradus. 102. 4. 7
- 21 Oculum pro oculo, dentē pro dente. 105. 2. 10
- Bos, qui occiderit hominem, lapidibus obruetur. 105. 2. 11
- Si pignus a proximo tuo acceperis vestimentū, ante solis occasum, &c. 105. 2. ad 4
- Lex mandat, vt serui septimo anno liberi ascenderent. 105. 4. 1. & corp.
- Qui percusserit seruum suum, vel ancillam virga, si vno die. &c. 105. 4. 3
- Permittitur, vt quis vendere possit filiam suā in famulam. 105. 4. 4
- Mutilatores seruorum eos liberos dimittere tegebantur. 105. 4. corp.
- 22 Principi populi tui non maledices. 73. 9. corp.
- Si pignus acceperis vestimentum a proximo tuo &c. 9. 5. corp.
- Qui immolat Dijs occidetur preter Domino soli, &c. 102. 3. corp.
- In amissione depositi statuit iuramento. 105. 2. 5
- Restituet fur quinque boues pro vno boue. 105. 2. 9
- Aduenam non contristabis. 105. 3. 3
- 26 Peregrino non eris molestus. 105. 3. 3
- Si pecuniam dederis populo meo pauperi, &c. 105. 2. ad 4
- Non accipietis munera, &c. 105. 1. 4. & corp.
- Non coquas adum in lacte matris suae. 102. 6. ad 4
- Nec in iudicio plurimorum acquiesces sententia. 100. 11. corp.
- 24 Dabo tibi duas tabulas lapideas, &c. 102. 4. ad 6
- 25 Totum caput exponitur. 102. 4. ad 6
- Duos quoque Cherubim aureos. 100. 4. corp.
- 26 Tabernaculum vero ita facies. 102. 4. 1
- Facies velum ex Hyacinto. 102. 4. 4
- Tabernaculum erat dispositum ad orientem. 102. 4. 5
- Facies saga cilicina, &c. 102. 4. 3
- 27 Facies altare de lignis Sethim. 102. 4. 7
- 28 De vestimentis sacerdotilibus. 102. 5. 10
- 29 Per asperersionem, & unctionem olei, consecrabantur sacerdotes. 103. 2. 1
- 30 Facies labium aeneū cum basi sua, &c. 102. 5. 8
- Facies altare ad tollendū Thimiamata. 102. 4. 7
- 33 Populus ad idolatriam declinauit. 98. 4. corp.
- 34 Loquebatur Dominus Moyli facie ad faciem. 98. 3. 2
- 48 Hec sunt instrumenta tabernaculi testimonij. 101. 4. aff.
- Ex Leuitico.
- C. 1. Prima cap. Leu. exponitur. 102. 3. 2. 3. & seq.
- 4 Et sic orabit pro eo Sacerdos, & dimittetur illi. 103. 2. corp.
- Anima quae peccauerit per ignorantiam, &c. 105. 2. ad 9
- 8 Leuita abstergebantur aqua lustrationis, & radabant oēs pilos carnis suae. 102. art. 5. 8
- De consecratione maiorum, & minorum Sacerdotum. 102. 5. 9. & ad 9
- 10 Quomodo potui placere Deo in Zarenonijs mente lugubri. 103. 2. 2
- 11 Dantur praecepta de abstinentia ciborum. 101. 1. 1
- Prohibetur esus diuersorum ciborum. 102. 6. 1. & ad 1
- 12 Parturitur, aut duos pullos columbarum. 102. 3. 4
- 14 Hic est ritus leprosi, &c. 102. 5. 7
- Cumque inuenerit lepra esse mundiciā, &c. 102. 5. ad 7
- Prohibetur blasphemia. 100. 11. corp.
- 16 Cūq; portauerit hircus omnes iniquitates eorum in terram solitariam, &c. cetera; de quibus in hoc capite. 102. 5. ad 6
- Sacerdos expiabat sanctuarium per asperersionē sanguinis vituli. 103. 2. 1
- 18 Custodite leges meas, &c. 100. 12. 2
- Præcipitur esse vitandos aliquos affinitatis gradus. 105. 4. 7
- 19 Diliges proximum tuum sicut te ipsum. 77. 4. 1. 107. 1. 2
- Sancti eritis, quia ego sanctus sum. 98. 4. c. 9. 2. corp.
- Coram cano capite confurge. 100. 11. corp.
- Non stabis contra sanguinem proximi tui. 100. 11. corp.
- Non eris criminator, & iussuro in populis. 100. 11. corp.
- Vestem dñs ex duobus texta est, non indueris. 101. 1. 1. 102. 6. 6
- Quando ingressi fueritis terram, & plantaueris, &c. 102. 6. 5
- lumenta tua non facies coire cum alterius generis, &c. 102. 6. 8
- Non morabitur opus mercenarij tui apud te, &c. 105. 2. 6
- 20 Ego iū dñs, qui sanctifico vos. 102. 5. aff.
- Qui maledixerit Patri, vel Matri, morte moriatur. 105. 2. 10
- 21 Hō de semine tuo per familias, &c. 103. 5. 10
- Sacerdotes prohibentur interire funeribus. 102. 6. 11
- 25 Possessio vendita reuertetur anno iubilei ad venditorem. 105. 2. 3
- 26 Decē mulieres in vno cubitano coquunt panes. 100. 4. c.
- 29 Agrum tuum nō seres diuerso semine. 102. 6. 9

- Mandatur, vt pater ducat filium ad seniores puniendum. 105.4.5
 Conceditur, vt alienigenas captas possent ducere in vxores. 105.4.6
 22 Non facies similiter Domino Deo tuo, &c. 102.5.1
 Non inductur mulier veste virili. 102.6.6
 Si ambulaueris per viam, & inueneris nidum auis, &c. 102.6.8
 Non serues vineam tuam altero semine. 102.6.9
 Non videbis bonem, & ouem fratris tui errantem. 105.2.corp. & 105.4.2
 Puella, quæ opprimitur in agro, non est ream mortis. 105.2.ad 9
 Filius propter vxoris odium, detrimentum non patitur. 105.4.corp.
 23 Egestionibus humo operiantur fodientes in terra. 102.6.10
 Ingressus vineam proximi tui comede vituas, quantum tibi placuerit. 105.2.1
 Non feneraberis fratri tuo ad vsuram. 105.2.ad 4
 Ammonitiz, & Moabites, etiam post decimam generationem non intrabunt in Ecclesia Domini. 105.3.1
 Non abhominaberis Idumeum, quia frater tuus est. 105.3.1
 Eunuchus ex forco natus non ingrediatur Ecclesia Domini. 105.3.2
 Permittitur, vt Hebrei alienis ad vsuram mutarent. 105.3.3
 Non tradas seruum, qui ad te confugerit, domino suo. 105.4.2
 24 Non erit meretrix de filiabus Israel. 100.11.corp.
 Cum repetes a proximo tuo rem aliquam, non ingredieris, &c. 105.2.4
 Præcipitur, vt relinquerentur pauperibus manipuli obliti, &c. 105.2.corp.
 Non accipies loco pignoris superiorem, vel inferioriorem molam. 105.2.ad 4
 Aliquis poterat dimittere vxorem, dato libello repudij. 105.4.8
 25 Si bos fuerit cornupeta ab heri, & nudius tertius, &c. 20.5.3
 Pro mensura delicti erit, & plagarum modus. 72.5.1.87.4.2.105.2.9
 Non habebis in sacculo diuersa pondera. 100.11.corp.
 Non alligabis os boui trituranti. 102.6.8
 Si eum, qui peccauit, dignum viderint plagis, prosternent, & coram se, &c. 105.2.10
 Mandatur, vt si aliquis mortuus fuerit absque liberis, frater vxorem ipsius acciperet. 105.4.7. & corp.
 26 Profiteor hodie coram Domino Deo tuo, &c. 98.5.c.f
 28 Si audieris vocem Domini Dei tui, faciet te, &c. 99.5.corp.
 Si audieris vocem Domini Dei tui faciet te excellentiorem, &c. 108.3.ad 4
 In lege veteri promittuntur bona temporalia. 114.10.1
 30 Ipse est vita tua. 110.1.2
 32 Dei perfecta sunt opera. 98.2.1
 De quorum victimis comedeabant adipem, &c. 102.3.ad 8
 37 Maledictus, qui non permanet in sermonibus legis huius. 98.5.2
 Ex Iosue.
 C.12. An parum est vobis, quia peccastis in Beelphegor, & vsque in presentem diem macula huius sceleris in vobis permanet. 86.2.aff.
 Ex 1. Regum.
 C.2. Dominus mortificat, & viuificat. 94.5.ad 2
 8 Hoc erit ius Regis, filios vestros tollet, & 105.1.5.
 Non te abiecerunt, sed me, &c. 105.1.ad 2
 Præparate corda vestra Domino. 112.2.aff.
 16 Homo videt ea, quæ patent. 100.9.corp.
 Homo videt ea, quæ patent Dominus autem, &c. 102.5.10
 26 Maledicti sunt, qui eiecerunt me hodie, &c. 105.2.ad 10
 Ex 2. Regum.
 C.12. Periculosa res est desperatio. 40.8.3
 Peccaui Domino, dixitque Nathan, &c. 8.7.6.aff.
 23 Dixit vir, cui constitutum est de Christo, &c. 98.6.3
 Ex 3. Regum.
 C.3. Salomon dormiendo confectus est sapientiam. 113.3.2
 8 Si cæli, & cæli cælorum te capere non possunt, quanto magis, &c. 102.4.ad 1
 9 Si aueris fueritis non sequentes me, &c. 101.4.aff.
 11 Domini autoritate diuiditur regnū Hebreorum. 105.1.3
 18 Incidebant se iuxta ritum suum. 102.5.1
 19 Zelatus sum pro Domino exercituum. 28.4.corp. sine
 Altaria tua destruxerunt, & Prophetas tuos occiderunt gladio. 73.9.cont.
 Ex 1. Paralipom.
 C.29. Tua sunt omnia, & quæ de manu tua accepimus, dedimus tibi. 102.3.corp.

I N D E X:

Ex 2.

C. 30. Dominus bonus propitiabitur Cunctis, qui in toto corde, &c. 73. 10. 1

Ex Thobia.

C. 5. Quale gaudium erit mihi qui in tenebris sedeo, &c. 3. 1. 6. 1

Ex Iudit.

C. 14. Achior Dux filiorum Amon, appositus est ad populum Israel. 105. 3. ad 1

Ex Ruth.

C. 1. Populus tuus, populus meus, Deus tuus, Deus meus. 105. 4. ad 6

Ex Iob.

C. 4. Quis vnquam innocens perijt, &c. 87. 7. aff.

5 Beatus homo, qui corripitur a Domino. 69. 3. 4

9 Si venerit ad me, nō videbo eum, & si abierit, non intelligam. 112. 5. corp.

11 Ut ostenderet tibi secreta sapientiae, quod multiplex sit lex eius. 101. 3. aff.

14 Homo natus de muliere, breui viuens tempore. 5. 3. cont.

21 Scientiam viarum tuarum nolumus. 6. 8. corp.

Ducunt in bonis dies suos. 69. 2. 2

Impij viuunt, subleuati sunt, &c. 87. 7. 2

24 Oculi adulteri obseruat caliginem. 105. 4. ad 9

25 Qui facit concordiam in sublimibus. 102. 4. ad 6

31 Ab infantia creuit mecum miseria. 63. 1. 3

34 Quasi de industria recesserunt a Deo. 38. 1. cont.

Quasi impios percussit eos in loco videntium. 78. 4. cont.

35 Si peccaueris, quid ei nocebis? &c. 25. 4. 1

Si multiplicatae fuerint iniquitates tuae, &c. 4. 7. 1. 3. 8. 2

Si iuste egeris, quid donabis ei? &c. 114. 1. 2

36 Ecce Deus magnus vincens scientiam nostrā. 66. 5. 3. 112. 5. corp.

41 Non est potestas super terram, quae comparetur ei. 80. 3. 1

Ex Psal.

Pf. 1. Beatus vir, qui non abiit in consilio impiorum. 69. 2. ad 1

3 Multi dicunt, quis ostendit nobis bona, &c. 19. 4. corp.

7 Scrutans corda, & renes Deus. 34. 4. cont. & 100. 9. corp.

8 Omnia subiecisti sub pedibus eius, 2. 1. 2

10 Qui diligit iniquitatem, odit animam suam. 29. 4. 1

Iustus Dominus, & iustitias dilexit. 103. 2. 2

15 Adimplebis me letitia cum vultu tuo, &c. 34. 3. cont.

16 Satiabor, cum apparuerit gloria tua. 5. 4. corp. & 6. 2. 3

18 Lex Domini immaculata conuertens animas. &c. 91. 4. corp. & 100. 11. aff.

Praeceptum Domini lucidum illuminans oculos, &c. 102. 1. aff.

Lex Domini immaculata conuertens animas. 103. 2. 3

Iudicia Domini vera iustificata in semetipsa. 105. 4. aff.

27 In Deo sperauit cor meum, & adiutus sum. 69. 2. ad 1

30 Declina a malo, & fac bonum. 113. 8. 1

31 Beatus vir, cui non imputauit dominus peccatum. 110. 1. 3. & 113. 2. 2

Dixi confitebor aduersum me iniustitiam meā &c. 113. 5. aff.

32 Rectos decet collaudatio. 19. 10. cont. 1

33 Benedicam Dominum in omni tempore, &c. 102. 4. 10

Timentes autem Dominum, non minuentur omni bono. 114. 10. corp.

Declina a malo, & fac bonum. 100. 6. ad 2.

34 In populo graui laudabo te. 102. 5. 2

35 In lumine tuo videbimus lumen. 67. 5. 2

Homines, & iumenta saluabis Domine. 98. 4. ad 3

36 Noli emulari in malignantibus, neque, &c. 28. 4. corp.

Delectare in Domino. 31. 4. cont. & 34. 1. cont.

Non vidi iustum derelictum, &c. 114. 10. corp.

41 Fuerunt mihi lacrimae meae panes die ac nocte. 32. 4. cont.

46 Rex omnis terrae Deus. 98. 5. 1

49 Numquid manducabo carnes taurorum, &c. 102. 3. 1

50 Ecce enim in iniquitatibus conceptus sum. 82. 2. 1

Tibi soli peccaui. 96. 5. ad 3

Cor mundū crea in me Deus, &c. 109. 1. aff.

58 Misericordia eius praeueniet me. 111. 3. aff.

59 Dedisti metuentibus te significationem, &c. 87. 3. ad 2

61 Tu reddes vnicuique iuxta opera sua. 109. 5. 2

67 Qui habitare facis vnus moris in domo. 58. 1. corp.

70 Cū defecerit virtus mea, ne derelinquas me. 114. 7. 1

72 Quid enim mihi est in celo? 4. 7. cont.

Zelaui super iniquos. 28. 4. 3

In labore hominum non sunt, & cum hominibus, &c. 87. 7. 2

Mihi autē adherere Deo bonū est. 114. 10. corp.

Ex lib. Sapientiz.

- C. 1. Iustitia perpetua est, & immortalis. 67. 1. cont.
 Deus mortem non fecit. 85. 6. 3
 2. Inuidia Diaboli, mors intrauit in orbem terrarum. 81. 1. aff.
 4. Bonorum laborum gloriosus est fructus. 70. 1. 1
 6. Concupiscentia sapientiz deducit ad regnum perpetuum. 30. 1. 1
 Potentes potenter tormenta patientur. 73. 9. 2
 3. & 73. 10. c.
 Pusillum, & magnum ipse fecit, & æqualiter est ei cura de omnibus. 112. 3. 1
 7. Omne aurum in comparatione illius arena est exigua. 2. 6. c.
 Venerunt mihi omnia bona pariter cum illa. 4. 8. c. 5. 4. c.
 Neminem diligit Deus, nisi eum, qui cum sapientia inhabitat. 68. 2. c.
 Sapientia per nationes in animas sanctas se transfert. &c. 106. 1. 3
 Dominus dedit mihi horum, quæ sunt, veram scientiam. 112. 5. 2
 Optaui, & datus est mihi sensus, &c. 113. 3. ad 2
 8. Non habet amaritudinem conuersatio illius, &c. 5. 4. c. & 35. 5. c.
 Hanc amaui, & exquisiui eam a iuuentute mea. 26. 1. 1
 Sobrietatem, & prudentiam docet &c. 57. 5. c. 63. 3. c.
 Didici, quod non possum esse continens, nisi Deus dederit. 63. 2. 2
 4. Cogitationes mortalium timide, & incerte prouidentiz nostræ. 57. 5. 3. 91. 3. 3. 109. 9. corp.
 11. Nihil odisti eorum, quæ fecisti. 79. 1. c.
 Deus omnia fecit in numero, pondere, & mensura. 100. 7. aff.
 14. Creaturæ Dei in odium factæ sunt, & intentionem, &c. 79. 1. 2
 Odio est Deo impius, & impietas eius. 79. 1. c. & 102. 5. ad 4
 Ex lib. Ecclesiastici.
 C. 1. Qui sine timore est, non poterit iustificari. 68. 2. c.
 Qui addit scientiam, addit, & dolorem. 69. 3. 3 & 38. 4. 1
 Timor Domini expellit peccatum. 113. 4. 1
 2. Qui timetis Deum, credite illi, & sperate in illum, & diligite illum. 62. 1. c.
 Excecavit eos in malitia eorum. 79. 3. 3
 3. Non est census super saltem corporis. 2. 5. 1
 Cor durum male habebit in nouissimo. 79. 3. 2

- Didici, quod omnia opera Dei, quæ fecit, perseuerent in æternum. 98. 2. 2
 5. Auarus non implebitur pecunia. 2. 1. 3
 Diuitiæ interdum conseruantur in malum Domini sui. 2. 4. c.
 7. Cor sapientum ubi tristitia, & cor stultorum ubi letitia. 39. 3. c.
 Melius est ire ad domum luctus, &c. 39. 3. c.
 Neminem diligit Deus, nisi eum, qui cum sapientia inhabitat. 102. 3. aff.
 Considera opera Dei, quod nemo possit corrigere, &c. 109. 8. ad 2
 9. Nemo scit vtrum sit dignus odio, vel amore. 112. 5. neg.
 10. Pecunia obediunt omnia. 2. 1. 1
 Initium omnis peccati est superbia. 72. 3. cont. & 84. 2. 0
 11. Facile est in oculis Dei, subito honestare pauperem. 112. 2. ad 2
 12. Inimicus, si inuenerit tempus, non satiabitur sanguine. 46. 6. ad 1
 13. Omne animal diligit sibi simile. 27. 3. c.
 14. Qui sibi nequam est, cui bonus erit? 73. 9. c.
 15. Deus ab initio constituit hominem, & reliquit eum in manu consilij sui. 2. 5. corp. & 91. 4. 2. & 10. 4. c.
 Impleuit eum Dominus spiritus sapientiz, & intellectus. 51. 4. c.
 Ante hominem vita, & mors, bonum, & malum, &c. 109. 8. 3
 17. Addidit eis disciplinam, & legem vitæ. 94. 5. 1. & 99. 2. aff. & 100. 1. 1
 In vnamquamque gentem, præposuit rectorem. 98. 4. 3
 18. Qui spernit minima, paulatim defluit. 88. 3. aff.
 24. Qui edunt me, adhuc esuriunt. 2. 1. 3
 Qui bibunt me, adhuc sitient. 33. 2. c.
 Flores mei fructus honoris, & honestatis. 70. 1. ad 1
 Spiritus meus, super mel dulcis. 102. 3. 14
 25. Omnis plaga tristitia cordis est. 35. 7. cont. & c.
 Quam magnus, qui inuenit sapientiam, &c. 73. 10. 1
 30. Multos occidit tristitia, & non est utilitas in illa. 39. 3. 1
 34. Ab immundo, quis mundabitur. 102. 5. 5
 38. A tristitia festinat mors. 37. 4. aff.
 43. Benedicentes Deum, exaltate illum, quantum poteritis. &c. 64. 4. cont.
 44. Non est inuentus similis illi, qui conseruaret legem excelsi. 66. 1. 2
 Dedit maculam in gloria tua. 86. 1. aff.
 51. Cuncta, quæ sunt, adducet Deus in iudicium. 21. 4. c.

- Frequens meditatio, carnis est afflictio. 35. 5. 5
- Ex Iſaia.
- C. 1. Si volueritis, & audieritis me, bona terræ co-
medetis. 99. 6. aff.
- Quieſcite agere peruerſe, diſcite benefacere.
100. ad 2
- Holocausta arietum, & adipem pinguium, &c.
101. 102. 3. ad 1
- 5 Dominus aperuit mihi aurem. 68. 1. c. fine.
- 6 Exceca cor populi huius, & aures eius aggra-
ua. 79. 3. cont.
- 10 Vch qui condunt leges iniquas. 96. 4. 3
- 11 Requieſcet ſuper eum ſpiritus intellectus, &c.
68. 1. 1. & corp. & 68. 4. cont. & 6. o
- 14 Qui ſuſcitauit ab oriente iuſtum, &c. 98. 4. c.
- 24 Mutauerunt ius, diſſipauerunt ſedus ſempiter-
num. 100. 8. neg.
- 26 Cum feceris iudicia tua in terra, &c. 37. 1. 1
- 27 Hic eſt omnis fructus, vt auſeratur peccati.
70. 3. 1. & 113. 6. aff.
- 28 Quem docebit ſcientiam, & quem intelligere
faciet, &c. 37. 1. 2
- In menſura contra menſuram, cum abiecta.
&c. 81. 3. 1
- 30 Opus iuſtitie pax. 69. 3. c.
- 45 Deus creans malum. 79. 1. 4
- 46 Parum eſt vt ſis mihi ſeruus ad ſuſcitandas tri-
bus Iacob. &c. 98. 4. 1
- 51 Gaudium, & letitiam obtinebunt, &c. 101.
2. corp.
- 53 Sicut exaltantur celi a terra, ita exaltata ſunt
via mea, &c. 19. 9. 1
- 56 Nō dicat filius adueni, qui adheret Domino,
dicens, &c. 105. 3. ad 2
- 58 Si auerteris a Sabbato pedem tuum, facere vo-
luntatem tuam, &c. 100. 5. ad 2
- 60 Videbis, & aſſues, & mirabitur, & dilatabitur
cor tuum. 33. 1. cont.
- 69 Videbitis, & gaudebit cor veſtrum. 4. 6. cont.
- Ex Hieremia.
- C. 7. Non ſum locutus cum patribus veſtris, & nō
precepi eis, & de verbo holocaustorum,
& victimarum. 102. 3. corp.
- Mulieres conſpergunt adipem, vt faciat placē-
& c. 102. ad 6
- 9 Non gloriatur ſapiens in ſapientia ſua. 3. 6. cōt.
& 7. cont.
- 10 Corripe me Domine, Verumtamen in iudicio,
non in furore, &c. 87. 4. 1
- 15 Si ſteterint Moyses, & Samuel coram me, &c.
114. 6. neg.
- 31 Non docebit vir fratrem ſuum. 68. 6. ad 2
- Eſt merces operi tuo. 114. 1. aff.
- Ex Ezechiele.
- C. 1. Rota in medio rota. 107. 3. aff.
- 3 Si non dixeris impio, morte morieris, &c. 79.
1. corp.
- 8 Habentes dorſa contra templum Domini. 102
4. ad 5
- 18 Filius non portabit iniquitatem patris. 81. 1. 1.
& 87. 7. neg.
- Omnes animæ meæ ſunt. 87. 8. corp. 81. 2. ad 1
- 20 Dedi eis præcepta non bona, & iudicia, in qui-
bus non viuunt. 98. 1. 1
- 29 Rex babilonis ſeruare fecit exercitum ſuum,
&c. 114. 10. 2
- 34 Quod craſſum erat occidebatis. 102. 3. ad 8
- Ex Daniele.
- C. 1. Pueris autem his dedit Deus ſcientiam, &c.
111. 4. 3
- 4 Conſilium mentis Regi placeat, peccata tua
elemoſynis redime, &c. 69. 3. ad 3
- 9 Neque enim in iuſtificationibus noſtris, &c.
114. 6. ad 1
- 13 Concupiſcentia ſubuertit cor tuum. 77. 1. con.
Species decepti te. 77. 5. 2
- Ex Oſea.
- C. 1. Accipe vxorem fornicariam. 24. 5. 2. & 100.
8. ad 3
- 5 Sicut vacha laſciuens declinauit Iſrael. 102.
5. ad 5
- 8 Scribam eis multiplices leges intrus. 101. 3. aff.
- Ipsi regnauerunt, & non ex me. 105. 1. ad 3
- 9 Facti ſunt abhominabiles ſicut ea, quæ dilexe-
runt. 28. 5. corp.
- 10 Vacca Bethauen coluerunt. 102. 5. ad 5
- 13 Dabo tibi regem in furore meo. 105. 1. ad 3
- Ex Amos.
- C. 3. Si eſt malum in ciuitate, quod nō fecerit Do-
minus. 79. 1. 4
- 4 Prepara te in occurſum Dei tui Iſrael. 112.
2. aff.
- 5 Nunquid hoſtias, & ſacrificium obtuliſti mi-
hi, &c. 98. 4. c.
- Ex Abachuc.
- C. 1. Quare reſpicias contemptores, & taces, &c.
87. 7. 2
- Ex Zacharia.
- C. 1. Conuertimini ad me, & ego conuertar ad
vos. 89. 6. ad 3. & 109. 6. 1
- 2 Qui vos tetigerit, tanget pupillam oculi mei.
73. 9. corp.
- Ex Malachia.
- C. 1. Si ego Dominus, ubi eſt timor meus? 68. 7. 1
- Ex Baruch.
- C. 5. Hic eſt liber mandatorum Dei. 103. 3. 1

Ex 1. Machabeorum.

C. 2. Et cogitauerunt in illa die, dicentes omnis homo, &c. 100. 8. 4

3 Leges optime custodiebantur, &c. 29. 1. 2

11 Leonum more irruentes in hostes. 58. 1. c.

Ex D. Mattheo.

Cap. 1. Abraham genuit Isaac, Isaac genuit Iacob. 40. 7. cont.

2 Defuncti sunt enim, qui querebant animam pueri. 82. 2. ad 1.

4 Penitentiam agite, &c. 91. 5. corp.

5 Beati mundo corde, quoniam ipsi Deum videbunt. 4. 4. cont.

Merces vestra multa est in celis. 4. 7. 3

Beati qui lugent, quoniam ipsi consolabuntur. 35. 3. 1. & 39. 2. cont.

Qui irascitur fratri suo, &c. 48. 8. 3. & 48. 4. 1

Ettore perfecti, sicut pater vester celestis perfectus est. 61. 5. corp.

Nisi abundauerit iustitia vestra plusquam scripturarum, &c. 65. 1. cont. & 91. 5. corp.

Enumerantur octo beatitudines. 69. 3. c.

Proponuntur premia beatitudinum. 69. 4. 6. c.

Abundans iustitia cohibet iram. 73. 4. 1

Iritum fecistis mandatum Dei propter traditiones vestras. 96. 4. 2. 98. 2. aff.

Qui angariauerit te mille passas, vade cum illo alia duo. 96. 4. 6. c.

Qui irascitur fratri suo, reus erit iudicio. 100. 9. corp.

Benefacite his, qui oderunt vos. 107. 1. 3

Audistis, quia dictum est antiquis, quicumque dimiserit uxorem suam, &c. 107. 2. 2. & 108. 3. ad 2

Non veni soluere legem, sed adimplere. 107. 2. aff.

Merces vestra multa est in celo. 109. 5. 2

6 Thesaurizare vobis thesauros in celo. 4. 7. 1

Dimitte nobis debita nostra. 74. 8. 6

Ne solliciti sitis animæ vestre, &c. totum exponitur. 108. 3. ad 5

Receperunt mercedem suam. 114. 8. 1

7 Nemo potest duobus dominis seruire. 1. 5. cont.

Non potest arbor bona, malos fructus facere. 20. 2. 1. & 75. 1. 3

Lata est via, quæ ducit ad perditionem, & multi vadunt per eam. 71. 2. 2

Omnia quæcumque vultis, ut faciant vobis homines, &c. 99. 1. 3

Omnis, qui audit verba mea hæc, & facit ea &c. 108. 2. aff.

Deus dabit vobis bonum petentibus &c. 109. 6. 2

8 Ostende te Sacerdoti. 103. 3. 2

Dominus tetigit leprosum. 107. 2. 3

9 Centuplum accipietis, &c. 69. 2. ad 2

10 Nolite timere eos, qui occidunt corpus & 102. 6. 4

Nolite possidere aurum, neque argentum, &c. 108. 2. 3

Præcepta, quæ ibi dantur, exponuntur. 108. 4. ad 4.

11 Discite a me, quia mitis sum, & humilis corde. 68. 1. corp.

Venite ad me omnes, qui laboratis, & honorati estis. 107. 4. neg.

12 Bonus homo de Thesauo cordis sui, profert bonum. 19. 8. 1

Ex abundantia cordis, os loquitur. 48. 4. 3

Ex fructu arbor cognoscatur. 70. 1. cont. & 71. 1. ad 3

Qui facit necessarium ad salutem, non violat Sabbatum. 100. 8. ad 4

Omne regnum in se ipsum diuisum desolabitur. 105. 1. 3

13 Dominus ponit triplicem fructum, id est centesimum, sexagesimum, & trigesimalum. 70. 3. 2

15 Non quod intrat per os coinquinat hominem. 102. 6. 1. & 107. 2. 2

16 Tristis est anima mea usque ad mortem. 59. 3. cont.

19 Si vis ad vitam ingredi, serua mandata. 100. 10. 1. & 109. 5. 1

Si vis perfectus esse, vade vende omnia, &c. 107. 2. c.

20 Acceperunt singulos denarios. 5. 2. 1

Voca operarios, & redde illis mercedem. 114. 4. 1

22 Erunt sicut Angeli Dei in celo. 3. 2. 4. & 67. 1. 1

In his duobus mandatis, vniuersa lex pendet, &c. 99. 1. ad 2. & 100. 11. 1

Prima, & principalia legis præcepta sunt diliges Deum, & proximum. 100. 3. 1. & 109. 4. 3

23 Ibunt hi in vitam æternam. 5. 4. cont.

Ut veniat super vos omnis sanguis iustus, &c. 87. 8. 1

Imponunt onera grauiam, & importabilia, &c. 96. 5. ad 3

24 Prædicabitur hoc Euangelium regni in vniuerso orbe. 106. 4. 4. & 108. 1. 1

Non præscribit generatio hæc, donec omnia fiant. 106. 4. aff.

25 Venite benedicti Patris mei. 4. 7. 1

Ibunt hi in supplicium æternum. 87. 3. aff.

- 26 Non sicut ego volo, sed sicut tu vis. 19. 9. cont.
- 27 Velum templi scissum est. 103. 3. ad 2
Ex D. Marco.
- C. 3. Qui blasphemauerit in Spiritum sanctum. 3
&c. 87. 3. aff.
- 6 Apostoli vngendo oleo sanauerunt infirmos. 108. 2. c.
- 8 Filius hominis confitebitur cum in gloria patris sui. 1. 3. 1
- 10 Centuplum accipietis, &c. 69. 2. ad 2. 107. 1. 2
- 16 Prædicate euangelium omni creaturæ. 106. 3. 2
Ex D. Luca.
- C. 5. Ostende te sacerdoti. 103. 3. 2
- 6 Vch vobis, qui saturati estis, quia esurietis, &c. 69. 2. 2
Enumerantur quatuor beatitudines. 69. 3. c.
Date mutuum, nihil in desperantes. 108. 3. ad 2
- 7 Dimissa sunt ei peccata multa, quoniam, &c. 113. 4. 1
9. ac. 10. Exponuntur. 108. 2. ad 3
- 10 Homo descendebat ab Hierusalem in Hyerti cor, &c. 85. 1. aff.
- 11 Seruus sciens voluntatem Domini, & non faciens, &c. 73. 9. 3. & 77. 2. c.
Qui putas fidelis seruus, & prudens, &c. 97. 4. c.
- 14 Cum facis prandium, noli vocare amicos, &c. 69. 3. c.
- 16 Recordare, quia recepisti bona in vita tua, &c. 67. 2. cont.
Facite vobis amicos de mammona, &c. 114. 6. 3
- 17 Domine adauge nobis fidem. 52. 1. c.
Cum omnia, quæ præcepta sunt feceritis, dicite serui inuiles, &c. 114. 1. 1
Regnum Dei intra vos est. 108. 1. 1
- 18 Deus propitio esto mihi peccatori. 114. 9. ad 1
- 22 Ut edatis, & bibatis super mensam meam in regno meo. 4. 7. 1
Hoc facite in meam commemorationem. 107. 1. 3
Quando misi vos sine pera, &c. 108. 2. ad 3
- 24 Oportet impleri omnia, quæ scripta sunt, &c. 98. 2. c.
Ex D. Ioanne.
- C. 1. Super quem videris spiritum descendantē, & manentem super eum, hic est, qui baptizatus. 68. 3. 1
Erat lux vera, quæ illuminat omnem hominē. 79. 3. corp.
Ecce Agnus Dei, ecce qui tollit peccata mundi. 82. 2. neg.
Lex per Moysen, data est. 98. 1. corp. & 98. 3. 2
- Verbum caro factum est, plenum gratiæ, & veritatis. 108. 1. c.
Gratia per Iesum Christum facta est. 112. 1. 1
Zelus domus tuæ comedit me. 28. 4. c. fine
- 2 Omnis, qui male agit, odit lucem. 18. 1. c.
Nisi quis natus fuerit denuo, non potest videre regnum Dei. 87. 5. 2
Sic Deus dilexit mundum, ut filium suum vni genitum daret. 102. 3. c.
Nisi quis renatus fuerit ex aqua, &c. 112. 1. ad 2
- 4 Qui biberit ex hac aqua, sitiet iterum. 30. 4. c. m. & 33. 2. c.
Qui metit, mercedem accipit, & fructum congregat. 70. 1. 1
Spiritus est Deus, & eos, qui adorant eum in spiritu, &c. 101. 2. 4. & 3. 3
Venit hora, quando in monte hoc neque Hierosolimis, &c. 108. 3. ad 3
Fiet in eo fons aquæ salientis. 114. 3. c.
- 5 Si crederetis Moysi, crederetis forsitan, & mihi, &c. 98. 2. c. & 106. 4. ad 3
- 6 Ego sum panis viuus, &c. 102. 4. ad 6
Omnis, qui audit a Patre, didicit, & venit ad me. 112. 2. ad 2. & 113. 2. neg.
- 7 Circuncisio non ex Moyse est, sed ex Patribus. 103. 1. 3
Nondum Spiritus sanctus erat ductus, quia, Iesus nondum erat glorificatus. 106. 3. corp. & ad 2
- 8 Qui facit peccatum, seruus est peccati. 80. 4. 2
- 9 Neque hic peccauit, nec parentes eius, &c. 87. 7. 1
Non est hic homo a Deo, qui sabbatum non custodit. 107. 2. 3
- 12 Credite in lucem, ut filij lucis sitis. 108. 1. aff.
- 13 Beati eritis si feceritis ea. 4. 6. cont. & 5. 7. c.
- 14 In domo Patris mei mansiones multe sunt. 5. 2. cont.
Apud vos manebit, & in vobis erit. 68. 3. c.
Quem mundus non potest accipere. 106. 1. ad 1
Si quis diligit me, diligitur a Patre meo. 114. 4. aff.
- 15 Sine me nihil potestis facere. 6. 1. 3. & 109. 6. ad 2
Diligatis inuicem, sicut dilexi vos. 68. 1. c.
- 16 Venit hora, ut omnis, qui interfecit vos, arbitretur obsequium se præstare Deo. 19. 6. c.
Docebit vos omnem veritatem. 106. 4. 2
- 17 Hac est vita æterna, ut cognoscāt te solum verum Deum. 34. aff. & 114. 4. aff.
- 19 Qui tradidit me tibi, maioris peccatū, &c. 73. 2. c.
Consumatum est. 103. 3. ad 2

- 10 Hæc scripta sunt vt credatis. 106. 1.1
 Ex Act. Apostolorum.
- C. 1. Baptizabimini in Spiritu sancto nō post mul-
 tos hos dies. 106. 4. ad 2
 Non est vestrum nosse tempora, vel momenta,
 quæ pater posuit in sua p̄tate. 106. 4. ad 2
- 2 Factus est repente de cœlo sonus, &c. 113. 7. aff.
- 4 Non est aliud nomen datum hominibus, &c.
 91. 5. ad 2
 Obedire oportet Deo, magis quā hominibus.
 96. 4. c. f.
- 7 Accepistis legem in dispositione Angelorum.
 98. 3. aff.
- 9 Saulus spirans cedis, & minarum. 112. 2. 2
- 10 Deus non est acceptor personarum. 79. 4. 3. 39. 5
 5. neg. & 98. 4. 2. & 105. 3. 1
- 15 Nisi circumcidamini secundum morem Moy-
 si, &c. 58. 1. cor.
 Quid tētatīs imponere iugum super ceruices,
 &c. 98. 1. 3. 101. 3. 2
 Visum est Spiritui sancto, & nobis, nihil ultra
 imponere, &c. 103. 4. 3
 Fide purificans corda eorum. 113. 1. 2
- 16 Paulus circumcidit Timotheum. 103. 4. 1
- 17 Deus, qui fecit mundum, & omnia, quæ in eo
 sunt, &c. 102. 4. 1
- 21 Paulus secundum consilium Iacobi purifica-
 tus est, &c. 103. 4. 1
 Ex Epist. D. Pauli ad Rom.
- Cap. 1. Tradidit eos Deus in reprobum sensum.
 79. 1. 1
 Inuisibilia Dei, per ea, quæ facta sunt, &c. 93.
 2. ad 1
 Non erubescō Euangelium, virtus enim Dei
 est, &c. 106. 2. aff.
- 2 Non est personarum acceptio apud Deum. 73.
 10. 2
 Ignoras, quia benignitas Dei. &c. 76. 4. 3
 Tribulatio, & angustia in omnem animam ope-
 rantis malum. 37. 1. aff.
 Gentes, quæ legem non habēt, &c. 90. 3. 1. 110.
 1. aff.
 Non enim auditores legis iusti sunt apud Deū.
 100. 12. 1
 Naturaliter, quæ legis sunt faciunt. 106. 1. 2. &
 106. 1. 1. & 109. 4. 1
 Si autem gratia, iam non ex operibus, &c. 111.
 1. aff. & 114. 5. c.
- 3 Non sunt facienda mala, vt veniant, &c. 79. 4. c.
 Quid ergo amplius Iudeo? &c. 9. 8. 4. aff.
 Vbi est gloria tua? exclusa est, &c. 106. 1. c.
 Oēs peccauerunt, & egent gratiā Dei. 106. 3. 1
 Apellat legē veterē factorū, & nouā, &c. 107. 1. 3
 Vnus Deus est, qui iustificat circumcisionē ex fi-
 de, & præputium in fide. 107. 1. corp.
- Iustificati gratis per gratiam ipsius. 109. 9. neg.
 & 111. 1. 3. & 113. 2. aff.
- 4 Abraham cōtra spem, in spem credidit. 41. 3. 3
 Qui vocat ea, q̄ nō sunt, tamq̄ ea, &c. 91. 1. ad 1
 Si Abrahā ex operibus legis iustificatus est, &c.
 100. 12. corp.
- Signum accepit circumcisionis, &c. 102. 5. ad 1
 Lex iram operatur. Vbi enim non est lex, nec
 præuaricatio. 106. 2. 2
 Ei, qui operatur, merces imputatur secundum
 debitum. 111. 1. ad 2. 112. 1. 1
 Ei qui non operatur, credenti autem, &c. 113.
 1. c. & 4. ad 3. & 114. 5. neg.
- Charitas Dei diffusa est in cordibus nostris,
 &c. 65. 2. 2. & 68. 5. c. & 70. 3. c.
 Per vnū hoīem peccatum, in hunc mundū in-
 trauit. 81. 1. cont. & 5. aff. & 85. 5. aff.
 Donū Christi est maius, q̄ peccatū Adæ. 81. 3. 3
 Mors in omnes pertranſiit, &c. 81. 3. aff.
 In quo oēs peccauerunt. 81. 5. 1. & 83. 1. corp.
 Lex subintravit, vt abundaret delictum. 98. 1.
 2. & 106. 3. corp.
- Per legē cognitio peccati. 98. 6. c. & 100. 6. ad 2
 Plus restitutum est homini per gratiā Christi, q̄
 amiserit per peccatum Adæ. 109. 10. 3
 Iustificati igitur ex fide, &c. 111. 4. 2. & 112. 3. 1.
 & 113. 4. aff.
- 6 Habetis fructum vestrum in sanctificatione. 3.
 2. 1. & 70. 3. 1
 Gratia Dei vita æterna. 98. 1. c. & 109. 5. neg. &
 ad 2. 114. 2. neg.
- 7 Non enim quod volo bonum, hoc ago, sed &c.
 10. 3. 1. & 17. 7. 1. & 74. 3. c.
 Quod odi malum, illud facio. 10. 3. 1
 Video aliam legem in membris meis, repugnā
 tē legi mētis meæ. 17. 7. 1. & 77. 2. c. & 83. 1. 1
 Cum essemus in carne, passiones peccatorum,
 quæ per legem erant, &c. 12. 1. cont.
 Non habitat in me, hoc est in carne mea, bo-
 num. 30. 1. 2. & 83. 1. aff.
 Occasione accepta, peccatum per mandatum.
 &c. 77. 4. 2
 Passiones peccatorum operantur in membris
 nostris, &c. 77. 7. c. & 8. c. & 82. 3. 2
 Video aliam legem in membris meis, &c. 90. 1.
 1. 91. 6. cont.
- Sine lege peccatum mortuum erat. 98. 1. 2
 Itaq; lex quidē sancta, &c. 98. 1. aff. & 99. 4. c.
 Condelector legi Dei secundum, &c. 98. 1. c.
 Concupiscentiam nesciebam, si lex nō diceret,
 non concupisces. 100. 4. 3
 Ego ipse mente serui legi Dei, carne. &c. 109.
 8. corp.

- 8 Non sunt condigne passionēs huius temporis,
&c. 2. 3. 1
Spe salui facti sumus. 5. 3. 1. & 69. 1. corp.
Si autem, quod non videmus, speramus, per pa-
tientiam expectamus. 40. 2. 1
Nam quod vider quis, quid sperat? 40. 3. 3. &
67. 4. neg.
Qui spiritu Dei aguntur, hi filij Dei sunt, &
hæredes. 68. 2. corp. & 96. 5. 2
Si secundum carnem vixeritis, moriemini. 72.
2. 2
Omnia cooperantur in bonum. 79. 4. corp.
Nihil damnationis est his, qui sunt in Christo
Iesu. 89. 5. 1
Lex fomitus legi Dei non potest esse subiecta.
93. 3. 1
Prudentia carnis inimica est Deo. 93. 6. 2
Quod impossibile erat legi, in qua infirmaba-
tur, &c. 98. 6. c.
Lex spiritus vitæ in Christo Iesu, liberauit me
a lege peccati. 106. 1. c. & 4. ad 3
Deus est, qui iustificat. 106. 2. 3
Deus filium suum mittens in similitudinē car-
nis peccati, &c. 106. 3. c.
Quod impossibile erat legi, Deus filium suum
mittens, &c. 107. 2. corp.
Lex noua est lex spiritus. 108. 1. 2
Quos vocauit, hos & iustificauit. 113. 1. 3
Non sunt condigne passionēs, &c. 114. 3. 1
Si filij, & hæredes. 114. 3. corp.
9 Voluntati eius quis resistit. 10. 4. 1
Tristitia est mihi magna, & continuus dolor
cordi meo. 35. 2. cont.
Cui vult miseretur, & quem vult indurat. 79.
3. cont.
Non est volentis, neque currentis, sed Dei mi-
serentis. 98. 1. ad 3. & 109. 2. neg. & 111. 2. 3
Quorum est adoptio filiorum Dei. &c. 98. 4.
ad 1
10 Non omnes obediunt Euangelio. 94. 4. 1. &
106. 2. 1
Quis prior dedit illi, & retribuetur ei? 114. 1. 3
12 Spe gaudentes. 25. 1. c. & 32. 3. cont.
Gaudere cum gaudentibus, flere cum flenti-
bus. 35. 4. cont.
13 Qui diligit proximum, legem impleuit. 65. 3.
cont.
Omnis potestas a Deo est. 96. 4. ad 1
Omnis anima potestatibus sublimioribus sub-
dita sit. 96. 5. aff.
Si quod est aliud mandatū in lege, in hoc ver-
bo instauratur, diliges proximum tuū sicut
te ipsum. 99. 1. 2
Quæ a Deo sunt, ordinata sunt. 100. 6. aff. &
111. 1. corp.
Qui diligit proximum, legem impleuit. 105. 2.
ad 1
14 Omne quod non est ex fide peccatum est. 19.
5. cont. 63. 2. 1
Non est regnum Dei, esca, & potus. 108. 1. 1
Ex 1. Ad Corinthios.
C. 1. Fidelis Deus, per quem vocati estis in soci-
tatem filij eius. 65. 5. corp.
1. Oculus non vidit, nec auris audiuit, &c. 5. 5. cō.
& 62. 3. c. & 114. 2. c.
Spiritus scrutatur etiam profunda Dei. 28. 2.
corp.
Spiritalis homo iudicat omnia, & ipse a nemi-
ne iudicatur. 34. 1. 2. & 66. 5. ad 1
Quæ sunt Dei, nemo nouit nisi spiritus Dei.
93. 2. 1
Nos autem non spiritum huius mundi accipi-
mus. 112. 5. 4
3 Cum sit inter vos zelus, & contentio. 28. 4. 1
Fundamentum aliud nemo potest ponere, præ-
ter id, quod positum est. 67. 3. 2
Qui superedificat lignum, fenum, & stipulam,
&c. 89. 2. c.
Nescitis, quia templum Dei estis, & spiritus san-
ctus habitat in vobis. 109. 9. 2
Vnusquisque propriam mercedem accipiet,
&c. 114. 4. 2
4 Sed neque me ipsum iudico. 112. 5. c.
Nihil mihi conscius sum ibi.
5 Pascha nostrum immolatus est Christus. 102.
5. 3. & ad 2
Epulemur in azimis sinceritatis, & veritatis.
102. 5. ad 2
6 Omne peccatum, quodcumque fecerit homo,
extra corpus est. 72. 2. 4
Non est cura Deo de bobus. 102. 6. 8
7 De Virginitus præceptum Domini nō habeo,
consilium autem de. 14. 1. 3
Vnusquisque enim habet proprium donum a
Deo, &c. 66. 2. 1
Emundemus nos ab omni inquinamento car-
nis, & spiritus. 72. 2. c.
Porro ad vtilitatem vestram dico. 108. 4. ad 1
8 Vnus Deus a quo omnia, & vnus Dominus Ie-
sus Christus per quem omnia. 101. 3. 1
9 Sic currite, vt comprehendatis. 4. 3. c.
Qui arat, debet arare in spe fructus percipien-
di. 40. 8. cont.
Dispensatio mihi credita est. 97. 4. aff.
10 Siue manducatis, siue bibitis, siue, &c. 88. 1. 2
Omnia ad gloriam Dei facite. 100. 10. 2
Omnia in figura contingebant illis. 102. 2.
aff.

- Nonne, qui edunt hostias, participes sunt altaris. 102. 3. 8
- 12 Alij datur per spiritum sermo scientiæ, &c. 68. 5. 1
- Nemo potest dicere Dominus Iesus, nisi in spiritu sancto. 109. 1. 1
- Alij per spiritum datur sermo sapientiæ. 111. 4. aff.
- Adhuc excellentiorem viam vobis demonstro. 111. 5. neg.
- 13 Maior horum est charitas. 4. 2. 3
- Nunc autem manent fides, spes, charitas, tria hæc. 62. 3. cont. & 4. cont. 66. 6. cont. & 73. 4. 3
- Scientia destruetur, quia ex parte cognoscimus. 57. 2. 1
- Cum venerit, quod perfectum est, enacuabitur, quod ex parte est. 67. 6. 1. & 106. 4. 1
- Charitas nunquam excidit. 67. 6. c.
- Si non habuero charitatem, nihil sum. 87. 4. ad 1
- Si distribuero in cibos pauperum, omnes, &c. 100. 10. 1
- Videmus nunc per speculum in enigmate, &c. 106. 4. ad 1
- 14 Si quis ignorat, ignorabitur. 6. 8. 1. & 76. 2. cont.
- 15 Deus erit omnia in omnibus. 68. 6. c.
- Filius subiectus erit Deo, & Patri. 93. 4. 2
- Non prius, quod spirituale, sed quod animale. 106. 3. neg.
- Ex 2. ad Corinth.
- C. 1. Quotquot promissiones Dei sunt, in illo est. 107. 2. corp.
- 2 Ne forte abundantiori tristitia absorbeat. 37. 2. 3
- Nam & ego siquid donaui, propter vos, &c. 100. 8. 2
- 3 Vbi Spiritus Domini, ibi libertas. 108. 4. 2
- Non sumus sufficientes cogitare aliquid a nobis, quasi ex nobis. 109. 1. 3
- 4 Deus huius seculi excecavit mentes infidelium. 79. 3. 3
- 5 Quamdiu sumus in hoc corpore, peregrinamur a Domino. 4. 5. c. & 67. 3. reg.
- Audemus autem, & voluntatem habemus. ibidem corp.
- 6 Cor nostrum dilatatum est ad vos. 33. 1. 1
- Exite de medio eorum, & separamini, &c. 102. 5. ad 4
- Exhibemus nosmetipsos sicut Dei ministros in multa, &c. 107. 4. 2
- 7 Quæ secundum Deum est tristitia, &c. 5. 5. 1. & 59. 3. corp.
- Ecce hoc ipsum contristavi vos secundum Deum, &c. 37. 2. 1
- Gaudeo, non quia contristati estis, sed quia, &c. 30. 3. corp.
- Unusquisque put destinauit in corde suo, &c. 39. 2. 2
- Non ex tristitia, aut ex necessitate, &c. 100. 9. 3
- 10 Ille probatus est, quem Deus commendat. 2. 3. corp.
- 12 Cum infirmor, tunc sum potens. 1. 3. 3. c.
- Sufficit tibi gratia mea. 111. 3. 2. & 112. 5. c.
- 13 Littera occidit. 99. 2. 3. & 100. 12. neg. 106. 2. corp.
- Ad Galatas.
- C. 2. Si lex iustificaret, Christus gratis, &c. 103. 2. neg. & 109. 7. neg.
- Segregat se Petrus a gentilibus. 103. 4. 2
- 3 Coparatur status veteris legis statui pueri, sub pedagogo, &c. 91. 5. c.
- Priusquam veniret fides, sub lege custodiebamur. 98. 2. c.
- Lex pedagogus non fuit in Christo. 98. 2. ad 1
- Venit fides, iam non sumus sub pedagogo. 98. 2. ad 2
- Lex data per Angelos in manu mediatoris. 98. 3. aff.
- Lex propter transgressionem posita est, &c. 98. 6. aff.
- 4 Factus sum vobis inimicus, vera dicens. 29. 5. cont.
- Abrahæ dictæ sunt promissiones, &c. 98. 4. 1
- Vocat sacramenta veteris legis ægna, & infirma. 103. 2. c.
- Factum sub lege. 107. 2. c.
- 5 Fructus spiritus est charitas, &c. 111. 3. 2
- Confido de vobis, quod nihil aliud sapietis. 42. 3. 3
- Enumerantur fructus spiritus sancti per totam quest. 70
- Manifesta sunt opera carnis, quæ sunt fornicatio, &c. 72. 2. 1
- Caro concupiscit aduersus spiritum, &c. 77. 7. 1
- Si spiritu ducimini non estis, &c. 93. 6. 1
- Fides per dilectionem operatur. 100. 1. 3
- Si circumcidimini, Christus nihil vobis proderit. 103. 4. neg. & 107. 2. 1
- In Christo Iesu, neque circumcisio aliquid valet, &c. 108. 2. 1
- C. ult. Gratia dicitur nona creatura. 100. 2. 3
- Ad Ephesios
- C. 1. Illuminatos oculos cordis uestri, &c. 67. 5. 2
- Gratificauit nos in dilecto filio suo. 111. 1. aff.
- Gratia

- 2 Gratia estis saluati per fidem. 63. 2. 1.
Cum effectis mortui delictis, & peccatis. 72. 6. 1.
Eramus natura filij ire. 81. 1. corp.
Legem mandatorum decretis euacuans. 99. 1.
aff. & 102. 1. 1.
Creati in Christo Iesu, in operibus bonis. 110. 2. 3.
3 In charitate radicati, & fundati. 62. 4. 1. & 65. 5. 2. & 89. 2. ad 2.
Supereminentem scientiæ charitatem Christi. 65. 2. 3.
4 Renouamini Spiritu mentis vestræ. 72. 2. 3.
Vnicuique data est gratia secundum mensuram donationis Christi. 112. 4. aff.
5 Nemo vnquam carnem suam odio habuit. 29. 4. cont.
Vtexiberet sibi gloriosam Ecclesiam, non habentem maculam. 86. 1. aff. & 89. 1. aff.
Eratis aliquando tenebræ, nunc autem lux in Domino. 108. 1. aff. & 110. 3. corp.
Omne quod manifestatur, lumen est. 109. 1. corp. & 112. 5. 3.
Exurge a mortuis, & illuminabit te Christus. 109. 7. 1.

Ad Philipenses.

- Cap. 1. Eo quod habeam vos in corde. 28. 2. corp.
2 Deus est, qui operatur in nobis, velle, & perficere. 9. 6. cont.
Cum metu, & tremore vestram salutem operamini. 44. 4. cont.
3 Quæ quidem retro sunt obliuiscens, & cæc. 113. 5. 2.
4 Fratres mei charissimi, & desideratissimi gaudium meum, & c. 20. 5. 2.
Ad Colossenses.
Cap. 1. Dignos nos fecit in partem sortis Sanctorum. 111. 1. ad 1.
2 Nemo iudicet vos in cibo, aut potu, & c. 101. 2. aff. & 103. 3. aff.
Circuncisi estis circumcisione non manufacta. 103. 3. ad 4.
Erant vmbra futurorum. 107. 2. corp.

Ex 1. ad Thessal.

- Cap. 4. Nos, qui viuimus non præueniemus eos, qui dormierunt. 81. 3. 1.

Ex 2. ad Thessal.

- Cap. 1. Scio cui credidi, quia potens est depositum meum seruire. 114. 8. 3.
2 Sollicite cura te ipsum exhibere operarium in confusibilem. 37. 3. 1.
Deus fidelis est, se ipsum negare non potest. 100. 8. ad 2.
3 Bonum certamen certavi. 4. 3. cont.

Ex 1. Ad Thimotheum.

- Cap. 1. Misericordiam consecutus sum, quia ignorans feci. 76. 4. cont.
Lex iusto non est posita. 96. 5. 1.
Fini præcepti, charitas est. 99. 1. ad 2. 110. 5. 4.
2 Soli Deo, honor, & gloria. 2. 2. 2.
Adam non est seductus. 89. 3. 1.
Deus vult omnes homines saluos fieri. 91. 5. 2. & 98. 2. 4. & 106. 3. 2.
4 Nihil reijcendū, quod cum gratiarum actione percipitur. 102. 5. 4.
Omnis creatura Dei bona est. 102. 6. 1.
In reliquo reposita est mihi corona iustitiæ. 114. 3. neg.
5 Pietas ad omnia utilis est. 68. 7. 2.
6 Radix omnium malorum est cupiditas. 72. 3. cont. & 77. 5. 1. & 84. 1. aff.
Lucem habitat inaccessibilem. 112. 5. 3.

Ex Epist. ad Philemonem.

Ego te fruor in Domino. 11. 3. 1.

Ad Hebreos.

- Cap. 1. Angeli sunt administratorij Spiritus, & c. 98. 3. 3.
Nouissime locutus est nobis in filio. 98. 3. c. f.
Adorent eum omnes Angeli eius. 102. 4. ad 6.
2 Qui multos filios in gloriam adduxerat. 114. 6. corp.
5 Factus est omnibus obtemperantibus sibi causa salutis æternæ. 106. 2. 1.
6 Spes comparatur anchoræ. 40. 6. 1.
Homines per maiorem se iurant, & cæc. 100. 5. ad 3.
7 Translato Sacerdotio, necesse est sit legis, & c. 91. 5. neg. & 107. 1. aff.
Nihil ad perfectum adduxit lex. 98. 1. corp.
Reprobatio fit quidem præcedentis mandati. 98. 2. 2. & 101. 3. ad 1.
Lex constituit homines Sacerdotes infirmitatem habentes. 102. 5. ad 6.
8 Illi offerunt secundum legem munera. 102. 4. aff.
Dicendo nouum testamentum, veterauit prius & c. 103. 3. aff.
10 Vmbra habet lex futurorum bonorum, non ipsam imaginem. 107. 2. corp.
Irritam quis faciens legem Moysi, sine vlla miseratione, & c. 106. 2. 2.
Habentes itaque fratres fiduciam in introitu Sanctorum. 106. 4. corp.
11 Sine fide impossibile est placere Deo. 65. 5. cont.
Nunc meliorem patriam appetunt. 107. 1. 2.
Omnes testimonio fidei probati. 107. 1. 3.

Mica

I N D E X

- Maiores diuitias extimabat Theſauro Aegyptiorum,** &c. 107. 1. ad 3
Accedentem ad Deum, oportet credere. 113. 4. corp.
 12 **Omnis diſciplina,** &c. 99. 2. aff.
 13 **Per ipſum ego offeramus Hoſtiam,** &c. 102. 4. ad 6. fine.
 Ex Epistoſa D. Iacobi.
 C. 1. **Omne gaudium exiſtimate fratres mei,** cum in tentationes varias incideritis. 38. 4. c.
 Patientia opus perfectum habet. 66. 4. 2
 2 **Quicumque totam legem ſeruauit,** offendat autem in vno, factus eſt omnium reus. 73. 1. 1
 4 **Scienti bonum facere,** & nō facienti peccatum eſt illi. 71. 5. cont.
 Deus ſuperbis reſiſtit, &c. 113. 4. 1
 5 **Multum valet deprecatio iuſti,** orate pro iniuicem. 114. 6. 2
 Ex 1. D. Petri.
 C. 1. **Redempti eſtis pretioſo ſanguine Agni immaculati.** 102. 5. ad 2
 2 **Qui peccatum non fecit,** nec dolus, &c. 87. 7. 3
 Hæc eſt gratia ſi propter conſcientiam, &c. 96. 4. aff.
 5 **Aduerſarius veſter Diabolus tanquam Leo rugiens,** &c. 80. 3. c.
 Ex 2.
 C. 1. **Vt diuinæ ſimul conſortes naturæ.** 50. 2. c. & 110. 3. corp.
 2 **Per Chriſtum facti ſumus conſortes diuinæ naturæ.** 62. 1. c.
 Ex 1. Beati Ioannis.
 C. 1. **Si dixerimus, quia peccatum non habemus,** nos ipſos ſeducimus. 59. 3. c. & 89. 2. 3
 Omne, quod eſt in mundo, aut eſt concupiſcentia carnis, &c. 72. 3. 3. & 77. 5. cont. & c. & 108. 3. ad 4. & art. 4. c.
 3 **Cum apparuerit,** ſimiles ei erimus. 3. 8. c.
 Qui non diligit, manet in morte. 65. 2. c.
 Nunc filij Dei ſumus, & nondū apparuit, quid erimus. 69. 2. 3
 Omnis, qui natus eſt ex Deo, peccatum non facit. 70. 1. c.
 Qui fratrem ſuum, quem videt, nō diligit, &c. 100. 6. 1
 Qui viderit fratrem ſuum neceſſe habere, & clauſit, &c. 105. 2. ad 1
 Omnis, qui facit peccatum, iniquitatem facit, &c. 113. 1. ad 1
 4 **Qui manet in charitate,** in Deo manet, & Deus in eo. 65. 5. corp. & 66. 6. c. & 70. 3. c.
 Non quaſi nos dilexerimus Deum, ſed quia ipſe prior dilexit nos. 111. 3. 1
 5 **Mandata eius grauiſima non ſunt.** 107. 4. c. fi.
 Ex 2.
 C. 1. **Gauiſus ſum valde,** quia inueni de filiis tuis ambulantes in veritate. 32. 5. c.
 Ex Apocal. Beati Ioannis.
 C. 1. **Vincenti dabo manna abſcōditum,** &c. 112. 5. corp.
 14 **Beati mortui,** qui in Domino moriūtur. 4. 5. c.
 21 **Latera Ciuitatis Hieruſalem ſunt æqualia.** 65. 1. 1
 Templum non vidi in ea, &c. 103. 3. c.
 22 **Ex viraque parte fluminis lignum vitæ,** &c. 70. 3. corp.
 Qui in ſordibus eſt, ſordeſcat adhuc. 81. 2. 3

F I N I S.

I N D E X

A V T H O R I T A T V M D O C T O R V M Tum Sacrorum, tum Phyloſophorum.

- Ex Ambroſio ſuper Luc.**
 Gloria eſt clara notitia cum laude. 2. 3. 2. & c.
 Mores proprie humani dicuntur. 24. 1. 1
 Connexæ ſibi ſunt, concatenatæque virtutes, vt qui vnam habet, plures habere videatur. 65. 1. aff.
 Lib. de Spū. Sancto. Ciuitas illa Hieruſalem cœleſtis, non meatu alienius terreſtris fluminis abluitur, &c. ſed pleno ſeptem virtutum ſpiritualium ſeruens meatu. 68. 6. aff.
 Lib. de Paradifo. Peccatum eſt tranſgreſſio legis diuinæ, & cœleſtium inobedientia mandatorum. 73. 1. 1. 100. 2. aff. & 5. 1
Ex Anſelmo.
 Lib. de Conceptu virginali. Originale peccatū eſt carentia originalis iuſtitia. 8. 2. 1. 1
 In eodē lib. Iuſtina originalis eſt rectitudo voluntatis. 8. 3. 3. aff.
Ex Arith. lib. Periherm.
 L. 1. Ea, quæ ſunt in voce, ſunt ſigna intellectus animæ. 77. 2. 4

- 2 Bonum est bonum contrariatur ei, quæ est, bonum non est bonum. 53. 1. c.
Opiniones contradictoriarum sunt contrariæ. 77. 2
- Ex lib. Prædicam.
- C. de oppositis. Bonum, & malum contrariatur malo. 31. 8. 1
- Omnis habitus est dispositio. 49. 1. 3
- Calor, & frigus sunt dispositiones, vel habitus, 49. 2. 2
- Habitus, & dispositio quomodo distinguatur, &c. 49. 2. 0
- Sanitas corporis, & infirmitas insanabilis habitus dicuntur. 50. 1. aff.
- Figuræ non recipiunt magis, & minus. 52. 1. corp.
- Scientia, & virtutes sunt habitus. 55. 1. aff.
- Habitus est qualitas difficile mobilis. 68. 3. 1
- Ex libris Posteriorum.
- L. 1. Demonstratio est silogismus faciens scire. 54. 2. ad 2
- Qui scit vniuersale, scit etiam particulare, quod nouit sub vniuersali contineri. 77. 2. 3
- Ex libris Physic.
- L. 2. Finis est principium in operabilibus ab homine. 1. 1. aff.
- Natura agit propter finem. 1. 2. aff.
- Natura intendit finem, etiam in his, quæ cognitione carent. 12. 5. 1
- Finis in operabilibus se habet ut principium. 13. 3. corp.
- Peccata sunt monstra in natura. 21. 1. 1
- Peccatum accidit in natura, & arte, quando non peruenitur ad finem intentum a natura vel ab arte. 21. 1. 2. & 2. 1. & 2
- Ratio contra naturam diuiditur. 3. 3
- Illud dicitur naturale, quod causatur a natura. 46. 5. c.
- Forma, & natura rei est finis, & cuius causa aliud quid fit. 49. 2. c.
- Terram esse rotundam demonstrant naturalis, & Astrologus. 54. 2. 2
- Quod parum deest, nihil deesse videtur. 65. 1. ad 1
- Quod est præter intentionem agentis est per accidens. 72. 5. 2
- Causa efficiens, & moralis non incidunt in idem. 74. 1. 3
- Forma determinatur secundum proportionem ad finem. 95. 3. c.
- Monstra accidunt corrupto aliquo principio in semine. 71. 4. 3
- L. 3. Agens naturale diuiditur contra voluntariū. 10. 1. 1
- Motus est actus mobilis a mouente. 13. 2. ad 3. 74. 1. c. 110. 2. c.
- Passio est motus. 22. 1. 1
- L. 4. Ex calido fit magis calidum, nullo facto in materia calido. 53. 2. neg.
- Tempus est causa obliuionis. 53. 3. ad 3
- Non entis non sunt species, neque differentie. 72. 6. 3
- L. 5. Duæ quietes contrariorum terminorum sunt contrariæ. 31. 8. c.
- Motus fit ex minus albo in magis album tanquam in oppositum. 53. 2. c.
- In alterationibus magis, & minus accipiuntur ut contraria. 67. 3. c.
- Motus specificantur ex terminis. 72. 3. ad 2
- L. 6. Idem non potest esse mouens, & motum. 51. 2. 2
- Inter duo instantia oportet esse tempus medium. 113. 7. 5
- L. 7. Sedendo, & quiescendo fit anima prudens. 33. 3. 1
- Habitus sunt perfectiones quædam. 49. 4. aff. & 52. 1. 2
- Habitus sunt dispositiones quædam perfecti ad optimum. 49. 2. c.
- Inter habitus ponitur pulchritudo, & sanitas. 50. 1. corp.
- In habitibus non est alteratio. 52. 1. 3
- Cum aliquis accipit formam, vel figuram non dicitur alterari. 52. 1. c.
- Virtus est dispositio perfecti ad optimum. 55. 2. 3. & 66. 5. 2. 71. 1. c.
- Virtus est quædam rectitudo animæ, sicut sanitas corporis. 59. 2. 2. & 71. 1. ad 3
- Quæ sunt diuerforum generum, non sunt comparabilia. 73. 3. 3
- Passio, & passibilis qualitas est in parte sensitiua. 110. 3. 3
- L. 8. Non est possibile in causis mouentibus procedere in infinitum. 1. 4. c.
- Homo dicitur minor mundus. 2. 8. 2
- Omne quod mouetur, ab alio mouetur. 6. 1. 2
- Mouens non mouetur a moto. 9. 2. 3
- Motus varij, reducuntur in motum vniuniformem. 9. 5. 1
- Remouens prohibens habet rationem mouentis. 25. 1. 2
- Omni motui adiungitur generatio, & corruptio. 32. 2. 1
- Idem potest se mouere secundum diuersa. 51. 2. ad 2
- Mouens per se, & per accidens. 53. 3. c. 76. 1. c. 85. 5. c.

Ex libris de Cælo.

- L. 1.** Virtus est vltimum potentia. 55. 3. c.
Omnia tribus includuntur. scilicet principio, medio,
& fine. 89. 2. ad 4.
L. 2. De omnibus enuntiare, &c. quandoq; est si-
gnum stultitiæ. 40. 5. 3
Omnis corruptio, & defectus est contra natu-
ram. 86. 6. c.
L. 4. Nullus mouetur ad id, ad quod impossibile
est peruenire. 14. 6. neg.

Ex libris de Anima.

- L. 1.** Operationes hominis sunt cõmunes animæ,
& corpori. 50. 4. 1
Intelligere non est commune animæ, & corpo-
ri, nisi &c. 50. 4. ad 1
Intellectus non corrumpitur. 53. 1. 2
Forma, cui conuenit aliquid præter subiectum,
est separabilis. 53. 2. 2
Per rectum cognoscitur obliquum. 100. 6. ad 2
L. 2. Lingua ordinatur ad gustum, & ad locutio-
nem. 12. 3. aff.
Denominatio fit a nobiliori. 25. 2. 1
Calor est instrumentum, quo anima mouet. 44.
3. corp.
Habitus est actus primus, & operatio est actus
secundus. 49. 3. ad 1
Molles carne bene aptos mente videmus. 50.
4. 3
Agere sibi simile, est rei perfectæ. 75. 4. 2
Operationes vitæ explentur per actum caloris
naturalis. 85. 6. 3
Vnũquodque debet denominari ab eo, quod
est potissimum in ipso. 113. 1. 2
L. 3. Voluntas est in ratione. 1. 2. 3. & 6. 2. 1
Voluntas est mouens motum. 6. 4. 2. & 10. 2. 1.
& 50. 5. ad 2
Ratio vniuersalis, non mouet nisi mediãte ex-
timatione particulari. 10. 3. 3
Appetitiuus motus circulo agitur. 26. 2. c.
Appetitus sensitiuus, mouetur ab appetitu ra-
tionali. 50. 3. ad 3
Intellectus non est actus corporis. 50. 4. 1
Intellectus possibilis cum sic fiat singula, &c.
50. 4. c.
Phantasma comparatur ad intellectum possibi-
lem, & obiectum. 50. 4. ad 1
Intellectus passiuus, est ratio particularis. 51.
3. corp.
Phantasma se habent ad animam intellecti-
uam, vt colores ad visum. 56. 5. ad 1
In homine sunt duo mouentia. scilicet ratio, & appe-
titus. 58. 3. c.
Anima nihil intelligit sine phantasmate. 67. 2. 3
Appetitus rationis mouet sensitiuum, &c. 77. 1. 2

- Voluntas non vitur organo. 77. 1. 3
Omnis nostra cognitio ortum habet a sensu,
&c. 80. 3. 2

Ex libris de Generatione.

- L. 1.** In quantitatibus corporalibus, non fit aug-
mentum sine additione. 53. 2. 1
De longitudine, & breuitate vitæ.
Scientia corruptio est obliuio, & deceptio.
53. 1. aff.

De Historijs animalium.

- Homo dicitur sanus, quãdo potest operari. 49.
3. ad 3. & 77. 3. c.

De Memoria, & Reminiscencia.

- C. 2.** Meditatio confirmat memoriam. 51. 3. c.
C. 3. Consuetudo operatur ad bene memorandũ.
50. 3. ad 1

Ex lib. de Partib. Animalium.

- L. 3.** Illi, qui habent paruũ cor, sunt magis au-
daces. 45. 3. c.

Ex lib. de Problematicis.

- Irati sunt prompti ad inuadendum, nõ autem
timentes, & quare. 44. 1. ad 1

- Dolentes vix possunt contineri quin clament.
44. 1. ad 2

- Timor facit tacentes. 44. 1. ad 2

- Amatores vini sunt fortes, & audaces. 45. 3. 1

- Habentes magnum pulmonem, sunt audacio-
res. 45. 3. c.

- Audaces quandoque tremunt in principio.
45. 4. 1

- Ira est cum ratione, & quomodo. 46. 4. ad 1

- Multum ebrii non irascuntur. 46. 4. ad 3

Ex libris Metaphisicis.

- L. 1.** Omnes homines natura scire desiderant, &
scientiæ speculatiuæ quaruntur per se ipsas.
3. 6. 2. & 2. 5. 5. 2

- Sensus propter duo diliguntur. 3. 1. 6. c.

- Admiratio est via ad sapientiam. 3. 2. 8. 2

- Admiratio mouit Philosophos ad inquirendũ
veritatem. 41. 4. 5

- Liber est, qui sua causa est. 108. 1. ad 2

- L. 2.** Qui infinitum faciunt, auferunt naturam bo-
ni. 1. 4. aff.

- Infinitum excludit finem. 50. 4. 1

- L. 3.** Potentia habet rationem principij. 2. 4. c.

- L. 5.** Natura dupliciter dicitur. scilicet vt est substantia
rei, & principium motus. 10. 1. c.

- Omne violentum est contristans. 3. 1. 7. 2

- Habitus est dispositio secundum quam aliquis
disponitur bene, vel male. 49. c. & ad 2. &
50. 6. 3. & 50. 4. 3. & 3. c.

- Diuersitas specierum est secundum formã, ge-
nerum vero secundum materiam. 54. 1. ad 1

- Df perfectus, & bonus fur, & latro. 55. 3. ad 1

- L.6. Nulla ars, vel scientia est circa ens per accidens. 7.2.2
 Malum est in rebus, non in mente. 29.6.3
 Verum, & falsum sunt solum in mente. 40.3.2
 Bonum est in rebus. 65.2.1
- L.7. Differentiæ constituentes speciem, debent esse per se. 18.7.c.
 Oportet differentias per se aducire generi. 49.2.3
 Species intelligibiles non sunt contrariæ. 53.1.2
 Accidens magis dicitur entis, quam ens. 110.2. ad 3
- L.8. Genus sumitur ex materia. 35.4. ad 2
 Species rerum sunt sicut numeri. 52.1.c. bis, & 85.4. corp.
- L.9. Potentiæ rationales se habent ad opposita. 13.6. neg.
 Malum, & bonum sunt in rebus. 18.3.1
 Factio est actus transiens, agere actus immanens 57.4.c.
 Actus in bono, & in malo præminet potentiæ, 71.3. corp.
- L.10. Mensura est homogenea mensurato. 19.4.2. & 96.2.c.
 Vnum vni est contrarium. 31.8.2
 Contrarietas est differentia secundum formam. 31.8.3. 35.3.c. 72.8. aff.
 Omnia mensurantur per aliquid sui generis. 34.4.1. & 2
 Vni vnum est contrarium. 40.4.1
 Mensura debet esse certissima. 91.3.3. 96.1.3
 Omnia, quæ sunt vnius generis, mensurantur primo illius generis. 96.1. ad 2
- L.12. Ordo partium vniuersi ordinatur ad bonum vniuersi. 5.6.1
 Quædam inconueniens est meditari. 35.5.3
 Ex lib. de Causis.
 Causa prima vehementius influit, quam secunda. 2.6.2
 Remoto quod est proprium, remanet quod est commune. 67.5.1
 Ex libris Ethicorum.
- L.1. In quibusdam, actiones sunt vltimus finis. 1.1.2
 Felicitas est præmium virtutis. 2.2.1. & 57.1.2
 Honor est in honorante. 2.2. neg.
 De ratione beatitudinis est, vt sit per se sufficiens. 2.4.c. & 4.1.2
 Bonum vtile est in Ad aliquid. 8.2.2
 Cuius actus imperatur a ratione, est ratio per participationem. 17.6.2
- Virtuosus operatur secundum quod oportet, & quando oportet, &c. 18.3. aff.
 Quod est secundum se bonum, non quaeritur propter aliud. 34.2.2
 Bonum est, quod omnia appetunt. 34.2.3
 Non est maius bonum, quod est diuturnius. 42.6.3
 Diuersi habitus sunt in diuersis animæ partibus. 50.2. neg.
 Vna Hirundo non facit ver, nec vna dies. 51.3. neg.
 Beatus est operatio secundum habitum perfectæ virtutis. 51.3. neg.
 Virtutum alix intellectuales, alix morales. 58.2. aff.
 Iustus gaudet iusta operatione. 59.5. neg.
 Virtus moralis est in rationali per participationem, intellectualis vero in rationali per essentiam. 66.3. aff.
 Quale disciplinarum debitum est esse in ciuitatibus, &c. 66.5.1
 Pueri dicuntur beati propter spem. 69.1.c.
 Pellissimum est optimo contrarium. 73.4. aff.
 Comparatur incontinens paralitico. 77.3.c. & 78.4. corp.
 Diuitie appetuntur solum in ordine ad finem. 84.1.2
 Quæ obediunt rationi, participant aliquantulum rationem. 93.5.2
 Bonum gentis diuinius est, quam bonum vniuersi. 97.4.1. 113.9.2
- L.2. Similes habitus similes actus reddunt. 18.5. aff.
 Quidam non sunt mali, vt parci, & prodigi. 18.9.2
 Virtus est, quæ bonum facit habentem, & opus eius bonum reddit. 21.2. aff. & 55.2. aff. 56.2.2. & 3.3
 Passiones animæ sunt, quas sequitur gaudium, & tristitia. 23.1.1
 Passionibus non laudamur, nec vituperamur. 24.2.3
 Verecundia est passio laudabilis. 24.4. aff.
 Gaudium, & tristitia consequuntur oēs passionibus. 25.3.c. & 4.c.
 Signum generati habitus est delectatio. 32.5.3
 Virtus, & ars sunt circa difficile, & bonum. 34.1.3. 35.3.5.6.3
 Medicinæ sunt per contraria. 38.1.1
 Virtus intellectualis indiget experimento, & tempore. 40.4.c.
 Nulla virtus est passio. 41.1.1
 Habitus sunt secundum quos ad passiones nos habemus bene, vel male. 49.2.c.

Ex similibus actibus similes habitus causantur.

50.1.c. 51.4.3

Vires sensitiue sunt rationales per participationem. 50.4.c.

Habitus virtutum, & vitiatorum ab hominibus causantur. 51.2.aff.

Ad virtutem tria requiruntur. scire, velle, & operari. 56.2.2

Omnes virtutes sunt intellectuales, vel morales. 56.5.neg.& 6.aff.

Virtus moralis est habitus electiuus in medietate rōnis consistens. 58.1.2. & 2.4

Non bene quidam determinant virtutes impossibilitates quasdam, & quietes, quoniam simpliciter dicunt, &c. 59.2.c. & ad 1

Virtus moralis est circa delectationes, & tristitias, &c. 60.2.1. & aff. & c. & 60.4.aff.

Ad virtutem requiritur scientia, electio, & firmitas ad operandum. 61.4.3

Virtus moralis est habitus electiuus in medietate exiitens. 64.1.aff. & c. & 64.2.aff. & 3.2

Artis est aliquod medium. 64.3.aff.

Virtutes morales quandoque; causantur exercitio actuum. 65.1.1. & 2.2

Virtutes morales circa passiones sunt decem. 66.5.corp.

Delectatio, quæ fit in opere, est signum habitus. 65.3.2

Quæ sunt contra naturam, non possunt assuescere. 71.2.2

Per contraria generatur, & corrumpitur virtus. 71.4.neg.

Virtus fit circa difficile, & bonum. 73.4.2

Actus ex habitu procedentes sunt similes actibus, ex quibus habitus generatur. 78.2.2

Pœnæ medicinæ quædam sunt. 87.3.2. & 6.2

Actus disponit ad aliquid simile sibi in specie. 88.3.2

Volūtas cuiuslibet legislatoris est, vt faciat homines bonos. 92.1.aff. & 100.9. ad 3

Vnusquisque bene iudicat, quæ cognoscit. 93.2. ad 3

Sumus nati ad habendum virtutes. 93.6.c.

Tria sunt in anima, potentia, habitus, & passio. 94.1.1

Experientia indiget tempore. 97.2.3

Delectatio operis est signum generati habitus. 100.9. ad 3

L.3. Voluntarium est, cuius principium est in ipso. 6.1.1

Pueri, & bruta communicant voluntario. 6.2.aff.

Inuoluntarium est cum tristitia 6.5.2

Inuoluntariū aliquid dicitur p vt c. 11.6.5.aff.

Quæ per merum aguntur, sunt magis voluntaria, quam inuoluntaria. 6.6.neg. & c.

Nominat circumstantias particularia. 7.1.aff.

Assignatur numerus circumstantiarum. 7.4.0

Voluntas est finis, electio eorum, quæ sunt ad finem. 8.2.1.1.3.3.neg.

Qualis vnusquisque est, talis finis videtur ei. 10.3.2

Est quædam ignorantia electionis. 13.1.3

Electio est desiderium eorum, quæ sunt in nobis. 13.1.aff.

Electio est appetitus aliquorum propter finē. 13.2.1

Nullus eligit, nisi, quæ extimat sibi possibilia. 13.4.aff. 5.1. & c. & 14.5.3

Si per plura aliquid fieri potest consilio inquiritur per quid hoc facillime fiat, si per vnū, qualiter per illud fiat. 14.4.3

Non consiliamur de rebus paruis, nec de his, quæ sunt determinata, qualiter sint agenda. 14.4.c.

Qui consiliatur, videtur querere, & resoluerē. 14.5.aff.

Ponitur quædam concupiscentiæ naturales, & quædam non. 30.3.aff.

Maxime delectationes sunt secundum tactum. 31.6.aff. & c.

Bruta non delectantur nisi in sensibilibus tactus. 31.6.c. & 35.1. ad 3

Cum ventum fuerit ad aliquid impossibile, homines discedunt. 40.4.c.

Aliqui sūt bonæ spei propter multoties, & multos vicisse. 40.5.aff.

Inebriati sunt bene sperantes. 40.6.aff.

Mors inter omnia est terribilissimum. 42.2.aff.

Aliqui videntur fortes propter ignorantiam, &c. 42.5.3

Verecundamur de magnis in quibus, quasi nobis discedimus. 44.2.c.

Audacia est respectu malorum terribilium. 45.2.1

Qui sunt bonæ spei, sunt audaces. 45.2.aff.

In multa passi sunt audaciores. 45.3.3

Audaces præuolentes sunt, & volentes ante periculum, &c. 45.4.aff.

In brutis causatur ira dum vulnerantur. 47.2.2

Punitio quietat impetum iræ delectationē pro tristitia faciens. 48.1.4

Aliquæ virtutes sunt irrationabilium partium. 50.3.aff. & 56.4.aff. & 59.4.3

Temperantia, & fortitudo sunt irrationabiliū partium. 67.1.3.7.4.2

Singula vitia peccant agendo, plusquam, & quā non oportet. 72.9.aff.

- Peccans ex ignorantia circumstantiæ meretur veniam. 73. 5. aff.
- Omnis malus est ignorans. 76. 4. 1
- Ebrius meretur duplices maledictiones. 76. 4. 4
- Turpes naturaliter nullus increpat. 81. 1. 5
- Modus virtutis est, ut quis sciens, volens, & firmiter operetur. 100. 9. c.
- Quæ per amicos possumus, aliquid nos possumus. 109. 4. ad 2
- L. 4. Honor est virtutis premium. 1. 2. 1
- Honor continetur Deo, & excellentissimis. 2. 2. 2
- Ira nulla passio est contraria. 23. 3. neg.
- Illiberalitas connaturalior est prodigalitate. 32. 6. 2
- Verecundati erubescunt. 44. 1. 3
- Quidam irascentium sunt acuti, quidam amari, quidam difficiles. 46. 8. c.
- Magnanimitas est circa maximos honores, & magnificentia circa maximos sumptos. 64. 2. 2. & c.
- Magnanimitas operatur magnum in omnibus virtutibus. 66. 4. 3
- Magnanimitas non potest esse nisi alijs virtutibus præexistentibus. 66. 4. ad 3
- Malum si sit integrum destruit se ipsum. 73. 2. corp.
- Ad iudicem confugiunt homines, sicut ad iustum animatum. 95. 1. 2
- L. 5. Est quoddam involuntarium per ignorantiam. 68. aff.
- Iustitia est secundum quam aliqui volunt iusta. 19. 1. aff.
- Ira operatur cum tristitia. 46. 3. 3
- Iustitia hominis non est ad se ipsum, nec ad sua. 46. 7. 2
- Iustitia est habitus, secundum quem aliqui volunt iusta. 50. 5. aff.
- Iustitia legalis non est aliud a virtute. 60. 3. 2
- Ad iustitiam pertinet statuere rectitudinem commutationum in diversis commutationum generibus. 60. 3. 3
- Inter virtutes sola iustitia respicit bonum commune. 100. 2. 3
- Medium iustitiæ est secundum proportionem geometricam, vel Arithmetica. 64. 2. 3
- Iustitia est præclarissima virtutum. 66. 4. aff. & c. 111. 5. 2
- Carere bono habet rationem mali. 70. 3. c. fi.
- Minus peccat, qui sibi, quam qui alteri nocumtum infert. 73. 9. 2
- Legalia iusta dicimus factiva, & conservativa felicitatis. 90. 2. c.
- Lex præcipit omnes actus virtutum. 9. 2. c.
- Iustum legale est, quod principio nihil differetrum sic, vel aliter fiat. 95. 2. 1
- Ius positivum dividitur contra ius naturale. 95. 2. 3
- Ius naturale est, quod ubique habet eandem potentiam. 95. 2. 3
- Præcipit lex fortis opera facere, & quæ māsuerit, & quæ temperati. 95. 3. aff.
- Mensura maxime debet esse permanens. 97. 1. 2
- Iustum duplex, legale, & morale. 99. 5. c.
- Est quædam iustitia metaphorica. 100. 2. ad 2. 113. 1. corp.
- Nullus operatur ut virtuosus, nisi habeat habitum. 100. 9. neg. 107. 3. c.
- Iustitia est equalitas quædam. 114. 1. c.
- Iustitia est inter equales. 114. 1. c.
- L. 6. Concupiscentia delectationis corrumpit estimationem prudentiam. 67. 3
- Ad ea, quæ sunt diversæ genere, diversæ potentia animæ ordinantur. 8. 2. 2
- Electio est appetitus intellectus, vel appetitus intellectus. 13. 1. c.
- Ad prudentiam pertinet bene eligere quæ sunt ad finem. 13. 2. 3
- Virtus facit rectam electionem. 13. 3. 1
- Bona actio est finis, factio autem nunquam est finis. 19. 1. 2
- Bonum intellectus practicum est verum, conforme appetitui recto. 19. 3. 2
- Delectatio corrumpit estimationem prudentiam. 33. 3. aff. & c.
- Scientia, sapientia, & Intellectus sunt in parte animæ intellectiva. 50. 4. aff.
- Prudentia non perditur per obliuionem. 53. 1. corp.
- Ad ea, quæ sunt genere altera, sunt etiam animæ particulae alie. 54. 1. ad 1
- Prudentia est in ratione, & in voluntate. 56. 2. 3
- Scientia, & ars quandoque dicuntur virtutes, & quandoque non. 56. 3. c.
- Quædam virtutes intellectuales sunt in parte animæ, quæ considerat necessaria. 57. 1. aff.
- Sapientia, est quædam scientia. 57. 2. 1
- Tres solum sunt virtutes intellectuales speculativæ. scilicet sapientia, scientia, & intellectus. 57. 2. aff.
- Artis est aliqua virtus. 57. 3. 2
- Ars est virtus. 57. 3. aff.
- Prudentia, & ars sunt circa contingentia aliter se habere. 57. 4. 2
- Ad prudentiam pertinet recte consilium. 57. 4. 3. & 5. 2. & 6. 1

- Prudentia distinguitur ab arte. 57.4. aff.
 Prudentia est recta ratio agibilium. 57.5.1
 Verum Intellectus practici aliter accipitur, q̄
 intellectus speculatiui. 57.5. ad 3
 Ebulia est habitus, quo bene consiliamur. 57.
 6. 1
 Prudentiæ adiunguntur Eubulia, Synesis, &
 Gnomē. 57.6. aff.
 Volens peccans, non est prudens. 58.5. neg.
 Delectationes corrumpunt existimationē pru-
 dentiæ. 59.2.3
 Ad operationes morales ordinamur per ratio-
 nem practiciam, & appetitū rectum. 61.2.2
 Ars est virtus intellectualis. 64.3. aff.
 Virtus moralis facit rectam intentionem finis,
 prudentia vero eorum quæ sunt ad finem. 66.
 3.3
 Sapientia est caput inter virtutes intellectu-
 ales. 66.5. aff.
 Ars est recta ratio factibilium. 68.4. ad 1
 Vnicuique est eligibile id, ad quod ex habitu
 inclinatur. 78.2. aff.
 Bonum intellectus est verum. 109.2.3
 L.7. Quia corporales delectationes pluribus sunt
 notæ, assumpserunt sibi nomen voluptatum.
 2.6. corp.
 Electio est quasi conclusio in operabilibus.
 13.1.2
 Finis se habet ad eligibilia, vt principium ad
 ea, quæ ex principijs consequuntur. 13.6.1
 Delectatio est operatio. 31.1.1. & 10
 Deus vna simplici operatione gaudet. 31.4.
 ad 2
 Delectationes corporales in quibusdam insa-
 nias faciunt. 31.5.2
 Quædam delectationes sunt ægritudinales.
 31.7. aff.
 Operatio connaturalis est delectabilis. 32.6.2
 Qui patiuntur tristitiam maxime sequitur de-
 lectiones. 32.7.2
 In delectationibus venereis impossibile est ali-
 quid intelligere. 34.1.1. 37.1.2. ad 2
 Delectatio est finis architectorum. 34.4. aff.
 Qualibet delectatio est medicina contra quæli-
 bet tristitiam. 35.4.2. & 3.38.1. aff.
 Etiam virtuosi fugiunt tristitiam. 39.1.2
 Ira consequitur rationem aliquam. 46.4. aff.
 & 5.2. & 48.4.1
 Silogizans cōferendo, &c. irascitur confestim.
 46.4. corp.
 Ira est naturalior, quam concupiscentia. 46.
 5. aff.
 Iracundus non est insidiator, sed manifestus.
 48.2
- Circa idem obiectum contingit esse plures ha-
 bitus. 54.3.3
 In actibus humanis finis se habet vt principii
 in speculabilibus. 57.4. c.
 Tristitia est impedimentum operationis. 59.3.2
 Supra communem virtutem est virtus heroi-
 ca. 68.1. ad 1
 Incontinens concupiscentiæ est turpior, quam
 incontinens iræ. 73.5.3
 Vtrum scientia possit separari a passione. 77.
 2. corp.
 Perseuerantia est aliquid minus virtute. 109.
 10. 1
 L.8. Amor est passio. 26.2. uo
 Amicitia est quasi habitus, Amor, & dilectio
 sunt actus 26.3. c. & 4.1
 Triplex est amicitia, Vtilis, honesta, delectabi-
 lis. 26.4.3
 Figuli cortixantur ad inuicem. 27.3.1
 Aliqui amantur propter delectationem. 27.4.1
 Multas amicitias inappellatio dissoluit. 54.3.
 aff.
 Principalis actus virtutis est electio. 56.4.4
 Qui posuerunt non esse diuersas species amici-
 tiarum, &c. 72.8. ad 1
 Patres amant filios, vt aliquid ipsorum. 100.
 5. ad 4
 L.9. Visio est principium amoris. 27.2. c.
 Malus tristatur, quoniam delectatus est. 38.1.2
 In tristitijs amicus condolens consolatur. 38.
 3. aff.
 Spes potest esse de bono virtutis. 42.3.3
 Illud videmur facere, quod cum deliberatione
 rationis facimus. 74.3.3
 Penitutine replentur prauis. 78.2.3
 L.10. Ridiculum est querere ab aliquo, propter
 quid velit delectari. 2.6.1
 Operatio felicitatis debet esse non impedita. 4.
 1.3. & 4.5.4
 Delectatio est perfectio operis. 4.2.1.15.4.1
 Mouet quæstionem quid sit principalis in fœ-
 licitate, cognitio, an delectatio. 4.2. c.
 Delectatio perficit operationem. 31.1.3
 Secundum nullum tempus accipiet quis de-
 lectionem. 31.2. aff.
 Omnes aliquam delectionem sequuntur.
 31.5.1
 Maxima delectatio est, quæ est secundum ope-
 rationem sapientiæ. 31.5. neg.
 Quædam delectiones se impediunt. 31.8. aff.
 Delectatio est operatio connaturalis non impe-
 dita. 32.1. aff. & 8.2. & 35.5.4. & 33.4.2
 Delectabilius est contemplari iam cognita, quā
 ignota inquirere. 32.8.2

- Delectationes propriæ adaugent, extraneæ vero impediunt operationes. [3.3.c.](#)
 Delectatio non perficit operationem, vt habitus. [3.4.3.&c.](#)
 Virtuosus est mensura, & regula humanorum actuum. [3.4.1.2.](#)
 Aliqui posuerunt omnes delectationes esse malas. [3.4.1.c.&3.c.](#)
 Bonæ delectationes sunt, quæ consequuntur bonas operationes, & malæ, quæ malas. [3.4.3.](#)
 Tristitia impedit operationem. [3.2.3.](#)
 Sanitas recipit magis, & minus. [5.2.1.c. med.](#)
 Ridiculum est Deo, Iustitiam, Fortitudinem, Temperantiam, &c. attribuire. [6.1.5.1.](#)
 Ridiculum est in Angelis ponere virtutes morales. [6.7.1.1.](#)
 Delectationes differunt, in bonitate, & malitia secundum operationes. [7.4.8.3.&c.](#)
 Penæ sunt contra prauos ad malû, 100. [7. ad 4.](#)
 Coactio legis est per metum. [100.9.c.](#)
 Ex libris Politicorum.
- L.1.** Corpus comparatur ad animam, vt seruus ad Dominum. [1.7.2.2.](#)
 Ratio præest irascibili, & concupiscibili Domino. [Regali.&c.1.7.7.c.](#)
 Infinita concupiscentiæ existente, homines infinita desiderant. [30.4.aff.&c.](#)
 Largiri, & auxiliari amicis, &c. est delectabilissimum. [3.2.6. aff.](#)
 Vox in homine, & in alijs animalibus magis exprimit interiores affectus. [3.8.c.](#)
 Quæ secundum se appetuntur, sine mensura appetuntur. [46.6. ad 1.](#)
 Anima regit corpus politico principatu. [56.4. ad 3.](#)
 Ratio regit irascibilem, & concupiscibilem, politico principatu. [56.4. ad 3. & 58.2. c.](#)
 Homo naturaliter est animal politicum, & sociale. [7.2.4.c.](#)
 Perfecta communitas est ciuitas. [90. 2.c.](#)
 Virtus subditi est bene subijci principanti. [92. 1. corp.](#)
 Serui id, quod sunt, dominorum sunt. [104. 1. ad 3.](#)
- L.2.** Aristophanes dixit, quod amantes desiderant ex ambobus fieri vnum, sed quia, &c. [28.1. ad 2.](#)
 Pluries iniuriuntur ebrii, quàm sobrii. [26.4. ad 4. 1.](#)
 Legislatores assuescentes faciunt bonos. [92. 1. ad 1.](#)
 Leges habent virtutem ex consuetudine. [97. 2. ad 1.](#)
 Optimum est, quod possessiones sint distinctæ, & vsus sit partim communis, & partim per voluntatem possessus comunicetur. [105. 2.c.](#)
 Per possessionum irregularitatem plures ciuitates destruuntur. [105. 2.c. & ad 3.](#)
 Qui multos genuerant filios, aliquo insigni honore donabantur. [105.3. ad 2.](#)
- L.3.** Diuersæ sunt virtutes ciuium secundum, & bene se habent ad diuersas policias. [64.4.c.](#)
 Eadem est virtus principis, & boni viri, non autem eadem est virtus cuiuscunque ciuis, & boni viri. [92.1. ad 3.](#)
- L.5.** Aliqui dicuntur ciues simpliciter, aliqui secundum quid. [105.3. ad 2.](#)
 Ex libris Topiconum.
- L.2.** Vbi est vnum propter alterum, ibi est vnum tantum. [17.4. aff.](#)
 Amor est in concupiscibili. [26.1.6.](#)
 Quædam dicimus amare, quia ea concupiscimus. [26.4.aff.](#)
 Non contingit multa simul intelligere. [12.3.3.](#)
- L.1.** Cōcupiscentia est appetitus delectabilis. [30. 1.c. & 2.1.](#)
 Sunt quædam concupiscentiæ naturales, & quædam non naturales. [30.3.aff.](#)
 Diffinitur delectatio, quæ diffinitio exponitur. [9.3.1.1.c. & 4.1.](#)
 Delectatio est motus quidam. [3.1.2.1.](#)
 Otium, & requies sunt delectabilia. [3.2.1.3.](#)
 Consueti sunt nobis delectabilia. [3.2.2.3.](#)
 Vincere, redarguere, punire, &c. sunt delectabilia. [3.2.6.3.](#)
 Principari, & præesse alijs est delectabile. [3.2.7.1.](#)
 Admiratio est causa delectationis. [3.2.8.aff.](#)
 Virtus est circa difficile, & bonum. [3.5.6.3.](#)
 Necesse est maximas esse virtutes, quæ sunt alijs honoratissimæ. [66.4.c.](#)
 Melius est omnia ordinari lege, quam dimittere iudicium arbitrio, &c. [95.1. ad 2.](#)
- L.2.** Beneficis in pecunias, & salutem amamus, &c. [27.3.4.](#)
 Homines amant non fictos. [29.5.3.](#)
 Ira semper fit ad singularia, odium etiam ad genera. [29.6. aff. & c.](#)
 Vnicuique est delectabile illud, quod amat. [3.1.6.2.](#)
 Penitentia, Nemesis, & Zelus sunt species tristitiae. [3.5.8.2.](#)
 Iuuenes sunt bonæ speciei. [40.6.aff. & c.](#)
 Timor est de malo contritatio. [41.4.4.](#)
 Potestas, & super alium esse, est terribilis. [42.1.2.](#)
 Timor est ex phantasia futuri mali. [42. 2.c.](#)
 Quæ valde longe sunt, non timentur. [42. 2. corp.](#)
 Non omnia mala timentur. [42. 3. neg.](#)

Magis timentur mites astuti, quam qui sunt accuti. ira. 42. 5. 2.
 Mors non maxime timentur. 42. 6. 2.
 Omnia timenda sunt terribiliora, &c. 42. 6. aff.
 Illi maxime timentur, a quibus expectamus imminere nobis mala. 43. 1. 3.
 Decertantes timent eos, qui pro eisdem decertant. 43. 2. 3.
 Qui decapitantur non timent. 43. 2. 2.
 Diuitia, robur multitudo amicorum, &c. excludunt timorem. 43. 2. aff.
 Timor facit consiliatiuos. 44. 2. aff. o.
 Nullus consiliatur de his, de quibus desperat. 44. 2. ad.
 Audacia est timori contraria. 45. 1. aff. o.
 Desperatio excludit timorem. 45. 2. 2.
 Quæ sint causæ audaciæ. 45. 3. neg.
 Qui bene se habet ad diuina sunt audaciores. 45. 3. corp.
 Inuictum passus sunt audaciores. 45. 3. ad.
 Ira est auiuum. 45. 4. 3.
 Ira est cum tristitia, cum spe, & cum delectatione. 46. 1. 3.
 Iratus habet spem puniendi. 46. 1. c.
 Ira causat delectationem. 46. 2. c. 2.
 Mansuetudo opponitur ira. 46. 5. 1.
 Differentia inter odientem, & iratum. 46. 6. 2. ad 10. ad 2.
 Odium est magis insanabile, quam ira. 46. 6. ad 3.
 Ira fit solum aliquid singularium. 46. 7. o.
 Homines, circa quos facilius irascuntur. 47. 1. 3.
 Ira fit semper ex his, quæ ad ipsum, &c. 47. 1. aff.
 Poniunt multas ira causas. 47. 2. 3.
 Ira est appetitus cum tristitia punitionis. 47. 2. aff.
 Species parui pensionis sunt tres. 47. 2. corp.
 His, qui propter iram aliquid fecerunt, non irascimur, vel parum. 47. 2. c.
 In ludo, risu, & festo &c. homines non irascuntur. 47. 3. 3.
 Homines propter excellentiam indignantur. 47. 3. aff.
 His, qui humiliantur, non irascimur. 47. 4. 1.
 Diues contra pauperem irascitur, si eum despiciat, &c. 47. 4. aff.
 Delectationes impediunt iram. 48. 1. 3.
 Prouerbium est, quod ira multo dulcior melle, &c. 48. 1. aff.
 Maior ira superueniens facit mitescere priorē.

48. 2. 3.
 Homines magis irascuntur, si contraria præxi sunt. 48. 3. 3.
 Ad virtutem tria requiruntur. scire, velle, & operari immobiliter. 56. 2. 2.
 Tres sunt partes prudentiæ, memoria præteritorum, intelligentia præsentium, & prouidentia futurorum. 57. 6. 4.
 L. 3. Tempus quiescit iram. 48. 2. 2.

Ex August. de lib. Arb.

L. 1. Peccare, est neglectis rebus æternis, temporalia sectari. 71. 6. 3.
 Nulla alia re fit mens hominis serua libidinis, nisi propria voluntate. 81. 1. aff.
 Lex, quæ summa ratio nominatur, non potest cuiuspiam intelligenti, non incommutabilis æternaque videri. 91. 1. aff.
 Lex æterna est, qua iustum est, ut omnia sint ordinatissima. 91. 2. 1. 93. 2. 2.
 Duæ sunt leges, æterna, & temporalis, quæ & humana dicitur. 91. 3. aff.
 Lex æterna est summa ratio, cui semper obtemperandum est. 93. 1. aff.
 Aeternæ legis notio nobis impressa est. 93. 2. aff.
 Lex, quæ populo regendo scribitur, recte multa permittit, quæ per diuinam prouidentiam vindicantur. 93. 3. 3. & 96. 2. neg.
 Lex æterna est, qua mali miseriam, boni vitam beatam merentur. 93. 6. 3.
 Lex temporalis, quamuis iusta sit, commutari tamen per tempora iuste potest. 97. 1. aff.
 L. 2. Exteriora sunt minima hominis bona. 47. 2.
 Virtus est bonus vsus lib. arb. 54. 1. 2.
 Virtus est bona qualitas mentis, qua recte viuitur, qua nullus male vitatur, & quam Deus in nobis sine nobis operatur. 54. 4. aff. & c. & 56. 1. 1. & 57. 3. 1. & 68. 8. 3.
 Virtutes sunt maxima bona, quibus nullus potest male uti. 66. 1. 2.
 L. 3. Ex dolore, quem bestia sentiunt, satis apparet, in regendis amandisque suis corporibus, quæ sint animæ appetentes unitatis, &c. 36. 3. aff.
 Omne vitium, eo ipso quo vitium est, contra naturam est. 71. 2. aff.
 Peccatum a deo est voluntarium, quod si non sit voluntarium, non sit peccatum. 71. 5. 2. & 74. 2. 3. & 75. 2. aff.
 Nullus peccat in eo, quod vitare non potest. 74. 3. 2. 109. 8. 1.
 Quædam per ignorantiam facta, recte imputantur. 76. 3. neg.

Ex lib. de Doctrina Christiana.

- L.1. Id, in quo constituitur beata vita, propter se
diligendum est. 2.7. neg.
 Deo solum fruendum. 3.1. 2.
 Frui, est in amore herere alicui rei propter se
 ipsam. 1.1. aff. & 4. aff.
 Nos homines sumus, qui fruimur, & utimur.
 1.1. 2.1
 Vt est id, quod in vsum venit, ad aliud obtine-
 dum referri. 16.1.1
 Non potest aliquis diligere, quod esse non cre-
 diderit, & c. 62. 4. 2.
 Qui inheret alicui rei amore, inheret, vel vt
 fruens, vel vt utens. 88.1.3
 L.2. Verba inter homines obtinuerunt principa-
 tum significandi. 99.3.3
 L.3. In rebus non est malum, sed in vfu pecca-
 tum. 18.2.1
 L.4. Doctoris est sic pronunciare, vt de facili intel-
 ligi possit. 101.2.1

De Cinitate Dei.

- L.5. Quod fit voluntarie, non fit ex necessitate. 6.
 4. neg.
 L.9. Passiones animæ quidam vocant morbos vel
 perturbaciones. 24.2. 1
 Deus, & Sancti Angeli puniunt sine ira, & sine
 miseriæ compassione subueniunt. 24. 3. 2
 Misericordia pertinet ad virtutem. 24.4. aff.
 Cicero locutor optimus non dubitauit miseri-
 cordiam virtutem appellare. 59.1. 3
 Nullo modo aliquis legibus summi Creatoris
 ordinationique subtrahitur, a quo pax vni-
 uersitatis administratur. 93.6. aff.
 L.10. Ponit delectationem, siue gaudium, & leti-
 tiam inter alias passiones. 3.1.1. aff.
 L.14. Motus membrorum genitalium aliquando
 importunus est nullo poscente, aliquando
 autem destituit inhiantem, & c. 17.9. neg.
 Rectus amor omnes affectiones rectas habet,
 Metuunt peccare, & c. 24.2. neg.
 Omnes passiones ex amore causantur. 25.2. aff.
 27.4. aff. 29. 2. aff.
 Ponitur cupiditas loco spei inter præcipuas pas-
 siones. 25.4.1. & 40.1.1
 Amor inhians habere, quod amatur, cupiditas
est, & c. 26. 1.2
 Amor, & dilectio non differunt per hoc, quod
 amor in malum, & dilectio in bonum ac-
 cipitur. 26.3. 3
 Ponit dolorem inter passiones animæ. 35.1.
 aff.
 Letitia est voluntas in eorum consensione quæ
voluntus, & c. 35.3. aff.
 Amor est causa tristitiæ. 36.1.3

- Tristitia est de his, quæ nobis nolentibus acci-
 dunt. 39.2.3. & 4. 2
 Prima affectionum animæ est amor. 40.7. 1
 Timor est passio animæ. 41.1. aff.
 Si peruersa est voluntas, peruersos habet hos
motus. f. passionum. 59. 2. aff.
 Scientia non pollent fideles plurimi, quamuis
 polleant fide. 68. 5.2
 Amor Dei facit ciuitatem Dei, & Amor sui ci-
 uitatem Babilonis. 73.1.3. & 84.1.2.3
 Quanto aliquis maiori tetatione proilernitur,
 minus peccat. 77.6. aff.
 Infectio originalis culpæ maxime apparet in
 motu genitalium. 83.4. aff.
 L.19. Quidam posuerunt vltimum finem homi-
 nis in quatuor. scilicet voluptate, quiete, in bonis
 naturæ, & virtute. 1. 5. 1
 Finem hominum nunc dicimus, non quod cõ-
 sumitur vt non sit, sed quod perficitur, vt
 plene sit. 1.5. c.
 Illud est finis bonis nostri, propter quod aman-
 tur cætera, illud autem propter se ipsum. 1.
 6. aff.

- Vt vita carnis est anima, ita beata vita hominis
 Deus est. 2.8. neg.
 Beatitudo hominis in pace consistit. 3.4.1
 Regnum Cælorum, quod ponitur præmium
 paupertatis, est beatitudo cælestis. 69.2. 3
 Nonnullum peccatum est, cum caro concupiscit
 aduersus spiritum. 80.3.3
 L.24. Nihil penale esse potuit in statu innocentie.
 89.3. neg.

Ex lib. Conf.

- L.2. Timor insolita, & repentina exhorrescit re-
 bus, quæ amantur aduersantia. 42.5. aff.
 Timor securitati præcauet. 45.1.3
 Lex tua scripta est in cordibus hominum, quæ
 nec vlla quidem delet in iquitas. 94. 6. neg.
 L.3. Dolor in spectaculis delectat. 35.3.2
 Omnis inordinatus animus sibi ipsi est pœna.
 87.1.3
 L.4. Aliquis amat in alio, quod ipse esse nō veller.
 27.3.2
 Fletus amara res est, & tamen aliquando dele-
 ctat. 35.3.2
 Quando dolebat de morte amici, in solis gemitibus,
 & lacrimis erat ei aliquantula requies.
 38.1.3. & 2. aff.
 Amicitia requirit, vt amoris vicem quis repen-
 dat. 38.3.2
 Ira appetit vindictam. 46.2. aff.
 L.7. Quando cū multis gaudetur, in singulis vbe-
 rius est gaudium. 38.3.1
 L.8. Imperat animus, vt velit animus, nec tamen
 facit.

- facit. 17.5.1
 Quid est homo Domine Deus meus, cum tu in æternum tibi ipsi sis gaudium, & quædam de te circa te semper gaudeant, &c. 32.2.aff.
L.9. Intentio a Deo remuneratur. 19.7.aff.
 Audieram balnei nomen inde dictum, quod anxietatem pellat ex animo.38.5.aff.
L.10. Beatus est gaudium de veritate. 3.4.cor. & 4.1.aff.
 De Trinitate.
L.1. Contemplatio promittitur nobis actionum omnium finis, &c. 3.5.neg.
 Viso est tota merces fidei.4.1.1
L.3. Corpora inferiora per superiora mouentur. 9.5.2
 Voluntas Dei est causa omnium motionum. 79.2.aff.
L.4. Diabolus suæ societati malignos affectus inspirat. 80.1.1
L.6. Quicunque sunt æquales in fortitudine, sunt æquales in prudencia.66.2.aff.
L.8. Amor est vni quædam, vel nexus. 26.2.2
 Non amatur certe nisi bonum solum.27.1.aff.
L.10. Frui est inherere rei amore propter seipsum. 11.1.aff.
 Voluntas est per quam fruimur. 11.3.3
 Non fruitor quæ eo, quod propter aliud appetit. 11.3.aff.
 Vti est assumere aliquid in facultatem voluntatis. 16.1.aff. & 3.2
 Vitimur eis, quæ ad aliud referimus, quo fruendum est. 16.2.1
 Omnis qui fruitur, vititur.16.3.1
 Nullus potest amare aliquid incognitum. 27.2.aff.
 Cuius rei adipiscendæ spem quisque non gerit, aut tepide amat, aut omnino non amat. 27.4.3
 Fruimur cognitis in quibus voluntas ipsa delectata conquiescit.70.1.2
L.12. Consensus pertinet ad superiorem rationem. 15.1.1
 Consensus in delectationem pertinet ad inferiorem rationem. 15.4.1
 Ratio superior intendit æternis inspicendis, & consulendis.15.4.3. & 74.7.2. & 74.9.1
 Vbi primo occurrit aliquid, quod non sit nobis, pecoribusque commune, illud ad mentem pertinet. 55.4.3
 Tres sunt gradus peccati. scilicet cogitationis, delectationis, & consensus. 72.7.1
 Sensualitas per serpentem significatur. 74.3.2. & 74.6.aff. & 7.aff.
 Consensus in delectationem absque opere, est rationis inferioris.74.7.3
 Docet peccatum consensus in delectationem absque opere, esse abolendum per orationem dominica.74.8.6. & aff.
L.13. Omnes homines conueniunt in appetendo vltimum finem, qui est beatitudo.1.7.aff. & 8.aff.
 Beatus est, qui habet omnia, quæ vult, & nihil male vult. 3.4.5
L.14. Virtutes morales manent post hanc vitam. 67.4.1
L.15. Nullum est isto Dei dono (scilicet charitate) excellentius, solum est quod diuidit inter filios regni, & perditionis æternæ, &c.68.8.1
 Ex lib.8.3. quæsit.
q.3. Omnia, quæ facta sunt in vsum hominis facta sunt, &c.16.1.3
12 Scipit hoc malum, per omnes aditus sensibiles, dat se figuris, accomodat se coloribus, adheret sonis, infundit se saporibus. 80.3.2
23 Cupiditas est amor rerum transcurrentium. 30.2.2
30 Vti aliquid non potest, nisi particeps rationis animal. 16.2.neg.
30 Ordinatio, quæ virtus vocatur, est fruendis frui, & vtendis vti.55.1.4
30 Omnis humana peruersitas est vti fruendis, & frui vtendis.71.6.3. & 88.1.3
31 Gloria est clara notitia cum laude. 2.3.2. & corp.
35 Scientias habere, idem est, quod eas cognoscere. 27.2.1
36 Bestiæ abstinent a delectabilibus propter verbera. 29.3.3
36 Nemo est, qui non magis dolorem fugiat, quàm appetat voluptatem.3.6.1
36 Venenum charitatis est cupiditas.99.6.1
 Super Genesad Litt.
L.8. Nisi aliquid bonum remansisset in natura, nullius boni amissi esset dolor in pœna. 35.1.3
 Prohibitio ligni scientiæ boni, & mali nullam habebat rationem, nisi vt probaretur hominibus obedientia.102.1.2
 Ita se debet homo ad Deum conuertere, vt ab illo semper fiat iustus.11.3.3
L.9. Animalia mouentur visis.40.3.3
L.11. Non est arbitrandum, quod esset hominem deiectionis tentator, nisi præcessisset in anima hominis quædam elatio comprimenda. 89.3.2
L.12. Anima separata appetit corporis vniorem 4.5.5
 Anima sine corpore non æquatur Angelis. 4.5.6.
 d 2 Mouens

- Mouens est præstantius patiente. 9.2.1
 Animæ beatorum desiderant gloriam corporis. 67.4.3
 Certissima cognitio animæ est eorum, quæ sūt in anima per essentiam. 112.5.1
 De Serm. Dom. in Monte.
 L.1. Attribuit beatitudines donis Spiritus sancti. 69.1.1
 Ista quidem in hac vita compleri possunt, sicut completa in Apostolis esse credimus, &c. 69.2. aff.
 In Beatitudinibus proceditur ascendendo. 69.4.3
 L.2. Sunt quædam facta media, quæ possunt bono, vel malo animo fieri, de quibus temerarium est iudicare. 18.8. aff.
 De Quest. Euang.
 8 Septem vitia sunt contraria septem donis Spiritus sancti. 68.1.2
 Ex lib. de Videndo Deum.
 Attingere mente Deum magna est beatitudo, comprehendere autem est impossibile. 4.3.1
 Ex libris Retractationum.
 Non approbo, quod in oratione dixi. Deus, qui non nisi mundos verum scire voluisti, &c. 4.4.1 & 109.1. aff.
 Omne peccatum est voluntarium. 6.8.2. & 75.2. aff. & 76.3.1
 Voluntas est, qua peccatur, & recte viuatur. 9.6.3. & 20.1. aff. & 20.2.2. & 74.1. aff.
 Inordinatus concupiscentiæ motus, potest esse etiam in his, qui sunt in gratia. 74.4. aff.
 Concupiscentia est reatus originalis peccati. 82.3. aff.
 Omnis pœna iusta est, & pro peccato aliquo imponitur. 87.7. aff.
 Ex Henchirid.
 Malum est priuatio boni. 18.8.1
 Subintranibus ignorantia agendarum rerum. &c. 36.2. aff.
 Spes sine amore esse non potest. 65.4.3. 66.6.2
 Oratio Dominica dicitur quotidie pro remissione venialium. 74.8.6
 Deus cum sit summe bonus, Nullo modo permitteret fieri aliquod malum, nisi posset ex quolibet malo elicere bonum. 74.4.1
 Malum non est nisi in bono. 85.2. aff.
 Mitissima pœna est eorum, qui pro solo peccato originali puniuntur. 87.5.2
 Deus maxime colitur fide, spe, & charitate. 101.2.3
 Contra Faustum.
 Peccatum est falsum, dictum, vel concupitum, contra legem æternâ. 19.4. aff. 71.2.4. 71.6.0

- In lege veteri sunt præcepta vitæ agendæ, & præcepta vitæ significandæ. 99.4.1
 Etiâ vitâ illius populi prophetica fuit, & Christi figuratiua. 100.12. c.
 Ex lib. de Verbis Domini.
 Inferioris potestatis præceptum non obligat, si contrarietur præcepto potestatis superioris. 12.5.2
 In Ioannem.
 Consuetudo non sunt admirabilia. 32.8.3
 Nullus credit nisi volens. 65.4.2
 Peccata venialia si negligantur occidunt. 88.4.1
 Qui creauit te sine te, non iustificabit te sine te. 111.2.2
 In Canonica Ioannis.
 Timor introducit amorem charitatis. 4.3.1.1
 Ex lib. de vera Relig.
 Dolor, qui dicitur corporis, est repentina corruptio salutis. 35.1.1
 Apparet supra mentem nostrâ legem esse, quæ veritas dicitur. 93.1.3
 Lex æterna est de qua homines iudicare non possunt. 93.2.3
 In temporalibus legibus, quamuis homines iudicent de his, dum eas instituunt, tamen quia sunt institutæ, & firmatæ, non licebit de ipsis iudicare, sed secundum ipsas. 96.6.1
 Ex lib. de Natura boni.
 Dolorē in corpore facit sensus resistens corpori potentiori. 35.1.2
 In animo dolorē facit voluntas resistens potestati maiori. 36.4. aff.
 Peccatum est priuatio modi speciei, & ordinis. 85.4.2
 Ex lib. de Pœnitentia.
 Semper pœnitens doleat, & de dolore gaudeat. 35.3.3
 Peccata venialia, si multiplicentur, de corem nostrum ita exterminant, vt à cœlestis spōsi amplexibus nos separent. 89.1.1
 Ex lib. Soliloquiorum.
 Quamquam acerrimo dolore dētium his diebus torqueret, &c. 37.1. aff.
 Disciplinarius certissima talia sunt, qualia, &c. 109.1.2
 Virtus est recta, & perfecta ratio. 58.2.3
 Ex Regula.
 Ira crescit in odium. 46.3.1
 Et Trabem faciat de testuca. 46.6. aff.
 Superbia etiam bonis operibus inādiatur, vt pereant. 55.4.5. 88.3.3
 Ex lib. de Bonis Coniugali.
 Habitus est, quo aliquid agitur, cum opus est. 49.3. aff.

Ex lib. de Moribus Ecclē.

Virtus est ordo amoris. 5. 1. 3. 56. 3. 1. 62. 2. 3.
Optimum, ad quod homo per virtutem disponitur, est ipse Deus. 55. 2. 3.
Nemo dubitabit, quod virtus animā facit optimam. 55. 3. aff.
Virtus non est in corpore, sed in anima. 56. 4. 3.
Secundum virtutem Deo conformamur. 59.

Ex lib. de Perfectione Iustitiæ.

Vitium est qualitas secundum quam malus est animus. 71. 1. aff.
Actus peccati non est res aliqua. 79. 2. 1.

Ex lib. de duabus Anim.

Peccatum est voluntas retinendi, quod iustitia vetat. 71. 6. 2.

Ex expositione super Psal.

Pf. 79. Omne peccatum est ex timore male humiliante, vel ex amore male inflamante. 72. 3. 3. 77. 4. 3.

Pf. 31. Fides meretur iustificationem. 114. 5. 1.

Pf. 103. Gratia est nitor animæ sanctum conciliās amorem. 110. 2. aff.

Ex exposit. in Leuit. & Exod.

Diabolus maxime gaudet de peccato luxuriæ. 73. 5. 2.

Tria sunt præcepta pertinentia ad Deum, & septem ad proximum. 100. 1. aff.

Ex lib. de Nat. & Gratia.

Quædam per ignorantiam peccantur. 71. 1. aff.
Duo sunt peccalia anime peccanti. Ignorantia, & difficultas, ex quibus oritur error, & cruciatus. 85. 3. 5.

Sicut oculus corporis plenissime sanus, nisi candore lucis adiutus, non potest cernere, sic, & homo, etiam perfectissime iustificatus, nisi æterna luce diuinitus adiuetur, non potest recte vivere. 109. 9. neg.

Ex lib. de Nuptijs.

Libido transmittit originale peccatum in prolem. 82. 4. 3.

Ex serm. de Purg.

Quædam sunt genera peccatorum venialium, & quædam mortalium. 88. 2. aff.

Si diu teneatur iracundia, & ebrietas sit assidua, transeunt in numerum peccatorum mortalium. 88. 5. 1.

Ex Epist. ad Casul.

Mores populi Dei, & instituta maiorum, pro lege sunt tenenda, & sicut prævaricatores legum diuinarum, ita contemptores ecclesiasticarum consuetudinum coercedi sunt. 97. 3. aff.

Ex lib. de Hæresibus.

Credere hominem posse facere omnia diuina

mandata sine gratia, pertinet ad hæresim pelagianorum. 109. 4. neg.

Ex lib. de Perfectione Iustitiæ.

Quisquis negat nos orare debere, ne intremus in tentationem, &c. 109. 8. neg.

Ex lib. de Perseu.

Cur perseverantia petitur a Deo, si non datur a Deo? 109. 11. aff.

Ex lib. de correct. & Gratia.

Ex gratia incipiunt merita hominis. 110. 4. 2.

Ex lib. de Gratia, & lib. Arb.

Cooperando Deus in nobis, perficit, quod operando incipit, quia ipse, vt vellimus operatur incipiens, &c. 111. 2. aff.

Ex Beda in Act.

Diabolus animam in affectu malitiæ trahit. 80. 1. 1.

Homo descendens ab Hierusalem in Hierico expoliatur gratis, & vulneratur in natura libus 55. 1. aff.

Ex Boetio de Consolatione.

L. 2. Diuitiæ effundendo quam coaceruando melius nitent. 2. 1. neg.

Auaritia facit homines odiosos, claros largitas. 29. 4. 3.

Vos immortalitatem vobis propagare videmini, cum futuri famam tps cogitatis. 2. 3. 3.

L. 3. Beatitudo est status omnium bonorū aggregatione perfectus. 2. 1. 2. & 3. 2. 2. & 3. 2. 2.

Tristes exitus esse volupratum, quisquis reminisci libidinum suarū volet, intelligit, quia. &c. 2. 6. neg.

Esse Deum ipsam beatitudinem necesse est cōfiteri. 3. 1. 1.

Nullius boni sine consortio potest esse iocunda possessio. 4. 8. 2.

Cuius finis bonus, vel malus est, ipsum quoque bonum, vel malum est. 18. 4. aff.

Ex lib. de duabus Naturis.

Fides incedit media inter contrarias hæreses. 64. 4. 3.

Ex Damasc. lib. Orthod. fid.

L. 2. Voluntarium est actus qui est operatio rationalis. 6. 1. aff.

Bruta magis aguntur quam agant. 6. 2. 2.

Involuntarium est cum tristitia. 6. 5. 2.

Si aliquis iudicet, & non diligit, non est sententia. 15. 1. aff.

Post iudicium homo disponit, & amat. 15. 2. neg. & 3. aff.

In brutis inuenitur impetus ad opus. 17. 2. 3.

Impetus ad operationē præcedit vsu. 17. 3. neg.

Lib. arb. homo exquirat, scrutatur, &c. 17. 6. aff.

Pallio ē motus appetitiuæ virtutis, &c. 22. 3. aff.

Opera-

- Operatio** est motus secundum naturam, passio præter naturam. 24. 2. 2
- Passio** est motus quidam. 26. 2. 3
- Quæ**, & quot sint species tristitiæ. 35. 8. 1. 0
- Timor** est virtus secundum sistolem. 4. 1. 1. 1. 44. 1. aff.
- Ira** componitur ex tristitia, & desiderio. 46. 3. 3
- Tres** sunt species iræ. scilicet, mania, & furor. 46. 8. 1
- Ira** est feruor eius, qui circa cor est sanguinis, &c. 48. 2. aff.
- Peccatum** est contra naturam. 75. 2. 3. 109. 2. 2. & 7. 3
- Inuoluntarium** est misericordia dignum. 6. 7. neg. & 8. 1. & 8. 3
- Consilium** est appetitus. 14. 1. 1
- Homo** imperum facit ad operationem, deinde vitur. 16. 1. 2. & 4. neg.
- Irrationale** obediens rationi, diuiditur in concupiscentiam, & iram. 30. 1. aff.
- Expectatum bonum** concupiscentiæ constituit, præfens vero letitiam, &c. 30. 2. 3. 36. 1. neg. & 36. 2. 2
- Delectatio** est de bono præfenti. 32. 3. 1
- Spes** est de futuro bono. 41. 3. 1
- Timor** est de futuro. 41. 1. 2. 42. 1. aff.
- Sex** sunt species timoris. 41. 4. aff.
- Ira** est specialis passio. 46. 1. aff.
- L. 3.** Spiritus sanctus preuenit in Virgine, de qua Christus erat sine peccato mortali nasciturus, purgans eam. 81. 5. 3
- Virtutes** sunt naturales. 94. 3. aff.
- Timor** est virtus desideratiua. 41. 2. 3
- L. 4.** Motus voluntatis ad peccandum est contra naturam. 6. 4. 3
- Ex Dionis. lib. de Diu. nom.
- C. 2.** Hierotheus ex quadam est doctus diuiniore inspiratione, non solum discens, sed etiam patiens diuina. 22. 3. 1
- C. 3.** Malum est infirmum, & impotens. 21. 2. 3
- Naturalia** manent integra in demonibus post peccatum. 85. 1. 1
- Est** quidam amor naturalis. 26. 1. 3
- C. 4.** Bonum secundum suam rationem est sui ipsius diffusum. 1. 4. 1. 2. 3. 2
- Deus** conuertit omnia ad se ipsum tanquam ad vltimum finem. 1. 8. 2
- D. una** sapientia coniungit fines primorum principijs secundorum. 2. 8. 1
- Malum** est præter voluntatem. 8. 1. aff. & 19. 1. 1
- Humanus intellectus** recipit illuminationes et ab Angelo. 9. 6. 2
- Malum** non agit nisi virtute boni. 18. 1. 1. 29. 3. ff.
- Malum** non potest esse causa nisi per accides. 18. 1. 3
- Nihil** respiciens ad malum operatur. 18. 4. 1
- Malum** causatur ex singularibus defectibus. 18. 11. 3
- Bonum**, vel malum hominis est secundum rationem, vel præter rationem esse. 24. 1. 2. 34. 1. 1. 58. 1. 3
- Amor** est virtus quædam. 26. 1. 1
- Quibusdam** sanctorum visum est diuinum esse nomen amoris, quam dilectionis. 26. 3. aff.
- Non** solum bonum, sed etiam pulchrum est omnibus amabile. 27. 1. 3
- In** omnibus rebus inuenitur amor. 27. 2. 3
- Diuinus** amor ecstasym facit, & ipse Deus propter amorem ecstasym passus est. 28. 3. aff.
- Deus** appellatur Zelotes propter magnam amorem, quem habet ad existentia. 28. 4. aff.
- Singula** contentiue se amant. 28. 5. neg.
- Propter** amorem boni omnia agunt quæcumque agunt. 28. 6. aff.
- Bonum** est fortius quam malum. 35. 6. neg. 61. 2. aff.
- Diuina** providentiæ est naturam saluare. 51. 4. 2
- Malum** hominis est præter rationem esse. 71. 6. 5
- Nullus** intendens ad malum operatur. 78. 1. 2
- Multitudo** demonum causa est omnium malorum sibi, & alijs. 80. 4. 1
- C. 5.** Natura intellectualis est supra naturalem, sicut rationalis supra sensibilem. 5. 1. 1
- Est** est melius quam viuere, & alia quæ sequuntur. 2. 5. 2
- C. 10.** Hoc modo se habet amor, & dilectio, sicut quatuor, & bis duo, & sicut rectilineum, & rectas habens lineas. 26. 3. 1
- Ex lib. Celi. Hierarchiæ.
- C. 4.** Sanctæ celestium essentiarum dispositiones, super omnia alia Dei bonitatem participat. 50. 6. 2
- C. 5.** Inter cæteras proprietates ad amorem pertinentes, sunt calidum, acutum, & superferuens. 28. 5. 3
- Ex** Maximo eius Com. ad cap. 7. Non conuenit arbitrari virtutes intellectuales. i. spirituales more accidentium, quemadmodum, & in nobis sunt. 50. 6. 1
- C. 4.** Homines ab Angelis illuminantur. 3. 7. 2
- 9** Multi gentilium per Angelos reducti sunt ad Deum. 98. 5. neg.
- Ex lib. Misticæ Theologiæ.
- C. 1.** Homo coniungitur Deo cunctis omnino ignoto. 3. 8. 1
- Ex Glosa.
- Matth. 1.** Fides generat spem, & spes charitatē. 65. 4. aff. 66. 6. 3
- In** Apoc. per latera ciuitatis æqualia signantur virtutes. 66. 1. 1

- Ad Rom. Deus operatur in cordibus hominū,
inclinando voluntates eorum in quodcumq;
voverit, siue bonum, siue malum. 79. 1. 1
- Ad Heb. 11. disciplina est eruditio morum per
difficilia. 99. 2. aff.
2. Cor. 9. quicquid boni facis, cū hilaritate fac,
& tunc bene facis, si autem cum tristitia facis,
directe tu non facis. 100. 9. 3
- Ex Greg. Niceno.
- L. 1. Verecundia est de turpi actuiam commisso.
41. 4. 3
- Sex sunt species timoris, &c. 41. 4. aff.
- L. 4. Appetitus obedit rationi. 17. 1. aff.
- Obediens rationi diuiditur in irascitium, &
desideratium. 17. 7. aff.
- Quod nō persuadetur a ratione, est nutritiuū,
& generatium. 17. 8. neg.
- Pulsatium non est persuasibile ratione. 17.
9. 2
- De speciebus tristitiæ. 3. 5. 8. 0
- Omnis tristitia sui ipsius natura malum est.
39. 1. 1
- Ira est quasi armigera concupiscentiæ. 46. 2. 1
- Ira componitur ex tristitia, & desiderio. 46.
3. 3
- L. 5. Ignorantia circumstantiarum causat involuntarium
7. 2. aff.
- Principaliſſimæ circumstantiæ sunt cuius gratia,
& quid. 7. 4. aff.
- Pueri, & irrationalia volūtaria quidem faciūt,
non tamen eligentia. 13. 2. neg.
- Omne consilium quæſtio est, non autem omnis
quæſtio consilium. 14. 1. aff.
- Non de fine, sed de his, quæ sunt ad finem, est
consilium. 14. 2. neg.
- Consiliamur de his, quæ sunt in nobis, & per
nos fieri possunt. 14. 13. aff.
- De his, quæ secundum disciplinam, vel artem
sunt operibus non est consilium. 14. 4. neg.
- Ex D. Greg. in lib. Mor.
- L. 1. Septem nobis nascuntur filii, cum per conceptionem
bonæ cogitationis, Sancti spiritus septem in nobis
virtutes oriuntur. 68. 1. 1. & aff.
- Minor est sapientia si intellectu careat, & valde
inutilis est intellectus, si ex sapientia non subsistat,
& c. 68. 5. 3
- Intellectus facit audita penetrare, consiliū prohibet
esse præcipitem, fortitudo non facit metuere aduersa,
& c. 68. 6. 2
- Hostiam nostræ præcis immolamus, ne sapientia
eleuet, & c. 68. 8. 3
- L. 2. Ceteræ virtutes, nisi ea, quæ appetunt, prudenter
agent, virtutes esse nequaquam possunt.
58. 4. neg.
- In quatuor virtutibus tota boni operis structura
confurgit. 61. 2. aff.
- Spiritus sanctus dat sapientiam contra stultitiam,
intellectum contra hebetudinem, consilium contra
præcipitationem, 68. 2. 3
- In cunctis fidelibus Spiritus sanctus venit, sed in
solo mediatore, semper singulariter permanet. 68. 3. 1
- Donum Spiritus sancti in subiecta mente, ante
alia iustitiam, prudentiam, fortitudinem, & temperantiam
format, & c. 68. 8. 2
- L. 3. Ira per silentium clausa, intra mentem vehementius
æstuat. 48. 4. aff.
- Ira est peccatum spirituale. 73. 5. 3
- Peccata carnalia sunt minoris culpæ, & maioris infamiæ.
73. 5. aff.
- L. 4. Quatuor sunt peccatorum gradus, & c. 72. 7. 2
- L. 5. Ira intelligentiæ lucem subtrahit, cum mentem
præmouendo confundit. 48. 3. aff.
- L. 6. Actus vitæ opera cum corpore transeunt. 67. 1. 2. & 68. 6. 2
- L. 22. Prudentia vera non est, quæ iusta, fortis, & prudens
non est, Nec perfecta temperantia, & c. 61. 4. 1
- L. 31. Vna virtus sine alijs, aut omnino nulla est, aut
imperfecta. 65. 1. aff.
- Septem vitiorum capitalium quinque sunt spiritualia,
& duo carnalia. 72. 2. aff.
- Enumerat quædam specialia vitia, quæ dicuntur
esse capitalia. 84. 3. aff.
- L. 33. Superbia est in rebus spiritualibus, & corporalibus.
72. 1. 3
- Ex Homiliis.
- H. 7. Qui ceteras virtutes sine humilitate congregat,
quasi paleas in ventum portat. 61. 3. 2
16. Otiosum verbum est, quod utilitate rectitudinis,
aut ratione iustæ necessitatis, aut piæ utilitatis caret.
18. 9. aff.
19. Qui operati sunt in vinea, æqualem æternæ vitæ
retributionem sortiti sunt. 5. 2. 2
26. Nihil prodest interesse festis hominū, si deesse
contingat festis Angelorum. 3. 7. 1
- Ex Hom. in Ezech.
- Prophetia non semper adest prophetis. 68. 3. 3
- Peccatum, quod per penitentiam citius nō deletur,
mox suo pondere ad aliud trahit. 75. 4. aff.
- Quædam peccata sunt pœna peccati. 87. 2. aff.
- Ex Hieron. in Mat.
- In ratione possideamus prudentiam, in irascibili odium
vitiiorum, in concupiscibili desiderium virtutum. 23. 1. 2

Illo tempore, quo conjugales actus geruntur, præsentia Spiritus sancti non dabitur, etiam si propheta esse videatur, qui officio generationis obsequitur. 34.1.2

In Ezech. Tria sunt generalia delicta, quibus humanum subiacet genus, aut enim cogitatione, sermone, & opere peccantur. 72.7.aff.

Contra Ioan. sicut Deus est perfectior boni, ita diabolus est perfectior mali. 80.1.2

Ex Hilario de Trin.

L.4. Intelligentia dictorum ex causis est assumenda dicendi, quia non sermoni res, sed rei debet esse sermo subiectus. 96.6.aff.

L.10. Immoderata est omnis susceptarum voluntatum pertinacia, ubi non rationi voluntas subijcitur. 19.3.aff.

Ex Io. Chrysost. in Matt.

Voluntas est, quæ aut renunciat pro bono, aut condemnatur pro malo, opera autem testimonia sunt voluntatis. 10.4.1

Qui tacet contra contumeliantem, magis ipsius ad iram provocat. 47. 1.4

Mandata legis sunt minora, Euangelij maiora. 107.3.2

Mandata Moysi in actu facilia sunt, Christi vero difficilia. 107.4.1

Ex Isid. In lib. Ethimolog.

L.2. Lex ratione consistit. 91.6.1. 100.7.2

Lex scripta diuiditur contra consuetudinem.
95.3.2

Ponit diuisionem legis. 95.4.0

Omnis lex ponitur propter bonum commune. 100.2.3

L.5. Ius naturale est cõe omni nationi. 94.4.aff.

Communis omnium possessio, & vna libertas est de iure naturali. 94.5.3

Facta sunt leges, ut earum metu humana coereretur audacia. 95.1.aff. 96.2.1

Ius posituum diuidit contra ius naturale. 95.2.2

Erit lex honesta, iusta, possibilis, secundum consuetudinem patriæ, loco temporibusque conueniens, necessario vilis, manifesta. 95.3.01. 97.4.98.1.1.101.2.1.& 3.2

Ex lib. de summo bono.

L.1. Diabolus corda hominum occultis cupiditatibus replet. 80.1.1

L.2. Tanto maius cognoscitur peccatum esse, quā to maior qui peccat habetur. 73.10.aff.

Ex Iure Canonico.

Diff. 5. Naturale ius ab Exordio rationalis creaturæ nec variatur tempore, sed immutabile permanet. 94.5. neg.

Ex Iure Ciuili.

Digest. Vet. Qd placuit Principi, legis, &c. 90.1.3 L.1. Iustitia est pars honestatis 95.3.2

F I N I S.

Lex omnis, præceptum commune est. 92.2.1
Iura constitui oportet in his, quæ sepius accidunt. 96.1.aff.

Principes solutus est legibus. 95.5.3

Ex Macrobio super som. Scip.

Virtutes exemplares sunt, quæ in ipsa diuina mente consistunt. 61.5.1

Temperantia purgati animi est terrenas cupiditates, non solum reprimere, sed penitus obliuisci, &c. 61.5.1

Ex Origene in Periarchon.

Nō ad subitum quis euacuatur, aut deficit, sed paulatim per partes desfluere necesse est. 78.3.2

Ex Salustio. In Cathelinario.

Omnēs hominēs, qui de rebus dubijs consultant ab odio, ira, & amicitia, atque misericordia vacuos esse decet. 24.3.1

Non facile verum perspicit animus, ubi illa offertur. 92.3.3

Ex Tullio in Tusc. quæst.

De illis timeamus cum furia sunt, de quorum præsentia tristamur. 42.3.2

Verecundant erubescunt. 44.1.3

Aliquis timor est excutiens cogitata, & mentē a loco loco remouet. 44.2.2

Timor sequitur tremor, & pallor, & dentium strepitus. 44.3.aff.

Ira est specialis passio. 46.1.aff.

Ira est libido quædam. 46.3.1

Odium est ira inueterata. 46.3.2

Excandescencia est ira modo nascens, & modo desistens. 46.3.2

Virtus est quædam sanitas animæ. 59.2.2. 71.1.3

Passiones, quidam animi morbi esse dicuntur. 59.2.2. 59.3.3. 77.3.aff.

Si vnam virtutem confisus es te non habere, nullam necesse est te habiturum. 61.1.aff.

Ex lib. R. herorum.

Mémoria est pars prudentiæ. 56.5.5

Virtus est habitus per modum naturæ consentaneus rationi. 56.6.1. & 58.1.3. 58.4.1

Omnēs virtutes morales ad Cardinales reducuntur. 61.3.aff.

Ex Paradoxis.

Omnēs virtutes sunt æquales. 73.2.3

In seruo necando semel peccatur, in patris vita violanda multa peccantur. 73.9.2

De Inuentione.

Res a natura profectas, & a cōsuetudine probatas, legum metus, & Religio sanxit. 95.2.aff.

De Officijs.



PRIMÆ SECUNDÆ

A V R E Æ S V M M Æ
SACRÆ THEOLOGIAE
SANCTI THOMAE AQUINATIS
Doctoris Angelici Ordinis Prædicatorum.

FORMALIS EXPLICATIO.

ÆDITA PER F. HIERONYMUM DE MEDICIS
à Camerino Sacra Theologia Magistrum eiusdem Ordinis, & in
Dominio Sereniss. Ducis Mantuæ Inquisitorem.

P R O L O G V S.



QUIA sicut Damascenus dicit, homo factus ad
imaginem Dei dicitur, secundum quod per
imaginem significatur intellectuale, & arbitrio
liberum, & per se potestatiuum. Post q iam præ-
dictum est de exemplari, s. de Deo, & de his,
quæ processerunt ex diuina potestate, secundum eius volunta-
tem, restat, vt consideremus de eius imagine, idest de homine.
secundum quod & ipse est suorum operum principium, quasi
liberum arbitrium habens, & suorum operum potestatem,



Vbi primo considerandum est de ultimo fine, à quaest. 1. usque ad 5. inclusivè.

Deinde de his, per quæ homo ad hunc finem pervenire potest, à quaest. 6. usque ad finem Secundæ secundæ.

Circa primum duo consideranda occurrunt.

Primo De ultimo fine in communi, in quaest. 1.

Secundo De ultimo fine in particulari, scilicet de beatitudine, à quaest. 2. usque ad 5. inclusivè.

QVÆSTIO I.

De ultimo fine hominis in communi.

ARTICULVS I.

Verum Homini conveniat agere propter finem.

Pro Negativa.

Videtur, quod homini non conveniat agere propter finem.

1. Illud, propter quod homo agit, est causa actionis. Sed Finis non potest esse causa actionis. Ergo Propter finem homo agere non potest.

Major prob. quia Illa prepositio (Propter) designat habitudinem causæ.

Minor prob. Quod habet rationem ultimi, non potest esse causa. Sed Finis habet rationem ultimi: ut ipsum nomen sonat. Ergo Finis non potest esse causa alicuius actionis.

Major huius prob. quia Causa est naturaliter prior eo, cuius est causa.

2. Illud, quod est ultimus finis, non est propter finem. Sed In quibusdam, actiones sunt ultimus finis: ut dicit Philosophus 1. Ethic. c. 1. Ergo Non omnia agit homo propter finem, sed quandoque eius operatio est ipse ultimus finis.

3. Qui agit absque deliberatione, non agit propter finem. Sed Multa agit homo absque deliberatione. Ergo Homo non agit omnia propter finem. Minor patet. quia Homo aliquando movet manum, vel pedem, vel fricat barbam absque aliqua deliberatione.

Pro Affirmativa.

Omnia, quæ sunt in aliquo genere, derivantur à principio illius generis. Sed Finis est principium in operabilibus ab homine. Ergo Homini convenit omnia agere propter finem.

Determinatio.

Concl. Omnes humane actiones sunt propter finem.

Quæ Cocl. prius declaratur, deinde probatur.

Sciendum igitur, quod non omnes actiones hominis sunt humane, sed illæ tantum humane dicuntur, quæ sunt propriæ hominis in quantum

homo, & illæ sunt propriæ hominis in quantum homo, quæ ei continentur prout distinguitur ab alijs animalibus. Differt autem homo ab alijs animalibus in operando, per hoc, quod homo est dominus suorum actuum, animalia verò irrationalia non habent suorum actuum dominium. Illæ igitur sunt propriæ actiones humane, quarum homo est dominus: & quia homo est dominus suorum actuum per rationem, & voluntatem, quarum facultas dicitur esse liberum arbitrium: Ideo illæ actiones propriæ humane dicuntur, quæ ex voluntate debite procedunt. Actiones verò, quæ non procedunt à voluntate deliberata, possunt quidam dici actiones imominis, non autem actiones humane: Hæc igitur ratione dicitur in cōclusionē, quod omnes actiones humane (& non hominis) sunt propter finem.

Prob. Conclusio. Actiones procedentes à voluntate deliberata sunt propter aliquem finem. Sed Omnes actiones humane procedunt à voluntate deliberata. Ergo Omnes actiones humane sunt propter aliquem finem.

Major prob. Obiectum voluntatis est finis, & bonum. Ergo Omnes actiones voluntatis sunt propter finem.

Concl. prob. quia Omnes actiones, quæ procedunt ab aliqua potentia, causantur ab ea secundum rationem sui obiecti.

Minor patet ex dictis in declaratione conclusionis. Illæ enim solæ actiones humane dicuntur, quæ à voluntate deliberata procedunt.

Ad Argumenta.

Ad 1. Negatur minor. Ad probationem dicitur ad minorem, quod finis, etsi sit ultimus in executione, est tamen primus in intentione agentis, & prout est in intentione agentis, est causa.

Ad 2. Dicitur ad minorem, quod si aliqua actio humana sit ultimus finis, talis actio necessario debet esse voluntaria, alioquin nec esset humana, ut dictum est in corpore. Actio autem potest dici voluntaria dupliciter. Vno modo, quia est imperata à voluntate. Alio modo, quia est elicita à voluntate. Exemplum primæ, ut sunt ambulare, & loqui: huiusmodi enim actiones dicuntur voluntaria, quia sunt à voluntate imperate, sed non sunt elicite ab ipsa voluntate, sed à proprijs potentijs. Exemplum secundæ, ut velle: sic enim actus dicitur voluntarius, quia elicitor ab ipsa voluntate. Quando igitur dicitur in minori, quod actio in aliquibus est ultimus finis, non potest intelligi de actione elicita à voluntate: quia obiectum voluntatis est finis, sicut obiectum visus est visibile. Unde sicut impossibile est, quod primum visibile sit ipsum videre, quia omne videre est alicuius obiecti vi-

Est visibilis, ita impossibile est, quod ipsum Velle sit primum appetibile. Velle. n. semper fertur in aliquod obiectum. Vnde relinquitur, quod si aliqua actio voluntaria sit ultimus finis; talis actio sit imperata a voluntate, & tunc patet, quod actio, qua voluntas, hanc aliam actionem imperat, est propter finem, id est propter actionem imperatam. Vnde verum est, quod omnis actio voluntaria, id est elicit a voluntate. scilicet omne velle, est propter aliquem finem, etiam si sit propter aliquam aliam actionem, quia tunc actio imperata, est finis actionis, qua imperatur.

Ad 3. Dicitur ad minorem, & ad eius probationem, quod actiones hominis absque deliberatione factæ, non sunt proprie dicendæ humanæ, sed hominis. Vnde de his non intelligitur conclusio posita.

ARTICVLVS II.

Utrum Agere propter finem sit proprium rationalis naturæ.

Pro Affirmativa.

Videtur, quod agere propter finem, sit proprium rationalis naturæ.

1. Ea, quæ agunt propter finem; cognoscunt finem. Sed Alia ab homine nō cognoscunt finem: vel quia omnino carent cognitione, sicut creaturæ insensibiles: vel quia non apprehendunt rationem finis, vt bruta animalia. Ergo Videtur propriū rationalis creaturæ agere propter finem.

Maiores. quia Homo, cuius est agere propter finem, nunquam agit propter finem ignotum.

2. Qui agit propter finem, potest ordinare suam actionem in finem: Agere. n. propter finem, est ordinare suam actionem in finem. Sed Sola creatura rationalis potest ordinare suam actionem in finem: Creaturæ. n. irrationales nō possunt ordinare actiones suas in finem. Ergo Sola creatura rationalis agit propter finem.

3. Quæ carent voluntate, non agunt propter finem. Sed Creaturæ irrationales carent voluntate. Ergo Nō possunt agere propter finem, sed hoc soli homini conuenit.

Maiores. quia Finis, & bonum est obiectum voluntatis.

Minor. quia Voluntas est in ratione.

Pro Negativa.

Phil. probat 2. Physic. 89. quod non solum intellectus, sed etiam natura agit propter finem.

Determinatio.

Concl. Omnia agentia necesse est agere propter finem.

Prob. Necesse est omnia agentia agere propter

id, quod est causa prima omnium causarum. Sed Finis est causa prima omnium causarum. Ergo Propter finem necesse est omnia agentia agere.

Maiores prob. quia Causarum ad inuicem subordinatarum, si prima subtrahatur, necesse est alias subtrahi: Vnde necesse est omnia agentia agere propter primam omnium causarum.

Minor prob. Nam in productione cuiuslibet effectus requiritur agens, & hoc: Tum quia materia non sequitur formam; nisi secundum quod mouetur ab agente: Tum quia nihil reducit se ipsum de potentia ad actum. Agens autem non mouet nisi ex intentione alicuius determinati finis, vel effectus: & hoc, quia si agens non esset determinatum ad aliquem effectum, non magis ageret hoc, quam illud. Ad hoc igitur, vt agens agat, oportet, quod determinetur ad aliquod certum, quod habet rationem finis, quæ determinatio in natura rationali fit per voluntatem; in alijs autem fit per naturalem inclinationem. Vnde patet, quod finis est prima inter omnes causas, cum moueat agentem. Ex quibus patet, quod omne agens propter finem agit.

Quomodo diuersimode diuersa tendat in finem.

Sciendum est, quod aliquid sua actione, vel motu tendit ad finem dupliciter. Vno modo, sicut se ipsum ad finem mouens, vt est homo. Alio modo, sicut ab alio motum ad finem, sicut sagitta tendit ad determinatum finem ex hoc, quod mouetur a sagittante.

1. Concl. Proprium est naturæ rationalis, vt tendat in finem, quasi se agens, & ducens se ad finem.

Prob. quia Natura rationalis habet dominium sui actus per liberum arbitrium, quod est facultas rationis, & voluntatis.

2. Conclusio. Natura irrationalis tendit in finem non a se ipsa, sed quasi ab alio motu.

Prob. quia Ea, quæ rationem nō habent, cum non cognoscant rationem finis, nihil in finem ordinare possunt, sed solum in finem ab alio ordinantur. scilicet a Deo, cui tota irrationalis natura comparatur, vt instrumentum ad Agens principale. Omnes igitur creaturæ irrationales mouentur ab alio ad finem, vel apprehensum, vt animalia bruta, vel non apprehensum, vt ea, quæ omnino ratione carent.

Ad argumenta.

Ad 1. Dicitur ad maiorem, quod ea, quæ non cognoscunt finem, non possunt agere propter finem, ita vt se moueant, ex se ad finem: possunt tamen agere propter finem, tanquam mota ab alio, quo cognoscente finem, & hoc modo irrationalis

natura agit propter finem, vt dictum est. Vnde abfolute negatur maior. Et ad probationem dicitur, quod etiã homo potest agere propter finem, quem non cognoscit, quando .f. agit, & mouetur ad imperium alterius, tunc enim fufficit, quod finis fit cognitus ab eo, qui dirigit hominẽ in finẽ.

Ad 2. Dicitur etiã ad maiorem, quod qui nõ potest ordinare suam actionem in finem, non potest quidem agere pp finẽ, tanq̃ se mouet ex se in finem, põt tamen agere pp finẽ, quasi ab alio motus Vnde eius, qui mouet se ad finem, est ordinare suam actionem in finem: Eius autem, qui mouetur, est ordinari in finem. Vnde creatura rationalis, quia mouet se in finem, ordinare potest suas actiones i finẽ. Creatura verò irrationalis hoc nõ põt, sed eius actiones ab alio in finẽ ordinarur.

Ad 3. Dicitur ad maiorem, quod, quæ carent voluntate, non possunt agere propter finem, quasi se ipsa moueant ad finem: tamen possunt agere propter finem, quasi ab alio mota .f. ab eo, qui hæt rationem, & voluntatẽ, a voluntate .f. diuina.

ARTICVLVS III.

Vtrum Actus humani recipiant speciem ex fine.

Pro Negatiua.

Videtur, quod Actus humani non recipiant speciem ex fine.

1. Vnumquodque habet speciem ab aliquo intrinseco. Sed Finis non est causa intrinseca, sed extrinseca humanorum actuum. Ergo Finis non potest dare speciem actibus humanis.

2. Illud, quod dat speciem, debet esse prius. Sed Finis non est prior, sed posterior in esse, ipsi actibus. Ergo Actus humani nõ habent speciem a fine.

3. Si actus humani reciperent speciem ex fine, sequeretur, quod idem actus esset in diuersis speciebus. Sed Hoc est falsum. Ergo Actus humani non recipiunt speciem ex fine.

Conseq. prob. quia Contingit eundem actum ordinari ad diuersos fines.

Falsitas conseq. prob. quia Idem non potest esse nisi in vna specie.

Pro Affirmatiua.

D. Aug. dicit in lib. de moribus Ecclesiar, & Manichæorum. Secundum quod finis est culpabilis, vel laudabilis, secundum hoc sunt opera nostra culpabilia, vel laudabilia.

Determinatiua.

Concl. Actus humani recipiunt speciem ex fine.

Prob. Omnis motus recipit speciem a suo actu. Sed Humanarum actiones sunt quidam motus, quorum actus est ipse finis. Ergo Humanarum actiones habent speciem a fine.

Mayor prob. dupliciter, primò in communi. quia Vnumquodque sortitur speciem secundum actum, & non secundum potentiam. Vnde ea, quæ sunt composita ex materia, & forma, continuantur in speciebus per proprias formas.

Secundò prob. & manifestatur eadem maior in particulari .f. in motibus. Motus enim distinguitur per actionem, & passionem, & tam motus, qui est actio, quam motus, qui est passio, sortitur speciem ab actu. Actio quidem ab actu, qui est principium motus, & passio ab actu, qui est terminus motus. Et hoc ostenditur. Nam diffinitio est, quæ ostendit id, per quod aliquid in specie constituitur. In diffinitione autem motus, qui est actio, ponitur actus, qui est principium. Calesfactio enim actio, est motus a calore. In diffinitione verò motus, qui est passio, ponitur actus, qui est terminus, est enim calesfactio passio, motus quidam ad calorem. Vnde manifestum est, quod motus, qui est actio, sortitur speciem ab actu, qui est principium: & motus, qui est passio, ab actu, qui est terminus motus. Et sic patet maior. .f. quod omnis motus habet speciem ab actu.

Minor vero prob. Nam humani actus distinguuntur & ipsi in actiones, & passionem. Homo .n. mouet se ipsum, & mouetur a se ipso: quatenus mouet, eius motus dicitur actio: quatenus vero mouetur, eius motus dicitur passio. Et vtroq; modo considerati huiusmodi humani motus, habet pro actu ipsum finem: quatenus enim actiones sunt, habent finem pro actu, qui est principium: & quatenus passionem sunt, habet finem pro actu, qui est terminus.

Et quod finis sit principium actuum humanorum, quatenus actiones sunt, probatur. Obiectum voluntatis est principium, ex quo procedunt omnes actiones ipsius voluntatis. Sed Finis, & bonum est obiectum voluntatis, & ipsi actus humani sunt a voluntate: dicitur enim humani, in quantum a voluntate procedunt. Ergo Finis est principium omnium actuum humanorum.

Quod verò finis sit actus, qui est terminus actuum humanorum, prob. Quia terminus humanarum actionum est ille, in quem voluntas tendit tanquam in finem: sicut in agentibus naturalibus finis generati est conformis formæ generantis.

Ex quibus patet minor. .f. quod finis sit actus humanarum actionum. Et quia actus humani, & actus morales idem sunt, vt Ambrosius dicit in ptologo super Lucam, sequitur euidenter, quod actus etiam morales speciem sortiuntur a fine.

Ad Argumenta.

Ad 1. Dicitur ad minorem, quod finis non est

omnino aliquid extrinsecū ab actu, quia comparatur ad actum vt principium, vel terminus, & hoc idem est de ratione actus, vt. si sit ab aliquo in quantum est actio, & vt sit ad aliquid, in quantum est passio.

Ad 2. Dicitur ad minorem, quod finis, licet sit posterior in esse, tamen in intentione est prior, & secundū hoc est causa, & dat speciem actui morali.

Ad 3. Primo Neg. conseq. Ad probationem dicitur, quod idem actus numero, secundum quod semel egreditur ab agente, non ordinatur nisi ad vnum finem proximum, quo habet speciem, sed potest ordinari ad plures fines remotos, quorum vnus est finis alterius.

Secundo Neg. falsitas conseq. Ad probationem dicitur, quod est vera in naturalibus, non autem in moralibus. Hoc enim, quod est occidere hominem, secundum speciem naturæ est in vna solum specie; tamen secundum speciem moris potest esse in diuersis speciebus. Potest enim ordinari ad conseruationem iustitiæ, & tunc erit virtus; potest etiam ordinari ad satisfaciendum iræ, & tunc erit vitium, & sic de alijs.

ARTICVLVS III.

Vtrum Sit aliquis vltimus finis humanæ vitæ.

Pro Negatiua.

Videtur, quod non sit aliquis vltimus finis humanæ vitæ, sed quod procedatur in finibus in infinitum.

1. In processione boni proceditur in infinitum. Sed Finis habet rationem boni. Ergo In finibus est processus in infinitum.

Maiores prob. quia Bonū secundum suam rationem est diffusivum sui, vt Dionys. dicit 4. cap. de Diuinis nominibus. Si ergo, quod procedit ex bono, ipsum etiam est bonum, oportet quod illud bonum diffundat aliud bonum, & sic processus boni est in infinitum.

2. Ea, quæ sunt rationis, in infinitum multiplicari possunt. Sed Desiderium finis sequitur apprehensionem rationis. Ergo Videtur quod in finibus procedatur in infinitum.

Maiores quia Mathematicæ quantitates, quæ rationis sunt, in infinitum augentur. Species etiam numerorum propter hoc possunt esse infinitæ, quia dato quolibet numero, alium maiorem excogitare potes.

3. Voluntas potest infinites reflecti supra se ipsam. Sed Bonum, & finis est obiectum voluntatis. Ergo In finibus humanæ voluntatis proceditur in infinitum.

Minor prob. quia Possum velle aliquid, & vel-

le me velle illud, & sic in infinitum.

Pro Affirmatiua.

Phil. 2. Metaph. 2. dicit, quod qui infinitum faciunt, auferunt naturam boni. Sed Bonum est, quod habet rationem finis. Ergo Contra rationem finis est, quod procedatur in infinitum.

Determinatio.

Distinctio. Fines sunt in duplici differentia. Quidam sunt per se, & essentialiter ad inuicem ordinati. Quidam vero non sunt per se, & essentialiter ad inuicem ordinati, sed solum per accidens.

Manifestatur hæc distinctio. Nam sicut cause efficiētes aliquæ sunt per se, & essentialiter ad inuicem ordinatæ, & sunt illæ, quarū vna non mouet nisi virtute alterius. Quædam vero non sunt per se ordinatæ, & sunt illæ, quarum vna non mouet virtute alterius. Sicut ad generationem hominis concurrunt Deus, Intelligentia mouens solem, Sol, & Homo generans: Istæ sunt cause per se ordinatæ, quia homo non mouet nisi virtute solis, & sol virtute intelligentiæ, & Intelligentia virtute Dei, & Deo non mouēte nulla aliarum moueret. Ad productionem vero domus concurrunt plures ædificatores, vel simul, vel successiue, qui non sunt cause per se ordinatæ, quia vnus non ædificat virtute alterius, & non mouetur ab altero artifice, sed ex se. Ita in causis finalibus accidit. Quidam enim fines sunt per se ordinati ad inuicem, & quidam non sunt per se ordinati ad inuicem. Cause finales per se ordinatæ sunt, quarum vna non mouet, nec est appetibilis, nisi vt ordinata ad aliū finem, vt puta infirmus appetit potionem amaram propter sanitatem, & sanitatem appetit, vt possit viuere &c. hi sunt fines per se ordinati, quia medicina amara non est volita nisi propter sanitatem. Quando vero quis appetit scientiam, diuitias, honores, ædificat domum, emere campum, & huiusmodi, hi sunt fines per accidens ad inuicem ordinati, quia potest appetere quis vnum, absque ordine ad alterum.

1. Conclusio. Datur vnus vltimus finis per se humanæ vitæ.

Prob. In finibus humanæ vitæ per se ordinatis non potest esse processus in infinitum. Ergo Necesse est esse aliquē vltimum finem humanæ vitæ.

Antec. prob. dupliciter. Primo, quia Phil. probat 8. Physic. text. 34. quod in causis efficientibus non est processus in infinitum, quia si esset processus in infinitum, non esset deuenire ad primam causam, quia remota, nulla esset alia causa mouens, cum omnes moueant virtute primæ. Sic in causis finalibus, si procederetur in infinitum, non moueretur prima finalis causa, quæ est finis vltimus, & inde reinoueretur cæteræ.

Prob.

Prob. secundo antecedens. In finibus est aliquod primum in ordine intentionis, & etiam in ordine executionis. Ergo In finibus humanæ vitæ non potest esse processus in infinitum.

Antec. hoc manifestatur, præmittendo, quod in finib. duplex ordo inuenitur. scilicet ordo executionis, & ordo intentionis, & in utroque ordine oportet esse aliquod primum. Primum in ordine intentionis est illud, quod primo mouet appetitum. Primum in executione est, unde aliquis incipit operari: sicut principium in ordine intentionis in fabrica domus, est ipsa perfectio domus, in executione verò, principium est fundamentum, a quo incipit quis operari.

Prob. ergo, quod fines ex utraque parte. scilicet tum intentionis, tum executionis necessario habeant aliquod primum: Si enim non esset primum in intentione, quod est ultimus finis, sequeretur, quod nihil appeteretur. Nec aliqua actio terminaretur. Nec quiesceret intentio agentis.

Si autem non esset primum in his, quæ sunt ad finem, nullus inciperet aliquid operari, nec terminaretur consilium, sed in infinitum procederet.

Ad 2. Conclusio. Non est necesse esse aliquem finem ultimum vitæ humanæ per accidens.

Prob. quia ea, quæ non habent ordinem per se, sed per accidens tantum coniunguntur, nihil prohibet infinitate habere. Causæ enim per accidens indeterminate sunt, & infinite.

Ad argumenta.

Ad 1. Dicitur, quod non probat in finibus processionem in infinitum ex utraque parte, sed tantum ex una. De ratione autem boni est, quod aliquid ab ipso esset, & quod ipsum ab alio non sit. Unde argumentum supponit, quod sit unum bonum, a quo postea ipsius bona effluant, unde ratio ista non probat, quod non sit ultimus aliquis finis, sed solum, quod supposito ultimo fine procedatur in infinitum inferius versus ea, quæ sunt ad finem, & hoc quidem concluderet argumentum, considerando solum virtutem primi boni, quæ est infinita, sed tamen quia primum bonum habet diffusionem secundum intellectum, cuius est secundum aliquam causam certam profusum in causam, aliquis certus modus adhibetur bonorum effluxui a primo bono, a quo omnia bona participant virtutem diffusiuam, & ideo diffusio bonorum non procedit in infinitum, sed sicut dicitur Sap. 11. Deus omnia disposuit in numero, pondere, & mensura. Ad secundum igitur negatur maior. Ad prob. dicitur, quod bonum est diffusius diffusiuum, secundum tamen ordinem rationis, & Deus, qui est summe bonus, finitè se diffundit secundum ordinem sue rationis.

Ad 2. Dicitur ad maiorem, quod ea, quæ sunt

rationis, quædam sunt per se ordinata, & quædam per accidens. Si in maiori sermo sit de his, quæ sunt per se ordinata, est falsa. Ratio enim in his, quæ sunt per se, incipit à principiis naturaliter notis, & ad aliquem terminum progreditur. Unde Philosophus probat 1. Poster. 1. 6. quod in demonstrationibus non est processus in infinitum, quia in demonstrationibus attenditur ordo aliorum per se ad inuicem connexorum, & non per accidens. In his autem, quæ sunt per accidens, nihil prohibet procedere in infinitum. Ad prob. dicitur, quod accidit quantitati, aut numero præexistenti, in quantum huiusmodi, quod ei addatur quantitas, aut vnitas. Unde in huiusmodi nihil prohibet rationem procedere in infinitum.

Ad 3. Dicitur ad maiorem, quod illa multiplicatio actuum voluntatis reflexæ supra se ipsam, per accidens se habet ad ordinem finium, quod patet ex hoc, quod circa unum, & eundem actum indifferenter semel, vel pluries supra se ipsam voluntas reflectitur.

ARTICVLVS V.

Utrum Vnius hominis possint esse plures ultimi fines.

Pro Affirmatiua.

V Idetur, quod possibile sit, voluntatem vnus hominis in plura ferri simul, sicut in ultimos fines.

1. Quidam vltimū hominis finem posuerunt in quatuor. scilicet in Voluptate, in Quie, in Bonis naturalibus, & in Virtute. ut Augustinus dicit lib. 19. de Civitate Dei cap. 1. Sed hæc manifeste sunt plura. Ergo Vnius homo potest constituere vltimum finem sue voluntatis in multis.

2. Quæ non opponitur ad inuicem, se inuicem non excludunt. Sed Multa inveniuntur in rebus, quæ sibi inuicem non opponuntur. Ergo Si vnum hominum ponatur vltimus finis voluntatis, non propter hoc alia excluduntur.

3. Antequam voluntas constituat sibi aliquid vltimum finem, potest sibi aliud constituere: pura antequam constituat sibi pro vltimo fine voluptatem, potest sibi constituere pro vltimo fine virtutem. Ergo Postquam vnum constituit sibi vltimum finem, potest & aliud constituere: pura voluntas, quæ iam constituit voluptatem, potest sibi eligere pro vltimo fine virtutem: & sic voluntas potest ferri in plura tanquam in vltimos fines.

Consequenter prob. quia Voluntas, per hoc quod constituit vltimum finem in aliquo, suam liberam potentiam non amittit, ut in alio constituere non possit.

Pro Negatiua.

Nemo potest duobus dominis seruire, ad inuicem scilicet non subordinatis, ut dicitur Matth. 7. Sed illud, in quo quiescit aliquis, sicut in ultimo fine, est tanquam dominus, qui affectui homini dominatur: ut potè à quo totius vite sue regulas accipit. Ergo impossibile est esse plures ultimos fines vnius hominis, ad inuicem non subordinatos.

Determinatio.

Conclusio. Impossibile est, quod voluntas vnius hominis simul se habeat ad diuersa, sicut ad ultimos fines.

Prob. tripliciter. Primo. Illud, quod ita appetitur, ut impleat totum hominis appetitum, non potest esse nisi vnum. Sed Ultimus finis ita appetitur, ut impleat totum hominis appetitum. Ergo Ultimus finis non potest esse nisi vnus.

Maior prob. quia Si aliquid implet totum hominis appetitum, nihil amplius remanet appetendum: & si aliquid aliud appeti posset, iam illud, quod appetebatur prius, non implet appetitum, nec ultimus finis dici debet, si aliquid extraneum requiratur ad appetitum implendum.

Minor prob. quia Cum vnusquodque appetat suam perfectionem, illud appetit aliquis ut vltimum finem, quod appetit, ut boni perfectum, & completum sui ipsius, ut patet per Augustinum 19. de Ciu. Dei. c. 1.

Prob. Secundo. Quod naturaliter desideratur, non potest esse nisi vnum. Sed Ultimus finis naturaliter desideratur. Ergo Ultimus finis est tantum vnus.

Maior prob. quia Natura non tendit nisi ad vnum.

Minor. Ita se habet vltimus finis in processu rationalis appetitus, sicut se habet primum principium in processu rationis. Sed Primum principium in processu rationis naturaliter cognoscitur. Ergo Ultimus finis in processu rationalis appetitus naturaliter appetitur.

Prob. Tercio. Illud, à quo omnes actiones voluntarie fortuitur rationem generis, est tantum vnum. Sed Ab vltimo fine omnes actiones voluntarie fortuitur rationem generis. Ergo Ultimus finis non potest esse nisi vnus.

Maior prob. quia Omnia appetibilia voluntatis in quantum huiusmodi, sunt vnius generis.

Minor prob. Quia Sicut actiones voluntarie ex fine proprio fortuitur speciem, ita ex fine vltimo, qui est quid communis, fortuitur rationem generis.

Et Confirmatur Conclusio primo. Primum principium in quolibet genere est tantum vnum. Sed Ultimus finis est primum principium in genere appetibiliu. Ergo Ultimus finis est vnus.

Et Secundo Confirmatur. Sicut se habet vltimus finis naturalis hominis, ad totum humanum genus, ita se habet vltimus finis huius hominis ad hunc hominem. Sed Ultimus finis naturalis totius humani generis non potest esse nisi vnus. Ergo Finis huius hominis vltimus, & naturalis non potest esse nisi vnus.

Ad Argumenta.

Ad 1. Dicitur ad minorem, quod illa plura accipiebantur in ratione vnius boni perfecti, ex his constituitur, ab illis, qui in eis vltimum finem ponebant.

Ad 2. Dicitur ad minorem, quod etsi plura bona accipi possint, quæ ad inuicem non opponantur, tamen bono perfecto, quod accipitur ut vltimus finis, repugnat, quod aliquid aliud sit de perfectione illius, ita vt possit etiam illud aliud accipi, ut vltimus finis, ut dictum est in corpore.

Ad 3. Negatur cõseq. Ad probationem dicitur, quod voluntas, ex eo quod aliquid appetit ut vltimum finem, non amittit suam liberam potestatem, sed sicut non potest facere, vt opposita sint simul, ita non potest in duo tendere, ut in vltimos fines.

ARTICVLVS VI.

Utrum Omnia, quæ homo vult, velit propter vltimum finem.

Pro Negatiua.

Videntur, quod non omnia, quæcumque vult homo, velit propter vltimum finem.

1. Ea, quæ iocose aguntur, non ordinantur in vltimum finem. Sed Homo aliqua iocose agit. Ergo Homo non omnia, quæcumque vult, ordinat in vltimum finem.

Maior prob. quia Ea, quæ ad finem vltimum ordinantur, seriose dicuntur, quasi vtilia, à quibus iocosa distinguuntur.

2. Scientiæ speculatiuæ non appetuntur propter vltimum finem, nec aliqua ipsarum est vltimus finis. Ergo Non omnia appetit homo propter vltimum finem.

Antec. prob. quia Scientiæ speculatiuæ propter se ipsas quantur, ut dicitur 1. Metaph. c. 2.

3. Quicunque ordinat aliquid in finem, cogitat de illo fine. Sed Non semper homo cogitat de vltimo fine, in omni eo, quod appetit, aut facit. Ergo Non omnia homo appetit, & facit propter vltimum finem.

Pro affirmatiua.

Illud est finis boni nostri, propter quod amantur cætera, illud autem propter se ipsum, inquit Augustinus 19. de Ciu. Dei. c. 1.

Determinatio.

Conclusio. Necessè est, ut omnia, quæ homo appetit,

petit, appetat propter vltimum finem.

Prob. duplici ratione.

Prima ratio. Omne, quod homo appetit, vt tendens in bonum perfectum, appetit propter vltimū finem. Sed Omne, quod homo appetit præter vltimum finem, appetit, vt tendens in bonum perfectum. Ergo Omne, quod homo appetit præter vltimum finem, appetit propter vltimum finem.

Maiores prob. quia Bonum perfectum est ipse vltimus finis.

Minor. quia Cum omne, quod homo appetit, appetat sub ratione boni, & ratio boni ordinetur ad ipsius perfectionem consummatam, hinc fit, quod quicquid appetitur, quod non est bonum perfectum, necessario appetatur, vt tendens in bonum perfectum.

Secunda ratio. Causæ secundæ mouentes, non mouent, nisi secundum quod mouentur à primo mouente. Ergo Nec secunda appetibilia mouent appetitum, nisi in ordine ad primum appetibile, quod est vltimus finis.

Ad argumenta.

Ad 1. Negatur maior. Nam actiones iocose, quamuis non ordinentur ad aliquem finem extrinsecum, ordinantur tamen ad bonum ipsius ludentis, prout delectant, vel præstant requiem, quod bonum postea ordinatur ad consummatum hominis bonum, quod est vltimus finis. Ad probationem dicitur, quod seriose ordinantur ad finem extrinsecum, in quo à iocosis distinguuntur.

Ad 2. Dicitur ad antecedens, quod scientiæ speculative appetuntur non propter finem extrinsecum, sed propter bonum ipsius speculantis, quod comprehenditur sub bono perfecto eiusdem, quod est vltimus finis. Et ad probationem dicitur, quod scientiæ speculative dicuntur queri propter se ipsas, quatenus non queruntur propter aliquod bonum extrinsecum ab ipso speculante.

Ad 3. Dicitur ad maiorem, quod non oportet, vt semper aliquis cogitet de vltimo fine, quandoque aliquid operatur, quia virtus primæ intentionis, quæ est respectu vltimi finis, manet in quolibet appetitu cuiuscunque rei, etiam si de vltimo fine actu non cogitur: sicut non oportet, quod qui per viam vadit, in quolibet passu cogitet de vltimo termino viae.

ARTICVLVS VII.

Verum Sit vnus vltimus finis omnium hominum.

Pro Negativa.

Videtur, quod non omnium hominum sit vnus vltimus finis.

1. Quidam autem tunc ab incommutabili bono

peccando. Ergo Non est vnus vltimus finis omnium hominum.

Conseq. prob. quia Si esset aliquis vltimus finis omnium, hic maxime videretur esse ipsum incommutabile bonum.

2. Si esset vnus vltimus finis omnium hominum, sequeretur, quod in hominibus non essent diuersa studia viuendi: quod patet esse falsum.

Conseq. prob. quia Secundum vltimum finem, tota hominis vita regulatur. Vnde si finis esset vnus, omnium vnus esset viuendi studium.

3. Quorum sunt diuersæ actiones, non est vnus finis. Sed Diuersorum hominum sunt diuersæ actiones. Ergo Diuersorum hominum non est vnus finis.

Maiores prob. quia Finis est terminus actionis. Vnde diuersarum actionum, sicut non est vnus terminus, nec erit vnus finis.

Minor. quia Actiones sunt singularium, quæ licet conueniant in natura speciei, differunt tamen secundum ea, quæ ad naturam individui pertinet.

Pro affirmatiua.

D. Aug. dicit lib. 13. de trin. c. 3. quod homines conueniunt in appetendo vltimum finem, qui est beatitudo.

Determinatio.

Distinctio. De vltimo fine possumus loqui dupliciter. Vno modo, de ipsa ratione vltimi finis. Alio modo, de eo, in quo ratio vltimi finis inuenitur. Et sic potest queri, vtrum ratio vltimi finis sit vna omnium. Vel vtrum, Id, in quo est ratio vltimi finis, sit vnus omnium.

1. Conclusio. Ratio vltimi finis est vna omnium hominum.

Prob. Omnes appetunt suam perfectionem adimpleri. Ergo Omnes conueniunt in appetitu vltimi finis, quantum ad eius rationem.

Conseq. prob. quia Hæc est ratio vltimi finis, quod. s. sit perfectio vltima eorum, quæ sunt ad finem, vt dictum est.

2. Conclusio. Quantum ad id, in quo ratio vltimi finis inuenitur, non omnes homines conueniunt in vltimo fine.

Prob. Nam quidam appetunt diuitias tanquam consummatum bonum: Quidam voluptatem: Quidam verò quodcunque aliud.

Et confirmatur vtraque conclusio. Nam omni gustui delectabile est dulce; tamen aliquibus delectabile est dulcedo vini, aliquibus dulcedo mellis, & sic de alijs.

Sic ratio summi boni omnibus communis est, vt appetatur, sed tamen diuersi diuersis reb. eam attribuunt.

3. Conclusio. Ratio summi boni verè inueni-

tur

cur in eo, quod appetitur, tanquam vltimus finis, ab eo, qui habet affectum bene dispositum.

Manifest. à simili, quia Sicut illud dulce est maxime delectabile, in quo maxime delectatur q. hēt optimū gustum, sic in eo inuenietur ratio summi boni, & vltimi finis, quod appetitur tanquam vltimus finis ab eo, qui affectum habet recte dispositum.

Ad Argumenta.

Ad 1. Dicitur ad antec. quod illi, qui peccāt, nō auertuntur a ratione summi boni, & vltimi finis, sed ab eo, in quo ratio vltimi finis vere reperitur, querendo eam in alijs rebus, in quibus vere non reperitur. Ex quo sequitur solū, quod non omnes conueniant in appetendo id, in quo vere ratio vltimi finis inuenitur.

Ad 2. Dicitur ad consequentiā, quod diuersa studia viuendi contingit esse in hominibus, propter diuersas res, in quibus queritur ratio summi boni. Vnde argumentū cōcludit hoc solum, quod id, in quo inuenitur ratio summi boni, non sit appetitum ab omnibus.

Ad 3. Dicitur ad maiorem, & ad eius prob. q. diuersarum actionum diuerforum singularium agentium, potest esse vnus vltimus finis, quia principium agendi in eis est natura, quæ semper tendit in vnum.

ARTICVLVS VIII.

Vtrum In vltimo fine hominis alia creaturæ conueniant.

Pro Affirmatiua.

V Idetur, quod in vltimo fine hominis, etiam omnia alia conueniant.

1. Deus est principium non solum hominum, sed omnium aliarum rerum. Ergo Deus est finis nō solum hominum, sed etiam omnium aliorum.

Conseq. prob. quia Finis respondet principio.

2. Deus conuertit omnia ad se ipsum, tanquam ad vltimum finem. Ergo In vltimo fine hominis omnia alia communicant.

Conseq. prob. quia Deus est vltimus hominis finis.

3. Bonum vniuersale est omnium rerum finis. Sed Vltimus finis hominis est bonum vniuersale. Ergo Vltimus finis hominis est finis oīum rerum.

Minor Prob. Obiectum voluntatis est bonum vniuersale. Sed Finis vltimus hominis est obiectū volūtatis. Ergo Vltimus finis hominis est bonum vniuersale.

Pro Negatiua.

Creatura, quæ conuenit in vltimo fine hominis, potest esse beata. Sed Nulla creatura irration-

alis pōt esse beata. Ergo Creaturæ irrationales non possunt conuenire in vltimo hominis fine.

Maior prob. quia Vltimus hominis finis est beatitudo.

Minor prob. quia August. in lib. 83. q. 9. dicit quod Non cadit in Animalia expertia rationis, vt beata sint.

Determinatio.

Distinctio. Finis est duplex. scilicet finis cuius, & finis quo. Finis cuius dicitur res, cuius gratia alius operatur, vt eam consequatur. Finis quo, est vsus, siue adeptio ipsius rei. Sicut locus deorsum est finis cuius mortis grauis, quia locus deorsum est res cuius gratia graue mouetur. Hoc verò, quod est esse in loco, est finis eiusdem grauis, vt quo.

Similiter Pecunia est finis cuius, vel vt res auari: Et acquisitio, siue possessio pecuniæ est eiusdem finis, vt quo, siue vt vsus. Et hæc distinctio habetur 5. Metaph. tex. 22.

1. Conclusio. In vltimo fine hominis vt res, omnes creaturæ conueniant.

Prob. quia Deus est vltimus finis hominis, & omnium aliarum creaturarum.

2. Conclusio. In vltimo fine hominis quo, siue quantum ad consecutionem non communicant creaturæ irrationales.

Prob. quia Homo, & alia creaturæ intellectuales cōsequuntur vltimum finem, cognoscendo, & amando Deum: quod nō competit alijs creaturis, quæ adipiscuntur vltimum finem, solum in quantum participant aliquam Dei similitudinem, fm qd sunt, vel viuunt, vel fm sensum cognoscunt.

Ad Argumenta.

Ad 1. Dicitur, quod cōcludit Deum esse finem omnium creaturarum vt res, quod est verum, vt dicitur in prima conclusione.

Ad 2. Etiā similiter dicitur, quod idem probat. Omnia enim Deus ad se conuertit, quia oīa ad ipsum ordinantur, & est finis omnium, vt res.

Ad 3. Etiam dicitur, quod bonum vniuersale, vt res, est finis omnium creaturarum: Sed nō propter obiectum beatitudinis. Beatitudo enim non rem solum, sed rei, quæ est obiectum beatitudinis, adaptionem nominat.

DE BEATITUDINE hominis.

Deinde Considerandum est de beatitudine, circa quam tria consideranda occurrunt.

Primo In quibus sit quest. 2.

Secundo Quid sit quest. 3. & 4.

Tertio Qualiter eam consequi possimus. in quaestione 5.

QVÆSTIO II.

DE BEATITUDINE HOMINIS
in quibus consistat.

ARTICVLVS I.

Vtrum Beatitudo hominis consistat in diuitijs.

*Pro Affirmatiua.***V**idetur, quod Beatitudo hominis consistat in diuitijs.

1. In eo, quod maxime in hominis affectu dominatur, consistit eius beatitudo. Sed Diuitiæ maxime in hominis affectu dominatur. Ergo in diuitijs consistit hominis beatitudo.

Maior. quia Beatitudo est vltimus hominis finis. Vnde in eius affectu maxime dominatur.

Minor. quia Eccles. 10. dicitur Pecuniæ obediunt omnia.

2. In eo, in cuius possessione, omnia possideri videntur, consistit hominis beatitudo. Sed in possessione diuitiarum, & pecuniarum, omnia possideri videntur. Ergo in diuitijs, & pecunijs consistit hominis beatitudo.

Maior prob. quia Boet. 3. de consol. dicit quod Beatitudo est status omnium bonorum aggregatione perfectus.

Minor. quia Phil. dicit 5. Ethicor. c. 5. Ad hoc nummus est inuentus, vt sit quasi fideiusor habendi pro eo, quodcumque homo voluerit.

3. In eo, de quo infinitum habetur desiderium, consistit hominis beatitudo. Sed De diuitijs infinitum habetur desiderium. Ergo in diuitijs consistit hominis beatitudo.

Maior. quia Cū beatitudo sit summum bonū, eius desiderium nunquam debet deficere, sed esse infinitum.

Minor. quia Eccles. 5. dicitur. Avarus non implebitur pecunijs.

Pro Negatiua.

In his, quæ dum emittuntur, & effunduntur, melius nitent, quam dum retinentur, non potest consistere hominis beatitudo. Sed Diuitiæ, dum effunduntur, & expenduntur, melius nitent, quam dum retinentur. Ergo in diuitijs non potest consistere hominis beatitudo.

Maior. quia Bonū, q. est beatitudo hominis, magis consistit in retinendo, quā in emittendo ipsum.

Min. quia Avaritia semper odiosos, claros facit largitas: vt Boetius dicit 3. de consolatione.

Determinatio.

Conclusio. Impossibile est beatitudinem hominis in diuitijs consistere.

Prob. In his, quæ ordinantur ad aliud tanquam

in finem, non potest consistere hominis beatitudo. Sed Diuitiæ ordinantur ad aliud, vt ad finem. Ergo in diuitijs non potest consistere hominis beatitudo.

Maior prob. quia Beatitudo est vltimus finis. Vnde id, in quo beatitudo consistit, non potest ad aliud, vt ad finem ordinari.

Minor manifestatur. Premittendo, quod Diuitiæ sunt in duplici differentia. Quædam sunt naturales: & Quædam artificiales. Diuitiæ naturales sunt illæ, quibus homini subueniunt ad defectus naturales tollendos: sicut sunt Cibus, Potus, Vestimenta, Vehicula, & alia huiusmodi. Diuitiæ artificiales sunt, quibus secundum se natura non iupatur, sed arthumana eas adiungit propter facilitatem commutationis; vt sint quasi mensura rerum venalium, vt sunt denarii.

Ex quibus probatur minor. Diuitiæ naturales ordinantur ad sustentandam vitam hominis, tanquam ad finem. Et diuitiæ artificiales quærantur propter diuitias naturales: non enim quærentur, nisi quia per eas emuntur ea, quæ sunt ad vitam necessaria. Ergo Omnes diuitiæ ordinantur ad aliud tanquam ad finem: & inde non possunt esse id, in quo beatitudo consistit.

Ad argumenta.

Ad 1. Negatur minor. Diuitiæ enim, non dominantur in affectu hominum sapientum, a quibus debet fieri rectum iudicium de humanis bonis, sicut iudicium de saporibus ab his, qui habent gustum bene moderatum, & dispositum: sed dominantur affectu stultorum. Ad probationem dicitur, quod dictum Sapientia verificatur quantum ad multitudinem stultorum, qui sola corporalia bona norunt; quæ pecunia acquiri possunt.

Ad 2. Dicitur ad minorem, & ad eius probationem, quod pecunia haberi possunt omnia venalia, quæ sunt corporalia, non autem spiritalia, quæ vendi, nec emi possunt. In quibus tamen beatitudo consistit. Vnde dicitur Prouerb. 17. Quid prodest stulto, diuitias habere, cum Sapientiam emere non possit?

Ad 3. Dicitur ad minorem, quod Diuitiæ (vt dictum est) sunt duplices. scilicet Naturales, & Artificiales. Si sermo sit de naturalibus diuitijs, falsa est ipsa minor. Appetitus n. naturalium diuitiarum non est infinitus, quia secundum certam mensuram sufficiens nature. Si verò sermo sit de diuitijs artificialibus, verum est, quod eorum appetitus est infinitus, quia deseruiunt inordinatæ concupiscentiæ, quæ nō moderatur, vt dicitur 1. Polir. c. 6. Aliiter tamen est infinitum desiderium diuitiarum, & aliter desiderium summi boni. Nam summum bonum, quanto perfectius possidetur, tanto ma-

to magis ipsum amatur, & alia contemnantur. Eo quod, quanto magis habetur, magis cognoscitur. Iuxta illud Eccles. 14. Qui edunt me, adhuc esuriunt. In appetitu vero diuitiarum, & quorumcumque temporalium bonorum est e converso. Nam quando iam habentur, ipsa contemnantur, & alia appetuntur. Iuxta illud Ioan. 4. Qui bibit ex hac aqua (per quam temporalia signantur) sitiet iterum: & hoc ideo, quia cum habetur, magis cognoscitur eorum insufficientia, in quo etiam eorum imperfectio apparet: & quod in eis summum bonum non consistit.

Vnde ad formam argumenti, dum est sermo de diuitijs artificialibus negatur maior. Non enim sufficit ad hoc, ut in aliquo consistat beatitudo, vt de eo habeatur infinitum desiderium, sed sequitur, quod quando illud habetur, magis ametur, & nihil amplius remaneat desiderandum, quod non est verum de rebus temporalibus, vt dictum est.

ARTICVLVS II.

Utrum Beatitudo hominis consistat in honoribus.

Pro Affirmatiua.

Videtur, quod Beatitudo hominis consistat in honoribus.

1. In id, quod est premium virtutis, consistit hominis beatitudo: Beatitudo enim est premium virtutis, vt dicitur 1. Ethic. c. 9. Sed Honor est premium virtutis, vt dicitur 4. Ethic. c. 3. Ergo In honore consistit beatitudo.

2. Illud, quod conuenit Deo, & excellentissimis, maxime videtur esse beatitudo, quæ est bonum perfectum. Sed Honor conuenit Deo, & excellentissimis. Ergo Honor est id, in quo beatitudo consistit.

Minor. quia 1. Timoth. dicitur. Soli Deo honor, & gloria.

3. Illud, quod est magis desideratum ab hominibus, est beatitudo. Sed Honor est maxime desideratus ab hominibus. Ergo In honore consistit beatitudo.

Minor. quia Omnes patiuntur iacturam in omnibus alijs rebus, ne patiuntur iacturam in honore.

Pro Negatiua.

Beatitudo est in beato. Sed Honor non est in honorato, sed in honorante, vt dicitur 1. Ethic. c. 5. Ergo Beatitudo non consistit in honore.

Determinatio.

Conclusio. Impossibile est beatitudinem principaliter in honore consistere.

Prob. In eo, quod est solum signum, & testimonium alicuius excellentie existentis in aliquo, non potest consistere hominis beatitudo, sed potius ea

praesupponit. Sed Honor est tantum signum, & testimonium excellentie existentis in honorato. Ergo In honore non potest principaliter consistere beatitudo, sed tantum eam consequitur.

Maiores. quia Beatitudo non est solum signum, & testimonium excellentie, sed est ipsa met excellentia hominis. Attenditur enim excellentia hominis maxime circa beatitudinem ipsam, quæ est bonum hominis perfectum, vel circa aliquam ipsius participationem. In eo igitur, quod non est ipsa excellentia hominis, sed solum est excellentie signum, & testimonium, non consistit beatitudo, sed eam consequitur.

Minores. quia Honor exhibetur alicui propter aliquam excellentiam, quæ est in eo, cui honor exhibetur.

Ad Argumenta.

Ad 1. Dicitur ad minorem, quod Honor non est premium virtutis, non enim virtuosus operatur principaliter, vt consequatur honorem, si enim propter hoc operarentur, iam non virtuosus, sed ambiciosus essent. Sed verum premium virtutis est ipsa beatitudo. Dicitur autem honor premium virtutis, quia virtuosus accipiat ab hominibus honorem, loco premij, quasi a non habentibus aliquid maius, quod dare possint in premij virtutis.

Ad 2. Dicitur ad maiorem, quod aliquid potest conuenire Deo, & excellentissimis dupliciter. Vno modo taliter, vt illud sit excellentia, & faciat eos excellentes: Alio modo, vt conueniat Deo, & excellentissimis in testimonium excellentie in eis preexistentis. Quod conuenit Deo, & excellentissimis primo modo, est beatitudo. Non autem quod conuenit solum secundo modo. Tunc ad minorem dicitur. quod Honor conuenit Deo, & excellentissimis solum in testimonium excellentie, quæ in eis inuenitur.

Ad 3. Dicitur ad maiorem, quod id, quod est maxime desideratum ab hominibus propter se, & primo, est beatitudo: non autem, quod desideratur secundario, & per alium. Tunc ad minorem dicitur, quod homines desiderant honorem, non per se, sed quia est signum, & testimonium beatitudinis, siue excellentie. Cuius signum est, quod homines desiderant honorari a sapientibus, quorum iudicio credunt se esse felices.

ARTICVLVS III.

Utrum Beatitudo hominis consistat in fama, siue gloria.

Pro Affirmatiua.

Videtur, quod Beatitudo hominis consistat in gloria, & fama.

1. In eo, quod retribuitur sanctis pro tribulationibus, quas in hoc mundo patiuntur, consistit hominis beatitudo. Sed Gloria est, quæ retribuitur Sanctis pro passionibus, quas in hoc mundo patiuntur. Ergo In gloria consistit hois beatitudo.

Minor. quia Roman. 8. dicitur. Non sunt condignæ passionis huius temporis ad futuram gloriam, quæ reuelabitur in nobis.

2. In eo, quod est maxime diffusivum, consistit hominis beatitudo. Sed Gloria est bonum maxime diffusivum. Ergo In gloria consistit hominis beatitudo.

Maior. quia Dionys. 4. cap. de diu. nom. dicit, quod Bonum est sui diffusivum. Vnde, quod est maxime diffusivum, est maxime bonum, & per consequens in eo beatitudo consistit.

Minor. quia Per gloriam, bonum hominis maxime diffunditur in notitiam aliorum, cum secū- dum Ambrosiū, Gloria sit clara cū laude notitia.

3. In eo, quod est stabilissimum, videtur consistere hominis beatitudo. Sed Gloria est stabilissima. Ergo In gloria videtur consistere hominis beatitudo.

Maior. quia Beatitudo est stabilissimū bonorū.

Minor. quia Per gloriam homines quodammodo æternitatem sortiuntur. Vnde Boetius dicit de Consol. lib. 2. Vos immortalitatem vobis propagare videmini, cū futuri temporis famā cogitatis.

Pro Negativa.

Beatitudo est verū hominis bonum. Sed Fama, seu gloriam contingit esse falsam, vt Boet. l. 3. dicit. Ergo Fama, seu gloria non est hois beatitudo.

Determinatio.

Conclusio. Impossibile est beatitudinem hominis, in fama, seu humana gloria consistere.

Prob. dupliciter Primo. Id, in quo consistit hominis beatitudo, potest esse causa perfectionis boni humani. Sed Gloria, siue laus humana non potest esse causa perfectionis humani boni. Ergo In laude, & gloria humana non potest consistere hominis beatitudo.

Maior prob. quia Perfectio humani boni est ipsa beatitudo. Vnde id, in quo humana beatitudo consistit, dēt esse causa perfectionis humani boni.

Minor prob. Ex differentia, quæ est inter gloriam, siue laudem humanam, & diuinam. Sciendum igitur, quod Gloria nihil aliud est, quam clara notitia cum laude, vt Ambrosius dicit. Hæc est autem differentia inter notitiam diuinam, & humanam. Quod diuina notitia est causa boni rei cognitæ. Notitia vero humana est causata a bono rei cognitæ. Vnde beatitudo hominis non est causata a notitia hominum, sed potius ipsa beatitudo in homine existēs, siue perfecta, vt in his, qui sunt

in patria, siue inchoata, vt in bonis, qui sunt in via, est causa notitiæ cum laude. Notitia vero Dei est causa beatitudinis hominis. Vnde boni humani perfectio non est ex gloria humana, quæ potius a perfectione hominis boni dependet, sed est ex gloria, quæ est apud Deum. Iuxta illud Psal. 90. Eripiam eum, & glorificabo eum.

Ex quibus patet, quod nō solum beatitudo hominis non consistit in gloria, vel fama humana, sed potius ipsa humana gloria ex beatitudine dependet.

Secundo prob. Conclusio. In eo, quod potest esse fallax, non consistit beatitudo. Sed Gloria humana potest esse fallax. Ergo In gloria humana non consistit beatitudo.

Ad Argumenta.

Ad 1. Dicitur ad minorem, quod Gloria, quæ retribuitur Sanctis, pro his, quæ in hoc mundo patiuntur, non est gloria humana, sed gloria, quæ est apud Deum.

Ad 2. Dicitur ad minorem, quod gloria, per quam bonum hominis diffunditur in alios, aut est vera, aut est falsa. Si est vera, necesse est, vt præsupponat in eo, cuius est gloria, bonum excellens, ex quo talis vera gloria, & fama deriuetur. Vnde vera humana gloria non est beatitudo, nec eius causa, sed potius ab ea dependet, eamque præsupponit. Si vero gloria falsa sit, tunc nec bonū, nec beatitudo inuenitur in eo, cuius est fama celebris, & sic nullo modo in fama, siue gloria consistit hominis beatitudo.

Ad 3. Negatur minor, de gloria humana, facile enim, etiam per falsum rumorem perditur, & si perseveret, est per accidens. Beatitudo autem veram stabilitatem habere debet.

ARTICVLVS IV.

Vtrum Beatitudo hominis consistat in potestate

Pro Affirmativa.

Videntur, quod Beatitudo hominis consistat in potestate.

1. In eo, per qd hō est maxime Deo similis, videtur consistere hominis beatitudo. Sed Per potestatem homo maxime efficitur Deo similis. Ergo In potestate videtur hominis beatitudo consistere.

Maior. quia. Omnia appetunt Deo assimilari, tanquam primo principio, & ultimo fini.

Minor. quia In scripturis, habentes potestatem, Dii vocantur, vt patet Exodi. 13. Diji nō detrahes.

2. In eo, quod est bonum perfectissimum, consistit beatitudo. Sed Potestas est perfectissimum bonum. Ergo In potestate consistit hois beatitudo.

Maior. quia Beatitudo est bonum perfectum.

Minor. quia Perfectissimum est, vt homo con-

grue

grue etiam alios regere possit, quod conuenit his, qui sunt in potestate constituti.

3. In eo, cui opponitur id, quod est maxime fugiendum, consistit hominis beatitudo. Sed Potestas opponitur id, quod est maxime fugiendum. Ergo In potestate consistit hominis beatitudo.

Maior. quia Id, quod est maxime fugiendum, opponitur ei, quod est maxime appetendū, quod est beatitudo. Vnde maxime fugiendum opponitur beatitudini.

Minor. quia Potestati opponitur seruitus, quā maxime homines fugiunt.

Pro Negatiua.

Beatitudo est bonum perfectum. Sed Potestas est bonum maxime imperfectū, vt Boenius ostendit 2. de Consolatione. Ergo Beatitudo non consistit in potestate humana.

Determinatio.

Conclusio. Impossibile est beatitudinem in potestate consistere.

Prob. dupliciter Primo. In eo, quod solum habet rationem principij, non consistit hominis beatitudo. Sed Potestas habet rationem principij tantū, vt patet. 5. Met. c. 17. Ergo In potestate non consistit beatitudo.

Maior. quia Beatitudo habet rationem vltimam finis.

Prob. Secundo. In eo, quod se habet ad bonū, & ad malum, non potest consistere hominis beatitudo. Sed Potestas se habet ad bonum, & ad malum, vt patet. Ergo In potestate non consistit hominis beatitudo.

Maior. quia Beatitudo est perfectum hominis bonum.

Ex quibus patet, quod magis posset consistere aliqua hominis beatitudo in bono vsu potestatis, quam in ipsa potestate.

Quatuor rationes, quibus generaliter probatur, quod beatitudo non potest consistere in aliquo præmissorum bonorum. scilicet In Diuitijs. Honoribus, Gloria, & Potestate.

Prima. In his, quæ possunt compati secum aliquod malum, non potest consistere hominis beatitudo. Sed Omnia prædicta possunt inueniri in bonis, & in malis, vt de se patet. Ergo In nullo horum potest consistere hominis beatitudo.

Maior. quia Cum beatitudo sit summum ho-

minis bonum, non compatitur feci aliquid malū.

Secunda. In eo consistit beatitudo, quo adepti, nullum bonum necessarium homini deest. Sed Adepti singulis præmissorum. scilicet Diuitijs, Honoribus, Gloria, & Potestate, adhuc multa alia bona homini desunt: puta Sapientia, Sanitas, & huiusmodi. Ergo In his non consistit beatitudo.

Maior prob. quia De ratione beatitudinis est, vt sit per se sufficiens.

Tertia. Ex eo, in quo consistit beatitudo, non potest provenire homini aliquid malum. Sed Ex prædictis potest provenire hominibus aliquid malum. Ergo In his non consistit hominis beatitudo.

Maior prob. quia Beatitudo est bonum perfectum. Vnde non potest ex ea provenire homini aliquid malum.

Minor. quia Eccles. 5. dicitur. Quod Diuitiæ conferuntur interdum in malum domini sui.

Quarta. Homo ordinatur ad beatitudinem per principia interiora. Sed Omnia prædicta sunt a causa exteriori, & vt plurimū a fortuna, propter quod bona fortunæ dicuntur. Ergo In his non consistit beatitudo.

Maior prob. quia Homo naturaliter ordinatur ad beatitudinem.

Ad Argumenta.

Ad 1. Dicitur ad minorem, quod per potestatem homo efficitur aliquo modo Deo similis, sed hæc similitudo ad Deum secundum potestatem non sufficit ad beatitudinem. Ad hoc enim, vt homo sit beatus, non solum requiritur, vt Deo assimiletur in potestate, sed vt non possit nisi bene vti potestate, sicut in Deo inuenitur: quod tamen homini non conuenit. Et vnico verbo dicitur ad minorem, quod per similitudinem, quæ est per solam potestatem, homo non efficitur ita Deo similis, vt per talem similitudinem efficiatur beatus, sed requiritur vltcrius, vt sit Deo similis in bonitate.

Ad 2. Negatur minor. Ad probationem dicitur, quod sicut optimum est, quod quis bene utatur potestate in regimine multorum, ita pessimum est, vt male utatur, & ita potestas se habet ad bonum, & ad malum, & per hoc in ea beatitudo consistere non potest.

Ad 3. Dicitur ad minorem, quod seruitutem non ideo naturaliter fugiunt homines, quia potestas, ei opposita, sit summū bonū, sed solum, quia per seruitutem impeditur vsus bonus potestatis.

ARTICVLVS V.

Vtrum Beatitudo hominis consistat in aliquo bono corporis.

Pro Affirmatiua.

Videtur, quod Beatitudo consistat in bonis corporis.

1. In eo, quod est optimum, consistit hominis beatitudo. Sed Bonum corporis est optimum. Ergo In bono corporis consistit hominis beatitudo.

Minor quia Eccles. 30. dicitur. Non est census supra censum salutis corporis.

2. Quod pertinet ad esse hominis, pertinet ad eius beatitudinem. Sed Salus corporis pertinet ad esse hominis: ut de se pater. Ergo Salus corporis pertinet ad eius beatitudinem.

Maiores prob. Summum hominis bonum est eius beatitudo. Sed Esse hominis, est summum hominis bonum. Ergo Esse hominis est ipsius beatitudo.

Minor huius prob. quia Diony. dicit 5. cap. de Divinis nominibus. quod Esse est melius, quam vivere, & alia, quæ ipsam esse hominis consequuntur. Vnde esse hominis est eius perfectissimum bonum.

3. In eo, quod maxime ab hominibus desideratur, consistit hominis beatitudo. Sed Esse, & ea, quæ ad ipsum pertinent, maxime ab hominibus desiderantur. Ergo In ipso esse, & in his, quæ pertinent ad ipsum esse, quorum præcipuum est salus corporis, consistit hominis beatitudo.

Maiores prob. quia Sicut illud, quod est causa omnium rerum, est prima causa, & primum principium, ita illud, quod desideratur ab omnibus, est omnium ultimus finis, et beatitudo: sicut enim causalitas causæ efficientis consideratur secundum influentiam, ita causalitas finis attenditur secundum appetitum, ita ut, quanto a pluribus appetitur, universalius sit, & ultima in genere causarum finalium.

Pro Negativa

In his bonis, secundum quæ homo a multis brutis animalibus superatur, non potest consistere hominis beatitudo. Sed Homo secundum bona corporis a multis animalibus superatur. Ergo In bonis corporis non consistit hominis beatitudo.

Maiores prob. quia Secundum beatitudinem homo excelsit omnia alia animalia.

Minor. quia Homo excelsit ab Elephante in diuturnitate, a Leone in fortitudine, a Ceruo in cursu, & sic de alijs.

Determinatio.

Conclusio. Impossibile est beatitudinem hominis in bonis corporis consistere.

Prob. Primo. Conseruatio rei, quæ ordinatur in finem, non potest esse ultimus finis conseruantis. Sed Esse hominis ordinatur in alium finem. Ergo Conseruatio humani esse non potest esse ultimus finis hominis conseruantis ipsum esse.

Maiores manifestatur. quia sicut Nauta non intendit, sicut ultimum finem, conseruationem nauis sibi commissæ, eo quod nauis ad aliud ordi-

netur sicut ad finem, scilicet ad nauigandum: ita homo, cui a Deo commissum est suum esse (ut dicitur Eccles. 15.) quod est ad aliud ordinatum, non potest habere pro fine conseruationem sui esse, sed aliquid aliud, scilicet illud, ad quod suum esse est ordinatum.

Minor prob. quia Esse hominis non est summum bonum, unde necessario ad aliud debet ordinari.

Secundo prob. Conclusio. Dato quod ultimus finis hominis esset conseruatio proprii esse, non propter hoc sequeretur, quod beatitudo esset in bonis corporis. Esse enim hominis dependet ab anima, propter quam est corpus, & quia omnia bona corporis, ad bona anime ordinantur tanquam ad finem, bona corporis non possunt esse ultimus hominis finis.

Ad Argumenta.

Ad 1. Negatur minor. Ad probationem dicitur, quod bona hominis sunt in triplici differentia, scilicet Bona anime, Bona corporis, & Bona exteriora: quæ sic ordinantur, quod bona exteriora ordinantur ad bona corporis, & bona corporis ad bona anime. Vnde sicut bona anime perfectiora sunt, quam bona corporis, ita bona corporis perfectiora sunt, quam bona exteriora. Igitur in authoritate inducta non comparantur bona corporis, ad omnia alia hominis bona, sed solum ad bona exteriora, & est sensus: quod non est census, id est aliud exterius corporale bonum, super censum, id est bonum intrinsecum ipsius corporis, puta vitam, sanitatem, &c. quo non sequitur, quod bonum corporis sit optimum, sed solum, quod sit perfectius bonis exterioribus.

Ad 2. Negatur maior. Ad probationem negatur minor. Ad cuius probationem dicitur, quod Esse potest dupliciter considerari. Vno modo, secundum se, & sic includit omnem perfectionem, & modum essendi, & præminet vitæ, & omnibus subsecquentibus perfectionibus, & sic de esse loquitur Dionysius. Alio modo accipitur esse, secundum quod participatur in hac, vel in illa re, quæ non capiunt totam essendi perfectionem, sicut est esse cuiuslibet creature, & sic acceptum esse, est perfectius cum perfectione superaddita, quam sit sine ipsa: perfectius est enim esse cum rationalitate, quam sine rationalitate, Necindum quem sensum dicit Diony. quod Viuentia sunt meliora existentibus, & intelligentia, viuentibus. Et quia esse hominis est participatum, ideo non solum non est optimum, sed imperfectum, & per subsecuentes perfectiones magis est perfectum.

Ad 3. Negatur maior. Nam beatitudo, non solum

solum est id, quod ab omnib. desideratur, sed est quod desideratur propter se, & non in ordine ad aliud. Esse autē appetitur propter aliud, id est propter vltimum finem, & ideo non consistit in eo beatitudo, sed ad beatitudinem ordinatur. Ad probationem dicitur, qd per illam rationem ostenditur, quod primum principium sit etiā vltimus finis, & quia primum principium habet totam essendi perfectionem, sequitur, quod ab omnib. appetatur secundum aliquam essendi perfectionem. Vnde aliqua appetunt ipsum secundum esse tantum, aliqua secundum esse viuens, quædam secundum esse intelligens, & quædam secundum esse beatum. Et hoc modo nō ab omnibus appetitur, sed à paucis. Ex quo patet alia ratio negationis maioris propositionis, quia esse vere beatum, non ab omnibus, sed à paucis desideratur.

ARTICVLVS VI.

Vtrum Beatitudo hominis consistat in voluptate.

Pro Affirmatiua.

Videtur, quod Beatitudo hominis in voluptate consistat.

1. In eo, quod est vltimus finis, consistit hominis beatitudo. Sed Voluptas est vltimus finis. Ergo In voluptate consistit hominis beatitudo.

Minor. Illud, quod non appetitur propter aliud, & alia appetitur propter ipsum, est vltimus finis. Sed Voluptas hoc maxime cōuenit, vnde dicitur 10. Ethic. 2. quod Ridiculū est ab aliquo querere propter quid velit delectari. Ergo Voluptas est vltimus finis.

2. Illud, quod maxime mouet appetitum, habet rationem vltimi finis, & beatitudinis. Sed Voluptas maxime mouet appetitum. Ergo Voluptas habet rationem vltimi finis, & beatitudinis.

Maiores prob. quia Causa prima vehementius influat in effectum, quam causa secunda. Influentia autem finis attenditur in motu appetitus. Illud igitur, quod maxime appetitum mouet, habet rationem vltimi finis.

Min. prob. quia Delectatio in tantum absorbet hominis voluntatem, & rationem, quod alia bona continere facit.

3. Illud, quod omnia appetunt, videtur esse optimum bonum. Sed Delectationem omnia appetunt. scilicet sapientes, & insipientes. Ergo Delectatio est optimum bonum, & beatitudo.

Maiores prob. quia Appetitus est boni.

Pro Negatiua.

Quod potest habere tristes exitus, & conuenire etiam brutis, nō est beatitudo. Sed Voluptates possunt tristes habere exitus, & pecudibus etiam

conueniunt. Ergo Voluptates non sunt, quibus beati homines sunt.

Min. quia Boetius dicit 3. de cōsolatione. Tristes exitus esse voluptatum, qui suis reminisci libidinum suarum voluerit, intelliget: quæ si beatos efficere possent, nihil cause esset, quin pecudes quoque beate esse dicantur.

De terminatio.

Distinctio. Delectationes sunt in duplici diffinitione. Quædam sunt spirituales, pertinentes ad partem intellectiuam. Quædam verò corporales, pertinentes ad partem sensitiuam.

1. Conclusio. Beatitudo non consistit principaliter in delectationibus spiritualibus, sed ad ipsam consequuntur.

Prob. Quod non est ipsum bonum perfectum, vel imperfectum, homini conueniens, sed solum consequitur tanquam accidens proprium ipsum bonum perfectum, vel imperfectum conueniens homini, non est ipsa hominis beatitudo, sed consequitur eam, tanquam accides per se. Sed Delectationes non sunt ipsum bonum perfectum, vel imperfectum conueniens homini, sed potius consequuntur ipsū per se. Ergo Delectationes nō sunt id, in quo hominis beatitudo consistit, sed ipsam beatitudinem per se consequuntur.

Maiores prob. quia In vnaquaque re, aliud est, quod pertinet ad essentiam eius, & aliud est proprium accides ipsius: sicut in homine, aliud est esse rationale, & aliud est esse risibile. Vnde quod non est ipsum bonum perfectum, quod est de essentia beatitudinis, sed solum est eius accides proprium, non est beatitudo, sed accides proprium consequens beatitudinem.

Min. prob. quia Ex hoc aliquis delectatur, quia habet bonum sibi conueniens in re, vel in spe, vel saltem in memoria, quod si tale bonum sit perfectum, erit ipsa beatitudo, si autē sit imperfectum, erit quædam participata beatitudo. Vnde delectatio non est ipsa beatitudo, sed est accides consequens perfectam, vel imperfectam beatitudinem.

2. Conclusio. In corporalibus delectationibus non consistit ipsa beatitudo, nec per se tales delectationes consequuntur ipsam beatitudinem.

Prob. Quæ per se consequuntur beatitudinem, consequuntur bonum perfectum. Sed Delectationes corporales non consequuntur bonum perfectum. Ergo Non per se consequuntur beatitudinem.

Maiores prob. quia Ipsum bonum perfectum est essentia beatitudinis.

Minor prob. Bonū, quod apprehenditur à sensu, non est bonum perfectum. Sed Delectationes corporales sequuntur bonum apprehensum à sensu. Ergo Non sequuntur bonum perfectum.

Maiores

Maiores huius prob. Nam bonum apprehensum à sensu, non est hominis perfectum bonum, quia anima humana secundum illam partem, quæ excedit materiam, habet quandam infinitatem respectu partium, quæ vitur organis corporeis, sicut spiritualia ferè infinita sūt, respectu materialium. Bonum igitur perfectum, cōueniens homini, debet pertinere ad partem intellectuam, quæ apprehendit bonum vniuersale, & non ad sensitiuam, quæ singularia tantum apprehendere potest, hæc enim minima bona sunt. Iuxta illud Sapient. 7. Quoniam omne aurum in comparatione Sapientie arena est exigua. Ex quibus patet, quod corporales delectationes, tantum abest, vt sint ipsa beatitudo, quod nec per se consequuntur, vt propria accidentia, ipsam beatitudinem.

Ad argumenta.

Ad 1. Negatur minor. Ad probationem dicitur, quod delectationem nō appeti propter aliud, potest dupliciter intelligi. Vno modo, vt ly propter, dicat causam finalem. Alio modo, vt significet causam formalem. Primo modo, vera est ipsa minor propositio probationis: Delectatio enim non appetitur propter alium finem, sed propter se ipsam. Sed tunc falsa est maior ipsius probationis, scilicet illud, quod non appetitur propter alium finem, sit vltimus finis: potest enim appeti, vt consequens appetitum vltimi finis. Ratio autem, quare delectatio non appetitur propter alium finem est, quia eiusdem rationis est, vt appetatur bonum, & delectatio: sicut ex eadem virtute est, vt graue tendat deorsum, & ibi quiescat. Vnde sicut bonum per se ipsum appetitur, ita & delectatio in bono appetitur propter se ipsam, non per aliquem alium finem. Si autem ly propter, significet causam formalem, siue motiuam ipsius appetitus ad appetendum delectationem, falsa est minor. Nam delectatio appetitur propter bonum, quod est obiectum delectationis, & per consequens est principium eius, dans ei formam. Delectatio enim habet quod, appetatur, quia est quies in bono, & sic delectatio appetitur propter aliud, scilicet propter bonum, quod est principium delectationis, & ideo non est ipsa beatitudo, sed eam consequitur.

Ad 2. Dicitur ad minorem, quod Delectationes sensibiles non habent ex se, vt maxime moueant appetitum, hoc enim conuenit bono vniuersali, sed hoc conuenit eis per accidens, ex hoc scilicet quod operationes sensibiles, quæ sunt principia nostre cognitionis, sunt magis perceptibiles, & propterea a pluribus appetuntur, Beatitudo autem per se maxime mouet appetitum.

Ad 3. Dicitur ad maiorem, quod aliquid appe-

ti ab omnibus, contingit dupliciter. scilicet. Secundū se primo. & ratione alterius, siue secundario. scilicet quatenus consequitur alterum. Quod appetitur ab omnibus primo modo, est ipsa beatitudo: non autem quod appetitur ab omnibus secundo modo. Tunc ad minorem dicitur, quod omnes appetunt delectationem, non per se primo, sed secundario, quatenus. scilicet appetendo bonum, appetunt etiam delectationem consequentem ipsum.

ARTICVLVS VII.

Vtrum Beatitudo hominis consistat in aliquo bono animæ.

Pro affirmatiua.

Videtur, quod Beatitudo consistat in aliquo bono animæ.

1. Beatitudo hominis non consistit in bonis exterioribus, nec in bonis corporis, vt probatum est supra. Ergo Consistit in aliquo bono animæ.

Conseq. prob. quia Beatitudo est quoddam hominis bonum, quod diuiditur in hæc tria.

2. In eo, quod amatur super omnia bona, consistit beatitudo. Sed Homo amat se ipsum super omnia bona. Ergo Beatitudo consistit in aliquo hominis bono. Sed non in bono corporis, vt probatum est. Ergo Beatitudo hominis consistit in bono animæ.

Minor prob. Illud, cui appetimus omnia bona, magis amamus, quam omnia bona: sicut magis amamus amicum, etiam appetimus pecuniā, quam ipsam pecuniā. Sed Homo appetit sibi ipsi omnia bona. Ergo Homo magis se amat, quam omnia alia bona.

3. Perfectio hominis est aliquod bonum hominis. Sed Beatitudo est hominis perfectio. Ergo Beatitudo est aliquod bonum hominis. Non corporis. Ergo Animæ.

Maiores. quia Perfectio est aliquid eius, quod perficitur.

Pro Negatiua.

Id, in quo constituitur beata vita, est propter se diligendum, vt August. dicit lib. 1. de Doc. Christ. c. 3. Sed Homo non est propter se ipsum diligendus. Ergo In nullo hominis bono consistit eius beatitudo.

Minor. quia Quidquid est in homine, est diligendum propter Deum.

Determinatio.

Distinctio. Finis dupliciter dicitur, scilicet Ipsa res, quam adipisci desideramus, & Vtus, seu adeptio, vel possessio illius rei: quæ distinctio superius fuit explanata quæst. præced. art. 8.

1. Conclusio. Si loquamur de vltimo fine ho-

minis, quantum ad ipsam rem, quam appetimus, sicut ultimum finē, impossibile est quod ultimus finis hominis sit ipsa anima, vel aliquid eius.

Prob. & primo, quod non sit ipsa anima. Secundo, quod non sit aliquid eius.

Quod est in potentia existens, non potest esse ultimus finis. Sed Anima, secundum se considerata, est in potentia existens. Ergo Anima non potest esse res, quæ est ultimus finis.

Maiores prob. quia Potentia est propter actum. Unde quod est in potentia, non est ultimus finis, sed ordinatur ad aliud, scilicet ad actum.

Minor. quia Anima sit de potentia sciens, & virtuosa, actu sciens, & virtuosa.

Quod non sit aliquid eius, prob. Bonum, quod est ultimus finis, & beatitudo, complet humanum appetitum, ita ut nihil ei supersit appetendum. Sed Nullum bonum animæ, siue sit habitus, siue actus, potest complere humanum appetitum. Ergo Nullum bonum animæ potest esse beatitudo, siue ultimus finis.

Minor huius prob. quia Voluntas est boni vniuersalis: quodlibet autem bonum animæ est participatum, & per consequens est bonum particulare.

21. Conclusio. Si loquamur de ultimo fine hominis, quem ad ipsam adeptionem, vel possessionem, seu quocumque usum ipsius rei, quæ appetitur, ut finis, sic ad ultimum finem pertinet aliquid hominis ex parte animæ.

Prob. quia Homo per animam appetit beatitudinem consequi, scilicet per aliquam animæ actum.

Ex quibus sequitur conclusio directe responsiva.

Conclusio. Beatitudo est aliquid animæ, sed id, in quo consistit beatitudo, est aliquid extra animam. Quæ ex dictis remanet manifeste probata.

Ad Argumenta.

Ad 1. Dicitur, quod aliquid potest dici bonum animæ dupliciter. Vno modo subiectiue. Alio modo obiectiue. Subiectiue dicitur, quod scilicet in anima tanquam in subiecto; ut sunt Potentia, Habitus, Actus, & huiusmodi. Obiectiue vero sunt omnia appetibilia ab anima. Si igitur sit sermo de bonis animæ primo modo, id est de his, quæ naturaliter sunt in anima, vel ab ea sunt. Negatur consequentia, res enim, in qua consistit beatitudo, non est aliquid extrinsecum bonum naturale, nec aliquid corporis bonum, nec animæ bonum, sed aliquid supernaturale extra animam, ut dictum est. Ad probationem dicitur, quod Beatitudo non est hominis bonum, secundum hunc modum, sed est supra naturam eius. Si vero per bonum animæ intelligatur etiam id, quod anima appetit, tunc conceditur totum argumentum. Beatitudo enim consistit in re, quæ appetitur ab anima. Et si sermo sit

de beatitudine pro usu, vel possessione rei, in qua beatitudo consistit, etiam conceditur, quod Beatitudo sit aliquid animæ, ut dictum est in ultimis conclusionibus.

Ad 2. Dicitur, quod aliquid potest dupliciter amari. Vno modo, ut bonum concupitum. Alio modo, ut id, cui bonum concupiscimus. Sicut pater amat scientiam, quam filio concupiscit, ut bonum concupitum. Et amat filium, ut eum, cui concupiscit scientiam. Tunc ad maiorem dicitur, quod Beatitudo non consistit in re, quæ maxime amatur, ut ei, cui bonum quis concupiscit, sed fuit res, quæ maxime concupiscitur. Maior igitur est vera in hoc sensu. In eo consistit beatitudo, quod maxime amatur, id est quod maxime concupiscitur. Sed tunc negatur minor. Homo enim non amat se ipsum, vel amicum tanquam bonum concupitum, sed solum tanquam id, cui bonum concupiscit. Et ad probationem dicitur, quod magis diligimus rem, cui aliquid appetimus, quam rem, quæ ei appetitur: hoc verum est de amore amicitiae, sed non de amore concupiscentiae, de quo in proposito est sermo. Inferius enim disputabitur, utrum homo amore amicitiae possit aliquid supra se diligere.

Ad 3. Dicitur, quod sicut dictum est, nomine beatitudinis possumus intelligere, vel rem, in qua consistit beatitudo; vel eius usum, & acquisitionem. Si sermo sit de re, in qua consistit beatitudo, negatur minor. Res enim, in qua beatitudo consistit, non est aliqua formalis perfectio homini inherens, sed est extra animam. Si vero sit sermo de beatitudine secundo modo, sic conceditur totum, est enim, sic accepta, perfectio animæ, & aliquid animæ, ut dictum est.

ARTICVLVS VIII.

Verum Beatitudo hominis consistat in aliquo bono creato.

Pro Affirmatiua.

Videntur, quod Beatitudo hominis consistat in aliquo bono creato.

21. Homo, secundum suum summum attingit infimum Angelicæ naturæ. Ergo Beatitudo hominis consistit in aliquo creato, id est in hoc, quod est attingere Angelum.

Antea patet ex Dionysio qui in 4. c. de Diuinis nominibus dicit: Quod Diuina sapientia coniungit fines primorum, principijs secundorum. Ex quo accipitur, quod supernum infimi attingit infimum supernum.

Consequenter prob. quia Summum bonum in homine est esse beatum. Unde secundum hoc attingit

infimum Angelicæ naturæ, quæ est creata.

2. Imperfectum ordinatur tanquam ad finem ad suum perfectum. Sed Homo, qui est minor mundus, comparatur ad mundum maiorem, in quo continetur vniuersitas creaturarum, vt imperfectum ad perfectum. Ergo Homo ordinatur ad vniuersitatem creaturarum vt ad vltimum finem, & sic hominis beatitudo erit quid creatum.

Maiores prob. quia Vltimus finis cuiuslibet rei est in suo opere perfecto. Vnde pars est propter totum sicut propter finem.

3. In eo, in quo hominis desiderium quietatur, consistit hominis beatitudo. Sed In re creata hominis desiderium quietatur. Ergo In re creata consistit hominis beatitudo.

Maiores quia Per hoc homo efficitur beatus, quod eius desiderium quietatur.

Minor prob. Homo non est capax nisi boni creati. Ergo Eius desiderium non se extendit nisi ad bonum creatum, & per consequens in bono creato quietatur.

Consequ. hæc prob. quia Desiderium hominis non se extendit ad maius bonum, quam ipse homo capere possit.

Pro Negatiua.

Aug. dicit 19. de Ciui. Dei c. 26. quod sicut Vita carnis anima est, ita vita beata hominis Deus est. Ergo Non aliquid creatum.

Determinatio.

Conclusio. Impossibile est beatitudinem hominis consistere in aliquo bono creato.

Prob. In eo consistit hominis beatitudo, quod potest quietare humanum appetitum taliter, vt nihil amplius remaneat ei appetendum. Sed Nullum creatum bonum potest quietare perfecte humanum appetitum, ita vt nihil amplius remaneat ei desiderandum. Ergo In nulla creatura potest hominis beatitudo consistere.

Maiores probatur. quia Alioquin illud non esset vltimus finis, sed superesset aliquid aliud desiderandum.

Minor. Appetitus, habens pro obiecto bonum vniuersale, non potest quietari perfecte in aliquo bono particulari. Sed Appetitus humanus habet pro obiecto bonum vniuersale, sicut & Intellectus vniuersale verum, quælibet vero creatura, & omnes simul sunt quedam particularia bona, vt potest quæ habent esse participatum a Deo, in quo solum vniuersale bonum reperitur. Ergo Nulla creatura, sed solus Deus humanum appetitum sariare perfecte, & quietare potest. Iuxta illud Qui replet in bonis desiderium tuum.

Ex quibus sequitur, quod in solo Deo hominis beatitudo consistit.

Ad Argumenta.

Ad 1. Dicitur, quod Homo secundum suum summum, quo ad naturam, attingit in finem Angelicæ naturæ: quia. scilicet habet intellectum, licet non in ea excellentia secundum quam est in Angelo. Sed in hoc, quod est ordinari in finem, cum ad eundem finem ordinentur, non sicut homo in Angelos, sed vterius procedit vsque ad ipsum vniuersalis boni fontem, scilicet Deum.

Ad 2. Dicitur ad maiorem, quod imperfectum ordinatur ad suum perfectum tanquam ad finem, si illud perfectum ad alium finem non ordinetur: si vero illud perfectum ad aliud tanquam ad finem ordinetur, secus est. Vltimus enim finis partium non est totum, sed aliquid aliud. Et quia Vniuersum ordinatur in ipsum Deum, propterea finis hominis non est vniuersum, sed Deus, ad quem vniuersum ordinatur tanquam ad finem.

Ad 3. Negatur minor. Ad probationem dicitur, quod homo est capax solum boni finiti, vt inhaerentis sibi, sed obiectiue est etiam capax boni infiniti.

QVÆSTIO III.

QVID SIT BEATITUDO.

ARTICVLVS I.

Verum Beatitudo sit aliquid increatum.

Pro affirmatiua.

Videtur, quod Beatitudo sit aliquid increatum. Deus est aliquid increatum. Beatitudo est ipsemet Deus, vt Boetius dicit 3. de consol. Ergo Beatitudo est aliquid increatum.

2. Summum bonum est aliquid increatum. Beatitudo est summum bonum. Ergo Beatitudo est aliquid increatum.

Maiores quia Esse summum bonum conuenit soli Deo.

3. Vltimus finis, in quem naturaliter humana voluntas tendit, est aliquid increatum. Sed Beatitudo est vltimus finis, in quem naturaliter humana voluntas tendit. Ergo Beatitudo est aliquid increatum.

Maiores quia In solum Deum naturaliter humana voluntas tendit, tanquam in vltimum finem, quo solo est fruendum.

Pro Negatiua. Nullum factum est increatum. Beatitudo hominis est aliquid factum. Ergo Beatitudo hominis non est aliquid increatum.

Minor prob. quia Aug. lib. 1. de Doctr. Christ. inquit. Illis rebus fruendum est, quæ eos beatos faciunt.

De-

Determinatio.

Distinctio. Finis dicitur dupliciter. Vno modo, ipsa res, quam cupimus adipisci, sicut aurum est finis pecunie. Alio modo, ipsa adeptio, vel possessio, seu usus, aut fructus rei, quæ desideratur: sicut si dicatur, quod possessio pecunie est finis avari, & frui re voluptuosa, est finis intemperati.

1. Conclusio. Res, quæ est ultimus finis, & beatitudo, est bonum increatum scilicet Deus.

Prob. quia Solus Deus sua infinita bonitate potest voluntatem hominis perfecte implere.

2. Conclusio. Ultimus hominis finis, secundum modum sumptus, est aliquid creatum, in ipso homine existens.

Prob. Acquisitio, & fructus rei, quæ est ultimus finis, est aliquid creatum. Sed Ultimus finis hominis, sic acceptus, nihil aliud est, quam acquisitio, vel fructus ultimi finis, quæ vocatur beatitudo. Ergo Ultimus finis, sic acceptus, est aliquid creatum in ipso homine beato existens.

Ex quibus sequitur Tertia conclusio directe responsiva ad quaesitum.

3. Conclusio. Beatitudo hominis quantum ad causam, vel obiectum est aliquid increatum, quantum vero ad ipsam essentiam beatitudinis est aliquid creatum.

Prior pars prob. quia Obiectum, & causa beatitudinis est Deus.

Secunda Pars prob. quia Acquisitio, siue fructus Dei ab homine, est quid factum, ut dictum est.

Ad argumenta.

Ad 1. Dicitur ad minorem, quod Deus est beatitudo per essentiam, & causa beatitudinis creaturæ, & eius obiectum. Vnde Deus est ipsa met sua beatitudo, quæ est quid increatum, & obiectum beatitudinis nostræ, & quo ad hoc etiam nostra beatitudo est aliquid increatum: Tamen Deus non est ipsa nostra beatitudo formaliter, sed causa, & ideo beatitudo hominis formaliter est quid creatum.

Ad 2. Dicitur ad minorem, quod Beatitudo hominis formaliter non est res, quæ est summum bonum, sed est adeptio, vel fructus summi boni. Vel potest dici ad maiorem, quod summum bonum, id est res, quæ est summum bonum, est aliquid increatum, sed summum bonum, id est acquisitio, & fructus summi boni, non est aliquid increatum. Tunc ad minorem dicitur, quod hominis beatitudo formaliter sumpta, non est res, quæ est summum bonum, sed illius rei fructus.

Ad 3. Dicitur, quod per ultimum finem duo possumus intelligere. Vel rem, quæ est ultimus finis. Vel adeptionem ipsius rei, quæ est ultimus finis. Tunc ad maiorem. Ultimus finis, id est res, quæ est ultimus finis, est quid increatum. Verum est. Sed

tunc negatur minor. Beatitudo enim, ut est adeptio, non est sic ultimus finis. Si vero maior intelligatur de ultimo fine secundo modo, negatur ipsa maior, & ad probationem dicitur, quod est vera, de re, quæ est ultimus finis.

ARTICVLVS II.

Utrum Beatitudo sit operatio.

Pro Negativa.

Videtur, quod Beatitudo non sit operatio.

1. Vita non est operatio. Sed Beatitudo est vita. Ergo Beatitudo non est operatio.

Minor, quia Vita est esse viuendum.

Minor, quia Rom. 6. dicitur. Habetis fructum vestrum in sanctificationem, finem vero vitam æternam.

2. Status non est operatio. Sed Beatitudo significat statum. Ergo Beatitudo non est operatio.

Minor, quia Boet. dicitur de Consequod Beatitudo est status omnium bonorum aggregatione perfectus.

3. Quod significat aliquid in aliquo existens, non est operatio. Sed Beatitudo significat aliquid in aliquo existens. Ergo Beatitudo non est operatio.

Minor, quia Operatio non significat aliquid existens in operante, sed magis ut ab ipso procedens.

Minor, quia Beatitudo est hominis perfectio in eo existens.

4. Beatitudo permanet in beato. Sed Operatio non permanet in operante, sed transit. Ergo Beatitudo non est operatio.

5. Beatitudo est vna vnus beati, operationes autem multe. Ergo Beatitudo non est operatio.

6. Beatitudo inest beato absque interruptione. Sed Operatio humana frequenter interruptitur, puta somno, vel aliqua alia occupatione, vel quiete. Ergo Beatitudo non est operatio.

Pro Affirmativa.

Ethic. 1. c. 7. dicitur, quod Beatitudo est operatio secundum virtutem perfectam.

Determinatio.

Conclusio. Beatitudo hominis, secundum quod est aliquid creatum in ipso existens, est operatio.

Prob. Ultima hominis perfectio est operatio. Sed Beatitudo est ultima hominis perfectio. Ergo Beatitudo est operatio.

Minor prob. Ultimus actus est ultima hominis perfectio. Sed Operatio est ultimus actus. Ergo Operatio est ultima perfectio.

Minor huius prob. quia Vnumquodque in tantum perfectum est, in quantum est actu. Vnde ultimus actus erit ultima perfectio.

Minor huius prob. quia Operatio vocatur ultimus actus a Philos. in 2. de anima tex. 2. Habens enim formam, quæ est actus primus, est in poten-

ria ad operationem, & propterea dicitur 2. de Caelo, 1. 17. quod Vnumquodq; est propter suam operationem.

Ad argumenta.

Ad 1. Vita sumitur dupliciter. Vno modo, pro esse viuētis, & sic Beatitudo non est vita, nisi in solo Deo, in quo vita est suum esse. Alio modo, pro operatione viuētis, per quam principium vite in actum reducitur, secundum quem modum nominamus vitam actiuam, contemplatiuam, voluptuosam. Et sic beatitudo est vita æterna, & ultimus finis secundum illud. Ioan. 17. Hæc est vita æterna, vt cognoscant &c. Ad formam igitur argumenti negatur maior. Ad probationem dicitur, quod vita, vt hic sumitur, non est esse viuētis, sed ipsa operatio viuētis, & sic beatitudo dicitur vita.

Ad 2. Dicitur, quod aliquid potest diffiniri dupliciter. Vno modo secundum aliquam communem rationem: sicut si diffiniretur homo per hoc, quod est nobilissimum animalium, hæc enim diffinitio per communem rationem est, & ostenderetur hominis excellentia, non tamen exprimeretur in particulari illud, per quod homo habet excellentiam super cætera animalia. Alia est diffinitio propria, quæ datur per propriam essentiam rei diffinita. Tunc ad formam argumenti, dicitur ad minorem, quod diffinitio data a Boetio est secundum communem rationem. Aristoteles autem, loco citato in argumento pro affirmatiua, expressit essentiam beatitudinis, per quod scilicet beatus esset in statu perfecto, & dixit, hoc esse per operationem. Vnde licet status non sit operatio, id tamen, per quod beatus est in statu beatitudinis, est ipsa operatio.

Ad 3. Dicitur, quod actio est duplex. Vna, quæ procedit ab operante in exteriorem materiam, sicut vrere, & seccare. Et talis operatio non est perfectio agentis, sed potius facti. Alia est actio manens in agente: vt sentire, velle, & intelligere. Et huiusmodi actio est perfectio, & actus agentis. Tunc ad formam arg. dicitur ad maiorem, quod illud, quod manet in aliquo, non est operatio transiens, sed potest esse operatio immanens, & talis operatio est beatitudo.

Ad 4. Dicitur, quod beatitudo est duplex. Perfecta, quæ est in patria. & Imperfecta, quæ est in via. Tunc ad argumentum, si sermo sit de perfecta beatitudine patriæ, conceditur maior, & negatur minor: operatio enim, qua beati sunt in beatitudine, non transiit, sed semper est in beatis, est enim actio immanens: si vero sermo sit de beatitudine viæ, tunc negatur maior.

Ad 5. Dicitur ad antecedens, quod sicut bea-

titudo perfecta est vna, ita, & operatio, quia beati in beatitudine existunt, vna est, Operationes autem beatitudinis viæ multe sunt.

Ad 6. Similiter dicitur ad minorem, quod operationes quidem humane multe sunt, & interruptione in patriâ, operatio tamen beatifica est absque ulla interruptione in patriâ.

ARTICVLVS III.

Verum Beatitudo sit operatio sensitiuæ partis, aut intellectiuæ tantum.

Pro affirmatiua.

VIdetur, quod beatitudo consistat etiam in operatione sensus.

1. Operatio intellectiua in nobis dependet ab operatione sensitiua. Ergo Beatitudo consistit etiam in operatione sensitiua.

Antec. prob. quia Non possumus intelligere sine phantasia. 3. de an. 1. 301

Consequentia prob. quia non datur in homine aliqua operatio nobilior operatione sensitiua, nisi intellectiua.

2. In beatitudine continentur bona sensitiua. Ergo Operatio sensus requiritur ad beatitudinem.

Antec. prob. quia Beatitudo est status omnium bonorum aggregatione perfectus. Inter omnia autem bona, sunt bona sensitiua.

Conseq. prob. quia Bona sensitiua tantum per sensum percipere possumus.

3. Per beatitudinem perficitur homo secundum omnes suas partes. Ergo Operatio sensitiua requiritur ad beatitudinem.

Antec. quia Beatitudo est bonum perfectum, quod non esset, nisi per omnes partes perficeretur.

Conseq. quia Per operationes sensitiuas quædâ partes animæ perficiuntur.

Pro Negatiua.

In operatione, quæ est communis hominibus, & brutis, non consistit beatitudo: Sed sensitiua operatio est communis hominibus, & brutis. Ergo In operatione sensitiua non consistit beatitudo.

Maiores. quia Bruta animalia non communicant nobiscum in beatitudine.

Determinatio.

Distinctio. Aliquid potest pertinere ad beatitudinem tripliciter. Primo essentialiter. Secundo Antecedenter. Tertio Consequenter. Essentialiter illud ad beatitudinem pertinet, in quo essentialiter consistit ipsa beatitudo, & hoc est bonum increatum, vt dictum est. Antecedenter vero pertinet ad beatitudinem id, quod ad beatificam operationem præexigitur. Consequenter vero, illud, in quod resultat aliquid ex perfecta beatitudine in habita.

1. **Conclusio.** Operatio sensus non pertinet essentialiter ad beatitudinem perfectam patriæ.

Prob. Per operationem, quæ essentialiter pertinet ad beatitudinem, fit coniunctio hominis ad bonum increatum. Sed Per operationem sensus non fit coniunctio hominis ad bonum increatum. Ergo Operatio sensus non pertinet essentialiter ad beatitudinem.

Prob. secundo. Operatio, quæ est solum circa corporalia, non pertinet ad beatitudinem essentialiter. Sed Operatio sensitiva est solum perceptiva corporaliū. Ergo Operatio sensitiva nō spectat ad beatitudinem essentialiter.

Maior. quia Beatitudo hominis in corporalibus (vt supra ostensum est in questione precedenti) non consistit.

2. **Conclusio.** Operationes sensus possunt pertinere ad beatitudinem imperfectam, qualem in hac vita habere possumus, antecedenter.

Prob. quia Operatio intellectus præexigit operationem sensus.

3. **Conclusio.** Operatio sensus pertinet ad beatitudinem perfectam, quæ habetur in patria, consequenter.

Prob. quia Post resurrectionem, ex ipsa beatitudine anime fiet quædam resuscitatio in corpus, & in corporeos sensus, vt in suis operationibus perficiantur, vt August. dicit in epist. ad Diof. & infra patebit.

4. **Conclusio.** Operationes sensus non pertinent ad beatitudinem perfectam, antecedenter.

Prob. quia Tunc operatio, quæ mens humana Deo coniungitur, non dependebat a sensu.

Ad argumenta.

Ad 1. Dicitur ad antec. quod operatio intellectiva, secundum modum intelligendi in presenti vita, dependet ab operatione sensitiva, & ideo beatitudo imperfecta præexigit sensitivam operationem. Sed operatio intellectiva, quæ mens humana Deo coniungitur in perfecta beatitudine, a sensu non dependet.

Ad 2. Negatur antec. Ad probationem dicitur, quod beatitudo est duplex, vt dictum est, scilicet Perfecta, & Imperfecta, & vtrique est status omnium bonorum aggregatione perfectus, sed diuersimode. Nam beatitudo perfecta, quam habent Angeli, est status per aggregationem omnium bonorum perfectus, non per hoc quod particularia bona in eo adiunguntur, sed per coniunctionem ad vniuersale bonum, quod est Deus. Beatitudo vero imperfecta est per aggregationem bonorum particularium sufficientium ad perfectissimam operationem huius vite. In beatitudine igitur perfecta non sunt bona sensibilia, & propterea sensus

ad eam non concurret, vt dictum est.

Ad 3. Dicitur ad antec. quod in beatitudine perficitur homo secundum omnes suas partes, sed diuersimode in beatitudine perfecta, & imperfecta. In perfecta enim beatitudine perficitur pars sensitiva per redundantiam a parte intellectiva, & propterea pertinere potest sensus consequenter ad ipsam. In beatitudine vero imperfecta procedit perfectio a sensu ad intellectum, & ideo sensus ad eam antecedenter pertinet, vt dictum est.

ARTICVLVS IV.

Vtrum Beatitudo sit actus intellectus, aut actus voluntatis.

Quod sit actus voluntatis.

Videtur, quod Beatitudo consistat in actu voluntatis.

1. Pax pertinet ad voluntatem. Beatitudo hominis in pace consistit, vt Aug. dicit 19. de Civ. Dei c. 10. Ergo Beatitudo consistit in actu voluntatis.

2. Bonum est obiectum voluntatis. Beatitudo est summum bonum. Ergo Beatitudo consistit in actu voluntatis.

3. Vltimus finis pertinet ad voluntatem. Sed Beatitudo est vltimus finis. Ergo Beatitudo pertinet ad actum voluntatis.

Maior. Primo mouenti respondet vltimus finis, sicut victoria, quæ est vltimus finis totius exercitus, ad ducem pertinet, qui alios omnes mouet. Sed Voluntas est primum mouens ad operandum, vt potest, quæ mouet omnes alias potentias. Ergo Voluntati respondet vltimus finis.

4. Dilectio Dei pertinet ad voluntatem. Sed Beatitudo consistit in actu diuinæ dilectionis. Ergo Beatitudo pertinet ad voluntatem.

Maior. Beatitudo consistit in nobilissima operatione. Sed Dei dilectio est nobilissima operatio: Dilectio enim Dei perfectior, & nobilior operatio est, quam Dei cognitio, vt Apost. dicit 1. Corinth. 13. Ergo Beatitudo consistit in Dei dilectione.

5. Beatus est, qui habet omnia, quæ vult, & nihil male vult vt August. dicit 13. de trin. c. 5. Ergo Beatitudo est actus voluntatis.

Quod sit actus intellectus.

Cognitio Dei pertinet ad intellectum. Sed Beatitudo consistit in cognitione Dei. Iuxta illud Ioan. 17. Hæc est vita æterna, vt cognoscant te solū verum Deum, &c. Ergo Beatitudo consistit in actu intellectus.

Determinatio.

Distinctio. Ad beatitudinem duo requiruntur, vt superius dictum est. Vnum, quod est esse beatitudinis. Aliud, quod est quasi per accidens, eius scilicet delectatio ei adiuncta.

1. **Conclusio.** Beatitudo essentialiter impossibile est,



est, quod consistat in actu voluntatis, sed consistit in actu intellectus. *Prob.* Consecutio ultimi intelligibilis finis non consistit in actu voluntatis, sed intellectus. Sed Beatitude essentialiter est ipsa consecutio intelligibilis finis, ut dictum est. Ergo Beatitude essentialiter non consistit in actu voluntatis, sed intellectus. *Maiores prob.* quia Voluntas duplicem actum habet circa finem: Vnum quidem, respectu finis adhabentem habiti. Et alterum, respectu finis habitum. Respectu finis non habitum habet actum desiderij: fertur enim voluntas in finem absentem, cum ipsum desiderat. Respectu finis habitum habet delectationem: cum enim habet finem praesentem, quiescit & delectatur in eo.

Horum autem duorum actuum voluntatis circa finem, neuter est consecutio finis. Actus enim desiderij non est consecutio finis, sed est motus in finem. Actus delectationis necesse est consecutio finis, sed consequitur consecutionem finis: ex hoc enim quod finis est praesens, voluntas in eo delectatur. Vnde consecutio finis non potest esse actus voluntatis, quæ erat maior probanda.

Quæ adhuc magis confirmatur in sensibilibus. Finis avari est consecutio pecuniæ, quæ consecutio non posse esse actum voluntatis ostenditur. Nam si consecutio pecuniæ esset actus voluntatis, statim quod cupidus appeteret pecuniam, eam haberet, quod est falsum. Igitur prius avarus desiderat pecuniam absentem, postea eam consequitur per aliquid aliud; puta apprehendendo eam in manu, vel aliquo huiusmodi, & tunc circa ipsam iam habita delectatur. Ex quo patet, quod Voluntas appetit finem non habitum, & delectatur in eo iam habito, sed ipsa finis consecutio non est actus voluntatis, sed alterius potentie.

Et quia Beatitude essentialiter est consecutio ultimi finis intelligibilis, sequitur, quod beatitudo non sit actus voluntatis, sed intellectus, cuius solum est consequi, & apprehendere intelligibile finem: Consequimur enim intelligibilem finem, quando nobis sit praesens per actum intellectus, & tunc voluntas delectatur.

2. Conclusio. Quod consequitur ipsam beatitudinem, scilicet delectatio, est actus voluntatis.

Quæ Conclusio ex praedictis patet, & confirmatur, quia Aug. dicit 10. Confess. c. 23. quod Beatitude est gaudium de veritate, quia scilicet ipsum gaudium est consumatio beatitudinis.

Ad argumenta.

Ad 1. Dicitur ad minorem, quod Pax pertinet ad ultimum hominis finem, non quasi essentialiter sit ipsa beatitudo, sed quia antecedenter, & consequenter se habet ad ipsam. Antecedenter

quidem in quantum iam sunt remota omnia perturbantia, & impediencia ab ultimo fine. Consequenter verò, in quantum homo adepto ultimo fine, remanet pacatus desiderio quietato.

Ad 2. Dicitur, quod per illud argumentum non concluditur, quod beatitudo sit actus voluntatis, sed solum, quod sit primum voluntatis obiectum, quod verum est, sed ex hoc non solum sequitur, quod sit actus voluntatis, sed potius sequitur oppositum. Nam primum obiectum potentie in possibile est ut sit eius actus, sicut primum obiectum visus, non est visio, sed visibile. Vnde ex hoc quod beatitudo ponitur primum voluntatis obiectum, manifeste sequitur, quod non possit esse actus voluntatis.

Ad 3. Dicitur ad maiorem, quod Ultimus finis pertinet ad voluntatem, & ad intellectum. Ad intellectum tanquam ad eum, qui apprehendit finem. Ad Voluntatem tanquam ad eam, in qua incipit motus ad finem. Et quia prius necesse est apprehendere finem, quam ad ipsum possit esse motus, ideo finis pertinet prius ad intellectum, & postea ad voluntatem: Et propter hoc consecutio est actus intellectus, & id quod ex consecutione finis sequitur, debetur voluntati, scilicet delectatio. Vnde ad probationem dicitur, quod primo moventi debetur id, quod ultimo ex consecutione finis consequitur, quod in proposito est ipsa delectatio.

Ad 4. Negatur minor. Loquendo de beatitudine essentialiter. Ad probationem dicitur ad minorem, quod dilectio praeminet cognitioni in movendo, sed cognitio prius est dilectioni in attingendo. Non enim diligit nisi cognovimus, ut Aug. dicit 10. de Trin. c. 1. Vnde sicut nisi sensibilem prius attingimus per actionem sensus, & postea, in eo delectamur, ita finem intelligibilem, qui est beatitudo, prius intellectu attingimus, deinde de eo gaudemus, & eam amamus.

Ad 5. Dicitur negando consequentiam. Nam beatus ex hoc beatus est, quod habet, quæ vult. Sed habere, quæ vult, non est ex actu voluntatis, sed intellectus, ut dictum est.

ARTICULUS V.

Vtrum Beatitude sit operatio intellectus speculativi, an practici.

Quod sit intellectus practici.

Videtur, quod Beatitude sit actus intellectus practici.

1. In operatione, in qua homo maxime assimilatur Deo, consistit hominis beatitudo. Sed In operatione intellectus practici maxime homo assimilatur Deo. Ergo In operatione Intellectus practici consistit hominis beatitudo.

Maiores. quia Finis ultimus cuiuslibet creature consistit in assimilatione ad Deum.

Minor.

Minor quia intellectus practicus est causa rerum intellectuum, sicut Deus. Quod non est in intellectu speculativo, cuius scientia causatur ab ipsis rebus intellectis.

2. In operatione illius potentie, quæ magis ordinatur ad bonum, consistit hominis beatitudo. Sed intellectus practicus ordinatur magis ad bonum, quàm speculativus, qui ordinatur ad verum. Ergo Beatitudo consistit in operatione intellectus practici.

Maiores. quia Beatitudo est bonum perfectum hominis.

Minor. quia Secundum perfectionem practici intellectus dicimur boni, & secundum perfectionem intellectus speculativi dicimur scientes, vel intelligentes.

3. In operatione illius potentie, quæ magis occupatur circa ea, quæ sunt hominis, consistit hominis beatitudo. Sed intellectus practicus magis occupatur circa ea, quæ sunt hominis, quàm intellectus speculativus. Ergo In operatione intellectus speculativi consistit beatitudo.

Maiores. quia Beatitudo est quoddam bonum ipsius hominis. Unde consistere debet in operatione illius potentie, quæ occupatur circa ea, quæ sunt hominis.

Minor. quia intellectus practicus occupatur circa operationes, & passiones hominis. Intellectus vero speculativus occupatur magis circa ea, quæ sunt extra hominem.

Quod consistat in operatione intellectus speculativi.

Contemplatio (quæ est operatio intellectus speculativi) promittit nobis actionem omnium finis, atque æterna perfectionis gaudiorum, vt Aug. dicit 1. de Trinit. c. 10.

Determinatio.

Conclusio. Beatitudo perfecta hominis, quæ expectatur in futura vita, magis consistit in operatione speculativi intellectus, quàm practici.

Prob. tripliciter. Primo. In nobilissima hominis operatione consistit eius beatitudo. Sed Operatio intellectus speculativi est optima hominis operatio. Ergo In operatione intellectus speculativi consistit hominis beatitudo.

Maiores. quia Beatitudo est operatio.

Minor. Operatio, quæ est nobilissime potentie, respectu nobilissimi obiecti, est nobilissima. Sed Operatio intellectus speculativi, est operatio nobilissime potentie, quæ est intellectus, respectu nobilissimi obiecti. scilicet boni divini, quod est obiectum intellectus speculativi, & non practici. Ergo Operatio intellectus speculativi est optima hominis operatio, in qua operatione. scilicet in contem-

platione divini boni, consistit hominis beatitudo.

Ex quo sequitur, quod huiusmodi operatio sit maxime propria homini, & maxime delectabilis.

Prob. sequela. quia Vnusquisque videtur esse id, quod est optimum in eo.

Prob. secundo. Actus intellectus speculativi. scilicet contemplatio, maxime queritur propter se ipsum. Actus vero intellectus practici, non queritur propter se ipsum, sed ordinatur ad actionem, quæ ordinatur etiam ad aliquem alium finem. Ergo Beatitudo non potest consistere in Vita activa, quæ pertinet ad intellectum practicum, sed in actu contemplationis.

Consequ. prob. quia Beatitudo est ultimus finis, & non ordinatur ad aliud, tanquam ad finem.

Prob. tertio. In vita contemplativa homo communicat cum superioribus. scilicet cum Deo, & Angelis, quibus per beatitudinem assimilatur. In his vero, quæ pertinent ad vitam activam, etiam alia animalia cum homine aliquatenus communicant, licet imperfecte. Ergo Ultima, & perfecta beatitudo, quæ expectatur in futura vita, principaliter consistit in contemplatione, quæ est operatio intellectus speculativi.

Conclusio. Beatitudo imperfecta, qualis hic haberi potest, primo quidem, & principaliter consistit in contemplatione, secundario vero in operatione practici intellectus.

Quod principaliter consistat in contemplatione, patet per rationes, quibus probata est prima Conclusio. Quia. scilicet contemplatio est optima hominis operatio, non ordinata ad alium finem, & in qua non communicant bruta.

Quod vero consistat in operatione intellectus practici secundario, probatur. quia intellectus practicus ordinat actiones, & passiones humanas, vt dicitur 10. Ethic. c. 7.

Ad Argumenta.

Ad 1. Negatur minor, magis enim homo assimilatur Deo per actionem intellectus speculativi, quàm practici. Ad probationem. dicitur dupliciter. Primo, quod assimilatio hominis ad Deum per actionem intellectus practici est secundum proportionalitatem, quia. scilicet sicut se habet intellectus practicus ad suum cognitum, ita Deus ad suum, quæ similitudo imperfectissima est: sed assimilatio intellectus speculativi ad Deum est secundum unionem, vel informationem, quæ multo maior est assimilatio.

Secundo dicitur, quod respectu principalis cogniti, quod est divina essentia, divinus intellectus non se habet ad ipsum sicut intellectus practicus, sed sicut intellectus speculativus ad suum obiectum: Vnde intellectus practicus minorem habet si.

bet similitudinem ad Deum, quam intellectus speculationis.

Ad 2. Negatur minor. Intellectus enim speculatiuus ordinatur ad verum, quod est bonum intellectus, in ipso intellectu existens, quod est contemplatio veritatis, per quod bonum, si sit perfectum, totus homo perficitur, & sit bonus: Intellectus vero practicus habet bonum, quod est extra se, & ad aliud ordinatur, vt dictum est.

Ad 3. Dicitur, quod aliquid esse hominis, dupliciter potest intelligi. Vno modo, vt sit naturale ipsi homini, sive ab ipso homine procedens, & huiusmodi sunt actiones, passionis, &c. quæ in ipso, vel ab ipso sunt. Alio modo, vt sint perfectiua ipsius hominis, etiam quod sint extra ipsius naturam, & ab extrinseco ei adueniant, & sic beatitudo est bonum hominis, non quidem proueniens ab eius natura, sed extrinsecus adueniens perficit ipsum, & complet eius appetitum.

Tunc ad formam argumenti dicitur ad maiorem, quod si sit sermo de bono hominis secundum primum modum, falsa est ipsa maior. Si enim homo esset vltimus finis, verum esset, quod in operatione, quæ esset circa eius actus, & passionis consistere beatitudo; Sed quia homo non est vltimus finis, sed ad vltimum finem ordinatur, in operatione ordinante eius passionis, & acrus non potest consistere beatitudo. Si vero sermo sit de his, quæ sunt hominis iuxta secundum modum, verissima est maior, sed negatur minor. Non enim operatio practici intellectus, sed speculatiui est circa bonum, quod est hominis beatitudo, vt dictum est.

A R T I C V L V S VI.

Utrum Beatitudo consistat in consideratione scientiarum speculatiuarum.

Pro Affirmatiua.

Videtur, quod Beatitudo hominis consistat in consideratione scientiarum speculatiuarum. 1. Phil. lib. 10. Ethic. c. 7. posuit felicitatem esse operationem secundum perfectam virtutem, quam in tres distinxit, scilicet scientiam, sapientiam, & intellectum, quæ omnes pertinent ad considerationem scientiarum speculatiuarum: Ergo Vltima hominis beatitudo in consideratione scientiarum speculatiuarum consistit.

2. Illud, quod naturaliter desideratur ab omnibus propter se ipsum, videtur esse hominis beatitudo. Sed Consideratio scientiarum speculatiuarum desideratur ab omnibus propter se ipsam. Ergo In consideratione scientiarum speculatiuarum consistit hominis beatitudo.

Minor. quia dicitur 1. Metaph. c. 1. quod om-

nes homines natura scire desiderant, & post pauca dicitur, quod speculatiua scientia propter se ipsas queruntur.

3. In eo, per quod homo reducitur ad vltimam perfectionem consistit eius beatitudo. Sed Per contemplationem scientiarum speculatiuarum, homo reducitur ad vltimam perfectionem. Ergo In contemplatione scientiarum consistit eius beatitudo.

Maiores prob. quia Beatitudo est vltima hominis perfectio.

Minor prob. quia Per cõtemplationem scientiarum speculatiuarum, intellectus, qui erat in potentia, reducitur ad actum, qui est vltima eius perfectio.

Pro Negatiua.

Hieremię 9. dicitur. Non gloriatur sapiens in sapientia sua, & loquitur de Sapientia speculatiuarum scientiarum. Ergo In ea non consistit hominis beatitudo.

Determinatio.

Dist. Beatitudo hominis est duplex, scilicet Perfecta, & imperfecta. Beatitudo perfecta est illa, quæ attingit ad veram beatitudinis rationem. Beatitudo imperfecta est, quæ non attingit, sed participat quandam veræ beatitudinis rationem.

Et manifestatur hæc distinctio a simili. Prudentia enim est duplex, scilicet perfecta, & imperfecta. Prudentia perfecta, & vera est in homine, quia in eo est ratio rerum agibilium: Imperfecta vero prudentia est in quibusdam animalibus. Brutis, in quibus sunt quidam particulares instinctus ad quædam opera similia operibus prudentiæ. Sic de beatitudine dicendum est.

1. Conclusio. Perfecta beatitudo in consideratione scientiarum speculatiuarum essentialiter consistere non potest.

Prob. Consideratio, in qua consistit hominis beatitudo, se extendit ultra ea, ad quæ cognitio sensibilibus ducere potest. Sed Consideratio scientiarum speculatiuarum non se extendit ultra ea, ad quæ cognitio sensibilibus ducere potest. Ergo In consideratione scientiarum speculatiuarum non potest consistere hominis beatitudo.

Maiores prob. Ea, in quibus consistit hominis beatitudo, debent ipsum hominem perficere. Sed Per cognitionem sensibilibus homo non perficitur. Ergo In cognitione sensibilibus non consistit eius beatitudo.

Maiores huius. quia Beatitudo est vltima hominis perfectio: Vnde id, in quo consistit hominis beatitudo, debet perficere ipsum.

Minor huius prob. Superiorius non perficitur ab inferiori, nisi secundum quod inferioris participat aliquid de superiori, respectu eius, quod perficere debet.

debet. Sed Sensibilia sunt inferiora respectu hominis. Ergo Cognitio, ad quam sensibilia ducere possunt, non potest periclitari simpliciter ipsum hominem.

Decl. maior huius. Nam forma lapidis, cum sit sensibilis, est inferior ipso intellectu. Vnde impossibile est, ut forma lapidis, ut sic, secundum se, perficiat ipsum intellectum: tamen si forma lapidis sit illustrata per lumen intellectus agentis, & eleuata aliquo modo ad ipsum esse intelligibile, potest perficere intellectum possibilem, quia forma lapidis tunc participat lumen superius ipso intellectu possibili. Vnde formae sensibiles, non secundum se, sed per participationem superioris perficiunt intellectum, & quia omne, quod est tale per aliud, reducitur ad id, quod est tale per se; sequitur, quod perfectio intellectus non consistat in cognitione sensibilium, à quibus non perficitur nisi per aliud, sed in cognitione alicuius rei, quae sit supra intellectum, à qua possit ipse intellectus perfici. Hoc autem oportet ut sit aliqua substantia separata, ad cuius cognitionem sensibilia ducere non possunt, ut ostensum est prima parte quaest. 88. artic. 2.

Minor principalis. scilicet quod consideratio scientiarum speculatiuarum non se extendat ultra ea, ad quae cognitio sensibilium ducere potest, probatur. Principia scientiarum speculatiuarum non se extendunt ultra cognitionem ad quam sensibilia ducere possunt. Ergo Nec ipsae scientiae ulterius se extendunt.

Antec. prob. quia Principia scientiarum speculatiuarum sunt per sensum accepta, ut dicitur 1. Metaph.

Conseq. prob. quia Scientia continetur tota virtualiter in principiis: Vnde scientia non potest se extendere ultra ea, ad quae se extendunt principia illius.

2. Conclusio. In consideratione scientiarum speculatiuarum potest consistere beatitudo imperfecta, & participata.

Prob. quia Sicut formae sensibiles participat aliquam similitudinem substantiarum superiorum, ita consideratio scientiarum speculatiuarum est quaedam participatio vere, & perfecta beatitudinis.

Ad argumenta.

Ad 1. Dicitur, quod Philosoph. 1. Ethic. loquitur de beatitudine imperfecta, qualiter in hac vita haberi potest, & quia solam ipse cognoscere potuit.

Ad 2. Dicitur ad maiorem, quod non solum vera beatitudo, sed quaecunque similitudo ipsius, naturaliter ab omnibus desideratur.

Ad 3. Negatur minor. Ad probationem dicitur, quod per considerationem scientiarum spe-

culatiuarum, intellectus noster reducitur quidem ad actum, non tamen in ultimum actum completum, qui est consideratio perfectissimi boni.

ARTICVLVS VII.

Verum Beatitudo consistat in cognitione substantiarum separatarum, scilicet Angelorum.

Pro affirmatiua.

Videtur, quod Beatitudo hominis consistat in cognitione substantiarum separatarum, id est Angelorum.

1. Beatitudo hominis est, interesse festis Angelorum. Ergo Beatitudo hominis consistit in contemplatione, siue cognitione substantiarum separatarum.

Anteced. prob. quia Greg. dicit in Homilia 26. Nihil prodest interesse festis hominum, si deesse contingat festis Angelorum, per quod finalem beatitudinem designat.

Conseq. prob. quia Festis Angelorum interesse possumus per eorum contemplationem.

2. Principium humanae cognitionis est ab Angelis. Ergo Perfectio humani intellectus est in contemplatione Angelorum.

Antec. quia Homines ab Angelis illuminantur, ut dicit Dionys. in 4. cap. Coelest. Hierar.

Conseq. quia Ultima perfectio vniuscuiusque rei est, ut coniungatur suo principio, ut de circulo patet.

3. Supra intellectum humanum ordine naturae sunt Angeli. Ergo Ultima perfectio humani intellectus est, ut coniungatur per contemplationem ipsis Angelis.

Conseq. prob. quia Vnaqueque natura perfecta est, quando coniungitur superiori naturae: sicut ultima perfectio corporis est, ut coniungatur naturae spirituali.

Pro Negatiua.

Hieremias 9. cap. dicitur. In hoc gloriatur, qui gloriatur, scire, & nosse me. Ergo Ultima hominis gloria, vel beatitudo non, consistit nisi in cognitione Dei.

Determinatio.

1. Conclusio. Perfecta hominis beatitudo non consistit in cognitione substantiarum separatarum, scilicet Angelorum.

Prob. Perfecta beatitudo hominis non consistit in eo, quod est perfectio intellectus secundum alicuius participationem, sed in eo, quod per suam essentiam potest esse ultima intellectus perfectio. Sed Substantiae separatae. scilicet Angeli non sunt ultima perfectio intellectus, secundum eorum essentiam, sed ipsum perficiunt secundum quan-

D dam

dam participationem. Ergo In cognitione substantiarum separatarum non consistit hominis beatitudo perfecta.

Minor prob. Cognitio rei, quæ habet veritatem participatam, non potest facere intellectum perfectum vltima perfectione. Sed Substantiæ separatae habent veritatem participatam. Ergo Eorum cognitio non potest esse vltima perfectio intellectus.

Maiores huius prob. quia Vnumquodque in tantum est perfectio alieuius potentia, in quantum ad ipsum pertinet ratio proprii obiecti ipsius potentia: & quia proprium obiectum intellectus est verum, illud, quod est verum solum per participationem, non poterit esse vltima, & completa perfectio intellectus.

Minor huius prob. quia Angeli habent esse per participationem, & non per essentiam. Ergo Habent veritatem per participationem, & non per essentiam.

Antec. huius: quia solus Deus habet esse per essentiam, & creaturae omnes per participationem, ut dictum est prima parte. q. 3. art. 4.

Conseq. quia Eadem est dispositio rei in esse, & in veritate, ita ut quod habet esse participatum, habet veritatem participatam, & e converso.

2. Conclusio. Aliquam beatitudinem imperfectam nihil prohibet attendi in contemplatione Angelorum, & etiam altiore, quam in contemplatione scientiarum speculatiuarum.

Hæc patet ex precedenti articulo, ex ratione, qua probata fuit vltima conclusio.

Ad Argumenta.

Ad 1. Dicitur ad antec. & ad eius probationem, quæ est Gregorij authoritas, quod per Interesse festis Angelorum non solum intelligitur ipsa Angelorum contemplatio, sed intelligitur, quod simul cum ipsis Deum contemplabimur, & in hoc consistit beatitudo.

Ad 2. Dicitur, quod secundum illos, qui ponunt animas humanas esse ab Angelis productas, optime concluditur, quod beatitudo hominis consistet in contemplatione substantiarum separatarum, quasi in coniunctione ad suum principium, sed quia erroneum est, dicere, animas humanas esse productas ab alio, q. & Deo, Ideo respondetur ad argumentum, negando antecedens: Angelus enim sicut non est principium sue cognitionis nisi ministerialiter; & tanquam Dei minister; ut dictum est; prima parte quest. 111. & suo ministerio adiuuat hominem, ut ad beatitudinem perveniat, non tamen est, nec potest esse beatitudinis obiectum.

Ad 3. Negatur conseq. Ad probationem autem, quod naturam inferiorum attingere superiorem dupliciter contingit. Vno modo securum gradum potentia, & sic vltima perfectio hominis erit in hoc, quod attingat ad contemplandum Deum, sicut Angeli contemplantur. Alio modo, sicut obiectum attingitur a potentia, & hoc modo vltima perfectio cuiuslibet potentia est, ut attingat id, in quo plene inveniatur ratio sui obiecti, & quia ratio obiecti intellectus, non inveniatur plene, nisi in solo Deo, ideo in solo Deo consistit hominis beatitudo, quamvis igitur Angeli sint superiores homine ordine nature, tamē, quia in eis non inveniatur plene ratio obiecti humani intellectus, ideo humanus intellectus in sola Dei contemplatione beatificari potest.

ARTICVLVS VIII.

UTRUM Beatitudo hominis sit in visione diuinæ essentie.

Pro Negativa.

Videtur, quod Beatitudo hominis non sit in visione diuinæ essentie.

1. Per id, quod est supremum ipsius intellectus, homo contingitur Deo, sicut omnino ignoto; ut Dionys. dicit. v. myst. theol. Ergo Vltima intellectus perfectio, seu beatitudo, non consistit in hoc, quod Deum per essentiam videat.

Conseq. quia Id, quod videtur per essentiam, non est omnino ignotum.

2. Hæc est perfectio propria diuini intellectus; ut suam essentiam videat. Ergo Vltima perfectio intellectus humani ad hoc non pertingit, sed habet aliquid aliud infra visionem diuinæ essentie, in quo eius beatitudo consistit.

Conseq. prob. quia Altioris nature perfectio, est altior.

Pro Affirmativa.

Dicitur 1. Ioan. 3. Cum apparuerit, similes erimus, & videbimus eum, sicut est.

Determinatio.

1. Conclusio. Vltima, & perfecta beatitudo hominis non potest esse, nisi in visione diuinæ essentie.

Prob. In eo consistit hominis beatitudo, quo viso, nihil amplius restat videndum, desiderandum, & querendum, & eo non viso, semper remanet aliquid querendum, & desiderandum. Sed Visio Dei essentie, nihil remanet homini desiderandum, & querendum, & ea non visa, nunquam naturale desiderium quietatur. Ergo Vltima, & perfecta beatitudo non consistit nisi in visione diuinæ essentie.

Maiores. quia Homo non est perfecte beatus, quando restat sibi aliquid desiderandum.

Minor

Minor prob. Intellectus cognoscens tantum effectus; per quos non potest cognosci, nisi an est; & non quid est, ipsius cause, non perfecte cognoscitur, sed remanet in eo naturale desiderium cognoscendi quod quid est cause. Sed Humanus intellectus cognoscendo creaturas, non potest cognoscere quod quid est cause ipsarum. Dei, sed solum an est. Ergo Humanus intellectus cognoscendo quamcumque creaturam, non est vltimate perfectus, sed remanet ei naturale desiderium cognoscendi quod quid est Dei.

Maiores prob. quia Vnquamque potentia tunc perfecta est, quando perfecte attingit suum obiectum. Obiectum autem intellectus est quod quid est. Vnde cognoscendo solum an est res, & non quid est, non quietatur, nec simpliciter est perfectus. Sicut vides eclipsim, si ignoret causam, miratur, nec quiescit, quousque cognoscit quid est ipsius cause.

Ex quib. sequitur, quod Intellectus humanus visa quamcumque creaturam, sum per eam, inquam per effectum, non possit cognoscere causam, & Deum, quantum ad quid est, cum sint effectus improporionati, sed solum quantum ad an est; sequitur, quod intellectus humanus non possit quietari, quousque videat Dei essentiam, quia est prima rerum causa, quod tunc erit, quando erit vultus Deo, tanquam proprio obiecto.

Ad Argumenta.

Ad 1. Dicitur, quod Dionysius loquebatur de cognitione eorum, qui sunt in via, qui tendunt ad beatitudinem; non autem de cognigente patriam.

Ad 2. Dicitur ad antec. quod visio diuinæ essentie comprehenditue est propria Dei: Nullus enim intellectus creatus potest diuinam essentiam comprehendere, sed hoc soli increato intellectui competere potest. Tamen ad visionem eiusdem obiecti; quod est omnibus creaturis communis finis, potest per apprehensionem Intellectus creatus peruenire.

QVASTIO IV.

DE H. L. S. QVÆ EXIGUNTUR

ad beatitudinem.

ARTICVLVS IV. S. L. L. I. I.

Vtrum Delectatio requiratur ad beatitudinem.

Pro Negativa.

VIdetur, quod Delectatio non requiratur ad beatitudinem.

1. Visio est tota merces, vt Aug. dicit de Trinitate.

c. 8. Ergo Præter visionem nihil aliud requiritur ad beatitudinem.

Consequ. probi. quia Beatitudo est merces, siue

premiū virtutis. Ethic. c. 2.

2. Visio diuinæ essentie, in qua essentia beati-

tudinis consistit, est sufficientissimum bonum. Ergo

Ad beatitudinem non requiritur delectatio.

Antec. quia Beatitudo est sufficientissimum bonum, vt dicitur 1. Ethic. c. 7.

Consequ. quia Quod est perfectius alio, non est ex se perfecte sufficiens.

3. Delectatio impedit operationem intellectus.

Ergo Delectatio non solum est necessaria ad beatitudinem, sed est impeditiva.

tudinis consistit, est sufficientissimum bonum. Ergo Ad beatitudinem non requiritur delectatio.

Antec. quia Beatitudo est sufficientissimum bonum, vt dicitur 1. Ethic. c. 7.

Consequ. quia Quod est perfectius alio, non est ex se perfecte sufficiens.

3. Delectatio impedit operationem intellectus.

Ergo Delectatio non solum est necessaria ad beatitudinem, sed est impeditiva.

Antec. prob. quia Delectatio corrumpit estimationem prudentie, vt dicitur. 6. Ethic. c. 5.

Consequ. quia Beatitudo consistit in operatione intellectus, vt dictum est.

Pro Affirmativa.

Aug. 10. lib. Confess. c. 13. dicit, quod Beatitudo est gaudium de veritate.

Determinatio.

Dist. Quod dupliciter aliquid requiritur ad aliud. Primo sicut praeambulum, vel preparatiuum

ad ipsam, sicut disciplina, id est compositio morum, requiritur ad scientiam. Secundo sicut perficiens

aliquid, sicut anima requiritur ad vitam corporis. Tertio sicut coadiuuans extrinsecus, sicut amici

requiruntur ad aliquid agendum. Quarto sicut aliquid concomitans, vt si dicamus, quod calor

requiritur ad ignem.

Conclusio. Delectatio requiritur ad beatitudinem quarto modo, scilicet vt concomitans ipsam.

Prob. Adeptionem summi boni necessario concomitatur delectatio. Sed Beatitudo est adeptio summi boni. Ergo Beatitudinem necessario concomitatur delectatio.

Maiores prob. quia Delectatio causatur ex hoc, quod appetitus quiescit in bono adepto.

Ad Argumenta.

Ad 1. Negatur consequ. Nam ex hoc, quod visio est tota merces, sequitur necessario delectatio, ex hoc enim, quod habetur merces, appetitus in ea quiescit.

Ad 2. Neg. consequ. Ad probationem dicitur, quod quia visio diuinæ essentie est sufficientissimum bonum, causatur necessario delectatio. Vnde

quid videt Deum, non potest delectatione carere.

Ad 3. Dicitur ad antec. quod Delectatio est duplex extranea ab operatione, & concomitans operationem. Delectatio extranea impedit operationem

intellectus, vel quia distrahit intentionem, vel ex hoc, quod talis delectatio contrariatur operationi, sicut delectatio sensus impedit operationem

intellectus, quia delectatio sensus est contraria rationi. Delectatio autem concomitans non solum

non impedit operationem intellectus, sed confortat ipsam, quia ea, quae delectabiliter facimus actionibus, & per se creaturis operamur, vt dicitur. Ethic.

c. 13.

D 2 ARTI.

ARTICVLVS II.

Vtrum In beatitudine sit principalis visio, quam delectatio.

Pro Negativa.

Videretur, quod Delectatio sit principalis in beatitudine, quam visio.

1. Perfectio est potior, & principalior perfectibili. Sed Delectatio est perfectio operationis beatificæ, quæ est visio. Ergo Delectatio est potior operatione beatifica, quæ est visio.

Minor. quia Delectatio perficit opus, vt dicitur. 10. Ethic. c. 4.

2. Illud, propter quod aliquid est appetibile, est potius ipso appetibili. Sed Operationes appetuntur propter delectationem ipsarum. Ergo Delectatio est potior quacumque operatione, & in beatitudine, ipsa delectatio est potior visione, quæ est operatio appetita propter delectationem.

Minor prob. quia Natura posuit delectationem in operationibus necessarijs ad conseruationem individui, & speciei, vt huiusmodi operationes ab animalibus non negligantur.

3. Charitas est maior fide, vt dicitur 1. Corint. 13. Ergo Delectatio est principalior visione.

Prob. Conseq. quia Visio respondet fidei, & delectatio, siue fructus respondet charitati.

Pro Affirmativa.

Causa est potior suo effectu. Visio est causa delectationis. Ergo Visio est potior delectatione.

Determinatio.

Arist. 10. Ethic. mouet hanc questionem, & eam insolutam dimittit.

Conclusio. Operatio intellectus, quæ est visio, est potior, & principalior delectatione.

Prob. Res, in qua voluntas quietatur, potior est, ipsa quietatione voluntatis. Sed Visio beatifica est operatio, in qua voluntas quietatur, & delectatio est ipsa quietatio voluntatis. Ergo Visio beatifica est potior delectatione.

Maiores. quia Quod voluntas in aliquo quietatur, non est nisi propter bonitatem, & perfectionem eius, in quo quietatur. Si ergo voluntas quietatur in aliqua operatione, ex bonitate operationis procedit quietatio voluntatis, & sic ista operatio, in qua quietatur, est potior, vt potest a qua prouenit ipsa quietatio, vt effectus a causa.

Minor quo ad primam partem iam patet ex supra dictis: quo ad secundam partem. scilicet quod quietatio fit ipsa delectatio probatur. quia Delectatio consistit in quadam quietatione voluntatis.

Secundo prob. Concl. Voluntas non querit bonum operationis propter quietationem, sed quietationem in ipso. Ergo Non requiritur ad beatitudinem, quia operatio est

bonum eius. Ergo Principalis bonum est operatio, in qua voluntas quietatur, quam sit ipsa quietatio voluntatis in ipso.

Antec. prob. quia Sic ipse actus voluntatis effectus finis, quod est contra præmissa.

Ad argumenta.

Ad 1. Dicitur, quod perfectio rei est duplex. Quædam est perfectio essentialis, quæ facit rem in sua specie perfectam, sicut forma perficit materiam, differentia specifica perficit genus, & his similia. Quædam est perfectio cocomitans ipsam rem, vt risibilitas perficit hominem. Ad maiorem igitur dicitur, quod perfectio essentialis est potior, cocomitans est perfectio, non autem perfectio cocomitans. Et ad minorem dicitur, quod delectatio perficit opus, sicut decor inueniunt, vt dicit Philosoph. 10. Ethic. cap. 4. Delectatio enim est perfectio consequens beatificam visionem.

Ad 2. Dicitur ad minorem, quod operationes pertinentes ad partem sensitiuam, verum est, quod appetuntur propter sensitiuam delectationem, non autem operationes pertinentes ad partem intellectiui, & ratio est, quia intellectus apprehendit rationem vniuersalem boni, non autem sensus: & ideo appetitus sensitiuus querit operationes propter delectationem, appetitus vero intellectiui appetit bonum, ad quod consequitur delectatio. Et quia visio est opus intellectus partis, ideo &c.

Ad 3. Neg. conf. Ad prob. dicitur, quod Delectatio non respondet Charitati, vt finis, sed magis vt consequens ipsum finem, quod autem correspondet Charitati vt finis, est ipsa beatifica visio, quia per eam fit ei primo præfens finis. Vnde Charitas non querit bonum dilectum propter delectationem, sed potius hoc est ei cõsequens, vt delectetur in bono dilecto, quod amat.

ARTICVLVS III.

Vtrum Ad beatitudinem requiratur comprehensio.

Pro Negativa.

Videretur, quod ad beatitudinem non requiratur comprehensio.

1. Illud, quod est impossibile, non requiritur ad beatitudinem. Sed Comprehensio est impossibile. Ergo Comprehensio non requiritur ad beatitudinem.

Minor prob. quia Aug. dicit ad Paul. qd accipere mente Deum, magna est beatitudo, comprehendere autem est impossibile.

2. Intellectus humanus sufficienter perficitur per visionem Dei, & humana voluntas per delectationem in ipso. Ergo Non requiritur ad beatitudinem comprehensio, tanquam aliquod tertium.

Conseq.

Conseq. prob. quia Beatitudo est perfectio hominis secundum intellectivam partem, in qua non sunt alie potentie, quam intellectus, & voluntas ut in prima parte dictum est.

3. Obiecta generalia spectantia ad partem intellectivam sunt tantum duo, scilicet Verum, & Bonum. Ergo Operationes ad intellectivam partem pertinentes sunt tantum duae, scilicet Visio, cui respondet pro obiecto Verum, & Delectatio cui respondet Bonum. Ergo Non requiritur ad beatitudinem, quae in operatione consistit, ut dictum est, comprehensio, tanquam tertia operatio.

Pro Affirmativa.

Spiritualis cursus terminatur ad comprehensionem. Sed Beatitudo est terminus spiritalis cursus. Ergo ad beatitudinem requiritur comprehensio. Maior quia 1. Corinth. 9. dicitur. Bonum certamen certavi, cursum consummavi, fidem servavi: In reliquo reposita est mihi corona iustitiae.

Determinatio.

Conclusio. Ad beatitudinem requiruntur tria, scilicet Visio, Comprehensio, & Delectatio, siue fructus.

Prob. Homo per tria ordinatur ad beatitudinem, scilicet per imperfectam cognitionem ultimi finis, & per amorem eiusdem ultimi finis, & per spem, qua sperat, consequi ultimum finem. Ergo Ad beatitudinem sunt necessaria tria, quae respondeant his tribus, per quae homo ordinatur ad beatitudinem. scilicet Visio, quae respondet imperfectae cognitioni: Praesentia ipsius ultimi finis, quae est comprehensio, correspondens spei: & Delectatio, quae consequitur praesentiam ultimi finis, & responderet amori.

Conseq. prob. quia Cum beatitudo consistat in consecutione ultimi finis, ea, quae requiruntur ad beatitudinem, sunt consideranda, ex ipso ordine hominis ad finem, ita ut quot sunt ea, per quae homo ad finem ultimum ordinatur, tot sint ea, quae his correspondere debeant.

Antec. manifestatur. Homo enim ordinatur ad ultimum finem per intellectum, & voluntatem. Per intellectum quidem, cognoscendo ipsum intelligibilem finem, imperfecta quidam cognitio ne, quae est cognitio fidei. Per voluntatem autem ordinatur per amorem, qui est primus actus ipsius. Sed res amari potest tripliciter se habere ad amantem. Aut enim est ei praesens, & tunc non est ordo, siue habitudo amantis ad rem amaram, ita ut ipsam consequi debeat, quia iam habet praesentem, sed in ea delectatur, & ea fruitur. Vel non est praesens, & tunc, aut possibile est ut ipsam consequatur, sed difficile: aut est impossibile. Si est impossibile eam consequi, non habet aliquem or-

dinem ad ipsam, nec eam consequi querit. Si vero est possibile, sed elevatum supra naturae facultatem adispicentis, ita ut statim haberi non possit, haec est habitudo Spei ad speratum.

Vnde remanet solum triplex habitudo, siue ordo, quo homo ad finem ordinatur ultimum, in quo eius beatitudo consistit, scilicet per Imperfectam cognitionem fidei, per spem, & per amorem. Fidei respondet Visio clara, Spei Comprehensio, quae est praesentia summi boni, & Amori siue charitati responderet Fructio, siue Delectatio de bono iam habito.

Ad Argumenta.

Ad 1. Dicitur, quod comprehensio dicitur dupliciter. Vno modo, ut significat inclusionem comprehensionis comprehendente. Alio modo, ut significat retentionem, siue assurrectionem rei comprehensae, sicut aliquis, alium sequens dicitur eum comprehendere, quando eum tenet. Tunc dicitur ad minorem, quod licet comprehensio divinae essentiae secundum primum modum sit impossibilis, tamen iuxta secundum modum est possibilis: & ad prob. dicitur quod Aug. loquebatur de comprehensione divinae essentiae secundum primum modum, sic enim est impossibilis, sed ille comprehensionis modus non requiritur ad beatitudinem naturae creatae.

Ad 2. Neg. conseq. Voluntas enim non potest delectari perfecte in bono, nisi prius comprehenderet ipsum. Ad probationem dicitur, quod ad voluntatem pertinet comprehensio, & delectatio, sicut ad eandem pertinet spes, & amor, per quos actus voluntas tendit in ultimum finem.

Ad 3. Neg. prima Conseq. Obiectum enim comprehensionis est ipsamet res visa, prout praesentialiter adest, & ipsa comprehensio non est alia qua operatio praeter visionem, sed est solum quaedam habitudo ad finem habitum.

ARTICVLVS IV.

Utrum ad beatitudinem requiratur rectitudo voluntatis.

Pro Negativa.

Videtur, quod rectitudo voluntatis non requiratur ad beatitudinem.

Ad perfectam operationem intellectus non requiritur rectitudo voluntatis. Sed Beatitudo consistit in perfecta operatione intellectus. Ergo Ad beatitudinem non requiritur rectitudo voluntatis.

Maior. Munditia cordis non est necessaria ad perfectam operationem intellectus. Sed Per rectitudinem voluntatis homines multo cor de decurunt.

centis. Ergo Rectitudo voluntatis non est necessaria ad operationem intellectus.

Maiores probant quia Aug. dicit in lib. 1. retract. c. 4. Non approbo, quod in oratione dixi. Deus, qui non nisi mundos vetum scire voluisti. Respondeo enim potest, multos non mundos, multa scire voluisse.

1. Ad illud, quod est prius quam sit operatio voluntatis, non requiritur rectitudo voluntatis. Sed Beatitudo est prior, quam sit operatio voluntatis. Ergo Ad beatitudinem non requiritur rectitudo voluntatis.

Maiores probant quia Prius non dependet a posteriori.

Minor probat. Operatio intellectus est prior, quam sit operatio voluntatis. Sed Beatitudo consistit in operatione intellectus. Ergo Beatitudo est prior, quam sit operatio voluntatis.

3. Quod ordinatur ad aliquod tanquam ad finem, non est necessarium, adepti iam fine: sicut nec nautis, postquam nauta peruenit ad portum. Sed Rectitudo voluntatis, quae est per virtutem, ordinatur ad beatitudinem tanquam ad finem. Ergo Adepta beatitudine, non est amplius necessaria rectitudo voluntatis.

Pro Affirmativa. Matth. 5. dicitur. Beati mundo corde (quod est recti voluntate), quoniam ipsi Deum videbunt. Et ad Hebraeos ultimo. Pacevi sequimini cum omnibus, & sanctorum nomina, quae est rectitudo voluntatis, sine qua nemo videbit Deum.

Petermatio. Distinctio. Rectitudinem voluntatis sequitur ad beatitudinem, potest dupliciter intelligi. Primo Antecedenter, ut praexigatur ad consequendam beatitudinem. Secundo Concomitanter, ut scilicet necessario concomitetur ipsam beatitudinem iam habitam.

1. Conclusio. Rectitudo voluntatis requiritur ad beatitudinem antecedenter.

Prob. Nullus potest consequi finem, nisi habeat debitum ordinem ad finem. Sed Rectitudo voluntatis est propter debitum ordinem ad ultimum finem. Ergo Rectitudo voluntatis praexigitur ad consequendam ultimum finem.

Maiores probant quia Finis copariatur ad id, quod ordinatur ad finem, ut forma ad materiam. Unde sicut materia non potest consequi formam, nisi sit debito modo disposita ad ipsam, ita nihil consequitur finem, nisi sit debito modo ordinatum ad ipsum.

2. Concl. Rectitudo voluntatis requiritur ad beatitudinem concomitanter.

Prob. Quia quicquid amat, in ordine ad

Deum, habet rectitudinem voluntatis. Sed Videns diuinam essentiam, amat, quicquid amat, in ordine ad Deum. Ergo Videns diuinam essentiam, necessario habet rectitudinem voluntatis.

Maiores probant quia Rectitudo voluntatis in hoc consistit, ut omnia diligatur in ordine ad Deum.

Minor probat quia diuina essentia, in cuius visione beatitudo consistit, est ipsa essentia bonitatis. Unde sicut voluntas non videns Deum, quicquid amat, amat sub communi ratione boni, quicquid videt Deum, videns Deum, omnia diligit in ordine ad ipsam essentiam bonitatis, quae est essentia diuina.

Ad Argumenta.

Ad 1. Dicitur, quod Operatio intellectus est duplex. Quia cognoscit verum, quod est ipsa essentia bonitatis. Diuinam essentiam in partem.

& Quia cognoscit verum, quod non est ipsa essentia bonitatis, ut in via. Ad maiorem dicitur, quod est vera, de cognitione veri, quod non est essentia bonitatis, & sic currit probatio, & hoc ostendunt verba Augustini. Sed tunc est falsa ratio. Beatitudo enim non consistit in cognitione veri, sic accepti, sed in cognitione veri, quod est ipsa essentia bonitatis. Et ad probationem dicitur, quod

August. loquitur de cognitione, qua intellectus cognoscit verum, quod non est essentia veritatis. Multi enim, qui non habuerunt cor mundum, cognouerunt multa uerba, Deum tamen per eam nullus, nisi mundo corde, cognoscere poterit.

Ad 2. Negatur minor. Ad prob. dicitur, quod Omnis actus uoluntatis praeceditur ab aliquo actu intellectus, sed tamen aliquis actus uoluntatis praecedit actum aliquem intellectus.

Omnis actus uoluntatis praeceditur cognitionem intellectus, sed aliquis actus uoluntatis praecedit aliquem actum cognitionis, sicut in proposito. Actus, quod intellectus, cuius imperfectio cognoscit ultimum finem, praecedit quemcumque actum uoluntatis. Nunquam enim uoluntas inclinaretur in finem, nisi fuisset cognitus aliquo modo ab intellectu, sed tamen in fine ultimo finis est post actum uoluntatis, qui est inclinatio in ultimum finem. Intellectus enim uidet id, ad quod per uoluntatem inclinabatur. Unde recta inclinatio uoluntatis in finem, praecedit ipsam consecutionem, & clarior notitia finis.

Et sic negatur, quod actus rectitudinis uoluntatis est posterior actui, quo intellectus uidet ultimum finem perfectam uisionem, & hoc loquendo de rectitudine uoluntatis, quatenus est necessaria antecedenter: quatenus enim est necessaria concomitanter, conceditur totum argumentum, dependet enim tunc rectitudo ab actu uisionis beatitudinis.

Ad 3. Dicitur ad maiorem, quod non omne, quod ordinatur ad finem, cessat adueniente fine; sed solum id cessat, quod habet rationem imperfecti, ut est motus. Adepto enim termino cessat morus; Vnde nec instrumenta motus sunt amplius necessaria adepto fine. Debitus autem ordo remanet etiam adepto fine, quia non habet rationem imperfecti.

ARTICVLVS V.

Vtrum Ad beatitudinem hominis requiratur corpus.

Pro Affirmatiua.

Videtur, quod Ad beatitudinem hominis requiratur corpus.

1. Quod requiritur ad perfectionem naturae ipsius animae, requiritur ad hominis beatitudinem. Sed Corpus requiritur ad perfectionem naturae ipsius animae. Ergo Corpus requiritur ad beatitudinem.

2. Maior. quia Perfectio virtutis, & gratiae praesupponit perfectionem naturae. Sed Beatitudo est perfectio virtutis, & gratiae. Ergo Praesupponit perfectionem naturae.

Minor. Pars separata a toto est imperfecta. Sed Anima est pars hominis, cum corpore. Ergo Cum est separata a corpore est imperfecta.

3. Aliud, sine quo anima non habet esse perfectum, requiritur ad beatitudinem. Sed sine corpore anima non habet esse perfectum. Ergo Corpus requiritur ad beatitudinem.

4. Maior prob. Operatio perfecta, sequitur esse perfectum operantis. Vnumquodque enim operatur, secundum quod est actu. Sed Beatitudo est operatio perfecta. Ergo Beatitudo necessario exigit esse perfectum operantis.

Minor. Pars non habet esse perfectum separata a toto. Sed Anima est pars hominis. Ergo Non habet esse perfectum, quando est a corpore separata.

5. Beatitudo est perfectio hominis. Ergo Beatitudo non potest esse in anima sine corpore.

Conseq. prob. quia Anima separata a corpore, non est homo.

6. Operatio felicitatis, in qua consistit beatitudo, est operatio non impedita, ut dicitur 10. Ethic. 6. Sed Operatio animae separata est impedita. Ergo Anima sine corpore non potest esse beata.

Minor. quia Aug. dicit 1. sup. Gen. c. 33. quod Inest animae naturalis quidam appetitus corporis administrandi, quo appetitur retetatur quodam modo, ne tota intentione pergat in illud summum caelum, id est in visionem essentiae diuinae.

7. Anima separata a corpore non habet quie-

ratum desiderium. Ergo Anima sine corpore non est beata.

Antec. quia Appetit corporis unionem.

Conseq. quia Beatitudo est sufficiens bonum, quod quietat desiderium.

8. Anima sine corpore non aequatur Angelis, ut Aug. 12. super Gen. c. 33. Ergo Anima sine corpore non est beata.

Conseq. quia Homo in beatitudine est aequalis Angelis.

Pro Negatiua.

9. Apocalipsis 14. dicitur Beati mortui, qui in Domino moriuntur.

Determinatio.

Distinctio. Duplex est beatitudo. Vna imperfecta, quae habetur in hac vita. Et alia perfecta, quae in Dei visione consistit.

Conclusio. Ad beatitudinem huius vitae necesse requiritur corpus.

1. Prob. Operatio intellectus in hac vita, non potest esse sine corpore. Sed Beatitudo consistit in operatione intellectus practici, vel speculatiui. Ergo Beatitudo in hac vita dependet quodammodo a corpore.

2. Maior. quia Non potest intellectus intelligere sine phantasmatibus.

Aliorum opinio.

Sed circa beatitudinem perfectam, quae in Dei visione consistit. Aliqui posuerunt, quod non potest anima aduenire sine corpore existente, dicentes, quod anima Sanctorum a corporibus separata, ad illam beatitudinem non perueniunt usque ad diem Iudicii, quando corpora resurgent.

Reprobatio. Et vera sententia.

Sed hoc apparet esse falsum auctoritate, & ratione.

1. Primo. Anima, quae sunt Deo praesentes, vident diuinam essentiam, & sunt beatae. Sed Anima Sanctorum a corporibus separatae sunt Deo praesentes. Ergo Anima Sanctorum a corpore separatae sunt beatae.

2. Maior prob. quia 2. ad Corinth. 5. dicit Apostolus. Quamdiu sumus in hoc corpore, peregrinamur a domino, id est non sumus ei praesentes, & quae sit causa huius peregrinationis ostendit subdens. Per fidem enim ambulamus, & non per speciem: ex quo apparet, quod quam diu aliquis ambulat per fidem, & non per speciem, carnis visione diuinam essentiam, non est Deo praesens. Vnde, qui sunt Deo praesentes, iam per speciem, & non per fidem ambulant, videndo diuinam essentiam.

Minor prob. quia Ibidem subdit Apostolus. Aude-

Andemus autem, & voluntatem habemus bonā, peregrinari a corpore, & præſentes eſſe ad Deū: ac ſi dicat. Cum ſeparata erit anima a corpore, erit Deo præſens.

Secundo prob. falſitas dicte ſententiæ. ratio. Operatio intellectus, ad quam non concurrūt phantaſmata, poteſt eſſe abſque corpore. Sed ad operationem beatificatā, quæ eſt viſio diuinæ eſſentiæ, non concurrunt phantaſmata. Ergo Anima poteſt eſſe beata ſine corpore.

Maior. quia Intellectus non indiget corpore, niſi propter phantaſmata: Vnde poterit operari ſine corpore, tali operatione.

Minor prob. quia Diuina eſſentia non poteſt videri per phantaſmata:

Ex quibus ſequitur ſecunda intentā conclusio ſcilicet.

2. Conclusio. Anima ſeparata poteſt eſſe beata ſine corpore, & ſic corpus non eſt neceſſario requiſitum ad perfectā beatitudinem, quæ conclusio remanet probata per rationes dictas.

Diſtinctio. Ad perfectionem alicuius rei, aliquid dupliciter poteſt pertinere. Vno modo, ad conſtituendam eſſentiam rei: ſicut anima requiritur ad perfectionem hominis. Alio modo, requiritur ad perfectionem rei, quæ pertinet ad bene eſſe eius: ſicut pulchritudo corporis, vel velocitas ingenij, pertinent ad perfectionem hominis.

3. Conclusio. Quamuis corpus non pertineat ad beatitudinem perfectam hominis, ſecundum primum modum, pertinet tamen ad ipſam ſecundo modo.

Probat. Quanto anima perfectior eſt in ſua natura, tanto perfectius habet ſuam operationē. Sed Anima corpori coniuncta eſt perfectior in ſua natura. Ergo Anima cōiuncta corpori habet perfectius ſuam operationem, in qua beatitudo conſiſtit.

Maior. quia Operatio ex eſſe, & natura rei, quæ operatur, dependet.

Et Confirmatur. quia Cum D. Aug. 12. ſuper Gen. c. 35. quæſiuiſſet, Vtrum ſpiritibus deſuncto- rum ſine corporibus poſſit illa ſumma beatitudo præberi. Reſpondet, quod non ſic poſſunt videre incommutabilem ſubſtantiam, vt Sancti Angeli vident, ſiue alia latentiore cauſa, ſiue ideo, quia eſt in eis naturalis quidam appetitus adminiſtrandi corpus.

Ad Argumenta.

Ad 1. Dicitur, quod Anima intellectiua poteſt dupliciter conſiderari. Vno modo, vt intellectiua eſt. ſex parte intellectus, & ex hac parte anima tranſcendit corpus. Alio modo, vt eſt corporis forma. Vnde duplex genus naturalium perfe-

ctionum poteſt animæ conuenire. Quædam ſcilicet conueniunt ei, ſecundum quod eſt intellectiua, & tranſcendit corporis organa. Quædam vero conueniunt ei, ſecundum quod eſt forma corporis. Perfectiones naturales, quæ conueniunt animæ, vt tranſcendit corpus, ſunt ſuæ potentiæ; puta intellectus, & voluntas, & propriæ operationes harum potentialium, vt ſunt intelligere, & velle. Perfectiones vero eius naturales, ſecundum quod eſt forma corporis, ſunt vt informet corpus, habeat potentias ſenſitiuas ad ipſam pertinentes, & earum operationes. Perfectiones priores, manent in anima ſeparata: nō autem poſteriores. Et quia beatitudo eſt perfectio animæ, ſecundum quod tranſcendit corpus, ideo ad beatitudinem ſufficit, vt remaneant naturales perfectiones conuenientes animæ, ſecundum quod tranſcendit corpus. Vnde ad formam argumenti dicitur, ad maiore, quod ea, quæ requiruntur ad perfectionem animæ, non quamcumque, ſed prout corpus tranſcendit, requiruntur ad beatitudinem, hoc verū eſt, & tunc negatur minor: corpus enim non requiritur ad perfectionem animæ, ſic conſideratā. Ad cuius probationem dicitur, quod anima ſeparata a corpore eſt imperfecta, quatenus non habet perfectionem conuenientem ei, vt eſt forma corporis, tamen eſt perfecta, ſecundum quod corpus tranſcendit.

Ad 2. Negatur minor. Ad probationem, dicitur ad minorem, quod anima aliter ſe habet ad eſſe, quam aliz partes. Nam aliz partes non habent eſſe proprium, ſed ſolum participant eſſe totius. Vnde deſtructo toto, vel omnino partes non remanent, ſicut partes animalis, deſtructo animali: uel ſi remanent, non habent idem eſſe, quod prius habuerunt in toto: ſicut pars lineæ habet aliud eſſe, quam tota linea. Anima autem humana remanet ſecundum idem eſſe, etiam corrupto homine: & ratio eſt, quia anima humana non recipit eſſe a compoſito, ſicut aliz formæ, ſed habet proprium eſſe, in quo ſubiſtit, quod conſtituit compoſito. Vnde deſtucto compoſito, ipſa retinet proprium eſſe, & hac ratione etiam ſeparata a corpore, habet perfectam operationem, licet non habeat perfectam naturam, ſecundum quod non informat corpus.

Ad 3. Dicitur ad antec. quod Beatitudo eſt perfectio hominis ſecundum intellectum, & ideo remanente intellectu poteſt ineſſe ei beatitudo: ſicut dentes Aethiopis, ſecundum quos Aethiops albus dicitur, etiam auulſi, albi remanere poſſunt.

Ad 4. Dicitur, quod dupliciter aliquid impeditur ab alio. Vno modo per modum contrarietatis, ſicut frigus impedit actionem caloris & tale impedi-

impedimentum operationis repugnat felicitati. Alio modo, per modum cuiusdam defectus, quia scilicet res impedita, non habet quicquid ad omnimodam eius perfectionem requiritur, & tale impedimentum non repugnat felicitati, sed solum omnimodæ perfectioni ipsius. Tunc ad maiorem dicitur, quod operatio felicitatis non debet esse impedita per modum cōtrarieratis, quod autem sit impedita per modum cuiusdam defectus, non repugnat felicitati, sed eius omnimodæ perfectioni. Et ad minorem dicitur, quod operatio animæ separata est impedita solum per modum cuiusdam defectus: separatio enim animæ a corpore dicitur retardare ipsam, ne tota intentione tendat in visionem diuinæ essentiae, appetit. n. anima sic Deo frui, quod etiam ipsa fruiri deriuent ad corpus per redundantiam, sicut est possibile, & ideo quamdiu fruitor sine corpore, appetitus eius sic quiescit in Deo, quod tamen ad huc ad participationem eius vellet sumi corpus pertingere.

Ad 5. Dicitur ad antec. quod anima separata habet desiderium quietatum ex parte appetibilis, quia habet id, quod suo appetitui sufficit; sed non est totaliter quietatum ex parte appetentis, quia illud bonum non possidet secundum omnem modum, quod possidere vellet, & ideo resumpto corpore, beatitudo crescet, non intensius, sed extensius.

Ad 6. Dicitur ad antec. quod est Augustini, quando Augustinus dicit, quod si Spiritus sanctus et aliorum non sic vident Deum, sicut Angeli, non est eius dictum intelligendum, secundum inæqualitatem quantitatis, quia etiam modo aliquæ animæ beatorum sunt assumptæ ad superiores ordines Angelorum, clarius videntes Deum, quam inferiores Angeli: sed intelligitur secundum inæqualitatem proportionis, quia Angeli etiam infimi habent omnem perfectionem beatitudinis, quæ sunt habituri, non autem animæ separatae Sanctorum, quibus deficit, ut earum beatitudo redundet in corpus.

ARTICVLVS VI.

Utrum ad beatitudinem requiratur aliqua perfectio corporis.

Pro Negativa.

Videtur, quod perfectio corporis non requiratur ad beatitudinem hominis perfectam.

1. Corporeale bonum non requiritur ad beatitudinem. Sed Perfectio corporis est quoddam corporeale bonum, ut dictum est. q. 1. Ergo Perfectio corporis non requiritur ad perfectam beatitudinem.

Mayor. quia Beatitudo non consistit in corporalibus bonis.

2. Quod nihil exhibet ad visionem diuinæ essentiae, non requiritur ad beatitudinem. Sed Corporis dispositio nihil exhibet ad visionem diuinæ essentiae, ut dictum est. q. 3. ar. 5. Ergo Dispositio corporis non est necessaria ad beatitudinem.

Mayor. quia Beatitudo consistit in visione diuinæ essentiae.

3. Ad perfectam intellectus operationem requiritur omnimoda abstractio ipsius intellectus a corpore. Sed Beatitudo consistit in perfectissima intellectus operatione. Ergo Ad beatitudinem requiritur, quod anima sit maxime a corpore abstracta, & separata: & sic corporis dispositio non solum non requiritur ad beatitudinem, sed potius eam impedit.

Pro affirmatiua.

Quod repromittitur sanctis pro premio, requiritur ad beatitudinem, & ad ipsam pertinet. Sed Non solum visio Dei, sed etiam bona corporis dispositio promittitur sanctis pro premio. Ergo Bona corporis dispositio requiritur ad beatitudinem.

Minor. Esaiæ ultimo dicitur. Videbitis, & gaudebit cor vestrum, & ossa vestra quasi herba germinabunt.

Determinatio.

1. Conclusio. Ad beatitudinem hominis, qualis in hac vita haberi potest, requiritur ex necessitate bona corporis dispositio.

Prob. Quod est necessarium ad operationem perfectæ virtutis, requiritur ad beatitudinem huius vitæ. Sed Bona dispositio corporis requiritur ad perfectam operationem virtutis. Ergo Ad beatitudinem huius vitæ requiritur bona corporis dispositio.

Mayor. quia Beatitudo huius vitæ consistit in operatione perfectæ virtutis, ut Philosophi dicunt.

Minor. quia Per inualitudinem corporis in omni operatione virtutis homo impediri potest.

Aliorum opinio.

Sed si loquamur de perfectæ beatitudine, quidam dicunt, quod ad eam non solum non requiritur aliqua corporis dispositio, sed necesse est, ut anima omnino a corpore sit separata.

Et hæc fuit Porphyrij opinio, cuius verba refert Augustinus de Ciuit. Dei cap. 26. dicens quod. Ad hoc, ut sit beata anima, omne corpus fugiendum est, & ratio huius sententiæ est tertium argumentum allatum.

Reprobatio.

Sed hoc est inconueniens, quod ostenditur.

E

Quod

Quod est animæ naturale, non excludit eius omnimodam perfectionem. Sed Esse corpori vilitus est animæ naturale. Ergo Esse corpori unitum, non excludit, quin anima possit esse beatâ.

Vera sententia.

2. Conclusio. Ad beatitudinem omnibus modis perfectam requiritur perfecta dispositio corporis, & antecedenter, & consequenter.

Prob. Antecedenter quidem, quia Aug. 12. super Gene. c. 3. ad litteram concludit, quod cum hoc corpus iam non erit animale, sed spirituale, tunc Angelis adacquabitur, & erit ei ad gloriam, quod sarcinæ fuit.

Consequenter vero, quia ex beatitudine animæ, fiet redundantia in corpus, ut Aug. dicit epistolâ ad Dioscorum.

Ad Argumenta.

Ad 1. Negatur maior. Ad probationem dicitur, quod in corporali bono non consistit beatitudo, sicut in obiecto beatitudinis, sed tamen potest corporale bonum concurrere ad aliquam beatitudinis decorem, & omnimodam perfectionem, & ad hoc requiritur corpus.

Ad 2. Dicitur ad minorem, quod etsi corpus nihil conferat ad visionem diuinæ essentiae, post se tamen corporis imperfectio ab hac visione impedire. Requiritur igitur corporis perfectio, ut non impediatur mentis eleuatio.

Ad 3. Dicitur ad maiorem, quod ad perfectam operationem intellectus requiritur quidem abstractio a corpore corruptibili, quod aggravat animam: Non autem a corpore spirituali, quod erit totaliter animæ subiectum, & tale erit corpus, animæ in patria unitum, ut dicitur in 3. parte.

ARTICVLVS VII.

Utrum Ad beatitudinem requirantur aliqua exteriora bona.

Pro Affirmatiua.

Videtur, quod ad beatitudinem requirantur etiam exteriora bona.

1. Quod promittitur sanctis in præmium, ad beatitudinem pertinet. Sed Bona exteriora reprobantur sanctis in præmium. Ergo Bona exteriora requiruntur ad beatitudinem.

Minor prob. quia Sanctis promittuntur cibus, potus, diuitie, regnum, & similia. Nam Lucæ 22. dicitur. Ut edatis & bibatis super mensam meam, in regno meo. Matth. 6. Thesaurizate vobis thesaurum. Matth. 23. Venite benedicti patris mei, & percipite regnum.

2. Quæ sunt necessaria ad constituendum sta-

tum omnium bonorum aggregatione perfectum requiruntur etiam ad beatitudinem. Sed Bona exteriora requiruntur ad constituendum statum omnium bonorum aggregatione perfectum. Ergo Bona exteriora requiruntur etiam ad beatitudinem.

Maior prob. quia Beatitudo est status omnium bonorum aggregatione perfectus, ut Boet. dicit 3. de Consol.

Minor. quia Bona exteriora sunt quædam bona hominis, licet minima, ut Aug. dicit lib. 1. de lib. arb. c. 19.

3. Locus est quoddam exterius bonum. Sed Ad beatitudinem requiritur locus: Dicitur enim Matth. 5. Merces vestra multa est in cælis. Ergo Ad beatitudinem requiritur exterius bonum.

Pro Negatiua.

Psal. 71. dicitur. Quid enim mihi est in cælo, & a te quid volui super terram? quasi dicat, nihil volo, nisi hoc, quod sequitur: Mihi adharere Deo bonum est. Ergo Nihil aliud extra Deum ad beatitudinem requiritur.

Determinatio.

1. Conclusio. Si loquamur de beatitudine hominis imperfecta, qualis in hac vita haberi potest, requiruntur ad eam bona exteriora, non quasi de essentiali beatitudinis existentia, sed quasi instrumentaliter deferuentia beatitudini, quæ consistit in operatione virtutis, ut dicitur 1. Ethic. c. 7.

Prob. Quæ sunt necessaria ad operationem virtutis contemplatiuæ, & actiuæ, requiruntur ad beatitudinem huius vite. Sed Bona exteriora requiruntur ad operationem virtutis, tum contemplatiuæ, tum etiam, & magis, ad operationem virtutis actiuæ. Ergo Bona exteriora requiruntur ad beatitudinem huius vite.

Maior. quia Beatitudo imperfecta, vite præsentis, consistit in operatione virtutis, ut dictum est.

2. Conclusio. Ad beatitudinem perfectam, quæ in visione Dei consistit, nullo modo bona exteriora requiruntur.

Prob. Ea, quæ ordinantur solum ad vitam animalem corporis, non requiruntur ad beatitudinem perfectam hominis, quæ in visione Dei consistit. Sed Bona exteriora ordinantur tantum ad vitam animalem corporis. Ergo Non sunt bona exteriora necessaria ad beatitudinem.

Maior. quia Illa perfecta beatitudo, vel erit in anima sine corpore, ut est ante resurrectionem: vel erit in anima coniuncta corpori, non amplius animalis, sed spirituali, & tunc ibi non erit vita animalis, & per consequens, nec ea, quæ ordinantur ad animalem vitam conseruandam.

Minor prob. Quia huiusmodi exteriora bona, vel requiruntur ad sustentationem animalis corporis.

poris: vel ad aliquas operationes, quas per animalia corpora exercemus, quæ animalia vitæ cōueniunt.

3. Conclusio. Felicitas huius vitæ, quæ in vitâ contemplatiua consistit, minus indiget bonis exterioribus, quam actiua.

Prob. quia Felicitas contemplatiua huius vitæ, magis accedit ad similitudinem illius perfectæ beatitudinis, quam actiua, utpote Deo similior.

Ad argumenta.

Ad 1. Negatur minor. Ad probationem dicitur, quod omnes illæ corporales promissiones, quæ in Sacra scriptura continentur, sunt metaphorice intelligendæ, secundum quod in scripturis solent spiritualia, per corporalia designari, ut ex his, quæ nouimus, ad desiderandum incognita confurgamus: sicut per cibum, & potum intelligitur delectatio beatitudinis: per diuicias sufficientia, quæ homini sufficiunt Deus: per regnum, exaltatio hominis usque ad coniunctionem cum Deo.

Ad 2. Dicitur, quod beatitudo est status omnium bonorum, spectantium ad vitam spiritualement: bona vero, quæ spectant ad vitam animalem, erunt in illa beatitudine, in quantum quidquid boni inuenitur in illis, totum habebitur in ipso summo fonte bonorum. Vnde ad formam argumenti dicitur ad maiorem, quod id, quod pertinet ad congregationem omnium bonorum, pertinentium ad vitam spiritualement, pertinet etiâ ad beatitudinem, sic vera est: sed negatur minor. Bona enim exteriora non pertinent ad vitam spiritualement, sed ad vitam animalem, & ideo non erunt in illa beatitudine, nisi prout sunt in Deo.

Ad 3. Negatur minor. Ad probationem dicitur, secundum Aug. lib. 1. de ser. dom. c. 9. quod merces Sanctorum non dicitur esse in cælis corporis, sed per cælum intelligitur altitudo spiritualium bonorum.

Vel secundo dicitur ad eandem probationem, quod locus corporeus scilicet Cælum empyreum aderit beatis, non propter necessitatem beatitudinis, sed propter decorem, & quandam congruentiam.

ARTICVLVS VIII.

Vtrum Ad beatitudinem requiratur societas amicorum.

Pro Affirmatiua.

Videtur, quod amici sint necessarij ad beatitudinem.

1. Ad gloriam requiritur societas amicorum. Sed Beatitudo in scripturis dicitur gloria. Ergo Ad beatitudinem requiritur societas amicorum.

Maiores. quia Gloria consistit in hoc, quod bonum hominis deducitur ad notitiam multorum.

2. Ad delectationem requiritur societas amicorum. Sed beatitudinem cōcomitur delectatio. Ergo Ad beatitudinem est necessaria societas amicorum.

Maiores. quia Boetius dicit, quod nullius boni sine consortio iocunda (scilicet delectabilis) est possessio.

3. Ad perfectam charitatem requiritur amicorum societas. Sed in beatitudine est perfecta charitas. Ergo Ad beatitudinem est necessaria societas amicorum.

Maiores. quia Charitas, se extendit ad dilectionem Dei, & proximi.

Pro Negatiua.

Sapientia 7. dicitur, Venerunt mihi omnia bona paciter cum illa. scilicet diuina sapientia, quæ consistit in contemplatione Dei: & sic ad beatitudinem nihil aliud requiritur.

Determinatio.

1. Conclusio. Ad felicitatem præsentis vitæ, necessaria est societas amicorum.

Quæ Conclusio prius probatur, deinde declaratur.

Primo Prob. Anthoritate Arist. 9. Ethic. cap. 9. dicentis, quod felix indiget amicis.

Secundo. quia Homo indiget ad bene operandum auxilio amicorum, tam in operibus vitæ actiue, quam in operibus vitæ contemplatiue.

Declaratur. Homo non indiget amicis ad felicitatem propter sui utilitatem, quia est sibi sufficiens. Nec propter delectationem, quia habet in se ipso delectationem perfectam in operatione virtutis. Sed eis indiget, propter bonam operationem, ut scilicet benefaciat, & ut eos inspiciens benefacere, delectetur, & ut ab eis benefaciendo iuuetur.

2. Conclusio. Ad perfectam beatitudinem, quæ erit in patria, non requiritur societas amicorum de necessitate.

Prob. quia Homo beatus, perfecta beatitudine, habet totam plenitudinem sue perfectionis in Deo.

3. Conclusio. Societas amicorum facit ad bene esse, perfectæ beatitudinis.

Prob. quia Aug. super Gen. ad lit. c. 25. dicit, quod Creatura spiritualis, ad hoc ut sit beata, non nisi intrinsecus adiuvatur æternitate, veritate, Charitate creatoris. Extrinsecus vero, si ad iuuari dicenda est, fortasse hoc solo adiuvatur, quod se inuicem vident, & de sua societate gaudent.

Ad Argumenta.

Ad 1. Dicitur, quod Gloria est duplex. Scilicet apud Deum, & apud homines. Ad gloriâ, quæ est apud homines, societas requiritur amicorum: non autem

ad gloriam, quæ est apud Deum. Ad formam dicitur ad maiorem, quod est vera, de gloria apud homines, & tunc negatur minor. Beatitudo. n. est gloria apud Deum, quæ est essentialis beatitudini.

Ad 2. Negatur maior, de beatifica delectatione. Ad probationem dicitur, quod verbum illud Boetij intelligitur, quando in eo bono, quod habetur, non est plenissima sufficientia, quod in proposito dici non potest, quia omnis boni sufficientiam habet homo a Deo.

Ad 3. Negatur maior. Ad probationem dicitur, quod perfectio Charitatis est essentialis beatitudini, quantum ad dilectionem Dei, non quantum ad dilectionem proximi. Vnde si esset una sola anima fruens Deo, beata esset, non habens proximum, quæ diligeret: sed supposito proximo, sequitur dilectionis eius ex perfecta dilectione Dei. Vnde quasi concomitanter se habet amicitia ad perfectam beatitudinem.

QVÆSTIO V.

DE ADEPTIONE BEATITVDINIS.

ARTICVLVS I.

Vtrum homo possit consequi beatitudinem.

Pro Negativa.

Videtur, quod homo non possit consequi beatitudinem.

1. Bruta animalia, quæ habent naturam sensibilem tantum, non possunt peruenire ad finem rationalis naturæ. Ergo Nec homo, qui est rationalis naturæ, potest peruenire ad finem intellectualis naturæ Angelicæ, qui finis est beatitudo.

Conseq. prob. quia Sicut natura rationalis est supra sensibilem, ita natura intellectualis est supra rationalem, vt Dion. dicit lib. de diu. nom. c. 5.

2. Qui peruenit ad perfectam beatitudinem, intuetur veritatem puram. Sed Homo non potest intueri veritatem puram. Ergo Homo non potest consequi beatitudinem.

Maior. quia Vera beatitudo consistit in visione Dei, quæ est veritas pura.

Minor. quia Homini connaturale est, vt veritate intueatur in rebus materialibus: Vnde species intelligibiles in phantasmatibus intelligit, vt dicitur 3. de anima tex. 39.

3. Homo non potest transcendere naturam Angelicam. Ergo non potest peruenire ad beatitudinem.

Conseq. prob. Nullus potest peruenire ad summum, nisi transcendat medium. Sed Beatitudo est summum bonum, inter quod, & hominem, mediat natura Angelica. Ergo Homo, si non transcendat naturam Angelicam, non potest ad beatitudinem peruenire.

Pro Affirmativa.

In Psal. 93. dicitur. Beatus homo, quem tu erudicis Domine.

Determinationis.

Conclusio. Homo potest consequi beatitudinem.

Prob. Quicunque est capax perfecti boni, potest ad beatitudinem peruenire. Sed Homo est capax perfecti boni. Ergo Homo potest ad beatitudinem peruenire.

Maior. quia Beatitudo importat adeptionem perfecti boni.

Minor probatur. quia Intellectus hominis potest apprehendere vniuersale, & perfectum bonum, & Voluntas potest, illud appetere.

Secundo prob. Conclusio. Homo est capax visionis diuinæ essentia, vt dictum est prima parte q. 12. art. 1. Ergo Est capax beatitudinis, & per consequens eam consequi potest.

Consequentia. quia Beatitudo perfecta in visione diuinæ essentia consistit.

Ad argumenta.

Ad 1. Negatur conseq. Ad probationem dicitur, quod aliter excedit natura rationalis sensitivam, & aliter intellectualis rationalem. Natura. n. rationalis excedit sensitivam, quantum ad cognitionis obiectum, quia sensus nullo modo potest cognoscere vniuersale, cuius ratio est cognoscitivum, sed intellectualis natura excedit rationalem, quantum ad modum cognoscendi intelligibilem veritatem, nam intellectualis natura statim apprehendit veritatem, ad quam rationalis natura per inquisitionem rationis pertingit, vt patet ex his, quæ primo dicta sunt, & ideo ad id, quod intellectus apprehendit, ratio per quandam motum pertingit. Vnde rationalis natura consequi potest beatitudinem, quæ est perfectio intellectualis naturæ; tamen alio modo, quam Angeli. Nam Angeli consequuti sunt eam statim post principium suæ cognitionis: homines autem per tempus perueniunt; sed natura sensitiva ad hunc finem nullo modo pertingere potest.

Ad 2. Negatur minor. Ad probationem dicitur, quod homini secundum statum presentis vite est connaturalis modus cognoscendi veritatem intelligibilem per phantasmatia, sed post huius vite statum, habet alium modum cognoscendi connaturalem, vt in p. q. 74. art. 7. dictum est.

Ad 3. Dicitur ad antec. quod homo non potest transcendere Angelos gradu naturæ, vt scilicet naturaliter sit eis superior; potest tamen eos transcendere per operationem intellectus, dum intelligit, aliquid super Angelos esse, quod homines beatificat, quod cum perfecte consequetur, perfecte beatus erit.

ARTICVLVS II.

Vtrum Vnus homo possit esse beator altero.

Pro Negatiua.

Videtur, quod Vnus homo altero non possit esse beator.

1. Pro operibus virtutū, omnibus redditur æqualis merces. Sed Beatitude est præmium virtutis, vt dicitur 1. Ethic. c. 9. Ergo Beatitude omnibus æqualiter retribuitur, & vnus non magis quā alius eam participabit.

Maior. quia Matth. 20. dī, q̄ omnes acceperūt singulos denarios: quia vt dicit Gregorius, æqualem æternæ vitæ retributionem sortiti sunt.

2. Summo non pōt aliquid esse maius. Sed Beatitude omnīū est summū bonū. Ergo Beatitude omnīū est æqualis, nec vnus est altero beator.

3. Nullo beato deest aliquid. Ergo Omnes beati sunt æqualiter beati.

Antec. quia Beatitude, cum sit perfectū, & sufficiens bonum, desiderium hominis quietat.

Conseq. prob. quia Si vnus est altero beator, habebit aliquod bonum vnus, quod non habebit alter, & sic desiderium eius, qui tali bono caret, non erit quietatum, sed poterit appetere illud bonum, quo ipse caret, & alter habet.

Pro Affirmatiua.

In celesti patria sunt diuersæ meritorū dignitates. Ergo In celesti patria vnus potest esse beator altero.

Antec. prob. quia Per diuersas mansiones, quas Dominus dicit esse in domo patris sui. Ioā. 14. diuersæ meritorum dignitates in vita æterna significantur, secundum Aug. trac. 67. in Io.

Conseq. prob. quia Dignitas, quæ pro merito datur, est ipsa beatitudo.

Determinatio.

Distinctio. In rōne beatitudinis duo includuntur. s. Ipse finis vltimus, qui est summum bonum. Et adeptio, vel fructio ipsius boni: quæ distinctio exposita est, q. 1. ar. 8. & q. 2. ar. 7. huius.

1. Conclusio. Quantum ad bonum, quod est beatitudinis obiectum, & causā, non potest esse vna beatitudo maior altera.

Prob. quia Non est nisi vnum summū bonū, s. Deus, cuius fruitione homines sunt beati.

2. Cōclusio. Quātū ad adeptionē summi boni, vel ipsius fruitionē, pōt aliquis alio esse beator.

Prob. quia Quāto magis q̄s hoc bono fruitur, tāto est beator. Sed Vnus pōt magis frui Deo, q̄ alius, p̄ hoc qd̄ est melius dispositus, p̄ maius lumen gloriæ, quod per maiorem charitatem meruit. Ergo Vnus est altero beator.

Ad Argumenta.

Ad 1. Neg. maior. Ad probationē dicitur, quod

vnitas denarij significat vnitatē beatitudinis, ex parte obiecti, & diuersitas mansionum, de qua Ioan. 14. habetur, significat diuersitatem beatitudinis, secundum diuersum gradum fruitionis.

Ad 2. Dī ad minore, q̄ Beatitude dī esse summū bonū, in quātū est summi boni p̄fecta possessio, quod tñ secundum diuersum gradū pōt adipisci. Ad 3. Dī ad antec. q̄ nulli beato deest aliquid bonū desiderandū, cum habeat ipsum bonū infinitum, quod est bonū omnis boni, vt Aug. dicit: sed dicitur alius alio beator, ex diuersa eius boni participatione: additio autē aliorum bonorū non auget beatitudinem. Vnde Aug. dicit in 5. Con. feli. c. 4. Qui te, & alia nouit, non propter illa beator, sed propter te solum beatus.

ARTICVLVS III.

Vtrum Aliquis in hac vita possit esse beatus.

Pro Affirmatiua.

Videtur, q̄ Beatitude possit in hac vita haberi.

1. Psal. 118. dicitur. Beati immaculati in via. Ergo Quis in hac vita potest esse beatus.

2. Imperfecta participatio summi boni, non adimit rationem beatitudinis. Sed In hac vita homines possunt participare summum bonum cognoscendo, & amando Deum, licet imperfecte. Ergo Homo in hac vita potest esse beatus.

Maior. quia aliogn vn̄ nō esset altero beator.

3. Quod ab omnibus dicitur, non potest totaliter esse falsum. Sed Plures ponunt beatitudinē in hac vita. Iuxta illud psalmi 143. Beatum dixerunt populum cui hac sunt. Ergo Aliquis in hac vita potest esse beatus.

Maior. quia Quod in pluribus est, naturale videtur. Natura vero non deficit totaliter.

Pro Negatiua.

Qui repletur multis miserijs, nō potest esse beatus. Sed Homo in hac vita multis repletur miserijs. Ergo Homo in hac vita non pōt esse beatus.

Maior. quia Beatitude excludit miseriam.

Minor. quia Iob. 14. dicitur. Homo natus de muliere, breui viuens tempore, repletur multis miserijs.

Determinatio.

Conclusio. Aliqualis participatio beatitudinis in hac vita haberi potest, perfecta autem, & vera beatitudo non potest haberi in hac vita.

Prob. dupliciter. Primo ex ratione ipsius beatitudinis in communi, sic. Vbi quis est perfecte beatus, potest omne malum excludi, & omne desiderium impleri. Sed In hac vita non potest omne malum excludi, & omne desiderium impleri. Ergo In hac vita non pōt quis, esse perfecte beatus.

Maior.

Major. quia Beatitudo est bonum sufficiens, & perfectum, excludens omne malum, & implens omne desiderium.

Minor prob. Non potest in hac vita omne malum excludi, quia præsens vita subiaceret multis malis, quæ vitari non possunt, subiaceret enim ignorantia ex parte intellectus: Inordinatæ affectioni, ex parte appetitus: Et multiplicibus pœnalitatibus ex parte corporis, vt Aug. diligenter ostendit: 10. de Ciuit. Dei. c. 5. Similiter etiâ desiderium boni in hac vita satari non potest: Naturaliter enim homo desiderat perpetuitatem, eius boni, quod habet. Bona autem præsentis vitæ tēporalia sunt, & transeunt, sicut ipsamet vita, quam tamen naturaliter desideramus, & eam perpetuo permanere vellemus, eo quod naturaliter homo refugiat mortem. Vnde impossibile est, quod in hac vita vera beatitudo habeatur.

Secundo prob. Conclusio ex ratione beatitudinis in speciali. Homo in hac vita non potest videre diuinam essentiam. Ergo Homo in hac vita non potest esse beatus.

Antec. pater 1. p. q. 12. art. 11.

Cōseq. quia Beatitudo perfecta in visione diuinæ essentia consistit.

Ad argumenta.

Ad 1. Dicitur, quod Immaculati dicuntur beati in hac vita, vel propter spem beatitudinis adipiscendæ in alia vita, vel propter aliquam participationem beatitudinis.

Ad 2. Dicitur ad maiorem, quod participatio beatitudinis potest esse imperfecta dupliciter. Vno modo, ex parte ipsius obiecti beatitudinis, quod quidē secundū sui essentiam non videtur, & talis imperfectio tollit rationem veræ beatitudinis. Alio modo, potest esse imperfecta ex parte ipsius participantis, qui quidem ad ipsum obiectū beatitudinis, secundū seipsum, attingit. scilicet Deum, sed imperfecte, per respectum ad modum, quo Deus se ipso fruitur, & talis imperfectio non tollit veram rationem beatitudinis, quia cum beatitudo sit operatio quædam (vt supra dictum est) vera ratio beatitudinis consideratur ex obiecto, quod dat speciem actui, non autem ex subiecto. Tūc ad minorem dicitur, quod homo in hac vita participat beatitudinē, imperfecte ex parte obiecti, scilicet quia Deum non videt, & ideo non potest in hac vita esse perfecte beatus.

Ad 3. Dicitur, quod ponentes beatitudinem in hac vita, non dicunt totaliter falsum, quia potest haberi aliqua beatitudinis participatio, vt dictum est.

Vtrum Beatitudo habita possit amitti.

Pro Affirmatiua.

Videtur, quod Beatitudo habita possit amitti. 1. Quod mutabiliter participatur, potest amitti. Sed Beatitudo mutabiliter participatur ab homine. Ergo Beatitudo potest amitti.

Minor. Omnis perfectio inest perfectibili secundum modum perfectibilis. Sed Beatitudo est perfectio hominis, qui secundum suam naturam est mutabilis. Ergo Beatitudo inest homini mutabiliter.

2. Intellectus potest desistere à sua operatione. Ergo Homo potest amittere beatitudinem.

Cōseq. prob. quia Beatitudo consistit in operatione intellectus.

Antec. prob. Voluntas se habet ad opposita. Sed Intellectus subiaceret voluntati. Ergo Intellectus potest operari, & non operari.

3. Beatitudo hominis habet principium. Ergo Beatitudo hominis habebit finem.

Antec. quia Homo non semper fuit beatus.

Cōseq. quia Principio respondet finis.

Pro Negatiua.

Quod est æternum, non deficit. Sed Beatitudo est æterna. Iuxta illud Matth. 23. Ibunt in vitam æternam, quæ est beatitudo sanctorū. Ergo Beatitudo nunquam deficit, nec potest amitti.

Determinatio.

1. Conclusio. Beatitudo imperfecta, possibilis in hac vita haberi, potest amitti.

Prob. Felicitas enim huius vitæ duplex est, scilicet quæ consistit in contemplatiua operatione, & quæ consistit in actiua, & de vtraque probatur, quod possit deficere, & primo de contemplatiua.

Potest enim felicitas cōtemplatiua dupliciter amitti. Primo ex obliuione, vt cum corrumpitur scientia ex aliqua ægritudine. Vel secundo per occupationes, quibus totaliter abstrahitur aliquis à contemplatione.

De felicitate verò, quæ est in vita actiua idem ostenditur, hæc enim potest totaliter amitti, vel si non totaliter amittatur, potest perturbari. Totaliter amittitur, quando volūtas degenerat à virtute, in cuius actu principaliter consistit felicitas. Quod si virtus remaneat integra, tūc potest perturbari per exteriores transmutationes, quæ perturbant operationes virtutis, remanente tamen ipsa virtute, qua homo laudabiliter aduersitates sustinet.

Et quia posse amitti est contra rationem beatitudinis, sequitur, quod beatitudo huius vitæ non sit simpliciter beatitudo. Vnde Phil. 1. Ethic. c.

10. dicit. Aliquos esse in hac vita beatos, non simpliciter, sed sicut homines, quorum natura mutationi subiecta est.

Aliorum sententia.

Si verò loquamur de beatitudine perfecta, quæ expectatur post hanc vitam, sciendum quod Origenes, sequens quorundam Platoniorum errorem, posuit, quod post ultimam beatitudinem, homo non potest fieri miser.

Reprobatio, & vera sententia.

Sed hoc manifeste apparet falsum ex duabus rationibus, quibus probabitur conclusio.

Conclusio. Beatitudo perfecta, quæ in futura vita expectatur, semel habita, non potest amplius amitti.

Probatum primo. Bonum, quod omnino desiderium hominis quietat, & omne malum excludit, semel habitum, non potest amplius amitti. Sed Beatitudo est bonum quietans beati desiderium, & excludens omne malum ab ipso. Ergo Beatitudo semel habita, non potest amitti.

Maiores prob. quia Homo habet naturale desiderium retinendi bonum quod habet, & obtinendi securitatem retinendi ipsum. Alioquin haberet timorem amittendi, vel dolorem, de timore amissionis, & sic non esset beatus. Igitur ad beatitudinem requiritur, ut homo certam habeat opinionem, quod bonum, quod habet, nunquam sit amissurus.

Hæc autem opinio, aut est vera, aut est falsa, si vera est, sequitur, quod tale bonum non possit amitti. Si falsa, ipsa esset malum intellectus, & sic non excluderet omne malum à beato.

Paret igitur, quod bonum excludens omne malum, & quietans desiderium, non potest amitti, & implicat, quod bonum implens desiderium, possit amitti, & sic probata remanet maior.

Minor prob. quia Beatitudo est bonum perfectum, & sufficiens: unde omne desiderium implet, & omne malum excludit. Hæc ratio desumpta est ex ratione beatitudinis in communi.

Altera ratio desumitur ex ratione beatitudinis in particulari, scilicet prout beatitudo est visio diuinæ essentia.

Prob. secundo. Visio diuinæ essentia, semel habita, non potest amplius amitti. Sed Perfecta beatitudo consistit in visione diuinæ essentia. Ergo Perfecta beatitudo semel habita non potest amplius amitti.

Maiores prob. Nam si visio diuinæ essentia posset deperdi, aut esset ex parte beati videntis, aut ex parte Dei visi, qui ipsam auferret à beato, vel

ex aliquo alio agente. Sed Nullum horum potest dici. Ergo Nullo modo potest amitti.

Minor huius prob. quo ad omnes partes, & primo, quod sit impossibile ex parte videntis, ut si velit carere bono visionis diuinæ essentia. Nam omne bonum habitum, quo aliquis carere vult, vel eo carere vult, quia est bonum insufficiens, & querit aliud bonum magis sufficiens loco eius, quod habet: aut quia tale bonum habet annexum aliquod incommodum propter quod fastidium in eo generat. Sed Visio diuinæ essentia, est sufficientissimum bonum, replens animam omnibus bonis, ut potest, quæ coniungit fonti totius bonitatis: secundum quod dicitur in Psal. 16. Satiabor cum apparuerit gloria tua, & Sap. 7. Venerunt mihi omnia bona pariter cum illa, scilicet cum contemplatione sapientia. Nec habet diuina visio aliquod annexum incommodum: quia de contemplatione sapientia dicitur Sapientia. 8. Non habet amaritudinem conuersatio illius, nec tedium conuersus eius, & sic patet, quod beatus propria voluntate non potest beatitudinem deferere.

Quod verò non possit amittere ipsam ex parte Dei, ostenditur. Ille, in quo nulla potest cadere culpa, non potest à Deo priuari beatitudine. Sed In beato nulla potest cadere culpa. Ergo Non potest beatus priuari beatitudine.

Maiores prob. quia Cum subtractio beatitudinis sit quædam magna poena; non potest à Deo iusto iudice talis subtractio provenire, nisi propter aliquam culpam: qui ergo culpam committere non potest, non priuatur beatitudine.

Minor prob. quia Ad visionem diuinæ essentia sequitur necessario rectitudo voluntatis, ut ostensum est: & sic in beato culpa cadere non potest.

Quod tandem per aliquod aliud extraneum agens, beatitudo à beato subtrahi non possit, probatur. Mens Deo coniuncta, est super omnia eleuata. Ergo Per nullum extraneum agens potest beatus à beatitudine excludi: Unde nec beatus à se ipso potest visionem diuinæ essentia deferere, nec à Deo potest priuari tali visione, semel habita, nec potest per aliud agens ab ipsa excludi.

Ex quibus patet, esse inconueniens dicere, quod per quasdam alterationes temporum homo transferat de beatitudine ad miseriam, & conuersio, ut falso dixit Origenes. Quia huiusmodi temporales actiones esse non possunt, nisi circa ea, quæ subiacent temporis, & motui.

Ad Argumenta.

Ad 1. Negatur minor. Ad eius probationem dicitur, quod maior est falsa, de perfectione consummata, qualis est beatitudo. Aliæ enim perfectiones, cum non excludant omnem defectum,

nec

nec impleant desiderium eius, cuius sunt perfectiones, mutabiliter homini adueniunt. Perfecta autem, & cōsummata perfectio, excludit omnem defectum à beato, & ideo aduenit absque mutabilitate, faciente hoc virtute diuina, quæ hominem subleuat in participationem eternitatis, quæ transcendit omnem mutationem.

Ad 2. Negatur antec. de operatione beatifica. Intellectus enim à tali operatione non potest deficere. Ad probationē dicitur ad maiorem, quod voluntas se habet ad opposita, in his, quæ ad finem ordinantur, sed ad vltimum finem naturali necessitate ordinatur, quod patet ex hoc quod homo, etiam in præferti, non potest nō velle esse beatus.

Ad 1. Negatur consequ. Ad probationem dicitur, quod finis correspondet principio, quādo ab eodem aliquid habet principium, & finem, quod nō est in beatitudine. Habere enim beatitudo participata principium ex parte participantis, carere autem fine conuenit sibi, non ex conditione participantis, sed ex cōditione boni participati: Vnde ab alio est initium beatitudinis, & ab alio est, quod careat fine.

ARTICVLVS V.

Vtrum Homo per sua naturalia possit acquirere beatitudinem.

Pro Affirmatiua.

V Idetur, quod homo per sua naturalia possit beatitudinem consequi.

1. Quæ sunt homini necessaria, debent ei naturaliter conuenire. Sed Ea, per quæ homo cōsequitur vltimum finem, sunt ei maxime necessaria. Ergo Debēt ei hæc naturaliter conuenire, & sic per sua naturalia hō poterit consequi beatitudinem.

Maiores prob. quia Natura non deficit in necessarijs.

2. Irrationales creaturæ per sua naturalia possunt consequi suos fines. Ergo Multo magis homo per sua naturalia potest cōsequi beatitudinem.

Consequ. probatur. quia Homo est nobilior irrationalibus creaturis.

3. Homo per sua naturalia potest operari, operatione quadam imperfecta, quæ est principium in operationibus humanis. Ergo Homo per sua naturalia potest peruenire ad beatitudinem, quæ est operatio perfecta secundum Philosophum.

Antec. quia Homo est dominus suorum actuum: Vnde per se ipsum potest habere operationem imperfectam.

Consequ. prob. quia Eiusdem est, rem incipere, & ipsum perficere: Vnde si homo naturaliter imperfectam operationem habere poterit, poterit naturaliter ad perfectam operationem peruenire.

Pro Negatiua.

Quod excedit humanum intellectum, & voluntatem, non potest homo consequi per sua naturalia. Sed Beatitudo excedit humanum intellectum, & voluntatem. Ergo Beatitudinem non potest consequi homo per sua naturalia.

Maiores. quia Homo naturaliter est principium suorum actuum per intellectum, & voluntatem.

Minor. 1. Corinth. 2. dicitur. Oculus non vidit, & auris non audiuit, & in cor hominis non ascendit, quæ præparauit Deus, diligentibus se.

Determinatio.

1. Cōclusio. Beatitudo imperfecta, quæ in hac vita haberi potest, ab homine acquiri potest per sua naturalia.

Prob. quia Virtutem, in cuius operatione consistit huiusmodi beatitudo, potest homo naturaliter adipisci, vt dicitur.

2. Cōclusio. Beatitudinem perfectam, quæ in futura vita expectatur, in diuinæ essentiae visione consistens, non potest homo, nec alia creatura per sua naturalia consequi.

Prob. Quod est supra naturam, non solum hominis, sed omnium creaturarum, non potest ab homine, nec à quacunque alia creatura naturaliter attingi. Sed Visio diuinæ essentiae, in qua perfecta beatitudo consistit, est supra naturam, non solum hominis, sed etiam omnium aliarum creaturarum. Ergo Beatitudinem perfectam, nec homo, nec aliqua alia creatura per naturalia consequi poterit.

Minor prob. Cognitio, quæ est secundum modum substantiæ creatæ, deficit à visione diuinæ essentiae, quæ in infinitum excedit omnem substantiam creatam. Sed Omnis cognitio creaturarum est secundum modum creatæ substantiæ, sicut de intelligentia dicitur, in libro de Causis, quod cognoscit ea, quæ sunt supra se, & quæ sunt infra se, secundum modum propriæ substantiæ. Ergo Omnis cognitio cuiuscunque creaturæ, deficit à visione diuinæ essentiae.

Ad argumenta.

Ad 1. Negatur maior. Non enim omnia, quæ sunt homini necessaria, cōueniunt ei naturaliter, sed solum ea, quæ sunt necessaria ad consequendum aliquem naturalem finem. Ea autē omnia, quæ sunt necessaria ad finem supernaturalem, natura non dedit, quia est ei impossibile, cum hoc sit supra ipsius naturæ vires. Beatitudo autem est finis supernaturalis. Ad probationē dicitur, quod nō per hoc natura deficit in necessarijs, sicut nec in necessarijs deficit homini, eo quod non dederit ei arma, & regumēta, sicut alijs animalibus: quia dedit ei rationem, & manus, quibus hæc comparare si-

rare sibi posset. Sic & natura respectu vltimi finis supernaturalis, dat homini liberum arbitrium, quo possit conuerti in Deum, qui ipsum hominem beatū faceret. Vnde & natura aliquoties ad faciendū nos beatos cōcurrit, quia quī p̄ amicos facit, per se quodāmodo facit, vt dicitur. 3. Ethic. c. 3.

Ad 2. Negatur consequens. Ad probationem dicitur, quod immo ex hoc arguitur nobilitas maior, quā intellectus, quia. scilicet est ad excellentem finem ordinata, quod ipsum non potest proprijs viribus consequi. Nobilioris enim conditio nis est natura, quæ potest consequi perfectum bonum, licet indigeat exteriori auxilio, ad illud cōsequendum, quā natura, quæ perfectum bonum consequi nō potest, sed consequitur tantū quoddam imperfectum bonum, absq; exteriori auxilio, vt Phil. dicit in 2. de celo r. 60. Sicut melius est dispositus ad sanitatem, qui potest consequi perfectam sanitatem, licet hoc sit per auxilium medicinæ, quam qui solum potest consequi quoddam imperfectam sanitatem, sine medicinæ auxilio: & ideo creatura rationalis, q̄ pōt consequi p̄fectū beatitudinis bonū, indigēs ad hoc diuino auxilio, est p̄fectior, q̄ creatura irrationalis, quæ huiusmodi boni non est capax, sed t̄m quoddā bonū imperfectum consequitur virtute suæ naturæ.

Ad 3. Negatur consequens. Ad probationem dicitur, quod quando imperfectum, & p̄fectū sunt eiusdem speciei, ab eadem virtute causari possunt: non autem hoc est necesse, si sint alterius speciei: nō. n. quidquid potest causare dispositionem materiam, potest vltimam perfectionem conferre imperfectæ autem operatio, quæ subiacet naturali hominis potestati, non est eiusdem speciei, cum operatione illa p̄fecta, quæ est hominis beatitudo: cum operationis species dependeat ex obiecto. Vnde ratio non sequitur.

ARTICVLVS VI.

Vtrum Homo consequatur beatitudinem per actionem alicuius superioris creaturæ.

Pro Affirmatiua.

Videtur, quod homo possit fieri beatus per actionē alicuius superioris creaturæ. scilicet Angeli. 1. Creatura inferior debet reduci ad vltimū finem totius vniuersi, per creaturas superiores, ad quas ordinatur. Sed Hō est inferior ipso Angelo, & ad ipsū ordinatur, vt creatura inferior ad superiorem. Ergo Hō dēt reduci ad beatitudinem, quæ est vltimus finis extra vniuersū, p̄ ipsum Angelū.

Prob. Maior. Nam in rebus inuenitur duplex ordo. Vnus partium vniuersi ad inuicem. Alius totius vniuersi ad bonum: qui duo ordines sic se habent ad inuicē, qd̄ ordo vnius creaturæ ad aliā or-

dinatur ad ordinē totius vniuersi, vt ad bonū. Vnde creatura, quæ ordinatur ad aliā tanq̄ ad superiorem, debet ab illa reduci ad vltimum finem.

2. Quod est in potentia tale, potest reduci ad actum per id, quod est actu tale: sicut quod est potentia calidū, fit actu calidū, p̄ id, qd̄ est actu calidum. Sed Hō est in potētia beatus, & Angelus est actu beatus. Ergo Hō pōt p̄ Angelū fieri beatus.

3. Angelus potest illuminare intellectū hominis. Ergo Angelus pōt facere hominem beatum. Conseq. prob. quia Beatitudo cōsistit in operatio ne intellectus.

Pro Negatiua.

In psal 38. dī. Gratiam, & Gloriam dabit dñs.

Determinatio.

1. Concl. Hō nō fit beatus p̄fecta beatitudine, p̄ actionē alicuius creaturæ, sed à solo Deo agēte.

Prob. Illud, quod excedit quamcūq; naturam creatam, non pōt fieri, virtute alicuius creatæ naturæ, sed à solo Deo. Sed Beatitudo est quoddam bonum, excedēs naturam creatam. Ergo Impossibile est, quod per actionem alicuius naturæ creatæ, beatitudo conferatur, sed à solo Deo.

Maior. quia Quælibet creatura habet potentia limitatam, vt potē legibus naturæ subiectam.

2. Conclusio. Homo potest consequi beatitudinem imperfectā, per actionē superioris creaturæ.

Prob. Ad virtutem cōsequendam possunt Angeli cooperari. Ergo Et ad imperfectā beatitudinē. Cōseq. prob. q̄ Eadē rō est de virtute, in cuius actu beatitudo hæc cōsistit, & de beatitudine.

Ad Argumenta.

Ad 1. Negatur maior. Ad probationē dicitur, quod etiam in potentijs actiuis, subordinatis, creatis contingit vt prima potentia deducat rem in vltimum finem, quamuis sit subordinata alteri potentie inferiori. Potentiæ vero aliæ eam adiuvant, ad consecutionem vltimi finis. Sic igitur hō deducitur ad vltimum finem à primo agente, qui est Deus. Ab Angelis autem secundum aliquā p̄cedentia dispositiua adiuuatur, vt consequatur vltimum finē, tamen ipsa consecutio est à solo Deo.

Ad 2. Dī ad maiorem, qd̄ est vera, qn̄ id, quod est actu tale, est tale s̄m esse naturale, & p̄fectū. Nō aut̄ est vera, qn̄ illud, qd̄ est actu tale, est tale solū imperfectē, & nō s̄m naturā. Ignis. n. pōt calefacere, quia s̄m suam naturam calidus est. Sed oculus habens speciem albedinis in se, non potest facere album, quia habet albedinem solum imperfectē, & secundum esse intentionale. Tunc ad minorem dicitur, quod Angelus beatus habet quiddam lumen gloriæ, quo beatus efficitur, sed non est sibi naturale, nec participat ipsam ita p̄fectē, vt possit ipsum alijs communicare: Lumen. n. gloriæ cum

cum sit supra naturam creaturæ, & soli Deo naturale, ad solum Deum pertinet, ipsum alijs communicare, propter luminis maximā excellentiā.

Ad 3. Dicitur ad antecedens, quod Angelus illuminat intellectum hominis, vel Angeli inferioris, quantum ad aliquas rationes diuinorum aliquorum operum, non autem quantum ad visionem diuinæ essentię. Vnde negatur Consequētia. Ad probationē dī, qđ Beatitudo pertinet quidē ad operationē intellectus illuminati, non quocunque lumine, sed illuminati lumine glorię.

A R T I C U L U S VII.

Vtrum requirantur aliqua bona opera, ad hoc, quod homo beatitudinem consequatur a Deo.

Pro Negatiua.

Videtur, quod non requirantur aliqua bona opera hominis, ad hoc, vt homo beatitudinem consequatur a Deo.

1. Deus non præexigit dispositiones aliquas in agendo. Ergo Deus absque præcedentibus operibus confert beatitudinem.

Antecedens, quia Cum Deus sit infinitę virtutis, non præexigit materiam dispositam, sed statim potest totum producere.

Conseq. prob. quia Si opera bona requireretur ad beatitudinē cōsequēdā, cū nō possent esse causa efficientes, requirerentur vt dispositiones.

2. Deus in prima constitutione naturę produxit creaturas, nulla dispositione præcedente, vel actione creaturę, sed statim fecit vnūquodq; perfectū in sua specie. Ergo Vt, qđ etiam cōferat hōi beatitudinē, nullis operationibus præcedentibus.

Cōseq. prob. qđ Sicut Deus est author beatitudinis immediate, ita, & nām immediate instituit.

3. Apost. ad Rom. 4. dicit, Beatitudinem hominis esse, cui Deus confert iustitiam sine operibus. Ergo Non requiruntur aliqua opera hominis, ad beatitudinem consequendam.

Pro affirmatiua.

Isa. 13. dī. Si hæc scitis, beati eritis, si feceritis ea. Ergo Per actionem ad beatitudinē peruenimus.

Determinatio.

Concl. Nulla pura creatura pōt cōsequi beatitudinem a Deo, nisi per bona opera præcedentia.

Quę Conclusio posset hac ratione probari. Ad beatitudinem requiritur necessario rectitudo voluntatis, vt supra q. præc. ostēsum est ar. 4. Ergo Ad beatitudinē necessario requiruntur bona opera.

Conseq. prob. quia Rectitudo voluntatis nihil aliud est, quā debitus ordo voluntatis ad debitū finem, qui debitus ordo exigitur, ad consecutionem vltimi finis, sicut debita dispositio materię, ad consecutionem formę, quę dispositio sit per opus voluntatis.

Insufficiētia huius rationis.

Sed hæc ratio non probat, quod aliqua operatio hominis debeat necessario præcedere beatitudinem. Nam posset Deus facere simul voluntatem rectam, tendentem in finem, & finem consequentem, absque aliqua operatione præcedente: sicut etiam quandoque Deus simul materiam disponit, & inducit formam.

Sufficiētia ratio ad conclusiōnē.

Perfectio, quę non est creaturę naturalis, non potest a creatura acquiri sine propria operatione. Sed Beatitudo soli Deo est naturalis. Ergo Beatitudinē nulla creatura absque aliqua præuia operatione acquirere potest.

Maior manifest. quia Hoc exigit ordo diuinę sap.

Ad cuius euidentiam est sciendum, quod vt dicitur 2. cœli. Eorum, quę nata sunt habere bonū perfectum, aliquid habet ipsum sine omni motu, aliquid vno motu, & aliquid pluribus motibus. Illud habet bonum perfectum, sine omni motu, cui naturale est, habere perfectum bonum. Illud verò habet perfectum bonum per vnum motum tantum, cui non est quidem naturale, ipsum bonum perfectum, sed tamen secundum suam naturam habet hoc, vt vnicō motu suam perfectionē acquirat. Illud tandem consequitur perfectū bonum pluribus motibus, cū perfectum bonum nō est naturale, & de cuius ratione est, vt pluribus motibus consequatur suas perfectiones, quę non sunt sibi naturales.

Quę vt manifestius percipiātur, adhuc magis explicantur. Nā videmus, quod perfectiones suas naturales quęlibet creatura consequitur, absque omni motu, & eas recipit cum proprio esse: sicut homo consecutus est intellectū, & suas proprietates, absque omni motu, & operatione propria, quia hæc pertinent ad hominis naturam. Et similiter Angelus consecutus est naturales perfectiones suas absque omni motu. Perfectiones autem, quę nō sunt naturales, sed superueniunt naturę, consequuntur ipse creaturę per aliquam propriā operationē. Vnde homo acquirit scientiam per suam operationem, s. per studium. Sed quia naturale est homini, vt per multos motus perfectionē acquirat, ideo multę operationes requiruntur, ad hoc, vt homo aliqua adipiscatur perfectionem. Quia vero Angelus vnica operatione, & motu naturaliter natus est perfici, propterea vnica operatione, & vnicō motu perficitur. Et hic est ordo à diuina sapientia in rebus institutus, vt, s. vnumquodque perficiatur secundum modum sue naturę conuenientem.

Beatitudo autem est perfectio, quæ soli Deo est naturalis; & ideo soli Deo, & nulli creaturæ puræ, potest absque omni motu convenire: excedit enim beatitudo omnem creatam naturam.

Angelus, quia habet hoc naturaliter, ut unico motu suas perfectiones acquirat, ideo unico motu. scilicet post unum actum meriti, fuit factus beatus.

Homo vero, quia talis naturæ est, ut perfectiones suas, non nisi post multos motus consequatur, per multas operationes ad beatitudinem, necesse est ei peruenire.

Vera igitur conclusionis ratio scilicet quare creatura non consequatur beatitudinem absque bonis operibus, non est, quia Deus hoc non possit; sed quia est contra ordinem naturæ, quem Deus instituit in rebus, qui ordo est, ut creatura non consequatur perfectiones, quæ non sunt sibi naturales, nisi propria operatione, siue vnâ, ut Angeli, siue pluribus, ut homo.

Ad Argumenta.

Ad 1. Negatur consequens. ex hoc enim, quod Deus agit, nulla requisita dispositione, sequitur, quod possit dare beatitudinem sine merito, non autem, quod det. Ratio autem, quare requirantur bona opera, ut dispositiones, non est insufficiens potentia diuinæ, sed ut seruetur naturalis ordo institutus a Deo in rebus.

Ad 2. Negatur consequens. Ad probationem dicitur, quod non est eadem ratio de creatione, & de collatione gloriæ. Nam ordo diuinæ sapientiæ hoc habet, ut quando aliqua perfectio ab vno debet ad omnia alia derivari, talis perfectio sit in illo absque omni motu, & operatione præcedente. Et quia per prima indiuidua debebat natura derivari ad omnia alia indiuidua eiusdem speciei; ideo Deus dedit illis indiuiduis primis omnes perfectiones, quæ per ipsa, in alia erant propaganda. Beatitudo autem non est talis perfectio, ut debeat propagari de vno puro homine in alium, excepto Christo, a quo beatitudo erat ad alios propaganda. Iuxta illud Apostoli: Qui multos filios in gloriam adduxerat: ideo soli Christo, & nulli alteri, data est beatitudo absque omni præcedenti merito. Anima enim Christi ab instanti suæ conceptionis beata fuit.

Nec instantia de pueris baptizatis aliquid facit, quibus videtur, ut detur gratia sine aliquo merito præcedenti. Quia eis datur beatitudo, si statim post baptismum moriantur per præcedentia merita, non quidem propria, sed Christi, cuius membra per baptismum sunt effecti.

Ad 3. Dicitur, quod Apostolus loquitur de beatitudine spei, quæ habetur per gratiam iustificationem, quæ quidem non datur propter opera præ-

cedentia: non enim habet rationem termini motus, ut beatitudo, sed magis est principium motus quo ad beatitudinem tenditur.

ARTICULVS VIII.

Utrum omnis homo appetat beatitudinem.

Pro Negatiua.

Videretur, quod non omnes appetant beatitudinem.

1. Nullus potest appetere, quod ignorat. Sed Multi beatitudinem ignorant, nescientes quid sit. Ergo Non omnes appetunt beatitudinem.

Maiores. quia Obiectum appetitus est bonum cognitum.

Minor ex hoc patet secundum Aug. 13. de Trin. c. 4. quia Quidam posuerunt beatitudinem in voluptatibus corporis, quidam animæ, quidam in alijs rebus.

2. Aliqui opinantur esse impossibile, quod Deus per essentiam ab homine videatur. Ergo Non omnes appetunt hanc visionem, in qua beatitudo consistit.

3. D. Aug. 13. de Trin. dicit, quod beatus est, qui habet omnia, quæ vult, & nihil male vult. Sed Non omnes hoc volunt: quidam enim mala aliqua volunt, & tamen volunt illa se velle. Ergo Non omnes homines appetunt beatitudinem.

Pro Affirmatiua.

Aug. 13. de Trin. c. 3. dicit. Si vnus dixisset, omnes beati esse vultis, miseri esse non vultis, dixisset aliquid, quod nullus in sua non cognosceret voluntate. Ergo Quilibet vult esse beatus.

Determinatio.

Distinctio. Beatitudo potest dupliciter considerari. Vno modo, secundum eam rationem beatitudinis, secundum quod beatitudo est bonum perfectum. Alio modo secundum speciale rationem, quantum ad id, in quo beatus consistit.

1. Conclusio. Beatitudo secundum communem rationem beatitudinis, ab omnibus appetitur.

Prob. Bonum perfectum perfecte satisfaciens, & satians voluntatem, necesse est ab omnibus videri. Sed Beatitudo, secundum eam rationem beatus est bonum perfectum, satians perfecte voluntatem. Ergo Beatus omnes appetunt.

Maiores prob. quia Quilibet vult, quod eius voluntas perfecte satietur.

Min. quia Illud est perfectum bonum, quod satiat voluntatem.

2. Conclusio. Beatitudinem in speciali rem, in qua ratio beatitudinis consistit, non omnes volunt.

Prob. quia Non omnes sciunt, cui rei conueniat ratio beatitudinis.

Ad Argumenta.

Ad 1. Hoc argumentum concludit, quod non omnes appetunt beatitudinem in particulari, & hoc conceditur, tanquam probans secundam conclusionem.

Ad 2. Dicitur ad consequentiam, quod beatitudo, secundum rationem beatitudinis, ab omnibus appetitur: tamen sub aliqua particulari ratione potest esse, ut non appetatur. Cum enim voluntas sequatur apprehensionem intellectus, seu rationis, sicut contingit, quod aliquid est idē secundum rem, quod tñ est diuersum secundū rationis considerationem: ita cōtingit, quod aliquid est idē secundum rem, & tñ vno modo appetitur, & alio mō non appetitur. Beatitudo ergo pōt cōsiderari sub ratione finalis boni, & perfecti, quæ est communis ratio beatitudinis, & sic naturaliter, & ex necessitate voluntas in illam tēdit, ut dictum est. Potest etiam considerari secundum alias speciales considerationes, vel ex parte ipsius operationis, vel ex parte potentie operatiue, vel ex parte obiecti, & sic non ex necessitate voluntas tendit in ipsam.

Ad 3. Dicitur, quod ista diffinitio beatitudinis, quam quidam posuerunt. Beatus est, qui habet omnia, quæ vult: vel cui omnia optata succedunt, quodammodo intellecta, est bona, & sufficiens, alio vero modo est imperfecta. Si enim intelligatur simpliciter de omnibus, quæ vult homo naturali appetitu, sic verum est, quod, qui habet omnia, quæ vult, est beatus: nihil enim fatiat naturalem hominis appetitum, nisi bonum perfectū, quod est beatitudo. Si autem intelligatur de his, quæ homo vult, secundum apprehensionem rationis, sic habere quædam, quæ homo vult, non pertinet ad beatitudinem, sed magis ad miseriam, in quantum huiusmodi habita, impediunt hominem, ne habeat, quæcūque vult naturaliter, sicut etiam ratio accipit vt vera interdum, quæ impediunt a cognitione veritatis, & secundum hanc considerationem August. addit ad perfectionem beatitudinis, quod nihil mali velit, quamuis primum posset sufficere, si recte intelligeretur. Ibeatus est, qui habet omnia, quæ vult.

DE HIS, PER QVÆ
homo ad vltimum finem
peruenire potest, vel ab eo
deuiare.

Quia igitur ad beatitudinem per actus aliquos necesse est peruenire, oportet consequenter de humanis actibus considerare, ut sciamus, quibus actibus perueniamus ad beatitudinem, vel impediantur beatitudinis via: de quibus duplex occurrit consideratio.

Primo Considerabimus de actibus, quibus beati-

tudo acquiritur, & quibus impeditur in communi, in tota prima secunda.

Secundo in particulari, & hoc in secunda secunda.

Circa vniuersalem considerationem humanorum actuum.

Primo considerandum est de ipsis actibus humanis, a quæst. 6. vsque ad 48. inclusive.

Secundo de principijs eorum, a quæst. 49. vsque ad finem.

Et quia actus humani sunt in duplici differentia, quidam sunt proprii ipsi homini, qui proprii homini dicuntur. Quidam vero sunt communes hominibus, & brutis. Ideo circa ipsos actus duplex consideratio occurrit.

Primo considerabimus de actibus, qui sunt proprii ipsius hominis, a quæst. 6. vsque ad quæst. 21. inclusive.

Secundo de actibus, qui sunt homini, & alijs animalibus communes, a quæst. 22. vsque ad 48. inclusive.

Circa ipsos actus humanos duplex consideratio occurrit.

Prima de conditione ipsorum humanorum actuum, a quæst. 6. vsque ad quæst. 17. inclusive.

Secunda. De distinctione ipsorum, a quæst. 18. vsque ad 21. inclusive.

Et quia Actus humani, dicuntur humani, quia sunt voluntarij.

Primo Considerandum est de voluntario, & involuntario in communi, in quæst. 6. & 7.

Secundo. De actibus elicitis a voluntate, a quæst. 8. vsque ad 16. inclusi.

Tertio De actibus imperatis a voluntate, a quæst. 17.

Et quia Actus voluntarij habent quædam circumstantias. Ideo primo considerandum est de voluntario, & involuntario, in quæst. 6.

Deinde de circumstantijs ipsorum actuum, in quæst. 7.

QVÆSTIO VI. DE VOLUNTARIO, ET INVOLUNTARIO.

ARTICVLVS I.

Vtrum in actibus humanis inueniatur voluntarium.

Pro Negativa.

V Idetur, quod in actibus humanis non inueniatur voluntarium.

1. In actibus, quorum principium est extra, non inuenitur voluntarium. Sed Principium humanorum actuum non est in ipso homine, sed extra.

extra. Ergo Actus humani non sunt voluntarij, siue in eis non inuenitur voluntarium.

Maiores. quia Voluntarium dicitur illud, cuius principium est in ipsis, vt dicunt Gregor. Nicetius. Dam. & Aristoteles.

Minor probat. quia Appetitus hominis mouetur ab appetibili, quod est extra, & quasi mouens non motum, vt dicitur 3. de anima. tex. 14.

2. Et est probatio alia minoris primi argumenti. Omnes actus noui animalium habent principium extra: vt Aristot. probat. 8. Phis. tex. 18. Sed Omnes actus hominis sunt noui. Ergo Omnes humani actus habent principium extra. Ergo Non sunt voluntarij.

Minor. quia Nullus humanus actus est æternus.

3. Qui voluntarie agit, potest per se agere. Sed Homo non potest per se agere. Ergo Homo non agit voluntarie, & sic eius actus non sunt voluntarij.

Minor. quia Ioannis. 15. dicitur Sine me nihil potestis facere.

Pro Affirmatiua.

Operatio rationalis est voluntaria, vt Dam. dicit: Sed Actus humanus est operatio rationalis. Ergo In actibus humanis inuenitur voluntarium.

Determinatio.

Conclusio. Oportet in actibus humanis esse voluntarium.

Prob. In actibus, qui sunt ab agente, in quo est principium intrinsecum, non solum agendi, sed etiam agendi perfecte propter finem, inuenitur voluntarium. Sed Actus humani sunt ab agente, in quo est principium intrinsecum, non solum agendi, sed agendi perfecte propter finem. Ergo In actibus humanis inuenitur voluntarium.

Maiores manifestantur. Pro quo est sciendum, quod actus, seu motus sunt in duplici differentia. Quidam enim sunt a principio extrinseco. Et quidam a principio intrinseco. Sicut motus lapidis sursum, est a principio extrinseco. scilicet a proiciente: cum vero idem lapis mouetur deorsum, habet principium sui motus existens in ipso lapide.

Iterum. Ea, quæ mouentur a principio intrinseco, sunt in duplici differentia. Quædam mouent se ipsa. Et quædam non mouent se ipsa. Illa mouent se ipsa, in quibus est principium intrinsecum, non solum vt moueantur, sed etiam vt moueant se ad finem. Illa vero, non mouent se, quæ quamuis habeant principium intrinsecum, quo possunt ab alio moueri, tamen non mouent se ad finem. Ad hoc enim, vt aliquid perfecte moueat se ad finem, requiritur aliqua cognitio finis. Illa igitur in quibus est aliqua cognitio finis, perfecte mouent se ad finem. Vnde grauia, & leuia, licet ha-

beat principium sui motus, tamen, quia nullo modo cognoscunt finem, non dicuntur perfecte moueri a se ipsis, sed a generante, cognoscente eorum finem. Quæ vero habent notitiam finis, dicuntur se perfecte mouere, quia in eis est principium non solum, vt agant, sed etiam vt agant propter finem. Et horum agentium actus dicuntur voluntarij, vt potest habentes in ipso agente principium intrinsecum, quo sunt, & sunt propter finem.

Ex quibus patet maiores, quæ erant probanda. Actus enim, qui sunt ab eo, qui habet principium sui motus, & mouet se perfecte in finem. scilicet cognoscendo finem, sunt voluntarij. Hoc enim importat nomen voluntarij, quod motus, & actus sunt a propria inclinatione. Et inde est, quod voluntarium dicitur esse, secundum diffinitionem Aristotelis Gregorij, & Dam. Non solum cuius principium est intra, sed cum additione scientiæ, vt scilicet agens cognoscat finem.

Potest igitur breuiter probari maiores dicendo, quod hoc est de ratione voluntarij, secundum horum Doctorum sententiam, vt sit a principio intrinseco, existente in agente cognoscente finem: hoc enim perfecte mouet se in finem.

Minor prob. quia Actus humani sunt ab homine, qui maxime mouet se ipsum, & cognoscit finem sui operis. Vnde maxime in eius actibus inuenitur voluntarium.

Ad Argumenta.

Ad 1. Negatur minor. Ad probationem dicitur, quod per hoc, quod appetitus hominis, qui est principium intrinsecum, mouetur ab appetibili, non sequitur, quod actus humani non sint a principio intrinseco. scilicet ab ipso appetitu, sed solum hoc sequitur, quod appetitus non sit primum principium ipsorum actuum. Nec hoc repugnat, quia non est de ratione principij intrinseci, vt sit primum principium, sed sufficit, vt sit principium illorum actuum intrinsecum.

Dicitur secundo, ad probationem eiusdem minoris, quod appetitus est primum principium in genere motus appetitiui, licet absolute non sit primum, & mouetur ab alio. Pro quo est sciendum, quod illud est primum mouens in aliquo genere motus, quod non mouetur ab alio, illo motu, quo ipsum mouet alia. Sicut corpus cæleste est primum principium motus in motu alterationis: est enim primum alterans, quia non mouetur ab alio, motu alterationis, & quamuis cælum moueatur ab alio, motu locali, non per hoc sequitur, quod non sit primum alterans, sed solum hoc sequitur, quod non sit primum mouens simpliciter. Dicitur ergo, quod appetitus est primum principium actus voluntarij, quia a nullo mouetur illa specie motus,

tus, quia ipse appetitus mouet. *f. appetendo.* Appetibile autem mouet appetitum, sed nō eo modo, quo appetitus mouet: sed mouet alio modo, *f. vt amatum, & desideratum.*

Breuitur igitur dicitur, ad probationem minoris, secundum primam responsionem, quod probatio illa, tantum hoc probat, quod principium intrinsecum motus voluntarij non sit primum principium, non autem probat, quod non sit principium.

Iuxta secundum dicitur, quod probat, principium illud intrinsecum non esse primum simpliciter, quod conceditur, sed quod sit primum in hoc genere motus, scilicet quia est primum appetens, & inclinās ab intrinseco naturam ad finem cognitum.

Ad 2. Dicitur, quod primus discursus concludit verū. *f. quod noui motus animalis proueniant ab aliquo exteriori motore, nam motus animalis sunt causati, vel ab obiecto exteriori mouente potentiam, vel ab aliqua exteriori immutatione: sicut quando corpus animalis immutatur per calorem, frigus, &c. ex quibus per accidens immutatur appetitus: sed negatur vltima consequentia. *f. ex hoc sequi, quod huiusmodi motus non sint voluntarij. huiusmodi enim motiones sunt diuersi generis a motu, quo appetitus mouet, vt dictū est in precedenti responsione. Vnde argumentum hoc probat solum id, quod probabat aliud argumentum, *f. quod illud primum principium intrinsecum motus voluntarij, vel non sit primum, vel quod non sit primum simpliciter, cum quo stat, vt sit primum in genere motus appetendi, vt dictum est.***

Ad 3. Dicitur, quod minor potest habere duplicem sensum. Prior est, vt homo non possit per se agere, id est absque concursu primæ, & vniuersalis causæ, & hoc verum est. Homo. *n. sine concursu Dei nō potest agere*, quia Deus mouet non solum naturam, sed etiam voluntatē ad omnes operationes. Sed tunc est falsa maior. Non. *n. est verum, quod, qui agit voluntarie, possit per se agere. i. absq; Dei concursu, cum a Deo sit omnis motus, & naturæ, & voluntatis, vt a primo mouente. Alter sensus est. Quod homo non possit per se agere, id est non habeat principium intrinsecum suæ actionis, sed requirat moueri ab alio principio extrinseco mouente, vltra vniuersalē causam: & sic est falsa. Homo enim, supposito influxu primæ causæ, potest per se ipsum agere, absque concursu alterius extrinseci principij mouentis, in eodem genere motus, cum ipse appetitus sit primum principium in appetendo.*

Ad probationem dicitur, quod D. Ioan. intelli-

gitur, quod homo nihil facere potest absque concursu, & auxilio Dei: sed hoc non solum non obstat, sed magis fauet proposito, cum absque Dei auxilio homo nullo modo agere possit.

ARTICVLVS II.

Vtrum Voluntarium inueniatur in animalibus brutis.

Pro Negatiua.

Videtur, quod Voluntarium non inueniatur in animalibus brutis.

1. In quibus inuenitur voluntarium, inuenitur voluntas. Sed in brutis non inuenitur voluntas. Ergo In brutis non inuenitur voluntarium.

Maiores. quia Voluntarium a voluntate dicitur. Minor. quia Voluntas est in ratione, quæ in brutis non inuenitur.

2. Ea, in quibus inuenitur voluntarium, habent dominium sui actus. Sed Bruta non habent dominium suorum actuum. Ergo In brutis non inuenitur voluntarium.

Maiores. quia In hoc, quod actus humani sunt voluntarij, homo dicitur esse dñs suorum actuum.

Minor. quia Bruta potius aguntur, quā agant, vt Damasc. dicit.

3. Actus voluntarios sequitur laus, uel uituperium, vt Damasc. dicit lib. 2. c. 24. Sed Actibus brutorum non debetur laus, nec uituperium. Ergo In actibus brutorum non est voluntarium.

Pro Affirmatiua.

Phil. dicit 3. Ethic. c. 1. quod Pueri, & bruta animalia communicant uoluntario, & idem dicunt Dam. & Grego. Nicenus.

Determinatio.

1. Distin. Ad rationem voluntarij requiruntur duo. Primo ut sit a principio intrinseco. Secundo ut sit cū aliqua cognitione finis, ut dictū est art. preced. Duplex autē est cognitio finis. *f. perfecta, & imperfecta.* Perfecta cognitio finis est, quando non solum apprehenditur res, quæ est finis, sed etiā cognoscitur ratio finis, & proportio eius, quod ad finē ordinatur: & hæc perfecta cognitio finis competit solum rationali creaturæ. Imperfecta autem cognitio finis est, quæ in sola finis apprehensione consistit, sine hoc, quod cognoscatur ratio finis, & proportio actus ad finem: & talis cognitio finis reperitur in brutis animalibus, quæ per sensum, & estimationem naturalem finem apprehendunt.

2. Distinctio. Voluntarium dupliciter sumitur. Vno modo, secundū perfectā rationem. Alio modo, secundū imperfectā rationē. Voluntarium secundum

dum perfectam rationem est, quod sequitur perfectam cognitionem finis. Voluntarium secundum imperfectam rationem est, quod sequitur imperfectam cognitionem finis.

1. Conclusio. Voluntarium secundum perfectam rationem inuenitur tantum in creatura rationali.

Prob. quia Solum rationalis creatura perfecte finem, propter quem agit, cognoscit, quatenus scilicet apprehenso fine, deliberat de his, quæ sunt ad finem, & de moueri, vel non moueri in finem.

2. Conclusio. In brutis est voluntarium secundum imperfectam rationem.

Prob. Quia In brutis est imperfecta cognitio finis.

Ad argumenta.

Ad 1. Negatur maior. Ad probationem dicitur, quod non est eadem ratio de voluntate, & voluntario. Voluntas enim nominat appetitum rationalem, & ideo voluntas non potest esse in his, quæ ratione carent. Voluntarium autem dicitur denominatiue à voluntate, & ideo potest etiam trahi ad id, quod habet rationem imperfectam voluntarij secundum quem modum voluntarium esse in brutis dicitur.

Et sub alijs uerbis dicitur ad maiorem, quod ubi est voluntarium secundum perfectam rationem, ibi est uoluntas. Vbi est voluntarium secundum rationem imperfectam, non est uoluntas.

Ad 2. Dicitur ad maiorem, quod ea, in quibus est voluntarium secundum perfectam rationem, habent dominium sui actus. Non autem in quibus est voluntarium solum secundum imperfectam rationem.

Ad 3. Dicitur ad maiorem, quod actus uoluntarios, secundum perfectam voluntarij rationem, sequuntur laus, uel uituperium: non autem actus uoluntarios imperfectam rationem habentes, quales sunt in brutis.

ARTICVLVS III.

Vtrum voluntarium possit esse absque omni actu.

Pro Negatiua.

Videtur, quod voluntarium non possit esse sine omni actu.

1. Quod est à uoluntate, est per aliquem actum. Sed Voluntarium dicitur, quod est à uoluntate. Ergo Voluntarij non potest esse sine aliquo actu.

Maior prob. Quia Nihil potest esse à uoluntate, nisi per aliquem actum, ad minus ipsius uoluntatis.

2. Non uelle, causat inuoluntarium. Sed Cessante actu uoluntatis, dicitur uoluntas non uelle,

sicut per aliquem actum dicitur uelle. Ergo Cessante actu uoluntatis, causatur inuoluntarium, & non uoluntarium, & sic uoluntarium non potest esse sine omni actu.

3. Cognitio est per aliquem actum. Sed Voluntarium includit cognitionem finis, ut dictum est. Ergo Voluntarium non est sine omni actu.

Pro Affirmatiua.

Illud, cuius domini sumus, dicitur esse uoluntarium. Sed Eius, quod est agere, & non agere, uelle, & non uelle, sumus domini. Ergo Sicut Agere, & uelle est uoluntarium, ita non agere, & non uelle.

Determinatio.

Distinctio. Cum uoluntarij dicatur esse illud, quod est à uoluntate. Aliquid potest dupliciter esse ab aliquo. Vno modo, directe. Alio modo, indirecte. Illud dicitur esse ab aliquo directe, quod est ab eo tanquam ab agente: sicut calefactio est à calore. Illud uero dicitur esse ab aliquo indirecte, quod prouenit ab eo, ex hoc, quod non agit, quod agere debet: sicut submersio nauis dicitur esse à gubernatore per accidens, in quantum defuit à gubernando.

Sed tamen est sciendum, quod non omne id, quod sequitur ex defectu actionis, reducitur in eum, qui non agit, tanquam in causam, sed solum quando debet, & potest agere, & non agit. Sicut submersio nauis non semper attribuitur gubernatori absenti, & nõ agenti ad salutem nauis, sed solum quando est ei commissa salus nauis, & debet agere ad eius salutem, & non agit. Si enim alicui non sit commissa salus nauis, uel non posset sua actione saluare eam, tunc non attribuitur absenti gubernatori submersio nauis. Sic in proposito, non omne non uelle, reducitur in uoluntatem, tanquam in causam, ita ut possit dici uoluntarium. Sed solum quando uoluntas debet, & potest aliquid uelle, & non uult. Si quis enim possit, & debeat studere, & non uelit studere, tunc non uelle studere uoluntarium dicitur. Si uero non possit, nec debeat studere, tunc non studere, non dicitur uoluntarium. Illa ergo dicuntur uoluntaria directe, quæ uoluntas debet, & potest uelle, & non uult.

1. Conclusio. Voluntarium directe, non potest esse absque omni actu.

Prob. Quod procedit ab aliquo, in quantum est agens, non potest esse ab eo sine omni actu. Sed Voluntarium directe, procedit à uoluntate, ut ab agente, ut dictum est. Ergo Voluntarium directe, non est absque omni actu.

Maior probatur. Quia Agens aliquo actu agit ad ea, quæ directe sunt ab eo producta.

2. Conclusio. Voluntarium indirecte, potest esse absque omni actu.

Prob. Non velle, potest esse absque omni actu. Sed Voluntarium indirecte, est non velle, ut dictum est. Ergo Voluntarium indirecte, potest esse absque omni actu. Absque actu quidem exteriori, cum voluntas non vult agere: absque actu interiori, cum non vult simpliciter.

Ad argumenta.

Ad 1. Dicitur ad maiorem, quod non omne, quod est à voluntate, est per aliquem actum, sed solum quod est à voluntate directe.

Ad 2. Dicitur ad maiorem, quod ly, Non velle, potest sumi dupliciter. Vno modo, in vi vnius dictionis, ut scilicet infinitum huius verbi, Nolo, non vis, & idem est, quod nolle, & tunc ponit actum contrarium ad velle, sicut nolle legere, dicit actum volitionis contrarium ad velle legere, & hoc modo, non velle, causat inuoluntarium. factum non volitum. Alio modo, sumitur Non velle, in vi duarum dictionum, & tunc non ponit aliquem actum, sed solum significat negationem actus interioris, vel exterioris, ut dictum est.

Ad 3. Dicitur ad minorem, quod voluntarium includit cognitionem, sed voluntarium directe, includit cognitionem, sic, ut sit necesse considerare. Voluntarium autem indirecte, includit cognitionem sic, ut quis cesset ab actu considerandi, quando debet, & potest, & tamen non considerat. Vnde patet, quod sicut in voluntario indirecte, requiritur, ut voluntas cesset à suo actu, ita et requiritur, ut intellectus cesset à considerationis actu.

ARTICVLVS IV.

Utrum Voluntati possit inferri violentia.

Pro Affirmativa.

Videtur, quod voluntati possit inferri violentia.

1. Illud, quo est aliquid potentius, potest cogi, & ei violentia inferri. Sed Humana voluntas est aliquid potentius. scilicet Deus. Ergo Humana voluntas potest à Deo inferri violentia.

Maiores. Quia Vnumquodque potest cogi à potentiori.

2. Omne passivum cogitur à suo actiuo: quia immutatur ab eo. Sed Voluntas est vis passiva. Ergo Voluntas cogitur, quando mouetur à suo actiuo.

Minor. Quia voluntas est mouens motum, ut dicitur. 3. de anima text. 5.

3. Motus contra naturam est violentus. Sed Motus voluntatis aliquando est contra naturam. Ergo Motus voluntatis est violentus.

Minor. Quia Motus voluntatis ad peccandum est contra naturam, ut Damascenus dicit lib. 4. orth. fid. c. 21.

Pro Negativa.

Qui potest cogi, agit ex necessitate. Sed Voluntas non agit necessitate. Ergo Voluntas non potest cogi, nec ei violentia inferri.

Maiores. Quia Omne coactum fit ex necessitate.

Minor. Quia quod Voluntarie fit, non fit ex necessitate, ut dicitur. 2. Aug. 1. 5. de Civ. Dei. cap. 10.

Determinatio.

Distinctio. Duplex est actus voluntatis. Vnus quidem, qui est eius immediate, velut ab ipsa elicited, scilicet velle. Alius est actus voluntatis, ab ipsa voluntate imperatus, & mediante alia potentia exercitatus, ut est actus ambulandi, qui est imperatus à voluntate, sed mediante potentia motui exercitatus.

1. Conclusio. Voluntas potest pati violentiam quantum ad actus ab ea imperatos.

Prob. Quia Per violentiam impediri possunt exteriora membra, ne imperium voluntatis exequantur.

2. Conclusio. Voluntati non potest inferri violentia, quantum ad eius proprium actum.

Prob. Quod est ab intrinseco, non est violentum. Sed Actus elicited à voluntate est ab intrinseco. Ergo Actus voluntatis non potest esse violentus.

Maiores. Quia Quod est coactum, vel violentum, est ab exteriori principio.

Minor. Quia Actus elicited à voluntate, est quædam inclinatio procedens ab interiori principio cognoscente: sicut appetitus naturalis est quædam inclinatio ab interiori principio sine cognitione. Vnde sicut impossibile est, quod actus naturalis, procedens scilicet à natura, sit violentus, ita impossibile est, quod actus à voluntate procedens sit violentus. Si enim huiusmodi actus scilicet natura, & voluntatis essent violenti, iam essent non à principio intrinseco, & per consequens non essent naturales, vel voluntarii respectu. Vnde impossibile est, quod actus voluntarii possit esse violentus.

Et declaratur exemplo. Lapis enim mouetur sursum, & deorsum. Sursum per violentiam, quia ab extrinseco, & Deorsum per naturam. Sed quod lapis naturaliter sursum moueatur, est impossibile, sic & de voluntate est dicendum. Potest enim homo per violentiam trahi, sed quod ille actus violentus sit voluntarius, implicat contradictionem.

Breviter igitur probari potest conclusio dicendo, quod est contra rationem actus elicited à voluntate, quod sit violentus, ut expositum est.

Ad Argumenta.

Ad 1. Dicitur, quod Deus non cogit voluntatem, sed efficaciter ipsam mouere potest. Et si per violentiam.

violentiam ipsam moueret, non esset per actum voluntatis, nec voluntas moueretur, sed aliquid aliud. Vnde absolute negatur maior. Et ad probationem negatur assumptum. Nam impli- cat contradictionem, vt voluntas, quantum ad actum elicitum ipsius, possit cogi.

Ad 2. Negatur maior. Ad probationem dicitur, quod non semper est motus violentus, quando passum immutatur ab actio, sed tunc solum, quando actum mouet passum contra interio- rem inclinationem passui.

Ad 3. Negatur minor. Ad probationem dicitur, quod id, in quod voluntas tendit peccando, est sic malum, & contra rationalem naturam secundum rei veritatem: apprehenditur tamen vt bonum, & conueniens homini secundum aliquam delectationem sensus, vel secundum aliquem habitum corruptum.

ARTICVLVS V.

Vtrum Violentia causet inuoluntarium.

Pro Negatiua.

Videtur, quod violentum non causet inuoluntarium.

1. Quod causat inuoluntarium, potest esse inuoluntate. Sed Violentia non potest esse inuoluntate. Ergo Violentia non est causa inuoluntarij.

Maiores prob. quia Inuoluntarium dicitur secundum voluntatem. Vnde quod est causa inuoluntarij, in voluntate esse debet.

Minor prob. quia Voluntas non potest inferri violentia, vt ostensum est.

2. Inuoluntarium est cum tristitia, vt Dam. dicit 2. c. 24. Sed Violentia non semper causat tristitiam: potest enim aliquis violentiam pati, & non tristiari. Ergo Violentia non causat inuoluntarium.

3. Id, quod est a voluntate, non potest esse inuoluntarium. Sed aliqua violentia sunt a voluntate: sicut cum aliquis cum corpore graui ascendit sursum. Et sicut cum aliquis inflectit membrum contra naturalem eorum flexibilitatem. Ergo Violentia non causat inuoluntarium.

Pro Affirmatiua.

Philos. & Dam. dicunt, quod Aliquid est inuoluntarium per violentiam.

Determinatio.

Conclusio. Violentia causat inuoluntarium.

Prob. Quod causat aliquid contra voluntatem, causat inuoluntarium. Sed Violentia causat aliquid contra voluntatem. Ergo Violentia causat inuoluntarium.

Maiores Prob. quia cum Violentia directe opposita est naturali, & voluntario, sicut quod fit contra ipsam naturam, est innaturale, ita, quod fit con-

tra voluntatem, est inuoluntarium.

Minor prob. Nam de ratione naturalis, & voluntarij est, vt sint a principio intrinseco. Violentum autem est a principio extrinseco, vt dictum est. Vnde Sicut in rebus cognitione carentibus, violentia facit aliquid contra naturam, ita in rebus cognoscentibus, facit aliquid esse contra voluntatem.

Ad Argumenta.

Ad 1. Dicitur ad maiorem, quod voluntas respectu actum, qui sunt ab ipsa eliciti, non potest pati violentiam, & per consequens non possunt esse inuoluntarij: sed respectu actum, qui sunt ab ipsa voluntate imperati, potest pati violentiam, & inde possunt esse inuoluntarij, & respectu horum actum est inuoluntarium.

Ad 2. Dicitur ad minorem, quod cum quis patitur, & non tristatur, passio illa non est simpliciter violenta, nec inuoluntaria. Pro quo est sciendum, quod sicut naturale dicitur, quod est secundum inclinationem naturae: ita voluntarium dicitur, quod est secundum inclinationem voluntatis. Dicitur autem aliquid naturale dupliciter. Vno modo, quia est a natura, vt a principio actiuo: sicut calefacere est naturale igni. Alio modo, secundum principium passiuum, quia: est innata inclinatio ad recipiendum actionem a principio extrinseco: sicut motus celi dicitur esse naturalis propter aptitudinem naturalem celestis corporis ad talem motum, licet mouens sit voluntarium. Et similiter Voluntarium potest aliquid dici dupliciter. Vno modo secundum actionem: puta cum aliquis vult aliquid agere. Alio modo, secundum passionem. s. cum aliquis vult pati ab alio. Vnde cum actio inferitur ab aliquo exteriori, manente in eo, qui patitur, voluntate patiendi, non est simpliciter violentum: quia licet ille, qui patitur, non conferat agendo, conferat tamen volendo pati. Vnde non potest dici inuoluntarie moueri.

Ad 3. Negatur minor. Ad probationem dicitur, quod quando animal mouetur sursum cum corpore graui. Licet iste motus sit contra naturam corporis, est tamen naturalis ipsi animali, cui naturale est, vt moueatur secundum appetitum. Vnde non est simpliciter violentus. Et similiter dicendum est, cum aliquis inflectit membrum contra naturalem dispositionem, est violentum secundum quid, s. quantum ad membrum particulare, non tamen simpliciter, quantum ad ipsum hominem.

ARTICVLVS VI.

Vtrum Metus causet inuoluntarium simpliciter.

Pro Affirmatiua.

Videtur, quod Metus causet inuoluntarium simpliciter.

1. Violentia causat inuoluntarium simpliciter, ut dictum est. Ergo etiam Metus causat inuoluntarium simpliciter.

Consequentia prob. quia sicut violentia est respectu eius, quod contrariatur præsentialiter voluntati, ita metus est respectu futuri mali; quod repugnat voluntati.

2. Quod est secundum se tale, quolibet addito remanet tale. Sed illud, quod per metum agitur, secundum se est inuoluntarium. Ergo etiam adueniente metu, illudmet erit inuoluntarium.

Maiores. quia quod semel est calidum, cuiusque coniungatur erit calidum, ipso tamen manente.

Minor. quia Proiectio mercium in mari, secundum se est inuoluntaria. Unde etiam adueniente metu naufragij, erit inuoluntaria.

3. Quod est tale sub conditione, non est tale simpliciter, sed secundum quid, & quod est tale absque conditione, simpliciter est tale. Sed id, quod per metum agitur, est inuoluntarium absolute, & voluntarium solum sub conditione, scilicet ut vitetur malum, quod timetur. Ergo Quod agitur per metum, est simpliciter inuoluntarium, & voluntarium solum secundum quid.

Pro Negativa.

Quæ per metum aguntur, magis voluntaria, sunt quam inuoluntaria, dicunt Philosophus, & Gregor. Nicanus.

Determinatio.

1. Conclusio. Ea, quæ per metum aguntur, mixta sunt ex voluntario, & inuoluntario.

Proba. primo quia Hæc est sententia Phil. 3. Ethic. c. 1. & Gregorij in libro de homine.

Prob. Secundo. quia Quæ per metum aguntur, secundum se non sunt voluntaria, sed in casu sunt voluntaria: sicut proiectio mercium in mari, secundum se non est voluntaria, sed in tali casu, scilicet quando imminet periculum vite, fit voluntaria. Et sic ea, quæ sunt per metum, mixta sunt ex voluntario, & inuoluntario.

2. Conclusio. Ea, quæ sunt per metum, sunt simpliciter voluntaria, & secundum quid inuoluntaria, & sic sunt magis voluntaria, quam inuoluntaria.

Prob. prima pars, scilicet quod sunt simpliciter voluntaria illud, quod, ut est in actu, est voluntarium, est simpliciter voluntarium. Sed Quæ sunt per metum, secundum quod sunt in actu, sunt voluntaria. Ergo Quæ sunt per metum, simpliciter sunt voluntaria.

Maiores. prob. quia Vnumquodque dicitur esse tale simpliciter, secundum quod est in actu.

Minor. prob. quia Quæ sunt per metum, secundum quod sunt hic, & nunc, (secundum quæ in

actu esse dicuntur) voluntaria sunt, propter meritum maioris mali. Proiectio enim mercium, pro ut est hic, & nunc, scilicet in casu timoris imminentis periculi vite est voluntaria.

Altera pars conclusionis prob. Quod est inuoluntarium solum in apprehensione rationis, non est simpliciter, sed solum secundum quid inuoluntarium. Sed Quæ sunt per metum, sunt inuoluntaria solum secundum apprehensionem rationis, scilicet quatenus apprehenduntur extra hunc necessitatis, & timoris casum. Ergo sunt simpliciter voluntaria, & secundum quid inuoluntaria.

Ad Argumenta.

Ad 1. Negatur consequens. Violentia enim causat inuoluntarium, non autem metus. Et ratio est, quia in eo, quod violententer agitur, ipsa voluntas nihil agit, nec consentit, & ideo Violentia causat verum inuoluntarium. Quando vero fit aliquid per metum, voluntas consentit, & operatur, & hoc non propter illud, quod fit, sed propter aliquid aliud. Si enim homo velit ambulare, vel loqui, & ab aliquo prohibeatur, hoc est violentum, quia voluntas non consentit, nec cooperatur ad non ambulare, & non loqui: sed si proijciende sunt merces tempore periculi vite, voluntas consentit huic projectioni, non quidem propter projectionem ipsam, sed propter euadendum imminens periculum. Ad probationem igitur consequentiae dicitur, quod ea, quæ sunt per metum, & quæ sunt per violentiam, non solum differunt, per hoc, quod violentia respicit presentia, & metus futura, sed in hoc, quod est assensu, & non assensu, ut dictum est. Et propter hoc Greg. Nis. ad excludenda ea, quæ per metum aguntur, a definitione violenti, non solum dicit, quod violentum est, cuius principium est extra, sed addit, nihil conferente vim passio, quia in id, quod fit per metum, aliquid confert voluntas.

Ad 2. Dicitur ad maiorem, quod est vera in absolutis, non autem in his, quæ dicuntur ad aliud. Calidum enim secundum se, quolibet addito, calidum remanet, quia absolute dicitur. In relatiuis autem, quæ talia dicuntur per respectum ad aliud, hoc verum non est. Nam magnum comparatum alteri, potest dici paruum. Et quia Voluntarium dicitur relatiue, & ad aliud, ideo id, quod secundum se est inuoluntarium, per respectum ad aliud potest dici voluntarium. Sicut proiectio mercium secundum se est inuoluntaria, tamen in tali casu respectu imminentis vite periculi fit voluntaria.

Ad 3. Negatur minor. Nam quod per metum agitur, absque conditione, & absolute est voluntarium, secundum quod actu agitur, & inuoluntarium sub conditione, scilicet si non esset periculum

lum

Itum vitæ imminens. Vnde hæc ratio potius concludit oppositum eius, quod probare intendit.

ARTICVLVS VII.

Vtrum Concupiscentia causet inuoluntarium.

Pro Affirmatiua.

Videtur, quod Concupiscentia causet inuoluntarium.

1. Metus causat quodāmodo inuoluntarium.

Ergo Etiam concupiscentia causat inuoluntariū.

Conseq. prob. quia sicut Metus est quædam passio, ita & concupiscentia.

2. Timor aliquo modo causat inuoluntarium.

Ergo Et concupiscentia.

Conseq. prob. quia Sicut per timorem, timendus agit contra id, quod proponebat, ita incontinentis propter concupiscentiam.

3. Quod tollit cognitionem, causat inuoluntarium. Concupiscentia corrumpit cognitionem; vt dicitur. 6. Ethic. c. 5. Ergo Concupiscentia causat inuoluntarium.

Maiores prob. quia Ad volutariū requiritur cognitio: Vnde corrupta cognitione fit inuoluntariū.

Pro Negatiua.

Damas. dicit, quod Inuoluntarium est misericordia, & indulgentia dignum, & cum tristitia agitur. Sed Neutrum horum competit ei, quod per concupiscentiam agitur. Ergo Concupiscentia non causat inuoluntarium.

Determinatio.

Conclusio. Concupiscentia non causat inuoluntarium, sed magis facit aliquid voluntarium.

Prob. Illud, per quod voluntas inclinatur in aliquid, magis facit, quod aliquid sit voluntariū, quam inuoluntarium. Sed Per concupiscentiam voluntas inclinatur ad volendum id, quod concupiscit. Ergo Concupiscentia magis causat voluntarium, quam inuoluntarium.

Ad argumenta.

Ad 1. Negatur conseq. Ad probationem dicitur, quod licet tam Metus, quam concupiscentia sint passionēs, tamen metus est de malo, quod voluntati contrariatur. Concupiscentia verò est de bono, quod est consensum voluntati, & ideo magis timor, quam concupiscentia se habet ad causandum inuoluntarium.

Ad 2. Negatur conseq. Ad probationem dicitur, quod quamuis tam timens, quam incontinentis, agant contra illud, quod prius proponebant, tamen non eodem modo. Timens enim quamuis agat contrarium eius, quod volebat; tamen non mutat voluntatem, manet enim in eo repugnantiā voluntatis ad id, quod agitur, secundū se consideratum. Incontinentis autem mutat priorem voluntatem. Vnde incontinentis agit quidem contra

id, quod prius volebat. Non tamen agit contra id, quod nunc vult. Timēs vero agit etiam contra id, quod aliquo modo nunc vult. Et ideo timor aliquo modo, Concupiscentia vero nullo modo causat inuoluntarium.

Ad 3. Dicitur, quod Concupiscentia potest tollere cognitionē dupliciter. Vno modo, vt totaliter cognitionem auferat, sicut cōtingit in his, qui per concupiscentiā sunt amentes. Alio modo, vt tollat cognitionem, non totaliter, sed quo ad actuale considerationem, in hoc particulari agibili, non tollendo potestatem cognoscendi, & considerandi. Si Concupiscentia tollat omnino cognitionem, tollit quidem voluntarium, sed tamen non causat inuoluntarium, quia in his, quæ cognitione carent, nec voluntarium, nec inuoluntariū propriè inuenitur. Si autem tollat cognitionem secundo modo, nec sic causat inuoluntarium, quia, cum concupiscens possit considerare, & non velit considerare, hoc voluntarium est. Non velle considerare, & non resistere, cum possit, & sic concupiscentia nunquam causat inuoluntarium.

ARTICVLVS VIII.

Vtrum Ignorantia causet inuoluntarium.

Pro Negatiua.

Videtur, quod Ignorantia nō causet inuoluntariū.

1. Inuoluntarium veniam meretur vt Damas. sc. dicit. Sed Interdum, quod agitur per ignorantiam, veniam non meretur: secundum illud, Si quis ignorat ignorabitur. 1. Cor. 14. Ergo Ignorantia non causat inuoluntarium.

2. Si ignorantia causaret inuoluntarium, sequeretur, quod omne peccatum esset inuoluntarium, quod est contra August. dicentem, quod Omne peccatum est voluntarium.

Conseq. prob. quia Omne peccatum est contra ignorantiam, secundum illud Proverb. 14. Extranei operantur malum.

3. Inuoluntarium est cum tristitia, vt Damas. l. 2. ord. fid. c. 24. dicit. Sed Quædam ignorantiter aguntur sine tristitia, puta si quis occidit hostē, quem querit occidere, putans occidere ceruū. Ergo Ignorantia non causat inuoluntarium.

Pro Affirmatiua.

Damas. ubi sup. & Phil. 3. Ethic. c. 1. dicunt, quod inuoluntarium quoddammodo potest per ignorantiam.

Determinatio.

1. Conclusio. Nō ois ignorantia causat inuoluntarium.

Prob. Non quælibet ignorantia priuat cognitionē, quæ præxigitur ad voluntarium, vt dicitur. Ergo Non ois ignorantia causat inuoluntarium.

Conseq. prob. quia Ignorantia habet causare inuoluntariū, ea rāne, quia priuat cognitionē, quæ præxigitur ad voluntarium, vt dictū est super art. 1.

Distinctio. Ignorantia tripliciter se habet ad actum voluntatis. Vno modo concomitanter. Alio modo consequenter. Tercio modo antecedenter.

Concomitanter se habet ignorantia ad actum voluntatis, quando est de eo, quod agitur, tam si sciretur, nihilominus ageretur. Sicut si quis putans occidere ceruum, occidit inimicum, quem nihilominus volebat occidere, tunc ignorantia concomitatur actum occidendi inimicum, quia nesciens occidit illum, tamen si sciret, adhuc eum occideret. Consequenter autem se habet ignorantia ad actum voluntatis, quando ipsa ignorantia est volita, quod contingit dupliciter. Vno modo, quia actus voluntatis ferre in ignorantiam: sicut cum aliquis ignorare vult, vel ut excusationem peccati habeat, vel ut non retrahatur a peccando. Iuxta illud Iob 21. Scientia virorum tuarum, nolimus: & hæc dicitur ignorantia affectata. Alio modo, dicitur ignorantia volita eius, quod quis potest scire, & debet, & tamen negligit scire: & hoc est, quando actu non considerat, quod considerari debet, vel quod considerare potest. Et hæc est ignorantia male electionis, pronei-ens vel ex passione, vel ex habitu. Et secundum hoc ignorantia inritum, & legum inutiles: huiusque quis se tenetur, dicitur voluntaria, quasi per negligentiam proveniens. Ignorantia igitur consequenter se habens est, quando ipsa ignorantia est volita, vel ex malitia, vel non retrahatur a peccando, vel ut excusationem habeat, vel ex negligentia, quando se negligit scire, quod scire debet, & potest. Antecedenter autem se habet ignorantia ad actum voluntatis, quando non est voluntaria, & tamen est causa volendi, quod alius non vult: sicut cum aliquis homo ignorat aliquid circumstantiam actus, quam non tenebatur scire, & ex hoc aliquid agit, quod non faceret scilicet circumstantiam scire: sicut cum aliquis debita adhibita diligentia, nesciens aliquem transire per viam, proiecit lapidem, qui interfecit transeuntem. Tunc enim est ignorantia antecedens.

1. Conclusio. Ignorantia, que concomitanter se habet ad actum voluntatis, nullo modo causat involuntarium, sed causat solum non voluntarium actum.

Prima pars prob. Hæc ignorantia non causat aliquid repugnans voluntati: occidens enim inimicum, putans occidere ceruum, non facit aliquid repugnans suæ voluntati, immo conforme.

Secunda pars, quia, Quod est ignorantia, non est actu volitum. Vnde occidens inimicum, putans occidere ceruum, facit non volitum actum, quia tunc nesciebat, se inimicum occidere.

2. Conclusio. Ignorantia consequenter se ha-

bens ad actum voluntatis, siue ex malitia, siue ex negligentia non causat involuntarium simpliciter.

Prob. quia Cum ipsa ignorantia sit volita aliquo horum modorum, verdictum est, non potest causare simpliciter involuntarium, causat tamen secundum quid involuntarium, inquantum talis ignorantia præcedit motum voluntatis, ad aliqd agendum, qui motus non esset, si non esset talis ignorantia. Ille enim, qui non vult scire, quod debet, & potest scire, propter malitiam, vel negligentiam, non faceret quod facit, si sciret, quod vult ignorare.

3. Conclusio. Ignorantia, que antecedenter se habet ad actum voluntatis, causat involuntarium simpliciter.

Prob. quia Ille, qui habet huiusmodi ignorantiam, omnino non faceret, quod facit, si non esset talis ignorantia: proiciens enim lapidem, post adhibitam diligentiam, ab aliquo per viam transiret, & interficiens transeuntem, omnino id non fecisset, si non fuisset huiusmodi ignorantia.

Ad Argumenta.

Ad 1. Dicitur ad maiorem, quod involuntarium secundum certum modum, metetur vestigia. Et de hoc negatur minor, & eius probatio loquitur de involuntario, iuxta secundum modum, quando quis tenetur scire, & non vult, vel negligit scire: tunc enim non meretur vestigia.

Ad 2. Negatur. confiq. Peccans enim est ignorans iuxta secundum modum, quia si non vult considerare, vel scire, quod tenetur scire, & considerare, & ideo peccatum est quodammodo voluntarium.

Ad 3. Dicitur, quod procedit de ignorantia secundum primum modum, que non causat involuntarium, ut dictum est, & ideo non est cum tristitia actus, qui fit cum tali ignorantia.

QVÆSTIO VII.

DE CIRCUNSTANTIIS HUMANIORUM ACTUUM.

ARTICVLVS I.

Vtrum Circumstantia sit accidens actus humani.

Pro Negativa.

Videtur, quod Circumstantia non sit accidens actus humani.

1. Illud, per quod oratio adiungit firmamentum & auctoritatem argumentationi, non est accidens, sed substantia rei. Sed Circumstantia est, per quam oratio adiungit firmamentum, & auctoritatem argumentationi, ut Tullius docet in rethor. Ergo Circumstantia non est accidens, sed substantia actus humani.

Maior

Maiores. quia Oratio dei firmatur per argumentum affirmativum, præcipue ab his, quæ sunt substantia rei, ut sunt definitio, genus, species; & alia huiusmodi, à quibus Tullius oratorem argumentari docet.

2. Quod est accidens, inest ei, cuius est circumstantia. Sed Circumstantia non inest ei, cuius est circumstantia. Ergo Circumstantia non est accidens.

Maiores. quia Proprium accidentis est inesse. Minor. quia Quod Circumstat, non inest, sed potius est extra rem, cuius est circumstantia, vt ex nomine ipso patet.

3. Accidentis non est accidens, sed ipsi humani actus sunt accidentia. Ergo Circumstantiæ non possunt esse accidentia actus.

Particulares conditiones cuiuslibet rei singulis dicuntur accidentia. Sed Circumstantiæ sunt particulares conditiones singulorum actuum, vt Arist. dicit. Ergo Circumstantiæ sunt accidentia individualia humanorum actuum.

Conclusio. Circumstantia actuum humanorum accidentia eorum dicenda sunt.

Prob. Ea, quæ sunt extra substantiam humani actus, & tamen aliquo modo ipsum attingunt, & ad ipsum pertinent, sunt accidentia ipsius. Sed Circumstantiæ sunt extra substantiam actus humani, & tamen attingunt aliquo modo ipsum, & ad ipsum aliquo modo pertinent. Ergo Circumstantiæ actuum humanorum, accidentia eorum dicenda sunt.

Maiores ex terminis liquet. Nam si non attingit substantiam, non est de essentia, si aliquo modo pertinet, igitur accidens.

Minor manifestatur. Ex quid nominis circumstantia. Desumptum est enim hoc nomen à locali motu, & ab his, quæ localiter moventur tanquàm à notiori, sicut docet Phil. 1.20. metat. 1.3. esse faciendum, vt nomina rectius magis notarum, trāferantur ad significandum res minus notas. Vnde cum motus localis sit maxime notus, ex eo desumuntur nomina, ad significandum ea, quæ pertinent ad alios motus. Sicut per nomen distantia, quod desumitur à locali distantia, significamus etiam distantiam in alijs motibus, & sic dicimus album à nigro distare, & dulce ab amaro, & sic de alijs. Circumstantia igitur, in localibus, illa dicuntur, quæ sunt extrinseca à re, quæ circumstant, sed tamen ipsam tangunt sicut aer circumstat corpus aliquod, quia est extra substantiam illius corporis, sed attingit ipsum secundum locum. Ita per circumstantiam in actibus humanis significamus, quod est extra substantiam actus, & tamen

ipsum actum aliquo modo attingit, & seipsum tangit.

Ad argumenta.

Ad 1. Dicitur, quod illa, per quæ oratio adiungit firmamentum argumentum, sunt in duplici differentia. Quædam sunt, per quæ principaliter firmatur argumentum; & hæc sunt intrinseca rei. Quædam sunt, per quæ secundario firmatur argumentum; & ista possunt esse extrinseca, & circumstare. Ad maiorem igitur dicitur, quod si intelligitur de eo, per quod principaliter additur firmitas argumentationis, vera est; sed tunc falsa est minor. quia Circumstantia non principaliter, sed secundario firmans argumentationem. Si vero, de his, quæ secundario firmant argumentum, intelligatur, maior falsa est. Quia, quæ secundario firmant argumentum, extrinseca sunt. Et vnicuique verbo respondendo, negatur maior vniuer saliter, si quod omne firmans argumentum, sit de substantia rei. Ad probationem dicitur, quod intelligitur de his, quæ principaliter firmant argumentum.

Ad 2. Respon. quod aliquid dicitur accidens alicuius dupliciter. Vno modo, quia inest ei: sicut album dicitur accidens parietis. Alio modo, quia est simul cum eo in eodem subiecto: sicut dicitur, quod album accidit musico, in quantum albedo, & musica se contingunt quodammodo in eodem subiecto. Ad maiorem igitur dicitur, quod id, quod est accidens, inest ei, cuius est accidens, si sit accidens primo modo: non autem si sit accidens secundo modo. Tunc enim sufficit, vt vtrunque insit eidem subiecto. Et ad minorem dicitur, quod Circumstantia est accidens actus humani iuxta secundum modum, & ideo non est necesse, vt insit ipsi actui, sed sufficit, vt accidat actui humano in subiecto, in quo ipse actus reperitur.

Ad 3. Similiter dicitur ad maiorem, quod accidentis non est accidens, secundum primum modum, ita vt vnum accidens insit alteri, tanquam subiecto: potest tamen accidentis esse aliud accidens, quatenus vnum potest in eodem subiecto aliud attingere, vt dictum est de albo, & musico. Sed est sciendum, quod vnum accidens, conueni re cum altero in eodem subiecto potest dupliciter intelligi. Vno modo, quando duo accidentia insunt eidem subiecto absque ordine inter se, taliter, vt vnum eorum non insit ei, per aliud: sicut sunt album, & musicum respectu sortis. Album enim non inest sorti per musicam, nec musica per albedinem. Alio modo, quando insunt subiecto ordine quodam: sicut corpori insunt superficies, & color ordinate, quia prior est superficies, & per superficiem inest color. Et vtroque modo dicitur, quod

circumstan-

circumstantiæ possunt esse simul cum actu in eodem subiecto. Aliquæ enim circumstantiæ pertinent ad agentem non mediante actu: ut sunt locus, & conditio personæ. Quædam vero mediante actu: sicut est modus agendi.

ARTICVLVS II.

Vtrum Circumstantiæ humanorum actuum sint considerandæ à Theologo.

Pro Negativa.

Videtur, quod Circumstantiæ humanorum actuum non sint considerandæ à Theologo.

1. Illa sola accidentia humanorum actuum consideranda sunt à Theologo, quæ faciunt ipsos actus aliquales, scilicet bonos, vel malos. Sed Circumstantiæ non faciunt ipsos humanos actus aliquales: Ergo Circumstantiæ humanorum actuum non sunt considerandæ à Theologo.

Maiores prob. quia non considerantur à Theologo actus humani, nisi secundum quod sunt aliquales, id est boni, vel mali.

Minor. quia nihil qualificatur (formaliter loquendo) ab eo, quod est extra ipsum, sed ab eo, quod est in ipso. Circumstantiæ autem sunt extra, ut dictum est.

2. Ea, quæ sunt per accidens, relinquenda sunt ab arte, ut dicitur 6. Met. tex. 4. propter eorum infinitatem. Sed Circumstantiæ sunt accidentia actuum. Ergo Circumstantiæ relinquendæ sunt ab arte, & à nulla scientia considerandæ.

3. Circumstantiarum consideratio pertinet ad Rhetorem. Ergo non pertinet ad Theologum.

Consequens. quia Rhetor non est pars Theologiæ.

Pro Affirmativa.

Quod est excusatiuum à culpa, vel etiam aggravans culpam, pertinet ad Theologum. Sed Ignorantia circumstantiarum excusatur à culpa; & eadem materia potest culpam aggravare. Ergo Pertinet circumstantiarum actuum humanorum ad Theologum.

Maiores. quia Consideratio culpæ ad Theologum pertinet.

Minor. quia Ignorantia circumstantiarum causatur involuntarium, ut Damasc. dicit. Involuntarium autem à culpa excusatur, ut dictum est.

De terminatio.

Conclusio. Consideratio circumstantiarum humanorum actuum pertinet ad Theologum.

Prob. Tripliciter, & Primo. Consideratio eorum, per quæ actus humani proportionantur ultimo fini, ad quem homo ordinatur, pertinet ad Theologum. Sed Circumstantiæ sunt illæ, quibus humani actus proportionantur ultimo fini, ad quem homo ordinatur, qui est beatitudo. Ergo Consideratio circumstantiarum humanorum actuum

pertinet ad Theologum.

Maiores. quia Theologus considerat actus humanos, secundum quod per eos homo ad beatitudinem ordinatur.

Minor. quia Actus proportionatur fini, secundum commensurationem quandam, quæ fit per debitas circumstantias.

Secundo. Ea, per quæ actus humani dicuntur boni, vel mali, meliores, vel peiores, consideranda sunt à Theologo. Sed Secundum circumstantias actus humani dicuntur boni, vel mali, meliores, vel peiores, ut inferius patebit. Ergo Circumstantiæ humanorum actuum considerandæ sunt à Theologo.

Maiores. quia Theologus considerat actus humanos, secundum quod in eis inveniuntur bonum, & malum, melius, & peius.

Tertio. Ea, per quæ actus humani redduntur meritorij, vel demeritorij, pertinent ad Theologum. Sed Secundum circumstantias actus humani dicuntur, & redduntur meritorij, vel demeritorij. Ergo Humanorum actuum circumstantiæ ad Theologum pertinent.

Maiores probatur. quia Theologus considerat actus humanos, secundum quod sunt meritorij, vel demeritorij.

Minor probatur. quia Ad hoc, ut actus humani sint meritorij, vel demeritorij, requiritur, quod sint voluntarij: quod autem sint voluntarij, vel involuntarij ex cognitione circumstantiarum iudicatur.

Ad Argumenta.

Ad 1. Negatur minor. Ad probationem dicitur, quod in absolutis verum est, quod non fit denominatio ab extrinseco. In his autem, quæ sunt ad aliquid, secus est. Dextrum enim, & Sinistrum in columna dicuntur per respectum ad animal, quod est quoddam extrinsecum ad columnam. Et quia Actus humani ordinantur ad finem, in quantum utiles sunt ad consequendum finem, Ideo ab aliquo extrinseco denominari possunt, & dicuntur boni, vel mali, secundum circumstantias.

Ad 2. Dicitur ad maiorem, quod ea, quæ sunt omnino per accidens alicui, relinquenda sunt ab arte: Quæ vero non sunt omnino per accidens, sed respectu, ordine quodam, ipsum subiectum, & quæ quodammodo attingunt subiectum, bene cadunt sub arte. Unde ad maiorem dicitur, quod circumstantiæ sunt quidem accidentia humanorum actuum, quæ tamen aliquo modo ordinantur ipsum attingunt, ut dictum est.

Ad 3. Negatur consequentia. Pertinet enim consideratio circumstantiarum ad Theologum, & Rhetorem, ad Moralem, & ad Politicum. Ad Moralem

ralia

falem quidem, prout secundum eas inuenitur, vel pretermittitur mediis virtutis in humanis actibus, & passionibus. Ad Politicum autem, & Rhetorem, secundum quod, ex circumstantiis, actus red duntur laudabiles, vel vituperabiles, excusabiles, vel accusabiles, diuersimode tamen. Nam quod Rhetor persuadet, Politicus diiudicat. Ad Theologum autem, cui omnes alie artes deseruiunt, pertinent omnibus modis prediciis. Nam ipse habet considerare de actibus virtuosis, & vitiosis cum morali, & secundum quod merentur pœnam, vel præmium cum Rhetore, & Politico.

ARTICVLVS III.

Vtrum Conuenienter enumerentur Circumstantiæ in tertio Ethicorum.

Pro Negativa.

Videtur, quod Circumstantiæ non conuenienter enumerentur in tertio Ethicorum.

1. Illæ solæ dicuntur circumstantiæ humani actus, quæ exterius se habent ad ipsum. Sed solæ Circumstantiæ temporis, & loci, exterius se habent ad actum, s. Vbi, & Quando. Ergo Hæ solæ dux debent assignari circumstantiæ humani actus.

Maior prob. quia Circumstantiæ actus dicuntur, quæ exterius se habent ad ipsum actum.

2. Illæ solæ debent dici circumstantiæ actus, ex quibus accipitur actus bene, vtrum, vel male fiat. Sed Ex solo modo accipitur, quomodo actus bene, vel male fiat. Ergo Sola circumstantia modi debet assignari circumstantiæ actus humani.

Maior prob. quia, Ex circumstantiis accipitur, quomodo aliquid bene, vel male fiat.

3. Ea, quæ pertinent ad substantiam actus, non debent poni circumstantiæ ipsius actus. Sed Quis, Propter quid, & Circa quid, pertinent ad substantiam actus. Ergo Quis, Propter quid, & Circa quid, non debent poni circumstantiæ actus.

Maior patet. quia Circumstantiæ non sunt de substantia actus.

Minor prob. quia Causæ, & Causarum conditiones pertinent ad substantiam actus. Sed Quis, est conditio causæ efficientis. Propter quid, causæ finalis. & Circa quid, causæ materialis. Ergo Quis, Propter quid, & Circa quid pertinent ad substantiam actus.

Pro Affirmativa.

Est authoritas Philosophi in 3. Ethicorum. cap. 1.

Determinatio.

Conclusio. Circumstantiæ humanorum actuum sunt septem, quæ sufficienter enumerantur à Tullio, & sunt Quis, Quid, Vbi, Quibus auxilijs,

Cur, Quomodo, Quando, Declaratur, & probatur.

In actibus enim humanis consideratur primo, Quis. id est quis fecerit. Secundò, Quid fecerit. Tertio, Quibus auxilijs, vel instrumentis. Quarto, Vbi fecerit. Quinto, Cur fecerit. Sexto, Quomodo fecerit. Septimo, Quando fecerit. Aristoteles 3. Ethic. addit octauam, s. Circa quid, quam Tullius comprehendit, sub quid.

Prob. autem. quia cum Circumstantia actus dicatur accidens, extra substantiam existens, attingens tamen aliquo modo ipsum actum: Tripliciter contingit, vt aliquid attingat actum. Primo ex parte causæ. Secundo ex parte ipsius actus. Tertio ex parte effectus, qui ex actu procedit. Substantia actus ex parte ipsius actus dupliciter potest attingi. Vel per modum mensuræ, & sic sunt dux circumstantiæ, s. Locus, & Tempus, quæ sunt, Quando, & Vbi. Vel per modum qualitatis actus, & sic est circumstantia modi agendi, & dicitur, Quomodo. Ex parte effectus desumitur alia circumstantia, s. Quid fecerit. Ex parte causæ desumuntur tres alie circumstantiæ. Ex parte causæ finalis, desumitur propter quid. Ex parte causæ materialis, desumitur circa quid. Ex parte causæ agentis principalis, desumitur Quis. Ex parte tandem causæ instrumentalis, desumitur quibus auxilijs. Ex parte formalis causæ posset desumi modus, qui est qualitas actus, s. quomodo, sed hæc pertinet ad actum ex parte ipsius actus.

Et ordinate, ac distinde sic enumerantur.

- Ex parte substantiæ actus.
- Per modum mensuræ. Quando, & Vbi.
- Per modum qualitatis. Quomodo.
- Ex parte causæ agentis.
- Principalis. Quis.
- Instrumentalis. Quibus auxilijs.
- Ex parte causæ materialis, siue obiecti.
- Circa quid.
- Ex parte causæ finalis. Propter quid.
- Ex parte ipsius effectus. Quid.

Ad Argumenta.

Ad 1. Dicitur ad minorem, quod tempus, & locus circumstant actum per modum mensuræ, sed alia circumstant actum, in quantum attingunt ipsum quocunque alio modo extra substantiam eius existentes.

Ad 2. Dicitur ad minorem, quod iste modus, qui est bene, vel male, non ponitur circumstantia, sed consequens ad omnes circumstantias: sed specialis circumstantia ponitur modus, qui pertinet ad qualitatem actus, puta, quod aliquis ambulet velociter, vel tarde: & quod aliquis percutit fortiter, vel remissè, & sic de alijs.

Ad 3.

Ad 3. Negantur minor. Ad probationem dicitur, quod Conditiones causarum sunt, in duplici differentia. Quædam continentur in causis, in quantum ex ipsis dependet substantia actus. Quædam vero sunt superaddite ipsis causis. Primæ conditiones non sunt circumstantiæ, sed secundæ. Sicut causa efficiens actus furandi, habet duplex conditionum genus. Num convenientis sibi, ut est productiva actus furantis, puta quod sit latro, vel quod sit liberi arbitrij, & huiusmodi. Alterum, quod sit dives, vel pauper, vel extreme indigens, & huiusmodi. Primæ conditiones eius, qui iuratur, non sunt circumstantiæ, sed pertinent ad substantiam actus: Conditiones vero secundæ, non continentur in causa furantis, ut sic, sed sunt superaddite, & qualificantes, & dicuntur circumstantiæ. Gravius enim peccat, si is, qui iuratur, sit dives, vel magnus, quam si sit pauper, & in extrema necessitate constitutus. Et similiter, quod ille, qui blasphematur, habeat linguam, vel vocem, non est circumstantia causæ actus blasphemie, sed si blasphemans sit iratus, vel pacato animo proferat blasphemias: si sit prelatorus, vel privata persona, hæc sunt circumstantiæ actus.

Et idem accidit in causa materiali, quod enim furtum sit rei alienæ, non est circumstantia actus, sed pertinet ad eius substantiam: quod vero sit magnum, vel parvum, sacrum, vel non sacrum &c. sunt circumstantiæ actus.

In causa etiam finali idem apparet. Finis enim, qui dat substantiam actui, non est circumstantia, sed finis adiunctus: puta quod fortis fortiter operetur, propter bonam fortitudinis, non est circumstantia, sed pertinet ad substantiam causæ. Quod vero fortiter operetur, propter liberationem Civitatis, vel populi Christiani, hoc iam ad circumstantiam pertinet.

Ex parte ipsius quid, hoc idem verificatur. Nā quod aliquid perfundens aliquem aqua, ipsum madefaciat, vel abluit, non est circumstantia in effectu, sed est ipsa substantia effectus: Quod autem ablundo in frigidum, noceat, vel iuvet, sunt circumstantiæ actus.

Ad minorem igitur probationis dicitur, quod Quis, Propter quod, & Circa quid, secundum quod sunt circumstantiæ, non sunt conditiones causarum, secundum quod ab eis procedit effectus, secundum

suum substantiam, sed sunt aliqua supervenientia

ipsis causis, ut explicatum

est.

Utrum sint principales Circumstantiæ Propter quod, & ea in quibus est operatio, videlicet Quid.

Pro Negativa.

Videtur, quod non sint principales circumstantiæ pp quod, & ea, in quibus est operatio. Quid. 1. Locus, & Tempus non sunt principales circumstantiæ: Sed Ea, in quibus est operatio, videtur esse locus, & tempus. Ergo Ea, in quibus est operatio, non sunt principales circumstantiæ.

Maiores prob. Quæ sunt maxime extrinseca ab actu, non videntur esse principales circumstantiæ: Sed Locus, & tempus sunt maxime extrinseca ab actu. Ergo Locus, & tempus non sunt principales circumstantiæ.

2. Condicio causæ extrinseca non est principalis circumstantia. Sed Propter quid est conditio finis, Quæ est causa maxime extrinseca. Ergo Propter quid non est principalis circumstantia.

3. Illæ conditiones, quæ pertinent ad principalissimas causas ipsius actus, sunt principalissimæ circumstantiæ. Sed Quis, & quomodo sunt conditiones principalissimarum causarum. Ergo Quis, & quomodo sunt principalissimæ circumstantiæ.

Minor prob. Conditiones pertinentes ad causam efficientem, & formalem sunt principalissimarum causarum. Sed Quid, & quomodo sunt conditiones pertinentes ad causam efficientem, & formalem. Ergo Quis, & quomodo sunt conditiones principalissimarum causarum.

Maiores huius prob. quia Causa efficiens, & forma sunt principalissimæ causæ in unoquoque.

Pro Affirmativa.

Greg. Nis. dicit, quod principalissimæ circumstantiæ sunt, cuius gratia agitur, & quod est, quod agitur.

Determinatio.

Conclusio. Principalissima omnium circumstantiarum est, quæ attingit actum ex parte finis. Cuius gratia, siue Propter quid. Secundaria verò, quæ attingit ipsam substantiam actus. Quid. Aliæ verò Circumstantiæ sunt magis, vel minus principales, secundum quod magis, vel minus ad has appropinquant.

Prob. quia ideo Actus, humani dicuntur, quia sunt voluntarij. Obiectum autem voluntatis est finis. Unde Circumstantia desumpta ex parte finis est præcipua, quam sequitur, quæ attingit substantiam actus.

Ad Argumenta.

Ad 1. Dicitur ad minorem, quod per ea, in quibus est operatio, Philosophi non intelligit tempus, & locum: sed ea, quæ adiunguntur ipsi actui. Unde Gregorius Nizæus quasi exponens dictum Philosophi, loco citato quod Philosophus dixit, in quibus est operatio, dicit, quid agitur.

Ad 2. Dicitur ad minorem, q̄ finis, est non sit de substantia actus, est tamen causa actus principalissima, in quantum mouet agentem ad agendum. Vnde (& maxime actus moralis) speciem habet ex fine.

Ad 3. Dicitur ad minorem, & ad eius probationem, q̄ Persona agens est causa actus, secundū q̄ mouetur a fine, & secundum hoc principaliter ordinatur ad actum. Alia uero conditiones personæ, non ita principaliter ordinantur ad actum. Modus etiam non est substantialis forma actus (hoc enim attenditur in actu secundum obiectū, uel finem, & terminum) sed est quasi quædam qualitas accidentalis.

DE actib. volūtarijs ī speciali.

Deinde Considerandum est de actibus volūtarijs ī speciali.

Et Primo De actibus elicitis a voluntate, a q. 8. vsque ad 16. inclusive.

Secundo De actibus imperatis a voluntate in quaest. 17.

Et quia Voluntas mouetur in finem, & in ea, qua sunt ad finem, Ideo

Primo Considerandum est de actibus voluntarijs, quibus mouetur in finem, a quaest. 8. vsque ad 12. inclusive.

Deinde de actibus eius, quibus mouetur in ea, q̄ sunt ad finem, a quaest. 13. vsque ad 16. inclusive.

Actus autem voluntatis in finem sunt tres, scilicet Velle, frui, & intentio.

Ideo Primo considerandum est de Voluntate, seu de Velle. quaest. 8. 9. & 10.

Secundo De fruitione in quaest. 11.

Tertio De Intentione in quaest. 12.

Circa primum Consideranda sunt tria.

Primo Quorum voluntas sit, quaest. 8.

Secundo A quo moueatur, quaest. 9.

Tertio Quomodo moueatur quaest. 10.

QVÆSTIO VIII. DE VOLVTATE, QVORVM sit, vt volitorum.

ARTICVLVS I.

Vtrum Voluntas sit tantum boni,

Pro Negatiua.

Videtur, quod Voluntas non sit tantum boni.
1. Eadem est potentia oppositorum, sicut uisus est albi, & nigri. Sed Bonū, & malum sunt opposita. Voluntas non solum est boni, sed etiam mali.

2. Potentia rationales se habent ad opposita, ut Philosoph. dicit. 9. metha. tex. 4. Sed Voluntas est potentia rationalis. Ergo Voluntas se habet ad opposita, scilicet ad bonum, & malum.

3. Potentia, quæ, est non solum entium, sed etiam non entium, non est tantum boni. Sed Voluntas non solum est entium, sed etiam non entium. Ergo Voluntas non est tantum boni.

Maiores. quia Bonum, & ens conuertuntur.

Minor. quia Aliquando uolumus non ambulare, & nō loqui, & similia; & interdum uolumus futura, quæ non sunt entia actu.

Pro Affirmatiua.

Dionys. 4. cap. de diu. nom. dicit, quod Malum est præter uoluntatem, & quod omnia bonum appetunt.

Determinatio.

Conclusio. Voluntas semper est boni.

Prob. Omnis appetitus est solum boni. Sed Voluntas est rationalis appetitus. Ergo Voluntas non est nisi boni.

Maiores. Inclinatorio nisi in aliquid simile, & conueniens. Sed Omnis appetitus est inclinatio boni, scilicet appetentis, qui in quantum est ens, est bonum. Ergo Omnis appetitus est solum boni.

Confirmatur eadē maior, quia Arist. 1. Ethic. c. 1. dicit, q̄ Bonum est, q̄ omnia appetunt: Id est omnis appetitus in bonum fertur.

2. Conclusio. Voluntas non semper est eius, quod est uerè bonum, sed aliquando est eius, quod est solum apparet bonum.

Prob. dupliciter. Primo, ex differentia, quæ est inter appetitum naturalem, & appetitum sensitiuum, & intellectualem, qui est uoluntas. Sciendum igitur, quod appetitus est quædam inclinatio alicuius in aliquid Inclinatorio autem omnis sequitur aliquam formam: formæ uero, ad quas inclinatio consequitur, sunt in duplici differentia. Quædam sunt in rerum natura existentes. Quædam uero sunt formæ apprehensæ ab intellectu, uel a sensu. Inclinatorio igitur, quæ consequitur formas in natura existentes, dicitur appetitus naturalis. Inclinatorio uero, quæ sequitur formam apprehensam, dicitur appetitus animalis: & quia forma in natura existens semper est uerum bonum, ideo appetitus naturalis semper est eius, quod est uerum bonum. Et iterum, quia forma apprehensa non semper est uerum bonum, sed aliquando aliquid apprehenditur sub ratione boni, quod tamen non est uerè bonum, ideo inclinatio, quæ talem apprehensionem sequitur, qualis est uoluntas, est non solum uerè boni, sed etiam eius, quod apprehenditur sub ratione boni, quamuis non sit semper uerè bonum.

Et Confirmatur Conclusio auctoritate Phil. 2. phys. sc. 3. 1. dicentis, quod finis est bonum, uel apparet bonum.

H

Ad

Ad argumenta.

Ad 1. Dicitur ad maiorem, quod eadem potentia est oppositorum: sed non eodem modo se habet ad utrumque. Voluntas igitur se habet, & ad bonum, & ad malum, sed ad bonum appetendo ipsum, ad malum vero fugiendo illud. Ipse ergo actualis appetitus boni vocatur voluntas, secundum quod nominat actum voluntatis: sic enim nunc loquimur de voluntate: fuga autem mali magis dicitur voluntas. Vnde sicut voluntas est boni, ita voluntas est mali.

Ad 2. Dicitur ad maiorem, quod potentia rationalis non se habet ad quælibet opposita profequenda, sed solum ad ea, quæ sub suo obiecto convenienter continentur: nam nulla potentia profequitur nisi suum convenienter obiectum, obiectum autem voluntatis est bonum. Vnde ad illa opposita profequenda se habet voluntas, quæ sub bono comprehenduntur, sicut moveri, & quiescere, loqui, & tacere, & alia huiusmodi in utrumque enim horum fertur voluntas sub ratione boni.

Ad 3. Dicitur a minore, & ad eius probationem, quod illud, quod non est ens in rerum natura, accipitur ut ens in ratione: Vnde negationes, & privationes entia dicuntur rationis, per quem etiam modum futura, prout apprehenduntur, sunt entia. In quantum igitur sunt, huiusmodi entia apprehenduntur sub ratione boni: et sic voluntas in ea tendit. Vnde Phil. dicit 5. Ethic. c. 1. quod carere malo, habet rationem boni.

ARTICVLVS II.

Utrum voluntas sit tantum finis, an etiam eorum, quæ sunt ad finem.

Pro Affirmativa.

Videtur, quod voluntas sit tantum finis, & non eorum, quæ sunt ad finem.

1. Dicit enim Phil. 3. Ethic. c. 2. quod voluntas est finis, electio autem eorum, quæ sunt ad finem.

2. Ad ea, quæ sunt diuersæ genere, diuersæ potentie animæ ordinantur, ut Phil. dicit, 6. Ethic. c. 1. Sed Finis, & ea, quæ sunt ad finem, sunt in diuerso genere boni. Ergo si voluntas est finis, non erit eorum, quæ sunt ad finem.

Minor prob. quia Finis, qui est bonum honestum, vel delectabile, est in genere qualitatis, vel actionis, aut passionis. Bonum autem ad finem, quod dicitur velle, est in genere ad aliquid, ut dicitur 1. Ethic. 7.

3. In habitibus, qui dicuntur artes operatiuæ, ad aliud pertinet finis, & ad aliud, quod est ad finem. Ergo Etiam alia potentia erit finis, & alia eorum, quæ sunt ad finem, & sic, si voluntas est finis, non poterit esse eorum, quæ sunt ad finem.

Antec. prob. Nam usus nauis, qui est finis eius,

pertinet ad gubernatorem: Et constructio nauis, quæ est ad finem, ad nauifaciam.

Conseq. quia Habitus debent proportionari potentis, cum sint eorum perfectiones.

Pro Negativa.

In rebus naturalibus per eandem potentiam aliquid pertransit media, & pertingit ad terminum. Sed Ea, quæ sunt ad finem, sunt quædam media, per quæ peruenitur ad finem, sicut ad terminum. Ergo Si voluntas est finis, ipsa etiam est eorum, quæ sunt ad finem.

Determinatio.

Distinctio. Nomine voluntatis duo significantur. Aliquando significatur ipsa potentia, quæ voluitur. Aliquando vero actus ipsius voluntatis, scilicet velle.

1. Conclusio. Potentia, quæ est voluntas, se extendit ad finem, & ad ea, quæ sunt ad finem.

Prob. Ad ea se extendit vnaqueque potentia, in quibus inueniri potest quocunque modo ratio sui obiecti: sicut visus se extendit ad omnia ea, quæ participant quocunque modo colorem. Sed Non solum in ipso fine, sed etiam in his, quæ sunt ad finem, inuenitur aliquo modo ratio boni, quod est obiectum voluntatis. Ergo Voluntas est non solum finis, sed etiam eorum, quæ sunt ad finem.

2. Conclusio. Voluntas, secundum quod nominat actum volendi, proprie loquendo, est finis terminus.

Prob. Actus simplex potentie fertur in id, quod est secundum se obiectum potentie. Sed Velle est simplex voluntatis actus, & obiectum secundum se voluntas, est ultimus finis. Ergo Velle primo, & per se est finis tantum.

Minor prob. si quod velle sit actus simplex voluntatis. Quia Omnis actus denominatur à potentia, nominat simplicem actum illius potentie: sicut intelligere, quia denominatur à potentia intellectus, significat simplicem actum intellectus. Sed Velle est actus denominatus à voluntate. Ergo Velle est simplex actus voluntatis.

3. Conclusio. Voluntas, prout nominat actum voluntatis, scilicet velle, non est eorum, quæ sunt ad finem, nisi quatenus fertur in finem.

Prob. Ea, quæ sunt bona, solum in ordine ad finem, sunt volita solum per ordinem ad finem. Sed Ea, quæ sunt ad finem, non sunt bona propter se ipsa, sed ex ordine ad finem. Ergo Non sunt volita, nisi in ordine ad finem.

Et Confirmatur a simili in operatione intellectus. Pro quo est sciendum, quod in intellectu est duplex actus. scilicet intelligere, & ratiocinari. Intelligere est eius simplex, & proprius actus, & ideo est eorum, quæ per se primo cognoscuntur. scilicet primorum principiorum. Ratiocinari vero respicit ea, quæ per prima

prima principia cognoscuntur. s. conclusiones, quæ non dicuntur intelligi, nisi quatenus in eis prima principia considerantur, quatenus. s. in conclusio-
nibus relucet virtus primorum principiorum, & sic etiam conclusiones ad actum intelligendi per-
tinent. Proportionaliter etiam in voluntate da-
tur actus simplex eius, & primus, qui est velle, &
hic actus est tantum proprius, & principalis obie-
cti voluntatis, & hoc obiectum est voluntatis finis,
qui se habet in appetibilibus, sicut principia in
speculabilibus, ut dicitur 7. Ethic. c. 8. Sunt etiam
alii actus in voluntate. s. Electio, Consilium, &c. &
isti non sunt de fine, sed de his, quæ sunt ad finem.
Ex quibus manifeste patent ambæ ultimæ con-
clusiones. Sicut enim simplex actus intellectus est
de primis principijs, primo, & per se, & de con-
clusionibus solum, prout in eis consideratur virtus
primorum principiorum. Sic primus actus volun-
tatis est de ultimæ fine, & de his, quæ sunt ad finem
non nisi quatenus sunt ad finem ordinata, &
quodammodo in eis continetur bonitas finis.

Ad argumenta.

Ad 1. Dicitur, quod Phil. loquitur de volun-
tate, secundum quod proprie nominat simplicem
actum voluntatis, non autem secundum quod
nominat potentiam.

Ad 2. Dicitur ad maiorem, quod aliqua possunt
esse diuersæ genere dupliciter. Vno modo, ex æquo,
ita ut vnum alteri non subordinetur: sicut sunt
sonus, & color, & sapor, quæ, quia ex æquo diui-
duntur, sensibile, & vnum ad alterum non ordina-
tur, pertinent ad diuersas potentias. Quædā vero
sunt diuersi generis quidem, sed non ex æquo: sicut
sunt Lux, & color, quæ licet sint diuersi gene-
ris, tamen quia vnum in ordine ad aliud est visi-
bile, pertinent ad potentiam visiuam. Tunc nega-
tur minor, finis enim, & ea, quæ sunt ad finem, sunt
diuersi generis, sed non ex æquo. Ad probatio-
nem dicitur, quod licet bonum utile, sit diuersi
generis à delectabili bono, tamen in genere boni
subordinatur: Diuiditur enim bonum in his tri-
bus. s. Honetum, Vtile, & Delectabile, sicut Ana-
logum in suis analogis, ut dictum est in prima
parte. q. 5. art. ultimo ad ultimum. Et ideo ad ean-
dem potentiam pertinent, licet secundum diuer-
sos eius actus, ut expositum est.

Ad 3. Respondetur dupliciter. Primo negan-
do consequentiā. Ad probatorem dicitur, quod
habitus debent quidem proportionari potētis in
hoc, quod est perficere potentias, ut si potentie
perficiantur per proprios habitus, puta intelle-
ctus, per habitus intellectuales, & voluntas per
virtutes morales. Non autem est necesse, ut pro-
portionentur in hoc, quod quicquid diuersificat

habitus, diuersificet potentia: Diuersa. n. obiecta
scientiarum diuersificat habitus scientiarum, &
tamen omnes scientiæ ad eandem potentiam per-
tinent, & similiter est de virtutibus. Vnde dato,
quod finis, & ea, quæ sunt ad finem, pertinerent
ad diuersos habitus, siue ad diuersas operatiuas
artes, non sequitur, quod non possint ad eandem
potentiam pertinere.

Secundo respondetur, negando antecedens.
Eadem enim sunt considerat proprium suum finem,
& ea quæ sunt ad finem. Ad cuius probationem
dicitur dupliciter. Primo, quod ars gubernatiua
navis, considerat finem, propter quem est navis,
tāquam id, quod ipsa debet operari: & considerat
constructionem nauis, ut id, quod imperat. Vnde
Nauta respicit imperandum fabricam nauis, ut id,
quod est ad finem. Et licet fabrica nauis ad aliū
spectet in exequendo, & consitendo nauim, ta-
men ad ipsum pertinet fabrica nauis imperatiue.
Et similiter, qui facit nauim, considerat finem nau-
is, non quidem ut ipse per se debeat nauim diri-
gere ad illum finem, sed per alium. s. per nautam.
Vnde finis nauis pertinet ad nauifactorem quo-
dammodo. s. ut per alium ad talem finem ducatur.
Et sic patet, quod semper finis, et quod est ad finem, ad
eundem habitum pertinent, diuersimode considerata.

Secundo dicitur ad eandem probationem an-
tecedentis, quod in arte potest esse proprius finis,
& finis remotus. Sicut in nauifactione est finis pro-
prius, qui est constructio nauis, & quæ sunt ad hunc
finem, sunt ligna, & instrumenta fabricandi nauim:
Vfus autem nauis est finis remotus ipsius nauifa-
ctionis. Et similiter in arte nauigatiua, finis proprius
est id, quod per nauim intenditur, puta transire
mare, dupliciter id, quod est ad hunc finem,
ut est vfus nauis, vel aliquod aliud. In vnaquaque
igitur arte consideratur proprius finis, & ea, quæ
sunt ad suum proprium finem, non oportet autē,
ut consideretur remotus finis, & ea, quæ sunt ad
finem remotum. Et ex his remanet vnde quaque
solum argumentum.

ARTICULUS IV.

Vtrum voluntas eodem actu moueatur in finem,
& in id, quod est ad finem.

Pro Affirmatiua.

Videtur, quod voluntas eodem actu moueatur
ad finem, & in id, quod est ad finem.

1. Vbi est vnum, propter alterum, ibi est vnum
tantum, ut Phil. dicit 1. 3. topic. c. 2. Sed Voluntas
vult id, quod est ad finem, propter finem. Ergo
Eodem actu mouetur in vtrumque.

2. Eodem actu videtur lumen, & color. Ergo
Idem est motus voluntatis, quo vult finem, & ea,
quæ sunt ad finem.

Conseq. prob. quia Finis est ratio volendi ea, quæ sunt ad finem, sicut lumen est ratio visionis colorum.

3. Idem numero motus naturalis est, qui per media tendit in ultimum. Ergo Idem motus voluntatis est, quo voluntas fertur in finem, & in ea, quæ sunt ad finem.

Conseq. prob. quia Ea, quæ sunt ad finem, comparantur ad finem, vt media ad ultimum.

Pro Negativa.

In ea, quæ sunt diuersa secundum speciem, non potest voluntas ferri eodem actu. Sed Finis, & ea, quæ sunt ad finem, sunt diuersa secundum speciem. Ergo In finem, & in ea, quæ sunt ad finem, non potest voluntas eodem actu ferri.

Maiores prob. quia Actus diuersificantur secundum obiecta.

Minor prob. quia Bonum honestum, quod est finis, & Bonum utile, quod est ad finem, specie distinguuntur.

Determinatio.

Distinctio. Voluntas potest ferri in finem dupliciter. Vno modo, absolute, & secundum se, non respiciendo ea, quæ sunt ad finem. Alio modo potest ferri in finem, prout ipse finis est ratio volendi ea, quæ sunt ad finem.

1. Conclusio. Actus, quo voluntas fertur in finem absolute, & secundum se, est alius, ab actu, quo fertur in ea, quæ sunt ad finem, & aliquando præcedit ipsum tempore, ita vt prius tempore velit finem, quam ea, quæ sunt ad finem.

Prob. Prima pars. si quod sit alius actus. Quod est per se, & secundum propriam rationem voluntum, & non in ordine ad aliud, potest esse volitum proprio actu, distincto ab actu volendi quodcumque aliud. Sed Finis est per se, & non in ordine ad aliud, nec ratione alterius, volitus. Ergo Finis potest esse volitus per actum, distinctum ab actu, quo est volitum quodcumque aliud.

Secunda pars, simul cum prima manifestatur in sensu, & in intellectu. Et in sensu quidem apparet, quia aliquis potest velle sanitatem, quæ est finis, & postea deliberare de his, per quæ sanitas est recuperanda, puta conducere Medicum, vel medicinam recipere.

Circa intellectum idem accidit. Nam primo aliquis intelligit ipsa principia secundum se, post modum autem intelligit ea, in conclusionibus, secundum quod eis assentit propter principia.

2. Conclusio. Vnus, & idem motus voluntatis est, quo fertur in finem, finem quod est ratio volendi ea, quæ sunt ad finem, & in ipsa, quæ sunt ad finem.

Prob. quia Ea, quæ sunt ad finem, in quantum huiusmodi, non sunt volita nisi propter finem.

Vnde ratio quare sunt volita est ipse finis. Et ideo vnico actu voluntas fertur in ea, quæ sunt ad finem, & in rationem, quæ sunt volita. finem.

Ad argumenta.

Primum argumentum probat secundam conclusionem. Concludit enim, quod finis quatenus est ratio volendi ea, quæ sunt ad finem, vnico actu sit volitus, cum his, quæ sunt ad finem.

Ad 2. Dicitur ad antecedens, quod sicut eodem actu videtur lumen, & color, quando videtur color, sed tamen potest videri lumen, absque eo quod videatur color: sic etiam, quando sunt volita ea, quæ sunt ad finem, vt sic, est etiam eodem actu volitus finis, sed tamen potest esse volitus finis, absque his, quæ sunt ad finem.

Ad 3. Dicitur, quod finis, & ea, quæ sunt ad finem, possunt considerari dupliciter. Vno modo, vt respiciunt actum volendi, vt sunt obiecta actus voluntatis. Alio modo, considerantur in executione operis, siue sub alijs verbis, considerantur in intentione, & in executione. Si considerentur in executione operis, tunc finis habet rationem termini, & ea, quæ sunt ad finem habent rationem medij: qui enim operatur, vt consequatur finem, prius attingit ea, quæ sunt ad finem, deinde finem. In volendo autem, siue in intentione, est e conuerso. Nam finis se habet vt medium, & ea, quæ sunt ad finem, habent rationem ultimi: & ratio est, quia actus voluntatis prius fertur in ipsum finem, deinde deuenit ad volendum ea, quæ sunt ad finem, ita quod volitio finis, est ratio volendi ea, quæ sunt ad finem.

Sicut etiam intellectus per principia, quæ media dicuntur, deuenit in conclusiones. Sicut igitur motus naturalis potest interdum sistere in medio, sine hoc, quod perueniat ad terminum; ita voluntas potest sistere in fine, qui habet rationem medij, in uolendo, absque hoc, quod deueniat ad uolendum ea, quæ sunt ad finem, quæ sunt ultimo volita. Sicut etiam intellectus potest sistere in cognitione primorum principiorum, quæ habent rationem medij ad cognoscendas conclusiones. Dicitur ergo ad antecedens, quod quando motus naturalis procedit per media, vsque ad ultimum, est unus motus. Si autem sicut in aliquo mediorum, non erit idem motus. Sic etiam quando voluntas vult finem, & ea, quæ sunt ad finem, est unus actus: si autem uelit tantum finem, nil cogitando de his, quæ sunt ad finem, non est unus actus, quo utrumque vult. Et ad probationem dicitur, quod ea, quæ sunt ad finem, comparantur ad finem, ut media ad terminum, in executione operis verum est, non autem in uolitione, sed est e conuerso, ut exposui est, quia finis habet rationem medij, & ea, quæ sunt ad finem, habent rationem ultimi.

Ad

Ad Argumenta Pro Negatiua.

Ad illud uero, quod in contrarium obijcitur, patet solutio, per ea, quæ supra dicta sunt art. præced. ad 2. nam utile, & honestum nõ sunt species boni ex æquo diuisæ, sed se habent sicut propter se, & propter alterum. Vnde actus uoluntatis in unum potest ferri, sine hoc, quod feratur in alterum, sed non è conuerso.

QVÆSTIO IX.

DE MOTIVO VOLUNTATIS.

ARTICVLVS I.

Vtrum uoluntas moueatur ab intellectu.

Pro Negatiua.

Videretur, quod uoluntas non moueatur ab intellectu.

1. Aug. super illud Psal. 118. Concupiuit anima mea desiderare iustificaciones tuas, dicit. Præuolat intellectus: sequitur tardus, aut nullus affectus: scimus bonum, nec delectat agere. Sed Hoc non est, si uoluntas ab intellectu moueretur: quia motus mobilis sequitur motionem mouens.

Ergo Intellectus non mouet uoluntatem.

2. Potencia demonstrans solum uoluntati appetibile, sicut phantasia demonstrat appetibile appetitui sensitiuo, non mouet ipsam uoluntatem. Sed Intellectus se habet ad uoluntatem, solum, ut demonstrans appetibile, sicut phantasia demonstrat appetitui sensitiuo, sensibile appetibile. Ergo Intellectus non mouet uoluntatem.

Maiores. Quia Imaginatio demonstrans appetibile, non mouet appetitum sensitiuum, immo quandoque ita nos habemus ad ea, quæ imaginamur, sicut ad ea, quæ in pictura nobis ostenduntur. Ex quibus nõ mouemur, ut dicitur 2. de anima. r. 154.

3. Voluntas mouet intellectum. Ergo Intellectus non mouet uoluntatem.

Antec. prob. Quia Intelligimus, quoniam uolumus.

Conseq. prob. Quia Idem respectu eiusdem nõ potest esse mouens, & motum.

Pro Affirmatiua.

Phil. dicitur 3. de anima. tex. 54. quod appetibile intellectum, est mouens non motum: Voluntas autem est mouens motum.

Determinatio.

Distinctio. Potencia, siue vis animæ, potest ab aliquo moueri dupliciter. Vno modo, quo ad exercitium sui actus, ut si moueatur ad operandum actu. Alio modo, quo ad specificationem actus, ut si determinet ei actum, quem exercere debet.

Manifestatur hæc distinctio. Pro quo est sciendum, quod in tantum aliquid indiget moueri, in quantum est in potentia, & ratio huius est, quia, quod est in potentia, oportet, ut reducatur ad actum,

per aliquid, quod est in actu, & hoc est moueri. Vnde quod modis aliqua uis est in potentia, tot modis potest moueri. Dupliciter autem aliqua uis animæ inuenitur esse in potentia. Vno modo, quantum ad agere: ut scilicet possit agere, sed non agat actu. Alio modo, quantum ad agere hoc, uel illud: sicut uirtus uisiva, quandoque uidet actum, & quandoque non uidet, & quandoque uidet album, & quandoque nigrum. Et ideo indiget uirtus animæ moueri, quantum ad duo, scilicet quantum ad exercitium, uel usum actus, & quantum ad determinationem actus ad aliquid. Primum horum est necessarium ex parte subiecti, si ipsius uirtutis, quæ quandoque inuenitur agere, & quandoque non agere. Alterum est necessarium ex parte obiecti, secundum quod per obiectum specificatur actus. Quæ, ut clarius percipiatur, dicamus exemplariter, quod uirtus uisiva indiget moueri quo ad exercitium, quia, quandoque est in potentia ad uidendum, & ideo indiget reduci ad actum ab aliquo agente: & iterum, quia eius actus potest esse circa diuersa obiecta, puta circa album, aut nigrum, indiget, ut sibi proponatur obiectum, ad quod debeat eius actus determinari: Et hoc ideo etiam apparet in intellectu, & uoluntate. Intellectus enim quandoque intelligit, & quandoque non intelligit, & potest eius actus terminari ad hoc, uel ad illud intelligibile: & similiter dicitur de uoluntate, quæ potest uelle, & non uelle, & potest uelle hoc, uel illud.

1. Conclusio. Voluntas mouet intellectum, & omnes alias uirtutes animæ quo ad exercitium actus.

Prob. Potentia habens pro obiecto ultimum finem, sub quo, fines, & perfectiones omnium aliarum potentialium comprehenduntur, mouet omnes alias potentias ad suos actus. Sed Voluntas habet pro obiecto ultimum uniuersalissimum finem, scilicet ipsi uniuersale bonum, sub quo comprehenditur fines, & perfectiones omnium aliarum potentialium, tanquam particularia bona. Ergo Voluntas mouet intellectum, & omnes alias animæ potentias ad suos actus.

Maiores prob. Quia Cum omne agens agat propter finem. Illud agens, quod agit propter finem uniuersalem, ad quem reducuntur, & ordinantur fines aliarum potentialium, illud inquam agens mouebit ipsas potentias ad suos actus. Quod ex prælo ostenditur. Ars enim, ad quam pertinet consideratio finis, mouet suo imperio artes, quæ considerant ea, quæ ordinantur ad suum finem. Sicut Ars gubernatoria nauis imperat nauifactioni, quia ars gubernatoria, considerat finem, ad quem nauifactionis ordinat suas actiones. Et similiter Dux exercitus, quia habet pro fine uictoriam, mouet omnes alios Duces exercitus, puta Tribunos, Centuriones &c. Ex quibus patet maior, scilicet, quod potentia, ad quam pertinet finis

vniversalis, mouet ad agendum potentiam, quæ respicit finem particularem.

Minor prob. quia Bonum in communi, quod habet rationem finis, est obiectum voluntatis.

2. Conclusio Intellectus mouet voluntatem, quo ad specificationem actus, sicut præsentans ei obiectum.

Prob. Intellectus habet pro obiecto primum, principium formale, quod est ens, & verum vniversale. Ergo Intellectus mouet voluntatem, quo ad specificationem actus.

Conseq. prob. quia Obiectum mouet determinando, per modum principij formalis, a quo in rebus naturalibus actio specificatur, vt calefactio, a calore.

Ad Argumenta.

Ad 1. Dicitur, quod ex illa autoritate non habetur, quod intellectus non moueat, sed quod non moueat ex necessitate.

Ad 2. Dicitur, quod sicut imaginatio potest apprehendere formam sentibilem dupliciter. Vel sine attimatione cõuenientis, & nociui. Vel cum tali extimatione. Ita Intellectus potest apprehendere rationem veri dupliciter. Vno modo absque apprehensione boni, & appetibilis: & hoc pertinet ad intellectum speculatiuum. Alio modo, apprehendendo rationem veri, & rationem appetibilis, & hoc pertinet ad intellectum practicum. Vnde sicut imaginatio non mouet nisi apprehendendo rationem cõuenientis, vel nociui: Ita intellectus non mouet apprehendendo rationem veri, absque ratione appetibilis. Et ideo intellectus speculatiuus non mouet, sed practicus, vt dicitur 3. de anima. r. 46. Ad formam igitur, respondetur ad maiorem, quod si sermo sit de potentia, siue imaginatiua, siue intellectiua, apprehendente solum formam, absque ratione cõuenientis, vel nociui, vel appetibilis, verum est, quod non mouet. Si vero sit sermo de his apprehensiuis potentijs, cum apprehensione boni appetibilis, est falsa. Et ad minorem dicitur, quod Intellectus speculatiuus, qui solum rationem veri apprehendit, non mouet. Practicus autem mouet, vt dictum est.

Ad 3. Neg. Conseq. Ad prob. dicitur, quod idem, secundum idem, respectu eiusdem, non potest esse mouens, & motum, sed idem secundum diuersa, potest esse mouens, & motum. Voluntas enim mouet intellectum, quo ad exercitium actus, quia ipsum verum, quod est perfectio intellectus, continetur sub bono vniversali, quod est obiectum voluntatis. Et Intellectus mouet voluntatem quo ad specificationem, quia bonum est quoddam verum.

ARTICVLVS II.

Vtrum Voluntas moueatur ab appetitu sensitiuo.

Pro Negatiua.

Videtur, quod voluntas non possit moueri ab appetitu sensitiuo.

1. Inferius non potest mouere superius. Sed Appetitus sensitiuus est inferior voluntate, quæ est appetitus intellectiuis, sicut sensus inferior est intellectu. Ergo Appetitus sensitiuus non mouet intellectum.

Maior prob. quia Mouens, & Agens est præstantius patiente.

2. Nulla virtus particularis potest facere effectum vniuersalem. Sed Appetitus sensitiuus est virtus particularis, vt potest quæ consequitur particularem apprehensionem. Ergo Appetitus sensitiuus non potest causare motum voluntatis, qui est vniuersalis, vt potest consequens apprehensionem vniuersalem.

3. Voluntas mouet appetitum sensitiuum. Ergo Appetitus sensitiuus non mouet voluntatem.

Antec. quia Appetitus sensitiuus obedit rationi. Conseq. quia Mouens nõ mouetur ab eo, quod mouet, ita vt sit reciproca motio, vt probatur 8. Physicor. tex. 40.

Pro affirmatiua.

Vnusquisque tentatur a concupiscentia sua abstractus, & illectus, dicitur Iacobi 3. Ergo Appetitus sensitiuus mouet voluntatem.

Conseq. prob. quia Non abstraheretur quis a concupiscentia, nisi voluntas eius moueretur ab appetitu sensitiuo.

Determinatio.

Conclusio. Voluntas mouetur ab appetitu sensitiuo ex parte obiecti.

Prob. Virtus, secundum quam homo apprehendit, vel ei videtur, aliquid esse bonum cõueniens, mouet voluntatem ex parte obiecti. Sed Secundum passionem appetitus sensitui, homini videtur aliquid cõueniens, quod ei non videtur cõueniens absque talibus passionibus. Ergo Appetitus sensitiuus mouet voluntatem ex parte obiecti, id est quantum ad specificationem actus.

Maior prob. quia Id, quod apprehenditur sub ratione boni, & cõuenientis, mouet voluntatem ex parte obiecti, vt dictum est in artic. præced.

Minor manifestatur. Pro quo est sciendum, quod hoc, vt aliquid videatur bonum, & cõueniens, ex duobus contingere potest. Primo ex parte ipsius rei, quæ proponitur: puta si proponatur pax, amicitia. Secundo ex parte eius, cui proponitur.

sicut

sicut si vindicta proponatur irato, iudicatur bonum conueniens. Si autem eidem vindicta proponatur, quando non est iratus, non iudicatur bonum conueniens; & sic accidit in alijs. Ex quibus patet, quod aliquis non eodem modo dispositus, non eodem modo iudicat, aliquid esse, vel non esse conueniens. Si enim sit dominatus a passionibus appetitus sensitui, iudicat aliquid esse bonum conueniens, quod tamen extra illas passiones existens, iudicat non esse conueniens. Ex quibus ulterius patet, minor probanda, scilicet quod secundum passiones appetitus sensitui iudicetur aliquid esse bonum conueniens. Et propter hoc appetitus sensituius ex parte obiecti voluntatem mouet.

Ad argumenta.

Ad 1. Dicitur ad antecedens, quod voluntas simpliciter est praestantior appetitu sensitui, tamen secundum quid, scilicet in aliquo, cui dominantur passiones appetitus sensitui, ipse appetitus sensituius praeminet uoluntati, & eam mouet.

Ad 2. Dicitur ad maiorem, quod uirtus particularis, licet directe, & per se non possit producere effectum uniuersalem, potest tamen aliquid dispoſitue, ad ipsius productionem operari. Et eo magis si actiones causae uniuersalis, sint circa singularia. Et quia actus, & electiones hominum sunt circa singularia, ex hoc ipso, quod appetitus sensituius est uirtus particularis, habet magnam uirtutem ad hoc, quod per ipsum sic disponatur homo, ut ei aliquid uideatur sic, uel aliter, circa singularia.

Ad 3. Dicitur ad antec. & ad eius probationem, quod ratio, in qua uoluntas inuenitur, mouet suo imperio passiones sensitui appetitus, scilicet irascibile, & concupiscibilem, non quidem dispoſitico principatu, sicut Dominus seruum, sed regali, seu politico principatu, sicut liberi homines reguntur a gubernante. Vnde irascibilis, & concupiscibilis possunt in contrarium mouere ad uoluntatem. Quo stante, negatur consequentia. Stat enim, quod uoluntas moueat appetitum, & aliquando appetitus contrarietur uoluntati, & sic nihil prohibet, uoluntatem ab eis moueri.

ARTICULUS III.

Vtrum Voluntas moueat se ipsam.

Pro Negatiua.

Videtur, quod uoluntas non moueat se ipsam.

1. Idem respectu eiusdem non potest esse simul in actu, & in potentia. Sed Si uoluntas moueret se ipsam, esset respectu sui ipsius simul in actu, & in potentia. Ergo Voluntas non potest mouere se ipsam.

Minor prob. quia Cum motus sit actus existentis in potentia, omne mouens in quantum huiusmodi est in actu, & omne, quod mouetur, est in potentia. Vnde si uoluntas se ipsam moueret, esset simul respectu sui ipsius in actu, & in potentia.

2. Si Voluntas moueret se ipsam, sequeretur, quod semper moueretur. Sed hoc est falsum. Ergo Voluntas non mouet se ipsam.

Conseq. prob. Mobile mouetur ad praesentiam sui mouentis. Sed Voluntas est semper sibi praesens. Ergo Voluntas si moueret se ipsam, semper se moueret.

3. Voluntas mouetur immediate ab intellectu, ut dictum est. Ergo uoluntas non mouet se ipsam.

Conseq. prob. quia sic moueretur a duobus motoribus immediate, quod uidetur inconueniens.

Pro Affirmatiua.

Voluntas est domina sui actus, & in ipsa est uelle, & non uelle. Ergo Mouet se ipsam.

Conseq. prob. quia non esset domina sui actus, nisi haberet potestatem mouere se ad uolendum.

Determinatio.

Conclusio. Voluntas mouet se ipsam ad uolendum ea, quae sunt ad finem.

Probat. Intellectus per hoc, quod cognoscit principium, reducit se ipsum de potentia ad actum, quantum ad cognitionem conclusionum, & per hoc mouet se ipsum. Ergo Voluntas per hoc, quod uult finem, se ipsam mouet ad uolendum ea, quae sunt ad finem.

Conseq. prob. quia Hoc modo se habet finis in appetibilis, sicut principium in intelligibilibus. Sicut enim intellectus ex principiis procedit ad cognitionem conclusionis, ita Voluntas ex fine, qui est eius obiectum, & ex cuius ratione alias potentias mouet, procedit ad uolendum ea, quae sunt ad finem.

Ad Argumenta.

Ad 1. Dicitur Ad maiorem, quod idem non potest esse in actu, & in potentia, & mouere, & moueri secundum idem, tamen idem potest esse mouens, & motum actu, & potentia secundum diuersa. Vnde Voluntas, per respectum ad finem, est in potentia, & mouetur a fine, siue ab obiecto: sed quando iam est in actu respectu uolitionis finis, reducit se ipsam ad actum uolitionis eorum, quae sunt ad finem, ut scilicet actu ea uelit.

Formalius igitur dicitur, ad maiorem quod idem, secundum idem, non potest esse mouens, & motum: sed secundum diuersa non est inconueniens. Et sic uoluntas mouet se ipsam, secundum se solum considerata mouetur ab obiecto, & actuata uolitionem

riorem obiecti, mouet se ad uolendum ea, quæ sunt ad finem.

Ad 2. Negatur consequens. Ad prob. dicitur ad minorem, quod Voluntas non est semper sibi præfens in ratione motui. Nam voluntas non potest se mouere, nisi per actum uolitionis finis, qui actus non est semper in ipsa voluntate.

Ad 3. Negatur consequens. Ad prob. dicitur, quod non eodem modo voluntas mouetur ab intellectu, & a se ipsa: sed ab intellectu mouetur secundum rationem obiecti, id est, quo ad specificationem actus: a se ipsa vero, quantum ad exercitium actus, secundum rationem finis.

ARTICVLVS IV.

Utrum Voluntas moueatur ab aliquo exteriori principio.

Pro Negativa.

Videretur, quod Voluntas non moueatur ab aliquo exteriori principio.

1. Motus voluntarius non est ab aliquo exteriori principio: De ratione. n. motus voluntarij est, ut sit a principio intrinseco. Sed Motus voluntatis est voluntarius. Ergo Motus voluntatis non est ab aliquo extrinseco.

2. Quod mouetur a principio exteriori, patitur violentiam. Sed Voluntas non potest pati uolentiam. Ergo Voluntas non potest ab aliquo exteriori moueri.

Maiores. quia Violentum est cuius principium est extra.

3. Quod sufficienter mouetur ab uno motore, non indiget moueri ab alio. Sed Voluntas sufficienter mouet se ipsam. Ergo Non indiget moueri ab aliquo exteriori mouente.

Pro Affirmativa.

Obiectum voluntatis potest esse aliqua res exterior ab ipsa. Sed Voluntas mouetur ab obiecto. Ergo Voluntas mouetur ab aliquo exteriori.

Determinatio.

1. Conclusio. Voluntas mouetur ab aliquo extrinseco, quo ad specificationem actus.

Prob. quia Mouetur ab obiecto, quod est extrinsecum a voluntate.

2. Conclusio. Voluntas, quo ad exercitium actus, non mouetur ab aliquo extrinseco, ad uolendum ea, quæ sunt ad finem.

Prob. quia Voluntas mouet se ipsam ad uolendum ea, quæ sunt ad finem, ex hoc, quod uult finem, ut probatum est articulo precedenti.

3. Conclusio. Voluntas, quo ad exercitium actus, mouetur ab aliquo principio extrinseco ad uolendum finem.

Prob. Quod est agens quandoque in actu, & quandoque in potentia, indiget moueri ab aliquo

mouente. Sed Voluntas aliquando non uult, & aliquando uult aliquid, & sic aliquando est in potentia, & aliquando in actu. Ergo Voluntas in prima uolitione indiget ab alio moueri.

Et Confirmatur Conclusio, & rō. Pro quo, est sciendum, quod quoniam voluntas mouet se ipsam, hoc facit mediante consilio, hoc. n. est proprium voluntatis. Et hoc manifestatur: Nam quoniam voluntas iam uult aliquem finem, puta sanitatem, mouet se ipsam ad uolendum ea, per quæ potest consequi sanitatem, mediante consilio. Præsupposita. n. uolitione sanitatis, ex se ipsa incipit mediante consilio cogitare, per quid possit consequi sanitatem, & tandem deuenit ad uolendum medicinam, per quam sanitatem consequi sperat. Ex quo patet, quod uolitioni, qua voluntas mouet se ipsam, præsupponitur semper alia præcedens uolitione, & cum non sit processus in infinitum, deueniendum est ad uolitionem, quæ sit ex instinctu alicuius exterioris mouentis. Quæ, ut manifestiora adhuc fiant, accipiamus actum, quo voluntas uult ultimum finem. Ad hunc actum, non potest voluntas se ipsam ex se ipsa mouere, quia cum voluntas non semper actu uoluerit ultimum finem, necesse est, ut primo ad hunc actum, ab alio fuerit mota: quia cum voluntas ex se ipsa non possit se mouere, nisi aliquo modo sit in actu, & cum ante primum actum, nullo modo sit in actu, sequitur euidentissime, quod non possit se ad primum actum mouere, alioquin unus duorum necessario sequeretur. Vel quod voluntas semper actu uellet. Vel quod esset processus in infinitum in uolitionibus, quorum utrumque falsum apparet.

Ad Argumenta.

Ad 1. Dicitur, quod de ratione voluntarij actus est, ut sit a principio intrinseco proximo, cum quo tamen stat, ut sit et a principio primo extrinseco: sicut est principium primum motus naturalis est ab extrinseco. Ita primo mouente, principium autem proximum est a natura, quæ est intrinsecum principium, cum sit in eo, in quo est, ut dicitur 2. Phys.

Ad 2. Neg. maior. Ad prob. dicitur, quod non sufficit ad rationem uolentiam, quod principium sit extra, sed oportet addere, quod Nullam conferat uim patiens, quod non contingit, dum uoluntas ab exteriori mouetur. Nam ipsa est, quæ uult, ab alio tamen mota: esset autem motus iste uiolentus, si esset contrarius motui voluntatis, quod in proposito esse non potest, quia sic idem uellet, et non uellet.

Ad 3. Dicitur ad minorem, quod Voluntas quantum ad aliquid sufficienter se mouet, & in suo ordine, scilicet ut Agens proximum, sed non potest se ipsam mouere, quantum ad omnia, ut ostensum est in corpore. Unde indiget ab alio, ut a primo mouente, moueri.

ARTICVLVS V.

Vtrum voluntas moueatur a corpore cœlesti.

Pro Affirmatiua.

Videtur, quod Voluntas humana a corpore cœlesti moueatur.

1. Omnes motus varij, & multiformes reducuntur sicut in causam, in motum vniformem; qui est motus cœli. 8. Phil. tex. 76. Sed Motus humani sunt varij, & multiformes, incipientes postquā prius non fuerant. Ergo Reducuntur in motum cœli, sicut in causam vniformem.

2. Motus humani corporis, qui est a uoluntate, reducitur in motum cœli sicut in causam. Ergo Etiam voluntas a corpore cœlesti mouetur.

Antec. quia, Corpora inferiora mouentur per superiora ex D. Aug. 3. de trinc. 4.

Conseq. quia si ipsa voluntas non moueretur a corpore cœlesti, non possent motus corporum, qui sunt a uoluntate, reduci in corporum cœlestium motum, vt in causam.

3. Astrologi per obseruationē cœlestium corporum, quādā vera prænuntiant, de humanis actibus futuris, qui sunt a uoluntate. Ergo Voluntas humana a cœlesti corpore mouetur.

Conseq. prob. quia Hoc non esset, nisi voluntas ab ipsis corporibus cœlestibus moueretur.

Pro Negatiua.

Corpora cœlestia nō sunt causa nostrorū actū, vt Damasc. dicit lib. 2. c. 7. Ergo Voluntas nō mouetur a corporibus cœlestibus.

Conseq. prob. quia Cum voluntas sit principiū humanorum actuum, si corpora cœlestia mouerent uoluntatem, profecto essent causa humanorum actuum.

Determinatio.

1. Conclusio. Voluntas, quo ad specificationē actus, potest moueri a corporibus cœlestibus.

Manifestatur. quia Corpora exteriora, sensui propoſita, mouent uoluntatem, & etiam ipsa organa potentiarum sensitiuarum subiacent motibus corporum cœlestium.

Aliorum sententia de motu uoluntatis, quo ad exercitium.

Quidā postulerunt, q̄ corpora cœlestia mouent uoluntatē, quo ad exercitiū actus, directe imprimēdo in ipsam. Et eorum rationes poterant esse, quæ in arguendo adductæ sunt.

Reprobatio, & Vera sententia.

Sed hoc esse impossibile, manifestum erit ex rationibus probantibus veram sententiam.

2. Conclusio. Volūtas nō mouetur a corporibus cœlestibus, quo ad exercitium actus per se.

Prob. Nullum corpus potest agere in rem incorpoream: Sed voluntas est viuis incorporea, & immaterialis. Ergo volūtas nō mouet a corporibus cœlestibus, ita vt directe imprimat in ipsā.

Maior prob. quia Res incorporeæ, & immateriales sunt formalioris, & vniuersalioris virtutis, quam quæcunque res corporales. Vnde spiritalia in corporalia agere possunt, & non e contra.

Minor prob. quia Voluntas est in ratione, ratio vero est in potentia animæ non alligata organo corporali.

Confirmatur Conclusio, quia Arist. lib. 2. de anima recitans opinionem dicentium, quod talis est voluntas in hominibus, qualem in eis inducit pater Decorum, virorumque. scilicet Iupiter, per quem totum cœlum intelligunt; attribuit hanc opinionem eis, qui ponebant intellectum non differe a sensui. Vires enim sensitiuæ a corporibus cœlestibus, per accidens moueri possunt, motis. scilicet corporeis organis, quorum sint actus. Vnde Aristoteles extimauit esse impossibile, quod intellectus, & volūtas moueātur a corporibus cœlestibus, nisi ponat intellectū esse vim affixā organo corporeo.

3. Conclusio. Corpora cœlestia indirecte possunt uoluntatem mouere.

Manifestatur. Quia vt dictum est, Appetitus intellectiuis indirecte mouetur ab appetitu sensitiuo, qui sensitiuus appetitus a corporibus cœlestibus moueri potest, modo dicto, propterea redūdat motus corporum cœlestium in uoluntatem, in quantum per passionē appetitus sensitiui, uoluntatem moueri contingit.

Ad argumenta.

Ad 1. Dicitur ad maiorem, quod motus corporales varij, & multiformes reducuntur in motum vniformem corporum cœlestium. Motus autem multiformes uoluntatis reducuntur in aliquam causam vniformem, quæ est in intellectu, & uoluntate superiorum. sin aliquam substantiam spirituales. Omnes igitur motus varij, & multiformes reducuntur in causam vniformem. Sed corporales motus reducuntur in corporeā causā spūales vero, & immateriales, in causam immaterialem.

Ad 2. Dicitur ad antec. quod motus humani corporis reducuntur in corpus cœleste, sicut in causam, in quantum ipsa dispositio organorum congrua est ad motum aliquid ex impressione corporum cœlestium, & in quantum etiam appetitus sensitiuus commouetur ex impressione cœlestium corporum, sed ex hoc sequitur solum, q̄ uoluntas moueatur indirecte, & per accidens a corpore cœlesti. Et iterum. Volūtas a corporibus cœlestibus

Iestibus mouetur, in quantum exteriora corpora mouentur secundum motum celestium corporum, ex quorum cōcursu voluntas incipit aliquid velle, & non velle; sicut adueniente frigore, incipit aliquis velle facere ignem, sed hoc est mouere voluntatem ex parte obiecti. scilicet quo ad specificationem actus, & non quantum ad exercitium.

Ad 3. Dicitur ad antec. q. quia appetitus sensitivus mouetur per acciden. à corpore celesti, quatenus organa corporalia per corpora celestia disponuntur ad hoc, ut aliqui habiles sint ad aliquas passionem, & non omnes resistunt huiusmodi passionibus, ad quas ex corporis celestis dispositione inclinantur, sed ipsas appetitus intellectus sequitur, propterea Astrologi considerantes tantum dispositionem corporum celestium, quam faciunt in organis corporeis, possunt vera aliquando prædicere, sed non semper, quia sapiens resistit. Iuxta illud Sapiens dominabitur astris.

Vel dicendum, ut Aug. dicit 2. super Gen. c. 17. quod hoc. scilicet ut Astrologi vera prædicant de actibus humanis, occulto instinctu fieri, & si fiat ad decipiendum, hoc erit per opus seductorum spirituum.

ARTICVLVS VI.

Vtrum Voluntas moueatur à Deo solo, sicut ab exteriori principio.

Præ Negatiua.

Videtur, quod Voluntas non à Deo solo mouetur, sicut ab exteriori principio.

1. Voluntas hominis habet aliquid superius post Deum. scilicet Angelum. Ergo Voluntas potest moueri etiam ab Angelo.

Consequenter prob. quia Inferius natum est moueri à suo superiori, sicut corpora inferiora à corporibus celestibus mouentur.

2. Intellectus hominis reducitur in suum actum, non solum à Deo, sed etiam ab Angelo per illuminationem, ut Dionysius dicit c. 4. de diu. nom. Ergo Pari ratione voluntas non solum à Deo, sed etiam ab Angelis mouetur.

3. Si à solo Deo voluntas hominis moueretur, nunquam moueretur ad malum. Sed Hoc est falsum. Ergo Voluntas non mouetur à solo Deo.

Consequenter prob. quia Deus non est causa nisi bonorum, ut dicitur Genes. 1.

Falsitas prob. quia Voluntas est, quia peccatur, & recte vivitur, ut dicit Augustinus.

Pro Affirmatiua.

Apost. ad Philip. 2. dicit. Deus, qui operatur in nobis velle, & perficere.

Determinatio.

Conclusio. Voluntas, motu voluntario, quo ad exercitium actus, mouetur à solo Deo, tanquam à principio extrinseco.

Prob. Ille solus, qui est causa ipsius voluntatis, potest causare motum voluntarium, tanquam extrinsecum agens. Sed solus Deus est causa voluntatis. Ergo Solus Deus potest causare motum voluntarium.

Maiores prob. Rem naturalem nullus potest motu naturali mouere, nisi sit aliquo modo causa ipsius naturæ rei motæ. Ergo Voluntas nullus potest voluntario motu mouere, nisi sit causa voluntatis.

Consequenter hæc prob. quia Motus voluntatis est ab intrinseco, sicut, & motus naturalis. Unde quo ad extrinsecum principium, eadem ratio est voluntatis, & naturæ.

Anteced. declaratur. Quamvis enim rem naturalem possit aliquis mouere, qui non est principium naturæ rei motæ, tamen motum naturalem causare non potest, nisi qui est causa rei motæ. Mouetur enim lapis ab homine sursum, sed hic motus non est lapidi naturalis, naturalis enim motus lapidis, est à causante naturam lapidis. scilicet à generante, ut dicitur 8. Physic.

Minor principalis rationis probatur dupliciter. Primo. Potentia animæ rationalis à solo Deo causatur. Sed Voluntas est potentia animæ rationalis. Ergo A solo Deo causatur.

Maiores huius. quia Anima rationalis à solo Deo per creationem causatur, & per consequens omnes suæ potentie.

Secundo. Quod habet ordinem ad vniuersale bonum, non potest esse causatum ab aliquo particulari bono, sed solum ab vniuersali bono. Sed Voluntas habet ordinem ad vniuersale bonum.

Ergo Voluntas non potest causari nisi ab vniuersali bono. Sed solus Deus est vniuersale bonum. Ergo Solus Deus est causa voluntatis.

Maiores prob. quia Particularis causa non potest dare inclinationem vniuersalem, propter quod, nec materia prima, quæ habet inclinationem ad omnes formas, potest produci ab aliquo particulari agente.

Subsumpta autem prob. quia Omne bonum, quod non est Deus, est quoddam participatum, & particulare bonum. Unde solus Deus est bonum vniuersale.

Ad Argumenta.

Ad 1. Dicitur, quod aliquid esse superius altiori, potest dupliciter intelligi. Vno modo sicut causa est superior suo effectui. Alio modo, quantum ad dignitatem naturæ. Primo modo, sol est superior plantis, quia plantæ per virtutem solis generantur. Secundo modo, homo est superior Leone, quia. scilicet homo est dignioris naturæ, quam sit Leo. Ad hoc autem, ut vnum causet motum naturalem, vel

vel voluntarium in altero non sufficit, vt sit supra illud solum, quo ad naturæ dignitatem, sed requiritur, vt sit etiam aliquo modo causa naturæ rei motæ. Ad formam igitur negatur consequens. Ad probationem dicitur, quod non omne inferius aptum est moueri à quolibet suo superiori, sed solum à superiori causante naturam. Et ad id, quod dicitur de corporibus celestibus. Respondetur, quod Angeli non sunt sic supra hominem, sicut corpora cœlestia, supra corpora hæc inferiora. Corpora cœlestia sunt supra corpora inferiora, quia sunt causa naturalium formarum ipsorum, ad quas consequuntur naturales motus. Angeli vero sūt supra animam rationalem solum quantum ad naturæ dignitatem, & non quantum ad causalitatem, cum non sint causa animæ, & per consequens nō possunt esse causa voluntatis, nec ipsam mouere, vt in corpore probatum, & declaratum est.

Ad 2. Dicitur ad antec. quod Intellectus reduci tur ad actum ab Angelo ex parte obiecti, quod sibi proponitur virtute Angelici luminis ad cognoscendum, & sic etiam voluntas ad actum potest reduci non solum a Deo, sed etiam ab Angelo, siue à quacunque alia creatura, vt dictum est. Non tamen potest à creatura reduci ad actum, quo ad exercitium.

Ad 3. Dicitur, quod Deus mouet voluntatem dupliciter. Primo motione vniuersali. Secundo motione speciali. Quæ duæ motiones conueniunt in hoc, quod semper his mouetur voluntas in bonū. Differunt autem tripliciter. Primo, quia motione vniuersali voluntas mouetur in vniuersale bonum, quod est voluntatis obiectum. Motione vero speciali mouetur voluntas ad aliquod particulare, & speciale bonū. Secundo Differunt, quia voluntas semper indiget moueri à Deo illa vniuersali motione, taliter vt sine ipso, nullo modo potest aliquid velle, nec posset aliquo modo moueri, aut mouere, de qua motione dictum est supra, quod indiget à Deo moueri. Sine motione autem speciali potest voluntas aliquid velle. Iterum motio voluntatis vniuersalis est à Deo, vt est vniuersalis motor; & vt est auctor naturæ. Motus vero specialis est per gratiam.

Differunt etiam tertio, quia quando voluntas mouetur motione vniuersali ad bonum vniuersale, homo determinat se ad volendum hoc, vel illud bonum, verum, vel apparens bonū, & quando eligit bonum apparens, tunc ex volitione prouenit peccatum. Quando vero mouetur per gratiam, semper vult vere bonum.

Ad formam igitur argumenti dicitur, concedendo, quod voluntas nunquam mouetur à Deo ad malum. Vnde negatur hoc esse falsum. Ad cuius

probationem dicitur, quod peccatum non est ex motione voluntatis ad malum, sed ex hoc, quod eligit non verum, sed apparens bonum. Næc voluntas vult malum, nisi per accidens, &c.

QVÆSTIO X.

DE MODO QVO VOLUNTAS mouetur.

ARTICVLVS I.

Vtrū voluntas ad aliquid naturaliter moueatur.

Pro Negativa.

Videtur, quod Voluntas non moueatur ad aliquid naturaliter.

1. Agens naturale diuiditur contra voluntarium, vt dicitur 2. Physic. rex. 49. Ergo Voluntas non mouetur ad aliquid naturaliter.

2. Id, quod est naturale alicui, inest ei semper. Sed Nullus motus inest voluntati semper. Ergo Nullus motus est naturalis voluntati.

Maiores. quia Calor, qui est naturalis igni, semper ei inest.

3. Quod mouetur naturaliter, est determinatum ad vnum. Voluntas non est determinata ad vnum, sed se habet ad opposita. Ergo Voluntas non mouetur naturaliter.

Maiores. quia Natura est determinata ad vnum.

Pro Affirmativa.

Intellectus intelligit aliquid naturaliter, scilicet prima principia. Ergo Voluntas vult aliqua naturaliter.

Consequens. prob. quia Motus voluntatis sequitur actum intellectus.

Determinatio.

Quid sit naturaliter moueri voluntatem.

Ad intelligendum quid sit voluntatem naturaliter moueri, oportet scire, quomodo dicatur natura. Natura enim multipliciter dicitur, vt Boetius dicit in libro de duabus naturis. Est Aristoteles. 2. Physic. sed in proposito dupliciter potest accipi. Quandoque enim natura dicitur principium intrinsecum motus, & quietis in rebus mobilibus, & natura sic accepta, est vel forma, vel materia. Quandoque vero accipitur natura; vt significat substantiam, vel entitatem rei, & sic non solum natura est in rebus compositis ex materia, & forma, sed in quacunque re habere esse quocunque modo, siue sit substantia, siue accidens, siue simplex, siue composita. Et secundum hoc dicimus naturam Diuinam, Angelicam, Humanam, Leoninam, & iterum naturam quantitatis, albedinis, naturam intellectus, voluntatis, sensus, & simi-

sint in alijs. Illud igitur dicitur naturale alicui secundum primam acceptionem naturæ quod conuenit ei ratione sue formæ, vel ratione materię, & secundum hoc dicimus motum circulatorium esse naturalem corpori celesti, motum deorsum lapidi, motum sursum igni, quia huiusmodi motus conueniunt iis rebus ratione proprię formę, vel materię. Iuxta vero secundam acceptionem Naturæ, Illud dicitur naturale alicui, quod conuenit ei secundum suam substantiam, id est per se, secundum quem modum dicimus. Deum secundum suam naturam esse bonum, sapientem, &c. & Angelum esse intellectualem. Ignem calidum. Solem luminosum, & similiter in alijs.

Et in hoc sensu, queritur an Voluntas ad aliquid moueatur naturaliter. Non enim potest intelligi de naturali secundum primam acceptionem, quia Voluntas non est composita ex materia, & forma. Vnde sermo est de secunda acceptione naturæ, & sensus est, an Voluntas secundum suam substantiam per se moueatur in aliquid.

1. Conclusio. Voluntas naturaliter mouetur in aliquid.

Probatur. Quandoque alicui rei conuenit aliquis motus, qui non est ei naturalis, & per se, necesse est, vt talis motus reducatur in aliquem, motum, qui ei conueniat per se, & naturaliter. Sed Voluntati conuenit moueri ad aliqua, non per se, & naturaliter: sicut quando mouetur in aliquid, quod potest velle, & non velle, & velle hoc, vel illud. Ergo Huiusmodi motus reducendi sunt in aliquem motum, qui per se, & naturaliter conueniat voluntati.

Maiores prob. quia Ea, quæ non per se insunt, reduciuntur in aliquid, quod per se inest, sicut in primum. Vnde semper principium omnium, quæ conueniunt rei, debet esse naturale.

Et confirmatur Cōclusio, & eius ratio, ex his, quæ apparent in intellectu. Intellectus enim cognoscit conclusiones, sed quia hoc non conuenit ei per suam naturam, ita scilicet, vt per solum naturalem lumen ipsas cognoscat, huiusmodi cognitio reducitur ad naturalem cognitionem, quæ est cognitio principiorum, quorum cognitio est naturalis intellectui.

2. Conclusio. Voluntas naturaliter mouetur in bonum vniuersale, in vltimum finem, & in omnia ea, quæ naturaliter conueniunt volenti, vt sunt esse, viuere, &c.

Prob. quo ad singulas partes, & quod tendat naturaliter in bonum vniuersale. Omnis potentia naturaliter tendit in suum obiectum. Sed Voluntas est potentia, cuius obiectum est vniuersale bonum. Ergo Voluntas naturaliter tendit in

bonum vniuersale. Quod tendat naturaliter in vltimum finem. Ita se habet vltimus finis in appetitibus, sicut prima principia in intelligibilibus. Sed Intellectus naturaliter cognoscit prima principia. Ergo Voluntas naturaliter tendit in vltimum finem.

Quod tandem naturaliter tendat in ea, quæ naturaliter conueniunt volenti. Manifestatur, quia Per voluntatem appetimus non solum ea, quæ pertinent ad potētiā voluntatis, sed etiam ea, quæ pertinent ad singulas potētiās, & ad totum hominem. Vnde naturaliter homo vult, nō solum obiectum vniuersale voluntatis, sed etiam alia, quæ conueniunt alijs potētijs: vt cognitionem veri, quæ conuenit intellectui, & esse, & viuere, & alia huiusmodi, quæ respiciunt consistentiam naturalem, quæ omnia comprehenduntur sub obiecto voluntatis, tanq̃ particularia bona.

Ad argumenta.

Ad 1. Dicitur ad ante, quod Voluntas non diuiditur contra naturam, sicut vna res cōtra aliam rem, ita vt voluntas sit alia res à natura, sed diuiditur voluntas contra ipsam naturam, sicut causa contra aliam causam. Alius enim est modus proprius causandi ipsius naturæ, & alius est proprius modus causandi ipsius voluntatis. Natura enim est determinata ad vnum, vnde non est dominus sui actus. Voluntas vero est domina sui actus, & est ad vtrumlibet. Et quia voluntas est natura quædam, eo quod non sit diuisa contra naturam, vt res contra rem, sequitur, quod voluntati conueniat duplex modus agendi. Vnus conuenit voluntati, vt natura est, & alter voluntati, vt voluntas est: sed modus causandi naturæ conueniens, conuenit voluntati per participationem, quatenus scilicet ipsa voluntas in natura fundatur, & eam præsupponit. Vnde ad formam argumenti concessio antecedere, sic exposito, negatur consequentia. Ex hoc enim, quod agens voluntarium diuiditur contra agens naturale, non sequitur, nisi quod voluntas sit alia causa, non quod sit alia res, & ex hoc, quod voluntas est natura quædam, sequitur, quod naturaliter ad aliquid moueatur.

Ad 2. Dicitur ad maiorem, quod in rebus materialibus aliquid potest esse naturale alicui dupliciter. Vno modo, tanquam consequens formam rei. Alio modo, tanquam consequens materiam. Sicut igni est naturalis calor, quia cōsequitur formam ipsius ignis, & eidem igni naturalis est motus sursum, qui motus cōsequitur materiam. Quod igitur est naturale rei, tanquam consequens eius formam, semper inest, ut patet de calore in igne; non autem quod est naturale, consequens materiam.

materiam rei. Ignis enim non semper mouetur sursum, sed solum quando est extra locum suum naturalem. Ratio horum est; quia forma est actus, materia uero est potentia. Vnde, quod conuenit rei per formam, semper actu inest, quod uero conuenit rei per materiam, quandoque actu, & quandoque in potentia inest. Motus autem sequitur rem ex parte materie, quia motus est actus existentis in potentia. Voluntas autem, quamuis materiam non habeat, habet tamen potentialitatem, quatenus aliquando est in potentia uolens, & quandoque actu, & hanc potentialitatem sequitur motus, & propterea non est necesse, ut semper uoluntas moueatur, sed solum quando est in aliqua determinata dispositione. Quod si aliqua uoluntas est purus actus, nullam habens potentialitatem, ut est uoluntas diuina, semper est in actu uolendi.

Ad formam igitur argumenti, negatur uersaliter maior: potest enim aliquid esse naturale alicui, & tamen non semper in actu ei contineri, scilicet quæ consequuntur materiam rei. Ad probationem dicitur probare, quod ea, quæ sunt naturalia ex parte formæ semper insunt, quod est uerum, ut ostensum est.

Ad 3. Dicitur, quod maior propositio est uera in natura, non autem est uera in uoluntate, & ratio est, quia naturæ semper respondet unum proportionatum, ita quod naturæ in genere respondet unum genere, & naturæ indiuiduæ, respondet aliquid unum indiuiduale, & sic naturæ quomodocunque acceptæ semper respondet aliquid unum, & per consequens semper ordinatur ad unum. Voluntati autem quomodocunque acceptæ, scilicet secundum speciem, & secundum numerum, semper respondet aliquid unum commune, scilicet bonum, sicut intellectui respondet uerum, uel ens, & ratio est, quia uoluntas est quædam immaterialis uirtus, quæ ideo præponderat omnibus indiuiduis rerum materialium, & quia sub hoc bono communi continentur multa particularia bona, ad quæ uoluntas non determinatur; Ideo stat, quod uoluntas naturaliter moueatur ad aliquid, scilicet ad commune bonum, & tamen quod non sit determinata ad unum respectu eorum, quæ continentur sub illo communi bono, ad quod naturaliter determinatur.

Vel sub alijs uerbis respondetur ad argumentum, dicendo, quod maior propositio uera est, non solum in natura, sed etiam in uoluntate, in hoc tamen sensu, quod omne illud, quod mouetur naturaliter determinatur ad unum, scilicet respectu naturalis motus. Vnde sicut graue non potest

tendere nisi deorsum naturaliter, sic uoluntas non potest moueri nisi in bonum, uerum, uel apparet: sed quia uoluntas non mouetur naturaliter ad omnia bona particularia, sed libere, ideo respectu horum non est determinata ad unum. Ratio autem quare natura semper est determinata ad unum; non autem uoluntas, est quia Natura semper respondet aliquod unum proportionatum, ut dictum est, & ideo tum natura in genere, tum in specie, tum in indiuiduo est determinata ad unum. Voluntati autem respondet semper bonum in communi, & ideo non est determinata, nisi ad illud bonum commune, ad bona uero particularia libere se habet.

ARTICVLVS II.

Vtrum Voluntas moueatur de necessitate à suo obiecto.

Pro Affirmatiua.

Videtur, quod Voluntas moueatur de necessitate, à suo obiecto.

1. Omne motuum, si sit sufficiens, de necessitate mouet suum mobile, ut dicitur 3. de anima tex. 54. Sed Obiectum comparatur ad uoluntatem, ut motuum ad mobile. Ergo Obiectum ex necessitate mouet uoluntatem.

2. Intellectus ex necessitate mouetur à suo obiecto. Ergo Pari ratione, & uoluntas à suo obiecto ex necessitate mouetur.

Conseq. prob. quia Sicut intellectus est vis immaterialis, ordinata ad obiectum uniuersale, ita & uoluntas.

3. Voluntas ex necessitate uult finem, & ea, quæ sunt ad finem. Ergo Voluntas ex necessitate mouetur à suo obiecto.

Conseq. prob. quia Obiectum uoluntatis est finis, & ea, quæ sunt ad finem: Omne enim, quod quis uult, aut est finis, aut est ordinatum ad finem.

Anteq. quo ad primam partem, si quod uelit ex necessitate finem. Sicut se habet primum principium in speculatiuis, ita se habet ultimus finis in appetibilibus. Sed Primum principium tale est, ut ei ex necessitate intellectus assentiat. Ergo Finis ex necessitate mouet uoluntatem.

Quo ad aliam partem, si quod ea, quæ sunt ad finem, sint ex necessitate uolita. quia Finis est ratio uolendi ea, quæ sunt ad finem. Cum igitur finis sit necessarius uolitus, necessario etiam erunt uolita ea, quæ sunt ad finem.

Pro Negatiua.

Potentia, quæ est ad opposita, non mouetur ex necessitate ab aliquo oppositorum. Sed Voluntas est potentia, quæ se habet ad opposita. Ergo Voluntas non mouetur necessario ab aliquo oppositorum.

Minor.

Minor. Potentię rationales sunt ad opposita. Sed Voluntas est potentia rationalis. Ergo Voluntas est ad opposita.

Determinatio.

Distinctio. Voluntas mouetur dupliciter. Vno modo, quātum ad exercitium actus, idest vt actu velit. Alio modo, quantum ad specificationem actus, vt, s. velit hoc.

1. Conclusio. Voluntas, quo ad exercitium actus, à nullo obiecto ex necessitate mouetur.

Prob. quia Potest aliquis de quocunque obiecto non cogitare, & per consequens, nec actu vel illud.

2. Conclusio. Voluntas, quo ad specificationē, mouetur necessario ab vniuersali obiecto, quod est beatitudo.

Prob. Quod secundum omnem considerationem est bonum, necessario mouet voluntatem, dum sibi tale bonum proponitur. Sed Bonū vniuersale, quod est beatitudo, est secundum omnem considerationem bonum. Ergo Quando proponitur voluntati, ex necessitate ipsam mouet, quo ad specificationem; ita vt illud necessario velit, & non eius oppositum.

3. Conclusio. Voluntas non mouetur necessario ab aliquo particulari bono.

Prob. Quod secundum aliquam considerationem deficit à ratione boni, non necessario mouet voluntatem, secundum, s. considerationem, qua deficit à ratione boni. Sed Omne particulare bonum, secundum aliquam considerationem deficit à ratione boni. Ergo Secundum hanc considerationem potest à voluntate repudiari.

Et manifestatur maior vtriusque rationis à simili. Nam in motu, cuiuslibet potentię à suo obiecto, consideranda est ratio, per quam obiectum mouet potentiam. Si enim in aliquo obiecto sit ratio motiua potentię, necessario mouet. Si autē secundum aliquam considerationem deficiat ratio motiua, tunc non mouet: Sicut ratio, qua obiectum visus mouet visuam potentiam, est esse coloratū: vnde si proponatur visui color, ex necessitate mouet, quo ad specificationem, quo ad exercitium enim, non necessario mouet, quia potest quis etiā præsentē obiecto diuertere alio visum. Sed si tale obiectum ex vna parte coloratum actu sit, ex altera vero parte non sit actu coloratum, tunc ex vna parte mouebit necessario, non autem ex altera. Et quia sicut coloratum est obiectum visus, sic bonum est obiectum voluntatis, ideo, quod est vniuersale bonum, ex nulla parte à bonitate deficit, & necessario mouet, sed si secundum aliquam considerationem à ratione boni deficiat, non necessario mouebit.

Possunt hæ conclusiones ultimę in unam reduci hoc modo.

Conclusio. Voluntas, quo ad specificationem, mouetur necessario ab aliquo obiecto, & ab aliquo non mouetur necessario. Necessario inquam à bono vniuersali, & non necessario à bono particulari.

Prob. Quod secundum omnem considerationem est bonum, necessario mouet voluntatem; & quod secundum aliquam considerationem deficit à ratione bonitatis, non necessario mouet. Sed Bonum Vniuersale secundum omnem considerationem est bonum, & particulare deficit secundum aliquam considerationem à ratione bonitatis.

Ergo Vniuersale bonum necessario, & Particulare non necessario mouet voluntatem.

Maiores prob. ad verbum, vt probata sunt vtraque maior in ratione ad dictas conclusiones.

Ad Argumenta.

Ad 1. Dicitur, quod si sit sermo de motione quo ad exercitium, negatur minor. Non. n. obiectum est motuum sufficiens voluntatis, quo ad exercitium, sed requiritur aliquid aliud, tum intrinsecum, tum extrinsecum mouens, vt quæst. præced. dictū est. Si vero sit sermo de motu, quo ad specificationem, dicitur ad minorem, quod nō omne voluntatis obiectum est sufficiens motuum voluntatis, sed solum illud, quod secundum omnem considerationem habet rationem boni. Vnde hoc bonum necessario mouet, quod est vniuersale bonum, bonum vero particulare, cum non undequaque rationem boni habeat, non necessario mouet.

Ad 2. Dicitur ad antec. quod intellectus mouetur ex necessitate ab obiecto, non quocunque, sed ab eo, q. est semper, & ex necessitate. Ab eo. n. qd potest esse verum, & falsum, s. contingenti non mouetur ex necessitate: Sicut etiam de voluntate dicendum est, q. ab eo bono, quod est undequaque bonum, ex necessitate mouetur, non autē à bono particulari, quod potest secundum aliquam considerationem deficere à ratione boni.

Ad 3. Dicitur, q. finis est duplex. s. Vltimus simpliciter, & Vltimus secundum quid, seu in tali genere. Et similiter ea, quæ sunt ad finem, sunt in duplici differentia. Quædam sunt ita necessaria, ut sine ipsis non possit consequi quis finē. Quædam vero sunt, sine quibus aliquis consequitur finem. Finis vltimus simpliciter, qui est ipsa beatitudo, necessario mouet voluntatem, & similiter ea, quæ sunt necessaria ad finem. Alij vero fines, & ea, quæ non sunt necessaria ad consequendum finem, non mouent necessario voluntatem. Et quamuis finis sit ratio volendi, ea quæ sunt ad finem, rationem

men, non eodem modo est ratio volendi omnia. Est enim ratio volendi ea, quæ sunt necessaria ad finem, sic, ut necessario illa sint volita, sicut finis ipse: quia sine ipsis non potest quis adipisci finem, eorum vero, quæ non sunt necessaria, non est similis ratio, ut sint volita, quin possint esse non volita, sicut intellectus necessario assentit conclusionibus, sine quibus principia non possunt esse vera, non autem alijs.

ARTICVLVS III.

Vtrum Voluntas moueatur de necessitate ab inferiori appetitu.

Pro Affirmatiua.

Videtur, quod Voluntas ex necessitate mouetur ab inferiori appetitu.

1. Rom. 7. dicit Apostolus. Non enim, quod volo bonum, hoc ago, sed quod odi malum, illud facio, quod dicit propter concupiscentiam, quæ est passio quædam appetitus inferioris. Ergo Voluntas ex necessitate mouetur à passione.

2. Non est in potestate volūtatis, quod statim passionem abiciat. Ergo Non est in potestate voluntatis, quod non velit illud, ad quod passio inclinat, & sic ex necessitate illud vult.

Conseq. prob. quia Qualis vnusquisque est, talis finis videtur ei, ut dicitur 3. Ethic. cap. 4.

3. Voluntas non potest moueri ad aliquod particulare volendum, nisi mediante appetitu sensitivo. Ergo Si appetitus sensitivus sit per aliquam passionem ad aliquid dispositus, voluntas non poterit in contrarium moueri.

Antec. Sicut se habet ratio vniuersalis ad æstimationem particularem, ita se habet voluntas ad appetitum sensitivum. Sed Ratio vniuersalis non mouet, nisi mediante æstimatione particulari. Ergo Nec voluntas potest moueri ad aliquid particulare, nisi mediante appetitu particulari.

Minor huius prob. quia Causa vniuersalis non applicatur ad effectum particularem, nisi mediante causa particulari.

Pro Negatiua.

Gen. 4. dicitur. Sub te erit appetitus tuus, & tu dominaberis illius. Ergo Voluntas hominis non mouetur necessario ab appetitu inferiori.

Determinatio.

Distinctio. Cum passio appetitus sensitivi moueat voluntatem, per hoc, quod homo aliquantulum

dispositus per passionem iudicat aliquid esse bonum, quod quando existit extra passionem illam, non ita iudicat, ut dictum est, quæst. præced. artic. 2. Duobus modis contingit immutatio hominis per passionem. Vno modo sic, quod ratio totaliter ligetur per huiusmodi passionem, ita quod homo vsum rationis non habeat; sicut contingit in his, qui propter vehementem iram, vel concupiscentiam, vel propter aliquam aliam perturbationem, furiosi, vel amentes fiunt. Alio modo, sic, quod ratio non totaliter absorbeat a passione, sed remaneat, quantum ad aliquid, eius iudicium liberum. Primus immutationis modus nihil relinquit de voluntate, secundum quod voluntas est. Secundus vero relinquit tantum de voluntate, quantum relinquit de ratione, & de rationis vsum.

1. Conclusio. Homo, in quo passio totaliter ligatur, per passionem, necessario mouetur à passione appetitus inferioris, quo ad specificationem.

Prob. Animalia bruta ex necessitate sequuntur impetum passionis. Ergo Homo, in quo totaliter ligatur vsum rationis, necessario sequitur passionem sensus.

Conseq. prob. quia Eadem ratio est de brutis, & de hominibus in quibus totaliter ligatur vsum rationis, quo ad hoc, quod est non libere operari.

2. Conclusio. Homo, in quo iudicium rationis non totaliter alligatur à passione, non mouetur necessario à passione appetitus sensitivi.

Prob. In quo est libertas, non mouetur necessario ab aliquo. Sed In homine, in quo ratio non est totaliter ligata, est libertas. Ergo Homo, in quo iudicium rationis non est totaliter ligatum, non necessario mouetur ab appetitu inferiori.

Minor prob. quia Voluntas sequitur rationem. Vnde si ratio sit libera à passionibus, ita vt non sit ab ipsis ligata, etiam voluntas libera remanet, ad operandum, & ad volendum hoc, vel illud, secundum quod ratio ei proponit.

3. Conclusio. Voluntas non mouetur de necessitate ab inferiori appetitu.

Prob. ex dictis. Nam aut passio totaliter ligat rationem, aut non totaliter ligat. Si totaliter ligat, non remanet aliquis actus voluntatis in homine, ut voluntas est, & per consequens tunc nec necessario, nec non necessario mouetur voluntas, cum nullus in homine homine, sit actus voluntatis. Si vero non totaliter liget rationem, tunc motus voluntatis remanet liber, secundum modum, quo ratio à passione libera remanet.

tatem ex necessitate, nisi in his, ad quæ naturaliter voluntas mouetur.

Prob. Illud, quod secundum suam naturam non est determinatum ad vnum, sed se habet indifferenter ad multa, non mouetur à Deo ex necessitate, nisi ad id; ad quod, illud naturaliter aptum natum est moueri. Sed Voluntas est actuum principium, quod secundum suam naturam non est determinatum ad vnum, sed indifferenter se habet ad multa. Ergo Voluntas sic mouetur à Deo, ut non determinetur de necessitate ad vnum, sed remanet motus eius contingens, & non necessarius, nisi in naturalibus.

Maiores prob. quia: Ad prouidentiam diuinam non pertinet, naturas rerum corrumpere, sed seruari. Vnde omnia mouet secundum eorum conditionem, ita quod ex causis necessariis per motionem diuinam consequuntur effectus ex necessitate, & ex causis contingētibus consequuntur effectus contingētes.

Ad argumenta.

Ad 1. Dicitur, quod maior est vera de aliquibus agentibus, non tamē de omni agente verificatur. Duplex est enim agens. Aliquod cuius virtus se extendit solum ad hoc, ut aliquid fiat per rem, quā mouet: sicut si quis proiecit lapidem sursum, ut aliquid sursum existens percutiat, tunc tale agens se extendit sua virtute ad hoc, ut aliquid fiat per lapidem, ut scilicet moueatur sursum, sed non ad hoc ut cōueniat naturæ rei motæ ascendere sursum, nec nō. Et de huiusmodi mouētibus verificatur, quod ex necessitate mouent: lapis enim proiectus sursum violenter, necessario sursum mouetur. Aliud vero est agens, cuius virtus se extendit non solum ad hoc, ut aliquid fiat per rem motam; sed etiam ad hoc, ut fiat, secundum quod competit naturæ rei, quam mouet: & tale agens non semper mouet ex necessitate, sed mouet secundum convenientiam naturæ rei, quam mouet, ita quod si res sit talis naturæ, ut de necessitate ad aliquid moueatur, necessario mouetur, si contingenter, contingenter. Et quia voluntas diuina non solum se extendit ad hoc, ut aliquid fiat per rem motam, sed etiam ut cōmodo fiat, quo congruit naturæ rei motæ, ideo voluntas nostra, quæ de sua natura indifferens est, & libera, libere à Deo mouetur. Vnde magis repugnaret diuinæ motioni, ut voluntas ex necessitate ad omnia moueretur, quam si moueatur libere, quia illud est contra naturam voluntatis, hoc uero est ei naturale.

Ad 2. Dicitur ad minorem, quod voluntati naturale est, quod Deus operetur in ea aliquid, ut naturaliter fiat in ea: puta quod velit ultimum finem, & aliquid contingenter, & libere, ut sunt ea, quæ non sunt necessaria absolute ad finem.

Ad 3. Dicitur ad antec. quod si ponatur Deum, mouere voluntatem ad aliquid, impossibile est voluntatem illud non velle, impossibile quidem, non simpliciter, sed ex suppositione: supposito, quod Deus voluntatem moueat efficaciter ad aliquid, voluntas illud vult, sed tamen libere vult.

QVÆSTIO XI. DE FRUITIONE. ARTICVLVS I.

Vtrum frui sit actus appetitiuæ potentie.

Pro Negatiua.

Videtur, quod frui non sit actus appetitiuæ potentie.

1. Capere fructum humanæ vitæ, qui est beatitudo, est actus intellectus, ut supra ostensum est, quæst. 3. artic. 8. Sed Frui nihil aliud esse videtur, quam capere fructum humanæ vitæ, qui est beatitudo. Ergo Frui est actus intellectus, & non voluntatis.

2. Quælibet potentia habet proprium fructum. Ergo Cuiuslibet potentie est frui.

Antec. prob. quia Quælibet potentia habet proprium finem, ut visus cognoscere visibile, auditus audibile, & sic de alijs: finis uero est perfectio rei, & fructus eius.

Conseq. Quia Frui est capere fructum, qui est finis rei.

3. Delectatio sensibilis pertinet ad sensum, & eadem ratione delectatio intellectualis pertinet ad intellectum. Sed Fruiio delectationem quandam importat. Ergo Fruiio non est actus appetitiuæ, sed intellectus.

Maiores. quia Quælibet potentia delectatur in suo obiecto.

Pro affirmatiua.

Amor pertinet ad potentiam appetitiuam. Sed Frui est amore inherere alicui rei, propter se ipsam, ut Aug. dicit. 1. de doc. chris. c. 4. Ergo Frui pertinet ad potentiam appetitiuam.

Determinatio.

Conclusio. Fruiio est actus appetitiuæ potentie. Prob. Amor, & delectatio, quam aliquis habet de ultimo expectato bono, est actus potentie appetitiuæ. Sed Frui pertinet ad amorem, & delectationem, quam aliquis habet de ultimo expectato bono. Ergo Fruiio est actus appetitiuæ potentie.

Maiores. quia Ultimum bonum, est ultimus finis, qui est obiectum voluntatis. Vnde amor, & delectatio de ultimo fine, est actus appetitiuæ potentie.

Minor manifestatur. Pro quo est sciendum, quod fruiio, & fructus ad idem pertinere videntur,

K

tur,

tur, & unum ex altero deriuari: sed utrum nomen fruitionis deriuetur ex fructu, uel nomen fructus ex fruitione, nihil ad propositu refert. Probabile tamen uidetur, quod nomen fruitionis ex fructu deriuetur; quia fructus uidetur nobis esse quid manifestius secundum sensum. Vnde nomen fruitionis uidetur desumptum à sensibilibus fructibus, & quia fructus est ultimum, quod ex arbore expectatur, & cum quadam suauitate percipitur, propterea nomen fruitionis translatum est ad significandum amorem, & delectationem, quam aliquis habet de ultimo expectato bono intelligibili, quod est ultimum finis, & sic patet minor.

Ad Argumenta.

Ad 1. Dī ad maiorem, quod capere fructum humanæ uitæ ultimum, pertinet ad intellectum, & uoluntatem, secundum tamen diuersas rationes. Visio enim Dei, in quantum est uisio, pertinet ad intellectum, in quantum uero est finis, & bonum, pertinet ad uoluntatem. Fruitio autem pertinet ad beatitudinem, ut beatitudo est finis, & bonum, & quia ut sic est obiectum uoluntatis, ideo actus fruitionis est eiusdem uoluntatis actus.

Ad 2. Neg. conseq. Ad prob. dicitur, quod perfectio, & finis cuiuslibet alterius potentie continetur sub obiecto appetitus, sicut proprium sub communi. Vnde perfectio, & finis cuiuslibet potentie in quantum est bonum pertinet ad vim appetitiuam, quæ mouet alias potentias ad suos fines, & ipsa consequitur finem, quando qualibet aliarum potentiarum ad finem pertingit.

Ad 3. Dī ad maiorem, quod in delectatione duo sunt, perceptio conuenientis, & complacentia eius, quod offertur, ut conueniens. Primum pertinet ad potentiam apprehensiuam. Alterum uero ad vim appetitiuam, & in hoc, delectationis ratio completur.

ARTICVLVS II.

Vtrum frui conueniat tantum rationali creaturæ, an etiam animalibus brutis.

Quod frui sit tantum hominum.

V Idetur, quod frui sit tantum hominum.

1. Aug. lib. 1. de Doct. Christ. c. 3. dicit, quod Nos homines sumus, qui fruimur, & utimur. Ergo Alia animalia frui non possunt.

2. Quæ possunt frui, possunt pertingere ad ultimum finem. Sed Alia animalia non possunt pertingere ad ultimum finem. Ergo Alia animalia non possunt frui.

Maior. quia Frui est ultimi finis. Vnde qui ad ultimum finem non pertingit, frui minimè potest.

3. Si Frui pertineat ad appetitum sensitiuum, uidetur etiam quod possit pertinere ad appetitum naturalem. Sed Frui non pertinet ad appetitum naturalem. Ergo Nec ad sensitiuum, & sic brutorum non est frui.

Maior. quia Sicut appetitus sensitiuus est sub intellectu, ita appetitus naturalis est sub sensu. Vnde si sensus fruatur, quia est sub intellectu, ita & naturalis appetitus frueretur, quia est sub sensu.

Minor prob. quia Appetitus naturalis non est delectari.

Quod conueniat etiam brutis.

August. lib. 8. 3. quæst. quæst. 9. dicit, quod Frui quidem cibo, & qualibet corporali uoluptate, non absurde existimantur & bestię.

Determinatio.

Distinctio. Ea, quæ ordinantur ad finem, sunt in duplici differentia. Quædam enim nullam habent cognitionem finis, ad quem ordinantur, & hæc sunt ea, quæ sola naturali inclinatione ad finem mouentur, ut sunt graua, & lenia, & cætera cognitione carentia. Quædam uero cognitionem finis habent, sed hæc adhuc in duplici serie distinguuntur. Quædam enim habent perfectam cognitionem. Quædam uero habent cognitionem imperfectam finis. Perfecta cognitio est, qua cognoscitur, non solum id, quod est finis, & bonum, sed ratio uniuersalis finis, & boni, et talis cognitio est solius rationalis naturæ. Cognitio uero imperfecta est, qua cognoscitur, non quidem ratio finis in uniuersali, sed solum particulariter, & hæc cognitio conuenit brutis. Et sic sunt tria, quæ ordinantur ad finem. Quædam cognitione carentia. Quædam, quæ habent cognitionem imperfectam finis. Et tandem alia, quæ cognitionem perfectam habent.

1. Conclusio. Ea, quæ cognitione carent, non fruuntur fine, quem consequuntur.

Prob. His, in quibus non inuenitur potentia imperans, non conuenit fruitio finis. Sed In rebus cognitione carentibus, non inuenitur potentia imperans. Ergo Rebus cognitione carentibus non conuenit fruitio.

Maior. quia Frui non est actus potentie peruenientis ad finem, per modum exequentis, sed potentie imperantis executionem, ut dictum est art. præced. ad 2.

Minor. quia In rebus cognitione carentibus inuenitur quidem potentia pertingens ad finem, per modum exequentis, sicut graue tendit deorsum, & leue sursum. Potentia tamen, ad quam pertinet finis per modum imperantis, non inuenitur in eis, sed in aliqua superiori natura, quæ sic mouet

monet totam naturam per imperium, sicut in habentibus cognitionem, appetitus mouet alias potentias. Vnde manifeste sequitur, quod in carentibus cognitione, non inuenitur fructio.

2. Conclusio. In rebus habentibus cognitionem finis imperfectam, vt sunt animalia bruta, inuenitur fructio, secundum rationem imperfectam.

Prob. quia Virtutes sensitiue brutorum non sunt imperantes liberæ, sed secundum naturalem instinctum, ad ea, quæ apprehendunt, mouentur.

3. Conclusio. Rationali naturæ conuenit fructio, secundum perfectam rationem.

Prob. quia In natura rationali, potentia appetitiue sunt liberæ imperantes.

Quæ tres conclusiones ad vnā reduci sic possunt.

Conclusio. Fructio conuenit rationali creaturæ secundum perfectam rationem. Brutis secundum imperfectam rationem. Alijs uero creaturis nullo modo.

Prima pars prob. quia Creaturæ rationales habent perfectam cognitionem finis, secundum rationem vniuersalem, & per consequens potentiam imperantem liberam.

Secunda pars quia Bruta habent imperfectam finis cognitionem, & potentiam imperantem non liberam.

Tertia, quia Non habent aliquo modo cognitionem finis, nec per consequens potentiam imperantem, cuius solum est frui.

Ad argumenta.

Ad 1. Dicitur, quod Augustinus loquitur de fructione perfecta.

Ad 2. Dicitur ad maiorem, & ad eius probationem, quod non oportet vt frui sit ultimi finis simpliciter, sed eius, quod habetur ab vnoquoque pro ultimo fine.

Ad 3. Neg. maior. Ad probationem dicitur, quod quamuis appetitus naturalis sit sub sensitiue, tamen non sequitur, quod ei conueniat fructio sicut sensui, quia sensus participat aliqualem cognitionem. Appetitus vero naturalis, præcipue in his, quæ ratione carent, nullo modo cognitionis rationem participat.

Id Argumentum pro altera parte. Dicitur, quod Augustinus loquitur de fructione imperfecta.

ARTICVLVS III.

Vtrum fructio sit tantum ultimi finis.

Pro Negativa.

Videtur, quod fructio non sit tantum ultimi finis.

1. Homo non est ultimus finis alterius. Sed

Quis potest frui homine. Ergo Frui, non est tantum ultimi finis.

Minor. quia Apostolus ad Philemonem dicit. Ita frater ego te, fruar in domino, & tamen Apostolus non posuerat ultimum finem in Philemone.

2. Fructus spiritus sancti, vt sunt Gaudium, Pax, & huiusmodi, non habent rationem ultimi, & tamen ipsis fruimur. Ergo Fructio non est tantum ultimi finis.

Cōsequ. prob. quia Fructus est, quo aliquis fruitur. Fructio non est ultimus finis hominis. Sed Quis fruitur sua fructione. Ergo Fructio non est solum ultimi finis.

Maiores. quia Ultimus finis hominis est solum bonum increatum, quod est Deus.

Minor. quia Actus voluntatis supra se ipsos reflectitur: Volo enim me velle, & amo me amare. Sed Frui est actus voluntatis: Voluntas enim est, per quam fruimur. Ergo Aliquis fruitur sua fructione.

Pro Affirmatiua.

Eius solum, quod propter aliud non appetitur, est fructio. Sed Solum ultimus finis est, qui propter aliud non appetitur. Ergo Solum ultimi finis est fructio.

Maiores. quia Augustinus dicit. 10. de trin. c. 11. quod Non fruitur si quis id, quod in facultatem voluntatis assumit, propter aliud appetit.

Determinatio.

1. Distinctio. Ad rationem fructus, cuius solum est fructio, duo pertinent. Primum est, quod sit ultimum. Alterum vero est, quod delectet appetitum quadam dulcedine, vel delectatione.

2. Distinctio. Aliquid potest dici ultimum dupliciter, vel simpliciter, vel secundum quid. Ultimum simpliciter est, quod ad aliud non refertur. Ultimum secundum quid est, quod est ultimum solum respectu aliquorum, tamen ad aliud ordinatur.

3. Distinctio. Quod non est ultimum simpliciter, sed respectu aliquorum, quod tamen ad aliud aliud ordinatur, est duplex. Quoddam, quod habet in se aliquam delectationem: sicut est medicina dulcis, quæ est quoddam ultimum respectu pharmacopole, tamen ordinatur ad sanitatem, habet in se delectationem quandam, scilicet dulcedinem. Quoddam vero est, quod est ultimum quidem respectu aliquorum, sed tamen ad aliud ordinatur, & nullam habet in se delectationem sicut est potio amara, quæ sumitur propter sanitatem acquirendam.

Primum horum potest dici aliquo modo fructus, sed non simpliciter. Potest dici fructus aliquo modo, quia est aliquo modo ultimum, & habet

in se aliquam delectationem. Non simpliciter dici potest fructus, quia non est simpliciter vltimum, nec appetitur precipue propter delectationem, quam habet, sed propter aliud; vt dictum est. Alterum vero nullo modo potest dici fructus. Quia non est in se ipso delectabile, quod tamen necessarium est ad hoc, ut aliquid fruibile dicatur.

1. Conclusio. Quod appetitur solum in ordine ad aliud, & nullam habet in se ipso causam delectationis, non est fruibile.

Prob. quia Hoc nullo modo habet rationem fructus, non est enim vltimum, nec delectabile, vt est amara portio ad sanitatem.

2. Conclusio. Eo, quod est vltimum respectu aliquorum, sed tamen est ordinatum ad aliud aliud, & habet in se, quod sit delectabile, potest aliquis frui, sed non secundum perfectam rationem fruitionis.

Prob. quia Hoc potest dici aliquo modo fructus, quatenus aliqua ad ipsum ordinantur, & etiam quia est secundum se delectabile, tamen quia non est simpliciter vltimum, sed ad aliud ordinatur, non potest dici fructus secundum perfectam, & completam rationem fructus. Vnde nec est fruibile, secundum perfectam rationem fruitionis.

3. Conclusio. Fruitiō, secundum perfectam rationem fruitionis, est solum vltimi finis.

Prob. Eo solo fruimur secundum rationem perfectam, & completam fruitionis, in quo voluntas simpliciter quiescit. Sed solum in vltimo fine simpliciter voluntas quietatur. Ergo Simpliciter fructio est solum vltimi finis.

Maiores. quia Aug. dicit 10 de Trin. cap. 10. Quod fruimur cognitis, in quibus voluntas delectata, conquiescit.

Minor. quia Quandiu aliquid aliud expectatur, motus voluntatis manet in suspensio, licet iam ad aliud pervenerit, sicut in motu locali, licet illud, quod est medium in magnitudine, sit principium, & finis, non tamen accipitur vt finis in actu, nisi quando in eo quiescit.

Ad Argumenta.

Ad 1. Negatur minor, loquendo de fruitione secundum perfectam eius rationem. Ad probationem dicitur cum Augustino, quod si Apostolus dixisset solum te fruar; & non addidisset in domino, videretur finem delectationis in eo posuisse, sed quia addidit in domino, in domino se posuisse finem, atque in eo se frui significavit, vt sic fratre se frui dixerit, non tanquam termino, sed tanquam medio.

Ad 2. Respondetur dupliciter. Primo, quod aliquid potest dici fructus dupliciter. Vno modo,

per comparationem ad actorem producentem; & sic dicitur fructus id, quod producitur ab actore, vt effectus a causa. Alio modo dicitur aliquid fructus per comparationem ad fruentem; & ad hoc, vt aliquid sic fructus dicatur, requiritur, quod sit vltimum bonum expectatum a fructe. Non omni fructu primo modo fruimur, sed solum fructu secundo modo accepto. Tunc ad antecedens dicitur, quod ea, quæ enumerat Apostolus, sunt fructus, quatenus sunt quidam effectus spiritus sancti in nos, & ideo non sequitur, quod his frui debeamus. Erad formam negatur consequentia. Nam quia fructus spiritus sancti non habent rationem vltimi, ideo eis non fruimur. Et ad probationem dicitur, quod non omni fructu fruimur, sed solum eo, quod est vltimum expectatum bonum a fruente, fructus autem spiritus sancti non habent rationem vltimi.

Secundo dicitur, quod loquendo de imperfecta ratione fruitionis fruimur fructibus sancti, quatenus habent in se vnde nobis placere possunt, licet ad beatitudinem ordinentur. Vnde eis frui possumus, sicut quis dulci potest frui medicina; & sic conceditur quod inferitur, scilicet quod fructio non sit tantum vltimi finis, si sermo sit de fruitione secundum eius imperfectam rationem.

Ad 3. Dicitur, quod in vltimo fine duo sunt, scilicet res, quæ est vltimus finis; & acquisitio ipsius rei, quæ tamen non sunt duo, sed vnus finis acquisitus. Vnde frui res, quæ est vltimus finis, & eius acquisitio, non est frui duobus finibus, sed vno fine. Sicut igitur quis potest frui re, quæ est vltimus finis, quæ est Deus; & sua fruitione: ita potest quis frui Deo, et acquisitione, quæ est actus ipsius voluntatis, vt dictum est: Ad formam igitur dicitur ad maiorem, quod fructio non est res, quæ est vltimus finis, est tamen acquisitio vltimi finis, & pertinet ad vltimum finem, & ideo beatus fruatur sua fruitione, eadem fruitione, qua fruatur Deo, & sua beatitudine.

ARTICVLVS IV.

Vtrum fructio sit solum finis habiti.

Pro Affirmativa.

Videretur, quod fructio non sit nisi finis habiti. 1. Eius tantum est fructio, de quo habetur gaudium, non spei, sed rei. Sed solum de fine iam habito, habetur gaudium, non spei, sed rei. Ergo Solius finis habiti est fructio.

Maiores. quia August. dicit 10. de Trin. cap. 1. quod frui, est cum gaudio vt, non adhuc spei, sed iam rei.

Minor,

Minor. quia Quando uires non habetur, est de ea gaudium spei, non rei.

2. Eius solum est fructus, quod quietat appetitum. Sed Solum finis habetur, quod appetitum. Ergo Solius finis habetur est fructus.

Maiores prob. quia Sicut superius dictum est, fructus est proprius finis, qui solum quietat appetitum. Unde de eo, quod non quietat appetitum, non est fructus.

Minor. quia Non quietatur appetitus, nisi de fine habito.

3. Frui est capere fructum. Ergo Fructio non est nisi finis habito.

Consequenter prob. quia Non capitur fructus, nisi quando iam finis habetur.

Pro Negativa.

1. Frui est inhaerere alicui rei, propter se ipsam, ut Aug. dicit 1. de doc. Chrysost. Ergo Frui potest esse etiam finis non habito.

Consequenter prob. quia Potest quis amore inhaerere alicui rei, propter se ipsam, etiam si adhuc non habeatur.

Determinatio.

1. Distinctio. Fructio duplex, perfecta, & imperfecta. Fructio perfecta est rei perfecte, & omnimode quietantis appetitum. Fructio imperfecta, est rei, quae uel non perfecte, uel non omnibus modis appetitum satiat, & quietat.

2. Distinctio. Finis potest haberi dupliciter scilicet imperfecte, & perfecte. Tunc imperfecte habetur, quando habetur tantum in intentione. Tunc uero habetur perfecte, quando habetur, non solum in intentione, sed etiam in re.

Conclusio. Fructio perfecta est finis perfecte habito. Fructio uero imperfecta potest esse finis imperfecte habito.

Prob. quia Frui, importat copulationem quandam uoluntatis ad finem ultimum. Unde si uoluntas perfecte habet finem, perfecte fruatur, si imperfecte habet, imperfecta fruatur.

Ad argumenta.

Ad 1. Dicitur ad maiorem, quod est uera de fructione secundum eius perfectam rationem, & sic intelligenda sunt uerba Augustini.

Ad 2. Dicitur, quod appetitum non quietari perfecte, potest ex duobus procedere. Vel ex re ipsa, quae appetitur, quia si ipsa res non est tantae perfectionis, ut possit quietare appetitum: & hoc quia non est ultimus finis, sed ad aliud ordinatur. Vel ex ipso appetente, quia scilicet non perfecte habet rem, quam appetit. Tunc ad maiorem dicitur, quod rei, quae non quietat appetitum, quia non est ultimus finis, non est propria fructio. Rei autem, quae non quietat appetitum ex parte

appetentis, quia si imperfecte habetur, est quidem propria fructio, sed non perfecta. Igitur, qui fruatur Deo in hac uita, proprie fruatur, sed imperfecte. Qui uero fruatur aliquo alio, puta uirtute, non fruatur secundum propriam fructiorem, sed improprie.

Ad 3. Dicitur, exponendo consequens, quod fructio est solum finis habito, uel in re, uel saltem in intentione, non enim capitur fructus, nisi primo, uel saltem secundo modo, finis habeatur.

Q V A E S T I O X I I .

D E I N T E N T I O N E .

A R T I C U L V S I .

Utrum Intentio sit actus intellectus, uel uoluntatis.

Quod sit actus intellectus, & non uoluntatis.

1. Quod significatur per oculum, est uirtus apprehensiva, & non appetitiua. Sed Intentio significatur per oculum, Matth. 6. ut Aug. exponit. Ergo Intentio pertinet ad uim apprehensiuam, & non appetitiuam.

Maiores prob. quia Oculus est uirtus apprehensiva.

2. Lumen pertinet ad cognitionem, & non ad appetitum. Sed Intentio significatur per lumen, Matth. 6. ut Aug. exponit. 2. de ser. dom. c. 21. Ergo Intentio pertinet ad cognoscitiuam potentiam.

3. Quod designat ordinem in fine, est actus rationis. Sed Intentio designat ordinem, quod ad finem. Ergo Intentio pertinet ad rationem.

Maiores. quia Ordinare est rationis, & non uoluntatis.

4. Si intentio est actus uoluntatis, uel est respectu finis, uel eorum, quae sunt ad finem. Sed Neutrum potest dici. Ergo Intentio non est actus uoluntatis.

Maiores. quia Actus uoluntatis non est nisi finis, uel eorum, quae sunt ad finem.

Minor quod ad utramque partem. Non respectu finis, quia actus uoluntatis, respectu finis, est uelle, uel frui, respectu uero eorum, quae sunt ad finem, est electio, qui actus differunt ab intentione.

Quod sit Voluntas.

Aug. 10. de Trin. c. 7. dicit, quod Voluntas in intentio copulat corpus uisum uisui. Ergo Intentio est actus uoluntatis.

Determinatio.

Conclusio. Intentio proprie est actus uoluntatis.

Prob. Illius potentiae intentio est actus, quae mouet omnes alias uires animae in finem. Sed Voluntas mouet omnes alias uires animae in finem ut dictum est supra q. 9. art. 1. Ergo Intentio est actus uoluntatis.

Maiores

Maiores manifestatur. Nam intentio significat in aliud tendere. Ea, quæ in aliud tendunt duo sunt. scilicet Actio mouentis, & Motus mobilis, quorum duorum vnum per alterum tendit in aliud. Motus. n. mobilis tendit in aliud per actionem mouentis. Intentio igitur pertinet primo, & principaliter ad eum, qui primo, & principaliter omnia mouet in finem. Vnde dicimus architectorem mouere alios ad finem, quem ipse intendit.

Ad argumenta.

Ad 1. Dicitur ad minorem, quod Intentio nominatur oculis metaphoricis: non quia intentio ad cognitionem, siue ad vim cognoscitiuam pertineat, sed quia intentio cognitionem præsupponit, per quam cognitionem præsuppositam proponitur voluntati finis, ad quem mouet: sicut per oculum præuodemus, quo tendere corporaliter debeamus.

Ad 2. Dicitur ad minorem, quod intentio dicitur lumen, non quia ipsa sit lumen, sed quia ex præsupposito lumine manifesta est intendenti. Vnde opera dicuntur tenebra, quando homo scit quid intendit, sed nescit, quid ex opere sequatur, ut idem Aug. ubi supra exponit.

Ad 3. Dicitur ad minorem, quod intentio non nominatur ordinationem, sed actum voluntatis, præsupposita ordinatione rationis ordinantis aliquid in finem.

Ad 4. Dicitur ad maiorem, quod intentio est actus voluntatis, respectu finis, Vnde negatur minor quo ad hanc partem. Ad cuius probationem dicitur, quod Voluntas, non solum duobus, sed tribus modis respicit finem, secundum quod finis potest tripliciter considerari. Vno modo absolute, secundum, scilicet quod est aliquid appetibile. Alio modo secundum quod quietat appetitum. Tertio modo secundum quod est terminus motus ipsius appetentis. Circa finem absolute consideratum, voluntas habet actum volendi, siue appetendi. Circa finem secundum quod quietat appetitum, & in eo appetens quiescit, habet actum fruitionis. Et circa finem pro ut est terminus appetitus, habet actum intentionis. Intendit enim voluntas finem secundum quod eius motum terminat. Volumus enim sanitatem, en actus volendi, Vt ad ipsam perueniamus, en intentio, Et vt in ea quiescamus, en actus fruitionis.

ARTICVLVS II.

Utrum Intentio sit tantum ultimi finis.

Pro Affirmativa.

Videtur, quod Intentio sit tantum ultimi finis. 1. Deus est ultimus finis humani cordis. Sed Intentio est clamor ad Deum, vt Prosper dicit. Ergo Intentio est tantum ultimi finis.

2. Terminus habet rationem ultimi finis. Sed Intentio respicit finem, vt terminum, vt di-

ctum est ad 4. art. præcedentis. Ergo Intentio est solum ultimi finis.

3. Fruitio est semper ultimi finis. Ergo Et intentio semper est ultimi finis.

Consequenter quia Sicut intentio, ita & fruitio finem respicit.

Pro Negativa.

Si intentio esset tantum ultimi finis, non essent diuersæ hominum intentiones, quod patet esse falsum.

Consequenter prob. quia Ultimus finis humanarum voluntatum est tantum vnus, scilicet beatitudo, vt superius dictum est.

Determinatio.

Conclusio. Intentio, & si semper sit finis, non tamen oportet, vt sit semper ultimi finis.

Prob. Actus voluntatis, qui respicit finem, vt est terminus motus ipsius voluntatis, non oportet, vt sit semper ultimi finis. Sed Intentio est actus, qui respicit finem, vt est terminus motus voluntatis, vt dictum est art. præced. ad 4. Ergo Intentio non semper est ultimi finis.

Maiores manifestatur. Nam in motu potest accipi terminus dupliciter. Vno modo ipse terminus ultimus, in quo quiescit, qui est terminus totius motus. Alio modo aliquod medium, quod est principium vnius partis motus, & finis, vt terminus alterius, sicut in motu de quo itur de A. in C. per B. C. est terminus ultimus B. autem est terminus, sed non ultimus, & vtriusque termini potest esse intentio, quia scilicet intentio respicit finem, vt terminus, & quia terminus est duplex, & duplex est finis, ac vtriusque est intentio.

Ad argumenta.

Ad 1. Dicitur ad minorem dupliciter. Primo, quod intentio cordis dicitur clamor ad Deum, non quod Deus sit semper obiectum intentionis, sed quia est intentionis cognitor.

Vel secundo dicitur. Quod cum oramus, intentionem nostram ad Deum dirigimus, quæ intentio vim clamoris habet. Vnde intentio in oratione est circa ultimum finem, cum quo stat, quod possit etiam esse finis non ultimi.

Ad 2. Dicitur ad maiorem, quod terminus habet rationem ultimi finis, non quidem semper ultimi respectu totius, sed quandoque habet rationem ultimi respectu alicuius partis.

Ad 3. Negatur consequenter. Ad prob. dicitur, quod licet fruitio, & intentio respiciant ultimum finem, non tamen eodem modo. Fruitio enim importat quietem, quæ est in fine, quæ non est perfecta nisi in ultimo fine. Intentio autem importat motum, qui motus potest esse ad terminum ultimum, secundum quid, & simpliciter.

ARTICVLVS III.

Vtrum Aliquis possit simul duo intendere.

Pro Negatiua.

Videtur, quod non possit aliquis simul plura intendere.

1. Non potest simul homo intendere Deum, & commodum corporale, vt Augu. dicit lib. 6. de ser. dom. in monte c. 21. Ergo Pari ratione, neque potest intendere aliqua alia duò.

2. Vnius motus non possunt esse plures termini ex una parte. Sed Intentio nominat motum voluntaris ad terminum. Ergo Voluntas non potest simul multa intendere.

3. Non contingit simul plura intelligere, vt Phil. dicit 1. 2. top. c. 4. Ergo Neque contingit simul plura intendere.

Conseq. prob. quia Intentio præsupponit actû rationis, siue intellectus.

Pro Affirmatiua.

Natura ex uno instrumento intendit duas vtilitates. Ergo Pari ratione, ars, vel ratio potest simul aliquid vnum ad duos fines ordinare, & ita potest aliquis plura simul intendere.

Antec. quia Natura ordinat linguam ad gustum, & ad locutionem.

Conseq. quia Ars immitatur naturam.

Determinatio.

Distinctio. Aliqua duo possunt accipi dupliciter scilicet vel vt sunt ordinata adinuicem, vel vt non sunt ordinata.

1. Conclusio. Aliquis potest intendere plura simul adinuicem ordinata.

Prob. quia Simul intendit aliquis finem proximum, & vltimum: sicut simul intendit quis confectionem medicinæ, & sanitatem. Est enim intentio non solum finis vltimi, sed etiam medij, vt in præced. art. dictum est.

2. Conclusio. Homo potest intendere plura simul, etiam si adinuicem non sint subordinata.

Prob. Homo prælegit vnum alteri: quia vnum est altero melius. Ergo Homo potest plura simul intendere, quæ non sint adinuicem subordinata.

Conseq. prob. quia Inter alias conditiones, quibus vnum est melius altero, vna est, quia vnum ad plura valet, quam alterum, & sic homo potest intendere illa plura, ad quæ illud, quod alteri prælegit, valet. Potest enim homo prælegere pecuniam, lanæ, quia pecunia ad plura valet, quam lana. Vnde potest simul intendere omnia ea, ad quæ valet pecunia: puta cibum, vestimentum, domum, possessiones, & his similia,

quorum vnum alteri non subordinatur.

Ad Argumenta.

Ad 1. Dicitur ad antec. quod Aug. intelligit hominem non posse simul Deum, & commodum temporale intendere, sicut vltimos fines, quia vt quæst. 1. ar. 5. ostensum est, non possunt esse plures vltimi fines vnius hominis.

Ad 2. Dicitur, quod sicut dictum est in corpore, plura sunt duplicia, quædam sunt adinuicem subordinata, quædam vero non. Tunc ad maiorem dicitur, quod vnus motus possunt esse plures termini, quorum vnus alteri subordinatur: & sic potest motus intentionis ad plura terminari, vt conclusione prima dictum est. Ea vero, quæ non subordinantur, adhuc sunt duplicia. Quædam enim sunt, quæ non sunt vnum, nec secundum rem, nec secundum rationem. Quædam vero sunt, quæ licet non sint vnum secundum rem, sunt tamen vnum secundum rationem, vel quatenus continentur sub aliquo communi apprehenso a ratione, vt acquisitio vini, & velis continetur sub lucro, tanquam sub aliquo communi. Vel quia concurrunt ad integrandum aliquid vnum, vt sunt calor, & frigus, quod secundum commensurationem quandam, concurrunt ad integrandam sanitatem. Homo igitur intendens lucrum, potest omnia, quæ ad lucrum pertinent simul intendere: & intendens aliquid vnus, quod per multa integratur, intendit simul illa omnia, quæ integrant illud vnum intentum. Puta intendens domum, intendit simul omnia integranzia domum. Et hæc vnitas rationis ideo sufficit ad terminandam eandem intentionem, quia intentionis motus præsupponit rationem. Argumentum igitur concludit, quod voluntas nō possit intendere plura, simul, quæ non sint subordinata, nec contenta sub aliquo communi, aut aliquid vnum integranzia, quod conceditur. Sed cum hoc, ita, vt intentio possit esse ad plura subordinata, & ad plura, quæ secundum rationem saltem sint vnum.

Ad 3. Dicitur ad antecedens, quod sicut non cōtingit plura, vt plura intelligere, sed solum plura vt vnum, sic non contingit plura, vt plura intendere, sed tamen plura vt vnum intēdi possunt.

ARTICVLVS IV.

Vtrum Intentio finis sit idem actus cum voluntate eius, quod est ad finem.

Pro Negatiua.

Videtur, quod non sit vnus, & idem motus, intentio finis, & voluntas eius, quod est ad finem.

1. Velle uidere fenestram est alius motus, ab eo, quod est velle per fenestram uidere transeuntes

tes per viam, vt Aug. dicit 10. de trin. c. 7. Sed Voluntas videndi transeuntes per fenestram, est intentio finis, velle vero videre fenestram, est voluntas eius, quod est ad finem. Ergo Alius est motus, quo voluntas vult ea, quæ sunt ad finem, & alius est intentio finis.

2. Actus, quorum sunt diuersa obiecta, sunt diuersi. Sed Actus, quo voluntas vult ea, quæ sunt ad finem, & quo intendit finem, sunt diuersa obiecta. Ergo Sunt actus diuersi.

Maiores, quia Actus per obiecta distinguuntur.

Minor, quia Finis, & ea, quæ sunt, ad finem, diuersa sunt.

3. Electio, & intentio non sunt idem motus. Sed Voluntas, eius, quod est ad finem, est electio, quæ alia est ab intentione. Ergo Voluntas, eorum, quæ sunt ad finem, est alia ab intentione.

Pro affirmatiua:

Idem motus in naturalibus est, qui ad terminum per medium transit. Sed Quod est ad finem, est medium respectu finis. Ergo Voluntas, eorum, quæ sunt ad finem, & intentio finis, sunt vnus, & idem motus.

Determinatio.

Distinctio. Motus voluntatis in finem, & in id, quod est ad finem, potest considerari dupliciter. Vno modo, secundum quod voluntas in vtrâque fertur, absolute, & secundum se. Alio modo secundum quod voluntas fertur in id, quod est ad finem propter finem, sicut in exemplo Augustini, potest. n. quis velle videre fenestram dupliciter. Vno modo, vt velit fenestram videre, ut si que hoc quod intendat per fenestram transeuntes videre: puta si velit videre fenestram dispositionem, sitam, commoditatem, & similia. Et potest velle videre fenestram, vt per eam transeuntes intueatur.

1. Conclusio. Motus voluntatis, quo vult finem absolute, est alius a motu eiusdem, quo vult ea, quæ sunt ad finem, secundum se. Hoc est, velle videre fenestram secundum se, est alius motus, ab eo, quod est velle videre transeuntes.

Hanc Conclusionem probant argumenta pro negatiua.

2. Conclusio. Voluntas finis, & eorum, quæ sunt ad finem, propter finem, vnus & idem motus est. Cum enim dico volo medicinam propter sanitatem, eundem motum designo.

Prob. Obiectum, & ratio obiecti pertinent ad eundem actum. Sed Finis est ratio volendi ea, quæ sunt ad finem. Ergo Finis, & ea, quæ sunt ad finem, eodem actu sunt volita.

Maiores prob. a simili, quia Eodem actu videtur color, & lumen. Color enim est obiectum,

& lumen est ratio videndi colorem.

Et Confirmatur utraque Conclusio a simili in intellectu. Si enim intellectus considerat principia secundum se ipsa absolute, & conclusiones similiter absolute consideret, erit alia consideratio principiorum, & conclusionum. Si vero consideret principia, pro ut sunt illarum conclusionis, & secundum quod per principia conclusionibus assentit, tunc vna est consideratio vtriusque. Sicut exempli gratia, si intellectus consideret hoc principium, quod omne totum est maius sua parte, & hoc alterum seorsum, quod paries est pars domus, & hanc conclusionem, quod domus est maior suo pariete, tunc triplex erit consideratio intellectus, secundum quod ista tria considerat. Sed si illa duo priora consideret, quatenus inferunt, & probant conclusionem, eadem consideratione, & principia, & conclusionem considerat. Sic de voluntate est dicendum.

Ad Argumenta:

Ad 1. Dicitur ad maiorem, quæ est Aug. quod Aug. loquitur de visione fenestram, & visione transeuntem absolute, & non pro ut vnus ad alterum ordinatur.

Ad 2. Dicitur ad minorem, & ad eius probationem, quod finis, & ea, quæ sunt ad finem, vt res quædam sunt, diuersa sunt, & ad diuersos motus pertinent: sed tamen pro ut finis est ratio volendi, quæ sunt ad finem, eundem per se actum.

Ad 3. Dicitur ad maiorem, quod intentio, & electio, subiecto sunt idem motus, sed ratione differunt. Electio enim fertur in id, quod est ad finem, pro ut ordinatur ad finem. Intentio vero fertur in finem, secundum quod acquiritur per ea, quæ sunt ad finem. Vnde intentio potest esse ante electionem, vt patet ex se.

ARTICVLVS V.

Vtrum Intentio conueniat brutis animalibus.

Pro affirmatiua:

Videretur, quod Bruta animalia intendunt finem.

1. Natura intendit finem, equa in his, quæ cognitione carent. Arist. 2. phisic. 77. Ergo Multo magis bruta animalia intendunt finem.

Conseq. prob. quia Natura, in his, quæ cognitione carent, magis distat a rationali natura, quæ natura sensitiva, quæ est in brutis.

2. Fruitus conuenit brutis, id est, est, quæ est præced. art. 2. Ergo Et intentio conuenit brutis.

Conseq. prob. quia sicut intentio, ita fruius, est finis.

3. Quæ agunt propter finem, intendunt finem. Sed Bruta agunt propter finem. Ergo Bruta intendunt finem.

Maiores.

Maior. quia E. us est intendere finem, cuius est agere: Nam intendere est in finem tendere, quod facit, qui propter finem agit.

Minor. quia Animal mouetur propter querendum cibum.

Pro Negatiua.

Quæ carent ratione, non possunt finem intendere. Sed Bruta carent ratione. Ergo Bruta non possunt finem intendere.

Maior. quia Intentio finis importat ordinationem alicuius in finem, quod est opus rationis.

Determinatio.

Distinctio. Cum intendere finem, sit tendere in finem, vt dictum est. Aliquid potest tendere in finem dupliciter. Vno modo, per hoc quod mouetur ad finem ab alio, vel extrinseco, vel intrinseco naturali instinctu. Alio modo, per hoc quod aliquis ordinat motum proprium, vel alterius in finem: & hoc est opus solius rationis, & est proprie finem intendere.

1. Conclusio. Bruta intendunt finem.

Prob. quia Naturali instinctu in finem tendunt.

2. Conclusio. Bruta non proprie finem intendunt.

Prob. quia Carent ratione, cuius proprium est intendere finem proprie.

Ad argumenta.

Ad 1. Dicitur, quod ratio illa procedit de eo, quod est intendere finem improprie, prout idem est, quod moueri in finem.

Ad 2. Negatur consequens. Nam intentio importat ordinationem in finem, quæ est opus rationis, & ideo brutis non conuenit. Fruitio autem importat quietem absolutam in finem, quod etiam brutis conuenire potest.

Ad 3. Dicitur ad minorem, quod bruta mouentur in finem, non quasi considerantia, quod per motum suum possint consequi finem, sed naturali instinctu mouentur ad finem, quasi ab alio mota, & sic proprie non intendunt finem.

DE ACTIBVS voluntatis, qui sunt circa ea, quæ sunt ad finem.

Consequenter considerandum est de actibus voluntatis, qui sunt in comparatione ad ea, quæ sunt ad finem, & sunt tres Eligere, Consentire, & Vis. Electionem autem præcedis Consilium. Ideo considerandum est.

Primo De Electione in quæst. 13.

Secundo De Consilio in quæst. 14.

Tertio De Consensu in quæst. 15.

Quarto De Visa in quæst. 16.

QVÆSTIO XIII.

DE ELECTIONE. ARTICVLVS I.

Vtrum Electio sit actus voluntatis, vel rationis.

Pro Negatiua.

VIdetur, quod Electio non sit actus voluntatis, sed rationis.

1. Conferre, est rationis actus, & non voluntatis. Sed Electio collationem quandam importat, qua vnum alteri præferitur. Ergo Electio non est actus voluntatis, sed rationis.

2. Inferre conclusionem ex præmissis syllogizando, est opus rationis. Sed Electio est quasi conclusio in operabilibus. Ergo Electio pertinet ad rationem.

Maior. S. Illogizare est opus rationis. Ergo Et inferre conclusionem est opus rationis.

Consequens. quia Eiusdem est Syllogizare, & conclusionem inferre.

3. Ignorantia non pertinet ad voluntatem, sed ad intellectum. Sed Est quædam ignorantia electionis, vt dicitur 3. Ethic. cap. 1. Ergo Electio non pertinet ad intellectum, sed ad rationem.

Pro Affirmatiua.

Desiderium est actus voluntatis. Sed Electio est quoddam desiderium, scilicet eorum, quæ sunt in nobis, vt dicitur 3. Ethic. cap. 3. Ergo Electio pertinet ad voluntatem.

Determinatio.

1. Conclusio. Electio includit aliquid pertinens ad rationem, siue ad intellectum, & aliquid pertinens ad voluntatem.

Prob. quia Arist. 6. Ethic. cap. 2. dicit, quod Electio est appetitus intellectiuius, vel intellectus appetitiuius. Innuens ex hoc, quod electio includit aliquid pertinens ad intellectum, & aliquid pertinens ad appetitum.

2. Conclusio. Eorum, quæ includit electio, vnum habet rationem formalem, & aliud rationem materiale.

Prob. quia Quandoque duo concurrunt ad aliquid vnum constituendum, vnum eorum est vt formale, respectu alterius.

Secundo prob. simul cum prima conclusione, auctoritate Greg. Nic. l. 5. c. 4. dicentis, quod Electio, neque est appetitus secundum se ipsam, neque consilium solum, sed ex his aliquod compositum. Sicut. n. dicimus animal ex anima, & corpore compositum esse, neque vero corpus esse secundum se ipsum, neque animam solum, sed vtrumque, ita & electionem.

Ex quibus verbis habetur, quod Electio includit duo, quorum vnum habet rationem formalem, & aliud rationem materialis, sicut homo includit animam, & corpus.

3. Conclusio. Illud, quod includitur in electio ne pertinet ad voluntatem, habet rationem materialis, & quod includitur in ea pertinet ad intellectum, habet rationem formalem.

Prob. Actus animæ includens ea, quæ pertinet ad duas potentias, vel habitus, id, quod pertinet ad potentiam, vel habitum superiorem habet rationem formalem, & quod pertinet ad potentiam, vel habitum inferiorem, habet rationem materialis. Sed Electio est actus includens aliquid pertinet ad intellectum, & aliquid pertinet ad voluntatem, quæ est quodammodo inferior ratione. Ergo Quod est in electione pertinet ad voluntatem, habet rationem materialis, & pertinet ad intellectum, habet rationem formalem.

Maiores, & similes. Nam si aliquis exercet actum fortitudinis propter Dei amorem, tunc actus fortitudinis est à duobus habitibus, scilicet ab habitu virtutis fortitudinis, & ab habitu charitatis. Et quia charitas præcedit fortitudinem, & est superior virtus, ideo actus ille materialiter, & quoad substantiam est fortitudinis, formaliter vero est charitatis, & sic de alijs.

Minor. quia Ratio ordinat actum voluntatis, in quantum, scilicet voluntas tendit in suum obiectum, secundum ordinem rationis, eo quod vis apprehensiva representat suum obiectum appetitui. Vnde ratio est superior voluntate. Sic igitur ille actus, quo voluntas tendit in id, quod proponitur ut bonum, ex eo quod per rationem est ordinatum ad finem; materialiter quidem est voluntatis, formaliter autem est rationis.

4. Conclusio. Electio substantialiter non est actus rationis, sed voluntatis.

Prob. Ordinatio actus, quæ se habet ut formaliter, pertinet ad rationem, ut dictum est. Ergo Substantia actus electionis, quæ se habet ut materialiter, pertinet ad voluntatem.

Et Confirmatur. quia Electio perficitur substantialiter in motu quodam animæ ad bonum, quod eligitur, qui motus ad bonum, manifeste ad appetitum pertinet, præsupposita ordinatione rationis.

Ad Argumenta.

Ad 1. Dicitur ad minorem, quod Electio importat collationem quandam, non sic, quod essentialiter sit ipsa collatio, sed solum anteedenter, quia, scilicet ipsam collationem præsupponit.

Ad 2. Dicitur ad minorem, quod inferre con-

clusionem, non est electio, sed electio consequitur ipsam illationem conclusionis: ex eo enim quod ratio inferat iudicium, vel scientiam, voluntas eligit.

Ad 3. Dicitur ad minorem, quod ignorantia dicitur esse electionis; non quod ipsa electio sit scientia, sed quia ignoratur, quid sit eligendum. Vnde ignorantia non est electio, sed electionis: sicut etiam scientia. Vnde scientia, & ignorantia electionis, spectant ad intellectum, ipsa vero electio ad voluntatem.

ARTICVLVS II.

Vtrum Electio conueniat brutis animalibus.

Pro Affirmativa.

Videtur, quod Electio conueniat brutis animalibus.

1. His, quæ appetunt aliquid propter finem, conuenit electio. Sed Bruta appetunt aliquid propter finem. Ergo Brutis conuenit electio.

Maiores. quia Electio est appetitus aliquorum, propter finem, ut dicitur 3. Ethic. c. 3.

Minor. quia Bruta agunt propter finem, & ex appetitu.

2. Ea, quæ accipiunt vnum præ alijs, eligunt. Sed Bruta accipiunt vnum præ alijs. Ergo Bruta eligunt.

Maiores. quia Nomen electionis hoc significare videtur, ut quis vnum præ alijs accipiat.

Minor. Quia Ovis vnam herbam comedit, & aliam refutat.

3. His, in quibus inuenitur prudentia, conuenit etiam electio. Sed In brutis inuenitur prudentia. Ergo Brutis conuenit electio.

Maiores. quia Ad prudentiam pertinet, ut quis bene eligat ea, quæ sunt ad finem, ut dicitur 6. Ethic. cap. 12.

Minor probatur. tum ex Aristotele in principio. Meth. cap. 1. Tum etiam ad sensum de Apibus, Araneis, in quibus mirabiles sagacitates apparerent, & in cane venatico insequente ceruum, veniente ad trinitum, & exploratis duabus vijs statim insequitur ceruum per tertiam viam.

Pro Negativa.

Greg. Nic. dicit. L. 5. cap. 4. quod Pueri, & Irrationalia voluntarie quidem faciunt, non tamen eligentia. Ergo Brutis non conuenit electio.

Determinatio.

Conclusio. Brutis animalibus non conuenit electio.

Prob. His, quorum appetitus est pœnitens determinatus ad vnum, non conuenit electio. Sed Brutorum

torū appetitus est penitus determinatus ad vñū .
Ergo Brutis animalibus non conuenit electio .

Maior . quia Cū electio sit præceptio vnius respectu alterius , necesse est , quod sit respectu plurium . Vnde in his , quorum appetitus est determinatus ad vnum , electio locum habere non potest .

Minor prob. per differentiam , quæ est inter appetitum sensitiuum , & voluntatem . Est enim inter appetitum sensitiuum , & voluntatem differentia , Quia appetitus sensitiuus est determinatus ad vnum particulare bonum , secundum ordinem naturæ . Voluntas autem est quidem secundum ordinem naturæ determinata ad vnum commune , quod est bonum , sed indeterminate se habet respectu particularium bonorum ; & ideo proprie voluntatis est eligere , non autem appetitus sensitiui , qui solus est in brutis animalibus .

Ad Argumenta .

Ad 1. Negatur maior . Ad prob. dicitur , quod non omnis appetitus alicuius propter finem vocatur electio , sed ille appetitus , electio dicitur , qui est cum quadā discretionē vnius ab altero , quod non potest habere locum , nisi ubi appetitus potest referri ad plura , quod appetitus brutorum non conuenit , vt dictum est .

Ad 2. Dicitur ad maiorem , quod accipere vnum præ alijs contingit ex duobus . Primo , ex quadam discretionē vnius ab altero , ita vt accipiens vnum præ alijs habeat appetitum liberum , & aliqua ratione vnum accipiat præ alijs . Secundo ex hoc , quod est determinatum ad illud vñū , quod præ alijs accipit secundum naturam , & in illud fertur ex naturali instinctu . Maior igitur est vera de eo , qui accipit vnum præ alijs primo modo , non autem secundo modo . Tunc ad minorem dicitur , quod brutum animal accipit vnum præ alijs , quia appetitus eius est naturaliter determinatus ad ipsum . Vnde statim quando per sensum , vel per imaginationem representatur sibi aliquid , ad quod naturaliter inclinatur appetitus eius , absque electione mouetur ad ipsum , sicut etiam ignis absque electione mouetur sursum , & non deorsum .

Ad 3. Negatur minor . Ad prob. dicitur , quod sagacitates , & quidam ordinatissimi processus , qui inveniuntur in actionibus brutorum , non est ex hoc , quod in eis sit proprie prudentia , sed ex hoc , quod sunt à summa arte , scilicet Dei sapientia ordinata , sicut horologia non ideo ordinate mouentur , quasi in eis sit prudentia , vel electio , sed quia sic sunt ordinata ab arte .

ARTICVLVS III.

Vtrum Electio sit solum eorum , quæ sunt ad finem , vel etiam quandoque ipsius finis .

Quod sit etiam finis .

Videretur , quod electio non sit tantum eorum , quæ sunt ad finem , sed etiam finis .

1. Virtus est finis . Sed Electionem rectam facit virtus . Ergo Electio est finis .

Ambæ præmissæ probantur authoritate Aristot. 6. Ethic. lectione 10. cap. 12. dicentis , quod Electionem rectam facit virtus . (quæ est minor) Quæcunque autem illius gratia nata sunt fieri , non sunt virtutis , sed alterius potentie . Quasi dicat , quod virtus respicit finem , respectu cuius rectam facit electionem , sed ea , quæ sunt ad finem pertinent ad aliam potentiam , vt dicitur ibidem .

2. Diuerforum finium , vnus potest præaccipi altero , sicut & eorum , quæ sunt ad finem . Ergo Electio est etiam finis .

Conseq. prob. quia Electio importat præceptionem vnius , respectu alterius .

Pro Negativa .

Philosoph. 3. Ethic. cap. 2. dicit , quod Voluntas est finis . Electio autem eorum , quæ sunt ad finem .

Determinatio .

Conclusio . Finis , in quantum huiusmodi , non cadit sub electione .

Probat , & Declaratur . Probat inquam . Illud cadit sub electione , quod in operabilibus se habet vt conclusio , & non vt principium . Sed Finis , in quantum huiusmodi , se habet in operabilibus , non vt conclusio , sed sicut principium vt dicitur 2. Phis. tex. 89. Ergo Finis non cadit sub electione .

Maior prob. quia Electio (sicut iam supra dictum est) consequitur sententiam , vel iudicium , quod est sicut conclusio syllogismi operatiui . Vnde illud solum cadit sub electione , quod se habet vt conclusio in operatiuo syllogismo .

Declaratur autem Conclusio , quo ad illam particulam , (In quantum huiusmodi .) Sciendum igitur , quod sicut in speculatiuis , nihil prohibet , id , quod est vnius demonstrationis , vel scientiæ principium , esse conclusionem alterius demonstrationis , vel scientiæ , (primum tamen principium indemonstrabile non potest esse conclusio alicuius alterius demonstrationis .) Ita in operatiuis , id , quod est in vna operatione vt finis , potest ordinari

Vtrum Electio sit tantum eorum, quæ per nos aguntur.

Pro Negatiua.

Videtur, quod Electio non sit solum respectu humanorum actuum.

1. Ea, quæ sunt ad finem, non solū sunt actus, sed etiam organa, vt dicitur 2. Physicor. Sed Electio est omnium eorum, quæ sunt ad finem. Ergo Electio nō est tantum humanorum actuum, sed etiam organorum.

2. Cōtemplatio distinguitur ab actione. Sed Electio in cōtemplatione locum habet: prout. si vna opinio præeligitur alteri. Ergo Electio non est solum actuum nostrorum.

3. Eliguntur homines ad aliqua officia secularia, vel ecclesiastica, puta ad principatum, vel episcopatum, ab his, qui nihil erga eos agunt. I. Ergo Electio non est solum humanorum actuum.

Pro Affirmatiua.

Philos. dicit 3. Ethicor. cap. 2. quod Nullus eligit nisi ea, quæ existimant fieri per ipsum.

Determinatio.

Conclusio. Electio semper est humanorum actuum.

Prob. Sicut se habet intentio ad finem, ita electio se habet ad ea, quæ sunt ad finem. Sed Intentio semper est alicuius actionis illius, qui intendit finem. Ergo Electio est semper humanorum actuum, scilicet ipsorum eligentium.

Maior prob. quia Electio intentio est finis, ita electio est eorum, quæ sunt ad finem.

Minor probat. Nam finis intentus ab aliquo, aut est res, aut est actio. Si est actio, habemus intentum, scilicet quod intentio sit actionis. Si vero sit res, necesse est, vt semper aliqua humana actio interueniat, vel in quantum homo facit rem illam, quæ est finis. Sicut medicus facit sanitatē, quæ est finis eius. Vnde, & facere sanitatem dicitur finis medici. Vel in quantum homo aliquo modo vitur, vel fruitur re, quæ est finis. Sicut avaro est finis pecunia, vel possessio pecuniæ. Similiter de electione dicendum est. Necesse est enim, vt id, quod est ad finem, vel sit actio, vel res aliqua, interueniente aliqua actione, per quam facit eligens id, quod est ad finem, vel vitur eo. & sic patet, quod electio semper est humanorum actuum.

Ad Argumenta.

Ad 1. Dicitur ad maiorem, q. organa ordinantur ad finē, in quantum homo vitur eis propter finē, & sic in electione organorum eligitur actio.

Ad 2. Dicitur, quod actio duplex est, scilicet, Inter-

ri ad aliquid, vt ad finem. Sicut igitur in spectulatis datur duplex principium, scilicet Primum, quod non est, nec potest esse conclusio in aliqua demonstratione. Et aliud, quod respectu alicuius demonstrationis potest esse conclusio. Ita in operatiuis datur duplex finis, scilicet Vltimus, qui non ordinatur ad alium finem. Et finis, qui licet respectu alicuius actionis sit finis, respectu tamen alicuius alterius actionis ordinatur ad alium finem, sicut sanitas corporis in operatione medici; est vt finis, sed respectu eius, qui salutem animæ intendit, ordinat sanitatem corporis, ad salutem animæ. Et quemadmodum primum principium in speculatiuis est indemonstrabile, principia vero, quæ non sunt absolute prima, possunt demonstrari, non vt principia, sed vt conclusiones. Sic in operabilibus, licet finis, qui non ordinatur ad alium finem, non cadat sub electione, finis tamen, qui ordinatur ad alium finem, potest cadere sub electione, nō quidem in quantum finis, sed vt medium ad consequendum alium finem. Vnde sanitas corporis, respectu eius, qui salutem animæ intendit, sub electione cadit. Iuxta D. Paul. 2. Corinth. 12. Cum infirmor, tunc potens sum. Et hac ratione dicitur in conclusione (in quantum huiusmodi) quia scilicet, finis, qui ordinatur ad alium finem, potest cadere sub electione, non in quantum finis, sed in quantum est medium ad consequendum alium finem.

Ad Argumenta.

Ad 1. Dicitur, quod fines proprii virtutum ordinantur ad alium finem, scilicet ad beatitudinem perfectam hominis. Vnde huiusmodi fines dupliciter considerantur. Vno modo, vt sunt fines virtuosæ actionis. Alio modo, vt ordinantur ad beatitudinem. Si considerentur primo modo, negatur minor, non enim virtus facit bonam electionem, respectu finis virtutis, pro vt finis est, cum finis virtutis non cadat sub electione respectu ipsius virtutis, prout scilicet est finis virtutis. Si vero consideretur finis virtutis, prout ordinatur ad beatitudinem, dicitur, quod virtus facit bonam electionem respectu sui finis, non vt finis est, sed vt est medium ad consequendam beatitudinem: & sic sunt interpretanda verba Philosophi loco citato.

Ad 2. Dicitur, quod quando occurrunt plures fines, iam non habent rationem finis, sed mediorum respectu alterius finis. Nam vltimus finis est vnus tantum. Vnde conceditur, quod plurius finium occurrence, est electio, sed tunc non habent rationem finis, sed mediorum respectu vltimi finis.

Interior, & Exterior. Contemplatio est actio interior, & distinguitur ab actione exteriori. Vnde eligendo hanc, vel illam opinionem. Electio est de operatione interiori. Vnde ad minorem dicitur, quod etiam contemplatio est actio quædā distincta ab actione exteriori.

Ad 3. Neg. antec. quo ad illam partem, scilicet quod eligens nihil operetur, vel agat circa personam, quam ad dignitatem eligit. Homo enim, qui eligit Episcopum, vel Principem civitatis, eligit non finare ipsum in talem dignitatem, alioquin si nulla esset eius actio, ad constitutionem Episcopi, vel Principis, non competeret ei electio.

ARTICVLVS. V.

Utrum Electio sit solum possibile.

Pro Negatiua.

Videretur, quod electio non sit solum possibile.

1. Voluntas est possibile, & impossibile, vt dicitur 3. Ethicorum, cap. 2. Sed Electio est actus voluntatis, vt dictum est. Ergo Electio est, non solum possibile, sed etiam impossibile.

2. Eligimus frequenter ea, quæ perficere non possumus. Ergo Electio est impossibile.

Consequenter prob. quia Id, quod requirimus perficere, est impossibile nobis. Sed quia posset quis huic argumento dicere, quod ea, quæ nos perficere nequimus, sunt impossibilia, non simpliciter, sed solum ei, qui eligit, ideo ostenditur, quod hoc non infirmet argumentum.

Electio enim est eorum, quæ per nos aguntur, vt dictum est articulo præced. Vnde nihil refert ad electionem, utrum eligatur impossibile simpliciter, vel impossibile solum eligenti. Quando enim eligens non potest perficere, quod eligit, impossibile eligit.

3. Illud, quod quis tentat facere, cadit sub eius electione. Sed Impossibile quis tentat facere. Ergo Impossibile cadit sub electione.

Maiores. quia Nihil homo tentat agere, nisi eligendo.

Minor. quia B. Benedictus dicit, qd si prælatus aliquid impossibile præceperit, tentandum est.

Pro Affirmatiua.

Philos. dicit, 3. Ethic. 2. quod Electio non est impossibile.

Determinatio.

Conclusio. Electio est solum possibile.

Prob. Primo. Ea, quæ per nos aguntur, sunt nobis possibilia. Sed electiones nostræ referuntur semper ad nostras actiones. Ergo Electiones nostræ sunt tantum possibilia.

Prob. Secundo. Illud solum cadit sub electione, per quod possumus consequi finem. Sed Per id, quod est impossibile, non potest quis consequi finem. Ergo Id, quod est impossibile, non cadit sub electione.

Maiores prob. quia Ratio eligendi aliquid est, vt ex hoc possumus consequi finem, vel ex hoc, quod ducit ad finem.

Minor prob. signo, & ratione. Signo. Nam cum in consiliando pertenuunt homines ad id, quod est eis impossibile, discedit, quasi non valentes ulterius procedere, & per hoc impossibile, non eligunt.

Ratio autem ad probandam eandem minorem est hæc. Sic se habet id, quod est ad finem, ad ipsum finem in processu appetitus, sicut se habet conclusio ad principium, in processu rationis. Sed ex principio impossibili, non sequitur conclusio possibilis. Ergo Ex eo, quod est ad finem si sit impossibile, non potest quis consequi finem, ita vt finis sit possibilis.

Prob. tertio. Ad id, quod est impossibile nullus mouetur. Ergo Quod est impossibile, non cadit sub electione.

Ad argumenta.

Ad 1. Dicitur, quod Voluntas potest considerari dupliciter. Primo, secundum actum incompletum, & imperfectum, quo scilicet voluntas vult aliquid si esset possibile. Secundo consideratur Voluntas secundum actum perfectum, & determinatum. Ad maiorem dicitur, quod Voluntas secundum actum imperfectum, & indeterminatum, potest velle tum possibile, tum impossibile, eo quod secundum huiusmodi actum vult, nulli habito respectu, ad possibile, vel impossibile, & secundum hoc aliquis appetit volare, esse Angelum. Sed secundum actum perfectum, & determinatum, non potest voluntas velle, nisi possibile. Negatur igitur maior. scilicet quod voluntas secundum actum perfectum sit possibile, & impossibile. Et ad minorem dicitur, quod electio nominat actum voluntatis iam determinatum ad id, quod est hic, & nunc agendum. Et ideo electio nullo modo est impossibile, sed solum possibile.

Breuius dicitur ad maiorem, quod Voluntas secundum actum imperfectum est possibile, & impossibile. Secundum vero actum perfectum est solum possibile. Tunc ad minorem dicitur, quod electio nominat actum voluntatis perfectum. Ratio autem ponendi hunc duplicem actum voluntatis est, quia voluntas est media inter intellectum, & exteriorem operationem. Nam intellectus proponit voluntati obiectum, & ipsa voluntas causat exteriorem actionem. Sic igitur principium motus voluntatis consideratur ex parte intellectus, qui apprehendit aliquid,

quid, vt bonum vniuersale, sed terminatio, seu perfectio motus voluntatis, attenditur secundum hoc, quod est aliquid bonum alicui ad agendum. Et hac ratione in voluntate consideratur actus perfectus, & imperfectus. Imperfectus est quando ei proponitur bonum vniuersale ab intellectu, & illud appetit. Perfectus vero, quando iam eligit aliquid bonum agendum, & huiusmodi perfectum actum nominat electio.

Ad 2. Dicitur ad antec. quod nunquam eligimus aliquid nisi sub ratione possibilis. Sed sicut voluntas aliquando appetit, quod non est vere bonum, sub ratione boni, quatenus est apparens bonum, ita potest eligere id, quod est impossibile, quatenus apparet possibile.

Ad 3. Negatur minor. Ad probationem dicitur, quod Beatus Benedictus in Regula non dicit, vt subditus impossibile teneret; sed vult per illa verba innuere, vt quando prælatus aliquid præcipit, quod subdito videtur impossibile, non debet ille subditus iudicare, an illud possibile, vel impossibile sit, sed iudicio superioris debet in vnoquoque stare.

ARTICVLVS VI.

Vtrum homo ex necessitate eligat,
vel libere.

Quod eligat ex necessitate.

Videtur, quod homo ex necessitate eligat.

1. Sic se habet finis ad eligibilia, sicut se habet principium ad id, quod ex principio consequitur. Sed Ex principiis necessario deducuntur conclusiones. Ergo Ex fine, de necessitate mouetur aliquis ad eligendum ea, quæ sunt ad finem.

2. Ratio ex necessitate iudicat de aliquibus propter necessitatem præmissarum. Ergo Videtur, quod etiam electio sit necessaria.

Conseq. prob. quia Electio consequitur iudicium rationis, de agendis.

3. Si aliqua duo sunt pœnitentia æqualia, nō magis mouetur homo ad vnum, quam ad aliud: sicut famelicus si habet cibum æqualiter appetibilem in diuersis partibus, & secundum æqualem distantiam, non magis mouetur ad vnum, quam ad alterum: vt Plato dixit, assignans rationem quietis terræ in medio: sicut dicitur in tertio de cælo. Sed Multo minus potest eligi, quod accipitur vt minus, quam quod accipitur vt æquale. Ergo Si proponantur duo, vel tria, vel plura, inter quæ vnum maius appareat: impossibile est ali-

quid aliorum eligere. Ergo ex necessitate eligitur illud, quod eminentius apparet. Sed Omnis electio est de omni eo, quod videtur aliquo modo melius. Ergo Omnis electio est ex necessitate.

Quod non eligat ex necessitate.

Potentia rationalis se habet ad opposita, vt Philos. dicit 9. Metaphys. text. 3. Sed Electio est actus potentie rationalis. Ergo Electio se habet ad opposita, & libere vtrumque oppositorum respicit.

Determinatio.

Conclusio. Homo non ex necessitate, sed libere eligat.

Prob. Qui potest eligere, & non eligere, & eligere hoc, vel illud bonum, non ex necessitate, sed libere eligat. Sed Homo potest eligere, vel nō eligere aliquid, & potest eligere hoc, vel illud bonum. Ergo Homo non ex necessitate, sed libere eligat.

Maiores prob. quia Quod possibile est non esse, non est necesse esse Vnde qui potest eligere, & non eligere, non necessario eligat.

Minor prob. Quidquid ratio potest apprehendere vt bonum, in hoc voluntas tendere potest. Sed ratio potest apprehendere, vt bonum, non solum hoc, quod est velle, aut agere, sed etiam hoc, quod est non velle, & non agere. Et rursum in omnibus particularibus bonis, potest considerare rationem alicuius boni, & defectum alicuius alterius boni, quod habet rationem mali. Ergo Voluntas potest velle, & non velle, agere, vel non agere, & hoc vel illud bonum eligere.

At maior huius, quo ad secundam partem, intelligenda est de bonis particularibus, in his enim ratio potest, & rationem boni, & mali considerare, quia in vnoquoque particularium bonorum, est aliquis defectus, qui habet rationem mali. In summo autem bono, nulla ratio mali inuenitur, cum sit bonum perfectum, vt est beatitudo. Vnde voluntas non potest ipsum non velle. Hoc tamen nihil officit proposito, quia beatitudo est finis, & propterea sub electione non cadit. Electio enim non est de fine, vt supra dictum est art. 3. huius quæst.

Ad Argumenta.

Ad 1. Dicitur ad minorem, quod Conclusio non semper necessario sequitur ex principiis: sed solum tunc necessario sequitur, quando principia non

non possunt esse vera, nisi conclusio sit vera. Si enim possint principia esse vera, sine hoc, quod conclusio sit vera, non necessario sequitur. Sic etiam dicendum est de fine, & de his, quæ sunt ad finem. Si enim aliqua sint ad finem, ita ut sine ipsis quis nullo modo possit consequi finem; Voluntas necessario vult illa. Si vero aliqua non sint ita necessaria ad finem, ita ut finem sine ipsis quis consequi possit vel si sint necessaria, tamen non apparent ita necessaria; tunc voluntas libere eligit.

Ad 2. Neg. confeq. Ad prob. dicitur, quod Electio consequitur iudicium rationis, non de quibuscunque, sed solum de agendis, quæ cum sint contingentia, in ipsis conclusiones non sequuntur ex principiis necessariis absoluta necessitate, sed solum conditionaliter.

Ad 3. Dicitur, quod si proponantur voluntati duo æqualiter bona, ipsa potest eligere vnum, & non aliud, quia vnum proponitur sibi a ratione, sub aliqua particulari ratione, & conditione, propter quam erit magis eligibile, quam alterum. Immo si voluntati proponantur duo, quorum vnum sit altero melius, potest voluntas eligere, quod est minus bonum absolute, quia sibi proponitur sub aliqua ratione, qua fit sibi minus bonum, magis eligibile. Eligit enim quis aliquando mortem, propter aliquam rationem, per quam, meliorem mortem, quam vitam æstimat, & eam eligit.

QVÆSTIO XIV.

DE CONSILIO.

ARTICVLVS I.

Vtrum consilium sit inquisitio.

Pro Negativa.

Videtur, quod consilium non sit inquisitio.

1. Appetitus non est inquisitio. Sed Consilium est appetitus, ut Damasc. dicit l. 2. ort. fid. c. 22. Ergo Consilium non est inquisitio.

Maiores prob. quia Ad appetitum non pertinet inquirere.

2. Inquisitio Deo non conuenit. Sed Consilium Deo conuenit. Ergo Consilium non est Inquisitio.

Maiores quia Inquirere est intellectus discurrere. Dei autem cognitio non est discursiva. ut habitum est. PP. q. 14.

Minor. quia Apostolus ad ephes. cap. 1. de Deo loquens, dicit, quod operatur omnia, secundum consilium voluntatis sue.

3. Inquisitio est de rebus dubijs. Sed Consi-

lium est de his, quæ sunt bona certa. Ergo Consilium non est Inquisitio.

Minor. quia 1. cor. cap. 7. dicitur. De Virginitas præceptum Domini non habeo, consilium autem do.

Pro Affirmativa.

Greg. Nislib. 5. c. 5. dicit. Omne quidem consilium quæstio est; non autem omnis quæstio consilium.

Determinatio.

Conclusio. Consilium est Inquisitio.

Prob. Illud, quod necessario præcedit electionem, est inquisitio. Sed Consilium necessario præcedit electionem. Ergo Consilium est inquisitio.

Manifestatur hæc ratio. Nam cum electio consequatur iudicium rationis de rebus agendis, ut dictum est supra. q. 13. & in rebus agendis multa incertitudo inueniatur, eo quod actiones sint singulares contingentia, quæ propter sui variabilitatem incerta sunt, & in rebus dubijs, & incertis, ratio non proferat iudicium absque inquisitione præcedente, propterea ante electionem necessaria est inquisitio rationis ante iudicium de eligendis; & hæc Inquisitio consilium vocatur; Vnde 3. ethic. c. 2. dicitur, quod electio est appetitus præconcordati.

Ex quibus patet maior. quia scilicet, non potest fieri electio, quæ est de rebus dubijs, & incertis absque præcedente inquisitione: Vnde inquisitio necessaria electionem præcedit.

Patet etiam ex his minor. quia Consilium est certum iudicium, ad quod per inquisitionem peruenitur, & est terminus inquisitionis.

Ad Argumenta.

Ad 1. Dicitur, quod quando actus duarum potentiarum subordinantur ad inuicem, in utroque actu est aliquid pertinens ad utramque potentiam, vnde uterque actus, ab utraque potentia de nominari potest. Et quia electio, & consilium sunt actus duarum potentiarum, ad inuicem subordinati, ideo uterque actus ab utraque potentia de nominari potest, & in utroque est aliquid ad utramque potentiam pertinens. Consilium enim est actus rationis, quo ipsa ratio dirigit aliquid in finem. Electio vero est actus voluntatis quo voluntas sub ordinati: electio enim subordinatur consilio. In electione est aliquid pertinens ad voluntatem, quia est actus, quo voluntas, tedit in finem, & est aliquid pertinens ad intellectum, scilicet ordo in finem. Et iterum in consilio est aliquid pertinens

ad

ad rationem, quia est actus ipsius rationis, & aliquid pertinens ad voluntatem: quia cōsiliū est de his, quæ homo vult facere. Ab utraque igitur potentia, uterq; actus denominari potest: & hac ratione dicebat Damas. quod cōsiliū est appetitus inquisitiuus, per hoc significans cōsiliū, aliquo modo ad voluntatem pertinere, per hoc scilicet, quod cōsiliū est de his, quæ ad appetitum pertinent.

Ad formam igitur argumenti respondendo, dicitur ad minorem, quod cōsiliū dicitur appetitus, quatenus est de his, quæ ad appetitum pertinent: est tamen actus rationis, quatenus per cōsiliū ratio ordinat aliquid in finem.

Ad 2. Dicitur, quod sicut in scientia duo considerantur, scilicet Certitudo notitiæ, quæ de conclusione habetur, & Discursus, quo intellectus noster ad certitudinem notitiæ peruenit: Ita in cōsilio consideratur Certitudo iudicii, quæ habetur de re, de qua quis cōsiliatur, & ipsa Inquisitio, per quam intellectus ad certitudinem iudicii peruenit. Et sicut scientia ponitur in Deo secundum quod scientia significat certam notitiam, & non pro ut includit discursum (cum hoc quid imperfectum importet) ita cōsiliū Deo attribuitur, non ratione inquisitionis, sed ratione certitudinis iudicii. Sicut enim in Deo est certitudo notitiæ absque discursu, ita est in eo certitudo iudicii absque aliqua inquisitione. Quia igitur in Deo est cōsiliū secundum certum iudicium de agendis, dicebat Apostolus, quod Deus operatur omnia secundum cōsiliū voluntatis suæ. Et quia in Deo non est cōsiliū quo ad inquisitionem, dicebat Damas. libr. 2. ortho. fid. cap. 22. quod Deus non cōsiliatur, Ignorantis est enim cōsiliari.

Vnde ad formam Argumenti dicitur ad minorem, quod Cōsiliū Deo conuenit, non ratione inquisitionis, sed ratione certitudinis iudicii, quod habet de agendis: Nobis vero conuenit cōsiliū ratione utriusque. Vnde cōsiliū non eodem modo inuenitur in Deo, & in nobis.

Ad 3. Dicitur ad minorem, quod cōsiliū datur quidem de certis bonis, sed tamen quia sunt aliqua bona, quæ licet apud sapientes certa sint bona, a carnalibus tamen non existimantur bona, propterea de huiusmodi bonis cōsiliū datur. Virginitas enim magnum bonum est, sed quia carnales non iudicant virginitatem esse magnum bonum, propterea Apostolus de virginitate cōsiliū dedit.

ARTICVLVS II.

Vtrum Cōsiliū sit de fine, vel solum de his, quæ sunt ad finem.

Pro affirmatiua.

Videtur, quod Cōsiliū sit etiam de fine.

1. De quo potest esse inquisitio, potest etiam esse cōsiliū. Sed De fine potest esse inquisitio. Ergo De fine potest esse cōsiliū.

Maiores prob. quia Inquisitio circa operabilia est cōsiliū.

Minor prob. De his, quæ dubitationem habent, est Inquisitio. Sed operabilia humana possunt habere dubitationem, non solum quantum ad ea, quæ sunt ad finem, sed etiam quantum ad ipsum finem. Ergo De fine potest esse inquisitio.

2. De operationibus humanis est Cōsiliū. Ergo De fine est Cōsiliū.

Consequenter prob. quia Quædam humanæ operationes sunt finis, ut dicitur 1. Ethic. c. 1.

Pro Negatiua.

Greg. Nisib. s. c. 5. dicit, quod Non de fine, sed de his, quæ sunt ad finem est cōsiliū.

Determinatio.

Conclus. Cōsiliū non est de fine secundum quod est finis, sed solum de his, quæ sunt ad finem.

Declaratur, & prob. Declaratur inquam quo ad illam particulam, (secundum quod finis) pro quo est sciendum, quod finis est duplex, scilicet finis, qui est ultimus simpliciter, & finis, qui est ultimus solum respectu alicuius Agentis, vel actionis. Finis ultimus simpliciter est, qui non ordinatur ad alium finem. Finis vero ultimus secundum quid dicitur, qui potest ordinari ad alium finem, respectu alicuius alterius agentis. Sicut finis, qui est finis respectu artis nauifactoriæ, & respectu nauifactoris, tamen respectu artis nauigatiuæ, non est finis, sed ordinatur ad finem, puta ad deferendum merces per mare. Conclusio igitur absoluta est vera de fine ultimo simpliciter, De fine vero ultimo secundum quid, non est simpliciter vera: nam de fine ultimo secundum quid potest esse cōsiliū, non in quantum est finis, sed in quantum ordinatur ad alium finem, & propterea dictum est, quod de fine (secundum quod est finis) non est Cōsiliū.

Prob. Conclus. De his solum est Cōsiliū, de quibus est quærit. Sed De fine, secundum quod finis, non est quærit. Ergo De fine, secundum quod finis non est cōsiliū.

Maiores prob. quia Cōsiliū est quæritio, siue Inquisitio.

Minor. Primum principium non cadit sub quæritio. Sed Finis in operabilibus habet rationem primi principij. Ergo Finis non cadit sub quæritio.

Maiores

Maiores huius prob. quia In omni inquisitione oportet supponere prima principia.

Minor vero huius prob. quia Ratio eorum, quæ sunt ad finem, ex fine tanquam ex principio defumitur.

Ad Argumenta.

Ad 1. Neg. minor, ad prob. negatur minor, Id enim, quod accipitur ut finis, debet esse determinatum, & per consequens, de eo nulla potest esse questio, vel dubitatio, & si aliquid habeatur ut dubium, iam non habet rationem finis, sed eius, quod est ad finem.

Ad 2. Neg. conseq. Ad prob. dicitur, quod operationes humane dupliciter considerari possunt. Vno modo, ut finis sunt: & sic de eis non est consilium. Alio modo, ut ordinantur ad alium finem, & sic de eis est consilium. Vnde si aliqua humana operatio sit finis, de ea, in quantum humani modi, non est consilium.

ARTICVLVS III.

Utrum Consilium sit solum de his, quæ a nobis aguntur.

Pro Negatiua.

Videtur, quod Consilium non sit solum de his, quæ a nobis aguntur.

1. Collatio inter multa potest fieri de his etiam, quæ non fiunt a nobis. Sed Consilium collationem quandam importat. Ergo Consilium est etiam de his, quæ non aguntur a nobis.

Maiores quia Collatio potest esse etiam de rebus immobilibus, puta de naturis rerum, & similibus, quæ non fiunt a nobis.

2. Homines interdum consilia querunt de his, quæ sunt lege statuta, Vnde & iurisperiti dicuntur. Ergo Consilium non est solum de his, quæ a nobis aguntur.

Conseq. prob. quia Eorum, qui querunt huiusmodi consilium, non est leges facere.

3. Quidam faciunt consultationes de futuris eventibus. Ergo Consilium non est solum de his, quæ a nobis fiunt.

Conseq. prob. quia Futuri eventus non sunt in potestate nostra.

4. Si consilium esset solum de his, quæ a nobis fiunt, nullus consiliaretur de his, quæ sunt per alium agenda. Sed Hoc est manifeste falsum. Ergo Consilium non est solum de his, quæ a nobis fiunt.

Pro Affirmatiua.

Gregor. Nis. lib. 5. capit. 5. dicit, quod Consilia mur de his, quæ fiunt in nobis, vel per nos fieri possunt.

Determinatio.

Concl. Consilium proprie est circa ea, quæ aguntur a nobis.

Prob. Inquisitio, quæ pertinet ad singularia contingentia, est circa ea, quæ a nobis aguntur. Sed Consilium est inquisitio, pertinet ad contingentia singularia. Ergo Consilium est circa ea, quæ a nobis aguntur.

Maiores Prob. quia Cognitio veritatis de singularibus contingentibus non est appetitum magnum, ut per se horum cognitio sit appetibilis; sicut est cognitio Vniuersalium, sed appetitur solum, & queritur secundum quod est utilis ad operationem, quæ semper est circa ipsa singularia contingentia.

Minor prob. quia Consilium, proprie importat collationem inter plures habitam, secundum quod etiam ipsum nomen designat. Dicitur enim Consilium, quasi Considium, eo quod multi considerant ad simul aliquid conferendum. Huiusmodi autem collatio plurium non est necessaria circa vniuersalia, quia vnus sufficit ad horum considerationem, sed est necessaria circa contingentia, ad hoc ut de ipsis aliquid certi cognosci possit. Nam circa singularia contingentia, plures conditiones, & circumstantias considerare oportet, quæ non facile ab vno animaduerti possunt, sed vni occurrit, quod non occurrit alteri. Inquisitio igitur plurium (quæ est consilium) semper fit ad hoc, ut aliquid certi circa contingentia singularia cognoscatur, quæ cognitio, semper ad aliquid operandum ordinatur: & propterea consilium semper est de his, quæ a nobis aguntur, quæ sunt contingentia singularia.

Ad Argumenta.

Ad 1. Dicitur ad minorem, quod consilium importat quidem collationem, non quamcumque sed eam, quæ est de rebus agentibus: hæc enim collatio proprie consilium dici potest, ut in corpore ostensum est.

Ad 2. Negatur conseq. Ad prob. dicitur, quod id, quod est lege positum, quamuis non sit ex operatione querentis consilium, tamen est directiuum eius ad operandum: Mandatum enim legis est vna ratio aliquid operandi, Vnde tale consilium est propter operationem.

Ad 3. Negatur conseq. Ad prob. dicitur, quod quamuis futuri eventus non sunt in potestate nostra, tamen consultatio de futuris eventibus ordinatur ad operationem. Propter hoc enim fit consultatio de futuris eventibus, ut homo per futuros eventus cognoscatur, dirigatur ad aliquid faciendum, vel vitandum.

Ad 4. Dicitur ad maiorem conditionalem, quod de aliorum factis Consilium querimus, in quantum alij sunt quodammodo vnum nobiscum, vel per vnionem affectus, vel per modum instrumenti. Per vnionem affectus vnitur amicus amico, & propter hoc amicus sollicitus est de his, quæ ad amicum spectant sicut de suis; Per modum instrumenti fiunt vnum causa, sine agens principale, & instrumentale, sunt enim quasi vna causa, cum vnum per aliud agat, & sic dominus consiliatur de his, quæ sunt agenda per seruum. Vnde nullus querit consilium de factis aliorum, in quantum sunt aliorum, sed in quantum sunt sua.

A R T I C V L V S I V .

- Vtrum Consilium sit de omnibus, quæ a nobis aguntur.

Pro Affirmatiua.

Videtur, quod Consilium sit de omnibus, quæ sunt per nos agenda.

1. Electio est de omnibus, quæ per nos aguntur. Ergo Consilium est de omnibus, quæ per nos aguntur.

Conseq. prob. quia Electio est appetitus præconciliati.

2. In omnibus, quæ agimus, non per impetum passionis, sed procedimus ex inquisitione rationis. Ergo De omnibus, quæ aguntur a nobis, non ex impetu passionis, est consilium.

Conseq. prob. quia Consilium importat inquisitionem rationis.

3. De omnibus, quæ fiunt per vnum, vel per multa est consilium. Sed Omne quod a nobis fit aut per vnum, aut per multa fit. Ergo De omnibus, quæ fiunt a nobis, est Consilium.

Maior prob. quia De eo, quod fit per multa, est consultandum, per quod horum facillime, & optime fiat. De eo autem, quod fit per vnum, est consultandum, qualiter per illud fiat, vt Arif. dicit 3. Ethic. c. 3.

Pro Negatiua.

Greg. Nif. lib. 5. ca. 5. dicit quod De his, quæ secundum disciplinam, vel artem sunt, operibus non est Consilium.

Determinatio.

Concl. Consilium non est de omnibus, quæ a nobis aguntur.

Prob. Ea, de quibus est consilium, habent dubitationem. Sed Quædam eorum, quæ a nobis aguntur, etiam quod sint ordinata ad finem, non habent dubitationem. Ergo Consilium non est de omnibus, quæ a nobis aguntur.

Maior. prob. quia Consilium est inquisitio quædam, de illis autem inquirere solemus, quæ in dubitationem veniunt. Vnde, & ratio inquisitiua,

quæ dicitur argumentum, est rei dubiæ faciens fidem.

Minor manifestatur. Nam de duobus generibus agibilibus, non accedit nobis dubitatio. Scilicet de his, quæ sunt determinata, qualiter fieri debeant: Et de rebus paruis. Ex duobus enim contingit aliquid in operabilibus humanis non esse dubitabile. Primo, quia per determinatas vias, & modos, ad determinatos terminos proceditur, sicut contingit in artibus, quæ habent certas vias operandi: scriptor enim non consiliatur quomodo debeat trahere literas, quia hoc per artem est determinatum. Secundo, quia non multum refert, vtrum sic, vel aliter fiat, & hæc sunt minima, quæ parum iuuant, vel impediunt consecutionem finis. De agibilibus igitur minimis, & de his, quæ determinatum habent modum, secundum quem fiunt, non est consilium, excipiuntur tamen actiones, quæ quamuis fiat per artem, tamen interuenit in eis coniectura aliquorum, vt sunt operationes artis medicine, & Nauigationis. De his enim est consilium, vt Greg. Nif. dicit.

Ad Argumenta.

Ad 1. Neg. cōseq. ad probationem dicitur, quod electio, non semper est appetitus præconciliati, sed solum quando illud, quod eligi debet, habet dubitationem, tunc enim electio præsupponit consilium, quando autem res eligenda est manifesta, nullam habens dubitationem, electio non requirit inquisitionem consilij.

Ad 2. Dicitur ad antec. quod ratio in rebus manifestis non inquit, sed statim iudicat. Ideo in his, quæ secundum rationem agimus, & non ex impetu passionis, procedimus quidem ex iudicio rationis, sed non in omnibus his procedimus per inquisitionem consilij, quia in rebus manifestis, ratio non inquit, sed solum iudicat.

Ad 3. Dicitur, quod ea, quæ fiunt, siue per vnum, siue per plura media, vel instrumenta, vel agentia sunt in duplici differentia. Quædam habent determinatum modum suæ productionis: & quædam non habent modum determinatum, quo fiunt. Si habeant determinatum modum, & determinatas causas, de his non est consilium; si vero non habeant determinatum modum, siue causam, vel non sint res determinatæ, de his est consilium.

A R T I C V L V S V .

Vtrum Consilium procedat ordine resolutorio.

Pro Negatiua.

Videtur, quod Consilium non procedat ordine resolutorio.

1. Opera.

1. Operationes nostræ, non procedunt ordine resolutorio, sed magis modo compositiuo, scilicet de simplicibus ad composita. Sed Cōsiliū est de operationibus nostris. Ergo Cōsiliū nō semper procedit ordine resolutorio.

2. Procedere a præsentibus, & præteritis ad futura, non pertinet ad ordinem resolutorium. Sed Inquisitio consilij procedit a præsentibus, & præteritis, deueniendo in futura. Ergo Inquisitio cōsiliij non procedit ordine resolutorio.

Maiores prob. quia Processus a prioribus ad posterius, nō est resolutorius, sed potius cōpositiuus, vt de se patet. Sed processus de præterito, & præsenti ad futurū, est processus ex prioribus ad posterius: est enim præteritū, & præsens prius futuro. Ergo Processus a præterito, & præsenti in futurū, non est resolutorius, sed potius cōpositiuus.

Minor. Ratio incipit a prioribus, vt ad posteriora denemiat. Sed Cōsiliū est inquisitoria rationis. Ergo Cōsiliū incipit a præterito, & præsenti, quæ sunt priora, vt in futurum deueniat, quod est posterius.

3. Et est alia prob. min. præcedentis argumenti Cōsiliū non est nisi de his, quæ sunt nobis possibilia, vt dicitur li. 3. Eth. c. 3. Ergo in Inquisitio consilij a præsentibus oportet incipere.

Conseq. prob. quia An sit nobis aliquid possibile, perpendimus ex eo, quod nunc possumus, vel non possumus facere.

Pro Affirmatiua.

Phil. dicit 3. Ethic. ca. 3. quod ille, qui consiliatur, videtur querere, & resolueri.

Determinatio.

Concl. Cōsiliū procedit ordine resolutorio. Prob. Inquisitio, quæ est a principio, quod est prius in cognitione, & posterius in esse, procedit ordine resolutorio. Sed Cōsiliū est Inquisitio rationis, quæ est a principio, quod est prius in cognitione, & posterius in esse. Ergo Cōsiliū procedit ordine resolutorio.

Maiores manifestatur. In omni enim inquisitione oportet incipere ab aliquo principio, quod quidem principium si sit prius in essendo, & in cognoscendo, Inquisitio, quæ a tali principio incipit, non est resolutoria, sed compositiua, vt fit, quando procedimus a causis ad effectus: causæ enim sunt simplices effectibus. Vnde processus a causis ad effectus, est cōpositiuus, quia procedit a simplicibus ad compositum. Si vero principium, a quo incipit inquisitio, sit prius quidem secundum cognitionem, tamen sit posterius in esse; tunc processus est resolutorius; sicut fit quando ab effectibus prius nobis notis, ad causarum cognitionem procedimus, effectus enim sunt po-

steriores in essendo, & compositi respectu suarū causarum. Vnde in huiusmodi processu, resolui-mus effectus compositos, in suas simplices causas, & propter hoc dicitur processus resolutorius. Ex quibus patet, quod quando inquisitio procedit a principio, quod est posterius in essendo, talis processus est resolutorius, & sic patet maior.

Minor prob. Quia principium in inquisitione Cōsiliij est finis, quidem & posterior secundum esse, & prior secundum cognitionem, & propterea inquisitio cōsiliij est resolutoria, incipiendo scilicet ab eo, quod in futuro intenditur, quousque perueniatur ad id, quod statim est agendum.

Ad argumenta.

Ad 1. Negatur conseq. Ad prob. dicitur, quod consilium est quidem de operationibus nostris, non quatenus opere exercentur, sed quatenus eorum ratio ex fine desumitur, quomodo scilicet fieri debeant, ad consequendum finem. Vnde inquisitio consilij, & exercitium operationum opposito modo procedunt. Inquisitio enim consilij incipit a fine, & procedit vsque ad id, quod est modo agendum, vt finē quis consequi possit: & hic est ordo resolutorius, vt in corpore ostensum est. Exercitium vero operationum incipit ab eo, quod statim agendum est, & procedit ad ipsum finem cōsequendum, qui ordo est compositiuus, vt ibidem est demonstratum. Argumentum igitur procedit ab inquisitione consilij de operationibus quæ est resolutoria ad exercitium ipsarum operationū, quod est compositiuum.

Ad 2. Negatur minor. Ad prob. dicitur ad maiorem, quod ratio procedit quidem a prioribus, secundum cognitionem, non autem a prioribus, quæ sunt priora solum secundum esse, qualia sunt præsens, & præteritum, finis enim qui posterior, est secundum tempus, prius est cognitione, quam illud, quod statim est agendum.

Ad 3. Dicitur ad antec. quod quamuis consilium non sit nisi de his, quæ sunt nobis possibilia, tamen de eo, quod est agendum propter finem, non queremus an sit possibile, si non esset congruum fini, & ideo prius querendum est, an illud sit conueniens, & congruum ad consequendum finem, quam consideretur an sit possibile, vel nō, & quia an aliquid sit congruum fini, nec ne, non ex præsentibus, sed ex ipso fine sumitur, ideo inquisitio consilij, non est ex his, quæ præsencia sūt, sed ex fine est inquirendum.

ARTICVLVS VI.

Vtrum Cōsiliū procedat in infinitum.

Pro Affirmatiua.

Videtur, quod Inquisitio Cōsiliij procedat in infinitum.

1. Quod est circa singularia, est infinitum. Sed Consilium est circa singularia. Ergo Inquisitio Consilij procedit in infinitum.

Maiores quia Singularia sunt infinita.

2. Actio humana infinitis modis potest impediri. Ergo Inquisitio Consilij procedit in infinitum.

Consequentia probatur. quia Sub inquisitione Consilij cadit, non solum quid agendum sit, sed etiam quomodo impedimenta actionum sint remouenda.

3. Inquisitio, quæ non est ex principiis per se notis, habentibus omnimodam certitudinem, procedit in infinitum. Sed Inquisitio Consilij, non est ex principiis per se notis, habentibus omnimodam certitudinem. Ergo Inquisitio Consilij procedit in infinitum.

Maiores prob. quia Ideo inquisitio scientiæ demonstratiuæ non procedit in infinitum: quia est deuenire ad aliqua principia per se nota, quæ omnimodam certitudinem habent.

Minor prob. quia Singularia, circa quæ est inquisitio Consilij, sunt variabilia, & incerta, ut potest quæ sunt contingentia, & propterea in eis talis certitudo non potest inueniri.

Pro Negatiua.

Si inquisitio Consilij esset infinita, nullus inciperet consiliari. Sed hoc patet esse falsum.

Ergo Inquisitio Consilij non procedit in infinitum.

Conditionalis prob. Nullus mouetur ad id, ad quod impossibile est ut perueniat, ut dicitur 1. c. li. tex. 23.

Sed Infinitum impossibile est transire.

Ergo Si inquisitio Consilij esset infinita, nullus consiliaretur.

Determinatio.

1. Conclusio. Inquisitio Consilij est finita in actu.

Prob. Quod habet principium, & terminum, est actu finitum.

Sed Inquisitio Consilij habet principium, & terminum.

Ergo Inquisitio Consilij est actu finita.

Minor quo ad utramque partem manifestatur. Et quo ad primam, quod Inquisitio Consilij habeat principium ostenditur. Nam in inquisitione Consilij est duplex principium. Vnum est proprium, & hoc desumitur ex ipso genere operabilium, & hoc principium in inquisitione Consilij est finis, de quo, ut dictum est, non est con-

silium, sed supponitur ut principium in omni inquisitione Consilij: Aliud vero principium in inquisitione Consilij desumitur quasi ex altero genere, scilicet, vel ex his, quæ sunt nota per sensum, vel ex his, quæ nota sunt per aliquam scientiam speculatiuam, vel practicam. Sicut Mechanici non esse bonum, est notum per diuinam legem. De his enim, quæ vel per sensum, vel per aliquam scientiam, vel legem nota sunt, non est Consilium, sed supponuntur, in consiliatiua inquisitione, ut principia. Ex quibus patet prima pars minoris, scilicet quod Inquisitio Consilij habeat principium.

Altera pars minoris, scilicet quod habeat terminum, ostenditur. Nam terminus inquisitionis est id, quod est in potestate nostra, ut statim faciamus: sicut enim finis habet rationem principij, ita quod agitur propter finem, habet rationem conclusionis. Vnde quod primo agendum occurrit, habet rationem conclusionis ultimæ, in inquisitione Consilij, ad quam terminatur. Et sic patet, quod Inquisitio Consilij habet terminum ultimum.

2. Conclusio. Nihil prohibet Inquisitionem Consilij esse infinitam in potentia.

Prob. quia In infinitum possunt aliqua occurrere consilio inquirenda.

Ad argumenta.

Ad 1. Negatur maior. Ad probationem dicitur, quod singularia sunt infinita, non in actu, sed tantum in potentia, & hinc est, quod Inquisitio Consilij sit actu finita, & solum in potentia infinita.

Ad 2. Negatur consequentia. Quamuis enim actio humana infinitis modis impediri possit, non tamen semper habet impedimentum paratum.

Vnde ad probationem dicitur, quod Consilium debet esse de remouendis impedimentis, non quidem omnibus, quæ occurrere possunt, sed tantum de remouendis his, quæ sunt parata ad impediendam actionem.

Ad tertium Negatur minor. Et ad probationem dicitur, quod in singularibus contingentibus potest aliquid accipi certum, & si non simpliciter, tamen ut nunc, prout assumitur in operatione: Sortem enim sedere, non est necessarium, sed enim sedere, dum sedet, est necessarium, & hoc per certitudinem accipi potest.

Vtrum Consensus sit actus appetitiuæ, vel apprehensiuæ virtutis.

Quod sit actus virtutis apprehensiuæ.

Videtur, quod Consentire pertineat solum ad partem animæ apprehensiuam.

1. Quod est actus rationis, pertinet ad partem apprehensiuam. Sed Consensus est actus rationis. Ergo Consensus est actus apprehensiuæ partis animæ.

Maior. quia Ratio est virtus apprehensiuæ.

Minor. quia August. 12. de trin. attribuit consensum superiori rationi.

2. Sentire pertinet ad virtutem apprehensiuam. Ergo Etiam consentire est actus apprehensiuæ virtutis.

Conseq. prob. quia Consentire dicitur quasi si mul sentire.

3. Assentire pertinet ad intellectum, qui est vis apprehensiuæ. Ergo Etiam consentire pertinet ad eandem virtutem.

Conseq. probatur. quia sicut assentire dicit applicationem intellectus ad aliquid, ita & consentire.

Quod sit actus virtutis appetitiuæ.

Diligere pertinet ad virtutem appetitiuam. Sed Consensus includit dilectionem. vt Dam. dicit. lib. 2. Ergo Consensus est actus virtutis appetitiuæ.

Determinatio.

Conclusio. Consensus est actus appetitiuæ virtutis.

Prob. Inclination in aliquid secundum quandam coniunctionem; est actus virtutis appetitiuæ. Sed Consensus est inclinatio consentientis in aliquid secundum quandam coniunctionem. Ergo Consensus est actus appetitiuæ virtutis.

Minor manifestatur. Nomine enim consensus significamus inclinationem alicuius in aliquid, secundum quandam coniunctionem, quatenus sci licet aliquis complacet sibi de re, ad quam inclinatur, & cui coniungitur.

Pro quo est sciendum, quod licet actus consentiendi possit esse non solum de re sensibili, sed etiam de re intelligibili, & imaginabili, tamen conuenienter desumit nomen a sensu, & dicitur consentire: Imaginatio enim est apprehensiuæ si-

militerudinum rerum, non solum presentium, sed etiam absentium: Intellectus etiam est apprehensiuus intelligibilium: Sensus vero est apprehensiuus solum sensibilium presentium. Et quia actus consentiendi requirit quandam coniunctionem appetitus, cum ipsa re, ad quam appetitus inclinatur, & quandam presentialitatem, ad hoc, vt in ea sibi complacere possit, secundum illud Sapien. 1. Sentite de Domino in bonitate, hinc fit, vt a sensu huiusmodi actus nomen accipiat.

Ad Argumenta.

Ad 1. Dicitur primo ad maiorem, quod ratio est quidem virtus apprehensiuæ, sed tamen includit etiam voluntatem, quæ est virtus appetitiuæ. Vnde aliquid potest pertinere ad rationem dupliciter. Vno modo, vt ratio est virtus contradiuncta voluntati, & sic vera est maior. Alio modo, vt ratio includit voluntatem, & hoc modo falsa est maior. Tunc ad minorem dicitur, quod Diuus Augustinus attribuit consensum rationi, quatenus ratio includit voluntatem.

Ad 2. Negatur conseq. Ad probationem dicitur, quod non est eadem ratio de sentire, & consentire. Sentire enim importat solum actum apprehensiuæ virtutis. Consentire vero importat quandam coniunctionem, & experientiam, vt dictum est in corpore, & hac ratione pertinet ad vim appetitiuam.

Ad 3. Negatur conseq. Ad probationem dicitur, quod consentire, non solum importat applicationem intellectus ad aliquid, sicut assentire, sed importat quandam coniunctionem ad id, cui consentitur; & ideo Intellectus dicitur assentire, & Voluntas, cuius est tendere in aliud, dicitur consentire, quatenus vnum pro alio multoties soleat poni.

Dicitur secundo ad antecedens, quod tam assentire, quam consentire pertinet ad intellectum, vt est motus à voluntate. Vnde etiam assentire est actus imperatus à voluntate.

ARTICVLVS II.

Vtrum Consensus conueniat brutis animalibus.

Pro Affirmatiua.

Videtur, quod Consensus conueniat brutis animalibus.

1. In his, quorum appetitus est determinatus ad vnum, inuenitur consensus. Sed Appetitus brutorum est determinatus ad vnum. Ergo In brutis inuenitur consensus.

Maior.

Maior, quia Consensus importat determinationem appetitus ad vnum.

2. Sin brutis non inueniretur consensus: Nō esset in eis executio operis, Quod tamen est falsū.

Conseq. prob. Remoto priori, remouetur posterius. Sed Consensus præcedit executionem operis. Ergo Remoto consensu remouetur operis executio.

3. Animalia bruta agunt ex passione. Ergo In eis est consensus.

Conseq. prob. quia Homines interdum dicuntur consentire, ad aliquid agendum, ex aliqua passione, puta ex concupiscentia, vel ex ira.

Pro Negatiua

In quibus est consensus, est etiam consilium secundum Dam. lib. Orth. fid. cap. 22. Sed In brutis non est consilium. Ergo In brutis non est consensus.

Determinatio.

Conclusio. Consensus, proprie loquendo, non est in brutis.

Prob. Illa, in quibus est consensus, possunt applicare suum appetituum motū ad aliquid agendum. Sed Bruta animalia non habent potestatem applicandi eorum appetituum motū, ad aliquid agendum. Ergo In Animalibus brutis non est consensus.

Maior, quia Consensus importat applicationem appetitui motus ad aliquid agendum.

Minor. Ea animalia possunt applicare appetituum motum, ad aliquid agendum, in quorum potestate est ipse appetitus motus. Sed Bruta nō habent in potestate eorum appetituum motum. Ergo Bruta non habent potestatem applicandi eorum appetituum ad aliquid agendum.

Maior huius manifestatur. Nam tangere lapidem cōuenit quidem baculo, sed applicare baculum ad tactum lapidis, non cōuenit baculo, sed ei, qui habet potestatem mouendi baculum: & sic patet, quod applicare appetituum motum ad agendum, cōuenit tantum ei, qui habet in sua potestate proprium appetituum.

Minor vero huius manifestatur. quia Brutis cōuenit huiusmodi motus, ex instinctu nature: Vn de brutis conuenit quidem appetere, sed applicare appetituum motum ad hoc, vel illud appetendum, non est in eorum potestate: est enim hoc in eis ex natura instinctu, & propter hoc eis nō cōuenit proprie consentire. Solum igitur nature rationali proprie cōuenit consentire, quia ipsa sola habet potestatem applicandi, vel non applicandi proprium appetituum motum ad appetendum hoc, vel illud.

Ad Argumenta.

Ad 1. Dicitur, quod determinatio appetitus ad vnum potest conuenire alicui dupliciter. Vno modo actiue. Alio modo passiuē. In his inuenitur actiue, quæ possunt proprium appetituum ad aliquid determinare. In his vero inuenitur tantum passiuē, quæ non habent potestatem applicandi appetituum motum ad aliquid, sed solū ab alio determinatur. Tunc ad maiorem dicitur, quod ubi inuenitur determinatio appetitus ad vnum, actiue, ibi inuenitur consensus. Vbi vero inuenitur huiusmodi determinatio tantum passiuē, nō inuenitur consensus. Et ad minorem dicitur, quod in brutis inuenitur determinatio appetitus solum passiuē, & ideo in brutis non est consensus.

Ad 2. Neg. conseq. Ad prob. dicitur, quod remoto priori, remouetur posterius, si tamen illud posterius non possit fieri nisi ex illo priori. Si vero illud posterius possit sequi ex aliquo alio priori, potest remoueri vnum horum ex quibus illud posterius sequitur, absque hoc quod remouatur posterius. Sicut remota anima, remouetur vita à corpore, quia vita tantum ex anima dependet, tamen remoto calore, non remouetur induratio à luto, quia induratio luti non solum est ex calore, sed etiam ex frigore, vt apparet in congelatione aquæ. Et quia executio operis, non solum potest sequi ex consensu, sed etiam ex impetuoso appetitu; ideo in brutis, quamuis non sit consensus, est tamen executio operis ex impetu naturali appetitus proveniens.

Ad 3. Neg. conseq. Ad prob. dicitur, quod licet homines ex passione aliquando agant, tamen possunt non sequi passionem, quod nō est in brutis, & ideo non est eadem vtriusque ratio.

ARTICVLVS III.

Vtrum Consensus sit de fine, vel de his, quæ sunt ad finem.

Quod sit de fine.

Videtur, quod Consensus sit de fine.

1. His, quæ sunt ad finem, consentimus propter finem. Ergo Magis consentimus ipsi fini.

Conseq. prob. quia Propter quod vnum quodque tale, & illud magis, vt dicitur 1. Post.

2. Intemperatus cōsentit in proprium actum. Ergo Consensus potest esse de fine.

Conseq. prob. quia Actus intemperati est finis eius: sicut actio virtuosi est finis ipsius.

3. Si consensus non esset de fine, sed solum de his, quæ sunt ad finem, sequeretur, quod consensus in nullo differret ab electione. Quod est falsum.

Conseq.

Conseq. prob. quia Appetitus eorum, quæ sunt ad finem est electio, ut dictum est. Vnde si etiam consensus sit actus appetitus circa ea, quæ sunt ad finem, sequeretur, quod in nullo differret ab electione, utpotè actus, quorum idem est obiectum.

Falsitas consequentis prob. quia Damasc. lib. 2. Orthod. fid. cap. 21. dicit, quod Post disputationem, quam vocauerat sententiam, fit electio.

Quod non sit finis, sed eorum, quæ sunt ad finem.

Consilium non est nisi eorum, quæ sunt ad finem. Sed Consensus sequitur consilium, ut Dam. dicit ibid. Ergo Consensus est solum eorum, quæ sunt ad finem.

Determinatio.

Conclusio Consensus, proprie loquendo, non est de fine, sed solum de his, quæ sunt ad finem.

Prob. prima pars. De eo, in quod appetitus naturaliter tendit, non est proprie consensus. Sed Appetitus in ultimum finem naturaliter tendit. Ergo Applicatio motus appetitui in finem, non habet rationem consensus, sed simplicis voluntatis.

Maiores prob. quia Consensus nominat applicationem motus ad aliquid præexistens, quæ sit in potestate eius, qui illud appetit. Vnde si appetitus naturaliter tendat in aliquid, profecto non erit in potestate appetentis applicare suum appetitum ad illud. Ex hoc igitur quod appetitus naturaliter tendit in ultimum finem, euidenter sequitur, quod de ultimo fine non sit consensus.

Alter pars conclusionis, & tota Conclusio simul, probatur. De his solum est consensus, de quibus est consilium. Sed de fine non est consilium, sed solum de his, quæ sunt ad finem: ut dictum est quæst. præced. art. 2. Ergo Consensus non est de fine, sed solum de his, quæ sunt ad finem.

Maiores prob. quia Consensus proprie, est applicatio appetitui motus, ad id, quod consilio determinatum est. Vnde appetitus eorum, quæ sunt ad finem, præsupponi determinationem consilij. Igitur de eisdem est consensus, & consilium, & consensus necessario præsupponit consilium, quod non est nisi de his, quæ sunt ad finem.

Ad Argumenta.

Ad 1. Neg. conseq. Non enim ex hoc, quod consentimus his, quæ sunt ad finem propter finem, sequitur, quod magis consentiamus fini: sed bene hoc sequitur, quod de fine sit aliquid maius ipso consensu, & hoc verum est: nam de fine est ipsa simplex voluntas: finem enim appetimus, & in eum inclinamur, non mediante consilio,

& consensu, sed naturaliter, per simplicem actum eiusdem voluntatis. Sicut etiam a simili, ex hoc, quod habemus scientiam conclusionum propter principia, non sequitur, quod magis de principijs habeamus scientiam, sed bene sequitur, quod de principijs sit aliquid maius scientia, scilicet habitus intellectus, & secundum hoc, ad probationem consequentiarum dicitur, quod illa maxima probat, quod quia inheremus his, quæ sunt ad finem, propter finem, quod magis, & prius inheremus ipsi fini, non quidem per consensum, sed per aliquid maius, scilicet per simplicem actum voluntatis.

Ad 2. Neg. conseq. Ad prob. dicitur, quod finis intemperati, non est eius actio, sed est delectatio, quæ ex illa actione procedit, propter quæ tanquam propter finem consentit in ipsam operationem.

Ad 3. Neg. conseq. Ad prob. dicitur, quod electio, & consensus semper differunt secundum rationem: Electio enim addit supra consensum quandam relationem respectu eius, cui aliquid prælegitur, & ideo post consensum adhuc restat electio. Secundum rem vero aliquando differunt, & aliquando sunt idem, Contingit enim aliquando esse multa ducentia ad eundem finem, quorum quodlibet placet ei, qui vult consequi finem, & in quodlibet horum consentit: tamen, ex illis multis: vnum prælegit, & in hoc casu consensus, & electio realiter differunt, quia consensus est de omnibus illis, per quæ finis consequi potest, electio vero est de vno illorum tantum. Si autem vnum tantum sit medium consequendi finem, consensus, & electio differunt quidem rationem, sed realiter idem sunt: Nam in hoc casu consensus, & electio sunt de eodem, scilicet de eo, quod est ad finem, de ipso inquam est consensus quatenus placet, & de eodem est electio, quatenus illud præfertur his, quæ non placent. Sicut Si quis facturus sit iter per terram, plura occurrunt per quæ iter confici potest, puta equus, currus, pedester incedere, &c. & potest esse, ut in omnibus his consentiat, sed postea vnum præ ceteris eligit, & tunc aliud est consentire, & aliud est eligere. Si vero sit transeundum mare, vnum tantum occurrit medium, quod est navis, & tunc de nauigando est consensus, quatenus placet, & de eodem est electio quatenus præfertur hoc, quod est transire nauigio, his, quæ non placent, puta navigationi, & in hoc casu consensus, & electio sunt idem re, & differunt solum ratione.

Paret igitur, quid sit dicendum ad probationem conseq. Consensus enim, & electio semper ratione differunt, & aliquando etiam realiter, ut dictum

est: & patet etiam quam bene dixerit Da-
nascenus in inducta autoritate, quod post con-
sensum, sequitur electio, ita ut prius sit consensu,
deinde sequatur electio.

ARTICVLVS IV.

Utrum consensus ad agendum pertineat solum
ad superiorem animæ partem.

Pro Negatiua.

Videtur, quod Consensus ad agendum, non
pertineat semper ad superiorem rationem.

1. Consensus in delectationem, quæ ex ope-
ratione procedit, pertinet ad inferiorem ratio-
nem, ut August. dicit lib. duodecimo. de Trinita-
te. cap. 12. Ergo Consensus in actionem, non per-
tinet solum ad superiorem rationem.

Conseq. prob. quia Delectatio cõsequitur ope-
rationem, & perficit eam, sicut decor iuuentutē,
ut dicitur 10. Ethic. cap. 4.

2. Producere operationes voluntatis, pertinet
ad multas potentias. Ergo Cõsentire in has actio-
nēs, non solum ad superiorem rationem, sed etiā
ad alias potentias pertinet.

Conseq. prob. quia Actiones, in quas consenti-
mus, sunt voluntarie.

3. Homo multoties consensit in actum, non
propter rationes æternas, sed propter aliquas ra-
tiones temporales, vel etiam propter aliquas ani-
mæ passiones. Ergo Consensire in actiones non
pertinet ad solam superiorem rationem.

Conseq. prob. quia Superior ratio intēdit eter-
nis inspicendis, & consulendis, ut August. dicit
12. de Trin. cap. 7.

Pro Affirmatiua.

August. 12. de Trin. cap. 12. dicit. Non potest
peccatum efficaciter perpetrandum mente decer-
ni, nisi illa mentis intentio, penes quam summa
potestas est membra in opus mouendi, vel ab ope-
re cohibendi, male actioni cedat, & seruiat.

Determinatio.

Concl. Consensus in actum pertinet ad ratio-
nem superiorem, secundum, quod in ea voluntas
includitur.

Prob. Ad illam animæ partem, ad quam per-
tinet finalis sententia de agendis, pertinet etiam
consensus in actum. Sed Ad rationem superiorem
pertinet finalis sententia de agendis. Ergo Ad
rationem superiorem pertinet consensus in ac-
tum.

Maiores. Prob. quia Finalis sententia de agendis
est ipse consensus ad agendum.

Minor prob. Ad illum pertinet finalis senten-
tia de agendis, ad quem pertinet de omnibus iu-
dicare. Sed Ad rationem superiorem pertinet de
omnibus iudicare. Ergo Ad rationem superio-

rem pertinet finalis sententia.

Maiores huius prob. quia Quamdiu iudicandū
restat, quod proponitur, nondum datur finalis
sententia, Vnde ad quem spectat finalis senten-
tia, debet de omnibus iudicare.

Minor huius prob. quia De sensibilibus per ra-
tionem iudicamus, de his vero, quæ ad rationes
humanas pertinent, iudicamus secundum ratio-
nes diuinas, quæ pertinent ad rationem superio-
rem. Superior igitur ratio iudicat de omnibus;
de sensibilibus inquam iudicat per humanas ra-
tiones, & de intelligibilibus per rationes di-
uinas.

Ad argumenta.

Ad 1. Dicitur ad antecedens, quod Delecta-
tio est duplex. Quædam est, quæ provenit ex ip-
so opere: & huiusmodi delectatio pertinet ad ra-
tionem superiorem, sicut etiam ad eandem per-
tinet consensus in opus. Quædam vero est delecta-
tio, quæ procedit ex cogitatione operis; ex hoc
scilicet, quod quis cogitat de aliquo opere. Sed
huiusmodi delectatio potest considerari duplici-
ter. Vno modo, ut est operatio quædam, & sic
iterum consensus in delectationem, quæ ex tali
cogitatione provenit, ad superiorem rationem per-
tinet, quia de hoc ipso, quod est cogitare, vel non
cogitare, in quantum cogitatio consideratur ut
actio quædam, habet iudicium superior ratio, &
similiter de delectatione eam consequentæ. Alio
vero modo consideratur delectatio, ut ordinatur
ad opus, & tunc delectatio sequens cogitationem,
ad inferiorem rationem pertinet. Quod enim ad
aliud ordinatur, ad inferiorem rationem, vel poten-
tiam pertinet, quam pertineat finis ad quem or-
dinatur. Vnde ars, quæ est de fine, architectoni-
ca, seu principalis vocatur.

Negatur igitur vniuersaliter antecedens. Non
enim omnis consensus in quamcumque delecta-
tionem, ad inferiorem rationem pertinet, sed so-
lum consensus in delectationem, quæ accipitur
ut actio ad aliud ordinata.

Ad 2. Neg. conseq. Ad prob. dicitur, quod ex
hoc, quod actiones, in quas consentimus, sunt vo-
luntarie, non sequitur, quod consensus sit cuius-
libet potentia, sed solius voluntaria, a qua actio-
nes aliarum potentiarum voluntaria dicuntur.
Et quia voluntas est in superiori ratione, ideo
ad superiorem solum rationem pertinet con-
sensus.

Ad 3. Dicitur ad Anteced. quod ratio supe-
rior dicitur consentire, non solum per hoc, quod
secundum rationes æternas semper moueat ad
agendum, sed etiam quia secundum rationes eter-
nas non dissentit agere.

Quæ

QVÆSTIO XVI.

DE V.S.V.

ARTICVLVS I.

Vtrum vsus sit actus voluntatis.

*Pro Negatiua.***V**idetur, quod vsus non sit actus voluntatis.

1. Referre aliquid ad aliud, est actus rationis, & non voluntatis. Sed Vti, est referre aliquid ad aliud. Ergo Vtus non est actus voluntatis, sed rationis.

Maiores. quia Rationis est conficere, & ordinare. Minor. quia Aug. dicit, 1. de Doct. Christ. ca. 4. quod vti, est id, quod in vsu venit, ad aliud obtemperandum referre.

2. Quod sequitur actum potentie executiue, non potest esse actus voluntatis. Sed Vtus sequitur actum potentie executiue. Ergo Vtus non est actus voluntatis.

Maiores. quia. Cui executio sit ultimum, non potest actus voluntatis sequi actum potentie executiue.

Minor. quia Dam. 2. ord. ad. pap. 22. dicit, quod Homo impetum facit ad operationem, & dicitur impetus, (id est executio) operationis, deinde vti-ur, & dicitur vsus. Ex quibus verbis patet, quod vsus est post executionem, & per consequens, quod vsus est post actum potentie executiue.

3. Iudicare de rebus à Deo creatis, non pertinet ad voluntatem. Sed Vti est iudicare de rebus à Deo creatis. Ergo Vti non est actus voluntatis.

Maiores. quia Iudicare de rebus à Deo creatis, pertinet ad rationem speculatiuam, quæ omnino separata videtur à voluntate.

Minor. quia Aug. dicit lib. 83. qq. quæst. 3. quod Omnia, quæ facta sunt, in vsu hominis facta sunt, quia omnibus vti-ur ratio, iudicatio ea, quæ hominibus data sunt.

Pro affirmatiua.

Aug. 10. de Trin. c. 11. dicit, quod Vti, est assumere aliquid in facultatem voluntatis.

Determinatio.

Concl. Vti, primo, & principaliter, tanquam primi mouentis, est actus voluntatis, est autem actus rationis tanquam dirigentis, & actus aliarum potentiarum tanquam exequutionum.

Prob. prima pars, scilicet quod vsus sit actus voluntatis, ut primi mouentis. Potentia, ad quam pertinet applicare omnes alias potentias ad suos proprios actus, est uti tanquam primi mouentis. Sed Ad voluntatem pertinet applicare omnes alias potentias ad suos proprios actus. Ergo Vtus est voluntatis, ut primi mouentis.

Maiores prob. quia Vtus rei importat applicationem ipsius rei ad aliquam operationem, unde & operatio, ad quam applicamus aliquam rem, dicitur usus ipsius rei, sicut equitare est usus equi, & percutere est usus baculi. Ea autem, quæ applicatur ad operationes, sunt principia interiora, quæ scilicet sunt in ipso homine operante, & res exteriores. Principia interiora, sunt ipse potentie animæ, siue rationalis, ut est intellectus, siue sensitivæ, ut sensus, & membra corporis. Vnde intellectus applicatur ad intelligendum, oculus ad videndum, manus ad percipiendum. Res autem exteriores sunt, ut feras, quæ applicatur ad secundum, & feceris ad sciendum, & sic de alijs. Res tamen exteriores non applicantur ad operandum, nisi per aliqua intrinseca principia, quæ sunt, uel potentie, uel habitus potentialium, uel organa, quæ sunt membra corporis. Ad eam igitur potentiam pertinebit usus, ad quam pertinet applicare ipsas potentias ad suas operationes.

Minor ostenditur, quia Voluntas est, quæ mouet omnes alias potentias ad suos actus, ut dictum est in quæst. 9.

Secunda conclusionis pars. Quod usus sit rationis, ut dirigentis, probata remanet, ex primo argumento allato pro negatiua, in quo probatur, quod rationis est conferre unum alteri.

Tertia pars prob. quia Omnes alie potentie comparantur ad voluntatem, à qua applicantur ad agendum, ut instrumenta ad principale agens. Et quia actio non attribuitur infirio, sed principali agenti, sicut edificare, edificatoris, & non infirorum est opus, propterea usus proprie est actus voluntatis: & hæc est conclusio directe responsiva quæ sit. quæ ad maiorem claritatem proponitur, & probatur.

2. Concl. Vtus proprie est actus voluntatis.

Prob. Actus conueniens alicui, ut principali agenti, est eius proprius. Sed Vti, conuenit voluntati, ut principali agenti, ut superius est probatum, alijs uero potentijs ut instrumentis. Ergo Vti, est proprius actus voluntatis.

Ad argumenta.

Ad 1. Dicitur ad minorem, quod Vti, non essentialiter referre unum alteri, hoc enim est actus rationis, & præsupponit vsui, sed vsus est tendere in id, quod est per rationem ad aliud relatum, & hoc pertinet ad voluntatem, & sic est, intelligenda sententia Augusti, inducta ad probandam minorem, scilicet quod vsus est referre, id est præsupponit unum esse alteri per rationem relatum.

Ad 2. Negatur simpliciter minor. Ad probationem, dicitur quod Damasc. loquitur de vsu, secundum quod pertinet ad potentias executiuas.

Ad 3. Dicitur ad maiorem, & ad eius probationem, quod iudicare non est actus voluntatis, tamen applicare intellectum, speculativum ad actum iudicandi, vel intelligendi, ad voluntatem pertinet.

ARTICVLVS II.

Vtrum vti, conueniat brutis animalibus.

Pro Affirmatiua.

Videtur, quod vti, conueniat brutis animalibus.

1. Quibus conuenit frui, multo magis conuenit vti. Sed Brutis animalibus conuenit frui, vt dictum est. quæst. 12. art. 2. Ergo Multo magis eisdem conuenit vti.

2. Maior prob. quia Frui, quid nobilius est, quam vti: Nam August. dicitur 10. de trinit. 10. quod vtimur eis, quæ ad aliud referimus, quo fruendum est.

3. His, quæ applicant sua membra ad aliquid agendum, conuenit vti. Sed Animalia bruta applicant sua membra ad aliquid agendum, vt pedes ad ambulationem, cornua ad percussendum &c. Ergo Animalibus brutis conuenit vti.

Maior prob. quia applicare membra ad agendum, est vti membris.

Pro Negatiua.

Aug. dicit in lib. 83. quæst. 30. quod vti, aliquid non potest, nisi animal, quod est participes rationis.

Determinatio.

Conclusio Animal rationale solum consentit, & vtiur.

Prob. Illud potest vti, quod potest applicare principium actionis ad ipsam actionem. Sed Solum rationale animal potest applicare principium operationis ad operandum. Ergo Animal rationale solum, & non bruta, potest vti.

Maior prob. quia Vti, est applicare principium actionis ad operandum, sicut consentire est applicare motum appetitus ad appetendum, vt dictum est. quæst. præced. 1.

Minor prob. quia Applicare aliquid ad aliud, non est nisi eius, quod habet super illud liberum arbitrium, quod non est nisi eius, qui se refert ad aliquid in alterum, quod ad rationem pertinet.

Ad Argumenta.

Ad 1. Negatur maior. Ad prob. dicitur, quod vti, & frui dupliciter comparari possunt. Vno modo respectu obiecti. Alio modo respectu potentie apprehensivæ, cuius actus præsupponitur, tam frui, quam vti. Si comparantur respectu obiecti, frui, nobilius est, quam vti, & ratio est, quia frui

respicit bonum absolute, quod scilicet est secundum se appetibile, & vti, respicit, quod est appetibile in ordine ad aliud: Nobilius autem est, quod est secundum se appetibile, quam illud, quod est appetibile in ordine ad aliud. Si vero comparentur quantum ad vim apprehensivam præcedentem, maior nobilitas requiritur ex parte vsus: Et ratio est, quia fructio requirit solum potentiam apprehensivam, siue sit sensus, siue intellectus: per quamcunque enim potentiam apprehendatur obiectum, potest appetitus frui eo. Vtus autem requirit potentiam non solum apprehensivam, sed ordinantem unum alteri, quod quia est actus solius rationis, ideo vsus inuenitur solum in habentibus rationem. Ex hac parte, nobilius est vti, quod frui.

Ad 2. Dicitur ad minorem, quod Animalia bruta agunt quidem per sua membra. nõ tamen dicuntur proprie applicare sua membra ad agendum, & ratio est, quia ad hoc, vt quis dicatur applicare aliquid ad agendum, requiritur, vt non solum per illud aliquid operetur, sed vltimus necessarius est, vt cognoscat ordinem ipsius ad operationem, ad quam fit applicatio. Et quia animalia non cognoscunt ordinem proprium membrorum ad proprias operationes, sed naturali instinctu operantur, ideo non dicuntur proprie applicare membra ad operandum.

ARTICVLVS III.

Vtrum vsus possit esse etiam vltimus finis.

Pro Affirmatiua.

Videtur, quod vsus possit esse etiam vltimus finis.

1. Cuius est fructio, est etiam vsus. Sed Vltimi finis est fructio. Ergo Vltimi finis est etiam vsus.

Maior prob. quia Aug. dicit 10. de trinit. cap. 11. quod omnis, qui fruitur, vtiur.

2. Eius, quod potest assumi in facultate voluntatis, est vsus. Sed Finis assumitur in facultate voluntatis. Ergo Vtus est etiam vltimi finis.

Maior prob. quia Aug. dicit ibidem, quod vti, est assumere aliquid in facultatem voluntatis.

3. Spiritus sanctus est vsus, vt Hilarius dicit 2. de trinit. Sed Spiritus sanctus est vltimus finis. Ergo Vltimi finis est vsus.

Minor. Quia Spiritus sanctus est Deus.

Pro Negatiua.

Deo nullus recte vtiur, dicit Aug. lib. 83. quæst. 30. Sed Solus Deus est vltimus finis. Ergo Vltimo fine non est vtiendum.

Determinatio.

Concl. Vti non est vltimi finis, in quantum est vltimus.

ultimus finis, sed semper est eorū, quæ sūt ad finē.
Probat, deinde declaratur. Probat, autem dupliciter.

Primo. Illud, quod importat applicationem alicuius ad aliqd, non est ipsius ultimi finis, in quantum finis, sed eorum, quæ sunt ad finem. Sed uti, importat applicationem alicuius ad aliqd, ut dictum est. Ergo Uti, non est ipsius ultimi finis, sed solum eorum quæ sunt ad finem.

Maiores. quia id, quod applicatur ad aliqd, nō habet rōnē ultimi finis, sed eius, quod est ad finē.

Secundo Prob. concl. quia Propter hoc ea, quæ sunt ad finem accomoda, dicuntur vilia, & ipsa vtilitas interdum vsus nominatur.

Deinde declaratur cōclusio, quo ad illa verba, In quantum ultimus finis. Pro quo est considerandum, quod aliqd dicitur finis ultimus dupliciter. Vno modo simpliciter. Alio modo respectu alicuius, siue quo ad aliquem. Finis ultimus simpliciter, dicitur ipsa res, propter quam aliquis agit, ut eam consequatur. Finis vero ultimus, non simpliciter, sed respectu alicuius, est ipsa rei possessio. Sicut pecunia est finis ultimus secundum se simpliciter, possessio vero eius est finis ultimus non simpliciter, sed respectu inordinati affectus avari. Possessio, n. pecunie non est ultimus finis in actione, qua acquiritur pecunia, quia ipsa possessio pecunie non est bona secundum se, sed propter bonum pecunie. Avarus tamen ordinat ipsam pecuniam, quæ est ultimus finis, ad possessionem pecunie, quæ possessio est finis solum respectu huius scilicet avari.

Quis igitur potest uti ultimo fine, ut facit avarus, qui utitur pecunia, quæ supponebatur ultimus finis, ordinando eam ad eius possessionem, sed tunc pecunia nō habet rationem ultimi finis, sed eius, quod est ad finem, & propter hoc dictum est in conclusione, quod ultimi finis, in quantum ultimus finis, non est vsus.

Ad Argumenta.

Ad 1. Neg. maior. Ad prob. dicitur, quod vsus sumitur dupliciter. Vno modo proprie. Alio modo communiter. Vfus proprie sumptus est referre ea, quæ sunt ad finem, ad ipsum finem, ut quando quis utitur baculo ad percutiendum, pecunia ad emendum, & his similibus. Vti vero improprie dicitur de quocunq; ordinato quocunq; modo ad aliqd, siue illud, ad quod res ordinatur, sit vere finis, vel non. Augustinus igitur quando dicit, quod omnis, qui fruitur, utitur, locutus est de vsu communiter accepto, quatenus scilicet aliquis ordinat finē, quo fruitur ad ipsam fruitionem, non autem loquitur de vsu proprie accepto. Quia obiectum, quo quis fruitur, non ordinatur ad fruitionem, ut id, quod

est ad finē ad ipsum, sed potius ē converso, fruitio ordinatur ad obiectum, ut alias supra dictum est.

Ad 2. Dicitur, quod assumi aliquid in facultate voluntatis contingit dupliciter. Vno modo, ut voluntas in eo quiescat: & tunc res assumitur in ordine ad usum eius. Alio modo, assumitur aliquid in facultatem voluntatis in ordine ad aliam rem, in qua voluntas debet quiescere. Sicut Mercator assumit in facultatem suā voluntatis mercaturam, & pecuniam, quam per mercaturā lucratur, sed diverso modo. Mercaturā assumit in facultatem suā voluntatis, non ut quiescat in mercatura, sed ut per mercaturam lucratur pecuniam. Ipsam vero pecuniam assumit in facultatem voluntatis, ut in ea quiescat, & in ordine solum ad usum eius. Assumere aliquid primo modo, nō est proprie uti, sed potius frui. Assumere vero aliquid secundo modo, est proprie uti. Ad Maiorem igitur dicitur, quod est vera de eo, quod assumitur in facultatem voluntatis secundo modo, & nō aliter. Et ad minorem dicitur, quod finis assumitur in facultatem voluntatis solum primo modo: non inquam in ordine ad aliqd, sed solum in ordine ad usum eius.

Ad 3. Neg. maior. Ad prob. dicitur, quod vsus accipitur in verbis Hilarij pro quiete in ultimo fine, & non pro eo, quod est ordinare aliquid in aliqd, quod est proprie uti.

ARTICULVS IV.

Vtrum vsus præcedat electionem.

Pro affirmativa.

Videtur, quod vsus præcedat electionem. Quod præcedit executionem, præcedit etiam electionem. Sed Vfus præcedit executionem. Ergo Vfus præcedit electionem.

Maiores. quia post electionē, nihil sequitur, nisi executio. Vnde non poterit esse aliquid præcedēs executionem, quin præcedat et electionem, alioquin, post electionem esset aliqd præ executionē.

Minor. quia Vfus est actus voluntatis, executio vero est actus aliarum inferiorum potentiarum.

2. Quod est minus relativum, præcedit, quod est magis relativum. Sed Vfus est quid minus relativum, quam sit electio. Ergo Vfus præcedit electionem.

Maiores prob. quia Absolutum præcedit relativum. Ergo Quod est minus relativum, præcedit, quod est magis relativum, eo quod magis relativum, minus habet de absoluto, & minus relativum magis absoluti naturam sapiat.

Minor probatur. Quia electio importat duas relationes: Vnam eius, quod eligitur ad finem. Aliam vero ad id, cui præeligitur. Vfus autem importat solum relationem ad finem.

3. Consensus præcedit electionem, ut dictum est, q. 15. art. 3. Ergo Etiam vsus præcedit electionem.

N 2 Conseq.

Conseq. prob. Quia voluntas dū consentit, applicat se ipsam ad agendum, quod est vti se ipsa, sicut applicatio aliarum potentiarum ad agendū, est vti eis. Vnde voluntas ante electionem vtitur se ipsa consentiendo in opus.

Pro Negatiua.

Damas. dicit lib. 2. ort. fid. cap. 21. quod voluntas post electionem imperium facit ad operationē, & postea vtitur. Ergo Vsus sequitur electionē.

Determinatio.

Dist. Vsus dupliciter accipitur. Vno modo sūm quod voluntas applicat potentias executiuas ad operationem. Alio modo secundū quod voluntas mouet rationem ad consulendū de his, quæ sunt ad finem, & ad referendū ea ad finem.

1. Concl. Vsus secundū quod significat actū, quo voluntas applicat potentias executiuas ad operationem, sequitur ipsam electionem.

Prob. Actus, qui pertinet ad habitudinem, quā habet voluntas ad uolūtū, prout tendit ad habendū ipsum secundū rem, sequitur actū electionis. Sed Vsus sequitur habitudinem voluntatis, qua tendit ad habendum uolūtū secundū rem, & perfecte. Ergo Vsus, iuxta hanc considerationem, sequitur electionem.

Maiores manifestatur, premitendo, quod uolūtū dupliciter potest haberi a uolēte. Vno modo imperfecte. Alio modo perfecte. Imperfecte habetur, quando est solum in intentione uolentis. Perfecte uero, quando ipsum uolūtū secundū rem habetur. Sicut imperfecte habet pecuniā, qui habet ipsam solum in intentione, perfecte uero quando habet eam actū in se ipsa. Et secundū hunc duplicem modum habendi uolūtū, voluntas habet duplicem habitudinem ad uolūtū. Vnam, qua respicit uolūtū secundū quod habetur imperfecte, & in intentione tantum. Alteram, qua iam tendit ad habendum uolūtū in se ipso perfecte. Et quia prima harum habitudinum, scilicet qua voluntas tendit in uolūtū imperfecte habitum, præcedit secundā, qua tendit in uolūtū perfecte habitū, hinc fit, ut illud, quod pertinet ad primā habitudinē uolūtatis, præcedat illud, quod pertinet ad secundā, quæ est maior inductæ rōnis, probata.

Minor. Scilicet, quod electio pertineat ad primam habitudinē, & vsus ad secundam ostenditur. Voluntas, est nō solum finis, sed et eorū, quæ sunt ad finē. Vnde uolūtas prius ordinatur ad finē, sūm quod est in intentione, postea uolens habere finem secundū rem, eligit media quibus possit consequi finē in se ipsam, & hic actus est ultimus pertinet ad primā habitudinē uolūtatis ad finē, huc uolūtū postea sequitur applicatio potētiarū executiarū ad opus, & hic est primus actus secundæ habitudi-

nis, & dicitur vsus, quod tandem sequitur ipsa executio. Vnde patet, quod electio est ultimus pertinet ad primam habitudinem, & vsus est primus actus secundæ habitudinis, & sic patet minor.

2. Concl. Si accipitur vsus pro actū, quo voluntas mouet rationem ad referendū ad finem ea, quæ sunt ad finem, præcedit electionem.

Prob. Nam vsus sic acceptus, pertinet ad priorē habitudinem uolūtatis ad uolūtū: prius n. ratio refert ea, quæ sunt ad finem in ipsum finem, quā sit actus electionis, ut de se manifestum est.

Ad Argumenta.

Ad 1. Neg. maior. Ad cuius prob. dī, negando assumptū. Nā ibi sunt tres actus. Prior est electio, qui cōplet primā habitudinē uolūtatis ad uolūtū, ut in corpore dictū est. Deinde est actus, quo uolūtū applicat potētias executiuas ad operandū, & hic est vsus. Tertio est ipsa executio. Vñ patet, quod Vsus sequitur Electionē, & præcedit Executionē.

Ad 2. Dī, quod nō est relati, duo possumus intelligere. Vel relatiū essentialiter, scilicet, quod est in genere relationis. Vel rem, cui attribuitur aliqua relatio.

Tūc dī ad maiore, quod illud, quod est magis relatum essentialiter, est posterius eo, quod est minus relatiū, rōne dicta: quia, si minus relatiū magis accedit ad absolutū. Sed tamen si accipitur relatiū pro re, qui attribuantur relationes, est falsa ipsa maior. Immo, quanto magis aliquid est sic relatum, tanto est prius. Sic enim Deus est maxime relatus, ut potē ad quem oēs creaturæ referuntur. Ad minorem uero dicitur, quod vsus nō est relatiū essentialiter, sed est res relata, sicut et electio.

Ad 3. Dicitur negando conseq. Cum actus uolūtatis reflectantur supra se ipsos, de eodem actu potē esse Assensus, Electio, & Vsus, sed tamē semp de eodē actū, prius est Electio, deinde vsus.

QVÆSTIO XVII.
DE ACTIBVS IMPERATIS A
voluntate.

ARTICVLVS I.

Utrum Imperare sit actus uolūtatis, vel rationis,

Quod sit actus uoluntatis.

VIdetur, quod Imperare sit actus uolūtatis, & non rationis.

1. Cuius est mouere, eius est imperare. Sed Volūtatis est mouere omnes alias potentias animæ. Ergo Volūtatis est etiam imperare.

Maiores. Quia Imperare est quoddam mouere, ut Auzē. dicit.

2. Ad id, quod est maxime liberum, pertinet imperare. Sed Voluntas est maxime libera. Ergo Ad Voluntatem pertinet imperare.

Maiores.

Maior. quia Sicut ad id, quod est subiectum, pertinet imperari, ita imperare, ad id, quod est maxime liberum.

Minor. quia Radix libertatis in uoluntate inuenitur.

3. Illud, ad quod statim sequitur operatio, nō est actus rationis. Sed ad Imperium statim sequitur operatio. Ergo Imperium non est actus rationis.

Maior. Ad actum rationis non sequitur operatio statim: Non enim omne, quod quis iudicat esse faciendum, statim illud operatur.

Quod sit actus rationis.

Appetitus obedit rationi, ut dicit Greg. Nisen. lib. 4. cap. 9. & Phil. 1. Ethic. cap. ult. Ergo Ratio est imperare.

Determinatio.

Conclusio. Imperare est actus rationis, præsupposito tamen actu uoluntatis.

Prob. Actus, de cuius ratione sunt ordinatio, uoluntatis, intimatio, & motio, est actus, de cuius ratione est ordinatio unus ad alterum, intimatio, & motio. Ergo Imperare est actus rationis, præsupposito actu uoluntatis.

Maior. quia Ordinare, & intimare sunt actus rationis. Mouere autem est actus uoluntatis, ut potest quæ primo mouet alias potentias, ad proprias operationes.

Minor. quia Imperans ordinat eum, cui imperat, ad aliquod agendum, intimando, uel denunciando: quæ quidem intimatio potest fieri dupliciter. Vno modo indicando solum, & hæc intimatio exprimitur per uerbum indicatiui modi: sicut si quis alteri dicat, tu debes hoc facere. Et hic modus intimandi adhuc nō habet perfecte rationem imperij: quia deficit motio. Alio igitur modo fit intimatio, non solo indicando actionem, sed mouendo ad ipsam, & hæc exprimitur per uerbū imperatiui modi, puta cum dicitur alicui. Fac hoc. Et tunc intimatio habet rationem imperij. Vnde patet, quod ad actum Imperij concurrunt Ordinatio, Intimatio, & Motio. Et sic relinquuntur quæ Imperare sit actus rationis essentialiter, & elicitiue: eo quia ordinare, & intimare, quæ se habent ut materiale in actu imperandi, sunt a ratione. Et quod sit actus uoluntatis, ut primi mouentis.

Ad Argumenta.

Ad 1. Dicitur ad maiorem, quod ad potentiā motiuam pertinet etiam imperare tanquam ad primum mouens, non autem elicitiue, & essentialiter. Ad probationem dicitur, quod imperare non est mouere tantum, sed est mouere cum quadam ordinatione & intimatione: & quia ordina-

re, & intimare sunt actus rationis, propterea imperare est essentialiter actus rationis. Voluntas autem est ut primi mouentis, quatenus scilicet in actu intellectus est uirtualiter actus uoluntatis.

Ad 2. Dicitur ad maiorem, & ad eius probationem, quod Voluntas est maxime libera, ut subiectum libertatis, in Causa uero libertatis est ratio. Ideo enim uoluntas potest uelle hoc, uel illud, quia ratio potest plura apprehendere. Vnde cum causa libertatis sit ipsa ratio, ad ipsam etiam pertinet essentialiter imperare.

Ad 3. Dicitur ad maiorem, quod ad actum rationis precise non sequitur actio, sed tamen ad actum rationis, qui est, præsupposito actu uoluntatis, sequitur actio. Et quia imperare non est actus rationis absolute, sed solum quatenus est cum quadam motione, quæ ad uoluntatem pertinet, ideo ex imperio sequitur actio.

ARTICVLVS II.

Verum Imperare pertineat ad animalia bruta.

Pro Affirmatiua.

Videntur, quod Imperare conueniat brutis animalibus.

1. His, in quibus inuenitur uirtus imperatiua, & executiua motus, conuenit imperare. Sed In brutis inuenitur uirtus imperatiua, & executiua motus. Ergo Brutis conuenit imperare.

Minor. quia Virtus imperans motum est appetitus, & exequens est, quæ inuenitur in musculis, & nervis, quarum utraq; in brutis inuenitur.

2. Ad ea, quæ sunt composita ex anima, & corpore, pertinet imperare. Sed Bruta sunt composita ex anima, & corpore. Ergo Ad Bruta pertinet imperare.

Maior. quia Corpus comparatur ad animam, ut seruus ad dominum, ut dicitur 1. Politicorum cap. 1. Vnde animæ erit imperare, & corporis imperari.

3. His, in quibus inuenitur imperus ad opus, conuenit imperare. Sed In brutis inuenitur imperus ad opus, ut Dam. dicit. lib. 2. c. 72. Ergo In Brutis est imperium.

Maior. quia Homo per imperium facit imperium ad opus.

Pro Negatiua.

Vbi est Imperium, est etiam ratio. In Brutis non est ratio. Ergo In Brutis non est imperium.

Maior. quia Imperium est actus rationis, ut dictum est art. 1.

Ad 4. Dicitur ad maiorem conditionale, quod de aliorum factis Consilium querimus, in quantum alij sunt quodammodo vnum nobiscum, vel per vnionem affectus, vel per modum instrumenti. Per vnionem affectus vnitur amicus amico, & propter hoc amicus sollicitus est de his, quæ ad amicum spectant sicut de suis; Per modum instrumenti fiunt vnum causa, siue agens principale, & instrumentale, sunt enim quasi vna causa, cum vnum per aliud agat, & sic dominus consiliatur de his, quæ sunt agenda per seruum. Vnde nullus querit consilium de factis aliorum, in quantum sunt aliorum, sed in quantum sunt sua.

A R T I C V L V S IV.

- Vtrum Consilium sit de omnibus, quæ a nobis aguntur.

Pro Affirmatiua.

V Idetur, quod Consilium sit de omnibus, quæ sunt per nos agenda.

1. Electio est de omnibus, quæ per nos aguntur. Ergo Consilium est de omnibus, quæ per nos aguntur.

Conseq. prob. quia Electio est appetitus præconciliati.

2. In omnibus, quæ agimus, non per impetum passionis, procedimus ex inquisitione rationis. Ergo De omnibus, quæ aguntur a nobis, non ex impetu passionis, est consilium.

Conseq. prob. quia Consilium importat inquisitionem rationis.

3. De omnibus, quæ fiunt per vnum, vel per multa est consilium. Sed Omne quod a nobis fit aut per vnum, aut per multa fit. Ergo De omnibus, quæ fiunt a nobis, est Consilium.

Maior prob. quia De eo, quod fit per multa, est consultandum, per quod horum facillime, & optime fiat. De eo autem, quod fit per vnum, est consultandum, qualiter per illud fiat, vt Arist. dicit 3. Ethic. c. 3.

Pro Negatiua.

Greg. Nisib. 5. ca. 5. dicit quod De his, quæ secundum disciplinam, vel autem sunt, operibus non est Consilium.

Determinatio.

Concl. Consilium non est de omnibus, quæ a nobis aguntur.

Prob. Ea, de quibus est consilium, habent dubitationem. Sed Quædam eorum, quæ a nobis aguntur, etiam quod sunt ordinata ad finem, non habent dubitationem. Ergo Consilium non est de omnibus, quæ a nobis aguntur.

Maior. prob. quia Consilium est inquisitio quædam, de illis autem inquirere solemus, quæ in dubitationem veniunt. Vnde, & ratio inquisitiua,

quæ dicitur argumentum, est rei dubiæ faciens fidem.

Minor manifestatur. Nam de duobus generibus agibilem, non accedit nobis dubitatio. Scilicet de his, quæ sunt determinata, qualiter fieri debeant: Et de rebus paruis. Ex duobus enim contingit aliquid in operabilibus humanis non esse dubitabile. Primo, quia per determinatas vias, & modos, ad determinatos terminos proceditur, sicut contingit in artibus, quæ habent certās vias operandi: scriptor enim non consiliatur quomodo debeat trahere literas, quia hoc per artem est determinatum. Secundo, quia non multum refert, vtrum sic, vel aliter fiat, & hæc sunt minima, quæ parum iuuant, vel impediunt consecutionem finis. De agilibus igitur minimis, & de his, quæ determinatum habent modum, secundum quem fiant, non est consilium, excipiuntur tamen actiones, quæ quamuis fiat per artem, tamen interuenit in eis coniectura aliquorum, vt sunt operationes artis medicine, & Nauigationis. De his enim est consilium, vt Greg. Nisib. dicit.

Ad Argumenta.

Ad 1. Neg. cōseq. ad probationem dicitur, quod electio, non semper est appetitus præconciliati, sed solum quando illud, quod eligi debet, habet dubitationem, tunc enim electio præsupponit consilium, quando autem res eligenda est manifesta, nullam habens dubitationem, electio non requirit inquisitionem consilij.

Ad 2. Dicitur ad antec. quod ratio in rebus manifestis non inquit, sed statim iudicat. Ideo in his, quæ secundum rationem agimus, & non ex impetu passionis, procedimus quidem ex iudicio rationis, sed non in omnibus his procedimus per inquisitionem consilij, quia in rebus manifestis, ratio non inquit, sed solum iudicat.

Ad 3. Dicitur, quod ea, quæ fiunt, siue per vnum, siue per plura media, vel instrumenta, vel agentia sunt in duplici differentia. Quædam habent determinatum modum suæ productionis: & quædam non habent modum determinatum, quo fiant. Si habeant determinatum modum, & determinatas causas, de his non est consilium; si vero non habeant determinatum modum, siue causas, vel non sint res determinatæ, de his est consilium.

A R T I C V L V S V.

Vtrum Consilium procedat ordine resolutorio.

Pro Negatiua.

V Idetur, quod Consilium non procedat ordine resolutorio.

1. Opera-

1. Operationes nostræ, non procedunt ordine resolutorio, sed magis modo compositiuo, scilicet de simplicibus ad composita. Sed Cōsiliū est de operationibus nostris. Ergo Cōsiliū nō semper procedit ordine resolutorio.

2. Procedere a præsentibus, & præteritis ad futura, non pertinet ad ordinem resolutorium. Sed Inquisitio consilij procedit a præsentibus, & præteritis, deueniendo in futura. Ergo Inquisitio cōsiliij non procedit ordine resolutorio.

Maiores prob. quia Processus a prioribus ad posterius, nō est resolutorius, sed potius cōpositiuus, ut de se patet. Sed processus de præterito, & præsenti ad futurū, est processus ex prioribus ad posterius: est enim præteritū, & præsens prius futurū. Ergo Processus a præterito, & præsenti in futurū, non est resolutorius, sed potius cōpositiuus.

Minor. Ratio incipit a prioribus, ut ad posteriora deueniat. Sed Cōsiliū est inquisitio rationis. Ergo Cōsiliū incipit a præterito, & præsenti, quæ sunt priora, ut in futurum deueniat, quod est posterius.

3. Et est alia prob. min. præcedentis argumenti. Cōsiliū non est nisi de his, quæ sunt nobis possibilia, ut dicitur li. 3. Ethic. c. 3. Ergo in Inquisitione consilij a præsentibus oportet incipere.

Conseq. prob. quia An sit nobis aliquid possibile, perpendimus ex eo, quod nunc possumus, vel non possumus facere.

Pro Affirmatiua.

Phil. dicit 3. Ethic. ca. 3. quod ille, qui consiliatur, videtur querere, & resoluit.

Determinatio.

Concl. Cōsiliū procedit ordine resolutorio. Prob. Inquisitio, quæ est a principio, quod est prius in cognitione, & posterius in esse, procedit ordine resolutorio. Sed Cōsiliū est Inquisitio rationis, quæ est a principio, quod est prius in cognitione, & posterius in esse. Ergo Cōsiliū procedit ordine resolutorio.

Maiores manifestatur. In omni enim inquisitione oportet incipere ab aliquo principio, quod quidem principium si sit prius in essendo, & in cognoscendo, Inquisitio, quæ a tali principio incipit, non est resolutoria, sed compositiua, ut fit, quando procedimus a causis ad effectus: causæ enim sunt simpliciores effectibus. Vnde processus a causis ad effectus, est cōpositiuus, quia procedit a simplici ad compositum. Si vero principium, a quo incipit inquisitio, sit prius quidem secundum cognitionem, tamen sit posterius in esse; tunc processus est resolutorius: sicut fit quando ab effectibus prius nobis notis, ad causarum cognitionem procedimus, effectus enim sunt po-

steriores in essendo, & compositi respectu suarū causarum. Vnde in huiusmodi processu, resolui-mus effectus compositos, in suas simplices causas, & propter hoc dicitur processus resolutorius. Ex quibus patet, quod quando inquisitio procedit a principio, quod est posterius in essendo, talis processus est resolutorius, & sic patet maior.

Minor prob. Quia principium in inquisitione Consilij est finis, quidem & posterius secundum esse, & prior secundum cognitionem, & propterea inquisitio cōsiliij est resolutoria, incipiendo scilicet ab eo, quod in futuro intenditur, quousque perueniatur ad id, quod statim est agendum.

Ad argumenta.

Ad 1. Negatur conseq. Ad prob. dicitur, quod cōsiliū est quidem de operationibus nostris, non quatenus opere exercentur, sed quatenus eorum ratio ex fine desumitur, quomodo scilicet fieri debeant, ad consequendum finem. Vnde inquisitio consilij, & exercitium operationum opposito modo procedunt. Inquisitio enim consilij incipit a fine, & procedit vsque ad id, quod est modo agendum, ut finē quis consequi possit: & hic est ordo resolutorius, ut in corpore ostensum est. Exercitium vero operationum incipit ab eo, quod statim agendum est, & procedit ad ipsum finem cōsequendum, qui ordo est compositiuus, ut ibidem est demonstratum. Argumentum igitur procedit ab inquisitione consilij de operationibus quæ est resolutoria ad exercitium ipsarum operationū, quod est compositiuum.

Ad 2. Negatur minor. Ad prob. dicitur ad maiorem, quod ratio procedit quidem a prioribus, secundum cognitionem, non autem a prioribus, quæ sunt priora solum secundum esse, qualia sunt præsens, & præteritum, finis enim qui posterior, est secundum tempus, prius est cognitione, quam illud, quod statim est agendum.

Ad 3. Dicitur ad antec. quod quamuis cōsiliū non sit nisi de his, quæ sunt nobis possibilia, tamen de eo, quod est agendum propter finem, non quereremus an sit possibile, si non esset congruum fini, & ideo prius querendum est, an illud sit cōueniens, & congruum ad consequendum finem, quam consideretur an sit possibile, vel nō, & quia an aliquid sit congruum fini, nec ne, non ex præsentibus, sed ex ipso fine sumitur, ideo inquisitio consilij, non est ex his, quæ præsentia sūt, sed ex fine est inquirendum.

ARTICVLVS VI.

Vtrum Cōsiliū procedat in infinitum.

Pro Affirmatiua.

Videtur, quod Inquisitio Consilij procedat in infinitum.

M 2 1. Quod

1. Quod est circa singularia, est infinitum. Sed Consilium est circa singularia. Ergo Inquisitio Consilij procedit in infinitum.

Maior. quia Singularia sunt infinita. 2. Actio humana infinitis modis potest impediri. Ergo Inquisitio Consilij procedit in infinitum.

Consequentia probatur. quia Sub inquisitione Consilij cadit, non solum quid agendum sit, sed etiam quomodo impedimenta actionum sint remouenda.

3. Inquisitio, quæ non est ex principijs per se notis, habentibus omnimodam certitudinem, procedit in infinitum. Sed Inquisitio Consilij, non est ex principijs per se notis, habentibus omnimodam certitudinem. Ergo Inquisitio consilij procedit in infinitum.

Maior. prob. quia Ideo inquisitio scientiæ demonstratiuæ non procedit in infinitum: quia est deuenire ad aliqua principia per se nota, quæ omnimodam certitudinem habent.

Minor prob. quia Singularia, circa quæ est inquisitio consilij, sunt variabilia, & incerta, ut potest quæ sunt contingencia, & propterea in eis talis certitudo non potest inueniri.

Pro Negatiua.

Si inquisitio Consilij esset infinita, nullus inciperet consiliari. Sed hoc patet esse falsum.

Ergo Inquisitio consilij non procedit in infinitum.

Conditionalis prob. Nullus mouetur ad id, ad quod impossibile est ut perueniat, ut dicitur 1. c. li. 1. c. 23.

Sed Infinitum impossibile est transire.

Ergo Si inquisitio consilij esset infinita, nullus consiliaretur.

Determinatio.

1. Conclusio. Inquisitio consilij est finita in actu.

Prob. Quod habet principium, & terminum, est actu finitum.

Sed Inquisitio consilij habet principium, & terminum.

Ergo Inquisitio consilij est actu finita.

Minor quo ad utramque partem manifestatur. Et quo ad primam, quod Inquisitio consilij habeat principium ostenditur. Nam in inquisitione consilij est duplex principium. Vnum est proprium, & hoc desinitur ex ipso genere operabilitum, & hoc principium in inquisitione consilij est finis, de quo, ut dictum est, non est con-

silium, sed supponitur ut principium in omni inquisitione consilij: Aliud vero principium in inquisitione consilij desinitur quasi ex altero genere, scilicet, vel ex his, quæ sunt nota per sensum, vel ex his, quæ nota sunt per aliquam scientiam speculatiuam, vel practicam. Sicut Mechani non esse bonum, est notum per diuinam legem. De his enim, quæ vel per sensum, vel per aliquam scientiam, vel legem nota sunt, non est consilium, sed supponuntur, in consiliatiua inquisitione, ut principia. Ex quibus patet prima pars minoris, scilicet quod Inquisitio consilij habeat principium.

Altera pars minoris, scilicet quod habeat terminum, ostenditur. Nam terminus inquisitionis est id, quod est in potestate nostra, ut statim faciamus: sicut enim finis habet rationem principij, ita quod agitur propter finem, habet rationem conclusionis. Vnde quod primo agendum occurrit, habet rationem conclusionis vltimæ, in inquisitione consilij, ad quam terminatur. Et sic patet, quod Inquisitio consilij habet terminum vltimum.

2. Concl. Nihil prohibet Inquisitionem consilij esse infinitam in potentia.

Prob. quia In infinitum possunt aliqua occurrere consilio inquirenda.

Ad argumenta.

Ad 1. Negatur maior. Ad probationem dicitur, quod singularia sunt infinita, non in actu, sed tantum in potentia, & hinc est, quod Inquisitio consilij sit actu finita, & solum in potentia infinita.

Ad 2. Negatur consequentia. Quamuis enim actio humana infinitis modis impediri possit, non tamen semper habet impedimentum paratum.

Vnde ad probationem dicitur, quod consilium debet esse de remouendis impedimentis, non quidem omnibus, quæ occurrere possunt, sed tantum de remouendis his, quæ sunt parata ad impediendam actionem.

Ad tertium Negatur minor. Et ad probationem dicitur, quod in singularibus contingentibus potest aliquid accipi certum, & si non simpliciter, tamen ut nunc, prout assumitur in operatione: Sortem enim sedere, non est necessarium, sed eum sedere, dum sedet, est necessarium, & hoc per certitudinem accipi potest.

Vtrum Consensus sit actus appetitiuæ, vel apprehensiuæ virtutis.

Quod sit actus virtutis apprehensiuæ.

Videtur, quod Consentire pertineat solum ad partem animæ apprehensiuam.

1. Quod est actus rationis, pertinet ad partem apprehensiuam. Sed Consensus est actus rationis. Ergo Consensus est actus apprehensiuæ partis animæ.

Maiores. quia Ratio est virtus apprehensiuæ.

Minor. quia August. 12. de trin. attribuit consensum superiori rationi.

2. Sentire pertinet ad virtutem apprehensiuam. Ergo Etiam consentire est actus apprehensiuæ virtutis.

Conseq. prob. quia Consentire dicitur quasi simul sentire.

3. Assentire pertinet ad intellectum, qui est vis apprehensiuæ. Ergo Etiam consentire pertinet ad eandem virtutem.

Conseq. probatur. quia sicut assentire dicitur applicationem intellectus ad aliquid, ita & consentire.

Quod sit actus virtutis appetitiuæ.

Diligere pertinet ad virtutem appetitiuam. Sed Consensus includit dilectionem, vt Dam. dicit. lib. 2. Ergo Consensus est actus virtutis appetitiuæ.

Determinatio.

Conclusio. Consensus est actus appetitiuæ virtutis.

Prob. Inclination in aliquid secundum quandam coniunctionem, est actus virtutis appetitiuæ. Sed Consensus est inclinatio consentientis in aliquid secundum quandam coniunctionem. Ergo Consensus est actus appetitiuæ virtutis.

Minor manifestatur. Nomen enim consensus significamus inclinationem alicuius in aliquid, secundum quandam coniunctionem, quatenus scilicet aliquis complacet sibi de re, ad quam inclinatur, & cui coniungitur.

Pro quo est sciendum, quod licet actus consentiendi possit esse non solum de re sensibili, sed etiam de re intelligibili, & imaginabili, tamen conuenienter desumit nomen a sensu, & dicitur consentire: Imaginatio enim est apprehensiuæ si-

millitudinum rerum, non solum presentium, sed etiam absentium: Intellectus etiam est apprehensiuus intelligibilium: Sensus vero est apprehensiuus solum sensibilium presentium. Et quia actus consentiendi requirit quandam coniunctionem appetitus, cum ipsi re, ad quam appetitus inclinatur, & quandam presentialitatem, ad hoc, vt in ea sibi complacere possit, secundum illud Sapient. 1. Sentite de Domino in bonitate, hinc fit, vt à sensu huiusmodi actus nomen accipiat.

Ad Argumenta.

Ad 1. Dicitur primo ad maiorem, quod ratio est quidem virtus apprehensiuæ, sed tamen includit etiam voluntatem, quæ est virtus appetitiuæ. Vnde aliquid potest pertinere ad rationem dupliciter. Vno modo, vt ratio est virtus contradiuncta voluntati, & sic vera est maior. Alio modo, vt ratio includit voluntatem, & hoc modo falsa est maior: Tunc ad minorem dicitur, quod Diuus Augustinus attribuit consensum rationi, quatenus ratio includit voluntatem.

Ad 2. Negatur conseq. Ad probationem dicitur, quod non est eadem ratio de sentire, & consentire. Sentire enim importat solum actum apprehensiuæ virtutis. Consentire vero importat quandam coniunctionem, & experientiam, vt dictum est in corpore, & hac ratione pertinet ad vim appetitiuam.

Ad 3. Negatur conseq. Ad probationem dicitur, quod consentire, non solum importat applicationem intellectus ad aliquid, sicut assentire, sed importat quandam coniunctionem ad id, cui consentitur; & ideo Intellectus dicitur assentire, & Voluntas, cuius est tendere in aliud, dicitur consentire, quamuis vnum pro alio multoties soleat poni.

Dicitur secundo ad antecedens, quod tam assentire, quam consentire pertinent ad intellectum, vt est motus à voluntate. Vnde etiam assentire est actus imperatus à voluntate.

ARTICVLVS II.

Vtrum Consensus conueniat brutis animalibus.

Pro Affirmatiua.

Videtur, quod Consensus conueniat brutis animalibus.

1. In his, quorum appetitus est determinatus ad vnum, inuenitur consensus. Sed Appetitus brutorum est determinatus ad vnum. Ergo In brutis inuenitur consensus.

Maiores.

Minor, quia Consensus importat determinationem appetitus ad vnum.

2. Sin brutis non inueniretur consensus: Nō esset in eis executio operis, Quod tamen est falsū.

Conseq. prob. Remoto priori, remouetur posterius. Sed Consensus præcedit executionem operis. Ergo Remoto consensu remouetur operis executio.

3. Animalia bruta agunt ex passione. Ergo In eis est consensus.

Conseq. prob. quia Homines interdum dicuntur consentire, ad aliquid agendum, ex aliqua passione, puta ex concupiscentia, vel ex ira.

Pro Negatiua

In quibus est consensus, est etiam consilium secundum Dam. lib. Orth. fid. cap. 22. Sed In brutis non est consilium. Ergo In brutis non est consensus.

Determinatio.

Conclusio. Consensus, proprie loquendo, non est in brutis.

Prob. Illa, in quibus est consensus, possunt applicare suum appetituum motū ad aliquid agendum. Sed Bruta animalia non habent potestatem applicandi eorum appetituum motū, ad aliquid agendum. Ergo In Animalibus brutis non est consensus.

Maior, quia Consensus importat applicationem appetitui motus ad aliquid agendum.

Minor. Ea animalia possunt applicare appetituum motum, ad aliquid agendum, in quorum potestate est ipse appetitus motus. Sed Bruta nō habent in potestate eorum appetituum motum. Ergo Bruta non habent potestatem applicandi eorum appetituum ad aliquid agendum.

Maior huius manifestatur. Nam tangere lapidem cōuenit quidem baculo, sed applicare baculum ad tactum lapidis, non cōuenit baculo, sed ei, qui habet potestatem mouendi baculum: & sic patet, quod applicare appetituum motum ad agendum, cōuenit tantum ei, qui habet in sua potestate proprium appetituum.

Minor vero huius manifestatur. quia Brutis cōuenit appetitus motus, ex instinctu nature: Vnde brutus cōuenit quidem appetere, sed applicare appetituum motum ad hoc, vel illud appetendum, non est in eorum potestate: est enim hoc in eis ex nature instinctu, & propter hoc eis nō cōuenit proprie consentire. Solum igitur nature rationali proprie cōuenit consensus, quia ipsa sola habet potestatem applicandi, vel non applicandi proprium appetituum motum ad appetendum hoc, vel illud.

Ad Argumenta.

Ad 1. Dicitur, quod determinatio appetitus ad vnum potest conuenire alicui dupliciter. Vno modo actiue. Alio modo passiuē. In his inuenitur actiue, quæ possunt proprium appetituum ad aliquid determinare. In his vero inuenitur tantum passiuē, quæ non habent potestatem applicandi appetituum motum ad aliquid, sed solū ab alio determinatur. Tunc ad maiorem dicitur, quod ubi inuenitur determinatio appetitus ad vnum, actiue, ibi inuenitur consensus. Vbi vero inuenitur huiusmodi determinatio tantum passiuē, nō inuenitur consensus. Et ad minorem dicitur, quod in brutis inuenitur determinatio appetitus solum passiuē, & ideo in brutis non est consensus.

Ad 2. Neg. conseq. Ad prob. dicitur, quod remoto priori, remouetur posterius, si tamen illud posterius non possit fieri nisi ex illo priori. Si vero illud posterius possit sequi ex aliquo alio priori, potest remoueri vnum horum ex quibus illud posterius sequitur, absque hoc quod remouatur posterius. Sicut remota anima, remouetur vita à corpore, quia vita tantum ex anima dependet, tamen remoto calore, non remouetur induratio à luto, quia induratio luti non solum est ex calore, sed etiam ex frigore, vt apparet in congelatione aque. Et quia executio operis, non solum potest sequi ex consensu, sed etiam ex impetuoso appetitu, ideo in brutis, quamuis non sit consensus, est tamen executio operis ex impetu naturali appetitus proueniens.

Ad 3. Neg. conseq. Ad prob. dicitur, quod licet homines ex passione aliquando agant, tamen possunt non sequi passionem, quod nō est in brutis, & ideo non est eadem vtriusque ratio.

A R T I C. V L V S III.

Vtrum Consensus sit de fine, vel de his, quæ sunt ad finem.

Quod sit de fine.

Videtur, quod Consensus sit de fine.

1. His, quæ sunt ad finem, consentimus propter finem. Ergo Magis consentimus ipsi fini.

Conseq. prob. quia Propter quod vnum quodque tale, & illud magis, vt dicitur 1. Post.

2. Imemperatus cōsentit in proprium actum. Ergo Consensus potest esse de fine.

Conseq. prob. quia Actus imemperati est finis eius: sicut actio virtuosi est finis ipsius.

3. Si consensus non esset de fine, sed solum de his, quæ sunt ad finem, sequeretur, quod consensus in nullo differret ab electione. Quod est falsum.

Conseq.

Conseq. prob. quia Appetitus eorum, quæ sunt ad finem est electio, vt dictum est. Vnde si etiam consensus sit actus appetitus circa ea, quæ sunt ad finem, sequeretur, quod in nullo differret ab electione, vtpote actus, quorum idem est obiectum.

Falsitas consequentis prob. quia Damasc. lib. 2. Orthod. fid. cap. 21. dicit, quod Post disputationem, quam vocauerat sententiam, sit electio.

Quod non sit finis, sed eorum, quæ sunt ad finem.

Consilium non est nisi corum, quæ sunt ad finem. Sed Consensus sequitur consilium, vt Dam. dicit ibid. Ergo Consensus est solum corum, quæ sunt ad finem.

Determinatio.

Conclusio Consensus, proprie loquendo, non est de fine, sed solum de his, quæ sunt ad finem.

Prob. prima pars. De eo, in quod appetitus naturaliter tendit, non est proprie consensus. Sed Appetitus in vltimum finem naturaliter tendit. Ergo Applicatio motus appetitui in finem, non habet rationem consensus, sed simplicis voluntatis.

Maiores prob. quia Consensus nominat applicationem motus ad aliquid præexistens, quæ sit in potestate eius, qui illud appetit. Vnde si appetitus naturaliter tendat in aliquid, profecto non erit in potestate appetentis applicare suum appetitum ad illud. Ex hoc igitur quod appetitus naturaliter tendit in vltimum finem, euidenter sequitur, quod de vltimo fine non sit consensus.

Altera pars conclusionis, & tota Conclusio simul. probatur. De his solum est consensus, de quibus est consilium. Sed De fine non est consilium, sed solum de his, quæ sunt ad finem: vt dictum est quæst. præced. art. 2. Ergo Consensus non est de fine, sed solum de his, quæ sunt ad finem.

Maiores prob. quia Consensus proprie, est applicatio appetitui motus, ad id, quod consilio determinatum est. Vnde appetitus eorum, quæ sunt ad finem, præsupponi determinationem consilij. Igitur de eisdem est consensus, & consilium, & consensus necessario præsupponit consilium, quod non est nisi de his, quæ sunt ad finem.

Ad Argumenta.

Ad 1. Neg. conseq. Non enim ex hoc, quod consentimus his, quæ sunt ad finem propter finem, sequitur, quod magis consentiamus fini: sed bene hoc sequitur, quod de fine sit aliquid maius ipso consensu, & hoc verum est: nam de fine est ipsa simplex voluntas: finem enim appetimus, & in eum inclinamur, non mediante consilio,

& consensu, sed naturaliter, per simplicem actum eiusdem voluntatis. Sicut etiam a simili, ex hoc, quod habemus scientiam conclusionum propter principia, non sequitur, quod magis de principijs habeamus scientiam, sed bene sequitur, quod de principijs sit aliquid maius scientia, scilicet habitus intellectus, & secundum hoc, ad probationem consequentia dicitur, quod illa maxima probat, quod quia inheremus his, quæ sunt ad finem, propter finem, quod magis, & prius inhereamus ipsi fini, non quidem per consensum, sed per aliquid maius, scilicet per simplicem actum voluntatis.

Ad 2. Neg. conseq. Ad prob. dicitur, quod finis intemperati, non est eius actio, sed est electio, quæ ex illa actione procedit, propter quã tanquam propter finem consentit in ipsam operationem.

Ad 3. Neg. conseq. Ad prob. dicitur, quod electio, & consensus semper differunt secundum rationem: Electio enim addit supra consensum quandam relationem respectu eius, cui aliquid præeligitur, & ideo post consensum adhuc restat electio. Secundum rem vero aliquando differunt, & aliquando sunt idem, Contingit enim aliquando esse multa ducentia ad eundem finem, quorum quodlibet placet ei, qui vult consequi finem, & in quodlibet horum consentit: tamen, ex illis multis: vnum præeligit, & in hoc casu consensus, & electio realiter differunt, quia consensus est de omnibus illis, per quæ finis consequi potest, electio vero est de vno illorum tantum. Si autem vnum tantum sit medium consequendi finem, consensus, & electio differunt quidem rationem, sed realiter idem sunt: Nam in hoc casu consensus, & electio sunt de eodem, scilicet de eo, quod est ad finem, de ipso inquam est consensus quatenus placet, & de eodem est electio, quatenus illud præfertur his, quæ non placent. Sicut Si quis facturus sit iter per terram, plura occurrunt per quæ iter consici potest, puta equus, currus, pedester incedere, &c. & potest esse, vt in omnibus his consentiat, sed postea vnum præcesteris eligit, & tunc aliud est consentire, & aliud est eligere. Si vero sit transcendendum mare, vnum tantum occurrit medium, quod est navis, & tunc de nauigando est consensus, quatenus placet, & de eodem est electio quatenus præfertur hoc, quod est transire nauigio, his, quæ non placent, puta na rationi, & in hoc casu consensus, & electio sunt idem re, & differunt solum ratione.

Patet igitur, quid sit dicendum ad probationem conseq. Consensus enim, & electio semper ratione differunt, & aliquando etiam realiter, vt dictum

etm est : & patet etiam quam bene dixerit Damascenus in inducta autoritate, quod post consensum, sequitur electio, ita vt prius sit consensu, deinde sequatur electio.

ARTICVLVS IV.

Vtrum consensus ad agendum pertineat solum ad superiorem animæ partem.

Pro Negatiua.

Videtur, quod Consensus ad agendum, non pertineat semper ad superiorem rationem.

1. Consensus in delectationem, quæ ex operatione procedit, pertinet ad inferiorem rationem, vt August. dicit lib. duodecimo. de Trinitate. cap. 12. Ergo Consensus in actionem, non pertinet solum ad superiorem rationem.

Conseq. prob. quia Delectatio consequitur operationem, & perficit eam, sicut decor iuuentutē, vt dicitur 10. Ethic. cap. 4.

2. Producere operationes voluntatis, pertinet ad multas potentias. Ergo Consensu in has actiones, non solum ad superiorem rationem, sed etiam ad alias potentias pertinet.

Conseq. prob. quia Actiones, in quas consentimus, sunt voluntarie.

3. Homo multoties consentit in actum, non propter rationes æternas, sed propter aliquas rationes temporales, vel etiam propter aliquas animæ passiones. Ergo Consensu in actiones non pertinet ad solam superiorem rationem.

Conseq. prob. quia Superior ratio intēdit etiam in inspicendis, & consulendis, vt August. dicit 12. de Trin. cap. 7.

Pro Affirmatiua.

August. 12. de Trin. cap. 12. dicit. Non potest peccatum efficaciter perpetrandum mente decerni, nisi illa mentis intentio, penes quam summa potestas est membra in opus mouendi, vel ab opere cohibendi, male actioni cedat, & seruiat.

Determinatio.

Concl. Consensus in actum pertinet ad rationem superiorem, secundum, quod in ea voluntas includitur.

Prob. Ad illam animæ partem, ad quam pertinet finalis sententia de agendis, pertinet etiam consensus in actum. Sed Ad rationem superiorem pertinet finalis sententia de agendis. Ergo Ad rationem superiorem pertinet consensus in actum.

Maiores. Prob. quia Finalis sententia de agendis est ipse consensus ad agendum.

Minor prob. Ad illum pertinet finalis sententia de agendis, ad quem pertinet de omnibus iudicare. Sed Ad rationem superiorem pertinet de omnibus iudicare. Ergo Ad rationem superio-

rem pertinet finalis sententia.

Maiores huius prob. quia Quamdiu iudicandum restat, quod proponitur, nondum datur finalis sententia, Vnde ad quem spectat finalis sententia, debet de omnibus iudicare.

Minor huius prob. quia De sensibilibus per rationem iudicamus, de his vero, quæ ad rationes humanas pertinent, iudicamus secundum rationes diuinas, quæ pertinent ad rationem superiorem. Superior igitur ratio iudicat de omnibus; de sensibilibus inquam iudicat per humanas rationes, & de intelligibilibus per rationes diuinas.

Ad argumenta.

Ad 1. Dicitur ad antecedens, quod Delectatio est duplex. Quædam est, quæ provenit ex ipso opere: & huiusmodi delectatio pertinet ad rationem superiorem, sicut etiam ad eandem pertinet consensus in opus. Quædam vero est delectatio, quæ procedit ex cogitatione operis, ex hoc scilicet, quod quis cogitat de aliquo opere. Sed huiusmodi delectatio potest considerari dupliciter. Vno modo, vt est operatio quædam, & sic iterum consensus in delectationem, quæ ex tali cogitatione provenit, ad superiorem rationem pertinet, quia de hoc ipso, quod est cogitare, vel non cogitare, in quantum cogitatio consideratur vt actio quædam, habet iudicium superioris ratio, & similiter de delectatione eam consequente. Alio vero modo consideratur delectatio, vt ordinatur ad opus, & tunc delectatio sequens cogitationem, ad inferiorem rationem pertinet. Quod enim ad aliud ordinatur, ad inferiorem partem, vel potentiam pertinet, quam pertineat finis ad quem ordinatur. Vnde ars, quæ est de fine, architectonica, seu principalis vocatur.

Negatur igitur vniuersaliter antecedens. Non enim omnis consensus in quancumque delectationem, ad inferiorem rationem pertinet, sed solum consensus in delectationem, quæ accipitur vt actio ad aliud ordinata.

Ad 2. Neg. conseq. Ad prob. dicitur, quod ex hoc, quod actiones, in quas consentimus, sunt voluntarie, non sequitur, quod consensus sit cuiuslibet potentie, sed solius voluntatis, a qua actiones aliarum potentiarum voluntarie dicuntur. Et quia voluntas est in superiori ratione, ideo ad superiorem solum rationem pertinet consensus.

Ad 3. Dicitur ad Anteced. quod ratio superior dicitur consentire, non solum per hoc, quod secundum rationes æternas semper moueat ad agendum, sed etiam quia secundum rationes æternas non dissentit agere.

Quæ

QVÆSTIO XVI.

DE VSV.

ARTICVLVS I.

Vtrum vsus sit actus voluntatis.

*Pro Negativa.***V**idetur, quod vsus non sit actus voluntatis.

1. Refertur aliquid ad aliud, est actus rationis, & non voluntatis. Sed Vti est referre aliquid ad aliud. Ergo Vtus non est actus voluntatis, sed rationis.

Maiores. quia Rationis est conferre, & ordinare. Minor. quia Aug. dicit vnde Doct. Christi. ca. 4. quod vti est id, quod in vsum venit, ad aliud obtinendum referre.

2. Quod sequitur actum potentie executivæ, non potest esse actus voluntatis. Sed Vtus sequitur actum potentie executivæ. Ergo Vtus non est actus voluntatis.

Maiores. quia Cū executio sit ultimum, nō potest actus voluntatis sequi actum potentie executivæ.

Minor. quia Dam. 2. ord. fid. cap. 22. dicit, quod Homo impetum facit ad operationem, & dicitur imperus, (id est executio) operationis, deinde vti-
tur, & dicitur vsus. Ex quibus verbis patet, quod vsus est post executionē, & per consequens, quod vsus est post actum potentie executivæ.

3. Iudicare de rebus à Deo creatis, non pertinet ad voluntatem. Sed Vti est iudicare de rebus à Deo creatis. Ergo Vti non est actus voluntatis.

Maiores. quia Iudicare de rebus à Deo creatis, pertinet ad rationem speculativam, quæ omnino separata videtur a voluntate.

Minor. quia Aug. dicit lib. 83. qq. quest. 3. quod Omnia, quæ facta sunt, in vsum hominis facta sunt, quia omnibus vtiitur ratio, iudicando ea, quæ hominibus data sunt.

Pro affirmativa.

Aug. 10. de Trin. c. 11. dicit, quod Vti est assumere aliquid in facultatem voluntatis.

Determinatio.

Concl. Vti, primo, & principaliter, tanquam primi moventis, est actus voluntatis, est autem actus rationis tanquam dirigentis, & actus aliarum potentiarum tanquam exequutarum.

Prob. prima pars, scilicet quod vsus sit actus voluntatis, vt primi moventis. Potentia, ad quam pertinet applicare omnes alias potentias ad suos proprios actus, est uti tanquam primi moventis. Sed Ad voluntatē pertinet applicare omnes alias potentias ad suos proprios actus. Ergo Vtus est voluntatis, ut primi moventis.

Maiores prob. quia Vtus rei importat applicationem ipsius rei ad aliquam operationem, vnde & operatio, ad quam applicamus aliquam rem, dicitur usus ipsius rei, sicut equitare est usus equi, & percutere est vsus baculi. Ea autem, quæ applicantur ad operationes, sunt principia interiora, quæ scilicet sunt in ipso homine operante, & res exteriores. Principia interiora, sunt ipse potentia animæ, siue rationalis, ut est intellectus, siue sensitiva, ut sensus, & membra corporis. Vnde intellectus applicatur ad intelligendum, oculus ad videndum, manus ad percutiendum. Res autem exteriores sunt, ut scilicet applicatur ad secundum, & securis ad sciendum, & sic de alijs. Res tamen exteriores non applicantur ad operandum, nisi per aliqua intrinseca principia, quæ sunt, vel potentia, vel habitus potentiarum, vel organa, quæ sunt membra corporis. Ad eam igitur potentiam pertinebit usus, ad quam pertinet applicare ipsas potentias ad suas operationes.

Minor ostenditur, quia Voluntas est, quæ movet omnes alias potentias ad suos actus, ut dictum est in quest. 9.

Secunda conclusionis pars. scilicet quod usus sit rationis, ut dirigentis, probata remanet, ex primo argumento allato pro negativa, in quo probatur, quod rationis est conferre unum alteri.

Tertia pars prob. quia Omnes alia potentie comparantur ad voluntatem, à qua applicantur ad agendum, ut instrumenta ad principale agens. Et quia actio nō attribuitur instrum. sed principali agenti, sicut edificare, edificatoris, & nō instrumenti, est opus; propterea usus proprie est actus voluntatis: & hæc est conclusio directe responsiva quæ sita, quæ ad maiorem claritatem proponitur, & probatur.

2. Concl. Vtus proprie est actus voluntatis.

Prob. Actus conveniens alicui, vt principali agenti, est eius proprius. Sed Vti, convenit voluntati, ut principali agenti, ut superius est probatum, alijs vero potentis ut instrumentis. Ergo Vti est proprius actus voluntatis.

Ad argumenta.

Ad 1. Dicitur ad minorem, quod Vti, non essentialiter referre unum alteri, hoc enim est actus rationis, & præsupponitur vsui, sed vsus est tendere in id, quod est per rationem ad aliud relatum, & hoc pertinet ad voluntatem, & sic est intelligenda sententia Augusti. inducta ad probandam minorem, scilicet quod vsus est referre, id est præsupponit unum esse alteri per rationem relatum.

Ad 2. Negatur simpliciter minor. Ad probationem, dicitur quod Damasc. loquitur de vsu, secundum quod pertinet ad potentias executivas.

Ad 3. Dicitur ad maiorem, & ad eius probationem, quod iudicare non est actus voluntatis, tamen applicare intellectum, speculativum ad actum iudicandi, vel intelligendi ad voluntatem pertinet.

ARTICULUS II

Vtrum vti, conveniat brutis animalibus.

Pro Affirmativa.

Videtur, quod vti, conveniat brutis animalibus.

1. Quibus convenit frui, multo magis convenit vti. Sed Brutis animalibus convenit frui, ut dictum est. quæst. 12. art. 2. Ergo Multo magis eisdem convenit vti.

2. Maior prob. quia Frui, quid nobilius est, quam vti: Nam August. dicit in 10. de trinitate. 10. quod vivimus eis, quæ ad aliud referimus, quo fruendum est.

3. His, quæ applicant sua membra ad aliquid agendum, convenit vti. Sed Animalia bruta applicant sua membra ad aliquid agendum, ut pedes ad ambulandum, cornua ad percundum &c. Ergo Animalibus brutis convenit vti.

4. Maior prob. quia applicare membra ad agendum, est vti membris.

Pro Negativa.

Aug. dicit in lib. 83. quæst. 30. quod vti, aliquid non potest, nisi animal, quod est participes rationis.

Determinatio.

Conclusio Animal rationale solum consentit, & vti.

Prob. Illud potest vti, quod potest applicare principium actionis ad ipsam actionem. Sed Solum rationale animal potest applicare principium operationis ad operandum. Ergo Animal rationale solum, & non bruta, potest vti.

Maior prob. quia Vti, est applicare principium actionis ad operandum, sicut consentire est applicare motum appetitus ad appetendum, ut dictum est. quæst. præced. art. 2.

Minor prob. quia Applicare aliquid ad aliud, non est nisi eius, quod habet super illud liberum arbitrium, quod non est nisi eius, qui sit reſer- vatus aliquid in alterum, quod ad rationem pertinet.

Ad Argumenta.

Ad 1. Negatur maior. Ad prob. dicitur, quod vti, & frui dupliciter comparari possunt. Uno modo respectu obiecti. Alio modo respectu potentie apprehensivæ, cuius actus præsupponitur, tam frui, quam vti. Si comparantur respectu obiecti, frui, nobilius est, quam vti, & ratio est, quia frui

respicit bonum absolute, quod scilicet est secundum se appetibile, & vti, respicit, quod est appetibile in ordine ad aliud: Nobilius autem est, quod est secundum se appetibile, quam illud, quod est appetibile in ordine ad aliud. Si vero comparentur quantum ad vim apprehensivam præcedentem, maior nobilitas requiritur ex parte vti: Et ratio est, quia vti, requirit solum potentiam apprehensivam, sive sit sensus, sive intellectus: per quamcumque enim potentiam apprehendatur obiectum, potest appetitus frui: Vti autem requirit potentiam non solum apprehendentem, sed ordinantem unum alteri, quod quia est actus superioris rationis, ideo vti invenitur solum in habentibus rationem. Et ex hac parte, nobilius est vti, quam frui.

Ad 2. Dicitur ad minorem, quod Animalia bruta agunt quidem per sua membra, non tamen dicuntur proprie applicare sua membra ad agendum: & ratio est, quia ad hoc, ut quis dicatur applicare aliquid ad agendum, requiritur, ut non solum per illud aliquid operetur, sed vti in necessarium est, ut cognoscatur ordinem ipsius ad operationem, ad quam fit applicatio. Et quia animalia non cognoscunt ordinem propriorum membrorum ad proprias operationes, sed naturali instinctu operantur, ideo non dicuntur proprie applicare membra ad operandum.

ARTICULUS III

Vtrum vti possit esse etiam ultimus finis.

Pro Affirmativa.

Videtur, quod vti possit esse etiam ultimus finis.

1. Cuius est frui, est etiam vti. Sed Vtini finis est frui: Ergo Vtini finis est etiam vti.

2. Maior prob. quia Aug. dicit 10. de civitate. 11. quod omnis, qui fruatur, vivit.

3. Eius, quod potest assumi in facultatem voluntatis, est vti. Sed Finis assumitur in facultate voluntatis. Ergo Vti est etiam vti finis.

Maior prob. quia Aug. dicit ibidem, quod vti, est assumere aliquid in facultatem voluntatis.

4. Spiritus sancti est vti, ut Hilarius dicit 2. de trinitate. Sed Spiritus sanctus est vti finis. Ergo Vtini finis est vti.

Minor. Quia Spiritus sanctus est Deus.

Pro Negativa.

Deo nullus recte vti, dicit Aug. lib. 83. quæst. 30. Sed Solus Deus est vti finis. Ergo Vtini finis non est vti.

Determinatio.

Concl. Vti non est vti finis, in quantum est vti finis.

ultimus finis, sed semper est eorū, quæ sūt ad finē.
 Probat, deinde declaratur, Probatur autem dupliciter.

Primo. Illud, quod importat applicationem alicuius ad aliqd, non est ipſius vltimi finis, in quantum finis, sed eorum, quæ sunt ad finem. Sed vti, importat applicationem alicuius ad aliqd, vt dictum est. Ergo Vti, non est ipſius vltimi finis, sed solum eorum quæ sunt ad finem.

Maior. quia id, quod applicatur ad aliqd, nō habet rōnē vltimi finis, sed eius, quod est ad finē.

Secundo Prob. concl. quia Propter hoc ea, quæ sunt ad finem accomoda, dicuntur vtilia, & ipsa vtilitas interdum vsus nominatur.

Deinde declaratur cōclusio, quo ad illa verba, In quantum vltimus finis. Pro quo est considerandum, quod aliquid dicitur finis vltimus dupliciter. Vno modo simpliciter. Alio modo respectu alicuius, siue quo ad aliquem. Finis vltimus simpliciter, dicitur ipsa res, propter quam aliquis agit, vt eam consequatur. Finis vero vltimus, non simpliciter, sed respectu alicuius, est ipsa rei possessio. Sicut pecunia est finis vltimus secundum se simpliciter, possessio vero eius est finis vltimus non simpliciter, sed respectu inordinati affectus avari. Possessio. n. pecunie non est vltimus finis in actione, qua acquiritur pecunia, quia ipsa possessio pecunie non est bona secundum se, sed propter bonum pecunie. Avarus tamen ordinat ipsam pecuniam, quæ est vltimus finis, ad possessionem pecunie, quæ possessio est finis solum respectu huius scilicet avari.

Quis igitur potest vti vltimo fine, vt facit avarus, qui vtiur pecunia, quæ supponebatur vltimus finis, ordinando eam ad eius possessionē, sed tunc pecunia nō habet rationem vltimi finis, sed eius, quod est ad finem, & propter hoc dictum est in conclusione, quod vltimi finis, in quantum vltimus finis, non est vsus.

Ad Argumenta.

Ad 1. Neg. maior. Ad prob. dī, quod vsus sumitur dupliciter. Vno modo proprie. Alio modo cōmuniter. Vtus proprie sumptus est referre ea, quæ sunt ad finem, ad ipsū finē vt quando quis vtiur baculo ad percutiendum, pecunia ad emendum, & his similibus. Vti vero improprie dicitur de quocunq; ordinato quocunq; mō ad aliqd, siue illud, ad quod res ordinatur, sit vere finis, vel non. August. igitur quando dicit, quod omnis, qui fruitor, vtiur, locutus est de vsu cōmuniter accepto, quatenus scilicet aliquis ordinat finē, quo fruitor ad ipsam fruitionem: non autem loquitur de vsu proprie accepto. Quia obiectum, quo quis fruitor, non ordinatur ad fruitionem, ut id, quod

est ad finē ad ipsū, sed potius cōuerso, finitio ordinatur ad obiectū, ut alias supra dictum est.

Ad 2. Dī, quod assumi aliquid in facultatē voluntatis contingit dupliciter. Vno modo, ut voluntas in eo quiescat: & tunc res assumitur in ordine ad usum eius. Alio modo, assumitur aliquid in facultatem voluntatis in ordine ad aliam rem, in qua voluntas debet quiescere. Sicut Mercator assumit in facultatem suā voluntatis mercaturam, & pecuniam, quam per mercaturā lucratur, sed diuerso modo. Mercaturā assumit in facultatem suā voluntatis, non ut quiescat in mercatura, sed ut per mercaturam lucretur pecunia. Ipsam vero pecuniam assumit in facultatem voluntatis, ut in ea quiescat, & in ordine solū ad usum eius. Assumere aliquid primo modo, nō est proprie vti, sed potius frui. Assumere vero aliquid secundo modo, est proprie vti. Ad Maiorem igitur dicitur, quod est vera de eo, quod assumitur in facultatem voluntatis secundo modo, & nō aliter. Et ad minorem dicitur, quod finis assumitur in facultatem voluntatis solum primo modo: non inquam in ordine ad aliqd, sed solum in ordine ad usum eius.

Ad 3. Neg. maior. Ad prob. dicitur, quod vsus accipitur in verbis Hilarij pro quiete in ultimo fine, & non pro eo, quod est ordinare aliquid in aliqd, quod est proprie vti.

ARTICVLVS IV.

Vtrum vsus præcedat electionem.

Pro affirmatiua.

Videtur, quod vsus præcedat electionem. Quod præcedit executionem, præcedit etiam electionem. Sed vsus præcedit executionem. Ergo vsus præcedit electionem.

Maior. quia post electionē, nihil sequitur, nisi executio. Vnde non poterit esse aliquid præcedens executionem, quin præcedat et electionem, alioquin, post electionem esset aliqd præ executionē.

Minor. quia vsus est actus voluntatis, executio vero est actus aliarum inferiorum potentiarum.

2. Quod est minus relativum, præcedit, quod est magis relativum. Sed vsus est quid minus relativum, quam sit electio. Ergo vsus præcedit electionem.

Maior prob. quia Absolutū præcedit relativū. Ergo Quod est minus relativum, præcedit, quod est magis relativum, eo quod magis relativum, minus habeat de absoluto, & minus relativum magis absoluti naturam sapiat.

Minor probatur. Quia electio importat duas relationes. Vnam eius, quod eligitur ad finem. Aliam vero ad id, cui præeligitur. Vtus autem importat solum relationem ad finem.

3. Consensus præcedit electionem, vt dictū est, q. 15. art. 3. Ergo Etiam vsus præcedit electionem.

N 2 Conseq.

Maior. quia Sicut ad id, quod est subiectum, pertinet imperari, ita imperare, ad id, quod est maxime liberum.

Minor. quia Radix libertatis in voluntate inuenitur.

3. Illud, ad quod statim sequitur operatio, non est actus rationis. Sed ad Imperium statim sequitur operatio. Ergo Imperium non est actus rationis.

Maior. Ad actum rationis non sequitur operatio statim: Non enim omne, quod quis iudicat esse faciendum, statim illud operatur.

Quod sit actus rationis.

Appetitus obedit rationi, ut dicit Greg. Nisen. lib. 4. cap. 9. & Phil. 1. Ethic. cap. ult. Ergo Ratio-
nis est imperare.

Determinatio.

Conclusio. Imperare est actus rationis, præsupposito tamen actu voluntatis.

Prob. Actus, de cuius ratione sunt ordinatio vnius ad alterum, intimatio, & motio, est rationis, præsupposita voluntate. Sed Imperare est actus, de cuius ratione est ordinatio vnius ad alterum, intimatio, & motio. Ergo Imperare est actus rationis, præsupposito actu voluntatis.

Maior. quia Ordinare, & intimare sunt actus rationis. Mouere autem est actus voluntatis, ut potest quæ primo mouet alias potentias ad proprias operationes.

Minor. quia Imperans ordinat eum, cui imperat, ad aliquid agendum, intimando, uel denunciando: quæ quidem intimatio potest fieri dupliciter. Vno modo indicando solum, & hæc intimatio exprimitur per uerbum indicatiui modi: sicut si quis alteri dicat, tu debes hoc facere. Et hic modus intimandi adhuc non habet perfecte rationem imperij: quia deficit motio. Alio igitur modo fit intimatio, non solo indicando actionem, sed mouendo ad ipsam, & hæc exprimitur per uerbum imperatiui modi, puta cum dicitur alicui. Fac hoc. Et tunc intimatio habet rationem imperij. Vnde patet, quod ad actum imperij concurrunt Ordinatio, Intimatio, & Motio. Et sic relinquitur quod Imperare sit actus rationis essentialiter, & elicitive: eo quia ordinare, & intimare, quæ se habent ut materiale in actu imperandi, sunt a ratione. Et quod sit actus voluntatis, ut primi mouentis.

Ad Argumenta.

Ad 1. Dicitur ad maiorem, quod ad potentiam motiuam pertinet etiam imperare tanquam ad primum mouens, non autem elicitive, & essentialiter. Ad probationem dicitur, quod imperare non est mouere tantum, sed est mouere cum quadam ordinatione & intimatione: & quia ordina-

re, & intimare sunt actus rationis, propterea imperare est essentialiter actus rationis. Voluntatis autem est ut primi mouentis, quatenus scilicet in actu intellectus est uirtualiter actus uoluntatis.

Ad 2. Dicitur ad maiorem, & ad eius probationem, quod Voluntas est maxime libera, ut subiectum libertatis, in Causa uero libertatis est ratio. Ideo enim uoluntas potest uelle hoc, uel illud, quia ratio potest plura apprehendere. Vnde cum causa libertatis sit ipsa ratio, ad ipsam etiam pertinet essentialiter imperare.

Ad 3. Dicitur ad maiorem, quod ad actum rationis precise non sequitur actio, sed tamen ad actum rationis, qui est, præsupposito actu uoluntatis, sequitur actio. Et quia imperare non est actus rationis absolute, sed solum quatenus est cum quadam motione, quæ ad uoluntatem pertinet, ideo ex imperio sequitur actio.

ARTICVLVS II.

Vtrum Imperare pertineat ad animalia bruta.

Pro Affirmatiua.

Videretur, quod Imperare conueniat brutis animalibus.

1. His, in quibus inuenitur uirtus imperatiua, & executiua motus, conuenit imperare. Sed In brutis inuenitur uirtus imperatiua, & executiua motus. Ergo Brutis conuenit imperare.

Minor. quia Virtus imperans motum est appetitus, & exequens est, quæ inuenitur in musculis, & nervis, quarum utraque in brutis inuenitur.

2. Ad ea, quæ sunt composita ex anima, & corpore, pertinet imperare. Sed Bruta sunt composita ex anima, & corpore. Ergo Ad Bruta pertinet imperare.

Maior. quia Corpus comparatur ad animam, ut seruus ad dominum, ut dicitur 1. Politicorum cap. 1. Vnde animæ erit imperare, & corporis imperari.

3. His, in quibus inuenitur imperus ad opus, conuenit imperare. Sed In brutis inuenitur imperus ad opus, ut Dam. dicit. lib. 2. c. 72. Ergo In Brutis est imperium.

Maior. quia Homo per imperium facit imperium ad opus.

Pro Negatiua.

Vbi est Imperium, est etiam ratio. In Brutis non est ratio. Ergo In Brutis non est imperium.

Maior. quia Imperium est actus rationis, ut dictum est art. 1.

Determinatio.

Conclusio. Impossibile est, quod in brutis animalibus sit aliquo modo Imperium.

Prob. Actus, de cuius ratione est ordinare aliquid ad agendum, cum quadam intimatiua motione, non potest esse in brutis. Sed Imperare, est actus, de cuius ratione est ordinare aliquid ad agendum, cum quadam intimatiua motione, ut dictum est. Ergo Imperare non conuenit brutis.

Maiores, quia Ordinare est proprius actus rationis, quæ in brutis non inuenitur.

Ad Argumenta.

Ad 1. Dicitur, quod aliquid esse imperatiuum cõtingit dupliciter. Vno modo proprie. Alio modo large, & improprie. Esse imperatiuum proprie, est mouere rationem imperantem. Esse imperatiuum improprie, est esse motiui aliquo modo. Ad formam igitur neg. minor. Ad probationem dñ, quod in brutis virtus appetitiua non potest dici proprie imperatiua, cum non sit motiua rationis imperantis, sed solum improprie, quatenus est motiua aliarum potentiarum, quæ in brutis reperiuntur, quæ motio large imperium dici potest.

Ad 2. Neg. vniuersaliter maior. In brutis. n. animalibus corpus habet vñde obediat, sed anima nõ habet vñ imperet, quia nõ habet vñ ordinem, & ideo non est ibi ratio imperantis, & imperati, sed solum mouentis, & moti.

Ad 3. Dicitur ad maiorem, & ad eius probationem, quod non quilibet impetus ad opus est imperium, sed ille tantum, qui est ex ordine rationis, qui uero est ex naturæ instinctu, est quidem impetus, sed non imperium, & hic impetus solus, qui est ex instinctu naturæ, inuenitur in brutis, sed non imperium.

ARTICVLVS III.

Vtrum Vfus præcedat imperium.

Pro Affirmatiua.

Videtur, quod Vfus præcedat imperium.

1. Actus voluntatis præcedit actum rationis, præsupponentem actum voluntatis. Sed Imperium est actus rationis, qui præsupponit actum voluntatis. Vfus vero est actus voluntatis, ut dictum est. Ergo Vfus præcedit imperium.

2. Eorum, quæ ordinantur ad finem est Vfus. Sed Imperium est aliquid eorum, quæ ordinantur ad finem. Ergo Imperij est Vfus. Ergo Vfus præcedit imperium.

3. Commune præcedit proprium. Sed Vfus est quoddam commune respectu imperij. Ergo Vfus præcedit imperium.

Minor. Omnis actus potentie motæ a voluntate dicitur Vfus: vtitur. n. voluntas alijs potentijs

mouendo eas, ut dictum est. Sed Imperij est actus rationis, ut motæ a voluntate, ut dictum est. Ergo Imperium est quiddam Vfus. & sic Vfus est cõe quoddam ad Imperij, & ad cõsuetudinem omnium aliarum potentiarum, ut mouentur a voluntate.

Pro Negatiua.

Imperius ad operationem præcedit vsu. ut Dñm. dicit lib. 2. cap. 22. Sed Imperium est id, per quod fit impetus ad operationem. Ergo Imperium præcedit vsum.

Determinatio.

Dist. Vfus dupliciter sumitur. Vno modo pro actu voluntatis mouentis rationem ad referendum ad finem ea, quæ sunt ad finem, sicut quod sunt in intentione. Alio modo pro actu voluntatis mouentis potentias executivas ad suas operationes. Quæ distinctio exposita est quæst. præced. art. vltimo.

1. Conclusio. Vfus, ut sumitur pro actu voluntatis mouentis rationem ad referendum ad finem ea, quæ sunt ad finem, secundum quod sunt in intentione, præcedit imperium.

Prob. Vfus sic sumptus præcedit electionem, ut in art. 3. præced. quæst. probatum est. Ergo Multo magis præcedit imperium.

Conseq. prob. quia Imperium est post electionem.

2. Conclusio. Vfus, ut est actus voluntatis mouentis potentias executivas ad suas operationes, non præcedit imperium, sed ipsum sequitur semper ordine naturæ, & aliquando etiam tempore.

Prob. Imperium præcedit ordine naturæ, & aliquando etiam tempore actum eius, cui imperatur. Ergo Imperium præcedit Vsum sic acceptum.

Antec. manifestum est ex se: Prius. n. naturaliter est actus eius, qui imperat, quàm sit actus eius, qui imperio obedit, & aliquando etiam contingit, ut sit prius tempore, puta quando ille, cui fit imperium, non statim obedit.

Conseq. prob. quia Vfus semper est cõiunctus cum actu eius, quo quis vititur. Sicut actus voluntatis, qui vititur potentia visiva, est simul cum actu oculi videntis. Tunc. n. volũtas vititur potentia visiva, cum ipsa videt: & tunc aliquis vititur baculo, cum per baculum aliquid operatur, ita ut simul sit vsum baculi, & actus baculi. Vñ cum vsum necessario sit simul cum actu rei, de qua est vsum, & imperium natura semper, & aliquando etiam tempore præcedat actum rei imperate, sequitur manifeste, quod Imperium præcedat Vsum.

Ad Argumenta.

Ad 1. Dicitur, quod maior non est vniuersaliter vera. Verum est enim, quod aliquis actus voluntatis præcedit aliquem actum rationis, præsupponentem actum voluntatis: sicut velle, quod est actus voluntatis, præcedit eligere, quod est actus

voluntatis, & rationis. Tamen aliquis actus voluntatis sequitur actum rationis præsupponentem alium actum voluntatis. Sicut in proposito, electio, quæ est actus voluntatis, præcedit imperium, quod est actus rationis præsupponens actum voluntatis. Sic igitur ordinantur isti actus. Prius enim est Consilium, qui est actus rationis, Consilium sequitur Electio, quæ est actus voluntatis, Electionem sequitur Imperium, quod est actus rationis, & tandem Imperium sequitur Vfus. Et sic patet, quod maior vniuersaliter non est vera, quia in proposito non verificatur.

Ad 2. Negatur vltima conseq. Ex hoc enim, quod Imperium est obiectum vsus, non solum, non sequitur, quod Vfus præcedat Imperium, sed potius sequitur oppositum. Sicut enim actus sunt preui potētis, ita obiecta, actibus. Vnde cum imperium sit de vsu tantum de obiecto, sequitur quod imperium sit prius Vsu.

Ad 3. Dicitur ad minorem, & ad eius probationem, quod actus, quo voluntas vtitur ratione, mouendo ipsam ad referendum, & ad ordinandum in finem ea, quæ sunt ad finem, antequam ipse finis perfecte secundum rem habeatur, præcedit actum, quo voluntas imperat potētis executionis, vt in prima conclus. dictum est: Tamen hunc actum voluntatis præcedit aliud imperium rationis, quo scilicet ratio imperat voluntati, ut moueat ipsam rationem, ad ordinandum, & conseruandum de his, quæ sunt ad finem, & hoc accidit, quia huiusmodi actus supra seipsos inuicem reflectuntur.

ARTICVLVS IV.

Vnum Imperium, & actus imperatus sint vnus, vel diuersi actus.

Quod non sint vnus.

Videtur, quod Actus imperatus non sit vnus actus cum imperio.

1. Actus diuersarum potētiarū sunt diuersi. Sed Imperium, & actus imperatus sunt actus diuersarum potētiarum. Ergo Imperium, & actus imperatus sunt diuersi actus.

Minor prob. quia Alia est potētia imperantis, & alia, cui imperatur.

2. Actus, qui possunt ab inuicem separari, sunt diuersi. Sed Imperium, & actus imperatus possunt separari. Ergo Imperium, & actus imperatus sunt diuersi actus.

Minor. quia Nihil separatur a seipso.

Minor. quia Aliquando præcedit imperium, et non sequitur actus imperatus.

3. Quæcumque se habent sicut prius, & poste-

rius sunt diuersa. Sed Imperium, & actus imperatus se habent, ut prius, & posterius. Ergo Imperium, & actus imperatus sunt diuersi.

Minor: quia Imperium, saltem naturaliter, præcedit actum imperatum.

Quod Imperium, & actus imperatus sint vnus actus.

Vbi est vnum propter alterum, ibi est vnum tantum, ut dicit Phil. lib. 2. Topic. ca. 2. Sed Actus imperatus est propter imperium. Ergo Imperium, & actus imperatus sunt vnum tantum.

Determinatio.

Distinctio. Cum omnia multa sint aliquo modo vnum, ut Dion. ostendit in ultimo cap. de diuin. nom. Aliqua possunt dici multa dupliciter. Vno modo simpliciter, alio modo secundum quid. Et similiter: aliqua possunt dici vnum dupliciter, videlicet simpliciter, & secundum quid.

1. Declaratur. Pro quo est sciendum, quod Vnum dicitur sicut ens, & tot modis dicitur vnum, sicut & ens. Ens autem dicitur dupliciter, scilicet Ens simpliciter, & Ens secundum quid. Ens simpliciter, dicitur substantia, Ens vero secundum quid, dicitur accidens, vel etiam ens rationis. Ea igitur, quæ sunt vnum secundum substantiam, sunt vnum simpliciter, & multa secundum quid. Quæ vero sunt diuersa secundum substantiam, & vnum secundum accidens, vel secundum rationem, sunt multa simpliciter, & vnum secundum quid. Sicut si accipiat aliquod totum de genere substantiæ, puta Homo, qui est totum substantiale, compositum ex suis partibus essentialibus, & integralibus, sunt anima, & corpus, & corporis membra: omnes huiusmodi partes sunt vnum simpliciter in toto, sed multe secundum quid. Et ex altera parte, populus est quoddam vnum secundum accides, vel secundum rationem, & multa simpliciter: sicut etiam aceruus lapidum est quoddam totum compositum ex pluribus, quæ sunt simpliciter plura, & vnum secundum quid. Et similiter ea, quæ conueniunt in genere, vel in specie, dicuntur plura simpliciter, & vnum secundum quid: quia sunt vnum solum secundum rationem. Sicut animalia, sunt vnum in animalia, & homines in specie humana, secundum quid, & sunt simpliciter plura, quia sunt vnum tantum secundum rationem.

Concl. Imperium, & actus imperatus sunt vnus actus humanus, sicut quoddam totum est vnum, sed est secundum partes multas. Vnum simpliciter, & plures secundum quid.

Prob. Ea, quæ se habent, ut materiale, & formale; & vnus simpliciter, & multa secundum quid. Sed Imperium, & actus imperatus se habent in moralibus, sicut materiale, & formale.

Ergo

Ergo Imperium, & actus imperatus sunt vñi, simplicititer, & multa secundum quid.

Maiores patet ex declaratione præmissæ distinctionis. Dictum est enim, quod ea, quæ constituit vnum totum simpliciter, vt sunt materia, & forma, sunt vnum simpliciter, & multa secundum quid. Vnde formale, & materiale erunt vnum simpliciter, & multa secundum quid in moralibus, sicut materia, & forma in naturalibus.

Minor prob. Actus superioris potentie se habet vt formale respectu actus inferioris potentie, qui se habet vt materiale. Sed Actus Imperans, est actus superioris potentie, & actus imperatus est inferioris potentie. Ergo Actus imperatus se habet vt materiale respectu imperij.

Maiores huius prob. quia Inferior potentia agit virtute superioris agentis, mouentis ipsam. Vnde etiam actus principalis mouetis formaliter se habet ad actum instrumentum. Sunt igitur Imperium, & actus imperatus, siue eiusdem voluntatis, siue rationis, siue potentiarum executionum, vnus actus moralis. In quo actu Imperium, & actus imperatus sunt vnum, vt formale, & materiale, & distinguuntur vt partes in toto, vt dictum est.

Ad Argumenta.

Ad 1. Dicitur, quod potentie sunt in duplici differentia. Quædam sunt adinuicem subordinatæ. Quædam vero non subordinantur in agendo. Tunc ad maiorem dicitur, quod est vera de actibus potentiarum non subordinatarum, vt sunt actus videndi, & audiendi, & huiusmodi: non autem est vera de actibus potentiarum, quæ in agendo subordinantur. Et ad minorem dicitur, quod Imperium, & actus imperatus, sunt actus potentiarum, quæ subordinantur. Imperium enim est actus voluntatis, quæ est vt primum mouens respectu aliarum potentiarum, & ideo actus voluntatis, quo alias potentias mouet imperando, & actus potentie motæ sunt vnus actus, & vnus motus, secundum quod dicitur 3. Phil. quod Vnus est actus mouentis, & moti.

Ad 2. Dicitur ad minorem, & ad eius probationem, quod ex hoc quod Imperium, & actus imperatus possunt separari, non habetur quod non sint vnum in toto, sed quod sint multæ, vt partes sunt multæ in toto. Sicut anima, & corpus sunt vnum in animali, & tamen possunt abinuicem separari: quia sunt vnum in toto, & partibus distinguuntur.

Ad 3. Similiter dicitur, quod probat Imperium, & actum imperatum aliquo modo differre, non autem, quod non sint vnum in toto. Non enim inconuenit partium, quæ sunt vnum in to-

to, vnâ esse altera prior. Anima enim est quodammodo prior corpore, & cor est prius cæteris membris.

ARTICVLVS V.

Vtrum actus voluntatis imperetur.

Pro Negatiua.

Videretur, quod Actus voluntatis non sit imperatus.

1. Velle non est actus imperatus. Sed Velle est actus voluntatis. Ergo Actus voluntatis non est imperatus.

Maiores prob. quia Aug. dicit 8. Conf. cap. 9. Imperat animus, vt velit animus, nec tamen facit.

2. Ei conuenit imperari, cui conuenit Imperium intelligere. Sed Voluntas non est intelligere imperium. Ergo Actus voluntatis non imperatur.

Minor. quia Voluntas differt ab intellectu, cuius est intelligere.

3. Si actus voluntatis imperatur, proceditur in infinitum in actibus imperantibus, & imperatis, quod est inconueniens.

Consequenter prob. quia Si vnus actus voluntatis imperatur, pari ratione omnes imperantur: & quia actus voluntatis præcedit actum rationis imperantis, qui actus voluntatis, si sit imperatus, illud imperium præcedet actus rationis, & sic erit manifestus processus in infinitum.

Pro Affirmatiua.

Omne, quod est in potestate nostra, subiacet imperio nostro. Sed actus voluntatis sunt maxime in potestate nostra. Ergo Actus voluntatis subiacent imperio nostro.

Minor. quia Omnes actus nostri, in tantum esse dicuntur voluntarij, in quantum sunt in potestate nostra.

Determinatio.

Conclusio. Actus voluntatis potest esse imperatus.

Prob. Ratio potest ordinare de actu voluntatis ipsamque potest ad agendum mouere. Ergo Actus voluntatis potest esse imperatus.

Antec. quia Ratio potest iudicare, quod bonum sit, aliquid velle, & inde ordinare, quod illud homo velit imperando.

Consequenter prob. quia Imperium nihil aliud est, quam actus rationis ordinantis cum quadam motione aliquid ad agendum.

Ad argumenta.

Ad 1. Negatur maior. Ad probationem dicitur, quod sicut Aug. ibidem dicit. Animus, quando perfecte imperat sibi, vt velit, tunc iam vult, sed quod aliquando imperet, & non velit, hoc

contingit ex hoc, quod non perfecte imperat. Im-
perfectum autem imperium contingit ex hoc, quod
ratio ex diuersis partibus mouetur ad imperan-
dum, vel non imperandum. Vnde fluctuat inter
duo, & non perfecte imperat.

Ad 2. Dicitur ad minorem, quod licet volun-
tas per se ipsam non intelligat imperium, tamen
homo intelligit imperium per intellectum, & hoc
sufficit. Sicut enim in membris corporis, quod li-
bet membrum operatur, non sibi soli, sed toti cor-
pori, ut oculus videt toti corpori, ita etiam est in
potentijs animæ, nam intellectus intelligit, non
solum sibi, sed omnibus potentijs. Et voluntas
vult, non solum sibi, sed omnibus potentijs, &
ideo homo imperat sibi ipsi actum voluntatis, in
quantum est intelligens, & volens: sicut enim ad
actum scribendi est necessarius visus, non qui-
dem manus scribentis, sed oculi, ita ad imperium
est necessaria cognitio, non eius, qui imperatur,
sed intellectus.

Ad 3. Negatur conseq. Non enim est pro-
cessus aliquis in infinitum, quia primus actus vo-
luntatis est ex instinctu nature. Vnde non impe-
ratur a ratione, sed est ab aliqua causa exteriori,
ut dictum est. quæst. 9. art. 4.

ARTICVLVS VI.

Vtrum Actus rationis imperetur.

Pro Negatiua.

Videtur, quod Actus rationis non possit esse
imperatus.

1. Ratio est, quæ imperat. ut art. 1. dictum est.
Ergo Actus rationis non imperatur.

Conseq. prob. quia Inconueniens videtur, ut
aliquid imperet sibi ipsi.

2. Potentia, cuius actus imperatur a ratione,
est ratio per participationem, ut dicitur 1. Ethicorum.
cap. vltimo. Ergo Actus potentia, quæ est
ratio per essentiam, non imperatur.

Conseq. prob. quia quod est tale per essen-
tiam, diuersum est ab eo, quod est tale per parti-
cipationem.

3. Ille actus imperatur, qui est in potestate
nostra. Sed Actus rationis non est semper in po-
testate nostra. Ergo Actus rationis non potest es-
se imperatus.

Minor prob. quia Cognoscere, & iudicare ve-
rum, quod est actus rationis, non est semper in po-
testate nostra.

Pro Affirmatiua.

Id, quod libero arbitrio agimus, nostro impe-
rio agi potest. Sed Actus rationis exercentur per
liberum arbitrium. Ergo Actus rationis possunt
esse imperati.

Minor prob. quia Damascenus libro secun-
do, de fid. c. vigesimo secundo, dicit quod libero
arbitrio homo Exquirat, scrutatur, & iudicat, &
disponit.

Determinatio.

1. Conclusio. Aliquis actus rationis potest es-
se imperatus.

Prob. Actus illius potentia, quæ potest ordi-
nare de actu suo, potest esse imperatus. Sed Ra-
tio potest ordinare de suo actu, sicut etiam de acti-
bus aliarum potentiarum. Ergo Actus aliquis ra-
tionis potest esse imperatus.

Maiores. quia Imperare est ordinare, aliquid ad
agendum.

Minor. quia Ratio reflectitur supra proprios
actus.

Qui actus rationis sint im- perati.

Dist. Actus rationis possunt dupliciter conside-
rari. Vno modo, quantum ad ipsum exercitiū.
Alio modo, quantum ad obiectum.

Prima subdist. Respectu obiecti, ratio hêt duos
actus. Vnus est ut apprehendat intelligibile. Al-
ter est, ut assentiat, vel dissentiat, intelligibili ap-
prehenso.

Secunda subdist. Intellectus assentit aliquibus,
vel dissentit ab eis dupliciter. Vno modo natura-
liter. Alio modo non naturaliter, sed aliqua ratio-
ne ductus. Naturaliter assentit intellectus primis
principijs, & ab eorum oppositis naturaliter dis-
sentit: Non naturaliter assentit, vel non assentit
his, quæ non ita conuincunt ipsum intellectum,
quin possit suspendere assensum, vel dissensum,
ut sunt ea, de quibus non habetur demonstratiua
ratio, vel clara terminorum euidencia.

2. Conclusio. Actus rationis, quo ad exercitiū,
semper potest esse imperatus.

Prob. quia Semper potest indici alicui, ut at-
tendat, & ratione vtatur.

3. Conclusio. Actus rationis, quo apprehendit
veritatem circa aliquod obiectum, non potest esse
imperatus.

Prob. Actus imperatus est in potestate nostra.
Sed Actus, quo ratio apprehendit veritatem, non
est in potestate nostra. Ergo Huiusmodi actus non
potest esse imperatus.

Minor prob. quia Quod ratio apprehendat ve-
ritatem circa aliquid, contingit per virtutem ali-
cuius luminis naturalis, vel supernaturalis.

4. Conclusio. Actus rationis, quo assentit pri-
mis principijs, vel ab eorum oppositis dissentit,
non est imperatus.

O Proba-

Probatur quia Assentire primis principiis, & ab eorum oppositis dissentire, non est in potestate nostra, sed convenit naturaliter intellectui. Unde huiusmodi actus, propriè loquendo, subiacer imperio nature.

5. Conclusio. Actus, quo intellectus assentit his, quæ non conuincunt intellectum ad assentiendum, est imperatus.

Prob. quia Assentire, & dissentire in talibus, est in potestate nostra.

Ad Argumenta.

Ad 1. Negatur consequens. Ad prob. dicitur, quod Imperare subiecti, non est inconueniens in potentijs, quæ reflectuntur super proprios actus, quales sunt intellectus, & voluntas.

Ad 2. Dicitur, quod aliquid potest dici ratio per participationem dupliciter. Vno modo absolute, & sic voluntas, & alia inferiores vires, siue appetitui, siue apprehensivæ possunt dici ratio per participationem, quatenus a ratione reguntur. Alio modo aliqua virtus dicitur ratio per participationem respectu, & hoc modo intellectiva vis, secundum quod est cognoscitiva conclusionum, potest dici ratio per participationem respectu sui ipsius, quatenus est cognoscitiva conclusionum, in quantum est. Cognitio conclusionum est participata cognitio principiorum, cum tamen absolute ratio, tum ut est cognoscitiva principiorum, tum ut est cognoscitiva conclusionum, sit talis per essentiam.

Tunc ad formam dicitur ad antecedens, quod potentia, cuius actus imperatur a ratione, est in participationem, vel simpliciter, & absolute, vel saltem respectu, & tunc negatur consequentia, quatenus propositio obstat. Et ad prob. dicitur, quod Illud, quod est tale per essentiam est aliud ab eo, quod est tale absolute per participationem, tamè quod est tale per participationem respectu, potest esse idem cum eo, quod est tale per essentiam absolute.

Ad 3. Dicitur ad minorem, & ad eius probationem, quod actus, quo ratio apprehendit verum circa aliquod obiectum non est in potestate nostra. Unde hoc argumentum probat tertiam conclusionem in corpore positam.

ARTICULVS VII.

Utrum actus sensitiui appetitus imperetur.

Pro Negativa.

Videtur, quod Actus appetitus sensitiui non imperetur.

1. Actus, qui est imperatus, subditur imperio nostro. Sed Actus appetitus sensitiui non subdi-

tur imperio nostro. Ergo Actus appetitus sensitiui non est imperatus.

Minor. quia Concupiscere, quod est actus appetitus sensitiui, non subditur imperio nostro, ut Gloss. dicit super illud Rom. 7. Non enim, quod volo bonum, hoc ago.

2. Actus, qui fit cum aliqua formali transmutatione corporis, non est imperatus. Sed Actus appetitus sensitiui fit cum aliqua transmutatione corporis, scilicet caloris, vel frigiditatis. Ergo Actus appetitus sensitiui non est imperatus. Maior quia Materia corporalis soli Deo obedit quantum ad formalem transmutationem, ut dictum est p. p. quarta d. 5. art. 1. Unde actus, qui habet annexam hanc formalem transmutationem, non subiacet imperio nostro, sed solus Deus.

3. Non est semper in potestate nostra, apprehendere aliquid sensu, vel imaginatione. Ergo Actus sensitiui appetitus non subiacer imperio nostro.

Consequens prob. quia Proprium motuum appetitus sensitiui, est apprehensum secundum sensum, vel imaginationem.

Pro Affirmativa.

Gregor. Nise. dicit hb. 4. cap. 8. & 9. quod Obediens rationi, diuiditur in duos. In desideratum, & irascibilem; quæ duo pertinent ad appetitum sensitiuum. Ergo Actus appetitus sensitiui subiacer imperio rationis.

De terminatio.

Via inuestiganda veritatis.

Prima propositio. Ad intelligendum qualiter actus appetitus sensitiui subdatur imperio, rationis, oportet considerare, qualiter sit in potestate nostra.

Manifestatur. quia, Secundum hoc aliquid subiacer imperio nostro, pro ut est in potestate nostra.

Prosecutio huius viæ.

Differentia. Appetitus intellectiuius, & sensitiui differunt per hoc, quod Appetitus sensitiuius, qui & voluntas dicitur, non est virtus corporalis organi. Appetitus vero sensitiuius est virtus annexa corporali organo.

Diff. Actus virtutis, quæ virtutis organo corporali, dependet a duobus, scilicet a ipsa sensitiua potentia, & a dispositione organi corporalis. Sic actus videndi est non solum a visiva potentia, sed etiam a dispositione organi corporalis, per quam dispositionem visiva potentia inuenitur, vel impeditur. Et quia Appetitus sensitiuius est potentia.

potentia affixa organo, sequitur, quod eius actus non solum sit ex ipsa potentia, sed etiam ex ipsa organi corporalis dispositione.

2. Distinct. Potest igitur actus sensitui appetitus dupliciter considerari. Vno modo, ut procedat a sensitiva potentia. Alio modo, ut procedat ex dispositione corporalis organi.

Secunda Propositio. Actus appetitus sensitui secundum quod procedit a potentia, potest esse in potestate nostra.

Prob. Actus, qui sequitur apprehensionem imaginationis potest esse in potestate nostra. Sed actus appetitus sensitui, secundum quod provenit ex ipsa potentia, sequitur apprehensionem imaginationis. Ergo Actus appetitus sensitui, pro ut est ab ipsa potentia, potest esse in potestate nostra.

Maiores sunt. Actus, qui regulatur per apprehensionem rationis, est in potestate nostra. Sed Apprehensio virtutis imaginativæ regulatur a ratione. Ergo Actus, qui consequitur apprehensionem imaginationis, est in potestate nostra.

Minor huius. Virtutis particularis actus regulatur per virtutem universalem. Sed Imaginationis est particularis virtus, & ratio virtutis universalis. Ergo Actus imaginationis regulatur a ratione.

Tertia Propositio. Actus appetitus sensitui, secundum quod sunt ex dispositione corporalis organi, non sunt in potestate nostra.

Probat. quia Qualitas dispositionis corporalis non subiacet nostræ potestati, sed est a natura.

Quarta Propositio. Motus appetitus sensitui, secundum quod est ex appetitiva potentia, non semper est in potestate nostra.

Prob. quia Quandoque motus appetitus sensitui, subito concitatur ad apprehensionem imaginationis, vel sensus, & tunc ille motus, propter hanc subitam concitationem, non est in potestate nostrâ: est tamen in potestate nostra quodammodo, quatenus scilicet si ratio prævideret, potuisset hunc motum impedire.

Ex quibus manifeste patet, qui & quomodo motus appetitus sensitui, sint, vel non sint in potestate nostra. Vnde pro responsione ad quaesitum ponuntur sequentes conclusiones.

1. Conclusio. Motus siue actus appetitus sensitui, secundum quod ex potentia appetitiva procedit, si non sit subito concitatus ex apprehensione imaginationis, vel sensus, est imperatus.

Prob. Actus, qui est in potestate nostra, est imperatus. Sed Actus appetitus sensitui, secundum quod est ab ipsa potentia, & non subito concitatus, est in potestate nostra, ut probatum est in secunda propositione. Ergo Actus appetitus sensitui ex parte potentia, non subito concitatus, est imperatus.

2. Conclusio. Actus appetitus sensitui, secundum quod est ex qualitate dispositionis organi corporalis, non est imperatus.

Prob. quia Qualitas dispositionis corporalis organi, non est in potestate nostra, ut probatum est.

3. Conclusio. Motus appetitus sensitui subito concitatus, ad apprehensionem imaginationis, vel sensus, non est imperatus.

Prob. quia Talis motus est præter imperium rationis, ut etiam dictum est.

4. Conclusio directe responsiva. Actus appetitus sensitui non sunt semper, & totaliter imperati.

Prob. quia Ex parte corporalis dispositionis, & quando sunt subito concitati, non subiacent imperio nostro, ut dictum est.

Et confirmatur. quia Arist. 1. Polit. cap. 3. dicit, quod Ratio præest irascibili, & concupiscibili, non principatu dispositivo, qui est domini ad servum, Sed principatu politico, aut regali, qui est ad liberos, non totaliter subditos imperio.

Ad Argumenta.

Ad 1. Dicitur ad minorem, & ad eius probationem, quod actus appetitus sensitui, quatenus est ex parte potentia, subditur imperio rationis, ut dictum est. Hoc autem, quod homo vult non concupiscere, & tamen concupiscit, contingit vel ex qualitate dispositionis organi corporalis, per quam impeditur appetitus sensitivus, ne totaliter sequatur imperium rationis: Vnde & Apostolus ibidem subdit. Video aliam legem in membris meis, repugnantem legi mentis meæ. Vel contingit ex subita concitatione appetitus motus, ut dictum est.

Ad 2. Dicitur, quod Actus appetitus sensitui potest fieri cum transmutatione corporali dupliciter. Vno modo, ut ipsa corporalis dispositio præcedat ipsum actum, pro ut scilicet, aliquis est dispositus secundum corpus, ad hanc, vel ad illam passionem: Puta cum aliquis ex abundantia caloris, vel sanguinis est dispositus ad iram, aut ad luxuriam. Alio modo, ut dispositio corporalis sequatur ipsum actum, ut quando quis ex ira incalcescit.

Dispositio corporalis, quæ præcedit actui sensitui appetitus, non est in potestate nostra, sed est, vel a natura, vel ex aliqua præcedenti motione, quæ non potest statim quiescere. Sed dispositio corporalis sequens actum sensitui appetitus potest esse in potestate nostra, quia huiusmodi formalis dispositio corporalis sequitur

motum localem cordis, quod diuersimode motuatur, secundum diuersos actus appetitus.

Dicitur ergo ad maiorem argumenti, quod Actus, qui fit cum transmutatione corporali, præcedere actum ipsum, non est imperatus, & hoc concludit probatio maioris. Actus vero, qui est cum corporali transmutatione sequente actum potest esse imperatus. Vnde ipsa maior, non est vera de quacunque corporali transmutatione, sed solum de ea, quæ præcedit actum.

Ad 3. Neg. conseq. Ad prob. dicitur, quod si sermo sit de ipso exteriori sensu, verum est, quod eius actus, quo aliquid apprehendit, non est in potestate nostra, quia sensus non potest apprehendere aliquid, nisi sit obiectum sensibile præsens: quod autem obiectum sit præsens, non est semper in potestate nostra, Vnde huiusmodi actus non est imperatus: quando tamen iam obiectum est præsens, eius actus potest esse imperatus, quia tunc potest quis vti sensu, quando vult. Si vero sermo sit de virtute imaginatiua, eius actus est semper in nostra potestate, quia semper ad imperium rationis potest imaginationis actum exercere, etiam si obiectum extra non sit præsens, si tamen obiectum sit imaginabile, & non sit aliqua indispositio ex parte organi.

A R T I C U L U S VIII.

Vtrum Actus Animæ vegetabilis imperetur.

Pro Affirmatiua.

Videtur, quod Actus vegetabilis animæ imperio rationis subdantur.

1. Actus virium animæ sensitiuæ subduntur imperio rationis. Ergo Multo magis actus virium animæ vegetatiuæ sunt imperati.

Conseq. prob. quia Vires animæ sensitiuæ nobiliores sunt quam vires animæ vegetabilis.

2. Omnia, quæ sunt in mundo, obediunt Dei imperio. Ergo Omnia, quæ sunt in homine, obediunt imperio rationis.

Conseq. prob. quia Homo dicitur minor mundus, eo quod Anima sit in corpore, sicut Deus in toto mundo.

3. Actus, in quibus contingit esse laudem, vel vituperium, subiacent imperio rationis. Sed In actibus nutritiuæ, & generatiuæ potentia, contingit esse laudem, vel vituperium, & virtutem, & vitium. Ergo Actus animæ vegetabilis sunt imperati.

Maior prob. quia Laus, & vituperium non contingunt nisi in actibus, qui subduntur imperio rationis.

Minor quia Circa actus vegetatiuæ, & nutritiue contingit esse temperantiā, vel gulā, continentiam, vel luxuriam.

Pro Negatiua.

Greg. Nis. dicit lib. 4. c. 1. quod id quod non persuadetur a ratione, est nutritiuum, & generatiuum.

Determinatiua.

Concl. Actus animæ vegetabilis non subduntur imperio rationis.

Prob. Actus, qui procedunt ex naturali appetitu, non subduntur imperio rationis. Sed Actus animæ vegetabilis procedunt ex appetitu naturali. Ergo Actus animæ vegetabilis non sunt imperati.

Maior declaratur, & probatur. Declaratur inquam. Nam actus sunt in duplici differentia. Quidam sunt ab appetitu naturali: Quidam vero ab appetitu animali, vel rationali. Qui actus conueniunt inter se, & differunt. Conueniunt quidem in hoc, quod omnes sunt ab aliquo agente: tam enim agens naturali appetitu, quam animali, agit propter finem, quem suo modo appetit. Differunt vero in hoc, quod actus appetitus naturalis, sit prius apprehensum ab appetente, sed absque aliqua præcedenti propria apprehensione naturaliter ferrur in illud, sicut lapidis naturaliter tendit ad locum deorsum. Actus vero appetitus animalis, & intellectus sequitur apprehensionem: Non enim huiusmodi appetitus aliquid appetit, nisi prius sit apprehensum, & aliquo modo cognitum. Ex his igitur probatur maior, hoc modo. Actus, qui sunt imperati, sequuntur aliquam apprehensionem. Sed Actus appetitus naturalis non sequuntur aliquam apprehensionem. Ergo Actus appetitus naturalis non subduntur imperio rationis.

Maior huius prob. quia Ratio imperat per modum apprehensiuæ virtutis.

Minor vero huius patet, ex facta declaratione, scilicet ex differentia, quæ est inter actus procedentes ex appetitu naturali, & eos, qui procedunt ex appetitu animali, & intellectuali. Isti enim apprehensionem sequuntur, illi vero absque præcedente apprehensione appetentis procedunt.

Ad argumenta.

Ad 1. Neg. conseq. ad prob. dicitur, quod Immo ex hoc quod vires sensitiuæ subduntur imperio rationis, sunt nobiliores, quam sint vires animæ vegetabilis, quæ imperio rationis non subduntur. Nam quanto actus alicuius virtutis est immaterialior, tanto est nobilior, & magis subditur imperio rationis. Vnde quia actus voluntatis perfecte subditur imperio rationis, est nobilior, quam sit actus appetitus sensitiui, qui non vndeque rationis imperio subditur, vt dictum est art. præced.

Ad

Ad 2. Neg. conseq. Ad prob. dicitur, quod similitudo illa, scilicet quod anima est in corpore sicut Deus in mundo, attenditur quidem quantum ad aliquid, non quantum ad omnia. Quantum ad aliquid quidem est vera; quia sicut Deus mouet mundum, ita anima mouet corpus. Non quantum ad omnia, & precipue quantum ad imperium; quia Deus mundum creauit, non autem anima corpus produxit, & propter hoc non oportet, ut corpus totaliter subdatur imperio anime, eo modo, quo totus mundus subditur diuino imperio.

Ad 3. Neg. minor. Ad prob. dicitur, quod virtus, & vitium, laus, & vituperium, non debentur ipsis actibus nutritiue, vel generatiue potentiæ, quæ sunt digestio, & formatio corporis humani, sed actibus sensitiue partis, ordinatis ad actus generatiue, vel nutritiue, puta in concupiscendo delectationem cibi, & venererum, & eis utendo secundum quod oportet, vel non oportet, secundum, vel contra ordinem rationis.

ARTICVLVS IX.

Utrum Actus exteriorum membrorum imperentur.

Pro Negatiua.

Videtur, quod Membra corporis non obediunt rationi quantum ad actus suos.

1. Vires anime vegetabilis non obediunt rationi, ut dictum est art. præced. Ergo Multo minus membra corporis obediunt rationi.

Conseq. prob. quia Membra corporis magis distant a ratione, quam vires anime vegetabilis.

2. Motus cordis non subditur imperio rationis. Ergo Nec motus aliorum membrorum corporaliū imperio rationis subduntur.

Conseq. prob. Quia Cor est principium motus animalis, & omnium membrorum corporaliū.

Antec. prob. quia Greg. Nis. dicit lib. 4. cap. 15. quod Pulsatiuum non est persuasibile ratione.

3. Motus membrorum genitaliū non obediunt rationi. Ergo Eadem ratione nec alia membra rationi obediunt.

Antec. prob. quia Aug. dicit li. 14. de Ciuit. Dei ca. 16. quod Motus membrorum genitaliū aliquando importunus est, nullo poscente, aliquando autem destituit inhiantem, & cum in animo concupiscenti ferueat, friget in corpore.

Pro Affirmatiua.

Aug. dicit 8. lib. Confess. ca. 9. Imperat animus, ut moueatur manus, & tanta est facultas, ut vix a seruicio discernatur imperium.

Determinatio.

Concl. Motus membrorum, quæ mouentur a

potentis sensitiuis, subduntur imperio rationis; motus vero membrorum, qui consequuntur vires naturales, non subduntur imperio rationis.

Prob. Vires sensitiue subduntur imperio rationis, non autem vires naturales, ut dictum est art. præced. Ergo Actus membrorum virium sensitiuarum subduntur imperio rationis, non autem, qui consequuntur vires naturales.

Conseq. prob. quia Membra corporis non mouentur a se ipsis, sed sunt organa quadam potentiæ anime. Unde eo modo, quo potentia anima se habent ad hoc, ut obediant, vel non obediant rationi, Hoc modo se habent corporis membra, ad hoc, ut corū actus subdatur, vel non subdatur imperio rationis, & sint, vel non sint imperati.

Ad Argumenta.

Ad 1. Neg. conseq. Ad prob. dicitur, quod membra non mouentur ex se ipsis, sed a potentis anime, ideo quāvis membra corporis fin se, magis a ratione distent, quælibet anime virtus, tamen fin quod mouentur a potētis, anime quæ rationi obediunt, subduntur & ipsa secundum suos actus imperio rationis, ut in corpore dictum est.

Ad 2. Neg. conseq. Non enim ex hoc, quod cor non subditur fin suum motum imperio rationis sequitur quod etiā nec motus aliorū membrorum imperio rationis subdantur. Et ad prob. dicitur quod sicut in his, quæ pertinent ad intellectū, & ad voluntatē, primum semper est a natura (Primum. n. principium in intellectualibus est naturaliter cognitū, & primum volūtū, quod est finis, est naturaliter, & non per electionē volūtū) ita in corporali bus, principium aliorū motū, quod est motus cordis, est a natura, & propterea non est imperatus. Sed sicut ex hoc, quod prima principia sunt naturaliter cognita, non sequitur, quod alia cognita, ut conclusiones, sint non per discursū, sed naturaliter cognitā: Nec ex hoc, quod vltimus finis est volūtū absque electione, quod etiam ea, quæ sunt ad finē, sint volūta absque electione. Ita ex hoc, quod motus cordis non est imperatus, non sequitur, quod alij motus ex eo, mediantibus aliquibus potētis procedentes non sint imperati. Motus igitur cordis non est imperatus, sed est a natura, & pp hoc appellatur a Phil. Motus vitalis cōsequitur enim sicut per se accidens, vitā, sicut motus grauiū, & leuium consequitur formam substantialem ipsarum, propter quod a generante moueri dicuntur & Gregorius etiam Nisen. dicit, quod sicut generatiuum, & nutritiuum non obedit rationi, ita nec pulsatiuum, quod est vitale. Pulsatiuum autem appellat motum cordis, quia manifestatur per venas pulsátiles.

Ad 3. Neg. conseq. Non enim est eadem ra-

quo de motu genitalium, sicut est de motu aliorum membrorum, ostenditur autem hæc differentia, ex causa tum supernaturali, tum naturali. Supernaturalis inquam causa quare motus genitalium non obediatur rationi est, ut August. dicit lib. 14. de ciuit. Dei cap. 16. pœna peccati, ut anima suæ inobediencie ad Deum, in illo præcipue membro, pœnam inobediencie patiatur, per quod peccatum originale ad posteros traducitur, Causa vero naturalis, quare motus huiusmodi membro specialiter rationi non obedit, est, quam assignat Arist. in lib. de causa motus anim. ca. 8. dicens, Inuoluntarios esse motus cordis, & membri pudendi, quia aliqua apprehensione huiusmodi membra commouentur, in quantum Intellectus, vel Phantasia representat aliqua, ex quibus consequuntur passionem animæ, ad quas consequitur motus horum membrorum: Non tamen mouentur secundum iussu rationis, aut intellectus, quia ad motum horum membrorum requiritur aliqua alteratio naturalis, scilicet caliditatis, & frigiditatis, quæ quidem alteratio non subiacet imperio rationis: Specialiter hoc autem accidit in his duobus membris, scilicet genitalibus, & corde. Quia utrumque istorum membrorum est quasi quoddam animal separatum, in quantum utrumque est principium sensuum, & ex membro genitali exit virtus seminalis, quæ est virtute totum animal, & ideo habent proprios motus naturaliter, quia principia oportet esse naturalia.

Breuitur igitur dicitur, quod non est eadem ratio de membris genitalibus, & de alijs membris, tum quia propter pœnam peccati non obedit, tum quia cum sit, principium vitæ, debet habere naturalem motum, sicut etiam cor.

DE BONITATE ET Malitia humanorum actuum.

Deinde considerandum est de Bonitate, & malitia humanorum actuum.

Primo Quomodo actio humana sit bona, vel mala. qq. 18. 19. 20.

Secundo. De his, quæ consequuntur bonitatem, vel malitiam humanorum actuum, puta meritorium, vel demeritum, peccatum, vel culpa. In quest. 21.

Circa primum occurrit triplex consideratio.

Prima est de bonitate, & malitia humanorum actuum in generali. in q. 18.

Secunda De bonitate, & malitia interiorum actuum. in q. 19.

Tertia De bonitate, & malitia exteriorum actuum. in quest. 20.

QVÆSTIO XVIII. DE BONITATE ET MALITIA

humanorum actuum in generali.

ARTICVLVS I.

Utrum Omnis actio humana sit bona, vel aliqua sit mala.

Pro Affirmatiua, quod omnis sit bona.

Videtur, quod omnis actio humana sit bona, & nulla mala.

1. Quod fit virtute boni, est bonum, & non malum. Sed Omnis actio fit virtute boni. Ergo Omnis actio est bona, & nulla mala.

Maiores prob. quia Virtute boni non fit malum.

Minor. quia Dion. dicit 4. c. de diu. nom. quod Malum non agit nisi virtute boni.

2. Nihil agit, nisi in quantum est bonum. Ergo Omnis actio est bona, & nulla mala.

Antec. Quod agit in quantum est actus, agit in quantum est bonum. Sed Vniuersum quod agit in quantum est actus. Ergo Vniuersum quod agit in quantum est bonum.

Maiores huius prob. Non est aliquid malum in quantum est actus, sed in quantum priuatur actu.

3. Omne, quod habet aliquem effectum per se, est bonum, & non malum. Sed Omnis humana actio est bona, & nulla mala. Ergo Omnis humana actio est bona, & nulla mala.

Maiores prob. quia Malum non potest esse causa nisi per accides, ut Dion. dicit c. 4. de diu. nom.

Pro Negatiua, quod non omnis actio sit bona.

Videtur, quod Aliqua actio sit mala, quia Io. 3. dicitur, Omnis, qui male agit, odit lucem.

Determinatio.

Concl. Aliqua humana actio potest dici mala.

Prob. Illud, cui deficit aliquid pertinens ad plenitudinem sui debiti esse, potest dici malum. Sed Alicui actioni humane potest deficere aliquid pertinens ad plenitudinem sui debiti esse. Ergo Aliqua actio humana potest dici mala.

Maiores manifestatur. Præmittendo, quod de bono, & malo in actionibus, oportet loqui sicut de bono, & malo in rebus. Et hoc, quia vnaqueque res talem actionem producit, qualis ipsa est. Vnde ex eadem radice erit bonum, & malum in actionibus, ex qua est bonum, & malum in rebus. Radix autem bonitatis in rebus est ex perfectione ipsius esse, & radix mali ex eiusdem imperfectione: ens enim, & bonum convertuntur; Vnde res, quæ habet omnem pertinentiam ad plenitudinem sui esse, est bona, quæ vero caret aliqua perfectione pertinente ad plenitudinem sui esse, potest dici mala.

Est etiam sciendum, quod plenitudo ipsius esse est duplex. Plenitudo, & perfectio simpliciter: & plenitudo debita nature create. Plenitudo esse simplici-

simpliciter, inuenitur in solo Deo: Deus enim solus habet omnimodam essendi plenitudinem. Plenitudo vero essendi naturæ creatæ, consistit in hoc, vt creatura habeat, quicquid pertinet ad sui naturæ perfectionem: vt puta Homo tunc est perfectus, quando habet omnia, quæ naturæ humanæ conueniunt.

Malum igitur non defumitur ex defectu plenitudinis esse simpliciter: tunc enim omnis creatura mala diceretur, cum nulla creatura habeat hanc essendi plenitudinem, vt dictum est. Sed defumitur ex defectu plenitudinis essendi, conuenientis creaturæ, secundum propriam naturam. Vnde homo dicitur ens, & bonus ex hoc, quod habet animam, corpus, potentias, organa, & cetera similia. Si vero aliquid horum deficiat, vt scilicet sit cæcus, claudus, mutus, & similia, dicitur in homine esse malum.

Illud igitur, quod habet plenitudinem essendi sibi debitam, erit simpliciter bonum. Illud vero, quod caret aliqua perfectione sibi naturaliter conuenienti, dicitur bonum ratione esse, & perfectionis, quam habet, & malum ratione esse, quo caret. Homo enim cæcus dicitur bonus, quatenus habet vitam, quatenus vero in eo non est visus, dicitur in eo esse malum cecitatis: & sic erit bonum non simpliciter, sed tantum secundum quid.

Est etiam ulterius animaduertendum, quod quamuis ens, & bonum conuertantur, vt dictum est, tamen attendenda est differentia inter ens, & bonum in proposito. Illud enim, quod habet plenitudinem essendi, cum omni perfectione contentente suæ naturæ, dicitur ens simpliciter, & etiam bonum simpliciter. Id vero, quod non habet plenitudinem essendi sibi debitam, dicitur quidem bonum solum secundum quid, dicitur tamen ens simpliciter. Ratio huius differentie habetur prima Parte quæst. 5. art. 1. quæ est. Quia res dicitur ens simpliciter secundum primum in actu, quæ habet à sua forma substantiali: dicitur vero bonum simpliciter ex hoc, quod habet ultimam perfectionem sui esse. Sicut homo dicitur ens simpliciter ex hoc, quod constituitur in actu per suam formam substantialem: Sed bonum simpliciter dicitur ex superadditis perfectionibus, sine quibus dicitur quidem homo ens simpliciter, bonum autem secundum quid.

Ex quibus omnibus patet sensus maioris propositionis, & eius probatio. Scilicet quod idcirco illud, cui deficit aliquid de plenitudine sui esse, potest dici malum, quia malum est ex carentia debiti esse.

Minor vero manifestatur, quia Ad hoc, vt actio habeat essendi plenitudinem, requiritur, vt fiat

indeterminata quantitate secundum rationem, in debito loco, & tempore, & cum alijs debitis circumstantijs. Vnde si aliquod horum deficiat, erit malum in actione.

Pro Negativa

Ad 1. Dicitur, quod Bonum est duplex. Quoddam, quod est absque defectu eorum, quæ nata sunt conuenire rei. Quoddam vero, quod est cum defectu aliquo. Tunc ad maiorem dicitur, quod id, quod fit virtute boni, secundum quod non habet annexum defectum, non est malum. Si vero aliquid sit a bono quidem, sed cum defectu, potest esse malum. Et ad minorem dicitur, quod actio mala est à bono, secundum quod est deficiens.

Ad 2. Neg. consequ. Nihil enim prohibet aliquid esse secundum quid actum, & bonum, vnde agere possit, & secundum aliquid priuari actum, vnde causat deficientem actionem: Sicut homo cæcus actus, habet virtutem gressiuam, per quam ambulare potest, sed in quantum caret visu, qui dirigit in ambulando, patitur defectum, ambulans cespitando.

Ad 3. Dicitur ad minorem, quod actio humana potest dupliciter considerari. Vno modo secundum quod habet aliquid de bonitate, & sic habet effectum per se. Alio modo prout habet annexam malitiam, & sic non habet effectum per se. Sicut Adulterium secundum quod est coniunctio maris & femine habet effectum per se, scilicet generationem humanam, non autem in quantum caret ordine rationis.

ARTICVLVS II.

Vtrum Actio hominis habeat bonitatem, vel malitiam ex obiecto.

Pro Negativa:

Videtur, quod actio non habeat bonitatem, vel malitiam ex obiecto.

1. Illud, ex quo actio humana habet malitiam, est malum: Sed Obiectum actionis non est malum. Ergo Actiones non habent malitiam ex obiecto.

Minor probatur, quia In rebus non est malum, sed in usu peccantium, vt August. dicit lib. 3. de Doctr. Christ. cap. 12.

2. Ex eo, quod se habet vt materia actionis, non potest ipsa actio habere bonitatem, vel malitiam. Sed Obiectum se habet vt materia actionis. Ergo Actio non potest ex obiecto habere bonitatem, vel malitiam.

3. Ex suo effectu non potest habere actio bonitatem, vel malitiam. Sed Obiectum est effectus actionis. Ergo Ex obiecto non potest actio habere bonitatem, vel malitiam.

Maiores.

Maiores. quia Effectus non est causa bonitatis, vel malitiae suae causae, sed potius e converso.

Minor. Obiectum actus potentis est effectus actionis. Sed Obiectum humanæ virtutis est obiectum potentiae actus. Ergo Obiectum humanæ actionis est effectus ipsius.

Pro Affirmativa.

Homo fit moraliter malus, & Deo abhominabilis ex malis, quæ diligit. Ergo Et humana actio habet malitiam, vel bonitatem ex obiecto.

Antecedens probatur, quia Osee 9. dicitur. Facti sunt abhominabiles sicut ea, quæ dilexerunt.

Consequens probatur, quia Homo fit malus, & Deo abhominabilis propter malitiam suæ operationis.

Determinatio.

1. Conclusio. Actio moralis habet bonitatem, & malitiam ex obiecto.

Prob. Ex quo aliquid habet speciem, ex eodem habet bonitatem, & malitiam. Sed Actus moralis ex obiecto habet speciem. Ergo Actus moralis ex obiecto habet bonitatem, & malitiam.

Maiores Prob. Ab eo, quod primo pertinet ad plenitudinem essendi, quælibet res habet bonitatem, & malitiam. Sed illud, à quo aliquid habet speciem, primo pertinet ad plenitudinem essendi. Ergo Ex eo, à quo aliquid habet speciem, habet bonitatem, & malitiam, sic, quod si res perfecte consequatur rationem suæ speciei, bona erit, si vero deficiat consequatur formam, per quam speciem sortitur, mala dicitur.

Maiores huius probatur, quia Bonum, & malum uniuscuiusque rei attenditur secundum plenitudinem, vel defectum essendi, ut dictum est articulo præcedente.

Minor principalis probatur, quia Sicut res naturalis habet speciem à sua forma, & motus à suo termino, ita actio sortitur speciem ex obiecto.

2. Conclusio. Actus moralis habet ex obiecto primam bonitatem, & primam malitiam, quæ dicitur bonitas, & malitia ex genere, accipiendo genus pro specie, eodem modo loquendi, quod dicimus humanum genus totam humanam speciem.

Prob. Sicut se habet forma specifica rei naturalis ad ipsam rem naturalem, ita se habet obiectum ad actionem moralem. Sed Forma specifica rei naturalis dat ipsi rei, cuius est forma, primam bonitatem, quæ continetur ei secundum suam speciem. Ergo Obiectum actionis moralis dat ipsi actioni speciem bonitatem, quæ dicitur bonitas ex genere.

Manifestatur maiores, & tota ratio. Nam sicut in naturalibus, primum bonum, quod sortitur res, est bonum speciei, quod habet ex sua forma, ut

quando ex generatione humana procedit homo, & primum malum est, non assequi perfecte formam speciei, ut quando generantur monstra. Ita in moralibus, primum bonum actionis est ex obiecto, quando est circa conveniens obiectum, sicut est actio, quia quis vitur re sua, hæc enim actio est bona ex genere, quia est circa conveniens obiectum: quando vero actio non est circa conveniens obiectum, non est bona ex genere, sed dicitur ex genere mala, ut quando quis rapit aliena. Et sic patet proportio inter naturalia, & moralia assumpta in maiori propositione, & etiam quæ sit bonitas, & malitia ex genere, conveniens actioni ex obiecto.

Ad argumenta.

Ad 1. Neg. minor. Ad prob. dicitur, quod obiectum actionis potest considerari dupliciter. Uno modo, ut res est. Alio modo, ut obiectum est. Si consideretur, ut res est, non est malum, & sic intelligenda est sententia Augustini. Si vero consideretur, ut obiectum est, si habeat debitam proportionem ad hanc, vel ad illam actionem, est bonum, & dat bonitatem actioni, cuius est obiectum: Si vero non habeat debitam proportionem, tunc habet rationem mali, & dat malitiam actioni.

Ad 2. Dicitur, quod Materia actionis est duplex. In qua, & circa quam. Maiores est vera de Materia in qua. Non enim actio potest habere bonitatem, vel malitiam ex materia in qua, ut in arguendo probatur. De materia vero circa quam, maiores est falsa, ex materia enim circa quam, quæ est obiectum, potest actio habere malitiam, vel bonitatem, eo quod habeat quodammodo rationem formæ, in quantum dat speciem actioni. Et ad minorem iam dictum est, quod obiectum est materia actionis circa quam.

Ad 3. Dicitur quadrupliciter. Primo Neg. minor, scilicet quod obiectum actionis sit effectus ipsius actionis. Ad probationem, negatur minor, videlicet quod obiectum actionis semper sit obiectum potentiae actus: Nam obiectum potentiae appetitivæ, (quæ tamen est principium humanæ actionis,) non est obiectum potentiae actus, sed passivæ, cum appetitus moveatur quodammodo ab obiecto appetibili.

Secundo dicitur negando etiam minorem. Ad probationem negatur illa maior, quod obiectum potentiae actus comparatur ad potentiam activam, ut effectus ad causam. Non enim obiecta actus potentiae habent rationem effectus, nisi quando iam sunt transmutata, sicut alimentum quod est obiectum potentiae nutritivæ, antequam sit transmutatum non est effectus ipsius potentiae nutritivæ, sed materia circa quam agit, postea vero

Verò quando iam est transmutatum in substantiã
altri, est eius effectus: & non amplius obiectum.

Tertio dicitur concedendo quod obiectum sit effectus actionis. Ad maiore, quod effectus actionis potest considerari dupliciter. Vno modo in ratione effectus, vt scilicet eliquid producat per actionem, & sic consideratur non de actione materialitatem, nec bonitate. Alio modo, vt est terminus actionis, ex hoc enim, quod obiectum proit aliquo modo effectus actionis, sequitur, vt sit eius terminus, & quia motus habet speciem a principio, & actio eliquid a motus, sequitur, quod actio habeat speciem, & bonitatem, & malitiam a superiore, vt est eius terminus. 22. 23. 24. 25. 26. 27.

Quarto dicitur, concedendo quod obiecta
actionis sitis effectus, considerando tamen ef-
fectum in ratione effectus; non tamen in ordine
quod licet bonitas actionis non causetur ex boni-
tate effectus; tamen ex hoc dicitur actio bona,
quia bonitas effectus non potest produci, et ita ipsa
bonitas actionis ad effectum, et bonitas boni-
tatis, vel ut alii putant actionis ad effectum, et boni-
tatis ad effectum.

ARTICULARY S.

circumstantia
Pro Necessitate

Videtur, quod Actio hominis non sit bona, vel mala ex circumstantiis. **1.** Illud, ex quo actio humana dicitur bona, vel mala, est in ipsa actione. Sed Circumstantiis non sunt in ipsa actione. Ergo Ex Circumstantiis non potest actio dici bona, vel mala.

Major prob. quia Bonum, & malum sunt in op
lis rebus, & dicitur 6. Met. text. 8. Unde Ex eo,
quod non est in se, non potest accipi bonum, vel
malum.

Minor, quia Circumstantie circumdant actum,
quasi extrinsecum existeres, ut dictum est q. 7. ar
tus de corpore. Et igitur tantum ad respondendum q. 7. ar

2. Ea, ex quibus actio humana est bona, vel mala, participant ad consideratione doctrinae moralis. Sed Circumstantiae non possunt pertinere ad considerationem doctrinae moralis, nec quicquamque alterius doctrinae. Ergo Ex circumstantiis non dicuntur actiones humanae bonae, vel maleae.

Maiores prob. quia Bonitas & malitia actus con-
sideratur in doctrina moru, & propterea ea, que
sunt causa bonitatis, vel malitia actuum, ad san-
dendi moralem doctrinam pertinere debent.

Minor. Nulla ars, vel scientia considerat ea, quæ sunt per accidens. Sed Circumstantiæ sunt quædam accidentia ætæpni. Ergo Circumstantiæ non pertinent ad aliquam scientiam, vel artem.

3. Illud, quod conuenit alicui secundum suā

substantiam, non debet circūstribui per aliquod ac-
ciden. Sed Bonum, & malum conveniunt actio-
ni secundum suam substantiam. Ergo Bonum,
vel malum non conveniunt actioni ex circumstan-
tia, quæ est accidens actionis.

Deinde: quia ista mala actio ex suo genere est bona, vel mala, ut ait: per eed. dictum est. . . .

in Diac. Phil. 2. Ethic. cap. 6. quod Virtuosus op
rator, secundum alios oportet, & quando oport
et, & secundum quosdam circumstantias. Ergo Ex cō
trario virtuosus, secundum unumquodque vitium
operatur quando, & ubi non oportet. Ergo Actio
nes humane, secundum circumstantias sunt bo
ne, & male.

Determinatio.
Conclusio. Actio humana est bona, vel mala
ex sui circumstantiis.

Propter hoc Actio humana non habet plenitudinem suae bonitatis ab eo, à quo habet speciem, scilicet ab obiecto, ut patet art. precedenti. Ergo Actio humana habet bonitatem, vel malitiam eodem circumscriptione, cum obiecto bono, vel malo.

Consequetia prob. à simili in naturalibus. Res
enim naturales non habent totam essendi pleni-
tudinem eis debitam ex forma, à qua habent su-
perficiem, & propterea superadduntur multae perfec-
tiones ex accidentibus superuenientibus. Sicut,
quia hominō habet ex forma subalternali, à qua
specie recipit, animas omnes perfectiones **libi**
conuenientes superadduntur ei multae perfec-
tiones ex accidentibus, ei conuenientes, ut de se pa-
tet. Sic etiam fit in Moralibus. Quia enim actio
moralis non habet ex objecto plenitudinem fili-
tatis, adduntur ei aliae perfectiones ex ob-
iectis superuenientibus, quae sunt circumstantiae,
propter quas actus de se habet consequentiam in
actionibus. Unde de morali actus propter bonita-
tem, vel malitiam obiecti, dicitur bona, vel mala
ex circumstantiis, ut si habear debitas circums-
tantias bona dicitur, (si autem mala, a circums-
tantia) ut dicitur in 2. 2. q. 1. c. 1. §. 1. c. 2. §. 1. c. 3. §. 1.

Ad 2. Negatur minor. Ad prob. dicitur, qd cit
cunda que sunt p quid ex tunc, ipsam actione, in qua
tunc sunt de eius effectu, sunt in ipsa actione,
velut quedam eius accidentia, vt dictu est in corp.

Ad 2. Negatur minor ad preb. dicitur, quod accidens sit in dupli. dicitur enim. Quia sunt accidentia per accidens. Quod vero sunt accidentia per se. Tunc autem in propositione dicitur, quod est vera de accidentibus per accidens, quae ab arte reijciuntur, non habent vera de accidentibus, per se. Nec enim pertinet ad hunc, in quo considerat subiectum talium accidentium.

Et ad minorem eiusdē probationis dicitur, quod circumstantiæ sunt accidentia per se conuenientia ipsi humanis actionibus.

Ad 3. Dicitur ad minorem, quod bonum, & malum, non solum attribuitur rebus secundum substantiam, sed etiam secundum sua accidentia, & hoc veritatem habet tum in naturalibus, tum in moralibus. Homo enim dicitur bonus, non solum secundum suam substantiam, sed etiam secundum sua accidentia naturalia: & similiter actio est bona secundum substantiam ex obiecto, & per debitas circumstantias, quæ sunt per se accidentia. Et ratio huius est, quia bonum, & ens conuertuntur. Unde sicut res dicitur esse secundum esse substantiale, & accidentale, ita secundum utrumque dicitur bona.

ARTICVLVS IV.

Vtrum Actio humana sit bona, vel mala ex fine.

Pro Negatiua.

Videtur, quod Bonum, & malum in actibus humanis non sint ex fine.

1. Si ex fine deriuaretur bonitas actionis, Sequeretur, quod nulla actio esset mala. Quod est manifeste falsum. Ergo Actio non est bona, vel mala ex fine.

Conseq. prob. quia Finis semper est bonum: Nullus enim respiciens malum operatur, vt Dion. dicit. 4. cap. de diu. nom. Ergo Ex fine semper actio habet bonitatem.

2. Bonitas actus est aliquid in ipso actu existens. Sed Finis non est aliquid in ipsa actione existens. Ergo Ex fine non potest esse bonum, vel malum in actibus humanis.

Minor prob. quia Finis est causa extrinseca actionis, & propterea non potest esse in ipsa actione.

3. Contingit, aliquam bonam actionem ad malum finem ordinari: sicut cum aliquis dat elemosinam propter manem gloriam. Et conuerso aliquam malam actionem ordinari ad bonum finem: sicut cum quis furatur, vt det pauperibus. Ergo Actio non habet ex fine, vt sit bona, vel mala.

Pro Affirmatiua.

Boet. dicit li. 3. top. cap. 1. quod Cuius finis bonus est, ipsum quoque bonum est. Et Cuius finis malus est, ipsum quoque malum est.

Determinatio.

Conclusio. In actibus humanis est bonum, & malum etiam ex fine.

Probatur Ea, quæ dependent ab alio secundum esse, præter eorum bonitatem absolutam, habent etiam bonitatem ex fine. Sed Actus humani dependent ab alio secundum esse. Ergo Actus humani habent, præter bonitatem absolutam, bonitatem etiam ex fine.

Maiores prob. Ex differentia, quæ est inter ea, quæ dependent, & ea, quæ non dependent ab alio. Sunt enim quedam, quorum esse à nullo dependet, & hæc sunt solæ diuinæ personæ. Quidam vero sunt, quorum esse dependet ab alio, vt sunt omnes creature. In his, quæ non dependent ab alio, præter bonitatem absolutam, non consideratur aliqua bonitas ex fine proveniens, vt potest quæ ad nullum finem ordinatur: vt de personis diuinis patet. Ea vero, quæ dependent ab alio secundum esse, sicut esse eorum dependet ab agente, & forma, ita eorum bonitas dependet à fine, ad quæ ordinantur. Quia igitur humana actio dependet ab agente, & ab obiecto, & ordinatur ad finem, ideo præter absolutam bonitatem, quam habet ex obiecto, habet bonitatem etiam ex fine.

Quotuplex bonitas inueniatur in actibus humanis.

Ex his igitur, quæ in hoc, & in præcedentibus tribus articulis dicta sunt, habetur, quod in actibus humanis quadruplex inuenitur bonitas. Prima quidem est quæ dicitur actio bona secundum genus, accipiendo genus, vt significat speciem: & hæc conuenit ei ex suo esse. Si enim actio habeat plenitudinem essendi sibi debitam, erit bona ex genere. Si vero deficiat ab hac essendi plenitudine, erit mala ex genere: & de hac dictum est artic. 1.

Alterā est bonitas, quæ conuenit actioni ex obiecto. Si enim sit circa conueniens obiectum, est bona ex obiecto: sin autem, erit mala, & de hac dictum est artic. 2.

Tertiā est, quæ conuenit ei ex circumstantiis. Si enim fiat cum debitis circumstantiis, erit bona: si vero circumstantiæ debite deficiant, consequitur malum, & de hac dictum est artic. 3.

Vltima est, quæ conuenit ei ex ordine ad finem, tanquam ad causam bonitatis. Si enim fuerit ad conuenientem finem ordinata, erit bona: si vero secus sit, erit mala: de qua bonitate dictum est in hoc artic. 4. & quæcumque fuerint bonitatum deficiat, non potest dici actio simpliciter bona.

Ad argumenta.

Ad 1. Negatur consequentia. Ad prob. negatur maior. Ad prob. dicitur, quod qui operatur, semper

semper quidem respicit bonum, sed non semper respicit vere bonum. Aliquando enim operâ habet pro fine id, quod est vere bonum: & tunc actio est bona ex fine. Aliquando autem respicit, quod est apparens bonum: & tunc actio non est bona, sed mala ex fine.

Ad 2. Dicitur ad minorem, & ad eius probationem, quod quamvis finis sit causa extrinseca, & propterea non sit in actione, tamen debita proportio actionis ad finem, est aliquid in ipsâ actione existens.

Ad 3. Negatur consequens. Ex hoc enim, quod actio bona, in malum finem, & mala in bonum ordinari potest, non sequitur, quod actio non habeat bonitatem, vel malitiam ex fine, sed solum sequitur, quod non habeat ex fine omnem bonitatem, & omnem malitiam. Actio enim, quæ ordinatur in bonum finem erit semper bona ex fine, poterit tamen esse mala ex defectu plenitudinis sui esse, vel ex obiecto, vel etiam ex circumstantiis. Et similiter, quæ ordinatur in malum finem, est mala ex fine, sed poterit esse bona ex alijs causis suæ bonitatis. Sicut actio faciendi eleemosinam propter inanem gloriam, ex fine est actio mala, & tamen poterit esse bona ex obiecto, & ex debitis circumstantiis: ut si fiat ex propria substantia, & loco, & tempore, & cum alijs circumstantiis. Et actio faciendi eleemosinam ex furto, vel ex usura acquisita, & tamen ordinetur ad bonum finem, erit bona ex fine, & mala ex obiecto.

Potest etiam dici, negando antecedens, quo ad id, quod dicitur, quod actio bona potest ordinari ad malum finem. Actio enim ordinata ad malum finem, non potest dici simpliciter bona, sed secundum quid tantum, eo quia ad hoc, ut actio sit simpliciter bona, necesse est, ut sit bona ex omnibus causis bonitatis, scilicet ex esse, ex obiecto, ex circumstantiis, & ex fine. Quod si vna deficiat, non erit bona, sed potius mala.

ARTICVLVS V.

Utrum Aliqua actio humana sit bona, vel mala in sua specie.

Pro Negativa.

Videtur, quod actus morales non differant specie secundum bonum, & malum.

1. Bonum, & malum non diuersificant speciem in rebus. Ergo Bonum & malum nec diuersificant speciem in actibus.

Antecedens prob. Quia Idem specie est homo bonus, & malus.

Consequens. quia Bonum, & malum in actibus inueniuntur conformiter rebus, ut Art. 1. huius quest. dictum est.

2. Quod diuersificat aliqua secundum speciem, est differentia. Sed Malum non potest esse differentia. Ergo Malum non potest diuersificare humanos actus secundum speciem.

Maiores prob. quia Differentia est, quæ distinguit genus, & constituit speciem. Unde quod diuersificat aliqua secundum speciem, debet esse differentia.

Minor prob. Nō ens non potest esse differentia. ut dicitur 3. Met. tex. 10. Sed Malum, cum sit priuatio quædam, est non ens. Ergo Malum non potest esse differentia distinguens actus.

3. Illa, ex quibus sequitur idem effectus, non differunt specie. Sed Ex actu bono, & malo sequitur idem effectus. Ergo Actus bonus, & malus non differunt specie.

Maiores. quia Diuersorum secundum speciem, diuersi sunt actus secundum speciem.

Minor. quia Ex matrimoniali concubitu, qui est actus bonus, & ex concubitu adulterino generatur idem homo secundum speciem.

4. Ea, quæ conueniunt actibus ex circumstantiis, non possunt distinguere ipsos secundum speciem. Sed Bonum, & malum inueniuntur in actibus quandoque secundum circumstantiam. Ergo Bonum, & malum non faciunt distinctionem speciem actuum.

Maiores prob. quia (cum circumstantia sit accidens) non potest dare speciem actui.

Pro Affirmatiua.

Habitus bonus, & malus differunt specie. Ergo Et actus bonus, & malus differunt specie.

Antecedens prob. quia Liberalitas, quæ est habitus bonus, differt specie à prodigalitate, quæ est habitus malus.

Consequens. quia Similes habitus similes actus reddunt.

Determinatio.

Conclusio. Bonum, & malum diuersificant speciem in actibus moralibus.

Prob. Differentiæ per se obiectorum per cōparationem ad propriam potentiam, faciunt diuersitatem specificam actuum. Sed Malum, & bonum sunt per se differentiæ obiectorum moralium actuum, secundum quod comparantur ad propriam potentiam. Ergo Malum, & bonum faciunt specificam differentiam actuum moralium.

Maiores manifestatur. Pro quo est sciendum, quod distinctio specifica actuum semper est ex aliqua differentia desumpta ex proprio obiecto ipsorum actuum: Non tamen quælibet differentia obiectorum facit specificam distinctionem actuum, sed solum illa, quæ conuenit obiecto per respectum ad potentiam, quæ per se respicit tale obiectum. Possunt enim duæ differen-

tia duorum obiectorum, per comparationem ad unam potentiam, esse per se differentie, & consistere actus secundum speciem diuersos, quia tamen differentia, per comparationem ad aliam potentiam, non sunt differentie per se, nec distinguunt actus talis potentie secundum speciem: Sicut differentia coloris, & soni, si comparantur ad propriam potentiam, scilicet sensum, faciunt diuersitatem actuum, & potentiarum. Actus enim videndi, est alius secundum speciem ab actu audiendi, & alia est potentia visiva ab auditiva secundum speciem. Si vero comparantur ad intellectum, non faciunt differentiam specificam actuum, quia intellectus eodem actu potest sub ali qua communi ratione utrumque cognoscere. Et ratio horum est, quia differentia coloris, & soni per se respiciunt sensum, ad intellectum vero per accidens se habent.

Patet igitur Maior illa, quod differentia obiectorum, secundum quod comparantur ad propriam potentiam, faciunt distinctionem specificam actuum.

Minor manifestatur. quia Bonum hominis est secundum rationem esse, malum autem est, quod est prae rationem. Ergo differentia boni, & mali circa obiectum considerata, comparatur per se ad rationem, scilicet secundum quod obiectum est ei conueniens, vel non conueniens. Actus etiam dicuntur humani, & morales secundum quod sunt a ratione, ut in quaestione prima, declaratum est. Et ideo bonum, & malum sunt differentia obiectorum, & actuum moralium, secundum quod comparantur ad propriam potentiam, id est ad rationem, quae est minor probanda.

Ad Argumenta.

Ad 1. Negatur antec. Nam bonum, & malum faciunt diuersitatem secundum speciem, etiam in rebus. Ad probationem dicitur, quod in rebus duplex malum inuenitur. Malum, quod est contra naturam, & Malum, quod est contra rationem. Puta homini potest accidere malum naturae, ut mors, quae opponitur bono naturae, scilicet vitae. Potest etiam eidem accidere malum morale, ut incontinentia; quae opponitur bono morali, scilicet continentiae. Sicut igitur Bonum naturae, & malum ei oppositum faciunt specificam differentiam; homo enim mortuus non est eiusdem speciei cum homine viuo: sic bonum, & malum morale faciunt specificam differentiam, non in rebus, sed in moribus. Unde actus continens, & incontinens, in genere morum dis-

runt specie, quia vnus est bonus, & secundum rationem, alius vero est malus, & contra rationem. Ad probationem antecedentis dicitur, quod facit trahitur a differentia in genere rei, ad differentiam in genere morum. Homo enim bonus, & malus in genere rei sunt eiusdem speciei, morabitur tamen specificis differunt.

Ad 2. Negatur minor. Ad prob. neg. minor illa, quod malum sit absolute non ens. Ad cuius probationem dicitur, quod aliquid importare priuationem contingit dupliciter. Vno modo, ut importet priuationem absolutam: & hoc est simpliciter non ens, & tale non ens, non potest esse differentia; nec potest dici bonum, aut malum, ut dictum est supra art. 1.

Alio modo, aliquid potest importare priuationem, non absolutam, sed in tali subiecto, sicut caritas importat priuationem non absolutam, ita, ut remoueat ab oculo omnem entitatem, & formam, sed solum visionis, ab organo visus potentiae, & huiusmodi priuatio dicitur aliquo modo ens, scilicet ratione subiecti, cuius est priuatio. Malum igitur in moralibus, non importat priuationem absolutam, sed priuationem in tali subiecto, hoc est in ipso actu morali; qui dicitur malus, non quia nullum habet obiectum: quia sic nullo modo esset. Sed quia habet obiectum non conueniens, sicut actus, quo quis rapit aliena, dicitur malus, non quia omnino careat obiecto; sed quia eius obiectum non est conueniens: & habet ratione malum potest esse differentia specificans inuales actus.

Ad 3. Negatur minor. Ad probationem dicitur quod Actus Matrimonij, & Adulterij possunt dupliciter considerari. Vno modo per comparationem ad vim generatiuam. Alio modo per comparationem ad rationem. Si considerentur primo modo, non differunt specie, & ideo habent eundem effectum secundum speciem, tam enim per actum matrimonij, quam per actum adulterij generatur homo. Si vero considerentur secundum quod respiciunt rationem, sic specie differunt. Nam actus matrimonij est laudabilis; Adulterij vero est vituperabilis: Et illa meretur primum, iste vero poenam.

Ad 4. Negatur maior. Ad probationem dicitur, quod circumstantia dupliciter potest considerari. Vno modo, ut est quoddam accidens actus. Alio modo, ut comparatur ad rationem, id est secundum, quod ponit in actu aliquam specialem conuenientiam, vel repugnantiam ad rationem. Primo modo, considerata, circumstantia non dat speciem actui, eo quod accidens speciem dare non possit. Secundo vero modo considerata, iam

non accipitur, ut accidens, sed est differentia constituens actum in specie moralit. Circumstantia igitur, quæ dat actui bonitatem, vel malitiam, ponit in actu aliquam specialem repugnantiam, vel convenientiam ad rationem, & sic est differentia specifica actuum moralium.

ARTICULUS VI.

Utrum Actus habeat speciem boni, & mali ex fine.

Pro Negativa.

Videtur, quod bonum, & malum, quod est ex fine, non diuersificat speciem in actibus.

1. Ad hoc, quod est extra rationem obiecti, nullus actus potest habere speciem. Sed Finis est extra rationem obiecti vniuersali; actus. Ergo ex fine nullus actus potest habere speciem boni, vel mali.

Maior. quia Quilibet actus habet speciem ex proprio obiecto: unde quod est extra rationem obiecti, non dat speciem actui.

2. Illud, quod est per accidens, non constituit speciem. Sed Bonitas, vel malitia finis est per accidens respectu actus. Ergo Malum, vel bonum, quod est ex fine, non diuersificat speciem actus.

Minor. quia Accidit alicui actui, puta actui dandi elemosinam, ut ordinetur ad inanem gloriam, vel ad aliquem alium finem.

3. Diuersi actus secundum speciem, ad eundem finem ordinari possunt. Ergo Bonum, & malum acceptum ex fine, non diuersificat speciem actuum.

Antecedens prob. quia Ad inanem gloriam ordinari possunt actus diuersarum virtutum, & diuersorum vitiorum.

Cohæq. manifesta est. Si enim actus specie distincti ad eundem finem ordinantur, iam non ex fine habent speciem, quia essent vnius speciei, ex hoc quod ad eundem finem ordinantur.

Pro Affirmativa.

Actus humani habent speciem a fine, ut dictum est. Ergo Bonum, & malum, quod accipitur ex fine, diuersificat speciem actuum.

Descriptio.

Dist. Actus humanus est duplex. Interior, & Exterior.

Manifestatur. Nam actus dicuntur humani, & morales ex hoc, quod sunt voluntarij. Actus autem voluntarius duplex est. Interior, ut est actus volendi: & Exterior, ut est actus edificandi, vel

scribendi. Ita etiam est de actu humano dicendum.

Huiusmodi autem actus differunt, & conueniunt. Differunt quidem in hoc, quod actus interior habet finem pro obiecto: Vnde in actu interiori, idem est obiectum, & finis. Actus vero exterior habet pro obiecto aliquid, circa quam est, & pro fine habet id, ad quod ordinatur a voluntate. Sicut actus edificandi habet pro obiecto edificium, pro fine autem habet id, ad quod edificium a voluntate ordinatur, puta, ut nos a frigore, & ab æstu defendat. Conueniunt autem actus interior, & exterior in hoc, quod sicut actus interior habet speciem a proprio obiecto, quod est finis, ita actus exterior habet propriam speciem a proprio obiecto, quod est materia, circa quam versatur.

Ex quibus euidenter sequitur, quod actus interior vnus, & idem existens, ad eandem speciem necessario pertineat ex parte finis, & ex parte obiecti: quia eius finis, & obiectum omnino idem sunt.

Actus autem exterior vnus existens potest pertinere ad vnam speciem, vel etiam ad vnum genus ex parte obiecti, & ad alterum ex parte finis: sicut actus faciendi elemosinam, ex parte materie pertinet ad virtutem, ex parte vero finis potest pertinere ad vitium, ut si fiat propter inanem gloriam.

Conclusio. Actus humani tum interiores, tum exteriores habent speciem boni, & mali ex fine, ita ut si sint ordinati ad bonum finem, dicantur boni, & si ad malum finem, mali, & specie distincti a bonis. Probat, & primo de actu interiori. Actus cuius obiectum idem est, quod finis, habet speciem boni, & mali ex fine. Sed Actus interioris idem est obiectum, & finis. Ergo Actus interior habet speciem boni, & mali ex fine.

Maior. quia Actus recipit speciem a proprio obiecto, & bonitatem, & malitiam ex fine. Vnde actus, qui habet finem pro obiecto, ab eodem habet speciem, & bonitatem, vel malitiam.

De actu exteriori idem ostenditur hac ratione. Illud, quod consideratur in actu exteriori, ut formale, dat ei speciem. Sed Ordinari in finem consideratur in actu exteriori, ut formale. Ergo Finis dat actui exteriori speciem boni, vel mali.

Maior. quia Vnum quodque constituitur in specie per id, quod est formale in ipso.

Minor. Quod conuenit actui humano ex parte voluntatis, est ut formale in ipso actu. Sed Ordinari in finem conuenit actui humano exteriori ex parte voluntatis. Ergo Ordinari in finem est ut formale in exteriori actu.

Maior huius Prob. quia Voluntas utitur membris sicut instrumentis ad agendum, & per consequens, quod conuenit actui exteriori ex parte potentie.

tentia executiua, est sicut materiale in eo, quod vero eidem conuenit ex parte voluntatis est formale, & etiam, quia Actus exteriores non habent rationem moralitatis, nisi in quantum sunt voluntatis. Vnde quod conuenit actui exteriori per proprium obiectum, se habet ut materiale respectu eius, quod conuenit ei ex parte voluntatis, quod est, ut ordinetur in finem hunc, vel illum, bonum, vel malum.

Et confirmatur secunda conclusionis pars. scilicet quod actus exterior habeat speciem boni, & mali ex fine. Ex Aristot. sententia qui 5. Ethic. cap. 2. dicit. Quod qui furatur, ut committat adulterium, est per se loquendo magis adulter, quam fur, quia habet ut sit fur ex materia actus, & quod sit adulter ex fine, ad quem actus furandi ex voluntate ordinatur.

Ad Argumenta.

Ad 1. Dicitur ad minorem, quod in actu interiori, finis non est extra rationem obiecti, sed est ipsum obiectum: ut est etiam obiectum actus exterioris, secundum quod est moralis, licet sit extra rationem obiecti materialis actus, ut in corpore dictum est.

Ad 2. Neg. minor. Et de actu quidem interiori, euidenter patet eius falsitas: actus enim interior habet pro obiecto per se, & proprio ipsum finem. Vnde, ei non accidit ordinari ad finem. Actui vero exteriori licet hoc accidat respectu materialis obiecti; non tamen accidit ei, ut est moralis, & per respectum ad voluntatem. Vnde ad probationem dicitur, quod licet actui dandi eleemosynam, secundum se accidat ordinari ad bonum, vel malum finem, tamen, ut moralis est, & ut subest interiori actui voluntatis, necessario ordinatur ad bonum, vel malum finem.

Ad 3. Dicitur ad Antecedens, quod Quando plures actus specie differentes ordinantur ad eundem finem, diuersitas secundum speciem est ex parte actuum exteriorum, quo ad materiale, quo vero ad formale sunt vnus actus secundum speciem. Puta si quis oret, faciat eleemosynam, & prædicet propter inanem gloriam, omnes huiusmodi actus, licet ex parte materiae sint diuersi secundum speciem, tamen ex parte finis ad eandem speciem pertinebunt.

ARTICVLVS VII.

Vtrū species, quæ est ex fine, contineatur sub specie, quæ est ex obiecto sicut sub genere, vel e converso. Puta cum aliquis vult furari, ut det eleemosynam. An actus dandi eleemosynam contineatur sub actu, qui est furari, & sic sit malus. Vel e converso an actus furandi habeat bonitatem ab actu dandi eleemosynam.

Et sub alijs verbis quæritur, an actus dandi eleemosynam, qui est bonus ex fine, reddatur malus propter actum furandi, qui est malus ex obiecto. Vel e converso. An actus furandi, qui est malus ex obiecto, fiat bonus ex actu dandi eleemosynam qui est bonus ex fine.

Pro Affirmativa.

Videtur, quod species bonitatis, quæ est ex fine, contineatur sub specie bonitatis, quæ est ex obiecto, sicut species sub genere.

1. Actus, secundum substantiam habet speciem ex obiecto, ut dictum est. Ergo Species, quæ est ex fine, continetur sub specie, quæ est ex obiecto.

Conseq. prob. quia Cum impossibile sit, idem contineri sub diuersis speciebus non subalternatis, non poterit actus esse in aliqua specie; quæ sub propria specie non continetur: cum enim sensibile det speciem animalis, non poterit aliquod animal esse in aliqua specie: nisi talis species sub sensibili contineatur. Sic etiam, cum obiectum det speciem secundum substantiam actui, impossibile est, ut actus sit in aliqua alia specie, nisi huiusmodi species sub specie obiecti contineatur.

2. Species, quæ constituitur per differentiam posteriorem, continetur sub specie, quæ est per differentiam priorem constituta. Sed species, quæ est ex fine, constituitur ex posteriori differentia, quam species, quæ est ex obiecto. Ergo species, quæ est ex fine, continetur sub specie, quæ est ex obiecto.

Maiores. quia Vltima differentia constituit speciem specialissimam, quæ non potest alias species continere, sicut species, quæ constituitur per rationalitatem, continetur sub specie, quæ constituitur per sensibilitatem, quia hæc communior, & prior, illa magis particularis, & posterior est differentia.

Minor. quia Finis habet rationem vltimi.

3. Quod est magis formale, continetur sub eo, quod est minus formale. Sed Species, quæ est ex fine, est magis formalis, ut dictum est. Ergo Species, quæ est ex fine, continetur sub specie, quæ est ex obiecto, sicut species specialissima sub genere subalterno.

Maiores. quia Differentia comparatur ad genus, ut forma ad materiam: quia enim rationalitas est formalior differentia, quam sit sensibilitas; ideo species hominis sub animali continetur.

Pro Negativa.

Actus eiusdem speciei ex parte obiecti possunt ad infinitos fines ordinari. Ergo Species actus, quæ est ex fine, non continetur sub specie, quæ est ex obiecto, sicut species sub genere.

Conseq. prob. quia Cuiuslibet generis sunt de
terminati.

terminatæ differentiz, & species.

Determinatio.

1. *Distinctio.* Actus Voluntatis est duplex. Interior, & Exterior, vt dictum est art. præc. Actus interior est actus, qui est elicited a voluntate, & non imperatus ab ipsa. Actus vero exterior est actus a voluntate imperatus, & per alias potentias exercitus.

Difficultas mota non habet locum in actu interiori, quia cum obiectum actus interioris per se proprie sit ipse finis, Vanum est quærere, vtrum species, quæ est ex fine, contineatur, vel contineat species, quæ est ex obiecto in actu interiori. Quia finis, & obiectum idem sunt respectu actus interioris. Difficultas igitur est de actu exteriori.

2. *Distinctio.* Obiectum actus exterioris potest dupliciter se habere ad finem voluntatis. Vno modo sic, vt sit per se ordinatum ad talem finem. Sicut actus bene pugnandi, & obiectum eius, scilicet pugna per se ordinatur ad victoriam, quæ est finis. Alio modo obiectum potest per accidens ordinari ad finem: Sicut accipere rem alienam, per accidens ordinatur ad dandum eleemosynam.

1. *Conclusio.* Species actus, quæ est ex obiecto, quod non per se ordinatur ad finem, non continet speciem, quæ est ex fine, nec ab ea continetur, sed tunc actus sunt sub duabus speciebus quasi disparatis.

Prob. Species, quæ sunt ex differentiis non per se diuisibilibus aliquod genus, vna non continet, neque continetur sub altera. Sed Quando obiectum non per se ordinatur ad finem, species, quæ est ex obiecto, & ea, quæ est ex fine, sunt ex differentiis non per se diuisibilibus genus actuum. Ergo Tunc vna species non continet alteram, nec sub ea continetur.

Maiores prob. quia Oportet, sicut Philosophus dicit, 7. Metaph. tex. 43. q. differentie diuisibiles aliquod genus, & constituentes speciem illius generis, per se diuisant illud genus. Si autem diuisant per accidens, non recte procedit diuisio: puta, si quis dicat, Animalium, aliud rationale, aliud irrationale: & animalium irrationaliū, aliud alatum, aliud non alatum: Alatum, Et non alatum non sunt per se differentie diuisibiles animalium irrationale, quia nec homo, nec equus sunt alati, sed oportet sic diuisere animalium irrationale: Aliud habet duos tantum pedes, aliud multos. In qua diuisione patet, quod posterior, scilicet habere, & non habere pedes, determinat irrationale: & iterū habere duos vel multos determinat habere pedes. Ex quibus patet, quod quando differentie per se diuisunt genus, vna differentia, scilicet posterior determi-

nat priorem, & constituit speciem, quæ continetur sub specie prioris differentie, sicut species si specialissima sub genere. Si autem differentie sint per accidens, non constituunt species ad inuicem subordinatas, sed disparatas. Et sic patet maior, quæ erat probanda, scilicet species, quæ constituuntur, per differentias, quæ non per se diuisunt genus, vna non continet alteram, nec ab ea continetur.

Minor vero prob. quia Quando obiectum non per se ordinatur ad finem, differentia, quæ ex obiecto sumitur, non est per se determinatiua differentie, quæ est ex fine, nec e converso. Sicut dare eleemosynam, non determinat differentiam actus furandi, nec e contra.

Et cōfir. Concl. Quia propterea dicimus, quod ille, qui furatur, vt inechetur committit duas malitias in vno actu, eo quod, nec mechia ad furtum, nec furtum ad mechiam per se ordinatur.

2. *Concl.* Si obiectum per se ordinatur ad finem, vna harum specierum, scilicet quæ est ex fine, & quæ est ex obiecto, sub altera continetur.

Prob. quia Tunc vna dictarum differentiarum est per se determinatiua alterius.

Sed remanet videndum, an species, quæ est ex obiecto, contineatur sub ea, quæ est ex fine, vel e contra.

3. *Concl.* Species actus, quæ est ex obiecto, quod per se ordinatur ad finem, continetur sub specie, quæ est ex fine, ad quem per se obiectum ordinatur, sicut species sub genere.

Prob. Quotiescunque duæ species sub eodem genere existentes constituuntur per differentias, quarū vna sit vniuersalior altera, illa species, quæ constituuntur per differentiam minus vniuersalem, continetur sub ea, quæ constituuntur per differentiam magis vniuersalem, sicut species sub genere. Sed species actus, quæ est ex obiecto, & species, quæ est ex fine, sunt duæ species sub genere actus moralis, quarū illa, quæ est ex fine constituuntur per differentiam magis vniuersalem, quā sit differentia per quā constituuntur species, quæ est ex obiecto. Ergo Species actus, quæ est ex obiecto, continetur sub specie, quæ est ex fine, sicut species sub genere.

Maiores est manifestata. Nam quia Animal constituitur sub genere substantie per vniuersaliorem differentiam, quam sit differentia constitutiua hominis, hinc fit, vt animal, quod constituitur per sensibilitatem contineat hominem, tanquam speciem sub genere, qui constituitur per rationalitatem.

Minor prob. Supponendo tria.

Primum Est, quod Quanto aliqua diffinitio sumitur a forma magis particulari, tanto magis est specifica, & quæ sumitur a forma magis vniuersali, magis est generica.

terminate rationem boni, vel mali, nec ipsi actus sunt indifferentes secundum speciem. Sed Obiecta, & fines, ad quos actus humani ordinantur, non sunt indifferentes, sed habent determinatam rationem mali, vel boni. Ergo Nec actus humani sunt indifferentes.

Minor prob. quia Actus habent speciem ab obiecto, & sine, ut dictum est.

3. Omnis actus, vel habet debitam perfectionem suæ bonitatis, vel aliquid ei deficit. Ergo Omnis actus est bonus, vel malus, bonus inquit, si habeat plenitudinem suæ perfectionis, malus vero, si aliquid ei desit, & nullus actus erit indifferens.

Conseq. prob. nam Actus dicitur bonus, quia habet plenitudinem suæ perfectionis, Malus vero, quia ei aliquid de plenitudine perfectionis sibi debita deest.

Pro Affirmativa.

Aug. dicit lib. 2. de Serm. dom. in Monte cap. 21. quod sunt quædam facta media, quæ possunt bono, vel malo animo fieri, de quibus est temerarium iudicare.

Determinatio.

Conclusio. Sunt aliqui actus humani indifferentes secundum speciem.

Prob. Actus non includentes aliquid pertinentes ad ordinem rationis, non sunt boni, nec mali secundum suam speciem, sed indifferentes. Sed Aliqui actus humani sunt, qui non includunt aliquid pertinens ad ordinem rationis. Ergo Aliqui actus humani sunt indifferentes.

Maiores prob. quia Actus humanus, qui dicitur moralis, habet speciem ab obiecto relato ad principium actuum humanorum, quod est ratio. Unde si obiectum includat aliquid, quod conveniat ordini rationis, erit actus bonus secundum speciem, sicut est actus dandi elemosynam indigentibus. Si autem includat aliquid, quod repugnet ordini rationis, erit malus actus secundum speciem, sicut est actus furandi, quo aliena tolluntur. Si vero sit actus non includens aliquid pertinens ad ordinem rationis, nec contra ordinem rationis, talis actus erit indifferens.

Minor prob. quia Ire ad campum, leuare festucam de terra, & his similia, nihil includunt pertinens ad ordinem rationis.

Ad Argumenta.

Ad 1. Negatur minor. Ad prob. minoris dicitur, quod duplex est privatio. Quædam, quæ consistit in privatione esse; & hæc nihil relinquit de habitu sibi opposito, sed totum aufert, ut sunt cæcitas, quæ totaliter aufert visum, & mors, quæ totaliter aufert vitam, & tenebra, quæ totaliter au-

fert lucem. Quædam vero est privatio, quæ consistit in privari: sicut ægrotudo est privatio sanitatis, non quod tota sanitas sit sublata; sed est quasi quædam via ad totalem ablationem sanitatis, quæ fit per mortem. Unde relinquit humifmodi privatio aliquid de habitu sibi opposito. Privatio igitur, quæ consistit in privatum esse, & habitus, sunt opposita immediata. Privatio vero, quæ consistit in privari, & eius habitus sunt opposita mediata. Tunc ad minorem eiusdem probationis dicitur, quod malum, & bonum opponitur privationi, iuxta suum modum, quia si malum non totaliter tollit bonum. Unde bonum, & malum sunt opposita mediata, ut Simplicius dicit in prædicationis.

Ad 2. Dicitur ad minorem, quod omne obiectum, vel finis habet aliquam bonitatem, vel malitiam, saltem naturalem, non tamen semper importat bonitatem, vel malitiam moralem, quæ consideratur in ordine ad rationem, & propterea sunt aliqui actus indifferentes, id est non habentes, nec bonitatem, nec malitiam moralem.

Ad 3. Dicitur, quod alicui rei duplex bonitas convenire potest. Bonitas simpliciter, & Bonitas secundum suam speciem. Bonitate simpliciter habet res, tunc quando nihil ei deficit de bonitate, quam res apta nata est habere, siue talis bonitas pertineat ad eius speciem, siue non pertineat, sed sit ei accidentaliter: & sic homo dicitur simpliciter bonus, non solum per hoc, quod habet animam, & corpus, & cætera spectantia ad suam speciem intrinsece, sed quando habebit scientiam, virtutes, & similia. Bonitas autem secundum speciem convenit rei per hoc, quod ei nihil ad suam speciem pertinens deficit, & secundum hanc bonitatem homo bonus dicitur per hoc, quod non caret his, quæ suam speciem integrant. Actus igitur humanus, tunc perfectus simpliciter dicitur, quando nihil omnino ei deficit de plenitudine suæ perfectionis, & malus quando deficit ei aliquid de plenitudine perfectionis sibi debite. Tunc vero bonus secundum speciem dicitur, quando ei non deficit aliquid pertinens ad suæ speciei perfectionem. Et malus secundum speciem, quando ei aliquid ad suæ speciei perfectionem pertinens deficit. Sed si deficit ei solum aliquid, non pertinens ad eius speciem, non erit actus malus, nec bonus secundum speciem, propter carentiam talium perfectionum. Unde ad formam dicitur ad antecedens, quod actus, vel habet plenitudinem suæ perfectionis, & tunc est bonus simpliciter: vel non habet, & tunc non erit bonus simpliciter; sed tamen habet omnes perfectiones spectantes ad suam speciem, & careat solum his, quæ in sua specie non includuntur, licet simpliciter, talis actus non sit dicendus bonus, tamen, secundum speciem ex hac carentia, non erit nec bonus, nec malus: sicut homo secundum suam speciem, non est vitiosus, nec virtuosus.

ARTICVLVS IX.

Vtrum Aliquis actus sit indifferens secundum indiuiduum.

Pro Affirmatiua.

Videtur, quod Aliquis actus sit indifferens secundum indiuiduum.

1. Aliquis actus est indifferens secundum suam speciem. Ergo Videtur, quod aliquis actus sit indifferens etiam secundum indiuiduum.

Conseq. prob. quia Nulla species est, quæ sub se non contineat, vel continere possit aliquod indiuiduum.

2. Aliquis habitus est indifferens. Ergo Etiam aliquis actus indiuidualis est indifferens.

Antec. prob. quia Arist. 4. Ethic. 1. c. dicit, de quibusdā, sicut de placidis, & prodigis, quod non sunt mali, & tamen constat, quod non sunt boni, cum recedant a virtute, & sic isti sunt indifferentes secundum habitum.

Conseq. prob. quia Habitus causantur ex indiuidualibus actibus conformes ipsis. Vnde si habitus causati sunt indifferētes ex indifferētibz actibus singularibus necesse est eos producos fuisse.

3. Quandoque contingit, quod homo, actum, qui ex specie sua est indifferens, non ordinet ad aliquem finem vitij, vel virtutis. Ergo Huiusmodi actus erit etiam in indiuiduum indifferens.

Antec. patet quia Homo potest ire ad campum, non referendo hunc actum ad aliquem finem vitij, vel virtutis.

Conseq. prob. quia Bonum morale pertinet ad virtutem, & malum morale ad vitium. Vnde actus non relatus ad finem vitij, vel virtutis erit indifferens.

Pro Negatiua.

Omne verbum prolatum ab homine, est aut malum, aut bonum. Ergo Pati ratione omnis actus humanus, vel est malus, vel est bonus.

Antec. prob. Nam Greg. dicit in quadam homilia, quod verbum, quod utilitate rectitudinis, aut ratione iustæ necessitatis, aut pie utilitatis caret, est otiosum, & malum, de quo reddenda est ratio in die iudicij. Si autem non caret ratione iustæ necessitatis, aut pie utilitatis, est bonum, & sic nullum verbum remanet, quod non sit bonum, vel malum.

Determinatio.

Ratio motæ difficultatis.

Quia enim posset quis existimare superflue motam esse hanc quætionem, eo quod in præcedenti

articulo determinatum fuerit aliquem actum esse indifferētem secundum speciem, per quod videtur consequenter esse determinatum inueniri actum indifferētem, etiam secundum indiuiduum; propterea necessarium fuit redde rationē motæ quætionis. Contingit enim quādoque aliquem actum esse indifferētem secundum speciem, qui tamen est bonus, vel malus in indiuiduo consideratus. Nam Actus moralis, non solum habet bonitatem ex obiecto, a quo habet speciem, sed etiam ex circumstantijs, quæ sunt quasi quædam accidentia actus indiuidualis. Ergo Actus moralis potest secundum speciem esse indifferens, & secundum indiuiduum esse bonus, vel malus, scilicet ratione circumstantiarum, per quas trahitur ad bonum, vel ad malum. Et propterea post determinationem prioris quætionis, quæ actus potest esse indifferens secundum speciem, remanet inquirendum, Vtrum possit actus esse indifferens secundum indiuiduum.

Distinctio. Actus hominis est duplex. Quidam procedit a ratione deliberatiua, & hic proprie dicitur humanus, ut quæst. 1. dictum est. Quidam vero non procedit a ratione deliberatiua, sed solum ex quadam imaginatione, sicut cum quis fricat barbam, vel mouet manum, aut pedem.

1. Conclusio. Necesse est omnem actum hominis, a deliberatiua ratione procedentem, esse vel bonum, vel malum.

Prob. Omnis actus, qui vel est ordinatus, vel non est ordinatus ad debitum finem, est vel bonus, vel malus. Sed Omnis actus hominis procedens a ratione deliberatiua in singulari, est vel ordinatus, vel non ordinatus ad debitum finem. Ergo Omnis actus hominis procedens a deliberatiua ratione, est vel bonus, vel malus.

Maiores. quia Cum actus dicatur moralis per respectum ad rationem, & bonus, per hoc, quod est conformis ordini rationis deliberatiuæ, cuius est ordinare actum in proprium finem, & malus, quia a tali ordine discordat: Si ordinatur in finem debitum, & conuenienter concordat cum ordine rationis, dicitur bonus. Si vero non ordinetur in debitum finem, repugnat rationi, & per hoc dicitur malus.

2. Conclusio. Actus in indiuiduo non procedens a ratione deliberatiua, est indifferens.

Prob. quia Talis actus non est moralis, proprie loquendo, nec humanus, vt potest, qui non est a ratione. Et sic erit indifferens, etiam extra genus actuum moralium existentis.

Ad Argumenta.

Ad 1. Dicitur ad antecedens, quod aliquem actum esse indifferētem secundum suam speciem, potest dupliciter intelligi. Vno modo sic, quod ex sua specie debeat ei vel sit indifferens, eo modo,

do, quo est de ratione speciei leoninæ, vt sit irrationalis: & sic argumentum inductum cōcludit. Si enim esset aliquis actus, cui deberetur secundum rationē suæ speciei, vt esset indifferens, profecto sub hac specie actus, sic indifferens, necessarium esset, vt contineretur aliquid in indiuiduo. Sed tamen nullus humanus actus est sic indifferens: Non enim est aliquis actus, qui non possit ad bonum, vel ad malum finem ordinari, & per hoc esse bonus, vel malus. Alio modo, aliquis actus dicitur indifferens secundum suam speciem, quia non habet ex sua specie, vt sit bonus, vel malus, eo modo, quo animalia communiter sumptum, potest dici irrationale, quia non habet ex sua definitione, quod sit rationale, vel irrationale, & homo secundum speciem non est albus, nec niger, quia neutrum conuenit sibi ex sua speciei ratione. Et hoc modo actus humanus est indifferens secundum speciem. Vnde ad argumentum negatur cōsequencia. Non enim ex hoc quod actus est sic indifferens secundum speciem, oportet ut contineatur sub tali specie, actus indifferens secundum indiuiduum.

Ad probi. Dicitur, quod sub qualibet specie actus potest esse quicquid aliquid in indiuiduo, sed aliquid potest esse de ratione indiuidui, quod non erit de ratione speciei. Vnde actus, qui secundum suam speciem est indifferens, secundum indiuiduum erit bonus, vel malus.

Ad 2. Neg. antec. Ad prob. dicitur, quod aliquid dici malum, potest dupliciter intelligi. Vno modo specialiter: & sic illud dicitur malum, quod est alijs nocuum. Alio modo communiter: & sic illud dicitur malum, quod repugnat ordini recte rationis. Ad sententiam igitur Philosophi dicitur, quod quando ipse dixit, prodigium non esse malum, loquutus est de malo primo modo, quatenus prodigium alteri non nocet, sed solum sibi ipsi: est tamen malum, communiter loquendo de malo, quia actus prodigiaris repugnat ordini recte rationis, & sic in presenti est forma de malo.

Ad 3. Neg. antec. Nullus enim actus potest exerceri ab homine, si procedat a ratione deliberata, quod ordinatur ad aliquem finem ex intentione eius, qui agit. Et ad probationem dicitur, quod etiam tunc ad Campum, si ex deliberata ratione procedat, actus quem finem ordinatur, puta ad corporis sanitatem, ad videndum ea, que ibi aguntur, vel propter aliquem rationalem finem illud operatur.

Ad 4. Neg. antec. Nullus enim actus potest exerceri ab homine, si procedat a ratione deliberata, quod ordinatur ad aliquem finem ex intentione eius, qui agit.

Vtrum aliqua circumstantia constituat actum moralem in specie boni, vel mali.

Pro Negativa.

Videtur, quod Circumstantia non possit constituere aliquam speciem boni, vel mali actus.

1. Species actus moralis est ex obiecto, ut dictum est. Ergo Speciebus actus moralis non est ex circumstantijs.

Conseq. prob. quia Circumstantiæ differunt ab obiecto.

2. Accidens non constituit speciem eius, cuius est accidens. Sed Circumstantiæ sunt quedam accidentia actus moralis. Ergo Circumstantiæ non constituunt speciem actus moralis.

3. Si Circumstantia constitueret actum moralem in specie, sequeretur, quod idem actus moralis esset in pluribus speciebus. Sed Hoc est inconueniens. Ergo Circumstantia non constituit actum moralem in sua specie.

4. Conseq. prob. quia Vnius actus sunt plures circumstantiæ. Vnde si circumstantia constitueret actum in specie, profecto actus habens plures circumstantias, esset in pluribus speciebus.

Falsitas Consequentis probatur, quia Vna res non potest esse in pluribus speciebus.

Pro Affirmatiua.

Circumstantia loci constituit actum morale in quadam specie mali. Ergo Circumstantia constituit actum morale in specie.

Antec. prob. quia Furtari aliquid in loco Sacro, constituit actum furandi in specie sacrilegij.

Determinatio.

Conclusio. Circumstantia dat speciem actui morali bono, vel malo.

Prob. Primo. Quod potest accipi a ratione ut principalis conditio obiecti actus moralis, ita ut accipiat, ut specifica differentia, dat speciem actui morali. Sed Circumstantia potest accipi a ratione, ut conditio principalis obiecti ipsius actus moralis. Ergo Circumstantia constituit actum moralem in specie boni, uel mali.

Maior prob. ex conuenientia proportionali, quæ est inter species rerum naturalium, & species actuum moralium. Sicut enim species rerum naturalium constituuntur ex naturalibus formis; Ita species moralium actuum constituuntur ex formis, pro ut sunt a ratione conceptæ, ut ex dictis art. 5. patet. Vnde omnes formæ, quæ a ratione concipiuntur, ut principales conditiones obiecti, sunt quasi formæ, & differentie constituentes species moralium actuum.

Minor prob. ex differentia, quæ est inter ea, quæ constituunt species rerum naturalium, & ea, quæ constituunt species rerum, siue actuum moralium. Sciendum igitur, quod inter naturalia, & moralia, hæc est differentia: Quod in processu nature non est procedere in infinitum, sed necesse est peruenire ad aliquam ultimam formam, ex qua sumatur differentia specifica, post quam,

alia differentia specifica esse non possit. Et ratio huius est, quia natura est determinata ad vñ: & hinc sequitur, quod in naturalibus, illud, quod est accidens alicui, non potest accipi vt differentia essentialis constituens speciem. In moralibus autē oppositū accidit. Nam dato quolibet morali actū constituto in quavis specie, potest constitui in alia specie, per hoc, quod intellectus considerat aliquā eius circumstantiā, vt conditionem principalem obiecti ipsius actus. Sicut si accipiamus actū rapiendi aliena, hic actus est in specie furti, habens suas circumstantias loci, & temporis: quod si intellectus accipiat vñam harum circumstantiarum, puta circumstantiam loci, vt principalem conditionem rei furatæ, puta quia quis eā fiat in loco Sacro; tunc ratione huius circumstantiæ considerata a ratione, vt principalem conditionem obiecti, constituit furtum in specie Sacilegij: & quod prius considerabatur solum vt circumstantia, postea accipitur vt principalis conditio obiecti. Ratio autem huius differentie inter naturalia, & moralia, scilicet quod naturalia in vna solum specie esse possint, & moralia in pluribus, ex parte naturæ iam dicta est. scilicet quia natura est determinata ad vñum: ex parte vero moralium est, quia ratio concipiens, & ordinans moralia, non est ad vñum determinata; & ideo quolibet actū dato, potest per considerationem rationis in alia specie constitui. Quodcumque enim circumstantia respicit specialem ordinem rationis, pro, vel cōtra, dat speciem actui morali, bono, vel malo.

Ex quibus patet minor, quæ erat probanda. scilicet circumstantia possit ab intellectu assumi, vt conditio principalis obiecti. Hoc enim ideo potest ipsa ratio, quia non est ad vñum determinata, & propterea quolibet circumstantia respiciens specialem ordinem rationis potest assumi, vt differentia actus moralis.

Ad argumenta.

Ad 1. Neg. cōseq. Ad prob. dicitur, quod quævis circumstantia, vt sic, differat ab obiecto, tamē secundum quod dat speciem actui, consideratur vt quædam conditio obiecti, vt dictum est in corpore, & sic considerata, est quasi quædam specifica differentia eius.

Ad 2. Dicitur, quod Circumstantia dupliciter consideratur. Vno modo, vt manet in ratione circumstantiæ. Alio modo, vt immutatur in principalem conditionem obiecti. Primo modo, non dat speciem actui, quia sic habet rationem accidentis. Secundo vero modo, dat speciem actui, quia est quasi specifica differentia. Ad formam igitur dicitur ad maiorem, quod accidens, in eo quod accidens, non dat speciem. Sed accidens, vt ponitur

loco differentiæ specificæ, dat speciem. Tunc ad minorem dicitur, quod Circumstantia, vt dat speciem, non habet rationem accidentis, sed assumitur vt differentia obiecti.

Ad 3. Dicitur dupliciter. Primo neg. cōseq. Ad prob. dicitur, quod non omnis circumstantia constituit actum moralem in specie boni, vel mali: cum non quolibet circumstantia importet aliquam specialem consonantiam, vel dissonantiam ad rationem, vt dicitur articulo sequenti. Vnde non oportet, vt sicut sunt multe circumstantiæ vnius actus, talis actus sit in pluribus speciebus.

Secundo Dicitur, negando, quod cōsequens sit inconueniens. Ad probationem dicitur, quod in naturalibus, vna res non est nisi in vna specie. In moralibus vero non est inconueniens, quod vnus actus sit in pluribus speciebus moris, etiam disparatis, vt dictum est.

ARTICVLVS XI.

Vtrum Omnis circumstantia augens bonitatem, vel malitiam, constituat actum moralem in specie boni, vel mali.

Pro Affirmatua.

Videtur, quod Omnis circumstantia pertinet ad bonitatem, vel malitiam det speciem actui.

1. Ea, quæ faciunt differre actus secundum specificas differentias, dant speciem ipsis actibus. Sed Omnes circumstantiæ augentes bonitatem, vel malitiam faciunt differre ipsos actus secundum specificas differentias. Ergo Omnes circumstantiæ augentes malitiam, vel bonitatem constituunt ipsos actus in specie boni, vel mali.

Maior patet. Nam quia rationale facit differre hominem specificè ab alijs animalibus, constituit ipsum hominem in specie: Sic quidquid facit differre actus morales specificè, dat illis speciem.

Minor prob. Quæ faciunt differre actus, secundum differentiam boni, vel mali, faciunt ipsos differre secundum specificas differentias. Sed Omnis circumstantia, augens bonitatem, vel malitiam, facit differre actus, secundum differentiam boni, & mali. Ergo Omnis circumstantia, augens bonitatem, vel malitiam, facit differre actus specifica differentia.

Maior huius, quia Bonum, & malum sunt differentie specificæ moralium actuum.

2. Aut Circumstantia adueniens habet in se aliquam rationem bonitatis, & malitiæ, aut non. Si non. Ergo Non potest addere in bonitate, & malitia actus. Et probatur hæc consequentia. Quia, quod non est bonum, non potest facere malum bonum, & quod non est malum, non

non potest facere maius malum.

Si vero habet rationem bonitatis, aut malitiæ. Ergo Habet aliquam speciem boni, vel mali. Ergo Omnis circumstantia augens bonitatem, vel malitiam constituit novam speciem boni, vel mali.

3. Quælibet circumstantia aggravans malitiam, habet specialem defectum. Ergo Quælibet talis circumstantia habet novam speciem peccati.

Conseq. prob. quia Malum causatur ex singularibus defectibus, vt Diony. dicit. *capit. de diu. nominibus.*

Iterum. Quælibet vnitas addita numero, facit novam speciem numeri. Ergo Pari ratione quælibet augens bonitatem, videtur addere novam speciem bonitatis.

Conseq. hæc prob. quia Bonum consistit in numero, pondere, & mensura.

Pro Negativa.

Magis, & minus non diuersificant speciem. Sed Circumstantia, addens in bonitate, vel malitia, facit magis, & minus. Ergo Non omnis circumstantia, addens in bonitate, vel malitia actus, constituit actum moralem in specie boni, vel mali.

Determinatio.

Conclusio. Non omnis circumstantia addens in bonitate, & malitia variat speciem inoralis actus.

Probat. Illæ solæ circumstantiæ dant speciem actui, quæ respiciunt specialem ordinem rationis, in bono, vel in malo. Sed Quædam circumstantiæ, augentes in bonitate, & malitia, non respiciunt specialem ordinem rationis, in bono, vel in malo. Ergo Non omnis circumstantia augens in bonitate, & malitia, constituit actum moralem in specie boni, vel mali.

Maiores. quia Circumstantia dat speciem boni, vel mali, actui morali, in quantum respicit specialem ordinem rationis, vt dictum est art. præced.

Minor Manifestatur. Nam contingit quandoque, quod circumstantia non respicit ordinem rationis, in bono, vel malo, nisi præsupposita alia circumstantia, à qua actus moralis habet speciem boni, vel mali. Sicut tollere aliquid in magna quantitate, vel parua, non respicit ordinem rationis in bono, vel in malo, nisi præsupposita aliqua alia conditione, per quam actus habeat malitiam, vel bonitatem, puta hoc, quod illud, quod accipitur sit alienum. Vnde tollere alienum, est actus de specie furti, tollere autem alienum in magna, vel parua quantitate, non diuersificat speciem, tamē aggravat, vel minuit peccatum. Si enim accipitur alienum in magna quantitate, est grauius peccatum, quam si accipitur in parua quantitate.

Ex quibus patet, quod aliqua circumstantia auget malum, & tamen non mutat speciem mali. Et idem apparet in bono. Facere enim eleemosynā in magna, vel parua quantitate, auget quidē, vel minuit bonitatem actus, sed non diuersificat speciem. Et hoc, quia huiusmodi circumstantiæ non respiciunt secundum se aliquem specialem ordinem rationis, in bono, vel in malo, quæ erat minor probanda.

Ad argumenta.

Ad 1. Neg. minor. Ad prob. dñ, quod aliquid facere differre actus secundū differentias boni, vel mali, contingit dupliciter. Vno modo per hoc, quod addit specialem bonitatem, vel malitiam: sicut est circumstantia loci sacri in furto, quæ addit specialem malitiā. Alio modo, per hoc, quod non addit specialem malitiam, vel bonitatem, sed solum per hoc, quod auget præcedentem bonitatem, vel malitiam: vt in corpore exemplificatum est, de furto in magna, vel parua quantitate, & de eleemosyna. Si igitur illa maior intelligatur de primo modo faciendi differre, vt. s. sensus sit, quod quæ faciunt differre actus secundū differentias boni, vel mali, per additionē specialis malitiæ, vel bonitatis, vera est. Sed tūc negatur minor eiusdem probationis. Non enim omnis circumstantia addit specialem malitiam, vel bonitatem, vt dictū est in corpore. Si vero maior illa intelligatur de quacunque differre actus boni, vel mali, falsa est: vt ex dictis patet. Nam tollere alienum in magna quantitate, auget quidem malitiam, sed non variat speciem, & facit differre actus, sed non specifice.

Ad 2. Dñ, quod Circumstantiæ, (vt dictum est in corpore) sunt in duplici differentia. Quædā enim secundum se ipsas habent specialem ordinem ad rationem in bono, vel in malo, vt est circumstantia loci sacri in furto. Quædam vero secundum se non habent specialem ordinem ad rationem, sed solum habent, ut augeant bonitatem, vel malitiā in ordine ad aliud. Tūc ad formam dicitur, quod non omnis circumstantia habet secundum se rationem bonitatis, vel malitiæ. Ad cuius improbationem negatur cōsequentia, stat enim, quod aliqua circumstantia non habeat aliquam bonitatem, vel malitiam secundum se, tamen quod auget malitiā, vel bonitatem, in ordine ad aliud, ut dictū est.

Ad 3. Dñ ad antec. Quod non quælibet circumstantia inducit singularem defectum secundum se ipsam, sed solum secundum ordinem ad aliquid aliud. Et similiter non quælibet circumstantia super addit novam perfectionem, nisi per comparationem ad aliquid aliud, & propterea licet auget bonitatem, vel malitiam, non tamen semper variat speciem boni, vel mali.

QVÆSTIO XIX.

DE BONITATE, ET MALITIA
interioris actus voluntatis.

ARTICVLVS I.

Vtrum Bonitas voluntatis dependeat ex obiecto.

Pro Negatiua.

Videtur, quod Bonitas voluntatis non dependeat ex obiecto.

1. Si bonitas voluntatis iudicaretur ex obiecto, Sequeretur, quod omnis voluntas esset bona, & nulla esset mala.

Conseq. prob. quia Voluntas non potest esse nisi boni: malum enim est præter voluntatem, vt Dionysius dicit. 4. cap. de diuinis.

2. Bonitas finis, in quantum huiusmodi, non dependet ab aliquo alio. Sed Actus voluntatis est finis. Ergo Bonitas actus voluntatis non dependet ex obiecto.

Maior prob. quia Bonum per prius inuenitur in fine.

Minor. quia Arist. 6. Ethic. c. 5. dicit, quod Bonum actum est finis, & in hoc differt a factione, quæ nūquam est finis, sed ordinatur semper, sicut in finem, in aliquid factum.

3. Quod est bonum, solum bonitate nature, non potest præstare alteri bonitatem moralem. Sed Obiectum voluntatis est bonum solum bonitate nature. Ergo Non potest dare actui voluntatis bonitatem moralem.

Maior prob. quia Vnumquodque quale est, tale alterum facit.

Pro Affirmatiua.

Actus, qui est secundum virtutem, habet bonitatem ex obiecto. Sed Actus voluntatis bonus est secundum virtutem. Ergo Actus voluntatis habet bonitatem ex obiecto.

Maior prob. quia Phil. 2. Ethic. c. 1. dicit, quod Iustitia est secundum qualem aliqui volunt iusta.

Determinatio.

Conclusio. Bonum, & Malum in actibus voluntatis proprie attein dicitur secundum obiecta.

Prob. Ex his, ex quibus habent actus voluntatis specificas differentias, habent etiam bonitatem, vel malitiam. Sed Ex obiectis habent actus voluntatis specificas differentias, vt dictum est. Ergo Ex obiectis habent bonitatem, vel malitiam.

Maior prob. quia Differentiæ per se, actus voluntatis, sunt bonum, & malum. Vnde ex eodem est specifica differentia actus, & eius bonitas, vel malitia.

Assumptum autem hoc probatur. Sicut se ha-

bent verum, & falsum ad actus rationis, ita se habent bonum, et malum ad actus voluntatis, vt dictum est supra. Sed Actus rationis distinguuntur specie, per differentiam veri, & falsi, secundum quod dicimus opinionem esse veram, vel falsam. Ergo Actus voluntatis specificæ distinguuntur per differentias boni, & mali: & sic bonum, & malum sunt per se differentia actus voluntatis.

Adhuc Negatiua. Ad prob. dicitur, quod voluntas est quidem semper boni, sed non semper veri boni, quandoque enim est boni apparentis, quod quidem apparet bonum, quamuis habeat aliquam rationem bonitatem non habet rationem simpliciter conuenientis ad appetendum. Vnde enim voluntas appetit apparet bonum, habet actum malum, & sic eius actus non semper est bonus.

Ad 2. Negatiua minor. Ad prob. dicitur, quod quamuis aliquis actus possit esse virtutis finis hominis, secundum aliquem modum, vt dictum est quæst. 3. art. 4. tamen talis actus, non est actus voluntatis, vt ibidem iudicatum est.

Ad 3. Negatur minor. Obiectum enim voluntatis non est ipsa res, vt sic, sed est bonum in quantum cadit sub ratione. Vnde bonum non est obiectum voluntatis, nisi quatenus est apprehensum a ratione, & cadit sub eius ordine, & quia ratio causat bonitatem moralem in actu voluntatis, vt pote, quæ est principium humanorum actuum, hinc fit, ut obiectum voluntatis, vt obiectum est, habeat radicem bonitatis moralis, & ipsam in actu voluntatis causare possit.

ARTICVLVS II.

Vtrum Bonitas voluntatis dependeat ex obiecto.

Pro Negatiua.

Videtur, quod Bonitas voluntatis non dependeat ex solo obiecto.

1. Actus aliarum potentiarum recipiunt bonitatem, non solum ex obiecto, sed etiam ex fine, vt ex dictis in præced. quæst. art. 4. patet. Ergo Etiam actus voluntatis recipit bonitatem, non solum ex obiecto sed etiam ex fine.

Conseq. prob. quia Finis assignatur est voluntati, quam alteri potentia.

2. Dato, quod actus voluntatis sit bonus, contingit tamen huiusmodi actum esse malum ex parte circumstantiarum: puta quod aliquis velit quidem bonum, sed non quantum, quando, ubi, & quomodo debet. Ergo Bonitas actus voluntatis non est ex solo obiecto, sed etiam ex circumstantiis.

Antec. prob. quia Bonitas actus non solum ex obiecto, sed etiam ex circumstantiis est, ut dictum est quæst. 18. art. 3.

3. Ignorantia circumstantiarum excusat malitiam voluntatis. Ergo Bonitas, & malitia voluntatis dependet non ex solo obiecto, sed etiam ex circumstantiis.

Conseq. prob. quia Hoc esse non posset, nisi bonitas, & malitia voluntatis, ex circumstantiis dependeret.

Pro affirmatiua.

Ex quo actus voluntatis habet speciem, ex eo dependet eius bonitas. Sed Ex solo obiecto habet speciem. Ergo Ex solo obiecto habet malitiam, vel bonitatem.

Maiores. quia Bonum, & Malum sunt specificè differentes actus voluntatis.

Minores. quia Actus non habet speciem ex circumstantiis in quantum huiusmodi, sed solum secundum quod considerantur à ratione, ut principales conditiones obiecti, ut dictum est quæst. 18. artic. 3.

Determinatio.

Conclusio. Bonitas actus voluntatis ex solo obiecto dependet.

Prob. Bonitas actus, qui est principium bonitatis, & malitiae omnium humanorum actuum, est ex solo obiecto. Sed Actus voluntatis est principium bonitatis, & malitiae omnium actuum humanorum. Ergo Bonitas actus voluntatis ex solo obiecto dependet.

Maiores prob. hoc ordine. Primo ostenditur vni, quod implicite dicitur in ipsa maiori. scilicet quod bonitas actus, qui est principium bonitatis aliorum actuum, sit ex vno solo. Secundo ostenditur, quod hoc vnum sit obiectum.

Primum sic ostenditur. Quanto aliquid est prius, est etiam simplicius, & in paucioribus consistit, ut patet in corporibus, propter quod prima corpora simplicia esse inveniuntur. Ergo Bonitas primi actus ex vno solo debet dependere.

Secundum probatur. Ex illo, quod facit bonitatem in actu per se, dependet bonitas primi actus. Sed Solum obiectum facit bonitatem in actu per se, & non circumstantiæ. Ergo Ex solo obiecto dependet bonitas primi actus.

Maiores huius prob. quia Quod est principium in quolibet genere, non est per accidens, sed per se: eo quod omne per accidens in aliquod per se, tanquam in prius reducatur.

Minor vero prob. quia Circumstantiæ sunt quædam accidentalia actus, & ideo non possunt ei dare bonitatem per se.

Ad Argumenta.

Ad 1. Negatur conseq. Non enim eodem modo iudicandum est de actu voluntatis, & aliarum potentiarum in proposito. Nam in alijs potentijs, & actibus earum, differt finis, & obiectum. Et ideo habent bonitatem ex utroque. In actu autem voluntatis non differt finis, & obiectum, eo quod obiectum actus voluntatis est ipse finis. Unde ad probationem dicitur, quod ex eo, quod finis est anterior voluntati, sequitur, quod sit eius obiectum, & ut est obiectum det bonitatem actui.

Ad 2. Dicitur ad antec. Supposito quod voluntas sit boni, quod nulla circumstantia potest eam facere malam. Et ad id, quod in ipso antecedente subditur. scilicet quod aliquis potest velle aliquid bonum, quando non debet, dicitur, quod hoc potest dupliciter intelligi. Vno modo, ita quod ista circumstantia temporis referatur ad volitum: & sic voluntas non est boni, quia velle facere aliquid, quando non debet fieri, non est velle bonum. Alio modo, ut referatur ad actum volendi: & sic impossibile est, quod aliquis velit bonum, quando non debet, quia semper homo debet velle bonum, nisi forte per accidens. Ex quibus apparet esse ita possibile, quod actus bonus ex parte obiecti, sit malus ex parte alicuius circumstantiæ. Si enim circumstantia se teneat ex parte obiecti, iam non est circumstantia ut sic, sed est quasi differentia obiecti. Unde si talis circumstantia bona sit, bonum erit obiectum, si mala, malum. Si vero se teneat ex parte actus, nec sic dat bonitatem, vel malitiam per se, ut dictum est.

Ad 3. Dicitur ad Antec. quod Ignorantia circumstantiarum, excusat malitiam, quatenus ipsæ circumstantiæ se tenent ex parte voliti, & sunt conditiones ipsius, in quantum quis ignorat circumstantias actus, quem ut obiectum vult.

ARTICVLVS III

Vtrum Bonitas voluntatis dependeat ex ratione.

Pro Negatiua.

Videntur, quod Bonitas voluntatis non dependeat ex ratione.

1. Prius non dependet à posteriori, sed è conuerso. Sed Bonum per prius pertinet ad voluntatem, quam ad rationem, ut ex supra dictis patet, in quæst. 9. art. 1. Ergo Bonum voluntatis non dependet à ratione.

2. Bonitas intellectus practici est bonum conforme appetitui recto, ut dicitur. 6. Ethic. cap. 2. Ergo Bonitas intellectus practici, est à voluntate, & non è contra.

Conseq.

Conseq. prob. quia Appetitus rectus est bona voluntas.

3. Mouentis bonitas nō dependet ab eo, quod mouetur, sed ē conuerso. Sed Voluntas mouet rationem, & alias vires, vt dictum est. Ergo Bonitas voluntatis non dependet à ratione.

Pro Affirmatiua.

Voluntas moderata dependet à ratione, vt Hil. dic. 10. de Trin. Sed Bonitas voluntatis consistit in hoc, quod sit moderata. Ergo Bonitas voluntatis à ratione dependet.

Determinatio.

Conclusio. Bonitas voluntatis dependet à ratione, eo modo, quo dependet ex obiecto.

Prob. Bonitas voluntatis dependet ex eius obiecto proprie, vt dictum est art. 1. & 2. huius quæst. Ergo Bonitas voluntatis dependet etiā à ratione.

Conseq. prob. quia Obiectum voluntatis est bonum intellectum, secundum quod est proportionatum ipsi voluntati, sicut bonum apprehensum per imaginationem, est obiectum sensitiui appetitus. Voluntas enim habet pro obiecto bonum vniuersale, quod est apprehensum à ratione, Appetitus autem sensitiuus bonum particulare.

Ad argumenta.

Ad 1. Dicitur ad minorem, quod Bonum consideratur dupliciter. Vno modo, sub ratione boni. Alio modo, sub ratione veri. Bonum sub ratione boni, per prius pertinet ad voluntatem, quam ad rationem. Sed tamen bonum per prius pertinet ad rationem sub ratione veri, quam pertinet ad voluntatem sub ratione appetibilis. Non enim bonum posset obijci voluntati, nisi prius esset apprehensum à ratione.

Ad 2. Dicitur ad antecedens, quod Phil. ibi loquitur de intellectu practico, non vt est apprehensiuus, sed vt est consiliatiuus, et ratiocinatiuus eorum, quæ sunt ad finem: sic enim perficitur per prudentiam. Tamen appetitus præsupponit rectam apprehensionem debiti finis, quæ apprehensio est per rationem.

Ad 3. Dicitur ad minorem, quod voluntas quodammodo mouet rationem, & ratio alio modo mouet voluntatem ex parte. scilicet obiecti vt dictum est in quæst. 9. art. 1.

A R T I C U L U S IV.

Verum Bonitas voluntatis dependeat ex lege æterna.

Pro Negatiua.

Videretur, quod Bonitas humanæ voluntatis non dependeat ex lege æterna.

1. Regula humanæ voluntatis, ex qua eius bonitas dependet, est ratio recta, vt dictum est. art. præced. Ergo Non dependet bonitas voluntatis à lege æterna.

Conseq. prob. quia Vnius, vna est regula, & mensura.

2. Mensura est homogenea mensurato, vt dic. 10. Metaph. tex. 4. Sed Lex æterna non est homogenea voluntati humanæ. Ergo Lex æterna non potest esse mensura voluntatis humanæ, vt ab ea bonitas eius dependeat.

3. Mensura debet esse certissima. Sed Lex æterna non est nobis certissima, sed ignota. Ergo Lex æterna non potest esse mensura humanæ voluntatis, vt eius bonitas ex æterna lege dependeat.

Pro affirmatiua.

Malitia voluntatis est ex hoc, quod vult aliquid contra legem æternam. Ergo Bonitas voluntatis est à lege æterna.

Anteq. quia August. lib. 2. 2. contra faust. cap. 27. dicit, quod peccatum, cuius radix est malitia voluntatis, est factum, dictum, vel concupitum contra legem æternam.

Conseq. prob. quia Malitia est bonitati opposita. Vnde si malitia actus est ex hoc, quod est contra æternam legem, Bonitas eiusdem erit ex hoc, quod est æternæ legi conformis.

Determinatio.

Conclusio. Bonitas voluntatis humanæ dependet à lege æterna, multo magis quam ab humana ratione.

Prob. illud, per quod ratio humana est mensura, & regula actuum humanorum, ita vt ab ea habeant bonitatem, multo magis est regula, & mensura, & causa bonitatis humanorum actuum. Sed Lex æterna est causa per quam ratio humana est mensura, & regula humanorum actuum, & causa bonitatis ipsorum. Ergo Lex æterna, multo magis quam humana regula, est mensura humanorum actuum, & causa bonitatis ipsorum.

Maior probatur. quia In omnibus causis ordinatis, effectus plus dependet à causa primæ, quam à causa secundæ: & hoc, quia causa secunda non agit, nisi in virtute primæ.

Minor probatur. quia in Psal. 4. dicitur Multi dicunt, quis ostendit nobis bona? Signatum est super nos lumen vultus tui domine: quasi dicat, lumen rationis, quod in nobis est, in tantum potest nobis ostendere bona, & nostram voluntatem regulare, in quantum est lumen vultus tui, id est à vultu tuo derivatum.

Correlariū. Vnde vbi deficit humana ratio, oportet ad rationem æternam recurrere.

Ad

Ad argumenta.

Ad 1. Neg. conseq. Ad probationem dicitur, quod vnus rei non sunt plures mensuræ proximæ, possunt tamen esse plures mensuræ, quarum vna sub altera ordinetur.

Ad 2. Dicitur ad maiorem, quod est vera de mensura proxima, non de remota, quales est lex diuina mensura humanorum actuum.

Ad 3. Dicitur ad minorem, quod licet lex æterna sit nobis ignota, secundum quod est in mente diuina, innotescit tamē nobis aliquoter, vel per rationem naturalem, quæ ab ea deriuatur, vt propria eius imago, vel per aliqualem reuelationem superadditam ipsi naturali rationi.

ARTICVLVS V.

Vtrum Voluntas discordans a ratione errante sit mala.

Pro Negatiua.

V Idetur, quod Voluntas discordans a ratione errante non sit mala.

1. Voluntas discordans a ratione non procedente a lege æterna, non est mala. Sed Voluntas a ratione errante discordans, discordat a ratione non procedente a lege æterna. Ergo Voluntas discordans a ratione errante, non est mala.

Maior. quia Ratio nō est regula voluntatis humanae, nisi in quantum deriuatur a lege æterna, vt dictum est art. præced.

Minor. quia Ratio errans non deriuatur a lege æterna.

2. Voluntas discordans a ratione, cuius præceptum non obligat, non est mala. Sed Præceptum rationis errantis non obligat. Ergo Voluntas discordans a ratione errante, non est mala.

Minor. Præceptum potestatis inferioris, quod est contra præceptum potestatis superioris, non obligat: sicut si Procōsul præcipiat aliquid, quod Imperator prohibet, vt August. dicit Serm. 6. de verb. dom. Sed Ratio errans quandoque proponit aliquid, quod est contra præceptum superioris, scilicet Dei, cuius est summa potestas. Ergo Præceptum rationis errantis non obligat.

3. Omnis voluntas mala reducit in aliquam speciem mali. Sed Voluntas discordans a ratione errante, non potest reduci in aliquam speciem malitiae. Ergo Voluntas discordans a ratione errante, non est mala.

Minor prob. Nam si ratio errans etret in hoc, quod dicat esse fornicandum, voluntas eius, qui discordat ab hac errante ratione, & fornicari non vult, ad nullā speciem malitiae reduci potest.

Pro Affirmatiua.

Voluntas, quæ est contra conscientiam, est mala.

la. Sed Voluntas discordans a ratione errante, est contra conscientiam. Ergo Voluntas discordans a ratione errante est mala.

Maior. quia Rom. 14. dicitur. Omne, quod nō est ex fide, id est, quod est contra conscientiam, est peccatum.

Minor. quia Conscientia nihil aliud est, quam applicatio scientiæ, quæ in ratione est, ad aliquem actum. Vnde discordans a ratione applicante scientiam ad aliquem actum est contra conscientiam, quæ est ipsamet ratio applicans cognitionem ad actum aliquem.

Determinatio.

Sensus quæsit.

Querere Vtrum voluntas discordans a ratione sit mala, idem est, quod querere, vtrum conscientia errans obliget. Conscientia enim est dictamen rationis, id est applicatio scientiæ ad aliquem actum, & propter a voluntas discordans a ratione errante, discordat a conscientia errante, quod si conscientia errans obliget, voluntas discordans ab ea erit mala. Si non obliget, non erit mala.

Queritur igitur Vtrum Conscientia errans obliget voluntatem, vt velit, quod ipsa dicat.

Ahorum sententia.

Quidam satisfacere volentes huic quæsito primo ostendunt, quando, & in quibus, ratio, siue conscientia sit errans, vel non errans. Deinde quæstioni respondent.

Dicunt ergo, quod tria sunt genera actuum. Quidā sunt boni ex genere, vt orare, facere elemosynam. Quidam sunt mali ex genere, vt furari, blasphemare. Quidam sunt indifferentes, vt leuare festucam de terra, ire ad campum, fricare barbam.

Tunc dicunt tria. Primum. Quod si ratio, vel conscientia dicat aliquid esse faciendum, quod sit bonum ex suo genere, ibi nullus est error. Similiter si ratio dicat aliquid, ex suo genere malum, non esse faciendum, nullus est error in ratione, & conscientia.

Secundum. Si ratio, vel conscientia dicat, quod illa, quæ sunt secundum se mala, homo teneatur facere, vel illa, quæ sunt secundum se bona, sint prohibita, tunc erit ratio, vel conscientia errans.

Tertium. Si ratio, vel conscientia dicat alicui, quod id, quod est secundum se indifferens, vt leuare festucam de terra, sit prohibitum, vel præceptum, erit ratio, & conscientia errans.

Breuius igitur ratio errans est, quæ dicat, vel

R mala

2. Voluntas concordans præcepto Dei, & legi æternæ, semper est bona. Sed Voluntas concordans rationi erranti, est concordans præcepto Dei, & legi æternæ. Ergo Voluntas concordans rationi erranti est bona.

Minor. quia Lex æterna, & præceptum Dei, proponitur nobis per apprehensionem rationis etiam errantis.

3. Si voluntas concordans rationi erranti est mala; sequitur, quod homo habens rationem errantem sit perplexus, & ex necessitate peccet, quod est inconueniens.

Consequenter prob. quia iam dictum est art. præced. quod Voluntas discordans a ratione errante est mala. Vnde si voluntas etiam, quæ concordat rationi erranti est mala, sequitur euidenter, quod habens rationem errantem semper peccet in actu voluntatis, siue sit concors, siue non, ipsi rationi.

Pro Negativa.

Voluntas occiditum Apostolos concordabat rationi erranti, & tamen erat mala. Ergo Voluntas concordans rationi erranti, potest esse mala.

Antec. quod ad priorem partem patet, ex Ioan. 16. Venit hora, ut omnes, qui in interfecerunt vos, arbitretur se obsequium præstare Deo.

Determinatio.

Sensus quæsit.

Quæstio ista eadem est cum illa, qua quaeritur, Vtrum Conscientia erronea excuset.

Vnde pendeat solutio quæsit.

Quæstionis huius solutio dependet ab his, quæ supra quæstione 6. ar. 5. de Ignorantia dicta sunt.

Dictum est enim ibi, quod quædam Ignorantia causat inuoluntarium, & quædam non causat inuoluntarium. Ignorantia, quæ non causat inuoluntarium, est illa, quæ est aliquo modo volita, siue directe, siue indirecte, vbi iustius expositum est de ignorantia, quæ consequenter se habet ad actum voluntatis. Ignorantia vero, quæ causat inuoluntarium, est illa, quæ vel antecederet, vel concomitaretur se habet ad actum voluntatis, quæ non est volita aliquo modo, vt etiam ibidem est explicatum. Ex his igitur sequitur, solutio præsentis quæsit, quæ consistit in duabus sequentibus conclusionibus.

Conclusio. Si ratio, vel conscientia erret, errore voluntario, vel directe, vt scilicet talis ignorantia sit volita, vel propter negligentiam, quia scilicet tenetur scire, & negligit scire, talis error rationis, siue conscientie non excusat.

Sub alijs uerbis. Voluntas concordans rationi

erranti errore voluntario, uolito directe, uel indirecte, non est bona, sed mala.

Adhuc sub alijs uerbis. Voluntas concordans rationi erranti, errore causante inuoluntarium, non est bona, sed mala.

Manifestatur. Sicut si ratio errans dicat, quod homo teneatur ad uxorem alterius accedere, uoluntas concordans huic rationi est mala, eo quod iste error prouenit ex ignorantia legis Dei, quam tenetur scire.

2. Conclusio. Voluntas concordans rationi erranti, errore causante inuoluntarium, qui scilicet prouenit ex ignorantia alicuius circumstantiæ absque omni negligentia, non est mala, sed excusat.

Manifestatur. Nam si ratio erret circa aliquam submissam mulierem putans esse uxorem, & ea petente debitum, Velit eam cognoscere, excusatur voluntas eius, ut non sit mala, quia iste error ex ignorantia inuincibili prouenit.

Et confirmatur ambe conclusiones simul, quia Malum, uel Bonum in moralibus est ex hoc, quod actus sunt uoluntarij. Vnde actus proueniens ex ignorantia causante inuoluntarium, caret ratione bonitatis, & malitia moralis. Actus uero proueniens ex ignorantia non causante inuoluntarium, erit necessario malus, quia talis ignorantia est uolita aliquo modo ut loco citato dictum est.

Ad Argumenta.

Ad 1. Neg. Consequenter & ratio negationis est, quia ut Dion. dicit, c. 4. de diu. no. Bonum causatur ex integra causa. Malum ex singularibus defectibus. Pulchritudo enim ex proportionem omnium partium prouenit. Turpitudine uero ex defectu etiam unius partis. Vnde ad hoc, ut actus uoluntatis sit bonus, requiruntur duo. Primum est, ut uoluntas feratur in id, quod secundum suam naturam est bonum. Secundum, quod sit apprehensum a ratione, sub ratione boni. Ad hoc uero, quod actus uoluntatis sit malus, sufficit unum horum. Siue enim uoluntas feratur in id, quod non est secundum suam naturam bonum, puta in adulterium, siue feratur in id, quod licet secundum suam naturam sit bonum; tamen non representatur sibi a ratione, sub ratione boni, puta si ratio diceret cælibatum non esse bonum semper est mala. Voluntas igitur, siue concordes, siue discordet a ratione errante est mala, si error sit aliquo modo uolitus. Vnde ad probationem consequentiæ dicitur, quod licet uoluntas concordans rationi erranti, tendat in id, quod ratio dicit esse bonum, tamen quia hoc secundum suam naturam est malum, redditur ex hoc actus uoluntatis malus.

Ad 2. Negatur minor. Ad probationem dicitur, quod licet Dei lex, & præcepta proponantur nobis à ratione, tamen ipsa ratio errare potest, & proponit aliquando aliquid sub ratione boni, quod tamen non est vere bonum, nec Dei præceptum, & ideo voluntas concordans rationi sic erranti, est mala.

Ad 3. Negatur consequentia. Ad probationem dicitur, quod qui habet conscientiam errantem, siue concordet sua voluntate conscientie erranti, siue non, semper peccat, rationibus dictis, in hoc, & in præcedenti articulo. Sicut enim in Silogisticis vno inconuenienti dato, alia necessario inconuenientia sequuntur; ita in moralibus vno inconuenienti posito, ex necessitate alia sequuntur, siue supposito, quod aliquis querat inanem gloriam, siue propter inanem gloriam faciat, quod facere tenetur; siue dimittat, semper peccat. Non tamen ex hoc sequitur, quod homo sit perplexus, quia potest ab errore recedere, quia est vincibilis.

ARTICVLVS VII.

Vtrum Voluntatis bonitas in his, quæ sunt ad finem, dependeat ex intentione finis.

Pro Negatiua.

Videtur, quod Bonitas voluntatis non dependeat ex intentione finis.

1. Bonitas Voluntatis dependet ex solo obiecto, ut dictum est art. 2. Ergo Bonitas voluntatis in his, quæ sunt ad finem, non dependet ab intentione finis.

Prob. Conseq. quia In his, quæ sunt ad finem, aliud est obiectum voluntatis, & aliud finis intentus, ut de se patet.

2. Voluntas volens seruare diuinum mandatum, est bona. Ergo Bonitas voluntatis non dependet ab intentione finis.

Prob. conseq. quia Obseruantia diuini mandati potest referri ad malum finem, scilicet ad finem inanis gloriæ, vel cupiditatis, ut dum aliquis vult obedire Deo, propter temporalia consequenda.

3. Malitia voluntatis non dependet à malitia finis. Ergo Nec bonitas voluntatis dependet à bonitate finis intenti.

Antecedens prob. quia Qui vult furari, ut det Eleemosynam, habet voluntatem malam, & finem bonum, unde malitia voluntatis non est ex intento fine, qui est bonus.

Conseq. prob. quia Bonum, & malum sicut diuersificant voluntatem, ita diuersificant finem. Unde si malitia voluntatis non est ex malitia finis, nec

bonitas finis erit causa bonitatis voluntatis.

Pro Affirmatiua.

Ab eo, quod remuneratur à Deo, dependet bonitas voluntatis. Sed Intentio finis est, quæ remuneratur à Deo, vt Augustinus. conficitur. Ergo ex intentione finis dependet bonitas voluntatis.

Maiores prob. quia Ex eo, aliquid remuneratur à Deo, quia est bonum.

Determinatio.

Distinctio. Intentio potest dupliciter se habere ad voluntatem, siue ad velle. Vno modo, vt antecedens. Alio modo, vt consequens. Tunc intentio se habet antecedenter ad velle, quando quis prius intendit finem, & inde vult aliquid propter finem intentum: puta cum quis intendit placare Deum, & propter hoc vult ieiunare. Et quando quis intendit sanitatem, propter quam consequendam vult medicinam. Tunc vero consequenter se habet intentio ad actum volendi, quando quis prius vult aliquid, deinde refert illud ad aliquem finem, vt cum quis vult ambulare, deinde refert hunc actum ad sanitatem conseruandam. Et cum quis vult ire ad Ecclesiam, deinde intendit ibi orare. Differt autem intentio antecedenter se habens, ab intentione consequenter se habente, quia intentio antecedenter se habens accipitur, vt formalis ratio voliti. Ratio enim accipienda medicinam, est intentio sanitatis. Intentio vero consequenter se habens, non est ratio formalis voliti, sed est quoddam extrinsecum ab ipso: quando quis enim deambulatur, nullam habens intentionem sanitatis, non potest intentio sanitatis esse ratio formalis deambulationis, nisi quatenus postea reiteratur idem actus volendi deambulationem, tunc enim efficitur ratio formalis, non prioris actus volitionis, sed actus sequentis.

1. Conclusio. Bonitas voluntatis, in his, quæ sunt ad finem, dependet ex intentione finis, antecedenter se habente.

Prob. Bonitas voluntatis dependet ex bonitate voliti. Sed Intentio, antecedenter se habens ad voluntatem, est ratio formalis voliti. Ergo Bonitas voluntatis dependet ex intentione finis antecedenter se habente.

2. Conclusio. Bonitas voluntatis non dependet ex intentione finis consequenter se habente, nisi quatenus reiteratur idem actus.

Prob. quod ad priorem partem: quia Tunc intentio non est formalis ratio voliti, vt dictum est.

Quod ad secundam: quia Quando idem actus reiteratur, ipsa intentio finis efficitur ratio formalis voliti, tunc enim vult hoc propter intentum finem. Unde intentio finis est ratio volendi, vt dictum.

dictum est de deambulatione respectu sanitatis. Intentio enim sanitatis, non est ratio deambulandi, ut sic, sed est ratio deambulandi propter consequendam sanitatem.

Ad Argumenta.

Ad 1. Negatur consequens. Ad probationem dicitur, quod quando intentio antecederet se habet ad voluntatem, accipitur ut ratio formalis obiecti, & se habent sicut res volita, & ratio formalis rei volitæ, & sic est vnum volitum.

Ad 2. Dicitur, quod Intentio finis dupliciter potest se habere ad actum: seruandi diuinum mandatum. Vno modo antecederet, quando scilicet iste actus volendi est ex intentione finis prius intenti. Alio modo consequenter. Si intentio finis antecederet se habeat ad actum volendi, tunc, si intentio sit ad bonum finem, actus erit bonus. Si vero intentio sit ad malum finem, actus erit malus, etiam si volitum sit bonum. Puta si quis velit facere eleemosynam propter Deum, actus volendi facere eleemosynam est bonus. Si vero intendat facere eleemosynam propter inanem gloriam, licet velit, quod de se est bonum, tamen, quia vult sub ratione mali, erit actus hic malus. Vnde intentio finis antecederet se habens semper facit actum bonum, vel malum. Si vero intentio consequenter se habeat, potest voluntas esse bona, & per intentionem prauam sequentem non deprauatur actus, qui præcessit, sed ille, qui iteratur: puta si quis velit dare eleemosynam, habet bonam voluntatem, cui si superueniat mala intentio, puta propter inanem gloriam, non deprauatur prior actus, sed ille, qui iteratur.

Ad 3. Negatur consequentia. Ad probationem dicitur, quod non est eadem ratio de causa malitiæ, & bonitatis. Malum enim dependet ex singularibus defectibus. Bonum vero ex integra causa. Vnde ad faciendum actum malum sufficit, quod vel voluntas velit, quod est secundum se malum, etiam si velit sub ratione boni: vel quod velit, quod est secundum se bonum, sub ratione mali, utrumque enim horum facit malam voluntatem. Ad voluntatem autem bonam necesse est, vel sit volitum bonum, sub ratione boni.

ARTICVLVS VIII.

Utrum quantitas bonitatis, vel malitiæ in voluntate, sequatur quantitatem boni, vel mali in intentione.

Pro Affirmatiua.

Videtur, quod quantitas boni in voluntate, dependeat ex quantitate bonitatis in intentione.

1. Glosa super illud Matth. 12. Bonus homo, de Thesauris boni cordis sui profert noua, & vetera. dicit. Tantum boni quis facit, quantum intendit. Ergo Quantitas boni in voluntate, est ex quantitate bonitatis in intentione.

2. Bonitas intentionis est causa bonitatis in voluntate. Ergo Quantitas bonitatis in intentione, est causa bonitatis in voluntate.

Conseq. prob. quia Augmentata causa, augmentatur effectus.

3. In malis, quantum quis intendit, tantum peccat. Ergo Pari ratione in bonis, tantum est bona voluntas, quantum aliquis bonum intendit.

Antec. prob. quia Si aliquis projiciens lapidem intenderet facere homicidium, reus esset homicidij.

Pro Negatiua.

Potest esse intentio bona, & voluntas mala. Ergo Pari ratione potest esse intentio magis bona, & voluntas minus bona: Et per consequens quantitas bonitatis in voluntate, non est ex quantitate bonitatis in intentione.

Determinatio.

Distinctio. Circa actum voluntatis (secundum quod ab intentione distinguitur) & ipsam intentionem, duplex quantitas bonitatis considerari potest. Vna est quantitas bonitatis ex parte obiecti. Altera est quantitas bonitatis ex parte modi. Quantitas bonitatis ex parte obiecti est ex hoc, quod magnum, vel paruum bonum est volitum, vel intentum. Quantitas bonitatis ex parte modi, est quando aliquod vnum bonum est intentum, vel volitum, magis, vel minus intense. Sicut si quis intendit, & vult beatitudinem æternam, magna est bonitas intentionis, & voluntatis ex obiecto, quia magnum bonum est volitum, & intentum. Si quis vero vult, & intendit beatitudinem magis, vel minus intense, erit voluntas, & intentio maioris, vel minoris bonitatis ex modo.

1. Conclusio. Si loquamur de quantitate bonitatis, tum actus voluntatis, tum intentionis ex parte obiecti, quantitas actus non sequitur quantitatem intentionis, ita quod maior quantitas bonitatis poterit esse in intentione, quam in actu voluntatis.

Probatur, præmittendo, quod actus voluntatis est duplex. Interior, & Exterior. Actus interior est, qui est elicited ab ipsa voluntate, ut uelle. Actus uero exterior est, qui est solum imperatus a voluntate, elicited uero est ab alijs potentijs: Ut sunt ambulare, ædificare, & de utroque actu probanda est conclusio.

Et pri-

Et primo probatur quò ad actus exteriores, ostendendo, quod bonitas actus exterioris non sequitur bonitatem intentionis.

Ex duplicem capite oritur, quod bonitas actus exterioris, non sequatur bonitatem intentionis ex obiecto.

Primo. quia Obiectum, quod ordinatur ad finem intentum, potest non esse proportionatum illi fini, qui intenditur. Sicut si quis intenderet emere rem valentem centum, & vellet dare tantum decem. Et si quis intenderet multum scire, & partem studere vellet, tunc maior est bonitas intentionis ex obiecto, quam sit bonitas actus exterioris.

Secundo Oritur ex impedimentis. Sicut si quis intenderet ire Romam, & occurrerent ei impedimenta, & non posset perficere iter, bonitas actus exterioris, non sequitur bonitatem intentionis. Et similiter, si quis intenderet multa scire, & multum studere, sed propter occupationes, vel infirmitatem, non posset id perficere, bonitas actus minor esset bonitate intentionis.

Secundo prob. idem de actu interiori, præmittendo, quod actus interiores, & exteriores in proposito differunt. Quia actus interiores sunt in potestate nostra, & ideo non possunt ut sic impediri. Actus vero exteriores non sunt in potestate nostra, sed possunt ab extrinseco impediri. Sicut vel se ambulare, quod est actus interior, à nullo potest impediri, est enim voluntas libera. Sed ambulare actus, potest impediri, quia est actus exercitus per aliam potentiam non liberam. Unde quod bonitas actus exterioris non sequatur bonitatem intentionis, ex duobus provenire potest, ut dictum est, scilicet ex hoc, quod obiectum actus exterioris non est proportionatum fini intentio, ut dictum est de volente emere rem valentem centum, & dare solum decem: & ex hoc, quod occurrunt impedimenta impediencia actum exteriori, ne possit pervenire ad finem intentum. In actu vero interiori, non potest esse hoc impedimentum, unde ex vno tantum capite oritur, ut bonitas obiectiva actus interioris non sequatur bonitatem intentionis. Ex hoc scilicet, quod obiectum voluntum non est proportionatum fini intentio. Sicut si quis intenderet eternam vitam, & vellet solum semel iunare, vel vnum obolum dare, tunc intentio optima esset, voluntas autem non ita bona.

1.2. Conclusio: Quantitas bonitatis ex obiecto in intentione potest redundare in voluntatem.

3. Manifestatur, quia Ipsa intentio quodammodo pertinet ad actum voluntatis, in quantum, scilicet est ratio eius. Sicut si voluntas intendat aliquid magnum ut finem, & tamen illud propter

quod vult consequi, non sit ita magnum: tunc bonitas intentionis redundat in voluntatem. Sicut si quis daret calicem aque frigide, ut consequeretur vitam eternam: licet calix aque secundum se non sit dignus vita æterna, tamen quatenus datur propter Deum, sit dignus, ut per ipsum vitam æternam recipiatur. In quo casu bonitas intentionis redundat in ipsam voluntatem.

3. Conclusio. Quantitas intensiva intentionis redundat in actum interiorem, & exteriorem voluntatis formaliter.

Quæ Conclusio manifestatur, & probatur. Sciendum enim, quod actus voluntatis interior, siue exterior dupliciter potest considerari. Vno modo secundum se. Alio modo, ut fiat sub tali intentione. Sicut actus fumendi medicinam, potest considerari secundum se, absque hoc quod ordinetur ad sanitatem: & ut fiat sub hac intentione acquirendi sanitatem. Si enim primo modo consideretur, non redundat intentio intentionis in actum. Unde potest quis intendere velle sanari, & non intendere velle medicinam sumere. Formaliter autem redundat, quia ex hoc, quod aliquis vult intendere sanari, intendit velle medicamenta. Ratio autem est, quia ipsa intentio quodammodo formaliter se habet ad actum voluntatis interiorem, & exteriorem, ut dictum est quart. 1.2. art. 4. supra.

4. Conclusio. Quando intentio actus siue interioris, siue exterioris se habet ad intentionem, ut obiectum: puta quando quis intendit intendere operari, & tamen non intendit velle operari, vel operatur, quantitas intentionis non redundat in actum voluntatis.

Prob. Quia, ut dictum est in ratione primæ conclusionis, quantitas bonitatis, siue voluti non redundat in actum volendi.

Correlarium, & inde est, quod non quantum aliquis intendit mereri, meretur.

Probatur, quia Quantitas meriti non consistit solum in intensione intentionis, sed in intensione actus, ut dicitur quart. 1.4. art. 4.

Ad Argumenta.

Ad 1. Dicitur dupliciter. Primo, quod Glossa illa loquitur, non quantum ad valorem operis, sed quantum ad imputationem Dei, qui precipue considerat intentionem finis.

Secundo dicitur, quod Glossa illa vera est, quatenus bonitas intentionis redundat in actum, & ut actus ex intentione formaliter dependet, ut dictum est in corpore.

Ad 2. Dicitur ad antec. quod tota causa bonæ voluntatis non est sola bonitas intentionis, sed alia etiam requiruntur, & ideo non sequitur, quod si

secundum quantitatem bonitatis intentionis, sit quantitas bonitatis in actu exteriori, vel interiori voluntatis, nisi sermo sit de actu voluntatis, vt formaliter est ab intentione, tunc enim bonitas intentionis redundat in actum, vt dictum est.

Ad 3. Negatur conseq. sola quidem malitia intentionis sufficit ad malitiam voluntatis, sed nō sola bonitas intentionis sufficit ad bonitatem actus voluntatis. Quia malum ex qualibet particulari causa contingit, bonum vero omnes requirit causas, vt dictum est art. 7. ad 2. & 3.

ARTICVLVS IX.

Vtrum Bonitas voluntatis dependeat ex conformitate ad voluntatem diuinam,

Pro Negatiua.

Videtur, quod bonitas voluntatis humanæ, non dependeat ex conformitate voluntatis diuinæ.

1. Si ad bonitatem voluntatis humanæ requireretur conformitas ad diuinam voluntatem, Sequeretur, quod impossibile esset voluntatem hominis esse bonam. Sed Hoc est inconueniens. Ergo, & id ex quo sequitur.

Conseq. prob. quia Impossibile est voluntatem hominis conformari voluntati diuinæ, vt dicitur Esaiæ 55. Sicut exaltantur cæli a terra, sic exaltate sunt viæ mee a vis vestris, & cogitationes meæ a cogitationibus vestris.

2. Non requiritur ad scientiam nostram, vt sit conformis scientiæ diuinæ. Ergo Nec requiritur, vt voluntas nostra sit conformis voluntati diuinæ.

Antec. prob. quia Multa scit Deus, quæ nos ignoramus.

Conseq. prob. quia Sicut voluntas nostra deriuatur a voluntate diuina, ita scientiæ nostra deriuatur a scientia diuina.

3. Actio nostra non potest conformari actioni diuinæ. Ergo Nec voluntas nostra voluntati diuinæ.

Conseq. prob. quia Voluntas est actionis principium.

Pro Affirmatiua.

Ad rectitudinem humanæ voluntatis requiritur, vt conformetur voluntati diuinæ. Ergo Ad bonitatem voluntatis humanæ requiritur conformitas ad voluntatem diuinam.

Antec. prob. quia dicit Augustinus in Enchir. quod Ideo Christus dixit Matthei 26. Non sicut ego volo, sed sicut tu, quia rectum vult esse hominē, & ad Deum: quasi dicat, quia rectitudo volunta-

tis hominis est ex hoc, quod est conformis voluntati diuinæ.

Conseq. prob. quia Rectitudo voluntatis est bonitas eius.

Determinatio.

Conclusio. Ad hoc, vt voluntas hominis sit bona, requiritur, quod conformetur voluntati diuinæ.

Prob. Diuina voluntas est prima mensura, & ratio cuiusunque alterius voluntatis. Ergo Ad hoc, vt humana voluntas sit bona, & recta, necesse est, vt sit conformis voluntati diuinæ.

Conseq. prob. quia Vnūquodque tunc bonū, & rectum est, quando attingit propriam mensuram, & regulam.

• Antec. prob. Primum in vnoquoque genere est mensura, & ratio omnium, quæ sunt illius generis. Sed Diuina voluntas est prima respectu cuiusunque alterius voluntatis creatæ. Ergo Diuina voluntas est mensura cuiusunque creatæ voluntatis.

Minor huius manifestatur: quia. Vltimus finis, ex cuius intentione dependet bonitas voluntatis, qui est summum bonum, & Deus ipse comparatur ad diuinam voluntatem primo, & per se, vt eius proprium obiectum: ex quo fit, vt diuina voluntas, prima, & propria mensura sit respectu cuiusunque alterius voluntatis, vtpotē cuius proprium, & per se obiectum eius est ex quo, quæcunque alia voluntas bonitatem consequitur.

Ad Argumenta.

Ad 1. Negatur conseq. Ad probationem dicitur, quod licet sit impossibile, vt voluntas creatæ diuinæ voluntati conformetur per æquiparantiam, potest tamen conformari per imitationem, & hoc sufficit ad participationem bonitatis.

Ad 2. Dicitur ad antec. quod ad scientiam nostram requiritur, vt conformetur diuinæ scientiæ, non quidem per æquiparantiam, vt scilicet nos scire debeamus quæcunque Deus scit, & eo modo, quo Deus scit: sed per similitudinem, quatenus scilicet cognoscimus verum.

Ad 3. Similiter dicitur ad antec. quod actio nostra non potest conformari diuinæ actioni perfecte, sed per imitationem, vt est possibile creato agenti, diuinam imitari actionem.

• ARTICVLVS X.

Vtrum necessarium sit voluntatem humanam conformari voluntati diuinæ in volūto, ad hoc vt sit bona.

Pro Negatiua.

Videtur, quod Voluntas hominis nō semper debeat conformari diuinæ voluntati in volūto.

1. Quæ

ne potest esse volita à filio, & tamen Deus oppositum vult, propter vniuersale bonum.

3. Conclusio. Voluntas humana bona, etiam in volito particulari, conformatur diuine voluntati.

Probat. quia Quod voluntas hoc particulare bonum velit, habet à Deo. Quod enim vxor velit vitam sui viri latronis, vt proprium conferret bonum, perfectio à Deo habet, vt sic sit inclinata.

Est & alius modus conformitatis secundum rationem causæ formalis, vt scilicet homo velit aliquid ex charitate, sicut Deus vult: & ista etiam conformitas reducitur ad conformitatem formalem, quæ attenditur ex ordine ad vltimum finem, qui est proprium obiectum charitatis.

Ad Argumenta Pro Negatiua.

Ad 1. Dicitur ad minorem, quod si sermo sit de volito diuino in communi, falsa est. Nam quale sit volitum diuinum secundum communem rationem, scire possumus. Scimus enim, quod Deus, quidquid vult, vult sub ratione boni, & ideo quicunque vult aliquid sub quacunque ratione boni, habet voluntatem conformem voluntati diuinæ, quantum ad rationem voliti: sed in particulari nescimus, quid Deus velit, & quantum ad hoc, non tenemur conformare voluntatem nostram voluntati diuinæ. In statu tamen gloriæ omnes videbunt in singulis, quæ volent, ordinem eorum ad id, quod Deus circa hoc vult: & ideo non solum formaliter, sed materialiter in omnibus suam voluntatem Deo conformabunt.

Ad 2. Negatur consequens. Ad probationem dicitur, quod Deus non vult damnationem alicuius sub ratione damnationis, nec mortem alicuius in quantum est mors: quia ipse vult omnes homines saluos fieri, sed vult ista ratione iustitiæ. Vnde sufficit circa ista, quod homo velit iustitiam Dei, & ordinem naturæ seruari.

Ad 3. Negatur minor. Deus enim vult mortem patris, vt seruetur naturæ cursus. Vnde non oportet, vt filius velit mortem patris, vt conformetur diuinæ voluntati, sed sufficit vt velit conseruationem naturæ cursus.

Ad Argumenta Pro Affirmatiua.

Ad 1. Dicitur ad consequens, & ad eius probationem, quod omnes tenentur velle, quod Deus vult, quantum ad rationem voliti, non autem quantum ad volitum materiale. Magis enim vult, quæ Deus vult, qui conformat voluntatem suam voluntati diuinæ quantum ad rationem voliti, quam, qui conformat quantum ad ipsam reuoluntatem, quia voluntas principaliter fertur in finem, quantum ad id, quod est ad finem.

Ad 2. Negatur consequens de volito materiali. Ad probationem dicitur, quod species, & forma actus magis attenditur secundum rationem obiecti, quam secundum id, quod est materiale in obiecto.

Ad 3. Negatur minor. Ad probationem dicitur, quod non est repugnantia voluntatum, quando aliqui diuersa volunt non secundum eandem rationem: sed si sub vna ratione esset aliquid ab vno volitum, quod alius nollet, hoc induceret repugnantiam voluntatum, quod tamen non est in proposito.

QVÆSTIO XX.

DE BONITATE, ET MALITIA exteriorum actuum humanorum.

ARTICVLVS I.

Vtrum Bonitas, vel malitia per prius consistat in actu exteriori, quam in actu voluntatis.

Pro Affirmatiua.

Videtur, quod Bonum, & Malum sit per prius in actu exteriori, quam in actu voluntatis.

1. Actus exterior est obiectum interioris actus voluntatis. Ergo Bonitas per prius est in actu exteriori, quam interiori.

Antec. prob. quia Dicimur velle furtum, vel dare elemosynam, qui sunt actus exteriores.

Conseq. prob. quia Actus voluntatis habet bonitatem ex obiecto.

2. In eo, quod est finis, per prius inuenitur bonitas, quam in his, quæ solum sunt ad finem. Sed Actus voluntatis non potest esse finis, vt alias dictum est, sed solum ad finem, actus autem aliarum potentiarum, qui sunt actus exteriores, possunt esse fines. Ergo Bonitas per prius inuenitur in actibus aliarum potentiarum, quam in actu voluntatis.

3. In eo, quod est prius, per prius inuenitur ratio boni, vel mali. Sed Actus exteriores sunt priores, quam actus interior voluntatis. Ergo In actibus exterioribus per prius inuenitur ratio boni vel mali.

Minor. Formale est posterius materiali: formale enim aduenit materiali. Sed Actus interior se habet ut formale respectu actuum exteriorum. Ergo Actus exteriores sunt priores actu interiori.

Pro Altera parte.

Aug. dicit in libro retract. quod voluntas est, qua peccatur, & recte viuatur. Ergo Bonum, & malum morale per prius consistit in voluntate.

Determinatio.

1. **Distinctio.** Actus exteriores possunt dici boni, vel mali dupliciter. Vno modo secundum suum genus, & secundum circumstantias in ipsis consideratas, & huiusmodi bonitas cōuenit actui exteriori ex ipsa ratione. Ex hoc enim actus est secundum suum esse, & secundum suas circumstantias moraliter bonus, quia est conformis apprehensionī recte rationis, & malus, quia non est cōfessionis recte rationi. Sicut dare elemosynam, seruatis debitis circumstantiis est bonum. Alio modo dicuntur actus exteriores boni, vel mali, ex ordinē ad finem, & hanc bonitatem habent actus exteriores ab ipsa voluntate, ex hoc enim, quod voluntas intendit bonum, vel malum finē, habet actus bonitatem, vel malitiam moralem ex fine: sicut dare elemosynam propter inanem gloriam est malum.

2. **Distinctio.** Bonitas, quæ conuenit actui exteriori, secundum suum genus, & circumstantias debitas, potest dupliciter considerari. Vno modo, secundum quod est in apprehensione, & ordinatione rationis. Alio modo, secundum quod est in executione operis: sicut quando quis actu exercet hoc opus dandi elemosynam; est actus bonus, pro ut est in executione.

1. **Conclusio.** Bonitas actus exterioris secundum suum genus, seruatis circumstantiis debitis, secundum quod est in apprehensione rationis, prius conuenit actui exteriori, quam actui interiori voluntatis.

Prob. quia Actus rationis præcedit actum voluntatis. Vnde prius actus exterior obijcitur rationi, quam proponatur voluntati ut bonum.

2. **Conclusio.** Bonitas actus exterioris, secundum quod est in executione operis, sequitur bonitatem voluntatis.

Prob. quia Voluntas secundum suam interiorē actum est principium actus exterioris, ut potest, qui est ab ipsa imperatus.

Ad Argumenta.

Ad 1. Dicitur, quod actus exterior dupliciter considerari potest. Vno modo, in quantum proponitur voluntati a ratione, ut quoddam bonum apprehensum, & ordinatum per rationem. Alio modo, in quantum consistit in executione operis. Vnde ad antecedens dicitur, quod si in eo sit sermo de actu exteriori primo modo considerato, sic est obiectum voluntatis, & ex eo dependet, tanquam ex obiecto, bonitas actus interioris, & sic conceditur totum argumentum, ut potest quod verum concludit, scilicet quod actus exterior, sic acceptus, sit obiectum actus interioris voluntatis,

in quo prius inuenitur bonitas, quam in ipso actu interiori voluntatis. Si vero in antecedente sermo sit de actu exteriori in executione operis, negatur ipsum antecedens. Actus enim sic sumptus, non est obiectum, sed effectus voluntatis. Et ad probationem dicimus, quod voluntas respicit solum ut sic, tanquam obiectum, & solum in executione tanquam effectum.

Ad 2. Dicitur maiorem, quod finis est prior in intentione, & posterior in executione. Si consideretur ut est prior in intentione; consideratur ut obiectum voluntatis. Si vero ut est in executione, est effectus, & posterior actu interiori voluntatis. Igitur quod potest esse finis, quatenus finis est prior in intentione, in eo prius inuenitur bonitas, verum est. Vnde in actu exteriori, ut est finis, & prior in intentione, prius inuenitur bonitas. Sed finis, prout est in executione, habet bonitatem a voluntate, ut dictum est. Concludit igitur argumentum, quod in actu exteriori, pro ut est finis, prius inuenitur ratio bonitatis, quam in actu interiori voluntatis, & hoc verum est.

Ad 3. Neg. minor, si sermo sit de actu exteriori, pro ut consistit in executione operis. Ad probationem dicitur dupliciter. Primo, quod forma secundum quod est recepta in materia, est posterior via generationis, quam materia, sed tamen est prior ordine naturæ. Vnde sicut bonitas materia est a forma, sic bonitas actus exterioris, prout sumitur in executione, est ex bonitate voluntatis.

Dicitur secundo, quod forma secundum quod est in causa agens est omnibus modis prior. Et quia voluntas comparatur ad actum exteriorē, ut causa efficiens ad suum effectum, hinc est, ut bonitas voluntatis sit causa bonitatis actus exterioris.

ARTICVLVS II.

Utrum tota bonitas, & malitia exterioris actus dependeat ex bonitate voluntatis.

Pro affirmatiua.

Videtur, quod tota bonitas, vel malitia exterioris actus dependeat a voluntate.

1. Non potest arbor mala bonos fructus facere, nec arbor bona fructus malos facere, id est Mat. 7. Ergo Non potest esse quod voluntas interior sit bona, & actus exterior sit malus, aut e converso, & sic tota bonitas, vel malitia actus exterioris est ex voluntate.

Conseq. prob. quia Per arborem intelligitur voluntas, & per fructum, opus exterioris.

2. Sola voluntate peccatur, inquit Aug. Ergo Tota

Tota bonitas, vel malitia actus exterioris, est à voluntate.

Consequ. prob. quia Si sola voluntate peccatur, impossibile est, ut actus exterior possit esse malus, nisi voluntas sit mala, & è conuerso.

3. Actus morales dicuntur morales, quia sunt voluntarij. Ergo Actus morales sunt boni, vel mali ex voluntate.

Consequ. prob. quia Bonum, & malum de quo nunc loquimur sunt differentie actus morales, vnde debet diuidere genus actuum moralium, quod genus est esse voluntarium, differentia enim diuidit genus, ut ait Philosophus. 3. Met. t. 4. 3.

Pro Negatiua.

Aug. dicit in libro contra mendacium, quod quedam sunt, quæ nullo quasi bono fine, aut bona voluntate possunt bene fieri.

Determinatio.

1. Distinctio. In exteriori actu potest considerari duplex bonitas, vel malitia. Vna secundum debitam materiam, & circumstantias. Alia secundum ordinem ad finem, quæ distinctio explicata etiam fuit in præcedenti articulo.

2. Conclusio. Bonitas actus exterioris, quæ est secundum ordinem ad finem, tota dependet ex voluntate.

Prob. Sicut probata fuit 1. conclusio præc. art. sic: Finis est proprium obiectum voluntatis. Ergo Bonitas, quæ est ex ordine ad finem, prius inuenitur in ipso actu interiori voluntatis, & ex eo in alijs exterioribus actus derivatur.

2. Conclusio. Bonitas actus exterioris, quæ est ex materia, & ex circumstantijs, secundum quod ipse actus exterior est in apprehensione rationis, non est à voluntate, sed potius bonitas hæc, conuenit voluntati ex ipso actu exteriori.

Prob. quia Huiusmodi bonitas prius inuenitur in actu exteriori ex ratione, & postea conuenit voluntati, in quantum voluntas fertur in ipsum exteriorem actum, ut sibi proponitur à ratione, sub ratione boni, ut dictum est art. præc.

2. Distinctio. Voluntas ex duobus potest esse bona. Primo ex obiecto proprio. Secundo ex intentione finis, ut dictum est, quæst. præc. præc. p. 2. & 7. Dicitur enim voluntas bona ex obiecto proprio, quando volitum est bonum, puta ieiunare, facere eleemosynam, orare, & similia. Ex intentione finis, quando hæc vult, propter aliquem bonum finem, puta si faciat eleemosynam propter Deum, & ut proximo subueniat, & sic et alij.

3. Conclusio. Ad bonitatem exterioris actus requiritur necessario ut voluntas sit bona, tum ex obiecto, tum ex intentione finis. Ad hoc vero, ut

sit malus sufficit, quod voluntas non sit bona ex altero horum.

Declaratur. Deinde prob. Si enim voluntas velit facere eleemosynam, est bona ex obiecto. Si propter Deum, est bona ex intentione finis, & actus exterior dandi eleemosynam erit bonus. Si vero quis faciat eleemosynam propter inanem gloriam, est voluntas bona ex obiecto, sed mala ex fine: & tunc actus dandi eleemosynam est malus. Et iterum si quis velit furari propter faciendam eleemosynam, erit actus malus, quia voluntas est mala ex obiecto volito, scilicet ex furto.

Prob. quia Supra dictum est, quæst. præcedenti, præc. p. 6. Ad hoc ut aliquid sit malum, sufficit unus singularis defectus. Ad hoc uero ut aliquid sit simpliciter bonum, non sufficit singulare bonum, sed requiritur integritas bonitatis.

Ad argumenta.

Ad 1. Negatur consequentia. Ad probationem dicitur, quod per bonam arborem, significatam bonam voluntatem, non solum est intelligenda ipsa voluntas, pro ut est bona ex intentione finis, sed etiam pro ut est bona, ex eo quod vult bonum. Et quia, bonitas voluntatis, quæ est ex actu volito, non procedit ex ipsa voluntate in actum, sed è conuerso, ut dictum est, ideo, non sequitur, quod tota bonitas actus ex voluntate dependeat, sed solum ea, quæ est ex fine.

Ad 2. Negatur consequentia. Ad probationem dicitur, quod semper quidem voluntate peccatur, sed tamen non semper tota malitia est à voluntate. Peccare enim voluntate contingit dupliciter. Vno modo, quatenus voluntas vult malum finem, puta quando facit eleemosynam propter inanem gloriam, & tunc tota malitia est à voluntate. Alio modo quatenus vult malum actum, puta quando vult furari, vel fornicari, & tunc malitia est prius in actu volito, quatenus est dissimilis rectæ rationi, & per ipsum actum exteriorem secundum se acceptum, transit hæc malitia in voluntatem volentem hunc malum actum, sub ratione alicuius apparentis boni, & sic non tota malitia peccati est à voluntate, nec tota bonitas.

Ad 3. Dicitur ad antecedens, quod actus morales dupliciter dicuntur voluntarij. Vno modo, quia sunt à voluntate solum eliciti. Alio modo, quia sunt à voluntate solum imperati. Etiam eliciti, quam imperati morales dicuntur. Bonum igitur, & malum, non solum diuidunt actus morales voluntarios elicitos à voluntate, sed etiam imperatos. Vnde omnes possunt esse boni, vel mali, sed malitia potest esse à voluntate, & etiam ex malitia actum, qui à voluntate imperantur.

Absolute igitur negatur consequentia. Et ad probationem dicitur, quod supponit unum falsum, scilicet quod actus morales, & voluntarij dicantur solum actus elicitj à voluntate. Si enim alij actus voluntarij non essent, profecto non haberent in se aliquam malitiam, & ex consequenti tunc tota bonitas actus interioris à voluntate penderet. Modo autem, quia & alij sunt voluntarij, etiam ipsi habent bonitatem, uel malitiam, secundum quod respiciunt rationem, & eam in actum voluntatis diffundunt, ut dictum est.

ARTICVLVS III.

Vtrum Bonitas, & malitia sit eadem interioris actus, & exterioris.

Pro Negativa.

Videtur, quod Non eadem sit bonitas, & malitia actus interioris voluntatis, & actus exterioris.

1. Diuersi actus habent diuersam bonitatem. Sed Actus interior, & exterior sunt diuersi actus. Ergo Actus interior, et exterior habent diuersam bonitatem.

Maior. quia Non potest idem accidens esse in diuersis subiectis. Sed Bonitas, & malitia sunt quedam accidentia actuum. Ergo Eadem bonitas non potest esse in diuersis actibus.

Minor. Vbi sunt diuersa principia rationis, ibi sunt diuersi actus. Sed Actus interioris, & exterioris sunt diuersa principia. Ergo Sunt diuersi actus.

Minor huius. Quia Principium actus interioris, est vis animæ interior apprehensiva, uel appetitiua. Principium uero actus exterioris est potentia exequens motum.

2. Actus, qui perficiuntur per diuersas uirtutes, non habent eandem bonitatem. Sed Actus interior, & exterior perficiuntur per diuersas uirtutes. Ergo Non habent eandem bonitatem, sed diuersam.

Maior. quia Ipsa uirtus est, quæ bonum facit habentem, & opus eius bonum reddit, ut Philosoph. 2. Ethic. cap. 6. dicit. Vnde si unus actus, siue unum opus est bonum per unam uirtutem, & alius per aliam, alia erit bonitas unius, & alia alterius.

Minor prob. Virtus intellectualis, quæ est in potentia imperante, est alia à uirtute morali, quæ est in potentia imperata. Ut dicitur 2. Ethic. cap. 1. Sed Actus interior est bonus per uirtutem intellectualem, quæ est in potentia imperante, & actus exterior est bonus, per uirtutem moralem, quæ est in potentia imperata.

Ergo Alia est bonitas actus interioris, & alia bonitas actus exterioris.

3. Causa, & effectus non possunt esse idem. Sed Bonitas actus interioris est causa bonitatis actus exterioris, ut dictum est. Ergo Bonitas actus interioris, non est eadem cum bonitate actus exterioris, aut è conuerso, ut dictum est artic. præcedenti.

Maior. quia Nihil est causa sui ipsius.

Pro Affirmatiua.

Ex formali, & materiali situum. Sed Actus interior uoluntatis se habet ut formale, ad actum exteriorem. Ergo Actus interior, & exterior habent unam bonitatem.

Determinatio.

1. Distinctio. Actus interior, & exterior possunt duobus modis considerari. Vno modo, ut sunt in genere entis. Alio modo, pro ut sunt in genere moris. In genere entis sunt duo actus. In genere uero moris, sunt unus actus, ut dictum est quod art. 17. artic. hic considerantur ut morales sunt, & idco ut unum sunt.

2. Distinctio. Ea quæ sunt unum subiecto, possunt habere plures rationes bonitatis, & unam tantum. Sicut medicina dulcis habet duplicem rationem bonitatis. Vnam quia est secundum se dulcis. Alteram quia est causatiua sanitatis. Medicina uero amara habet tantum unam bonitatis rationem quia est solum bona, quatenus est causatiua sanitatis, & propter hoc solum appetitur ab infirmo. Medicina igitur dulcis est bona, & secundum se, & in ordine ad finem. Medicina uero amara est bona tantum ex ordine ad finem. Sic est dicendum de actu interiori, & exteriori ut sunt unum subiecto, ut morales sunt. Aliquando enim sunt boni, secundum se, scilicet secundum suum genus, & circumstantias. Aliquando uero sunt boni solum ex ordine ad finem ad quem ordinantur. Sicut facere elemosynam, concionari, orare, & similes actus, sunt boni secundum suum genus, & quando sunt propter gloriam Dei, siue utilitatem proximi sunt boni ex fine. Vnde duplicem habent bonitatem, scilicet ex genere, & ex fine. Verberare autem se ipsum de se nullam habet bonitatem moralem secundum suum genus; sed si hoc fiat, ut quis faciat poenitentiam de peccatis suis, est actus bonus tantum ex fine, & sic patet distinctio.

1. Conclusio. Quando actus exterior est bonus, uel malus solum ex ordine ad finem, tunc est omnino eadem bonitas, & malitia actus interioris uoluntatis, quæ per se respicit finem, &

actus

actus exterioris, qui respicit finem mediante actu uoluntatis.

2. *Conclusio.* Quando actus exterior habet bonitatem, uel malitiam secundum se, id est secundum materiam, uel circumstantiam, tunc bonitas exterioris actus est una, & bonitas uoluntatis, quæ est ex fine, est alia.

Quæ conclusiones ex dictis ut manifestæ relinquuntur.

Et prima quidem, ex dictis patet, quia Bonitas finis primo conuenit actui interiori uoluntatis, ut art. præced. dictum est, & per ipsum diffunditur in actum exteriorum. Ergo Bonitas, quæ est ex fine, eadem est, quæ conuenit actui interiori, et exteriori.

Secunda uero, quia Bonitas, quæ conuenit actui exteriori, siue cuiusque alteri actui, secundum suum genus constituit ipsum actum in tali specie actus moralis, & facit ipsum differre a quocunque alio. Unde huiusmodi bonitas necessario est alia a bonitate cuiusque alterius actus.

Ergo Quando Actus exterior habet bonitatem ex genere, est alia a bonitate actus interioris.

3. *Conclusio.* Quando actus exterior habet propriam bonitatem ex genere, etiam quodammodo est eadem bonitas actus exterioris, & interioris.

Manifestatur. quia Sicut Bonitas finis reducat in actum exteriorum ex actu interiori, ita bonitas ex genere actus exterioris, redundat in ipsam uoluntatem, ut superius dictum est. Sicut. n. actus exterior habet bonitatem ex fine, mediante actu interiori. Ita actus interior dicitur bonus, uel malus ex bonitate actus exterioris.

Ad Argumenta.

Ad 1. Dicitur ad minorem, quod Actus interior, & exterior sunt diuersi actus secundum genus naturæ, tamen sunt unū in genere morali, & propterea possunt habere unam, & eandem bonitatem moralem. Ad probationem dicitur, quod probat actum interiorem, & exteriorem esse diuersos actus in genere entis, siue secundum genus naturæ, non autem genere moris.

Ad 2. Negatur minor. Actus. n. interior, & exterior per eandem virtutem sunt boni, & per idē virtutem sunt mali, per virtutem. n. prudentiæ perficiuntur quicunque, actus, siue interiores, siue exteriores spectantes ad prudentiam. Sicut per eandē artem regulantur actus interiores, & exteriores artificis, qui spectant ad suā artem. Ad prob. dñ, quod Virtutes intellectuales, & morales non ponuntur ad hoc, ut virtutes intellectuales perficiant actus interiores, & virtutes morales perficiant a-

ctus exteriores, cum vnaquæque virtus perficiat utroque actus ad ipsam pertinentes. Sed ad hoc, ut virtutes intellectuales sint circa actus, qui sunt circa finem, siue sint interiores, siue exteriores, & virtutes morales ponuntur ad hoc, ut perficiant actus, qui sunt circa ea, quæ sunt ad finem, siue interiores, siue exteriores.

Ad 3. Dicitur ad maiorem, quodd Causa est duplex Vniuoca, & Analoga. Vnde aliquid potest deriuari ab aliquo in aliquid dupliciter. Vno modo, ut a causa vniuoca. Alio modo, ut a causa analoga. Sicut calor deriuatur ab igne generante, in ignem genitum, ut a causa vniuoca. Et sanitas animalis deriuatur ab animali in medicinam, & vrinam, ut a causa analoga. Illud igitur, quod est ab aliquo in aliquid tanquam a causa vniuoca, licet possit esse idem secundum speciem, tamen secundum numerum non est idem. Quamuis enim calor, qui est ex igne genito, sit specie idem cum calore, qui est in igne generante, tamen numero differt ab eo. Quod uero est ab aliquo tanquam a causa analoga, potest idem numero esse in utroque, sicut eadem numero sanitas, quæ est formaliter in animali, est in medicina causaliter, & in Vrina ut in signo. Tunc ad minorem dicitur, quod Bonitas actus exterioris, quæ est ex fine, est ex actu interiori, & bonitas actus exterioris, quæ est ex genere, deriuatur in actum interiorem tanquam ex causis analogis, & ideo eadem bonitas numero est in utroque, ut dictum est.

ARTICVLVS IV.

Utrum Actus exterior aliquid addat de bonitate, & malitia supra actum interiorem.

Pro Negatiua.

Videtur, quod Exterior actus non addat in bonitate, vel malitia supra actum interiorem.

1. Solus actus interior uoluntatis remuneratur a Deo pro bono, & condemnatur pro malo, & non exterior.

Ergo Actus exterior non addit in bonitate, vel malitia, supra actum interiorem.

Antec. prob. quia Chrysos. dicit super Matth. homil. 19. Voluntas est, quæ aut remuneratur pro bono, aut condemnatur pro malo. Opera autem testimonia sunt uoluntatis. Nō ergo querit Deus opera propter se, ut sciat quomodo iudicet, sed propter alios, ut omnes intelligant, quia iustus est Deus.

Conseq. prob. quia Malum, vel bonum, magis est æstimandum secundum iudicium Dei, quam secundum iudicium hominum.

2. Vna, & eadem est bonitas interioris, & exterioris actus. Ergo Actus exterior non addit in bonitatem, vel malitiam super actum interiore.

Conseq. prob. quia Augmentum fit per additionem vnius ad alterum.

3. Illud, cuius bonitas tota derivatur ab altero, non addit ad bonitatem eius a quo derivatur. Sed Bonitas actus exterioris tota derivatur quādoque a bonitate actus interioris, & quandoque e conuerso. Ergo Bonitas actus exterioris non addit ad bonitatem actus interioris, nec e conuerso.

Maiores prob. a simili. Ideo enim bonitas creaturarum nihil addit supra bonitatem diuinam, quia Bonitas creature tota a bonitate diuina derivatur.

Pro Affirmatiua.

Si per actum exteriorem nihil additur de bonitate, vel malitia, quod habet bonam voluntatem, frustra facit opus bonum, aut desinit a malo opere, quod est inconueniens.

Conseq. prob. quia Omne agens intendit consequi bonum, vel vitare malum.

Determinatio.

Distinctio. Actus exterior, vt dictum est, duplicem habet bonitatem. scilicet quæ competit sibi secundum suum genus, & circumstantias: & quæ conuenit ei ex ordine ad finem.

1. Conclusio. Si loquamur de bonitate, quam actus exterior habet ex bonitate finis, Actus exterior nihil addit ad bonitatem actus interioris, nisi contingat, ipsam voluntatem secundum se fieri meliorem, in bonis, vel peiorem in malis.

Prima pars prob. quia Bonitas, quæ est ex fine, eadem est actus interioris, & exterioris.

Altera pars declaratur. Tripliciter enim cōtingere potest, vt ipsa voluntas fiat melior, vel peior per respectum ad actum exteriorem. Primo, secundum numerum: puta cum aliquis vult facere aliquid bono, vel malo fine, & non facit, & postea vult, & facit, tunc ex actu exteriori fit melior, vel peior, quia multiplicatur ipse actus interior voluntatis. Secundo, quantum ad extensionem: puta cum aliquis vult facere aliquid bono fine, vel malo, & propter aliquod impedimentum desinit, alius autem continuat motum voluntatis, quousque opus perficiat, manifestum est, quod huiusmodi voluntas est diuturnior in bono, vel malo, & secundum hoc est peior, vel melior. Tertio, Secundum intensiōem. Sunt enim quidam actus exteriores, qui in quantum sunt delectabiles, vel pænoxi, nati sunt intendere voluntatem, vel remittere. Constat autem quod quanto voluntas intensius tendit in bonum, vel malum, tanto est melior, vel peior.

2. Conclusio. Si loquamur de bonitate actus exterioris, quam habet secundum materiam, & proprias circumstantias, addit ad bonitatem, vel malitiam voluntatis.

Prob. Quod comparatur ad actum interiore voluntatis, vt terminus, & finis ipsius actus, addit ad bonitatem ipsius voluntatis. Sed Actus exterior secundum bonitatem, quam habet ex materia, & debitis circumstantiis, comparatur ad actum voluntatis interioris, vt terminus, & finis ipsius actus interioris voluntatis. Ergo Bonitas hæc, actus exterioris, addit ad bonitatem actus interioris voluntatis.

Maiores. quia Omnis inclinatio, vel motus perficitur in hoc, quod finem consequitur, vel attingit terminum. Vnde non erit perfecta voluntas simpliciter, nisi sit talis, quæ oportunitate data, operetur.

3. Conclusio. Si voluntati desit possibilitas operandi, ipsa voluntate in se existente perfecta, vt operaretur, si posset, tunc voluntas careret perfectione simpliciter, sed tamen propter hoc non tollitur aliquid de præmio, & de pœna debita tali actui, etiam si non sit perfectus simpliciter.

Prob. Quod est inuoluntarium, non tollit præmium, nec pœnam. Sed Carentia talis perfectionis, in tali casu est simpliciter inuoluntaria.

Ergo Per carentiam talis perfectionis in tali casu, non tollitur aliquid de præmio actus boni, vel de pœna actus mali.

Ad Argumenta.

Ad 1. Negatur antec. Ad probationem dicitur, quod Chrysostomus loquitur quando voluntas hominis est consummata, & non cessatur ab actu nisi propter impotentiam faciendi.

Ad 2. Dicitur, quod si sermo sit de bonitate, quæ actus, tunc interior, tunc exterior habet ex fine, conceditur tōti argumētū, est. n. pro prima cōclusionē in corpore posita. Si vero sit sermo de bonitate, quæ cōuenit actui exteriori ex suo genere, falsum est antecedens. Non. n. est vna bonitas ex genere, quæ cōuenit utrique actui, vt dictum est.

Ad 3. Negatur minor de bonitate, quæ cōuenit actui exteriori ex materia, & circumstantiis. Illa. n. non derivatur ex actu interiori, sed potius e conuerso. Vnde argumentum concludit solum de bonitate, quæ est ex fine.

ARTICVLVS V.

Vtrum Euentus sequens, aliquid addat de bonitate, vel malitia ad exteriorem actum.

Pro Affirmatiua.

Videtur, quod Euentus sequens, aliquid addat ad bonitatem, vel malitiam actus.

1. Quod continetur in virtute alicuius, sicut effectus continetur, & præexistit in virtute causæ,

se, addit aliquid de bonitate, vel malitia ad id, in cuius virtute præexistit. Sed Euentus sequens continetur, & præexistit in actibus, et eos consequitur, sicut effectus causam. Ergo Euentus sequens addit aliquid de malitia, vel bonitate ad actum exteriorem.

Maiores prob. quia Cum virtus sit, quæ bonum facit habentem, vnumquodque iudicatur bonum, vel malum ex sua virtute. Vnde si actus continet suam virtutem euentum, iudicandus erit actus bonus, vel malus ex euentu.

2. Bona, quæ faciunt auditores propter prædicationem auditam, redundant in meritum ipsius prædicatoris. Ergo Euentus sequens addit aliquid de bonitate ad actum exteriorem.

Antec. prob. Per id, quod dicitur ad Philip. 4. quibus, quia profecerant per prædicationem Pauli, dicebat ipse. Fratres mei Charissimi, & desideratissimi, gaudium meum. Corona mea.

Consequ. quia Huiusmodi bona, sunt quidam effectus provenientes ex prædicatione ipsius prædicatoris.

3. Ad id, propter quod additur poena, addit & culpam. Sed Propter euentum malum sequentem additur poena. Ergo Addit & culpam, siue malitiam.

Maiores quia Dicitur Deut. 25. Pro mensura delicti, erit & plagarum modus.

Minor. quia Exodi 21. dicitur, quod si bos fuerit corruptus ad heri, & nudius tertius, & contestati sunt dominum eius, nec reclusit eum, occiderique virum, aut mulierem, & bos lapidibus obruetur, & dominum illius occident, non autem occideretur, si bos non occidisset hominem, etiam non reclusus. Ergo Euentus sequens addit ad bonitatem, vel malitiam actus.

4. Si aliquis ingerat causam mortis percutiendo, vel sententiam ferendo, si sequatur mors, contrahit irregularitatem, si non sequatur, non contrahit.

Ergo Euentus sequens addit aliquid de malitia, vel bonitate.

Pro Negativa.

Euentus sequens, non facit actum malum, qui erat bonus, nec bonum qui erat malus. Puta si aliquis det eleemosynam pauperi, quia ille abutatur ad peccatum, nihil deperit ei, qui eleemosynam facit. Et similiter si aliquis patienter ferat iniuriam sibi factam, non propter hoc excusatur ille, qui fecit.

Ergo Euentus sequens, non addit ad bonitatem, vel malitiam actus.

Determinatio.

1. Distinctio. Euentus, aut est præcogitatus

ipsi actui, aut non est præcogitatus.

Secunda distinctio. Euentus dupliciter potest se habere ad actum. Quidam enim sequitur ex ipso actu per se, & vt in pluribus. Quidam vero sequitur actum per accidens, & vt in paucioribus.

1. Conclusio. Euentus præcogitatus, manifestum est, quod addit bonitatem, vel malitiam ad actum exteriorem.

Prob. Illud, ex quo voluntas operantis redditur magis ordinata in bono, vel magis deordinata in malo, addit actui malitiam, vel bonitatem. Sed Ex euentu præcogitato redditur voluntas, vel magis ordinata, si euentus sit bonus, vel magis deordinata, in malis. Ergo Euentus præcogitatus addit actui malitiam, vel bonitatem.

Prob. minor. Nam cum quis, volens operari, cogitat, quod ex opere suo multa bona possunt sequi, & ex hoc animatur ad operandum, profecto talis actus perfectior est, quam si ex eo illa bona non sequerentur. Et iterum, si quis, volens operari aliquid, cogitat ex opere illo multa sequutura mala, & propter hæc non desistit ab illa operatione, ex hoc apparet voluntatem eius esse magis deordinatam.

2. Conclusio. Si euentus sequens non sit præcogitatus, sed tamen sit talis, ut sequatur ex actu per se, & vt in pluribus, addit malitiam, vel bonitatem actui.

Ostenditur. Manifestum est enim, meliorem actum esse ex suo genere; ex quo possunt plura bona sequi, & peiorem, ex quo nata sunt plura mala sequi.

3. Conclusio. Si Euentus non sit præcogitatus, & non sequatur per se, & vt in pluribus a tali actu, non addit malitiam, vel bonitatem actui.

Prob. quia Non datur iudicium de re aliqua secundum illud, quod est per accidens, sed solum secundum illud, quod est per se.

Ad Argumenta.

Ad 1. Dicitur, quod maior est vera de eo, quod continetur in virtute alicuius per se, non autem de his, quæ continentur solum per accidens. Et ad probationem similiter dicitur, quod vnumquodque iudicatur bonum ex eo, quod continetur in sua virtute, non quocumque modo, sed per se. Vnde argumentum probat solum, quod euentus per se sequens ex effectu addat bonitatem, vel malitiam actui.

Ad 2. Dicitur ad antecedens, quod bona, quæ auditores faciunt, consequuntur ex prædicatione doctoris, sicut effectus per se. Vnde redundant in premium prædicatoris, & præcipue quando sunt præintenta.

Ad 3. Dicitur ad minorem, quod propter euentum

tum sequentem additur poena, qñ euentus sequitur per se a tali causa, non autem qñ sequitur per accidens, & non est præcogitatus. Ad probationem igitur minoris dicitur, quod euentus ille, de quo ibi scriptura loquitur, per se sequitur ex tali causa; & iterum, ille euentus ponitur, ut præcogitatus, & ideo imputatur ad poenam.

Ad 4. Dicitur ad consequens. Irregularitas non est poena sequens culpam, sed sequitur factum, propter aliquem defectum Sacramenti. Et ideo ex contrarietate, vel non contrarietate irregularitatis, non potest argui maior, vel minor malitia, vel bonitas in actu, propter quem contrahitur.

ARTICVLVS VI.

Virum Idem actus exterior possit esse bonus, & malus.

Pro Affirmatiua.

Videtur, quod Vnus actus possit esse bonus, & malus.

1. Vnus motus continuus potest esse bonus, et malus. Sed Vnus actus, est vnus motus continuus. Ergo Vnus actus potest esse bonus, & malus.

Maiores. quia Si aliquis continue ad ecclesiam vadens, primo quidem intendat inanem gloriam, postea intendat Deo seruire, erit actus primo malus, postea bonus.

Minor. quia Phil. 5. Phys. tex. 39. dicit, quod Motus est vnus, qui est continuus.

2. Actio potest esse mala, ut fuit actio Iudæorum, & passio bona, ut fuit passio Christi. Sed Actio, & passio sunt Vnus motus, ut dicitur 3. Phys. tex. 14. Ergo Vnus actus potest esse bonus, & malus.

3. Actio serui, quam operatur ex voluntate domini, potest esse bona & mala simul. Sed Huiusmodi actio est vna. Ergo Vna potest simul esse bona, & mala.

Maiores probant, quia Potest esse bona ex intentione domini, & mala ex intentione serui, vel ex contrarietate.

Minor. Actio principalis agentis, & instrumenti est vna. Sed Actio domini, & serui est actio principalis, & instrumenti. Ergo Vna potest simul esse bona, & mala.

Pro Negatiua.

Contraria non possunt esse in eodem. Sed Bonum, & malum sunt contraria. Ergo Vnus actus non potest esse bonus, & malus.

De terminatione.

1. Conclusio. Actus, qui est vnus in genere moris, impossibile est quod sit bonus, & malus.

2. Conclusio. Actus vnus in genere naturæ, sed multiplex in genere moris, potest esse bonus, & malus.

Hæ conclusiones declarantur. Pro quo est sciendum, quod Nil prohibet aliquid esse vnus, secundum quod est in uno genere, & esse multiplex, secundum quod refertur ad aliud genus. Sicut superficies continua, est vna, secundum quod consideratur in genere quantitatis, tamen est multiplex secundum quod refertur ad genus coloris, si partim sit alba, & partim nigra. Et quia Actus humanus refertur ad duplex genus, ut alias dictum est, scilicet ad genus naturæ, & ad genus moris, potest esse vnus in uno genere, & multiplex in alio, & est conuerso. Sicut continua ambulatorio ad ecclesiam, est vnus actus in genere naturæ, cum sit vnus motus. In genere tamen moris, potest esse multiplex, si scilicet in principio vadat quodammodo inane gloriam, & postea ut Deo inferuiat. Et similiter ex altera parte, actus interior, & exterior, sunt duo actus in genere naturæ, tamen in genere moris sunt vnus actus, ut dictum est art. 3. huius quæst. Si igitur accipiat humanus actus, pro ut est vnus in genere naturæ, & multiplex in genere moris. Manifestum est, quod poterit esse in genere moris bonus, & malus, bonitate, vel malitia morali. Si vero accipiat, ut est vnus in genere morum, non poterit simul esse bonus, & malus moraliter. Ex quibus remanet manifestæ ambæ conclusiones.

Secundam probat primum argumentum, quo ostenditur, quod vnus actus in genere naturæ, potest esse bonus, & malus in genere moris, & similiter secundum argumentum idem probat.

Prima vero conclusio probatur euidentissime per argumentum pro negatiua inductum.

Ad Argumenta.

Ad 1. Pro ut potest tangere secundam conclusionem, dicitur ad maiorem, quod vnus motus continuus potest esse bonus, & malus moraliter, quia licet talis motus sit vnus naturaliter, moraliter tamen non est vnus.

Ad 2. Dicitur ad minorem, quod Actio, & passio sunt vnus motus in genere naturæ, non moris. Et ideo potest vna esse bona, & alia mala, quatenus voluntarij sunt.

Ad 3. Dicitur ad maiorem, quod Actio serui potest dupliciter considerari. Vno modo, quatenus procedit ex domini mandato, & sic est actus domini, & non potest fieri bonus, vel malus, per bonum, vel malam intentionem serui. Alio modo, ut procedit ex voluntate serui, & tunc si serui intentio est bona, bona erit actio, si habeat aliam ad bonitatem requisita. Si est mala, mala erit etiam actio. Vnde quando seruius operatur, ut in eum instrumentum domini, est vna actio, sed non potest esse bona, & mala, sed talis, qualis est a domino intentus.

QVÆSTIO XXI.
DE HIS QVÆ CONSEQUUNTUR

actus humanis ratione bonitatis, & malitiæ.

ARTICVLVS I.

Vtrū Actus humanus, in quantum est bonus, vel malus, habeat rationē rectitudinis, vel peccati.

*Pro Negatiua.***V**idetur, quod Actus humanus, in quantum est bonus, vel malus, non habeat rationem rectitudinis, vel peccati.

1. Peccatum in natura non est actus. Ergo Nec in moralibus, actus aliquis hēt rōnē peccati.

Antec. prob. quia Peccatum in natura est monstrum. Monstra autem non sunt actus, sed quedam res genitæ præter ordinem naturæ.

Conseq. prob. quia Ea, quæ sunt sūm artē, & rationem, imitantur naturā, vt patet 1. Phy. tex. 81.

2. Peccatum accidit in natura, & arte, cū non peruenitur ad finem intentum, a natura, vel arte, vt dicitur, 2. Physic. tex. 82. Sed Bonitas, & malitia actus humani, maxime consistit in intentione, & prosecutione finis. Ergo Malitia moralis actus non inducit rationem peccati.

Declarantur præmissæ. Peccatum enim in naturali generatione accidit ex hoc, quod non generatur, id quod intenditur a generante, puta si homo generans non generet hominem, sed monstrum. Et in arte accidit peccatum ex hoc, quod ex actione artificis non sequitur, quod artifex intendebat. Sicut si pictor intenderet facere imaginem, siue figurā bouis, & faceret figuram Vrsi.

Ex quo patet, quod peccatum in natura, vel arte, est ex hoc, quod agens secundum naturam, vel artem, non consequitur suum effectum, & finē, quem intendebat. In moralibus autem, tunc actus est malus, quādo operans consequitur finē, quem intendit. Puta malum, actus latronis consistit in hoc, qd intendit tollere aliena, & in hoc, qd ea tollit. Vnde ista malitia moralis actus non potest habere rationem peccati, cum ratio peccati consistat in non attingendo finem.

Potest hoc argumentū etiā sic formari. Malitia actus, quæ consistit in intentione, & prosecutione finis nō hēt rationem peccati. Sed Malitia actus moralis maxime consistit in intentione, & prosecutione finis. Ergo Malitia actus humani non habet rationem peccati.

Maior prob. quia Peccatū accidit ex hoc, qd nō peruenitur ad finem, in nāibus patet sicut dictū est.

3. Si malitia actus induceret rationem peccati; sequeretur, quod vbiūque esset malum, ibi esset peccatum. Sed Hoc est falsum. Ergo Ex hoc qd aliquis actus est malus, nō habet rōnē peccati.

Falsitas consequens, siue minor prob. quia Pe

na habet rationem mali, sed non peccati.

Pro Affirmatiua.

Quod discordat a lege æterna, habet rationē peccati. Sed Actus humanus in quantum malus, discordat a lege æterna. Ergo Actus humanus in quantum malus habet rationem peccati, & in quantum bonus habet rationem rectitudinis.

Maior. quia Aug. 22. con. fausc. 22. dicit, quod Peccatum, est factum, vel dictum, vel concupitum contra legem æternam.

Minor. quia Bonitas actus humani principaliter dependet a lege æterna, ut dictum est q. 19. ar. 4. & per consequens malitia eius in hoc consistit, quod discordat a lege æterna.

Determinatio.

Concl. Actus humanus in quātum est bonus, habet rationem rectitudinis, & ex hoc, quod est malus, habet rationem peccati.

Prob. Actus, qui procedit in finem, secundum ordinem rationis, & legis æternæ est rectus, & quando ab hac rectitudine declinat, habet rationem peccati. Sed Omnis actus humanus est bonus ex hoc, quod concordat rationi, & legi æternæ, & malus per hoc, quod recedit ab ordine rationis, & legis æternæ. Ergo Actus humanus, ex hoc quod est bonus, habet rationem rectitudinis, & ex hoc, quod est malus, habet rationē peccati.

Maior manifestatur. Pro quo est sciendum, quod non omne malum habet rationem peccati, nec omne bonum habet rationem recti. Bonum enim dicitur, Omne illud, in quo inuenitur aliqua ratio bonitatis. Rectū autē dicitur solum illud, quod secundū rectam rationem ordinatur in aliquē finē. Et similiter malū dī priuatio boni a quocūq. Peccatū vero, proprie consistit in actu, qui agitur p̄ aliquem finē, cū non hēt propriū ordinē ad illū finem. Rō igitur rectitudinis, & peccati inuenitur solum in actibus, qui aguntur propter aliquem finem, ad quem si secundum debitū ordinem tendant habent rationem recti: si non secundū debitū ordinē, habent rationē peccati.

Sed ad videndum an sūm debitum ordinē actus in finem procedat, vel non; necessaria est aliqua regula, per quā mensuretur huiusmodi debitus ordo actus tendendi in finem: & ille actus erit rectus, qui secundum debitam regulam tendit in finem, & ille actus erit peccatum, qui exit ordinem, & regulam mensurantem.

Actus autem, qui sunt propter aliquem finem, sunt in duplici differentia. Quidam sunt a natura, & dicuntur naturales. Quidam vero sunt a uoluntate, & dicuntur humani, siue voluntarij: & in utrisque inuenitur regula tendendi secundum debitum ordinem in finem. Regula. n. in actibus naturali-

T

naturalibus est ipsa virtus naturæ, quæ inclinatur in talem finem. Quando ergo actus procedit a virtute naturali, secundum naturalem inclinationem in finem, tunc servatur rectitudo in ipso actu, quia medium non exit ab extremis, scilicet ab ordine principij actui in finem, & dicitur rectus. Quando vero aliquis actus recedit a tali rectitudine, tunc incidit ratio peccati in actu naturali. Regula vero in his, quæ aguntur per voluntatem, proxima quidem est ratio humana, suprema autem est lex æterna. Vnde actus humanus, qui conformiter ad rationem humanam, & æternam legem tendit in finem, habet rationem rectitudinis, vel si non procedat conformiter ad rationem, & legem æternam habet rationem peccati.

Minor vero patet ex dictis, q. 19.

Aliter & melius probatur conclusio. Omnis actus, qui secundum debitum ordinem, & conformiter ad debitam regulam tendit in finem, habet rationem rectitudinis, & qui secundum debitam regulam, & ordinem non tendit in finem, habet rationem peccati. Sed Omnis actus humanus in quantum bonus tendit ad finem, secundum debitam regulam, & ordinem, & in quantum malus deviat a debita regula. Ergo Omnis actus humanus in quantum bonus habet rationem rectitudinis, & in quantum malus habet rationem peccati.

Maiores prob. quia Rectum non dicitur quodcumque bonum, sed bonum actus tendentis debito ordine in finem. Et peccatum non est quodcumque malum, sed malum, quod est ex tendentia in finem, sine debito ordine.

Minor. quia Debita regula, secundum quam actus humani debent tendere in finem, est & ratio naturalis, ut regula proxima, & suprema est lex æterna, ad differentiam actuum naturalium, in quibus ipsa vis naturalis est regula. Actus igitur humanus, quando tendit in finem, secundum ordinem rationis, & æternæ legis habet rationem rectitudinis, qui vero non tendit sic in finem, habet rationem peccati.

Vnde sic prob. minor in forma. Actus humani, qui tendunt in finem secundum ordinem rationis, & æternæ legis, tendunt secundum debitam regulam. Sed Actus humani, in quantum boni, sunt conformes rationi, & diuinæ legi, & in quantum mali, ab illa deviant. Ergo In quantum boni, tendunt secundum debitam regulam in finem, & in quantum mali ab ea deviant.

Maiores huius patet. quia Ratio, & lex æterna sunt propria regula humanorum actuum, ad differentiam actuum naturalium, quorum regula est ipsa naturalis operatiua virtus.

Minor vero huius patet ex dictis quæstio. 19.

Ad Argumenta.

Ad 1. Neg. antec. Peccatum enim, etiam in natura, est actus non debite tendens in finem secundum suam regulam. Ad probationem dicitur, quod monstrum dicitur peccatum causaliter, in quantum productum est ex peccato existente in actu naturæ.

Ad 2. Dicitur, quod finis, tum in naturalibus, tum in voluntariis est duplex. Finis ultimus, & Propinquus. Finis ultimus in naturalibus est ultima perfectio rei generis. In voluntariis vero est ipsa beatitudo. Finis autem propinquus in naturalibus est quæcumque alia perfectio rei generis, & in voluntariis, quæcumque alia delectatio citra ultimam felicitatem.

Tunc dicitur ad maiorem, quod Peccatum in natura non accidit ex hoc, quod per actum non perveniatur ad aliquem finem: Natura enim in generatione monstri format aliquid. Sed peccatum accidit in natura, ex eo quod non consequitur ultimam perfectionem rei generate. Hoc etiam est, quod facit peccatum in voluntariis. Peccatum enim agens per voluntatem, quia licet consequatur aliquem finem; tamen quia talis actus per quem consequitur illum finem, non est ordinabilis ad ultimum finem, propterea actus est inordinatus, & per hoc habet rationem peccati.

Et ad aliam formam dicitur ad maiorem, quod Malitia, quæ consistit in intentione, & persecutio ne finis, non ordinabilis ad proprium finem, est peccatum. Vnde in hoc sensu negatur maior. Ad prob. dicitur, quod Peccatum accidit ex hoc, quod non pervenitur ad finem ultimum, non autem ex hoc, quod non perveniatur ad aliquem finem. Et quia malitia actus humani consistit in persecutio ne indebiti finis, ideo habet rationem peccati.

Ad 3. Neg. conseq. Ad prob. dicitur, quod peccatum habet rationem quidem, non tamen rationem peccati. Nam peccatum consistit in hoc, quod aliquid non tendit in finem secundum debitum ordinem, & quia unumquodque tendit in finem per proprium actum, ideo in actu consistit ratio peccati: & quia poena non respicit actum, sed personam peccantis, ideo poena est malum, sed non peccatum.

ARTICULVS II.

Vtrum actus humanus in quantum est bonus, vel malus, habeat rationem laudabilis, vel culpabilis.

Pro Negativa.

VIdetur, quod Actus humanus, ex hoc quod est bonus, vel malus, non habeat rationem laudabilis, vel culpabilis.

1. In actibus naturalibus contingit malum, quod est peccatum, ut dictum est art. præced. et tamen huiusmo-

huiusmodi naturales actus, non sunt culpabiles, si sint mali, nec laudabiles, si sint boni, ut dicitur 3. Ethic. c. 5. Ergo Nec actus voluntarij, in quantum bonus, habet rationem laudabilis, nec in quantum malus, habet rationem culpabilis.

Conseq. prob. quia Ratio, & ars naturam imitatur.

2. Non culpatur artifex ex hoc, quod aliquid malum secundum artem facit. Ergo Nec actus moralis, ex hoc, quod est malus, habet rationem culpæ.

Antec. prob. quia Ad industriam artificis pertinet, quod possit facere bonum opus, & malum cum voluerit.

Cōseq. prob. quia Sicut cōtingit peccatū in actibus moralibus ita & in actibus artis. Ut dicitur 2. Physic. tex. 82. peccat enim grammaticus non recte scribens, & medicus non recte dans potionē.

3. Quod diminit, vel tollit rationem culpæ, non facit ut aliquid habeat rationem culpabilis. Sed Malum tollit, vel minuit rationem culpæ. Ergo Actus in quantum malus nō habet rationem culpabilis.

Minor. Infirmitas, & impotentia tollit, vel saltem minuit rationem culpæ. Sed Malum est infirmum, & impotēs, ut dicit Dion. 4. c. de diu. nom. Ergo Malum tollit, vel minuit rationem culpæ.

Pro Affirmatiua.

Actus virtutum sunt laudabiles, & contrarij sunt vituperabiles. Sed Actus humani in quantum boni sunt actus virtutis, & in quantum mali sunt contrarij actibus virtutum. Ergo Actus humani in quantum boni sunt laudabiles, & ut mali sunt culpabiles.

Utraque præmissa est Phil. 2. Ethic. c. 6.

Determinatio.

Concl. Bonum, vel malum in solis actibus voluntarijs constituit rationem laudis, vel culpæ.

Prob. Actus soli, qui sunt ab agente, habente dominium sui actus, habent rationem laudis, vel culpæ. Sed Omnes, & soli actus voluntarij sunt ab agente habente dominium sui actus. Ergo Actus soli voluntarij habent rationem laudis, vel culpæ.

Maiores manifestatur. Nam sicut malum in plus se habet quam peccatum, ut dictum est ar. præce. ita peccatum in plus se habet quam culpa. Vnde sicut non omne malum est peccatum, ita non omne peccatum est culpa. Solum enim illud peccatum est culpa, quod imputari potest agenti. Culpam enim nihil aliud est, quam imputari alicui malitiam sui actus, & laudari est imputari bonitatem sui actus. Non potest autem alicui imputari malitia, vel bonitas sui actus, nisi habeat sui actus

dominium. Vnde in forma sic ostenditur maior. Illi soli actus, per quos potest agēs culpari, vel laudari, habent rationem culpæ, vel laudis. Sed Per solos actus, qui sunt in potestate agentis, potest ipsum agēs culpari, vel laudari, quia scilicet ei imputantur. Ergo Soli actus, qui sunt ab agente voluntarij, sunt digni laude, vel vituperio.

Minor principalis rationis prob. quia Agēs habet dominium sui actus per voluntatem.

Ad Argumenta.

Ad 1. Neg. conseq. Non enim est eadem ratio de actibus naturalibus, & voluntarijs, quia Agēs naturale est determinatum ad vnum, & non habet potestatem sui actus, sicut Agēs voluntarij, & in hoc ratio superexcedit ipsam naturam.

Ad 2. Dicitur, quod in actu artis contingit dupliciter esse malum, vel peccatum. Vno modo, per deviationem a fine particulari intento ab artifice: puta si artifex intendat facere bonum opus, & faciat malum, vel intendat facere malum, & faciat bonum, & hoc peccatum est proprium artis. Sicut si pictor intendat facere pulchram figuram, & faciat turpem: Vel si intendat facere turpem, & faciat pulchram, peccat secundum artem. Si vero intendat facere malum opus, puta turpem, vel non proportionatam figuram, nō dicitur peccare secundum artem, quia facit id, quod secundum artem facere intendit, scilicet turpem figuram. Alio modo potest esse peccatum in actu artis, per deviationem a fine communi humane vite. Sicut quando artifex facit aliquod malū opus, puta turpem, vel non proportionatam figuram ad hoc, ut aliquem decipiat. Quod enim faciat turpem figuram, quam facere intendit, non peccat secundum artem, quia facit, quod intendit, sed peccat ex hoc, quod per hanc figuram intendit decipere alium, & hoc peccatum est artificis, nō ut artifex, sed ut homo. Potest igitur artifex peccare, ut artifex, & ut homo, ut artifex peccat, quando eius actio deviat a fine artis, ut quando intendit facere aliquid secundum artem, siue bonum, siue malum, & facit aliud. Ut homo vero peccat, quando eius actio deviat a fine communi totius humane vite, sicut quando per actionem artis intendit aliquē decipere. Ad Antec. igitur dicitur, quod si artifex faciat aliquod malum, vel peccatum, ut artifex est, culpatur ut artifex. Si enim artifex intendat facere pulchram picturam, et faciat turpem, culpatur ut artifex, nec hoc pertinet ad eius industriā, sed ad eius ignorantiam, & defectum. Si vero intendat facere turpem figuram, & faciat, nō culpatur ut artifex, quia facit, quod intendebat facere. Vnde ad eius industriā hoc pertinet, sed tñ si hoc ordinet ad decipiēdis, culpatur, nō ut artifex, sed ut homo.

mo. Abfol. igitur Neg. antec. Artifex. n. faciendo malū ſēper culpatur, uel ut artifex, uel ut homo. Et ad probationem dicitur, quod quando aliquid ex industria facit, non peccat ſecundum artē, & ideo ut artifex non culpatur, poteſt tamen culpari ut homo, ſi opus, quod facit malum ſecundum artem, ordinet ad malum finem, puta ad decipiendum.

Vel dicitur ſecundo conſeſſo anteced. in ſenſu in quo probatur, quod quando artifex ex industria malum facit, non culpatur. Negatur conſeſſus. ſcilicet, quod ex hoc, quod non culpatur actus artis malus, nec moralis malus culpari debeat, & ratio eſt, quia actus artis, ut ſic, ordinatur ad finē particularem, quod eſt aliquid a ratione inuentum. Actus vero moralis ordinatur ad finem communem totius humanæ vitæ. Vnde quando artifex non deuiat a fine particulari ſuæ artis, ſive bonum, ſive malum operetur, non culpatur, quia ſ. facit, quod ſecundum artem facere intendit, & ſi hanc ſuam actionem non ordinet ad aliquem malum finem moralem, puta ad decipiendum, nullo modo culpatur: ſi vero ordinet ad malum finem, culpatur non ut artifex, ſed ut homo. In moralibus autem aliter accidit. Cum enim actus moralis ſemper ordinetur ad finem communem totius humanæ vitæ, ſi ſit malus, ſemper habet rationem culpæ, ut poteſt qui deuiat a ſuo fine. Et propterea actus artis, etiam malus, poteſt non culpari, immo ex industria artis procedere, & laudari, & actus moralis ſemper, ſi ſit malus, culpatur.

Ad 3. Negatur minor. Ad probationem dicitur ad maiorem, quod infirmitas, quæ non ſubiacer poteſtati hominis, minuit culpam, non autem illa, quæ ſubiacer poteſtati hominis, qualis eſt infirmitas, quæ eſt in voluntarijs.

ARTICVLVS III.

Utrum Actus humanus in quantum eſt bonus, vel malus habeat rationem meriti, vel demeriti.

Pro Negatiua.

Videtur, quod Actus humanus non habeat rationem meriti, vel demeriti propter ſuam bonitatem, vel malitiam.

1. Ea tantum habent rationem meriti, vel demeriti, quæ ſunt ad alterum. Sed Non oēs actus humani boni, vel mali ſunt ad alterum, ſed quidam ſunt ad ſe. Ergo Non omnis actus humanus bonus, vel malus hēt rōnem meriti, vel de meriti.

Maior. quia Meritum, vel demeritum dicuntur per ordinem ad retributionem, quæ ſolum habet locum in hijs, quæ ſunt ad alterum.

2. Nullus meretur pœnam, vel præmiū ex hoc, quod diſponit ad libitum de eo, cuius eſt do-

minus. Sed Homo ſuorum actuum eſt dominus. Ergo Homo, ex hoc quod ad libitum diſponit de ſuis actibus, non meretur pœnam, neque præmiū.

Maior prob. quia ſi quis deſtruat rem ſuam, non punitur, ſicut ſi deſtrueret rem alterius.

3. Ex hoc, quod aliquis ſibi ipſi acquirit bonum, non meretur, ut ei beneſiat ab alio, & eadem ratio eſt de malis. Sed Ipſe actus bonus eſt quoddam bonum, & actus malus eſt quoddam malum ipſius. Ergo Ex hoc, quod homo facit malum actum, vel bonum non meretur, vel demeretur.

Pro Affirmatiua.

Eſaiæ 3. dicitur. Dicite iuſto, quoniam beneſt quoniam fructum adinventionum ſuarum comedet: veh impio in malum, retributio enim malum eius fiet ei.

Determinatio.

Concluſio. Actus humanus in quantum eſt bonus habet rationem meriti, & in quantum malus habet rationem demeriti.

Prob. Actus cui debetur præmiū, vel pœna, habet rationem meriti, vel demeriti. Sed Omnis actus humano, debetur retributio præmij, vel pœnæ. Ergo Omnis actus humanus habet rationem meriti, vel demeriti.

Maior. quia Meritum, vel demeritum dicuntur in ordine ad retributionem, quæ eſt ſecundum iuſtitiam.

Minor. quia Si aliquis agit in bonum, vel malum alicuius ſingularis perſonæ, debetur ei retributio pœnæ, vel præmij, cum a ſingulari perſona, tum a communitate, cuius illa ſingularis perſona eſt membrum. Eo quod actio bona, vel mala ordinata in membrum, pertineat etiam ad communitatem. Sicut ſi quis offendit, vel ornat caput, offendit, vel ornat corpus, cuius caput, vel manus eſt pars. Si vero quis agat in bonum, vel malum communitatis, debetur ei retributio ab ipſa communitate.

In forma Sic prob. minor. Omnis actus ordinatus in bonum, vel malum alicuius, vel ſingularis perſonæ, vel communitatis, eſt dignus præmio, vel pœnâ, vel a ſingulari perſona, vel collegio, ut dictum eſt. Sed Omnis actus humanus eſt ordinatus in bonum, vel malum alicuius, vel perſonæ ſingularis, vel communitatis, ut de ſe patet. Ergo Omnis actus humanus eſt dignus præmio, vel pœnâ.

Correlarium. Ex hijs tribus articulis. ſ. duobus præcedentibus, & præſenti patet. Quod Actus humanus habet rationem rectitudinis, vel peccati ex ſua propria bonitate, vel malitia, ſecundum ordinem ad finem: ita ut ſi ordinetur ſecundum

debet

debitam regulam ad finem, est rectus; si autem est peccatum.

Habet rationem laudabilis, vel culpabilis, quia est in potestate voluntatis. Et habet rationem meriti, vel demeriti, secundum retributionem iustitiae ad alterum.

Ad argumenta.

Ad 1. Negatur minor. Ad probationem dicitur, quod etsi non omnes humani actus ordinantur ad bonum, vel malum singularis personae, tamen semper ordinantur ad bonum, vel malum ipsius communitalis.

Ad 2. Negatur Antec. Nam homo disponens de suo actu, de quo habet dominium, in quantum ipse est alterius communitalis, cuius est pars, meretur aliquid, vel demeretur, in quantum actus suos bene, vel male disponit: sicut etiam si alia sua de quibus communitali seruire debet, vel bene, vel male dispensat.

Ad 3. Dicitur ad antec. quod hoc ipsum bonum, vel malum, quod aliquis sibi facit per suum actum, secundum in communitalitatem, ut dictum est.

ARTICVLVS III.

Utrum Actus humanus in quantum est bonus, vel malus habeat rationem meriti, vel demeriti apud Deum.

Pro Negatiua.

Videretur, quod Actus hominis bonus, vel malus non habeat rationem meriti, vel demeriti per comparationem ad Deum.

1. Actus, qui habet rationem meriti, vel demeriti apud Deum, debet cedere in profectum, vel damnum ipsius Dei. Sed Actus humanus non potest cedere in profectum, vel damnum ipsius Dei. Ergo Actus humanus bonus non habet rationem meriti, nec actus malus habet rationem demeriti apud Deum.

Maiores prob. quia Meritum, vel demeritum important ordinem ad recompensationem profectus, vel damni ad alterum illati.

Minor. quia Iob 35. dicitur. Si peccaueris, quid noceris ei? & si iuste egeris, quid donabis ei?

2. Instrumentum nihil meretur, aut demeretur apud eum, qui utitur instrumento. Sed Homo in agendo est instrumentum diuinæ virtutis principaliter ipsum mouentis.

Ergo Homo bene, vel male agendo nihil meretur apud Deum.

Maiores prob. quia Tota actio instrumenti est utentis ipso.

Minor prob. per illud, Eccl. 10. Nunquid gloriabitur securis contra eum, qui fecit in ea? aut

exaltabitur ferra contra eum, a quo trahitur? Vbi manifeste Propheta comparat hominem agentem instrumento.

3. Non omnis actus humanus ordinatur ad Deum, ut patet. Ergo Non omnes actus boni, vel mali habent rationem meriti, vel demeriti apud Deum.

Consequ. prob. quia Actus humanus habet rationem meriti, vel demeriti, in quantum ordinatur ad alterum, ut dictum est art. præc.

Pro Affirmatiua.

Quæ inducuntur in Iudicium a Deo, habent rationem meriti, vel demeriti apud Deum. Sed Omnes actus humani, siue boni, siue mali adducuntur a Deo in Iudicium, ut dicitur Eccles. vii. Ergo Omnes actus humani habent rationem meriti, vel demeriti apud Deum.

Maiores. quia Iudicium importat retributionem, respectu cuius meritum, vel demeritum dicitur.

Determinatio.

Conclusio. Omnes actus humani habent rationem meriti, vel demeriti apud Deum.

Prob. Omnes actus, qui ordinantur in Deum tanquam in ultimum finem, vel in bonum totius communitalis vniuersi, habent rationem meriti apud Deum: & actus, qui non ordinantur in Deum tanquam in ultimum finem, vel in bonum communitalis vniuersi, habent rationem demeriti apud Deum. Sed Omnis humanus actus, vel est referibilis in Deum tanquam in ultimum finem, & in bonum totius vniuersi, uel non. Ergo Omnis actus humanus habet rationem meriti, uel demeriti apud Deum.

Maiores declarantur, & prob. Sciendum igitur, quod actus alicuius, habet rationem meriti, uel demeriti, secundum quod ordinatur ad alterum, ut dictum est art. præc. Sed aliquem actum ad alterum ordinari dupliciter contingit, ut ibidem dictum est. Vno modo, ratione eius, ad quod ordinatur, uel ratione communitalis, cuius ille ad quod actus ordinatur, est pars. Sicut, qui agit in bonum alicuius existentis in aliquo collegio, meretur, tunc respectu illius particularis personae, tunc respectu collegij. Et sic est de demerito. Deus autem dupliciter potest considerari. Vno modo, in se, ut est ultimus finis. Alio modo, ut est rector, & gubernator totius cõitatis creaturarum. Sensus ergo maioris est, quod actus, qui est referibilis in Deum, uel ut est ultimus finis, uel ut est gubernator vniuersi, habet rationem meriti uel demeriti apud ipsum Deum.

Deinde prob. ipsa maiores, quo ad utramque partem. Et primo quo ad priorem partem, scilicet, quod Actus referibiles in Deum, tanquam in ultimum finem, habeant rationem meriti, &

quod non referuntur, habeant rationem demeriti apud Deum. Qui seruat Dei honorem, sibi ut ultimo fini debitum, meretur, & qui ipsum non seruauit, demeretur apud Deum. Sed Qui facit actum referentem in Deum, sicut ultimum finem, seruatur Dei honorari: & qui facit actum malum, non referentem ad Deum, non seruat Dei honorem. Ergo si alius actus habet rationem meriti, uel demeriti apud Deum.

Minor huius, quia Omnis actus humanus debet esse referibilis in Deum. Unde si referatur, seruatur Dei honor, si non, non.

Alter pars eiusdem maioris prob. s. quod actus qui ordinatur in bonum totius communis unitatis, uel non ordinatur, habeat rationem meriti, uel demeriti apud Deum. Ad gubernatorem communis pertinet, uel præmium reddere pro actibus bonis communis, uel penam pro malo eidem communitati illato. Sed Deus est gubernator totius uniuersi. Ergo Ad ipsum pertinet retributio boni, uel mali, pro actibus ordinatis, uel non ordinatis in bonum uniuersi.

Ad Argumenta.

Ad 1. Dicitur ad minorem. Et ad eius probationem, quod licet per actum hominis, Deo secundum se nihil possit accrescere, tamen homo, quantum in se est, aliquid subtrahit Deo, uel ei exhibet, cum seruat, uel non seruat ordinem, quem Deus instituit.

Ad 2. Dicitur ad minorem, & ad eius probationem, quod quauis homo moueatur a Deo, ut instrumentum, tamen hæc diuina motio non excludit quin homo moueat se ipsum, per liberum arbitrium, & ideo per suum actum meretur, uel demeretur apud Deum.

Ad 3. Negatur antec. Et ratio est, quia homo differenter ordinatur ad communitatem politicam, & ad Deum. Ad communitatem enim politicam non ordinatur homo secundum se totum, & secundum omnia sua, & ideo non oportet, ut quilibet actus eius sit meritorius, uel demeritorius, per ordinem ad communitatem politicam. Ad Deum autem ordinatur homo secundum totum, quod est, habet, & potest. Et ideo omnis actus hominis bonus, uel malus habet rationem meriti, uel demeriti apud Deum, quantum sit ex ratione actus, licet ex parte agentis aliquando actus bonus non sit meritorius, ex defectu relationis in Deum, & malus, non sit demeritorius, propter ignorantiam eius, qui operatur.

Et hæc dicta sint de actibus humanis, secundum quod sunt hominis proprii, quod fuit unum membrum diuisionis factæ supra quæst. 6. Qui actus sunt sex: tres sunt circa finem, & tres circa ea, quæ

sunt ad finem. Circa finem sunt, uelle, frui, laudare. Circa ea, quæ sunt ad finem, sunt Eligere, cui adiligitur consiliari, consentire, & uti.

DE PASSIONIBVS Animæ.

Post hoc considerandum est de Passionibus Animæ.

Et primo in generali a quæstione 21. usque ad quæst. 25. inclusive.

Secundo In speciei a quæst. 26. usque ad quæst. 49. exclusive.

In Generali quatuor occurrunt consideranda:

Primo de subiecto earum in quæstione 21.

Secundo de differentia earum in quæst. 23.

Terrio de malitia, & bonitate ipsarum in quæstione 24.

Quarto de comparatione earum ad inuicem in quæst. 25.

QVÆSTIO XXII. DE SUBIECTO PASSIONVM Animæ.

ARTICVLVS I.

Vtrum Aliqua passio sit in anima.

Pro Negatiua.

Videretur, quod Nulla passio sit in anima. Sed In anima non est materia. Ergo In anima non sunt passionες.

Maiores. quia Pati est proprium materie.

Minor. quia Anima non est composita ex materia, & forma.

2. In quo est passio, est motus. Anima proprie non mouetur, ut probatur. 1. de anima. Ergo In anima non est passio.

Maiores. quia Passio est motus, ut dicitur 3. Physicæ. text. 19.

3. In eo, quod est incorruptibile, non est passio. Sed Anima nostra est incorruptibilis, ut dicitur 6. Topicæ. cap. 2. Ergo In anima non est aliqua passio.

Maiores. quia Passio est uia ad corruptionem: Nā omnis passio magis facta, abijcit a substantia.

Pro Affirmatiua.

In quo sunt peccata, sunt peccatorum passionες. Sed In anima proprie sunt peccata. Ergo In ea sunt peccatorum passionες.

Vtraque præmissa patet per id, quod Apostolus dicit Rom. 7. Cum essemus in carne, passionες peccatorum, quæ per legem erant, operabantur in membris nostris.

Deter-

Determinatio. *De determinatio.*

Distinctio. Pati videtur dupliciter. Vno modo communiter. Alio modo proprie. Pati communiter dicitur, quando aliquid recipitur sine abiectione aliqua à re. Sicut si dicatur aerē pati, quia illuminatur. Pati vero proprie est, quando recipitur aliquid cum alterius abiectione, puta quando aqua calefit, vel frigescit, per calefactionem enim abijcitur frigus, & per frigefactionem abijcitur calor.

Subdistinctio. Sed pati proprie contingit dupliciter. Vno modo cum abiectione eius, quod non est conueniens naturæ rei à qua abijcitur. Vt si dicatur, quod corpus patitur, quando sanatur. Per sanationē enim abijcitur infirmitas, quæ est aliquid malum corpori. Alio modo per abiectionem conuenientis. Vt si dicatur, corpus pati, quia infirmitatur. Tunc enim abijcitur sanitas, quæ est conueniens corpori, & hic vltimus modus dicitur propriissimus, & ratio est, quia pati dicitur ex eo, quod aliquid trahitur ad agentem, quod autem recedit ab eo, quod est sibi conueniens, maxime videtur ad aliud trahi. Et etiam quia i. de Gen. dicitur, quod quando ex ignobiliori generatur nobilior, est generatio simpliciter & corruptio secundum quid: e converso autem quando ex nobiliori ignobilior generatur.

Sunt igitur tres modi, quibus aliquid dicitur pati. Communiter, Proprie, & Propriissime. Communiter, quando nihil abijcitur, Proprie, quando abijcitur, quod est non conueniens. & Propriissime, quando abijcitur, quod est conueniens. Exemplum primi modi, est illuminatio aeris. Secundi, sanatio. Terrij, infirmari.

Conclusio. In anima est passio communiter dicta.

Prob. Illud, quod recipit aliquid sine abiectione alicuius rei, dicitur pati passionem communiter dictam. Sed Anima recipit aliquid, sine alicuius rei abiectione. Ergo Anima dicitur pati passionem communiter dictam.

Minor. quia Anima intelligit, & sentit, & per huiusmodi actiones recipit aliquid, puta species intelligibiles, vel sensibiles, & actiones sentiendi, & intelligendi, absque hoc, quod aliquid ab ea abijcitur.

2. Conclusio. Passio proprie dicta, non potest competere animæ, nisi per accidens, in quantum, scilicet compositum patitur.

Prob. quia Passio cum abiectione non potest esse, nisi cum transmutatione corporali.

3. Conclusio. Quando huiusmodi transmutatio est in deterius, magis habet rationem passionis, quam quando fit in melius.

Manifestatur. Illa transmutatio, quæ est passio propriissime sumpta, magis habet rationem passionis, quam, quæ est passio communiter. Sed Transmutatio, quæ est in deterius, est passio propriissime sumpta, & quæ est in melius, est passio communiter sumpta. Ergo Transmutatio in deterius magis habet rationem passionis, quam quæ est in melius.

Correl. Ex quo sequitur, quod tristitia magis habeat rationem passionis, quam lætitia.

Prob. quia Tristitia est in deterius, & lætitia in melius. Per lætiam enim abijcitur tristitia, quæ est quid deterius, & per tristitiam abijcitur lætitia, & gaudium, quod est melius.

Ad argumenta.

Ad 1. Dicitur ad maiorem, quod illud, in quo est passio, non quæcunque, sed cum abiectione, & per se, debet esse materia, non autem ubi est passio sine abiectione, vel si cum abiectione, est tantum per accidens. In anima igitur per se est passio communiter, quæ est sine materia proprie dicta, & passio proprie dicta non est in anima, nisi per aliud, scilicet per corpus.

Ad 2. Dicitur ad minorem, quod anima non mouetur per se, conuenit tamen ei moueri per accidens, id est per corpus, ut dicitur 3. de anima, & sic etiam ei conuenit proprie pati per accidens.

Ad 3. Dicitur, quod illa ratio concludit, quod in anima non fit passio, quæ est in deterius, per se. Vnde ad formam dicitur ad maiorem, quod In eo, quod est incorruptibile, non est passio cum transmutatione in deterius per se, talis enim passio per se conuenit composito, quod est corruptibile.

ARTICVLVS II.

Vtrum Passio magis sit in parte appetitiua, quam in apprehensiua.

Quod sit magis in apprehensiua.

Videtur, quod passio magis sit in parte anime apprehensiua, quam in parte appetitiua.

1. Illud, quod est prius in aliquo, est etiam in eo magis. Sed Passio est prius in parte apprehensiua, quam in parte appetitiua. Ergo Est magis in parte apprehensiua.

Maior. quia Quod est primum in aliquo genere, videtur esse maximum illorum, quæ sunt in illo genere, & causa aliorum, ut dicitur 2. Metaph. tex. 4. Quia enim lux est prius in sole quam in luna, est etiam magis in Sole.

Minor. quia Non patitur pars appetitiua, nisi præcedente passione in parte apprehensiua.

2. Quod est magis actiuum, videtur esse minus passiuum. Sed Pars appetitiua videtur esse magis actiua, quam pars apprehensiua. Ergo

Vide.

Videtur, quod in parte appetitiua minus, & in ap-
prehensiuu magis sit passio.

Maiores quia Actio passioni opponitur.

3. In viribus, quæ sunt affixæ corporali orga-
no, non magis inuenitur passio in vna, quam in
altera. Sed Vis apprehensiuu sensitiua est affixa or-
gano, sicut & appetitiua sensitiua. Ergo Passio nõ
minus inuenitur in parte apprehensiuu sensitiua,
quam in appetitiua.

Maiores quia Passio animæ, proprie loquendo,
fit secundum transmutationem corporalem.

Quod sit magis in appetitiua.

Affectiones pertinent ad partem appetitiuam,
& non ad apprehensiuam. Sed Passiones animæ
sunt idem quod affectiones, vt August. dicit 9. de
Ciu. Dei. cap. 4. Ergo Passiones magis sunt in par-
te appetitiua.

Determinatio.

Conclusio. Ratio passionis magis inuenitur in
parte appetitiua, quam in parte apprehensiuu.

Prob. In eo, per quod anima magis trahitur
ad id, quod est agens, magis inuenitur ratio pas-
sionis. Sed Per vim appetitiuam magis trahitur
anima ad id, quod est agens, scilicet obiecti, quæ
per vim apprehensiuam. Ergo Ratio passionis
magis in appetitiua, quam in apprehensiuu in-
uenitur.

Maiores prob. quia, vt artic. præced. dictum est,
nomen passionis importatur, quod patiens tra-
hatur ad id, quod est agens.

Minor prob. quia Per vim appetitiuam ani-
ma trahitur ad res, pro vt sunt in se ipsis. Vis au-
tem apprehensiuu habet ordinem ad res, secun-
dum quod sunt in ipso cognoscente. Vnde Philo-
soph. dicit, 6. Metaph. tex. 28. quod Bonum, &
malum, quæ sunt obiecta appetitiuæ potentie,
sunt in ipsis rebus, & verum, & falsum, quæ ad co-
gnitionem pertinent, sunt in mente.

Ad Argumenta.

Ad 1. Dicitur, quod maiores est vera de his, quæ
pertinent ad perfectionem, non autem in his, quæ
pertinent ad defectum. Si enim sit aliquod perfe-
ctiuum, vbi prius inuenitur, ibi etiam magis inue-
nitur, sicut dictum est de luce respectu Solis. Sed
si sit aliquod pertinet ad defectum, est falsa. Nã
error, qui est quoddam ad defectum pertinet,
est paucior in principio, & magnus in his, quæ ex
principio sequuntur. Et ratio huius est, quia in
his, quæ ad perfectionem pertinent, attenditur
intentio per accessum ad vnum primum princi-
pium, cuius quanto est aliquid propinquius, tanto
est magis intentum. Sicut intentio lucidi attendit
per accessum ad aliquid semper lucidum, cui

quanto magis aliquid appropinquat, tãto est ma-
gis lucidum. Sed In his, quæ ad defectum perti-
nent, attenditur intentio, non per accessum ad ali-
quod summum, sed per recessum a perfecto, &
ideo quanto magis recedit à primo, tanto est ma-
gis intentum, & quanto minus recedit, tanto mi-
nus intentum inuenitur. Ita igitur, quæ ad perfe-
ctionem pertinent, in quo sunt prius, sunt etiam
magis. Quæ vero ad defectum pertinent, in quo
sunt prius, sunt etiam minus. Et quia passiones ad
defectum pertinent, ideo quãto magis aliqua ap-
propinquat magis perfecto, scilicet Deo, tanto
minus in eis inuenitur de passione. Ex hoc igitur,
quod ratio passionis prius inuenitur in parte ap-
prehensiuu, non solum non sequitur, quod in ea
inueniatur magis, sed potius sequitur oppositum.

Ad 2. Dicitur ad minorem, quod vis appeti-
tiua ideo dicitur esse magis actiua, quia est magis
principium exterioris actus, sine quibus non po-
test consequi res ad quas inclinatur, secundum
quod sunt in se ipsis. Vnde ex hoc quod appeti-
tus est magis actiuus, idest magis mouet vires ex-
teriores, vt per earum operationes ad consequen-
das res perueniat, sequitur, quod sit magis passi-
ua, vt potest quæ per huiusmodi actiones exte-
riores, quarum ipsa est principium, magis trahitur,
quod est esse magis passiuum. Ad formam igitur
negatur maiores in potentijs anime, ad esse enim
magis actiuum in potentijs appetitiuis, sequitur
necessario esse magis passiuum, quatenus appeti-
tus magis agens ad consequendum res ad extra,
magis trahitur ad ipsas, quod est magis esse pas-
siuum. Ad probationem dicitur quod Actio in na-
turalibus opponitur passioni. In potentijs autem
anime quanto magis aliquid est actiuum, neces-
sario tanto est magis passiuum.

Ad 3. Negatur maiores. Ad probationem dicitur,
quod passio, proprie loquendo, non fit secun-
dum quancumque corporalem transmutationem,
sed secundum transmutationem naturalem. Du-
pliciter enim organum anime potest transmutari.
Vno modo transmutatione spiritali, secundum
quod recipit intentionem rei, & hoc per se inue-
nitur in actu apprehensiuu virtutis sensitiue: Si-
cut oculus immutatur à sensibili, non ita quod co-
loretur, sed recipiendo intentionem coloris. Est
alia transmutatio organi, quantum ad suam na-
turalem dispositionem, puta quod calefit, aut in-
frigidatur, vel alio modo simili transmutatur. Et
in huiusmodi transmutatione proprie consistit ra-
tio passionis. Et quia hic modus transmutationis
per se pertinet ad partem appetitiuam sensitiuam,
ponitur enim in distinctione motus appetitiui, dũ
dicitur, quod Ira, quæ ad appetitum pertinet, est
accensio.

accensio sanguinis circa cor, & ad mortuū apprehensiuæ non pertinet hic transmutationis modus per se, sed solum per accidens, puta cum oculus fatigatur ex forti intuitu, vel dissolvitur ex vehementia visibilis. Ideo ratio passionis magis in parte appetitiua inuenitur.

Potest autem hæc responsio esse alia ratio ad conclusionem sic. In ea parte animæ magis inuenitur ratio passionis, cui per se conuenit, vt eius organum immutetur, naturali transmutatione. Sed Parti animæ appetitiuæ sensitiuæ, per se conuenit, vt eius organum immutetur naturali transmutatione. Partu vero apprehensiuæ hoc solum per accidens conuenit. Ergo In parte appetitiua sensitiua magis inuenitur ratio passionis, quam in parte apprehensiuæ.

Maiores prob. quia In hoc proprie consistit ratio passionis.

Minor. quia In diffinitione motus appetitus ponitur talis modus transmutationis, accensio enim sanguinis est naturalis transmutatio.

ARTICVLVS III.

Vtrum Passio sit magis in appetitu sensitivo, quam intellectiuo, qui dicitur voluntas.

Pro Negatiua.

Videretur, quod passio non sit magis in appetitu sensitivo, quam intellectiuo.

1. Passio diuinorum non potest pertinere ad appetitum sensitivum, sed ad intellectiuium. Sed Quidam patiuntur diuina. Ergo Passio est in appetitu intellectiuo, sicut in sensitivo.

Maiores. quia Obiectum appetitus sensitui est bonum sensibile.

Minor. quia Dionysius de diu. nom. cap. 2. dicit, quod Hierothæus ex quadam est doctus diuiniore inspiratione, non solum discens, sed etiam patiens diuina.

2. Illa virtus, cuius obiectum est magis actiuum, est magis passiuæ. Sed. Obiectum virtutis appetitiuæ intellectiuæ est magis actiuum, quam obiectum appetitus sensitui. Ergo Virtus appetitiua intellectiua est magis passiuæ.

Maiores prob. quia Quanto actiuum est potentius, tanto passio est fortior.

Minor. quia Obiectum appetitus intellectui est bonum vniuersale, quod est potentius bono particulari, quod est obiectum appetitus sensitui.

3. Vbi est gaudium, & amor, ibi sunt passionēs. Sed In appetitu intellectiuo inuenitur gaudium, & amor.

Ergo In appetitu intellectiuo inueniuntur passionēs.

Maiores. quia Gaudium, & amor, sunt passionēs quædam.

Minor. quia In Scripturis Gaudium, & Amor attribuantur Deo, & Angelis.

Pro Affirmatiua.

Damas. dicit in lib. 2. cap. 21. describens animales passionēs.

Passio est motus appetitiuæ virtutis sensibilis, in imaginatione boni, vel mali. Et aliter. Passio est motus irrationalis animæ, per susceptionem boni, & mali.

Determinatio.

Conclusio. Ratio passionis magis proprie inuenitur in actu appetitus sensitui, quàm intellectui.

Prob. In eo proprie inuenitur ratio passionis, In quo inuenitur transmutatio corporalis, vt dictum est art. præced.

Sed In solo appetitu sensitivo inuenitur transmutatio corporalis, non solum spiritualiter, sed etiam naturaliter, in appetitu vero intellectiuo nulla inuenitur corporalis transmutatio.

Ergo Ratio passionis magis proprie inuenitur in appetitu sensitivo, quam intellectiuo.

Minor prob. quia Appetitus intellectiuus non est Virtus alicuius corporalis organi.

Prob. etiam Conclusio per diffinitiones datas à Damasc. adductas in argumento pro affirmatiua.

Ad Argumenta.

Ad 1. Dicitur ad minorem, & ad eius probationem, quod Passio diuinorum dicitur affectio ad diuina, & cōiunctio ad ipsa per amorem, quæ non est proprie passio, quia fit sine transmutatione corporali.

Ad 2. Negatur maior, & ad probationem dicitur, quod Magnitudo passionis, non solum dependet ex virtute agentis, sed etiam ex passibilitate patientis, quia quæ sunt bene passibilia, multum patiuntur etiam à paruis actibus. Licet ergo obiectum appetitus intellectui sit magis actiuum, quam obiectum appetitus sensitui, tamen appetitus sensituius est magis passiuus.

Ad 3. Dicitur ad minorem, & ad eius probationem quod Gaudium, & Amor cum attribuantur Deo, Angelis, & Hominibus secundum appetitum intellectiuium, non significant passionē, sed simplicem actum voluntatis, absque aliqua passione. Vnde August. dicit 9. de Ciuit. Dei. c. 5. Sancti Angeli, & sine ira puniunt, & sine misericordie, compassione subueniunt, & tamen istarum nomina passionum, consuetudine locutionis humana; etiam in eos usurpantur, propter quandam operum similitudinē, non propter affectionū infirmitatē.

QVÆSTIO XXIII.

DE DIFFERENTIA PASSIONVM
ab inuicem.

ARTICVLVS I.

Vtrum Passiones, quæ sunt in concupiscibili, sint diuersæ ab his, quæ sunt in irascibili.

Pro Negatiua.

Videtur, quod Passiones eædem sint in irascibili, & concupiscibili.

1. Vbi est gaudium, & tristitia, ibi sunt omnes passionēs. Sed In concupiscibili est gaudium, & tristitia. Ergo In concupiscibili sunt omnes passionēs, & per consequens sunt eædem in vtroque.

Maiores quia Phil. dicit 3. Phil. rex. 19. quod passionēs animæ sunt, quæ sequitur gaudium, & tristitia.

2. Odium, quod est quædam passio, est in irascibili, & concupiscibili. Ergo Eædem passionēs sunt in vtroque vtriusque.

Antec. prob. & quod odium sit in irascibili: quia Hier. dicit super Matth. 13. Possideamus in irascibili odium vitiorum. Quod vero sit in concupiscibili. Prob. Quæ sunt contraria, nata sunt esse in eodem. Sed Amor, cui odium contrariatur, est in concupiscibili. Ergo & odium vitiorum est in concupiscibili.

3. Passiones, quarum sunt eadem obiecta, sunt eædem. Sed Passiones irascibilis, & concupiscibilis, sunt eadem obiecta. Ergo Passiones irascibilis, & concupiscibilis sunt eadem.

Maiores quia Passiones, & actus differunt specie secundum obiecta.

Minor. quia Bonum, & malum sunt obiecta omnium huiusmodi passionum.

Pro affirmatiua.

Actus, siue motus diuersarum potentiarum, sunt specie diuersi. Sed Passiones sunt motus potentiarum, irascibilis, & concupiscibilis, quæ sunt diuersæ potentia. Ergo Passiones, quæ sunt in irascibili, sunt aliæ ab his, quæ sunt in concupiscibili.

Maiores patet. quia Videre, & audire, qui sunt actus diuersarum potentiarum, sunt actus specie diuersi.

Minor. quia Irascibilis, & concupiscibilis sunt duæ potentia, diuidentes appetitum sensituum.

Determinatio.

Conclusio. Passiones, quæ sunt in irascibili, & concupiscibili differunt specie.

Prob. Passiones, quæ referuntur ad obiecta diuersa secundum speciem, differunt specie. Sed Passiones, quæ sunt in irascibili, & quæ sunt in concupiscibili, referuntur ad diuersa obiecta differentia secundum speciem. Ergo Passiones, quæ sunt in concupiscibili, specifice differunt a passionibus, quæ sunt in irascibili.

Maiores patet. quia Actus per obiecta distinguuntur.

Minor prob. Actus, & passionēs diuersarum potentiarum, necessario referuntur ad diuersa obiecta. Sed Irascibilis, & concupiscibilis sunt diuersæ potentia, vt probatum est in prima parte quæst. 81. Ergo Passiones irascibilis, & concupiscibilis referuntur ad diuersa obiecta.

Maiores huius prob. quia Maior diuersitas in obiectis requiritur ad distinguendas potentias, quam actus. Album enim, & nigrum distinguunt actum, & tamen non distinguunt potentiam visiuam. Vnde si obiecta irascibilis, & concupiscibilis in tantum differunt, vt faciant differentiam speciem inter has duas potentias, multo magis per huiusmodi obiecta differunt actus, siue passionēs vtriusque potentia. Si enim visibiles, & audibiles, in tantum differunt, vt constituit diuersas potentias, multo magis facient differre actus ipsarum potentiarum.

Quæ passionēs pertineant ad concupiscibilem, & quæ ad irascibilem.

1. Conclusio. Passiones, quæ respiciunt bonum sensibile absolute, quod, vel est delectabile, vel dolorosum, pertinent ad concupiscibilem, & huiusmodi sunt. Amor, Odium, Desiderium, Fuga, Delectatio, & Tristitia.

2. Conclusio. Passiones, quæ respiciunt bonum sensibile, sub ratione ardui, scilicet, vt est cum difficultate acquisibile, vel fugibile, pertinent ad irascibilem. Et sunt Spes, Desperatio, Audacia, Timor, & Ira.

Probantur ambæ simul. Passiones, quæ respiciunt obiectum concupiscibilis, pertinent ad concupiscibilem, & quæ respiciunt obiectum irascibilis, pertinent ad irascibilem. Sed Passiones, quæ respiciunt bonum sensibile absolute, respiciunt obiectum concupiscibilis, & quæ respiciunt bonum sensibile arduum, respiciunt obiectum irascibilis. Ergo Illæ ad concupiscibilem, istæ ad irascibilem pertinent.

Maiores prob. quia Ad cognoscendum, quæ passionēs sunt in irascibili, & quæ in concupiscibili, oportet.

ARTICVLVS II.

oportet assumere obiectum vtriusque potentie.

Minor prob. Ex his, quæ dicta sunt prima parte quæst. 81. art. 2. Ibi enim dictum est, quod obiectum potentie concupiscibilis est bonum, vel malum sensibile simpliciter acceptum, quod est delectabile, vel dolorosum. Vnde actus, siue passio respiciens bonum sensibile sic acceptum, respicit obiectum concupiscibilis. Ibidem etiam dictum est, quod quia interdum necesse est animam difficultatem, vel pugnam pati in adipiscendo aliquod huiusmodi bonum, vel fugiendo aliquod huiusmodi malum, in quantum hoc est quodammodo eleuatum supra faciliorem potestatem animalis, Ideo ipsum bonum, vel malum sensibile, secundum quod habet rationem ardui, vel difficilis, est obiectum irascibilis.

Actus igitur, vel passionem, quæ ordinantur ad bonum, vel malum sub ratione ardui, ad obiectum irascibilis ordinantur, & ad ipsam irascibilem potentiam pertinent.

Ad Argumenta.

Ad 1. Dicitur ad maiorem, quod Gaudium, & Tristitia, non solum consequuntur passionem, quæ sunt in concupiscibili subiectiue, sed etiam illas, quæ terminantur ad ipsam concupiscibilem, & quia omnes passionem irascibilis ad concupiscibilem terminantur, utpote quæ sunt ad propugnandas difficultates, quæ in acquirendo, vel fugiendo bonum, vel malum accidunt, ut expositum est loco citato primæ partis quæst. 81. ideo ipsas etiam passionem irascibilis, consequitur gaudium, vel tristitia. Breuiter igitur dicitur ad maiorem, quod ubi est gaudium, vel tristitia, ibi sunt omnes passionem, vel subiectiue, vel terminatiue. Passionem, quæ pertinent ad irascibilem, sunt terminatiue spectantes ad concupiscibilem.

Ad 2. Negatur antecedens. Odium enim est in concupiscibili, & non in irascibili. Ad probationem dicitur, quod Hieron. attribuit odium vitiis irascibilis, non propter rationem odij, quæ proprie competit concupiscibili, sed ratione sui effectus, qui est impugnatio eorum, quæ odio habentur, quæ pertinet ad irascibilem.

Ad 3. Negatur minor. Ad probationem dicitur, quod licet obiectum omnium harum passionum sit bonum, & malum, tamen non sub eadem ratione. Bonum enim, & malum, ut est delectabile, vel dolorosum, est obiectum concupiscibilis. Bonum autem, & malum, ut arduum, scilicet difficile est ad acquirendum, vel fugiendum, ad irascibilem pertinet, & sic ita duæ passionem specie differunt.

Vtrum Contrarietas passionum irascibilis sit secundum contrarietatem boni, vel mali.

Pro Affirmatiua.

Videtur, quod Contrarietas passionum irascibilis, non sit secundum contrarietatem boni, vel mali.

1. Passiones concupiscibilis non contrariantur, nisi secundum contrarietatem boni, & mali. Ergo Nec passionem irascibilis contrariantur, nisi secundum contrarietatem boni, & mali.

Antec. prob. quia Amor contrariatur odio: amor enim est de bono, odium de malo. Et similiter desiderium, quod est de bono, contrariatur fugæ, quæ est de malo. Et gaudium contrariatur tristitia, quia illud de bono, hæc est de malo.

Conseq. prob. quia Passiones irascibilis, ad passionem concupiscibilis ordinantur.

2. Contrarietas passionum est ex contrarietate suorum obiectorum. Ergo Contrarietas passionum est ex sola contrarietate boni, & mali.

Antec. prob. Contrarietas in motibus, non est nisi ex contrarietate terminorum, ut patet ex Philosopho. Ergo Contrarietas in passionibus, non est nisi ex contrarietate obiectorum.

Conseq. hæc prob. quia Passiones differunt secundum obiecta, sicut motus secundum terminos.

Conseq. principalis prob. quia Obiectum appetitus nullam habet contrarietatem, nisi secundum rationem boni, & mali.

3. Contrarietas, quæ est secundum accessum, & recessum, est ex contrarietate boni, & mali. Sed Omnis passio animæ attenditur secundum accessum, & recessum. Ergo Passio contrariatur passioni ex contrarietate boni, & mali.

Maior. quia Accessus causatur ex ratione boni, & recessus ex ratione mali: Bonum enim est, quod omnia appetunt. Et malum, quod omnia fugiunt.

Minor est Auic. 6. de naturalibus.

Pro Negatiua

Timor, & Audacia sunt contraria, ut dicitur 3. Ethic. cap. 7. Sed Timor, & audacia non differunt, nec contrariantur secundum contrarietatem boni, & mali. Ergo Non omnis contrarietas passionum, est ex contrarietate boni, & mali.

Minor. quia Tam timor, quam audacia sunt respectu aliquorum malorum.

Determinatio.

Via inuestigandæ veritatis.

Propositio. Contrarietatem passionum oportet accipere, secundum contrarietatem motuum, vel mutationum.

Prob. quia Passio est quidam motus, ut dicitur 3. Physic. tex. 19. 20.

Prosecutio.

Distinctio. In mutationibus, & motibus, est duplex contrarietas, ut dicitur, 6. Physic. tex. 46. Vna, quæ est secundum accessum, & recessum ab eodem termino: quæ quidem contrarietas est propria mutationum, id est generationis, quæ est mutatio ad esse, & corruptionis, quæ est mutatio ab esse. Alia est contrarietas secundum contrarietatem terminorum, quæ proprie est contrarietas motuum; sicut dealbatio, quæ est mutatio a nigro in album, opponitur denigrationi, quæ est de albo in nigrum. Sic etiam in passionibus animæ, duplex contrarietas inuenitur. Vna quidem secundum contrarietatem obiectorum, scilicet boni, & mali. Alia vero secundum accessum, & recessum ab eodem termino.

1. Concl. Passiones concupiscibilis contrariantur tantum secundum contrarietatem obiectorum, scilicet boni, & mali.

Prob. Passiones, quæ habent pro obiecto bonum, vel malum absolute, non contrariantur nisi ratione boni, & mali. Sed Passiones concupiscibilis, habent pro obiecto bonum, & malum sensibile absolute, ut dictum est. Ergo Contrariantur solum contrarietate, quæ est ex ratione boni, & mali.

Major prob. quia Bonum, ut bonum, non potest esse terminus a quo appetitus, sed solum ad quem; quia nihil refugit bonum, ut bonum, sed omnia ipsum appetunt. Et malum, non potest esse terminus ad quem, in quantum malum, sed solum a quo, quia malum in quantum huiusmodi omnia refugit.

Opponuntur igitur sex passiones concupiscibilis inter se, quia tres respiciunt bonum, scilicet amor, desiderium, & gaudium, & tres respiciunt malum, scilicet odium, fuga, & tristitia.

2. Concl. Passiones irascibilis opponuntur, non solum ex ratione boni, & mali, sed etiam ex ratione accessus, & recessus, vel ad malum, vel ad bonum, vel a malo, vel a bono.

Prob. Passiones, quarum obiectum est bonum, sensibile, non quidem absolute, sed sub ratione difficultatis, vel arduutatis, opponuntur, non solum ex oppositione mali, & boni, sed per recessum,

& accessum ad idem bonum, vel malum. Sed Passiones irascibilis habent pro obiecto bonum sensibile, non absolute, sed in quantum est difficile, vel arduum, ut dictum est. Ergo Passiones irascibilis opponuntur per accessum, & recessum ab eodem termino bono, vel malo.

Major declaratur. Nam idem bonum, secundum quod est arduum, siue difficile ad acquirendum, habet rationem, ut accedatur ad ipsum, quatenus bonum, & quatenus difficile, habet rationem, ut recedatur ab ipso. Et secundum quod est bonum, est obiectum spei, secundum vero quod est difficile, pertinet ad desperationem. Similiter, malum arduum habet rationem, ut vitetur, in quantum est malum, & hoc pertinet ad timorem, habet etiam rationem, ut ad ipsum tendatur, sicut in quoddam arduum, per quod scilicet aliquis euadit subiectionem mali; & hoc pertinet ad audaciam.

Ex quibus patet maior, scilicet quod Passiones, quæ habent pro obiecto bonum, vel malum, ut arduum, possunt opponi per accessum, & recessum ab eodem malo, vel bono. Spes enim, & desperatio non opponitur per hoc, quod obiectum spei sit bonum, & obiectum desperationis sit malum, cum obiectum utriusque sit bonum; sed opponuntur per hoc, quod spes tendit ad bonum, ut bonum, & desperatio a bono recedit propter difficultates, quæ inueniuntur in acquisitione talis boni. Et similiter timor, & audacia, non opponuntur per hoc, quod obiectum vnius sit bonum, & alterius malum: cum utriusque passionis obiectum sit malum. Sed quia Audacia tendit in malum, & timor recedit ab eodem malo.

Ad Argumenta.

Ad 1. Neg. consequ. Ad prob. dicitur, quod licet passiones irascibilis, ordinentur ad passiones concupiscibilis; tamen quia diuersa est ratio obiecti harum passionum, non sequitur, quod sicut passiones concupiscibilis opponuntur solum ex ratione mali, & boni in obiectis, sic sit de passionibus irascibilis ratione dicta.

Ad 2. Dicitur ad antec. quod si in eo sermo sit de passionibus concupiscibilis, conceditur. Per hoc. nunc concluditur solus, quod passiones concupiscibilis opponantur ex oppositione obiectorum: & hoc verum est, iuxta primam conclusionem propositam. Si vero in eo sermo sit de passionibus communiter, negatur ipsum antecedens. Ad prob. negatur assumptum. Nam quamuis contrarietas motus proprie dicti, sit solum ex contrarietate terminorum; tamen contrarietas motus communiter dicti, ut comprehendit generationem, & corruptionem, non est ex contrarietate terminorum solum.

hum, sed ex accessu, & recessu, ab eodem termino: & sic est de passionibus, ut dictum est.

Ad 3. Neg. maior vniuersaliter, licet enim contrarietas, quæ est secundum accessum, & recessum a diuersis terminis, sit ex contrarietate ipsorum terminorum; tamen accessus, & recessus ab eodem malo, vel bono, non est ex contrarietate boni, vel mali, sed ex alia ratione, ut in corpore dictum est.

ARTICVLVS III.

Vtrum sit aliqua passio animæ non habens contrarium.

Pro Negatiua.

Videtur, quod Omnis passio animæ habeat contrarium.

1. Passiones, quæ sunt in irascibili, & concupiscibili, habent contrarium, ut art. prædictum est. Sed Omnes animæ passiones, sunt vel in irascibili, vel in concupiscibili, ut etiam dictum est. Ergo Omnes animæ passiones habent contrariū.

2. Passiones, quæ habent bonum, vel malum pro obiecto, habent contrarium. Sed Omnes passiones animæ habent bonum, vel malum pro obiecto. Ergo Omnes passiones animæ habent contrarium.

Maiores prob. quia Passioni, quæ habet pro obiecto bonū, opponitur passio, quæ habet pro obiecto malum, & ei, quæ habet pro obiecto malum opponitur, quæ habet pro obiecto bonum.

Minor. quia Bonum, & malum sunt vniuersaliter obiecta appetituiæ partis.

3. Ea, quæ sunt secundum accessum, vel recessum, habent contrarium, ut dictum est. Sed Omnis passio animæ est secundum accessum, & recessum. Ergo Omnis passio animæ habet contrariū.

Maiores. quia Cuiuslibet accessui contrariatur recessus, & e contra.

Pro Affirmatiua.

Ira non habet contrariam passionem, ut dicitur 4. Ethic. c. 5. Sed Ira est quædam passio. Ergo Aliqua passio non habet contrarium.

Determinatio.

Concl. Aliqua passio animæ non habet contrarium, & hæc est passio iræ, cui singulare est nō posse habere contrarium, neque secundum accessum, & recessum, neque sū contrarietate boni, & mali.

Prob. quo ad utramq; partem. Et primo, quod ira non habeat contrarium, quod est secundum accessum, & recessum. Ira est passio, quæ causatur ex malo difficili iam iniacente. Ergo Non pōt habere contrarium, secundum accessum, & recessum.

Conseq. Prob. quia Ad præsentiam mali iniacentis, necesse est, aut quod appetitus succumbat, et sic sequitur tristitia, quæ est passio concupiscibilis, & non opposita iræ, sed gaudio; aut hēc me-

tum, ad inuadendum malum iam initum, & hoc pertinet ad iram. Non potest autem appetitus respectu mali iniacentis habere motum recessus ab eo, quia iam malum ponitur præsens, vel præteritū. Ex quibus patet, quod ira non habet contrarium, secundum recessum, quia non potest appetitus recedere a malo, secundum quod est obiectum iræ, cum ponatur iam præsens, vel præteritum.

Altera pars conclusionis, quod ira non habeat contrarium, secundum contrarietatem boni, & mali, ostēditur. Quia Malo iniacenti, quod est obiectum iræ, opponitur bonum iam adeptū, quod quia nō habet amplius rationem ardui, nec difficultatis, non pertinet ad irascibilem, sed ad concupiscibilem, & est obiectum gaudij, cui non opponitur ira, sed tristitia. Vnde motus iræ non habet aliquem contrarium motum, sed solum ei opponitur cessatio a motu, non quidem contraria oppositione, sed negatiua, vel priuatiua, ut dicit Phil. in sua Rhetorica, quod Mitefcere opponitur ei, quod est irasci.

Ad argumenta.

Ad 1. Dicitur ad maiorem, quod passiones, quæ sunt in concupiscibili, habent contrarium per contrarietatem obiectorum secundum rationem boni, & mali. Et passiones irascibilis habent contrarium, tum secundum contrarietatem boni, & mali, tum secundum accessum, & recessum, excepta tamen ira, ratione dicta in corpore.

Ad 2. Dicitur ad maiorem, quod non omnis passio, quæ habet malum pro obiecto, habet contrarium. Illa enim quæ habet malum iam præsens, vel præteritum, non habet contrarium, ut dictum est.

Ad 3. Neg. minor. Passio enim iræ non potest habere aliquem motum, per quem recedat a malo iniacenti.

ARTICVLVS IV.

Vtrum sint aliquæ passiones differentes specie, in eadem potentia, non contrarie ad inuicem.

Pro Negatiua.

Videtur, quod non possint in aliqua potentia esse passiones specie differentes, & non contrarie ad inuicem.

1. Passiones, quæ differunt secundum obiecta contraria, sunt contrarie ad inuicem. Sed Omnes passiones eiusdem potentia animæ differunt per obiecta contraria. Ergo Omnes passiones in eadem potentia specie differentes, sunt contrarie, & nulla est non habens contrarium.

Maiores. quia Passiones habent contrarietatem ex contrarietate obiectorum.

Minor. quia Passiones differunt per differentiam boni, & mali, quæ sunt contraria.

2. Dist. c. 2.

2. Differentia secundum formam est per aliquam contrarietatem. Sed Differentia speciei, est differentia secundum formam. Ergo Quæcunque passionēs differunt specie, sunt contrariæ.

Maiores est Philosophus in 10. Metaph. text. 24.

3. Passiones diuerse, quæ sunt in aliqua animæ potentia, Vel differunt secundum differentiam boni, & mali, Vel secundum differentiam accessus, & recessus, quia scilicet una accedat, & alia recedat a bono, vel a malo, ad bonum, vel ad malum. Vel differunt secundum maiorem, vel minorem accessum, vel recessum a bono, vel a malo, ad bonum, vel ad malum.

Si differant duobus primis modis, scilicet secundum differentiam boni, & mali, ita ut una earum sit boni, vt est amor, & alia mali, vt est odium, & secundum accessum, & recessum, ita vt una accedat, & alia recedat a bono, vel a malo, vt sunt audacia, quæ accedit ad malum, & timor, qui a malo recedit, & spes, quæ accedit ad bonum, & desperatio, quæ recedit a bono. Manifestum est quod huiusmodi passionēs sic differentes, sunt ad inuicem contrariæ, & sic habetur intentum, scilicet quod omnes passionēs diuerse in eadē potentia existentes sunt contrariæ. Si vero dicatur, quod huiusmodi passionēs distinctæ existentes in eadem potentia, differunt tertio modo, scilicet secundum maiorem, vel minorem accessum, & recessum, huiusmodi distinctio non potest esse specifica. Et hoc ostenditur, quia huiusmodi differentia accessus, & recessus potest multiplicari in infinitum. Ergo Omnes passionēs in eadem potentia animæ sunt contrariæ. Sufficientia autem diuisionis facte in maiori patet, quia omnis passio animæ consistit in accessu, vel recessu a bono, vel a malo, ad bonum, vel ad malum.

Pro Affirmatiua.

Amor, & Gaudium, quæ sunt duæ passionēs in concupiscibili non sunt contrariæ, & tamen speciei differunt. Ergo Sunt aliquæ passionēs sub eadem potentia non contrariæ.

Determinatio.

Vnde sit desumenda specifica differentia passionum animæ.

Propositio. Passiones differunt secundum actiua.

Prob. quia Actiua sunt obiecta passionum animæ.

Distinctio. Actiua possunt dupliciter distinguuntur. Vno modo, secundum naturam ipsorum actiuorum: sicut dicimus ignem secundum suam naturam differre ab aqua, quia alia est natura ignis, & alia naturæ aquæ. Alio modo, secundum diuersam virtutem actiuam: secundum quem modum di-

stinguuntur etiam ignis ab aqua, quia ignis habet virtutem calefactiuam, & aqua virtutem infigidatiuam, et vnum actiuum distinguuntur ab alio, quia vnum in se habet vnum effectum, & aliud aliud.

Actiua igitur, siue obiecta passionum, possunt considerari dupliciter. Vno modo, secundum eorum naturam. Alio modo secundum eorum actiuam virtutem, & secundum hanc duplicem considerationem possunt dupliciter distinguuntur, vel secundum quod sunt diuersa secundum naturam, vel prout sunt diuersa secundum virtutem agendi in ipsas potentias, quarum sunt obiecta. Et ex hac duplici distinctione obiectorum desumitur duplex distinctio passionum. Distinguuntur enim passionēs, dupliciter, scilicet diuersas naturas obiectorum, & etiā per diuersas virtutes motiua earundem obiectorum, siue motinorum. Cum hac tamen diuersitate, quod species passionum, quæ causantur ex distinctione obiectorum secundum naturam ipsorum, omnes sunt contrariæ. Nam passio amoris distinguuntur a passione odij, quia illa est boni, & hæc mali. Et similiter, passio desiderij propter hoc est contraria fugæ, & Gaudium tristitiæ. Amor enim, desiderium, & gaudium distinguuntur ab odio, fugâ, & tristitia, quia illa sunt boni, & istæ sunt mali. Distinctio vero passionum, quæ est ex diuersa virtute agendi ipsorum obiectorum in potentiam, non constituit contrarietatem specierum. Vnde quia alio modo agit in appetitum bonum, & malum, absolute, & aliter bonum, & malum absens, & aliter bonum, vel malum præsens, constituuntur species diuersæ, non tamen contrariæ. Bonum enim, & malum absolute constituunt amorem, vel odium. Absens, desiderium, vel fugâ. Et præsens, gaudium, vel tristitia. Quæ species prout sic constituuntur, non opponuntur.

Passio enim, quæ est ex bono, vt sic, vt est amor, non opponitur passioni, quæ est ex bono absenti, scilicet desiderio, & ex bono præsentem, scilicet gaudio. Et similiter ex parte mali. Passio quæ est ex malo, vt sic, scilicet odium, non opponitur ei, quæ est ex malo absenti, scilicet fugæ, & quæ est ex malo præsentem, scilicet tristitiæ. Sunt igitur sex passionēs in concupiscibili. Tres respectu boni, scilicet Amor, desiderium, & gaudium; & tres respectu mali, scilicet odium, fugâ, & tristitia, quæ secundum vnam combinationem opponuntur, scilicet secundum illam in qua constituuntur per naturam obiecti. Natura obiecti, scilicet boni est, quod sit malum, vel bonum. Respectu boni, ponitur Amor, Desiderium, & lætitia, quibus opponuntur alia tres quæ sunt de malo, scilicet odium, amor, fugâ, desiderium, & tristitia gaudio. Secundum aliam combinationem non opponuntur, secundum illam, quæ

Ma constituntur ex diversitate virtutis agendi. Ex virtute agendi boni absolute, sic in concupiscibili amor, ex bono absenti, desiderium, ex bono presenti lætitia, quæ species non sunt ad invicem contrariæ. Et iterum ex malo, ut sic in odium: ex malo absenti fuga: ex malo presenti tristitia. Odium, abominatio, siue fuga, & tristitia non opponuntur.

1. Conclusio. In concupiscibili sunt passiones differentes secundum speciem, quæ non sunt ad invicem contrariæ, sed tamen omnes huiusmodi species non contrariæ, habent contrarium.

Declaratur primo. Nam Amor, Desiderium, & Gaudium, non sunt contrariæ species, & similiter Odium, Fuga, & Tristitia non sunt contrariæ, quælibet tamen habet suam speciem contrariam. Amori enim contrariatur Odium, & sic de alijs.

Prob. Sicut se habent effectus producti ab agente naturali in passivum naturale ad invicem, ita se habent passiones appetitus ad invicem. Sed Effectus producti ab agente naturali per suum motum, in passivum naturale, sic se habent, quod non opponuntur omnes ad invicem, sed tamen quilibet habet suum oppositum. Ergo Nec passiones concupiscibilis omnes opponuntur, sed tamē quilibet habet suum oppositum.

Declaratur utraque præmissarum. Agēs enim naturale, vel trahit passivum, vel a se repellit. Et respectu utriusque motus tria causat in passivum, si enim trahat. Primo dat ipsi tracto inclinationē, vel aptitudinem; ut ad ipsum tendat. Secundo si est extra suum locum, dat ei moveri ad locū proprium. Tertio quando est in loco proprio dat ei quiescere in ipso suo loco, cum ad ipsum pervenerit. Corpus enim leve sursum existens, generat aliud corpus leve deorsum, puta ignem, dat ei inclinationem tendendi sursum: motum, quo tendat sursum: & quietem quiescendi, cum sursum pervenerit.

Et similiter si repellat, dat ei contrariam inclinationem, qua ab ipso recedat: dat ei moveri in contrarium: & tandem quod in eo, quod non est sibi naturale, quiescat.

Sic etiam est in appetitu. Obiectum enim appetitus, si est bonum, causat amorem: si est absens, desiderium: si est præsens, gaudium. Quæ proportionabiliter se habent ad illa tria causata ab agente naturali in passivum naturale. Amor proportionatur inclinationi: Desiderium, motui: & Gaudium, quieti. Et sicut illi tres naturales effectus non contrariantur, sed tamen habent contrarium: nam effectus, qui sunt ab agente secundum quod trahit, habent contrarios ef-

fectus illos scilicet, qui sunt ab agente, ut repellēs. Ita est de passionibus concupiscibilis, ut dictum est.

2. Conclusio. In irascibili sunt quædam passiones non contrariæ, quæ tamen habent contrarium, & una, quæ nullum habet contrarium.

Manifestatur. In irascibili enim sunt Spes, Audacia, & Ira, quæ non contrariantur ad invicem, ut patet: & Desperatio, & Timor, quæ etiam non sunt ad invicem contrariæ. Spes tamen habet desperationem sibi oppositam, quia spes est per accessum, & desperatio per recessum a bono. Audacia eadem ratione opponitur timor: quia Audacia est respectu mali nondum iniacentis, & timor per respectum ad idem malum, ut dictum est. Ira vero nullam habet contrariam passionem: quia Ira est de malo iniacenti, respectu vero boni præsentis, nulla est passio in irascibili, nisi mittere, quæ opponitur iræ solum negatur, ut dictum est art. præc.

Ad Argumenta.

Ad 1. Dicitur ad maiorem, quod passiones, quæ differunt per obiecta contrariæ, secundum quod sunt contrariæ, & ipse sunt contrariæ. Si autem distinguantur secundum virtutem agentis, seu secundum diversitatem modi agendi, non sunt omnes contrariæ, ut dictum est.

Ad 2. Dicitur ad maiorem, quod differentia, quæ est secundum formam, habet semper aliquam oppositionem largo modo sumptam, sed non contrarietatem. Unde inter has passiones est quidem oppositio communiter sumpta, sed non contrarietas.

Ad 3. Dicitur ad maiorem, quod illi modi distinguendi passiones se tenent ex parte obiectorum, & præter illos datur distinctum ex virtute diversæ agendi, ut dictum est. Unde argumentum probat, quod ex natura obiecti omnes passiones in eadem potentia existentes sint contrariæ, cum quo tamen stat, ut secundum alium distinctionis modum non omnes fiat contrariæ, ut in corpore satis dictum est.

Q V Æ S T I O XXIV.

DE BONO, ET MALO IN PASSIONIBUS ANIMÆ.

ARTICVLVS I.

Utrum Bonum, & malum morale possit in passionibus Animæ inveniri.

Pro Negativa.

Videtur, quod nulla passio animæ sit bona, vel mala moraliter.

1. Actus, qui sunt boni, & mali moraliter, debent

bent esse humani, id est hominis proprii. Sed Passiones non sunt humanæ, siue propriæ homini. Ergo Passiones non sunt bonæ, vel malæ moraliter.

Maiores. quia Bonum, & malum morale est homini proprium, Mores enim homini dicuntur, vt Ambr. dicit super Lucam.

Minor. quia Passiones sunt etiam alijs animalibus communes.

2. Passiones animæ non sunt in ratione, sed in appetitu sensitivo, vt dictum est quæst. præced. Ergo In passionibus animæ non inuenitur bonum, & malum morale.

Consequenter prob. quia Bonum, & malum hominis est secundum rationem, vel præter rationem esse, vt Dionys. dicit 4. cap. de diu. nom.

3. Secundum ea, in quibus inuenitur bonum, & malum morale, laudamur, vel vituperamur. Sed Passiones non laudamur, nec vituperamur, vt Arist. dicit 2. Ethic. c. 5. Ergo In passionibus non inuenitur bonum, nec malum morale.

Maiores prob. quia Secundum bona, & mala moralia, laudamur, vel vituperamur.

Pro Affirmativa.

August. dicit lib. 14. de Ciuit. Dei cap. 7. loquens de animæ passionibus. Mala sunt ista, si malus est amor, bona si bonus.

Determinatio.

Distinctio. Passiones animæ possunt dupliciter considerari. Vno modo, secundum se prout sunt motus quidam, irrationalis appetitus. Alio modo, vt subiacent imperio rationis, & voluntatis.

1. Conclusio. In passionibus animæ secundum se, non inuenitur bonum, nec malum morale.

Prob. quia Malum, & bonum morale dependet a ratione, vt superius dictum est quæstione 19. artic. 3.

2. Conclusio. In passionibus animæ, secundum quod subiacent rationi, inuenitur bonum, & malum morale.

Prob. In motibus, & actibus exteriorum membrorum inuenitur bonum, & malum morale, secundum quod sunt voluntarij, & a ratione regulantur. Ergo Multo magis inueniuntur in passionibus animæ, secundum quod sunt voluntariæ, id est a voluntate imperatæ, vel non prohibita, nec impeditæ.

Consequenter prob. quia Propinquior est appetitus sensitivus ipsi rationi, & voluntati, quam membra exteriora.

Ad argumenta.

Ad omnia simul dicitur, quod probant primam conclusionem, scilicet quod Passiones secundum

se consideratæ, non sint bonæ, nec malæ moraliter, & sigillatim dicitur.

Ad 1. Negatur minor, licet enim Passiones secundum se consideratæ, non sint propriæ homini, tamen Passiones a voluntate imperatæ, & vt subsunt rationi, sunt hominis propriæ.

Ad 2. Dicitur ad antec. quod licet Passiones sint in appetitu sensitivo, tamen quia aliquantulum participant rationem, quatenus ei subsunt, rationales dicuntur, & voluntariæ.

Ad 3. Dicitur ad minorem, quod non laudamur, nec vituperamur, secundum Passiones absolute consideratas, tamen, ut a ratione ordinantur laudabiles, & vituperabiles sunt, & hæc est mens Philosophi. Vnde subdit. Non enim laudatur, aut vituperatur, qui timet, tantum refertur, sed qui aliquantulum, id est secundum rationem, vel præter rationem.

ARTICULVS II.

Utrum Omnis passio animæ sit mala moraliter.

Pro Affirmativa.

Videtur, quod omnes Passiones animæ sint malæ moraliter.

1. Omnis motus, & perturbatio est aliquod malum moraliter. Sed Passiones animæ, quidam vocant motus, vel perturbationes animæ, ut August. dicit 9. de Ciuit. Dei cap. 4. Ergo Omnes Passiones animæ sunt malæ moraliter.

2. Quod est præter naturam in motibus animæ habet rationem peccati, & mali moralis. Sed Passiones animæ sunt motus animæ præter naturam. Ergo Passiones animæ sunt malæ moraliter.

Maiores. quia Damascenus dicit lib. 4. Orthod. fid. cap. 23. quod Diabolus uersus est ex eo, quod est secundum naturam, in id, quod est præter naturam, id est peccatum.

Minor. quia idem Damasc. lib. 2. Orthod. fid. cap. 12. dicit, quod Operatio quidem, quæ secundum naturam motus est, passio uero est præter naturam.

3. Omne, quod inducit ad peccatum, habet rationem mali. Sed Passiones inducunt ad peccatum. Vnde, & Passiones peccatorum dicuntur ad Rom. 8. Ergo Videtur, quod sint malæ moraliter.

Pro Negativa.

August. dicit libro 14. de Ciuit. Dei capitulo 9. quod Rectus amor, omnes istas affectiones, rectas habet. Meruunt enim peccare cupiunt persequere, dolent in peccatis, gaudent in operibus bonis.

Deter-

Determinatio.

Stoicorum Sententia.

Stoici dixerunt omnes passiones esse malas.

Quam opinionem sic probabant. Motus progredientes extra limites rationis, sunt mali. Sed Omnes passiones sunt motus progredientes extra limites rationis. Ergo Omnes passiones sunt male.

Quam opinionem sequens Tullius in Tusculanis eam confirmat supponendo, quod passiones sunt animi morbi, ex quo supposito sic arguit. Qui morbofi sunt, sani non sunt: & qui sani non sunt, insipientes sunt. Vnde insipientes insanos dicimus.

Peripateticorum Sententia.

Peripatetici vero dixerunt, non omnes passiones esse malas, sed quasdam esse bonas. Quæ sunt moderate à ratione, quæ vero non moderantur à ratione, sed eius limites, & regulam prætergrediuntur, malas esse posuerunt.

Quæ sententia sic ex dictis probatur. Motus, qui sunt secundum rationem, sunt boni. Sed Passiones moderate, sunt motus conformes ordini rationis. Ergo Passiones moderate bonæ sunt.

Iudicium harum opinionum.

Differentia, quæ est inter sententias has, licet magna videatur secundum vocem, tamen secundum rem nulla est, vel parua, vt patebit.

Radix opinionis stoicorum.

Stoici enim non discernabant inter sensum, & intellectum, & per consequens, nec inter intellectum, & appetitum sensitivum. Vnde ponebant duplices motus in appetitu sensitivo. Quidam erant secundum rationem, non egredientes limites naturalis rationis, & hi omnes erant boni. Quidam vero alij motus erant, qui egrediebantur limites rationis, & huiusmodi motus vocabantur passiones.

Nomine igitur passionum intellexerunt Stoici, solum illos motus, qui ordinem naturalis rationis egrediuntur.

Peripateticæ sententiæ radix.

Peripatetici vero, qui distinxerunt intellectum à sensu, & per consequens appetitum sensitivum ab intellectu, dixerunt. Omnes motus appetitus sensitivi esse passiones. Sed ulterius posuerunt aliquos horum motuum regulari à ratione, & ab ea moderari, & has dixerunt passiones bonas. Aliquos vero egredi limites, & ordinem rationis, & hos dixerunt esse malas passiones.

Ex quibus patet, nullam esse differentiam inter Peripateticos, & Stoicos in hoc, nisi secundum vocem. Motus enim, quos Stoici passiones appellant, & malos. Aristoteles eos appellat passiones non moderatas à ratione, & propterea esse malas.

Ex quo etiam patet, quod inconuenienter Tullius reprehendit ibidem opinionem Peripateticorum, ex supposito ex quo confirmat opinionem Stoicorum. Supponit enim, quod omnes passiones sint quidam morbi. Vnde passiones moderate erant morbi, sed moderati, & mediocres, tamen mediocres morbi, ad huc mali sunt. Ex quo euidenter sequitur, omnes passiones, etiam modo ratas malas esse.

Hæc inquam impugnatio falsum supponit. Passiones enim moderate nullo modo morbi appellandæ sunt, cum sint bonæ, eo quod sint secundum rationem, vt dictum est.

Conclusio. Non omnes passiones sunt malæ moraliter.

Quæ conclusio licet ex dictis euidenter sit, tamen sic probatur. Motus, qui sunt secundum rationem, sunt boni. Sed Quædam sunt passiones, quæ sunt motus secundum rationem, scilicet ille, quæ à ratione moderantur. Ergo Non omnes passiones animæ sunt malæ, sed moderate bonæ sūt.

Ad Argumenta.

Ad 1. Dicitur ad minorem, quod Passiones non dicuntur morbi, vel perturbationes, nisi quando carent moderatione rationis.

Ad 2. Dicitur, quod aliquid esse præter naturam in motibus animæ, potest dupliciter intelligi. Vno modo, quia addit aliquid motui naturali cordis, vt scilicet intensius moueatur: vel ab eo diminuit, vt remissius moueatur. Alio modo, quia declinat ab ordine naturalis rationis. Ad maiorem igitur dicitur, quod illud, quod est præter naturam in motibus animæ secundo modo, quia. s. declinat ab ordine rationis, est peccatum. Quod vero est præter naturam solum primo modo, quia scilicet addit, vel diminuit, intendit, vel remittit motum naturalem, hoc non est semper peccatum. Tunc ad minorem dicitur, quod passiones semper sunt præter naturam primo modo, quia. s. in omni passione animæ additur aliquid, vel diminuitur à naturali motu cordis, in quantum cor intensius, vel remissius mouetur, secundum dilationem, vel restrictionem, causatam à passionibus: non autem sunt præter naturam, secundo modo, vt dictum est.

Ad 3. Dicitur ad minorem, quod Passiones animæ non semper inclinant ad peccatum, sed solum quando non sunt ordinatæ à ratione, quæ. n. sunt ordinatæ inclinant, non ad peccatum, sed ad virtutem.

ART. C. V. L. V. S. III.

Utrum Passio addat, vel diminuat ad bonitatem, vel malitiam actus.

Pro affirmatiua.

Videtur, quod passio quæcumque semper diminuat de bonitate actus moralis.

1. Omne, quod impedit iudicium rationis, diminuit bonitatem actus moralis. Sed Omnis passio impedit iudicium rationis. Ergo Omnis passio diminuit bonitatem actus moralis.

Maiores, quia Bonitas actus moralis dependet à iudicio rationis. Unde quod impedit iudicium rationis, consequenter diminuit bonitatem moralis actus.

Minor, quia dicit Salustius in Catilinario. Omnes homines, qui de rebus dubijs consultant, ab odio, ira, & amicitia, atque misericordia vacuos esse dicet.

2. Deus & sancti Angeli præiungunt sine ira, sine compassione subueniunt miseris, ut Aug. dicit. 9. de Ciuit. Dei. cap. 4. Ergo Melius est operari sine passione, quam cum passione; & per consequens passio diminuit bonitatem actus.

Consequenter probatur, quia Actus hominis tanto est melior, quanto est Deo similior. Unde ad Eph. 5. dicitur. Estote imitatores Dei, sicut filij charissimi.

3. Malum morale diminuitur per passionem. Ergo Bonum morale etiam diminuitur per passionem.

Antecedens, quia Minus peccat, qui peccat ex passione, quam qui peccat ex industria.

Consequenter, quia Sicut malum morale attenditur per ordinem ad rationem, ita & bonum morale.

Pro Negatiua.

Quod deseruit rationi, non diminuit bonum morale. Sed Passiones deseruiunt rationi. Ergo Passiones non diminuit bonum morale.

Minor, quia Augustinus dicit. 9. de Ciuit. Dei, c. 4. quod Passio misericordiam rationi deseruit, quando ita præbetur misericordia, ut iustitia conferretur, siue cum indigenti tribuitur, siue cum ignoscitur penitenti.

Determinatio.

Stoicorum Sententia.

Stoici posuerunt omnem passionem animam diminueret bonitatem actus.

Quam positionem sic probabant. Omne bonum ex permixtione mali, vel totaliter tollitur, vel fit minus bonum. Sed Omnis passio est mala, cum passio secundum ipsos sit motus egrediens regulam rationis, ut dictum est precedenti articulo.

Ergo Omnis passio tollit, vel diminuit bonitatem actus.

Iudicium de positione Stoica.

Si nomine passionis intelligamus solum motus inordinatos appetitus sensitui, sicut stoici ponebant, profecto eorum opinio verissima est, & efficaciter probata. Huiusmodi enim motus mali sunt, & actus moralis bonitatem minuunt, vel totaliter tollunt. Si uero nomine passionis intelligamus omnes motus appetitus sensitui, eorum positio veritatem non habet, nec eorum probatio aliquid valet. Negatur enim minor, non enim omnis passio est mala, sed solum illa, quæ limites rationis prætergreditur. Si enim moderata sit à ratione, bona est, ut art. præced. ostensum est.

Vera sententia.

Conclusio. Motus appetitus sensitui, qui passionem dicuntur, regulati, & moderati per rationem, non solum non diminuit bonitatem moralis actus, sed ad eam adiungunt.

Probatur. Motus pertinentes ad rationem bonitatis moralis actus, non minuunt, sed potius eam augent. Sed Quod passiones regulentur, & moderentur per rationem, pertinet ad bonitatem moralis actus. Ergo Passiones moderate augent bonitatem moralis actus.

Minor probatur. De ratione humani, siue moralis boni, quod in ratione, sicut in radice constituitur, est, ut se extendat ad ea, quæ homini conueniunt, ita ut, quanto ad plura se extendit, tanto est perfectius. Sed Passiones pertinent ad ipsum hominem, & appetitus sensituius, in quo sunt motus passionis, potest rationi obedire, ut ostensum est quæst. 17. Ergo De ratione moralis boni est, ut ratio moderetur passiones.

Declaratur maior à simili. Nam sicut nullus dubitat, quin ad perfectionem moralis boni pertineat, quod actus exteriorum membrorum, per rationis regulam dirigantur, ita nulli dubium esse debet, quin pertineat ad eiusdem moralis actus bonitatem, ut passiones regulentur per rationem: ut sic homo moueatur ad bonum, non solum secundum voluntatem, sed etiam secundum appetitum sensituum; secundum illud, quod dicitur Psalmo 33. Cor meum, & caro mea exultauerunt in Deum viuum, ut cor accipiamus pro appetitu intellectiuo, carnem autem pro appetitu sensitui.

Ad Argumenta.

Ad 1. Dicitur ad minorem, quod passiones animæ dupliciter se possunt habere ad iudicium rationis. Vno modo, antecedenter. Et sic cum obnubilent iudicium rationis, ex quo dependet bonitas moralis

moralis actus; diminuit actus bonitatem laudabilius enim est, quod ex iudicio rationis aliquis faciat opus charitatis, quam ex sola passione misericordiarum. Alio modo se habet consequenter. Et hoc dupliciter. Vno modo, per modum redundantie, quia, sicut superior pars animæ intense mouetur in aliquid; sequitur motum eius etiam pars inferior: & sic passio existens consequenter in appetitu sensitivo, est signum intentionis voluntatis; & indicat bonitatem moralem maiorem. Alio modo, per modum electionis, quando, si homo ex iudicio rationis eligit affici aliqua passione, ut promptius operetur, cooperare appetitu sensitivo: & sic passio animæ addit ad bonitatem actionis.

Ad 2. Neg. consequ. Non enim est eadem ratio de Deo, & Angelis sanctis ex vna parte, & hominibus ex altera. In Deo enim, & in Angelis non est appetitus sensitivus, neque etiam membra corporalia, & ideo bonum in eis non attenditur secundum ordinem passionum, aut corporum actuum, sicut in nobis. Ad probationem autem consequentis dicitur, quod actus hominis tanto sunt perfectiores, quanto Deo similiores, seruata tamen conditione naturæ operantis. Vnde tunc humanæ actiones erunt Deo proportionaliter similiores, quando homo magis operatur, secundum quod exigit rationalis naturæ conditio.

Ad 3. Dicitur ad antec. quod Passio tendens in malum præcedens iudicium rationis, diminuit peccatum. Sed consequens aliquo prædictorum modorum, auget ipsum, vel signat augmentum eius.

ART. C. V. Q. V. IV.

Vtrum Aliqua Passio sit mala, vel bona ex sua specie.

Pro Negatiua.

Videtur, quod nulla passio animæ secundum suam speciem sit bona, vel mala moraliter. 1. Quod conuenit aliquibus per accidens, non conuenit eis secundum speciem, nec pertinet ad rationem speciei. Sed Passionibus conuenit malitia, vel bonitas moralis per accidens. Ergo Passionibus non conuenit malitia, & bonitas moralis secundum earum speciem.

Minor prob. His, quæ sunt in appetitu sensitivo, conuenit malitia, vel bonitas moralis, solum per accidens. Sed Passiones sunt in appetitu sensitivo. Ergo Passionibus conuenit malitia, & bonitas, solum per accidens.

Major huius prob. quia Bonum, & malum morale attenditur secundum rationem, & ita per accidens respicit ea, quæ sunt in appetitu sensitivo. Passiones non habent bonitatem, vel malitiam ex obiecto. Ergo Passiones non sunt bonæ, vel malæ moraliter secundum suam speciem.

Consequ. prob. quia Actus, & passionibus habent speciem ex obiecto.

Antec. prob. quia Si passionibus haberent bonitatem, vel malitiam ex obiecto, oporteret, quod passionibus, quarum obiectum est bonum, bonæ essent secundum suam speciem, ut Amor, Desiderium, & Gaudium. Et passionibus, quarum obiectum est malum, essent malæ secundum suam speciem, ut Odium, Timor, &c. quod patet esse falsum, cum possit esse amor malus, & odium bonum, & sic de alijs.

3. Ea, quæ inueniuntur in animalibus brutis, non sunt bona, vel mala ex sua specie. Sed Omnes passionibus reperiuntur in brutis animalibus. Ergo Nulla passio est bona, vel mala ex sua specie.

Major prob. quia Bonum, & malum morale non inueniuntur in brutis, sed tantum in homine.

Pro Affirmatiua.

Aug. 9. de Ciuit. Dei dicit, quod Misericordia pertinet ad virtutem. Item Philosophus in 2. Ethic. ca. 3. dicit, quod verecunda est passio laudabilis. Ergo Aliquæ passionibus sunt bonæ, vel malæ secundum suam speciem.

Determinatio.

Distinctio. Species actus, vel passionibus dupliciter considerari possunt. Vno modo, secundum quod sunt in genere naturæ. Alio modo, secundum quod pertinent ad genus moris, pro ut, si participant aliquid de voluntario, & iudicio rationis, quæ distinctio habita est supra quæst. 18. art. 6. & 7.

1. Conclusio. Bonum, & malum morale non pertinent ad speciem actus, vel passionibus, secundum quod sunt in genere naturæ.

Prob. quia Bonum, & malum morale attenditur secundum rationem.

2. Conclusio. Bonum, & malum morale pertinent ad rationem speciei actus, vel passionibus, pro ut sunt in genere moris, scilicet, ut participant aliquid rationis.

Manifestatur. Dicitur enim actus, vel passio bona moraliter, secundum suam speciem, secundum quod accipitur eius obiectum aliquid de se conueniens rationi, & mala, secundum quod obiectum est dissonum a ratione. Sicut patet de verecundia, quæ est timor vel turpis; & de inuidia, quæ est tristitia de bono alterius. Huiusmodi obiecta, si considerata, sicut prout respiciunt rationem, dant bonitatem, vel malitiam, secundum speciem, non solum passionibus, sed etiam exterioribus actibus. Vnde verecundia quamuis sit de malo, est tamen bona, & inuidia, quamuis sit de bono, est tamen mala.

Ad argumenta.

Ad 1. Dicitur ad minorem, quod Bonitas, & malitia conuenit per accidens passionibus, secundum

quod sunt in genere naturæ, pro vt. appetitus sensitivus secundum se consideratur. Sed secundum quod appetitus sensitivus obedit rationi, iā bonū, & malū rōnis, per se passionibus convenit.

Ad 2. Neg. antec. Ad prob. dī, quod Passiones, quæ in bonum tendunt, si sit verum bonum, sunt bonæ: & similiter, quæ à vero malo recedunt, & conuerso vero passiones, quæ sunt per recessum à bono, & per accessum ad malum sunt malæ.

Ad 3. Dī ad maiorem, & ad eius prob. Quod quamvis in brutis non sit bonum, & malum morale proprie, cum eorum appetitus non obediatur rationi, tamen in quantum ducitur quadam estimatiua naturalis, quæ subijcitur rationi diuinæ, est in eis, quædam similitudo moralis boni, quantum ad passiones anime. Bonum igitur, & malum morale inuenitur in solo homine proprie in brutis uero tantum similitudinarie.

QVÆSTIO XXV.

DE ORDINE PASSIONVM

ad inuicem.

ARTICVLVS I.

Vtrum Passiones irascibilis, sint priores passionibus concupiscibilis, vel e conuerso.

Pro Affirmatiua.

Videtur, quod passiones irascibilis sint priores passionibus concupiscibilis.

1. Passiones, quarum obiectum est prius, sunt priores. Sed Obiectum passionum irascibilis est prius, quam obiectum passionum concupiscibilis. Ergo Et ipsæ passiones irascibilis sunt priores.

Maiores. quia Ordo passionum est secundum ordinem obiectorum.

Minor. quia Obiectum irascibilis est bonū arduū, quod videtur esse supremū inter alia bona.

2. Passiones potentia, quæ se habet vt mouens, sunt priores passionibus potentia, quæ se habet vt mota. Sed Irascibilis se habet vt mouens, & concupiscibilis se habet vt mota. Ergo Passiones irascibilis sunt priores passionibus concupiscibilis.

Maiores. quia Mouens est prius motu.

Minor. Remouens prohibens habet rationem mouentis, vt dicitur 8. Phisic. text. 3. 2. Sed Irascibilis est remouens prohibens: datur enim animabus, vt tollantur impedimenta, quibus concupiscibilis prohibetur frui suo obiecto, vt dictū est. Ergo Irascibilis habet rationem mouentis.

3. Gaudium, & tristitia sunt passiones concupiscibilis. Sed Gaudium, & tristitia consequuntur passiones irascibilis. Ergo Passiones irascibilis, sunt priores passionibus concupiscibilis.

Minor. quia Dicitur 4. Ethic. c. 5. quod penitio quietat impetum iræ, delectationem loco tristitiæ faciens. Ex quibus verbis patet, quod delectatio,

quæ pertinet ad concupiscibilem, sequitur quietem iræ, quæ est passio irascibilis.

Pro Negatiua.

Passiones, quæ respiciunt bonum absolute, sunt priores passionibus, quæ respiciunt bonum contracte. Sed Passiones concupiscibilis respiciunt bonum sensibile absolute, passiones uero irascibilis respiciunt bonum sensibile contractum. Ergo Passiones concupiscibilis sunt priores passionibus irascibilis.

Maiores prob. quia Bonum simpliciter est prius, quam bonum contractum.

Minor. Irascibilis respicit bonum sensibile arduum.

Determinatio.

Differentia inter passiones concupiscibilis, & irascibilis.

Passiones irascibilis, & concupiscibilis in proposito differunt: quia passiones concupiscibilis ad plura se extendunt, quam passiones irascibilis. Nam passiones concupiscibilis aliquæ pertineant ad motum, & aliquæ ad quietem. Ad motum, Desiderium. Ad quietem, Gaudium. Et in malis. Ad motum, Fuga, & ad quietem, Tristitia. Passiones uero irascibilis, omnes ad motum pertinent, & nulla ad quietem, vt patet consideranti.

Ratio autem huius differentie est: quia Obiectum passionum irascibilis debet esse arduum. Id autem, in quo quis quiescit, non potest habere amplius rationem ardui, nec difficultis. Et ideo passiones irascibilis non possunt habere aliquid pertinens ad quietem. Obiectum autem concupiscibilis, est bonum sensibile absolute, ideo concupiscibilis potest tendere in bonum non habitum, & quiescere in bono habito.

Sunt igitur passiones concupiscibilis in duplici differentia. Quædam significant motum, & quædam quietem. Et utroque sunt in duplici differentia. Quædam significant motum ad bonum, vt Desiderium. Quædam motum à malo, vt Fuga. Quædam quietem in bono, vt Gaudium, quædam quietem in malo, vt Tristitia, & sic ad summum sunt quatuor. Prima significat motum in bonum, vt desiderium. Secunda motum à malo, vt fuga. Tertia quietem in bono, vt gaudium. Quarta quietem in malo, vt tristitia. Amor autem, & odium abstrahunt à motu, & quiete, & oēs alias passiones præcedunt.

Possunt igitur comparari passiones irascibilis ad passiones concupiscibilis, siue significant motum, siue quietem, siue in bonum, siue in malum. **Distinctio.** Aliquid esse prius contingit dupliciter. scilicet vel in intentione, vel in executione.

1. Conclusio. Passiones concupiscibilis significantes quietem sunt priores secundum intentionem, omnibus passionibus irascibilis.

Prob. Passiones, quæ habent pro objecto id, quod habet rationem finis, sunt priores secundum intentionem. Sed Passiones concupiscibilis, significantes quietem, habent pro objecto id, quod habet rationem finis. scilicet quietem. Ergo Passiones concupiscibilis, quæ habent pro objecto quietem, sunt priores secundum intentionem passionibus irascibilis.

Maiores. quia Finis est prior in intentione, licet sit posterior in executione.

2. Conclusio. Passiones irascibilis sunt priores passionibus concupiscibilis, quæ significant quietem in bono, ordine executionis.

Prob. quia Spes, quæ est passio irascibilis, præcedit gaudium, unde causatur ipsum, secundum illud Apostoli Rom. 12. Spe gaudentes.

3. Conclusio. Passio concupiscibilis importat quietem in malo, tristitia, media est inter duas passiones irascibilis, scilicet timorem, & iram, est enim post timorem, & ante iram.

Manifestatur. Sequitur enim timorem, quia cum occurrit malum, quod timebatur, causatur tristitia. Unde tristitia est post timorem. Præcedit vero iram, quia cum ex tristitia præcedenti aliquid insurgit in vindictam, hoc pertinet ad motum iræ, & sic ira est post tristitiam, & tristitia est media inter timorem, & iram. Et ex hoc sequitur gaudium, quod est ultima passio concupiscibilis, quæ scens in bono, ex hoc enim quod iratus retribuit vindictam, quia hoc ut bonum apprehendit, sequitur gaudium.

Correl. Ex his patet, quod omnes passiones irascibilis terminantur ad passiones concupiscibilis pertinentes ad quietem, scilicet vel ad gaudium, vel ad tristitiam.

4. Conclusio. Si cõparentur passiones irascibilis, ad passiones concupiscibilis, quæ importat motum, sic manifeste passiones concupiscibilis sunt priores.

Prob. Passiones, quarum objecta, objectis aliarum passionum aliquid addunt, sunt priores illis passionibus. Sed Objectis passionum concupiscibilis, significantium motum, addunt aliquid objectis passionum irascibilis. Ergo Passiones concupiscibilis, significantes motum, sunt priores passionibus irascibilis.

Maiores. quia Objectum, cui aliud objectum aliquid addit, est prius eo: sicut objectum Arithmetice est prius objecto Musicae, quia objectum Musicae addit objecto Arithmetice esse sonorum.

Minor declaratur. Nam objectum irascibilis addit supra objectum concupiscibilis arduitate,

sive difficultatem, sicut spes supra desiderium addit quandam conatum, & elevationem animi ad consequendum bonum arduum, & similiter timor addit supra fugam, seu abominationem, quandam depressionem animi propter difficultatem mali.

Correl. Sic ergo Passiones irascibilis mediæ sunt, inter passiones concupiscibilis, quæ importat motum in bonum, vel in malum, & inter passiones concupiscibilis, quæ importat quietem in bono, vel in malo. Sunt enim passiones irascibilis, priores gaudio, & tristitia, & posteriores desiderio, & fuga.

Secundum Correl. Ex quibus etiam patet, quod passiones irascibilis, & principium habent a passionibus concupiscibilis, & in eis etiam terminantur.

Hic est ergo ordo passionum irascibilis, & concupiscibilis.

Passiones concupiscibilis, significantes quietem, ut Gaudium, & Tristitia, sunt priores passionibus irascibilis secundum intentionem.

Passio concupiscibilis, quæ dicit quietem in bono scilicet Gaudium, est posterior passionibus irascibilis, secundum executionem.

Passio concupiscibilis, quæ dicit quietem in malo, scilicet tristitia, est media inter timorem, & iram, scilicet post timorem, & ante iram.

Passiones concupiscibilis, significantes motum, scilicet desiderium, & fuga, & multo magis amor, & odium, sunt priores omnibus passionibus irascibilis.

Ad Argumenta.

Ad 1. Negatur minor. Ad probationem dicitur, quod si objectum concupiscibilis esset oppositum objecto irascibilis, ita. scilicet quod concupiscibilis esset solum de bono, quod facile acquiri potest, & irascibilis de bono, quod difficile acquiritur, curret ratio, esset enim prius, & perfectius, objectum irascibilis, sed hoc non est verum. Nam objectum concupiscibilis est bonum absolute, in illud enim idem bonum, in quod tendit irascibilis, tendit concupiscibilis, & prius, non quidem sub ratione ardui, sed sub ratione boni, quod si sit arduum, est objectum irascibilis, & tandem acquisito bono arduo, fit objectum concupiscibilis passionis, quæ est gaudium. Bonum igitur arduum est prius quidem bono non arduo, sed non est prius bono absolute, sicut est concupiscibilis objectum.

Ad 2. Dicitur primo ad maiorem. Aliquid potest habere rationem mouentis dupliciter. Uno modo per se. Alio modo per accidens. Quod habet rationem mouentis per se, præcedit motum, non autem, quod habet rationem mouentis per accidens. Tunc ad maiorem dicitur, quod irascibilis habet rationem mouentis per accidens, sicut remouens prohibens, & ideo non sequitur, nisi quod per accidens sit prior, quatenus. scilicet concupiscibilis ex aliquo impedimento, non potest per se ad aliquid bonum, tendere.

hunc enim necessarium est, ut prius remoueatür impedimentum per passionē irascibilis. Concludit ergo argumentum hoc solum, quod passiones irascibilis sunt priores passionibus concupiscibilis significantes quietem, quando concupiscibilis significatur a consecutione talis boni.

Ad 3. Dicitur, quod concludit gaudium, & tristitiam, quæ sunt passiones significantes quietem, esse posteriores passionibus irascibilis, & hoc verum est secundum prædicta in corpore.

ARTICVLVS II.

Vtrum Amor sit prima passionum concupiscibilis.

Pro Negativa.

Videtur, quod amor non sit prima passionum concupiscibilis.

1. Illa passio, a qua potentia denominatur, est prior alijs. Sed Potentia concupiscibilis, non ab amore, sed a concupiscentia, quæ est idem quod desiderium, denominatur. Ergo Non amor, sed concupiscentia est prima inter passiones concupiscibilis.

Maiores. quia Denominatio fit a priori, ut dicitur 2. de anima.

Minor. quia Concupiscibilis a concupiscentia dicitur.

2. Motus ad vñionem rei concupitur, præcedit ipsam vñionem cum re concupita. Sed Amor significat vñionem amantis, cum re amata, & desiderata, ut Dion. 4. de diu. nom. c. 3. dicit. Desiderium vero significat motum ad huiusmodi rem concupitam. Ergo Concupiscentia, siue desiderium præcedit amorem.

3. Causa est prior suo effectu. Sed Delectatio est causa amoris. Ergo Delectatio præcedit amorem. Vnde amor non est prima passio.

Minor. quia Quidam propter delectationem amant, ut dicitur 3. Ethic. c. 2.

Pro Affirmativa.

Aug. dicit lib. 14. de Ciui. Dei cap. 7. & 9. quod omnes passiones ex amore causantur. Amor enim inhians habere, quod amatur, cupiditas est, id autem habens, eoque fruens, lætitia est. Ergo Amor est prima passionum concupiscibilis.

Determinatio.

Distinctio. Passiones concupiscibilis sunt in duplici differentia. Quædam respiciunt bonum, ut sunt Amor, Desiderium, & Gaudium. Quædam vero respiciunt malum, quæ sunt Odium, Fuga, siue abominatio, & Tristitia. Amor respicit bonum absolute. Desiderium bonum absens, & Gaudium bonum præsens. Odium respicit malum absolute.

re. Fuga malum distans. & Tristitia malum præsens.

Radix huius distinctionis est, quia concupiscibilis obiectum, est malum, & bonum, bonum quidem per se, malum vero per accidens. ratione boni, ea enim ratione, qua queritur bonum, refutatur malum.

1. Conclusio. Omnes passiones, quarum obiectum est bonum, naturaliter sunt priores passionibus, quarum obiectum est malum. Vnaquæque scilicet sua passione opposita. Amor prior Odio. Desiderium prius Fuga, & Gaudium Tristitia.

Prob. quia Cum malum sit priuatio boni, bonum naturaliter est prius malo & per consequens passiones, quæ habent bonum pro obiecto, priores sunt, quam passiones, quarum obiectum est malum.

Distinctio. Ordo passionum concupiscibilis, quæ respiciunt bonum, potest attendi dupliciter. Vno modo secundum intentionem. Alio modo secundum executionem.

Radix huius distinctionis est, quia Bonum habet rationem finis, finis autem est prior in intentione, & posterior in executione.

2. Conclusio. Inter passiones concupiscibilis tendentes in bonum secundum executionem, prima est amor, secunda desiderium, & tertia gaudium.

Manifestatur. Omne quod tendit in aliquem finem, primo debet habere aptitudinem, seu proportionem ad finem: cum nihil tendat in finem non proportionatum. Secundo Mouetur in finem, & Tertio quiescit in fine, post eius consecutionem. Sed Potentia concupiscibilis tendit in bonum, tanquam in finem. Ergo debet habere prius inclinationem, siue proportionem ad finem, & hoc habet per amorem. Secundo debet moueri ad bonum, & hoc est per desiderium. Tertio debet quiescere in bono habito, & hoc fit per gaudium.

Et sic patet, quod ordine consecutionis, Prima passio est amor. Secunda desiderium. Tertia gaudium. Et proportionaliter inter passiones respicientes malum. Prima est odium. Secunda fuga. Tertia tristitia.

3. Conclusio. Ordine intentionis, Prima passio est gaudium, ex quo nascitur desiderium, & amor.

Manifestatur. quia Delectatio est finis, vnde est prima, quæ intenditur.

Ad Argumenta.

Ad 1. Dicitur ad maiorem, quod passio, a qua denominatur potentia, non est necesse, ut sit prior secundum se, sed solum in cognitione nostra. Denominatur enim aliquid, secundum quod nobis innotescit, & quia nos, ut plurimum per effectus

in cognitionem causarum devenimus, propterea ex effectibus denominamus causam, & ex posterioribus priora, & quia concupiscentia, siue desiderium, est maxime sensibile, quantum sit ex parte animæ, vt Aug. dicit, propterea ex concupiscentia denominamus potentiam.

Ad 2. Dicitur ad maiorem, quod Vnio amantis ad amatum est duplex. Vna quidem realis, secundum coniunctionem ad rem ipsam, & talis unio pertinet, non solum ad amorem, sed ad gaudium, siue delectationem, & hanc unionem præcedit desiderium. Alia est unio affectiva, secundum scilicet quod aliquod habet aptitudinem, vel proportionem ad aliud, & hæc est unio pertinens ad amorem, & præcedit desiderium. In forma igitur quæ ad maiorem, quod motus ad unionem reale præcedit desiderium, sed unio affectiva, est ante desiderium, immo ipsa est causa desiderij.

Ad 3. Dicitur ad minorem, quod delectatio est causa amoris, secundum quod est in intentione, & sic ipsa delectatio est prior, vt dictum est.

ARTICVLVS III.

Vtrum Spes sit prima inter passiones irascibilis.

Pro Negativa.

Videtur, quod Spes non sit prima inter passiones irascibilis.

1. Vis irascibilis denominatur ab ira. Ergo Ira est potior, & prior passio, inter passiones irascibilis, & non spes.

Consequenter prob. quia Denominatio fit a potiori. 2. Illa est prior, & potior passio inter alias passiones irascibilis, quæ tendit in magis arduum. Sed Audacia, & ira tendunt in magis arduum, quam spes. Ergo Audacia, & ira sunt priores, quam spes.

Maior. quia Obiectum Irascibilis, est bonum arduum, quanto magis igitur passio tendit in id, quod habet rationem magis ardui, tanto potior erit.

Minor. quia Magis arduum est, quod quis conetur superare malum contrarium, quod imminet, vt futurum, quod pertinet ad audaciam, vel malum, quod iniacet iam vt præsens, quod pertinet ad iram, quam conari ad acquirendum bonum simpliciter, quod pertinet ad spem. Et similiter magis arduum est vincere malum præsens, quod pertinet ad iram, quam malum futurum, quod pertinet ad audaciam. Et ideo prior videtur ira, secunda audacia, tertia spes.

3. Passiones significantes recessum a termino, & priores sunt passionibus significantibus accessum

ad terminum. Sed Timor, & desperatio important recessum ab aliquo, audacia autem, & spes important accessum ad aliquid. Ergo Timor, & desperatio præcedunt spem, & audaciam.

Maior. quia In motu ad finem, prius occurrit recessus a termino, quam accessus ad terminum.

Pro Affirmativa.

Quanto aliquid est propinquius primo, tanto est prius. Sed Spes est propinquior amori, qui est prima passio. Ergo Spes est prior inter omnes passiones irascibilis.

Determinatio.

1. Distinctio. Inter passiones irascibilis, & concupisibilis est differentia, vt supra dictum est; quod passiones concupisibilis, aliquæ importat quietem, vt gaudium, & tristitia, & quædam important motum, vt sunt desiderium, & fuga. Passiones vero irascibilis, omnes important motum scilicet accessum, vel recessum ad bonum, & a malo.

2. Distinctio. Motus autem irascibilis potest causari ex duobus. Ex sola aptitudine, siue proportionem ipsius potentie ad suum obiectum, vel etiam ex præsentia ipsius obiecti. Et quia aptitudo siue proportio ad obiectum, est per amorem, & odium, & præsentia per gaudium, vel tristitia. Ideo potest (apertius loquendo) dici, quod passiones irascibilis, sunt in duplici differentia. Quædam proueniunt ex amore; vel odio, & Quædam ex gaudio, vel tristitia.

Passiones irascibilis, procedentes ex aptitudine potentie ad obiectum, siue ex amore, & odio, sunt. Spes, Desperatio, Timor, & Audacia. Hæ namque passiones sunt ex amore, & odio, etiam obiectum, siue bonum, siue malum, adhuc non sit præsens, sed tamen ametur, vel odio habeatur, parere potest has passiones in irascibili. Passio autem irascibilis consequens præsentiam obiecti, est sola ira, quæ nascitur ex tristitia, cuius obiectum est malum præsens. Bonum enim præsens, quod est obiectum gaudij, non causat aliquam passionem in irascibili, eo quod bonum præsens non est arduum, vel difficile amplius ad acquirendum, cum sit iam acquisitum, Vnde non habet rationem obiecti ipsius irascibilis potentie.

3. Distinctio. Passiones, quæ consequuntur proportionem, siue inclinationem obiecti ad potentiam, scilicet odium, & amorem, sunt in duplici differentia. Quædam habent pro obiecto bonum, vt sunt spes, & desperatio. Quædam vero habent pro obiecto malum, vt sunt timor, & audacia.

1. Conclusio. Ira, inter omnes passiones irascibilis, est vltima.

Prob. Passio consequens in irascibili, ex præsentia mali, est posterior omnibus passionibus irascibilis.

bilis. Sed Ira consequitur ex præsentia mali. Ergo Ira est posterior omnibus alijs passionibus irascibilis.

Major manifestatur. Nam proportio, siue habitudo appetitus ad obiectū, siue ad finē, est prior quā consecutio, siue præsentia obiecti, siue finis. Vnde passionēs, quæ consequuntur ex illa habitu dine appetitus ad finem, præcedūt passionēs, quæ sunt ex præsentia, siue ex consecutione finis. Et quia aliæ passionēs irascibilis consequuntur proportionem, siue habitudinem ad finem, hoc est amorem, vel odium: ira vero consequitur præsentiam mali, Ideo ira est posterior omnibus passionibus irascibilis.

2. Conclusio. Passiones irascibilis, quæ habent pro obiecto bonū, quæ sunt Spes, & Desperatio, sunt priores his, quæ habent pro obiecto malum, ut sunt Audacia, & Timor.

Primo prob. Passiones, quarū obiectū est prius, ipsæ quoque sunt priores. Sed Obiectum spei, & desperationis, quod est bonum, est prius obiecto audaciæ, & timoris, quarum obiectum est malū. Ergo Spes, & Desperatio sunt priores, quam timor, & audacia.

Secundo prob. Eadem Conclusio, scilicet quod spes, & desperatio præcedant timorem, & audaciam. Ratio est prior eo, cuius est ratio. Sed Spes, & desperatio sunt ratio timoris, & audaciæ. Ergo Spes, & desperatio præcedunt timorē, & audaciā.

Manifestatur minor. Nam audacia consequitur spem iustitiæ, & timor consequitur desperationē vincendi. Ex quibus patet, quod spes est ratio audaciæ, & desperatio est ratio timoris. Ira autem consequitur audaciam. Nullus enim irascitur, nisi audeat vindicare. Ex quo habetur alia ratio ad probandam primam conclusionem, scilicet quod ira sit posterior omnibus, quia scilicet est post audaciam, quæ est ultima omnium aliarum, ut dictum est nunc.

3. Conclusio. Spes est prior desperatione.

Probatur. quia Spes est motus in bonū, secundum rationem boni, quod de sui ratione est attractivum, & ideo spes est motus in bonū per se, desperatio autē est recessus a bono, & quia recessus non cōpetit bono, secundū quod est bonū, sed secundū aliquid aliud, unde est quasi per accidens.

4. Conclusio. Timor est prior audacia.

Prob. quia Timor est recessus a malo. Audacia vero accessus ad malum.

Ex quibus omnibus habetur conclusio directæ responsivæ quæ sita cum sua ratione. Est autem hæc.

Conclusio. Spes est prima inter passionēs irascibilis.

Prob. Nam cum passionēs irascibilis sint quinque, ut dictum est. scilicet Spes, Desperatio, Timor, Audacia, & Ira, & ostensum sit, quod ira est novissima inter omnes, eo quod non sequatur nisi præsentiam mali, & quod timor, & audacia, sunt posteriores spe, & desperatione, quia illæ habent malum pro obiecto, istæ vero bonum, & quod desperatio sit posterior, spe, quia hæc accessum ad bonum, illa recessum significat, evidenter sequitur, quod spes sit prima omnium passionum irascibilis.

Ordo passionum, tum irascibilis, tum concupiscibilis.

Ex dictis in hoc, & in præcedentibus duobus articulis, apertissime apparet ordo omnium passionum.

Sunt enim vniuersæ passionēs undecim. Sex concupiscibilis, & quinque irascibilis, quæ omnes faciunt sex coniugationes. Prima Amor, & Odium. Secunda Desiderium, & fuga, siue Abominatio. Tertia Gaudium, & Tristitia. Quarta Spes, & Desperatio. Quinta Timor, & Audacia. Sexta Ira. Tres primæ coniugationes pertinent ad concupiscibilem, & tres reliquæ ad irascibilem. Sic igitur ordinantur ordine generationis. Primo sunt Amor, & Odium. Secundo Desiderium, & Fuga. Tercio Spes, & Desperatio. Quarto Timor, & Audacia. Quinto Ira. Sexto Gaudium, & Tristitia, quæ consequuntur ad omnes passionēs, ut dicitur 2. Ethicor. c. 5. Ordine vero intentionis Gaudium præcedit omnes alias passionēs.

Quælibet harum coniugationum sic ordinatur in se ordine generationis.

Amor est prior Odio.

Desiderium, Fuga.

Spes, Desperatione.

Timor, Audacia.

Ira.

Gaudium, Tristitia.

Sigillatim igitur sic sunt enumerandæ.

Amor.

Odium.

Desiderium.

Fuga.

Spes.

Desperatio.

Timor.

Audacia.

Ira.

Gaudium.

Tristitia.

Rationes huius ordinis assignatæ sunt in hoc,

&c

& in duobus præcedentibus articulis, vt manifestissime patet intuenti, & consideranti, quæ dicta sunt.

Ad Argumenta.

Ad 1. Respondetur, sicut responsum est ad primum præcedentis articuli, scilicet quod Passio denominans potentiam, non oportet, quod sit prior secundum se, sed solum in cognitione nostra, & quia vt plurimum causas per effectus cognoscimus, ideo eas per effectus denominamus. Et cum ira sit effectus præcedentium passionum, irascibilis est magis nota, & propterea ex ea denominatur potentia. Vnde ad formam negatur consequentia. Ad probationem iam dictum est, quod denominatio sit non à potiori semper, sed ab eo, quod est magis nobis notum.

Ad 2. Dicitur ad maiorem, & ad eius probationem, quod obiectum irascibilis, non est solum arduum, sed bonum arduum. Vnde illa est prior passio, quæ tendit in magis bonum arduum, & quia Audacia, & Ira, quamvis aliquando tendant in magis arduum, non tamen in bonum, & Spes in bonum, ideo Spes est prior audacia, & ira, vt dictum est.

Ad 3. Negatur maior. Appetitus enim, primo, & per se mouetur in bonum. Et ex hoc causatur, quod recedat à malo. Ad probationem dicitur, quod motus appetitiuæ partis, proportionatur, non quidem motui naturali, sed intentioni naturæ. Sicut enim natura, prius intendit finem, quæ remotionem contrarij impediens, quam non querit, nisi propter adaptionem finis. Sic appetitus, prius fertur in bonum, ex quo postea sequitur, quod à malo recedat.

ARTICVLVS IV.

Vtrum Istæ sint quatuor principales passionēs, scilicet Gaudium, Tristitia, Spes, & Timor.

Pro Negatiua.

Videtur, quod non sint istæ quatuor principales passionēs, Gaudium, & Tristitia, Spes, & Timor.

1. August. lib. 14. de Ciuit. Dei cap. 3. connumerans principales passionēs, non ponit spem, sed cupiditatem loco eius. Ergo Desiderium, & non spes, est principalis passio.

2. Si istæ quatuor passionēs sunt principales, aut sunt principales secundum ordinem intentionis, vel secundum ordinem consecutionis. Sed secundum neutrum ordinem principales dici possunt. Ergo Istæ quatuor non sunt principales.

Maiores in passionibus animæ est iste duplex

plex ordo, vt dictum est, scilicet intentionis, & consecutionis, seu generationis.

Minor prob. Secundum ordinem intentionis, Solæ istæ duæ, scilicet, Gaudium & Tristitia sunt principales: Illæ enim sunt solæ principaliter intentæ. Secundum ordinem vero generationis, prima passio est amor, vt dictum est articulo 2. huius questionis.

3. Desperatio est causa timoris, sicut spes est causa audaciæ. Ergo Spes, & desperatio debent poni principales passionēs. vtpotè quæ sunt aliarum causarum. Vel saltem spes, & audacia propter affinitatem, quæ inter eas inuenitur.

Pro affirmatiua.

Poet. lib. de Consol. enumerans quatuor principales passionēs dicit, Gaudia pelle, pelle Timorem, Spemque fugaro, nec Dolor adsit.

Quid sit passionēs esse principales.

Principalitas passionum consistit in hoc, quod sint completiue passionum, respectu quarum dicuntur principales, & eas ultimo per se terminet. Vnde illæ dicuntur passionēs principales, quæ sunt terminatiue per se, & completiue aliarum passionum.

Distinctio. Sed aliquas passionēs esse principales contingit dupliciter. Vno modo simpliciter. Alio modo in aliquo genere.

Illæ sunt principales simpliciter, quæ sunt completiue, & terminatiue per se omnium aliarum passionum, siue concupiscibilis, siue irascibilis. Illæ vero sunt principales in aliquo genere, quæ sunt completiue, & terminatiue per se, non omnium, sed aliquarum tantum passionum.

1. Conclusio. Gaudium, & tristitia sunt passionēs principales simpliciter.

Prob. quia istæ duæ passionēs sunt completiue, & finales simpliciter omnium aliarum passionum, vnde ad omnes passionēs consequuntur, vt dicitur 2. Ethic. cap. 5.

2. Conclusio. Spes, & timor sunt passionēs principales, non quidem simpliciter, sed in genere motus appetitiui ad aliquid, scilicet omnium illarum passionum, quæ sunt, vel principium motus in executione, vel sunt motus ad aliud redentes.

Prob. Nam respectu boni, incipit motus in amore, procedit in desiderium, & terminatur in spe. Respectu vero mali, incipit in odio, procedit ad fugam, & terminatur in timore. Ex quibus patet, quod Spes est ultimum terminans passionēs tendentes in bonum, & timor passionēs tendentes in malum.

Alia assignatio.

Potest etiam aliter assignari sufficientia harum principalium passionum.

Conclusio. Passiones principales sunt quatuor, scilicet Gaudium, Tristitia Spes, & Timor.

Manifestatur. Obiectum enim appetitus est bonum, & malum, præsens, vel futurum. Passiones, quæ significant motum, respiciunt bonum, vel malum futurum. Quæ significant quietem, bonum, vel malum præsens.

De bono præsenti est gaudium.

De malo præsenti est tristitia.

De bono futuro est spes.

De malo futuro est timor.

Aliæ vero passionēs, quæ sunt de malo, vel bono præsenti, vel futuro, ad has reducuntur, vel simpliciter, vel in genere motus. Simpliciter omnes terminantur ad gaudium, vel tristitiam. In genere motus ad spem, & timorem, ut dictum est.

Aliorum assignatio.

Conclusio. Prædictæ quatuor passionēs sunt principales.

Prob. quia Sunt generales. Hæc probatio vera est, si spes, & timor designent motum appetitus tendentem communiter in bonum appetitum, vel malum fugiendum. Si enim spes, & timor sumantur prout contradistinguuntur alijs passionibus, generales esse non possunt.

Ad Argumenta.

Ad 1. Dicitur, quod August. ponit desiderium, vel cupiditatem, loco spei, in quantum ad idem pertinere videntur, idest ad bonum futurum.

Ad 2. Dicitur, quod istæ passionēs dicuntur principales secundum ordinem intentionis, & complementi. Ad cuius probationem dicitur, quod quævis Spes, & Timor non sunt ultimæ passionēs simpliciter, sunt tamen ultimæ in genere passionum tendentium in aliud, quasi in futurum: nec potest esse instantia, nisi de ira, quæ tamen non potest poni principalis passio, quia est quidam effectus audaciæ, quæ non potest esse passio principalis, ut infra diceretur.

Ad 3. Dicitur ad antec. quod desperatio importat recessum à bono, quod est quali per accidens. Et audacia importat accessum ad malum, quod etiam est per accidens. Ideo hæc passionēs non possunt esse principales, quia quod est per accidens, non potest dici principale, & sic etiam nec ira potest dici passio principalis, quæ consequitur audaciam.

DE PASSIONIBVS
Animæ in speciali.

Consequenter considerandum est de passionibus animæ in speciali.

Et primo de passionibus concupiscibilis, à q. 26. usque ad 30. inclusive.

Secundo de passionibus irascibilis à quæst. 40. usque ad quæst. 48.

De Passionibus concupiscibilis.

Prima consideratio erit tripartita.

Primo considerabimus de amore, et odio in quæstionibus 26. 27. 28. 29.

Secundo de Concupiscentia, & fuga, in quæstione 30.

Tertio de Delectatione, & tristitia, à q. 31. usque ad 39. inclusive.

De amore, & odio.

Circa primum duo sunt consideranda.

Primo de amore in quæst. 26. 27. 28.

Secundo de odio in quæst. 29.

De amore.

Circa Amorem consideranda sunt tria.

Primo de ipso amore, in quæst. 26.

Secundo de causa amoris, in quæst. 27.

Tertio de effectibus eius, in quæst. 28.

QVÆSTIO XXVI.

DE AMORE SECUNDVM SE.

ARTICVLVS I.

Vtrum Amor sit in concupiscibili.

Pro Negativa.

Videtur, quod Amor non sit in concupiscibili.

1. Actus, quo homo tendit in sapientiam, non est in concupiscibili. Sed Amor est actus, quo homo tendit in sapientiam. Ergo Amor non est in concupiscibili.

Maior. Cum concupiscibilis sit pars appetitus sensitiui, non potest tendere in sapientiam per aliquid suum actum, eo quod sapientia non comprehendatur sensu.

Minor. quia Sapientia 8. dicitur. Hanc amari, scilicet sapientiam.

2. Non omnis passio est in concupiscibili. Sed Amor est idem cuilibet passioni. Ergo Amor non est in concupiscibili solum, sed etiam in irascibili. Minor. quia Aug. dicit lib. 14. de Ciuit. Dei. c. 17. Amor inhians habere, quod amatur, cupiditas est, id autem habens, eoque fruens lætitia, & fugiens

giens, quod ei aduersatur, timor est, idq; si acciderit sentiens, tristitia est.

3. Amor naturalis videtur pertinere ad vires naturales, quæ sunt animæ vegetabilis. Sed est qui dam amor naturalis, vt Dionysius dicit 4. cap. de diuin. nom. Ergo Amor non est simpliciter in concupiscibili.

Pro Affirmatiua.

Philos. 2. Topic. cap. 3. dicit, quod Amor est in concupiscibili.

Determinatio.

Distinctio. Amor est triplex. scilicet Naturalis, Sensitiuus, & Intellectiuius.

Manifestatur. Amor enim est aliquid pertinens ad appetitum: & ratio est, quia Amor habet pro obiecto ipsum bonum, sicut appetitus. Vnde secundum differentiam appetitus est differentia amoris. Appetitus autem est triplex. Quidam, qui consequitur apprehensionem, non ipsius appetentis, sed alterius, & hic dicitur appetitus naturalis. Res enim naturales appetunt, quod eis conuenit secundum naturam suam, non per apprehensionem propriam, sed per apprehensionem institutis naturam, vt prima parte. quest. 103. artic. 1. dictum est. Alius est appetitus consequens apprehensionem ipsius appetentis, sed ex necessitate, & non ex libero iudicio, & talis est appetitus sensitiuus in brutis, qui appetitus in hominibus inuenitur quidem, sed participat aliquid libertatis, in quantum obedit rationi. Alius tandem est appetitus consequens apprehensionem appetentis, secundum liberum iudicium, & talis est appetitus rationalis, siue intellectiuius, qui dicitur voluntas. In vno quoque autem horum appetituum inuenitur principium, quo tendit in id, quod est apprehensum, vel per alienam, vel per propriam apprehensionem, & huiusmodi principium motus, quo appetitus tendit in finem apprehensum, dicitur amor.

Principium igitur motus, quo res naturalis tendit in id, quod sibi secundum suam naturam est conueniens; dicitur amor naturalis, sicut principium, quo graue tendit ad medium, potest dici amor naturalis ipsius grauis, & sic de alijs. Principium vero, quo appetitus sensitiuus tendit in finem apprehensum per sensum, dicitur amor sensitiuus. Et principium, quo voluntas tendit in rem apprehensam ab intellectu, tanquam in finem, dicitur amor intellectiuius.

Et sic patet, quod secundum triplicem appetitum. scilicet Naturalem, Sensitiuum, & Intellectiuium, est triplex amor. scilicet naturalis, sensitiuus, & intellectiuius, & quid sit vnumquodque horum. In proposito est sermo de amore sensitiuo.

Conclusio. Amor, qui pertinet ad appetitum sensitiuum, est in concupiscibili.

Prob. Cuius obiectum est bonum sensibile absolute, est in concupiscibili. Sed Obiectum amoris est bonum sensibile absolute. Ergo Amor est in concupiscibili.

Maiores probatur. quia Concupiscibilis, & irascibilis differunt per hoc, quod obiectum illius est bonum absolute. Istius vero est bonum arduum, vt dictum est in præced.

Ad Argumenta.

Ad 1. Negatur minor de amore sensitiuo. Ad probationem dicitur, quod illa autoritas loquitur de amore intellectiui, vel rationali.

Ad 2. Dicitur ad minorem, & ad eius probationem, quod amor dicitur esse timor, gaudium, cupiditas, & tristitia, non essentialiter, sed casualiter.

Ad 3. Dicitur ad maiorem, quod Amor naturalis, non solum est in virtutibus animæ vegetatiuæ, sed in omnibus potentibus animæ, & etiam in omnibus partibus corporis, & vniuersaliter in omnibus rebus, quia vt Dionysius dicit 4. cap. de diuin. nomin. Omnibus est pulchrum, & bonum amabile, cum vnaquæque res habeat connaturalitatem ad id, quod est sibi conueniens secundum suam naturam.

ARTICVLVS II.

Vtrum Amor sit passio.

Pro Negatiua.

Videtur, quod Amor non sit passio.

1. Nulla virtus est passio. Omnis Amor est quædam virtus, vt Dionysius dicit 4. c. de diuin. nom. Ergo Amor non est passio.

2. Vnio, vel nexus non est passio. Amor est vnio, vel nexus, ut Aug. dicit lib. 3. de Trinit. ca. 10. Ergo Amor non est passio.

3. Passio est quidam motus, ut Damascenus dicit lib. 2. Orth. fid. Amor non est motus, sed principium motus desiderij. Ergo Amor non est passio.

Pro affirmatiua.

Philos. dicit 8. Ethicor. cap. 5. quod Amor est passio.

Determinatio.

Conclusio. Amor est passio, proprie quidem, secundum quod est in concupiscibili, communiter autem, & extenso nomine, secundum quod est in voluntate.

Prob. Quod consistit in immutatione appetitus, est passio, proprie, vel communiter. Sed Amor consistit in quadam immutatione appetitus. Ergo Amor est passio, proprie, respectu appetitus sensitiui.

ui, communiter vero, respectu voluntatis.

Minor prob. Sicut se habet patiens ad agens, ita appetitus ad appetibile, est enim appetibile, quod mouet appetitum. Sed Agens causat passionem in passum immutando ipsum. Ergo Et appetibile mouet appetitum, immutando ipsum.

Manifestatur tota hæc ratio. Nā agēs, cuius effectus est passio, duplicem effectum producit in passum, scilicet formam, & motum consequentem formam, sicut generans dat corpori gravitatem, & motum consequentem ipsam gravitatem, quæ potest quodammodo dici amor naturalis, quo in locum sibi naturalem tendit. Sic etiam appetibile, dat appetitui duo, scilicet coactionem siue inclinationem ad ipsum, & ex hoc sequitur motus, quo appetitus ad appetibile consequendum mouetur, hæc autem sunt per immutationem, propriam quidem respectu appetitus sensitui, cuius organum corporaliter immutatur. Improprie vero, siue communiter, respectu voluntatis, quæ non potest pati passione proprie dicta, secundum quod dictum est q. 2. art. 1.

Ad argumenta.

Ad 1. Neg. minor. Ad probationem dicitur, quod amor vocatur virtus a Dionysio, non quia sit vere virtus, sed quia habet hoc, quod sit principium motus, vel actionis, quod quidem habet commune cum virtute, quæ & ipsa est operationis principium, & ratione huius, quod amor habet commune cum virtute, dictus fuit a Dionysio virtus.

Ad 2. Neg. minor. Amor enim non est ipsa relatio vnionis, sed est causa ipsius, & vnio est effectus amoris, ut dicunt Dionysius & Phil. Quādo igitur dicitur, quod amor est vnio, vel nexus, intelligitur, non formaliter, nec identice, sed causaliter, scilicet quia est causa nexus eorum, ad quæ est amor.

Ad 3. Dicitur ad minorem, quod amor est motus, & principium motus. Est principium motus, quo appetitus tendit in appetibile, & est motus, quo appetitus immutatur ab appetibili, ut ei complacatur.

ARTICVLVS III.

Utrum Amor sit idem quod dilectio.

Pro Affirmatiua

Videtur, quod Amor sit idem quod dilectio.

1. Quatuor, & bis duo, idem significant. Sed Amor, & dilectio se habent sicut quatuor, & bis duo, & sicut rectilineum, & habens rectas lineas, ut Dionysius dicit, 4. cap. de diu. nom. Ergo Amor, & dilectio sunt idem.

2. Appetitui motus, quorum est idem obiectum, sunt idem. Sed Amor, & dilectio sunt appetitui motus, quorum est idem obiectum. Ergo Amor, & dilectio sunt idem.

Maior. quia Motus appetitus distinguuntur per obiecta.

3. Si dilectio, & amor in aliquo differunt, maxime in hoc differre videntur; quod dilectio sit in bono accipienda, amor autem in malo, ut quidam dixerunt, secundum quod Augustinus narrat in 14. de Ciuit. Dei. c. 7. Sed hoc modo non differtur: quia ut ibidem Augustinus dicit, in sacris scripturis vtrumque accipitur in bono, et in malo. Ergo Amor, & dilectio non differunt, sicut ipse Augustinus ibidem concludit, quod non est aliud, amorem dicere, & aliud dilectionem dicere.

Pro Negatiua.

Dionysius 4. cap. de diu. nom. ait, quod quibusdam sanctorum visum est, diuinius esse nomen amoris, quam nomen dilectionis.

Determinatio.

Conclusio. Hæc quatuor nomina Amor, dilectio, Caritas, & Amicitia, quodammodo ad idem pertinent, sed tamen differunt ab inuicem, nec sunt conuertibiles idem.

Prob. prior pars. quia Omnia huiusmodi nomina significant principium motus, quo appetitus tendit in bonum absolute.

Altera pars prob. quia Amicitia est quasi habitus quidam, ut Philosophus dicit. Amor vero, & dilectio significantur per modum actus. Caritas autem utroque modo accipi potest. Hæc autem tria, scilicet Amor, Dilectio, & Caritas, differunt ab inuicem, per hoc quod amor est communior inter ea. Omnis enim dilectio, & Caritas est amor, sed non omnis amor est dilectio. Dilectio enim addit supra amorem electionem præcedentem, ut ipsum nomen sonat. Vnde amor est in concupiscibili, & voluntate. Dilectio vero est in voluntate tantum, quia solum in parte rationali est electio. Caritas autem addit supra amorem, & dilectionem perfectionem quādam amoris, in quantum id, quod amatur magni pretij æstimatur, ut ipsum nomen designat.

Hæc est igitur differentia inter ista quatuor. Amicitia differt ab alijs, quia est quasi habitus. Amor vero, Dilectio, & Caritas significantur ut actus. Amor differt ab alijs duobus, scilicet Dilectione, & Charitate, quia Amor est quid cōmunius, & et alia duo addunt. Et iterum, quia Amor est in utroque appetitu, Caritas vero, & Dilectio in voluntate tantum. Caritas a Dilectione differt quia Caritas potest accipi, ut actus, & ut habitus. Dilectio

Etio verò, & amor, solum vt actus. Et iterū quia Charitas addit ad amorem, & dilectionem, quādam amoris perfectionem.

Ad argumenta.

Ad 1. Negatur minor. Ad probationem dicitur, quod Dionys. loquitur de amore, & dilectione, secundum quod sunt in appetitu intellectiuo: sic enim amor idem est, quod dilectio.

Ad 2. Dicitur ad minorem, quod obiectum amoris est communius, quam obiectum dilectionis: quia ad plura se extendit amor, quā dilectio, sicut dictum est.

Ad 3. Dicitur, quod non differunt amor, & dilectio, secundum differētiā boni, & mali, sed sicut dictum est: in parte tamen intellectiua, idē est amor, & dilectio. Et sic loquitur ibi Aug. de amore. Vnde parum post subdit, quod recta voluntas est amor bonus, & quod peruersa voluntas est malus amor. Quia tamen amor, qui est passio concupiscibilis, plurimos inclinat ad malum, inde habuerunt occasionem, qui prædictam differētiā assignauerunt.

Ad Argumentum Pro Negatiua.

Ad argumentum pro negatiua dicitur, quod ideo aliqui posuerunt etiam in ipsa voluntate nomen amoris, esse diuinius nomine dilectionis: quia amor importat quandam passionem, præcipue secundum quod est in appetitu sensitiuo, dilectio autem præsupponit iudicium rationis: magis autē in Deum homo potest tendere per amorem, passiue quodammodo ab ipso Deo attractus, quā ad hoc eum propria ratio possit ducere, quod pertinet ad rationem dilectionis, vt dictum est, & propter hoc diuinius quid est amor, quā dilectio.

ARTICVLVS IV.

Vtrum Amor cōuenienter diuidatur in amorem amicitiae, & amorem concupiscentiae.

Pro Negatiua.

VIdetur, quod Amor inconuenienter diuidatur in amorem amicitiae, & amorem concupiscentiae.

1. Habitum non potest esse pars diuisiua passionis. Sed Amor est passio, Amicitia vero est habitus, vt Phil. dicit. 8. Ethic. c. 5. Ergo Amor non cōuenienter diuiditur per amorem concupiscentiae, & amicitiae.

2. Nihil diuiditur per id, quod ei connumeratur. Sed Concupiscentia amoris connumeratur, Ergo Inconuenienter diuiditur per concupiscentiam amor.

Maiores. quia Animal diuiditur per hominem, & brutum, quia nec homo, nec brutum animali connumerantur.

Minor. quia Concupiscentia, siue desiderium est vna passio diuersa ab amore, vt ex dictis patet. 3. Phil. 3. Ethic. dicit, quod triplex est amicitia. scilicet delectabilis, & honesta. Sed Amicitia utilis, & delectabilis habet concupiscentiam. Ergo Concupiscentia nō debet diuidi contra amicitia.

Pro Affirmatiua.

Quādam dicimur amare, quia ea concupiscimus: sicut dicitur aliquis amare vinum, propter dulce, quod in eo concupiscit, vt dicitur in 3. Topic. c. 2. Sed Ad vinum, & ad huiusmodi non habemus amicitiam, vt dicitur 8. Ethic. c. 11. Ergo Alius est amor concupiscentiae, & alius est amor amicitiae.

Determinatio.

Conclusio. Amor cōuenienter diuiditur in amorem amicitiae, & in amorem concupiscentiae.

Prob. Motus amoris in duo tendit, scilicet in bonū, quod quis vult sibi, vel alijs: Et in id, cui bonum vult. Puta amor patris tendit in filium, & in scientiam, quam vult filio. Ergo Cōuenienter diuiditur amor, in amorem amicitiae, & concupiscentiae.

Antec. prob. quia Amare est velle bonum aliqui, vt Phil. dicit 2. Rhet. c. 4.

Vadē motus amoris in illa duo tendit, scilicet in bonum volitum, & in id, cui bonum est volitum.

Conseq. prob. quia Ad Illud bonū, quod quis vult alteri, habetur amor concupiscentiae. Ad illud autem, cui aliquis vult bonum, habetur amor amicitiae.

Qualis sit hæc diuisio amoris.

Conclusio. Diuisio amoris, per amorem concupiscentiae, & amicitiae, est diuisio per prius, & posterius: ita quod amor amicitiae, est amor simpliciter, amor verò concupiscentiae, est amor secundum quid.

Manifestatur. Sicut enim ens simpliciter dicitur illud, quod habet esse, ens autem secundum quid, dicitur, quod est in alio. Vnde substantia est ens simpliciter, accidens verò secundum quid. Et propterea diuisio entis per substantiam, & accidens, est diuisio secundum prius, & posterius. Ita bonum, quod cum ente conuertitur, simpliciter est, quod habet ipsam bonitatem, quod verò est bonum alteri, est bonum secundum quid, & per consequens amor, quo amatur id, quod est bonum amanti, est amor simpliciter. Amor autem, quo amatur aliquid, vt sit bonum alteri, est amor secundum quid. Id ergo quod amatur amore amicitiae simpliciter, & per se amatur, quod verò amatur amore concupiscentiae, non simpliciter, & secundum se amatur, sed alteri.

Ad

Ad argumenta.

Ad 1. Dicitur ad maiorem, quod Amor non dividitur, per amicitiam, & concupiscentiam, sed per amorem amicitiae, & concupiscentiae. Nam ille proprie dicitur amicus, cui aliquod bonum voluit. Illud autem dicimur concupiscere, quod volumus nobis. Et similiter dicitur ad maiorem secundum.

Ad 3. Dicitur, quod in amicitia vili, & delectabili vult quidem aliquis, aliquod bonum amico: & quantum ad hoc saluatur ibi ratio amicitiae. Sed quia illud, bonum refert ulterius ad suam delectationem, et utilitatem, inde est, quod amicitia utilis, & delectabilis, in quantum trahitur ad amorem concupiscentiae deficit a ratione verae amicitiae.

QVÆSTIO XXVII.

DE CAUSA AMORIS.

ARTICVLVS I.

Vtrum Bonum sit sola causa amoris.

Pro Negativa.

Videtur, quod non solum bonum sit causa amoris.

1. Quod amatur, est causa amoris. Sed Malum amatur. Ergo Non solum bonum, sed etiam malum, est causa amoris.

Maior. quia Ideo bonum est causa amoris, quia amatur.

Minor prob. dupliciter. Primo dicitur in Psalm. 10. Qui amat iniquitatem odit animam suam. Secundo quia si malum amari non posset, omnis amor esset bonus, quod tamen est falsum.

112. Amanus eos, qui mala sua dicunt, ut Philosoph. dicit 2. Rhet. cap. 4. Ergo Malum est causa amoris.

3. Quod est amabile, est causa amoris. Sed Non solum bonum, sed etiam pulchrum est omnibus amabile, ut Dionys. dicit 4. cap. de diu. nom. Ergo Etiam pulchrum est causa amoris.

Pro Affirmativa.

Illud, quod solum amatur, solum est causa amoris. Sed Solum bonum amatur, ut August. dicit 8. de Trinit. cap. 3. Ergo solum bonum est causa amoris.

Determinatio.

Conclusio. Bonum est propria causa amoris. Prob. Illud, quod est amoris obiectum, est proprie amoris causa.

Sed solum bonum est proprie amoris obiectum.

Ergo Solum bonum est propria amoris causa.

Maior prob. quia Amor pertinet ad appetitivam potentiam, quæ est vis passiva, & propterea eius obiectum comparatur ad ipsam, ut causa motrix, & actus ipsius.

Minor prob. quia Amor importat quandam connaturalitatem, & complacentiam amanti ad amatum, hoc autem est bonum: quod enim est alicui proportionatum, & connaturale, est eius bonum. Obiectum igitur amoris est bonum.

Ad Argumenta.

Ad 1. Negatur minor. Malum enim nunquam amatur, nisi sub ratione boni, scilicet, in quantum est secundum quid bonum, & apprehenditur, ut simpliciter bonum, & sic aliquis amor est malus, in quantum tendit in id, quod non est simpliciter verum bonum, & per hunc modum homo diligit iniquitatem, in quantum per iniquitatem adipiscitur aliquod bonum, puta delectationem, vel pecuniam, vel aliquid huiusmodi.

Ad 2. Dicitur ad antec. quod illi, qui mala sua dicunt, non propter mala amantur, sed propter hoc, quod dicunt mala, hoc enim, quod est dicere mala sua, habet rationem boni, in quantum excludit fictionem, seu simulationem.

Ad 3. Dicitur ad maiorem, quod pulchrum potest considerari dupliciter. Vno modo, ut est idem realiter cum bono. Alio modo, ut distinguitur a bono secundum rationem. Sunt enim bonum, & pulchrum idem realiter, sed differunt secundum rationem. Ratio enim boni consistit in hoc, quod in eo quietetur appetitus. Ratio autem pulchri est ut appetitus quietetur in eius aspectu, siue in eius cognitione. Vnde ad quietandum appetitum in bono non sufficit eius cognitio, sed necessarium est ulterius, ut appetitus consequatur illud. Ad quietandum vero appetitum in pulchro, ut sic, sufficit aspectus, vel cognitio pulchri: & hac ratione illi sensus pulchrum respiciunt, qui maxime cognoscitui sunt, & hi sunt visus, & auditus. Vnde dicimus pulchros colores, & pulchros sonos, non autem dicimus pulchros odores, vel saporos. Bonum igitur dicitur id, in quo appetitus sibi complacet. Pulchrum vero dicitur illud, in cuius cognitione, vel aspectu sibi complacet appetitus. Si igitur consideretur pulchrum, ut est idem re cum bono, est causa amoris, sicut & bonum. Si vero consideretur, ut ratione differat a bono, non est causa amoris. Et ad Dionys. dicitur, quod pulchrum est omnibus amabile, quatenus est bonum.

ARTICVLVS II.

Vtrum Cognitio sit causa amoris.

*Pro Negatiua.***V**idetur, quod Cognitio non sit causa amoris.

1. Quædam amantur, quæ tamen non cognoscuntur. Ergo Cognitio non est causa amoris.

Antec. Quod queritur, amatur: Cōtingit enim ex amore, vt aliquid queratur. Sed Quædam, quæ nesciuntur, queruntur, vt sunt sciētia. Ergo Quædam amantur, & non cognoscuntur.

Minor huius quia Scientias habere, est eas cognoscere, vt Aug. lib. 83. q. 3. s. dicit. Vnde cum scientiæ queruntur, non habentur, & sic non cognoscuntur, & tamen amantur, quia queruntur.

2. Aliquid plus amatur, quam cognoscatur. Ergo Cognitio non est causa amoris.

Antec. quia Deus in hac vita per se ipsum potest amari, non autem potest per se ipsum cognosci, & sic magis amatur, quam cognoscatur.

Conseq. prob. quia Eiusdem rationis videtur esse, quod aliquid incognitum ametur, & quod aliquid ametur plusquam cognoscatur. Si enim cognitio esset causa amoris, non posset amor cognitionem excedere.

3. In aliquibus inuenitur amor, in quibus non inuenitur cognitio. Ergo Cognitio non est causa amoris.

Antec. prob. quia Amor inuenitur in omnibus rebus, vt Diony. dicit, 4. c. de diu. nom. Cognitio vero non inuenitur in omnibus: In graui enim est amor ad locum deorsum, & tamen non est in eo aliqua cognitio, est sic est in alijs, quæ naturaliter mouentur.

Pro Affirmatiua.

Aug. 10. de Trin. dicit, quod nullus potest amare aliquid incognitum.

Determinatio.

Conclusio. Cognitio est causa amoris.

Prob. primo. Illud, sine quo bonum non potest esse obiectum appetitus, est causa amoris. Sed Sine cognitione bonum non potest esse obiectum appetitus. Ergo Cognitio est causa amoris.

Maior. quia Bonum est causa amoris per modum obiecti, vt dictum est. Vnde oportet, ad hoc vt bonum amari possit, obijciatur appetitui, siue sensitui, siue intellectui.

Minor. quia Bonum non est obiectum, nisi vt apprehensum.

Et breuiter prob. conclusio. Bonum non potest amari nisi cognitum. Ergo Cognitio est causa amoris.

Antec. quia Obiectum appetitus est bonum cognitum.

Secundo Prob. Conclusio. quia Phil. 2. Ethic

cap. 5. dicit, quod Visio corporalis, est principium amoris sensitiui, & contemplatio spiritalis puritatis, vel bonitatis, est principium amoris spiritalis.

Ad argumenta.

Ad 1. Neg. antec. Ad probationem dicitur ad minorem, quod scientiæ, quando queruntur, non omnino ignorantur. Illæ enim, quæ querit scientiam, non omnino eam ignorat, sed secundum aliquid eam præcognoscit, vel in vniuersali, vel in aliquo eius effectu, vel per hoc, quod audit eam laudari, vt Aug. dicit, 10. de Trin. c. 1. Sic autem eam cognoscere, non est eam habere, sed cognoscere eam per se, est eam habere.

Ad 2. Neg. conseq. Ad probationem negatur assumptum. non enim est eiusdem rationis, quod incognitum non ametur, & quod minus cognitum minus ametur, ita vt sicut nulla existente cognitione, nullus est amor, sic minori existente cognitione, non possit esse maior amor. Et ratio est, quia aliquid requiritur ad perfectionem cognitionis, quod tamen non requiritur ad perfectionem amoris. Cognitioni enim ad rationem pertinet, cuius est distinguere inter ea, quæ secundum rem sunt coniuncta, & componere quodammodo ea, quæ sunt diuersa, vnum alteri comparando: & ideo ad perfectionem cognitionis requiritur, quod homo cognoscat sigillatim quidquid est in re, sicut partes, & virtutes, & proprietates. Sed amor est in vi appetitiua, quæ respicit rem secundum quod in se, est vnde ad perfectionem amoris sufficit, quod res (pro vt in se apprehenditur) ametur. Ob hoc ergo contingit, quod aliquid plus amatur, quam cognoscatur, quia potest perfecte amari, etiam si non perfecte cognoscatur. Sicut maxime patet in scientijs, quas aliqui amant, propter aliquam summariam cognitionem, quæ de eis habent, puta quod sciunt, Rhetoricam esse scientiam per quam homo potest persuadere, & hoc in Rhetorica amant. Et similiter est dicendum circa amorem Dei.

Ad 3. Neg. antec. Ad probationem dicitur, quod etiam amor naturalis, qui est in omnibus rebus, cansatur ex aliqua cognitione, non quidem in ipsis rebus naturalibus existēte, sed in eo, qui naturam instituit.

ARTICVLVS III.

Vtrum Similitudo sit causa amoris.

*Pro Negatiua.***V**idetur, quod similitudo non sit causa amoris. 1. Quod est causa odij non est causa amoris. Sed Similitudo est causa odij. Ergo Non est causa amoris.

Minor

Minor prob. quia Prouerb. 13. dicitur, quod Inter superbos semper sunt iurgia. Et 8. Ethic. c. 1. dicitur, quod figuli corrumpantur ad inuicem.

Maior prob. quia Idem non potest esse causa contrariorum.

2. Aliquis amat in alio, quod esse non vellet, vt Aug. dicit 4. Confess. cap. 14. Ergo Similitudo non est causa amoris.

Conseq. prob. quia Si similitudo esset causa propria amoris, homo amaret in altero, quod habet, vel vellet habere.

3. Homo amat id, quo indiget, etiam si caret illo; sicut infirmus amat sanitatem, & pauper diuitias. Ergo Non solum similitudo, sed etiam dissimilitudo est causa amoris.

Conseq. prob. quia In quantum quis caret aliqua re, habet dissimilitudinem ad ipsam. Infirmitas enim, vt indiget, & caret sanitate, habet dissimilitudinem ad sanitatem.

4. Omnes diligunt beneficos, & eos, qui in amicitia sunt perseverantes, quamuis ipsi non sint perseverantes, & benefici. Ergo Similitudo non est causa amoris.

Antec. prob. quia Phil. dicit 2. Rhet. c. 4. quod Beneficos in pecunias, & salutem amamus.

Conseq. prob. quia Non omnes sunt benefici, & perseverantes in amicitia, qui tamen beneficos, & perseverantes diligunt.

Pro Affirmatiua.

Eccles. 13. dicitur Omne animal diligit sibi simile.

Determinatio.

1. Conclusio. Similitudo, proprie loquendo, est causa amoris.

Hæc conclusio remanet probata ex autoritate sacre scripturæ adducta in argumento pro affirmatiua.

Distinctio. Similitudo inter aliqua potest attendi dupliciter. Vno modo ex hoc, quod vtrumque habet idem in actu: sicut duo habentes albedinem dicuntur similes. Alio modo ex hoc, quod vnum habet in potentia, & in quadam inclinatione illud, quod aliud habet in actu: sicut si dicamus, quod corpus graue existens extra suum locum, habet similitudinem cum corpore graui in suo loco existenti.

2. Conclusio. Similitudo primi modi causat amorem amicitia, seu beneuolentia.

Prob. Quod est causa amoris eiusdem ad se ipsum, esse causa amoris amicitia, vel beneuolentia. Sed Similitudo primi modi est causa amoris, quasi eiusdem ad se ipsum. Ergo Similitudo primi modi est causa amoris amicitia.

Maior. quia Amor ad se ipsum est amor amicitia.

Minor prob. quia Ex hoc, quod aliqui duo sunt similes, quasi habentes vnam formam, sunt quodammodo vni in forma illa: sicut duo homines sunt vnum in specie humanitatis, & duo albi in albedine, & ideo effectus vnus tendit in alterum, sicut in vnum sibi, & vult ei bonum, sicut & sibi.

3. Conclusio. Secundus modus similitudinis causat amorem concupiscentia.

Prob. quia Vnicuique existenti in potentia, in quantum huiusmodi, inest appetitus sui actus, & in eius consecutione delectatur, si sit sentiens, & cognoscens.

4. Conclusio. Similitudo potest esse causa odij.

Prob. Quod potest esse impedimentum proprii boni, potest esse causa odij. Sed Similitudo potest esse impedimentum proprii boni. Ergo Potest esse causa odij, non in quantum similitudo, sed in quantum impedimentum.

Maior prob. quia Vnusquisque magis amat se ipsum, quam alium, quia sibi est vnus in substantia, alteri vero in similitudine alicuius formæ. Et ideo si ex eo, quod est sibi similis in participatione formæ, impeditur a consecutione boni, quod amat, efficitur ei odiosus. Non quia similis, sed quia impedit proprium bonum.

Minor. quia Figuli propterea rixantur, eo quod, cum sint similes in arte, vnus impedit bonum alterius. Similitudo igitur, non per se, sed per accedens est causa odij, inter eos, qui in aliquo sunt similes.

Ad argumenta.

Ad 1. Iam dictum est, quod similitudo per accedens est causa odij, & in forma dicitur ad maiorem, quod id, quod est causa amoris, non est per se causa odij, potest tamen esse per accedens causa. Et ad probationem dicitur, quod idem per se, non est causa contrariorum, per accedens autem secus est.

Ad 2. Negatur conseq. Ad probationem dicitur, quod etiam in hoc quod aliquis in altero amat, quod in se non amat, inuenitur bonum similitudinis, secundum proportionalitatem: nam sicut se habet alius ad hoc, quod in alio amat, ita ipse se habet ad hoc, quod in se amat: puta si bonus cantor bonum amet scriptorem, attenditur ibi similitudo proportionis, secundum quod vterque habet, quod conuenit ei, secundum suam artem.

Ad 3. Negatur conseq. Ad probationem dicitur, quod quando quis amat, quod actu non habet, & habere desiderat, habet ad illud, quod habere desiderat, amorem concupiscentia, & est ei similis, secundum similitudinem secundi modi, quia sufficit ad amorem concupiscentia, vt dictum est. Vnde quia infirmus est potentia sanus, habet similitudinem

tudinem secundi modi ad ipsam sanitatem, & propterea eam concupiscit.

Ad 4. Dicitur dupliciter. Primo neg. conseq. Ad probationem dicitur, quod quando quis non est beneficus, & beneficos diligit, diligit eos amore concupiscentis, quatenus ex liberalitate eorum aliquid expectat, quod desiderat. Vnde est eis similis secundum potentiam. Et hæc similitudo sufficit ad hoc genus dilectionis, vt dictum est.

Dicitur secundo ad probationem consequentiam, quod licet non omnes habeant huiusmodi virtutes, secundum habitum completum, habent tamen eas secundum quædam seminalia rationis, secundum quæ, qui non habet virtutem, diligit virtuosum, tanquam sup. naturali rōni conformē.

ARTICVLVS IV.

Vtrum Aliqua alia passionum animæ sit causa amoris.

Pro Affirmatiua

Videtur, quod Aliqua alia passio possit esse causa amoris.

1. Delectatio est causa amoris. Delectatio est quædam passio. Ergo Quædam alia passio est causa amoris.

Minor. quia Phil. 8. Etic. c. 3. dicit, quod Aliqui amantur propter delectationem.

2. Desiderium est causa amoris. Desiderium est quædam passio. Ergo Quædam passio est causa amoris.

Maiores prob. quia Amamus aliquos propter desiderium alicuius, quod ab eis expectamus: sicut apparet in omni amicitia, q̄ est propter utilitatē.

3. Spes est causa amoris. Spes est quædam passio. Ergo Aliqua passio est causa amoris.

Maiores. quia Aug. 10. de Trin. cap. 1. dicit, quod Cuius rei adipiscendæ spem quisque non gerit, aut tepide amat, aut omnino non amat.

Pro Negatiua

Omnes aliz affectiones animæ ex amore causantur, vt Aug. dicit libro 14. de Trin. cap. 7. Ergo Nulla passio animæ est causa amoris.

Determinatio.

Distinctio. Aliquam aliam animæ passionem esse amoris causam, potest dupliciter intelligi. Vno modo vniuersaliter. Alio modo particulariter. Esse causam amoris vniuersaliter, est præcedere omnem amoris actum, & omnem amorē causare. Particulariter vero, vt aliqua passio causet aliquem amoris actum, non tamen omnem.

1. Conclusio. Impossibile est, vt aliqua alia passio animæ sit causa vniuersaliter omnis amoris.

Prob. Illud, quod supponit amorem, non est

causa amoris. Sed Omnis alia passio animæ præsupponit amorem. Ergo Nulla passio animæ potest causare vniuersaliter amorem.

Minor prob. Omnis motus ad aliqd, vel quies in aliquo præsupponit coaptationem, & connaturalitatem quendam eius, quod mouetur, vel quiescit ad id, ad quod mouetur, vel ad id, in quo quiescit. Sed Omnes aliz animæ passionēs sunt vel motus ad alqd, vel quies in aliquo, vt dictum est. Amor vniuersalis est in bono naturalitas, in huiusmodi amara præsupponit amorem.

2. Conclusio. Contra aliquam passionem esse causam alicuius particularis amoris.

Manifestatur. quia Vnum bonum potest esse causa alterius boni.

Ad argumenta.

Ad 1. Dicitur ad maiorem, & ad eius probationem, quod cum aliquis amat aliquid propter delectationem, amor quidem ille causatur ex delectatione, sed delectatio illa iterum causatur ex alio amore præcedente. Nullus enim delectatur nisi in re aliquo modo amata.

Ad 2. Dicitur ad maiorem, & ad eius probationem, quod Desiderium rei alicuius semper præsupponit amorem illius rei. Sed desiderium alicuius rei potest esse causa, vt res alia ametur, sicut qui desiderat pecuniam, amat propter hoc eam, a quo pecuniam recipit.

Ad 3. Dicitur etiam ad maiorem, & ad eius probationem, quod Spes causat, vel augeat amorē, & hoc ratione delectationis, quia delectationem causat. Et etiam ratione desiderij, quia spes desiderium fortificat, non enim ita intense desideramus, quæ non speramus, sed tamen & ipsa spes est alicuius boni amati.

QVÆSTIO XXVIII.

DE EFFECTIBVS AMORIS.

ARTICVLVS I.

Vtrum Vnio sit effectus amoris.

Pro Negatiua.

Videtur, quod vnio non sit effectus amoris.

1. Quod comparitur absentiam, non est causa vnionis. Sed Amor comparitur absentiam. Ergo Amor non est causa vnionis.

Maiores. quia Absentia vnioni repugnat.

Minor probatur. quia Apost. dicit ad Gal. 4. Bonum amulamini in bono, id est in me, vt Glossa dicit, & non tantum cum præsens sum apud vos.

2. Amor non est causa vnionis, quæ est per essentiam, nec vnionis, quæ est per similitudinem, Ergo Vnio non est effectus amoris.

Conseq. prob. quia Omnis vnio, aut est per essentiam, sicut dum forma vnitur materiæ, vel accedens subiecto, vel pars toti, aut alteri parti, ad constitutionem totius. Huiusmodi enim vniones sunt per essentiam. Aut est vnio per similitudinem, vel generis, vt homo, & leo: aut speciei, vt Sortes, & Plato aut accidentis, vt sunt, duo homines habentes eandem inclinationes, scientias, artes, & huiusmodi.

Antec. prob. quo ad vtramq. partem. Non est enim amor causa vnionis, quæ est per essentiam, quia tunc sequeretur, quod amor nunquam haberetur ad ea, quæ sunt diuisa per essentiam, ab amante, quod est falsum. Nec est causa vnionis, quæ est per similitudinem, quia huiusmodi similitudo, non causatur ab amore, sed est amoris causa.

3. Sensus in actu, fit sensibile in actu, & intellectus in actu, fit intellectum in actu: non autem amans in actu, fit amatum in actu. Ergo Vnio magis est effectus cognitionis, quam amoris.

Pro affirmatiua.

Diony. 4. cap. de diu. nom. ait, quod Amor quilibet est virtus vnitiua.

Determinatio.

1. Distinctio. Duplex est vnio amantis ad amatum. Vna quidem secundum rem. Alia secundum affectum. Vnio secundum rem, est cum amatum præsentialiter adest amanti. Vnio vero secundum affectum, est ex apprehensione præcedente boni amati, eo quod motus appetitiuus sequeatur apprehensionem, vt alias dictum est.

2. Distinctio. Bonum, quod apprehenditur ab aliquo duplex esse potest. Est enim aliquod bonum pertinsens ad bene esse apprehendentis, vt sunt scientia, virtus, & huiusmodi. Quoddam est bonum, quod est ipsum esse apprehendentis, vel si sit esse alterius, æstimatur tãquam suum proprium. Quando igitur aliquis apprehendit bonum, quod desiderat sibi, vel alteri pertinsens ad bene esse, fit vnio secundum affectum pertinsens ad amorem concupiscentiæ. Quando veto quis apprehendit proprium esse, vel esse alterius, quod tamen æstimatur proprium, fit vnio secundum affectum pertinsens ad amorem amicitie. Amicus enim dicitur alter ipse, & dum quis vult amico aliquod bonum, vult hoc bonum quasi sibi ipsi, vt Aug. dicebat. 4. Confess. c. 6. quod bene quidam dixit, quod Amicus suus erat dimidium animæ suæ. Vnio igitur secundum affectum est, vel ex apprehensione boni, quod nobis, vel alteri volumus pertinsens ad

bene esse, vel ex apprehensione eius, cui volumus bonum, quod est, vel esse proprium nostrum, vel eius, quem æstimat quis quasi semetipsum. Prima vnio pertinet ad amorem concupiscentiæ. Secunda vero ad amorem amicitie.

1. Conclusio. Vnio secundum rem est effectus amoris in genere causæ efficientis.

Sub alijs verbis. Vnionem realem facit amor effectiue.

Prob. Quod mouet amantem ad desiderium, & querendum præsentiam amati, est causa effectiua realis vnionis amantis, cū amato. Sed Amor mouet amantem ad desiderandum, & ad querendum præsentiam amati, quasi sibi conuenientis, & ad se pertinentis. Ergo Amor est causa effectiua realis vnionis amantis, cum amato.

2. Conclusio. Vnionem affectiuam facit amor formaliter. Siue vnitas affectiua est effectus formalis amoris, amicitie, vel concupiscentie.

Prob. Quod est ipsa vnio, facit vnionem formaliter. Sed Amor est ipsa vnio affectus. Ergo Amor facit vnionem affectiuam formaliter.

Minor prob. authoritate Aug. quæ etiam confirmatur prima Conclusio, dicens 8. de Trin. c. 10. Amor est quasi iunctura quædam, duo aliqua copulans, (scilicet secundum vnionem affectus,) sine qua non est amor, vel copulare appetens (supple secundum rem) scilicet amantem, & quod amatur.

Ad Argumenta.

Ad 1. Dicitur, quod vnio, vt dictum est, duplex est. Realis, siue præsentialis, & Affectiua. Dictum est etiam, quod amor causat vnionem realem effectiue, & vnionem affectiuam formaliter. Et quia causa effectiua præcedit suum effectum, ideo si in maiori argumenti sit sermo de reali vnione, falsa est, scilicet quod illud, quod compatitur absentiam realem, non possit esse causa vnionis: amor enim est causa realis vnionis, sed ante quâ faciat ipsam, compatitur absentiam. Causa vero formalis non potest esse sine suo formali effectui. Vnde quia amor facit vnionem affectiuam formaliter, nunquam amor est sine tali vnione. Et propterea si sermo sit de vnione affectiua, vera est quidem maior, sed negatur minor. Amor enim licet compatiatur se cum absentiam realem, nunquam tamen est sine vnione affectiua. Est autem hæc differentia inter delectationem, desiderium, & amorem, quod delectatio perfecta exigit necessario vnionem realem, quæ est quasi causa delectationis. Vnde delectatio nullam absentiam obiecti, siue rei amate compatitur. Nec realis, nec affectiua: non affectiua, quia sine vnione affectus non est amor, & per consequens nec delectatio. Non realem, quia Realis vnio

Vnio est perfectę delectationis causa. Desiderium uero non compatitur secum absentiam affectiua, eadem ratione, quia sine ipsa non est amor, & inde nec desiderium, tamen desiderium est solum eorum, quæ non sunt præsentia. Vnde delectatio, & desiderium opposito modo se habent, quo ad præsentiam realem. Amor uero non compatitur secum absentiam affectiuam, potest tamen esse, & cum absentia, & cum præsentia reali. Amare enim possumus ea, quæ realiter absunt, & adsunt.

Ad 2. Neg. conseq. Vnio enim, quæ est effectus amoris, non est vnio per essentiam, nec vnio per similitudinem, sed est vnio realis, quam amans querit de re amata. Ad probationem dicitur, quod vnio tripliciter se habet ad amorem. Quædam enim vnio est causa amoris, & hæc quidẽ est vnio substantialis, quæcum ad amorem, quo quis amat se ipsum, quantum vero ad amorem, quo quis amat alia, est vnio similitudinis, vt dictum est. Quædam vero vnio est essentialiter ipse amor, & hæc est vnio secundum coaptationem affectus, quæ quidẽ assimilatur vnioni substantiali, in quantum amans se habet ad amatum, in amore quidem amicitia, vt ad se ipsum, in amore autem concupiscentia, vt ad aliquid sui. Quædam vero vnio est effectus amoris: & hæc est vnio realis, quam amans querit de re amata, & hæc quidem vnio est secundum conuenientiam amoris, vt Phil. dicit. 2. Polyt. cap. 2. Aristophanes dixit, quod amantes desiderarent ex ambobus fieri vnũ, sed quia ex hoc accideret, aut ambos, aut alterum contumpi, quæ tunc vnionem, quæ conuenit, & decet, vt scilicet simul conuersentur, et simul colloquantur, & in alijs huiusmodi coniungantur.

Ad 3. Neg. conseq. Cognitio enim perficitur per hoc, quod cognitum vnitur cognoscenti secundum suam similitudinem. Sed amor facit, quod ipsa res, quæ amatur, amanti aliquo modo vnatur, vt dictum est. Vnde amor est magis vnitius, quam cognitio.

ARTICVLVS II.

Vtrum Mutua inhaesio sit effectus amoris.

Pro Negatiua.

Videretur, quod Amor, non sit causa mutua inhaesionis, scilicet vt amans sit in amato, & e conuerso.

1. Idem non potest esse continens, & contentũ. Ergo Per amorem non potest causari mutua inhaesio, quod amans sit in amato, & amatum in amante.

Conseq. prob. quia Quod est in alio, continetur in eo. Vnde si amatum, sit in amante, continetur ab amante, & amplius non poterit amatum

continere amantem, alioquin idem esset continens, & contentum.

2. Illud est causa mutua inhaesionis, quod potest facere, quod amans penetret interiora amati, & e contra. Sed Amor non potest facere, vt amatum penetret interiora amantis, nec vt amans penetret interiora ipsius amati. Ergo Amor non causat mutua inhaesionem.

Maiores prob. quia Mutua inhaesio fit per hoc, quod amans penetret interiora amati, et e conuerso.

Minor. Diuidere ea, quæ sunt coniuncta, non est opus appetitus, in quo est amor, sed est opus rationis. Sed Penetratio integri nõ fit sine diuisione. Ergo Facere vt amans, & amatum inuicem se penetrent, non est effectus amoris, sed rationis.

3. Si per amorem amans sit in amato, & e conuerso; Sequeretur, quod semper amans amaretur ab amato. Sed Hoc est falsum, vt patet. Ergo Et id, ex quo sequitur, quod mutua inhaesio sit amoris effectus.

Conseq. prob. quia Ipsa vnio est amor. Igitur si amans sit in amato per amorem, sequetur necessario, quod amans semper ametur ab amato, cū ipse amor sit causa mutua inhaesionis, & vnionis.

Pro affirmatiua.

1. Ioan. 4. dicitur. Qui manet in charitate, in Deo manet, & Deus in eo. Charitas autem est amor Dei. Ergo Eadem ratione quilibet amor facit amatum esse in amante.

Determinatio.

Distinctio. Mutua inhaesio amantis, & amati est duplex. Prima, quæ est secundum vim apprehensiuam. Altera, quæ est secundum vim appetitiuam. Secundum vim apprehensiuam amatum dicitur esse in amante, in quantum amatum immoratur in apprehensione amantis. Sicut Philippenses amati a Paulo morabantur in apprehensione, ipsius Sancti Pauli, de quibus ipse ait, Philipp. 1. Eo quod habeam vos in corde. Amans vero dicitur esse in amato secundum apprehensionem, in quantum amans nõ est contentus superficiali apprehensione amati, sed nititur singula, quæ ad amatum pertinent intrinsecus disquirere, & sic ad interiora ei⁹ ingreditur: & sic spiritus sanctus est in sibi dilectis, de quo dicitur 1. Corinth. 2. quod Scrutat etiam profunda Dei. Quantum vero ad vim appetitiuam, amatum dicitur esse in amante, pro vt amatum est secundum quandam complacentiam in affectu amantis, quatenus. scilicet amans cõplacet sibi de amato, quæ complacentia amantis de amato, duplex esse potest. Vna pertinet ad amorem concupiscentia, & altera pertinet ad amorem amicitia. Complacentia pertinet ad amorem concupiscentia est, vel quando amans complacet sibi

de præsentia amati, vel bonorum ipsius amati, vt ipse amās delectetur de amato, vel de bonis amati, vel quando per desiderium tendit in amatum, vel in bona eius absentia, vt in eis sibi amans complaceat. Hæc enim complacentia de amato, vel de bonis eius præsentibus, vel absentibus pertinet ad amorem concupiscentiæ, quia amans nō complacet sibi de amato, vel bonis eius, propter ipsum amatum, sed propter se ipsum amantem. Sicut qñ quis complacet sibi de præsentia auri, vel tendit in aurum per desiderium, ad amorem concupiscentiæ pertinet, & similiter quando quis gaudet de sanitate serui, vel desiderat, & procurat sanitatē serui, pertinet etiam ad amorem concupiscentiæ, quia nec de auro, nec de seruo complacet propter bonum eorum, sed propter se. Complacentia vero pertinet ad amorem amicitiae, est quando quis complacet sibi in bonis amici, non propter aliquā extrinsecam causam: sicut cum aliquis desiderat aliquid propter alterum, vt in desiderio auri dictum est, vel cum aliquis vult bonū alteri propter aliquid aliud, vt de sanitate serui etiam dictū est, sed propter complacentiam amati, interius radicatam. Vnde & amor dicitur internus, & dicitur viscera Charitatis. Amatum igitur est in amante secundum vim appetitiuam, quando complacet sibi amans de amato, vel de bonis eius, præsentibus, vel absentibus, complacentia pertinente, vel ad amorem amicitiae vt quando complacet sibi de amato, vel de bonis eius, propter bonum amati. Vel complacentia pertinente ad amorem concupiscentiæ, vt dictum est.

E cōuerso autem amās est in amato secundum vim appetitiuam, dupliciter. scilicet per amorem concupiscentiæ, & per amorem amicitiae. Amans est in amato amore cōcupiscentiæ, quatenus ipse amās, non quiescit in quacunque extrinseca, aut superficiali adeptione amati, sed vltierus querit amatum perfecte habere, quasi ad intimā illius perueniens. Amore vero amicitiae amans est in amato, in quantum reputat bona, vel mala amici sicut sua, & voluntatem amici sicut suam, vt quasi ipse in suo amico, videatur bona, vel mala pati, & affici, & propter hoc proprium est amicorum eadem velle, & in eodem tristiari, & gaudere, vt Phil. dicit. 9. Eth. c. 3. Secundum quem modum potest dici, & quod amans sit in amato, & amatum in amante. In quantum enim amans, quæ sunt amati, estimat sua, amās est in amato, quasi idem factus amato. In quantum autem e cōuerso, vult, & agit propter amicum, sicut propter se ipsum, quam reputans amatum idem sibi, in amatum est in amante.

Est autem tertius modus inhaesionis, quo amās inhaeret amato, & amatum amanti, qui solum in-

uenitur in amore amicitiae, licet non in omni amicitia, & hic modus est mutua redamatio, per hoc enim, quod amans amatum diligit, amans est in amato, per hoc vero, quod amatum redamat amanti, amatum est in amante. Ex quibus habetur conclusio responsiva, cum sua ratione.

Conclusio. Amor est causa mutuae inhaesionis.

Prob.quia Nec res amata moraretur in apprehensione amanti, nec amans niteretur singula ad amatum pertinentia disquirere, nec amans complaceret sibi de amato, nec estimaret bona, & mala amici, vt sua, si non esset amor. Ergo Amor est causa mutuae inhaesionis. Omnia ex dictis clara.

Ad Argumenta.

Ad 1. Dicitur ad antec. quod nihil prohibet, idem esse continens, & contentum, secundum diuersam rationem continentis, genus enim continetur in specie, & species in genere. Amatum igitur, & amans se intueuntur contenti, secundum diuersam rationem. Amatum enim continetur in amante, in quantum est impressum in affectum eius, per quandam complacentiam. E cōuerso vero amans continetur in amato, in quantum amans sequitur aliquo modo illud, quod est in bonum amati.

Ad 2. Dicitur ad minorem, & ad eius probationem, quod ad amorem non pertinet disquirere, sed subintrat disquisitionem rationis. Amor enim, sequitur apprehensionem rationis, vt dictum est.

ARTICVLVS III.

Vtrum Ecstasis sit effectus amoris.

Pro Negatiua.

Videtur, quod Ecstasis non sit effectus amoris.

1. Quod est causa ecstasis, facit alienationem. Sed Amor non semper facit alienationem. Ergo Amor non est causa ecstasis.

Maior. quia Ecstasis importat quandam alienationem.

Minor. quia Sunt amantes interdum sui compotes.

2. Quod est causa ecstasis, facit vt amans extra se exeat. Sed Amor non facit, vt amans extra se exeat. Ergo Amor non est causa ecstasis.

Maior. quia Ecstasis significare videtur exitum extra se.

Minor. quia Amans desiderat amatum sibi uniui. Vnde amor facit, quod magis amans trahat ad se amatum, quam ut exeat extra se.

3. Si amor esset causa ecstasis; Sequeretur, quod amans

amans semper plus diligeret amatum, quam se ipsum.

Hoc autem est manifeste falsum. Ergo Amor non est causa ecstasis.

Conseq. prob. quia Amor unit amatum amanti. Vnde si amans pergat extra se, ut amato se uniat, euidenter apparet, quod plus amatum, ad quod pergit, quam se, ex quo exit, diligit.

Pro affirmatiua.

Amor diuinus facit ecstasim. Propter amorem enim Deus ipse passus est ecstasim, ut Dion. dicit c. 4. de diu. nom. Sed Omnis amor est participatio quædam diuini amoris.

Ergo Amor est causa ecstasis.

Determinatio.

Quid sit ecstasim pati, & quot modis contingat.

Ecstasim pati dicitur aliquis, dum extra se ponitur. Aliquem autem extra se poni per ecstasim, contingit dupliciter. Vno modo secundum vim apprehensiuam. Alio modo secundum vim appetitiuam. Secundum quidem vim apprehensiuam dicitur aliquis extra se poni, quando ponitur extra cognitionem sibi propriam, vel quia ad superiorem sublimatur: sicut homo dum eleuatur ad comprehendenda aliqua, quæ sunt supra sensum, & rationem, dicitur ecstasim pati. Vel quia ad inferiora deprimitur: puta dum aliquis in furiam, vel in amenciam cadit, dicitur ecstasim passus. Secundum appetitiuam uero partem dicitur aliquis ecstasim pati, quando appetitus eius in alterum fertur, exiens quodammodo extra se ipsum.

1. Conclusio. Ecstasim, quæ est secundum vim apprehensiuam, facit amor dispositiue.

Prob. Quod facit meditari intense de amato, facit ecstasim, quæ est secundum vim apprehensiuam dispositiue. Sed Amor facit intense meditari de re amata. Ergo Dispositiue amor facit ecstasim, quæ est secundum apprehensionem.

Maiores quia. Intensa meditatio unius abstracti ab alijs.

Minor patet ex dictis in art. præced. ubi dictum est, quod amans est in amato secundum apprehensionem, in quantum amans non contentatur superficiali apprehensione amati, sed nititur singula, quæ ad amatum pertinet intrinsecus disquirere.

2. Conclusio. Ecstasim, quæ est secundum vim appetitiuam, facit amor directe, simpliciter quidem eam facit amor amicitie, amor uero concupiscentie facit eam directe, non tamen simpli-

citer, sed secundum quid.

Prima pars huius conclusionis. scilicet quod amor faciat simpliciter hanc ecstasim, remanet probata ex dictis in art. præced. ubi dictum est, quod amans est in amante secundum affectum, amore amicitie, & concupiscentie, ut ibi explicatum est, & inde per amorem quodammodo extra se ponitur.

Altera uero pars. scilicet quod amor amicitie causet hanc ecstasim simpliciter, amor uero concupiscentie scilicet quid. Prob. Nam in amore concupiscentie quodammodo fertur amans extra se ipsum, in quantum. scilicet non contentus gaudere de bono, quod habet, querit frui aliquo extra se. Sed quia illud extrinsecum bonum ordinat ad se, non est simpliciter extra se, talis. nam affectio in fine infra ipsum concluditur, & ideo amor concupiscentie non simpliciter facit ecstasim. Sed in amore amicitie affectus amantis simpliciter, exit extra se, quia vult amico bonum, & operatur bonum quasi gerens curam, & prouidentiam ipsius, propter ipsum amicum.

In forma autem sic prob. hæc secunda pars conclusionis. Amor, qui simpliciter facit exire amantem per affectum simpliciter extra se, facit ecstasim simpliciter, & qui non facit simpliciter exire amantem extra se per affectum, sed solum scilicet quid, facit ecstasim scilicet quid. Sed Amor amicitie facit exire amantem simpliciter extra se, ut pote, qui bonum amici propter ipsum amicum intendit. Amor uero concupiscentie facit exire amantem extra se, solum secundum quid, quatenus. scilicet fertur in bonum, quod adhuc non habet, tamen ipsum desiderat habere, ut dictum est.

Ergo Amor amicitie, simpliciter, Amor uero concupiscentie secundum quid, facit ecstasim.

Ad argumenta.

Ad 1. Dicitur, quod quoniam amor causat ecstasim, scilicet est scilicet vim apprehensiuam, facit alienationem, non autem quoniam est causa ecstasis scilicet partem appetitiuam. Igitur ad maiorem diffinitionem, quod illud, quod causat ecstasim primo modo, facit alienationem, quoniam causat talē ecstasim. Si uero causet solum ecstasim scilicet appetitum, non causat alienationem. Tunc ad maiorem dicitur, quod amor non semper causat ecstasim, quæ est secundum apprehensionem, & ideo amantes, tunc sunt sui copotes.

Ad 2. Dicitur ad minorem, quod est vera de amore concupiscentie, qui non facit exire simpliciter amantem extra se, sed potius querit sibi bonum quod amat. Non autem est vera de amore amicitie, qui non querit bonum sibi, sed amico.

Ad 3. Negatur consequens. Ad probationem dicitur, quod ille, qui amat in tantum extra se exit, in quantum vult bona amici, & operatur, non tamen vult bona amici, magis quam sua. Vnde non sequitur quod alterum plusquam se diligit.

ARTICVLVS. IV.

Vtrum Zelus sit effectus amoris.

*Pro Negatiua.***V**Idetur, quod Zelus non sit effectus amoris.

1. Quod est principium contentionis, non est effectus amoris. Sed Zelus est principium contentionis. Ergo Zelus non est effectus amoris.

Maior. quia Contentio repugnat amori.

Minor. quia 1. Cor. 3. dicit Apostolus. Cum sit inter uos Zelus, & contentio.

2. Quod repugnat communicationi, non est effectus amoris. Sed Zelus repugnat communicationi. Ergo Zelus non est effectus amoris.

Maior. quia Obiectum amoris est bonum, quod est sui communicatum.

Minor. quia ad Zelum pertinere videtur, quod quis non patitur consortium in amato. Sicut Viri dicuntur Zelare uxores, quas nolunt habere communes cum ceteris.

3. Quod est semper cum odio, non potest esse effectus amoris. Sed Zelus non est sine odio, sicut nec sine amore, secundum illud Psalmi 72. Zelauit super iniquos. Ergo Zelus non debet dici magis effectus amoris, quam odij.

Pro Affirmatiua.

Dion. dicit 4. cap. de Diuin. nom. quod Deus appellatur Zelotes propter multum amorem, quem habet ad existentia.

Determinatio.

1. Conclusio. Zelus, quomodocunque sumatur, est effectus amoris intensi.

Conclusio hæc prius declaratur. Deinde probatur. Sciendum igitur, quod Zelus est motus amantis, quo mouetur contra illud, quod est impedimentum boni amati. Hoc autem contingit dupliciter, secundum quod est duplex bonum amatum. Est enim bonum, quod quis amat, ut ipsum adipiscatur, vel ipso fruatur: sicut vir diligit uxorem suam, ut ea fruatur: & aliquis desiderat honores, ut eos consequatur, & hoc pertinet ad amorem concupiscentie. Aliud est bonum, quod amans amat propter se, sicut quando quis amat amicum, cuique vult bonum, & hoc pertinet ad amorem amicitie. Secundum igitur quod sunt duo genera bonorum, quæ amantur, est duplex zelus. Prior pertinet ad amorem concupiscentie, & huiusmodi zelus est motus, quo amans fertur in omne id, quod est impedimentum alicuius boni, quo ipse fruatur, vel boni, quod desiderat. Et sic viri dñr zelare uxores suas, quatenus mouetur contra ea, quæ sunt impedimenta quietis fructuonis, & singularitatis, quæ in uxore querunt. Et similiter, qui querit excellentiam, mouetur contra oia, quæ sunt impedimenta ne excellentiam consequatur, vel acquisita fruatur. Alter

uero zelus pertinet ad amorem amicitie, & est motus, quo amans amicum, mouetur contra impedimenta boni amici amati, & in hoc al. quis dñr zelare pro amico, quoniam si qua dñr, vel sunt contra bonum amici, repellere studet. Et per hunc est modum homo dñr zelare pro Deo, quando ea, quæ sunt contra honorem, vel voluntatem Dei, repellere sine suum posset conatur. Sicut faciebat Elias, quia 3. Reg. 19. dicebat. Zelo zelatus sum pro domino exercituum. Et Glossa super illud Ioan. 2. Zelus domus tuæ comedit me, dicit, quod Bono zelo comeditur, qui quilibet praua, quæ uiderit, corrigere satagit, si nequit tolerat, & genit. Zelus igitur his duobus modis sumitur, scilicet pro ut est de bono proprio, & pro ut est de bono amici.

Prob. Conclusio. Fortiter repellere contrarium, & impedimentum boni, sine proprio, sine amici, in quod quis per amorem tendit, est effectus intensi amoris. Sed Zelus est repulsio quadam contrarij, & eorum, quæ impediunt bonum, in quod amans per amorem tendit. Ergo Zelus est effectus intensi amoris, siue concupiscentie, siue amicitie, ut dictum est.

Maior. Quanto aliqua virtus intensius tendit in aliquid, fortius repellit eum contrarium, vel repugnans. Sed Amor intensus est quidam motus, quo amans fortiter tendit in amatum. Ergo Hæc fortis repulsio contrariorum est intensi amoris effectus.

Et Confirmatur eadem maior. Autoritate D. Aug. lib. 83. quæst. q. 3. dicentis. Intensus amor querit excludere omne id, quod sibi repugnat.

Ad Argumenta.

Ad 1. Neg. maior. Nam zelus inuidit, de quo Apostolus loquebatur in inducia autoritate, non effectus amoris, & tñ erat causa contentionis, non quidem contra rem amatam, sed pro re amata, contra impedientia. Contentio autem eorum, quibus Paulus scriberet, quia aliqui eorum dicebant, ego sum Pauli, ego autem Apollo, & hæc contentio ex amore, quem ad Paulum, & ad Apollo habebant, procedebat. Zelus igitur, etiam malus, est ex amore.

Ad 2. Dñr. Bonum amatum est duplex. Quod dñr, quod potest perfecte a pluribus haberi, ut est cognitio veritatis, visio lucis, & his similia. Quod dñr est bonum, quod non potest a pluribus perfecte possideri, eo quod sit paruum bonum, ut diuitie, dignitates, & similia. Bonum autem amatur in quantum est communicabile amanti. Unde omne illud, quod hæc communione impeditur elicitor odiosum. Et sic ex amore boni causatur zelus. Igitur ad maiorem dñr, quod si sermo sit de bono, quod ab omnibus integre possideri potest, verum est, quod repugnans communem

tionem, non est effectus amoris. Si quis. n. noller aliquē participare lucē, vel cognitionē veritatis non habere, profecto hoc esset effectus nō amoris, sed odij: sed tūc falsa est minor. Zelus. n. nō repugnat communicationi talis boni, nisi forte rōne excellentiæ, q̄ est bonum ratione generis, sed solū resistit cōtrarijs, quibus amans impeditur, ne illud consequatur. Si vero in maiori sit sermo, de bono, quod ab vno tm̄ integre possideri potest, falsa est ipsa maior. Hoc enim, quod quis bonum amat, quod ab vno solo possidetur, non vult, ut alijs sit communicatum, est effectus proprii amoris, & non odij erga alios.

Ad 3. Negatur maior. Nam hoc ipsum, quod aliquis odio habet ea, quę repugnant amato, ex amore procedit, & propterea zelus proprie ponitur magis effectus amoris, quam odij.

ARTIC. V. L. V. S. V.

Vtrum Amor sit passio læsiva amantis.

Pro Affirmativa.

Videtur, quod Amor sit passio læsiva amantis.

1. Quod causat languorem, est læsivum.

Sed Amor causat languorem in amante. Ergo Amor est passio læsiva amantis.

Maiores. quia Languor significat læsionē quandam languentis.

Minor. quia Cantic. 2. dicitur. Fulcite me Floribus, stipate me malis, quia amore langueo.

2. Quod est liquefactivum, est læsivum. Sed Amor est liquefactivus amantis. Ergo Amor est passio læsiva amantis.

Maiores. quia Liquefactio est quædā resolutio.

Minor. quia Cantic. 4. dicitur. Anima mea liquefacta est, ut dilectus loquutus est.

3. Quod causat fervorem, est læsivum. Sed Amor causat fervorem. Ergo Amor est læsivus.

Maiores. quia Fervor designat quandam excessum in caliditate, qui quidem excessus corruptivus est.

Minor. quia Dion. 7. cap. Celest. Hierar. inter ceteras proprietates ad Seraphim pertinentes, ponit calidum, & acutum, & supereffervens. Et Cant. 8. dicitur, de amore. Lampades eius, lampades ignis, atque flammarum.

Pro Negativa.

Dionys. 4. cap. de Div. nom. dicit. quod Singula se ipsa amant continue, id est conservative. Ergo Amor non est passio læsiva, sed magis conservativa, & perfectiva.

Determinatio.

1. Distinctio. Amorem esse læsivā passionem, potest dupliciter intelligi. Vno modo quantum ad suum formale. Formale in amore, est habitudo virtutis

appetitivæ ad obiectum amatum, quod est bonū. Materiale vero, est aliqua immutatio organi corporalis, quæ accidit in omni operatione animæ, quæ exercetur per organum corporale.

2. Distinctio. Bonum, quod quis amat, duplex esse potest. Conueniens naturæ amantis, ut sunt virtutes, scientiæ, & his similia. Et bonū non conueniens naturæ amantis, ut sunt peccata, quæ licet mala sint, tamen quia sunt apparentia bona, ea quis diligere potest, sub ratione boni.

1. Conclusio. Amor boni conuenientis, quo ad suum formale, non est passio læsiva amantis.

Prob. quod Significat coactionem quandam appetitivæ virtutis, ad aliquod bonum, cōueniēs naturæ amantis, non est passio læsiva amantis. Sed Amor significat coactionem quandam appetitivæ virtutis, ad bonum conueniens naturæ amantis, ut dictum est. Ergo Amor boni conuenientis non est passio læsiva amantis.

Maiores. quia Nihil ex hoc, q̄ aliquid coaptatur ad aliquid, quod est sibi cōueniens, lædatur, sed magis, si sit possibile, perficitur, & melioratur.

2. Conclusio. Amor, qui est boni nō cōuenientis amanti, est læsivus, & deteriorativus amantis.

Prob. Quod coaptatur ad aliquid, quod nō est sibi conueniens, deterioratur. Sed Per amorē boni non conuenientis, amans coaptatur bono non sibi conuenienti. Ergo Amor boni non conuenientis est passio læsiva amantis.

Correl. Ex quibus duabus conclusionibus, sequitur. Primo, quod Homo maxime perficitur, et melioratur, per amorem Dei. Secundo, quod lædatur, & deterioratur per amorem peccati. Secundum illud Osee 9. Facti sunt abominabiles, sicut ea, quæ dilexerunt.

3. Conclusio. Amor, quo ad suum materiale, potest esse passio læsiva amantis.

Prob. quia Sicut propter vehementē immutationē factā in sensu a sensibili, potest esse, ut sensus corrumpatur propter immutationē organi. Sic potest esse, q̄ propter vehementem immutationem, amans possit lædi propter corporale mutationē.

Ad Argumenta.

Ad omnia argumenta simul, dicitur ad maiorem singulorum, quod Languor, liquefactio, & fervor dupliciter sumuntur. Vno modo proprie secundum quod significant corporales immutationes, & sic verè sunt omnes maiores propositiones, quod causas huiusmodi motus in aliquo, est læsivum ipsum. Sed falsæ sunt minores. Nam amor non est causa languoris, fervoris, & liquefactionis proprie, & si est causa, est solum quo ad suū materiale, sicut enim modum, dictum est, qd potest esse passio læsiva. Alio modo accipiuntur languor, liquefactio,

factio, & fervor, secundum quandam similitudinem, prout, liquefactio significat coaptationē appetitus ad recipiendam rem amatam, secundum quod amatum est in amante, & languor vt significat tristitiam, propter amati absentiam, & fervor, vt significat intensum desiderium, rem amatam consequendi, & sic sunt falsæ maiores singulorū argumentorum. Amor enim formaliter est causa languoris, liquefactionis, & fervoris secundum similitudinem, & consequenter, est causa horum materialiter. Et idē non formaliter, sed consequenter, siue per accidens, est passio levis, vt dictum est.

ARTICVLVS VI.

Vtrum Amor sit causa omnium, quæ amans agit.

Pro Negatiua.

Videtur, quod Amans non agat omnia ex amore.
1. Omnia, quæ agit homo ex amore, agit ex passione. Sed Non omnia agit homo ex passione. Ergo Non omnia agit ex amore.

Maiores prob. quia Amor est passio quædam, vt dictum est.

Minor. quia Homo agit etiam quædam ex electione, & quædam ex ignorantia.

2. Si omnia, quæ quis agit, agit ex amore, sequitur, quod omnes alie passionēs appetitiuæ partis, sint superflue, quod est falsum.

Conseq. prob. Appetitus est principium motus, & actionis in omnibus animalibus, vt patet.
3. de anima text. 48. Vnde si ex amore appetitus omnia appeteret, & ageret, superflua esset omnis alia passio.

3. Quædam sunt ex odio, vt patet. Ergo Non omnia sunt ex amore.

Cōseq. prob. quia Nihil est simul à contrariis.

Pro Affirmatiua.

Dionys. 4. cap. de Diuin. nom. dicit. Propter amorem boni omnia agunt, quæcunque agunt.

Determinatio.

Conclusio. Omne agens, quodcunque sit, agit quæcunque actionem ex aliquo amore.

Prob. Quæcunque aguntur propter finem, ex amore aguntur. Sed Omnia, quæ à quocunque agente aguntur, aguntur propter finem, vt dictum est. Ergo Omnia, quæ à quocunque agente aguntur, ex amore aguntur.

Maiores. quia Finis est bonum amatum, & desideratum ab vnoquoque agente, & propterea quæcunque propter finem aguntur, ex amore. scilicet finis aguntur.

Ad Argumenta.

Ad 1. Negatur maior. Ad probationem dicitur, quod Amor dupliciter sumitur. Vno modo propter est passio, & sic est solum in appetitu sensi-

tivo. Alio modo communiter prout cōprehendit sub se amorem intellectualem, rationalem, animalem, & naturalem, & ita in presenti est sermo de amore, & sic omnia quæcunque sunt à quocunque agente, ex aliquo amore sunt, & non omnia ex passione.

Ad 2. Negatur conseq. Nam sicut alie passionēs ex amore procedunt, itaq; à radice, vt dictum est. Ita omnis actio, quæ ex quacunque passione procedit, ex amore, sicut à prima causa, procedit. Vnde alie passionēs sunt necessariae, vt causæ proximæ actuum.

Ad 3. Neg. conseq. Nā non solum, quæ sunt ex odio, sed odium ipsum ex amore causatur, vt probabitur art. 2. sequentis quæst.

QVÆSTIO XXIX.

De Odio.

ARTICVLVS I.

Vtrum Causa, & obiectum odij sit malum.

Pro Negatiua.

Videtur, quod Obiectum, & causa odij non sit malum.

1. Si obiectum odij sit malum; sequitur, quod nulla res odio habeatur: quod tamen patet esse falsum.

Conseq. prob. quia Omne, quod est, in quantum huiusmodi, est bonum.

2. Si nihil odio habeatur nisi malum; Sequitur, quod omne odium sit laudabile, quod est falsum.

Conseq. prob. quia Odire malum est laudabile, vt patet 2. Mach. 3. quod Leges optimè custodiebantur propter Omnes pontificis pietatem, & animos odio habentes mala.

3. Idem diuersis est odibile, & amabile. Ergo Odium non solum est mali, sed etiam boni.

Conseq. prob. quia Idē non est simul bonum, & malum.

Pro Affirmatiua.

Actus contrarij habent contraria obiecta, Sed Odium, & amor sunt actus contrarij. Ergo Habent contraria obiecta. Sed Obiectum amoris est bonum. Ergo Obiectum odij est malum.

Determinatio.

Conclusio. Malum est obiectum odij, sicut bonum est obiectum amoris.

Prob. Actus, qui habet pro obiecto repugnans, & nocium ei, cuius est actus, habet pro obiecto malum. Sed Odium respicit vt proprium obiectum id, quod est repugnans, & nocium ei, cuius ipsum odium est actus. Ergo Odium habet malum pro obiecto, sicut amor, qui est de conuenienti, habet pro obiecto bonum.

Maiores prob. quia Sicut omne conueniens, in quantum huiusmodi, habet rationem boni, ita oē repugnans,

gnans, in quantum huiusmodi, habet rationem mali. Actus igitur, qui est ad repugnans, & nocivum, habet malum pro obiecto.

Minor prob. à simili in appetitu naturali. In appetitu enim naturali hoc manifeste apparet, quod sicut vnumquodque habet naturalem consonantiam, vel aptitudinem ad id, quod sibi conuenit, quæ aptitudo est amor naturalis, ita ad id, quod est repugnans, & corruptivum, habet dissonantiam naturalem, quæ dissonantia est naturale odium. Et sub alijs verbis; Naturalis amor est de conuenienti appetitui naturali. Odium vero est de eo, quod repugnat naturali appetitui. Ita in appetitu animali, seu intellectiuo. Amor erit, de eo, quod est apprehensum, vt conueniens appetitui, & odium erit de eo, quod apprehenditur vt dissonans, & nocivum appetitui.

Quod vero similitudo hæc inter naturalem appetitum, & animale, seu intellectualem teneat, manifestatur.

Quia Sicut appetitus naturalis derivatur ab aliqua apprehensione, licet non coniuncta (est enim ab apprehensione generantis) ita appetitus animalis, sequitur apprehensionem, sed tamen coniunctam. Vnde sicut id, quod est apprehensum à generante, vt conueniens naturali appetitui, est obiectum naturalis amoris, & quod est apprehensum, vt nocivum, est obiectum odij naturalis. Ita apprehensum à sensu, vel intellectu, vt conueniens, est obiectum amoris, & quod est apprehensum vt repugnans, & nocivum, est obiectum odij.

Ad Argumenta.

Ad 1. Negatur consequ. Ad probationem dicitur, quod res, siue id, quod est, dupliciter considerari potest. Vno modo, vt ens est: & sic semper est bonum, & conueniens, nec sic potest esse obiectum odij. Alio modo consideratur, vt est talis res, vel tale ens: & sic respectu aliquius alterius determinatæ rei potest habere rationem repugnantis, & per consequens habet rationem mali, & odibilis. Vnde res potest esse odibilis, non secundum se, sed per probationem ad alterum. Sicut frigus nimium, est odibile, non secundum se, cum vt sic, sit quoddam bonum, sed in quantum est nocivum corporibus.

Ad 2. Negatur consequ. Ad probationem dicitur, quod odire id, quod est vere malum, est laudabile, sicut amare id, quod est vere bonum. Sed quia aliquando apprehenditur, quod non est vere bonum, vt bonum, ita aliquando apprehenditur quod est bonum, vt malum, ideo contingit, vt odium mali non sit bonum, & amor boni non sit

bonus. Est ergo amor veri boni, bonus: & odium veri mali est etiam bonum. Amor non veri boni est malus: & odium mali non veri, est malum.

Ad 3. Dicitur ad antec. quod contingit idem esse amabile, & odibile diuersis, tum secundum appetitum naturalem, tum secundum appetitum animale. Secundum appetitum naturalem, quia vnum est conueniens vni, & repugnans alteri, sicut calor conuenit igni, & repugnat aquæ. Secundum vero appetitum animale, quia vnum & idem apprehenditur ab vno sub ratione boni, & ab altero sub ratione mali, & propterea vni est odibile, ab alteri amabile. Vnde negatur consequentia.

Ad probationem dicitur, quod licet idem non possit esse bonum, & malum: Tamen potest esse bonum vni, & malum alteri, vel apprehendi vt bonum ab vno, & vt malum ab altero.

A R T I C V L V S II.

Vtrum Odium causetur ex amore.

Pro Negatiua.

V Idetur, quod Amor non sit causa odij. 1. Ea, quæ naturaliter sunt simul, vnum non est causa alterius. Sed Amor, & odium sunt naturaliter simul. Ergo Amor non est causa odij.

Minor Ea, quæ ex opposito diuiduntur, sunt naturaliter simul, vt dicitur in post prædicamentis. Sed Amor, & odium ex opposito diuiduntur cum sint contraria. Ergo Amor, & odium sunt simul.

2. Vnum contrariorum non est causa alterius. Sed Amor, & odium sunt contraria. Ergo Amor non est causa odij.

3. Posterius non est causa prioris. Sed Amor est posterior odio. Ergo Amor non est causa odij.

Minor. Recessus à malo est prior, quam accessus ad bonum. Sed Odium est recessus à malo, & amor est accessus ad bonum. Ergo Amor est posterior odio.

Pro affirmatiua.

Omnes affectiones animæ causantur ex amore, vt August. dicit.

Sed Odium est quædam affectio animæ.

Ergo Odium causatur ex amore.

Determinatio.

Conclusio. Omne odium ex amore causatur. Probatur Illud, quo res respicit id, quod est sibi conueniens, est prius, & causa eius, quo ipsa met res respicit id, quod est sibi repugnans.

Sed Amor est, quo res respicit, quod est sibi cōueniens. Odium vero est, quo res respicit, quod est sibi repugnans. Ergo Amor est prior, & causa odij.

Maiores prob. Nam oportet in qualibet re considerare prius, quid ei conueniat, quam quid ei repugnet. Et hoc, quia per hoc aliquid est repugnans alteri, quia est impedimentum, vel corruptiuium eius, quod est conueniens, & per hoc nihil potest odio haberi, nisi quatenus contrariatur conuenienti, quod amatur. Prius enim amatur sanitas, & quia infirmitas sanitati contrariatur, odio habetur, & ex amore sanitatis, qui prior est, oritur odium infirmitatis, quatenus est corruptiua sanitatis.

Minores prob. quia Amor consistit in quadam conuenientia amantis ad amatum, odium vero consistit in quadam repugnantia, vel dissonantia, ut dictum est.

Ad argumenta.

Ad 1. Dicitur, quod aliqua esse naturaliter simul, contingit dupliciter. Vno modo secundum rem, & secundum rationem. Alio modo secundum rationem, & non secundum rem. Tunc dicitur ad maiorem, quod ea quæ sunt simul secundum rem, & secundum rationem, vnum non est causa alterius; sed si sint simul secundum rationem, & non secundum rem, vnum potest esse causa alterius. Sic negatur minor, scilicet quod Amor, & Odium sint simul secundum rem, & secundum rationem.

Ad probationem dicitur, quod in his, quæ ex opposito diuiduntur, quedam inveniuntur, quæ sunt naturaliter simul, & secundum rem, & secundum rationem: sicut duæ species animalis, vel duæ species coloris. Quedam vero sunt simul, secundum rationem, sed vnum realiter est prius altero, & causa eius, sicut patet in speciebus numerorum, figurarum, & morum. Quedam vero non sunt simul, nec secundum rem, nec secundum rationem: Sicut substantia, & accedens. Nam substantia realiter est causa accidentis: & ens secundum rationem prius attribuitur substantiæ, quam accidenti, quia accidenti non attribuitur, nisi inquantum est in substantia. Amor autem, & odium naturaliter quidem sunt simul secundum rationem, sed non realiter. Vnde nihil prohibet amorem esse causam odij.

Ad 2. Dicitur ad minorem, quod Amor, & Odium sunt contraria, quando accipiuntur circa idem: sed quando sunt de contrariis, non sunt contraria, sed se inuicem consequentia. Eiusdem enim rationis est, quod ametur aliquid, & odiatur eius contrarium, & sic amor vnius rei, est causa, quod

eius contrarium odiatur.

Ad 3. Negatur minor. Ad probationem dicitur, quod in executione prius est recedere ab vno termino, quam accedere ad alterum terminum: Sed in intentione est e conuerso: propter hoc enim receditur ab vno termino, ut accedatur ad alterum. Motus autem appetitiuus magis pertinet ad intentionem, quam ad executionem, & ideo amor est prior odio, cum utrumque sit motus appetitiuus.

ARTICVLVS III.

Vtrum Odium sit fortius, quam amor.

Pro Affirmatiua.

Videtur, quod Odium sit fortius amore.

1. Fuga doloris fortior est, quam appetitus voluptatis. Sed Ad odium pertinet fuga doloris, & ad amorem pertinet appetitus voluptatis. Ergo Odium est fortius amore.

Maiores. quia August. dicit lib. 8. 3. quæst. 7. 3. G. Nemo est, qui non magis dolorem fugiat, quam appetat voluptatem.

2. Quod vincitur ab aliquo, est debilius eo. Sed Amor vincitur ab odio. Ergo Amor est debilius odio.

Maiores. quia Debilius vincitur a fortiori.

Minor. quia Aliquando amor conuertitur in odium.

3. Fortius insistit homo ad repellendum odiosum, quam ad prosequendum amatum. Inimici etiam bestie idem agunt, dum propter verbera abstinere a delectabilibus. Ergo Odium est fortius amore.

Consequenter prob. quia Affectio animæ per effectum manifestatur.

Pro Negatiua.

Bonum est fortius, quam malum. Sed Amor, & odium differunt secundum differentiam boni, & mali, ut Dion. dicit 4. cap. de diuin. nom. Ergo Amor est fortior odio.

Maiores. quia Malum non agit nisi in virtutem boni.

Determinatio.

1. Conclusio. Impossibile est, quod odium sit simpliciter fortius amore.

Prob. Impossibile est effectum suam causam esse fortius. Sed Omne odium procedit tanquam a causa ex aliquo amore, ut art. præced. est probatum. Ergo Impossibile est, odium esse fortius amore.

2. Conclusio. Amor, simpliciter loquendo, est fortior odio.

Prob. Motus alius in fine fortior est, quam motus eiusdem in ea, quæ sunt ad finem.

Sed

Sed Amor est motus alicuius in finem, & bonum, Odium vero est motus ad ea, quæ sunt ad finem. Ergo Amor est fortior odio.

Minor, quia Odium est recessus à malo, qui recessus ordinatur ad consecutionem boni, tanquā in finem, quæ consecutio ordinatur ad finem, de quo est ipse amor.

3. Conclusio. Quamvis amor sit fortior odio, tamen aliquando odium videtur fortius amore.

Manifestatur. Propter duo enim odium fortius amore aliquando apparet. Primo quidem, quia Odium est magis sensibile quam amor. Cū enim sensus perceptio sit in quadam immutatione, ex quo aliquid iam immutatum est, non ita sentitur: sicut quando est in ipso immutari. Vnde calor febris Ethicæ, quamvis sit maior, non tamen ita sentitur, sicut calor tertianæ, quia calor ethicæ iam versus est, quasi in habitum, & naturam: & propter hoc etiam amor magis sentitur in absentia amati, sicut Aug. dicit in 10. de Trinit. c. 12. quod Amor non ita sentitur, cum nō prodit eum indigentia, & propter hoc etiam repugnantia eius, quod oditur, sensibilius percipitur, quam convenientia eius, quod amatur.

Secundo, Quia non comparatur odium ad amorem sibi correspondentem: secundum enim diuersitatem bonorum, est diuersitas amorum, in magnitudine, & paruitate, quibus proportionantur opposita odia. Vnde odium, quod correspondet maiori amoris, magis mouet, quam minor amor.

Ad Argumenta.

Ad 1. Dicitur, quod fuga doloris, non est maior voluptate sibi correspondente, sed aliqua alia minori voluptate: sicut quis magis fugit nociua, quæ possunt tollere propriam vitam, quam quæ rat aliquam sensibilem voluptatem, tamen voluptas, quæ ex consecutione vitæ habetur, magis queritur, quam nociua repellantur, quia scilicet fortius amat vitæ conseruationem, quam odio habeat contraria. Immo ex amore vitæ propriæ nascitur odium eorum, quæ vitæ sunt nociua. Vnde negatur maior bene intellecta, scilicet quod fuga doloris sit maior appetitu amoris, sibi correspondenti, vt dictum est.

Ad 2. Dicitur ad minorem, quod Odium nunquam vinceret amorem, nisi propter maiorem amorem, cui odium correspondet: sic homo magis diligit se, quam amicum, & propter hoc, quod diligit se, habet odio etiam amicum, si sibi contrarietur.

Ad 3. Dicitur ad antec. quod Ideo intensius aliquid operatur ad repellendum odiosa, quia Odium est magis sensibile.

ARTICVLVS IV.

Vtrum Aliquis possit odio habere se ipsum.

Pro Affirmatiua.

Videtur, quod Aliquis possit se ipsum odio habere.

1. Qui diligunt iniquitatem, habent odio se ipsos. Sed Multi diligunt iniquitatem. Ergo Multi habent odio se ipsos.

Maiores. quia in Psal. 10. dicitur. Qui diligit iniquitatem, odit animam suam.

2. Qui operatur sibi ipsi malum, habet odio se ipsum. Sed Quandoque aliqui volunt, & operantur sibi ipsis malum. Ergo Aliqui habent odio se ipsos.

Maiores. quia Illud odimus, cui volumus, & operamur malum.

Minor. quia Aliqui se ipsos etiam interimunt.

3. Auarus odit se ipsum. Sed Aliqui homines sunt auari. Ergo Quidam odio habent se ipsos.

Maiores. quia Boet. dicit 2. de Consol. quod Auaritia facit homines odiosos. Ex quo potest accipi, quod omnishomo odit auarū, & per consequens, quod homines auari odiant se ipsos.

Pro Negatiua.

Nemo vnquam carnem suam odio habuit, dicit Apost. Ephes. 3.

Determinatio.

1. Conclusio. Impossibile est, per se loquendo quod aliquis odiat se ipsum.

Prob. Quod naturaliter appetit sibi bonum, impossibile est, vt se ipsū simpliciter odio habeat. Sed Vnusquisque naturaliter vult sibi bonum. Ergo Vnusquisque naturaliter amat se ipsum, & impossibile est, vt se odio habeat.

Maiores. quia Se diligere, vel alium, est velle sibi, vel alteri bonum, vt supra dictum est.

Minor. quia Malum est præter voluntatem, vt Dion. dicit. 4. c. de diu. nom. Vnde nullus potest sibi appetere malum.

2. Conclusio. Per accidens contingit, quod aliquis se ipsum odio habeat.

Probat. Dupliciter enim hoc accidere potest. Vno modo, ex parte boni, quod sibi aliquis vult: accidit enim quandoque illud, quod appetitur vt bonum, esse simpliciter malum: & secundum hoc aliquis per accidens vult sibi malum: quod est odire. Alio modo, ex parte sui ipsius, cui vult bonū, vnumquodque enim maxime est id, quod est principaliter in ipso. Vnde Cuius dicitur facere

id, quod Rex facit, quasi Rex sit tota Ciuitas. Manifestum est ergo, quod homo maxime est mens hominis. Contingit autem, quod aliqui æstimant se, maxime, illud quod sunt secundum naturam corporalem, & sensitiuam. Vnde amant se, secundum id, quod æstimant se esse: sed odium id, quod vere sunt, dum volunt contraria rationi. Et utroque modo ille, qui diligit iniquitatem, non solum odit animam suam, sed etiam se ipsum.

Ad Argumenta.

Ad 1. Dicitur ad maiorem, quod qui diligit iniquitatem, odit animam suam per accidens: Tum quia vult sibi, quod non est vere bonum: Tum quia non vult sibi bonum, quod secundum rationem debet sibi uelle, sed vult sibi bonum, quod secundum falsam æstimationem indicat sibi esse bonum.

Ad 2. Dicitur ad minorem, quod Nullus sibi vult, & facit malum, nisi in quantum apprehendit illud sub ratione boni. Nam & illi, qui intermunt se ipsos, hoc ipsum, quod est mori, apprehendunt sub ratione boni, in quantum est terminatum alicuius miseris, uel doloris.

Ad 3. Dicitur dupliciter. Primo ad maiorem, quod Auarus non odit se ipsum, sed aliquid accidens in se ipso, sicut infirmus non odit se, sed suam infirmitatem. Secundo Negatur etiam maior. Ad probationem dicitur, quod Auaritia facit homines odiosos alijs, non tamen sibi ipsis: quinimo causatur ex inordinato sui amore, secundum quod de bonis temporalibus, plus sibi aliquis vult, quam debeat.

ARTICVLVS V.

Vtrum Aliquis possit odio habere veritatem.

Pro Negatiua.

Videtur, quod Aliquis non possit odio habere veritatem.

1. Nullus potest habere odio bonitatem. Ergo Nec veritatem.

Consequenter prob. quia Bonum, ens, & verum conuertuntur.

2. Quod naturaliter desideratur, & amatur, nullus potest odio habere. Sed Veritas ab unoquoque desideratur, & amatur naturaliter. Ergo Veritatem nullus potest odio habere.

Maior. quia Quod naturaliter inest, semper inest.

Minor. quia Scire (quod non est nisi verorum, ut dicitur 1. pester.) omnes homines naturaliter desiderant, ut dicitur in 1. Metaph.

3. Quod naturaliter amatur, non potest odio haberi. Sed Veritas naturaliter amatur. Ergo Veritas non potest odio haberi.

Minor. quia Phil. dicit 2. Rhet. c. 4. quod Homines amant non fictos, quod profecto non est nisi propter veritatem.

Pro Affirmatiua.

Ad Galat. 4. dicit Apost. factus sum vobis inimicus, utrum dicens vobis.

Determinatio.

Distinctio. Aliquem posse odio habere veritatem, dupliciter potest intelligi. Vno modo, ut eam odio habeat in uniuersali. Alio modo in particulari.

1. Conclusio. Veritas in uniuersali non potest odio haberi.

Prob. Primo. Ex differentia, quæ est inter ens, & verum ex una parte, & bonum ex altera. Bonum enim differt ab ente, & uero, secundum rationem, quia bonum habet rationem appetibilis: est enim bonum, quod omnia appetunt. Ens autem, & verum, ut sic, non important rationem appetibilis. Ex quo sequitur differentia fauens propositioni. Scilicet bonum nec in uniuersali, nec in particulari possit odio haberi. Ens autem, & verum possunt odio haberi, aliquo modo, & sic formatur ratio.

Quod habet rationem appetibilis, nullo modo potest odio haberi, nec in uniuersali, nec in particulari. Quod uero talem rationem appetibilitatis non importat, non repugnat, ut aliquo modo odio habeatur. Sed Bonum importat rationem appetibilis: est enim, quod omnia appetunt. Ens autem, & Verum, talem rationem non important. Ergo Bonum, nullo modo, uerum autem, & ens, aliquo modo possunt odio haberi.

Secundo prob. Quæ odio habentur importat dissonantiam, & contrarietatem. Sed Ens, & verum in uniuersali nullam important dissonantiam, sed magis conuenientiam ad omnia. Ergo Ens, & verum in communi non possunt odio haberi.

Maior. quia Sicut conuenientia est causa amoris, ita dissonantia est causa odij.

Minor. quia Ens, & verum in uniuersali sunt omnibus communia.

2. Conclusio. Veritatem in particulari potest quis odio habere.

Prob. Quod potest habere rationem contrarij, & repugnantis, potest odio haberi. Sed Ens, & verum in particulari possunt habere rationem contrarij, & repugnantis. Ergo Ens, & verum in particulari possunt odio haberi.

Maior. quia Contrarietas, & repugnantia est causa odij, ut dictum est.

Minor prob. Ex differentia inter rationem boni, ex una parte, & ueri, & entis ex altera. Rationi enim boni aduersatur contrarietas, & repugnantia. Bonum enim in quantum bonum, non potest esse contrarium, nec repugnans alicui. Non aduersatur autem contra-

contrarietas rationi entis, et non super ea fundatur.

Declaratur eadē minor, simul, & Conclusio. Cōtingit. n. aliquod particulare verum tripliciter. re pugnare, vel contrariari i bono amato, & per consequens tripliciter posse odio hēri. Vno mō, scilicet q. veritas est cāliter, & originaliter in ipsis rebus: & sic homo quandoque odit aliquam veritatem, dū vellet non esse verum, quod est verū. Alio mō, scilicet quod veritas est in cognitione ipsius hoīs, quod impedit ipsum a prosecutione amati. Sicut si aliqui vellet non cognoscere veritatem fidei, vt libere peccarent, ex quorū persona dicitur Iob. 22. Scitiam viarum tuarum nolumus. Tercio mō, habetur odio veritas particularis, tanq. repugnans, pro ut est in intellectu alterius: Puta cum aliquis vult iacere in peccato, odit, q. aliquis veritatem circa peccatum suum cognoscit. Et secundū hoc dicit Augustinus in 10. Confess. c. 23. quod homines amant veritatem luculentem, odiunt eam redarguentem.

Ad Argumenta.

Ad 1. Negatur consequens. Non. n. est eadem rō de bono, & uero, ut dictum est: Ad probationem dicitur, quod licet bonum, & verum conuertantur secundum rem, ratione tamen differunt.

Ad 2. Dicitur ad minorem, quod Cognoscere veritatem secundū se, est amabile pp q. dicit Aug. q. amat eā lucentē, sed per accidēs cognitio veritatis p̄t esse odibilis, in q̄rū impedit ab aliquo desideratio.

Ad 3. Dicitur ad maiorem, & ad eius probationem, q. ex hoc procedit, quod non ficti amantur, quod homo amat secundum se cognoscere veritatem, quam homines non ficti manifestant.

ARTICVLVS VI.

Vtrum Aliquid possit haberi odio in vniuersali.

Pro Negatiua.

Videretur, quod Odium non possit esse alicuius in vniuersali.

1. Passio appetitus sensitiui non potest esse de aliquo in vniuersali. Sed Odium est passio appetitus sensitiui, vt dictum est. Ergo Odium non potest esse de aliquo in vniuersali.

Maior prob. quia Sensus, ex cuius apprehensione mouetur appetitus sensituius, non pōt apprehendere vniuersale.

2. Id, quod odio habetur, importat dissonantiam. Sed Vniuersale non potest importare dissonantiam. Ergo Vniuersale non potest odio haberi.

Maior, quia Odium causatur ex aliqua dissonantia. Minor. De cuius ratione est communitas, non potest importare dissonantiam. Sed De ratione vniuersalis est communitas. Ergo Vniuersale nō potest importare dissonantiam.

Maior huius, quia Dissonantia cōitatur repugnat.

3. Quod est solum in mente, non pōt odio haberi.

Sed Vniuersale est solum in mente. Ergo Vniuersale non potest odio haberi.

Maior. quia Obiectum odij est malū, q. nō est in mēte, sed in rebus, ut dicitur 6. Metaph. tex. 8.

Minor. quia Mens est, quae abstrahit vniuersalia a singularibus, & non appetitus sensituius, in quo est odium.

Pro Affirmatiua.

Phil. 2. Rhe. c. 4. ponens differentiam inter irā, & odium dicit. Ira semper fit inter singularia. Odium etiam ad genera. Furē enim odit, & calumniatorem uniusquisque.

Determinatio.

1. Distinctio. De vniuersali dupliciter loqui contingit. Vno modo secundum quod subest intentioni vniuersalitatis. Alio mō, ut dī de natura, cui talis intentio attribuitur. Alia. n. est consideratio hoīs ut subest intentioni. Sicut est species, & alia scilicet quod est homo. s. pro ut est animal rationale.

2. Distinctio. Odium dupliciter consideratur. Vno modo pro ut est in appetitu sensitui, Alio modo pro ut est in appetitu intellectui, ut superius quāst. 26. explicatum est.

1. Conclusio. Vniuersale primo modo acceptū, s. pro ut subest intentioni vniuersalitatis, non pōt odio hēri. odio pertinente ad appetitū sensitui.

Prob. Nulla potentia sensituiua partis, neq. apprehensiuā, neque appetitiuā potest in vniuersale secundum quod subest intentioni. Ergo Vniuersale, secundum quod subest intentioni, non potest secundum appetitum sensituium odio haberi.

Antec. quia Vniuersale sic acceptū, fit per abstractionem a materia individuali, in qua radica- tur omnis uirtus sensituiua.

Conseq. ex eo manifesta est, quia Passio nō est nisi respectu eorum, quae possunt apprehendi per uim sensituiuā, & obijci appetitui sensitui.

2. Conclusio. Odium sensituiuae partis, potest respicere aliquid in vniuersali, secundum qd vniuersale dicitur de natura rei.

Hac Concl. supponit unū. Vnde prob. primo hoc, quod supponit, deinde prob. ipsa conclusio.

Id, q. conclusio supponit est, q. Potentia sensituiua, tū apprehensiuā, tū appetitiuā, possit ferri in aliqd vniuersale, sic acceptum. Qd ostenditur uerū in uno particulari sensu. Nā dicimus, q. obiectū uisus est color, scilicet genus, nō quia uisus cognoscit colorem vniuersale, sed quia, qd color sit cognoscibilis a uisu, non conuenit colori, in quantū est hic color, sed in quantū est color simpliciter, & secundum suam naturam, & hoc est etiam in quolibet alio sensu, respectu sui obiecti.

Prob. Conclusio. Quod ex natura communis aduersatur animali, potest secundum naturam cōmuni.

munem, odio haberi, odio, quod est passio sensitui appetitus. Sed Aliquid ex sua natura communi aduersatur alicui animali. Vt est lupo, qui nō, vt hic lupo solum, sed secundum suam naturam lupinam, oui aduersatur. Ergo Aliquis pōt odio habere vniuersale secundum naturam.

Et hoc signum est, quia Ovis odit lupo generatiter.

Secundo prob. Conclusio, Ex differentia, quæ est inter Irām, & Odium. Ira enim est semper ad aliquid particulare: & ratio est, quia ira causatur ex actu lædenti, & quia actus semper sunt singularium, ideo ira fertur solum ad ipsum lædētem, per cuius actum quis læditur. Odium vero, quod non causatur ex aliquo actu lædenti, sed ex hoc, quod aliquid secundum naturā est inconueniens, & repugnans, ideo potest esse ad aliquid in genere. Et hoc est, quod Phil. dicit in sentētia inducta in argumento pro Affirmatiua.

3. Conclusio. Odium, secundum quod est in parte intellectiua, potest esse respectu vniuersalis vtroque modo accepti.

Prob. Quod consequitur apprehensionem vniuersale intellectus, potest esse de vniuersali vtroque modo sumpto. Sed Odium, secundum quod est in parte intellectiua, consequitur vniuersalem apprehensionem intellectus. Ergo Potest esse de re, tum secundum suam naturam, tum vt subest intentioni.

Maiores est manifesta. quia Vniuersale vtroque modo, ad apprehensionem vniuersalem intellectus pertinet.

Ad argumenta.

Ad 1. Negatur maior de vniuersali secundo modo accepto. Ad probationem dicitur, quod sensus non apprehendit vniuersale, pro vt est vniuersale, apprehendit tamē aliquid, cui per abstractionem accedit vniuersalitas.

Ad 2. Negatur minor. Aliquod enim vniuersale potest importare repugnantiam ad aliquam aliam naturam. Ad probationem, dicitur ad maiorem, quod Aliquid importare communitatem, potest dupliciter intelligi. Vno modo, ita quod sit commune ad omnia: sicut sunt Ens, verum, & his similia. Et hæc non possunt in communi odio haberi, vt dictum est, vt sic. Alio modo, quod importent communitatem respectu aliquorum, puta natura lupi, importat communitatem ad omnes lupos. Et hæc communitas, non habet dissonantiam, nec est causa odij respectu eorum, ad quæ est communis: potest tamen esse dissonans, & causa odij respectu alicuius alterius naturæ. Sicut natura lupi, quia est communis omnibus lupis, non est dissonans, a lupis, nec causa odij inter

eos. Sed est dissonans a natura ouina, & est ratio odij eius, ad ipsam.

Ad 3. Dicitur, quod Vniuersale sumitur dupliciter. Vno modo, pro natura, quæ denominatur vniuersalis. Alio modo, pro ipsa natura, vt substat intentioni vniuersalitatis. Sicut animal potest sumi pro natura animalitatis secundum se, & pro natura animalitatis, vt substat intentioni generis, vt in corpore dictum est. Tunc ad minorem dicitur, quod si sumatur vniuersale pro ipsa natura, secundum quod substat intentioni vniuersalitatis, est vera, & conceditur totum argumentum, & concluditur solum, quod vniuersale vt substat intentioni vniuersalitatis, non potest odio haberi, vtpote quod non potest esse obiectum appetitus sensitui. Si vero sumatur vniuersale pro ipsa natura secundum se, falsa est maior: potest enim natura ipsa vniuersalis, secundum se accepta, esse obiectum apprehensionis, & appetitus sensitui. Ad probationem vero dicitur, quod probat, vniuersale, secundum quod substat intentioni, non potest esse obiectum appetitus sensitui, non aut quod ipsa res non possit ad partem sensitui pertinere.

Q V A E S T I O. XXX.

D E C O N C U P I S C E N T I A.

A R T I C V L V S. I.

Vtrum Concupiscentia sit tantum in appetitu sensitui.

Pro Negatiua.

Videtur, quod Concupiscentia non solum sit in appetitu sensitui.

1. Est quoddam concupiscentia sapientie, secundum quod dicitur Sapient. 6. Concupiscentia sapientie deducit ad regnum perpetuum, Ergo Concupiscentia non est in solo appetitu sensitui.

Conseq. prob. Quia appetitus sensituius non potest ferri ad sapientiam.

2. Desiderium mandatorum Dei, est quædam concupiscentia. Sed In appetitu sensitui non est desiderium mandatorum Dei. Ergo In solo appetitu sensitui non est concupiscentia.

Maiores. quia dicitur in Psalm. 118. Concupiuit anima mea, desiderare iustificationes tuas. Minor. quia Rom. 7. dicitur Non habitat in carne mea bonum.

3. Cuilibet potentie est concupiscibile proprium bonum. Ergo Concupiscentia est in qualibet potentia animæ, & non solum in appetitu sensitui.

Pro Affirmatiua.

Damasc. dicit lib. 2. Orth. fidei, c. 12. quod Irrationale obediens, & persuasibile rationi diuiditur in concupiscentiam, & iram, hæc autem est irrationalis animæ pars passiva, & appetitiua. Ergo Concupiscentia est in appetitu sensitui.

Determinatio.

Concl. Concupiscentia, proprie loquendo, est in appetitu sensitivo, & in vi concupiscibili, quæ ab ea denominatur.

Que Conclusio declaratur. Deinde prob.

Declaratur inquam, quo ad illum terminum (proprie loquendo.) Pro quo est sciendum, quod ut Phil. dicit 1. R. h. et. cap. 11. Concupiscentia est appetitus delectabilis. Delectatio autem est duplex, ut infra dicitur quæst. sequenti, art. 3. Vna, quæ est in bono intelligibili, quod est bonum rationis. Alia, quæ est in bono secundum sensum. Prima delectatio est animæ tantum. Secunda vero est totius coniuncti, quia sensus est virtus in organo corporeo. Appetitus primæ delectationis, non proprie debet dici concupiscentia, sed potius simplex motus animæ in obiectum delectabile, & si aliquando dicitur concupiscentia, hoc est rationibus dicendis in responsione ad primum. Appetitus vero delectationis, quæ est secundum sensum, quæ est animæ, & corpori communis, proprie concupiscentia appellatur, ut ipsum nomen sonat. Concupiscere enim, est quasi simul capere, scilicet tum animæ, tum corporis. De concupiscentia igitur proprie est sermo in conclusione, quæ sic probatur.

Actus, qui habet pro obiecto delectabile secundum sensum, est in solo appetitu sensitivo. Sed Concupiscentia, proprie accepta, est actus, cuius obiectum est bonum delectabile secundum sensum, ut dictum est. Ergo Concupiscentia proprie dicta, est in solo appetitu sensitivo, scilicet in vi concupiscibili, quam, & denominat, ut patet.

Ad Argumenta

Ad 1. Dicitur ad antec. quod appetitus sapientie, vel aliorum bonorum spiritualium, nū est concupiscentia, ut pote, qui est solius animæ, sed est simplex motus voluntatis in bonum spirituale. Interdum tamen nominatur concupiscentia etiā in scriptura propter duo, scilicet vel propter similitudinem quandam, quatenus scilicet tam appetitus intellectus, quam sensus, fertur in bonum delectabile. Vel propter intensionem appetitus superioris partis, ex quo fit redundantia in inferiorem appetitum, ut simul etiam ipse inferior appetitus, suo modo tendat in spirituale bonum consequens appetitum superiorem, & etiam ipsum corpus spiritualibus deferuiat, sicut in Psal. dicitur. Cor meum, & caro mea exultauerunt in Deum viuum.

Ad 2. Dicitur ad maiorem, quod Desiderium magis pertinere potest (proprie loquendo) non solum ad inferiorem appetitum, sed etiam ad superiorem: non enim importat aliquam consociationem

in cupiendo, sicut concupiscentia, sed simplicem motum in rem desideratam.

Ad 3. Dicitur ad antec. quod unicuique potentie animæ appetere competit proprium bonum appetitu naturali, qui non sequitur apprehensionem; sed appetere bonum appetitu animali, qui sequitur apprehensionem, pertinet solum ad vim appetitivam. Appetere autem aliquod sub ratione boni delectabilis secundum sensum, quod proprie est concupiscere, pertinet ad vim concupiscibilem. Vnde negatur consequentia.

ARTICVLVS II.

Vtrum Concupiscentia sit passio specialis.

Pro Negativa.

Videretur, quod Concupiscentia non sit passio specialis potentie concupiscibilis.

1. Concupiscentia non distinguitur a concupiscibili. Ergo Concupiscentia non est specialis passio.

Antec. Prob. Illa, quorum idem est obiectum, non distinguuntur. Sed Concupiscibilis, & concupiscentia est idem obiectum. Ergo Concupiscibilis, & Concupiscentia non distinguuntur.

Minor. quia Viriusque obiectum est delectabile secundum sensum.

2. Passio, quæ est idem amor, non est specialis. Sed Concupiscentia est idem amor. Ergo Concupiscentia non est specialis passio.

Maior prob. quia Passiones speciales ad invicem distinguuntur.

Minor. quia Aug. dicit lib. 82. quæst. q. 33. quod Cupiditas est amor rerum transeuntium.

3. Passio, cui in concupiscibili non opponitur aliqua passio specialis, non est passio specialis. Sed Concupiscentia nulla opponitur specialis passio in concupiscibili. Ergo Concupiscentia non est specialis passio.

Maior. quia Cuilibet passioni concupiscibilis, opponitur aliqua passio specialis pertinet ad vim concupiscibilem, ut dictum est quæst. 23.

Minor. quia Damasc. lib. 2. Orth. fid. c. 12. dicit, quod Bonum expectatum, concupiscentiam constituit, præsens vero lætitiā: similiter expectatum malum, timorem, præsens vero tristiā, ex quo videtur, quod sicut tristiā contrariatur lætitiā, ita timor contrariatur concupiscentie, qui timor non est in concupiscibili, sed in irascibili.

Pro Affirmativa.

Concupiscentia causatur ab amore, & tendit in delectationem, quæ sunt passiones concupiscibilis: & sic distinguuntur ab alijs passionibus concupiscibilis, tanquam passio specialis.

Dat.

Determinatio.

Conclusio. Concupiscentia est passio differens specie ab alijs duabus passionibus concupiscibilis, scilicet ab amore, & delectatione. Sed concupiscere hoc, vel illud, facit concupiscentias diuersas secundum numerum tantum.

Prob. quo ad primam partem. Passio, cuius obiectum est differens ab obiecto aliarum passionum per diuersitatem virtutis agendi, est passio specialis, specie differens ab alijs passionibus. Sed Concupiscentia est passio, cuius obiectum differt ab obiecto aliarum passionum concupiscibilis, scilicet ab obiecto amoris, & delectationis, secundum diuersitatem virtutis agendi. Ergo concupiscentia est specialis passio, specie differens ab amore, & delectatione.

Maiores manifestatur, & simul probatur secunda pars conclusionis.

Pro quo est sciendum, quod Obiectum concupiscibilis est bonum sensibile communiter acceptum. Vnde diuersitas passionum concupiscibilis, desumenda est ex distinctione boni sensibilis, & secundum eius diuersas differentias, diuersas passiones constituuntur. Potest autem obiectum hoc distinguere dupliciter. Vno modo, secundum diuersitatem naturæ ipsius: puta si distinguatur bonum sensibile in cibum, potum, vestimenta, venerea, &c. erit hæc distinctio boni sensibilis materialiter. Alio modo, formaliter, scilicet secundum diuersitatem modi agendi in ipsam potentiam. Vt si dicatur, quod alia est virtus agendi boni sensibilis secundum se, alia quando est distans, Et alia quando est præsens.

Diuersitas boni sensibilis, quæ attenditur tantum secundum naturam, non facit diuersitatem actuum, siue passionum concupiscibilis, nisi secundum numerum, & hoc dicitur in secunda parte conclusionis, scilicet quod concupiscere hoc, vel illud, puta cibum, potum, voluptates, non sunt diuersæ passiones, sed sunt diuersi actus eiusdem passionis, numero solo differentes. Sed diuersitas boni sensibilis, secundum diuersitatem virtutis agendi, est quasi differentia formalis, constituens diuersitatem passionum specificam. Vnde quia alia est virtus boni sensibilis, secundum se considerati, pro ut abstrahitur præsentis, & absentis, agendi in concupiscibilis, & alia quatenus est præsens, alia quatenus est absens. Ideo alia est passio, quæ est de bono sensibili secundum se, alia quæ est de bono sensibili absentis, & alia de præsentis. Bonum enim sensibile secundum se, habet, ut sibi adaptet, & quodammodo sibi conformet appetitum, & secundum hoc de bono sensibili est passio prima, quæ dicitur amor. Secundum quod

est absens, mouet appetitum ad se ipsum; & sic causat desiderium. Quatenus vero est præsens, quietat appetitum per delectationem. Bonum igitur sensibile, ut sic, causat amorem, bonum sensibile absens causat desiderium, & bonum sensibile præsens causat delectationem. & sic patet minor; quæ erat manifestanda, & conclusio, quo ad ambas suas partes.

Sed probatio secundæ partis formata hæc est. Actus, qui distinguuntur tantum ex distinctione materiali obiectorum, solo numero distinguuntur. Sed Concupiscere hoc, vel illud, sunt actus distincti tantum ex diuersitate materiali obiectorum. Ergo Concupiscere hoc, vel illud bonum sensibile, tantum numero, secundum naturam distinguuntur, licet huiusmodi actus in genere moris, etiam genere possit diuersificari. Præmissæ ex dictis patent.

Ad argumenta.

Ad 1. Negat. antec. Ad probationem negatur minor. Ad cuius probationem dicitur, quod bonum delectabile, non est absolute obiectum concupiscentiæ, sed sub ratione absentis: sicut & sensibile sub ratione præteriti est obiectum memorie. Huiusmodi enim particulares conditiones diuersificant speciem passionum, vel etiam, potentiarum sensitiuæ partis, quæ respicit particularia.

Ad 2. Neg. minor. Ad cuius probationem dicitur dupliciter. Primo, quod illa prædicatio, scilicet cupiditas est amor, est per causam, non per essentiam, non enim cupiditas est amor secundum essentiam, sed est effectus amoris. Secundo, quod August. accipit cupiditatem large, pro quolibet motu appetitus, qui potest esse respectu boni futuri. Vnde comprehendit sub se, & amorem, & spem.

Ad 3. Neg. minor, & ad probationem dicitur, quod Opponitur ei aliqua passio, sed illa est innominata, & loco eius aliquando ponitur timor. Et ratio est, quia talis passio innominata est mali absentis, sicut concupiscentia est boni absentis, ideo nominatur timor, qui est mali absentis. Sicut etiam loco cupiditatis aliquando ponitur nomen spei, quæ etiam est de bono absentis ardua.

ARTICVLVS III.

Vtrum sint aliquæ concupiscentiæ naturales, & aliquæ non naturales.

Pro Negatiua.

Videtur, quod Concupiscentiarum non sint aliquæ naturales, & aliquæ non naturales.

1. Passio, quæ est in appetitu animati, non potest esse naturalis. Sed Concupiscentia est in appetitu

petitu animali, vt dictum est. Ergo Concupiscentia non est naturalis.

Maior. quia Appetitus naturalis diuiditur contra appetitum animale.

2. Si quæ sunt passiones naturales, & non naturales, non possunt differre nisi secundum numerum. Ergo Non sunt diuidendæ passiones in naturales, & non naturales.

Conseq. prob. quia Diuisio, quæ est secundum numerum, non cadit sub arte.

Antec. Diuersitas materialis est secundum numerum, non secundum speciem. Sed Diuersitas concupiscentiæ naturalis, a non naturali est materialis. Ergo Est solum secundum numerum.

Minor huius. quia Huiusmodi diuersitas est ex diuersitate obiectorum concupiscibilium, quæ est materialis, & secundum numerum tantum.

3. Si in homine est aliqua concupiscentia non naturalis. Ergo Talis concupiscentia est rationalis. Sed Hoc est falsum. Ergo Et id, ex quo sequitur.

Conseq. prob. quia Ratio contra naturam diuiditur, vt dicitur in 2. Phis. Ergo Si ponitur in homine passio non naturalis, non poterit esse nisi rationalis.

Falstas consequentis prob. quia Cum concupiscentia sit passio quædam, pertinet ad appetitum sensitium, non autem ad voluntatem, quæ est appetitus rationis.

Pro affirmatiua.

Phil. 4. Eth. c. 11. & in 1. Rhet. c. 11. ponit quasdam concupiscentias naturales, & quasdam non naturales.

Determinatio.

Concl. Concupiscentia quædam sunt naturales, & quædam non naturales.

Declaratur, & probatur. Sciendum igitur, & quod distinctio concupiscentiæ, ex eius obiecto esse pendenda, vt dictum est. Obiectum autem concupiscentiæ est bonum delectabile. Concupiscentia enim est appetitus boni delectabilis. Vnde secundum distinctionem boni delectabilis, sunt distinguendæ concupiscentiæ. Dupliciter autem aliquid est delectabile, Vno modo, quia est conueniens naturæ animalis: sicut cibus, & potus, & alia huiusmodi. Alio modo dicitur esse delectabile, quia est conueniens animali secundum apprehensionem: sicut cum aliquis apprehendit aliquid, puta dignitates, honores, scientias; & huiusmodi vt bonum conueniens, secundum iudicium rationis, hæc enim non appetuntur quasi sint spectantia ad naturam, sed quia ratio ea iudicat bona, & conuenientia. Appetitus igitur delectabilis, quod secundum se est conueniens naturæ, dicitur appetitus naturalis, quia est de conuenientibus naturæ: vt sic. Appetitus vero, quo concupiscimus ea, quæ sunt bona, & ex eo quod ratio ita ip-

sa apprehendit, s. vt conuenientia, dicitur appetitus non naturalis, & solet appellari cupiditas. Si quis igitur appetat cibum, & potum, & his similia, concupiscit concupiscentia naturali, quia hæc sunt conuenientia secundum naturam. Si quis vero appetat dignitates, honores, &c. appetit ea appetitu rationali, quia hæc bona sunt, & conuenientia secundum apprehensionem rationis.

Differunt autem hæc duo concupiscentiarum genera in hoc, quod concupiscentiæ naturales sunt hominibus, & alijs animalibus communes. Et ratio est, quia tam animalibus, quam hominibus est aliquod bonum delectabile, conueniens eis secundum naturam. Vnde Phil. 3. Eth. c. 11. vocat eas cōes, & necessarias. Cōes, quia omnibus animalibus conueniunt. Necessarias, quia sunt naturales. Concupiscentiæ vero non naturales sunt proprie hominibus, quorum proprium est excogitare aliquid, vt bonum, & conueniens præter id, quod natura requirit. Vnde Phil. 1. Rhet. c. 11. dicit primas concupiscentias esse irrationabiles. Secundas vero cum ratione, & quia diuersimode ratiocinantur dicuntur huiusmodi concupiscentiæ secundæ propriæ: & appositæ, id est supernaturales vt patet 3. Ethic. c. 11.

Ex quibus sic prob. Concl. Quoddam est bonum delectabile conueniens naturæ secundum se, quoddam vero est delectabile secundum apprehensionem rationis. Ergo Est quædam concupiscentia naturalis, & quædam secundum rationem.

Cōseq. prob. Delectabile est obiectum concupiscibilis. Vnde secundum formalem rationem boni delectabilis, sunt assignandæ diuersæ species concupiscentiæ.

Ad Argumenta.

Ad 1. Neg. maior. Ad prob. dicitur, quod licet appetitus naturalis, diuidatur contra animale, tamen illud idem, quod appetitur appetitu naturali, potest appeti appetitu animali, cum fuerit apprehensum: & secundum hoc cibus, & potus, quæ appetuntur naturali appetitu, vt sunt necessaria ad naturæ conseruationem, possunt etiam appeti appetitu animali, cum apprehenduntur per sensum, vt delectabilia.

Ad 2. Neg. antec. Ad cuius prob. neg. minor. Diuersitas. n. concupiscentiæ naturalis, a non naturali, non est solum materialis, & numeralis, sed est formalis, & specifica. Ad cuius prob. dicitur, quod huiusmodi obiecta considerari possunt dupliciter. Vno modo, vt res sunt, siue materialiter. Alio modo, vt obiecta motiua sunt, siue formaliter. Si primo modo considerentur, non distinguuntur potentias, nec actus potentiarum, nisi materialiter. Si vero considerentur, vt obiecta motiua sunt, causant diuersitatem specificam potentiarum, & actuum. Vnde appetere cibum, & potum, hinc, vel illi, non facit diuersitatem concupiscentiæ, nisi numerali: tamen

Bb appetite-

appetere cibum, pro vt est necessarius naturę, vel vt est delectabilis secundum sensum, vel propter aliquem alium finem; facit distinctionem specificam concupiscentiæ. Appetere igitur cibum, vt naturę necessarium, pertinet ad naturalem appetitum. Appetere vero cibum propter delectationem, vel sensualitatem, pertinet ad appetitum non naturalem.

Ad 3. Negat. conseq. Ad probationem dicitur, quod in homine non solum est ratio vniuersalis, quę pertinet ad partem intellectuam, sed etiam ratio particularis, quę pertinet ad partem sensitiuam, vt in 1. P. P. q. 78. ar. 4. dictum est. Et secundum hoc etiam concupiscentia, quę est cum ratione, potest ad appetitum sensitiuum pertinere, & propter hoc appetitus sensitiuus potest etiam a ratione vniuersali moueri, mediante imaginatione particulari.

ARTICVLVS IV.

Vtrum Concupiscentia sit infinita.

Pro Negatiua.

Videtur, quod Concupiscentia non sit infinita.

1. Illa passio, cuius obiectum habet rationem finis, non est infinita. Sed Obiectum concupiscentiæ habet rationem finis. Ergo Concupiscentia non est infinita.

Maior. quia Infinitum excludit rationem finis.

Minor. quia Obiectum concupiscentiæ est bonum, quod habet rationem finis.

2. Passio, quę est boni conuenientis, non est infinita. Sed Concupiscentia est boni conuenientis. Ergo Concupiscentia non est infinita.

Maior. quia Infinitum, vt pote improporcionatum, non est bonum conueniens.

Minor. quia Concupiscentia ex amore procedit.

3. Passio, quę attingit ad vltimum, non est infinita. Sed Concupiscentia est pertingens ad vltimum. Ergo Concupiscentia non est infinita.

Maior. quia Infinita non est pertransire, & sic in eis non est peruenire ad vltimum: quod ergo attingit ad vltimum, non est infinitum.

Minor. quia Concupiscenti sit delectatio, per hoc quod pertingit ad vltimum. Vnde si concupiscentia esset infinita, nunquam fieret delectatio.

Pro Affirmatiua.

Phil. dicit, 1. Polityc. ca. 6. quod Infinito concupiscentiæ existente, homines infinita desiderant.

Determinatio.

Distinctio. Concupiscentia est duplex. Vna naturalis. Alia non naturalis, de qua distinctione dictum est art. præced.

1. Conclusio. Naturalis concupiscentia non potest esse ase actu infinita.

Prob. Natura semper intēdit aliquid finitum, & certum. Sed Concupiscentia naturalis est de eo, quod intenditur a natura. Ergo Concupiscentia naturalis est ad aliquid, determinatum, & certum, & non infinita.

Patet etiam hæc conclusio a signo, nam nunquam homo concupiscit infinitum cibum, vel potum.

2. Conclusio. Concupiscentia naturalis contingit esse infinita per successionē, vt scilicet post adeptum cibum, iterum alia vice desideret cibum, vel quodcunque aliud, quod natura requirit.

Prob. quia Huiusmodi corporalia bona cum adueniunt, non perpetuo manent, sed deficiunt. Vnde dixit Dominus Samaritana. Ioan. 4. Qui biberit ex hac aqua, sitiet iterum.

3. Conclusio. Concupiscentia non naturalis omnino est infinita.

Prob. Concupiscentia non naturalis sequitur rationem. Ergo Concupiscentia non naturalis est infinita.

Antec. patet ex præced. art.

Conseq. prob. quia Rationi competit infinitum procedere, & hoc manifestatur, quia qui concupiscit diuitias, potest eas concupiscere, non ad aliquem certum terminum, sed simpliciter esse diuitem, quantumcunque potest.

Potest alia via responderi huic quaesito, ostendendo idem, scilicet quod quædam concupiscentia est finita, & quædam non est finita, & hoc secundum Phil. 1. Poli. c. 6.

Distinctio. Pro qua est sciendum, quod Concupiscentia est duplex, scilicet Concupiscentia, finis, & concupiscentia eorum, quę sunt ad finem.

1. Conclusio. Concupiscentia finis est infinita.

Prob. Quod per se concupiscitur, in infinitum concupiscitur. Sed Finis per se concupiscitur. Ergo Concupiscentia finis est infinita.

Maior. Nam quia sanitas per se concupiscitur, maior sanitas magis concupiscitur, & sic in infinitum. Et iterum quia album per se disgregat visum, magis album, magis disgregat, & sic in infinitum.

2. Concl. Concupiscentia eius, quod est ad finem, non est infinita, si secundum illam mensuram appetitur, quę competit fini.

Manifestatur. Nam qui finem ponunt in diuitijs, habent concupiscentiam diuitiarum infinitam, quatenus eas appetunt, vt finē, qui autem diuitias appetunt propter necessitatem vitę, concupiscunt diuitias finitas, sufficientes ad necessitatem

tatem vitæ, vt Phil.dicit, & eadem ratio est de alijs concupiscibilibus.

Ad argumenta.

Ad 1. Dicitur, quod si in argumento sermo sit de concupiscentia naturali, iuxta primum modum, quo factus est questio, dicitur, ipsum concludere concupiscentiam naturalem esse actum finitum, non autem probat non posse esse infinitum in potentia. Vnde ad maiorem dicitur, quod cuius obiectum habet rationem finis, est finitum actum, sed tamen potest in potentia esse infinitum. Ad cuius probationem dicitur, quod finis in actu excludit rationem infiniti in actu, non tamen excludit infinitatem in potentia. Appetitus enim sanitatis est quidem actum finitus, sed potest esse infinitus in potentia, quatenus potest magis, ac magis concupiscere. Si vero sermo sit de concupiscentia non naturali, aliter dicitur. Concludit enim tunc argumentum, quod quilibet concupiscentia, quæ se vel in actu aliquid apprehendit est finita, & hoc verum est, quia quilibet actualis concupiscentia, est finita, vel quia concupiscit aliquid, quod est actum finitum, vt quando quis concupiscit sanitatem, vel diuitias sufficientes ad sustentandam vitam, vel si concupiscit aliquid infinitum, concupiscit sub ratione finiti, quia sic solus potest cadere sub apprehensione eius, qui concupiscit. Sicut si quis appetat infinitas pecunias, non potest eas appetere, nisi sub ratione finiti, quia vt finitum solum apprehenduntur. Verum est igitur, quod quilibet actus concupiscentiæ, quo concupiscit aliquid finitum, actum est finitus, cum hoc tamen stat, quod concupiscit, vt sic, possit esse infinita, quatenus per infinitos actus potest in finitum appetere, & concupiscere, secundum quod ratio infinita potest apprehendere. Et secundum hæc ad formam argumenti respondendo dicitur, concedendo totum, scilicet quod quilibet concupiscentia est finita, quia scilicet concupiscitur aliquid vnum finitum in actu, sed tamen adhuc remanet infinita, modo dicto.

Ad 2. Neg. minor. Est enim concupiscentia omnino boni aliquo modo conueniens. Ad prob. dicitur, quod concupiscentia sequitur rationem. Vnde quando concupiscit bonum, quod est conforme rationi, & ei proportionatum, concupiscit bonum sibi conueniens. Ratio autem est quodammodo infinita virtutis, in quantum potest infinitum aliquid considerare, vt apparet in additione numerorum, linearum. Vnde infinitum aliquo modo sumptum est proportionatum rationi. Nam vniuersale, quod ratio apprehendit, est quodammodo infinitum, in quantum in potentia continet singula infinita, & ideo concupiscentia, concupiscens tale infinitum, quod rationi est proportionatum, est boni conueniens.

Ad 3. Neg. minor. Concupiscentia enim non semper attingit ad vltimum eorum, quæ tum in actu, tum in potentia concupiscit. Ad prob. dicitur quod ad hoc, vt aliquis delectetur, non requiritur, quod omnia consequatur, quæ concupiscit, sed in quolibet concupito, quod consequitur, delectetur.

DE DELECTATIONE, & Tristitia.

Deinde Considerandum est, de delectatione, & tristitia.

Et Primo de delectatione. in questionibus, 31.

32. 33. 34.

Secundo de Tristitia. in quest. 35. 36. 37. 38. 39.

Circa delectationem consideranda sunt quatuor.

Primo de ipsa delectatione, secundum se, in q. 31.

Secundo de causa delectationis, in q. 32.

Tertio de effectibus eius, in q. 33.

Quarto de bonitate, & malitia ipsius, in q. 34.

QVÆSTIO XXXI.

DE DELECTATIONE secundum se.

ARTICVLVS I.

Vtrum Delectatio sit passio.

Videtur, quod Delectatio non sit passio.

1. Operatio non est passio. Sed Delectatio est operatio, vt Phil. dicit in 7. & 10. Ethic. ca. 12. Ergo Delectatio non est passio.

Maior. quia Damasc. in 2. lib. Orth. Fid. c. 22. distinguit operationem a delectatione dicens, quod Operatio est motus, qui est secundum naturam, passio vero est motus contra naturam.

2. Passio consistit in moueri. Sed Delectatio non consistit in moueri, sed in motum esse. Ergo Delectatio non est passio.

Maior. quia Pati est moueri, vt dicitur, 3. Physic. text. 28.

Maior. quia Delectatio causatur ex bono iam adepto.

3. Quod consistit in quadam perfectione, non est passio. Sed Delectatio consistit in quadam perfectione, scilicet delectatur. Ergo Delectatio non est passio.

Maior. quia Perfici non est pati, nec alterari, vt dicitur in 7. Physic.

Minor. quia Delectatio perficit opus, vt dicitur. 10. Ethic. c. 4.

Pro Affirmatiua.

Aug. 14. de Ciui. Dei c. 6. ponit delectationem, siue gaudium, vel letitiam inter alias passiones animæ.

Determinatio.

. Conclusio. Delectatio est passio animæ.

Prob. Motus appetitus sensitui, proprie passio

nomnatur, vt dictum est. Sed Delectatio est motus appetitus sensitui. Ergo Delectatio est passio.

Minor. Affectio quæcunque ex apprehensione sensitua procedens, est motus appetitus sensitui. Sed Delectatio est affectio ex apprehensione sensitua procedens. Ergo Delectatio est motus appetitus sensitui.

Minor huius, simul cum minori præcedenti probatur, ex distinctione, quam tradit Phil. de delectatione in 1. Rhet. cap. 10. dicens, quod Delectatio est quidam motus animæ, & constitutio tota simul, & sensibilis in naturam existentem.

Ad cuius definitionis intellectum, est sciendum, quod Res naturales cognitione carentes, & insensibiles, in consecutione suarum perfectionum, in aliquo conueniunt cum animalibus, & in aliquo differunt. Conueniunt in duobus. Primum est, quod sicut res naturales consequuntur suas naturales perfectiones, ita animalia, suas animales perfectiones. Sicut enim graue consequitur locum deorsum, ad quem inclinatur ex sua natura, sic animal consequitur sanitatem, & alias perfectiones ad se pertinentes. Alterum in quo conueniunt est, quod sicut in consecutione naturalium perfectionum, ipsum moueri ad perfectionem, non est totum simul, tamen consequi naturalem perfectionem est totum simul: ita est in consecutione perfectionum, quæ pertinent ad ipsum animal. Generatio enim prout includit præuias alterationes, non est simul, sed successiua, & in tempore, sicut etiã motus: tamen vltimus terminus vtriusque est totus simul.

Differunt autem animalia, & res naturales, quando consequuntur suas perfectiones in vno, & est, quod res naturales non sentiunt, quando constituuntur in id, quod conuenit eis secundum naturam, quando enim lapis constituitur in loco deorsum, hoc non sentit. Animalia vero hoc sentiunt. Quando enim animal consequitur sanitatem, cibum, & similia, sentiunt, & ex isto sensu, siue sensatione causatur quidam motus animæ in appetitu sensitui, qui motus dicitur delectatio.

Ex quibus facile erit habere intellectum præfatæ definitionis. Ponuntur enim in hac definitione delectationis, quatuor particule. Prima, quod sit motus animæ, & per hanc particulam ponitur delectatio in suo genere, oportet enim vt delectationem præcedat motus, quo perfectibile ad perfectionem mouetur. Secunda est. (Constitutio in existentem naturam.) per quam manifestatur causa delectationis, scilicet præterititas boni, & perfectionis, ad quam res per motum peruenit. Et sensus est, quod delectatio presupponit quidem motum, sed tamen non fit, nisi ipsa per-

fectio rei sit in ipsam naturam existentem. Delectatur enim homo, non in acquisitione sanitatis, sed quando sanitas inexistit homini. Tertia particula est (simul tota.) per quam ostenditur, quod delectatio non consistit in ipso moueri ad perfectionem, sed in motum esse. Non enim delectatio est generari, & moueri, sed motum esse, propter scilicet perfectibile est in termino motus. Et per has particulas adhuc non separatur delectatio ab acquisitione perfectionum rerum pure naturalium. Consecutio enim loci deorsum, præsupponit motum, sit in termino motus, & quãdo locus deorsum inexistit graui. Vnde omnes hæ particule tenent locum generis delectationis. Et propter hoc ponitur vltima particula, scilicet (sensibilis) per quam distinguitur delectatio à motu, quo res naturales suas perfectiones consequuntur. Quia delectatio fit per hoc, quod perfectio acquisita sentitur, & cognoscitur: perfectiones vero naturales, a rebus naturalibus non sentiuntur, nec cognoscuntur.

Ex hac igitur definitione sic intellecta remanent probare ambæ minores adductæ in probatione conclusionis, scilicet quod delectatio sit motus animæ, & quod sit ex apprehensione sensus, & per consequens quod delectatio sit passio.

Ad Argumenta.

Ad 1. Dicitur ad minorem, quod quando dicitur, quod delectatio est operatio, non est prædicatio per essentiam, quasi ipsa operatio, sit ipsa essentia delectationis, sicut rationale est essentia hominis: sed est prædicatio per causam, & sensus est, quod operatio est causa delectationis. Operatio enim naturalis, non impedita, est perfectio secunda. Prima enim est forma, per quam fit res in actu primo. Operatio vero est perfectio, per quam res fit in actu secundo. Et ideo quando constituitur animal in propria operatione connaturali, & non impedita, ex tali operatione sequitur delectatio, quæ consistit in perfectum esse, vt dictum est.

Ad 2. Dicitur, quod in animali duplex motus considerari potest respectu finis. Vnus est per hoc, quod apprehenditur. Finis, & representatur appetitui sub ratione boni, & tunc appetitus mouetur, quatenus patitur ab appetibili bono, & delectatur, licet non perfecte. Alter motus est secundum executionem, quando, factu mouetur ad realem consecutionem finis, & iste motus pertinet ad potentias executiuas. Quando vero ita, quod ad finem mouetur, consequitur finem secundum rem, in esse nature, cessat quidē motus, qui erat secundum executionem, & pertinet ad executionem: tamen nõ cessat motus appetitus ab appetibili, immo perfectior fit. Si enim res apprehensa solum, agebat in appeti-

peti-

petitum, multo magis agit in ipsum, quādo est ei præsens secundum suū esse naturæ: & ex huiusmodi actione appetibilis, iam in actu habiti, sequitur delectatio, vt supradictū est in corpore. Ad formā igitur argumenti, dicitur ad minorem, quod delectatio nō constitit in motu, qui est secundū executionē, sed in moueri, quod est ex appetibili in appetitum, & hoc moueri, remanet perfectius cum bono acquisito. Delectatio igitur est ex ipso moueri appetitus ab appetibili.

Ad 3. Dicitur ad maiorem, quod quamuis nomē passionis magis proprie cōueniat passionibus corruptiuis, & in malum tendentibus, sicut sunt cōgritudines corporales, & tristitia, & timor in anima: tamen etiam in bonum ordinantur aliquæ passionēs, vt supra dictum est, & secundum hoc delectatio dicitur passio.

A R T I C V L V S II.

Vtrum Delectatio sit in tempore.

Pro affirmatiua.

V Idetur, quod Delectatio sit in tempore.

1. Motus est in tempore. Delectatio est qui dam motus, vt dictum est art. præced. Ergo Delectatio est in tempore.

2. Diuturnum, & morosum est in tempore. Sed Aliquæ delectationes dicuntur morosæ. Ergo Delectationes sunt in tempore.

3. Aliquæ passionēs animæ sunt in tempore. Ergo Et delectatio est in tempore.

Conseq. prob. quia Omnes passionēs animæ sunt vnius generis.

Pro Negatiua.

Phil. dicit 10. Ethic. c. 4. quod Secundum nullum tempus accipiet quis delectationem.

Determinatio.

Distinctio. Aliquid contingit esse in tempore dupliciter. Vno modo secundum se. Alio modo per aliud, & quasi per accidens. Illa secundum se dicuntur esse in tempore, de quorum ratione est successio, vel aliquid ad successionem pertinet, sicut sunt motus, quies, locutio, & alia huiusmodi. Illa vero dicuntur esse in tempore secundū aliud, & non per se, de quorum ratione, licet non sit aliqua successio, tamen aliqui successui subiacent, sicut esse hominem, de sui ratione non habet successionem (non enim est motus, sed terminus motus, vel mutationis, s. generationis ipsius) sed tamen quia humanū esse subiacet causis transmutabilibus, secundū hoc hominē esse, est in tempore.

1. Conclusio. Delectatio secundum se non est in tempore.

Prob. Quod est in termino motus, non est peti- se in tempore. Sed Delectatio est quasi in termi-

no motus, sin bono iam adeptio, vt dictū est artic. præced. Ergo Delectatio secundum se non est in tempore.

2. Conclusio. Delectatio, quæ est de bono, quod subiacet transmutationi, est in tempore, per accidens.

Prob. Bonum, quod subiacet transmutationi, est in tempore. Ergo Delectatio, quæ est de huiusmodi bono, erit in tempore per accidens, id est per ipsum bonum, quod transmutationi subiacer.

3. Conclusio. Delectatio, quæ est de bono omnino intransmutabili, non est in tempore, nec per se, nec per accidens.

Hæc Conclusio ex dictis manifestissima est. Nam cum non sit delectatio secundum se in tempore, sed solum per aliud, sciheet ratione boni, quod transmutationi subiacer, si bonum, in quo est delectatio, est omnino intransmutabile, euidenter apparet, quod delectatio, quæ in huiusmodi intransmutabili bono inuenitur, nullo modo temporanea erit.

Ad Argumenta.

Ad 1. Respondetur, quod Motus dicitur dupliciter. Vno modo, qui est actus imperfecti, existens in potentia in quantum huiusmodi, vt diffinitur 3. Physic. & talis motus est successiuus, & cōtinuus. Alius motus est actus perfecti, i. existentis in actu, sicut intelligere, sentire, velle, & huiusmodi. Tunc ad maiorem dicitur, quod Motus, qui est actus imperfecti, est in tempore nō autem, qui est actus perfecti, & existentis in actu. Ad minorem vero dicitur, quod Delectatio est motus, qui est actus perfecti.

Ad 2. Dicitur ad maiorem, quod Diuturnum, & morosum per se, est in tempore per se. Diuturnum vero, & morosum solum per accidens, est in tempore per accidens. Tunc ad minorem dicitur, quod delectatio est morosa solum per accidens, vt dictum est in corpore.

Ad 3. Negatur consequentia. Non est enim eadem ratio, de delectatione, & alijs animæ passionibus, quo ad hoc. Nam aliæ passionēs non habent pro obiecto bonum adeptum, sicut delectatio: Vnde plus habent de ratione motus, qui est actus imperfecti, & sic sunt in tempore. Ad probationem dicitur, quod licet omnes passionēs sint eiusdem generis, tamen specie differunt, vt dictum est.

A R T I C V L V S III.

Vtrum Delectatio differat à gaudio.

Pro Negatiua.

V Idetur, quod Gaudium sit omnino idem, quod delectatio.

1. Passiones, quarum idem est obiectum, sunt idem. Sed Gaudij, & delectationis est idem obiectum, scilicet bonum adeptum. Ergo Gaudium, & delectatio sunt omnino idem.

2. Ea, quæ terminant eundem motum, sunt idem. Sed Gaudij, & delectatio terminant eundem motum. Ergo Gaudium est idem quod delectatio.

Maiores. quia Idem motus non terminatur ad duos terminos.

Minor. quia Concupiscentia terminatur ad gaudium, & delectationem.

3. Si gaudium est aliud à delectatione. Videretur, quod pari ratione, & lætitia, & exultatio, & iocunditas significent aliquid aliud à delectatione, & sic erunt omnes diuersæ passiones. Sed Hoc videtur esse falsum. Ergo Gaudium non differt à delectatione.

Pro affirmatiua.

Ea, quorum vnum potest inueniri in aliquo, in quo non inuenitur aliud, differunt ad inuicem. Sed Gaudium, & delectatio sic se habent, quod in aliquibus inuenitur delectatio, in quibus non inuenitur gaudium. Ergo Delectatio non est idem quod gaudium.

Minor prob. quia In brutis animalibus inuenitur quidem delectatio, non tamen dicimus in eis esse gaudium.

Determinatio.

Conclusio. Gaudium non est omnino idem quod delectatio, sed est quædam eius species.

Primo prob. autoritate Auicennæ, dicentis in suo libro de anima, quod Gaudium est quædam species delectationis.

Secundo prob. ratione. Ea, quæ sic se habent, quod vnum vniuersaliter prædicatur de altero, & non è conuerso, non sunt omnino idem, sed differunt sicut genus, & species. Sed Gaudium, & delectatio sic se habent, quod delectatio prædicatur vniuersaliter de gaudio, ita vt vere possit dici, quod omne gaudium est delectatio, & non è conuerso, quod omnis delectatio sit gaudium. Ergo Gaudium, & delectatio non sunt omnino idè, sed gaudium est quædā species delectationis.

Maiores est manifesta ex se. Quia enim animal, & homo sic se habent, quod animal vniuersaliter prædicatur de homine, & non è conuerso; non sunt omnino idem animal, & homo, sed homo est species animalis.

Minor manifestatur. Pro quo est considerandum, quod sicut concupiscentiæ sunt in duplici differentia, scilicet naturales, & non naturales, quemadmodum dictum est in quæst. præced. artic. 3. Ita etiam sunt quædam delectationes natu-

rales, & quædam non naturales. Vel (sicut Damasc. lib. 2. orth. fid. cap. 13. & Greg. lib. 4. cap. 10. dicunt) sunt delectationes quædam corporales, & quædam animales. Ratio autem ponendi hoc duplex genus delectationum est, quia delectamur, tum in his, quæ naturaliter concupiscimus, postquam ea adepti fuerimus, & etiā in his, quæ secundum apprehensionem rationis concupiscimus. Sicut non solum delectamur de acquisitione sanitate, cibis, & similibus; sed etiam de honoribus, dignitatibus, &c. Per hoc igitur differunt gaudium, & delectatio, quod delectatio est de his, quæ naturaliter concupiscimus, & de his, quæ concupiscimus ratione. Delectamur enim de vtrisque, vt dictum est, non solum nos homines, sed bruta delectantur in acquisitione boni naturalis delectabilis. Gaudium vero non est de naturaliter concupitis, vt naturaliter sunt concupita, sed solum de his, quæ sunt concupita per apprehensionem rationis; & propter hoc brutis attribuitur delectatio, & non gaudium. Vnde delectatio in plus se habet, quam gaudium, & ex hoc patet, quod omne gaudium est delectatio, sed non omnis delectatio est gaudium.

Est tamen sciendum, quod homo, non solum gaudet de his, quæ concupiscit secundum rationem, sed etiam de naturalibus, sed hoc est, quia ea, quæ concupiscit naturaliter, potest etiam concupiscere ratione, & quatenus naturalia concupiscit per rationem, de ipsis gaudet. Homo enim per rationalem appetitum appetit etiam sanitatem, & cibum, quæ pertinent ad naturam, & secundum quod, ea sic appetit, in his delectatur. Vnde in homine de omnibus, de quibus est delectatio, potest esse gaudium, quamuis non semper sic sit de facto. Aliquando enim homo de aliquo delectatur secundum corpus, & tamen non gaudet, sed potius tristatur, vt potest accidere in actu peccati alicuius.

Ad argumenta.

Ad 1. Dicitur ad minorem, quod Delectatio, & gaudium, quatenus distinguuntur, non terminantur ad idem formale obiectum, sed materiale solum. Diuersitas enim apprehensionis, s. per sensum, vel per rationem est ratio formalis obiecti, gaudij, & delectationis, vt dictum est quæst. præced. artic. 3. ad 1. de obiecto concupiscentiæ.

Ad 2. Negatur minor. Ad probationem dicitur, quod Concupiscentia non est vna tantum, sed multiplex. Vnde concupiscentia rationis, quæ dicitur desiderium, terminatur ad gaudium, & concupiscentia, quæ est secundum apprehensionem sensitiuam, terminatur ad delectationem, vnde non sunt idem motus.

Ad 3. Negatur conseq. Ad probationem dicitur, quod illa nomina ad delectationem pertinentia, sunt imposita ab effectibus delectationis. Nā letitia imponitur a dilatactione cordis, ac si diceretur, letitia: Exultatio vero dicitur ab exterioribus signis delectationis interioris, quæ apparent exterius, in quantum scilicet interius gaudiū profilit ad exteriora. Iocunditas vero, dicitur a quibusdam specialibus letitiæ signis, vel effectibus. Et tamen omnia ista videntur pertinere ad gaudium, non enim vtimur eis nisi in naturis rationalibus.

ARTICVLVS III.

Vtrum Delectatio sit in appetitu intellectiui.

Pro Negatiua.

Videtur, quod Delectatio non sit in appetitu intellectiui.

1. Motus sensibilis non est in parte intellectiua. Sed Delectatio est motus quidam sensibilis, vt Phil. dicit 1. Rhet. c. 10. Ergo Delectatio non est in parte intellectiua.

2. Omnis passio est in appetitu sensitui. Delectatio est quidam passio. Ergo Delectatio est in appetitu sensitui, & non in intellectiui.

3. Quod est commune nobis, & brutis, nō est in parte intellectiua. Sed Delectatio est communis nobis, & brutis. Ergo Delectatio non est in parte intellectiua.

Maiores prob. quia Quod est commune nobis, & brutis, debet esse in parte, quæ est communis nobis, & ipsis, quæ non est intellectus, sed sensus.

Pro Affirmatiua.

Actus, qui se extendit ad Deum, est in parte intellectiua. Sed Delectatio se extendit ad Deū: de Deo enim possumus delectari. Ergo Delectatio est etiam in parte intellectiua.

Maiores. quia Appetitus sensituius ad Deum nō se extendit.

Minor. quia in Psalmo 36. dicitur. Delectare in domino.

Determinatio.

Conclusio. In appetitu intellectiui, siue in voluntate est delectatio, quæ dicitur gaudium, non autem delectatio corporalis.

Prima pars prob. Quod sequitur apprehensionem rationis, ponitur in voluntate. Sed quædam delectatio, scilicet gaudium, sequitur apprehensionem rationis, vt dictum est. Ergo Delectatio, quæ est gaudium, ponitur in voluntate.

Vel sic. Ad apprehensionem rationis, non solum mouetur appetitus sensituius, per applicationem ad aliquod particulare, sed etiam appetitus intellectuius, qui dicitur voluntas. Ergo Delectatio

non solum est in appetitu sensitui, sed etiam in appetitu intellectiui, qui est voluntas.

Conseq. prob. quia Delectatio quædam sequitur apprehensionem rationis, vt superius dictum est. Altera conclusionis pars, scilicet quod Delectatio corporalis non sit in appetitu intellectiui, tanquam manifesta relinquatur. Eo quia voluntas non est virtus affixa organo corporali.

Differētia inter delectationem vtriusque appetitus.

Inter delectationem appetitus sensitui, & intellectui est differentia, quod Delectatio appetitus sensibilis, est cum aliqua immutatione corporali. Delectatio autem appetitus intellectui, nihil aliud est, quam simplex motus voluntatis, & secundum hoc Aug. dicit in 4. de Ciuit. Dei, ca. 6. quod Cupiditas, & letitia nihil est aliud, quā voluntas in eorum consecutione, quæ volumus.

Ad argumenta.

Ad 1. Dicitur ad minorem dupliciter. Primo quod Philo. ponit ly sensibile, in diffinitione delectationis, secundum quod sensibile significat quācūq; apprehensionem, ita vt sensibile significet, idem quod perceptibile, siue secundum sensum, siue secundum intellectum. Vnde ipsemet 10. Eth. dicit quod secundum omnem sensum est delectatio, similiter autem, & secundum intellectum, & speculationem.

Dicitur. Secundo, quod Phil. ibi diffinit solum delectationem appetitus sensitui.

Ad 2. Dicitur ad minorem, quod Delectatio sumitur dupliciter. Vno modo, proprie, in quantum est cum aliqua transmutatione corporali: & sic habet rationem passionis. Sed sic accepta non est in appetitu intellectiui. Alio modo, vt est simplex motus voluntatis: & sic est in Deo, & in Angelis. In Deo quidem, quia Phil. dicit 7. Ethic. c. vlt. qd Deus vna simplici operatione gaudet. In Angelis vero, quia Dionys. c. vlt. cel. Hier. dicit quod Angelis non sunt susceptibiles nostræ passibilis delectationis, sed congaudent Deo secundum incorruptionis letitiam.

Ad 3. Dicitur, quod Argumentum supponit vnum falsum, scilicet quod in nobis non sit nisi delectatio, quæ est communis nobis, & brutis. Vnde concludit hoc solum, quod delectatio, quæ est communis nobis, & brutis, non sit nisi in appetitu sensitui, & hoc verissimum est. Sed quia in nobis non solum est delectatio, in qua communicamus cum brutis, sed etiam, in qua communicamus cum Angelis, vt Dionys. dicit. Ideo in nobis est delectatio, non solum secundum appetitum sensituium, sed etiam secundum appetitum intellectuium, in quo cum

cū Angelis cōicamus. Vnde ad formā argumenti neg. minor, vniuersaliter intellecta. s. q̄ oīs delectatio, quæ est in nobis, sit cōis nobis, & brutis.

ARTICVLVS V.

Utrum Delectationes corporales, & sensibiles sint maiores, delectationibus spiritualibus, & intelligibilibus.

Pro Affirmatiua.

Videtur, quod Delectationes corporales, & sensibiles sint maiores, delectationibus spiritualibus, & intelligibilibus.

1. Delectationes, quas plures sequuntur, sunt maiores. Sed Corporales, & sensibiles delectationes plures sequuntur, quam spirituales, & intelligibiles. Ergo Delectationes corporales sunt maiores spiritualibus.

Maior. quia Omnes sequuntur aliquam delectationem: Vnde maiores, plures sequuntur.

2. Delectationes, quæ habēt maiores, effectus, sunt maiores. Sed Delectationes corporales, & sensibiles habent maiores effectus. Ergo Delectationes corporales sunt maiores.

Maior. Magnitudo causæ ex effectu cognoscitur.

Minor. quia Transmutat corpus, & in quibusdam in sanias faciunt, vt dicitur. 7. Eth. c. 2.

3. Delectationes, quas oportet refrenare, sunt maiores, his, quæ refrenatione non egēt. Sed Corporales delectationes oportet refrenare, non autē spirituales. Ergo Delectationes corporales sunt maiores spiritualibus.

Pro Negatiua.

In Psal. 118. dicitur. Quā dulcia faucibus meis eloquia tua, super mel ori meo. & 10. Eth. c. 7. dicitur, quod Maxima delectatio est, quæ est secundum operationem sapientie.

Determinatio.

1. Distinctio. Delectationes tū intellectuales, q̄ sensibiles possūt dupl̄r cōsiderari. Vno modo, vt causantur ex operationibus intellectus, vel sensus. Alio modo, vt causantur ex obiectis, tū sensibilibus, tū intelligibilibus. Quæ Distinctio manifestatur, supponendo primo, q̄ dictum est art. 1. huius quæst. qd delectatio provenit ex coniunctione educemētis, cū sentitur, & cognoscitur. Vnde quotiescūq; intellectus, vel sensus recipiunt, & cognoscunt perfectiones ipsis conuenientes, delectantur. Perfectiō autē tū sensus, tū intellectus est duplex. s. Obiectū, & ppria Operatio. Et de obiecto quidem, qd sit perfectiōū potentia, manifestū est: sit. n. potentia ab obiecto ex potentia operās, actū operās, in actū inq̄ primo. Qd vero operatio sensus, & intellectus sint perfectiones ipsarū potētiarū ostenditur ex differentia, q̄ est inter actionem immanētē, & transeuntē. Actio. n. quæ transiit in ex-

teriorē materiā, non est pfectio operantis, sed potius eius, circa qd exerceatur operatio. Motus. n. est actus mobilis a monēte. Operationes vero immanentes sunt perfectiones manentes in operāte. Et quia sentire, & intelligere sunt operationes immanentes, ppea sunt pfectiones operantis. s. sentientis, & intelligentis. Perficitur igitur tā intellectus, q̄ sensus, a pprijs obiectis, & et a proprijs operationibus. Qui. n. intelligit, nō solū letatur, & delectatur in hoc, quod rerum species, & similitudines recipit, sed etiam in earum speculatione, & consideratione: & sic est de sensu.

Possunt ergo delectationes sensibiles, & intellectuales cōparari ad inicē dupliciter. Vno mō, s̄m qd proueniunt ex operationibus Alio mō, ut proueniūt ex obiectis, & tunc erit s̄sus, an delectatio, q̄ sentit hō ex operatione sensitua, sit maior ea, q̄ sentit ex opatione intellectua. Vel an delectatio, q̄ sentit hō ex hoc, qd percipit aliqd s̄sibile, sit maior ea, q̄ hēt ex hoc, qd percipit aliqd intelligibile.

2. Dist. Delectationes sensibiles esse, vel nō esse maiores spiritualibus potest dupliciter intelligi. Vno modo, secundum se. Alio modo, quo ad nos.

1. Concl. Si cōparēt delectationes intelligibiles, delectationibus sensibilib. s̄m qd delectamur in ipsis actionibus, puta in cognitione s̄sus, & in cognitione intellectus, nō est dubiū, q̄ multo maiores sūt delectationes intelligibiles, q̄ sensibiles.

Brenius. Delectationes, quæ proueniunt ex operatione intellectus, sunt simpliciter maiores his, quæ proueniunt ex operatione sensus.

Prob. primo, q̄ sint maiores s̄m se. Maior perfectio, & magis cognita a perfectibili, maiorem causat s̄m se delectationē. Sed Cognitio intellectus est maior perfectio, q̄ sensitua, Et magis cognita ab intellectu, cuius est perfectio, q̄ cognitio sensitua, respectu sensus. Ergo Delectatio, quæ est ex cognitione intellectua, est maior, quā delectatio, quæ prouenit ex cognitione sensitua.

Maior. quia Delectationis quantitas attēditur penes maiorem perfectionem, & maiore cognitionem ipsius perfectionis.

Minor. s. quod operatio intellectua sit perfectior, manifesta est ex se. Quod vero sit magis cognita prob. quia Intellectus magis reflectitur supra actum suum, quā sensus.

Quod uero huiusmodi delectatio, quæ est ex intellectuali operatione, sit maior, et s̄m nos manifestatur, quia Est a nobis magis dilecta. Nullus. n. est, qui non uellet carere magis usu corporali, quam usu intellectuali, eo mō quo bestia, uel stultus carent, vt Aug. dicit lib. 14. de Ciuit. Dei. c. 14.

2. Concl. Si cōparētur delectationes intelligibiles spūales, delectationibus s̄sibilibus corporali-

libus,

libus, secundum se, simpliciter loquendo, delectationes spirituales sunt maiores.

Sub alijs verbis. Delectationes proueniētes ex obiecto intelligibili in intellectum, sunt secundū se maiores delectationibus prouenientibus ex obiecto sensibili in sensum.

Prob. Delectationes prouenientes ex perfectiori obiecto, q̄ sit bonū sensibile, ex perfectiori, & nobiliori subiecto, q̄ sit sensus, & ex maiori coniunctione obiecti delectabilis cū potentia, quā sit vnio sensibilis cū sensu, sunt maiores q̄ sensibiles. Sed Delectationes spirituales intelligibiles sunt ex perfectiori bono delectabili, q̄ sit bonum sensibile, ex nobiliori potentia q̄ sit sensus, & ex maiori coniunctione quam sit coniunctio sensibilis cum sensu. Ergo Delectationes spirituales intelligibiles sunt maiores, quam sensibiles.

Maior prob. quia Illa tria concurrunt ad delectationem. scilicet Bonū delectabile coniunctum, & id, cui coniungitur. scilicet Subiectum, & ipsa Cōiunctio. Vbi igitur ista tria maiora, & perfectiora sunt, maior erit ibi delectatio.

Minor prob. quod ad singulas eius partes. Et quod ad primam. quod bonum spirituale sit maius, & magis dilectum, quam bonum corporale. Manifestatur a signo. Nam homines abstinent se a maximis voluptatibus corporalibus, ne perdāt honorem, qui est bonum intelligibile.

Altera pars. scilicet quod subiectum delectationis spirituales sit perfectius. Probatur. quia Subiectū delectationis spirituales est intellectus, qui est multo nobilior, & magis cognoscitiuus, q̄ sit sensus.

Tertia pars. scilicet quod ipsa coniunctio boni intelligibilis ad intellectum sit maior, quam coniunctio sensibilis cum sensu. Prob. Coniunctio, q̄ est intimior, perfectior, & firmitior, est etiam maior. Sed Coniunctio intelligibilis cum intellectu est intimior, perfectior, & firmitior, quam coniunctio sensibilis cum sensu. Ergo est etiam maior.

Prob. minor quod ad oēs partes. Est intimior, quia sensus sistit circa exteriora accidentia rei. Intellectus uero, cum eius obiectū sit quod quid est, penetrat vsq̄ ad essentiam rei.

Est perfectior. quia Coniunctio sensibilis ad sensum adinngitur motus, qui est actus imperfectus, et propterea delectationes sensibiles nō sunt totæ simul, sed in eis aliquid transiit, & aliquid ex pectatur consummandum, ut patet in delectatione ciborum, & uenerorum. Sed intelligibiles sunt absque motu, & ideo sunt totæ simul.

Et tandem est coniunctio intelligibilis cum intellectu firmitior. quia Delectabilia corporalia sūt corruptibilia, & cito deficiunt, bona uero spirituales sunt incorruptibilia.

3. Conclusio. Delectationes corporales, quoad nos sunt magis uehementes.

Prob. ex tribus. Primo. quia Sensibilia sunt magis nota, quod ad nos, quam intelligibilia.

Secundo. quia Delectationes sensitiui appetitus sunt cum aliqua trāsmutatione corporali, qd nō cōtingit se in delectationibus spiritualibus.

Tertio. quia Delectationes corporales appetuntur, ut medicina quædam cōtra corporales defectus, uel molestias, ex quibus tristitia quædā cōsequuntur. Vnde delectationes corporales tristitijs huiusmodi superuenientes, magis sentiuntur, & per cōsequens magis acceptantur, quam delectationes spirituales, quæ non habent tristitias contrarias, ut dicitur infra quest. 3. art. 4.

Ad Argumenta.

Ad 1. Dī ad maiore, qd delectationes, quas plures sequuntur, nō oportet esse maiores, sed sufficit, ut sint uehementiores, & magis cognitæ. Plures igitur sequitur corporales delectationes, nō quia sint maiores, sed quia bona sensibilia sunt magis, & pluribus nota. Et ēt quia hoies indigēt delectationibus, ut medicinis, cōtra multiplices dolores, & tristitias, & cū plures hominū nō possint attingere ad delectationes spirituales, q̄ sunt propriæ virtuosorū, cōsequens est, ut ad corporales declinēt.

Ad 2. Dicitur ad minorem, quod est uera de effectibus per se dependentibus a causa, nō de effectibus dependentibus per accidens. Trāsmutatio uero corporalis nō est effectus per se delectationis, sed accidit ei, quatenus appetitus sensitiuus est in organo corporeo.

Sed dicitur etiam conformiter ad litteram, qd argumentum hoc probat ultimam conclusionē, sic intelligendo præmissas. Delectationes, quæ quo ad nos habent maiores effectus, sunt maiores. scilicet quo ad nos. Et quia delectationes sensibiles habent hoc, ut trāsmutent corpus, quod est effectus nobis notior. Ideo quo ad nos sunt uehementiores, ut dictum est.

Ad 3. Dī ad maiorem, quod aliquid potest indigere, ut frenetur in sua actione, duplici de causa. Prima ex hoc, quod maxime agit. Secunda, quia non recte agit. Sicut equus potest indigere refrenatione in suo cursu propter duo, uel quia nimium currit, uel quia non per rectam uiam currit. Illud igitur, quod indiget frænari propter primum, uerum est, quod est maius, quam quod non indiget frænari: equus enim, qui indiget in suo cursu recto frænari, plus currit, quam qui frænari non indiget. Quod uero indiget frænari propter sē, nō est necesse ut sit maius eo, qd nō indiget frænari: equus. n qui indiget frænari, quia nō recte currit, non sequitur, qd magis currat, sed q̄

male currat, & ideo indiget homine frenante, & dirigente eius cursum. Sic in proposito dicitur, quod corporales delectationes indigent frenari, non propter earum magnitudinem, sed ex hoc, quia sunt secundum partem sensitivam, quæ regulatur a ratione, & ideo indiget temperari, & refrenari per rationem. Sed delectationes spirituales sunt secundum mentem, quæ est ipsa regula: unde sunt secundum se ipsas sobriæ, & moderatæ.

ARTICVLVS VI.

Vtrum Delectationes tactus sint maiores delectationibus, quæ sunt secundum alios sensus.

Pro Negativa.

Videtur, quod Delectationes, quæ sunt secundum tactum, non sint maiores delectationibus, quæ sunt secundum alios sensus.

1. Illa delectatio, quæ exclusa, gaudium omne cessat, videtur esse maxima. Sed Delectatio, quæ est secundum sensum visus, est quæ exclusa, gaudium omne cessat. Ergo Delectatio sensus visus est maxima delectatio.

Minor, quia Tobias, & dicitur. Quale gaudium erit mihi, qui in tenebris sedeo, & lumen cœli non video?

2. Delectatio sensus, qui maxime amatur, est maxima. Sed Sensus visus est, qui inter sensus maxime amatur.

Ergo Delectatio sensus visus est maxima.

Maiores, quia Vnicuique fit delectabile, quod amat, ut dicit Phil. 1. R. hec. c. 11.

3. Delectatio illius sensus, cuius actus est principium amicitie delectabilis, est maxima. Sed Actus sensus visus est causa amicitie delectabilis.

Ergo Delectatio sensus visus est maxima.

Pro Affirmativa.

Phil. Ethic. c. 10. dicit, quod maxime delectationes sunt secundum tactum.

Determinatio.

Distinctio. Delectationes, quæ sunt secundum sensus, sunt in duplici differentia. Quedam enim sunt sensuum, quatenus sunt principium cognitionis, & deferuientes cognitioni. Quædam vero sunt ab ipsis, quatenus sunt utiles ad conseruationem vite animalis.

Manifestatur. Sensus amantur propter duos. Propter cognitionem, & propter utilitatem, ut Phil. dicit 3. Met. Ergo Sensus sunt principium delectationis, & quatenus cognoscitui, & quatenus utiles sunt.

Conseq. prob. quia Vnumquodque in quantum amatur, efficitur delectabile. Unde quod propter

duo amatur, dupliciter etiam causat delectationem. Differunt autem delectationes, quæ sunt ex sensibus, ut sunt cognoscitui, a delectationibus, quæ sunt ex sensibus, ut ordinantur ad conseruationem vite, per hoc, quod primæ delectationes sunt propriæ hominis, secundæ vero sunt communes hominibus, & animalibus ceteris. Et ratio huius est, quia apprehendere ipsam cognitionem tanquam bonum quoddam, proprium est hominis.

1. Conclusio. Si loquamur de delectatione sensus, quæ est ratione cognitionis, secundum visum est maior delectatio, quam secundum aliquem alium sensum.

Hanc conclusionem probat secundum argumentum adductum, cuius minor. Si quod sensus visus sit magis dilectus, & quare, ostenditur in principio 1. Metaph. & est, quia plures rerum differentias nobis demonstrat.

2. Conclusio. Si loquamur de delectatione sensus, quæ est ratione utilitatis, maxima delectatio est secundum tactum.

Prob. Ille sensus, cuius sensibilia propinquius se habent ad conseruationem nature animalis, est principium maioris delectationis, ratione utilitatis. Sed Sensibilia sensus tactus propinquius se habent ad conseruationem vite animalis.

Ergo Delectationes sensus tactus, ratione utilitatis, sunt maiores.

Maiores prob. quia Utilitas sensibilibus attenditur secundum ordinem ad conseruationem nature animalis. Unde sensus, cuius sensibilia propinquius se habent ad conseruationem vite, est causa maioris delectationis.

Minor. quia Tactus est cognoscitiuus eorum, ex quibus consistit animal. scilicet, & frigidi, humidis, & sicci, & ideo delectationes tactus sunt maiores, tanquam fini, id est conseruationi nature animalis, propinquiores.

Prob. etiam Conclusio hæc, a signo, & est, quia Propter hoc alia animalia, quæ non habent delectationes secundum sensum, nisi ratione utilitatis, non delectantur secundum alios sensus, nisi in ordine ad sensibilia tactus. Neque enim odiosis leporum, canes gaudent, sed cibatione: neque Leo voce bonis, sed comestione, ut dicitur 3. Ethic. c. 10.

Sed quia ex dictis adhuc non habetur, quid simpliciter dicendum sit ad quæsitum, quæ delectationes sint maiores simpliciter, sed solum quod delectationes visus vna ratione sunt maiores, & delectationes sensus tactus, alia ratione sunt maiores. Videndum est, quæ harum delectationum absolute, & simpliciter sint maiores, scilicet visus, an tactus.

Pro

no. Pro quo est sciendum, quod sensus visus potest dupliciter considerari. Vno modo, secundum quod est cognoscitivus visibilis, nullo habito respectu ad intellectum. Alio modo, prout deferuit intellectui in cognitione. Si consideretur primo modo, est principium delectationis sensibilis tantum, nec eius limites egreditur. Si vero consideretur secundum modo, iam delectatio secundum ipsum sensum visum pertinet quodammodo ad delectationem spirituales, & intellectuales.

3. Conclusio. Delectatio, quæ est secundum sensum tactus, est simpliciter, & absolute maior, delectatione, quæ est secundum sensum visum, secundum quod delectatio sensus visus consistit infra limites sensibilis delectationis.

Prob. id, quod est naturale in vnoquoque, est potentissimum. Sed Delectationes tactus sunt naturales in animalibus. Ergo Sunt potentissimæ, & maximæ.

Minor. quia Ad delectationes sensus tactus ordinantur concupiscentiæ naturales, ut sunt cibi, venerea, &c.

4. Conclusio. Si consideremus delectationes visus, secundum quod visus deferuit intellectui, erunt potiores.

Prob. quia Intelligibiles delectationes secundum se sunt potiores sensibilibus, ut dictum est art. præced.

Ad Argumenta.

Ad 1. Dicitur ad maiorem, quod nomen gaudij dupliciter potest accipi. Vno modo, ut idem significat quod delectatio. Alio modo, ut est species delectationes, ut supra dictum est. Si nomen gaudij accipitur primo modo, vera est ipsa maior, nam delectatio, quæ ablata, omnes tolluntur, est maxima. Sed tunc negatur minor, ablato. n. visu, remanent adhuc aliæ naturales delectationes. Unde propter hoc Tobias non dixit, qualis delectatio erit mihi, sed quale gaudium. Si vero gaudium accipitur secundo modo, falsa est maior. Nam stat, quod cesset gaudium, & tamen remaneant delectationes naturales. Gaudium enim pertinet ad delectationes animales, tactus ad naturales.

Ad 2. Iam dictum est, quod visus magis diligitur per cognitionem, eo quod multas res differentias nobis ostendat. Unde ad formam dicitur ad maiorem, quod delectatio sensus, qui maxime amat propter cognitionem, est maxima, ratione cognitionis: sed qui maxime amat propter utilitatem, est maxima propter utilitatem. Et quia absolute, & simpliciter magis amatur tactus, ut pote cuius sensibilia immediatius se habent ad conservationem naturæ animalis, propterea eius delectatio absolute est maxima inter sensibiles delectationes.

Ad 3. Dicitur ad minorem, quod sensus visus est causa delectabilis amicitie, & est sensus tactus, immo magis sensus tactus. Nam visus est causa, sicut unde est principium motus, in quantum per visum rei amabilis, imprimitur species rei, quæ allicit ad amandum, & ad concupiscendum eius delectationem. Tactus autem est causa huiusmodi amicitie delectabilis, ut finis: & quia causalitas finis maior est, propterea, & eius delectatio maxima est.

ARTICULVS VII.

Utrum Aliqua delectatio sit non naturalis.

Pro Negativa.

Videtur, quod nulla delectatio sit non naturalis.

1. Omne illud, in quo appetitus quiescit, est ei naturale. Sed Delectatio omnis est in qua appetitus quiescit. Ergo Omnis delectatio est naturalis, & nulla innaturalis.

Maior. quia Appetitus corporis naturalis non quiescit nisi in loco naturali. Ergo Nec appetitus animalis quiescit, nisi in eo, quod sibi est naturale.

Conseq. Simul cum minori probatur, quia Delectatio proportionatur quieti incorporibus.

2. Nullum violentum est delectabile, sed potius est contristans. Sed Quod est contra naturam est violentum. Ergo Nullum delectabile est contra naturam.

3. Constitui in natura, unicuique est naturale. Sed Omnis delectatio est ex hoc, quod quis constituitur in natura. Ergo Omnis delectatio est naturalis.

Maior. quia Constitui in propriam naturam, unicuique causat delectationem, ut patet in definitione Phil. supra posita. ar. 1. huius quæst.

Minor. quia Motus naturalis est ad terminum naturalem.

Pro Affirmativa.

Arif. 7. Ethic. c. 12. dicit, quod quædam delectationes sunt ægritudinales, & contra naturam.

Determinatio.

Distinctio. Natura in homine dupliciter sumitur. Vno modo, pro ut intellectus, & ratio potissimi est hominis natura, quia secundum eam homo in specie constituitur. Alio modo potest sumi natura in homine, secundum quod condiuiditur rationi. scilicet in id, quod est commune homini, & alijs, præcipue, quod rationi non obedit. Et quia naturale dicitur, quod est secundum naturam: sicut in homine naturam dicitur dupliciter, ita naturale homini, potest dici aliquid, dupliciter. Vno modo, quod convenit ei secundum rationem: & sic illæ delectationes erunt homini naturales, quæ conveniunt ei secundum partem intellectivam,

vt sunt contemplatio veritatis, & actus virtutum, & delectationes, quæ in his habentur, possunt dici homini naturales. Alio modo erit naturale homini id, quod conuenit ei secundum partem contra distinctam rationi, & præcipue secundum animam vegetatiuam: & secundum hoc, ea quæ pertinent ad conseruationem corporis, vel secundum indiuiduum; vt cibis, potus, lectus, & huiusmodi: vel secundum speciem, vt venereorũ vsus, dicuntur homini delectabilia naturaliter.

Conclusio. Inter vtrasque delectationes. scilicet tam eas, quæ conueniunt homini, vt homo, quam eas, quæ conueniunt homini, vt animal, possunt esse aliquæ delectationes innaturales simpliciter, naturales tamen secundum quid.

Manifestatur a simili in naturalibus. Nā sicut in naturalibus propter corruptionem alicuius principij naturalis speciei, in aliquo indiuiduo, id quod est innaturale speciei, potest fieri naturale indiuiduo secundum quid; sicut per corruptionem frigiditatis in aqua calefacta, fit naturale huic aquæ calefactæ, calefacere, quod est contra naturam speciei aquæ, ita potest accidere in animalibus. Contingit enim vt id, quod est contra naturam hominis, quantum ad rationem, vel quantum ad corporis conseruationem, fiat huic homini connaturale, propter aliquam corruptionem naturæ, in eo existentem: quæ quidem corruptio potest esse, vel ex parte corporis, vt ex ægitudine. Sicut febricitantibus dulcia videntur amara, & e conuerso. Siue propter malam complexionem: sicut aliqui delectantur in comestione terræ, vel carbonũ, vel aliquorũ huiusmodi. Vel et ex parte animæ: sicut pp consuetudinem aliqui delectantur in comedendo hoies, vel in coitu bestiarum, aut masculorum, aut aliorum huiusmodi; quæ non sunt sibi naturalia humanā.

Ad argumenta.

Ad 1. Dicitur ad maiorem, quod omne illud, in quo, tum appetitus, tum corpus quiescit, est ei naturale, vel simpliciter, vel saltem secundum quid. Ex quo sequitur solum, quod omnis delectatio, saltem secundum quid, respectu indiuidui sit naturalis.

Ad 2. Dicitur ad maiorem, quod id, quod est delectabile, sufficit, vt sit secundum naturam, saltem secundum quid.

Ad 3. Similiter dicitur ad maiorem, quod constituit simpliciter in aliqua natura, est delectabile simpliciter: & constituit secundum quid in aliqua natura, est naturale & delectabile secundum quid.

ARTICVLVS VII.

Vtrum Delectatio possit esse delectationi contraria.

Pro Negatiua.

Videtur, quod Delectationi non sit delectatio contraria.

1. Passiones, quarum obiectum est bonum, non sunt contrariæ. Sed Obiectum omnis delectationis est bonum. Ergo Nulla delectatio est delectationi contraria.

Maiores quia Passiones animæ speciem, & contrarietatem habent ex obiecto. Et quia bonum, non est bono, sed malo contrarium, vt dicitur in Prædicamentis. ideo passiones, quarum obiectum est bonum, non contrariantur adinuicem.

2. Delectationi est contraria tristitia. Ergo Delectatio delectationi non contrariatur.

Consequenter probatur quia Vni, vnum tantum est contrarium, vt dicitur 10. Metaphysicorum. 17.

3. Differentia materialis non est causa contrarietatis. Sed Si delectationi contraria est delectatio, hoc non est nisi propter contrarietatem eorum, in quibus aliquis delectatur, quæ tamen est differentia materialis. Ergo Delectatio non est contraria delectationi.

Maiores probatur quia Contrarietas est differentia secundum formas.

Pro Affirmatiua.

Ea, quæ se impediunt in eodem genere existentia, secundum Phil. 10. Metaphysicorum. 13. sunt contraria. Sed Quædam delectationes se inuicem impediunt, vt dicitur in 10. Ethicorum. 5. Ergo Aliquæ delectationes sunt contrariæ.

Determinatio.

Conclusio. Contingit in affectibus animæ duas delectationes esse contrarias.

Probatur. Quies potest esse quieti contraria. Ergo Delectatio potest esse delectationi contraria.

Antequam patet, quia Quietes, quæ sunt in terminis contrariis, puta Sursum, & deorsum, sunt contrariæ, vt dicitur 5. Physicorum. 14.

Consequenter probatur quia Delectatio in affectibus animæ proportionatur quieti in corporibus naturalibus, vt dictum est articulo 2. huius questionis.

Ad Argumenta.

Ad 1. Neg. maior. Ad probationem dicitur, quod verbum Philosophi, est intelligendum, sibi quod bonum, & malum accipiuntur in virtutibus, & vitiis, nam inueniuntur duo contraria vitia, non autem inuenitur virtus contraria virtuti. In alijs autem nihil prohibet duo bona esse adinuicem contraria: sicut calidum, & frigidum quorum vnum est bonum igni, alterum aquæ. Et per hunc modum delectatio potest esse delectationi contraria: sed hoc in bono virtutis esse non potest, quia bonum virtutis non accipitur nisi per conuenientiam ad aliquid vnum. scilicet rationem.

Ad 2. Neg. consequenter. Sicut namque quieti, cui proportio naturæ delectatio, opponitur motus, & quies alterius corporis in termino contrario, sic delectationi opponitur tristitia, & alia delectatio alterius in aliquo bono naturali, & non naturali, siue non

conueniēti alteri. Ad probationē dī, q̄ vni vnum solum, sūm unā rationē est contrarium: tamen sū diuersā rationem, vni multa opponi possunt.

Ad 3. Neg. minor. Ad probationē dī, q̄ ea, in quibus delectamur, cū sint obiecta delectationis, non solum faciunt differentiam materialem, sed etiam formalem, si sit diuersa ratio delectabilitatis. Diuersa. n. ratio obiecti diuersificat speciem actus, vel passionis, ut ex supra dictis patet.

QVÆSTIO XXXII.

DE CAUSA DELECTATIONIS.

ARTICVLVS I.

Vtrum Operatio sit causa propria delectationis.

Pro Negatiua.

Videtur, quod operatio non sit propria, & prima causa delectationis.

1. Illud, qd est primo delectabile, est causa prima delectationis. Sed Obiectū operationis est primo delectabile, & nō operatio. Ergo Obiectū operationis, & nō operatio, est cā prima delectationis.

Minor. Illud, qd est primo cognoscibile a sensu, est primo delectabile. Sed Obiecta operationē prius sunt cognoscibilia a sensu, q̄ ipse operationes. Ergo Obiecta operationū sūt primo delectabilia.

Minor huius. quia Delectari, consistit in hoc, q̄ sensus aliquid patiatur a delectabili, vt dicitur 1. Rhet. c. 11. Sensus autem patitur, qn̄ cognoscit sensibile. Qd ergo prius cognoscitur a sensu, prius agit in sensum, & prius est delectabile.

2. Delectatio possissime cōsistit in fine adeptio. Sed Operatio non semper est finis adeptus. Ergo Operatio nō est proprie, & p se cā delectationis.

Maior. q̄ Adeptio finis p̄cipue cōcupiscitur.

Minor. Quandoque, nō operatio, sed res operata est finis.

3. Otium, & requies sunt delectabilia, ut dicitur 1. Rhet. c. 11. Ergo Operatio non est causa delectationis.

Conseq. prob. quia Otium, & requies dicuntur per cessationem operis.

Pro Affirmatiua.

Phil. in 7. & 10. Ethic. c. 12. & 4. dicit, quod Delectatio est operatio cōnaturalis, & nō impedita.

Determinatio.

Conclusio. Omnis delectatio oportet quod cōsequatur aliquam operationem.

Prob. Illud, quod est ex consecutione boni cōuenientis, & ex cognitione talis consecutionis, sit adeptionis, consequitur semper aliquam operationem. Sed Delectatio, est ex adeptione boni cōuenientis, & ex cognitione, adeptionis boni cōuenientis, ut dictum est, quæst. p̄ced. art. 1. Ergo Delectatio semper consequitur aliquā ope-

rationem, & ex ea tanq̄ ex propria causa depēdet.

Maior. quia Tam consecutio boni cōuenientis, quam eius cognitio, in operatione quadā consistit. Nam actualis cognitio operatio quadā est, & bonum cōueniens adipiscimur aliqua operatione. Ipsa etiam operatio propria, est quoddam bonum cōueniens.

Ad Argumenta.

Ad 1. Dicitur ad minorem, quod obiecta operationum non sunt delectabilia, nisi in quantum coniunguntur nobis, vel per cognitionem solum: sicut cum delectamur in cōsideratione, vel inspectione aliquorum, vel quocunque alio mō simul cum cognitione: sicut cum aliquis delectatur in hoc, quod cognoscit se habere quodcunque bonum, puta diuitias, vel honorem, vel aliquid huiusmodi, quæ quidem non sunt delectabilia, nisi in quantum apprehenduntur vt habita, ut Phil. dicit in 2. Polit. c. 2. Magnam delectationem habet putare aliquid sibi proprium, quæ procedit ex naturali amore alicuius ad se ipsum, habere autem huiusmodi, nihil aliud est, quam uti eis, vel posse uti, hoc est per aliquam operationem. Vnde manifestum est, quod omnis delectatio in operationem reducitur, sicut in causam.

Ad 2. Dicitur ad minorem, & ad eius probationem, quod etiam in illis, in quibus operationes non sunt fines, sed operata ipsa, operata sunt delectabilia, in quantum sunt habita, vel facta, quod refertur ad aliquem vsum, vel operationē.

Ad 3. Negatur conseq. Ad probationem dicitur, quod otium, & requies non sunt delectabilia, quatenus per ipsa cessatur ab opere, sed quatenus auferunt laborem, & tristitiam, quæ est ex labore. Pro quo est sciendū, quod operationes sunt delectabiles, in quantum sunt proportionatæ, & connaturales operanti. Cum autem mensuram humana sit finita, secundum aliquam mensuram operatio est sibi proportionata. Vnde si excedat illā mensuram, iam non erit sibi proportionata, nec delectabilis, sed magis laboriosa, & accidians. Et secundum hoc otium, & ludus, & alia, quæ ad requiem pertinent, delectabilia sunt, in quantum auferunt tristitiam, quæ est ex labore.

ARTICVLVS II.

Vtrum Motus sit causa delectationis.

Pro Negatiua.

Videtur, quod Motus non sit causa delectationis.

1. Illud, quod est solum quodammodo via ad aliquid habendum, non est causa delectationis. Sed Motus est solum quodammodo via ad aliquid habendum.

Ergo Motus non est causa delectationis.

Maior.

Maiores. quia Sicut supra dictum est. Bonum præfentialiter adeptum est causa delectationis, quod etiam confirmat Phil. 7. Ethic. 6. 12. dicens, quod Delectatio non comparatur generationi, sed operationi rei iam existentis.

Minor. quia Illud, quod mouetur ad aliquid, non habet illud, sed quodammodo est in via respectu illius, secundum quod omni motui adiungitur generatio, & corruptio, ut dicitur in 3. Phys. tex. 2. 4.

2. Quod inducit laborem, & lassitudinem in operibus, non potest esse causa delectationis. Sed Motus inducit laborem, & lassitudinem in operationibus. Ergo Motus non potest esse causa delectationis.

Maiores. quia Operationes, ex hoc quod sunt laboriosæ, & lassantes, non sunt delectabiles, sed magis afflictivæ.

3. Quod importat inuolutionem, non est causa delectationis. Sed Motus importat inuolutionem. Ergo Motus non est causa delectationis.

Maiores. quia Inuolutio opponitur consuetudini, quæ inducit delectationem, ut Philosophus dicit 1. Rhet. cap. 11.

Pro Affirmatiua.

Aug. 8. Confess. cap. 3. ait. Quid est hoc domine Deus meus, cum tu in æternum tibi ipsis gaudium, & quædam de te, circa te semper gaudeant, quod hæc rerum pars alterno defectu, & profectu, offensionibus, & conciliationibus gaudet? Ex quo accipitur, quod homines gaudent, & delectantur in quibusdam alternationibus, & sic motus videtur esse causa delectationis.

Determinatio.

Conclusio. Motus est causa delectationis in rebus transmutabilibus.

Prob. Quod concurrat ad delectationem, ex parte delectabilis, ex parte eius, qui delectatur, & ex parte cognitionis boni convenientis, est causa delectationis. Sed Motus est delectabilis, tum ex parte eius, qui delectatur: tum ex parte boni, quod delectat: tum etiam ex parte cognitionis huiusmodi convenientis boni. Ergo Motus est causa delectationis.

Maiores manifestatur. Nam tria concurrunt ad delectationem, ut dictum est. Primum est bonum delectans, puta cibum, vel virtutem. Secundum est coniunctio boni delectantis, cum eo, qui delectatur. Tertium est, ut ille, qui delectatur, cognoscat hoc bonum convenientem delectabile sibi coniunctum. Illud igitur, quod concurrat ad delectationem respectu horum trium, est causa delectationis.

Minor manifestatur. quod ad omnes partes si-

gillatim. Et quo ad primam. Quia Quando aliquis participat aliquod bonum convenientem, si continetur actio, augetur delectatio. Sicut si quis comedat, consequitur est cibum, sed si per modum comestitionis magis, ac magis fumat de cibo, est huiusmodi cibi sumptio delectabilis, per huiusmodi motum: & quia actiones humanæ habent suas mensuras, motus est causa delectationis in consequutione boni convenientis, usque ad certam mensuram, quod si illam mensuram excedat, delectabile erit recedere. Sicut si quis per motum approximationis ad ignem calefit, huiusmodi motus est delectabilis, usque ad convenientem terminum, quod si quis nimis approximetur, iam delectabile erit ab igne recedere. Ex quibus patet quod motus causat delectationem, in participatione boni convenientis.

Secunda pars, quod motus sit causa delectationis, ex parte eius, qui delectatur, ostenditur. Nam quia Natura eius, qui delectatur, puta hominis, est transmutabilis, ideo aliquando sibi aliquod bonum est convenientem, quod tamen postea non est sibi convenientem. Sicut est convenientem homini, ut in hyeme accedat ad ignem, in ætate autem hoc ei non convenit. Delectatur igitur homo accedere ad ignem, & recedere, quæ fiunt per motum. Unde motus, ex parte eius, qui delectatur, est causa delectationis.

Tertia pars probatur, scilicet ex parte cognitionis. Desiderat enim homo cognoscere aliquod totum, sed quia non potest simul totum apprehendere, ideo delectatur in cognitione partis, post partem quæ sibi inuicem succedit, ut Aug. dicit in 4. Confess. c. 11. Non vis utique stare syllabam, sed transuolare, ut alia veniant, & totum audias. Ita semper omnia ex quibus unum aliquid constat, & non sunt omnia simul, plus delectat omnia, quam singula, si possint sentire omnia.

Correl. Ex quibus elicitur, quod si sit aliqua res, cuius natura sit intransmutabilis, & non possit in ea fieri excessus naturalis habitudinis per continuationem delectabilis, & quæ possit totum suum delectabile simul intueri, non erit ei transmutatio delectabilis. Et quantum aliquæ delectationes plus ad hoc accedunt, tanto plus continuari possunt.

Ad Argumenta.

Ad 1. Dicitur ad minorem, & ad eius probationem, quod id, quod mouetur, etsi nondum habeat perfectæ id, ad quod mouetur, incipit tamen iam aliquid habere eius, ad quod mouetur, & secundum hoc ipse motus habet aliquid delectationis, deficit tamen à delectationis perfectione, nam perfectiores delectationes sunt in rebus immutabilibus.

libus. Motus etiam efficitur delectabilis, inquantum per ipsum fit aliquid conueniens, quod prius conueniens non erat, vel definit esse, ut supra dictum est.

Ad 2. Dicitur, quod quando motus inducit lassitudinem, non est causa delectationis, nec delectabilis. Motus enim laborem, & lassitudinem inducit, secundum quod transcendit habitudinem naturalem: sic autem motus non est delectabilis, sed secundum quod remouetur contraria habitudinis naturalis.

Ad 3. Negatur minor. Ad probationem dicitur, quod Innouatio, per quam receditur à consuetudine, non est delectabilis, tamen ea, quæ est conformis naturæ, est delectabilis. Vnde motus, qui opponitur consuetudini, & per quem ab ea receditur, non est delectabilis: sed ille motus est delectabilis, per quem consequimur ea, quæ nobis conueniunt secundum naturam.

ARTICVLVS III.

Utrum Spes, & memoria sint causa delectationis.

Pro Negatiua.

Videtur, quod Memoria, & Spes non sint causa delectationis.

1. Quæ sunt de bono absenti, non sunt causa delectationis. Sed Spes, & memoria sunt de bono absenti. Ergo Spes, & memoria non sunt causa delectationis.

Maiores, quia Delectatio est de bono presenti, ut Damascenus lib. 2. orth. fid. c. 12.

Minor, quia Memoria est præteritorum, & Spes est futurorum.

2. Quod est causa afflictionis, non potest esse causa delectationis. Sed Spes est causa afflictionis. Ergo Spes non est causa delectationis.

Maiores probant, quia Idem non est causa contrariorum.

Minor, quia Pro. 14. dicitur. Spes, quæ differtur, affligit animam.

3. Si Spes ponitur causa delectationis, hoc est, quia Spes conuenit cum delectatione in hoc, quod tam Spes, quam delectatio sunt de bono. Ergo Par ratione Concupiscentia, & Amor debet poni causa delectationis.

Consequenter probatur. Quia etiam amor, & concupiscentia sunt de bono.

Pro Affirmatiua.

Rom. 12. dicitur. Spe gaudentes. Et in Psal. 77. Memor fui Dei, & delectatus sum.

Determinatio.

Conclusio. Spes, & memoria sunt causa delectationis.

Probatur. Ea, quæ faciunt rem conuenientem esse præsentem, sunt causa delectationis. Sed Spes, & memoria faciunt rem conuenientem esse præsentem ei, qui delectatur. Ergo Spes, & memoria sunt causa delectationis.

Maiores, quia Delectatio causatur ex præsentia boni conueniens, secundum quod sentitur, vel qualitercumque percipitur.

Minor. Nam est aliquid nobis præsens dupliciter. Vno modo, secundum cognitionem, prout scilicet cognitum est in cognoscente secundum suam similitudinem. Alio modo, secundum rem, prout, si vnum alteri realiter coniungitur. Sed bonum conueniens esse coniunctum ei, cui est conueniens, dupliciter contingit. Vno modo, secundum actum. Alio modo, secundum potentiam. Tripliciter igitur potest bonum conueniens esse præsens, vel secundum cognitionem, & hanc præsentialem facit memoria, vel secundum rem, sed in potentia, & hanc præsentialem facit Spes, vel tandem secundum rem in actu, & hanc facit sensus, qui requirit præsentiam rei sensibilis.

Ex his igitur sequitur, quod triplex sit delectatio. Prima, quæ est secundum præsentiam boni conueniens secundum rem in actu: & ista est maxima delectatio. Secunda, quæ fit per præsentiam boni secundum rem, sed in potentia: quæ delectatio est ex Spe, & tenet secundum locum. Tertia est, quæ fit per præsentiam boni, solum secundum similitudinem, quæ fit per memoriam, & tenet vltimum locum.

Quæ manifestantur. Nam cum delectatio fiat secundum præsentialem boni conueniens, quanto magis bonum conueniens est præsens, tanto maior est delectatio. Et quia quando est præsens secundum rem in actu, est maxime præsens, ideo est maxima delectatio: & quia quando est præsens in potentia, est minus præsens, quam in actu, & magis præsens quam sit quando est præsens secundum cognitionem tantum, cum adsit facultas adipiscendi bonum, ideo fit minor delectatio, quam sit prima, & maior quam sit delectatio, quæ est solum ex memoria.

Ad Argumenta.

Ad 1. Dicitur ad minorem, quod Spes, & memoria sunt quidem eorum, quæ sunt simpliciter absentiæ, quæ tamen secundum quid sunt præsentia, scilicet vel secundum apprehensionem solam, vel secundum apprehensionem, & facultatem, ad minus æstimatam.

Ad 2. Negatur maior. Ad probationem dicitur, quod nihil prohibet idem secundum diuersa esse causam contrariorum: sic igitur in quantum aliquid habet præsentem ætimationem boni futuri,

hūi, delectationem causat: in quātum autem quis caret præsētia eius, causat afflictionem.

Ad 3. Negatur conseq. Ad probationem dicitur, quod Amor, & cōcupiscentia delectationem causant: Omne enim amatū sit delectabile amanti, eo quod amor sit quādam unio, vel connaturalitas amatīs ad amatum. Similiter etiam omne concupiscitū est delectabile concupiscenti: cum concupiscentia sit præcipue appetitus delectationis. Sed tamen Spes in quantum importat quādam certitudinem realis præsētiæ boni delectātis, quam non importat amor, nec concupiscentia, magis ponitur causa delectationis, quam illa: & similiter magis quam memoria, quæ est de eo, quod iam transijt.

ARTICVLVS IV.

Vtrum Tristitia sit causa delectationis.

Pro Negatiua

Videtur, quod Tristitia non sit causa delectationis.

1. Quod est contrarium delectationi, non est causa delectationis. Sed Tristitia est contraria delectationi. Ergo Tristitia non est causa delectationis.

Maior prob. quia Contrarium non est causa sui contrarij.

2. Delectabilia memorata sunt causa delectationis. Ergo Tristia memorata sunt causa doloris, & non delectationis.

Conseq. prob. quia Contrariorum contrarij sunt effectus.

3. Sicut se habet tristitia ad delectationem, ita odium ad amorem. Sed Odium non est causa amoris, sed potius ē conuerso, vt supra dictū est. Ergo Tristitia non est causa delectationis.

Pro Affirmatiua.

Psal. 41. dicitur. Fuerunt mihi lachrymæ meæ panes die, ac nocte. Per panem autem refectio delectationis intelligitur. Ergo Lachrymæ, quæ ex tristitia oriuntur, possunt esse delectationis causa.

Determinatio.

Distinctio. Tristitia potest dupliciter considerari. Vno modo, secundum quod est in actu. Alio modo, secundum quod est in memoria.

Conclusio. Tristitia potest esse causa delectationis, tum pro vt est in actu, tum pro vt est in memoria.

Prob. primo, pro vt est in actu. Tristitia enim in actu existens, est causa delectationis, in quantum facit memoriam rei dilectæ, de cuius absentia aliquis tristatur, & tamen de sola eius apprehensione delectatur.

Secundo prob. quod tristitia, pro vt est in memoria, sit causa delectationis. Memoria enim tristitiæ sit causa delectationis propter subsequenter euasione. Nam carere malo accipitur in ratione boni. Vnde secundum quod homo apprehendit se euasisse ab aliquibus tristibus, & dolorosis, accrescit ei gaudij materia, secundum quod Aug. dicit. 22. de Ciuit. Dei. ca. 11. Quod sæpe læti, tristium meminimus, & fani dolorum sine dolore, & inde, amplius læti, & grati sumus. Et in 8. Confess. ca. 3. dicit. Quod quanto maius fuit periculū in prelio, tanto maius erit gaudium in triumpho.

Aliter potest formari, & sic.

1. Conclusio. Tristitia in actu existens, est causa delectationis.

Prob. Quod facit memoriam rei dilectæ, est causa delectationis. Sed Tristitia facit memoriam rei dilectæ. Ergo Tristitia in actu existens, est causa delectationis.

Maior. quia Memoria rei dilectæ est causa delectationis, vt dictum est art. 3.

Minor. quia Tristatur quis de bono absenti.

2. Conclusio. Tristitia, vt est in memoria, est causa delectationis.

Prob. Memoria enim tristitiæ, &c. vt supra in probatione secundæ Conclusionis.

Ad Argumenta.

Ad 1. Dicitur ad maiorem, & ad eius probationem, quod Contrarium licet per se, non sit causa contrarij, tamen per accidens potest vnum contrarium ex alio causari, sicut frigidum aliquando calefacit, vt dicitur. 8. Physic. text. 8. Et similiter tristitia per accidens est delectationis causa, in quantum per eam sit apprehensio aliquius delectabilis.

Ad 2. Neg. cōseq. Ad prob. dicitur, quod tristitia memorata, in quantum sunt tristia, & delectabilibus contraria, non causant delectationem: sed in quantum ab eis homo liberatur. Et similiter memoria delectabilium, ex eo quod sunt amissa, potest causare tristitiam.

Ad 3. Dicitur ad minorem, quod odium etiam per accidens potest esse causa amoris, pro vt, aliqui diligunt se inuicem, in quantum conueniunt in odio vnius, & eiusdem.

ARTICVLVS V.

Vtrum Actiones aliorum sint nobis causa delectationis.

Pro Negatiua.

Videtur, quod Actiones aliorum non sint nobis delectationis causa.

1. Quod est nobis causa delectationis, debet esse nostrum proprium bonum nobis coniunctū.

Sed

Sed Actiones aliorum nō sunt nostrum bonum, nobis coniunctum. Ergo Actiones aliorum non sunt nobis causa delectationis.

2. Si operationes aliorum sunt nobis causa delectationis; Sequitur, quod pari ratione, omnia alia bona aliorum, erunt nobis causa delectationis, quod tamen potest esse falsum.

Consequ. prob. quia Operatio est proprium bonum operantis. Vnde si hoc bonum alterius, scilicet operatio, est nobis delectationis causa, pari ratione erunt alia aliorum bona, nobis causa delectationis.

3. Operationes, quæ sunt nobis delectabiles, procedunt ex habitu nobis innato. Sed Operationes aliorum non procedunt ex habitu nobis innato, sed ex habitu in altero existente. Ergo Operationes aliorum nō sunt nobis causa delectationis.

Maior. quia Operatio est nobis delectabilis, in quantum procedit ex habitu nobis innato. Vnde Phil. 2. Ethic. cap. 3. dicit, quod Signum generari habitus oportet accipere si tētem in opere delectationem.

Pro Affirmativa.

In 2. Canon. Ioan. dicitur. Gaudius sum valde, quia inveni vnum de filiis tuis ambulātem in veritate.

Determinatio.

Conclusio. Operationes aliorum possunt esse nobis causa delectationis.

Prob. Illud, per quod possumus consequi aliquid bonum, vel cognitionem boni, quod consequi sumus potest esse nobis causa delectationis. Sed Per actiones aliorum possumus consequi proprium bonum, vel cognitionem proprii boni, quod consequuti sumus. Ergo Actiones aliorum sunt causa nostræ delectationis.

Maior prob. Quia, sicut dictum est, ad delectationem illa duo requiruntur. scilicet consequutio proprii boni, & cognitio proprii boni consequuti.

Minor prob. Et primo, quo ad priorem partē, scilicet quod per Actiones aliorum consequi possumus aliquid bonum proprium. Hoc. n. contingit dupliciter. Aliquando. n. per operationes aliorum consequimur aliquid, quod est vere nobis bonū: vt cum aliquis nobis bene facit. Sicut si quis nobis largiatur diuitias, dignitates, & huiusmodi: huiusmodi. n. actiones sunt nobis causa boni, & inde delectabiles. Aliquā vero operationes aliorum sūt cā boni, in amīco nostro, quē quia amamus, sicut nos ipsos, iō bona illius æstimamus nostra. Si quis igitur bene faciat amico nostro, est eius actio causa boni, quod æstimamus nostrum, & propterea eius operatio est causa nostræ delectationis.

Quo ad aliam partem eiusdem minoris. scilicet quod

actiones aliorum sint cā, quod nos bonum consequimur cognoscamus, probatur. Nam qñ aliqui laudantur, vel honorantur ab alijs, delectantur, quia propter hoc accipiunt æstimationem, in seipsis esse aliquid bonum, & quia ista æstimatio fortius generatur ex testimonio bonorum, & sapientium, iō in horum laudibus, & honoribus, homines magis delectantur, & quia adulator est apparens laudator, propterea adulationes aliquibus sūt delectabiles.

Causatur etiā in nobis æstimatio proprii boni, ex duabus actionibus aliorum. scilicet ex amore, & ex admiratione. Qñ n. nos aliquis amat, fit nobis æstimatio alicuius boni, in nobis existentis, & quando admiratur, fit in nobis æstimatio alicuius magni boni, eo quod amor fit boni, & admiratio magni boni, & propter hoc amari, & admirari ab alijs, est delectabile nobis.

Actiones igitur aliorum causant in nobis consecutionem boni, quatenus bene faciunt nobis, vel amicis nostris. Et causant cognitionē boni, quatenus nos laudant vere, vt sapientes faciunt, vel apparenter, vt adulatōres, & quatenus amant, vel admirantur nos, & propter hoc huiusmodi operationes sunt nobis delectabiles.

Ad Argumenta.

Ad 1. Dī ad minorem, qd actio alterius potest esse mihi coniuncta, vel per effectum: sicut in primo modo, vel per apprehensionem: sicut in secundo modo, vel per affectionem: sicut in tertio modo.

Ad 2. Dicitur ad consequentiā, quod etiam omnia alia bona aliorum possunt esse causa nostræ delectationis, quatenus alij sunt nobis coniuncti per affectum, & bona alterius æstimamus nostra.

Ad 3. Dicitur ad minorem, quod Operationes aliorum, etsi non procedant ex habitibus, qui in me sunt, causant tamen in me aliquid delectabile, vel faciunt mihi æstimationem, siue apprehensionem proprii habitus, vel procedunt ex habitu illius, qui est vnum mecum per amorem.

A R T I C V L V S. VI. supple.

Vtrum Beneficere alteri sit causa delectationis.

Pro Negativa.

Videtur, quod Beneficere alteri non sit causa delectationis.

1. Quod est causa delectationis, debet pertinere ad consecutionem proprii boni. Sed Beneficere alteri non pertinet ad consequutionem proprii boni, sed magis ad emissionem. Ergo Beneficere alteri magis videtur, esse causa tristitiæ, quam delectationis.

Maior. quia Delectatio causatur ex consequutione proprii boni, vt dictum est.

D d

2. Quod

2. Quod est contra naturam, non est delectabile. Sed Benefacere alijs est contra naturam. Ergo Benefacere alijs non est causa delectationis.

Minor. Quod pertinet ad prodigalitatem, est contra naturam. Sed Benefacere alijs pertinet ad prodigalitatem. Ergo Benefacere alijs est contra naturam.

Maior huius prob. quia Phil. dicit. 4. Eth. c. 2. quod Illiberalitas connaturalior est hominibus, quam prodigalitas.

3. Malefacere alteri est causa delectationis. Ergo Benefacere est causa tristitiæ.

Conseq. prob. quia Contrarij effectus ex contrarijs causis procedunt.

Antec. prob. quia Quædam, quæ pertinent ad malefacere alteri, sunt naturaliter homini delectabilia: sicut vincere, redarguere, & punire, quantum ad iratos.

Pro Affirmativa.

Phil. dicit 1. Polit. cap. 3. quod largiri, & auxiliari amicis, aut extraneis est delectabilissimum.

Determinatio.

Conclusio. Benefacere alteri est causa delectationis.

Prob. Alteri enim benefacere tripliciter potest esse delectationis causa. Primo, per comparisonem ad effectum. Secundo, per comparisonem ad finem. Tercio per comparisonem ad principium, quod est triplex. Facultas benefaciendi, Habitus inclinans, & Motium.

1. Declarantur singula. Et primum sic. Per hoc, quod aliquis benefacit alteri, & præcipue amicis, producit bonum in eo, cui benefacit, de quo bono, ille, qui benefacit, delectatur, quia illud bonum æstimat proprium propter amorem, quo diligit eum, cui benefacit. Effectus igitur istius beneficiæ est delectabilis ipsi beneficienti. Per comparisonem ad finem beneficentia est delectabilis. Quia dum quis benefacit alteri, sperat consequi aliquod bonum sibi, vel ab eo, cui benefacit, vel a Deo. Ipsæ autem consequendi bonum, est causa delectationis, & sic benefacere alteri, est causa delectationis ratione finis. Est tertio benefacere alteri causa delectationis, per comparisonem ad principium. Principium autem benefaciendi potest esse triplex. Primum est facultas benefaciendi. Dum enim quis benefacit alteri, fit in beneficentia quædam æstimatio boni in se existentis tam abundanter, ut possit alijs cõicare. Cognitio aut, vel æstimatio boni proprii est delectabilis, ut dictum est. Unde quia beneficentia, benefaciendo cognoscit in se facultatem benefaciendi alijs, delectatur. Aliud principium benefaciendi est habitus, per quæ be-

nefacere fit connaturale beneficienti, & in hoc delectat. Unde liberales delectabiliter dant alijs. Tercium est principium motium. Puta cum aliquis mouetur ab aliquo, quem diligit, ad benefaciendum alicui, delectatur, dum benefacit propter amorem amici mouentis. Omnia. n. quæ facimus, vel patimur propter amicum delectabilia sunt, quia amor est præcipua causa delectationis.

Ad argumenta.

Ad 1. Dicitur ad minorem, quod emissio duplex est. Moderata, & immoderata. Emissio moderata est delectabilis, quia est indicativa proprii boni. Immoderata vero, quia euacuat proprium bonum, est contristans, & non causa delectationis.

Ad 2. Neg. minor. Ad probationem dicitur ad minorem, quod benefacere, secundum quod dicit moderatam emissionem proprii boni, non pertinet ad prodigalitatem, sed ad liberalitatem. Sed immoderata emissio pertinet ad prodigalitatem, & repugnat naturæ, & hac ratione prodigalitas dicitur esse contra naturam.

Ad 3. Neg. antec. Ad probationem dicitur, quod vincere, redarguere, & punire non est delectabile, in quantum est malum alterius, sed in quantum pertinet ad proprium boni, quod plus homo amat, quam odiat malum alterius, quæ declaratur. Vincere. n. est delectabile naturaliter, in quantum per hoc fit æstimatio proprie excellentiæ, & propter hoc, oēs ludi, in quibus est concentratio, & in quibus potest esse victoria, sunt maxime delectabiles, & vniuersaliter omnes concentrationes secundum quod habent spem victoriæ. Redarguere autem, & increpare, potest esse dupliciter delectationis causa. Vno modo in quantum facit homini imaginationem propriæ sapientiæ, & excellentiæ. Increpare. n. & corrumpere, est sapientum, & maiorum. Alio modo in quod aliquis increpando, & reprehendendo alteri benefacit, quod est delectabile, ut dictum est. Irato autem est delectabile punire in quantum videtur remouere apparentem minorationem, quæ videtur esse ex præcedenti lésione. Cum. n. aliquis est ab alio læsus, videtur per hoc ab alio minoratus esse, & ideo appetit, ab hac minoratione liberari per restitutionem lésionis. Et sic patet, quod bene facere alteri, per se potest esse delectabile, sed malefacere alteri non est delectabile, nisi in quantum videtur pertinere ad proprium bonum.

ARTICVLVS VII.

Vtrum Similitudo sit causa delectationis.

Pro Negativa.

Videtur, quod Similitudo non sit causa delectationis.

1. Principari, & præse naturaliter est delectabile, ut Philos. dicit. Ergo Dissimilitudo magis

gis est causa delectationis, quam similitudo.

Conseq. prob. quia Principari, & praesse, quamdam dissimilitudinem important, respectu eorū, quibus principatur, & praest.

2. Illi, qui patiuntur tristitiam, maxime sequuntur delectationes, ut dicitur 7. Ethic. cap. 14. Ergo Dissimilitudo est magis causa delectationis, quam similitudo.

Conseq. prob. quia Nihil est magis dissimile delectationi, quam tristitia.

3. Illi, qui sunt repleti aliquibus delectationibus, non delectantur in eis, sed magis fastidiunt eas, sicut patet in repletionem ciborum. Ergo Similitudo non est causa delectationis.

Pro Affirmativa.

Quod est causa amoris, est causa delectationis. Sed Similitudo est causa amoris, ut dictum est. Ergo Similitudo est causa delectationis.

Maiores. quia Amor est causa delectationis.

Determinatio.

1. Concl. Similitudo simpliciter, & absolute est causa delectationis.

Prob. Quod est vnum alicui, est ei amabile, & delectabile. Sed Quod est simile alicui, est quoddam vnum ei, cui est simile. Ergo Similitudo simpliciter est causa delectationis.

Minor. quia Similitudo est quoddam unitas.

2. Concl. Simile potest per accidens esse causa tristitia.

Prob. Quod per accidens potest esse corruptiuū proprii boni alicuius, efficitur ei fastidiosum, & contristans. Sed Simile potest esse corruptiuum proprii boni eius, cui est simile. Ergo Simile potest effici ei, cui est simile, fastidiosum, & contristans.

Declaratur minor. Quod. n. aliquod simile corrumpatur a simili, contingit dupliciter. Vno modo, quia simile corrumpit mensuram proprii boni, per quendam excessum: bonum. n. praecepit corporale, ut sanitas, in quadam commensuratione consistit, & pp hoc superabundans cibi, vel quolibet delectationes corporales fastidiuntur. Alio modo, per directam contrarietatem ad proprium bonum: sicut figuli abominantur alios figulos, nō in quantum sunt figuli, sed in quantum per eos amittunt excellentiam propriam, siue proprii luctū, quae appetunt sicut proprium bonum.

Ad Argumenta.

Ad 1. Negatur conseq. Ad probationem dī, quod inter principatē, & eum, cui principatur, est quoddam similitudo, non aequalitatis, sed excellentiae, eo quod principari, & praesse pertinet ad excellentiam proprii boni. Sapientū. n. & meliorum est principari, & praesse. Vnde per hoc fit homini

propriae bonitatis imaginatio, vel quia per hoc quod homo principatur, & praest, alijs benefacis, quod est delectabile.

Ad 2. Neg. Conseq. Ad probationem dicitur, quod id, in quo delectatur tristitatus, est nō sit simile tristitiae, est tamen simile homini contristato, quia tristitia contrariatur proprio bono eius, qui tristitur, & iō appetitur delectatio ab his, qui in tristitia sunt, ut conferens proprium bonū, in quantum est medicatiua contrarii, & ista est cā quare delectationes corporales, quibus sunt contrariet quēdam tristitia, magis appetuntur, q̄ delectationes intellectuales, quae non habent contrarietatem tristitiae, ut infra dicitur. Exinde etiam est, quod oīa animalia naturaliter appetunt delectationem, quia semper animal laborat per sensum, & motum, & propter hoc etiam iuvenes maxime delectationes appetunt propter multas transmutationes in eis existentes, dum sunt in statu augmenti, & etiam melancholici vehementer appetunt delectationes ad expellendam tristitia, quia corpus eorum quasi prauo humore corroditur, ut dicitur 7. Ethic. c. 14.

Ad 3. Dicitur ad antecedens, quod bona corporalia in quadam mensura consistunt, & iō super excessum similium corrumpit proprium bonū, & propter hoc simile efficitur fastidiosū, & contristans, in quantum contrariatur bono proprio hoīs.

A. R. T. I. C. V. L. V. S. VIII.

Vtrum Admiratio sit causa delectationis.

Pro Negativa.

V Idetur, quod Admiratio non sit causa delectationis.

1. Ignorantia non est delectabilis, nec delectationis causa. Sed Admiratio est ignorantis natura, ut dicitur lib. 2. Orth. sid. c. 22. Ergo Admiratio non est causa delectationis.

2. Quod est principium sapientiae, quasi via ad inquirendam veritatem, non potest esse causa delectationis. Sed Admiratio est principium sapientiae, quasi via ad inquirendam veritatem, ut Phil. dicit 1. Meth. c. 2. Ergo Delectationis causa non est admiratio.

Maiores. quia Delectabilis est contemplari iā cognita, q̄ inquirere ignota, ut Phil. dicit 7. Eth. c. 2. Et ratio est, quia Delectatio est operatio non impedita. Contemplari autem cognita nullum habet impedimentum. Inquirere uero ignota habet difficultatem, & impedimentum.

3. Consuetudo non habent admirationē, ut Aug. dicit tract. 24. super Io. Sed Vnusquisq; delectat in cōsuetis. Ergo Delectatio nō est admiratione.

Minor. quia Operationes habebunt, per consuetudinem acquiritorum, sunt delectabiles.

cū Angelis cōicamus. Vnde ad formā argumenti neg. minor, vniuersaliter intellecta. s. q̄ oīs delectatio, quæ est in nobis, sit cōis nobis, & brutis.

ARTICVLVS V.

Vtrum Delectationes corporales, & sensibiles sint maiores, delectationibus spiritalibus, & intelligibilibus.

Pro Affirmatiua.

Videtur, quod Delectationes corporales, & sensibiles sint maiores, delectationibus spiritalibus, & intelligibilibus.

1. Delectationes, quas plures sequuntur, sunt maiores. Sed Corporales, & sensibiles delectationes plures sequuntur, quam spirituales, & intelligibiles. Ergo Delectationes corporales sunt maiores spiritalibus.

Maior. quia Omnes sequuntur aliquam delectationem: Vnde maiores, plures sequuntur.

2. Delectationes, quæ habēt maiores, effectus, sunt maiores. Sed Delectationes corporales, & sensibiles habent maiores effectus. Ergo Delectationes corporales sunt maiores.

Maior. Magnitudo causæ ex effectū cognoscitur.

Minor. quia Transmutat corpus, & in quibusdam insanias faciunt, vt dicitur. 7. Ethic. c. 2.

3. Delectationes, quas oportet refrenare, sunt maiores, his, quæ refrenatione non egēt. Sed Corporales delectationes oportet refrenare, non autē spirituales. Ergo Delectationes corporales sunt maiores spiritalibus.

Pro Negatiua.

In Psal. 118. dicitur. Quā dulcia fāncibus meis eloquia tua, super mel ori meo. & 10. Ethic. c. 7. dicitur, quod Maxima delectatio est, quæ est secundum operationem sapientie.

Determinatio.

1. Distinctio. Delectationes tū intellectuales, q̄ sensibiles possūt dupl̄r cōsiderari. Vno modo, vt causantur ex operationibus intellectus, vel sensus. Alio modo, vt causantur ex obiectis, tū sensibilibus, tū intelligibilibus. Quæ Distinctio manifestatur, supponendo primo, p̄ dictum est art. 1. huius quæst. qd̄ delectatio prouenit ex cōiunctione cōueniēti, cū sentitur, & cognoscitur. Vnde quotiescunq; intellectus, vel sensus recipiunt, & cognoscunt perfectiones ipsi conueniētes, delectantur. Perfectiō autē tū sensus, tū intellectus est duplex. s. Obiectū, & ppria Operatio. Et de obiecto quidē, qd̄ sit perfectiō potentiæ, manifestū est: sit. n. potentia ab obiecto ex potentia operā, actū operā, in actu inq̄ primo. Qd̄ vero operatio sensus, & intellectus sint perfectiones ipsarū potētiarū ostenditur ex differentia, q̄ est inter actionem immanētē, & transeuntē. Actio. n. quæ transiit in ex-

teriorē materiā, non est perfectio operantis, sed potētijs eius, circa qd̄ exercetur operatio. Motus. n. est actus mobilis a mouēte. Operationes vero immanētes sunt perfectiones manentes in operāte. Et quia sentire, & intelligere sunt operationes immanētes, p̄p̄a sunt perfectioes operantis. s. sentientis, & intelligentis. Perfectiō igitur tū intellectus, q̄ sensus, a pprijs obiectis, & ēt a pprijs operationibus. Qui. n. intelligit, nō solū legatur, & delectatur in hoc, quod rerum species, & similitudines recipit, sed etiam in earum speculatione, & consideratione: & sic est de sensu.

Possumus ergo delectationes sensibiles, & intellectuales cōparari ad inuicē dupliciter. Vno modo, s̄m qd̄ proueniunt ex operationibus. Alio modo, ut p̄p̄a nūt ex obiectis, & tunc erit s̄sus, an delectatio, q̄ sentit hō ex operatione sensitiua, sit maior ea, quā sentit ex operatione intellectiua. Vel an delectatio, q̄ s̄rit hō ex hoc, qd̄ percipit aliqd̄ sensibile, sit maior ea, q̄ hēt ex hoc, qd̄ percipit aliqd̄ intelligibile.

2. Dist. Delectationes sensibiles esse, vel nō esse maiores spiritalibus potest dupliciter intelligi. Vno modo, secundum se. Alio modo, quo ad uos.

1. Concl. Si cōparēt delectationes intellectuales, delectationibus sensibilib. s̄m qd̄ delectamur in ipsis actionibus, puta in cognitione s̄sus, & in cognitione intellectus, nō est dubiū. q̄ multo maiores sūt delectationes intelligibiles, q̄ sensibiles.

Breuius. Delectationes, quæ proueniunt ex operatione intellectus, sunt simpliciter maiores his, quæ proueniunt ex operatione sensus.

Prob. primo, q̄ sint maiores s̄m se. Maior perfectio, & magis cognita a perfectibili, maiorem causat s̄m se delectationē. Sed Cognitio intellectiua est maior perfectio, q̄ sensitiua, Et magis cognita ab intellectiua, cuius est perfectio, q̄ cognitio sensitiua, respectu sensus. Ergo Delectatio, quæ est ex cognitione intellectiua, est maior, quā delectatio, quæ prouenit ex cognitione sensitiua.

Maior. quia Delectationis quantitas attēditur penes maiorem perfectionem, & maiore cognitionem ipsius perfectionis.

Minor. s. quod operatio intellectiua sit perfectior, manifesta est ex se. Quod vero sit magis cognita prob. quia Intellectus magis reflectitur supra actum suum, quā sensus.

Quod uero huiusmodi delectatio, quæ est ex intellectuali operatione, sit maior, ēt s̄m nos manifestatur, quia Est a nobis magis dilecta. Nullus. n. est, qui non uellet carere magis uisu corporali, quam uisu intellectuali, eo modo quo bestia, uel stultus carent, vt Aug. dicit lib. 14. de Ciuit. Dei. c. 14.

2. Concl. Si cōparēt delectationes intelligibiles spūales, delectationibus sensibilibus corporalibus,

libus, secundum se, simpliciter loquendo, delectationes spirituales sunt maiores.

Sub alijs verbis. Delectationes proueniētes ex obiecto intelligibili in intellectum, sunt secundū se maiores delectationibus prouenientibus ex obiecto sensibili in sensum.

Prob. Delectationes prouenientes ex perfectione obiecti, q̄ sit bonū sensibile, ex perfectiori, & nobiliori subiecto, q̄ sit sensus, & ex maiori coniunctione obiecti delectabilis cū potentia, quā sit vnio sensibilis cū sensu, sunt maiores q̄ sensibiles. Sed Delectationes spirituales intelligibiles sunt ex perfectiori bono delectabili, q̄ sit bonum sensibile, ex nobiliori potentia q̄ sit sensus, & ex maiori coniunctione quam sit coniunctio sensibilis cum sensu. Ergo Delectationes spirituales intelligibiles sunt maiores, quam sensibiles.

Maior prob. quia Illa tria concurrunt ad delectationem. scilicet Bonū delectabile coniunctum, & id, cui coniungitur. Subiectum, & ipsa Cōiunctio. Vbi igitur ista tria maiora, & perfectiora sunt, maior erit ibi delectatio.

Minor prob. quod ad singulas eius partes. Et quo ad primam. scilicet quod bonum spirituale sit maius, & magis dilectum, quam bonum corporale. Manifestatur a signo. Nam homines abstinēt se a maximis voluptatibus corporalibus, ne perdāt honorem, qui est bonum intelligibile.

Altera pars. scilicet quod subiectum delectationis spirituales sit perfectius. Probatur. quia Subiectū delectationis spirituales est intellectus, qui est multo nobilior, & magis cognoscitiuus, q̄ sit sensus.

Tertia pars. scilicet quod ipsa coniunctio boni intelligibilis ad intellectum sit maior, quam coniunctio sensibilis cum sensu. Prob. Coniunctio, q̄ est intimior, perfectior, & firmitior, est etiam maior. Sed Coniunctio intelligibilis cum intellectu est intimior, perfectior, & firmitior, quam cōiunctio sensibilis cum sensu. Ergo est etiam maior.

Prob. minor quod ad oēs partes. Est intimior, quia sensus sistit circa exteriora accidentia rei. Intellectus uero, cum eius obiectū sit quod quid est, penetrat vsq̄ ad essentiam rei.

Est perfectior. quia Coniunctio sensibilis ad sensum adinngitur motus, qui est actus imperfectus, et propterea delectationes sensibiles nō sunt totæ simul, sed in eis aliquid transiit, & aliquid exiit. Illud igitur, quod indiget frānari in delectatione ciborum, & uenereorum. Sed intelligibiles sunt absque motu, & ideo sunt totæ simul.

Et tandem est coniunctio intelligibilis cum intellectu firmitior. quia Delectabilia corporalia sūt corruptibilia, & cito deficiunt, bona uero spiritua lia sunt incorruptibilia.

3. Conclusio. Delectationes corporales, quod ad nos sunt magis vehementes.

Prob. ex tribus. Primo. quia Sensibilia sunt magis nota, quod ad nos, quam intelligibilia.

Secundo. quia Delectationes sensitiui appetitus sunt cum aliqua trāsmutatione corporali, qd nō cōtingit p se in delectationibus spiritualibus.

Tertio. quia Delectationes corporales appetitur, ut medicina quædam cōtra corporales defectus, uel molestias, ex quibus trāstuntur quædā cōsequuntur. Vnde delectationes corporales trāstuntur huiusmodi superuenientes, magis sentiuntur, & per cōsequens magis acceptantur, quam delectationes spirituales, quæ non habent tristitias contrarias, ut dicitur in infra quæst. 3. art. 4.

Ad Argumenta.

Ad 1. Dī ad maiore, qd delectationes, quas plures sequuntur, nō oportet esse maiores, sed sufficit, ut sint uehementiores, & magis cognitæ. Plures igitur sequitur corporales delectationes, nō qd sint maiores, sed quia bona sensibilia sunt magis, & pluribus nota. Et ēt quia hoies indigēt delectationibus, ut medicinis, cōtra multiplices dolores, & tristitias, & cū plures hominū nō possint attingere ad delectationes spirituales, q̄ sunt propriæ uirtuosorum, cōsequens est, ut ad corporales declinēt.

Ad 2. Dicitur ad minorem, quod est uera de effectibus per se dependentibus a causa, nō de effectibus dependentibus per accidens. Trāsmutatio uero corporalis non est effectus per se delectationis, sed accidit ei, quatenus appetitus sensitiuus est in organo corporeo.

Sed dicitur etiam conformiter ad litteram, qd argumentum hoc probat ultimam conclusionē, sic intelligendo præmissas. Delectationes, quæ quo ad nos habent maiores effectus, sunt maiores. scilicet quo ad nos. Et quia delectationes sensibiles habent hoc, ut trāsmutent corpus, quod est effectus nobis notior. Ideo quo ad nos sunt uehementiores, ut dictum est.

Ad 3. Dī ad maiorem, quod aliquid potest indigere, ut frenetur in sua actione, duplici de causa. Prima ex hoc, quod maxime agit. Secunda, quia non recte agit. Sicut equus potest indigere refrānatione in suo cursu propter duo, uel quia nimium currit, uel quia non per rectam uiam currit. Illud igitur, quod indiget frānari propter primum, uerum est, quod est maius, quam quod non indiget frānari: equus enim, qui indiget in suo cursu recto frānari, plus currit, quam qui frānari non indiget. Quod uero indiget frānari propter sūm, nō est necesse ut sit maius eo, qd nō indiget frānari: equus. n. qui indiget frānari, quia nō recte currit, non sequitur, qd magis currat, sed qd

Qc

male

male currat, & ideo indiget homine frænante, & dirigente eius cursum. Sic in proposito dicitur, quod corporales delectationes indigent frænari, non propter earum magnitudinem, sed ex hoc, quia sunt secundum partem sensitivam, quæ regulatur a ratione, & ideo indiget temperari, & refrenari per rationem. Sed delectationes spirituales sunt secundum mentem, quæ est ipsa regula: unde sunt secundum se ipsas sobriæ, & moderatæ.

ARTICVLVS VI.

Utrum Delectationes tactus sint maiores delectationibus, quæ sunt secundum alios sensus.

Pro Negativa.

Videtur, quod Delectationes, quæ sunt secundum tactum, non sint maiores delectationibus, quæ sunt secundum alios sensus.

1. Illa delectatio, quæ exclusa, gaudium omne cessat, videtur esse maxima. Sed Delectatio, quæ est secundum sensum visus, est quæ exclusa, gaudium omne cessat. Ergo Delectatio sensus visus est maxima delectatio.

Minor, quia Tobias, & dicitur. Quale gaudium erit mihi, qui in tenebris sedeo, & lumen cœli non video?

2. Delectatio sensus, qui maxime amatur, est maxima. Sed Sensus visus est, qui inter sensus maxime amatur.

Ergo Delectatio sensus visus est maxima.

Maiores, quia Vnicuique fit delectabile, quod amat, ut dicit Phil. 1. R. hec. c. 11.

3. Delectatio illius sensus, cuius actus est principium amicitie delectabilis, est maxima. Sed Actus sensus visus est causa amicitie delectabilis.

Ergo Delectatio sensus visus est maxima.

Pro Affirmativa.

Philos. Ethic. c. 10. dicit, quod maximæ delectationes sunt secundum tactum.

Determinatio.

Distinctio. Delectationes, quæ sunt secundum sensus, sunt in duplici differentia. Quædam enim sunt sensuum, quatenus sunt principium cognitionis, & deservientes cognitioni. Quædam vero sunt ab ipsis, quatenus sunt utiles ad conservationem vite animalis.

Manifestatur. Sensus amantur propter duo. Scilicet propter cognitionem, & propter utilitatem, ut Phil. dicit 3. Met. Ergo Sensus sunt principium delectationis, & quatenus cognoscitivus, & quatenus viles sunt.

Consequenter prob. quia Vnumquodque in quantum amatur, efficitur delectabile. Unde quod propter

duo amatur, dupliciter etiam causat delectationem. Differunt autem delectationes, quæ sunt ex sensibus, ut sunt cognoscitivæ a delectationibus, quæ sunt ex sensibus, ut ordinantur ad conservationem vite, per hoc, quod primæ delectationes sunt propriæ hominibus, secundæ vero sunt communes hominibus, & animalibus cæteris. Et ratio huius est. Quia apprehendere ipsam cognitionem tantum bonum quoddam, proprium est hominis.

1. Conclusio. Si loquamur de delectatione sensus, quæ est ratione cognitionis, secundum visum est maior delectatio, quam secundum aliquem alium sensum.

Hanc conclusionem probat secundum argumentum adductum, cuius minor. Scilicet quod sensus visus sit magis delectus, & quare, ostenditur in principio 1. Metaph. & est, quia plures rerum differentias nobis demonstrat.

2. Conclusio. Si loquamur de delectatione sensus, quæ est ratione utilitatis, maxima delectatio est secundum tactum.

Prob. Ille sensus, cuius sensibilia propinquius se habent ad conservationem naturæ animalis, est principium maioris delectationis, ratione utilitatis. Sed Sensibilia sensus tactus propinquius se habent ad conservationem vite animalis.

Ergo Delectationes sensus tactus, ratione utilitatis, sunt maiores.

Maiores prob. quia Utilitas sensibilibus attenditur secundum ordinem ad conservationem naturæ animalis. Unde sensus, cuius sensibilia propinquius se habent ad conservationem vite, est causa maioris delectationis.

Minor. quia Tactus est cognoscitivus eorum, ex quibus constitit animal. Scilicet calidi, & frigidi, humidi, & sicci, & ideo delectationes tactus sunt maiores, tanquam fini, id est conservationi naturæ animalis, propinquiores.

Prob. etiam Conclusio hæc, a signo, & est, quia Propter hoc alia animalia, quæ non habent delectationes secundum sensum, nisi ratione utilitatis, non delectantur secundum alios sensus, nisi in ordine ad sensibilia tactus. Neque enim odoribus leporum, canes gaudent, sed cibatione: neque Leo voce bonis, sed comestione, ut dicitur 3. Ethic. c. 10.

Sed quia ex dictis adhuc non habetur, quid simpliciter dicendum sit ad quæsitum, quæ delectationes sint maiores simpliciter, sed solum quod delectationes sensus visus ratione sunt maiores, & delectationes sensus tactus, alia ratione sunt maiores. Videndum est, quæ harum delectationum absolute, & simpliciter sint maiores, scilicet visus, an tactus.

Pro

Pro quo est sciendum, quod sensus visus potest dupliciter considerari. Vno modo, secundum quod est cognoscitivus visibilis, nullo habito respectu ad intellectum. Alio modo, prout deseruit intellectui in cognitione. Si consideretur primo modo, est principium delectationis sensibilis tantum, nec eius limites egreditur. Si vero consideretur secundum modo, iam delectatio secundum ipsum sensum visum pertinet quodammodo ad delectationem spirituales, & intellectualem.

3. Conclusio. Delectatio, quæ est secundum sensum tactus, est simpliciter, & absolute maior, delectatione, quæ est secundum sensum visum, secundum quod delectatio sensus visus consistit in fra limites sensibilis delectationis.

Prob. id, quod est naturale in vnoquoque, est potentissimum. Sed Delectationes tactus sunt naturales in animali. Ergo Sunt potentissimæ, & maxime.

Minor. quia Ad delectationes sensus tactus ordinantur concupiscentiæ naturales, vt sunt cibi, venerea, &c.

4. Conclusio. Si consideremus delectationes visus, secundum quod visus deseruit intellectui, erunt potiores.

Prob. quia Intelligibiles delectationes secundum se sunt potiores sensibilibus, vt dictum est art. præced.

Ad Argumenta.

Ad 1. Dicitur ad maiorem, quod nomen gaudij dupliciter potest accipi. Vno modo, vt idem significat quod delectatio. Alio modo, vt est species delectationes, vt supra dictum est. Si nomen gaudij accipitur primo modo, vera est ipsa maior, nam delectatio, quæ ablata, omnes tolluntur, est maxima. Sed tunc negatur minor, ablato. n. visu, remanent adhuc alie naturales delectationes. Vnde propter hoc Tobias non dixit, qualis delectatio erit mihi, sed quale gaudium. Si vero gaudium accipitur secundo modo, falsa est maior. Nam stat, quod cesserit gaudium, & tamen remaneant delectationes naturales. Gaudium enim pertinet ad delectationes animales, tactus ad naturales.

Ad 2. Iam dictum est, quod visus magis diligitur per cognitionem, eo quod multas res differentias nobis ostendat. Vnde ad formam dicitur ad maiorem, quod delectatio sensus, qui maxime amat propter cognitionem, est maxima, ratione cognitionis: sed qui maxime amat propter vtilitatem, est maxima propter vtilitatem. Et quia absolute, & simpliciter magis amat tactus, vt potest cuius sensibilia immediatius se habent ad conseruationem naturæ animalis, propterea eius delectatio absolute est maxima inter sensibiles delectationes.

Ad 3. Dicitur ad minorem, quod sensus visus est causa delectabilis amicitie, & est sensus tactus, immo magis sensus tactus. Nam visus est causa, sicut vnde est principium motus, in quantum per visum rei amabilis, imprimitur species rei, quæ allicit ad amandum, & ad concupiscendum eius delectationem. Tactus autem est causa huiusmodi amicitie delectabilis, vt finis: & quia casualitas finis maior est, propterea, & eius delectatio maxima est.

ARTICVLVS VII.

Vtrum Aliqua delectatio sit non naturalis.

Pro Negativa.

Videretur, quod nulla delectatio sit non naturalis.

1. Omne illud, in quo appetitus quiescit, est ei naturale. Sed Delectatio omnis est in qua appetitus quiescit. Ergo Omnis delectatio est naturalis, & nulla innaturalis.

Mayor. quia Appetitus corporis naturalis non quiescit nisi in loco naturali. Ergo Nec appetitus animalis quiescit, nisi in eo, quod sibi est naturale.

Consequ. Simul cum minori probatur. quia Delectatio proportionatur quieti in corporibus.

2. Nullum violentum est in delectabile, sed potius est contristans. Sed Quod est contra naturam est violentum. Ergo Nullum delectabile est contra naturam.

3. Constitui in natura, unicuique est naturale. Sed Omnis delectatio est ex hoc, quod quis constituitur in natura. Ergo Omnis delectatio est naturalis.

Mayor. quia Constitui in propriam naturam, unicuique causat delectationem, vt patet in definitione Phil. supra posita. ar. 1. huius quæst.

Minor. quia Motus naturalis est ad terminum naturalem.

Pro Affirmativa.

Arist. 7. Ethic. c. 12. dicit, quod quædam delectationes sunt aggritudinales, & contra naturam.

Determinatio.

Distinctio. Natura in homine dupliciter sumitur. Vno modo, pro ut intellectus, & ratio potissimi me est hominis natura, quia secundum eam homo in specie constituitur. Alio modo potest sumi natura in homine, secundum quod conseruatur rationi. scilicet id, quod est commune homini, & alijs, præcipue, quod rationi non obedit. Et quia naturale dicitur, quod est secundum naturam: sicut in homine natura dicitur dupliciter, ita naturale homini, potest dici aliquid, dupliciter. Vno modo, quod conuenit ei secundum rationem: & sic illæ delectationes erunt homini naturales, quæ conueniunt ei secundum partem intellectualem,

ut sunt contemplatio veritatis, & actus virtutum, & delectationes, quæ in his habentur, possunt dici homini naturales. Alio modo erit naturale homini id, quod conuenit ei secundum partem contra distinctam rationi, & præcipue secundum animam vegetatiuam: & secundum hoc, ea quæ pertinent ad conseruationem corporis, vel secundum indiuiduum, ut cibis, potus, lectus, & huiusmodi vel secundum speciem, ut venereorū vsus, dicuntur homini delectabilia naturaliter.

Conclusio. Inter utrasque delectationes. scilicet tam eas, quæ conueniunt homini, ut homo, quam eas, quæ conueniunt homini, ut animal, possunt esse aliquæ delectationes innaturales simpliciter, naturales tamen secundum quid.

Manifestatur a simili in naturalibus. Nam sicut in naturalibus propter corruptionem alicuius principij naturalis speciei, in aliquo indiuiduo, id quod est innaturale speciei, potest fieri naturale indiuiduo secundum quid; sicut per corruptionem frigiditatis in aqua calefacta, fit naturale huic aquæ calefactæ, calefacere, quod est contra naturam speciei aquæ, ita potest accidere in animalibus. Contingit enim ut id, quod est contra naturam hominis, quantum ad rationem, vel quantum ad corporis conseruationem, fiat huic homini connaturalis, propter aliquam corruptionem naturæ, in eo existentem: quæ quidem corruptio potest esse, vel ex parte corporis, ut ex ægitudine. Sicut febricitantibus dulcia videntur amara, & e conuerso. Siue propter malam complexionem: sicut aliqui delectantur in comestione terræ, vel carbonū, vel aliquorū huiusmodi. Vel et ex parte animæ: sicut propter consuetudinem aliqui delectantur in comedendo hoies, vel in coitu bestiarum, aut masculorum, aut aliorum huiusmodi, quæ non sunt secundum naturam humanam.

Ad argumenta.

Ad 1. Dicitur ad maiorem, quod omne illud, in quo, in appetitum, tum corpus quiescit, est ei naturale, vel simpliciter, vel saltem secundum quid. Ex quo sequitur solum, quod omnis delectatio, saltem secundum quid, respectu indiuidui sit naturalis.

Ad 2. Dicitur ad maiorem, quod id, quod est delectabile, sufficit, ut sit secundum naturam, saltem secundum quid.

Ad 3. Similiter dicitur ad maiorem, quod constitui simpliciter in aliqua natura, est delectabile simpliciter: & constitui secundum quid in aliqua natura, est naturale & delectabile secundum quid.

ARTICVLVS VIII.

Utrum Delectatio possit esse delectationi contraria.

Pro Negatiua.

Videtur, quod Delectationi non sit delectatio contraria.

1. Passiones, quantum obiectum est bonum, non sunt contrariæ. Sed Obiectum omnis delectationis est bonum. Ergo Nulla delectatio est delectationi contraria.

Maiores. quia Passiones animæ speciem, & contrarietatem habent ex obiecto. Et quia bonum, non est bono, sed malo contrarium, ut dicitur in Prædicationum. ideo passiones, quarum obiectum est bonum, non contrariantur adinuicem.

2. Delectationi est contraria tristitia. Ergo Delectatio delectationi non contrariatur.

Consequenter probatur, quia Vni, vnum tantum est contrarium, ut dicitur 10. Metaphysicæ. 17.

3. Differentia materialis non est causa contrarietatis. Sed Si delectationi contraria est delectatio, hoc non est nisi propter contrarietatem eorum, in quibus aliquis delectatur, quæ tamen est differentia materialis. Ergo Delectatio non est contraria delectationi.

Maiores probatur, quia Contrarietas est differentia secundum formas.

Pro Affirmatiua.

Ea, quæ se impediunt in eodem genere existentia, secundum Phil. 10. Metaphysicæ. 13. sunt contraria. Sed Quædam delectationes se inuicem impediunt, ut dicitur in 10. Ethicæ. 5. Ergo Aliquæ delectationes sunt contrariæ.

Determinatio.

Conclusio. Contingit in affectibus animæ duas delectationes esse contrarias.

Probatur. Quies potest esse quieti contraria. Ergo Delectatio potest esse delectationi contraria.

Antecedenter patet, quia Quietes, quæ sunt in terminis contrariis, puta Sursum, & deorsum, sunt contrariæ, ut dicitur 5. Physicæ. 4.

Consequenter probatur, quia Delectatio in affectibus animæ proportionatur quieti in corporibus naturalibus, ut dictum est articulo 2. huius quæstionis.

Ad Argumenta.

Ad 1. Neg. maiores. Ad probationem dicitur, quod verbi Philosopherum, est intelligendum, secundum quod bonum, & malum accipiuntur in virtutibus, & vitijs, nam inueniuntur duo contraria vitia, non autem inuenitur virtus contraria virtuti. In alijs autem nihil prohibet duo bona esse adinuicem contraria: sicut calidum, & frigidum quorum vnum est bonum igni, alterum aquæ. Et per hunc modum delectatio potest esse delectationi contraria: sed hoc in bono virtutis esse non potest, quia bonum virtutis non accipitur nisi per consuetudinem ad aliquid vnum. scilicet rationem.

Ad 2. Neg. consequenter. Sicut enim quieti, cui proportio natur delectatio, opponitur motus, & quies alterius corporis in termino contrario, sic delectationi opponitur tristitia, & alia delectatio alterius in aliquo bono naturali, & non naturali, siue non

con-

conueniēti alteri. Ad probationē dī, q̄ vni vnum solum, sū una ratiōe est contrariū: tamen sū diuersa rationē, vni multa opponi possunt.

Ad 3. Neg. minor. Ad probationē dī, q̄ ea, in q̄bus delectamur, cū sūt obiecta delectationis, non solum faciunt differentiam materialem, sed etiam formalem, si sit diuersa ratio delectabilitatis. Diuersa. n. ratio obiecti diuersificat speciem actus, vel passionis, ut ex supra dictis patet.

QVÆSTIO XXXII.

DE CAUSA DELECTATIONIS.

ARTICVLVS I.

Vtrum Operatio sit causa propria delectationis.

Pro Negatiua.

Videtur, quod operatio non sit propria, & prima causa delectationis.

1. Illud, qd̄ est primo delectabile, est causa prima delectationis. Sed Obiectū operationis est primo delectabile, & nō operatio. Ergo Obiectū operationis, & nō operatio, est cā prima delectationis.

Minor. Illud, qd̄ est primo cognoscibile a sensu, est primo delectabile. Sed Obiecta operationē prius sunt cognoscibilia a sensu, q̄ ipse operationes. Ergo Obiecta operationū sūt primo delectabilia.

Minor huius. quia Delectarij, consistit in hoc, q̄ sensus aliquid patiatur a delectabili, vt dicitur 1. Rhet. c. 11. Sensus autem patitur, qñ cognoscit sensibile. Qd̄ ergo prius cognoscitur a sensu, prius agit in sensum, & prius est delectabile.

2. Delectatio potissime consistit in fine adeptus. Sed Operatio non semper est finis adeptus. Ergo Operatio nō est proprie, & p se cā delectationis.

Maiores. q̄ Adeptio finis p̄cipue cōcupiscitur.

Minor. quia Quandoque, nō operatio, sed res operata est finis.

3. Otium, & requies sunt delectabilia, ut dicitur 1. Rhet. c. 11. Ergo Operatio non est causa delectationis.

Conseq. prob. quia Otium, & requies dicuntur per cessationem operis.

Pro Affirmatiua.

Phil. in 7. & 10. Ethic. c. 12. & 4. dicit, quod Delectatio est operatio cōnaturalis, & nō impedita.

Determinatio.

Conclusio. Omnis delectatio oportet quod cōsequatur aliquam operationem.

Prob. Illud, quod est ex consecutione boni cōuenientis, & ex cognitione talis consecutionis, siue adeptiois, consequitur semper aliquam operationem. Sed Delectatio, est ex adeptiois boni cōuenientis, & ex cognitione, adeptiois boni cōuenientis, ut dictum est, quæst. præced. art. 1. Ergo Delectatio semper consequitur aliquā ope-

rationem, & ex ea tanq̄ ex propria causa depēdet.

Maiores. quia Tam consecutio boni cōuenientis, quam eius cognitio, in operatione quadā consistit. Nam actualis cognitio operatio quadā est, & bonum cōueniens adipiscimur aliqua operatione. Ipsa etiam operatio propria, est quoddam bonum cōueniens.

Ad Argumenta.

Ad 1. Dicitur ad minorem, quod obiecta operationum non sunt delectabilia, nisi in quantum coniunguntur nobis, vel per cognitionem solam: sicut cum delectamur in cōsideratione, uel inspectione aliquorum, uel quocunque alio mō simul cum cognitione: sicut cum aliquis delectatur in hoc, quod cognoscit se habere quodcunque bonum, puta diuitias, vel honorem, vel aliquid huiusmodi, quæ quidem non sunt delectabilia, nisi in quantum apprehenduntur vt habita, ut Phil. dicit in 2. Polit. c. 2. Magnam delectationem habet putare aliquid sibi proprium, quæ procedit ex naturali amore alicuius ad se ipsum, habere autem huiusmodi, nihil aliud est, quam uti eis, uel posse uti, & hoc est per aliquam operationem. Vnde manifestum est, quod omnis delectatio in operationem reducitur, sicut in causam.

Ad 2. Dicitur ad minorem, & ad eius probationem, quod etiam in illis, in quibus operationes non sunt fines, sed operata ipsa, operata sunt delectabilia, in quantum sunt habita, uel facta, quod refertur ad aliquem vsum, vel operationē.

Ad 3. Negatur conseq. Ad probationem dicitur, quod otium, & requies non sunt delectabilia, quatenus per ipsa cessatur ab opere, sed quatenus auferunt laborem, & tristitiam, quæ est ex labore. Pro quo est sciendū, quod operationes sunt delectabiles, in quantum sunt proportionatæ, & connaturales operanti. Cum autem virtus humana sit finita, secundum aliquam mensuram operatio est sibi proportionata. Vnde si excedat illā mensuram, iam non erit sibi proportionata, nec delectabilis, sed magis laboriosa, & accidians. Et secundum hoc otium, & ludus, & alia, quæ ad requiem pertinent, delectabilia sunt, in quantum auferunt tristitiam, quæ est ex labore.

ARTICVLVS II.

Vtrum Motus sit causa delectationis.

Pro Negatiua.

Videtur, quod Motus non sit causa delectationis.

1. Illud, quod est solum quodammodo via ad aliquid habendum, non est causa delectationis. Sed Motus est solum quodammodo via ad aliquid habendum.

Ergo Motus non est causa delectationis.

Maiores.

Maior. quia Sicut supra dictum est. Bonum præsentialiter adeptum est causa delectationis, quod etiam confirmat Phil. 7. Ethic. c. 12. dicens, quod Delectatio non comparatur generationi, sed operationi rei iam existentis.

Minor. quia Illud, quod mouetur ad aliquid, non habet illud, sed quodammodo est in via respectu illius, secundum quod omni motui adiungitur generatio, & corruptio, ut dicitur in 3. Phys. tex. 24.

2. Quod inducit laborem, & lassitudinem in operibus, non potest esse causa delectationis. Sed Motus inducit laborem, & lassitudinem in operationibus. Ergo Motus non potest esse causa delectationis.

Maior. quia Operationes, ex hoc quod sunt laboriosæ, & lassantes, non sunt delectabiles, sed magis afflictivæ.

3. Quod importat in nouationem, non est causa delectationis. Sed Motus importat in nouationem. Ergo Motus non est causa delectationis.

Maior. quia Innouatio opponitur consuetudini, quæ inducit delectationem, ut Philoſ. dicit 1. Rhet. cap. 11.

Pro Affirmatiua.

Aug. 8. Confess. cap. 3. ait. Quid est hoc domine Deus meus, cum tu in æternum tibi ipsis gaudium, & quedam de te, circa te semper gaudeant, quod hæc rerum pars alterno defectu, & profectu, offensionibus, & conciliationibus gaudet? Ex quo accipitur, quod homines gaudent, & delectantur in quibusdam alternationibus, & sic motus videtur esse causa delectationis.

Determinatio.

Conclusio. Motus est causa delectationis in rebus transmutabilibus.

Prob. Quod concurrit ad delectationem, ex parte delectabilis, ex parte eius, qui delectatur, & ex parte cognitionis boni conuenientis, est causa delectationis. Sed Motus est delectabilis, tum ex parte eius, qui delectatur: tum ex parte boni, quod delectatur: tum etiam ex parte cognitionis huiusmodi conuenientis boni. Ergo Motus est causa delectationis.

Maior manifestatur. Nam tria concurrunt ad delectationem, ut dictum est. Primum est bonum delectans, puta cibis, vel virtus. Secundum est coniunctio boni delectantis, cum eo, qui delectatur. Tertium est, ut ille, qui delectatur, cognoscat hoc bonum conueniens delectabile sibi coniunctum. Illud igitur, quod concurrit ad delectationem respectu horum trium, est causa delectationis.

Minor manifestatur quoad omnes partes si-

gillatim. Et quo ad primam. Quia Quando aliquis participat aliquod bonum conueniens, si continetur actio, augetur delectatio. Sicut si quis comedat, consequitur est cibum, sed si per modum comestitionis magis, ac magis sumat de cibo, est huiusmodi cibi sumptio delectabilis, per huiusmodi motum: & quia actiones humanæ habent suas mensuras, motus est causa delectationis in consequentia boni conuenientis, usque ad certam mensuram, quod si illam mensuram excedat, delectabile erit recedere. Sicut si quis per motum approximationis ad ignem calefit, huiusmodi motus est delectabilis, usque ad conuenientem terminum, quod si quis nimis approximetur, iam delectabile erit ab igne recedere. Ex quibus patet quod motus causat delectationem, in participatione boni conuenientis.

Secunda pars, quod motus sit causa delectationis, ex parte eius, qui delectatur, ostenditur. Nam quia Natura eius, qui delectatur, puta hominis, est transmutabilis, ideo aliquando sibi aliquod bonum est conueniens, quod tamen postea non est sibi conueniens. Sicut est conueniens homini, ut in hunc accedat ad ignem, in ætate autem hoc ei non conuenit. Delectatur igitur homo accedere ad ignem, & recedere, quæ sunt per motum. Unde motus, ex parte eius, qui delectatur, est causa delectationis.

Tertia pars probatur, scilicet ex parte cognitionis. Desiderat enim homo cognoscere aliquod totum, sed quia non potest simul totum apprehendere, ideo delectatur in cognitione partis, post partem quæ sibi inuicem succedit, ut Aug. dicit in 4. Confess. c. 11. Non vis utique stare syllabam, sed transuolare, ut alie veniant, & totum audias. Ita semper omnia ex quibus unum aliquid constat, & non sunt omnia simul, plus delectat omnia, quam singula, si possint sentiri omnia.

Correl. Ex quibus elicitur, quod si sit aliqua res, cuius natura sit intransmutabilis, & non possit in ea fieri excessus naturalis habitudinis per continuationem delectabilis, & quæ possit totum suum delectabile simul intueri, non erit ei transmutatio delectabilis. Et quantum aliquæ delectationes plus ad hoc accedunt, tanto plus continuari possunt.

Ad Argumenta.

Ad 1. Dicitur ad minorem, & ad eius probationem, quod id, quod mouetur, est nondum habet perfecte id, ad quod mouetur, incipit tamen iam aliquid habere eius, ad quod mouetur, & secundum hoc ipse motus habet aliquid delectationis, deficit tamen à delectationis perfectione, nam perfectiores delectationes sunt in rebus immobilibus.

libus. Motus etiam efficitur delectabilis, inquantum, per ipsum, fit aliquid conueniens, quod prius conueniens non erat, vel definit esse, ut supra dictum est.

Ad 2. Dicitur, quod quando motus inducit lassitudinem, non est causa delectationis, nec delectabilis. Motus enim labore, & lassitudinem inducit, secundum quod transcendit habitudinem naturalem: sic autem motus non est delectabilis, sed secundum quod remouetur contraria habitudinis naturalis.

Ad 3. Negatur minor. Ad probationem dicitur, quod Innouatio, per quam receditur à consuetudine, non est delectabilis, tamen ea, quæ est conformis naturæ, est delectabilis. Vnde motus, qui opponitur consuetudini, & per quem ab ea receditur, non est delectabilis: sed ille motus est delectabilis, per quem consequimur ea, quæ nobis conueniunt secundum naturam.

ARTICVLVS III.

Utrum Spes, & memoria sint causa delectationis.

Pro Negatiua.

Videtur, quod Memoria, & Spes non sint causa delectationis.

1. Quæ sunt de bono absenti, non sunt causa delectationis. Sed Spes, & memoria sunt de bono absenti. Ergo Spes, & memoria non sunt causa delectationis.

Maior, quia Delectatio est de bono præfenti, ut Damasc. lib. 2. orth. fid. c. 12.

Minor, quia Memoria est præteritorum, & Spes est futurorum.

2. Quod est causa afflictionis, non potest esse causa delectationis. Sed Spes est causa afflictionis. Ergo Spes non est causa delectationis.

Maior prob. quia Idem non est causa contrariorum.

Minor prob. Pro. 14. dicitur. Spes, quæ differtur, affligit animam.

3. Si Spes ponitur causa delectationis, hoc est, quia Spes conuenit cum delectatione in hoc, quod tam Spes, quam delectatio sunt de bono. Ergo Par ratione Concupiscentia, & Amor debet poni causa delectationis.

Conseq. prob. Quia etiam amor, & concupiscentia sunt de bono.

Pro Affirmatiua.

Rom. 12. dicitur. Spe gaudentes. Et in Psal. 77. Memor fui Dei, & delectatus sum.

Determinatio.

Conclusio. Spes, & memoria sunt causa delectationis.

Prob. Ea, quæ faciunt rem conuenientem esse præfentem, sunt causa delectationis. Sed Spes, & memoria faciunt rem conuenientem esse præfentem ei, qui delectatur. Ergo Spes, & memoria sunt causa delectationis.

Maior. quia Delectatio causatur ex præfentia boni conueniens, secundum quod sentitur, vel qualitercunque percipitur.

Minor. Nam est aliquid nobis præfens dupliciter. Vno modo, secundum cognitionem, prout scilicet cognitum est in cognoscente secundum suam similitudinem. Alio modo, secundum rem, prout, cum alteri realiter coniungitur. Sed bonum conueniens esse coniunctum ei, cui est conueniens, dupliciter contingit. Vno modo, secundum actum. Alio modo, secundum potentiam. Tripliciter igitur potest bonum conueniens esse præfens, vel secundum cognitionem, & hanc præfentialitatem facit memoria, vel secundum rem, sed in potentia, & hanc præfentialitatem facit Spes, vel tandem secundum rem in actu, & hanc facit sensus, qui requirit præfentiam rei sensibilis.

Ex his igitur sequitur, quod triplex sit delectatio. Prima, quæ est secundum præfentiam boni conueniens secundum rem in actu: & ista est maxima delectatio. Secunda, quæ sit per præfentiam boni secundum rem, sed in potentia: quæ delectatio est ex Spe, & tenet secundum locum. Tertia est, quæ sit per præfentiam boni, solum secundum similitudinem, quæ sit per memoriam, & tenet vltimum locum.

Quæ manifestantur. Nam cum delectatio fiat secundum præfentialitatem boni conueniens; quanto magis bonum conueniens est præfens, ita magis est delectatio. Et quia quando est præfens secundum rem in actu, est maxime præfens, ideo est maxima delectatio: & quia quando est præfens in potentia, est minus præfens, quam in actu, & magis præfens quam sit quando est præfens secundum cognitionem tantum, cum ad sit facultas adipiscendi bonum, ideo sit minor delectatio, quam sit prima, & maior quam sit delectatio, quæ est solum ex memoria.

Ad Argumenta.

Ad 1. Dicitur ad minorem, quod Spes, & memoria sunt quidem eorum, quæ sunt simpliciter absenti, quæ tamen secundum quid sunt præfentia, scilicet vel secundum apprehensionem solam, vel secundum apprehensionem, & facultatem, ad minus æstimatam.

Ad 2. Negatur maior. Ad probationem dicitur, quod nihil prohibet idem secundum diuerfa esse causam contrarium: sic igitur in quantum aliquid habet præfentem æstimationem boni futuri,

hūi, delectationem causat: in quantum autem quis caret præsentia eius, causat afflictionem.

Ad 3. Negatur consequ. Ad probationem dicitur, quod Amor, & concupiscentia delectationem causant: Omne enim amatū sit delectabile amanti, eo quod amor sit quædam unio, vel connaturalitas amatis ad amatum. Similiter etiam omne concupiscitū est delectabile concupiscenti: cum concupiscentia sit præcipue appetitus delectationis. Sed tamen Spes in quantum importat quandam certitudinem realis præsentiæ boni delectationis, quam non importat amor, nec concupiscentia, magis ponitur causa delectationis, quam illa: & similiter magis quam memoria, quæ est de eo, quod iam transijt.

ARTICVLVS IV.

Vtrum Tristitia sit causa delectationis.

Pro Negativa

Videtur, quod Tristitia non sit causa delectationis.

1. Quod est contrarium delectationi, non est causa delectationis. Sed Tristitia est contraria delectationi. Ergo Tristitia non est causa delectationis.

Maiores prob. quia Contrarium non est causa sui contrarij.

2. Delectabilia memorata sunt causa delectationis. Ergo Tristitia memorata sunt causa doloris, & non delectationis.

Consequ. prob. quia Contrariorum contrarij sunt effectus.

3. Sicut se habet tristitia ad delectationem, ita odium ad amorem. Sed Odium non est causa amoris, sed potius est conuerso, ut supra dictū est. Ergo Tristitia non est causa delectationis.

Pro Affirmativa.

Psal. 41. dicitur. Fuerunt mihi lachrymæ meæ panes die, ac nocte. Per panem autem refectio delectationis intelligitur. Ergo Lachrymæ, quæ ex tristitia oriuntur, possunt esse delectationis causa.

Determinatio.

Distinctio. Tristitia potest dupliciter considerari. Vno modo, secundum quod est in actu. Alio modo, secundum quod est in memoria.

Conclusio. Tristitia potest esse causa delectationis, tum pro ut est in actu, tum pro ut est in memoria.

Prob. primo, pro ut est in actu. Tristitia enim in actu existens, est causa delectationis, in quantum facit memoriam rei dilectæ, de cuius absentia aliquis tristatur, & tamen de sola eius apprehensione delectatur.

Secundo prob. quod tristitia, pro ut est in memoria, sit causa delectationis. Memoria enim tristitiæ sit causa delectationis propter subsequenter euasione. Nam carere malo accipitur in ratione boni. Vnde secundum quod homo apprehendit se euasisse ab aliquibus tristibus, & dolorosis, accrescit ei gaudij materia, secundum quod Aug. dicit. 22. de Ciuit. Dei. ca. 11. Quod sæpe latij, tristitiam meminimus, & sani dolorum sine dolore, & inde, amplius læti, & grati sumus. Et in 8. Confess. ca. 3. dicit. Quod quanto maius fuit periculū in periculo, tanto maius erit gaudium in triumpho.

Aliter potest formari, & sic.

1. Conclusio. Tristitia in actu existens, est causa delectationis.

Prob. Quod facit memoriam rei dilectæ, est causa delectationis. Sed Tristitia facit memoriam rei dilectæ. Ergo Tristitia in actu existens, est causa delectationis.

Maiores quia Memoria rei dilectæ est causa delectationis, ut dictum est art. 3.

Minor. quia Tristatur quis de bono absenti.

2. Conclusio. Tristitia, ut est in memoria, est causa delectationis.

Prob. Memoria enim tristitiæ, &c. ut supra in probatione secundæ Conclusionis.

Ad Argumenta.

Ad 1. Dicitur ad maiorem, & ad eius probationem, quod Contrarium licet per se, non sit causa contrarij, tamen per accidens potest vnum contrarium ex alio causari, sicut frigidum aliquando calefacit, ut dicitur 8. Physic. 8. Et similiter tristitia per accidens est delectationis causa, in quantum per eam fit apprehensio alicuius delectabilis.

Ad 2. Neg. consequ. Ad prob. dicitur, quod tristitia memorata, in quantum sunt tristitia, & delectabilibus contraria, non causant delectationem: sed in quantum ab eis homo liberatur. Et similiter memoria delectabilium, ex eo quod sunt amissa, potest causare tristitiam.

Ad 3. Dicitur ad minorem, quod odium etiam per accidens potest esse causa amoris, pro ut, scilicet, qui diligunt se inuicem, in quantum conueniunt in odio vnius, & eiusdem.

ARTICVLVS V.

Vtrum: Actiones aliorum sint nobis causa delectationis.

Pro Negativa.

Videtur, quod Actiones aliorum non sint nobis delectationis causa.

1. Quod est nobis causa delectationis, debet esse nostrum proprium bonum nobis coniunctū.

Sed

Sed Actiones aliorum nō sunt nostrum bonum, nobis coniunctum. Ergo Actiones aliorum nō sunt nobis causa delectationis.

2. Si operationes aliorum sunt nobis causa delectationis; Sequitur, quod pari ratione, omnia alia bona aliorum, erunt nobis causa delectationis, quod tamen potest esse falsum.

Consequ. prob. quia Operatio est proprium bonum operantis. Vnde si hoc bonum alterius, scilicet operatio, est nobis delectationis causa, pari ratione erunt alia aliorum bona, nobis causa delectationis.

3. Operationes, quæ sunt nobis delectabiles, procedunt ex habitu nobis innato. Sed Operationes aliorum non procedunt ex habitu nobis innato, sed ex habitu in altero existente. Ergo Operationes aliorum nō sunt nobis causa delectationis.

Maiores. quia Operatio est nobis delectabilis, in quantum procedit ex habitu nobis innato. Vnde Phil. 2. Ethic. cap. 3. dicit, quod Signum generati habitus oportet accipere si ctem in opere delectationem.

Pro Affirmativa.

In 2. Canon. Ioan. dicitur. Gaudius sum valde, quia inveni vnum de filiis tuis ambulantes in veritate.

Determinatio.

Conclusio. Operationes aliorum possunt esse nobis causa delectationis.

Prob. Illud, per quod possumus consequi aliquid bonum, vel cognitionem boni, quod consequuti sumus potest esse nobis causa delectationis. Sed Per actiones aliorum possumus consequi proprium bonum, vel cognitionem proprii boni, quod consequuti sumus. Ergo Actiones aliorum sunt causa nostræ delectationis.

Maiores prob. Quia, sicut dictum est, ad delectationem illa duo requiruntur. scilicet consequutio proprii boni, & cognitio proprii boni consequuti.

Minor prob. Et primo, quo ad priorem partem, scilicet quod per Actiones aliorum consequi possimus aliquod bonum proprium. Hoc. n. contingit dupliciter. Aliquando. n. per operationes aliorum consequimur aliquid, quod est vere nobis bonum: vt cum aliquis nobis bene facit. Sicut si quis nobis largiatur diuitias, dignitates, & huiusmodi: huiusmodi. n. actiones sunt nobis causa boni, & inde delectabiles. Aliqn̄ vero operationes aliorum sūt cā boni, in amico nostro, quæ quia amamus, sicut nos ipsos, iō bona illius æstimamus nostra. Si quis igitur bene faciat amico nostro, est eius actio causa boni, quod æstimamus nostrum, & propterea eius operatio est causa nostræ delectationis.

Quo ad aliam partem eiusdem minoris. scilicet quod

actiones aliorum sint cā, quod nos bonum consequuntur cognoscamus, probatur. Nam qñ aliqui laudantur, vel honorantur ab alijs, delectantur, quia propter hoc accipiunt æstimationem, in seipsis esse aliquid bonum, & quia ista æstimatio fortius generatur ex testimonio bonorum, & sapientium, iō in horum laudibus, & honoribus, homines magis delectantur, & quia adulator est apparens laudator, propterea adulationes aliquibus sūt delectabiles.

Causatur etiā in nobis æstimatio proprii boni, ex duabus actionibus aliorum. scilicet ex amore, & ex admiratione. Qñ n. nos aliquis amat, fit nobis æstimatio alicuius boni, in nobis existentis, & quando admiratur, fit in nobis æstimatio alicuius magni boni, eo quod amor fit boni, & admiratio magni boni, & propter hoc amari, & admirari ab alijs, est delectabile nobis.

Actiones igitur aliorum causant in nobis consecutionem boni, quatenus bene faciunt nobis, vel amicis nostris. Et causant cognitionem boni, quatenus nos laudant vere, vt sapientes faciunt, vel apparenter, vt adulatores, & quatenus amant, vel admirantur nos, & propter hoc huiusmodi operationes sunt nobis delectabiles.

Ad Argumenta.

Ad 1. Dicitur a minore, quod actio alterius potest esse mihi coniuncta, vel per effectum: sicut in primo modo, vel per apprehensionem: sicut in secundo modo, vel per affectionem: sicut in tertio modo.

Ad 2. Dicitur ad consequentiā, quod etiam cā alia bona aliorum possunt esse causa nostræ delectationis, quatenus alij sunt nobis coniuncti per affectum, & bona alterius æstimamus nostra.

Ad 3. Dicitur ad minorem, quod Operationes aliorum, scilicet non procedant ex habitibus, qui in me sunt, causant tamen in me aliquid delectabile, vel faciunt mihi æstimationem, siue apprehensionem proprii habitus, vel procedunt ex habitu illius, qui est vnum mecum per amorem.

A R T I C V L V S. VI.

Vtrum Benefacere alteri sit causa delectationis.

Pro Negativa.

Videtur, quod Benefacere alteri non sit causa delectationis.

1. Quod est causa delectationis, debet pertinere ad consecutionem proprii boni. Sed Benefacere alteri non pertinet ad consecutionem proprii boni, sed magis ad emissionem. Ergo Benefacere alteri magis videtur esse causa tristitiae, quam delectationis.

Maiores. quia Delectatio causatur ex consecutione proprii boni, vt dictum est.

D d

2. Quod

gis est causa delectationis, quam similitudo.

Conseq. prob. quia Principari, & præesse, quamdam dissimilitudinem important, respectu eorū, quibus principatur, & præest.

2. Illi, qui patiuntur tristitiam, maxime sequuntur delectationes, ut dicitur 7. Ethic. cap. 14. Ergo Dissimilitudo est magis causa delectationis, quam similitudo.

Conseq. prob. quia Nihil est magis dissimile delectationi, quam tristitia.

3. Illi, qui sunt repleti aliquibus delectationibus, non delectantur in eis, sed magis fastidiunt eas, sicut patet in repletionem ciborum. Ergo Similitudo non est causa delectationis.

Pro Affirmativa.

Quod est causa amoris, est causa delectationis. Sed Similitudo est causa amoris, ut dictum est. Ergo Similitudo est causa delectationis.

Maiores. quia Amor est causa delectationis.

Determinatio.

7. Concl. Similitudo simpliciter, & absolute est causa delectationis.

Prob. Quod est vnum alicui, est ei amabile, & delectabile. Sed Quod est simile alicui, est quodammodo vnum ei, cui est simile. Ergo Similitudo simpliciter est causa delectationis.

Minor. quia Similitudo est quædam vnitas.

2. Concl. Simile potest per accidens esse causa tristitiæ.

Prob. Quod per accidens potest esse corruptiuū proprii boni alicuius, efficitur ei fastidiosum, & contristans. Sed Simile potest esse corruptiuū proprii boni eius, cui est simile. Ergo Simile potest effici ei, cui est simile, fastidiosum, & contristans.

Declaratur minor. Quod. n. aliquod simile corrumpatur a simili, contingit dupliciter. Vno modo, quia simile corrumpit mensuram proprii boni, per quemdam excessum: bonum. n. præcipue corporale, ut sanitas, in quadam commensuratione consistit, & pp hoc superabundans cibi, vel qualibet delectationes corporales fastidiuntur. Alio modo, per directam contrarietatem ad proprium bonum: sicut figuli abominantur alios figulos, non in quantum sunt figuli, sed in quantum per eos amittunt excellentiam propriam, siue propriū lucrū, quæ appetunt sicut proprium bonum.

Ad Argumenta.

Ad 1. Negatur conseq. Ad probationem dñ, quod inter principatē, & eum, cui principatur, est quædam similitudo, non æqualitatis, sed excellentiæ, eo qd principari, & præesse pertinet ad excellentiā proprii boni. Sapientia. n. & meliorum est principari, & præesse. Vnde per hoc fit homini

propriæ bonitatis imaginatio, vel quia per hoc qd homo principatur, & præest, alijs beneficiis, quod est delectabile.

Ad 2. Neg. Conseq. Ad probationem dicitur, quod id, in quo delectatur tristatus, etsi nō sit simile tristitiæ, est tamen simile homini contristato, quia tristitiæ contrariatur proprio bono eius, qui tristatur, & iō appetitur delectatio ab his, qui in tristitia sunt, ut confectis proprium bonū, in quantum est medicatiua contrarij, & ista est cā quare delectationes corporales, quibus sunt contrariæ quædam tristitiæ, magis appetuntur, q̄ delectationes intellectuales, quæ non habent contrarietatem tristitiæ, ut infra dicitur. Exinde etiam est, quod oia animalia naturaliter appetunt delectationem, quia semper animal laborat per sensum, & motum, & propter hoc etiam iuuenes maxime delectationes appetunt propter multas transmutationes in eis existentes, dum sunt in statu augmenti, & etiam melancholicus vehementer appetunt delectationes ad expellendam tristitiā, quia corpus eorum quasi prauo humore corroditur, ut dicitur 7. Ethic. c. 14.

Ad 3. Dicitur ad antecedens, quod bona corporalia in quadam mensura consistunt, & iō super excessum similium corrumpit proprium bonū, & propter hoc simile efficitur fastidiosū, & contristans, in quantum contrariatur bono proprio hoīs.

ARTICVLVS VIII.

Vtrum Admiratio sit causa delectationis.

Pro Negativa.

Videtur, quod Admiratio non sit causa delectationis.

1. Ignorantia non est delectabilis, nec delectationis causa. Sed Admiratio est ignorantis naturæ, ut Dam. dicit lib. 2. Orth. fid. c. 22. Ergo Admiratio non est causa delectationis.

2. Quod est principium sapientiæ, quasi via ad inquirendam veritatem, non potest esse causa delectationis. Sed Admiratio est principium sapientiæ, quasi via ad inquirendam veritatem, ut Phil. dicit 1. Meth. c. 2. Ergo Delectationis causa non est admiratio.

Maiores. quia Delectabilis est contemplari iā cognita, q̄ inquirere ignota, ut Phil. dicit 7. Eth. c. 2. Et ratio est, quia Delectatio est operatio non impedita. Contemplari autem cognita nullum habet impedimentum: Inquirere uero ignota habet difficultatem, & impedimentum.

3. Consuetudo non habent admirationē, ut Aug. dicit tract. 24. super Io. Sed Vnusquisq; delectatur in cōsuetis. Ergo Delectatio nō ē ex admiratione.

Minor. quia Operationes habituum, per consuetudinem acquisite, sunt delectabiles.

Pro Affirmativa.

Admiratio est delectationis causa, inquit Phil.
1. Rhet. cap. 11.

Determinatio.

Conclusio. Admiratio est causa delectationis.

Prob. Quod auget desiderium adipiscendi rem amatam, est causa delectationis. Sed Admiratio auget desiderium adipiscendi rem amatam. Ergo Admiratio est causa delectationis.

Maiores. quia Adipisci rem amatam est delectabile, & ideo quanto alicuius rei amata magis accrescit desiderium, tanto magis per ademptionem accrescit delectatio. Immo etiam in ipso augmento desiderij fit augmentum delectationis, secundum quod sit spes rei amata, sicut supra dictum est.

Minores. quia Admiratio est quoddam magnū desiderium sciendi, quod in homine contingit, ex hoc quod videt effectum, & ignorat causam, vel ex hoc, quod causa talis effectus excedit cognitionem, aut facultatem ipsius.

Quomodo Admiratio sit causa delectationis.

Est tamen sciendum, quod Admiratio est causa delectationis, non ut sit, sed ut habet adiunctam spem consequendi cognitionem eius, quod scire desiderat.

Et propter ea, quæ dicta sunt, omnia admirabilia sunt delectabilia. Sicut quæ sunt rara: Et omnes representationes rerum etiam, quæ in se non sunt delectabiles. Gaudet enim anima in collatione vnius ad alterum, ut potest in actu connaturali rationi, cuius est cōferre vnum alteri, ut Phil. dicit in poet. c. 2.

Et propter hæc et liberari à magnis periculis, est in his delectabile, quia est admirabile, ut dicit 1. Rhet.

Ad argumenta.

Ad 1. Dicitur ad minorem, quod Admiratio dupliciter potest considerari. Vno modo, ut habet ignorantiam, & sic non est causa delectationis. Alio modo, ut habet desiderium adipiscendi causam, & in quantum admirans aliquid nouum adipiscit, statim esse, quia non existimabat, & sic est delectabilis.

Ad 2. Neg. maior. Ad prob. dicitur, quod delectatio duo habet, scilicet quietem in bono: Et huius quietis cognitionem, & perceptionem. Quantum igitur ad primum tum superfectius cōtemplari veritatem cognitam, quam inquirere ignotam, cōtemplationes rerū scitarum, per soloquendo, sunt magis delectabiles, quam inquisitiones rerum ignorarū. Unde per accidens quantum ad secundum contingit, quod inquisitiones sunt quandoque delectabiliores, secundum quod ex maiori desiderio procedunt. Desiderium autem maius excitatur ex per-

ceptione ignorantie, unde maxime homo delectatur in his, quæ de nouo inuenit, aut addiscit.

Ad 3. Dicitur ad minorem, quod vniuersisquæ delectatur, non solum in consuetis, sed etiam in raris, & magnis, sed alia, & alia ratione. Cōsueca enim sunt delectabilia ad operandum, in quantum per habitus sunt quasi connaturalia. Sed tamē ea, quæ sunt rara possunt esse delectabilia, vel ratione cognitionis, quia desiderat eorū scientia, in quantum sunt mira, vel etiā ratione operationis, quia ex desiderio inclinatur mens ad hoc ut intente in nouitate operetur, ut Phil. dicit. 10. Ethic. c. 4.

QVÆSTIO XXXIII.

DE EFFECTIBVS DELECTATIONIS.

ARTICVLVS I.

Vtrum Delectationis sit dilatare.

Pro Negatiua.

Videtur, quod Dilatio non sit effectus delectationis.

1. Quod pertinet ad amorem, non est effectus delectationis. Sed Dilatio pertinet ad amorem. Ergo Dilatio non est effectus delectationis.

Maiores. quia Delectatio est alia passio ab amore. **Minores.** quia 2. Corinth. 6. dicitur. Cor meum dilatatum est. Et de præcepto Charitatis dicitur in Psal. 118. Latum mandatum tuum nimis.

2. Quod pertinet ad desiderium, non est effectus delectationis. Sed Dilatio pertinet ad desiderium. Ergo Dilatio non est effectus delectationis.

Minores. prob. Receptio pertinet ad desiderium. Sed Ex hoc quod aliquid dilatur, efficitur capacius ad recipiendum. Ergo Dilatio pertinet ad desiderium.

Maiores. huius. quia Desiderium est rei non habita, & propterea ad ipsum pertinet receptio rei desiderata.

3. Quod est causa contractionis, non habet pro effectum dilationem. Sed Delectatio est causa contractionis. Ergo Delectatio non est causa dilationis.

Maiores. quia Contractio dilatationi opponitur. **Minores.** quia illud contrahimus, quod firmius volumus retinere, & talis est affectio appetus circa rem delectatam.

Pro Affirmatiua.

Ad expressionem gaudij dicitur Esai. 66. Videtis, & affligetis, & mirabitur, & dilatabitur cor tuum. Ipsa etiam delectatio ex dilatare nomen accepit, ut leuitia nominetur, sicut supra dictum est. Ergo Dilatio est effectus delectationis.

Determinatio.

Distinctio. Dilatio dupliciter sumitur. Vno modo proprie, secundum quod significatur in dictione, quæ est vna ex corporalibus dimensionibus.

Alio

Alio modo sumitur metaphorice, & sicut quidam similitudinem. Primo modo non potest esse effectus affectionum animæ. Vnde solum sicut metaphorice potest esse effectus affectionum animæ.

Concl. Dilatio est effectus delectationis.

Prob. Magnitudo spiritalis est effectus delectationis. Sed Dilatio metaphorice sumpta significat quandam spirituales magnitudinem. Ergo Dilatio est effectus delectationis.

Maiores etiam simul cum minori manifestatur. Nam homo magnificatur per delectationem dupliciter. Vno modo ex parte virtutis apprehensivæ. Alio modo ex parte virtutis appetitivæ. Ex parte inquam virtutis apprehensivæ, quia homo ex delectatione apprehendit se fuisse adeptum aliquam sibi conuenientem perfectionem; & secundum hoc animus magnificatur, & dilatur, & fit maior per illam perfectionem, quam apprehendit se adeptum fuisse. Ex parte vero appetitivæ, quia appetitus quiescit in re delectabili, quodammodo sic præbens capacem ad ipsam capiendam, & sic per delectationem affectus dilatur, continens interius rem delectantem.

Ad Argumenta.

Ad 1. Dicitur ad maiorem, quod nihil prohibet in his, quæ dicuntur metaphorice, idem diuersis attribui, secundum diuersas similitudines; & secundum hoc dilatio pertinet ad amorem ratione cuiusdam extensionis, in quantum effectus amatis ad alios extenditur, ut curet, non solum, quæ sua sunt, sed quæ aliorum. Ad delectationem vero pertinet dilatio in quantum aliquid in seipso ampliat, ut quasi capax reddatur.

Ad 2. Dicitur ad minorem, quod Desiderium habet quidem aliquam ampliationem ex imaginatione rei desideratæ, sed multo magis ex præsentia rei iam delectantis fit dilatio; quia magis præbet se animus rei iam delectanti, quam rei non habite desideratæ, cum delectatio sit finis desiderij.

Ad 3. Dicitur ad maiorem, quod idem non inconuenit, respectu diuersorum, esse causam contractionis, & dilationis. Et ad minorem dicitur, quod ille, qui delectatur, constringit quidem rem delectantem, dum ei fortiter inhæret, sed cor suum ampliat, ut perfecte delectabili fiat.

ARTICULVS LVIII.

Utrum Delectatio causet sui situm, vel desiderium.

Videntur, quod Delectatio non causet desiderium sui ipsius. Quia desiderium non potest esse in eo, in quo non est desiderium. Sed Desideratio est quasi quidam motus desiderij, & dicitur est. Ergo Delectatio-

ne adueniente, cessat motus desiderij.

1. Quod opponitur desiderio, non est causa desiderij; Oppositum enim non est causa sui oppositi. Sed Delectatio opponitur desiderio ex parte obiecti. Ergo Delectatio non causet sui desiderij.

Minor, quia Desiderium est boni non habiti. Delectatio vero boni iam habiti.

3. Quod causet fastidium, non est causa desiderij. Fastidium enim repugnat desiderio. Sed Delectatio plerumque causet fastidium. Ergo Delectatio non causet sui desiderij, sed potius fastidium.

Pro Affirmatio.

Dominus dicit Ioan. 4. Qui biberit ex hac aqua, sitiet iterum. Per aquam autem significatur secundum Aug. delectatio corporalis.

Determinatio.

1. Distinctio. Delectatio dupliciter potest considerari. Vno modo, secundum quod est in actu, Alio modo, secundum quod est in memoria.

2. Distinctio. Sitis, vel desiderium potest dupliciter accipi. Vno modo proprie, secundum quod importat appetitum rei non habite. Alio modo, communiter, secundum quod importat exclusionem fastidij.

1. Concl. Delectatio, secundum quod est in actu, non causet sitim, & desiderium sui, proprie acceptum, per se.

Prob. Affectio appetitus circa rem præsentem, non potest causare sitim, vel desiderium, proprie acceptum, s. secundum quod est rei non habite. Sed Delectatio in actu est affectio appetitus circa rem præsentem. Ergo Delectatio non causet per se sui sitim, & desiderium.

Maiores est manifesta. Nam si aliquis actus sit semper circa rem præsentem, implicat, ut sit causa proprii desiderij, quod est rei abentis.

2. Concl. Delectatio actualis potest per accidens, causare sui sitim, & desiderium, proprie acceptum, per accidens.

Prob. Delectatio, quæ est de re non perfecte habita, potest causare sitim, & desiderium sui, respectu rei non perfecte habite. Sed Delectatio actualis aliquando potest esse rei non perfecte habite. Ergo Talis delectatio potest causare sui sitim, scilicet habendi rem, quam imperfecte habet, perfecte.

Maiores manifest. Nam si aliquis delectetur cibo, ad huc non ad satietatem sumptum; talis delectatio excitat sitim, s. sumendi cibum, quæ adhuc non sumpsit.

Minor vero prob. Dupliciter enim potest contingere, ut res præsens, non sit perfecte habita, s. vel ex parte rei habite, vel ex parte habentis. Ex parte quidem rei habite, hoc accidit, quando res habita non est rota simul, vnde succellius recipitur, & dum aliquis delectatur in eo, quod habet, desiderat

tutis motiet delectationem, quam delectatio morueat vsum.

Pro Affirmatiua.

Phil. 6. Ethic. ca. 5. dicit, quod Delectatio corrumpit exultationem prudentiam.

Determinatio.

Distinctio. Delectationes sunt in duplici differentia. Quædam sunt spirituales, quæ scilicet habentur de ipso actu rationis: sicut cum aliquis delectatur contemplando, vel ratiocinando. Quædam vero corporales.

1. Conclusio. Delectationes spirituales, scilicet quæ habentur de actu rationis non impediunt, sed augent vsum rationis.

Prob. Ea, per quæ attentius operamur operationes intellectus, non solum non impediunt vsum rationis, sed potius adiuuant. Sed per delectationes, quæ habentur de actibus rationis, attentius operamur per intellectum, scilicet contemplando, & ratiocinando. Ergo Delectationes spirituales, quæ scilicet habentur de actibus rationis, non solum non impediunt, sed adiuuant vsum rationis.

Maiores. quia Attentio iuuat operationem.

Minor. quia illud attentius operamur, in quo delectamur.

2. Conclusio. Delectationes corporales impediunt vsum rationis.

Prob. Triplici enim ratione delectationes corporales vsum rationis impediunt. Primo, Ratione ipsius delectationis. quia sicut iam dictum est, ad ea, in quibus delectamur, multum attendimus, cum autem intentio fortiter inheerit alicui rei, debilitatur circa alias res, vel totaliter ab eis reuocatur. Et secundum hoc, si delectatio corporalis fuerit magna, vel totaliter impedit vsum rationis, ad se intentionem animi attrahendo, vel multum impedit. Secundo, Ratione contrarietatis. Quædam enim delectationes, maxime superexcedentes, sunt contra ordinem rationis, & per hunc modum Phil. dicit in 6. Ethic. cap. 5. quod Delectationes corporales corrumpunt exultationem prudentiam, non autem exultationem speculatiuam, cui delectatio non contrariatur: puta hæc exultatio, quod triangulus habet tres angulos æquales duobus rectis, non impeditur secundum contrarietatem per corporalem delectationem: secundum autem primum modum, id est ratione ipsius delectationis impedit tam exultationem prudentiam, quam speculatiuam. Tercio, Ratione cuiusdam ligationis, in quantum, scilicet ad delectationem corporalem sequitur quædam transmutatio corporali, maior etiam quam in alijs passionibus, quanto vehementius afficitur appetitus ad rem præsentem, quam ad rem absen-

tem: huiusmodi autem corporales perturbationes impediunt vsum rationis, sicut patet in vinolentis, qui habent vsum rationis ligatum, vel impeditum.

Confirmatur vtrique Conclusio. quia Phil. dicit 10. Ethic. cap. 5. quod Delectationes propriæ adaugent operationes (per quod confirmatur prima) Extraneæ vero impediunt (per quod confirmatur secunda.) Sed Delectationes, quæ habentur de actu rationis, sunt propriæ ipsius rationis, & corporales sunt extraneæ à ratione. Ergo illæ non impediunt, istæ vero impediunt rationis vsum.

Ad Argumenta.

Ad 1. Dicitur ad minorem, quod Delectatio corporalis, quæ impedit vsum rationis, ex parte corporis non est quies, sed habet semper annexam aliquam transmutationem, ut dictum est in tertia ratione secundæ conclusionis. Ex parte vero obiecti, licet sit quies appetitus in aliquo delectabili, tamen quia tale delectabile est contra rationem, ideo ratione vtriusque impedit rationis vsum.

Ad 2. Dicitur ad maiorem, quod ea, quæ non sunt in eodem, nec in his, quæ sunt in eodem, verum est, quod non se impediunt. Sed si sint in diuersis, quæ tamen sint in eodem, vel ut partes, vel alio modo, potest esse, si sint contraria, ut se impediunt. Tunc dicitur ad minorem, quod Vfus rationis, & delectatio, licet non sint in eodem, cum vnum sit in appetitu, & alterum in ratione, tamen sunt in his, quæ sunt partes eiusdem animæ. Ratio enim, & appetitus sunt partes rationalis animæ, & ideo cum intentio animæ vehementer applicetur ad actum vnius, impeditur à contrario actu alterius.

Ad 3. Dicitur ad minorem, quod Vfus rationis requirit debitum vsum imaginationis, & aliarum virium sensitiuarum, quæ videntur organo corporali. Ideo ex transmutatione corporali, vsum rationis impeditur, impedito actu virtutis imaginatiuæ, & aliarum sensitiuarum.

ARTICVLVS IV.

Vtrum Delectatio perficiat operationem.

Pro Negatiua.

Videntur, quod Delectatio non perficiat operationem.

1. Quod impedit vsum rationis, non perficit, sed potius debilitat operationem. Sed Delectatio impedit vsum rationis, ut dictum est. Ergo Delectatio non perficit, sed potius debilitat operationem.

Maiores.

Maiores. quia Omnis humana operatio ab usu rationis dependet.

2. Quod est ipsa operatio, vel ipsius operationis effectus, non est perfectum operationis. Sed Delectatio est operatio, vel operationis effectus. Ergo Delectatio non est perfectiva operationis.

Maiores. quia Nihil est perfectum sui ipsius, vel sue cause.

Minores. quia Quando dicitur, quod Delectatio est operatio. Vel intelligitur essentialiter: & tunc delectatio est ipsa operatio: Vel intelligitur causaliter: & tunc delectatio est operationis effectus.

3. Si delectatio perficit operationem, aut perficit ipsam sicut finis, aut sicut forma, aut sicut agens. Sed Non sicut finis: quia Operationes non queruntur propter delectationem, sed magis e converso, ut supra dictum est. Nec iterum per modum efficientis: quia magis operatio est causa efficiens delectationis. Nec iterum sicut forma: non enim perficit delectatio operationem, ut habitus quidam, secundum Philosophum in 10. Ethic. cap. 4. Ergo Delectatio non perficit operationem.

Pro affirmativa.

Phil. 10. Ethic. cap. 4. dicit, quod Delectatio perficit operationem.

De terminativa.

Conclusio. Delectatio perficit operationem.

Prob. Dupliciter enim delectatio perficit operationem. Vno modo ut finis. Alio modo ex parte cause agentis.

Sed sciendum, quod finis dicitur dupliciter. Vno modo proprie: & sic finis est id, propter quod aliquid est, vel fit. Sicut finis domificatoris est domus. Alio modo communiter: & sic omne bonum superueniens fini proprie sumpto, potest dici finis, secundum quem modum finis domificatoris, possunt etiam esse ornamenta domus ab ipso fabricata. Delectatio igitur est finis operationis, non quidem proprie, sed communiter tantum.

Prob. igitur, quod Delectatio perficiat, sic, operationem ut finis. Omne bonum superueniens alicui perficit illud in ratione finis, ut dictum est. Sed Delectatio est quoddam bonum superueniens ipsi operationi. Ergo Delectatio perficit sic operationem.

Minor. quia Delectatio importat quietationem appetitus in bonum.

Et hec ratio ponitur ab Aristotele in 10. Ethic. cap. 4. dicente, quod Delectatio perficit operationem, sicut quidam superueniens finis, in quantum scilicet super hoc bonum, quod est operatio, superuenit aliud bonum quod est delectatio, quod

importat quietationem appetitus in bono presupposito.

Quod vero perficiat delectatio operationem ex parte agentis ostenditur. Sed est sciendum, quod delectationem perficere operationem ex parte agentis potest dupliciter intelligi. Vno modo, ut perficiat directe, scilicet sit quasi agens perficiens operationem. Alio modo, indirecte. Primo modo medius sanat directe in genere cause efficientis, sanitas vero indirecte, in quantum sanitas mouet medicum.

Delectatio igitur perficit operationem indirecte, quatenus agens, cum delectatur in sua actione, vehementius attendit ad ipsam.

Et sic formatur ratio, Illud, per quod agens vehementius attendit operationi, perficit ipsam operationem, ex parte agentis indirecte. Sed Delectatio est propter, quam agens vehementius attendit operationi. Ergo Delectatio ex parte agentis hoc modo, scilicet indirecte perficit opus.

Ad argumenta.

Ad 1. Dicitur ad minorem, quod non omnis delectatio impedit usum rationis, sed delectatio corporalis, quæ non consequitur actum rationis, sed actum concupiscibilis, qui per delectationem augeatur. Delectatio autem, quæ consequitur actum rationis, fortificat rationis usum.

Ad 2. Dicitur ad minorem, quod Delectatio est, & effectus operationis, & causa. Effectus quidem in genere cause efficientis. Et causa in genere cause finalis, & in hoc genere perficit operationem, ut dictum est.

Ad 3. Negatur minor. Perficit enim delectatio operationem, ut finis communiter, & etiam ex parte agentis indirecte ut dictum est in corpore.

QVÆSTIO XXXIV.

DE BONITATE, ET MALITIA

Delectationum.

ARTICVLVS I.

Virum Omnis delectatio sit mala.

Pro affirmativa.

Videtur, quod Omnis delectatio sit mala. 1. Illud, quod corrumpit prudentiam, & impedit usum rationis, videtur esse secundum se malum.

Sed Delectatio corrumpit prudentiam, & impedit usum rationis. Ergo Delectatio est secundum se malum, & inde omnis delectatio mala.

Maiores. quia Bonum hominis est, secundum rationem esse.

Minores.

Minor: quia Delectationes, quanto maiores sunt, tanto magis impediunt. Vnde in delectationibus venereis, quæ maxime sunt, impossibile est aliquid intelligere, vt dicitur 7. Ethic. c. 11. & Hier. etiam dicit super Matt. quod Illo tempore, quo conjugales actus geruntur, præsentia Sancti Spiritus non dabitur, etiam si Propheta videatur esse, qui officio generationis obsequitur.

2. Illud, quod fugit virtuosus, & prosequitur aliquis deficiens a virtute, videtur esse secundum se malum, & fugiendum. Sed Pueri, & bestie, in quibus non est virtus, prosequuntur delectationes, fugit autem eas temperatus. Ergo Delectationes secundum se sunt malæ, & fugiendæ.

Maiores quia Phil. dicit 10. Ethic. c. 5. quod Virtuosus est quasi mensura, & regula humanorum actuum. Et 1. Corinth. 2. dicit Apol. quod Spiritualis homo indicat omnia.

3. Illud, ad quod nulla ars est ordinata, non est bonum. Sed Ad delectationes nulla ars est ordinata. Ergo Delectationes non sunt aliquid bonum.

Maiores quia Virtus, & ars sunt circa difficile.

Pro Negatiua.

Illud, ad quod scriptura sacra inducit, non est malum. Sed Ad delectandum inducit sacra scriptura.

Ergo Delectare non est malum. Maiores quia Authoritas diuina ad nullum malum inducit.

Minor quia Psal. 36. dicitur Delectare in dño.

Determinatio.

Quorundam positio.

Aliqui posuerunt omnes delectationes esse malas, vt Arist. dicit 10. Ethic. c. 2.

Ratio eorum videtur fuisse, quia ipsi intentionem suam referebant ad solas delectationes sensibiles, & corporales, quæ sunt magis manifestæ. Nam & in cæteris, intelligibilia a sensibilibus, antiqui Philosophi non distinguebant, nec intellectum a sensu, vt dicitur 2. de Anima tex. 1. 10. Arbitrabantur autem delectationes corporales omnes dicendas esse malas, vt sic homines, qui ad delectationes immoderatas sunt prouisi, a delectationibus se retrahentes, ad medium virtutis perueniant.

Reprobatio.

Sed hæc estimatio non fuit conueniens. Cū enim nullus possit viuere sine aliqua sensibili delectatione, si illi, qui docent omnes delectationes esse malas, depræhendantur aliquas delectationes suscipere, magis homines ad delectationes in-

ducent, exemplo operum, relicta uerborum doctrina. In operationibus enim, & passionibus humanis, in quibus experientia plurimum ualet, magis mouent exempla, quam uerba.

Vera sententia.

Conclusio. Delectationum aliqua sunt bonæ, & aliqua sunt malæ.

Prob. dupliciter, iuxta ea, quæ inueniuntur in qualibet delectatione. Duo enim in qualibet delectatione necessario concurrunt. scilicet bonum delectabile, quod est delectationis obiectum, & operatio aliqua, quam delectatio consequitur. Est enim delectatio quies appetitiuæ uirtutis in aliquo bono amato, & consequens aliquam operationem.

Prima igitur probatio desumitur ex parte boni delectabilis, & altera ex parte operationis, quæ consequitur delectatio.

Prob. primo. Sicut se habet quies in naturalibus, ita se habet delectatio in moralibus, & sicut se habet naturale, & innaturale, in naturalibus, ita se habet bonum, & malum in moralibus. Sed In naturalibus inuenitur aliqua quies naturalis, & aliqua innaturalis.

Ergo In moralibus est aliqua delectatio bona, & aliqua mala.

Prob. maior, & proportio quidem naturalis quietis ad delectationem manifesta est. Quia Delectatio est quies appetitus in bono. Proportio uero inter naturale, & innaturale, bonum, & malum, ostenditur. Nam sicut naturale dicitur illud, quod est conueniens naturæ alicuius, Innaturale uero quod non est conueniens naturæ, sed ab ea discordat. Ita in moralibus bonum dicitur illud, quod concordat rationi, Malum uero dicitur illud, quod non est conforme, vel concordans rationi, vel diuinæ legi.

Minor prob. Nam quies naturalis est, quando res naturalis quiescit in loco conuenienti suæ naturæ: vt quando graue quiescit deorsum. Innaturalis uero quies est, quando res naturalis quiescit in loco, qui non est conueniens suæ naturæ: ut cum graue quiescat sursum. Sic & in moralibus, si appetitus quiescat in bono, quod sit conforme rationi, & diuinæ legi, erit delectatio bona. Si uero appetitus quiescat in aliquo, quod non est conforme rationi, & diuinæ legi, erit delectatio mala. Sicut igitur in naturalibus inuenitur quies naturalis, & innaturalis, sic in moralibus inuenitur delectatio bona, & mala.

Secundo prob. Conclusio, ratione desumpta ex operatione, quæ est. Quædam operationes sunt bonæ, & quædam sunt malæ.

Ergo Quædam delectationes sunt bonæ, & quædam sunt malæ.

ex bonis operationibus, & quedam sunt malæ. si quæ sunt ex malis operationibus.

Conseq. prob. Concupiscentiæ bonarum operationum sunt bonæ, & concupiscentiæ malarum operationum sunt malæ. Ergo Multo magis delectationes bonarum operationum sunt bonæ, & malarum, malæ.

Conseq. hæc prob. quia Operationibus magis sunt affines delectationes, quæ sunt eis coniunctæ, quam concupiscentiæ, quæ tempore casu pcedunt. Si igitur Malitia, & bonitas operationum se extendunt ad concupiscentias, multo magis se extendent ad delectationes.

Ad Argumenta.

Ad 1. Negatur minor, non enim est vniuersaliter uera. Delectationes enim, quæ sunt de acti rationis, non impediunt rationem, neque corrumpunt prudentiam, sed hoc faciunt delectationes corporales, quæ, ut pote extraneæ, vsu rationis impediunt, ut dictum est quæst. præced. Ad probationem minoris dicitur, quod per contrarietatem appetitus, qui quiescit in eo, quod repugnat rationi, habet delectatio, quod sit moraliter mala, vel secundum quandam ligationem rationis: sicut in concubitu coniugali, delectatio, quamuis sit in eo, quod conuenit rationi, tamen impedit rationis vsu propter corporalem transmutationem adiunctam, sed ex hoc non consequitur malitia morali, sicut nec somnus, quo ligatur vsus rationis, moraliter est malus, si sit secundum rationem receptus. Nam & ipsa ratio hoc habet, ut quandoque rationis vsus intercipiatur. Dicimus tamen, quod huiusmodi ligamentum rationis ex delectatione in actu coniugali, etsi non habeat malitiam moralem; quia non est peccatum mortale, nec veniale, pronenit tamen ex quadam morali malitia. sex peccato primi parentis, nam hoc in statu innocentie non erat, ut pater ex his, quæ P. P. q. 98. ar. 2. dicta sunt.

Ad 2. Dicitur ad minorem, quod temperatus non fugit omnes delectationes, sed immoderatas, & rationi non conuenientes, quod autem pueri, & bestiarum delectationes prosequantur, non ostendit eas vniuersaliter esse malas, quia in eis est naturalis appetitus, qui mouetur in id, quod est ei conueniens.

Ad 3. Dicitur ad maiorem, & ad eius probationem, quod non omnis boni est ars. Dicitur secundo negando minorem, est enim aliqua ars factiua ut infra dicitur. Circa operationes autem, & passionem, quæ sunt in nobis, magis est prudentia, & virtus, quam ars, & tamen aliqua ars est factiua delectationis. s. pulmentaria, & pigmentaria, ut dicitur in 7. Ethic. c. 12.

ARTICVLVS. II.

Vtrum Omnis delectatio sit bona.

Pro Affirmatiua.

V Idetur, quod Omnis delectatio sit bona.

1. Omne utile, & omne honestum est bonum. Ergo Etiam omne delectabile est bonum.

Conseq. prob. quia Bonum diuiditur per illa tria.

2. Quod est per se bonum, est vniuersaliter bonum. Sed Delectatio est per se bona. Ergo Delectatio est vniuersaliter bona.

Maiores. quia Quod per se prædicatur de aliquo, vniuersaliter de eo prædicatur.

Minor. Illud, quod non queritur propter aliud, est per se bonum, ut dicitur. 1. Ethic. c. 6. Sed Delectatio non queritur propter aliud. Ridiculum enim videtur querere ab aliquo, quare vult delectari. Ergo Delectatio est per se bona.

3. Et est alia probatio minoris, præcedentis argumenti. Quod ab omnibus desideratur, est per se bonum. Sed Delectatio ab omnibus desideratur. Ergo Delectatio est per se bona.

Maiores. quia Bonum, est quod omnia appetunt, ut dicitur 1. Ethic. c. 1.

Minor. quia Etiam pueri, & bestiarum delectationem appetunt.

Pro Negatiua.

Proverb. 2. dicitur. Qui latantur, cum male fecerint, & exultant in rebus pessimis.

Determinatio.

Aliorum positio.

Epicurei posuerunt delectationem secundum se esse bonam, & per consequens omnem esse bonam, in hoc a Stoicis dissentientes, qui ponebant omnes delectationes esse malas: & eorum ratio erat præcipue 2. & 3. argumentum adductum.

Radix deceptionis Epicureorum.

Epicurei ex hoc decepti videntur, quod non distinguunt inter id, quod est simpliciter bonum, & id, quod est bonum solum, quo ad hunc. Sed arbitrati sunt, omne bonum respectu alicuius, esse simpliciter, & absolute bonum: & quia omnis delectatio est bona respectu alicuius, arbitrati sunt omnem delectationem esse simpliciter bonam.

Vera sententia, & reprobatio.

Conclusio. Non omnis delectatio est simpliciter bona.

Prob.

ARTICVLVS III.

Vtrum aliqua delectatio sit optimum.

*Pro Negatiua.***V**ideretur, quod nulla delectatio sit optimum.

1. Nulla generatio est optimum. Sed Delectatio consequitur generationem. Ergo Nulla delectatio est optimum.

Maior. quia Generatio non potest esse ultimus finis.

Minor. quia Ex eo, quod aliquid per generationem constituitur in suam naturam delectatur, ut dictum est.

2. Illud, quod est optimum, nullo addito potest fieri melius. Sed Omnis delectatio aliquo addito fit melior. Ergo Nulla delectatio est optimum.

Minor. quia Delectatio, addita virtute est melior.

3. Illud, quod est optimum, est vniuersaliter bonum, sicut per se bonum existens. Sed Delectatio non est vniuersaliter bonum, ut dictum est. Ergo Delectatio non est optimum.

Maior prob. quia Quod est per se, est prius, & potius eo, quod est per accidens.

Pro Affirmatiua.

Beatitudo est optimum. Sed Delectatio est semper cum beatitudine. Ergo Delectatio est optimum.

Maior. quia Beatitudo est finis humanæ vitæ.

Minor. quia Psal. 15. dicitur. Adimplebis nâc lætitia cum vulnere tuo.

Determinatio.

Platonis peritio.

Plato non posuit omnes delectationes esse malas, sicut Stoici. Neque omnes esse bonas, sicut Epicurei, sed quasdam esse bonas, & quasdam esse malas, ita tamen quod nulla sit summum bonum, & optimum.

Radices erroris Platonis :

Sed quantum ex eius rationibus datur intelligi, in duobus deficit. Primo in hoc, quod arbitratus est omnes humanas delectationes consequi generationem, & motum : cum enim videret delectationes sensibiles, & corporales in quodam motu, & generatione consistere, sicut patet in repletionem ciborum, & huiusmodi, æstimauit idem de omnibus humanis delectationibus, ex qua existimatione sic arguebat. Quod consilium in generatione, & motu, non potest esse optimum. Sed Omnis delectatio consequitur generationem, & motum, ut patet in sensibilibus delectationibus.

Ergo Nulla delectatio est optimum.

Ec 3. Aler

Prob. Quies appetitus in eo, quod non est simpliciter bonum, sed bonum solum apparetur huic particulari homini, non est simpliciter delectatio, nec simpliciter bona, sed solum apparetur bona huic. Sed Contingit, ut appetitus alicuius quiescat in aliquo, quod non est simpliciter bonum, sed bonum solum alicui particulari apparetur. Ergo Non omnis delectatio est bona.

Maior. quia Cum delectatio sit quies appetitus in bonum, si illud, in quo quiescit appetitus sit vere bonum, ipsa erit vera delectatio: sin autem, non erit vera delectatio, sed solum apparetur.

Minor manifestatur. Contingit. n. aliquid, quod non est secundum se bonum, esse bonum apparetur alicui dupliciter. Vno modo, quia est ei conueniens secundum dispositionem, in qua nunc est, & tamen dispositio non est naturalis: sicut leproso bonum est comedere aliqua venenosa, quia non sunt simpliciter conuenientia humanæ complexionis. Alio modo, quia id, quod non est conueniens, æstimatur ut conueniens. Quando igitur appetitus in huiusmodi bono, quod conuenit soli huic ex aliqua innaturali dispositione, vel, quia alicui apparet conueniens, quod tamen non est, huiusmodi delectatio non est simpliciter bona, sed solum secundum quid, vel apparetur bona.

Ad Argumenta.

Ad 1. Negatur consequens. Non enim est eadē rō de honesto, & vtili ex una parte, & de delectabili ex altera. Honestum enim, & vtile dicuntur secundum rationem, & ideo nihil est honestum, vel utile, quod non sit bonum. Delectabile autem dicitur secundum appetitum, qui quandoque in illud tendit, quod non est cōueniens rōni, & ideo non omne delectabile, est bonum bonitate moralī, quæ attenditur secundum rationem.

Ad 2. Negatur minor. Ad probationem, dicitur ad maiorem, quod illud, quod non queritur propter aliud, non oportet, ut sit vere bonum, sed sufficit, ut sit apparetur bonum, vel bonum alicui. Ratiō enim quare delectatio non queratur propter aliud, est, quia delectatio est quies, quæ habet rationem finis. Et sicut finis non queritur propter aliud, ita nec delectatio. Sed sicut finis potest esse vere bonum, & etiam malum, & apparetur solum bonum, ita, & delectatio potest esse bona, & mala, sed apparetur bona.

Ad 3. Dicitur etiam ad maiorem, quod id, quod ab omnibus appetitur, est, per se bonum, uel apparetur bonum. Vnde omnis etiam delectatio est bona, uel apparetur bona. Et sicut non omne, quod appetitur, est vere bonum, ita non omnis delectatio est vere bona.

Alter defectus Platonis fuit, quia ipse dicebat optimum, solum id, quod est simpliciter, & absolute optimum, & hoc erat abstractum, & separatum, & non participatum ab aliquo, quod bonum erat ipse Deus, ex quo sic arguebat. Solum bonum abstractum, & separatum est optimum. Ergo Nulla humana delectatio potest esse optima.

Reprobatio rationum, & opinionis Platonis.

Sed prima Platonis existimatio. scilicet quod omnis humana delectatio consequatur generationem, & motum, manifeste falsa apparet in delectationibus intellectualibus. Aliquis enim non solum delectatur in generatione scientiarum, puta cum addiscit, aut miratur, sed etiam in contemplando secundum scientiam iam acquisitam, quæ contemplatio non est cum aliquo motu, vel generatione.

Alter vero eius existimatio; vera quidem est, si sermo sit de bono simpliciter optimo, hoc enim bonum est solus Deus, sed sermo præsens est de optimo in humanis. In hoc igitur Plato defecit, dum existimavit, nihil posse dici optimum, nisi bonum separatum, & abstractum, & non participatum. Positio Platonis ex comprobatione veræ sententiæ reprobata manebit.

Vera sententia.

Conclusio. Aliqua delectatio hominis potest dici optimum inter bona humana.

Prob. Ultimus finis est optimus in unaquaque re. Sed Delectatio quædam est ultimus hominis finis, scilicet, quæ est in ultimo fine. Ergo Delectatio, quæ est in ultimo fine hominis, est optimum bonum.

Minor manifestatur. Finis enim dupliciter dicitur, ut dictum est, quæritur. 1. ar. 8. f. res, & usus rei. Sicut finis avari est vel pecunia, vel possessio pecuniæ, & secundum hoc ultimus finis hominis potest dici, vel Deus, qui est summum bonum simpliciter, vel eius fructio, quæ importat delectationem quandam, in ultimo fine, & sic fructio Dei est optima delectatio.

Ad Argumenta.

Ad 1. Negatur minor. Non enim omnis delectatio consequitur generationem, sed aliqua delectationes consequuntur operationes perfectas, ut dictum est, & ideo nihil prohibet aliquam delectationem esse optimam, etsi non omnis sit talis.

Ad 2. Dicitur dupliciter. Primo ad maiorem, quod est vera de optimo simpliciter, ex cuius participatione omnia sunt bona, non autem de alijs bonis. Omne enim aliud bonum, ex additione al-

terius, fit melius. Unde stat, quod aliquid sit optimum in genere, & tamen possit ex additione fieri melius.

Dicitur secundo ad minorem, & ad eius probationem, quod Delectatio non est aliquid extrinsecum ab operatione virtutis, sed cōcomitans ipsam. Unde delectatio non fit melior ex aliquo addito.

Ad 3. Negatur maior, & ratio negationis est, quia Delectatio non habet, quod sit optimum ex hoc, quod est delectatio, sed ex hoc, quod est perfecta quies in optimo. Unde non omnis delectatio, sed solum quies in optimo, est optima. Sicut etiam scientia, quæ est de optimo, est optima, non autem omnis scientia est optima.

ARTICVLVS IV.

Utrum Delectatio sit mensura, vel regula, secundum quam iudicetur bonum, vel malum in moralibus.

Pro Negatiua.

Videtur, quod delectatio non sit mensura, vel regula boni, & mali moralis.

1. Quod est mensura, debet esse primum. Sed Delectatio non est primum in genere moralium. Ergo Delectatio non est regula bonitatis, & malitiae in moralibus.

Maior. quia Vnumquodque mensuratur primo sui generis.

Minor. quia Delectationem præcedit amor, & desiderium.

2. Mensuram, & regulam oportet esse uniformem. Sed Delectatio non est uniformis, sed varia, & multiformis. Ergo Delectatio non potest esse mensura.

Maior. quia Ideo motus, qui est maxime uniformis, est mensura, & regula omnium motuum, ut dicitur 10. Metaph. 10. 4.

Minor. quia Quædam delectationes sunt bonæ, & quædam malæ.

3. Certus iudicium sumitur de effectu per causam, quam de causa per effectum. Sed Bonitas, vel malitia operationis est causa bonitatis, vel malitiæ delectationis. Ergo Potius operationes erunt mensura bonitatis, & malitiæ in moralibus, quam delectationes.

Minor. quia Bonæ delectationes sunt, quæ consequuntur bonas operationes.

Pro Affirmatiua.

Aug. dicit super illud Psal. 7. Scrutans corda, & renes Deus. Finis curæ, & cognitionis est delectatio, ad quam quis nititur peruenire. Et Phil. dicit in 7. Ethic. c. 11. quod Delectatio est finis architectorum, i. principalis, ad quam respicientes unum.

utrumquodque, hoc quidem malum, hoc autem malum simpliciter dicimus.

Determinatio.

Distinctio. Delectationes sunt duplices, quædã sunt appetitus intellectui, & quædã sunt appetitus sensitui, ut alias dictum est.

1. Conclusio. Delectatio voluntatis est mensura boni, & mali moralis.

Prob. Quies voluntatis, in bono, quod est finis, est mensura bonitatis, & malitiæ in moralibus. Sed delectatio est quies voluntatis, & cuiuscunque appetitus in bono, quod est finis, ut dictum est.

Ergo Delectatio voluntatis est mensura, & regula bonitatis, & malitiæ in moralibus.

Maiores prob. quia Bonitas, & malitia moralis, præcipue in voluntate consistit, ut dictum est supra quæst. 20. art. 1. Sed utrum voluntas sit bona, vel mala, præcipue ex fine cognoscitur. Id autem habetur pro fine, in quo voluntas quiescit. Quies igitur voluntatis est, per quam iudicamus, an voluntas sit bona, vel mala, & ex malitia voluntatis, malitia, vel bonitas moralis. Unde patet, quod ipsa quies voluntatis, est prima radix, & regula malitiæ, & bonitatis in moralibus. Est igitur bonus, & virtuosus, qui delectatur, & gaudet in operibus iustitiam, & malus, qui in operibus malis.

2. Conclusio. Delectationes appetitus sensitui, non sunt regula bonitatis, vel malitiæ moralis.

Prob. Quod est commune bonis, & malis, non potest esse regula bonitatis, vel malitiæ moralis. Sed Delectationes appetitus sensitui sunt communes bonis, & malis, Ergo Delectationes appetitus sensitui non possunt esse regula bonitatis, & malitiæ moralis, ita ut possimus ex ipsis cognoscere malitiam, vel bonitatem moralem.

Minor prob. Nam cibus communiter delectabilis est, secundum appetitum sensitivum bonis, & malis. Voluntas autem bonorum delectatur in eis, secundum convenientiam rationis, quam convenientiam non curat voluntas malorum.

Ad Argumenta.

Ad 1. Dicitur ad hypotesin, & ad eius probationem, quod Amor, & desiderium sunt priora delectatione via generationis, sed delectatio est prior secundum rationem suam, qui in operabilibus habet rationem principii, a quo maxime sumitur iudicium, sicut regula, vel mensura.

Ad 2. Dicitur ad hypotesin, quod omnis delectatio, in hoc est univocata, quod est quies in aliquo bono, & finem potest esse regula, vel mensura. Nam ille bonus est, cuius voluntas quiescit in vero bono, malus autem, cuius voluntas quiescit in malo.

Ad 3. Dicitur ad hypotesin, quod operatio bonitas, vel malitia est causa bonitatis, vel malitiæ

delectationis, in genere causæ efficientis Delectatio vero perficit operationem in genere causæ finalis, & quia bonitas rei dependet ex fine, ideo ex eo, quod est finis, desumendum est iudicium bonitatis, vel malitiæ.

DE DOLORE, ET Tristitia.

Deinde Considerandum est de dolore, & tristitia, circa hoc consideranda sunt quinque. Primo de Tristitia, seu dolore secundum se in quaestione 35.

Secundo de causis doloris in q. 36.

Tertio de effectibus eius in quaest. 37.

Quarto de Remedijs doloris in q. 38.

Quinto de bonitate, vel malitia eius in q. 39.

QVÆSTIO XXXV.

DE DOLORE, SEU TRISTITIA secundum se.

ARTICULUS I.

Utrum Dolor sit passio animæ.

Pro Negativa.

Videtur, quod Dolor non sit passio animæ.

1. Nulla passio animæ est in corpore. Sed Dolor est in corpore. Ergo Dolor non est passio animæ. Minor. quia Aug. dicit lib. de vera Relig. c. 12. quod Dolor, qui dicitur corporis, est corruptio repentina salutis eius rei, quam male utendo, anima corruptioni obnoxiauit.

2. Omnis passio animæ pertinet ad vim appetitivam. Sed Dolor magis pertinet ad vim apprehensivam, quam appetitivam. Ergo Dolor non est passio animæ.

Minor. quia Aug. dicit libro de natura boni cap. 20. quod Dolo rem in corpore facit sensus, resistens corpori potentiore.

3. Omnis passio animæ pertinet ad appetitum animale, Sed Dolor magis pertinet ad appetitum naturalem, quam animale. Ergo Dolor non est passio animæ.

Minor. quia Aug. dicit 3. super Genes. ad lit. c. 14. Nisi aliquid bonum remansisset in natura, nullus boni amissi esset dolor in poena.

Pro Affirmativa.

Aug. 14. de Ciui. Di. c. 8. ponit dolorem inter passiones animæ, inducens illud Virgilij. Hinc metuunt, cupiunt, gaudere, dolentque.

Determinatio.

Conclusio. Dolor secundum quod est in appetitu sensitivo, propriissime dicitur passio animæ, in eo quod molestia corporales sunt passiones actus organici.

Prob. Omnis motus appetitus sensitui, & præcipue

qui defectum sonant; dicuntur passiones animæ, ut probatum est quæst. 22. art. 1. Sed Dolor secundum quod est in appetitu sensitivo, est motus ipsius appetitus sensitivi; & defectum quandam importat. Ergo Dolor sensitivus est propriissime passio animæ.

Minor prob. quo ad duo. Primo, quod dolor sit motus pertinet ad appetitum, & quia appetitus est triplex. scilicet naturalis, sensitivus, & intellectivus, ideo secundo probatur, quod dolor pertineat ad appetitum sensitivum.

Primum ergo sic ostenditur. Actus, quorum obiecta pertinent ad appetitum, ad appetitum pertinent. Sed Obiectum doloris, sicut & obiectum delectationis, pertinet ad appetitum. Ergo Et ipsi actus, scilicet dolor, & delectatio ad appetitum pertinere debent.

Minor prob. Bonum, & malum sunt obiectum appetitus. Sed Dolor habet pro obiecto malum, & delectatio bonum. Ergo Obiecta doloris, & delectationis sunt obiecta appetitus.

Minor huius manifestatur. quia Sicut ad delectationem requiruntur duo. scilicet coniunctio boni, & cognitio illius coniunctionis, ut dictum est, sic in dolore requiruntur coniunctio mali, quæ est privatio boni, & cognitio ipsius, & sicut non fit delectatio nisi id, quod coniungitur, habeat rationem boni, & ut bonum cognoscatur, sic non fit dolor, nisi id, quod coniungitur, cognoscatur sub ratione mali. Vnde pater, quod obiectum delectationis est aliquid sub ratione boni, & doloris sub ratione mali.

Secundum vero, quod Dolor proprie acceptus sit motus non cuiuslibet appetitus, sed sensitivi tantum, sic ostenditur. Motus, siue inclinatio appetitus consequens apprehensionem appetentis, pertinet ad appetitum sensitivum, vel intellectivum. Sed Dolor est motus appetitus, consequens apprehensionem appetentis. Ergo Dolor est motus pertinet ad appetitum sensitivum, vel intellectivum. Sed non pertinet dolor, propriissime acceptus, ad appetitum intellectivum, ut in sequenti articulo probabitur. Ergo Dolor propriissime acceptus est motus solius appetitus sensitivi, et per consequens est passio animæ.

Maiores prob. quia Cum duplex sit inclinatio, siue motus appetitus. Quædam, quæ est animalis: & hæc sequitur apprehensionem appetentis. Et quædam naturalis: & hæc non sequitur apprehensionem appetentis, sed alterius, ut dictum est. Inclinatio naturalis, ad descendendum deorsum, sequitur apprehensionem, non grauis, sed generatis. Apprehensio autem animalis appetentis, est operatio, vel sensus, vel intellectus. Vnde motus sequens apprehensionem appetentis, est vel ipsius sensus, vel intellectus.

Minor prob. Quia, ut iam dictum est, tam delectatio, quam dolor requirunt cognitionem boni, vel mali, coniuncti ei, qui delectatur, vel docet.

Confirmatur Conclusio. quia Aug. 14. de Civ. Dei. c. 7. nominat dolorem specialiter aegritudinem, quæ passionem manifeste significat.

Ad Argumenta.

Ad 1. Dicitur ad minorem, & ad eius probationem, quod dolor dicitur esse corporis, quia causa doloris est in corpore, puta cum patimur aliquod nocivum corpori: Sed motus doloris semper est in anima, nam corpus non potest dolere, nisi dolente anima, ut Aug. dicit 12. super Gen. ad lit. c. 14.

Ad 2. Dicitur ad minorem, & ad eius probationem, quod dolor dicitur esse sensus, non quia sit actus sensitivæ virtutis apprehensivæ, sed quia requiritur ad dolorem corporalem, sicut ad delectationem.

Ad 3. Dicitur ad minorem, & ad eius probationem, quod dolor de amissione boni, demonstrat bonitatem naturæ, non quia dolor fit actus naturalis appetitus, sed quia natura aliquid appetit ut bonum, quod cum remoueri sentitur, sequitur doloris passio in appetitu sensitivo.

ARTICVLVS II.

Vtrum Tristitia sit idem quod dolor.

Pro Negativa.

Videtur, quod Tristitia non sit dolor.

1. Quod est in anima, non est idem, quod dolor. Sed Tristitia est in anima. Ergo Tristitia non est idem, quod dolor.

Vtrique premissarum prob. ex August. dicente lib. 14. de Civ. Dei cap. 7. quod Dolor in corporibus dicitur, tristitia autem dicitur magis in anima.

2. Quod non est solum de presenti malo, sed etiam de præterito, & futuro, non est idem quod dolor. Sed Tristitia non est tantum de presenti malo, sed etiam de præterito, & futuro. Ergo Tristitia non est dolor.

3. Maior. quia Dolor est solus de presenti malo.

Minor. quia Penitentia est tristitia de præterito, & anxietas est tristitia de futuro.

3. Quod potest consequi ex omnibus sensibus, non est idem quod dolor. Sed Tristitia potest consequi ex omnibus sensibus. Ergo Tristitia non est dolor, sed in pluribus se habet quam dolor.

Maiores. quia Dolor non videtur consequi nisi sensum tactus.

Pro Affirmativa.

Apost. Rom. 9. dicit, Tristitia est mihi magna, & continuus dolor cordi meo, pro eodem utens tristitia, & dolore.

Determinatio.

Conclusio. Tristitia est quedam species doloris. Prob. Sicut se habet gaudium ad delectationem, ita se habet tristitia ad dolorem. Sed Gaudium est species delectationis, ut dictum est. Ergo Tristitia est species doloris, ita quod omnis tristitia est dolor, non autem omnis dolor est tristitia: sicut omne gaudium est delectatio, sed non omnis delectatio est gaudium.

Proportionalitas inter gaudium, & delectationem ex vna parte, & inter tristitiam, & dolorem ex altera probatur. Nam, sicut delectatio ex duplici apprehensione causari potest: Vel ex apprehensione exterioris sensus: Vel ex apprehensione interiori intellectus, vel imaginationis. Ita & dolor ex hac duplici apprehensione potest causari. Et sicut illa sola delectatio, quæ ex apprehensione interiori causatur, gaudium nominatur, ut dictum est. Ita solus dolor, qui ex exteriori apprehensione sequitur, tristitia nominatur. Et sicut illa delectatio, quæ ex exteriori apprehensione causatur, delectatio quidem dicitur, non autem gaudium; ita dolor, qui ex exteriori apprehensione causatur, dolor quidem nominatur, non autem tristitia.

Ratio autem quare omne gaudium sit delectatio, & non è conuerso: & omnis tristitia sit dolor, & non è conuerso, est, quia interior apprehensio ad plura se extendit, quam exterior. Vnde quæcunq; cadunt sub exteriori apprehensione; cadunt sub interiori, & non è conuerso, & hinc est, quod non omnis delectatio dici possit gaudium, nec omnis dolor tristitia; sed bene omne gaudium delectatio, & omnis tristitia dolor dici possit. Sicut à simili, quia homo plura includit in actu, quam animal. Si ipsam differentiam, potest dici, quod omnis homo sit animal, non autem omne animal sit homo, & sic remanet probata maior.

Ad Argumenta.

Ad 1. Dicitur ad antec. quod sententia Aug. quod Dolor est non solum in corpore, sed etiam in anima, licet in anima, dolor tristitia dicatur, ut dictum est. Augustinus autem, quando dicit, quod tristitia est in anima, loquitur quo ad usum vocabulorum. Dolor enim magis visitatur in corporibus doloribus, qui sunt magis noti, quam in doloribus animæ. Sicut à simili, licet tam homo, quam bruta sint animalia, tamen nomine animalis, magis utimur in brutis, quam in homine. Bruta enim simpliciter animalia nominamus, hominem autem non nisi animal rationale, vel rationalem.

Ad 2. Dicitur, quod Dolor dupliciter potest sumi. Vno modo, ut est quoddam commune, diffusum in dolore corporis, & dolorem animæ,

qui tristitia nominatur. Alio modo, ut contra distinguitur tristitia. Sicut etiam hoc nomen animal, potest sumi, ut est commune diffusum in animal brutum, & rationale, & potest secundo accipi pro ut est contra distinctum animali rationali, scilicet pro bruto. Si igitur dolor accipitur pro dolore communiter sumpto, negatur maior. Et ad probationem negatur assumptum, scilicet quod dolor sit solum de presenti, est enim de presenti, & de præterito, & de futuro, prout enim sequitur apprehensionem sensus exterioris, est de presenti, & prout sequitur interiori apprehensionem, est de presenti, de præterito, & de futuro. Si vero accipiat dolor pro dolore solum corporali, verum est, quod non est nisi de presenti, sed tunc negatur consequentia, non enim ex hoc, quod dolor sic acceptus est de presenti, & dolor sumptus pro tristitia est de futuro, & præterito, sequitur, quod tristitia non sit dolor, sed hoc solum sequatur, quod non omnis dolor sit tristitia, & hoc est verum, ut in corpore probatum est.

Ad 3. Dicitur ad maiorem, quod si dolor accipitur communiter, ut est genus tristitiæ, reperitur non solum in sensu tactus, sed etiam in alijs sensibus, immo inuenitur etiam in parte intellectus, secundum quod ad tristitiam trahitur. Si vero accipiat dolor pro corporali dolore, ut, scilicet species contradiستا tristitiæ, sic inuenitur solum in sensu tactus: & ratio est, quia sensibilia tactus sunt dolorosa, non solum in quantum sunt improprietate virtuti apprehensivæ, sed etiam in quantum contrariantur naturæ. Aliorum vero sensuum sensibilia, possunt quidem esse improprietate virtuti apprehensivæ, non tamen contrariantur naturæ nisi in ordine ad sensibilia tactus. Et hæc est ratio, quare solus homo delectetur, & tristetur, secundum sensibilia aliorum sensuum. Animalia vero solum delectantur, & tristantur de sensibilibus tactus, ut dicitur in 3. Ethic. c. 10.

ARTICVLVS III.

Utrum Tristitia, seu dolor, sit contraria delectationi.

Pro Negatiua.

Videretur, quod Dolor delectationi non contrarietur.

1. Quod est causa delectationis; delectationi non contrariatur. Sed Dolor est causa delectationis. Ergo Dolor delectationi non contrariatur. Maior, quia Vnum contrariorum non est causa alterius.

Minor, quia Matth. 5. dicitur. Beati qui lugent, quoniam ipsi consolabuntur.

2. Quod

2. Quod denominat aliquid, non contrariatur ei. Sed In quibusdam delectatio denominat dolorem, seu tristitiam: dicitur enim dolor delectabilis. Ergo Dolor delectationi non contrariatur. Maior, quia Vnum oppositorum non denominat aliud.

Minor, quia Augustinus dicit 3. Confess. c. 2. quod Dolor in spectaculis est delectabilis.

3. Quod est materia delectationis, non est delectationi contrarium. Sed Dolor potest esse materia delectationis. Ergo Dolor non contrariatur delectationi.

Maior, quia Cum contraria non possint esse simul, vnum contrariorum non potest esse materia alterius.

Minor, quia Augustinus dicit lib. de penit. c. 13. Semper penitus dolet, & de dolore gaudeat. Et Philosophus dicit in 9. Ethic. cap. 4. quod Malus gaudet de eo, quod delectatus est.

Pro Affirmativa.

Consentire, & dissentire, sunt contraria. Sed Delectatio est consentire, & dolor dissentire, ut Augustinus dicit. Ergo Dolor delectationi contrariatur.

Determinatio.

Conclusio. Dolor, & delectatio sunt contraria. Prob. Passiones, quarum obiecta sunt contraria, sunt contrarie. Sed Doloris, & delectationis obiecta sunt contraria. Ergo Dolor, & delectatio sunt passionibus contrarie.

Maior, quia Species, seu forma passionis, secundum cuius differentiam attenditur contrarietas, sumitur ex obiecto, vel termino.

Minor, quia Obiectum delectationis est bonum præsens, & obiectum doloris est malum præsens.

Ad Argumenta.

Ad 1. Negatur maior. Ad probationem dicitur, quod nihil prohibet vnum contrariorum esse causam alterius, non quidem per se, sed per accidens, & sic tristitia potest per accidens esse causa delectationis, & hoc dupliciter. Vno modo, in quantum tristitia de absentia alicuius rei, vel de præsentia contrarij vehementius querit id, in quo delectetur. Sicut sitiens, vehementius querit delectationem potus, vt remedium contra tristitiam quam patitur. Alio modo, in quantum ex magno desiderio delectationis alicuius non recusat aliquas tristitias perferre, vt ad illam delectationem perueniat. Et vtroque modo luctus præsens ad consolationem futuram vite perducit, quia ex hoc ipso, quod homo luctat pro peccatis, vel pro dilatione gloriæ, meretur consolationem æternam. Similiter meretur eam etiam aliquis ex hoc, quod ad ipsam cōsequendam non refugit labores, & angustias propter ipsam sustinere.

Ad 2. Dicitur ad minorem, & ad eius probationem, quod Dolor potest esse delectabilis per accidens, in quantum scilicet habet adiunctam admirationem, vt in spectaculis: vel in quantum facit recordationem rei amatae, & facit percipere amoris eius, de cuius absentia doletur. Vnde cum amor sit delectabilis, dolor, & omnia, quæ ex amore cōsequuntur, sunt delectabilia, in quantum in eis sentitur amor, & propter hoc etiam dolores in spectaculis possunt esse delectabiles, in quantum in eis sentitur aliquis amor conceptus ad illos, qui in spectaculis commemorantur.

Ad 3. Dicitur ad minorem, & ad eius probationem, quod dolor potest esse materia delectationis, & e converso, per accidens, in quantum vtrumque accipitur in ratione boni, vel mali; & ratio est, quia voluntas, & ratio supra suos actus reflectuntur, vnde dolor, vt apprehenditur quoddam bonum, est materia delectationis; sed tamen secum dum se est delectationi contrarius.

ARTICVLVS IV.

Vtrum Omnis tristitia omni delectationi contrarietur.

Pro Affirmativa.

Videtur, quod Omnis tristitia omni delectationi contrarietur.

1. Albedo, & nigredo vniuersaliter opponuntur. Ergo Etiam delectatio, & tristitia.

Cōsequenter prob. quia Sicut albedo, & nigredo sunt contrarie species coloris; Ita delectatio, & tristitia sunt contrarie species passionum.

2. Quælibet delectatio est medicina cōtra quælibet tristitiam, vt Philosophus dicit 7. Ethic. c. vii. Ergo Quælibet delectatio cuiuslibet tristitiæ cōtrariatur.

Cōsequenter prob. quia Medicinæ per cōtraria fiunt.

3. Quælibet tristitia impedit quælibet delectationem, vt dicitur 10. Ethic. c. 13. Ergo Quælibet tristitia cuiuslibet delectationi contrariatur.

Cōsequenter prob. quia Contraria sunt, quæ se inuicem impediunt.

Pro Negativa.

Ab eodem habitu procedit, quod aliquis gaudeat de vno, & tristetur de opposito. Ergo Non omnis tristitia omni delectationi contrariatur.

Antec. prob. quia Ex charitate contingit gaudere, cum gaudentibus, & flere cum flentibus, vt dicitur Rom. 12.

Cōsequenter prob. quia Contrariorum non est eadem causa.

Determinatio.

1. Distinctio. Ea, quæ ad inuicem contrariantur, sunt in duplici differentia. Quædam contrariæ

tur secundum formam genericam. Alia vero contrariantur secundum formam specificam.

Manifestatur, quia Contrarietas, est differentia secundum formam, ut dicitur 10. Metaph. Et quia quædam sunt formæ generales, & quædam speciales, ideo quædam contrariantur secundum formas generales, & quædam secundum formas speciales. Secundum formam generalem contrariantur virtus, & vitium. Secundum formam specialem, iustitia, & iniustitia.

2. Distinctio. Res, quæ specificantur sunt in duplici differentia. Quædā specificantur per formas absolutas. Siue intrinsecas ipsis rebus specificatis: ut sunt substantiæ, puta homo, & Leo, & qualitates, ut album, & nigrum.

Quædam vero specificantur per cōparationem ad aliquid extra: Sicut sunt passionēs, & motus, qui recipiunt speciem ex terminis, siue ex obiectis.

Est autē in proposito differentia, inter ea, quæ specificantur per formas absolutas, & ea, quæ specificantur ex extrinseco in hoc, quod ea, quæ specificantur per formas absolutas, possunt quidem non esse contraria, tamen nunquam habent inter se affinitatem, vel convenientiam. Iustitia enim, & intemperantia, ut qualitates quædā sunt, quæ sunt in contrariis generibus, scilicet virtutis, & viti, non contrariantur ad inuicem, tamen nullam habent inter se affinitatem, aut convenientiam. In his autem, quorum species sumuntur secundum habitum ad aliquid extrinsecum, contingit, quod species contrariorum generum, non solum non sint contraria, sed etiam quod habeant aliquam convenientiam, & affinitatem ad inuicem.

Quando enim duo motus eodem modo se habent ad duos contrarios terminos, sunt contrarii, ut est accedere ad album, & accedere ad nigrum, sunt enim hi duo accessus contrarii, quia eodem modo respiciunt contrarios terminos. Quando vero duo motus respiciunt quidem duos contrarios terminos, sed contrario modo, tunc non sunt contrarii, sicut accedere ad album, & recedere à nigro. Sic enim motus non solum non sunt contrarii, sed habent quandam affinitatem, & similitudinem, & hoc in contradictoriis manifeste apparet. Nam si idem de eodem affirmetur, & negetur contradictoria fundatur oppositio, ut si dicatur album, & non album. Si vero affirmatio, & negatio sint de diuersis, nulla contradictio fundatur, imo quædam convenientia, ut si dicatur, album, & non nigrum.

Ex his igitur apparet differentia inter ea, quæ specificantur per absolutū, & ea, quæ specificantur per respectum ad aliud, quæ est, quod illa, si sint sub contrariis generibus, potest esse, ut non sint cō-

traria, nunquam tamen habent affinitatē: hæc vero possunt esse, & non contraria, & habere affinitatē. Tristitia autē, & delectatio, cū sint passionēs, specificantur per respectū ab obiectum, & ideo eorum oppositio ex obiectis est inuestiganda.

1. Conclusio. Omnis tristitia, omni delectatio ni opposita est secundum genus.

Prob. Nā delectatio fm suū genus pertinet ad prosecutionē, & tristitia ad fugā, quæ in appetitu se habent, sicut affirmatio, & negatio in ratione.

In forma. Ea, quorū vnum pertinet ad affirmationem, & alterū ad negationem, sunt opposita ad inuicem. Sed delectatio pertinet ad prosecutionem, & tristitia ad fugā, quæ se habent in appetitu, sicut affirmatio, & negatio in ratione. Ergo delectatio, & tristitia sunt oppositæ ad inuicem.

2. Conclusio. Tristitia, & delectatio, quæ sunt de eodem, habent oppositionem ad inuicem secundum speciem.

Hæc conclusio manifestissima est. Nam sicut affirmatio, & negatio de eodem, ita prosecutio, & fuga, de eodem respectu eiusdem, manifestam habent oppositionem.

3. Conclusio. Tristitia, & delectatio de diuersis non oppositæ, sed disparatæ, non sunt oppositæ, sed disparatæ.

Manifestatur. Nam tristiari de morte amici, & gaudere de contemplatione, non sunt contrariæ passionēs, sed disparatæ, sicut disparata sunt obiecta, scilicet amicus, & contemplatio.

4. Conclusio. Tristitia, & delectatio de duobus cōtrariis, non solum non habent contrarietatem, secundum rationem speciei, sed habent convenientiam, & affinitatem.

Manifestatur. quia Gaudere de bono, & tristiari de malo, non solum non sunt actus oppositi, sed valde affines.

Ad Argumenta.

Ad 1. Negatur consequens. Ad probationem dicitur, quod non est eadem ratio de albedine, & nigredine ex vna parte, & de delectatione, & tristitia ex altera. Albedo enim, & nigredo non habent speciem ex habitudine ad aliquid exterius, sicut delectatio, & tristitia, ut dictum est.

Ad 2. & 3. simul dicitur, quod delectatio, & tristitia opponatur dupliciter potest intelligi. Vno modo ex parte sui, siue secundum genus, siue secundum speciem.

Alio modo ex parte subiecti. Secundum genus semper opponuntur, ut dictum est. Secundū speciem aliquando opponuntur, ut quando sunt de eodem, aliquando vero sunt disparatæ, & aliquando habent affinitatem, ut dictum est. Ex parte vero subiecti semper opponuntur.

Et ratio est, quia cum delectatio, & tristitia opponantur secundum genus, oportet semper, ut in subiecto sit contraria dispositio ad recipiendum has passiones. Appetitus enim, qui est subiectum, in delectatione se habet ut acceptans, & in tristitia se habet ut fugiens. Argumenta igitur concludunt, quod delectatio, & tristitia ex parte subiecti opponuntur, & propter hoc quælibet delectatio ex parte subiecti est sicut medicina tristitiæ, & quælibet tristitia impedit subiectum à perfecta delectatione.

Vel dicitur secundo ad utrumque argumentum, quod est omnis tristitia non contrarietur omni delectationi secundum speciem, opponitur tamen ei secundum effectum. Nam ex vino semper confortatur natura animalis, scilicet ex delectatione: & ex altero, scilicet ex tristitia, molestat. Concludunt ergo hæc duo argumenta, quod tristitia, & delectatio contrariantur secundum effectus, & propterea vnum impedit alterum, & est alterius medicina.

ARTICVLVS V.

Utrum Delectationi contemplationis sit aliqua tristitia contraria.

Pro Affirmatiua.

Videtur, quod Delectationi contemplationis sit aliqua tristitia contraria.

Est aliqua tristitia secundum Deum, ut dicitur 2. Corinth. 7. Ergo Est aliqua tristitia opposita contemplationi.

Conseq. prob. quia Respicere in Deum pertinet ad superiorem rationem, cuius est contemplatio vacans, ut August. dicit 12. de trin. cap. 5.

1. Vnum contrariorum contemplatiui est causa delectationis, puta contemplatio boni. Ergo Aliud contrarium contemplatiui, puta malum, erit causa tristitiæ, opposita delectationi, quæ habetur ex contemplatione alterius contrarii. Ergo Contemplationis delectationi est tristitia contraria.

Anteq. prob. quia Contrariorum contrarij sunt effectus.

2. Contemplatio potest habere rationem nram. Ergo Delectationi contemplationis potest esse contraria tristitia.

Anteq. prob. quia Phil. dicit 12. Meta. tex. 51. quod Quædam inconueniens est meditari.

Conseq. prob. quia Sicut obiectum delectationis est bonum, ita obiectum tristitiæ est malum.

4. Operatio contemplationis potest multipliciter impediri, vel ut totaliter non sit, vel ut cum difficultate sit. Ergo In contemplatione potest

esse tristitia delectationi contraria.

Conseq. prob. quia Quælibet operatio, secundum quod non est impedita, est causa delectationis, & impedita, tristitiæ, ex 7. Ethic. cap. 12.

5. Carnis afflictio est causa tristitiæ, ut dicitur Ecclesi. ultimo. Sed Frequens meditatio est afflictio carnis. Ergo Contemplatio habet tristitiam contrariam.

Pro Negatiua.

Sapientiæ 8. dicitur. Non habet amaritudinem conuersatio illius, s. sapientiæ, nec tardium conuictus eius, sed lætitiā, & gaudium. Ergo Nulla tristitia est, quæ sit contraria delectationi contemplationis.

Conseq. prob. quia Conuersatio, & conuictus sapientiæ est per determinationem.

Determinatio.

Distinctio. Contemplatio dupliciter potest se habere ad delectationem. Vno modo, ut sit eius causa, sed non obiectum. Alio modo, ut sit & obiectum, & causa. Primo modo, ipsa delectatio, quæ est contemplatio, non est de contemplatione, sed de re contemplata. Secundo vero modo, delectatio est in ipsa contemplatione, quæ distinctio manifestatur in sensibilibus. Si quis n. videns aliquod obiectum pulchrum, & in eo delectetur, erit tunc visio, causa delectationis, sed non obiectum: non n. illa delectatur de visione, sed de re visa. Si quis vero delectetur de hoc, quod bene videt, s. de ipso actu videndi, tunc visio erit causa, & obiectum delectationis: Sic est dicendum de contemplatione. Quando enim quis delectatur ex hoc solo, quod obiectum aliquod bonum contempletur, tunc contemplatio erit quidem delectationis causa, sed non obiectum. Si vero quis in ipso actu contemplationis delectetur, tunc contemplatio est, & causa, & obiectum delectationis.

1. Conclusio. Delectationi, quæ est causata à contemplatione, sed non habet pro obiecto ipsam contemplationem, potest esse tristitia contraria.

Prob. Contingit enim contemplari aliquid nouum, & contristans, sicut & aliquid conueniens, & delectans. Sed De contemplatione noui est tristitia, sicut de contemplatione conueniens est delectatio. Ergo Contemplationis delectatio habet tristitiā contrariam.

2. Conclusio. Delectatio, quæ est de ipsa contemplatione tanquam de obiecto, nullam potest per se habere tristitiā contrariam.

Prob. dupliciter, scilicet Authoritatibus, & ratione. Authoritates sunt Greg. Niss. in libro 4. c. 2. & Phil. 1. Topic. & 10. Ethic. hanc conclusionem asserentium.

Ratio

Ratio vero est hæc. Delectationi, quæ est de obiecto, cui nihil est contrarium, non contrariatur aliqua tristitia.

Sed Delectatio, quæ est de contemplatione, est de obiecto, cui nihil est contrarium. Ergo Delectationi, quæ est de contemplatione, ut de obiecto, nulla est tristitia contraria.

Maiores quia Tristitia per se contrariatur delectationi, quæ est de contrario obiecto. Sicut delectationi, quæ est de calore, contrariatur tristitia, quæ est de frigore. Unde si aliqua delectatio sit de obiecto, cui nihil est contrarium, nullam habebit tristitiam contrariam.

Minor prob. quia Contrariorum rationes, secundum quod sunt apprehensæ non sunt contrariæ, immo unum contrariorum est ratio cognoscendi aliud. 3. Conclusio. Delectatio, quæ est de contemplatione, non solum non habet aliquam tristitiam, per se contrariam ei, sed nec habet per se annexam.

Prob. Ex differentia, quæ est inter delectationes corporales, & delectationem contemplationis. Delectationes enim corporales habent annexam tristitiam, quia sunt omnes medicinæ quedam contra aliquas molestias, quibus expulsi, ipsæ delectationes molestiæ sunt. Sicut aliquis delectatur in potu ex hoc, quod anxietur siti: quando autem iam tota sitis est repulsa, etiam cessat delectatio potus. Unde delectationes corporales habent tristitiam annexam, quia sunt ad repellendas contrarias molestias, & tristitias. Delectatio vero, quæ est de contemplatione, non est propter repellendas contrarias molestias, sed quia est secundum se delectabilis, nulla etiam existentem molestiam repellenda, eo quod non sit generatio, nec motus, sed operatio, ut dictum est q. 34. art. 3.

4. Conclusio. Delectationi contemplationis, per accidens admiscetur tristitia.

Prob. Dupliciter enim contingit, ut delectationi contemplationis admisceatur tristitia: Vno modo ex parte organi. Alio modo ex impedimento apprehensionis. Et ideo prius ostendendum est, quod tristitia possit misceri contemplationi ex parte organi. Secundo quod ex impedimento apprehensionis. Sciendum igitur, quod apprehensio est duplex, scilicet sensus, & mentis (quæ est proprie contemplatio) & neutrum apprehensio per se contrariatur tristitia. Delectationi enim, quæ est ex actu videndi, audiendi, gustandi, & similibus nulla tristitia contrariatur, sicut nec delectationi, quæ est de actu contemplandi. Sed utrique apprehensioni potest admisceri tristitia per accidens, tunc ex parte organi, tunc ex impedimento. Differenter tamen: nam apprehensio sensus admiscetur tristitia vtrique directe. Contemplationi vero admiscetur tristitia,

quæ est ex parte organi per accidens indirecte. Vires enim sensitivæ habent organum corporale, & ideo in eorum apprehensione directe admiscetur tristitia, ex parte organi dupliciter. Vno modo, ex hoc quod obiectum apprehensum est contrarium debite complexioni organi: sicut est gustus rei amaræ, & olfactus rei fetidæ. Et huiusmodi apprehensum habet annexam tristitiam, quæ est ex obiecto, ut patet ex dictis. Secundo potest misceri tristitia, sensitivæ apprehensioni ex continuitate sensibilis convenientis, quod per continuitatem facit excrementum naturalis habitus, per quod redditur sensibilis apprehensio, quæ prius erat delectabilis, tridiosa.

Duplex igitur tristitia potest misceri apprehensioni sensus, amaritudo, quæ est ex obiecto contrario dispositioni organi: & ædium, quod est ex continuitate sensibilis convenientis. Sed hæc duo directæ non admiscuntur contemplationi mentis, quia ut dicitur sapientiæ 8. Contemplatio mentis non habet amaritudinem, nec ædium. Indirecte autem possunt ei huiusmodi duo coniungi, quia mens humana vivit in contemplando viribus apprehensivis sensitivis, in quarum actibus accidit lassitudo. Ideo indirecte admiscetur aliqua afflictio, vel dolor contemplationi ex parte organi pueniens.

Ex impedimento autem admiscetur contemplationi tristitia, quando impedimento utriusque contemplationis, vel ut totaliter non sit, vel ut cum difficultate sit, ut dicitur in quarto argumento.

5. Conclusio. Tristitia, quæ admiscetur per accidens contemplationi, siue sit ex parte organi corporalis, siue ex impedimento ipsius contemplationis, non contrariatur delectationi, quæ est de ipsa contemplatione.

Manifestatur. Nam tristitia, quæ est de impedimento contemplationis, non solum non contrariatur delectationi contemplationis, sed magis habet affinitatem, & convenientiam cum ipsa. Nam tristitia de impedimento contemplationis, non contrariatur delectationi contemplationis. Tristitia vero, vel afflictio, quæ est de lassitudine corporali, non pertinet ad genus, ad quod pertinet delectatio contemplationis. Unde non est ei contraria, sed est ab ea disparata.

Ex quibus omnibus sequitur, quod delectationi, quæ est ipsius contemplationis, nulla opponitur tristitia, nec ei aliqua tristitia adiungitur, nisi per accidens.

Ad Argumentum 4.

Ad 1. Dicitur ad antec. quod Tristitia, quæ est secundum Deum, non est de ipsa contemplatione mentis, sed est de aliquo, quod mens contemplatur, scilicet de peccato, quod mens considerat, vtrumque delectationi diuinae.

Ad 2. Dicitur, quod illud argumentum concludit, quod Delectatio contemplationis, quæ est causa, & non obiectum delectationis habeat contrarium, quod verum est iuxta primam conclusionem. Non autem concludit, quod delectationi, quæ habet pro obiecto ipsam contemplationem, sit aliqua tristitia contraria. Unde ad formam argumenti, pro quanto posset hoc concludere, dicitur, quod ea, quæ sunt contraria in rerum natura, secundum quod sunt in mente, non habent contrarietatem: non enim rationes contrariorum sunt contrarie, sed magis vnum contrariorum est ratio cognoscendi aliud, propter quod est vna scientia contrariorum.

Ad 3. Dicitur ad antec. & ad eius probationem, quod Contemplatio secundum se, nunquam potest habere rationem mali, cum contemplatio nihil aliud sit quam consideratio veri, quod est bonum intellectus, sed per accidens tantum, in quantum, scilicet contemplatio vilioris impedit contemplationem melioris, vel ex parte rei contemplata, ad quam inordinate appetitus afficitur.

Ad 4. Dicitur, quod hoc argumentum probat, quod contemplationi possit esse adiuncta tristitia, sed tamen huiusmodi tristitia non est contemplationis delectationi opposita, sed potius cum ea habet affinitatem, ut dictum est in calce corporis.

Ad 5. Dicitur ad minorem, quod Afflictio carnis, per accidens, & indirecte se habet ad contemplationem mentis, ut in corpore probatum est.

ARTICVLVS VI.

Utrum Magis sit fugienda tristitia, quam delectatio appetenda.

Pro Affirmativa.

Videtur, quod magis sit fugienda tristitia, quam delectatio appetenda.

1. Nemo est, qui non magis dolorem fugiat, quam appetat voluptatem, ut Augustinus dicit libro 83. quæst. 9. Ergo Magis fugienda est tristitia, quam voluptas appetenda.

2. Actio, siue motus, qui est etiam ex actione contrarij, velocior est, & intensior, quam ille, qui fit sine actione contrarij. Sed Fuga tristitiæ est ex actione etiam, & contrarietate contristantis. Appetitus vero delectationis non est ex aliqua contrarietate contristantis, sed magis procedit ex convenientia delectantis. Ergo Maior, & intensior est fuga tristitiæ, quam appetitus delectationis.

Maior. quia Actio contrarij facit ad velocitatem,

& intensiorem motus: Aqua. n. calida citius, & fortius congelatur.

3. Illud, per quod quis efficitur, vel ostenditur virtuosior, & laudabilior, magis ei conuenit, quam id, per quod minus virtuosus efficitur. Sed Ex fuga doloris, aliquis virtuosior apparet, quam ex resistentia motus, quo appetitur delectatio. Ergo Magis fugiendus est dolor, quam delectatio appetenda.

Maior. quia Fortes, & iusti maxime honorantur, ut Aristoteles dicit 1. Rhet. c. 9.

Minor. Quanto aliquis fortiori passioni repugnat, tanto laudabilior est, & virtuosior. Virtus enim est circa difficile, & bonum, ut dicitur 2. Ethic. cap. 3. Sed Qui resistit motui, quo fugitur dolor, est virtuosior, quam temperatus, qui resistit motui, quo appetitur delectatio. Ergo Virtuosior est, qui fugit dolorem, quam qui resistit appetitui, quo appetitur delectatio.

Pro Negativa.

Delectatio est appetibilis propter bonum, quod est eius obiectum: fuga autem tristitiæ est propter malum. Ergo Fortior est appetitus delectationis, quam fuga tristitiæ.

Determinatio.

1. Concl. Appetitus delectationis per se loquendo fortior est, quam fuga tristitiæ.

Primo prob. Delectatio potest esse integra, & perfecta: Tristitia vero semper est secundum partem. Ergo Naturaliter maior est appetitus delectationis, quam fuga tristitiæ.

Antec. manifestatur, quia Causa delectationis est bonum cogniciens. Causa vero doloris, seu tristitiæ est malum repugnans. Et quia contingit esse aliquod bonum absque omni dissonantia, bonum autem potest esse aliquod malum, absque omni conuenientia, hinc est, quod delectatio potest esse integra, absque omni tristitia, tristitia vero semper aliquam bonitatem habet annexam.

Secundo prob. Conclusio. Obiectum delectationis, quod est bonum, per se ipsum appetitur: Malum autem, quod est obiectum tristitiæ, est fugiendum, in quantum est privatio boni. Ergo Appetitus delectationis potior est, quam fuga tristitiæ.

Conseq. prob. quia Quod est per se, potius est illud, quod est per accidens.

Tertio prob. Concl. assigno. Signum autem, quod magis appetatur delectatio, quam tristitia fugiatur, apparet in motibus naturalibus. Nam omnis motus naturalis intensior est in fine, cum appropinquat ad terminum suæ naturæ conuenientie, quam in principio, cum recedit a termino suæ naturæ non conuenientie, quasi natura magis tendat in id, quod est sibi conueniens, quam fugiat id, quod est

est sibi repugnans. Sic & inclinatio appetitus uirtutis, per se loquendo, vehementius tendit in delectationem, quam fugiat tristitiam.

2. Conclusio. Per accidens contingit, quod tristitia aliquis magis fugiat, quam delectationem appetat.

Prob. Tripliciter enim hoc potest contingere. Primo, quia per tristitiam magis sentitur amor. Nam vt Aug. dicit 10. de Trinit. Amor magis sentitur cum eum prodit indigentia: ex indigentia autem amari procedit tristitia, quæ est ex amissione alicuius boni amati, vel ex incurfu alicuius mali contrarij. Delectatio autem non habet indigentiam boni amati, sed quiescit in eo iam adeptæ. Cum igitur amor sit causa delectationis, & tristitia tanto magis fugitur, tristitia, quanto magis sentitur amor, ex eo quod contrariatur amori.

Secundo, Ex parte cause contristantis, vel doloris inferentis, quæ repugnat bono magis amato, quam sit bonum illud, in quo delectamur. magis enim, amamus consistentiam corporis naturalis, quam delectationem cibi, & ideo timore doloris, qui provenit ex flagellis, vel aliis huiusmodi, quæ contrariantur bonæ consistentiæ corporis, dimittimus delectationem ciborum, vel aliorum huiusmodi.

Tertio, Ex parte effectus, scilicet in quantum tristitia impedit non vnam tantum delectationem, sed omnes.

Ad argumenta.

Ad 1. Dicitur ad antec. quod illud, quod August. dicit, quod dolor magis fugitur, quam voluptas appetatur, est verum per accidens, & non per se, & hoc patet ex eo quod subdit. Quandoque quidem videmus immanissimas bestias, a maximis voluptatibus abstinere dolorum metu, qui contrariantur vitæ, quæ maxime amatur.

Ad 2. Dicitur ad maiorem, quod est vera de motu, qui est ab exteriori, non autem in motu, qui est ab interiori. Motus enim, qui est ab interiori, magis tendit in id, quod est conueniens, quam recedat a contrario, sicut supra dictum est de motu naturali. Sed motus, qui est ab extrinseco, intenditur ex ipsa contrarietate, quia vnumquodque suo modo nititur ad resistendum contrario, sicut ad conseruationem sui ipsius. Vnde motus violentus intenditur in principio, & remittitur in fine. Motus autem appetitiuus partis, est ab intrinseco, cum sit ab anima ad res, & ideo per se loquendo magis appetitur delectatio, quam fugatur tristitia. Sed motus sensitivæ partis, est ab exteriori, quasi a rebus ad animam. Vnde magis sentitur, quod est magis contrarium, & sic etiam per accidens, in quantum sensus requiritur ad delectationem, &

tristitiam, magis fugitur tristitia, quam delectatio appetatur.

Ad 3. Dicitur ad minorem, quod fortis non laudatur ex eo quod secundum rationem non vincitur a dolore, vel tristitia quacunque, sed quia non vincitur ab ea, quæ consistit in periculis mortis, quæ quidem tristitia magis fugitur, quam appetatur delectatio ciborum, vel venereorum, circa quam est temperantia. Sicut vita magis amatur, quam cibus, vel coitus. Sed temperantia magis laudatur ex hoc, quod non prosequitur delectationes tactus, quam ex hoc, quod non fugit tristitias contrarias, vt patet in 3. Eth. c. 11.

A R T I C V L V S VII.

Vtrum Dolor exterior sit maior, quam interior.

Pro Affirmativa.

Videtur, quod Dolor exterior sit maior, quam dolor cordis interior.

1. Dolor, qui causatur ex eo, quod repugnat bonæ consistentiæ corporis, in qua consistit vita, maior est, quam ille, qui causatur ex aliqua imaginatione mali. Sed Dolor exterior causatur ex causa repugnante bonæ consistentiæ corporis, in quo est vita. Dolor autem interior causatur ex aliqua imaginatione mali. Ergo Dolor exterior est maior, quam dolor interior.

Maiores, quia Vita magis amatur, quam imaginatum bonum.

2. Dolor, qui provenit ex reali coniunctione alicuius contrarij, maior est, quam, qui provenit ex apprehensa similitudine contrarij. Sed Dolor exterior provenit ex reali coniunctione alicuius contrarij. Dolor autem interior ex similitudine contrarij apprehensa. Ergo Maior est dolor exterior, quam interior.

Maiores, quia Res magis mouet, quam rei similitudo.

3. Dolor, qui habet fortiores effectus, est maior. Sed Dolor exterior habet fortiores effectus, quam interior. Ergo Dolor exterior fortior est, quam interior.

Maiores, quia Causa ex effectu cognoscitur.

Minor. quia Facilius homo moritur propter dolores exteriores, quam propter dolorem interiorem.

Pro Negativa.

Dicitur Ecclesiastici 25. Omnis plaga tristitia cordis est, & omnis malitia nequitia mulieris. Ergo Sicut nequitia mulieris alias nequitias superat, vt ibi intenditur, ita tristitia cordis omnem plagam exteriorem excedit.

Deter.

Determinatio.

Conuenientia, & differētia doloris exterioris, ab interiori.

Dolor interior, & exterior in vno conueniunt, & in duobus differunt. Conueniunt in hoc, quod uterque est motus appetitiue virtutis, vt dictum est art. 1. huius quæst. Differunt autem penes illa duo, quæ requiruntur ad dolorem. Duo enim exi-
guntur ad dolorem, scilicet Malum coniunctum, & apprehensio, siue cognitio illius coniunctionis. Sicut etiam ad delectationem requiruntur boni coniunctum, & cognitio, vt dictum est supra. Differunt inquam dolor exterior, & interior penes primum. Quia causa doloris exterioris est malum coniunctum repugnans corpori. Causa vero interioris doloris est malum coniunctum, quod repugnat appetitui. Penes apprehensionem vero differunt. Quia dolor exterior sequitur apprehensionem sensus, & specialiter tactus. Dolor vero interior sequitur apprehensionem interiorem, vel imaginationis, vel etiam rationis.

Breviter igitur. Dolor interior, & exterior conueniunt in hoc, quod uterque ad appetitum pertinet. Differunt autem. Tum quia Obiectum doloris exterioris est malum repugnans corpori. Obiectum vero doloris interioris est malum repugnans appetitui. Tum quia dolor corporis sequitur apprehensionem sensus, præcipue tactus. Dolor vero interior sequitur apprehensionem rationis.

1. Conclusio. Dolor interior ex parte causæ præcipue doli exteriori.

Prob. Dolor, cuius causa per se repugnat appetitui, remittit dolori, cuius causa soli per aliud repugnat appetitui. Sed Causa doloris interioris per se repugnat appetitui. Causa vero doloris exterioris non repugnat appetitui, nisi quia repugnat corpori. Ergo Dolor interior ex parte causæ. Simili coniuncti, maior est, quam dolor exterior.

Maiores prob. quia Quod est per se prius est eo, quod est per aliud.

Minor patet, ex assignata prima differētia, qua dictum est, quod malum, quod est causa doloris interioris, repugnat appetitui, quod vero est causa doloris exterioris, repugnat corpori.

2. Concl. Dolor interior, ex parte etiam apprehensionis, est maior, quam sic dolor exterior.

Prob. quia Apprehensio imaginationis, & rationis, ex qua est dolor interior, altior est, quam apprehensio sensus tactus, ex qua est dolor exterior.

3. Conclusio. Simpliciter, & per se loquendo, dolor interior potior est, quam dolor exterior.

Prob. dupliciter. Scilicet, & signo. Ratio est. Dolor, qui est maior ex parte causæ, vel obiecti, & ex parte apprehensionis, est simpliciter maior. Sed Dolor interior est maior ex parte causæ, ut dictum est in prima conclusione, & ex parte apprehensionis, vt dictum est in secunda Conclusionem. Ergo. Dolor interior est simpliciter maior.

1. Signum autem est, quia Dolores exteriores aliquis voluntarie suscipit, vt euer interiorum. Immo dolor exterior, in quantum non repugnat interiori appetitui, sedunt voluntarie quis patitur, sit quodammodo delectabilis, & iocundus interiori gaudij, vt patuit in Apostolis, qui gaudebant, quia digni habiti sunt, pro nomine Iesu contumeliam pati: tamen quando dolor exterior est cum interiori, augetur ex eo interior dolor.

4. Concl. Dolor interior non solum est maior dolore exteriori, sed vniuersalior eo.

Prob. Dolor, qui est ex eo, quod repugnat appetitui, non solum est maior, sed vniuersalior dolore, qui est ex malo, quod repugnat corpori. Sed Dolor interior est ex malo, quod repugnat appetitui, ut dictum est. Dolor vero exterior est ex eo, quod repugnat corpori. Ergo Dolor interior est vniuersalior.

Maiores prob. quia Quicquid est repugnans corpori, potest esse repugnans appetitui interiori, sed non conuerteretur, potest enim aliquid repugnare appetitui, quod non repugnat corpori.

Et confirmatur ratio hæc, ex autoritate inducitur in argumēto pro negatiua, qua dicitur, quod Omnis plaga etiam corporis, tristitia cordis est, quia etiam dolores exteriorum plagatum, sub interiori cordis tristitia comprehenduntur.

Ad Argumenta.

Ad 1. Dicitur ad minorem, quod de malo repugnante bonæ consistentiæ corporis, non solum est dolor exterior, sed etiam interior. Vnde dolor interior, & exterior, non sunt comparandi eundem diuersa mala, a quibus causantur, cum ab eodem malo possit provenire uterque dolor: sed debent comparari secundum diuersam habitudinem causæ doloris ad appetitum, ita quod malum, quod per se opponitur appetitui est maior, vt dictum est.

Ad 2. Dicitur ad minorem, quod Tristitia interior non procedit ex similitudine rei apprehensæ sicut ex ea, non enim hoc tristatur interius de ipsa similitudine apprehensa, sed de re, cuius est similitudo, quæ quidem res tanto perfectius apprehenditur per aliquam similitudinem, quanto similitudo est magis immaterialis, & abstracta, & ideo dolor interior per se loquendo, est maior, tamquam

quam de maiori malo existens, propter hoc, quod interiori apprehensione magis cognoscitur malum.

Ad 3. Dicitur, quod Dolor exterior habet quidem sensibiliores effectus, sed tamen non habet effectus per se maiores. Dolor enim exterior, quia est corrumpens consuetudinem, habet hunc effectum immutandi corpus: tamen dolor appetitus multo maiores producit effectus.

ARTICVLVS VIII.

Vtrum sint tantum quatuor species tristitiæ.

Pro Negativa.

Videtur, quod Damascenus inconuenienter species tristitiæ assignet: quæ sunt, Accidia, Anxietas, Misericordia, & Inuidia.

1. Delectationis non assignantur aliquæ species. Ergo Nec tristitiæ species debent assignari.

Consequenter probatur quia Tristitia delectationi opposita.

2. Penitentia est quedam species tristitiæ, similiter etiam Nemesis, & Zelus, ut Phil. dicit, 2. Rhet. c. 9. Sed hæc sub assignatis speciebus non comprehenduntur. Ergo Prædicta diuisio est insufficiens.

3. Omnis diuisio debet esse per opposita. Sed Prædictæ species non habent oppositionem ad inuicem. Ergo Prædicta diuisio non est conueniens.

Minor. quia secundum Greg. Accidia est Tristitia vocem amputans. Anxietas est Tristitia aggrauans. Inuidia est Tristitia in alienis bonis. Misericordia est Tristitia in alienis malis. Sed Contingit aliquem tristari in alienis malis, & de alienis bonis, & simul cum hoc interius aggrauari, & exterius vocem amittere. Ergo Hæc non sunt opposita.

Pro Affirmativa.

Est authoritas Greg. lib. 4. cap. 12. Et Damasc. lib. 2. ca. 14.

Determinatio.

Distinctio. Aliquid potest dici species alicuius generis dupliciter. Primo ex hoc quod constituitur ex aliquo addito ipsi generi. Secundo ex hoc quod ipsa ratio generis applicatur ad aliquid extraneum. Et primo modo contingit etiam dupliciter, scilicet vel per additionem alicuius differentie, quæ per se pertinet ad rationem generis. Vel per additionem alicuius extranei.

Manifestatur hæc distinctio. Pro quo est sciendum, quod de ratione speciei est, quod se habeat ex additione ad genus. Constituitur enim semper ex aliquo addito ipsi generi, quod est differentia,

vel quasi differentia constituens ipsam speciem. Potest autem huiusmodi additio fieri duobus modis. Vel per hoc, quod ipsi generi additur aliquid. Vel per hoc, quod ipsa ratio generis applicatur ad aliquid extraneum. Generi autem potest addi aliquid, quod pertinet ad rationem eius, quatenus scilicet illud, quod additur constituit speciem, continetur, et si non actu, virtute tamen in ratione ipsius generis. Sicut cum additur rationale ipsi animali. Rationale enim est quoddam additum ipsi animali, sed non est hæc differentia extranea, quia virtute continetur in ratione animalis. Potest etiam addi generi aliquid extraneum, quod scilicet non pertinet ad rationem generis, nec actu, nec virtute. Vt si animali addatur albedo, & nigredo, & dicatur, quod aliquid animal est album, aliud vero nigrum. Applicatur autem ratio generis ad aliquid extraneum, quando species aliqua sub genere posita continet aliquid extraneum a ratione generis. Sicut carbo, & flamma sunt species ignis, per hoc quod ratio ignis applicatur materiei alienæ, a ratione ignis.

Tripliciter igitur constituuntur species alicuius generis. Vel per hoc quod generi additur aliquid non extraneum ab ipso, scilicet differentia contenta virtualiter in genere, & huiusmodi additum constituit veras, & proprias species sub genere. Et sic homo, & leo constituuntur sub animali per suas differentias. Vel per additum extraneum, & hoc non constituit veras species, non enim coruus, & cignus sunt species animalis, propter album, & nigrum solum, sed per proprias suas differentias. Tandem tertio constituuntur species sub genere, per hoc quod ratio generis applicatur ad aliquid extraneum, ut dictum est de flamma, & carbone, quæ sunt species ignis, per hoc quod ignis ad extraneam materiam applicatur, & Astrologia, & Perspectiua possunt sic dici species Mathematicæ, quia principia Mathematicalia applicantur ad aliquid extraneum, puta ad visuale, & ad motus celestium corporum. Et hoc tertio modo quatuor enumeratæ species sunt sub tristitia.

Concl. Quatuor species tristitiæ, scilicet Accidia, Anxietas, Misericordia, & Inuidia, sufficienter enumerantur. Ita ut, non sint plures, nec pauciores.

Prob. Quot modis contingit, rationem tristitiæ applicari ad aliquid extraneum, totæ sunt species tristitiæ. Sed Quatuor modis contingit rationem generis, scilicet tristitiæ, applicari ad aliquid extraneum. Ergo Quatuor sunt species tristitiæ.

Maiores probatur, per ea, quæ dicta sunt, scilicet quod hic quæritur de speciebus, quæ ponuntur sub

sub tristitia, per hoc quod ratio eius applicatur ad extraneum.

Minor manifestatur. Ratio enim tristitiæ potest applicari ad aliquid extraneum dupliciter, Vel quod sit extraneum ratione obiecti. Vel quod sit extraneum ratione effectus. Obiectum enim tristitiæ est malum coniunctum ipsi, qui tristatur. Vnde extraneum ratione obiecti tristitiæ dicitur, vel ipsum bonum, quod est extraneum ab obiecto tristitiæ, vel dicitur malum alterius, quod est extraneum ab eo, qui tristatur. Dupliciter igitur aliquid est extraneum a tristitia ratione obiecti. Vel quia est obiectum extraneum, ab obiecto tristitiæ. Vel quia est extraneum, ab ipso, qui tristatur. Primum, est ipsum obiectum bonum. Secundum est malum alterius.

Quando igitur ratio tristitiæ applicatur obiecto, quod est extraneum a ratione obiecti proprii scilicet bono, tunc constituitur species tristitiæ, quæ est Invidia, quæ non est de malo, sed de bono alterius, quatenus tamen æstimatur, ut proprium malum, quia scilicet æstimatur, ut impedimentum proprii boni. Quando vero tristitia applicatur obiecto extraneo ab eo, qui tristatur, sed tamen non est extraneum a ratione obiecti tristitiæ, tunc constituitur species altera tristitiæ, quæ dicitur Misericordia, quæ est de malo alterius, quod tamē ratione amoris æstimatur proprium.

Effectus autem tristitiæ est fuga. Extraneum igitur ab hoc effectu erit ablatio fugæ. Sed huiusmodi ablatio fugæ dupliciter etiam potest fieri. Vno modo, ut tollatur quidem ipsa fuga, sed tamen remaneat appetitus fugæ, & sic constituitur tertia species, quæ dicitur Anxietas, quæ tollit quidem fugam, qui sic aggrauat animum, ut non appareat aliquod refugium. Vnde alio nomine dicitur Angustia. Si vero in tantum procedat talis aggrauatio, ut etiam exteriora membra immobiliter ab opere, sic erit extraneus effectus tristitiæ, quantum ad duo, quia scilicet nec est fuga, nec appetitus fugæ, & sic constituitur quarta species, quæ est Accidia, ad quam pertinet cessatio ab opere.

Ideo autem specialiter dicitur accidia vocem amputare, quia vox inter omnes exteriores motus magis exprimit interiorem conceptionem, & affectum non solum in hominibus, sed etiam in alijs animalibus, ut dicitur, in 1. Politic. c. 2.

Igitur Invidia est tristitia de bono alterius.

Misericordia est tristitia de malo alterius.

Anxietas est tristitia auferens fugam.

Accidia est tristitia auferens fugam, & fugæ appetitum.

Ad argumenta.

Ad 1. Neg. Conseq. Ad probationem dicitur, quod licet delectatio, & tristitia opponantur, tamen quia Delectatio causatur ex bono, quod vno modo dicitur, ideo delectationis non assignantur tot species, sicut tristitiæ, quæ causatur ex malo, quod multipharium contingit, ut dicit Dionys. 4. cap. de Diu. nom.

Ad 2. Dicitur ad maiorem, quod Penitentia est de malo proprio, quod per se est obiectum tristitiæ. Vnde non pertinet ad has species. Zelus vero, & Nemesis sub invidia continentur, ut infra patebit.

Ad 3. Dicitur ad maiorem, quod Diuisio ista non sumitur. Secundum oppositiones specierum, sed secundum diuersitatem extraneorum, ad quæ trahitur ratio tristitiæ, ut dictum est.

QVÆSTIO XXXVI.

DE CAUSIS TRISTITIÆ, seu doloris.

ARTICVLVS I.

Verum Causa doloris sit bonum amissum, vel malum coniunctum.

Quod sit bonum amissum.

Videtur, quod Bonum amissum sit magis causa doloris, quam malum coniunctum.

1. Aug. dicit, dolorem esse de amissione bonorum temporalium. Ergo Eadem ratione quilibet dolor ex amissione alicuius boni contingit.

2. Delectatio magis est de bono habito. Ergo Dolor est de bono amisso, magis quam de malo coniuncto.

Conseq. prob. quia Dolor, qui contrariatur delectationi, est de eodem, de quo est delectatio, ut dictum est. quæst. præced. art. 4.

3. Obiectum amoris est bonum. Ergo Dolor, vel tristitia, magis respicit bonum amissum, quam malum coniunctum.

Conseq. prob. quia Amor est causa tristitiæ, sicut & aliarum affectionum animæ. Vnde omnes aliæ affectiones debent magis respicere bonum, quam quodcunque aliud.

Pro alia parte.

Damasce. dicit lib. 2. cap. 12. quod Expectatum malum timorem constituit, præfens vero tristitiæ.

Determinatio.

Ratio motæ quæstionis.

Si priuationes eo modo se habent in apprehensione animæ, sicut se habent in ipsis rebus, ista quæ-

Questio nullius momēti esse videretur. Et hoc quia bonum amissum, quod est priuatio, & malum coniunctum, in rerum natura idem sunt: quia malum idem est quod priuatio boni. Cum igitur hæc duo, scilicet bonum coniunctum, & malum amissum, in re idem sint, si sic etiam esset in apprehensione animæ, vanum esset querere, quod horum magis esset causa doloris. Sed tamen quia tristitia est motus appetitus, sequens apprehensionem, ut dictum est, & in ipsa apprehensione etiam priuatio habet rationem entis, dicitur enim ens rationis, idco rationabiliter queritur, quod horum magis sit causa mali.

Distinctio. Dolor habet duplicem causam. Prima est amor, qui est causa omnium affectionum animæ, ut dictum est. Secunda est proprium obiectum. Obiecta enim sunt etiam causa passionum, ut dictum est.

1. Conclusio. Causa doloris, in ratione obiecti, magis est malum coniunctum, quam bonum amissum.

Prob. Motus appetitus, qui habet rationem recessus, per prius, & magis causatur a malo contrario ipsi appetitui, quam a bono conuenienti. Sed Dolor est motus appetitus habens rationem recessus. Ergo Dolor prius, & magis causatur a malo coniuncto, quam a bono amisso.

Maiores ostenditur in naturalibus, quia enim motus appetitus animalis hoc modo se habet in operibus animæ, sicut motus naturalis in rebus naturalibus, conuenienter ex consideratione naturalium morum, veritas accipi potest.

Si igitur accipiamus in motibus naturalibus accessum, & recessum, inueniemus, quod accessus, per se respicit id, quod est conueniens naturæ. Recessus autem per se respicit id, quod est contrarium. Sicut recessus grauis per se respicit locum superiorem, a quo recedit, accessus vero eiusdem grauis respicit locum inferiorem. Sic etiam est in motibus appetitus, ille motus, qui habet rationem recessus, respicit malum contrarium. Ille vero, qui habet rationem accessus respicit bonum conueniens.

Minor prob. quia In hoc differt dolor a delectatione, quod Delectatio habet rationem accessus, & dolor rationem recessus. Et propterea sicut delectatio per se primo, & magis respicit bonum coniunctum, ita dolor per se respicit malum contrarium coniunctum.

2. Concl. Dolor, pro ut est ex amore, prius, & magis respicit bonum amissum.

Prob. etiam a simili in naturalibus. Motus enim, quo graue recedit a loco sursum, quamuis respectu obiecti, per prius respiciat locum sursum, in cau-

sa huius recessus, s. grauitas, per prius inclinatur ad locum conuenientem naturæ, sic & amor, cuius obiectum est bonum, per prius inclinatur in bonum.

Ad argumenta.

Ad 1. Dicitur, quod Ideo, D. Aug. dixit, quod Dolor provenit ex amissione temporalium, quia illa amissio apprehenditur sub ratione mali; sicut etiam ipsa amissio mali, sic potest dici esse causa delectationis, quatenus, s. apprehenditur sub ratione boni.

Ad 2. Neg. conseq. Ad prob. dicitur, quod Delectatio, & dolor, ei contrarius, respiciunt idem, sed sub contraria ratione: nam si delectatio est de presentia alicuius: tristitia est de absentia eiusdem. In vno autem contrariorum includitur priuatio alterius, ut patet in 10. Metaph. Et inde est, quod tristitia, quæ est de contrario, est quodammodo de eodem sub contraria ratione.

Ad 3. Neg. conseq. Ad prob. dicitur, quod quædo ex vna causa proueniunt multi motus, non oportet, quod omnes principalius respiciant illud, quod principalius respicit eam, sed primus tantum. vnusquisque autem aliorum, principalius respicit illud, quod est ei conueniens secundum propriam rationem.

ARTICVLVS II.

Vtrum Concupiscentia sit causa doloris.

Pro Negativa.

Videtur, quod Concupiscentia non sit causa doloris.

1. Motus, qui respicit vnum contrarium, non est causa motus, qui est ad aliud contrarium. Sed Tristitia respicit malum, ut dictum est, Concupiscentia vero est motus appetitus in bonum. Ergo Concupiscentia non est causa doloris.

2. Dolor est de presenti secundum Damasc. lib. 2. Ort. Fid. c. 12. & concupiscentia de futuro. Ergo Concupiscentia non est causa doloris.

3. Id, quod est per se delectabile, non est causa doloris. Sed Concupiscentia est per se delectabilis, ut Phil. dicit, 1. R. het. c. 11. Ergo Concupiscentia non est causa doloris.

Pro Affirmativa.

Sicut se habet ignorantia ad errorem, ita concupiscentia ad dolorem. Sed Ignorantia est causa erroris. Ergo Concupiscentia est causa doloris.

Maiores quia Aug. dicit in Ench. c. 24. Subintrantibus ignorantia agendarum rerum, & concupiscentia noxiarum, comites subinferuntur, error, & dolor. Error, inquam, ab ignorantia, & dolor ex concupiscentia. Ergo Concupiscentia est causa doloris.

Determinatio.

1. Distinctio. Dupliciter aliquid potest dici, causa doloris. Vno modo, ut sit causa sicut unde principium motus. Alio modo per modum finis.

Gg Mani-

Manifestatur hæc distinctio a simili in appetitu naturali. Tristitia enim, siue dolor est motus appetitus animalis, quæ habet similitudinem appetitus naturalis, vt dictum est. Appetitus naturalis duplicem habet causam. Vnam per modum finis, & aliam sicut vnde motus. Sicut descensus corporis grauis, qui est motus naturalis appetitus grauis. Causa per modum finis est locus deorsum, principium autem motus est inclinatio naturalis, quæ est ex grauitate. Sic motus appetitus sensitiui causa, vt finis, est eius obiectum. Causa vero, sicut vnde motus, est interior inclinatio appetitus ad bonum appetitum, quæ inclinatio duplicem habet causam. Vnam primariam, & hæc est amor. Amor enim est prima causa omnium motuum passionum animæ, vt dictum est. Alteram vero causam secundariam, & hæc est odium. Appetitus enim prius per amorem inclinatur in bonum & consequenter inclinatur ad repudiandum malum contrarium, & ad hoc inclinatur consequenter per odium. Dolor igitur potest habere duplicem causam. Prima est, a qua promouetur motus per modum principij. Altera est per modum finis.

2. Distinctio. Concupiscentia sumitur dupliciter. Vno modo, vt est idem quod amor. Alio modo, vt est specialis passio distincta ab ipso amore, vt supra dictum est.

Ratio huius duplicis acceptionis est, quia Concupiscentia est primus effectus amoris, & ideo aliquando sumitur pro ipso amore, tanquam ci inter omnes alias animæ passiones propinquissima. Sumitur postea, vt distinguitur contra ipsum amorem, secundum propriam rationem, scilicet pro passione, qua concupiscentia futura.

1. Concl. Concupiscentia, secundum quod sumitur pro amore, est vniuersalis causa tristitiæ, sicut vnde motus.

Prob. Primum principium omnium passionum animæ est amor. Sed Tristitia est quædam passio animæ. Ergo Tristitia vniuersaliter causatur a concupiscentia, vt accipitur pro amore, sicut, & ab ipso amore.

2. Conclusio. Concupiscentia secundum propriam rationem, vt scilicet contradistinguitur fugæ, siue abhominati, est quidem causa tristitiæ, sed non vniuersaliter omnis tristitiæ.

Prob. prima pars, quia Quando concupiscentia aliquid, & retardatur motus ex aliquo impedimento, ne consequamur tam cito, vel omnino ipsum non sumus consecuturi, tristamur. Et hoc, quia illud, quod non tam cito, vel omnino non consequimur, est concupiscentia, & sic concupiscentia est causa huius tristitiæ.

Altera pars probatur. quia Magis dolemus de subtractione bonorum præsentium, de quibus non est concupiscentia, sed delectatio, quam futurorum, quæ concupiscentia. Vnde concupiscentia sic accepta, non est causa omnis doloris, sed solum eius, qui est de subtractione boni futuri.

3. Concl. Causa tristitiæ per modum finis, est malum coniunctum.

Prob. quia Obiectum habet rationem finis respectu passionum, & actuum, vt supra dictum est, art. præced.

Ad Argumenta.

Ad 1. Neg. maior. Inclinatio enim appetitus ad bonum consequendum est causa inclinationis appetitus ad malum fugiendum, sicut dictum est, & ex hoc contingit, quod motus appetitus, qui respiciunt bonum, ponuntur causa motuum appetitus, qui respiciunt malum.

Ad 2. Dicitur secundam partem antecedentis, quod illud, quod concupiscitur, etsi realiter sit futurum, est tamen quodammodo præsens, in quantum speratur. Vel potest dici, quod licet, bonum concupitum sit futurum, tamen impedimentum præsentiter apponitur, quod dolorem causat.

Ad 3. Dicitur ad minorem, quod Concupiscentia est delectabilis, quandiu manet spes adipiscendi, quod concupiscitur. Sed subtracta spe per impedimentum oppositum; concupiscentia dolorem causat.

ARTICVLVS III.

Vtrum appetitus vnitatis sit causa doloris.

Pro Negatiua.

Videtur, quod Appetitus vnitatis non sit causa doloris.

1. Appetitus, siue concupiscentia illius rei, quæ non est causa delectationis, quando habetur, non est causa doloris. Sed Vnitas non est causa delectationis vniuersaliter cum eo, qui ipsam appetit. Ergo Concupiscentia vnitatis non est causa doloris vniuersaliter.

Maiores manifestatur. quia Intantum concupiscentia alicuius rei causat dolorem, in quantum, quando habetur, est causa delectationis. Puta ideo concupiscentia pecuniæ est causa doloris, quia quando pecunia habetur, est causa delectationis.

Minor prob. Repletio non est semper causa delectationis. Sed Vnio est quædam repletio. Ergo Vnio non est vniuersalis causa lætitiæ, siue delectationis.

Manife.

Manifestatur maior huius. Tum quia Arist. dicit, 10. Ethic. ca. 3. quod opinio illa, quæ posuit repletionem esse causam delectationis, videtur esse facta ex delectationibus, quæ sunt circa cibum, eo quod repletio cibi sit causa delectationis. Ex quo sequitur, repletionem esse causam delectationis, verificari solum de repletionem cibi. Et ultra hoc, nec omnis repletio cibi est causa delectationis: quia quando iam aliquis est repletus, sit ei repletio causa tristitia.

Et breuiter sic formatur hoc argumentum. Non omnis vnitas est causa delectationis. Ergo Concupiscentia vnitatis non est causa doloris.

Antecedens probatur, quia Repletio ciborum, quæ est quædam vnitas, aliquando est causa tristitia.

2. Si dolor causaretur ex appetitu vnitatis, nulla separatio esset delectabilis. Sed hoc est falsum. Ergo Et id, ex quo sequitur.

Consequ. probatur, quia Quælibet separatio vnitati opponitur.

Falsitas consequentis patet, in separationem omnium superfluum, quæ delectabilis est.

3. Ea, quæ eadem ratione appetuntur, si vnum ponitur causa alicuius effectus, debet poni causa eiusdem effectus etiam alterum. Sed Vnitas, & separatio eadem ratione appetuntur. Ergo Si vnitas ponitur causa delectationis, eadem ratione diuisio, siue separatio debet poni causa delectationis.

Maiores declaratur. Nam quia eadem ratione appetimus cibum, & potum, puta vt conferuamus vitam. Si cibis ponitur causa delectationis, vel alicuius alterius effectus, puta conseruationis vitæ, etiam potus debet poni causa talis effectus.

Maiores quia Eadem ratione appetimus coniunctionem boni, quæ est vnitas, & remotionem mali, quæ est separatio, siue diuisio opposita vnitati.

Pro Affirmatiua.

Aug. dicit, 3. de libero arbitrio ca. 23. quod. Ex dolore, quem bestia sentiunt, satis apparet in regendis, amandisque suis corporibus, quam sint animæ appetentes vnitatis: quid enim est aliud dolor, nisi quidam sensus diuisionis, vel corruptionis imparis?

Determinatio.

Conclusio. Concupiscentia, vel amor vnitatis est causa doloris.

Prob. Concupiscentia boni retardati, vel impediti, est causa doloris, vt art. præced. dictum est. Sed Vnitas est, in qua consistit vnusquisque, creaturæ perfectio. Ergo Concupiscentia, vel amor

vnitatis retardata, vel impedita est causa doloris.

Minor prob. quia Vnaquæque res tunc perfecta est, quando habet vnita sibi ea, in quibus consistit eius perfectio.

Et confirmatur ratio, & conclusio. quia etiam Platonici posuerunt, Vnum esse principium, sicut & Bonum.

Confirmatur secundo. quia Propter hoc vnum quodque appetit vnitatem, sicut & bonitatem.

Ad argumenta.

Ad 1. Conceditur illud, quod cõcludit, si quod non omnis vnitas sit causa delectationis, & per consequens, quod non omnis appetitus cuiuslibet vnitatis sit causa doloris. Illa enim sola vnitas est causa delectationis, a qua dependet perfectum esse rei, sed illæ vnitates, quæ repugnant perfectioni ipsius esse rei, non causant delectationem, & per consequens nec concupiscentia doloris. Vnde quia sumptio cibi repugnat perfectioni esse eius, qui repletus est cibis, propterea non est ei delectabilis, vt Phil. dicit.

Ad 2. Neg. consequ. Ad probationem dicitur, quod separatio, vt sic, vnitati opponitur, tamen non omnis separatio opponitur omni vnitati. Aliqua enim separatio, non solum non opponitur, sed est perfectiua alicuius vnitatis, sicut est separatio, per quam remouetur ab aliquo illud, quod est contrarium perfectioni rei: separatio enim infirmitatis a corpore, vel ignis comburentis, est delectabilis, quia per eam remouetur, quod destruit vnitatem subiecti.

Vel dicitur secundo ad probationem consequentiæ, quod separatio dupliciter consideratur. Vno modo per se. Alio modo, vt includit, & habet adiunctam aliquam vnitatem; puta si separatur semet a corpore animalis, est delectabile, quia habet adiunctam vnionem sensibilis, scilicet feminis, cum sensu tactus.

Ad 3. Dicitur ad minorem, quod vnitas boni, & remotio nociui non appetuntur eadem ratione, nec ex æquo. Nam coniunctio boni appetitur propter se, separatio vero nociuorum appetitur, in quantum tollunt debitam vnitatem. Vnde appetitus huiusmodi separationis non est ponendus causa doloris.

ARTICVLVS IV.

Vtrum potestas, cui non potest resisti, sit causa doloris.

Pro Negatiua.

Videretur, quod Potestas maior non debeat poni causa doloris.

Gg 2 1. Quod

Ad Argumenta.

1. Quod non est præsens, sed futurum, nõ est causa doloris. Sed Quod est in potestate agentis, non est præsens, sed futurum. Ergo Potestas maior non est causa doloris.

Maiores. quia Dolor est de malo præsentis.

2. Quod potest inferre nocementum, est causa doloris. Sed Potestas minor potest inferre nocementum. Ergo Etiam potestas minor potest poni causa doloris.

Maiores. quia Nocementum illatum, est causa doloris.

3. Quod est extra animam, non est causa doloris. Sed Potestas maior est aliquid extra animam. Ergo Non debet poni causa doloris.

Maiores. quia Causa appetitiuorum motuum, inter quos est dolor, sunt interiores inclinationes animæ.

Pro affirmativa.

Aug. dicit in lib. de nat. boni cap. 20. In animo dolorem facit voluntas resistens potestati maiori: in corpore dolorem facit sensus resistens corpori potentiori.

Determinatio.

Conclusio. Potestas maior est causa doloris, si tamen contrariam inclinationem inferioris non mutet in propriam.

Prob. & manifestatur. Quod est causa coniunctionis mali, debet poni causa doloris, vel tristitiæ. Sed Potestas maior est causa coniunctionis mali in aliquo. Ergo Potestas maior est causa doloris.

Maiores probatur. quia Malum coniunctum est causa doloris, vel tristitiæ per modum obiecti, ut dictum est. Unde coniungens mali erit causa doloris.

Minor. Quod est contra inclinationem alicuius, nunquam ei aduenit nisi per actionem alicuius fortioris. Sed Quod malum alicui præsentialiter in hæreat, est contra inclinationem appetitus. Ergo Potestas maior est causa coniuncti mali.

Manifestatur Conclusio: quoad alias partes. Sciendum est enim, quod si potestas fortior intantum inualescat, ut mutet contrariam inclinationem in inclinationem propriam, iam non erit aliqua repugnantia, vel violentia. Sicut quando agens fortius corrumpendo corpus graue, aufert ei inclinationem, qua tendit deorsum, tunc ferri sursum nõ est ei violentum, sed naturale. Sic igitur, si aliqua potestas maior intantum inualescat, quod aufert inclinationem volutaris, vel appetitus sensitiui, ex ea non sequitur dolor, vel tristitia, sed tunc solum sequitur, quando remanet inclinatio appetitus in contrarium. Et inde est, quod Aug. dicit, quod voluntas resistens potestati fortiori causat dolorem. Si enim non resisteret, sed cederet consentiendo, non sequeretur dolor, sed delectatio.

Ad 1. Dicitur ad maiorem, quod maior potestas dolorē causat, non secundum quod est agens in potentia, sed secundum quod est agens in actu, dum scilicet facit actum coniunctionem mali corruptiuum.

Ad 2. Dicitur ad minorem, quod nihil prohibet aliquam potestatem, quæ non est maior simpliciter, esse maiorem quantum ad aliquid, & secundum hoc aliquid nocementum inferre potest, quod si nullo modo maior esset, nullo modo posset nocere. Unde nec posset causam doloris inferre.

Ad 3. Negatur maior. Ad probationem dicitur, quod Exteriora agentia possunt esse causa motuum appetitiuorum, in quantum causant præsentiam obiecti, & hoc modo potestas maior ponitur causa doloris.

QVÆSTIO XXXVII.

DE EFFECTIBVS DOLORIS,
vel tristitiæ.

ARTICVLVS I.

Vtrum Dolor auferat facultatem addiscendi.

Pro Negativa

Videtur, quod Dolor non auferat facultatem addiscendi.

1. Iudicia Dei, & tribulationes non auferunt, sed augent facultatem addiscendi.

Sed Dolor, siue tristitia sequitur ex Dei iudicijs, & tribulationibus. Ergo Dolor non aufert, sed auget facultatem addiscendi.

Maiores prob. quia Esaïæ 26. dicitur. Cū feceris iudicia tua in terra, iustitiam discant omnes habitatores orbis. Et infra. In tribulatione murmuris doctrina tua eis.

2. Quæ tollunt delectationes, non solum non auferunt, sed conferunt facultatem addiscendi. Sed Dolor, & tristitia tollunt delectationes. Ergo Dolor, & tristitia non auferunt, sed conferunt facultatem addiscendi.

Maiores. quia Esaïæ 28. dicitur. Quem docebit scientiam, & quem intelligere faciet auditum? Ablactatos à lacte, auulsos ab uberibus, id est à delectationibus.

Minor. quia Tristitia impedit omnem delectationem, ut dicitur 7. Ethic. c. 14. & Eccles. 11. dicitur. Malitia vnius horæ obliuionem facit luxuriæ maximæ.

3. Simul cum tristitia potest homo addiscere. Ergo Multo magis simul cum dolore corporali.

Conseq. prob. quia Tristitia interior præeminet dolori exteriori, ut dictum est.

Pro

Pro Affirmatiua.

Aug. dicit 1. Solil. cap. 12. Quanquam acerrimo dolore dentium his diebus torquerer, non quidem sinebam animo voluere, nisi ea, quæ iam forte didiceram, a discendo autem penitus impediēbar, ad quod mihi tota intentione animi opus erat.

Determinatio.

Conclusio. Dolor intensus aufert facultatem addiscendi.

Prob. Illud, quod ad se trahit totā intentionem animæ, vel magnā partem ipsius, non compatitur secum id, quod magnā requirit intentionem. Sed Dolor sensibilis intensus trahit ad se totā intentionem animæ, vel saltem magnam ipsius partem, Facultas vero addiscendi aliquid de nouo, requirit studium, & conatum magnum, cum magna intentione. Ergo Dolor intensus impedit hominē, ne tunc aliquid addiscere possit, & tantum potest intendi, ut nec etiam insistere dolore, possit homo aliquid considerare, eius etiam quod prius sciuit.

Maiores prob. Nam cum vnus animæ, vna tantum sit intentio, & omnes potentie animæ in vna essentia sint radicate, necesse est, quod quando intentio animæ vehementer trahitur ad operationem vnus potentie, retrahatur ab operatione alterius.

Minor. quo ad primam partem prob. quia Vnumquodque naturaliter tota intentione tendit ad repellendū contrarium, ut in naturalibus apparet, & sic dolor trahit ad se intentionem.

Altera pars, scilicet quod facultas addiscendi magnam requirit attentionem, probatur. quia Proverb. 2. dicitur. Si quaesieris sapientiam, quasi pecuniam, & sicut thesaurus effoderis eam, tunc intelliges disciplinam.

Modificatio conclusionis.

In hoc tamen attenditur diuersitas, secundum diuersitatem amoris, quem homo habet ad addiscendum, vel considerandum, quia quanto maior fuerit amor ad addiscendū, magis retinet intentionem animi, ne omnino feratur in dolorē.

Ad Argumenta.

Ad 1. Dicitur ad minorem, quod si dolor, seu tristitia, quæ sequitur ex tribulationibus sit moderata, cum huiusmodi tristitia tollat euagationem animi, potest conferre ad disciplinā suscipiendā, & præcipue corū, per quæ homo sperat se posse à tristitia liberari, & hoc modo in tribulatione murmuris, homines doctrinam Dei magis recipiunt.

Ad 2. Dicitur ad maiorem, quod ad hoc, ut ali-

quid non tollat facultatē addiscēdi, non sufficit ut tollat delectationes, sed necesse est, ut non trahat ad se animi intentionem. Illud ergo, quod tollit delectationes, & nō diuertit animi intentionē à consideratione scibilium, potest esse, quod cōferat ad sciendū. Tunc ad minorem dicitur, quod dolor, si nō sit moderatus, tollit quidē delectationes, sed tamen quia trahit ad se intentionem, impedit etiam ab addiscendo. Si autem dolor sit moderatus, potest esse, quod conferat ad addiscendū non per se, sed per accidens. Et ratio horum est, quia tam dolor intensus, quam delectatio tollunt facultatem addiscendi, & quidem de dolore intensio iam dictum est. De delectatione vero 7. Ethic. c. 11. dicitur, & Impossibile est in ipsa delectatione venerorum aliquid intelligere. Sed tamē magis trahit ad se intentionem animi dolor intensus, quam delectatio. Sicut videmus in naturalibus, quod actio corporis naturalis magis intenditur in contrarium: Sicut aqua calefacta magis patitur a frigido, & citius congelatur. Vnde Tristitia moderata per accidens confert ad addiscendū, quatenus tollit superabundantiam delectationem, sed per se impedit, ut dictum est, & si intendatur, aufert.

Ad 3. Dicitur ad antec. quod facultas addiscēdi non potest stare, nec cum dolore exteriori, nec cum dolore interiori, præcipue intenso, quia uterque dolor trahit ad se intentionem. Et de dolore exteriori iam dictum est; De interiori etiam idē est dicendum. Si enim intendatur multū, ita trahit intentionem, ut non possit homo de nouo aliquid addiscere. Vnde Greg. propter tristitiam intermisit Ezechielis expositionem. Sed quamuis uterque dolor facultatem addiscendi impediatur, magis tamen hoc facit dolor exterior, & ratio est quia dolor exterior accedit ex latione corporali, & ita magis habet transmutationem corporalem adiunctam, & ideo magis impedit contemplationem, quæ requirit omnimodam quietem.

ARTICVLVS II.

Vtrum Aggrauatio animi sit effectus tristitiæ, vel doloris.

Pro Negatiua.

Videretur, quod Aggrauatio animi non sit effectus tristitiæ.

1. Quod est causa sollicitudinis, & indignationis, nō est causa aggrauationis, sed magis erectio animi. Sed Dolor, seu tristitia, est causa sollicitudinis, & indignationis. Ergo Tristitia non est causa aggrauationis animi.

Maiores. quia Sollicitudo, & indignatio ad erectionem animi pertinent, quæ aggrauationi opponitur.

Minor.

Minor. quia 2. Corinth. 7. dicitur. Ecce hoc ipsum contristat vos secundum Deum, quantum in vobis operatur sollicitudinem.

2. Quod est effectus doloris, est oppositum effectui delectationis. Sed Aggravatio non opponitur effectui delectationis. Ergo Aggravatio non est effectus doloris.

Maiores. quia Tristitia, opponitur delectationi. Ergo Effectus tristitiæ debet opponi effectui delectationis.

Minor probatur. quia Effectus delectationis est dilatatio, cui non opponitur aggravatio, sed contritio.

3. Illud, ad quod pertinet absorbere, non est causa aggravationis. Sed Ad dolorem, vel tristitiam pertinet absorbere. Ergo Dolor non est causa aggravationis animi.

Maiores. quia Quod aggravatur, non absorbetur: quia quod aggravatur, sub aliquo pondere premitur, quod autem absorbetur, intra absorbens includitur.

Minor. quia 2. Corinth. 2. dicitur. Ne forte abundantiori tristitia absorbeatur, qui huiusmodi est.

Pro Affirmativa.

Greg. Niss. lib. 4. c. 12. & Damasc. lib. 2. de fid. c. 14. ponunt tristitiam aggravantem.

Determinatio.

1. Distinctio. Aggravatio sumitur dupliciter. Vno modo proprie: & sic aggravatio est impedimentum propriæ operationis, siue proprii motus ex aliquo pondere proveniens. Alio modo Metaphorice: & sic aggravatio est impedimentum operationis, ex aliquo quasi pondere proveniens, & secundum hunc modum attribuitur aggravatio dolori, feriori amoris, & dilatatio delectationi. Omnia enim hæc Metaphorice nominant effectus passionum.

2. Distinctio. Animus potest à dolore tripliciter aggravari. Vno modo, per hoc quod impeditur ne fruatur eo quod vult, sed tamen relinquatur in eo motus interior ad repugnandum, & repellendum contritans, & nocivum. Secundo modo potest aggravari in hoc etiam, ut tollatur motus interior ad repellendum nocivum, sed tamen relinquatur motus corporis. Tertio tandem ita, ut non possit frui re voluta, nec habeat motum interiorem ad repellendum nocivum, & tandem quod tollat etiam motum corporis, ita quod homo remaneat stupidus.

1. Conclusio. Dolor est causa aggravationis, impediendo motum voluntatis, ne fruatur eo, quod vult.

Prob. Quod contingit ex malo præfenti, aggra-

uat animū, impediendo ne fruatur eo, quod vult. Sed Dolor contingit ex malo præfenti, ut dictum est. Ergo Dolor est causa aggravationis animi, impediendo, ne fruatur eo, quod vult.

Maiores. quia Malum præfens repugnat motui voluntatis, & eā impedit, ne fruatur eo, quod vult.

2. Conclusio. Dolor potest aggravare animū impediendo eius interiorē motum, ne repellere possit nocivum præfens.

Manifestatur. Nā si sit tanta vis mali contristans, ut auferat spem euadendi, licet animus aggrauetur, quantum ad hoc, quod in præfenti non potest eo, quod vult, remanet tamen motus ad repellendum nocivum contristans. Si vero superexcreseat vis mali in tantum, ut spem evasionis excludat, tunc simpliciter impeditur etiam interior motus animi angustiat, ut neque hac, neque illac divertere valeat.

3. Conclusio. Quandoque etiam impeditur exterior motus corporis.

Manifestatur. quia Ex magnitudine doloris remanet homo aliquando stupidus.

Ad Argumenta.

Ad 1. Dicitur ad minorem, quod Illa erectio animi provenit ex tristitia, quæ est secundum Deū, quæ non est tristitia omnimode opprimens animum, & tollens omnem motum, quia habet spem adiunctam de remissione peccati.

Ad 2. Negatur minor. Ad cuius probat. dicitur, quod quantum ad motum appetitū pertinet, a d eodem refertur contritio, & aggravatio, ex hoc enim quod aggravatur animus, ut ad exteriora libere progredi non possit, ad se ipsum retrahitur, quasi in seipso contritus.

Ad 3. Negatur maior. Ad probationem dicitur, quod aggravare, & absorbere, si proprie sumantur, repugnantiam habent adiunctam. Si vero Metaphorice accipiantur, se invicem consequuntur. Tristitia enim dicitur absorbere hominem, quando sic totaliter vis contristantis mali afficit animum, ut omnem spem evasionis excludat, & sic aggravat, inquantum tollit operationem, & absorbet, quatenus nulla est spes euadendi.

ARTICVLVS III.

Vtrum Tristitia, vel dolor debilitet omnem operationem.

Pro Negativa.

Videtur, quod Tristitia non impediatur omnem operationem.

1. Quod est causa sollicitudinis, non impedit, sed potius adiuvat operationem. Sed Tristitia causat sollicitudinem, ut patet ex autoritate inducta argumenti. 1. art. 2. Ergo Tristitia non impedit operationem, sed magis adiuvat.

Maiores.

Maiores. quia Apostolus. 2. Timoth. 2. dicit Sollicita cura te ipsum exhibere operarium inconfutabilem.

2. Quod est causa concupiscentiæ, non impedit operationem. Sed Dolor causat in multis concupiscentiam, ut dicitur 7. Ethic. Ergo Dolor non impedit operationem.

Maiores. quia Concupiscentia facit intensiorem operationem.

3. Aliquæ sunt operationes propriæ his, qui contristantur, ut lugere. Ergo Saltem hæ operationes non impediuntur, sed potius meliorantur per tristitiam.

Antequam. Sicut assignantur aliquæ operationes propriæ gaudentium, puta ridere, sic debent assignari quædam operationes conuenientes his, qui contristantur.

Consequenter. prob. quia Vnumquodque augetur ex sibi conuenienti.

Pro Affirmatiua.

Phil. 10. Ethicor. cap. 4. dicit, quod Delectatio perficit operationem, & e conuerso tristitia impedit.

Determinatio.

1. Distinctio. Tristitia, ut dictum est art. præced. Aliquando ita aggrauat animum, ut omnem tollat operationem, & motum, tam interiorem, quam exteriorem, & tunc nulli dubium est, quod tristitia nõ debilitat, sed aufert omnem operationem. Aliquando vero relinquit aliquem motum, vel interiorem, ut quando est spes euadendi, vel saltem exteriorem.

2. Distinctio. Operatio, quæ est simul cum tristitia, dupliciter potest comparari ad ipsam tristitiam. Vno modo, ut obiectum ad actum, ut. Operatio sit id, de quo est tristitia; sicut cum aliquis cum tristitia ambulat, ita ut tristetur de deambulatione. Alio modo comparatur operatio ad tristitiam, ut effectus ad causam: ut cum aliquis tristatur, & propter tristitiam fugit malum contristans, & ei resistit, tunc fuga, & resistentia sunt effectus tristitiæ.

1. Conclusio. Tristitia impedit omnem operationem, de qua est tristitia.

Prob. quia Nunquam id, quod cum tristitia facimus, ita bene facimus, sicut illud, quod facimus cum delectatione. Et huius ratio est, quia voluntas est causa operationis humanæ. Vnde quando ipsa operatio est, de qua aliquis contristatur, necesse est, quod actio debilitetur.

2. Conclusio. Operatio, secundum quod comparatur ad tristitiam, ut effectus ad causam, vel principium, non debilitatur, sed potius augetur ex tristitia.

Prob. quia Quanto magis aliquis tristatur de re aliqua, tanto magis conatur ad repellendum tristitiam, & ad fugiendum malum contristans, dummodo remaneat spes expellendi, alioquin nullus motus, vel operatio ex tristitia causaretur, ut dictum est.

Ad argumenta.

Ad 1. Dicitur ad minorem, quod Tristitia causat sollicitudinem ratione spei, quæ remanet euadendi, & talis motus augetur propter tristitiam, ut dictum est in secunda Conclusio.

Ad 2. Similiter dicitur ad minorem, quod tristitia causat concupiscentiam remedi contra tristitiam, ut dicitur in fine 7. Ethicor. de melancholicis.

Ad 3. Conceditur totum, scilicet quod operationes, quæ causantur ex tristitia, & sunt propriæ his, qui tristantur, quæ & augentur ex tristitia, ut dictum est.

ARTICVLVS IV.

Vtrum Tristitia magis noceat corpori, quam aliæ animæ passionibus.

Pro Negatiua.

Videtur, quod Tristitia non inferat maxime corpori nocuentum.

1. Ea, quæ habent tantum esse spirituale, non causant transmutationem corporalem, ut patet de coloribus existentibus in aere secundum esse spirituale. Sed Tristitia habet esse spirituale in anima. Ergo Tristitia non facit aliquod corporale nocuentum.

2. Si Tristitia facit aliquod corporale nocuentum, hoc non est, nisi in quantum habet aliquam transmutationem adiunctam. Eigo Nõ magis tristitia, quam reliquæ passionibus, corpori nocent.

Consequenter. prob. quia Corporalis transmutatio inuenitur in omnibus animæ passionibus.

3. Ira, & concupiscentia quibusdam in sanias faciunt, ut dicitur 7. Ethicor. 3. Ergo Ira, & concupiscentia sunt magis nociuæ corpori, quam tristitia.

Consequenter. prob. quia Cum ratio sit excellentissimum eorum, quæ sunt in homine, insania videtur esse maximum nocuentum.

Pro affirmatiua.

Prouerb. 17. dñ. Animus gaudens, ætatem floridã facit, spiritus tristis exsiccat ossa. Et c. 2. Sicut tinea vestimento, & vermis ligno, ita tristitia viri nocet cordi. Et Eccl. 38. A tristitia festinat mors.

Determinatio.

Concl. Tristitia inter omnes animæ passiones magis corpori nocet.

Prob.

QVÆSTIO XXXVIII.

DE REMEDIIS TRISTITIÆ,
seu doloris.

ARTICVLVS I.

Vtrum Dolor, vel tristitia mitigetur per quamlibet delectationem.

Pro Negatiua.

Videtur, quod non qualibet delectatio mitiget quemlibet dolorem.

1. Non cuiuslibet delectationi contrariatur quælibet tristitia, vt supra dictum est, quæst. 35. art. 4. ad 2. Ergo Non qualibet delectatio mitigat quælibet tristitiam.

Consequenter probatur quia Delectatio non mitigat tristitiam, nisi in quantum ei contrariatur. Medicina enim sunt per contraria, vt dicitur. 2. Ethic. c. 3.

2. Illud, quod causat tristitiam, non mitigat tristitiam. Sed Aliquæ delectationes causant tristitiam. Ergo Non omnis delectatio mitigat tristitiam.

Minor, quia. 9. Ethic. c. 4. dicitur, quod Malus tristatur, quando delectatus est.

3. Aug. 4. Confess. c. 7. dicit, quod Ipse fugit de patria, in qua conuersari solitus erat cum amico suo, iam mortuo, minus eum quærebant oculi eius, ubi eum videre solebant. Ex quo accipi potest, quod illa, in quibus nobis amici mortui, vel absentes communicauerunt, efficiuntur nobis, de eorum morte, vel absentia dolentibus, onerosa. Sed Maxime amici communicauerunt nobis in delectationibus. Ergo Ipsæ delectationes efficiuntur nobis dolentibus onerosæ. Ergo Non qualibet delectatio mitigat quamlibet tristitiam.

Pro Affirmatiua.

Phil. 7. Ethic. c. vlt. dicit, quod Expellit delectatio tristitiam, & quæ contraria, & quæ contingens, si sit fortis.

Determinatio.

Conclusio. Quælibet delectatio affert remedium ad mitigandam quamcunque tristitiam, ex quoquinque procedat.

Probatur. Sicut se habet quies corporis ad corporalem laborem, ita se habet delectatio ad tristitiam. Sed Quælibet quies corporis remedium affert contra quamlibet fatigationem, ex quacunque naturali causa proueniens. Ergo Delectatio affert remedium ad mitigandam quamcunque tristitiam, ex quacunque causa procedat.

Maiores probatur, quia Delectatio est quedam quies appetitus in bono conuenienti. Tristitia autem

est ex eo, quod repugnat appetitui, quæ accidit ex aliqua transmutatione. Tristitia enim quandam fatigationem, seu ægritudinem virtutis appetitus importat.

Ad Argumenta.

Ad 1. Dicitur ad Antecedens, quod licet non omnis delectatio contrarietur omni tristitiæ, secundum speciem; contrariatur tamen secundum genus, vt supra dictum est: & ideo ex parte dispositionis subiecti quælibet tristitia, per quamlibet delectationem mitigari potest.

Ad 2. Neg. minor. Ad probationem dicitur, quod Delectationes malorum non causant tristitiam in presenti, sed in futuro, in quantum. scilicet malos poenitet malorum, de quibus lætitiæ habuerunt, & huic tristitiæ subuenitur per contrarias delectationes.

Ad 3. Dicitur, quod quando sunt duæ causæ ad contrarios motus inclinantes, vtrique alteram impedit, & tamen illa finaliter vincit, quæ fortior est, & diuturnior. In eo autem, qui tristatur de his, in quibus simul cum amico mortuo, vel absente delectari consuevit, duæ causæ in contrarium inducentes inueniuntur. Nam mors, vel absentia amici recitata inclinat ad dolorem: bonum autem præsens inclinat ad delectationem. Vnde vtrumque per alterum inquitur, sed tamen quia fortius mouet sensus præsentis, quam memoria præteriti, & amor sui ipsius, quam amor alterius, diuturnius manet: Inde est, quod finaliter delectatio tristitiam expellit. Vnde post pauca subdit idem Augustinus, quod Præteritis generibus delectationum cedebat dolor eius.

ARTICVLVS II.

Vtrum Dolor, vel tristitia mitigetur per fletum.

Pro Negatiua.

Videtur, quod fletus non mitiget tristitiam. 1. Effectus tristitiæ non minuit tristitiam. Sed Fletus est effectus tristitiæ. Ergo Fletus non mitigat tristitiam.

Maiores, quia Effectus non minuit suam causam.

2. Risus non minuit lætitiā. Ergo Nec fletus, vel gemitus mitigat tristitiam.

Consequenter probatur, quia Sicut fletus, vel gemitus est effectus tristitiæ, ita risus est effectus lætitiæ.

3. Imaginatio rei contristantis auget tristitiam, sicut et imaginatio rei delectantis auget lætitiā.

Hh Sed

Sed In fletu repræsentatur nobis malum contristans. Ergo Fletus non mitigat, sed auget tristitiā.

Pro Affirmativa.

Aug. dicit 4. Confess. cap. 4. quod quando dolebat de morte amici, in solis gemitibus, & lachrymis erat ei aliquantula requies.

Determinatio.

Conclusio. & Lachrymæ, & gemitus naturaliter mitigant tristitiā.

Prob. Duplici ratione. Prima. Illud, per quod dolor interior clausus diffunditur, & manifestatur exteriori, mitigat dolorem. Sed Per gemitum, & fletum manifestatur, & quodammodo diffunditur exterioris dolor, interior clausus. Ergo Fletus, & gemitus mitigant dolorem.

Major, quia Omne nocivum interius clausum, magis affligit, quia magis multiplicatur intentio animæ circa ipsum, sed quando ad exteriora diffunditur, quodammodo disgregatur, & sic interior dolor minuitur, & propter hoc, quado homines, qui sunt in tristitijs, exteriori suam tristitiā manifestant, fletu, gemitu, aut verbo, mitigatur eorum tristitiā.

Secunda ratio. Operatio delectabilis mitigat dolorem. Sed Fletus, vel gemitus est operatio delectabilis ei, qui in tristitiā invenitur. Ergo Fletus, & gemitus mitigant dolorem.

Major, quia Omne delectabile mitigat quemlibet dolorem, ut dictum est, art. præced.

Minor prob. quia Semper operatio cōveniens homini secundum dispositionem, in qua est, sibi est delectabilis. Sed Fletus, aut gemitus sunt quedam operationes convenientes tristari, vel dolenti. Ergo Fletus, vel gemitus sunt delectabiles operationes.

Ad Argumenta.

Ad 1. Dicitur ad maiorem, & ad eius probationem, quod fletus dupliciter potest considerari. Vno modo, ut est effectus tristitiæ. Alio modo, ut est quædam operatio conveniens contristato. Si consideretur primo modo, non mitigat, sed continuat tristitiā, & hoc non ratione sui, sed quatenus est effectus repræsentans cōtristato causam tristitiæ, scilicet rem contristantem. Si vero consideretur secundum se, ut est operatio quædam conveniens contristato, sic mitigat dolorem. Ratio horum est, quia contristans habet contrariam habitudinem ad contristatum, id est contrariatur ei, & ideo fletus repræsentans contristato obiectū, quod est ei nocivum, & cōtrarium, continuat dolorem. Fletus vero secundum se habet habitudinem convenientis ad contristatum, ut dictum est, ideo secundum se est delectabilis ei, qui contristatur, & per consequens mitigat dolorem. In forma

igitur dicitur ad probationem maioris, quod effectus ut sic, non minuit suam causam, aliqua tamen ratione potest eam minuire. Quod si quærat, quare cum fletus augeat, & minuat dolorem secundum diversam rationem, potius dicatur simpliciter, quod mitigat, quam quod augeat dolorem? Respondetur, quod res simpliciter iudicatur ex eo, quod convenit ei secundum se, & quia fletus secundum se est operatio delectabilis contristato, & non delectabilis solum ratione alterius, scilicet quatenus repræsentat rem contristantem: ideo simpliciter dicitur, quod fletus dolorem mitigat.

Ad 2. Negatur consequ. Ad probationem dicitur, quod non est eadem ratio de fletu, & risu. Fletus enim secundum se habet aliam habitudinem ad sentem, quam habeat causa fletus ad eū, qui flet. Nam fletus est conveniens contristato: sed causa fletus, scilicet res contristans est contraria ei, qui flet. Et ideo fletus minuit dolorem, quatenus habet cōtrariam habitudinem ad sentem, quam habeat causa fletus, ad eundem sentem, cum una habitudo sit conveniens, & alia contraria, ut dictum est. In risu autem non est sic. Nam risus secundum se est conveniens operatio ei, qui ridet, & causa risus est etiam cōveniens, quia scilicet bonum delectans; & ideo risus, non minuit, sed auget lætitiā per se, ut potest simile simili, nisi per accidens, ratione excessus.

Ad 3. Dicitur ad maiorem, quod Imaginatio contristans dupliciter consideratur. Vno modo, ut representativa contristantis, ei, qui contristatur: & sic non mitigat, sed auget dolorem. Alio modo, ut est quædam operatio conveniens contristato: & sic mitigat. Immo si tunc rideret, doleat, quia faceret, quod non est faciendum. Vnde si alicui in dolore subrepat risus, dolet de risu, quia non est ei tunc operatio delectabilis.

ARTICVLVS. III.

Vtrum Dolor, & tristitiā mitigentur per compassionem amicorum.

Pro Negativa.

Videtur, quod Dolor amici compatiens non mitigat tristitiā.

1. Quando cum multis gaudetur in singulis vberius est gaudium, quia ferre facient se, & inflammantur ex alterutro, ut Aug. dicit 7. Confess. cap. 4. Ergo Pari ratione quando simul multi tristantur, videtur quod sit maior tristitiā.

Consequ. prob. quia Contritorum sunt contrarij effectus.

2. Quod est contristativum non mitigat dolo-

rem.

rem. Sed Dolor amici est contristatius. Ergo Non mitigat dolorem, eius qui tristetur.

Minor. quia Amicus tristes dolebit de malo suo, & de dolore amici.

3. Omne malum amici est contristans, sicut malum proprium. Sed Dolor est quoddam malum. Ergo Dolor amici condolentis, auget tristitiam amico, cui condoletur.

Maiores quia Amicus est alter ipse.

Pro Affirmativa.

Phil. dicit. 9. Ethic. c. 11. quod In tristitijs amicus condolens consolatur.

Determinatio.

Conclusio. Amicus condolens in tristitijs est naturaliter consolatus.

Prob. duplici ratione. Prima. Illud, per quod fit quædam imaginatio in eo, qui tristetur, quod alij cum ipso ferant onus tristitiæ, est naturaliter consolatorium. Sed Compassio amici est, per quam fit in eo, qui est in tristitia, quædam imaginatio, quæ existimat, quod illud onus alij cum ipso ferant, quasi conantes ad alleviandum ipsum ab onere. Ergo Compassio amicorum est naturaliter consolativa.

Maiores. quia Ad tristitiam, ut dictum est, pertinet aggravare, est enim quasi quoddam onus, a quo ille, qui tristetur alleviari conatur: & ideo quando fit imaginatio in eo, ut alij velint ipsum adjuvare, ad ferendum illud onus, mitigatur eius dolor.

Minor. quia Quando ille, qui tristetur, videt alios de suo malo contristatos, fit in eo imaginatio quædam, ut illi, qui tristantur, conentur eius onus simul ferre.

Secunda ratio, & melior. Omnis delectatio mitigat tristitiam. Sed Compassio amici est delectabilis ei, qui tristetur. Ergo Compassio amici est mitigativa tristitiæ.

Minor prob. Amari ab alijs est delectabile. Sed Per hoc, quod aliquis alicui comparitur, ostenditur amor comparans ad eum, qui patitur tristitiam. Ergo Compassio est delectabilis ei, qui tristetur.

Ad Argumen. a.

Ad 1. Negatur conseq. Ad probationem dicitur, quod Gaudium amici, de bono alterius amici, & dolor de eius malo possunt dupliciter considerari. Uno modo, secundum se: & sic contrariantur, & habent contrarios effectus. Alio modo, ratione suæ causæ: & sic si causa non sit contraria, non contrariantur. Et quia gaudium amici cum amico, & dolor amici de malo amici, procedunt ambo ex amore, tamquam ex causa, propterea tam dolor, quam gaudium est delectabile, & sic compassio amici mitigat dolorem.

Ad 2. Dicitur ad minorem, quod Dolor amici

condolentis, si consideraretur secundum se, contristaret, sed tamen consideratio causæ eius magis delectat.

Ad 3. Dicitur ad maiorem, quod Omne malum amici secundum se est contristativum, tam ratione suæ causæ potest mitigare tristitiam, ut dictum est.

ARTICULVS IV.

Utum per contemplationem veritatis dolor, & tristitia mitigentur.

Pro Negativa.

Videtur, quod per contemplationem veritatis dolor, & tristitia non mitigentur.

1. Quod addit dolorem, non mitigat ipsum. Sed Contemplatio veritatis addit dolorem. Ergo Contemplatio veritatis addit dolorem.

Minor. Scientia auget dolorem: qui enim addit scientiam, addit dolorem, ut dicitur Eccles. 2. Sed Ad contemplationem veritatis pertinet scientia. Ergo Contemplatio veritatis auget dolorem.

2. Quod mitigat dolorem, oportet ut moueat. Sed Contemplatio veritatis non mouet. Ergo Contemplatio veritatis non mitigat dolorem.

Maiores. quia Gaudium, & dolor sunt quidam motus animi.

Minor. Quod pertinet ad intellectum speculativum, non mouet: Intellectus enim speculativus non mouet, ut dicitur. 3. de anima. text. 8. Sed Contemplatio veritatis pertinet ad intellectum speculativum. Ergo Contemplatio veritatis non mouet.

3. Quod est in intellectu, non potest mitigare corporalem dolorem. Sed Contemplatio veritatis est in intellectu, & dolor corporalis est in sensu. Ergo Contemplatio veritatis non potest mitigare dolorem corporalem, qui est in sensu.

Maiores. quia Remedium ægritudinis apponendum est, ubi est ægritudo.

Pro Affirmativa.

Aug. dicit in lib. 1. Soliloq. capit. 12. Videbatur mihi, si ille mentibus nostris veritatis fulgor aperiret, aut non me sensurum fuisse illud dolorem, aut certe pro nihilo toleraturum.

Determinatio.

Conclusio. Contemplatio veritatis mitigat tristitiam, vel dolorem, & tanto magis, quanto aliquis perfectior est amator sapientiæ.

Prob. Omnis delectatio mitigat dolorem, ut dictum est supra. Sed In contemplatione veritatis maxima consistit delectatio. Ergo Contemplatio veritatis mitigat dolorem.

Prob. Etiam a signo, præcipue secunda conclusio.

H h 2 sionis

tionis pars. quia Homines quando diuinam sapientiam, & futurâ beatitudinem ardentèr amant, gaudent in tribulationibus secundum illud Iacobi 1. Omne gaudium existimate fratres mei, cum in tērationes varias incideritis. Et quod est amplius, etiam inter corporis cruciatus huiusmodi gaudiū inuenitur, sicut Tyburtius martyr, cum nudatis plantis super arduas prunas incederet, dixit. Videtur mihi, quod super roses flores incedam, in nomine domini mei Iesu Christi.

Ad Argumenta.

Ad 1. Negatur minor. Ad probationem dicitur, quod qui addit scientiam, addit dolorem, vel propter difficultatem, & defectum inueniendæ veritatis, vel ex parte rerum scitarum, quatenus homo per scientiam cognoscit multa, quæ voluntati contrariantur: ex parte tamen contemplationis veritatis semper delectationem causat.

Ad 2. Negatur minor. Ad probationem dicitur, quod Intellectus speculatiuus non mouet animū ex parte rei speculatur, mouet tamen animū ex parte ipsius contemplationis, quæ est quoddam bonum hominis, & naturaliter delectabilis.

Ad 3. Negatur maior. Ad probationem dicitur, quod in viribus anime fit redundantia à superiori ad inferius, & secundum hoc delectatio contemplationis, quæ est in superiori parte, redundat ad mitigandum etiam dolorem, qui est in sensu.

ARTICVLVS V.

Utrum Dolor, & tristitia mitigentur per somnum, & balnea.

Pro Negatiua.

Videtur, quod Somnus, & Balneum non mitigent tristitiam.

1. Ea, quæ pertinent ad corpus, non mitigant tristitiam. Sed Somnus, & balnea pertinent ad corpus. Ergo Non mitigant tristitiam.

Maiores. quia Tristitia in anima consistit.

2. Quæ repugnant contemplationi veritatis, non possunt mitigare dolorem, & tristitiam. Sed Somnus, & balnea repugnant contemplationi veritatis. Ergo Somnus, & balnea non mitigant dolorem, & tristitiam.

Maiores. Idem effectus non causatur à contrariis causis. Sed Mitigatio doloris est effectus contemplationis, vt dictum est. Ergo Non potest eundem effectum causare, id quod repugnat contemplationi veritatis.

Minor. quia hæc sunt corporalia.

3. Remedia, quæ magis pertinere videntur ad exteriores sensus, & membra, quam ad interiorē cordis dispositionem, non possunt mitigare tristitiam. Sed Somnus, & balneum magis videntur pertinere ad exteriores sensus, & mem-

bra, quam ad interiorē cordis dispositionem. Ergo Somnus, & balnea non mitigant tristitiam.

Maiores. quia Tristitia, & dolor, secundum quod pertinent ad corpus, in quadam transmutatione cordis consistunt.

Pro Affirmatiua.

Aug. 9. Confess. cap. 12. dicit. Audieram balnei nomen inde dictum, quod anxietatem pellat ex animo. Et infra. Domini, & euigilauit, & non parua ex parte mitigatum inueni dolorem meū. Et inducit, quod in hymno Ambrosij dicitur, quod Quies artus solutos reddit laboris vsui: mentesque fessas alleuat, luctusque soluit anxios.

Determinatio.

Conclusio. Somnus, & balnea mitigant tristitiam, & dolorem.

Prob. dupliciter. Primo. Illa, quæ reformant naturam corporalem in debitum statum vitalis motionis, repugnant tristitia, & ipsam mitigant. Sed Somnus, & balnea reformant naturam corporalem in debitum statum vitalis motionis. Ergo Per somnū, & balnea mitigatur tristitia, & dolor.

Maiores. quia, vt dictum est, Tristitia repugnat secundum suam speciem vitali motioni corporis.

Secundo prob. Quæ sunt delectabilia, mitigant dolorem, vt supra dictum est. Sed Somnus, & balnea sunt delectabilia. Ergo Somnus, & balnea mitigant dolorem.

Minor. quia Per hæc reducitur natura ad debitum statum.

Ad Argumenta.

Ad 1. Neg. maior. Ad prob. dicitur, quod quamuis tristitia sit in anima, mitigatur tamen per corporalem delectationem. Vnde ipsa debita dispositio corporis, in quantum sentitur, delectationem causat, & per consequens tristitiam mitigat.

Ad 2. Neg. maior. Ad prob. dicitur, quod Delectationum vna aliā impedit, vt supra dictum est, & tamen omnis delectatio tristitiam mitigat. Vnde non est inconueniens, quod ex causis se inuicem impediētibz, tristitia mitigetur.

Ad 3. Neg. maior. Ad prob. dicitur, quod omnis bona dispositio, etiam exteriorum sensuum corporis, redundat quodammodo ad cor, sicut ad principium, & finem corporalium motionum, vt dicitur in libro de causa motus animalium.

QVÆSTIO XXXIX.
DE BONITATE, ET MALITIA

tristitia, seu doloris

ARTICVLVS I.

Utrum Omnis tristitia sit mala.

Pro Affirmatiua.

Videtur, quod Omnis tristitia sit mala.

1. Quod est naturaliter malum, semper,

&c

& ubique est malum. Sed Omnis tristitia est naturaliter mala, vt Greg. Nissen. dicit lib. 4. c. 12.

Ergo Omnis tristitia est mala.

2. Illud, quod omnes fugiunt, etiam virtuosi, est malum. Sed tristitiam omnes fugiunt, etiam virtuosi. Ergo Omnis tristitia est mala.

Minor. quia dicitur 7. Ethic. cap. 1. quod et si prudentes non intendat delectari, intendit tamen non tristiari.

3. Omnis dolor corporalis est malum corporis. Ergo Omnis tristitia spiritualis est malum animæ.

Conseq. prob. quia Sicut malum corporale est obiectum, & causa doloris corporalis, ita malum spirituale est causa tristitiæ spiritualis.

Pro Negativa.

Tristitia de malo est bona. Ergo Non omnis tristitia est mala.

Antec. prob. Tristitia, quæ opponitur delectationi de malo, est bona. Sed Tristitia de malo opponitur delectationi de malo. Ergo Tristitia de malo est bona.

Maior prob. quia Delectatio de malo est mala. Vnde in delectationem quorundam dicitur. Proverb. 2. Leuantur cum male fecerint.

Ergo Opposita est bona.

Determinatio.

Distinctio. Aliquid esse bonum, vel malum potest dici dupliciter. Vno modo, Simpliciter, & secundum se. Alio modo, ex suppositione alterius. Sicut verecundia dicitur esse bona ex suppositione turpis commissi, dicitur 4. Ethic. c. 9.

1. Conclusio. Omnis tristitia simpliciter, & secundum se est mala.

Prob. Illud, per quod impeditur quies appetitus in bono, est simpliciter, & secundum se malum. Sed Per tristitiam impeditur quies appetitus in bono. Ergo Omnis tristitia est secundum se, & simpliciter mala.

Minor. quia Tristitia est appetitum anxiam de malo præfenti.

2. Conclusio. Supposito aliquo contrariabili, vel doloroso, ad bonitatem pertinet, & aliquis de malo præfenti tristetur, vel doleat.

Prob. quia Si quis non tristaretur, aut non doleret de malo præfenti, non posset esse, nisi vel quia non sentiret, vel quia non iudicaret sibi tale malum repugnans. Sed Virumque istorum est manifeste malum. Ergo Ad bonitatem pertinet, vt supposita præfentia mali, sequatur tristitia, vel dolor.

Et confirmatur conclusio, Authoritate Aug. 8. super Gene. ad lit. c. 14. dicentis. Adhuc est bonum, quod dolet amissum bonum, nam nisi ali-

quod bonum æthanisisset in natura, nullus boni amissi dolor esset in pena.

3. Conclusio. Tristitia, quæ est ex suppositione bona, debet dici simpliciter (id est nullo addito) bona.

Manifestatur a simili. Nam quod est voluntarium ex suppositione, simpliciter est voluntarium. Et ratio est, quia sermones morales sunt de singulis, quorum sunt operationes, & ideo quod est ex suppositione bonum, debet iudicari bonum simpliciter.

Ad Argumenta.

Ad 1. Dicitur, quod Tristitia potest dupliciter considerari. Vno modo, ratione suæ causæ, vt scilicet est effectus quidam proueniens a malo præfenti, & sic tristitia est mala, & omnes eam fugiunt, fugiendo malum præfens. Alio modo consideratur tristitia, respectu subiecti contristati: & sic est motus quidam sensus, quo quis sentit tristitiam, vel dolorem, & quos refugit quis malum præfens, & hoc est bonum, & nullus refugit. Licet etiam ex hac parte quilibet refugiat ipsam tristitiam, vt malum est, non tamen refugit sensum tristitiæ; nullus enim refugit sentire malum, quando est præfens, quia sic refugeret habere sensum. Ad formam igitur argumenti, dicitur ad minorem, quæ est sententia Greg. quod ipse loquitur de tristitia ex parte mali tristantis, non autem ex parte sentientis, & repudiantis malum.

Ad 2. Similiter dicitur ad minorem, quod omnes fugiunt tristitiam ex parte mali causantis tristitiam, non autem omnes fugiunt sensum tristitiæ, de malo præfenti, & conatum ad repellendum malum.

Ad 3. Dicitur ad antecedens, quod Dolor corporalis est malum corporis; sed sensus mali præfentis, attestatur bonitati naturæ corporis, & est bonum.

ARTICVLVS II.

Vtrum Tristitia possit esse bonum honestum.

Pro Negativa.

Videtur, quod Tristitia non habeat rationem boni honesti.

1. Quod ad Inferos deducit, non est bonum honestum, sed ei contrariatur. Sed Tristitia dedit ad inferos. Ergo Tristitia non habet rationem boni honesti.

Minor. quia Aug. dicit 12. super Gene. ad lit. cap. 33. Iacob hoc timuisse videtur, ne nimia tristitia sic perturbaretur, ut non ad requiem beatorum iret, sed ad inferos peccatorum.

2. Quod

2. Quod diminuit rationem laudis, & meriti, non est bonum honestum. Sed Tristitia diminuit rationem laudis, & meriti. Ergo Tristitia non est bonum honestum.

Maior. quia Bonum honestum habet rationē laudabilis, & meritorij.

Minor. quia 2. Cor. 9. dicitur. Vnusquisq; pro ut destinavit in corde suo, non ex tristitia, aut ex necessitate.

3. Quod contrariatur rectitudini voluntatis, non est bonum honestum. Sed Tristitia contrariatur rectitudini voluntatis. Ergo Tristitia non est bonum honestum.

Minor. Quod facit habere voluntatem repugnantem voluntati, & ordinationi divinæ, cui subiacent omnia, quæ fiunt, repugnat rectitudini voluntatis. Rectitudo enim voluntatis create consistit in hoc, ut conformetur voluntati divinæ. Sed Tristitia facit habere voluntatem repugnantem voluntati divinæ. Ergo Repugnat rectitudini voluntatis.

Minor huius. quia Tristitia est de his, quæ accidunt nobis nolentibus, quæ tamen, ut dictum est, eveniunt ex divina voluntatis dispositione.

Pro Affirmativa.

Omne, quod meretur præmium vite æternæ, habet rationem boni honesti. Sed Tristitia meretur præmium vite æternæ. Ergo Tristitia est bonum honestum.

Minor. quia Matt. 5. dicitur. Beati qui lugent, quoniam ipsi consolabuntur.

Determinatio.

Conclusio. Tristitia interior secundum illam rationem, qua est bonum, potest esse bonum honestum.

Prob. Illud, quod est ex recto iudicio rationis, & ex voluntate bene disposita, habet rationem boni honesti. Sed Interior tristitia potest esse ex recta ratione, & ex voluntate bene disposita.

Ergo Tristitia interior potest, secundum quod est bona, esse bonum honestum.

Maior prob. quia Ex his duobus, scilicet ex rectitudine rationis, & voluntatis bonum honestum procedit.

Minor. In tristitia duo concurrunt, scilicet cognitio mali, quæ est per rationem, & potest esse per rectam rationem, & recusatio ipsius mali, quæ potest esse per voluntatem bene dispositam detestantem malum.

Ad Argumenta.

Ad 1. Negatur minor. Ad probationem dicitur, quod Ang. loquitur de tristitia immoderata, quæ non est bonum honestum.

Ad 2. Negatur minor. Ad cuius probationē

dicitur, quod ibi sermo est de tristitia, quæ est de bono, ex ratione, & voluntate perverta; quæ propterea non habet rationem honesti, & ideo minuit, siue tollit rationem laudis, & meriti. Laus est autem de tristitia, quæ est de malo procedente a recta ratione, & bene disposita voluntate.

Ad 3. Negatur minor. Ad probationem iterū negatur minor. Ad cuius probationem dicitur, quæ aliqua præsentiaiter eveniunt, quæ non sunt, Deo volente, sed Deo permittente, sicut peccata. Vnde voluntas repugnans peccato existenti, vel in se, vel in alio, non discordat a voluntate Dei. Mala vero poenalia præsentiaiter contingunt et Deo volente: non tamen exigitur ad rectitudinē voluntatis, quod ea, secundum se homo velit, sed solum, quod non contrariatur ordini divinæ iustitiæ, ut supra dictum est.

ARTICULVS III.

¶ Vtrum Tristitia possit esse bonum vile.

Pro Negativa.

Videtur, quod Tristitia non possit esse bonum vile.

1. Eccles. 30. dicitur. Multos occidit tristitia, & non est utilis in illa.

2. Bonum utile est eligibile. Sed Tristitia non est eligibilis, quinimo idem sine tristitia est magis eligendum, quam cum tristitia, ut dicitur 3. To. pic. 2. Ergo Tristitia non est bonum vile.

Maior. quia Electio est de eo, quod est vile ad finem aliquem, vnde bonum utile est eligibile.

3. Quod impedit propriam operationem rei, non est vile. Sed Tristitia impedit operationem, ut dicitur 10. Ethic. 6. 5. Ergo Tristitia non est bonum vile.

Maior. quia Omnis res est propter suam operationem, ut dicitur 2. de Cel. text. 17. Vnde quod impedit operationem, reddit rem inutilem.

Pro Affirmativa.

Quod queritur a sapientibus, est vile. Sed Tristitia queritur a sapientibus. Ergo Tristitia est utilis.

Maior. quia Sapienter non querit nisi vtilia. Minor. quia Eccles. 7. dicitur. Cor sapientum ubi tristitia, & cor stultorum ubi lætitia.

Determinatio.

Distinctio. Ex malo præsentiaiter insurgit duplex motus appetitiuus. Vnus quidem est, quo appetitus contrariatur malo præsentiaiter. Secundus motus confurgit in appetitum, ad fugiendum, & repellendum malum contristans.

1. Conclusio. Tristitia, secundum quod est motus appetitus, qui contrariatur malo præsentiaiter,

tr, quo cū aliquid præfens displicet, nullam habet utilitatem.

Prob. quia Id, quod præfens est, non potest nō esse præfens. Vnde ille, qui solam habet tristitiā, & displicentiam de malo sibi præfenti, nullam ex hac tristitia utilitatem extrahit.

2. Conclusio. Tristitia, quatenus est motus, quo appetitus conatur ad fugiendum malū contristans, est utilis, si tamen sit de eo, quod est fugiendum.

Sub alijs verbis. Tristitia, in omni fugiendo, est utilis.

Declaratur. Deinde probatur. Declaratur inquam, quo ad illum terminum. In omni fugiendo. Pro quo est sciendum, quod aliquid est fugiendum dupliciter. Vno modo, propter se ipsum, ex contrarietate, quam habet ad bonū: sicut est peccatum. Et ideo tristitia peccati utilis est, ad hoc, vt homo fugiat peccatum, sicut Apost. dicit 2. Cor. 7. Gaudeo, non quia contristati estis, sed quia cōtristati estis ad penitentiam. Alio modo est aliquid fugiendum, non quia sit secundum se malū, sed quia est occasio mali, dum, vel homo ei nimis inhaeret per amorem, vel ex hoc, quod præcipitatur in aliquod malum: sicut pater in bonis temporalibus. Et secundum hoc tristitia de bonis temporalibus potest esse utilis, sicut dicitur Eccl. 7. Melius est ire ad domum luctus, quam ad domū conuiuij in illa enim finis cunctorum admonetur hominū. Illud igitur, quod est fugiendum, est vel malum culpæ, uel id, quod homini est occasio mali, uel per hoc, quod præcipitari potest, uel ex nimio amore, quo ei inhaeret.

Tunc prob. Conclusio. Illud, per quod fuga mali fit fortior, & vehemensior, est bonum vtile. Sed per tristitiam de fugiendo, fit fuga fortior, & intensior.

Ergo Tristitia est utilis.

Minor prob. quia Per tristitiā geminatur causa fugæ. Nam ipsum malum secundum se fugiendum est, ipsam uero tristitiā, secundum se, omnes fugiunt. Vnde, qui tristatur, fugit malum, & propter ipsum malum, & propter tristitiā, quā habet de malo, & sic fuga fit intensior. Sicut a simili, delectatio de bono facit, ut bonum auidius queratur.

Ad argumenta.

Ad 1. Dicitur, quod Auctoritas illa intelligitur de immoderata tristitia, quæ animū absorbet: huiusmodi enim tristitia immobilizat animū, & impedit fugam mali, ut supra dictū est.

Ad 2. Dicitur, quod aliquid esse utile, dupli-

citer intelligitur. Scilicet aliquid prosequendum: vt pecunia ad emendum uitæ necessaria. Et ad aliquid fugiendum. Et sic aliquid potest esse eligibile, vel ad aliquid cōsequendum, vel ad aliquid fugiendum. Dicitur igitur ad minorem, quod Tristitia non est eligibilis ad aliquid, vt sic, consequendum, sed ad fugiendum. Et ad probationem dicitur, quod aliquid propter tristitiā est minus eligendum ad aliquid consequendum: tamen fugiendum, sit magis fugiendum ex tristitia, & quantum ad hoc tristitia est eligibilis, & utilis.

Ad 3. Dicitur ad minorem, quod Tristitia, de operatione aliqua, impedit operationem: sed tristitia, de cessatione operationis, facit auidius operari.

ARTICVLVS IV.

Vtrum Dolor, siue tristitia sit summum malum.

Pro Affirmatiua.

Videtur, quod Dolor, siue tristitia sit summum malum.

1. Quædam delectatio est optima, quæ scilicet pertinet ad felicitatem.

Ergo Quædam tristitia est pessima, & summum malum.

Conseq. prob. quia Optimo opponitur pessimum, ut dicitur 8. Ethic. c. 1.

2. Tristitia consistit in hoc, quod accedit aliquid contra voluntatem, vt Aug. dicit 14. de Ciui. Dei cap. 7. Ergo Tristitia est summum hominis malum.

Conseq. prob. quia Summum bonum hominis est impletio voluntatis ipsius, in hoc enim beatitudo consistit.

Ergo Non impleri est summum malum.

3. Aug. sic argumentatur in 1. soliloq. cap. 12. Ex duabus partibus compositi sumus, ex anima scilicet & corpore: quarum pars deterior est corpus, summum autem bonum est melioris partis optimum, summum autem malum, pessimum de terrioris. Est autem optimum in animo sapientia, in corpore pessimum dolor. Summum igitur bonum hominis est sapere, Summum malū dolere.

Pro Negatiua.

Quod pertinet ad penam, non est summum malum. Sed Dolor pertinet ad penam, vt Aug. ostendit lib. de ver. relig. c. 12. dicentis. Quis est dolor, qui dicitur animi, nisi carere inuincibilibus rebus, quibus fruebatur, aut frui se posse sperare? & hoc

hoc est totum, quod dicitur malum, i. peccatū, & pena peccati.

Ergo Non est summum malum.

Maiores prob. quia Culpa est maius malum, quam poena, ut dictum est. p. p. q. 48. ar. 6.

Determinatio.

Conclusio. Impossibile est aliquam tristitiam, seu dolorem esse summum hominis malum.

Prob. Omnis dolor, siue tristitia, aut est de hoc, quod est vere malum, aut de aliquo apparenti malo. Sed Nec dolor, qui est de vere malo, nec qui est de apparenti malo, potest esse summum malum.

Ergo Tristitia, seu dolor non est summum malum.

Minor prob. quia Dolore, qui est de vere malo, potest esse aliquid peius, scilicet vel non iudicare esse malum illud, quod est vere malum, vel etiam non resistere illud.

Dolor etiam, qui est de apparenti malo, non est summum malum, quia, eo est aliquid peius, scilicet alienari a vero bono, & sic est impossibile, quod aliquis dolor, seu tristitia sit summum hominis malum.

Ad argumenta.

Ad 1. Negatur conseq. & ratio negationis est, quia tristitia necessaria semper includit bonum. Duo enim bona sunt communia delectationi, & tristitiae, scilicet ludium verum de bono, & malo, & ordo debitus voluntaris approbantis bonum, & recusantis malum. Vnde bonum potest esse absque omni malo, & ideo potest esse optimum. Malum vero, quia non potest esse sine aliquo bono, pessimum, & summum esse non potest. Ad probationem consequentiae dicitur, quod assumptum non est verum, quando vnum oppositorum necessario non includit aliquid alterius oppositi, vt in p. p. q. 34. ar. 3. dum de malo esset sermo, explicatum est.

Ad 2. Negatur conseq. Nam hoc, quod est, voluntatem repugnare malo, quod accidit ipsa nolente, est bonum quoddam, & ideo tristitia summum malum esse non potest.

Ad 3. Dicitur, quod peius est, quod nocet meliori, quam quod nocet peiori. Malum autem dicitur, quia nocet, vt dicit Aug. in Enchir. cap. 12. Vnde maius malum est, quod est malum animæ, quam quod est malum corporis. Vnde non est efficax ratio, quam Augustinus inducit, non ex sensu suo, sed ex sensu alterius.

DE PASSIONIBVS irascibilis.

Consequenter Considerandum est de passionibus irascibilis, &

Primo. De Spe, & Desperatione in q. 40.

Secundo. De Timore, & Audacia in q. 41. 42.

Tertio. De Ira in q. 46. 47. 48.

QVÆSTIO XL. DE SPÊ, ET DESPERATIONE. ARTICVLVS I.

Virum Spes sit idem quod Desiderium, vel cupiditas.

Pro Affirmatiua.

Videtur, quod Spes sit idem quod desiderium, vel cupiditas.

1. Aug. lib. 14. de Ciuit. Dei cap. 7. 8. & 9. enumerans quatuor principales passiones, loco Spei ponit Cupiditatem. Ergo Spes est idem quod cupiditas.

2. Passiones, quarum idem est obiectum, sunt idem. Sed Spei, & desiderij idem est obiectum. Ergo Spes, & desiderium sunt idem.

Major. quia Passiones differunt secundum obiecta. Minor. quia Viriisque obiectum est bonum futurum.

Si dicatur ad hoc argumentum, quod minor est falsa, & ad probationem, quod obiectum Spei, addit supra obiectum desiderij possibilitatem adipsiendum, & per consequens, quod non est idem formale obiectum Spei, & Desiderij. Contra.

3. Id, quod per accidens se habet ad obiectum, non variat speciem passionis. Sed Possibile se habet per accidens ad bonum futurum. Ergo Possibile non facit, quod spes sit passio differens a desiderio, vel cupiditate.

Pro Negatiua.

Diuersarum potentiarum sunt diuersæ passionēs, specie differentes. Sed Spes, & cupiditas, seu desiderium sunt in diuersis potentijis. Ergo Spes, & cupiditas non sunt idem, sed specie differunt.

Minor. quia Spes est in irascibili, & desiderium in concupiscibili.

Determinatio.

1. Conclusio. Spes, & desiderium, seu Cupiditas non sunt idem, sed sunt passionēs specie differentes.

Prob. Passiones, quarum obiecta secundum speciem differunt, non sunt idem, sed specie differunt. Sed Obiecta Spei, & desiderij non sunt

sunt idem, sed specie distinguuntur. Ergo Spes, & desiderium non sunt idem, sed differunt specie.

Maiores prob. quia Species passionis ex obiecto consideratur.

Minor ostenditur. Nam obiectum spei exigit quatuor conditiones, per quas ab alijs obiectis aliarum passionum distinguitur.

Prima est, quod Obiectum spei est bonum. Spes enim, proprie loquendo, non est nisi de bono.

Secunda, quod Spei obiectum est futurum bonum. Non enim spes est de presenti iam habito.

Tertia est, quod Illud bonum futurum sit possibile acquiri. Non enim aliquis sperat, quod omnino adipisci non potest.

Quarta, quod Tale bonum possibile adipisci sit arduum, scilicet adipiscibile cum difficultate. Non enim aliquid dicitur sperare minimum bonum, quod statim est in sua potestate, ut habeat.

Per primam conditionem differt obiectum spei ab obiecto timoris, & per consequens spes a timore, quia timor est de malo.

Per secundam differt obiectum spei ab obiecto gaudij, & per consequens gaudium, siue delectatio a spe. Nam gaudium, & delectatio sunt de bono presenti iam habito.

Per tertiam differt obiectum spei ab obiecto desperationis, quæ est de eo, quod omnino adipisci non potest.

Per quartam vero differt obiectum spei ab obiecto desiderij, seu cupiditatis, cuius obiectum est bonum absolute. Et sic patet differentia spei, non solum a desiderio, sed etiam ab alijs passionibus.

2. Conclusio. Spes præsupponit desiderium.

Prob. Omnes passionis irascibilis præsupponunt passionem concupiscibilis, ut dictum est questione 25. art. 1. Sed Spes est passio irascibilis, & desiderium est passio concupiscibilis. Ergo Spes præsupponit desiderium.

Minor prob. Passiones, quarum obiectum est bonum arduum, pertinent ad irascibilem, & quæ habent pro obiecto bonum sensibile absolute, pertinent ad concupiscibilem. Sed Obiectum Spei est bonum arduum. Desiderij vero est bonum sensibile absolute, ut etiam hic, & alibi dictum est. Ergo Spes ad irascibilem, Desiderium vero ad concupiscibilem pertinent.

Ad argumenta.

Ad 1. Dicitur, quod Augustinus ponit cupiditatem loco spei, propter hoc, quod utrumque respicit bonum futurum. Et quia bonum, quod

non est arduum, quasi nihil reputatur, ut sic cupidas maxime videatur tendere in bonum arduum in quod etiam tendit spes.

Ad 2. Negatur minor. Ad probationem dicitur, quod obiectum Spei, non est bonum futurum absolute, sed cum arduitate, & difficultate adipiscendi, ut dictum est.

Ad 3. Dicitur dupliciter. Primo, quod responsio ibi data ad secundum non est vera. Obiectum enim spei non solum addit supra obiectum desiderij possibilitatem, sed etiam arduitatem, quæ facit pertinere spem ad aliam potentiam, scilicet ad irascibilem, quæ respicit arduum, ut dictum est, prima parte, questione 81. articulo 2.

Secundo, Concessa responsione ibi data, dicitur ad minorem, quod possibile, & impossibile, non omnino pro accidens se habent ad obiectum operativæ virtutis. Nam appetitus est principium motionis, nihil autem movetur ad aliquid nisi sub ratione possibili: nullus enim movetur ad id, quod æstimat impossibile adipisci, & propter hoc Spes differt a desperatione, secundum differentiam possibilis, & impossibilis.

A R T I C U L U S II.

Vtrum Spes sit in vi apprehensiva, vel in vi appetitiva.

Quod sit in vi cognitiva.

Videtur, quod Spes sit in vi cognitiva, siue apprehensiva.

1. Expectatio pertinet ad vim cognoscitivam. Sed Spes est expectatio quadam, ut dicitur ad Romanos, cap. 8. Ergo Spes pertinet ad vim cognoscitivam.

2. Fiducia, sicut etiam fides, pertinet ad vim cognoscitivam. Sed Spes videtur esse quadam fiducia. Ergo Spes pertinet ad vim cognoscitivam.

Minor. quia Sperantes vocamus confidentes, quasi pro eodem viantes considerare, & sperare.

3. Certitudo est proprietas cognitivæ virtutis. Sed Spei attribuitur certitudo. Ergo Spes pertinet ad cognitivam virtutem.

Quod sit in appetitiva.

Passio, cuius obiectum est bonum, pertinet ad vim appetitivam. Sed Spes est de bono. Ergo Spes pertinet ad virtutem appetitivam.

Mayor probatur. quia Bonum est obiectum virtutis appetitivæ.

Determinatio.

Conclusio. Spes pertinet ad virtutem appetitiuam, & non ad cognoscitiuam.

Prob. Quod importat extensionem appetitus in bonum, pertinet ad vim appetitiuam. Sed Spes importat extensionem appetitus in bonum. Ergo Spes pertinet ad vim appetitiuam.

Maior prob. quia Motus ad res pertinet proprie ad appetitum. Actio vero virtutis cognoscitiuæ representando ei summi obiectum, & ideo secundum diuersas rationes obiecti apprehensi, subsequuntur diuersi motus in vi appetitiua. Alius enim motus sequitur in appetitu ex apprehensione boni: alius ex apprehensione mali. Et similiter alius motus ex apprehensione præsentis, & futuri, absoluti, & ardui, possibilis, & impossibilis. Et secundum hoc spes est motus appetitiuæ virtutis, consequens apprehensionem boni, futuri, ardui, possibilis adipisci, scilicet extensio ad huiusmodi obiectum, & sic patet minor.

Ad Argumenta.

Ad 1. Dicitur ad minorem, quod Spes non est expectatio, sed tamen quandoque expectatio dicitur, propter actum virtutis cognoscitiuæ, præcedentem ipsam spem. Pro quo est sciendum, quod quia spes respicit bonum possibile, insurgit dupliciter homini motus spei, sicut dupliciter existimat esse ei aliquid possibile, scilicet secundum propriam virtutem, & secundum virtutem alterius. Quod ergo aliquis sperat per propriam virtutem adipisci, non dicitur expectare, sed sperare tantum. Sed proprie dicitur expectare, quod sperat ex auxilio virtutis alienæ, vt dicatur expectare, quasi ex alio spectare, in quantum scilicet vis apprehensiuæ præcedens, non solum respicit ad bonum, quod intendit adipisci, sed etiam ad illud, cuius virtute adipisci sperat, secundum illud Ecclesiast. 51. Respiciens eam ad adiutorium hominum.

Ad 2. Dicitur ad minorem, quod spes non est fiducia, sed quandoque fiducia dicitur, propter præcedentem actum rationis, quem spes sequitur. Illud enim, quod homo desiderat, & æstimat se posse adipisci, credit se adepturum, & ex tali fide in cognitiua præcedente, motus sequens in appetitu fiducia nominatur. Denominatur .n. motus appetitiuus, a cognitione præcedente, sicut effectus ex causa magis nota: magis enim co-

gnoscit vis apprehensiuæ suum actum, quam actus appetitiuus.

Ad 3. Dicitur ad minorem, quod non solum spei, immo non solum motui appetitus sensitui attribuitur certitudo, sed etiam motui appetitus naturalis: sicut dicitur, quod lapis certitudinaliter tendit deorsum, & hoc propter infallibilitatem, quam habet ex certitudine cognitionis, quæ præcedit motum appetitus sensitui, vel naturalis. Vnde sicut motus appetitus naturalis, & sensitui non pertinent ad rationem propter hoc, quod ei attribuitur certitudo, ita nec spes. Argumentum igitur non est in vera forma, debet enim sic formari. Cui attribuitur certitudo, pertinet ad vim cognitiuam. Sed Spei attribuitur certitudo. Ergo Spes pertinet ad vim cognoscitiuam.

Sic enim formando argumentum, manifeste patet falsitas maioris: propter inductionem instantiam, de motu appetitus sensitui, & naturalis, quibus attribuitur certitudo, & tamen pertinent ad vim appetitiuam.

ARTIC. V. LV. III.

Vtrum Spes sit in brutis animalibus.

Pro Negatiua.

V Idetur, quod in brutis animalibus non sit spes.

1. Quæ habent spem, cognoscunt futura. Sed Bruta non cognoscunt futura. Ergo In brutis non est spes.

Maior. quia Spes est de futuro bono, vt dicit Damasc. lib. 2. Orth. fid. c. 12.

Minor. quia Bruta non habent nisi cognitionem sensitiuam, quæ non est futurorum.

2. In quibus est Spes, debet esse Mens. Sed In brutis non est mens. Ergo In brutis non est spes.

Maior. quia Obiectum spei est bonum possibile adipisci. Possibile autem, & impossibile sunt quadam differentia veri, & falsi, quæ sunt solum in mente. Vnde vbi est spes, debet esse mens, quæ percipiat differentias obiecti spei.

3. In his, quæ mouentur tantum ex visis, non est spes. Sed Bruta mouentur solè ex visis, vt Aug. dicit. 9. in Gen. c. 14. Ergo In brutis non est spes.

Maior. quia Spes non est de visis. Nam quod videt quis, quid sperat? vt dicitur Romanorum 8.

Pro affirmatiua.

In quibus est irascibilis, est spes. Sed In brutis est irascibilis. Ergo In brutis est spes.

Maior. quia Spes est passio irascibilis.

Deter-

Determinatio.

Conclusio. In brutis est Spes.

Prob. Ex exterioribus motibus animalium deprehenditur, quod in eis sit spes. Ergo In brutis est spes.

Antec. prob. quia Si canis uideat leporem, aut accipiat eum nimis distantem, non mouetur ad ipsam, quasi non sperans se eam posse adipisci: si autem sit in propinquo, mouetur, quasi sub spe adipiscendi.

Conseq. prob. quia Interiores passionibus animalium, ex exterioribus motibus deprehendi possunt.

Ratio autem quare Spes non solum inuenitur in hominibus, sed etiam in brutis est, quia sicut motus appetitus, scilicet voluntatis, in homine sequitur apprehensionem intellectus, ita & appetitus brutorum. Voluntas quidem sequitur apprehensionem intellectus sibi coniuncti. Appetitus uero brutorum sequuntur apprehensionem intellectus separati, qui naturam instituit. Vnde sicut in hominibus ponitur spes, ex hoc quod per intellectum apprehendunt bonum, futurum, possibile, yrdauum, ita bruta naturali instinctu, ipsis dato ab auctore naturæ, mouentur in bonum futurum apprehensum ab ipso naturæ auctore.

Ad argumenta.

Ad 1. Dicitur ad maiorem, quod quæ habent spem, uel cognoscunt futura, uel saltem naturali instinctu mouentur in futurum apprehensum, ab auctore naturæ. Tunc ad minorem dicitur, quod quamuis bruta animalia non cognoscant futurum, tamen ex instinctu naturali mouetur animal ad aliquid in futurum, ac si futurum præuideret. Huiusmodi enim instinctus est eis inditus ab intellectu diuino, præuidente futura.

Ad 2. Negatur maior. Ad probationem dicitur, quod possibile potest dupliciter accipi. Vno modo, ut est quoddam consequens habitudinem predicari ad subiectum, & significat ueritatem propositionis. Et sic dicitur, propositio possibilis, cuius prædicatum non repugnat subiecto, & impossibile, cuius prædicatum repugnat subiecto. & sic possibile, & impossibile sunt differentie ueræ. Alio modo sumitur possibile per comparisonem ad aliquam potentiam. Et sic possibile dicitur, quod potest ab aliqua potentia produci, & impossibile, quod non est a tali potentia factibile: & sic sumitur possibile in proposito, scilicet quod potest ab aliqua potentia adipisci.

Ad 3. Dicitur ad maiorem, & ad eius probationem, quod licet id, quod est futurum, non cadat sub uisu, tamen ex his, quæ uidet animal in presenti, mouetur eius appetitus in aliquod futurum, uel prosequendum, uel uitandum.

ARTICULVS IV.

Utrum Spei contrarietur desperatio.

Pro Negatiua.

Videtur, quod Desperatio non contrarietur spei.

1. Spei contrariatur timor. Ergo Ei non contrariatur desperatio.

Conseq. quia Vni unum est contrarium, ut dicitur 10. Metaph. tex. 17.

2. Contraria sunt circa idem. Sed Spes, & desperatio non sunt circa idem. Ergo Spes, & desperatio non sunt contraria.

Minor. quia Spes respicit bonum, Desperatio uero malum.

3. Motui contrariatur non quies, sed alius motus. Sed Desperatio importat quietem. Ergo Non opponitur spei, quæ est quidam motus.

Mayor. quia Quies non contrariatur motui, sed opponitur ei, ut priuatio.

Minor. quia Desperatio uidetur importare quandam immutabilitatem.

Pro Affirmatiua.

Desperatio nominatur per contrarium spei.

Determinatio.

Conclusio. Spei contrariatur desperatio.

Prob. Passiones pertinentes ad irascibilem, quarum una significat accessum ad terminum, & altera obiectum, & altera recessum ab eodem termino, contrariantur ad inuicem. Sed Spes, & desperatio sunt passionibus pertinentes ad irascibilem, & sic se habent, quod Spes significat accessum ad aliquod bonum, & desperatio recessum ab eodem. Ergo Spes, & desperatio contrariantur ad inuicem.

Mayor manifestatur. Nam in mutationibus inuenitur duplex contrarietas. Vna secundum accessum ad contrarios terminos, & hæc solum inuenitur in passionibus concupiscibilis, sicut Amor, & Odium contrariantur. Alio modo per accessum, & recessum respectu eiusdem termini, & talis contrarietas inuenitur in passionibus irascibilis, ut dictum est questione 23. artic. 2.

Si 2. Mayor

Minor huius probatur, quia Per experientiam homo acquirit facultatem, aliquid de facili faciendi. Vnde dicit Vegetius de re militari. Nemo facere metuit, quod se bene didicisse confidit.

Altera minoris pars probatur, quia Per experientiam, sicut & per doctrinam, & persuasionem fit homini existimatio, aliquid esse possibile, quod ante experientiam impossibile credebatur.

2. Conclusio. Experientia, ex hoc quod facit aliquid cognoscere, potest esse causa defectus spei.

Manifestatur. quia Sicut per experientiam fit homini existimatio, quod aliquid sit sibi possibile, quod reputatur impossibile; ita e converso per experientiam fit homini existimatio, quod aliquid non sit possibile, quod tamen possibile existimabat.

3. Conclusio. Magis possumus dicere, quod experientia sit causa spei, quam quod sit defectus cause spei.

Manifestatur. quia Experientia duobus modis potest esse causa spei. Tum quia auget potentiam. Tum quia facit cognoscere possibilitatem rei. Causa autem defectus spei, est tantum vno modo, scilicet quia facit existimare aliquid non esse possibile, quod prius possibile existimabat.

Ad argumenta.

Ad 1. Dicitur primo ad minorem, quod experientia in operabilibus, non solum causat scientiam in vi cognoscitivam, sed etiam causat quandam habitum in potentia operatiua, propter consuetudinem, qui facit operationem faciliorem.

Secundo Negatur maior. Ipsa enim virtus intellectualis facit ad potestatem facile operandi, & demonstrat aliquid esse possibile, & sic est causa spei. Vnde ex hoc quod experientia est in vi cognoscitiva, non sequitur, quod non sit causa spei, quæ est in vi appetitiua, sed potius sequitur oppositum. Ex hoc enim quod experientia est in vi cognoscitiva, facit cognoscere, quid sit possibile, & quid non, est sic est causa & spei, & defectus spei.

Ad 2. Dicitur ad minorem, & ad eius probationem, quod experientia est causa defectus spei, quatenus facit existimare aliquid esse impossibile, & hac ratione insensibilis est defectus spei, quatenus per experientiam multa cognouerunt impossibilia, quæ tamen prius credebantur possibilia.

Ad 3. Dicitur ad minorem, & ad eius probationem, quod stultitia, & inexperientia possunt esse causa spei, quasi per accedens remouen-

do scientiam propter quam vere existimatur aliquid esse non possibile. Vnde ea ratione inexperientia est causa spei, qua experientia est causa defectus spei.

ARTICVLVS VI.

Utrum In iuuenibus, & Ebriosis abundet spes.

Pro Negativa.

Videtur, quod Iuuentus, Et Ebrietas non sint causa spei.

1. Quæ deficiunt a firmitate, non sunt causa spei. Sed Iuuentus, & ebrietas deficiunt a firmitate. Ergo Iuuentus, & ebrietas non sunt causa spei.

Maiores prob. quia Spes importat quandam certitudinem, & firmitatem. Vnde ad Heb. 6. Spes comparatur anchoræ.

Minor prob. quia Iuuenes, & ebrii habent animum de facili mutabilem.

2. Ea, quæ habent quandam infirmitatem adiunctam, non sunt causa spei. Sed Iuuentus, & ebrietas habent quandam infirmitatem adiunctam, ut de se patet. Ergo Iuuentus, & ebrietas non sunt causa spei.

Maiores. quia Ea, quæ sunt causa spei, augent vires, ut art. præced. dictum est.

3. Experientia est causa spei. In iuuenibus deficit experientia. Ergo Iuuentus non est causa spei.

Pro affirmativa.

Phil. 3. Ethic. c. 8. dicit, quod Inebriati sunt bene sperantes, & 2. Rhet. ca. 12. quod Iuuenes sunt bonæ spei.

Determinatio.

1. Conclusio. Iuuentus est causa spei.

Prob. primo Authoritate Philosophi inducta ex 2. Rhetoricorum.

Secundo prob. tribus rationibus, desumptis, ex tribus conditionibus obiecti ipsius spei. Tres enim sunt conditiones boni, quod est obiectum spei, scilicet quod sit futurum, arduum, & possibile adipisci.

Prima igitur ratio desumitur ex prima conditione, scilicet quod sit futurum, & est talis. Qui habent multum de futuro, & parum de præterito, habent multum de spe, & parum de memoria. Sed Iuuenes habent parum de præterito, & multum de futuro, ut de se patet. Ergo Habent parum de memoria, & multum de spe.

Maiores

Maior probatur, quia Memoria est præteriti, & spes futuri.

Secunda ratio desumpta ex altera conditione, scilicet ex arduitate, est. Qui habent multos spiritus, prompte in ardua tendunt. Sed Iuvenes habent multos spiritus. Ergo Iuvenes facile, & prompte in ardua tendunt.

Maior, quia Ex multitudine spirituum cor ampliat, & ex hac amplitudine cordis est, quod aliquis in ardua tendat.

Minor, quia Iuvenes abundant caliditate naturæ, ex qua fit, ut abundant multis spiritibus.

Tertia Ratio desumpta ex vltima conditione, scilicet ex possibilitate. Illi, qui non sunt passi repulsam, nec experti impedimenta in suis conatibus, de facili reputant aliquid sibi possibile. Sed Iuvenes non sunt passi repulsam in suis conatibus, nec experti sunt impedimenta. Ergo Iuvenes propter inexperiencem impedimentorum, & defectum de facili reputant aliquid sibi possibile.

2. Conclusio. Ebrii sunt bonæ spei.

Probatur duabus vltimis rationibus supra immediate adductis ad probandam primam conclusionem.

Prima. Hi, in quibus est caliditas, & multiplicatio spirituum, sunt bonæ spei. Sed In ebrijs est multiplicatio spirituum, propter caliditatem vini. Ergo Ebrii sunt bonæ spei.

Secunda. Hi, in quibus est inconsideratio periculorum, & defectum, sunt bonæ spei. Sed In ebrijs est inconsideratio periculorum, & defectum. Ergo Ebrii sunt bonæ spei.

3. Conclusio. Stulti, & non vtenets consideratione, sunt bonæ spei.

Probatur ratione vltima immediate adducta quia, scilicet ipsi carent consideratione periculorum, & defectum, & ideo omnia tentant, & sunt bonæ spei.

Pro Affirmatiua.

Ad 1. Dicitur ad minorem, quod in Iuuenibus, & in ebrijs, licet non sit firmitas secundum rei veritatem, est tamen in eis secundum eorum æstimationem: reputant enim se firmiter affecturos illud, quod sperant.

Ad 2. Dicitur ad minorem, quod Iuuentus, & ebrietas habent infirmitatem adiunctam secundum rei veritatem, sed secundum eorum estimationem habent potentiam, quia suos defectus non cognoscunt.

Ad 3. Dicitur ad maiorem, quod non solum experientia, sed etiam inexperience est causa spei, ut dictum est.

ARTICVLVS VII.

Vtrum Spes sit causa amoris.

Pro Negatiua.

Videtur, quod Spes non sit causa amoris.

1. Quod præceditur ab amore, non est causa amoris. Sed Spes præceditur ab amore. Ergo Spes non est causa amoris.

Minor probatur, quia D. August. 14. de Ciuit. Dei cap. 7. dicit, quod Amor est prima affectio animæ.

2. Desiderium causatur ex amore, ut dictum est, quæst. 3. art. 3. ad 2. Ergo Spes ex amore causatur, & non amor ex spe.

Consequentia probatur, quia Desiderium præcedit spem. Vnde si desiderium ex amore causatur, multo magis spes, quæ est post desiderium.

3. Quod præsupponit amorem, non est causa amoris. Sed Spes præsupponit amore. Ergo Spes non est causa amoris.

Minor prob. Quod est causa delectationis, præsupponit amorem. Sed Spes est causa delectationis: ut dictum est, quæst. 3. art. 3. Ergo Spes præsupponit amorem.

Major huius prob. quia Delectatio non est nisi de bono amato.

Pro Affirmatiua.

Quod est causa charitatis, est causa amoris. Sed Spes est causa charitatis. Ergo Spes est causa amoris.

Maior, quia Amor est charitas.

Minor, quia Glosa super illud Matth. 1. Abrahæ genuit Isaac, Isaac genuit Iacob. Id est fides spem, & spes charitatem.

Determinatio.

Distinctio. Spes respicit duo, scilicet bonum speratum, & illud, per quod fit nobis aliquod bonum possibile ad acquirendum.

Manifestatur. Nam spes respicit ut proprium obiectum bonum arduum, futurum, possibile. Sed bonum speratum potest esse nobis possibile dupliciter. Vno modo per nos ipsos. Alio modo auxilio alterius. Sicut si quis speret diuitias, vel dignitates, quas ex se non potest adipisci, sed auxilio alterius, tunc spes, hæc duo respicit, scilicet diuitias, & eum per quem diuitias obtinere sperat. Ex quo sequitur, quod duplex sit amor sperantis. Prior amor est, quo amat bonum speratum, puta diuitias, vel dignitates. Et alter quo amat eum, per quem bonum illud adipisci sperat.

1. Conclusio. Spes non est causa amoris, quo sperans amat bonum speratum, sed contra talis amor est causa spei.

Prob. quia Spes non est nisi de bono desiderato, &

to, & amato. Et in forma probatur per argumentum tertium pro negatiua.

2. Conclusio. Amor, quo sperans diligit eum, per quem sperat, aliquod bonum adipisci, causatur ex spe, & non spes ex illius amore.

Prob. quo ad primam partem, scilicet quod talis amor sit ex spe, quia Ex hoc quod per aliquem speramus, nobis posse prouenire bona, mouemur in ipsum, sicut in bonum nostrum, & sic incipimus ipsum, ex tali spe amare.

Altera pars, quod amor non sit causa talis spei, prob. quia Ex hoc quod amamus aliquem, non speramus de eo, nisi per accidens, in quantum, scilicet nos credimus redamari ab ipso. Vnde amari ab aliquo, facit nos sperare de eo, sed amor, quo nos eum amamus, causatur a spe, quam de eo habemus.

Ad Argumenta.

Omnia argumenta pro negatiua, concludunt, quod Amor, quo quis diligit rem speratam, est causa spei, & ipsam precedit, quod est verum iuxta primam conclusionem. Sed tamen non probant, quod amor, quo sperans diligit eum, per quem sperat consequi bonum speratum, non causetur a spe, & formaliter.

Ad 1. Dicitur ad minorem, quod est vera de amore, quo amamus bonum speratum, non autem de amore, quo amamus eum, per quem bonum adipisci speramus.

A 2. Dicitur ad antecedens, quod desiderium causatur ex amore, quo amamus bonum speratum, sed est causa amoris, quo amamus eum, a quo bonum speramus.

Ad 3. Dicitur ad minorem, quod spes præsupponit amorem boni sperati, sed causat amorem, quo amamus eum, per quem bona speramus, ut dictum est.

A R T I C V L V S VIII.

Vtrum Spes conferat ad operationem, vel magis eam impediatur.

Quod impediatur.

Videtur, quod Spes non adiuuet, sed impediatur operationem.

1. Illud, ad quod pertinet securitas, impedit operationem. Sed Ad spem pertinet securitas. Ergo Spes impedit operationem.

Maiores. quia Securitas parit negligentiam que impedit operationem.

2. Quod causat tristitiam, impedit operationem. Sed Spes causat tristitiam. Ergo Spes impedit operationem.

Maiores. quia Tristitia impedit operationem, ut dictum est, quæst. 37. art. 3.

Minor. quia Prouerb. 14. dicitur. Spes, que differtur, affligit animam.

3. Desperatio adiuuat operationem. Ergo Spes impedit operationem.

Antecedens patet in rebus bellicis, in quibus desperati fortiter pugnant. Vnde 2. Reg. cap. 12. dicitur. Periculosa res est desperatio.

Consequentia probatur. quia Desperatio contrariatur spei, ut dictum est art. 4. huius quæst.

Quod Spes conferat ad operationem.

Apost. 1. Corinth. 9. dicit. Qui arat, debet arare in spe fructus percipiendi, & eadem ratio est in omnibus alijs.

Determinatio.

Conclusio. Spes per se habet, quod adiuuet operationem, intendendo ipsam.

Prob. duplici ratione. Prima desumitur ex ratione obiecti ipsius spei. Secunda ex ratione effectus ipsius.

Prima. Illud, cuius obiectum est bonum arduum, possibile, adiuuat operationem. Sed obiectum spei, est bonum arduum possibile, ut dictum est. Ergo Spes adiuuat operationem.

Maiores. quia Existimatio ardui excitat attentionem, & existimatio possibilis non retardat conatum.

Secunda. Illud, quod est causa delectationis, iuuat operationem. Sed Spes est causa delectationis, ut dictum est. Ergo Spes adiuuat operationem.

Maiores. quia Delectatio operationem adiuuat, ut dictum est, quæst. 32. art. 3.

Ad argumenta.

Ad 1. Dicitur dupliciter. Primo, negando minorem. Securitas enim magis videtur timori opponi, quam pertinere ad spem. Spes enim respicit bonum consequendum. Securitas vero respicit malum vitandum.

Secundo. Negatur maior. Ad probationem dicitur, quod securitas non causat negligentiam, nisi in quantum diminuit existimationem ardui, in quo etiam diminuitur ratio spei: Illa enim, in quibus homo nullum impedimentum timet, quasi iam non reputantur ardua.

Ad 2. Dicitur ad minorem, quod Spes, per se, causat delectationem, sed per accidens est, ut causet tristitiam, ut dictum est, quæst. 32. art. 3. ad 2.

Ad 3. Dicitur ad antecedens, & ad eius probationem, quod Desperatio in bello fit periculosa propter aliquam spem adiunctam. Illi enim, qui

modo, victoriam super bonum. Et propterea verissime, & propriissime timori competit ratio passionis.

Altera conclusionis pars. scilicet quod Timori conueniat ratio passionis post tristitiam probatur. Ei, quod est de malo præfenti, magis competit ratio passionis, quam ei, quod est de malo futuro. Sed Tristitia est de malo præfenti, Timor vero de malo futuro. Ergo Tristitiæ magis competit ratio passionis, quam timori.

Minor prob. quia Præfens magis mouet, quàm futurum.

Ad Argumenta.

Ad 1. Dicitur, quod Virtus sumitur dupliciter. Vno modo communiter, & sic uirtus dicitur, omne, quod quocunque modo est principium operationis: secundum quem modum interiores animæ vires, virtutes dicuntur, quatenus sunt principia exteriorum actuum. Alio modo sumitur Virtus proprie, & sic illud solum virtus dici potest, quod est principium operationis per modum habitus. Tunc ad maiorem dicitur, quod nulla virtus habitualis est passio, verum est, & hoc probat Aristoteles loco citato. Ad minorem dicitur, quod Timor est virtus communiter accepta.

Ad 2. Dicitur ad minorem, quod licet obiectum timoris non sit præfens, secundum rem, est tamē præfens secundum apprehensionem. Sicut enim passio corporis naturalis prouenit ex corporali præfentia agentis, ita passio animæ prouenit ex naturali præfentia agentis, absque præfentia corporali, vel reali: in quantum scilicet malum, quod est futurum realiter, est præfens secundum apprehensionem animæ.

Ad 3. Negatur minor. Ad probationem negatur maior. Ad cuius probationem dicitur, quod Sensus nō apprehendit futurum, sed ex eo quod apprehendit præfens, animal naturali instinctu mouetur ad sperandum futurum bonum, vel timendum futurum malum.

ARTICVLVS II.

Vtrum Timor sit passio specialis.

Pro Negatiua.

Videtur, quod Timor non sit passio specialis. 1. Illud, quo remoto omnes animæ passionibus remouentur, nō est passio specialis. Sed Remoto timore, omnes passionibus remouentur.

Ergo Timor non est passio specialis, sed communis ad omnes alias animæ passionibus.

Minor prob. quia August. dicit lib. 83. quæst. quæst. 33. quod, quem non exanimat metus, neque cupiditas eum vastat, nec ægritudo, id est tristitia, eum macerat, nec ventilet vana lætitia. Ex quo videtur, quod remoto timore, omnes alie passionibus remouentur.

2. Fuga mali non est aliquid speciale in appetitu. Sed Timor nihil aliud est, quam fuga mali. Ergo Timor non est passio specialis.

Maior. Negatio non est aliquid speciale in intellectu, sicut nec affirmatio, sed aliquid commune ad multa. Ergo Nec fuga mali, est aliquid speciale in appetitu.

Consequ. prob. quia Ita se habent in appetitu profectio, & fuga, sicut in intellectu affirmatio, & negatio, ut dicitur 6. Ethic. c. 2.

3. Quod pertinet ad diuersas potentias, non est passio specialis. Sed Timor pertinet ad diuersas potentias, scilicet ad irascibilem, & concupiscibilem.

Ergo Timor non est passio specialis.

Minor prob. & quod sit in irascibili, iam dictum est, quod vero sit in concupiscibili, ostenditur.

Tristitia, & desiderium sunt in concupiscibili, vt dictum est supra. Sed Timor est tristitia quædam, vt Phil. dicit 2. Rhetic. c. 5. & est virtus desideratiua, vt Damasc. dicit in 3. lib. cap. 33. Ergo Timor est etiam in concupiscibili.

Pro Affirmatiua.

Quod conditiditur alijs passionibus animæ, est specialis passio. Timor conditiditur alijs passionibus animæ.

Ergo Timor est passio specialis.

Determinatio.

Conclusio. Timor est specialis passio animæ.

Prob. Quæ habet speciale obiectum, est specialis passio. Sed Timor habet speciale obiectum, sicut & spes.

Ergo Timor est specialis passio animæ.

Maior. quia Passionibus animæ habent speciem ex obiectis.

Minor prob. quia Sicut obiectum spei est bonum futurum, arduum, possibile adipisci: ita obiectum timoris est malum futurum, cui difficile resisti potest.

Ad Argumenta.

Ad 1. Dicitur ad minorem, quod remoto timore, non ideo remouentur alie passionibus, quia ipse timor non sit specialis passio, sed quia passionibus habent connexionem quandā ad inuicem,

K K

qua.

quatenus deriuantur ex vno animæ principio. scilicet ex amore, & ratione huius connexionis, remoto timore, remouentur aliæ animæ passiones vnde absolute negatur maior.

Ad 2. Dicitur ad maiorem, quod fuga mali in communi, non est specialis passio, sed fuga talis mali, scilicet mali ardui, difficultis ad resistendum, est specialis passio, vt pote cuius obiectum est speciale. Tunc ad minorem dicitur, quod Timor est fuga mali, non quidem mali in communi, sed mali ardui, ut dictum est.

Ad 3. Negatur minor. Nam timor nullo modo est in concupiscibili, sed solum in irascibili, non enim timor respicit malum absolute, quod est obiectum concupiscibilis, sed respicit malum arduum, vt ei resisti vix possit. Ad probationem dicitur, quod quia passiones irascibilis deriuantur a passionibus concupiscibilis, & ad eas terminantur, vt supra dictum est. Ideo timori attribuitur ea, quæ sunt concupiscibilis: dicitur enim timor esse tristitia, in quantum obiectum timoris est contristans, si praesens fuerit. Vnde, & Phil. dicit ibidem, quod Timor procedit ex phantasia futuri mali corruptui, vel contristatiui. Similiter & desiderium attribuitur, a Damasceno timori: quia sicut spes causatur, vel oritur a desiderio boni, ita timor est ex fuga mali: fuga autem mali oritur, ex desiderio boni, vt ex supradictis patet.

ARTICVLVS III.

Vtrum sit aliquis timor naturalis.

Pro Affirmatiua.

Videtur, quod Timor aliquis sit naturalis.

1. Damasc. dicit in 3. lib. cap. 23. quod Est quidam timor naturalis, nolente anima diuidi a corpore.

2. Est aliquis amor naturalis, ut Dionys. dicit 4. cap. de diuin. nom.

Ergo etiam est aliquis timor naturalis.

Conseq. quia Timor ex amore oritur, ut dictum est.

3. Est aliqua spes naturæ. Ergo etiam est aliquis timor naturæ.

Antec. quia Rom. 4. dicitur de Abraam, quod Contra spem naturæ, in spem gratiæ credidit.

Conseq. prob. quia Timor opponitur spei, vt dictum est.

Pro Negatiua.

Ea, quæ sunt naturalia, communiter inueniuntur in rebus animatis, & inanimatis. Sed Timor non inuenitur in rebus inanimatis.

Ergo Timor non est naturalis.

Determinatio.

Distinctio. Motus aliquis potest dupliciter dici naturalis. Vno modo, quia natura inclinatur quidem ad talem motum, sed tamen ipsum non perficit absque aliqua operatione potentiae apprehensivæ. Et dicitur huiusmodi motus naturalis, etiam quod non perficitur a natura, nisi aliqua mediantia apprehensione, quia motus apprehensivæ virtutis, reduciuntur in naturam, sicut in principium primum, & per hunc modum etiam ipsi actus apprehensivæ virtutis, vt intelligere, sentire, memorari, & etiam motus appetitus, naturales dici possunt. Alio modo dicitur aliquis motus naturalis, quia natura ad ipsum inclinatur, & eum absque aliqua operatione alicuius virtutis apprehensivæ perficit, sicut motus sursum, hoc modo est motus naturalis leuium, & augeri, est motus naturalis animalium, & plantarum.

1. Conclusio. Iuxta primum modum accipiendi naturale. Aliquis timor est naturalis, aliquis vero est non naturalis.

Prob. Aliquis timor est de malo corruptiuo, & aliquis de malo contristatiuo, ut Phil. dicit. 2. Rethororum cap. 5.

Ergo Aliquis timor est naturalis, & aliquis non naturalis.

Conseq. prob. quia Malum corruptiuum resistit naturæ propter naturalem desiderium esse odii, & ideo timor, qui est de huiusmodi malo, est naturalis. Malum vero contristatiuum, non repugnat naturæ, sed desiderio appetitus; ideo timor de huiusmodi malo non est naturalis. Et secundum hunc modum, superius in questionibus. 30. & 31. art. 7. Amor, Concupiscentia, & Delictatio, distincta sunt, per naturalem, & non naturalem.

2. Conclusio. Iuxta secundum modum accipiendi naturale, nullus timor est naturalis.

Prob. Ex differentia, quæ est inter amorem, desiderium, & spem ex una parte, & alias passiones, inter quas est timor, ex altera. Sciendum igitur, quod quedam de passionibus animæ, quandoque dicuntur naturales, ut amor, desiderium, & spes, aliæ vero naturales dici non possunt: & hoc ideo, quia amor, & odium, desiderium & fuga, important inclinationem quandam ad prosequendum bonum, & fugiendum malum: quæ quidem inclinatio pertinet ad appetitum naturalem, & ideo est amor quidam naturalis, & desiderium, vel spes, & possunt quodammodo dici, etiam in rebus naturalibus cognitione carentibus. Sed aliæ passiones animæ important quosdam motus, ad quos nullo modo sufficit inclinatio naturalis. Vel quia de ratione harum passionum est sensus, seu cognitio, sicut dictum est,

est, quod apprehensio requiritur ad rationem delectationis, & doloris. Vnde qui caret cognitione non potest dici delectari, vel dolere. Vel quia huiusmodi motus sunt contra rationem inclinationis naturalis: vt est desperatio, quæ refugit bonum propter aliquam difficultatem, & timor refugit impugnationem mali contrarij, eius ad quod est inclinatio naturalis, & ideo huiusmodi passionibus nullo modo attribuuntur rebus inanimatis.

Ad argumenta.

Ad 1. Dicitur, quod sententia Damasceni probat primam conclusionem, scilicet quod est aliquis timor, ad quem inclinatur natura, tamen media apprehensione.

Ad 2. Negatur consequens, non enim est eadem ratio de amore, & timore, ut dictum est in secunda conclusione, etiam quod timor sit ex amore.

Ad 3. Negatur consequens, quia non est eadem ratio de spe, & timore, etiam quod spes timori opponatur, vt dictum est in probatione secunde conclusionis.

ARTICVLVS IV.

Vtrum Conuenienter assignentur species timoris.

Pro Negativa.

Videtur, quod inconuenienter Damascenus assignet, sex species timoris, scilicet Segnitie, Erubescencia, Verecundia, Admiratio, Stupor, Agonia.

1. Species tristitie sunt tantum quatuor, ut dictum est, quæst. 35. art. 8.

Ergo Solum debent esse quatuor species timoris, eis correspondentes.

Consequens probatur. Timor est de malo contristatio. Ergo Species timoris debent respondere speciebus tristitie.

2. Timor est de malo, quod excedit potestatem nostram, vt dictum est. Ergo Segnitie, Erubescencia, & verecundia non debet poni species timoris.

Consequens probatur. quia Segnitie, Erubescencia, & verecundia respiciunt operationem nostram.

3. Quod est de præterito, non est species timoris. Sed Verecundia est de præterito. Ergo Verecundia non conuenienter ponitur species timoris.

Maiores. quia Timor est de futuro.

Minor. quia Verecundia est de turpi actu commisso.

4. Admiratio, & stupor sunt de magno, &

insolito, siue bono, siue malo.

Ergo Admiratio, & stupor non sunt species timoris.

Consequens probatur. quia Timor non est nisi de malo. 5. Quod mouet ad inquirendum ueritatem, non est species timoris. Sed Admiratio mouet ad inquirendum ueritatem.

Ergo Admiratio non est species timoris.

Maiores. quia Timor mouet ad fugiendum, & non ad inquirendum.

Minor. quia Philosophi ex admiratione sunt moti ad inquirendum ueritatem.

Pro Affirmativa.

Sufficiat autoritas Damasceni loc. cit. & Gregorij Nisæni lib. 4. c. 14.

Determinatio.

Conclusio. Conuenienter assignantur sex species timoris, quæ sunt. Segnitie, Erubescencia, Verecundia, Admiratio, Stupor, & Agonia.

Probat. Nam Malum futurum arduum, quod est obiectum timoris, est duplex. Quoddam consideratur in ipsa timentis operatione. Quoddam vero in ipsis rebus exterioribus. Et secundum hoc duplex malum, (scilicet quod est in operationibus, & quod est in rebus exterioribus) distinguenda sunt species timoris.

In operatione duplex malum considerari potest. Primum est labor aggrauans naturam, & sic causatur Segnitie, cum aliquis refugit operari propter timorem excedentis laboris. Secundum est, turpitudine lædens opinionem, quando scilicet operatio habet turpitudinem. Sed Turpitudine operis dupliciter timeri potest, vel in ipso actu operandi, & sic causatur Erubescencia, vel in iam facto turpi, & sic est Verecundia. Malum vero in rebus, quod est obiectum timoris, quatenus excedit uirtutem timentis, tripliciter potest excedere hominis uirtutem. Primo ratione suæ magnitudinis, cum aliquis considerat aliquod magnum malum, cuius exitum considerare non sufficit, & sic est Admiratio. Secundo ratione diffinitionis, quia aliquod malum inconsumetum nostre considerationi offertur, & sic est Stupor, qui causatur ex insolita imaginatione. Tercio ratione improprietatis, quia tali modo prouideri non potest, vt sunt futura infortunia, & talis timor dicitur Agonia.

Igitur breuiter colligendo species timoris, ex malo, quod est in operatione, tres accipiuntur species, scilicet.

Ex labore, qui est in operatione, Segnitie.

Ex turpitudine præsentis operationis, Erubescencia.

1. Conclusio. Timor potest respicere etiam bonum, non quidem secundum se, sed secundum quod habet habitudinem ad malum.

Manifestatur. Potest enim timor respicere bonum dupliciter. Vno modo, in quantum per malum priuatur bonum. Ex hoc enim quod aliquid est malum, est priuatiuum boni. Vnde cum fugiatur malum, quia malum est, sequitur, vt fugiatur quia priuatur bonum, quod quis amando persequitur. Vnde Aug. dicit, quod nulla est causa timendi, nisi ne amittatur bonum amatum. Alio modo, Timor potest respicere bonum, in quantum est causa mali, in quantum. Aliquod bonum sua virtute potest inducere aliquod nocuum bono amato, & ideo sicut spes ad duo respicit, vt dictum est, ad bonum, in quod tendit, & ad id, per quod sperat, se bonum concupitum adipisci: ita etiam timor ad duo respicit, scilicet ad malum, quod refugit, & ad illud, quod sua virtute potest infligere malum. Vnde timor respicit bonum, vel quia malum est priuatiuum boni, vel quia bonum est causa mali, inducendo aliquod nocuum.

Ad Argumenta.

Ad 1. Dicitur ad minorem, & ad eius probationem, quod illud, quod amamus, est obiectum timoris, quatenus priuatur per malum: fugit enim quis malum, quia priuatur bonum, quod amat, & sic est intelligendus Aug.

Ad 2. Dicitur ad minorem, quod Potestas est obiectum timoris, quatenus potest inferre nocuum rei amate.

Ad 3. Dicitur ad minorem, quod Deus timetur, quatenus potest infligere penam spiritualem, vel corporalem.

ARTICVLVS II.

Vtrum Malum naturæ sit obiectum timoris.

Pro Negatiua.

Videtur, quod Timor non sit de malo naturæ.

1. De his, de quibus est timor, consiliatur. Sed De his, quæ à natura eueniunt, non consiliatur, vt dicitur 3. Ethic. cap. 3. Ergo De malo naturæ non est timor.

Maiores quia Phil. dicit. 2. Rhet. cap. 5. quod Timor consiliatiuos facit.

2. Si timor esset de malo naturæ, sequeretur, quod homo semper deberet esse in timore.

Consequenter prob. quia Defectus naturales semper hominibus imminant, vt mors, & alia huiusmodi.

3. Malum naturæ non potest esse obiectum

timoris naturalis. Ergo Malum naturæ non est obiectum timoris.

Consequenter prob. quia Si malum naturæ timeretur, naturaliter timeretur, & sic esset obiectum naturalis timoris.

Antec. prob. Quod prouenit à natura, non potest timeri, timore naturali. Sed Malum naturæ, vt sunt mors, & infirmitates, & huiusmodi, prouenit à natura. Ergo Malum naturæ non potest esse obiectum timoris naturalis.

Maiores huius prob. quia Natura non mouet ad contraria. Ergo Non est possibile, quod malum, quod prouenit à natura, naturaliter quis refugere possit.

Pro Affirmatiua.

Phil. in. 3. Ethic. cap. 6. dicit, quod Inter omnia terribilissimum est mors, quæ est malum naturæ.

Determinatio.

1. Conclusio. De malo naturæ potest esse timor.

Prob. De malo corruptiuo est timor. Sed Malum naturæ est malum corruptiuum. Ergo De malo naturæ est timor.

Maiores prob. quia Phil. 2. Rhet. c. 5. dicit, quod Timor prouenit ex phantasia futuri mali, corruptiui, vel contristatiui.

Minor. quia sicut contristatiuum malum est, quod contrariatur voluntati, ita corruptiuum malum est, quod contrariatur naturæ, & dicitur malum naturale.

2. Conclusio. De malo naturæ non semper est timor, sed solum quando apprehenditur vt futurum propinquum, cum spe euadendi.

Manifestatur præmittendo, quod malum naturæ aliquando est à causa naturali, & tunc dicitur malum naturæ, non solum quia priuatur bonum naturæ, sed etiam, quia est effectus naturæ, sicut sunt mors naturalis, & alij defectus. Aliquando uero malum naturæ prouenit à causa non naturali, sicut mors, quæ violententer inferitur à persecutore. Et de malo naturæ vtroque modo, quodammodo est timor, & quodammodo non est timor, quod sic ostenditur.

Illud, quod apprehenditur, vt non futurum, non timetur. Sed Malum naturæ, vtroque modo adueniens, quandoque apprehenditur, vt non futurum. Ergo Malum naturæ non semper timetur, sed solum quando apprehenditur, vt futurum.

Maiores probatur. quia Timor prouenit ex phantasia futuri mali, vt dicitur. 2. Rhet. cap. 5. & ideo, quod excludit phantasiam mali futuri, excludit pariter timorem.

Minor

Minor manifestatur. Quod enim nō appareat aliquod malum, vt futurū, potest ex duobus contingere. Vñum est, ex hoc quod est remotum, & distans hoc enim propter distātiā imaginamur, vt non futurum, & ideo vel non timemus, vel parum timemus. Dicit enim Phil. in. 2. Rhet. cap. 5. Quæ valde longe sunt, non timentur. Sciūt enim omnes quod morientur; sed quia non prope est, nihil curant. Aliud ex quo æstimatur aliquod malum, quod est futurum, vt non futurum, propter necessitatem, quæ facit ipsum æstimare, vt præsens. Vnde Phil. dicit in 2. Rhet. c. 5. quod Illi, qui iam decapitantur, non timent, videntes sibi necessitatē mortis imminere. Sed ad hoc, vt aliquis timeat, oportet adesse aliquam spem salutis. Sic igitur malum naturæ non timetur, quia non apprehenditur, vt futurum. Si vero malum naturæ, quod est corruptivum, apprehendatur, vt propinquum, & tamen cum aliqua spe euasione, tunc timebitur.

Ad argumenta.

Ad 1. Dicitur ad minorem, quod malum naturæ est duplex, vt dictum est, scilicet quod non provenit à natura, & quod provenit à natura. De malo naturæ, quod non est à natura, possumus consiliari, vt ipsum vitemus. De malo vero naturæ proveniente à natura, est etiam consilium, non quidem vt ex toto vitari possit, sed vt differatur, & sub hac spe potest esse consilium, de præsentanea vitacione ipsius.

Ad 2. Neg. conseq. Ad probationem dicitur, quod malum naturæ, etsi semper imminet, non tamen semper imminet, vel apprehenditur imminere de propinquo, & ideo non semper timetur.

Ad 3. Negatur antec. est enim malum naturæ obiectum naturalis timoris. Ad minorem dicitur, quod malum naturæ, vt mors, & alij defectus, proveniunt à natura vniuersali, quibus tamē repugnat natura particularis quantum potest, & sic ex inclinatione particularis naturæ; est dolor, & tristitia de huiusmodi malis, cum sunt præsentia: & timor si imminet in futurum.

ARTICVLVS III.

Vtrum Timor sit de malo culpæ.

Pro Affirmatiua.

Videtur, quod Timor possit esse de malo culpæ.

1. De eo, quod separat nos à Deo, est timor. Sed Culpa separat nos à Deo. Ergo De culpa est timor.

Maiores. quia Aug. super can. Io. dicit, quod Timore casto timet homo separationem à Deo.

Minor. Esaiæ. 54. dicitur. Iniquitates vestrae ciuiferunt inter vos, & Deum vestrum.

2. Ea, de quorum præsentia tristamur, & dolemus, possumus, cum futura sunt, timere. Sed De malo culpæ possumus dolere, & tristiari cum est præsens. Ergo Malum culpæ possumus timere.

Maiores. quia Cicero in 4. lib. de Tusc. quæst. dicit, quod de illis timemus, cū futura sunt, de quorum præsentia tristamur.

3. Spes potest esse de bono virtutis, vt patet per Phil. 9. Ethic. c. 4. Et per Apost. Galat. 5. dicentem. Confido de vobis in domino, quod nihil aliud sapietis. Ergo Timor potest esse de malo culpæ.

Conseq. prob. quia Spes timori opponitur, & malum culpæ, bono virtutis.

4. Verecundia est de malo culpæ. Ergo Timor est de malo culpæ.

Antec. quia Verecundia est de turpi factō, quod est malum culpæ.

Conseq. quia Verecundia est species timoris, vt dictum est.

Pro Negatiua.

Phil. dicit in. 2. Rhet. cap. 5. quod Non omnia mala timentur: putā si aliquis erit iniustus, aut tardus.

Determinatio.

1. Conclusio. De malo culpæ non est timor, secundum propriam rationem.

Prob. Illud, de quo est timor, habet rationem terribilis. Sed Malum culpæ, secundum propriam rationem, non est terribile. Ergo De malo culpæ non est timor.

Minor prob. Quod omnino subiaceret potestati voluntatis nostræ, non est terribile. Sed Malum culpæ omnino, secundum suam rationem, subiaceret potestati voluntatis nostræ. Ergo Malum culpæ, secundum suam rationem, non est terribile.

Maiores huius. quia Timor est de malo futuro, arduo, quod non potest de facili vitari. Ex quo potest accipi, quod id, quod omnino subiaceret potestati voluntatis nostræ, non habet rationem terribilis, sed illud solum est terribile, quod habet causam extrinsecam.

2. Conclusio. De malo culpæ potest esse timor, inquantum est ab exteriori causa.

Manifestatur. Voluntas enim potest ab aliquo exteriori inclinari ad peccandum, quod si habeat magnam vim ad inclinandum, poterit aliquis timere malum culpæ, secundum quod ab exteriori inclinante provenit. Putā cum aliquis timet commorari in societate malorum, ne ab eis ad peccandum inducatur. Sed tamen proprie loquendo, hoc non est timere malum culpæ, secundum propriam

primam rationem, id est, in quantum est voluntarium, sed potius est timere seductionem.

Ad Argumenta.

Ad 1. Negatur maior. Non enim timetur id, quod separat nos à Deo, sed ipsa separatio à Deo, quæ non est culpa, sed quoddam consequens culpam, id est pena, quæ cum sit ab extrinseco, timetur, & hoc est, quod dicit Aug. in auctoritate inducta ad probandam maiorem.

Ad 2. Dicitur ad maiorem, quod non est vniuersaliter vera. Est vera quidem in aliquibus, scilicet in malis arduis, hæc enim timemus, dum sunt futura, & de eis tristamur, dum sunt præsentia. De aliquibus tamen tristamur, & dolemus, sed ea non timemus. Et ratio horum est, quia Tristitia, & timor, in vno conueniunt, quia vtrumque est de malo: differunt autem in duobus. In vno quidem, quia tristitia est de malo præsentis, timor de malo futuro. In alio vero, quia tristitia cum sit inconcupiscibilis, respicit malum absolute. Vnde potest esse de quodcumque malo, siue paruo, siue magno. Timor vero cum sit intractabilis, respicit malum, cum quadam arduitate, & difficultate, quæ tollitur, in quantum aliquot subiacet voluntati. Et ideo non omnia timemus, cum sunt futura, de quibus tristamur, cum sunt præsentia: sed solum, quæ sunt ardua.

Ad 3. Negatur consequens. Non enim est eadem ratio de spe, ex vna parte, & de timore ex altera. Spes enim est de bono, quod quis potest adipisci. Potest autem aliquis adipisci bonum, vel per se, vel per alium, & ideo spes potest esse de actu virtutis, qui est in potestate nostra constitutus, sed timor est de malo, quod non subiacet nostræ potestati: & ideo semper malum, quod timetur, est à causa extrinseca, bonum autem, quod speratur, potest esse, & à causa intrinseca, & à causa extrinseca.

Ad 4. Negatur antec. Ad probationem dicitur, quod Verecundia non est timor de ipso actu peccati, sed de turpitudine, vel ignominia, quæ consequitur ipsum, quæ est à causa extrinseca.

ARTICVLVS IV.

Vtrum Timor ipse timeri possit.

Pro Negatiua.

Videtur, quod Timor timeri non possit.

1. Si timor timeatur, homo timendo, custodiet se, ne timeat. Hoc autem est inconueniens. Ergo Timor non potest timeri.

Consequens prob. quia Omne, quod timeatur, timendo custoditur, ne amittatur. Sicut ille, qui

timet amittere sapientiam, timendo, custodit eam, ne eam amittat.

2. Nihil fugit se ipsum. Ergo Timor non timet timorem.

Consequens prob. quia Timor est quædam fuga.

3. Timor est de futuro. Ergo Timor non timet timorem.

4. Consequens prob. quia Qui timet, iam habet timorem.

Pro Affirmatiua.

Homo potest amare amorem, & dolere de dolore. Ergo Pari ratione potest timere timorem.

Determinatio.

Conclusio. Timor secundum vnam rationem timetur, secundum aliam rationem non timetur.

Prob. Malum, quod partim prouenit ex causa extrinseca, & partim est in potestate voluntatis nostræ, secundum vnam rationem timetur, scilicet prout est à causa extrinseca, & secundum aliam non timetur, prout est in potestate nostra. Sed Timor partim prouenit à causa extrinseca, & partim ab intrinseca. Ergo Timor secundum vnam rationem timeri potest, & secundum aliam timeri non potest.

Minor quo ad vtramque partem probatur. Et quo ad primam. Nam Timor, in quantum est passio quædam consequens phantasiâ imminentiâ mali, est à causa extrinseca, scilicet à malo imminenti: & secundum hoc, timor timetur, ne imminet ei necessitas timendi propter ingruentiam alicuius excellentis mali.

Quoad secundam. quia In quantum appetitus inferior obedit rationi, potest homo timorem repellere, & secundum hoc, timor non timetur, vt Aug. dicit lib. 83. quæst. quæst. 33.

Sed quia rationibus, quas Augustinus inducit ibidem, ad probandum, quod Timor non timeatur, quæ sunt illæ, quæ inductæ sunt pro negatiua, quis posset vti, ad ostendendum quod timor, nullo modo timeatur, ideo eis respondendum est.

Ad argumenta.

Ad 1. Dicitur ad antecedens, quod homo timens timorem, cui addit se, non ab omni timore, sed à timore imminentiâ mali, ne, scilicet imminet necessitas timendi.

Ad 2. Dicitur ad consequentiam, quod cum sit alius timor, quo timetur malum imminens, & alius timor, quo timetur ipse timor mali imminens: non sequitur, quod idem fugiat se ipsum, vel quod sit idem fuga sui ipsius.

Ad 3. Dicitur ad antec. quod Ille, qui timet timorem, non timet timorem, quem habet, sed futurum imminentiâ mali.

1. Ea timentur, de quibus est spes salutis. Sed In malis, quæ non habent remedium, nulla remanet spes salutis. Ergo Illa, quæ non habent remedium, non sunt timenda.

Maiores. quia Ad timorem requiritur, ut remaneat spes salutis, ut dictum est, art. 2.

2. Mors non maxime timetur. Ergo Non magis timentur, quæ remedium non habent.

Consequenter prob. quia Malo mortis nullum remedium adhiberi potest.

3. Phil. 1. Ethic. cap. 6. dicit, quod Non est magis bonum, quod est diuturnius, eo quod est vnius dici, neque quod est perpetuum, eo quod non est perpetuum. Ergo eadem ratione neque maius malum. Sed ea, quæ non habent remedium, non videntur differre ab alijs, nisi propter diuturnitatem, vel perpetuitatem. Ergo propter hoc non sunt peiora, vel magis timenda.

Pro Affirmativa.

Phil. 2. Rhet. dicit, quod Omnia timenda sunt terribiliora, quæcumque, si peccauerint, corrigi non contingit, aut quorum auxilia non sunt, aut non facilia.

Determinatio.

Conclusio. Mala, quæ non habent remedium, maxime redduntur timenda.

Prob. Ea, quæ faciunt ad augmentum mali, faciunt ad augmentum timoris. Sed Esse malum irremediabile, facit ad augmentum mali. Ergo Malum irremediabile est maxime timendum.

Maiores. quia Obiectum timoris est malum. Vnde illud, quod facit ad augmentum mali, facit ad augmentum timoris.

Minor prob. Diuturnitas, & perpetuitas maxime faciunt ad augmentum mali. Sed Esse irremediabile facit malum diuturnum, vel etiam perpetuum. Ergo Esse irremediabile facit ad augmentum mali.

Maiores huius. quia Malum augetur ex circumstantijs, ut dictum est, inter quas præcipua est diuturnitas, quæ maxime auget malum, ea enim, quæ sunt in tempore, secundum durationem temporis, quodammodo mensurantur. Vnde si pati aliquid in tempore tanto, est malum; pati idem in duplo tempore, apprehenditur ut duplatum: & secundum hanc rationem pati idem in infinito tempore, quod est perpetuo pati, habet quodammodo infinitum augmentum.

Minor huius. quia Mala, quæ postquam adueniunt, non possunt habere remedium, vel non de facili, accipiuntur ut perpetua, vel diuturna: & ideo maxime redduntur timenda.

Ad argumenta.

Ad 1. Dicitur, quod remedium mali, est duplex. Vnum per quod impeditur futurum malum, ne adueniat: & tali remedio sublato, auferatur spes, & per consequens timor: Vnde de tali remedio nunc non loquimur.

Aliud remedium mali est, quo malum iam præsens remouetur, & de tali remedio nunc loquimur.

Tunc ad minorem dicitur, quod in malis, in quibus nullum est remedium, ne adueniant, nulla remanet spes salutis, & sic de his non est timor. In malis vero, quæ non habent remedium ad ea remouenda, sed ne adueniant, remanet spes salutis, ad ipsa cauenda ne adueniant, & possunt timeri. Infirmas enim incurabilis magis timetur, quia licet quando adest, non habeat remedium, tamen antequam adueniat est spes euadendi, ne adueniat.

Ad 2. Negatur consequenter. Ad probationem dicitur, quod licet mors sit irremediabile malum, tamen quia non imminet de prope, non timetur, ut supra dictum est.

Ad 3. Dicitur ad antec. quod Phil. loquitur ibi, de per se bono, quod est bonum secundum speciem suam. Sic autem non fit aliquid magis bonum propter diuturnitatem, vel perpetuitatem, sed propter naturam ipsius boni.

QVÆSTIO XLIII.

DE CAUSA TIMORIS.

ARTICVLVS I.

Verum Causa timoris sit amor.

Pro Negativa.

Videtur, quod Causa timoris non sit amor.

1. Quod introducit amorem, est causa amoris. Sed Timor introducit amorem charitatis, ut Aug. dicit super Can. 10. Ergo Timor est causa amoris, & non amor timoris.

2. Eos, a quibus expectamus mala, odio habemus. Sed Maxime timeamus eos, a quibus expectamus mala, ut Arist. dicit. Rhet. lib. 2. cap. 5. Ergo Timor non est ex amore, sed potius ex odio, scilicet quod habemus ad eos, a quibus timeamus mala.

3. Ea, quæ sunt a nobis, non sunt terribilia, ut dictum est, quæst. 42. art. 3. Sed Ea, quæ sunt ex amore, maxime proueniunt ex intimo cordis. Ergo Quæ sunt ex amore, non sunt terribilia, & sic amor non poterit esse timoris causa.

Li. Pro

Pro Affirmativa.

Omnis timor causatur ex hoc, quod aliquid amamus. Ergo Amor est causa timoris.

Antecedens. quia Aug. dicit li. 83. quæst. 9. 33. Nulli dubium est, non aliam esse metuendi causam, nisi ne id, quod amamus, aut adeptum amittamus, aut non adipiscamur speratum.

Determinatio.

Conclusio. Amor est causa timoris per modum materialis dispositionis.

Prob. Quod est causa obiecti alicuius passionis per modum materialis dispositionis, est etiã causa passionis per modum materialis dispositionis. Sed Amor est causa obiecti timoris per modum materialis dispositionis.

Ergo Amor est causa obiecti timoris per modum materialis dispositionis.

Maior. Quod est causa formæ passionis per modum materialis dispositionis, eodem modo est causa ipsius passionis. Sed Quod est causa obiecti passionis, est causa formæ ipsius passionis. Ergo Quod est causa obiecti, est causa etiam passionis.

Maior huius. quia Quod est causa formæ, est etiam causa rei constitutæ per ipsam formam.

Minor huius. quia Obiecta passionum se habent ad eas, tanquam formæ rerum naturalium ad res naturales, & artificialium ad res artificiales. Recipiunt enim passionem speciem ex obiecto, sicut res naturales, & artificiales recipiunt speciem a formis suis.

Minor principalis, scilicet quod amor sit causa obiecti timoris, per modum materialis dispositionis, declaratur primo, deinde probatur.

Sciendum igitur, quod contingit aliquid esse causam obiecti, alicuius passionis dupliciter. Primo per modum causæ efficientis. Secundo per modum materialis dispositionis. Illud est causa obiecti per modum efficientis, quod facit bonitatem, vel malitiam, veram, vel apparentem obiecti, & causat coniunctionem talis obiecti, convenientis, vel non convenientis cum potètia, cuius actus est passio. Illud vero est causa per modum materialis dispositionis, per quod aliquis ita disponitur, ut aliquid sit ei conveniens, vel non conveniens. Quæ exemplariter manifestantur in passione delectationis. Obiectum enim delectationis est bonum, verum, vel apparens, conveniens, coniunctum. Causa efficiens huius obiecti est illud, quod facit coniunctionem obiecti delectabilis, cum potentia, quæ est principium actus delectationis, vel quod facit convenientiam, bonitatem, vel apparentiam huiusmodi boni.

Causa vero obiecti delectationis per modum materialis dispositionis est habitus, vel quæcunque dispositio, secundum quam fit alicui conveniens, aut apparens illud bonum, quod est ei coniunctum. Sicut in delectatione, quæ habetur in sumptione cibi, causa efficiens talis delectationis est ille, qui cibum condit, vel qui cibum porrigit. Causa vero huius obiecti, & delectationis per modum materialis, est vel sanitas existens in comedente, vel fames, aut aliquid huiusmodi.

Et in proposito, Obiectum timoris est estimatum malum, futurum, propinquum, cui resisti de facili non potest. Illud, quod potest inferre tale malum est causa effectiva obiecti timoris, & per consequens ipsius timoris. Illud autem, per quod aliquis disponitur, ut aliquid sit ei tale, est causa obiecti timoris, & ipsius timoris per modum dispositionis materialis. Ex quibus patent termini assumpti in minori principalis rationis, quæ sic probatur.

Illud, per quod aliquis disponitur, ut sibi aliquid sit, vel appareat malum propinquum, futurum, difficile ad evadendum, est causa obiecti timoris per modum materialis dispositionis. Sed Per amorem, timens disponitur ad hoc, ut aliquid sit ei malum propinquum, difficiliter evasibile. Ergo Amore est causa obiecti timoris per modum materialis dispositionis.

Maior patet ex dictis. Minor probatur. quia Ex hoc quod aliquis amat aliquid bonum, sequitur quod privatum talis boni sit ei malum, & per consequens, quod timeat ipsum tanquam malum: sicut quis amans pecuniam, disponitur ad vitandum firem, quem non timeret, nisi amaret pecuniam, & sic de alijs.

Ad Argumenta

Ad 1. Dicitur, quod timorè introducere amorem, potest intelligi dupliciter. Vno modo per se. Alio modo per accidens. Ad maiorem igitur dicitur, quod Introducens amorem per se, est causa amoris per se. Si vero aliquid introducat timorè per accidens, est causa amoris per accidens. Tunc ad minorem respondetur, quod timor non est causa introducens amorem primo, & per se, sed è còverso, amor primo, & per se causat timorem. Nã (ut dictum est supra, quæst. præced. art. 1.) timor per se primo respicit malum, quod quis refugit, quod opponitur alicui bono amato. Vnde timor per se provenit ex amore boni, cui opponitur malum, quod timeatur. Sicut timor infirmitatis provenit ex amore sanitatis.

Quandoque tamen per accidens timor introducit amorem, in hunc modum, dictum est enim ibidem,

ibidem, quod timor secundario respicit eum, à quo alicui prouenit malum: puta timor carceris, est ex amore libertatis, & ab eo, qui potest hanc penam inferre, qui est iudex. Timor ergo carceris per se, respicit libertatem. Secundario uero iudicem. Et quia quis timendo iudicem, seruat eius mandata, sequitur, vt iudex non solum non inferat pœnas, sed potius, vt moueatur ad beneficentiam seruanti eius mandata, ex quo ille, qui obedit iudici, incipit sperare bona, & sic eum diligit. Et hoc modo per accidens timor, mediante spe, aliquando amorem introducit. Et hoc modo homo ex timore, quem habet, de Deo, ne ab ipso puniatur, seruat eius mandata, & ex hoc incipit bonam sperare, & amare Deum.

Ad 2. Dicitur ad maiorem, quod quauis eos, a quibus mala expectamus, odio habeamus maxime in principio, vt dictum est in responsione ad primum, tamen timor non prouenit ex huiusmodi odio, sed ex amore boni, quod timemus auferri per eum, a quo timeamus mala, sicut timor carceris, non est ex odio ad iudicem, sed ex amore libertatis, ex quo etiam amore est odium ad iudicem, quamuis postea per huiusmodi timorem, mediante spe, introducatür alius amor ad iudicem, vt in eadem prima responsione dictum est.

Ad 3. Dicitur ad maiorem, quod Ea, quæ sunt a nobis, non sunt terribilia, nec causa timoris effectiue, possunt tamen esse causa timoris dispositiue. Puta peccatum, quod est ex nobis, non est causa efficiens timoris, sed dispositiua, quia ex hoc quod aliquis peccatum commisit, disponitur ad timorem, in quantum ex peccato factus est pœna dignus, vt dicitur art. sequenti.

ARTICVLVS II.

Vtrum Causa timoris sit defectus.

Pro Negatiua.

Videntur, quod Defectus, non sit causa timoris. 1. Quod causatur ex potentia, non causatur ex defectu. Sed Timor causatur ex potentia. Ergo Timor non causatur ex defectu.

Maior. quia Defectus potentie contrariatur.

Minor. Illi, qui potentiam habent, maxime timentur.

2. Illi, qui iam decapitantur, sunt maxime in defectu.

Sed Illi, qui decapitantur, non habent timorem, vt dicitur 2. Rhet. cap. 5. Ergo Timor non est ex defectu.

3. Decertantes timent eos, qui pro ipsis certant: puta Dux belli timet pro suis militibus.

Ergo Timor non est ex defectu, sed magis ex potentia.

Conseq. prob. quia Decertare ex fortitudine, & non ex defectu prouenit.

Pro Affirmatiua.

Damasc. lib. 3. orth. fidei cap. 23. dicit, quod Timor est virtus secundum Sytsolem, id est secundum contractionem.

Determinatio.

Distinctio. Aliquid potest esse causa timoris dupliciter. Primo per modum materialis dispositionis ex parte timentis. Secundo per modum efficientis, ex parte eius, qui timetur, quæ distinctio explicata est. art. præced.

1. Conclusio. Defectus est causa timoris, per modum materialis dispositionis ex parte eius, qui timet, si tamen defectus sit in aliqua determinata mensura.

Prob. Illud, ex quo prouenit, vt aliquis non possit de facili repellere imminens malum, est causa timoris per modum materialis dispositionis. Sed ex defectu virtutis prouenit, vt aliquis non possit de facili repellere imminens malum. Ergo Defectus virtutis est causa timoris, per modum materialis dispositionis.

Ambæ præmissæ ex dictis in artic. præcedenti probatæ remanent.

Declaratur Conclusio quo ad ultimam partem. Non enim quilibet defectus facit timorē. Nam si esset tantus defectus, quod argueret malum præsens, vt accidit in eo, qui decapitatur, vel in eo, qui actu infirmatur, de huiusmodi defectu non est timor, sed potius, dolor, siue tristitia, & si esset etiam talis defectus, qui totaliter auferret sensum mali, vel amorem boni, non esset talis defectus causa timoris. Oportet igitur, vt defectus sit cum quadam mensura, vt scilicet quis possit resistere malo futuro imminenti, sed non facile.

2. Conclusio. Causa timoris per modum efficientis, per se loquendo, non est defectus virtutis, sed potius ipsa virtus, & robur.

Prob. quia Robur virtutis nocui, apprehensa ab eo, cui infertur nocumentum, efficit, vt difficile possit resistere nocumento. Sicut virtus, & robur vnus militis, apprehensa ab altero milite aduersario, efficit, vt aduersarius miles difficile possit resistere nocumento imminenti, & per consequens remaneat.

3. Conclusio. Defectus virtutis potest esse causa effectiua timoris, per accidens.

Prob. Illud, ex quo aliquis mouetur ad nocendum alteri, est causa timoris effectiue, sed per accidens, vel secundario.

L1 2 Sed

Sed Ex defectu quis mouetur ad nocendum alteri. Ergo Defectus est causa efficiens timoris, per accidens tamen.

Manifestatur vtraque præmissa. Nam quando aliquis accipit iniuriam ab aliquo, vel timet lædi, mouetur ad inferendum nocumentum ei, a quo iniuriam recepit, vel recipere timet. In quo casu defectus, idest iniuria recepta, vel quæ timetur recipi, est causa, vt offensus noceat iniurianti, non quasi quod ipse defectus efficiat nocumentum iniurianti, sed est occasio, quod iniuriatus mouetur ad nocendum, quod nocumentum prouenit immediate, non ex defectu virtutis, sed ex virtute eius, qui nocumentum infert iniurianti, vel lædenti.

Ad argumenta.

Ad 1. Dicitur, quod Ratio illa procedit de causa timoris ex parte causæ efficientis. Probat enim, quod timor effectiue non est ex defectu virtutis, sed ex virtute, vnde probat secundam conclusionem. Et ad formam dicitur. Ad maiorem, quod illud, quod causatur ex potentia, non causatur ex defectu effectiue, potest tamen causari ex defectu, per modum materialis dispositionis. Tunc ad minorem dicitur, quod timor causatur ex potentia effectiue, dispositiue tamen causatur ex defectu potentie, vt dictum est in corpore.

Ad 2. Dicitur ad maiorem, quod illi, qui decapitantur, sunt in passione præsentis mali, & ideo iste defectus excedit mensuram defectus, qui potest esse causa timoris, vt dictum est in prima conclusione.

Ad 3. Dicitur ad Antec. quod decertantes timent, non propter potentiam, quam habet ad certandum, sed propter defectum propriæ potentie, ex quo diffidunt se superaturos fore. Dux enim non timet virtutem suorum militum, sed defectum virtutis ipsorum, propter quem timet, se posse superare inimicos, vel superari ab ipsis.

Q V A E S T I O XLIV.

DE EFFECTIBVS TIMORIS.

A R T I C V L V S I.

Vtrum Timor faciat contractionem.

Pro Negatiua.

Videtur, quod Timor non faciat contractionem.

1. Illud, per quod calor, & spiritus ad interiora reuocantur, non est effectus timoris. Sed Per contractionem calor, & spiritus, ad interiora reuocantur. Ergo Contractio non est effectus timoris.

Maior, quia Ex multitudine caloris, & spiri-

tum in interioribus magnificatur cor, ad aggregandum aliquid audacter, vt patet in iratis, cuius contrarium in timore accidit.

2. Quod est causa emissionis vocis, non est effectus timoris. Sed Contractio est causa emissionis vocis. Ergo Contractio non est effectus timoris.

Maior, quia Timentes non emittunt vocem, sed potius redduntur taciturni.

Minor, quia Multiplicatis spiritibus, & calore in interioribus per contractionem, sequitur, quod homo in vocem prorumpat, vt patet in dolentibus.

3. Quod est causa ruboris faciei, non facit contractionem. Sed Verecundia, quæ est quardam species timoris, est causa ruboris in eo, qui verecundatur. Ergo Timor non facit contractionem.

Maior prob. quia Rubor faciei attestatur, non contractioni, sed potius dilatationi.

Pro affirmatiua.

Damasc. hb. 3. Orth. fid. cap. 23. dicit, quod Timor est virtus secundum Systolem, idest secundum contractionem.

Ad Argumenta.

Conclusio. Timor facit contractionem caloris, & spirituum ad interiora in corpore timentis.

Prob. Timor quantum ad suum formale importat contractionem quandam, in appetitu sensitiuo. Ergo Timor facit contractionem caloris, & spirituum, ex parte corporis.

Conseq. prob. quia In passionibus animæ duæ considerantur, vt dictum est quæst. 28. art. 5. formale, & materiale. Formale est ipse motus appetitiue potentie. Materiale vero est transmutatio corporalis, quorum vnum alteri proportionatur. Vnde si timor importat contractionem in appetitu, quo ad suum formale, sequetur contractio corporalis in corpore timentis, proportionata contractioni, quæ est in appetitu.

Antec. prob. Timor prouenit ex phantasia cuius mali imminetis, quod difficile repelli potest, vt dictum est. Ergo Timor importat contractionem in appetitu.

Côseq. hæc prob. quia Hoc, quod aliquid difficile possit repelli, prouenit ex debilitate virtutis, quæ quanto debilior est, tanto ad pauciora se extendit, & ideo ex ipsa imaginatione, quæ causat timorem, sequitur quædam contractio in appetitu. Sicut videmus in morientibus, quod natura trahitur ad interiora, propter debilitatem virtutis. Et etiam in ciuitatibus videmus, quod quando ciues timent, trahunt se ab exterioribus, & recurrunt quantum possunt ad interiora ciuitatis.

Ad

Ad argumenta.

Ad 1. Dicitur, quod Reuocatio spirituum, & caloris ab exterioribus ad interiora potest fieri dupliciter. Vno modo per motum spirituum, & caloris ab inferioribus ad superiora. Alio modo per motum eorumdem spirituum, & caloris a superioribus ad inferiora. Primo modo fit reuocatio spirituum, & caloris in iratis. Secundo modo in timentibus. In iratis enim propter calorem, & subtilitatem spirituum, quæ proveniunt ex appetitu vindictæ, interius fit spirituum motus, ab inferioribus ad superiora; & ideo congregantur calor, & spiritus circa cor. Ex quo sequitur, quod irati redduntur prompti, & audaces ad inuadendum. In timentibus autem, propter frigiditatem ingrossantem, spiritus moventur a superioribus ad inferiora, quæ quidem frigiditas cōiungit ex imaginatione defectus virtutis, & ideo non multiplicatur calor, & spiritus circa cor, sed magis a cor de refugium, & propter hoc, timentes non prompte inuadunt, sed magis refugium. Ad formam igitur dicitur ad maiorem, quod si intelligatur de reuocatione spirituum, & caloris, quæ fit per motum spirituum ab inferioribus ad superiora vera est, talis enim reuocatio spirituum non est effectus timoris, sed iræ: sed tunc negatur minor. Contractio, enim quæ est ex timore, fit per motum spirituum a superioribus ad inferiora. Si vero in maiori sit sermo de reuocatione, quæ est per motum a superioribus ad inferiora, falsa est. Et ad probationem dicitur, quod ex multitudine caloris, & spirituum, qui moventur ad superiora, magnificatur cor, ut accidit in iratis. Si autem moventur opposito modo, sequitur oppositus effectus, ut dictum est.

Ad 2. Negatur minor. Ad probationem dicitur, quod non quilibet spirituum congregatio facit clamorem, sed solum ea, quæ est circa cor, ut in dolentibus accidit, sed congregatio spirituum ad inferiora, ut dictum est, non causat clamorem, sed taciturnitatem. Pro quo est sciendum, quod naturale est cuilibet dolenti, siue homini, siue animali, quod utatur quocunque auxilio potest, ad repellendum nocivum præsens, quod infert dolorem. Vnde videmus, quod animalia dolentia percipiunt, uel faucibus, uel cornibus, maxime autem auxilium ad oia, in animalibus, est calor, & spiritus: & ideo in dolore natura cōseruat calorem, & spiritum interius, ut hoc utatur ad repellendum nocivum, & ideo, ut Philosophus dicit in lib. de Probl. prob. 3. Multiplicatis spiritibus intorsu, & calore, necesse est, quod emutentur per uocem, & pp hoc dolentes uix se possunt continere, quin clament. Sed in timentibus fit motus interioris caloris, & spirituum a corde ad infe-

riora, ut dictum est, & ideo timor cōtrariatur formationi uocis, quæ fit per emissionem spirituum ad superiora per os, & pp hoc timor tacentes facit. Et inde est et, quod timor tremantes facit, ut dicit Philosophus in lib. de Problem. prob. 9.

Ad 3. Dicitur ad maiorem, & ad eius probationem, quod malum, quod est obiectum timoris, est duplex. Quoddam, quod opponitur non solum appetitui animalis, sed et contrariatur naturæ, ut est mors. Aliud est malum, quod opponitur solum animali appetitui, & hoc est malum, quod est obiectum uerecundie. Timor igitur mali, quod opponitur appetitui animalis, & naturæ, facit contractionem, non solum in appetitu animalis, sed et in corpore, sic. n. disponitur animal, ex imaginatione mortis, contrahens calorem ad interiora, & propterea pallescunt, quia. f. spūs ad inferiora descendunt. Timor autem mali, quod opponitur solum appetitui animalis, facit quidem contractionem in appetitu, sed non ex parte corporis, eo quod tale malum non opponatur naturæ. Vnde aia in se contracta, & quodammodo restricta uacat motioni spirituum, & caloris, diffundendo ipsos per corpus, & sic causat ruborem. Vnico igitur uerbo dicitur ad argumentum, quod non quilibet timor facit contractionem in corpore, sed solum timor de malo, quod opponitur naturæ. Vel breuiter ad maiorem dicitur, quod Causas ruborem faciei, licet non faciat contractionem in corpore, facit tamen contractionem ex parte anime.

ARTICVLVS II.

Vtrum Timor faciat consiliatiuos.

Pro Negativa.

V Idetur, quod Timor non faciat consiliatiuos.

1. Quod impedit consilium, non facit consiliatiuos. Sed Timor impedit cōsiliū. Ergo Timor non facit consiliatiuos.

Maior. quia Non est eiusdem consiliatiuos facere, & consilium impedire.

Minor. quia Omnis passio, & præcipue timor, perturbat quierem, quæ requiritur ad bonū usū rationis, ex qua est consilium.

2. Quod excutit cogitata, & mentem a suo loco remouet, non facit consiliatiuos, sed magis impedit consilium. Sed Timor aliquis excutens cogitata, & mentem a suo loco remouet, ut Tullius dicit in 4. Tuscul. quæst. Ergo Timor non facit consiliatiuos, sed magis impedit consilium.

Maior. quia Consilium est actus rationis, de futuris cogitantis, & deliberantis.

3. Sicut consilium adhibetur ad uitanda mala, ita etiam adhibetur ad consequenda bona.

Sed

Sed Sicut timor est de malis vitandis, ita spes est de bonis consequendis. Ergo Timor non facit magis consiliatuios, quam spes.

Pro affirmativa.

Philos. 2. Rhet. cap. 5. dicit, quod Timor consiliatuios facit.

Determinatio.

Distinctio. Aliquis potest dici consiliatuius dupliciter. Vno modo a voluntate, seu sollicitudine consiliandi. Alio modo a facultate bene consiliandi.

1. Concl. Timor facit consiliatuios, secundum primum modum. i. facit voluntatem, & sollicitudinem consiliandi.

Prob. Magna, in quibus nobis ipsis discredimus, faciunt consiliatuios: de huiusmodi enim consiliamur, vt Phil. dicit 3. Ethic. cap. 3. Sed Ea, quæ timorem incutiunt, licet sint mala, non tamē sunt simpliciter mala, sed habent quandam magnitudinem. Ergo Quæ timorē incutiunt, faciunt consiliatuios.

Minor prob. Nam quæ incutiunt timorem, habent quandam magnitudinem, tum quia apprehenduntur, vt de prope existentia, vt dictum est quæst. 42. art. 2. Tum etiam quia apprehenduntur, vt difficiliter repellenda. Vnde homines, maxime in timentibus, quarunt consilium.

2. Concl. Timor, nec aliqua alia passio facit facultatem bene consiliandi.

Prob. Quod facit defectum rectitudinis iudicij, non facit facultatē bene consiliandi. Sed Quælibet passio impedit rectitudinem iudicij. Ergo Nulla passio facit facultatem bene consiliandi.

Maior. quia Ad facultatem bene consiliandi necessaria est rectitudo iudicij.

Minor. quia Homini affecto secundum aliquā passionem, videtur aliquid maius, vel minus, quā sit secundum rei veritatem: sicut amanti videntur ea, quæ amat, meliora. Et timentis, ea quæ timet, terribiliora. Et sic ex defectu rectitudinis iudicij, quælibet passio, quantum de se est, impedit facultatem bene consiliandi.

Ad Argumenta.

Ad 1. Dicitur, quod probat secundam conclusionem, scilicet quod passio non facit facultatem bene consiliandi. Vnde conceditur totum.

Ad 2. Dicitur ad minorem, quod quando timor fuerit fortis, vult quidem homo consiliari, sed adeo perturbatur in suis cogitationibus, quod consilium adinuenire non potest. Si autem timor, sit paruus, qui sollicitudinem consiliandi inducat, nec multum rationem conturbet, potest etiam conferre ad facultatem bene consiliandi, ratione sollicitudinis consequentis. Vnde timor fortis au-

ferit, non voluntatem, sed facultatem consiliandi. Timor vero moderatus, potest etiam facultatem consiliandi iuuare, quatenus reddit timorem sollicitum ad consiliandum.

Ad 3. Dicitur, quod etiam Spes facit consiliatuios, quia vt in 2. Rhet. cap. 5. Phil. dicit. Nullus consiliatur de his, de quibus desperat, sicut nec de impossibilibus, ut dicitur in 3. Ethicor. Timor tamen facit magis consiliatuios, quam spes: quia spes est de bono, pro ut possumus ipsum consequi, timor autem de malo, pro vt vix repelli potest, & ita magis respicit rationem difficilis timor, quam spes. In difficultibus autem, maxime in quibus nobis non confidimus, consiliamur, sicut dictum est.

ARTICVLVS III.

Vtrum Timor faciat tremorem.

Pro Negativa.

Videtur, quod Timor non faciat tremorem.

1. Quod facit calorem, non est causa tremoris. Sed Timor est causa caloris. Ergo Timor non facit tremorem.

Maior. quia Tremor ex frigore accidit. Vnde videmus infrigidatos tremere.

Minor. quia Timor causat calorem desiccantem, & propterea timentes sitiunt, & præcipue in maximis timoribus.

2. Quod est causa emissionis superfluitatum, non facit tremorem. Sed Timor frequenter est causa emissionis superfluitatum. Ergo Timor non facit tremorem.

Maior. quia Emissio superfluitatum fit ex calore, propter quod medicina laxatiuæ calidæ sūt, qui calor tremori repugnat.

3. Si tremor corporis esset effectus timoris, sequeretur, quod timor causaret tremorem in omnibus exterioribus membris, quod tamen non apparet verum.

Conseq. prob. quia In timore reuocatur calor ab exterioribus membris ad interiora. Vnde si timor propter hoc tremorem faceret, omnia membra exteriora tremere deberent.

Pro Affirmativa.

Tullius 4. Tuscul. quæst. dicit, quod Timorem sequitur tremor, & pallor, & dentium strepitus.

Determinatio.

Concl. Timor est causa tremoris corporis.

Prob. Quod debilitat virtutem, quæ est in membris corporis, est causa tremoris ipsorum membrorum. Sed Timor debilitat virtutem, quæ est in membris corporis. Ergo Timor facit tremorem.

Maior.

Maiores quia Tremor causatur ex debilitate virtutis continentis membra.

Minor. Id, per quod tollitur calor a membris, debilitat membra. Sed Per timorem tollitur calor a membris corporeis. Ergo Per timorem debilitantur membra.

Maiores huius, quia Calor est instrumentum, quo anima mouet membra corporea, quo deficiente, non mouet.

Minor huius, quia Timor, ut dictum est art. 1. fit cum quadam contractione ab exterioribus, ad interiora.

Ad Argumenta.

Ad 1. Dicitur, quod Timor est causa Caloris, & Frigoris. Frigoris quidem in membris exterioribus, & in his a quibus contrahitur calor. Per timorem enim contrahitur calor exterior ad interiora, & non ad quolibet interiora, sed versus partes inferiores, scilicet circa nutritiuam, & propterea timor in membris exterioribus, & interioribus a quibus contrahitur calor, causat frigus. In partibus vero interioribus inferioribus causat calorem, & facit alios effectus: facit enim sitim, ex consumptione humiditatis, quia ibi magnus adunatur calor, qui ab exterioribus fuit contractus: & eadem ratione interdum sequitur solutio ventris, & emissio seminis, quæ accidunt propter contractionem ventris, & testiculorum, ut Phil. probat in lib. Problem.

In forma igitur dicitur ad maiorem, quod Id, quod causat calorem, non est causa tremoris in his membris in quibus calor est causat, sed in his, a quibus calorem remouet, est causa tremoris. Tunc ad minorem dicitur, quod Timor est causa caloris in partibus aliquibus interioribus, & propterea est causa sitis, in alijs autem est causa tremoris, ut dictum est.

Ad 2. Dicitur ad minorem, quod Emissio superfluitatum provenit ex calore abundanti, ab exterioribus ad interiora inferiora contracto per timorem, ut in præcedenti responsione dictum est.

Ad 3. Neg. conseq. Ad probationem dicitur, quod Timor causat tremorem in omnibus membris, a quibus retrahitur calor, non equaliter, sed magis in debilioribus partibus, & præcipue in his, quæ cor di sunt magis proximæ. Timor enim non solum contrahit calorem ab exterioribus corporis membris, ad interiora, sed etiam a superioribus partibus interioribus, scilicet a corde ad inferiores partes, ut dictum est. Et propterea timor facit tremorem, primo in corde, deinde in pectore, voce, dentibus, & in genibus, quæ debilia sunt. Vnde Esaiæ 35. dicitur. Confortate manus dissolutas, & genua tremencia corroborate.

ARTICVLVS IV.

Vtrum Timor impedit operationem.

Pro Affirmatiua.

Videtur, quod Timor impedit operationem. 1. Quod perturbat rationem, impedit operationem. Sed Timor perturbat rationem, ut dictum est artic. 2. Ergo Timor impedit operationem.

Maiores. quia Operatio maxime impeditur ex perturbatione rationis, quæ dirigit in opere.

2. Illi, qui faciunt aliquid cum timore, de facili deficiunt ab operatione. Ergo Timor impedit operationem.

Antec. quia Si aliquis incedat super trabem in alto positam, propter timorem de facili cadit, non autem caderet, si incederet super eadem trabem in imo positam.

3. Pigritia impedit operationem. Ergo Timor impedit operationem.

Conseq. prob. quia Segnitia, siue pigritia est species timoris, ut dictum est.

Pro Negatiua.

Apost. ad Philip. 2. dicit. Cum metu, & tremore vestram salutem operamini: quod non diceret, si timor bonam operationem impediret. Ergo Timor non impedit bonam operationem.

Determinatio.

Distinctio. Operatio hominis dupliciter potest impediri. Ex parte principalis agentis. Et ex parte causæ instrumentalis.

Declaratur. Operatio namque hominis exterior causatur ab anima, ut a primo mouente, & a membris corporeis sicut ab instrumentis. Vnde operatio exterior hominis impediibilis est ex parte animæ, scilicet ne operetur, vel ne bene operetur. Et ex parte instrumentorum, scilicet membrorum, remouendo ab eis virtutem, quæ est in ipsis.

1. Conclusio. Timor, quantum est de se, semper natus est impedire exteriorem operationem ex parte causæ instrumentalis, scilicet corporum membrorum.

Prob. Quod tollit calorem a membris exterioribus, impedit operationem ex parte causæ instrumentalis. Sed Timor tollit calorem a membris exterioribus, contrahendo ipsum ad interiora, ut dictum est. Ergo Timor, quantum est de se, semper impedit membra exteriora ab operatione.

2. Conclusio. Timor moderatus, non multum perturbans rationem, confert ad bene operandum ex parte animæ.

Prob. quia Timor causat sollicitudinem, & facit hominem attentius consiliari, & operari.

3. Con-

3. Conclusio. Si timor in tantum crescat, quod rationem perturbet, impedit operationem etiam ex parte animæ.

Prob. ex primo argumento pro affirmatiua, quia scilicet Ratio operationem distinguit. Vnde perturbata ratione, impeditur operatio ex parte animæ.

Ad Argumenta Pro Affirmatiua.

Ad 1. Iam dictum est, & in forma dicitur ad minorem, quod non omnis timor, sed solum immoderatus, perturbat rationem, & ideo huiusmodi timor impedit operationem.

Ad 2. Dicitur ad antec. quod Illi, qui cadunt de trabe in alto posita; patiuntur perturbationes imaginationis, propter timorem casus imaginati. Vnde eorum timor est immoderatus.

Ad 3. Dicitur ad antec. quod Pigritia est timor de operatione in quantum est laboriosa, & ideo impedit, quia retrahit voluntatem ab ipsa. Sed timor de alijs rebus inuadit operationem, si sit moderatus, in quantum inclinat voluntatem ad operandum ea, per quæ homo effugit id, quod timet. Conceditur igitur, quod pigritia impedit operationem, quia est timor de ipsa operatione.

QVÆSTIO XLV.

DE AVDACIA.

ARTICVLVS I.

Vtrum Audacia sit contraria timori.

Pro Negatiua.

Videtur, quod Audacia non contrarietur timori.

1. Vitium non contrariatur passioni, sed virtuti. Sed Audacia est vitium, vt Aug. dicit, lib. 8. 3. q. 3. 1. & timor est passio, vt dictum est. Ergo Audacia non contrariatur timori.

Maiores quia Vitium virtuti contrariatur.

2. Timori contrariatur spes. Ergo Timori non contrariatur audacia.

Consequentia probatur, quia Vni vnum est contrarium.

3. Illa passio, quæ excluditur per timorem, est timori contraria. Sed Securitas est, quæ excluditur per timorem, vt Aug. dicit, 2. Confess. cap. 6. Ergo Securitas, & non audacia contrariatur timori.

Maiores quia Vnaquæque passio excludit passionem oppositam.

Pro Affirmatiua.

Phil. 2. Rhet. cap. 5. dicit, quod Audacia est timori contraria.

Determinatio.

Concl. Audacia est timori contraria.

Prob. Passio, quæ a timore maxime distat, est timori contraria. Sed Audacia maxime distat a timore. Ergo Audacia est timori contraria.

Maiores quia De ratione contrariorum est, vt maxime a se distent, vt dicitur 10. Metaph. tex. 13.

Minor prob. quia Timor refugit nocuum futurum, propter eius victoriam, super ipsum timorem. Audacia vero aggreditur periculum, imminens, propter victoriam sui, super ipsum periculum.

Ad Argumenta.

Ad 1. Dicitur ad minorem, quod Audacia, & nomina aliarum passionum dupliciter accipi possunt. Vno modo, secundum quod important absolute motum appetitus sensitiui in aliquod obiectum bonum, vel malum; & sic sunt nomina passionum. Alio modo secundum quod simul cum huiusmodi motu important recessum ab ordine rationis, & sic sunt nomina vitiorum, & hoc modo loquitur Aug. de audacia, sed nos loquimur nunc de audacia secundum primum modum.

Ad 2. Neg. consequ. Ad probationem dicitur, quod Vni, secundum idem, non sunt plura contraria: sed secundum diuersa nihil prohibet vni plura contrariari. Et sic dictum est supra, quod passionibus irascibilibus, habent duplicem contrarietatem. Vnam, secundum operationem boni, & mali; & sic timor contrariatur spei. Aliam secundum operationem accessus, & recessus: & sic timor contrariatur audacia, spei vero desperatio.

Ad 3. Dicitur ad minorem, quod securitas, non significat aliquod contrarium timori, sed solam timoris exclusionem. Ille enim dicitur, esse securus, qui non timet. Vnde securitas opponitur timori, sicut priuatio: audacia autem sicut contrarium. Et sicut contrarium includit in se priuationem; ita audacia securitatem.

ARTICVLVS III.

Vtrum Audacia consequatur spem.

Pro Negatiua.

Videtur, quod Audacia non consequatur spem.

1. Ea, quorum vnum consequitur aliud, sunt vnius ordinis. Sed Spes, & audacia non sunt vnius ordinis. Ergo Audacia non consequitur spem.

Minor. Passiones, quarum obiecta sunt diuersa, non sunt vnius ordinis. Sed Obiecta spei, & audacie sunt diuersa. Ergo Audacia, & spes non sunt vnius ordinis.

Minor

Minor huius, quia Audacia est malorum terribilium, & spes respicit bonum, ut dictum est quæst. 40. art. 1.

2. Timor non sequitur desperationem, immo desperationem timorem excludit, ut dicitur, 2. R. het. cap. 5.

Ergo Audacia non consequitur spem.

Conseq. prob. quia Sicut audacia contrariatur timori, ita desperatio contrariatur spei. Igitur sic debet se habere audacia ad spem, sicut se habet timor ad desperationem.

3. Quod est idem spei, non consequitur spem. Sed Audacia est idem spei. Ergo Audacia non consequitur spem.

Minor. Passiones, quarum obiectum est idem, sunt idem. Sed Obiectum spei, & audaciæ est idem. Ergo Spes, & audacia sunt idem.

Minor huius, quia Audacia intendit quoddam bonum arduum, scilicet victoriam, ad quod etiam tendit spes.

Pro Affirmativa.

Phil. 3. Ethic. cap. 8. dicit, quod Illi, qui sunt bonæ spei, sunt audaces. Ergo Videtur quod audacia consequatur spem.

Determinatio.

Conclusio. Audacia consequitur spem, & desperatio timorem.

Prob. Prosecutio mali consequitur prosecutionem boni, & fuga boni consequitur fugam mali. Sed Audacia importat prosecutionem mali, Spes vero prosecutionem boni. Timor importat fugam mali, Desperatio vero fugam boni. Ergo Audacia consequitur, & est posterior spei, & desperatio consequitur eodem modo timorem.

Maiores manifestatur. Pro quo est sciendum, quod omnis motus appetitiue potentie, ad quam pertinent omnes passionibus, reducitur ad prosecutionem, & fugam. Sed utrumque horum distinguitur in per se, & per accedens, & sic fiunt quatuor generales motus appetitus, scilicet Prosecutio per se, Prosecutio per accedens. Fuga per se, & Fuga per accedens. Prosecutio per se, est boni. Prosecutio per accedens, est mali, scilicet propter aliquod bonum adiunctum. Fuga per se est mali. Fuga per accedens est boni, quatenus scilicet habet aliquod malum adiunctum.

Hi quatuor motus ita ordinantur ad inuicem, quod ille, qui est per accedens, est post suum per se. Et ratio est, quia, quod est per accedens, est posterius eo, quod est per se: & quia prosecutio mali est per accedens, erit post prosecutionem boni. Et iterum, quia fuga boni est per accedens, erit post fugam mali, quæ est per se, & sic patet maior.

Minor vero prob. quia Hi quatuor motus per-

tinent ad quatuor passiones, scilicet Prosecutio boni ad spem. Prosecutio mali ad audaciam. Fuga mali ad timorem. & Fuga boni ad desperationem. Et sic Audacia sequitur spem, & desperatio timorem.

Et confirmatur conclusio. quia Ex hoc, quod aliquis sperat superare terribile imminens, audacter prosequitur ipsum: & sic audacia est post spem. Et iterum, Ideo aliquis desperat, quia timet difficultatem, quæ est circa bonum sperandum: & sic desperatio timorem sequitur.

Ad Argumenta.

Ad 1. Neg. minor. Ad prob. dicitur ad maiorem, quod ad hoc, ut passiones non sint ordinatæ ad inuicem, non sufficit, ut obiecta sint diuersa, sed requiritur cum hoc, ut non habeant ordinem ad inuicem. Licet igitur obiecta spei, & audaciæ sint diuersa, tamen quia habent ordinem ad inuicem (Malum enim, quod est obiectum audaciæ, habet ordinem ad bonum, quod est obiectum spei.) Ideo & ipsæ passiones sunt ordinatæ ad inuicem, ut dictum est.

Ad 2. Neg. conseq. Et ratio est, quia licet bonum sit prius, quam malum, tamen fuga mali prior est, quam fuga boni: quia fuga boni est per accedens, & fuga mali est per se. Vnde quia timor importat fugam mali, & desperatio fugam boni, ideo desperatio sequitur timorem. Vnde ad probationem consequentiæ dicitur, verum esse, quod sicut spei opponitur desperatio, ita timori audacia: tamen quia spes est prosecutio per se, præcedit prosecutionem per accedens, quæ pertinet ad audaciam. Desperatio vero non est fuga per se, sed per accedens, est enim fuga boni. Timor vero est fuga per se, scilicet mali, & ideo desperatio sequitur timorem, & non e contra. Verum tamen est, quod spem non semper sequitur audacia, nec desperatio timorem, sed solum ex spe intensa sequitur audacia, & ex timore intenso sequitur desperatio.

Ad 3. Negatur minor. Ad probationem etiam negatur minor. Ad cuius probationem dicitur, quod Audacia, licet sit circa malum, cui coniunctum est bonum victoriæ, secundum estimationem audaciæ, tamen respicit malum: bonum vero adiunctum respicit spes, & similiter desperatio respicit bonum directe quod refugit, Malum vero adiunctum respicit timor. Vnde proprie loquendo, audacia non est pars spei, sed eius effectus, sicut nec desperatio est pars timoris, sed eius effectus. Et propter hoc etiam audacia principalis passio esse potest.

ARTICVLVS III.

Vtrum Defectus aliquis sit causa audaciæ.

*Pro Affirmatiua.***V**idetur, quod Defectus aliquis sit causa audaciæ.

1. Quod causatur ex ebrietate, causatur ex defectu. Sed Audacia causatur ex ebrietate. Ergo Audacia causatur ex aliquo defectu.

Maior. quia Ebrietas est defectus, qui ex vino sequitur.

Minor. quia Amatores vini sunt fortes, & audaces, vt Phil. dicit, lib. de Problem.

2. Quod causatur ex inesperienza, causatur ex defectu. Sed Audacia prouenit ex inesperienza. Ergo Audacia prouenit ex defectu.

Minor. quia Phil. dicit, 2. Rhet. c. 5. quod Inexperti periculorum sunt audaces.

Conseq. prob. quia Inexperientia est defectus quidam.

3. Iniusta pati, est defectus quidam. Sed Audacia prouenit ex hoc, quod est iniusta pati.

Ergo Audacia prouenit ex defectu aliquo.

Minor. quia Phil. dicit, 3. Ethic. c. 8. quod Iniusta passia adiores esse solent, sicut etiam bestia cum percutiuntur.

Pro Negatiua.

Quod prouenit ex spe salutarium, & ex remotione terribilium, non causatur ex defectu. Sed Audacia prouenit ex spe salutarium, & ex remotione terribilium. Ergo Audacia non causatur ex defectu.

Maior prob. quia Id, quod ad defectum pertinet, vel pertinet ad salutarium remotionem, vel ad terribilium propinquitatem.

Minor prob. quia Phil. dicit, 2. Rhet. c. 5. quod Causa audaciæ est, cū in Phantasia spes fuerit salutarium, vt prope existentium, timendorum autem, aut non entium, aut longe entium.

Determinatio.

Concl. Nullus defectus est causa per se audaciæ, sed solum per accidens.

Prob. prima pars. Ea sunt causa audaciæ, quæ nata sunt causare spem, vel excludere timorem. Sed Nullus defectus est per se natus causare spem, vel excludere timorem. Ergo Nullus defectus per se potest esse causa audaciæ.

Maior prob. quia Audacia consequitur spem, & contrariatur timori, vt dictum est art. præced. Vnde quæcunque nata sunt augere, spem, vel excludere timorem, causant audaciam.

Minor prob. O tendendo, quod ea, quæ causant spem, & excludunt timorem, non sunt defectus, sed potius habent excellentiā alicuius boni.

Pro quo est præmittendum, quod cum Timor,

Spes, Audacia, & alia huiusmodi sint passionēs quædam, consistunt in duobus, vt dictum est, superius, scilicet in motu appetitus, & in transmutatione corporali. Vnde Spes potest augeri, & timor excludi, tum ex parte appetitiui motus: tum ex parte transmutationis corporalis. Ex parte quidem appetitiui motus, qui apprehensionem sequitur, prouocatur spes per ea, quæ faciunt nos estimare, quod possibile sit adipisci victoriam, vel secundum propriam potentiam, sicut sunt fortitudo corporis, experientia in periculis, multitudo pecuniarum, & alia huiusmodi. Siue per potentiam aliorum, sicut multitudo amicorum, vel quorumcunque auxiliantium, & præcipue si homo confidat de auxilio diuino. Vnde illi, qui bene se habent ad diuina, audaciores sunt, vt Phil. dicit, 2. Rhet. cap. 5. Hæc igitur sunt, per quæ prouocatur spes, ex parte appetitiui motus.

Timor autem ex parte motus appetitus tollitur, per remotionem terribilium appropinquantium, puta quia homo non habet inimicos, quia nulli nocuit, quia non videt aliquod periculum imminere. Illis enim videntur maxime pericula imminere, qui alijs nocuerunt.

Ex parte autem transmutationis corporalis augetur spes, & fugatur timor, ex calore, & ex his, quæ faciunt calorem circa cor, vt sanguinis multitudo, vinum, & huiusmodi, quæ calorem causant, per quem expellitur timor, & causatur spes. Vnde Phil. dicit in libr. 3. de part. anim. quod illi, qui habent paruum cor secundum quantitatem, sunt magis audaces, & animalia habentia magnum cor secundum quantitatem, sunt timida, quia calor naturalis non tantum potest calefacere magnum cor, sicut paruum, sicut nec ignis potest tantum calefacere magnam, sicut paruum domū. Et in libr. de Problem. dicit, quod habentes magnum pulmonem sanguineum, sunt audaciores propter calorem cordis ex inde consequentem. Et ibidem dicit, quod vini amatores sunt magis audaces propter caliditatem vini, & super 40. artic. 6. dictum est, quod ebrietas facit ad bonitatem spei.

Hæc autem, quæ augent spem, & excutunt timorem, tum ex parte appetitus, tum ex parte corporis, patet non esse defectus, sed potius habere rationem excellentis perfectionis, vt patet discurrendo per singula enumerata. Et sic non defectus, sed ea, quæ perfectionem important, sunt causa audaciæ.

Altera conclusionis pars, scilicet quod defectus possit esse causa per accidens audaciæ patet ex responsionibus ad argumenta, & præcipue ad 2. & 3.

Ad

Ad argumenta.

Ad 1. Dicitur ad minorem, quod Ebrietas causat audaciam, non in quantum est defectus, sed in quantum facit cordis dilatationem: & in quantum etiam facit æstimationem cuiusdam magnitudinis.

Ad 2. Dicitur ad minorem, & ad eius probationem, quod Illi, qui sunt in experti periculorum, sunt audaciores, non propter defectum, sed per accidens, in quantum scilicet propter inexpertitiam, neque debilitatem suam cognoscunt, neque præsentiam periculorum, & ita per subtractionem causæ timoris, sequitur audacia.

Ad 3. Dicitur ad minorem, & ad eius probationem, quod sicut Phil. dicit, 2. Rhet. ca. 5. Inustum passus redduntur audaciores, quia æstimant, quod Deus iniustum passus auxilium ferat, & sic patet, quod nullus defectus causat audaciam, nisi per accidens, in quantum, scilicet habet adiunctam aliquam excellentiam, vel veram, vel æstimatam, vel ex parte alterius, vel ex parte sui.

ARTICVLVS IV.

Vtrum Audaces sint promptiores in principio, quam in fine in ipsis periculis.

Pro Negativa.

Videtur, quod audaces non sint promptiores in principio, quam in fine in ipsis periculis.

1. Qui in principio tremunt, non sunt audaciores. Sed Audaces quandoque in principio tremunt, vt Phil. dicit lib. de Problem. Ergo Audaces non sint promptiores in principio, quam in ipsis periculis existentes.

Maior. quia Tremor ex timore causatur, qui contrariatur audaciæ, vt ex dictis patet.

2. Crescente obiecto audaciæ, crescit promptitudo audacium. Sed In ipsis periculis crescit obiectum audaciæ. Ergo In ipsis periculis audaces sunt promptiores.

Maior prob. quia Per augmentum obiecti, augetur passio; sicut si bonum est amabile, magis bonum, est magis amabile, ita si arduum facit promptum, magis arduum faciet promptiorem.

Minor prob. quia Periculum est magis arduum, & difficile, quando est præsens.

3. Quando prouocatur ira, crescit audacia, & promptitudo audacis. Sed In ipsis periculis prouocatur ira. Ergo In ipsis periculis crescit audacia, & promptitudo.

Maior. quia Ira causat audaciam. Dicit enim Phil. 2. Rhet. c. 5. quod Ira est ausum.

Minor. quia Ex vulneribus inflicis, quod accidit in ipsis periculis, prouocatur ira.

Pro Affirmatiua.

Ethic. cap. 7. dicitur, quod Audaces præuolantes sunt, & volentes ante pericula, in ipsis autem discedunt.

Determinatio.

Concl. Audaces sunt promptiores in principio, quam in fine, dum sunt in ipsis periculis.

Prob. dupliciter. Primo. Qui primo æstimant in aliqua actione periculosa modicam difficultatem, & in ipsa actione maiorem experiuntur, quam æstimauerant, sunt prompti in principio, sed in fine deficiunt. Sed Audaces primo æstimant minorem difficultatem in periculosa actione, in ipsa vero existentes maiorem experiuntur, quam æstimauerunt. Ergo In principio sunt promptiores, & in fine deficiunt.

Maior. quia Quando non cognoscuntur omnia pericula, quæ faciunt difficultatem in aliquo negotio, sed si quæ cognoscuntur, modica æstimantur; insurgit motus audaciæ: quando vero experiuntur maiora, deficit.

Minor vero prob. Audacia sequitur apprehensionem sensitiuam. Ergo Audaces non cognoscunt in principio omnia pericula, quæ faciunt difficultatem in periculosa actione.

Antecedens, quia Audacia est motus appetitus sensitiui, qui semper sequitur apprehensionem sensus.

Conseq. quia Virtus sensitiua apprehensiuæ non est collatiua, nec inquisitiua singulorum, quæ circumstant rem, sed subitum habet iudicium.

Prob. Secundo Conclusio. Ex differentia, quæ est inter fortes, & audaces. Fortes enim sunt remissiores in principio, in ipsis vero periculis magis persistunt. Et hoc duplici ratione, in quibus differunt ab audacibus.

Prima est. Qui æstimant maiora pericula in principio, quæ experiantur in ipsis periculis existentes, in principio remisse, & in fine intense operantur. Sed Fortes in principio æstimant maiora pericula, quam postea experiantur in ipsis periculis existentes.

Ergo Fortes in principio sunt remissi, in fine vero intensius operantur.

Maior. quia Magnitudo periculorum in principio æstimata facit, vt sint remissi, paruitas vero ipsorum dum experiuntur, auget vires, & facit, vt fortiter operentur.

Minor. quia Fortes operantur iudicio rationis, quæ est discursiua omnium, quæ afferunt difficultatem in negotio, & cum debita deliberatione aggrediuntur. Et ideo minora inueniunt pericula, quam æstimauerant.

Secunda ratio est. quia Fortes propter bonum virtutis aggrediuntur pericula, cuius boni voluntas in eis perseverat, quantacunque sint pericula. Audaces autem pericula aggrediuntur propter solam æstimationem facientem spem, & excludentem timorem, ut dictum est art. præced.

Ad Argumenta.

Ad 1. Negatur maior. Ad probationem dicitur, quod non semper tremor ex timore causatur, sed potest ex alia causa provenire. Pro quo est sciendum, quod tremor provenit ex reuocatione sanguinis ad interiora ab exterioribus, quæ reuocatio, vel fit ad cor, & tunc causatur tremor quidem in exterioribus membris, qui tremor stat cum audacia: est enim in exterioribus membris, quia calor ad cor reuocatur, ex qua reuocatione caloris cor dilatatur, & insurgit audaciæ motus: quandoque reuocatur calor ab exterioribus, non ad cor, sed ad inferiora, & tunc est tremor, qui est timoris effectus, & excludit audaciam. Tunc ad minorem dicitur, quod audaces in principio tremunt ratione dicta, & non ex timore.

Ad 2. Negatur maior. Ad probationem negatur subsumptum vniuersaliter: Est quidæ verum in passionibus, quarum obiectum est bonum, ut de amore dicitur, qui crescit crescente bono amabili. Sed de passione, cuius obiectum est malum, hoc non est verum: Quia cum malum fundetur in aliquo bono, poterit in tantum crescere malitia in obiecto, vt deficiat esse obiectum: quia igitur obiectum audaciæ est compositum ex bono, & malo, & motus audaciæ in malum, præsupponit motum spei in bonum, ideo si tantum addatur de arduitate ad periculum, quod excedat spem, non sequetur motus audaciæ, sed diminuetur. Si tamen in ipsis periculis maneat motus audaciæ, quanto maius est periculum, tanto maior audacia reputatur.

Ad 3. Dicitur ad minorem, quod ex læsione non semper causatur ira, sed solum quando est aliqua spes vindictæ, ut dicitur, & ideo si fuerit periculum, quod excedat spem victoriæ, non sequetur ira: sed si sequatur ira verum est, quod audacia augebitur.

DE IRA.

D *Exinde Considerandum est, de ira.*

Et primo de ira secundum se, in quest. 46.

Secundo de Causa finalia ira, & remedio eius in quest. 47.

Tercio de Effectu eius, in quest. 48.

Vtrum Ira sit specialis passio.

Pro Negativa.

V idetur, quod Ira non sit passio specialis.

1. Illud, à quo denominatur potentia irascibilis, non est specialis passio. Sed Ab ira denominatur passio irascibilis. Ergo Ira non est specialis passio.

Maiores. quia Huius potentia non est tantum una passio, sed multæ, ut dictum est.

2. Culibet passioni speciali est aliquod contrarium, ut patet inducenti per singulas. Sed Ira non est aliqua passio contraria, ut dictum est questione. 23. art. 3. Ergo Ira non est specialis passio.

3. Quæ includit multas passiones, non est specialis passio. Sed Ira includit multas passiones. Ergo Ira non est specialis passio.

Maiores. quia Una passio specialis non includit aliam.

Minor. quia Ira est cum tristitia, cum spe, cum delectatione, ut patet per Phil. 2. Rhet. c. 2.

Pro Affirmativa.

Damasc. lib. 2. c. 16. & Tullius 4. Tuscul. quæst. ponunt Iram specialem passionem.

Determinatio.

D istinctio. Aliquid dicitur generale tripliciter. Vno modo, per prædicationem: sicut animal est generale ad omnia animalia. Alio modo, per causalitatem: sicut Sol est causa generalis omnium, quæ generantur in his inferioribus. Et est convenientia inter hos duos generalitatis modos, quia sicut genus continet multas differentias potentialitate secundum similitudinem materie; ita causa agens continet multos effectus secundum virtutem actiuam. Tercio dicitur generale illud, quod producit ex concursu plurium causarum. Sicut enim causa dicitur generalis, quæ virtute continet plures effectus; ita effectus, qui producit ex pluribus causis, dicitur generalis, quia effectus continet actu quodammodo suas causas.

Generale igitur tripliciter dicitur. Secundum prædicationem, sicut genus. Secundum causalitatem, ut Sol. Et vniuersaliter, quod causat plures effectus secundum speciem, & secundum continentiam actiualem, ut effectus, qui ex concursu plurium causarum producit.

ARTICVLVS II.

1. Conclusio. Ira non est passio generalis secundum prædicationem, sicut genus.

Prob. Passio, quæ condiuiditur alijs passionibus, non est generalis. Sed Ira condiuiditur alijs passionibus, vt dictum est. Ergo Ira non est passio generalis.

2. Conclusio. Ira non est passio generalis, secundum causalitatem, sed potius amor, sic potest dici generalis passio.

Prob. prima pars. quia Ira non est causa aliarum passionum, vt dictum est.

Prob. secunda pars. quia Amor est radix omnium passionum, vt dictum est ex Aug. quæst. 25. artic. 2.

3. Conclusio. Ira potest dici passio generalis, sicut effectus ex concursu plurium causarum procedens.

Prob. Quod causatur ex concursu multarum passionum, potest dici generalis passio. Sed Ira ex concursu plurium passionum causatur. Ergo Ira secundum hunc modum generalis passio dici potest.

Minor prob. Non enim insurgit motus iræ, nisi propter aliquam tristitiam illatam, & nisi adsit desiderium, & spes vlciscendi, vt Phil. dicit 2. Rhet. cap. 2. Vnde si persona quæ nocumentum infert sit multū excellens, de qua non possit vindicari, non sequitur ira, sed solum tristitia, vt Aui. cen. dicit in libro de anima.

Ad Argumenta.

Ad 1. Dicitur ad minorem, quod vis irascibilis denominatur ab ira, nō quia omnis motus huius potentie sit ira (tunc enim ira non esset specialis passio, sed generalis ad omnes passiones irascibilis) sed quia ad iram terminantur, id est finiuntur omnes motus huius potentie, & inter alios eius motus, iste est manifestior.

Ad 2. Dicitur ad maiorem, quod non est vera de passione includente in se contraria, qualis est ira: causatur enim ira ex contrarijs passionibus. Ira enim includit spem, quæ est boni, & tristitiā, quæ est mali. Et ideo ira non habet contrarium extra se, sicut etiam in medijs coloribus non inuenitur contrarietas, nisi quæ est simplicium colorum, ex quibus componuntur.

Ad 3. Dicitur ad minorem, & ad eius probationem, quod Ira includit multas passiones, non sicut genus species, & ideo non est passio generalis primo modo. Nec sicut causa plures speciales effectus, propter quod nec est generalis secundo modo. Sed secundum continentiam, qua effectus continet plures causas, & sic est generalis, vt dictum est.

Vtrum Obiectum iræ sit bonum, vel malum.

Quod sit malum.

VIdetur, quod Obiectum iræ sit malum.

1. Omne impedimentum habet rationem mali. Sed Obiectum iræ est impedimentum concupiscentie. Ergo Iræ obiectum est malum.

Minor. quia dicit Greg. Nis. lib. 4. c. 13. quod Ira est quasi armigera concupiscentie, in quantum scilicet impugnatur id, quod concupiscentia impedit.

2. Odium respicit malum tanquam obiectum, vt dictum est quæst. 29. artic. 1. Ergo etiam Ira.

Conseq. prob. quia Ira, & odium conueniunt in effectu: Vtriusque enim est inferre nocumentum alteri.

3. Obiectum tristitiæ est malum. Ergo, & iræ. Conseq. quia Ira causatur ex tristitia, vt dicitur 7. Ethic. cap. 9.

Quod sit bonum.

1. Appetitus vindictæ est quoddam bonum. Sed Obiectum iræ est appetitus vindictæ, vt August. dicit 2. confess. cap. 6. Ergo Obiectum iræ est bonum.

Maior. quia Vindicta ad iustitiam pertinet. 2. Obiectum spei, & delectationis est bonum. Ergo Etiam obiectum iræ est bonum.

Conseq. quia Ira est cum spe, & causat delectationem, vt Phil. dicit 2. Rhet. cap. 2.

Determinatio.

Conclusio. Motus iræ tendit simul in duo, quorum vnum semper habet rationem mali, & alterum rationem boni.

Prob. Et primo, quo ad primam partem, scilicet quod Motus iræ simul tendat in duo obiecta.

Motus sequens actum alicuius potentie apprehensivæ, apprehendens per modum complexi, tendit simul in duo obiecta.

Sed Motus iræ sequitur actum potentie apprehensivæ apprehendens per modum complexi Ergo Motus iræ tendit simul in duo obiecta.

Manifestatur maior. Pro quo est sciendum, quod motus appetitivæ virtutis sequitur actum virtutis apprehensivæ, vt superius pluries dictum est. Vis autem apprehensivæ dupliciter aliquid apprehendit. Vno modo, per modum incomplexi: sicut cum intelligimus, quid est homo. Alio modo, per modum complexi, sicut cum intelligimus, album inesse homini. Vnde utroque modo appetitus potest apprehendere in apprehensum, siue bonum, siue malum.

Quando enim appetitus simpliciter sequitur, vel inhæret bono, vel refugit malum, sequitur apprehensionem per modum simplicis, & tales sunt motus desiderij, spei, delectationis, tristitiæ, & aliarum huiusmodi passionum. Quando vero appetitus fertur in hoc, quod aliquod bonum, vel malum inest, vel fiat circa alterum, vel tendendo in hoc, vel refugiendo ab hoc, tunc sequitur apprehensionem per modum complexi, sicut patet in amore, & odio. Amamus enim aliquem, in quantum volumus ei inesse aliquod bonum; odimus autem aliquem, in quantum volumus ei inesse aliquod malum. Unde patet, quod motus appetitus, qui sequitur apprehensionem per modum complexi, tendit simul in duo quasi obiecta.

Minor. quia Motus iræ sequitur apprehensionem vindictæ, quæ significat duo, scilicet vindictam, & illum, de quo appetit se vindicare: est enim ira appetitus se vindicandi.

Altera Conclusionis pars, scilicet quod semper vnum ex duobus, ad quæ tendit ira habeat rationem mali, & alterum habeat rationem boni, ostenditur dupliciter.

Primo. quia In vindictam motus iræ tendit sub ratione boni, hoc enim appetit, & sperat sicut bonum, unde & de ipsa delectatur. In illum vero, de quo querit fumere vindictam, tendit sicut in contrarium & nocivum, quod pertinet ad rationem mali, & sic motus iræ tendit semper in vnum sub ratione boni, & in alterum sub ratione mali.

Secundo prob. ex differentia, quæ est inter amorem, & odium ex vna parte, & iram ex altera. Sciendum enim, quod licet amor, & odium ex vna parte, & ira ex altera conveniant in hoc, quod tū illa, tum ista sequantur actum virtutis apprehensivæ per modum complexi. (vt dictū est) tamen differunt in duobus. Primo, quia Amor, & odium licet possint respicere duo obiecta, non tamen semper duo obiecta, sed aliquando solum vnum respiciunt: sicut cum dicitur, aliquis amare vinum, vel odire. Ira vero semper respicit duo obiecta, vt manifestatum est, scilicet vindictam, & eū, de quo vindictam appetit fumere. Et ex hac differentia confirmatur prima Conclusio. Altera differentia est, quia quando amor respicit duo obiecta, utrumque horum habet rationem boni: qui enim vult aliquod bonū alicui, puta amico, talis amor habet pro obiecto amicum, & bonum, quod amico vult, quorum utrumque habet rationem boni, & contententis. Similiter etiā odium, quando ad duo tendit, utrumque habet rationem mali: vult enim odiens malum alicui, quem æstimat sibi contrarium. Odium enim respicit inimicum sub ratione mali, & malū, quod

vult inimico, quod etiam habet rationem mali. Sed ira respicit vnum obiectum, secundum rationem boni, scilicet vindictam, quam appetit, & aliud secundum rationem mali, scilicet hominē nocivum, de quo vult vindicari: & ideo ira est passio quodammodo composita ex contrariis passionibus.

Ad Argumenta quod sit malum.

Ad 1. Dicitur, quod Obiectum iræ non solum est impedimentum, sed etiam est vindicta, in quam tendit, vt est sibi bonum.

Ad 2. Negatur consequ. Ad probationem dicitur, quod quamvis ira, & odium, in aliquo conveniant, tamen in hoc differunt, vt dictum est in corpore articuli, quia obiecta odij semper sunt mala, obiecta vero iræ semper vnum est bonum, & aliud malum.

Ad 3. Negatur consequ. Ad probationem dicitur, quod licet ira ex tristitia causetur, tamen respectu obiecti differunt. Obiectum enim tristitiæ est solum vnum, vt potest sequens apprehensionem per modum simplicis. Obiectum vero iræ est duplex, vt dictum est.

Ad Argumenta, quod sit bonum.

Ad 1. Dicitur ad minorem, quod obiectum iræ non solum est appetitus vindictæ, quæ habet rationem boni, sed etiam ille, de quo vult vindicari, in quem tendit ira, tanquam in malum.

Ad 2. Conceditur totum, scilicet quod obiectum iræ sit bonum, non tamē est solum bonum, sed etiam malum, vt dictum est.

ARTICVLVS III.

Vtrum Ira sit in concupiscibili.

Pro Affirmativa.

Videtur, quod Ira sit in concupiscibili.

1. Libido est in concupiscibili. Sed Ira est libido quædam, vt Tul. dicit 4. Tuscul. quæst.

Ergo Ira est in concupiscibili.

2. Odium est in concupiscibili, sicut & amor. Sed Ira est odium quoddam. Ergo Ira est in concupiscibili.

Minor prob. quia Aug. in Regula dicit, quod Ira crescit in odium, & Tullius dicit 4. Tuscul. quæstio. quod Odium est ira inueterata.

3. Quod componitur ex tristitia, & desiderio, est in concupiscibili. Sed Ira componitur ex tristitia, & desiderio, vt Greg. lib. 4. c. 14. & Damasc. lib. 2. c. 16. dicunt. Ergo Ira est in concupiscibili.

Maiores. quia Tristitia, & desiderium sunt in concupiscibili.

Pro

Pro Negativa.

Passio denominans irascibilem est in irascibili. Sed Ira est passio denominans potentiam irascibilem. Ergo Ira est in potentia irascibili.

Determinatio.

Conclusio. Ira non est in concupiscibili, sed in irascibili.

Prob. Passio, quæ habet pro obiecto bonum nõ absolute, sed arduum, non est in concupiscibili, sed in irascibili. Sed Ira est passio, cuius obiectum est bonum non absolute, sed bonum cum arduitate. Ergo Ira non est in concupiscibili, sed in irascibili.

Maiores. quia ut dictum est, questione 23. articulo 1. Passiones irascibilis in hoc differunt, a passionibus concupiscibilis, quod obiecta passionum concupiscibilis sunt bonum, & malum absolute. Obiecta autem passionum irascibilis sunt bonum, & malum cum quadam elevatione, & arduitate.

Minor. quia Art. præced. dictum est, quod Ira respicit duo obiecta. scilicet vindictam, quam appetit, & cum de quo vindictam querit, & circa utrumque ira requirit quandam arduitate: nõ enim insurgit motus iræ, nisi aliqua magnitudine circa utrumque existente. Quæcumque enim nihil sunt, aut modica valde, nullo modo digna estimamus, propter quæ irasci oporteat.

Ad argumenta.

Ad 1. Dicitur ad minorem, quod Tullius libidinem nominat appetitum cuiuscunque boni futuri, non habita discretionem ardui, vel non ardui: & secundum hoc ponit iram sub libidine, in quantum est appetitus vindictæ, sic autem libido communis est ad irascibilem, & concupiscibilem.

Ad 2. Negatur minor. Ad probationem respondetur, quod Ira dicitur crescere in odium, non quod eadem numero passio, quæ prius fuit ira, post modum fiat odium per quandam inueterationem, sed per quandam causalitatem: ira. n. per diuturnitatem causat odium.

Ad 3. Dicitur ad minorem, quod Ira dicitur componi ex tristitia, & desiderio, non sicut ex partibus, sed sicut ex causis. Dictum est autem supra, quod passiones concupiscibilis sunt causæ passionum irascibilis.

ARTICVLVS IV.

Vtrum Ira sit cum ratione.

Pro Negativa.

Videtur, quod Ira non sit cum ratione.

1. Quod est in appetitu sensitivo, non est cum ratione. Sed Ira est in appetitu sensitivo.

Ergo Ira non est cum ratione.

Maiores. quia Appetitus sensitivus non sequitur apprehensionem rationis, sed sensitiuæ partis.

Minor. quia Ira est passio quædam.

2. Ira in animalibus brutis inuenitur. Ergo Ira non est cum ratione.

Conseq. quia Animalia bruta carent ratione.

3. Ira est cum ebrietate. Ergo Ira non est cum ratione.

Antec. quia Ebrietas adiuvat ad iram.

Conseq. quia Ebrietas ligat rationem.

Pro Affirmativa.

Ira consequitur aliquo modo rationem, ut dicitur 7. Ethic. cap. 6.

Determinatio.

Concl. Ira est quodammodo cum ratione.

Prob. Conferre, & syllogizare est rationis. Sed Ira importat quandam collationem. Ergo Ira est cum ratione.

Minor. quia Ira est appetitus vindictæ, quæ collationem importat pænæ infligendæ, ad nocum sibi illatum, ut dicitur 7. Ethicor. cap. 6. quod syllogizans conferendo, quoniam oportet totaliter oppugnare, irascitur statim.

Ad Argumenta.

Ad 1. Dicitur ad maiorem, & ad eius probationem, quod Motus appetitivus virtutis potest esse cum ratione dupliciter. Vno modo, cum ratione præcipiente: & sic voluntas est cum ratione, unde, & dicitur appetitus rationalis. Alio modo, cum ratione denunciante: & sic ira est cum ratione. Dicit enim Phil. lib. de problem. quod ira est cum ratione, non sicut precipiente ratione, sed ut manifestante iniuriam: Appetitus enim sensitivus immediate rationi non obedit, sed mediante voluntate.

Ad 2. Negatur conseq. Ad probationem dicitur, quod bruta animalia habent instinctum naturalem ex divina ratione eis inditum, per quem habent motus interiores, & exteriores similes motibus rationis, sicut supra dictum est.

Ad 3. Dicitur ad antec. quod ut Philos. dicit 7. Ethic. cap. 6. Si ebrietas sit magna, ita quod totaliter tollat usum rationis, ebrii tunc non irascuntur. Si vero sint parum ebrii, ita ut relinquatur aliquid de iudicio rationis, tunc irascuntur. Ad probationem dicitur, quod non quælibet ebrietas adiuvat iram, sed solum ea, quæ non totaliter tollit rationis usum: & ratio horum est: quia ira audit aliquo modo rationem, sicut nuntiat, quod iniuria non est ei, sed non perfecte audit, quia non observat regulam rationis in repetendo vindictam.

Ad

Ad iram ergo requiritur aliquis actus rationis, & additur impedimentum rationis.

ARTICVLVS V.

Vtrum Ira sit naturalior, quam concupiscentia.

Pro Negatiua.

Videtur, quod Ira non sit naturalior, quā concupiscentia.

1. Ei, quod est naturaliter mansuetum, non est naturalior ira, quam concupiscentia. Sed Homo est animal naturaliter mansuetum. Ergo Homini non est naturalior ira, quam concupiscentia.

Maiores. quia Ira opponitur mansuetudini, ut dicitur 2. Rhét. c. 3.

2. Quod non est nisi cum ratione, non est naturalius homini, quam id, quod est etiam sine ratione. Sed Ira non est nisi cum ratione, concupiscentia vero est etiam sine ratione. Ergo Ira non est naturalior, quam concupiscentia.

Maiores. quia Ratio contra naturam diuiditur. Vnde ea, quæ secundum rationem agunt, non dicimus secundum naturam agere.

3. Passio, cuius obiectum est minus naturale, est minus naturalis. Sed Obiectum iræ est minus homini naturale, quam obiectum concupiscentiæ. Ergo Ira est minus naturalis, quam concupiscentia.

Minor prob. Delectabilia secundum tactum, scilicet cibi, & venerea sunt magis naturalia, quā vindicta. Sed Concupiscentia est appetitus horum delectabilium, Ira vero est appetitus vindictæ, ut dictum est. Ergo Obiectum concupiscentiæ est magis naturale, quam obiectum iræ.

Pro Affirmatiua.

Aristot. 7. Ethic. cap. 6. dicit, quod Ira est naturalior, quam concupiscentia.

Determinatio.

Via inuestigandæ veritatis.

Propositio. Vtrum aliqua passio sit magis, vel minus naturalis, considerari non potest, nisi ex causa sua.

Prob. quia Naturale dicitur illud, quod causatur a natura.

Prosecutio.

1. Distinctio. Causa passionis, ut dictum est supra, quæst. 36. art. 1. dupliciter accipi potest. Vno modo ex parte obiecti. Alio modo ex parte subiecti.

2. Distinctio. Causa passionis ex parte subiecti tripliciter potest accipi. Vno modo, pro ut ipsum subiectum passionum, puta aliquis homo, consideratur secundum naturam generis. scilicet secundum quod est animal. Vel secundum naturam suæ speciei, scilicet secundum quod est homo. Vel tandem secundum complexionem propriam indiuidui, scilicet ut est talis homo.

1. Conclusio. Si consideretur causa iræ, & concupiscentiæ ex parte obiecti, sic concupiscentia, & maxime ciborum, & venereorum, naturalior est homini, quam ira.

Prob. per tertium argumentum factum, quia scilicet cibi, & venerea naturaliora sunt homini, quam ira.

2. Conclusio. Si consideretur hic homo, secundum suam naturam genericam, scilicet ut est animal, naturalior est homini concupiscentia, quam ira.

Prob. quia Ex ipsa natura communi homo habet quandam inclinationem ad appetendum ea, quæ sunt conseruatiua vitæ, vel secundum speciem, ut est generatio, vel secundum indiuiduum, ut sunt cibi.

3. Conclusio. Si consideretur natura hominis ex parte speciei, scilicet inquantum est rationalis, sic ira est magis naturalis homini, quam concupiscentia.

Prob. quia Ira est magis cum ratione, quam concupiscentia.

Et confirmatur. quia Arist. dicit 4. Ethic. c. 5. quod Humanius est punire, quod pertinet ad iram, quam mansuetum esse.

Et confirmatur secundo. quia Vnumquodque naturaliter insurgit contra nocua, & contraria.

4. Conclusio. Si consideretur natura huius indiuidui secundum propriam complexionem, sic etiam ira naturalior est, quam concupiscentia.

Prob. Homo est dispositus ad irascendum, secundum quod habet colericam complexionem. Ergo Magis est in promptu, ut ille, qui est dispositus secundum naturalem complexionem ad iram, irascatur, quam de eo, qui est dispositus ad concupiscendum, quod concupiscat.

Et confirmatur. quia Phil. dicit 7. Ethic. cap. 6. quod Ira magis traducitur a parentibus in filios, quam concupiscentia.

Ad Argumenta.

Ad 1. Dicitur ad minorem, quod In homine duo considerari possunt. Primum est, naturalis eius complexio. Alterum est, ipsa ratio. Homo secundum suam complexionem dicitur naturaliter mansuetus, non quod non sit ei naturalis etiam ira, sed quia non habet naturalem excessum iræ, vel alterius passionis, sicut alia animalia habent excessum passionum. Et ratio est, quia complexio humana est temperantiæ optimæ. Alia vero animalia

malia recedunt ab hoc humane complexionis temperamento, & secundum quod recedunt a temperamento hoc, disponuntur ad excessum suarum passionum, vt leo ad audaciam, canis ad iram, lepus ad timorem, & sic de alijs. Igitur ex hac parte dicitur homo animal naturaliter mansuetum, quia non habet excessum iræ, sicut animalia bruta habent excessum passionum. Si uero consideretur homo, secundum quod est rationale animal, est ei naturale, & irasci, & mansuetum esse. Irasci inquam, quia ratio nunciat appetitui causam iræ: mansuetum uero esse; quia iratus non semper obedit rationi nuncianti causam iræ, sed eam refranat.

Ad 1. Negatur maior. Ad probationem dicitur, quod ipsa ratio pertinet ad naturam hominis. Vnde ex hoc ipso, quod ira est cum ratione sequitur, quod secundum aliquem modum sit homini naturalis, vt dictum est.

Ad 3. Dicitur, quod argumentum illud probat primam conclusionem, vt dictum est.

ARTICVLVS VI.

Utrum Ira sit gravior, quam odium.

Pro affirmatiua.

Videtur, quod Ira sit grauior, quam odium. 1. Quod non habet misericordiam, grauius est, quam quod habet misericordiam. Sed Ira non habet misericordiam; vt dicitur Pro-
uerb. 10. Oculum uero quandoque habet misericordiam.

Ergo Ira est grauior, quam odium.

2. Ei, qui habet odio aliquem, sufficit, ut ille, quem odit, patiatur malum, irato autem non sufficit hoc, sed querit, ut cognoscat illud, & de illo doleat, vt dicitur 3. Rhet. c. 4.

Ergo Ira est grauior, quam odium.

Consequenter prob. quia Maius est, pati malum, & de malo dolere, quam simpliciter pati.

3. Illud, quod causatur ex pluribus causis, est firmius, & stabilius. Sed Ira causatur ex concurrente plurium passionum, vt dictum est, non autem odium. Ergo Ira est stabilius, & grauior, quam odium.

Maior, quia Quanto plura concurrunt ad constitutionem alicuius, tanto illud uidetur stabilius: sicut ille habitus permanentior est, qui ex pluribus actibus causatur.

Pro Negatiua.

Aug. in regula comparat odium trahi, Iram uero festucæ dicens. Ne ira crescat in odium, & iram festucæ faciat de festuca, id est odium de ira.

Ergo Odium grauius est, quam ira.

Determinatio.

Conclusio. Odium est multo deterius, & grauius, quam ira.

Prob. Velle malum alicui simpliciter, deterius est, & grauius, quam velle alicui malum sub ratione iusti, licet cum aliqua inobediencia rationis. Sed Odians appetit malum inimici, in quantum est malum. Iratus autem appetit malum eius, contra quem irascitur, non in quantum est malum, sed in quantum habet quandam rationem boni, deficientis tamen in hoc, quod non obedit rationi in vlciscendo.

Ergo Odium deterius, & grauius est, quam ira.

Maior prob. quia Velle malum alicui sub ratione iusti, potest esse etiam secundum iustitiam iustitiam, si præcepto rationis obtemperetur, sin autem, non est tantum malum, sicut velle malum, vt malum.

Minor prob. Ex differentia, & conuenientia inter obiectum iræ, & odij, species enim passionum, & rationes ipsarum ex obiecto pensantur. Est igitur considerandum, quod obiectum iræ, & odij, subiecto sunt idem, est enim utriusque obiectum malum, sicut namque odians appetit malum, ei quem odit, ita iratus ei, contra quem irascitur. Ratione autem differunt, quia odians appetit malum, in quantum malum: iratus autem appetit malum, in quantum habet rationem boni iusti. Vnde supra dictum est, quod odium est per applicationem mali ad malum. Ita autem per applicationem boni ad malum.

Ad Argumenta.

Ad 1. Dicitur ad minorem, quod in ira, & odio duo possunt considerari, scilicet ipsum, quod desideratur, & intentio desiderij. Quantum igitur ad id, quod desideratur, ira magis habet misericordiam, quam odium: quia enim odium appetit malum alterius secundum se, nulla mensura mali satiatur. Ea enim, quæ secundum se appetuntur, sine mensura appetuntur, vt Phil. dicit 1. pet. c. 6. sicut auarus diuitias. Vnde dicitur Eccl. 1. 2. Inimicus, si inuenerit tempus, non satiabitur sanguine. Sed ira non appetit malum, nisi sub ratione iusti vindicariui, vnde quando malum illatum excedit mensuram iustitiæ, secundum institutionem irascientis, ita irascitur. Vnde Phil. dicit in 2. Rhet. cap. 4. quod Iratus, si fiant multa miseretur, odians autem pro nullo. Quamvis uero ad intentionem desiderij, ira magis excedit misericordiam, quam odium, quia motus ira est impetuosior propter colorem inflammationem. Vnde statim subditur. Impetum concitati spiritus ferre quis poterit?

Ad 2. Cōcesso antecedente, negatur cōsequens.

Na cello

cesso inquam antecedente, quia cum iratus appetat malum alicuius, in quantum habet rationem iusti vindicatur, ut dictum est, & vindicta fiat propter illationem poenæ, de cuius ratione est, ut sit contraria voluntati, & afflictiva, & quod pro aliqua culpa inferatur, ideo iratus hoc appetit, ut ille cui nocumentum infert, percipiat, & doleat, & quod cognoscat, propter iniuriam illatam sibi, hoc provenire. Odiosus uero de hoc nihil curat, quia appetit malum alterius, in quantum huiusmodi. Negatur vero consequenter. Et dicitur ad probationem, non esse verum, quod illud, de quo quis tristatur, sit peius. Iniustitia enim, & imprudentia sunt mala, quia tamen sunt voluntaria, non contristant eos, quibus insunt, ut Phil. dicit 2. Rethororum cap. 4.

Ad 3. Dicitur ad maiorem, & ad eius probationem, quod id, quod ex pluribus causis causatur, tunc est stabilis, quando causæ accipiuntur vnius rationis: sed vna causa potest prævalere multis alijs. Odium autem provenit ex permanentiori causa, quam ira, nam ira provenit ex aliqua commotione animi propter lationem illatam, sed odium procedit ex aliqua dispositione hominis, secundum quam reputat sibi contrarium, & noticiū id, quod odit: & ideo sicut passio citius transit, quam dispositio, vel habitus, ita ira citius transit, quam odium, quamvis etiam odium sit passio ex tali dispositione proveniens. Et propter hoc Phil. dicit in 2. Reth. c. 4. quod Odium est magis insanabile, quam ira.

ARTICVLVS VII.

Utrum Ira sit ad illos solum, ad quos est iniustitia.

Pro Negativa.

Videtur, quod Ira non solum sit ad illos, ad quos est iniustitia.

1. Ad res irrationales non est iniustitia. Sed Homo aliquando irascitur rebus irrationabilibus: ut cum scriptor ex ira proijcit pennam, & eques percutit equum. Ergo Ira non est solum ad illos, ad quos est iniustitia.

2. Hominis, ad se ipsum, & ad ea, quæ ipsius sunt, non est iniustitia, ut dicitur 5. Ethic. cap. 6. Sed Homo quandoque sibi ipsi irascitur: sicut penitens propter peccatum, iuxta illud Psal. 4. Irascimini, & nolite peccare. Ergo Ira non est solum, ad quos est iniustitia.

3. Ad totum aliquod genus, vel ad totam aliquam communitatem potest esse iniustitia, vel iniuria: puta cum Civitas aliquem læsit. Sed Ira non potest esse ad aliquod genus, vel communitatem, sed solum ad aliquod singularem, ut di-

cit Phil. 2. Reth. c. 4. Ergo Ira non est proprie, ad quos est iniustitia, vel iniuria.

Pro Affirmativa.

Contrarium accipi potest ex Phil. 2. Reth. c. 2. Determinatio.

Conclusio. Ad eisdem pertinet ira, ad quos iustitia, & iniustitia.

Prob. Ira appetit malum alicui, in quantum habet rationem iusti, scilicet propter acceptam iniuriam. Ergo Ad eisdem est ira, ad quos est iustitia, & iniustitia.

Consequenter prob. quia Inferre vindictam, pertinet ad iustitiam: inferre vero iniuriam, siue lædere aliquem, pertinet ad iniustitiam. Unde tum ex parte vindictæ, tum ex parte causæ vindictæ, scilicet illatæ iniuriæ, Ira pertinet ad eisdem, ad quos est iustitia, & iniustitia.

Ad argumenta.

Ad 1. Dicitur ad maiorem, quod Ira, quāvis sit cum ratione, potest tamen etiam esse in brutis animalibus, quæ ratione carent, in quantum naturali instinctu per imaginationem movetur ad aliquid simile operibus rationis. Sic igitur cum in homine sit, & ratio, & imaginatio: dupliciter potest motus ire in homine insurgere. Vno modo, ex sola imaginatione nunciante lationem: & sic insurgit aliquis motus iræ, etiam ad res irrationales, et inanimatas, secundum similitudinem illius motus, qui est in animalibus, contra quodlibet nocivum. Alio modo, ex ratione nunciante lationem, & sic, ut Phil. dicit in 2. Reth. c. 3. nullo modo potest esse ira ad res insensibiles, neque ad mortuos: tum quia non dolent, quod maxime querunt irati in eis, quibus irascuntur: tum etiam, quia non est ad eos vindicta, cum eorum non sit iniuriam facere.

Ad 2. Dicitur ad maiorem, quod sicut Phil. dicit in 5. Ethic. c. ult. quedam Metaphorica iustitia, & iniustitia est hominis ad seipsum, in quantum. Ratio regit irascibilem, & concupiscibilem, & secundum hoc etiam homo dicitur de se ipso vindictam facere, & per consequens sibi ipsi irasci, proprie autem, & per se non contingit, aliquem sibi ipsi irasci.

Ad 3. Conceditur totum. Ira enim non est ad omnia, ad quæ est iustitia, vel iniustitia, sed solum ad aliquod singularem, & si tota Civitas aliquem læsit, computatur ut vnum aliquod singulare, propter quod irascimur. Odium uero potest esse ad genus, puta ad genus latronum. Et ratio differentia est, quia odium causatur ex hoc, quod qualitas alicuius rei apprehenditur, ut dissonans nostræ dispositionis: & hoc potest esse vel in universali, vel in particulari. Sed ira causatur ex hoc, quod aliquis.

aliquis nos læsit per suum actū: actus autem omnes sunt singularium, & ideo ira semper est ad ali quod singulare.

ARTICVLVS VIII.

Vtrum Conuenienter assignentur species iræ.

Pro Negatiua.

Videtur, quod Damascenus inconuenienter assignet tres species iræ scilicet Fel, Maniā, & Furorem.

1. Nullius enim generis species diuersificatur secundum aliquod accidens. Sed Ira tria diuersi fiantur secundum aliquod accidens. Ergo Non sunt diuersæ species.

Prob. minor. n. motus iræ fel vocatur. Ira autem permanens dicitur mania. Furor autem est ira obseruans tempus in vindictam.

2. Tullius 4. Tus. quæst. dicit, quod Excandescencia græce dicitur scisinos, & est ira modo nascens, & modo desistens. Thymosis autem secundum Damasc. l. 2. c. 16. est idem quod furor. Ergo Furor non querit tempus ad vindictam, sed tempore deficit.

3. Greg. 21. Moral. c. 5. ponit tres gradus iræ. scilicet iram sine voce, iram cum voce, & iram cū verbo expresso. In illa tria, quæ dñs ponit Matth. 5. Qui irascitur fratri suo, ubi tangitur ira sine voce. Et postea subdit. Qui dixerit fratri suo Racha, ubi tangitur ira cum voce, sed ne dum plene verbo formata. Et postea dicit. Qui autem dixerit fratri suo fatua, ubi expletur vox perfectione sermonis. Ergo Insufficienter diuisit Damasc. iram, nihil ponens ex parte uocis.

Pro Affirmatiua.

Authoritas est Damasc. l. 2. cap. 16. & Greg. Niss. l. 4. cap. 13.

Determinatio.

Conclusio. Conuenienter Damascenus, & Gregorius Nisenus assignant tres species iræ, scilicet Fel, Maniam, & Furorem.

Prob. Quot sunt ea, quæ dant iræ aliquod augmentum, tot sunt species iræ. Sed Tria sunt, quæ dant iræ aliquod augmentum. Ergo Tres sunt species iræ.

Maior prob. quia Tres istæ species sumuntur ex his, quæ dant iræ aliquod augmentum.

Minor manifestatur. Nam Tripliciter contingit iram augeri. Vno modo ex facultate ipsius motus, & talis ira vocatur fel: quia cito accenditur. Alio modo ex parte tristitiæ causantis iram, quæ diu in memoria manet, & hæc pertinet ad maniam: quæ a manendo dicitur. Tertio ex parte eius, quod iratus appetit, scilicet vindictam, &

hec pertinet ad furorem: qui nunquam quiescit, donec puniat.

Secundo prob. conclusio autoritate Philosophi, qui 4. Ethic. c. 5. quosdam irascendum vocat acutos, quia cito irascuntur, quosdam amaros, quia diu retinent iram, quosdam difficiles, quia nunquam quiescunt, nisi puniant.

Ad Argumenta.

Ad 1. Negatur minor. Ad probationem dicitur, quod omnia illa, per quæ ira recipit aliquam perfectionem, non omnino per accidens se habent ad iram, & ideo nihil prohibet secundum ea species assignari.

Ad 2. Dicitur ad maiorem, quod Excandescencia, quam Tullius ponit, magis uidetur pertinere ad primam speciem iræ, quæ perficitur secundum uelocitatem iræ, quam ad furorem. Nihil autem prohibet, ut Thymosis græce, quod latine furor dicitur, utrumque importet, & uelocitatem ad irascendum, & firmitatem propositi ad puniendum.

Ad 3. Dicitur ad authoritatem Gregorij, quod gradus illi iræ distinguuntur secundum effectum iræ, non autem secundum diuersam perfectionem ipsius motus iræ.

QVÆSTIO XLVII.

DE CAUSA IRAE, ET DE remedijs eius.

ARTICVLVS I.

Vtrum semper motuum iræ sit aliquid factum contra eum, qui irascitur.

Pro Negatiua.

Videtur, quod non semper aliquis irascitur, propter aliquid contra se factum.

1. Deus irascitur propter hominum peccata, ut dicitur Psal. 109. Iratus est furore Dominus in populum suum. Ergo Ira non est semper de malo, contra iratum facta.

Conseq. prob. quia Peccando homo, nihil contra Deum facere potest, ut dicitur Iob 2.

2. Aliquis appetit facere vindictam etiam de his, quæ contra alios sunt.

Ergo Non semper motuum iræ est aliquid contra nos factum.

Conseq. prob. quia Ira est appetitus vindictæ.

3. Homines irascuntur præcipue contra eos, qui despiciunt ea, circa quæ ipsi maxime student: sicut qui student Philosophia, irascuntur contra eos, qui Philosophiam despiciunt, & simile est in alijs.

Ergo Non semper irascimur propter id, quod contra nos fit.

Conseq. prob. quia Despicere Philosophiam, non est nocere ipsi studentii.

4. Ille, qui tacet contra contumeliantem, magis ipsum ad iram prouocat, vt dicit Chrysos. Ergo Ira alicuius non semper prouocatur propter aliquid, quod contra ipsum fit.

Conseq. prob. quia Qui tacet, nihil agit contra contumeliantem.

Pro Affirmatiua.

Phil. 2. Rhet. c. 4. dicit, quod Ira fit semper ex his, quæ ad se ipsum: Inimicitia autem, & sine his, quæ ad se ipsum: si enim putemus talem esse, odimus.

Determinatio.

Conclusio. Motium iræ alicuius semper est aliquid contra ipsum factum.

Prob. Illud solum, quod prouocat ad vindictam, mouet ad iram. Sed solum illud, quod est contra se factum, prouocat ad vindictam.

Ergo Solum illud, quod est contra ipsum iratum factum, mouet ad iram.

Maiores. quia Ira est appetitus nocendi alteri, sub ratione iusti vindicatiui.

Minor. quia Prouocatiuum ad vindictam exigit duo. Primum est, vt fit factū iniuriosum. Alterum est, quod pertineat ad ipsum. Et primum quidem patet, quia vindicta locum non habet, nisi ubi præcessit iniuria. Secundum vero prob. quia non omnis iniuria ad vindictam prouocat, sed sola, quæ ad eum pertinet, qui appetit vindictam. Sicut enim vnumquodque naturaliter appetit proprium bonum, ira etiam naturaliter repellit proprium malum. Er quia iniuria non pertinet ad aliquem, nisi sit facta contra ipsum; propterea prouocatiuum vindictæ, & motiui iræ debet esse iniuria facta contra ipsum iratum.

Ad Argumenta.

Ad 1. Dicitur dupliciter. Primo dicitur ad antec. quod ira non dicitur in Deo secundum passionem animi, sed secundum iudicium iustitiae, prout vult vindictam facere de peccato. Hic autem est sermo de motui iræ, quæ est passio animi.

Secundo. Dicitur negando conseq. Ad probationem dicitur, quod Peccator peccando nihil Deo effectiue nocere potest, in xtra quem sensum debet intelligi dictum Iob 35. tanq. ex parte sua dupliciter peccando contra Deum agit. Primo quidem, quia eum in suis mandatis contemnit. Secundo, quia dum quis infert nocuentum sibi, u. l. alteri, agit contra Deum, in quantum ille, cui infertur iniuria, sub Dei prouidentia, & tutela continetur.

Ad 2. Dicitur ad antec. quod irascimur contra

illos, qui alijs nocent, & vindictam appetimus. In quantum illi, quibus nocetur, aliquo modo ad nos pertinent, vel per affinitatem, vel per amicitiam, vel saltem per communionem naturæ.

Ad 3. Negatur conseq. Ad probationem dicitur, quod Id, in quo maxime studemus, reputamus esse bonum nostrum, & ideo cum illud despicitur, reputamus nos quoque despici, & arbitramur nos lacerari.

Ad 4. Negatur conseq. Ad probationem dicitur, quod tunc aliquis tacens prouocat ad iram iniuriantem, quando uidetur ex contemptu tacere, quasi paruipendat alterius iram, quæ paruipensio quidam actus est.

ARTICVLVS II.

Vtrum sola paruipensio, vel despectio sit motium iræ.

Pro Negatiua.

VIdetur, quod non sola paruipensio, vel despectio sit motium iræ.

1. Homo potest pati iniuriam absque despectu, vel paruipensione. Ergo Non sola paruipensio est motium iræ.

Antec. prob. quia Damasc. in 2. lib. orth. fid. cap. 16. dicit, quod Iniuriam passi, vel æstimantes pati, irascimur, quod potest esse absque paruipensione, & despectu.

2. In brutis prouocatur ira propter hoc, quod vulnerantur, vt dicitur 3. Ethic. cap. 8. Sed Bruta non contristantur propter paruipensionem. Ergo Non sola paruipensio est motium iræ.

Minor. Eiusdem est appetere honorem, & contristari de paruipensione. Sed Bruta animalia non appetunt honorem. Ergo Bruta non contristantur de paruipensione.

2. Phil. 2. Rhet. c. 2. ponit multas alias causas iræ, reputa obliuionem, & exultationem in infortunijs, denunciationem malorum, impedimentum consequendæ propriæ voluntatis. Ergo Non sola paruipensio est motium iræ.

Pro Affirmatiua.

Phil. 2. Rhet. c. 2. dicit, quod Ira est appetitus cum tristitia punitiois propter apparentē paruipensionem, non conuenienter factam.

Determinatio.

Conclusio. Omnes cause iræ reducuntur ad paruipensionem.

Prob. Iniuste factum contra aliquem non mouet ipsum ad iram, nisi propter paruipensionem. Sed Motium iræ est iniuste factum.

Ergo Motium iræ est sola paruipensio, sine despectu.

Maiores

Minor prob. Nam tripliciter contingit boni inferre nocumentum, siue iniuriam. Ex ignorantia, ex passione, & ex electione. Si inferatur iniuria propter ignorantiam, vel propter passionem, ille, qui infertur iniuria, vel non irascitur, vel non tantum irascitur, quia ignorantia, & passio, sunt potius prouocatiua misericordie, quam iræ. Vnde dicitur. 2. Rhet. c. 1. quod, His, qui propter iram aliquid fecerunt, vel non irascimur, aut minus irascimur. Et hoc totum quia non videtur intulisse iniuriam ex paruipensione. Qui vero iniuriam facit ex electione, mouet maxime iram, quia ex paruipensione videtur inferre iniuriam. Ex quibus omnibus patet, quod nihil mouet iram, nisi habeat annexam paruipensionem, & despectum.

Minor prob. quia Motuum iræ, non est, nisi iniuste factum, contra eum, qui irascitur, quod iniuste factum dicitur iniuria. Et hoc manifestatur. Nam ira appetit nocumentum alterius, in quantum habet rationem iusti vindictiui. Iusta autem vindicta non fit, nisi de eo, quod est iniuste factum. Et ideo prouocatiuum ad iram semper est aliquid sub ratione iniusti.

Et confirmatur, quia Phil. dicit. 2. Rhet. cap. 3. quod si homines putauerint eos, qui leserunt, esse iuste passos, non irascuntur, non enim fit ira ad iustum.

Secundo prob. Conclusio. Paruipensio opponitur excellentie hominis. Ergo Omne motuum iræ pertinet ad paruipensionem.

Antec. quia Quæ homines nullo modo reputat digna, paruipendunt.

Conseq. quia Ex omnibus bonis nostris aliquam excellentiam quaerimus, & ideo quodcumque nocumentum nobis inferatur, in quantum excellentia derogat, videtur ad paruipensionem pertinere.

Ad Argumenta

Ad 1. Neg. conseq. Ad prob. dicitur, quod qui sunt passi iniuriam, irascuntur propter paruipensionem, ex qua quæque enim alia causa aliquis patitur iniuriam, quam ex contemptu, illa causa impunit rationem iniuriæ, sed solus contemptus, vel paruipensio rationem iræ auget, & ideo est per se causa irascendi.

Ad 2. Neg. minor. Ad cuius prob. dicitur, quod licet animal brutum non appetat honorem, sub ratione honoris, appetit tamen naturaliter quandam excellentiam, & irascitur contra ea, quæ huic excellentie derogant.

Ad 3. Dicitur autem, quod omnes illæ causæ ad quandam paruipensionem reducuntur. Obliuio enim paruipensionis est euidentis signum, ea enim, quæ magis estimamus, magis memoriæ insignimus.

Similiter ex quadam paruipensione est, quod sibi quis non vereatur contristare aliquem, denuncians, de sibi aliqua tristitia. Qui etiam in infirmis, alius hylaricis signa ostendit, videtur parum curare de bono, vel malo eius. Similiter etiam qui impedit aliquem à sui propositi affectatione, non propter aliquam utilitatem, sibi inde prouenientem, non videtur multum curare de amicitia eius, & ideo omnia talia, in quantum sunt signa contemptus, sunt prouocatiua iræ.

ARTICVLVS III.

Vtrum Excellentia irascens sit causa iræ.

Pro Negatiua.

Videtur, quod Excellentia irascens non sit causa, quod facilius irascatur.

1. Maxime aliqui irascuntur cum tristantur, ut infirmi, & egentes, & qui non habent, quod concupiscunt, ut dicitur 2. Rhet. ca. 2. Ergo Defectus magis facit prouocum ad iram, quam excellentia. Conseq. quia Omnia ista ad defectum pertine-re videntur.

2. Phil. 2. Rhet. dicit, quod tunc aliqui maxime irascuntur, quando in eis despiciuntur id, de quo potest esse suspitio, quod vel non inest eis, vel quod sit in eis debilitas: sed cum putant se multum excellere in his, in quibus dispiciuntur, non curant. Sed Prædicta suspitio ex defectu prouenit. Ergo Defectus est magis causa, quod aliquis irascatur, quam excellentia.

3. Quæ faciunt homines iocundos, & bonæ spei, non sunt causa iræ. Sed Quæ pertinent ad excellentiam, maxime faciunt homines iocundos, & bonæ spei. Ergo Quæ pertinent ad excellentiam non sunt causa iræ.

Minor prob. quia Phil. dicit. 2. Rhet. c. 3. quod In ludo, in risu, in festo, in prosperitate, in consummatione operum, in delectatione non turpi, & in spe optima, homines non irascuntur.

Pro Affirmatiua.

Phil. 2. Rhet. c. 2. dicit, quod Homines propter excellentiam indignantur.

Determinatio.

Distinctio. Causa iræ in eo, qui irascitur, dupliciter accipi potest. Vno modo, secundum habitudinem ad motuum iræ. Alio modo, ex parte dispositionis, quæ in eo relinquitur ex tali motu.

1. Conclusio. Excellentia est causa, ut quis facilius irascatur, ex parte motui.

Prob. In iustior paruipensio est causa facilioris iræ. Sed Qui habet aliquam excellentiam, iniustus paruipenditur. Ergo Qui habet aliquam excellentiam, facilius ex paruipensione irascitur: sicut si

Diues

Diues partipendatur in pecunia, & Rhetor in loquendo, & sic de alijs.

2.^a Conclusio. Defectus, qui ex motu iræ relinquitur in eo, qui irascitur, est causa facilioris iræ ex parte subiecti.

Prob. Qui facilius læditur, facilius irascitur. Sed Subiacentes defectibus, facilius læduntur. Ergo Subiacentes defectibus, facilius irascuntur.

Et ista est causa quare homines, qui sunt infirmi, vel in alijs defectibus, facilius irascuntur.

Ad argumenta.

Ad 1. Non est aliud respondendum, quia probat secundam conclusionem, probat enim, quod defectus sint causa iræ ex parte dispositionis subiecti.

Ad 2. Dicitur, quod ille, qui despicitur in eo, in quo manifeste multum excellit, non reparat se aliquam iacturam pati, & ideo non contristatur: & ex hac parte minus irascitur. Sed ex alia parte, in quantum indignus despicitur, habet maiorem rationem irascendi, nisi forte reputet se non iniuri, vel subannari propter defectum, sed propter ignorantiam, vel alius huiusmodi.

Ad 3. Dicitur ad maiorem, & ad eius prob. quod Ea, quæ faciunt homines iocundos, & bonæ spei, & cetera, quæ Phil. enumerat ad excellentiâ pertinentia, possunt considerari dupliciter. Vno modo in quantum impediunt tristitiam, & secundum hoc impediunt etiam iram. Alio modo in quantum faciunt hominem, qui his potitur, inconuenientius despici, & sic sunt prouocatiua iræ in eo qui despicitur contra despicientem.

ARTICVLVS IV.

Utrum Defectus alicuius sit causa, ut contra eum facilius irascamur.

Pro Negatiua.

Videtur, quod Defectus alicuius non sit causa, ut contra eum facilius irascamur.

1. His, qui continentur, poenitent, & humiliantur, non irascimur, sed magis ad eos misercemur. Vnde, & canes non mordent eos, qui resident. Ergo Paruitas, & defectus alicuius est causa, ut minus irascamur.

Conseq. quia Confiteri, poenitere, & humiliari ad defectum, & paruitatem pertinent.

2. Ad mortuos definit ira. Ergo Defectus alicuius non est causa prouocatiua iræ contra ipsum.

Conseq. prob. quia Nullus est maior defectus, quam mortis.

3. Ad amicos, si nos offenderint, vel si non iuerint, magis irascimur. Iuxta illud Psal. 56. Si inimicus meus maledixisset mihi, sustinuissem uti

quæ. Ergo Defectus alicuius non est causa, ut contra ipsum facilius irascamur.

Conseq. quia Nullus æstimat aliquem paruū, vel defectuosum ex hoc, quod est sibi amicus.

Pro Affirmatiua.

Phil. 2. Rhet. c. 2. dicit, quod diues irascitur contra pauperem, si eum despiciat: & principans contra subditum.

Determinatio.

Distinctio. Defectus, siue paruitas est duplex. Quædam auget despectionem. Quædam vero diminuit. Defectus, qui auget despectionem, sunt illi, qui sunt in aliquo despiciente, sicut si ignorans despiciat sapientem, augetur despectio propter defectum despicientis, scilicet ignorantiam. Defectus vero diminuens iram est ille, qui est in eo, quem prenitet offendisse, & confiteretur suos defectus: puta si seruum poeniteat offendisse dominū.

1.^a Conclusio. Defectus augens despectionem est causa, ut facilius irascamur contra illum, in quo huiusmodi defectus inuenitur.

Prob. Contra eum, qui indignus despicit, facilius irascimur. Sed Qui habet defectus, indignius despiciat alios. Ergo Contra despicientem, habentem tales defectus, facilius irascimur.

Minor prob. quia Indigna despectio est maxime prouocatiua iræ. Vnde indignior despectio erit magis iræ prouocatiua.

Minor. quia Sicut quanto aliquis est maior, tanto indignius despicitur ita quanto aliquis est minor, tanto indignius despicit. Et hac ratione nobiles irascuntur, si despiciantur à rusticis: domini à seruis vel sapientes ab insipientibus.

2.^a Conclusio. Defectus minuens despectionem, minuit iram.

Prob. Defectus eorum, qui videntur non despiciere, sed potius magnificare, non augēt, sed minuant iram. Sed Qui habent defectus, non augent despectionem, potius videntur magnificare aliquem, quam despiciere, quantum, scilicet se humilant, & veniam petunt. Ergo Huiusmodi defectus minuant iram.

Et Confirmatur Conclusio, ex illo Prouerb. 15. Responsio mollis frangit iram.

Ad Argumenta.

Ad 1. Dicitur, quod probat secundam conclusionem.

Ad 2. Dicitur ad antecedens, quod duplex est causa, quare ad mortuos cessat ira. Vna, quia non possunt dolere, & sentire, quod maxime querunt irati in his, quibus irascuntur. Alia, quia iam videntur ad vltimum malorum peruenisse. Vnde etiam ad quoscunque grauior læsus cessat ira, in quantum eorum malum excedit mensuram iustæ retributionis.

Ad 3.

Ad 3. Dicitur ad antea, quod etiam despectio, quæ est ab amicis, videtur esse magis indigna, & ideo ex simili causa magis irascimur contra eos, si despiciant, vel nocendo, vel non iuvando, sicut & contra minores.

QVÆSTIO XLVII.

DE EFFECTIBVS IRÆ.

ARTICVLVS I.

Utrum Ira causet delectationem.

Pro Negativa.

Videntur, quod Ira non causet delectationem.

1. Quod est semper cum tristitia, non causat delectationem. Sed Ira est semper cum tristitia. Ergo Ira non causat delectationem.

Maiores. quia Tristitia excludit delectationem.

Minor. quia 7. Ethic. c. 6. dicitur, quod Quis, qui facit aliquid propter iram, irascitur.

2. Quod provenit irato ex punitione, non est effectus iræ. Sed Delectatio provenit irato ex punitione. Ergo Delectatio non est effectus iræ.

Maiores. quia Punio excludit iram. Vnde quod provenit ex punitione, non potest ex ira, quæ iam exclusa est, provenire.

Minor. quia dicitur 3. Ethic. c. 5. quod Punio quærit imperium iræ, delectationem pro tristitia faciens.

3. Quod impedit iram, non est effectus iræ. Sed Delectatio impedit iram, ut dicitur 2. Rhet. c. 3. Ergo Delectatio non est effectus iræ.

Maiores. quia Nullus effectus impedit suam causam, cum sit ei conformis.

Pro Affirmativa.

Phil. 2. Rhet. cap. 2. inducit proverbum, quod Ira multo dulcior melle distillante in pectoribus virorum crescit.

Determinatio.

Conclusio. Ira causat delectationem.

Prob. Quod includit in sui ratione remedium tristitiæ, causat delectationem. Sed Ira includit in sui ratione remedium tristitiæ. Ergo Ira causat delectationem.

Maiores prob. quia ut Phil. dicit 7. Ethic. cap. 12. Delectationes (maxime sensibiles, & corporales) sunt medicinæ quædam, contra tristitiam, & ideo quanto per delectationem, contra maiorem tristitiam, vel anxietatem, remedium præstat, tanto magis delectatio percipitur: quanto enim aliquis magis sit, delectabilior sit ei potius. Illud igitur, quod includit remedium tristitiæ, est delectationis causa.

Minor prob. quia Ira insurgit ex aliqua illata iniuria contristante, cui quidem tristitiæ adhæretur remedium per vindictam. Vnde cum ira sit appetitus vindictæ, includit remedium contra tristitiam, quæ ex illata iniuria procedit.

In forma sic prob. minor. Quod habet præsentiam vindictæ, est remedium contra tristitiam, quæ ex illata iniuria procedit. Sed Ira habet præsentiam vindictæ. Ergo Ira est remedium contra tristitiam, quæ ex illata iniuria procedit.

Declaratur minor huius. Nam vindicta semper est præsens irato, licet non semper sit præsens realiter. Contingit igitur vindictam esse irato præsentem tribus modis. Primo realiter, ut quando iratus actu se vindicat de illata iniuria: puta dum verberat, interficit, vel aliquo alio modo punit eum, qui sibi intulit iniuriam, & ex tali vindicta sequitur perfecta delectatio, quæ totaliter tollit tristitiam, & quietat motum iræ. Secundo Vindicta est præsens irato per spem. Nullus enim irascitur, nisi sperans vindictam, ut dictum est quest. 46. artic. 1. Terrio modo secundum continuam cogitationem. Vnicuique enim concupiscenti est delectabile immorari in cogitatione eorum, quæ concupiscit, propter quod etiam imaginationes somniorum sunt delectabiles. Et ideo cum iratus speret, & multum in animo suo cogitet de vindicta, delectatur: tamen delectatio, quæ est ex spe, vel ex cogitatione vindictæ, non est perfecta, & ideo non tollit totaliter tristitiam, & per consequens nec iram, & tunc ira delectationem causat, quia habet præsentiam vindictæ, quæ est tristitiæ remedium.

Ad argumenta.

Ad 1. Dicitur ad maiorem, quod Illud, quod est semper cum tristitia, non potest causare delectationem respectu eius, de quo est tristitia: tamē potest esse causa delectationis respectu alterius. Tunc ad maiorem dicitur, quod Iratus tristatur, & gaudet, sed non de eodem, tristatur enim de illata iniuria, & gaudet de vindicta sperata, vel cogitata. Vnde tristitia est principium iræ, & delectatio est eius terminus. Causatur enim ira ex illata iniuria contristante, & terminatur ad vindictam delectantem. Et ad probationem minoris iam dictum est, quod qui facit aliquid propter iram tristatur, quatenus ira ex tristitia procedit, sed gaudet propter speratam, & cogitatam vindictam.

Ad 2. Dicitur ad maiorem, quod si sermo sit de punitione præsentem, iam dictum est, quod causat delectationem, quæ tollit totaliter motum iræ. Vnde talis delectatio proveniens ex præsentem reali vindicta, conceditur, quod non sit effectus iræ simul existens. Si tamen punio non sit præsens realiter,

realiter, causat delectationem, quæ est effectus iræ, ut dictum est, eo quod non totaliter tollat motum iræ.

Ad 3. Dicitur, quod Delectatio est duplex. Quædam præcedens iram. Et quædam quæ consequitur iram. Tunc ad minorem dicitur, quod delectationes præcedentes impediunt tristitiam, & per consequens motum iræ, & huiusmodi delectationes non sunt effectus iræ. Delectationes vero, quæ consequuntur iram, sunt eius effectus.

ARTICVLVS II.

Vtrum Ira maxime causet feruorem in corde.

Pro Negatiua.

Videretur, quod feruor non sit maxime effectus iræ.

1. Feruor est effectus amoris, ut supra dictum est, quæst. 28. art. 4. Ergo Non est maxime ab ira.

Conseq. prob. Effectus nō est potior sua causa. Sed Ira est effectus amoris, sicut omnes alie passionis, ut dictum est, quæst. 28. art. 4. Ergo Ira non est magis causa feruoris, quam amor.

2. Quod per tractum temporis debilitatur, non est causa feruoris. Sed Ira per tractum temporis debilitatur. Ergo Ira non est causa feruoris.

Maiores. quia illa, quæ de se excitant feruorem, per temporis aliduitatem magis augentur: sicut amor diuturnitate conualescit.

Minor. quia Phil. dicit. 3. Rhet. c. 3. quod Tempus quietat iram.

3. Maior Ira superneniens, facit priorem iram mitescere. Ergo Ira non est causa feruoris.

Conseq. prob. quia Feruor additus feruori, augmentat, & non minuit feruorem.

Pro Affirmatiua.

Damas. l. 2. ort. fid. c. 26. dicit, quod Ira est feruor eius, qui circa cor est sanguinis, ex euaporatione felis fiens.

Determinatio.

Conclusio. Motus iræ est causatiuus cuiusdam feruoris sanguinis, & spirituum circa cor.

Prob. Motus appetitus, qui fit cum magna vehementia, & impetuositate, per modum infectionis, est causatiuus cuiusdam feruoris sanguinis, & spirituum circa cor. Sed Motus iræ fit cum magna vehementia, & impetuositate, & per modum infectionis. Ergo Motus iræ est causatiuus cuiusdam feruoris sanguinis, & spirituum circa cor.

Mayor prob. quia Corporalis transmutatio, quæ est in passionibus animæ, proportionatur motui appetitus. Vnde ex vehementi motu appetitus, sequitur vehemens motus sanguinis circa

cor, quod est instrumentum omnium passionum animæ.

Minor prob. quo ad utramque partem, & primo quo ad primam, scilicet quod motus iræ fiat cum vehementia. Quilibet motus appetitus, etiam naturalis, fortius tendit in id, quod est sibi contrarium, si fuerit præsens. Vnde videmus, quod aqua calefacta, magis congelatur, quasi frigido vehementius in calidum agente. Sed Motus iræ causatur ex aliqua illata iniuria, sicut ex quodam contrario iniacente. Ergo Appetitus per motum iræ, potissime tendit ad repellendum iniuriam propter appetitum vindictæ, & ex hoc sequitur magna vehementia, & impetuositas in motu iræ.

Altera pars, scilicet quod motus iræ sit per modum infectionis, manifestatur. quia Motus iræ proportionatur calori, qui fit per modum infectionis, non frigori, quod fit per modum contractionis.

Confirmatur conclusio à signo. Nam propter magnam perturbationem cordis, quæ est in ira, maxime apparent in iratis indicia quædam in exterioribus membris: Vnde Greg. dicit. 7. Moral. cap. 37. Ira sue stimulis accensum cor, palpitat, corpus tremit, lingua se præcipit, facies ignescit, exasperantur oculi, & nequaquam recognoscuntur noti, ore quidem clamorem fornat, sed sensus, qui d'loquatur, ignorat.

Ad 1. Dicitur dupliciter. Primo Neg. conseq. Feruor enim est effectus amoris, sed non ira sentitur, quando quis non patitur detractionem iræ amata. Vnde per iram feruor amoris appetitur. Et sic ad probationem consequentiæ dicitur, quod effectus per hoc non est potior sua causa. Amor enim est causa feruoris, & ira, sed ira solum auget feruorem amoris.

Dicitur secundo ad antec. quod feruor, qui consequitur calorem, alia ratione pertinet ad amorem, & alia ad iram. Nam feruor omnis est cum quadam dulcedine, vel lenitate: est enim in bonum amatum. Et ideo assimilatur calori aeris, & sanguinis, propter quod sanguinei sunt magis amatiui, & dicitur. quod cogit amare iecur, in quo fit quædam generatio sanguinis. Feruor autem iræ est cum amaritudine ad consumendum, quia tendit ad punitionem contrarij. Vnde assimilatur calori ignis, & cholera. Et propter hoc Damas. l. 2. ort. fd. c. 26. dicit, quod procedit ex vaporazione fellis, & fellea nominatur.

Ad 2. Negatur maior. Et ad eius probationem dicitur, quod omne illud, cuius causa per tempus diminuitur, necesse est, quod tempore debilitetur. Manifestum est autem, quod memoria tempore

diminuitur : quæ enim antiqua sunt, a memoria de facili excedunt. Ira autem causatur ex memoria iniuriæ illatæ, & ideo causa iræ per tempus diminuitur paulatim, quousque totaliter tollatur. Maior etiam videtur iniuria, quando primo sentitur, & paulatim diminuitur eius æstimatione, secundum quod magis receditur a præsentis sensu iniuriæ. Et similiter etiam est de amore, si amoris causa remaneat in sola memoria. Vnde Phil. dicit in 3. Ethic. cap. 5. quod si diuturna fiat amici absentia, videtur amicitia obliuionem facere, sed in præsentia amici semper per tempus multiplicatur causa amicitia, & ideo amicitia crescit. Et similiter esset de ira si continue multiplicaretur causa ipsius. Tamen hoc ipsum, quod ira cito consumitur, attestatur vehementi furori ipsius : sicut enim ignis magnus cito extinguatur consumptæ materia, ira etiam propter suam vehementiam cito deficit.

Ad 3. Dicitur ad antec. quod Omnis virtus diuisa in plures partes diminuitur, & ideo quando aliquis iratus alicui, irascitur post modum alteri, ex hoc ipso diminuitur ira ad primum, & præcipue si ad secundam fuerit maior ira: nam iniuria, quæ excitauit iram ad primum, videbitur comparatione secundæ iniuriæ, quæ æstimatur maior, esse parua, vel nulla.

A R T I C V L V S III.

Vtrum Ira maxime impediat rationis vsum.

Pro Negatiua.

Videtur, quod Ira non impediat rationis vsum.

1. Illud, quod est cum ratione, non impedit rationem. Sed Ira est cum ratione, vt dicitur 7. Ethic. cor. c. 6. Ergo Ira non impedit rationem.

2. Quod facit manifestationem, non impedit vsum rationis. Sed Ira facit manifestationem. Ergo Ira non impedit vsum rationis.

Maior. quia Quanto magis impeditur ratio, tãto diminuitur manifestatio. Ratio enim, est, quæ manifestatur.

Minor. quia Phil. dicit 7. Ethic. c. 6. quod Iracundus non est insidiator, sed manifestus.

3. Illud, quod crescit ex positione contrarij, nõ impedit vsum rationis. Sed Ira crescit ex positione contrarij. Ergo Ira non est impeditiua vsus rationis.

Maior. quia Iudicium rationis euidentius fit ex adiunctione contrarij, eo quod contraria iuxta se posita, magis elucescant.

Minor. quia Phil. dicit 2. Rhet. c. 2. quod magis homines irascuntur, si contraria præexistunt, sicut honorati si dehonorentur, & sic de alijs.

Pro Affirmatiua.

Greg. dicit 5. Mor. cap. 31. quod Ira intelligente lucem subtrahit, cum mentem permouendo cõfundit.

Determinatio.

Conclusio. Ira, inter ceteras passiones, manifestius impedit iudicium rationis.

Prob. Quod maxime facit perturbationem corporalem circa cor, manifestius impedit iudicium rationis. Sed Ira maxime facit perturbationem corporalem circa cor, vt dictum est art. 2. Ergo Ira manifestius impedit iudicium rationis, inter ceteras passiones.

Maior prob. Quamuis enim mens, vel ratio non vtatur organo corporali, tamen quia indiget ad sui actum quibusdam viribus sensitiuis, quorum actus impediuntur corpore perturbato, necesse est, vt perturbationes corporales etiam iudicium rationis impendant, sicut patet in ebrietate, & somno. Vnde quod facit corporalem perturbationem est impeditiua iudicij rationis. Et confirmatur per illud Psalm. 30. Conturbatus est in ira oculus meus.

Ad Argumenta.

Ad 1. Dicitur, quod ira consideratur dupliciter. Vno modo, quo ad suum formale. Alio modo, quantum ad suum materiale. Formale in ira est motus appetitiuus iræ. Materiale vero est velox commotio ex calore impellente. Tunc ad minorem argumenti dicitur, quod ira, quo ad suum formale est cum ratione, & quantum ad hoc eam nõ impedit, ira enim quantum ad motum appetitiuum est a ratione, vt a principio, & ideo eam non impedit. Quantum vero ad suum materiale, ira non est cum ratione, sed preoccupat perfectum iudiciũ rationis, quasi eam non audiens, propter commotionem ex calore impellente causatam.

Ad 2. Negatur minor. Ad probationem dicitur, quod iracundus dicitur esse manifestus, non quia manifestum sit sibi, quid facere debeat, sed quia manifeste operatur, non querens aliquam occultationem, quod partim contingit propter impedimentum rationis, quæ nõ potest discernere, quid sit occultandum, & quid manifestandum, nec etiam excogitare occultandi vias; partim vero est ex ampliatione cordis, quæ pertinet ad magnanimitatem, quã facit ira. Vnde, & de magnanimo Phil. dicit in 4. Ethic. cap. 3. quod est manifestus odor, & amator, & manifeste dicit, & operatur. Concupiscentia autem dicitur esse latens,

Oo &

& infidiosa, quia vt plurimum delectabilia, quæ concupiscuntur, habent turpitudinem quandam, & molliem, in quibus homo vult latere: In his autem, quæ sunt virilitatis, & excellentiæ, cuiusmodi sunt vindictæ, quarit homo manifestus esse.

Ad 3. Dicitur, quod illud argumentum probat, quod Ira, quo ad suum formale, non impedit iudicium rationis, quod est principium motuum iræ, sed augere, & hoc verum est, quia ex oppositione contrarij manifestius fit alterum contrarium. Cum enim aliquis habet diuitias, & honorem, & postea incurrit alicuius detrimentum, detrimentum apparet maius propter vicinitatem contrarij, & ex hoc augetur etiam ira contra videntem malum. Cum hoc tamen stat, quod ira, quo ad suum materiale impedit perfectum rationis iudicium, vt dictum est in responsione ad primum.

ARTICVLVS IV.

Vtrum Ira maxime causet taciturnitatem.

Pro Negativa.

Videtur, quod Ira non causet taciturnitatem.

1. Illud, per cuius crementum ad locutionem peruenitur, non est maxime causa taciturnitatis. Sed Per crementum iræ vsque ad locutionem peruenitur. Ergo Ira non est maxime causa taciturnitatis.

Maior. quia Taciturnitas locutioni opponitur.

Minor. quia Dominus Matth. 5. assignat gradus iræ dicens. Qui irascitur fratri suo, & qui dixerit fratri suo Racha, & qui dixerit fratri suo Satana.

2. Illud, quod impedit iudicium rationis, est causa locutionis, & non taciturnitatis. Sed Ira impedit iudicium rationis, vt dictum est art. præced. Ergo Ira non causet taciturnitatem, sed locutionem.

Maior. Ex hoc, quod custodia rationis deficit, contingit, quod homo prorumpat ad verba inordinata, vt dicitur Prouerb. 25. Sicut vrbs patēs, & abique murorum ambitu, ita vir, qui non potest colubere in loquendo spiritum suum.

3. Illud, per quod cor maxime perturbatur, maxime est causa locutionis, & non taciturnitatis. Sed Per iram maxime cor perturbatur, vt dictum est superius. Ergo Ira est maxime causa locutionis, & non taciturnitatis.

Maior. quia Ex abundantiā cordis os loquitur, vt dicitur Matth. 12.

Pro Affirmatiua.

Greg. dicit 5. Moral. cap. 31. quod Ira per silentium clausa intra mentem, vehementius aestuat.

Determinatio.

Conclusio. Ira, tum ex illa parte, quæ est cum ratione, tum ex ea, quæ impedit rationem, potest causare taciturnitatem.

Prob. Et ex parte quidem rationis. quia In ira iudicium rationis in tantum vigere potest, quod etsi non cohibeat affectum ab inordinato appetitu vindictæ, cohibet tamen linguam ab inordinata locutione. Vnde Greg. 5. Moral. cap. 31. dicit, quod Ira perturbato animo, quasi ex iudicio silentium inducit.

Ex parte vero impedimenti rationis. quia Si cut dictum est, perturbatio iræ, vsque ad exteriora membra perducitur, & maxime ad illa membra in quibus expressius reuelat vestigiū cordis, sicut in oculis, & in facie, & in lingua. Vnde sicut dictum est, lingua se præpedit, facies ignescit, exasperantur oculi. Ergo Potest esse tanta perturbatio iræ, quod omnino impediatur lingua ab vsu loquendi, & tunc sequitur taciturnitas.

Ad Argumenta.

Ad 1. Dicitur ad minorem, quod augmentum iræ quandoque est vsque ad impediendum rationem a cohibitione linguæ, & tunc est causa locutionis, quandoque vero ulterius procedit, vsque ad impediendum motum linguæ, & aliorum membrorum, vt dictum est.

Ad 2. Eodem modo dicitur ad minorem, quod Ira non solum impedit iudicium rationis, ne cohibere possit linguam, sed etiam aliquando procedit in tantum, vt motum linguæ impediatur, ne loqui valeat.

Ad 3. Dicitur ad maiorem, quod perturbatio cordis quandoque potest superabundare vsque ad hoc, quod per inordinatum motum cordis, impediatur motus exteriorum membrorum, & tunc causatur taciturnitas, & immobilitas exteriorum membrorum, & quandoque etiam mors. Si autem non fuerit tanta perturbatio, tunc ex superabundantiā perturbationis cordis sequitur oris locutio. Et ad minorem dicitur, quod quia Ira utroque modo potest cor perturbare, sequitur, quod quandoque sit causa locutionis, & aliquando taciturnitatis.

Et sic finitur tractatus de actibus humanis, qui sunt decem, & septem, quorum primi sex sunt proprij hominis, Ceteri vero vndecim sunt homini, & brutis communes, & dicuntur passionēs.

Arbor Actuum Hominis.

Actus hominis proprii circa finem.

Velle. quæst. 8. 9. 10.

Frui quæst. 11.

Intendere quæst. 12.

Actus hominis proprii Circa ea quæ sunt ad finem.

Eligere, & Consiliari. q. 13. 14.

Consentire quæst. 15.

Vn. quæst. 16.

Actus communes homini ac brutis.

Pertinentes ad concupiscibilem.

Amor, & Odium a q. 26. vsque ad 29.

Desiderium, & Fuga quæst. 30.

Gaudium, & Tristitia a q. 31. vsque ad 39.

Pertinentes ad irascibilem.

Spes, & Desperatio. quæst. 40.

Audacia, & Timor. a q. 41. vsque ad 45.

Ira. quæst. 46. 47. 48.

DE PRINCIPIIS

humanorum actuum.

Post actus, & passiones. Considerandum est de principijs humanorum actuum.

Et primo De principijs intrinsecis, a quæst. 49. vsque ad 89. inclusive.

Secundo De principijs extrinsecis a quæst. 90. vsque ad finem.

Principium intrinsecum humanorum actuum est duplex. scilicet Potentia, & Habitus. Sed quia de potentijs in prima parte quæst. 77. dictum est. Restat nunc solum de habitibus considerare, &

Primo In generali a quæst. 49. vsque ad 54. inclusive.

Secundo De virtutibus, & vitijs, & huiusmodi alijs habitibus, qui sunt humanorum actuum principia, a quæst. 55. vsque ad 89. inclusive.

Circa ipsos habitus in generali, quatuor sunt consideranda.

Primo De ipsa substantia habituum quæstione 49.

Secundo De subiecto eorum, quæst. 50.

Tertio De Causa generationis, augmenti, & corruptionis ipsorum, quæst. 51. 52. 53.

Quarto De Distinctione ipsorum, quæst. 54.

ARTICVLVS I.

Vtrum Habitus sit qualitas.

Pro Negatiua.

Videtur, quod Habitus non sit qualitas.

1. Quod pertinet non solum ad qualitatem, sed etiam ad alia genera, non est qualitas. Sed Habitus non solum pertinet ad qualitatem, sed etiam ad alia genera. Ergo Habitus non est qualitas.

Minor prob. Habere, non solum pertinet ad qualitatem, sed ad alia genera. Sed Hoc nomen habitus, dictum est ab hoc verbo, habere, vt August. dicit lib. 83. quæst. quæst. 73. Ergo Habitus non pertinet solum ad qualitatem, sed etiam ad alia genera.

Maiores huius. quia Dicimur habere quantitatem, & pecuniam, & alia huiusmodi.

2. Quod est vnum prædicamentum distinctum a prædicamento qualitatis, non est qualitas. Sed Habitus est vnum prædicamentum distinctum a prædicamento qualitatis, vt dicitur in prædicam. Ergo Habitus non est qualitas.

Maiores. quia Vnum prædicamentum non continetur sub alio.

3. Quod importat ordinem habentis partes, non est qualitas. Sed Habitus est ordo habentis partes. Ergo Habitus non est qualitas.

Maiores. quia Talis ordo pertinet ad prædicamentum situs.

Minor. Dispositio est ordo habentis partes, vt dicitur 5. Metaph. tex. 24. Sed Omnis habitus est dispositio, vt dicitur in libro prædicamentorum. cap. de qual. Ergo Habitus est ordo habentis partes.

Pro Affirmatiua.

Phil. in prædic. qualit. dicit, quod Habitus est qualitas de difficili mobilis.

Determinatio.

Concl. Habitus, secundum quod nunc de eo est sermo, est qualitas.

Prob. Dispositio, secundum quam aliquid bene, vel male, disponitur ad se ipsum, vel ad alterum, est qualitas. Sed Habitus (pro vt in præsentia de eo loquimur) est dispositio, secundum quam, aliquid male, vel bene disponitur ad se ipsum, vel ad alterum. Ergo Habitus (de quo nunc est sermo) est qualitas.

Vtraque præmissa manifestatur ex differentia, quæ est inter diuersa significata huius nominis Habitus. Sciendum igitur, quod hoc nomen ha-

bitus, ab Habendo est sumptum, à quo dupliciter derivatur nomen habitus. Vno modo, secundum quod homo, vel quæcunque alia Res dicitur aliquid habere. Alio modo, secundum quod aliqua Res, aliquo modo habet se, ad se ipsam, vel ad aliquid aliud. Habere autem primo modo acceptum, ad huc quadrupliciter sumitur. Vno modo, vt significat sic habere aliquid, vt inter habens, & habitum nullum medium sit: sicut inter subiectum, & quantitatem, vel qualitatem nihil est medium. Et sic habere, non est aliquid genus, nec species proprie alicuius generis, sed Reducitur ad diuersa genera, secundum diuersitatem eorum, quæ habetur, vt habere qualitatem, ad genus qualitates, &c.

Alio modo, quod inter habentem, & Rem habitam est media Relatio: vt sunt habere amicum, seruum, patrem, & alia huiusmodi, & Habere secundum hunc modum pertinet ad genus Relationis.

Tertio modo, quod inter habentem, & habitum est aliquid medium, quod non est actio, aut passio, sed aliquid per modum actionis, & passionis: pro vt vnum est ornans, & aliud est ornatum. Et de habere sic accepto, inquit Phil. 5. Metaph. text. 2. quod habitus dicitur, tanquam actio quædam habentis, & habitus: sicut est in illis, quæ circa nos habemus. Et sic habere constituit vnum speciale prædicamentum, de quo Philibidem dicit, quod Inter habentem indumentum, & ipsum indumentum, est habitus medius.

Quarto modo, vt significat habere communissime acceptum, siue cum medio, siue sine medio. Et habere sic acceptum consequitur omnia genera, & ponitur vltimum post prædicamentum, cuius modos ibi Arist. enumerat, & 5. Metaph. text. 28.

Breuius igitur, & distincte colligendo membra huius distinctionis dicitur, quod habere accipitur quatuor modis. Primo, communissime, pro vt quæcunque Res, quamcunque Rem habere dicitur, & sic est vnum post prædicamentum consequens omnia genera.

Secundo, pro vt significat habere Rem, sine aliquo medio, & sic Reducitur ad diuersa prædicamenta, vt habere quantitatem ad genus quantitates, & sic de alijs.

Tertio, pro vt significat habere aliquid media Relatione, & hoc pertinet ad genus Relationis.

Quarto, pro vt significat habere aliquid media non actione, sed aliquo se habente per modum actionis, & hoc est vnum speciale prædicamentum, quod dicitur habitus. Nullus autem horum modorum spectat proprie ad qualitatem, ita vt sit eius species, vt patet, discurrendo per singulos.

Habere autem, secundum quod Res habere dicitur se ipsam, bene, vel male, puta, vt quis sit sapiens,

sanus, iustus, misericors &c. est per aliquam qualitatem, puta sanus per sanitatem, sapiens per sapientiam, iustus per iustitiam, & sic de alijs. Vnde habitus sic acceptus qualitas est: & habitum sic acceptum diffiniuit Phil. 5. Metaph. text. 25. dicens, quod Habitum dicitur dispositio, secundum quam bene, vel male disponitur dispositus, aut secundum, se aut ad alium: vt sanitas habitus quidam est.

Ex quibus manifeste patet vtrique præmissa. Et maior quidem, quia Id, per quod quis male, vel bene disponitur, ad se, vel ad alium, ex sententia Philosophi, est qualitas.

Minor verò quia Habitum, de quo nunc est sermo, non significat habere alia communiter, vel sine medio, vel cum media Relatione, vel cum media quasi actione, & passione, sed significat, habere se in seipso, vel ad alterum, vt dictum est.

Ad argumenta.

Ad 1. Dicitur, quod illud argumentum procedit de habere communiter sumpto, sic. n. est commune ad omnia genera. Et ad formam Respondendo negatur minor. Ad maiorem probationis dicitur, quod Habere communiter acceptum, est commune ad alia genera, non autem habere, vt significat aliquid habere se bene, vel male, ad seipsum, vel ad aliud, sic enim est species determinata. Tunc ad minorem dicitur, quod nomen habitus, in proposito, sumitur non ab habere communiter, sed proprie, vt dictum est.

Ad 2. Dicitur ad minorem, quod Habitum, pro vt significat aliquid medium existens inter habentem, & Rem habitam, est vnum prædicamentum, sed vt significat bonam, vel malam dispositionem Rei, ad se, vel ad aliud, est species qualitatis.

Ad 3. Dicitur, quod Aliquid importare ordinem habentis partes, contingit tripliciter, vt Phil. dicit in prædic. qualr. Secundum locum, Secundum potentiam, & Secundum speciem. Si igitur maior intelligatur de ordine partium secundum locum, vera est: Sic enim habitus est vnum prædicamentum, vt dictum est. Sed tunc negatur minor. Non enim habitus, de quo est sermo, importat ordinem partium in loco, sed vel secundum potentiam, vel secundum speciem. Et ad probationem dicitur, quod dispositio est ordo habentis partes, non semper in loco, sed vel secundum potentiam, vel etiam secundum speciem. Si verò maior intelligatur de importante ordine partium, quocumque modo, est falsa. Et ad probationem falsum est assumptum.

Per dispositiones importantes ordinem secundum potentiam intelligit Arist. vt S. ampl. exponit, qualitates nondum perfectæ in aliquo existentibus, puta virtutem, & scientiam. nondum perfectæ: & per

dispo-

dispositiones importantes ordinem secundum speciem, intelligit qualitates perfectas, quæ dicuntur habitus, ut scientia, & virtus completa.

A R T I C V L V S II.

Vtrum Habitus sit determinata species qualitatis.

Pro Negativa.

Videretur, quod habitus non sit determinata species qualitatis.

1. Dispositio, secundum quam bene, aut male disponitur dispositum, non est determinata species qualitatis. Sed Habitus est dispositio, secundum quam bene, vel male disponitur dispositum, ut dictum est, art. 1.

Ergo Habitus non est determinata species qualitatis.

Maiores, quia Dispositum contingit male, vel bene disponi, secundum quamlibet qualitatem puta figuram, calorem, frigus, &c.

2. Quod pertinet ad diversas species qualitatis, non est determinata qualitatis species. Sed Habitus pertinet ad diversas species qualitatis. Ergo Habitus non est determinata species qualitatis.

Minor Phil. dicit in prædic. qualit. Caliditatem, & frigiditatem, esse dispositiones, vel habitus, sicut egritudinem, & sanitatem. Sed Frigus, & calor pertinent ad tertiam speciem qualitatis. Ergo Habitus, & dispositio ad diversas species pertinent qualitatis.

3. Difficile mobile non potest constituere determinatam speciem qualitatis. Sed Habitus est qualitas difficile mobilis. Ergo Habitus non est determinata species qualitatis.

Maiores. Nullum genus determinatur ad speciem, per differentiam alterius generis: oportet enim differentias per se advenire generi, ut Phil. dicit in 7. Metaph. tex. 42. Sed Difficile mobile non est differentia pertinens ad genus qualitatis: pertinet enim magis ad motum, & ad passionem. Ergo Difficile mobile non potest constituere speciem determinatam, in genere qualitatis.

Pro Affirmativa.

Phil. in prædic. qualit. dicit, quod Una species qualitatis est habitus, & dispositio.

Determinatio.

Concl. Habitus est determinata, & prima species qualitatis.

Prob. primo. Aristotelis autoritate in lib. prædic. cap. de qual. ubi ponit inter quatuor species qualitatis, primo dispositionem, & habitum,

Prob. secundo ratione. Et primo, quo ad prior rem partem, scilicet quod sit determinata species. Secundo, quo ad secundam, scilicet quod sit prima.

Prima pars prob. Quod, contradistinguitur alijs determinatis speciebus qualitatis, est species determinata. Sed Habitus contradistinguitur alijs determinatis speciebus qualitatis. Ergo Habitus est determinata species qualitatis.

Minor manifestatur præmittendo, quod species qualitatis, ut Phil. dicit in lib. prædic. cap. de qual. sunt quatuor, scilicet Habitus, & dispositio. Naturalis potentia, vel impotentia. Passio, & passibilis qualitas. Forma, & circa aliquid constans figura. Quarum specierum differentiam, & sufficientiam assignat Simplicius in hunc modum.

Simplicij assignatio.

Inquit enim Simplicius, quod qualitatium, quædam sunt naturales, quæ secundum naturam insunt, & semper. Quarum vero sunt adventitiae, quæ ab extrinseco efficiuntur, & possunt amitti. Qualitates adventitiæ sunt habitus, & dispositio: differentes per facile, & difficile amissibile, siue mobile. Naturales autem qualitates sunt in duplici differentia. Quarum sunt, per quas aliquid est in potentia: & hæc est secunda species qualitatis, naturalis potentia, vel impotentia. Quarum vero sunt, secundum quas aliquid est in actu: Et hæc sunt adhuc in duplici differentia. Quædam sunt, secundum quas aliquid est in actu in profundum: & hæc est tertia species qualitatis, scilicet passio, & passibilis qualitas. Quædam vero, secundum quas aliquid est in actu, secundum superficiem: & hæc est quarta species qualitatis, scilicet forma, & circa aliquid constans figura.

Reprobatio.

Sed ista distinctio specierum qualitatis, assignata à Simplicio, inconueniens videtur propter duo. Primo, quia sunt multe figure, & qualitates passibiles, non naturales, sed adventitiæ, & ex altera parte multe dispositiones, non adventitiæ, sed naturales. Igitur sub qualitatibus adventitijs non comprehenduntur omnes dispositiones, nec sub naturalibus comprehenduntur omnes qualitates aliarum specierum qualitatis.

Secundo, quia Simplicij differentia non congruit ordini Philosophi. Arist. enim posuit primam speciem qualitatis Habitum, & dispositionem, & tunc assignationem Simplicij, habitus, & dispositio deberet poni ultimo loco: & ratio est, quia quod est per se est prius eo, quod est per accidens: & quod est naturale, est prius eo, quod est adventitium. Unde si habitus, & dispositio sunt qualitates adventitiæ

ultimo

Ad iram ergo requiritur aliquis actus rationis, & additur impedimentum rationis.

ARTICVLVS V.

Vtrum Ira sit naturalior, quam concupiscentia.

Pro Negatiua.

Videtur, quod Ira non sit naturalior, quā concupiscentia.

1. Ei, quod est naturaliter mansuetum, non est naturalior ira, quam concupiscentia. Sed Homo est animal naturaliter mansuetum. Ergo Homini non est naturalior ira, quam concupiscentia.

Maiores. quia Ira opponitur mansuetudini, ut dicitur 2. R. h. c. 3.

2. Quod non est nisi cum ratione, non est naturalius homini, quam id, quod est etiam sine ratione. Sed Ira non est nisi cum ratione, concupiscentia vero est etiam sine ratione. Ergo Ira non est naturalior, quam concupiscentia.

Maiores. quia Ratio contra naturam diuiditur. Vnde ea, quæ secundum rationem agunt, non dicimus secundum naturam agere.

3. Passio, cuius obiectum est minus naturale, est minus naturalis. Sed Obiectum iræ est minus homini naturale, quam obiectum concupiscentiæ. Ergo Ira est minus naturalis, quam concupiscentia.

Minor prob. Delectabilia secundum tactum, scilicet cibi, & venerea sunt magis naturalia, quā vindicta. Sed Concupiscentia est appetitus horum delectabilium, Ira vero est appetitus vindictæ, ut dictum est. Ergo Obiectum concupiscentiæ est magis naturale, quam obiectum iræ.

Pro Affirmatiua.

Aristot. 7. Ethic. cap. 6. dicit, quod Ira est naturalior, quam concupiscentia.

Determinatio.

Via inuestigandæ veritatis.

Propositio. Vtrum aliqua passio sit magis, vel minus naturalis, considerari non potest, nisi ex causa sua.

Prob. quia Naturale dicitur illud, quod causatur a natura.

Prosecutio.

1. Distinctio. Causa passionis, ut dictum est supra, quæst. 36. art. 1. dupliciter accipi potest. Vno modo ex parte obiecti. Alio modo ex parte subiecti.

2. Distinctio. Causa passionis ex parte subiecti tripliciter potest accipi. Vno modo, pro ut ipsum subiectum passionum, puta aliquis homo, co-

sideratur secundum naturam generis. scilicet secundum quod est animal. Vel secundum naturam suæ speciei, scilicet secundum quod est homo. Vel tandem secundum complexionem propriam indiuidui, scilicet ut est talis homo.

1. Conclusio. Si consideretur causa iræ, & concupiscentiæ ex parte obiecti, sic concupiscentia, & maxime ciborum, & venereorum, naturalior est homini, quam ira.

Prob. per tertium argumentum factum, quia scilicet cibi, & venerea naturaliora sunt homini, quam ira.

2. Conclusio. Si consideretur hic homo, secundum suam naturam genericam, scilicet ut est animal, naturalior est homini concupiscentia, quam ira.

Prob. quia Ex ipsa natura communi homo habet quandam inclinationem ad appetendum ea, quæ sunt conseruatiua vitæ, vel secundum speciem, ut est generatio, vel secundum indiuiduum, ut sunt cibi.

3. Conclusio. Si consideretur natura hominis ex parte speciei, scilicet in quantum est rationalis, sic ira est magis naturalis homini, quam concupiscentia.

Prob. quia Ira est magis cum ratione, quam concupiscentia.

Et confirmatur. quia Arist. dicit 4. Ethic. c. 5. quod Humanius est punire, quod pertinet ad iram, quam mansuetum esse.

Et confirmatur secundo. quia Vnumquodque naturaliter insurgit contra nocua, & contraria.

4. Conclusio. Si consideretur natura huius indiuidui secundum propriam complexionem, sic etiam ira naturalior est, quam concupiscentia.

Prob. Homo est dispositus ad irascendum, secundum quod habet colericam complexionem. Ergo Magis est in promptu, ut ille, qui est dispositus secundum naturalem complexionem ad iram, irascatur, quam de eo, qui est dispositus ad concupiscendum, quod concupiscat.

Et confirmatur. quia Phil. dicit 7. Ethic. cap. 6. quod Ira magis traducitur a parentibus in filios, quam concupiscentia.

Ad Argumenta.

Ad 1. Dicitur ad minorem, quod In homine duo considerari possunt. Primum est, naturalis eius complexio. Alterum est, ipsa ratio. Homo secundum suam complexionem dicitur naturaliter mansuetus, non quod non sit ei naturalis etiam ira, sed quia non habet naturalem excessum iræ, vel alterius passionis, sicut alia animalia habent excessum passionum. Et ratio est, quia complexio humana est temperantia optima. Alia vero animalia

malia recedunt ab hoc humanæ complexionis temperamento, & secundum quod recedunt a temperamento hoc, disponuntur ad excessum suarum passionum, ut leo ad audaciam, canis ad iram, lepus ad timorem, & sic de alijs. Igitur ex hac parte dicitur homo animal naturaliter mansuetum, quia non habet excessum iræ, sicut animalia bruta habent excessum passionum. Si uero consideretur homo, secundum quod est rationale animal, est ei naturale, & irasci, & mansuetum esse. Irasci inquam, quia ratio nunciat appetitum causam iræ: mansuetum uero esse; quia iratus non semper obedit rationi nuncianti causam iræ, sed eam refrænat.

Ad 1. Negatur maior. Ad probationem dicitur, quod ipsa ratio pertinet ad naturam hominis. Vnde ex hoc ipso, quod ira est cum ratione sequitur, quod secundum aliquem modum sit homini naturalis, ut dictum est.

Ad 3. Dicitur, quod argumentum illud probat primam conclusionem, ut dictum est.

ARTICVLVS VI.

Utrum Ira sit gravior, quam odium.

Pro affirmativa.

Videtur, quod Ira sit gravior, quam odium.

1. Quod non habet misericordiam, gravior est, quam quod habet misericordiam. Sed Ira non habet misericordiam; ut dicitur Proverb. 12. Cuius uero quandoque habet misericordiam.

Ergo Ira est gravior, quam odium.

2. Ei, qui habet odio aliquem, sufficit, ut ille, quem odit, patiatur malum, irato autem non sufficit hoc, sed querit, ut cognoscat illud, & de illo doceat, ut dicitur 3. Rhet. c. 4.

Ergo Ira est gravior, quam odium.

Consequenter prob. quia Maius est, pati malum, & de malo dolere, quam simpliciter pati.

3. Illud, quod causatur ex pluribus causis, est firmitus, & stabilius. Sed Ira causatur ex concurrente plurium passionum, ut dictum est, non autem odium. Ergo Ira est stabilior, & gravior, quam odium.

Maior, quia Quanto plura concurrunt ad constitutionem alicuius, tanto illud uidetur stabilius: sicut ille habitus permanentior est, qui ex pluribus actibus causatur.

Pro Negativa.

Aug. in regula comparat odium trahi, Iram uero festucæ dicens. Ne ira crescat in odium, & arabem faciat de festuca, id est odium de ira.

Ergo Odium grauius est, quam ira.

Determinatio.

Conclusio. Odium est multo deterius, & grauius, quam ira.

Prob. Velle malum alicui simpliciter, deterius est, & grauius, quam velle alicui malum sub ratione iusti, licet cum aliqua inobediencia rationis. Sed Odiens appetit malum inimici, in quantum est malum. Iratus autem appetit malum eius, contra quem irascitur, non in quantum est malum, sed in quantum habet quandam rationem boni, deficiens tamen in hoc, quod non obedit rationi in vliscendo.

Ergo Odium deterius, & grauius est, quā ira.

Maior prob. quia Velle malum alicui sub ratione iusti, potest esse etiam secundum uirtutem iustitiae, si præcepto rationis obtemperetur, sin autem, non est tantum malum, sicut velle malum, ut malum.

Minor prob. Ex differentia, & conuenientia inter obiectum iræ, & odij, species enim passionum, & rationes ipsarum ex obiecto pensantur. Est igitur considerandum, quod obiectum iræ, & odij, subiecto sunt idem, est enim utriusque obiectum malum, sicut namque odiens appetit malum, ei quem odit, ita iratus ei, contra quem irascitur. Ratione autem differunt, quia odiens appetit malum, in quantum malum: iratus appetit malum, in quantum habet rationem boni iusti. Vnde supra dictum est, quod odium est per applicationem mali ad malum. Ira autem per applicationem boni ad malum.

Ad Argumenta.

Ad 1. Dicitur ad minorem, quod in ira, & odio duo possunt considerari, scilicet ipsam, quod desideratur, & intentio desiderij. Quantum igitur ad id, quod desideratur, ira magis habet misericordiam, quam odium: quia enim odium appetit malum alterius secundum se, nulla mensura mali satiatur. Ea enim, quæ secundum se appetuntur, sine mensura appetuntur, ut Phil. dicit 1. peccat. c. 6. sicut auarus diuitias. Vnde dicitur Eccles. 1. 2. Inimicus, si inuenerit tempus, non satiabitur sanguine. Sed ira non appetit malum, nisi sub ratione iusti vindicatiui, unde quando malum illatum excedit mensuram iustitiæ, secundum intentionem irascientis, tunc irascitur. Vnde Phil. dicit 1. 2. Rhet. cap. 4. quod Iratus, si sinit multa miseretur, odiens autem pronus. Quantum uero ad intentionem desiderij, ira magis excludit misericordiam, quam odium, quia motus ira est impetuosior propter colorem inflammationem. Vnde statim subditur. Impetum concitati spiritus ferre quis poterit?

Ad 2. Cōcesso antecedente, negatur cōsequens.

Na

cello

cello inquam antecedente, quia cum iratus appetat malum alicuius, in quantum habet rationem iusti vindicatum, ut dictum est, & vindicta fiat propter illationem poenæ, decius ratione est, ut sit contraria voluntati, & afflictum, & quod pro aliqua culpa inferatur, ideo iratus hoc appetit, ut ille cui nocumentum infert, percipiat, & doleat, & quod cognoscat, propter iniuriam illatam sibi, hoc prouenire. Odiens uero de hoc nihil curat, quia appetit malum alterius, in quantum huiusmodi. Negatur vero conseq. Et dicitur ad probationem, non esse verum, quod illud, de quo quis tristatur, sit peius. Iniustitia enim, & impenitentia sunt mala, quia tamen sunt voluntaria, non contristant eos, quibus infunt, ut Phil. dicit 2. Rethororum cap. 4.

Ad 3. Dicitur ad maiorem, & ad eius probationem, quod id, quod ex pluribus causis causatur, tunc est stabilius, quando causæ accipiuntur vnius rationis: sed vna causa potest perualere multis alijs. Odium autem prouenit ex permanciori causa, quam ira, nam ira prouenit ex aliqua commotione animi propter lationem illam, sed odium procedit ex aliqua dispositione hominis, secundum quam reputat sibi contrarium, & noticiu id, quod odit: & ideo sicut passio citius transit, quam dispositio, vel habitus, ita ira citius transit, quam odium, quantum etiam odium sit passio ex tali dispositione proueniens. Et propter hoc Phil. dicit in 2. Reth. c. 4. quod Odium est magis infamabile, quam ira.

ARTICVLVS VII.

Utrum Ira sit ad illos solum, ad quos est iniustitia.

Pro Negativa.

Videtur, quod Ira non solum sit ad illos, ad quos est iniustitia.

1. Ad res irrationales non est iniustitia. Sed Homo aliquando irascitur rebus irrationabilibus: ut cum scriptor ex ira projicit pennam, & equos percutit equum. Ergo, Ira non est solum ad illos, ad quos est iniustitia.

2. Hominis, ad se ipsum, & ad ea, quæ ipsius sunt, non est iniustitia, ut dicitur 5. Ethic. cap. 6. Sed Homo quandoque sibi ipsi irascitur: sicut poenitens propter peccatum, iuxta illud Psal. 4. Irascimini, & nolite peccare. Ergo Ira non est solum, ad quos est iniustitia.

3. Ad totum aliquod genus, vel ad totam aliquam communiatem potest esse iniustitia, vel iniustitia: puta cum Cuius aliquem læsit. Sed Ira non potest esse ad aliquod genus, vel communiatem, sed solum ad aliquod singularem, ut di-

cit Phil. 2. Reth. c. 4. Ergo Ira non est proprie, ad quos est iniustitia, vel iniustitia.

Pro Affirmatiua.

Contrarium accipi potest ex Phil. 2. Reth. c. 2. Determinatio.

Conclusio. Ad eosdem pertinet ira, ad quos iniustitia, & iniustitia.

Prob. Ira appetit malum alicui, in quantum habet rationem iusti, scilicet propter acceptam iniuriam. Ergo Ad eosdem est ira, ad quos est iniustitia, & iniustitia.

Cōseq. prob. quia Inferre vindictam, pertinet ad iniustitiam: inferre vero iniuriam, siue lædere aliquem, pertinet ad iniustitiam. Vnde tum ex parte vindictæ, tum ex parte causæ vindictæ, scilicet illatæ iniuriæ, Ira pertinet ad eosdē, ad quos est iniustitia, & iniustitia.

Ad argumenta.

Ad 1. Dicitur ad maiorem, quod Ira, quauis sit cum ratione, potest tamen etiam esse in brutis animalibus, quæ ratione carent, in quantum naturali instinctu per imaginationem mouetur ad aliquid simile operibus rationis. Sic igitur cum in homine sit, & ratio, & imaginatio: dupliciter potest motus ire in homine insurgere. Vno modo, ex sola imaginatione nunciante læsionem: & sic insurgit aliquis motus iræ, etiam ad res irrationales, et inanimatas, secundum similitudinem illius motus, qui est in animalibus, contra quodlibet nocuum. Alio modo, ex ratione nunciante læsionem, & sic, ut Phil. dicit in 2. Reth. c. 3. nullo modo potest esse ira ad res insensibiles, neque ad mortuos: tum quia non dolent, quod maxime querunt irati in eis, quibus irascuntur: tum etiā, quia non est ad eos vindicta, cum eorum non sit iniuriam facere.

Ad 2. Dicitur ad maiorem, quod sicut Phil. dicit in 5. Ethic. c. ult. quedam Metaphorica iniustitia, & iniustitia est hominis ad seipsum, in quantum ratio regit irascibilem, & concupiscibilem, & secundum hoc etiam homo dicitur de se ipso vindictam facere, & per consequens sibi ipsi irasci, proprie autem, & per se non contingit, aliquem sibi ipsi irasci.

Ad 3. Conceditur totum. Ira enim non est ad omnia, ad quæ est iniustitia, uel iniustitia, sed solum ad aliquod singularem, & si tota Ciuitas aliquem læsit, computatur ut vnum aliquod singulare, propter quod irascimur. Odium uero potest esse ad genus, puta ad genus latronum. Et ratio differentie est, quia odium causatur de hoc, quod qualitas alicuius rei apprehenditur, ut dissensionem nostræ dispositionis: & hoc potest esse vel in vniuersali, vel in particulari. Sed ira causatur ex hoc, quod aliquis

aliquis nos læsit per suum actû: actus autem omnes sunt singularium, & ideo ira semper est ad ali quod singulare.

ARTICVLVS VIII.

Vtrum Conuenienter assignentur species iræ.

Pro Negatiua.

Videtur, quod Damascenus inconuenienter assignet tres species iræ scilicet Fel, Maniã, & Furorem.

1. Nullius enim generis species diuersificatur secundum aliquod accidens. Sed Ira tria diuersificatur secundum aliquod accidens. Ergo Non sunt diuersæ species.

Prob. minor. Principium. n. motus iræ fel vocatur. Ira autem permanens dicitur maniã. Furor autem est ira obseruans tempus in vindictam.

2. Tullius 4. Tus. quæst. dicit, quod Exandescencia græce dicitur scissinos, & est ira modo nascens, & modo desistens. Thymosis autem secundum Damasc. l. 2. c. 16. est idem quod furor. Ergo Furor non querit tempus ad vindictam, sed tempore deficit.

3. Greg. 21. Moral. c. 5. ponit tres gradus iræ scilicet. Iram sine voce, Iram cum uoce, & Iram cum uerbo expresso: sicut illa tria, quæ dñs ponit Matth. 5. Qui irascitur fratri suo, ubi tangitur ira sine uoce. Et postea subdit. Qui dixerit fratri suo Racha, ubi tangitur ira cum uoce, sed nequid plene uerbo formata. Et postea dicit. Qui autem dixerit fratri suo fatna, ubi expletur uox perfectione sermonis. Ergo Insufficienter diuisit Damasc. iram, nihil ponens ex parte uocis.

Pro Affirmatiua.

Authoritas est Dam. l. 2. cap. 16. & Greg. Niss. l. 4. cap. 13.

Determinatio.

Conclusio. Conuenienter Damascenus, & Gregorius Nisenus assignant tres species iræ, scilicet Fel, Maniam, & Furorem.

Prob. Quot sunt ea, quæ dant iræ aliquod augmentum, tot sunt species iræ. Sed Tria sunt, quæ dant iræ aliquod augmentum. Ergo Tres sunt species iræ.

Maior prob. quia Tres istæ species sumuntur ex his, quæ dant iræ aliquod augmentum.

Minor manifestatur. Nam Tripliciter contingit iram augeri. Vno modo ex facultate ipsius motus, & talis ira vocatur fel: quia cito accenditur. Alio modo ex parte tristitiæ causantis iram, quæ diu in memoria manet, & hæc pertinet ad maniã: quæ a manendo dicitur. Terio ex parte eius, quod iratus appetit, scilicet uindictæ, &

hec pertinet ad furorem: qui nunquam quiescit, donec puniat.

Secundo prob. conclusio autoritate Philosophi, qui 4. Ethic. c. 5. quosdam irascendum vocat acutos, quia cito irascuntur, quosdam amaros, quia diu retinent iram, quosdam difficiles, quia nunquam quiescunt, nisi puniant.

Ad Argumenta.

Ad 1. Negatur minor. Ad probationem dicitur, quod omnia illa, per quæ ira recipit aliquam perfectionem, non omnino per accidens se habent ad iram, & ideo nihil prohibet secundum ea species assignari.

Ad 2. Dicitur ad maiorem, quod Exandescencia, quam Tullius ponit, magis uidetur pertinere ad primam speciem iræ, quæ perscitur secundum uelocitatem iræ, quam ad furorem. Nihil autem prohibet, ut Thymosis græce, quod latine furor dicitur, utrumque importet, & uelocitatem ad irascendum, & firmitatem propositi ad puniendum.

Ad 3. Dicitur ad authoritatem Gregorij, quod gradus illi iræ distinguuntur secundum effectum iræ, non autem secundum diuersam perfectionem ipsius motus iræ:

QVÆSTIO XLVII.

DE CAUSA IRAE, ET DE remedijs eius.

ARTICVLVS I.

Vtrum semper motuum iræ sit aliquid factum contra eum, qui irascitur.

Pro Negatiua.

Videtur, quod non semper aliquis irascatur, propter aliquid contra se factum.

1. Deus irascitur propter hominum peccata, ut dicitur Psal. 105. Iratus est furor Dominus in populum suum. Ergo Ira non est semper de malo, contra iratum facta.

Conseq. prob. quia Peccatum homo, nihil contra Deum facere potest, ut dicitur Iob 2.

2. Aliquis appetit facere uindictam etiam de his, quæ contra alios sunt.

Ergo Non semper motum iræ est aliquid contra nos factum.

Conseq. prob. quia Ira est appetitus uindictæ.

3. Homines irascuntur præcipue contra eos, qui despiciunt ea, circa quæ ipsi maxime student sicut qui student Philosophia, irascuntur contra eos, qui Philosophiam despiciunt, & simile est in alijs.

Ergo Non semper irascimur propter id, quod contra nos fit.

Conseq. prob. quia Despicere Philosophiam, non est nocere ipsi student.

4. Ille, qui tacet contra contumeliantem, magis ipsum ad iram prouocat, vt dicit Chrysos. Ergo Ira alicuius non semper prouocatur propter aliquid, quod contra ipsum fit.

Conseq. prob. quia Qui tacet, nihil agit contra contumeliantem.

Pro Affirmatiua.

Phil. 2. Rhet. c. 4. dicit, quod Ira fit semper ex his, quæ ad se ipsum: Inimicitia autem, & sine his, quæ ad se ipsum: si enim putemus talem esse, odimus.

Determinatio.

Conclusio. Motium iræ alicuius semper est aliquid contra ipsum factum.

Prob. Illud solum, quod prouocat ad vindictam, mouet ad iram. Sed solum illud, quod est contra se factum, prouocat ad vindictam.

Ergo Solum illud, quod est contra ipsum iratum factum, mouet ad iram.

Maiores. quia Ira est appetitus nocendi alteri, sub ratione iusti vindictiui.

Minor. quia Prouocatiuum ad vindictam exigit duo. Primum est, vt sit factum iniuriosum. Alterum est, quod pertineat ad ipsum. Et primum quidem pater, quia vindicta locum non habet, nisi ubi præcessit iniuria. Secundum vero prob. quia non omnis iniuria ad vindictam prouocat, sed sola, quæ ad eum pertinet, qui appetit vindictam. Sicut enim vnumquodque naturaliter appetit proprium bonum, ita etiam naturaliter repellit proprium malum. Et quia iniuria non pertinet ad aliquem, nisi sit facta contra ipsum; propterea prouocatiuum vindictæ, & motium iræ debet esse iniuria facta contra ipsum iratum.

Ad Argumenta.

Ad 1. Dicitur dupliciter. Primo dicitur ad appetitum, quod ita non dicitur in Deo secundum passionem animi, sed secundum iudicium iustitiz, prout vult vindictam facere de peccato. Hic autem est sermo de motu iræ, quæ est passio animi.

Secundo. Dicitur negando conseq. Ad probationem dicitur, quod Peccator peccando nihil Deo effectiue nocere potest, iuxta quem sensum debet intelligi dictum Iob 35. tanquam ex parte sua dupliciter peccando contra Deum agit. Primo quidem, quia eum in suis mandatis contemnit. Secundo, quia dum quis infert nocumentum sibi, id est alteri, agit contra Deum, in quantum illi, cui infertur, sub Dei providentia, & tutela continetur.

Ad 2. Dicitur ad antec. quod ira scimus contra

illos, qui alijs nocent, & vindictam appetimus, in quantum illi, quibus nocetur, aliquo modo ad nos pertinent, vel per affinitatem, vel per amicitiam, vel saltem per communionem naturæ.

Ad 3. Negatur conseq. Ad probationem dicitur, quod Id, in quo maxime studemus, reputamus esse bonum nostrum, & ideo cum illud despiciatur, reputamus nos quoque despici, & arbitramur nos læsos.

Ad 4. Negatur conseq. Ad probationem dicitur, quod tunc aliquis tacens prouocat ad iram iniuriantem, quando uidetur ex contemptu tacere, quasi paruipendat alterius iram, quæ paruipensio quidam actus est.

ARTICVLVS II.

Vtrum sola paruipensio, vel despectio sit motium iræ.

Pro Negatiua.

Videtur, quod non sola paruipensio, vel despectio sit motium iræ.

1. Homo potest pati iniuriam absque despectu, vel paruipensione. Ergo Non sola paruipensio est motium iræ.

Antec. prob. quia Damasc. in 2. lib. orth. fid. cap. 16. dicit, quod Iniuriam passi, vel æstimantes pati, irascuntur, quod potest esse absque paruipensione, & despectu.

2. In brutis prouocatur ira propter hoc, quod vulnerantur, vt dicitur 3. Ethic. cap. 8. Sed Bruta non contristantur propter paruipensionem. Ergo Non sola paruipensio est motium iræ.

Minor. Eiusdem est appetere honorem, & contristari de paruipensione. Sed Bruta animalia non appetunt honorem. Ergo Bruta non contristantur de paruipensione.

2. Phil. 2. Rhet. c. 2. ponit multas alias causas iræ, puta obliuionem, & exultationem in infortunijs, denunciationem malorum, impedimentum consequendæ propriæ voluntatis. Ergo Non sola paruipensio est motium iræ.

Pro Affirmatiua.

Phil. 2. Rhet. c. 2. dicit, quod Ira est appetitus cum tristitia punitonis propter apparentem paruipensionem, non conuenienter factam.

Determinatio.

Conclusio. Omnes causæ iræ reducuntur ad paruipensionem.

Prob. In iuste factum contra aliquem non mouet ipsum ad iram, nisi propter paruipensionem. Sed Motium iræ est iniuste factum.

Ergo Motium iræ est sola paruipensio, sine despectio.

Maiores

Minor prob. Nam tripliciter contingit alioquin inferre nocumentum, siue iniuriam. Ex ignorantia, ex passione, & ex electione. Si inferatur iniuria propter ignorantiam, vel propter passionem, ille, cui inferitur iniuria, vel non irascitur, vel non tantum irascitur, quia ignorantia, & passio, sunt potius prouocatiua misericordie, quam iræ. Vnde dicitur. 2. Rhet. c. 1. quod, His, qui propter irā aliquid fecerunt, vel non irascimur, aut minus irascimur. Et hoc totum quia non videtur intolisse iniuriam ex paruipensione. Qui vero iniuriam facit ex electione, mouet maxime iram, quia ex paruipensione videtur inferre iniuriam. Ex quibus omnibus patet, quod nihil mouet iram, nisi habeat annexam paruipensionem, & despectum.

Minor prob. quia Motuum iræ, non est, nisi iniuste factum, contra eum, qui irascitur, quod iniuste factum dicitur iniuria. Et hoc manifestatur. Nam ira appetit nocumentum alterius, in quantum habet rationem iusti vindicandi. Iusta autē vindicta non fit, nisi de eo, quod est iniuste factū. Et ideo prouocatiua ad iram semper est aliquid sub ratione iniusti.

Et confirmatur, quia Phil. dicit. 2. Rhet. cap. 3. quod si homines putauerint eos, qui læserunt, esse iuste passos, non irascuntur, non enim fit ira ad iustum.

Secundo prob. Conclusio. Paruipensio opponitur excellentie hominis. Ergo Omne motuum iræ pertinet ad paruipensionem.

Antec. quia Quæ homines nullo modo reputat digna, paruipendunt.

Conseq. quia Ex omnibus bonis nostris aliquā excellentiam querimus, & ideo quodcunque nocumentum nobis inferatur, in quantum excellentie derogat, videtur ad paruipensionem pertinere.

Ad Argumenta.

Ad 1. Neg. conseq. Ad prob. dicitur, quod qui sunt passi iniuriam, irascuntur propter paruipensionem, ex quacunque enim alia causa aliquis patitur iniuriam, quam ex contemptu, illa causa minuit rationem iniuriæ, sed solus contemptus, vel paruipensio rationem iræ auget, & ideo est per se causa irascendi.

Ad 2. Neg. minor. Ad cuius prob. dicitur, quod licet animal brutum non appetat honorem, sub ratione honoris, appetit tamen naturaliter quandam excellentiam, & irascitur contra ea, quæ huic excellentie derogant.

Ad 3. Dicit antec. quod omnes illæ causæ ad quandam paruipensionem reducuntur. Obliuio enim paruipensionis est euidentis signum: ea enim, quæ magis estimamus, magis memorie insignimus.

Similiter ex quadam paruipensione est, quod aliquis non vereatur contristare aliquem, denuncians sibi aliquā tristitia. Qui etiam in fortissimis alacris hilaritatis signa ostendit, videtur parum curare de bono, vel malo eius. Similiter etiam qui impedit aliquem à sui propositi assecutione, non propter aliquam vilitatem, sibi inde prouenientem, non videtur multum curare de amicitia eius, & ideo omnia talia, in quantum sunt signa contemptus, sunt prouocatiua iræ.

ARTICVLVS III.

Vtrum Excellentia irascentis sit causa iræ.

Pro Negatiua.

Videtur, quod Excellentia irascentis non sit causa, quod facilius irascatur.

1. Maxime aliqui irascuntur cum tristantur, vt infirmi, & egentes, & qui non habent, quod concupiscunt, vt dicitur 2. Rhet. ca. 2. Ergo Defectus magis facit prouocum ad iram, quam excellentia.

Conseq. quia Omnia ista ad defectum pertinere videntur.

2. Phil. 2. Rhet. dicit, quod tunc aliqui maxime irascuntur, quando in eis despicitur id, de quo potest esse suspitio, quod vel non inest eis, vel quod sit in eis debilitas: sed cum putant se multum excellere in istis, in quibus despicuntur, non curant. Sed Prædicta suspitio ex defectu prouenit. Ergo Defectus est magis causa, quod aliquis irascatur, quam excellentia.

3. Quæ faciunt homines iocundos, & bonæ spei, non sunt causa iræ. Sed Quæ pertinent ad excellentiam, maxime faciunt homines iocundos, & bonæ spei. Ergo Quæ pertinent ad excellentiam non sunt causa iræ.

Minor prob. quia Phil. dicit. 2. Rhet. c. 3. quod In ludo, in risu, in festo, in prosperitate, in consummatione operum, in delectatione non turpi, & in spe optima, homines non irascuntur.

Pro Affirmatiua.

Phil. 2. Rhet. c. 9. dicit, quod Homines propter excellentiam indignantur.

Determinatio.

Distinctio. Causa iræ in eo, qui irascitur, dupliciter accipi potest. Vno modo, secundum habitudinem ad motuum iræ. Alio modo, ex parte dispositionis, quæ in eo relinquatur ex tali motu.

1. Conclusio. Excellentia est causa, vt quis facilius irascatur, ex parte motui.

Prob. Iniustus paruipensio est causa facilioris iræ. Sed Qui habet aliquam excellentiam, iniustus paruipenditur. Ergo Qui habet aliquam excellentiam facilius ex paruipensione irascitur: sicut si

Diues

Diues parvipendatur in pecunia, & Rhetor in ſequendo, & ſic de alijs.

2.^a Concluſio. Defectus, qui ex motu iræ reſequitur in eo, qui irascitur, eſt cauſa faciliſſimis iræ ex parte ſubiecti.

Prob. Qui facilius læditur, facilius irascitur. Sed Subiacentes defectibus, facilius læduntur. Ergo Subiacentes defectibus, facilius irascuntur.

Et iſta eſt cauſa quare homines, qui ſunt infirmi, vel in alijs defectibus, facilius irascuntur.

Ad argumenta.

Ad 1.^{am}. Non eſt aliud reſpondendum, quia probat ſecundam concluſionem, probat enim, quod defectus ſint cauſa iræ ex parte diſpoſitionis ſubiecti.

Ad 2.^{am}. Dicitur, quod ille, qui deſpicitur in eo, in quo manifeſte multum excellit, non reputat ſe aliquam iacturam pati, & ideo non contritatur: & ex hac parte minus irascitur. Sed ex alia parte, in quantum indignus deſpicitur, habet maiorem rationem irascendi, niſi forte reputet ſe non inuideri, vel ſubſannari propter defectum, ſed propter ignorantiam, vel aliud huiusmodi.

Ad 3.^{am}. Dicitur ad maiorem, & ad eius prob. quod Ea, quæ faciunt homines iocundos, & bonæ ſpei, & cætera, quæ Phil. enumerat ad excellentiæ pertinentiæ, poſſunt conſiderari dupliciter. Vno modo in quantum impediunt trititiam, & ſecundum hoc impediunt etiam iram. Alio modo in quantum faciunt hominem, qui his poſſit; inconuenientius deſpici, & ſic ſunt prouocatiua iræ in eo qui deſpicitur contra deſpicientem.

ARTICVLVS IV.

Vtrum Defectus alicuius ſit cauſa, vt contra eum facilius irascamur.

Pro Negatiua.

Videretur, quod Defectus alicuius non ſit cauſa, vt contra eum facilius irascamur.

1. His, qui conſentire, poenitere, & humiliantur, non irascimur, ſed magis ad eos miſereſcimus. Vnde, & canes non mordent eos, qui reſident. Ergo Paruitas, & defectus alicuius eſt cauſa, vt minus irascamur.

Conſeq. quia Conſiteri, poenitere, & humiliari ad defectum, & paruitatem pertinent.

2. Ad mortuos deſinit iræ. Ergo Defectus alicuius non eſt cauſa prouocatiua iræ contra ipſum.

Conſeq. prob. quia Nullus eſt maior defectus, quam mortis.

3. Ad amicos, ſi nos offenderint, vel ſi nec in iuerint, magis irascimur. Iuxta illud Pal. 56. Si inimicus meus maledixiſſet mihi, ſuſtinuiſſet n. vi.

quæ. Ergo Defectus alicuius non eſt cauſa, vt contra ipſum facilius irascamur.

Conſeq. Quia Nullus æſtimat aliquem paruum, vel defectuoſum ex hoc, quod eſt ſibi amicus,

Pro Affirmatiua.

Phil. 2. Rhet. c. 2. dicit, quod diues irascitur contra pauperem, ſi eum deſpiciat: & principans contra ſubditum.

Determinatio.

Diſtinctio. Defectus, ſiue paruitas eſt duplex. Quædam auget deſpectionem. Quædam vero diminuit. Defectus, qui auget deſpectionem, ſunt illi, qui ſunt in aliquo deſpiciente, ſicut ſi ignorans deſpiciat ſapientem, augetur deſpectio propter defectum deſpicientis, ſcilicet ignorantiam. Defectus vero diminuens iram eſt ille, qui eſt in eo, quem penitet offendiſſe, & conſertur ſuos defectus: puta ſi ſeruum penitet offendiſſe dominum.

1.^a Concluſio. Defectus augens deſpectionem eſt cauſa, vt facilius irascamur contra illum, in quo huiusmodi defectus inuenitur.

2.^a Prob. Contra eum, qui indignus deſpicit, facilius irascimur. Sed Qui habet defectus, indignus deſpicit alios. Ergo Contra deſpicientem, habentem tales defectus, facilius irascimur.

3.^a Maior prob. quia Indigna deſpectio eſt maxime prouocatiua iræ. Vnde indignior deſpectio erit magis iræ prouocatiua.

Minor. quia Sicut quanto aliquis eſt maior, tanto indignius deſpicitur ira quanto aliquis eſt minor, tanto indignius deſpicit. Et hac ratione nobiles irascuntur, ſi deſpiciantur à ruſticis: domini à ſeruis vel ſapientes ab inſipientibus.

2.^a Concluſio. Defectus minuens deſpectionem, minuit iram.

Prob. Defectus eorum, qui videntur non deſpicere, ſed potius magnificere, non augēt, ſed mitigant iram. Sed Qui habent defectus, non augentes deſpectionem, potius videntur magnipendere aliquem, quam deſpicere, quatenus, ſcilicet ſe humiliant, & veniam petunt. Ergo Huiusmodi defectus minuunt iram.

Et Confirmatur Concluſio, ex illo Prouerb. 15. Reſponſio mollis frangit iram.

Ad Argumenta.

Ad 1.^{am}. Dicitur, quod probat ſecundam concluſionem.

Ad 2.^{am}. Dicitur ad antecedens, quod duplex eſt cauſa, quare ad mortuos ceſſat iræ. Vna, quia non poſſunt dolere, & ſentire, quod maxime querunt irati in his, quibus irascuntur. Alia, quia iam videntur ad vitium malorum perueniſſe. Vnde etiam ad quoscumque grauiter læſos ceſſat iræ, in quantum eorum malum excedit meſuram iuſte retributionis.

Ad 3.^{am}.

Ad 3. Dicitur ad anteq. quod etiam de respectu, quæ est ab amicis, videtur esse magis indigna, & ideo ex simili causa magis irascimur contra eos, si despiciant, vel nocendo, vel non iuvando, sicut & contra minores.

QVÆSTIO XLVIII.

DE EFFECTIBUS IRÆ.

ARTICVLVS I.

Vtrum Ira causet delectationem.

Pro Negatiua.

VIdetur, quod Ira non causet delectationem. 1. Quod est semper cum tristitia, non causat delectationem. Sed Ira est semper cum tristitia. Ergo Ira non causat delectationem.

Maiores. quia Tristitia excludit delectationem.

Minor. quia 7. Ethic. c. 6. dicitur, quod Omnis, qui facit aliquid propter iram, tristatur.

2. Quod prouenit irato ex punitione, non est effectus iræ. Sed Delectatio prouenit irato ex punitione. Ergo Delectatio non est effectus iræ.

Maiores. quia Punio excludit iram. Vnde quod prouenit ex punitione, non potest esse ira, quæ iam exclusa est, prouenire.

Minor. quia dicitur 3. Ethic. c. 5. quod Punio quietat impetum iræ, delectationem pro tristitia faciens.

3. Quod impedit iram, non est effectus iræ. Sed Delectatio impedit iram, ut dicitur 2. Rhet. c. 3. Ergo Delectatio non est effectus iræ.

Maiores. quia Nullus effectus impedit suam causam, cum sit ei conformis.

Pro Affirmatiua.

Phil. 2. Rhet. cap. 2. inducitur proverbium, quod Ira multo dulcius melle distillat in pectoribus virorum crescit.

Determinatio.

Conclusio. Ira causat delectationem.

Prob. Quod includit in sui ratione remedium tristitie, causat delectationem. Sed Ira includit in sui ratione remedium tristitiæ. Ergo Ira causat delectationem.

Maiores prob. quia ut Phil. dicit 7. Ethic. cap. 12. Delectationes (maxime sensibiles, & corporales) sunt medicina quædam, contra tristitiam, & ideo quanto per delectationem, contra maiorem tristitiam, vel anxietatem, remedium præstatur, tanto magis delectatio percipitur: quanto enim aliquis magis sit, delectabilior sit ei potius. Illud igitur, quod includit remedium tristitiæ, est delectationis causa.

Minor prob. quia Ira insurgit ex aliqua illata iniuria contristante, cui quidem tristitia adhibetur remedium per vindictam. Vnde cum ira sit appetitus vindictæ, includit remedium contra tristitiam, quæ ex illata iniuria procedit.

In forma sic prob. minor. Quod habet præsentiam vindictæ, est remedium contra tristitiam, quæ ex illata iniuria procedit. Sed Ira habet præsentiam vindictæ. Ergo Ira est remedium contra tristitiam, quæ ex illata iniuria procedit.

Declaratur minor huius. Nam vindicta semper est præsens irato, licet non semper sit præsens realiter. Contingit igitur vindictam esse irato præsentem tribus modis. Primo realiter, ut quando iratus actu se vindicat de illata iniuria: putandum verberat, interficit, vel aliquo alio modo punit eum, qui sibi intulit iniuriam, & ex tali vindicta sequitur perfecta delectatio, quæ totaliter tollit tristitiam, & quietat motum iræ. Secundo Vindicta est præsens irato per spem. Nullus enim irascitur, nisi sperans vindictam, & dictum est quæst. 46. artic. 1. Tercio modo secundum continuam cogitationem. Vnicuique enim concupiscenti est delectabile immorari in cogitatione, eorum, quæ concupiscit, propter quod etiam imaginationes somniorum sunt delectabiles. Et ideo cum iratus speret, & multum in animo suo cogitet de vindicta, delectatur: tamen delectatio, quæ est ex spe, vel ex cogitatione vindictæ, non est perfecta, & ideo non tollit totaliter tristitiam, & per consequens nec iram, & tunc ira delectationem causat, quia habet præsentiam vindictæ, quæ est tristitiæ remedium.

Ad argumenta.

Ad 1. Dicitur ad maiorem, quod Illud, quod est semper cum tristitia, non potest causare delectationem respectu eius, de quo est tristitia: tamen potest esse causa delectationis respectu alterius. Tunc ad minorem dicitur, quod Iratus tristatur, & gaudet, sed non de eodem, tristatur enim de illata iniuria, & gaudet de vindicta sperata, vel cogitata. Vnde tristitia est principium iræ, & delectatio est eius terminus. Causatur enim ira ex illata iniuria contristante, & terminatur ad vindictam delectantem. Et ad probationem minoris iam dictum est, quod qui facit aliquid propter iram tristatur, quatenus ira ex tristitia procedit, sed gaudet propter speratam, & cogitatam vindictam.

Ad 2. Dicitur ad maiorem, quod si sermo sit de punitione præsentem, iam dictum est, quod causat delectationem, quæ tollit totaliter motum iræ. Vnde talis delectatio prouenit ex præsentem reali vindicta, conceditur, quod non sit effectus iræ simul existentis. Si tamen punio non sit præsens realiter,

realiter, causat delectationem, quæ est effectus iræ, ut dictum est, eo quod non totaliter tollat motum iræ.

Ad 3. Dicitur, quod Delectatio est duplex. Quædam præcedens iram. Et quædam quæ consequitur iram. Tunc ad minorem dicitur, quod delectationes præcedentes impediunt tristitiam, & per consequens motum iræ, & huiusmodi delectationes non sunt effectus iræ. Delectationes vero, quæ consequuntur iram, sunt eius effectus.

ARTICVLVS II.

Vtrum Ira maxime causet feruorem in corde.

Pro Negatiua.

Videretur, quod feruor non sit maxime effectus iræ.

1. Feruor est effectus amoris, ut supra dictum est, quæst. 28. art. 4. Ergo Non est maxime ab ira.

Conseq. prob. Effectus nō est potior sua causa. Sed Ira est effectus amoris, sicut omnes alie passionis, ut dictum est, quæst. 28. art. 4. Ergo Ira non est magis causa feruoris, quam amor.

2. Quod per tractum temporis debilitatur, non est causa feruoris. Sed Ira per tractum temporis debilitatur. Ergo Ira non est causa feruoris.

Maiores. quia illa, quæ de se excitant feruorem, per temporis assiduitatem magis augentur: sicut amor diuturnitate conualescit.

Minor. quia Phil. dicit. 3. Rhet. c. 3. quod Tempus quietat iram.

3. Maior Ira superueniens, facit priorem iram mitescere. Ergo Ira non est causa feruoris.

Conseq. prob. quia Feruor additus feruori, augmentat, & non minuit feruorem.

Pro Affirmatiua.

Damas. l. 2. ort. fd. c. 16. dicit, quod Ira est feruor eius, qui circa cor est sanguinis, ex euaporatione ne fellis fiens.

Determinatio.

Conclusio. Motus iræ est causatiuus cuiusdam feruoris sanguinis, & spirituum circa cor.

Prob. Motus appetitus, qui fit cum magna vehementia, & impetuositate, per huiusmodi infectionem, est causatiuus cuiusdam feruoris sanguinis, & spirituum circa cor. Sed Motus iræ fit cum magna vehementia, & impetuositate, & per modum infectionis. Ergo Motus iræ est causatiuus cuiusdam feruoris sanguinis, & spirituum circa cor.

Maiores prob. quia Corporalis transmutatio, quæ est in passionibus animæ, proportionatur motui appetitus. Vnde ex vehementi motu appetitus, sequitur vehemens motus sanguinis circa

cor, quod est instrumentum omnium passionum animæ.

Minor prob. quo ad utramque partem, & primo quo ad primam; scilicet quod motus iræ fiat cum vehementia. Quilibet motus appetitus, etiam naturalis, fortius tendit in id, quod est sibi contrarium, si fuerit presens. Vnde videmus, quod aqua calefacta, magis congelatur, quasi frigido vehementius in calidum agente. Sed Motus iræ causatur ex aliqua illata iniuria, sicut ex quodam contrario iniacente. Ergo Appetitus per motum iræ, potissime tendit ad repellendum iniuriam propter appetitum vindictæ, & ex hoc sequitur magna vehementia, & impetuositas in motu iræ.

Altera pars, scilicet quod motus iræ sit per modum infectionis, manifestatur. quia Motus iræ proportionatur calori, qui fit per modum infectionis, non frigori, quod fit per modum contractionis.

Confirmatur conclusio à signo. Nam propter magnam perturbationem cordis, quæ est in ira, maxime apparent in iratis indicia quædam in exterioribus membris: Vnde Greg. dicit. 5. Moral. cap. 37. Ira sue stimulis accensum cor, palpat, corpus tremit, lingua se præpedit, facies ignescit, exasperantur oculi, & nequaquam recognoscuntur noti, ore quidem clamorem format, sed sensus, qui dloquatur, ignorat.

Ad Argumenta.

Ad 1. Dicitur dupliciter. Primo Neg. conseq. Feruor enim est effectus amoris, sed non ira sentitur quando quis non patitur detrimentum rei amate. Vnde per iram feruor amoris appetitur. Et sic ad probationem consequentiae dicitur, quod effectus per hoc non est potior sua causa. Amor enim est causa feruoris, & ira, sed ira solum auget feruorem amoris.

Dicitur secundo ad antec. quod feruor, qui consequitur calorem, alia ratione pertinet ad amorem, & alia ad iram. Nam feruor omnis est cum quadam dulcedine, vel lenitate: est enim in bonum amatum. Et ideo assimilatur calori aeris, & sanguinis, propter quod sanguinei sunt magis amatiui, & dicitur. quod cogit amare iecur, in quo fit quædam generatio sanguinis. Feruor autem iræ est cum amaritudine ad consumendum, quia tendit ad punitionem contrarii. Vnde assimilatur calori ignis, & cholera. Et propter hoc Damas. l. 2. ort. fd. c. 16. dicit, quod procedit ex vaporacione fellis, & fellea nominatur.

Ad 2. Negatur maior. Et ad eius probationem dicitur, quod omne illud, cuius causa per tempus dimminuit, necesse est, quod tempore debilitetur. Manifestum est autem, quod memoria tempore

diminuit.

diminuitur: quæ enim antiqua sunt, a memoria de facili excidunt. Ira autem causatur ex memoria iniuriæ illatæ, & ideo causa iræ per tempus diminuitur paulatim, quousque totaliter tollatur. Maior etiam videtur iniuria, quando primo sentitur, & paulatim diminuitur eius æstimatio, secundum quod magis receditur a præsentis sensu iniuriæ. Et similiter etiam est de amore, si amoris causa remaneat in sola memoria. Vnde Phil. dicit in 8. Ethic. cap. 5. quod si diuturna fiat amici absentia, videtur amicitia obliuionem facere, sed in præsentia amici semper per tempus multiplicatur causa amicitia, & ideo amicitia crescit. Et similiter esset de ira si continue multiplicaretur causa ipsius. Tamen hoc ipsum, quod ira cito consumitur, attestatur vehementi furori ipsius: sicut enim ignis magnus cito extinguitur consumpta materia, ita etiam ira propter suam vehementiam cito deficit.

Ad 3. Dicitur ad antec. quod Omnis virtus diuisa in plures partes diminuitur, & ideo quando aliquis iratus alicui, irascitur post modum alteri, ex hoc ipso diminuitur ira ad primum, & præcipue si ad secundum fuerit maior ira: nam iniuria, quæ excitauit iram ad primum, videbitur comparatione secundæ iniuriæ, quæ æstimatur maior, esse parua, vel nulla.

A R T I C V L V S III.

Vtrum Ira maxime impediatur rationis vsum.

Pro Negatiua.

Videtur, quod Ira non impediatur rationis vsum.

1. Illud, quod est cum ratione, non impedit rationem. Sed Ira est cum ratione, vt dicitur 7. Ethic. cor. c. 6. Ergo Ira non impedit rationem.

2. Quod facit manifestationem, non impedit vsum rationis. Sed Ira facit manifestationem. Ergo Ira non impedit vsum rationis.

Maior. quia Quanto magis impeditur ratio, tanto diminuitur manifestatio. Ratio enim, est, quæ manifestat.

Minor. quia Phil. dicit 7. Ethic. c. 6. quod Iracundus non est insidiator, sed manifestus.

3. Illud, quod crescit ex positione contrarij, non impedit vsum rationis. Sed Ira crescit ex positione contrarij. Ergo Ira non est impeditiua vsus rationis.

Maior. quia Iudicium rationis euidentius fit ex adiunctione contrarij, eo quod contraria iuxta se posita, magis elucescant.

Minor. quia Phil. dicit 2. Rhet. c. 2. quod magis homines irascuntur, si contraria præexistunt, sicut honorati si dehonorentur, & sic de alijs.

Pro Affirmatiua.

Greg. dicit 5. Mor. cap. 31. quod Ira intelligentiæ lucem subtrahit, cum rationem permouendo confundit.

Determinatio.

Conclusio. Ira, inter cæteras passiones, manifestius impedit iudicium rationis.

Prob. Quod maxime facit perturbationem corporalem circa cor, manifestius impedit iudicium rationis. Sed Ira maxime facit perturbationem corporalem circa cor, vt dictum est art. 2. Ergo Ira manifestius impedit iudicium rationis, inter cæteras passiones.

Maior prob. Quamuis enim mens, vel ratio non utatur organo corporali, tamen quia indiget ad sui actum quibusdam viribus sensitiuis, quorum actus impediuntur corpore perturbato, necesse est, vt perturbationes corporales etiam iudicium rationis impediunt, sicut patet in ebrietate, & somno. Vnde quod facit corporalem perturbationem est impeditiuum iudicij rationis. Et confirmatur per illud Psalm. 30. Conturbatus est in ira oculus meus.

Ad Argumenta.

Ad 1. Dicitur, quod ira consideratur dupliciter. Vno modo, quo ad suum formale. Alio modo, quantum ad suum materiale. Formale in ira est motus appetitiuus iræ. Materiale vero est velox commotio ex calore impellente. Tunc ad minorem argumenti dicitur, quod ira, quo ad suum formale est cum ratione, & quantum ad hoc eam non impedit, ira enim quantum ad motum appetitiuum est a ratione, vt a principio, & ideo eam non impedit. Quantum vero ad suum materiale, ira non est cum ratione, sed preoccupat perfectum iudicium rationis, quasi eam non audiens, propter commotionem ex calore impellente causatam.

Ad 2. Negatur minor. Ad probationem dicitur, quod iracundus dicitur esse manifestus, non quia manifestum sit sibi, quid facere debeat, sed quia manifeste operatur, non querens aliquam occultationem, quod partim contingit propter impedimentum rationis, quæ non potest discernere, quid sit occultandum, & quid manifestandum, nec etiam excogitare occultandi vias: partim vero est ex ampliatione cordis, quæ pertinet ad magnanimitatem, quæ facit ira. Vnde, & de magnanimo Phil. dicit in 4. Ethic. cap. 3. quod est manifestus oditor, & amator, & manifeste dicit, & operatur. Concupiscentia autem dicitur esse latens,

& infidiosa, quia velpurum delectabilia, quæ concupiscuntur, habent turpitudinem quandam, & molliciem, in quibus homo vult latere: In his autem, quæ sunt virilitatis, & excellentiæ, cuiusmodi sunt vindictæ, quarit homo manifestus esse.

Ad 3. Dicitur, quod illud argumentum probat, quod Ira, quo ad suum formale, non impedit iudicium rationis, quod est principium motuum iræ, sed auget, & hoc verum est, quia ex oppositione contrarij manifestus fit alterum contrarium. Cum enim aliquis habet diuitias, & honorem, & postea incurrit alicuius detrimentum, detrimentum apparet maius propter vicinitatem contrarij, & ex hoc augetur etiam ira contraria inferentem malum. Cum hoc tamen fiat, quod ira, quo ad suum materiale impedit perfectum rationis iudicium, vt dictum est in responsione ad primum.

ARTICVLVS IV.

Vtrum Ira maxime causet taciturnitatem.

Pro Negatiua.

Videtur, quod Ira non causet taciturnitatem.

1. Illud, per cuius crementum ad locutionem peruenitur, non est maxime causa taciturnitatis. Sed Per crementum iræ vsque ad locutionem peruenitur. Ergo Ira non est maxime causa taciturnitatis.

Major. quia Taciturnitas locutioni opponitur. Minor. quia Dominus Matth. 5. assignat gradus iræ dicens. Qui irascitur fratri suo, & qui dixerit fratri suo Racha, & qui dixerit fratri suo loqui fratri.

2. Illud, quod impedit iudicium rationis, est causa locutionis, & non taciturnitatis. Sed Ira impedit iudicium rationis, vt dictum est art. præced. Ergo Ira non causat taciturnitatem, sed locutionem.

Major. Ex hoc, quod custodia rationis deficit, contingit, quod homo prorumpat ad verba inordinata, vt dicitur Proverb. 25. Sicut vrbs patēs, & absque muroz ambitu, ita vir, qui non potest cohibere in loquendo spiritum suum.

3. Illud, per quod cor maxime perturbatur, maxime est causa locutionis, & non taciturnitatis. Sed Per iram maxime cor perturbatur, vt dictum est superius. Ergo Ira est maxime causa locutionis, & non taciturnitatis.

Major. quia Ex abundantiâ cordis os loquitur, vt dicitur Matth. 12.

Pro Affirmatiua.

Greg. dicit 5. Moral. cap. 31. quod Ira per silentium clausa intra mentem, vehementius aestuat.

Determinatio.

Conclusio. Ira, tum ex illa parte, quæ est cum ratione, tum ex ea, quæ impedit rationem, potest causare taciturnitatem.

Prob. Et ex parte quidem rationis. quia In ira iudicium rationis in tantum vigere potest, quod etsi non cohibeat affectum ab inordinato appetitu vindictæ, cohibet tamen linguam ab inordinata locutione. Vnde Greg. 5. Moral. cap. 31. dicit, quod Ira perturbato animo, quasi ex iudicio silentium inducit.

Ex parte vero impedimenti rationis. quia Si cut dictum est, perturbatio iræ, & vsque ad exteriora membra perducitur, & maxime ad illa membra in quibus expressius relucet vestigiū cordis, sicut in oculis, & in facie, & in lingua. Vnde sicut dictum est, lingua se præpedit, facies ignescit, exasperatur oculi. Ergo Potest esse tanta perturbatio iræ, quod omnino impediatur lingua ab vsu loquendi, & tunc sequitur taciturnitas.

Ad Argumenta.

Ad 1. Dicitur ad minorem, quod augmentum iræ quandoque est vsque ad impediendum rationem a cohibitione linguæ, & tunc est causa locutionis, quandoque vero vltius procedit, vsque ad impediendum motum linguæ, & aliorum membrorum, vt dictum est.

Ad 2. Eodem modo dicitur ad minorem, quod Ira non solum impedit iudicium rationis, ne cohibere possit linguam, sed etiam aliquando procedit in tantum, vt motum linguæ impediat, ne loqui valeat.

Ad 3. Dicitur ad maiorem, quod perturbatio cordis quandoque potest superabundare vsque ad hoc, quod per inordinatum motum cordis impediatur motus exteriorum membrorum, & tunc causatur taciturnitas, & immobilitas exteriorum membrorum, & quandoque etiam mors. Si autem non fuerit tanta perturbatio, tunc ex superabundantiâ perturbacionis cordis sequitur oris locutio.

Et ad minorem dicitur, quod quia Ira utroque modo potest cor perturbare, sequitur, quod quandoque sit causa locutionis, & aliquando taciturnitatis.

Etsi finitur tractatus de actibus humanis, qui sunt decem, & septem, quorum primi sex sunt proprij hominis, Ceteri vero vndecim sunt homini, & brutis communes, & dicuntur passiones.

Arbor

Arbor Actuum Hominis.

Actus hominis proprii circa finem.

Velle. quæst. 8. 9. 10.

Frui. quæst. 11.

Intendere. quæst. 12.

Actus hominis proprii Circa ea quæ sunt ad finem.

Eligere, & Consiliari. q. 13. 14.

Consentire. quæst. 15.

Vti. quæst. 16.

Actus communes homini ac brutis.

Pertinentes ad concupiscibilem.

Amor, & Odium a q. 26. vsque ad 29.

Desiderium, & Fuga. quæst. 30.

Gaudium, & Tristitia a q. 31. vsque ad 39.

Pertinentes ad irascibilem.

Spes, & Desperatio. quæst. 40.

Audacia, & Timor. a q. 41. vsq; ad 45.

Ira. quæst. 46. 47. 48.

DE PRINCIPIIS

humanorum actuum.

Post actus, & passiones. Considerandum est de principijs humanorum actuum.

Et primo De principijs intrinsecis, a quæst. 49. vsque ad 89. inclusive.

Secundo De principijs extrinsecis a quæst. 90. vsque ad finem.

Principium intrinsecum humanorum actuum est duplex. scilicet Potentia, & Habitus. Sed quia de potentia in prima parte quæst. 77. dictum est. Restat nunc solum de habitibus considerare, &

Primo In generali a quæst. 49. vsque ad 54. inclusive.

Secundo De virtutibus, & vitijs, & huiusmodi alijs habitibus, qui sunt humanorum actuum principia, a quæst. 55. vsque ad 89. inclusive.

Circa ipsos habitus in generali, quatuor sunt consideranda.

Primo De ipsa substantia habituum quæstio-
ne 49.

Secundo De subiecto eorum, quæst. 50.

Tertio De Causa generationis, augmenti, & corruptionis ipsorum, quæst. 51. 52. 53.

Quarto De Distinctione ipsorum, quæst. 54.

ARTICVLVS I.

Vtrum Habitus sit qualitas.

Pro Negatiua.

Videtur, quod Habitus non sit qualitas.
1. Quod pertinet non solum ad qualitatem, sed etiam ad alia genera, non est qualitas. Sed Habitus non solum pertinet ad qualitatem, sed etiam ad alia genera. Ergo Habitus non est qualitas.

Minor prob. Habere, non solum pertinet ad qualitatem, sed ad alia genera. Sed Hoc nomen Habitus, dictum est ab hoc verbo, habere, vt August. dicit lib. 83. quæst. quæst. 73. Ergo Habitus non pertinet solum ad qualitatem, sed etiam ad alia genera.

Maiores huius. quia Dicimur habere quantitatem, & pecuniam, & alia huiusmodi.

2. Quod est vnum prædicamentum distinctum a prædicamento qualitatis, non est qualitas. Sed Habitus est vnum prædicamentum distinctum a prædicamento qualitatis, vt dicitur in prædicam. Ergo Habitus non est qualitas.

Maiores. quia Vnum prædicamentum non continetur sub alio.

3. Quod importat ordinem habentis partes, non est qualitas. Sed Habitus est ordo habentis partes. Ergo Habitus non est qualitas.

Maiores. quia Talis ordo pertinet ad prædicamentum situs.

Minor. Dispositio est ordo habentis partes, vt dicitur 5. Metaph. tex. 24. Sed Omnis habitus est dispositio, vt dicitur in libro prædicamentorum. cap. de qual. Ergo Habitus est ordo habentis partes.

Pro Affirmatiua.

Phil. in prædic. qualit. dicit, quod Habitus est qualitas de difficili mobilis.

Determinatio.

Concl. Habitus, secundum quod nunc de eo est sermo, est qualitas.

Prob. Dispositio, secundum quam aliquid bene, vel male, disponitur ad se ipsum, vel ad alterum, est qualitas. Sed Habitus (pro vt in præsentia de eo loquimur) est dispositio, secundum quam, aliquid male, vel bene disponitur ad se ipsum, vel ad alterum. Ergo Habitus (de quo nunc est sermo,) est qualitas.

Vtraque præmissa manifestatur ex differentia, quæ est inter diuersa significata huius nominis Habitus. Sciendum igitur, quod hoc nomen ha-

dispositiones importantes ordinem secundum speciem, intelligit qualitates perfectas, quæ dicuntur habitus, vt scientia, & virtus completa.

ARTICVLVS II.

Vtrum Habitus sit determinata species qualitatis.

Pro Negatiua.

Videtur, quod habitus non sit determinata species qualitatis.

1. Dispositio, secundum quam bene, aut male disponitur dispositum, non est determinata species qualitatis. Sed Habitus est dispositio, secundum quam bene, vel male disponitur dispositum, vt dictum est, art. 1.

Ergo Habitus non est determinata species qualitatis.

Maior. quia Dispositum contingit male, vel bene disponi, secundum quamlibet qualitatem puta figuram, calorem, frigus, &c.

2. Quod pertinet ad diuersas species qualitatis, non est determinata qualitatis species. Sed Habitus pertinet ad diuersas species qualitatis. Ergo Habitus non est determinata species qualitatis.

Minor Phil. dicit in prædic. qualit. Caliditatem, & frigiditatem, esse dispositiones, vel habitus, sicut ægritudinem, & sanitatem. Sed Frigus, & calor pertinent ad tertiam speciem qualitatis. Ergo Habitus, & dispositio ad diuersas species pertinent qualitatis.

3. Difficile mobile non potest constituere determinatam speciem qualitatis. Sed Habitus est qualitas difficile mobilis. Ergo Habitus non est determinata species qualitatis.

Maior. Nullum genus determinatur ad speciem, per differentiam alterius generis: oportet enim differentias per se aduenire generi, vt Phil. dicit in 7. Metaph. tex. 42. Sed Difficile mobile non est differentia pertinet ad genus qualitatis: pertinet enim magis ad motum, & ad passionem. Ergo Difficile mobile non potest constituere speciem determinatam, in genere qualitatis.

Pro Affirmatiua.

Phil. in prædic. qualit. dicit, quod Vna species qualitatis est habitus, & dispositio.

Determinatio.

Concl. Habitus est determinata, & prima species qualitatis.

Prob. primo. Aristotelis autoritate in lib. prædic. cap. de qual. ubi ponit inter quatuor species qualitatis, primo dispositionem, & habitum,

Prob. secundo ratione. Et primo, quo ad primam partem, scilicet quod sit determinata species. Secundo, quo ad secundam, scilicet quod sit prima.

Prima pars prob. Quod, contradistinguitur alijs determinatis speciebus qualitatis, est species determinata. Sed Habitus contradistinguitur alijs determinatis speciebus qualitatis. Ergo Habitus est determinata species qualitatis.

Minor manifestatur premitendo, quod species qualitatis, vt Phil. dicit in lib. prædic. cap. de qual. sunt quatuor, scilicet Habitus, & dispositio. Naturalis potentia, vel impotentia. Passio, & passibilis qualitas. Forma, & circa aliquid constans figura. Quarum specierum differentiam, & sufficientiam assignat Simplicius in hunc modum.

Simplicij assignatio.

Inquit enim Simplicius, quod qualitatū, Quædam sunt naturales, quæ secundum naturam insunt, & semper. Quædam vero sunt aduentitiæ, quæ ab extrinseco efficiuntur, & possunt amitti. Qualitates aduentitiæ sunt habitus, & dispositio: differentes per facile, & difficile amissibile, siue mobile. Naturales autem qualitates sunt in duplici differentia. Quædam sunt, per quas aliquid est in potentia: & hæc est secunda species qualitatis, scilicet naturalis potentia, vel impotentia. Quædam vero sunt, secundum quas aliquid est in actu: Et hæc sunt adhuc in duplici differentia. Quædam sunt, secundum quas aliquid est in actu in profundum: & hæc est tertia species qualitatis, scilicet passio, & passibilis qualitas. Quædam vero, secundum quas aliquid est in actu, secundum superficiem: & hæc est quarta species qualitatis, scilicet forma, & circa aliquid constans figura.

Reprobatio.

Sed ista distinctio specierum qualitatis, assignata a Simplicio, inconueniens videtur propter duo. Primo, quia sunt multæ figure, & qualitates passibiles, non naturales, sed aduentitiæ, & ex altera parte multæ dispositiones, non aduentitiæ, sed naturales. Igitur sub qualitatibus aduentitijs non comprehenduntur omnes dispositiones, nec sub naturalibus comprehenduntur omnes qualitates aliarum specierum qualitatis.

Secundo, quia Simplicij differentia non congruit ordini Philosophi. Arist. enim posuit primam speciem qualitatis Habitum, & dispositionem, & tunc in assignatione Simplicij, habitus, & dispositio debet poni ultimo loco: & ratio est, quia quod est per se est prius eo, quod est per accidens: & quod est naturale, est prius eo, quod est aduentitium. Vnde si habitus, & dispositio sunt qualitates aduentitiæ
ultimo

ultimo loco debent reponi. Et ideo aliter accipienda est distinctio dispositionum, & habituum ab alijs qualitatibus.

Vera assignatio.

Sciendum igitur, quod Qualitas proprie importat quandam modum, siue determinationem substantiae secundum aliquam mensuram. Sicut enim id, secundum quod determinatur potentia materię secundum esse substantiale, dicitur qualitas substantialis, quę est differentia substantię. Ita id, secundum quod determinatur potentia subiecti secundum esse accidentale, dicitur qualitas accidentalis, quę est etiam quędam differentia, vt patet per Phil. 5. Metaph. 1. 19. Quot modis igitur contingit substantiale subiectum determinari secundum esse accidentale, tot erunt species qualitatıs.

Potest autem determinari subiectum secundum esse accidentale quadrupliciter. Vel in ordine ad naturam. Vel in ordine ad actionem. Vel in ordine ad passionem. Vel in ordine ad quantitatem. Determinatur in ordine ad naturam, per habitum, & dispositionem. In ordine ad actionem per naturalem potentiam, & impotentiam. In ordine ad passionem, per passibiles qualitates. In ordine ad quantitatem, per formam, & figuram. Et hæ sunt quatuor species qualitatıs.

Sed considerandum est, quod in quarta specie qualitatıs non fit mentio de motu, nec de bene, aut male, & rō est, quia quantitas abstrahit a motu, & a fine: & quia quarta species determinat substantiam in ordine ad quantitatem, non fit mentio de motu, vt pote quia abstrahit ab eo, nec de bene, nec de male, quia abstrahit a fine. In tertia autem, & secunda specie fit mentio de motu, scilicet de facili, difficili, de cito transeunte, & tarde, quia actiones, & passionες sunt quidam motus: Et ad actionem pertinet facilitas, vel difficultas, & ad passionē, vel passibiles qualitates, vt cito, vel tarde transeāt. Non fit in eis mentio de bono, vel malo, quia motus, & passionēs non habēt rationem finis. In prima autem specie qualitatıs fit mentio de bono, & malo, quia ipsa forma, & natura rei, in ordine ad quam habitus, siue dispositio determinat, habet rationem finis: & fit mentio de facili, & de difficili mobili, quia aliqua natura est finis generationis, & motus. Et sic patet, quomodo habitus est determinata species qualitatıs, contra distinctā alijs speciebus qualitatıs, quę erat minor probanda.

Potest etiam conclusio quod ad priorem partem aliter ex prædictis probari, in hunc modum.

Qualitas, quę est modificatiua, siue determinatiua subiecti, secundum specialem modum, est determinata species qualitatıs. Sed Habitus determinat subiectum in naturam, secundum specialem modum. Ergo Habitus est determinata species qualitatıs.

Maiores prob. quia Qualitas, quę est accidens, est determinatiua substantię secundum esse accidentale, sicut qualitas substantialis est determinatiua secundum esse substantiale. Vnde qualitas habens specialem modum determinandi, est species determinata.

Minor prob. Ex differentia, quę est inter habitum, & alias species. Nam vltima species determinat subiectum in ordine ad quantitatem. Tertia in ordine ad passionem. Secunda in ordine ad actionem. Prima in ordine ad naturam, vt dictum est.

Secunda pars conclusionis. Quod habitus sit prima species qualitatıs, probatur ex dictis. Qualitas modificans substantiam in ordine ad naturam, est prima species. Sed Habitus est huiusmodi. Ergo Habitus est prima species.

Maiores quia Natura est primum, quod consideratur in re. Ergo Qualitas modificans, siue determinans subiectum in ordine ad naturam, est prior alijs speciebus qualitatıs.

Ad Argumenta.

Ad 1. Negatur maior. Illud enim, per quod aliquid disponitur male, vel bene, est in prima specie qualitatıs: quia dispositio secundum bene, vel male, ad naturam pertinet, & sic id, per quod aliquid disponitur bene, vel male, est specialis modus determinandi subiectum. Ad probationem dicitur, quod alię qualitates non disponunt subiectum male, vel bene, nisi in ordine ad naturam. Vnde quando sic disponunt subiectum, spectant ad primam speciem qualitatıs, & ideo ipse figurę, & passibiles qualitates, vt conuenientes, vel non conuenientes naturę rei, pertinent ad habitus, vel dispositiones. Nam figura, pro vt conuenit naturę rei, & color pertinent ad pulchritudinem, & color, & frigus ad sanitatem, & secundum hanc considerationem ponuntur a Philosopho calor, & frigus in prima specie qualitatıs.

Ad 2. Negatur minor. Ad probationem iam dictum est, quod calor, & frigus sunt habitus, vel dispositiones, quatenus considerantur in ordine ad naturam.

Ad 3. Dicitur præmittendo, quod difficile mobile, non diuersificat habitum ab alijs speciebus qualitatıs: iam enim dictum est, quod habitus

distin-

distinguitur ab alijs tribus speciebus per hoc, quod determinat subiectum in ordine ad naturam, aliæ vero in ordine ad alia, vt dictum est, sed distinguit habitum a dispositione. Et per hoc potest satisfieri argumento, dicendo ad minorem, quod habitus quidem habet, vt sit difficile mobilis, sed hæc non est differentia constituens habitum in sua specie, vt distinguitur contra alias species qualitatatis. Nam habitus constituitur in sua specie, & distinguitur ab alijs speciebus per hoc, quod determinat subiectum in ordine ad naturam, vt dictum est: facile autem mobile distinguit habitum solum a dispositione.

Sed quia Idē argumentum potest induci ad probandum, quod difficile mobile, nec possit distinguere habitum a dispositione; quia scilicet difficile mobile est differentia extranea a genere qualitatatis. Ideo ostenditur quomodo habitus, & dispositio distinguantur per facile mobile, & difficile mobile. Sciendum igitur, quod dispositio dupliciter accipitur. Vno modo, secundum quod est genus habitus. Nam 5. Metaph. tex. 15 dispositio ponitur in diffinitione habitus, vt patet in diffinitione inducta in corpore. Alio modo, secundum quod est aliquid contra habitum diuisum, & dicitur dispositio proprie dicta. Dispositio, vt est genus habitus, non distinguitur contra habitum: eo quia genus contra speciem non diuidatur. Sed dispositio proprie dicta distinguitur contra habitum. Hoc autem adhuc dupliciter potest intelligi. Vno modo, vt dispositio distinguatur contra habitum, sicut perfectum, & imperfectum in eadem specie, vt scilicet dispositio dicatur retinens nomen commune, quando imperfecte inest, habitus autem, quando perfecte inest, vt non de facili amittatur: & sic dispositio fit habitus, sicut puer vir, & sic facile, & difficile mobile non distinguat habitum, & dispositionem secundum speciem, quia eadem est scientia secundum speciem, quando perfecte, & quando imperfecte habetur. Alio modo possunt distinguī, sicut diuerse species vnius generis subalterni, vt dicantur dispositiones illæ qualitates primæ speciei, quibus conuenit secundum propriam rationem, vt de facili amittantur, quia habent causas transmutabiles, vt ægritudo, & sanitas. Habitus vero dicantur illæ qualitates, quæ secundum suam rationem habent, quod non de facili transmutentur, quia habent causas immobiles, sicut scientiæ, & virtutes: & secundum hoc dispositio non fit habitus. Et hoc intendit Phil. quando ponit, quod habitus distinguitur a dispositione, per facile, & difficile mobile secundum speciem. Vnde ad huius distinctionis probationem inducit eōdem loquendi cōsuetu-

dinem, secundum quam qualitates, quæ secundum rationem suam sunt facile mobiles, si ex aliquo accidenti difficile mobiles reddantur, habitus dicuntur: & e conuerso, est de qualitatibus, quæ secundum suam rationem sunt difficile mobiles. Nam si aliquis imperfecte habeat scientiam, vt de facili possit ipsam amittere, magis dicitur disponi, quam habere scientiam. Ex quo patet, quod nomen habitus diuturnitatem quandam importat, non autem nomen dispositionis. Ad formam igitur argumenti dicitur ad maiorem, quod non impeditur, quin facile, & difficile mobile sint specie cunctæ differentie, propter hoc, quod pertinent ad passionem, & motum, & non ad genus qualitatatis: quia illæ differentie, quamuis videantur se habere per accidens ad qualitatem, designant tamen proprias, & per se differentias qualitatum, sicut etiam in genere substantiæ frequenter accipiuntur differentie accidentales, loco substantialium, inquantum per eas designantur principia essentialia.

ARTICULVS III.

Vtrum Habitus importet ordinem ad actum.

Pro Negatiua.

Videtur, quod Habitus non importet ordinem ad actum.

1. Sciens secundum habitum, adhuc est in potentia ad actum, scilicet ad considerare, vt dicitur 3. de anima tex. 8. Ergo Habitus non importat habitudinem principij ad actum.

Consequens prob. quia Vnumquodque agit, secundum quod est actu. Vnde si aliquis habet habitum, & tamen sit in potentia, sequitur quod habitus non sit principium actus.

2. Si habitus importaret ordinem ad actum: Sequeretur, quod non esset prima species qualitatis. Quod est falsum.

Consequens prob. Esse principium actionis, conuenit per se, & primo potentiam. Ergo Si habitui conuenit esse principium actus, hoc ei conuenit per potentiam, & sic potentia erit prior habitui.

Antec. huius prob. Illud, quod ponitur in diffinitione alicuius, per se conuenit illi.

Sed esse principium actionis, ponitur in diffinitione potentie, vt patet 5. Metaph. tex. 17. Ergo Esse principium actus, per se conuenit potentie, & per consequens secundario habitui.

3. Sanitas, pulchritudo, & macies non dicuntur in ordine ad actum. Sed Aliquando habitus importatur pro his. Ergo Habitus non importat ordinem ad actum.

Pro

Pro Affirmatiua.

Aug. lib. de bono coniugali cap. 21. ait, quod Habitus est, quo aliquid agitur, cum opus est. Et Commun. dicit 3. de anima, text. 18. quod habitus est, quo quis agit, cum voluerit.

Determinatio.

Distinctio. Ordinem ad actum competere habitui, potest intelligi dupliciter. Vno modo, secundum rationem habitus. Alio modo, secundum rationem subiecti, in quo est ipse habitus.

1. Conclusio. Omni habitui, secundum rationem habitus, conuenit habere aliquo modo ordinem ad actum.

Prob. Ei, de cuius ratione est, vt importet ordinem ad naturam rei, conuenit habere ordinem ad actum. Sed De ratione habitus est, vt importet ordinem quandam ad naturam rei, secundum quod conuenit, vel non conuenit, vt dictum est. Ergo De ratione habitus est etiam importare habitudinem, siue ordinem ad actum.

¶ Prob. maior. Natura rei, quæ est finis generationis, ulterius etiam ordinatur ad aliam finem, qui vel est operatio, vel aliquid operatio, ad quod quis pertinet per operationem. Ergo Illud, quod importat ordinem ad naturam rei, non solum importat ordinem ad ipsam naturam, sed etiam consequenter ad operationem, in quantum ipsa operatio est finis naturæ, vel perducens ad finem.

Et confirmatur Conclusio. quia Arist. 5. Metaph. tex. 24. diffinit habitum per hoc, quod est dispositio, secundum quam bene, vel male disponitur dispositum, aut secundum se, id est secundum suam naturam, aut ad aliud, id est in ordine ad finem, qui est, vel operatio, vel per operationem acquiritur. Habitus igitur, secundum suam rationem, importat primo, & per se ordinem ad naturam, & consequenter ad actum, siue ad operationem.

2. Conclusio. Habitus, qui est alicuius potentia, vt subiecti, principaliter importat ordinem ad actum.

Prob. Natura, & ratio potentia est, vt dicat ordinem ad actum, scilicet vt sit principium actus. Ergo Habitus exiens in potentia, sicut in subiecto, principaliter importat ordinem ad actum.

Conseq. manifestatur. Habitus enim primo, & per se importat ordinem ad naturam rei, vt dictum est. Si igitur natura rei, in qua est habitus, consistat in ipso ordine ad actum, vt est ipsa potentia, sequitur, quod etiam habitus, qui est in potentia, principaliter importet ordinem ad actum.

Ad Argumenta.

Ad 1. Negatur conseq. Ad probationem dicitur, quod habitus est actus quidam, in quantum

est qualitas, & secundum hoc est principium operationis, sed tamen est in potentia per respectum ad operationem; & propterea dicitur actus primus, qui est ordinatus ad alium actum, scilicet secundum, qui est ipsa operatio. Vnde argumentum non probat, quod habitus non habeat ordinem ad actum, sed solum, quod non sit actus vltimus, eo quod non faciat suum subiectum esse simpliciter in actu, & hoc conceditur.

Ad 2. Negatur conseq. Ad probationem dicitur, quod supponit vnum falsum, & est, quod habitus ponatur in specie, & ordinetur inter alias species qualitates ex hoc, quod est esse principium actus, quod tamen non est verum: nam habitus ponitur in specie per suam rationem. De ratione autem habitus primo, & per se est respicere naturam; & quia natura præcedit potentiam, ideo habitus ponitur species qualitatis, & prior quam potentia. Potentia enim, vt sic, respicit operationem, habitus vero naturam.

Ad 3. Dicitur ad maiorem, quod sanitas dicitur habitus, vel habitualis dispositio in ordine ad naturam, sicut dictum est, in quantum tamen natura est principium actus, ex consequenti importat ordinem ad actum. Vnde Phil. dicit 10. de hy storis animalium cap. 1. quod Homo dicitur esse sanus, vel membrum aliquod, quando potest facere operationem sani. Et est simile in alijs.

ARTICVLVS IV.

Vtrum sit necessarium esse habitum.

Pro Negatiua.

V Idetur, quod non sit necessarium esse habitum. 1. Vnumquodque disponitur bene, vel male, per suam formam. Ergo Nulla necessitas est habituum.

Antec. prob. quia Secundum formam aliquid est bonum, sicut & ens.

Conseq. prob. quia Habitus sunt, quibus aliquid disponitur bene, vel male.

2. Potentia est sufficiens principium actus. Ergo Non est necessarium, habitum esse.

Antec. quia Potentia naturales, absque habitibus, sunt principia suorum actuum. Ergo Par ratione, & alia erunt principium horum actuum.

Conseq. quia Habitus ponitur, vt sit principium actus.

3. Habitus non potest determinare potentiam ad bonum, vel ad malum, ad agendum, vel non agendum. Ergo superflue habitus ponuntur.

Antec. quia sicut potentia se habet ad bonum, vel ad malum, & propter hoc indiget ab alio determinari, ita & habitus: & sicut potentia non, semper agit, ita nec habitus.

Con-

Conseq. quia Habitus ponuntur ad determinandum potentiam ad bonum, vel malum, & ad agendum, ut patet ex diffinitione habitus.

Pro Affirmativa.

Perfectio est maxime necessaria rei. Sed Habitus sunt perfectiones quedā, ut dicitur 7. Phys. tex. 17.

Ergo Habitus ponere est necessarium.

Maiores. quia Perfectio habet rationem finis.

Determinatio.

Conclusio. Necessē est habitus esse.

Prob. Multa sunt, quae indigent disponi in ordine ad propriam naturam, operationem, vel finem.

Ergo Necessē est esse habitus.

Conseq. prob. quia Habitus importat dispositionem quandam, in ordine ad naturam rei, operationem, vel finem eius, secundum quem bene, vel male aliquid ad hoc disponitur.

Antec. prob. Illud, quod se habet ad aliud a se distinctum sicut potentia ad actum, diuersimode determinabile ad talem actum, per plura diuersis modis commensurabilia, necessario indiget disponi. Sed Multa sunt entia, quae se habent ad alia a se distincta sicut potentia ad actum, ad quae possunt diuersimode terminari, & ad quorum determinationem necesse est plura concurrere, quae diuersis modis commensurari possunt.

Ergo Multa sunt entia, quae indigent disponi.

Vtraque praemissa manifestatur ex tribus requisitis ad hoc, ut aliquid indigeat disponi ad aliquid. Primo quidem requiritur, ut id, quod disponitur, sit alterum ab eo, ad quod disponitur, & se habeat ad ipsum, ut potentia ad actum. Vnde si aliquid sit, cuius natura non sit composita ex potentia, & actu, & cuius substantia sit sua operatio, & ipsum sit propter se ipsum, ibi habitus, uel dispositio locum non habet: sicut patet in Deo. Secundo, ut id, quod est in potentia ad alterum, possit pluribus modis determinari, & ad diuersa. Vnde si aliquid sit in potentia ad alterum, ita tamen, quod non sit in potentia nisi ad ipsum, ibi dispositio, & habitus locum non habet: quia tale subiectum ex sua natura habet debitam habitudinem ad talem actum. Vnde si corpus caeleste sit compositum ex materia, & forma, cum illa materia non sit in potentia ad aliam formam, ut in p. p. q. 66. art. 2. dictum est, non habet locum dispositio, vel habitus ad formam, aut etiam ad operationem: quia natura caelestis corporis non est in potentia nisi ad unum motum determinatum. Tercio requiri-

tur, quod plura concurrant ad disponendum subiectum ad unum eorum, ad quae est in potentia, quae diuersis modis commensurari possunt, ut sic disponatur bene, vel male ad formam, & ad operationem. Vnde qualitates simplices elementorum, quae secundum unum modum determinatum naturis elementorum conueniunt, non dicimus dispositiones, vel habitus, sed simplices qualitates. Dicimus autem dispositiones, vel habitus sanitatem, pulchritudinem, & alia huiusmodi, quae important quandam commensurationem plurium, quae diuersis modis commensurari possunt. Propter quod Phil. dicit in 5. Metaph. tex. 24. quod Habitus est dispositio, & dispositio est ordo habentis partes, vel secundum locum, vel secundum potentiam, vel secundum speciem, ut supra dictum est. Quia igitur multa sunt entia, ad quorum naturas, & operationes necesse est, plura concurrere, quae diuersis modis commensurari possunt, ideo necesse est, habitus esse.

Ad Argumenta.

Ad 1. Dicitur, quod Res potest dupliciter disponi, scilicet in ordine ad propriam naturam, & in ordine ad operationem, quae est finis, vel via ad finem. Tunc ad antec. dicitur, quod forma non disponit subiectum in ordine ad propriam naturam, sed constituit rem in propria natura. Non potest autem forma recipi in subiecto, nisi praecedentibus dispositionibus. Et ideo ad disponendum subiectum ad receptionem formae, necessariae sunt dispositiones, quae ponuntur in prima specie qualitatis. Si forma autem talis sit, ut sit determinata ad unam operationem, nulla amplius requiritur dispositio ad operationem, sed forma per se operabitur, ut sunt naturales formae. Si uero non sit talis forma determinata ad unum, requirit habitum determinantem, ut dictum est in corpore. Forma igitur non disponit in ordine ad propriam naturam, sed praesupponit subiectum dispositum, & ipsa constituit rem in propria natura, & si sit determinata ad unum, non indiget alia dispositione ad operandum, secus autem, si non sit a natura ad unum determinata, ut est potentia rationalis.

Vel sub alijs verbis dicitur, quod Dispositio- nes rei sunt in duplici differentia. Quaedam, quae disponunt rem in ordine ad propriam naturam. Quaedam vero, quae disponunt rem ad operationem. Tunc ad antec. dicitur, si sermo sit de dispositionibus in ordine ad propriam naturam, negatur, quod possit res disponi per formam, immo ipsa forma necessariae supponit huiusmodi dispositiones in subiecto. Si uero sermo sit de dispositionibus ad operandum, dicitur, quod si for-

ma sit determinata ad vnum, conceditur anteceden-
dens, sin autem negatur. Et ad probationem dici-
tur, quod res per formam est quidem ens, & bo-
na; tamen non potest operari absque hoc, quod
determinetur ad operandum.

Ad 2. Dicitur, quod Potentia ex duplex. Que-
dam, quæ est determinata ad vnum. Quædam ve-
ro, quæ se habet ad multa, vt potentia rationalis.
Tunc ad antec. dicitur, quod si sermo sit de po-
tentia determinata ad vnum, vt sunt potentie na-
turales, conceditur totum, non enim tales poten-
tie indigent habitu ad operandum, quia secun-
dum se ipsas sunt determinate. Si vero sermo sit
de potentis ad vtrumlibet se habentibus, dicitur,
quod licet in suo ordine sint sufficiens princi-
pium suam operationem, tamen necesse est, ut
determinentur per aliquid ad operandum, cum ex
se sint indeterminate.

Ad 3. Negatur antec. Ad probationem dici-
tur, quod eadem potentia est, quæ se habet ad
hoc vel illud, bonum, vel malum, & ideo indiget
determinari ad vnum. Habitus autem se habet
quidem ad bonum, & malum, sed non idem ha-
bitus. Vnus enim habitus se habet ad bonum, &
alius ad malum: & ideo per habitum bonum dis-
ponitur potentia bene, & ad bonum, per habitum
autem malum, male, & ad malum disponitur.

QVÆSTIO I.

DE SUBIECTO HABITVVM.

ARTICVLVS I.

Vtrum In Corpore sit aliquis habitus.

Pro Negatiua.

Videtur, quod In Corpore non sit aliquis ha-
bitus.

1. Actiones eius, in quo est habitus, subiacent
voluntati. Sed Corporales actiones non subiacent
voluntati. Ergo In corpore non potest esse ali-
quis habitus.

Maiores quia Com. 3. de anima, com. 18. dicit,
quod Habitus est, quo quis agit, cum voluerit.

Minor: quia Actiones corporales sunt natu-
rales.

2. Habitus est qualitas difficile mobilis. Sed
Dispositiones corporales non sunt difficile mo-
biles. Ergo Nulla dispositio corporalis est ha-
bitus.

3. Dispositiones, quæ subiacent alterationi,
non sunt habitus. Sed Omnes dispositiones cor-
porales subiacent alterationi. Ergo Nulla dispo-
sicio corporalis potest esse habitus.

Maiores prob. quia Alteratio non est nisi in ter-
tia specie qualitatis, quæ diuiditur contra ha-
bitum.

Pro Affirmatiua.

Phil. In prædic. qualit. Sanitatem corporis, vel
infirmiorem insanabilem habitum nominari dicit.

Determinatio.

Distinctio: Habitus, est quædam dispositio, vt
dictum est quæst. præced. art. 7. Vel ad formam.
Vel ad operationem.

1. Conclusio. Habitus, secundum quod im-
portat dispositionem subiecti ad operationem, non
est in corpore, sicut in subiecto, potest tamen esse
in corpore secundario.

Prob. Omnis operatio corporis aut est a natu-
rali qualitate corporis, aut ab anima inducente cor-
pus. Sed Propter neutram harum operationum
ponitur habitus in corpore. Ergo Nullus habitus
est in corpore, secundum quod habitus ponitur
propter operationem.

Minor prob. quod ad vtramque partem. Quan-
tum enim ad illas operationes, quæ sunt a natu-
ra, non disponitur corpus per aliquem habitum,
quia virtutes naturales sunt determinate ad vnum,
vt dictum est, quæst. præced. art. 4. Et ideo non in-
digent determinari per aliquem habitum. Ope-
rationes vero, quæ sunt ab anima per corpus, sunt
principaliter in anima. Ergo Et habitus dispo-
nentes ad talem operationem debent esse in anima
principaliter, secundario vero huiusmodi ha-
bitus in corpore esse dicuntur, in quantum corpus
disponitur, & habilitatur ad prompte deferuient-
ium operationibus animæ.

2. Conclusio. Habitus, secundum quod est di-
positio subiecti ad formam, potest esse in corpore.

Prob. Corpus comparatur ad animam vt sub-
iectum ad formam. Ergo In corpore potest esse
dispositio, ipsius ad animam, & hoc modo fan-
tas, pulchritudo, & huiusmodi, habituales dispo-
sitiones dicuntur.

3. Conclusio. Hæc dispositiones, quæ in corpo-
re ponuntur, non habent perfecte rationem ha-
bituum.

Prob. quia Causæ eorum de sua natura de
facili transmutabiles sunt.

Alexandri sententia de hoc quæsito.

Alexander vero posuit, nullo modo habitum,
vel dispositionem primæ speciei esse in corpo-
re, sed dicebat, primam qualitatis speciem peri-
nere

neret tantum ad animam : & quod Aristoteles inducit in prædicamentis de sanitate, & ægritudine, non inducit quasi pertineant ad primam speciem qualitatis, sed per modum exempli, vt sit sensus, quod sicut ægritudo, & sanitas possunt esse facile, vel difficile mobiles ; ita etiam qualitates primæ speciei, quæ dicuntur habitus, & dispositio.

Reprobatio.

Sed hoc patet esse contra intentionem Aristotelis : nim quia eodem modo loquendi vitur ex plicandum de sanitate, & de ægritudine, & de virtute, & de scientia : rum quia in 7. Physicæ. 17. ponit expressè inter habitus pulchritudinem, & sanitatem.

Ad Argumenta.

Ad 1. Dicitur, quod Obiectio illa probat, qd in corpore nullus sit habitus respectu operationum, quæ sunt in corpore a natura, quod esse verissimum, ostensum est in corpore, cum quo tamen stat ; vt sint in eo dispositiones ad formam, vt dictum est. Et ad formam dicitur ad maiore, quod Actiones eius, in quo est habitus propter operationes, necesse est, vt tales operationes sub sint voluntati, sed quia naturales corporis operationes non subiacent voluntati, sequitur, quod nullus sit habitus respectu ipsarum.

Ad 2. Dicitur ad minorem, quod Dispositiones corporales non sunt simpliciter difficile mobiles propter mutabilitatem corporalium causarum, possunt tamen esse difficile mobiles, per comparisonem ad tale subiectum, quia scilicet tali subiecto durante, amoueri non possunt, vel quia sunt difficile mobiles per comparisonem ad alias dispositiones. Sed qualitates animæ sunt simpliciter difficile mobiles, propter immobilitatem subiecti, & ideo non dicit, quod Sanitas difficile mobilis, simpliciter sit habitus, sed quod est vt habitus, sicut in græco habetur : qualitates aut animæ dicuntur simpliciter habitus.

Aliorum responsio ad 3.

Ad 3. Quidam respondent, quod Dispositiones corporales, quæ sunt in prima specie qualitatis, differunt a qualitatibus tertiæ speciei in hoc, quod qualitates tertiæ speciei sunt, vt in fieri, & vt in motu. Vnde dicuntur passionēs, vel passibiles qualitates, quando autem iam peruenerint ad perfectum, quasi ad speciem, tunc iam sunt in prima specie qualitatis. Et secundum hoc dicendum esset ad maiorem argumenti, quod dispositiones, quæ subiacent alterationi, dum sunt in fieri, non sunt habitus, sed pertinent ad tertiam speciem

qualitatis, tamen quando peruenerint ad perfectum, sunt habitus, & pertinent ad primam speciem qualitatis.

Reprobatio.

Hanc responsionem reprobat Simplicius in com. prædicam. quia secundum ipsam sequeretur, qd. Calefactio, quæ est calor in motu, & in fieri, esset in tertiæ specie qualitatis, & calor, qui est calefactio in termino, esset in prima specie qualitatis, quod est contra Aristotelem ponentem calorem in tertiæ specie qualitatis.

Porphyrj responsio.

Porphyrus, vt Simplicius ibidem refert, dicit, quod passio, vel passibilis qualitas, & dispositio, & habitus differunt in corporibus secundum intentionem, & remissionem. Quando enim aliquid recipit caliditatem secundum calorem tantum, non autem vt calefacere possit, tunc est passio, si sit cito transiens, vel passibilis qualitas, si sit manens. Quando autem iam ad hoc perducitur, qd potest etiam alterum calefacere, tunc est dispositio. Si autem ulterius in tantum confirmetur, qd sit difficile mobilis, tunc erit habitus : vt sic dispositio sit quædam intentio passionis, vel passibilis qualitatis, & habitus sit quædam intentio dispositionis. Et secundum hanc responsionem neganda esset maior argumenti. Nam habitus, & dispositio non distinguuntur secundum Porphyrium per subiecti, vel non subiecti alterationem, sed per hoc quod est posse, vel non posse agere in alterum, & per maiorem, & minorem intentionem.

Reprobatio.

Sed hoc improbat Simplicius, quia secundum hoc, prima species qualitatis non diuersificaretur a tertiæ : talis enim intentio, & remissio nõ importat diuersitatem ex parte ipsius forme, sed ex diuersa participatione ipsius subiecti, & ita non diuersificarentur species qualitatis.

Vera responsio.

Dicitur ergo, quod Dispositiones subiaccere alterationi, contingit dupliciter. Vno modo, per se. Alio modo, per accidens, siue per aliud. Tunc ad maiorem dicitur, quod si sermo sit de his, quæ subiacent alterationi per se, est vera. Dispositiones enim, quæ per se subiacent alterationi, non sunt habitus, sed passionēs, vel passibiles qualitates. Si vero sermo sit de dispositionibus, quæ

subiacent alterationi tantum per accidens, est, falsa. Et ad probationem dicitur, quod alteratio est tantum ad tertiam speciem qualitatis per se, per accidens autem potest etiam pertinere ad primam qualitatis speciem. Tunc ad minorem dicitur, quod Dispositiones corporales pertinentes ad primam speciem qualitatis, subiacent alterationi per accidens. Nam sicut dictum est supra quæst. 49. artic. 2. ad 1. Commensuratio ipsarum qualitatum passibilium, secundum convenientiam ad naturam, facit, ut habeant rationem dispositionis, & ideo facta alteratione circa ipsas qualitates passibiles, quæ sunt calidum, & frigidum, humidum, & siccum, fit ex consequenti alteratio secundum agritudinem, & sanitatem, tamen primo, & per se non est alteratio ad huiusmodi dispositiones, & habitus.

ARTICVLVS II.

Vtrum Anima sit subiectum habitus, secundum suam essentiam, vel secundum suam potentiam.

Pro vna parte.

Videtur, quod Habitus sint in anima, magis secundum essentiam, quam secundum potentiam.

1. Dispositiones, quæ important ordinem ad naturam, sunt in anima secundum essentiam eius, & non secundum potentiam. Sed Habitus est dispositio importans ordinem ad naturam rei, cuius est habitus, ut dictum est. Ergo Habitus est in essentia animæ, & non in potentijs.

Maiores, quia Natura magis attenditur secundum essentiam animæ, quam secundum potentiam.

2. Vnum accidens non est in altero. Sed Habitus est accidens.

Ergo Habitus non est in potentia animæ, quæ etiam est accidens.

3. Quod est prius, quam potentia animæ, non est in ea sicut in subiecto. Sed Habitus est prior, quam potentia animæ. Ergo Habitus non potest esse in potentia, sicut in subiecto.

Maiores, quia Subiectum est prius eo, quod est in subiecto.

Minor, quia Habitus pertinet ad primam speciem qualitatis, potentia vero ad secundam.

Pro altera parte.

Phil. 1. Ethic. cap. vii. ponit diuersos habitus in diuersis partibus animæ.

Determinatio.

1. Distinctio. Duplex est habitus. Quidam ordinatur ad naturam, & ad esse rei principaliter. Quidam vero ordinatur principaliter ad operatio-

nem. De qua distinctione, quæst. præced. habitus est fermo.

2. Distinctio. De anima humana dupliciter loqui possumus. Vno modo, secundum ea, quæ conueniunt ei, secundum suam naturam. Alio modo, secundum quod potest participare aliquam superiore naturam.

1. Conclusio. Si accipiatur habitus, secundum quod habet ordinem ad naturam, non potest esse in anima, si tamē de ipsa anima secundum suam naturam loquamur.

Prob. Anima ex parte sui nulla indiget dispositione ad hoc, ut recipiatur in corpore, vel ad hoc, ut eius esse sit completum. Ergo In anima nullus est habitus habens ordinem ad ipsam animæ naturam, secundum se.

Antec. prob. quia Anima ipsa est forma completa humanæ naturæ. Vnde magis potest esse aliquis habitus, siue dispositio in corpore, per ordinem ad animam, quam in anima per ordinem ad corpus.

2. Conclusio. Si loquamur de anima per respectum ad superiore naturam cuius, cuius ipsa potest esse particeps. Sed naturam diuinam, de qua dicitur 2. Petri c. 1. Vt simus consortes naturę diuinę, nihil prohibet, in anima secundum suam essentiam esse aliquem habitum, scilicet gratiam.

Hæc concl. probabitur quæst. 110. art. 4.

3. Conclusio. Si accipiatur habitus in ordine ad operationem, sic maxime inueniatur in anima secundum suas potentias.

Prob. Et primo, quod habitus ordinatus ad operationem sit in anima. Secundo, quod sit in ea secundum suas potentias. In eo, quod non determinatur naturaliter, ad vnā operationem, sed se habet secundum suas potentias ad multas, est habitus secundum suas potentias. Sed Anima non est determinata naturaliter ad vnā operationem, sed se habet ad multas, secundum suas potentias, secundum quas est operationum principium.

Ergo In anima est habitus, importans respectum ad operationem.

Maiores, quia Ad determinandum ad aliquid operandum necessarius est habitus.

Altera pars prob. quia Anima est principium operationum, secundum suas potentias.

Ad Argumenta.

Ad 1. Dicitur ad minorem, quod Habitus, si non quod sunt in anima, non important dispositionem ad naturam animæ, quia ipsa animæ, natura non est disponibilis ad aliquod naturale, cui ipsa sit completa humanæ naturæ, sed important solam dispositionem ad operandum, ut dictum est.

Ad 2. Dicitur ad maiorem, quod vnū accidens non potest per

per se esse subiectum alterius accidentis: sed tamen quia in ipsis accidentibus, est etiam quidam ordo, subiectum, secundum quod est sub vno accidente, præinrelligitur esse subiectum alterius, & sic dicitur vnum accidens esse subiectum alterius, sicut superficies, coloris. Et sic potentia dicitur subiectum habitus, est enim habitus in anima, quatenus habet potentias.

Ad 3. Dicitur dupliciter. Primo ad minorem, quod habitus dupliciter consideratur, vt dictum est. Vno modo, vt importat ordinem ad naturam. Alio modo, secundum quod importat ordinem ad operationem. Si consideretur primo modo, est prior ipsa potentia, sicut etiam ipsa natura. Si vero consideretur secundo modo, potest esse posterior ipsa potentia.

Dicitur secundo ad maiorem, quod esse prius aliquo potest dupliciter intelligi. Vno modo, ordine generationis. Alio modo, ordine perfectionis. Quod igitur est prius potentia ordine generationis, non potest esse in potentia, vt in subiecto: sed quod est prius potentia solum ordine perfectionis, potest esse in potentia, vt in subiecto. Tunc ad minorem dicitur, quod habitus est prior potentia ordine perfectionis: comparatur enim ipsi potentia, vt completum incompleto, & actus potentia. Et ideo habitus est prior ordine perfectionis, & posterior ordine generationis ipsa potentia, vt dicitur 7. Met. tex. 13. & 9. tex. 17.

ARTICVLVS III.

Vtrum In potentijs sensitiuæ partis possit esse aliquis habitus.

Pro Negatiua.

Videretur, quod In potentijs sensitiuæ partis non possit esse aliquis habitus.

1. In potentijs nutritiua partis non ponitur aliquis habitus. Ergo Nec in potentijs sensitiuæ partis aliquis habitus debet poni.

Conseq. quia Sicut potentia nutritiua est pars irrationalis, ita & sensitiua.

2. In brutis non sunt aliqui habitus. Ergo In potentijs sensitiuis non sunt aliqui habitus.

Antec. quia In brutis non est voluntas, quæ in distinctione habitus ponitur, vt supra dictum est.

Conseq. prob. quia Sensitiuæ partes sunt communes nobis, & brutis.

3. In potentijs sensitiuis non sunt aliquæ scientiæ. Ergo Nec etiam habitus virtutum in partibus sensitiuis esse possunt.

Antec. quia Scientia est vniuersaliū, quæ vi-

res sensitiuæ apprehendere non possunt.

Conseq. prob. quia Habitus animæ sunt scientiæ, & virtutes, & sicut scientia refertur ad vim apprehensiuam, ita virtus ad vim appetitiuam.

Pro Affirmatiua.

Phil. 3. Ethic. c. 10. dicit. quod Aliquæ virtutes, scilicet Temperantia, & Fortitudo sunt irrationabilium partium.

Determinatio.

Distinctio. Vires sensitiuæ dupliciter possunt considerari. Vno modo, secundum quod operantur ex instinctu naturæ. Alio modo, secundum quod operantur ex imperio rationis.

1. **Conclusio.** In potentijs sensitiuis, secundum quod operantur ex instinctu naturæ, non sunt aliqui habitus.

Prob. In potentijs, quæ ordinantur tantum ad vnum, non sunt aliqui habitus. Sed Potentiæ sensitiuæ, secundum quod operantur ex instinctu naturæ, ordinantur solum ad vnum. Ergo In potentijs sensitiuis, secundum quod operantur ex instinctu naturæ, non est aliquis habitus.

Maiores. quia Ideo in potentijs naturalibus non sunt aliqui habitus, quia ordinantur ad vnum, & vno modo tantum operari possunt.

2. **Conclusio.** In potentijs sensitiuis, secundum quod operantur ex imperio rationis, possunt esse aliqui habitus.

Prob. Illæ potentiæ, quæ ad diuersas operationes, & diuersimode, ordinari possunt, indigent habitibus, quibus male, vel bene ad operationes disponantur. Sed Potentiæ sensitiuæ, secundum quod operantur ex imperio rationis, ad diuersas operationes ordinari possunt, & diuersis modis. Ergo In eis possunt esse habitus aliqui, quibus disponantur male, vel bene ad aliquid agendum, vel acquiendum.

Ad Argumenta.

Ad 1. Negatur conseq. Ad probationem dicitur, quod non est eadem ratio de nutritiuis, & sensitiuis. Nam vires nutritiue partis, non sunt natae obedire imperio rationis, & ideo non sunt in eis aliqui habitus: sed vires sensitiuæ natae sunt obedire imperio rationis, & ideo in eis esse possunt aliqui habitus. Nam secundum quod obediunt rationi, quodammodo rationales dicuntur, vt in 1. Ethic. cap. ult. dicitur.

Ad 2. Dicitur, quod Bruta dupliciter possunt considerari. Vno modo, vt operantur secundum eorum naturam, vt sibi relinquuntur. Alio modo, vt quodammodo ab homine sunt disposita p consuetudinē ad hoc,

ARTICVLVS IV.

Vtrum In ipso intellectu sit aliquis habitus.

*Pro Negatiua.***V**idetur, quod In intellectu non sint aliqui habitus.

1. Habitibus in homine existentes, sunt ipsius coniuncti, scilicet communes animæ, & corpori. Ergo Nullus habitus est in intellectu.

Conseq. prob. quia Intellectus nō est actus corporis, sed est separatus.

Antec. prob. Operationes hominis sunt communes animæ, & corpori, vt dicitur 1. de an. tex. 12. & 66. Ergo Et habitus.

Conseq. hęc prob. quia Habitibus conformantur operationibus, vt dictum est art. 1.

2. In eo, quod est forma tantum sine materia, non potest esse habitus. Sed Intellectus est forma sine materia. Ergo In intellectu non potest esse aliquis habitus.

Maior. In eo, quod est actus tantum, nō potest esse id, quod est in potentia, & in actu. Sed Quod est forma tantum, est solum actus, & Habitibus est partim in potentia, & partim in actu, quasi medium inter vtrumque. Ergo In eo, quod est forma tantum, non potest esse habitus.

Maior huius. quia Omne, quod est in aliquo, est in eo per modum eius, in quo est. Vnde quod est in eo, quod est solum actus, non poterit esse in potentia.

3. Quod aliquis bene, vel male sit dispositus ad actum intellectus, provenit ex aliqua corporis dispositione. Ergo Habitibus cognoscitiui non sunt in intellectu, qui est separatus, sed in aliqua potentia, quæ sit actus corporis.

Antec. prob. quia 2. de an. tex. 94. dicitur. quod Molles carne bene apertius mente videmus.

Conseq. prob. quia Habitibus est dispositio, secundum quam aliquis bene, vel male disponitur ad aliquid.

Pro Affirmatiua.

Phil. 6. Ethic. cap. 1. & 3. ponit Scientiam, & sapientiam, & intellectum, qui est habitus principiorum in ipsa intellectiua parte animæ.

Determinatio.

Alorum positio.

Quidam dixerunt, quod habitus cognoscitiui non sunt in intellectu, sed in viribus interioribus sensitiuis.

Radix autem huius opinionis fuit, quia ipsi posuerunt, intellectum esse vnum numero in omnibus hominibus, ex qua positione cogeantur negare,

gare, habitus cognoscituios esse in intellectu, sic arguendo. Intellectus est vnus in omnibus hominibus, habitus vero cognoscituii sunt diuersi in diuersis hominibus. Ergo Habitus cognoscituii non possunt esse in intellectu, sicut in subiecto.

Reprobatio.

Positio de vnitae intellectus in P.P. abunde fuit reprobata. Vnde in præfenti reprobatur solum hoc, quod ex illa positione deducitur, quod scilicet habitus cognoscituii non sint in intellectu, & hoc, quia est contra intentionem Aristotelis, & contra rationem, vt patebit in probatione veræ sententiæ.

Vera sententia.

Conclusio. Habitus cognoscituii sunt in intellectu, sicut in subiecto.

Prob. Primo. Phil. 6. Ethic. c. ult. ponit intellectuales virtutes, quæ sunt scientia, sapientia, & in intellectu in eo, quod est rationale per essentiam. Ergo Huiusmodi habitus cognoscituii non sunt in viribus sensituiis, vt dicebat supradicta opinio, sed in ipso intellectu.

Conseq. prob. quia Vires sensituiæ non sunt rationales per essentiam, sed solum per participationem, vt dicitur. 1. Ethic. cap. ult.

Secundo. Phil. 3. de ani. tex. 8. expresse dicit, quod Intellectus possibilis, cum sic fiat singula, ideo cum re-ducatur in actum singulorum species intelligibiles, tunc fit secundum actum, eo modo, quo sciens dicitur esse in actu, quod quidem accidit, cum aliquis possit operari per se ipsum, scilicet considerando. Est quidem tunc potentia quodammodo non tamen simpliciter, vt ante addiscere, aut inuenire. Ipse ergo intellectus possibilis est, in quo est habitus scientiæ, quo potest considerare, etiam cum non considerat.

Secundo prob. Conclusio, & reprobatur dicta opinio ratione. Intelligere, & considerare est proprius actus intellectus. Ergo Et habitus, quo intelligitur, & consideratur, est in ipso intellectu.

Conseq. prob. quia Eius est habitus, cuius est operatio: sicut etiam eius est potentia, cuius est actus, siue operatio.

Ad Argumenta.

Aliorum responsio.

Ad 1. Quidam, vt Simplicius refert, in com. prædic. concedebant antecedens, & inde totum argumentum, tenentes per hanc rationem, quod nullus habitus est in anima, sed quod omnes sunt ipsius coniuncti.

Vera Solutio.

Sed ista ratio non cogit. Vnde soluitur negando antecedens. Ad probationem negatur conseq. Et ad euentiam rationis negationis, est sciendū, quod habitus non ponuntur ad disponendum obiectum operationis, sed ad disponendum potentiam operatiuam ad operandum. Intellectio autem est ipsius coniuncti, communis animæ, & corpori, sed diuerso modo ad eam concurrunt hæc duo. Intellectus enim est potentia producens intellectionem. Corpus autem concurret solum vt obiectum intellectionis. Phantasma enim, se habet vt obiectum intellectionis. Vnde habitus non ponitur ad disponendum phantasma, sed ad disponendum intellectum ad intelligendum. Ex hoc igitur, quod operatio intelligendi, est communis animæ, & corpori, non sequitur, quod habitus sit communis, sed quod sit solum in intellectu producente intellectionem.

Et confirmatur hæc veritas, quod scilicet habitus sint in intellectu possibili, quia. In eo, quod est in potentia ad multa, debet esse habitus disponens, & determinans ad operandum. Intellectus possibilis est huiusmodi. Ergo In eo sunt habitus.

Ad 2. Negatur maior. Ad probationem dicitur ad maiorem, quod id, quod est forma, & actus in genere entis, potest esse in potentia in esse intelligibili. Intellectus est in actu in genere entis, tamen est in potentia ad intellectionem, & ideo in eo est habitus, qui est medius inter potentiam, & actum.

Ad 3. Dicitur ad antec. quod Vires apprehensivæ interius præparant intellectui possibili proprium obiectum. Ideo ex bona dispositione harū viriū, ad quam cooperatur bona dispositio corporis, redditur homo habilis ad intelligendum, & sic habitus intellectuius secundario potest esse in istis viribus, principaliter autem est in intellectu possibili.

ARTICVLVS V.

Vtrum In voluntate sit aliquis habitus.

Pro Negativa.

Videtur, quod In voluntate non sit aliquis habitus.

1. Voluntas non operatur per aliquas species. Ergo Voluntas non est subiectū alicuius habitus.

Conseq. prob. quia Habitus intellectus sunt species intelligibiles. quibus actu intelligitur.

2. In potentia actiua nullus est habitus. Sed Voluntas est potentia maxime actiua. Ergo In voluntate nullus est habitus.

Maiores.

Maior. quia In intellectu agente ideo non ponitur habitus, sicut in intellectu possibili, quia est potentia actiua.

Minor. quia Voluntas mouet omnes alias potentias.

3. In potentia, quæ est ex sua natura terminata ad vnum, non ponitur aliquis habitus. Sed Voluntas est potentia determinata ad vnum. Ergo In voluntate non est aliquis habitus.

Maior. quia Ideo in potentijs naturalibus non est aliquis habitus, quia ex sua natura sunt ad aliquid determinata.

Minor. quia Voluntas ex sua natura ordinatur ad hoc, vt tendat in bonum ordinatum à ratione.

Pro Affirmatiua.

Vbi est iustitia ibi est habitus. Sed In voluntate est iustitia. Ergo In voluntate est habitus.

Maior. quia Iustitia est habitus quidam, secundum quem aliqui volunt, & operantur iusta, vt dicitur 3. Ethic. cap. 1.

Determinatio.

Conclusio. Oportet in voluntate habitum aliquem ponere, quo bene disponatur ad suum actum.

Prob. dupliciter. Primo. Omnis potentia, quæ diuersimode potest ordinari ad agendum, indiget habitu, quo bene disponatur ad suum actum. Sed Voluntas diuersimode potest ad agendum ordinari. Ergo In voluntate oportet aliquem habitum ponere.

Minor. quia Voluntas est potentia rationalis.

Secundo prob. conclusio. Nam ex ipsa ratione habitus apparet, quod habet quendam principalem ordinem ad voluntatem: est enim habitus, quo quis vtitur, cum voluerit, vt supra dictum est.

Ad Argumenta.

Ad 1. Neg. conseq. Ad prob. dicitur, quod licet in voluntate non sint aliquæ species, necesse est tamen, vt sit aliquid inclinans ipsam ad aliquid determinatum, & ideo in viribus appetitiuis sunt qualitates inclinantes eas ad determinata appetibilia, quæ dicuntur habitus.

Ad 2. Dicitur ad maiorem, quod potentia actiua sunt in duplici differentia. Quædam sunt tantum agentes, & nullo modo patientes. Quædam vero sunt quidem agentes, sed etiam sunt motæ. Tunc ad maiorem dicitur, quod in potentia, quæ est tantum actiua, & nullo modo passiua, non est aliquis habitus, sed in potentia actiua, quæ tamen est etiam mota, potest esse habitus. Voluntas autem est quidem potentia actiua, sed etiam est mota, & ideo est subiectum habitus. Intellectus vero agens est actiua tantum, & ideo in eo nullus est habitus.

Ad 3. Dicitur ad minorem, & ad eius probationem, quod Voluntas ex ipsa natura potentia inclinatur in bonum rationis, sed quia hoc bonum multipliciter diuersificatur, necessarium est, vt ad aliquod determinatum bonum rationis voluntas per aliquem habitum inclinetur, ad hoc vt sequatur promptior operatio.

ARTICVLVS VI.

Vtrum in Angelis sit aliquis habitus.

Pro Negatiua.

Videtur, quod in Angelis non sint aliqui habitus.

1. Vbi nullum est accidens, nullus est habitus. In Angelis nullum est accidens. Ergo In Angelis nullus est habitus.

Maior prob. quia Omnis habitus est accidens. Minor prob. Authoritate Maximi super Dionysium cap. 7. Cæl. Hyer. dicentis, quod Non conuenit arbitrari, virtutes intellectuales, id est spirituales, more accidentium, quemadmodum in nobis sunt, in diuinis intellectibus, scilicet Angelis esse, vt aliud in alio sit, sicut in subiecto: accidentis enim omne illinc repulsum est.

2. Angelorum essentia per se ipsas perficiuntur ad conformitatem Dei. Ergo Non perficiuntur per aliquos habitus.

Antec. prob. quia Diony. cap. 4. Cæl. Hyerar. dicit, quod Sanctæ celestium essentiarum dispositiones super omnia alia Dei bonitatem participant. Ergo Cum creatura rationalis per habitus perficiatur, Angelorum essentia absque aliquo habitu erunt perfecta.

Et confirmatur ratio hæc, ex sententia Maximi ibidem dicentis. Si enim hoc esset, non vtique maneret in semetipso harum essentia, nec desicari per se, quantum foret possibile, valuisset.

3. In quibus est habitus, est dispositio. In Angelis non est dispositio. Ergo In Angelis non est habitus.

Maior. quia Habitus est dispositio quædam, vt dicitur 5. Met. tex. 25.

Minor. Dispositio est ordo habentis partes, vt ibidem dicitur. Sed Angeli nullas habent partes. Ergo In Angelis non est dispositio.

Pro Affirmatiua.

Diony. 7. capit. Cæl. Hyer. dicit, quod Angeli primæ hierarchiæ nominantur calefacientes, & throni, & effusio sapientiæ, manifestatio deiformis ipsorum habituum.

Determinatio.

Aliorum opinio.

Quidam posuerunt in Angelis non esse aliquos habitus, sed quod quacunq; dicuntur de eis, essentialiter dicuntur: & hæc fuit opinio Maximi, & Simplicij. Maximus enim loco citato in argumento primo, post prædicta verba subiungit. Habitudoines earum, atque virtutes, quæ in eis sunt, essentielles sunt, propter immaterialitatem. Simplicius vero in Com. prædic. dicit, Sapientia, quæ est in anima, habitus est, quæ autem in intellectu, substantia: Omnia enim, quæ sunt diuina, & per se sufficientia sunt, & in se ipsis existentia.

Motium sic opinantium:

Prædicti Commentatores moti sunt ad hoc dicendum, quia subiectum habitus non est nisi ens in potentia, & quia Angeli sunt immateriales, concludunt in Angelis non posse esse habitum, hoc argumento. In substantijs immaterialibus non potest esse habitus. Sed Angeli sunt substantiæ immateriales. Ergo In Angelis non est habitus.

Maiores quia subiectum habitus est ens in potentia.

Iudicium de hac opinione.

Positio hæc partim habet veritatem, & partim continet falsitatem. Veritatem inquam habet, quantum ad hoc, quod in Angelis non sunt habitus, sicut in intellectu nostro. Falsitatem vero, in hoc, quod in Angelis nullo modo sit habitus. Et vtrumque horum apparebit in probatione veræ sententiæ.

Vera Sententia,

Distinctio. Habitus duplex. Quidam est dispositio ad esse naturale. Quidam vero est dispositio ad operationem. de qua distinctione pluries superius dictum est.

1. Conclusio. Habitus, qui sunt dispositiones ad esse naturale, non sunt in Angelis.

Prob. quia Angeli sunt immateriales. Vnde non habet locum in eis dispositio ad esse naturale, cum per huiusmodi dispositiones disponatur subiectum receptum formæ, ut dictum est.

2. Conclusio. In Angelis est aliquis habitus operatiuus.

Prob. In quibus inuenitur potentia, possunt inueniri etiam habitus.

Sed In Angelis inuenitur potentia.

Ergo In Angelis inueniri possunt, & habitus operatiui.

Minor. quia Licet in Angelis non sit potentia

materiae, est tamen in eis aliqua potentia: esse enim actum purum, est proprium Dei.

3. Conclusio. Habitus substantiæ intellectualis non sunt eiusdem rationis cum habitibus substantiæ materialis.

Prob. quia Potentia materiae, & potentia intellectualis substantiæ non sunt vnius rationis.

Et confirmatur. quia Simplicius in Com. prædic. dicit, quod habitus intellectualis substantiæ non sunt similes his, qui sunt hic, habitibus, sed magis sunt similes simplicibus, & immaterialibus speciebus, quas continet in se ipsa.

4. Conclusio. Intellectus Angelicus aliter se habet ad habitum, quam intellectus noster.

Manifestatur per sequentes propositiones.

1. Propositio. Intellectus noster indiget habitu ad intelligendum quæcunque intelligit.

Prob. quia Intellectus noster est in potentia ad omnia intelligibilia, sicut materia prima est in potentia respectu omnium sensibilibus formarum.

2. Propositio. Intellectus Angelicus ad intelligendum se ipsum, & alia per modum suæ substantiæ (quæ tanto perfectius intelligit, quanto superior est) non indiget aliquo habitu.

Prob. quia Angelus respectu sui ipsius, & aliorum, secundum modum suæ substantiæ, non est in potentia, sed in actu. Vnde non indiget actuari per habitum.

3. Propositio. Angelus ad attingendum Deum per intellectum, & voluntatem, indiget aliquibus habitibus.

Prob. quia Nullus Angelus pertingit ad Deum perfectionem, sed in infinitum distat. Vnde ad ipsam, sunt in potentia: & propterea Dion. dicit 7. c. cæl. Hieron. quod habitus eorum sunt deiformes, quibus Deo conformantur.

Patet igitur ex his, quomodo vera, & quomodo falsa sit opinio negantium habitus ab Angelis. Falsa enim est, quia in Angelis sunt aliqui habitus.

Vera, quia non sunt sicut nostri.

Ad eorum vero motium negatur maior. Ad probationem dicitur, quod In Angelis non est potentia materiae, sed alterius rationis, ut dictum est.

Ad Argumenta.

Ad 1. Negatur antec. Ad probationem dicitur, quod Verbum Maximi intelligendum est de habitibus, & accidentibus materialibus.

Ad 2. Dicitur ad antec. & ad eius probationem, quod quantum ad hoc, quod conuenit Angelis per suam essentiam, non indigent habitu, sed quia non ita sunt per se ipsos entes, quin participet sapientiam.

& bonitatem Diuinam, ideo in quantum indigēt participare aliquid ab exteriori, intantum necessē est, in eis ponere habitus.

Ad 3. Negatur minor. Ad probationem dicitur, ad minorem, quod In Angelis non sunt partes essentia, sed sunt partes secundum potentia, in quantum intellectus eorum, per plures species perficitur, & voluntas eorum se habet ad plura.

DE CAUSA habituū.

Deinde Considerandum est de causa habituū, & Primo Quantum ad Generationem ipsorum quest. 51.

Secundo quantum ad augmentum quest. 52.

Tertio quantum ad diminutionem, & corruptionem quest. 53.

QVÆSTIO LI.

*DE CAUSA HABITUUM,
quantum ad generationem ipsorum.*

ARTICVLVS I.

Vtrum Aliquis habitus sit a natura.

Pro Negativa.

Videtur, quod Nullus habitus sit a natura.

1. Ea, quorum vsus subiacet voluntati, non sunt a natura. Sed Vsus habitus subiacet voluntati. Ergo Nullus habitus est a natura.

Minor. quia Habitus est, quo quis vtitur, cum voluerit, vt dicit Comm. 3. de anim. tex. 18.

2. Si habitus potentialium essent a natura, sequeretur, quod habitus, & potentia essent vnum. Sed hoc est falsū. Ergo Habitus non est a natura.

Conseq. prob. quia Natura non facit per duo, quod potest per vnum facere. Ergo Cum potentia sit a natura, vel habitus, & potentia sunt idem, vel habitus non sunt naturales.

3. Si aliqui habitus essent a natura, sequeretur, quod omnes habitus essent a natura. Sed Hoc est falsum. Ergo Et id, ex quo sequitur.

Conseq. prob. Natura nō deficit in necessarijs.

Sed Omnes habitus sunt necessarij ad bene operandum. Ergo Omnes habitus sunt a natura, si aliquis est a natura.

Pro Affirmativa.

6. Ethic. cap. 6. Dicitur quod Inter alios habitus ponitur intellectus principiorum, qui est a natura. Vnde & principia prima dicuntur naturaliter cognita.

Determinatio.

1. Distinctio. De habitu dupliciter loqui possumus. Vno modo, vt est dispositio in ordine ad formam, vel naturam. Alio modo, vt est dispositio ad operationem, de qua distinctione superius pluries dictum est.

2. Distinctio. Aliquid potest esse naturale alicui dupliciter. Vno modo, secundum naturam speciei: sicut naturale est homini, esse risibile, & igni ferri sursum. Alio modo, secundum naturam individui: sicut naturale est Sorti, vel Platoni esse secundum suam complexionem agrotatum, vel sanatum.

3. Distinctio. Vtroque horum modorum aliquid potest dici naturale dupliciter. Vno modo, quia totū est a natura individui, vel speciei. Alio modo, quia secundum aliquid est a natura, & secundum aliquid est ab exteriori principio: Sicut cum aliquis sanatur per se ipsum, tota sanitas est a natura. Cum autem aliquis sanatur auxilio medicine, sanitas partim est a natura, partim vero ab exteriori principio.

1. Conclusio. Si loquamur de habitu, secundum quod est dispositio subiecti, in ordine ad formam vel naturam, quolibet predictorum modorum contingit habitum esse naturalem, scilicet tū ex parte speciei, tum ex parte individui, tum inchoatiue, tum totaliter.

Prob. quia Est aliqua dispositio naturalis, quæ debetur humanæ speciei, extra quam nullus homo inuenitur: Et hæc est naturalis secundum naturam speciei, puta sanitas. Natura enim speciei non potest esse sine aliqua sanitate, puta cordis, quæ dispositio, quia quādam latitudinem habet, contingit diuersos gradus huiusmodi dispositionis conuenire diuersis hominibus, secundum naturam individui.

Et huiusmodi dispositio potest esse, vel totaliter a natura, vel partim a natura, & partim ab exteriori principio, vt dictum est.

2. Conclusio. Habitus operatiuus, qui est dispositio ad operationem, cuius subiectum est potentia animæ, potest esse naturalis, & secundum naturam speciei, & secundum naturam individui.

Prob. Habitus operatiui, qui cōsequuntur formam, sunt naturales secundum naturam speciei, & qui cōsequuntur materiale principium, sive naturalem complexionem individui, sunt naturales secundum rationem individui. Sed Sunt aliqui habitus operatiui, qui cōsequuntur formam specificam, & quidam, qui cōsequuntur particulares complexiones indiuiduorum, vt patet in sequentibus conclusionibus.

Ergo

Ergo Habitus operatiui possunt esse utroque modo naturales.

3. Conclusio. Nullus habitus operatiuus est in homine, qui sit naturalis, ita ut sit totaliter à natura, sed solum inchoatiue.

Prob. Ex differentia, quæ inuenitur inter homines, & Angelos in modo habendi habitus.

In Angelis enim ideo sunt aliqui habitus, qui sunt totaliter à natura, quia habent species intelligibiles naturaliter inditas, quod non competit humanæ naturæ, ut dictum est Prima parte quæst. 55. art. 2. Sunt ergo in hominibus aliqui habitus naturales, tanquam partim à natura existentes, & partim ab exteriori principio.

4. Conclusio. In apprehensiuis potentijs potest esse habitus naturalis inchoatiue, secundum naturam speciei, & secundum naturam indiuidui.

Manifestatur. Et quidem, quod sit aliquis habitus naturalis, secundum naturam speciei: quia habitus principiorum est habitus sic naturalis. Ex ipsa enim natura animæ intellectualis conuenit homini, quod statim cognito, quid est totum, & quid est pars, cognoscat, quod omne totum est maius sua parte. Vnde habitus principiorum inchoatiue est naturalis humanæ speciei. Non est autem naturalis totaliter, quia quid sit totum, & quid sit pars, non potest intellectus cognoscere, nisi per species intelligibiles, à phantasmatibus acceptas. Et propter hoc Philosoph. 2. Poster. c. vlt. ostendit, quod cognitio principiorum prouenit in nobis a sensu.

Secundum vero naturam indiuidui est aliquis habitus operatiuus naturalis, secundum inchoationem, in quantum vnus homo ex dispositione naturali organorum, est magis aptus ad bene intelligendum, quam alius, in quantum ad operationem intellectus indigemus virtutibus sensitiuis.

5. Conclusio. In appetitiuis potentijs non est aliquis habitus naturalis, secundum inchoationem ex parte ipsius animæ, quantum ad ipsam substantiam habitus, sed solum quantum ad principia, quædam ipsius.

Prob. prior pars, quia Inclinatio ad obiecta propria, quæ videtur esse inclinatio habitus, non pertinet ad habitum, sed magis pertinet ad ipsam rationem potentialium appetitiuarum, absque aliquo habitu.

Altera pars prob. quia Principia iuris communis dicuntur esse seminata virtutum. Vnde habitus virtutum habet naturale principium in homine.

6. Conclusio. Ex parte corporis, secundum naturam indiuidui, sunt aliqui habitus appetitiui, secundum inchoationem, naturales.

Manifestatur. quia Quidam sunt dispositi ex

propria corporis complexione, ad castitatem mansuetudinem, & his similia.

Ad Argumenta.

Ad 1. Dicitur, quod Aliquid potest dici naturale dupliciter. Vno modo, ut distinguitur contra id, quod est a ratione, & voluntate: & sic dicimus, quod generare est naturale homini, intelligere autem, & velle, pertinent ad rationem, & voluntatem.

Alio modo sumitur naturale, ut distinguitur contra id, quod est ab extrinseco: & sic dicimus, quod risibilitas est naturalis homini, dignitates vero ab alio habet.

Tunc ad maiorem dicitur, quod Vfus eorum, quæ sunt à natura primo modo, non subiaceret voluntati. Vnde nutritio, augmentum, & alia huiusmodi non sunt sub imperio voluntatis, quia sunt naturalia, id est non voluntaria, sed sic non est sermo de naturali in proposito: nam etiam ipsa voluntas est natura quædam. Si vero sumatur naturale secundo modo, negatur ipsa maior. Nam ea, quæ pertinent ad rationem, & voluntatem, possunt esse naturalia secundum modum dictum in corpore, & tamen subsunt imperio voluntatis: & sic habitus operatiuus dicitur naturalis, quia eius inchoatio est à natura, licet complementum sit ab extrinseco in homine.

Ad 2. Negatur conseq. Ad probationem dicitur, quod Natura non potest per vnum, id est per potentiam facere, id quod facit per habitum simul cum potentia: Et hoc, quia repugnat. Non potest enim nec Angelus, nec homo, per solam potentiam cognoscitiuum omnia cognoscere, hoc enim proprium est Dei: ut naturaliter sit omniū similitudo, & cognoscitiuus. Per habitum autem potest intellectus omnia cognoscere. Vnde patet, quod non omnia, quæ pertinent ad habitum, possunt naturaliter ad potentiam pertinere.

Ad 3. Negatur conseq. Ad probationem dicitur, quod Natura non equaliter se habet ad causas omnes diuersitates habituum: quia quidam possunt causari à natura, quidam non, ut supra dictum est. Et ideo non sequitur, si aliqui sint habitus naturales, quod omnes sint naturales.

ARTICVLVS II.

Vtrum Aliqui habitus causentur ex actibus.

Pro Negatiua.

Videtur, quod Nullus habitus possit ex actu causari.

Qq 2 1. Agens

1. Agens ex hoc quod agit, nō recipit aliquid, sed magis ex se aliquid emittit. Ergo nō potest ex proprijs actibus, habitus in agente generari.

Conseq. prob. quia Habitus est qualitas quædam, quæ in aliquo subiecto causari, & recipi debet.

2. Si in aliquo causaretur habitus per propriū actum, sequeretur, quod idem esset mouens, & motum, agens, & patiens, quod est impossibile, ut dicitur 3. Phys. tex. 8.

Conseq. prob. quia Illud, in quo causatur aliqua qualitas, mouetur ad qualitatem illam, sicut patet in re calefacta, vel infrigidata, quod autem producit actum causantem qualitatem, mouet: ut patet de calefaciente, vel infrigidante. Et sic euidenter patet, quod si quis per proprium actū, causaret aliquam qualitatem in se, esset agens, & patiens, respectu eiusdem.

3. Habitus est nobilior, quam sit actus, qui præcessit ipsi habitum. Ergo Habitus non potest causari ab actū præcedente habitum.

Antec. probatur. quia Habitus reddit actus nobiliores, quam sint actus præcedentes habitum.

Conseq. prob. quia Effectus non potest esse nobilior sua causa.

Prob. quia Hac ratione res naturales non possunt aliquid consuefcere, uel disuuefcere, ut dicitur 2. Ethic. in prin. quia. res naturales sunt solū actiue suorum actuum.

2. Conclusio. In agente, habente principium actuum, & passuum sui actus, possunt ex proprijs actibus produci habitus, non quidem quatenus est actuum principium, sed quatenus est passuum.

Prob. Potentia animæ passiuæ, & motu, ex frequentatis actibus disponuntur. Ergo In huiusmodi potentijs generatur habitus.

Antec. prob. quia Omne, quod patitur, & mouetur ab alio, disponitur per actum agentis. Unde ex multiplicatis actibus generatur quædā qualitas in potentia passiuæ, & mota.

Conseq. prob. quia Huiusmodi qualitas in potentijs uocatur habitus.

Secundo manifestatur conclusio. Nam habitus uirtutum moralium causantur in appetitiuis potentijs, secundum quod mouentur a ratione, & habitus scientiarum causantur in intellectu, secundum quod mouentur a primis propositionibus. Causatur igitur habitus in potentijs, non in quantum sunt actiue, sed in quantum sunt passiuæ, & mouentur ab alio.

Pro Affirmatiua.

Phil. 2. Ethic. cap. 1. docet, habitus uirtutum, & uirtutum ex actibus causari.

Determinatio.

Distinctio. Agens est duplex. Quoddam, quod est principium actuum tantum sui actus. Quoddam uero, quod est principium actuum, & receptiuum sui actus. Exemplum primi. Ignis est solum principium actuum, & non receptiuum calefactionis. Exemplum secundi habetur in actibus humanis. Nam actus appetitiuæ uirtutis procedunt a ui appetitiua, secundum quod mouetur a vi apprehensiuæ representante obiectum. Et ulterius uis intellectiua, secundum quod ratiocinatur de conclusionibus, habet sicut principium actuum propositionem per se notam. Appetitus igitur habet, ut sit principium passiuū sui actus, quatenus mouetur a ratione ostendente obiectum appetibile: & ut sit principium actiuū, quatenus ipse etiam operatur. Et similiter intellectus habet, ut sit principium actuum, & receptiuum sui actus.

1. Concl. In agente, quod est solum actiuum principium sui actus, non pot. ex suis actibus produci aliquis habitus in ipso.

Ad Argumenta.

Ad 1. Dicitur ad antec. quod Agens, in quantum agens, non recipit aliquid, sed in quantum agit, motum ab alio, sic recipit aliquid a mouente, & sic causatur habitus in potentijs.

Ad 2. Dicitur ad conseq. quod idem, secundum idem, non potest esse mouens, & motum, nihil autem prohibet, idem a se ipso moueri, secundum diuersa, ut dicitur 8. Phys. tex. 28.

Ad 3. Negatur antec. Et ad eius probationem dicitur, quod actus præcedens habitum est nobilior, quam sit habitus, in quantum procedit a principio actiuo. Nam habitus procedit a potentia mediante actū. Ipse autem actus immediate procedit ab ipsa ui operatiua, penes quam attenditur nobilitas operationis: sicut ipsa ratio est nobilior principium, quam sit habitus uirtutis moralis in ui appetitiua per actuum consuetudines generatus: & intellectus principium est nobilior principium, quam scientia, conclusionum. Negatur igitur absolute, quod actus, qui sunt ex habitu, sint nobiliores, quam sint actus, ex quibus habitus generantur. Nobilior enim principium est potentia, quam habitus.

ARTICVLVS III.

Utrum per vnum actum possit generari habitus.

Pro Affirmatiua.

Videtur, quod per vnum actum possit generari habitus.

1. Per vnam demonstracionem, quæ est actus rationis, potest generari scientia. Ergo Per vnum actum potest generari habitus.

Conseq. quia Scientia est habitus.

2. Multiplicacione actibus generatur habitus. Ergo Etiam si multum intendatur actus vnus, poterit esse causa generatiua habitus.

Conseq. prob. quia Sicut contingit actus crescere per multiplicacionem, ita cõtingit vnum actum crescere per intensionem.

3. Ex vno actu contingit hominem sanari, vel infirmari. Ergo Ex vno actu generatur habitus.

Conseq. prob. quia Sanitas, & ægrotudo sunt habitus quidam.

Pro Negatiua.

Philos. dicit 1. Ethic. cap. 7. quod vna hirundo ver non facit, nec vna dies. Ita vtique, nec beatum, nec felicem vna dies, nec paucum tempus. Sed Beatitudo est operatio secundum habitum perfectæ virtutis, ut dicitur 1. Ethicor. cap. 7. 8. Ergo Habitus virtutis, & ea dem ratione, alij habitus, non causantur per vnum actum.

Determinatio.

1. Distinctio. Habitus sunt in duplici differentia. Quidam sunt in corpore: & hi sunt habitus improprie dicti. Quidam vero sunt in anima, ratione suarum potentiarum, ut dictum est, quæst. præced.

2. Distinctio. Potentiæ animæ sunt in duplici differentia. Quædam sunt appetitiuæ, & Quædam apprehensiuæ.

3. Distinctio. Potentiæ apprehensiuæ, quæ possunt esse subiectum habitus, sunt duplices. Intellectus possibilis, & Intellectus, quem vocat Arist. 3. de an. tex. 20. passiuum, qui est ratio particularis, id est vis cogitatiua, cum memoratiua, & imaginatiua.

4. Distinctio. Habitus, qui potest generari in intellectu possibili, est duplex, scilicet Scientia, & Opinio.

1. Conclusio. Habitus corporales possibile est causari ex vno actu, si actiuum fuerit magnæ virtutis.

Manifestatur. quia Quandoque una medicina fortis inducit sanitatem.

2. Conclusio. In vi appetitiua non potest cau-

sari habitus virtutis nisi per multos actus.

Prob. In potentia passiuâ, quæ non potest unico actu vinci a suo actiuo, non potest unico actu generari habitus. Sed Vis appetitiua, secundum quod est passiuâ, nõ potest vinci unico actu a suo actiuo. Ergo In vi appetitiua, non potest unico actu causari habitus virtutis.

Mayor. quia Ad hoc, ut aliqua qualitas causetur in aliquo passiuo, oportet, quod actiuum totaliter vincat passiuum. Vnde videmus, quod quia ignis, non potest statim totaliter vincere suum combustibile, non statim inflamat ipsum, sed paulatim abiicit contrarias dispositiones, ut sic totaliter vincens ipsum, imprimat ipsi suam similitudinem.

Minor prob. Principium enim actiuum, quod est ratio, non potest totaliter unico actu superuincere appetitiuam potentiam, & quod appetitiua potentia se habeat ad multa diuersimode. Iudicatur autem per rationem in vno actu aliquid appetendum, secundum determinatas rationes, & circumstantias, ex quo non totaliter vincitur appetitiua potentia, ut feratur in idem, & in pluribus per modum naturæ, quod pertinet ad habitum virtutis.

3. Concl. In intellectu possibili, potest per vnum actum, causari habitus scientiæ.

Prob. quia Potest esse aliquid actiuum, quod vno actu totaliter vincat potentiam intellectus possibilis, sicut una propositio per se nota conuincit intellectum ad assensendum firmiter conclusioni. Et hoc, quia in intellectu nulla est contraria dispositio ad veritatem, quæ est eius obiectum.

4. Conclusio. Habitus opinatiuus non generatur in intellectu possibili per vnum actum.

Prob. quia Propositio probabilis, ex qua generatur habitus opinatiuus, non potest conuincere intellectum. Vnde ex multis actibus, oportet ut causetur habitus opinatiuus.

5. Concl. In intellectu passiuo nõ causatur habitus, nisi ex reiteratis actibus.

Manifestatur. Vt enim aliquid memoriæ firmiter imprimatur, necesse est, eisdem actus pluries reiterare.

Et confirmatur. quia Philos. dicit in cap. 2. de mem. & remin. quod Meditatio confirmat memoriæ.

Ad Argumenta.

Ad 1. Conceditur, probat enim 3. concl.

Ad 2. Dicitur, qd si sermo sit de actu in intellectu possibilem, conceditur totum. Si vero sermo sit de actu in appetitu, negatur conseq. Ad probationem negatur assumptum, quia n. vnus actus ratio-

rationis, quantumcunque intensus, nō potest vincere totaliter appetitum, ideo non producit in eo habitum.

Ad 3. Conceditur totum, probat enim 1. conclusionem.

ARTICVLVS IV.

Vtrum Aliqui habitus sint hominibus infusa a Deo.

Pro Negativa.

V Idetur, quod Nullus habitus infundatur a Deo hominibus.

1. Si Deus infundit aliquos habitus aliquibus hominibus. Ergo eos infundit omnibus hominibus. Quod est falsum.

Conseq. prob. quia Deus æqualiter se habet ad omnes.

2. In homine naturaliter causantur habitus ex actibus, vt dictum est articulis præcedentibus. Ergo Non causat Deus in hominibus aliquos habitus, absque actibus.

Conseq. prob. quia Deus operatur in omnibus secundum modum, qui cōuenit naturæ ipsorum, & hoc, quia prouidentia diuinæ est, naturam saluare.

3. Si infunderetur aliquis habitus a Deo homini, sequeretur, quod duo habitus eiusdem speciei esse possent in eodem. Sed Hoc est falsum, & impossibile. Ergo Nō infunditur homini aliquis habitus a Deo.

Cōseq. prob. quia Si aliquis habitus a Deo infunditur, per illū potest homo multos actus producere, ex quibus potest causari similis habitus, & sic erunt in eodem duo habitus eiusdem speciei, vnus infusus, & alius acquisitus.

Falsitas prob. quia Duæ formæ eiusdem speciei, non possunt esse in eodem subiecto.

Pro Affirmatiua.

Sapientia, & intellectus sunt infusa a Deo, vt dicitur Sap. 15. Sed Sapientia, & intellectus sunt habitus quidam. Ergo Aliqui habitus sunt infusi a Deo.

Determinatio.

Distinctio. Habitus sunt in duplici differentia. Quidam sunt supernaturales. Quidam vero naturales. Supernaturales sunt, qui excedunt vires naturæ, ita vt non possint per actus nostrarum viriū acquiri, vt sunt omnes gratuite virtutes, scilicet Fides, Spes, Charitas, Gracia, & huiusmodi. Naturales sunt, qui per actus nostrarum viriū sunt acquisibiles, vt sunt naturales scientiæ, & artes.

1. Concl. Habitus supernaturales infunduntur homini a Deo.

Prob. Habitus, quibus homo disponitur ad supernaturalem finem, sunt infusi homini a Deo. Sed Per habitus supernaturales disponitur homo ad supernaturalem finē. Ergo Habitus supernaturales infunduntur homini a Deo.

Maiores prob. quia Habitus oportet esse proportionatos ei, ad quod homo disponitur secundum ipsos. Cum igitur finis supernaturalis, ad quem homo disponitur per habitus, qui est hominis beatitudo, excedat facultatem humanæ naturæ, etiam ipsi habitus excedunt facultatem humanæ naturæ. Vnde tales habitus, nunquam possunt homini inesse, nisi ex infusione diuinā, vt patet de omnibus gratuitis virtutibus.

2. Conclusio. Habitus naturales aliquando infunduntur homini a Deo.

Manifestatur. quia Cum Deus possit producere effectus secundarum causarū absque ipsis causis, vt habitum est, Prima parte, questione 105, articulo 6. Sicut quandoque ad ostensionem suæ virtutis, producit sanitatem, absque naturali causa, quæ tamen per naturam posset causari, ita etiam quandoque ad ostendendum suam virtutem infundit homini illos etiam habitus, qui naturali virtute possunt causari. Sicut Apostoli dedit scientiam scripturarum, & omnium linguarum, quam homines per studium, vel per consuetudinem acquirere possunt, licet non ita perfecte.

Ad Argumenta.

Ad 1. Negatur conseq. Ad probationem dicitur, quod Deus, quantum ad suā naturam, æqualiter se habet ad omnes, sed secundum ordinem suæ sapientiæ, certa ratione, quædam tribuit aliquibus, quæ non tribuit alijs.

Ad 2. Negatur conseq. Ad probationem dicitur, quod hoc, quod Deus in omnibus operatur secundum modum eorum, non excludit, quin quædam operetur, quæ natura operari non potest: sed ex hoc tantum sequitur, quod Deus nihil operatur contra id, quod naturæ conuenit.

Ad 3. Negatur conseq. Ad probationem dicitur, quod Actus, qui producuntur ex habitu infuso, non causant aliquem habitum, sed confirmant habitum præexistentem, sicut medicinalia remedia adhibita homini sano, non causant aliquam sanitatem, sed sanitatem iam habitam corroborant.

QVÆSTIO LII.

DE AVGMENTO HABITVM.

ARTICVLVS I.

Vtrum Habitus augeantur.

*Pro Negatiua.***V**idetur, quòd Habitus augeri non possint.

1. Ea, quæ augentur, sunt in genere quantitatatis. Sed Habitus non sunt in genere quantitatis. Ergo Habitus non augentur.

Maiores. quia Augmentum est circa quantitatem, vt dicitur 5. Phys. text. 18.

Minor. quia Habitus sunt in prima specie qualitatis, vt dictum est.

2. Perfectio non potest augeri. Sed Habitus est perfectio quædam, vt dicitur 7. Phys. text. 17. Ergo Habitus non potest augeri.

Maiores. quia Cum perfectio importet finem, & terminum, non videtur posse Recipere magis, & minus.

3. Ad id, quod potest augeri, est alteratio. Sed Ad habitum non est alteratio, vt dicitur 7. Phys. text. 15. Ergo Habitus non potest augeri.

Maiores. quia In his, quæ suscipiunt magis, & minus, est alteratio.

Pro Affirmatiua.

Fides augeri potest. Sed Fides est habitus quidam. Ergo Habitus possunt augeri.

Maiores. quia Lucæ 17. Discipuli dixerunt Domine. Domine adauge nobis fidem.

Determinatio.

Quid sit habitus augeri.

Propositio prima. Habitus, siue quascunque alias formas augeri, nihil aliud est, quam ipsas fieri perfectiores.

Manifestatur. Pro quo est sciendum, quòd augmentum proprie pertinet ad quantitatem. Vnde nihil proprie dicitur augeri, vel minui, nisi quantum: tamen propter conuenientiam intellectus nostri ad res corporales, quæ sub imaginatione cadunt, augmentum, & alia ad corporalem quantitatem pertinentia, transferuntur ad res spirituales. Vnde augeri, translaturum est à quantitate ad ipsas formas, ita vt, sicut dicitur aliqua quantitas magna, vel parua, sic possit dici aliqua forma magna, vel parua, & ita dicitur magna, vel parua scientia, sanitas, iustitia, & huiusmodi. Consistit autem similitudo, siue conuenientia inter augmentum

quantitatis, & formæ, in hoc, quòd sicut in quantitatibus corporeis dicitur aliquid magnum, secundum quod ad debitam perfectionem perducitur. Sic forma dicitur magna ex hoc, quòd est perfecta, & propter hoc, in his, quæ non mole magna sunt, idem est maius, quod melius, vt Aug. dicit 8. de trin. ca. 1. Vnde quando quaeritur, vtrum habitus augeantur, Sensus est, vtrum possint fieri perfecti, vel ex minori perfectione, possint peruenire ad maiorem perfectionem.

1. Distinctio. Perfectio formæ dupliciter potest considerari. Vno modo, secundum ipsam formam. Alio modo, secundum quòd subiectum participat formam. In quantum attenditur perfectio formæ secundum ipsam formam, ipsa dicitur esse parua, vel magna, puta magna, vel parua sanitas, vel scientia. In quantum vero attenditur perfectio formæ secundum participationem subiecti, dicitur magis, & minus, puta magis, vel minus album, vel sanum.

Diuerforum Sententiæ.

Circa intensionem, & remissionem habituum, & formarum fuerunt quatuor opiniones apud Philosophos, vt Simplicius narrat in Com. prædic. cap. 1. de qualitatibus.

Prima opinio fuit Platoniorum, qui ponabatur ipsas qualitates, & habitus suscipere magis, & minus, propter hoc, quod materiales erant, ex hoc enim dicebant, habere indeterminationem quandam, propter materiam infinitatem.

Alij vero in contrarium ponebant, quòd ipse qualitates, & habitus in se non recipiebant magis, & minus, sed qualia dicuntur magis, & minus, secundum diuersam participationem, puta quod iustitia non dicatur magis, & minus, sed iustum, & hanc opinionem tangit Aristoteles in prædic. qualitatibus.

Tertia fuit opinio Stoicorum, media inter has, posuerunt enim, quòd aliqui habitus secundum se recipiunt magis, & minus, sicut artes: quidam autem non, sicut virtutes.

Quarta opinio fuit quorundam dicentium, quod qualitates, vel formæ immateriales, non recipiunt magis, & minus: materiales autem recipiunt.

Vera Sententia.

Vt igitur huius rei veritas manifestetur, primò repetenda est distinctio posita in principio corporis, quæ est, quod formæ dupliciter possunt considerari. Vno modo, secundum se, secundum ea, quæ conueniunt sibi, ex earum specifica ratione: puta albedo, calor, sanitas, & alia huiusmodi, pro vt sunt quædam species qualitatis. Alio modo, vt participantur à subiecto, puta calor, vt participat à ligno.

a ligno, & ferro. Albedo pro vt participatur a nigro, & cigno. Et sanitas, vt participatur ab hoc, vel ab illo homine.

2. *Distinctio.* Deinde est considerandum, quod formæ, pro vt considerantur secundum earum specificam rationem, secundum se, sunt in duplici differentia. Quædam enim sunt, quæ secundum se, vel secundum aliquid sui sortiuntur speciem, hoc est, habent suam differentiam sine ordine ad aliquod extraneum: vt sunt calor, color, & alia huiusmodi qualitates, quæ non dicuntur in ordine ad aliud, & multo minus substantia, quæ est per se ens. Quædam vero sunt, quæ recipiunt speciem ex aliquo, ad quod ordinantur, hoc est, habent suam differentiam, cum ordine ad aliquod extraneum: sicut est motus, qui habet speciem a termino, sanitas, scientia, & alij habitus, qui respiciunt obiectum, a quo habent speciem.

Prima propositio. Formæ, quæ constituuntur in specie, ex intrinseco solo, & non habent suas differentias, cum ordine ad aliquod extrinsecum, non habent ex se, unde suscipiunt magis, & minus.

Prob. Illud, secundum quod aliquid sortitur speciem, oportet esse fixum, & stans, & quasi indivisibile: ita vt, quæcumque ad illud attingunt, sub specie vna contineantur, quæ vero recedunt ab illo, vel in plus, vel in minus, pertineant ad aliam speciem, vel perfectiorem, vel imperfectiorem. Ergo Formæ, quæ ex intrinseco specificantur, non possunt recipere magis, vel minus, nec variari secundum maiorem, & minorem perfectionem secundum se.

Antec. prob. quia Species rerum, sunt sicut numeri, vt dicitur 8. Metaph. text. 10.

Conseq. prob. quia In numeris additio, vel diminutio variat speciem.

Secunda propositio. Formæ, quæ specificantur cum ordine ad aliquod extraneum, possunt secundum se ipsas, diuificari in plus, vel in minus, & remanere eadem secundum speciem.

Prob. quia Tales formæ possunt accedere magis & minus ad illud extrinsecum, & non variatur species propter vnitatem illius extrinseci, sicut motus, & sanitas, habitus, & alia huiusmodi.

Tertia propositio. Si consideremus qualitatem, vel formam secundum participationem subiecti, sic etiam inveniuntur quædam qualitates, & formæ recipere magis, & minus, & quædam non.

Manifestatur dupliciter. Primo secundum Simplicium, qui in Com. prædic. qualitat. assignat differentiam inter huiusmodi formas, secundum quod participantur a subiecto, ex hoc, quod formæ, quæ participantur a subiecto, sunt in duplici differentia. Quædam participantur substantialiter, &

Quædam participantur medijs actionibus, & passionibus. Formæ, quæ participantur substantialiter, sunt formæ de genere substantiæ: & quia substantia non suscipit magis, & minus, hinc fit, vt formæ participatæ substantialiter, non participantur secundum magis, & minus. Et quia quantitas est propinqua substantiæ, & formæ, & figura consequuntur quantitatem, ideo huiusmodi formæ non participantur secundum magis, & minus, & ideo Arist. dicit 7. Phys. text. 1. quod recipiens formam, & figuram non dicitur alterari. Aliæ autem qualitates, quæ sunt magis remotæ a substantia, coniunguntur actionibus, & passionibus, & ideo participantur secundum magis, & minus.

Secundo potest magis explicari huiusmodi diuersitatis ratio. Vt enim dictum est, id, a quo aliquid habet speciem, oportet manere fixum, & stans in indivisibili. Duobus igitur modis potest contingere, quod forma non participet secundum magis, & minus. Vno modo, quia participans habet speciem secundum ipsam: & inde est, quod nulla forma substantialis participat secundum magis, & minus. Et propter hoc Phil. dicit 8. Metaph. text. 10. quod sicut numerus non habet magis, neque minus, sic neque substantia, quæ est secundum speciem, id est quantum ad participationem formæ specificæ, sed si quidem cum materia, id est secundum materiales dispositiones, inuenitur magis, et minus in substantia. Alio modo potest contingere ex hoc, quod ipsa indivisibilitas, est de ratione formæ. Vnde oportet, quod si aliquid participet formam illam, quod participet illam, secundum rationem indivisibilitatis, & inde est, quod species numeri non dicuntur secundum magis, & minus, quia vnaquæque species in eis constituitur per indivisibilem vnitatem: & eadem ratio est de speciebus quantitatis continue, quæ secundum numeros accipiuntur, vt bicubitum, & tricubitum, & de relationibus, vt duplum, & triplum, & de figuris, vt trigonum, & tetragonum. Et hæc rationem ponit Arist. in prædic. qualitat. vbi assignat rationem, quare figure non recipiunt magis, & minus, dicit. Quæ quidem recipiunt trigoni rationem, & circuli, & similiter trigona, vel circuli sunt, quæ indivisibilitas est de ipsa eorum ratione. Vnde quæcumque participant rationem eorum, oportet quod indivisibiliter participent.

1. *Conclusio.* Habitibus, & dispositionibus augentur secundum se.

Prob. Formæ, quæ includunt in sui ratione ordinem ad aliud, augeri possunt secundum se. Sed Habitibus, & dispositionibus dicuntur secundum ordinem ad aliquid, vt dicitur 7. Phys. text. 17. Ergo Habitibus, & dispositionibus secundum se possunt

augeri, prout dicitur maior, vel minor finiras, quæ respicit maiorem, vel minorem dispositionē corporis animalis, & maior, vel minor scientia, secundum quod respicit plura, vel pauciora scibilia.

Maior patet ex secundo membro secundæ distinctionis, & ex secunda propositione superius probata.

2. Conclusio. Habitus, & dispositiones possunt augeri etiam secundum participationem subiecti.

Prob. Formæ, quæ non dant speciem subiecto, neque in sui ratione includunt indiuisibilitatem, possunt augeri. Sed Habitus, & dispositiones non dant speciem subiecto, neque in sui ratione includunt indiuisibilitatem. Ergo Habitus, & dispositiones possunt augeri ex parte subiecti, quatenus scilicet æqualis scientia, vel sanitas magis recipitur, in vno quam in alio, secundum diuersam apertitudinem, vel ex natura, vel ex consuetudine.

Maior patet ex secunda ratione adducta ad probandam tertiam propositionem.

Quomodo autem supra dicta se habeant circa virtutes, quomodo scilicet possint augeri, vel non dicitur infra quæst. 66. art. 1.

Ad Argumenta.

Ad 1. Dicitur, quod aliqua augeri contingit dupliciter. Vno modo, proprie. Alio modo, secundum quandam similitudinem. Proprie dicitur augeri quod acquirit maiorem quantitatem. Secundum similitudinem augetur illud, quod acquirit maiorem perfectionem. Primum augmentum conuenit soli quantitati. Secundum potest conuenire et formis. Ad maiorem igitur dicitur, quod est vera de his, quæ proprie augentur, & ad minorem subsumendam dicitur, quod habitus augentur secundum similitudinem, pro ut hoc nomen est translatum a corporalibus ad spiritualia, ut dictum est in principio corporis.

Ad 2. Dicitur, quod Perfectio est duplex. Quædam, quæ est terminus sui subiecti, dās ei esse specificum, vel quæ includit indiuisibilitatem: ut species numeri. Quædam vero est, quæ non dat esse specificum suo subiecto, nec includit in sui ratione indiuisibilitatem. Ad maiorem igitur dicitur, quod perfectio primi generis non potest augeri: secus est de perfectionibus secundi generis. Et ad minorem dicitur, quod habitus, & dispositiones non dant esse specificum subiecto, nec includunt indiuisibilitatem, unde non repugnat, ut possint augeri, & secundum se, & ut participantur a subiecto.

Ad 3. Dicitur ad minorem, quod Alteratio, primo quidem, est in qualitatibus tertiæ speciei, in qualitatibus vero primæ speciei potest esse altera-

tio per posterius: facta enim alteratione secundum calidum, & frigidum, sequitur, animal alterari secundum sanum, & ægrum. Et similiter facta alteratione secundum passionem appetitus sensitiui, vel secundum vires sensitiuas apprehensiuas, sequitur alteratio secundum scientiam, & virtutes, ut dicitur 7. Phys. tex. 20.

A R T I C V L V S II.

Utrum Habitus augeantur per additionem.

Pro Affirmatiua.

Videtur, quod Augmentum habituum fiat per additionem.

1. In quantitatibus corporalibus non fit augmentum sine additione. Ergo Nec in habitibus fit augmentum sine additione.

Antec. prob. quia libro 1. de Gener. t. 3. 1. dicitur, quod Augmentum est præexistenti magnitudini additamentum.

Conseq. prob. quia Non enim augmenti a quantitatibus corporalibus transfertur ad formas.

2. Quod augetur per actionem alicuius agentis, augetur per additionem.

Sed Habitus augetur per actionem alicuius agentis. Ergo Habitus augetur per additionem.

Maior. quia Omne agens facit aliquid in subiecto patiente, sicut calefaciens facit calorem in ipso calefacto.

3. Illud, quod non est album, non fit album, nisi per aduētum albedinis. Ergo Id, quod est minus album, non fit magis album, nisi per aliquam aliam albedinem superuenientem. Et sic formæ augmentum fit per additionem nouæ formæ.

Conseq. prob. quia Sicut quod non est album, est in potentia album; ita quod est minus album, est in potentia ad magis album.

Pro Negatiua.

Phil. 4. Phys. tex. 24. dicit. Ex calido fit magis calidum, nullo facto in materia calido, quod non esset calidum, quando erat minus calidum. Ergo Pari ratione, nec in alijs formis, quæ augentur, est aliqua additio.

Determinatio.

Quia solutio huius quæstionis pendet ex his, quæ dicta sunt in preced. art. Ideo breuiter aliqua, ex his, repetenda sunt.

Et primo dictum est, quod formæ sunt in duplici differentia. Quædam sunt absolutæ, quæ non habent suas specificas differentias in ordine ad aliquod extraneum, ut sunt calor, color, &c.

Quædam vero sunt formæ, quæ specificantur per ordinem ad aliud, ut sunt motus, & habitus, tum animæ, tum corporis, ut dictum est.

R r Dictum

dictum est secundo, quod augmentum formæ potest fieri, vel quatenus secundum se, & absolute consideratur, vel per participationem a subiecto.

dictum est tertio, quod formæ absolutæ, quæ non habent ordinem ad extrinsecum, secundum suam naturam, non augentur secundum se. Et ratio est, quia esse specificum, est fixum, & indivisibile, & propterea non potest suscipere magis, & minus.

dictum est quarto, quod formæ, quæ includit respectum ad extrinsecum, secundum se possunt augeri, absque variatione speciei, per hoc, quod magis appropinquant ad illud extrinsecum, ut de motu, sanitate, & scientia dictum est.

dictum est quinto, quod ex participatione subiecti alique formæ non augentur, scilicet illæ, quæ substantialiter recipiuntur, ut dicebat Simplicius, vel illæ, quæ dant esse specificum subiecto, vel habent annexam intrinsecam indivisibilitatem. Ceteræ vero omnes augentur, scilicet quæ participantur media actione, & passione, ut expositum est.

His sic summarie repetitis, ponuntur sequentes conclusiones.

1. Conclusio Augmentum formarum, & habituum, quod est ex diversa participatione subiecti, non fit per additionem formæ ad formam, sed fit per hoc, quod subiectum magis, vel minus participat viam, & eandem formam.

Prob. duplici ratione, quarum prima probat uniuersaliter de omnibus formis, quæ augentur ex parte subiecti, quod scilicet nulla ipsarum augetur per additionem nouæ formæ, ex subiecto. Altera vero probat solum, quod formæ absolutæ non includentes extrinsecum, non augentur per additionem nouæ formæ.

Prima Ratio. Agens, quod de nouo introducit aliquam formam in aliquo subiecto, non facit formam, sed facit, ut subiectum de nouo participet formam. Ergo Agens, quod augeat formam, iam existentem in subiecto, ipsam intensius augendo, non facit nouam formam, sed facit, ut subiectum magis participet eandem formam.

Anteq. prob. quia Forma non fit, sed compositum, ut dicitur 7. Metaph. tex. 32. Calfaciens, n. non facit calorem, sed calidum; hoc est, ut calefactibile participet actu calorem.

Conseq. prob. quia Sicut se habet agens de nouo introducens formam, ad ipsam formam, ita agens, quod agit intensius, ad augmentum formæ. Vnde sicut ignis, qui primo calefacit aliquid frigidum, non facit calorem, sed facit, ut illud subiectum participet calorem. Ita ignis intendens calorem iam introductum, non facit nouum calorem

sed priorem augeat per hoc, quod subiectum magis ipsum participat.

Secunda Ratio. Si in formis intelligeretur augmentum in per additionem. Vel huiusmodi additio fieret ex parte formæ. Vel ex parte subiecti. Non potest dici, quod fieret ex parte formæ, quia forma absoluta, si ei aliquid addatur, variat speciem, ut dictum est: variatur enim species coloris, si albedini addatur aliquis color, puta cum ex albo fit palidum. Nec ex parte subiecti, & manifestatur. Nam si additio fieret ex parte subiecti. Vel fit ex hoc, quod via prius subiecti de nouo recipit formam, quam prius non habebat: ut si dicatur frigus crescere in homine, quia prius frigebat in una parte, et postea frigescit in pluribus. Vel quia aliquid aliud subiectum additur participans eandem formam. Sicut si calidum adiungatur calido, vel album albo. Sed Vtrumque horum modorum non facit aliquid magis, sed maius tale, puta album, vel calidum. Patet ergo quod augmentum formæ ex parte subiecti, non fit per additionem alicuius nouæ formæ.

2. Conclusio. Augmentum formarum, quæ specificantur per ordinem ad aliquid extrinsecum, quæ scilicet augentur secundum se, fit per additionem.

Prob. In dabus formis, quæ respiciunt aliquid extrinsecum, scilicet in motu, & in scientia. Augentur enim motus per hoc, quod ei aliquid additur, vel secundum tempus, in quo est, vel secundum viam, per quam est, & tamen manet eadem species, propter unitatem terminum.

Similiter etiam scientia potest augeri secundum se ipsam, per additionem, sicut cum aliquis plures conclusiones geometriæ addiscit, augetur in eo habitus eiusdem scientiæ, secundum speciem.

Sciendum tamen, quod motus, & scientia non solum augentur secundum se per additionem, ut dictum est, sed augentur etiam, sicut alie formæ absolutæ, ex parte subiecti secundum intensiōem: augetur enim motus intensius, in quantum idem motus potest magis, vel minus expedire fieri: & scientia etiam augetur intensius, quia tenus expediri, & clarius, vnus homo, alio se habet, in eadem conclusionibus considerandis.

3. Conclusio. In habitibus corporalibus non multum videtur fieri augmentum per additionem.

Prob. quia Non dicitur animal sanum, aut pulchrum simpliciter, nisi secundum omnes partes suas sit tale: quod autem ad perfectiorem commensurationem perducatur, contingit secundum transmutationem simplicium qualitatium, quæ non augentur nisi secundum intensiōem, ex parte subiecti participantis.

Quo-

Quomodo autem supradicta se habeant ad habi-
tus virtutum, utrum scilicet virtutes augeantur
per additionem, vel per participationem maio-
rem subiecti, dicitur infra, quæst. 66. art. 1.

Ad Argumenta.

Ad 1. Dicitur ad antec. quod etiam in magni-
tudine corporali contingit dupliciter augmentum.
Vno modo, per additionem subiecti ad subie-
ctum, sicut est in augmento viuicinium. Alio mo-
do per solam intensiorem, absque omni additio-
ne, sicut est in his, quæ rarefiunt, ut dicitur 4.
Physicæ. 63.

Ad 2. Negatur maior. Ad probationem dicitur,
quod causa augens habitum, facit quidem sem-
per aliquid in subiecto, non autem nouam for-
mam: sed facit, quod subiectum perfectius parti-
cipet formam præexistentem, aut quod amplius
se extendat.

Ad 3. Negatur Conseq. Ad probationem dicitur,
quod non est eadem ratio de eo, quod est al-
bum in potentia, & de eo, quod est minus album.
Id enim, quod nondum est album, est in potentia
ad formam ipsam, tanquam nondum habens for-
mam, & ideo agens causat nouam formam in sub-
iecto: sed id, quod est minus album, aut album
non est in potentia ad formam, cum iam actu for-
mam habeat; sed est in potentia ad perfectum
participationis modum, & hoc consequitur per
actionem agentis.

ARTICVLVS III.

Vtrum Quilibet actus augeat habitum.

Pro Affirmatiua.

Videretur, quod quilibet actus augeat habitum.
1. Multiplicata causa, multiplicatur effe-
ctus. Sed Actus sunt causa habituum, ut supra
dictum est. Ergo Multiplicatis actibus, augetur
habitui.

2. Omnes actus ab eodem habitu proceden-
tes sunt similes, ut dicitur 2. ethic. cap. 1. Ergo si
aliqui actus augent habitum; quilibet actus au-
getur ipsi.

Conseq. prob. quia De similibus id est iudici-
um. 3. Quilibet actus est similis habitui, a quo pro-
cedit. Ergo Omnis actus auget habitum.

Conseq. prob. quia Simile augetur suo simili.

Pro Negatiua.

Aliqui actus, ab habitu procedentes, dimini-
uuntur, ut pote cum negligenter fiunt, ut dicitur
2. ethic. c. 2. Ergo Non omnis actus auget habitum.

Conseq. prob. quia Idem non est causa contra-
riorum, & in proposito, idem actus non potest ef-
fere causam augmenti, & diminutionis habitus.

Determinatio.

Distinctio. Aliquis habens habitum, potest pro-
ducere tria genera actuum. Potest enim produ-
cere actum intensiorem ipso habitu. Actum æque
intensum. Et actum minus intensum.

Manifestatur hæc distinctio. Nam vsus habi-
tuum in voluntate hominis consistit, ut ex supra-
dictis patet. Vnde sicut aliquis habens habitum,
potest non uti illo, vel etiam agere actum contra-
rium, ita potest contingere, ut utendo habitu, pro-
ducatur actum non correspondentem intensi-
onem habitus, sed intensiorem, vel æque, vel minus intensum.

1. Conclusio. Omnis actus, proveniens ab ali-
quo habitu, qui est intensior, vel saltem æque in-
tensus proportionaliter habitui, auget habitum,
vel disponit ad augmentum ipsius.

Prob. a simili in augmento animalis. Nō enim
quodlibet alimentum assumptum actu augeat ani-
mal, sicut nec quilibet gustu cauat lapidem: sed
multiplicato alimento tandem fit augmentum, ita
etiam multiplicatis actibus, æqualiter, vel magis
intensis, crescit habitus.

2. Conclusio. Actus minus intensi non solum
non augent habitum, nec disponunt ad augmen-
tum, sed potius agunt ad diminutionem ipsius.

Prob. Actus minus intensi non sunt similes ha-
bitui, ex quo procedunt. Ergo Non causant, nec
disponunt ad augmentum habitus.

Conseq. prob. quia Similes actus, similes habi-
tus causant, ut dicitur 2. ethic. cap. 1. & 2.

Antequam a similitudo, aut dissimilitudo nō so-
lum attenditur secundum qualitatem eadem, vel
diuersam, sed etiam secundum eundem, vel diuer-
sum participationis modum eiusdem qualitatis:
est enim dissimile non solum nigrum ab albo, sed
etiam magis album, a minus albo: fit enim etiam
motus a minus albo in magis album, tanquam
inter opposita, ut dicitur 5. Physicæ. 52.

Habitus igitur minus intensus non est similis
habitui, quamuis ab illo sit, & ideo ipsum non au-
get, nec ad eius augmentum disponit, immo cum
sit dissimilis, magis ad eius diminutionem disponit.

Ad Argumenta.

Ad 1. Dicitur ad minorem, quod non quilibet
actus est causa habitus, ut dictum est. Vnde mul-
tiplicatis actibus, qui sunt causa habitus, augetur
habitui, non aut multiplicatis his, qui nō sunt eā.

Ad 2. Negatur maior. Licet enim omnes actus
procedentes ab habitu, sint similes, quatenus
habent eandem qualitatem, tamen minus intensi nō sunt

similes, quantum ad modum participandi, ut dictum est.

Ad 3. Eodem modo dicitur, quod non quilibet actus est similis omnino habitui, a quo procedit, ut dictum est.

QVÆSTIO LIII.

DE CORRUPTIONE, ET diminutione habituum.

ARTICVLVS I.

Vtrum Habitus corrumpi possit.

Pro Negativa.

Videtur, quod Habitus corrumpi non possit.

1. Natura non corrumpitur, manente eo, cuius est natura. Sed Habitus inest sicut quedam natura. Ergo Habitus non potest corrumpi manente subiecto.

Minor. quia Operationes secundum habitum propterea sunt delectabiles.

2. Prob. specialiter, quod habitus scientiæ non possit corrumpi. Si habitus scientiæ corrumpitur. Aut corrumpitur ad corruptionem sui subiecti. Aut a contrario. Sed Neutro modo potest corrumpi. Ergo Habitus scientiæ non potest corrumpi.

Maior prob. quia Omnis corruptio formæ, vel est per corruptionem subiecti, vel est a contrario: si cut agriudo corrumpitur, corruptio animali, quod est eius subiectum. Vel etiam superueniente sanitate, quæ est ei contraria.

Minor prob. quo ad utramque partem. Nō corrumpitur ad corruptionem subiecti. quia Subiectum scientiæ, quod est intellectus, est incorruptibile, ut dicitur 1. de anim. tex. 35. Neque a contrario. quia Species intelligibiles non sunt ad inuicem contrariæ, ut dicitur 7. Metaph. tex. 32.

3. Habitus scientiæ non potest corrumpi. Ergo Nec habitus virtutum possunt corrumpi.

Conseq. prob. quia Virtutes sunt permanentiores disciplinis, ut dicitur 1. Ethic. cap. 10.

Antec. prob. quia Cum omnis corruptio fiat per aliquem motum, si scientia corrumpitur: Aut corrumpitur per motum per se animæ, quæ est subiectum ipsius scientiæ, & hoc non, quia Anima non mouetur per se. Aut per motum per accidens, quatenus, si anima mouetur ad motum corporis, & hoc etiam non potest esse, quia Nulla transmutatio corporalis videtur posse corrumpere species intelligibiles existentes in intellectu, qui est locus specierum sine corpore. Vnde ponitur, quod nec per senium, nec per mortem corrumpitur habitus,

Pro Affirmativa.

Phil. lib. de longitudine, & breuitate vitæ c. 2. dicit, quod scientiæ corruptio est obliuio, & deceptio: peccando enim aliquis habitum virtutis amittit, & ex contrariis actibus, virtutes generantur, & corrumpuntur, ut dicitur 2. Ethic. c. 3.

Determinatio.

1. Distinctio. Habitus, siue quæcunque formam corrumpi, dupliciter contingit. Per se, & per accidens. Tunc corrumpitur per se, quando corrumpitur a contrario. Tunc per accidens, quando corrumpitur ad corruptionem sui subiecti. Videndum est igitur primo, an habitus corrumpatur per accidens. Deinde an corrumpatur per se.

2. Distinctio. Habitus sunt in triplici differentia. Quidam sunt in subiecto corruptibili, & habent contrarietatem secundum se, & huiusmodi sunt habitus corporales, quorum subiectum, scilicet Corpus, est corruptibile, & habent contrarium, puta sanitas habet infirmitatem sibi contrariam, & pulchritudo deformitatem. Quidam vero sunt habitus, quorum subiectum est incorruptibile, & non habent contrarium, nec secundum se, nec ratione suæ causæ: & talis est habitus primorum principiorum, tam speculabilium, quam pract. eorum. Subiectum enim horum habituum est incorruptibile; quia est ipse intellectus. Non habent contrarium secundum se; quia species intelligibiles non habent aliquid contrarium. Nec habent contrarium ratione suæ causæ; quia Causa horum habituum est intellectus agens, cui nihil contrariatur.

Quidam vero sunt habitus, quorum subiectum principale est incorruptibile, secundarium vero est corruptibile; & habent contrarium, saltem ex parte causæ, & tales habitus sunt scientia, & opinio; quæ sunt in intellectu, tanquam principali subiecto, in sensu vero secundario, ut dictum est, quæst. 50. art. 3. ad 3. Habent vero contrarium ex parte causæ dupliciter. Vno modo, ex parte ipsarum propositionum, ex quibus ratio procedit, etenim enunciationi, quæ est, bonum est bonum, contraria est ea, bonum non est bonum, secundum Phil. 1. Periher. cap. vlt. Alio modo, quantum ad ipsum processum rationis, prout syllogismus philosophicus opponitur Syllogismo dialectico, vel demonstratio. Sic igitur patet, quod per falsam rationem potest corrumpi habitus veræ opinionis, aut etiam scientiæ. Vnde Phil. dicit, quod deceptio, est occupatio scientiæ, sicut supra dictum est.

1. Conclusio. Habitus corporales sunt corruptibiles per se, & per accidens.

Prob.

Prob. *Habitus*, qui habent secundum se contrarium, & quorum subiectum est corruptibile, sunt corruptibiles per se, & per accidens. Sed *Habitus* corporales habent contrarium secundum se, & etiam subiectum corruptibile, ut dictum est. Ergo *Habitus* corporales, & per se, & per accidens sunt corruptibiles.

2. *Conclusio*. *Habitus* primorum principiorum, tum speculabilium, tum etiam practico- rum non potest corrumpi per se, nec per accidens.

Prob. *Habitus*, quorum subiectum est incorruptibile, & non habet contrarium, nec secundum se, nec ratione sua causa, sunt omnino incorruptibiles. Sed *Habitus* primorum principiorum habent subiectum incorruptibile, & non habent contrarium, nec secundum se, nec ratione sua causa, ut dictum est. Ergo *Habitus* primorum principiorum, tum speculabilium, tum practico- rum, sunt omnino incorruptibiles.

3. *Conclusio*. *Habitus* scientiæ sunt per accidens incorruptibiles, ex parte principalis subiecti. Ex parte vero inferiorum viri- um per accidens sunt corruptibiles. Per se vero possunt corrumpi.

Prob. quo ad omnes partes. Quod ex parte principalis subiecti sunt incorruptibiles per accidens, prob. quia eorum principale subiectum, quod est intellectus, est incorruptibile.

Quod sint corruptibiles per accidens ex parte inferiorum viri- um. prob. quia eorum secundarium subiectum est corruptibile, scilicet vires inferiores.

Quo id vero sint per se corruptibiles prob. *Habitus*, qui habent contrarium, saltem ex parte causa, sunt per se corruptibiles. Sed *Habitus* scientiæ, & opinionis habent contrarium, ex parte saltem causa, ut dictum est. Ergo huiusmodi *habitus* sunt per se corruptibiles.

4. *Conclusio*. *Habitus* virtutis, & vitij sunt per se corruptibiles.

Manifestatur. Nam virtutum, quædam sunt intellectuales, & hæc sunt in ipsa ratione, ut dicitur 6. Ethic. cap. 1. Et de his est eadem ratio, quæ est de scientia, & opinionibus, de quibus dictum est, quod per se possunt corrumpi, & etiam per accidens, respectu secundarii subiecti. Quædam vero sunt in parte animæ appetitiua, quæ sunt virtutes morales, & eadem ratio est de vitij oppositis. *Habitus* autem appetitiui pars causantur per hoc, quod ratio nata est appetitui partem mouere. Vnde per iudicium rationis in contrarium mouens quocunque modo, si sine ex ignorantia, siue ex passione, vel etiam ex electione corrumpitur *habitus* virtutis, vel vitij.

Breviter igitur colligendo responsionem ad quæ- stionem dicitur Præmo, quod *Habitus* corporales

sunt corruptibiles per se, & per accidens. Per se, quia habent contrarium. Per accidens, quia subiectum eorum est corruptibile.

Secundo. *Habitus* primorum principiorum, tum speculabilium, tum practico- rum sunt incorruptibiles per se, quia carent contrario, & per accidens, quia intellectus, in quo sunt, ut in subiecto, est incorruptibilis.

Tertio. *Habitus* scientiæ, & opinionis per se sunt corruptibiles, quia habent contrarium ex parte causa: per accidens vero sunt corruptibiles, ex parte secundarii subiecti, non autem ex parte subiecti principalis.

Quarto. *Habitus* virtutum se habent ad corruptionem, vel incorruptibilitatem, ut scientia, & opinio, quæ per se sunt *habitus* corruptibiles a contrario: per accidens vero, respectu principalis obiecti, non possunt corrumpi.

Ad Arguenda.

Ad 1. Dicitur ad numerum 10. quod (ut dicitur 7. Ethic. c. 10.) *Habitus* similitudinem habet naturæ, deficit tamen ab ipsa. Similitudinem habet in hoc, quod sicut, quod est ex natura est delectabile, ita quod procedit ex habitu: & sicut natura operatur eodem modo, ita & *habitus*. Tamen *habitus* non est natura, sed quoddam superueniens natura: Et propter similitudinem hanc, sicut natura nullo modo remouetur ab eo, cuius est natura ita *habitus* cum difficultate remouetur ab eo, cuius est *habitus*.

Ad 2. Negatur minor, præcipue quo ad secundam partem, corrumpitur enim a contrario. Ad cuius probationem dicitur, quod etsi speciebz intelligibilibus non sit aliquid contrarium, enunciationibus tamen, & processui rationis potest aliquid esse contrarium, ut dictum est. Vnde scientia habet contrarium ex parte causa.

Ad 3. Negatur antec. Ad prob. dicitur, quod scientia potest corrumpi per vitiumque motum, tum animæ, tum corporis, differenter tamen, per motum enim corporalem corrumpitur scientia, non quantum ad radicem *habitus*, sed solū quantum ad impedimentum actus, in quantum intellectus indiget in suo actu viribus sensitiuis, quibus impedimentum affertur per corporale transmutationem. Corrumpitur etiā per motum animæ, non quidē physicū (hoc enim caret) sed per motū intelligibilem rationis, per quē potest corrumpi scientia, et quantum ad radicē *habitus*: & idē dicendū est de *habitus* virtutis. Neg. etiā consequ. & ad prob. dicitur. Virtutes esse permanentiores disciplinis, non ex parte subiecti, vel causa, sed ex parte actus virtutum. Vnde, si virtutum est continuus per totam vitam, non autem usus disciplinarum.

ARTICVLVS II.

Vtrum Habitus possit diminui.

Pro Negatiua.

Videatur, quod Habitus diminui non possit.

1. Forma simplex non potest diminui. Habitus est forma simplex.

Ergo Habitus non potest diminui.

Minor, quia Simplex, aut totum habetur, aut totum amittitur.

Minor, quia Habitus est quedam qualitas.

2. Si habitus potest diminui, aut hoc conuenit ei secundum se, aut ratione sui subiecti.

Sed Habitus non potest diminui secundum se, nec ratione subiecti. Ergo Habitus nullo modo diminuitur.

Mayor, quia Quod conuenit accidenti, conuenit ei secundum se, vel ratione sui subiecti. Sed Habitus est accidens. Ergo Si habitus diminuitur, hoc conuenit sibi ratione sui subiecti, vel secundum se.

Minor prob. quod ad utramque partem. Non continetur habitus diminui secundum se, quia habitus secundum se non intenditur, nec remittitur, alioquin sequeretur, quod aliqua species predicaretur de suis indiuiduis secundum magis, & minus.

Non ratione subiecti, quia Sequeretur, quod habitus accideret aliquid proprium, quod non sit commune ei, & subiecto. Sed hoc est inconueniens. Ergo Non potest diminui ratione subiecti.

Sequela prob. quia Habitus haberet hoc proprium, quod secundum se esset sine augmento, & decremento, & in subiecto esset diminuibilis, vel augmentabilis.

Quod sit inconueniens prob. quia forma, cui conuenit aliquid, quod est sibi proprium, & non commune cum subiecto, est separabilis. Unde si habitus secundum se non posset diminui, sed solum ei conueniret ratione subiecti, esset forma se parabilis a subiecto, quod est impossibile.

3. Habitus non possunt diminui secundum se, ut probatum est. Ergo Neque possunt diminui ratione sui subiecti.

Conseq. prob. quia Ratio, & natura habitus, sicut & cuiuslibet accidentis, consistit in concretionem ad subiectum, & propterea quodlibet accidens diffinitur per suum subiectum. Igitur Si habitus secundum se non diminuitur, nec poterit diminui ratione subiecti, & e conuerso: quia scilicet subiectum ponitur in diffinitione accidentis, & pertinet ad accidens secundum se.

Pro Affirmatiua.

Habitus possunt augeri, ut questione precedenti ostensum est. Ergo Possunt etiam diminui.

Conseq. etiam prob. Contraria nata sunt fieri circa idem.

Sed Augeri, & diminui sunt contraria. Ergo Habent fieri circa idem. Si igitur habitus potest augeri, potest etiam diminui.

Determinatio.

1. Conclusio. Habitus potest diminui. Tum ex parte subiecti participantis. Tum etiam secundum se.

Prob. Habitus potest augeri secundum se, & ratione subiecti a quo participatur, ut probatum est, quæst. præced. artic. 1. Ergo His modis potest etiam diminui.

Conseq. prob. argumento pro affirmatiua inducto; quia scilicet contraria sunt nata fieri circa idem.

Secunda Concl. Habitus diminuitur ab eadem causa, a qua corrumpitur.

Prob. Habitus augetur a causa, a qua generatur. Ergo Diminuitur a causa, a qua corrumpitur.

Conseq. prob. quia Sicut generatio habitus est quoddam fundamentum augmenti ipsius, ita diminutio est quedam via ad corruptionem.

Ad Argumenta.

Ad 1. Dicitur ad minorem, quod Habitus potest dupliciter considerari. Vno modo, secundum se; & sic est forma simplex, & non accedit ei diminutio. Alio modo potest considerari, secundum quod participatur a potentia diuersis modis, quæ tamen diuersitas participationis procedit ex indeterminatione potentie participantis, quia scilicet diuersimode potest vnâ formâ participare, vel quæ potest ad plura se extendere, & sic habitus augetur, & diminuitur.

Ad 2. Negatur minor, quo ad utramque partem, potest enim habitus, (sicut non omnes) diminui, & secundum se, & ratione subiecti. Ad probationem primæ partis dicitur, quod habitus, qui secundum se diminuitur, ut est, qui in sui ratione includit ordinem ad aliud salua vnitate specificâ, potest diminui, & augeri, ut ostensum est, in art. 1. quæst. 2. non quod essentia suscipiat magis, & minus, sed per maiorem accessum, vel recessum ad illam extrinsecum.

Ad probationem alterius partis negatur conseq. Ad probationem dicitur, quod in ea supponitur vnum falsum, scilicet quod habitus, qui diminuitur ex parte subiecti participantis, non diminuitur secundum se: hoc enim est falsum. Diminuitur enim habitus, sicut & augetur, etiam secundum se, quando diminuitur, vel augetur ex parte subie-

subiecti. Non enim est possibile, vt calor magis participetur a subiecto, nisi sit maior calor: & etiam implicat, quod calor minus participetur a subiecto, & non minuat secundum suam essentiam. Vnde habitus non habet aliquid, quod non sit commune subiecto, quia si diminuitur ex parte subiecti, diminuitur etiam secundum se.

Sed animaduertendum, quod ly (secundum se) potest dupliciter intelligi. Vno modo, vt significat rem. scilicet ipsum habitum, vel formam, & sensus est, quod habitus secundum se, id est ipsa res, & narrata, quæ est habitus, augetur, vel diminuitur. Alio modo, ly (secundum se) potest significare radicem, & causam diminutionis, vel augmenti: & est sensus quod habitus, secundum se, non augetur, id est non habet causam, & radicem sui augmenti, vel sue diminutionis. Vnde accipitur primo modo, habitus, qui augetur, & diminuitur, ex diuersa participatione, augetur etiam secundum se, id est res, quæ est habitus, augetur, & diminuitur. Si secundo modo, non augetur, nec diminuitur secundum se (loquendo de habitibus absolutis), sed solum ex parte subiecti. Hoc est, radix augmenti non est in habitu, secundum se considerato, sed conuenit ei ratione subiecti. In albedine enim, secundum se considerata, non est aliqua causa augmenti, vel diminutionis, sed hæc conueniunt sibi, quia diuerso modo participatur a subiecto, & sic de alijs.

Ad 3. Negatur consequens. Ad probationem dicitur, quod in ratione accidentis cadit subiectum, diuersimode tamen, & ex hac diuersitate prouenit, quod non semper id, quod conuenit accidenti ex subiecto, conueniat ei, secundum se. Pro quo est considerandum, quod accidentis dupliciter consideratur. Vno modo, vt significatur in abstracto. Alio modo, vt significatur in concreto. Accidentis significatum in abstracto, importat quidem habitudinem ad subiectum, sed huiusmodi habitudine incipit ab accidente, & terminatur ad subiectum. Nam albedo dicitur, quia aliquid est album, & ideo in diffinitione accidentis in abstracto non ponitur subiectum, quasi prima pars diffinitionis, quæ est genus, sed quasi secunda, quæ est differentia. Dicimus enim, quod Similitudo est curuitas nasi. Sed in accidente in concreto significato, incipit habitudo a subiecto, & terminatur ad accidentem. Dicitur enim album, quod habet albedinem, propter quod in diffinitione huiusmodi accidentis ponitur subiectum, tamen genus, quod est prima pars diffinitionis. Dicimus enim, quod Similitudo est nasus curuus. Vnde quod conuenit accidenti ex parte subiecti, non attribuitur accidenti in abstracto, sed in concreto: & quia diminutio

attribuitur habitui ratione subiecti, ideo non attribuitur habitui secundum se, in abstracto, sed solum in concreto. Pater igitur, quod aliquid potest conuenire accidenti ratione sui subiecti, quod tamen non est de ratione accidentis abstracte accepti, propter quod recte negata fuit consequentia.

Hæc autem vera sunt de habitibus absolutis. De his enim, qui habent ordinem ad aliud, iam dictum est, quod conuenit eis diminui secundum se, quatenus ex intrinseco habent, vt augeantur, vt dictum est.

ARTICVLVS III.

Vtrum Habitus corrumpatur, vel diminuat per solam cessationem ab opere.

Pro Negativa.

Videtur, quod Habitus non corrumpatur, vel diminuat per solam cessationem ab opere.

1. Passibiles qualitates non corrumpuntur, neque diminuantur per cessationem ab actu. Ergo Neque habitus diminuantur, aut corrumpuntur per cessationem ab actu.

Antec. prob. quia Albedo non diminuitur, si cesset ab actu immutandi visum, nec calor si non calefaciat.

Conseq. prob. quia Habitus permanentiores sunt, quam passibiles qualitates, vt patet ex dictis quæst. 49. art. 2.

2. Illud, per quod aliquid corrumpitur, vel minuitur, debet habere rationem causæ mouentis. Sed Cessatio ab actu, non importat causam mouentem. Ergo Per cessationem ab actu, non corrumpitur, nec diminuitur habitus.

Maiores. Nihil mutatur absque causâ mouente. Sed Corruptio, & diminutio sunt quedam mutationes. Ergo Causa corruptionis, & diminutionis debet esse causa mouens.

3. Ea, quæ sunt supra tempus, non corrumpuntur, neque diminuantur per temporis diuturnitatem. Sed Habitus scientiæ, & virtutes sunt supra tempus. Ergo Non corrumpuntur, nec diminuantur per diuturnitatem temporis, si diu aliquis cesset ab actu.

Minor. quia Habitus scientiæ, & virtutis sunt in anima intellectiua, quæ est supra tempus.

Pro Affirmatiua.

Phil. lib. de longit. & breuit. vitæ cap. 2. dicit, quod Corruptio scientiæ non solum est deceptio, sed etiam obliuio. Et etiam 8. Ethic. cap. 5. dicitur, quod multas amicitias inappellatio dissoluit, & eadem ratione alij habitus virtutum, per cessationem ab actu diminuantur, vel tolluntur.

Deser.

Determinatio.

Distinctio. Aliquid potest mouere dupliciter. Vno modo per se. Alio modo per accidens. Illud dicitur mouere per se; quod mouet secundum rationem propriam formæ: sicut ignis dicitur calefaciens per se, quia ratione propriæ formæ calefacit. Illud vero dicitur mouere per accidens, quod remouet prohibens motum, ut dicitur 8. Phisic. text. 27.

Conclusio. Cessatio ab actu, est causa per accidens corruptionis, vel diminutionis aliorum habituum, in quantum scilicet remouetur actus, qui prohibebat causas corruptentes, vel diminuentes habitum.

Prob. Cessatio ab eo, quod est impeditum, ne succrescant contraria corruptentia, vel diminutionis habitus. Sed Actus est impeditum, ne succrescant contraria corruptentia, vel diminutionis habitum, cuius est actus. Ergo Cessatio ab actu est causa per accidens corruptionis, vel diminutionis habitus, in quantum scilicet per cessationem ab actu succrescunt contraria corruptentia, vel diminutionis habitum, quæ contraria per actum impediuntur, vel supprimuntur.

Maiores. quia, ut dictum est, Habitus per se corrumpuntur, vel diminuantur, ex contrario agentis. Ergo Cessatio ab eo, quod est impeditum horum contrariorum, erit causa per accidens corruptionis, vel diminutionis habitus.

Minor manifestatur, tum in virtutibus moralibus, tum etiam in scientiis, quæ est virtus intellectualis. Manifestum est enim, quod Habitus virtutis moralis, facit hominem prout ad eligendum medium in operationibus, & passionibus: cum autem aliquis non vitat habitus virtutis ad moderandas passiones, vel operationes proprias, necesse est, quod proueniant multæ passionis, & operationis præter modum virtutis ex inclinatione appetitus sensitiui, & aliorum quæ exterius mouent. Vnde corrumpitur virtus, vel diminuitur, per cessationem ab actu. Similiter etiam est ex parte habituum intellectualium, secundum quos est homo promptus ad recte iudicandum de imaginatis. Cum igitur homo cessat ab usu intellectualis habitus, insurgunt imaginationes extraneæ, & quandoque ad contrarium ducentes, ita quod, nisi per frequentem usum intellectualis habitus, quodammodo succidantur, uel comprimantur, redditur homo minus aptus ad recte iudicandum, & quandoque totaliter disponitur ad contrarium: & sic per cessationem ab actu diminuitur, uel etiam corrumpitur intellectualis habitus.

Ad Argumenta.

Ad 1. Dicitur ad antec. & ad eius probationem, quod etiam calor per cessationem a calefaciendo corrumpitur, si per hoc incretetur frigidum, quod est calidi corruptiuum, & album similiter corrumpitur, si nigredo incretetur.

Ad 2. Dicitur ad maiorem, quod est uera de causa mouente per se, non de ea, quæ solum est causa per accidens, qualis est cessatio ab actu.

Ad 3. Dicitur ad minorem, & ad eius probationem, quod scientiæ, & virtutes non solum sunt in parte intellectui, sed etiam in sensitiua, ex qua parte subiacet tempori, & ideo per temporis cursum transmutantur, quantum ad passiones appetitiuæ partis, & etiam quantum ad vires apprehensiuas. Vnde Phil. dicit 4. Phisic. text. 17. quod Tempus est causa obliuionis.

QVÆSTIO LIV.

DE DISTINCTIONE

habitu.

ARTICVLVS I.

Verum Multi habitus possint esse in una potentia.

Pro Negatiua.

Videtur, quod non possint esse multi habitus in una potentia.

1. Ea, quæ secundum idem distinguuntur, multiplicato in uno, multiplicatur, & aliud. Sed Potentia, & habitus secundum idem distinguuntur, scilicet secundum actus, & obiecta. Ergo Multiplicatis actibus, multiplicatur potentia, & per consequens non possunt plures actus in eadem potentia inueniri.

2. In uno subiecto simplici, non possunt esse plura accidentia. Sed Potentia est virtus quædam simplex. Ergo In una potentia, non possunt esse plura accidentia. Sed Habitus est accidens. Ergo In una potentia non possunt esse plures habitus.

Maiores. Ab una causa simplici, non uidetur procedere nisi unum. Sed Subiectum est causa accidentis. Ergo Ab uno subiecto simplici, procedit tantum unum accidens.

3. Vnum corpus non potest simul formari diuersis figuris. Ergo Neque una potentia, potest simul formari diuersis habitibus.

Consequens probatur. quia Sicut corpus formatur per figuram, ita potentia formatur per habitum.

Pro Affirmatiua.

Intellectus est una potentia, in qua tamen sunt diuersarum scientiarum habitus.

Declar.

Determinatio.

Distinctio. Habitus sunt in duplici differentia. Quidam important ordinem ad naturam. Quidam vero ad operationem, de quibus abunde dictum est quæst. 49. art. 4.

1. Conclusio. Habitus, qui sunt dispositiones ad naturam, possunt plures esse in eodẽ subiecto.

Prob. In subiecto, quod habet plures partes diuersimode disponibiles, possunt esse plures dispositiones, quæ disponant diuersimode illas diuersas partes eiusdem subiecti. Sed Subiectum habitus, secundum quod habitus est dispositio ad naturam, habet diuersas partes, diuersimode disponibiles. Ergo In subiecto habitus, qui est dispositio ad naturam, possunt simul esse plures habitus.

Minor manifestatur. Si. n. accipiantur humani corporis partes, vt humores, pro ut disponuntur secundum naturam humanam, est habitus vel dispositio sanitatis. Si vero accipiantur partes similes, vt nerui, & ossa, & carnes, earum dispositio in ordine ad naturam, est fortitudo, aut macies. Si vero accipiantur mēbra, vt manus, & pes, & huiusmodi, earum dispositio naturæ cōueniēs est pulchritudo, & sic patet, q̃ in eodem sunt plures habitus, qui sunt dispositiones ad naturam.

2. Conclusio. Habitus, qui sunt dispositiones ad opera (qui proprie pertinent ad potētias) possunt plures, secundum speciem, esse in eadẽ potētia.

Prob. In potentia, quæ potest moueri ab obiectis diuersis, secundum speciem, possunt esse plures habitus, diuersi secundum speciem. Sed Vna potentia potest moueri a diuersis obiectis secundum speciem. Ergo In tali potentia possunt esse habitus plures secundum speciem.

Ratio hæc supponit vnum. scq̃ subiectum habitus sit potentia passiua, quod suppositum verū esse patet, quia superius est probatum quæst. 51. art. 2. quod potentia, quæ est tantum actiua, non potest esse subiectum alicuius habitus.

Maiores probatur quia Sicur materia determinatur ad vnū actū, vel formam per vnū agēs, ita potentia passiua, a rōne obiecti vnus actui, determinatur ad vnum actum s̃m speciem. Vnde si potentia aliqua mouetur a pluribus obiectis diuersis s̃m speciem, per huiusmodi obiecta determinatur ad diuersos actūs secundum speciem.

Et quia habitus sunt quædam qualitates, & forme inherentes potentia, quibus inclinatur ipsa potentia ad determinationem actūs, secundum speciem: Sicur ad vnā potentiam possunt pertinere plures actūs, specie differentes, ita ad eādem possunt pertinere plures habitus specie distincti, quibus inclinatur ad illos diuersos actūs.

Minor. Ex se manifesta est. Intellectus enim

mouetur a diuersis obiectis secundum speciem & voluntas a diuersis bonis.

Ad Argumenta.

Ad 1. Dicitur ad maiorem, quod non est vera de his, quæ distinguuntur secundum idem non eodem modo. Si enim duo distinguantur per aliquid, secundum diuersam distinctionem illorum, potest esse, vt multiplicato vno, aliud non multiplicetur. Tunc ad minorem dicitur, quod Potentia, & habitus distinguuntur per actūs, & obiecta, diuerso tamen modo. Nam non qualibet distinctio obiectorum facit distinctionem potentiarum, sed sola distinctio generica. Potentia. n. distinguuntur per genericam distinctionem obiectorum, non autem per distinctionem specificam. Distinctio vero habituum potest esse etiam per distinctionem specificam obiectorum: quia igitur aliqua obiecta specie tantum differunt, causant solum specificam differentiam habituum, qui possunt esse in vna, & eadem potentia.

Ad 2. Dicitur ad minorem, quod potentia, etsi sit simplex secundum essentiam, est tamen multiplex vii tute, secundum quod ad multos actūs specie differentes se extendit, & ideo nihil prohibet in vna potentia esse multos habitus specie differentes.

Ad 3. Negatur consequens. Ad probationem dicitur, quod nō eodem modo corpus formatur per figuram, sicut potentia per habitum. Corpus. n. formatur per figuram, sicut per propriam terminationem: habitus autem non est terminatio potentia, sed est dispositio ad actum, sicut ad vltimum terminum, & ideo non possunt esse vnus potentia simul plures actūs, nisi forte secundum quod vnus comprehenditur sub alio, sicut nec vnus corporis plures figuræ, nisi secundum quod vna est in alia, sicut trigonum in tetragono, non enim potest intellectus simul multa actū intelligere, potest tamen simul habere, multa scire.

ARTICVLVS II.

Vtrum Habitus distinguantur secundum Obiecta.

Pro Negatiua.

Videtur, quod Habitus non distinguantur secundum obiecta.

1. Idem habitus scientia potest esse contrarium. Ergo Habitus non distinguuntur secundum obiecta.

Antec. prob. quia Eadem est scientia sani, & ægri.

Conseq. quia Contraria specie differunt.

2. Idem scibile pertinere potest ad diuersas.

fas scientias. Ergo Habitus non distinguuntur per obiecta.

Antec. prob. quia Terram esse rotundam demonstrat naturalis, & Astrologus, ut dicitur 2. Phys. tex. 17.

Consequa Diuersæ scientiæ sunt diuersi habitus.

3. Idem obiectum potest pertinere ad diuersos habitus. Ergo Habitus nō distinguuntur per obiecta.

Antec. Idem actus potest pertinere ad diuersos habitus, si ad diuersos fines referatur. Ut dare pecuniam alicui, si propter Deum detur, pertinet ad habitum charitatis, si propter debitum, pertinet ad habitum iustitiæ.

Ergo Idem etiam obiectum ad diuersos habitus artinebit.

Consequa. hęc quia Vnius actus, vnum est obiectum. Vnde si actus vnus, puta dare pecuniam, ad diuersos habitus pertinet, idem erit dicendum de obiecto istius actus.

Pro Affirmatiua.

Actus differunt specie secundum diuersitatem obiectorum, ut dictum est, quæst. 1. ar. 3. Sed Habitus sunt dispositiones quædam ad actus.

Ergo Habitus etiam distinguuntur secundum diuersa obiecta.

Determinatio.

Distinctio. Cum habitus sint formæ, & tales formæ, s. dispositiones ad naturam, vel ad operationem, ut dictum est supra. Dupliciter possunt distingui diuersi habitus ad inuicem, secundum speciem. Vno modo, possunt distingui, ut formæ sunt. Alio modo, ut tales formæ sunt.

1. Conclusio. Habitus, ut formæ sunt, distinguuntur specificè per diuersitatem naturalium agentium, a quibus huiusmodi formæ producuntur, sicut & aliæ formæ.

Prob. quia Omne agens facit sibi simile, secundum speciem. Ergo Agentia diuersa secundum speciem, producunt formas diuersas secundum speciem.

Prob. Consequa. quia Ratio similitudinis causæ ad effectum est forma.

2. Conclusio. Habitus, secundum quod sunt dispositiones ad naturam, distinguuntur specificè, secundum diuersitatem naturarum, ad quas ordinantur.

Prob. Omnia, quæ dicuntur secundum ordinem ad aliquid, distinguuntur secundum distinctionem eorum, ad quæ dicuntur. Sed Habitus, qui sunt dispositiones ad naturam, dicuntur per ordinem ad naturam. Ergo Distinguuntur specie ex diuersitate naturarum, ad quas dicuntur.

3. Conclusio. Habitus, qui sunt dispositiones ad operationes, distinguuntur specie, ex diuersitate specificæ obiectorum.

Prob. eodem modo, quia. s. Habitus sic accepti ordinantur ad operationes, quæ specificè ex diuersitate specificæ obiectorum distinguuntur.

Distinguuntur igitur habitus specificè tripliciter. Ut formæ sunt, distinguuntur per specificam differentiam agentium. Ut dispositiones sunt, ad naturas, distinguuntur ex diuersis naturis. Ut operariui sunt, distinguuntur ex obiectis.

Ad Argumenta.

Ad 1. Negatur consequa. Ad probationem dicitur, quod in distinctione potentiarum, vel etiam habituum, non est considerandum ipsum obiectum materialiter, sed ratio obiecti differens specie; vel etiam genere: quamvis autem contraria specie differant, diuersitate rerum; tamen eadem ratio est cognoscendi vtrumque, quia vnum per aliud cognoscitur, & ideo, in quantum conueniunt in vna ratione cognoscibilis, pertinent ad vnum habitum cognoscituum.

Ad 2. Negatur antec. Ad probationem dicitur, quod Terram esse rotundam, per aliud medium demonstrat naturalis, & per aliud astrologus. Astrologus enim hoc demonstrat per media mathematica: sicut per figuras eclipsium, vel per aliud huiusmodi. Naturalis vero hoc demonstrat, per medium naturale: sicut per motum grauium ad medium, vel per aliud huiusmodi. Tota autem virtus demonstrationis quæ est syllogismus faciens scire, ut dicitur 1. Poster. tex. 3. dependet ex medio, & ideo diuersa media sunt sicut diuersa principia actiua, secundum quæ habitus scientiarum diuersificantur.

Ad 3. Negatur antec. Ad probationem negatur etiam antec. Ad cuius probationem dicitur, quod actus dandi pecuniam propter Deum, & propter debitum, est quidem idem actus materialiter, formaliter autem nequaquam, quia ordinatur ad diuersos fines, qui fines distinguunt specificè actus, & habitus, eo quod fines sint obiecta æternum interiorum, ut alias dictum est, q. 19. ar. 1.

ARTICVLVS III.

Vtrum Habitus distinguantur secundum bonum, & malum.

Pro Negatiua.

Videretur quod Habitus non distinguantur secundum bonum, & malum.

1. Bonum, & malum pertinent ad eundem habitum.

Ergo

Ergo Habitus non distinguuntur secundum bonum, & malum.

Antec. prob. Contrariorum est idem habitus, ut dictum est, art. præced. Sed Bonum, & malum sunt contraria. Ergo Bonum, & malum spectant ad eundem habitum.

2. Ab his, quorum vnum est commune omnibus rebus, & alterum non ens, non potest desumi specifica differentia habituum, ut patet ex 4. Topic. Sed Bonum est commune omnibus, & malum est non ens. Ergo A bono, & malo non potest accipi differentia specifica habituum.

Minor prob. quia Bonum conuertitur cum ente, & malum est privatio.

3. Circa idem obiectum contingit esse diversos habitus malos, sicut circa concupiscentias in temperantiam, & insensibilitatem: & similiter plures habitus bonos, scilicet virtutem humanam, & heroicam, per Phil. 4. topic. Ergo Habitus non distinguuntur secundum bonum, & malum.

Pro Affirmativa.

Contraria sunt diuersa secundum speciem. Sed Habitus bonus contrariatur habitui malo, ut virtus vitio. Ergo Habitus differunt specie, secundum differentiam boni, & mali.

Determinatio.

1. Conclusio. Habitus bonus, & malus specie distinguuntur.

Prob. Habitus, qui disponit ad actum conuenientem naturæ, specie differt ab habitu, qui disponit ad actum non conuenientem naturæ. Sed Habitus bonus disponit ad habitum conuenientem naturæ, Habitus vero malus disponit ad actum non conuenientem naturæ. Ergo Secundum differentiam boni, & mali habitus specie distinguuntur.

Maior. quia ut dictum est art. præced. Habitus specie distinguuntur, non solum secundum obiecta, & principia actiua, sed etiam in ordine ad naturam. Vnde habitus, qui diuersimode disponunt naturam, ad actus conuenientes, vel non conuenientes (ut dictum est) specie distinguuntur.

Minor. quia Habitus virtutis disponit ad actus naturæ conuenientes; Vitium vero ad actus naturæ contrarios.

2. Conclusio. Habitus humanæ virtutis specie distinguitur ab habitu virtutis Heroicæ, siue diuinæ.

Prob. fere eadē ratione, qua probata est prior conclusio. Habitus, qui diuersimode disponunt naturam, specie distinguuntur. Sed Habitus virtutis humanæ, & Heroicæ diuersimode disponunt naturam.

Ergo Specie distinguuntur.

Minor. quia virtutis humanæ disponit naturam siue ad actum conuenientem humanæ naturæ, virtus vero Heroica disponit ad actum conuenientem naturæ superiori.

Ad Argumenta.

Ad 1. Concesso antecedente. si quod contraria possint ad eundem habitum pertinere, quatenus conueniunt in vna communi ratione. Negatur consequ. Et ratio negationis est, quia quando dicimus, quod habitus distinguuntur secundum rationem boni, & mali, non est sensus, quod habitus, qui est boni, distinguatur ab habitu, qui est mali, sed quod habitus malus distinguitur specie ab habitu bono, quæ diuersitas causatur ex diuersa ratione, sub qua obiecta (siue bona, siue mala) cadunt sub habitu.

Ad 2. Dicitur ad minorem, & ad eius probationem, quod bonum, secundum quod constituit differentias habituum, non est commune omnenti, sed est quoddam determinatum sub ratione naturæ humanæ, & similiter malum, quod est differentia constitutiva habitus, non est privatio pura boni in communi, sed est aliquid determinatum repugnans determinatæ naturæ, scilicet humanæ.

Ad 3. Dicitur ad consequ. quod non omnes habitus distinguuntur secundum rationem boni, & mali, sed solum illi, qui disponunt naturam ad contrarios actus. Habitus autem boni distinguuntur secundum habitudinem ad diuersas naturas, ut dictum est supra. Habitus vero mali distinguuntur circa idem agendum, per diuersas repugnantias ad id, quod est secundum naturam, sicut vni virtuti contrariantur diuersa vitia, circa eandem materiam.

ARTICVLVS IV.

Vtrum Vnus habitus ex multis habitibus constituitur.

Pro Affirmativa.

Videtur, quod Vnus habitus ex pluribus habitibus constituitur.

1. Illud, cuius generatio non simul perficitur, sed successiue, videtur constitui ex pluribus partibus. Sed Generatio habitus non est simul, sed successiue ex pluribus actibus, ut dictum est q. 51. art. 2.

Ergo Vnus habitus constituitur ex pluribus habitibus.

2. Vni habitui assignantur plures partes. Ergo Vnus habitus constituitur ex pluribus.

QVÆSTIO LV.

DE ESSENTIA VIRTUTIS.

ARTICVLVS I.

Vtrum Virtus humana sit habitus.

Pro Negatiua.

Videtur, quod Virtus humana nō sit habitus.
1. Vltimum potentie nō est habitus. Sed Virtus est vltimum potentie, vt dicitur lib. 1. de Cælo tex. 116. Ergo Virtus nō est habitus.

Maiores quia Vltimum vniuersiūque reduci-
tur ad genus, cuius est vltimum. Vnde si virtus est
vltimum potentie, erit potentia, & nō habitus.

2. Bonus vsus liberi arbitrij nō est habitus, sed
actus. Virtus est bonus vsus liberi arbitrij, vt Aug.
dicit lib. 2. de lib. arb. cap. 18. Ergo Virtus nō est
habitus, sed actus.

3. Ea, quibus meremur, nō sunt habitus, sed
actus. Sed Virtutibus meremur. Ergo Virtutes
nō sunt habitus, sed actus.

Maiores quia Habitibus nō meremur, sed acti-
bus: alioquin mereremur cōtinuē etiā in somno.

4. Ordo, seu ordinatio nō nominat habitum,
sed potius actum. Sed Virtus est ordo, seu ordina-
tio, vt Aug. dicit in lib. de moribus Ecclesiæ c. 15.
& libro 83. quæst. quæst. 30. Ergo Virtus nō est
habitus, sed actus.

5. Virtutes naturales nō sunt habitus, sed po-
tentie quædam. Ergo Neque virtutes humanæ
sunt habitus.

Conseq. prob. quia Sicut inveniuntur virtutes
humanæ, ita & virtutes naturales.

Pro Affirmatiua.

Phil. in lib. predic. c. de qual. scientiam, & vir-
tutem ponit esse habitus.

Determinatio.

Conclusio. Virtutes humanæ sunt habitus.

Prob. Perfectio potentie rationalis est habitus.
Sed Virtus humana est perfectio potentie ratio-
nalis. Ergo Virtus est habitus.

Maiores declaratur, & prob. Declaratur inquā,
ostendendo in quo consistat perfectio potentie.
Pro quo est sciendum, quod perfectio potentie
consistit in hoc, quod ordinetur ad actū propriū.
Illud ergo erit perfectio potentie, per quod poten-
tia ordinatur, et determinatur ad propriū actum,
& hoc prob. Illud est perfectio eius, quod ordina-
tur in finem, per quod determinatur ad propriū
finem. Sed Potentia ordinatur ad actum, tan-

quā ad finem. Igitur Illud est perfectio poten-
tie, per quod potentia determinatur ad propriū
actum.

Tunc prob. ipsa maior principalis, ex differen-
tia, quæ est inter potentias naturales, & potentias
rationales. Potentie enim naturales actiue, sunt
determinatæ ad suos actus, secundum se ipsas, &
ideo nō indigent alio determinatē, & hac ratio-
ne per se ipsas dicuntur virtutes. Potentie autem
rationales nō sunt determinatæ ad vnum, sed se
habent ad multa, & determinantur ad actus per
habitus, vt dictum est, quæst. 49. art. 3.

Minor vero principalis rationis patebit ex se-
quentibus.

Ad Argumenta.

Ad 1. Dicitur, quod Aliquid potest dici virtus
dupliciter. Vno modo, essentialiter. Alio modo,
denominatiue. Essentialiter dicitur virtus habi-
tus perficiens potentiam, vel ipsa potentia, si sit
secundum se determinata, vt sunt potentie natu-
rales actiue, ipsæmet potentie essentialiter virtu-
tes dicuntur. Denominatiue vero potest dici vir-
tus, vel obiectum potentie, vel actus eius. Sicut
habitus fidei, dicitur fides essentialiter. Actus ve-
ro fidei, vel etiam obiectum, quod creditur, di-
citur fides. Secundum illud. Hæc est fides Ca-
tholica, id est, quæ credenda sunt per fidem Ca-
tholicam. Tunc dicitur ad maiorem, quod vlti-
mum potentie nō est virtus essentialiter, sed de-
nominatiue: sumitur enim virtus ibi pro obiecto
potentie, & vult offendere Aristo. quod sit de-
nominanda potentie virtus ab obiecto vltimo. Puta
si quis potest ferre centum libras ponderis, nō
est dicendum, quod possit ferre sexaginta, sed ac-
cipienda est virtus ab vltimo, quod potest. Ad
minorem dicitur, quod virtus est vltimum poten-
tie, nō essentialiter, sed denominatiue.

Ad 2. Dicitur ad minorem, quæ est D. Aug.
quod nomine virtutis, nō intelligitur virtus es-
sentialiter, sed denominatiue, prout virtus sumi-
tur pro actu, & sensus Aug. est, quod virtus, id est
actus virtutis, est vsus bonus liberi arbitrij. Virtus
autem essentialiter est habitus.

Ad 3. Dicitur ad maiorem, quod meremur
nō solum actibus, sed etiam habitibus. Mere-
mur enim actibus, sicut ipso merito, eo modo,
quo currimus cursu. Meremur autem habitibus,
vt principio merendi, sicut dicimur currere poten-
tia motiua, est enim habitus principium actuum,
quibus meremur.

Ad 4. Dicitur ad minorem, quod Ordo dici-
tur virtus, nō essentialiter, sed denominatiue, pro
eo, de quo est virtus.

Ad 5.

Ad 5. Negatur conseq. Non enim est eadem ratio de virtutibus naturalibus, & rationalibus; quia illæ sunt ex se determinatæ ad suos actus, non istæ.

ARTICVLVS II.

Verum Virtus humana sit habitus operatiuus.

Pro Negatiua.

Videtur, quod non sit de ratione virtutis humanæ, quod sit habitus operatiuus.

1. Sanitas, & pulchritudo corporis non sunt habitus operatiui. Sed Virtus animæ est sicut sanitas, & pulchritudo Corporis, vt Tullius dicit 4. Tuscul. quæst. Ergo Virtus animæ non est habitus operatiuus.

2. In rebus naturalibus inuenitur virtus, non solum ad agere, sed etiam ad esse. Ergo Etiam virtus humana, non solum est ad operari, sed etiam ad esse, & talis non erit habitus operatiuus.

Antec. prob. quia Phil. 1. de Cælo dicit, quod quædam habet virtutem, vt sint semper, quædam vero ad hoc, vt sint, non semper, sed aliquo tempore determinato.

Conseq. quia Sicut se habet virtus naturalis in rebus naturalibus; ita se habet virtus humana in rationalibus.

3. Illud, per quod homo disponitur ad Deum, non est habitus operatiuus, sed qualitas animæ. Sed Per virtutem disponitur homo ad Deum; Ergo Virtus non est habitus operatiuus.

Maior prob. quia Assimilatio fit per qualitatem. Sed Anima disponitur ad Deum per assimilationem ad ipsum. Ergo Illud, per quod homo disponitur ad Deum, est quædam qualitas anime in ordine ad Deum, & assimilatiua ad ipsum, & non habitus operatiuus.

Minor. Per illud, quod est dispositio perfectæ ad optimum, disponitur homo ad Deum. Sed Virtus est dispositio perfectæ ad optimum, vt dicitur 7. Phys. tex. 17. Ergo Per virtutem disponitur homo ad Deum.

Maior huius prob. quia Optimum, ad quod homo disponi debet, est Deus, vt prob. August. 2. de mor. Eccles. c. 2.

Pro Affirmatiua.

Phil. 2. Ethic. c. 6. dicit, quod Virtus virtutibus que rei est, que opus eius bonum reddit.

Determinatio

Conclusio. De ratione virtutis humanæ est, quod sit habitus operatiuus.

Prob. De ratione habitus, qui est perfectio potentie se tenentis ex parte forme, est, vt sit habitus

operatiuus. Sed Virtus humana est perfectio potentie se tenentis ex parte forme. Ergo De ratione virtutis humanæ est, vt sit habitus operatiuus.

Maior manifestatur ex differentia, quæ est inter perfectionem potentie se tenentis ex parte forme, & perfectionem potentie se tenentis ex parte materie. Pro quo est sciendum, quod virtus ex ipsa nominis ratione importat perfectionem potentie, vt dictum est art. 1. Et quia potentia duplex est. scilicet ad esse, & ad agere, ideo duplex etiam est virtus, quædam, quæ est perfectio potentie, quæ respicit esse, & quædam, quæ est perfectio potentie, quæ est ad agere. Potentia quæ respicit esse, se tenet ex parte materie, quæ est ens in potentia. Potentia vero, quæ respicit agere, se tenet ex parte forme, quæ est principium agendi, eo quod vnumquodque agit, in quantum est actu. Vnde perfectio potentie, quæ respicit esse, non est habitus operatiuus, sed perfectio potentie, quæ respicit operationem, est habitus operatiuus.

Minor prob. Perfectiones potentiarum, quæ sunt hominis propriæ, secundum quod à brutis distinguitur, se tenent ex parte forme. Sed Humana virtutes sunt perfectiones potentiarum, quæ sunt hominis propriæ, secundum quod à brutis distinguitur. Ergo Virtutes humanæ sunt perfectiones potentie se tenentis ex parte forme.

Maior huius. quia Potentia, quæ sunt propriæ hominis, non se tenent ex parte corporis, quod est pars materialis in homine, qui in corpore, & potentis corporalibus, cum brutis communicat, & ideo perfectiones potentiarum, quæ sunt hominis propriæ, etiam se tenent ex parte forme.

Minor. quia Virtutes perficiunt potentias rationales, quæ sunt propriæ hominis, & propterea virtus humana est habitus operatiuus.

Ad Argumenta.

Ad 1. Dicitur ad minorem, quod Tullius assimilauit sanitatem, & pulchritudinem corporis, virtutibus animæ, non quo ad omnia, sed solum quantum ad hoc, quod sicut sanitas, & pulchritudo sunt debite corporis dispositiones, ita virtutes sunt debite dispositiones animæ. Ex quo non sequitur, quod si illæ non sunt operatiuæ, nec istæ, in hoc enim non assimilantur adinuicem.

Ad 2. Dicitur ad conseq. quod in homine inuenitur quiddam etiam virtus ad esse, sicut in alijs rebus, sed hæc non est humana, quia non est rationis propria, vt dictum est.

Ad 3. Negatur maior. Ad probationem dicitur, quod perfecta assimilatio hominis ad Deum non est per solam aliquam qualitatem, sed per operationem, quia Dei essentia est sua operatio.

ART I.

ARTICVLVS III.

Vtrum Virtus humana sit habitus bonus.

Pro Negatiua.

Videtur, quod Virtus humana non sit habitus bonus.

1. Peccatum est aliqua virtus. Ergo Virtus non semper est habitus bonus.

Antec. quia 1. Corin. 1. s. dñ. Virtus peccati lex. Conseq. quia Peccatū semper sumitur in malo.

2. Potentia non solum se habet ad bonum, sed etiam ad malum. Ergo Etiam Virtus se habet ad bonum, & ad malum.

Antec. prob. per illud Isaie. 5. Vbi qui potentes estis ad bibendum vinum, & viri fortes ad miscendam ebrietatem.

Conseq. prob. quia Virtus respondet potentie.

3. Infirmitas est quoddam malum. Sed Virtus in infirmitate perficitur, vt dicit Apost. 1. cor. 12. Ergo Virtus non solum se habet ad bonum, sed etiam ad malum.

Pro Affirmatiua.

Aug. in lib. de moribus Ecclesie. c. 6. dicit. Nemo autem dubitabit, quod virtus animam facit optimam. Et Phil. dicit in 2. Ethic. c. 6. quod virtus est, quæ bonum facit habentem, & opus eius bonum reddit.

Determinatio.

Conclusio. Virtus humana, quæ est habitus operatiuus, est habitus bonus, & boni operatiuus.

Prob. Habitus, qui ordinat potentiam ad bonum, est bonus, & si sit operatiuus, est boni operatiuus. Sed Virtus humana est habitus ordinans potentiam ad bonum, & est operatiuus. Ergo Virtus humana est habitus bonus, & boni operatiuus.

Minor prob. Quod ordinat potentiam, eamque determinat ad vltimum, quod ipsa potentia potest, ordinat eam ad bonum. Sed Virtus determinat, & ordinat potentiam ad vltimum, quod potest, vt dicitur. 1. de Cælo tex. 16. Ergo Virtus humana ordinat potentiam ad bonum.

Maior prob. quia Vltimum, in quod vna quæque potentia potest, oportet quod sit bonum. Omne enim malum, defectum quandam importat, vt Dionys. dicit 4. c. de diu. nom.

Ad Argumenta.

Ad 1. Dicitur ad antec. quod in malis non dicitur virtus proprie, sed metaphoricè. Vnde lex dicitur virtus peccati, in quantum per legem occasionaliter peccatum est augmentatum, & quasi ad suum vltimum posse peruenit.

Ad 2. Negatur conseq. Ad prob. dicitur, quod

virtus respondet quidem potentie, sed tamen virtus, qua potentia tendit in malum, & contra ordinem rationis, non est virtus humana. Vnde qui potentes sunt ad ebrietatem, habent quidem potentiam aliquam habentem virtutem ad nimiam potationem, sed quia huiusmodi virtus est contra rationem, ideo humana virtus dici non potest, & simile est de alijs. Virtus enim humana semper est conformis recte rationi.

Ad 3. Dicitur ad minorem, quod Virtus perficitur in infirmitate, non rationis, sed corporis, quatenus ipsam vincit, & superat, ex quo, & ratio, & virtus perfectior ostenditur. Non autem perficitur virtus in infirmitate, quasi infirmitas sit quoddam spectans ad rationem perfectioris virtutis, vt argumentum supponit.

ARTICVLVS IV.

Vtrum Virtus conuenienter diffiniatur.

Pro Negatiua.

Videtur, quod non sit conueniens diffinitio virtutis, quæ solet assignari, scilicet Virtus est bona qualitas mentis, qua recte viuatur, qua nulus male vititur, quam Deus in nobis, sine nobis operatur.

1. Bonitas non est bona, sicut nec albedo dicitur alba. Sed Virtus est bonitas hominis. Ergo Virtus non debet dici bona, vt in diffinitione dicitur.

Minor. quia Virtus bonum facit habentem.

2. Nulla differentia est communior suo genere. Sed Bonum communius est, quam qualitas. Ergo Bonum non debet poni in diffinitione virtutis, vt differentia qualitatis.

Maior. quia Differentia est diuisiua generis.

Minor. quia Bonum conuertitur cum ente.

3. Quædam virtutes sunt irrationabilium partium, vt dicitur 3. Ethic. cap. 10. Ergo Virtus non debet dici qualitas mentis.

Conseq. prob. quia Aug. dicit 12. de Trin. ca. 3. quod. Vbi primo occurrit aliquid, quod non sit nobis, pecoribusque commune, illud ad mentem pertinet.

In forma. Illud, quod est nobis, pecoribusque commune, non est qualitas mentis. Sed Virtus est nobis, pecoribusque communis. Ergo Virtus non est qualitas mentis.

Maior prob. Ex sententia allata superius ex Aug. 12. de Trin.

Minor. Ex Phil. 3. Ethic.

4. Quod est species virtutis, inconuenienter ponitur in diffinitione virtutis. Sed Rectum est.

quæ-

quædam species virtutis. Ergo Inconuenienter ponitur, dum dicitur, recte viuatur.

Minor. Iustitia est species virtutis. Rectitudo videtur ad iustitiam pertinere: Vnde iidem dicuntur recti, & iusti. Ergo Rectum est quædam species virtutis.

5. Qui superbit de virtute, male vititur virtute. Sed Aliqui superbiunt de virtute, vt Aug. dicit in regula. Ergo Virtute aliquis male vititur.

6. Illud, per quod homo iustificatur, Deus non operatur in nobis, sine nobis. Sed Homo per virtutem iustificatur. Ergo Inconuenienter dicitur, quod Deus eam in nobis, sine nobis operetur.

Maiores. quia Aug. super cap. 9. Ioan. dicit. Qui creauit te sine te, non iustificabit te, sine te.

Pro Affirmatiua.

Est authoritas Aug. ex cuius verbis prædicta diffinitio colligitur, & præcipue in 2. de lib. arb. cap. 18. & 19.

Determinatio.

Conclusio Diffinitio virtutis, qua dicitur, quod Virtus est bona qualitas mētis, qua recte viuatur, & nullus male vititur, & quam Deus in nobis, sine nobis operatur, est conueniens.

Prob. Diffinitio, quæ comprehendit omnes causas virtutis, est conueniens diffinitio virtutis. Sed Hæc diffinitio comprehendit omnes causas virtutis. Ergo Hæc diffinitio est conueniens.

Maiores. quia Perfecta ratio vniuscuiusque rei colligitur ex omnibus causis eius.

Minor. quia Causam formalem, quæ ex genere, & differentia desumitur, comprehendit, cum dicitur, quod est bona qualitas: licet melius sit dicere, quod est bonus habitus, est enim habitus genus propinquum virtutis operatiuæ. Causam Materialem, dum dicitur, mentis: est enim mens subiectum virtutis, vt dicitur, non ponitur obiectum quia determinat virtutem ad speciem. Causam finalem, quæ est operatio, dum dicitur, quia nullus male vititur. Additur (Male) ad distinctionem habituum, qui se habent ad malum, vt opinio, quæ se habet ad verum, & falsum, quorum primum est bonum intellectus, alterum vero malum. Causam efficientem, dum dicitur, Quam Deus in nobis, sine nobis operatur, est enim Deus causa virtutum.

Sciendum tamen, quod hæc vltima particula appropriat hanc diffinitionem ad virtutes infusas, quæ sunt in nobis à Deo, vt à proxima causa, quæ particula si tollatur, communis est hæc diffinitio, ad omnes virtutes, tam infusas, quam acquisitas. Causa autem efficiens aliarum virtutum, non sunt infuse, est recta ratio humana. Et sic patet, quod diffinitio præfens comprehendit omnes virtutis causas.

Ad Argumenta.

Ad 1. Dicitur ad maiorem, quod Bonum, quod ponitur in diffinitione virtutis, non significat bonitatem aliquam inhaerentem virtuti, sed significat, quod per virtutem aliquid fit bonum, puta mens.

Ad 2. Dicitur ad minorem, & ad eius probationem, quod Bonum, quod ponitur in diffinitione virtutis, non est bonum commune, quod conuertitur cum ente, & est in plus quam qualitas, sed est bonum rationis, secundum quod Dionysius dicit in 4. capit. de Diu. nom. quod bonum animæ est secundum rationem esse.

Ad 3. Dicitur ad antec. quod Virtus non potest esse in irrationali parte animæ, nisi in quantum participat rationem, vt dicitur in 1. Ethic. c. vlt. & ideo ratio, siue mens est proprium subiectum virtutis humanæ. Et ad formam negatur minor. Ad probationem dicitur, vt prius.

Ad 4. Dicitur ad minorem, & ad eius probationem, quod Rectum, quod pertinet ad iustitiam, non est quod ponitur in diffinitione virtutis. Propria enim rectitudo iustitiæ est, quæ constituitur circa res exteriores, quæ in vsum hominis veniunt, quæ sunt propria materia iustitiæ, vt infra patebit, sed est rectitudo, quæ importat ordinem ad finem debitum, & ad legem diuinam, quæ est regula voluntatis humanæ (vt supra dictum est) & hæc est communis omni virtuti.

Ad 5. Dicitur ad maiorem, quod qui superbiunt de virtute, male vituntur ea obiectiue, sicut etiam, qui eam odiunt: tamen nullus potest ea male vti, vt ipsa sit principium mali vsus, ita quod malus sit actus virtutis.

Ad 6. Dicitur ad maiorem, quod virtus infusa causatur à Deo in nobis, sine nobis agentibus, non tamen sine nobis consentientibus, & sic est intelligendum, quod dicitur, Quam Deus in nobis, sine nobis operatur: quæ vero per nos aguntur, Deus in nobis causat, non sine nobis agentibus, ipse enim operatur in omni voluntate, & natura.

QVÆSTIO LVI.

DE SVBIECTO VIRTUTIS.

ARTICVLVS I.

Vtrum Virtus sit in potentia animæ, sicut in subiecto.

Pro Negatiua.

Videtur, quod Virtus non sit in potentia animæ, sicut in subiecto.

1. Illud.

1. Illud, quod recte viuatur, non est in potentia, sed in essentia animæ.

Sed Virtus est, quæ recte viuatur, vt dictum est ex Aug. Ergo Virtus non est in potentia, sed in essentia animæ, vt in subiecto.

Maiores. quia Viuere non est per potentiam animæ, sed per essentiam.

2. Illud, quod bonum facit habentem, & opus eius bonum reddit, est magis in essentia habentis, quam in potentia. Sed Virtus est, quæ bonum facit habentem, & opus eius bonum reddit, vt dicitur 2. Ethic. cap. 6. Ergo Virtus magis est in essentia, quam in potentia eius, qui habet virtutem.

Maiores probatur. quia Sicut opus, quod virtus bonum reddit, constituitur per potentiam, ita habens virtutem constituitur per essentiam animæ. Vnde virtus prius, & magis pertinet ad essentiam eius, qui habet virtutem, per quam bonum fit, quam ad potentiam, cuius opus bonum reddit.

3. Quod est qualitas, non est in potentia animæ, sicut in subiecto. Sed Virtus est qualitas quædam, vt dictum est art. præced. Ergo Virtus non est in potentia sicut in subiecto.

Maiores. Qualitatis non est qualitas. Potentia animæ est qualitas. Ergo In potentia animæ non est alia qualitas.

Pro Affirmatiua.

Vltimum est in eo, cuius est vltimum. Sed Virtus est vltimum potentia, vt dictum est. Ergo Virtus est in potentia.

Determinatio.

Conclusio. Virtus humana est in potentia animæ, sicut in subiecto.

Prob. primo. Perfectio potentia est in potentia, sicut in subiecto. Virtus est perfectio potentia.

Ergo Virtus est in potentia, vt in subiecto.

Maiores. quia Perfectio est in eo, cuius est perfectio.

Secundo. Habitus operatiuus est in potentia, sicut in subiecto. Sed Virtus est habitus operatiuus, vt dictum est. Ergo Virtus est in potentia, sicut in subiecto.

Maiores. quia Omnis operatio est ab anima per aliquam potentiam.

Tertio. Quod disponit ad optimū, est in potentia, vt in subiecto. Sed Virtus disponit ad optimū, vt dictum est. Ergo Virtus est in potentia, vt in subiecto.

Maiores. quia Optimum est finis, qui vel est operatio, quæ ad potentiam pertinet, vel aliquid ad operationem consequutum, per operationem ad potentiam egredientem.

Ad Argumenta.

Ad 1. Negatur maior. Ad probationem dicitur, quod viuere dupliciter sumitur. Quandoque enim dicitur viuere, ipsum esse viuens, & sic pertinet ad essentiam animæ, quæ est viuendi principium. Alio modo viuere dicitur, operatio viuens, & sic virtute recte viuatur, in quantum per eam aliquis recte operatur.

Ad 2. Negatur maior. Ad probationem dicitur, quod vnum accidens dicitur esse in alio sicut in subiecto, non quia accidens per se ipsum possit sustentare aliud accidens, sed quia vnum accidens in hæret substantia, mediante alio accidente, color corpori, mediante superficie. Vnde superficies dicitur esse subiectum coloris, & eo modo potentia animæ dicitur esse subiectum virtutis.

Ad 3. Negatur maior. Ad probationem dicitur, quod vnum accidens dicitur esse in alio sicut in subiecto, non quia accidens per se ipsum possit sustentare aliud accidens, sed quia vnum accidens in hæret substantia, mediante alio accidente, color corpori, mediante superficie. Vnde superficies dicitur esse subiectum coloris, & eo modo potentia animæ dicitur esse subiectum virtutis.

ARTICVLVS II.

Vtrum Vna virtus possit esse in pluribus potentijs.

Pro Affirmatiua.

Videtur, quod Vna virtus possit esse in pluribus potentijs.

1. Vnus actus progreditur à diuersis potentijs. Ergo Vnus habitus virtutis potest esse in pluribus potentijs.

Antec. manifestatur: quia Actus ambulandi procedit a ratione, vt a dirigente, a voluntate, vt a mouente, & a potentia motiua, sicut ab exequente.

Consequentia. quia Habitus cognoscuntur per actus.

2. Ea, quæ requiruntur ad virtutem, sunt in diuersis potentijs.

Ergo Et ipsa virtus potest esse in diuersis potentijs.

Antec. quia Phil. dicit 2. Ethic. cap. 4. quod Ad virtutem tria requiruntur, scilicet scire, velle, & operari, quorum primum est in intellectu, secundum vero est in voluntate.

3. Prudentia est in ratione: cum sit recta ratio agibilium. Est etiam in voluntate: quia non potest esse cum voluntate pueria, vt Aristor. dicit 6. Ethic. cap. 5. Ergo Vna virtus potest esse in duabus potentijs.

Pro Negatiua.

Idem accidens non potest esse in pluribus subiectis.

Tt. Sed.

Sed Virtus est accidens, quod est in potentia, sicut in subiecto.

Ergo Vna virtus non potest esse in pluribus potentijs.

Determinatio.

Distinctio. Aliquid esse in duobus, contingit dupliciter. Vno modo sic, quod ex æquo sit in utroque. Alio modo, non ex æquo, sed ordine quodam.

1. Conclusio. Impossibile est vnam virtutem esse in duobus potentijs ex æquo.

Probi. Quod est vnum specie, non potest esse in duobus distinctis, secundum diversas rationes genericas. Sed Virtus, sive habitus est vnus species, & potentijs sunt diversæ secundum rationem genericam. Ergo Vna virtus non potest esse in duobus potentijs ex æquo.

Minor. quia Diversitas potentiarum attenditur secundum generales conditiones obiectorum. Diversitas habitudinum, secundum speciales. Vnde vbi est distinctio potentiarum, necessario est distinctio habituum, sed non est conuerso. Sicut vbi est distinctio generica, necessario est specificata, sed non est conuerso; quia sicut possunt esse plures species sub vno genere, sic possunt esse plures habitus in vna potentia. Sed quod vnus habitus sit ex æquo in duobus potentijs, est impossibile.

2. Conclusio. Vna virtus potest esse in duobus potentijs, non ex æquo, sed ordine quodam.

Manifestatur. Nam virtus, quæ est principaliter in vna potentia, potest se extendere ad alias per modum diffusionis, vel per modum dispositionis, secundum quod vna potentia mouetur ab alia, & secundum quod vna potentia accipit ab alia.

Ad Argumenta.

Ad 1. Dicitur ad anteced. & ad eius probationem, quod Idem actus non potest æqualiter, & eodem ordine pertinere ad diversas potetias, sed secundum diversas rationes, & diverso ordine.

Ad 2. Dicitur ad antec. quod ea, quæ essentialiter pertinent ad virtutem, sunt solum in vna potentia.

Ad probationem dicitur, quod scientia requiritur solum antecedenter, inquantum virtus moralis operatur secundum rationem rectam, sed essentialiter virtus moralis consistit in appetendo.

Ad 3. Dicitur ad antec. quod prudentia realiter est in ratione, sicut in subiecto, sed præsupponit rectitudinem voluntatis, sicut principium, vt infra dicitur.

ARTICVLVS III.

Vtrum Intellectus possit esse subiectum virtutis.

Pro Negativa.

Videretur, quod Intellectus non possit esse subiectum virtutis.

1. Amor non est in intellectu, sed in vi appetitiva.

Sed Omnis virtus est amor, vt August. dicit. lib. de mor. eccl. cap. 15. Ergo Nulla virtus est in intellectu.

2. Bonum non est obiectum Intellectus, sed appetitus. Sed Virtus est, quæ ordinatur ad bonum. Ergo Virtus non est in intellectu, sed in appetitu.

3. Virtus est, quæ bonum facit habentem, vt Phil. 2. Ethic. cap. 6. dicit. Sed Habitus intellectus non facit bonum habentem. Ergo In intellectu non potest esse virtus.

Minor. quia Homo non dicitur bonus per scientiam, vel artem.

Pro Affirmativa.

Mens est subiectum virtutis. Sed Intellectus maxime dicitur mens. Ergo Intellectus est subiectum virtutis.

Maiores. quia Mens ponitur in distinctione virtutis, vt supra dictum est.

Determinatio.

1. Distinctio. Habitus operatiui, qui & virtutes dicuntur, sunt in duplici differentia: Quidam dicuntur virtutes solum secundum quid. Quidam vero dicuntur virtutes simpliciter.

Manifestatur distinctio. Pro quo est sciendum, quod Habitus operatiuus est, quo aliquis ordinatur ad bonum actum. Dupliciter autem aliquis per habitum ordinatur ad bonum actum. Vno modo, inquantum per huiusmodi habitum acquiritur homini solum facultas ad bonum actum: sicut per habitum Grammaticæ habet homo facultatem recte loquendi, non tamen grammaticæ facit, vt homo semper recte loquatur. Potest enim grammaticus barbarizare, & solecismum facere; & eadem ratio est in alijs scientijs, & artibus.

Alio modo, aliquis habitus non solum facit facultatem agendi, sed etiam facit, vt aliquis recte facultate utatur: sicut iustitia, non solum facit, quod homo sit promptæ voluntatis, ad iuste operandum, sed etiam facit, vt iuste operetur.

Habi-

Habitus igitur, qui facit solum facultatem bene operandi, dicitur virtus, solum secundum quid.

Et ratio est, quia huiusmodi habitus non reddunt opus bonum in actu, sed solum in quadam facultate; & in potentia. Nec etiam faciunt bonum simpliciter habentem huiusmodi habitus. Non enim simpliciter dicitur homo bonus, ex hoc, quod est sciens, vel artifex, sed dicitur bonus secundum quid, puta bonus grammaticus, vel bonus artifex. Et hac ratione, plerumque scientia, & ars, contra virtutem diuiduntur, quandoque autem virtutes dicuntur, ut patet 6. Ethic. cap. 3. Dicuntur enim virtutes, quia faciunt facultatem bene operandi. Non dicuntur virtutes: quia non faciunt usum bene operandi, ut dictum est.

Habitus vero, qui facit facultatem bene operandi, & usum bene operandi, dicitur virtus simpliciter. Et ratio est, quia Bonus dicitur, sicut & ens. Nunc autem dicitur aliquis ens simpliciter, quando est in potentia, sed quando est in actu: sic non dicitur aliquis bonus simpliciter, nisi sit actu bonus. Et quia per huiusmodi habitum, sit actu opus bonum, ut simpliciter dicitur aliquis bonus.

Dicitur enim homo bene operari, & bonus esse, per iustitiam, prudentiam, & similibus, ideo huiusmodi habitus dicitur simpliciter virtus.

Est igitur aliquis habitus, qui dicitur virtus simpliciter. Et aliquis secundum quid.

2. Distinctio. Intellectus potest dupliciter considerari. Vno modo, ut habet aliquem ordinem ad voluntatem, ut scilicet Est motus ad operandum ad voluntatem. Alio modo, secundum se, absque ordine ad voluntatem.

3. Distinctio. Intellectus duplex est, scilicet practicus, & speculativus.

1. Conclusio. Intellectus, non solum practicus, sed etiam speculativus, potest esse subiectum habitus, qui secundum quid solum dicitur virtus.

Prob. quia Phil. 6. Ethic. cap. 3. & 4. ponit scientiam, sapientiam, intellectum, & artem esse intellectuales virtutes.

2. Conclusio. Subiectum habitus, qui simpliciter dicitur virtus, non potest esse, nisi voluntas, vel aliqua potentia, secundum quod est mota ad voluntatem.

Probatur. Voluntas mouet omnes alias potentias, quae sunt aliquahiter rationales, ad suos actus, ut dictum est supra quae st. 9. art. 1.

Ergo quod Homo actu bene agat, contingit ex hoc, quod habet bonam voluntatem.

Vnde virtus, quae bene facit agere, non in facultate solum, sed in actu, oportet, quod vel sit

in ipsa voluntate, vel in aliqua potentia, secundum quod est a voluntate mota.

3. Conclusio. Intellectus, tum speculativus, tum practicus, secundum quod mouetur a voluntate, potest esse subiectum vere virtutis.

Prob. Potentia rationalis mota a voluntate potest esse subiectum virtutis, ut ex immediate dictis patet.

Sed Intellectus est ipsa rationalis potentia, & mouetur a voluntate.

Ergo Potest intellectus, secundum quod a voluntate mouetur, esse subiectum vere virtutis.

Et confirmatur prima pars. quia Intellectus speculativus, ut mouetur a voluntate, est subiectum fidei, quae est simpliciter virtus.

Intellectus enim mouetur ad assentiendum his, quae sunt fidei, ex imperio voluntatis. Nullus enim credit, nisi volens.

Et confirmatur secunda pars. quia Intellectus practicus, secundum quod mouetur a voluntate, est subiectum prudentiae, quae est simpliciter virtus. Cum enim prudentia sit recta ratio agibilium, requirit, quod homo se bene habeat ad principia huius rationis agendorum, quae sunt fines, ad quos bene se habet homo per rectitudinem voluntatis, sicut ad principia speculabilium per naturale lumen intellectus agentis. Et ideo sicut subiectum scientiae, quae est ratio recta speculabilium, est intellectus speculativus in ordine ad intellectum agentem. Ita subiectum prudentiae est intellectus practicus, in ordine ad voluntatem rectam.

Ad Argumenta.

Ad 1. Dicitur ad minorem, quod Verbum Augustini intelligendum est, de virtute simpliciter dicta, non quod omnis talis virtus sit simpliciter amor, sed quia dependet aliquahiter ab amore, in quantum dependet a voluntate, cuius prima affectio est amor, ut supra dictum est.

Ad 2. Dicitur, quod Bonum dupliciter sumitur. Vno modo, formaliter, secundum communem rationem boni.

Alio modo, secundum aliquam particularem rationem boni. Tunc ad maiorem dicitur, quod si sumatur bonum, ut sic, est obiectum appetitus, sed tunc negatur minor. Non enim virtus quolibet ordinatur ad bonum, sub communi ratione boni. Si uero sumatur bonum, secundum aliquam particularem rationem, est non solum obiectum appetitus, sed etiam aliarum potentiarum. Finis enim cuiuscunque potentiae est bonum, puta cognoscere verum, est bonum intellectus.

Tt 2 Vnde

& concupiscibili, nihil aliud est, quam quædam habitualis conformitas istarum potentiarum, ad rationem.

Manifestatur. quia Bona dispositio potentia, vt mota, attenditur secundum conformitatem ad potentiam mouentem.

Ad Argumenta.

Ad 1. Dicitur ad minorem, quod Irascibilis, & Concupiscibilis secundum se considerata, prout sunt partes appetitus sensitui, communes sunt nobis, & brutis: sed secundum quod sunt rationales per participationem, vt obediens rationi, sunt propriae hominis, & hoc modo possunt esse subiectum virtutis humanæ.

Ad 2. Dicitur ad maiorem, quod potentia, quæ est in organo corporali, si consideretur secundum se, non potest esse subiectum virtutis: si tamen consideretur, vt obedit rationi, potest esse subiectum virtutis. Sicut enim caro hominis, ex se quidem non habet bonum virtutis, fit tamen instrumentum virtuosi actus, in quantum mouente ratione membra nostra, exhibemus seruire iustitie. Ita et Irascibilis, & Concupiscibilis, ex se quidem non habent bonum virtutis, sed magis infectionem fomitis, in quantum verò conformantur rationi, sic in eis aggeneratur bonum virtutis moralis.

Ad 3. Dicitur, quod alia ratione regitur corpus ab anima, & irascibilis, & concupiscibilis a ratione. Corpus enim ad nutum obedit animæ absque contradictione, in his, in quibus natum est ab anima moueri. Vnde Phil. dicit 1. Polytic. c. 3. quod Anima regit corpus dispositive principatu, id est, sicut dominus seruum, & ideo totus motus corporis, refertur ad animam, & propter hoc in corpore, non est virtus, sed solum in anima. Sed Irascibilis, & Concupiscibilis non obediunt ad nutum rationi, sed habent proprios motus suos, quibus interdum rationi repugnant. Vnde in eodem libro Phil. dicit, quod ratio regit irascibilem, & concupiscibilem principatu politico, quo reguntur liberi, qui habent in aliquibus propriam voluntatem & propter hoc etiam oportet in irascibili, & concupiscibili esse aliquas virtutes, quibus bene disponantur ad actum.

Ad 4. Dicitur ad maiorem, quod quamuis electio sit actus rationis, tamen electio recta circa passiones provenit etiam ex bona dispositione irascibilis, & concupiscibilis. In electione enim duo sunt, Intentio finis, quæ pertinet ad virtutem moralem. Et præceptio eius, quod est ad finem, quod pertinet ad prudentiam, vt dicitur 6. Ethic. c. 2. Quod autem electio habeat rectam intentionem finis circa passiones animæ, hoc contingit ex bona dispositione irascibilis, & concupiscibilis, &

ideo virtutes morales circa passiones sunt in irascibili, & concupiscibili, sed prudentia est in ratione.

ARTICVLVS V.

Vtrum Vires sensitivæ apprehensivæ sint subiectum virtutis.

Pro Affirmativa.

Videtur, quod In viribus sensitivis apprehensivis interius possit esse aliqua virtus.

1. Vires, quæ obediunt rationi, possunt esse subiectum virtutis. Sed Vires apprehensivæ sensitivæ interius obediunt rationi. Ergo In ipsis potest esse aliqua virtus.

Maior prob. quia In appetitu sensitivo, secundum quod obedit rationi, est virtus, vt dictum est.

Maior. quia Ad imperium rationis operantur imaginativa, cogitativa, & memorativa.

2. Sicut appetitus rationalis, qui est voluntas, in suo actu potest impediri, vel etiam adiuvari per appetitum sensitivum, ita etiam intellectus, vel ratio potest impediri, vel etiam adiuvari per vires prædictas. Ergo Sicut in viribus sensitivis, appetitivis potest esse virtus, ita etiam poterit esse in apprehensivis.

3. Prudentia est quædam virtus, cuius partem Tuilius lib. 2. de inuent. ponit memoriam. Ergo In memorativa potest esse aliqua virtus, & eadem ratione in alijs viribus apprehensivis interioribus.

Pro Negativa.

Ethic. 2. c. 1. dicitur, quod Omnes virtutes, vel sunt intellectuales, vel morales. Morales autem virtutes omnes sunt in parte appetitiva. Intellectuales autem in intellectu, vel ratione, vt patet 6. Ethic. c. 2. Ergo Nulla virtus est in viribus sensitivis apprehensivis interius.

Determinatio.

1. Conclusio. In viribus sensitivis apprehensivis interius ponuntur aliqui habitus.

Prob. quia Phil. dicit in libro de mem. cap. 5. quod in memorando vnum post aliud operatur consuetudo, quæ est quasi quædam natura. Habitus autem consuetudinalis nihil aliud est, quæ habitudo acquisita per consuetudinem, quæ est in modum naturæ.

2. Conclusio. In homine id quod ex consuetudine acquiritur in memoria, & in alijs viribus sensitivis apprehensivis, non est habitus per se, sed aliquid annexum habitibus intellectivæ partis.

Prob. Ex his, quæ dicta sunt supra quæ 2. artic. 4. ad tertium, & ex his, quæ dicta sunt

art. 2. presentis, quæst. Se habent enim huiusmodi habitus per modum dispositionis.

3. Conclusio. Si qui sunt habitus in viribus sensitiuis apprehensiuus, virtutes nequaquam dici possunt.

Prob. In illa solum potentia est virtus, quæ est consummatio boni operis. Sed Potentia apprehensiuæ sensitiuæ non sunt consummatio boni operis. Ergo In potentis apprehensiuus sensitiuis non potest esse virtus.

Maior. quia Virtus est habitus perfectus, quod non contingit nisi bonum operari.

Minor. quia Cognitio veri non consummatur in viribus sensitiuis apprehensiuus, sed huiusmodi vires sunt quasi preparatiuæ ad cognitionem intellectiuam, & propterea in huiusmodi viribus non sunt virtutes, sed magis in intellectu, vel ratione.

Ad Argumenta.

Ad 1. Dicitur ad maiorem, quod ad hoc, ut potentia sensitiua possit esse subiectum virtutis, non sufficit, ut obediatur rationi, sed ulterius necesse est, ut moueatur a ratione, vel a voluntate, & non moueat ipsam, & quia appetitus sensitiuus se habet ad voluntatem, quæ est appetitus rationis, sicut motus ab eo, ideo opus appetitus virtutis consummatur in appetitu sensitiuo: & propter hoc appetitus sensitiuus est subiectum virtutis. Virtutes autem sensitiuæ apprehensiuæ magis se habent, ut mouent respectu intellectus, eo quod phantasmata se habeant ad animam intellectuam, sicut colores ad visum, ut dicitur 3. de anima, tex. 18. & ideo opus cognitionis, in intellectu terminatur, & propter hoc, virtutes cognoscitiuæ, sunt in ipso intellectu, vel ratione.

Ad 2. Similiter dicitur, quod non sufficit potentis sensitiuis, ad hoc ut sint subiectum virtutis, ut possint iuuare, vel impedire actum rationis, sed necesse est, ut habeant rationem moti, a ratione, & non mouentis, ut dictum est.

Ad 3. Dicitur ad antec. quod Memoria non ponitur pars prudentiæ, sicut species est pars generis, quasi ipsa memoria sit quædam virtus per se, sed quia vnum eorum, quæ requiruntur ad prudentiam, est bonitas memoriæ, ut sic quodammodo se habet per modum partis integralis.

ARTICVLVS VI.

Vtrum Voluntas possit esse subiectum virtutis.

Pro Negatiua.

V Idetur, quod Voluntas non sit subiectum virtutis.

1. Potentia, quæ ex sua ratione habet, ut tendat in bonum rationis, non est subiectum virtutis. Sed Voluntas de sua ratione habet, ut tendat in bonum rationis. Ergo Voluntas non est subiectum virtutis.

Maior prob. quia Ad id, quod conuenit potentie ex ipsa ratione potentie, non requiritur aliquis habitus. Unde in potentia, quæ habet ex sua ratione, ut tendat in bonum rationis, non est necesse ponere aliquem habitum virtutis, ut in bonum rationis tendat.

Minor prob. Potentia rationalis, naturaliter tendit in bonum rationis. Sed Voluntas est potentia rationalis: dicitur enim 3. de an. tex. 2. quod voluntas in ratione est. Ergo Voluntas naturaliter tendit in bonum rationis.

Maior huius prob. quia Quilibet potentia naturaliter tendit in proprium obiectum. Sed Bonum rationis est proprium voluntatis obiectum. Ergo Voluntas naturaliter tendit in bonum rationis.

2. Omnis virtus, aut est intellectualis, aut moralis, ut Arist. 1. & 2. Ethic. cap. ult. dicit. Sed in voluntate non sunt virtutes intellectuales, nec morales. Ergo Nulla virtus est in voluntate.

Minor. quia Virtutes intellectuales sunt in intellectu. Morales vero sunt in illis potentis, quæ sunt rationales per participationem, quæ sunt Irascibilis, & Concupiscibilis.

3. Si in voluntate esset aliqua virtus, Sequeretur, vel quod in nulla alia potentia esset aliqua virtus, vel quod due virtutes ordinarentur ad eundem actum, quorum vtrumque est inconueniens.

Conseq. prob. quia Omnes actus humani, ad quos virtutes ordinantur sunt voluntarij. Si igitur respectu aliquorum humanorum actuum sit aliqua virtus in voluntate, pari ratione respectu omnium actuum humanorum erit virtus in voluntate. Ex quo manifeste sequitur, vel quod in alijs potentis nulla sit virtus, vel quod ad eundem actum voluntarium ordinentur duo habitus. scilicet qui est in voluntate, & qui est in aliqua aliarum potentiarum.

Pro Affirmatiua.

In potentia, quæ mouet irascibilem, & concupiscibilem, debet esse aliqua virtus. Sed Voluntas mouet irascibilem, & concupiscibilem. Ergo In voluntate debet esse, multo magis virtus.

Maior prob. quia Maior perfectio requiritur in mouente, quam in moto.

Deier-

Ad quid ponatur habitus virtutis.

Habitus virtutis ponitur in potentia, ad perficiendam ipsam in ordine ad bonum, quod est operatio, vel finis. Bonum autem, in quod voluntas tendere potest, est duplex. Bonum proportionatum, & proprium ipsi volenti. Et bonum, quod est supra facultatem ipsius volentis. Bonum proprium, & proportionatum volenti, est bonum rationis, quod est proprium obiectum voluntatis. Bonum autem, quod excedit facultatem volentis, duplex est. Quoddam, quod excedit facultatem totius humane speciei, & hoc est bonum diuinum. Quoddam vero, excedit facultatem individui, & hoc est bonum pertinens ad alterum. Ad triplex igitur bonum potest ordinari voluntas. Ad bonum rationis. Ad bonum diuinum. & Ad bonum humanum quidem, sed alterius.

1. Conclusio. In voluntate non est aliqua virtus ordinata ipsam ad bonum rationis.

Prob. Ad illud, quod sufficit naturalis potentie inclinatio, non est necessarium ponere in ea habitum perfectientem. Sed ad hoc, ut voluntas tendat in bonum rationis, sufficit naturalis inclinatio ipsius voluntatis. Ergo Non est in voluntate ponenda aliqua virtus, quæ determinet eius inclinationem ad bonum rationis.

Maiores patet. quia Habitus ponitur ad hoc, ut determinet potentiam ad aliquid. Sed si ipsa potentia sit determinata ad illud naturaliter, non est necessarius habitus, ut dictum est supra, quest. 49. art. ultimo in corpore.

Minor prob. Ad illud, quod est proprie obiectum voluntatis, naturaliter ipsa voluntas est determinata. Quilibet enim potentia naturaliter est determinata ad suum proprium, & proportionatum obiectum. Sed Bonum rationis est proprium, & proportionatum obiectum voluntatis. Ergo Voluntas naturaliter est determinata ad tale bonum.

2. Conclusio. In voluntate necessario est ponenda virtus, respectu boni excedentis facultatem humane speciei, sibi boni diuinum.

Prob. quia Voluntas non est naturaliter determinata ad tale bonum, immo non potest viribus nature in ipsum tendere, & respectu huius boni ponitur in voluntate virtus charitatis.

3. Conclusio. Respectu boni, quod spectat ad alium, ponitur in voluntate aliqua virtus, quæ determinetur ad tale bonum.

Prob. quia Voluntas non tendit naturaliter in

alterius bonum, sed idem in id, quod est volenti proprium, ut dictum est. Et respectu huius ponitur in voluntate virtus iustitie, & alie huiusmodi virtutes, quibus voluntas inclinatur in bonum proximi.

Ad Argumenta.

Ad 1. Dicitur, argumentum concludere, quod in voluntate non est ponendus aliquis habitus ad hoc, ut determinetur ad bonum rationis, quod est eius proprium obiectum, & proportionatum volenti. Vnde sicut concupiscibilis non indiget habitu ad hoc, ut tendat in bonum delectabile, nec auditus ad hoc, ut ordinetur ad sonum, & sic de alijs: ita voluntas non indiget habitu, ut tendat in bonum proprium volenti. Cum hoc tamen stat, ut in voluntate sint virtutes, quibus tendit in bonum diuinum & in bonum proximi.

Ad 2. Negatur minor, quo ad secundam partem. Sunt enim in voluntate virtutes morales, & vltimius virtutes theologice, ut Charitas, & Spes. Ad cuius probationem dicimus, quod ratio per participationem, est non solum irascibilis, & concupiscibilis, sed vniuersaliter omnis appetitus, sub quo comprehenditur etiam voluntas. Vnde voluntas est ratio per participationem, & propterea in ea sunt virtutes morales, & vltimius theologice.

Ad 3. Negatur consequens. In voluntate enim ponitur virtus respectu actus, quo tendit in bonum, vel diuinum, vel proximi, ad quæ non tendit naturaliter respectu vero aliorum non ponitur aliqua virtus, ut dictum est, & propterea nullum inconueniens sequitur.

DE DISTINCTIONE virtutum.

Deinde Considerandum est, de distinctione virtutum.

Primo quantum ad virtutes intellectuales, quest. 57.

Secundo quantum ad morales, quest. 58. 59. 60. & 61.

Tercio quantum ad Theologicas, quest. 62.

QVÆSTIO LVII.

DE DISTINCTIONE virtutum intellectualium.

ARTICVLVS I.

Virum. Habitus intellectuales sint virtutes.

Pro Negatiua.

Videtur, quod Habitus intellectuales speculativi non sint virtutes.

1. Virrutes sunt habitus operatiui, vt dictum est. Sed Habitus intellectuales non sunt operatiui. Ergo Habitus intellectuales non sunt virtutes.

Minor prob. quia Sunt speculatiui, & non practici, idest operatiui.

2. Habitus virtutis est circa ea, per quæ homo efficitur beatus. Sed Habitus speculatiui non sunt circa ea, per quæ homo fit beatus. Ergo Habitus speculatiui non sunt virtutes.

Maior. quia Felicitas est virtutis præmium, vt dicitur 1. Ethic. cap. 9.

Minor. quia Habitus intellectuales non considerant actus humanos, aut alia bona humana, per quæ homo beatitudinem adipiscitur, sed magis considerant res naturales, & diuinas.

3. Scientia, & virtus distinguuntur, sicut diuersa genera, non subalternatim posita, vt patet 4. Topic. cap. 2. Ergo Habitus speculatiui non sunt virtutes.

Conseq. prob. quia Scientia est habitus speculatiuus.

Pro Affirmatiua.

Soli habitus speculatiui considerant necessaria, quæ impossibile est, aliter se habere. Sed Phil. 6. Ethic. cap. 1. ponit quosdam virtutes intellectuales in parte animæ, quæ considerant necessaria, quæ non possunt aliter se habere. Ergo Habitus intellectuales speculatiui sunt virtutes.

Determinatio.

Distinctio. Aliqui habitus possunt dici virtutes dupliciter. Vno modo, vt sint virtutes simpliciter. Alio modo, secundum quid. Illi habitus dicuntur virtutes secundum quid, qui faciunt solum facultatem bene operandi, sed non bonum vsum. Illi vero dicuntur simpliciter virtutes, qui faciunt non solum facultatem, sed etiam faciunt vsum, de qua distinctione abunde dictum est, quæst. præced. ar. 3.

Conclusio. Habitus intellectuales speculatiui possunt esse virtutes secundum quid, non autem simpliciter.

Prob. Habitus, qui faciunt facultatem operandi, sed non faciunt vsum bene operandi, sunt quidem virtutes, non tamen simpliciter, sed solum secundum quid. Sed Habitus intellectuales speculatiui faciunt facultatem, sed non vsum bene operandi. Ergo Habitus intellectuales speculatiui sunt virtutes secundum quid, non autem simpliciter.

Maior patet, ex distinctione hic adducta, & superius probata.

Minor prob. Habitus perficientes intellectum, non autem appetitum faciunt facultatem, non

autem vsum bene operandi: Facere enim bonum vsum operandi, pertinet ad partem animæ appetitiuam, vt dictum est loco citato. Sed Habitus intellectuales speculatiui perficiunt partem intellectiui, absque aliquo ordine ad appetitum. Ergo faciunt facultatem bonæ operationis, quæ est consideratio veri, non tamen faciunt bene vti.

Et confirmatur eadem minor. quia Ex hoc, quod aliquis habet habitum scientiæ speculatiuæ, non inclinatur ad bene vtendum, sed solum fit potens speculari verum in his, quorum habet scientiam, sed quod vtatur scientia habita, hoc est mouente voluntate.

Et confirmatur principalis ratio. quia Virtus, quæ perficit voluntatem, vt sunt Charitas, vel Iustitia, facit etiam bene vti huiusmodi speculatiuis habitibus, & secundum hoc etiam in actibus horum habituum potest esse meritum, vt Greg. 6. Moral. dicit cap. 28.

Ad Argumenta.

Ad 1. Dicitur, quod sicut duplex est opus, scilicet, vt est speculari verum, & exterius, vt est fortia aggredi, & similia. Ita dupliciter potest habitus dici operatiuus. Vno modo, per ordinem ad actus interiores. Alio modo, per ordinem ad actus exteriores. Ad maiorem igitur dicitur, quod virtutes sunt habitus operatiui, vel operis interioris, vel exterioris, habitus inquam speculatiui sunt operatiui in ordine ad opus interius, practici vero in ordine ad opus exterius. Tunc negatur minor. Habitus enim intellectuales, etiam speculatiui, sunt operatiui. Ad probationem dicitur, Quod practicum non distinguitur contra speculatiuum in hoc, quod vnum ordinetur ad opus, scilicet practicum, & aliud non ordinetur ad opus, scilicet speculatiuum, cum vtrunque ordinetur ad opus, vt dictum est. Sed in hoc, quod practicum respicit opus exterius, speculatiuum vero opus interius.

Ad 2. Dicitur ad minorem, & ad eius probationem, quod Virtus potest esse aliquorum dupliciter. Vno modo, sicut obiectorum: & sic huiusmodi virtutes speculatiuæ non sunt eorum, per quæ homo fit beatus, nisi forte secundum quod ly per, dicit causam efficientem, vel obiectum completæ beatitudinis, quod est Deus, quod est summum speculabile. Alio modo, dicitur esse virtus aliquorum, sicut actuum, & hoc modo virtutes intellectuales sunt eorum, per quæ homo fit beatus: tum quia actus harum virtutum possunt esse meritorij, sicut dictum est, tum etiam quia sunt quedam inchoatio perfectæ beatitudinis, quæ in contemplatione veri consistit, sicut, supra dictum est.

Ad 3. Dicitur ad anteced. quod Scientia diuina

ditur contra virtutem, simpliciter dictam, non autem contra virtutem secundum quid.

ARTICVLVS II.

Utrum sint tantum tres habitus intellectuales speculatiui, scilicet Sapientia, Scientia, & Intellectus.

Pro Negatiua.

Videretur, quod Inconuenienter distinguantur tres virtutes intellectuales speculatiue, scilicet Sapientia, scientia, & Intellectus.

1. Sapientia est quedam scientia, vt dicitur 6. Ethic. cap. 7. Ergo Sapientia non debet conditui scientie, in numero virtutum intellectualium.

Conseq. prob. quia Species non debet conditui di generi.

2. Obiectum, & ratio formalis obiecti, non distinguunt potestas, vel habitus, sed pertinet ad eandem potentiam, & habitum. Sed Intellectus, qui est habitus principiorum, est ratio cognoscendi conclusiones, ita vt principium sit ratio formalis, & conclusiones sunt tanquam materiale obiectum.

Ergo Cognitio principiorum, scilicet intellectus, non debet poni habitus distinctus ab habitu conclusionis, scilicet scientia.

Maiores. quia Habitui, & potentie non distinguantur penes materiale, & formale; sed penes diuersas rationes, vt dictum est. q. 53. art. 3.

3. Ratio speculatiua non solum ratiocinatur demonstratiue, sed etiam dialectice. Ergo Non solum scientia, sed etiam opinio debet poni habitus intellectualis.

Conseq. prob. Habitui, qui est in ipso rationali per essentiam, est virtus intellectualis. Sed Opinio est huiusmodi.

Ergo Non solum scientia, sed etiam opinio debet poni habitus intellectualis.

Pro Affirmatiua.

Phil. 6. Ethic. cap. 3. ponit has solum tres virtutes intellectuales speculatiuas, scilicet sapientiam, Scientiam, & Intellectum.

Determinatio.

Conclusio. Tres tantum sunt virtutes intellectuales speculatiue, Sapientia, Scientia, & Intellectus.

Prob. Quot sunt modi, quibus intellectus perficitur ad considerandum verum, tot sunt virtutes intellectuales. Sed Tribus tantum modis intellectus perficitur ad considerandum verum.

Ergo Tres tantum sunt virtutes intellectuales. Maior prob. quia Virtus speculatiua intellectualis est, per quam intellectus speculatiuus perficitur, ad considerandum verum, hoc enim est bonum opus eius.

Minor manifestatur. Pro quo est sciendum, quod Verum est duplex. Quoddam est per se notum. Quoddam vero est per aliud notum. Verum, quod est per se notum, se habet vt principium, & ideo statim percipitur ab intellectu.

Habitus igitur, qui perficit intellectum ad considerandum verum per se notum, dicitur habitus principiorum, & vocatur Intellectus.

Verum autem per aliud cognoscibile, non statim cognoscitur, sed intellectus peruenit ad eius cognitionem per inquisitionem. Vnde veri huius cognitio est terminus inquisitionis. Potest autem aliquid esse terminus cognitionis humane dupliciter. Vno modo, vt sit vltimus terminus in aliquo genere, puta Naturalium, Mathematicarum, & huiusmodi.

Alio modo, vt sit vltimus terminus totius cognitionis humane: & hoc est altissima causa, que secundum se est maxime cognoscibilis, sed quo ad nos vltimo cognoscitur.

Ad perficiendum igitur intellectum in cognitione veri, quod est vltimum in aliquo genere, requiritur habitus scientie, & secundum quod sunt diuersa genera scibilium, sunt diuersæ scientiæ perficientes intellectum.

In cognitione autem veri, quod est simpliciter vltimum, scilicet altissima causa, perficitur intellectus per habitum sapientiæ, quæ est omnium iudicatiua, & ordinatiua.

Et hæc est ratio, quare sapientia est solum vna, & scientiæ plures: quia scilicet vna tantum est prima, & altissima causa, scibilia autem plura sunt.

Breuitur igitur colligitur probatio minoris in hunc modum. Verum cognoscibile ab intellectu est duplex, scilicet cognoscibile per se, & hoc est obiectum habitus intellectus, & cognoscibile per aliud, & hoc est duplex, vel quod est vltimum simpliciter, & hoc est prima causa, quæ vltimo cognoscitur quo ad nos, & secundum se prius, & hoc est obiectum habitus sapientiæ.

Vel est vltimum in aliquo determinato genere, & hoc est obiectum scientiæ.

Ad Argumenta.

Ad 1. Dicitur ad antecedens, quod Sapientia est quedam scientia, quatenus habet id quod est commune omnibus scientiis, vt ex prin-

cipijs conclusiones demonstret: sed quia habet ali-
quid proprium, supra alias scientias, inquantum
de omnibus iudicat, non solum quantum ad con-
clusiones, sed etiam quantum ad prima princi-
pia; ideo habet rationem perfectioris virtutis,
quam scientia.

Ad 2. Dicitur ad maiorem, quod quando ratio
obiecti sub vno actu refertur ad potentiam,
vel habitum, tunc non distinguuntur habitus,
vel potentie penes rationem obiecti, & ipsum
obiectum materiale. Sicut ad eandem potentiam
visum pertinet videre colorem, & lumen, quod
est ratio videndi colorem, & simul cum ipso vi-
detur. Principia vero demonstrationis possunt
seorsum considerari absque hoc, quod considerentur
conclusiones: possunt etiam considerari simul
cum conclusionibus, prout principia in conclusio-
nes deducuntur. Considerare ergo hoc secundo
modo principia, pertinet ad scientiam, quæ con-
siderat etiam conclusiones: sed considerare prin-
cipia secundum se ipsa, pertinet ad intellectum.
Vnde si quis recte consideret, istæ tres virtutes
non ex æquo distinguuntur ad inuicem, sed ordi-
ne quodam, sicut accidit in totis potentialibus,
quorum vna pars est perfectior altera: sicut ani-
ma rationalis est perfectior, quam sensibilis, &
sensibilis, quam vegetabilis, hoc enim modus sci-
entia dependet ab intellectu, sicut a principaliori,
& vtrumque dependet a sapientia, sicut a princi-
palissimo, quæ sub se continet, & intellectum, &
scientiam, vt de conclusionibus scientiarum di-
dicans, & de principijs earundem.

Ad 3. Negatur consequ. Ad probationem, di-
citur ad maiorem, quod non omnis habitus, qui
est in ratione per essentiam dicitur virtus, sed so-
lum ille, qui est determinate ad bonum, & quia
Opinio se habet ad verum, & falsum, quod est
malum intellectus, est quidem habitus intelle-
ctus, sed non virtus, sicut nec suspitio, vt dicitur
6. Ethic. cap. 3.

ARTICVLVS III.

Vtrum Habitus intellectualis, qui est ars,
sit virtus.

Pro Negativa.

Videtur, quod Ars non sit virtus intellectualis.
1. Virtute nullus male vtitur, vt August.
dicit 2. lib. de lib. arb. cap. 18. & 19.

Sed Arte aliquis male potest vti. Ergo Ars non
est virtus.

Minor. quia Potest aliquis secundum scien-
tiam artis suæ male operari.

2. Virtutis non est virtus. Sed Artis est aliqua

virtus, vt dicitur 6. Ethic. cap. 3. Ergo Ars non est
virtus.

3. Si ars esset virtus, Sequeretur, quod artes li-
berales essent virtutes speculatiue, & quod essent
numerandæ inter habitus, & virtutes speculati-
uas, quæ tamen sunt falsa.

Conseq. prob. quia Artes liberales nobiliores
sunt, artibus mechanicis. Vnde cum mechanicæ
dicantur habitus practici, liberales debent esse
speculatiui, & sic essent numerandæ inter virtu-
tes speculatiuas.

Pro Affirmativa.

Phil. 6. Ethic. c. 3. & 4. ponit artem esse virtu-
tem, nec tamen connumeratam virtutibus specu-
latiuis, quarum subiectum ponit scientificam par-
tem animæ.

Determinatio.

Conclusio. Habitus intellectualis, qui est ars,
est virtus secundum quid, non autem simpliciter.

Prob. Habitus, qui facit facultatem recte ope-
rationis, non autem bonum vsum, est virtus secun-
dum quid, non autem simpliciter. Sed Ars est ha-
bitus, qui facit facultatem bene operandi, non au-
tem facit bonum vsum. Ergo Ars est virtus se-
cundum quid, non autem simpliciter.

Mayor patet ex his, quæ dicta sunt art. 1. huius
quæst. & in locis ibi citatis. Hæc enim est differe-
ntia inter virtutem simpliciter, & virtutem secun-
dum quid, quod ista facit facultatem solum, illa
verec, & facultatem, & vsum bene operandi.

Minor quo ad vtramque partem prob. & qd fa-
ciat facultatem bene operandi, quia Ars est re-
cta ratio aliquorum operum faciendorum. Quod
vero non faciat vsum, quia Bonitas operum fa-
ciendorum per artem non consistit in eo, quod
appetitus humanus aliquo modo se habet, puta
bene, vel male, sed in eo, quod ipsum opus, quod
fit, bonum sit: Non enim pertinet ad laudem arti-
ficis, inquantum artifex est, quia voluntate opus
faciat: sed quale sit opus, quod facit: & quia bo-
nus vsum non est absque voluntate, ideo ars non
facit bonum vsum.

Ex quibus sequitur, quod licet Ars sit habitus
operatiuus, quia est recta ratio factibilium, tamen
in aliquo conuenit cum habitibus speculati-
uius. Nam sicut ad habitus speculatiuos non per-
tinet qualiter appetitus humanus se habeat ad
res, quas considerat, sed solum qualiter se habeat
ipsa res: dummodo enim Geometra demonstret
verum, non refert, qualiter se habeat secundum appetitum
partem, vtrum lætus sit, vel iratus. Ita nec in artifice
refert, vt dictum est: Et ideo eo modo ars ha-
bet rationem virtutis, sicut & habitus speculatiui,
inquan-

in quantum nec ars, nec habitus speculatiui faciunt bonum opus quantum ad usum, sed solum quantum ad facultatem bene operandi, ut dictum est.

Ad Argumenta.

Ad 1. Negatur minor. Cum enim aliquis habens artem, operatur malum artificium, hoc non est opus artis, sed contra artem: sicut etiam, cum aliquis sciens uerum, mentitur, hoc quod dicit, non est secundum scientiam, sed contra scientiam. Non potest igitur quis male uti arte malitia opposita propriæ bonitati ipsius artis, & propterea est uirtus, non simpliciter, cum non faciat bonum usum moralem, sed est uirtus secundum quid.

Ad 2. Dicitur ad maiorem, quod Virtutis simpliciter, & perfectæ, non est uirtus, sed tamen uirtutis secundum quid, potest esse alia uirtus, & quia Ars est uirtus secundum quid, ideo artis potest esse alia uirtus. Et pro maiori intelligentia, est sciendum, quod in arte duplex potest bonitas inueniri. Prima est propria, puta ut quis habens artem, operetur secundum regulas artis: & hæc bonitas semper conuenit arti, ita ut si quis operetur contra huiusmodi regulas, non operetur iam secundum artem, sed contra artem, ut dictum est. Est etiam bonitas moralis, quæ est, quando artifex operatur, non solum secundum regulas artis, sed etiam secundum rectam rationem, & bene moraliter: puta si quis doceat grammaticam, uel philosophiam, bona, uel mala intentione, & hæc bonitas non semper conuenit arti, sed necessaria est alia uirtus ad hoc, ut ars habeat bonitatem moralem, puta Iustitia, qua quis opera artis fideliter facit, uel Religio. Grammaticus enim secundum perfectissimam grammaticam poterit blasphemare Deum, sed adiuncta religione hoc facere non potest.

Ad 3. Negatur Conseq. Ad probationem dicitur, quod ex hoc, quod artes liberales sunt nobiliores mechanicis, non sequitur, quod sint speculatiuæ, sed quod sint inter practicas nobiliores: ex hoc enim, quod aliquid nobilius participat rationem alicuius, non fit, ut non contineatur sub illo, sic ex hoc, quod artes liberales participant perfectius rationem artis, non sequitur, quod non contineantur sub arte, sed quod sint artes nobiliores.

ARTICVLVS IV.

Verum Prudentia sit uirtus distincta ab arte.

Pro Negatiua.

Videtur, quod Prudentia non sit alia uirtus ab arte.

1. Recta ratio aliquorum operum est ars. Sed Prudentia est recta ratio aliquorum operum. Ergo Prudentia est ars.

Sed posset quis dicere, quod Prudentia est ratio aliquorum operum, sed illa opera, diuersa sunt, ab operibus artis.

Contra. quia Diuersitas operum non facit, ut aliquid amittat rationem artis: sunt enim diuersæ artes diuersorum operum. Vnde ex hoc, quod prudentia est operum diuersorum, ab operibus artis, non sequitur, quod non sit ars, sed quod sit diuersa ars ab alijs.

2. Quidam habitus speculatiui dicuntur artes, ut dictum est. Ergo Multo magis prudentia debet dici ars.

Conseq. prob. quia Prudentia magis conuenit cum arte, quam faciant habitus speculatiui.

3. Habitus, ad quem pertinet bene consiliari, est ars. Sed Ad prudentiam pertinet bene consiliari, ut dicitur 6. Ethic. cap. 5.

Ergo Prudentia non est distincta ab arte.

Minor. quia Quædam artes consilio indigent, ut dicitur 3. Ethic. c. 3. ut in arte militari, & gubernatiua, & medicinali.

Pro Affirmatiua.

Philos. 6. Ethic. cap. 3. distinguit prudentiam ab arte.

Determinatio.

Conclusio. Prudentia est uirtus distincta ab arte.

Prob. Habitus, in quibus inuenitur diuersa ratio uirtutis, sunt diuersæ uirtutes. Sed In prudentia, & arte inuenitur diuersa ratio uirtutis. Ergo Prudentia, & ars sunt distinctæ uirtutes.

Minor prob. Habitus, qui facit solum facultatem boni operis, habet aliam rationem uirtutis, ab habitu, qui facit non solum facultatem, sed etiam usum boni operis. Sed Ars facit solum facultatem boni operis, prudentia uero facit, & facultatem, & usum boni operis.

Ergo Prudentia habet diuersam rationem uirtutis, a ratione artis.

Maior huius prob. quia Supra dictum est, quod aliquis habitus habet rationem uirtutis, ex hoc solum, quod facit facultatem, & aliquis, ex hoc, quod facit facultatem, & usum: & quod illa constituit uirtutem secundum quid, ista uero simpliciter.

Minor huius manifestatur. quia Ars non respicit appetitum, à quo est usus bonus, ut dictum est: prudentia uero presupponit rectitudinem uoluntatis, & ideo facit bonum usum.

Ratio autem huius differentie. scilicet quare ars non respiciat appetitum, nec præsupponat eius rectitudinem, prudentia vero appetitum respiciat, & eius rectitudinem præsupponat, ostenditur, præmittendo, quod Ars est recta ratio factibilium, Prudentia vero est recta ratio agibilium. Differt autem Facere, & Agere, ut dicitur 9. Metaph. t. 16. quod factio est actus transiens in exteriorem materiam: sicut sunt adificare, secare, & huiusmodi. Agere vero est actus permanens in ipso agente, ut sunt videre, velle, scire, & huiusmodi. Vnde Ars est recta ratio actuum transeuntium in exteriori materia. Prudentia vero est recta ratio actuum immanentium in ipso agente.

In hoc tamen differunt, quod Ars potest esse recta ratio factibilium, absque rectitudine voluntatis, quod sic ostenditur. Nam rectitudo rationis in operabilibus dependet ex fine, quod est bonum, sicut recta ratio in speculabilibus dependet ex principiis, ex quibus ratio syllogizat. Vnde sicut ratio in speculatiuis syllogismis præsupponit rectitudinem intellectus, qui est habitus principiorum. Ita in operabilibus oportet præsupponere rectitudinem illius potentie, quæ respicit bonum, ad quod per operationem peruenitur. Et quia bonum, ad quod quis peruenit per prudentiam, est bonum voluntatis, ideo oportet, ut prudentia præsupponat rectitudinem voluntatis. Et iterum, quia bonum artis non est bonum voluntatis, sed bonum ipsorum operum artificialium, ut dictum est, propterea ipse artifex nihil habet cum rectitudine voluntatis: & inde est, quod magis laudatur artifex, qui volens peccat, quam qui peccat, nolens. Magis autem contra prudentiam est, quod aliquis peccet volens, quam nolens: quia rectitudo voluntatis est de ratione prudentie, non autem de ratione artis. Et ex his patet, quod prudentia distinguitur ab arte.

Ad Argumenta.

Ad 1. Dicitur ad maiorem, quod Recta ratio, non omnium operum, sed solum exteriorum, est ars. Prudentia autem est recta ratio operum, non exteriorum, sed solum interiorum. Vnde licet diuersa ratio exteriorum operabilium non diuersificet rationem virtutis, tamen ratio virtutis, quæ respicit actus immanentes, diuersa est ab ea, quæ respicit actus transeuntes.

Ad 2. Negatur Consequens. Ad probationem dicitur, quod Prudentia magis conuenit cum arte, quam cum habitibus speculatiuis, quantum ad subiectum, & materiam, utrumque enim est in opinatiua parte animæ, & circa contingens aliter se habere: sed Ars magis conuenit cum habitibus speculatiuis, in ratione virtutis, quam

cum prudentia, ut dictum est.

Ad 3. Dicitur, maiorem esse vniuersaliter falsam: Bene enim consiliari, præcipue ad prudentiam pertinet, ipsa enim est bene consiliatiua de his, quæ pertinent ad totam vitam hominis, & ad vltimum finem vite humane. Sed in aliquibus artibus est consilium de his, quæ pertinent ad fines proprios illarum artium. Vnde aliqui, in quantum sunt bene consiliatiui in rebus bellicis, vel nauticis, dicuntur prudentes duces, vel gubernatores, non autem prudentes simpliciter, sed illi solum, qui bene consiliantur de his, quæ conferunt ad totam vitam.

ARTICVLVS V.

Utrum Prudentia sit virtus necessaria homini.

Pro Negatiua.

Videtur quod Prudentia non sit virtus necessaria ad bene viuendum.

1. Ars non est necessaria rebus factibilibus, nisi ad hoc, ut fiant, non autem postquam sunt factæ. Ergo Nec prudentia est necessaria homini ad bene viuendum, postquam est virtuosus, sed solum quantum ad hoc, ut fiat virtuosus.

Consequens, quia Sicut Ars est recta ratio factibilium, ita prudentia est recta ratio agibilium, secundum quæ vita hominis consideratur.

2. Homo potest bene agere ex consilio non proprio solum, sed etiam alieno. Ergo Non est necessarium ad bene viuendum, quod ipse homo habeat prudentiam, sed sufficit, ut sequatur prudentium consilium.

Consequens, prob. quia Prudentia est per quam recte consiliamur, ut dicitur 6. Eth. c. 5. 7. 8.

3. Prudentia non est virtus intellectualis. Ergo Non est homini necessaria.

Consequens, manifestatur, quia Appetitus per morales virtutes perficitur, inter quas non est prudentia, ut patebit. Ergo Si non perficit intellectus, non erit homini ad aliquid necessaria.

Antec. prob. Illa est virtus intellectualis, secundum quam contingit semper dicere verum, & nunquam falsum. Sed Secundum prudentiam non contingit semper dicere verum. Ergo Prudentia non est virtus intellectualis.

Minor, quia Non est humanum, quod consiliando de agendis, non erraret: cum humana agibilia sint contingencia aliter se habere, ut dicitur sapient. 6. Cogitationes mortalium timidae, & incertæ prouidentie nostræ.

Pro Affirmatiua.

Sapient. 8. connumeratur Prudentia alijs virtutibus

tibus necessariis ad vitam humanā, cum dicitur de diuina Sapientia. Sobrietatem, & prudentiam docet, iustitiam, & virtutem, quibus vilius nihil est in hac vita hominibus.

Determinatio.

Conclusio. Prudentia est virtus maxime necessaria ad vitam humanam.

Prob. Quod est necessarium ad bene operandū est necessarium ad bene viuendum. Sed Virtus prudenti est necessaria ad bene operandum. Ergo Prudentia est necessaria ad bene viuendum.

Maiores. quia Bene viuere cōsistit in bene opari.

Minor. Virtus, per quam disponitur, & perficitur ratio ad hoc, vt conuenienter se habeat circa ea, quæ sunt ad finem, est necessaria ad bene operandum. Sed Prudentia est virtus, quæ perficit, & disponit rationem ad hoc, vt conuenienter se habeat circa ea, quæ sunt ad finem. Ergo Prudentia est necessaria ad bene operandum.

Maiores hæc manifestatur. Præmittendo, quod ad bene operandum requiritur, vt opus fiat non ex passione, sed ex electione: Non enim est opus aliquod moraliter bonum, nisi sit ex electione. Electio autem duo requirit. Primum est finis. Alterum est id, quod est ad finem. Finis pertinet ad appetitus obiectum. Ea vero, quæ sunt ad finem, pertinent ad rationem, quia iudicare, & eligere ea, quæ conuenienter ad aliquem finem ordinantur, ad rationem pertinent. Homo igitur ad hoc, vt recte operetur, indiget necessario aliqua virtute, per quam perficiatur appetitus ad hoc, vt tendat in finem conuenientem, & hoc fit per morales virtutes. Est etiam ei necessarius aliquis habitus, siue virtus ad perficiendam rationē, ad hoc, vt possit recte iudicare de his, quæ conuenienter ordinanda sunt in finem. Patet igitur maior. Nō enim homo potest bene operari, nisi ratio sit perfecta ad eligendum, & iudicandum de his, quæ sunt ad finem.

Minor autem hæc, manifesta est ex ratione ipsius prudentiæ, quæ est virtus bene consiliatiua, vt suo loco patebit.

Ad Argumenta.

Ad 1. Negatur Conseq. Et ratio negationis est, quia bonum artis consideratur, non in ipso artifice, sed magis in ipso artificio: cum ars sit ratio recta factibilium. Factio enim in exteriorem materiam transiit, non est perfectio facientis, sed facti, sicut motus est actus mobilis. Ars autem circa factibilia est, sed prudentiæ bonum attenditur in ipso agente, cuius perfectio, est ipsum agere, est enim prudentia recta ratio agibilium, vt dictū est, & ideo ad artem non requiritur, quod artifex bene operetur, sed quod bonū opus faciat, requi-

retur autem magis, quod ipsum artificiatū bene operaretur: sicut quod cultellus bene incidet, vel ferra bene secaret si proprie horū esset agere, & non magis agi, quia non habent dominū sui actus, & ideo ars nō est necessaria ad bene viuendum ipsi artifice, sed solum ad faciendum ipsum artificiatum bonum, & ad conseruandū ipsum. Prudentia autē est necessaria homini ad bene viuendum, non solum ad hoc quod fiat bonus.

Ad 2. Dicitur ad antec. quod homo potest quidē bene agere ex consilio alterius, tū tunc nō est omnino perfecta operatio ipsius, quantum ad rationem dirigentem, & quantum ad appetitum mouentem. Vnde si bonum operetur, non tamen simpliciter bene, quod est bene viuere.

Ad 3. Negatur antec. Ad probationem maioris dicitur, quod est vera de virtute intellectuali pertinente ad intellectum speculatiuum, non autem de virtute, quæ est in intellectu practico: & ratio horum est, quia Verum intellectus practici aliter accipitur, quam Verum intellectus speculatiui vt dē 6. Ethic. c. 2. Nā verū intellectus speculatiui accipitur per conformitatem intellectus ad rem. Et quia intellectus non potest infallibiliter conformari rebus in cōtingentibus, sed solum in necessariis, ideo nullus habuit speculatiui contingentium est intellectualis virtus, sed solum circa necessaria. Verum autē intellectus practici accipitur per conformitatem ad appetitum rectum, quæ quidē conformitas in necessariis locum non hēt, q̄ voluntate humana non sunt, sed solū in contingentibus, quæ possunt a nobis fieri, siue sint agibilia interiora, siue factibilia exteriora, & ideo circa sola contingentia ponitur virtus intellectus practici, circa factibilia quidē, ars; circa agibilia vero prudentia.

A R T I C V L V S VI.

Vtrum Eubolia, Synesis, & Gnomi, sint virtutes adiunctæ prudentiæ.

Pro Negatiua.

Videtur, quod inconuenienter adiungantur Prudentiæ Eubolia, Synesis, & Gnomi.

1. Habitus, quo bene consiliamur, non est virtus adiuncta prudentiæ, sed magis est ipsa prudentia. Sed Eubolia est habitus quo bene cōsiliamur, vt dicitur 6. Ethic. c. 9. Ergo Eubolia non est virtus adiuncta prudentiæ, sed est ipsa prudentia.

Maiores. quia Bene consiliari pertinet ad prudentiam, vt ibidem dicitur.

2. Virtus, quæ est bene iudicatiua, non est adiuncta alicui virtuti, sed magis ipsa est principalis. Sed Synesis est bene iudicatiua. Ergo Synesis non est adiuncta prudentiæ, sed est principalis.

Maiores. Ad superiorē pertinet de inferioribus iudicare. Vnde illa virtus est suprema, cuius actus est iudicare.

3. Circa omnia consiliabilia ponitur tantum una virtus. scilicet Eubolia. Ergo Circa omnia iudicabilia debet solum una virtus poni, & non duæ, scilicet Synesis, & Gnomi.

Consequenter probatur quia Sicut diuersa sunt ea, de quibus est iudicandum, ita diuersa sunt ea, de quibus est consiliandum.

4. Tullius ponit in sua Rhetorica lib. 2. tres alias partes prudentiæ, scilicet Memoriam præteritorum, Intelligentiam præsentium, & Providentiam futurorum. Macrobius etiam ponit super somnium Scipionis quasdam alias partes prudentiæ, scilicet Cautiorem, Docilitatem, & alia huiusmodi. Ergo Non videntur solæ huiusmodi virtutes prudentiæ adiungi.

Pro Affirmatiua.

Phil. 6. Ethic. c. 9. ponit has tres virtutes prudentiæ adiunctas.

Determinatio.

Conclusio. Prudentiæ tanquam principali virtuti conuenienter adiunguntur tanquam secundariæ tres aliæ virtutes, scilicet, Eubolia, Synesis, & Gnomi.

Probatur. Quando circa aliqua agibilia sunt plures actus, quorum unus est principalis, & alij ad ipsum principalem ordinantur, virtus, quæ est de actu principali, est principalis, & ad ipsam tanquam ad principalem ordinantur virtutes, quæ ordinantur ad secundarios actus. Sed Circa agibilia humana tres actus interiores inueniuntur, scilicet Consiliari, Iudicare, & Præcipere, quorum duo primi, scilicet consiliari, & iudicare ordinantur tanquam ad principalem, ad actum præcipiendi. Ergo Virtus, quæ est præceptiua, est principalis, illa vero, quæ est iudicativa, & quæ est consiliatiua, ad præceptiuam ordinantur, ut secundariæ ad principalem. Sed Prudentia est præceptiua, Eubolia est consiliatiua, Synesis, & Gnomi sunt iudicatiuæ. Ergo Prudentiæ, tanquam principali, adiunguntur Eubolia, Synesis, & Gnomi.

Maiores probatur quia In omnibus potentijs, & habitibus ordinatis, ille est principalior, qui ad principalem actum ordinatur.

Minor. quod circa humana agibilia sint illi tres actus, ostenditur. quia Consilium, & Iudicium respondent actibus intellectus speculatiui, præcipere vero, est practici intellectus, qui præcipit, & non speculatiui.

Quod vero præcipere sit actus principalis, manifestum est.

Ad Argumenta.

Ad 1. Dicitur ad maiorem, & ad eius probationem, quod Prudentia est bene consiliatiua, non quasi bene consiliari, sit immediate actus eius,

sed quia hunc actum perficit, mediante virtute sibi subiecta, quæ est Eubolia.

Ad 2. Negatur maior. Iudicium enim in agendis est ordinatum ad aliquid aliud. Contingit enim aliquem bene iudicare de aliquo agendo, & tamen non recte exequi. Sed vltimum complementum iudicii est, quando iam recte præcipit de agendis. Ad probationem dicitur, quod in Agendis principaliter est præcipere, quam sit iudicare.

Ad 3. Negatur Consequenter. Ad probationem dicitur, quod non est eadem ratio de iudicandis, & consiliandis. Nam inquisitio fit ex communibus principijs, & dum aliquis inquit, non descendit ad aliquod particulare, & quia distinctio non est in principijs, ideo sola una virtus ordinatur ad consiliandum, ut potest adhuc in communibus existente intellectu. In iudicio autem fit descensus ad specialia, per quæ res debet iudicari, & quia duo sunt principia ex quibus fit iudicium. scilicet lex communis, & naturalis ratio. Ideo ponuntur duæ virtutes iudicatiuæ. scilicet Synesis, quæ iudicat secundum communem legem, & communes regulas. & Gnomi, quæ iudicat secundum naturalem rationem, est enim Gnomi quædam perspicacitas rationis.

Ad 4. Dicitur, quod Prudentia habet tria genera partium Integralium, Subiectiuarum, & Potestatiuarum. Memoria, Intelligentia, Providentia, Cautio, Docilitas, & alia huiusmodi comparantur ad prudentiam quodammodo, ut partes integrales, in quantum ista omnia requiruntur ad perfectionem prudentiæ. Economica vero, Regnatiua, & huiusmodi sunt partes subiectiuæ prudentiæ. Eubolia autem, Synesis, & Gnomi sunt partes potentiales prudentiæ, quia ordinantur sicut secundarium ad principalem, ut clarius de his omnibus dicitur loco suo secunda secundæ, quæst. 51. per totam.

DE VIRTUTIBVS Moralibus.

Deinde considerandum est de virtutibus moralibus.

Et prima de distinctione earum, a virtutibus intellectualibus. quæst. 58.

Secundo de distinctione ab innicem, secundum propriam materiam, quæst. 59. & 60.

Tertio de distinctione Cardinalium ab alijs, quæst. 61.

QV AE S T I O VIII.

DE DISTINCTIONE VIRTVTVM
moralium ab intellectualibus.

ARTICVLVS I.

Vtrum Omnis virtus sit moralis.

*Pro Affirmatiua.***V**idetur, quod Omnis virtus sit moralis.

1. Virtutes, quarum actus consuefcere possumus, sunt morales. Sed Omnium virtutum actus consuefcere possumus. Ergo Omnes virtutes sunt morales.

Maiores. quia Virtus moralis dicitur a more .i. a consuetudine.

2. Omnis habitus electius est virtus moralis. Sed Ois virtus est habitus electius. Ergo Omnis virtus est moralis.

Maiores. quia Phil. dicit 2. Ethic. cap. 6. quod virtus moralis est habitus electius, in medietate rationis consistens.

Minor. quia Actus cuiuslibet virtutis possumus ex electione facere, & etiam omnis virtus aliquoter in medio rationis consistit, vt infra patebit, quæst. 64.

3. Omnis virtus consentanea rationi est moralis. Sed Omnis humana virtus est consentanea rationi. Ergo Omnis humana virtus est moralis.

Maiores. quia Tullius dicit, lib. 2. Rhetor. quod Virtus est habitus in modum naturæ rationi consentaneus.

Pro Negatiua.

Phil. 1. Ethic. in fine dicit. Dicentes de moribus non dicimus, quoniam sapiens, vel intelligens, sed quoniam mitis, vel sobrius, sicigitur, sapientia, & intellectus non sunt morales, quæ tamen sunt virtutes, sicut supra dictum est. Ergo Nō omnis virtus est moralis.

Determinatio.

Concl. Non omnis virtus est moralis, sed solū illa, quæ est in vi appetitiua.

Prob. Illa sola virtus, quæ facit inclinationem naturalem, vel quasi naturalem ad aliquem actū, est moralis. Sed Sola virtus, quæ est in appetitu, facit inclinationem naturalem, vel quasi naturalem ad actum. Ergo Sola virtus, quæ est in appetitu, est moralis.

Maiores prob. præmittendo, quod Virtus moralis dicitur a more. Vnde ex significato huius

nominis Mos, poterimus scire, quæ virtus sit moralis.

Mos igitur duo significat. Quandoque enim significat consuetudinem, & sic sumitur Actor. 15. Nisi circuncidamini secundum morem Moy si, non poteritis salui fieri. Quandoque vero significat inclinationem naturalem, vel quasi naturalem ad aliquid agendum. Vnde etiam brutorum dicuntur aliqui mores, secundum quod dicitur 2. Machab. 11. quod Leonum more irruentes in hostes, prostrauerunt eos, & sic accipitur Mos, Psalm. 67. Qui habitare facit vnus moris in domo. Quæ duæ significationes apud Latinos secundum vocem nullo modo distinguuntur, Apud Græcos tamen distinguuntur secundum vocem, quia verbum græcum quod est *ethos*, pro vt significat consuetudinem, scribitur cum prima lōga, prout vero significat inclinationem, scribitur cum prima breui. Igitur virtus moralis dicitur a More, prout significat inclinationem ad aliquid agendum, licet proxime sequatur etiam alia significatio, quia consuetudo, est quasi quædam naturalis inclinatio. Et sic patet maiores, quod Illa dicitur virtus moralis, quæ facit inclinationē ad opus.

Minor prob. quia Inclinatio ad actum, proprie conuenit appetitiuæ virtuti, cuius est mouere omnes alias potentias ad agendum, vt dictum est.

Ad Argumenta.

Ad 1. Dicitur, quod argumentum hoc concludit, omnem virtutem posse dici moralem, secundum quod Mos significat consuetudinem, quæ est verum.

Ad 2. Dicitur, quod aliquis habitus potest dici electius dupliciter. Vno modo, quia est principium electionis. Alio modo, quia sub electione cadit. Tunc ad maiorem dicitur, quod omnis habitus electius, qui est electionis principium, est virtus moralis, est verum. Sed tunc negatur minor, non enim omnis habitus est electius hoc modo, sed tantum, qui est in vi appetitiua, quæ est electionis principium, vt dictum est. Si autem in maiori sit sermo de habitu electio, id est cadente sub electione. Negatur, quod omnis talis habitus sit moralis. Et ad probationem dicitur, quod Phil. loquitur de habitu, qui est electionis principium, qui est solum in appetitu, & solus perficit electionem.

Ad 3. Dicitur ad minorem, quod assimilari naturæ in consentiendo rationi, est proprium virtutum, quæ sunt in vi appetitiua.

ARTICVLVS II.

Vtrum Virtus moralis distinguatur ab intellectu.

Pro Negatiua.

Videtur, quod Virtus moralis ab intellectu non distinguatur.

1. Ars est virtus intellectualis. Sed Omnis virtus est ars recte viuendi, vt Aug. lib. 19. de Ciuit. Dei. c. 1. dicit Ergo Omnis virtus est intellectualis, & sic non erit distinctio inter morales, & intellectuales.

2. Scientia est virtus intellectualis. Sed In definitione virtutum moralium ponitur scientia. Ergo Virtutes morales ab intellectualibus nō distinguuntur.

Minor. quia Quidam dicunt, quod Persecrantia est scientia eorum, in quibus est immanendum, vel non immanendum, & Sanctitas est scientia faciens fideles, & seruantes, quæ ad Deum sūt iusta. Scientia autem est virtus intellectualis. Ergo Virtus moralis non debet distingui ab intellectuali.

3. In definitione moralis virtutis dicitur, quod Virtus est recta, & perfecta rō. Ergo Virtus moralis non est distincta ab intellectuali.

Antec. quia Sic eam diffinit August. lib. 1. Soliloq. cap. 6.

Conseq. quia Hoc, quod sit recta ratio, pertinet ad uirtutem intellectualem.

4. Quod ponitur in definitione virtutis moralis, non distinguatur ab ipsa uirtute morali. Sed Virtus intellectualis ponitur in definitione uirtutis moralis.

Ergo Virtus intellectualis non distinguitur a uirtute morali.

Maiores. quia Nihil distinguatur ab eo, quod in eius definitione ponitur.

Minor. quia Phil. dicit 2. Ethicor. cap. 6. quod Virtus moralis est habitus electius existens in medietate, determinata ratione, pro ut sapiens determinabit. Huiusmodi si autem recta ratio determinans medium virtutis moralis pertinet ad uirtutem intellectualem.

Pro Affirmatiua.

1. Ethicor. 1. cap. ult. dicitur. Determinatur virtus secundum differentiam hanc, dicimus enim, harum has quidem intellectuales, has vero morales.

Determinatio.

Socratis Sententia.

Socrates posuit, quod nulla erat distinctio inter morales, & intellectuales virtutes. Dixit enim, omnes virtutes esse prudentias, easque esse solum in intellectu, in alijs autem potentijs nullā posuit uirtutem.

Ratio autem eius erat, quia Omnes potentiæ operatiuæ in homine obediunt rationi, vnde ad hoc, vt alij potentiæ recte operentur, non est necesse, vt perficiantur per virtutes, sed sufficit, vt ratio, quæ eis imperat, sit perfecta, & ideo ponebat, quod præsentē scientia homo peccare non poterat. Vnde concludebat in sola ratione ponendas esse virtutes, & sic nulla erat distinctio inter moralem, & intellectualem uirtutem.

Reprobatio.

Sed hæc Socratis sententia innitebatur fundamento falso. Pro quo est sciendum, quod omnium humanorum actuum principium, primum est ratio, & quæcumque alia principia humanorum actuum inueniuntur, quodammodo rationi obediunt, diuersimode tamen. Nam quædam obediunt rationi omnino ad nutum, absque omni contradictione, sicut sunt corporis membra, si fuerint in sua natura consentanea, statim enim ad imperij rationis manus, aut pes mouetur ad opus. Vnde Phil. dicit 1. Polyic. cap. 3. quod Anima mouet corpus dispositio principatu. Quædam vero obediunt rationi, non omnino ad nutum, sed cum aliqua contradictione, vt est pars appetitiua. Vnde Philos. dicit ibidem, quod Ratio imperat appetitiuæ parti, principatu politico, quo scilicet aliquis præest liberis, qui habent ius in aliquo contradicendi. Vnde August. dicit super Ps. 118. quod Interdum præcedit intellectus, & sequitur tardus, aut nullus affectus, in tantum quod quandoque passionibus, vel habitibus appetitiuæ partis hoc agitur, ut usus rationis in particulari impediatur.

Socrates autem existimauit partem appetitiuam, & omnes operatiuas potentias in homine existentes, obedire rationi, secundum primum notandum, scilicet ad nutum, absque omni repugnantia. Tunc enim uera esset Socratis sententia. Nam si appetitus obediret ad nutum rationi, vt pes, uel manus, nulla esset in parte appetitiua necessaria uirtus.

Sed quia, vt ostensum est ex Arist. pars appetitiua non obedit rationi ad nutum, sed ei potest contradicere, & resistere, propterea necesse est ponere uirtutis habitum, non solum in ratione, sed etiam

etiam in parte appetitiva, ad hoc ut sit bene disposita ad operationes, ad quas per moralem virtutem disponitur, sicut ratio per virtutem intellectualem.

Vera Sententia.

Conclusio. Virtus moralis distinguitur a virtute intellectuali.

Prob. Virtutes pertinentes ad distinctas potestas, sunt ab invicem distinctae. Sed Virtutes morales, & intellectuales pertinent ad diversas potestates. Ergo Virtutes morales ab intellectualibus distinguuntur.

Maiores nota est ex se quia Distinctio potentiarum facit habituum distinctionem, sicut subiectum accidentium differentiam.

Minor. quia Intellectuales virtutes pertinent ad intellectum, Morales vero ad appetitum, ut dictum est.

Correl. Unde sicut appetitus est principium humani actus secundum hoc, quod participat aliquam rationem, ita habitus moralis habet rationem virtutis humane, in quantum rationi conformatur.

Ad Argumenta.

Ad 1. Dicitur ad minorem, quod Aug. communiter accipit artem, pro qualibet recta ratione, & sic sub arte includitur etiam prudentia, quae ita est recta ratio agibilium, sicut ars est recta ratio factibilium, & secundum hoc, quod dicitur, quod virtus est ars recte vivendi, essentialiter convenit prudentiae, participativae autem alijs virtutibus, pro ut secundum prudentiam diriguntur.

Ad 2. & 3. Dicitur ad minorem, & simul ad antecedens tertij, quod tales definitiones, a quibus quinque inveniuntur datae, processerunt ex opinione Socratica, & sunt exponendae eo modo, quod de arte praedictum est. Et sic patet solutio ad tertium.

Ad 4. Dicitur, quod aliquid potest dupliciter poni in definitione alterius. Vno modo, ut pars essentiae. Alio modo, ut extrinsecum participatum. Ad maiorem dicitur, quod illud, quod ponitur in definitione virtutis moralis, ut pars essentiae, non distinguitur ab ea, sed de eo, quod non ponitur ut pars essentiae, secus est. Ad minorem dicitur, quod recta ratio, quae est secundum prudentiam, ponitur in definitione virtutis moralis; non tantquam pars essentiae eius, sed sicut quoddam participatum in omnibus virtutibus moralibus, in quantum prudentia dirigit omnes virtutes morales.

ARTICVLVS III.

Vtrum Sufficiens Virtus diuidatur, per moralem, & intellectualem.

Pro Negativa.

Videtur, quod Virtus humana non sufficienter diuidatur per virtutem moralem, & intellectualem.

1. Prudentia est aliquod medium inter virtutem moralem, & intellectualem.

Ergo Non sufficienter diuiditur virtus per intellectualem, & moralem, sicut per immediatam.

Antec. prob. quia Prudentia 6. Ethic. c. 3. connumeratur inter virtutes intellectuales, & etiam ab omnibus connumeratur inter quatuor virtutes cardinales.

2. Continentia, Perseuerantia, & etiam Patientia non computantur inter virtutes intellectuales, ut de se patet: nec etiam sunt virtutes morales. Ergo Non sufficienter diuiditur virtus per intellectualem, & moralem.

Secunda pars antecedens prob. quia Virtus moralis continet medium in passionibus. Sed In continente, perseuerante, & patiente abundat passiones. Ergo Haec non sunt virtutes morales.

3. Fides, Spes, & Charitas non sunt virtutes intellectuales, nec morales. Ergo Insufficienter diuiditur virtus per moralem, & intellectualem.

Antec. Non sunt intellectuales: quia illae sunt tantum quinque videlicet Sapientia, Scientia, Prudentia, Intellectus, & Ars, ut dictum est. Non sunt Morales; quia non sunt circa passiones, circa quas tamen maxime est moralis virtus.

Pro Affirmativa.

Phil. 2. Ethic. c. 1. dicit, duplicem esse virtutem: hanc quidem intellectualem, illam autem moralem.

Determinatio.

Conclusio. Humana virtus sufficienter diuiditur per moralem, & intellectualem.

Prob. Habitus perficiens principium humani actuum, quod in homine existit, est virtus, vel intellectualis, vel moralis. Sed Omnis humana virtus est habitus perficiens principium humanorum actuum, in homine existens.

Ergo Omnis humana virtus est, vel moralis, vel intellectualis.

Maiores prob. quia Principium humanorum actuum in homine existens est duplex. scilicet ratio &

appetitus: hæc enim sunt duo mouentia in homine. Omnis igitur habitus perficiet hominem ad bene operandum, vel perficit intellectum, vel appetitum; si perficit rationem, siue intellectum, est virtus intellectualis: si vero perficiat appetitum, est moralis.

Ad Argumenta.

Ad 1. Dicitur ad antec. quod prudentia secundum essentiam suam est intellectualis virtus, sed secundum materiam conuenit cum virtutibus moralibus: est enim recta ratio agibilium, ut supra dictum est, & secundum hoc virtutibus moralibus connumeratur.

Ad 2. Dicitur ad antec. quod Continentia, & perseverantia, non sunt virtutes proprie, sed aliquid minus virtute. Sed quare non sint virtutes, & in quo sint, ut in subiecto, patebit locis suis, & de continentia in particulari habes 2. 2. quæst. 155. art. 1. & 3. ubi fusius omnia explicabuntur.

Ad 3. Dicitur ad antec. quod Fides, Spes, & Charitas non sunt virtutes humanæ, sed supra virtutes humanas, unde non comprehenduntur in hac diuisione. Negatur igitur consequ. scilicet quod hæc diuisio per hoc non sit sufficiens, est. n. sufficiens diuisio humanæ virtutis.

ARTICVLVS IV.

Utrum Moralis Virtus possit esse sine intellectuali.

Pro Affirmatiua.

Videtur, quod Moralis Virtus possit esse sine intellectuali.

1. Natura potest consentire alicui rationi superiori mouenti, absque hoc quod illa ratio sit in eo, in quo est natura consentiens. Ergo Potest esse in homine virtus moralis ad consentiendum rationi, absque hoc quod ipsius hominis ratio sit perfecta per virtutem intellectualem.

Antec. manifestatur. Nam in brutis est naturalis inclinatio, puta in oue ad fugiendum lupum, quæ inclinatio consentit rationi auctoris naturæ, & tamen in brutis non est ratio.

Conseq. vero prob. quia Virtus moralis est habitus in modum naturæ rationi consentaneus.

2. Quandoque contingit, quod aliqui, in quibus non multum viget usus rationis, sint virtuosus, & Deo accepti. Ergo Videtur, quod virtus moralis possit esse sine virtute intellectuali.

Conseq. prob. quia Per virtutem intellectualem homo consequitur perfectum rationis usum.

3. Quidam habent naturalem inclinationem ad bene operandum, etiam absque iudicio ratio-

nis. Ergo Virtutes morales possunt esse sine intellectuali.

Conseq. prob. quia Virtus moralis facit inclinationem ad bene operandum.

Pro Negatiua.

Prudentia est virtus intellectualis, ut dictum est. Sed Aliæ virtutes non possunt esse sine prudentia, ut Greg. dicit 22. Mor. c. 1.

Ergo Virtutes morales non possunt esse sine intellectualibus.

Determinatio.

Conclusio. Virtus moralis potest quidem esse sine aliquibus virtutibus intellectualibus, sicut sine Sapientia, Scientia, & Arte, non autem potest esse sine intellectu, & prudentia.

Prob. Et quo ad partem affirmatiuam relinquitur manifesta. Nam aliquis non habens scientiam, sapientiam, vel artem, potest esse virtuosus moraliter, ut de se patet.

Pars vero negatiua. scilicet quod non possit esse sine prudentia, & intellectu prob. & primo de prudentia. Habitus electiuus non potest esse sine prudentia. Sed Virtus moralis est habitus electiuus, id est faciens bonam electionem. Ergo Virtus moralis non potest esse sine prudentia.

Maiores prob. quia Ad hoc, ut electio sit bona, duo requiruntur. Primo, ut sit debita intentio finis. Secundo, ut homo recte accipiat ea, quæ sunt ad finem. Primum fit per virtutem moralem inclinantem vim appetitiuam in bonum conueniens rationi, quod bonum est finis debitus. Secundum autem non potest esse nisi per rationem recte consulientem, iudicantem, & præcipientem, quod pertinet ad prudentiam, & ad virtutes sibi annexas, & propterea virtus moralis sine prudentia esse non potest.

Quo ad secundam partem. scilicet quod virtus moralis non possit esse sine intellectu, ostenditur quia Prudentia præsupponit intellectum, ita ut absque eo non possit esse, & hoc prob.

Per intellectum cognoscuntur omnia principia, naturaliter nota, tam in speculatiuis, quam in operatiuis. Ergo Sicut recta ratio in speculatiuis præsupponit habitum intellectus, quo principia speculabilia cognoscuntur, ita recta ratio in operatiuis, quæ est prudentia, præsupponit habitum intellectus, quo principia operabilia cognoscuntur.

Ad Argumenta.

Ad 1. Negatur consequ. Non enim est eadem ratio de natura in brutis, & de virtute morali in homine. Inclinatio enim naturæ in brutis est absque electione, & ideo talis inclinatio non requirit ex necessitate rationem. Sed Inclinatio virtu-

tis moralis est cum electione, & ideo ad suā perfectionem indiget, quod sit ratio perfecta per virtutem intellectualem.

Ad 2. Negatur consequentia. Ad probationē dī, qd non oportet, vt in virtuoso vigeat vsus rationis, quantum ad omnia, sed solum quantum ad ea, quæ sunt agenda secundum virtutem, & sic vsus rationis vigeat in omnibus virtuosīs. Vnde etiam qui videntur simplices, eo quod carent mūdā astituta, possunt esse prudentes, secundū illud Matth. 10. Estote prudentes sicut serpentes, & simplices sicut columbæ.

Ad 3. Negatur Conseq. Ad probationem dicitur, quod virtus moralis facit perfectam inclinationem ad bene operandum, quæ est cum vbi bene operandi, vt dictum est. Naturalis autem inclinatio absque virtute intellectuali non est virtus moralis, sed quædam virtutis inchoatio. Huiusmodi enim inclinatio, quanto est perfectior, tanto est periculosior, nisi recta ratio adiungatur per quam fiat electio eorum, quæ conueniunt ad debitum finem. Sicut Equus currens, si sit cæcus, tantō fortius impingit, & leditur, quanto fortius currit. Et ideo, etsi virtus moralis non sit ratio recta (vt Socrates dicebat) non tamen solum, est secundum rationem rectam, in quantum inclinat ad id, quod est secundum rationem rectā etiam si in alio existat, vt Platonici posuerunt, sed etiam oportet, quod sit cum ratione recta, existente in eo, qui operatur, vt Arist. dicit in 6. Ethic. cap. vlt.

ARTICVLVS V.

Vtrum Intellectualis Virtus possit esse
fine morali.

Pro Affirmatiua.

Videtur, quod Virtus intellectualis possit esse fine morali.

1. Quod non dependet a virtute morali, potest esse fine ea. Sed Virtus intellectualis non dependet a morali. Ergo Virtus intellectualis potest esse fine morali.

Maiores. Perfectio prioris non dependet a posterioris perfectione. Sed Virtus intellectualis est perfectio prioris, & moralis, est perfectio posterioris. Ergo Virtus intellectualis non dependet a morali.

Minor huius, quia Virtus intellectualis perficit intellectum, & moralis appetitum, qui est posterior intellectui.

2. Ars potest esse fine propria materia, vt faber fine ferro. Ergo Prudentia potest esse fine virtutis moralibus. Ergo Multo magis alia virtutes

intellectuales possunt esse fine moralibus.

Prima Conseq. prob. quia Sicut factibilia sunt materia artis, puta ferrum est materia artis ferraria, ita moralia sunt materia prudentiæ.

Secunda Conseq. prob. quia Prudentia videtur inter omnes virtutes intellectuales maxime coniuncta moralibus.

3. Multi bene consiliantur, quibus tamen virtutes morales desunt. Ergo Prudentia potest esse fine virtute morali.

Conseq. prob. quia Prudentia est virtus bene consiliatiua, vt dicit Phil. 6. Ethic. c. 9.

Pro Negatiua.

Illud, cui opponitur hoc, quod est, velle malū facere, nō potest esse fine virtute morali. Sed Prudentiæ opponitur hoc, quod est, velle malum facere. Ergo Prudentia non potest esse fine virtute morali.

Maiores prob. quia Velle malum facere, opponitur directe virtuti morali, non autem alicui, quod fine virtute morali esse potest.

Minor. Opponitur enim prudentiæ, vt quis volens peccet, vt dicitur 6. Ethic. c. 9.

Determinatio.

Conclusio. Alię virtutes intellectuales fine morali esse possunt, Prudentia tamen fine virtute morali esse non potest.

Prob. quo ad secundam partem, quo ad primā enim, vt nota relinquitur. Recta ratio agibilium, non solum in vniuersali, sed etiam in particulari, non potest esse fine morali virtute. Sed Prudentia est recta ratio agibilium, non solum in vniuersali, sed etiam in particulari: eo quod in particularibus sint actiones. Ergo Prudentia non potest esse fine virtute morali.

Prob. maior. Recta enim ratio præexigit principia, ex quibus ratio procedit: oportet autem rationem circa particularia procedere, non solum ex principiis vniuersalibus, sed etiam ex principiis particularibus. Circa principia quidem vniuersalia agibilium homo recte se habet per naturalem intellectum principiorum, per quem homo cognoscit, quod nullum malum est agendum, vel etiam per aliquam scientiam practicā, sed hoc nō sufficit ad recte ratiocinandum circa particularia, cōtingit enim quandoque, huiusmodi vniuersale principium cognitum per intellectū, vel scientiam, corumpi in particulari per aliquā passionem, sicut concupiscentiam, quando concupiscentia vincit, videtur hoc esse bonum, quod concupiscit, licet sit contra vniuersale iudicium rationis: & ideo sicut homo disponitur ad recte, se habendum circa principia vniuersalia per intellectum naturalem, vel per habitum scientiæ,

ita ad hoc quod recte se habeat circa principia particularia agibilia, quæ sunt fines, oportet quod perficiatur per aliquos habitus, secundum quos fiat quodammodo homini connaturale recte iudicare de fine: & hoc fit per virtutem moralem. Virtuosus enim recte iudicat de fine virtutis, quia qualis vnusquisque est, talis finis videtur ei, vt dicitur in 3. Ethic. c. 4. Et ideo ad rectam rationem agibilem, quæ est prudentia, requiritur, quod homo habeat virtutem moralem.

Ad Argumenta.

Ad 1. Negatur minor de virtute intellectuali, quæ est prudentia. Ad probationem negatur etiam minor de virtute prudentiæ. Ad cuius probationem dicitur, quod Apprehensio finis, quæ est per intellectum, præcedit appetitum finis, sed tamen actus rationis ratiocinantis de his, quæ sunt ad finem, est posterior actu appetitus finis. Vnde prius apprehenditur finis, & hic est actus intellectus. Deinde appetitur finis, & hic est actus appetitus perfecti per moralem virtutem. Deinde sequitur ratiocinatio de his, quæ sunt ad finem, & hic est actus rationis, pro ut habet habitum prudentiæ. Ex quibus patet, quod virtutes morales inclinantes appetitum in finem præcedunt prudentiam, quæ ratiocinatur de his, quæ sunt ad finem.

Ad 1. Negatur consequens. Ad probationem dicitur, quod non est eadem ratio de arte, & prudentia. Principia enim artificialia non diiudicantur a nobis bene, sed male secundum dispositionem appetitus nostri, sicut fines, qui sunt moralium principia, sed solum per considerationem rationis: & ideo ars non requirit virtutem perfectientem appetitum, sicut requirit prudentia.

Ad 3. Negatur Consequens. Ad probationem dicitur, quod Prudentia, non solum est bene consiliativa, sed etiam bene iudicativa, & bene præceptiva, quod esse non potest, nisi remoueatur impedimentum passionum corruptentium iudicium, & præceptum prudentiæ: & hoc per virtutem moralem.

DE DISTINCTIONE moralium virtutum ad inuicem.

Deinde considerandum est de distinctione moralium virtutum ad inuicem.

Et quia Virtutes morales sunt circa passiones, distinguuntur secundum diuersitatem passionum. Vnde oportet.

Primo Considerare comparationem virtutis ad passionem, in communi, q. 59.

Secundo Distinctionem moralium virtutum secundum passiones, quest. 60.

QVÆSTIO LIX.

DE COMPARATIONE VIRTUTIS ad passionem in communi.

ARTICVLVS I.

Vtrum Virtus moralis sit passio.

Pro Affirmatiua.

Videtur, quod Virtus moralis sit passio.

1. Quod est medium inter passiones, est passio. Sed Virtus moralis est medium inter passiones. Ergo Virtus moralis est passio.

Maiores prob. quia Medium est eiusdem generis cum extremis.

2. Quædam passiones sunt vitia, vt sunt ira, & inuidia. Ergo Etiam quædam passiones sunt virtutes.

Consequens prob. quia Cum virtus, & vitium sint contraria, sunt in eodem genere. Vnde si inter passiones sunt vitia, debent inter hæc etiam esse virtutes, quæ passionibus, quæ sunt vitia, contrariantur.

3. Misericordia est passio: quia est tristitia de alienis malis. Est etiam virtus: quia Cicero non dubitauit eam virtutem appellare, vt Aug. refert 9 de ciu. Dei cap. 5. Ergo Virtus potest esse passio.

Pro Negatiua

Philos. 2. Ethic. c. 5. dicit, quod Passiones neque virtutes sunt, neque malitiæ.

Determinatio.

Côclusio. Virtus moralis non potest esse passio.

Prob. tripliciter. Primo. Passio est motus appetitus sensitiui, vt dictum est. Sed Virtus moralis non est motus appetitus sensitiui. Ergo Virtus moralis non est passio.

Minor. quia Virtus moralis non est motus aliquis, sed magis principium appetitiui motus, vt pote quæ est habitus.

Secundo prob. Quod se habet solum ad bonum, non est passio. Sed Virtus moralis se habet solum ad bonum, vt dictum est. Ergo virtus moralis non est passio.

Maiores. quia Passiones ex se ipsis non habent rationem boni, vel mali, & hoc, quia bonum, & malum hominis est secundum rationem. Vnde passiones secundum se consideratæ, se habent ad bonum, & ad malum, secundum quod possunt conuenire, vel non conuenire rationi.

Tertio

Terrio Dato quod aliqua passio se habeat ad bonum solum, vel solum ad malum, secundum aliquem modum, adhuc probatur, quod non sit virtus. Virtus habet principium in ratione, & terminum in appetitu. Passio vero habet principium in appetitu, & terminum in ratione. Ergo Virtus non est passio, dato quod passio ad bonum se habeat.

Ad Argumenta.

Ad 1. Dicitur ad maiorem, & ad eius probationem, quod Virtus secundum suam essentiam non est medium inter passiones, sed secundum suum effectum, quia inter passiones medium constituit.

Ad 2. Dicitur ad Antec. quod Vitium dicitur dupliciter. Uno modo ipse habitus, secundum quem, quis male operatur, & sic passio non est vitium. Alio modo sumitur vitium pro actu vitioso, & sic passio vitium dici potest, & contrariatur non virtuti, sed actui virtutis, secundum quod passio contrariatur non virtuti sed rationi, vel sequitur actum rationis, ex quo tamen non inferitur, quod ipsa passio sit virtus.

Ad 3. Dicitur ad antec. quod Misericordia dicitur esse virtus, id est virtutis actus, secundum quod motus ille animi rationi seruit, quando, sicut præbetur misericordia, ut iustitia conferretur, siue cum indigenti tribuitur, siue cum ignoscitur poenitenti, ut Aug. dicit. 9. de Ciuit. Dei c. 5. Si tamen misericordia dicatur aliquis habitus, quo homo perficitur ad rationabiliter miserendum, nihil prohibet, misericordiam sic dictam esse virtutem. Et eadem est ratio de similibus passionibus.

ARTICVLVS II.

Verum Virtus moralis possit esse cum passione.

Pro Negatiua.

Videtur, quod Virtus moralis non possit esse cum passione.

1. Phil. 4. Topic. dicit, quod Mitis est, qui non patitur, patiens autem, qui patitur, & non deducitur, & eadem ratio est de omnibus virtutibus moralibus. Ergo Omnis virtus moralis est sine passione.

2. Sanitas non compatitur secum morbum. Sed Virtus est quasi anime sanitas, ut dicit Phil. 7. Phys. tex. 17. & Tullius lib. 4. iusc. quæst. Passio vero est quidam anime morbus, ut idem Tullius dicit. Ergo Virtus non compatitur secum animæ passionem.

3. Virtus, quæ requirit vsum perfectum rationis, etiam in particulatibus, non potest esse cum

passione. Sed Virtus moralis requirit perfectum vsum rationis, etiam in particulatibus. Ergo Virtus moralis non potest esse cum passione.

Maiores probant, quia Talis perfectus vsum rationis per passiones impeditur, ut Phil. 6. Ethic. cap. 5. & Sallustius in Catil. dicunt.

Pro Affirmatiua.

Nullum laudabile excluditur per virtutem moralem. Sed Motus passionis, si voluntas recta sit, sunt laudabiles, ut Aug. dicit. 14. de Ciuit. Dei c. 9. Ergo Virtus moralis non excludit passiones.

Determinatio.

Stoicorum, & Peripateticorum Sententiæ.

Circa hoc quæsitum fuit discordia inter Stoicos, & Peripateticos, sicut Aug. dicit 9. de Ciuit. Dei cap. 4. Stoici enim posuerunt, quod passiones animæ non possint esse in sapiente, siue virtuoso. Peripatetici vero, quorum sectam Aristoteles instituit (ut idem Aug. dicit) posuerunt, quod passiones simul cum virtute morali esse possunt, si tamē sint ad medium reductæ.

Iudicium de his positionibus.

Hæc diuersitas opinionum (ut idem Aug. ibidem dicit) magis erat secundum verba, quam secundum rerum sententias. Nam Stoici nomine passionum intelligebant quasque affectiones rationi repugnantes, quæ in virtuoso esse non possunt, & si aliquando subito oriuntur, eis non consentiunt, & in hoc verum dixerunt. Peripatetici vero nomine passionum intelligebant motus appetitus sensitui, qui si sint ordinati a ratione, sunt cum virtute, si autem sint contra rationis ordinem, non sunt in virtuoso, & hoc idem Stoici dicebant. Patet igitur, quod nulla est secundum rem inter eos differentia, sed de Stoicorum, & Peripateticorum positionibus abunde dictum est, supra quæst. 24. artic. 2. & 3.

Ad quæsitum responsio.

1. Conclusio. Si passiones dicantur inordinate affectiones, cum virtute esse non possunt.

Hanc probant argumenta pro negatiua, præcipue tertium.

2. Conclusio. Passiones, secundum quod sumuntur pro motibus appetitus sensitui, si sint a ratione ordinate, possunt esse in virtuoso.

Probat authoritate Philosophi dicentis 2. Ethic. cap. 3. quod non bene quidam determinant virtutes impassibilitates quasdam, id est, ut

non

non sint cum passionibus, sed deberent dicere, quod sunt quietes à passionibus, quæ sunt vt, & quando non oportet, vel oportet.

Ad Argumenta.

Ad 1. Dicitur ad antec. quod Phil. exemplum illud inducit, sicut & multa alia in libris logicis, non secundum opinionem propriam, sed fm opinionem aliorum: hæc autem fuit opinio Stoicorum, quod virtutes essent sine passionibus animæ. Quam Phil. excludit in 2. Ethic. cap. 3. dicens, Virtutes non esse impassibilitates. Potest tamen dici, quod cum dicitur, quod mitis nō patitur, intelligendum est secundum passionem inordinatam.

Ad 2. Dicitur ad minorem, quod ratio illa, & omnes similes, quas Tullius ad hoc inducit, in libro de Tuscul. qu. procedunt de passionibus, secundum quod significant inordinatas affectiones.

Ad 3. Negatur maior. Ad probationem dicitur, quod passio præueniens iudicium rationis, si in animo præualeat, vt ei consentiatur, impedit consilium, & iudicium rationis, si verò sequatur, quasi ex ratione imperata, adiuuat ad exequendum imperium rationis.

ARTICVLVS III.

Vtrum Virtus moralis possit esse cum tristitia.

Pro Negatiua.

Videtur, quod Virtus moralis cum tristitia esse non possit.

1. Sapientia non potest esse cum tristitia. Sed Virtutes sunt effectus sapientiæ. Ergo Virtutes non possunt esse cum tristitia.

Maior. quia Sapient. 8. dicitur, quod Non habet amaritudinem conuictus sapientiæ.

Minor. quia Ibidem dicitur, quod Sapientia sobrietatem, & iustitiam docet.

2. Impedimentum operationis non est cum virtute, sed ei repugnat. Sed Tristitia est impedimentum operationis, vt Phil. dicit 7. Ethic. cap. vii. & 10. cap. 4. Ergo Tristitia repugnat virtuti.

3. Aegritudo animæ contrariatur virtuti. Sed Tristitia est aegritudo animæ, vt Tullius dicit in Tuscul. q. Ergo Tristitia non potest esse cū virtute.

Maior. quia Virtus est bona animæ habitudo.

Pro Affirmatiua.

In Christo fuit tristitia. Ergo Tristitia potest esse cum virtute.

Antec. quia Matth. 26. dicitur. Tristis est anima mea vsque ad mortem.

Conseq. quia Christus fuit perfectus virtute.

Determinatio.

Stoicorum Sententia.

Stoici posuerunt, quod in animo sapientis non posset esse tristitia, nec aliquid loco eius, vt Aug. 14. de Ciu. Dei cap. 8. refert, sicut posuerunt aliquas bonas passionis in eo esse, loco quarundam perturbationum. Mouebantur autem Stoici ad hoc dicendum duplici ratione.

Prima quidem est. In eo, cui nullum potest accidere malum, non potest esse aliqua tristitia. Sed Sapienti, siue virtuoso nullum potest accidere malum. Ergo In virtuoso, & sapiente non potest esse aliqua tristitia.

Maior. quia Tristitia est de malo, qd iam accidit. Vnde si alicui nullum malum accidere possit, in eo non est tristitia.

Minorem autem manifestabant, supponendo vnum, quod ipsi verissimum existimabant. scilicet quod bonū hoīs est sola virtus, & qd corporalia bona nulla esset hominis bona. Ex quo sequebatur, qd malum hominis esset solum id, quod est inhonestum, & virtuti repugnans. Ex quo sic arguebant. Nullum inhonestum potest esse cum virtute. Sed Malum hominis est solum id, quod est inhonestum. Ergo Nullum malum potest esse in virtuoso, & inde nec tristitia.

Secunda eorum ratio erat. In eo, in quo potest esse tristitia, eius animus potest subterni malo presenti. Sed Animus virtuosi non potest subterni malo presenti: Ergo In virtuoso non potest esse tristitia.

Maior prob. quia Tristitia est de malo presenti, sicut timor de malo futuro. Sicut etiam delectatio est de bono presenti, & desiderium de futuro.

Minor. quia Licet possit ad virtutem pertinere, vt quis bono habito fruatur, vel non habuit habere desideret, vel quod etiam malum futurum cauat: quorum primum perinet ad delectationem, secundum ad desiderium, & tertium ad timorem. Sed quod animus virtuosi malo presenti subternatur, hoc videtur esse contra rationem virtutis.

Reprobatio.

Sed hæc irrationabiliter dicuntur. Et prima quidem eorum ratio supponit falsum, scilicet quod bonum hominis sit sola virtus, & bona corporalia nulla sint hominis bona. Homo enim est compositus ex anima, & corpore. Vnde non solum bona animæ sunt hominis bona, sed etiam bona corporis. Et ideo, quod confert ad conseruationem corporalis vitæ, est aliquid hominis.

nis bonum, licet hoc non sit maximum, & principale hominis bonum: eo quod possit homo, male uti hoc bono. Vnde id, quod contrariatur bono corporali hominis, puta infirmitas, & alia huiusmodi, quæ contingit esse in sapiente, possunt inducere in eo moderatam tristitiam.

Sed dato etiam, quod illud suppositum sit verum, scilicet quod Corporalia nulla sint hominis bona: adhuc tripliciter respondetur primæ rationi Stoicorum. Primo negatur minor. Ad probationem dicitur ad maiorem, quod nullum inhonestum, id est graue peccatum, potest esse in virtuoso, nullus tamen inuenitur, qui absque leuibus peccatis vitam ducat, ut dicitur Ioan. 1. cap. 1. Si dixerimus, quod peccatum non habemus, nos ipsos seducimus.

Dicitur secundo, ad eandem probationem maioris, quod virtuosus, et si peccatum non habeat, dum habet virtutem, forte quandoque habuit, & de hoc laudabiliter dolet, secundum illud 2. Cor. 8. Quæ secundum Deum est tristitia, penitentiam in salutem stabilem operatur.

Dicitur tertio negando maiorem principale. scilicet quod in eo in quo nullum potest esse malum, nulla sit tristitia. Ad cuius probationem dicitur, quod licet sapienti nullum accidat malum, potest tamen laudabiliter dolere, & tristiari de malo alterius. Et sic ratio prima Stoicorum apparet vnde quaque labefacta, & soluta.

Ad secundam vero eorundem rationem dicitur, negando minorem, potest enim in virtuoso esse malum præsens; scilicet vel corporis, vel animi, proprium, vel alterius, ut dictum est, & de his potest laudabiliter tristiari, dummodo tristitia sit moderata à ratione.

Vera Sententia.

Conclusio. Tristitia de his, quæ conueniunt virtuti, non potest simul esse cum virtute, sed de his, quæ quocunque modo repugnant virtuti, virtuosus moderate tristatur.

Prima pars prob. quia Virtus in propriis delectatur.

Secunda pars. quia Ad virtutem pertinet, ut moderate tristetur, in quibus tristandum est, de eo, quod repugnat rationi, cui per virtutem sensituius appetitus conformatur, ut dictum est art. 1. huius quæst.

Prob. secundo Concl. quia Moderate tristiari, vile est etiam ad fugiendum mala: sicut enim bona propter delectationem promptius queruntur, ita mala propter tristitiam fortius fugiuntur.

Ad Argumenta.

Ad 1. Negatur maior. Ad probationem dici-

tur, quod ex illa authoritate habetur, quod de sapientia sapiens non tristatur: tristatur tamen de his, quæ sunt impeditiva sapientie, & ideo in beatissimis, in quibus nullum impedimentum sapientie esse potest, tristitia locum non habet.

Ad 2. Dicitur ad minorem, quod tristitia impedit operationem, de qua tristamur, sed adiuvat ad ea promptius exequenda, per quæ tristitia fugitur.

Ad 3. Dicitur ad minorem, quod tristitia immoderata est anime egritudo, tristitia autem moderata, ad bonam habitudinem anime pertinet, secundum statum præsentis vite.

ARTICVLVS III.

Vtrum Omnis virtus moralis sit circa passiones.

Pro Affirmatiua.

Videtur, quod Omnis virtus moralis sit circa passiones.

1. Virtutes, quæ sunt circa delectationes, & tristitias, sunt circa passiones. Delectatio enim, & tristitia sunt passiones, ut dictum est. Sed Omnes virtutes morales sunt circa voluptates, & tristitias, ut dicitur 2. Ethic. cap. 3. Ergo Omnis virtus moralis est circa passiones.

2. Virtutes, cuius subiectum est rationale per participationem, sunt circa passiones. Sed Subiectum virtutum moralium est rationale per participationem, ut dicitur 1. Ethic. c. ult. Ergo Virtutes morales sunt circa passiones.

Maior prob. quia Huiusmodi pars anime, quæ scilicet est rationalis per participationem, est appetitus sensituius, in quo sunt etiam passiones, ut dictum est.

3. Aliquæ virtutes sunt circa passiones, ut sunt fortitudo, & temperantia. Ergo Omnes virtutes sunt circa passiones.

Cōseq. quia Eadem ratio videtur de omnibus.

Pro Negatiua.

Iustitia, quæ est moralis virtus, non est circa passiones, ut dicitur 5. Ethic. c. 4. Ergo non omnis virtus moralis est circa passiones.

Determinatio.

Conclusio. Non omnis virtus moralis est circa passiones, sed quædam sunt circa passiones, & quædam circa operationes.

Prob. Circa omne id, quod contingit ratione ordinari, & moderari, est virtus moralis. Sed Non solum passiones, sed etiam actiones contingit per rationem moderari, & ordinari. Ergo Non solum circa passiones, sed etiam actiones, siue operationes, sunt virtutes morales.

Maior. quia Virtus moralis perficit appetituius par-

partem animę, inducendo ipsam in bonum rationis, quod bonum est, quod secundum rationem est ordinatum, & moderatum. Vnde circa omnia huiusmodi bona moderabilia, & ordinabilia contingit esse moralem virtutem.

M. 1. quia Ratio ordinat, non solum passiones, quę sunt in appetitu sensitivo, sed etiam operationes appetitus intellectui, qui est voluntas, quę non est subiectum passionis, vt dictum est supra.

Ad Argumenta.

Ad 1. Dicitur ad minorem, quod non omnis virtus moralis est circa delectationes, & tristitias, sicut circa propriam materiam, sed sicut circa aliquid consequens propriū actum: Omnis enim virtuosus delectatur in actu virtutis, & tristatur in contrario. Vnde Phil. post præmissa verba subdit, quod si virtutes sunt circa actus, & passiones, omni autem passioni, & omni actui, sequitur delectatio, & tristitia, propter hoc virtus erit circa delectationes, & tristitias sicut circa aliquid consequens.

Ad 2. Negatur maior. Ad probationem dicitur, quod Rationale per participationem, non solum est appetitus sensitivus, qui est subiectum passionum, sed etiam voluntas, in qua non sunt passiones, vt dictum est.

Ad 3. Negatur consequens. Non enim est eadem ratio de omnibus, vt infra dicitur art. seq. & q. 60. art. 2. In quibusdam enim virtutibus sunt passiones, sicut propria materia, in quibusdam autem non.

A R T I C U L U S V.

Vtrum Aliqua virtus moralis possit esse absque passione.

Pro Affirmativa.

Videtur, quod Virtus moralis possit esse absque passione.

1. Quanto virtus moralis est perfectior, tanto magis superat passiones. Ergo in suo perfectissimo esse est omnino absque passionibus.

2. Tunc unumquodque est perfectum, quando est remotum à suo contrario, & ab his, quę ad contrarium inclinant. Sed Passiones inclinant ad peccatum, quod virtuti contrariatur. Vnde Rom. 7. nominantur passiones peccatorum. Ergo Perfecta virtus est omnino absque passione.

3. Deus operatur omnia sine passione. Ergo Virtus perfectissima est absque omni passione.

Consequens probatur quia Per virtutem Deo conformamur.

Pro Negativa.

Nullus iustus est, qui non gaudeat iusta operatione, vt dicitur 1. Ethic. cap. 8. Ergo iustitia non potest esse sine passione, & multo minus alie virtutes.

Consequens quia Gaudium est passio, vt ex dictis patet.

Determinatio.

1. Distinctio. Nomine passionis duo possumus intelligere. Primo, inordinatas affectiones. Secundo, Motus appetitus sensitivi, vt dictum est. Primo modo acceperunt Stoici passiones. Secundo vero modo Peripatetici, vt dictum est art. 2. & 3.

2. Distinctio. Virtutes morales sunt in duplici diffentia. Quędam sunt circa passiones, sicut circa propriam materiam. Quędam vero sunt circa actiones, de quā distinctione dictum est supra art. præced.

1. Conclusio. Si passiones dicamus inordinatas affectiones, sicut Stoici posuerunt, Virtus perfecta est sine passionibus.

Hęc conclusio ex dictis manifesta relinquitur, repugnat enim, quod in aliquo sit virtus perfecta cum inordinatis affectionibus.

2. Conclusio. Virtus moralis, quę est circa passiones, sicut circa propriam materiam, non potest esse sine passionibus, secundum quod passiones significant motus appetitus sensitivi.

Probatur quia Si virtus moralis esset sine huiusmodi passionibus, sequeretur, quod faceret appetitum sensitivum omnino otiosum. Sed Hoc est inconueniens.

Ergo Et id ex quo sequitur.

Consequentia manifesta est. Nam si virtus moralis posset esse sine incitibus sensitivi appetitus in virtutem, esset huiusmodi appetitus otiosus.

Falsitas autem manifesta est. Nam ad virtutem non pertinet, vt ea, quę sunt subiecta rationi, à propriis actibus vacent, sed quod exequantur imperium rationis exequendo proprios actus. Sicut enim virtutis est ordinare membra corporis ad proprios actus exteriores, ita eius est ordinare appetitum sensitivum ad suos actus. Virtus igitur moralis, quę est circa huiusmodi passiones, non potest esse sine eis, eo quod ipsa sit horum moderatrix.

3. Conclusio. Virtutes morales, quę non sunt circa passiones, sed circa operationes, cuiusmodi est iustitia, possunt esse sine passionibus.

Probatur.

QVÆSTIO LX.

DE DISTINCTIONE
moralium virtutum ad inuicem.

ARTICVLVS I.

Vtrum sit tantum vna virtus moralis.

Pro Affirmatiua.

Videtur, quod sit vna tantum virtus moralis.
1. Vna est intellectualis virtus dirigens in omnibus moralibus actibus, scilicet prudentia.

Ergo Vna tantum est moralis virtus, inclinans in omnes morales actus.

Conseq. prob. quia Sicut in actibus moralibus directio pertinet ad rationem, quæ est subiectum intellectualium virtutum, ita inclinatio pertinet ad vim appetitiuam, quæ est subiectum moralium virtutum.

2. Formalis ratio boni, ad quod ordinatur virtus moralis, est vna, scilicet modus rationis. Ergo Vna est tantum virtus moralis.

Conseq. prob. quia Habitus non distinguuntur secundum materialia obiecta, sed secundum formales rationes obiectorum.

3. Finis communis omnium virtutum moralium est vnus, scilicet felicitas. Ergo Virtus moralis est tantum vna.

Conseq. prob. quia Moralia recipiunt speciem a fine, non quidem proximo, quia infiniti sunt fines proximi, & sic essent infinitæ virtutes, sed a fine communi, & vltimo.

Pro Negatiua.

Subiectum virtutum moralium est pars appetitiua animæ, quæ per diuersas potentias distinguitur, vt dictum est. Prima parte quæst. 80. ar. 2. Ergo Non potest esse vna tantum virtus moralis.

Conseq. prob. quia Vnus habitus, non potest esse in diuersis potentijs, vt dictum est supra, quæstio. 56. art. 2.

Determinatio.

Conclusio. Virtutes morales sunt diuersæ secundum speciem, & non vna tantum.

Prob. Habitus, quorum obiecta distinguuntur secundum specificas differentias, distinguuntur & ipsi specie, & non sunt vnus tantum. Sed Virtutes morales sunt habitus appetitiuæ partis, vt dictum est quæst. 58. art. 1. quorum obiecta distinguuntur secundum specificam differentiam.

Ergo Virtutes morales sunt diuersæ secundum speciem, & non vna tantum.

Maior. quia Habitus specie differunt secundum

Prob. Virtutes, per quas applicatur voluntas ad proprium actum, possunt esse sine passionibus.

Sed Per virtutes morales, quæ sunt circa actiones, ordinatur, & applicatur voluntas, ad proprium actum.

Ergo Virtutes morales, quæ sunt circa actiones, possunt esse sine passionibus.

Maiores prob. quia Actus voluntatis non est passio.

4. Conclusio. Ex virtute morali, quæ est circa operationes, potest causari passio in appetitu sensitivo.

Manifestatur. Nam ad virtutem iustitiæ, quæ est vna ex his, quæ sunt circa operationes, sequitur gaudium ad minus in voluntate, vt probat argumentum pro negatiua, quod tamen gaudium non est passio, sed operatio quædam, tamen si hoc gaudium multiplicetur per iustitiæ perfectionem, fiet gaudij redundantia vsque ad appetitum sensitivum, secundum quod vires inferiores sequuntur motum superiorem, & per hanc redundantiam quanto fuerit perfectior, tanto magis passionem causat in appetitu sensitivo.

Et sic patet, quod ex huiusmodi morali virtute potest provenire passio in sensitivo appetitu.

Ad Argumenta.

Ad 1. Dicitur, quod argumentum illud probat, quod virtus, in suo perfectissimo, sit sine passione, secundum quod passio significat inordinatum motum appetitus, non autem quod sit sine passionibus moderatis. Vnde ad antec. dicitur, quod virtus superat inordinatas affectiones, ita vt si sit perfecta, omnino eas superet, tamen producat passiones moderatas. Vnde perfecta virtus est cum passionibus perfecte moderatis.

Ad 2. Dicitur ad minorem, quod passiones inordinatas inducunt ad peccandum, non autem si sint moderate.

Ad 3. Negatur consequentia. Non enim est eadem ratio de homine, & de Deo.

Bonum enim in vnoquoque consideratur secundum conditionem sue naturæ. In Deo autem, & Angelis non est appetitus sensitivus, sicut in homine, & ideo operatio Dei, & Angeli est omnino sine passione, sicut & sine corpore: bona autem operatio hominis est cum passione, sicut & cum corporis ministerio.

Ad probationem autem consequentiæ dicitur, quod per virtutem Deo conformamur, non perfecte, sed secundum quod conditio nostræ naturæ patitur.

dum speciales differentias obiectorum, ut dictum est supra q. 64. art. 2.

Minor. Formæ, per quas mouentur potentie, quæ non recipiunt impressionem mouentis, secundum eandem rationem, necessario sunt distinctæ secundum speciem.

Sed Obiecta virtutum moralium sunt quædā formæ, per quas mouentur potentie, quæ non recipiunt impressionem agentis, secundum eandem rationem.

Ergo Obiecta virtutum moralium sunt specie distincta.

Major huius manifestatur, præmittendo, quod materia patientis, se habet ad agens dupliciter. Quandoque enim recipit formam agentis, secundum eandem rationem, pro ut est in agente, sicut est in omnibus agentibus viuicis: & sic necesse est, quod si agens est vnum specie, quod materia recipiat formam vnius speciei, sicut ab igne, non generatur, viuioce, nisi aliquid existens in specie ignis. Aliquando vero materia recipit formam ab agente, non secundum eandem rationem, pro ut est in agente, sicut patet in generantibus non viuicis, sicut quando animal generatur a sole: & tunc formæ receptæ in materia ab eodem agente, non sunt vnius speciei, sed diuersificantur secundum diuersam proportionem materiæ ad recipiendum influxum agentis, sicut videmus, quod ab vna actione solis generantur per putrefactionem animalia diuersarum specierum, secundum diuersam proportionem materiæ ad solarem virtutem. Ex quibus patet maior, scilicet quod formæ, per quas mouentur potentie, non recipientes impressionem agentis, secundum eandem rationem, id est, quæ non recipiunt formas, secundum quod sunt in agente, tales formæ necessario sunt specie distinctæ.

Minor prob. Nam in moralibus ratio est imperans, & mouens, vis autem appetitiua est sicut imperata, & mota.

Appetitus autem non recipit impressionem rationis, quasi viuioce, cum non fiat rationale per essentiam, sed per participationem, ut dicitur 1. Ethic. cap. ultimo. Obiecta autem virtutum moralium sunt quasi formæ, quibus mouentur appetitiue potentie.

Sequitur igitur euidenter, quod huiusmodi obiecta sint diuersa secundum speciem.

Ad Argumenta.

Ad 1. Negatur Conseq. Ad prob. dicitur, quod non est eadem ratio de virtute intellectuâ, & morali. Obiectum enim rationis est verum.

Est autem eadem ratio veri in omnibus moralibus, quæ sunt contingentia agibilia. Vnde est sola virtus in eis dirigens, scilicet prudentia. Obiectum autem appetitiuæ virtutis est bonum appetibile, cuius est diuersa ratio, secundum diuersam habitudinem ad rationem dirigentem, & ideo sunt diuersæ virtutes.

Ad 2. Dicitur ad antec. & ad eius probationem, quod Illud formale est vnum genere propter unitatem agentis, sed diuersificatur specie, propter diuersas habitudines recipientium, ut supra dictum est.

Ad 3. Negatur Conseq. Ad probationem dicitur, quod Moralia non habent speciem a fine ultimo, sed a finibus proximis, qui quidem, & si infiniti sint numero, non tamen infiniti sunt specie.

ARTICVLVS II.

Utrum virtutes morales, quæ sunt circa operationes distinguantur ab his, quæ sunt circa passionem.

Pro Negatiua.

Videtur, quod virtutes morales non distinguantur ab inuicem per hoc, quod quædam sunt circa operationes, & quædam circa passionem.

1. Eadem virtus est circa passionem, & circa operationes.

Ergo Virtutes morales non distinguuntur ab inuicem per hoc quod quædam sunt circa passionem, & quædam circa operationes.

Antec. prob. Quia Phil. dicit 2. Ethic. cap. 2. quod Virtus moralis est circa delectationes, & tristitias, (quæ sunt passionem quædam) optimorum operatiua.

2. Virtutes, quæ rectificant passionem, necessario etiam rectificant operationes. Ergo Non distinguuntur virtutes, quæ sunt circa operationes, ab his, quæ sunt circa passionem.

Antec. prob. quia Passionem sunt principia exteriorum operationum.

3. Virtutes, quæ sunt circa motum appetitus sensitiui, non distinguuntur a virtutibus, quæ sunt circa passionem. Sed Virtutes, quæ sunt circa operationes, sunt circa motum appetitus sensitiui. Ergo Virtutes, quæ sunt circa operationes, non distinguuntur a virtutibus, quæ sunt circa passionem.

Major prob. quia Motus appetitus sensitiui sunt passionem.

Minor prob. quia Ad omnem operationem exteriori mouetur appetitus sensitiuus bene, vel male.

le. Vnde eadem erit virtus, quæ est circa operationem, & quæ est circa motum appetitus sensitivi, qui consequitur operationem.

Pro Affirmativa.

Phil. lib. 5. Ethic. cap. 4. Ponit Iustitiam circa operationes, Temperantiam autem, Fortitudinē, & Mansuetudinem circa passiones quasdam. Ergo Virtutes morales distinguuntur, ex eo quod sunt circa operationes, & passiones.

Determinatio.

Dist. Operationes, & passiones dupliciter possunt comparari ad virtutes morales. Vno modo, vt effectus. Alio modo, vt materia circa quam sunt ipse morales virtutes.

1. Concl. Si passiones, & operationes comparantur ad virtutes morales, vt effectus ad causas, non distinguuntur morales virtutes per hoc, quodam ipsarum sunt passionum, & aliæ operationum.

Prob. quia Omnis virtus moralis habet aliquas operationes bonas, quarum est productiva, & delectationes aliquas, vel tristitias, quæ sunt passiones, vt dictum q. præced. art. 4. ad 1.

2. Concl. Virtutes morales, quæ sunt circa operationes, tanquam circa propriam materiam distinguuntur a virtutibus moralibus, quæ sunt circa passiones.

Prob. Virtutes, quæ sunt circa actus, in quibus inuenitur ratio boni, vel mali secundum se, distinguuntur a virtutibus, quæ sunt circa actus, in quibus non inuenitur ratio boni, vel mali, nisi secundum quod operans ad ipsos male, vel bene afficitur. Sed Virtutes, quæ sunt circa operationes, sunt circa actus, in quibus inuenitur ratio boni, & mali secundum se. Virtutes autem, quæ sunt circa passiones, sunt circa actus, in quibus inuenitur ratio boni, vel mali, secundum quod operans ad eos male, vel bene afficitur. Ergo Virtutes, quæ sunt circa operationes, distinguuntur a virtutibus, quæ sunt circa passiones.

Maiores prob. quia Actus, in quibus inuenitur bonum, & malum secundum diuersam rationem, oportet, vt habeant diuersa principia directiua, quæ principia directiua sunt diuersæ virtutes.

Minor, prob. Nam operationes sunt in duplici differentia. Quædam habent ordinem ad alterum, vt sunt emptiones, & venditiones, & huiusmodi. Quædam vero habent ordinem ad operantem, vt sunt actus fortitudinis, temperantiæ, & huiusmodi.

Differunt autem hæc duo operationum genera, quod operationes, quæ sunt ad alterum, habent bonitatem, vel malitiam secundum se: iusta enim venditio secundum se est bona, & iniusta, mala, qualitercunque ad has venditiones vendens afficiatur. Operationes vero, quæ habent ordinem ad operantem, habent bonitatem, & malitiam ex hoc, quod operans bene, vel male afficitur ad eas, quod ex passione facit. Operationes primi generis, scilicet quæ sunt ad alterum, reguntur per iustitiam, & partes eius. Operationes vero secundi generis, quæ scilicet habent ordinem ad affectum operantis, reguntur per reliquas morales virtutes.

Inter morales igitur virtutes sola iustitia, & partes eius sunt circa operationes, cætera autem sunt circa passiones. Et sic patet minor, scilicet quod in operationibus, & passionibus diuersimode inuenitur ratio boni, & per consequens patet conclusio, quod virtutes, quæ sunt circa operationes, sunt alia a virtutibus, quæ sunt circa passiones.

Ad Argumenta.

Ad 1. Dicitur ad antec. quod eadem virtus potest esse circa operationes, & passiones, sed diuersimode. Potest enim esse circa operationes, sicut circa propriam materiam, & circa passiones, quatenus est causa passionis, vel e conuerso. Potest esse circa passiones, tanquam circa propriam materiam, & circa operationes, vt sunt effectus. Eadem igitur virtus potest regere operationes, & causare passiones, non tamen potest esse circa operationes, & passiones tanquam circa propriam materiam.

Ad 2. Negatur antec. & ad eius prob. dicitur, quod actus exterior potest dupliciter considerari. Vno modo, vt habet ordinem ad alterum. Alio modo, vt habet ordinem ad operantem. Sicut Actus restituendi alienum, potest considerari, vt respicit alterum, scilicet illum, cui res debetur: & sic est actus iustitiæ. Alio modo potest considerari, vt ordinatur ad restituentem: & tunc potest esse actus vel liberalitatis, vel pietatis, si ex liberalitate, vel ex pietate moueatur ad restituendum. Ex quibus patet, quod actus exterioris possunt pertinere quidem ad diuersas virtutes, sed tamen diuersa ratione. Et patet etiam, quod actus exteriores quauis sint a passione, & quatenus a passione sunt pertinent ad virtutes morales, quæ sunt circa passiones, tamē secundum se ipsos semper pertinent ad iustitiam. Quod etiam adhuc ab opposito magis manifestatur. Nam per eundem actum malum exteriorem potest violari duplex virtus,

comune distinguitur a Iure priuato. Et Tullius ponit vnam specialem virtutem, pietatem, quæ ordinat ad bonum patriæ. Ad probationem autem dicitur, quod Iustitia ordinans hominem in bonum commune, est generalis, & vna per imperium, quia Omnes actus virtutum ordinat in finem suum, scilicet ad bonum commune. Quando autem Iustitia, quæ ordinat in bonum commune, imperat alicui alteri virtuti, puta pietati, tunc pietas, quatenus agit ad imperium iuris communis, dicitur & ipsa iustitia, sed non est aliud a pietate agente secundum se, sed solum ratione distinguitur. Sicut quando Balluius agit ad Regis imperium, dicitur quod Rex agit, vel imperat, & tamen Balluius, vt agens ex imperio Regis, non distinguitur a se ipso agente secundum propriam voluntatem, nisi ratione. Et hoc voluit Aristoteles loco citato, scilicet, quod iustitia, quæ ordinat in bonum commune, non est aliud a iustitia, quæ ordinat in bonum particulare, quando virtus scilicet particularis, agit ex imperio iustitiæ communis.

Ad 3. Dicitur ad conditionalem, quod diuersæ virtutes morales, sunt circa operationes diuersas, in quibus est diuersa ratio debiti. Vbi tamen est eadem ratio debiti, vna est tantum virtus moralis.

ARTICVLVS IIII.

Vtrum Circa diuersas passiones diuersæ sint virtutes morales.

Pro Negatiua.

Videtur, quod Circa diuersas passiones non sint diuersæ virtutes morales.

1. Eorum enim, quæ conueniunt in principio, & fine, vnus est habitus: sicut patet maxime in scientiis. Sed Omnium passionum vnum est principium, scilicet amor, & omnes ad eundem finem terminantur, scilicet ad delectationem, vel tristitiam, vt supra habitus est. Ergo Circa omnes passiones est vna tantum moralis virtus.

2. Si circa diuersas passiones essent diuersæ virtutes morales, sequeretur, quod tot essent virtutes morales, quot passiones. Sed Hoc patet esse falsum. Ergo Non oportet, quod circa diuersas operationes, sint diuersæ virtutes morales.

Minor prob. quia Circa oppositas passiones est vna, & eadem virtus moralis: sicut fortitudo circa timores, & audacias: temperantia circa delectationes, & tristitias.

3. Circa Amorem, Concupiscentiam, & Delectationem est vna tantum moralis virtus. Item

perantia. Ergo Virtutes morales non sunt diuersæ circa diuersas passiones.

Conseq. prob. quia Illæ virtutes specie distinguuntur.

Pro Affirmatiua.

Dicitur 3. Ethic. c. 6. & 4. cap. 4. quod fortitudo est circa timores, & audacias, temperantia circa concupiscentias, mansuetudo circa iras.

Determinatio.

1. Concl. Non potest dici, quod circa omnes passiones sit vna tantum virtus moralis.

Prob. Circa passiones, quæ sunt in diuersis potentijs, non potest esse vna sola virtus. Sed Quædam passiones sunt, ad diuersas potentias pertinentes. Ergo Non potest esse vna moralis virtus circa omnes passiones.

Maiores. quia Vna virtus non potest esse in pluribus potentijs.

Minor. quia Quædam passiones sunt in concupiscibili, & quædam in irascibili.

2. Conclusio. Non omnis diuersitas passionum sufficit ad virtutes morales diuersificandas.

Prob. dupliciter. Primo. Passionum, quæ opponuntur secundum contrarietatem, est vna sola moralis virtus. Sed Quædam passiones opponuntur secundum contrarietatem, ut sunt gaudium, & tristitia, timor, & audacia. Ergo Non omnis diuersitas passionum facit moralium virtutum diuersitatem.

Maiores. quia Cum virtus moralis in quadam medietate consistat, & medium in contrarijs passionibus secundum eandem rationem instituitur, sicut in naturalibus idem est medium inter album, & nigrum, propterea eadem erit virtus inter duas contrarias passiones.

Secundo prob. Passiones, quæ secundum eundem modum rationi repugnant, ad eandem virtutem pertinent. Sed Quædam diuersæ passiones, eodem modo rationi repugnant, puta secundum impulsum ad id, quod est contra rationem, vel secundum retractionem ab eo, quod est secundum rationem. Ergo Plures passiones ad eandem virtutem pertinere possunt.

3. Conclusio. Diuersæ passiones concupiscibiles non pertinent ad diuersas virtutes morales.

Prob. Passiones, quæ sunt vnius ordinis, non pertinent ad diuersas virtutes morales. Sed Passiones concupiscibiles sunt vnius ordinis, & quodammodo earum motus se inuicem consequuntur, ut potest ad idem ordinati, scilicet ad consequendum bonum, vel fugiendum malum. Ergo Diuersæ passiones concupiscibiles, ad eandem pertinent virtutem.

4. **Conclusio.** Ad diuerſas paſſiones iracundiſ diuerſe virtutes morales ordinantur.

Prob. quia Huiusmodi paſſiones non ſunt vnius ordinis, ſed ad diuerſa ordinantur. Nam audacia, & timor ordinantur ad aliquod magnum periculum. Spes, & deſperatio ad aliquod bonū arduum. Ira autem ad ſuperandum aliquod contrarium, quod nocumentum intulit, & ideo circa has paſſiones diuerſe virtutes ordinantur, vt potē temperantia circa paſſiones concupiſcibilis, fortitudo circa timores, & audacias, magnanimitas circa ſpem, & deſperationem, manſuetudo circa iras.

Ad Argumenta.

Ad 1. Dicitur ad minorem, quod Omnes paſſiones conueniunt in vno principio, & ſine comuni, non autem in vno proprio principio, ſeu fine. Vnde hoc non ſufficit ad vnitatem virtutis morales.

Ad 2. Negatur conſeq. Nam ſicut in naturalibus idem eſt principium, quo receditur ab vno principio, & acceditur ad aliud, & in rationalibus eſt eadem ratio contrariorum: ita etiam virtus moralis, quę in modum naturę rationi conſentit, eſt eadem contrariarum paſſionum.

Ad 3. Negatur conſeq. Nam illę tres paſſiones ad idem obiectum ordinantur, ſecundū quendam ordinem, vt dictum eſt, & ideo ad eandem virtutem moralem pertinent.

ARTICVLVS V.

Vtrum Virtutes morales diſtinguantur ſecundum diuerſa obiecta paſſionum.

Pro Negatiua.

Videtur, quod Virtutes morales non diſtinguantur ſecundum diuerſa obiecta paſſionum.

1. Virtutes morales, quę ſunt circa operationes, non diſtinguantur ſecundum obiecta operationum.

Ergo Nec virtutes morales, quę ſunt circa paſſiones, diſtinguantur ſecundum obiecta paſſionum.

Antec. prob. quia Ad eandem virtutem iuſtiſe pertinet emere, vel vendere domum, & equum.

Conſeq. quia Sicut ſunt obiecta paſſionum, ita operationum.

2. Quædam diuerſa obiecta paſſionum non diſtinguant ſpeciem paſſionis, ſed pertinent ad eandem paſſionem: vt ſunt omnia delectabilia. Ergo Secundum huiusmodi obiecta nec virtu-

tes morales poterunt ſpecificè diſtingui, ſed ad eandem virtutem pertinebunt: Vnde de omnibus delectabilibus erit vna virtus moralis, & ſic de aliis.

Conſeq. prob. Maior diuerſitas requiritur ad diſtinguendos habitus, quam actus. Sed Paſſiones ſunt quidam actus appetitus ſenſitiui. Ergo Maior diuerſitas requiritur ad diſtinguendas virtutes, quam actus paſſionum. Vnde illa obiecta, quę non diſtinguunt paſſiones, nec virtutes poterunt diſtinguere.

3. Magis, & minus non diuerſificant ſpeciem virtutis. Sed Quædam obiecta paſſionum, puta delectabilia, differunt ſecundum magis, & minus. Ergo Non diuerſificant ſpeciem virtutis, & ſic virtutes morales ex obiectis paſſionum non diſtinguantur.

4. Circa concupiſcentias bonorum, ſunt diuerſę virtutes: ſicut Temperantia circa concupiſcentias delectationum tactus, & Eutrapelia, circa delectationes ludī. Ergo Si diſtinguuntur virtutes ſecundum diuerſa obiecta paſſionum, etiam circa timores malorum debent eſſe diuerſę virtutes.

Conſeq. prob. quia Sicut virtus eſt operatiua boni, ita eſt impeditiua mali. Vnde ſicut diuerſę virtutes ponuntur ad operationes bonorum, ita poni debent diuerſę virtutes ad impedienda mala.

Pro Affirmatiua.

Caſtitas eſt circa delectabilia teneoreū, Abſtinentia vero eſt circa delectabilia ciborum, & Eutrapelia circa delectabilia ludorum.

Determinatio.

1. **Concl.** Virtutes diuerſificantur ſecundum ordinem ad rationem, Paſſiones autem ſecundum ordinem ad appetitum.

Prob. quia Perfectio virtutis ex ratione dependet: perfectio vero paſſionum ex ipſo appetitu ſenſitiuo.

Correl. Ex quo ſequitur, quod obiecta paſſionum, ſecundum quod diuerſimodè ordinantur ad appetitum ſenſitiui, cauſant diuerſas paſſionum ſpecies, ſecundum vero quod comparantur ad rationem, cauſant diuerſas ſpecies virtutum.

2. **Conclusio.** Aliqua differentia obiectorum cauſat diuerſitatem paſſionum, quę non cauſat diuerſitatem virtutum. Et alique differentia obiectorum cauſat diuerſitatem virtutum, quę non cauſat diuerſitatem paſſionum.

Prob. quia Non eſt idem motus rationis, & appetitus ſenſitiui.

Declaratur. quia Vna virtus eſt circa multas paſſiones, vt dictum eſt art. præced. & circa vnam

vnā passionē, pura delectationē, diuersas virtutes ordinantur, vt dictum est, art. 2. & 4. huius quæst.

3. Conclusio. Diuersitas obiectorum, quæ respicit diuersitatem potentiarum, semper diuersificat species virtutum.

Prob. quia Diuersas passiones ad diuersas potentias pertinentes, semper pertinent ad diuersas virtutes.

Declaratur. Bonum enim absolute, quod pertinet ad concupiscibilem, & bonum arduū, quod pertinet ad irascibilem, causant diuersitatem medium passionum, sed etiam virtutum.

4. Conclusio. Non solum diuersa obiecta passionum, sed idem obiectum, secundum quod est diuersimode apprehensum, & ad diuersa ordinatum, causat diuersitatem virtutum.

Prob. quia Ratio ordine quodam regit inferiores hominis partes, & etiam ad exteriora se extendit, & ideo secundum quod vnū obiectū passionis apprehenditur sensu, vel imaginatione, aut etiam ratione, & secundum etiam quod pertinet ad animam, ad corpus, vel ad res exteriores, diuersam habet habitudinem ad rationē, & per consequens his modis natum est diuersificare virtutes.

Distinctio, & sufficientia virtutum moralium,

1. Distinctio. Bonum, quod est obiectum amoris, delectationis, & concupiscentiæ, est duplex. Quoddam pertinet ad sensum corporis, vt sunt delectabilia ciborum, & venereorum. Quoddā vero pertinet ad apprehensionem interiorem animæ. Et hoc est duplex. Quoddam ordinatur ad bonum ipsius hominis in seipso, vt sunt pecunia, & honor. Quoddam vero ordinatur ad bonum aliorum.

2. Distinctio. Bonum pertinens ad ipsum hominem in se ipso, siue ad corpus, siue ad animam, est duplex. Quoddam est cum arduitate, & pertinet ad irascibilem. Quoddam sine arduitate, & hoc pertinet ad concupiscibilem.

Breuitur igitur colligendo hæc, dicitur, quod Bonum, quod est obiectum appetitus sensitiui, est duplex. Quoddam quod est bonum in ordine ad ipsum appetentem. Quoddam in ordine ad alios.

In ordine ad appetentem, aut pertinet ad sensum corporis, vt sunt cibi, & venerea. Aut est bonum corporis, & sic est pecunia. Aut animæ, & sic est honor, quorum virumque apprehenditur imaginatione. Et iterum, hæc, vel sunt ardua, vel sine arduitate.

Prima propositio. Circa bonum apprehensum per corporeos sensus, scilicet per sensum tactus, ponitur temperantia.

Secunda propositio. Circa delectabilia aliorum sensum nulla ponitur virtus, eo quod non sint vehementia, nec difficilia, propter quæ ponitur virtus.

Tertia propositio. Circa bonum, quod est interiori virtute apprehensum, pertinens ad corpus, quod est pecunia, si sit sine arduitate, ponitur liberalitas.

Quarta propositio. Si sit cum arduitate, vt est obiectum spei, ponitur magnificencia.

Quinta propositio. Circa honorem absolute sumptum sine arduitate, secundum quod est obiectum amoris, ponitur Philotimia, id est amor honoris.

Sexta propositio. Si cum arduitate, vt est obiectum spei, est magnanimitas.

Correl. Ex quibus sequitur, quod Liberalitas, & Philotimia sunt in concupiscibili. Magnificencia vero, & Magnanimitas sunt in irascibili, quia scilicet illæ non de arduo bono, istæ de arduo sũr.

Igitur Circa bonum sensibile, secundum quod ordinatur ad bonum appetentis, ponuntur quinque virtutes.

Prima, Temperantia, circa cibos, & venerea. Secunda, Liberalitas, circa pecuniam sine arduitate.

Tertia, Magnificencia, circa eandem cum arduitate.

Quarta, Philotimia, circa honorem sine arduitate.

Quinta, Magnanimitas, circa eandem cum arduitate.

Bonum autem ordinatum ad aliud, non distinguitur secundum arduum, & non arduum, sed accipitur, vt est obiectum solius concupiscibilis.

Dupliciter autem contingit, vt aliquod bonum possit esse alteri delectabile. Primò in feriis, id est in actionibus ordinatis per rationem ad debitum finem. Vel in locosis, id est in actionibus ordinatis ad delectationem tantum.

In feriis autem aliquis se exhibet alteri, vt delectabile, dupliciter. Primò, in decentibus verbis & factis: & hoc pertinet ad quandam virtutem, quam Aristoteles nominat Amicitiam, quæ potest dici affabilitas.

Alio modo, præbet se aliquis alteri, vt manifestum, per dicta, vel facta, & hanc virtutem Aristoteles nominat veritatem.

Circa locosa, id est delectationes ludorum, ponitur virtus, quæ appellatur Eutrapelia.

Igitur circa bonum sensibile in ordine ad alterum

rum ponuntur tres virtutes, scilicet Affabilitas & Veritas, circa seria, & Eutrapelia circa iocosa. Sunt igitur in vniuersum Vndecim morales virtutes, quarum vna habetur ex artic. præced. quæ est.

Prima, Fortitudo circa timores, & audacias.

Secunda, Mansuetudo, circa iras.

Tertia, Temperantia, circa delectabilia tactus.

Quarta, Liberalitas, circa pecuniam absolute.

Quinta, Magnificencia, circa eandem cum arduitate.

Sexta, Philotimia, circa honorem absolute.

Septima, Magnanimitas, circa honorem cum arduitate.

Octaua, Affabilitas.

Nona, Veritas.

Decima, Eutrapelia.

Vndecima, Quibus omnibus additur, Iustitia, & sic sunt vndecim.

Ad Argumenta.

Ad 1. Negatur consequ. Non enim est eadem ratio de actionibus, & passionibus. Operationes enim non repugnant rationi, sicut passionis. Vnde omnia obiecta eiusdem operationis secundum speciem, eandem habitudinem habent ad rationem, non autem obiecta eiusdem passionis secundum speciem, ut dictum est.

Ad 2. Negatur consequ. Et ratio negationis est, quia obiecta passionum, non ea ratione distinguuntur passionis, qua distinguunt virtutes, & ideo vnum obiectum passionis potest ad multas virtutes pertinere, & e contra.

Ad 3. Dicitur ad minorem, quod obiecta passionum, que differunt secundum magis, & minus, non diuertunt speciem, secundum talem differentiam in magis, & minus, sed quia habent diuersam habitudinem ad rationem, quam si non habeant; ad eandem virtutem pertinere possunt.

Ad 4. Negatur consequ. Ad probationem dicitur, quod bonum fortius est ad mouendum, quam malum: quia malum non agit nisi virtute boni, ut Dion. dicit 4. cap. de diu. nom. Vnde malum non facit difficultatem rationi, quæ requirat virtutem, nisi sit excellens, quod videtur esse vnum in vno genere passionis. Vnde circa iras non ponitur nisi vna virtus, scilicet mansuetudo, & similiter circa audacias vna sola, scilicet fortitudo. Sed bonum ingerit difficultatem, quæ requirit virtutem, etiam si non sit excellens in genere talis passionis, & ideo circa concupiscentias ponuntur diuersæ virtutes morales, ut dictum est.

QVÆSTIO LXI.

DE VIRTUTIBUS CARDINALIBUS.

ARTICVLVS I.

Vtrum Virtutes morales debeant dici Cardinales, vel principales.

Pro Negatiua.

Videtur, quod Virtutes morales non debeant dici Cardinales, seu principales.

1. Eorum, quæ sunt simul natura, vnum non est principalius altero. Sed Omnes virtutes sunt simul natura. Ergo Vna Virtus non est altera principalior.

Minor. Quæ ex opposito diuiduntur, sunt simul natura, ut dicitur in post prædic. e. de simul.

Sed Omnes virtutes ex opposito diuidunt genus virtutis. Ergo Omnes virtutes sunt simul natura.

2. Virtutes, quæ sunt circa finem, principales sunt, quam illæ, quæ sunt circa ea, quæ sunt ad finem.

Sed Virtutes Theologicæ sunt circa finem, Morales vero circa ea, quæ sunt ad finem. Ergo Virtutes Theologicæ debent dici principales, & non morales.

Maiores, quia Finis principalior est his, quæ sunt ad finem.

3. Virtutes, quæ pertinent ad rationale per essentiam, principales sunt, quam quæ pertinent ad rationale per participationem. Sed Virtutes intellectuales pertinent ad rationale per essentiam, morales vero pertinent ad rationale per participationem. Ergo Virtutes intellectuales sunt principales, quam sint virtutes morales.

Pro Affirmatiua.

Amb. super Lucam, exponens illud. Beati pauperes spiritu, dicit. Sciatis virtutes esse quatuor Cardinales, scilicet Temperantiam, Iustitiam, Prudentiam, Fortitudinem. Sed Hæ sunt virtutes morales. Ergo Virtutes morales sunt Cardinales.

Determinatio.

Conclusio. Conuenienter inter virtutes morales ponuntur illæ, quæ dicuntur principales, seu Cardinales.

Probat. Inter virtutes, quæ habent perfectam rationem virtutis, conuenienter numerantur, & ponuntur virtutes principales, seu Cardinales.

Sed

Sed Virtutes morales perfecte habent rationem virtutis. Ergo inter virtutes morales ponuntur conuenienter virtutes principales, seu Cardinales.

Maiores prob. quia Perfectum est principalis imperfecto. Vnde principales sunt virtutes, quæ perfecte participant rationem virtutis, quæ illæ, quæ imperfecte dicuntur virtutes.

Minor prob. nam vt supra dictum est, quæst. 56. Virtus humana, de qua in proposito est sermo, est duplex. Quædam facit facultatem solum bene operandi. Quædam vero facit non solum facultatem, sed etiam vsum. Virtutes, quæ faciunt facultatem bene operandi, sunt intellectuales, quæ non requirunt rectitudinem appetitus, & hæc non dicuntur virtutes, secundum perfectam rationem virtutis, vt dicitur. Virtutes vero, quæ faciunt facultatem bene operandi, sunt virtutes morales, & dicuntur virtutes secundum perfectam rationem virtutis, vt pote, quæ requirunt rectitudinem appetitus.

In forma igitur sic prob. minor. Virtutes, quæ faciunt facultatem, & vsum bene operandi, dicuntur virtutes secundum perfectam rationem virtutis. Sed Virtutes morales faciunt facultatem, & vsum bene operandi, & continent rectitudinem appetitus, ad differentiam virtutum intellectualium.

Ergo Virtutes morales dicuntur secundum perfectam rationem virtutis.

Et quamvis prudentia, quæ est vna ex Cardinalibus, inter virtutes intellectuales numeretur, tamen ipsa quodammodo moralis est, secundum materiam, vt ex supra dictis, quæst. 58. art. 3. ad 1. patet.

Ad Argumenta.

Ad 1. Negatur minor. Ad probationem dicitur ad maiorem, quod quando genus vniuersum diuiditur in suas species, tunc partes diuisionis ex æquo se habent secundum rationem generis, licet secundum naturam rei vna species sit principalior, & perfectior alia, sicut homo alijs animalibus. Sed quando est diuisio alicuius analogi, quod dicitur de pluribus secundum prius, & posterius, tunc nihil prohibet vnum esse principalius altero, etiam secundum communem rationem: sicut substantia principalius dicitur ens, quam accidens. Et talis est diuisio virtutum, in diuersa genera virtutum, eo quod bonum rationis non secundum eundem ordinem inuenitur in omnibus.

Ad 2. Conceditur totum, Nā virtutes Theo-

logice non sunt humanæ, de quibus nunc est sermo, sed sunt diuinæ.

Ad 3. Dicitur, quod Illud argumentum probat, quod virtutes intellectuales sunt principales, quantum ad subiectum, quia scilicet sunt in nobiliiori subiecto, non tamen sunt principales, quantum ad obiectum a quo desumitur ratio virtutis.

ARTICVLVS II.

Vtrum sint quatuor virtutes Cardinales.

Pro Negatiua.

Videtur, quod non sint quatuor virtutes Cardinales.

1. Illa virtus, quæ est directiua omnium aliarum moralium virtutum, debet sola dici principalis. Sed Sola prudentia est directiua omnium aliarum virtutum, vt dictum est.

Ergo Sola prudentia debet dici Cardinalis.

Maiores quia Quod est directiuum aliorum, principalis est.

2. Ad operationes morales ordinamur per rationem practicam, & per appetitum rectum, vt dicitur 6. Ethic. cap. 2.

Ergo Solæ duæ virtutes Cardinales sunt.

Consequ. prob. quia virtutes Cardinales aliquo modo morales sunt, vt dictum est art. præced.

3. Inter alias virtutes vna est principalior altera.

Ergo Videtur, quod sint multo plures principales virtutes.

Pro Affirmatiua.

Greg. 2. Mor. c. 36. dicit. In quatuor virtutibus tota bona operis structura confurgit.

Determinatio.

Conclusio. Quatuor sunt virtutes morales Cardinales, seu principales, scilicet Prudentia, Iustitia, Temperantia, Fortitudo.

Prob. dupliciter. Primo ex parte formalis principij virtutis. Secundo ex parte subiecti. Ex his enim duobus potest desumi numerus virtutum.

Ex parte igitur formalis rationis virtutum sic ostenditur. Ratio enim formalis virtutum est bonum rationis, quod bonum dupliciter potest considerari. Vno modo, secundum quod est in ipsa sola consideratione rationis, & sic erit virtus Prudentiæ. Alio modo, secundum quod bonum rationis ponitur circa aliquid. Et hoc dupliciter consideratur. Vel vtrū circa operationes, & sic ponitur Iustitia. Vel ut ponitur circa

passiones. Et hoc dupliciter. Vel circa passionem impellentes in contrarium ad id, quod ratio dicitur, & sic ponitur Temperantia. Vel circa passionem retrahentes a bono rationis propter difficultates, & sic ponitur Fortitudo.

Brevius. Prudentia respicit bonum rationis, secundum quod est in ipsa consideratione.

Iustitia, pro ut bonum rationis est circa operationes.

Temperantia, ad reprimendas passiones impellentes in contrarium ei, quod ratio dicitur.

Fortitudo, ad reprimendas passiones retrahentes a bono rationis propter difficultates.

Ex parte vero subiecti probatur conclusio. Nam duplex est subiectum virtutis. Vel rationale per essentiam, quod est intellectus, & in hoc ponitur Prudentia. Et rationale per participationem, & hoc, vel est voluntas, quæ est subiectum Iustitiæ. Vel concupiscibilis, quæ est subiectum Temperantiæ. Vel irascibilis, quæ est subiectum Fortitudinis.

Prudentia est in intellectu, & circa bonum rationis in consideratione existens.

Iustitia in Voluntate circa bonum, quod est in operationibus.

Temperantia in Concupiscibili circa passiones impellentes in contrarium.

Fortitudo in Irascibili Circa passiones retrahentes a bono.

Ad Argumenta.

Ad 1. Dicitur, quod aliqua virtus potest dici principalis dupliciter. Vel simpliciter. Vel in suo genere. Tunc ad maiorem dicitur, quod virtus, quæ est directiva omnium aliarum, est principalis simpliciter. Cum quo stat, ut aliæ possint esse principales in suo genere. Prudentia igitur, quia omnes dirigit, est principalis simpliciter. Aliæ vero res sunt principales unaquæque in suo genere.

Ad 2. Negatur consequentia. Nam appetitus rectus, qui est ratio per participationem, dividitur in tria, ut dictum est. In voluntatem, in qua est Iustitia. In irascibilem, in qua est fortitudo. Et in concupiscibilem, in qua est temperantia.

Ad 3. Dicitur ad antec. quod omnes aliæ virtutes possunt habere aliquas alias principalitates, sed istæ dicuntur principales ratione materiz, ut supra dictum est.

ARTICVLVS III.

Utrum Aliæ Virtutes magis debeant dici principales, quam istæ.

Pro Affirmativa.

Videtur, quod Aliæ virtutes magis debeant dici principales, quam istæ.

1. Illud, quod est maximum in vnoquoque genere, videtur esse principalis. Sed Magnanimitas operatur magnum in omnibus virtutibus, ut dicitur 4. Ethic. cap. 3.

Ergo Magnanimitas maxime debet dici principalis virtus.

2. Illud, per quod aliæ virtutes formantur, videtur esse principalis.

Sed Humilitas est humismodi. Ergo Humilitas videtur esse maxime principalis.

Minor. quia Greg. dicit Hom. 7. quod qui ceteras virtutes sine humilitate congregat, quasi paleas in ventum portat.

3. Illud, quod est perfectissimum, est maxime principale. Sed Patientia est perfectissima. Ergo Est principalis.

Minor. quia Iacobi 3. dicitur. Patientia opus perfectum habet.

Pro Negativa.

Tullius in sua Rhet. lib. 2. ad has quatuor omnes alias reducit.

Determinatio.

Distinctio. Virtutes Cardinales possunt dupliciter considerari. Vno modo, secundum suas rationes formales, de quibus dictum est in ar. precd. in prima ratione. Alio modo, secundum proprias materias.

1. Conclusio. Virtutes Cardinales, acceptæ secundum suas formales rationes, dicuntur principales, quasi generales ad omnes alias virtutes.

Manifestatur. quia Sic omnis virtus, quæ facit bonum in consideratione rationis, potest dici prudentia. & omnis virtus, quæ facit bonum debiti, & recti in operationibus, dicitur iustitia. & omnis virtus, quæ cohibet passiones, & deprimit, dicitur temperantia. & omnis virtus, quæ facit firmitatem animi contra quasque passiones, dicitur fortitudo. & ita multi loquuntur de istis virtutibus, tam sacri Doctores, quam Philosophi, & sic omnes aliæ virtutes continentur sub istis.

2. Conclusio. Virtutes Cardinales, si accipiantur, secundum quod denominantur ab eo, quod est præcipuum in unaquaque materia, sunt speciales virtutes contra alias diuise: dicuntur tamē principales respectu aliarum, propter principaltatem materiz.

Mani-

Manifestatur. Vt puta si prudentia dicatur, quæ præceptiua est: iustitia, quæ est circa actiones debitas, inter æquales: temperantia, quæ reprimat concupiscentias delectationum tactus: fortitudo, quæ firmat contra pericula mortis. Et sic etiam cessant obiectiones, quia aliæ virtutes possunt habere aliquas alias principalitates, sed istæ dicuntur principales ratione materiæ, vt supra dictum est.

Ad Argumenta.

Ad 1. Dicitur, & ad alia, quod si accipiantur Cardinales virtutes, vt sunt generales, omnes alie, tum magnanimitas, tum humilitas, tum patientia continentur sub Cardinalibus, sic acceptis.

Et iuxta secundam conclusionem dicitur ad omnia argumenta simul, quod licet magnanimitas, humilitas, & patientia habeant aliquam principalitatem, tamen ratione materiæ, istæ quatuor sunt omnium virtutum humanarum principalissimæ.

ARTICVLVS IV.

Vtrum Quatuor virtutes Cardinales differant ab inuicem.

Pro Negatiua.

Videtur, quod Istæ quatuor virtutes non sint ab inuicem distinctæ.

1. Ea, quæ denominant se inuicem, non possunt esse diuersæ species sub eodem genere. Sed Quatuor virtutes Cardinales denominant se inuicem. Ergo Virtutes Cardinales non sunt distinctæ specie.

Maiores quia Diuersæ species eiusdem generis non denominant se inuicem: non enim potest Asinus Leonem denominare.

Minor. quia Greg. dicit 22. Mor. cap. 1. quod Prudentia vera non est, quæ iusta, temperans, & fortis non est: nec fortitudo integra, quæ prudens, temperans, & iusta non est: nec vera iustitia, quod prudens, fortis, & temperans non est.

2. Eorum, quæ ab inuicem sunt distincta, quod est vnus, non attribuitur alteri. Sed Quod est vnus Cardinalis virtutis, attribuitur alteri. Ergo Cardinales virtutes non sunt ab inuicem distinctæ.

Minor prob. quia Illud, quod est temperantiæ, attribuitur fortitudini: dicit enim Amb. lib. 1. offic. cap. 3. iure ea fortitudo vocatur, quæ vnusquisque se ipsum vincit, nullius illecebris emollitur, atque inflectitur. De temperantia etiam dicit eodem lib. cap. 43. quod Modum, vel ordi-

nem seruat omnium, quæ agenda, vel dicenda arbitramur.

3. Virtutes, ad quas pertinent generales conditiones omnium virtutum, non sunt ab inuicem distinctæ, sed est tantum vna. Sed Ad virtutes Cardinales pertinent conditiones generales ad omnes virtutes.

Ergo Virtutes Cardinales non distinguuntur ab inuicem.

Minor. quia Phil. 2. Ethic. cap. 4. dicit, quod ad virtutem hæc requiruntur. Primum quidem si sciens, deinde si eligens, & eligens propter hoc, tertium autem si firme, & immobiliter habeat, & operetur. Sed horum primum videtur ad prudentiam pertinere, quæ est recta ratio agibilium. Secundum scilicet eligere, ad temperantiam, vt aliquis non ex passione, sed ex delectatione agat, passionibus refrenatis. Tertium vt aliquis propter debitum finem operetur, rectitudinem quandam continet, quæ videtur ad iustitiam pertinere. Aliud scilicet firmitas, & immobilitas pertinet ad fortitudinem.

Pro Affirmatiua.

Ang. lib. 1. de moribus. Eccle. c. 15. dicit, quod Quadripartita dicitur virtus ex ipsius amoris vario affectu, & subiungit de prædictis quatuor virtutibus.

Ergo Quatuor virtutes prædictæ sunt ab inuicem distinctæ.

Determinatio.

Virtutum Cardinalium diuersæ acceptiones.

Quatuor virtutes Cardinales prædictæ dupliciter a diuersis accipiuntur. Quidam enim accipiunt eas, pro vt significant quasdam generales conditiones humani animi, quæ inueniuntur in omnibus virtutibus. Ita quod prudentia, nihil aliud, sit quam quædam rectitudo discretionis in quibusdam actibus, vel materijs. Iustitia vero sit quædam rectitudo animi, per quam homo operatur, quod debet in quacunque materia. Temperantia vero sit quædam dispositio animi, quæ modum quibuscunque passionibus, vel operationibus imponit, ne ultra debitum efferantur.

Fortitudo vero sit quædam dispositio animæ, per quam firmetur in eo, quod est secundum rationem, contra quoscunque imperus passionum, vel operationum labores.

Alij vero, & melius, accipiunt has quatuor virtutes, secundum quod determinantur ad mate-

rias species, vnaquaq; quidem illarum ad vnā materiam, in qua principaliter laudatur illa principalis conditio, a qua nomen virtutis accipitur. f. Prudentiam, pro ut dirigit rationis imperium. Iustitiam, secundum quod debitum vnicuique redditur. Temperantiam, vt reprimat delectationes, quæ sunt secundum sensum tactus. Fortitudinem, vt firmat animum contra passionem retrahentes a bono rationis.

1. Conclusio. Iustitiā, Temperantiā, & Fortitudinem, secundum primam acceptionem, non important distinctos habitus virtutum.

Prob. Conditiones conuenientes omnibus moralibus virtutibus, non significant habitus speciales ab inuicem distinctos. Sed Temperantiā, iustitiā, & fortitudinem significant, secundum hanc primam acceptionem, quasdam conditiones, conuenientes omnibus virtutibus.

Ergo Non significant speciales habitus virtutum.

Minor manifestatur. Nam cuilibet virtuti morali ex hoc, quod est habitus, conuenit quædam firmitas, vt a contrario non moueatur, quod ad fortitudinem pertinet. Ex hoc vero, quod est virtus, habet, quod ordinetur ad bonum, in quo importatur ratio recti, vel debiti, quod dicebatur ad iustitiam pertinere. In hoc vero, quod est virtus moralis rationem participans, habet, quod modum passionis in omnibus seruet, & vltra se non extendat, quod dicebatur pertinere ad temperantiā.

2. Conclusio. Prudentia, cui attribuitur discretio habere, distinguitur secundum hanc acceptionem, a tribus alijs dictis.

Prob. quia Prudentia est in rationali per essentiam, aliæ vero tres virtutes, sunt in rationali per participationem, scilicet in appetitu, vel intellectu uo, vel sensitivo, vt dictum est. Vnde secundum hanc acceptionem, Prudentia quidem est virtus distincta, ab alijs tribus, sed aliæ tres non sunt virtutes distinctæ ab alijs.

3. Conclusio. Quatuor Cardinales virtutes, iuxta secundam acceptionem, sunt omnes habitus ab inuicem distincti.

Prob. Habitibus, quorum sunt diuersa obiecta, sunt distincti. Sed Harū quatuor virtutum sunt distincta obiecta, vt in hoc codē art. & præced. dictum est.

Ergo Sunt quatuor virtutes ab inuicem distinctæ.

Ad Argumenta.

Ad 1. Dicitur dupliciter. Primo negatur minor. Ad probationem dicitur, quod Greg. loquitur de prædictis quatuor virtutibus secundum primam acceptionem.

Secundo dicitur ad minorem, quod Illæ quatuor virtutes denominantur ab inuicem, per quandam redundantiam. Idem, quod est prudentia, redundat in alias virtutes, inquantum a prudentia diriguntur. Vnaquæque vero aliarum reddat in alias, ea ratione, quod qui potest, quod est difficilius, potest & id, quod minus est difficile. Vnde qui potest refrerare concupiscentias delectabilium secundum tactum, ne modum excedant, quod est difficillimum, ex hoc ipso redditur habilior, vt refreret audaciam in periculis mortis, ne vltra modum procedat, quod est longe facilius, & secundum hoc fortitudo dicitur temperata. Temperantiā etiam dicitur fortis, ex redundantia fortitudinis in temperantiā, in quantum scilicet ille, qui per fortitudinem habet animum firmum contra pericula mortis, quod est difficillimum, est habilior, vt retineat animi firmitatem contra impetus delectationum, quia vt dicit Tullius in 1. de officijs, Non est consentaneum, vt qui metu non frangitur, cupiditate frangatur: nec qui inuictum se a labore præstiterit, vinci a voluptate aliquando possit.

Ad 2. Dicitur etiam dupliciter. Primo concedendo totum, secundum primam acceptionem, prudentia sola excepta, de qua in argumento fit mentio.

Secundo dicitur ad minorem, quod harū virtutum vna denominat aliam per redundantiam, vt ad primum dictum est.

Ad 3. Dicitur ad minorem, & ad eius probationem, quod Illæ quatuor conditiones generales virtutum, quas Phil. ponit, non sunt propriæ quatuor virtutibus prædictis, sed possunt eis appropriari, secundum modum iam dictum in corpore.

ARTICVLVS V.

Vtrum Virtutes Cardinales conuenienter diuidantur in Politicas, purgatorias, purgati animi, & exemplares.

Pro Negatiua.

Videtur, quod inconuenienter huiusmodi quatuor virtutes diuidantur in virtutes exemplares, purgati animi, purgatorias, & politicas.

1. Virtutes exemplares sunt in Deo. Ergo Virtutes Cardinales non sunt exemplares.

Maior prob. quia Macrobius dicit in 1. super somnium Scip. cap. 8. quod virtutes exemplares sunt, quæ in ipsa diuina mente consistunt.

Minor prob. quia Phil. dicit 10. Ethic. cap. 8. quod Ridiculum est, Deo iustitiam, fortitudinem, temper-

temperantiam, & prudentiam attribuere.

2. Virtutes purgati animi dicuntur, quæ sunt absque passionibus. Sed Virtutes Cardinales non possunt esse absq; passionibus, ut dictum est q. 59. artic. 2. & 5. Ergo Virtutes Cardinales non sunt purgati animi.

Maiores quia Macrobius ibidem dicit, quod temperantia purgati animi est, terrenas cupiditates non reprimere, sed penitus obliuisci: fortitudinis autem passiones ignorare, non vincere.

3. Deferere res humanas, non est virtuti, sed vitio dandum. Sed Ad virtutes purgatorias pertinet, deferere res humanas. Ergo Non sunt aliquæ virtutes purgatoriae.

Maiores quia Tullius 1. de Off. dicit, quod Qui despiciere se dicunt ea, quæ plerique mirantur, scilicet imperia, & magistratus, his non modo laudi, verum etiam vitio dandum puto.

Minor quia Macrobius loco citato dicit, Virtutes purgatorias esse eorum, qui quadam humanorum fuga, solis se inferunt diuinis.

4. Sola iustitia legalis ordinatur ad bonum commune, ut dicitur 5. Ethic. cap. 1. Ergo Sola iustitia debet dici virtus politica.

Consequenter prob. quia Macrobius loco citato dicit, Virtutes politicas esse, quibus boni viri Reipublicæ consulunt, Urbesque tuentur.

Pro Affirmatiua.

Macrobius ibidem dicit. Plotinus inter philosophiae professores cum Platone princeps, Quatuor sunt, inquit, quæternarum genera virtutum: ex his, primæ politice vocantur, secundæ purgatoriae, tertiæ autem iam purgati animi, quartæ exemplares.

Determinatio.

Conclusio. Virtutes Cardinales conuenienter diuiduntur in Exemplares, Politicas, Purgatorias, & Purgati animi.

Prob. Virtutes, quæ non solum ponuntur in Deo, sed & in homine, secundum quod est animal politicum, in eodem homine, secundum quod tendit in diuinam similitudinem, & tandem in eodem, pro ut iam est diuinam similitudinem affectus, conuenienter diuiduntur in exemplares, politicas, purgatorias, & purgati animi. Sed Huiusmodi virtutes reperiuntur in Deo, In homine, secundum quod est animal politicum, In homine, pro ut tendit in diuinam similitudinem, et In homine, pro ut iam affectus est diuinam similitudinem. Ergo Virtutes Cardinales conuenienter diuiduntur in Exemplares, Politicas, Purgatorias, & Purgati animi.

Maiores quia Virtutes, pro ut sunt in Deo, dicuntur exemplares: eas enim anima sequi debet, ut in ea virtus innasci possit, ut Augustinus dicit libro 1. de moribus Eccles. cap. 6. Prout sunt in homine, secundum quod est animal politicum, vocantur politice. Pro ut sunt in homine, ut in diuinam tendit similitudinem, dicuntur purgatoriae. Pro ut sunt in homine, qui iam diuinam similitudinem est adeptus, dicuntur virtutes purgati animi.

Minor prob. Nam in Deo ipsa diuina mens dicitur prudentia. Conuersio diuinæ intentionis ad se ipsum, dicitur temperantia, sicut in nobis temperantia dicitur, per hoc quod concupiscibilis conformatur rationi. Fortitudo Dei est eius immutabilitas. Iustitia vero Dei est observatio legis æternæ in suis operibus, sicut Plotinus dixit. In homine autem, secundum quod est animal Politicum, necesse est ponere has virtutes, quibus recte se habeat in rebus humanis gerendis, secundum quem modum, hæcenus de his virtutibus locuti sumus.

Sed quia ad hominem pertinet, ut ad diuinam se trahat quantum potest, ut etiam Phil. dicit 10. Ethic. cap. 7. & in Sacra scriptura commendatur multipliciter, secundum illud Matth. 5. Estote perfecti, sicut & pater vester cælestis perfectus est, necesse est ponere quasdam virtutes medias in homine inter politicas, quæ sunt virtutes humanæ, & exemplares, quæ sunt virtutes diuinæ, quæ quidem virtutes distinguuntur secundum distinctionem motus, & terminorum motus. Ita ut quædam sint virtutes transcurrentium, & ad diuinam similitudinem tendentium, & hæc vocantur virtutes purgatoriae. Ita scilicet, quod prudentia omnia mundana, diuinorum contemplatione, despiciat, omnemque animæ cogitationem in diuinam sola dirigat. Temperantia vero relinquat quantum natura patitur, quæ corporis usus requirit. Fortitudinis autem est, ut anima non terreatur propter excessum à corpore, & accessum ad superna. Iustitiæ vero est, ut tota anima consentiat ad huiusmodi propositi viam.

Quædam vero sunt virtutes, iam assequendum diuinam similitudinem, quæ vocantur virtutes Purgati iam animi, ita scilicet quod prudentia sola diuina intueatur. Temperantia terrenas cupiditates nesciat. Fortitudo passiones ignorat. Iustitia cum diuina mente perpetuo sociatur, eam, scilicet imitando: quas quidem virtutes dicimus esse beatorum, vel aliquorum in hac vita perfectissimorum.

Virtutes igitur Cardinales, scilicet quæ sunt in Deo exemplares dicuntur. Secundum quod sunt in homine,

est beatitudo, naturam hominis excedens, ad quam homo sola diuina virtute peruenire potest, secundum quamdam diuinitatis participationem, secundum quod dicitur 2. Petri 2. quod Per Christum facti sumus consortes diuinæ naturæ.

1. Conclusio. Præter virtutes morales, quibus homo suum naturalem finem, supposito diuino auxilio, potest consequi, necessaria sunt homini alia principia diuinitus infusa, ad supernaturalem beatitudinem consequendam.

Prob. Principia naturalia hominis, ex quibus procedit ad beneagendum secundum suam proportionem, non sufficiunt ad ordinandum hominem in beatitudinem supernaturalem. Ergo Oportet ut superaddantur homini diuinitus aliqua principia, per quæ ita ordinetur ad beatitudinem supernaturalem, sicut per principia naturalia ordinatur in finem naturalem.

Antec. prob. quia Beatitudo supernaturalis excedit proportionem humanæ naturæ.

2. Conclusio. Principia supernaturalia, per quæ homo ad beatitudinem supernaturalem ordinatur, vocantur virtutes Theologicæ.

Prob. tripliciter. Primo. quia Habent Deum pro obiecto, in quantum per eas recte ordinamur in Deum.

Secundo. quia A solo Deo nobis infunduntur.

Tertio. quia Sola diuina reuelatione in Sacra scriptura traduntur.

Ad Argumenta.

Ad 1. Dicitur ad minorem, quod natura hominis dupliciter considerari potest. Vno modo, secundum se, & sic virtutes Theologicæ excedunt hominis naturam. Alio modo, secundum quod participat diuinam naturam, ut dicitur 2. Petri 2. & sic Theologicæ virtutes sunt proportionatæ naturæ humanæ, iam quodammodo deificate. Sicut virtus calefaciendi non conuenit ferro secundum se, tamen conuenit ferro ignito, secundum quod naturam ignis participat.

Ad 2. Negatur minor. Ad probationem dicitur ad minorem, quod virtutes Theologicæ non dicuntur diuine, sicut quibus Deus sit virtuosus, sed quibus nos efficiamur virtuosus à Deo, & in ordine ad Deum. Vnde non sunt exemplares, sed exemplatæ. Et sub alijs verbis, Non sunt diuinæ formaliter, sed effectiue.

Ad 3. Dicitur ad antec. quod ratio, & voluntas ordinantur naturaliter in Deum, prout est natura principium, & finis, secundum tamen proportionem naturæ, sed ad ipsum secundum quod est obiectum beatitudinis supernaturalis, ratio, &

voluntas secundum suam naturam non ordinantur sufficienter.

ARTICVLVS II.

Vtrum Virtutes Theologicæ distinguantur ab intellectualibus, & moralibus.

Pro Negatiua.

Videtur, quod Virtutes Theologicæ non distinguantur ab intellectualibus, & moralibus.

1. Virtutes, quæ perficiunt partem intellectiuam, sunt intellectuales, & quæ perficiunt partem appetitiuam, sunt morales. Sed Virtutes Theologicæ perficiunt partem intellectiuam, vel partem appetitiuam. Ergo Virtutes Theologicæ sunt vel morales, vel intellectuales.

Minor. quia Omnes virtutes, in anima nostra existentes, perficiunt partem intellectiuam, vel appetitiuam.

2. Inter virtutes intellectuales est una, quæ ordinat nos in Deum, scilicet sapientia. Ergo Virtutes Theologicæ ab hac intellectuali virtute non differunt.

Antec. quia Sapientia considerat altissimam causam.

Conseq. quia Virtutes Theologicæ dicuntur, quæ ordinant nos in Deum.

3. Ordo amoris idem est, quod Charitas. Sed Virtutes Cardinales sunt ordo amoris, ut Augustinus lib. de mor. Eccles. c. 15. dicit. Ergo Virtutes Cardinales, quæ morales sunt, non distinguuntur à Theologicis virtutibus.

Pro Affirmatiua.

Id, quod est supra naturam hominis, distinguitur ab eo, quod est secundum naturam hominis. Sed Virtutes Theologicæ sunt supra naturam hominis, cui secundum naturam conueniunt virtutes intellectuales, & morales, ut ex supra dictis patet. Ergo Distinguuntur ab inuicem.

Determinatio.

Conclusio. Virtutes Theologicæ specie distinguuntur à moralibus, & intellectualibus.

Prob. Virtutes, quarum obiecta secundum formales rationes distinguuntur, ipsæ quoque specificè differunt. Sed Virtutum Theologicarum, Moralium, & Intellectualium obiecta secundum formales rationes distinguuntur. Ergo Et ipsæ Theologicæ, morales, & intellectuales virtutes sunt specie distinctæ.

Maiores. quia Habitus specie distinguuntur secundum formalem differentiam obiectorum.

Minor. quia Obiectum Theologicarum virtutum est ipse Deus, qui est ultimus rerum finis, prout

prout nostræ rationis cognitionem excedit. Obiectum vero virtutum intellectualium, & moralium, est aliquid, quod humana ratione comprehendendi potest:

Ad Argumenta.

Ad 1. Dicitur ad minorem, quod Virtutes intellectuales, & morales perficiunt intellectum, & appetitum hominis secundum proportionem naturæ humanæ, sed Theologica supernaturaliter.

Ad 2. Dicitur ad antec. & ad eius probationem, quod sapientia, quæ à Philosopho ponitur intellectualis virtus, considerat diuinam, secundum quod sunt inuestigabilia ratione humana, sed Theologica virtus est circa eam, secundum quod rationem humana excedunt.

Ad 3. Dicitur ad maiorem, quod licet Charitas sit amor, non tamen omnis amor est Charitas. Cum ergo dicitur, quod omnis virtus est ordo amoris, potest intelligi, vel de amore communiter dicto, vel de amore Charitatis. Si de amore communiter dicto, sic dicitur, quod quælibet virtus est ordo amoris, in quantum ad quamlibet cardinalium virtutum requiritur ordinata affectio: Omnis autem affectionis radix, & principium est amor, ut supra dictum est. Si autem intelligatur de amore charitatis, non datur per hoc intelligi, quod quælibet alia virtus essentialiter sit charitas: sed quod omnes alie virtutes aequaliter à charitate dependant, ut infra patebit.

ARTICVLVS III.

Vtrum Conuenienter Fides, Spes, et Charitas ponantur virtutes Theologicae.

Pro Negatiua.

Videtur, quod Inconuenienter ponantur tres virtutes Theologicae, scilicet Fides, Spes, Charitas.

1. Inter virtutes ordinatas ad finem connaturalem ponitur vna sola virtus naturalis, scilicet intellectus principiorum. Ergo Debet poni vna sola virtus Theologica.

Consequentia probatur. quia Virtutes Theologicae se habent in ordine ad beatitudinem diuinam, sicut inclinatio naturæ ad finem connaturalem.

2. Fides propter suam imperfectionem non ponitur inter virtutes intellectuales: est enim fides cognitio imperfecta, & inde minus quid virtute. Nec spes ponitur inter virtutes morales propter eandem imperfectionem, sed ponitur inter passionem. Ergo Multo minus fides, & Spes ponendæ sunt inter virtutes Theologicas.

Conseq. prob. quia Virtutes Theologicae sunt perfectiores virtutibus intellectualibus, & moralibus.

3. Anima hominis non potest ordinari in Deum nisi per intellectuam partem, in qua est intellectus, & voluntas. Ergo Non debet esse nisi duæ virtutes Theologicae, vna quæ perficiat intellectum, & alia quæ perficiat voluntatem.

Conseq. prob. quia Virtutes Theologicae ordinant animam hominis in Deum.

Pro Affirmatiua.

Apost. 1. Corint. 13. dicit. Nunc autem manent Fides, Spes. Charitas tria hæc.

Determinatio.

Conclusio. Conuenienter ponuntur tres virtutes Theologicae, scilicet Fides, Spes, Charitas.

Prob. Lumen, quo intellectus cognoscit prima principia, tum speculabilium, tum operabilium, & rectitudo voluntatis, qua naturaliter tendit in bonum rationis, deficiunt ab ordine supernaturalis beatitudinis.

Ergo Superaddendum est intellectui lumen, quo principia supernaturalia possit cognoscere, quod est lumen fidei, & voluntati superaddendum est aliquid supernaturale, quo tendat in supernaturalem finem, & aliquid, per quod possit supernaturali fini conformari, & quodammodo in ipsum transformari, quorum primum pertinet ad spem, & alterum ad charitatem: & sic tres virtutes Theologicae conuenienter ponuntur, scilicet fides, Spes, & Charitas.

Antec. prob. quia. 1. Corint. 2. dicitur. quod Oculus non vidit, nec auris audiuit, nec in cor hominis ascendit, quæ præparauit Deus diligentibus se.

Vel aliter formatur ratio. Quæ ordinant hominem in finem supernaturalem, conuenienter ponuntur virtutes Theologicae. Sed Fides, Spes, & Charitas ordinant hominem in beatitudinem supernaturalem. Ergo Fides, Spes, & Charitas conuenienter ponuntur virtutes Theologicae.

Maior. quia Virtutes Theologicae ordinant hominem in Deum, ut est finis supernaturalis, sicut par naturalem inclinationem ordinatur homo in finem naturalem, ut dictum est art. 1.

Minor probatur. Lumen naturale intellectus, per quod prima principia, tum in speculabilibus, tum etiam in agibilibus, & rectitudo voluntatis, qua tendit in bonum rationis, deficiunt ab ordine supernaturalis beatitudinis. Ergo Superaddendum est intellectui lumen, quo cognoscat principia supernaturalia, quod pertinet ad fidem;

& aliquid voluntari, vt possit tendere in bonū supernaturale; & aliud, per quod possit in ipsum transformari quodammodo. Anteced. hoc prob. quia 1. Corint. 2. dicitur. Oculis non vidit, auris non audiuit, &c.

Ad Argumenta.

Ad 1. Negatur Conseq. Et ratio negationis est, quia ad hoc, vt homo ordinetur ad naturalem finem, est quidē necessarius aliquis habitus ex parte intellectus, qui est habitus principiorum: cum intellectus absq; speciebus minime possit intelligere. Tamen ex parte voluntatis nullus est necessarius habitus, siue vt tendat in vltimum finem, siue vt ei conformetur. Vnde vna sola virtus, scilicet intellectus principiorum, sufficit: & ex parte voluntatis nulla virtus ponitur naturalis, sed ipsa sola inclinatio. Ad hoc vero, vt homo ordinetur in finem supernaturalem, ad nihil horū sufficit natura potentia: nec ad cognoscendum supernaturalia principia, nec ad tendendum in supernaturalem finem, nec ad hoc, vt voluntas se vltimo fini conformet, & ideo sunt necessaria ista tria, vt dictum est.

Ad 2. Dicitur ad antec. quod habere Fidem, & Spem de his, quæ subduntur humanæ potestati, deficit a ratione virtutis, eo quod Fides sit de non visis, & Spes de non habitis. Tamen habere fidē, & spem de his, quæ sunt supra facultatem naturæ humanæ, excedit omnem virtutem homini proportionatam, secundum illud 1. Cor. 1. Quod infirmum est Dei, fortius est hominibus.

Ad 3. Negatur conseq. Nam ad ordinandum appetitum in supernaturalem beatitudinem, duo requiruntur. Vnum, quo voluntas tendat in ipsū finem supernaturalem, quod sit per Spem. Alterum est, vt conformet se, & quodammodo in vltimum finem se transformet, & hoc fit per charitatem, quibus si addatur illud, quod est necessarium ex parte intellectus, scilicet, lumen, quo cognoscere valeat prima principia supernaturalium, quod pertinet ad fidem, erunt tres virtutes Theologicæ, scilicet, Fides, Spes, & Charitas.

ARTICVLVS IV.

Vtrum Fides sit prior spe, & spes prior charitate.

Pro Negativa.

Videtur, quod non sit hic ordo Theologicarū virtutum, quod fides sit prior spe, & spes prior charitate.

1. Radix prior est eo, quod est ex radice. Sed Charitas est radix omnium virtutum: secundum illud ad Eph. 3. In charitate radicati, & fundati. Ergo Charitas est prior alijs virtutibus.

2. Aug. dicit 1. lib. de doctr. Christ. c. 37. Nō potest aliquis diligere, quod esse non crediderit: pot

ro si credit, & diligit, bene agendo, efficit, vt etiā speret. Ergo Videtur, quod fides præcedat charitatem, & charitas spem.

3. Quod est principium spei, præcedit spem. Sed Charitas est principium spei. Ergo Charitas præcedit spem.

Minor. Amor est principium omnium affectuum, vt dictum est q. 2. ar. 2. Sed Charitas est amor, & Spes est quædam affectio, cum sit passio, vt supra dictum est, quæst. 40. Ergo Charitas est principium spei.

Pro Affirmativa.

Apost. ista enumerat dicens. Nunc autem manent Fides, Spes, & Charitas.

Determinatio.

1. Distinctio. Duplex est ordo. Generationis, & Perfectionis. Ordo generationis est, quo imperfectum præcedit perfectum, vt materia formā, potentia actū; & c. Ordo perfectionis est, quo perfectum præcedit imperfectum, vt forma materiam, & actus potentiam.

2. Distinctio. Fides, Spes, & Charitas consideratur dupliciter. Vno modo, secundum habitū. Alio modo, secundum actus.

1. Concl. Fides, Spes, & Charitas secundum habitum sunt simul.

Prob. q. huiusmodi habitus simul infunduntur.

2. Concl. Ordine generationis Fides est prior spe, & charitate, & spes prior charitate secundū actus suos.

Hec Conc. hēt duas partes. Prima, quod fides sit prior spe, & charitate. Secunda, quod spes sit prior charitate, & quo ad vtramque prob. & primo quo ad primam.

Prob. Illud, per quod apprehenditur, quod speratur, & amatur, est prius spe, & charitate. Sed Fides apprehenditur speratum, & amatum. Ergo Fides est prior spe, & charitate.

Maiores q. nō pōt aliq. motus appetitus tēdere in aliquod, vel sperando, vel amando, nisi quod est apprehensum sensu, vel intellectu. Igitur Apprehensio præcedit spem, & amorem.

Secunda pars manifestatur. Nā ex hoc, homo aliqd amat, q. apprehendit illud, vt bonū suū. Aliquid aut, vt bonū suū æstimat homo ex hoc: qd sperat se bonū consequi posse, & ex hoc procedit ad amandū illud, ex quo prius sperat bonū: & sic spes secundum actum præcedit Charitatē.

3. Conc. Ordine perfectionis Charitas præcedit fidem, & spem.

Prob. Virtus, per quā fides, & spes formantur, pcedit ordine perfectionis fidē, & spem. Sed Per charitatem fides, & spes formantur. Ergo charitas ordine perfectionis præcedit fidem, & spem.

A 22

Minor

Minor. quia Charitas est omnium virtutum mater, & radix per hoc, quod eas format, vt dicitur quest. 65. art. 4.

Ad Argumenta.

Ad 1. Dicitur, quod probat charitatē esse priorem fide & spe ordine perfectionis, & hoc verum est, vt in tertia conclusione dictum est: sic enim est mater, & radix virtutum.

Ad 2. Dicitur, quod Spes est duplex. Vna, qua quis sperat, se ad beatitudinem perueniuntum ex meritis iam habitis: & hæc spes sequitur charitatem, quæ est principium meriti. Alia est spes, qua quis sperat beatitudinem ex meritis habendis, non tamen adhuc habitis, & hæc charitatem præcedit. Aug. binas igitur loquitur de spe, qua quis sperat ex meritis iam habitis, se ad beatitudinem perueniuntum, hæc enim spes sequitur fidem, & charitatem.

Ad 3. Dicitur a 1. in nouem, quod sicut dictum est q. 30. art. 7. Spes respiciat duo. scilicet bonum speratum, & eum, a quo bonum speratur. Spem, respectu boni sperati, præcedit amor: quia nunquam speratur aliquod bonum, nisi amatum. Respectu vero eius, a quo bonum speratur, spes primo præcedit amorem, quamuis postea spes ex ipso amore augeatur: per hoc enim, quod aliquis sperat, se posse consequi ab aliquo, quod bonum, incipit amare ipsum, & ex hoc ipso fortius de eo sperat.

Q V Æ S T I O LXIII.

DE CAUSA VIRTUTVM.

A R T I C V L V S I.

Vtrum Virtus inest nobis a natura.

Pro Affirmatiua.

Videtur, quod Virtus sit in nobis a natura.

1. Damasc. dicit 3. lib. ca. 4. Naturales sunt virtutes, & æquales in sunt omnibus. Et Antoninus dicit in sermone ad monachos. Si naturam voluntas mutaverit, peruersitas est. Condicio seruatur, & virtus est. Et Matt. 4. super illud: Circuibat Iesus, &c. dicit Glof. Docet naturales virtutes. scilicet iustitiam, castitatem, humilitatem, quas naturaliter habet homo.

2. Id, quod est secundum rationem, est homini naturale. Sed Bonum virtutis est secundum rationem esse, vt dictum est q. 55. artic. 4. ad 2. Ergo Virtus inest homini a natura.

Maiores. quia Ratio hominis est natura.

3. Quod inest nobis a naturare, est nobis naturale. Sed Quædam virtutes in sunt quibusdam a naturare. Ergo Virtus inest homini a natura.

Minor. quia Iob 31. dicitur. Ab infantia creuit mecum miseratio.

Pro Negatiua.

Quod inest homini a natura, est cōmune omnibus hominibus, & non tollitur per peccatum. Sed Virtus non inest omnibus hominibus, & abijcitur per peccatum. Ergo Non inest homini a natura.

Maiores. quia Etiam in demonibus bona naturalia manent, sicut dicit Dionys. 4. c. de diu. nom.

Determinatio.

Diuersæ opiniones de principio formarum, tum corporalium, tum scientiæ, & virtutis.

Sicut quidam dixerunt formas corporales esse totaliter ab intrinseco, ponentes latitudinem formarum cum materia. Quidam vero dixerunt eas esse totaliter ab extrinseco, ponentes formas corporales esse ab aliqua causa separata. Alij dixerunt eas partim esse ab intrinseco, in quantum præexistunt in materia in potentia, & partim ab extrinseco, in quantum reducuntur ad actum per agēs.

Ita circa scientias, & virtutes. Aliqui posuerunt eas esse totaliter ab intrinseco, ita quod omnes virtutes, & scientiæ naturaliter præexistunt in anima, sed per disciplinam, & exercitium impediuntur scientiæ, & virtutis tolluntur, quæ adueniunt animæ ex corporis grauitate, sicut cum ferum clarificatur per limationem, & hæc fuit opinio Platoniorum. Alij vero dixerunt, quod sunt totaliter ab extrinseco, id est ex influentia intelligentiæ agentis, vt ponit Auicenna. Alij vero dixerunt, quod secundum aptitudinem scientiæ, & virtutis sunt in nobis a natura, non autem secundum perfectionem: & hæc est sententia Arist. 2. Ethic. c. 1. & verior, vt patebit.

1. Distinctio. Aliquid potest dici naturale homini dupliciter. Vno modo ex natura speciei. Alio modo, ex natura indiuidui. Illud conuenit homini ex natura speciei, quod ei conuenit secundum animam rationalem, quæ est forma, a qua homo habet speciem. Illud vero conuenit sibi ex natura indiuidui, quod competit ei secundum determinatam corporis complexionem. Quod autem est naturale homini ex parte corporis secundum speciem, puta quod rectus incedat, quod habeat manus, & huiusmodi, refertur ad animam, in quantum corpus est sic dispositum, propter animam rationalem. Vnde illa proprie conueniunt homini naturaliter secundum corpus, & secundum naturam indiuidui, quæ conueniunt homini ex temperamento suæ complexionis.

2. *Distinctio.* Virtutes esse homini naturales, siue sit ex parte speciei, siue ex parte indiuidui, dupliciter contingit. Vno modo imperfecte, id est, secundum quandam aptitudinem, & inchoationem. Alio modo perfecte, id est secundum consummationem. Quæ distinctio patebit probando conclusionem.

3. *Distinctio.* Virtutes sunt in duplici differentia. Quædam sunt proportionate naturæ nostræ, vt sunt virtutes morales, & intellectuales. Quædam excedunt naturæ nostræ facultatem, vt sunt virtutes Theologicæ.

Conclus. Omnes virtutes, tum intellectuales, tum morales, sunt in nobis a natura, tum secundum naturam specificam, tum secundum naturam indiuidui, non quidem secundum consummationem, & perfecte, sed solum secundum quandam aptitudinem, & inchoationem. Virtutes vero Theologicæ nullo modo sunt nobis a natura.

Sub alijs verbis. Virtutes morales, & intellectuales sunt homini naturales, tum secundum naturam speciei, tum secundum naturam indiuidui, secundum quandam aptitudinem, & inchoationem, non autem consummate & perfecte. Theologicæ vero, nullo modo sunt homini naturales.

Prob. Quod sint naturales, secundum naturam speciei, quia In ratione hominis sunt naturaliter quædam principia, naturaliter cognita, tam scibilem, quam agendorum, quæ sunt quædam seminata virtutum moralium, & intellectualium. Et in voluntate est quidam appetitus naturalis boni, quod est secundum rationem. Secundum vero naturam indiuidui dicuntur virtutes homini naturales, in quantum ex corporis dispositione aliqui sunt dispositi melius, vel peius ad quasdam virtutes, pro vt. s. vires quædam sensitiuæ sunt actus quarundam partium corporis, ex quarum dispositione adiuuantur, vel impediuntur huiusmodi vires in suis actibus, & per consequens vires rationales, quibus huiusmodi vires sensitiuæ deseruiunt. Et secundum hoc vnus homo habet naturalem aptitudinem ad scientiam, alius ad fortitudinem, alius ad temperantiam.

Et his modis virtutes tam intellectuales, quæ morales, sunt in nobis a natura secundum quandam aptitudinem, & inchoationem, tum secundum naturam speciei, tum indiuidui.

Quod vero non sint a natura secundum consummationem prob. Consummatio virtutum non est secundum vnum modum actionis, sed diuersimode, secundum diuersas materias in quibus virtutes operantur, & secundum diuersas circumstantias. Ergo consummatio non est a natura.

Cōseq. prob. quia Natura determinatur ad vnu.

Vltima pars conclusionis prob. quia Virtutes Theologicæ totaliter sunt ab extrinseco, vt quæst. præced. probatum est, ar. 1. & 2.

Potest autem conclusio distingui in sequentes conclusiones.

1. *Concl.* Virtutes morales, & intellectuales in sunt nobis inchoatiue secundum naturam speciei.

Prob. quia In intellectu est naturalis cognitio primorum principiorum, tum scibilem, tum agendorum, quæ sunt quoddam seminarium virtutum, & in voluntate est naturalis inclinatio in bonum rationis.

2. *Concl.* Virtutes intellectuales, & morales in sunt homini naturaliter, secundum naturam indiuidui, inchoatiue.

Probatur, vt supra.

3. *Concl.* Virtutes morales, & intellectuales non in sunt nobis a natura secundum consummationem. *Probatur* vt supra.

4. *Concl.* Virtutes Theologicæ, nullo modo in sunt nobis a natura.

Prob. quia Sunt totaliter ab extrinseco.

Ad Argumenta.

Ad 1. & 2. Dicitur quod probant virtutes esse nobis naturales inchoatiue secundum rationem speciei.

Ad 3. Dicitur, quod probat, virtutes inchoatiue inesse nobis, secundum naturam indiuidui.

ARTICVLVS II.

Vtrum Aliqua virtus causetur in nobis ex assuetudine operum.

Pro Negatiua.

Videtur, quod Virtutes in nobis causari non possint ex assuetudine operum.

1. Fides non potest acquiri ex operibus. Sed Aliæ virtutes non possunt esse sine fide. Ergo Virtutes non possunt acquiri ex assuetudine operum. Maior, quia Fides causatur in nobis a Deo, secundum illud Ephes. 2. Gratia estis saluati per fidem.

Minor, quia Aug. super illud Rom. 14. Omne, quod non est ex fide, peccatum est, dicit. Omnis infidelium vita peccatum est, & nihil est bonum, sine summo bono, vbi deest cognitio veritatis, falsa est virtus, etiam in optimis moribus.

2. Non potest homo vitare peccatum, nisi per gratiam Dei, secundum illud sap. 3. Didici, quod non possum esse aliter continens, nisi Deus dederit. Ergo In homine non possunt esse aliquæ virtutes, nisi per Dei donum.

Cōseq. prob. quia Peccatum, cum cōtrarietur

virtutū, non potest comparari secundum virtutem.

3. Per actus deficientes a perfectione virtutis, non potest causari virtus. Sed Actus præcedentes virtutem, deficiunt a perfectione virtutis. Ergo Ex actibus præcedentibus virtutem, non potest causari virtus.

Maiores, quia Effectus non potest esse perfectior sua causa.

Minor, quia Huiusmodi actus præcedentes virtutem, sunt sine virtute.

Pro Affirmativa.

Ex malis actibus causantur habitus vitiorum. Ergo Multo magis ex bonis actibus possunt causari habitus virtutum.

Consequenter, quia Dionysius dicit 4. cap. de divinis nominibus, quod Bonum est virtuosius, quam malum.

Determinatio.

Distinctio. Virtus hominis est duplex. Quædam, quæ ordinat ad bonum, quod modificatur secundum regulam rationis humanæ. Quædam vero, quæ ordinat hominem ad bonum, quod modificatur, non per rationem humanam, sed per rationem divinam. Quæ distinctio est eadem cum ea, quæ habita est articulo præcedente. quod Virtutes sunt in duplici differentia. Quædam proportionate naturæ nostræ, & hæc sunt intellectuales, & morales. Et quædam quæ excedunt facultatē nostræ naturæ, ut sunt virtutes Theologicæ.

Manifestatur distinctio. Pro quo est sciendum, quod virtus hominis, de cuius generatione nunc est sermo, est quæ perficit ipsum hominem ad bonum. Cum autem ratio boni consistat in modo specie, & ordine, ut Augustinus dicit libro de bono cap. 4. vel in numero, pondere, & mensura, ut dicitur Sapientia 1. & Prima parte, quæstio 5. declaratum est, oportet, quod bonum hominis habeat quandam regulam, & mensuram, secundum quam bonum esse dicatur. Regula autem siue mensura boni ipsius hominis est duplex. Ratio humana, & Lex divina. Omne enim hominis bonum habet rationem boni ex hoc, quod est conforme, vel rationi humanæ, vel legi divinæ. Hæc duæ regulæ sic se habent, quod Lex divina est universalius ratione humana, & propterea omne bonum, quod regulatur ratione humana, regulatur etiam, & modificatur Lege divina, tamen est quoddam bonum, ad quod ratio humana ex se pervenire non potest, & hæc regulatur solum divina Lege, & hoc bonum est supernaturalis beatitudo.

Est igitur quædam hominis virtus, quæ ordinat hominem ad bonum regulatum, & modificatum per legem divinam, & rationem humanam; & hoc est bonum rationis, ad quod ordinatur ho-

mo per virtutes morales. Et quoddam est bonum modificatum Lege tantum divina, & ad hoc ordinatur homo per Theologicas virtutes.

1. Conclusio. Virtus hominis ordinata ad bonum, quod modificatur secundum regulam rationis humanæ, potest ex actibus humanis causari.

Prob. quia Huiusmodi actus procedunt a ratione, sub cuius potestate, & regula tale bonum consistit.

2. Conclusio. Virtus ordinans hominem ad bonum, secundum quod modificatur per legem divinam, & non per rationem humanam, non potest causari per actus humanos, quorum principium est ratio, sed causatur solum in nobis per operationem divinam.

Prob. quia Huiusmodi virtutē diffiniens Augustinus libro 2. de lib. arb. cap. 18. dicit esse, quæ Deus in nobis sine nobis operatur.

Ad Argumenta.

Ad 1. Dicitur ad minus, quod sine fide non possunt esse aliæ virtutes, quibus homo ordinatur ad supernaturale bonum.

Ad 2. Negatur consequenter. Ad probationem dicitur, quod virtus dinivisus infusa, maxime si in sua perfectione consideretur, non comparitur secundum aliquod peccatum mortale, sed virtus humanis acquisita potest secundum comparationem aliquem actum peccati, etiam mortalis: quia usus habitus in nobis est nostræ voluntati subiectus, ut supra dictum est. Non autem per unum actum peccati comparitur habitus virtutis acquisitæ: habitus enim non contrariatur directe actus, sed habitus, & ideo licet sine gratia homo non possit peccatum mortale vitare: ita quod nunquam peccet mortaliter, tamen impeditur quin possit habitum virtutis acquirere, per quam a vitiis operibus absteat ut in pluribus, & præcipue ab his, quæ sunt valde rationi contraria. Sunt etiam quedam peccata mortalia, quæ homo sine gratia nullo modo potest vitare, quæ directe opponuntur virtutibus Theologicis, quæ ex dono gratiæ sunt in nobis, hoc tamen infra manifestabitur.

Ad 3. Negatur minor. Ad probationem dicitur, quod licet huiusmodi actus præcedentes virtutem, sint sine virtute, tamen sunt a principijs seminalibus virtutum, quæ præexistunt in nobis secundum naturam, quæ sunt nobiliora virtutibus acquisitis virtute eorum: sicut intellectus principiorum speculabilium est nobilior scientia conclusionum, & naturalis rectitudo rationis est nobilior rectificatione appetitus, quæ fit per participationem rationis, quæ quidem rectificatio pertinet ad virtutem moralem. Sic igitur, actus hu-

mani.

mani, in quantum procedunt ex altioribus principijs, possunt causare virtutes acquisitas humanas.

ARTICVLVS III.

Vtrum Aliquæ virtutes morales sint in nobis per infusionem.

Pro Negatiua.

Videtur, quod præter virtutes Theologicas non sint infusæ nobis a Deo aliæ virtutes.

1. Ea, quæ possunt fieri a causis secundis, non sunt immediate a Deo, nisi forte aliquando miraculose. Sed Virtutes intellectuales possunt in nobis causari per causas secundas, scilicet per actus nostros. Ergo Virtutes morales non causantur in nobis per infusionem.

Maiores quia Dion. dicit, quod Lex diuinitatis est vltima per media adducere.

2. Ad ordinandum nos in bonum supernaturale sufficienter virtutes Theologice. Ergo Non sunt in nobis aliæ virtutes super naturales, quas oporteat in nobis causari a Deo.

Conseq. prob. quia In operibus Dei multo minus est aliquid superfluum, quam in operibus naturæ.

3. Deus inseruit animæ nostræ semina virtutum, vt Glosa dicit Hebr. 1. Ergo Non oportet, vt alias virtutes in nobis per infusionem causet.

Conseq. prob. quia Natura non facit per duo, quod potest facere per vnum, & multo minus Deus.

Pro Affirmatiua.

Sap. 8. dicitur. Sobrietatem, & iustitiam docet, prudentiam, & virtutem.

Determinatio.

Concl. Præter virtutes Theologicas sunt aliæ virtutes, tum morales, tum intellectuales infusæ in nobis.

Prob. Principijs naturalibus virtutum in nobis existentibus correspondent virtutes, tum morales, tum intellectuales, naturales, idest, quæ per nostros actus acquiri possunt. Ergo Principijs supernaturalibus, quæ sicut ipsæ virtutes Theologice, nobis infusæ a Deo, debent respondere habitus virtutum, non ex nostris actibus acquisiti, sed a Deo infusi.

Conseq. prob. quia Oportet effectus esse suis causis, & principijs proportionatos. Vnde sicut principijs naturalibus virtutum respondent virtutes naturales, & intellectuales, naturales, idest

per proprios actus acquisitæ. Ita principijs supernaturalibus debent respondere virtutes supernaturaliter infusæ, quæ se habeant ad fidem, spem, & Charitatem, sicut se habent virtutes naturales ad naturalia principia.

Ad Argumenta.

Ad 1. Dicitur ad minorem, quod Aliquæ quidam virtutes morales, & intellectuales secundum habitus, possunt causari in nobis ex nostris actibus, tamen illi non sunt proportionati virtutibus Theologicis, & ideo oportet alios eis proportionatos immediate a Deo causari.

Ad 2. Dicitur ad antec. quod Virtutes Theologice sufficienter nos ordinant in finem supernaturalem, secundum quandam inchoationem, quantum. sed ad ipsum Deum immediate, sed oportet, quod per alias virtutes in fusas perficiatur anima circa alias res, in ordine tamen ad Deum.

Ad 3. Negatur Conseq. Et ratio negationis est, quia Virtus illorum principiorum naturaliter inditorum non se extendit vltra proportionem naturæ, & ideo in ordine ad finem supernaturalem indiget homo perfici per alia principia superaddita.

ARTICVLVS IV.

Vtrum Virtus, quam acquirimus ex operum assuetudine, sit eiusdem speciei, cum virtute infusa.

Pro Negatiua.

Videtur, quod Virtutes infusæ non sint altius speciei a virtutibus acquisitis.

1. Virtus acquisita, & infusa non videtur differre nisi secundum ordinem ad vltimum finem. Ergo Virtutes acquisitæ, & infusæ non differunt specie, sed sunt eiusdem speciei.

Conseq. prob. quia Habitus, & actus humani non recipiunt speciem ab ultimo fine, sed a proximo.

2. Idem est actus temperantiæ infusæ, & acquisitæ, scilicet moderari concupiscentias tactus. Ergo Temperantia infusa, & acquisita sunt eiusdem speciei.

Conseq. prob. quia Habitus per actus cognoscuntur.

3. Ea, quæ sunt a Deo immediate, & quæ sunt a natura, sunt eiusdem speciei. Sed Virtutes infusæ, & acquisitæ differunt per hoc, quod infusæ sunt a solo Deo immediate, acquisitæ vero sunt per actus nostros productæ. Ergo Virtutes infusæ, & acquisitæ sunt eiusdem speciei.

Maiores prob. quia Idem homo est secundum speciem, quem Deus formauit, & quem natura produxit: & oculus, quem cæco nato dedit, & quem virtus formatiua causat.

Pro Affirmatiua.

In diffinitione virtutis infuse ponitur hæc differentia, Quam Deus in nobis sine nobis operatur, quæ differentia non ponitur in diffinitione virtutis acquisitæ. Ergo Virtutes infusæ, & acquisitæ non sunt eiusdem speciei.

Cõseq. prob. quia Quilibet differentia in diffinitione posita, mutata, diuersificat speciem.

Determinatio.

Distinctio. Habitus distinguuntur specie ex duobus. Primo, secundum speciales rationes formales obiectorum. Secundo distinguuntur, secundum ea, ad quæ ordinantur, de qua distinctione dictum est, q. 54. art. 2.

1. Conclusio. Virtutes morales acquisitæ distinguuntur specie a virtutibus moralibus infusis ex parte obiecti.

Prob. Habitus, quorum obiecta distinguuntur per diuersas específicas formales rationes, specificè distinguuntur. Sed Virtutum infusarum, & acquisitarum obiecta habent diuersas formales específicas rationes. Ergo Virtutes morales infusæ, & acquisitæ non sunt eiusdem speciei.

Maiores patet ex posita distinctione.

Minor prob. quia Obiectum virtutis acquisitæ est bonum regulatum, & modificatum a ratione, Obiectum vero virtutis infusæ est bonum regulatum, & modificatum a lege diuina. Sicut sumptio ciborum, secundum quod regulatur a ratione, & ei imponitur modus, qui est, vt cibis sic sumatur, vt non noceat sanitati corporis, est obiectum temperantiæ acquisitæ. Sumptio vero ciborum, secundum quod regulatur a diuina lege, & ei imponitur modus, qui est, vt sic sumat cibum homo, vt castiget corpus, & in seruitutem redigat, est obiectum temperantiæ infusæ. Et sic patet, qd alia ratio formalis est obiecti virtutis acquisitæ, & alia virtutis infusæ.

2. Concl. Virtutes morales acquisitæ distinguuntur speciei ab infusis, secundum ea, ad quæ ordinantur.

Prob. Virtutes, quibus homo bene, vel male se habet ad res humanas, specie differunt, a virtutibus, secundum quas bene, vel male se habet ad res supernaturales, & diuinas. Sed Per virtutes morales acquisitas homo bene, vel male se habet ad res humanas, & per infusas ad res diuinas. Ergo Virtutes morales acquisitæ distinguuntur specie, a virtutibus moralibus infusis.

Maiores prob. quia Sanitas equi non est eadem secundum speciem cum sanitate hominis, quia diuersæ sunt naturæ ad quas ordinantur. Et Phil. dicit 3. Polit. cap. 3. quod diuersæ sunt virtutes ciuili, secundum quod bene, vel male se habent ad diuersa. Vnde Virtutes, secundum quas homo bene, vel male se habet ad res humanas, specie differunt ab his, secundum quas bene se habet ad hoc, vt sit Ciuis sanctorum, & domesticus Dei.

Aliter potest formari hic articulus in hunc modum.

Concl. Virtutes morales acquisitæ specie differunt a moralibus infusis.

Prob. Virtutes, quarum sunt diuersa formalia obiecta, & quæ ordinantur ad diuersa, non sunt eiusdem speciei. Sed Virtutes morales acquisitæ, & infusæ habent obiecta formaliter diuersa, & ad diuersa ordinantur. Ergo Non sunt eiusdem speciei.

Maiores prob. quia Penes illa, duo habitus specie distinguuntur.

Minor. quia Rõ formalis obiecti virtutis moralis acquisitæ est, vt sit conforme rationi. Obiecti vero virtutis infusæ est, vt sit conforme legi diuinæ, vt de obiecto temperantiæ exemplificatum est. Et iterum. Virtutes morales ordinantur ad bonum humanum, & naturale. Virtutes vero infusæ ad bonum supernaturale, & diuinum. Vnde de specificè distinguuntur.

Ad Argumenta.

Ad 1. Dicitur ad antec. quod Virtus infusa, & acquisita, non solum differunt secundum ordinem ad vltimum finem, sed etiam secundum ordinem ad propria obiecta, vt dictum est.

Ad 2. Dicitur ad antec. quod idem est actus vtriusque temperantiæ materialiter, non autem formaliter. Alia enim ratione modificat concupiscentias delectabilium tactus temperantiæ acquisitæ, & aliter temperantiæ infusæ. Illa enim in ordine ad bonum rationis, hæc autem in ordine ad legem, & bonum diuinum, vt dictum est.

Ad 3. Dicitur ad maiorem, quod ea, quæ sunt a Deo immediate, sunt in duplici differentia. Quædam ordinantur ad eundem actum, ad quem ordinantur, quæ sunt producta a natura. Quædam vero non ordinantur ad eundem actum. Priora sunt eiusdem speciei cum his, quæ sunt a natura. Vnde oculi cæci nati erant eiusdem speciei, cum oculis a natura productis, quia, & hi, & illi ad videndum ordinantur. Vnde si Deus miraculose infunderet alicui omnes virtutes morales, quas tamen ordinaret ad eundem actum,

actum, ad quæ ordinantur acquisite, essent eiusdem speciei sicut fuit scientia, & aliæ virtutes morales Ade, quæ nobis sunt acquisite, quæ licet fuerint infusæ, tamen erant eiusdem speciei cum nostris acquisitis. Quæ vero sunt infusæ, & ordinatæ ad altiore actum, non sunt eiusdem speciei. Et quia virtutes morales infusæ non ordinantur ad eundem actum, nec habent idem obiectum, ideo non sunt eiusdem speciei cum acquisitis.

ralis sit esse in medio, oportet, quod virtus moralis non perficiatur, sed magis corruptatur per hoc, quod tendit ad extremum.

Pro Affirmativa.

Phil. dicit 2. Ethic. cap. 6. quod Virtus moralis est habitus electivus, in medietate consistens.

Determinatio.

Conclusio. Virtus moralis in medio consistit. Prob. Quod est inter excessum, & defectum, consistit in medio. Sed Virtus moralis consistit inter excessum, & defectum.

Ergo Virtus moralis consistit in medio.

Maiores. quia Inter excessum, & defectum est medium.

Minor. Illud, cuius bonum consistit in conformitate ad aliquam regulam, vel mensuram, consistit inter excessum, & defectum. Sed Bonum virtutis moralis consistit in conformitate ad regulam, siue ad mensuram rationis. Ergo Virtus moralis consistit inter excessum, & defectum.

Maiores huius prob. quia Quod aliquid non sit conforme suæ regulæ, siue suæ mensuræ, est propter excessum, vel defectum regulæ, vel mensuræ. Vnde quod conformatur suæ regulæ, est medium inter excessum, & defectum.

Minor huius prob. Bonum cuiuslibet mensurati consistit in conformitate ad suam mensuram: sicut bonum in artificiatu consistit in hoc, ut sequantur regulas artis.

Sed Motus appetitus, qui perficitur per moralem virtutem, est regulatus per rationem. Ergo Bonum virtutis in hoc consistit, ut appetitus moris sit conformis regulæ rationis.

Ad Argumenta.

Ad 1. Dicitur, quod Virtus moralis potest ad duo comparari. Ad rationem, ex cuius regulâ habet bonitatem. Et ad materiam, quæ est vel aliqua passio, vel operatio. Si comparatur ad rationem, tunc virtus non habet rationem mediæ, sed habet rationem vnius extremi, quod extremum est conformitas ad regulam rationis. Excessus vero, vel defectus habet rationem alterius extremi, quod est deformitas. Vnde secundum hanc considerationem, non est aliquod medium inter virtutem, & vitium, sed sunt duo extrema, immediate opposita.

Si comparatur ad materiam, scilicet ad passionem, vel actionem, tunc virtus est medium, & in medio consistens, in quantum reducit passionem ad regulam rationis, ut earum motus non excedat, nec deficiat a regulâ rationis. Vnde propter hoc Phil. dicit 2. Ethic. cap. 6. quod Virtus secundum substantiam, id est materiam, medietas est, & se-

DE PROPRIETATIBVS virtutum.

DEinde Considerandum est de proprietatibus virtutum.

Et Primo de medio virtutum. In quæst. 64.

Secundo de Connexione virtutum. In quæst. 55.

Terrio de Aequalitate virtutum. In quæst. 56.

Quarto de Duratione virtutum. In quæst. 67.

QVÆSTIO LXIV.

DE MEDIO VIRTVTVM.

ARTICVLVS I.

Vtrum Virtutes morales sint in medio.

Pro Negativa.

Videtur, quod Virtutes morales non consistant in medio.

1. Illud, de cuius ratione est ultimum, non consistit in medio.

Sed De ratione virtutis est esse ultimum. Ergo Virtus moralis non consistit in medio.

Maiores. quia Ultimum repugnat rationi mediæ. Minor. quia Phil. 1. de celo text. 116. dicit. quod virtus est ultimum potentia.

2. Illud, quod est maximum, non est mediū. Sed Quædam virtutes morales tendunt in aliquod maximum: sicut magnanimitas est circa maximos honores, & magnificentia circa maximos sumptus. Ergo Non omnis virtus moralis est in medio.

3. Quædam virtutes morales perficiuntur per hoc, quod tendunt ad extremum. Ergo Non est de ratione virtutis esse in medio.

Antec. prob. quia Virginitas (quæ abstinere ab omni delectabili venereo, & sic tenet extremū,) est perfectissima castitas. Et dare omnia pauperibus, est perfectissima misericordia, vel liberalitas.

Conseq. prob. quia Si de ratione virtutis mo-

est, secundum autem optimum, & bene, est extreme, scilicet secundum cōformitatem rationis.

In forma igitur dicitur ad minorem, quod de ratione virtutis, quatenus comparatur ad rationem, est esse ultimum, sed secundum quod comparatur ad propriam materiam, est medium, ut dictum est.

Ad 2. Negatur maior. Nam medium, & extrema considerantur in actionibus, & passionibus secundum diuersas circumstantias. Vnde nihil prohibet, in aliqua virtute esse extremum secundum vnam circumstantiam, quod tamen est medium secundum alias circumstantias, per cōformitatem ad rationem: & sic est in magnificencia, & magnanimitate. Nam si consideretur quātitas absoluta eius, in quod tendit magnificus, & magnanimus, dicitur extremum, & maximum. Sed si consideretur hoc ipsum ad alias circumstantias, sic habet rationem medij: quia in hoc maxime tendunt huiusmodi virtutes, secundum regulam rationis, id est vbi oportet, & quando oportet, & propter quod oportet: Excessus autem: si in hoc maximum tendatur, quando non oportet, vel vbi non oportet, vel propter quod non oportet. Defectus autem est si non tendatur in hoc maximum, vbi oportet, & quando oportet, & hoc est quod Phil. dicit in 4. Ethic. cap. 3. quod magnanimus est quidem magnitudine extremus, eo autem quod, vt oportet, medius.

Ad 3. Dicitur ad antec. & ad eius probationem, quod Virginitas, & paupertas (de quibus est eadem ratio) quę est de magnanimitate, nō perficiuntur per hoc, quod tendunt in extremum, sed per hoc, quod seruant debitas circumstantias. Abstinet enim virginitas ab omnibus venereis, & paupertas ab omnib. diuitiis, propter quod oportet, & secundum quod oportet, id est secundum quod oportet, id est secundum mandatum Dei, & propter vitam æternam. Si autem hoc fiat secundum quod non oportet, id est secundum aliquam superfluitatem illicitam, vel etiam propter inane gloriā, erit superfluum: si autē non fiat, quando oportet, vel secundum quod oportet, est vitium per defectum, ut patet in transgredientibus votum virginitatis, vel paupertatis.

ARTICVLVS II.

Utrum Medium virtutis moralis sit medium rei, vel rationis.

Quod sit medium rei.

Videtur, quod medium virtutis moralis sit medium rei, & non rationis.

1. Bonum virtutis est in rebus, non in ratione. Sed esse in medio, est bonum moralis virtutis. Ergo Medium virtutis moralis est medium rei.

Maiores. quia Bonum est in rebus, ut dicitur 6. Metaph. tex. 8.

2. Virtus moralis non consistit in medio apprehensionum, sed in medio passionum, & operationum.

Ergo Medium virtutis non est medium rationis, sed rei.

Consequenter probatur quia Ratio est vis apprehensiva.

3. Medium, quod accipitur secundum proportionem Arithmetica, vel Geometrica, est medium rei. Sed Medium virtutis iustitię accipitur secundum proportionem Geometricā, vel Arithmetica, ut dicitur in 5. Ethic. c. 3. Ergo Medium virtutis est medium rei.

Quod sit medium rationis.

Phil. 2. Ethic. cap. 6. dicit, quod Virtus moralis in medio consistit, quo ad nos determinatur ratione.

Determinatio.

Distinctio. Medium virtutis moralis esse medium rationis, potest dupliciter intelligi. Vno modo, subiectiue. Alio modo, effectiue. Esse medium rationis subiectiue, est ipsum actum rationis ad medium reduci, & est sensus. An medium virtutis moralis sit medium rationis, id est reducens rationem ad medium. Esse medium rationis effectiue, est quod ponitur in aliqua materia, per quā talis materia, siue res sit cōformis rationi recte: sicut medium virtutis temperantię est, ut quis delectetur circa aliquid, quando, vbi, quantum, & sicut oportet, per quas circumstantias delectatio est rationi cōformis.

Sed sciendum, quod Medium rationis aliquando est medium etiam rei, & aliquando est tantum medium rationis. Tunc medium rationis est medium etiam rei, quando res non potest esse rationi cōformis, nisi sit etiam æqualitas in ipsa re, & hoc accidit in redditione debiti. Nam si aliquis debet centum, & reddat centum, tunc est medium rationis, quia ratio sic exigit: & est medium rei, quia tantum erat debitum, & tantum debet reddi. Si autem non reddatur nisi quinquaginta, tunc non est medium rei, nec rationis. Tunc autem medium rationis non est medium rei, quando non potest determinari aliquid in ipsa quantitate rei: sicut apparet in materia temperantię, quę est delectatio sensuum; non potest enim determinari, quanta delectatio sit sumenda a temperato, sed solum apponuntur a ratione circumstantiæ,

tiae, quibus seruatis liceat delectari. Sicut etiam non potest determinari quantitas cibi, vel potus, sed determinantur solum debita circumstantiae seruandae in sumptione cibi, & sic de alijs. Vnde in his medium rationis non est medium rei. His de explicatis ponuntur sequentes conclusiones.

1. Conclusio. Medium virtutis moralis non est medium rationis, subiectiue.

Prob. Medium virtutis non perficientis rationem, sed virtutem appetitiuam, non potest esse medium rationis, subiectiue.

Sed Virtutes morales non perficiunt actum rationis, sed appetitus, vt supra dictum est. Ergo Medium virtutis moralis non est medium rationis, subiectiue.

2. Conclusio. Medium virtutis iustitiae est medium rationis, & medium rei.

Prob. Medium virtutis, quae est circa operationes, quae consistunt in rebus exterioribus, est medium rei, & rationis. Sed iustitia est virtus, quae est circa operationes, quae consistunt in rebus exterioribus. Ergo Medium virtutis iustitiae est medium rei.

Maiores prob. quia In rebus exterioribus rectum institui debet simpliciter, & secundum se, vt dictum est quaest. 60. art. 2. & ideo medium rationis in iustitia est idem cum medio rei, in quantum iustitia dat unicuique, quod debet, & non plus, nec minus.

3. Conclusio. Medium in alijs moralibus virtutibus est medium rationis, & non medium rei.

Manifestatur. Medium virtutum, quae consistunt circa passionem interiores, est rationis, & non rei.

Sed Aliae morales virtutes consistunt circa passionem interiores. Ergo Medium aliarum virtutum est rationis, & non rei.

Maiores prob. quia In passionibus interioribus non potest medium constitui eodem modo, propter hoc, quod homines diuersimode se habent ad passionem, & ideo oportet, quod rectitudo rationis in passionibus instituitur per respectum ad nos, qui afficimur secundum passionem.

Ad Argumenta.

Ad 1. & 2. argumentum dicitur, quod probant, quod medium virtutis non sit medium rationis obiectiue, quia bonum virtutis moralis non est in actu rationis, tanquam in subiecto, ita vt re ducat ipsum actum rationis ad medium, nec consistit in medio apprehensionem, tamen medium virtutis est medium rationis casualiter.

Ad 3. Probat, quod Medium iustitiae sit medium rei, ut asseritur in secunda conclusione.

A R T I C V L V S III.

Vtrum Virtutes intellectuales consistant in medio.

Pro Negatiua.

Videtur, quod Virtutes intellectuales non consistant in medio.

1. Virtutes, quae consistunt in medio, habent aliquam superiorem regulam.

Sed Virtutes intellectuales non habent superiorem regulam.

Ergo Virtutes intellectuales non consistunt in medio.

Maiores. quia Virtutes morales consistunt in medio, in quantum conformantur regulae rationis.

Minor. quia Virtutes intellectuales sunt in ipsa ratione, & propterea non videntur habere aliquam superiorem regulam.

2. Si virtus intellectualis consisteret in medio, procederetur in infinitum in virtutibus. Quod est inconueniens.

Consequens prob. quia Medium virtutis moralis determinatur a virtute intellectuali, ut dicitur 2. Ethic. c. 6. quod Virtus consistit in medietate determinata ratione, pro ut sapiens determinabit.

Ergo Si virtus intellectualis iterum consistat in medio, oportet, quod determinetur sibi medium per aliquam aliam virtutem, & sic procedetur in infinitum in virtutibus.

3. In intellectu non videtur esse aliqua contrarietas. Ergo In intellectualibus virtutibus non est medium.

Antec. probatur. quia Etiam ipsa contraria, secundum quod sunt in intellectu, non sunt contraria, sed simul intelliguntur, ut album, & nigrum, sanum, & aegrum.

Consequens prob. Medium proprie est inter contraria, ut dicitur 10. Met. tex. 22.

Pro Affirmatiua.

Phil. 6. Ethic. cap. 3. dicit, quod Ars est virtus intellectualis, & tamen artis est aliquod medium ut dicitur in 2. Ethic. cap. 6.

Ergo Etiam virtus intellectualis consistit in medio.

Determinatio.

Conclusio Virtutes intellectuales, tum speculatiue, tum practice consistunt in medio.

Probat. Virtutes, quarum bonum consistit

Bbb in con-

in conformitate ad aliquam mensuram, quam contingit excedere, vel ab ea deficere, consistunt in medio.

Sed Bonum virtutis intellectualis, tum speculatiuæ, tum practicæ, consistit in conformitate ad mensuram, quam contingit excedere, vel ab ea deficere.

Ergo Virtutes intellectuales, tum speculatiuæ, tum practicæ, consistunt in medio.

Maiores prob. quia Bonum alicuius rei consistit in medio, secundum quod conformatur regulæ, vel mensuræ, quam contingit transcendere, & ab ea deficere, vt art. 1. dictum est.

Minor manifestatur. Nam bonum virtutis intellectualis est verum. Speculatiuæ quidem, verum absolute. Practicæ autem, est verum secundum conformitatem ad appetitum rectum: & vtrumque horum, scilicet tam verum speculatiuum, quam practicum habet suam mensuram, cui conformari debet, & quam contingit excedere, vel ab ea deficere.

Mensura veri speculatiui est ipsa res intellecta, vt dicitur 10. Metaph. text. 5. Ex eo enim, quod res est, vel non est, veritas est in opinione, vel in oratione. Sicigitur bonum virtutis intellectualis speculatiuæ, consistit in quodam medio, per conformitatem ad ipsam rem, secundum quod dicitur esse, quod est, vel non esse, quod non est. Excessus ad hanc conformitatem fit per affirmationem falsam, per quam dicitur, esse quod non est. Defectus autem fit, secundum negationem falsam, per quam dicitur, non esse, quod est. Sicut dicere, quod totum sit maius sua parte, est conformitas. Dicere, quod pars sit maior toto, est excessus. Dicere, quod totum non sit maius parte, est defectus. Et sic patet, quod bonum speculatiuæ virtutis dicitur per conformitatem ad mensuram, quam contingit excedere, vel ab ea deficere.

Bonum autem virtutis practicæ, quod etiam est ipsum verum, comparatur ad duo, scilicet ad rem intellectam, & appetitum rectum, vt dictum est. Si comparatur ad rem intellectam, habet rationem mensurati, sicut verum speculatiuum, & ideo sic consideratum habet medium, excessum, & defectum, sicut verum speculatiuæ virtutis. Unde si intellectus practicus dicit aliquod esse faciendum, quod vere est faciendum, erit hoc medium virtutis. Si vero dicitur esse faciendum, quod non est faciendum, erit excessus. Si vero dicitur non esse faciendum, quod est faciendum, erit defectus.

Si autem verum practicum comparatur ad appetitum, habet rationem mensuræ, & tunc virtus intellectualis practica, quæ est prudentia, habet suam mensuram, cui conformari debet, sicut aliæ virtu-

tes morales, s. per conformitatem ad rectam rationem: sicut enim bonum aliarum virtutum moralium est ex hoc, quod est conforme rectæ rationi, ita etiam prudentiæ bonum, est ex hoc, quod rectæ rationi est conforme.

Diuersimode tamen prudentia, & aliæ virtutes morales, habent medium ex conformitate ad rectam rationem. Nam prudentiæ conuenit tale medium, & talis conformitas, vt regulanti, & inensuranti. Reliquis vero virtutibus moralibus, vt mensuratis, & regulatis per ipsam prudentiam.

Excessus autem in medio virtutis intellectualis practicæ, vt eius bonum respicit appetitum, consistit in hoc, quod præcipiat, esse faciendum, quod non est faciendum. Defectus vero, vt non præcipiat, esse faciendum, quod est faciendum, secundum rectam rationem. Et sic patet, quomodo bonum virtutis intellectualis, tum practicæ, tum speculatiuæ consistit in conformitate ad aliquam mensuram, scilicet ad rem, vel ad rectam rationem, & hæc erat minor probanda.

Ad Argumenta.

Ad 1. Dicitur ad minorem, & ad eius probationem, quod virtutes intellectuales habent suam regulam, quæ non est ratio, sed res intellecta, & per conformitatem ad ipsam mensurantur, vt dictum est.

Ad 2. Negatur consequens. Ad probationem dicitur, quod mensura, & regula intellectualis virtutis non est aliquod aliud genus virtutis, ut probatio supponit, sed ipsa res.

Ad 3. Negatur antec. Ad probationem dicitur, quod quamuis ipse res contrariæ non habeant contrarietatem in anima, quia unum est ratio cognoscendi alterum, tamen in intellectu est contrarietas affirmationis, & negationis, quæ sunt contraria, ut dicitur in fine Periher. Quamuis enim esse, & non esse, non sint contraria, sed contradictorie opposita, si considerentur ipsa significata, prout sunt in rebus: quia alterum est ens, & alterum est pure non ens. Tamen si referantur ad actum animæ, utrumque ponit aliquid esse. Vnde esse, & non esse, sunt contradictoria. Sed opinio, qua opinamur, quod bonum est bonum, est contraria opinioni, qua opinamur, quod bonum non est bonum: & inter huiusmodi contraria, medium est virtus intellectualis.

ARTICVLVS IV.

Vtrum Virtutes Theologicæ consistant in medio.

Pro Affirmatiua.

Videtur, quod Virtus Theologica consistat in medio.

Bonum

1. Bonum aliarum virtutum consistit in medio, ut dictum est. Ergo Virtus Theologica multo magis est in medio.

Conseq. prob. quia Virtus Theologica excedit in bonitate alias virtutes.

2. Virtutes, quæ perficiunt intellectum, & appetitum, consistunt in medio.

Sed Virtus Theologica perficit intellectum, & appetitum, ut dictum est. Ergo Virtus Theologica consistit in medio.

Maiores. quia Medium virtutis moralis accipitur, secundum quod appetitus regulatur per rationem. Intellectualis vero, secundum quod intellectus noster mensuratur à re.

3. Spes, quæ est virtus Theologica, medium est inter desperationem, & præsumptionem: similiter etiam fides incedit media inter contrarias hæreses, ut Boetius dicit in lib. de duabus naturis. Quod enim confitemur in Christo unam personam, & duas naturas, medium est inter hæresim Nestorii, qui dicit duas personas, & duas naturas, & hæresim Eutichis, qui dicit unam personam, & unam naturam. Ergo Virtus Theologica consistit in medio.

Pro Negativa.

In omnibus, in quibus consistit virtus in medio, contingit peccare per excessum, sicut & per defectum. Sed Circa Deum, qui est obiectum virtutis Theologicæ, non contingit peccare per excessum. Ergo Virtus Theologica non consistit in medio.

Minor prob. quia Eccles. 43. dicitur, Benedicentes Deum, exaltate illum quantum potestis, maior enim est omni laude.

Determinatio.

Distinctio. Virtutes Theologicæ possunt dupliciter considerari. Vno modo, secundum se, ut respiciunt proprium obiectum. Alio modo possunt considerari, ex parte nostri.

1. Conclusio. Virtutes Theologicæ, secundum se, non consistunt in medio.

Prob. Virtutes, quarum regula, & mensura, in qua eorum bonum consistit, non potest excedi, non consistunt in medio.

Sed Virtutum Theologicarum mensura, & regula non patitur excessum aliquem. Ergo Virtutes Theologicæ, secundum se, ratione propriæ mensuræ, in qua eorum bonum consistit, non sunt in medio.

Maiores. quia Medium virtutis accipitur per conformitatem ad suam regulam, vel mensuram, secundum quod contingit eam transcendere, vel ab ipsa deficere.

Minor prob. quia Mensura, & regula Theologicæ virtutis est ipse Deus: Fides enim nostræ regulatur secundum veritatem diuinam. Charitas secundum eius bonitatem. Spes secundum magnitudinem omnipotentia, & pietatis eius, & ista est mensura excedens omnem facultatem humanam. Unde nunquam potest homo tantum diligere Deum, quantum diligere debet, nec tantum credere, aut sperare in ipsum, quantum debet, unde multo minus potest ibi esse excessus. Et sic bonum talium virtutum non consistit in medio, sed tanto est melius, quanto magis acceditur ad summum.

2. Conclusio. In virtute Theologica, per accedens, potest considerari medium, & extremum, ex parte nostra.

Prob. quia Etsi non possumus ferri in Deum, quantum debemus, tamen debemus ferri in ipsum credendo, sperando, & amando, secundum mensuram nostræ conditionis, à qua deficere possumus.

Ad Argumenta.

Ad 1. Negatur conseq. Ad probationem dicitur, quod Bonum virtutum moralium, & intellectualium consistit in medio per conformitatem ad regulam, vel mensuram, quam transcendere contingit. Virtutis vero Theologicæ bonum consistit in hoc, quod est accedere magis, ac magis ad summum, & non in medio, ut dictum est.

Ad 2. Dicitur ad maiorem, quod Virtutes perficientes intellectum, & appetitum sunt in duplici differentia. Quædam perficiunt has vires in ordine ad mensuram, & regulam creatam. Et quædam in ordine ad regulam increatam. Quæ perficiunt in ordine ad mensuram creatam, consistunt in medio. Non autem illæ, quæ perficiunt in ordine ad mensuram, & regulam increatam. Tunc ad minorem dicitur, quod virtutes Theologicæ perficiunt quidem intellectum, & appetitum, sed in ordine ad regulam increatam, & ideo non consistunt in medio.

Ad 3. Dicitur, quod Spes est media inter præsumptionem, & desperationem, ex parte nostra, in quantum aliquis præsumere dicitur ex eo, quod sperat à Deo bonum, quod excedit suam conditionem, vel non sperat, quod secundum suam conditionem sperare posset, non autem potest esse superabundantia spei ex parte Dei, cuius bonitas est infinita. Similiter etiam fides est media inter contrarias hæreses, non per comparisonem ad obiectum, quod est Deus, cui non potest aliquis nimis credere, sed in quantum ipsa opinio humana est media inter contrarias opiniones, ut ex supra dictis patet.

QVÆSTIO LXV.

DE CONNEXIONE

VIRTUTUM.

ARTICVLVS I.

Vtrum Virtutes morales sint ad inuicem connexæ.

Pro Negatiua.

Videtur, quod Virtutes morales non sint ex necessitate connexæ.

1. Homo potest exercitari in actibus alicuius virtutis sine hoc, quod exercitetur in actibus alterius virtutis. Ergo Vna virtus moralis potest haberi sine altera.

Conseq. prob. quia Virtutes morales quandoque causantur ex exercitio actuum, vt probatur 2. Ethic. cap. 2.

2. Aliquis potest habere alias virtutes, sine hoc quod habeat magnificentiā, & magnanimitatem. Ergo Virtutes morales non sunt connexæ.

Antec. prob. quia Phil. dicit 4. Ethic. c. 2. quod Inops non potest esse magnificus, qui tamen potest habere alias quasdam virtutes.

Conseq. prob. quia Magnificentiā, & magnanimitas sunt quædam virtutes morales.

3. Virtutes intellectuales non sunt connexæ. Ergo Neque virtutes morales sunt connexæ.

Antec. Prob. quia Potest aliquis habere vnam scientiam sine alia.

Conseq. prob. quia Sicut virtutes morales perficiunt partem appetitiuā animæ, ita intellectuales partem intellectuam.

4. Aliquis potest esse prudens circa agibilia, quæ pertinent ad vnam virtutem, sine hoc quod sit prudens in his, quæ pertinent ad aliam. Ergo Virtutes morales non sunt ad inuicem connexæ.

Antec. prob. Aliquis potest habere artem circa aliqua factibilia, sine hoc, quod habeat artem circa alia. Ergo Aliquis potest habere prudentiam circa agibilia pertinet ad vnam virtutem, & non circa agibilia ad aliam virtutem spectantia.

Conseq. hæc prob. quia Prudentia est recta ratio agibilium, sicut ars est recta ratio factibilium.

Conseq. principalis prob. quia Si virtutes morales sunt connexæ, hoc non est, nisi quia conne-
ctuntur in prudentia.

Pro Affirmatiua.

Amb. super Lucam c. 6. dicit. Connexæ sibi sunt, concatenatæq; virtutes, vt qui vnam habet, plures

habere videatur. Aug. etiam dicit in 6. de Trin. c. 4. q. virtutes, q̄ sunt in animo humano, nullo modo separantur ab inuicē. Et Greg. 13. Mor. c. 15. dicit, quod Vna virtus fine alijs, aut omnino nulla est, aut imperfecta. Et Tull. 2. Tuscul. quæst. dicit. Si vnam virtutem confessus es te non habere, nullam necesse est te habiturum.

Determinatio.

Distinctio. Virtus moralis dupliciter accipitur. scilicet Perfecta, & Imperfecta. Virtus moralis imperfecta nihil aliud est, quam aliqua inclinatio in nobis existens ad opus aliquod de genere bonorum faciendum, siue talis inclinatio sit in nobis a natura, siue ex assuetudine, vt est virtus fortitudinis, vel temperantiæ, quando adhuc non sunt firmatæ, & non habent statum virtutis. Virtus vero moralis perfecta est habitus inclinans in bonum opus, bene agendum, vt sunt virtutes bene firmatæ, habentes statum virtutis.

1. Conclusio. Virtutes morales imperfectæ non sunt connexæ.

Manifestatur. Videmus enim aliquem ex naturali complexione, vel ex aliqua consuetudine esse promptum ad opera liberalitatis, qui tamen non est promptus ad opera castitatis.

2. Conclusio. Virtutes morales perfectæ sunt connexæ.

Prob. Primo. quia Fere ab omnibus ponitur, virtutes morales perfectas esse connexas.

Secundo prob. præmittendo, quod Virtutes Cardinales dupliciter accipiuntur a diuersis. Primo, vt sunt quædam generales conditiones in quacunque materia, vel virtute inuentæ: & sic nō sunt habitus, nec virtutes. Secundo accipiuntur, vt sunt circæ determinatas materias: & sic sunt virtutes. De qua distinctione dictum est ab vnde in quæst. 61. art. 3.

Prob. igitur primo, quod virtutes morales sint connexæ secundum primam acceptionem. Nam firmitas, id est fortitudo non habet laudē virtutis, si sit sine moderatione, rectitudine, aut discretionē: & eadem ratio est de alijs. Et hanc rationem assignat Greg. 22. Moral. c. 1. dicens, quod virtutes, si sint diluendæ, non possunt esse perfectæ secundum rationem virtutis, quia nec prudentia vera est, quæ iusta, temperans, & fortis non est: & idem subdit de alijs virtutib. Et similem rationē assignat Aug. in 6. de trin. c. 4.

Sic autem aliam acceptionem assignatur rō connexionis virtutum ab Arist. 6. Ethic. c. ult. quia. scilicet nulla virtus moralis potest esse absq; prudentia, vt sup. q. 58. ar. 4. probatum est, per hoc, quod moralis virtutis est facere electionem rectam, cum sit habitus electiuus. Ad rectam autem electionem

non

non sufficit inclinatio in debitum finem, quæ est directe per habitum virtutis moralis, sed requiritur etiam, ut aliquis recte eligat ea, quæ sunt ad finem, quod fit per prudentiam, quæ est consiliativa, iudicativa, & præceptiva eorum, quæ sunt ad finem. Similiter autem nec prudentia potest haberi, nisi habeantur virtutes morales: cum prudentia sit recta ratio agibilium, quæ sicut ex principijs procedit ex finibus agibilium, ad quos quis recte se habet per virtutes morales. Vnde sicut scientia speculativa non potest haberi sine intellectu principiorum, ita nec prudentia sine virtutibus moralibus. Quia igitur virtutes morales non possunt esse sine prudentia, nec prudentia sine moralibus, sequitur euidenter, quod virtutes morales sint connexæ.

Ad Argumenta.

Ad 1. Dicitur, quod Virtutes sunt in duplici differentia. Quædam perficiunt hominem secundum communem statum, si quantum ad ea, quæ communiter in omni vita hominum occurrunt agenda, ut sunt temperantia, prudentia, fortitudo, & similia. Quædam vero sunt, quæ perficiunt hominem secundum aliquæ eminentes statû, sicut magnificentia, & magnanimitas. Tunc dicitur ad antec. quod si sermo sit de virtutibus moralibus perficientibus hominem secundum communem statum humanæ vitæ, non potest homo exercitari in actibus vnius virtutis, quin simul exercitetur circa materias omnium aliarum virtutum, rationibus in corpore allatis, quod si exercitetur tantum circa materiam virtutis, puta se bene habendo circa iras, non autem circa concupiscentias, acquirere quidem aliquem habitum ad refranandum iras, non habebit tamen rationem virtutis propter defectum prudentiæ, quæ circa concupiscentias corrumpitur. Si vero sermo sit de virtutibus perficientibus hominem secundum aliquem eminentem statum, conceditur quidem, quod homo possit exercitari in actibus aliarum virtutum, & non istarum, eo quod materia harum virtutum non omnibus occurrat, tamen dum se exercet quis in actibus, & circa materias aliarum virtutum, acquirit etiam eas virtualiter, & habet eas in potentia propinqua. Vnde negatur consequ. & ad probationem dicitur, quod virtutes morales acquiruntur exercitio, actu, vel potentia proxima. Cum enim aliquis adeptus est liberalitatem circa mediocres donationes, & sumptus, si superueniat ei abundantia pecuniarum, modico exercitio acquireret magnificentiam habitum: sicut Geometer modico studio acquirit scientiam aliquam conclusionis, quam nunquam considerauit. Illud autem habere di-

cimur, quod in promptu est, ut habeamus, secundum illud Philosoph. 2. Physic. 6. Quod parum deest, quasi nihil deesse videtur.

Ad 2. Negatur antec. Ad probationem dicitur quod inops exercitatus circa materias aliarum virtutum, si fiat diues, de facili habebit actu habitum magnificentiam, quam habet virtute, & in proxima potentia, dum est inops.

Ad 3. Negatur consequ. Ad probationem dicitur, quod non est eadem ratio de virtutibus intellectualibus, & moralibus, licet illæ intellectiui, istæ appetitiui perficiantur. Nam virtutes intellectuales sunt circa materias diuersas, ad inuicem non ordinatas, sicut patet in diuersis scientijs, & artibus, & ideo non inueniuntur in eis connexio, quæ inuenitur in virtutibus moralibus existentibus circa passiones, & operationes, quæ manifeste habent ad inuicem ordinem. Nam omnes passionibus, a quibusdam primis procedentes, scilicet, amore, & odio, ad quasdam alias terminantur, scilicet, delectationem, & tristitiam, & similiter omnes operationes, quæ sunt virtutis moralis materia habent ordinem ad inuicem, & etiam ad passionibus, & ideo tota materia moralium virtutum sub vna ratione prudentiæ cadit.

Licet possit etiam dici, quod etiam virtutes intellectuales sunt connexæ, quatenus omnes dependent ab intellectu principiorum, excepto habitu principiorum, qui potest esse sine alijs, eo quod non dependat ab alijs habitibus intellectualibus.

Ad 4. Negatur consequ. Ad probationem dicitur, quod non est eadem ratio de prudentia respectu agibilium & de arte respectu factibilium. Nam ea, ad quæ inclinant virtutes morales, se habent ad prudentiam, sicut principia, non autem factibilia se habent ad artem sicut principia, sed solum sicut materia. Manifestum est autem, quod etsi ratio possit esse recta in vna parte materia, & non in alia, nullo tamen modo potest dici ratio recta, si sit defectus cuiuscunque principij. Sicut si quis erraret circa hoc principium, Omne totum est maius sua parte, non posset habere scientiam geometricam: quia oporteret multum recedere a veritate in sequentibus. Et præterea agibilia sunt ordinata ad inuicem; non autem factibilia, ut dictum est. Et ideo defectus prudentiæ circa vnam partem agibilium induceret defectum etiam circa alia agibilia: quod in factibilibus non contingit.

ARTICVLVS II.

Vtrum Virtutes morales possint esse sine Charitate.

Pro Affirmatiua.

Videtur, quod Virtutes morales possint esse Charitate.

1. Virtutes, quæ sunt communes bonis, & malis, possunt esse sine Charitate. Sed Virtutes morales sunt communes bonis, & malis. Ergo Virtutes morales possunt esse sine Charitate.

Maiores prob. quia Charitas non potest esse nisi in bonis.

Minor prob. quia Dicitur in libro Sententiarum Properi, quod Omnis virtus, præter Charitatem, potest esse communis bonis, & malis.

2. Virtutes, quæ possunt acquiri ex actibus humanis, possunt esse sine Charitate. Sed Virtutes morales possunt acquiri ex actibus humanis, ut dicitur 2. Ethic. c. 1. Ergo Virtutes morales possunt esse sine Charitate.

Maiores prob. quia Charitas non habetur nisi ex infusione, secundum illud Rom. 5. Charitas Dei diffusa est in cordibus nostris per Spiritum Sanctum, qui datus est nobis.

3. Sine virtute, quæ non dependet a prudentia possunt esse alie virtutes morales. Sed Charitas non dependet a prudentia, immo eam superexcedit, iuxta illud Ephe. 3. Supereminens scientie Charitas Christi. Ergo Sine Charitate possunt esse alie virtutes morales.

Maiores prob. quia Virtutes morales connectuntur ad inuicem, in quantum dependent a prudentia.

Pro Negatiua.

Ea, per quæ perficitur vita spiritualis, non possunt esse sine charitate. Sed Per virtutes perficitur vita spiritualis. Ergo Non possunt esse sine dilectione Charitatis.

Maiores quia Io. 2. dicitur. Qui non diligit matrem in morte.

Minor Prob. quia Aug. 2. lib. de lib. arb. dicit, quod Virtutes sunt, quibus recte viuatur.

Determinatio.

Distinctio. Virtutes morales sunt in duplici differentia. Quædam sunt operatiue boni in ordine ad finem, qui non excedit facultatem naturalem hominis, & dicuntur acquisite, quia per humanos actus possunt acquiri. Quædam vero sunt virtutes morales, operatiue boni, in ordine ad vltimum finem supernaturalem, & hæc non possunt acquiri actibus humanis acquiri, sed sunt a Deo infuse. De qua distinct. dictum est q. 63. art. 2. & 3:

1. Conclusio. Virtutes morales acquisite possunt esse sine charitate.

Prob. quia Sic fuerunt in multis gentilibus.

2. Concl. Virtutes morales infuse non possunt esse sine charitate.

Prob. Prudentia infusa non potest esse sine charitate. Ergo Nec alie morales virtutes infuse possunt esse ex charitate.

Antec. prob. Sine virtute, per quam homo bene se habet ad vltimum finem simpliciter, non potest esse prudentia infusa. Sed Charitas est virtus, per quam homo bene se habet circa vltimum finem. Ergo Sine Charitate non potest esse prudentia infusa.

Maiores huius prob. a simili in virtutibus acquisitis. Nam virtutes morales acquisite non possunt esse sine prudentia, nec prudentia sine alijs virtutibus moralibus, eo quia per vnamquamque moralem virtutem homo bene se habet circa aliquem particularem finem, quod si aliqua virtutum deficiat, non potest esse prudentia acquisita, in qua connectuntur omnes virtutes, ut dictum est quæst. præced. Prudentia igitur acquisita non potest esse sine alijs moralibus virtutibus, quia per eas bene se habet homo ad finem particularem. Et quia magis necessarium est, ut homo bene se habeat circa vltimum finem simpliciter, quam circa fines particulares. Sicut etiam in speculatiuis necessarium est, ut recta ratio bene se habeat circa primum principium indemonstrabile, quod est, contra dictoria non posse esse simul vera de eodem. Ideo magis est necessaria Charitas, per quam homo bene se habet circa vltimum finem simpliciter, ad habendam prudentiam infusam, quam virtutes morales, ad prudentiam acquisitam.

Et breuius prob. eadem maior, & formalius. Sicut se habet virtutes morales acquisite ad prudentiam acquisitam, ita se habet charitas ad prudentiam infusam: eo quia sicut per alias virtutes morales homo bene se habet circa fines particulares, ita per charitatem bene se habet circa finem vniuersalem, & vltimum simpliciter. Sed Prudentia acquisita non potest esse sine moralibus virtutibus, ut ostensum est. Ergo Nec prudentia infusa sine charitate.

Conseq. principalis prob. quia sine prudentia, infusa non possunt esse alie virtutes infuse, sicut nec sine prudentia acquisite possunt esse acquisite virtutes morales.

3. Concl. Solæ virtutes infuse sunt simpliciter, & perfecte dicendæ virtutes, Acquisite uero sunt virtutes secundum quid.

Prob. Virtutes morales infuse ordinant bene hominem ad finem vltimum simpliciter, virtutes

res vero acquisitæ ordinant ad finem ultimum secundum quid, scilicet in aliquo genere. Ergo Virtutes infusæ solæ sunt dicendæ simpliciter virtutes, acquisitæ vero solum secundum quid.

Et confirmatur, quia Glossa super illud Rom. 14. Omne, quod non est ex fide, peccatum est, dicitur. Vbi deest agnitio veritatis, falsa est virtus etiam in bonis moribus.

Ad Argumenta.

Ad 1. Neg. minor de virtutibus moralibus, quæ simpliciter habent rationem virtutis. Virtutes enim, quæ simpliciter habent rationem virtutis, non possunt esse in malis, quia bonum semper faciunt habentem, & per consequens in malis esse non possunt. Ad probationem dicitur, quod in illa sententia Prosperi accipiuntur virtutes secundum imperfectam rationem virtutis.

Ad 2. Dicitur, quod ratio illa procedit de virtutibus moralibus acquisitis. Vnde ad formā negatur minor de virtutibus moralibus infusis, non enim huiusmodi virtutes ex actibus humanis acquiri possunt. Ad probationem dicitur, quod Philosophi loquuntur de virtutibus acquisitis.

Ad 3. Negatur maior, quando ab illa virtute, quæ non dependet a prudentia, depēdet ipsa prudentia. Tunc ad minorem dicitur, quod licet Charitas non dependeat a prudentia, sed eam supercedat, tamen ipsamet prudentia a charitate dependet, ut in corpore ostensum est. Vnde sicut virtutes morales non possunt esse absque prudentia, multo minus possunt esse absque charitate, a qua ipsamet prudentia, quæ virtutes cōnectit, depēdet.

A R T I C V L V S III.

Vtrum Charitas possit esse sine aliis virtutibus moralibus.

Pro Affirmativa.

Videtur, quod Charitas sine aliis virtutibus moralibus haberi possit.

1. Sola Charitas sufficit ad omnia opera virtutis implenda. Ergo Videtur, quod habita charitate, aliæ virtutes sint superflue.

Antec. prob. quia 1. Corinth. 13. dicitur. Caritas patiens est, benigna est, &c.

Conseq. prob. quia Ad id, ad quod sufficit vnum, indebitum est, quod plura ordinentur.

2. Multi habent charitatem, qui tamen diffcultatem in operibus patiuntur, neque eis secundum se, talia virtutum opera placent, nisi quatenus ea referunt ad charitatem. Ergo Multi

habent charitatem, qui non habent alias virtutes.

Conseq. prob. quia Qui habet habitum virtutis, de facili operatur ea, quæ sunt virtutis, & ei talia opera secundum se placent. Vnde, & signum habitus est delectatio, quæ fit in opere, ut dicitur 2. Ethic. c. 3.

3. Quidam Sancti carē aliquibus virtutibus. Ergo Caritas potest esse sine aliis virtutibus moralibus.

Antec. prob. quia Beda dicit, quod Sancti magis humiliantur de virtutibus, quas non habent, quam de virtutibus, quas habent, gloriuntur.

Conseq. prob. quia Caritas in omnibus sanctis inuenitur.

Pro Negativa.

Virtus, per quam tota lex impletur, non potest esse nisi cum omnibus virtutibus moralibus. Sed Per charitatem tota lex impletur. Ergo Caritas non potest esse nisi simul cum omnibus aliis virtutibus moralibus.

Maiores. quia Cum lex præcipiat de omnibus actibus virtutum, ut dicitur 5. Ethicor. cap. 1. non potest tota impleri, nisi per omnes virtutes morales.

Et confirmatur. quia August. serm. 46. dicit, quod Charitas includit in se omnes virtutes cardinales.

Minor prob. quia Rom. 13. dicitur. Qui diligit proximum, legem implevit.

Determinatio.

Concl. Cum charitate simul infunduntur omnes virtutes morales.

Prob. Simul cum principio omnium operationum, quibus homo ordinatur ad ultimum finem supernaturalem, infunduntur omnia necessaria ad perficiendas gratuitas has operationes. Sed Caritas est principium omnium operationum, quibus homo ordinatur ad ultimum finem supernaturalem. Virtutes vero morales sunt, quibus charitas omnes has operationes perficit. Ergo Simul cum charitate infunduntur omnes virtutes morales.

Maiores prob. In operibus naturæ, simul cum principio naturalium operationum dantur ab auctore naturæ etiam omnia necessaria ad perficiendas naturales operationes, ut in animalibus dantur simul potentia, quæ sunt operationum animalium principia, & organa, quibus huiusmodi operationes exercentur. Ergo In operibus gratiæ, cum principio operationum dantur etiam ab auctore gratiæ omnia necessaria ad gratuitas operationes exercendas.

Conseq.

Conseq. hæc prob. quia Deus non minus perfecte operatur in operibus gratiæ, quam in operibus nature.

Minor prob. Charitas ordinat nos in ultimum finem. Ergo Charitas est principium omnium operationum, quæ in ultimum finem ordinari possunt.

Ex quibus duo sequuntur. Primum est, quod virtutes morales infusæ non solum habent connectionem propter prudentiam, sed etiam propter charitatem. Alterum est, quod hæc, ut actus charitatem propter peccatum mortale, amittit omnes virtutes morales infusas.

Ad Argumenta.

Ad 1. Negatur antec. Non enim sufficit charitas ad omnia opera, nisi sint etiam aliæ virtutes morales, & ratio est, quia hæc, ut actus inferioris potentie sit perfectus, requiritur, quod non solum adsit perfectio in superiori potentia, sed etiam in inferiori. Si enim principale agens debito modo se haberet, non sequeretur actio perfecta, si instrumentum non esset bene dispositum, unde oportet ad hoc, quod homo bene operetur in his, quæ sunt ad finem, quod non solum habeat virtutem, quæ bene se habeat circa finem, sed etiam virtutes, quibus bene se habeat circa ea, quæ sunt ad finem: nam virtus, quæ est circa finem, se habet ut principalis, & motiva respectu earum, quæ sunt ad finem. Et ideo cum charitate necesse est etiam habere alias virtutes morales. Ad probationem rigitur dicitur, quod Charitas est patientia, per patientiam, benigna, per benignitatem.

Ad 2. Dicitur ad antec. quod qui habet charitatem, non patiuntur difficultatem in operibus virtutum ex hoc, quod careant habitu virtutis, sed propter contrarias aliquas dispositiones, ex precedentibus actibus derelictas. Sicut etiam qui habet habitum scientie, potest pati difficultatem in intelligendo propter somnolentiam, vel infirmitatem, quæ quidem difficultas non accidit in virtutibus moralibus acquisitis, eo quod per actus quibus virtutes acquiruntur, tollantur contrariæ dispositiones, unde difficultas sentitur solum dum acquiruntur.

Ad 3. Dicitur ad antec. & ad eius probationem, quod Atqui sancti dicuntur aliquas virtutes non habere, in quantum patiuntur difficultatem in actibus earum, ratione iam dicta, quamvis habitus omnium virtutum habeant.

ARTICVLVS IV.

Vtrum Fides, & Spes possint esse sine charitate.

Pro Negativa.

V Idetur, quod Fides, & Spes nunquam possint esse sine charitate.

1. Virtutes morales infusæ non possunt esse sine charitate, ut dictum est. Ergo Multo minus fides, & spes sine charitate esse possunt.

Conseq. prob. quia Virtutes Theologicæ digniores videntur virtutibus moralibus, etiam infusis.

2. Nullus credit nisi volens, inquit August. super Ioan. tract. 26. Ergo Fides non potest esse sine charitate.

Conseq. prob. quia Cum charitas sit perfectio voluntatis, non potest voluntas velle credere, nisi habeat charitatem.

3. Spes non potest esse sine amore, ut Aug. dicit in Enchir. c. 8. Ergo Spes non potest esse sine charitate.

Conseq. prob. quia Amor, de quo Aug. ibidem loquitur, est charitas.

Pro Affirmativa.

Generans est prius generato, & potest esse sine eo. Sed Fides generat Spem, Spes vero charitatem, ut Glossa dicit Mat. 1. Ergo Fides, & Spes possunt esse sine charitate.

Determinatio.

Distinctio. Fides, & Spes possunt dupliciter considerari, ut de virtutibus moralibus etiam dictum est. Vno modo, secundum inchoationem quandam. Alio modo, secundum perfectum esse virtutis.

Manifestatur. Cum enim virtus ordinetur ad opus bonum agendum. Virtus perfecta dicitur ex hoc, quod potest in opus perfecte bonum, quod quidem est, dum non solum bonum est, quod fit, sed etiam bene fit. Alioquin si bonum fit, quod fit, non autem bene fiat, non erit perfecte bonum. Unde nec habitus, qui est talis operationis principium, habebit perfecte rationem virtutis. Sicut si aliquis operetur iusta, bonum quidem facit, sed non erit opus perfecte virtutis, nisi hoc bene faciat: id est secundum electionem rectam, quod est per prudentiam, & ideo iustitia sine prudentia, non potest esse virtus perfecta.

Conclusio. Fides, & Spes sine charitate possunt aliquantulum esse, perfecta autem virtutis ratione non habent sine charitate.

Prob. Per habitus, qui habent ratione perfecte virtutis.

virtutis, possumus bonum bene operari. Sed Per habitum fidei, & spei possumus quidem credere, & sperare, sed non bene credere, nec bene sperare. Ergo Fides, & Spes possumus quidem esse sine charitate, sed sine charitate, proprie loquendo, virtutes non sunt.

Maiores prob. quia Ad rationem virtutis pertinet, vt non solum secundum ipsam aliquod bonum operemur, sed et bene, vt dicitur 2. Ethic. cap. 6.

Minor habet tres partes. Prima, quod per fidem, & Spem sine charitate possit homo aliquatenus credere, & Sperare. Secunda, quod per fidem non possit bene credere sine charitate. Tertia, quod per Spem non possit bene sperare sine charitate.

Prima pars vt manifesta requiritur, quia patet, quod fideles in peccato mortali existentes, credunt ea, quæ Catholica Fides tenet, & sperant æternam beatitudinem.

Secunda pars prob. Sine eo, quod perficit voluntatem, non potest homo recte, & debite credere. Sed Charitas perficit voluntatem.

Ergo Sine Charitate non potest homo debito modo credere.

Maiores huius. quia Credere Deo, quod est actus fidei, est propria voluntate assentiri, quæ voluntas non potest recte, & bene velle credere, nisi sit perfecta.

Minor huius, quia Omnis rectus motus voluntatis, ex recto amore, qui est charitas, procedit, vt Aug. dicit 24. de ciu. Dei. c. 9. Et sic Fides, est quidem sine charitate secundum substantiam habitus, sed non perfecta virtus: sicut habitus temperantiæ, & fortitudinis non sunt perfectæ virtutes, sine prudentia.

Tertia pars prob. Homo non potest debito modo expectare beatitudinem sine charitate.

Ergo. Non potest Spes habere rationem perfectæ virtutis, sine charitate.

Consequens prob. quia Actus spei est expectare futuram beatitudinem a Deo. Vnde qui non debito modo expectat beatitudinem, non sperat debito modo, nec spes habet perfectum actum.

Antec. prob. Nam expectare beatitudinem contingit, vel sine meritis, vel cum meritis: si sine meritis expectet, non est actus spei, sed præsumptio. Si cum meritis, vel quæ non habet actum, sed proponit habere, & hic est actus spei, qui potest esse sine charitate, sed est imperfectus actus. Si vero expectet cum meritis, quæ actum habet, est actus perfectus spei, sed hoc sine charitate, quæ est meritorum principium, esse non potest.

Formaliter prob. tertia pars minoris. Sine meritis actu habitus non potest homo debito modo expectare

beatitudinem. Ergo Sine charitate actus spei non potest esse perfectus.

Consequens prob. quia Merita non possunt esse sine charitate.

Ad Argumenta.

Ad 1. Negatur consequens. Ad probationem dicitur, quod non est eadem ratio de virtutibus moralibus infusis, & de fide, & charitate. Nam virtutes morales dependent a prudentia. Prudentia autem infusa, nec rationem prudentiæ habere potest absque charitate, vt pote deficiente debita habitudine ad primum principium, quod est vltimus finis. Fides autem, & Spes secundum proprias rationes, nec a prudentia, nec a charitate dependent, & ideo sine charitate esse possunt, licet non sint virtutes sine charitate, vt dictum est.

Ad 2. Dicitur, quod ratio illa procedit de fide, quæ habet perfectam rationem virtutis. Vnde est ratio probans primam partem minoris principalis, sicut patet inueni.

Ad 3. Dicitur ad antec. & ad eius probationem, quod Aug. loquitur ibi de spe, secundum quod aliquis expectat futuram beatitudinem, per merita, quæ iam habet, quod non contingit sine charitate.

ARTICVLVS V.

Vtrum Charitas possit esse sine Fide, & Spe.

Pro Affirmatiua.

Videtur, quod Charitas possit esse sine Fide, & Spe.

1. Deus potest a nobis amari naturaliter non præsupposita fide, vel spe futuræ beatitudinis. Ergo Charitas potest esse sine fide, & spe.

Consequens prob. quia Charitas est amor Dei.

2. Radix potest aliquando esse sine ramis. Sed Charitas est radix aliarum virtutum, vt dicitur Ephes. 3.

Ergo Charitas potest esse aliquando sine fide, & spe, & alijs virtutibus.

3. In Christo fuit perfecta charitas, & tamen non habuit fidem, & spem: quia fuit perfectus comprehensor, vt infra dicitur.

Ergo Charitas potest esse sine fide, & spe.

Pro Negatiua.

Apost. Heb. 2. dicit. Sine fide impossibile est placere Deo, quod maxime pertinet ad charitatem, vt patet secundum illud Prouer. 8. Ego diligentes me diligo. Sed Spes est, quæ introducit ad charitatem: ut supra dictum est. Ergo Charitas non potest haberi sine fide, & spe.

Determinatio.

Conclusio. Charitas sine Fide, & Spe nullo modo esse potest.

Prob. Nullus potest habere amicitiam ad Deū, nisi fidem habeat, per quam credat societatem, & conuersationem hominis cum Deo, & speret, se ad hanc societatem pertinere. Ergo Charitas non potest esse sine Fide, & Spe.

Antec. prob. a simili. quia Sicut aliquis homo non potest cum aliquo alio homine amicitiam habere, si discederet, vel desperaret se posse habere aliquam societatem, vel familiarem conuersationem cum ipso. Ita aliquis non potest habere amicitiam ad Deum, nisi credat, & speret, ut dictum est.

Conseq. prob. quia Charitas non solum significat amorem Dei, sed etiam amicitiam quādam ad ipsum, quæ quidem super amorem addit mutuam redamationem, cum quādam communicatione mutua, ut dicitur 8. Ethic. c. 2.

Et quod hoc ad charitatem non pertineat, patet, quia 1. Ioan. 4. dicitur. Qui manet in Charitate, in Deo manet, & Deus in eo. Et 1. Cor. 1. dicitur. Fidelis Deus per quem vocati estis in societatem filij eius. Hæc autem societas hominis ad Deum inchoatur in presenti vita per gratiam, perficitur autem in futuro per gloriam, quorum utriusque fide, & spe tenetur. Vnde nisi hoc credat, et speret, charitatem habere non potest.

Ad Argumenta.

Ad 1. Negatur conseq. Ad probationem dicitur, quod Charitas non est qualiscunque amor Dei, sed amor Dei, quo diligitur, ut beatitudinis obiectum, ad quod ordinamur per Fide, & Spē.

Ad 2. Dicitur ad minorem, quod licet Charitas sit radix spei, & fidei, in quantum dat eis perfectionem virtutis, tamen quia Charitas secundum propriam rationem præsupponit ordine generationis spei, & fidem, ideo Charitas sine eis esse non potest.

Ad 3. Dicitur, quod Christo defuit fides, & Spes, propter id, quod est aliquid imperfectionis in eis, sed loco fidei habuit apertam visionem, & loco spei, plenam comprehensionem: & sic fuit perfecta Charitas in eo.

QVÆSTIO LXVI.

DE AEQUALITATE VIRTUTUM.

ARTICVLVS I.

Vtrum Virtus possit esse maior, vel minor.

Pro Negativa.

Videtur, quod Virtus non possit esse maior, vel minor.

1. Latera ciuitatis Hierusalem, per quæ significantur virtutes, sunt æqualia, ut ait Glosa super Apoc. cap. 2.

Ergo Virtus non est maior virtute.

2. Illud, cuius ratio consistit in maximo, non potest esse maius vel minus. Sed Ratio virtutis consistit in maximo.

Ergo Videtur, quod virtus non possit esse maior, neque minor.

Minor prob. quia Arist. dicit 1. de Cælo tex. 116. quod Virtus est vltimum potentia. Et Aug. 2. de lib. arb. cap. 19. dicit, quod Virtutes sunt maxima bona, quibus nullus potest male vti.

3. Virtutes infuse sunt a Deo, cuius virtus est vniformis, & infinita.

Ergo Videtur, quod virtus non possit esse maior virtute.

Conseq. prob. quia Quantitas virtutis pensatur secundum virtutem agentis.

Pro Affirmativa.

Vbiunque potest esse augmentum, & superabundantia, potest esse inæqualitas. Sed In virtutibus potest esse superabundantia, & augmentum. Ergo Videtur, quod virtus possit esse maior, & minor.

Minor prob. quia Matth. 5. dicitur. Nisi abundauerit iustitia vestra plusquam Scribarum, & Phariseorum, non intrabitis in regnum cælorum. & Prouerb. 16. dicitur. In abundanti iustitia virtus maxima est.

Determinatio.

Distinctio. Cum quaeritur, vtrum vna virtus possit esse altera maior, vel minor, potest dupliciter intelligi. Vno modo, de virtutibus specie distinctis, ut pote de prudentia, temperantia, iustitia, &c. Alio modo, de virtutibus distinctis numero, sub eadem specie. Si sermo sit de virtutibus specie distinctis, ponitur hæc

1. Conclusio. Virtutum specie differentium vna est maior alia.

Prob. Vna virtus propinquius se habet ad primum virtutum principium, quam alia.

Ergo Vna virtus est maior alia.

Conseq. prob. quia Semper causa est potior suo effectui, & inter effectus, ille potior est, qui propinquior est suæ causæ.

Antec. prob. Nam sicut ex dictis patet, causa, & radix humani boni, quod est virtutum obiectum, est ratio. Vnde virtus, quæ propinquius se habet ad rationem, erit propinquior primo virtutum principio, & potior virtus. Virtus autem, quæ propinquius se habet ad rationem, est prudentia, quia ipsa perficit rationem. Et ideo prudentia

dentia inter morales virtutes primum tenet locū, & est alijs virtutibus moralibus maior, quia alię perficiunt vim appetitiuam, quę est ratio solum per participationem.

Inter virtutes autem perficientes vim appetitiuam, illa etiam maior est, quę propinquius se habet ad rationem: & quia voluntas magis est participans rationem, quam appetitus sensibilis, ideo iustitia, quę perficit voluntatem, immediate sequitur prudentiam. Et iterum, irascibilis magis participat rationem, quam concupiscibilis, ut patet 7. Ethic. cap. 6. Ideo fortitudo, quę est in irascibili, præfertur temperantię, quę est in concupiscibili.

Hic igitur est ordo moralium virtutum.

Prima omnium est Prudentia, quia perficit rationem per essentiam.

Secunda est iustitia, quę perficit voluntatem.

Tertia est fortitudo, quia perficit irascibilem.

Quarta est Temperantia, quia perficit concupiscibilem.

Si autem quæstio præsens sit de virtutibus eiusdem speciei, solo numero distinctis, aliter dicendum est.

Pro quo est sciendum, quod vnā virtutem esse maiorem altera, potest intelligi dupliciter. Vno modo, secundum se ipsam. Alio modo, ex parte subiecti, quod ipsam participat. Illa virtus esset maior altera, secundum se ipsam, quę ad plura se extendit: puta si prudentia Petri ad plura se extenderet, quam prudentia Pauli, prudentia Petri maior esset, prudentia Pauli, secundum se ipsam. Illa vero virtus est maior ex parte subiecti, quę magis participatur, & firmatur in subiecto. Et de hac distinctione abunde dictum est, quæst. 52. art. 1.

2. Conclusio. Virtutum eiusdem speciei numero solum distinctarum, vna non est maior altera secundum se.

Prob. Omnes virtutes, contentę sub eadem specie virtutis, se extendunt ad omnia, ad quę se extendit ipsa species virtutis, ita quod vna non se extendit ad plura, quam alia.

Ergo Virtutum eiusdem speciei vna non est maior altera.

Conseq. prob. quia Magnitudo, & paruitas virtutum secundum se, attenditur secundum ea, ad quę se extendit, ut dictum est.

Antec. prob. ex differentia, quę est inter virtutes morales, ex vna parte, & scientiam, & alteram ex altera. Non enim quicunque habet grammaticam, scit omnia, quę ad grammaticam per-

tinent, & sic de alijs scientijs, & artibus. Tamen qui habet temperantię virtutem, habet ipsam, quantum ad omnia, ad quę se extendit, alioquin non esset virtus. Et secundum hoc bene dixerunt Stoici, quod Virtus non recipit magis, neque minus (scilicet secundum se), sicut scientia, vel ars, quia ratio virtutis consistit in maximo.

3. Conclusio. Virtus, ex parte subiecti considerata, potest esse maior, uel minor, sine secundum diuersa tempora in eodem, siue in diuersis hominibus simul.

Prob. Ad attingendum medium virtutis, quod est secundum rationem rectam, vnus est melius dispositus, quam alius.

Ergo Virtus in vno potest esse maior ex parte subiecti.

Conseq. prob. quia Magnitudo virtutis ex parte subiecti participantis attenditur secundum maiorem dispositionem subiecti ad virtutem.

Antecedens probatur. Propter quatuor enim aliquis est melius dispositus, quam alius ad virtutem.

Primo propter maiorem assuetudinem.

Secundo propter meliorem dispositionem naturę.

Tertio propter perspicacius iudicium rationis.

Quarto propter maius gratię donum, quod vnicuique datur secundum mensuram donationis Christi, ut dicitur ad Ephes. 4.

Et in hoc deficiebant Stoici, æstimantes nullum esse virtuosum dicendum, nisi qui summe fuerit dispositus ad virtutem. Nō exigitur enim ad rationem virtutis, quod attingat rectę rationis medium in indiuisibili, sicut Stoici putabant, sed sufficit prope medium esse, ut in 2. Ethic. c. 6. dicitur. Idem etiam indiuisibile signum vnus propinquius, & promptius attingit, quam alius: sicut etiam patet in sagittatoribus trahentibus ad certum signum.

Ad Argumenta.

Ad 1. Dicitur ad antec. quod æqualitas illa, non solum est secundum quantitatem absolutā, sed etiam secundum proportionem intelligenda: quia omnes virtutes proportionaliter crescunt in homine, ut infra dicitur.

Ad 2. Dicitur, quod si sermo sit de virtutibus speciei distinctis, negatur maior. Possunt enim virtutes in maximo consistere, & tamen una erit altera maior. Puta prudentia consistit in maximo secundum se, quia se extendit ad omnia pertinentia ad ipsam, & consistit in attingendo medium, & similiter iustitia, & alię virtutes; tamen prudentia maior est alijs, ut dictum est, eo quod sit

rationi propinquit. Si verò sermo sit de virtutibus numero distinctis, & de earum magnitudine secundum se, conceditur totum argumentum, probat enim secundam conclusionem. Si tadem sermo sit de magnitudine virtutis ex parte nostri, scilicet ex parte subiecti participantis, negatur minor. Et ad probationem dicitur, quod illud vltimum, quod pertinet ad virtutem, non attingitur in diuisione, sed secundum magis, & minus, vt dictum est de his, qui sagittas ad certum signum dirigunt.

Ad 3. Negatur consequens. Ad probationem dicitur, quod Deus non operatur secundum necessitatem nature, sed secundum ordinem: sive sapientie, secundum quam diuersam mensuram, virtutes hominibus largitur, secundum illud Ephes. 4. Vnicuique vestrum in data est gratia secundum mensuram donationis Christi.

ARTICVLVS II.

Vtrius Omnes virtutes simul in eodem existentes sint æquales.

Pro Negatiua.

Videtur, quod Non omnes virtutes in vno, & eodem sint æquales intense.

1. Vnusquisque habet proprium donum a Deo, vnus quidem specialius autem sic, vt Apost. dicit 1. Corint. cap. 7.

Ergo Non omnes virtutes sunt æquales in vno, & eodem.

Consequens prob. quia Non esset vnum donum magis proprium alicui, quam aliud; si omnes virtutes, dono Dei infusus, quilibet æqualiter haberet. Si enim Iob æqualiter habuisset patientiam, & misericordiam, & mansuetudinem, non magis esset ei propria patientia, q̄ reliquæ virtutes.

2. Si omnes virtutes essent æque intense in vno, & eodem, sequeretur, quod quicumque excederet aliquem in vna virtute, excederet ipsum in omnibus alijs virtutibus. Sed Hoc patet esse falsum. Ergo Falsum est id, ex quo sequitur, scilicet quod omnes virtutes in eodem existeres sunt æquales.

Conditionalis prob. quia Si Iob æqualiter fuisset pateriens, mansuetus, & misericors, non magis laudaretur de patientia, quam de mansuetudine, & de misericordia.

Salutas prob. quia Diuersi sancti de diuersis virtutibus precipue laudantur, sicut Abraham de fide. Moyses de mansuetudine. Iob de patientia. Vnde de quolibet confessore cantatur in Ecclesia. Non est inuentus similis illi, qui conseruaret legem excelsi, eo quod quilibet habuit prerogatiuam alicuius virtutis.

3. Ille, qui promptius operatur actum vnius virtutis, quam alterius, non habet omnes virtutes æque intense. Sed Vnus homo habens plures virtutes promptius, & delectabilius operatur actum vnius virtutis, quam actum alterius. Ergo Non omnes virtutes sunt æquales in vno, & eodem.

Maiores prob. quia Quanto habitus est interior, tanto homo secundum ipsum delectabilius, & promptius operatur. Vnde si promptius quis operatur actum vnius virtutis, intensior erit habitus illius virtutis in eo.

Pro Affirmatiua.

Aug. 6. de Trin. cap. 4. dicit, quod Quicumque sunt æquales in fortitudine, æquales sunt in prudentia, & temperantia, & sic de alijs. Sed Hoc non esset nisi omnes virtutes vnius hominis essent æquales. Ergo Omnes virtutes vnius hominis sunt æquales.

Determinatio.

1. Distinctio. Quantitas virtutum, vt art. præced. dictum est, potest autem dupliciter. Vno modo, secundum rationem speciei. Alio modo, secundum participationem subiecti, prout scriptus intenditur, vel remittitur secundum participationem subiecti.

2. Diuinctio. Virtus potest dupliciter considerari. Vno modo, quo ad id, quod est materiale in ea. Alio modo, quantum ad finem materiale. Formale in virtute est, secundum quod respicit rationem. Materiale vero est id, quod conuenit ei ex particulari inclinatione, vel nature, vel ex assuetudine, vel gratie dono.

1. Conclusio. Virtutum moralium in homine eodem existentium, secundum rationem speciei, vna est altera maior.

Hæc conclusio art. præced. probata est: inter morales, n. acquisitas, prudentia est cæteris maior, & inter infusas charitas.

2. Conclusio. Omnes virtutes morales in eodem homine existentes, sunt æquales non simpliciter, sed equitate proportionis.

Declaratur. Potest, n. aliquid esse alteri æquale dupliciter. Vno modo, æqualitate simpliciter. Alio modo, æqualitate proportionali. Ea sunt æqualia æqua uate simpliciter, qua habent eandem quantitatem: puta si Sortes, & Plato sunt ambo stature trium cubitorum, erunt simpliciter æquales. Ea vero sunt æqualia æqualitate proportionis, q̄ habent eandem quantitatem fin proportionem: puta numerus ternarius respectu nouenarij est æqualis quaternario respectu duodenarij, quia sicut ternarius numerus est tertia pars nouenarij, ita quinquus quaternarius est tertia pars duodenarij.

narij. Sunt igitur omnes virtutes æquales in vno homine, non simpliciter, quia iam dictum est in prima conclusione, quod una est maior altera, sed proportionem quadam, quia proportionaliter augentur, & crescant, sicut sunt digiti in manib; qui licet unus simpliciter sit altero longior, tamè quatenus æqualiter omnes crescant, & seruiant eandem habitudinem ad invicem, æquales dici possunt.

Vnde desumenda sit ratio conclusionis,

Ratio autem ad probandam secundam conclusionem, vnde inquam habeant virtutes hanc æqualitatem proportionalem, desumenda est a ratione connexionis virtutum: eadem enim est ratio connexionis, & æqualitatis virtutum. Et hoc, quia æqualitas est connectio quædam secundum quantitatem.

Dupliciter autem assignata sunt superius ratio connexionis virtutum, vt patet quæst. 63. artic. 1. Secundum duplicem opinionem, quæ fuit de virtutibus cardinalibus. Quidam enim dixerunt, quod Virtutes Cardinales non erant speciales habitus habentes propriam materiam, sed erant quædam generales conditiones convenientes omnibus virtutibus. Et secundum hanc opinionem dicebatur, quod virtutes erant connectæ per hoc, quod in omnibus inveniēbantur huiusmodi quatuor generales conditiones, scilicet prudentia, iustitia, temperantia, & fortitudo.

Alij vero dixerunt quatuor virtutes cardinales esse quatuor speciales habitus habentes proprias materias. Et secundum hoc, virtutes erant connectæ in duobus, scilicet in prudentia, sine qua nulla potest esse virtus, & in Charitate, quæ est forma dās esse virtuti simpliciter.

Et secundum hanc duplicem opinionem assignatur etiam duplex ratio æqualitatis virtutum in eodem homine existentium. Si enim dicamus Cardinales virtutes esse conditiones generales virtutum, dicimus, quod omnes virtutes sunt æquales, quatenus in omnibus necessario inveniuntur illæ quatuor generales conditiones. Et hanc rationem æqualitatis assignat August. 6. de Trin. cap. 4. dicens. Si dixeris, æquales esse istos fortitudinem, sed illum præitare prudentiam, sequitur, quod huius fortitudo minus prudens sit, ac per hoc nec fortitudine æquales sint, quando est illius fortitudo prudentior, & ita de omnibus virtutibus inuenies.

Si autem dicamus (vt verius est) quod Virtutes cardinales sint speciales virtutes, habentes una-

queque propriam materiam, tunc ratio æqualitatis desumitur ex parte prudentiæ.

Virtutes igitur in eodem sunt quo ad formalem proportionem æquales, quia omnes ab eadem, & eodem modo perfecta prudentia, quæ est perfectiva rationis, dependent. Existente enim ratione æqualiter perfecta in vno, & eodem, oportet quod proportionaliter, secundum rationem rectam, medium constituatur in quolibet materia virtutum.

3. Conclusio. Virtutes in eodem homine existentes, secundum id, quod est materiale in ipsis, non sunt æquales.

Prob. quia Homo habens plures virtutes, magis inclinatur ad actum vnius virtutis, quam alterius, vel ex naturali inclinatione, vel ex eo quod est magis adfectus ad actum vnius virtutis, quam alterius, vel tandem ex gratiæ dono.

Breuitur igitur his duobus modis prob. conclusio.

Primo. Omnes virtutes, in eodem homine existentes, æqualiter participant illas generales conditiones, scilicet prudentiam, iustitiam, fortitudinem, & temperantiam. Ergo Omnes sunt æquales, æqualitate proportionis.

Secundo. Omnes virtutes, in eodem homine existentes, sunt formate ab eadem prudentia. Ergo Omnes sunt æquales, secundum id, quod est formale in ipsis, licet secundum id, quod est materiale, quandam inæqualitatem habere possint, vt dictum est.

Ad Argumenta.

Ad 1. Dicitur ad antec. dupliciter. Primo, quod verbum Apostoli non est intelligendum de virtutibus, sed de donis gratiæ gratis datæ, quæ dona non sunt communia omnibus; Loquitur enim ibi de dono continentæ, quod datur aliquibus, sed non omnibus.

Secundo dicitur, quod verbum Apostoli non est sic intelligendum, quod unus habeat vnam virtutem, & non aliam, sed sic quod unus habeat magis gratiæ gratum facientis donum, ex quo alius datur in omnibus virtutibus, magis quam alius, propter maiorem abundantiam prudentiæ, vel etiam charitatis, in qua omnes virtutes connectuntur.

Ad 2. Dicitur, quod vnus Sanctus laudatur magis de vna virtute, quam de alia, non quia creat alijs virtutibus, sed quia promptior fuit ad actum vnius virtutis, quam ad actum alterius.

Ad 3. Neg. maior. Ad prob. dicitur, quod hoc quod quis promptius, & delectabilius operatur actum vnius virtutis, quam alterius, non est ex

hoc, quod habitus vnius virtutis sit intensior, quā habitus alterius, sed quia operans magis inclinatur ad talem actum ex assuetudine, vel ex naturali dispositione, aut ex supernaturali gratiæ dono, ut dictum est.

ARTICVLVS III.

Vtrum Virtutes morales præmineant intellectualibus.

Pro Affirmatiua.

Videtur, quod Virtutes morales præmineant intellectualibus.

1. Virtutes, quæ sunt magis necessariae, & permanentiores, præminent his, quæ sunt minus necessariae, & minus permanentes. Sed Virtutes morales sunt permanentiores intellectualibus, & sunt magis ad vitam humanam necessariae. Ergo Virtutes morales sunt præferendæ intellectualibus.

Maior prob. quia Quod est magis necessariū, & permanentius, est melius.

2. Virtutes, quæ simpliciter faciunt bonum habentem, præminent his, quæ non faciunt simpliciter bonum habentem. Sed Virtutes morales simpliciter faciunt bonum habentem, non autem intellectuales. Ergo Virtutes morales præminent intellectualibus.

Maior prob. quia De ratione virtutis est, ut bonum faciat habentem.

Minor prob. quia Homo secundum virtutes morales dicitur simpliciter bonus, non autem secundum virtutes intellectuales, nisi forte secundum solam prudentiam.

3. Virtus, quæ facit rectam intentionem finis, præminet virtuti, quæ facit rectam electionem eorum, quæ sunt ad finem. Sed Virtus moralis facit rectam intentionem finis, prudentia vero, quæ est virtus intellectualis, circa moralia facit rectam electionem eorum, quæ sunt ad finem. Ergo Virtus moralis est nobilior prudentia, quæ est intellectualis.

Maior prob. quia Finis nobilior est his, quæ sunt ad finem ex 6. Ethic. c. 12.

Pro Negatiua.

Virtus, quæ est in rationali per essentiam, præminet virtuti, quæ est in rationali per participationem. Sed Virtus intellectualis est in rationali per essentiam, virtus vero moralis est in rationali per participationem, ut dicitur 1. Ethic. c. vlt. Ergo Virtus intellectualis præminet virtuti morali.

Maior prob. quia Rationale per essentiam nobilius est, rationali per participationem.

Determinatio.

Distinctio. Aliquid potest dici maius, vel minus dupliciter. Vno modo, simpliciter. Alio modo, secundum quid.

Manifestatur. Nam nihil prohibet aliquid esse melius simpliciter, & tamen non esse melius secundum quid, sicut Philosophari melius est simpliciter, quam ditari, tamen ditari indigere melius est, quam Philosophari.

1. Conclusio. Virtutes intellectuales sunt simpliciter nobiliores, virtutibus moralibus.

Prob. Virtutes, quarum obiectum est nobilius, simpliciter sunt nobiliores. Sed Virtutum intellectualium obiectum nobilius simpliciter est, obiecto virtutum moralium. Ergo Virtutes intellectuales simpliciter præminent virtutibus moralibus.

Maior patet. quia Simpliciter consideratur vnum quodlibet, cum consideratur secundum propriam rationem speciei: & quia virtus habet speciei rationem ab obiecto, ideo virtus, cuius obiectum est nobilius, erit nobilior.

Minor prob. quia Obiectum rationis nobilius est, quam obiectum appetitus. Sed Virtutū intellectualium obiectum est obiectum rationis, & obiectum moralium est obiectum appetitus. Ergo Obiectum intellectualium nobilius simpliciter est, obiecto virtutum moralium.

Maior huius prob. quia Ratio apprehendit aliquid in vniuersali. Appetitus autem tendit in res, quæ habent esse particulare.

Minor vero huius prob. quia Virtutes intellectuales perficiunt rationem, morales vero appetitum.

2. Conclusio. Virtutes morales sunt secundum quid nobiliores intellectualibus.

Prob. Virtutes, quibus magis conuenit ratio communis virtutis, perfectiones sunt, secundum quid, quam illæ, quibus minus competit, communis virtutis ratio. Sed Virtutibus moralibus, simpliciter conuenit communis ratio virtutis, virtutibus intellectualibus vero, secundum quid. Ergo Virtutes morales secundum quid præminent intellectualibus.

Maior prob. quia Ex ratione communi accipitur nobilitas secundum quid; nobilitas vero simpliciter desumitur ex propria ratione.

Minor prob. quia Communis ratio virtutis est, quod sit principium actus, hoc autem conuenit simpliciter virtutibus moralibus, quæ non solum dant facultatem operandi, ut intellectuales, sed faciunt etiam vsum bonæ operationis, ut dicendum est.

Ad

Ad Argumenta.

Ad 1. Dicitur ad minorem, quod Virtutes morales, sunt magis permanentes, quam intellectuales, propter exercitium earum, in his, quæ pertinent ad vitam communem: sed manifestum est, quod objecta disciplinarum, quæ sunt necessaria, & semper eodem modo se habentia, sunt permanentiora, quam objecta virtutum moralium, quæ sunt quædam particularia agibilia. Quod autem virtutes morales sunt magis necessariae ad vitam humanam, non ostendit eas esse nobiliores simpliciter, sed quo ad hoc. Quin immo virtutes intellectuales speculatiuæ, ex hoc ipso, quod non ordinantur ad aliud (sicut vtile ordinatur ad finem) sunt digniores: hoc enim contingit quia secundum eas, quodammodo inchoatur in nobis beatitudo, quæ consistit in cognitione veritatis, sicut supra dictum est.

Ad 2. Dicitur ad minorem, quod secundum virtutes morales, dicitur homo bonus simpliciter, & non secundum intellectuales virtutes ea ratione, quia appetitus mouet alias potentias ad suum actum, vt supra dictum est. Vnde per hoc etiam, non probatur, nisi quod virtus moralis sit melior secundum quid.

Ad 3. Dicitur ad minorem, quod prudentia non solum dirigit virtutes morales in eligendo ea, quæ sunt ad finem, sed etiam in præstituendo finem, est autem in finis vniuersuiusque virtutis moralis, attingere medium in propria materia, quod quidem medium determinatur secundum rectam rationem prudentiæ, vt dicitur in 2. cap. 6. & 6. c. vlt. Ethic.

ARTICVLVS IV.

Vtrum Iustitia sit præcipua inter virtutes morales.

Pro Negatiua.

Videtur, quod Iustitia non sit præcipua inter morales virtutes.

1. Virtus, ad quam pertinet dare alicui de proprio, principalior est ea, ad quam pertinet reddere alicui, quod ei debetur. Sed Ad liberalitatem pertinet, vt quis det alicui de proprio, ad iustitiam vero, quod quis alteri debitum reddat. Ergo Liberalitas principalior est, iustitia.

Maiores prob. quia Maius est dare alicui de proprio, quam reddere alteri, quod ei debetur.

2. Virtus, quæ habet opus perfectum, præeminet iustitiæ. Sed Patientia opus perfectum habet, vt dicitur Iac. 1. Ergo Patientia est maior, quam iustitia.

Maiores prob. quia Illud videtur esse inaximum, quod est perfectissimum.

3. Virtus, quæ magnificat iustitiam, est maior iustitia. Sed Magnanimitas magnificat iustitiam. Ergo Magnanimitas est maior iustitia.

Minor prob. quia Magnanimitas operatur magna in omnibus virtutibus, vt dicitur 4. Ethic. c. 3.

Pro Affirmatiua.

Phil. 5. Ethic. c. 1. dicit, quod Iustitia est præclarissima virtutum.

Determinatio.

Distinctio. Virtus aliqua secundum suam speciem potest dici maior, vel minor, simpliciter, vel secundum quid. Simpliciter quidem dicitur maior illa virtus, in qua maius bonum rationis relucet, vt dictum est, art. 1. huius quæst. Secundum quid vero dicitur maior illa virtus, quæ ad miniculum, vel ornamentum præbet principali virtuti.

1. Conclusio. Iustitia præcellit simpliciter inter omnes alias virtutes morales.

Prob. Virtus propinquior rationi, præcellit inter omnes alias morales virtutes. Sed Iustitia inter omnes morales virtutes est propinquior rationi. Ergo Iustitia est præcipua inter omnes alias morales virtutes.

Maiores prob. quia Nobilitas moralis virtutis desumitur ex propinquitate ad rationem, vt dictum est.

Minor patet, Ex subiecto, & ex obiecto. Ex subiecto quidem, quia Iustitia est in voluntate, quæ est appetitus rationalis. Aliæ vero sunt in appetitu sensitivo, qui magis distat à ratione. Ex obiecto vero siue materia. quia Iustitia est circa operationes, quibus homo ordinatur non solum in se ipso, sed etiam ad alterum. Vnde iustitia est præclarissima virtutum, vt dicitur 5. Ethic. cap. 1.

2. Conclusio. Inter alias virtutes morales, quæ sunt circa passionem, post iustitiam, primum locum tenet fortitudo.

Prob. Illa virtus, in qua post iustitiam magis relucet bonum rationis, est præcipua post iustitiam. Sed In fortitudine, post iustitiam, magis, & prius relucet bonum rationis. Ergo Fortitudo, post iustitiam, primum tenet locum, inter alias virtutes morales.

Minor prob. In virtute, quæ magis subdit rationi motus appetitus, magis relucet bonum rationis, quod est, vt ei motus inferiorum virium subijciantur. Sed Fortitudo magis subijcit motus sensitui appetitus rationi, quam alia virtutes morales, quæ sunt circa passionem. Ergo In fortitudine magis relucet bonum rationis.

Minor huius prob. quia Fortitudo subdit rationi

fioni motum appetitus sensitivi in his, quæ ad vitam, & mortem pertinent, quod est maximum perperis ad hominem.

2. Confirmantur ambæ cõclusiones, quia Phil. 1. & 1. Thim. 6. dicit, quod Necess. est maximis esse virtutes, quæ sunt alijs honoratissimæ.

3. Conclusio. Post iustitiam, & fortitudinem ordinatur temperantia.

Prob. quia Temperantia subijcit rationi appetitum, quæ, quæ immediate ordinantur ad vitam, vel in eodem secundum numerum, vel in eodem secundum speciem, scilicet in cibis, & venetijs.

Correl. Et scilicet tres virtutes simul cum prudentia dicuntur esse principales etiam dignitate.

4. Conclusio. Aliæ virtutes iniales possunt esse ignovis secundum quid, quatenus præsent ornatum, vel administratum, his principalibus virtutibus.

Manifestatur. Nam sicut, licet substantia sit simpliciter nobilior accidente, amen accidentis secundum quid, o est esse nobilior substantia, quatenus perfecti substantiam in aliquo est accidentis. Ita, licet quatuor virtutes prædictæ sint simpliciter ceteris nobiliores, tamen aliæ secundum quid possunt nobiliores dici, ratione dicta, & patet magis in solutione argumentorum.

Ad Argumenta.

Ad 1. Negatur maior, & ratio negationis est, quia liberalitas fundatur super iustitiam. Ad hoc enim ut aliquid det de proprio, oportet, ut feceratur prius per iustitiam proprium à nō proprio, & tunc poterit quis dare alteri de proprio, & ideo liberalitas sine iustitia esse non potest. Per iustitiam igitur vincit; re dicitur proprium, quod ei debetur, & per liberalitatem datur alteri illud, quod danti factum est proprium per iustitiam. Unde liberalitas est quoddam ornamentum iustitiæ, ex quo potest concludi solum, quod liberalitas est nobilior iustitia secundum quid, eo modo quo ornamentum est nobilior oratio.

Ad 2. Dicitur ad mortem, quod Patientia dicitur habere opus perfectum in tolerantia malorum, in quibus non solum excludit iniustitiam vindictam, quam etiam excludit iustitiam, neque solum odium, quod facit charitas, neque solum iram, quod facit mansuetudo, sed etiam excludit tristitiam inordinatam, quæ est radix omnium prædictorum, & ideo in hoc est perfectior, & maior, quia in hac materia extirpat radicem non autem est simpliciter perfectior omnibus alijs virtutibus, quia fortitudo non solum sustinet molestias absque perturbatione, quod est patientia, sed etiam ingerit se eis cum opus fuerit. Unde

quicunque est fortis, est patiens, sed non contrarietur: est autem patientia quædam fortitudinis pars.

Ad 3. Negatur maior. Ad probationem dicitur, quod Non potest esse magnanimitas, nisi alijs virtutibus præexistentibus, ut dicitur 4. Ethic. c. 3. Unde comparatur ad alias sicut ornatus earum, & sic secundum quid est maior omnibus alijs, non tamen simpliciter.

A R T I C V L V S V.

Vtrum Sapientia sit maxima inter virtutes intellectuales.

Pro Negativa.

Videtur, quod Sapientia non sit maxima inter virtutes intellectuales.

1. Virtus, cui imperat alia virtus, non est maxima inter virtutes. Sed Sapientia imperat prudentia. Ergo Sapientia non est maxima inter virtutes intellectuales.

Mayor prob. quia Imperans maius est eo, cui imperatur.

Minor prob. Politica præordinat quale disciplinarum debitum est esse in civitatibus, & quale vnumquodque addiscere, & vsq; quo, ut dicitur 1. Ethic. cap. 2. Sed Politica ad prudentiam pertinet, ut dicitur 6. Ethic. & sapientia inter disciplinas continetur. Ergo Sapientia imperat prudentia. 2. Virtus, quæ ordinat hominem ad felicitatem, maior est ea, quæ non ordinat hominem ad felicitatem. Sed Prudentia, & non sapientia, ordinat hominem ad felicitatem. Ergo Prudentia, & non sapientia, est maxima.

Mayor patet quia De ratione virtutis est, ut ordinet hominem ad felicitatem: est enim virtus dispoquo perfecti ad optimum, ut dicitur 7. Phys. tex. 171.

Minor prob. quia Prudentia est recta ratio agibilium, per qua homo ad felicitatem perducitur. Sapientia autem non considerat actus humanos, quibus ad beatitudinem pervenitur.

3. Perfectiorem cognitionem habere possumus de rebus humanis, de quibus est scientia, quam de rebus divinis, de quibus est sapientia, ut auctor distinguit 12. de trim. cap. 14. Ergo Scientia perfectior est quam sapientia.

Antec. patet quia Divina sunt incomprehensibilia, ut dicitur 1. Cor. 13. Ecce Deus magnus vincens scientiam nostram.

Conseq. prob. quia Quanto cognito est perfectior, tanto videtur esse maior.

4. Habitus, qui ex prius principijs conclusit conclusiones, non est maior habitus, qui est circa

veritatem ipsorum primorum principiorum. Sed sapientia ex primis principiis concludit conclusiones, sicut ceteræ scientiæ. Ergo Sapientia non est maior habitu intellectus, qui est circa ipsam veritatem primorum principiorum.

Maiores prob. quia Cognitio principiorum maior est, quam cognitio conclusionis.

Pro Affirmativa.

Philos. 6. Ethicor. capit. 7. dicit, quod Sapientia est, sicut caput inter virtutes intellectuales.

Determinatio.

Conclusio. Sapientia est maxima inter virtutes intellectuales.

Prob. Virtus, cuius obiectum præcellit inter obiecta omnium virtutum intellectualium, est maxima inter intellectuales virtutes. Sed Sapientia obiectum præcellit inter obiecta omnium virtutum intellectualium. Ergo Sapientia est maxima inter virtutes intellectuales.

Maiores probatur. quia Magnitudo virtutis secundum suam speciem consideratur ex obiecto.

Minor vero prob. quia Sapientia considerat altissimam causam, quæ est Deus.

Correl. Ex quo sequitur, quod sapientia habeat iudiciū de omnibus alijs virtutibus intellectualibus, & eius sit ordinare omnes, & ipsa sit quasi architectonica respectu omnium.

Prob. quia Per causam iudicatur de effectu, & per primam causam superiorem de causis inferioribus.

Ad Argumenta.

Ad 1. Negatur antec. Cum enim Prudentia sit circa res humanas, Sapientia vero circa causam altissimam, impossibile est, quod Prudentia sit maior virtus, quam sapientia, & ei possit imperare, sed potius e converso, sapientia imperat prudentiæ, quod Prudentia imperat de his, quæ ordinantur ad sapientiam, scilicet quomodo homines debeant ad sapientiam pervenire. Vnde in hoc, Prudentia, vel Polytica est ministra sapientiæ, introduct enim ad eam, præparans ei viam, sicut ostiarius ad Regem.

Ad 2. Dicitur ad minorem, quod Prudentia considerat ea, quibus pervenitur ad felicitatem,

sed sapientia considerat ipsum obiectum felicitatis, quod est altissimum intelligibile, & si quidem esset perfecta consideratio sapientia respectu sui obiecti, esset perfecta felicitas in actu sapientiæ: sed quia actus sapientiæ in hac vita est imperfectus respectu principalis obiecti, quod est Deus, ideo actus sapientiæ est quedam inchoatio, seu participatio futuræ felicitatis, & sic propinquius se habet ad felicitatem, quam prudentia.

Ad 3. Dicitur ad anteced. & ad eius probationem, quod vna notitia præfertur alteri, aut ex eo quod est nobilior, aut propter certitudinem. Si igitur subiecta sint æqualia in bonitate, & nobilitate, illa, quæ est certior, erit maior virtus. Sed illa, quæ est minus certa de altioribus, & maioribus, præfertur ei, quæ est magis certa de inferioribus rebus. Vnde Philos. dicit 2. de Cælo text. 60. quod magnum est de rebus celestibus aliquid posse cognoscere, etiam debili, & topica ratione. Et 1. de partibus animalium capitulo 5. dicit, quod Amabile est magis parvum aliquid cognoscere de rebus nobilioribus, quam multa cognoscere de rebus ignobilioribus. Sapientia igitur, ad quam pertinet Dei cognitio, homini, maxime in statu huius vite, non potest perfecte advenire, ut sit quasi eius possessio, sed hoc solius Dei est, ut 1. Metaph. cap. 2. dicitur: sed tamē illa modica cognitio, quæ per sapientiam de Deo haberi potest, omni alijs cognitionibus præfertur.

Ad 4. Dicitur ad maiorem, quod aliquem habitum esse circa veritatem primorum principiorum contingit dupliciter. Vno modo, per hoc quod veritas ipsorum apprehenditur, apprehendendo terminos ipsorum. Alio modo per hoc quod iudicatur de terminis, & veritate eorumdem principiorum. Habitus igitur, qui est circa veritatem primorum principiorum apprehendendo ipsam, est quidem nobilior habitu conclusionis, non autem est nobilior habitu, qui iudicat de terminis, & veritate primorum principiorum. Nobilior enim est, iudicare de primis principiis, eaque descendere, quam ea solum apprehendere. Tunc ad minorem dicitur, quod sapientia non solum ex primis principis conclusiones deducit, ut scientiæ faciunt, sed ulterius de veritate primorum principiorum iudicat. Vnde sapientia excedit, & scientias, & etiam habitum principiorum, qui est intellectus.

ARTICVLVS VI.

Vtrum Charitas sit maxima inter virtutes
Theologicas.

Pro Negativa.

Videtur, quod Charitas non sit maxima inter
virtutes Theologicas.

1. Sicut se habent virtutes intellectuales ad
morales, sic se habet Fides, ad Spem, & Charita-
tem. Sed Virtutes intellectuales sunt maiores vir-
tutibus moralibus, ut dictum est art. 3. huius q. Er-
go Fides est maior spe, & charitate.

Maiores prob. quia sicut virtutes intellectuales
sunt in intellectu, & morales in appetitu, ita etiā
Fides est in intellectu, & Spes, & Charitas in vo-
luntate, ut dictum est q. 62. art. 3.

2. Quod se habet ex additione ad aliquid, est
maius eo. Sed Spes se habet ex additione ad Cha-
ritatem. Ergo Spes est maior Charitate.

Minor prob. quia Spes presupponit amorem,
& addit quandam motum protensionis in rem
amatam, ut Aug. dicit in Hench. cap. 8.

3. Causa est potior suo effectu. Sed Fides, &
Spes sunt causa Charitatis. Ergo Fides, & Spes
sunt maiores Charitate.

Minor prob. quia Glossa in cap. 1. Matth. di-
cit, quod Fides generat spem, & Spes Chari-
tatem.

Pro Affirmativa.

- Apost. 1. Cor. 13. dicit. Nunc autem manent fi-
des, Spes, Charitas, tria hæc, maior autem horum
est charitas.

Determinatio.

Conclusio. Charitas est maxima inter virtutes
Theologicas.

Prob. Virtus Theologica, quæ propinquius se
habet ad obiectum Theologicarum virtutum,
est maxima inter eas. Sed Charitas propinquius
se habet ad obiectum virtutum Theologicarum.
Ergo Charitas est maxima inter Theologicas vir-
tutes.

Maiores patet ex differentia, quæ est inter virtu-
tes Theologicas, & morales, quo ad causam maio-
ritatis. Magnitudo n. virtutis moralis secundum spe-
ciem sumitur ex obiecto, ita ut illa sit maior, cuius
obiectum est nobilius. Magnitudo autem vnius
virtutis Theologicæ, respectu alterius, non potest
sumi ex nobilitate, vel ignobiliiori obiecto, sed ex
maiori, vel minori propinquitate virtutum ad
idem obiectum. Et ratio huius est, quia omnium

Theologicarum virtutum est idem obiectum, &
est Deus. Vnde earum distinctio, & magnitudo,
ex maiori, & minori propinquitate ad idē obie-
ctum est desumenda. Illa igitur virtus, quæ pro-
pinquius se habet ad Deū, est maior inter Theo-
logicas virtutes.

Minor prob. quia Fides, & Spes important in
sui ratione quandam distantiam ab obiecto: est
enim fides de non visis, & Spes de non habitis.
Amor vero Charitatis est de eo, quod iam habetur:
est enim amatum quodammodo in amante,
& etiam amans per affectū trahitur ad vni-
onem amati, propter quod dicitur 1. Ioan. 4. Qui
manet in Charitate, in Deo manet, & Deus
in eo.

Ad Argumenta.

Ad 1. Negatur maior. Non enim est eadē ra-
tio de fide respectu spei, & charitatis, sicut est de
virtutibus intellectualibus, (& præcipue de pruden-
tia, de qua magis videtur, cum magis ad mo-
rales ordinem habeat) respectu moralium. Et hoc
dupliciter manifestatur. Primo. Nam virtutes
intellectuales, & morales habent pro obiecto ea,
quæ sunt infra hominem. Fides vero, spes, & cha-
ritas habent pro obiecto ea, quæ sunt supra homi-
nem. In his, quæ sunt infra hominem nobilior est
cognitio quam dilectio, in his vero, quæ sunt su-
pra hominem, nobilior est dilectio quam cogni-
tio, & ratio est, quia cognitio fit secundum quod
cognitum est in cognoscente, dilectio vero fit, se-
cundum quod amans trahitur ad rem amatam.
Quando igitur intelligit homo ea, quæ sunt in-
fra ipsum, ea quæ intelliguntur, eleuantur ad si-
militudinem cognoscentis. Quando vero homo
amat ea, quæ sunt infra se, ipse amans trahitur ad
ea, quæ sunt infra se. Vnde pater, quod cognitio
eorum, quæ sunt infra se, est nobilior, quam
corundem amor. In his autem, quæ sunt supra ho-
minem, oppositum accidit. Cum enim homo in-
telligit ea, quæ sunt supra se, assimilatur ea sibi, &
sic quodammodo ea vilificat: quando vero ea
amat, eleuatur homo, & trahitur ad ipsa, & sic
nobilitatur. Ex quibus patet, quod virtutes, quæ
habent obiectum supra hominem, (ut sunt Theo-
logica) nobiliores sunt hæc, quæ sunt in voluntate,
quam quæ sunt in intellectu. Virtutes vero,
quæ habent obiectum infra hominem, nobilio-
res sunt, quæ sunt in intellectu, quam quæ sunt
in voluntate, & propter hoc non est eadem ra-
tio de fide respectu charitatis, sicut de pruden-
tia respectu virtutum moralium.

Secundo ostenditur disparitas rationis, quia
pruden-

Prudentia moderatur motus appetitiuos ad morales pertinentes, & ideo prudentia est nobilior virtutibus moralibus: Fides autem non moderatur motus appetitiuos tendentes in Deum, qui motus pertinent ad spem, & charitatem, sed solum ostendit obiectum. Et quia motus charitatis excedit cognitionem humanam, iuxta illud ad Ephes. 3. Supereminentem scientiæ charitatem Christi, ideo charitas est perfectior fide.

Ad 2. Negatur minor. Ad probationem dicitur, quod Spes non præsupponit charitatem, sed amorem eius, quod quis adipisci se sperat, qui est amor concupiscentiæ, quo quidem amore magis se amat, qui concupiscit bonum, quam aliquid aliud. Charitas autem importat amorem amicitiae, ad quam peruenitur spe, ut supra dictum est.

Ad 3. Dicitur ad maiorem quod est vera de causa perficiēte, non de causa disponente: sic enim calor ignis esset potior, quam anima ad quā disponit materiam, quod tamen est falsum. Et ad maiorem dicitur, quod fides generat spem, & spes charitatem, secundum quod vna disponit ad alteram.

QVÆSTIO LXVII.

DE DURATIONE VIRTUTUM
post hanc vitam.

ARTICVLVS I.

Vtrum Virtutes morales maneat post hanc vitam.

Pro Negatiua.

Videtur, quod Virtutes morales non maneat post hanc vitam.

1. In Angelis ridiculum est, ponere morales virtutes, ut dicitur 10. Ethicor. cap. 8. Sed Homines in statu gloriæ erunt sicut Angeli, ut dicitur Matth. 22. Ergo In hominibus post hanc vitam non erunt virtutes morales.

2. Vita actiua non maneat post hanc vitam. Ergo Nec virtutes morales manent post hanc vitam.

Antec. patet. quia Gregor. 6. Moral. cap. 28. dicit, quod Actiua vitæ opera cum corpore transeunt.

Conseq. prob. quia Virtutes morales perficiunt hominem in vita actiua.

3. Irrationales partes animæ corrumpuntur corrupto corpore. Ergo Virtutes morales non manent post hanc vitam.

Antec. patet. quia Irrationales partes animæ sunt actus corporalium organorum.

Conseq. prob. quia Temperantia, & fortitudo, quæ sunt virtutes morales, sunt irrationalium partium, ut dicitur 3. Ethic. c. 10.

Pro Affirmatiua.

Sap. 1. dicitur, quod Iustitia perpetua est, & immortalis.

Determinatio.

Tullij Sententia.

Tullius, (ut refert Aug. 14. de Ciui. Dei cap. 9.) posuit post hanc vitam quatuor virtutes cardinales non esse, sed in alia vita homines dicebat esse beatos sola cognitione nature, qua nihil est melius, aut amabilius, ut Aug. ibidem dicit, ea. snaturæ, quæ creauit omnes naturas.

Aug. vera Sententia.

Ipse Aug. ibidem determinat, huiusmodi quatuor virtutes in futura vita existere, tamen alio modo.

Distinctio. Ad cuius euidentiā est sciendum, quod in huiusmodi virtutibus est aliquid quasi materiale, & aliquid quasi formale. Materiale quidem in eis est inclinatio quædam partis appetitiuæ ad passionem, vel operationem, secundum aliquem modum. Et quia ista modus determinatur a ratione, ideo formale in virtutibus est ordo rationis.

1. Conclusio. Virtutes morales in futura vita non manent quantum ad id, quod est materiale in eis.

Manifestatur. quia In futura vita non habebunt locum concupiscentiæ, & delectationes ciborum, & veneratorum, neque etiam timores, & audaciæ circa pericula mortis, neque etiam communicationes, & distributiones rerum, quæ veniunt in vsum præsentis vitæ, quæ omnia sunt materia virtutum moralium.

2. Conclusio. Virtutes morales, quantum ad id, quod est formale in eis, remanebunt perfectissimæ in beatis post hanc vitam.

Prob. quia Ratio vniuersuiusque rectissima, erit circa ea, quæ ad ipsam pertinent, secundum statum illum, & vis appetitiua omnino mouebitur secundum ordinem rationis, in his, quæ ad statum illum pertinent.

Et confirmatur vtraque conclusio autoritate Aug. ibidem dicentis, quod Prudentia ibi erit sine vilo periculo erroris, Fortitudo sine molestia tolerandorum malorum, Temperantia si-

ne repugnatione libidinum: vt Prudentiæ sit, nulum bonum Deo præponere, vel æquare, fortitudinis, ei summissimæ inherere, temperantiæ, nullo defectu noxiõ delectari. De Iustitia vero manifestius est, quem actum ibi habebit, scilicet esse subditum Deo: quia etiam in hac vita ad iustitiam pertinet, esse subditum superiori.

Ad Argumenta.

Ad 1. Dicitur ad minorem, & ad eius probationem, quod Phil. loquitur ibi de huiusmodi virtutibus moralibus, quantum ad id, quod materiale est in eis, sicut de iustitia quantum ad commutationes, & distributiones: de fortitudine, quantum ad terribilia, & pericula: de temperantia, quantum ad concupiscentias prauas.

Ad 2. Similiter dicitur, quod ea, quæ sunt actiue vitæ, materialiter se habent ad virtutes.

Ad 3. Dicitur ad antec. quod status post hanc vitam est duplex. Vnus quidem ante resurrectionem, quando animæ erunt a corporibus separatæ. Alius autem post resurrectionem, quando animæ iterato corporibus suis vniuntur. In illo ergo resurrectionis statu, erunt vires irrationales in organis corporis, sicut & nunc sunt, vnde & poterit in irascibili esse fortitudo, & in concupiscibili temperantia, in quantum vtraque vis perfecte erit disposita ad obediendum rationi. Sed in statu ante resurrectionem partes irrationales non erunt actu in anima, sed solum radicaliter in essentia ipsius, vt in primo dictum est. Vnde nec huiusmodi virtutes erunt in actu, nisi in radice, scilicet in ratione, & voluntate, in quibus sunt feminalia quædam harum virtutum, vt dictum est. p. par. quæst. 77. artic. 8. Sed iustitia, quæ est in voluntate, etiam actu remanebit. Vnde specialiter de ea dictum est, quod est perpetua, & immortalis, tum ratione subiecti, quia voluntas incorruptibilis est, tum etiam propter similitudinem actus, vt prius dictum est.

ARTICVLVS II.

Vtrum Virtutes intellectuales maneant post hanc vitam.

Pro Negativa.

Videtur, quod Virtutes intellectuales non maneant post hanc vitam.

1. Scientia non remanebit post hanc vitam. Ergo Pari ratione nec aliæ virtutes intellectuales manebunt.

Antec. prob. quia Inquit Apost. 1. Corinth. 13. Scientia destruetur.

Conseq. prob. quia Ratio, quare scientia destruetur,

struetur, assignatur ab Apostolo ibidem, quia ex parte cognoscimus, id est cognitio scientiæ est imperfecta, & ideo destruetur. Sed sicut cognitio scientiæ est imperfecta in hac vita, ita & cognitio aliarum virtutum intellectualium.

Ergo Ea ratione, quia scientia destruetur, destruentur, & aliæ virtutes intellectuales.

2. Ex aliqua forti transmutatione potest corrumpi scientia, vt Phil. dicit in præd. qual. Sed In morte sit maxima transmutatio. Ergo In morte cessat scientia.

3. Actus intellectus non videtur esse post hanc vitam. Ergo Virtutes intellectuales non manent post hanc vitam.

Antec. patet. quia Phantasmata, sine quibus nihil intelligit anima, vt Phil. dicit 3. de ani. tex. 30. post hanc vitam non manent cum non sint nisi in organis corporeis.

Conseq. prob. quia Virtutes intellectuales perficiunt intellectum ad bene operandum proprium actum. Vnde non existente, non possunt remanere virtutes.

Pro Affirmativa.

Firmior est cognitio vniuersalium, & necessarium, quam particularium, & contingentium. Sed In homine remanet post hanc vitam cognitio particularium, & contingentium, puta eorum, quæ quis fecit, vel passus est. Secundum illud Lucæ 16. Recordare, quia recepisti bona in vita tua, & Lazarus similiter mala. Ergo Multo magis remanet cognitio vniuersalium, & necessarium, quæ pertinent ad scientias, & ad alias virtutes intellectuales.

Determinatio.

Auicennæ opinio.

Opinio Auicennæ fuit, quod Species intelligibiles non permanent in intellectu possibili, nisi quandiu actu intelligit, nec est aliqua conseruatio specierum, nisi in viribus sensitivis, quæ sunt actus corporalium organorum, scilicet memoratiua, & imaginatiua: & quia huiusmodi vires corrumpuntur corrupto corpore, ideo secundum hoc scientia nullo modo remanebit corrupto corpore, neque aliqua alia intellectualis virtus.

Reprobatio:

Sed hæc opinio est contra sententiam Aristot. 3. de anima tex. 8. qui dicit, quod Intellectus possibilis est in actu, cum sit singula sicut sciens, cum tamen sit in potentia ad considerandum in actu.

Est etiam contra rationem. quia Species intelligibiles recipiuntur in intellectu possibili immobilitate, secundum modum recipientis. Vnde intellectus possibilis dicitur locus specierum, quasi species intelligibiles conservans. Verum tamen est, quod phantasmata, ad quæ respiciendo homo intelligit in hac vita, applicando ad ipsa species intelligibiles, corrupto corpore corrumpuntur. Sed de hac Avicennæ sententia diffuse dictum est in Prima parte, quæst. 79. art. 6. Vbi reprobata fuit, rationibus hic etiam adductis, propterea ibi est videnda.

Vera Sententia.

Distinctio. In scientia, quæ in hac vita habetur, duo est considerare. Vnum est quasi formale. Alterum quasi materiale. Quod est quasi formale in scientia, sunt species intelligibiles. Materiale vero, sunt phantasmata, sine quibus non possumus in hac vita intelligere.

1. **Conclusio.** Virtutes intellectuales manent post hanc vitam, quantum ad id, quod est formale in eis.

Prob. Species intelligibiles manent, ut probatum est.

Ergo Virtutes intellectuales, quo ad suum formale, manent post hanc vitam.

Conseq. probatur. quia Species intelligibiles se habent in virtutibus intellectualibus, sicut formale.

2. **Conclusio.** Virtutes intellectuales, quantum ad materiale, non manent destructo corpore.

Prob. Phantasmata non manent destructo corpore, ut Prima parte dictum est, quæst. 85. art. 1.

Ergo Virtutes intellectuales, destructo corpore, non manent quo ad materiale.

Ad Argumenta.

Ad 1. Negatur antec. Manebit enim scientia, quo ad suum formale. Ad probationem dicitur, quod verbum Apostoli est intelligendum, quantum ad id, quod est materiale in scientia, & quantum ad modum intelligendi, quia scilicet neque phantasmata remanebunt, destructo corpore, neque erit usus scientiæ per conversionem ad phantasmata.

Ad 2. Dicitur, quod probat scientiam non manere, sed corrumpi, quo ad suum materiale, cum quo fiat, ut remaneat quantum ad formale, ut dictum est.

Ad 3. Negatur antec. Ad prob. dicitur, quod Anima separata post mortem habet alium modum intelligendi, quam per conversionem ad phantasmata, ut dictum est p. par. q. 86. art. 1. Et sic scientia manet, non tamen secundum eundem mo-

dum operandi, sicut & de virtutibus moralibus dictum est, art. præced.

ARTICVLVS III.

Vtrum Fides maneat post hanc vitam.

Pro Affirmativa.

Videtur, quod fides maneat post hanc vitam.
1. Scientia manet post hanc vitam, ut dictum est. Ergo Multo magis manet fides.

Conseq. prob. quia Fides nobilior est, quam scientia.

2. Si fides non remaneret post hanc vitam, sequeretur, quod nulla alia virtus remanere posset. **Conseq. prob.** quia Remoto fundamento, non remanet id, quod super edificatur. Sed Fides est fundamentum omnium aliarum virtutum, secundum quod dicit Apost. 1. Cor. 3. Fundamentum aliud nemo potest ponere, præter id, quod positum est, quod est Christus Iesus, id est fides Christi Iesu. Ergo Sublata fide, nulla virtus potest remanere.

3. Cognitio perfecta, & imperfecta possunt esse simul in eodem. Sed Fides, & cognitio gloriæ differunt secundum perfectum, & imperfectum. Ergo Fides post hanc vitam potest esse simul cum cognitione gloriæ.

Maiores prob. quia In Angelo simul est cognitio matutina, quæ est perfecta, & vespertina, quæ est imperfecta: & homo potest simul habere de eadem conclusione scientiam per Syllogismum demonstrativum, & opinionem per syllogismum dialecticum.

Pro Negativa.

Illi, qui sunt in gloria, non peregrinantur a domino, sed sunt ei præsentēs. Ergo Fides non manet in gloria.

Conseq. prob. quia Per fidem ambulamus, & peregrinamur, ut dicitur 2. Cor. 5.

Determinatio.

Distinctio. Fidem manere post hanc vitam in statu gloriæ, potest duobus modis intelligi. Vno modo, ut fides secundum substantiam maneat, remota imperfectione, quam nunc habet, quæ est, ut sit de non visis. Alio modo, ut maneat secundum substantiam, & cum imperfectione, quæ nunc habet, & ita, hoc quæsitum duplicem sensum habere potest.

Primus est. An fides secundum substantiam maneat in patria, remota tamen imperfectione, quæ habet in hac vita. Alius est, Vtrum fides maneat

eo modo, quo est: in via, simul cum visione gloria:

1. Conclusio. Fides non potest manere in patria eadem numero facta de imperfecta, perfecta.

Prob. Idem secundum idem non potest simul esse perfectio, & imperfectio.

Sed Si fides eadem numero maneret in patria, facta perfecta, sequeretur, quod idem secundum idem esset perfectio, & imperfectio.

Ergo Impossibile est, quod fides eadem numero maneat in patria, facta perfecta.

Maiores prob. Vnum oppositum de sui ratione excludit alterum oppositum. Sed Perfectio, & imperfectio sunt opposita, quatenus includunt affirmationem, & negationem.

Ergo Idem secundum idem non potest esse perfectio, & imperfectio.

Minor prob. præmittendo, quod imperfectio aliquando est de ratione rei, & pertinet ad speciem ipsius, sicut defectus rationis pertinet ad rationem speciei equi, & bovis: quandoque vero imperfectio non pertinet ad rationem speciei, sed accidit individuo secundum aliquid aliud, sicut alicui homini quandoque accidit defectus rationis, in quantum impeditur in eo rationis usus, propter somnum, & ebrietatem, vel aliquid humiliummodi.

Est autem differentia inter imperfectionem, quæ est de ratione speciei, & quæ non est de ratione speciei, quod illa non potest remoueri ab eo cuius est imperfectio, quia vnum individuum, idem numero manens, non potest transferri de vna specie in aliam: inde est, quod tali imperfectione ablata, tollitur species rei: sicut equus, iam non esset equus, si esset rationalis.

Ista vero potest remoueri, manente substantia rei, cuius erat imperfectio, ut patet de eo, qui propter somnum habet usum rationis impeditum, remoto enim somno, manet idem homo, cum usu rationis.

Tunc prob. minor. Imperfectio, quæ conuenit fidei, est de ratione speciei ipsius fidei. Ergo Non potest ab ea remoueri manente substantia ipsius fidei.

Ergo Si fides in patria maneret eadem numero facta perfecta, esset secundum idem perfecta, & imperfecta.

Ante hoc prob. quia Non visum, quod est imperfectio fidei, ponitur in eius distinctione: Dicitur enim Hebr. 1. Fides est substantia sperandarum rerum argumentum non apparentium, & Aug. serm. 17. de verb. Apost. dicit. Quid est fides? Credere, quod non vides.

Consequ. prima patet ex differentia, quæ reperi-

tur inter perfectionem, quæ est de ratione speciei, & quæ non est de ratione speciei.

Secunda vero consequ. patet. quia Fides erit imperfecta ex sua substantiali imperfectione, & perfecta per suppositionem quæ fit, quod in patria fiat perfecta.

2. Conclusio. Impossibile est, quod fides maneat simul cum beatitudine in eodem subiecto.

Prob. Notitia perfecta, & imperfecta ex parte subiecti, impossibile est, ut sint simul in eodem subiecto.

Sed Fides in sui ratione habet imperfectionem ex parte subiecti, ut scilicet credens non videat id, quod credit. Beatitudo autem de sui ratione habet perfectionem ex parte subiecti, ut scilicet beatus videat id, in quo beatificatur.

Ergo Impossibile est, quod fides maneat simul cum beatitudine in eodem subiecto.

Maiores manifestatur ex differentia, quæ est inter notitiam perfectam, vel imperfectam ex parte obiecti, subiecti, & medij. Est igitur considerandum, quod Cognitio potest esse imperfecta tripliciter. Vno modo ex parte obiecti cognoscibilis. Alio modo ex parte medij. Tertio modo ex parte subiecti. Ex parte quidem obiecti cognoscibilis differunt secundum perfectum, & imperfectum cognitio matutina, & vespertina in Angelis: nam cognitio matutina est de rebus, secundum quod habent esse in verbo. Cognitio autem vespertina est de eis, secundum quod habent esse in propria natura, quod est imperfectum respectu primi esse. Ex parte vero medij differunt secundum perfectum, & imperfectum cognitio, quæ est de aliqua conclusione per medium demonstratum, & per medium probabile. Ex parte vero subiecti differunt secundum perfectum, & imperfectum opinio, fides, & scientia: nam de ratione opinionis est, quod accipiat vnum, cum formidine alterius oppositi, unde non habet firmam inhesionem. De ratione vero scientiæ est, quod habeat firmam inhesionem, cum visione intellectiua: habet enim certitudinem procedentem ex intellectu principiorum. Fides autem medio modo se habet, excedit enim opinionem in hoc, quod habet firmam inhesionem, deficit vero à scientia in eo, quod non habet visionem. Manifestum est autem, quod perfectum, & imperfectum non possunt esse simul secundum idem: sed ea, quæ differunt, secundum perfectum, & imperfectum, secundum aliquid idem possunt esse in aliquo alio. Sic igitur cognitio perfecta, & imperfecta ex parte obiecti, nullo modo possunt esse de eodem obiecto, possunt tamen conuenire in eodem medio, & in eodem subiecto: nihil enim prohibet, quod vius homo,

homo, simul, & semel per vnum, & idem medium habeat cognitionem de duobus, quorum vnum est perfectum & aliud imperfectum, sicut de sanitate, & aegritudine, bono, & malo. Similiter etiam impossibile est, quod cognitio perfecta, & imperfecta ex parte medij conveniant in vno medio, sed nihil prohibet, quin conveniant in vno obiecto, & in vno subiecto: potest enim vnus homo cognoscere eandem conclusionem per medium probabile, & demonstrabile. Et similiter est impossibile, quod cognitio perfecta, & imperfecta ex parte subiecti, quales sunt cognitio patriæ, & fidei, sint simul in eodem subiecto.

Ad Argumenta.

Ad 1. Negatur consequ. Ad probationem dicitur, quod fides est nobilior, quam scientia ex parte obiecti: quia eius obiectum est veritas prima. Sed scientia habet perfectiorem modum cognoscendi, qui non repugnat perfectioni beatitudinis. scilicet visioni, sicut repugnat ei modus fidei.

Ad 2. Negatur consequ. Ad probationem minoris dicitur, quod fides est fundamentum, quantum ad id, quod habet de cognitione: Et ideo quando perficietur cognitio, erit perfectius fundamentum.

Ad 3. Dicitur ad maiorem, quod Cognitio perfecta, & imperfecta ex parte obiecti, vel ex parte medij possunt esse simul in eodem subiecto, sed perfecta, & imperfecta ex parte subiecti non possunt esse in eodem subiecto, vt dictum est. Et ad maiorem dicitur, quod fides, & visio gloriæ differunt secundum perfectionem, & imperfectiorem ex parte subiecti.

ARTICVLVS IV.

Vtrum Spes maneat post mortem in statu gloriæ.

Pro Affirmativa.

Videtur, quod Spes maneat post mortem in statu gloriæ.

1. Virtutes morales manent post hanc vitam, vt Aug. 13. de tri. c. 9. dicit. Ergo Multo magis spes manet post hanc vitam.

Consequ. prob. quia Spes nobiliori modo perficit appetitum humanum, quam virtutes morales.

2. Timor manet post hanc vitam, & in beatis quidem timor filialis, qui manet in sæculum. In damnatis vero timor poenarum. Ergo Pari ratione spes potest permanere.

Consequ. prob. quia Spei opponitur timor.

3. In beatis est desiderium futuri boni. Ergo

In beatis potest esse etiam spes.

Antec. prob. quia In beatis est desiderium futuri boni, quantum ad gloriam corporis, quam animæ beatorum desiderant, vt Aug. dicit lib. 12. super Gen. ad lit. c. 35. & etiam quantum ad gloriam animæ, secundum illud Eccles. 24. Qui edunt me adhuc esurient, & 1. Petri 1. In quem desiderant Angeli prospicere.

Pro Negativa.

Qui vident id, quod est obiectum spei, non sperant. Sed Beati vident id, quod est obiectum spei. scilicet Deum. Ergo Beati non sperant.

Maior prob. quia Apost. Rom. 8. dicit. Quod videt quis, quid sperat?

Determinatio.

Conclusio. Spes non manet post mortem in statu gloriæ.

Prob. Id, quod de sui ratione importat imperfectionem subiecti, non potest simul stare cum subiecto, opposita perfectione perfectio. Sed Spes importat de sui ratione imperfectionem, Beatitudo vero gloriæ perficit subiectum, perfectione opposita imperfectioni spei. Ergo Spes non potest remanere simul cum beatitudine.

Maior prob. Tum ex his, quæ dicta sunt art. præced. in quo probatum est, quod fides, quia importat imperfectionem, non potest esse simul cum visione patriæ, quæ est perfectio opposita imperfectioni fidei. Tum etiam a simili. Sicut enim motus, quia importat imperfectionem subiecti, cum de sui ratione sit actus existentis in potentia, quando illa potentia reducitur ad actum, iam cessat motus. Ita Spes, quæ est motus euidam, ad id, quod non habetur, cum iam illud habetur, cessat spes.

Minor prob. quia Spes secundum suam rationem est de eo, quod non habetur, In beatitudine vero habetur iam illud, quod prius erat sperandum, scilicet diuina fruitio, quæ est perfectio, ad quam tendimus per spem. Vnde habita diuina fructio, cessat motus spei.

Ad Argumenta.

Ad 1. Negatur consequ. Ad probationem dicitur, quod spes est nobilior virtutibus moralibus, quantum ad obiectum, quod est Deus, sed actus virtutum moralium non repugnant perfectioni beatitudinis, sicut actus spei, nisi forte ratione materia, secundum quam non manent: non enim virtus moralis perficit appetitum, solum in id, quod nondum habetur, sed etiam circa id, quod præsentia habetur.

Ad

Ad 2. Dicitur ad antec. quod Timor est duplex, Seruilis, & Filialis, vt infra dicitur. Seruilis quidem est timor pœnæ, qui non poterit esse in gloria nulla possibilitate ad pœnam remanente. Filialis vero timor habet duos actus. scilicet reuereri Deum, & quantum ad hunc actum manet: & timere separationem ab ipso, & quantum ad hunc actum non manet, separari enim a Deo, habet rationem mali, nullum autem malum ibi timebitur, secundum illud Proverb. 1. Abundantia perfructur, malorum timore sublato. Timor autem opponitur spei per oppositionem boni, & mali, vt supra dictum est, & ideo timor, qui remanet in gloria, non opponitur spei. In damnatis autem magis potest esse timor pœnæ, quam in beatis spes gloriæ: quia in damnatis erit successio pœnarum, & sic remanet ibi ratio futuri, quod est obiectum timoris, sed gloria sanctorum est absque successione, secundum quandam æternitatis participationem in qua non est præteritum, & futurum, sed solum præsens. Et tamen nec etiam in damnatis est proprie timor: nam sicut supra dictum est, timor nunquam est, sine aliqua spe euasione, quæ omnino in damnatis non erit, vnde nec timor, nisi communiter loquendo, secundum quod quælibet e peccatio mali futuri, dicitur timor.

Ad 3. Negatur antec. Ad probationem dicitur, quod quantum ad gloriam animæ non potest esse in beatis desiderium, secundum quod respicit futurum, ratione iam dicta: dicitur autem ibi esse esuries, & sitis per remotionem sordidij, & eadem ratione dicitur esse desiderium in Angelis. Respectu autem gloriæ corporis in animabus Sanctorum potest quidem esse desiderium, non tamen spes, proprie loquendo. Neque secundum quod spes est virtus Theologica: sic enim eius obiectum est Deus, non autem aliquod bonum creatum. Neque secundum quod communiter sumitur, quia obiectum spei est arduum, vt supra dictum est: bonum autem, cuius iam inevitabilem causam habemus, non comparatur ad nos in ratione ardui. Vnde non proprie dicitur aliquis, qui habet argentum, sperare se habiturum aliquid, quod statim in potestate eius est.

vt emat: & similiter illi, qui habent gloriam

animæ

non proprie dicuntur sperare gloriam corporis, sed solum desiderare.

ARTICVLVS V.

Vtrum Aliquid fidei, vel spei maneat in gloria.

Pro Affirmativa.

Videtur, quod aliquid fidei, vel spei maneat in gloria.

1. Remoto eo, quod est proprium, remanet quod est commune. Sed In fide est aliquid, quod habet commune cum beatitudine. scilicet ipsa cognitio, & aliquid quod sibi est proprium. scilicet ænigma: est enim fides cognitio enigmatica. Ergo Remoto ænigmate fidei, adhuc remanet ipsa cognitio fidei.

Major prob. quia vt dicitur in libro de causis, prop. 1. Remoto rationali, remanet viuum, & remoto viuo, remanet ens.

2. Lumen imperfectum remanet, superueniente lumine perfecto. Sed Fides est quoddam spirituale lumen imperfectum, respectu luminis gloriæ. Ergo Adueniente lumine perfecto gloriæ, remanet lumen imperfectum fidei.

Major prob. quia Non extinguuntur candelæ, superueniente lumine solis.

Minor prob. nempe, quod fides sit lumen, quia dicitur Ephes. 1. Illuminatos oculos cordis vestri, in agnitionem Dei. Quod vero sit imperfectum respectu luminis gloriæ, quia dicitur in Psal. 3. In lumine tuo videbimus lumen.

3. Substantia habitus non tollitur per hoc, quod subtrahitur materia, sed solum eius actus. Sed In patria subtrahitur materia, siue obiectum fidei, quod erat veritas prima non visa. Ergo Poterit remanere, non quiddam actus fidei, sed saltem habitus.

Major prob. quia Homo potest habere habitum liberalitatis, etiam amissa pecunia, licet actus non possit tunc habere.

Pro Negativa.

Simplex, vel totum tollitur, vel totum remanet. Sed Fides est habitus simplex. Ergo Aut totaliter tollitur, aut totaliter remanet. Sed Non totaliter remanet: cum euacuetur, vt dictum est art. 3. Ergo totaliter tollitur, & nihil eius remanet.

Determinatio.

Quorundam opinio.

Quidam dixerunt, quod Spes totaliter tollitur fides autem parum tollitur, scilicet quantum ad ænig-

ænigma, & partim manet, scilicet quantum ad substantiam cognitionis.

Iudicium de hac opinione, & vera sententia.

Distinctio. Fidem, & Spem manere, vel non manere, quoad aliquid idem in patria, potest dupliciter intelligi. Vno modo, vt maneant secundum aliquid idem numero, vel specie. Alio modo, vt maneant secundum aliquid idem genere tantum.

1. Conclusio. Spes non manet in patria, nec secundum aliquid idem numero, nec specie, vel genere, sed totaliter tollitur.

Prob. Quod manet in beatitudine secundum aliquid idem, debet convenire saltem genere cum beatitudine. Sed Spes non convenit cum beatitudine, secundum aliquid idem in genere. Ergo Spes totaliter tollitur in gloria.

Minor prob. quia Spes comparatur ad beatitudinem, sicut motus ad quietem in termino, quoad adveniente, totaliter tollitur motus, & in hoc bene dixit supradicta opinio, ponens, quod spes totaliter tollitur.

2. Conclusio. Fides manet in patria secundum aliquid idem genere.

Prob. quia Fidei cognitio convenit in genere cum visione patriæ: & si sic voluit intelligere dicta opinio, etiam in hoc bene dixit, quod fides manet, quantum ad substantiam.

3. Conclusio. Fides non potest manere in patria, quoad aliquid idem numero, vel specie.

Prob. Remota differentia alicuius speciei, non potest remanere substantia generis eadem numero. Sed in patria remouetur differentia speciei ipsius fidei scilicet ænigma. Ergo Impossibile est, vt maneant fides in patria, secundum aliquid idem numero, vel specie, ita ut, quæ prius fuerat ænigmatica, postea sit uisio aperta.

Maiores prob. à simili, & à dissimili. A simili quidem, quia remota differentia constitutiva albedinis, non remanet eadem substantia coloris numero, ut sic idem color numero sit quandoque albedo, & quandoque nigredo.

Secundo prob. ex differentia, quæ est inter materiam, & formam, ex vna parte, & genus, & differentiam ex altera. Non enim comparatur genus ad differentiam, sicut materia ad formam, ut remaneat substantia generis, eadem numero differentia remota, sicut remanet eadem numero substantia materiæ, remota forma. Et ratio est; quia genus, & differentia non sunt partes speciei, atque non predicarentur de specie, sed

sicut species significat totum, id est compositum ex materia, & forma in rebus materialibus: ita differentia significat totum, & similiter genus: sed genus denominat totum ab eo, quod est sicut materia, differentia uero ab eo, quod est sicut forma, species uero ab utroque. Sicut in homine sensitiva natura, materialiter se habet ad intellectum, animal autem dicitur, quod habet naturam sensitivam, rationale quod habet intellectivam, homo uero quod habet utrumque: & sic idem totum significatur per hæc tria, sed non ab eodem. Vnde patet, quod cum differentia non sit nisi designativa generis, remota differentia, non potest substantia generis eadem remanere, non enim remanet eadem animalitas, si sit alia anima constituens animal. Vnde remota differentia fidei, impossibile est, vt maneant fides eadem secundum substantiam.

Ad Argumenta.

Ad 1. Dicitur ad maiorem, quod remoto proprio, remanet commune, non secundum idem numero, sed genere. Et ad probationem dicitur, quod remoto rationali, non remanet vnum idem numero, sed solum idem genere.

Ad 2. Dicitur ad maiorem, quod est vera, quando imperfectio vnius luminis non opponitur perfectioni alterius, vt de lumine candelæ, & solis dictum est. Si vero imperfectio imperfecti luminis opponatur perfectioni alterius, non possunt esse simul. Et quia imperfectio luminis fidei opponitur perfectioni luminis gloriæ, ex parte subiecti, ut probatum est art. 8. Ideo fides non remanet in patria, secundum aliquid idem numero.

Ad 3. Dicitur ad maiorem, quod est vera, quando tollitur materia habitus, & remanet potentia ad talem actum, ut de liberali accidit, quando amittit pecuniam. Si uero tollatur non solum obiectum, sed etiam facultas ad talem actum, ut fit in beatis, à quibus tollitur posse amplius ænigmatice videre, tunc maior non est vera. Ideo non remanet habitus fidei in beatis.

ARTICULVS VI.

Vtrum remaneat Charitas post hanc vitam in gloria.

Pro Negativa.

Videtur, quod Charitas non maneat post hanc vitam in gloria.

1. Quod est imperfectum, non manebit in gloria. Sed Charitas vitæ est imperfecta.

Ecc Ergo

Ergo Charitas non manebit in statu gloriæ. Maior patet. quia 1. Cor. 13. dicitur. Cum venerit, quod perfectum est, euacuabitur, quod ex parte est, id est, quod est imperfectum.

2. Non est idem obiectum Charitatis viæ, & patriæ.

Ergo Charitas viæ non manet in patria.

Antec. prob. quia Obiectum amoris est bonū apprehensum. Apprehensio autem viæ est alia, ab apprehensione patriæ.

Ergo Est aliud obiectum Charitatis viæ, & patriæ.

Conseq. prob. quia Actus, & habitus distinguuntur secundum obiecta.

3. Charitas viæ non est eiusdem rationis cum charitate patriæ. Ergo Charitas viæ non remanet in patria.

Antec. prob. Eorum, quæ sunt vnus rationis, imperfectum potest venire ad æqualitatem perfectionis, per continuum augmentum. Sed Charitas viæ nunquam, etiam peruenire ad æqualitatem Charitatis patriæ, quantumcumque augeatur. Ergo Videtur, quod Charitas viæ non sit vnus rationis cum charitate patriæ.

Pro Affirmatiua.

Apost. 1. Corin. 13. dicit Charitas nunquam excidit.

Determinatio.

Conclusio. Charitas viæ manet eadem numero in patria.

Prob. Virtus, de cuius ratione non est aliqua imperfectio, potest remanere eadem numero in patria. Sed Charitas viæ est virtus, de cuius ratione non est aliqua imperfectio. Ergo Charitas viæ eadem numero manet in patria.

Maior prob. quia Quando imperfectio alicuius rei non est de ratione speciei ipsius, nihil prohibet idem numero, quod prius fuit imperfectum, postea perfectum esse. Idem enim numero manet homo, qui per augmentum perficitur, & albedo, quæ intenditur.

Minor prob. quia Charitas est amor, de cuius ratione nõ est aliqua imperfectio: est enim amor habitus, & non habitus, vili, & non vili.

Ad Argumenta.

Ad 1. Dicitur ad minorem, quod Imperfectio charitatis per accidens se habet ad ipsam, quia non est de ratione amoris imperfectio: remoto autem eo, quod est per accidens, nihilominus remanet substantia rei. Vnde euacuata imperfectio charitatis, non euacuatur ipsa charitas.

Ad 2. Negatur antec. Ad probationem dicitur, quod Charitas non habet pro obiecto ipsam cognitionem: sic enim non esset eadem in viâ, & in patria, sed habet pro obiecto ipsam rem cognitam, quæ est eadem, scilicet ipsum Deum.

Ad 3. Neg. antec. ad minorem prob. dicitur, quod Charitas viæ per augmentum non potest peruenire ad æqualitatem charitatis patriæ, non quia non sint vnus rationis, sed propter differentiam, quæ est ex parte causæ: visio enim est quadam causa amoris, vt dicitur 9. Ethic. Deus autem quanto perfectius cognoscitur, tanto perfectius amatur.

QVÆSTIO LXVIII.

DE DONIS.

ARTICVLVS I.

Vtrum Dona differant a virtutibus.

Pro Negatiua.

Videtur, quod Dona non distinguantur a virtutibus.

1. Quæ nominantur virtutes, non differunt a virtutibus. Sed Dona nominantur virtutes. Ergo Dona non differunt a virtutibus.

Minor prob. quia Greg. 1. Mor. cap. 28. exponens illud Iob. Nati sunt ei septem filij (sic dicit) Septem nobis nascuntur filij, cum per conceptionem bonæ cogitationis sancti Spiritus in nobis septem virtutes oriuntur, & inducit illud, quod habetur Esaiæ 11. Requiescet super eum spiritus intellectus &c. vbi enumerantur septem spiritus sancti dona.

Ergo Dona virtutes nominantur.

2. Ea, quibus contrariantur septem vitia, non differunt a virtutibus, sed sunt ipsæmet virtutes. Sed Septem donis contrariantur septem vitia. Ergo Septem dona non differunt a virtutibus.

Maior patet. quia Septem vitia sunt contraria virtutibus.

Minor prob. quia Aug. lib. 1. de quæst. Evang. cap. 7. Exponens illud Matth. 12. Tunc vadit, & assumit septem alios spiritus &c. dicit. Septem vitia sunt contraria septem virtutibus Spiritus sancti, id est septem donis.

3. Quorum diffinitio est eadem, ipsa quoque sunt eadem. Sed Diffinitiones donorum, & virtutum sunt eadem.

Ergo Virtutes, & dona sunt eadem.

Minor prob. quia Diffinitio virtutis est, ut sit bona qualitas mentis, quæ conuenit donis spiritus sancti, vt patet: & diffinitio doni est, ut sit datio irreducibilis, secundum Philosophum, quod

con-

conuenit virtutibus infusus, vt etiam de se pater.

4. Ea, quæ numerantur inter dona, non differunt a donis. Sed Virtutes numerantur inter dona.

Ergo Virtutes non differunt a donis.

Minor prob. Nam sapientia, intellectus, & scientia sunt virtutes intellectuales, vt dictum est, quæst. 57. artic. 1. & 2. Consilium ad prudentiam pertinet, quæ est virtus, pietas est species iustitiæ, & fortitudo est etiam moralis virtus. Vnde patet, quod septem dona sunt virtutes.

Pro Affirmatiua.

Greg. 1. Mor. cap. 28. distinguit septem dona, quæ dicit significari per septem filios Iob, a tribus virtutibus Theologicis, quæ dicit significari per tres filias Iob, & in 2. Mor. cap. 36. distinguit eandem septem dona a quatuor virtutibus Cardinalibus, quæ dicit significari per quatuor angulos domus.

Determinatio.

Distinctio. De donis, & virtutibus possumus loqui dupliciter. Vno modo, secundum communem rationem nominis ipsorum. Alio modo, secundum rationem propriam, & specialem. Vnde cum queritur, An dona a virtutibus distinguantur, dupliciter potest intelligi, scilicet an distinguantur secundum communem nominis rationem, vel an distinguantur se ipsa, secundum proprias rationes.

1. Conclusio. Non potest assignari aliqua distinctionis ratio inter virtutes, & dona; ex parte communis rationis nominis.

Prob. Communes rationes nominis virtutis, & doni nullam habent oppositionem ad inuicem.

Ergo Secundum hoc donum a virtute distinguui non potest.

Antec. prob. quia Ratio communis virtutis desumitur ex hoc, quod perficit hominem ad bene agendum, ut dictum est, quæst. 55. art. 3. Ratio autem doni desumitur secundum comparationem ad causam, a qua est, quæ duæ rationes nullam oppositionem habent ad inuicem. Nihil enim prohibet, illud, quod est ab alio, ut donum, esse perfectiuium alicuius ad bene operandum.

Et confirmatur. quia Superius dictum est, quæst. 63. Virtutes, quasdam esse nobis a Deo infusas, siue donatas.

De distinctione reali Virtutum a donis. Prima Opinio.

Quidam posuerunt, quod dona a virtutibus non essent distinguenda. Et eorum fundamentum fuit ratio adducta ad probandam primam immediate positam conclusionem, quia scilicet rationes donorum, & virtutum nullam habent oppositionem, sed in eodem inueniuntur. Sapientia enim est virtus, & donum, & sic de alijs.

Reprobatio.

Sed sic opinantibus maior remanet difficultas, ut rationem assignent, quare quædam virtutes dicantur dona, & non omnes: & quare aliqua computentur inter dona, quæ non computantur inter virtutes, vt patet de timore, qui est donum, & non est virtus. Quæ difficultas nullatenus solui potest, si dicatur, quod virtutes a donis non distinguuntur.

Aliorum Sententia.

Alij bene dixerunt dona a virtutibus esse distinguenda, sed non assignauerunt conuenientem causam distinctionis. Duerſi enim diuerſas assignauerunt causas huius distinctionis.

Prima opinio de causa distinctionis donorum, a virtutibus.

Aliqui enim dixerunt, quod virtutes perficiunt liberum arbitrium, secundum quod est facultas appetitus, & dona perficiunt idem liberum arbitrium, secundum quod est facultas rationis: & motium eorum fuit, quia inter septem dona, quatuor pertinent ad rationem, scilicet sapientia, scientia, intellectus, & consilium, & solum tria ad vim appetitiuam, scilicet fortitudo, pietas, & timor. Inter virtutes autem duas tantum inciderunt in rationem, scilicet fidem, & prudentiam, alias vero omnes in affectiua. Et ex hoc habere voluerunt, quod dona ad rationem, & virtutes ad appetitum pertinerent, & hanc dicebant esse rationem, qua dona a virtutibus distinguuntur.

Reprobatio.

Sed si hæc distinctio esset sufficiens, oportere, ut omnes virtutes essent in vi appetitiua, & om-

Ecc 2 na

nia dona in vi intellectuā, cuius tamen oppositū, etiam sic opinantes, vt verum confitentur. Non enim omnia dona sunt in ratione, nec omnes virtutes in appetitu, vt dictum est.

Secunda Opinio.

Alij dixerunt, quod dona a virtutibus distinguuntur per hoc, quod virtutes ordinantur ad bene operandum, dona vero ad resistendum tentationibus.

Et hi moti sunt ex verbis Greg. 1. Mor. cap. 36. dicentis, quod Donum Spiritus sancti, quod in mente sibi subiecta format prudentiam, temperantiam, iustitiam, & fortitudinem, eandem mentem munit contra singula tentamenta, per septem dona.

Reprobatio.

Sed nec ista distinctio sufficit, quia etiam virtutes, tentationibus inducentibus ad peccata, quæ contrariantur virtutibus, resistunt. Vnumquodque enim naturaliter resistit suo contrario, quod præcipue de Charitate patet, de qua dicitur Cantic. 8. Aquæ mulier non potuerunt extinguere charitatem.

Tertia Opinio.

Alij dixerunt, quod Virtutes a donis distinguuntur per hoc, quod virtutes ordinantur simpliciter ad bene operandum, sed dona ordinantur ad hoc, vt per ea conformemur Christo, præcipue quantum ad ea, quæ passus est, quia in eius passione præcipue huiusmodi dona resplendentur.

Et moti sunt ad hoc dicendum, quia ista dona traduntur in scriptura, secundum quod fuerunt in Christo, vt patet Esaia 11.

Reprobatio.

Sed hoc etiam non videtur sufficiens, quia ipse dominus præcipue nos inducit ad sui confortamentum, secundum humilitatem, & mansuetudinem. Dicitur enim Matth. 11. Discite a me, quia mitis sum, & humilis corde. & secundum Charitatem Ioan. 15. Hæc mando vobis, vt diligatis inuicem, sicut dilexi vos, & hæc etiam virtutes in passione Christi resplenderunt.

Vera Sententia. & Via inuestigandæ veritatis.

Ad distinguendum dona a virtutibus debe-

mus sequi modum loquendi scripturæ, in qua nobis traduntur dona, non quidem sub nomine donorum, sed magis sub nomine spirituum. Dicitur enim Esaia 11. Requiescet super eum spiritus sapientie, & intellectus, &c. ex quibus verbis manifeste datur intelligi, quod ista septem dona numerantur ibi, secundum quod sunt in nobis ab inspiratione diuina. Inspiratio autem significat quandam motionem ab exteriori.

Vnde est sciendum, quod in homine est duplex principium mouens. Vnum quidem interius, quod est ratio, & aliud exterius, quod est Deus, ut supra dictum est, quasi. 9. art. 4. & Phil. in lib. 7. mor. eundem. c. de bona fortuna. Et quia omne, quod mouetur, necesse est esse proportionatum motori, & hæc proportio mobilis, in quantum est mobile, est dispositio, qua disponitur ad hoc, ut bene moueatur a suo motore, propterea in homine duplex dispositionum genus debet poni. Quædam, quibus disponatur ad hoc, ut sit bene mobilis a ratione. Et quædam, quibus sit bene mobilis a Deo. Dispositiones primi generis sunt virtutes, quæ disponunt hominem ad hoc, vt sit bene mobilis a ratione ad ea, quæ interius, vel exterius agit. Dispositiones vero, quæ perficiunt hominem ad hoc, vt bene moueatur a Deo, sunt dona, quæ sicut disponunt hominem ad hoc, vt moueatur ab altiori motore, quam sit ratio, scilicet a Deo, ita sunt altiores dispositiones, quæ sunt virtutes, & de hac inspiratione, & dispositione dicitur Esaia 50. Dominus aperuit mihi aurem, ego autem non contradico, retrorsum non abij, & Phil. etiā dicit loco ut supra, quod his, qui mouentur per instinctū diuinum, non expedit consiliari secundum rationem humanam, sed quod sequantur interiorem instinctum, quia mouentur a meliori principio, quam sit ratio humana. Et hoc est, quod quidam dicunt, quod dona perficiunt hominem ad altiores actus, quam sint actus virtutum.

Conclusio. Dona distinguuntur a virtutibus.

Prob. Ea, quæ disponunt hominem ad hoc, vt sit bene, & prompte mobilis a Deo, distinguuntur ab his, quæ disponunt hominem ad hoc, ut sit bene mobilis a ratione. Sed Dona disponunt hominem ad hoc, vt sit bene mobilis a Deo. Virtutes vero eum disponunt ad hoc, vt sit bene mobilis a ratione humana.

Ergo Dona a virtutibus distinguuntur.

Maiores prob. quia Quanto mouens est altior, tanto necesse est, quod mobile, perfectiori dispositione ei proportionetur. Sicut videmus, quod perfectius oportet esse discipulum dispositum, ad hoc vt altiore doctrinam capiat a doctore.

Mi-

Minor patet. quia In homine duplex est mouens, scilicet interius, quod est ratio, & exterius, quod est Deus, vt dictum est.

Ad Argumenta.

Ad 1. Dicitur ad minorem, quod huiusmodi dona nominantur quandoque virtutes, secundū communem rationem virtutis, habent tamen aliquid superueniens rationi communi virtutis, in quantum sunt quedam diuine virtutes perficientes hominem, in quantum est à Deo motus. Vnde, & Phil. 7. Ethic. c. 1. supra virtutem communē ponit quadam virtutem heroicam, vel diuinam, secundum quam dicuntur aliqui diuini viri.

Ad 2. Dicitur, quod Septem vitia considerantur dupliciter. Vno modo, vt sunt contra bonum rationis. Alio modo, vt sunt contra diuinum instinctum. Tunc ad maiorem dicitur, quod ea, quibus contrariantur vitia, vt sunt contra bonum rationis, verum est quod sunt virtutes: tamen ea, quibus contrariantur vitia, vt sunt contra diuinum instinctum, non sunt virtutes. Ad minorem igitur dicitur, quod septem donis contrariantur septem vitia, non vt sunt contra bonum rationis, vt sic, sed vt sunt contra diuinum instinctum. Et vnicuiusque negatur vniuersaliter maior. Ad cuius probationem dicitur, quod vitia semper opponuntur virtutibus, vt ipsa vitia sunt contra bonum rationis, tamen vt sunt contra diuinum instinctum, opponuntur etiam donis.

Ad 3. Negatur minor, scilicet quod propria diffinitio doni conueniat virtutibus, & propria diffinitio virtutis conueniat donis. Ad probationem dicitur, quod diffinitio illa datur de virtute, secundum communem modum virtutis. Vnde si volumus diffinitionem restringere ad virtutes, pro vt distinguuntur à donis, dicemus, quod hoc, quod recte viuatur, intelligendum est de rectitudine vite, quæ accipitur secundum regulam rationis. Similiter autem donum pro vt distinguitur à virtute infusa, potest dici id, quod datur à Deo in ordine ad motionem ipsius: quia facit hominem bene sequentem suos instinctus.

Ad 4. Negatur minor. Ad probationem, dicitur, quod Sapientia dicitur intellectus virtus, secundum quod procedit ex iudicio rationis: dicitur autem donum, secundum quod operatur ex instinctu diuino. Et similiter dicendum est de alijs.

ARTICVLVS II.

Vtrum Dona sint necessaria homini ad salutem.

Pro Negatiua.

VIdetur, quod Dona non sint necessaria homini ad salutem.

1. Ea, quæ ordinantur ad quandam perfectionem vltra communem perfectionem virtutis, nō sunt homini necessaria ad salutem. Sed Dona ordinantur ad quandam perfectionem, vltra communem perfectionem virtutis. Ergo Dona non sunt necessaria ad salutem.

Maior prob. quia Perfectio, vltra communem perfectionem virtutis, non cadit sub precepto, sed sub consilio.

2. Per virtutes Theologicas homo bene se habet circa diuina, & per virtutes morales bene se habet circa humana. Ergo Dona non sunt homini necessaria ad salutem.

Conseq. quia Ad salutem hominis sufficit, vt bene se habeat circa humana, & circa diuina.

3. Per virtutes potest adhiberi remedium ad tollenda omnia vitia, ad quæ remouenda ponuntur dona. Ergo Dona non sunt necessaria homini ad salutem.

Antec. prob. Nam Greg. dicit 2. Mor. capit. 36. quod Spiritus Sanctus dat sapientiam contra stultitiam, Intellectum contra hebetudinem, Consilium contra præcipationem, Fortitudinem contra timorem, Scientiam contra ignorantiam, Pietatem contra duritiam, Humilitatem contra superbiam, ad quæ omnia tollenda sufficiunt virtutes, puta per sapientiam, quæ est virtus remouetur stultitia, per intellectum hebetudo, & sic de alijs.

Pro Affirmatiua.

Sapientia, quæ est summum inter dona, & timor, qui est infimum donum, sunt necessaria ad salutem. Ergo Etiam media dona, & inde omnia sunt necessaria ad salutem.

Antec. prob. Sap. 7. & Eccl. 1. Neminem diligit Deus, nisi eum, qui cum sapientia inhabitat. Et de timore dicitur Eccl. 1. Qui sine timore est, non poterit iustificari.

Determinatio.

Conclusio. Ad consequendum supernaturalem finem, necessarium est homini donum Spiritus Sancti.

Prob. In his, in quibus non sufficit instinctus rationis, sed est necessarius instinctus Spiritus Sancti, est homini necessarium Spiritus Sancti donum.

donum. Sed Ad consequendum supernaturalem finem, non sufficit instinctus, siue motio rationis. Ergo Ad consequendum supernaturalem finem, necessarium est homini donum Spiritus Sancti.

Maiores prob. quia Dona sunt quedam hominis perfectiones, quibus bene disponitur ad hoc, vt bene sequatur instinctum diuinum, vt dictum est. art. præced.

Minor prob. Ad consequendum salutem non sufficit instinctus rationis, secundum quod est perfecta à Deo, perfectione naturali, nec secundum quod est perfecta, perfectione supernaturali, absque instinctu Spiritus Sancti. Ergo Instinctus rationis nullo modo sufficit ad consequendum salutem, nisi superaddatur instinctus Spiritus Sancti mouentis rationem in vltimum finem.

Antec. declaratur, & prob. Sciendum igitur, quod Homo ordinatur in duplicem finem, naturalem, & supernaturalem. Et propterea ratio hominis dupliciter à Deo perficitur. Perfectione naturali, quæ est per naturale lumen rationis. Et perfectione supernaturali, quæ est per virtutes Theologicas. Pro vt est perfecta per naturale lumen, tendit in naturalem finem. Et per hoc, quod est perfecta per supernaturalem perfectionem, tendit in finem supernaturalem. Motus autem rationis in finem naturalem, secundum quod est perfecta per naturale lumen, & motus eiusdem rationis in finem supernaturalem, secundum quod perficitur per virtutes Theologicas conueniunt, & differunt. Conueniunt in hoc, quod tam motus in finem naturalem, quam in finem supernaturalem, non fit sine generali diuina operatione, quæ Deus in omni voluntate, & natura interius operatur: Non enim potest homo per lumen naturale, nec per virtutes morales, nec per Theologicas, tendere in Deum, tanquam in finem naturalem, vel supernaturalem, nisi præsupposita Dei operatione, & motione, qua in omni natura, & voluntate interius operatur. Differunt vero in hoc, quod ad hoc, vt homo tendat in finem naturalem, sufficit illa generalis motio diuina: non autem ad hoc, vt tendat in finem supernaturalem hoc sufficit, sed vltius requiritur specialis motio, & instinctus Spiritus Sancti. Vnde ratio, perfecta per naturale lumen, & per virtutes morales, cum generali Dei operatione, potest tendere in naturalem finem: etiam Deus concurrat etiam per aliquam specialem motionem, erit ex superabundanti bonitate, & tunc habentur virtutes morales hereticæ, quas non habet omnis, qui habet virtutes morales, sed solum qui speciali aliquo instinctu à Deo mouetur. Homo vero cum virtutibus Theologicis, & generali influxu, non potest moueri in finem vlti-

mum supernaturalem, sed necessarius est peculiaris instinctus Spiritus Sancti.

Ratio autem quare lumen naturale, virtutes morales, & generalis diuina motio sufficiant ad consequendum naturalem finem, & virtutes Theologice, cum sola generali diuina motione non sufficiant, est, quia quauis per seclio secunda, si quæ est per Theologicas virtutes, sit nobilior, quam illa, quæ est per virtutes morales, tamen prima perfectio perfectioni modo habetur ab homine. Prima enim habetur, quasi plena possessio, secunda vero habetur, quasi imperfecta. Et quia quod habet perfecte naturam, vel formam aliquam, potest per se secundum illam operari, supposita diuina operatione generali, hinc fit, vt ratio perfecta per morales virtutes, supposita diuina generali motione, perfecte tendere potest in finem naturalem. Per formam autem, quæ quis imperfecte habet, non potest operari, nisi ab alio moueatur. Sicut Sol, quia perfecte habet formam lucis, perfecte illuminat, ex se. Luna vero, quia imperfecte est lucida, non illuminat, nisi illuminata. Et medicus, qui perfecte nonit artem medicinæ, ex se sanat, non autem discipulus. Sic in proposito, Naturalis perfectio rationis, & generalis diuina motio sufficiunt ad hoc, vt tendat homo in finem naturalem; quia hæc perfectio perfecte habetur. Non sufficit supernaturalis perfectio, ad finem supernaturalem, nisi superaddatur instinctus Spiritus Sancti; quia talis perfectio imperfecte habetur.

Ex quibus patet antec. quod erat probandum: patet (inquam) quare naturalis instinctus rationis non sufficit, ad consequendum supernaturalem finem, quia. Instinctus rationis perfecte, naturali perfectione, non se extendit nisi ad naturalem finem, instinctus vero eiusdem, vt est perfecta supernaturali perfectione virtutum Theologicarum, non sufficit, quia huiusmodi supernaturalis perfectio, imperfecte habetur ab homine, & propterea necessarius est instinctus, & motio Spiritus Sancti, de quo dicitur Rom. 8. Qui Spiritu Dei aguntur, hi filij Dei sunt, & heredes, & Psal. 142. dicitur. Spiritus tuus bonus deducet me in terram rectam, quia. sin hereditatem illius terræ beatorum nullus potest peruenire, nisi moueatur, & deducatur à Spiritu Sancto, & per hæc auctoritates remanet confirmata conclusio.

Ad Argumenta.

Ad 1. Dicitur, quod aliquod opus excedere communem perfectionem virtutis, potest dupliciter intellegi. Vno modo, vt excedat, quo ad genus operis. Alio modo, quo ad modum operandi. Sicut actus virginitalis excedit opus temperantia, quia

quia virginitas est aliu l genus operis excedens communem perfectionem virtutis: & vnum est de præcepto, & alterum de consilio. Actus vero temporarij, secundum quod est à virtute morali ordinatus ad conseruationem vite, vel aliquid huiusmodi, est imperfectior eodem actu, vt est à fide, spe, vel charitate, & ab instinctu Spiritus Sancti: quia est à superiori, & altiori principio. Tunc ad maiorem dicitur, quod id, quod ordinatur ad opus, quod est ultra communem perfectionem virtutis, quo ad genus operum, non est necessarium ad salutem, sed id quod ordinatur ad perfectionem, ultra communem perfectionem virtutis, quo ad modum operandi, est necessarium. Et ad minorem dicitur, quod dona ordinantur ad quandam perfectionem supra communem perfectionem virtutis, quo ad modum operandi, ita quod mouente Spiritu Sancto, operantur ad consequendam salutem.

Ad 2. Dicitur ad antecedens, quod per virtutes Theologicas, & morales non ita pericitur homo in ordine ad vltimum finem, quin semper indigeat moueri quodam superiori instinctu Spiritus Sancti, ratione iam dicta.

Ad 3. Negatur antec. Ad probationem dicitur, quod rationi humane non sunt omnia cognita, neque omnia possibilis, siue accipiatur vt perfecta perfectione naturali, siue accipiatur vt perfecta Theologicis virtutibus. Vnde non potest, quo ad omnia repellere stultitiam, & alia huiusmodi, de quibus fit mentio, sed ille, cuius scientiæ, & potestati omnia subsunt, sua motione ab omni stultitia, & ignorantia, & hebetudine, & duritia, & ceteris huiusmodi, nos tutos reddit, & ideo dona Spiritus Sancti, quæ faciunt nos bene sequentes instinctum ipsius, dicuntur contra huiusmodi defectus dari.

ARTICVLVS III.

Vtrum Dona Spiritus Sancti sint habitus.

Pro Negatiua.

Videtur, quod Dona Spiritus Sancti non sint habitus.

1. Habitus manet in eo, cuius est habitus. Sed Dona non manent in hominibus. Ergo Dona non sunt habitus.

Maior prob. quia Habitus est qualitas difficile mobilis, vt dicitur in prædic. quali.

Minor prob. quia Est proprium Christi, vt dona Spiritus Sancti in eo requiescant, vt dicitur Esa. 11. & Ioann. 1. Super quem videris spiritum descendentem, & manentem super eum, hic est,

qui baptizat. Quod exponens Greg. 2. Mor. c. 41. dicit. In cunctis fidelibus Spiritus Sanctus venit, sed in solo mediatore semper singulariter permanet.

2. Quæ perficiunt hominem, in quantum mouetur à Spiritu Sancto, non sunt habitus. Sed Dona perficiunt homines, in quantum mouentur à Spiritu Sancto, vt dictum est. Ergo Dona non sunt habitus.

Maior prob. Instrumento non conuenit perfici per habitum, sed principali agenti. Sed Homo secundum quod mouetur à Spiritu Sancto, est quodammodo instrumentum. Ergo Homo, secundum quod mouetur à Spiritu Sancto, non perficitur per habitum.

3. Prophetia non est habitus. Ergo Neque dona Spiritus Sancti sunt habitus.

Antec. prob. quia Spiritus Prophetiæ non adest prophetis semper, vt Grego. dicit Homil. 2. super Ezech.

Conseq. prob. quia Sicut dona Spiritus Sancti sunt ex inspiratione diuina, ita donum prophetiæ.

Pro Affirmatiua.

Dona manent in hominibus. Ergo Dona non solum sunt actus, vel passionis, sed habitus permanentes.

Antec. patet. quia Spiritus Sanctus manet in iustis, vt dicitur Ioan. 14. Ergo & Dona in iustis manent.

Conseq. hæc prob. quia Spiritus Sanctus non manet sine donis eius.

Determinatio.

Conclusio. Dona Spiritus Sancti sunt habitus quidam, quibus homo perficitur ad prompte obediendum Spiritui Sancto.

Prob. Sicut se habent virtutes morales ad vim appetitiuam in comparatione ad rationem, ita se habent dona Spiritus Sancti ad homines in comparatione ad Spiritum Sanctum. Sed Virtutes morales sunt habitus, quibus vires appetitiuæ disponuntur ad prompte obediendum rationi. Ergo Dona Spiritus Sancti sunt habitus, qui us homo disponitur ad prompte obediendum Spiritui Sancto.

Maior prob. quia Sicut virtutes morales perficiunt vim appetitiuam, secundum quod participat aliquammodo rationem, in quantum, scilicet nata est moueri per imperium rationis. Ita dona sunt quædam perfectiones hominis, quibus bene disponitur ad hoc, vt bene sequatur instinctum Spiritus Sancti.

Ad

Ad Argumenta.

Ad 1. Negatur minor. Ad probationem dicitur, quod Greg. ibidem soluit dicens, quod in illis donis, sine quibus ad vitam perveniri non potest, Spiritus Sanctus in electis omnibus semper manet, sed in alijs non semper manet. Septem autem dona sunt necessaria ad salutem, ut dictum est, unde quantum ad ea Spiritus Sanctus semper manet in Sanctis.

Ad 2. Negatur maior. Ad probationem dicitur, quod illa ratio procedit de instrumēto, cuius non est agere, sed solum agi. Tale autem instrumentum non est homo, sed sic agitur à Spiritu Sancto; quod etiam agit, in quantum est liberi arbitrij, unde indiget habitu.

Ad 3. Negatur Conseq. Ad probationem dicitur, quod Prophetia est de donis, quæ sunt ad manifestationem Spiritus, non autem ad necessitatem salutis, unde non est simile de Prophetia, & de donis.

ARTICVLVS IV.

Utrum Conuenienter Septem dona Spiritus Sancti enumerentur.

Pro Negatiua.

Videtur, quod Inconuenienter enumerentur septem dona Spiritus Sancti.

1. Inter dona Spiritus Sancti non enumeratur aliquod donum pertinens ad artem, nec aliquod pertinens ad temperantiam. Ergo In sufficienter enumerantur.

Conseq. prob. quia In illa enumeratione ponuntur quatuor pertinentia ad quatuor virtutes intellectuales. Scilicet Sapientia, Intellectus, Scientia, & Consilium, quod pertinet ad prudentiam. Ergo Debebat poni aliquod pertinens ad artem, quæ est quinta virtus intellectualis. Et similiter enumeratur aliud donum pertinens ad iustitiam, scilicet pietas, & aliud pertinens ad fortitudinē, scilicet donum fortitudinis. Ergo Debit poni aliquod donum pertinens ad temperantiam. Et ut melius appareat insufficientia ad oculum, sic disponitur.

**Virtutes
intellectuales.**

Sapientia
Intellectus
Scientia
Prudentia
Ars

Dona correspondētia.

Sapientia
Intellectus
Scientia
Consilium

**Virtutes
morales.**

Iustitia
Fortitudo
Temperantia

Dona correspondētia.

Pietas
Fortitudo
Timor.

Ex qua dispositione patet, quod deficit donum correspondens arti, & donum correspondens temperantiæ.

2. Circa fortitudinem non ponitur donum, aliqua pars eius, sed ipsamet fortitudo. Ergo Etiam circa iustitiam nō debuit poni pietas, quæ est pars iustitiæ, sed ipsamet iustitia erat ponenda.

3. Non ponuntur aliqua dona pertinentia ad Theologicas virtutes. Ergo Dona in sufficienter enumerantur.

Conseq. prob. quia Cum dona perficiant hominem, secundum quod mouetur à Deo, & virtutes Theologicæ maxime ordinēt hominem ad Deū, videtur, quod debuissent poni aliqua dona pertinentia ad Theologicas virtutes.

4. Amor, Spes, & Delectatio sunt passionēs conuulsæ Timori. Ergo Debent numerari inter dona, sicut numeratur timor.

Conseq. prob. quia Sicut Deus timetur, ita etiam amatur, & in ipsum aliquis sperat, & de eo delectatur.

5. Intellectui adiungitur sapientia, quæ regit ipsum, fortitudini consilium, pietati scientia. Ergo Et timori debuit aliquod donum addi, per quod dirigeretur. Ergo Inconuenienter septem dona enumerantur.

Pro Affirmatiua.

Est autoritas sacræ scripturæ Esa. 11.

Determinatio.

Conclusio. Septem dona Spiritus Sancti conuenienter enumerantur.

Prob. Quot sunt operationes potētiarum, quæ sunt principia humanorum actuum, tot sunt dona Spiritus Sancti. Sed Septem sunt operationes potētiarum, quæ sunt principia humanorum actuum. Ergo Septem sunt dona Spiritus Sancti.

Maiores prob. quia Dona Spiritus Sancti sunt quædam habitus perfectientes hominem ad hoc, ut prompte sequatur instinctum Spiritus Sancti; sicut virtutes morales perfectiunt vires appetitiuas ad hoc, ut obediant rationi. Unde sicut morales virtutes sunt secundum numerum operationum, in quibus virtutes appetitiuæ mouentur à ratione. Ita dona tot sunt, quot operationes potētiarum, quæ sunt aptæ moueri à Deo.

Minor

Minor. prob. Nam vis, quæ est principium humanorum actuum, duplex est. scilicet Ratio; & appetitus. Ratio est duplex, scilicet, Speculatiua, & practica. Et sic est triplex principium humanorum actuum, scilicet Ratio speculatiua. Ratio practica. & Appetitus. Operatio intellectus, tum practici, tum speculatiui duplex est, scilicet Apprehensio veritatis, & Iudicium de veritate. Appetitus autem duplicem habet operationem. Prima per quam se habet ad ea, quæ sunt ad alterum. Altera vero per quam se habet ad ea, quæ sunt ad se. Et hæc sunt duæ, scilicet Pericula, & Delectabilia. Vnde septem sunt operationes harum potentiarum, videlicet.

Intellectus speculatiuus apprehendit veritatem, & hæc operatio perficitur per donum Intellectus.

Secundo Iudicat de veritate apprehensa, & hæc perficitur per sapientiam.

Intellectus practicus. Primo apprehendit veritatem, & hæc perficitur per donum scientiæ.

Secundo Iudicat de veritate apprehensa, & hæc perficitur per donum consilij.

Appetitus, In his, quæ sunt ad alterum, perficitur per Pietatem.

In his, quæ sunt ad se, Primo, In timore periculorum perficitur per donum fortitudinis.

Secundo, In concupiscentia delectabilium perficitur per donum timoris, secundum illud Prover. 16. In timore Domini declinat omnis a malo. & Psal. 118. dicitur. Confige timore tuo carnes meas, a iudicijs enim tuis timui.

Corrol. Ex quibus patet, quod hæc dona extendunt se ad omnia, ad quæ se extendunt virtutes, tam intellectuales, quam morales. Sed quomodo hæc donorum sufficientia sit, vel non sit conueniens, videndum est secunda secundæ, quæst. 3. art. 6.

Ad Argumenta.

Ad 1. Negatur consequens. Non enim debuit poni aliquod donum correspondens arti, quia dona Spiritus Sancti perficiunt hominem in his, quæ pertinent ad bene viuendum, ad quæ non ordinatur ars, sed ad exteriora factibilia: est enim ars ratio recta, non agibilia, sed factibilia, vt dicitur 6. Ethic. ca. 4. Potest tamen etiam dici, quod quantum ad infusionem donorum, ars pertinet ad Spiritum Sanctum, qui est principaliter mouens, non autem ad homines, qui sunt quedam organa eius, dum ab eo mouentur. Temperantiæ autem respondet quodammodo donum timoris: sicut enim ad virtutem temperantiæ pertinet, secundum eius propriam rationem, vt aliquis rece-

dat a delectationibus prauis propter bonum rationis, ita ad donum timoris pertinet, quod aliquis recedat a delectationibus prauis, propter Deum timorem.

Ad 2. Negatur consequens. Nomen enim iustitiæ imponitur a rectitudine rationis, & ideo nomen virtutis est conuenientius, quam nomen doni: sed nomen pietatis importat reuerentiam, quam habemus ad patrem, & ad patriam. Et quia Pater omnium Deus est, etiam cultus Dei pietas nominatur, vt Aug. dicit 10. de Ciu. Dei. cap. 1. Et ideo conuenienter donum, quod aliquis propter reuerentiam Dei bonum operatur ad omnes, pietas nominatur.

Ad 3. Negatur antec. Omnia enim dona pertinent ad Theologicas virtutes. Pro quo est sciendum, quod animus hominis non mouetur a Spiritu Sancto, nisi ei secundum aliquem modum vniatur: sicut instrumentum non mouetur ab artifice, nisi per contactum, aut per aliquam aliam unionem. Prima autem unio hominis est per fidem, spem, & charitatem. Vnde istæ virtutes præsupponuntur ad dona, sicut radices quædam donorum. Vnde omnia dona pertinent ad has tres virtutes, sicut quædam derivationes prædictarum virtutum.

Ad 4. Negatur consequens. Ad probationem dicitur, quod quauis timor conuiuiatur his tribus, scilicet, amor, spei, & delectationi, tamen rationabiliter illa tria non ponuntur dona, sicut timor. Nam amor, spes, & delectatio habent bonum pro obiecto. Summum autem bonum Deus est. Vnde nomina harum passionum transferuntur ad virtutes Theologicas, quibus anima coniungitur Deo. Timoris autem obiectum est malum, quod Deo nullo modo competit. Vnde non imptat coniunctionem ad Deum, sed magis recessum ab aliquibus rebus propter reuerentiam Dei, & ideo non est nomen virtutis Theologicæ, sed doni, quod eminentius retrahit a malis, quam virtus moralis.

Ad 5. Dicitur, concedendo primam consequentiam, & id, quod consequitur. Ad dirigendum enim timorem, ponitur donum sapientiæ. Per sapientiam enim dirigitur hominis intellectus, & hominis affectus, & ideo ponuntur duo correspondentia, sapientiæ, tanquam directiuo. Ex parte quidem intellectus, donum intellectus, ex parte autem affectus, donum timoris. Ratio enim timendi Deum præcipue sumitur ex consideratione excellentiæ diuinæ, quam considerat sapientiæ.

ARTICVLVS V.

Vtrum Dona Spiritus Sancti sint
connexa.

Pro Negatiua.

Videtur, quod Dona Spiritus Sancti non sint
connexa.

1. Dona sapientiæ, & scientiæ non sunt con-
nexa. Ergo Dona Spiritus Sancti non sunt con-
nexa.

Antec. prob. quia 1. Cor. 12. dicitur. Alij datur
per spiritum sermo sapientiæ. Alij datur sermo
scientiæ secundum eundem spiritum, & sic dona
Spiritus Sancti dantur diuersa diuersis, & non
connechtuntur.

Conseq. prob. quia Sapientia, & scientia com-
putantur inter dona Spiritus Sancti.

2. Fides potest inueniri in aliquo fideli sine sci-
entia. Ergo Dona non sunt connexa.

Antec. prob. quia Aug. 14. de trin. cap. 1. dicit,
quod Scientia non possent plurimi fideles, quam
uis polleant fide.

Conseq. prob. quia Fidem concomitatur ali-
quod donum, saltem donū timoris. Vnde in eo,
in quo est fides absque scientia, erit aliquod do-
num non connexum cum scientia.

3. Greg. 1. Mor. cap. 3. dicit. quod Minor est sa-
pientia, si intellectu careat, & valde inutilis est in-
tellectus, si ex sapientia non subsistat, vile est con-
siliū, cui opus fortitudinis deest, vt valde for-
tudo destituitur, nisi per consiliū fulciatur, nul-
la est scientia, si vtilitatem pietatis non habet, &
valde inutilis est pietas, si scientiæ discretionem caret,
timor quoque ipse, si has non habuerit virtutes,
nullum opus bonæ actionis surgit. Ex quibus vi-
detur, quod vnum donum possit sine alio haberi.
Ergo Dona Spiritus Sancti non sunt connexa.

Pro Affirmatiua.

Greg. ibidem præmittit dicens. Illud in Iob fi-
liorum conuiuiū persequendum videtur, quod
semetipsos inuicem pascunt. Sed Per filios Iob,
de quibus loquitur, significuntur dona Spiritus
Sancti. Ergo Dona Spiritus Sancti sunt connexa
per hoc, quod se inuicem reficiunt.

Determinatio.

Concl. Dona Spiritus Sancti sunt omnia con-
nexa in charitate.

Prob. Sicut se habent virtutes morales ad pru-
dentiam, ita se habent dona ad Charitatem.
Sed Omnes morales virtutes connechtuntur in
prudencia, vt sup. dictum est. Ergo Omnia dona
connechtuntur in charitate, ita. scilicet quod qui chari-

tatem habet, omnia dona Spiritus Sancti habet,
quorum nullum sine charitate haberi potest.

Maiores prob. quia Sicut per virtutes morales di-
sponuntur omnes vires appetitiuæ in compara-
tione ad regimen rationis, quod est per prudentiam:
Ita per dona omnes anime vires disponun-
tur, in comparatione ad Spiritum Sanctum mo-
uentem, qui per charitatem habitat in nobis, se-
cundum illud Rom. 5. Charitas Dei diffusa est in
cordibus nostris per Spiritum Sanctum, qui da-
tus est nobis.

Et breuius prob. maior. quia Sicut ratio per
prudenciam regit vires appetitiuas dispositas per
morales virtutes, ita Spiritus Sanctus per chari-
tatem mouet omnes vires nostras dispositas ad
prompte obediendum eius motioni per dona sua.

Ad Argumenta.

Ad 1. Dicitur ad antec. quod Sapientia, &
scientia possunt considerari dupliciter. Vno mo-
do, vt sunt gratiæ gratis datæ, prout. scilicet aliquis in
tantum abundat in cognitione rerum humana-
rum, & diuinarum, vt possit etiam fideles instrue-
re, & aduersarios confundere. Alio modo, vt sunt
dona Spiritus Sancti, & sic sapientia, & scientia
nihil aliud sunt, quam quedam perfectiones hu-
manæ mentis, secundum quas disponitur ad se-
quendum in se ipsum Spiritus Sancti, in cogni-
tione diuinorum, vel humanorum. Si accipian-
tur primo modo, verum est ipsum antecedens. Si
vero sermo sit de his, vt sunt dona Spiritus San-
cti, Negatur antecedens. Ad probationem dicitur,
quod Apostolus loquebatur de scientia, & sa-
pientia, vt sunt gratiæ gratis datæ. Vnde signifi-
cat fit mentio de sermone scientiæ, & sapientiæ,
dum dicitur, alij datur sermo scientiæ, & sapien-
tiæ, &c.

Ad 2. Negatur antec. loquendo de scientia, vt
est donum Spiritus Sancti. Ad probationem di-
citur, quod Aug. loquitur de scientia, vt est gratia
gratis data, exponit enim dictam Apostoli autho-
ritatem, vnde subdit. Aliud enim est scire tan-
tummodo, quid homo credere debeat, propter
adipiscendam vitam beatam, quæ non nisi æter-
na est. Aliud autem est scire, quemadmodum
hoc ipsum, & pijs opusculatur, & contra impios
defendatur, quam proprio appellare vocabulo
scientiam, videtur Apostolus.

Ad 3. Dicitur, quod sicut vno modo conne-
xio virtutum Cardinalium probatur per hoc, q
vna earum perficitur quodammodo per aliam,
vt supra dictum est: ita Gregor. eodem modo
vult probare connexionem donorum per hoc,
quod vnum sine alio non potest esse perfectum,
vnde

unde præmittit dicens. Valde singula quælibet deservitur, si non una virtus alij virtuti suffragetur. Ex quo non datur intelligi, quod vnum donum possit esse sine alio, sed quod intellectus si esset sine sapientia, non posset esse donum, sicut temperantia, si esset sine iustitia, non esset virtus.

ARTIC. V. LVS. VI.

Vtrum Dona Spiritus Sancti remaneant in patria.

Pro Negatiua.

Videtur, quod dona Spiritus Sancti non manent in patria.

1. In patria non erunt aliqua tentamenta.

Ergo in patria non remanent dona Spiritus Sancti.

Antec. prob. quia Esa. 11. dicitur, Non nocentur, & non occident in vniuerso monte sancto meo.

Conseq. prob. quia vt Greg. 2. Mor. cap. 35. dicit. Spiritus Sanctus contra singula tentamenta septem donis erudit mentem.

2. In patria non possunt esse actus aliquorum donorum. Ergo in patria frustra essent habitus donorum.

Anteced. prob. quia Greg. 1. Mor. cap. 32. dicit. quod Intellectus facit audita penetrare. Consilium prohibet esse præcipientem. Fortitudo facit non mettere aduersa. Pietas replet cordis viscera operibus misericordiae. quorum nullum competit statui patriæ.

3. Actiua vita cum præfenti terminatur, vt Greg. 6. Mor. dicit. c. 28. Ergo in patria non erunt omnia dona Spiritus Sancti.

Conseq. prob. quia Donorum, quædam perficiunt hominem in vita contemplatiua, & quædam in vita actiua.

Pro Affirmatiua.

Ambros. lib. 2. de Spiritu sancto. cap. 20. dicit. Ciuitas Dei illa Hierusalem cælestis, non meatu alicuius fluminis terrestris abluitur, sed ex vitæ fonte procedens Spiritus Sanctus, cuius nos breui faciamur haustu, in illis cælestibus spiritibus redundantius videtur affluere pleno septem virtutum spiritualium feruens meatu.

Determinatio.

Dist. inctio. De donis possumus loqui dupliciter. Vn o modo, quantum ad essentiam donorum. Alio modo, quantum ad materiam, circa quam operantur.

1. Conclusio. Dona, quantum ad essentiam, perfectissime manent in patria.

Prob. primo. Authoritate Ambrosij inducta in argumento pro affirmatiua.

Prob. secundo. In patria erit mens humana perfecte disposita ad sequendam motionem Spiritus Sancti. Ergo in patria præcipue erunt dona quantum ad substantiam.

Antec. prob. quia tunc erit Deus omnia in omnibus, vt dicitur 1. Cor. 15. & homo erit totaliter subditus Deo.

Conseq. prob. quia Dona Spiritus Sancti perficiunt mentem humanam ad sequendam motionem Spiritus Sancti, vt dictum est.

2. Conclusio. Dona Spiritus Sancti non manebunt in patria, quantum ad materiam circa quam in præfenti operantur.

Prob. primo. quia in præfenti vita habent aliquam operationem circa aliquam materiam, quam operationem non habebunt in statu gloriæ, vt patebit in solutione ad secundum.

Prob. secundo a simili. De virtutibus moralibus, de quibus quæst. 67. artic. 1. dictum est, quod manent in patria, quantum ad formale, non autem quantum ad materiale.

Ad Argumenta.

Ad 1. Negatur conseq. Ad probationem dicitur, quod Greg. loquitur ibi de donis, secundum quod competit statui præfenti, sic enim donis protegitur circa tentamenta malorum, sed in statu gloriæ cessantibus malis, per dona Spiritus Sancti perficiemur in bono.

Ad 2. Negatur antec. Ad probationem dicitur quod Greg. in singulis donis posuit aliquid, quod transit cum statu præfenti, & aliquid quod permanet in futuro. Dicit enim, quod Sapientia, mentem de æternorum spe, & certitudine reficit, quorum duorum spes transit, & certitudo remanet. Et de intellectu dicit, quod in eo, quod audita penetrat, reficiendo cor, tenebras eius illustrat: quorum auditus transit, quia non docebit vir fratrem suum, vt dicitur Hier. cap. 3. 1. sed illustratio mentis manebit. De consilio autem dicit, quod prohibet esse præcipientem, quod est necessarium in præfenti: iterum, quod ratione animi replet: quod est necessarium etiam in futuro. De fortitudine vero dicit, quod aduersa non metuit: quod est necessarium in præfenti, & iterum, quod confidentiæ cibos apponit: quod permanet etiam in futuro. De scientia vero vnum tantum ponit, scilicet quod ignorantie ieiunium superat: quod pertinet ad statum præfentem, sed quod addit in ventre mentis, potest figuratè

intelligi repletio cognitionis: quæ pertinet etiam ad statum futurum. De pietate vero dicit, quod cordis viscera misericordiae operibus replet: quod quidem secundum verba pertinet tantum ad statum præsentem, sed ipse intus affectus proximorum, per viscera designatus, pertinet etiam ad futurum statum, in quo pietas non exhibebit misericordiae opera, sed gratulationis affectum. De timore vero dicit, quod præmit mentem, ne de præsentibus superbiat, quod pertinet ad statum præsentem, & quod de futuris cibos spei confortat: quod etiam pertinet ad statum præsentem, quantum ad spem, sed potest etiam ad statum futurum pertinere, quantum ad confortationem de rebus hic speratis, & ibi obtentis.

Ad 3. Negatur conseq. Ad probationem dicitur, quod ratio illa procedit de donis, quantum ad materiam. Opera enim actiue vite non erunt materia donorum, sed omnia habebunt actus suos, circa ea, quæ pertinent ad vitam contemplatiuam; quæ est vita beata.

ARTICVLVS VII.

Vtrum Dignitas donorum attendatur secundum enumerationem. Esaiæ 1. r.

Pro Negatiua.

Videtur, quod Dignitas donorum non attendatur secundum enumerationem. Esaiæ 1. r.

1. Illud, quod Deus maxime ab homine requirit, videtur esse maximum donum. Sed Timorem Deus maxime ab homine requirit, ut patet Deuter. 10. Et nunc Israel, quid Dominus Deus tuus petit a te, nisi ut times Dominum Deum tuum? & Malach. 1. dicitur. Si ego Dominus, ubi timor meus? Ergo Timor, qui ultimo enumeratur ab Esaiæ, est maximum donum.

2. Bonum vniuersale præfertur particulari-

bus bonis. Sed Pietas est bonum vniuersale. Ergo Pietas præfertur aliis donis, & tamen non primo enumeratur.

Minor Prob. quia Apost. dicit 1. Tim. 3. quod Pietas ad omnia utilis est;

3. Scientia est potius donum, quam consiliū, & tamen post enumeratur. Ergo Dignitas donorum non est attendenda secundum enumerationem Esaiæ.

Antec. prob. Indicium præeminet inquisitioni. Sed Scientia perficit iudicium hominis, Consilium vero inquisitionem. Ergo Scientia præeminet consilio.

4. Scientia est eminentius donum, quam fortitudo, & tamen fortitudo prius enumeratur. Ergo Dignitas donorum non attenditur iuxta prædictam enumerationem.

Antec. prob. quia Quod perficit rationem, eminentius est, quam quod perficit appetitum. Sed Scientia perficit rationem, & fortitudo vim appetitiuam. Ergo Scientia præeminet fortitudini.

Minor huius prob. quia Ratio præeminet appetitui.

Pro Affirmatiua.

August. lib. 1. de serm. Dom. in Monte cap. 9. dicit. Videtur mihi septiformis operatio Spiritus Sancti, de qua Esaias loquitur, his gradibus, sententiisque congruere, de quibus fit mentio Matth. 5. Sed interest ordinis, nam ibi. scilicet Esaiæ numeratio ab excellentioribus cœpit, hic vero ab inferioribus.

Determinatio.

Distinctio. Dignitas donorum dupliciter potest attendi. Vno modo, simpliciter, scilicet per comparisonem ad proprios actus. Alio modo secundum quid, scilicet per comparisonem ad materiam.

Dona, secundum dignitatem simpliciter, sic ordinantur.

Sapientia
Intellectus
Scientia
Consilium
Pietas
Fortitudo
Timor

Ordo Esaiæ. 11. ratione materia, sic ordinantur.

Sapientia
Intellectus
Consilium
Fortitudo
Scientia
Pietas
Timor

Sapientia
Intellectus
Fortitudo
Consilium
Scientia
Pietas
Timor.

Ratio enumerationis donorum secundum dignitatem simpliciter,

Ordinantur dona secundum dignitatem simpliciter, secundum ordinem virtutum, quibus cor

respondent. Dona enim perficiunt hominem ad omnes actus potentiarum, ad quos perficiunt virtutes. Vnde secundum ordinem virtutum, est etiam ordo donorum, ita ut donum, quod correspondet digniori virtuti, digniorem oblineat locum.

Virtu-

Virtutes autem sic ordinantur secundū dignitatem, quæ est ex actibus, ad quos ordinantur, ut priores sint virtutes, quæ perficiunt rationem, & posteriores sint, quæ perficiunt appetituum partē: scilicet morales. Vnde Sapientia, Intellectus, & Scientia, Prudentia, & Ars, quæ sunt intellectuales, præferuntur Iustitiæ, Fortitudini, & Temperantiæ, quæ sunt morales.

Inter virtutes autem intellectuales, contemplatiuæ præferuntur actiuis. Vnde Sapientia, Intellectus, & Scientia præferuntur Prudentiæ, & Arti.

Et inter morales Iustitia tenet primum locum. Fortitudo secundum, & vltimum Temperantia. Sic igitur ordinantur virtutes.

Sapientia	Sapientia
Intellectus	Intellectus
Scientia	Scientia
Prudentia	Consilium
Ars	..
Iustitia	Pietas
Fortitudo	Fortitudo
Temperantia	Timor.

Dona vero secundum materiam dignitatem sic

<i>Dignitas donorum simpliciter.</i>	<i>Esaia enumeratio.</i>
Sapientia	Sapientia
Intellectus	Intellectus
Scientia	Consilium
Consilium	Fortitudo
Pietas	Scientia
Fortitudo	Pietas
Timor	Timor

Ex quibus omnibus patet, quomodo dona cōparentur virtutibus, quomodo secundum diuersos ordines enumerētur, & quomodo enumeratio Esaia partim correspondeat dignitati simpliciter, & partim dignitati, quæ est ex parte materiarum.

1. Conclusio. Enumeratio Esaia non est secundum dignitatem donorum simpliciter, quoad omnia dona.

Prob. Dona, quæ ordinantur ad actus virtutis intellectiuæ, simpliciter nobiliora, & digniora sunt donis, quæ ordinantur ad actus appetitiuæ virtutis. Sed Donum scientiæ perficit virtutem intellectiuam, & donum fortitudinis perficit partē appetitiuam. Ergo Esaia ordo, in quo fortitudo præponitur scientiæ, non est secundum dignitatem simpliciter donorum.

Et iterum. Donum correspondens nobiliori virtuti morali, est simpliciter dignius, dono cor-

ordinantur. Sapientia enim, & Intellectus, etiā in hoc ordine obtinent primum locum, quia Sapientia est circa altissimas causas, & Intellectus circa prima omnium principia: has sequuntur Fortitudo, & Consilium, quæ sunt circa materiam arduam, propter quod præcedunt Scientiam, & Pietatem, quæ non sunt circa arduam materiam. Sed solum circa communem. Vnde in hoc ordine Scientia sequitur Consilium, & Pietas Scientiam, & vltimo Timor.

Virtutes igitur secundum dignitatem ex parte materiarum, & dona correspondentia in hūc modum disponuntur.

<i>Virtutes secundum dignitatem ex parte materiae.</i>	<i>Dona Correspondentia.</i>
Sapientia	Sapientia
Intellectus	Intellectus
Fortitudo	Fortitudo
Prudentia	Consilium
Ars	..
Scientia	Scientia
Iustitia	Pietas
Temperantia	Timor.

<i>Dignitas donorum secundum quid.</i>
Sapientia
Intellectus
Fortitudo
Consilium
Scientia
Pietas
Timor.

respondenti ignobiliori virtuti. Sed Donum pietatis correspondet nobiliori virtuti, scilicet Iustitiæ, & donum fortitudinis correspondet fortitudini, quæ est sub iustitia. Ergo Ordo Esaia non est secundum dignitatem simpliciter donorum.

Et iterum. Scientia præcedit dignitate consilium, ut alias dictum est. Ergo Donum scientiæ, secundum dignitatem, prius quam donum consilij enumerari debuit, quod non fit in enumeratione Esaia.

2. Conclusio. Dignitas donorum, secundum materiam, non attenditur secundū enumerationem Esaia, quoad omnia dona.

Manifestatur, quia Fortitudo præcedit Consilium ratione materiarum, & tamen Esaia primo ponit Consilium, deinde Fortitudinem.

3. Conclusio. Dignitas donorum ordini enumerationis Esaia correspondet partim quidem simpliciter.

simpliciter, & partim secundum ordinem matærie.

Manifestatur. Secundum dignitatem simpliciter enumeravit Sapientiam, & Intellectum, quæ duo præferuntur omnibus simpliciter. Secundum ordinem vero matærie præposuit Consilium, & Fortitudinem, Scientiæ, & Pietati. Timor vero in omni ordine est ultimum donum.

Ad Argumenta.

Ad 1. Dicitur ad minorem, quod Timor maxime requiritur, quasi primordium quoddam perfectionis donorum, quia Initium sapientiæ timor Domini: & non propter hoc, quod sit cæteris dignior. Prius enim est, secundum ordinem generationis, ut aliquis recedat a malo, quod fit per timorem, ut dicitur Proverb. 16. quam quod operetur bonum, quod fit per alia dona.

Ad 2. Negatur minor. Ad probationem dicitur, quod pietas non comparatur in verbis Apostoli omnibus donis Dei, sed soli corporali exercitationi, de qua præmittit, quod ad modicum utilis est.

Ad 3. Dicitur ad antec. quod scientia, etsi præferatur consilio, ratione iudicii, tamen consilium, præfertur ratione matærie: nam consilium non habet locum nisi in arduis, ut dicitur 3. Ethic. cap. 3. sed iudicium scientiæ in omnibus locum habet.

Ad 4. Dicitur, quod licet scientia nobilior donum sit simpliciter, quam fortitudo, ut potest quæ perficit rationem, tamen ratione matærie, quia scilicet fortitudo est circa ardua, præcedit scientiam, quæ est circa communia, & adiungitur fortitudini consilium, quia est directum in arduis, & scientia adiungitur pietati, quæ etiam est circa communia.

ARTICVLVS VIII.

Vtrum Virtutes sint præferendæ donis.

Pro Affirmatiua.

Videtur, quod Virtutes sint præferendæ donis.

1. Caritas est dignior donis. Sed Caritas est virtus. Ergo Virtus est dignior donis.

Maiores prob. quia August. 15. de Trin. cap. 18. de Charitate loquens, dicit. Nullum est isto Dei dono excellentius, solum est, quod diuidit inter filios regni æterni, & filios perditionis æternæ, datur, & alia per Spiritum Sanctum munera, sed sine Charitate nihil profunt.

2. Ea, quæ sunt priora naturaliter, videntur esse potiora. Sed Virtutes sunt priores, donis Spi-

ritus Sancti. Ergo Virtutes sunt potiores donis.

Minor prob. quia Gregor. 2. Moral. cap. 36. dicit, quod Donum Spiritus Sancti in subiecta matærie ante alia iustitiam, prudentiam, fortitudinem, & temperantiam format, & sic eandem mentem septem mox virtutibus, id est donis temperat, ut contra stultitiam sapientiam, contra libetudinem intellectum, contra præcipitationem consilium, contra timorem fortitudinem, contra ignorantiam scientiam, contra duritiam pietatem, contra superbiam Dei timorem.

3. Ea, quibus nullus male vititur, præferenda sunt his, quibus quis male potest uti. Sed Virtutibus nullus male vititur, & donis potest quis male uti. Ergo Virtutes sunt præferendæ donis.

Minor. quo ad priorem partem est August. lib. 2. de lib. arb. cap. 19. qui diffiniens virtutem, inter cætera dicit, quod virtute nullus male vititur.

Quo ad secundam partem prob. quia Gregor. 1. Moral. dicit, quod Hostiam nostræ precis immolamus, ne sapientia eleuet, ne intellectus, dum subtiliter currit, obetret, ne consilium, dum multiplicat, confundat, ne fortitudo, dum fiduciam præbet, præcipitet, ne scientia, dum nouit, & non diligit, inflat, ne pietas, dum se infra rectitudinem inclinat, intorqueat, ne timor, dum plus in se trepidat, in desperationis foueam mergat.

Pro Negatiua.

Ea, quæ perficiunt, quæ virtutes perficere non possunt, sunt præferenda virtutibus. Sed Dona perficiunt ea, quæ virtutes perficere non possunt. Ergo Dona sunt præferenda virtutibus.

Minor. prob. quia Dona dantur in adiutorium virtutum contra defectus, ut Greg. dicit in auctoritate inducta in 2. arg.

Determinatio.

1. Distinctio. Virtutum tria sunt genera. Quædam sunt virtutes Theologicæ. Quædam intellectuales. Et quædam morales.

Virtutes Theologicæ sunt, quibus mens humana Deo coniungitur.

Virtutes intellectuales sunt, quibus ratio ipsa perficitur.

Virtutes morales sunt, quibus vires appetitiuæ perficiuntur ad obediendum rationi.

Dona autem Spiritus Sancti sunt, quibus omnes vires animæ disponuntur ad hoc, quod subdatur motioni diuinæ.

1. Concl. Dona non præferuntur virtutibus Theologicis, sed potius e contra ipsæ virtutes Theologicæ donis præferuntur.

Prob.

Prob. Sicut se habent virtutes morales ad virtutes intellectuales, ita se habent dona Spiritus Sancti ad virtutes Theologicas.

Sed Virtutes intellectuales præferuntur virtutibus moralibus. Ergo Virtutes Theologice præferuntur donis.

Maior prob. quia Sicut virtutes morales disponent appetitum ad obediendum rationi, quam perficiunt virtutes intellectuales; ita dona Spiritus Sancti disponunt rationem perfectam per Theologicas virtutes ad obediendum Spiritui Sancto. Sicut igitur virtutes intellectuales præferuntur moralibus, & regulant eas; ita virtutes Theologice præferuntur donis, & regulant ea.

Et confirmatur Conclusio autoritate Greg. dicentis 1. Mor. cap. 28. quod neque ad denarium perfectionem septem filij, id est septem dona perveniunt, nisi in spe, & Charitate fiat, omne quod agunt.

2. Conclusio. Dona præferuntur omnibus alijs virtutibus, tam intellectualibus, quam moralibus.

Probat. Ea, quæ perficiunt vires humanas per comparationem ad motionem Spiritus Sancti, nobiliora sunt, quam ea, quæ perficiunt easdem vires, secundum se ipsas in ordine ad proprios motus.

Sed Dona Spiritus Sancti perficiunt rationem, & appetitum in ordine ad Spiritum Sanctum moventem, & virtutes intellectuales disponunt rationem secundum se ipsam, morales vero in ordine ad motum rationis. Ergo Dona præferuntur virtutibus, tam moralibus, quam intellectualibus.

Maior prob. quia Ad disponendum mobile ad modum altioris moventis, oportet maiori perfectione esse dispositum. Unde quia Dona disponunt rationem, & appetitum ad prompte obediendum motui Spiritus Sancti, hinc maiorem nobilitatem habere necesse est, quam virtutes, quæ perficiunt easdem potentias, secundum se ipsas, & in ordine ad motus naturales.

Ad Argumenta.

Ad 1. Conceditur, quod Charitas sit perfectior, & dignior donis.

Ad 2. Dicitur, quod aliquid est prius altero dupliciter. Vno modo, ordine perfectionis, & dignitatis, sicut dilectio Dei, est prior dilectione proximi: & hoc modo dona sunt priora virtutibus intellectualibus, & moralibus, posteriora vero virtutibus Theologicis.

Alio modo ordine generationis, seu dispositionis, sicut dilectio proximi præcedit dilectionem

Dei, quantum ad actum, & sic virtutes morales & intellectuales præcedunt dona: quia per hoc, quod homo bene se habet circa rationem propriam, disponitur ad hoc, quod bene se habeat in ordine ad Deum.

Ad formam igitur argumenti dicitur, quod si sermo sit de ordine perfectionis, vera est maior, scilicet quod quæ sunt priora, sunt potiora. Et ad minorem dicitur, quod non omnes virtutes, sed tantum Theologice, sunt priores donis. Si vero sermo sit de ordine generationis, negatur ipsa maior, quæ enim sunt priora tantum ordine generationis, non sunt potiora, & hoc ordine virtutes morales, & intellectuales præcedunt donis, quod est, & per hoc, dona sunt huiusmodi virtutibus potiora.

Ad 3. Negatur minor, quo ad secundam partem. Ad probationem dicitur, quod Sapientia, & intellectus, & alia huiusmodi, sunt dona Spiritus Sancti, secundum quod per charitatem informantur, quæ non agunt perperam, ut dicitur 1. Cor. 13. & ideo sapientia, & intellectu, & alijs huiusmodi nullus male vitur, secundum quod sunt dona Spiritus Sancti, sed ad hoc, quod a charitatis perfectione non recedant, vnum ab altero adiuvatur, & hoc est, quod Greg. intendit dicere.

QVÆSTIO LXIX.

DE BEATITVDINIBVS.

ARTICVLVS I.

Vtrum Beatitudines distinguantur, à virtutibus, & donis.

Pro Negativa.

Videtur, quod Beatitudines a virtutibus, & donis non distinguantur.

1. Ang. lib. 1. de serm. dom. in monte, cap. 9. attribuit beatitudines in Matthæo enumeratas donis Spiritus Sancti. Amb. autem super Lucā lib. 5. attribuit beatitudines ibi enumeratas, quatuor virtutibus Cardinalibus.

Ergo Beatitudines non distinguantur a virtutibus, & donis.

2. Virtutes perficiunt hominem in ordine ad rationem, Dona in ordine ad legem æternam Spiritus Sancti. Ergo Non potest esse aliquid aliud pertmens ad rectitudinem voluntatis humanæ, præter virtutes, & dona.

Conseq. probatur. quia Humanæ voluntatis non est nisi duplex regula, scilicet Ratio, & Lex æterna.

*Determinatio.***Diuerforum de hoc quæſito
doctorum ſententiæ.**

Circa iſta præmia expoſitores Sacra ſcripturæ diuerſimode ſunt loquuti.

Amb. ſuper Lucam dicit, omnia iſta præmia ad futuram beatitudinem pertinere.

Aug. dicit, ea ad præſentem vitam pertinere, vt dicitur argumento pro affirmatiua.

Chriſoſt. Homil. 6. dicit, quædam eorum pertinere ad futuram vitam, quædam autem ad præſentem.

Veritatis explicatio.

Diſtinctio. Beatitudines, vt art. præced. dictum eſt, ſunt actus virtutum, & donorum, quibus mouemur in ſupernaturalem beatitudinem. Dicuntur autem huiusmodi actus beatitudines, quia faciunt nos beatos in ſpe, quia ipſos exercentes firmam habemus ſpem perueniendi ad beatitudinem. Spes autem futuræ beatitudinis poteſt in nobis contingere propter duo. Primo quidem, propter aliquam præparationem, vel diſpoſitionem ad futuram beatitudinem, & hoc fit per meritum. Vnde, quando quis facit actum meritorium, poteſt dici beatus, eo quia præparat, & diſponit ſe ad beatitudinem.

Alio modo, propter aliquam inchoationem futuræ beatitudinis, & hanc beatitudinem habent Sancti in hac vita, qui ad aliquem excellentem gradum charitatis, & gratiæ perueniunt, vt fuerunt Apoſtoli, & maxime Beatiffima Virgo, quæ omni peccato, & fomite carebat.

Exemplo manifeſtatur hæc diſtinctio. Poſſumus enim ex arbore ſperare fructus propter duo, vel propter diſpoſitiones, puta quando viſcit, emittit gemmas, folia, & flores. Vel quando videmus iam in eo primordia fructuum apparere. Sic quando in homine ſunt merita poteſt ſperare ſe beatum futurum, & quando iam participat aliquo modo charitatem, puritatem, quietem, & alia, quæ plene poſſident beatitudinem perfectam ſperare poteſt.

Et hæc ratione in qualibet beatitudine ponitur aliquid per modum meriti, & aliquid per modum præmij: & hoc apparet in prima beatitudine, in qua dicitur. Beati pauperes ſpiritu, ecce ponitur actus meritorius, quoniam ipſorum eſt regnum cælorum, ecce quod ponitur per modum præmij. Et hæc dupliciter accipiuntur. Vno modo, vt ſunt ipſa beatitudo perfecta. Alio modo,

vt ſunt inchoatio beatitudinis perfecta. Sicut quando dicitur, quoniam ipſorum eſt regnum cælorum, poteſt intelligi, vel de perfecta poſſeſſione regni cælorum, vel de inchoatiua.

Breuitè igitur colligendæ prædictæ dicitur, quod in beatitudine ponuntur aliqua per modum meriti, & aliqua per modum præmij. Quæ ponuntur per modum præmij, vel ſunt ipſa perfecta beatitudo, vel inchoatio perfecta beatitudinis.

1. Concluſio. Ea, quæ ponuntur in beatitudinibus per modum meriti, pertinent ad præſentem vitam tantum.

Prob. quia iſta ſunt præparatiua, & diſpoſitiua ad beatitudinem futuræ vitæ, qua habitata, ceſſant hæ diſpoſitiones. Vnde in patria non erit luctus, paupertas &c.

2. Concluſio. Ea, quæ ponuntur per modum præmij, quæ tamen ſunt inchoatio futuræ beatitudinis, poſſunt pertinere ad hanc vitam.

Prob. Ex diſpoſitione Auguſt. in authoritate inducta in argumento pro affirmatiua. Nam Apoſtoli, & quamplures alij hanc inchoatam beatitudinem habuerunt in hac vita.

3. Concluſio. Quæ ponuntur per modum præmij completi, non poſſunt pertinere ad præſentem vitam, ſed ſolum ad futuram.

Hæc ex eadem D. Aug. ſententia comprobatur. Nam hæc omnimoda in Angelicam formam mutatio, quæ poſt hanc vitam promittitur, nullis verbis exprimi poteſt, & etiam ex ſe manifeſta eſt, & ex dictis alias.

Ad Argumenta.

Ad 1. Dicitur ad maiorem, quod Spes eſt de futura beatitudine, ſicut de vltimo fine, poteſt etiam eſſe, & de auxilio gratiæ, ſicut de eo, quod dicitur ad finem, ſecundum illud Pſalmi 27. In Deo ſperauit cor meum, & adiutus ſum.

Ad 2. Dicitur ad antec. & ad eius prob. quod mali etſi interdum in hac vita temporales pœnas non patiuntur, patiuntur tamen ſpirituales. Vnde Auguſt. dicit lib. 1. Confeſſ. cap. 12. Inſiſti Domine, & ſic eſt, vt pœna ſibi ſit inordinatus animus. Et Phil. dicit in 9. Ethic. cap. 4. De malis, quod contendit ipſorum anima, hoc quidem huc trahit, illud autem illuc, & poſtea concludit. Si autem ſic miſerum eſt, malum eſſe, fugiendum eſt malitiam intenſe, & ſimiliter e conuerſo, boni, etſi in hac vita quandoque non habeant corporalia præmia, nunquam tamen deficient à ſpiritualibus etiam in hac vita, ſecundum illud Matth. 9. & Marci. 19. Centuplum accipietis etiam in hoc ſeculo.

Ad 3. Dicitur, quod Omnia illa premia perfectæ quidem consummabuntur in vita futura, sed interim etiam in hac vita quodammodo inchoantur: nam regnum cælorum, ut Aug. dicit, potest intelligi perfectæ sapientiæ initium: secundum quod incipit in eis spiritus regnare. Possessio etiam terræ significat affectum bonum animæ quiescentis per desiderium in stabilitate hereditatis perpetuæ, per terram significat. Consolantur autem in hac vita per Spiritum Sanctum, qui paracletus, id est consolator dicitur, participando. Saturantur autem in hac vita illo cibo, de quo Dominus dicit. Meus cibus est, ut faciam voluntatem patris mei. In hac etiam vita consequuntur homines misericordiam Dei; In hac etiam vita purgato oculo per donum intellectus Deus quodammodo videri potest. Similiter etiam in hac vita, qui motus suos pacificant ad similitudinem Dei accedentes, filij Dei nominantur, tamen hæc perfectius erunt in patria.

ARTICVLVS III.

Vtrum Conuenienter enumerentur beatitudines.

Pro Negatiua.

Videtur, quod Inconuenienter enumerentur beatitudines.

1. Donorum, quibus attribuntur beatitudines, ut dictum est, quedam pertinent ad vitam contemplatiuam, ut sapientia, & intellectus, & quedam ad actiuam, ut pietas, & timor. Sed Beatitudinum nulla pertinet ad vitam contemplatiuam, sed omnes ad actiuam. Ergo Beatitudines insufficienter enumerantur.

2. Inter beatitudines nulla ponitur, quæ directè ad actum doni consilij, vel scientiæ correspondeat. Ergo Insufficienter beatitudines enumerantur.

Conseq. prob. quia Ad actiuam vitam non solum pertinent dona exequentia, sed etiam dirigentia, ut sunt scientia, & consilium. Vnde sicut ponuntur beatitudines correspondentes donis exequentibus, ita debuerunt poni beatitudines pertinentes ad dona dirigentia.

3. Inter beatitudines nihil ponitur ad sortitum pertinentens. Ergo Insufficienter assignantur etiam beatitudines pertinentes ad dona exequentia.

Manifestatur conseq. quia Sicut ponitur paupertas spiritus, quæ respondet timori, & misericordia, quæ respondet pietati, debuit etiam poni alia beatitudo pertinentens ad donum fortitudinis,

quod pertinet ad vitam actiuam, ut exequens.

4. In sacra Scriptura tanguntur multe aliæ beatitudines, sicut Iob 5. dicitur. Beatus homo, qui corripitur à Deo. Et in Psal. 1. dicitur. Beatus vir, qui non abiit in consilio impiorum. Et Prouerb. 3. Beatus vir, qui inuenit sapientiam. Ergo Insufficienter beatitudines enumerantur.

Pro Affirmatiua.

Quod superflue enumerentur.

1. Dona Spiritus Sancti sunt septem. Beatitudines autem tanguntur octo Matth. 5. Ergo Superflue assignantur.

Prob. Conseq. quia beatitudines donis debent respondere.

2. Lucæ 6. Ponuntur tantum quatuor beatitudines. Ergo Superflue ponuntur octo.

Determinatio.

Conclusio. Beatitudines istæ convenientissime enumerantur Matth. 5. septenario numero, quæ sunt.

Prima Paupertas spiritus. Beati pauperes spiritu.

Secunda Mititas. Beati mites.

Tertia Luctus. Beati qui lugent.

Quarta Esuries, & sitis iustitiæ. Beati qui esuriunt, & sitiunt iustitiam.

Quinta Misericordia. Beati Misericordes.

Sexta Munditia Cordis. Beati mundo Corde.

Septima Pax. Beati pacifici.

Prob. Beatitudines, per quas homo sufficienter abducitur à falsa beatitudine, & adducitur ad veram, sunt sufficienter enumeratæ. Sed Per has septem beatitudines sufficienter homo abducitur à falsa beatitudine, & adducitur ad veram. Ergo Beatitudines sunt sufficienter enumeratæ.

Vel aliter Beatitudines, per quas sufficienter excluditur falsa beatitudo, & ostenditur vera, sunt sufficienter enumeratæ. Sed Per has septem beatitudines sufficienter excluditur falsa, & ostenditur vera beatitudo. Ergo sunt sufficienter enumeratæ.

Minor prob. præmittendo, quod aliqui posuerunt triplicem beatitudinem. Quidam posuerunt beatitudinem in vita voluptuosa. Quidam in vita actiua, & Quidam in vita contemplatiua.

Hæ autem tres beatitudines diuersimodè se habent ad beatitudinem futuram, cuius spe dicimur beati. Nam beatitudo voluptuosa falsa est, & rationi contraria, & propterea est impedimentum veræ beatitudinis. Beatitudo vero vitæ actiuæ, est dispositio ad veram beatitudinem.

Beati-

Beatitudo vero contemplatiuæ vitæ, si sit perfecte, est ipsamet beatitudo futura, si autem sit imperfecta, est quædam inchoatio eius.

Per has igitur septem beatitudines, excluditur Primo falsa beatitudo. Secundo ponuntur merita, & præmia pertinentia ad beatitudinem vitæ actiuæ, & Tercio ponuntur præmia pertinentia ad vitam contemplatiuam, & per hoc excluditur falsa beatitudo, & ostenditur, quæ sit vera: & iterum abducitur homo a falsa, & inducitur ad veram beatitudinem, & omnia hæc sigillatim manifestantur.

Beatitudo falsa, quæ est in vita voluptuosa, consistit in duobus. Primo in affluentia exteriorum bonorum, siue sint diuitiæ, siue honores. Secundo in sequela propriarum passionum, quæ sunt in duplici differentia, vel irascibilis, vel concupiscibilis. Vnde specialiter hæc falsa beatitudo consistit in tribus.

Primo, In affluentia bonorum exteriorum.

Secundo, In sequela passionum irascibilis.

Tercio, In sequela passionum concupiscibilis.

Et hæc tria excluduntur per tres primas beatitudines, & ab eis homo retrahitur.

Ab affluentia bonorum exteriorum retrahitur homo per virtutem, sic vt moderate eis utatur. Per donum autem perfectiori modo, vt scilicet ea contemnat.

Et hoc sit per primam beatitudinem. Beati pauperes spiritu.

A sequela passionum irascibilis retrahitur homo per virtutem, vt eas moderetur secundum regulam rationis. Per donum vero, vt ab eis tranquillitas reddatur. Et ad hoc pertinet. Secunda beatitudo. Beati mites.

A sequela passionum concupiscibilis retrahitur virtus per hoc, vt homo moderate eis utatur. Donum vero, vt eas si necesse fuerit totaliter abiciat, quinimmo vt voluntarium luctum assumat. Et hoc intendit tertia beatitudo. Beati qui lugent, & sic remanet exclusa falsa beatitudo.

Beatitudo actiuæ vitæ, præcipue consistit in his, quæ proximis exhibemus, quæ sūt duo. Quædam enim exhibemus ratione debiti. Et quædam ratione spontanei beneficii. Et ad primum quidē nos virtus disponit, vt ea, quæ debemus proximis nō recusamus exhibere: quod pertinet ad iustitiā. Donum autem ad hoc ipsum abundantiori quodam affectu nos inducit, vt scilicet feruenti desiderio opera iustitiæ impleamus, sicut seruēdi desiderio esuriens, & sitiens cupit cibum, vel potum. Vnde quarta beatitudo ponitur. Beati qui esuriunt, & sitiunt iustitiā.

Circa spontanea vero nos perficit virtus, vt il-

lis donemus, quibus ratio dicitur esse donandum, puta amicis, aut alijs nobis coniunctis: quod pertinet ad virtutem liberalitatis.

Sed donum propter Dei reuerentiam solum, necessitatem considerat in his, quibus gratuita beneficia præstat, vnde dicitur Luca 14. Cum facis prandium, aut cœnam, noli vocare amicos, aut fratres tuos, &c. Sed voca pauperes, & debiles, &c. quod proprie est misereri. Et ideo quinta beatitudo ponitur. Beati misericordes.

Ea vero, quæ ad contemplatiuam pertinent, vel sunt ipsa beatitudo finalis, vel aliqua inchoatio eius: & ideo non ponuntur in beatitudinibus tanquam merita, sed tanquam præmia. Ponuntur autem tanquam merita effectus actiuæ vitæ, quibus homo disponitur ad contemplatiuam vitam. Effectus autem actiuæ vitæ quantum ad virtutes, & dona, quibus homo perficitur in seipso, est munditia cordis, vt scilicet mens hominis passionibus non inquinetur. Vnde Sexta beatitudo ponitur. Beati mundo corde.

Quantum vero ad virtutes, & dona, quibus homo perficitur in comparatione ad proximum, effectus actiuæ vitæ est pax, secundum illud Esa. 30. Opus iustitiæ pax. Et ideo septima beatitudo ponitur. Beati pacifici.

Breuius igitur dicta colligendo dicimus, quod Beatitudines, Quædam excludunt falsam beatitudinem, Quædam pertinent ad beatitudinem vitæ actiuæ, & Quædam ad beatitudinem vitæ contemplatiuæ.

Beatitudines excludentes falsam beatitudinem sunt tres, secundum quod falsa beatitudo in tribus consistit, scilicet in affluentia bonorum exteriorum, in sequela passionum irascibilis, & in sequela passionum concupiscibilis.

Prima Beati pauperes spiritu, contra affluentiam bonorum exteriorum.

Secunda Beati mites, contra sequelam passionum irascibilis.

Tertia Beati, qui lugent, contra sequelam passionum concupiscibilis.

Pertinentes ad vitam actiuam sunt duæ, secundum quod duo sunt, quæ proximis debemus, scilicet debiti, & beneficii.

Quarta Beati, qui esuriunt, & sitiunt iustitiā, propter debita.

Quinta Beati misericordes, propter gratuita.

Beatitudines pertinentes ad contemplatiuam etiam duæ sunt, secundum quod duo sunt, per quæ homo disponitur ad contemplatiuam vitam, scilicet in seipso, & in ordine ad alios.

Sexta Beati mundo corde, propter dispositionem in seipso.

Septima Beati pacifici, propter dispositionem per respectum ad alios.

Ad Argumenta.

Ad 1. Dicitur ad minorem, quod Actus donorum pertinentium ad vitam actiuam, exprimuntur in ipsis meritis: sed actus donorum pertinentium ad vitam contemplatiuam, exprimuntur in præmijs, ratione iam dicta. Videre enim Deum, responderet dono intellectus, & conformari Deo, quodam filiatione adoptiua, pertinet ad donum sapientiae.

Ad 2. Negatur consequ. Ad probationem dicitur, quod In his, quæ pertinent ad actiuam vitam, cognitio non queritur propter seipsam, sed propter operationem, ut etiam Phil. dicit in 2. Eth. Et ideo, quia beatitudo aliquid vltimum importat, non computatur inter beatitudines actus donorum dirigentium in vitam actiuam, quos scilicet Eliciunt, sicut consiliari, est actus consilij, & iudicare est actus scientiae, sed magis attribuuntur eis actus operatiui, in quibus diriguntur, sicut scientiae, iugere & consilio misereri.

Ad 3. Negatur anteced. Nam si considerentur beatitudines, dum ad dona attribuuntur, quantum ad conformitatem materiae, sic fortitudini attribuitur mititas. Si vero considerentur quantum ad motiuum, ei correspondet esuries, & sitis iustitiae. Pro quo est sciendum, quod in attributio ne beatitudinum ad dona, possunt duo considerari. Quorum vnum est conformitas materiae: & secundum hoc, primæ omnes quinque beatitudines possunt attribui scientiae, & consilio, tanquā dirigentibus: sed inter dona exsequentia, distribuuntur ita, quod esuries, & sitis iustitiae, & etiam misericordia pertineant ad pietatem, quæ perficit hominem in his, quæ sunt ad alterum, mititas autem ad fortitudinem. Dicit enim Amb. super Lucam, quod fortitudinis est iram vincere, indignationem cohibere: est enim fortitudo circa passiones irascibilis. Paupertas vero, & iustus pertinet ad donum timoris, quod homo se retrahit a cupiditatibus, & delectationibus mundi. Alio modo possumus in his beatitudinibus considerare motiua ipsarum, & sic quantum ad aliqua eorum oportet aliter attribuire, præcipue enim ad mansuetudinem mouet reuerentia ad Deum, quæ pertinet ad pietatem: ad lugendum autem mouet præcipue scientia, per quam homo cognoscit defectus suos, & rerum mundanarum, secundum illud Eccl. 1. Qui addit scientiam, addit & dolorem. Ad esuriendum autem iustitiæ opera præci-

pue mouet animi fortitudo. Ad miserendum vero præcipue mouet consilium Dei, secundum illud Dan. 4. Consilium meum Regi placeat. peccata tua eleemosynis redime, & iniquitates tuas misericordijs pauperum. Et hunc modum attributionis sequitur Augustin. in lib. 1. de serm. dom. in monte, cap. 9.

Ad 4. Dicitur, quod necesse est beatitudines omnes, quæ in sacra scriptura ponuntur, ad has reduci, vel quantum ad merita, vel quantum ad præmia: quia necesse est, quod omnes pertineant aliquo modo ad vitam contemplatiuam. Vnde quod dicitur, Beatus vir, q. corrigitur a domino, pertinet ad beatitudinem luctus. Quod vero dicitur, Beatus vir, qui non abiit in consilio impiorum, pertinet ad munditiam cordis. Quod vero dicitur, Beatus vir, qui inuenit sapientiam, pertinet ad præmium septimæ beatitudinis. Et idem pater de omnibus alijs, quæ possunt induci.

Ad Argumenta pro altera parte.

Ad 1. Dicitur ad antec. quod octaua beatitudo est quædam confirmatio, & manifestatio omniū præcedentium: ex hoc enim, quod aliquis est confirmatus in paupertate spiritus, & mititate, & alijs sequentibus, prouenit, quod ab his bonis propter aliquam persecutionem non recedit. Vnde octaua beatitudo quodammodo ad septem præcedentes pertinet.

Ad 2. Dicitur ad antec. quod Lucas narrat sermonem domini factum esse ad turbas: propterea beatitudines numerantur ab eo secundum capacitatem turbarum, quæ solam voluptuosam, temporalem, & terrenam beatitudinem nouerunt; Vnde dominus per quatuor beatitudines, quatuor excludit, quæ ad prædictam beatitudinem pertinere videntur. Quorum primum est abundantia bonorum exteriorum, quod excludit per hoc, quod dicit, Beati pauperes. Secundum est, quod bene sit homini quantum ad corpus, in cibis, & potibus, & alijs huiusmodi: & hoc excludit per secundum quod ponit, Beati, qui esuritis. Tertium est, quod sit homini bene, quantum ad cordis iocunditatem: & hoc excludit tertio, dicens, Beati, qui nunc fletis. Quartum est exterior hominum fauor: & hoc excludit quarto, dicens, Beati eritis, cum vos oderint homines. Et sicut Ambros. dicit, paupertas pertinet ad temperantiam, quæ illecebrosa non querit. Esuries ad iustitiam, quia qui esurit, compatiatur, & compatendo largitur. Fletus ad prudentiam, cuius est flere occidua. Pati odium hominum, ad fortitudinem.

ARTICVLVS IV.

Vtrum Præmia beatitudinum conuenienter enumerentur.

Pro Negatiua.

Videtur, quod Præmia beatitudinum inconuenienter enumerentur.

1. In regno cælorum, quod est vita æterna, bona omnia continentur. Ergo Posito regno cælorum, non oportuit alia præmia ponere.

2. Regnum cælorum ponitur pro præmio, & in prima beatitudine, & in octaua. Ergo Eadem ratione debuit poni in omnibus.

3. In beatitudinibus proceditur ascendendo, sicut Aug. lib. 1. de ser. dom. in mon. c. 6. dicit. In præmijs autem videtur procedi descendendo: nā possessio terre est minus, quam regnum cælorum. Ergo Inconuenienter huiusmodi præmia assignantur.

Pro Affirmatiua.

Est auctoritas ipsius domini præmia huiusmodi proponentis.

Determinatio.

Conclusio. Præmia beatitudinum conuenientissime assignantur.

Manifestatur. Ex conditionibus beatitudinū in artic. præced. assignatarum. Tres enim primæ beatitudines accipiuntur per retractionē ab his, in quibus volup: uosa beatitudo consistit, quam homo desiderat, querens id, quod naturaliter desideratur, non ubi querere debet, scilicet in Deo, sed in rebus temporalibus, & caducis: Et ideo præmiarum primarum beatitudinum accipiuntur secundum ea, quæ in beatitudine terrena aliqui querunt: querunt enim homines in rebus exterioribus, scilicet diuitijs, & honoribus excellentiam quandam, & abundantiam, quorum utrumque importat regnum cælorum, per quod homo consequitur excellentiam, & abundantiam bonorum in Deo, & ideo regnum cælorum dominus pauperibus spiritu repromisit.

Querunt autem homines feroces, & immites per litigia, & bella securitatem sibi acquirere, inimicos suos destruendo: Vnde dominus repromisit mitibus, securam, & quietam possessionem terræ uiuentium, per quam significatur soliditas æternorum bonorum.

Querunt autem homines in concupiscentijs, & delectationibus mundi habere consolationem contra præsentis uitæ labores, & ideo dominus consolationem uitæ lugentibus repromisit.

Aliæ vero duæ beatitudines pertinent ad operā actiue beatitudinis, quæ sunt opera virtutum ordinantium hominem ad proximum, a quibus operibus aliqui retrahuntur propter inordinatū amorem proprii boni, & ideo dñs attribuit illa præmia, his beatitudinib. propter quæ homines ab eis discedunt. Discedunt enim aliqui ab operibus iustitiæ non rededentes debitum, sed potius alienarapientes, ut bonis temporalibus impleantur, & ideo dominus esurientibus iustitiam, saturitatem repromisit. Discedunt etiam aliqui ab operibus misericordiæ, ne se immisceant miserijs alienis, & ideo dominus misericordibus repromittit misericordiam, per quam ab omni miseria liberentur.

Aliæ vero duæ vltimæ beatitudines pertinent ad contemplatiuam felicitatem, seu beatitudinē, & ideo secundum conuenientiam dispositionum, quæ ponuntur in merito, præmia redduntur. Nā munditia oculi disponit ad clare videndum, unde mundis corde diuina visio repromittitur. Constatuere vero pacem, vel in seipso, vel inter alios, manifestat hominem esse Dei imitatore, qui est Deus unitatis, & pacis, & ideo pro præmijs redditur ei gloria diuinæ filiationis, quæ est in perfecta coniunctione ad Deum per sapientiam consummatam.

Ad Argumenta.

Ad 1. Dicitur, quod sicut Chris. hom. 1. §. dicit. Omnia præmia ista vnum sunt in re. scilicet beatitudo æterna, quam intellectus humanus non capit, & ideo oportuit, quod per diuersa bona nobis nota describeretur, obseruata conuenientia ad merita, quibus præmia attribuantur.

Ad 2. Dicitur, quod Sicut octaua beatitudo est firmitas quædam omnium beatitudinum, ita debetur sibi omnium beatitudinum præmia: & ideo reddit ad capit, ut intelligantur sibi consequenter omnia præmia attribui. Vel secundum Amb. l. 5. in Luc. pauperibus spiritu repromittitur regnum cælorum, quantum ad gloriam animæ: sed passis persecutionem in corpore quantum ad gloriam corporis.

Ad 3. Dicitur, quod etiam præmia secundum additionem se habent ad inuicem. Nam plus est possidere terram regni cælorum, quam simpliciter habere: multa. n. habemus, quæ non firmiter, & pacifice possidemus. Plus est etiam consolari in regno, quam habere, & possidere: multa. n. cum dolore possidemus. Plus est etiam saturari, quam simpliciter consolari: nam saturitas abundantiam consolationis importat. Misericordia vero excedit saturitatem, ut plus. s. homo accipiat, quam meruerit, vel desiderare possint. Adhuc autem maius est Deum videre, sicut maior est, qui in

curia Regis nō solum prandet, sed etiam faciem Regis videt. Summam autem dignitatem in domino regia filius Regis habet.

QVÆSTIO LXX.

DE FRUCTIBVS
Spiritus Sancti.

ARTICVLVS I.

Vtrum fructus Spiritus Sancti, quos Apostolus nominat ad Galat. 3. sint actus.

Pro Negativa.

Videtur, quod fructus Spiritus Sancti, quos Apostolus nominat non sint actus.

1. Id, cuius est aliquis fructus, non debet dici fructus. Sed Actuum nostrorum est aliquis fructus. Ergo Ipsi actus, non debent dici fructus.

Maiores prob. quia sic in infinitum iretur.

Minor prob. quia Sap. 4. dicitur. Bonorum laborum gloriosus est fructus. & 10. 4. dicitur. Qui meritis, mercedem accipit, & fructum congregat in vitam æternam.

2. Voluntas nostra non debet conquirere, in actibus nostris propter se. Ergo Actus nostri non debent dici fructus.

Consequenter prob. quia si ruimur cognitis, in quibus voluntas ipsa delectata conquiescit, ut dicit Aug. 10. de tri. c. 10.

3. Virtutes non sunt actus, sed habitus, ut supra dictum est, quæst. 55. art. 1. Sed Inter fructus Spiritus Sancti enumerantur ab Apostolo aliquæ virtutes. scilicet Charitas, in suetudo, fides, & castitas. Ergo Fructus non sunt actus.

Pro Affirmativa.

Matth. 12. dicitur. Ex fructu arbor cognoscitur, id est ex operibus suis homo. ut ibi exponitur a Sæctis. Ergo Ipsi actus humani dicuntur fructus.

Determinatio.

Distinctio. Fructus dupliciter in spiritualibus accipitur. Vno modo dicitur fructus id, quod homo producit. Alio modo id, quod homo adipiscitur ultimo, delectationem habens.

Manifestatur in corporalibus a quibus nomen fructus ad spiritualia translatum est. Dicitur enim in corporalibus fructus id, quod ex planta producit, cum ad perfectionem peruenit, & quandam similitudinem habet, qui quidē fructus ad duo comparari potest. scilicet ad arborem producentem, & ad hominem, qui ex arbore adipiscitur fructus,

& ita est etiam in spiritualibus.

Sed fructus secundum quod accipitur pro eo, quod ab homine producit, dupliciter consideratur. Vno modo, pro ut producit ab homine secundum facultatem suæ naturæ. Alio modo, secundum quod producit ab homine secundum altiore virtutem, quæ est virtus Spiritus Sancti.

1. Conclusio. Fructus, secundum quod significat id, quod homo adipiscitur, ut vltimum delectabile, non est actus humanus.

Prob. quia Fructus, quem homo vltimo adipiscitur, ut quoddam delectabile, est vltimus finis, qui est ipsemet Deus.

2. Conclusio. Fructus, secundum quod significat id, quod homo producit per virtutem, & facultatem suæ naturæ, est humana operatio, & dicitur fructus rationis.

Prob. quia Operatio conueniens naturæ est vltimum, & delectabile, quod homo producit.

3. Conclusio. Fructus Spiritus Sancti est operatio humana, producta ab homine per virtutem Spiritus Sancti, quasi cuiusdam diuini seminis.

Prob. Nam dicitur 1. Ioan. 3. Omnis, qui natus est ex Deo, peccatum non facit, quoniam semper ipse in eo manet.

Ex quibus patet, quod fructus Spiritus Sancti est operatio humana, quam homo operatur per virtutem Spiritus Sancti.

Ad Argumenta.

Ad 1. Negatur maior. Non enim inconuenit, ut fructus sit alius fructus, sicut non inconuenit, quod aliquis finis sit alius finis. Opera igitur nostra, in quantum sunt effectus Spiritus Sancti in nobis operantis, habent rationem fructus; sed in quantum ordinantur ad finem vite æternæ, sic habent rationem florum, secundum illud Ecc. 24. Flores mei fructus honoris, & honestatis.

Ad 2. Dicitur ad antec. quod cum dicimus, Voluntatem in aliquo propter se delectari, potest intelligi dupliciter. Vno modo secundum quod, ly propter, dicit causam finalem; & sic, propter se, nō delectatur aliquis, nisi in vltimo fine. Alio modo, secundum quod designat causam formalem, & sic, propter se, aliquis potest delectari in omni, quod delectabile est secundum suam formam. Sicut patet, quod infirmus delectatur in sanitate propter se, sicut in fine, in medicina autem suauis, non sicut in fine, sed sicut in habere saporem delectabilem; in medicina autem aultera, nullo modo propter se, sed solum propter aliud. Sic igitur dicendum est, quod in Deo delectari dēt homo propter se, sicut propter vltimum finem; in actibus autem virtuosis, non sicut propter finem, sed propter

propter honestatem, quam continet delectabile in virtutibus. Vnde Ambr. lib. de parad. cap. 13. dicit, quod opera virtutum dicuntur fructus, quia suos possessores sancta, & sincera delectatione rescitunt.

Ad 3. Dicitur ad maiorem, quod Nomina virtutum possunt accipi dupliciter. Vno modo, vt significant habitum virtutum, secundum quem modum de ipsis habetur sermo loco citato. Alio modo vt ponuntur pro actibus ipsarum virtutum, secundum quem modum August. dicit serm. 27. de verb. Apost. quod Fides est credere, & charitas est motus animi ad diligendum Deum, & secundum hanc acceptionem numerantur ab Apost. aliquæ virtutes inter fructus: & sensus est, quod fructus spiritus sunt charitas. i. charitatis actus, Mansuetudo, id est mansuetudinis actus, fidei actus, &c.

ARTICVLVS II.

Vtrum Fructus a beatitudinibus differant.

Pro Negativa.

Videretur, quod fructus a beatitudinibus non differant.

1. Quæ perficiunt hominem, secundum quod mouetur a Spiritu Sancto, sunt fructus. Sed Beatitudines perficiunt hominem, secundum quod mouetur a Spiritu Sancto. Ergo Beatitudines sunt fructus.

Minor prob. quia Beatitudines attribuuntur donis.

2. Sicut se habet fructus vitæ æternæ ad beatitudinem futuram, quæ est rei, ita se habent fructus præsentis vitæ, quæ est spei. Sed Fructus vitæ æternæ est ipsa beatitudo futura. Ergo Fructus vitæ præsentis sunt ipsæ beatitudines.

3. De cuius ratione est, vt sit vltimum, & delectabile, idem est quod fructus. Sed De ratione beatitudinis est, vt sit vltima, & delectabilis; vt dictum est, quæst. 3. art. 1. Ergo Beatitudines sunt fructus.

Maior prob. quia Hoc est de ratione fructus, vt dictum est, art. præc.

Pro Affirmativa.

Quorum Species sunt diuersæ, ipsa quoque sunt diuersa. Sed Beatitudinum, & fructuum sunt diuersæ species, vt patet per enumerationem vtriusque. Ergo Fructus differunt a beatitudinibus.

Determinatio.

Conclusio. Fructus differunt a beatitudinibus.

Prob. Plus requiritur ad rationem beatitudinis, quam ad rationem fructus. Ergo Fructus differt a beatitudine.

Antec. prob. quia Ad rationem fructus sufficit, vt sit aliquid habens rationem vltimi, & delectabilis. Sed ad rationem beatitudinis vltius requiritur, quod sit aliquid excellens, & perfectum. Sunt enim fructus, quæcunque virtuosæ opera, in quibus homo delectatur. Sed beatitudines dicuntur sola perfecta opera, quæ etiam ratione suæ perfectionis magis attribuuntur donis, quam virtutibus, vt dictum est, quæst. præced. artic. 1. &c.

Et ex his sequitur, quod omnes beatitudines possint dici fructus, sed non e converso omnes fructus sunt beatitudines: sicut omnis homo est animal, non autem omne animal est homo, quia homo in sui ratione plus includit, quam animal.

Ad Argumenta.

Ad 1. Dicitur, quod probat beatitudines esse fructus, quod conceditur, sed tamen non omnes fructus sunt beatitudines.

Ad 2. Negatur maior, non enim sic se habent fructus vitæ æternæ ad ipsam, sicut fructus præsentis beatitudinis ad ipsam. Nam fructus vitæ æternæ est simpliciter vltimus, & perfectus, & ideo in nullo distinguitur ab ipsa vita æterna futura: fructus autem præsentis vitæ non sunt simpliciter vltimi.

Ad 3. Dicitur ad minorem, quod aliquid amplius est de ratione beatitudinis, quàm sit de ratione fructus, vt dictum est.

ARTICVLVS III.

Vtrum Fructus conuenienter enumerentur ab Apostolo.

Pro Negativa.

Videretur, quod Apostolus inconuenienter ad Galat. 5. enumeret duodecim fructus.

1. Alibi dicit esse tantum vnum fructum præsentis vitæ, secundum illud Rom. 6. Habetis fructum vestrum in sanctificationem, & Esa. 27. dicitur. Hic est omnis fructus, vt auferatur peccatum. Ergo Non sunt ponendi duodecim fructus.

2. Dominus Matth. 13. ponit triplicem bonæ terræ fructum ex spiritali semine prouenientem, scilicet Centesimum, Sexagesimum, Trigesimalum. Ergo Non sunt ponendi ab Apostolo duodecim fructus.

3. Ratio vltimi, & delectabilis, quæ est propria fructus, non inuenitur in omnibus fructibus, quos Apo-

Apo-

Apostolus enumerat. Ergo Inconuenienter ab Apostolo enumerantur fructus.

Antec. prob. quia Patientia, & Longanimitas, videntur esse in rebus contristantibus. Fides autem non habet rationem vltimi, sed primi fundamenti.

Pro Altera parte, quod Insufficienter, & diminute enumerantur.

Dictum est enim, quod omnes beatitudines fructus dici possunt. Sed Non omnes hic enumerantur: Nihil enim hic ponitur ad actum sapientie pertinens, & multarum aliarum virtutum. Ergo Videtur, quod Insufficienter enumerentur fructus.

Determinatio.

Concl. Numerus duodecim fructuum ab Apostolo enumeratorum ad Galat. 5. est conueniens, qui fructus sunt:

1. Charitas	5. Benignitas	9. Fides
2. Gaudium	6. Bonitas	10. Modestia
3. Pax	7. Longanimitas	11. Continetia
4. Patientia	8. Mansuetudo	12. Castitas

Probatur Authoritate, & Ratione.

Authoritate suadet. quia Huiusmodi fructus possunt significari per duodecim fructus, de quibus Apoc. cap. vltimo dicitur. Ex utraque parte fluminis lignum vite afferens fructus duodecim.

Prob. ratione. Perfectiones, quibus humana mens bene disponitur ex processu, siue motione Spiritus Sancti in nos, tanquam ex radice procedentes, sunt duodecim. Sed Fructus sunt perfectiones, quibus mens humana bene disponitur, procedentes ex motione Spiritus Sancti tanquam ex radice. Ergo Fructus Spiritus Sancti conuenienter ab Apostolo enumerantur.

Maiores prob. Nam perfectio mentis humane consistit in tribus. Primo, vt sit perfecte disposita secundum se ipsam. Secundo, vt sit bene ordinata ad ea, que sunt iuxta se ipsam. Tertio, vt sit bene ordinata ad ea, que sunt infra ipsam. Secundum se ipsam est bene ordinata mens humana, quando bene se habet in bonis, & in malis. In bonis bene se habet mens humana, per amorem, qui est prima affectio, & omnium affectionum radix, & ideo Primus fructus Spiritus Sancti ponitur Charitas.

Ad amorem necessario sequitur gaudium, quod est secundus fructus.

Ad gaudium sequitur Pax, per quam conseruatur gaudium, tum a conturbantibus exterioribus, tum interioribus, quatenus quietat desiderium in bono amato, & hic est tertius fructus. Et per hos tres fructus bene se habet mens in bonis.

In malis bene se habet mens, quantum ad duo.

Primo, Vt non perturbetur per imminentiā malorum. Secundo, Vt non perturbetur per dilationem bonorum.

Primum fit per patientiam, quæ est quartus fructus.

Secundum fit per longanimitatem, quæ est quintus fructus.

Ad id vero, quod est iuxta hominem, scilicet proximum, bene se habet mens humana, quantum ad quatuor. Primo, quantum ad voluntatem bene faciendi, & ad hoc ponitur bonitas, quæ est sextus fructus.

Secundo, quantum ad beneficentie executionem, & ad hoc ponitur benignitas, quæ est septimus fructus.

Tertio, quantum ad hoc, vt aequanimiter tollerentur mala ab eis illata, & ad hoc pertinet mansuetudo, quæ cohibet iras, & est octauus fructus.

Quarto, quantum ad hoc, vt non noceamus proximis per fraudem, siue per dolum, & ad hoc pertinet fides, pro vt significat fidelitatem, & est nonus fructus.

Si vero sumatur fides, secundum quod est virtus Theologica, sic est alius fructus bene ordinatus mentem, ad ea, quæ sunt supra se, & perficit eam, subiuciendo Deo intellectum.

Circa vero ea, quæ sunt infra mentem, quæ sunt actiones exteriores, & interiores passionis sensus, bene se habet mens humana.

Primo quantum ad actiones exteriores, per hoc quod in omnibus dictis, & factis modum obseruet, & hoc pertinet ad modestiam, quæ est decimus fructus.

Secundo quantum ad interiores concupiscentias bene se habet resignando illicitas per castitatem, & etiam licitas per continentiam, vel dum non deducitur ab eis per castitatem, & dum eas totaliter vincit per continentiam, & hæc sunt duo vltimi fructus.

Breuius igitur, & ordinate colligendo dicimus, quod Mens bene disponitur secundum se ipsam respectu bonorum.

1. Per Charitatem

2. Gaudium

3. Pacem

Respectu vero malorum

4. Per Patientiam

5. Longanimitatem

Respectu eorum, quæ sunt iuxta se. scilicet proximorum perficitur.

6. Per Beneficentiam, siue bonitatem

7. Benignitatem

8. Mansuetudinem

9. Fidem.

Respe-

Respectu eorum, quæ sunt infra se, & quidem respectu exteriorum actionum, bene disponitur.

10 Per Modestiam.

Respectu concupiscentiarum.

11 Per Castitatem.

12 Continentiam.

Ad Argumenta.

Ad 1. Dicitur ad antec. quod est vnus fructus tantum secundum genus, secundum quod est etiam vnum genus virtutum diuisum postea in multas species, secundum quas dicuntur multi fructus secundum speciem.

Ad 2. Dicitur ad antec. quod fructus centesimus, sexagesimus, & trigessimus non sunt diuersæ speciei fructuum, sed diuersi gradus eiusdem fructus, quia distinguuntur secundum principium, medium, & finem.

Ad 3. Negatur antec. Ad probationem dicitur, quod in patientia, & longanimitate est delectatio, eo quod quis per eas non perturbatur in tristitijs, quod est quoddam delectari. Fides autem, si accipiat prout est fundamentum, habet quandam rationem vltimi, & delectabilis, secundum quod continet certitudinem.

Ad Argumentum pro altera parte.

Respondetur, quod sicut Aug. dicit super Epist. ad Gal. cap. 5. Apostolus non hoc ita suscepit, ut doceret, quæ sunt, vel opera carnis, vel fructus spiritus, sed vt ostenderet in quo genere illa vitanda, illa vero sectanda sint. Vnde potuissent vel plures, vel etiam pauciores fructus enumerari: & tamen omnes donorum, & virtutum actus possunt secundum quandam conuenientiam ad hæc reduci, secundum quod omnes virtutes, & dona necesse est, quod ordinent mentem aliquo prædictorum modorum. Vnde & actus sapientiæ, & quorumcunque donorum ordinantium ad bonum reducuntur ad charitatem, gaudium, & pacem. Ideo tamen potius hæc, quam alia enumerauit, quia hic enumerata magis important, vel fruitionem bonorum, vel sedationem malorum, quod videtur ad rationem fructus pertinere.

ARTICVLVS IV.

Vtrum fructus Spiritus Sancti contrariantur operibus carnis.

Pro Negatiua.

Videtur, quod fructus non contrariantur operibus carnis, quæ Apostolus enumerat.

1. Contraria sunt in eodem genere. Sed Opera carnis, & fructus non sunt in eodem genere.

Ergo Opera carnis, & fructus non sunt contraria.

Minor prob. quia Opera carnis non dicuntur fructus.

2. Apostolus enumerat plura opera carnis, quam sint fructus. Ergo Fructus, & opera carnis non sunt contraria.

Conseq. prob. quia Vnum vni est contrarium.

3. Inter fructus spiritus primo ponuntur charitas, gaudium, & pax, quibus non correspondent ea, quæ primo enumerantur inter opera carnis, quæ sunt fornicatio, immunditia, & impudicitia. Ergo Fructus spiritus non contrariantur operibus carnis.

Pro Affirmatiua.

Apost. ibidem dicit, quod Caro concupiscit aduersus spiritum, & spiritus aduersus carnem.

Determinatio.

Distinctio. Opera carnis, & fructus Spiritus Sancti possunt accipi dupliciter. Vno modo, secundum communem rationem, scilicet considerando omnes fructus sub communi ratione fructuum, quæ est, vt perficiant humanam mentem: & opera carnis secundum communem rationem, quæ est, vt trahant hominem ad bona sensibilia. Alio modo possunt considerari secundum proprias rationes singulorum fructuum enumeratorum, & operum carnis.

1. Conclusio. Fructus Spiritus Sancti, & opera carnis secundum communes vtriusque rationes contrariantur.

Prob. Sicut se habent motus sursum, & motus deorsum in naturalibus, ita se habent motus appetitus sensitiui, & motus Spiritus Sancti in operibus humanis. Sed Motus sursum, & motus deorsum contrariantur in naturalibus. Ergo Motus Spiritus Sancti, qui sunt fructus, & motus sensualitatis nostræ, qui sunt opera carnis, contrariantur.

Maior prob. quia Spiritus Sanctus mouet humanam mentem ad id, quod est secundum rationem, siue potius ad id, quod est supra rationem. Appetitus autem carnis, qui est appetitus sensitiuus, trahit ad bona sensitiua, quæ sunt infra hominem. Vnde motus Spiritus Sancti est quasi motus sursum, & motus carnis est quasi motus deorsum.

2. Conclusio. Fructus Spiritus Sancti, secundum proprias singulorum rationes, non oportet ut opponantur singulis operibus carnis, ex enumeratis ab Apostolo, ita vt singuli fructus sint singulis operibus carnis contrarii.

H h h

Mani-

Manifestatur. quia Apostolus ad Galat. 5. non intendit enumerare omnia opera spiritualia, nec omnia opera carnalia, ut dictum est art. preced. in responsione ad argumenta pro altera parte.

3. Conclusio. Secundum quandam adaptationem possunt singuli fructus singulis operibus carnis contraponi.

Manifestatur. Nam Augustinus contraponit. Charitatem, & Castitatem. Fornicationi. Gaudium. Immunditiae. Pacem. Idolorum seruituti.

Longanimitatem Veneficijs, contentionibus, inimicijs, animositatibus, amulationibus, & dissensionibus.

Benignitatem. Ad ea curanda.

Bonitatem. Ad eis ignoscendum.

Fidem. Haresibus.

Manfredinam. Inuidie.

Continentiam. Comestationibus, & ebrietatibus.

Ad Argumenta.

Ad 1. Negatur minor. Nam etiam opera carnis à ratione procedunt. Ad probationem dicitur, quod id, quod procedit ab arbore contra naturam arboris, non dicitur esse fructus arboris, sed magis corruptio quedam. Et quia virtutum opera sunt connaturalia rationi; opera vero vitiorum sunt contra rationem, ideo opera virtutum fructus dicuntur, non autem opera vitiorum.

Ad 2. Negatur consequens. Et ratio est, quia bonum contingit vno modo, malum autem omnifariam, ut Dion. dicit 4. de diu. nom. c. 4. & propterea vni virtuti plura vitia opponuntur. Et ideo non est mirum, si plura ponantur opera carnis, quam ponantur fructus Spiritus Sancti.

Ad 3. Patet responsio ex dictis in corpore articuli, ubi dictum est, quod non est necesse, ut singuli fructus singulis operibus carnis correspondant, licet secundum aliquam adaptationem respondere possint, & ad inuicem contraponi, ut ex Augustino dictum est.

DE VITIIS, ET Peccatis.

Consequenter, iuxta diuisionem factam quæst. 55. considerandum est de vitijs, & peccatis, circa quæ sex sunt consideranda.

Primo De vitijs, & peccatis, secundum se, quæst. 71.

Secundo De distinctione eorum, quæst. 72.

Tertio De comparatione eorum ad inuicem, quæst. 73.

Quarto De subiecto peccati, quæst. 74.

Quinto De causa eius, à quæst. 75. vsque ad 84. inclusivæ.

Sexto De effectu ipsius à quæst. 85. vsque ad 89. inclusivæ.

QVÆSTIO LXXI.

DE VITIIS, ET PECCATIS secundum se.

ARTICVLVS I.

Vtrum vitium contrarietur virtuti.

Pro Negatiua.

Videtur, quod vitium non contrarietur virtuti.

1. Cui contrariatur peccatum, siue malitia, non contrariatur vitium. Sed Virtuti contrariatur peccatum, & malitia. Ergo Virtuti non contrariatur vitium.

Maior prob. quia Vni vnum est contrarium, ut probatur 10. Met. tex. 17.

Et Confirmatur consequens. quia Vitium dicitur, etiam si sit indebita dispositio membrorum corporalium, vel quarumcunque rerum, quæ virtuti non opponuntur.

2. Quod contrariatur virtuti, nominat aliquid pertinens ad potentiam. Sed Vitium nihil nominat pertinens ad potentiam. Ergo Vitium non opponitur virtuti.

Maior prob. quia Virtus nominat quandam perfectionem potentie.

3. Sagitati opponitur agritudo, vel morbus, magis quam vitium. Sed Virtus est quedam sanitas animæ, ut Tullius dicit 4. Tuscul. quæst.

Ergo Virtuti non contrariatur vitium.

Pro Affirmatiua.

Qualitas, secundum quam animus est malus, opponitur ei, secundum quam animus est bonus. Sed Vitium est qualitas, secundum quam animus est malus, ut Aug. dicit lib. de perfectione iustitiae. Virtus vero est qualitas, quæ bonum facit habentem, ut patet ex dictis quæst. 55. art. 3.

Ergo Vitium opponitur virtuti.

Determinatio.

Distinctio. Circa virtutem duo possumus considerare. Primum est ipsa essentia virtutis. Secundum, id, ad quod virtus ordinatur, quod est actus.

In ipsa essentia virtutis consideratur aliquid per se primo, & aliquid per se secundo, siue ex consequenti. Id, quod consideratur per se primo, & directe in essentia virtutis, est, ut sit dispositio quedam alieuius conuenienter se habentis secundum modum suæ naturæ. Vnde Phil. 7. Physic. 17. dicit,

dicit, quod Virtus est dispositio perfecti ad optimum, dico autem perfecti, quod est dispositum secundum naturam. Id vero, quod consideratur in essentia virtutis per se secundo, siue ex consequenti, est, ut sit quædam bonitas. In hoc enim consistit vniuersiusque rei bonitas, ut conuenienter se habeat secundum modum suæ naturæ.

Triplex igitur consideratur virtus. Primo, ut est dispositio perfecti ad optimum: & sic consideratur secundum essentiam virtutis. Secundo, ut est quædam bonitas: & sic consideratur secundum illud, quod consequitur ad essentiam virtutis. Tertio, ut ordinatur ad actum bonum.

1. Conclusio. Virtuti, ex parte eius, ad quod ordinatur, scilicet ut ordinatur ad actum, opponitur peccatum.

Prob. Quod nominat actum inordinatum, opponitur virtuti ex parte actus. Sed Peccatum proprie nominat actum inordinatum, sicut actus virtutis est actus ordinatus, & debitus.

Ergo Virtuti ex parte actus opponitur peccatum.

2. Conclusio. Virtuti, secundum quod importat bonitatem quandam, opponitur malitia.

Prob. quia Semper malitia bonitati opponitur, sicut malum bono.

3. Conclusio. Virtuti, secundum id, quod directe ad eius essentiam pertinet, opponitur vitium.

Prob. quia Vitium vniuersiusque rei esse videtur, quod non sit disposita, secundum quod conuenit suæ naturæ. Unde Aug. 3. de lib. arb. c. 14. dicit. Quod perfectionis naturæ deesse perspexeris, id voca vitium.

Ad Argumenta.

Ad 1. Negatur maior. Contrariantur enim virtuti, vitium, peccatum, & malitia, ut dictum est. Ad probationem dicitur, quod Vni vnum est contrarium secundum idem, tamen secundum diuersa possunt vni multa contrariari, ut est in proposito. Virtuti enim, ut importat ordinem ad bonum actum, contrariatur peccatum. Ut importat bonitatem, contrariatur malitia. Ut importat dispositionem conuenientem secundum naturam, contrariatur vitium, ut in corpore dictum est.

Ad 2. Dicitur ad maiorem, quod virtus non solum importat perfectionem potentie, quæ est principium agendi, sed etiam importat debitam dispositionem eius, cuius est virtus, & hoc ideo, quia unumquodque operatur secundum quod actu est: Requiritur ergo, quod aliquid sit in se bene dispositum, quod debet esse boni operatum, & secundum hoc, virtuti vitium opponitur.

Ad 3. Dicitur, quod sicut virtus in plus se

habet, quam sanitas, ita vitium in plus se habet, quam ægrotatio, & propterea conuenientius vitium opponitur virtuti, quam ægrotatio, siue infirmitas.

ARTICVLVS II.

Vtrum Vitium sit contra naturam.

Pro Negatiua.

Videtur, quod Vitium non sit contra naturam.

1. Quod contrariatur virtuti, non est contra naturam. Sed Vitium contrariatur virtuti, ut dictum est, art. præced. Ergo Vitium non est contra naturam.

Maior prob. quia Virtutes non sunt in nobis a natura, sed causantur in nobis per infusionem, aut ab assuetudine.

2. Ea, quæ sunt contra naturam, non possunt assuefieri. Sed Aliqui ad vitia possunt assuefieri. Ergo Vitia non sunt contra naturam.

Maior prob. quia Lapis nunquam assuefieri ferri sursum, quia est contra eius naturam motus sursum, ut dicitur 2. Ethic.

3. Quod inuenitur in habentibus naturam ut in pluribus, non contrariatur nature. Sed Vitium inuenitur in hominibus ut in pluribus. Ergo Vitium non est contra naturam.

Minor prob. quia Matt. 7. dicitur. Lata est uia, quæ ducit ad perditionem, & multi uadunt per eam.

4. Quod est contra legem diuinam, non est contra naturam. Sed Vitium est contra legem Dei. Ergo Vitium non est contra naturam.

Maior patet. quia Lex diuina est supra naturam.

Minor prob. quia Peccatum est contra legem Dei. Diffinitur enim ab Aug. 22. cont. faus. c. 27. esse dictum, uel factum, uel conceptum contra legem Dei. Ergo Et vitium est contra legem Dei.

Conseq. hæc prob. quia Peccatum comparatur ad vitium, ut actus ad habitum, ut art. 1. huius quæst. dictum est.

Pro Affirmatiua.

Aug. 3. de lib. arb. cap. 13. dicit. Omne vitium, eo ipso, quo vitium est, contra naturam est.

Determinatio.

Conclusio. Vitium est contra naturam.

Prob. dupliciter. Primo. Quod contrariatur virtuti, est contra naturam. Sed Vitium contrariatur virtuti, ut dictum est.

Ergo Vitium est contra naturam.

H h 2 Maior

Maiores prob. quia Sicut virtus est dispositio rei, secundum id, quod conuenit ei, secundum suam naturam, ita vitium est dispositio rei contra id, quod conuenit ei secundum suam naturam. Vnde quod opponitur virtuti, contrariatur etiam naturæ.

Et confirmatur. quia Vitium est, a quo desumitur vituperationis nomen, eo quod vnaquæque res ex vitio vituperetur.

Vel aliter. Illud, per quod res disponitur contra id, quod conuenit suæ naturæ, est contra ipsam rei naturam. Sed Vitium est, per quod res est disposita contra id, quod conuenit ei secundum ordinem suæ naturæ. Ergo Vitium est contra naturam rei.

Maiores est manifesta. Quod enim est contra naturalem dispositionem, est etiam contra ipsam naturam.

Minor prob. quia Vitium opponitur virtuti. Vnde sicut virtus vniuscuiusque rei consistit in hoc, quod sit bene disposita secundum conuenientiam suæ naturæ, ut dictum est art. 1. Ita vitium in qualibet re dicitur ex hoc, quod est disposita contra id, quod conuenit suæ naturæ.

Et confirmatur minor. quia Ex vitio, a quo nomen vituperationis detractum creditur, ut Aug. 3. de lib. arb. c. 13. dicit, vnaquæque res vituperatur.

Secundo prob. Quod est contra ordinem rationis, est contra naturam hominis, in quantum homo. Sed Vitium est contra ordinem rationis.

Ergo Vitium est contra hominis naturam.

Maiores prob. Quod opponitur formæ rei, opponitur naturæ. Sed Quod est contra rationem, opponitur formæ hominis.

Ergo Quod est contra rationem, est contra naturam hominis.

Maiores huius prob. quia Natura vniuscuiusque rei potissime est forma, secundum quam speciem sortitur.

Minor prob. quia Homo in specie constituitur per animam rationalem.

Et confirmatur ratio principalis. quia Sicut virtus dicitur esse secundum naturam hominis ex hoc, quod est secundum rationem, in quo consistit hominis bonum, ita vitium ex hoc, quod est contra rationem, dicitur esse contra ipsam hominis naturam.

Ad Argumenta.

Ad 1. Negatur maior. Ad probationem dicitur, quod virtutes pertinere ad naturam dupliciter potest intelligi. Vno modo sic, ut sint causata à natura secundum suum esse perfectum. Sicut

calor ab igne, & risibilitas ab anima. Alio modo sic, ut licet non sint causata à natura secundum suum esse completum, tamen inchoatiue sint ab anima, & inclinent in id, quod est secundum naturam. Primo igitur modo virtutes non sunt à natura, sed vel à consuetudine actuum, vel ab infusione, secundum earum esse perfectum: tamen dicuntur naturales, quatenus inclinant in id, quod est secundum naturam. Dicit enim Tullius in sua Rhet. lib. 2. quod Virtus est habitus, in modum naturæ consentaneus. Virtutes igitur pertinent ad naturam, & sunt secundum naturam, quia inclinant in id, quod est secundum naturam hominis, id est in id, quod est secundum ordinem rationis.

Ad 2. Dicitur, quod aliquid potest esse contra naturam dupliciter. Vno modo, ut sit contra id, quod causatur à natura. Alio modo, ut sit contra id, quod inclinat in id, quod est secundum naturam, licet à natura non causetur secundum esse completum. Igitur ad maiorem dicitur, quod Illud, quod est contra naturam sic, ut sit contra illud, quod causatur à natura, non potest assuescere, ut patet de lapide, qui non potest assuescere, ut ascendat, ut Phil. ostendit. Quod autem est contra id, quod dicitur naturale solum ex hoc, quod inclinat in id, quod est secundum naturam, potest assuescere. Vitium autem est contra naturam, quia est contrarium virtuti, quæ non est à natura secundum eius completum esse, sed est naturalis, quia inclinat, ut dictum est, & ideo ad vitium potest quis assuescere.

Ad 3. Dicitur ad minorem, quod in homine est duplex natura. Rationalis. & Sensitiua. Et quia per operationem sensus homo peruenit ad actus rationis, ideo plures sequuntur inclinationes naturæ sensitiuæ, quam ordinem rationis: Plures enim sunt, qui assequuntur principiū rei, quam qui ad consummationem perueniunt. Ex hoc autem vitia, & peccata in hominibus proeueniunt, quod sequuntur inclinationem naturæ sensitiuæ, contra ordinem rationis.

Ad 4. Negatur maior. Immo vitium ex hoc est contra ordinem humanæ rationis, quia est contra legem æternam. Quicquid enim est contra rationem artis, est etiam contra rationem artificiatam, & è contra. Et quia lex diuina comparatur ad ordinem rationis, sicut ars ad artificiatum, ideo vitium, ex hoc quod opponitur ordini rationis, opponitur etiam legi diuinæ. Vnde Aug. lib. 3. de lib. arb. c. 1. ait, quod A Deo habent omnes naturæ, quod naturæ sunt, & in tantum sunt vitiosæ, in quantum ab ea, qua factæ sunt, arte, discedunt. Ad probationem igitur maioris dicitur,

tur, quod licet lex diuina sit supra naturam, tamē comparatur ad ipsam, vt ars ad artificiarum, & propterea, quod est contra rationem, est etiā contra legem diuinam, & ē contra.

ARTICVLVS III.

Vtrum Vitium sit peius, quam actus vitiosus.

Pro Affirmatiua.

Videtur, quod Vitium, idest habitus malus, sit peius, quam peccatum, idest actus malus.

1. Malum diuturnius est peius, sicut bonum diuturnius melius. Sed Habitus vitiosus est diuturnior, quam actus vitiosus, qui statim transcunt. Ergo Habitus vitiosus est prior, quam actus vitiosus.

2. Multa mala peiora sunt, quam vnum malū, Sed Habitus virtualiter est causa multorum malorum actuum. Ergo Habitus peior est, quam actus.

3. Habitus est causa perfectionis actus, tam in bonitate, quam in malitia. Ergo Habitus est potior actu in bonitate, & malitia.

Conseq. prob. quia Causa potior est suo effectu.

Pro Negatiua.

Pro Actū vitioso aliquis iuste punitur, non autem pro habitu vitioso, si non procedat ad actum. Ergo Actus vitiosus est peior, quam habitus vitiosus.

Determinatio.

Conclusio. Actus vitiosus peior est, quam habitus.

Prob. primo. Actus in bono, & in malo præeminet potentie. Ergo Actus in bono, & in malo præeminet etiam habitui, ita vt actus bonus sit melior habitu bono, & actus malus sit peior habitu malo.

Antec. prob. 9. Metaph. tex. 19. per hoc, quod melius est bene agere, quam solum posse bene agere, & similiter vituperabilis est, male agere, quam posse male agere.

Conseq. prob. quia Habitus mediomodo se habet inter potentiam, & actum. Vnde sicut actus præeminet potentie in bonitate, & malitia, ita & habitui.

Prob. secundo. Habitus dicitur bonus, vel malus propter bonitatem, vel malitiam actus, ad quā inclinat. Ergo Actus est potior in bonitate, & malitia, quam habitus.

Antec. prob. quia Habitus non dicitur bonus, vel malus nisi ex hoc, quod inclinat ad actum bonum, vel malum.

Conseq. prob. quia Propter quod vnum quodque tale, & illud magis.

Ad Argumenta.

Ad 1. Dicitur ad maiorem, quod malum diuturnius, non est necesse vt sit peius simpliciter, sed potest esse peius solum secundum quid. Actus igitur simpliciter præeminet habitui, vt ostensum est, tamen habitus potest secundum quid esse potior, ex diuturnitate, quod enim habitus sit diuturnior, quam actus, accidit ex eo, quod vtrumque inuenitur in tali natura, quæ non potest semper agere, & cuius actio est in motu transiente. Vnde simpliciter actus est potior in bonitate, & malitia. Habitus vero solum secundum quid.

Ad 2. Dicitur ad minorem, quod Habitus non simpliciter est plures actus, sed secundum quid, idest virtute. Vnde ex hoc non potest haberi, quod habitus sit simpliciter potior in bonitate, & malitia, quam actus, sed solum, quod potest esse potior, secundum quid.

Ad 3. Dicitur ad antec. quod habitus est causa actus in genere cause efficientis. Actus vero est causa habitus in genere cause finalis, & quia causa finalis potior est, quam efficiens, ideo actus potior est habitu.

ARTICVLVS IV.

Vtrum Peccatum possit esse simul cum virtute.

Pro Negatiua.

Videtur, quod Actus vitiosus, siue peccatum non possit esse simul cum virtute.

1. Contraria non possunt esse simul in eodem. Sed Peccatum contrariatur virtuti, vt dictum est, art. 1. Ergo Peccatum non potest esse simul cum virtute.

2. Vitium non potest esse simul in eodem cum virtute. Sed Peccatum est peius, quam vitium, idest actus malus peior est, quam habitus malus, vt dictum est art. præced. Ergo Neque peccatum potest esse simul cum virtute.

3. In rebus naturalibus nunquam accidit peccatum, nisi per aliquam corruptionem virtutis naturalis. Ergo Nec in rebus voluntariis accidit peccatum, nisi corrupta aliqua virtute animæ, & sic peccatum, & virtus non possunt esse simul in eodem.

Antecedens manifestatur. Monstra enim, quæ sunt peccata in naturalibus, accidunt corrupto aliquo principio in semine, vt dicitur 2. Physic. tex. 82.

Conseq. prob. quia Sicut peccatum accidit in rebus voluntariis, ita & in naturalibus.

Pro

Pro Affirmatiua.

Vnus actus virtuosus non causat virtutem, vt dictum est supra quæst. 51. art. 3. Ergo Vnus actus peccati non tollit virtutem, & sic actus peccati, & habitus virtutis possunt esse simul.

Conseq. prob. quia Per contraria virtus generatur, & corrumpitur, vt dicitur 2. Ethic. cap. 3.

Determinatio.

1. Distinctio. Virtus est duplex, scilicet moralis, & infusa, vt supra dictum est.

2. Distinctio. Peccatum est duplex. Mortale, & Veniale.

1. Conclusio. Virtutes morales acquisite possunt simul esse cum actu peccati mortalis.

Prob. dupliciter. Præmittendo, quod, vt supra dictum est, quæst. 51. Habitus generatur ex actibus præcedentibus, & iterum postquam est generatus, producit alios actus. Vnde habitus est causa actuum, & causatur ab actibus, sicut ibidem est expositum.

Prob. igitur primo, quod habitus virtutis moralis acquisita, quatenus est causa actuum, possit esse simul cum actu peccati. Et secundo prob. quod idem habitus virtutis, quatenus est ab actibus, possit etiam esse simul cum actu peccati.

Prima igitur probatio est. Iam habens habitum virtutis, non necessario præsumit in actum virtutis moralis acquisita, sed potest cessare ab actu virtuosus, & producere actum contrarium, qui est actus peccati. Ergo Habitus virtutis, secundum quod est productiuus sui actus, non excludit necessario actum peccati.

Antec. prob. ex differentia, quæ est inter habitum animæ, & formam naturalem. Forma enim naturalis ex necessitate producit operationem sibi conuenientem. Vnde forma naturalis non potest esse simul in eodem cum actu formæ contrariæ: sicut cum calore non potest esse simul actus in frigidationis, neque simul cum leuitate, actus descensionis, nisi forte ex violentia exterioris inuenientis. Habitus autem in anima non ex necessitate producit suam operationem, sed homo vititur eo, cum voluerit: vnde existere in homine aliquo habitu virtutis, potest vti eo, & potest etiam ad actum peccati procedere. Igitur virtus, quamuis sit principium virtuosus actus, tamen, quia non necessario ipsum producit, vt forma naturalis, propterea potest esse cum actu contrario.

Secundo prob. quod Virtus, quatenus est habitus causatus ab actibus, possit etiam esse simul cum actu peccati. Vnus actus non potest generare habitum, vt dictum est. Ergo Nec vnus actus malus potest ipsum habitum corrumpere. Vnde habens

habitum bonum, potest simul habere habitum ipsum, & vnum peccati actum.

Vel aliter possunt explicari hæc duæ probationes conclusionis. Pro quo est sciendum, quod 1. actus peccati, & habitus virtutis dupliciter comparari possunt. Vno modo, vt actus malus ad habitum bonum. Alio modo, vt actus vt sic habitui. Et vtroque modo ostenditur, quod peccatum, & habitus virtutis possunt esse simul.

Primo. Habens habitum virtutis, non necessario procedit ad actum virtutis, sed potest contrarium actum operari. Ergo Habitus virtutis bonus potest esse cum malo actu peccati.

Secundo prob. etiam, quod Virtus, vt habitus est, possit simul esse cum vno peccati actu. quia Vnus actus non potest corrumpere, sicut nec generare habitum.

2. Conclusio. Virtutes infusæ non possunt esse simul cum peccato mortali, in quantum virtutes.

Prob. Actus, per quem excluditur charitas, non potest esse simul cum virtute infusa. Sed Per quolibet actum peccati mortalis excluditur charitatis. Ergo Nullus actus peccati mortalis potest esse simul cum virtute infusa.

Maiores patet. quia Charitas est radix omnium virtutum infusarum, in quantum sunt virtutes. Vnde exclusa charitate, excluduntur omnes virtutes infusæ, in quantum virtutes.

Minor prob. quia Quilibet actus peccati mortalis contrariatur charitati, & inde ipsam excludit.

Dicitur autem in conclusione. In quantum virtutes, propter fidem, & spem, quæ, exclusa charitate, non remaneant, vt virtutes sunt, sed vt habitus quidam sunt.

3. Conclusio. Peccatum veniale potest simul cum virtutibus infusis esse.

Prob. quia Peccatum veniale non contrariatur charitati. Ergo Nec charitatem, nec alias virtutes excludit.

Breviter igitur omnia colligendo dicimus. quod Peccatum mortale non potest esse cum virtutibus infusis. Peccatum mortale potest esse cum virtutibus acquisitis. Peccatum Veniale potest esse simul cum infusis, & etiam acquisitis.

Ad Argumenta.

Ad 1. Dicitur ad minorem, quod Peccatum contrariatur virtuti, non secundum se, sed secundum suum actum, & ideo peccatum non potest esse simul cum actu virtutis, sed solum cum habitu, vt dictum est.

Ad 2. Negatur conseq. Ad probationem dicitur, quod quamuis peccatum sit prius, quam virtutis, tamen quia peccatum non opponitur virtuti secundum habitum, secundum quem modum

virtutis

virtuti opponitur vitium, sed opponitur ei secundum actum, ideo virtus non potest esse simul cum vitio, vt potest quod ei opponitur, & tamen potest esse simul cum actu peccati.

Ad 3. Nega ur conseq. Non enim est eadem ratio, in hoc, de virtute naturali, & de virtute animæ. Virtutes enim naturales agunt ex necessitate, & ideo integra existente virtute, nunquam peccatum potest in actu inueniri. Sed virtutes animæ non producant actus ex necessitate, vnde non est similis ratio.

ARTICVLVS V.

Vtrum In quolibet peccato sit aliquis actus.

Pro Affirmatiua.

Videtur, quod In quolibet peccato sit aliquis actus.

1. Meritum non potest esse absque aliquo actu, Ergo Nec peccatum potest esse absque aliquo actu.

Conseq. prob. quia Sicut meritum comparatur ad virtutem, ita peccatum comparatur ad vitium.

2. In omni voluntario est aliquis actus. Sed Quodlibet peccatum est voluntarium, vt Ang. 3. de lib. arb. c. 18. dicit. Ergo In quolibet peccato est aliquis actus.

Maiores prob. quia Non potest esse aliquid voluntarium, nisi per actum voluntatis.

3. Si peccatum esset absque aliquo actu, sequeretur, quod ex hoc ipso, quod aliquis cessat ab actu debito, peccaret. Sed Continue aliquis cessat ab actu debito, ille scilicet, qui nunquam actum debitum operatur. Ergo Sequeretur, quod continue peccaret: quod est falsum. Ergo Non est aliquod peccatum absque actu.

Pro Negatiua.

Non facere bonum potest esse sine omni actu. Sed Peccatum est non facere bonum, vt dicitur Jacob. 4. Scienti bonum facere, & non facienti, peccatum est illi. Ergo Peccatum potest esse absque aliquo actu.

Determinatio.

Subiectum quæsitæ & variæ sententiæ.

Quæstio ista mouetur principaliter propter peccatum omissionis, de quo aliqui diuersimode opinantur.

Quidam enim dicunt, quod in omni peccato omissionis est aliquis actus interior, vel exterior. Interior quidem, sicut si quis habet actum non-

lendi ire ad ecclesiam, quando tenetur. Exterior autem, sicut cum aliquis illa hora, qua ad ecclesiam ire tenetur, occipit se talibus, quibus ab eundo ad ecclesiam impeditur.

Alij dicunt, quod in peccato omissionis non requiritur aliquis actus, & hoc quia. Non facere, nullum dicit actum. Sed Peccatum omissionis est non facere id, quod prius tenetur. Ergo Peccatum omissionis est absque omni actu.

Iudicium de his opinionibus.

Vtraque harum opinionum, secundum aliquid veritatem habet, quod ostenditur, præmittendo, quod In peccato omissionis duo intelligi possunt. Primum est illud solum, quod per se pertinet ad rationem peccati. Alterum est, vt in peccato omissionis intelligantur etiam causæ, vel occasiones omittendi. Quod per se pertinet ad peccatum omissionis, est non facere, quod quis facere tenetur: Occasionem vero, & causæ sunt, quibus homo omittit facere, quod tenetur.

Si igitur in peccato omissionis intelligatur solum illud, quod per se pertinet ad rationem peccati, dicitur, quod potest quandoque esse cum aliquo actu interiori: vt si quis velit non ire ad ecclesiam, velit non surgere ad horas matutinales, & similia. Potest etiam quandoque esse absque omni actu interiori, & exteriori: sicut cum aliquis, hora, qua tenetur ire ad ecclesiam, nihil cogitat de eundo, vel de non eundo ad ecclesiam, & sic omittit ire. Tunc enim omittit absque omni actu per se spectante ad omissionem. Si autem in peccato omissionis intelligamus etiam causas, & occasiones, propter quas aliquis omittit facere, quæ tenetur facere, sic necesse est in peccato omissionis esse semper aliquem actum.

Manifestatur. Nam peccatum omissionis est, cum aliquis omittit facere illud, quod potest facere, & non facere. Quod autem aliquis declinet ad non faciendum illud, quod facere potest, & tenetur, oportet, quod sit ex aliqua causa, vel occasione, vel præcedente ipsam omissionem, vel eam concomitante, præcedente, inquam, vt cum aliquis diu in seculo vigilat, propter quod non surgit ad matutinum. Concomitante vero, vt cum aliquis, quando debet ire ad ecclesiam, vacat ludo. Igitur Causa, vel occasio omissionis, sine sit præcedens, siue concomitans, aliquando est in potestate hominis, aliquando autem non est in eius potestate. Est in potestate hominis, vt quando homo ludit hora eundi ad ecclesiam, & potest omittere ludum: & quando quis vigilat diu in seculo, qui tamen posset ire dormitum. Non est in potestate, vt quando quis propter infirmitatem omittit ire ad ecclesiam, vel

vel quando quis cogitur vigilare in sero, propter quod non surgit ad matutinum.

Si igitur causa omissionis non sit in potestate hominis, nullum committitur peccatum omissionis. Si vero huiusmodi omissionis cause sint in hominis potestate, impossibile est, ut non interueniat aliquis actus, saltem interior in omissione. Velle enim ludere hora eundi ad ecclesiam, velle vigilare in sero, sunt aliqui actus. Vnde remanet, quod in peccato omissionis, secundum quod comprehendit causas, & occasiones, semper interueniat aliquis actus.

Sed sciendum, quod actus, qui cōcurrit in peccato omissionis, ratione causarum, vel occasionū, aliquando per se pertinet ad ipsam omissionem peccatū, aliquando vero per accidens. Tunc actus pertinet ad peccatum omissionis per se, quando ipse actus fertur directe in ipsam omissionem, propter aliquam causam, vel occasionem, puta cum aliquis non vult ire ad ecclesiam propter laborem tunc enim actus fertur per se, & directe in omissionem eundi ad ecclesiam propter laborem. Pertinet autem per se actus ille, quo quis non vult ire ad ecclesiam propter laborem, ad peccatum omissionis: quia cum peccatum necessario sit voluntarium. Voluntas cuiuscunque peccati, id est actus, quo quis vult peccatum, pertinet per se ad peccatum illud. Tunc vero actus non pertinet per se ad peccatum omissionis, quando fertur directe in aliud, & non in omissionem, puta quando aliquis vult ludere hora eundi ad ecclesiam, & cum aliquis vigilat diu in sero. Tunc enim actus non fertur directe in omissionem eundi ad ecclesiam, vel surgendi ad matutinum, sed directe fertur in ludum, aut vigiliam, ex quibus sequitur consequenter omisso: & tunc actus pertinet per accidens ad peccatum omissionis, & ipsa omisso potest esse absque omni actu. Cum enim aliquis ludit, nullū actum facit spectantem per se ad omissionem.

Propria Sententia.

Conclusio. Peccatum omissionis simpliciter potest esse absque omni actu.

Prob. ex dictis. Nam si loquamur de peccato omissionis secundum se, non intelligendo in ipso occasiones, & causas, potest esse absque omni actu, tum interiori, tum exteriori: sicut cum aliquis hora, qua tenetur ire ad ecclesiam, nihil cogitat de eundo, vel de non eundo. Si vero intelligantur in peccato omissionis etiam cause, vel occasiones, licet quando voluntas fertur in ipsam omissionem, non sit absque aliquo actu, tamen quando actus non fertur directe in ipsas omissiones, talis actus per accidens se habet ad omissionem: vnde per se

potest esse absque omni actu. Et quia Iudicium de re est faciendum secundum ea, quæ ei per se conueniunt. Ideo simpliciter loquendo, peccatum omissionis potest esse absque omni actu.

Et confirmatur. quia Si peccatum omissionis non potest esse absque omni actu per se spectante ad ipsum peccatum, sequeretur, quod actus, & occasiones circumstantes pertinerent ad essentiam peccatorum actualium, quod est falsum.

Manifestum est igitur, quod peccatum omissionis, & secundum se consideratum, & etiam ratione occasionum, potest esse per se absque omni actu, quamuis quandoque sit cum aliquo actu, ut ostensum est.

Ad Argumenta.

Ad 1. Negatur consequentia, & ratio negationis est, quia plura requiruntur ad bonum, quam ad malum, eo quod bonum contingit ex tota integra causa, malum autem ex singularibus defectibus, ut Dionysius dicit. 4. capit. de diu. nom. Et ideo peccatum potest contingere, siue aliquis faciat, quod non debet, siue non faciendo, quod debet. Sed meritum non potest esse nisi aliquis faciat voluntarie, quod debet, & ideo meritum non potest esse sine actu, sed peccatum potest esse sine actu.

Ad 2. Negatur maior. Ad probationem dicitur, quod Voluntarium dicitur dupliciter. Vno modo, quia super illud cadit actus voluntatis, & tale voluntarium non potest esse sine aliquo actu. Alio modo, dicitur aliquid voluntarium, quia est in potestate nostra, ut fiat, vel non fiat: & tale voluntarium potest esse absque omni actu. Est enim voluntariū facere domum, quæ tamen potest non fieri. Vnde domus erit voluntarium quoddam absque omni actu, & sic peccatum omissionis dicitur voluntarium.

Ad 3. Negatur conseq. Et ratio est, quia peccatum omissionis contrariatur præcepto affirmatio, & non negatio: & quia præceptum affirmativum obligat quidem semper, sed non ad semper, ideo omisso non est semper peccatum, sed quando quis non facit, quod tunc facere tenetur.

ARTICULVS VI.

Vtrum Conuenienter diffiniatur peccatum.

Pro Negativa.

Videtur, quod Inconuenienter diffiniatur peccatum cum dicitur. Peccatum est dictum,

ctum, vel factum, vel concupitum contra legem æternam.

1. Non omne peccatum importat aliquem actum, ut dicitur est art. præced. Ergo Peccatum non convenienter diffinitur, per hoc, quod sit dictum, vel factum, vel concupitum.

Conseq. prob. quia Dictum, factum, & concupitum denotant actum. Vnde debuit etiam dici, non dictum, non factum, non concupitum.

2. Voluntas comprehenditur sub concupiscētia large sumpta. Sed Peccatum est voluntas retinendi, vel consequendi, quod iustitia vetat, ut August. dicit lib. de duabus animabus cap. 11. Ergo Satis fuisset dicere, quod Peccatum est concupitum contra legem Dei, nec oportuit addere, dictum, vel factum.

3. In præmissa diffinitione nulla fit mentio de auersione a debito fine. Ergo Insufficienter diffinitur peccatum.

Conseq. prob. quia Peccatum propriè consistit re videtur in auersione a fine: eo quod bonum, & malum principaliter cōsiderentur secūdū finem.

Et confirmatur. quia August. lib. 1. de lib. arb. cap. 16. diffinit peccatum per comparisonem ad finem, dicens, quod Peccatum nihil aliud est, quā neglectis rebus æternis, temporalia sectari, & lib. 83. quæst. quæst. 30. dicit, quod Omnis humana peruersitas est, vti fruendis, & frui vten- dis.

4. Non omnia peccata sunt mala, quia prohibita, sed quædam sunt prohibita, quia mala. Ergo Incommuni diffinitione peccati non debuit poni, quod sit contra legem Dei, quasi quod omnia sint mala, quia prohibita.

5. Malum hominis est contra rationem esse. Sed Peccatum est malum hominis. Ergo Potius debuit peccatum diffiniri dicendo, quod est contra rationem, quam quod sit contra legem æternam.

Pro Affirmatiua.

Sufficit Autoritas August. 22. contra Faust. capit. 27.

Determinatio.

Conclusio. Peccatum convenienter diffinitur ab Aug. quod est concupitum, dictum, vel factum, contra legem æternam.

Prob. Diffinitio continens materiale, & formale diffiniti est conueniens. Sed Diffinitio peccati posita ab August. continet, & explicat materiale, & formale ipsius peccati. Ergo Diffinitio prædicta est conueniens.

Maiores est se manifesta. Diffinitiones enim

dantur ad notificandam substantiam diffiniti, quæ ex materiali, & formali constituitur.

Minor prob. Materiale in peccato est humanus actus malus. Formale vero est malitia actus. Actus humanus dicitur humanus, quia est voluntarius. Actus vero voluntarius sunt in duplici differentia. Quidam sunt elicitus ab ipso voluntate, ut sunt velle, eligere, appetere, & huiusmodi. Quidam sunt imperati, & hi sunt actus aliarum potētiarum, ut sunt dicere, & facere aliquid. Igitur materia peccati possunt esse actus elicti, & imperati a voluntate.

Malitia vero in humano actu proterit ex hoc, quod non est commensuratus debite regulæ. Duplex autem est humanorum actuum regulæ. Vna propinqua, & homogenea, scilicet ipsa humana ratio. Alia vero est prima regulæ, scilicet Lex æterna, quæ est quasi ratio Dei, respectu cuius apud Theologos actus dicuntur boni, vel mali. Boni, quando ab ipsa regulantur; mali, quando ab ipsa declinant.

In diffinitione igitur prædicta ponitur, tanquā materiale peccati, actus humanus elicitus, & imperatus. Elicitus dum dicitur, quod peccatum est concupitum. Imperatus dum dicitur, dictum, vel factum. Deinde ponitur formale peccati, dum subditur, contra legem æternam, & sic patet minor.

Ad Argumenta.

Ad 1. Negatur conseq. Ad probationem dicitur, quod affirmatio, & negatio reducuntur ad idem genus: sicut in diuinis genitum, & ingenitum ad relationem, ut August. dicit 5. de Trinit. c. 3. & ideo pro eodem est accipiendum dictum, & non dictum, factum, & non factum.

Ad 2. Dicitur ad minorem, quod prima causa peccati est in voluntate, quæ imperat omnes actus voluntarios, in quibus solum inuenitur peccatum, & ideo August. quandoque per solam voluntatem diffinit peccatum: sed quia etiam ipsi exteriores actus pertinent ad substantiam peccati, cum sint secundum se mali, ut dictum est, necesse fuit, quod in diffinitione peccati ponatur etiam aliquid pertinens ad exteriores actus.

Ad 3. Dicitur ad anteced. quod quia Lex æterna primo, & principaliter ordinat hominem in finem, & consequenter facit bene & male circa ea, quæ sunt ad finem, ideo in hoc conuenit contra legem æternam, tanquā autem mensura finis & omnes alias inordinaciones.

Ad 4. Dicitur ad anteced. quod cum dicitur, quod non omne peccatum, ideo est malum, quia est prohibitum, intelligitur de prohibitione facta per ius positivum. Si autem referatur ad ius naturale, quod continetur primo quidem in lege æterna, secundario vero in naturali iudicatorio rationis humanæ, tunc omne peccatum est malum, quia prohibitum: ex hoc enim ipso, quod est inordinatum, iuri naturali repugnat.

Ad 5. Dicitur ad minorem, quod peccatum dupliciter consideratur. Vno modo, ut est contra rationem, & sic est malum hominis. Alio modo, ut est offensa Dei. A Theologis igitur consideratur peccatum, præcipue secundum quod est offensa contra Deum, a Philosopho autem morali, secundum quod contrariatur rationi, & ideo August. convenientius diffinit peccatum, ex hoc, quod est contra legem æternam, quam ex hoc, quod est contra rationem, præcipue cum per legem æternam regulemur in multis, quæ excedunt rationem humanam, sicut in his, quæ sunt fidei.

Q V Æ S T I O LXXII.

DE DISTINCTIONE PECCATORUM, vel vitiorum.

A R T I C V L V S I.

Vtrum Peccata differant specie, secundum obiecta.

Pro Negativa.

Videtur, quod Peccata non differant specie, secundum obiecta.

1. Actus humani boni, vel mali, distinguuntur specie ex fine. Sed Peccata sunt actus humani mali, ut dictum est, quæst. 71. art. 1. Ergo Peccata distinguuntur specie ex fine.

Maiores prob. quia Actus humani præcipue dicuntur boni, vel mali per comparisonem ad finem, ut dictum est.

2. Privationes distinguuntur specie, secundum opposita. Sed Peccata sunt privationes. Ergo Peccata distinguuntur specie, secundum habitus oppositos, & non secundum obiecta.

Minor prob. Malum est privatio. Peccatum autem est quoddam malum in genere actu. Ergo Peccatum est privatio.

3. Si peccata specie different secundum obiecta, impossibile esset, idem peccatum specie circa diversa obiecta inveniri. Sed Hoc est falsum. Ergo Et id, ex quo sequitur.

Conseq. manifesta est. Falsitas prob. quia circa obiecta diversa inveniuntur idem peccatum; puta superbia circa spiritualia, & corporalia, ut Gregor. dicit lib. 34. mor. c. 8. Et etiam quantitas est circa diversa genera rerum.

Pro Affirmativa.

Dicta, facta, & concupita distinguuntur specie ex obiectis. Sed Peccatum est dictum, factum & concupitum contra legem Dei. Ergo Peccata distinguuntur specie ex obiectis.

Maiores prob. Actus distinguuntur specie ex obiectis. Sed Dicta, facta, & concupita sunt quidam actus. Ergo Distinguuntur specie ex obiectis.

Determinatio.

Conclusio. Peccata distinguuntur specie secundum obiecta.

Prob. Actus voluntarij distinguuntur specie secundum obiecta. Sed Peccata distinguuntur specie, in quantum sunt actus voluntarij. Ergo Peccata distinguuntur specie ex obiectis.

Minor prob. Actus voluntarij per se pertinent ad rationem peccati. Ergo Penes actus voluntarios, peccata specificè distinguuntur, & per idem distinguuntur, per quod distinguuntur actus.

Conseq. prob. quia Vnumquodq; fortitur speciem ab eo, quod ei convenit per se.

Anteced. prob. & manifestatur. Ad rationem enim peccati duo concurrunt, scilicet actus voluntarius, & inordinatio eius, quæ est per recessum a lege Dei, horum autem duorum, vnum per se comparatur ad peccantem, scilicet actus voluntarius. Peccans enim per se intendit exercere actum voluntarium in tali materia. Aliud autem, scilicet inordinatio eius per accidens se habet ad intentionem peccantis, eo quod nullus intendens malum operetur, ut Dionys. dicit 4. capit. de div. nomin.

Tunc prob. antec. Illud, quod per se inteditur a peccante, per se pertinet ad rationem peccati. Sed Actus voluntarius circa talem materiam per se est intentus ab agente. Inordinatio vero actus, solum per accidens se habet ad intentionem peccantis. Ergo Actus voluntarius per se pertinet ad rationem peccati: & per consequens ex parte actus voluntarij, magis quàm ex parte inordinationis desumenda est peccatorum distinctio.

Et brevius potest sic formari hæc ratio. Actus voluntarij distinguuntur ex obiectis. Sed De ratione peccati per se est, quod sit actus volun-

taris

rarius . Ergo Peccata per se ex obiectis distinguuntur .

Minor prob. quia Actus , & non deformitas , siue inordinatio , est per se a peccante intentus .

Ad Argumenta.

Ad 1. Dicitur ad maiorem , & ad eius probationem , quod quia finis principaliter habet rationem boni , comparatur ad actum voluntatis , qui est primordialis in omni peccato , sicut obiectum . Vnde dicere , quod peccata differant secundum obiecta , in idem redit , vt differant secundum fines .

Ad 2. Dicitur dupliciter . Primo negatur minor . Peccatum enim non est pura priuatio , sed est actus debito ordine priuatus , & ideo magis peccata distinguuntur specie , secundum obiecta actuum , quam secundum opposita . Ad maiorem probationis dicitur , quod non omne malum est pura priuatio , sed potest esse aliquid habens annexam priuationem , & sic peccatum est , non ipsa malitia , sed actus habens annexam malitiam .

Dicitur secundo , dato quod peccata distinguuntur per oppositas virtutes , adhuc in idem redit , sicut dicere , quod distinguuntur per obiecta . Nam opposite virtutes per obiecta specificè distinguuntur .

Ad 3. Dicitur , quod idem peccatum inuenitur circa diuersas res specie , vel genere differentes , non pro vt differentes sunt secundum proprias rationes , sed secundum quod in eis inuenitur vna quædam communis formalis ratio . Vnde superbia est circa diuersa , secundum quod in eis inuenitur excellētia , quam superbia in diuersis rebus querit . Et auaritia in diuersis rebus querit abundantiam . Dicitur igitur ad formam argumenti , ad consequentiam , quod si peccata ex obiectis distinguuntur , sequitur , quod non possit vnum peccatum esse circa diuersa , sub diuersa ratione : cū hoc tamen stat , vt vnum peccatum , sub eadem ratione , possit esse circa diuersas res .

A R T I C V L V S II.

Vtrum Conuenienter distinguantur peccata spiritualia a carnalibus .

Pro Negatiua.

Videtur , quod Inconuenienter distinguantur peccata spiritualia a carnalibus .

1. Opera carnis inconuenienter distinguuntur a peccatis spiritualibus . Sed Peccata carnalia sunt

opera carnis . Ergo Peccata carnalia inconuenienter distinguuntur a peccatis spiritualibus .

Maiores prob. quia Omnia peccatorum genera pertinent ad opera carnis . Dicitur enim Galat. 5. Manifesta sunt opera carnis , quæ sunt fornicatio , immunditia , impudicitia , luxuria , idolorum seruitus , veneficia .

2. Quicumque ambulat , & viuunt secundum carnem , peccat peccato carnali . Ambulare enim , & viuere secundum carnem , pertinet ad rationem peccati carnalis . Sed Quicumque peccat , secundum carnem ambulat , & viuunt . Ergo Omnia peccata sunt carnalia , & nulla spiritualia .

Minor patet ex illo Apostoli Rom. 8. Si secundum carnem vixeritis , moriemini . Si autem facta carnis mortificaueritis , viuētis , ex quo videtur , quod quicumque peccat , ambulet , & viuat secundum carnem .

3. Omne peccatum , quod deriuatur a ratione , est spirituale . Sed Quodlibet peccatum , etiam carnis , deriuatur a ratione . Ergo Omnia peccata sunt spiritualia , & nulla carnalia .

Maiores patet . quia Superior pars animæ , quæ est mens , vel ratio , spiritus nominatur , secundum illud Eph. 4. Renouamini spiritu mentis vestræ , vbi spiritus pro ratione ponitur , vt Glosa ibidem dicit .

Minor prob. quia Omne peccatum , quod secundum carnem committitur , deriuatur a ratione per consensum : est enim rationis consentire in actum peccati , vt dicitur q. 74. art. 2.

4. Si peccata carnalia a spiritualibus distinguantur , hoc potissime fieri videretur per hoc , quod est peccare in corpus , & peccare extra corpus , ita vt peccata carnalia sint , per quæ peccatur in corpus , spiritualia vero , per quæ peccatur extra corpus . Sed Hæc non potest esse conueniens differentia , inter peccata spiritualia , & carnalia . Ergo Non conuenienter possunt distinguuntur .

Minor patet . quia Tunc sequeretur , quod sola fornicatio esset peccatum carnale , quod tamē est falsum , eo quod Apost. ad Eph. 5. enumerat inter peccata carnalia etiam auaritiam .

Consequ. prob. quia Apost. 1. Corinth. 6. dicit . Omne peccatum , quodcumque fecerit homo , extra corpus est , qui autem fornicatur , in corpus suum peccat . Vnde si differentia inter peccata carnalia , & spiritualia esset peccare , & non peccare in corpus , sola fornicatio esset peccatum carnale .

Pro Affirmatiua.

Gregor. 31. Moral. cap. 31. dicit , quod Septem capitalium vitiorum , quinque sunt spiritualia .

scilicet Superbia, Auaritia, Ira, Inuidia, Accidia.
Et duo carnalia, scilicet Gula, & Luxuria.

Determinatio.

Conclusio. Peccata spiritualia à carnalibus conuenienter distinguuntur.

Prob. Actus, quorum obiecta sunt diuersa, conuenienter ab inuicem distinguuntur. Sed Obiecta peccatorum spiritualium diuersa sunt ab obiectis peccatorum carnalium. Ergo Peccata spiritualia à carnalibus conuenienter distinguuntur.

Maiores patet. quia Peccata recipiunt speciem ex obiectis.

Minor manifestatur. Pro quo est sciendum, quod obiecta peccatorum, tum spiritualium, tum carnalium in duobus conueniunt. Primum est, quod utrumque est aliquid commutabile bonum, quod inordinate appetitur. Secundum, quod hoc commutabile bonum, quando habetur, peccans, inordinate in eo delectatur. Differunt autem in hoc, quod obiectum peccati spiritualis perficit delectationem spiritualem. Obiectum vero peccati carnalis perficit delectationem carnalem.

Ad cuius euidenciam sciendum, quod ut dictum est quat. 31. art. 3. Delectatio est duplex. Una quidem animalis, quae consumatur in sola apprehensione alicuius rei ad votum habite, & hæc potest dici delectatio spiritualis: sicut cum aliquis delectatur in laude humana, vel in aliquo huiusmodi.

Alia vero delectatio est corporalis, siue naturalis, quæ in ipso tactu corporali perficitur, & dicitur delectatio carnalis. Obiecta igitur peccatorum spiritualium sunt, quæ perficiunt delectationem spiritualem. Obiecta vero peccatorum carnalium sunt, quæ perficiunt carnalem delectationem. Illa consumatur in sola apprehensione, hæc vero in tactu corporali.

Et breuiter prob. minor. quia Obiecta peccatorum spiritualium, perficiunt delectationem animalem, siue spiritualem, secundum quod sunt in apprehensione. Obiecta vero peccatorum carnalium perficiunt delectationem corporalem, in tactu corporali, & ideo obiecta peccatorum carnalium à spiritualibus conuenienter distinguuntur.

Ad Argumenta.

Ad 1. Dicitur, quod per opera carnis duo intelligere possumus.

Primo, Illa vitia, quæ in voluptatibus carnis perficiuntur, & sic opera carnis idem sunt, quod peccata carnalia, & sunt tantum duo, scilicet Luxuria, & Gula.

Secundo, per opera carnis possumus intelligere opera hominis, secundum quod, non secundum rationem, sed secundum sensualitatem, & carnem uiuit. Et dicuntur opera carnis, opera hominis dum secundum se, & non secundum rationem, & Deum uiuit, quia omnis humana rationis defectus ex sensu carnali aliquo modo initium habet. Ad formam igitur argumenti respondendo, dicitur ad maiorem, quod intelligendo per opera carnis opera, quæ in voluptate carnis consistunt, negatur ipsa maior. Nam hæc opera carnis sunt carnalia peccata, & sunt duo tantum, ut dictum est, scilicet gula, & luxuria, & conuenienter sunt distincta à spiritualibus, ut dictum est in corpore. Ad probationem dicitur, quod Vitia enumerata ab Apostolo sunt opera carnis, id est hominis carnaliter uiuentis.

Ad 2. Negatur Maior. Ambulare enim, & viuere secundum carnem, non solum dicitur ille, qui committit peccata carnalia, sed etiam, qui committit peccata spiritualia, tam enim luxuriosus, quam superbus secundum carnem ambulat. Ad probationem negatur assumptum, ambulare enim, & viuere secundum carnem, non pertinet solum ad rationem peccati carnalis, sed etiam spiritualis: est enim ambulare secundum carnem, non operari secundum regulam rationis, sed secundum inclinationem sensualitatis, quæ est non solum ad carnalia, sed etiam ad spiritualia peccata.

Vel breuius ad maiorem dicitur, quod ambulare secundum carnem, est commune ad peccata spiritualia, & carnalia hominis, & non est proprium peccatorum carnalium, secundum quod proprie accipiuntur.

Ad 3. Negatur maior. Ad hoc enim, ut aliquod peccatum carnale dicatur, non sufficit, quod sit à ratione, hoc enim commune est omni peccato, ut a ratione deriuetur, sed ulterius requiritur, quod terminetur ad carnalem delectationem, quæ est per tactum, in quo differunt peccata carnalia proprie à spiritualibus.

Ad 4. Negatur minor. Ad probationem negatur consequens. Ad probationem dicitur, quod non solum per fornicationem, siue per Luxuriam peccat quis in corpus, sed etiam per gulam: tamen Apostolus specialiter hoc attribuit Luxurie, quia magis Luxuria absorbet rationem, quam Gula.

Secundo dicitur ad eandem probationem, quod Apostolus dixit, quod per fornicationem peccat quis in corpus, magis quam per gulam, quia in hoc peccato quedam peculiaris iniuria fit corpori, dum inordinate maculatur.

Est igitur peccatum carnale, non sola fornicatio,

rio, sed etiam gula. Avaritia autem non est peccatum carnale, & quando ab Apostolo inter carnalia numeratur, accipitur pro adulterio, quod est iniusta vsurpatio alienæ vxoris. Vel etiam avaritia dicitur peccatum carnale, quatenus id, in quo avarus delectatur, quoddam corporale est, tamē non est proprie peccatum carnale, quia ipsa delectatio non pertinet ad carnem, sed ad spiritum, & ideo Greg. dicit esse peccatum spirituale.

ARTICVLVS III.

Vtrum Peccata distinguantur specie secundum causas.

Pro Affirmativa.

Videtur, quod Peccata distinguantur specie secundum causas.

1. Per id, a quo peccata habent esse, specie distinguuntur.

Sed A causa effectiua peccata habent esse. Ergo Secundum causam effectiuam specificè distinguuntur.

Maiores prob. quia Ab eodem res habet speciem à quo habet esse.

2. Peccata distinguuntur specie secundum causam materiale. Ergo Multo magis distinguuntur specie, secundum alias causas.

Antec. prob. Obiectum in peccato habet rationem cause materialis. Sed Peccata distinguuntur specie secundum obiecta, ut dictum est. Ergo Peccata distinguuntur specie secundum causam materiale.

Conseq. prob. quia Inter alias causas, minus videtur pertinere ad speciem causam materiale. Vnde si causa materialis dat speciem peccato, multo magis hoc alijs causis conuenire dicendum est.

3. August. super Psal. 79. & Greg. 31. Mor. cap. 31. distinguunt peccata secundum diuersas peccatorum causas. Ergo Videtur, peccata differre specie, secundum diuersitatem causarum.

Pro Negativa.

Si peccata distinguerentur specificè secundum causas, sequeretur, quod omnia peccata essent vnus speciei. Sed Hoc est falsum, eo quod manifestum sit, esse plures peccatorum species.

Ergo Falsum est, peccata habere speciem a suis causis.

Conseq. prob. quia Omnia peccata habent eandem causam, secundum illud Eccl. 10. Initium omnis peccati est superbia. & Illud 1. Tim. ultimo. Radix omnium malorum est cupiditas.

Determinatio.

Conclusio. Peccata non distinguuntur specie secundum causas formales, vel materiales, nec secundum causas effectiuas, sed secundum causas finales.

Habet hæc conclusio tres partes. Prima, quod peccata non distinguuntur secundum diuersitatem materiæ, & formæ. Secunda, quod Non distinguantur secundum principia agentia. Tertia, quod distinguantur secundum diuersitatem causæ finalis.

Et quo ad singulas prob. Et quo ad primam, prob. ex differentia, quæ est inter substantiam, & motum, siue actum, secundum quod respiciunt genera causarum.

Sciendum igitur, quod cum sint quatuor genera causarum, scilicet formalis, materialis, efficiens, & finalis, duæ priores, scilicet formalis, & materialis, per se respiciunt substantiam rei, & propterea substantiæ distinguuntur genere, vel specie secundum formam, & materiam. Agens autem, & finis respiciunt motum, siue actum, & ideo actus non distinguuntur specie secundum materiam, vel formam, sed secundum efficiens, vel finem.

In forma igitur sic prob. prior pars conclusionis. Actus non distinguuntur specie secundum diuersitatem causarum formalium, vel materialium. Sed Peccata sunt quidam actus.

Ergo Non distinguuntur specie, secundum diuersas causas materiales, vel formales.

Maiores prob. quia Cause materiales, & formales respiciunt non actum, sed substantiam rei.

Secunda Conclusio pars prob. ex differentia, quæ est inter actus naturales, & voluntarios. Actus enim naturales habent speciem, non solum ab obiecto, quod est finis, sed etiam a principio effectiuo: sicut calefacere, & infrigidare distinguuntur specie, secundum calidum, & frigidum. Actus autem voluntarij ex principio actiuo, non possunt specie distingui: & ratio vtriusque est, quia Principia actiua naturalia sunt determinata ad eosdem actus, non autem principia effectiua in voluntarijs. Vnde in voluntarijs ex eodem principio actiuo possunt actus diuersarum specierum procedere.

Et quia peccatum est actus voluntarius, ex eodem principio actiuo, vel motiuo ad peccatum possunt diuersæ species peccatorum procedere: sicut ex timore male humiliante, potest procedere, quod homo furetur, quod occidat, & quod deserat gregem sibi commissum, & hæc eadem possunt procedere ex amore.

In for-

In forma sic prob. secunda Conclusionis pars. Actus voluntarij non desumunt speciem, vel specificam distinctionem principio effectiuo. Sed Peccata sunt actus voluntarij. Ergo Non distinguuntur specie, secundum principia effectiua.

Maiores prob. quia Principia effectiua in voluntarijs non sunt determinata ad vnum, sicut naturalia. Et propterea ab eodem principio motiuo diuersi actus peccatorum emanant.

Tertia Conclusionis pars prob. Actus humani habent speciem, & specificam distinctionem ex fine, quod est voluntatis obiectum, vt dictum est. Sed Peccata sunt actus humani. Ergo Peccata habent speciem, & specificam distinctionem ex fine.

Ad Argumenta.

Ad 1. Dicitur ad minorem, quod Actus voluntarij non habent sufficienter esse à principijs actiuis, nisi determinetur voluntas ad vnum per intentionem finis, & ideo a fine perficitur esse, & species peccati.

Ad 2. Negatur antec. Ad maiorem probationis dicitur, quod obiecta peccatorum dupliciter considerantur. Vno modo, vt comparantur ad actus exteriores, & sic habent rationem materiæ circa quam, alio modo, vt comparantur ad actum interiore voluntatis, & sic habent rationem finium, & dant speciem actui.

Dicitur secundo ad eandem maiorem, quod obiecta, prout comparantur ad actus exteriores, & sunt materia circa quam, etiam dupliciter considerari possunt. Vno modo, vt habent rationem materiæ, circa quam est ipse actus. Alio modo, vt habent rationem terminorum, ad quos terminatur actus. Secundum primam considerationem non dant speciem actui, ratione dicta in corpore. Sed secundum quod sunt termini actuum dant speciem actibus, quia cum motus a termino speciem accipiat, vt dicitur 5. Phis. tex. 4. & 10. Ethic. c. 4. & actus sint quidam motus, sequitur, quod actus a suis terminis speciem accipiant.

Ad 3. Dicitur, quod illæ diuisiones peccatorum non dantur à distinguendis species peccatorum, sed ad manifestandas diuersas causas eorum.

ARTICVLVS IV.

Vtrum Peccatum conuenienter distinguatur in peccatum in Deum, in se ipsum, & in proximum.

Pro Negatiua.

Videretur, quod Inconuenienter peccatum distinguatur per peccatum, quod est in Deum

in proximum, & in se ipsum.

1. Illud, quod est commune omni peccato, non debet poni quasi pars in diuisione peccati. Sed Quod sit contra Deum commune est omni peccato. Ergo Peccatum in Deum non debet poni pars in diuisione peccatorum.

2. Omnis diuisio debet fieri per opposita. Sed ista tria genera peccatorum non sunt opposita.

Ergo Peccatum inconuenienter diuiditur per hæc tria.

Minor prob. quia Quicumque peccat in proximum, peccat in se ipsum, & in Deum.

3. Ea, quæ sunt extrinsecus, non conferunt speciem.

Sed Deus, & proximus sunt extra nos.

Ergo Per hæc non distinguuntur peccata secundum speciem.

Pro Affirmatiua.

Isid. lib. de sum. bono distinguens peccata, dicit, quod homo dicitur peccare in se, in Deum, & in proximum.

Determinatio.

Conclusio. Peccatum conuenienter distinguatur in peccatum contra Deum, contra se ipsum, & contra proximum.

Prob. Quot sunt distincti ordines humanorum actuum, tot ex opposito conuenienter accipiuntur peccatorum genera. Sed Humanorum actuum tres sunt distincti ordines, scilicet ad Deum, in ipsum hominem, cuius sunt actus, & ad proximum, cui conuiuit. Ergo Conuenienter accipiuntur tria peccatorum genera, scilicet in Deum, in se ipsum, & in proximum.

Maiores prob. quia Peccatum est actus inordinatus. Vnde, quot modis actus potest esse inordinatus, tot etiam modis potest esse inordinatus.

Minor habet duas partes. Prima, quod sint tres ordines prædicti humanorum actuum. Altera, quod huiusmodi tres ordines sint distincti ab inuicem, & quo ad utramque manifestatur. Regula enim, quæ ordinat actus humanos, duplex est, scilicet Lex diuina, & Ratio humana. Vnde homo ordinatur ad Deum per suos actus, quatenus regulantur per legem diuinam: & ordinatur ad se ipsum, quatenus actus ipsius regulantur per humanam rationem.

Quod si homo esset animal non sociabile, isti duo ordines sufficerent, sed quia homo est animal naturaliter sociabile, ideo necesse est, vt per aliquos actus ordinetur ad proximum, cui conuiuetur debet. Vnde tres sunt humanorum actuum ordines, scilicet quibus homo ordinatur ad Deum, & hi

& hi regulantur per diuinam legem: quibus ordinatur ad seipsum: & quibus ordinatur ad proximum, & hi regulantur per legem diuinam, & per naturalem rationem.

Quod autem hi tres ordines distinguuntur, ostenditur. Ea, quæ sic se habent, quod vnum ipsum includit alterum, & aliud, distinguitur ab eo, sicut Animal distinguitur ab homine, quia animal includit non solum hominem, sed etiam alia animalia. Sed isti tres ordines sic se habent, quod primus includit secundum, & tertium, & aliquid aliud. Secundus includit tertium, & aliquid aliud. Ergo Hi tres ordines distinguuntur ab inuicem.

Minor huius manifestatur. Lex enim diuina, includit ordinem actuum, qui regulantur a ratione, & ulterius se extendit ad alios actus, ad quos non se extendit humana ratio, vt sunt ea, quæ sūt fidei, & quæ debentur Deo soli. Vnde, qui in talibus peccat, dicitur in Deum peccare. Secundus ordo includit tertium, & aliquid amplius: humana enim ratio non solum dirigit illos actus, quibus homo respicit proximum, sed etiam eos, quibus homo ordinatur ad seipsum. Actus, quibus homo ordinatur ad seipsum sunt, puta temperantia, continentia, & huiusmodi. Actus autem, quibus ordinatur ad proximum, sunt actus iustitie. Vnde, qui peccat in actibus, quibus ordinatur ad se, peccator dicitur in seipsum, vt patet de gulosos, luxuriosos, & prodigos. Qui vero peccat in his, quibus ordinatur ad alium, dicitur peccare in proximum, vt patet de fure, homicida.

Sunt igitur in homine tria genera actuum. Quidam per quos homo in Deum ordinatur, & hi actus a diuina sola lege reguntur, vt pote qui humanæ rationis regulam excedunt, vt sunt credere, Deum colere, &c. Quidam, per quos ordinatur ad seipsum, vt temperantiæ actus. Quidam per quos ordinatur ad proximum, vt actus iustitie.

Et propterea peccantes contra ordinem primorum actuum, peccant in Deum. Peccantes contra secundum ordinem, peccant in seipsos. Peccantes contra tertium, peccant in proximum.

Blasphemi, hæretici, & sacrilegi, peccant in Deum. Gulosi, luxuriosi, & prodigi, peccant in seipsos. Fures, & homicidæ peccant in proximum.

2. Conclusio. Hæc peccatorum distinctio, scilicet in Deum, in seipsum, & in proximum, est proprie specifica peccatorum distinctio.

Prob. primo. Distinctio actuum per diuersa obiecta est specifica. Sed hæc est distinctio peccatorum, secundum diuersa obiecta. Ergo Est distinctio proprie specifica.

Maiores patet. quia Actus per obiecta specificantur.

Minor prob. quia Ea, quibus homo ordinatur in Deum, se ipsum, & proximum, sunt diuersa, vt ostensum est.

Prob. secundo. Virtutes oppositæ his tribus peccatis, specie distinguuntur. Ergo Et ipsa opposita peccata specie distinguuntur.

Antec. prob. quia Virtutibus Theologicis homo ordinatur in Deum. Temperantia, & fortitudo ad se ipsum. Et iustitia ad proximum. Quæ virtutes manifeste specie distinguuntur. Ergo Et peccata eis opposita.

Ad Argumenta.

Ad 1. Dicitur ad minorem, quod peccare in Deum, secundum quod ordo, qui est in Deum, includit omnem humanum ordinem, commune est omni peccato: sed quantum ad id, quod ordo Dei excedit alios duos ordines, sic peccatum in Deum, est speciale genus peccati.

Ad 2. Negatur minor. Ad probationem dicitur, quod quando aliqua, quorum vnum includit alterum, ab inuicem distinguuntur; intelligitur fieri distinctio, non secundum illud, quod vnum excedit alterum, vt patet in diuisione numerorum, & figurarum, non enim triangulus diuiditur contra quadratum, secundum quod continetur in eo, sed secundum quod exceditur ab eo, & similiter est de ternario, & quaternario.

Ad 3. Dicitur ad minorem, quod Deus, & proximus, quamuis sint exteriora respectu ipsius peccantis, non tamen sunt extranea respectu actus peccati, sed comparantur ad ipsum, sicut propria obiecta ipsius.

ARTICVLVS V.

Vtrum Diuisio peccatorum, quæ est secundum reatum, diuersificet speciem, id est, an diuersitas pænæ faciat diuersitatem specificam in peccatis.

Pro Affirmatiua.

Videtur, quod Diuisio peccatorum, quæ est secundum reatum, diuersificet speciem, puta cum diuiditur secundum veniale, & mortale.

1. Ea, quæ in infinitum differunt, non possunt esse vnus speciei, nec etiam vnus generis. Sed Veniale, & mortale differunt in infinitum. Ergo Veniale, & mortale differunt non solum specie, sed etiam genere.

Minor prob. Peccatum, cui debetur pænâ finita, in infinitum distat a peccato, cui debetur pænâ infinita. Sed Peccato veniali debetur pænâ finita, mor-

mortali vero infinita. Ergo Peccatum veniale in infinitum distat a mortali.

Maiores huius probatur. quia Mensura pœnæ respondet quantitati culpæ, iuxta illud Deuteronom. 25. Pro mensura delicti erit plagatum. modus.

2. Quædam peccata sunt mortalia ex genere, ut homicidium, & quædam sunt venialia ex genere, ut verbum otiosum.

Ergo Peccatum veniale, & mortale specie differunt.

3. Finis peccati distinguit peccatum secundum speciem.

Sed Reatus est finis peccati. Ergo Reatus distinguit peccata secundum speciem.

Maiores prob. quia Peccata distinguuntur specie, secundum fines, ut dictum est, art. 1.

Minor patet. quia Præmium est finis actus virtuosus. Ergo Pœna est finis peccati.

Consequentia probatur. quia Sicut se habet actus virtuosus ad præmium, ita peccatum ad pœnam.

Præ Negativa.

Quod non est prius peccato, sed ipsum sequitur, ut eius effectus, non distinguit peccatum secundum speciem. Sed Pœna non est prior peccato, sed sequitur ipsum, ut effectus causam. Ergo Pœna, siue Reatus non causat specificam distinctionem peccatorum.

Maiores prob. quia Ea, quæ constituunt speciem sunt priora, ut patet de differentiis constitutibus speciem.

Determinatio.

Distinctio. In his, quæ differunt specie, duplices inveniuntur differentiæ. Quædam, quæ constituunt speciem, ut sunt rationale, & irrationale. Quædam vero, quæ consequuntur diversitatem specierum, ut sunt albedo, & nigredo, quæ consequuntur diversitatem specierum cigni, & corui.

Est autem discrimen inter has differentiæ, quod illæ, quæ constituunt diversitatem specificam, nunquam possunt simul inveniiri in his, quæ sunt sub eadem specie. Impossibile enim est, quod in individuis eiusdem speciei inveniatur simul rationale, & irrationale, sed semper ad diversas species pertineant. Differentiæ vero, quæ consequuntur diversitatem specierum, licet inveniatur & ipsæ in his, quæ sunt diversarum specierum, ut dictum est de albedine, & nigredine in cigno, & corvo, tamen possunt etiam inveniiri in individuis eiusdem speciei. Nam album, & nigrum inveniuntur in hominibus.

1. Conclusio. Differentia peccati per veniale, & mortale, vel quæcunque alia differentia, quæ sumitur pœnæ reatum, non est constitutiva speciei peccati.

Prob. Quod est per accidens, non constituit speciem. Sed Veniale, & mortale per accidens se habent ad peccatum. Ergo Differentia venialis, & mortalis non constituit speciem peccati.

Minor prob. Quod est præter intentionem peccantis, per accidens se habet ad peccatum: sicut quod est præter intentionem agentis, per accidens se habet ad effectum, ut dicitur 2. Physic. tex. 40. Sed Pœna est præter intentionem peccantis. Ergo Pœna per accidens se habet ad peccatum ex parte peccantis.

2. Conclusio. Mortale, & Veniale sunt differentiæ consequentes diversas peccatorum species.

Prob. quia Pœna ordinatur ad peccatum ab exteriori, s. ex iustitia indicantis, qui secundum diversas condiciones peccatorum diversas pœnas infligit. Vnde differentia, quæ est reatus pœnæ mortalis, vel venialis, potest consequi diversas species peccatorum, non tamen constituit diversitatem speciei.

Sed remanet videndum, quæ sit ista diversitas, quam consequitur huiusmodi differentia venialis, & mortalis. Pro quo est sciendum, quod peccatum est actus inordinatus. Inordinatio autem est duplex. Vna per subtractionem principij ordinis. Alia, quæ etiam salvato principio ordinis, fit inordinatio circa ea, quæ sunt post principium. Sicut in corpore animalis, quandoque quidam inordinatio complexionis procedit usque ad destructionem principij vitalis, et hæc est mors. Quandoque vero salvato principio vite, fit deordinatio quædam in humoribus: & tunc est agritudo. Principium autem actus totius ordinis in moralibus est finis ultimus, qui ita se habet in operativis, sicut principium in demonstrabilibus in speculativis: ut dicitur 7. Ethic. c. 8. Vnde quando anima deordinatur per peccatum usque ad auersionem ab ultimo fine, s. Deo, cui vivimus per charitatem, tunc est peccatum mortale. Quando vero fit deordinatio circa auersionem à Deo, tunc est peccatum veniale. Sicut. n. in corporibus deordinatio mortis, quæ est per remotionem principij vite, est irreparabilis secundum naturam: inordinatio autem agitudinis reparari potest propter id, quod salvatur principium vite: similiter est in his, quæ pertinent ad animam. Nam in speculativis, qui errat circa principia imperassibilis est: qui autem errat salvatis principijs, per ipsa principia revocari potest. Et similiter in operativis, qui peccando avertit ab ultimo fine quantum

et ex

est ex natura peccati, habet lapsum irreparabile: & ideo dicitur peccare mortaliter ac aternaliter puniendus. Qui vero peccat cura auersionem a Deo, ex ipsa ratione peccati reparabiliter deordinatur: quia saluator principium, & ideo dicitur peccare venialiter, quia non ita peccat, ut mereatur interminabilem poenam.

Ad Argumenta.

Ad 1. Dicitur ad minorem, quod Peccatum mortale, & veniale differunt in infinitum ex parte auersionis, non autem ex parte conuersionis, per quam respiciunt obiectum, vnde peccatum speciem habet. Quapropter nihil prohibet, in eadem specie inueniri aliquod peccatum mortale, & veniale, sicut primus motus in genere adulterij est peccatum veniale, & verbum otiosum, quod plerumque est veniale, potest etiam esse mortale.

Ad 2. Negatur consequens. Ex hoc enim quod inuenitur aliquod peccatum mortale ex genere, & aliquod peccatum veniale ex genere, sequitur, quod talis differentia consequatur diuersitatem peccatorum secundum speciem, non autem quod euset eam. Talis autem differentia potest inueniri etiam in his, quae sunt eiusdem speciei, ut dictum est.

Ad 3. Negatur minor. Ad probationem negatur consequens. Ad cuius probationem negatur assumptum, non enim sic se habet poena ad peccantem, sicut premium ad actum virtutis. Premium enim est de intentione merentis, poena autem non est de intentione, sed potius contra voluntatem peccantis, & ideo non est similis ratio de poena, & premio.

ARTICVLVS VI.

Utrum Peccatum commissionis, & omissionis differant specie.

Pro Affirmatiua.

Videtur, quod Peccatum commissionis, & omissionis specie differant.

1. Peccatum, & delictum differunt specie. Sed Peccatum commissionis dicitur peccatum, peccatum vero omissionis dicitur delictum. Ergo Peccatum commissionis, & omissionis specie differunt.

Maiores patet, quia Peccatum, & delictum ex opposito diuiduntur, secundum illud Ephes. 2. Cum essetis mortui delictis, & peccatis vestris.

Minor probatur a Glossa super dicta verba dicit. Delictis, id est dimituntur, quae iubentur, &

Peccatis, scilicet agenda prohibita.

2. Peccata, quae opponuntur diuersis partibus diuinae legis, sunt ipse distincta, sed Peccata commissionis, & omissionis opponuntur diuersis diuinae legis praeceptis, omisso, & praeceptis affirmatiuis, & commissio, negatiuis.

Ergo Peccata omissionis, & commissionis specie distinguuntur.

Maiores probatur, quia diuersae praecepta ad diuersas virtutes pertinent.

Minor, quia Peccato per se conueniens, ut opponatur diuinae legi. Vnde ponitur in eius definitione, ut ex dictis patet.

3. Affirmatio, & negatio non possunt esse vnus speciei. Sed Peccatum omissionis, & commissionis differunt sicut affirmatio, & negatio. Ergo Peccatum omissionis, & commissionis non possunt esse vnus speciei.

Maiores probatur, quia Negatio, cum sit non ens (cuius non sunt species, nec differentiae) non habet aliquam speciem.

Pro Negatiua.

In eadem specie inuenitur simul peccatum, commissionis, & omissionis. Ergo Peccata commissionis, & omissionis non differunt specie.

Antecedens probatur, quia Auarus aliena rapit, quod est peccatum commissionis, & sua non dat, quibus dare debet, quod est peccatum omissionis.

Determinatio.

Distinctio. In peccatis inuenitur duplex differentia. Vna materialis, & alia formalis. Materialis quidem attenditur secundum naturalem speciem actuum peccati. Formalis autem secundum ordinem ad vnum finem proprium. Vnde inueniuntur aliqui actus speciei differentes, qui tamen formaliter sunt in eadem specie peccati, quia ad idem ordinantur. Sicut ad eandem speciem homicidij pertinet iugulatio, lapidatio, & perforatio, quamuis hi actus sint speciei differentes secundum speciem naturae.

1. Conclusio. Si loquamur de specie peccati omissionis, & commissionis materialiter, differunt specie, large tamen loquendo de specie, secundum quod negatio, vel priuatio aliquam speciem habere potest.

Probatur. Affirmatio, & negatio specie differunt, large sumendo speciem. Sed Omissio est sicut negatio, & commissio sicut affirmatio.

Ergo Peccatum commissionis, & omissionis differunt.

2. Conclusio. Si loquamur de specie peccati omissionis,

K K K

mi-

missionis, & commissionis formaliter, sic non differunt specie.

Prob. Peccata, quæ ad eundem finem proximi ordinantur, & ab eodem motiuo procedunt, non differunt specie; vt dictum est de adhibitis iugulationis, perforationis, & lapidationis respectu homicidij. Sed Peccatum omissionis, & commissionis ad idem ordinantur, & ex eodem motiuo procedunt. Ergo Peccatum omissionis, & commissio nis non differunt specie.

Minor prob. Nam auarus ad congregandum pecuniã, rapit aliena, & non dat ea, quæ dare debet. Et similiter gulosus est de satisfaciendo gula, superflua comedit, & ieiunia debita prætermit tit. Ex quibus patet, quod ad idem ordinantur peccatum omissionis, & commissionis.

Et confirmatur conclusio, quia Semper negatio in rebus fundatur super aliqua affirmatione, quæ est quodammodo causa eius. Vnde etiam in rebus naturalib. eiusdem rationis est, quod ignis calefaciat, & quod non infrigidet.

Ad Argumenta.

Ad 1. Negatur maior. Ad probationem dicitur, quod illa diuisio, quæ est per commissionem, & omissionem, non est secundum diuersas species formales, sed materiales tantum, vt dictum est in corpore.

Ad 2. Negatur maior. Ad probationem dicitur, quod Præceptum affirmatiuum, & negatiuum non pertinent ad diuersas virtutes, sed ad eõsdem gradus eiusdem virtutis. Necessarium enim fuit in lege Dei proponi diuersa præcepta affirmatiua, & negatiua, vt gradatim homines introducerentur ad virtutem. Prius quidem abstinendo a malo, ad quod inducimur per præcepta negatiua, & post modum faciendo bonum, ad quod inducimur per præcepta affirmatiua.

Sed dato etiam, quod præceptum affirmatiuum, & negatiuum specie distinguerentur adhuc negatur maior. Peccata enim non habent speciem ex parte auersionis, sed ex parte conuersionis. Vnde peccatum non habet speciem ex hoc, quod est contra præceptum affirmatiuum, cui opponitur omisio, sed ex hoc quod opponitur negatiuo.

Ad 3. Dicitur, quod obiectio illa procedit de materiali diuersitate speciei. Sciendum est tamen, quod negatio, etsi proprie non sit in specie, constituitur tamen in specie per reductionem ad aliquam affirmationem, quam sequitur.

ARTICVLVS VII

Vtrum Conuenienter diuidatur peccatum, in peccatum cordis, oris, & operis.

Pro Negatiua.

Videtur, quod Inconuenienter diuidatur peccatum, in peccatum cordis, oris, & operis.

Aug. 12. lib. de trin. cap. 12. ponit tres gradus peccati. Quorum primus est cum carnalis sensus illecebram quandam ingerit, quod est peccatum cogitationis. Secundus gradus est, quando sola cogitationis delectatione aliquis contentus est. Tertius gradus est, quando faciendum discernitur per consensum. Sed Tria hæc pertinent ad peccatum cordis. Ergo Inconuenienter peccatum cordis ponitur quasi vnum genus peccati.

2. Greg. 4. Mor. cap. 27. ponit quatuor gradus peccatorum. Quorum primus est culpa latens in corde. Secundus, cum exterius publicatur. Tertius est; cum consuetudine roboratur. Quartus est, cum vsque ad præsumptionem diuinæ misericordiae, vel ad desperationem homo procedit. Vbi non distinguitur peccatum operis, a peccato oris, & adducuntur duo alij peccatorum gradus. Ergo Inconueniens fuit prima diuisio.

3. Quæ contra se inuicem conuenienter diuiduntur, debent specie distingui. Sed Peccata cordis, oris, & operis non distinguuntur specie. Ergo Inconuenienter contra se inuicem diuiduntur.

Minor prob. quia Non potest esse peccatum in ore, vel in opere, nisi prius fiat in corde.

Pro Affirmatiua

Hieron. super c. 43. Ezech. dicit. Tria sunt generalia delicta, quibus humanum subiacer genus, aut enim cogitatione, aut sermone, aut opere peccamus.

Determinatio

Distinctio. Aliqua inueniuntur differre specie dupliciter. Vno modo ex eo, quod vtrumque habet speciem completam, secundum quem modum, & quos, & bos differunt specie. Alio modo ex eo, quod habent speciem incompletam, sicut iacere fundamenta domus, & erigere parietes, sunt actus habentes diuersas species incompletas, perfectio autem domus est completa species actus ædificandi domum: & idem dicendum est de generatione animalium, quando n. generantur singulae partes, sunt actus diuersarum specierum incompleti, quando vero totum animal producit, tunc est actus habens completam speciem, & hæc habetur 10. Ethic. c. 4.

1. Conclusio. Peccatum diuiditur per hæc tria, scilicet per peccatum oris, cordis, & operis, sicut per diuersas species incompletas.

Prob. quia Horum trium, solum peccatum operis habet completam speciem, eo quod in opere sit consummatio peccati.

2. Conclusio. Hæc tria differunt secundum diuersos gradus peccati.

Prob. quia Prima inchoatio peccati est in corde, secundus gradus est in ore, & tertius in opere.

3. Conclusio. Hæc tria pertinent ad perfectam peccati speciem.

Prob. A. Quis peccatorum, quæ ab eodem motu procedunt, pertinent ad eandem speciem, ut dictum est art. præced. Sed peccatum cordis, oris, & operis sunt ex eodem motu. Ergo Pertinent ad eandem speciem.

Minor prob. quia Inchoatus ex hoc, quod appetit, videtur, primo quidem perturbatur in corde, secundo in uerbis contumeliosis pronuntiat, & tertio procedit usque ad facta iniuriosæ: & idem patet in luxuria, & in alijs peccatis.

Ad Argumenta.

Ad 1. Dicitur, quod illi tres gradus peccatorum assignati ab Aug. pertinent omnino ad peccatum cordis, quatenus omnes conueniunt in ratione concupiscentie diuiditur in illos tres gradus, scilicet cogitationis, delectationis, & consensus. Vnde Aug. non intendit assignare gradus peccati ut sic, sed solum gradus peccati cordis.

Ad 2. Dicitur, quod primus gradus assignatus a Greg. est idem cum eo, quem assignat Hieronymus, scilicet peccatum cordis. Secundus gradus assignatus a Greg. scilicet cum exteriori publicatione, a Hieronymo distinguitur in duos, scilicet oris, & operis. Ponuntur enim hi duo gradus a Gregorio sub vno, quia conueniunt in manifestatione, & a Hieronymo diuiditur iste gradus in duos, quia in peccato oris, est manifestatio tantum, & principaliter intenta: In peccato vero operis est principaliter expletio interioris conceptus cordis, & manifestatio est ex consequenti. Alij vero duo gradus a Gregorio assignati, scilicet consuetudo, & desperatio sunt gradus consequentes speciem perfectam peccati, sicut adolescentia, & iuuentus consequuntur perfectam hominis generationem.

Ad 3. Dicitur ad minorem, quod Peccatum cordis, & oris non distinguuntur a peccato operis, quando simul cum eo coniunguntur, sed propter quodlibet horum per se inuenitur. Sicut etiam pars motus non distinguitur a toto motu, quanti-

do motus est continuus, sed solum quando motus sistit in medio.

A. R. T. I. C. V. L. V. S. VIII.

Vtrum Superabundantia, & defectus diuersificent species peccatorum.

Pro Negatiua.

V. Idetur, quod Superabundantia, & defectus non diuersificent species peccatorum.

1. Magis, & minus non diuersificant spem. Sed Superabundantia, & defectus differunt secundum magis, & minus. Ergo Superabundantia, & defectus non diuersificant species peccatorum.

2. Species salutaris non diuersificantur ex hoc, quod aliquis dicat plus, vel minus, quam sit in re. Ergo Ne species peccati diuersificantur ex hoc, quod quis recedit a rectitudine rationis, plus, vel minus, ut in uisibili, ut in agibili. Antequam manifestum. Nam dicere, lineam bicubitam esse tricubitam, non differt specie ab hoc, quod est dicere, eandem lineam esse unecubitam.

Consequenter prob. quia Sicut peccatum in agilibus est ex hoc, quod receditur a rectitudine rationis, ita falsitas in speculatiuis est ex hoc, quod receditur a veritate rei.

3. Ea, ex quibus constituitur vna species, non sunt diuersa secundum speciem. Sed Ex superabundantia, & defectu constituitur vna peccati species. Ergo Superabundantia, & defectus non diuersificant peccatorum species.

Maiores patet. quia Ex duabus speciebus non constituitur vna species.

Minor prob. quia Superabundantia, & defectus inueniuntur in vno, & eodem. Possent enim aliquis esse illiberalis, & prodigus; quorum primum pertinet ad defectum, & secundum ad superabundantiam.

Pro Affirmatiua.

Contraria differunt secundum speciem. Sed Peccata, quæ differunt secundum superabundantiam, & defectum, sunt contraria. Ergo Superabundantia, & defectus diuersificant species peccatorum.

Maiores patet. quia Contrarietas est differentia secundum formam, ut dicitur 10. Met. 13.

Minor prob. quia Illicitas, quæ pertinet ad defectum, opponitur prodigalitati, quæ pertinet ad superabundantiam.

conobit per modum *Determinationis* utrum ob

Conclusio. Peccata, quæ sunt secundum superabundantiam, & quæ sunt secundum defectum, non solum differunt specie, sed etiam contraria sunt ad inuicem.

Probi. Vbi cumque occurrit diuersum obiectum motuum inclinans intentionem ad peccandum, ibi est diuersa species peccati. Sed Peccata, quæ sunt secundum superabundantiam, & quæ sunt secundum defectum, habent non solum diuersa, sed etiam contraria motua. Ergo si quomodocumque peccata non solum differunt specie, sed sunt ibi inuicem contraria.

Minor prob. quia Cum duo sint in peccato actus, & inordinatio eius: prout receditur ab ordine rationis, & legis diuine, species peccati attingitur; non ex parte inordinationis, quia est præter intentionem peccantis, ut dictum est art. 1. si magis ex parte actus, secundum quod determinatur ad obiectum, ad quod fertur intentio peccantis. Vbi cumque igitur est diuersum motuum ad peccandum, ibi est diuersa peccati species. *Ad id quod dicitur in textu.* Minor prob. Nam motuum in peccato intentionem peccantis est amor delectationum corporalium. Motuum autem in peccato insensibilitatis est odium earum. Amor autem, & odium sunt contraria.

Ad id quod dicitur in textu. Minor prob. quia

Ad 1. Magis & minus dupliciter dicuntur. Vno modo, secundum quod significant maiorem, vel minorem perfectionem in eisdem formis: sicut cum dicitur aqua magis, vel minus calida. Alio modo, ut significat maiorem, vel minorem perfectionem diuersarum formarum: sicut si dicamus, quod pallidum est minus coloratum, quam rubrum. Vel quod Angelus est magis intellectuales, quam homo. Ad maiorem igitur dicitur, quod magis, & minus primo modo, non faciunt diuersitatem secundum speciem: aqua enim magis calida non differt specie ab aqua minus calida. Magis vero, & minus, ut significat maiorem, vel minorem perfectionem diuersarum formarum, quantum non causent diuersitatem speciem, consequuntur tamen, quandoque, species differentes. Sicut si dicamus, quod ignis est leuior aere: tunc enim magis, & minus leue consequuntur diuersitatem speciei inter ignem, & aerem. Tunc ad minus dicitur, quod magis, & minus, quæ sunt secundum superabundantiam, & defectum, id est superexcedere rationem, & deficere ab ea, pertinet ad diuersa peccata, secundum speciem, in quantum iste excessus, & defectus consequuntur diuersa motua, ut dictum est.

Ad 2. Dicitur primo ad antecedens, quod Aliquem dicere plus, vel minus, quantum sit in se, contingit dupliciter. Vno modo, quia intendit recedere a veritate, & cam occultare. Sicut si quis volens occultare quantitatem suæ pecunie, quæ est centum, dicat se habere centum quinquaginta, vel solum quinquaginta. Alio modo, si aliquis non intendat recedere a veritate, sed aliquid aliud. Vt patet de iactatore, & deceptoris. Iactator enim dicit se fecisse, plusquam fecit, & deceptor minus debitem, quod debet. Si igitur quis dicat plus, vel minus, intendens recedere a veritate, & cam occultare, non differt mendacium secundum speciem, siue plus, siue minus dicat, quam sit in re. Dicere enim, quod aliquis habet centum quinquaginta, vel quinquaginta, non sunt diuersæ species mendacii: Et ratio est, quia falsitas non habet speciem ab eo, a quo mendax recedit, sicut nec peccatum in iuramentis habet speciem ab auerisione. Unde intendens recedere a veritate, occultandi ipsam, siue recedat in plus, vel in minus ab ea, non variat species. Quando autem aliquis non intendit recedere a veritate, sed aliquid aliud, tunc dicere plus, vel minus variant speciem, & hoc, quia sunt tunc diuersa motua, quibus aliquis a veritate recedit. Iactator enim, quia mouetur ab inani gloria plus dicit, quam sit in re, & deceptor, quia vult euadere debiti solutionem, minus dicit, quam sit debitem. Unde variatio speciei mendacii, non est ex hoc, quod quis plus, vel minus dicit, sed ex diuerso motuo.

Antec, igitur argumentum, quod dicitur plus, vel minus, quam sit in re, non variat speciem falsitatis, est verum, quando dicens mendacium, intendit recedere a veritate, & cam occultare: falsum vero, quando aliquis non intendit a veritate recedere, sed intendit aliquid aliud, ut dictum est.

His igitur sic expositis, concessio antecedente in sensu vero, negatur consequ. Ad probationem dicitur, quod non est eadem ratio de peccato in agibilibus, & mendacio in speculatiuis. Nam in speculatiuis recessus a veritate, potest esse per se intentus, & quia recessus non variat speciem, ideo recessus a veritate eius, qui ab ea intendit recedere in plus, & in minus, non variat speciem. In agibilibus autem, & moralibus, nunquam est intentus recessus a regula rationis, sed semper intenditur aliquod obiectum, quod mouet intentionem, & ideo excessus, & defectus semper variat speciem.

Ad 3. Negatur minor. Ad probationem dicitur, quod iliberalitas, & prodigalitas inueniri possunt in vno, & eodem, non respectu eiusdem, sed diuersorum. Sicut si quis exigit ab alijs, quæ

quia non debet, & de quibus dare non debet.

Alter potest argumentum formari, cui malus accommodatur responsio, sic. Quæ inueniri possunt in eodem; non sunt species contrariæ. Sed Vitium, quod est secundum superabundantiam, & quod est secundum defectum, inueniuntur in eodem, ut sunt illiberalitas, & prodigalitas. Ergo Non sunt species contrariæ, & contrariæ.

Major probatur, quia Contraria non sunt in eodem.

Ad idem 3. Negatur maior. Ad probationem dicitur, quod contraria non sunt in eodem, respectu eiusdem, sed respectu diuersorum non inconuenit contraria esse in eodem, ut supra dictum est.

ARTICVLVS IX.

Utrum Peccata diuersificentur specie secundum diuersas circumstantias.

Pro Affirmatiua.

Videtur, quod Vitia, & peccata diuersificentur specie secundum diuersas circumstantias. 1. Malis contingit ex singularibus defectibus, ut Dionysius dicit 4. cap. de diuino. Sed Peccatum est quoddam malum; & corruptiones singulorum circumstantiarum sunt singulares defectus. Ergo Ex singulis circumstantiis corruptis, singula species peccatorum consequuntur.

2. Actus humani interdum accipiunt speciem ex circumstantiis, ut dictum est, quæ sit. 18. artic. 10. Sed Peccata sunt quidam actus humani. Ergo Peccata differunt specie ex circumstantiis.

3. Diuersæ species gula accipiuntur secundum diuersas circumstantias. Ergo Species peccatorum diuersificantur secundum diuersas circumstantias.

Anteq. prob. quia Species gula assignantur secundum particulas, quæ in hoc versiculo continentur. Præpropterea, iactantia, nimis, ardentia, studiose. Hæc autem pertinent ad diuersas circumstantias: nã, præpropterea est antequam oportet, nimis plusquam oportet, & idem patet in alijs.

Pro Negatiua.

Phil. 3. Ethic. cap. 7. & 4. cap. 2. dicitur, quod Singula vitia peccant, agendo plus quam oportet, & quando non oportet, & similiter secundo omnes alias circumstantias.

Ergo Non secundum hoc diuersificantur peccatorum species.

Quod dicitur in
1. ad 2. ad 2. ad 2.

Determinatio.

Quid, & quæ sint circumstantiæ peccatorum.

Circumstantiæ peccatorum nihil aliud sunt, quam corruptiones circumstantiarum actuum virtutum. Sicut circumstantiæ liberales actus sunt, ut det, quando oportet, cui, ubi, & quantum oportet. Circumstantiæ vero actus illiberalitatis sunt corruptiones harum circumstantiarum. Illiberalis enim accipit plus, quam oportet, a quo, & quādo, & ubi non oportet. Unde corruptiones circumstantiarum actus virtuosorum sunt circumstantiæ oppositi actus virtuosorum.

Distinctio. Circumstantiæ peccatorum sunt in duplici differentia: Quædam enim sunt ex eodem motiuo; Quædam vero ex diuersis motiuis. Aliquando enim idem est motiuum corruptionis plurimum circumstantiarum: sicut illiberalis ab eodem motiuo, scilicet ab appetitu inordinato congregandi pecuniam, habet, quod accipiat plus, quam oportet, a quo, quando, & ubi non oportet. Quandoque vero corruptiones circumstantiarum actus virtuosorum sunt a diuersis motiuis: puta quod aliquis præpropterea comedat, qui est actus gula, potest provenire ex hoc, quod homo non potest ferre dilationem cibi propter facilem consumptionem humiditatis, quod appetat inmoderate cibum; potest contingere propter virtutem potentem naturæ, ad considerandum nullum cibum, quod autem aliquis appetat cibos delictuosos, contingit propter appetitum delectationis, quæ est in cibo. Unde patet, quod tunc circumstantiæ actus peccati gula sunt a diuersis motiuis.

1. Conclusio. Circumstantiæ peccatorum, quæ sunt ab eodem motiuo, non faciunt differentiam specificam peccatorum.

Prob. Circumstantiæ, quorum vnum est obiectum, & vnum finis, non faciunt differentiam specificam in actibus, quorum sunt circumstantiæ. Sed Circumstantiæ peccati, quæ sunt ab eodem motiuo, habent idem obiectum, & eundem finem. Ergo Non faciunt differentiam specificam in actu peccati.

Major patet, quia Species peccati est ex obiecto, & fine.

Minor prob. quia Motiuum est obiectum, & finis actus.

2. Conclusio. Circumstantiæ peccatorum, quæ sunt a diuersis motiuis, inducunt diuersas peccati species.

Prob.

Prob. Circumstantiæ, quarum sunt diuersa obiecta, faciunt diuersitatem specificam in actibus, vt ex dictis patet. Sed Circumstantiæ peccatorum, quæ sunt ex diuersis motiuis, habent diuersa obiecta, & diuersos fines. Ergo Circumstantiæ peccatorum, quæ sunt à diuersis motiuis, faciunt diuersitatem specificam in actibus peccatorum.

Minor prob. quia Motiuum est obiectum, & finis peccati, & circumstantiarum ipsorum peccatorum.

Ad Argumenta.

Ad 1. Dicitur ad minorem, quod Peccatum est malum quidem, sed non significat puram priuationem, sicut malum, quod in quantum huiusmodi est pura priuatio, sed significat actum, cui annexa sit malitia, & deformitas: Quia igitur malum in quantum huiusmodi, est priuatio, ideo accipit speciem ab his, quæ priuantur, & secundum ea specie diuersificatur. Peccatum autem non accipit speciem ab his, quæ priuantur, sed ab obiecto actus, vt dictum est: & ideo circumstantiæ habentes idem motiuum, siue obiectum non faciunt diuersitatem specificam.

Et breuius dicitur ad minorem, quod peccatum non significat solam malitiam, sed actum, & ideo habet speciem, non à priuatione boni, sed ab obiecto actus.

Ad 2. Dicitur ad maiorem, quod Circumstantia nunquam transfert actum in aliam speciem, nisi quando est aliud motiuum.

Ad 3. Dicitur, quod Illæ diuersæ circumstantiæ quæ, ideo variant species peccatorum, quia habent diuersa motiua, vt dictum est.

QVÆSTIO LXXIII.

DE COMPARATIONE PECCATORUM AD INVICEM.

ARTICVLVS I.

Vtrum Omnia peccata sint connexa.

Pro Affirmatiua.

Videtur, quod Omnia peccata sint connexa.

1. Quicumque totam legem seruauerit, offendat autem in vno, factus est omnium reus, vt dicitur Iacobi. 2. Ergo Quicumque peccat in vno, subiicitur omnibus peccatis.

Consequenter prob. quia Idem est esse rerum omnium mandatorum legis, quod habere omnia peccata: eo quod peccatum sit transgressio legis diuinæ, & cœlestium inobedientiæ mandatorum, vt Ambr. lib. 1. de parad. c. 8. dicit.

2. Vnum peccatum excludit omnes virtutes. Ergo Qui habet vnum peccatum, habet omnia peccata.

Antec. patet. quia. Qui vnam virtutem excludit, omnes alias excludit, vt ex dictis patet. Sed Vnum peccatum excludit virtutem sibi oppositum. Ergo Vnum peccatum excludit omnes virtutes.

Consequenter prob. quia Qui caret virtute, habet vnum sibi oppositum. Vnde qui caret omnibus virtutibus, habet omnia vitia.

3. Omnia peccata conueniunt in vno principio. Ergo Omnia peccata sunt connexa.

Antec. patet. quia Sicut virtutes conueniunt in vno principio, quod est amor Dei, qui facit Dei ciuitatem, ita omnia vitia conueniunt in amore sui ipsius, qui facit ciuitatem babilonis, est enim amor sui radix omnium peccatorum, teste Aug. 1. de ciu. Dei c. 28.

Consequenter prob. quia Virtutes sunt connexæ ex hoc, quod conueniunt in vno principio, vt dictum est, quæst. 65. artic. 1. & 2.

Pro Negatiua.

Contraia non possunt simul in esse eadem. Sed Quædam vitia sunt sibi inuicem contraria, vt Phil. dicit. 1. Ethic. c. 8. Ergo Impossibile est omnia vitia, & peccata esse connexa.

Determinatio.

Conclusio. Peccata, & vitia, secundum illud, quod perficit speciem peccatorum, non sunt omnia ad inuicem connexa, sed potius interdum sunt ad inuicem contraria.

Prob. Intentio peccantis, à ratione recedens, tendit in diuersa bona, quæ nullam habent connexionem ad inuicem. Ergo Peccata nullam connexionem habent ad inuicem, quod ad id, quod perficit speciem peccatorum.

Antec. prob. ex differentia, quæ est inter peccantem, & eum, qui secundum virtutem operatur. Intentio enim agentis secundum virtutem, aliter se habet ad sequendum rationem, quam se habeat intentio peccantis ad recedendum à ratione. Intentio enim eius, qui agit secundum virtutem, est, vt sequatur regulam rationis. Vnde omnium virtutum interio in idem tendit, & propter hoc omnes virtutes habent connexionem ad inuicem in ratione recta agibilitum, quæ est prudentia, vt supra dictum est. q. 65. art. 1.

Intentio autem peccantis non est ad hoc, vt recedat ab eo, quod est secundum rationem, sed potius quod tendat in aliquod bonum appetibile, à quo speciem fortitur, vt dictum est. Et ideo sicut illa bona, ad quæ intentio peccantis tendit, non sunt connexa, ita nec peccatorum species connexionem habent secundum ea, à quibus speciem fortitur.

Consequenter.

Consequ. prob. quia Vitia, & peccata habent speciem secundum illud, ad quod conuertuntur.

Et breuius sub alijs verbis probi. conclusio. ex differentia, quæ est inter operationes, quæ sunt secundum virtutem, & operationes peccatorum. Nam illæ procedunt à multitudine ad unitatem, scilicet ad regulam, quæ est secundum rationem. Vitia vero procedunt ab unitate, id est à regula rationis, ad multitudinem, scilicet ad diuersa sensibilia bona. Et ideo virtutes sunt connexæ, non autem vitia.

Ad Argumenta.

Ad 1.^{am} Dicitur ad antecedens, quod sicut peccatum potest considerari dupliciter. Ex parte auersionis. Et ex parte conuersionis. Ita duplex est reatus, quem incurrit peccans. Est enim reatus pœnæ damni. Et est reatus pœnæ sensus. Pœna damni conuenit peccato ex parte auersionis: & pœna sensus ex parte conuersionis. Et quia omnia peccata conueniunt in auersione à Deo, propterea omnium peccatorum pœna, ex parte auersionis, vna est, scilicet priuatio diuinæ visionis. Et quia ex altera parte peccata differunt secundum diuersa bona, ad quæ peccans conuertitur, ideo sunt diuersi reatus, quos ex hac parte peccans incurrit.

Sententia igitur Apostoli Iacobi est sic intelligenda, quod qui committit vnum peccatum mortale, incurrit reatum omnium peccatorum, id est priuatur diuinæ visionis, tanquam si omnia peccata commisisset. Vnde non dicit Apostolus, quod qui in vno deliquit, deliquit in omnibus, sed quod factus est omnium reus, id est priuatur diuinæ visionis, sicut priuantur illi, qui omnia peccata committunt, tamen ex parte conuersionis, qui in vno deliquit, non punitur, ac si omnia peccata commisisset, sed iuxta mensuram delicti est plagarum modus.

Ad 2.^{am} Negatur antecedens. Ad probationem Negatur minor. Non enim per quemlibet actum peccati tollitur virtus opposita: nam peccatum veniale virtutem non tollit, peccatum vero mortale tollit virtutem infusam, in quantum auertit à Deo, sed vnus actus peccati, etiam mortalis, non tollit habitum virtutis acquisitæ.

Si vero actus peccati in tantum multiplicentur, quod generetur contrarius habitus virtutis acquisitæ, tunc excluditur ipse habitus virtutis, quo excluso, excluditur etiam habitus prudentie, & per consequens tunc excluduntur omnes morales virtutes acquisitæ, quantum ad suum formale, remanent tamen inclinationes ad actus virtutum. In hoc igitur casu aliter dicitur ad argu-

mentum, negando consequentiam; ex hoc enim, quod exclusæ sunt omnes virtutes per multiplicationem actuum peccati, modo dicto, non sequitur, quod qui habet vnum peccatum, habeat omnia peccata: & hoc propter duo. Primo, quia vni virtuti plura vitia opponuntur: ita quod virtus potest priuari per vnum eorum, etiam si alterum eorum non adsit. Secundo quia peccatum directe opponitur virtuti, quantum ad inclinationem virtutis ad actum, vt supra dictum est. Vnde remanentibus aliquibus inclinationibus virtuosis, non potest dici, quod homo habeat vitia, vel peccata opposita.

Ad 3.^{am} Negatur consequentia. Amor enim Dei, in quo conueniunt virtutes, est congregatiuus, in quantum affectum hominis à multis ducit in vnum, & ideo virtutes, quæ ex amore Dei causantur, connexionem habent. Sed amor sui disgregat affectum hominis in diuersa, pro vt scilicet homo se amat appetendo sibi bona temporalia, quæ sunt varia, & diuersa: & ideo vitia, & peccata, quæ causantur ex amore sui, non sunt connexa.

ARTICVLVS II.

Vtrum Omnia peccata sint paria.

Pro Affirmatiua.

Videtur, quod Omnia peccata sint paria.

1. Quæ eodem modo reprehenduntur, sunt paria in grauitate. Sed Omnia peccata eodem modo reprehenduntur. Ergo Omnia peccata sunt æqualiter graua.

Minor prob. Facere, quod non licet, vno, & eodem modo in omnibus reprehenditur. Sed Peccare, est facere, quæ non licet. Ergo Peccare vno, & eodem modo in omnibus reprehenditur.

2. Transilire lineas est æqualiter, & vno modo. Sed Peccare est simile ei, quod est lineas transilire. Ergo Peccare contingit semper æqualiter, & eodem modo.

Maiores declaratur. quia Transilire lineas in puncto fit. Vnde siue aliquis longius, vel minus longe procedat, non magis, nec minus transilire dicitur lineam. Et prob. quia Priuationes non recipiunt magis, nec minus.

Minor prob. quia Peccatum omne consistit in hoc, quod est transgredi regulam rationis, quæ ita se habet ad actus humanos, sicut regula linearis, in corporalibus rebus.

3. Omnes virtutes sunt æquales, vt Tullius dicit in Paradoxis. Ergo Etiam omnia peccata sunt paria.

Consequ. Consequ.

Consequ. prob. quia Peccata virtutibus opponuntur.

Pro Negativa.

Dominus Ioan. 19. Pilato dixit. Qui tradidit me tibi, maius peccatum habet. Ergo Vnum peccatum est maius alio.

Determinatio.

Stoicorum Opinio.

Stoicorum Opinio, quam Tullius prosequitur in paradoxis, fuit. Omnia peccata esse paria. Quam sic probabant. Quæ non suscipiunt magis, & minus, sunt paria. Sed Peccata non suscipiunt magis, & minus. Ergo Peccata sunt paria.

Minor prob. Priuatio non suscipit magis, & minus. Peccatum est quædam priuatio. Ergo Peccata non suscipiunt magis, & minus, sed omnia sunt æqualia.

Ex qua opinione deriuatus est error quorundam hæreticorum, ponentium omnes penas inferni esse pares, quod error eadem ratione fulgebatur. Si enim peccata omnia sunt paria, etiam peccatorum penæ æquales esse debent.

Solutio rationis Stoicorum.

Sed si quis recte consideret, inueniet, quod duplex est priuatio. Est enim quædam simplex, & pura priuatio. Et quædam, quæ non est simplex, & pura priuatio.

Priuatio pura est, quæ consistit in corruptum esse: sicut mors est priuatio vitæ, & tenebra priuatio luminis. Priuatio vero non pura est, quæ consistit in corrupti, & aliquid relinquit de habitu: sicut ægrotudo, quæ priuat debitam commensurationem humorum, ita tamen, quod aliquid eius remanet, alioquin non remaneret animal viuum, & simile est de turpitudine, & alijs huiusmodi.

Ad maiorem igitur rationis Stoicorum dicitur, quod est vera de priuatione pura, talis enim priuatio non suscipit magis, & minus, quia nihil residuum relinquit de habitu opposito. Vnde non minus est mortuus aliquis, primo die mortis, & tertio, vel quarto, quasi post annum. Et similiter non est magis tenebrosa domus, postquam lucerna est operata, paribus velaminibus, quam vno bene cooperiente. Non autem est vera de priuatione non pura, huiusmodi enim

priuatio suscipit magis, & minus ex parte eius, quod remanet de habitu, contrariò. Multum enim refert ad ægitudinem, vel turpitudinem, vtrum plus, & minus à debita commensuratione humorum, vel membrorum recedatur.

Tunc ad minorem dicitur, quod peccata sunt priuationes non pure. Per peccata enim priuatur debita commensuratio rationis, ita vt non totaliter ordo rationis tollatur, alioquin malum si sit integrum, destruit seipsum, vt dicitur 4. Ethic. capit. 5. Non enim posset remanere substantia actus humani, nisi aliquid remaneret de ordine rationis, & ideo multum refert ad grauitatem peccati, vtrum plus, vel minus recedatur ab ordine rationis.

Vera Sententia.

Conclusio. Non omnia peccata sunt paria.

Prob. Priuationes non pure, quæ aliquid relinquant de habitu, non sunt omnes pares. Sed Peccata sunt priuationes, relinquentes aliquid de habitu, & non pure, vt dictum est. Ergo Peccata non sunt paria.

Maiores prob. quia Tales priuationes suscipiunt magis, & minus, vt dictum est in solutione rationis Stoicorum.

Ad Argumenta.

Ad 1. Negatur minor. Peccatum enim magis reprehenditur. Ad probationem, negatur minor, supponit enim vnum falsum, scilicet, quod facere, quod non licet, si purum negatum. Peccare enim non licet propter deordinationem rationis, quæ, quia non est pura priuatio, suscipit magis, & minus. Vnde deordinatione maior est magis illicita, & magis reprehensibilis.

Ad 2. Dicitur, quod supponit peccatum esse puram priuationem, & non suscipere magis, & minus, sicut transitio lineæ, quæ in indiuisibili consistit, sed hoc suppositum est falsum, vt in corpore dictum est, negatur igitur absolute minor.

Ad 3. Dicitur dupliciter. Primo, ad antecedens, quod virtutes sunt æquales solum secundum proportionem in vno, & eodem, sicut ostensum est supra questione 66. articulo 1. & 2. Tamen vna virtus præcedit aliam dignitate, secundum suam speciem, & vnus homo potest esse alio virtuosior in eadem specie virtutis, vt ibidem dictum est.

Dicitur secundo, concessio antecedente scilicet, quod virtutes sunt æquales, ad hunc non sequitur, quod

quod peccata sint paria. Negatur igitur conseq. & ad probationem dicitur, quod non est eadem ratio de virtutibus, & peccatis, quo ad hoc. Virtutes enim habent connexionem, non autem vitia, vt dictum est.

ARTICVLVS III.

Vtrum Grauitas peccatorum varietur secundum obiecta.

Pro Negativa.

Videtur, quod Peccatorum grauitas non varietur secundum obiecta.

1. Ex materia peccati non potest variari peccati grauitas. Sed Obiectum peccati est eius materia. Ergo Grauitas peccati non variatur secundum obiecta.

Maiores patet, quia Grauitas peccati pertinet ad modum, vel qualitatem ipsius peccati.

2. Peccatum non habet rationem malitiæ ex parte conuersionis ad proprium obiectum, sed magis ex parte auersionis. Ergo Grauitas peccati non variatur secundum obiecta.

Antec. patet, quia Obiectum est quoddam bonum appetibile.

Conseq. prob. quia Grauitas peccati est intentio malitiæ ipsius. Vnde ab eodem debet esse grauitas peccati, & malitiæ.

3. Ea, quæ sunt diuersorum generum, non sunt comparabilia, vt dicitur 7. Phys. tex. 30. Sed Peccata, quæ habent diuersa obiecta, sunt diuersorum generum. Ergo Peccata, quæ habent diuersa obiecta, vnum non est altero grauius.

Pro Affirmativa.

Aliquorum peccatorum vnum est grauius altero secundum speciem, vt homicidium furto. Ergo Peccatorum grauitas differt secundum obiecta.

Conseq. prob. quia Peccata recipiunt speciem ex obiectis, vt ex dictis patet.

Determinatio.

1. Conclusio. Secundum diuersitatem obiectorum attenditur diuersitas grauitatis in peccatis.

Prob. Secundum diuersitatem finis attenditur diuersitas grauitatis in peccatis, ita vt quanto peccatum contingit ex altiori fine, est tanto grauius. Ergo Secundum diuersitatem obiectorum attenditur grauitas in peccatis.

Antec. prob. Quanto deordinatio cōtingit circa aliquid, quod est prius in ordine rationis, tanto peccatum est grauius. Sed Quanto finis est altior, tanto est prior in ordine rationis. Ergo Quanto peccatum est circa altiozem finem, tanto est grauius.

Maiores huius declaratur a simili in naturalibus: Nam grauitas peccatorum est eo modo, quo vna infirmitas est grauior altera. Et ratio huius similitudinis est, quia sicut bonum sanitatis consistit in quadam commensuratione humorum per conuenientiam ad naturam animalis, ita bonum virtutis consistit in quadam commensuratione humani actus, secundum conuenientiam ad regulam rationis.

Manifestum est autem, quod tanto est grauior ægritudo, quanto magis tollitur debita humorum commensuratione, per commensurationem prioris principii: sicut ægritudo, quæ provenit in corpore humano ex corde, quod est principium vitæ, vel ex aliquo, quod appropinquat cordi, periculosior est. Vnde oportet etiam, quod peccatum sit tanto grauius, quanto deordinatio contingit circa aliquod principium, quod est prius in ordine rationis.

Minor huius prob. quia Ratio ordinat in agibilibus omnia ex fine. Vnde quāto finis est altior, tanto est prior in ordine rationis.

Conseq. principalis prob. quia Obiecta actuum sunt fines eorum, vt dictum est quæst. 72. artic. 3. ad 2. Vnde grauitas, quæ est ex obiectis, est etiam ex fine, cum finis, & obiectum actuum idem sit.

Et confirmatur conclusio. Nam peccatum, quod est circa substantiam, seu personam hominis, vt est homicidium, grauius est, quam peccatum, quod est circa res exteriores, vt est furtum. Et adhuc grauius est peccatum, quod immediate contra Deum committitur, sicut infidelitas, blasphemia, & huiusmodi, quam peccata, quæ sunt circa res exteriores, & substantiam hominis. Et ratio est, quia res exteriores ordinantur ad hominem tanquam ad finem, & homo ordinatur in Deum. Vnde quia peccatum, quod est circa res exteriores, est circa minus principale obiectum, Peccatum vero, quod est circa substantiam hominis, est circa principalius obiectum, & quod est contra Deum est circa principalissimum obiectum, propterea peccatum, quod est circa res exteriores, est graue, quod circa hominem, est grauius, quod circa Deum est grauiissimum.

2. Concl. Differentia grauitatis peccatorum, quæ attenditur penes obiecta, est prima, & principalis, quasi consequens speciem.

LII

Prob.

Prob. quia Peccata habent speciem ex obiectis.

Ad Argumenta.

Ad 1. Dicitur ad minorem, quod Obiectum consideratur dupliciter. Vno modo, vt terminat actionem. Alio modo, vt ad ipsum dirigitur intentio agentis. Sicut domus potest considerari, vt est terminus actionis edificandi. Alio modo, vt in ipsam fertur intentio agentis. Primo modo, obiectum est materia circa quam. Secundo modo, habet rationem finis, & sic dat speciem actui, & secundum ipsum attenditur gravitas peccati.

Ad 2. Dicitur ad antec. quod licet peccatum non habeat rationem malitiae ex parte conuersionis, vt sic, tamen ex ipsa indebita conuersione, sequitur auersio ab incommutabili bono, in qua perficitur ratio mali: & quia quanto maior, & vehementior est indebita conuersione, tanto maior est auersio. Ideo ex maiori, & vehementiori conuersione indebita sequitur maior peccati gravitas.

Ad 3. Dicitur ad minorem, quod Actus humani dupliciter considerantur. Vno modo, secundum se, prout unusquisque ad proprium obiectum ordinatur, & sic possunt genere morali differre. Alio modo, vt omnes ad vltimum finem ordinantur, & sic omnia obiecta, & omnes actus humani habent ordinem ad inuicem, & sunt quodammodo vnius generis, & sic comparantur ad inuicem.

ARTICVLVS IV.

Vtrum gravitas peccatorum differat secundum dignitatem virtutum, quibus opponuntur.

Pro Negatiua.

Videtur, quod Gravitas peccatorum non differat secundum dignitatem virtutum, quibus peccata opponuntur, vt. scilicet maiori virtuti grauius peccatum opponatur.

1. Ira opponitur maximæ virtuti. Sed Ira non est maximum peccatum. Ergo Maximum peccatum non opponitur maximæ virtuti, & sic grauitas peccatorum non est secundum dignitatem virtutis, cui opponitur.

Mayor prob. Nam maxima virtus est abundantia iustitiæ, secundum illud Prouerb. 15. In abundantia iustitiæ virtus maxima est: huic autem abundantia iustitiæ opponitur ira, quia abundans iustitia cohibet iram, vt dicitur Matth. 5.

In forma. Quod opponitur abundantia iustitiæ,

opponitur maximæ virtuti. In abundantia enim iustitiæ virtus maxima est. Sed Ira opponitur abundantia iustitiæ: quia abundans iustitia iram cohibet, vt dicitur Matth. 5. Ergo Ira opponitur maximæ virtuti.

Minor principalis prob. quia Homicidium maius peccatum est, quam ira.

2. Phil. 2. Ethic. cap. 3. dicit quod virtus est circa difficile, & bonum: ex quo videtur, quod maior virtus sit circa magis difficile. Sed Minus est peccatum, si homo deficiat in magis difficili, quam si deficiat in minus difficili. Ergo Maiori virtuti minus peccatum opponitur.

3. Charitas est maior virtus, quam fides, & spes, vt dicitur 1. Corin. 13. Sed Odium, quod opponitur charitati, est minus peccatum, quam infidelitas, vel desperatio, quæ opponuntur fidei, & spei. Ergo Maiori virtuti opponitur minus peccatum.

Pro Affirmatiua.

Pessimum est optimo contrarium, vt Phil. dicit 8. Ethic. cap. 10. Sed In moralibus optimum est maxima virtus, & pessimum est maximum peccatum. Ergo Maximæ virtuti opponitur maximum peccatum.

Determinatio.

Distinctio. Peccatum potest opponi alicui virtuti dupliciter. Vno modo directe, & principaliter. Alio modo secundario, & indirecte. Illud peccatum opponitur directe virtuti, quod est circa idem obiectum, & sic temperantia opponitur intemperantia, quia tam temperantia, quam intemperantia sunt circa cibos, & venerea. Illud vero peccatum opponitur virtuti indirecte, quod cohibetur a virtute, & sic possumus dicere, quod proferre verbum otiosum opponatur charitati, vel iustitiæ, aut prudentiæ, quatenus per huiusmodi virtutes, disponitur homo ad abstinendum a prolatione otiosi verbi.

Et potest hæc distinctio exemplariter exponi. Nam auctoritati prælati directe opponitur inobedientia peccatum, ramen, si prælati sunt diligens, non solum expellit a subditis inobedientia peccatum, sed etiam alia minima peccata. Sic virtus per se, & directe tollit peccatum, quod est circa suum obiectum; tamen si sit virtus magna, tollit etiam alia quæcunque peccata.

1. Concl. Maximum peccatum opponitur directe maximæ virtuti.

Prob. Peccatum, quod est circa obiectum maximæ virtutis, opponitur directe maximæ virtuti. Sed Peccatum maximum est circa obiectum maxi-

quod Diabolus maxime gaudet de peccato luxuriae.

3. Incontinens concupiscentiae est turpius, quam incontinens irae, ut Phil. dicit 7. Ethic. c. 6. Ergo Peccatum carnale est grauius, quam spirituale.

Conseq. prob. quia Ira est peccatum spirituale, secundum Greg. 31. Mor. cap. 31. Concupiscentia vero pertinet ad peccata carnalia.

Pro Affirmatiua.

Greg. 33. Mor. c. 41. dicit, quod Peccata carnalia sunt minoris culpa; & maioris infamiae, quam spiritualia.

Determinatio.

Conclusio. Peccata spiritualia sunt maioris culpa, quam carnalia, ceteris paribus.

Declaratur. Haec conclusio non sic est intelligenda, ut quodlibet peccatum spirituale, sit maius quolibet peccato carnali, sic enim falsa esset, nam potest esse aliquod peccatum spirituale, quod sit tantum veniale, puta quod est ex surreptione, & aliquod carnale mortale, ut patet. Sed est intelligenda ceteris paribus, considerata tantum differentia spiritualis, & carnalis. Vnde peccatum spirituale ex surreptione, est maius carnali ex surreptione. Peccatum spirituale ex malitia, est maius carnali ex malitia, & sic de alijs.

Prob. triplici ratione. Prima desumitur ex parte subiecti, in quo est peccatum, & est. Peccata pertinentia ad spiritum grauiora sunt, ut sic, quam ea, quae consumantur in delectatione carnis. Sed Peccata spiritualia pertinent ad spiritum, Carnalia vero consumantur in delectatione carnis.

Ergo Peccata spiritualia grauiora sunt, ut sic, quam carnalia.

Maiores prob. quia Spiritus est conuerter ad Deum, & ab eo auerter, ad carnalem autem appetitum pertinet principaliter ad corporale bonum conuerter. Vnde peccata spiritualia plus habent de auersione, a qua desumitur ratio peccati, quam peccata carnalia.

Vel aliter formatur haec ratio. Peccata, quae habent plus de auersione a Deo, sunt grauiora. Sed Peccata spiritualia plus habent de auersione, quam peccata carnalia. Ergo Peccata spiritualia, ut sic, ceteris paribus grauiora sunt, quam carnalia.

Maiores patet. quia Ex auersione procedit ratio culpa. Vnde ubi est maior auersio, ibi est grauius peccatum.

Minor prob. quia Peccata spiritualia pertinent ad spiritum, cuius est conuerter, & auerter a Deo.

Peccata vero carnalia consumantur in delectatione carnalis appetitus, ad quem non pertinet principaliter ad bonum spirituale conuerter. Vnde peccatum carnale, ut sic, habet plus de conuersione, & propter hoc est maioris adhaerentiae.

Secunda Ratio desumitur ex parte eius, in quo quis peccat, & est. Peccatum, quo peccatur in Deum, & proximum, maius est, ut sic, quam illud, per quod peccatur in proprium corpus. Sed Peccatis spiritualibus peccatur in Deum, & proximum, peccatis vero carnalibus peccatur in proprium corpus.

Ergo Peccata spiritualia, ut sic, maiora sunt carnalibus.

Maiores prob. quia Corpus proprium est minus ex charitate diligendum, quam Deus, & proximus.

Tertia Ratio desumitur ex parte motui ad peccandum, & est. Peccata, quae habent vehementius impulsium, sunt minora. Sed Peccata carnalia habent vehementius impulsium, quam spiritualia.

Ergo Peccata carnalia sunt minora, spiritualibus.

Maiores patet. quia Quanto est grauius impulsium ad peccandum, tanto peccatum est minus, ut infra dicitur art. seq.

Minor prob. quia Peccata carnalia habent concupiscentiam carnis, nobis innatam impellentem.

Ad Argumenta.

Ad 1. Negatur conseq. Ad probationem dicitur, quod adulterium non solum pertinet ad peccatum luxuriae, quod est carnale, sed etiam pertinet ad peccatum iniustitiae, quod est spirituale, et potest ad auaritiam reduci, ut Glossa dicit, super illud ad Ephes. 5. Omnis fornicator aut immundus, aut auarus, id est adulter. Vnde adulterium est grauius furto, non ratione carnalitatis, sed ratione iniustitiae, & tanto grauius est adulterium, quam furum, quanto homini carior est vxor, quam res possessa.

Ad 2. Dicitur ad maiorem, quod Diabolus non solum gaudet de peccato, quia est grauius, sed quia est maxime adhaerentia, ex quo difficile homini liberari potest. Illud igitur peccatum de quo Diabolus maxime gaudet, est vel grauius, vel magis adhaerentia. Tunc ad maiorem dicitur, quod Diabolus maxime gaudere dicitur de peccato luxuriae, quia est maxime adhaerentia, & difficile potest homo ab eo liberari. Insatiabilis enim est delectabilis appetitus, ut Phil. dicit 3. Ethic. c. 12.

Ad 3. Dicitur ad antec. quod Incontinens concupiscentiae turpius est, quam incontinens irae, non propter maiorem peccati grauitatem, sed quia incontinens.

continens concupiscentiæ, minus participat de ratione. Vnde dicitur 3. Ethic. cap. 10. quod Peccata intemperantiæ sunt maxime exprobrabilia, quia sunt circa illas delectationes, quæ sunt communes nobis, & brutis. Vnde quodammodo peccata homo brutalis redditur, & ideo vt Greg. dicit sunt maioris infamiae.

ARTICVLVS VI.

Vtrum Grauitas peccatorum attendatur secundum causam peccati.

Pro Negatiua.

Videtur, quod Grauitas peccatorum non attendatur secundum causam peccati.

1. Peccatum, quod est ex omni motiuo, est minus graue. Sed Peccatum, quod est ex maiori causa, est ex maiori motiuo. Ergo Peccatū, quod est ex maiori causa est minus graue, & per consequens grauitas peccatorū non est secundū causas.

Maiores pater, quia peccatū diminuitur ex hoc, quod ei difficilior resistitur, est enim tunc peccatum ex infirmitate, quod est leuius.

Minor prob. quia Maior causa vehementius mouet ad peccandum.

2. Quanto homo fuerit victus maiori concupiscentia, tanto est minus eius peccatum. Ergo Grauitas peccati diminuitur ex magnitudine cause.

Conseq. prob. quia Concupiscentia est generalis quædam causa peccati, vt dicit Glosa super illud Rom. 7. Nam concupiscentiam nesciebā, &c.

3. Quanto est maior defectus rationis peccauit, tanto leuius est peccatum. Ergo Grauitas peccati non est secundum causas.

Antec. prob. quia Qui caret usu rationis, omnino excusatur a peccato.

Conseq. prob. quia Defectus rationis est causa peccati, sicut rectitudo rationis est causa virtuosius actus.

Pro Affirmatiua.

Multiplicata causa multiplicatur effectus. Ergo Ex maiori causa peccati erit peccatū maius.

Determinatio.

Distinctio. Duplex potest esse causa peccati. Vna, quæ est per se propria, & intrinseca peccati causa. Aliæ vero sunt causæ extrinsecæ, & quasi remotæ.

Causa per se peccati est voluntas, quæ comparatur ad actum peccati, vt arbor ad fructum, vt Glosa dicit super illud Matth. 7. Non potest arbor bona, fructus malos facere. Causæ extrinsecæ sunt, quæ mouent, vel inducunt voluntatem ad peccandum. Sed huiusmodi causæ sunt in duplici differentia. Quædam inducunt voluntatem ad peccandum, secundum naturam voluntatis.

Quædam vero inducunt voluntatem ad peccandum, præter naturam, & ordinem ipsius voluntatis. Natura enim, & ordo voluntatis est, vt libere moueatur. Vnde id, quod libere inclinatur voluntatem ad aliquid, mouet illam secundum suam naturam, & quæ non mouent libere, mouet eam præter ordinem suæ naturæ. Quod inclinatur voluntatem libere, est finis. Vnde finis bonus inclinatur ipsam libere secundum iudicium rationis, in bonum, & malus in malum. Est enim finis proprium voluntatis obiectum, vnde secundum naturam eam mouet. Finis igitur malus est causa, quasi extrinseca, & remota peccati, quatenus mouet, vel inclinatur voluntatem in malum, tamen secundum naturam voluntatis. Causæ vero peccati, quæ inclinant voluntatem, præter ordinem ipsius, sunt, quæ diminuant iudicium rationis, & libertatem voluntatis, & faciunt inuoluntarium, vt sunt ignorantia, infirmitas, violentia, metus, & huiusmodi.

Triplex igitur esse potest causa peccati. Propria, & per se, & hæc est voluntas. Extrinseca mouens ad peccatum secundum naturam voluntatis, & hæc est finis malus. Et extrinseca mouentes præter voluntatis naturam, & hæc sunt, quæ minuunt iudicium rationis, & libertatem, vt ignorantia, infirmitas, metus, & huiusmodi.

1. Conclusio. Grauitas peccati attenditur secundum causam per se, ita quod quanto voluntas peccandi fuerit maior, tanto peccatum est grauius.

Hæc conclusio relinquitur probata ex argumento pro affirmatiua.

2. Conclusio. Grauitas peccati attenditur ex causa inclinate voluntatem ad peccandum, secundum naturam voluntatis, scilicet sine.

Manifestatur, quia Grauius peccat ille, cuius voluntas intentione peccati finis inclinatur ad peccandum.

3. Conclusio. Grauitas peccati non attenditur secundum causas extrinsecas, inclinant voluntatem præter ordinem voluntatis.

Prob. Cause, quæ diminuant iudicium rationis, vel libertatem, non aggrauant, sed potius ini-

minuunt peccatum. Sed Causæ extrinsecæ peccatorum, mouentes voluntatem præter ordinem voluntatis, diminuunt iudicium rationis, vt Ignorantia: vel libertatem, vt metus, & infirmitas. Ergo Huiusmodi causæ potius diminuunt, quam aggrauant peccatum, in tantum quod si actus sit omnino inuoluntarius, non hêt rationem peccati.

Ad Argumenta.

Ad 1. Dicitur, quod probat tertiam conclusionem. Infirmitas enim est causa inclinans, & mouens voluntatem præter suæ naturæ ordinem.

Ad 2. Dicitur, quod concupiscentia dupliciter accipitur. Vno modo communiter pro omni appetitu, & sic includit etiam motus voluntatis. Alio modo, vt est quædam passio, de qua superius dictum est.

Et iterum. Concupiscentia, quæ est passio, dupliciter potest se habere ad iudicium rationis, scilicet antecedenter, vt quando præcedit actum rationis, & consequenter, vt quando sequitur actum rationis. Tunc ad antecedens dicitur, quod si sumatur concupiscentia priori modo, scilicet communiter, qui peccat ex maiori concupiscentia, sic accepta, peccat ex maiori voluntate peccandi. Vnde tunc est maius peccatum. Si vero accipitur concupiscentia, vt est passio, & vt præcedit iudicium rationis, tunc minuit peccatum, quia minuit iudicium rationis. Si accipitur concupiscentia, quæ est passio, vt sequitur iudicium rationis, tunc augeat peccatum. Insuper enim hic maior concupiscentia motus, ex hoc quod voluntas inordinatè tendit in suum obiectum.

Ad 3. Dicitur, quod illud argumentum procedit de causa peccati, quæ facit inuoluntarium, quæ minuit peccatum, vt dictum est.

ARTICVLVS VII.

Utrum Circumstantia aggrauet peccatum.

Pro Negativa.

Videtur, quod Circumstantia non aggrauet peccatum.

1. Quod aggrauat peccatum, dat speciem peccato. Sed Circumstantia non dat speciem peccato. Ergo Circumstantia non aggrauat peccatum.

Maior prob. quia Peccatum habet grauitatem ex sua specie.

Minor prob. quia Circumstantia est quoddam accidens.

2. Aut circumstantia est mala, aut non. Sed Neutro modo potest aggrauare peccatum.

Ergo Grauitas peccatorum non est ex circumstantia.

Minor prob. quia Circumstantia, quæ est mala, ipsa per se causat quandam speciem mali; si vero non sit mala, non habet unde augeat malum.

3. Quæ consequuntur peccatum ex parte auersionis, non aggrauant peccatum. Sed Circumstantiæ consequuntur peccatum ex parte auersionis. Ergo Circumstantiæ non aggrauant peccatum.

Maior prob. quia Malitia peccati est ex parte auersionis.

Pro Affirmatiua.

Ignorantia circumstantiæ diminuit peccatum. Ergo Circumstantia aggrauat peccatum.

Antec. patet. quia Qui peccat ex ignorantia circumstantiæ, meretur veniam, vt dicitur 3. Ethic. cap. 5.

Conseq. prob. quia Hoc non esset nisi circumstantia aggrauaret peccatum.

Determinatio.

Conclusio. Peccatum natum est aggruari per circumstantiam.

Prob. Quod causatur ex circumstantiis, potest ex circumstantiis augeri. Sed Peccatum causatur ex defectu circumstantiæ. Ergo Peccatum ex circumstantiis potest aggruari.

Maior patet. quia Vnumquodque ex eodem natum est augeri, ex quo causatur. vt Phil. 2. Ethic. cap. 1. & 2. de habitibus virtutis dicitur.

Minor prob. quia Ex hoc receditur ab ordine rationis, quod aliquis in operando non obseruat debitas circumstantias.

Quot modis contingat peccatum aggruari per circumstantias.

Peccatum potest aggruari per circumstantias tripliciter. Vno modo, in quantum circumstantia transfert in aliud genus peccati. Sicut peccatum fornicationis consistit in hoc, quod homo accedit ad non suam; si autem addatur hæc circumstantia, vt illa, ad quam accedit, sit alterius vxor, transfertur iam in aliud genus peccati, scilicet in iniustitiam, in quantum homo vfurpat rem alterius, & secundum hoc aulterius est grauius peccatum, quam fornicatio. Aliquando vero Circumstantia non aggrauat peccatum, quasi transiens in aliud genus peccati,

sed solum quia multiplicat rationem peccati, si-
cut si prodigus det, quando non debet, & cui nō
debet, multiplicis peccat eodem genere peccati,
quam si solum det, cui non debet, & ex hoc ipso
peccatum fit gravius sicut etiā agritudo est gra-
uior, quæ plures partes corporis inficit. Vnde &
Tullius dicit in paradoxis, quod in Patris vita vio-
landa multa peccantur: violatur enim is, qui pro-
creavit, qui aluit, qui erudiuit, qui in sedes, ad do-
mo, atque in rempublicam collocavit. Tertio mo-
do Circumstātia aggravat peccatum ex eo, quod
auget deformitatem provenientem ex alia circū-
stantia: sicut accipere alienum constituit peccatū
furti. Si autem addatur hæc circumstātia, ut mul-
tum accipiat de alieno, erit peccatum gravius,
quamvis accipere multum; vel parum de se non
dicat rationem boni, vel mali.

Ad Argumenta.

Ad 1. Dicitur dupliciter. Primo negatur mi-
nor, est enim aliqua circumstātia, quæ dat speciē
actui morali. Et ad probationem dicitur, quod li-
cet circumstātia sit accidens, tamen potest acci-
pi, ut principalis conditio obiecti, & tunc dat spe-
ciem, ut dictum est, q. 18. art. 10.

Secundo dicitur ad maiorem, & ad eius prob.
quod sicut bonitas rei non solum pensatur ex sua
specie, sed etiam ex aliquo accidente, ita malitia
actus non solum pensatur ex sua specie, sed etiam
ex circumstātia. Vnde etiam circumstātia, quæ
non dat speciem, potest aggravare malitiā actus.

Ad 2. Negatur minor. Vt utroque enim modo
circumstātia potest aggravare peccatum. Ad pro-
bationem dicitur, quod si circumstātia sit mala,
nō propter hoc oportet, ut constituat speciē pec-
cati, potest enim addere rationem malitiæ in e-
adem specie, ut dictum est. Et si non sit mala, po-
test aggravare peccatum in ordine ad malitiam
alterius circumstātiæ, ut etiam dictum est in
corpore.

Ad 3. Dicitur ad maiorem, quod malitia
peccati est ex parte aversionis a regula rationis,
quæ debet ordinare actus, non solum quantum
ad obiectum, sed etiam quantum ad circumstā-
tias, & ideo aversio a regula rationis fit secundū
corruptionem cuiuslibet circumstātiæ. Vnde ad
minorem dicitur, quod Circumstātiæ sequuntur
peccatum etiam secundum aversionem a regula
rationis.

ARTICULUS VIII.

Vtrum Gravitas peccati augeatur secundum

maius nocumentum.

Pro Negativa.

Videretur, quod Gravitas peccati non augeatur
secundum maius nocumentum.

1. Euentus sequens non addit ad bonitatem,
vel malitiam actus, ut dictum est, q. 20. art. 5. Sed
Nocumentum est quidam euentus consequens
actum peccati. Ergo Nocumentum maius non
aggravat peccatum.

2. Si peccatum aggravaretur propter maius
nocumentum, sequeretur, quod peccatum, quo
quis peccat in proximum, esset gravius peccato,
quo quis peccat in Deum, vel in seipsum, quod
est falsum.

Conseq. prob. quia Nocumentum non inveni-
tur, nisi in peccatis, quæ sunt contra proximum.
Nam sibi ipsi nemo vult nocere. Deo autem ne-
mo nocere potest. Vnde dicitur Iob 31. Si multi-
plicatæ fuerint infirmitates tuæ, quid facies con-
tra illum? Homini, qui est similis tibi, nocebit im-
pietas tua.

3. Si peccatum esset gravius propter maius
nocumentum, sequeretur, quod simplex fornicator
gravius peccaret, quam homicida, quod est
manifeste falsum.

Conseq. prob. quia Fornicator inducens mulie-
rem ad peccandum, priuat eam vitæ gratiæ, quæ
est melior vita corporis, quam aufert homicida,
& quia tenemur vitam potius corporis perdere,
ne amittamus vitam gratiæ.

Pro Affirmativa.

Diminutio integritatis naturæ est nocumen-
tum. Sed Peccatum augetur, secundum quod di-
minuit magis integritatem naturæ. Ergo Tanto
gravius est peccatum, quanto est maius nocu-
mentum.

Minor prob. quia Aug. dicit 3. de lib. arb. c. 14.
quod, quia Vitium naturæ aduersatur, tantum
additur malitiæ vitiorum, quantum integritas
naturarum minuitur.

Determinatio.

1. Distinctio. Nocumentum, quod ex pecca-
to procedit, duplex esse potest. Primum est illud,
quod peccans infert alteri, ut homicida infert
proximo nocumentum, dum priuat eum vitæ, &
fur aufert aliena. Alterum est, quod peccans in-
fert sibi ipsi, puta quia incurrit pœnas ut dū vult
alium occidere, ipse etiam est vulneratus ab
inimico.

2. Distinctio. Nocumentum peccati, quod pec-
cans infert alteri, vel sibi ipsi, est duplex. Quod-
dam, quod per se provenit ex peccato, ut ex pu-
blica fornicatione sequitur scandalum, quod est
nocumentum alijs illatum, & ipsi peccanti sequi-
tur per se reatus pœnæ.

Quoddam, quod provenit ex peccato peccan-
dens, ut quando quis ex ebrietate alium inter-
fici,

scit, vel dum quis ex nimio coitu infirmatur.

3. *Distinctio.* Nocumentum siue proprium, siue alienum tripliciter potest se habere ad peccatum. Quandoque enim nocumentum, quod prouenit ex peccato, est præuisum, & intentum a peccante: sicut cum aliquis operatur animo nocendi alteri, vt homicida, vel fur. Quandoque autem nocumentum est præuisum, sed non intentum: sicut cum aliquis transiens per agrum, vt compendiosius vadat ad fornicandum, insert nocumentum scienter his, quæ sunt seminata in agro, licet non animo nocendi.

Quandoque autem nocumentum nec est præuisum, nec intentum: vt si adulter sit causa, vt adultera interficiatur a viro suo, quod non fuit præuisum, nec intentum ab adultero.

Breuitur igitur colligendo prædicta omnia, dicimus, quod Nocumentum peccati est duplex, scilicet quod Peccans insert alteri, & quod insert sibi.

Et iterum. Nocumentum, siue quod insertur alteri, siue quod insertur ipsi peccanti, est duplex. Quoddam, quod per se sequitur ex peccato. Quoddam, quod sequitur ex peccato soli per accidens.

Et iterum. Omne nocumentum peccati, Vel est intentum, & præuisum a peccante. Vel est præuisum, sed non intentum. Vel nec est præuisum, nec intentum.

1. *Conclusio.* Nocumentum, quod peccans ex peccato insert sibi, & alteri, si sit præuisum, & intentum per se, aggrauat peccatum directe, & quanto maius est nocumentum, tanto grauius est peccatum.

Prob. quia Tunc nocumentum est per se obiectum peccati, ex quo peccatum grauiatur.

2. *Conclusio.* Nocumentum præuisum, sed non intentum, aggrauat peccatum, non per se primo, & directe, sed indirecte.

Manifestatur. quia Ex voluntate male inclinata procedit, quod aliquis non prætermittat facere damnum sibi, vel alteri, quod simpliciter non vellet.

3. *Conclusio.* Nocumentum, nec præuisum, nec intentum, si per accidens sequatur ex peccato, non aggrauat peccatum directe, sed solum indirecte.

Manifestatur. quia Propter negligentiam considerandi nocumenta, quæ ex peccato consequi possent, imputantur homini ad poenam malam, quæ eueniunt præter eius intentionem, si dabit operam rei illicitæ.

4. *Conclusio.* Nocumenta, quæ non sunt intentum, nec præuisa, si per se ex peccato sequantur, aggrauant peccatum directe.

Prob. quia Quæcunque per se consequuntur ad peccatum, pertinent quodammodo ad ipsam peccati speciem. Pura si aliquis publice fornicetur, sequitur scandalum plurimorum, quod quicquid ipse non intendat, nec forte præiudicat, directe tamen per hoc aggrauatur peccatum.

5. *Conclusio.* Nocumentum, quod peccans per peccatum insert sibi, si per accidens se habeat ad actum peccati, & non sit præuisum, nec intentum, maius nocumentum non aggrauat peccatum, neque sequitur maiorem grauitatem peccati.

Manifestatur. Nam si quis currens ad occidendum, impingat, & lædat sibi pedem, quæ læsio est nocumentum per accidens, non præuisum, ex peccato proueniens, nec aggrauat homicidium, nec sequitur ex maiori grauitate homicidium.

6. *Conclusio.* Si tale nocumentum, quod peccans insert sibi, per se consequatur ad actum peccati, licet forte non sit præuisum, nec intentum, tunc maius nocumentum, non facit grauius peccatum, sed e conuerso grauius peccatum inducit maius nocumentum.

Manifestatur. Nam nocumentum, quod consequitur per se ad actum peccati, est poena inferni. Vnde si ista poena non sit præuisa, nec intentum, non aggrauat peccatum peccantis, sed ad maius peccatum sequitur maior poena. Sicut si infidelis, qui nihil de poenis inferni scit, committat peccatum homicidij, & furti, grauius punietur pro peccato homicidij, quam furti, quia maius peccatum est homicidium, quam furtum, & ista maior poena non aggrauat peccatum, sed potius e conuerso sequitur maiorem peccati grauitatem.

7. *Conclusio.* Nocumentum, quod per se consequitur ad actum peccati, si sit præuisum, aggrauat peccatum.

Manifestatur. Nam Fidelis, qui scit poenas inferni esse paratas peccantibus, si peccet, grauius peccat ex hoc, quod maiores poenas contemnit, vt peccandi voluntatem impleat. Grauitas tamen huius nocumenti ex grauitate maioris peccati causatur.

Ad Argumenta.

Ad 1. Dicitur ad maiorem, quod vt dictum est ibidem, quæst. 20. art. 4. euentus sequens, si sit præuisus, & intentus, addit ad bonitatem, vel malitiam actus.

Ad 2. Negatur conseq. Et ratio negationis est, quia supponitur vnum falsum, scilicet quod grauitas peccati sit ex solo nocumento illato, hoc. n. falsum est, quia quauis nocumentum aggrauat peccatum, non tamen sequitur, quod ex solo nocumeto peccatum aggrauetur. Prima enim pec-

Est radix est inordinatio. Vnde grauitas peccati est ex inordinatione, & maior grauitas est ex maiori deordinatione, & in tantum nocumentum aggrauat, in quantum facit actum esse magis inordinatum, & quia maior est inordinatio peccati, quo quis in Deum peccat, quam quo peccat in proximum, ideo grauius peccatum est, quo peccat in Deum, absque eo quod sibi inferat nocumentum, quam peccatum, quo proximo quis nocet.

Dicitur secundo etiam negando consequentiam. Ad probationem negatur assumptum, scilicet quod nocumentum non inueniatur nisi in peccatis, quæ sunt contra proximum.

Ad cuius probationem dicitur, quod etsi Deo nullus possit nocere, quantum ad eius substantiam, potest tamen nocumentum attentare in his, quæ Dei sunt, sicut extirpando fidem, & violando sacra, quæ sunt peccata grauiissima. Sibi etiam aliquis quodamque scilicet, & violenter infert nocumentum, sicut patet in his, qui se interimunt, licet finaliter hoc referant ad aliquod bonum apparens, puta vt liberentur ab aliqua angustia.

Ad 3. Negatur consequens. Ad probationem dicitur, quod illa ratio non sequitur propter duo. Primo quidem, quia homicida intendit directe nocumentum proximi, fornicator autem prouocât mulierem, non intendit nocumentum, sed delectationem. Secundo, quia homicida est per se, & sufficiens causa corporalis mortis; spiritualis autem mortis nullus potest esse alteri causa, per se sufficiens, quia nullus spiritualiter moritur, nisi propria voluntate peccando.

ARTICVLVS IX.

Vtrum Peccatum aggrauetur ratione personæ, in quam peccatur.

Pro Negatiua.

Videtur, quod propter conditionem personæ, in quam peccatur, peccatum non aggrauetur. 1. Ex hoc, quod aliquis peccat in aliquem virtutum iustum, & sanctum, non grauat peccatum. Ergo Condicio personæ, in quam peccatur, non grauat peccatum.

Antec. prob. Peccatum, quod est in persona, quæ minus læditur, ex illata iniuria, non est grauius. Sed Vir iustus minus ex illata iniuria læditur, vt potest qui æquanimiter tolerat, quam alii, qui ex iniuria illata interius scandalizantur. Ergo Peccatum, quod committitur in virum iustum, & Sanctum, non grauat ex conditione personæ, sed potius alleviatur.

Conseq. prob. quia Si peccatum grauaretur ex conditione personæ, in quam peccatur, hoc maxime esset ex hoc, quod aliquis peccat in virum iustum, & sanctum.

2. Propinquitas personæ in quam peccatur, non aggrauat peccatum. Ergo Condicio personæ in quam peccatur, non aggrauat peccatum.

Conseq. prob. quia Si condicio personæ aggrauaret peccatum, maxime aggrauaretur ex propinquitate, quia sicut Tullius dicit in paradoxis. In seruo necando semel peccatur, in patris vita violanda, multa peccantur, quia pater propinquior est seruo.

Antec. prob. quia Vnusquisque maxime est sibi propinquus, & tamen minus peccat, qui aliquod damnum sibi infert, quam si inferret alteri, puta si occideret equum suum, quam equum alterius, vt Phil. 5. Ethic. c. ult. dicit. Ergo Propinquitas personæ, in quam peccatur, non aggrauat peccatum.

3. Qui facit iniuriam personæ ditiori, vel potentiori, non videtur magis peccare, quam qui facit iniuriam alicui pauperi. Ergo Condicio personæ, in quam peccatur, non aggrauat peccatum.

Antec. prob. Apud Deum, secundum cuius iudicium grauitas peccati pensatur, non est acceptio personarum.

Conseq. prob. quia Sicut condicio personæ peccantis, scilicet dignitas, vel scientia aggrauat peccatum, secundum illud Sap. 6. Potentes potenter tormenta patientur, quia scilicet grauius peccauerunt. Ita etiam videtur, quod si peccatum grauaretur ex conditione personæ, in quam peccatur, grauaretur ex potentia, vel scientia personæ in quam peccatur.

Pro Affirmatiua.

In Sacra scriptura specialiter vituperatur peccatum, quod contra seruos Dei committitur, sicut dicitur 3. Reg. 19. Altaria tua destruxerunt, & prophetas tuos occiderunt gladio. Vituperatur etiam maxime peccatum commissum in personas propinquas, secundum illud Mich. 7. Filius contumeliam facit patri, filia confurgit aduersus matrem suam. Vituperatur etiam specialiter peccatum, quod committitur in personas in dignitate constitutas, vt patet Job 34. Qui dicit Regi Apostata, qui vocat duces impios. Ergo Condicio personæ, in quam peccatur, aggrauat peccatum.

Determinatio.

Conclusio. Peccatum aggrauatur ex conditione personæ in quam peccatur.

M m m

Prob.

Probatur. Ex conditione obiecti actus peccati grauius peccatum. Sed Persona, in quam peccatur, est quodammodo obiectum actus peccati. Ergo Ex conditione personæ, in quam peccatur, grauius peccatum.

Maiores prob. quia dictum est art. 3. huius questionis. quod grauitas peccati attenditur ex parte obiecti.

Quæ sint personæ, & personarum conditiones aggrauantes peccatum, dum in ipsas peccatur.

Ad sciendum autem, quæ sint personæ, & conditiones ipsarum, quæ aggrauant peccatum in ipsas eo natiuum, oportet considerare, quod si cut in dicto articulo dictum est. Obiectum variatur auctorem peccatum, quatenus habet rationem finis. Vnde tanto peccatum erit grauius, quanto eius obiectum habet rationem principalis finis, ut ibi explicatum est.

Fines autem principales humanorum actuum sunt tres, scilicet Deus, ipsemet Homo operans, & Proximus. Quicquid enim facimus, propter aliquod horum facimus: qui tamen tres fines sunt ad inuicem ordinati. Primus est Deus. Secundus est ipse Homo operans, & Tertius, est Proximus.

Maiores igitur, vel minores grauitas peccatorum consideranda est ex parte horum trium. Vnde peccatum, quod est contra Deum, vel eos, qui sunt Deo coniunctiores, erit grauius, quam illud, quod quis committit, contra se ipsum, vel proximum. Et iterum, peccatum, quod quis committit contra se ipsum, vel contra ea, quæ sunt sibi magis coniuncta, grauius est, quam quod committitur in proximum. Et tandem peccatum, quod in plures proximos committitur, grauius est, quam peccatum, quod pauciores tangit, & offendit.

Et ut apertius singula manifestentur, sigillatim omnia explicanda sunt. Grauitas enim peccati, quæ est ex parte Dei desumitur, vel ex hoc, quod quis peccat contra ipsummet Deum, vel contra ea, quæ sunt sibi magis coniuncta. Deo autem magis aliquis homo coniungitur, quanto est virtuosior, vel Deo sacrator: ideo iniuria tali personæ illata, magis redundat in Deum, secundum illud Zach. 2. Qui vos tetigerit, tangit pupillam oculi mei.

Prima igitur grauitas peccati ex parte obiecti est ex hoc, quod aliquis peccat in personam magis

Deo coniunctam, ratione virtutis, vel ratione officij.

Ex parte etiam sui ipsius manifestum est, quod tanto grauius aliquis peccat, quanto in magis coniunctam personam, seu naturali necessitudine, seu beneficii, seu quacunque coniunctione peccauerit, quia videtur in se ipsum peccare, & pro tanto grauius peccat, secundum illud Eccles. 14. Qui sibi nequam est: cui bonus erit?

Secunda igitur peccatorum grauitas ex parte obiecti est, quando quis peccat in se ipsum, vel in his, quæ sunt sibi ipsi magis coniuncta, ut parentes, Cuius, &c.

Ex parte vero proximi tanto grauius peccatur, quanto peccatum plures tangit. Et ideo peccatum, quod fit in personam publicam, puta Regem, vel Principem, qui gerit personam totius multitudinis, est grauius, quam peccatum, quod committitur contra personam priuatam. Vnde specialiter dicitur Ex. 32. Principi populi tui non maledices. Et similiter iniuria, quæ fit alicui famose personæ, videtur esse grauior ex hoc, quod in scandalum, & in tribulationem plurimorum redundat.

Ad Argumenta.

Ad 1. Negatur antec. Ad probationem dicitur ad minorem, quod ille, qui infert iniuriam virtuosio, quantum in se est, turbat eum, & interius, & exterius, sed quod ille interius non turbetur, contingit ex eius bonitate, quæ tamen non dimittit peccatum iniuriantis.

Ad 2. Negatur antec. Ad probationem dicitur, quod aliquis potest inferre sibi nocumtum dupliciter. Primo in his, quæ subsunt dominio suæ voluntatis, ut sunt res possesse ab eo, puta equus, prædium, domus, vestes, & similia. Secundo in his, quæ non subsunt dominio suæ voluntatis, ut sunt bona naturalia, & spiritualia. Si igitur quis inferat sibi nocumtum in his, quæ subsunt dominio suæ voluntatis, minus peccat inferendo sibi nocumtum, quam alteri, puta si quis occidit equum proprium, quam alterius: & ratio est, quia equus proprius est in sua potestate, non autem equus alterius. Si quis vero inferat sibi nocumtum in his, quæ non subsunt dominio suæ voluntatis, magis peccat inferendo sibi, quam alteri nocumtum. Vnde magis peccat, qui se, quam qui alterum occidit.

Ad 3. Negatur antec. Ad probationem dicitur, quod non est acceptio personarum, si Deus grauius punit peccantem contra excellentiores personas: hoc enim fit, quia redundat in plurimum nocumtum.

ARTICVLVS X.

Vtrum Magnitudo personæ peccantis aggrauet peccatum.

Pro Negatiua.

Videtur, quod Magnitudo personæ peccantis non aggrauet peccatum.

1. Quanto magis aliquis adhæret Deo, tanto minus ei imputatur peccatum.

Ergo Ex magnitudine personæ peccantis, non aggrauatur peccatum.

Antec. prob. 2. Paralip. cap. 30. dicitur. Dominus bonus propitiabitur cunctis, qui in toto corde requirunt dominum Deum patrum suorum, & non imputabitur eis, quod minus Sanctificationi sunt.

Conseq. prob. quia Homo maxime redditur magnus ex hoc, quod Deo adhæret, secundum illud Eccles. 25. Quam magnus est, qui inuenit sapientiam, & scientiam, sed non est super timentem Deum.

2. Si Deus pro vno peccato magis puniret magnum, quam paruum, sequeretur, quod esset acceptor personarum. Sed Hoc est falsum, ut dicitur Rom. 2. Ergo Peccatum non aggrauatur ex magnitudine personæ peccantis.

3. Si ex magnitudine personæ aggrauaretur peccatum, sequeretur, quod homo magnus ex bono, scilicet ex sua magnitudine, malum reportaret. Sed Inconueniens est, ut quis ex bono malum reportet. Ergo Ex magnitudine personæ peccantis non aggrauatur peccatum.

Pro Affirmatiua.

Isid. lib. 2. de sum. bono dicit. Tanto maius cognoscitur peccatum esse, quanto maior, qui peccat, habetur.

Determinatio.

Distinctio. Duplex est peccatum. Quoddam est ex subreptione proueniens, propter infirmitatem naturæ. Quoddam vero ex deliberatione procedens.

1. Conclusio. Peccatum ex subreptione prouenit, minus imputatur ei, qui est maior in virtute.

Prob. quia Qui est maior in virtute, minus negligit huiusmodi peccata reprimere, quæ tamen infirmitas humana non potest omnino subterfugere.

2. Conclusio. Peccata ex deliberatione procedentia, tanto magis alicui imputantur, quanto maior est in virtute.

Prob. quadrupliciter. Primo. Qui facilius potest resistere peccato, magis peccat, quam qui minus potest resistere. Sed Qui sunt maiores, puta in scientia, & virtute, magis possunt resistere peccato, quam minores. Ergo Maiores magis peccant eadem peccati speciei, quam minores.

Maior prob. quia Luc. 12. dicitur. Seruus sciens voluntatem domini sui, & non faciens, plagis vapulabit multis.

Secundo prob. Peccatum, quod est cum maiori ingratitudine, est maius. Sed Peccatum personæ maioris est cum maiori ingratitudine. Ergo Peccatum maioris personæ est maius.

Minor prob. quia Omne bonum, quo aliquis magnificatur, est Dei beneficium, cui homo fit ingratus peccando, & quantum ad hoc, quælibet autoritas etiam in temporalibus bonis, peccatum aggrauat, secundum illud Sap. 6. Potentes poterunt tormenta patientur.

Tertio prob. Peccati actus habet specialem repugnantiam ad magnitudinem personæ. Ergo Peccatum maioris personæ est grauius.

Antec. declarat. Nam si Princeps violet iustitiam, magis peccat, quia ponitur ipse iustitiæ custos, & si Sacerdos fornicetur, grauius peccat, quia castitatem vovuit.

Quarto prob. Peccatum, quod est in malum exemplum, & in scandalum plurimorum, est grauius: Sed Peccatum maiorum personarum est in malum exemplum, & in scandalum plurimorum. Ergo Est grauius.

Minor prob. quia Greg. dicit in Pastoral. c. 2. In exemplum culpa vehementer extenditur, quando pro reuerentia gradus peccator honoratur. Et iterum, peccata magnarum personarum ad plurimum notitiam perueniunt, & ea magis homines indigne ferunt.

Peccata igitur maiorum, maiora sunt. Propter maiorem virtutem, quam habent ad resistendum. Propter maiorem ingratitudinem. Propter specialem repugnantiam actus peccati ad eorum statum. Et tandem propter malum exemplum, & scandalum.

Ad Argumenta.

Ad 1. Negatur antec. Ad probationem dicitur, quod authoritas illa loquitur de his peccatis, quæ per subreptionem infirmitatis humanæ negligenter aguntur.

Ad 2. Negatur conseq. Deus enim, per hoc quod maiores pro eodem peccato, plus punit, non est acceptor personarum, sed iustus iudex, quia ex hoc, quod maiores sunt peccantes, grauius peccant, ut in corpore dictum est.

Ad 3. Negatur conseq. Homo enim magnus non reportat incommodum ex bono, sed ex sua magnitudine, & dignitate, sed ex malo vsu illius.

QVÆSTIO LXXIV.

DE SUBIECTO PECCATORVM.

ARTICVLVS I.

Vtrum Voluntas sit subiectum peccati.

Pro Negatiua.

Videtur, quod Voluntas non possit esse subiectum peccati.

1. Malum non est in voluntate, sicut in subiecto. Sed Peccatum habet rationem mali. Ergo Peccatum non est in voluntate, vt in subiecto.

Maiores prob. quia Malum est præter voluntatem, & intentionem, vt Dion. 4. cap. de diu. nom. icit.

2. In voluntate non potest esse peccatum, ex hoc quod ipsa vult appere bonum, quod non est vere bonum. Ergo Voluntas non est subiectum peccati.

Antec. prob. quia Voluntatem velle, quod non est vere bonum, non pertinet ad defectum voluntatis, sed potius pertinere videtur ad effectum apprehensivæ virtutis, quæ proponit voluntati appere bonum, quasi vicum bonum.

Conseq. prob. quia Voluntas est boni, vel appetitis boni: Ex hoc autem, quod vult bonum, non potest peccare. Ergo Si non peccat ex hoc, quod vult appere bonum, nullo modo in ipsa potest esse peccatum.

3. Causa efficiens peccati non potest esse peccati subiectum. Sed Voluntas est causa efficiens peccati. Ergo Voluntas non est subiectum peccati.

Maiores prob. quia Causa efficiens, & materialis non incidunt in idem numero, vt dicitur 2. Phys. tex. 70.

Minor prob. quia Prima causa peccandi est voluntas, vt Augustinus dicit lib. de diab. animab. cap. 10.

Pro Affirmatiua.

Aug. lib. 1. retrac. cap. 9. dicit. Voluntas est, quæ peccatur, & recte vivitur.

Determinatio.

Conclusio. Peccatum est in voluntate, sicut in subiecto.

Prob. Actus, qui est a voluntate effectiue productus, est in voluntate, sicut in subiecto.

Sed Peccatum est actus a voluntate productus. Ergo Actus peccati est in voluntate, sicut in subiecto.

Maiores prob. Actus immanentes sunt in potentia, a qua effectiue producuntur, sicut in subiecto. Sed actus peccati, sicut etiam omnes actus morales, siue boni, siue mali, non sunt actus immanentes. Ergo Actus peccati, siue quicumque alius actus moralis, siue bonus, siue malus, est in potentia, a qua effectiue producitur, sicut in subiecto.

Maiores, simul cum minori huius prob. ex differentia, quæ est inter actus immanentes, & transeuntes. Peccatum enim est quidam actus, vt dictum est supra quarto. 71. artic. 1. & 6. Actuum autem, quidam transeunt in exteriorem materiam, vt vitæ, & seccare: & huiusmodi actus habent pro materia, & subiecto, in quo transit actio, sicut Phil. dicit 3. Physic. tex. 18. quod Motus est actus mobilis a mouente. Quidam vero actus sunt, non transeuntes in exteriorem materiam, sed manentes in agente, sicut appetere, & cognoscere: & tales sunt omnes actus morales, siue sint actus virtutum, siue peccatorum, oportet vt sint sicut in subiecto in potentia, quæ est principium actus.

Minor prob. Actus voluntarij sunt a voluntate, vt a principio. Sed Actus morales, siue virtutum, siue peccatorum sunt voluntarij, vt dictum est quarto. 1. art. 1. Ergo Actus morales, siue virtutum, siue peccatorum sunt a voluntate, vt a principio effectiue.

Ad Argumenta.

Ad 1. Negatur maior. Ad probationem dicitur, quod malum dicitur esse præter voluntatem, quia voluntas non tendit in ipsum sub ratione mali, sed quia aliquod malum est appetens bonum, ideo voluntas aliquando appetit aliquod malum, & secundum hoc peccatum est in voluntate.

Ad 2. Negatur antec. Ad probationem negatur assumptum. Defectus enim apprehensivæ virtutis, quæ est peccati principium, est a voluntate, quia virtus apprehensiva subiaceret voluntati. Si enim defectus apprehensivæ virtutis, nullo modo subiaceret voluntati, non esset peccatum, nec in voluntate, nec in apprehensivæ virtute, sicut patet in his, qui habent ignorantiam innascibilem, & ideo relinquunt, quod etiam defectus apprehensivæ virtutis subiacerens voluntati, deputeretur in peccato.

Ad 3. Negatur maior. Ad probationem dicitur,

tur, quod ratio illa procedit in causis efficientibus, quarum actiones transeunt in materiam exterioriorem, & quæ non mouent se, sed alia, cuius contrarium est in voluntate, vnde ratio non sequitur.

ARTICVLVS II.

Utrum Sola voluntas sit subiectum peccati.

Pro Affirmatiua.

Videtur, quod sola voluntas sit subiectum peccati.

1. Sola voluntate peccatur, vt Aug. dicit lib. de duab. animab. cap. 10. Ergo peccatum est in sola voluntate, vt in subiecto.

Conseq. prob. quia Peccatum est tanquam in subiecto in potentia, qua peccatur.

2. Malum, quod est contra rationem, est in sola voluntate sicut in subiecto. Sed Peccatum est malum contra rationem. Ergo Peccatum est in sola voluntate, sicut in subiecto.

Maiores prob. quia Malum, & bonum ad rationem pertinens, est obiectum solius voluntatis. Vnde in sola voluntate erit, sicut in subiecto omnis actus virtutis, & vitij.

3. Actus voluntarius est solum in voluntate, sicut in subiecto. Sed Peccatum est actus voluntarius. Ergo Peccatum est in sola voluntate, sicut in subiecto.

Maiores prob. quia Actus aliarum virium non sunt voluntarij, nisi in quantum illæ vires mouentur a voluntate. Hoc autem non sufficit ad hoc, vt sint subiectum peccati, quia secundum hoc, etiam membra exteriora, quæ mouentur a voluntate, essent subiectum peccati, quod tamen est falsum.

Minor prob. quia Aug. lib. 3. de lib. arb. cap. 17. dicit, quod Peccatum ad eo est voluntarium, quod si non esset voluntarium, non esset peccatum.

Pro Negatiua.

Potentia, quæ possunt esse subiectum virtutis, possunt etiam esse subiectum peccatorum. Sed Aliæ vires, præter voluntatem, possunt esse subiectum virtutis, vt probatum est quest. 56. Ergo Aliæ vires, a voluntate possunt esse subiectum peccatorum.

Maiores prob. Contraria sunt circa idem. Sed Peccatum contrariatur virtuti. Ergo Peccatum habet fieri in subiecto virtutum.

Determinatio.

4. Conclusio. Non solum voluntas potest esse

se subiectum peccati, sed omnes illæ potentie, quæ possunt moueri ad suos actus, vel ab eis reprimi per voluntatem.

Prob. Omne, quod est principium actus voluntarij, potest esse subiectum peccati. At non solum voluntas, sed etiam aliæ vires, possunt esse principium actus voluntarij. Ergo Non solum voluntas, sed etiam omnes aliæ vires, quæ possunt moueri ad suos actus, vel reprimi per voluntatem, possunt esse subiectum peccati.

Maiores patet. quia Peccatum est actus voluntarius, vt dictum est art. præced.

Minor prob. quia Actus voluntarij dicuntur, non solum qui eliciuntur a voluntate, sed etiam, qui ab ea imperantur, vt dictum est questio. 6. artic. 4.

2. Conclusio. Aliæ potentie, quarum actus imperantur a voluntate, possunt esse subiectum habituum virtutum, & vitiorum.

Prob. Potentie, quæ sunt subiectum actus virtutis, vel vitij, sunt et subiectum habituum virtutis, vel vitij. Sed Aliæ potentie, a voluntate, quarum actus a voluntate imperantur, sunt subiectum actus peccati, vel virtutis, vt dictum est. Ergo Huiusmodi potentie possunt etiam esse subiectum habituum, bonorum, vel malorum.

Maiores prob. quia Idem est subiectum actus, & habitus.

Ad Argumenta.

Ad 1. Dicitur ad antec. quod sola voluntate peccatur, sicut primo mouente. Vnde peccata omnia sunt a voluntate, sicut primo mouente. Alijs tamen potentijs peccatur, sicut a voluntate motis, vt dictum est, & propterea possunt esse subiectum peccati.

Ad 2. Negatur maior. Ad probationem dicitur, quod bonum, & malum, pertinent ad voluntatem, sicut per se obiecta ipsius, sed aliæ potentie habent aliquod determinatum bonum, & malum, ratione cuius possunt in eis esse, & virtus, & vitium, & peccatum, secundum quod participant voluntate, & ratione.

Ad 3. Negatur maior. Ad probationem dicitur, quod actus aliarum potentialium dicuntur voluntarij, quatenus ipsæ mouentur a voluntate, & negatur, quod hoc non sufficiat. Ad cuius probationem dicitur, quod non est eadem ratio de actibus membrorum corporis, & de actibus potentialium appetituum interiorum. Membra enim corporis non sunt principia actuum sed solum organa. Vnde & comparantur ad animam mouentem, sicut seruus, qui

qui agitur, & non agit. Potentia autem appetitivae interiores comparantur ad rationem quasi liberae, quia agunt quodammodo, & aguntur, ut patet per id, quod dicitur 1. Politic. c. 3. Et praeterea actus exteriorum membrorum sunt actiones in exteriorum materiam transcurrentes, sicut patet de percussione in peccato homicidij, & propter hoc non est similis ratio.

ARTICVLVS III.

Vtrum In sensualitate possit esse peccatum.

Pro Negativa.

Videtur, quod in sensualitate non possit esse peccatum.

1. In potentia, quae est communis nobis, & brutis, non potest esse peccatum. Sed Sensualitas est communis nobis, & brutis. Ergo In sensualitate non potest esse peccatum.

Maiores prob. quia Peccatum est proprium homini, qui ex suis actibus laudatur, vel vituperatur.

2. Homo non potest vitare, quin actus sensualitatis sit inordinatus. Ergo Inordinatio motus sensualitatis non est peccatum.

Antec. prob. quia Sensualitas est perpetuae corruptionis, quandiu in hac mortali vita vituimus. Vnde & per serpentem significatur, ut Aug. dicit 12. de trin. cap. 8.

Consequ. prob. quia Nullus peccat in eo, quod vitare non potest, ut Augustinus dicit lib. 3. de lib. arb. cap. 18.

3. Motus, qui est sine deliberatione, non imputatur homini ad peccatum. Sed Motus Sensualitatis est sine deliberatione. Ergo Motus sensualitatis non potest imputari homini ad peccatum.

Maiores prob. Quod homo ipse non facit, non imputatur ei ad peccatum. Sed Quod sine deliberatione rationis fit, ipse homo non facit. Ergo Quod fit sine deliberatione rationis, non imputatur ad peccatum.

Minor huius prob. quia Hoc solum videmur nos ipsi facere, quod cum deliberatione rationis facimus, ut dicitur 9. Ethic. c. 8.

Pro Affirmativa.

Roma. 7. dicitur. Non enim, quod volo bonum, hoc ago, sed quod odi malum, illud facio, quod exponit Augustinus de malo concupiscentiae, quod constat esse motum quandam sensualitatis. Ergo In sensualitate est aliquod peccatum.

Determinatio.

Conclus. In sensualitate potest esse peccatum. Prob. In potentia, cuius actus potest esse voluntarius, & inordinatus, potest esse peccatum, ut dictum est art. precedenti. Sed Sensualitatis actus potest esse voluntarius, & inordinatus. Ergo In sensualitate potest esse peccatum.

Maiores patet. quia In hoc consistit ratio peccati, ut sit actus voluntarius, & inordinatus.

Minor prob. quia Sensualitas, idest appetitus sensitivus, nata est a voluntate moveri. Vnde, quando mouetur contra ordinem rationis, inordinatum habet motum.

Ad Argumenta.

Ad 1. Negatur maior. Et si enim aliqua vires sensitivae partis, sint communes nobis, & brutis, tamen in nobis habent aliquam excellentiam, ex hoc quod rationi coniunguntur, sicut nos praeter alijs animalibus habemus in parte sensitiva cogitativam, & remissivam, ut in Prima parte, quaest. 78. art. 4. dictum est & per hunc modum etiam appetitus sensitivus in nobis praeter alijs animalibus habet quandam excellentiam, scilicet inquantum natus est obedire rationi, & quantum ad hoc potest esse principium actus voluntarij, & per consequens subiectum peccati. Vnde ad probationem maioris dicitur, quod homo etiam ex actibus sensualitatis laudatur, & vituperatur, quatenus sunt voluntarij.

Ad 2. Dicitur, quod hominem non posse vitare inordinatos sensualitatis motus, potest dupliciter intelligi. Vno modo, ut non possit vitare omnes. Alio modo, ut non possit vitare singulos. Ad antecedens tunc dicitur, quod homo non potest vitare omnes, potest tamen vitare singulos. Potest enim voluntas reprimere singulos sensualitatis motus, si praesentia, puta diuertendo cogitationem ad alia. Non potest vitare omnes, quia dum homo cogitationem ad alia diuertit, potest etiam circa illud, aliquis inordinatus motus confluere. Sicut cum aliquis transfert cogitationem suam a delectationibus carnis, volens vitare concupiscentiae motus, ad speculationem scientiae, insurgit quandoque aliquis motus inanis gloriae impraeditatus. Si igitur antecedens intelligatur, quod homo non possit vitare omnes, conceditur, sed negatur consequentia, & ad probationem dicitur, quod nullus peccat in eo, quod omnino vitare non potest, si autem solum aliquo modo vitare non potest, & aliquo alio modo vitare possit, non vitando peccat.

Si vero antecedens intelligatur, quod homo non possit vitare singulos, negatur, ad cuius probatorem dicitur, quod corruptio sensualitatis intelligenda est quantum ad somitem, quia, sex se semper ad malum inclinat, tamen potest reprimi per rationabilem voluntatem quo ad singulos actus, licet non quo ad omnes, facit enim corruptio sensualitatis prædicta, ut homo non possit vitare singulos eius inordinatos motus, non tamen, ut non possit vitare omnes. Quamdiu igitur in hac vita mortali vivimus, sensualitas est perpetua corruptionis, quantum ad somitem, quia & si tollatur peccatum originale actus, remanet tamen reatus, qui est ipsa inordinata inclinatio somitis, cui tamen potest per voluntatem resisti in singulis, & si hoc non fiat, habent eius motus rationem peccati.

Ad 3. Dicitur ad maiorem, & ad eius probationem, quod illud, quod homo facit sine deliberatione rationis, non perfecte ipse facit: quia nihil operatur ibi id, quod est principale in homine. Unde non est perfecte actus humanus, & per consequens non potest esse perfecte actus virtutis, vel peccati, sed aliquid imperfectum in genere horum. Unde talis motus sensualitatis, rationem præueniens, est peccatum veniale, quod est quoddam imperfectum in genere peccati.

ARTICVLVS IV.

Vtrum In sensualitate possit esse peccatum mortale.

Pro Affirmativa.

Videtur, quod In sensualitate possit esse peccatum mortale.

1. In potentia, circa cuius obiecta contingit peccare mortaliter, potest esse peccatum mortale. Sed Circa obiecta sensualitatis contingit peccare mortaliter. Ergo In sensualitate potest esse peccatum mortale.

Maiores prob. quia Actus potentiae ex obiecto cognoscitur.

Minor prob. quia Circa delectabilia carnis, quæ sunt obiecta sensualitatis, contingit peccare mortaliter.

2. In potentia, in qua possunt esse virtutes, potest etiam esse peccatum. Sed In sensualitate possunt esse virtutes. Ergo In sensualitate possunt etiam esse peccata.

Maiores prob. quia Contraria nata sunt fieri circa idem. Sed Virtutes, & vitia sunt contraria. Ergo In eo, in quo potest esse virtus, potest etiam esse peccatum.

Minor prob. quia Temperantia, & fortitudo sunt virtutes in rationabilium partium, ut dicitur 3. Ethic. cap. 10.

3. In potentia, in qua potest esse dispositio ad peccatum mortale, potest etiam esse ipsum peccatum mortale. Sed In sensualitate potest esse dispositio ad peccatum mortale. Ergo In sensualitate potest esse etiam peccatum mortale.

Maiores patet. quia Dispositio, & habitus sunt in eodem.

Minor prob. Vbi est peccatum veniale, est dispositio ad mortale. Sed In sensualitate potest esse peccatum veniale, ut dictum est. Ergo In sensualitate est dispositio ad mortale.

Maiores huius prob. quia Peccatum veniale est dispositio ad mortale.

Pro Negativa.

Peccatum, quod potest esse etiam in his, qui sunt in gratia, non est mortale, sed veniale tantum. Sed Inordinatus concupiscentiae motus, qui est peccatum sensualitatis, potest esse etiam in his, qui sunt in gratia, ut August. lib. 1. retr. cap. 13. dicit. Ergo Inordinatus concupiscentiae motus non est mortale peccatum.

Determinatio.

Concl. Peccatum mortale non potest esse in sensualitate, sed solum in ratione.

Prob. In ea solum potentia potest esse mortale peccatum, cuius est deordinare ab ultimo fine. Sed Rationis, & non sensualitatis est deordinare ab ultimo fine. Ergo In ratione, & non in sensualitate potest esse peccatum mortale.

Maiores prob. quia Peccatum mortale est ex inordinatione ab ultimo fine. Et hoc manifestatur, quia Sicut inordinatio corrumpens principium vite corporalis, causat corporalem mortem. Ita etiam inordinatio corrumpens principium vite spiritualis, quod est ultimus finis, causat mortem spiritalem, ut dictum est questione 72. articulo 5.

Minor prob. quia Inordinatio a fine non est nisi eius, cuius est ordinare ad finem. Sed Rationis, & non sensualitatis est ordinare in finem. Ergo Rationis tantum est inordinatio a fine.

Ad Argumenta.

Ad 1. Negatur maior. Ad hoc enim, ut in aliqua potentia possit esse peccatum mortale, non sufficit, ut circa eius obiectum contingat mortaliter peccare, sed necesse est, ut circa tale obiectum,

Etum contingat mortaliter peccare, per actum ipsius potentie cuius est obiectum. Circa obiecta sensualitatis, non contingit peccare moraliter per actum sensualitatis, vt sic, quia sensualitatis non est ordinare in finem, sed per actus rationis, cuius est ordinare in finem, & ab eo deordinare. Vnde actus sensualitatis potest quidem concurrere ad peccatum mortale, sed esse peccatum mortale non potest.

Vel dicitur ad minorem, quod Obiecta sensualitatis dupliciter considerari possunt. Vno modo, vt sunt obiecta sensualitatis prae se, absque aliquo ordine ad rationem. Alio modo, vt habent ordinem ad rationem. Si primo modo considerentur, non contingit peccare mortaliter circa ipsa, ratione dicta, quia scilicet, actus sensualitatis, vt sic circa talia obiecta non habent deordinationem ab ultimo fine. Si vero secundo modo considerentur, sic contingit circa ipsa peccare, non quidem per actus sensualitatis, vt sic, sed per actus rationis deordinantis actus sensualitatis ab ultimo fine.

Ad 2. Negatur minor. In sensualitate enim virtutes esse non possunt: & ratio est, quia Actus virtutis non perficitur per id, quod est sensualitatis tantum, sed magis per id, quod est rationis & voluntatis, cuius est eligere, non enim est actus virtutis moralis sine electione. Vnde semper cum actu virtutis moralis, qui perficit vim appetitiuam, est etiam actus prudentia, qui perficit vim rationalem: & eadem ratio est de peccato, quod non perfitur ex actu virtutis appetitiuæ, sed rationalis. Ad probationem dicitur, quod Temperantia, & fortitudo dicuntur irrationabillium partium, quatenus sunt circa ea, quæ sunt communia nobis, & brutis, vt dicitur 3. Ethicor. lect. 19. tamen non habent rationem virtutis, nisi per opus rationis, vt dictum est.

Ad 3. Dicitur, quod dispositio tripliciter habet ad id, cuius est dispositio. Quandoque enim dispositio est idem, cum eo, cuius est dispositio, & est in eodem, sicut est scientia inchoata, cum scientia perfecta. Scientia enim inchoata est eadem, & in eodem, cum scientia perfecta. Quandoque est in eodem, sed non idem: sicut calor est dispositio ad formam ignis. Quandoque vero, nec est idem, nec in eodem, sicut est in his, quæ habent ordinem ad inuicem, vt ex vno perueniatur ad aliud, sicut bonitas imaginationis est dispositio ad scientiam, & tamen bonitas imaginationis, & scientia non sunt idem, nec in eadem potentia. Nam bonitas imaginationis est in imaginatiua, & scientia in intellectu, & hoc modo veniale est dispositio ad mor-

tale: & propterea stat, vt veniale sit dispositio ad mortale, & tamen veniale sit in sensualitate, & mortale in ratione. Ad formam igitur negatur minor de dispositione tertio modo accepta, qualis dispositio est veniale respectu mortalis. Ad probationem dicitur, quod non qualibet dispositio est in eodem subiecto cum suo habitu, vt dictum est.

ARTICVLVS V.

Vtrum Peccatum possit esse in ratione.

Pro Negatiua.

Videtur, quod Peccatum non possit esse in ratione.

1. In potentia, cuius defectus non est peccatum, sed magis excusat peccatum, non potest esse peccatum. Sed Defectus rationis, non solum non est peccatum, sed magis excusat a peccato. Ergo In ratione non potest esse peccatum.

Maior patet. quia Cuiuslibet potentie peccatum est aliquis defectus illius.

Minor prob. quia Excusatur aliquis a peccato propter ignorantiam.

2. In potentia, quæ præcedit voluntatem, non est peccatum. Sed Ratio præcedit voluntatem. Ergo In ratione non est peccatum.

Maior prob. quia Primum subiectum peccati est voluntas.

Minor prob. quia Ratio est directiua voluntatis.

3. Peccatum non potest esse nisi circa ea, quæ sunt in potestate nostra. Sed Defectus, vel perfectio rationis, non sunt in potestate nostra. Ergo In ratione non potest esse peccatum.

Minor prob. quia Quidam sunt naturaliter ratione deficientes, vel ratione solertes.

Pro Affirmatiua.

Augustinus lib. 12. de Trinit. capitulo 11. dicit, quod Peccatum est in ratione superiori, & inferiori.

Determinatio.

Distinctio. Ratio habet duplicem actum: Vnum quidem secundum se in comparatione ad proprium obiectum, quod est cognoscere verum. Alium autem habet actum, in quantum est directiua aliarum virium.

Sub aliis verbis. Actus rationis est duplex. Primus,

Primus, quo cognoscit verum. Secundus, quo dirigit alias potentias. Et quia Peccatum cuiuslibet potentie consistit in actu ipsius, ut dictum est ar. 1. 2. & 3. huius. Ideo in ratione esse peccatum, dupliciter potest intelligi. Vno modo, respectu actus, quo cognoscit verum. Alio modo, respectu actus, quo alias potentias dirigit.

Conclusio. In ratione contingit esse peccatum, respectu actus, quo cognoscit verum, tunc respectu actus, quo aliarum potentiarum actus dirigit.

Manifestatur quo ad utramque partem. Et primo quidem, contingit esse peccatum in ratione, in quantum errat in cogitatione veri, non quidem semper huiusmodi error imputatur ei ad peccatum, sed solum quando habet ignorantiam, & errorem circa id, quod potest, & debet scire: si enim errat circa id, quod non potest scire, vel non debet scire, non imputatur rationi ad peccatum. Secundo vero, contingit esse peccatum in ratione, respectu actus, quo alias potentias dirigit, & hoc est quando inordinatos actus inferiorum virium, vel imperat, vel etiam post deliberationem non coerct.

Ad Argumenta.

Ad 1. Dicitur, quod defectus rationis potest esse duplex, scilicet respectu actus, quo cognoscit verum, vel respectu actus, quo alias potentias dirigit. Tunc ad minorem dicitur, quod si sermo sit de defectu rationis respectu actus, quo cognoscit verum, talis defectus aliquando excusat, & aliquando non excusat. Si enim errat ratio circa id, quod non debet, nec potest scire, talis ignorantia excusat, ut dictum est in corpore. Si autem error sit circa ea, quæ tenetur, & potest scire, non excusat a peccato. Si autem in minori sermo sit, de defectu directionis aliarum virium, nunquam excusatur ratio a peccato, quia huic defectui potest per proprium actum occurrere. Breuiter igitur respondendo, Negatur minor. Defectus enim rationis non semper excusat. Ad probationem dicitur, quod Ignorantia non semper excusat, sed solum quando est circa ea, quæ quis non debet, vel non tenetur scire, ut dictum est.

Ad 2. Dicitur ad minorem, & ad eius probationem, quod sicut supra dictum est, cum de actibus voluntariis, & rationis ageretur, voluntas quodammodo mouet, & præcedit rationem, & ratio quodammodo voluntatem. Unde, & motus voluntatis dici potest rationalis, & actus rationis potest dici voluntarius, & secundum hoc in ratione inuenitur peccatum: vel pro ut est defectus eius voluntarius, vel pro ut actus rationis

est principium actus voluntatis.

Ad 3. Dicitur ad minorem, quod quando actus rationis non sunt in potestate nostra, ut est, quando quis non potest verum cognoscere, ut in furiosis accidit, vel non debet, tunc non est peccatum in ratione, nec ei imputatur talis error ad peccatum.

ARTICVLVS VI.

Vtrum Peccatum morosæ delectationis sit in ratione.

Pro Negatiua.

Videtur, quod Peccatum morosæ delectationis non sit in ratione.

1. Motus appetitiuæ virtutis non est in ratione. Sed Delectatio importat motum appetitiuæ virtutis, ut dictum est, quæst. 3. art. 1.

Ergo Peccatum morosæ delectationis non est in ratione.

Maiores prob. quia Vis appetitiua distinguitur a ratione, quæ est uis apprehensiva.

2. Actus, quæ est circa bona sensibilia, & non circa bona rationis, non est in ratione. Sed Delectatio morosa quandoque est circa bona sensibilia, & non circa bona rationis.

Ergo Delectatio morosa non est in ratione.

Maiores prob. quia Ex obiectis cognoscitur, ad quam potentiam actus pertineat, per quem potentia ordinatur ad obiectum.

3. Diuturnitas temporis non est ratio, quod aliquis actus pertineat ad aliquam potentiam. Sed Morosum dicitur aliquid propter diuturnitatem temporis. Ergo Delectatio morosa non pertinet ad rationem.

Pro Affirmatiua.

Aug. lib. 12. de trin. cap. 12. dicit, quod Consensus illecebræ si sola cogitatione delectationis contentus est, sic habendum existimo uelut cibum uerum mulier sola comederit; per mulierem autem intelligitur ratio inferior, sicut ibidem ipse exponit.

Ergo Peccatum morosæ delectationis est in ratione.

Determinatio.

Conclusio. Peccatum morosæ delectationis dicitur esse in ratione.

Prob. Contingit rationem deficere in directione interiorum passionum, sicut etiam exteriorum actionum humanarum.

Ergo In ratione contingit esse peccatum morosæ delectationis.

Consequenter prob. quia ut dictum est art. præced. peccatum contingit esse in ratione uno modo,

Nnn

qua-

quatenus est directiua humanorum actuum, & quia ratio non solum est directiua actuum exteriorum, sed etiam interiorum, ideo sicut est peccatum in ratione, quando deficit a directione actuum exteriorum; ita contingit esse peccatum in ea, quando deficit a directione actuum interiorum, qui sunt passionum motus.

Antec. manifestatur. Dupliciter enim potest ratio deficere in directione interiorum passionum. Vno modo, quando imperat illicitas passiones: sicut quando homo ex deliberatione prouocat si bi motum iræ, vel concupiscentiæ. Alio modo, quando non reprimat illicitum passionis motum: sicut cum aliquis postquam animaduertit, quod motus passionis insurgens est inordinatus, nihilo minus circa ipsum immoratur, & ipsum non expellit, & hoc est peccatum morosa delectationis.

Ad Argumenta.

Ad 1. Dicitur ad minorem, quod motus delectationis est a ratione, & appetitu, a ratione sicut a primo motiuo, ab appetitu sicut a proximo principio, & quia actus immanentes sunt in suis principijs, sicut in subiecto, & cum actus delectationis sit immanens, sequitur, quod delectatio sit in ratione, sicut in primo motiuo, & in appetitu sicut in proximo principio.

Ad 2. Negatur maior. Ratio enim, licet actum proprium, quo scilicet cognoscit uerum, habeat semper circa proprium obiectum, tamen actus, quo dirigit, est etiam circa obiecta aliarum virium, quæ per rationem dirigi possunt, & secundum hoc delectatio de sensibilibus est etiam in ratione. Ad probationem dicitur, quod Obiecta virium, quæ dirigi possunt a ratione, pertinent etiam quodammodo ad ipsam rationem, vt dictum est.

Ad 3. Dicitur ad minorem, quod delectatio dicitur morosa, non ex mora temporis, ut sic, sed ex eo, quod ratio deliberans, circa eam immoratur, nec eam expellit, tenens, & voluens libenter, quæ statim ut attigerint animum, respui debuerunt, vt Aug. dicit lib. 12. de trin. c. 12.

A R T I C V L V S VII.

Virum Peccatum consensus in actum sit in ratione superiori.

Pro Negatiua.

Videtur, quod Peccatum consensus in actum, non sit in ratione superiori.

1. Actus appetitiuæ virtutis non est in ratione. Sed Consentire est actus appetitiuæ virtutis, ut dictum est quæst. 15. art. 1.

Ergo Consensus in actum, non est in ratione. Maior prob. quia Ratio est vis apprehensiva, & non appetitiua.

2. Quandoque constituitur in actum, non consultis rationibus æternis. Ergo Peccatum consensus in actum non semper est in ratione superiori.

Antec. prob. quia Non semper homo cogitat de rebus diuinis, dum consentit in aliquo actum.

Conseq. prob. quia Ratio superior intendit rationibus æternis inspicendis, & consulendis, vt Aug. 12. de trin. cap. 7. dicit. Vnde consensus in actum absque inspectione rationum æternarum non est actus rationis.

3. Consensus in delectationem actus peccati absque hoc, quod opere statuatur implendum, est rationis inferioris, vt Aug. dicit 12. de trin. c. 7. Ergo Etiam consensus in actum peccati debet interdum attribui rationi inferiori.

Conseq. prob. quia Sicut per rationes æternas potest homo regulare actus exteriores, ita etiam interiores delectationes. Vnde sicut delectatio non regulata per æternas rationes pertinet ad rationem inferiorem, ita consensus in actum peccati, qui non est regulatus rationibus æternis, poterit ad rationem inferiorem pertinere.

4. Homo quandoque procedit in actum per apprehensionem imaginatiuæ virtutis, absque omni deliberatione rationis: sicut patet, quando homo impræmeditate mouet manum, vel pedem. Ergo Homo potest quandoque consentire in actum peccati absque ratione superiori.

Conseq. prob. quia Sicut ratio superior excedit inferiorem, ita ratio inferior excedit vim imaginatiuam.

Pro Affirmatiua.

Aug. lib. 12. de trin. cap. 12. dicit. Si in consensione male vtendi rebus, quæ per sensum corporis sentiuntur, ita decernitur quodcumque peccatum, ut si potestas sit, etiam corpore compleantur, intelligenda est mulier cibum illicitum viro dedisse, per quem superior ratio significatur.

Ergo Ad rationem superiorem pertinet consentire in actum peccati.

Determinatio.

Quid sit consensus.

Consensus importat iudicium quoddam practicum de eo, in quod consentitur.

Manifestatur. Sicut enim ratio speculatiua iudicat, & sententiat de rebus intelligibilibus, ita ratio practica iudicat, & sententiat de agendis.

Conclusio. Ad rationem superiorem proprie pertinet consensus in actum.

Prob.

Prob. Vltimum iudicium de actibus humanis pertinet ad rationem superiorem. Sed Consensus in actum est vltimum iudicium de actibus humanis. Ergo Consensus in actum pertinet ad rationem superiorem.

Maior prob. In omni iudicio ad supremum iudicarium pertinet vltima sententia. Sed Ratio superior est vltimum iudicarium.

Ergo Ad rationem superiorem pertinet vltimum iudicium.

Maior huius prob. Nam videmus in speculatiuis, quod vltima sententia de aliqua propositione datur per resolutionem ad prima principia: quando enim remanet aliquod principium altius, adhuc per ipsum potest examinari id, de quo queritur, vnde adhuc est suspensum iudicium, quasi nondum data finali sententia.

Minor huius prob. Iudicarium iudicans ex regula legis æternæ est supremum. Sed Ratio superior iudicat secundum regulas legis æternæ, secundum Aug. Ratio vero inferior iudicat per regulam desumptam ex rebus creatis.

Ergo Ratio superior est vltimum iudicarium.

Maior huius prob. quia Cum actus humani regulari possint ex regula rationis humanæ desumpta a rebus creatis, quas homo naturaliter cognoscit, & vltius ex regula legis diuinæ, ut dictum est quæst. 19. art. 4. & lex diuina suprema sit, manifestum est, quod iudicarium iudicans per regulas legis diuinæ, erit supremum, & primum.

Minor principalis prob. scilicet quod Consensus in actum sit vltimum iudicium prob. Quandoque de pluribus est iudicandum, de eo, quod vltimo occurrit, est vltimum iudicium. Sed Actus ipse humanus est vltimum, quod iudicandum occurrit.

Ergo Consensus in actum est vltimum iudicium.

Minor huius manifestatur. Nam in actibus humanis duo occurrunt Delectatio, quæ inducit in actum, & Actus ipse. Delectatio est quasi præambulum. Actus vero est vltimatus, quod occurrit. Et propterea consensus in delectationem pertinet ad rationem inferiorem. Consensus vero in actum pertinet ad rationem superiorem. Quamuis etiam ratio super de delectatione iudicare possit, quia quod subditur iudicio inferioris, subiicitur etiam iudicio superioris.

Aliter 1. Conclusio. Consensus in actum pertinet ad rationem superiorem.

Prob. Vltimum iudicium pertinet ad primum iudicarium. Sed Consensus in actum est vlti-

mum iudicium, & ratio superior est primum iudicarium.

Ergo Consensus in actum pertinet ad rationem superiorem.

Maior manifestatur in speculatiuis, in quibus videmus, quod vltima sententia de aliqua propositione datur per resolutionem ad prima principia: quando enim remanet aliquod principium altius, adhuc per ipsum potest examinari id, de quo queritur, vnde adhuc est suspensum iudicium, quasi nondum data finali sententia.

Minor quo ad primam partem prob. quia Actus est, qui vltimo occurrit.

Ergo Iudicium de ipso est vltimum.

Quo ad secundam partem prob. quia Ratio superior iudicat per regulam legis æternæ, quæ est suprema.

2. Conclusio. Consensus in delectationem, quæ inducit ad actum, pertinet ad rationem inferiorem.

Prob. quia Delectatio non est vltimum, quod occurrit iudicandum, sed est quasi præambulum ad actum, in quem est consensus.

3. Conclusio. Iudicium de delectatione, siue consensus in ipsam pertinere potest etiam ad rationem superiorem.

Prob. quia Quod subiicitur iudicio inferioris, potest etiam subiici iudicio superioris.

Ad Argumenta.

Ad 1. Dicitur ad minorem, quod consentire est actus appetitiuæ virtutis, non absolute, sed consequens ad actum rationis deliberantis, & iudicantis, vt supra dictum est, in hoc. n. terminatur consensus, quia voluntas tendit in id, quod est iam ratione iudicatum. Vnde consensus potest attribui, & voluntati, & rationi.

Ad 2. Negatur consequens. Immo ex hoc ipso, quod ratio superior non dirigit actus humanos secundum legem diuinam, impediens actum peccati, dicitur ipsa consentire, siue cogitet de lege æterna, siue non. Cum enim cogitat de lege Dei actum, eam contemnit: cum vero non cogitat, eam negligit per modum omissionis cuiusdam. Vnde omnibus modis consensus in actum peccati procedit ex superiore ratione, quia vt Aug. dicit 12. de trin. c. 12. non potest peccatum efficaciter perpetrandum mente decerni, nisi illa mentis intentio, penes quam summa potestas est, membra in opus mouendi, vel ab opere cohibendi, malæ actioni credat, aut seruiat.

Ad 3. Negatur consequens. Ad probationem dicitur, Ratio superior per considerationem legis æternæ, sicut potest dirigere, vel cohibere actum exteriorē, ita et delectationē interiorem, sed tamen antequam

ad iudicium superioris rationis deueniatur, statim vt sensualitas proponit delectationem, inferior ratio per rationes temporales deliberans, quandoque huiusmodi delectationem acceptat, & tunc consensus in delectationem pertinet ad inferiorem rationem. Si vero etiam consideratis rationibus æternis, homo in eodem consensu per seueret, iam talis consensus ad superiorem rationem pertinebit.

Ad 4. Negatur consequ. Non enim eodem modo se habet imaginatiua ad rationem, sicut ratio inferior ad superiorem. Apprehensio enim virtutis imaginatiuæ est subita, & sine deliberatione, & ideo potest aliquem actum causare, antequam superior, vel inferior ratio habeat tempus deliberandi: sed iudicium rationis inferioris est cum deliberatione, quæ indiget tempore, in quo etiam ratio superior deliberare potest. Vnde si non cohibeat ab actu peccati, per suam deliberationem, merito illi imputabitur.

A R T I C V L V S VIII.

Vtrum Consensus in delectationem sit peccatum mortale.

Pro Negatiua

Videtur, quod Consensus in delectationem non sit peccatum mortale.

1. Peccatum mortale est per auersionem a lege diuina, vt patet per distinctionem Aug. supra quæst. 71. art. 6. positam. Sed Consensus in delectationem non est per auersionem a lege diuina. Ergo Consensus in delectationem non est peccatum mortale.

Minor prob. quia Consentire in delectationem pertinet ad rationem inferiorem, cuius non est intendere rationibus æternis, vel legi diuinæ, & per consequens nec ab ea auerti.

2. Delectatio sine opere non est peccatum mortale, sed veniale tantum. Ergo Nec consensus in delectationem est peccatum mortale.

Consequ. prob. quia Consentire in aliquid, non est malum, nisi quia illud, in quod consentitur, est malum. Ergo si consensus est peccatum, oportet quod illud, in quod consentitur, sit magis, vel saltem æqualiter peccatum cum consensu; quia Propter quod vnuquodque tale, & illud magis. Si igitur delectatio non sit peccatum mortale, multo minus consensus in illam poterit esse peccatum mortale.

3. Delectatio consequens actum interiore, non est peccatum mortale. Ergo Consensus in delectationem consequentem actum interiore non est peccatum mortale.

Consequ. prob. quia Consensus in tantum peccatum dici debet, in quantum id, cui consentitur, est peccatum.

Antec. prob. Actus interior, qui est cogitatio, non est peccatum mortale. Ergo Nec delectatio in interiore actum est peccatum mortale.

Consequ. hæc prob. quia Delectationes differunt in bonitate, & malitia, secundum differentiam operationum, ita vt si operatio sit peccatum, delectatio, ipsam operationem consequens, erit pariter peccatum: si vero operatio non sit peccatum, nec delectatio consequens erit peccatum.

Antec. huius prob. ex differentia, quæ est inter actum interiore, & exteriorem. Actus. n. exterior, puta actus fornicationis, est peccatum mortale. Actus vero interior, qui est simplex cogitatio de fornicatione sine opere, non est peccatum mortale. Si igitur actus interior, qui est cogitatio non est peccatum mortale, vt ostensum est, ex differentia eius ab actu exteriori, sequitur, quod nec delectatio (quæ semper ab actu recipit bonitatem, vel malitiam) sit peccatum mortale, & tandem quod nec consensus in huiusmodi delectationem sit peccatum.

4. Ille, qui consentit in delectationem consequentem aliquem actum, non propterea consentit in deordinationem actus. Ergo Qui consentit in delectationem non peccat mortaliter.

Antec. prob. quia Actus exterior, puta fornicationis, non est peccatum mortale ratione delectationis: Cum delectatio inueniatur etiam in actu matrimoniali, sed ratione deordinationis ipsius actus. Ergo Consentiens in delectationem, & non in deordinationem, non peccat mortaliter.

5. Consentire in delectationem, quæ consequitur cogitationem de homicidio, non est peccatum mortale. Ergo Multo minus, consentire in delectationem, quæ consequitur cogitationem de fornicatione, est peccatum mortale.

Cōsequ. prob. quia Peccatum homicidii est grauius, quam peccatum simplicis fornicationis.

6. Peccatum, quod aboletur per orationem dominicam, est veniale. Sed Consensus in delectationem aboletur per orationem dominicam. Ergo Cōsensus in delectationem est veniale peccatum.

Major prob. quia Oratio dominica quondam dicitur pro remissione venialium, ut Aug. dicit in Ench. cap. 71.

Minor prob. quia Aug. dicit 12. de Trin. ca. 12. quod Hoc est minus longe peccatum, quam si opere statuiatur implendum, & ideo de talibus quoque cogitationibus venia petenda est, peccatusque percutiendus, atque dicendum, dimitte nobis debita nostra.

Pro Affirmatiua.

Illud, per quod homo damnatur, est peccatum mortale. Sed Per consensum in delectationem homo dam-

damnatur. Ergo Consensus in delectationem est peccatum mortale.

Maior prob. Quia Nullus damnatur, nisi pro peccato mortali.

Minor prob. quia Aug. loco citato post pauca subdit. Totus homo damnabitur, nisi hæc, quæ sine voluntate operandi, sed tamen cum voluntate animi talibus oblectandi, solius cogitationis sentiuntur esse peccata, per mediatoris gratiam remittantur.

Determinatio.

Diuerſorum opiniones.

Circa hoc, aliqui diuerſimode opinati sunt. Quidam enim dixerunt, quod consensus in delectationem non est peccatum mortale, sed veniale tantum. Alij vero dixerunt, quod est peccatum mortale, & hæc opinio est communior, & verisimilior.

Propria sententia.

1. Distinctio. Quælibet delectatio potest comparari ad duo. Ad operationem, quam consequitur. Et ad obiectum, in quo quis delectatur.

Manifestatur. quia Omnis delectatio consequitur aliquam operationem, ut dicitur 10. Ethic. 4. Et omnis delectatio habet aliquod obiectum, de quo est delectatio, puta delectatio gulæ, habet pro obiecto cibum, & consequitur ſumptionem cibi, quæ est operatio. Delectatio igitur gulæ potest comparari ad cibum, quod est obiectum delectationis, & ad ſumptionem cibi, quæ est operatio, quam consequitur delectatio.

2. Distinctio. Operationes, ad quas consequitur delectatio, duplices sunt. ſ. Interiores, & Exteriores. Puta delectatio fornicationis, potest cõsequi, vel ipsam operationem exteriorem, vel cogitationem de ipsa fornicatione: potest enim quis delectari ex hoc, quod fornicatur, & ex hoc, quod de fornicatione cogitat. Et ſimiliter potest quis delectari ex hoc, quod cogitat de homicidio, vel de cibo, & de actu exercendi homicidium, vel quo cibum ſumit.

3. Distinctio. Obiectum delectationis, Aliquando est res, de qua quis delectatur. Aliquando vero est ipsamet operatio, ex qua consequitur ipsa delectatio, in quantum vis appetitiua, cuius est delectari, reflectitur in ipsam operationem, ſicut in quoddam bonum. Sicut cum aliquis cogitat, & delectatur de actu cogitandi, in quantum ipsa delectatio placet: ex quo ſequitur, quod delectatio poſſit comparari ad operationem, quam consequitur, dupliciter. Vno modo, ut ad principium, ex quo ipsa delectatio ſequitur. Et ut ad obiectum,

de quo est delectatio. Dum enim quis cogitat de fornicatione, & de hac cogitatione delectatur, ipsa cogitatio est causa delectationis, & eiufdem delectationis obiectum.

4. Distinctio. Delectatio duplicem operationem pro obiecto habere potest: Aliquando enim habet pro obiecto eandem operationem, à qua ipsa delectatio procedit. Aliquando vero habet pro obiecto aliam operationem.

Manifestatur. Si quis enim cogitet de fornicatione, & in hac cogitatione delectatur, potest obiectum talis delectationis eſſe, vel ipsa cogitatio, vel ipsa operatio cogitata, quæ est actus fornicandi. Tunc ipsa cogitatio est obiectum delectationis; quando alicuius affectus fertur in ipsam cogitationem: ut cum gaudet de ſua cogitatione, puta cum quis cogitans de fornicatione, delectatur ex hoc, quod adinuenit eius diſſinitionem, proprietates, & ſimilia, tunc delectatio, quæ est ex cogitatione, habet pro obiecto ipsam cogitationem. Si vero quis cogitans de fornicatione, nõ delectetur de cogitatione fornicationis, sed de ipsa fornicatione cogitata, iam talis delectatio habet pro obiecto aliam operationem, eſt enim ex operatione cogitandi, & eſt de operatione cogitata, tanquam de obiecto, in quod affectus inclinatur. Et ſimiliter, qui cogitat de homicidio, & in tali cogitatione delectatur, talis delectatio habet pro obiecto eandem operationem, ad quam consequitur. Si vero delectetur non de cogitatione homicidij, sed de actu homicidij, tunc delectatio erit quidem ex cogitatione, sed tamen habet pro obiecto operationem cogitandam, & idem eſt de alijs dicendum.

1. Cõſuſio. Cõſenſus in delectationem, q̃ h̃et pro obiecto ipsi cogitationem, nõ est peccatum mortale.

Prob. Cõſenſus in delectationem, cuius obiectum non eſt peccatum mortale, nec ipſe eſt peccatum mortale. Sed Obiectum delectationis, quæ eſt de ipsa cogitatione. ſ. ipsa cogitatio, nõ eſt peccatum mortale, sed aliquando nullum eſt peccatum, & aliquando veniale tantum. Ergo Cõſenſus in delectationem, quæ eſt de cogitatione, non eſt peccatum mortale, ſed vel veniale tantum, vel nullum.

Maior patet ex ſuperius dictis. Actus enim morales habent malitiam præcipue ex obiecto.

Minor vero prob. quia Cogitatio ſecundum ſe non eſt peccatum mortale, sed quandoque eſt veniale tantum, ut cum aliquis inutiliter cogitat de aliquo, puta de fornicatione, & quandoque nullum eſt, ut cum quis cogitat de fornicatione, ut de ea prædict, vel aliquid ſcribat, aut doceat. Cum igitur cogitatio, de qua quis delectatur, non ſit peccatum, nec cõſenſus in talem delectationem erit peccatum.

Et

Et secundum hoc prima opinio habet veritatem, si quod Consensus in delectationem, non est peccatum, si inquam sermo sit de consensu in delectationem, quæ est de cogitatione.

2. Conclusio. Consensus in delectationem, quæ est de operatione, vel re cogitata, est peccatum mortale.

Prob. Consensus in id, quod est mortale peccatum, est mortale peccatum. Sed Delectatio, quæ est de operatione cogitata, puta fornicatione, est mortalis. Ergo Consensus in huiusmodi delectationem est peccatum mortale.

Major prob., quia Consentire in aliquid, est inclinatio affectus in id, in quod consentitur. Vnde consensus in fornicationem, est inclinatio affectus in fornicationem: & quia nullus delectatur, nisi in eo, quod est conforme appetitui, quando quis ex deliberatione eligit, quod affectus suus conformetur his, quæ secundum se sunt peccata mortalia, est peccatum mortale.

In forma. Inclinatio deliberata affectus in mortale est mortalis. Sed Consensus in mortale est deliberata inclinatio affectus in mortale: cum nullus inclinetur, nisi in conforme appetitui. Ergo Consensus in mortale est mortalis.

Et secundum hoc vera est secunda opinio, scilicet, quod consensus in delectationem, de re scilicet, vel operatione mala cogitata, est peccatum mortale.

Ad Argumenta.

Ad 1. Negatur minor. Ad probationem dicitur dupliciter. Primo, quod consensus in delectationem est non solum rationis inferioris, sed potest etiam esse rationis superioris, ut dictum est art. præced.

Secundo, Dato, quod consentire in delectationem pertineat ad rationem inferiorem, ut etiam de facto est, negatur, quod ratio inferior non possit auerti à rationibus æternis, quamvis enim ratio inferior non intendat rationibus æternis, ut secundum eas regulans, quod est proprium rationis superioris, intendit tamen eis, ut secundum eas regulata, & hoc modo ab eis se auertens, potest peccare mortaliter. Nam & actus inferiorum virium, & etiam exteriorum membrorum, possunt esse peccata mortalia, secundum quod deficit ordinatio superioris rationis, regulantis eas secundum rationes æternas.

Ad 2. Dicitur ad antec. quod si sit sermo de delectatione, quæ est de cogitatione, nullum est peccatum, ut dictum est: Vnde secundum hoc conceditur totum. Si in eodem antecedente sermo sit de delectatione, quæ est de re cogitata, di-

citur, quod res cogitata, siue operatio, quædam est de genere suo veniale peccatum, & quædam de genere suo peccatum mortale, licet per accidens possit esse veniale. Si operatio cogitata sit ex suo genere veniale peccatum, etiam delectatio, & consensus in eam est veniale tantum. Vnde consensus in delectationem de vana cogitatione fornicationis est veniale, quia vana cogitatio est peccatum veniale. Si vero cogitata operatio sit peccatum mortale, etiam delectatio, & consensus in eam, est mortale. Potest tamen esse veniale propter imperfectionem actus, puta quando quis cogitat de fornicatione ante consensum, tunc enim est veniale tantum, sed si superueniat consensus, est mortale.

Dicitur igitur formaliter ad antecedens, quod delectatio line opere, si sit deliberata de ipso opere, & cum consensu, est peccatum mortale, & per consequens delectatio, & consensus in ea erit mortale, ut dictum est, licet ante consensum possit esse veniale tantum.

Ad 3. Conceditur totum, probat enim, quod delectatio, quæ est de cogitatione, non sit peccatum, quod est verum, ut dictum est in prima conclusione. Si tamen delectatio sit de ipsa re, vel actione cogitata, est peccatum, ut dictum est.

Ad 4. Dicitur ad antec. & ad eius probationem, quod delectatio, quæ habet actum exteriorum pro obiecto, non potest esse absque complacencia exterioris actus, secundum se, etiam si non statuatur implendum propter prohibitionem aliquius superioris: vnde actus sit inordinatus, & per consequens delectatio erit inordinata.

Ad 5. Dicitur ad antec. quod sicut consensus in delectationem, quæ procedit ex cogitatione homicidij, non est mortalis, ita nec consensus in delectationem, quæ est ex cogitatione, & de cogitatione fornicationis: tamen consensus in delectationem, quæ est ex homicidio cogitato, est peccatum mortale, sicut etiam consensus in delectationem de actu fornicationis, ut dictum est.

Ad 6. Dicitur ad maiorem, quod Oratio Dominica, non solum contra peccata venialia dicenda est, sed etiam contra mortalia.

ARTICVLVS IX.

Vtrum In superiori ratione possit esse peccatum veniale, secundum quod est directiua inferiorum virium.

Pro Negatiua.

V Idetur, quod In superiori ratione, secundum quod est directiua virium inferiorum, id est secundum quod consentit in actum peccati, non possit esse peccatum veniale.

1. In ea potentia, quæ intēdit rationibus æternis, non potest esse peccatum veniale, sed mortale tātum. Sed Ratio superior, secundum etiam quod est directiua inferiorum virium, inhæret rationibus æternis, vt Aug. dicit 12. de Trin. c. 7. Ergo In ratione superiori non est peccatum veniale, sed mortale tantum.

Maiores prob. quia Peccare mortaliter, est per auersionem à rationibus æternis.

2. Infirmittas cordis sunt mortales. Sed Superior ratio se habet in vita spiritali, sicut cor in vita corporali, & peccata sicut infirmitates. Ergo Peccata superioris rationis sunt omnia mortalia.

3. Peccatum veniale propter contemptum fit mortale. Sed Quod aliquis ex deliberatione venialiter peccet, est ex contemptu. Ergo Peccatum veniale, ex deliberatione factum, fit mortale. Sed Cōsensu rationis superioris in peccatum veniale, videtur quod semper sit cum deliberatione, & contemptu diuinæ legis. Ergo Ratio superior semper mortaliter peccat.

Pro Affirmatiua.

Consensus in actum peccati venialis est veniale. Sed Ad rationem superiorem pertinet consensus in actum peccati, etiam venialis. Ergo In superiori ratione potest esse etiam peccatum veniale.

Determinatio.

Conclusio. In ratione superiori, secundum quod est directiua virium interiorū, id est secundum quod consentit in actum peccati, potest esse peccatum veniale.

Conclusio hæc supponit vnum. scilicet quod ratio superior sit directiua actuum inferiorum virium, & consentiat in actus earum, quod suppositum ostenditur. Nam Aug. 12. de trin. c. 7. dicit, quod ratio superior inhæret rationibus æternis conspiciendis, aut consulendis. Conspiciendis quidem, secundum quod earum veritatem speculari. Consulendis autem, secundum quod per rationes æternas de alijs iudicat, & ordinat, ad quod pertinet, quod deliberando, per rationes æternas consentit in aliquem actum, vel dissentiat ab eo. Inherere igitur rationibus æternis consulendis, est superiore rationem dirigere vires inferiores, & consentire in actus earum, vel ab eis dissentire.

Prob. Conclusio. In potentia, in qua est cōsensu in actum deordinatum, cuius tamen deordinatio, non sit contra rationes æternas, sed solum præter eas, potest esse peccatum veniale. Sed Cōtingit rationē superiorē, vt est directiua inferiorū viriū, consentire in actum inordinatum, cuius tamē inordinatio non est contraria rationibus æternis, sed solum præter eas. Ergo In ratione superiori,

pro vt est directiua virium inferiorum, potest esse peccatum veniale.

Maiores prob. ex differentia, quæ est inter deordinationem, quæ est contra rationes æternas, & deordinationem, quæ est solum præter rationes æternas, & non eis contraria. Nam deordinatio, quæ est contra rationes æternas, est cum auersione ab ultimo fine, & inde est semper peccatum mortale. Deordinatio autem, quæ non est contra rationes æternas, sed solum præter eas, est absq; auersione ab ultimo fine. Vnde cōsensu in actū sic deordinatum erit solum veniale peccatum. Vnde in potentia, in qua est huiusmodi consensus, est peccatum veniale.

Minor manifestatur. quia Cōtingit rationem, pro vt est directiua virium inferiorum, consentire in aliquem actum ipsarum virium, qui erit peccatum veniale, qui actus habet solum deordinationem; quæ est præter rationes æternas, ut dictum est.

Ad Argumenta.

Ad 1. Negatur maior. In potentia enim, quæ intendit rationibus æternis, pro ut inhæret ipsis consulendis, scilicet pro ut per eas, vires inferiores dirigit, potest esse etiam peccatum veniale. Ad probationem dicitur, quod supponit unum falsum, scilicet quod ratio, per hoc quod intendit rationibus æternis, non sit directiua virium inferiorum, nec consentiat in actus earum, cuius oppositum probatum est, ex supposito contrario. Ratio enim superior habet duos actus, circa rationes æternas. Primus dum speculari, earum veritatem, & sic non est directiua virium inferiorum. Alter est, dum per eas deliberat de actibus aliarum virium, qui actus denotatur per illud uerbum, Consulendis, & sic est directiua virium inferiorum, & de earum actibus deliberat, & secundum hoc si consentiat in actum veniale, erit in ea peccatum veniale, ut dictum est.

Ad 2. Dicitur ad maiorem, quod duplex est infirmitas cordis. Vna quæ est in ipsa substantia cordis, & immutat naturalem complexionem ipsius; & talis infirmitas semper est mortalis. Alia est autem infirmitas cordis, propter aliquam inordinationem, uel motus eius, uel alicuius eorum, quæ circumstant cor; & talis infirmitas non semper est mortalis. Et similiter in ratione superiori semper est peccatum mortale, quando tollitur totaliter ipsa ordinatio rationis superioris ad proprium obiectum, quod est rationis æternæ. Sed quando est inordinatio circa hoc, scilicet obiectum superioris rationis, non est peccatum mortale, sed veniale.

Ad 3. Dicitur ad id, quod subsūmitur. Quod deliberatus consensus in peccatum non semper per-

pertinet ad contemptum legis diuinæ, sed solum quando peccatum legi diuinæ contrariatur, & propterea solum tunc est peccatum mortale.

ARTICVLVS X.

Vtrum In ratione superiori possit esse peccatum veniale, secundum se ipsam.

Pro Negatiua.

Videtur, quod In superiori ratione non possit esse peccatum veniale, secundum se ipsam, id est secundum quod respicit rationes æternas.

1. In potentia, cuius actus non potest esse deordinatus à suo obiecto, nisi per mortale peccatum, non potest esse peccatum veniale, sed mortale tantum. Sed Actus rationis superioris, secundum quod intendit rationibus æternis, non potest esse inordinatus respectu sui obiecti, nisi per peccatum mortale.

Ergo In ratione superiori non potest esse nisi peccatum mortale.

Maiores prob. quia Actus potentie non inuenitur esse deficiens, nisi per hoc quod inordinate se habet circa suum obiectum. Vnde si actus non potest esse inordinatus circa obiectum nisi per peccatum mortale, sequitur euidenter, quod in huiusmodi potentia possit esse tantum peccatum mortale.

Maiores prob. quia A rationibus æternis, quæ sunt obiectum superioris rationis, non potest esse deordinatio actus, sine mortali peccato.

2. Omnis inordinatus motus cum deliberatione, in his, quæ sunt Dei, est peccatum mortale. Sed Omnis motus rationis superioris est cum deliberatione. Ergo Omnis inordinatus motus rationis superioris circa rationes æternas est mortale peccatum.

Minor prob. quia Cum ratio sit vis deliberatiua, omnis actus rationis est semper cum deliberatione.

3. Potentia, in qua potest esse peccatum veniale, potest recurrere ad aliquid altius, quam sit suum obiectum. Sed Ratio superior non potest recurrere ad aliquid altius, quam sit suum obiectum.

Ergo In ratione superiori non potest esse peccatum veniale.

Maiores prob. quia Contingit quandoque, quod peccatum ex surreptione est peccatum veniale: Peccatum autem ex deliberatione est peccatum mortale ex hoc, quod ratio deliberans recurrit ad aliquod maius bonum, contra quod homo

agens, grauius peccat. Sicut cum de actu delectabili inordinato ratio deliberat, quod est contra legem Dei, grauius peccat consentiendo, quam si solum consideraret, quod est contra virtutem, moralem. Potentia igitur, quæ non potest ad quid aliud recurrere, quam sit suum obiectum, non potest esse subiectum peccati venialis, sed mortalis tantum.

Minor prob. quia Rationes æternæ, quæ sunt obiectum rationis superioris, nullum habent altius bonum, ad quod ratio recurrere possit.

Vel aliter. Motus superioris rationis, secundum quod inspicit rationes æternas, inordinatus ex surreptione, non potest esse veniale peccatum, sed necesse est, ut sit mortale. Ergo In ratione superiori, ut inspicit rationes æternas, non potest esse peccatum veniale.

Consequens prob. quia Cum in ratione superiori non sint nisi duo genera actuum, scilicet ex surreptione, & deliberatione: & actus inordinatus ex deliberatione circa rationes æternas sit semper mortale; Si actus inordinatus ex surreptione, non est veniale, nullum peccatum veniale erit in ratione superiori.

Antec prob. quia Si motus surreptionis in superiori ratione non esset mortale peccatum, non posset per sequentem deliberationem fieri mortale, quod patet esse falsum.

Pro Affirmatiua.

Motus subreptitius infidelitatis est peccatum veniale.

Ergo In superiori ratione, secundum se, potest esse etiam peccatum veniale.

Consequens prob. quia Huiusmodi motus pertinet ad superiorem rationem.

Determinatio.

1. Distinctio. Ratio superior fertur in duplex obiectum. In obiectum proprium. Et in obiectum aliarum potentiarum inferiorum. Obiectum proprium rationis superioris est aliquod scibile, credibile, & huiusmodi. Obiecta aliarum virium sunt in duplici differentia. Quædam, quæ sunt materia peccati mortalis: ut fornicatio, furtum, cibis, & huiusmodi. Quædam sunt materia peccati venialis, ut est verbum otiosum.

2. Distinctio. Ratio superior aliter fertur in obiectum proprium, Et aliter in obiectum aliarum virium. In obiecta aliarum virium non fertur, nisi secundum actum deliberatum, in quod scilicet consulit rationes æternas.

In obiectum vero proprium fertur dupliciter. Aliquando fertur secundum actum subitum. Aliquando secundum actum deliberatum. Tunc fertur in proprium obiectum, secundum actum subitum, quando non iudicat de ipso secundum rationes æternas. Tunc secundum actum deliberatum, quando de eo iudicat secundum rationes æternas. Sicut ratio diuina potest ratio habere motum duplicem, scilicet Subitum, & deliberatum. Subitum, ut est, quando ratio patitur subitum motum infidelitatis, ante quam consulat, vel possit consulere rationes æternas. Deliberatum, quando post consultas æternas rationes manet infidelitatis actus.

Ex quibus tandem sequitur, quod Motus qui libet superioris rationis inordinatus circa proprium obiectum ex suo genere sit mortale peccatum: utpote cuius obiectum semper est aliquid diuinum. Actus vero inordinatus rationis circa obiecta aliarum virium possit esse ex suo genere, & veniale, & mortale. Veniale quidem, quando obiectum inferiorum virium est materia peccati venialis. Mortale vero, quando est materia peccati mortalis.

1. Conclusio. In ratione superiori, per ordinem ad proprium obiectum, potest esse peccatum veniale, & mortale.

Manifestatur. Ratio superior potest circa proprium obiectum habere actum inordinatum, deliberatum, & subitum, absque deliberatione. Ergo in ratione superiori potest esse peccatum veniale, & mortale, respectu proprii obiecti.

Antecedentiam ex dictis patet. Potest enim ratio habere subitum motum infidelitatis, quod accidit, quando rationi occurrit aliquid pertinens ad fidem, antequam super hoc consulatur, vel possit consuli ratio æterna: puta cum quis resurrectionem mortuorum iudicat ex ratione naturali, & extimat eam impossibilem. Potest etiam habere motum deliberatum, ut quando quis, post consultatas æternas rationes, perseverat in inordinato motu: puta cum non credit resurrectionem mortuorum, postquam animaduertit, hoc esse a Deo reuelatum.

Cōseq. prob. quia Motus subitus inordinatus, circa quodcunque obiectum, semper est veniale peccatum, deliberatus vero, semper est mortale, si sit circa materiam peccati mortalis.

2. Conclusio. In ratione superiori, in ordine ad obiecta aliarum virium inferiorum, non potest esse peccatum veniale, si eius actus sit inordinatus circa obiectum, quod est materia peccati mortalis, sed solum quando obiectum est materia venialis peccati.

Prob. Actus inordinatus deliberatus, circa materiam mortalem, semper est peccatum mortale, & veniale, circa materiam venialem. Sed Ratio superior, circa obiecta aliarum virium, semper habet actum deliberatum, ut dictum est. Ergo In ratione superiori, per ordinem ad obiecta aliarum virium, semper est peccatum mortale, si materia, circa quam est inordinatus actus, sit mortalis, & veniale, si sit venialis.

Vel aliter formatur.

1. Cōcl. Actus inordinatus rationis superioris circa proprium obiectum semper est mortale.

Prob. quia Obiectum proprium superioris rationis semper est aliquid diuinum, circa quod, si sit actus inordinatus, semper est mortale.

2. Concl. Actus subitus rationis, inordinatus circa proprium obiectum, est veniale.

Prob. quia Actus in deliberatus est veniale peccatum.

3. Concl. Actus rationis inordinatus respectu obiecti aliarum virium, si materia sit mortalis, semper est mortale.

Prob. quia Actus rationis circa obiecta aliarum virium semper est deliberatus.

4. Cōcl. Actus inordinatus rationis circa obiectum aliarum virium, si sit solum materia venialis, est veniale.

Prob. quia Actus inordinatus circa veniale obiectum est veniale.

Aliter adhuc formatur hic articulus.

1. Distinctio. Ratio superior fertur in duplex obiectum. scilicet Proprium, & Inferiorum virium. Obiectum proprium rationis superioris semper est aliquid diuinum. Obiectum aliarum virium est temporale.

2. Distinctio. Ratio superior, respectu proprii obiecti habet duplicem actum. scilicet Subitum, & Deliberatum. Respectu vero obiecti aliarum virium non habet nisi actum deliberatum.

1. Concl. Actus superioris rationis, inordinatus respectu proprii obiecti, ex suo genere semper est mortale.

Prob. Actus inordinatus circa diuinum semper ex genere suo est mortale. Sed Obiectum proprium rationis superioris est aliquid diuinum, ut dictum est. Ergo Actus eius circa proprium obiectum, si sit inordinatus, semper ex suo genere est mortale.

2. Cōcl. Actus rationis superioris inordinatus, deliberatus circa proprium obiectum, semper est mortale ex propria ratione.

Hec est ex se manifesta.

3. Concl. Actus rationis superioris, si non sit deliberatus, sed subitus, circa proprium obiectum est veniale.

Prob. Ex argumento pro affirmatiua de motu surreptitio fidei.

DE CAUSIS PECCATORVM
in generali.

ARTICVLVS I.

Vtrum Peccatum habeat causam.

*Pro Negatiua.***V**idetur, quod Peccatum non habeat causam.

1. Malum non habet causam, vt Dionys. dicit 4. cap. de diu. nom. Sed Peccatum habet rationē mali, vt dictum est, quæst. 71. art. 6. Ergo Peccatū non habet causam.

2. Quod habet causam, est ex necessitate. Sed Peccatum non est ex necessitate. Ergo Peccatum non habet causam.

Maior patet. quia Causa est, ad quam de necessitate sequitur aliud.

Minor prob. quia Omne peccatum est voluntarium, & per consequens nullum est ex necessitate.

3. Omne quod habet causam, aut habet pro causa bonum, aut malum. Sed Peccatum non hēc pro causa bonum, nec malum. Ergo Peccatum non habet causam.

Minor prob. quo ad vtrāque partem. Non bonum, quia Bonum non facit nisi bonum, iuxta illud Matth. 7. Non potest arbor bona malos fructus facere. Non malum, quia Cum malum sit duplex scilicet, pena, & culpa. Malum penæ nō est causa peccati, sed sequitur peccatum. Malum vero culpæ non est causa, sed ipsum inest peccatum.

Pro Affirmatiua.

Omne quod fit, habet causam. Sed Peccatū fit. Ergo Peccatum habet causam.

Maior prob. quia Iob 5. dicitur. Nichil in terra sine causa fit.

Minor prob. quia Peccatum est dictum, vel factum, vel concupitum contra legem Dei.

Determinatio.

1. Distinctio. Peccatum habere causam, potest intelligi dupliciter. Vno modo ex parte actus. Alio modo ex parte inordinationis actus.

Manifestatur. quia Peccatum habet hæc duo scilicet, quod sit actus, & inordinatus.

2. Distinctio. Peccatum habere causam, potest intelligi dupliciter. Vno modo, vt habeat causam per se. Alio modo, vt habeat causam per accidens.

1. Conclusio. Peccatum ex parte actus potest habere causam per se.

Prob.

4. Conclusio. Actus inordinatus rationis, circa obiectum aliarum virium, si materia sit mortalis, semper est mortale, & nunquam veniale.

5. Conclusio. Actus inordinatus rationis superioris, circa obiectum aliarum virium, quod sit materia venialis, est veniale.

Hæc ex dictis manifeste relinquuntur.

Ex quibus tandem sequitur directe responsiua conclusio.

Concl. In ratione superiori, secundum se considerata, potest esse peccatum veniale.

Manifestatur. quia Ratio superior potest habere subitum motum circa proprium obiectum, & motum deliberatum circa obiecta aliarum virium, quæ non sint materia peccati mortalis, & iverque actus est veniale peccatum.

Ad Argumenta.

Ad 1. Negatur minor. Ad probationem dicitur, quod etsi a rationibus æternis non possit esse deordinatio, nisi per peccatum mortale ex genere, tamē potest esse deordinatio venialis, propter imperfectiōem actus subiti, vt dictum est.

Ad 2. Negatur minor. Ad probationem dicitur, quod quamuis ratio sit vis deliberatiua, tamē ad ipsam etiam pertinet simplex intuitus eorum, ex quibus deliberatio procedit. Vnde potest habere, non solum actum deliberatum, sed etiam subitum.

Ad 3. Negatur minor. Ad probationem dicitur, quod aliquid esse altius obiecto rationis, potest dupliciter intelligi. Vno modo secundum rem. Alio modo, secundum considerationē, quatenus scilicet, eadem res potest habere diuersas considerationes, quarum vna sit altior altera. Sicut (Deum esse) potest considerari, vel in quantum est cognoscibile ratione humana, vel in quantum traditur reuelatione diuina, quæ est consideratio altior. Quamuis igitur obiectum rationis superioris sit quoddam secundum naturam rei altissimum, tamen potest etiam reduci in quandam altiore consideratione: & hac ratione, quod in motu subitō non erat peccatum mortale, per deliberationem reducētem ad altiore considerationem, sit peccatum mortale, vt dictum est.

DE CAUSIS PECCATORVM.

*Deinde considerandum est de causis peccatorū. Primo in generali in quæst. 75.**Secundo in speciali a quæst. 76. usque ad 84. in eius fine.*

Prob. Quilibet actus habet causam per se. Sed Peccatum est quidam actus. Ergo Peccatum ex parte actus habet causam per se.

2. Concl. Peccatum ex parte inordinationis habet causam agentem per accidens.

Prob. Inordinatio, quæ non est simplex negatio, sed privatio eius, quod aliquid natum est habere, & debet habere, habet causam agentem per accidens. Sed Inordinatio actus peccati, sicut & quodlibet malum, non est simplex negatio, sed est privatio eius, quod aliquid natum est. & debet habere, & nõ habet. Ergo Inordinatio actus peccati habet causam agentem per accidens.

Maiores prob. ex differentia, quæ est inter puram negationem, & privationem, quo ad hoc, quod est habere causam.

Sciendum igitur, quod Inordinatio est quedam negatio. Negatio autem est duplex, scilicet Pura, & in Subiecto apto nato. Sicut non videns, non viuens, & huiusmodi, sunt puræ negationes, quia non negant aliquid ab aliquo determinato subiecto, sed simpliciter negant visum, vitam, & huiusmodi. Nullo enim existente subiecto visionis, posset etiam dici, non videns. Cæcitas autem est negatio quidem visionis, sed non est pura negatio, negat enim visum ab oculo, unde præsupponit subiectum ipsum natum ad videndum, carens visu.

Conueniunt autem in hoc pura negatio, & privatio, quod utraque habet causam per accidens, sed differunt in modo habendi. Ad puram enim negationem alicuius effectus, sufficit negatio cause. Ad simplicem enim negationem luminis, sufficit negatio cause lucis. Ad simplicem negationem navis, sufficit negatio nauifactionis, & sic de alijs. Ad causandam autem privationem, non sufficit negatio cause, immo oportet ponere causam, & actionem causæ, ex cuius actione sequatur aliquid aliud consequenter, sicut ignis agendo, & causando calorem, ex consequenti est causa privationis frigiditatis.

Breviter igitur, Differentia cause simplicis negationis, & privationis consistit in hoc, quod ad causandam simplicem negationem effectus, sufficit simplex negatio suæ cause. Privatio vero est a causa agente, sed tamen deficere in sua actione, vel producendo aliquid secundario ex sua principali actione.

Ratio autem huius differentie est, quia per simplicem negationem, non remouetur aliquid ab aliquo subiecto, quod debeat ei inesse, & non inest, & ideo negatio simplex cause, absque aliqua actione, potest esse causa simplicis negationis, non alium enim, cum non significet aliquid,

quod debeat alicui inesse, & non inest, ex simplici negatione cause albedinis causatur. Privatio autem significat negationem alicuius habitus ab aliquo, cui debet inesse, & non inest, & cum id, quod debet inesse alicui, non absit ab illo, nisi per aliquam causam impediendam, hinc fit, ut privatio debeat necessario habere causam agentem, quæ in sua actione deficiat, vel quod ex sua actione sequatur aliquid aliud præter principalem effectum: quia enim cæcitas est privatio luminis ab oculo, cui naturaliter inesse debet lux, ideo ad tollendam lucem ab oculo, necesse est, ut aliqua causa agat, & ex sua actione sequatur cæcitas.

Ex quibus omnibus patet maior, scilicet quod Inordinatio, quæ non est simplex negatio, sed privatio, habeat causam agentem, ex cuius actione per accidens sequatur huiusmodi privatio.

Et confirmatur conclusio. quia Solet dici, quod malum, quod in quadam privatione consistit, habet causam agentem, vel deficientem, per accidens.

3. Conclusio. Causa per accidens inordinationis peccati, est causa, quæ per se est causa actus peccati.

Prob. Causa per accidens reducitur ad causam per se. Sed Causa inordinationis actus peccati est causa per accidens, Causa vero actus peccati est causa per se. Ergo Causa inordinationis peccati est ipsamet, quæ est causa actus peccati.

4. Conclusio. Causa actus peccati per se, & inordinationis actus per accidens, est voluntas carens directione regulæ rationis, & legis diuinæ, intendens aliquod bonum commutabile.

Manifestatur, quia Voluntas ex hoc, quod intendit aliquod bonum, est causa actus peccati, ex hoc autem, quod intendit absque ordine rationis, & legis diuinæ, est causa inordinationis ipsius actus per accidens, & præter intentionem.

Ad Argumenta.

Ad 1. Dicitur ad maiorem, quod Malum non habet causam per se, sed per accidens, ut in corpore ostensum est. Malum enim non significat ipsam puram negationem boni, sed actum sub tali privatione, quæ habet rationem mali, quæ privatio habet causam agentem, per accidens tamē, ut dictum est.

Ad 2. Negatur maior. Ad probationem dicitur, quod Illa definitio causa scilicet, quod causa sit, ad quam de necessitate sequitur effectus, nõ verificatur de quacunque causa, sed solum de causa sufficienti, non impedita: si autem causa

sit impedita, non ex necessitate sequitur effectus, propter impedimentum superueniens, & hoc est necessarium dicere, quia alioquin omnes effectus essent ex necessitate, ut patet 6. Met. tex. 5. quamvis igitur peccatum habeat causam, non tamen est ex necessitate, quia peccatum est à tali causa, cuius effectus potest impediri.

Ad 3. Negatur minor. Peccati enim causa est bonum cum absentia alterius boni, est enim voluntas cum absentia debiti ordinis, vel regulæ, ut dictum est in corpore.

A R T I C V L V S II.

Vtrum Peccatum habeat causam interiorem.

Pro Negativa.

Videtur, quod Peccatum non habeat causam interiorem.

1. Si peccatum haberet causam interiorem, sequeretur, quod semper homo peccaret, quod est inconueniens.

Conseq. prob. quia Posita causa ponitur effectus. Sed si peccatum haberet causam interiorem, semper talis causa poneretur, quia id, quod interius inest alicui, semper inest ei. Ergo Si in homine esset causa interior peccati, semper peccaret.

2. Interiores inordinati motus hominis sunt peccatum. Ergo Non sunt causa peccati.

Conseq. probatur. quia Idem non est causa sui ipsius.

3. Si peccatum habeat causam interiorem in homine, aut illud interius est naturale, aut voluntarium. Sed Neutrum potest dici. Ergo Peccatum non habet causam interiorem.

Maior prob. quia Quidquid est intra hominem, aut est naturale, aut est voluntarium.

Minor prob. quo ad utramque partem. Et primo quo ad primam. Peccatum est contra naturam, ut Dam. dicit lib. 2. cap. 4. Ergo Quod est naturale, non potest esse causa peccati.

Quo ad secundam. quia Voluntarium, aut est ordinatum, & tunc non potest esse causa peccati, cum peccatum sit actus inordinatus, aut est inordinatum, & tunc est ipsum peccatum, & non causa peccati, & sic nullum intrinsecum potest esse causa primi peccati.

Pro Affirmativa.

August. lib. de duab. animab. c. 10. dicit. quod Voluntas est causa peccati. Ergo Peccatum habet causam interiorem.

Determinatio.

1. Conclusio. Peccati habet causam interiorem remotam, quæ est sensus, & appetitus sensitivus, & causam proximam, quæ est ratio, & voluntas.

Prob. præsupponendo vnum, scilicet quod causa peccati oportet accipere, ex parte actus peccati, & hoc, quia ut art. præced. dictum est, Causa per se actus peccati, est causa per accidens in ordinationis ipsius actus. Vnde tota causalitas peccati est ex parte actus.

Tunc prob. Conclusio. Actus humanus habet causam interiorem remotam, scilicet sensum, & appetitum sensitivum, & proximam, scilicet rationem, & voluntatem. Sed Peccatum est quidam humanus actus.

Ergo Peccatum habet causam interiorem remotam, & propinquam.

Maior Manifestatur. Causa enim immediata actus humani est voluntas, & ratio: quia Actus humani sunt ab homine, quatenus est liberi arbitrii, quod includit rationem, & voluntatem. Sensus vero, & appetitus sensitivus sunt causa remota, siue mediata, quia sicut ex iudicio rationis voluntas mouetur ad aliquid secundum rationem, ita ex apprehensione sensus appetitus sensitivus in aliquid inclinatur, quæ quidem inclinatio interdum trahit voluntatem, & rationem, ut infra patebit, quæst. 77. art. 1. & propterea sensus, & appetitus sensitivus mediate ad actum humanum causandum concurrunt.

Sic igitur possunt esse quatuor causæ interiores actus peccati, duæ remotæ, scilicet Apprehensio sensus, & hæc est remotissima. Appetitus sensitivus, & hæc est minus remota. Et duæ proximæ, scilicet ratio, & voluntas, quæ est proximior ratione.

2. Conclusio. Quamuis ad peccatum causandum possint concurrere sensus, appetitus sensitivus, ratio, & voluntas, tamen sola voluntas est causa completiua actus peccati. Cæteræ vero, sunt causæ solum dispositiue, proximæ, vel remotæ.

Manifestatur hæc conclusio ex ordine, quæ habent huiusmodi causæ ad obiectum peccati. Dictum est enim art. præced. quod Obiectum peccati est bonum apparens, motiuum, cum defectu debite regulæ rationis, vel legis diuinæ. Hoc igitur bonum apparens, primo apprehenditur à sensu, secundo in illud inclinatur appetitus sensitivus, quod autem careat regula, pertinet ad rationem non considerantem debitam regulam, & tandem voluntas inclinatur in tale inordinatum bonum, & hoc est complementum actus peccati, ita ut peccatum non compleatur in apprehensione

sione sensus, nec in inclinatione appetitus sensitui, nec in inconsideratione regulæ, hæc enim omnia disponunt ad peccatum, sed perficitur solum ultimo voluntatis actu, qui, suppositis prædictis dispositionibus, habet rationem peccati.

Ad Argumenta.

Ad 1. Negatur consequ. Ad maiorem probationis dicitur, quod posita causa in actu, ponitur effectus, non autem posita causa solum in potentia. Tunc negatur minor, nam licet principium intrinsecum in potentia semper inest, tamen principium in actu non semper inest. Ipsa enim potentia voluntatis, est causa peccati in potentia, sed reducitur ad actum per motus præcedentes, & sensitiui partis primo, & rationis consequenter. Ex hoc enim quod aliquid proponitur, ut appetibile secundum sensum, & appetitus sensitivus inclinatur in illud, ratio interdu cessat a consideratione debite regulæ, & sic voluntas pro ducit actum peccati: quia igitur huiusmodi motus præcedentes non semper sunt in actu, neque peccatum semper est in actu.

Inest igitur homini semper causa peccati in potentia, non autem in actu, & ideo non semper homo necessario peccat.

Ad 2. Dicitur ad antec. quod non omnes motus interiores sunt de substantia peccati, quod consistit principaliter in actu voluntatis, sed quidam præcedunt, & quidam consequuntur actum peccati, sunt igitur in homine quidam motus, qui non sunt ipsa peccata, sed peccatorum causa.

Ad 3. Negatur minor quo ad primam partem præcipue. Causa enim interior, sicut potentia producat actum peccati, est naturalis. Motus etiam sensitivæ partis, ex quo sequitur peccatum, est naturalis, sicut cum per appetitum cibi aliquis peccat. Efficitur autem peccatum in naturale ex hoc ipso, quod deficit naturalis regula, scilicet rationis, quam homo secundum naturam suam debet attendere, & in hoc sensu intelligenda est sententia Damasceni in probatione primæ partis minoris inducta, scilicet quod peccatum est contra naturam, non ratione principii, sed ratione carentiæ debite regulæ, quam homo naturaliter debet attendere.

ARTICVLVS III.

Vtrum Peccatum habeat causam exteriorem.

Pro Negativa.

V Idetur, quod Peccatum non habeat causam exteriorem.

1. Actus voluntarius non habet causam exteriorem. Sed Peccatum est actus voluntarius. Ergo Peccatum non habet causam exteriorem.

Maiores prob. quia Voluntaria sunt eorum, quæ sunt in nobis, & ita non habent exteriorem causam.

2. Peccatum in rebus naturalibus nunquam accidit, nisi ex aliqua interiori causa, ut sunt monstrosi partus, qui proueniunt ex corruptione aliquius principij interioris. Ergo Neque in moribus potest consurgere peccatum, nisi ex interiori causa.

Consequ. prob. quia Sicut natura est principium interius, ita etiam voluntas.

3. Si peccatum haberet causam exteriorem, sequeretur, quod quanto plura essent motiua exteriora ad peccandum, tanto maius esset peccatum, quod est falsum. Ergo Peccatum non habet exteriorem causam.

Consequentia probatur. quia Multiplicata causa, multiplicatur effectus. Et ideo si aliqua exteriora essent causa peccati, multiplicatis talibus causis, multiplicaretur effectus, scilicet peccatum.

Falsitas prob. quia Quanto plura sunt, & maiora exterius inducentia ad peccandum, tantominus id, quod quis inordinate agit, ei imputatur ad peccatum.

Pro Affirmativa.

Num. 31. dicitur. Nonne istæ sunt, quæ deciperunt filios Israel, & præuicari vos fecerunt in Domino super peccato Phogor? Ergo Aliquid exterius potest esse causa faciès peccare.

Determinatio.

Distinctio. Aliquod extrinsecum potest esse causa peccati tripliciter. Primo, quia mouet immediate ipsam voluntatem. Secundo, quia mouet rationem. Tertio, quia mouet appetitum sensitivum.

Manifestatur hæc distinctio, & eius sufficientia. Nam ut dictum est art. præced. Causa interior peccati est voluntas, vt perficiens actum peccati, Ratio quantum ad carentiam debite regulæ, & Appetitus sensitivus inclinans ad peccatum. Vnde si sit aliqua causa exterior peccati, necesse est, ut huiusmodi causa exterior moueat aliquod horum, scilicet Voluntatem, Rationem, vel Sensitivum appetitum.

Motuum voluntatis ab extrinseco est solus Deus, vt dictum est quæst. 9. art. 6.

Motum rationis est aliquis persuadens aliquid, puta homo, vel Angelus bonus, vel malus.

Moti-

Motuum vero appetitus sensitui sunt exteriora sensibilia. Vnde si sit aliqua causa exterior peccati, erit vel Deus mouens voluntatem ad peccandum, vel Homo, aut Angelus bonus, vel malus persuadens peccatum rationi, vel tandem erunt bona sensibilia inclinancia sensitiuum appetitum, ad peccandum.

1. Conclusio. Peccatum nullam habet causam exteriorem mouentem voluntatem ad peccandum.

Prob. Deus non potest esse causa peccati. Sed Voluntas effectiue mouetur a solo Deo, vt dictum est quest. 9. art. 6. Ergo Voluntas a nullo exteriori mouetur ad peccandum.

2. Conclusio. Peccatum habet causam exteriorem mouentem rationem, vel appetitum sensitiuum, aliquammodo, non tamen quae sufficienter ad peccandum inducat.

Manifestatur. quia Licet homo, vel demon possint, persuadendo rationem, ad peccandum hominem inducere, & exteriora sensibilia, appetitum sensitiuum ad se possint inclinare, tamen neque persuasio exterior in rebus agendis ex necessitate mouet rationem, neque etiam res, exterius proposita ex necessitate mouet appetitum sensitiuum, nisi forte aliquo modo dispositum, & tamen dato, quod res sensibiles mouant appetitum efficaciter, non tamen ipse appetitus ex necessitate mouet rationem, & voluntatem. Ergo Nulla est causa exterior sufficienter inducens ad peccandum, sed causa sufficienter complens peccatum, est sola voluntas.

Ad Argumenta.

Ad 1. Dicitur, quod Argumentum concludit, actum peccati non habere causam exteriorem, sufficienter inducentem voluntatem ad peccandum, cum quo stat, vt habeat eam aliquammodo, vt dictum est.

Ad 2. Conceditur totum, est enim peccatum ex interiori causa, per hoc tamen non excluditur, quin possit etiam esse ex exteriori causa, modo dicto.

Ad 3. Negatur conseq. Ad probationem dictam, quod multiplicata causa exteriori peccati, multiplicatur quidem actus peccati, non tamen augetur grauitas peccati. Vnde erunt plura peccata, non tamen grauiora.

A. R. T. I. C. V. L. V. S. I. V.

Vtrum Peccatum sit causa peccati.

Pro Negatiua.

Videtur, quod Peccatum non sit causa peccati.

1. Si peccatum esset causa peccati, aut esset causa finalis, aut efficiens, aut formalis, aut materialis. Sed Peccatum non est causa peccati in genere cause finalis, nec efficientis, nec formalis, nec materialis. Ergo Peccatum non est causa peccati.

Maiores patet. quia Tantum sunt illa quatuor genera causarum.

Minor prob. quod ad singulas partes. Et quo ad primam, quod non possit esse causa finalis sic.

Quod de sua ratione est malum, non potest esse finis, qui habet rationem boni. Sed Peccatum habet rationem mali. Ergo Peccatum non potest esse causa finalis.

Quod non sit causa efficiens. Illud, quod est infinitum, & impotens, non potest esse causa agens. Sed Malum est infirmum, & impotens, vt Dion. dicit 4. cap. de diu. nom. Ergo Malum non potest esse causa agens.

Quod non sit materialis, nec formalis. Quod habet causam materiale, & formalem, componitur ex materia, & forma. Sed Malum non componitur ex materia, & forma. Ergo Malum non habet causam materiale, nec formalem.

Minor prob. quia Esse compositum ex materia, & forma, conuenit solum naturalibus corporibus.

2. Quod est imperfectum, non potest causare sibi simile. Sed Peccatum est imperfectum de sui ratione. Ergo Peccatum non potest causare peccatum sibi simile.

Maiores prob. quia Facere sibi simile, est rei perfectae, vt dicitur 4. Metheor.

3. Si peccatum esset causa peccati, esset processus in infinitum in causis peccatorum, quod est inconueniens.

Conseq. prob. quia Eadem ratione qua hoc peccatum est, causa huius peccati, aliud esset causa alterius, & sic in infinitum.

Pro Affirmatiua.

Greg. dicit Homil. 1. super Ezech. Peccatum, quod per poenitentiam citius non deletur, peccatum est, & causa peccati.

Determinatio.

1. Conclusio. Peccatum potest esse causa peccati.

Prob. Vnus actus humanus potest esse causa alterius. Sed Peccatum, vt ei competit habere causam, est actus humanus. Ergo Peccatum potest esse causa peccati.

2. Conclusio. Peccatum potest esse causa peccati in genere cause efficientis, in genere cause finalis, in genere cause materialis, & formalis.

Prob.

Prob. quo ad singulas partes. Et quod sit in genere causa efficientis ostenditur, præmittendo, quod aliquid potest esse causa efficiens dupliciter. scilicet per se, & per accidens: sicut causa motus grauis per se est generans, per accidens verò est reinouens prohibens.

Prob. igitur primo, quod Vnum peccatum possit esse causa per accidens alterius peccati, secundo, quod possit esse causa per se.

Primum sic ostenditur. Illud, per quod homo amittit ea, per quæ retrahatur à peccato, est causa per accidens, vt homo incidat in peccatum. Sed Per vnum peccatum amittuntur ea, per quæ homo retrahatur à peccato. scilicet Gratiâ, Verecundia, Charitas, vel quodcunque aliud simile. Ergo Vnum peccatum est causa per accidens alterius peccati.

Quod Peccatum sit causa efficiens alterius, per se, ostenditur. Illud, per quod homo disponitur ad facilius committendum aliud peccatum, est causa per se peccati. Sed Per vnum peccatum homo disponitur, ad facilius committendum aliud peccatum. Ergo Peccatum per se est causa alterius peccati.

Minor prob. quia ex actibus causantur dispositiones, & habitus inclinant ad similes actus. Vnde ex vno actu peccati causantur dispositiones, & habitus inclinant in similes alios actus.

Secundum genus causæ materialis, vnum peccatum est causa alterius, in quantum præparat ei materiam, sicut peccatum auaritiæ præparat materiam litigio, quod plerumque est de diuitijs congregatis.

Secundum vero genus causæ finalis, vnum peccatum est causa alterius, in quantum propter finem vnius peccati aliquis committit aliud peccatum, sicut aliquis committit Symoniam propter finem ambitionis, vel fornicationem, propter furtum.

Et quia finis dat formam in moralibus, vt dictum est, quæst. 1. art. 3. ex hoc etiam sequitur, quod vnum peccatum sit causa formalis alterius. In actu enim fornicationis, quæ propter furtum committitur, est quidem fornicatio sicut materiale, furtum verò sicut formale.

Ad Argumenta.

Ad 1. Negatur minor, quo ad omnes partes. Est enim peccatum vnum causa alterius in genere causæ efficientis, formalis, finalis, & materialis, vt dictum est. Ad probationem singularum particularum dicitur, quod peccatum confide-

ratur dupliciter. scilicet ex parte actus, & ex parte inordinationis. Ex parte inordinationis habet rationem mali, & propterea non potest esse finis, est enim infirmum, & impotens, & ideo non est efficiens, tamen ex parte actus habet rationem boni, saltem apparentis, & ideo potest esse efficiens, & finis, & per consequens forma, vt dictum est. Materiam autem habet peccatum, non ex qua, sed circa quam.

Ad 2. Dicitur ad minorem, quod peccatum est imperfectum, imperfectione morali ex parte inordinationis, sed ex parte actus potest habere perfectionem naturæ, & secundum hoc potest esse causa peccati.

Ad 3. Negatur consequens. Non enim omnis causa peccati est peccatum. Vnde non oportet vt procedatur in infinitum, sed potest perueniri ad aliquod peccatum, cuius causa non sit aliud peccatum.

DE CAUSIS PECCATI in speciali.

Deinde considerandum est de causis peccati in speciali, &

Primo de causis interioribus, à quæst. 76. vsque ad 78. inclus.

Secundo de Causis exterioribus, à quæst. 79. vsque ad 83. inclus.

Tertio de Peccatis, quæ sunt causa aliorum peccatorum, in quæst. 84.

Prima Consideratio erit tripartita. Nam Primo Agitur de ignorantia, quæ est causa peccati ex parte rationis quæst. 76.

Secundo de Infirmitate, seu passione, quæ est causa peccati ex parte appetitus sensitiui, q. 77.

Tertio de Malitia, quæ est causa peccati ex parte voluntatis. quæst. 78.

QVÆSTIO LXXVI.

DE CAUSA PECCATI ex parte rationis, quæ est ignorantia.

ARTICVLVS I.

Vtrum Ignorantia possit esse causa peccati.

Pro Negatiua.

Videretur, quod Ignorantia non possit esse causa peccati.

1. Non ens non potest esse causa peccati. Sed Ignorantia est non ens. Ergo Ignorantia non est causa peccati.

Maior prob. quia Quod non est, nullius est causa.

2. Quod respicit auersionem, non est causa peccati. Sed ignorantia respicit auersionem. Ergo Ignorantia non est causa peccati.

Maior prob. quia Causæ peccati accipiendæ sunt, ex parte cōuersionis, ut patet ex dictis, quæstio. 7. art. 1.

3. Quod consistit in voluntate, non potest causari ab ignorantia. Sed Peccatum in voluntate consistit, ut dictum est quæst. 7. art. 1. Ergo Peccatum non causatur ab ignorantia.

Maior prob. quia Voluntas, cuius obiectum semper est bonum apprehensum, non fertur nisi in bonum cognitum.

Pro Affirmatiua.

August. lib. de natura & gratia dicit, quod quidam per ignorantiam peccant.

Determinatio.

Distinctio. Secundum Phil. 8. Phys. t. 27. causa mouens est duplex. Vna per se, alia per accidens. Per se quidem est, quæ propria virtute mouet, sicut generans est causa mouens gratia, & leuia. Per accidens est illa, quæ mouet, quatenus remouet prohibens, vel ipsa remotio prohibentis.

1. Conclusio. Ignorantia potest esse causa actus peccati in genere causæ efficientis, siue motiua, non quidem per se, sed per accidens.

Prob. Priuatio eius, quod prohibet actum peccati, est causa actus peccati per accidens. Sed Ignorantia est priuatio eius, quod prohibet actum peccati. Ergo Ignorantia est causa per accidens actus peccati.

Maior patet ex facta declaratione, Causa enim quæ remouet prohibens, est causa motus per accidens.

Minor prob. quia Ignorantia est priuatiua scientiæ, quæ prohibet actum peccati, quatenus ratio perfecta per scientiā bene dirigit humanos actus.

2. Conclusio. Causa actus peccati potest esse ignorantia, non solum vniuersalis principij, sed etiam singularis circumstantiæ.

Manifestatur. Pro quo est sciendum, quod ratio secundum duplicem scientiam est directiua humanorum actuum, scilicet secundum scientiam vniuersalem, & secundum scientiam particularem. Conferens enim ratio de rebus agendis, videtur quodam syllogismo, cuius conclusio est iudicium, seu electio, vel operatio, & quia actiones

functiō singularibus, conclusio syllogismi operatiui, semper est singularis. Et iterum, quia singularis propositio non concluditur ex vniuersali, nisi mediante aliqua propositione singulari. Hinc fit ut ad prohibitionem actus mali concurrat scientia vniuersalis principij, & etiam singularium circumstantiarum: sicut ad prohibendum actum patricidij, duplex scientia concurrat. Prima est notitia istius principalis principij, quod est, Patrem non esse occidendum. Secundo concurreat notitia singularis circumstantiæ, scilicet hūc esse patrem, & ex his duobus concluditur, quod iste non debet occidi. Vnde patet, quod Actus homicidij prohibetur ex notitia vniuersali, & ex scientia particulari, ex quibus formaliter probatur conclusio.

Priuatio Scientiæ, quæ prohibet actum peccati, est causa actus peccati per accidens. Sed Scientia tum vniuersalis, tum particularis, potest prohibere actum peccati, ut ostensum est. Ergo Ignorantia priuans scientiam, tum vniuersalem, tum particularem, potest esse causa actus peccati.

3. Conclusio. Non quælibet ignorantia remouens scientiam, siue vniuersalem, siue particularem, est causa actus peccati, sed solum illa, quæ remouet scientiam prohibentem actum peccati.

Manifestatur. Pro quo est considerandum, quod scientia non semper prohibet actum peccati, est enim voluntas alicuius aliquando taliter disposita ad actum peccati, quod etiam si sciatur, illud non esse faciendum, tamen facere intendit; si autem filius, qui odio habet patrem, etiam si sciatur, malum esse patrem ipsum occidere, & sciatur hunc esse patrem, tamen vult ipsum occidere, tunc scientia non prohibet patricidium, sed cum scientia stat etiam voluntas committendi actum peccati. In hoc casu ignorantia non est causa actus peccati. Sicut si filius habens voluntatem occidendi patrem, emittens sagittam contra patrem, non tamen sciens esse patrem, sed credens se emittere sagittam contra ceruum, huiusmodi ignorantia non est causa intersectionis paternæ, sed malum huius actus est ex peruersa voluntate. Vnde in hoc casu peccat quidem ignorans, ut dicitur 3. Ethic. ca. 1. Sed non ex ignorantia, quia, supposita scientia, non prohiberet actum peccati. Filius enim putans interficere ceruum, habebat voluntatem occidendi patrem, etiam si sciisset eum, quæ putabat esse ceruum, esse patrem, nihilominus occidisset eum.

Ex his tribus conclusionibus constat una tantum conclusio, quæ est.

Ignorantia tum principij vniuersalis, tum circumstantiæ particularis, potest esse causa motus actus peccati, non quidem per se, sed per accidens. Nec semper, sed solum quando scientia, quæ per

ignorantiam remouetur prohibebat actum peccati.

Ad Argumenta.

Ad 1. Negatur maior. Ad probationem dicitur, quod non ens non potest esse causa alicuius per se, potest tamen esse causa per accidens, sicut remotio prohibentis.

Ad 2. Dicitur ad minorem, quod ignorantia respicit peccatum ex parte conuersionis, non qui dem per se, sed per accidens.

Ad 3. Negatur maior. Ad probationem dicitur, quod in illud, quod est omnino ignotum, non potest ferri voluntas, sed si aliquid est secundum aliquid notum, & secundum aliquid ignotum, potest voluntas illud velle, & hoc modo ignorantia est causa peccati: sicut cum aliquis scit hunc, quem occidit, esse hominem, sed nescit eum esse patrem: vel cum aliquis scit, aliquem actum esse delectabilem, nescit tamen eum esse peccatum.

ARTICVLVS II.

Vtrum Ignorantia sit peccatum.

Pro Negatiua.

Videtur, quod Ignorantia non sit peccatum.

1. Peccatum importat aliquem actum interiore, vel exteriori. Sed Ignorantia non importat aliquem actum, neque interiore, vel exteriori. Ergo Ignorantia non est peccatum.

Maiores prob. quia Peccatum est dictum, vel factum, vel concupitum contra legem Dei, ut dictum est ex Aug. quaest. 71. art. 6.

2. Priuatio gratiæ non est peccatum, sed magis pœna quædam, consequens peccatum.

Ergo Multo minus ignorantia, quæ est priuatio scientiæ, est peccatum.

Conseq. prob. quia Peccatum directius opponitur gratiæ, quam scientiæ.

3. Si ignorantia est peccatum, hoc non est nisi in quantum est voluntaria. Sed Si ignorantia sit peccatum, in quantum est voluntaria, videtur peccatum in ipso actu voluntatis consistere, magis quam in ignorantia. Ergo In ignorantia non erit peccatum, sed magis aliquid consequens ad peccatum.

4. Omne peccatum tollitur per pœnitentiam, quo ad reatum, & per consequens quo ad actum, excepto solo peccato originali, qd remanet quo ad actum, delecto reatu. Sed Ignorantia non tollitur per pœnitentiam, quo ad actum. Sed delecto solum per pœnitentiam reatu, remanet actus. Ergo Ignorantia non est peccatum, nisi forte originale.

5. Si ignorantia esset peccatum, sequeretur, quod ignorans continue peccaret. Sed Hoc est falsum. Ergo Ignorantia non est peccatum.

Conseq. prob. Si ignorantia esset peccatum, quantum remaneret ignorantia in homine, tãdiu actus peccaret. Sed Continue manet ignorantia in ignorante. Ergo Ignorans continue peccaret.

Falsitas consequentis prob. quia Sic ignorantia esset grauissimum peccatum.

Pro Affirmatiua.

Quod meretur pœnam, est peccatum. Sed Ignorantia meretur pœnam. Ergo Ignorantia est peccatum.

Minor prob. quia 1. Cor. 14, dicitur. Si quis ignorat, ignorabitur.

Determinatio.

Differentia inter nescientiam, & ignorantiam.

Ignorantia in hoc a nescientia differt, quod nescientia dicit simpliciter scientiæ negationem. Vnde cuiusque deest aliquarum rerum scientia, potest dici nescire illas. Ignorantia importat scientiæ priuationem, dum scilicet alicui deest scientia eorum, quæ aptus natus est scire.

1. Distinctio. Ea, quæ aliquis aptus natus est scire, sunt in duplici differentia. Quædam enim tenentur scire, & hæc sunt illa, sine quorum scientia, non potest suum debitum actum recte exercere. Vnde omnes communiter tenentur scire ea, quæ sunt fidei. Vniuersalia iuris præcepta. Singuli autem ea, quæ ad eorum officium spectant, ut Episcopus ea, quæ ad officium Episcopale. Et Sacerdos, quæ ad officium sacerdotale, & sic de alijs. Quædam vero sunt, quæ licet homo possit scire, tamen non tenetur scire, ut sunt Theorematia geometriæ, & contingentia particularia, nisi in casu, puta quando quis prociere vult lapidem, tenetur scire, si quis transeat per viam, ne eum offendant.

2. Distinctio. Ex quibus sequitur, quod duplex sit ignorantia. Vna, quæ est priuatio scientiæ illarum rerum, quæ homo potest, & tenetur scire. Altera est priuatio scientiæ illarum rerum, quæ homo non tenetur scire.

3. Distinctio. Sed vtrique hæc ignorantia duplex est. Quædam est vincibilis, & quædam est inuincibilis. Vincibilis dicitur, quando quis ignorat aliqua, tamē adhibito aliquo studio, aut diligētia facilliter ea scire potest, ut si rusticus

Christianus vivens in terris Christianorum, ignoret præcepta decalogi, articulos fidei, aut dominicam orationem, vel furtum esse peccatum, habet ignorantiam vincibilem, quia facilius hæc scire potest, eundo ad ecclesiam, consulendo doctos, & sui ususmodi, & etiam si Dominicanus religiosus ignoret Philosophiam, habet ignorantiam vincibilem, eorum, quæ absolute scire non tenentur, quia cum sint lectores docentes Philosophiam, potest ipse lectiones audire. Ignorantia autem invincibilis, est quando quis aliquid quia ignorat, & adhibita diligentia, & studio sibi possibili, ea scire non potest. Sicut illi, qui nati, & nutriti sunt inter infideles, nec aliquid audiverunt, aut audire poterunt de evangelio, ignorantiam, quam habet de rebus nostræ fidei, est in vincibilis. Et similiter rusticus, qui nunquam audivit, nec audire potest aliquos docentes Philosophiam, habet in vincibilem ignorantiam am Philosophiam, sicut etiam quando quis omni adhibita diligentia, interitum vitulum alterius, putans occidere suum, vel dormit cum uxore alterius, putans dormire cum sua, habet ignorantiam in vincibilem horum singularium contingentium.

Habet igitur in specie quadruplex ignorantia.

Prima est ignorantia vincibilis eorum, quæ scire tenemur.

Secunda est ignorantia vincibilis eorum, quæ scire non tenemur.

Tertia est ignorantia Invincibilis eorum, quæ scire tenemur.

Quarta est ignorantia Invincibilis, eorum quæ scire non tenemur.

1. Conclusio. Nescientia nullum est peccatum. Prob. Quod ponitur in Angelis bonis, non est peccatum. Sed Nescientia ponitur in Angelis bonis, per Dion. de Cyl. Hier. c. 7. Ergo Nescientia nullum est peccatum.

2. Conclusio. Ignorantia vincibilis de his, quæ scire tenemur, est peccatum.

Prob. Quicumque negligit habere, vel facere id, quod tenetur habere, vel facere, peccat peccato omissionis propter hanc negligentiam. Sed Qui habet scientiam vincibilem de his, quæ tenetur scire, negligit scire, quod scire debet. Ergo Habes ignorantiam vincibilem de his, quæ scire tenetur, peccat peccato omissionis propter negligentiam.

3. Conclusio. Ignorantia in vincibilis de his, quæ scire tenetur, non imputatur ignorantia ad peccatum.

Prob. Quod imputatur alicui ad peccatum, debet esse voluntarium. Sed Ignorantia in vincibilis, non est voluntaria, cum studio superari non possit.

Ergo Ignorantia in vincibilis, de his, quæ quis scire tenetur, non imputatur ei ad peccatum.

4. Conclusio. Ignorantia eorum, quæ quis scire non tenetur, siue sit vincibilis, siue sit in vincibilis, non est peccatum nisi in casu.

Prob. quia Qui omittit facere, quod facere non tenetur, vel habere, quod habere non tenetur, non omittit facere aliquid sibi debitum, & inde nulla negligentia, quæ sit peccatum, intervenire potest. Rusticus enim omittens studere Metaphysicæ nullum peccatum committit.

Manifestatur ultima particula. Nam quamvis aliquis non tenetur scire, an aliquis transeat per viam, vel an aliquis lateat in saltu, tamen volens projicere lapidem per fenestram, vel volens emittere sagittam in saltu, tenetur scire, an transeat homo per viam, vel aliquis lateat in saltu, an lapide, vel sagitta quemquam offendat.

Ad Argumenta.

Ad 1. Negatur maior. Ad probationem dicitur, quod sicut supra dictum est, in hoc quod dicitur in distinctione peccati, dictum, vel factum, vel concupitum, sunt intelligenda etiam negationes oppositæ, secundum quod omisio habet rationem peccati, & ita negligentia, secundum quam ignorantia est peccatum, continetur sub prædicta distinctione peccati, in quantum præferuntur aliquid, quod debuit dici, vel fieri, vel concupisci ad scientiam debitam acquirendam.

Ad 2. Dicitur dupliciter. Primo ad antecedens, quod est privatio gratiæ secundum se non sit peccatum, tamen ratione negligentia præparandi se ad gratiam, potest habere rationem peccati, sicut & ignorantia.

Dicitur secundo negando consequentiam. Non enim est eadem ratio, quo ad hoc de gratia, & scientia. Homo enim potest aliquam scientiam acquirere per suos actus, & ideo si negligat, potest esse, ut peccet peccato ignorantie. Gratia vero non acquiritur ex operibus nostris & ideo eius privatio non est peccatum, sed peccati poena.

Ad 3. Dicitur, quod sicut in peccato transgressionis, peccatum non consistit in solo actu voluntatis, sed etiam in actu volito, qui est imperatus a voluntate, ita in peccato omissionis, non solum actus voluntatis est peccatum, sed etiam ipsa omisio inquantum est aliquammodo voluntaria, & hoc modo ipsa negligentia sciendi, vel etiam ipsa inconsideratio est peccatum.

Ad 4. Dicitur ad minorem, quod licet transiente ratu per penitentiam, remaneat ignorantia, ut est privatio scientiæ, non tamen remanet negligentia, secundum quam ignorantia

peccatum dicitur, nam si post penitentiam remaneret negligentia, non esset deletum peccatum aliquo modo.

Ad 5. Negatur conseq. Ad probationem dicitur, quod sicut in alijs peccatis omissionis, solo illo tempore homo actu peccat, pro quo præceptum affirmativum obligat: ita est etiam de peccato ignorantie, non enim continuo ignorans actu peccat, sed solum quando est tempus acquirendi scientiam, quam habere tenetur.

ARTICVLVS III.

Vtrum Ignorantia excuset a toto peccato.

Pro Affirmativa.

Videtur, quod Ignorantia excuset a toto peccato.

1. Quod casus involuntarium, excuset a toto peccato. Sed Ignorantia casus involuntarium, videtur esse, quæst. 6. art. 3. Ergo ignorantia totaliter excuset a peccato.

Mayor prob. quia Omne peccatum est voluntarium, ut lib. 1. retract. c. 9. Aug. dicit.

2. Secundum id, quod per accidens se habet ad actum humanum, non debet iudicari ipse humanus actus peccatum, vel virtuosus. Sed Quod fit per ignorantiam, per accidens se habet ad actum humanum. Ergo Ignorantia excuset totaliter a peccato.

Mayor patet. quia Quod per accidens se habet in actibus humanis, non dat speciem.

Minor prob. Quod præter intentionem aliquis facit, per accidens se habet ad actum. Sed Quod fit per ignorantiam, fit præter intentionem. Ergo Quod fit per ignorantiam, per accidens se habet ad actum.

Minor huius prob. quia Intentio non fertur nisi in cognitum.

3. Quod excludit id, per quod perficitur ratio, excusat a peccato. Sed Ignorantia excludit scientiam, per quam perficitur ratio. Ergo Ignorantia excuset a peccato.

Mayor prob. quia Homo est subiectum peccati, vel virtutis, in quantum est particeps rationis.

Pro Negativa.

Ea, quæ recte improbantur, sunt peccata. Sed Quædam per ignorantiam facta, recte improbantur, inquit Aug. lib. 3. de lib. arb. c. 18.

Ergo Quædam per ignorantiam facta, sunt peccata, & per consequens ignorantia non excusat a peccato.

Determinatio.

1. Distinctio. Ignorantia est duplex. Quædam est, quæ est causa actus peccati. Quædam vero, quæ non est causa actus peccati, sed ipsum concomitatur, vel consequitur. Illa ignorantia dicitur esse causa actus peccati, quæ est causa actus, qui prohiberetur a scientia, si adesset, & contrariaretur voluntati: sicut quis putans occidere ceruum in nemore, & adhibita debita diligentia, ne interficiat aliquem hominem, & tamen occidit hominem, iste actus occisionis est ab ignorantia, quia si scivisset, ibi latitare hominem, non emisisset sagittam, & postquam cognovit se hominem interfecisse, dolet, & præfente scientia, iste actus contrariatur eius voluntati. Ignorantia vero, quæ non causat actum peccati, est quæ concomitatur actum, qui quamvis ignoranter fiat, tamen non fit contra voluntatem, sed iam ad ipsum voluntas erat disposita, & postquam ignoranter factus est, complacet in conspectu si aliquis disponat occidere inimicum, ubi tunc eum invenit, & vadat ad nemus causa venandi, & putans occidere ceruum, occidit inimicum, ignorans se inimicum occidere, tunc ignorantia hæc non est causa intersectionis inimici, quia etiam si scivisset, interfecisset. Vnde qui sic interficit inimicum, interficit ignoranter, sed non ex ignorantia.

2. Distinctio. Ignorantia, quæ est causa actus peccati, est duplex: Quædam non est voluntaria. Et quædam est voluntaria. Ignorantia non voluntaria est, quando quis adhibitis debitis circumstantijs, ex ignorantia facit actum aliquem: sicut Iacob putans dormire cum Rachele, dormiit cum Lya, hoc enim factum est ex ignorantia non volita.

3. Distinctio. Et hæc ignorantia non volita, adhuc duplex est. Quædam totaliter tollit scientiam, quod actus in peccatum. Quædam vero non tollit totaliter scientiam, quod actus sit malus, sed solum tollit scientiam alicuius circumstantiæ, quæ vel aggravat, vel mutat speciem peccati. Exemplum primi, quis in nemore putans occidere ceruum, post debitam diligentiam occidit hominem. Ista ignorantia remouet omnino scientiam, quod actus iste sit malus: interficere enim ceruum, nullum est peccatum, ut sic. Exemplum secundi: Quis interficit hominem, ignorat tamen ipsum esse patrem, hæc ignorantia non tollit scientiam totaliter, ut ille interficiens ignoret hunc actum esse malum. Nam interficere hominem, de se malum est, sed tamen remouet scientiam illius circumstantiæ, scilicet quod iste

Ppp 2 homo

homo sit pater, & hic fuit casus Iudæ Patriarchæ, quando concubuit cum Thamar nuru sua. Fecit illud quidem ex ignorantia, sed tamen illa ignorantia, non tollebat scientiam, quod ille concubitus esset malus, cum non esset cum sua, sed tamen fuit cum ignorantia circumstantiæ. Ignorabat enim quod esset eius nurus.

Ignorantia voluntaria potest esse voluntaria dupliciter. Vno modo per se, & directe. Alio modo per accidens, & indirecte. Ignorantia voluta per se est, quando quis vult ignorare aliqua studiose, vt liberior peccet, de quibus dicitur Iob 21. Recede a nobis scientiam viarum, tuarum nolumus. Ignorantia uoluita indirecte, siue per accidens, est quando aliquis non eligit quidem ipsam ignorantiam, vt sic, sed propter laborem, vel alias occupationes, negligit scire, quæ scire tenetur, vel etiam quæ scire non tenetur.

4. **Distinctio.** Et hæc ignorantia est duplex. Quædam est vincibilis, & quædam inuincibilis, & quæ sit unaqueque harum, dictum est ar. præced. in corpore.

1. **Conclusio.** Ignorantia, quæ non est causa actus peccati, sed concomitatur, vel consequitur ipsum, non excusat aliquammodo a peccato.

Manifestatur. Nam qui iam est dispositus ad occidendum inimicum, vbicumque eum inuenire potuerit, etiam si ignorans interficiat, non excusatur ab homicidio.

2. **Conclusio.** Ignorantia, quæ est causa actus peccati, quantum sit ex se, habet vt excuset a peccato.

Prob. Illud, quod quantum sit ex se, facit inuoluntarium, excusat a peccato. Sed Ignorantia, ut sic, quantum sit ex se, facit inuoluntarium, ut dictum est, in duobus præced. art.

Ergo Ignorantia, ut sic, & quantum sit ex se, excusat a peccato.

Maiores prob. quia Peccatum, ideo peccatum est, quia est voluntarium. Vnde quod facit inuoluntarium, a peccato excusat.

3. **Conclusio.** Ignorantia, quæ totaliter, & inuincibiliter tollit scientiam malitiæ actus, totaliter excusat a peccato.

Sub alijs verbis. Si quis facit aliquid, quod non sciat, nec scire possit, illud esse malum, totaliter excusatur a peccato, ex tali ignorantia.

Prob. Ignorantia faciens inuoluntarium simpliciter, totaliter excusat a peccato, ut ex dictis patet. Sed Ignorantia remouens scientiam malitiæ actus, inuincibiliter, facit inuoluntarium simpliciter.

Ergo Totaliter excusat a peccato.

Minor manifestatur. Nam faciens sagittam in nemore, vt ceruum interficiat, nesciens inuincibiliter ibi latere hominem, quod si sciuisset, non iecisset sagittam, omnino inuoluntarie hominem interfecit, & sic totaliter a peccato excusatur: & mulier putans, & credens dormire cum viro suo, si alter dolose ei introducatur, quod si sciret, non permetteret, se tangi ab illo, totaliter a peccato excusatur.

4. **Conclusio.** Ignorantia non remouens totaliter scientiam malitiæ actus, sed solum scientiam alicuius circumstantiæ, etiam inuincibiliter, non excusat a peccato totaliter.

Prob. Ignorantia, quæ excusat a peccato totaliter, facit omnino inuoluntarium actum malum. Sed Ignorantia, quæ non tollit scientiam malitiæ actus, sed solum circumstantiæ, non facit simpliciter inuoluntarium.

Ergo Huiusmodi ignorantia, non excusat a peccato totaliter, sed solum a peccato, quod est ex circumstantia ignorata.

Manifestatur tota ratio. Nam interficiens voluntarie hominem, quem ignorat esse patrem, non excusatur a peccato homicidij, quia voluntarie interficit hominem, quod scit esse malum. Si uero inuincibiliter ignoret illum esse patrem, sed putat adulterum, vel inimicum, excusatur a patricidio, licet non ab homicidio.

5. **Conclusio.** Ignorantia, quæ est directe voluta, non excusat, si tamen sit de his, quæ scire tenetur, & potest scire.

Probatur Ignorantia, quæ excusat a peccato, tollit voluntarium. Sed Ignorantia voluntaria, siue affectata, non tollit voluntarium.

Ergo Ignorantia uoluntaria non excusat a peccato.

Maiores patet ex dictis sæpius, quia scilicet in tantum ignorantia excusat, in quantum facit inuoluntarium. Vnde ignorantia voluntaria non excusat.

Minor prob. quia Cum ipsa ignorantia sit voluta, vt liberior quis malefaciat, non solum ignorantia, sed etiam actus ex tali ignorantia procedentes, sunt voluntarij: qui enim non vult scire, fornicationem esse peccatum, ut liberior fornicetur, uoluntarie fornicatur, & per consequens uoluntarie peccat.

6. **Conclusio.** Ignorantia vincibilis de his, quæ tenemur scire, indirecte voluta, non excusat totaliter a peccato.

Prob. quia Negligentia, per quam quis habet hanc ignorantiam, facit ipsam ignorantiam voluntariam, & peccatum.

7. Conclusio. Ignorantia de his, quæ non tenemur scire, siue sit vincibilis, siue inuincibilis, totaliter excusat à peccato.

Manifestatur, quia Huiusmodi ignorantia, vt sic, non est peccatum, vt dictum est in præced. artic. nec causa peccati secundum se, vt etiam dictum est.

Breuius igitur colligendo omnia dicimus.

Primo, quod Ignorantia, quæ non est causa actus peccati, sed ad ipsum concomitanter, siue consequenter se habet, non excusat à peccato.

Secundo, quod Ignorantia, quæ est causa actus peccati, per se volita, seu affectata, si sit de his, quæ scire tenemur, non excusat à peccato.

Tertio, Ignorantia, quæ non totaliter tollit scientiam malitiæ actus, non totaliter excusat à peccato, sed solum à peccato, quod est ex circumstantia ignorata, si tamen ignorantia circumstantiæ sit inuincibilis.

Et ratio horum est, quia huiusmodi ignorantia, non tollit voluntarium, & per consequens nec peccatum.

Quarto, Ignorantia vt sic secundum se, dummodo non sit per se volita, & vincibilis, excusat à peccato.

Quinto, Ignorantia eorum, quæ scire non tenemur, siue sit vincibilis, siue inuincibilis, excusat à peccato, nisi in casu, quo quis tenetur scire ea, quæ extra casum non tenebatur scire, vt dictum est art. præced. de projiciente lapidem in via, vel sagittam in saltu emittente.

Et ratio horum est, quia huiusmodi ignorantia facit inuoluntarium simpliciter, & inde excusat peccatum.

Ad Argumenta.

Ad 1. Dicitur ad minorem, quod non omnis Ignorantia causat inuoluntarium, sicut supra dictum est. Vnde non omnis Ignorantia totaliter excusat à peccato.

Ad 2. Negatur minor. Ad minorem probationis dicitur, quod id, quod fit per omnimodam ignorantiam, fit præter intentionem, & talis Ignorantia excusat, vt dictum est. Si autem remanet aliqualis scientia malitiæ facti, hoc non fit præter intentionem, & est voluntarium, vt dictum est, & talis Ignorantia non excusat.

Ad 3. Dicitur ad minorem, quod si esset talis Ignorantia, quæ totaliter vsum rationis excluderet, omnino à peccato excusaretur, sicut patet in furiosis, & amentibus, non autem semper Ignorantia causans peccatum est talis, & ideo non semper totaliter excusat à peccato.

ARTICVLVS IV.

Vtrum Ignorantia diminuat peccatum.

Pro Negatiua.

Videtur, quod Ignorantia non diminuat peccatum.

1. Illud, quod est commune in omni peccato, non diminuit peccatum. Sed Ignorantia est communis omni peccato. Ergo Ignorantia non diminuit peccatum.

Minor prob. quia Phil. 3. Ethic. c. 1. dicit, quod Omnis malus est ignorans.

2. Quod est peccatum, non diminuit, sed aggrauat peccatum. Sed Ipsa Ignorantia est peccatum. Ergo Ignorantia non minuit, sed facit maius peccatum.

Maiores prob. quia Peccatum additum peccato facit maius peccatum.

3. Quod aggrauat peccatum, non minuit peccatum. Sed Ignorantia aggrauat peccatum. Ergo Ignorantia non minuit peccatum.

Maiores prob. quia Non est eiusdem aggrauare, & diminueri peccatum.

Minor prob. quia Glosa super illud Rom. 2. Ignoras quoniam benignitas Dei, &c. dicit Amb. grauissime peccas, si ignoras.

4. Ignorantia, quæ totaliter tollit vsum rationis, non solum non minuit, sed magis auget peccatum. Ergo Nulla Ignorantia minuit peccatum.

Antec. prob. quia Phil. 3. Ethic. c. 5. dicit, quod Ebrius meretur duplices maledictiones.

Conseq. prob. quia Si aliqua Ignorantia diminueret peccatum, hoc maxime videretur de illa, quæ totaliter tollit vsum rationis.

Pro Affirmatiua.

Quidquid est ratio remissionis peccati, alleuiat peccatum. Sed Ignorantia est ratio remissionis peccati. Ergo Ignorantia alleuiat peccatum.

Minor probatur. quia Apost. 1. Timot. 1. dicit. Misericordiam consequutus sum, quia ignorans feci.

Determinatio.

Fundamentum inquirendæ veritatis.

Propositio. Ignorantia in tantum potest diminueri peccatum, in quantum diminuit voluntarium. Si autem voluntarium non diminuit, nullo modo diminuet peccatum.

Prob.

Prob. Quia Omne peccatum est voluntarium. Vnde si diminuat ratio voluntarij, diminuetur peccatum, si non diminuitur ratio voluntarij, nec peccatum potest diminui.

1. **Conclusio.** Ignorantia, quæ totaliter à peccato excusat, peccatum non minuit, sed omnino aufert.

Prob. Ignorantia, quæ totaliter tollit voluntarium, totaliter aufert peccatum. Sed Ignorantia, quæ totaliter à peccato excusat, totaliter tollit voluntarium. Ergo Ignorantia totaliter à peccato excusans, non minuit, sed totaliter etiam aufert ipsum peccatum.

2. **Conclusio.** Ignorantia, quæ non est causa peccati, sed concomitanter se habet ad peccatum, non minuit, nec augeat peccatum.

Manifestatur. quia Huiusmodi ignorantia non minuit, nec augeat rationem voluntarij. Ignorantia enim eius, qui occidere credit cæcum, & occidit inimicum, quæ tamen volebat occidere, non augeat, nec minuit voluntatem occidendi inimici.

Correl. Sequitur ergo, quod sola illa ignorantia, possit peccatum minuire, quæ est causa peccati, & tamen totaliter à peccato non excusat.

Distinctio. Ignorantia, quæ est causa actus peccati, & tamen non totaliter excusat, est duplex. Quædam est, quæ est per se directe volita, sicut cum aliquis sua sponte nescit aliquid, vt liberius peccet. Quædam vero est ignorantia, quæ est causa peccati, & volita, non quidem directe, sed indirecte, vel per accidens, puta cum aliquis non vult laborare in studio, ex quo sequitur, eum esse ignorantem: vel cum aliquis vult bibere vinum immoderate, ex quo sequitur, cum inebriari, & discretionem carere.

3. **Conclusio.** Ignorantia, quæ est causa actus peccati, volita directe, non solum non minuit, sed potius augere videtur peccatum.

Prob. Ignorantia, quæ augeat voluntarium, augeat peccatum. Sed ignorantia directe volita, augeat voluntarium. Ergo Ignorantia directe volita, augeat peccatum.

Minor prob. quia Ex intentione voluntatis ad peccandum provenit, quod aliquis velit subire ignorantie damnum, propter libertatem peccandi.

4. **Conclusio.** Ignorantia indirecte, & per accidens volita, diminuit peccatum.

Prob. Ignorantia diminuens voluntarium, diminuit peccatum. Sed Huiusmodi ignorantia diminuit voluntarium. Ergo Diminuit etiam peccatum.

Minor probatur. quia Cum aliquid non cognoscitur esse peccatum, non potest dici, quod volun-

tas directe, & per se, feratur in peccatum. Vnde est ibi minor contemptus, & per consequens minus peccatum.

Aliter explicatur hic articulus.

1. **Distinctio.** Ignorantia duplex est, quædam, quæ non est causa actus peccati, sed concomitanter, vel consequenter se habet ad ipsum. Quædam, quæ est causa actus peccati.

2. **Distinctio.** Ignorantia, quæ est causa actus peccati, est duplex. Quædam, quæ est omnino involuntaria. Quædam, quæ est volita à peccante.

3. **Distinctio.** Ignorantia volita est duplex. Quædam est volita directe, Et quædam est volita indirecte.

Omnes hæc distinctiones cum suis explanationibus, & exemplis, habentur artic. præced. & breviter colliguntur hæc ignorantie species.

Prima Ignorantia, quæ non est causa actus peccati, est in eo, qui ignoranter occidit inimicum, quæ tamen determinaverat occidere.

Secunda Ignorantia, quæ est causa actus peccati, omnino involuntaria, est in eo, qui volens, & credens occidere vitulum proprium, occidit alienum, & qui putat dormire cum sua, dormit cum aliena, fraudulenter furtivum.

Tertia Ignorantia, volita directe, est in eo, qui renuit scire, vt liberius peccet, quæ est in eo, qui noluit intelligere, vt bene ageret, & in his, qui dixerunt domino. Recede à nobis, scientiam varam tuarum nolumus.

Quarta Ignorantia volita indirecte, vt qui propter laborem, vel occupationes renuit studere, vt sciat.

1. **Conclusio.** Ignorantia, quæ non est causa peccati, non minuit, nec augeat peccatum.

Prob. quia Huiusmodi ignorantia non augeat, nec minuit rationem voluntarij, vt dictum est in alia explicatione.

2. **Conclusio.** Ignorantia, quæ est causa peccati, sed est omnino involuntaria, non minuit, sed totaliter tollit peccatum.

Prob. quia Totaliter tollit rationem voluntarij.

3. **Conclusio.** Ignorantia per se, & directe volita, non minuit, sed potius augeat peccatum.

Prob. quia Non tollit, sed augeat rationem voluntarij.

4. **Conclusio.** Ignorantia volita indirecte, excusat à peccato, ipsumque minuit.

Prob. quia Minuit voluntarij rationem, cum talis ignorantia, & peccatum ex ea sequens, non sit per se volitum, cum voluntas non per se, & directe

recte feratur in illud. Vnde est minor cōtemptus, & per consequens minus peccatum.

Ad Argumenta.

Ad 1. Dicitur ad minorem, quod ignorantia, quæ est communis omni peccato, & secundum quam omnis malus est ignorans, non est causa actus peccati, sed consequens ad causam, scilicet ad passionem, vel habitum inclinantem. Vnde talis ignorantia non minuit, nec aggravat peccatū, vt dictum est.

Ad 2. Negatur maior, potest enim vnum peccatum aliud minuere, puta ebrietas potest minui re peccatum homicidij, & facere ipsum leuius, quā sit ipsa ebrietas: magis enim peccauit ebrius, se inebriando, quam occidēdo vnum, quia illud voluntarie, hoc inuoluntarie fecit. Ad probationem dicitur, quod peccatum peccato additum facit plura peccata, & non minus peccatum semper, quia forte non coincidunt in idem peccatum, sed sunt plura, & potest contingere, si primum diminuat secundum, quod ambo simul nō tantam grauitatem habeant, quantum vnum solum haberet. Sicut homicidium grauius peccatum est, si fiat à sobrio, quam ab ebrio, quamuis tunc sint duo peccata. Si enim homicidium fiat ab ebrio, minus peccatum est, quam ebrietas, vt dictum est, quia ebrietas plus diminuit de grauitate homicidij, quam sit sua grauitas. Vnde grauius peccatum est ebrietas, quam homicidium ex ea sequens.

Ad 3. Negatur minor vniuersaliter, non enim semper ignorantia aggravat peccatum, vt dictum est. Ad probationem dicitur primo, quod verbum Ambrosij potest intelligi de ignorantia simpliciter voluta, & affectata, quæ auget peccati grauitatem, vt dictum est in corpore.

Secundo dicitur, quod Verbum Ambrosij potest intelligi in genere peccati ingratitudinis, in qua summe peccatur, cum etiam beneficia non recognoscuntur.

Tertio dicitur, quod Ambrosij verbum potest intelligi de ignorantia infidelitatis, quæ ideo grauius peccatum dicitur, quia subuertit fundamentum spiritualis ædificij.

Ad 4. Negatur antecedens. Ad probationem dicitur dupliciter. Primo quod ebrius meretur duas maledictiones, quia facit duo peccata, scilicet quia inebriatur, & quia facit aliquid ex ebrietate sequens, puta homicidium, vel blasphemias profert, non tamen meretur duplicem maledictionem propter grauius peccatum, quia vnum potest aliud minuere, plusquam sit grauitas primi, vt dictum est. Maius enim peccatum est ebrietas, quam quodlibet peccatum ex ea sequens, gra-

uius enim peccauit Loth se inebriando, quam cū filiabus se commiscendo, quia, si illud voluntarie, hoc inuoluntarie fecit.

Secundo dicitur, quod illud verbum inducitur à Philosopho, secundum ordinationem cuiusdam Pytaci legislatoris, qui statuit ebrios, si percusserint, amplius puniendos, non ad veniam respiciens, quam ebrij debent magis habere, sed ad vtilitatem, quia plures ebrij percunt, quam sobrij, vt patet per Philosophum 2. Politic. circa finem.

QVÆSTIO LXXVII.

DE CAUSA PECCATI EX PARTE appetitus sensitui, scilicet passionē.

ARTICVLVS I.

Vtrum Voluntas moueatur à passione appetitus sensitui.

Pro Negativa.

Videtur, quod Voluntas non moueatur à passione appetitus sensitui.

1. Quod mouet voluntatem, debet esse obiectum voluntatis. Sed Passio appetitus sensitui non est obiectum voluntatis.

Ergo Passio appetitus sensitui non mouet voluntatem.

Maior prob. Potentia passiva non mouetur nisi à suo obiecto. Sed Voluntas est potentia actiua, & passiva simul: cum sit mouens, & mota, vt dicitur 3. de anima tex. 54.

Ergo Voluntas non mouetur nisi à suo obiecto.

Minor prob. Obiectum appetitus sensitui est bonum rationis. Sed Passio appetitus sensitui nō est bonum rationis.

Ergo Passio appetitus sensitui non est obiectum voluntatis.

2. Superior motor non mouetur à motore inferiori: sicut anima non mouetur à corpore. Sed Voluntas, quæ est appetitus rationis, comparatur ad appetitum sensituum, sicut motor superior ad inferiorem.

Ergo Voluntas non mouetur ab appetitu sensitui.

Minor probatur. quia Dicitur 3. de anima tex. 57. quod appetitus rationis mouet appetitum sensituum, sicut sphaera, mouet sphaeram.

3. Nullum immateriale potest moueri ab aliquo materiali. Sed Voluntas est potentia quadam immaterialis, appetitus vero sensituius est vis

vis materialis. Ergo Voluntas non potest moueri ab appetitu sensitivo.

Minor prob. quia Appetitus, qui est voluntas, est in ratione, quæ non vitur organo corporali, ut dicitur 3. de anima tex. 42. sensitivus vero est potentia organo corporali affixa.

Pro Affirmativa.

Dan. 13. dicitur. Concupiscentia subvertit cor tuum.

Determinatio.

Distinctio. Aliquid potest mouere aliud dupliciter. Vno modo directe. Alio modo indirecte. Illud mouet aliquid directe, quod sua virtute attingit illud, quod mouet, imprimendo aliquid in ipsum, & sic ignis directe agit in aquam, quia in ea imprimit calorem, & eam attingit propria virtute. Indirecte vero tunc mouet, quando sua virtute non attingit id, quod mouet, nec aliquid in ipsum imprimi, sed ex hoc, quod agit in aliquid aliud, sequitur motus in illo, & sic qui emittit aquas, agit aliquid in animos iurgantium, sed solum ex hoc, quod emittit aquas in aliorum loca, seu possessiones, & damnum infert, sequitur, ut domini camporum irascantur: & similiter ex hoc, quod aliquis amat amicum suum, concitat sibi odium alicuius alterius, scilicet inimici sui amici, indirecte enim mouet inimicum amici, ad sui odium, ille, qui amat amicum suum. Passionem igitur appetitus sensitivi mouere, siue trahere voluntatem ad peccandum, potest bipartiam intelligi, scilicet, ut moueat ipsam directe, aliquid in ipsam imprimendo, puta inclinationem ad peccatum: & indirecte, scilicet ex hoc, quod passio aliquid imprimit in aliquid aliud, sequatur motus voluntatis ad peccandum.

1. Conclusio. Passio appetitus sensitivi non potest directe trahere, & mouere voluntatem.

Prob. quia Solus Deus potest directe voluntatem mouere, ut dictum est quæst. 75. artic. 3. in corpore, & probatum est quæst. 9. art. 6. & prima parte, quæst. 105. artic. 4. eandem conclusionem probant omnia argumenta pro negativa industria.

Et quia Deus non est causa peccati, ut dictum est, quæst. 75. art. 3. in corpore, sequitur euidenter, quod voluntas à nullo possit directe moueri, & trahi ad peccandum.

2. Conclusio. Passiones appetitus sensitivi, possunt indirecte mouere, & trahere voluntatem ad peccandum.

Declaratur, deinde probatur. Dupliciter enim

possunt passiones appetitus sensitivi indirecte trahere voluntatem, & ipsam mouere ad peccandum. Vno modo, per hoc quod indirecte distrahant ipsam voluntatem à proprio motu, quem debet habere secundum iudicium rationis. Alio modo per hoc, quod in directe impediunt rectum rationis iudicium de obiecto ipsius voluntatis: & quod utroque hoc modo indirecte moueant voluntatem ipsæ passiones, probatur.

Primo. Ea, quæ perferunt appetitum sensitivum in suo actu, per accedens distrahunt voluntatem à proprio actu, remittendo ipsum, vel totaliter impediendo. Sed Per passiones appetitus fortificatur ipse appetitus sensitivus in suo actu, puta per passionem iræ, vehementius irascibilis operatur, & per amorem concupiscibilis est fortior in suo actu.

Ergo Passiones appetitus sensitivi per accedens remittunt, vel totaliter impediunt actum voluntatis, eamque à suo actu distrahunt.

Major manifestatur. Cum enim omnes potentie animæ in vna animæ essentia radiceantur, necesse est, quod quando vna potentia intenditur in suo actu, quod altera in suo remittatur, vel etiam totaliter impediatur, & hoc duplici ratione. Tum quia omnis virtus ad plura dispersa fit minor, unde è contrario, quando intenditur circa vnum, minus potest ad alia. Ideo intentio animæ in actu appetitus sensitivi, facit distractionem in actu appetitus rationalis. Tum quia in operibus animæ requiritur intentio, quæ dum vehementer applicatur ad vnum, non potest ad alterum vehementer intendere. Ex hoc igitur, quod passiones fortificant appetitum sensitivum per intentionem, & vehementem attentionem, sequitur, ut voluntas distrahatur à proprio actu, & trahatur ad actum appetitus sensitivi, & velit idem obiectum.

Secundo prob. Ea, quæ faciunt vehementem inordinatam apprehensionem imaginatiuæ, & forte iudicium æstimatiuæ, indirecte mouent, & trahunt voluntatem. Sed Passiones faciunt vehementem apprehensionem imaginatiuæ, & forte iudicium æstimatiuæ.

Ergo Passiones indirecte mouent ipsam voluntatem.

Major probatur, quia Vehemens apprehensio imaginatiuæ, & iudicium forte æstimatiuæ impediunt iudicium rationis rectum circa proprium voluntatis obiectum, quod est bonum apprehensum, & ut patet in amentibus, in quibus propter vehementem apprehensionem imaginationis, & forte iudicium virtutis æstimatiuæ totaliter impeditur rationis iudicium, quod sequitur appetitus rationalis.

Minor

Minor prob. quia Passiōem appetitus sensitivus, sequitur apprehensio imaginationis, & iudicium æstimativum, sicut dispositionem lingue sequitur iudicium gustus, ita ut si lingua sit male disposita, gustus indicabit dulce amarum. Cuius etiam signum est, quia videmus, quod homines in aliqua passione existentes, non facile imaginationem avertunt ab his, circa quæ afficiuntur. Unde iudicium rationis plerumque sequitur passionem appetitus sensitivi, & per consequens et motus voluntatis, qui ex se natus est sequi iudicium rationis.

Quia igitur passiones faciunt vehementem apprehensionem imaginativam, & forte iudicium æstimativum, impediunt rationem a recto iudicio, & per consequens ad sequendum iudicium æstimativum, & per hoc trahunt voluntatem ad volendum, quod sibi ratio male iudicans, proponit.

Ad Argumenta.

Ad 1. Dicitur ad maiorem, quod id, quod movet voluntatem directe, debet esse eius obiectum, sed quod movet voluntatem, solum indirecte, non est necesse, ut sit eius obiectum, sed sufficit, ut faciat aliquid in obiecto, vel in aliquo alio, ex quo sequatur aliqua mutatio in voluntate. Tunc ad minorem dicitur, quod passio appetitus sensitivi non est voluntatis obiectum, & ideo non movet directe voluntatem, tamen quia per passionem appetitus sensitivi fit aliqua mutatio circa iudicium de obiecto voluntatis, ut dictum est, ideo indirecte ipsum movere dicitur.

Ad 2. Dicitur ad maiorem, quod superior motus non movet inferius directe, potest tamen ipsum indirecte movere, ut dictum est.

Ad 3. Similiter dicitur ad maiorem, quod immateriale non potest directe movere materiale, potest tamen ipsum movere indirecte, & sic passio sensus movet voluntatem.

ARTICVLVS II.

Utrum Ratio possit superari a passione contra suam scientiam.

Pro Negativa.

Videtur, quod Ratio non possit superari a passione contra suam scientiam.

1. Fortius non vincitur debitori. Sed Scientia est fortissimum eorum, quæ sunt in nobis propter suam certitudinem. Ergo Scientia non potest vinci a passione.

2. Quando passio trahit voluntatem, atque trahit voluntatem ad id, quod est vere bonum, aut ad id, quod est solum apparet bonum. Sed siue trahat ipsam ad vere, siue ad apparet bonum, non inclinat rationem contra suam scientiam. Ergo Nunquam passio superat rationem contra suam scientiam.

Maior prob. quia Voluntas non est nisi boni, vel apparentis boni.

Minor prob. Quando enim passio trahit voluntatem ad vere bonum, manifestum est, quod non inclinat rationem contra suam scientiam, sed conformiter ad ipsam. Quando autem trahit ad apparet bonum, cum apparet bonum non sit existens bonum in rerum natura, sed solum habens esse in ratione, quatenus ut bonum, est apprehensum, sequitur, quod tunc passio non inclinet in aliquid ipsam rationem, contra suam scientiam, sed potius quod inclinat in aliquid in ipsa ratione, & in eius scientia existens.

Si dicatur, quod Passio trahit rationem scientem aliquid in vniuersali, ad hoc, ut contrarium iudicet in particulari.

3. **Contra.** Si aliquis sciens aliquid in vniuersali, iudicaret oppositum in singulari, sequeretur, quod de eodem haberet simul contrarias opiniones, quod est impossibile.

Conseq. prob. quia Propositio vniuersalis, & particularis opponuntur (si sint oppositæ) contradictorie. Ut omnis homo currit, & quidam homo non currit. Ergo Scire aliquid in vniuersali, putare omnem fornicationem esse fugiendam, & in particulari iudicare oppositum, scilicet aliquam fornicationem, vel hanc non esse fugiendam, est habere simul de fornicatione contradictorias opiniones.

4. Quicumque scit aliquid vniuersale, scit etiam particulare, quod nouit sub vniuersali contineri. Sed ille, qui scit aliquid in vniuersali, puta nullam fornicationem esse faciendam, scit hoc particulare, puta hunc actum esse fornicarium, sub vniuersali contineri. Ergo Etiam in particulari habet scientiam, & non poterit superari a passione.

Maior prob. quia Qui scit omnem mulam esse sterilem, scit etiam hoc animal esse sterile, si tamen sciat hoc animal esse mulam, ut dicitur 1. Poster. cap. 1.

5. Homo in passione existens, frequenter confitetur id, quod eligit, esse malum in particulari. Ergo Etiam in particulari habet scientiam, & sic non videtur, quod passio possit trahere rationem, contra scientiam vniuersalem, per hoc quod oppositum iudicat in particulari.

Consequen. prob. quia Qui sunt in voce, sunt signa

signa intellectus animæ, vt dicitur 3. de anima. Vnde qui voce dicit hoc esse malum in particula, illud scit esse verum.

Pro Affirmatiua.

Concupiscentia trahit rationem contra suam scientiam. Sed Concupiscentia est quedam passio. Ergo passio trahit rationem contra suam scientiam.

Maior prob. quia Apostolus Rom. 7. dicit. Vnde aliam legem in membris meis, repugnantem legi mentis meæ, & captiuantem me in lege peccati, que lex in membris existens, est concupiscentia, de qua supra loquutus fuerat.

Determinatio.

Socratis Sententia.

Opinio Socratis fuit, vt Phil. dicit 7. Ethic. c. 2. Quod scientia nunquam possit superari a passione. Vnde ponebat omnes virtutes esse scientias, & omnia peccata esse ignorantias.

Iudicium de opinione Socratis.

Socrates in hoc aliquantulum recte sapiebat, non autem simpliciter verum dixit.

Manifestatur Vtrumque. Et quod aliquantulum verum dixerit, ostenditur, quia Cum voluntas sit boni, vel appetentis boni, nunquam voluntas in malum moueretur, nisi id, quod non est bonum, aliquantulum rationi bonum appareat, & propter hoc voluntas nunquam in malum tenderet, nisi cum aliqua ignorantia, vel errore rationis. Vnde dicitur Proverb. 14. Errant, qui operantur malum.

Quod vero Socrates non simpliciter verum dixit, ostenditur, quia experimento patet, quod multi agunt contra ea, quorum scientiam habent, & hoc etiam auctoritate diuina confirmatur: dicitur enim Luce 12. Seruus, qui cognouit voluntatem domini sui, & non fecit, plagis vapulabit multis, & Iacob. 4. Scienti bonum facere, & non facienti, peccatum est illi.

Via inuestigandi veritatem.

1. Distinctio. Pro habenda igitur veritate, oportet distinguere, vt Phil. tradit in 7. Ethic. cap. 2. quod homo ad recte agendum dirigitur duplici scientia, scilicet vniuersali, & particulari. Ad hoc. n. vt quis non fornicetur, necessaria est primo vniuersalis scientia, scilicet nullam fornicationem esse faciendam. Secundo necessaria est scientia particularis. scilicet hunc actum esse fornicarium, & vtriusque

scientiæ defectus sufficit ad hoc, vt impediatur rectitudo voluntatis, & operis, vt dictum est quæst. 76. art. 1.

Potest igitur esse, vt quis habeat scientiam vniuersalem, puta nullam fornicationem esse faciendam, sed tamen ignoret hunc actum particularem esse fornicarium, & hoc sufficit ad hoc, quod voluntas non sequatur vniuersalem scientiam rationis.

2. Distinctio. Est etiam considerandum, pro habenda huius quæsitæ veritate, quod aliquid potest esse scitum in vniuersali, vel in particulari, dupliciter. Vno modo in actu: ut quando quis actu aliqua considerat. Alio modo in habitu: ut quando aliquis habet quidem habitum scientiæ, tamen non considerat in actu ea, quorum scientiam habet.

Potest igitur contingere, ut aliquis habeat rectam scientiam, non solum in vniuersali, sed etiam in particulari, sed tamen in actu non consideret ea, quorum scientiam habet, & tunc non videtur difficile, ut homo agat præter id, quod actu non considerat: puta, si quis sciat ebrietatem esse fugiendam, & hunc actum posse facile ad ebrietatem ducere, tamen non considerans, nimium bibit, potest inebriari, & agere contra id, quod habitu scit, tum in vniuersali, tum in particulari.

3. Distinctio. Considerandum tertio, quod dupliciter contingit, ut homo actu non consideret ea, quorum scientiam habet in habitu. Primo potest hoc contingere ex solo defectu intentionis: puta cum homo sciens Geometriam, non intendit ad considerandum Geometricas conclusiones, quas tamen in promptu habet, cum considerare uoluerit. Secundo contingit, ut homo non consideret ea, que scit in habitu ex aliquo impedimento superueniente: puta propter aliquam occupationem exteriorem, vel propter aliquam infirmitatem corporalem, & hoc modo ille, qui est in passione constitutus, impeditur, ne consideret in particulari id, quod scit in vniuersali, in quantum passio impedit talem considerationem.

Dupliciter igitur potest contingere, ut voluntas agat contra ea, quorum ratio scientiam habet. Primo, quia ratio habet scientiam vniuersalem, non autem particularem. Secundo, quia licet ratio sciat aliquid, tum in vniuersali, tum in particulari, non tamen actu considerat, que scit in habitu. Et hoc potest contingere, vel ex solo defectu intentionis, vel ex impedimento, ut dictum est.

Conclusio. Passio potest trahere rationem ad iudicandum in particulari, contra scientiam, quam habet in vniuersali.

Prob.

Prob. Quod potest impedire rationem, ne actu consideret in particulari ea, quorum scientiam habet, potest trahere hominem ad iudicandum de aliquo in particulari, contra scientiam, quam habet in vniuersali. Sed Passio potest impedire rationem, ne actu consideret ea, quorum scientiam habet in habitu, in particulari. Ergo Passio potest trahere rationem ad iudicandum in particulari contra scientiam, quam habet in vniuersali.

Maiores ex dictis patet. Ex impedimento enim actualis considerationis potest impediri rectitudo voluntatis, & operis.

Minor prob. Tripliciter enim passio potest impedire rationem ab actuali consideratione eorum, quorum habet scientiam in habitu. Primo, Per quandam distractionem. Secundo Per contrarietatem. Tertio Per corporalem transmutationem, quia Passio ligat rationem ne exeat in actu, sicut etiam faciunt ebrietas, & somnus.

Quod primo modo passio impediatur rationem, ostensum est art. preced.

Quod impediatur secundo modo, ostenditur. quia Passio plerumque inclinatur in contrarium huius, quod scientia vniuersalis habet, & docet: sicut ratio dicat, non esse fornicandum, vel non esse alicui faciendam iniuriam, & tamen passio inclinatur ad fornicandum, & ira ad faciendum iniuriam ei, contra quem quis irascitur.

Quod tandem passio impediatur tertio modo, prob. ex hoc, quia Aliquando, cum passiones multum intenduntur, homo amittit totaliter vsum rationis: multi enim propter abundantiam amoris, & iræ, sunt in insaniam conuersi.

Quando igitur ratio habet scientiam in vniuersali, & in particulari, non solum in habitu, sed in actu, impossibile est, vt superetur a passione contra suam scientiam. Si vero habeat scientiam solum in vniuersali, vel etiam in particulari, sed solum in habitu, & non consideret actu, potest a passione superari, quatenus vel distrahitur ab actuali consideratione, vel inclinatur in contrarium eius, quod in vniuersali est scitum, vel ex ligamento vsus rationis.

Ad Argumenta.

Ad 1. Dicitur ad maiorem, quod fortius non superatur a debiliore ceteris paribus. Tunc ad minorem dicitur, quod scientia vniuersalis est quidem fortior passione propter suam rectitudinem, tamen scientia vniuersalis, non attingit operationem, nisi mediante scientia particulari, eo quod actiones sunt circa singularia, ideo passio potest superare scientiam vniuersalem absente

scientia particulari, mediante qua, scientia vniuersalis operationem attingit.

Ad 2. Dicitur ad maiorem, quod passio trahit voluntatem, & rationem ad id, quod non est vere, sed solum apparens bonum. Tunc negatur minor, quo ad secundam partem, ad cuius probationem dicitur, quod causa, quare ipsa ratio, id quod non est vere bonum, existimet bonum, est ex ipsa passione impediende rationem, a recto iudicio in particulari eius, quod, scit in vniuersali, quod particulare iudicium est contra vniuersalem scientiam.

Ad 3. Dicitur ad conditionalem, quod quando habet quis scientiam rectam in vniuersali, & tamen iudicat oppositum in particulari propter impedimentum passionis, habet quidem de eadem contrarias opiniones, siue existimationes, sed non eodem modo, habet enim existimationem veram in habitu, & falsam in actu, quod non inconuenit.

Ad 4. Dicitur ad maiorem, quod quicumque scit vniuersale, scit etiam particulare, quod non uult contineri sub vniuersali, nisi impediatur. Tunc ad minorem dicitur, quod ille, qui habet scientiam in vniuersali, propter passionem impeditur, ne possit sub illa vniuersali sumere propriam minorem, & ad conclusionem veram peruenire, sed assumit minorem, quam sibi suggerit passio, quæ vere continetur sub alia vniuersali falsa, & sub ea concludit. Vnde syllogismus incontinentis habet quatuor præmissas, vt dicitur 7. Ethic. cap. 3. Duas vniuersales, quarum vna est rationis, altera passionis. Et similiter duas alias minores particulares, vna rationis, & altera passionis. Et ille, qui a passione dominatur, assumit minorem, quæ est passionis, & concludit sub illa. Puta nulla fornicatio est facienda, hæc est rationis. Omnis delectatio est festanda, hæc est passionis. Hic actus est fornicarius, subsumit, qui non est a passione obsecratus. Hic actus est delectabilis, inquit, passione affectus, & sic cum deberet concludere. Ergo Hic actus est fugiendus. Concludit. Ergo Est committendus. Passio igitur impedit rationem, ne subsumat sub vera maiori, veram minorem.

Ad 5. Negatur consequens. Ad probationem dicitur, quod sicut ebrius quandoque proferre potest verba significantia profundas sententias, quas tamen mente diiudicare non potest, ebrietas prohibente; ita in passione existens, etsi ore proferat, hoc non esse faciendum, tamen interius animo sentit esse faciendum, vt dicitur 7. Ethic. c. 3.

Vtrum Peccatum, quod est ex passione, debeat dici ex infirmitate.

Pro Negatiua.

Videtur, quod Peccatū, quod est ex passione, non debet dici ex infirmitate.

1. Quod prouenit ex vehementi motu, non est ex infirmitate. Sed Peccatum, quod est ex passione, prouenit ex vehementi motu appetitus. Ergo Peccatum, quod est ex passione, non est ex infirmitate.

Maior prob. quia Vehementia motus magis attestatur fortitudini, quam infirmitati.

Minor prob. quia Passio est quidam vehemens motus appetitus sensitiui, vt dictum est artic. 1. huius.

2. Illud peccatum est ex infirmitate, quod prouenit ex eo, quod est fragilius in homine. Sed Peccatum, quod est ex passione, non est ex eo quod est fragilius in homine. Ergo Peccatum, quod est ex passione, non est ex infirmitate.

Maior prob. quia Infirmitas hominis maxime attenditur, secundum illud, quod est fragilius in eo.

Minor Prob. quia Id, quod est fragilius in homine, est caro. Vnde dicitur Psal. 77. Recordatus est, quia Caro sunt. Ergo Magis debet dici peccatum ex infirmitate, quod est ex aliquo corporis defectu, quam quod est ex passione animæ.

3. Quod prouenit ex eo, quod subditur voluntati nostræ, non est ex infirmitate. Sed Peccatum proueniens ex passione, est ex eo, quod subditur voluntati nostræ. Ergo Peccatum, quod est ex passione, non est ex infirmitate.

Maior prob. quia Ad ea, quæ voluntati subditur, non videtur homo esse infirmus.

Minor prob. quia facere, vel non facere ea, ad quæ passio inclinat, hominis voluntati subditur, secundum illud Gen. 4. Sub te erit appetitus tuus, & tu dominaberis illius.

Pro Affirmatiua.

Quod est ex ægritudine, est ex infirmitate. Sed Peccatum, quod est ex passione, est ex ægritudine. Ergo Peccatum, quod est ex passione, est ex infirmitate.

Maior prob. quia Ægritudo alio nomine dicitur infirmitas.

Minor prob. quia Tullius lib. 4. Tuscul. q. Passiones animæ vocat ægritudines.

Determinatio.

Concl. Peccatum, quod est ex passione, debet dici ex infirmitate.

Declaratur. Infirmitas est duplex, scilicet animæ, & corporis. Infirmitas corporis, est qua debilitatur, vel impeditur corpus ab executione propriæ operationis, propter aliquam inordinationem partium corporis. sicut humores, & membra hominis non subdantur virtuti regitiua, & motui corporis. Vnde, & membrum dicitur esse infirmum, quando non potest perficere operationem membri sani, sicut oculus, quando non potest clare videre, dicitur infirmus, vt dicitur 10. de hyssoriis animalium. cap. 1. Infirmitas animæ proportionaliter ad infirmitatem corporis dicitur, quando impeditur anima in propria operatione, propter inordinationem partium ipsius: & sicut partes corporis dicuntur esse inordinate, quando non sequuntur ordinem naturæ, ita & partes animæ dicuntur esse inordinate, quando non subduntur ordini rationis, quæ est vis regitiua partium animæ. Sermo præfens non est de infirmitate corporis, sed de infirmitate animæ, quia causa propria peccati, non est ex parte corporis, sed ex parte animæ, in qua principaliter est peccatum.

Prob. conclusio. Illud peccatum, quod est ex eo, quod impeditur animam a propria operatione propter deordinationem partium ipsius animæ, est ex infirmitate. Sed Peccatum, quod est ex passione, prouenit ex impedimento animæ a propria operatione, propter inordinationem partium ipsius. Ergo Peccatum ex passione debet dici ex infirmitate.

Maior prob. quia Infirmitas animæ in hoc consistit, si quia anima est impedita a propria operatione, propter inordinationem partium, proportionaliter ad infirmitatem corporis, quæ consistit in hoc, quod corpus est impeditum a propria operatione, quia partes eius sunt inordinate, vt dictum est.

Minor prob. quia Passio quando afficit irascibilem, vel concupiscibilem, quæ sunt animæ sensitiuæ partes, deordinat ipsas, vt non subiiciantur rationi, & per hoc præstatur impedimentum debitæ actioni hominis.

Et confirmatur conclusio. quia Phil. 1. Ethic. cap. 8. comparat incontinentiam paralitico, cuius partes mouentur in contrarium eius, quod ipse disponit.

Ad Argumenta.

Ad 1. Dicitur ad maiorem, quod Motus est duplex. sordinatus, & inordinatus. Quod prouenit ex vehementi motu ordinato, vel sin ordinem naturæ, si sit motus naturalis, vel secundum ordinem rationis,

tionis; si non sit naturalis, non provenit ex infirmitate, sed ex fortitudine. Quod autem provenit ex vehementi, & forti motu inordinato, provenit ex infirmitate. Tunc ad minorem dicitur, quod peccatum, quod provenit ex passione, provenit ex vehementi motu appetitus, sed inordinato; & ideo sicut quanto fortior est motus inordinatus naturalis, tanto est maior infirmitas corporis, ita quanto est fortior motus passionis, præter ordinem rationis, tanto maior est infirmitas animæ.

Ad 2. Dicitur ad maiorem, quod Peccatum, quod est ex infirmitate provenit ex eo, quod est fragilius in homine, dummodo illud fragilius possit esse impedimentum actus voluntatis, in quo principaliter consistit peccatum: Tunc ad minorem dicitur, quod Caro est quidem quid fragilius in homine, sed tamen non est tale fragilius, quod sit impedimentum actus voluntatis, potest enim, qui est cor potius infirmius, promptam habere voluntatem, ad aliquid faciendum. Passio autem potest impedire rectum voluntatis actum, ut dictum est art. 1. huius, & propterea peccatum ex infirmitate magis refertur ad infirmitatem animæ, quam corporis.

Ad tacitam objectionem responsio.

Dicitur tamen etiam ipsa infirmitas animæ, infirmitas carnis, quia ex conditione carnis passionum animæ insurgunt in nobis, eo quod appetitus sensitivus sit virtus utens organo.

Ad 3. Dicitur ad minorem, & ad eius probationem, quod in potestate quidem voluntatis est assentire, vel non assentire his, in quæ passio inclinat, & pro tanto dicitur noster appetitus sub nobis esse, sed tamen iste assensus, vel dissensus voluntatis impeditur per passionem, modo prædicto.

ARTICVLVS IV.

Utrum Amor sui sit principium omnis peccati.

Pro Negativa.

Videtur, quod Amor sui non sit principium omnis peccati.

1. Id, quod est secundum se bonum, & debitum, non est propria causa peccati. Sed Amor sui est secundum se bonum, & debitum. Ergo Amor sui non potest esse propria causa peccati.

Minor prob. quia Homini præcipitur Len. 19.

ut diligat proximum sicut se ipsum.

2. Concupiscentia est causa omnis peccati. Sed Concupiscentia est alia passio ab amore, ut dictum est quest. 23. art. 4. Ergo Amor sui non est causa omnis peccati.

Maiores prob. quia super illud Rom. 7. Occasione accepta, peccatum per mandatum operatum est in me omnem concupiscentiam. Glosa dicit, quod bona est lex, quæ dum concupiscentiam prohibet, omne malum prohibet, quod dicitur propter hoc, quia Concupiscentia est causa omnis peccati.

3. Aug. super illud Psal. 79. Incensa igni, & suffossa, dicit, quod omne peccatum est ex amore male inflammante, vel ex timore male humiliante. Ergo Non solus amor est causa peccati.

4. Sicut homo peccat quandoque propter inordinatum sui amorem, ita etiam interdum peccat propter inordinatum amorem proximi. Ergo Amor sui non est causa omnis peccati.

Pro Affirmativa.

Aug. 1. 14. de Civit. Dei c. 28. dicit, quod Amor sui usque ad contemptum Dei facit civitatem Babylonis. Sed per quodlibet peccatum pertinet homo ad civitatem Babylonis. Ergo Amor sui est causa omnis peccati.

Determinatio.

Conclusio. Inordinatus amor sui est causa omnis peccati.

Prob. Illud, ex quo procedit, ut homo inordinate appetat, quodcumque bonum temporale, est causa omnis peccati. Sed Ex amore sui procedit, ut quis inordinate appetat quodcumque temporale bonum. Ergo Amor sui est causa omnis peccati.

Maiores prob. quia Propria, & per se causa peccati, accipienda est ex parte conversionis ad commutabile bonum, ut dictum est, quest. 75. art. 1. Ex qua quidem parte, omnis actus peccati procedit ex aliquo inordinato appetitu alicuius temporalis boni. Illud igitur, quod est causa inordinati appetitus boni temporalis, est causa omnis peccati.

Minor prob. quia Amare se, est velle sibi bonum. Unde si aliquis ordinate se amet, ordinate vult sibi bonum. Si vero inordinate se amet, inordinate etiam vult sibi bonum quodcumque temporalis.

Ad Argumenta.

Ad 1. Dicitur ad minorem, quod Amor sui est duplex. Ordinatus, & Inordinatus. Amor sui ordinatus est naturalis, & debitus, & non est causa peccati. Amor vero sui inordinatus est, qui pertinet ad contemptum Dei, & hic ponitur causa omnis peccati ab Aug. lib. 14. de Civit. Dei cap. ultimo.

Ad

Ad 2. Dicitur ad minorem, quod Concupiscentia, qua aliquis appetit sibi bonum, reducitur ad amorem sui sicut in causam. Causa enim, quod aliquis sibi bonum concupiscat, est sui amor, ut dictum est in corpore.

Ad 3. Neg. conseq. Timor enim male humilians reducitur ad inordinatum sui amorē, quod offenditur. Homo enim amat se, & amat etiā ea, quæ sibi vult, puta pecunias, quando igitur homo inordinate se diligit timet inordinate sui ipsiariā, ex quo timore, nimis afficitur his, quæ sibi vult. Vnde patet, quod ex nimio sui amore provenit inordinatus timor mali, & miseria, & ex hoc inordinato timore provenit nimis amor eorum. per quæ miseria vitari potest: & sic peccatū provenit, & ex nimio sui amore, & ex inordinato timore, qui tamen ad amorem sui reducitur.

Ad 4. Dicitur ad antecedens, quod Amor proximi est ex amore sui. Amicus enim est alter ipse, & ideo quod peccatur propter amorem amici, videtur propter amorem sui peccari.

ARTICVLVS V.

Vtrum Conuenienter ponantur causæ peccatorum, Concupiscentia carnis, Concupiscentia oculorum, & Superbia vitæ.

Pro Negatiua.

Videtur, quod Inconuenienter ponantur causæ peccatorum, Concupiscentia carnis, Concupiscentia oculorum, & Superbia vitæ.

1. Quod est causa peccati, continetur sub cupiditate. Sed Superbia vitæ non continetur sub cupiditate. Ergo Superbia vitæ non conuenienter ponitur causa peccati.

Maiores prob. quia Cupiditas est radix omnium malorum, ut dicitur 1. Timoth. cap. ultimo. Ergo Omnis causa peccati sub cupiditate debet contineri.

2. Concupiscentia carnis maxime excitatur, & causatur ex concupiscentia oculorum. Ergo Concupiscentia carnis non debet diuidi contra concupiscentiam oculorum.

Antec. prob. quia Dan. 13. dicitur. Species deceptæ te.

3. Delectationes contingunt non solum secundum visum, sed etiam secundum alios sensus. Ergo Causa peccati debet poni non solum concupiscentia oculorum, sed etiam aurium, & aliorum sensuum.

Conseq. prob. quia Concupiscentia est delectabilis appetitus, ut dictum est q. 30. art. 2.

4. Nihil enumeratur inter has peccatorum causas pertinet ad fugam mali. Ergo Insufficienter causæ peccatorum assignantur.

Conseq. prob. quia Sicut homo inducitur ad peccandum ex inordinata concupiscentia boni, ita etiam ex inordinata fuga mali, ut dictum est supra art. 4. ad 3.

Pro Affirmatiua.

1. Ioan. cap. 2. dicitur. Omne quod est in mundo, aut est concupiscentia carnis, aut concupiscentia oculorum, aut superbia vitæ. Sed In mundo dicitur aliquid esse propter peccatum. Vnde, & ibidem dicit, quod totus mundus in maligno posuitur. Ergo Prædicta tria sunt causæ peccatorum.

Determinatio.

Concl. Concupiscentia carnis, Concupiscentia oculorum, & Superbia vitæ conuenienter ponuntur causæ peccatorum.

Prob. Ea, ad quæ reducitur omnis appetitus inordinatus boni, conuenienter ponuntur causæ peccatorum. Sed Ad hæc tria reducitur omnis inordinatus appetitus boni. Ergo Hæc tria conuenienter ponuntur causæ peccatorum.

Maiores prob. quia Inordinatus appetitus boni est causa omnis peccati, sicut & inordinatus amor sui, quia includit inordinatum appetitum omnium boni, ut dictum est art. præc.

Minor prob. præmittendo, quod diuersæ inordinati appetitus boni desuntur ex diuersa consideratione ipsius boni sensibilis, quod est obiectum sensitiui appetitus, in quo appetitu sunt omnes passionēs, quæ sunt motus ipsius, ut dictum est. Sciendum igitur, quod bonum sensibile dupliciter consideratur. Vno modo absolute. Alio modo, ut est arduum. Bonum sensibile absolute consideratum, est obiectum concupiscentis. Bonum vero sensibile arduum, est obiectum irascibilis, ut alias fusiuse dictum est quæst. 23. art. 1. & 30. art. 3.

Bonum autem sensibile, absolute consideratum, duplex est. Quoddam est, quo natura corporis sustentatur, siue quantum ad conseruationem indiuidui, ut cibus, & potus, & alia huiusmodi, siue quantum ad conseruationem speciei, ut sunt venetæ. Quoddam vero est bonum, quod est delectabile secundum apprehensionem imaginationis, ut sunt pecunia, ornatus vestrum, & alia huiusmodi.

Triplex igitur est bonum sensibile. Primum, quod est necessarium ad conseruationem corporis, siue secundum indiuiduum, ut cibus, & potus,

rus, siue secundum speciem, ut sunt venerea. Secundum est, quod est delectabile secundum apprehensionem sensus, ut sunt pecunie, possessiones, ornatus vestium, & huiusmodi. Tertium est bonum arduum.

Erunt ergo tres generales actus appetitus. Primus est, quo appetitus fertur in bonum, quod est necessarium ad conservationem speciei, vel indiuidui, & dicitur appetitus naturalis. Secundus, quo fertur in bonum, quod est delectabile secundum apprehensionem sensus, & dicitur appetitus, animalis. Et tertius, quo fertur in bonum arduum, qui non diuiditur in duo, quia omnes passionibus irascibilis, naturaliter conformantur concupiscentiæ animalis. Primi duo actus pertinent ad concupiscibilem; tertius vero ad irascibilem.

Ex quibus sequitur, quod triplex sit appetitus inordinatus boni sensibilis. Primus est, quo appetitus inordinate fertur in bona necessaria ad conservationem indiuidui, vel speciei, ut dum quis inordinate appetit cibum, potum, venerea, & alia huiusmodi, & horum inordinatus appetitus dicitur concupiscentia carnis.

Secundus actus inordinatus appetitus est, quo fertur in bonum delectabile secundum apprehensionem sensus, & hic actus vocatur concupiscentia oculorum, siue intelligatur concupiscentia oculi, id est ipsius visionis, quæ fit per oculos, ut referatur ad curiositatem, secundum quod exponit Aug. 10. confess. c. 35. siue referatur ad concupiscentiam rerum, quæ externis oculis proponuntur, ut referatur ad cupiditatem, secundum quod ab alijs exponitur. Tertius actus appetitus, quo inordinate fertur in bonum arduum, dicitur superbia vite: nam superbia est inordinatus appetitus excellentiæ, ut dicitur infra, q. 84. art. 2.

Et sic patet, quod omnis inordinatus actus appetitus, id est omnis inordinata passio reducitur, vel ad concupiscentiam carnis, vel ad concupiscentiam oculorum, vel ad superbiam vite, quæ erat minor probanda.

Ad Argumenta.

Ad 1. Dicitur, quod Cupiditas dupliciter accipitur. Vno modo, communiter, secundum quod importat vniuersaliter appetitum cuiuslibet boni. Alio modo, secundum quod est quoddam particulare vitium, quod dicitur auaritia. Tunc ad maiorem dicitur, quod illud, quod est causa peccati, sufficit ut contineatur sub cupiditate communiter accepta, & ad minorem dicitur, quod superbia vite continetur sub cupiditate communiter accepta, ut in corpore ostensum est. Ad probationem autem maioris, pro quanto posset ip-

sam probare, etiam in alio sensu, scilicet quod id, quod est causa peccati, debeat contineri sub cupiditate, etiam ut est particulare vitium, quia in quâ, est radix omnium peccatorum, dicitur, quod cupiditas, ut est speciale vitium, scilicet Auaritia, non est causa proprie omnium peccatorum, sed dicitur radix, quia per pecuniam homo inuauat ad quodcumque peccatum perpetrandum, ut dicitur infra q. 84. art. 1. per totum.

Ad 2. Dicitur, quod per concupiscentiam oculorum duo possumus intelligere. Primum, ut concupiscentia oculorum dicatur appetitus omnium rerum, quæ videri oculis possunt. Alterum est, ut per concupiscentiam oculorum, intelligatur appetitus omnium eorum, in quibus non queritur delectatio carnis, sed solum delectatio oculi, id est delectatio cuiuscumque virtutis apprehensivæ. Secundum primum intellectum non distinguitur concupiscentia oculorum, a concupiscentia carnis, sed iuxta secundum intellectum, vnum alteri connumeratur, & sic de eo est sermo in præfati. Negatur igitur antecedens, quod concupiscentia carnis excutitur a concupiscentia oculorum, de qua est hic sermo. Concupiscentia enim oculorum, quæ excitat concupiscentiam carnis, est concupiscentia eorum in quibus queritur delectatio carnis. Vnde visio pecunie, quæ proprie est concupiscentia oculorum, ut hic est sermo, non excitat concupiscentiam carnis, sed visio pulchræ mulieris eam excitat, sed talis visio ad concupiscentiam carnis pertinet, quia in ea queritur carnis delectatio.

Ad 3. Dicitur ad consequentiam, quod quia sensus visus est excellentior inter omnes alios sensus, & ad plura se extendens ideo et si delectationes contingant, etiam secundum alios sensus; non men visus transfertur ad alios sensus, est etiam ad omnes apprehensiones interiores, ut Aug. dicit in libro de verbis domini serm. 33.

Ad 4. Dicitur ad consequentiam, & ad eius probationem, quod fuga mali, causatur ex appetitu boni, & ideo ponuntur solum passionibus inclinantibus ad bonum, tanquam causis earum, quæ faciunt inordinatam fugam mali.

ARTICVLVS VI.

Vtrum Peccatum alleuietur propter passionem.

Pro Negatiua.

Videtur, quod Peccatum non alleuietur propter passionem.

1. Quod est causa peccati, non alleuiat, sed aug-

get peccatum. Sed Passio est causa peccati, ut dictum est. Ergo Passio non alleviat, sed auget peccatum.

Maiores probatur. quia Augmentata causa, augetur effectus: si enim calidum dissolvit, magis calidum, magis dissolvit, quanto igitur causa est intensior, tanto effectus est maior.

2. Bona passio auget meritum. Ergo Mala passio magis aggrauat, quam alleviat peccatum.

Antecedens probatur. quia Tanto aliquis magis videtur mereri, quanto ex maiori misericordia pauperi tribuerit.

Consequentia probatur. quia Sicut se habet passio bona ad meritum, ita se habet mala passio ad peccatum.

3. Quod facit voluntatem ferri vehementius in actum peccati, aggrauat peccatum. Sed Passio impellens voluntatem, facit eam vehementius ferri in actum peccati. Ergo Passio non alleviat, sed aggrauat peccatum.

Maiores prob. quia Quanto intensiori voluntate aliquis facit peccatum, tanto gravius peccare videtur.

Pro Affirmativa.

Tentatio alleviat peccatum. Sed Passio concupiscentia vocatur tentatio carnis. Ergo Passio alleviat peccatum.

Maiores prob. quia Quanto maiori tentatione aliquis prosteritur, minus peccat, ut patet per Aug. 14. de Civit. Dei, cap. 12.

Determinatio.

Distinctio. Passio dupliciter potest se habere ad actum peccati. Vno modo, Antecedenter. Alio modo consequenter.

Manifestatur. Nam peccatum essentialiter consistit in actu liberi arbitrij, quod est facultas rationalis. Passio autem est motus appetitus sensitivi. Unde quot modis potest se habere appetitus sensitivus, ad actum liberi arbitrij, tot modis potest se habere passio ad peccatum. Appetitus autem sensitivus dupliciter potest se habere ad liberum arbitrium, scilicet antecedenter, & consequenter, ita passio hoc duplici modo ad peccatum se habere potest. Antecedenter quidem se habet passio ad peccatum, quando passio appetitus sensitivi utrahit, aut inclinat rationem, vel voluntatem, ut supradictum est, artic. 1. Consequenter vero, quando motus superiorum virium, scilicet rationis, & voluntatis, est ita vehementis, ut redundet in vires inferiores. Non enim potest voluntas intense moveri in aliquid, quin excitetur aliqua passio in appetitu sensitivo.

1. Conclusio. Passio secundum quod præcedit actum peccati, necesse est, ut diminuat peccatum.

Probat. Quod diminuit rationem voluntarij, diminuit peccatum. Sed Passio antecedenter se habens ad peccatum, diminuit rationem voluntarij. Ergo Passio antecedenter se habens ad actum peccati, diminuit peccatum.

Maiores probatur. quia Actus in tantum est peccatum, in quantum est voluntarius, & in nobis existens, quod est per rationem, & voluntatem. Unde quanto ratio, & voluntas ex se aliquid agunt, non ex impulsu passionis, magis est voluntarium, & in nobis existens. Unde quod minuit rationem voluntarij, minuit peccatum.

Minor probatur. quia Passio præcedens actum peccati, impellit quodammodo ipsam voluntatem, vel rationem ad actum peccati, ita ut huiusmodi actus non sit vndequeque voluntarius.

2. Conclusio. Passio consequens non diminuit peccatum, sed magis auget, vel potius est signum magnitudinis peccati.

Probat. Quod demonstrat intensiorem voluntatis ad actum peccati, est signum magnitudinis peccati. Sed Passio consequens demonstrat intensiorem voluntatis in actum peccati. Ergo Passio consequens non minuit, sed potius demonstrat peccati magnitudinem.

Minor probatur. quia Quando actus voluntatis ad peccatum redundat etiam in actum appetitus sensitivi, excitando passionem, est vehementior, quam si non exciter passionem.

Ex quo sequitur, quod quanto aliquis maiori concupiscentia, & libidine peccat, tanto magis peccat, si inquam huiusmodi concupiscentia, & libido consequantur actum peccati.

Ad Argumenta.

Ad 1. Dicitur, quod Causa gravitatis peccati est duplex, scilicet per se, & per accidens. Maiores est vera de causa per se, non autem de causa per accidens: augmentata enim causa per se, augetur effectus, non autem augmentata causa per accidens. Tunc ad minorem dicitur, quod passio non est per se causa peccati, sed per accidens, quod ostenditur. Nam causa per se gravitatis peccati est ex parte aversionis, non autem ex parte conversionis. Quanto magis enim quis avertitur a bono rationis, tanto gravius peccat. Passio autem est causa peccati ex parte conversionis, per passionem enim peccans convertitur ad sensibile bonum, & præter intentionem avertitur a bono rationis. Igitur causa per se peccati non est passio, sed actus rationis, vel voluntatis, & ideo ex augmento pas-

sionis non sequitur augmentum peccati, sed potius alleviatio, ut dictum est.

Ad 2. Dicitur, quod bona passio dupliciter se habet ad meritum, scilicet antecedenter, & consequenter. Bona passio consequens, augeret meritum, sed bona passio antecedens, quando scilicet homo magis ex passione, quam ex iudicio rationis movetur ad bene agendum, diminuit bonitatem, & laudem actus. Ad formam igitur argumenti dicitur, quod si debeat esse ex tribus terminis, oportet loqui uniformiter de passione bona, & mala, scilicet si in antecedente sit sermo de passione bona consequente; in consequenti sit sermo de passione mala consequenter se habente. Vel si in antecedente sit sermo de passione antecedenter se habente, eodem modo accipi debet passio mala in consequente. Si igitur sit sermo de passione bona antecedente, negatur antecedens. Passio namque antecedenter se habens, non augeret, sed potius minuit meritum. Si sermo sit de passione consequenter se habente, verum est antecedens, sed negatur consequentia; non enim sequitur, si passio bona consequens augeret meritum, quod quilibet passio mala augeat peccatum, sed sicut passio bona antecedens minuit meritum, ita mala antecedens minuit peccatum, & sicut passio mala consequens, augeret peccatum, ita passio bona consequens, augeret meritum.

Et brevius dicitur, quod si in antecedente, & consequente sit sermo de passione bona, & mala, quæ consequenter se habent ad actus meriti, & peccati, conceditur totum, concludit enim secundam conclusionem. Si vero sermo sit de passione bona, & mala antecedenter se habentibus ad actum meriti, vel peccati, negatur antecedens, & ad probationem dicitur, quod quanto aliquis ex maiori misericordia consequente actum rationis subuenit pauperi, magis meretur, secus est autem si mereatur ex maiori misericordia, præueniente actum rationis, & liberi arbitrij.

Ad 3. Negatur maior, & ad probationem dicitur, quod gravitas peccati non attenditur penes vehementiorem actum voluntatis ad peccandum, sed ex actu magis libero, & quia passio præcedens tollit aliquantulum rationem voluntarij, & liberi, ideo non aggravat, sed minuit peccatum.

ARTICVLVS VII.

Vtrum Passio totaliter excuset a peccato.

Pro Affirmativa.

Videtur, quod Passio totaliter excuset a peccato.

1. Quicquid causat inuoluntarium, totaliter excusat a peccato. Sed Cōcupiscentia carnis, quæ est quædam passio, causat inuoluntarium.

Ergo Passio totaliter excusat a peccato.

Minor prob. quia ad Gal. 5. dicitur. Caro concupiscit aduersus spiritum, ut non quæcunque vultis, illa faciat.

2. Quod causat ignorantiam in particulari, totaliter excusat a peccato. Sed Passio causat quædam ignorantiam in particulari, ut dictum est. Ergo Passio totaliter excusat a peccato.

Maiores prob. quia Ignorantia particularis excusat a peccato.

3. Infirmitas animæ totaliter excusat a peccato. Sed Passio est quædam infirmitas animæ. Ergo Passio totaliter excusat a peccato.

Maiores probatur. Infirmitas corporis totaliter excusat a peccato, ut patet in phreneticis.

Ergo Multo magis, infirmitas animæ consequentia probatur. quia Infirmitas animæ grauior est, quam infirmitas corporis.

Pro Negativa.

Apost. Rom. 7. Vocat passionem peccatorum, eo quod passionem peccatum causant. Ergo Passiones non totaliter a peccato excusant.

Determinatio.

Via inquirendæ veritatis,

Vera quæstio responsio inuestiganda est ex ratione voluntarij, & inuoluntarij. Si enim sit aliqua passio, quæ totaliter auferat rationem voluntarij ab actu, & faciat ipsum omnino inuoluntarium, totaliter excusabit a peccato. Si vero passio non tollat omnino ab actu rationem voluntarij, non totaliter excusabit a peccato.

Manifestatur. quia Secundum hoc solum, actus aliquis, qui de genere suo est malus, totaliter a peccato excusatur, quia totaliter inuoluntarius redditur.

1. Distinctio. Aliquid potest esse voluntarium dupliciter. Vno modo, secundum se. Alio modo, secundum suam causam. Illud est voluntarium secundum se, in quod voluntas fertur primo, & per se, ut in obiectum: sicut quando quis, sana mentis existens, vult interficere inimicum, vel vult fornicari, aut studere, homicidium, fornicatio, & studium dicuntur secundum se, id est non ratione alterius, uolita. Illud uero est voluntarium in sua causa, in quod non fertur voluntas, sed tantum in sua causa: puta cum aliquis vult inebriari, & postea ex ebrietate sequitur homicidium, tunc homicidium non est uoluntarium in se, quia

Rrr volun-

voluntatis, in ipsum non fertur, sed est voluntas in sua causa, scilicet in ebrietate.

2. *Distinctio.* Aliquid dicitur adhuc voluntarium dupliciter. Vno modo directe. Alio modo indirecte. Directe quidem illud est per se voluntum, in quod voluntas fertur, ut dictum est de homicidio, fornicatione, studio, & ebrietate, hæc enim sunt per se voluta, quia in ipsa voluntas eius, qui occidit, fornicatur, & studet, fertur in hæc omnia. Indirecte vero illud est voluntum, quod quis potest impedire, & non impedit. Vnde homicidium filij, qui potuit a patre impediri, & tamen non fuit impeditum, est volitum indirecte a patre: quia non impediuit filium, ne homicidium committeret, cum tamen potuisset impedire. Ad hoc igitur, ut passio totaliter excuset a peccato, debet facere actum sequentem involuntarium, non solum secundum se, sed in sua causa, non solum directe, sed etiam indirecte, ita ut, si aliquis ex passione committat homicidium, quod sit voluntarium directe, indirecte, secundum se, vel in sua causa, a peccato minime excusatur totaliter per passionem.

2. *Distinctio.* Passio, ex qua quis operatur, est duplex. Quædam enim tam magna est, ut totaliter auferat usum rationis, sicut patet in his, qui propter amorem, vel iram in furiunt. Quædam vero non est tanta, ut totaliter auferat rationis usum.

Subdistinctio. Passio, quæ tanta est, ut totaliter auferat usum rationis, duplex est. Quædam fuit voluntaria in principio, ut est ebrietas, quando scilicet quis voluntarie inebriatur. Quædam vero non est voluntaria in principio, sed naturalis, ut quando quis propter aliquam infirmitatem incidit in talem passionem, quæ totaliter auferat usum rationis.

1. *Conclusio.* Passio totaliter tollens usum rationis, quæ tamen fuit voluntaria, non excusat totaliter a peccato.

Probatur. Passio, quæ excusat totaliter a peccato, excludit ab actu, qui est ex suo genere malus, rationem voluntarij omnino. Sed Passio, totaliter tollens usum rationis, quæ tamen fuit voluntaria in principio, non facit actum sequentem omnino involuntarium. Ergo Passio, quæ totaliter tollit usum rationis, quæ tamen fuit voluntaria in principio, non excusat omnino a peccato.

Maiores probatur. quia Ad hoc, ut passio totaliter excuset a peccato, necesse est, ut omnino excludat ab actu, qui est ex suo genere malus, rationem voluntarij, ut dictum est.

Minor probatur. quia Actus malus sequens passionem, quæ fuit voluntaria in principio, est

voluntarius in sua causa, sicut de homicidio, qui sequitur ex voluntaria ebrietate, dictum est.

2. *Conclusio.* Passio, quæ nullo modo est voluntaria, sed est ex aliqua naturali causa, scilicet ex aliqua infirmitate, omnino excusat a peccato.

Manifestatur. quia Actus sequens ex huiusmodi passione, nullo modo est voluntarius, nec in se, nec in sua causa, nec directe, nec indirecte. Si quis enim ex vehementi febre factus sit phreneticus, & in sua phrenesi percutiat matrem, omnino excusatur a peccato.

3. *Conclusio.* Passio, quæ non tollit totaliter usum rationis, non excusat totaliter a peccato.

Probatur sicut prima conclusio hoc modo. Passio, quæ totaliter excusat a peccato, facit actum, qui est ex suo genere malus, omnino involuntarium. Sed Passio, quæ non totaliter tollit usum rationis, non facit actum, malum ex genere, esse involuntarium. Ergo Passio non omnino tollens usum rationis, non totaliter excusat a peccato.

Minor probatur. quia Tunc ratio potest passionem excludere, diuertendo ad alias cogitationes, vel impediendo ne passio suum consequatur effectum in opere, cum operi non applicentur membra, nisi per consensum rationis, ut dictum est quæst. 15. art. 4.

Ad Argumenta.

Ad 1. Dicitur ad minorem, & ad eius probationem dupliciter, iuxta quod dupliciter potest sententia Apostoli exponi. Prima expositio est, ut illud verbum faciatis, intelligatur non de exteriori opere, sed de interiori actu concupiscentiæ, & sensus est, quod caro concupiscit aduersus spiritum, ut non quæcumque vultis illa faciatis, id est velitis. Vellet enim homo iustus, hoc facere, si nunquam concupiscere, & tamen hoc facere non potest, quia non potest impedire primos motus concupiscentiæ, eo quod huiusmodi motus non omnes subiacent nostræ electioni. Sensus igitur est, quod concupiscentia facit, ut homo non faciat, quod vult: vellet enim homo nunquam concupiscere contra rationem, & tamen hoc non facit propter passionem, sed tunc passio excusat a peccato, nam primi motus concupiscentiæ præueniunt actum rationis, non imputantur ad peccatum, & secundum hunc sensum conceditur totum argumentum, nam concupiscentia in primis motibus, a peccato totaliter excusare potest, ut dictum est. Alter sensus sententiæ Apostoli est, ut ly faciatis, referatur ad opus exterius, & est sensus, quod Concupiscentia facit, ut faciatis, quæ non vultis. Pro quo est sciendum, quod aliquis, puta incontinens, vult non fornicari, & tamen fornicatur propter

per

pter concupiscentiam, tunc enim facit contra id, quod vult, non quidem contra id, quod nunc vult, quia nunc vult fornicari, sed contra id, quod prius nolebat, & tunc passio, si nō totaliter tollat vsum rationis, & fuerit aliquo modo volita, non excusat a peccato, quia potest ratio impedire, ne concupiscentia exeat in opus, cum membra non applicantur operi, nisi cum consensu rationis. Ad formam igitur argumenti, secundum hanc expositionem, negatur minor. Ad probationem dicitur, quod Concupiscentia concupiscit aduersus spiritum, vt non quęcunque vult homo, faciat, tamen ratio potest concupiscentiam impedire, ne consequatur effectum suum, vt dictum est.

Ad 2. Dicitur, quod Ignorantia in particulari est duplex. Quædam est ignorantia particularis circumstantiæ, quæ adhibita diligentia sciri non potuit, puta cum aliquis in lecto suo iacens, putās cognoscere uxorem, cognoscit alteram, sibi fraudulenter suppositam, vt accidit in casu Iacob cum Lia. Quædam est ignorantia iuris in particulari, puta cum quis fornicatur, quāuis sciat communē ius prohibere fornicationem, tamen non aduertens, nec considerans, existimat nunc esse fornicandum. Si igitur maior intelligatur de ignorantia in particulari prima, est vera, talis enim ignorantia excusat a peccato, sed negatur minor, passio enim non causat huiusmodi ignorantiam. Si vero maior intelligatur de secunda ignorantia in particulari, est falsa. Ignorantia enim particularis iuris est inconsideratione proueniens, nō excusat a peccato, quia ratio repellere potest passionem impediētem considerationem actualem.

Ad probationem dicitur, quod non quælibet ignorantia particularis excusat, sed solum ignorantia circumstantiæ, quæ adhibita diligentia cognosci nō potuit.

Ad 3. Negatur maior. Ad antecedens probationis dicitur, quod infirmitas corporis est duplex. Quædam est voluntaria, vt ebrietas. Quædam inuoluntaria, ut febris. Si sermo de infirmitate corporis voluntaria, negatur ipsum antecedens, eadem enim ratio est de infirmitate voluntaria corporis, & animæ, & neutra excusat a peccato. Si sermo sit de infirmitate corporis inuoluntaria, negatur consequentia, & ad probationem dicitur, quod licet infirmitas animæ grauior sit, quam corporis, tamen illa non excusat, quia est voluntaria, hæc vero excusat, quia est inuoluntaria.

ARTICVLVS VIII.

Vtrum Peccatum, quod est ex passione, possit esse mortale.

Pro Negatiua.

Videtur, quod Peccatum, quod est ex passione, non possit esse mortale.

1. Peccatum, quod est ex infirmitate, est veniale. Sed Omne peccatum, quod est ex passione, est ex infirmitate, vt dictum est. Ergo Omne peccatum, quod est ex passione, est veniale.

Maior prob. quia Tale peccatum habet causam veniæ, quæ est infirmitas.

2. Quod est causa peccati mortalis, est peccatum mortale. Sed Passio non potest esse peccatum mortale. Ergo Passio non est causa peccati mortalis.

Maior probatur. quia Causa, per se est potior suo effectui.

Minor probatur. quia In sensualitate, quæ est subiectum passionum, non potest esse peccatum mortale, ut dictum est, quæst. 74. art. 4.

3. Quod abducit a ratione, non potest esse causa peccati mortalis. Sed Passio abducit a ratione, vt dictum est art. 1. & 2. huius quæst. Ergo Passio non potest esse causa peccati mortalis.

Maior prob. quia Auerri a Deo, in quo ratio peccati consistit, est rationis. Vnde quod a ratione abducit, abducit a ratione peccati mortalis.

Pro Affirmatiua.

Peccata, quæ fructificant morti, sunt mortalia. Sed Peccata, quæ sunt ex passione, fructificant morti. Ergo Peccata, quæ sunt ex passione, sunt mortalia.

Maior probatur. quia Fructificare morti, proprium est peccati mortalis.

Minor probatur. quia Apost. Rom. 7. dicit, quod Passiones peccatorum operantur in membris nostris, ad fructificandum morti.

Determinatio.

Conclusio. Peccatum, quod est ex passione, potest esse mortale.

Probatur. Actus, qui est ex suo genere malus, et contrariatur vltimo fini, cui ratio potest occurrere, & non occurrit, potest esse mortale peccatum. Sed Ex passione potest esse aliquis actus, qui est ex suo genere malus, & contrariatur vltimo fini, cui ratio potest occurrere impediendo ipsum, & tamen non occurrit. Ergo Peccatum, quod est ex passione, potest esse mortale.

Maior probatur. quia Cum peccatum mortale consistat in auersione ab vltimo fine, qui est Deus, & hæc auersio pertineat ad rationem deliberantem, cuius etiam est ordinare in finem, ex hoc solum potest contingere, vt inclinatio animæ in aliquid, quod contrariatur vltimo fini, non sit peccatum mortale, quia ratio deliberans non potest occurrere, vt accidit in subitis motibus. Si vero ratio possit occurrere, & impedire huiusmodi deordinatam inclinationem, vel opus, & non occurrat, iam erit mortale.

R r r 2 Minor

Minor probatur. Motui, siue inclinationi animæ, qui non fit subito; ratio potest occurrere, ut nunc dictum est. Sed Cum ex passione aliquis procedit ad actum peccati, vel ad consensum deliberatum, non fit subito.

Ergo Ratio potest hunc motum impedire, excludendo passionem, vel impediendo, ne sequatur effectus exterior.

Et confirmatur conclusio, quia Ex defectu huius impedimenti, multa adulteria, & homicidia per passionem committuntur.

Ad Argumenta.

Ad 1. Dicitur, quod Peccatum potest dici veniale tripliciter. Vno modo ex causa; quia scilicet habet aliquam causam venialem, quæ causa diminuit aliquo modo peccatum, & sic peccatum, quod est ex ignorantia, vel infirmitate, potest dici veniale. Alio modo ex euentu, & sic omne peccatum, quod per poenitentiam diluitur, veniale dici potest. Tercio dicitur peccatum veniale ex genere, sicut verbum otiosum. Peccatum veniale primo, & secundo modo, non opponitur mortali, sed potest esse mortale: nam ex infirmitate, & ignorantia possunt esse peccata mortalia, quæ tamen venialia dicuntur ex causa, & etiam quia potest quis diluere per poenitentiam peccata mortalia, quæ propterea ex euentu venialia dicuntur. Solum igitur peccatum veniale ex genere opponitur mortali. Tunc ad formam argumenti dicitur, quod si sit sermo de veniali communiter, scilicet ut comprehendit veniale, ex causa, ex euentu, & ex genere, conceditur antecedens. Omne enim peccatum ex passione est veniale ex causa. Sed tunc negatur consequentia, stat enim, quod ex causa sit veniale, & tamen ex genere sit mortale, ut cum quis ex passione fornicatur, est enim tunc fornicatio ex genere peccatum mortale, ex causa vero veniale. Et ad probationem dicitur, quod Veniale ex causa non opponitur mortali, ut dictum est. Si vero in antecedente sermo sit de veniali proprie scilicet ex genere, negatur. Non enim omne peccatum, quod est ex passione, est ex genere veniale, sed potest esse mortale, ut dictum est. Ad eius probationem dicitur ad maiorem, quod peccatum, quod est ex infirmitate, est veniale ex causa, tamen potest esse ex genere mortale.

Ad 2. Dicitur ad maiorem, quod illud, quod non est peccatum mortale, non potest esse causa per se peccati mortalis, potest tamen esse causa per accidens. Passio autem non est causa per se, sed ex parte auersionis, sed conuersionis, ut dictum est art. 6. huius quæst.

Ad 3. Dicitur, quod Aliquid abducere a ratione, contingit dupliciter. Vno modo, ut totaliter ipediat, & tollat actum rationis. Alio modo, ut relinquat rationem liberam ad resistendum. Dicitur ergo ad maiorem, quod abducere a ratione primo modo, totaliter excusat, non autem abducens a ratione secundo modo. Tunc ad maiorem dicitur, quod Passio non semper totaliter impedit rationem in suo actu, sed remanet libera, ut possit conuertere ad Deum, vel ab eo auerti, & tunc non excusatur a mortali propter passionem.

QVÆSTIO LXXVIII.

DE CAUSA PECCATI EX parte voluntatis, quæ dicitur malitia.

ARTICVLVS I.

Vtrum Aliquis peccet ex industria, siue ex certa malitia.

Pro Negatiua.

Videtur, quod Nullus peccet ex industria, siue ex certa malitia.

1. Qui peccat ex ignorantia, non peccat ex industria, siue ex certa malitia. Sed Omnis, qui peccat, ex ignorantia peccat. Ergo Nullus peccat ex industria, seu certa malitia.

Maiores patet, quia Ignorantia opponitur industria, siue certæ malitiæ.

Minor probatur. Primo, quia Omnis malus est ignorans, secundum Phil. 3. Ethic. Secundo, quia Prouerb. 14. dicitur. Errant, qui operantur malum.

2. Nullus potest intendere malum. Ergo Nullus peccat ex malitia.

Antecedens probatur, quia Nullus intendens malum, operatur, ut Dionys. dicit 4. cap. de diu. nom. Vnde malum est præter intentionem peccantis, & quasi per accidens, & sic malum non potest denominare actum peccati, ut dicatur peccatum ex malitia.

Consequentia probatur, quia Hoc videtur esse peccare ex malitia, scilicet intendere malum in peccando.

3. Si aliquis peccat ex malitia, ita ut malitia esset causa peccati; Sequitur, quod peccatum esset causa sui ipsius, & alterius peccati in infinitum, quod est inconueniens.

Pro Affirmatiua.

Recedens a Deo ex industria, ex malitia peccat. Sed Quidam ex industria recesserunt a Deo. Ergo Aliqui ex industria, & malitia peccant.

Maiores

Maiores prob. quia Recedere à Deo, est peccare. Vnde qui ex industria à Deo recedunt, ex malitia peccant.

Minor prob. quia Iob 34. dicitur. Quasi ex industria recesserunt à Deo, & vias eius intelligere noluerunt.

Determinatio.

Conclusio. Aliqui peccant ex industria, seu ex certa malitia.

Prob. Qui scienter malum eligunt, peccant ex industria, seu ex certa malitia. Sed Aliqui scienter malum eligunt. Ergo Aliqui peccant ex certa malitia.

Maiores patet. quia Peccare ex certa malitia, est scienter malum eligere, & non ex ignorantia, aut ex passione.

Minor prob. Præmittendo, quod Homo, sicut & quælibet alia res, naturaliter appetit bonum. Vnde quod eius appetitus à bono declinet per peccatum, contingit ex aliqua corruptione, seu inordinatione in aliquo principiorum, quibus homo in bonum tendit: sicut etiam quod in rebus naturalibus sit peccatum, contingit ex aliqua corruptione sicuti principij actionum naturalium. Principia humanorum actuum, sunt tria. scilicet Intellectus, Appetitus rationalis, qui dicitur voluntas, & Appetitus sensitiuus. Vnde omne peccatum in humanis est, vel ex defectu intellectus, vel ex defectu voluntatis, vel ex defectu appetitus sensitiui. Defectus intellectus est ignorantia. Defectus appetitus sensitiui est inmoderata passio. Defectus voluntatis est inordinatio ipsius. Et propterea omne peccatum, vel est ex ignorantia, quæ est defectus in intellectu, vel ex inmoderata passione, quæ est defectus appetitus sensitiui, vel ex malitia, quæ est defectus voluntatis, quando scilicet est inordinata.

Consistit autem inordinatio voluntatis in hoc, quod magis amat minus bonum, quam magis bonum, & scienter eligit pati detrimentum in bono minus amato, ut potius bono magis amato: sicut quando scienter etiam vult pati abscissionem membri, propter conservationem vite, quam magis amat, quam membrum corporis. Inordinata igitur voluntas magis amat bonum temporale, puta diuitias, vel voluptatem, quam ordinem & rationis legis diuine, vel charitatem Dei, & ideo inordinatam voluntatem habens, scienter eligit pati dispendium in aliquo bonorum spiritualium, ut potius bono temporali, & quia malum nihil aliud est, quam priuatio boni, ideo dum aliquis scienter eligit priuari bono spirituali, ut fruatur bono temporalis, scienter eligit malum spirituale, quod est malum simpliciter, ut bono temporali fruatur.

Prob. igitur minor. Habentes voluntatem deordinatam, scienter, & ex industria eligunt malum. Sed Aliqui habent voluntatem deordinatam. Ergo Aliqui scienter eligunt malum.

Maiores huius prob. quia Hoc est habere voluntatem deordinatam, magis amare minus bonum, ex quo sequitur electio dispendij maioris boni, ut minus bonum consequatur.

Minor prob. quia Aliqui magis amant temporalia, quam spiritualia bona, quæ sunt maiora, & vera bona.

Ad Argumenta.

Ad 1. Dicitur, quod sicut triplex est scientia, actualis particularis prosequendi, vel fugiendi, ita triplex est ignorantia, quæ quis peccare potest. Prima scientia est, quæ quis scit hoc, puta fornicationem esse malum. Altera est, quæ quis scit hoc, nunc esse sibi malum, puta quæ scit nunc non esse fornicandum. Tertia, quæ quis scit melius sibi esse carere hoc minori bono, quod non potest consequi sine offensa Dei, vel contra ordinem rationis, puta quæ aliquis scit, melius esse carere diuitijs, quas sine vsura non potest acquirere, quam habere diuitias cum vsura, & priuari gratia Dei. Ita triplex est ignorantia. Quædam est, quæ priuat primam scientiam, quando scilicet aliquis actu ignorat hoc esse malum. Secunda, quæ priuat secundam scientiam, quando scilicet aliquis ignorat, hoc nunc esse sibi malum. Tertia, quæ priuat tertiam scientiam, quæ scilicet quis æstimat sibi maius bonum hoc, etiam si sciât esse contra ordinem rationis, vel diuinam legem, quam carere hoc bono, seruato ordine rationis, & lege diuina: Prima ignorantia est, cum quis ignorat fornicari esse malum. Altera est, quæ ignorat fornicari, nunc esse sibi malum, obsecutus a passione. Tertia est, quæ quis scit quidem fornicari esse malum, & contra rationem, tamen maius bonum æstimat, consequi delectationem fornicariæ, contra ordinem rationis, cum offensa Dei, quam carere fornicariæ delectatione.

Tunc ad formam argumenti dicitur ad maiores, quod qui peccat ex ignorantia primo, vel secundo modo, non peccat ex malitia, seu industria. Qui autem peccat ex ignorantia secundum tertium modum, peccat ex malitia: quantum enim taliter peccat, sciât, quod fornicari, est peccatum, vel ditari etiam vsura, esse contra Dei præceptum, tamen melius æstimat delectari in fornicatione, & habere diuitias, quam seruato rationis ordine, & diuino mandato, carere diuitijs, est delectatione. Ad minorem dicitur, quod omnis, qui peccat, ex ignorantia peccat, vel prima, vel secunda, vel tertia,

& ideo omnis malus est ignorans, & errant omnes, qui operantur malum, sed tamen ita, ut peccet quis ex ignorantia tertio modo, & tamen ex malitia, ut dictum est.

Ad 2. Dicitur, quod Malum esse intentum, potest dupliciter intelligi. Vno modo secundum se. Alio modo, ut est medium ad vitandum aliud malum, vel ad consequendum aliud bonum. Puta visura consideratur, ut est malum, & ut est via ad vitandam pauperatatem, vel ad consequendas diuitias. Si consideretur malum secundum se, non potest esse ab aliquo intentum, nec aliquis operatur respiciens ad malum. Si vero consideretur malum, ut per ipsum quis vitat aliud malum, vel consequitur bonum, est intentum. Qui enim fornicatur propter delectationem, licet, si posset delectari sine Dei offensa, faceret, tamen duobus propositis, scilicet diuino præcepto, & delectatione fornicaria, eligit potius fornicari, ut consequatur delectationem, quam seruare diuinum mandatum, & carere huiusmodi delectatione.

Ad formam igitur argumenti dicitur ad antecedens, quod nullus potest intendere malum in peccando, secundum se, potest tamen intendere malum, ut consequatur aliquod bonum, vel ut vitet aliud malum. Et ad probationem iam dictum est, quod nullus intendens malum, secundum se operatur, aliquis tamen intendit malum, ut consequatur bonum, vel ut fugiat aliud malum contra rationis ordinem, & malum sic intentum, potest denominare actionem malitiosam.

Ad 3. Dicitur, quod Aliquis potest dici peccare ex malitia tripliciter. Primo, ut nomine malitiæ intelligatur malus habitus, ex quo quis peccat, habitus enim malus, malitia à Phil. lib. 3. Ethic. ca. 2. nominatur, sicut habitus bonus dicitur virtus, & secundum hoc, peccare ex malitia, est peccare ex inclinatione habitus. Secundo per malitiam potest intelligi ipse malus actus, qui peccatum dicitur. Sed nomine mali actus adhuc dupliciter possunt intelligi, vel ipsa electio mali, ut dicatur ex malitia peccare, qui eligit malum: puta quando quis eligit fornicationem, & deinde fornicatur, dicitur ex malitia peccare. Vel malitia significat aliquam præcedentem culpam, ex qua oritur alia culpa, sicut cum aliquis ex inuidia impugnatur fraternam gratiam, vel cum aliquis ex auaritia furatur, vel dat ad visum. Potest igitur malitia tripliciter sumi, scilicet pro malo habitu, pro electione mali, & pro ipsa culpa: & secundum hæc, tripliciter aliquis potest dici, ex malitia peccare. Vel ex malo habitu, vel ex electione mali, vel tandem ex aliqua præcedenti culpa. Quibus stantibus, negatur consequentia. Non quocunque horum mo-

dorum accipitur malitia, non sequitur, quod idem peccatum sit causa sui ipsius, nec quod sit aliquis processus in infinitum. Si enim accipitur malitia primo modo, non est actus peccati, causa peccati, sed habitus malus est causa actus peccati. Vnde accipiendo malitiam pro malo habitu, malitia non est peccatum, cum peccatum consistat in actu. Vnde peccatum tunc non est ex peccato, sed ex malitioso habitu. Si vero accipitur malitia, pro ipsa electione mali, & pro aliqua culpa præcedente, tunc peccatum est quidem causa peccati, non sui ipsius, sed alterius peccati, puta actus interior malus est causa actus exterioris, & vnus actus exterior malus, alterius actus exterioris mali. Vnde secundum hoc, peccatum erit causa peccati, non sui ipsius, sed alterius. Nec erit aliquis processus in infinitum, quia est deuenire ad vnum primum peccatum, quod non causatur ex aliquo priori peccato, ut dictum est, quæst. 75. art. 4.

ARTICVLVS II.

Vtrum Quicumque peccat ex habitu, peccet ex certa malitia.

Pro Negatiua.

Videretur, quod non quicumque peccat ex habitu, peccet ex certa malitia.

1. Qui peccat ex malitia, grauissime peccare videtur. Sed Qui peccat ex habitu, non semper grauissime peccat. Ergo Qui peccat ex habitu, non peccat ex malitia.

Minor prob, quia Homo quandoque ex habitu leue peccatum committit, sicut cum dicit verbum otiosum.

2. Actus præcedentes habitum vitiosum non sunt ex certa malitia. Ergo Nec peccata, quæ sunt ex habitu, sunt ex certa malitia.

Conseq. prob. quia Actus ex habitu præcedentes, sunt similes actibus, ex quibus habitus generantur, ut dicitur 2. Ethic. c. 1.

3. Qui committit aliquid ex certa malitia, gaudet postquam commisit. Sed Qui peccant ex habitu, post peccatum commissum non gaudent, sed dolent. Ergo Qui peccant ex habitu, non peccant ex certa malitia.

Maior prob. autoritate, & ratione. Autoritate, quia dicitur Prouerb. 2. de peccantibus ex malitia, quod Lætantur cum male fecerint, & exultant in rebus pessimis.

Ratione. Qui consequuntur, quod intendunt, & operantur, quod est eis quodammodo connaturalis, delectantur: vtrumque enim horum est delectabile. Sed Qui peccant ex certa malitia, consequuntur, quod intendunt, scilicet malum, quod scienter

ter elegerunt, & eorum operatio est quodammodo eis naturalis. Ergo Peccantes ex malitiâ, gaudent de peccato.

Minor principalis prob. quia. 9. Ethic. 4. dicitur, quod Penitidine replentur pravi, idest habentes habitum vitiosum.

Pro Affirmatiua.

Quicumque peccat ex electione mali, peccat ex certa malitia. Sed Qui peccat ex habitu, peccat ex electione mali. Ergo Qui peccat ex habitu, peccat ex certa malitia.

Maiores prob. quia Peccatum ex certa malitia dicitur esse, quod est ex electione mali.

Minor prob. quia Vnicuique est eligibile id, ad quod inclinatur per proprium habitum, ut dicitur 6. Ethic. de habitu virtuoso.

Determinatio.

Sensus quæstioni.

Hoc quæsitum potest habere duplicem sensum. Prior est, vtum peccans, habens habitum actus peccati, peccet ex certa malitia. Alter est, vtum peccans ex habitu, peccet ex certa malitia: est enim inter hos duos sensus magna differentia. Nā peccans habens habitum actus peccati, potest non peccare ex habitu, idest potest non vti habitu: Si quis enim habeat malum habitum blasphemadi, vel furandi, potest tamē blasphemare, vel furari, non ex habitu, idest vtendo habitu, sed ex aliqua passione, puta blasphemare ex ira, & furari propter magnam necessitatē, & hoc ostenditur. Nam habitus est, quo quis vtitur, quando vult. Vnde habēs habitum, potest vti, & non vti habitu: imō habens habitum malum, potest prorumpere in actum virtutis, contrarium habitui, quem habet, cum malum non totaliter corrumpat bonum. Peccans igitur cum habitu, nō semper necessariō vtitur habitu, & ideo non semper necessariō peccat ex habitu.

Sensus ergo intentus est, vtum, qui peccat ex habitu, idest vtendo habitu vitioso, quem habet, semper peccet, ex hoc quod vtitur habitu malo, ex certa malitia.

Conclusio. Peccans ex habitu, semper peccat ex certa malitia.

Prob. Eligens, quod est sibi conueniens secundum habitum vitiosum, peccat ex certa malitia. Sed Peccans ex habitu, vtendo. s. habitu, eligit, quod est sibi conueniens secundū habitū vitiosum. Ergo Peccans ex habitu, peccat ex certa malitia.

Maiores prob. quia Hoc est conueniens alicui secundum habitum vitiosum, quod excludit bonū spirituale, ex quo sequitur, vt homo eligat malum spirituale, vt adipiscatur bonum, quod est sibi con-

ueniens, secundum habitum vitiosum. In forma sic probatur maior. Qui eligit malum spirituale, peccat ex certa malitia, vt de se patet. Sed Qui eligit, quod est sibi conueniens, secundum habitum vitiosum, eligit malū spirituale. Ergo Qui eligit, quod sibi est conueniens, secundum habitum vitiosum, peccat ex certa malitia.

Minor huius prob. quia Secundum habitum vitiosum conuenit alicui, vt excludat spirituale bonum, & per consequens, quod eligat spirituale malum, vt bonum, contrarium spirituali bono, vt sic adipisci possit bonum, quod est contrarium bono spirituali.

Minor principalis prob. quia Vnicuique habēti habitum, est per se diligibile, & eligibile id, quod est ei conueniens secundum proprium habitum, quia fit ei quodammodo connaturale, secundum quod cōsuetudo, & habitus vertitur in naturam.

Ad Arguementa.

Ad 1. Dicitur, quod peccare ex habitu dupliciter contingit. Vno modo, ex habitu, qui est simpliciter malus. Alio modo, ex habitu, qui nō est simpliciter malus, sed secundum quid. Tunc ad minorem dicitur, quod si intelligatur de peccantibus ex habitu simpliciter malo, est falsa. Nā qui peccat ex habitu simpliciter malo, grauissime peccat. Et ad probationem dicitur, quod quia venialia peccata, nō excludunt spirituale bonum, quod est gratia Dei, vel charitas, non dicuntur simpliciter mala, sed secundum quid, propter hoc, nec habitus ipsorum, sunt simpliciter mali, sed solum secundum quid. Vnde dicens verbum otiosum, etiam ex habitu, non peccat nisi venialiter, quia huiusmodi habitus dicendi verbum otiosum, non est malus, nisi secundum quid. Si vero minor intelligatur de habitu malo, non simpliciter, est vera, sed non obstat proposito, quia non est hic sermo nisi de habitu malo simpliciter, scilicet quod qui peccat ex habitu malo simpliciter, vtendo ipso malitiose, semper peccat.

Ad 2. Neg. conseq. Ad prob. dicitur, qđ Actus, qui procedunt ex habitibus, sunt similes actibus, ex quibus habitus fuit generatus, secundum speciem, differunt tamen ab eis, vt perfectum ab imperfecto, & talis est differentia peccati, quod committitur ex certa malitia, ad peccatum quod committitur ex aliqua passione. Stat igitur, vt actus peccatorum, qui habitum præcesserunt, sint similes secundum speciem actibus, qui sunt ex habitu, secundum speciem, & tamen quod illi non sint ex malitia, isti vero ex malitia esse dicuntur.

Ad 3. Dicitur ad minorem, & ad eius prob. dupliciter. Primo, quod qui peccat ex habitu, semper

semper gaudet de hoc, quod ex habitu operatur, quandiu vitur habitu, sed quia potest haberi non ut, & per rationem, quæ non est totaliter per habitum malum corrupta, aliquod bonum meditari, potest contingere, ut doleat de hoc, quod per habitum commisit.

Secundo, Quod tales plerunque poenitet de peccato, non quia eis peccatum secundum se displicet, sed propter aliquod incommodum, quod ex peccato incurritur.

ARTICVLVS II.

Utrum Ille qui peccat ex certa malitia, peccet ex habitu.

Pro Affirmativa.

Videtur, quod Quicumque peccat ex certa malitia, peccet ex habitu.

1. Qui peccat ex electione, peccat ex habitu. Sed Omnis, qui peccat ex certa malitia, peccat ex electione. Ergo Omnis, qui peccat ex certa malitia, peccat ex habitu.

Maiores prob. quia Phil. dicit. 5. Ethici quod non est cuiuslibet iniusta facere, qualiter iniustus facit, scilicet ex electione, sed solum habentis habitum.

Minor prob. quia Peccare ex certa malitia, est peccare ex electione mali, ut dictum est artic. 1. huius quæst.

2. Maximus peccatorum defluxus est ex habitu. Sed Peccatum ex certa malitia, est maximus peccatorum defluxus. Ergo Peccatum ex certa malitia est semper ex habitu.

Maiores prob. quia Origenes dicit 1. Periarcho, quod Non ad subitum aliquis euertatur, aut deficiat, sed paulatim per partes defluere necesse est. Ergo Maximus peccatorum defluxus, non est statim a principio, sed per multam consuetudinem, ex qua habitus generari potest, aliquis ad hoc deuenit, ut ex certa malitia peccet.

3. Peccatum, quod est ex inclinatione voluntatis de se in malum, quod eligit, est ex habitu. Sed Peccatum ex certa malitia est ex inclinatione voluntatis de se in malum, quod eligit, ut dictum est. Ergo Peccatum ex certa malitia est ex habitu.

Maiores probatur. quia Cum ex natura voluntatis homo non inclinatur ad malum, sed ad bonum, oportet, si eligit malum, quod sit ex aliquo superueniente, quod est passio, vel habitus, quorum cum passio sit causa peccati, quod est ex infirmitate, habitus erit semper causa peccati, quod est ex certa malitia.

Pro Negativa.

Sicet se habet habitus bonus ad electionem boni, ita habitus malus ad electionem mali. Sed Quandoque aliquis non habens habitum virtutis, eligit id, quod est bonum secundum virtutem. Ergo Etiam quandoque aliquis non habens habitum vitiosum, potest eligere malum, quod est ex certa malitia peccare.

Determinatio.

Conclusio. Non est necessarium, ut quicumque peccat ex certa malitia, peccet ex habitu.

Prob. Peccatum, quod procedit ex hoc, quod voluntas ex se ipsa mouetur in malum, per remotionem alicuius prohibentis peccatum, non est necessarium ex habitu. Sed Peccatum ex malitia procedit ex hoc, quod voluntas ex se ipsa tendit in malum, ex remotione prohibentis peccatum. Ergo Peccatum ex malitia non necessarium est ex habitu.

Maiores prob. quia Actus, quo remouentur ea, quæ impediunt peccatum, præcedit habitum peccati. Vnde peccatum prouenit ex hoc, quod remouetur ea, quæ retraherent a peccato, non est ex habitu.

Minor, & tota ratio manifestatur. Pro quo est sciendum, quod omne peccatum procedit ex hoc, quod voluntas inclinatur ad eligendum malum, sed cum voluntas ex natura sua potentia inclinatur ad bonum rationis, sicut ad proprium obiectum, propter quod omne peccatum dicitur esse contra naturam, oportet, ut inclinatio eiusdem voluntatis ad eligendum malum aliunde procedat. Hoc autem est aliquis defectus existens, vel in ratione, vel in appetitu sensitivo, vel in ipsa voluntate. Defectus existens in ratione est ignorantia, & ex hoc procedit peccatum, quando dicitur ignorantie. In appetitu sensitivo est defectus immoderata passio, & ex hoc procedit peccatum ex infirmitate. Defectus autem existens in voluntate, inclinans ipsam, ut ex se ipsa eligat malum, quod dicitur peccatum ex certa malitia, duplex esse potest. Prior est aliqua dispositio corrupta inclinans ad malum, ita quod secundum illam dispositionem sit homini conueniens, & quasi simile aliquod malum, & in hoc, ratione huiusmodi conuenientie, tendit voluntas, quasi in bonum, quia Vnum quodque secundum ferendit in id, quod est sibi conueniens. Talis autem dispositio corrupta, vel est aliquis habitus acquisitus ex consuetudine, qui vertitur in naturam, vel est aliqua aggrauata habitudo ex parte corporis, sicut aliquis habens aliquas naturales inclinationes ad aliqua peccata propter corruptionem naturæ in ipso. Alter defectus est, quo voluntas inclinatur in malum, quia remouet id, quod retrahit a peccato, puta si ali-

si aliquis prohibeatur peccare, non quia peccatū ei secundum se displiceat, sed propter spem vitæ æternæ, vel propter timorem gehennæ, tunc. n. spes, vel timor prohibet homini peccatum, quod si hæc remoueantur, sequitur peccatum ex malitia: remota enim spe per desperationem, vel timore per præsumptionem, sequitur, quod ex certa malitia, id est absque freno, quis peccatis se immergat.

Ex quibus primo patet, quod peccatum ex certa malitia, semper præsupponit in homine aliquā inordinationem, scilicet vel inclinationem ex consuetudine factā naturalem, vel egritudinalem ex parte corporis, vel remotionem eorū, quæ a peccato retrahunt, quæ tamen deordinatione non semper est habitus, nam remotio impedimentorum retrahentium hominem a peccato, non est habitus, sed habitum peccati præcedit. Vnde nō omne peccatum ex malitia est ex habitu.

Secundo Ex his patet, non solum minor, sed tota ratio: & maior quidem, quia cum remotio impedimenti peccati, non sit habitus peccati, manifestum est, quod peccatum proueniens ex huiusmodi remotione, non est necessario ex habitu.

Minor probatur. quia, quod Voluntas ex se eligat malum, quod est ex malitia peccare, potest ex illis duobus prouenire, scilicet vel ex corrupta dispositione existente in ipsa voluntate, quæ ex consuetudine facta est habitus, vel ex hoc, quod remouetur impedimenta, quæ prohibebant peccata. Si peccatum ex malitia procedat ex primo, procedit ex habitu, si ex secundo solum, procedit non ex habitu, & ita peccatum ex malitia potest esse ex habitu, & non ex habitu.

Ad Argumenta.

Ad 1. Negatur maior, potest. n. aliquis peccare ex electione, & non ex habitu. Ad prob. dicitur, quod operari, qualiter iniustus operatur, non solum est operari iniustus ex certa malitia, sed etiam delectabiliter, & sine graui renisu rationis, quod non est nisi eius, qui habet habitum. Conceditur igitur, quod Iniustus operetur iniustus ex certa malitia, & ex habitu, cum quo tamen stat, quod aliquis operetur iniustus ex certa malitia, sed cum graui renisu rationis, & non ex habitu, vt dictum est.

Ad 2. Negatur vniuersaliter maior. Non. n. maximus peccatorum defluxus semper est ex habitu. Ad probationem dicitur, concedendo, quod non ad subitum quis euacuetur, aut deficiat, sed non sequitur ex hoc, quod omne peccatū ex malitia sit ex habitu, præsupponit enim peccatum ex malitia semper aliquid, quod tamen non semper est habitus, vt in corpore dictum est.

Ad 3. Negatur maior vniuersaliter. Non. n. inclinatio voluntatis de se in malum, semper est habitus. Ad probationem dicitur, quod voluntas inclinatur in malum ex se, non ex passione solū, aut ex solo habitu, sed etiam ex hoc, quod remouetur impedimentum peccati, quod non est habitus, vt dictum est.

Ad Argumentum, Pro Negatiua.

Dicitur ad maiorem, quod non est similis ratio de electione boni, & de electione mali, quia malum nunquam est sine bono naturæ, sed bonum potest esse sine malo culpæ perfectæ.

ARTICVLVS IV.

Vtrum Ille, qui peccat ex certa malitia, grauius peccet, quam qui peccat ex passione.

Pro Negatiua.

Videtur, quod Ille, qui peccat ex certa malitia, non peccet grauius, quam ille, qui peccat ex passione.

1. Qui peccat ex maiori ignorantia, non peccat grauius, quam qui peccat ex minori ignorantia. Sed Qui peccat ex malitia, peccat ex maiori ignorantia, quam qui peccat ex passione. Ergo Qui peccat ex malitia, non peccat grauius, quam qui peccat ex passione.

Maiores probatur. quia Ignorantia excusat peccatum, in toto, vel in parte.

Minor probatur. Qui patitur ignorantia principij, maximam patitur ignorantiam. Sed Qui peccat ex malitia, patitur ignorantiam principij. Ergo Maximam patitur ignorantiam.

Maiores huius probatur. quia Ignorantia principij est maxima, vt dicitur 7. Ethic. c. 8.

Minor probatur. quia Qui peccat ex malitia, habet malam existimationem de fine, qui est principium in operariis.

2. Quanto aliquis habet maius impellens ad peccandum, minus peccat: sicut patet de eo, qui maiori impetu passionis deiciatur in peccatum. Sed Ille, qui peccat ex certa malitia, impellitur ab habitu, cuius est fortior impulsus, quam passionis.

Ergo Qui peccat ex habitu, minus peccat, quam ille, qui peccat ex passione.

3. Ille, qui peccat ex electione mali, non minus peccat, quam qui peccat ex certa malitia.

Sed Qui peccat ex passione, peccat ex electione mali.

Ergo Qui peccat ex passione, non minus peccat, quam qui peccat ex certa malitia.

Maior probatur. quia Peccare ex electione mali, est peccare ex certa malitia.

Minor prob. quia Qui peccat ex passione, etiam eligit malum.

Pro Affirmatiua.

Peccatum, quod maiori pena punitur, est grauius. Sed Peccatum ex malitia, siue ex industria maiori pena punitur. Ergo Peccatum ex industria est grauius.

Maior prob. quia Pena non augetur, nisi propter grauitatem culpa.

Minor prob. quia Iob. 34. dicitur. Quasi impios percussit eos in loco videntium, qui quasi de industria recefferunt ab eo.

Determinatio.

Conclusio. Peccatum, quod est ex certa malitia, est grauius peccato, quod est ex passione.

Probat tripliciter. Primo, Peccatum cuius motus est magis proprius voluntati, est grauius. Sed Cum ex certa malitia peccatur, motus peccati est magis proprius voluntati, quam quando ex passione peccatur. Ergo Peccatum, quod est ex malitia, est grauius peccato, quod est ex passione.

Maior probatur. quia Cum peccatum principaliter in voluntate consistat, quanto motus peccati est magis proprius voluntati, tanto peccatum est grauius ceteris paribus.

Minor quo ad priorem partem probatur. quia Quando peccatur ex malitia, voluntas ex se ipsa ad malum mouetur.

Quo ad aliam partem probatur. quia Quando ex passione peccatur, voluntas mouetur, quasi ex quodam extrinseco impulsu ad peccandum.

Ex quibus sequitur, quod Peccatum ex hoc ipso, quod est ex malitia, grauiatur, & tanto magis quanto fuerit vehementior malitia, ex eo vero, quod est ex passione, diminuitur, & tanto magis, quanto passio fuerit vehementior.

Secundo probatur Conclusio. Peccatum, quod est ex causa permanente, grauius est, quam peccatum, quod est ex causa cito transeunte. Sed Peccatum, quod est ex malitia, est ex causa magis permanente, Peccatum vero ex infirmitate est ex causa cito transeunte.

Ergo Peccatum ex malitia grauius est, peccato ex infirmitate.

Maior probatur. quia Si causa peccati sit permanens, peccatum erit diuturnius, & inde grauius. Si vero causa cito transeat, peccans cito redit ad bonum propositum, & eum penitet, unde minus est eius peccatum.

Minor probatur, quia Causa peccati ex mali-

tia est habitus malus: habitus autem est qualiter permanens. Passio vero, quæ est peccatum ex infirmitate, est qualitas cito transiens.

Et confirmatur hæc ratio. quia Phil. 7. Ethic. capit. 8. comparat intemperatum, qui peccat ex malitia, infirmo, qui continue laborat. Incontinentem autem, qui peccat ex passione, ei, qui laborat interpollate.

Tertio probatur Peccatum, quod facit peccatum esse male dispositum circa finem, est grauius peccato, quod non tollit bonum propositum tendens in finem.

Sed Peccatum, quod est ex malitia, facit peccantem esse male dispositum circa finem, Peccatum autem ex passione non tollit bonum propositum tendens in finem. Ergo Peccatum ex malitia grauius est, & periculosius peccato ex passione.

Maior probatur. Defectus circa principium est pessimus. Sed Mala dispositio peccantis circa finem, est defectus circa principium: finis enim est principium in operabilibus.

Ergo Mala dispositio circa finem est pessimum peccatum.

Minor probatur. quia Propositum eius, qui ex passione peccat, tendit in bonum finem, licet hoc propositum interrumpatur ad horam propter passionem.

Ad Argumenta.

Ad 1. Dicitur, quod Ignorantia est duplex. Quædam, quæ excusat a peccato, & Quædam, quæ non excusat, ut dictum est quæst. 76. articulo 2. Ad maiorem dicitur, quod si intelligatur de ignorantia excusante, est vera: qui enim peccat ex maiori ignorantia excusante, minus peccat, sed tunc negatur minor.

Nam ignorantia electionis, quæ concomitatur peccatum, quod est ex malitia, neque excusat, neque diminuit peccatum. Si vero in maiori sit sermo de malitia hac, scilicet quæ inuenitur in peccato malitia, falsa est, & ad probationem dicitur, quod non omnis ignorantia excusat, ut dictum est.

Ad 2. Dicitur, quod Impulsuum voluntatis ad peccandum est duplex, scilicet intrinsecum, & extrinsecum. Si maior intelligatur de impulsu extrinseco, vera est, nam hoc impulsuum aliquo modo tollit voluntarium, & ideo, quanto maius est extrinsecum impulsuum, minus est peccatum, sed tunc negatur minor, quia qui peccat ex malitia, non habet impulsuum extrinsecum. Si vero maior intelligatur de impulsu intrinseco, est falsa, nam impulsuum intrinsecum, cum nullo modo tollat voluntarium, nullo modo a peccato excusat.

Ad 3.

Ad 3. Dicitur, quod Aliud est aliquem peccare eligens malum, & aliud est peccare ex electione mali. Tunc enim peccat quis ex electione, quando electio est primum peccati principium. Tunc vero aliquis peccat eligens, quando inducitur ab aliquo alio, puta a passione, vel ignorantia ad eligendum malum. Tunc dicitur ad minorem, & ad eius probationem quod, qui peccat ex passione, peccat quidem eligens, non autem ex electione, quia electio non est in eo primum peccati principium, sed inducitur a passione ad eligendum id, quod extra passionem existens non eligeret. Sed ille, qui peccat ex certa malitia, secundum se, eligit malum, eo modo, quo dictum est, & ideo electio, quæ est in ipso, est principium peccati, & propter hoc dicitur ex electione peccare.

DE CAUSIS exterioribus peccati.

Deinde Considerandum est de causis exterioribus peccati.

Et Primo ex parte Dei, quæst. 79.

Secundo ex parte diaboli, quæst. 80.

Tertio ex parte hominis, quæst. 81. 82. 83.

QVÆSTIO LXXIX.

DE CAUSA PECCATI ex parte Dei.

ARTICVLVS I.

Utrum Deus sit causa peccati.

Pro Affirmatîa.

Videtur, quod Deus sit causa peccati.

1. Qui facit, ut homines agant, quæ non conueniunt, & inclinât hominis voluntatem in malum, est causa peccati. Sed Deus facit, ut homines agant, quæ non conueniunt, & inclinât eorum voluntatem in malum. Ergo Deus est causa peccati.

Maiores probatur. quia Facere, quæ non conueniunt, & inclinâre suam voluntatem in malum, est peccatum.

Minor probatur. quia Apost. Rom. 1. dicit de quibusdam. Tradidit eos Deus in reprobum sensum, ut faciant ea, quæ non conueniunt, & Glossa ibidem dicit, quod Deus operatur in cordibus hominum, inclinando voluntates eorum, in quodcumque voluerit, siue in bonum, siue in malum.

2. Auctor creaturarum est causa peccati. Sed Deus est auctor creaturarum: ut prima par. quæstio. 44. artic. 1. dictum est. Ergo Deus est causa peccati.

Maiores probatur. Auctor eorum, quæ prouocant ad peccatum, est causa peccati. Sed Creaturæ prouocant ad peccatum. Ergo Auctor creaturæ est causa peccati.

Minor huius probatur. quia Sapientie 14. dicitur. Creaturæ Dei in odium factæ sunt, & in tentationem, quæ est prouocatio quædam ad peccatum hominum.

3. Quicquid est causa cause, est causa effectus prouenientis a tali causa. Sed Deus est causa liberi arbitrii, quod est causa peccati. Ergo Deus est causa peccati.

Vel. Qui est causa liberi arbitrii, est causa peccati. Sed Deus est causa liberi arbitrii. Ergo Deus est causa peccati.

Maiores probatur. Qui est causa cause, est causa causati. Sed Liberum arbitrium est causa peccati. Ergo Qui est causa liberi arbitrii, est causa peccati.

4. Non repugnat diuinæ bonitati, quod ipse sit causa mali pœnæ. Ergo Nec etiâ diuinæ bonitati repugnat, ut Deus sit causa culpæ.

Antecedens probatur. quia de Malo pœnæ dicitur Esa. 45. quod Deus est creans malum. Et Amos. 3. Si est malum in ciuitate, quod non fecerit Dominus?

Consequ. prob. quia Omne malum opponitur bono. Vnde sicut Deo non repugnat, ut sit causa mali pœnæ oppositum bono, pari ratione non repugnabit, ut sit causa mali culpæ.

Pro Negatiua.

Illud, quod Deus odit, non est causatum a Deo. Sed Deus peccatum odit. Ergo Peccatum non est causatum a Deo.

Maiores probatur. quia Sapientie 11. dicitur. Nil odisti eorum, quæ fecisti.

Minor probatur. quia Sapientie 14. dicitur. Odis est Deo impius, & impietas eius.

Determinatio.

Distinctio. Homo dupliciter potest esse causa peccati, sui, vel alterius. Vno modo, directe inclinando, scilicet voluntatem suam, vel alterius ad peccandum. Alio modo, indirecte, dum, scilicet quis non retrahit aliquos a peccato. Iuxta quod Ezech. 3. speculatoris dicitur. Si non dixeris impio, morte morieris, sanguinem eius de manu tua requiram.

1. Conclusio. Deus non potest esse directè causa peccati.

Probatur. Qui omnia inclinat, & conuertit in Deum, sicut in vltimum finem, non potest esse causa peccati. Sed Deus omnia inclinat, & conuertit in seipsum, sicut in vltimum finem. vt Dion. dicit 2. cap. de diu. nom. Ergo Deus non potest esse directè causa peccati.

Maiores probatur. quia Omne peccatum est per recessum ab ordine, qui est in Deum, sicut in finem.

2. Conclusio. Deus non potest esse causa peccati indirectè.

Probatur. Qui subtrahit auxilium aliquibus ad euitandum peccatum, secundum ordinem diuinæ sapientiæ, & iustitiæ, non est causa peccati indirectè. Sed Quando Deus subtrahit auxilium aliquibus ad euitandum peccatū, quod auxilium si præberet, illi non peccarent, facit secundum ordinem diuinæ sapientiæ, & iustitiæ. Ergo Deus subtrahendo auxilium peccatori, non est causa peccati indirectè.

Maiores prob. quia Peccatum est per recessum ab ordine diuinæ sapientiæ, & iustitiæ.

Minor probatur. quia Ipse Deus est sapientia, & iustitia. Vnde quicquid facit, secundum ordinem suæ sapientiæ, & iustitiæ facit.

Et confirmatur. quia Sicut gubernator non dicitur esse causa submerisionis nauis, quando eam non gubernat, sed solum quādo debet gubernare nauim, sic Deus non dicitur esse causa peccati, per hoc, quod non præbet auxilium peccatori, qui non debet, secundum ordinem iustitiæ, & sapientiæ diuinæ auxilium ne peccet præstare.

3. Conclusio. Deus nullo modo est causa peccati.

Prob. Deus non est causa peccati directè, neque indirectè. Ergo Deus nullo modo est causa peccati.

Ad Argumenta.

Ad 1. Dicitur ad minorem, & ad eius probationes, quæ sunt Apostoli, & Augustini sententiæ, quod quantum ad verba Apostoli ex ipso textu patet solutio. Si enim Deus tradidit aliquos in reprobū sensum, ergo iam reprobū sensum habent, ad faciendum ea, quæ non conueniunt, & erit sensus horum verborū manifestior, si dicatur, tradidit eos reprobo sensui: & hoc facit Deus, in quantum non prohibet eos, quin suū reprobū sensum sequantur, sicut dicimur exponere periculo illos, quos non tuemur. Vnde quod Deus tradat aliquos reprobo sensui, est eos non prohibere, quin sequantur eorum reprobū sensum, quem iam habent, & hoc Deus permittit

secundum ordinem diuinæ suæ sapientiæ, & iustitiæ, vt dictum est.

Quod autem Augustinus dicit in libro de gratia, & libero arbitrio, vnde sumpta est glossa, quod Deus inclinat voluntatem hominis in bonum, & malum, sic intelligendum est, quod Deus in bonum directè inclinat voluntatem, in malum autem, in quantum non prohibet, vt dictum est, & etiam contingit ex merito præcedentis peccati, propter quod iuste est factum.

Ad 2. Negatur maior. Ad probationem dicitur ad minorem, & ad eius probationem, quæ est sententia sacræ scripturæ, quod cū dicitur, Creaturæ Dei factæ sunt in odium, & in tentationem animæ hominum, hæc prepositio in, non ponitur causaliter, sed consecutiuè: non enim Deus fecit creaturas ad malum hominum, sed hoc consecutum est, propter insipientiam hominum, vnde subditur. Et in miscipulam pedib. insipientium, qui .i. per suam insipientiam vtuntur creaturis ad aliud, quam ad quod factæ sunt.

Ad 3. Dicitur, quod effectus, qui procedunt à causa media, sunt in duplici differentia. Quidam sunt, qui procedunt ab ea, secundum quod subditur ordini causæ primæ, & huiusmodi effectus reducuntur in causam primam. Quidam vero sunt effectus, qui procedunt à causa media, vt exit ordinem causæ primæ: & hi non reducuntur in causam primam: sicut si minister faciat iuxta mandatum domini sui, hoc factum reducitur in dominium, vt in causam, si autem faciat præter mandatum, vel contra mandatum domini, non reducitur in dominium, vt in causam, sicut si dominus mittat seruum ad emendum gladium, vt eo scindat panem, & seruus post emptū gladium, cum ipso aliquem interficiat, emptio gladij reducitur in dominium, sed interfecio non reducitur in ipsum, sed in malam serui voluntatem. Vnde ad primam argumenti formam dicitur ad maiorem, Qui est causa causæ, est causa effectus illius causæ, non cuiuscunque, sed eius, qui est à causa media, vt subditur causæ primæ. Et ad minorem dicitur, quod liberum arbitrium est causa peccati, vt exit ordinem diuinæ sapientiæ, & legis.

Et ad secundam formam negatur maior, & ad maiorem probationis iam dictum est.

Ad 4. Negatur consequentia. Ad probationem dicitur, quod non est eadem ratio, de malo pænæ, & culpæ. Pænâ enim opponitur bono eius, qui punitur, sed culpa opponitur bono ordinis, qui est in Deum. Vnde malum culpæ opponitur directè diuinæ bonitati, & propter hoc, Deus nunquam est causa mali culpæ.

ARTICVLVS II.

Vtrum Actus peccati sit à Deo.

Pro Negatiua.

Videtur, quod Actus peccati non sit à Deo.
1. Omne, quod est à Deo, est res aliqua. Sed Actus peccati non est res aliqua, vt Auguſt. dicit lib. de perfectione iuſtitia: Ergo Actus peccati non est à Deo.

2. Qui est causa actus peccati, est causa peccati. Sed Deus non est causa peccati: Ergo Deus non est causa actus peccati.

Maiores probatur. quia Cum nullus intendens ad malum operetur, vt Dion. dicit 4. cap. de Diu. nom. Homo non dicitur esse causa peccati, nisi quia est causa actus peccati. Et clarius. Cum in peccato duo sint. scilicet actus, & defectus, & homo non intendat defectum, sed actum, alioquin, ad malum respiciens, operaretur, contra Dionysium. Igitur in tantum aliquis est causa peccati, in quantum est causa actus peccati.

3. Si Deus esset causa actus peccati, sequeretur, quod esset etiam causa peccati. Sed Hoc est falsum, vt ostensum est, art. preced. Ergo Deus non est causa actus peccati.

Consequenter prob. Qui est causa eius, quod secundum suam speciem est malum, & peccatum, est causa peccati. Sed Si Deus esset causa actus peccati, esset causa eius, quod secundum suam speciem est malum, & peccatum. Ergo Si Deus esset causa actus peccati, esset causa peccati.

Major patet. quia Quicquid est causa alicuius, est causa eius, quod conuenit ei, secundum suam speciem.

Minor probatur. quia Aliqui actus secundum suam speciem sunt mali, & peccata, vt dictum est, quæst. 18. art. 2. & 3.

Pro Affirmatiua.

Causa omnium motionum est causa actus peccati. Sed Deus est causa omnium motionum, vt Aug. dicit 3. de trin. cap. 4. Ergo Deus est causa actus peccati.

Major prob. quia Actus peccati est quidam motus liberi arbitrii.

Determinatio.

Distinctio. Peccatum duo nominat, scilicet Actum, & Defectum actus: sicut Claudicatio significat actum ambulandi, & defectum deambulationis.

1. Conclusio. Actus peccati est à Deo.

Probatur. Quod habet, vt sit ens, & actus, est à Deo. Sed Actus peccati habet, quod sit ens, & actus. Ergo Actus peccati est à Deo.

Maiores probatur, quo ad vtramque partem. scilicet quod habet, vt sit ens, est à Deo. quia Omne ens, quocunque modo sit, à primo ente deriuari, oportet, vt Dion. dicit 5. cap. de diu. nom.

Quo ad alteram partem scilicet quod Actus peccati, vt actus, sit à Deo. Omnis actus est à primo actu, qui est Deus. Sed Actus peccati est quidam actus. Ergo Actus peccati est à primo actu, qui est Deus.

Maiores huius probatur. quia Cum omnis actio causetur ab aliquo existente in actu, eo, quod nihil agat, nisi secundum quod est actu, & omne ens actu reducatur in primum actum, qui est Deus, sicut in causam, qui est per suam essentiam actus, relinquitur, quod Deus sit causa omnis actionis, in quantum actio.

2. Conclusio. Defectus actus peccati, non est à Deo, sed à libero arbitrio peccantis.

Manifestatur. quia Sicut defectus claudicationis non est à virtute moriua, vt à causa, sed à tibia curua. Ita defectus actus peccati non est à Deo, à quo est ipse actus, secundum suam entitatem, & actualitatem, sed à libero arbitrio subducente se ab ordine diuinæ voluntatis.

Ex quo sequitur, quod quamuis Deus sit causa actus peccati, non sit tamen causa peccati, quia non est causa huius, scilicet quod actus sit cum defectu. Ipse enim Deus est causa entitatis, & actualitatis actus, & liberum arbitrium est causa, vt hic actus sit cum defectu.

Aliiter formatur hæc litera.

Distinctio. In actu peccati tria considerantur. Primum, quod sit ens. Secundum, quod sit actio quædam. Tertium, est defectus.

1. Conclusio. Deus est causa actus peccati, secundum suam entitatem.

Probatur. Omne ens, est à Deo, vt à causa. Sed Actus peccati est quoddam ens. Ergo Actus peccati secundum suam entitatem est à Deo.

Maiores prob. quia Omne ens, quocunque modo sit, oportet, quod deriuetur à primo ente, vt Dion. dicit.

2. Conclusio. Actus peccati, secundum quod est actus, est à Deo.

Probatur. Omnis actio est à Deo. Sed Actus peccati est quædam actio. Ergo Actus peccati est à Deo, secundum quod est actus.

Maiores prob. quia Deus est primum agens, & prius actus per essentiam, à quo omnes actus, & actiones dependent.

3. Conclusio. Deformitas actus peccati non est a Deo.

Manifestatur, vt supra manifestata est secundum Conclusionem.

Ad Argumenta.

Ad 1. Negatur minor. Actus enim peccati est res aliqua, vt dictum est. Ad probationem dicitur, quod Aug. nominat ibi rem, id quod est res simpliciter, s. substantiam, sic enim actus peccati non est res, est tamen res aliqua, scilicet deus.

Ad 2. Negatur maior. Ad hoc enim, vt aliquis sit causa peccati, non sufficit, vt sit causa actus, sed debet esse causa defectus ipsius actus. Ad probationem dicitur, quod licet homo peccans non intendat defectum, tamen, quia peccando operatur non subdendo se ordini eius, cui debet subdi, ideo est causa non solum actus, sed etiam defectus, conconitantis talem actum. Deus autem nullo modo est causa defectus, vt dictum est.

Ad 3. Negatur consequens. Ad probationem dicitur, quod aliquid pertinere ad speciem actus, potest dupliciter intelligi. Vno modo, vt sit differentia specifica ipsius. Alio modo, vt consequatur speciem actus. Tunc negatur minor probationis. Ad cuius probationem dicitur, quod actus, & habitus non recipiunt speciem ex ipsa priuatione, in qua consistit ratio mali, sed ex aliquo obiecto, cui coniungitur talis priuatio, & sic ipse defectus, qui dicitur non esse a Deo, pertinet ad speciem actus, consequenter, & non quasi diffinitio specifica.

ARTICVLVS III.

Vtrum Deus sit causa excæcationis, & indurationis.

Pro Negatiua.

Videtur, quod Deus non sit causa excæcationis, & indurationis.

1. Eius, quo homo fit deterior, Deus non est causa, vt Aug. dicit lib. 8. 3. q. 4. Sed Per excæcationem, & obdurationem homo fit deterior. Ergo Excæcationis, & obdurationis Deus non est causa.

2. Ea, quorum Deus est ultor, non causantur a Deo. Sed Excæcationis, & obdurationis Deus est ultor. Ergo Excæcationis, & obdurationis Deus non est causa.

Maior prob. quia Fulgentius dicit, quod Deus non est ultor illius rei, cuius est auctor.

Minor prob. quia Eccles. 3. dicitur. Cor durum male habebit in nouissimo.

3. Quod causatur à propria malitia peccantis, & à diabolo, non causatur à Deo. Sed Excæcatio

causatur à propria malitia peccantis, & à diabolo. Ergo Excæcatio non causatur à Deo.

Maior prob. Idem effectus non attribuitur contrariis causis. Sed Malitia peccantis, & diabolus sunt cause Deo contrarie. Ergo Effectus, qui est à malitia peccantis, & à diabolo, non potest Deo attribui.

Minor prob. quia Sapientia 2. dicitur. Excæcavit eos malitia eorum, & 2. Corinth. 4. dicitur. Deus huius sæculi, id est diabolus, excæcavit mentes infidelium.

Pro Affirmatiua.

Esaia 6. dicitur. Excæca cor populi huius, & aures eius aggraua. Er Rom. 9. dicitur. Cuius vult miseretur, & quem vult indurat.

Determinatio.

Distinctio. Excæcatio, & obduration duo important. Primum est motus animi humani in herentis malo, & auersi à diuino lumine. Aliud est, subtractio gratiæ, ex quo sequitur, quod mens diuinitus non illuminetur ad recte videndum, & cor hominis non emolliatur ad recte viuendum.

1. Conclusio. Deus non est causa excæcationis, & obdurationis, quatenus important motum animi in herentis malo.

Probat. Qui est causa motus animi humani in herentis malo, est causa peccati. Sed Deus non est causa peccati, vt dictum est art. præced. Ergo Deus non est causa excæcationis, & obdurationis, secundum quod important motum animi humani in herentis malo.

Maior probatur. quia Motus animi humani in herentis malo, est peccatum.

2. Conclusio. Deus est causa excæcationis, & obdurationis, vt important subtractionem gratiæ.

Probat. ex differentia, quæ est inter causam obtenebrationis, quæ est per priuationem solaris luminis, & causam obtenebrationis, quæ est per priuationem luminis diuini. Pro quo est sciendum, quod Deus est causa vniuersalis illuminationis animarum, secundum illud 1o. 1. Erat lux vera, quæ illuminat omnem hominem venientem in hunc mundum, sicut sol est vniuersalis causa illuminationis corporum, aliter tamen, & aliter. Nam sol agit illuminando per necessitatem naturæ, Deus autem agit voluntarie per ordinem suæ sapientiæ: ex quo sequitur, quod sol semper illuminet, & quod si non illuminet aliquid, causa non illuminandi non sit à sole, qui naturaliter semper illuminat, sed sit ab aliqua alia causa: sic cui patet de domo, quam sol intus non illuminat, quia fenestræ sunt clausæ, obtenebratio enim illius domus, non est à sole, sed ab eo, qui fenestræ clausit. Deus autem, quia suo iudicio

dicio agit, non immittit lumen gratiæ in illis, in quibus obſtaculum inuenit. Vnde cauſa ſubtractionis gratiæ, non ſolum eſt ille, qui ponit obſtaculum gratiæ, ſed etiam Deus, qui ſuo iudicio gratiam non apponit, & per hunc modum Deus eſt cauſa excecationis, & aggrauationis aurium, & obdurationis cordium. Et breuiter differentia conſiſtit in hoc, quod cauſa obtenebrationis, quæ eſt per priuationem ſolaris luminis, eſt ſolum ille, qui ponit impedimentum. Cauſa vero obtenebrationis, quæ eſt per priuationem diuini luminis, eſt & ille, qui ponit obicem diuinæ gratiæ, & Deus, qui ſuo iudicio, ſecundum ſuam ſapientiã, & iuſtitiam ſubtrahit lumen gratiæ, ab eo, qui obicem poſuit.

Quomodo diſtinguantur excecatio, aggrauatio, & obdurationio.

Tria hæc. ſ. excecatio, aggrauatio, & obdurationio diſtinguuntur ſecundum diuerſos effectus gratiæ. Gratia enim perficit intellectum dono ſapientiæ, & affectum emollit igne charitatis: & quia ad cognitionem intellectus, maxime deſeruiunt duo ſenſus. ſ. viſus, & auditus, quorum vnus deſeruit inuentioni, ſ. viſus, & alius diſciplinæ. ſ. auditus. Ideo quantum ad viſum ponitur excecatio, quantum ad auditum aurium aggrauatio, quantum ad affectum ponitur obdurationio.

Ad Argumenta.

Ad 1. Dicitur ad minorem, quod cum obdurationio, & excecatio ex parte ſubtractionis gratiæ, ſecundum quod Deus eſt cauſa horum, ſint quædam pœnæ, ex hac parte homo eis non fit deterior, ſed iam factus eſt deterior peſ culpam, propter quam in has pœnas, ſicut in ceteras incurrit. Vnde negatur ipſa minor, quod ſ. per excecationem, & obdurationem, ſecundum quod cauſantur a Deo, homo fiat deterior.

Ad 2. Dicitur ad minorem, quod Deus eſt vltor excecationis, & obdurationis, ſecundum quod importat motum humani animi in malum, ſecundum quem modum ſunt peccata, & Deus eorum eſt vltor, & ſic non cauſantur a Deo, vt dictum eſt.

Ad 3. Dicitur, quod ſi ſermo ſit de obduratione, & excecatione, pro vt ſignificant motum animi in malum, conceditur totum, ſic enim Deus non eſt cauſa obcecationis, & obdurationis, vt dictum eſt in prima conſeſione. Si vero ſermo ſit de obcecatione, & obduratione, vt ſignificat ſub-

tractionem gratiæ, dicitur quod obdurationio, & excecatio, ſic acceptæ, cauſantur a propria malitia, a diabolo, & a Deo. A propria malitia meritorie, a diabolo inductiue, a Deo per ſubtractionem luminis. Et ad formam dicitur ad maiorem, quod id, quod cauſatur a malitia, & diabolo, non cauſatur a Deo eodem modo, & effectus idem nõ eſt a contrariis cauſis eodem modo. Et ad minorem dicitur, quod excecatio, & obdurationio ſunt a propria malitia, a diabolo, & a Deo diuerſimode, vt dictum eſt.

ARTICVLVS IV.

Vtrum Excecatio, & obdurationio ſemper ordinentur ad ſalutem eius, qui obcecatur, & obduratur.

Pro Affirmatiua.

Videtur, quod Excecatio, & obdurationio ſemper ordinentur ad ſalutem eius, qui obcecatur, & obduratur.

1. Malum, cuius Deus eſt cauſa, ſemper ordinatur in bonum. Sed Obdurationio, & obcecatio ſunt mala, quorum Deus eſt cauſa, vt dictum eſt art. præced. Ergo Obcecatio, & obdurationio ordinantur in ſalutem eorum, qui obcecantur, & obdurantur.

Major prob. Deus ordinat omnia mala ad aliquod bonum. Inquit enim Aug. in Ench. cap. 11. quod Deus cum ſit ſumme bonus, nullo modo permetteret fieri aliquod malum, niſi poſſet ex quolibet malo elicere bonum. Ergo Multo magis Deus ordinat in bonum mala, quorum ipſe eſt cauſa.

2. Si Deus non conuerteret obcecationem, & obdurationem in ſalutem eorum, qui obdurantur, & obcecantur, videretur delectari in perditione impiorum, quod eſt contra illud, quod dicitur Sap. 1. Deus non delectatur in perditione impiorum.

Conſeq. prob. quia Si medicus non ordinaret ad ſanitatem infirmi amarum medicinam, quam ei propinat, videretur delectari afflictione infirmi, ſic Deus excecationem conuertit in bonum excecatorum.

3. Deus, quorumdam excecationem ordinat ad eorum ſalutem. Ergo Deus omnium excecationem ordinat in eorum ſalutem.

Antecedens prob. quia Deus ordinauit excecationem quorumdã iudeorum, qui excecati ſunt, vt Chriſto non crederent, & non credentes occiderent, & poſt modum conuicti conuerterentur, ſicut de quibuſdam legitur Act. 2. vt patet per Aug.

August. libro 3. de quæst. Euangel.

Conseq. prob. quia Act. 10. dicitur, quod Deus non est acceptor personarum.

Pro Negativa.

Non sunt facienda mala, ut veniant bona. Roman. 3. Sed Excecatio est malum. Ergo Deus non excecatur aliquos propter eorum bonum.

Determinatio.

Conclusio. Excecatio ordinatur quantum ad quoddam ad sanationem, quantum autem ad alios in damnationem.

Manifestatur, & probatur. Manifestatur inquit. Nam cum excecatio sit quoddam præambulum ad peccatum, & peccatum ad duo ordinetur, ad vnum per se, id est ad damnationem peccantis, ad aliud autem ordinetur ex diuina misericordia, vel promissionem, scilicet ad sanationem, in quantum Deus permittit aliquos cadere in peccatum, ut peccati suum agnoscentes humilientur, & conuertantur, ut Aug. dicit lib. de nat. & gra. cap. 2. sic etiam excecatio ordinatur ex se ad damnationem eius, qui excecatur, propter quod etiam ponitur reprobationis effectus, sed ex diuina misericordia excecatio, ad tempus ordinatur medicinaliter ad salutem eorum, qui excecantur, & quia hæc misericordia non omnibus excecatis impenditur, sed solis prædestinatis, quibus omnia cooperantur in bonum, ut dicitur Rom. 8. Ideo excecatio non ordinatur ad salutem omnium eorum, qui excecantur, sed solum prædestinatorum, & ordinatur in damnationem reproborum, ex qua declaratione potest elici formalis probatio.

Quod secundum suam naturam ordinatur ad damnationem, & ex sola diuina misericordia ordinatur ad salutem, non semper ordinatur ad salutem. Sed Excecatio secundum suam naturam ordinatur ad damnationem excecatis, & solis ex diuina misericordia, ad eius salutem. Ergo Excecatio non semper ordinatur ad salutem excecatis, sed aliquorum tantum, scilicet electorum.

Maiores probatur. quia Diuina misericordia non omnibus impenditur, sed prædestinatis solum.

Minor prob. quia Excecatio est præambulum ad peccatum, quod per suam naturam ad damnationem peccantis ordinatur, & solis ex diuina misericordia, ad salutem, ut dictum est.

Secundo probatur Conclusio, ex Augustino cap. 1. docente in 3. lib. de quæst. Euang.

Ad Argumenta.

Ad 1. Dicitur, quod omnia mala, quæ Deus fa-

cit, vel fieri permittit, ordinantur in aliquod bonum, non tamen semper in bonum eius in quo est malum, sed quandoque ad bonum acrius, vel etiam totius vniuersi, sicut culpam tyrannorum ordinat in bonum martirum, & penam damnatorum ordinat ad gloriam iustitiæ scilicet.

Ad 2. Dicitur ad consequens, quod Deus non delectatur in perditione hominum, quantum ad ipsam perditionem, sed ratione suæ iustitiæ, vel propter bonum, quod inde provenit.

Ad 3. Negatur consequens. Ad probationem dicitur, quod hoc, quod Deus aliquorum excecationem ordinat in eorum salutem, misericordia est, quod autem excecatio aliorum, ordinatur ad eorum damnationem, iustitiæ est, quod autem misericordiam quibusdam impendat, & non omnibus, non facit personarum acceptionem in Deo, sicut p. p. quæst. 23. art. 5. ad 3. dictum est.

Ad Argumentum. Pro Negativa.

Ad Argumentum pro negativa dicitur ad maiorem, quod mala culpæ non sunt facienda, ut veniant bona, sed mala pænæ sunt inferenda propter bonum.

QVÆSTIO LXXX.

DE CAUSA PECCATI,
ex parte diaboli.

ARTICVLVS I.

Vtrum Diabolus sit homini directe causa peccandi.

Pro Affirmativa.

Videtur, quod Diabolus sit homini directe causa peccandi.

1. Qui est causa malorum affectuum in anima, est homini directe causa peccandi. Sed Diabolus est causa malorum affectuum in anima. Ergo Diabolus est homini directe causa peccandi.

Maiores prob. quia Peccatum directe in affectu consistit.

Minor prob. quia August. 4. de Trinit. cap. 12. dicit, quod Diabolus suæ societati malignos affectus inspirat. Et Beda super Acta. cap. 5. dicit, quod Diabolus animam in affectum malitiæ trahit, & Isidorus lib. 1. de summo bono cap. 5. dicit, quod Diabolus corda hominum oculis cupiditatibus replet.

2. Deus directe est causa bonorum nostrorum. Ergo Diabolus est directe causa nostrorum peccatorum. Conseq.

Consequentia prob. quia Hieronymus lib. 2. contra Iovinianum dicit, qd sicut Deus est perfectior boni, ita diabolus est perfectior mali.

3. Quod est principium mali consilij humani, est causa peccati directe. Sed Diabolus est principium mali consilij humani. Ergo Diabolus est causa peccati directe.

Maiores probatur. quia Sicut Deus per hoc, qd mouet ad consilium bonum, est causa boni directe, ita qui mouet ad consilium malum, erit causa mali directe.

Minor probatur. quia Philosophus dicit in quodam capite Ethicæ eudem lib. 7. cap. 18. quod oportet esse quoddam principium extrinsecum humani consilij, & cum humanum consilium sit non solum de bono, sed etiam de malo, & Deus non moueat ad malum, sed ad bonum consilium, sequitur, quod principium extrinsecum mali consilij sit diabolus, & per hoc, sit causa mali, & peccati directe.

Pro Negatiua.

Illud, quod est causa peccati directe, facit mentem hominis seruam libidinis. Sed Diabolus non facit mentem hominis seruam libidinis. Ergo Diabolus non est causa homini directe peccandi.

Maiores prob. quia Mens hominis non sit seruam libidinis nisi per peccatum.

Minor probatur. quia August. probat in 1. & 4. de sib. ar. quod Nulla alia re fit mens hominis seruam libidinis, nisi propria voluntate.

Determinatio.

Concl. Diabolus non est causa peccati directe, vel sufficienter, sed solum per modum persuadentis, vel proponentis appetibile.

Probatur. Qui est causa peccati directe, vel sufficienter, potest directe, & sufficienter mouere voluntatem. Sed Diabolus non potest directe, & sufficienter mouere humanam voluntatem, sed solum per modum persuadentis, & proponentis obiectum. Ergo Diabolus non potest esse directe, & sufficienter homini causa peccandi, sed solum per modum persuadentis, & proponentis obiectum.

Maiores probatur, præmittendo, quod peccatum est quidam actus. Vnde hoc modo potest quis esse causa peccati, per quem modum est directe causa alicuius actus. Tunc prob. maior.

Illud est causa directe alicuius actus, quod potest mouere directe, & sufficienter principium illius actus ad agendum. Sed Voluntas est principium actus peccati: cum omne peccatum sit voluntarium. Ergo Qui est causa directe peccati, po-

test mouere sufficienter voluntatem; & qui voluntatem non potest mouere, non potest esse causa directe peccati.

Minor probatur. Nam ut supra dictum est, quod in art. 1. q. 83. Voluntas dupliciter potest moueri. Primo ab obiecto, sicut dicitur, qd appetit appetibilem, sicut appetit appetibilem. Alio modo, ab eo quod est in se, sicut voluntatem ad volendum. Hæc autem secundo modo voluntas non potest moueri, nisi a se ipsa, & a Deo, & cum Deus non possit esse causa peccati, ut dictum est, quod prædictum. Relinquitur, quod ex hac parte, sola voluntas sit causa directe peccati. Ex parte vero obiecti, potest voluntas a triplici motu moueri. Primo, ab ipso obiecto proposito. Secundo, ab eo, qui offert huiusmodi obiectum. Tercio ab eo, qui persuadet obiectum propositum habere rationem boni, quia, & hic aliquantulum proponit voluntati propriam obiectum, quod est bonum rationis, verum, vel apparens.

Primo igitur modo res sensibiles exterius bone apparentes, mouent voluntatem ad peccandum. Secundo autem, & tertio modo, diabolus, vel etiam homo potest incitare ad peccandum, vel offerendo sensui aliquid appetibile, vel persuadendo rationi. Sed tamen nullum horum potest esse causa sufficienter, & directe motiua voluntatis ad peccandum, quia voluntas ex parte obiecti non mouetur sufficienter, nisi ab ultimo fine, ut alias dictum est. Vnde neque res sensibiles, nec ille, qui eas proponit, vel persuadet eorum bonitatem, poterunt esse sufficientes motiua voluntatis. Vnde neque res sensibiles propositæ, nec homo, aut diabolus persuadentes, poterunt esse sufficientia motiua voluntatis ad peccandum.

Ex quibus sequitur, quod Causa directa, & sufficienter peccati, sit sola ipsamet voluntas peccantis.

Ad Argumenta.

Ad 1. Negatur minor. Ad probationem dicitur, quod omnes illæ authoritates, & si quæ similes inueniantur, sunt referendæ ad hoc, qd Diabolus suggerendo, vel aliqua appetibilia proponendo inducit ad affectum peccati, non autem sufficienter, & directe.

Ad 2. Negatur consequentia. Ad probationem dicitur, quod similiter illa attenditur, quantum ad hoc, quod Diabolus quodammodo est causa peccatorum nostrorum, sicut Deus est quodammodo causa bonorum nostrorum, non tamen attenditur, quantum ad modum causandi, nam Deus causat bona interiorius mouendo voluntatem, quod diabolo conuenire non potest.

Ad 3. Dicitur ad maiorem; & ad eius probationem, quod Deus est vniuersale principium omnium interioris motus humani, sed quod determinetur ad malum consilium voluntas humana, hoc directe quidem est ex voluntate humana; & a diabolo per modum persuadentis, vel appetibilis proponentis.

ARTICVLVS II.

Vtrum Diabolus possit inducere ad peccandum interioris instigando.

Pro Negatiua.

Videtur, quod Diabolus non possit inducere ad peccandum interioris instigando.

1. Nullum opus vite potest esse a principio extrinseco. Sed interiores animæ motus sunt huiusmodi opera vite. Ergo interiores animæ motus non possunt esse a diabolo, qui est principium extrinsecum.

Major probatur. quia Nec opus animæ vegetabilis, quod est infimum inter omnia opera vite, potest esse a principio extrinseco.

2. Diabolus non potest operari aliquid præter ordinem naturæ. Ergo Diabolus non potest in interioribus motibus hominis aliquid operari, nisi secundum ea, quæ in exterioribus sensibus apparent.

Antec. prob. quia Operari aliquid præter ordinem naturæ, est solius Dei, vt dictum est prima parte. q. 116. art. 4.

Conseq. probatur, quia Omnes interiores motus, secundum ordinem naturæ, a sensibus exterioribus oriuntur.

3. Diabolus non potest aliquid imprimere in intellectum, nec in imaginationem. Ergo Diabolus non potest secundum interiores motus inducere hominem ad peccandum.

Conseq. prob. quia Interiores actus animæ sunt intelligere, & imaginari.

Antecedens probatur quod ad utramque partem, & quantum ad primam iam probatur prima parte, quæst. 110. art. 2. quantum ad secundam ostenditur.

Diabolus non potest imprimere formas in materia sensibiles. Ergo Multo minus potest imprimere formas in phantasia.

Consequentia hæc probatur, quia Formæ imaginatæ, tanquam magis spirituales, sunt digniores, quam formæ, quæ sunt in materia sensibili.

Pro Affirmatiua.

Si diabolus non posset inducere hominem ad

peccandum interioris instigando, sequeretur, quod nunquam tentaret hominem, nisi visibiliter apparendo, quod patet esse falsum.

Determinatio.

Distinctio. Diabolus incitare interioris ad peccandum, potest dupliciter intelligi. Vno modo, secundum motum partis intellectiue. Alio modo, secundum motum partis sensitiue. Interior enim pars animæ est intellectiua, & sensitiua.

Concl. Diabolus non potest inducere hominem ad peccandum interioris instigando, secundum motus partis intellectiue.

Probatur. Diabolus non potest mouere voluntatem, nec intellectum. Ergo Diabolus non potest inducere hominem ad peccandum, interioris instigando, secundum motus partis intellectiue.

Consequentia probatur. quia Pars intellectiua continet intellectum, & voluntatem. Vnde si neutrum mouere potest, non poterit interioris instigare ad peccandum, secundum motus partis intellectiue.

Antecedens quod ad utramque partem probatur. Et quod Diabolus non possit per se mouere voluntatem, ostenditur in art. præced. Quod vero non possit mouere intellectum probatur. Qui per se mouet intellectum, illuminat ipsum. Intellectus enim per se mouetur ab aliquo illuminante. Sed Diabolus non illuminat intellectum, sed magis ipsum obtenebrat ad consentiendum peccato. Ergo Diabolus non potest per se mouere intellectum.

Et quia hæc obtenebratio intellectus provenit ex phantasia, & ex appetitu sensitiuo, sequitur, quod tota interioris motus diaboli videatur esse circa partem sensitiuam.

2. Concl. Diabolus potest inducere ad peccandum interioris instigando secundum motus partis sensitiue.

Probatur. Diabolus potest operari ad hoc, quod imaginatio, alique forme imaginariæ presententur, potest etiam facere, quod appetitus sensitiuus concitetur ad aliquam passionem. Ergo Diabolus potest inducere ad peccandum interioris instigando, secundum motum partis sensitiue.

Antecedens prob. Ea, quæ ex motu locali corporum inferiorum provenire possunt, a diabolo causari possunt, nisi a Deo reprimantur. Sed Quod imaginatiue, alique forme imaginariæ presententur, & quod appetitus sensitiuus ad aliquam passionem concitetur, sequitur quandoque ad motum locale. Ergo Diabolus potest operari ad hoc, quod

quod Phantasia, alique imaginariæ formæ præsententur, & quod appetitus sensitivus ad aliquas passiones concitetur.

Major hæc probatur. quia Natura corporalis naturaliter obedit spirituali ad motum localem, ut dictum est prima parte 10. art. 3.

Minor prob. quod ad utramque partem: & quod ad primam. Quod representatio specierum phantasia, quandoque sequatur motum localem, quia ut dicit Philo. lib. 1. de somno, & vigilia. Omne animal cum dormierit descendente plurimo sanguine ad principium sensitiuum, simul descendit motus, siue impressiones reliquæ ex sensibilibus motionibus, quæ in sensibilibus speciebus conferuntur, & mouent principium apprehensuum, ita quod appareat, ac si tunc principium sensitiuum a rebus ipsis exterioribus immutaretur. Vnde talis motus localis spirituum, vel humorum procurari potest a demonibus, siue dormiant, siue vigilent homines, & sic sequitur, quod homo aliqua operatione demonis imaginetur. Quo ad aliam partem probatur eadem minor scilicet, quod concitatio appetitus sensitui ad aliquas passiones sit ex motu locali. Concitatur enim appetitus sensitivus ad aliquas passiones, secundum quandam determinatum motum cordis, & spirituum. Vnde ad hoc etiam diabolus cooperari potest. Et ex hoc quod passiones aliquæ concitantur in appetitu sensitivo, sequitur, quod, & motum, siue intentionem sensibilem, prædicto modo reductam ad principium apprehensuum magis homo percipiat, quia ut Phil. in eodem libro de somno, & vigilia dicit, amantes modica similitudine in apprehensionem rei amate mouentur. Contingit etiam ex hoc, quod passio est concitata, ut id quod proponitur imaginationi iudicetur prosequendum, quia ei, quæ a passione detinetur, videtur esse bonum id, ad quod per passionem inclinatur. Et per hunc modum interius diabolus inducit ad peccandum.

Ad Argumenta.

Ad 1. Dicitur ad maiorem, & ad eius probationem, quod opera vitæ semper quidem sunt a principio intrinseco, tamen ad ea, potest cooperari aliquod exterius agens, sicut etiam ad opera animæ vegetabilis operatur calor exterior, ut facilius fiat digestio cibi.

Ad 2. Negatur consequentia. Ad probationem dicitur, quod iustiusmodi appetitio formarum imaginabilium non est omnino præteritorem naturæ, nec per solum imperiū, sed per motum localem, ut dictum est, vnde hæc a spirituali causa effici potest.

Ad 3. Negatur antecedens, quo ad secundam partem, potest enim diabolus aliquid imprimere in imaginariam. Ad cuius probationem negatur consequentia. Nam formæ illæ, quas diabolus imprimit in phantasia, sunt digniores quidem, sed a sensibus primordially acceptæ.

ARTICVLVS III.

Vtrum Diabolus possit necessitatem inferre ad peccandum.

Pro Affirmativa.

Videtur, quod Diabolus possit necessitatem inferre ad peccandum.

1. Potestas maior potest necessitatem inferre minori. Sed Diabolus habet potestatem maiorem quam homo.

Ergo Diabolus potest necessitatem inferre ad peccandum.

Minor probatur. quia Iob 41. de diabolo dicitur. Non est potestas super terram, quæ ei valeat comparari.

2. Qui potest mouere imaginationem hominis, & exteriores sensus, potest rationem hominis ex necessitate inducere ad peccandum. Sed Diabolus potest mouere imaginationem hominis, ut dictum est artic. præced. & etiam exteriores sensus, ut August. dicit in lib. 3. quæst. quæst. 1. his verbis. Serpit hoc malum scilicet, quod est a diabolo, per omnes aditus sensibiles, dat se figuris, accommodat se coloribus, adheret sonis, infundit se saporibus. Ergo Diabolus potest rationem hominis ex necessitate inducere ad peccandum.

Major probatur. quia Ratio hominis non potest moueri, nisi secundum ea, quæ exterius sensibus proponuntur, & imaginationi præsentantur, eo quod omnis nostra cognitio ortum habeat a sensu, cum non sit intelligere sine phantasmate, ut dictum est in lib. de anima.

3. Qui potest causare concupiscentiam carnis, potest necessitatem inferre ad peccandum. Sed Diabolus potest causare concupiscentiam carnis, sicut & ceteras passiones, modo dicto articulo præced.

Ergo Diabolus potest necessitatem inferre ad peccandum.

Major probatur. quia August. dicit lib. 191 de Ciuit. Dei capitulo 4. quod Non nullum peccatum est, cum caro concupiscit aduersus spiritum.

Pro Negativa.

Si diabolus posset inferre necessitatem ad peccandum, Sequeretur, quod frustra. D. Petrus in *cap. 1. Epist. cap. vlt.* nos admoneret dicens. *Aduersarius vester diabolus, tanquam Leo rugiens circumit quærens quem deuoret, cui resistite fortes in fide.*

Consequ. probatur. quia frustra datur admonitio de eo, cui ex necessitate succumbitur.

Determinatio.

Conclusio. Diabolus propria virtute, nisi resisteretur à Deo, potest aliquem inducere ad faciendum aliquem actum, qui de suo genere est peccatum, non autem potest inducere necessitatem peccandi.

Probat. Qui potest totaliter vsum rationis impedire, potest inducere ad faciendum actum, qui de suo genere est peccatum, non autem necessitatem peccandi. Sed Diabolus potest totaliter vsum rationis, propria virtute, nisi resisteretur à Deo, impedire. Ergo Diabolus potest propria virtute, nisi resisteretur à Deo, inducere ad actum peccati, non autem necessitatem peccandi.

Maiores quo ad priorem partem, s. quod qui potest rationem totaliter impedire, possit inducere necessitatem ad actum, qui de suo genere est peccatum, probatur. quia Homo non resistit motui peccati, nisi per rationem: vnde ligata ratione, non poterit tali motui resistere. Vnde qui impedit vsum rationis, inducere potest necessitatem ad actum peccati. Quo ad secundam partem, s. quod talis impediens vsum rationis totaliter non inferat necessitatem ad peccandum probatur. quia. Quicquid homo agit ligata ratione, non imputatur ei ad peccatum.

Minor probatur. quia Diabolus propria virtute potest mouere imaginationem, & appetitum sensitiuum, & sic totaliter rationem impedire, vt in arrepticiis patet.

Secundo prob. secunda pars conclusionis, scilicet quod diabolus non possit inferre necessitatem peccandi. Dum diabolus mouet ad peccatum, aut relinquit rationem liberam aliquo modo, aut totaliter eam ligat. Si totaliter vsum rationis impediatur, potest quidem inducere necessitatem ad actum, qui de suo genere est peccatum, non tamen necessitatem peccandi, vt dictum est. Si vero relinquit rationem liberam, ex ea parte, qua ratio libera est, potest resistere diabolo mouenti ad peccatum, vt dictum est, questio. 77. artic. 7. Ergo Diabolus nullo modo potest necessitatem inducere homini ad peccandum.

Ad Argumenta.

Ad 1. Negatur maior. Non enim quælibet potestas maior homine potest mouere hominis voluntatem, sed solus Deus, vt dictum est, questio. 9. artic. 6.

Ad 2. Negatur maior. Ad probationem dicitur, quod illud, quod est apprehensum per sensum, vel imaginationem, non ex necessitate mouet voluntatem, si homo habeat vsum rationis, nec semper huiusmodi apprehensio ligat rationem.

Ad 3. Negatur maior. Ad probationem dicitur, quod Concupiscentia carnis contra spiritum, quando ratio ei actualiter resistit, non est peccatum, sed materia exercendæ virtutis, quod autem ratio ei non resistat, non est in potestate diaboli, & ideo non potest inducere necessitatem peccandi.

ARTICVLVS IV.

Vtrum Omnia peccata sint ex suggestione diaboli.

Pro Affirmativa.

Videtur, quod Omnia peccata hominum sint ex suggestione diaboli.

1. Dion. dicit. 4. cap. de diu. nom. quod Multitudo demonum est causa omnium malorum sibi, & alijs.

2. Omnia ea, per quæ homo efficitur seruus diaboli, sunt causata a diabolo. Sed Per omne peccatum mortale homo efficitur seruus diaboli. Ergo Omnia peccata mortalia sunt ex suggestione diaboli.

Maiores probatur. quia Ei aliquis est seruus, à quo superatus est, vt dicitur 2. Petri. 2. Vnde quantumcunque homo efficitur seruus diaboli, superatus est a diabolo, & per consequens illud, per quod seruus diaboli est effectus, ex diaboli suggestione fuit.

Minor prob. quia Ioa. 8. dicitur. Qui facit peccatum, seruus est peccati.

3. Si aliqui homines peccarent per liberum arbitrium nullo suggerente, Sequeretur, quod eorum peccatum esset irremediabile. Sed Hoc est falsum. Ergo Omnia peccata humana a diabolo suggeruntur.

Consequentia probatur. quia Greg. lib. 9. mor. cap. 36. dicit, quod peccatum diaboli est irremediabile, quia cecidit nullo suggerente. Vnde si homo nullo suggerente, peccaret, irremediabile esset eius peccatum, sicut & diaboli.

Pro Negativa.

In libro de Ecclesiasticis dogmatibus cap. 18. dici-

dicitur. Non omnes cogitationes nostræ male à diabolo excitantur, sed aliquoties ex nostri arbitrii motu emergunt.

Determinatio.

Distinctio. Diabolum causare omnia peccata hominum, potest dupliciter intelligi. Uno modo directe. Alio modo indirecte, & occasionaliter.

1. **Conclusio.** Diabolus non est causa omnium peccatorum hominum, ita ut singula peccata persuadeat.

Quam Cōclusionem Origenes probat ex hoc, quia etiam si diabolus non esset, homines haberent appetitum ciborum, & venereorum, & similia, qui potest esse inordinatus, nisi ratione ordinaretur.

2. **Conclusio.** Diabolus indirecte, & occasionaliter est causa omnium peccatorum, quæ homines committunt.

Probat. Qui induxit primum hominem ad peccandum, occasionaliter, & indirecte est causa omnium humanorum peccatorum. Sed Diabolus induxit primum hominem ad peccandum. Ergo Diabolus occasionaliter, & indirecte omnium est causa peccatorum.

Maiores probatur. quia Ex peccato primi hominis, in tantum vitata est humana natura, ut omnes ad peccandum proclives simus: Sicut si diceretur esse causam combustionis lignorum, qui ligna siccaret, ex hoc enim sequeretur, ut facile incenderentur.

Ad Argumenta.

Ad 1. Dicitur, quod Multitudo demonum est causa omnium malorum nostrorum, secundum primam originem, ut dictum est.

Ad 2. Negatur maior. Ad probationem dicitur, quod non solum fit servus alicuius, qui ab eo superatur, sed etiam qui ei voluntarie se subiicit, & hoc modo fit servus diaboli, qui motu proprio peccat.

Ad 3. Negatur consequentia. Ad probationem dicitur, quod peccatum diaboli fuit irremediabile, quia nec aliquo suggerente peccavit, nec habuit aliquam pronaitem ad peccandum ex præcedenti suggestione causatam, quod de nullo hominis peccato dici potest.

DE CAUSA PECCATI ex parte hominis.

Deinde Considerandum est de causa peccati ex parte hominis. Potest autem homo esse

causa peccati alteri homini dupliciter. Uno modo, exterius suggerendo; & hic modus est communis sibi, & diabolo, & enim quæst. præced. dictum sit de modo, quo diabolus exterius suggerit, cum eodem modo homo possit alteri peccatum suggerere, non est amplius tractandum de suggestione hominis.

Secundo modo, homo est alteri homini causa peccati per originem, qui modus est sibi proprius. Unde de peccato originali dicendum est.

Circa quod tria consideranda occurrunt.

Primo, De eius translatione in quæst. 81.

Secundo, De eius essentia in quæst. 82.

Tertio, De eius subiecto, in quæst. 83.

QVÆSTIO LXXXII

DE PECCATO ORIGINALI, quantum ad eius translationem.

ARTICVLVS I.

Utrum Primum peccatum primi hominis traducatur per originem in posterum.

Pro Negativa.

Videtur, quod Primum peccatum primi parentis non traducatur ad alios per originem.

1. Si peccatum primi parentis traducere per originem in posterum, sequeretur, quod filius portaret iniquitatem patris, contra illud, quod dicitur Ezech. 18. Filius non portabit iniquitatem patris.

Consequentia probatur. quia Portaret filius iniquitatem patris, si iniquitatem ab eo per originem traheret.

2. Anima rationalis, quæ est subiectum culpæ, non traducitur per originem, ut ostensum est Prima parte, q. 118. art. 2. Ergo Neque aliqua culpa per originem traduci potest.

Consequentia probatur. quia Accidens non traducitur per originem nisi traducto subiecto: eo quod accidens non transeat de subiecto in subiectum.

3. Omne illud, quod traducitur per originem humanam, causatur ex semine.

Sed Peccatum non potest causari ex semine. Ergo Nullum peccatum potest trahi per originem.

Minor prob. quia Semen caret rationali parte animæ, quæ sola potest esse causa peccati.

4. Caro perfecta non potest inficere animam sibi unitam. Ergo Multo minus semen potest inficere animam.

Ante-

Antecedens probatur, quia Si caro perfecta posset inficere animam sibi unitam, sequeretur, quod anima earum unita non posset mundari a peccato originali.

Consequentiā probatur, quia Quod est perfectius in natura, virtuosius est ad agendum. Unde si caro perfecta non habet virtutē inficiendi animam, multo minus hoc habebit semen, quod est imperfectius carne.

¶ Quod conuenit alicui per originem, non est increpabile. Sed Peccatum est increpabile. Ergo Peccatum non conuenit alicui per originē.

Maiores probant, quia Dicit Phil. 3. Ethic. 6. quod propter naturam turpes habiles increpat, sed eos, qui propter desidiam, & negligentiam.

Pro Affirmatiua.

Apost. Rom. 5. dicit. Per vnum hominem peccatum in hunc mundum intrauit, quod non potest intelligi per modum imitationis, vel incitationis: propter hoc, quod dicitur Sap. 2. Inuidia diaboli mors intrauit in orbem terrarum. Ergo Restat, quod per originem a primo homine peccatum in mundum intrauit.

Determinatio.

Conclusio. Secundum fidem Catholicam est tenendum, quod primum peccatum primi hominis transiit in posteris originaliter.

Probatur Primo: quia Propter hoc peccatum mortali, qui aliquam actuale culpam habere non possunt, deferuntur ad baptismum, tanquam ab aliqua culpa infectione abluendi.

Secundo, quia Contrarium est hæresis pelagiana, ut patet per Aug. in lib. Retract. cap. 9. Contra Iulianum cap. 1. de bono perseuerantiae c. 17.

Qualiter culpa prima primi parentis transeat in posteros.

Ad inuestigandum autem qualiter Peccatum primi parentis originaliter possit transire in posteros, diuersi diuersis viis processerunt.

Quorundam opinio.

Quidam Considerantes, quod Peccatum subiectum est animæ rationalis, posuerunt, quod anima rationalis traducatur cum semine, ut sic ex infecta anima, infecta anima deriuari videantur. Propterea igitur secundum ipsos peccatum parentis transiit in prolem, quia anima prolis traducitur ex semine parentis.

Reprobatio.

Sed positio hæc est erronea. Anima enim rationalis non traducitur ex semine, sequeretur enim, quod esset corruptibilis, quod est hæreticum, ut probatum est, Prima parte sequenti. Et articulo 1.º.

Aliorum positio.

Alii vero repudiantes primam opinionem tanquam erroneam, conati sunt ostendere, quomodo culpa animæ parentis, traducitur in prolem, etiam si anima non traducatur, per hoc, quod corporis defectus traducuntur a parente in prolem, sicut leprosus generat leprosum, & podagricus podagricum, propter aliquam corruptionem seminis, licet talis corruptio non dicatur lepra, vel podagra. Cuius autem corpus sit proportionatum animæ, & defectus animæ redundent in corpus, & e converso, simili modo dicitur, quod Culpa bilis defectus animæ per traditionem seminis in prolem deriuatur, quamuis semen actualiter non sit culpæ subiectum.

Reprobatio vtriusque positionis.

Sed omnes huiusmodi viæ insufficientes sunt, quia datur, quod aliqui defectus corporales a parente transeant in prolem per originem, & etiam aliqui defectus animæ ex consequenti, propter corporis indispositionem, sicut interdū ex fatuis, fatui generantur, tamen hoc ipsum, quod est ex origine aliquem defectum habere, videtur excludere rationem culpe, de cuius ratione est, quod sit voluntaria. Unde positio etiam, quod anima rationalis traducatur ex semine, ex hoc ipso, quod in infectio animæ prolis non esset in eius voluntate, amitteret rationem culpe obligantis ad penam, quia ut Phil. dicit 3. Ethic. cap. 5. Nullus improperebit eo nato, sed potius miserebitur.

Vera Sententia.

Et ideo alia via procedendum est, dicendo, quod omnes homines, qui nascuntur ex Adam, possunt considerari ut vnus homo, in quantum cōueniunt in natura, quam à primo parente accipiunt, secundum quod in ciuilibus omnes homines, qui sunt vnus communis status, reputantur quasi vnus corpus, & tota communitas quasi vnus homo, sicut etiam Philosophus dicit, quod participatione speciei plures homines sunt vnus homo. Sic igitur multi homines ex Adam deriuati sunt, tanquam multa membra vnus corporis. Actus autem

tem vnus membri corporalis, puta manus, non est voluntarius, voluntate ipsius manus, sed voluntate animæ, quæ primo mouet membrum. Vnde homicidium, quod manus committit, non imputaretur manus ad peccatum, si consideraretur manus secundum se, vt diuisa à corpore, sed imputatur ei, in quantum est aliquid hominis, quod mouetur à primo principio motiui hominis. Sic igitur inordinatio, quæ est in isto homine ex Adâ generato, non est voluntaria, voluntate ipsius, sed voluntate primi parentis, qui mouet motione generationis omnes, qui ex eius origine deriuantur, sicut voluntas animæ mouet omnia membra ad actum. Vnde peccatum, quod sic à primo parente in posteros deriuatur, dicitur originale, sicut peccatum, quod ab anima deriuatur ad membra corporis, dicitur actuale: & sicut peccatū actuale, quod per membrum aliquod committitur, non est peccatum illius membri, nisi in quantum illud membrum est aliquid ipsius hominis, propter quod vocatur peccatum humanum; ita peccatum originale non est peccatum huius personæ, nisi in quantum hæc persona recipit naturam à primo parente. Vnde & vocatur peccatum naturale secundum illud Ephes. 2. Eramus natura filij re.

Ad Argumenta.

Ad 1. Negatur consequentia. Si quoniam portare iniquitatem patris; est puniri pro peccato patris, de quo filius non sit particeps, & cum hoc, tãquam quod est iniustum, dominus non faciat, ideo dicitur, quod filius non portat iniquitatem patris: Si autem filius sit particeps paternæ iniquitatis; & propterea puniatur, non portat iniquitatem patris, sed propriam. Et quia quilibet homo ex Adam per viam seminale descendens, est particeps peccati primi parentis, per originem, sicut qui imitatur actuale peccatum patris; est particeps paternæ iniquitatis per imitationem, ideo ex hoc, quod homines puniuntur pro peccato originali, non portant iniquitatem patris, sed propriam.

Ad 2. Dicitur ad antecedens, quod etsi anima non traducatur; quia virtus feminis non potest causare animam rationalem; mouet tamen ad ipsam dispositiue. Vnde per virtutem feminis tradidit humanæ naturæ à parente in prolem, & simul cū natura, naturæ infectio, ex hoc enim fit iste, qui nascitur, consors culpe primi parentis, quod naturam ab eo fortitur per quandam generatiuam motionem.

Ad 3. Dicitur ad minorem, & ad eius probationem, quod etsi culpa non sit actu in semine; est

tamen ibi virtute humanæ naturæ, quam concomitatur talis culpa.

Ad 4. Negatur consequentia. Ad probationem dicitur, quod ratio quare anima inficitur ex semine, & non ex carne iam perfecta, est, quia semen est principium generationis, quæ est proprius actus naturæ, eius propagationi descendiens, & ideo magis inficitur anima per semen, quam per carnem iam perfectam, quæ iam determinata est ad personam.

Ad 5. Dicitur ad maiorem, quod illud, quod conuenit alicui per originem, non est increpabile, si consideretur iste, qui nascitur secundum se, sed si consideretur pro vt refertur ad aliquod principium, potest esse ei increpabile: sicut aliquis, qui nascitur, patitur ignominiam generantis ex culpa alicuius progenitorum causatam.

ARTICVLVS II.

Vtrum etiam alia peccata primi parentis, vel proximorum parentum traducantur in posteros.

Pro Affirmatiua.

Videtur, quod etiam alia peccata, vel ipsius primi parentis, vel proximorum parentum traducantur in posteros.

1. Aliqui puniuntur iudicio diuino, pro peccato proximorum parentum, secundum illud Exod. 20. Ego sum Deus Zelotes, visitans iniquitatem patrum in filiis in tertiam, & quartam generationem. Et iudicio humano in crimine læsæ maiestatis filij exheredantur pro peccato parentum. Ergo Etiam culpa proximorum parentum transit in posteros.

Consequentia prob. quia Pœna nunquam deberat nisi culpe.

2. Homo transfert in prolem peccatum, quod habet ab Adam per originem. Ergo Multo magis peccatum, quod ipso commisit, in prolem transfert.

Consequentia probatur. quia Aliquis magis potest transferre in alterum id, quod habet à se ipso, quam id, quod habet ex alio. Sicut ignis magis potest calefacere, qui habet ex se calorem, quam aqua calefacta; quæ habet calorem ab igne.

3. Filij sunt in proximis parentibus, sicut in quibusdam naturæ principiis, in quibus magis natura corrumpi potest, quam fuerit in primis parentibus, secundum illud Apoc. vlt. Qui in sordibus est, sordescat adhuc.

Ergo

Ergo Filij contrahunt peccata proximorum parentum per originem, sicut & primi parentis.

Consequentia hæc probatur. quia Ideo contra himus a primo parente peccatum originale, quia in eo sumus, tanquam in principio nature, quam ipse per suum peccatum corripuit.

Pro Negativa.

Merita proximorum parentum non traducuntur ad posterios. Ergo Multo minus eorum peccata ad posterios traducuntur.

Consequentia probatur. quia Bonum est magis sui diffusivum, quam malum.

Determinatio.

Aug. hanc questionem insolutam relinquit in Ench. cap. 46. 47.

Conclusio. Impossibile est, quod aliqua peccata proximorum parentum, vel etiam primi parentis, præter primum, per originem traducantur in posterios.

Probatur. Ea, quæ sunt pure personalia, non traducuntur per originem a parentibus in posterios. Sed Omnia peccata proximorum parentum, & primi parentis, præter primum, sunt pure personalia. Ergo Nullum aliud peccatum primi parentis, præter primum, & proximorum parentis, traducitur a parentibus in posterios, per originem.

Maiores probatur, ex differentia, quæ est inter ea, quæ pertinent ad naturam, & ea, quæ pertinent ad personam. Ea enim, quæ pertinent ad speciem traducuntur per originem, non autem ea, quæ pertinent ad individuum. Et ratio est. quia homo generat hominem sibi similem in specie, non autem in individuo. Unde ea, quæ pertinent ad individuum, sicut sunt personales actus, non traducuntur a parentibus in filios. Non enim grammaticus tradit in filium scientiam grammaticam, quam proprio studio acquisivit: sed ea, quæ pertinent ad naturam speciei traducuntur a parentibus in filios, nisi sit defectus nature, sicut oculatus generat oculatum, nisi natura deficiat, & si morus nature fuerit fortis, etiam aliqua accidentia individualia propagantur in filios. Pertinentia ad dispositionem nature, sicut sunt velocitas corporis, bonitas ingenij, & alia huiusmodi, quæ autem sunt pure personalia, nullo modo contrahuntur.

Brevisiter igitur probatur maior. quia In hoc differunt personalia, ab his, quæ pertinent ad naturam speciei, quod illa non contrahuntur per originem, hæc vero contrahuntur, & ratio huius differentie est, quia Generans generat sibi simile secundum speciem, non autem secundum individuum, nisi forte quo ad ea, quæ sunt in individuo pertinentia ad dispositionem nature.

Minor probatur. Illud solum peccatum pertinet ad naturam, per quod tollitur id, quod pertinet ad naturam. Sed Per solum primum peccatum primi parentis ablatum est id, quod pertinebat ad naturam humanam. Ergo Solum peccatum primum primi parentis pertinet ad naturam humanam speciei, non autem alia peccata, siue primi, siue proximorum parentum.

Minor huius probatur quo ad duo, scilicet quod per peccatum primum primi parentis ablatum fuit aliquid pertinens ad naturam: & quod per alia peccata primi parentis, & proximorum parentum non tollatur aliquid ad naturam pertinens.

Primum igitur ostenditur, præmittendo, quod sicut ad personam duo pertinent. Vnum secundum se ipsam: puta quod sit grammaticus, vel miles. Et alterum ex dono gratie: puta quod habeat fidem, aut charitatem. Sic etiam nature conveniunt aliqua secundum se ipsam, & aliqua ex dono gratie: quæ conveniunt sibi secundum se ipsam, sunt illa, quæ causari possunt ex principiis ipsis, puta quod homo sit rationalis, admirativus, &c. Ex dono vero gratie conveniunt nature ea, quæ non possunt esse ex principiis ipsis, sed a Deo largiuntur: & tale erat donum iustitiæ originalis. Erat enim iustitia originalis, quoddam donum Dei, toti humanæ nature collatum, ut in Prima parte, quæst. 100. artic. 1. dictum est, & propter hoc pertinebat ad naturam, non quidem ex se, sed ex gratie dono, & hoc donum ad naturam pertinens, fuit ablatum per primum peccatum primi parentis. Unde sicut illa originalis iustitia fuisse tradita in posterios, ita contrahitur inordinatio opposita.

Ex his igitur patet primum probandum. scilicet quod primum peccatum primi parentis abstulit aliquid ad naturam pertinens.

Secundum autem probatur. quia Alia peccata actualia, vel primi parentis, vel aliorum, non corrumpunt naturam, quantum ad id, quod nature est, auferendo scilicet aliquid ad totam naturam pertinens, sed solum quantum ad id, quod est personæ, secundum pronitatem ad actum, & propterea alia peccata minime traducuntur.

Ad Argumenta.

Ad 1. Dicitur ad antecedens, quod pena spirituali, sicut Augu. dicit in Epistola ad Animum, nunquam puniuntur filij pro parentibus, nisi communicent in culpa, vel per originem, vel per imitationem, quia omnes animæ immediate sunt dei, ut dicitur Ezech. 18. sed pena corporali interdum, iudicio diuino, vel humano, puniuntur filij pro parentibus, in quantum filius est aliquid patris, secundum corpus.

2. Negatur consequentia. Ad probationem dicitur, quod illud, quod habet aliquis ex se, magis potest traducere, dummodo sit traducibile, sed peccata actualia proximorum pariter non sunt traducibilia, quia sunt pure personalia, ut dictum est.

Ad 3. Negatur consequentia. Ad probationem dicitur, quod primum peccatum corrumpit naturam humanam corruptione ad naturam pertinente. Alia uero peccata corrumpunt eam corruptione pertinente ad solam personam.

ARTICVLVS III.

Vtrum Peccatum primi parentis transeat per originem in omnes homines.

Pro Negatiua.

Videtur, quod Peccatum primi parentis non transeat per originem in omnes homines.

1. Mors, quæ est pœna peccati originalis, non transit in omnes homines, qui ex Adam seminaliter procedunt.

Ergo Nec ipsum peccatum originale ad omnes homines transit.

Antecedens probatur. quia Illi, qui vini reperientur in Aduentu Domini, nunquam moriuntur, ut videtur innui ex verbis Apostoli 1. Thess. 4. Nos, qui viuimus, non præueniemus eos, qui dormierunt, &c.

Consequentia probatur. quia Pœna consequitur culpam.

2. Homo baptizatus non habet peccatum originale. Ergo Homo baptizatus non producit peccatum in prolem.

Consequentia probatur. quia Nullus dat alteri, quod ipse non habet.

3. Donum Christi non transit in omnes homines. Ergo Nec peccatum Adæ in omnes homines transit.

Consequentia probatur. quia Donum Christi maius est, quam peccatum Adæ, ut Apostolus dicit Rom. 5. Inquit enim, non sicut delictum, ita, & donum. Si enim vnius delicto multi mortui sunt, &c.

Pro Affirmatiua.

Apostolus Rom. 5. inquit. Mors in omnes pertransiit, in quo omnes peccauerunt.

Determinatio.

Conclusio. Secundum fidem Catholicam firmiter est tenendum, quod omnes homines, præter solum Christum, ex Adam deriuati, peccatum originale ex Adam contrahunt.

Probatur primo. quia Alioquin non omnes indigerent redemptione, quæ est per Christum, quod est erroneum.

Secundo prob. Peccatum actuale traduci potest ad omnia membra, quæ nata sunt motu a voluntate.

Ergo Et culpa originalis traducitur ad omnes illos, qui mouentur ab Adam, motione generationis.

Consequentia probatur. quia Sicut dictum est, art. 1. huius quæst. sic ex peccato primi parentis traducitur culpa originalis in posteris, sicut a voluntate animæ per motionem membrorum traducitur peccatum actuale ad membra corporis. Vnde sicut voluntas peccans diffundit peccatum ad omnia membra, quæ peccando mouet. Sic Adam peccante, omnia eius membra, id est qui ab ipso procedunt seminaliter, peccatum contrahunt.

Ad Argumenta.

Ad 1. Dicitur dupliciter. Primo, negando antecedens. Ad probationem negatur assumptum. Probabilius enim, & cōuenientius tenetur, quod omnes illi, qui in aduentu Domini reperientur sint morituri, & post modicum tempus resurgent, propter quod, Apostolus non facit mentionem de morte ipsorum.

Secundo; Si detur, verum esse, quod alij dicunt, quod illi nunquam moriuntur, sicut Hieronymus narrat diuersorum opiniones in quadam Epistola ad Mincium de resurrectione carnis, dicendum est ad antecedens, & ad eius probationem, quod Illi etsi non moriantur, est tamen in eis reatus mortis, sed pœna aufertur a Deo, qui etiam pœnas peccatorum actualium condonare potest.

Ad 2. Dicitur ad antecedens, quod homo baptizatus, licet non habeat peccatum originale, quantum ad reatum, habet tamen ipsum, quantum ad fomitem. Peccatum enim originale per baptismum aufertur, quo ad reatum, in quantum anima recuperat gratiam, quantum ad mentem, remanet tamen actus, quantum ad fomitem, qui est inordinatio partium interiorum animæ, & ipsius corporis, secundum quod homo generat, & non secundum mentem, & ideo baptizati traducuntur peccatum originale: non enim parentes generant in quantum sunt renouati per baptismum, sed in quantum retinēt adhuc aliquid de vetustate primi peccati.

Ad 3. Dicitur ad antecedens, quod sicut peccatum Adæ traducitur in omnes, qui ab Adam corporaliter generantur, ita gratia Christi traducitur in omnes, qui ab eo spiritualiter

V v v ter

ter generantur per fidem, & baptisum: & non solum ad remouendum culpam primi parentis, sed etiam ad remouendum peccata actualia, & ad introducendum in gloriam.

ARTICVLVS IV.

Vtrum si aliquis ex humana carne formaretur miraculose, contraheret originale peccatum.

Pro Affirmatiua.

Videtur, quod si aliquid formaretur ex carne humana miraculose, contraheret originale peccatum.

1. Formatio hominis, quæ fit per separationem carnis, non in loco uitæ, sed in loco exilij, est cum peccato originali. Sed si formaretur aliquis homo miraculose ex carne humana, fieret per separationem carnis, non in loco uitæ, sed in loco exilij. Ergo si formaretur homo miraculose ex carne humana contraheret peccatum originale.

Maiores probatur. quia quædam Glossa Genes. 3. dicit, quod in lumbis Adæ fuit tota posteritas corrupta, quia posteritas non est separata ab Adam, prius in loco uitæ, sed postea in loco exilij. Ex quo videtur haberi, quod separatio carnis, quæ fit in loco exilij, sit semper cunctis contractione peccati originalis.

2. Tota hominis caro est infecta.

Ergo Ex quacunque parte carnis homo formaretur, eius anima ininceretur infectione peccati originalis.

Consequentia. quia Peccatum originale causatur in nobis, in quantum anima inficitur per carnem.

3. Illi omnes, qui fuerunt in Adam, contrahunt peccatum originale. Sed si aliquis homo miraculose formaretur fuisset in Adam.

Ergo si aliquis miraculose ex carne humana formaretur, contraheret originale peccatum.

Maiores probatur. quia Peccatum originale a primo parente prouenit in omnes, in quantum omnes in eo peccante fuerunt.

Pro Negatiua.

Qui contrahunt peccatum originale fuerunt in Adam secundum seminalem rationem. Sed si quis miraculose formaretur ex carne Adæ, non fuisset in Adam secundum seminalem rationem. Ergo si quis formaretur ex carne humana miraculose, non contraheret peccatum originale.

Maiores probatur. quia Transmissio peccati originalis contrahitur ex hoc, quod quis est in Adæ,

secundum rationem seminalem, ut Aug. dicit 10. super Gen. ad lit. c. 19.

Determinatio.

Conclusio. Si aliquis formaretur virtute diuina ex carne humana, non contraheret peccatum originale.

Prob. Illi soli peccatum originale contrahunt, qui ab Adam descendunt per virtutem actiuam, in generatione originaliter ab Adam deriuatam, quod est secundum rationem seminalem ab eo descendere. Sed si quis formaretur virtute diuina ex carne humana, vis actiua non deriuaretur ab Adam, ut patet, sed ab extrinseco, id est a Deo. Ergo si quis miraculose formaretur ex carne humana, non contraheret peccatum originale.

Maiores probatur. quia Peccatum primi parentis traducitur in posteros, in quantum mouentur ab ipso per generationem, sicut membra mouentur ab anima ad peccatum actuale, & quia motio ad generationem, non fit nisi per virtutem actiuam in generatione, quæ est eadem, quod virtus seminalis, ideo illi, qui per viam seminalem ab Adam non descendunt, non possunt originale peccatum contrahere, sicut actus manus, non pertinet ad peccatum humanum, nisi mouetur a voluntate hominis, sed ab aliquo extrinseco mouente.

Ad Argumenta.

Ad 1. Negatur maior. Ad probationem dicitur, quod Adam non fuit in loco exilij, nisi post peccatum. Vnde non propter locum exilij, sed propter peccatum traducitur originalis culpa ad omnes, ad quos actiua eius generatio peruenit.

Ad 2. Negatur consequentia. Ad probationem dicitur, quod Caro non inficitur animam, nisi in quantum est principium actiuum in generatione, ut dictum est.

Ad 3. Dicitur, quod Aliqui possunt esse in Adam dupliciter. Vno modo secundum corpulentam substantiam. Alio modo secundum seminalem rationem. Tunc ad maiorem dicitur, quod est vera de eo, qui fuit in Adam, non solum secundum corpulentam substantiam, sed etiam secundum seminalem rationem. Et ad minorem dicitur, quod si quis formaretur ex carne humana miraculose, fuisset in Adam solum secundum corpulentam substantiam, & propterea non contraheret peccatum originale.

ARTICVLVS V.

Vtrum si Adam non peccasset, Eua peccante, filij originale peccatum contraherent.

Pro Affirmatiua.

Videtur, quod si Adam non peccasset, aut peccante, filij originale peccatum contraherent.

1. Omnes homines præexisterunt in Eua, sicut in Adam. Ergo Ex peccato Eue contractum fuisset peccatum originale, si ipsa sola peccasset.

Antecedens probatur. quia Sicut homo præexistit in patre suo, ita & in matre.

Conseq. prob. quia Peccatum originale a parentibus contrahimus, in quantum in eis fuimus, secundum illud Rom. 5. In quo omnes peccauerunt.

2. Si Eua peccasset, Adam non peccante, filij passibiles, & mortales nascerentur. Ergo Si Eua peccasset, Adam non peccante, filij contraherent peccatum originale.

Antec. prob. quia Mater in generatione dat materiam, vt Phil. dicit 2. de Gener. animal. c. 1. ex cuius necessitate omnis passibilitas, & mors prouenit.

Consequentia probatur. quia Passibilitas, & necessitas moriendi sunt pœna peccati originalis.

3. Spiritus Sanctus præuenit in Virginem, de qua Christus erat absque peccato originali nasceturus, purgans eam, vt Dam. dicit lib. 3. cap. 12.

Ergo infectio originalis peccati ex matre trahitur: & sic Eua peccante, eius filij peccatum originale contraherent, etiam si Adam non peccasset.

Conseq. prob. quia Illa purgatio non fuisset necessaria, si infectio originalis peccati non traheretur ex matre.

Pro Negatiua.

Apost. dicit Rom. 5. Per vnum hominem peccatum intrauit in mundum. Ergo Adam nō peccante, peccatum non intrasset.

Conseq. prob. quia Si peccatum prouenisset etiam ex peccato Eue, magis fuisset dicendum, quod per duos intrasset, cum ambo peccauerint. Vel potius per mulierem, quæ primo peccauit.

Determinatio.

Conclusio. Si Adam non peccante, Eua peccasset, filij originale peccatum non contraherent. E conuerso autem esset, Si Adam solus peccasset, & Eua non peccasset, tunc enim nihilominus peccatum contraxissent.

Probatur. Ab eo, quod ministrat materiam solum in generatione, non contrahitur peccatum

originale. Sed Mater ministrat solum materiam in generatione. Ergo A matre non contrahitur peccatum originale, sed a patre. Vnde si Adā non peccante, Eua peccasset, filij peccatum originale non contraherent, & si peccasset solus Adā, Eua non peccante, adhuc filij contraherent originale peccatum.

Maior probatur. quia Dictum est supra art. præcedentibus huius quæst. quod peccatum originale a primo parente traducitur, in quantum ipse mouet ad generationem natorum. Vnde dictum est art. 4. quod si materialiter tantum aliquis ex carne humana generaretur, originale peccatum non contraheret. Ministrans igitur solum materiam in generatione, non potest esse causa, a qua contrahatur peccatum originale.

Minor probatur. quia Secundum doctrinam Philosophorum. Principium actiuum in generatione est a patre, materiam autem mater ministrat.

Ad Argumenta.

Ad 1. Negatur cōsequentia. Ad probationem dicitur, quod licet filius præexisterit in patre, & matre, tamen diuerso modo. In patre enim præexistit filius, sicut in principio actiuo. In matre autem sicut in principio materiali, & passiuo, vnde non est similis ratio.

Quorundam responsio ad secundum.

Ad 2. Quidam concedunt antecedens: videtur enim ipsis, quod Eua peccante, si Adam non peccasset, filij paterentur necessitatem moriendi, & alias passibilitates, tamen dicebant, quod essent futuri immunes a peccato. Vnde negabant consequentiam, & ad probationem dicebant, quod necessitas moriendi, & alie pœnalitates nō fuissent in filiis Eue peccantis, pœna peccati, sed fuissent quidam naturales defectus ex necessitate matris, quam mater ministrat, prouenientes

Reprobatio.

Sed hoc non videtur conueniens. Immortalitas enim, & impassibilitas primi status, non erat ex conditione matris, sed ex originali iustitia, vt dictum est Prima parte, quæst. 97. art. 1. & 2. per quam corpus subdebatur animæ, & anima Deo. Vnde si filij Eue non amisissent hanc originalem iustitiam, cuius defectus est peccatum originale, non incurrisissent necessitatem moriendi, & alias pœnas.

Vera responsio.

Dicitur igitur ad argumentum, negando antecedens. Si enim Adam non peccante, Eva sola peccasset, peccatum originale non fuisset transfusum in filios, ut probatum est, & ideo in ipsis non fuisset defectus originalis iustitiæ, quæ mortalem hominem faciebat.

Ad 3. Negatur consequentia. Ad probationem dicitur, quod Purgatio illa præueniens in Beata Virgine non requirebatur ad auferendam transfusionem originalis peccati: sed quia oportebat ut mater Dei maximam puritatem niteretur, non enim est aliquid digne receptaculum Dei, nisi sit mundum, secundum illud Psal. 93. Domum tuam Domine decet sanctitudo.

QVÆSTIO LXXXII.

DE ORIGINALI PECCATO, quantum ad suam essentiam.

ARTICVLVS I.

Vtrum Originale peccatum sit habitus.

Pro Negatiua.

Videtur, quod Originale peccatum non sit habitus.

1. Priuatio non est habitus. Sed Originale peccatum est priuatio. Ergo Originale peccatum non est habitus.

Maiores probatur, quia Priuatio opponitur habitui.

Minor probatur, quia Originale peccatum est carentia originalis iustitiæ, ut Anselmus dicitur in libro de conceptu virginali.

2. Habitus actualis peccati non habet rationem culpæ.

Ergo Multo minus habitus aliquis originalis potest habere rationem culpæ.

Antecedens probatur, quia Sequeretur, quod homo dormiens culpabiliter peccaret.

Consequens probatur, quia Actuale peccatum plus habet de ratione culpæ, quam originale, in quantum habet plus de ratione voluntarij.

3. Habitus malum præcedit semper aliquis actus malus. Sed Originale peccatum non præcedit aliquis actus.

Ergo Originale peccatum non est habitus.

Maiores probatur, quia In malis semper actus præcedit habitum. Nullus enim habitus malus est infusus, sed per actus causatus.

Pro Affirmatiua.

Habilitas dicitur secundum aliquem habitum. Sed Peccatum origine est quædam habilitas.

Ergo Peccatum originale est habitus.

Minor probatur, quia Aug. lib. de baptismo paruulorum dicit, quod secundum peccatum originale paruuli sunt concupiscibiles, etsi non sint concupiscentes.

Determinatio.

Distinctio. Habitus est duplex. Vnus quo inclinatur potentia ad agendum, sicut scientiæ, & virtutes dicuntur habitus. Alio modo dicitur habitus, dispositio alicuius naturæ ex multis composita, secundum quam bene, vel male se habet ad aliquid, & præcipue cum talis dispositio fuerit quasi in naturam versa, ut patet de ægritudine, & sanitate.

1. Conclusio. Peccatum originale non est habitus secundum primum modum.

Hæc conclusio relinquitur ut manifesta, non enim peccatum originale est aliqua qualitas inclinandus potentiam ad agendum, sed potius quædam priuatio, ut dicitur.

2. Conclusio. Originale peccatum est habitus, iuxta secundum modum.

Probatur, quia Peccatum originale est quædam inordinata dispositio proveniens ex dissolutione illius harmoniæ, in qua consistebat ratio originalis iustitiæ, sicut etiam ægritudo corporalis, est quædam inordinata dispositio corporis, secundum quam soluitur æqualitas in qua consistit ratio sanitatis. Vnde peccatum originale dicitur languor naturæ.

Ad Argumenta.

Ad 1. Dicitur ad minorem, & ad eius probationem, quod peccatum originale non est pura priuatio, sed habitus quidam corruptus. Sicut enim ægritudo corporalis habet aliquid de priuatione, in quantum tollitur æqualitas sanitatis, & aliquid habet positivæ, scilicet ipsos humores inordinate dispositos, ita etiam peccatum originale habet priuationem originalis iustitiæ, & cum hoc, inordinatam dispositionem partium animæ, & ideo non est priuatio pura.

Ad 2. Negatur consequentia. Non enim est eadem ratio de actuali peccato, & originali. Actuale enim peccatum est inordinatio quædam actus, quæ non potest habere rationem habitus. Originale vero, est quædam inordinata dispositio naturæ, cuius est peccatum, quæ habet rationem culpæ, in quantum derivatur a primo parente, quæ inordinata naturæ dispositio habet rationem habitus, & propter hoc peccatum originale potest esse habitus, non autem peccatum actuale.

Ad

Ad prob. consequentiæ dicitur, quod habere maiorem, vel minorem rationem culpæ, non facit aliud ad hoc, ut peccatum sit, vel non sit habitus, sed hoc conuenit peccato originali, ut est dispositio naturæ, ut dictum est in corpore.

Ad 3. Dicitur, quod Maior, & eius probatio est vera de habitu, quo potètia inclinatur ad actum, nõ autem de habitu, pro vi est dispositio naturæ, secundum quã bene, vel male se habet ad aliquid, quo modo peccatum originale est habitus. Et quamuis etiam ex peccato originali sequatur aliqua inclinatio in actum inordinatum, non directe, sed indirecte, scilicet per remotionem prohibentis, id est originalis iustitiæ, quæ prohibebat inordinatos motus: sicut etiam ex ægritudine corporali in directe sequitur inclinatio ad motus corporales inordinatos, nec debet dici, quod peccatū originale sit habitus infusus, aut acquisitus per actum, nisi primi parentis: non autem huius personæ, sed per vitiatam originem innatus.

ARTICVLVS II.

Utrum In vno homine sint multa originalia peccata.

Pro Affirmatiua.

Videretur, quod In vno homine sint multa originalia peccata.

1. Peccata in quibus homo concipitur sunt plura. Sed Originale peccatum est, in quo homo concipitur. Ergo Multa peccata originalia, sunt in vno homine.

Maior prob. quia Psal. 50. dicitur. Ecce enim in iniquitatibus conceptus sum, & in peccatis concepit me mater mea.

2. Habitus inclinans ad diuersa, & contraria, non est vnus, sed plures. Sed Peccatum originale, etiam in vno homine, inclinatur ad diuersa peccata, & contraria. Ergo Peccatum originale non est tantum vnum, in vno homine, sed multiplex.

Maior prob. quia Cum habitus inclinet per modum naturæ, quæ determinatur ad vnũ, vnus, & idem habitus non inclinatur ad contraria.

3. Peccatum, quod inficit omnes partes animæ, non potest esse vnum, sed est multiplex. Sed Peccatum originale inficit omnes partes animæ. Ergo Peccatū originale est multiplex in vno homine.

Maior probatur. Vnum peccatum non potest esse in diuersis subiectis. Sed Partes animæ sunt diuersa subiecta.

Ergo Vnum peccatum non potest inficere diuersas animæ partes.

Pro Negatiua.

Glosa super illud Isa. 1. Ecce Agnus Dei, ecce, qui tollit peccatum mundi, dicit, quod peccatum originale est vnum.

Determinatio.

Conclusio. In vno homine est vnum peccatum originale secundum speciem, & secundum numerum, in omnibus autem hominibus est vnum proportionem, scilicet per respectum ad primum.

Probatur duplici ratione. Prima desumitur ex parte causæ, peccati originalis, & est. Primum Peccatum primi parentis, est tantum vnum. Sed Peccatum originale contrahitur propter primum peccatum primi parentis. Ergo Peccatum originale in vno homine est tantum vnum, & in pluribus est vnum in ordine ad primum.

Secunda ratio desumitur ex ipsa essentia peccati originalis, & est.

Peccatum, quod habet vnā causam, & vnum subiectum, est vnum specie, & numero, & si habeat vnā causam, & diuersa subiecta, est vnum specie, & multiplicatur numero. Sed Peccatum originale habet vnā causam, & in vno homine habet vnum subiectum, in diuersis vero habet diuersa subiecta.

Ergo Peccatum originale in vno homine est vnum specie, & in diuersis hominibus est plura numero.

Maior probatur, quia In omni ordinata dispositione, vnitas speciei consideratur ex parte causæ, vnitas autem secundum numerum ex parte subiecti, sicut patet in ægritudine corporali, sunt enim diuersæ ægritudines speciei, quæ ex diuersis causis procedunt, puta ex superabundantia calidi, vel frigidi, vel ex lésione pulmonis, vel hepatis, vna tamen ægritudo secundum speciem in vno homine, non est nisi vna numero.

Minor probatur, quia Causa huius corruptæ dispositionis, quæ dicitur originale peccatum, est vna tantum, scilicet priuatio originalis iustitiæ, per quã sublata est subiectio humanæ mentis ad Deum. Et ideo peccatum originale est vnum specie, & in vno homine, non potest esse nisi vnum numero, & in diuersis hominibus est vnum specie, & proportionem, diuersum autem numero.

Ad Argumenta.

Ad 1. Negatur maior. Ad probationem dicitur, quod Causa quare peccatum originale, in quo homo concipitur, pluraliter nominatur, potest esse quadruplex.

Prima,

Prima, quia Mos est Sacre scripturæ frequenter ponere plurale, pro singulari, sicut Matth. 2. dicitur. Defuncti sunt, qui querebant animum perit, id est Herodes.

Secunda, quia in peccato originali virtualiter præexistunt omnia peccata actualia, sicut in quodam principio. Unde peccatum originale est multiplex heredes.

Tertia, quia In peccato primi parentis, quod per originem traducitur, fuerunt plures deformitates, sicut superbia, inobediencia, gula, & huiusmodi.

Quarta, quia Per peccatum originale multe partes animæ inficiuntur.

Ad 2. Dicitur, quod Vnum habitum inclinare ad diuersa, & contraria potest dupliciter intelligi. Vno modo, per se, & directe, id est per propriam formam. Alio modo indirecte, & per accidens, sicut per remotionem prohibentis. Tunc ad maiorem dicitur, quod habitus inclinans ad diuersa, & contraria per se, non potest esse vnus ratione dicta, quia scilicet inclinare per modum naturæ, quæ est ad vnum determinata, potest tamen vnus habitus ad diuersa, & contraria per accidens inclinare, sicut soluta armonia corporis mixti, elementa tendunt in loca contraria. Et ad minorem dicitur, quod Peccatum originale inclinatur ad plura, & contraria per accidens, ut remouens prohibens, soluta autem armonia originalis iustitiæ, diuersæ potentie animæ in diuersa seruntur.

Ad 3. Dicitur, quod Peccatum plura inficere, contingit dupliciter. Vno modo, ut inficiat plura, ut plura sunt. Alio modo, ut inficiat plura, ut sunt partes vnus. Tunc dicitur ad maiorem, quod peccatum, quod inficit plura, ut plura, non potest esse vnum, secus est autem si inficiat plura, ut sunt vnum in aliquo toto. Et ad minorem dicitur, quod peccatum originale inficit plures partes animæ, secundum quod sunt partes vnus totius. Sicut enim quia iustitia originalis continebat animæ partes in vno, iustitia originalis erat vna: sic peccatum originale, quod soluit huiusmodi armoniam, est vnum, sicut est vna febris in vno homine, quamuis plures partes corporis per eam grauentur.

A R T I C V L V S III.

Vtrum Originale peccatum sit concupiscentia.

Pro Negatiua.

Videtur, quod Originale peccatum non sit concupiscentia.

1. Quod est contra naturam, non est concupi-

scientia. Sed Peccatum originale est contra naturam. Ergo Peccatum originale non est concupiscentia.

Maior prob. quia Concupiscentia est secundum naturam, est enim proprius actus virtutis concupiscibilis, quæ est potentia naturalis.

Minor prob. quia Omne peccatum est contra naturam, ut Damascenus 2. lib. cap. 2.

2. Illud, per quod sunt in nobis passionēs peccatorum, non debet solum dici concupiscentia. Sed Per peccatum sunt in nobis passionēs peccatorum, ut dicitur Rom. 7. Ergo Peccatum originale non magis est concupiscentia, quam aliqua alia passio.

Maior prob. quia Sunt multæ aliæ passionēs præter concupiscentiam, ut habitus est supra, quæst. 2. art. 4.

4. Illud, per quod deordinatur, non solum inferioris animæ partes, sed etiam suprema animæ pars, non magis debet dici concupiscentia, quam ignorantia. Sed Per peccatum originale, non solum deordinantur partes inferiores animæ, sed etiam suprema, quæ est intellectus. Ergo Peccatum originale, non magis debet dici concupiscentia, quam ignorantia.

Maior prob. quia Intellectus deordinatur per ignorantiam.

Minor prob. quia Per peccatum deordinantur omnes animæ partes, ut dictum est art. præced.

Pro Affirmatiua.
Aug. lib. 1. Retrac. cap. 15. dicit, quod Concupiscentia est reatus originalis peccati.

Determinatio.
Conclusio. Peccatum originale, materialiter quidem est concupiscentia, formaliter vero est defectus originalis iustitiæ.

Prob. Illud, quod se tenet ex parte causæ mouentis, se habet ut formale, & quod se tenet ex parte eius, quod mouetur, se habet ut materiale in peccato originali. Sed Defectus iustitiæ originalis se tenet ex parte causæ mouentis, & concupiscentia se tenet ex parte eius, quod mouetur. Ergo Defectus iustitiæ originalis est formale, & concupiscentia est materiale in peccato originali.

Maior prob. quia Species peccati originalis, quæ in vnoquoque est à forma, desinitur à sua causa, ut dictum est art. præced. Illud igitur, quod se tenet in peccato originali ex parte causæ mouentis, erit formale in peccato originali, & quod se tenet ex parte eius, quod mouetur, se habet ut materiale.

Minor prob. Nam causa peccati est ipsa inordinatio voluntatis, sicut causa iustitiæ est ordinatio

tionis eiusdem voluntatis, quæ ordinatio consistit in hoc, ut Deo subijciatur, & cuius inordinatio consistit in auersione à Deo. Voluntas autem mouet inferiores potentias ad verum bonum, vel ad apparens bonum. Vnde voluntas est causa motiua originalis peccati, & aliæ potentie sunt quasi materiales cause, quæ mouentur à voluntate ad peccatum.

In forma igitur sic probatur minor. Quod se tenet ex parte voluntatis, se tenet ex parte cause motiue peccati, & quod se tenet ex parte inferiorum virium, se tenet ex parte materia. Sed Defectus iustitiæ originalis se tenet ex parte voluntatis, & concupiscentia se tenet ex parte inferiorum virium. Ergo Defectus iustitiæ originalis se tenet ex parte cause motiue, & concupiscentia ex parte cause materialis.

Maiores huius patet, quia Voluntas est causa motiua omnium potentiarum, & inferiores potentie sunt motæ ab ipsa voluntate.

Minor huius manifestatur ex opposito. Nam iustitia originalis se tenebat ex parte voluntatis, erat enim iustitia originalis in homine ex hoc, quod voluntas erat Deo subiecta, ex qua subiectione voluntatis ad Deum sequebatur ordinatio aliarum virium ad ipsam voluntatem, & ad obiectum proprium. Vnde quemadmodum ex ordinatione recta voluntatis in Deum, causabatur originalis iustitia, ita ex eius auersione, causatum est originale peccatum.

Sic ergo Privatio originalis iustitiæ, per quam voluntas subdebatur Deo, est fornaliter in peccato originali, omnis autem alia inordinatio virium animæ se habet in peccato originali, sicut quoddam materiale. Et quia inordinatio aliarum virium animæ præcipue in hoc attenditur, quod inordinate conuertuntur ad bonum commutabile, quæ quidem communi nomine potest dici concupiscentia, ideo peccatum originale concupiscentia materialiter dicitur, formaliter vero est carentia originalis iustitiæ.

Ad Argumenta.

Ad 1. Negatur maior. Ad prob. dicitur, quod quia in homine concupiscibilis naturaliter regitur ratione, in tantum concupiscere est homini naturale, in quantum est secundum rationis ordinem. Concupiscentia autem, quæ transcendit limites rationis, inest homini contra naturam, & talis est concupiscentia originalis peccati.

Ad 2. Negatur maior. Ad prob. dicitur, quod quamuis sint multe aliæ passiones præter concupiscentiam, tamen quia passiones irascibilis, ad

passiones concupiscibilis reducuntur, ut dictum est quæst. 2. artic. 1. sicut ad principales, & inter passiones concupiscibilis, concupiscentia magis moueat, ideo concupiscentia, tanquam principaliori attribuitur, quod per ipsam in nobis sicut omnes passiones peccatorum.

Ad 3. Negatur maior. Nam licet inter materiales defectus peccati originalis contineatur etiam ignorantia, tamen, quia in malis inferiori pars animæ principalior inuenitur, ut potest quæ rationem obnubilat, & trahit, ut dictum est quæst. 80. art. 2. sicut in bonis intellectus, & ratio principalitatem habent, propterea peccatum originale magis dicitur esse concupiscentia, quam aliquis defectus rationis, & intellectus.

ARTICVLVS IV.

Vtrum Peccatum originale sit æqualiter in omnibus.

Pro Negatiua.

Videtur, quod Peccatum originale non sit æqualiter in omnibus.

1. Concupiscentia inordinata non est æqualiter in omnibus. Sed Peccatum originale est concupiscentia inordinata, ut dictum est, artic. præced. Ergo Peccatum originale non est æqualiter in omnibus.

Minor prob. quia Non omnes sunt æqualiter proni ad concupiscendum.

2. Aegritudo animæ non est æqualiter in omnibus, sed suscipit magis, & minus. Sed Peccatum originale est quædam aegritudo animæ. Ergo Peccatum originale non est æqualiter in omnibus.

Maiores prob. Aegritudo corporis non est æqualiter in omnibus, sed suscipit magis, & minus. Ergo Nec aegritudo animæ est æqualiter in omnibus.

Conseq. simul cum minori prob. quia Peccatum originale est quædam in dispositio animæ, sicut aegritudo est quædam in dispositio corporis.

3. Conuenit esse maiorem libidinem vnius, in actu generationis, quam alterius. Ergo Peccatum originale potest esse maius in vno, quam in alio.

Consequentia probatur. quia August. dicit in libro de Nuptijs, & concupiscentia capitulo 25. quod Libido transmittit originale peccatum in prolem.

Pro Affirmatiua.

Peccatum naturæ æqualiter est in omnibus, sicut & natura. Peccatum originale est peccatum naturæ. Ergo Peccatum originale est æqualiter in omnibus.

Determinatio.

Conclusio. Peccatum originale non potest esse magis in vno, quam in alio.

Prob. Defectus originalis iustitiæ, & relatio huius defectus ad peccatum primi parentis, à quo per vitiatam originem hic defectus educitur, non sunt magis in vno, quam in alio, sed æqualiter in omnibus. Ergo Peccatum originale non est magis in vno, quam in alio, sed est æqualiter in omnibus.

Consequentia probatur. quia In peccato originali illa duo considerantur, scilicet defectus originalis iustitiæ, & relatio huius defectus ad peccatum primi parentis.

Antecedens, quo ad priorem partem, scilicet, quod defectus iustitiæ originalis sit æqualiter in omnibus, probatur. Priuationes totaliter aliquid priuantes, vt sunt mors, & tenebræ, non recipiunt magis, & minus, sed æqualiter sunt in omnibus, in quibus inueniuntur, vt dictum est, quæst. 73. art. 2. Sed Defectus iustitiæ originalis est priuatio, totaliter priuans donum iustitiæ originalis. Ergo Defectus originalis iustitiæ est æqualiter in omnibus.

Altera antecedentis pars probatur. quia Relationes non suscipiunt magis, & minus. Vnde omnes æqualiter habent relationem ad primum principium vitiæ originis, ex quo peccatum originale recipit rationem culpæ.

Ad Argumenta.

Ad 1. Dicitur, quod Inordinata concupiscentia potest dupliciter considerari. Vno modo, per comparisonem ad peccatum originale. Alio modo, per comparisonem ad ipsas potentias concupiscentes. Si consideretur quatenus est ex originali peccato, est æqualiter in omnibus, omnes enim habent eandem, & æqualem causam, quæ est subtrahitio originalis iustitiæ. Si vero consideretur per respectum ad ipsas potentias, potest esse magis in vno, quam in altero, hæc tamen inæqualitas non est ex peccato originali, sed ex diuersa dispositione potentiarum. Solutio enim vinculo originalis iustitiæ, sub quo, quodam ordine omnes vires animæ continebantur, vnaquæque vis animæ tendit in suum proprium motum, & tanto vehemētius, quanto fuerit fortior. Et quia contingit vires aliquas esse fortiores in vno, quam in alio, propter diuersas corporis complexiones, propterea quod vnus prior sit ad concupiscendum, quam alter, non est ex ratione peccati originalis, cum in omnibus æqualiter soluatur vinculum originalis iustitiæ, & æqualiter in omnibus inferiores partes

animæ sibi relinquantur, sed ex diuersa hac potentiarum dispositione. Ad formam igitur argumenti negatur maior. scilicet quod Concupiscentia inordinata, secundum quod respicit peccatum originale, non sit in omnibus æqualiter.

Ad 2. Neg. maior. Ad prob. neg. Conseq. Ad cuius prob. dicitur, quod non est eadem ratio de æritudine corporali, & de peccato originali, quæ est animæ æritudo. Æritudo enim corporalis non habet in omnibus eandem, & æqualem causam, etiam si sint eiusdem speciei, puta si febris sit ex Cholera putrefacta, potest esse maior, vel minor putrefactio, & propinquior, vel remotior à principio vitæ. Sed causa originalis peccati in omnibus est eadem, & æqualis, vt dictum est, ideo non est similis ratio.

Ad 3. Neg. conseq. Ad prob. dicitur, quod Libido, quæ transmittit peccatum originale in prolem, non est libido actualis, quia dato, quod virtute diuina concederetur, quod quis nullam inordinatam libidinem in actu generationis sentiret, adhuc transmitteret in prolem originale peccatum: sed libido illa est intelligenda habitualiter, secundum quod appetitus sensitiuus non continetur sub ratione, solum vinculo originalis iustitiæ, & talis libido in omnibus est æqualis.

QVÆSTIO LXXXIII.

DE SUBIECTO ORIGINALIS PECCATI.

ARTICVLVS I.

Vtrum Originale peccatum sit magis in carne, quam in anima.

Quod sit magis in carne.

Videtur, quod Peccatum originale, sit magis in carne, quam in anima.

1. In eo, in quo consistit radix repugnantie carnis ad mentem, principaliter, & magis peccatum originale inuenitur. Sed In carne consistit radix repugnantie carnis ad mentem. Ergo In carne magis, & principaliter peccatum originale inuenitur.

Maiores prob. quia Repugnantia carnis ad mentem ex corruptione originalis peccati procedit.

Minor prob. quia Apost. Rom. 7. dicit. Video aliam legem in membris meis, repugnantem legi mentis meæ.

2. Anima inficitur infectione originalis peccati, per semen carnale, tanquam per causam. Ergo Peccatum originale magis est in carne, quam in anima.

Conseq.

Conseq. prob. quia Vanumquodque potius est in causa, quam in effectu, sicut calor magis est in igne calefaciente, quam in aqua calefacta.

3. Anima non fuit in primo parente secundum feminalem rationem, sed solum caro. Ergo Peccatum originale non est in anima, sed in carne.

Conseq. prob. quia Peccatum originale ex primo parente contrahimus, pro ut in eo sumus secundum rationem feminalem.

4. Si anima rationalis per peccatum originale inficeretur, Sequeretur, quod Deus esset causa peccati, quod est falsum.

Sequela probatur. Si anima inficitur peccato, aut inficitur in sui creatione, aut in sui infusione in corpus. Sed Deus creat, & infundit animam corpori. Ergo Si anima inficeretur, Deus esset causa infectionis.

5. Nullus sapiens liquorem pretiosum vasi infecto infunderet, ex quo sciret, ipsum liquorem infici. Sed Anima rationalis est pretiosior omni liquore. Ergo Si anima ex corporis vniione infici posset infectione originalis culpæ, Deus, qui ipsa sapientia est, nunquam animam tali corpori infunderet. Sed infundit. Ergo Non inquinatur ex carne. Ergo Peccatum originale non est in anima, sed in carne.

Quod sit in anima.

Caro non potest esse subiectum virtutis. Ergo Neque potest esse subiectum peccati.

Antecedens patet, quia Apostolus Rom. 7. dicit. Scio, quod non habitar in me, id est in carne mea, bonum.

Conseq. prob. quia Idem est subiectum virtutis, & vitij, siue peccati.

Determinatio.

Distinctio. Aliquid potest esse in aliquo dupliciter. Vno modo, sicut in causa, vel principali, vel instrumentali. Alio modo, sicut in subiecto.

1. Conclusio. Peccatum originale omnium hominum fuit in Adam sicut in causa principali.

Probatur, quia Rom. 5. dicitur. In quo omnes peccauerunt, id est in Adam.

2. Conclusio. Peccatum originale est in femine, sicut in causa instrumentali.

Probatur, quia Per virtutem actiuam seminis traducitur peccatum originale in prolem, simul cum natura humana.

3. Conclusio. Peccatum originale nullo modo est in carne, sicut in subiecto, sed solum in anima.

Probatur. In eo tantum potest esse originale peccatum, sicut in subiecto, quod est capax culpæ. Sed Sola anima, & non caro est capax culpæ. Ergo In sola anima potest esse peccatum originale, tanquam in subiecto.

Maiores probatur à simili in peccato actuali. Hoc enim modo peccatum primi parentis traducitur in posteros per quandam generatiuam motionem, sicut à voluntate alicuius hominis derivatur peccatum actuale ad alias partes eius. Peccatum enim actuale, quod derivatur ex motione voluntatis peccantis, ad etiam partes, non est in aliqua eius parte, sicut in subiecto, nisi talis pars sit capax culpæ. Vnde videmus, quod si voluntas moueat ad peccatum aliquod membrum, in illo est peccatum, vel tanquam in instrumento, sicut ex voluntate obiecti gulæ pertinet concupiscentia cibi ad concupiscibilem, & sumptio cibi ad manus, & os, quæ in quantum mouentur à voluntate sunt instrumenta peccati. Quod vero ex voluntate derivatur ad carnem, non est peccatum, sed potius poena, quia caro secundum se, non est capax culpæ, ut potest, quæ non est apta nata moueri à voluntate.

Vel aliter formatur hæc ratio.

Illud tantum potest esse subiectum peccati originalis, quod est aptum natum moueri à voluntate. Sed Caro non est apta nata moueri à voluntate. Ergo In carne non potest esse peccatum originale, ut in subiecto.

Maiores probatur. Peccatum actuale non derivatur ad aliquam partem hominis peccantis, nisi huiusmodi pars sit apta nata moueri à voluntate. Ergo Nec peccatum originale.

Consequenter probatur, quia Hoc modo peccatum primi parentis: scilicet peccatum originale traducitur in posteros per quandam generatiuam motionem, sicut ex voluntate alicuius hominis derivatur peccatum actuale ad alias partes eius.

Antecedens manifestatur, quia In deriuatione actualis peccati, ad partes peccantis, videmus, quod Culpa non derivatur nisi ad illas partes, quæ possunt à voluntate moueri, quia enim voluntas potest mouere concupiscentiam cibi, concupiscibilem ad concupiscendum cibum, & manus ad sumendum, & os ad comedendum, ideo hæc se extendit peccatum, & in eis instrumentis, vel sicut in subiecto, ut in concupiscibili, vel sicut in instrumentis, ut in manibus.

in ore: & quia voluntas non potest mouere partes nutritiuas, & vegetatiuas, ideo ad ipsas non se extendit peccatum. Vnde ex digestionem cibi ex gula sumpti, nullum est peccatum in vegetatiua, siue nutritiua. Ex quibus patet, quod peccatum actuale non potest esse in aliquo sicut in subiecto, nisi illud aptum natum sit moueri à voluntate, ex cuius motione omne peccatum deriuatur.

Minor autem principalis, scilicet quod Caro non sit apta nata moueri à voluntate ad peccandum, ex semanifesta relinquitur. Illud igitur, quod ex corruptione primi peccati peruenit ad animam, habet rationem culpæ, quod vero peruenit ad carnem, non habet rationem culpæ, sed pœnæ.

Ad Argumenta.

Ad 1. Negatur minor. Ad probationem dicitur, quod sicut Augustinus dicit lib. 1. Retract. cap. 26. Apostolus ibi loquitur de homine iam redempto, qui liberatus est à culpa, sed subiaceat pœnæ, ratione cuius, peccatum dicitur habitare in carne, ex quo non sequitur, quod caro sit subiectum culpæ, sed pœnæ.

Ad 2. Negatur consequentia. Ad probationem dicitur, quod semen non est causa originalis peccati, principalis, sed instrumentalis, non autem oportet, quod aliquid sit principalis in causa instrumentali, quam in effectu, sed solum in causa principali, & hoc modo peccatum originale magis fuit in Adam, in quo tanquam in causa principali fuit etiam secundum rationem actuale peccati.

Ad 3. Dicitur ad antecedens, quod licet anima huius hominis non fuerit secundum seminalem rationem in Adam peccante, fuit tamen in eo sicut in principio dispositiuo, eo quod semen corporale, quod ex Adam producit, sua virtute licet non efficiat animam rationalem, tamen ad eam disponit, & hoc sufficit, ad contractionem originalis peccati.

Ad 4. Negatur consequentia. Infectio enim peccati originalis nullo modo causatur à Deo, sed causatur ex solo peccato primi parentis, per carnalem generationem.

Ad probationem dicitur, quod Anima inficitur non in sui creatione, sed inficitur in sui infusione, & ratio primi est, quia Creatio importat respectum ad solum Deum. Vnde si anima inficeretur in sui creatione, Deus esset causa suæ infectionis, quod est falsum. Infusio autem duos importat respectus. scilicet ad Deum infundentem, & ad carnem cui infunditur. Habito respectu ad Deum infundentem, non maculatur anima per infusionem, sed solum habito respectu cui infunditur.

Ad 5. Dicitur, quod bonum commune præ-

fertur bono singulari: Vnde Deus secundum suam sapientiam non prætermittit vniuersalem ordinem rerum, qui est, vt tali corpori talis anima fundatur, vt videretur singularis infectio huius animæ, præsertim cum natura animæ hoc habeat, vt esse non incipiat nisi in corpore, vt p. p. q. 118. art. 3. habitum est. Melius est autem, et licet esse secundum naturam, quam nullo modo esse, præsertim cum possit per gratiam damnationem euadere.

ARTICVLVS II.

Vtrum Peccatum originale sit per prius in essentia animæ, quam in potentijs.

Pro Negatiua.

Videretur, quod Peccatum originale non sit per prius in essentia animæ, quam in potentijs.

1. Anima non mouetur à voluntate secundum essentiam, sed solum secundum potentias. Ergo Peccatum originale non est in anima secundum suam essentiam, sed solum secundum potentias.

Consequenter prob. quia Anima nata est esse subiectum peccati, quantum ad id, quod potest à voluntate moueri.

2. Originalis iustitia erat in aliqua potentia animæ, quæ est subiectum virtutis. Ergo Et peccatum originale est magis in potentia animæ, quam in eius essentia.

Consequentia prob. quia Peccatum originale opponitur originali iustitie.

3. Peccatum originale magis est in anima, quam in carne. Ergo Etiam magis est in essentia animæ, quam in eius potentijs.

Consequentia prob. quia Sicut à carne peccatum originale deriuatur ad animam, propter quod magis est in anima, vt dictum est, ita ab essentia animæ deriuatur ad potentias, & ideo videtur, quod magis debeat esse in ipsis potentijs.

4. Concupiscentia est in potentijs animæ, vt dictum est, quæst. 82. art. 3. Sed Peccatum originale est concupiscentia. Ergo Peccatum originale est in potentijs animæ.

Pro Affirmatiua.

Peccatum, quod dicitur naturale, est principaliter in essentia animæ. Sed Peccatum originale dicitur peccatum naturale, vt dictum est, q. 31. art. 1. Ergo Peccatum originale est principaliter in essentia animæ.

Maior prob. quia Anima est forma, & natura corporis secundum essentiam suam, & non secundum potentias, vt dictum est Prima parte, quæst. 76. art. 1.

Deer.

Determinatio.

Conclusio. Anima secundum suam essentiam est primum subiectum originalis peccati.

Prob. Illud, quod primo attingitur ab origine hominis, est primum, & principale subiectum peccati originalis. Sed Anima secundum suam essentiam primo attingitur ab origine hominis. Ergo Anima secundum suam essentiam est principaliter, & primo subiectum peccati originalis.

Maior prob. Illud, quod primo attingitur à causa motiua alicuius peccati, est principaliter subiectum illius peccati. Sed Origo est causa motiua peccati originalis. Ergo Quod primo attingitur ab origine, est primum subiectum peccati originalis.

Maior huius probatur exemplariter. Quando enim causa motiua ad peccandum est delectatio sensus, vis concupiscibilis est subiectum illius peccati, quia .s. delectatio sensus, quæ est causa motiua ad peccandum, pertinet ad vim concupiscibilem, sicut ad obiectum proprium eius.

Minor huius prob. quia Originale peccatum causatur per originem, ut supra dictum est.

Minor principalis probatur. quia Origo hominis attingit animam, ut terminum generationis, secundum quod est forma corporis, quod quidem conuenit ei secundum essentiam propriam, ut dictum est Prima parte, qu. 76. art. 1.

Ad Argumenta.

Ad 1. Dicitur, quod Anima non mouetur à propria voluntate secundum essentiam, potest tamen moueri à voluntate primi generantis: sicut enim motio propria voluntatis peruenit ad potentias animæ, non autem ad ipsam essentiam, ita motio voluntatis primi generantis, per viam generationis peruenit primo ad essentiam animæ.

Ad 2. Negatur antecedens. Originalis enim iustitia pertinebat originaliter ad essentiam animæ, erat enim donum diuinitus datum humane nature, quam prius respicit essentia animæ, quæ eius potentia, cum potentia magis pertineat ad personam, in quantum sunt principia personali actuum. Ad probationem, quæ innuitur .s. quia Animæ potentia sunt subiectum virtutis, & ideo debent esse subiectum peccati, dicitur, quod potentia animæ sunt subiectum virtutis, cui opponitur peccatum actuale, non virtutis cui opponitur peccatum originale, quæ est originalis iustitia.

Ad 3. Negatur consequentia. Ad probationem dicitur, quod non est eadem ratio in comparatione animæ ad carnem, quæ est in comparatione essentia animæ ad suas potentias. Anima enim comparatur ad carnem, sicut forma ad materiam:

forma autem quamuis sit prior eo, cuius est forma ordine perfectionis, tamen ordine generationis est posterior. Vnde ex carne potest aliquid deriuare ad animam, & quia peccatum originale est prius in semine originaliter, quam sit anima, ideo ex carne aliquid deriuare potest ad animam, tanquam ex priori ad posterius. Essentia autem animæ comparatur ad suas potentias, ut accedens ad subiectum, & quia subiectum est omnibus modis prius suis accidentibus proprijs, ideo ex potentijs nihil ad animam potest deriuare, sed è conuerso.

Ad 4. Dicitur ad minorem, quod Concupiscentia non est ipsa essentia peccati originalis, sed se habet materialiter, & ex consequenti ad ipsum, ut dictum est, quæst. 82. art. 3.

ARTICVLVS III.

Utrum Peccatum originale, per prius inficiat voluntatem, quam alias potentias.

Pro Negatiua.

Videtur, quod Peccatum originale non prius inficiat voluntatem, quam alias potentias.

1. Quod causatur per actum potentie generatiuæ, prius inficit potentiam generatiuam. Sed Peccatum originale causatur per actum potentie generatiuæ. Ergo Peccatum originale per prius inficit potentiam generatiuam, & non voluntatem. Maior prob. quia Omne peccatum principaliter pertinet ad potentiam, per cuius actum causatur.

2. Potentia, quæ sunt carni propinquiores, prius inficiuntur peccato originali. Sed Aliæ vires animæ sunt propinquiores carni, quam sit ipsa voluntas. Ergo Aliæ vires prius inficiuntur a peccato originali, quam voluntas.

Maior probatur. quia Peccatum originale per semen carnale traducitur, ut dictum est.

3. Intellectus est prior voluntate. Ergo Si peccatum originale inficit omnes potentias animæ, videtur, quod prius debeat inficere intellectum, tanquam priorem.

Antecedens probatur. quia Voluntas non est, nisi de bono intellectu.

Pro Affirmatiua.

Iustitia originalis per prius respicit voluntatem. Ergo Etiam peccatum originale per prius respicit voluntatem.

Antecedens probatur. quia Iustitia originalis, est rectitudo voluntatis, ut Anselmus dicit in libro de Conceptu virginali cap. 3.

Consequentia probatur. quia Peccatum originale iustitia originali opponitur. Vnde pertinet ad idem subiectum.

Determinatio.

Distinctio. In infectione peccati originalis duo est considerare. Primum est inherencia eius ad subiectum. Alterum est inclination eius ad actum peccati. Peccatum enim originale inest, & inclinat ad actum. Peccatum originale secundum suam inherenciam respicit primo animæ essentiam, ut art. præced. dictum est, secundum vero inclinationem eius ad actum, per prius respicit potentias.

Concl. Peccatum originale per prius inficit voluntatem, quam alias potentias.

Probat. Illa potentia, quæ primam inclinationem habet ad peccandum, per prius inficitur a peccato originali, quam alias potentia. Sed Voluntas habet primam inclinationem ad peccandum, ut patet ex dictis quæst. 74. art. 1. & 2. Ergo Voluntas, prius quam alia potentia, inficitur per peccatum originale.

Ad Argumenta.

Ad 1. Dicitur ad minorem, quod peccatum originale non causatur per actum potentie generatiue proles, sed generantis, & ideo non oportet, ut prius inficiatur potentia generatiua proles, sed sufficit, quod potentia generatiua generantis fuerit originaliter infecta.

Ad 2. Dicitur, quod Peccatum originale habet duplicem processum, Vnum quidem a carne ad animam. Alium vero ab essentia animæ ad potentias. Præter quidem processus est secundum ordinem generationis. Secundus autem est secundum ordinem perfectionis. Tunc ad formam negatur maior, quamvis enim alia potentia, scilicet sensitiva, sit propinquior carni, tamen processus a carne ad animam est generationis, propterea in carne est peccatum originale, tantum, ut in causa, ex qua procedit peccatum, non in potentias, sed in essentiam animæ. Et quia voluntas est propinquior ipsi essentia animæ, in qua est peccatum etiam sicut in subiecto, propterea voluntas per prius inficitur, quam alia potentia.

Ad 3. Dicitur ad antecedens, quod Intellectus quodammodo præcedit voluntatem, in quantum proponit ei suum obiectum. Alio vero modo voluntas præcedit intellectum, secundum ordinem motionis ad actum, quæ quidem motio pertinet ad peccatum, & ideo voluntas, prius quam quælibet alia potentia, peccato inficitur.

A. R. T. I. C. V. L. V. S. IV.

Utrum Prædictæ potentie, scilicet generatiua, & concupiscibilis, & sensus tactus sint magis infectæ, quam alie.

Pro Negativa.

Videtur, quod Prædictæ potentie non sint magis infectæ, quam alie.

1. Illa pars animæ, quæ prius potest esse subiectum peccati, est magis infecta, per peccatum originale. Sed Pars rationalis est, quæ prius potest esse subiectum peccati, & præcipue voluntas. Ergo Pars rationalis, & præcipue voluntas, est magis infecta, quam prædictæ potentie.

Maiores prob. quia Infectio originalis peccati, magis videtur pertinere ad illam partem animæ, quæ potest esse subiectum peccati.

2. Pars animæ, quæ inficitur per culpam, potest obedire rationi. Sed Generatiua non potest obedire rationi, ut dicitur 1. Ethic. cap. vii. Ergo Generatiua non est maxime infecta, per peccatum originale.

Maiores prob. quia Nulla pars inficitur culpæ, nisi in quantum potest obedire rationi.

3. Sensus, qui est propinquior rationi, est magis infectus per originale peccatum. Sed Sensus visus est propinquior rationi, quam tactus. Ergo Sensus visus est magis infectus, quam sensus tactus.

Maiores prob. quia Infectio culpæ primo est in ratione.

Minor prob. quia Sensus visus est spirituius, & plures rerum differentias nobis demonstrat.

Pro Affirmativa.

Infectio originalis culpæ maxime apparet in motu genitalium membrorum, qui rationi non subditur, ut August. dicit 14. de Civ. Dei cap. 14. Ergo Infectio peccati maxime pertinet ad ista tria. Potentiam generativam, Vim concupiscibilem, & Sensem tactum.

Consequens prob. quia Illa membra deferuiunt generationi virtutis, in comminatione sexuum, in qua est delectatio secundum tactum, quæ maxime concupiscenciam mouet.

*Determinatio.***Quid Sit infectio.**

Illam corruptionem præcipue infectio nominari solet, quæ nata est animam transgredi, unde & mor-

bl contagiosi, sicut lepra, scabies, & huiusmodi infectiones dicuntur.

Conclusio. Cum omnes animæ partes dicantur esse corruptæ per peccatum originale, specialiter tres prædictæ, scilicet generatiua, concupiscentia, & sensus tactus, dicuntur esse infectæ, & corruptæ.

Probi. Potentia, quæ concurrunt ad actum generationis, maxime dicuntur esse corruptæ, & infectæ. Sed Prædictæ tres potentie concurrunt ad actum generationis. Ergo Prædictæ tres potentie maxime dicuntur esse infectæ.

Maïor prob. quia Corruptio originalis peccati traducitur per actum generationis, ut dictum est, quartis artia.

Minor probatur. quia Huiusmodi actus, scilicet generationis, deseruit generatiua, in quantum ad generationem ordinatur, & habet in se delectationem tactus, quæ est maxime obiectum concupiscentis.

Ad Argumenta.

Ad 1. Dicitur, quod Peccatum originale potest considerari dupliciter. Vno modo, ex ea parte, quæ traducitur per generationem in prolem. Alio modo, quatenus inclinat in peccata actualia. Secundo modo præcipue pertinet ad voluntatem, primo vero modo propinque pertinet ad potentias prædictas, & remote ad voluntatem. Ad formam argumenti dicitur, quod si sermo sit de peccato originali, quatenus inclinat in peccata actualia, conceditur totum, si enim voluntas est magis infecta, ut dictum est. Si vero sit sermo de peccato originali, ut traducitur in prolem, negatur maior, videlicet, quod ista pars sit magis infecta, quæ prius potest esse subiectum peccati, scilicet actualis, ita enim, quod voluntas sit prius subiectum actualis peccati, & tamen alia potentia, sint magis infectæ per originale peccatum, ut in prolem traducitur.

Ad 2. Dicitur, quod maior vera est de culpa actuali, quæ quia derivatur a voluntate eius, in quo est, non pertinet illi ad potentias, quæ mouentur a voluntate, non autem est vera de infectione culpa originalis, quæ non derivatur a voluntate eius, qui ipsam contrahit, sed per originem naturæ, cui deseruit potentia generatiua, ut dictum est, & ideo in ea est infectio originalis peccati.

Ad 3. Negatur maior. Ad hoc enim ut aliquis sensus sit magis infectus per originale peccatum, requiritur, ut propinque pertineat ad actum generationis, per quem originale peccatum traducitur, & quia visus non pertinet ad actum gene-

rationis, nisi secundum dispositionem remotam, pro ut scilicet, per visum apparet species concupiscentis, & in sensu tactus perficitur delectatio, ideo talis infectio, magis tactus, quam visus attribuitur.

QVÆSTIO LXXXIV.

DE CAUSA PECCATI, SECVNDUM quod unum peccatum est causa

alterius.

ARTIC. V. S.

Vtrum Cupiditas sit radix omnium peccatorum.

Pro Negativa.

Videatur, quod Cupiditas non sit radix omnium peccatorum.

1. Liberalitas non est causa omnium virtutum. Ergo Cupiditas non est radix omnium peccatorum.

Consequentia probatur, quia Cupiditas, quæ est immoderatus appetitus diuitiarum, opponitur virtuti liberalitatis. Unde si liberalitas non est radix omnium virtutum, ita nec cupiditas, quæ sibi opponitur, erit radix omnium peccatorum.

2. Appetitus eorum, quæ sunt ad finem, non est radix omnium peccatorum. Sed Cupiditas est appetitus eorum, quæ sunt ad finem. Ergo Cupiditas non est radix omnium peccatorum.

Maïor probatur, quia Appetitus eorum, quæ sunt ad finem, procedit ex appetitu finis. Unde appetitus finis est radix eorum, quæ sunt ad finem.

Minor probatur, quia Cupiditas est appetitus diuitiarum, quæ non appetuntur nisi ut viles ad aliquem finem.

3. Frequenter inuenitur, quod Avaritia, quæ cupiditas nominatur, oritur ex alijs peccatis, puta cum quis appetit pecuniam, propter ambitionem, vel ut satisfaciât gule. Ergo Cupiditas non est radix omnium peccatorum.

Pro Affirmativa.

Appostolus Timothei vlt. dicit, quod Radix omnium malorum est cupiditas.

Determinatio.

Aliorum Sententia.

Cupiditas secundum quoddam tripliciter dicitur. Vno modo, pro ut est appetitus inordinatus diuiti-

1. Quod est radix peccati, est etiam peccati initium. Sed Superbia non est radix peccati. Ergo Superbia non est initium peccati.

Maiores probatur, quia Radix est quoddam principium arboris, & ita idem videtur esse radix, & initium peccati.

Minor probatur, quia Radix peccati est cupiditas, ut dictum est art. præced.

2. Quod initiatum ex altero peccato, non est initium omnis peccati. Sed Superbia initiatum ex altero peccato. Ergo Superbia non est initium omnis peccati.

Minor probatur, quia dicitur Eccles. 10. quod Initium superbiæ hominis est apostatare à Deo.

3. Illud, quod facit omnia peccata, videtur esse omnis peccati initium. Sed Non Superbia, sed inordinatus amor sui, facit omnia peccata. Ergo Non Superbia, sed inordinatus amor sui est initium omnium peccatorum.

Minor probatur, quia Aug. dicit 14. de Civit. Dei cap. 28. quod Inordinatus amor sui facit civitatem Babylonis.

Pro Affirmativa.

Eccles. 10. dicitur Initium omnis peccati superbia.

Determinatio.

Aliorum Sententia.

Quidam dicunt, superbiam dici tripliciter. Vno modo, secundum quod significat inordinatum appetitum propriæ excellentiæ: & sic est speciale peccatum. Alio modo secundum quod importat quandam actualē contemptum Dei, quantum ad hunc effectum, qui est non subdi eius præcepto: & sic dicunt, quod est generale peccatum. Tertio modo, secundum quod importat quandam inclinationem ad huiusmodi contemptum ex corruptione naturæ: & sic dicunt, quod est initium omnis peccati, & ponunt differentiam inter cupiditatem, & superbiam in hoc, quia Cupiditas respicit peccatum ex parte conversionis ad bonum commutabile, ex quo peccatum quodammodo nutritur, & fovetur, & propter hoc cupiditas dicitur radix, sed superbia respicit peccatum ex parte aversionis à Deo, cuius præcepto homo subdi recusat, & ideo vocatur initium, quia ex parte aversionis incipit ratio mali.

Reprobatio.

Hæc quidem, quamvis vera sint, tamen non sunt secundum intentionem sapientis, qui dicit. Initium omnis peccati est superbia. Manifeste

enim loquitur de superbia, secundum quod est inordinatus appetitus propriæ excellentiæ, ut patet per hoc, quod subdit, Sedes ducum superbiorum destruit Deus, & de hac materia loquitur ferè in toto illo cap. 10.

Vera Sententia.

Conclusio. Superbia, etiam secundum quod est speciale peccatum, est initium omnis peccati, & cupiditas eorum radix.

Probatur, præmittendo, quod in actibus voluntariis, cuiusmodi sunt peccata, duplex ordo invenitur, scilicet ordo intentionis, & ordo executionis. In primo quidem ordine id, quod habet rationem principii, est ipse finis, ut multoties superius dictum est. In secundo vero ordine habet rationem principii, primum eorum, quæ sunt ad finem. Et iterum id, quod est principium in primo ordine dicitur initium, quod verò est principium in secundo ordine dicitur radix. His suppositis, probatur utraque conclusionis pars.

Et prima. Appetitus eius, quod habet rationem finis in omnibus bonis temporalibus acquirendis, est initium omnium peccatorum. Sed Superbia, secundum quod est speciale peccatum, est appetitus eius, quod habet rationem finis, in omnibus bonis temporalibus acquirendis. Ergo Superbia, secundum quod est speciale peccatum, est initium omnis peccati.

Maiores patet ex dictis, quia Finis habet rationem initij.

Minor probatur, quia Finis in omnibus bonis temporalibus acquirendis est, ut homo per illa, quandam perfectionem singularem, & excellentiam habeat.

Altera conclusionis pars probatur. Quod præbet opportunitatem adimplendi omnia desideria peccati, est radix omnium peccatorum, ut potè primum in ordine executionis.

Sed Diutius præbet opportunitatem adimplendi omnia desideria peccati.

Ergo Cupiditas ex hac parte ponitur radix omnium peccatorum.

Et breviter Superbia dicitur initium omnis peccati, quia propria excellentia, ad quam tendit superbia, est finis, quem homo principaliter intendit in temporalibus bonis. Cupiditas verò est radix quia est primum in executione, quod præbet opportunitatem, & facultatem adimplendi omnia peccata.

Ad Argumenta.

Ad 1. Negatur maior. Ad probationem dicitur, quod Radix est quidem quoddam principium,

pium, sed in ordine executionis. Initium vero dicitur principium in ordine intentionis.

Ad 2. Respondetur dupliciter. Primo, negatur minor. Ad probationem dicitur, quod Apostatare à Deo, non est aliquod speciale peccatum, sed cōditio generalis omnis peccati, quæ est auersio ab incommutabili bono. Ex quo non sequitur, quod superbia sit initiata ex alio peccato, sed solum ex alia conditione generali peccati.

Dicitur secundo, quod Apostatare dicitur esse initium superbiæ, non quia sit aliud peccatum à superbia, sed quia est prima species superbiæ. Ad superbiæ enim pertinet nolle subiacere cuique superiori, & præcipue nolle subdi Deo, ex quo contingit, quod homo seipsum indebitè extollat, quantum ad alias species superbiæ, ex quo non sequitur, quod superbia iniatur ab alio peccato, sed quod prima species superbiæ, sit initium aliarum specierum.

Ad 3. Negatur minor. Ad probationem dicitur, quod in hoc homo se amat, quod sui excellentiam vult, idem enim est se amare, quod sibi velle bonum. Unde ad idem pertinet, quod ponatur initium omnis peccati superbia, vel amor proprius.

ARTICVLVS III.

Utrum Præter superbiæ, & auaritiæ sint alia peccata specialia, quæ dici debeant capitalia.

Pro Negatiua.

Videtur, quod præter superbiæ, & auaritiæ non sint alia peccata specialia, quæ dici debeant capitalia.

1. Præter peccatum, quod est omnium malorum radix, nullum aliud est capitale. Sed Solæ cupiditas est omnium aliorum malorum radix, ut dictum est. Ergo Præter cupiditatem nullum aliud est vitium capitale.

Maiores probatur, quia Radix ad plantas se habet, sicut caput ad animal, ut dicitur 2. de Anima tex. 38. eo quod radices sint ori similes. Sed Capitale dicitur a capite: Ergo Sic in animali est tantum vnum caput, sic inter vitia vnum est tantum capitale.

2. Quod dicitur per priuationem ordinis, non potest dici capitale. Sed Quodcumque peccatum dicitur per priuationem ordinis, Ergo Nullum peccatum habet rationem capitis, & ita non debent poni aliqua capitalia vitia.

Maiores probatur, quia Caput, à quo capitale denominatur, habet quandam ordinem ad alia membra, in quantum a capite in omnia mem-

bra diffunditur quodammodo sensus, & motus.

3. In singulis generibus primum quoddam peccatum pœna capitali. Ergo Non sunt aliqua determinata vitia capitalia secundum speciem.

Consequentia probatur, quia Capitalia crimina dicuntur, quæ capite plectuntur.

Pro Affirmatiua.

Greg. 31. Moral. capit. 31. enumerat quoddam vitia, quæ dicit esse capitalia.

Determinatio.

1. Distinctio. Caput dupliciter sumitur. Vno modo proprie. Alio modo Metaphorice. Caput proprie dicitur membrum animalis, quod est directiuum totius animalis. Caput metaphorice dicitur omne principium directiuum. Unde etiam homines, qui alios dirigunt, & gubernant, capita aliorum esse dicuntur.

2. Distinctio. Et quia capitale a capite dicitur, sequitur, quod etiam capitale vitium dupliciter dicatur, scilicet Proprie, & Metaphorice. Capitale proprie dicitur, quod denominatur a capite proprie dicto, & secundum hoc capitale vitium dicitur illud, quod pœna capitis punitur. Capitale vero metaphorice dicitur vitium, quod denominatur a capite Metaphorice, & sic omne vitium, ex quo alia oriuntur, & præcipue secundum originem causæ finalis, quæ est formalis origo, ut dictum est quæst. 18. art. 6. capitale dicitur, & vitium capitale sic acceptum, non solum est principium aliorum, sed etiam directiuum, & quodammodo ductiuum aliorum; eo quia semper ars, vel habitus ad quem pertinet finis, principatur, & imperat circa ea, quæ sunt ad finem. Vnde Greg. 31. Moral. cap. 1. huiusmodi vitia capitalia ducibus exercituum comparat.

Sensus quæsti.

Non intendimus hic querere de vitis, quæ dicuntur capitalia a capite proprie dicto, scilicet quæ capite puniuntur. Nam vt probat tertium argumentum, hæc non sunt determinata secundum speciem: sed est sermo de vitis capitalibus, pro vt capitale Metaphorice dicitur, scilicet pro vitis, quæ sunt principia, & directiua aliorum vitiorum.

Ad quæsitum responsio.

Conclusio. Præter superbiæ, & auaritiæ sunt alia vitia capitalia.

Probat. Præter superbiæ, & auaritiæ sunt alia vitia, quæ sunt principia, & directiua alio-

rum vitiorum, vt Greg. dicit 31. Moralium, & patebit att. sequenti.

Ergo Præter superbiam, & auaritiam sunt alia vitia capitalia.

Conseq. prob. quia Per vitium capitale intelligimus illud, quod est principium directiuum aliorum vitiorum.

Ad Argumenta.

Ad 1. Negatur maior. Ad probationem dicitur, quod non eadem ratione vnum peccatum dicitur Initium, Radix, & Caput aliorum peccatorum. Dicitur enim illud peccatum initium aliorum, quod est primum in ordine intentionis: & quia esse primum in ordine intentionis, non potest esse nisi vnum, scilicet ipse finis, propterea, vnum tantum peccatum dicitur aliorum initium. Peccatum vero, quod est radix aliorum, dicitur, quod est primum in ordine executionis, quod scilicet dat facultatem ad omnia peccata: quod etiam non potest esse nisi vnum, cum sola diuinitas præbeant facultatem, vt probatur artic. 1. Illud vero vitium capitale dicitur, quod quouis modo participat aliquam capituli conditionem, secundum aliquam similitudinem. Vnde quodcumque peccatum, quod habet rationem originis propinque respectu plurium peccatorum, capitale dici potest. Non sequitur igitur, quod sicut est solum vnum peccatum, quod est Initium, & solum vnum, quod est radix, quod sit solum vnum capitale.

Ad 2. Dicitur ad minorem, quod peccatum consideratur dupliciter. Vno modo, ex parte auersionis: & ex hac parte habet rationem mali, quod secundum August. est primatio modi, speciei, & ordinis. Alio modo, ex parte conuersionis, & sic respicit quoddam bonum, scilicet creatum, & ideo ex hac parte dicitur habere ordinem.

Ad 3. Negatur consequentia. Ad probationem dicitur, quod hic non est sermo de capitali, vt dicitur à capite proprie dicto, vt dictum est in corpore.

Conseq. prob. quia Peccata virtutibus opponuntur.

2. Inter septem vitia capitalia enumerantur quedam peccata, ad quæ pertinent duæ principales passionēs, scilicet delectatio, & tristitia, & nulla fit mentio de peccatis, ad quæ pertinent alia duæ præcipue passionēs, scilicet spes, & timor. Ergo Insufficienter enumerantur septē vitia capitalia.

Antecedens manifestatur. quia Inter septem vitia enumerantur Gula, & Luxuria, ad quæ pertinet delectatio: & Accidia, & Inuidia ad quæ pertinet tristitia, & nullum enumeratur peccatum pertinens ad spem, vel timorem.

Conseq. prob. quia Passiones animæ sunt quedam causæ peccatorum, vt dictum est quæst. 77. inter quas, principales sunt quatuor, vt ibi etiam dictum est. Vnde sicut enumerantur peccata, quæ sunt a duabus principalibus passionibus, sic debuerunt enumerari alia peccata pertinentia ad duas alias præcipuas passionēs.

3. Ira non est principalis passio. Ergo Ira non debet poni inter principalia vitia.

4. Auaritia ponitur vnum de septem vitiis capitalibus. Ergo Etiam superbia inter septem vitia numeranda esset, quod tamen non fit.

Conseq. prob. quia Sicut cupiditas, siue auaritia est radix peccati, ita superbia est peccati initium, vt dictum est.

5. Quedam peccata committuntur, quæ ex nullo septem enumeratorum vitiorum causantur. Ergo Insufficienter capitalia vitia enumerantur.

Antecedens prob. Nam cum aliquis errat ex ignorantia, vel cum aliquis ex aliqua bona intentione committit aliquod peccatum, puta cum furatur, vt faciat eleemosynam, ex nullo septem capitalium vitiorum procedit.

Pro Affirmativa.

Greg. 31. Moral. c. 31. enumerat supradicta septem vitia capitalia.

Determinatio.

Via inuestigandæ veritatis.

1. Distinctio. Cū vitia capitalia dicantur illa, ex quibus alia oriuntur, præcipue secundum causalitatem causæ finalis, vt artic. præced. dictum est, huiusmodi origo potest attendi dupliciter. Vno modo, secundum conditionem peccantis.

Alio modo, secundum naturalem habitudinem ipsorum finium ad inuicem. Primo modo attenditur causalitas peccati, ex hoc, quod aliquis dispositus est, vt maxime afficiatur ad vnum aliquod finem.

Yyy

finem.

A R T I C V L V S IV.

Vtrum Conuenienter dicantur septem vitia capitalia.

Pro Negativa.

Videtur, quod non sit dicendum, septem esse vitia capitalia, quæ sunt Inanis gloria, Inuidia, Ira, Auaritia, Tristitia, Gula, Luxuria.

1. Virtutes principales sunt quatuor. Ergo Vicia capitalia sunt tantum quatuor.

finem, ex quo, vt plurimum in alia peccata procedat: puta si quis maxime sit affectus ad delectationem carnalem, ex hoc, vt plurimum procedit ad alia peccata perpetranda, puta ad furandum, ad occidendum, ad mentiendum, & ad huiusmodi alia peccata, & iste modus originis vnius peccati ab altero sub arte non cadit, eo quod infinita sint particulares hominum dispositiones. Secundo vero modo attenditur causalitas vnius peccati ex altero, ex hoc, quod finis vnius peccati habeat quasdam primarias rationes mouendi appetitum, sicut dictum est de superbia, cuius finis est excellentia, quæ habet quãdam primariam rationem mouendi appetitum: & secundum diuersitatem harum rationum distinguenda sunt vitia capitalia. Non diuersificantur igitur capitalia vitia secundum diuersitatem inclinationis peccantiũ, cum huiusmodi inclinationes nullum habeant determinatum numerum, sed secundum quod fines aliquorum peccatorũ habet primarias quasdam rationes, secundum quas ab ipsis appetitus in alia peccata procedit.

2. Distinctio. Appetitus autem potest ab aliquo sine dupliciter moueri. Vno modo, per se, & directe. Alio modo, per accidens, siue indirecte. Directe, & per se mouetur appetitus ad prosequendum bonum, & eadem ratione ad fugiendum malum. Indirecte vero, & per aliud mouetur appetitus ad prosequendum malum, & ad fugiendum bonum. Ad prosequendum inquam malum, propter aliquod bonum adiunctum, & ad fugiendum bonum, propter aliquod malum adiunctum.

Numerus igitur capitalium vitiorum desumendus est, ex numero bonorum, vel malorum habentium diuersas primarias rationes mouendi appetitum, per se, & directe, & etiam indirecte.

Conclusio. Vitia capitalia conuenienter septem esse dicuntur, scilicet Inanis gloria, Gula, Luxuria, Auaritia, Accidia, Inuidia, & Ira.

Probat. Quot sunt fines habentes primarias rationes mouendi inordinate appetitum, directe, vel indirecte, tot sunt vitia capitalia. Sed Septem sunt fines mouentes inordinate appetitum, secundum quasdam primarias rationes, quatuor qui mouent directe, & tres indirecte. Ergo Conuenienter assignantur septem vitia capitalia.

Maiores probatur. quia Numerus vitiorum capitalium desumitur ex numero finium mouentium inordinate appetitum directe, vel indirecte, secundum quasdam primarias rationes, vt dictum est.

Minor manifestatur, & primo, quo ad priorẽ partem, scilicet quod sint quatuor fines mouen-

tes directe appetitum inordinate, secundum primarias rationes.

Finis enim mouens directe appetitum, est bonum. Bonum autem mouens humanum appetitum est duplex. Quoddam est bonum animæ, quod scilicet ex sola apprehensione habet rationem appetibilitatis, sicut est excellentia laudis, vel honoris, & hoc bonum immediate prosequitur Inanis gloria. Alterum est bonum corporis, & hoc est triplex. Quoddam, quod pertinet ad conseruationem indiuidui, vt sunt cibus, & potus, & hoc bonum inordinate prosequitur Gula. Quoddam, quod pertinet ad conseruationem speciei, sicut coitus, & ad hoc ordinatur Luxuria. Quoddam vero est bonum hominis exterius, scilicet diuitia, & ad hoc ordinatur Auaritia, & eadem quatuor vitia, inordinate fugiunt quatuor mala contraria, scilicet Inanis gloria inordinate fugit malum, quod est ex carentia laudis, & honoris. Gula malum, quod est ex carentia ciborum, Auaritia malum, quod est ex carentia diuitiarum. Et Luxuria malum, quod est ex carentia delectationis carnalis: & sic patet, quatuor esse inordinate mouentia appetitum directe, ex quibus desumitur numerus quatuor primorum capitalium vitiorum.

Vel aliter accipitur numerus horum quatuor vitiorum. Bonum enim præcipue mouet appetitum, ex hoc, quod participat aliquid de proprietate felicitatis, quam naturaliter omnes appetunt: de ratione autem beatitudinis tria sunt. Primum, quod sit perfectum bonum, ad quod pertinet excellentia, vel claritas, & hanc inordinate appetit Inanis gloria, vel superbia. Secundum est sufficientia, & hanc appetit auaritia in diuitijs, eam promittentibus. Tertium est delectatio, & hanc inordinate appetit, vel gula in cibis, & potibus, vel luxuria in coitu, & hac duplici via remanet probata prima pars minoris, scilicet quod quatuor sint, quæ immediate primariis quibusdam rationibus mouent directe appetitum.

Altera pars eiusdem minoris, scilicet quod sint tria mouentia indirecte appetitum, secundum primarias rationes ostenditur. Dictum est enim, quod Appetitus indirecte mouetur ad fugam boni, propter aliquod malum adiunctum, & ad prosecutionem mali, propter aliquod bonum adiunctum. Vnde inordinata fuga boni, & inordinata prosecutio mali, erunt vitia capitalia, quod igitur aliquis fugiat bonum propter aliquod malum coniunctum, contingit dupliciter, secundum quod duplex est malum, scilicet proprium, vel alienum: quando quis refugit bonum proprium, puta

puta cum quis refugit bonum spirituale, propter laborem corporalem adiunctum, pertinet ad accidiam. Fuga autem de bono alieno, quatenus est impeditiuum proprii boni contingit fieri dupliciter, vel sine aliqua insurrectione, & hoc pertinet ad invidiam, quæ tristatur de bono alieno, quatenus est impeditiuum boni proprii.

Si vero huiusmodi tristitia de bono alterius, sit cum quadam insurrectione, pertinet ad iram, & ad eadem tria vitia pertinet persecutio mali oppositi. Nam ad accidiam pertinet persecutio mali proprii, quod est ex carentia spiritualis boni, puta quod quis prosequatur ignorantiam, quæ est malum oppositum scientiæ, quæ cum labore acquiritur, pertinet ad accidiam. Ad invidiam pertinet persecutio mali alieni, sine insurrectione. Et ad iram persecutio mali alieni, cum insurrectione: & sic patet secunda pars minoris, scilicet quod tria sint ea, quæ inordinate indirecte movent appetitum.

Capitalia igitur vitia in hunc, qui sequitur, modum diffiniuntur, & ordinantur.

Inanis gloria est inordinata persecutio boni anime, & inordinata fuga mali, quod est ex carentia boni anime.

Gula est inordinata persecutio boni corporis conservatiui invidiæ, & inordinata fuga mali, quod est ex carentia boni, quod est conservatiuum invidiæ, scilicet cibi, & potus.

Luxuria est inordinata persecutio boni cõservatiui speciei, scilicet coitus, & inordinata fuga mali, quod est ex carentia delectationis carnalis.

Auaritia est inordinata persecutio boni exterioris, scilicet diuitiarum, & inordinata fuga mali, quod est ex carentia diuitiarum.

Accidia est inordinata fuga boni proprii, propter malum aliquod ei coniunctum, & inordinata persecutio mali, quod est ex carentia boni proprii.

Invidia est inordinata fuga alieni boni, quatenus est proprii boni impeditiuum, & inordinata persecutio alieni mali sine insurrectione.

Ira est inordinata fuga boni alieni, cum insurrectione, & inordinata persecutio alieni mali cum insurrectione.

Ad Argumēta.

Ad 1. Negatur consequentia. Ad probationem dicitur, quod licet virtutibus vitia opponantur, tamen non est necesse, vt capitale vitium, opponatur principali virtuti, & hoc, quia non est ea dem ratio originis in virtutibus, & vitiis: nā virtutes causantur per ordinem appetitus ad rationem, vel etiam ad bonum incommutabile, quod

est Deus. Vitia autem oriuntur ex appetitu boni commutabilis, unde non oportet, quod principalia vitia opponantur principalibus virtutibus.

Ad 2. Negatur consequentia. Ad probationem dicitur, quod timor, & spes sunt passionibus irascibilis: Omnes autem passionibus irascibilis oriuntur ex passionibus concupiscibilis, quæ etiam omnes ordinantur quodammodo ad delectationem, & tristitiam, & ideo delectatio, & tristitia principaliter connumerantur in peccatis capitalibus, tanquam principalissimæ passionibus, vt supra habitum est.

Ad 3. Dicitur ad antecedens, quod licet ira non sit principalis passio, quia tamen habet specialem rationem appetitus motus (propterea quod impugnat bonum alterius sub ratione honesti, iniusti vindicatiui) ideo distinguitur ab aliis capitalibus vitiis.

Ad 4. Dicitur ad consequentiam, & ad eius probationem, quod superbia dicitur esse initium omnis peccati, secundum rationem finis, vt dictum est, & secundum eandem rationem accipitur principalitas vitiolorum capitalium, & ideo superbia, non quasi vniuersale vitium connumeratur aliis: sed magis ponitur velut regina quædam omnium vitiolorum, sicut Gregorius dicit. Auaritia autem dicitur radix secundum aliam rationem, sicut supra dictum est.

Ad 5. Dicitur dupliciter. Primò negando consequentiam. Ista enim septem dicuntur vitia capitalia, non quia aliqua peccata interdum ex aliis causis oriri non possint, sed quia vt frequentius alia peccata ex ipsis oriuntur.

Secundò dicitur Negando antecedens. Ad probationem dicitur, quod omnia peccata, quæ ex ignorantia proveniunt, possunt reduci ad accidia, ad quam pertinet negligentia, qua aliquis recusat bona spiritualia acquirere, propter laborem. Ignorantia enim, quæ potest esse causa peccati, ex negligentia provenit, vt dictum est supra, q. 76. art. 2. Quod autem aliquis committat aliquod peccatum ex bona intentione, viderur ad ignorantiam pertinere, in quantum, si ignorat, quod non sunt facienda mala, vt veniant bona, & sic etiam peccata ex ignorantia, & ex bona intentione facta, ad vnum horum septem reducuntur.

DE EFFECTIBVS peccati,

D Einde Cõsiderandū est de effectib. peccati. & Primò, De corruptione boni nature, q. 85. Secundò, de Malitia anime, q. 86. Terriò, de Reatu pænæ, q. 87. & 89.

QVÆSTIO LXXXV.

DE EFFECTV PECCATI, QVI
est corruptio boni naturæ.

ARTICVLVS I.

Vtrum Peccatum diminuat bonum naturæ.

Pro Negativa.

Videtur, quod Peccatum non diminuat bonum naturæ.

1. Peccatum demonum non diminuit in eis bonum naturæ. Ergo Nec etiam peccatum hominis diminuit bonum naturæ humanæ.

Antecedens probatur, quia Dion. dicit 4. c. de diu. nom. quod Bona naturalia in demonibus manent integra.

Consequentia prob. quia Peccatum hominis non est grauius, quam peccatum demonis.

2. Non transmutatur prius, transmutato posteriori. Sed Natura est prior, quam actio voluntaria. Ergo Non transmutatur natura, facta quacunq; deordinatione in actione voluntaria per peccatum, ita quod bonum naturæ amittitur.

Maiores probatur, quia Substantia manet eadem transmutatis accidentibus.

3. Actus voluntarius non diminuit bonum naturæ ipsius agentis. Sed Peccatum est quidam actus voluntarius. Ergo Peccatum non diminuit bonum naturæ eius, qui peccat.

Maiores prob. Nullum agens, ex hoc ipso quod agit, patitur. Sed Diminutio boni est quidam passio. Ergo Actus non potest diminuere bonum naturæ ipsius agentis.

4. Nullum accidens agit in summ subiectum. Sed Peccatum est in bono naturæ, sicut accidens in subiecto. Ergo Peccatum non agit in ipsam naturam diminuendo eius subiectum.

Maiores prob. quia Quod patitur, est potentia ens, quod vero subiicitur, est actu ens, secundum accidens illud, cui subiicitur.

Pro Affirmativa.

Lucæ 10. dicitur, quod Homo descendens ab Hierusalem in Hierico, idest in defectum peccati, expoliatur gratuitis, & vulneratur in naturalibus, vt Beda exponit. Ergo Peccatum diminuit bonum naturæ.

Determinatio.

Disti. 10. Bonum naturæ humane est triplex. Primum, sunt ipsa principia naturalia, ex quibus natura constituitur, & proprietates ex his

causate, sicut potentia animæ, & alia huiusmodi. Secundum, est inclinatio ad virtutem, quæ est homini naturalis, vt dictum est, quæst. 63. artic. 1. Tertium naturale bonum naturæ dicitur donum iustitiæ originalis, quod ideo naturale dicitur, quia fuit in primo homine collatum toti humanæ naturæ.

1. Conclusio. Primum bonum naturæ humanæ non tollitur, neq; diminuitur per peccatum.

Hanc conclusionem probat primum, & etiam secundum argumentum factum pro negativa.

2. Conclusio. Tertium naturæ bonum, scilicet donum iustitiæ originalis totaliter ablatum fuit per peccatum primi parentis.

Hæc conclusio relinquitur manifesta ex his, quæ dicta sunt supra quæst. 83.

3. Conclusio. Medium bonum naturæ, scilicet ipsa naturalis inclinatio ad virtutem, diminuitur per peccatum.

Probatur. Actus, per quos fit inclinatio ad id, quod contrariatur virtuti, diminuunt inclinationem in id, quod contrariatur virtuti. Ergo Actus peccati diminuit inclinationem, quæ est ad virtutem.

Maiores prob. quia Ex hoc, quod aliquis inclinatur in vnum contrariorem, diminuitur inclinatio eius ad aliud.

Minor probatur. quia Cum per actus humanos fiat quædam inclinatio ad similes actus, vt dictum est, q. 51. art. 2. & 3. Actus peccati inclinant in ipsum peccatum, quod est virtuti contrarium.

Ad Argumenta.

Ad 1. Dicitur ad antecedens, & ad eius probationem, quod Dion. loquitur de primo bono naturæ, scilicet de principijs ex quibus natura constituitur, scilicet de esse, viuere, & intelligere, vt patet eius verba intuenti. Vnde hoc argumentum probat primam conclusionem, vt dictum est.

Ad 2. Dicitur ad minorem, quod est natura sit prior, quam voluntaria actio, tamē ipsa natura habet inclinationem ad quandam voluntariam actionem, ad quam ipsa inclinatio ordinatur tanquam ad terminum. Vnde ipsa natura secundum se, non mutatur ex ipsa voluntaria actione, tamen inclinatio ipsa mutatur propter mutationem voluntariæ actionis, quæ est terminus ad quem ordinatur ipsa naturalis inclinatio.

Vel sub alijs verbis dicitur ad maiorem, quod est vera, quando ad illud posterius non ordinatur prius, tanquam ad terminum, secus est autem, quando prius ordinatur ad posterius, tanquam

ad terminum. Motus enim præcedit terminum, & tamen variato termino, variatur motus, quia scilicet motus ad terminum ordinatur. Tunc ad minorem dicitur, quod natura dupliciter sumitur. Vno modo secundum se, idest secundum sua principia, ex quibus constat, & sic est prior actione voluntaria, & quia ad ipsam, ut sic, non ordinatur, non mutatur ad mutationem voluntariæ actionis. Alio modo consideratur natura, secundum suam naturalem inclinationem ad actum voluntarium virtutis, & sic secundum hanc inclinationem ordinatur ad voluntariam actionem. Vnde variata actione, diminuitur inclinatio ad bonum virtutis, ut dictum est.

Ad 3. Dicitur ad maiorem, & ad eius probationem, quod actio voluntaria procedit à diversis potentijs, quarum una est actiua, & alia passiva, & ex hoc contingit quod per actiones voluntarias, causatur aliquid, vel auferitur ab homine agente. Si enim in agente voluntario non esset nisi potentia actiua, nihil causaretur in ipso per proprium actum, sed quia in ipso est non solum actiua, sed passiva potentia, propterea in eo causantur ex voluntarijs actibus, habitus bonus, vel malus, ut abunde dictum est supra quæst. 51. art. 2. Vnde ad formam negatur maior. Ad maiorem probationis dicitur, quod nullum agens ex hoc solo, quod agit patitur, tamen quatenus habet potentiam passivam, ex hoc quod agit patitur recipiendo actionem potentie actiue.

Ad 4. Dicitur, quod Peccatum diminuit bonum naturæ, quo ad duo. scilicet quantum ad deordinationem actus, & quantum ad deordinationem agentis. Deordinat quidem peccatum ipsum actum, quatenus actus, qui secundum se erat bonus, superueniente peccato fit malus: puta appetere cibum ex se est actus bonus, sed per peccatum gula deordinatur, & fit actus malus. Deordinat vero agentem, in quantum ab eo diminuitur inclinationem ad virtutem, ipsumque inclinat ad vitium. Si sermo sit de deordinatione actus, dicitur, quod ipse actus peccati est causa deordinationis actus voluntarij. Vnde ad argumentum dicitur ad maiorem, quod accidens non agit in suum subiectum effectiue, agit tamen formaliter in ipsum, eo modo loquendi, quo dicitur, quod albedo facit album. Peccatum igitur eo modo quod est ipsa diminutio boni naturæ formaliter deordinat actum voluntarium ipsumque de bono ad malum trahit. Ad probationem dicitur, quod est vera de his, que agunt, & patiuntur effectiue. Si vero sermo sit de deordinatione agentis dicitur, quod causatur ex peccato, non ex hoc, quod peccatum agit in ipsum agentem, ut accidens in su-

biectum, sed ex hoc, quod in actibus animæ aliquid est actiuum, & aliquid passiuum, sicut sensibile mouet appetitum sensitiuum, & appetitus sensitiuus inclinat rationem, & voluntatem, ut dictum est supra quæst. 77. artic. 1. Et ex his motionibus causatur inordinatio agentis, & secundum hoc dicitur ad argumentum, quod in eo supponitur vnum falsum. scilicet quod bonum naturæ, quod est bona agentis inclinatio, tollatur per actionem actus peccati in ipsum agentem, hoc enim argumentum improbat: tollitur enim, siue diminuitur hoc bonum, non ex actione actus peccati in ipsum, à quo hoc bonum diminuitur, sed per actionem obiecti in potentiam, vel per actionem vnius potentie in alteram.

ARTICVLVS II.

Vtrum Totum bonum humane naturæ possit auferri per peccatum.

Pro Affirmativa.

Videntur, quod Totum bonum humane naturæ possit per peccatum auferri. Illud, quod est finitum, & per peccatum potest continue diminui, potest totaliter per peccatum auferri. Sed Bonum humane naturæ est finitum, & potest per peccatum continue minui.

Ergo Bonum humane naturæ potest per peccatum totaliter auferri.

Maior probatur. quia Bonum finitum, facta continua ablatione, totaliter consumitur.

2. Bonum totaliter vniforme, quod potest auferri secundum partem, potest etiam auferri secundum totum. Sed Bonum naturæ est totaliter vniforme, quod potest per peccatum auferri secundum partem.

Ergo Bonum naturæ potest etiam totaliter auferri.

Maior probatur. quia Eorum, quæ sunt vnius naturæ, similis est ratio de toto, & de partibus, sicut patet in aere, aqua, carne, & in omnibus corporibus similitum partium.

3. Habilitas ad virtutem in quibusdam totaliter tollitur. Sed Bonum naturæ, quod per peccatum minuitur, est habilitas ad virtutem.

Ergo Bonum naturæ per peccatum totaliter potest auferri.

Maior prob. A damnatis ita tollitur habilitas ad virtutem, ut ad ipsam reparari non possint, sicut nec cæcus ad visum.

Pro Negativa.

Quod non potest esse nisi in bono naturæ, non tollit totaliter bonum naturæ. Sed Peccatum non potest esse nisi in bono naturæ. Ergo Peccatum non totaliter tollit bonum naturæ.

Minor prob. quia Aug. dicit in Ench. quod Malum non potest esse nisi in bono, & cum peccatum non possit esse in bono virtutis, vel gratiæ, quibus contrariatur, sequitur, quod sit in bono naturæ.

Determinatio.

Conclusio. Non est possibile, quod inclinatio ad virtutem, quæ est naturæ bonum, quod per peccatum diminuitur, possit per peccatum totaliter tolli.

Probat. Quod conuenit homini, ex ipso, quod est rationalis, non potest per peccatum totaliter ab homine auferri. Sed Bonum naturæ, quod est inclinatio ad virtutem, conuenit homini, eo ipso quod est rationalis. Ergo Bonum naturæ, quod est inclinatio ad virtutem, non potest totaliter ab homine per peccatum auferri.

Major probatur. quia Per peccatum non potest tolli ab homine, quod sit rationalis, quia iam non esset capax peccati. Vnde nec possunt auferri ab ipso ea, quæ conueniunt sibi, quatenus est rationalis.

Minor probatur. quia Ex hac inclinatione habet homo, quod secundum rationem operetur, quod est agere secundum virtutem.

Quomodo bonum naturæ per peccatum diminuatur, & tamen nunquā totaliter consumatur.

Cum autem huiusmodi bonum, quod est inclinatio ad virtutem possit continue diminui per peccatum; videndum est, quomodo per hanc cōtinuam diminutionē, non totaliter auferatur.

Aliorum Sententia.

Quidam igitur ad huius manifestationem conari sunt ostendere hoc, quodam exemplo, in quo inuenitur aliquod finitum, in infinitum diminui, tamen nunquam totaliter consumi.

Dicit enim Phil. 1. Phys. tex. 37. quod si ab aliqua magnitudine finita continue auferatur aliquid, secundum eandem quantitatem, totaliter tandem consumetur, putā si a quacunque quan-

titate finita semper subtraxero mensuram palmi. Si vero fiat subtractio secundum eandem proportionem, & non secundum eandem quantitatem, poterit in infinitum subtrahi, putā si quantitas diuidatur in duas partes, & a dimidio subtrahatur dimidium, ita poterit in infinitum procedi, ita tamen, vt semper, quod posterius subtrahitur erit minus eo, quod prius subtrahabatur.

Reprobatio.

Sed hoc in proposito non habet locum, non enim sequens peccatum minus diminuit bonum naturæ, quam præcedens, sed fortē magis si peccatum sit grauius.

Vera Sententia.

Et ideo aliter est dicendum, quod prædicta inclinatio intelligitur vt media inter duo, fundatur enim sicut in radice in natura rationali, & tendit in bonum virtutis, sicut in terminum, & finem. Dupliciter igitur potest intelligi eius diminutio. Vno modo ex parte radicis. Alio modo ex parte termini. Primo quidem modo non diminuitur per peccatum, eo quod peccatum non diminuit ipsam naturam, vt supra dictum est, sed diminuitur secundo modo, inquantum. scilicet ponitur impedimentum pertingendi ad terminum. Si autem primo modo diminueretur oporteret, quod quādoque totaliter consumeretur, natura rationali totaliter consumpta: sed quia diminuitur ex parte impedimenti, quod apponitur ne pertingat ad terminum: manifestum est, quod diminui quidem potest in infinitum: quia in infinitum possunt impedimenta apponi, secundum quod homo potest in infinitum addere peccatum peccato, non tamē potest totaliter consumi, quia semper manet radix talis inclinationis: sicut patet de diaphano corpore, quod quidem habet inclinationem ad susceptionem lucis, ex hoc ipso, quod est diaphanum, diminuitur autem inclinatio, velabilitas ex parte nebularum superuenientium, cum tamen semper maneat in radice naturæ.

Ad Argumenta.

Ad 1. Dicitur, quod diminutio sit dupliciter, quādam sit per subtractionem, & quādam per appositionem impedimenti, vt in corpore dictum est. Maior est vera de diminutione, quæ fit per subtractionem, non autem de ea, quæ fit per appositionem impedimenti, hæc enim non diminuit, nec tollit radicem. Et ad minorem dicitur, quod diminutio boni naturæ, quæ fit per peccatum, est diminutio per appositionem impedimenti.

Ad 2. Dicitur ad minorem, quod inclinatio naturalis, est quidem tota vniiformis, sed tamen habet respectum, & ad principium, & ad terminum, secundum quam diuersitatem, quodammodo diminuitur, & quodammodo non diminuitur.

Ad 3. Negatur maior. Ad probationem dicitur, quod etiam in damnatis manet naturalis inclinatio ad virtutem, alioquin non esset in eis remorsus conscientie, sed quod non reducat in actum contingit, quia deest gratia secundum diuinam iustitiam: sicut etiam in cæco remanet apertitudo ad videndum in ipsa radice naturæ, in quantum est animal naturaliter habens visum, sed non reducitur in actum, quia deest causa, quæ reducere possit formando organum, quod requiritur ad videndum.

ARTICVLVS III.

Utrum Conuenienter ponantur vulnera naturæ ex peccato consequentia. scilicet Infirmetas, Ignorantia, Malitia, & Concupiscentia.

Pro Negativa.

Videtur, quod Inconuenienter ponantur vulnera naturæ ex peccato consequentia, scilicet Infirmetas, Ignorantia, Malitia, & Concupiscentia.

1. Ea, quæ sunt causæ peccatorum, non debent poni effectus peccati. Sed Infirmetas, Ignorantia, Malitia, & Concupiscentia sunt causæ peccatorum, ut patet ex superius dictis, quæst. 76. 77. 78. Ergo Infirmetas, Ignorantia, Malitia, & Concupiscentia non debent poni effectus peccati.

Maiores prob. quia Idem non est effectus, & causa eiusdem.

2. Quod nominatur peccatum, non debet poni effectus peccati. Sed Malitia nominatur quoddam peccatum. Ergo Malitia non debet poni effectus peccati.

3. Illud, quod est naturale, non debet poni vulnera naturæ. Sed Concupiscentia est quoddam naturale. Ergo Concupiscentia non debet poni vulnera naturæ.

Minor prob. quia Concupiscentia est actus virtutis concupiscibilis.

4. Peccare ex infirmitate, & passione est idem, ut dictum est quæst. 77. art. 3. Sed Concupiscentia est passio quædam.

Ergo Concupiscentia non debet diuidi contra passionem.

5. August. libro de natura, & gratia. cap. 67.

ponit duo poenalia animæ peccanti, scilicet Ignorantiam, & difficultatem, ex quibus oritur error, & cruciatus, qui quidem quatuor effectus peccati ab August. positi, non concordant cum quatuor supra dictis.

Ergo Videtur, quod alterum eorum insufficiens ter ponatur.

Pro Affirmativa.

In contrarium est autoritas Bedæ loco citato. art. 1. s. super Lucam c. 10.

Determinatio.

1. Concl. Conuenienter ponuntur quatuor vulnera naturæ, ex peccato originali consequentia, quæ sunt Ignorantia, Malitia, Infirmetas, & Concupiscentia.

Probat. Quod sunt potentie animæ destituta per peccatum originale, a proprio ordine ad virtutem, tot conuenienter ponuntur vulnera naturæ, ex peccato originali consequentia. Sed Quatuor sunt potentie animæ destituta, per originale peccatum, a proprio ordine ad virtutem, quæ sunt Ratio, Voluntas, Concupiscibilis, & Irascibilis. Ergo Quatuor sunt vulnera naturæ, quæ ex peccato originali promanarunt, scilicet Ignorantia respectu rationis, Malitia respectu voluntatis, Infirmetas respectu irascibilis, & Concupiscentia respectu concupiscibilis.

Maiores probatur. quia Vulneratio naturæ dicitur ipsa destitutio potentiarum ab ordine ad virtutem, per subtractionem iustitiæ originalis, per quam perfecte ratio continebat inferiores vires, & ipsa ratio a Deo perficiebatur ei subiecta, quæ subtractio facta est per peccatum originale, ut dictum est, & inde potentie ab ordine, quo naturaliter ad virtutem ordinabantur, sunt destituta. Vnde quot sunt potentie destituta a proprio ordine, tot vulnera ex peccato passa est humana natura.

Minor probatur. Quot sunt potentie, quæ possunt esse subiectum virtutis, tot sunt, quæ sunt destituta a proprio ordine ad virtutem. Sed Quatuor sunt potentie, quæ possunt esse subiectum virtutis. Ergo Quatuor sunt potentie destituta ab ordine ad virtutem.

Minor huius manifestatur. Nam ut dictum est, quæst. 61. quatuor sunt potentie animæ, quæ possunt esse subiectum virtutem, scilicet ratio, in qua est prudentia, voluntas, in qua est iustitia, irascibilis, in qua est fortitudo, concupiscibilis, in qua est temperantia. In quantum ergo ratio destituitur suo ordine ad iustitiam, est vulnus ignorantie.

rantia. In quantum voluntas destituitur ordine ad bonum, est vulnus malitiæ. In quantum irascibilis destituitur suo ordine ad arduum, est vulnus infirmitatis. In quantum vero concupiscentia destituitur suo ordine ad delectabile, moderatum ratione, est vulnus concupiscentiæ.

2. Concl. Ista quatuor vulnera, non solum ex peccato originali, sed etiam ex aliis peccatis consequuntur.

Manifestatur, quia Inclinatione ad bonum virtutis in vno quoque diminuitur per peccatum actuale, ut articulo 1. dictum est, & ideo in quantum per peccatum actuale hebetatur ratio in agendis, causatur vulnus ignorantia. In quantum voluntas induratur ad bonum, vulnus malitiæ. In quantum crescit difficultas bene agendi, causatur infirmitas. In quantum concupiscentia magis exardescit, est vulnus concupiscentiæ.

Ad Argumenta.

Ad 1. Negatur maior. Ad probationem dicitur, quod nihil prohibet, id, quod est effectus vnius peccati, esse alterius peccati causam, ex hoc enim, quod anima deordinatur per peccatum præcedens, facilius inclinatur ad peccandum.

Ad 2. Dicitur ad minorem, quod Malitia non sumitur hic pro peccato, sed pro quadam pronitate voluntatis ad malum, secundum quod dicitur Genes. 6. Proni sunt sensus hominis ad malum ab adolescentia sua.

Ad 3. Dicitur ad minorem, & ad eius probationem, quod sicut supra dictum est, concupiscentia tantum est naturalis homini, in quantum subditur rationi: quod autem excedat limites rationis, hoc est homini contra naturam.

Ad 4. Dicitur ad maiorem, quod Infirmitas dupliciter sumitur. Vno modo communiter. Alio modo proprie, & strictè, pro ut opponitur fortitudini. Infirmitas communiter potest dici omnis passio, in quantum debilitat robur animæ, & impedit rationem. Infirmitas autem proprie, non est passio, sed vitium oppositum virtuti fortitudinis. Vnde non est idem peccare ex passione, & ex infirmitate proprie accepta, sicut de ea locutus est Beda, dum enumeravit quatuor naturæ vulnera.

Ad 5. Dicitur, quod difficultas, quæ ponitur ab Augustino, includit ista tria, quæ pertinent ad appetitivas potentias, scilicet Malitiam, Infirmitatem, & Concupiscentiam. Ex his enim tribus contingit, quod aliquis non facile tendit in bonum. Error autem, & dolor sunt vulnera consequentia: ex hoc enim aliquis dolet, quod infirmatur circa ea, quæ concupiscit.

ARTICVLVS IV.

Verum Priuatio modi, speciei, & ordinis sint effectus peccati.

Pro Negativa.

Videtur, quod Priuatio modi, speciei, & ordinis non sint effectus peccati.

1. Quod priuat modum, speciem, & ordinem, tollit bonum naturæ. Sed Peccatum non tollit bonum naturæ.

Ergo Peccatum non priuat modum, speciem, & ordinem.

Maior probatur, quia August. dicit in libro de nat. boni. capitulo 3. quod vbi hæc tria sunt, scilicet modus, species, & ordo, magnum bonum est, vbi nulla nullum, vbi parua, paruum. Ex quibus verbis patet, quod illud, quod priuat hæc tria, priuat bonum naturæ.

2. Peccatum est priuatio modi, speciei, & ordinis, ut August. dicit in lib. de nat. boni. cap. 4. Ergo Priuatio modi, speciei, & ordinis non est effectus peccati.

Consequentia prob. quia Nihil est causa sui ipsius.

3. Diuersi effectus non sunt ab eadem causa, sed a diuersis. Sed Priuatio modi, speciei, & ordinis sunt diuersi effectus. Ergo Priuatio modi, speciei, & ordinis non est effectus cuiuslibet peccati, sed diuersorum, & sic non quodlibet peccatum priuat modum, speciem, & ordinem.

Pro Affirmativa.

Infirmitas corporalis priuat modum, speciem, & ordinem ipsius corporis.

Ergo Peccatum priuat modum, speciem, & ordinem animæ.

Consequentia prob. quia Peccatum est in anima, sicut infirmitas in corpore, secundum illud Psalm. 6. Misere mei Deus, quoniam infirmus sum.

Determinatio.

Distinctio. Cum modus, species, & ordo consequantur omne bonum, & ens creatum, ut diffuse explicatum est. p. p. quæst. 5. articulo 5. in corpore, & etiam ad 3. quot sunt genera bonorum, tot etiam erunt modi, species, & ordines, qui consequuntur diuersa genera bonorum, ita vt secundum diuersos gradus bonorum, sint diuersi gradus modi, speciei, & ordinis.

Bonum

Bonum autem est quadruplex. Quoddam. n. est pertinens ad substantiam naturæ, quod habet suum modum, speciem, & ordinem.

Est secundo quoddam bonum naturalis inclinationis, & hoc etiam habet suum modum, speciem, & ordinem.

Est tertio quoddam bonum virtutis, & gratiæ, & hoc etiam habet modum, speciem, & ordinem.

Est quarto quoddam bonum, quod est ipse actus ordinatus, quod habet etiam suum modum, speciem, & ordinem.

1. Conclusio. Modus, Species, & Ordo, quæ consequuntur bonum naturæ, non tolluntur, nec diminuantur per peccatum.

Probat. Ipsum bonum naturæ non tollitur, nec diminuitur per peccatum.

Ergo Nec modus, species, & ordo, quæ consequuntur bonum naturæ, tolluntur, aut diminuantur propter peccatum.

Antecedens patet ex duobus primis articulis, huius questionis.

2. Conclusio. Modus, species, & ordo, quæ consequuntur bonum naturalis inclinationis, diminuantur quidem per peccatum, sed non totaliter tolluntur.

Probat. Bonum naturalis inclinationis non totaliter tollitur, sed diminuitur propter peccatum, vt patet art. 2. huius quæst. Ergo Modus, species, & ordo, quæ consequuntur bonum naturalis inclinationis, diminuantur quidem, sed non totaliter tolluntur per peccatum.

3. Conclusio. Modus, species, & ordo, quæ consequuntur bonum virtutis, & gratiæ, totaliter tolluntur per mortale peccatum.

Probat. Bonum virtutis, & gratiæ totaliter tolluntur per peccatum mortale, vt etiam art. 2. dictum est. Ergo Et modus, species, & ordo, quæ consequuntur huiusmodi bonum, totaliter per peccatum mortale tolluntur.

4. Conclusio. Priuatio modi, speciei, & ordinis ipsius inordinati actus non est effectus peccati, sed est essentialiter ipsum peccatum.

Hæc Conclusio relinquatur per se nota, eo quia peccatum consistit in deordinatione humani actus, vt ex dictis patet.

Ex quibus aperte patet, quomodo peccatum sit priuatio modi, speciei, & ordinis. Non enim est priuatio modi, speciei, & ordinis boni naturæ, nec boni naturalis inclinationis, licet sit diminutio, sed boni virtutis, & gratiæ.

Ad Argumenta.

Ad 1. Negatur maior. Non enim quod tollit modum, speciem, & ordinem, tollit bonum na-

turæ, sed tollit modum, speciem, & ordinem illius boni, quod tollit. Vnde quia peccatum non potest tollere totaliter nisi bonum virtutis, ideo tollit totaliter solum modum, speciem, & ordinem, quæ consequuntur bonum virtutis, & gratiæ. Ad probationem dicitur, quod ubi sunt illa tria, si consequuntur bonum naturæ, est inagnum bonum naturæ, si consequuntur bonum naturalis inclinationis, est magnum bonum naturalis inclinationis, & sic de alijs. Vnde non sequitur, quod ex ablatione cuiuslibet modi, speciei, & ordinis tollatur omne bonum, sed solum illud, cuius sunt modus, species, & ordo.

Ad 2. Dicitur, quod probat vltimam concl.

Ad 3. Dicitur ad maiorem, quod diuersi effectus si se inuicem consequuntur, possunt esse ab eadem causa, & quia modus, species, & ordo se consequuntur, vt plenius patet p.p. loco citato, ideo sunt ab eadem causa.

ARTICVLVS V.

Vtrum Mors, & alij corporales defectus sint effectus peccati.

Pro Negatiua.

Videtur, quod Mors, & alij corporales defectus non sint effectus peccati.

1. Effectus inæquales non proueniunt a causa æquali. Sed Corporales defectus sunt effectus inæquales, & peccatum originale, est causa æqualis. Ergo Corporales defectus non sunt causati ab originali peccato.

Minor probatur. quia Corporales defectus in quibusdam magis abundant, ut de se patet, & peccatum originale est æqualiter in omnibus.

2. Remoto omni peccato per baptismum, vel per pœnitentiam, non remouetur huiusmodi defectus. Ergo Non sunt effectus peccati.

Consequentia probatur. quia Remota causa, remouetur effectus. Vnde si peccatum esset causa suorum defectuum, remoto peccato, remouerentur pariter defectus.

3. Peccatum actuale nō transmutat naturam corporis ad aliquem defectum. Ergo Multo minus peccatum originale, & ira Mors, & alij defectus corporales non sunt effectus peccati.

Consequentia probatur. quia Peccatum actuale habet plus de ratione culpæ, quam originale.

Pro Affirmatiua.

Apost. Rom. 8. dicit. Per vnum hominem peccatum in hunc modum intravit, & per peccatum mors.

Zzz De

Determinatio.

Distinctio. Aliquid est causa alterius dupliciter. Vno modo per se. Alio modo per accidens. Illud est causa alterius per se, quod secundum virtutem suæ naturæ, vel formæ producit effectum, ex quo sequitur, quod effectus sit intentus a causa, a qua per se producit. Per accidens autem aliquid est causa alterius, si sit remouens prohibens, sicut dicitur 8. Phys. tex. 32. quod diuellens columnam, per accidens mouet lapidem columnæ superpositum.

1. **Conclusio.** Mors, & alij corporales defectus non sunt effectus peccati per se.

Probat. Quæ per se sunt effectus peccati, sunt de intentione peccantis. Sed Mors, & alij defectus corporales, sunt præter intentionem peccantis. Ergo Mors, & alij corporales defectus, non causantur a peccato tanquam a per se causa.

Maiores patet. quia Effectus, qui procedunt ab aliqua per se causa, et sunt ab illa causa per se intenti, ut dictum est in primo distinctionis membro.

2. **Côclusio.** Peccatum primi parentis est causa per accidens mortis, & omnium aliorum corporalium defectuum in natura humana.

Sub alijs verbis. Mors, & alij defectus humanæ naturæ, sunt effectus causati a peccato primi parentis, ut a causa per accidens.

Prob. Subtrahitur id, per quod totum corpus continebatur sub anima, absque omni defectu, est causa mortis, & aliorum corporalium defectuum, per accidens. Sed Per peccatum primi parentis subtrahitur est ab homine id, quod continebat corpus sub anima absque omni defectu. Ergo Peccatum primi parentis est causa per accidens mortis, et aliorum defectuum corporalium.

Maiores patet. quia iam dictum est, quod remouens prohibens est causa per accidens eius, quod ex huiusmodi remotione sequitur. Vnde remouens id, per quod corpus conseruabatur in vita, & absque defectibus, est causa mortis, & corporalium defectuum, per accidens.

Minor prob. quia Per peccatum primi parentis subtrahitur est originalis iustitia, per quam non solum inferiores vires continebantur sub ratione, absque omni deordinatione, sed etiam totum corpus continebatur sub anima, absque omni defectu, ut habitum est, p. p. quæst. 97. Vnde quemadmodum per subtractionem originalis iustitiæ natura remansit vulnata quantum ad animam, per deordinationem potentiarum, ut dictum est art. præced. ita etiam est effectus corruptibilis, per deordinationem ipsius corporis.

3. **Conclusio.** Mors, & alij corporales defe-

ctus, ex subtractione originalis iustitiæ consequentes, sunt quedam pœnæ peccati originalis.

Probat. Subtrahitur originalis iustitia habet rationem pœnæ, sicut etiam subtractio gratiæ. Ergo Defectus, ex subtractione iustitiæ originalis consequentes, habent etiam rationem pœnæ.

Obiectio.

Sed posset contra hanc conclusionem obijci in hunc modum. Quod habet rationem pœnæ, est per se intentum. Sed Mors, & alij corporales defectus non sunt per se intenti. Ergo Mors, & alij corporales defectus non habent rationem pœnæ.

Solutio.

Sed dicitur ad minorem, quod licet mors, & alij corporales defectus non sint per se intenti a peccante, sunt tamen ordinati, secundum iustitiam Dei punientis, ad pœnam peccati.

Ad Argumenta.

Ad 1. Dicitur, quod maior est vera de causa per se, non autem de causa per accidens. Aequalitas enim causæ per se, causat æqualem effectum, augmentata enim, vel diminuta causa, per se, augetur, vel diminuitur effectus. Sed æqualitas causæ remouens prohibens, non ostendit æqualitatem effectuum. Si quis enim æquali impulsu diuellat duas columnas, non sequitur, quod lapides superpositi æqualiter moueantur: sed ille velocius mouebitur, qui grauior erit, secundum proprietatem suæ naturæ, cui relinquitur, remoto prohibente. Sic igitur remota originali iustitia, natura corporis humani relicta est sibi, & secundum hoc, secundum diuersitatem naturalis complexionis, quorundam corpora pluribus defectibus subiacent, quorundam vero paucioribus, existente originali peccato æquali.

Ad 2. Dicitur ad antecedens, quod remota culpa originali, & actuali ab aliquo, remouentur etiam ab eo huiusmodi corporales defectus, congruo tamen tempore. Quod remota vtraque culpa, remouentur etiam defectus, habetur ex Apostolo dicente Rom. 8. Viuificabit mortalia corpora vestra, per inhabitantem spiritum eius in vobis. Congruum autem tempus est futura vita, oportet enim, secundum ordinem diuinæ sapientiæ, quod ad immortalitatem, & impassibilitatem gloriæ, quæ in Christo inchoata est, & per Christum nobis acquisita, perueniamus, conformati prius passionibus eius. Vnde oportet, quod ad tempus passibilitas eius in nostris corporibus remaneat, ad impassibilitatem gloriæ promerendam, conformiter Christo.

Ad 3. Dicitur, quod in peccato actuali duo possumus considerare, scilicet ipsam substantiam actus, & rationem culpæ. Si consideretur actuale peccatum, ex parte substantiæ actus, negatur antecedens, potest enim peccatum actuale, ex substantia actus, causare aliquem defectum corporalem, sicut ex superfluo cibo aliqui infirmantur, & moriuntur. Si vero consideretur peccatum actuale, ex ratione culpæ, negatur consequentia, non enim est eadem ratio de peccato originali, & actuali. Nam peccatum originale subtrahit iustitiam originalem, quæ data fuit ad cohibendos corporales defectus, & ideo ea subtracta, sequuntur corporales defectus. Peccatum autem actuale subtrahit gratiam, quæ est data ad rectificandum animæ actum, & ideo quamvis actuale sit grauius, quam originale, tamen, quia peccatum actuale, ut sic, non subtrahit iustitiam originalem, sed gratiam tantum, ideo non causat corporales defectus, ex ratione culpæ.

A R T I C V L V S VI.

Utrum Mors, & alij defectus sint naturales homini.

Pro Affirmatiua.

Videtur, quod Mors, & alij defectus sint homini naturales.

1. Quod est eiusdem generis cum corruptibilibus, est naturaliter corruptibile. Sed Homo est eiusdem generis, cum corruptibilibus.

Ergo Homo est naturaliter corruptibilis.

Maiores probatur. quia Corruptibile, & incorruptibile differunt genere, ut dicitur 10. Metaph. 26. Vnde incorruptibile non potest contineri in genere corruptibilium.

Minor probatur. quia Homo est eiusdem generis cum alijs animalibus, quæ sunt naturaliter corruptibilia.

2. Omne, quod est compositum ex contrarijs, est naturaliter corruptibile. Sed Corpus humanum est compositum ex contrarijs.

Ergo Corpus humanum est naturaliter corruptibile.

Maiores prob. quia Quod est compositum ex contrarijs, habet in se causam corruptionis.

3. Illud, cuius vita conseruatur per calidum, & humidum, est naturaliter corruptibile. Sed Hominis uita conseruatur per calidum, & humidum.

Ergo Homo naturaliter est corruptibilis, & per consequens mors, & alij defectus sunt homini naturales.

Maiores probatur. quia Calidum, per cuius actum exp'ientur operationes vitæ, naturaliter consumit humidum.

Pro Negatiua.

1. Quicquid est homini naturale, Deus in homine fecit. Sed Deus mortem non fecit, ut dicitur Sap. 1. Ergo Mors non est hominis naturalis.

2. Quæ sunt pænæ peccati originalis, non sunt homini naturalia. Sed Mors, & alij corporales defectus sunt pænæ peccati originalis, ut dictum est, art. præced.

Ergo Mors, & alij corporales defectus non sunt homini naturales.

Maiores probatur. quia Cum unicuique rei sit conueniens id, quod est ei naturale, quod est secundum naturam, non potest dici pæna, nec malum.

3. Illud, cuius finis est perpetuus, & forma naturaliter incorruptibilis, est naturaliter incorruptibile. Sed Hominis finis est perpetuus, scilicet ipsa æterna beatitudo, ut in quæst. 5. huius partis dictum est: & anima est naturaliter incorruptibilis, ut p.p. quæst. 75. art. 5. dictum est.

Ergo Corpus humanum est naturaliter incorruptibile.

Maiores probatur. quia Materia proportionatur formæ, & quælibet res proportionatur suo fini. Vnde materia, cuius forma est incorruptibilis, erit & ipsa incorruptibilis, & illud, cuius finis est perpetuus, perpetuum, & impassibile naturaliter erit.

Determinatio.

Distinctio. De vnaquaque re corruptibili dupliciter loqui possumus. Vno modo, secundum naturam vniuersalem. Alio modo, secundum naturam particularem. Natura particularis est propria virtus actiua, & conseruatiua rei. Vnde tunc loquimur de ea secundum naturam particularem, quando de ea loquimur secundum suam propriam virtutem actiuam, & conseruatiuam. Natura vero vniuersalis est virtus actiua, in aliquo vniuersali principio nature, puta in aliquo celestium corporum, vel alicuius superioris substantiæ, secundum quod etiam Deus, a quibusdam, dicitur natura naturans.

1. Conclusio. Nulla corruptio, & defectus alii cui rei est naturalis, secundum suam naturam, particularem.

Probat dupliciter. Primo, Authoritate Arist. 2. Cæli dicentis, quod omnis corruptio, & defectus est contra naturam particularem vniuscuiusque rei.

Secundo Probatur ratione. Virtuti intendenti esse, & conseruationem rei, cuius est virtus, non.

Zzz 2 potest

potest aliqua corruptio, vel defectus esse naturalis. Sed Natura, seu virtus particularis rei intendit esse, & conseruationem eius, cuius est virtus. Ergo Rei, secundum suam particularem naturam, non potest esse naturalis aliqua corruptio, vel defectus, sed potius hæc erunt contra naturam.

2. Conclusio. Corruptio, & defectus sunt naturales aliquibus rebus, secundum naturam vniuersalem.

Probat. Natura vniuersalis intendit bonum vniuersi. Ergo Rebus corruptibilibus, secundum naturam vniuersalem, est naturalis corruptio, & defectus.

Consequenter probatur, quia Ad conseruationem vniuersi si exigitur alternatio generationis, & corruptio in rebus.

3. Conclusio. Rebus corruptibilibus est naturalis corruptio, & defectus, secundum naturam vniuersalem, non secundum inclinationem formæ, sed secundum inclinationem materiæ.

Manifestatur quo ad priorem partem. quia, Forma est principium essendi, & perfectionis, & ideo nulla res, secundum inclinationem propriæ formæ, inclinatur ad corruptionem.

Quo ad alteram partem. quia Materia attribuit proportionaliter tali formæ, secundum distributionem vniuersalis agentis, qui formis rerum incorruptibilium attribuit materiam non appetentem aliam formam: Formis uero corruptibilium rerum attribuit materiam appetentem alias formas, quas cum non possit simul omnes habere, inclinatur ad priuationem formæ, quam habet, ex hoc, quod aliam appetit.

4. Conclusio. Mors, & alij defectus non sunt homini naturales, ex parte suæ formæ.

Manifestatur. Nam etsi omnis forma tendat ad perpetuum esse quantum potest, nulla tamen forma rei corruptibilis, potest assequi perpetuitatem sui esse, præter animam rationalem, eo quod ipsa non sit subiecta omnino materiæ, sicut aliæ formæ, quinimmo habet propriam operationem immaterialem, vt p.p. quæst. 75. art. 1 ad dictum est.

In forma. Ei, cuius forma assequitur perpetuitatē, non est naturalis mors, & alij defectus ex parte formæ. Sed Hominis forma, quæ est anima rationalis, assequitur perpetuitatem, cum non sit totaliter subiecta materiæ, vt pote, quæ habet propriam operationem. Ergo Mors, & alij defectus non sunt homini naturales ex parte formæ, immo ei ex hac parte naturalior est incorruptio, quam alijs rebus corruptibilibus.

5. Conclusio. Mors, & alij defectus sunt ho-

mini naturales ex inclinatione materiæ.

Probat. Quod est compositum ex contrarijs, ei est naturale, ex parte materiæ, vt sit mortale, & defectibile. Sed Hominis corpus est compositum ex contrarijs.

Ergo Homini est naturalis mors, & alij defectus, ex parte materiæ, sibi relicta.

Ad Argumenta. Pro Affirmatiua.

Ad 1. Dicitur, quod concludit hominem esse naturaliter corruptibilem ex parte materiæ. Vnde ad formam dicitur ad maiorem, quod id, quod est in eodem genere cum corruptibilibus, debet esse corruptibile, saltem secundum materiam.

Ad 2. Eodem modo dicitur, probat enim, quod homo ex parte materiæ corporalis, scilicet corporis, quod ex contrarijs compositus, sit corruptibilis naturaliter, quod conceditur.

Ad 3. Etiam eodem modo dicitur, probat enim hominem esse ex parte materiæ corruptibilem.

Ad Argumenta Pro Negatiua.

Pro resolutione argumentorum, quæ pro parte negatiua fuerunt inducta, est præmittendum, quod forma hominis, quæ est anima rationalis, proportionata est suo fini: sicut enim finis rationalis animæ est perpetua beatitudo, ita ipsa anima incorruptibilitatem habet. Sed Corpus humanum, quod est corruptibile, secundum suam naturam consideratum, quodammodo proportionatur suæ formæ, & quodammodo non. In ali qua enim materia duplex conditio attendi potest. Vna est, quam agens eligit. Alia, quæ non est ab agente electa, sed est secundum conditionem naturalem materiæ. Sicut inferro, quod est materia gladij, duplex conditio considerari potest. Prima est, quod sit materia dura, & ductilis, vt sit apta incisioni. Altera est, quod contrahit rubiginem. Secundum primam conditionem, ferrum est materia proportionata gladij formæ, & hæc eligitur ab agente. Secundum aliam conditionem non est proportionata formæ gladij, nec est talis conditio electa ab artifice, sed potius artifex eam repudiaret si posset. In corpore igitur humano, hæc duplex conditio consideratur. Prima est, vt corpus humanum sit temperatæ complexionis, vt sic possit esse conuenientissimum organum tactus, & aliarum virtuum sensitiuarum, & motiuarum: & hæc conditio est electa, & intenta ab agente naturali in materia animæ rationalis, & secundum hanc conditionem corpus est proportio-

natum animæ rationali. Altera conditio corpo-

ris humani est, quod sit corruptibile, & mortale, secundum quam conditionem non est proportio natum rationali animæ: unde talis conditio non est electa ab agente, sed consequitur materiam, & si natura posset, eam repudiaret.

His præmissis dicitur ad singula argumenta.

Ad 1. Dicitur ad maiorem, quod quicquid est homini naturale ex parte animæ, & quicquid est homini naturale ex parte corporis, secundum quod animæ proportionatur, Deus in homine fecit, non autem Deus fecit in homine id, quod consequitur ex conditione materiæ, secundum se consideratæ: & quia mors sequitur conditionem materiæ, secundum se consideratæ, ideo talis conditio, scilicet esse mortale, non est electa à Deo, nec facta, immo potius repudiata, supplendo huiusmodi defectum per donum institutæ originalis.

Ad 2. Dicitur, quod, quæ sunt homini naturalia ex parte formæ, & etiam ex parte corporalis materiæ, secundum quod animæ rationali proportionatur, non sunt pœna originalis peccati, tamen quæ consequuntur conditiones corporalis materiæ, secundum se consideratæ, possunt ex ordine diuine iustitiæ ad pœnam peccati originalis ordinari: & quia Mors, & alij corporales defectus, in quos homo poterat non incidere, sequuntur conditionem corporalis materiæ, secundum se consideratæ, poterunt à Deo in pœnam originalis peccati ordinari, sicut de facto ordinata fuerunt.

Ad 3. Negatur minor vniuersaliter. Vera est enim, quando non solum forma proportionatur fini, sed quando materia, secundum omnes conditiones, proportionatur formæ. Si autem aliquæ conditiones materiæ non sint proportionatæ formæ, secus est. Et quia corpus humanum non proportionatur suæ formæ, secundum omnes conditiones, sicut anima rationalis suo fini; propterea stat, quod anima sit incorruptibilis, & finis hominis perpetuus, & tamen secundum suam naturam homo sit mortalis.

Q V Æ S T I O LXXXVI.

DE MACULA PECCATI.

A R T I C V L V S I.

Vtrum Peccatum causet aliquam maculam in anima.

Pro Negativa.

Videtur, quod Peccatum non causet aliquam maculam in anima.

1. Natura superior non potest inquinari ex contactu naturæ inferioris, sicut radius non inquinatur ex contactu corporum fetidorum, vt Aug. dicit lib. contra quinque hæreses, cap. 5. Sed Anima humana est multo superioris naturæ, quæ res commutabiles, ad quas peccando conuertitur. Ergo Ex his maculam non contrahit peccando.

2. Ratio, siue intellectus non maculatur ex consideratione quarumcunque rerum, sed magis perficitur. Ergo Nec voluntas, in qua principaliter est peccatum, ex peccato maculatur.

Consequ. prob. quia Voluntas est in ratione, unde sicut ratio non maculatur ex consideratione, aliquarum rerum, nec voluntas poterit ex aliquo peccato maculari.

3. Si peccatum maculam causat, aut macula illa est aliquid positivæ, aut est priuatio pura. Si sit aliquid positivæ, non potest esse nisi dispositio, vel habitus: nihil enim aliud videtur ex actu causari. Dispositio autem, & habitus non est: contingit enim, remota dispositione, vel habitu, adhuc remanere maculam, vt patet in eo, qui peccauit mortaliter prodigalitate, & postea transmutatur mortaliter peccando, in habitum vitij oppositi. Ergo Macula non ponit aliquid positivæ in anima.

Similiter etiâ nec est priuatio pura. quia Omnia peccata eueniunt ex parte auersionis, & priuationis gratiæ. Ergo Sequeretur, quod omnium peccatorum esset vna macula. Ergo Macula non est effectus peccati.

Pro Affirmativa.

Eccles. 47. dicitur Salomoni, dedisti maculam in gloria tua. Et Ephes. 5. Vt exhiberet sibi gloriosam Ecclesiam, non habentem maculam, aut rugam. & verò ubique loquitur de macula peccati. Ergo Macula est effectus peccati.

Determinatio.

Conclusio. Peccatum causat maculam in anima.

Prob. Illud, per quod anima amittit suum nitorem, causat maculam in ipsa anima. Sed Per peccatū anima amittit suum nitorem. Ergo Peccatum causat maculam in anima.

Maiores probatur. Nam macula dicitur proprie in corporalibus, quando aliquod corpus nitidum suum perdit nitorem, ex contactu alterius corporis, sicut vestis, aurum, vel argentum perdunt suū nitorem ex contactu lutū. Et ad huius similitudinem, dicitur macula in spiritalibus. Vnde illud, per quod anima amittit suum nitorem, erit causa macule in ipsa anima metaphorice, sicut lutum est causa maculæ in nitida veste proprie.

Minor

Minor probatur, præmittendo, quod Anima hominis duplicem habet nitorem. Vnum quidē, ex resplendentia luminis naturalis rationis, per quā dirigitur in suis actibus. Alium vero, ex resplendentia diuini luminis, scilicet sapientiæ, & gratiæ, per quam etiam homo perficitur ad bene, & deceter agendum, est autem quasi quidam animæ tactus, quando adhæret aliquibus rebus per amorem. Tunc probatur minor.

Anima peccando, adhæret per amorem aliquibus rebus, contra lumen rationis, & diuinæ legis. Ergo Anima per peccatum amittit suum nitorem, & ipsum detrimentum nitore, ex tali contactu proueniens, macula animæ metaphorice vocatur.

Ad Argumenta.

Ad 1. Dicitur, quod Naturam superiorem inquinari ex contactu naturæ inferioris, potest dupliciter intelligi. Vno modo, quod ipsa natura inferior aliquid agat in ipsam rem superiorem. Alio modo, ex hoc, quod ipsa natura superior inordinate adhæret rei inferiori. Tunc ad maiorem dicitur, quod Natura superior non inquinatur ex contactu inferioris primo modo, sed secundo modo. Anima igitur non inquinatur ex rebus inferioribus virtute earum, quasi ipsæ agant in animam, sed magis è conuerso, Anima sua actione se inquinat, inordinate eis inherendo contra lumen rationis, & diuinæ legis, ut in corpore dictum est.

Ad 2. Negatur consequens. Ad prob. dicitur, quod quamuis voluntas sit in ratione, tamen non est eadem ratio de intellectu, & voluntate. Actio enim intellectus perficitur, secundum quod res intelligibiles sunt in intellectu, per modum ipsius intellectus, & ideo intellectus ex eis non inticitur, sed magis perficitur. Sed actus voluntatis consistit in motu ad ipsas res, ita quod amor rei amatæ, animam conglutinat, & ex hoc anima maculatur, quando inordinate inhæret, secundum illud Osee 9. Facti sunt abhominabiles, sicut ea, quæ dilexerunt.

Ad 3. Dicitur ad maiorem, quod Macula non est aliquid positue in anima, nec significat solam priuationem, sed significat priuationem quandam nitore animæ in ordine ad suam causam, quæ est peccatum, & ideo diuersa peccata diuersas maculas inducunt, & est simile de vmbra, quæ est priuatio luminis, ex obiecto alicuius corporis, & secundum diuersitatem corporum obiectorum, diuersificantur vmbrae.

ARTICVLVS II.

Vtrum Macula maneat in anima post actum peccati.

Pro Negatiua.

Videretur, quod Macula non maneat in anima post actum peccati.

1. Quod manet in anima post actum, est dispositio, vel habitus. Sed Macula non est dispositio, nec habitus, ut dictum est artic. præced. Ergo Macula non manet in anima post actum peccati.

2. Transiente corpore, non manet vmbra. Ergo Transiente actu peccati, non manet macula.

Conseq. prob. quia Hoc modo se habet macula ad peccatum, sicut vmbra ad corpus, ut dictum est artic. præced. ad 3.

3. Remota causa non remanet effectus. Sed Macula peccati causatur ab actu. Ergo Macula peccati non remanet post actum peccati.

Pro Affirmatiua.

Iosue 22. dicitur. An parum est vobis, quia peccastis in beelphegor, & vsque in præsentem diem macula huius sceleris in vobis permanet?

Determinatio.

Conclusio. Macula peccati remanet in anima, etiam transiente actu peccati.

Prob. Tandiu macula manet in anima, quādiu homo manet extra lumen rationis, vel diuinæ legis. Sed Post actum peccati homo manet extra lumen rationis, vel diuinæ legis. Ergo Cessante actu peccati in anima remanet macula.

Maior prob. quia Sicut dictum est artic. præced. Macula importat quandam defectum nitore, propter recessum à lumine rationis, vel legis diuinæ, & ideo quamdiu homo manet extra huiusmodi lumen, manet in eo macula peccati, & tunc cessat macula peccati, quando homo redit ad lumen rationis, vel diuinæ legis, quod fit per gratiam.

Minor probatur. Nam licet actus peccati, quo homo à lumine rationis, vel diuinæ legis recedit, cesset, non tamen homo statim redit ad id, quod fecerat, sed requiritur aliquis motus voluntatis, contrarius primo motui: sicut si aliquis fiat distans ab aliquo per aliquem motum, non statim fit ei propinquus cessante motu, sed oportet, quod appropinquet rediens ad ipsum per motum contrarium.

Ad Argumenta.

Ad 1. Dicitur ad maiorem, quod per actum potest aliquid remanere in anima dupliciter. Vno modo positue. Alio modo priuatiue. Nihil remanet

net in anima pōsitue, nisi dispositio, vel habitus: tamen priuatiue remanet aliquid, quod non est habitus, nec dispositio, sed priuatio. Vnde per actum peccati remanet in anima priuatio coniunctionis ad diuinum lumen.

Ad 2. Negatur consequentia. Non enim est omnimodē similis ratio de ymbra, & de macula peccati. Transiente enim corpore causante ymbra, remanet corpus illuminabile in eadem dispositione ad corpus lūminosum, & ideo remoto corpore ymbroso statim cessat ymbra, sed remoto actu peccati, non remanet anima in eadem habitudine ad Deum, sed elongata ab ipso, & ideo non est par ratio.

Ad 3. Dicitur, quod maior non est vniuersaliter vera, sed solum verificatur in causis, quæ sunt causæ effectuum in fieri, & in conseruari, non autem in his, quæ sunt causæ in fieri tantum, & non in facto esse. Quia enim corpus lūminosum est causa illuminationis corporis diaphani in fieri, & in conseruari; ideo cessante illuminatione, cessat lumen. Quia vero domicifactor est causa domus tantum in fieri; ideo cessante actu ædificatoris, cessat ædificatio, non autem cessat domus. Actus autem peccati est causa maculæ in fieri, sed non, in conseruari, & ideo cessante actu peccati, remanet macula, quæ non tollitur nisi per contrarium motum ad lumen, vt dictum est.

Vel aliter, dicitur ad maiorem, quod non est vera, quando aliquid causat distantiam alienius ab alio. Et quia actus peccati causat distantiam animæ à Deo, quam distantiam sequitur macula, sicut motus localis causat distantiam, ideo sicut cessante motu locali, remanet distantia, ita cessante actu peccati, remanet macula, nec tollitur nisi per contrarium motum.

DE REATV POENAE.

DEinde Considerandum est de reatu poenæ, & Primo de ipso reatu, q. 87.
Secundo de mortali, & veniali peccato, quæ distinguuntur secundum reatum, q. 88. & 89.

QVÆSTIO LXXXVII.

DE IP SO REATV POENAE. ARTICVLVS I.

Virum Reatus poenæ sit effectus peccati.

Pro Negatiua.

Videtur, quod Reatus poenæ non sit effectus peccati.

1. Quod per accidens se habet ad peccatum, non est effectus eius. Sed Reatus poenæ se habet ad peccatum per accidens. Ergo Reatus poenæ non est effectus peccati.

Mayor probatur, quia Quod per accidens se habet ad aliquid, non videtur esse proprius effectus eius. Proprius enim effectus se habet per se, ad suam causam.

Minor probatur, quia Reatus poenæ est præter intentionem peccantis.

2. Quod est bonum, non est effectus peccati; Sed Poena est bona. Ergo Poena non est effectus peccati.

Mayor probatur, quia Bonum non est effectus mali.

Minor probatur, quia Poena est iusta, & à Deo.

3. Poena non causat reatum alterius poenæ. Sed Peccatum est poena. Ergo Peccatum non causat reatum alterius poenæ.

Mayor probatur, quia sic iretur in infinitum.

Minor probatur, quia Aug. dicit lib. 1. Confess. cap. 12. quod Omnis inordinatus animus sibi ipsi est poena.

Pro Affirmatiua.

Quod inducit tribulationem, & angustiam, est causa poenæ. Sed Peccatum inducit tribulationem, & angustiam. Ergo Peccatum est causa poenæ.

Mayor probatur, quia Poena nomine tribulationis, & angustiae designatur.

Minor probatur, quia Apost. Rom. 2. dicit. Tribulatio, & angustia in omnem animam operantis malum, id est peccantis, operari enim malum, est peccare.

Determinatio.

1. Conclusio. Peccatum est causa reatus poenæ. Probatur. Illud, per quod homo peruerit aliquem ordinem, est causa reatus poenæ. Sed Per peccatum homo semper peruerit aliquem ordinem. Ergo Peccatum est causa reatus poenæ.

Mayor manifestatur. Nā ex rebus naturalibus ad res humanas deriuatur hoc, vid. quod contra aliquid insurgit, ab eo detrimentum patiatur. Videmus enim in rebus naturalibus, quod vnum contrarium vehementius agit, altero contrario superueniente, propter quod aqua calefacta, magis congelatur, vt dicitur 2. Meteor. Vnde in hominibus hoc ex naturali inclinatione inuenitur, vt vnusquisque deprimat eum, qui contra ipsum insurgit. Vnde qui contra aliquem ordinem insurgit, eum perueritendo, consequens est, vt à principe illius ordinis, & ab ipso ordine deprimatur, & hæc depressio est poena, quam incurrit.

Minor

Minor prob. quia Peccatum est actus inordinatus, & ideo quicumque peccat, agit contra aliquem ordinem.

2. Conclusio. Peccatum causat triplicem penam, quæ est à se ipso, qui peccat, quæ est ab alio homine, & quæ est à Deo.

Prob. Quot sunt ordines, qui per peccatum peruertuntur, tot sunt penæ, quæ à peccato causantur. Sed Tres sunt ordines, qui per peccatum peruertuntur, & contra quos peccans operatur. Ergo Tres sunt penæ, quas peccator incurrit à peccato prouenientes.

Maiores prob. quia iam dictum est in probatione primæ conclusionis, quod qui peruertit aliquem ordinem, deprimatur ab ipso ordine, & à principe illius ordinis, quæ depressio est pena peruerterentis ordinis. Vnde si quis plures peruertit ordines, plures penas incurrit: & quot ordines peruertit, tot pati debet depressiones.

Minor probatur. Homo enim subditur triplici ordini. Primo subditur ordini rationis. Secundo subditur ordini exterioris hominis gubernantis, vel spiritaliter, vel temporaliter, politice, seu economice. Tertio subditur vniuersali ordini diuini regiminis. Quilibet autem horum ordinum per peccatum peruertitur, dum ille, qui peccat, agit contra rationem, contra legem humanam, & contra legem diuinam: & per hoc triplicem penam incurrit. eam, quæ est à se ipso, qui peccat, quæ est conscientie remorsus, aliam, quæ est ab homine, & tertiam, quæ est à Deo.

Ad Argumenta.

Ad 1. Negatur minor. Pena enim non per accidens, sed per se consequitur peccatum, in quantum peccatum, malum est ratione suæ inordinationis. Ad probationem dicitur, quod aliud est penam esse præter intentionem peccantis, & aliud per accidens se habere ad peccatum. Pena enim, quia non est de intentione peccantis, est per accidens respectu peccantis. ut patet, quæ non est à peccante intentæ, tamen cum hoc fiat, ut per se, consequatur actum peccati, ut dictum est.

Ad 2. Dicitur, quod aliud est loqui de pena, aliud de reatu penæ. Pena enim potest esse bona, & iusta, inflicta à Deo, vel ab homine: est enim pena, quæ aliquis, pro delicto commissio punitur. Reatus autem penæ est fieri dignum pena propter peccatum, & hoc est malum. Vnde dicebat Dionysius 4. cap. de diu. nom. quod pupiri, non est malum, sed fieri pena dignum: quasi dicat, pena non est malum, sed reatus penæ, & ideo pena non est effectus peccati, nisi dispositiue, & indirecte. Reatus vero penæ directe ponitur effectus peccati. Vnde ad formam argumenti negatur maior. Ad

prob. dicitur, quod malum non est causa boni directe, sed indirecte potest malum esse causa boni. Tunc ad minorem dicitur, quod si nomine penæ intelligatur id, quo aliquis pro peccato punitur, verum est, quod pena est bona, & sic peccatum non est causa penæ, nisi indirecte. Si vero nomine penæ intelligatur reatus, negatur, quod sit bona, & ad probationem dicitur, quod reatus non est à Deo, sed ab inordinata voluntate, sed ipsa pena effectiue est à Deo, propter quod est bona.

Ad 3. Negatur minor. Peccatum enim, ut sic, non est pena, sed causa reatus directe, pena vero indirecte. Ad probationem dicitur, quod dictum Augustini est intelligendum, non identice, sed causaliter, & sensus est, non quod inordinatus animus sit ipsa pena, sed quod est causa penæ sui ipsius, ex hoc enim quod aliquis inordinate agit contra ordinem rationis, causat sibi ipsi penam, sicut ex hoc quod aliquis peruertit ordinem legis humane, vel diuinæ, incurrit reatum penæ, quæ est ab homine, vel à Deo.

A R T I C V L V S. II.

Utrum Peccatum possit esse pena peccati.

Pro Negatiua.

Videtur, quod Peccatum non possit esse pena peccati.

1. Per illud, quod est pena peccati, reducitur homo ad bonum virtutis. Sed Per peccatum non reducitur homo ad bonum virtutis, sed in oppositum. Ergo Peccatum non est pena peccati.

Maiores probatur. quia Penæ indictæ sunt, ut per eas homines reducuntur ad bonum virtutis, ut dicitur 10. Ethic. c. ult.

2. Penæ iustæ sunt à Deo, ut patet per August. lib. 3. quart. q. 82. Sed Peccatum non est à Deo, & est iniustum. Ergo Peccatum non potest esse pena peccati.

3. Quod est à voluntate, non habet rationem penæ. Sed Peccatum est à voluntate, ut ex dictis, quæst. 74. artic. 1. & 2. patet. Ergo Peccatum non habet rationem penæ alterius peccati.

Maiores prob. quia De ratione penæ est, quod sit contra voluntatem.

Pro Affirmatiua.

Greg. homilia 11. super Ezech. & lib. 25. Mor. cap. 13. dicit, quod Quædam peccata sunt penæ peccati.

Determinatio.

Distinctio. De peccato dupliciter loqui possumus, scilicet per se, & per accidens.

1. Conclusio. Peccatum, per se loquendo, non est

moda

modo potest esse pœna peccati.

Probat. Illud de cuius ratione est egredi a voluntate, non potest per se, & formaliter esse pœna. Sed Peccatum per se consideratur, ut egreditur a voluntate. Ergo Peccatum per se non potest habere rationem pœnæ.

Maiores prob. quia De ratione pœnæ est, quod sit contra voluntatem, ut dictum est p. p. quæst. 48. artic. 5.

Minor prob. quia sic consideratum habet rationem culpæ.

2. Concl. Peccatum per accidens potest esse pœna peccati.

Manifestatur. Tripliciter enim peccatum potest esse pœna peccati, si per accidens ipsum peccatum consideretur. Primo quidem ex parte causæ. Secundo ex parte substantiæ actus. Tertio ex parte effectus. probantur singula.

Et primo, quod vnum peccatum sit pœna alterius peccati, ex parte causæ probatur. Illud, quod consequitur ad pœnam præcedentis peccati, est pœna alterius peccati, per accidens ex parte causæ. Sed Vnum peccatum sequitur ad pœnam alterius peccati. Ergo Vnum peccatum, per accidens, potest esse pœna alterius peccati.

Maiores prob. quia Esse pœnam peccati ex parte causæ, est quodammodo causari ex pœna præcedentis peccati.

Minor probatur. quia Pœna prioris peccati est subtractio gratiæ, cuius auxilium impediatur, quæ ad peccatum inclinabant, ut sunt passionēs, & diaboli tentationes, quæ per gratiæ auxilium reprimuntur: dum igitur quis peccat, statim punitur per subtractionem auxilij diuini, ex qua parte sequitur, quod prolatur in alia peccata, quæ quia ex pœna prioris peccati sequuntur, hac ratione pœnæ dici possunt prioris peccati.

Secundum. scilicet quod vnum peccatum sit pœna alterius, ratione substantiæ actus, probatur. Peccatum secundum substantiam actus afflictionem inducit, siue sit actus interior, ut patet in ira, & inuidia, quæ affligunt animum inuidens, & irati, siue actus exterior, ut patet cum aliqui graui labore opprimuntur, & damno, ut expleant actum peccati, secundum illud Sap. 5. Lassati sumus in via iniquitatis.

Tertium, quod peccatum sit pœna peccati ex parte effectus, probatur. quia Ad peccatum sequitur pœna, ut sunt deordinatio actuum animæ, amissio gratiæ, & huiusmodi.

Sed his duobus ultimis modis, peccatum non solum est pœna alterius peccati, sed etiam sui ipsius. Vnde ira, quia secundum substantiam actus

est afflictiva, est pœna præcedentis peccati, & sui ipsius.

Peccatum igitur est pœna peccati per accidens, vel quia sequitur ad pœnam alterius peccati, vel quia secundum suam substantiam est afflictiva, & sic potest esse pœna sui, & alterius peccati: vel quia ex peccato sequitur aliqua pœna, quam quis patitur, tum propter ipsum peccatum, ex quo talis pœna sequitur, tum propter aliquod præcedens peccatum. Sicut peccatum, quod commisit illæ seruus nequam in conseruum suum, fuit pœna peccati, quod commisit in conseruum, & peccati, quod commiserat in dominum: quatenus propter secundum peccatum traditus fuit tormentis, quousque redderet debitum, & ratione huius pœnæ, secundum peccatum fuit pœna prioris.

Ad Argumenta.

Ad 1. Dicitur ad minorem, quod etiam hoc, quod aliqui puniuntur a Deo, dum permittit eos in aliqua peccata profluere, ad bonum virtutis ordinatur, quandoque quidem etiam ipsum qui peccat, cum scilicet, post peccatum, cautiore, & humiliores resurgunt. Semper autem ad emendationem aliorum, qui videntes aliquos ruere de peccato in peccatum, magis formidant peccare, & hoc in primo modo, quo peccatum est peccati pœna. In duobus enim alijs modis manifestum est, quod pœna ordinatur ad emendationem, quia hoc ipsum quod homo laborem, & detrimentum patitur in peccando, natum est retrahere hominem a peccato.

Ad 2. Dicitur ad minorem, quod peccatum secundum se consideratum non est a Deo, & est iniustum, tamen secundum quod est pœna peccati, iuste ordinatur a Deo ad pœnam alterius peccati.

Ad 3. Dicitur etiam ad minorem, quod peccatum, ut peccatum est a voluntate, tamen ut est pœna peccati contrariatur voluntati.

A R T I C V L V S III.

Utrum Aliquod peccatum inducat reatum æternæ pœnæ.

Pro Negatiua.

Videtur, quod nullum peccatum inducat reatum pœnæ æternæ.

1. Culpa temporalis non inducit reatum æternæ pœnæ. Sed Peccatum est culpa temporalis. Ergo

Aaaa Pecca-

Peccatum non inducit reatum æternæ pænæ.

Maiores probatur. quia Pœna iusta adequatur culpæ: est enim iustitia æqualitas. Vnde dicitur Esaiæ 27. In mensura contra mēsuram, cum abiecta fuerit, iudicabit eam.

2. Nulla medicina est infinita. Sed Pœnæ, medicinæ quædam sunt, ut dicitur 2. Ethic. cap. 3. Ergo Nulla pœna debet esse infinita.

Maiores probatur. Quod ordinatur ad finem, non est infinitum, ut Phil. dicit 1. Polyt. c. 60. Sed Medicina ordinatur ad finem. Ergo Medicina, non potest esse infinita.

3. Deus non delectatur in perditione impiorum, ut dicitur Sap. 1. Ergo Deus non punit homines pœna sempiterna.

Consequentia prob. quia Nullus sapiens facit aliquid, nisi propter se in ipso, quod facit, delectetur.

4. Nihil, quod est per accidens, potest esse infinitum. Sed Pœna est per accidens. Ergo Pœna non potest in infinitum durare.

Minor prob. quia Pœna non est secundum naturam eius, qui punitur.

Pro Affirmatiua.

Matth. 25. dicitur. Ibunt hi in supplicium æternum. Et Marci 3. dicitur. Qui autem blasphemauerit in Spiritum sanctum, non habebit remissionem in æternum, sed erit reus æterni delicti. Ergo Aliquod peccatum inducit reatum æternæ pænæ.

Determinatio.

Concl. Quæcunque peccata auerunt a Deo, charitatem auferentia, quantum est de se inducunt reatum æternæ pænæ.

Probatur. Peccatum pervertens irreparabiliter ordinem, quo voluntas hominis subditur Deo, inducit reatum æternæ pænæ. Sed Peccata, quæ auferunt charitatem, pervertunt irreparabiliter ordinem, quo voluntas hominis Deo subditur. Ergo Peccata, quæ auferunt charitatem, quantum est ex se inducunt reatum æternæ pænæ.

Maiores probatur. quia Peccatum ex hoc inducit reatum pænæ, quod peruerit aliquem ordinem, & quia manente causa, necesse est, ut maneat effectus, si perueritas ordinis sit irreparabilis, semper manebit reatus pænæ.

Minor Manifestatur. Aliquis enim ordo dupliciter potest perverti. Quandoque quidem reparabiliter. Quandoque autem irreparabiliter. Tunc perueritur ordo irreparabiliter, quando corrumpitur principium ordinis. Tunc vero per-

uersio est reparabilis, quando manet principium ordinis. Sicut si corrumpatur principium visuum, non potest fieri visioinis reparatio, nisi sola virtute diuina; si vero saluo principio visui, aliqua impedimenta adueniant visioni, reparari potest per naturam, vel per artem. Et quia principium ordinis, quo hominis voluntas in Deum ordinatur, est vltimus finis, cui homo adheret per charitatem, ideo peccata, quæ charitatem auferunt, pervertunt hunc ordinem irreparabiliter, quantum sit ex se, & per consequens reatum æternum inducunt.

Ad Argumenta.

Ad 1. Negatur maior. Ad probationem dicitur, quod pœnam proportionari culpæ, potest dupliciter intelligi. Vno modo, secundum æquibitatem: & hoc modo pœna iusta semper debet culpæ proportionari. Alio modo, secundum durationem: & hoc modo in nullo iudicio, nec diuino, nec humano requiritur, ut pœna culpæ proportionetur, ut August. dicit libro 21. de Ciuit. Dei capitulo 11. Non enim quia homicidium, vel adulterium in momento committitur, propter hoc momentanea pœna punitur, sed quandoque quidem perpetuo carceri, vel exilio, quandoque etiam morte, in qua non consideratur occisionis mora, sed potius quod in perpetuum auferatur a societate viuorum, & sic representat suo modo æternitatem pænæ infligæ diuinitus.

Dicitur secundo ad minorem, quod peccatum inducens reatum æternæ pænæ, & si sit temporale, quo ad continuationem actus, tamen secundum voluntatem, seu intentionem peccantis est æternum, ex hoc enim ipso, quod peccator in peccatum finem constituit, voluntatem habet in æternum peccandi. Vnde Gregor. 4. Dialog. capitulo 4. dicit, quod Iniqui voluissent sine fine viuere, ut sine fine potuissent in iniquitatibus permanere. Iustum est igitur, quod qui in suo æterno peccauit contra Deum, in æterno Dei puniatur, ut idem Gregor. dicit quarto Dialogo. capitulo 44.

Ad 2. Dicitur, quod Pœna potest esse medicinalis, vel ei cui infertur, vel aliis. Tunc ad maiorem dicitur, quod Pœna medicinalis ei, cui infertur, non est perpetua, sed temporalis. Pœna vero, quæ est medicinalis solum aliis, potest esse perpetua. Pœna enim, quæ secundum leges humanas infligitur, non semper est medicinalis ei, qui punitur, sed aliis: sicut cum latro suspenditur, hoc non fit, ut ipse emendetur, sed propter alios.

alios, vt saltem metu pœnæ peccare desistant, secundum illud Proverb. 19. Pestilente flagellato, stultus sapientior erit. Sic igitur eternæ pœnæ reprobtorum a Deo inflitæ, sunt medicinales his, qui consideratione pœnarum, abstinent a peccatis, secundum illud Psal. 59. Dediti metuëtibz te significationem, vt fugiant a facie arcus, vt liberentur dilecti tui.

Ad 3. Dicitur ad antecedens, quod Deus non delectatur in pœnis propter ipsas, sed delectatur in ordine suæ iustitiæ, hæc requirentis.

Ad 4. Dicitur ad minorem, & ad eius probationem, quod etsi pœna per accidens ordinetur ad naturam, per se tamen ordinatur ad priuationem ordinis, & ad Dei iustitiam, & ideo durante inordinatione semper durat pœna.

ARTICVLVS IV.

Vtrum Peccato debeat pœna infinita secundum quantitatem.

Pro Affirmatiua.

Videretur, quod Peccato debeat pœna infinita secundum quantitatem.

1. Redigi in nihilum, est pœna infinita secundum quantitatem. Sed Peccator propter peccatum meretur redigi in nihilum.

Ergo Peccato debetur pœna infinita secundum quantitatem.

Maiores probatur, quia Redigi in nihilum, est solum a virtute infinita, sicut etiam ex nihilo aliquid facere.

Minor probatur, quia Hieremiæ 10. dicitur. Corripe me Domine, vt tamen in iudicio, & non in furore tuo, ne forte ad nihilum redigas me. per quæ verba significatur vindicta debita peccatori, ex diuina iustitia, quasi dicat, quamuis peccator mereatur redigi in nihilum, tamen noli ei infligere talem pœnam, sed minorem, & hoc est in iudicio, & non in furore.

2. Peccato infinito debetur pœna infinita. Sed Peccatum est infinitum. Ergo Peccato debetur pœna infinita.

Maiores probatur, quia Quantitati culpæ respondet quantitas pœnæ, iuxta illud Deuteronom. 25. Pro mensura peccati, erit & plagarum modus.

Minor prob. Peccatum, quod committitur contra eum, qui est infinitæ magnitudinis, est infinitum. Sed Deus est infinitæ magnitudinis. Ergo Peccatum contra Deum est infinitum.

Maiores huius probatur, quia Tanto maius est peccatum, quanto maior est persona, contra quam peccatur.

3. Peccato debetur pœna infinita secundum dictionem. Ergo Debetur etiam ei pœna infinita secundum quantitatem.

Consequenter prob. quia Cum aliquid dicatur dupliciter infinitum. scilicet quantitate, & duratione, siue intensiue, & extensiue, eadem ratio videtur de vtraque infinitate.

Pro Negatiua.

Si peccato deberetur pœna infinita secundum quantitatem, id est intensiue: Sequeretur, quod omnium peccatorum mortaliū pœnæ essent æquales, quod est manifeste falsum.

Consequenter prob. quia Infinitum non est infinitum maius. Vnde cum omnium mortalium peccatorum pœnæ sint infinitæ secundum durationem, si essent etiam infinitæ secundum intensionem, esset omnino æquales.

Determinatio.

Distinctio. In peccato duo sunt. Vnū est auersio ab incommutabili bono. Alterum est conuersio ad commutabile bonū. Peccato ex parte auersionis debetur pœna damni, ex parte conuersionis debetur ei pœna sensus.

1. Concl. Peccato ex parte auersionis debetur pœna infinita.

Prob. Peccato, ex ea parte, qua est infinitum, debetur pœna infinita. Sed Ex parte auersionis peccatum est infinitum. Ergo Ex parte auersionis debetur ei pœna infinita, & hæc est pœna damni, quæ est amissio boni infiniti.

Maiores prob. quia Pœna proportionatur peccato.

Minor prob. quia Bonum incommutabile est infinitum, vnde auersio a tali bono est peccatum infinitum.

2. Concl. Peccato, ex parte conuersionis, debetur pœna finita, quæ est pœna sensus.

Prob. Peccato, ex ea parte, qua est finitum, debetur pœna finita. Sed Ex parte conuersionis inordinata ad commutabile bonum peccatum est finitum. Ergo Ex hac parte debetur ei pœna finita, quæ est pœna sensus.

Maiores prob. Eodem modo, quo probata est maior prima rationis, quia, si pœna debet proportionari culpæ.

Minor prob. dupliciter. Tum quia bonum commutabile est finitum, Tum quia ipsa conuersio est finita, & hoc, quia actus creature non possunt esse infiniti.

Ad Argumenta.

Ad 1. Dicitur, quod redigere in nihilū eū, qui peccat, contingit dupliciter. Vnū modo, vt omnino

in nihilū redigatur, itaur, qui prius erat ens, fiat nō ens, & nihil. Alio modo, qđ priuatur bonis spiritalibus, ita vt in eo nō sit aliquod spirituale bonum, secundum quod Apost. dicebat. 1. Corinth.

13. Si charitatem non habuerō, nihil sum. Tunc ad minorem dicitur, quod si sermo sit de annihilatione primo modo, est falsa: nam redigere in nihilum omnino eum, qui peccat, non continet diuinę iustitię, quia repugnat perpetuitati pęnę, quę est secundum diuinam iustitiam, vt dictum est. Si vero sermo sit de annihilatione iuxta secundum modum, scilicet peccator in nihilum redigitur per mortale peccatum: quę poena quomodo sit infinita, dictum est, quatenus scilicet amittitur infinitum bonum.

Ad 2. Dicitur ad maiorem, quod peccato debetur poena infinita, secundum quod est infinitum. Tunc ad minorem dicitur, quod peccatum est infinitum ex parte auersionis, & ideo poena si bi ex hac parte correspondens est infinita, quę est poena damni, & hoc probat ratio inducta ad probandam minorem.

Ad 3. Negatur consequ. loquendo de poena sensus. Si vero sermo sit de poena damni, conceditur totum: non enim est eadem ratio de infinitate pęnę secundum durationem, & secundum quantitatem, id est secundum acerbitatem. Duratio enim pęnę respondet durationi culpę, non quidem ex parte actus, sed ex parte maculę, qua durat, durat reatus pęnę. Sed acerbitas pęnę respondet grauitati culpę, & quia culpa irreparabilis perpetuo durat, debetur ei poena æterna. Et iterum, quia grauitas culpę, ex parte conuersionis est finita, vt in corpore est ostensum, ideo acerbitas pęnę ei correspondens finita esse debet.

ARTICVLVS V.

Vtrum Omne peccatum inducat reatum pęnę æternę.

Pro Affirmatiua.

Videtur, quod omne peccatum inducat reatum pęnę æternę.

1. Aliquibus peccatis debetur poena æterna, vt dictum est art. præced. Ergo Omnibus peccatis debetur poena æterna.

Consequ. prob. Pęna æterna differt à temporali in infinitum, peccatum autē vñum non differt ab altero in infinitum: cum omnia sint actus humani, qui finiti sunt. Ergo Cum poena debeat correspondere culpę, ea ratione qua poena æterna debetur alicui peccato, eadem debetur omnibus.

2. forma. Peccata non differunt ad inuicem in

infinitum. Ergo Peccatis non debentur pęnę differentes in infinitum, scilicet quibus poena temporalis, & aliquibus poena æterna, quę in infinitum differt.

Antecedens hoc prob. quia Omnia peccata sunt humani actus, qui omnes sunt finiti.

2. Peccatum originale puniuntur poena æterna. Ergo Multo magis quilibet alia peccata reatum æternę pęnę inducunt.

Antecedens prob. quia Pueri, qui sine baptismo decesserunt in peccato originali, nunquam regnum Dei videbunt, vt patet per id, quod Dominus dicit Ioan. 3. Nisi quis renatus fuerit denuo, non potest videre Regnum Dei.

Consequ. prob. quia Peccatum originale est minimum peccatorum, & mitissima poena puniuntur. Vñ de Aug. in Enchir. c. 93. dicit, qđ Mitissima poena est eorum, qui pro solo peccato originali puniuntur. Ergo Si peccatū originale mitissima poena puniuntur, quę tamen est æterna, multo magis alia peccata grauiora, æterna poena puniri debent.

3. Peccato veniali debetur æterna poena. Ergo Omni peccato debetur poena æterna.

Antecedens probatur. Peccato veniali, si cum peccato mortali inueniatur in aliquo damnato, debetur poena æterna. Ergo Etiam ei debetur poena æterna secundum se.

Antec. hoc prob. quia In inferno nulla redemptio, seu remissio esse potest.

Consequ. hæc prob. quia Peccato non debetur maior poena ex hoc, quod alteri peccato adiungitur: cum omne peccatum suam habeat pęnam taxatam, secundum diuinam iustitiam.

Consequ. principalis probatur. quia Cum peccatum sit vel originale, vel actuale, quod est veniale, vel mortale, & in præcedentibus articulis probatum sit, quod peccatum mortale inducit reatum pęnę æternę, & argumento secundo huius ostensum sit, quod originale peccatum æternę poena puniuntur, si etiam veniale æternum reatum inducit, euidenter sequitur, quod omne peccatum æternę pęnę reatum inducat.

Pro Negatiua.

Greg. 4. dialog. capit. 39. dicit, quod Quædam leuiiores culpę, post hanc vitam remittuntur.

Ergo Non omnia peccata æterna poena puniuntur.

Determinatio.

Conclusio. Non omnia peccata inducunt reatum æternę pęnę.

Probatur. Peccata, quę inducunt reatum æternę pęnę, irreparabiliter, repugnant ordini diuinę iustitię, per hoc quod contrariantur ipsi principio ordinis, quod est vltimus finis.

Sed

ARTICVLVS VI.

Utrum Reatus poenæ remaneat post peccatum.

Pro Negatiua.

Videtur, quod Reatus poenæ non remaneat post peccatum.

1. Remota causa reatus, remouetur effectus, scilicet ipse reatus peccati.

Sed Peccatum est causa reatus. Ergo Remoto peccato, remouetur effectus, scilicet reatus.

2. Vniuerso non debetur aliqua poena, sed primum. Sed Post peccatum homo efficitur vniuerso. Ergo Post peccatum nullus remanet poenæ reatus.

Minor. quia Peccatum remouetur per hoc, quod homo ad virtutem redit.

3. Postquam aliquis est iam ab infirmitate curatus, non adhibetur sibi medicina.

Ergo Remoto peccato, nullum remanet debitum poenæ.

Conseq. prob. quia Poenæ sunt quædam medicinalia, vt dicitur 2. Ethic. cap. 3.

Pro Affirmatiua.

Aliquis punitur à Deo post dimissum peccatum. Ergo Reatus poenæ remanet post peccatum.

Antecedens probatur. quia 2. Regum cap. 12. narratur, quod dixit Dauid ad Natan. Peccauit Domino, dixitque Natan ad Dauid. Dominus quoque irasuitur peccatum tuum, non morieris. Veruntamen quia blasphemare fecisti inimicos nomen Domini, filius, qui natus est tibi, morte morietur.

Determinatio.

Distinctio. In peccato duo considerari possunt, scilicet actus culpæ, & macula sequens.

1. Conclusio. Cessante actu peccati, remanet reatus in omnibus peccatis actualibus.

Prob. Manente transgressione ordinis diuinæ iustitiæ, manet reatus poenæ. Sed Cessante actu peccati, remanet transgressio ordinis diuinæ iustitiæ. Ergo Cessante actu peccati, remanet debitum poenæ.

Maiores prob. quia Actus peccati facit hominem reum poenæ, in quantum transgreditur ordinem diuinæ iustitiæ, vnde manente tali transgressione, manet debitum poenæ.

Minor prob. Ad ordinem diuinæ iustitiæ non redit quis, nisi per quandam compensationem poenæ, vt. si qui plus voluntati suæ inualuit, quam

gubuit

Sed Non omnia peccata irreparabiliter repugnant ordini diuinæ iustitiæ, per contrarietatem ad ipsum ordinis principium, quod est vltimus finis.

Ergo Non omnia peccata inducunt reatum æternæ poenæ.

Maiores probatur. quia Peccatum causat reatum, poenæ æternæ, in quantum irreparabiliter repugnat ordini diuinæ iustitiæ, per hoc, quod cō contrariatur ipsi principio ordinis, qui est vltimus finis.

Minor prob. Manifestum est enim, quod in quibusdam peccatis est euidem aliqua inordinatio, non tamen per contrarietatem ad vltimum finem, sed solum est inordinatio circa ea, quæ sunt ad finem, in quantum plus, & minus debite eis intenditur, sicut tamen ordine ad vltimum finem: puta cum homo, etsi nimis ad aliquam rem temporalem afficiatur, non tamen pro ea vellet Deum offendere, aliquid contra eius præceptum faciendo, & huiusmodi sunt venialia peccata, quibus tantummodo temporalis poenæ debetur.

Ad Argumenta.

Ad 1. Negatur consequentia. Ad antecedens probationis dicitur, quod peccata dupliciter considerantur, scilicet ex parte conuersionis, & ex parte auersionis. Ex parte conuersionis non differunt in infinitum, ex parte auersionis in infinitum differunt. Nam quædam peccata, scilicet mortalia committuntur per auersionem ab vltimo fine.

Quædam vero, scilicet venialia per inordinationem circa ea, quæ sunt ad finem: quæ quia in infinitum differunt ab ipso vltimo fine, ideo hæc peccata in infinitum ab inuicem differunt, & per hoc illa induunt rationem æternæ poenæ, hæc vero temporales.

Ad 2. Dicitur ad antecedens, quod peccato originali non debetur poena æterna ratione suæ grauitatis, sicut peccato mortali, sed ratione conditionis subiecti, scilicet hominis, qui sine gratia inuenitur, per quam solum fit remissio poenæ.

Ad 3. Dicitur ad antecedens, quod peccato veniali non debetur poena æterna, per se, ratione grauitatis culpæ, sed per accidens, scilicet quatenus coniunctum cum peccato mortali in damnato est irremissibile, & per hoc dignum æterna poenæ, æternitas enim poenæ non respondet grauitati peccati, sed irremissibilitati, vt dictum est artic. 3. huius quæst.

debut, contra mandatum Dei agens, secundum ordinem diuinæ iustitiæ, aliquid contra illud, quod vellet spontaneus, vel inuitus patitur: quod etiam in iniuriis hominibus factis obseruatur, ut per re compensationem pœnæ reintegretur æqualitas iustitiæ. Vnde patet, quod cessante actu peccati, vel iniuriæ illatæ, adhuc remanet debiti pœnæ.

2. Conclusio. Remoto peccato, quo ad maculam culpæ, potest remanere reatus pœnæ, non quidem pœnæ simpliciter, sed tantum pœnæ secundum quid.

Hæc conclusio habet duas partes. Prima, quod cessante macula, remaneat reatus pœnæ. Altera est, quod huiusmodi pœnæ, quæ remanet, post remotionem peccati maculam, non habet rationem pœnæ simpliciter, sed secundum quid: & quo ad utramque partem probatur, & quo ad primam, sic.

Macula peccati ab anima auferri non potest, nisi per hoc, quod anima Deo coniungitur, per cuius distantiam detrimentum proprii notoris incurtebat, quod est macula, ut dictum est, q. 86. artic. 1. Ergo Macula peccati ab homine tolli non potest, nisi voluntas hominis ordinem diuinæ iustitiæ acceptet, ut scilicet ipse homo voluntarie pœnam assumat, in recompensationem culpæ præteritæ, vel etiam a Deo illatæ, patienter sustineat.

Consequenter prob. quia Homo coniungitur Deo per voluntatem, unde oportet, ut voluntas hominis ad Deum redeuntis diuinæ voluntati conformetur, & quia Dei voluntas est, ut seruetur ordo iustitiæ, qui est, ut culpæ debeatur pœna, ideo ablatio maculæ peccati non potest fieri nisi mediante pœna, qua fiat satisfactio pro commissâ culpa, & huiusmodi pœna, vel voluntarie pro peccatis assumpta, vel patienter à Deo illata tolerata, dicitur pœna satisfactoria.

Altera conclusionis pars ostenditur hac ratione. Pœna voluntaria non habet simpliciter rationem pœnæ, sed solum secundum quid. Sed Pœna satisfactoria est voluntaria simpliciter, & secundum quid inuoluntaria. Ergo Pœna satisfactoria, non simpliciter, sed solum secundum quid, habet rationem pœnæ.

Minor prob. quia Pœna satisfactoria, etsi secundum absolutam considerationem sit contra voluntatem, non tamen ut nunc, & per hoc est voluntaria simpliciter, secundum quid vero inuoluntaria, ut patet ex his, quæ supra q. 6. artic. 6. de voluntario, & inuoluntario dicta sunt.

Remoto igitur solo actu peccati actualis, & manente macula, remanet reatus eternæ pœnæ punitorie, sed remota macula peccati, remanet solum reatus pœnæ satisfactorie. Et hæc vera sunt de actualibus peccatis; nam de peccato ori-

ginali secus est: manet enim actu, & transiret actu, ut dictum est, q. 74. artic. 3. ad 2.

Ad Argumenta.

Ad 1. Dicitur, quod maior non est vniuersaliter vera, ut ostensum est supra, quest. 86. artic. 2. ad 3. ubi ostensum est, quod cessante actu peccati, remanet macula: ita etiam cessante actu peccati, remanet reatus. Si vero remoueatur etiam macula peccati, remanet reatus secundum aliam rationem, scilicet pœnæ satisfactorie, ut in corpore dictum est.

Ad 2. Dicitur ad maiorem, quod Virtuoso non debetur pœna simpliciter, potest tamen sibi deberi pœna, ut satisfactoria, quia hoc ipsum ad virtutem pertinet, ut satisfaciatur pro his, in quibus offendit, vel Deum, vel hominem.

Ad 3. Dicitur ad antecedens, quod sicut postquam aliquis est sanatus non indiget medicina ad hoc, ut sanetur, tamen potest indigere medicina propter aliquid aliud, puta ad conseruandam sanitatem, vel ad corroboranda membra, & ad similia, sic remoto peccato, quantum ad actum, & quantum ad maculam, sanatum est vulnus peccati, quantum ad voluntatem, & ad hoc non est amplius necessaria medicina aliqua. Requiritur tamen adhuc pœna ad sanationem aliarum virium animæ, quæ per peccatum præcedens deordinatæ fuerunt, ut scilicet per contraria curentur. Requiritur etiam ad restituendam æqualitatem iustitiæ, & ad remouendum scandalum aliorum, ut adficeretur in pœna, qui sunt scandalizati in culpa, ut patet in exemplo de Dauid inducitur.

ARTICVLVS VII.

Vtrum Omnis pœna sit propter aliquam culpam.

Pro Negatiua.

Videtur, quod Non omnis poena sit propter aliquam culpam.

1. Dicitur Ioan. 9. de cæco nato. Neque hic peccatur, neque parentes eius, ut nasceretur cæcus. Et similiter videmus, quod multi pueri, etiam baptizati, graues pœnas patiuntur, ut puta febres, demonum oppressiones, & multa huiusmodi, cum tamen in eis non sit peccatum, postquam sunt baptizati, & antequam sint baptizati, non est in eis plus de peccato, quam in alijs pueris, qui hæc non patiuntur. Ergo Non omnis poena pro peccato est.

2. Eiusdem rationis esse videtur, quod peccatores

catores prosperentur, & quod aliqui innocentes puniantur. Sed Vtrumq; in rebus humanis frequenter inuenimus. Ergo Non omnis pœna infligitur pro culpa.

Minor prob. Dicitur enim de iniquis in psal. 72. In labore hominum non sunt, & cum hominibus non flagellabuntur. Et Iob 21. Impij viuunt, subleuati sunt, confortatique diuitijs. Et Abacuc 1. dicitur. Quare respicias contemptores, & taces, conculcans impio iustiores se?

3. De Christo dicitur 1. Petri 2. quod Peccatum non fecit, nec dolus inuentus est in ore eius: & tamen ibidem dicitur, quod passus est pro nobis. Ergo Non semper pœna à Deo dispensatur pro culpa.

Pro Affirmatiua.

Iob 4. dicitur. Quis vnquam innocens perijt, aut quando recti delecti sunt? quin potius vidi eos, qui operantur iniquitatem, flante Deo perijisse. Et August. dicit in 1. Retract. c. 9. quod omnis pœna iusta est, & pro peccato aliquo impenditur.

Determinatio.

Distinctio. Pœna potest tripliciter considerari. Vno modo, vt est ordinata ad puniendam culpam. Alio modo, pro vt sit satisfactoria pro culpa. Tertio modo, pro vt per eam homo inducitur ad virtutem. Primo modo, simpliciter habet rationem pœnæ. Secundo modo, habet rationem pœnæ secundum quid, eo quod non sit simpliciter inuoluntaria, vt dictum est art. præced. Tertio modo, non habet simpliciter rationem pœnæ, sed medicinæ, & hoc ostenditur. Nam quandoque aliquid videtur esse pœnale, quod tamen simpliciter non habet rationem pœnæ. Pœna enim, quæ est vere pœna, est species mali, vt p. dictum est, quæst. 48. art. 5. Malum autem est priuatio boni. Illud igitur habet simpliciter rationem pœnæ, quod priuat bonum, & ad malum inducit. Cum autem sint plura hominis bona, s. animæ, corporis, & exteriorum rerum, contingit interdum, vt homo patiatur detrimentum in minori bono, & augeatur in maiori, sicut cum patitur detrimentum pecuniæ propter sanitatem corporis, vel in vtroque horum propter salutem animæ, & propter gloriam Dei, & tunc tale detrimentum non est simpliciter malum hominis, sed secundum quid. Vnde tale detrimentum non habet simpliciter rationem pœnæ, sed medicinæ.

1. Conclusio. Pœna, quæ simpliciter habet rationem pœnæ, semper habet ordinem ad propriam culpam peccantis, vel actualement, vel originale.

Manifestatur. Est enim huiusmodi pœna pro

peccato actuali, quando quis puniatur, vel à Deo, vel ab homine pro peccato commissio. Est autem pœna simpliciter, p peccato originali dupliciter. s. principaliter, & consequenter. Pœna pro peccato originali principaliter est priuatio originalis iustitiæ. Consequenter verò pœnæ peccati originalis sunt pœnalitates, quæ in hominibus contingunt, ex eo quod natura fuit destituta auxilio originalis iustitiæ.

2. Conclusio. Pœna satisfactoria non semper est propter propriam culpam, sed potest assumi pro culpa alterius.

Manifestatur. Pœna enim satisfactoria est quodammodo voluntaria, vt dictum est art. præced. Et quia contingit eos, qui differunt in reatu pœnæ, esse vnum secundum voluntatē vnione amoris, inde est, quod interdum aliquis, qui non peccauit, pœnam voluntarius pro alio portat: sicut etiam in rebus humanis videmus, quod aliquis in se transfert alterius debitum.

3. Conclusio. Pœnæ medicinales, siue inducitur ad virtutem, non sunt propter aliquam culpam.

Probat. Quod inseritur propter culpam, habet simpliciter rationem pœnæ. Sed Pœnæ inducitur ad virtutem, siue medicinales, non habent simpliciter rationem pœnæ, vt dictum est, cum sint ordinatæ ad maius bonum. Ergo Huiusmodi pœnæ non inferuntur pro peccato.

4. Conclusio. Pœnæ medicinales, quo ad id, quod pœnalitatis habent, reducuntur in originalem culpam, tanquam in causam.

Manifestatur. Hoc ipsum enim, quod oportet humanæ naturæ medicinas pœnales exhibere, est ex corruptione naturæ, quæ est pœna originalis peccati: in statu enim innocentie non oportuisset aliquem ad profectum virtutis inducere per pœnalia exercitia. Vnde hoc ipsum quod est pœnale in talibus, reducitur ad originalem culpam, sicut ad causam.

Ad Argumenta.

Ad 1. Dicitur, quod huiusmodi defectus eorum, qui nascuntur, vel etiam puerorum, sunt effectus, & pœnæ originalis peccati, vt dictum est, & manent etiam post baptismum propter causam superius dictam, & quod non sint æqualiter in omnibus, contingit propter naturæ diuersitatem, quæ sibi relinquitur, vt supra dictum est. Ordinantur tamen huiusmodi defectus secundum diuinam providentiam ad salutem hominum, vel eorum, qui patiuntur, vel aliorum, qui pœnis admonentur, & etiam ad gloriam Dei.

Ad 2. Dicitur, quod bona temporalia, & corporalia sunt quidem aliqua bona hominis, sed parua:

parua: bona vero spiritualia sunt magna hominis bona. Pertinet igitur ad diuinam iustitiam, ut virtuosus det spiritualia bona, & de temporalibus bonis, vel malis, tantum det eis, quantum sufficit ad virtutem. Ut enim Dion. dicit 8. cap. de diu. nom. Diuinæ iustitiæ est, non emollire optimorum fortitudinem materialium donationibus. Alijs vero hoc ipsum, quod temporalia dantur, in malum spirituum cedit, vnde in psal. 72. concluditur. Ideo tenuit eos superbia.

Ad 3. Dicitur, quod Christus penam sustinuit satisfactoriam, non pro suis, sed pro nostris peccatis.

ARTICVLVS VIII.

Utrum Aliquis puniatur pro peccato alterius.

Pro Affirmatiua.

Videtur, quod Aliquis puniatur pro peccato alterius.

1. Exodi 20. dicitur. Ego sum Deus Zelotes, visitans iniquitatem patrum in filios, in tertiam, & quartam generationem his, qui oderunt me. Et Matth. 23. dicitur. Ut veniat, super vos omnis sanguis iustus, qui effusus est super terram.

2. Secundum humanam iustitiam filij aliquando puniuntur pro parentibus, sicut patet in crimine lese maiestatis. Ergo Etiam secundum diuinam iustitiam vnus punitur pro peccato alterius.

Consequentia probatur. quia iustitia humana deriuatur à iustitia diuina.

Si dicatur ad vtrumque horum, & præcipue ad primum, quod filius punitur à Deo, & ab humana iustitia, non propter peccatum alterius. sc. patris, sed propter proprium peccatum, in quantum imitatur malitiam parentum.

3. Contra hoc instatur. quia Non magis debuit dici, quod peccata patrum puniuntur in filiis, quam in alijs extraneis.

Et prob. quia Etiam extranei peccata patrum imitari possunt. Debuit igitur dici visitans iniquitatem patrum in eos, qui imitantur peccatum ipsorum, & non solum in filios.

Pro Negatiua.

Ezec. 18. dicitur. Filius non portabit iniquitatem Patris.

Determinatio.

Distinctio. Pena tripliciter potest considerari. Vno modo, ut habet simpliciter rationem penæ.

Alio modo, ut est satisfactoria. Tercio modo, ut habet rationem medicinae, de qua distinctione dictum est. artic. præced.

1. Conclusio. Pena, quæ pro peccato infligitur, ut simpliciter habet rationem penæ, nullus punitur pro peccato alterius, sed vnusquisque pro suo peccato punitur.

Prob. Actus peccati est personalis. Ergo Actui peccati debetur pena personalis.

2. Conclusio. Contingit, quod vnus portet penam satisfactoriam alterius.

Hæc conclusio probata est artic. præced. quia Contingit, ut qui differunt in culpa, per amorem sint vnus, & sic vnus poterit pro peccato alterius satisfactoriam subire penam, cum huiusmodi pena possit esse voluntaria.

3. Conclusio. Pena, quæ habet rationem medicinae, contingit ut vnus puniatur pro peccato alterius.

Prob. Pena corporali aliquis potest puniri à Deo, vel ab homine pro peccato alterius. Sed Penæ medicinales sunt detrimenta corporaliū rerum, vel etiam ipsius corporis, quæ ideo medicinales sunt, quia sunt ordinatæ ad salutem ipsius animæ, ut artic. præcedenti dictum est. Ergo Pena medicinali, potest quis à Deo, vel ab homine puniri pro peccato alterius.

Maiores prob. quia Quis pro peccato potest puniri in se ipso, & in re sua: & quia aliquis potest esse alterius, puta filius patris, & seruus domini, ideo pena medicinali potest quis à Deo, vel ab homine pro peccato alterius puniri, & sic pater punitur in filiis, & dominus in seruis.

4. Conclusio. Si ille, qui pro alio punitur, est particeps peccati eius, pro quo punitur, huiusmodi pena habet rationem penæ simpliciter, & non medicinalis tantum, non solum respectu eius, qui peccauit, sed etiam respectu eius, qui pro peccato alterius punitur, secus est si non fuerit particeps.

Manifestatur. Quando enim filius punitur pro patre, & seruus pro domino, si filius consentit in peccatum patris, vel aliter est particeps paterni peccati, & seruus domini, tunc huiusmodi pena, qua punitur filius pro patre, habet rationem penæ, non solum respectu patris, & domini, sed etiam respectu filij, & serui. Si vero filius non sit particeps paterni peccati, nec seruus peccati ipsius domini, tunc huiusmodi pena respectu patris, vel domini habet rationem medicinae, sed respectu filij, vel serui, habet rationem medicinae, ordinatur enim tunc huiusmodi pena ad bonum animæ ipsius filij, vel serui.

5. Conclusio. Pena spirituali nullus punitur, pro peccato alterius.

Probatur.

Probatur dupliciter. Primo, Pœnæ spirituales, non sunt medicinales tantum, quia bonum animæ non ordinatur ad melius bonum.

Ergo In bonis spiritualibus nullus patitur detrimentum, nisi pro culpa propria.

Conseq. prob. quia Solæ pœnæ medicinales infliguntur alicui, pro peccato alterius, ut dictum est.

Secundo prob. quia Hieronymus in Epistola ad Autium de talibus penis dicit, quod vnus non punitur pro alio, quia quantum ad animam filius non est res patris, vnde & huius causam. Dominus assignans dicit Ezech. 18. Omnes animæ meæ sunt.

Ad Argumenta.

Ad 1. Dicitur, quod vtrumque dictum videtur esse referendum ad pœnas temporales, vel corporales, in quantum filij sunt quædam res parentum, & successores prædecessorum: vel si referantur ad pœnas spirituales, hoc dicitur propter imitationem culpe. Vnde in Exodo additur. His qui oderunt me. & Matth. 23. dicitur. Et vos implete mensuram patrum vestrorum. Dicit autem puniri peccata patrum in filiis, quia filij in peccatis parentum nutriti, prouiores sunt ad peccandum, tum propter cōsuetudinem, tum etiam propter exemplum patrum, quasi auctoritatem sequentes, sunt etiam maiori pœna digni, si pœnas patrum videntes, correcti non sunt. Ideo autem addidit in tertiam, & quartam generationem, quia tantum consueuerunt homines viuere, ut tertiam, & quartam generationem videant, & sic mutuo uidere possunt, & filij peccata parentum ad imitandum, & patres pœnas filiorum ad dolendum.

Ad 2. Dicitur ad antecedens, quod Pœnæ illæ sunt corporales, & temporales, quas iustitia humana, vni pro peccato alterius infligit, & sunt re media quædam, vel medicinæ contra culpas sequentes, ut vel ipsi qui puniuntur, vel alij cohibeantur a similibus culpis.

Ad 3. Negatur consequentia. Ad probationem dicitur, quod magis dicuntur puniri pro peccatis aliorum propinqui, quam extranei. Tū quia pœna propinquo, quodammodo redundat in illos, qui peccauerunt (ut dictum est) in quantum filius est quædam res patris: Tum etiam quia, & domestica exempla, & domestica pœnæ magis mouent. Vnde quando aliquis nutritus est in peccatis parentum vehementius ea sequitur, etsi ex eorum pœnis non est deteritus, obliuiscitur videtur, vnde & est maiori pœna dignus.

DE PECCATO VENIALI, & Mortali.

DEinde, quia peccatum veniale, & mortale distinguuntur secundum reatum, Considerandum est de eis. Et

Primo, Considerandum est de veniali per comparationem ad mortale, quæst. 88.

Secundo, De veniali secundum se. q. 89.

QVÆSTIO LXXXVIII.

DE PECCATO VENIALI PER comparationem ad mortale.

ARTICVLVS I.

Vtrum Veniale peccatum conuenienter diuidatur contra mortale.

Pro Negatiua.

Videtur, quod Veniale peccatum non conuenienter diuidatur contra mortale.

1. Peccatum, quod est cōtra legem æternam, est mortale. Sed Omne peccatum est contra legem æternam. Ergo Omne peccatum est mortale, & nullum est veniale.

Maior prob. quia Esse contra legem æternam, dat peccato, quod sit mortale.

Minor prob. quia Aug. cōtra Faustum lib. 2.2. cap. 27. dicit, quod Peccatum est dictum, vel factum, vel concupitum contra legem æternam.

2. Peccatum, quod est contra diuinum præceptum, est mortale. Sed Omne peccatum est contra diuinum præceptum. Ergo Omne peccatum est mortale, & inde inconuenienter distinguitur mortale a veniali.

Minor prob. quia Apost. dicit 1. Corin. 10. Siue manducatis, siue bibitis, siue aliquid aliud facitis, omnia in gloriam Dei facite. Et contra hoc præceptum facit, quicumque peccat quocunque peccato: cū peccatum nō referatur in Dei gloriam.

3. Qui fruitor rebus vtendis mortaliter peccat. Sed Quicumque peccat, quocunque modo, fruitor rebus vtendis. Ergo Quicumque peccat, quocunque peccato, mortaliter peccat.

Maior probatur. Peruersitas est peccatum mortale. Sed Frui vtendis est humana peruersitas, ut Aug. dicit, lib. 83. quæst. 9. & 30. Ergo Qui fruitor vtendis, mortaliter peccat.

Minor prob. quia Quicūq; amore inhæret alicui rei, inhæret ei, vel sicut utens, uel sicut fructus, ut Augustinus dicit lib. 1. de doct. Christ. cap. 3. Sed Nullus peccans inhæret rei commutabili,

Bbbbbb quasi

quasi utens: cum non referat eam in bonū, quod nos beatos facit, ut Aug. ibidem dicit. Ergo Quicunque peccat, fruatur utendis.

4. Quicunque recedit a bono incommutabili, mortaliter peccat. Sed Omnis, qui peccat, recedit a bono incommutabili. Ergo Quicunque peccat, mortaliter peccat, & sic nullum erit peccatum veniale, diuidendum contra mortale.

Minor prob. Quicunque accedit ad bonum, commutabile, ex hoc ipso recedit a bono incommutabili. Sed Quicunque peccat, accedit ad bonum commutabile. Ergo Quicunque peccat, recedit a bono incommutabili.

Maiores huius prob. quia Quicunque accedit ad unum terminum, ex hoc ipso ab alio termino recedit.

Pro Affirmativa.

Aug. Hom. 7. super ioh. dicit, quæ est. 4. in ordine, quod Crimen, id est mortale peccatum, est, quod damnationem meretur, Veniale autem est, quod non meretur damnationem.

Determinatio.

Conclusio. Veniale peccatum convenienter diuiditur contra mortale.

Prob. Vnum oppositorum convenienter diuiditur contra alterum. Sed Veniale peccatum opponitur peccato mortali. Ergo Peccatum veniale convenienter diuiditur contra mortale.

Minor declaratur, & probatur. Pro cuius declaratione est sciendum, quod Aliqua, secundum quod proprie accipiuntur, non videntur esse opposita, quæ si metaphorice accipiuntur opponi incommutabiliter: sicut ridere, si proprie accipiatur, non opponitur ei, quod est ardescere, sed secundum quod ride re metaphorice dicitur de prato, propter eius floriditatem, & uiriditatem, opponitur ei, quod est ardescere. Similiter si mortale proprie accipiatur, pro ut refertur ad mortem corporalem, non videtur oppositionem habere cum veniali, nec ad idem genus pertinere. Sed si mortale accipiatur metaphorice, secundum quod dicitur de peccatis, mortale opponitur ei, quod est veniale, ut patebit. Minor igitur est intelligenda de mortali, & veniali metaphorice acceptis. Constituit autem metaphorica similitudo inter mortale, ut refertur ad mortem corporalem, & ut refertur ad peccatum, & ad animam, in hoc, quod cum peccatum sit quoddam infirmitas animæ, ut dictum est, quæ est. 71. art. 1. ad 3. dicitur peccatum mortale, ad similitudinem morbi corporalis. Morbus autem corporalis duplex est. Quidam, qui inducit mortem. Et quidam, qui non inducit mortem corporalem. Ita peccatum, quoddam est, quod inducit mortem

animæ, & quoddam, quod non inducit. Et sicut ille morbus corporalis inducit mortem, qui inducit defectum irreparabilem per destitutionem alicuius principij, ut dictum est, quæ est. 72. art. 5. Ita illud peccatum mortale dicitur, quod inducit defectum irreparabilem in anima, qui defectus est per destitutionem alicuius principij vite spiritualis.

Tunc probatur ipsa minor. Peccatum inducens defectum irreparabilem ab intrinseco spiritualis vite, opponitur ei, quod inducit defectum reparabilem. Sed Peccatum mortale inducit defectum irreparabilem ab intrinseco, peccatum vero veniale inducit defectum reparabilem. Ergo Peccatum mortale opponitur peccato veniali.

Minor huius probatur. Nam dictum est, quod defectus secundum se irreparabilis est ex destitutione alicuius principij. Principium autem spiritualis vite, quæ est secundum virtutem, est ordo ad ultimum finem, ut dictum est, quæ est. 72. art. 5. qui quidem ordo si destituitur fuerit, reparari non potest per aliquod principium intrinsecum, sed solum per diuinam virtutem, ut dictum est supra quæ est. præced. art. 1. & ratio est, quia inordinationes eorum, quæ sunt ad finem, reparantur ex fine, sicut error, qui accidit circa conclusionem, ex veritate principiorum reparatur. Et quia defectus ultimi finis non potest reparari per aliquod aliud, quod sit principalius, sicut nec error, qui est circa principia; ideo huiusmodi peccata dicuntur mortalia, quasi irreparabilia.

Peccata autem, quæ habent inordinationem circa ea, quæ sunt ad finem, conseruato ordine ad ultimum finem, reparabilia sunt, & hæc dicuntur venialia. Tunc enim peccatum veniam habet, quando reatus pænæ tollitur, qui cessat, cessante peccato, ut dictum est. q. 87. art. 6.

Probatur igitur minor huius, scilicet quod peccatum mortale dicitur defectum irreparabilem, & veniale reparabilem.

Informa. Peccatum ponens defectum, qui est per destitutionem ordinis ab ultimo fine, inducit defectum irreparabilem, quia. scilicet defectus, qui est per deordinationem ab ultimo fine, non est ab intrinseco reparabilis, cum non habeat aliquid intrinsecum principalius se, sicut nec error, qui est circa principia. Sed Peccatum mortale inducit defectum, qui est per destitutionem ordinis ab ultimo fine, Peccatum vero veniale inducit deordinationem tantum circa ea, quæ sunt ad finem, quæ reparabilis est per ipsum finem.

Ergo Peccatum mortale inducit defectum irreparabilem, veniale vero inducit defectum reparabilem.

Et per hoc opponuntur, & conuenienter ab inuicem diuiduntur.

Ad Argumenta.

Ad 1. Negatur minor. Ad probationem dicitur, quod definitio peccati, ab Augustino assignata, non conuenit secundum perfectam rationem nisi peccato mortali, veniali autem conuenit secundum imperfectam rationem. Pro quo est sciendum, quod diuisio peccati, in veniale, & mortale, non est diuisio generis in species, vt sunt rationale, & irrationale respectu animalis: tunc enim ratio peccati æque perfecte conueniret tam veniali, quam mortali; sed est diuisio analogi in sua analogata, de quibus prædicatur secundum prius, & posterius, sicut ens prædicatur per prius de substantia, & de accidente in ordine ad substantiam. Peccatum igitur est quoddam analogum, quod diuiditur per mortale, tanquam per primum analogatum, in quo perfecte ratio peccati inuenitur, sicut ratio entis in substantia, & in peccatum veniale, de quo dicitur peccatum, secundum imperfectam rationem, sicut ens de accidente non dicitur, nisi per ordinem ad substantiam. Peccans enim venialiter, non facit contra legem, quia non facit quod lex prohibet, nec prætermittit id, ad quod lex per præceptum obligat, sed facit præter legem, quia non obseruat modum rationis, quem lex intendit.

Ad 2. Negatur minor. Ad probationem dicitur, quod illud præceptum Apostoli est affirmatiuum, vnde non obligat ad semper, & sic non facit contra hoc præceptum, quicumque non actu refert in gloriam Dei omne, quod facit. Sufficit ergo, quod aliquis habitualiter referat se, & omnia sua in Deum, ad hoc quod non semper mortaliter peccet, cum aliquem actum non refert in gloria Dei actualiter. Veniale autem peccatum non excludit habituales ordinationem actus humani in gloriam Dei, sed solum actuales, quia non excludit charitatem, quæ habitualiter ordinat in Deum, vnde non sequitur, quod ille, qui peccat venialiter, peccet mortaliter.

Ad 3. Negatur minor, non enim, qui peccat venialiter, fruitur rebus vtendis. Ad minorem probationis dicitur, quod peccans venialiter iungetur bono temporali, non ut fruens, quia non constituit in eo finem, sed vt vtens. Et ad huius probationem dicitur, quod peccans venialiter, refert bonum temporale in Deum, non actu, sed habitu.

Ad 4. Negatur minor de peccante venialiter. Ad maiorem probationis dicitur, quod aliquem accedere ad bonum commutabile, contingit dupliciter. Vno modo sic, vt constituat in eo finem,

& sic bonum commutabile habet rationem terminati, & hoc modo est vera ipsa maior. Qui enim accedit ad bonum commutabile, constituens in eo finem, profecto recedit a bono incommutabili. Alio modo, vt non constituat in eo finem, sed referat ad alium finem, actu, vel habitu, & tunc est falsa maior. Ad minorem igitur dicitur, quod qui peccat venialiter, accedit ad commutabile, bonum secundo modo. Vnde bonum commutabile non est terminus contra positus bono incommutabile, sed est, cui quis inhæret, referendo saltem habitum in Deum.

ARTICVLVS II.

Vtrum Peccatum mortale, & veniale differant genere.

Pro Negatiua.

Videtur, quod Peccatum mortale, & veniale non differant genere, scilicet quod aliquod sit mortale ex genere, & aliquod veniale ex genere.

1. Peccata, quæ possunt esse circa unam, & eandem materiam, non differunt genere. Sed Peccatum veniale, & mortale possunt esse circa vnā, & eandem materiam. Ergo Peccatum veniale, et mortale non differunt genere.

Maiores prob. quia Bonum, & malum ex genere in actibus humanis accipitur per comparisonem ad materiam, siue ad obiectum, ut dictum est supra quæst. 18. art. 2. & 8.

Minor prob. quia Quodlibet bonum commutabile potest homo diligere, vel infra Deum, quod est peccare venialiter, vel supra Deum, quod est peccare mortaliter, & per hoc circa quamlibet materiam contingit peccare mortaliter, & venialiter.

2. Peccata, quæ differunt, sicut differunt peccata, quæ sunt ex malitia, & quæ sunt ex infirmitate, non differunt genere. Sed Peccatum veniale, & mortale differunt sicut peccata, quæ sunt ex malitia, & quæ sunt ex infirmitate. Ergo Peccatum veniale, & mortale non differunt genere.

Maiores prob. quia Peccata, quæ sunt ex malitia, differunt a peccatis, quæ sunt ex infirmitate, non genere, sed causa, vt dictum est supra quæst. 76. 77. & 78.

Minor prob. Peccatum reparabile differt a non reparabili per hoc, quod reparabile est ex infirmitate, & non reparabile est ex malitia. Remissibile enim est peccatum ex ignorantia, & uel ex infirmitate, secundum quosdam, & irremissibile est, quod est ex malitia. Sed Peccatum veniale est re-

Bbb 2 parabile,

parabile, mortale uero irreparabile. Ergo Peccatum mortale, & veniale differunt, sicut peccatum ex malitia differt ab eo, quod est ex infirmitate.

3. Peccata, in quibus inueniuntur subiti motus, non differunt genere ad inuicem. Sed in quo libet peccato, tum mortali, tum veniali, inueniuntur aliqui subiti motus.

Ergo Peccatum mortale, & veniale non differunt genere.

Pro Affirmativa.

Aug. in sermone de Purgatorio, serm. 4. qui est 41. in ordine, enumerat quædam genera peccatorum venialium, & quædam genera peccatorum mortalium.

Determinatio.

Distinctio. Cum peccatum veniale a venia dicitur, dupliciter aliquod peccatum potest dici veniale. Vno modo, quia est veniam iam consequutum: & sic dicit Ambrosius lib. de parab. cap. 4. quod omne peccatum per poenitentiam fit veniale, & hoc dicitur veniale ex euentu. Alio modo dicitur peccatum veniale, quia non habet in se, unde veniam non consequatur. Sed hoc adhuc dupliciter contingit. Primo, ut non habeat in se, unde non consequatur veniam totaliter. Secundo, ut non habeat in se, unde non consequatur veniam in parte. In parte quidem dicitur peccatum veniale illud, quod habet in se aliquid diminuens culpam: & sic dicuntur peccata venialia, quæ sunt ex infirmitate, vel ex ignorantia, & dicuntur peccata venialia ex causa. In toto autem dicitur aliquod peccatum veniale, quod non tollit ordinem ad ultimum finem, unde non meretur poenam æternam, sed temporalem, & hoc dicitur veniale ex genere.

Triplex igitur dicitur peccatum esse veniale, vel ex euentu, vel ex causa, vel ex genere. In præsentī sermo est de veniali peccato tantum tertio modo.

1. Conclusio. Peccatum veniale, secundum tertium modum, scilicet quod non tollit ordinem ad ultimum finem, potest habere determinatum genus, ita ut aliquod peccatum dicatur veniale ex genere, & aliquod mortale ex genere, secundum quod genus, vel species actus determinantur ex obiecto.

Probatur. Peccata, quæ sunt ex hoc, quod voluntas fertur in aliquid, quod secundum se repugnat charitati, per quam homo ordinatur in ultimum finem, differt genere a peccato, quod est ex hoc, quod voluntas fertur in aliquid, quod licet contineat in se quandam inordinationem, non tamen contrariatur charitati. Sed Peccatum mortale est ex

hoc, quod voluntas fertur in aliquid, quod secundum se repugnat charitati, per quam homo ordinatur in ultimum finem, siue sit contra dilectionem Dei, sicut blasphemia, perurium, & huiusmodi, siue contra dilectionem proximi, sicut homicidium, adulterium, & similia, quæ omnia sunt peccata mortalia ex suo genere. Veniale uero est ex hoc, quod voluntas fertur in id, quod in se continet, quidem quandam inordinationem, non tamen contrariatur dilectioni Dei, & proximi, sicut sunt verbum otiosum, risus superfluous, & huiusmodi, quæ sunt venialia ex genere, ut dictum est.

Ergo Peccatum mortale, & veniale differunt genere, secundum quod genus in moralibus est ex obiecto.

2. Conclusio. Cōtingit quandoque ut id, quod est peccatum veniale ex genere, ratione sui obiecti, sit mortale ex parte agentis, uel quia in eo constituit finem ultimum: uel quia ordinat ipsum ad aliquid, quod est peccatum mortale ex genere, puta cum aliquis ordinat uerbum otiosum ad adulterium committendum.

3. Conclusio. Ex parte agentis contingit etiam, quod aliquod peccatum, quod ex suo genere est mortale, sit veniale propter imperfectionem actus, id est non deliberatus ratione, quæ est principium proprium mali actus, ut dictum est supra quæst. 74. art. 10.

Probatur utraque conclusio simul. Quia Actus morales recipiunt rationem boni, & mali, non solum ex obiecto, sed etiam ex aliqua dispositione agentis, ut habitum est supra, quæst. 78. art. 4.

Ad Argumenta.

Ad 1. Negatur minor, nunquam enim peccatum ueniale, & mortale ex genere possunt esse circa eandem materiam, nam adulterium semper ex genere est mortale, & dicere uerbum otiosum semper est ueniale ex genere. Ad probationem dicitur, quod quando quis diligit aliquod bonum, quod est materia peccati uenialis, supra Deum, est mortale peccatum, non ex suo genere, quia delectari in uerbo otioso, ut sic, non est aliquid contra legem diuinam tollens charitatem, sed hoc totum est ex parte peccantis, qui hoc, quod est materia uenialis peccati secundum se, supra Deum diligit, uel ad aliquod mortale ordinat, ut dictum est de eo, qui uel ultimum finem ponit in delectatione, quæ ex uerbis otiosis capit, uel uerba otiosa ad adulterium, aut fornicationem ordinat.

Ad 2. Dicitur concedendo totum, concludit enim, quod peccatum ueniale ex causa, non differt genere a peccato mortali, & hoc uerum est, ita le. n. ueniale peccatum potest esse in eodem genere cum mortali, & tamen est ueniale, quia habet un-

de

de ex parte mereatur ueniam, ut quando quis ex ira aliquod peccatum committit, uel ex aliqua alia uehementi passione.

Ad 3. Dicitur concedendo etiam totum, probat enim, quod peccatum, quod est ueniale ex imperfectione actus, non differat genere a mortali: potest. n. aliquod peccatum ex suo genere esse mortale, & tamen ratione imperfectionis actus esse ueniale, iuxta tertiam conclusionem.

ARTICVLVS III.

Vtrum Peccatum ueniale sit dispositio ad mortale.

Pro Negatiua.

Videretur, quod Peccatum ueniale non sit dispositio ad mortale.

1. Quia opponitur peccato mortali, non est dispositio ad ipsum. Sed Peccatum ueniale opponitur peccato mortali, ut dictum est. Ergo Peccatum ueniale non disponit ad mortale.

Maiores probatur. quia Vnum oppositum non disponit ad aliud.

2. Quia differunt ab inuicem genere, uel specie, unum non disponit ad aliud. Sed Peccatum mortale, & ueniale differunt genere, seu specie, ut dictum est art. 1. huius. Ergo Peccatum ueniale non disponit ad mortale.

Maiores prob. quia Actus disponit ad aliquid simile sibi in specie. Vnde 2. Ethic. cap. 1. dicitur, quod ex similibus actibus generantur similes dispositiones, & habitus.

3. Si peccatum ueniale disponderet ad mortale, Sequeretur, quod etiam bona opera essent peccata uenialia.

Consequenter prob. quia Etiam bona opera disponunt ad mortale, scilicet ad superbiam, iuxta illud Aug. in regula. Superbia etiam bonis operibus insidiatur, ut pereant.

Pro Affirmatiua.

Qui spernit minima, paulatim defluit, ut dicitur Eccles. 13. Sed Qui peccat uenialiter, spernit minima. Ergo Qui peccat uenialiter, paulatim defluit per peccatum mortale.

Determinatio.

1. Distinctio. Peccatum ueniale disponere ad mortale dupliciter potest intelligi. Vno modo directe. Alio modo indirecte.

Manifestatur hæc distinctio. Nā disponens est quodammodo causa, unde sibi duplicem modum causæ, est duplex dispositionis modus. Est. n. causa quædam mouens ad effectum directe, sicut calidum calefacit. Est etiam causa indirecte mouens, remouendo prohibens, sicut remouens columnā, dicitur remouere lapidem superpositum, sic etiam de peccato ueniali dicendum est.

Sensus igitur quæsti est, an peccatum ueniale per se disponat ad mortale, directe, vel indirecte.

2. Distinctio. Peccatum mortale est duplex. scilicet mortale ex genere, & mortale ex causa. Et etiam ueniale peccatum est duplex. scilicet ex genere, & ex imperfectione actus, ut dictum est art. præced.

Peccatum mortale ex genere est, quod est contra charitatem Dei, vel proximi, ut blasphemia, homicidium, adulterium, & his similia. Peccatum mortale ex causa, est illud, cuius obiectum, quod sibi se non est obiectum peccati mortalis, tamen peccatum constituit ipsum ultimum finem, vel ordinat ipsum ad aliquod mortale, ut si verbum otiosum ordinet ad adulterium, vel in delectatione uerbi otiosi si quis constituat ultimum finem. Peccatum ueniale ex genere est, quod contra quendam quandam inordinationem, sed tamen non est contra charitatem Dei, vel proximi, ut superflui risus. Peccatum ueniale ex imperfectione actus est, quod ex suo genere est mortale, tamen quia actus peccati est imperfectus, & non ex deliberatione procedens, non est mortale, ut sunt primi motus fornicationis, uel adulterii, aut uindictæ, & de his satis dictum est art. præced.

1. Conclusio. Peccatum ueniale ex genere, non disponit directe ad mortale ex genere.

Probatur. Eorum, quæ differunt specie, unum non potest per se disponere directe ad alterum. Sed Peccatum mortale, & ueniale differunt specie. Ergo Peccatum ueniale non potest directe disponere ad mortale.

2. Conclusio. Peccatum ueniale ex genere potest disponere ad mortale ex parte agentis, per quandam consequentiam.

Manifestatur. quia Augmentata dispositione, vel habitu per actus peccatorum uenialium, in tantum potest libido peccandi crescere, quod ille, qui peccat, finem suum constituit in peccato ueniali, quod est mortale, & huius ratio est, quia unicuique habenti habitum, in quantum huiusmodi, finis est operatio secundum habitum, & sic multoties peccando uenialiter, disponetur ad mortale.

3. Conclusio. Peccatum ueniale ex genere indirecte potest disponere ad mortale ex genere.

Manifestatur. quia Qui peccat uenialiter ex genere, prætermittit aliquem ordinem, & ex hoc quod consuevit voluntatem suam in minoribus debito ordini non subicere, disponitur ad hoc, quod et voluntatem suam, non subiciat ordini ultimi finis, eligendo id, quod est mortale per se ex genere.

4. Conclusio. Peccatum ueniale ex imperfectione actus manifestum est, quod disponit ad mortale.

Ad Argumenta.

Ad 1. Dicitur ad maiorem, quod aliqua esse opposita contingit dupliciter. Vno modo, vt sint opposita, sicut duæ species, quæ ex opposito diuidunt aliquod genus, vt rationale, & irrationale: album, & nigrum, & huiusmodi. Alio modo, sicut duo diuiduntur aliquod vnum, quod non dicitur de ipsis ex æquo, sed tantum per prius, & posterius: vt sunt substantia, & accidentes, respectu entis. Ea, quæ sunt opposita secundum primum modum, vnum non potest disponere ad alterum, tamē ea, quæ sunt opposita tantum secundo modo, potest vnum eorum esse dispositio ad alterum. Tunc ad maiorem dicitur, quod peccatum veniale, & mortale non diuiduntur ex opposito sicut duæ species vnius generis, vt dictum est artic. 1. ad 1. sed sicut diuiditur accedens contra substantiam. Vnde sicut accedens potest esse dispositio ad formam substantialem, ita, & veniale peccatum ad mortale.

Ad 2. Dicitur ad maiorem, quod licet peccatum veniale non sit simile mortali in specie, est tamen simile in genere, in quantum vtrumque importat defectum debiti ordinis, licet aliter, & aliter, nam mortale peccatum importat defectum debiti ordinis simpliciter, veniale vero tantum secundum quid, vt in præcedentibus articulis huius questionis dictum est.

Vel sub alijs verbis dicitur ad maiorem, quod eorum, quæ differunt genere, vt specie taliter, quod nullo modo in aliqua generica ratione conueniant, verum est, quod vnum non potest esse dispositio ad alterum, tamen si aliquo modo, & secundum aliquam considerationem conueniant in aliqua generica ratione, vnum poterit, saltem indirecte, esse dispositio ad alterum. Tunc ad maiorem dicitur, quod licet peccatum veniale, & mortale differant genere proprio, ratione obiecti, tamen ratione actus conueniunt in vna generica ratione analoga mali, quæ ratio est, quia tam mortale, quam veniale importat defectum ordinis debiti, aliter, & aliter, vt modo dictum est. Quia igitur peccatum veniale ex genere non conuenit in genere, vel specie proprie cum mortali, ideo non directe disponit ad mortale, quia vero ex parte actus conuenit in aliqua generica communi ratione, ideo indirecte ad ipsum disponit.

Ad 3. Negatur consequentia. Ad probationem dicitur, quod bona opera non per se, id est secundum propriam rationem habent, vt disponant ad peccatum, sed tantum possunt esse occasio, & materia peccati mortalis per accedens. Peccatum autem veniale, per se, id est ex propria ratione habet, vt disponat ad mortale. Ad mortale

inquam ex genere habet, vt disponat indirecte, ad mortale vero ex causa, per quandam consequentiam, vt in corpore dictum est.

ARTICVLVS IV.

Vtrum Peccatum veniale possit fieri mortale.

Pro Affirmatiua.

Videtur, quod Peccatum veniale possit fieri mortale.

1. Peccatum, quod si negligatur, spiritualiter occidit, fit mortale. Sed Peccatum veniale potest spiritualiter occidere, si negligatur. Ergo Peccatum veniale potest fieri mortale.

Maior prob. quia Illud dicitur mortale, quod spiritualiter occidit.

Minor prob. quia Aug. dicit super Ioan. tract. 12. exponens illa verba. Qui incredulus est filio, non videbit vitam, dicit, quod Peccata minima, id est venialia, si negligantur, occidunt.

2. Motus sensualitatis ante consensum rationis est peccatum veniale, post consensum vero est peccatum mortale, vt dictum est, quæst. 74. art. 4. Ergo Peccatum veniale potest fieri mortale.

3. Morbus curabilis potest fieri incurabilis. Sed Peccatum veniale, & mortale differunt sicut morbus curabilis, & incurabilis, vt dictum est art. 1. huius quæst. Ergo Peccatum veniale potest fieri mortale.

4. Dispositio potest fieri habitus. Sed Peccatum veniale est dispositio ad mortale. Ergo Peccatum veniale potest fieri mortale.

Pro Negatiua.

Ea, quæ differunt in infinitum, non transmutantur ad inuicem. Sed Peccatum mortale, & veniale differunt in infinitum. Ergo Peccatum veniale non potest fieri mortale.

Determinatio.

Distinctio. Peccatum veniale fieri mortale, potest tripliciter intelligi. Vno modo sic, quod idem actus numero, primo sit peccatum veniale, & postea mortale. Alio modo, vt id, quod est peccatum veniale ex genere, fiat mortale. Tertio modo, quod Multa peccata venialia constituat vnum peccatum mortale. Sed hoc dupliciter potest intelligi. Vno modo, vt multa venialia faciant vnum mortale integraliter, ita ut multa venialia sint partes integrales vnius peccati mortalis. Alio modo, ut multa venialia constituent vnum mortale dispositiue, id est, ut disponant ad mortale.

1. Conclusio. Idem actus numero, qui prius fuit veniale peccatum, non potest fieri mortale.

Manifestatur. quia Cum omnis actus peccati, sicut etiam actus omnis moralis, sit actus voluntatis.

tatis. Voluntas habens actum peccati venialis, aut mutatur, aut non mutatur. Si mutatur, ergo non est idem, sed alius actus, etiam si sit continuus secundum naturam. Si non mutatur, ergo non potest ille idem actus fieri de veniali mortale. Et sic impossibile est, ut idem actus voluntatis numero, sit veniale, & mortale peccatum: sicut quando quis delectatur in verbis otiosis, non ordinando hanc delectationem ad alium malum finem, est peccatum veniale, si vero postea voluntas mutetur, & ordinet verba otiosa ad fornicandum, est quidem peccatum mortale, sed est alius actus moralis.

2. Conclusio. Peccatum, quod est veniale ex genere, potest fieri mortale.

Probat. Nam in tali actu potest quis constituere finem ultimum, vel etiam ipsum ordinare ad mortale peccatum, ut ad finem, ut dictum est art. 2. huius quæst. de verbo otioso, quod quis potest sibi ut finem statuere, vel ordinare ipsum ad fornicandum.

3. Conclusio. Multa peccata venialia non possunt constituere peccatum mortale integraliter, quasi venialia sint partes integrales mortalis peccati.

Probat. quia Omnia peccata venialia totius mundi non possunt habere tantum de reatu, quantum vnum peccatum mortale.

Et hoc patet tripliciter. Primo, ex parte durationis: quia peccatum mortale habet reatum penę æternę, peccatum vero veniale reatum penę temporalis, ut dictum est artic. 2. huius. Secundo, ex parte penę damni, quia peccatum mortale meretur carentiam visionis diuinę, cui nulla alia penę comparari potest, ut Chrys. dicit homil. 47. ad populum Antiochenum, non autem peccatum veniale. Tertio, ex parte penę sensus, quantum ad vermem conscientię, licet forte, quantum ad penam ignis non sint improporcionabiles penę, eo quod vtraque sit intensius finita.

4. Conclusio. Multa peccata venialia faciunt vnum peccatum mortale dispositiue.

Probat. Nam art. præced. ostensum est, quod dupliciter peccata venialia disponunt ad mortale. Directe quidem per quandam consequentiam disponunt ad mortale ex parte peccantis, indirecte vero ad peccatum mortale ex genere, ut ibidem probatum est.

Ad Argumenta.

Ad 1. Negatur minor. Ad probationem dicitur, quod Aug. loquitur in illo sensu, quod Multa peccata venialia dispositiue causant vnum mortale.

Ad 2. Dicitur ad antecedens, quod ille idem motus sensualitatis, qui præcessit consensum rationis, nunquam fit peccatum mortale, sed ipse actus rationis consentientis est peccatum mortale.

Ad 3. Dicitur ad minorem, quod quantum ad hoc, quod est fieri de veniali mortale, non assimilantur mortale, & veniale morbo corporali. Nam morbus corporalis non est actus, sed dispositio quædam permanens, unde eadem manens potest mutari. Peccatum autem veniale est actus transiens, qui resumi non potest, & ideo non potest fieri de veniali mortale peccatum.

Ad 4. Dicitur, quod duplex est dispositio, quædam est eiusdem generis cum eo, ad quod disponitur, quædam vero est alterius generis. Tunc ad maiorem dicitur, quod dispositio, quæ est eiusdem generis cum eo, ad quod disponitur, potest fieri habitus, secus est autem de dispositione, quæ est alterius generis ab eo, ad quod disponitur. Et ad minorem dicitur, quod peccatum veniale est dispositio alterius generis, vtpotè quæ dispositio solum indirecte, ut dictum est, & ideo non potest fieri mortale.

ARTICVLVS V.

Vtrum Circumstantia possit facere de veniali mortale.

Pro Affirmatiua.

Videtur, quod Circumstantia possit de veniali peccato facere mortale.

1. Ira, & ebrietas ex suo genere non sunt peccata mortalia, sed venialia, & tamen ex diuturnitate, & frequentia, quæ sunt quædam circumstantiæ, fiunt mortalia. Ergo Circumstantia potest de veniali facere mortale.

Prior pars antecedentis præbatur. quia Si ira, & ebrietas ex suo genere non essent venialia, sed mortalia, sequeretur, quod semper essent mortalia, quod est falsum.

Alter pars eiusdem antecedentis prob. quia August. in sermone de purgatorio serm. 41. dicit, quod si diu teneatur iracundia, & ebrietas si assidue sit, transeunt in numerum peccatorum mortalium.

2. Morositas facit delectationem de veniali mortale. Sed Morositas est quædam Circumstantia. Ergo Circumstantia potest facere peccatum de veniali mortale.

Maiores probatur. quia Magister dicit in 24. dist. 2. lib. sententiarum, quod delectatio, sit sit morosa, est peccatum mortale.

3. Cir-

3. Circumstantia potest facere actum de bono malum. Ergo Multo magis potest facere actum de veniale mortale.

Antecedens probatur. quia Actus dandi elemosynā, qui est ex se bonus, si fiat propter inanē gloriam efficitur malus.

Conseq. prob. quia Plus differunt malum, & bonum, quam veniale, & mortale, quorum utrūque in genere mali continetur.

Pro Negativa.

Peccatum mortale in infinitum quodammodo excedit quantitatem peccati venialis, ut ex dictis artic. preced. patet. Ergo Circumstantia non potest facere ex veniali mortale.

Conseq. prob. quia Cum circumstantia sit accidens, non potest excedere quantitatem sui obiecti. Vnde si actus sit peccatum veniale ex suo genere, non poterit ex circumstantia ad genus peccati mortalis transferri.

Determinatio.

Distinctio. Circumstantiam contingit accipi dupliciter, ut dictum est, quæst. 7. art. 1. Vno modo ut circumstantia. Alio modo, ut differentia specifica moralis actus. Tunc accipitur ut circumstantia, quando non addit actui deformitatem alterius generis, & tunc est accidens ipsius moralis actus, siue boni, siue mali. Tunc vero accipitur ut differentia, quando addit deformitatem alterius generis, sicut si quis accedat ad non suam, est peccatum mortale, quod est fornicatio, si quis vero accedat ad non suam, quæ sit alterius vxor, variatur ex hoc species peccati, est enim adulterium, quia huiusmodi Circumstantia induit rationem differentiam, eo quod addat actui, accedendi ad non suam, deformitatem alterius generis.

1. Conclusio. Circumstantia, ut circumstantia, non potest facere actum ex peccato veniali mortale.

Probatur. Actus habens deformitatem tantum per hoc, quod est deordinatus circa ea, quæ sunt ad finem, non potest per aliquam circumstantiam, ut circumstantia est, habere deformitatem per deordinationem circa ipsum finem. Sed Peccatum veniale habet deformitatem per deordinationem tantum circa ea, quæ sunt ad finem, ut dictum est. Ergo Peccatum veniale, per circumstantiam ut sic, non potest fieri mortale.

Maiores prob. quia Accidens, ut accidens, non potest variare speciem sui subiecti.

2. Conclusio. Circumstantia addens actui deformitatem alterius generis, potest facere ex veniali mortale.

Manifestatur. quia Tunc circumstantia inducit rationem differentiam, per quam variatur species.

Ad Argumenta.

Ad 1. Dicitur ad vnamque partem antecedentis, & ad priorem, quod ira potest esse peccatum mortale, & veniale. Cum enim ira sit motus animi ad nocendum proximo, si sit talis nocumentum, in quod tendit motus iræ, quod ex genere suo sit mortale peccatum, sicut homicidium, vel furtum, talis ira ex genere suo est peccatum mortale, & si sit veniale, hoc habet ex imperfectione actus, in quantum est motus subitus sensualitatis. Si verò sit diuturna, tendit ad naturam sui generis per consensum rationis. Si verò nocumentum, in quod tendit motus iræ, sit veniale ex suo genere, puta cum aliquis in hoc irascitur contra aliquem, quod vult ei dicere aliquod verbum leue, & iocosum, quod modicum ipsum contristet, non erit ira peccatum mortale, quantumcumque sit diuturna, nisi forte per accidens, puta si ex hoc graue scandalum oriatur, vel propter aliquid huiusmodi.

De ebrietate vero dicendum est, quod secundum suam rationem habet, ut sit peccatum mortale, & hoc apparet, quia homo absque necessitate per ebrietatem reddit se impotentem ad utendum ratione, per quā homo in Deum ordinatur, & multa peccata occurrunt vitæ, ex sola voluptate vini. Hoc enim expresse contrariatur virtuti: sed quod ebrietas sit peccatum veniale, contingit aliquando propter ignorantiam, vel infirmitatem, ut cum homo nescit virtutē vini, aut propriam debilitatem, unde non putat se inebriari, tunc enim non imputatur ei ebrietas ad peccatum, sed solum superabundantia potus, sed quando frequenter inebriatur, non potest excusari, quin videatur eligere magis pati ebrietatem, quam abstinere à vino superfluo.

Ex quibus apparet falsa prior pars antecedentis. scilicet quod ira, & ebrietas sint ex suo genere peccata venialia. Nam ira ex suo genere est mortale, quando tendit in nocumentum ex suo genere mortale, & veniale, quando tendit in veniale nocumentum. Et similiter ebrietas ex suo genere est mortale, & non est veniale, nisi per accidens. scilicet ratione ignorantie, vel infirmitatis. Et ad probationem negatur consequentia. Nam ira est aliquando mortale, & aliquando veniale ratione dicta, & ebrietas semper est mortale per se, secundum suam rationem, & per accidens tantum veniale.

Altera pars antecedentis apparet etiam falsa. Nam diuturnitas non est circumstantia trahens ad aliam speciem.

Similiter, nec frequentia, vel assiduitas, nisi forte per accidens, ex aliquo superuenienti. Non enim

Vtrum Peccatum mortale possit fieri veniale.

Pro Affirmativa.

Videtur, quod Peccatum mortale possit fieri veniale.

1. Peccatum veniale sit mortale, vt dictum est supra art. 4. & 5. huius. Ergo Peccatum mortale potest fieri veniale.

Conseq. prob. quia Aequaliter distat peccatum veniale à mortali, & mortale à veniali.

2. Qui diligit creaturam infra Deum, peccat venialiter. Sed Quis committens aliquid, quod ex suo genere est mortale, potest diligere creaturam infra Deum. Ergo Quis committens id, quod ex suo genere est mortale peccatum, potest venialiter peccare, & sic ex mortali fiet veniale.

Major probatur. quia Peccatum veniale, & mortale ponuntur differre secundum hoc, quod peccans mortaliter diligit creaturam plusquam Deum, peccans autem venialiter diligit creaturam infra Deum.

Minor manifestatur. Si quis enim, nesciens fornicationem simplicem esse peccatum mortale, & contrariam Diuino amoris, fornicetur, ita tamen quod propter diuinum amorem paratus esset fornicationem prætermittere, si sciret fornicando, se contra diuinum amorem agere, peccaret solum venialiter.

3. Actus malus potest fieri bonus. Ergo Multo magis peccatum mortale potest fieri veniale.

Antec. prob. Nam homicidium, quod ex se est actus malus, potest fieri actus iustitiæ, vt patet in iudice, qui occidit Latronem.

Conseq. prob. quia Plus differt bonum à malo, quam veniale à mortali, vt art. præced. dictum est, arg. 3.

Pro Negatiua.

Aeternum non potest fieri temporale. Sed Peccatum mortale meretur penam æternam, veniale vero penam temporalem. Ergo Peccatum mortale non potest fieri veniale.

Determinatio.

1. Conclusio. Peccatum mortale non potest fieri veniale.

Probat. Id, quod est perfectum, non potest per aliquam additionem fieri imperfectum. Sed Peccatum mortale, & veniale differunt sicut perfectum, & imperfectum: peccatum enim mortale habet rationem perfecti, in genere peccati, & veniale habet rationem imperfecti, vt dictum est art. 1. ad 1.

Cccc

Ergo

Ergo Peccatum mortale, non potest fieri veniale.

Maiores probatur. Nam imperfectum potest per aliquam additionem ad perfectionem pervenire. Vnde peccatum veniale, quod habet rationem imperfecti, in genere peccati, per hoc, quod additur ei deformitas pertinet ad genus peccati mortalis, efficitur mortale, sicut cum aliquis dicit verbum otiosum, ut fornicetur. Quod vero est perfectum, non fit per additionem imperfectum, sed potius augetur eius perfectio. Et ideo peccatum mortale, non fit veniale, per hoc quod additur ei aliqua deformitas pertinet ad genus peccati venialis. Non enim diminuitur peccatum eius quod fornicatur, per hoc, quod dicit verbum otiosum, sed magis aggrauatur propter deformitatem adiunctam.

2. Conclusio. Id, quod est peccatum mortale ex genere, potest esse veniale peccatum propter imperfectum actus.

Manifestatur. quia Actus imperfectus non pertinet ad rationem actus moralis, cum non sit deliberatus, sed subitus, ut dictum est art. 2. huius quaest.

Hoc autem scilicet quod mortale ex genere, sit veniale, fit per quandam subtractionem, & non per additionem, fit enim per subtractionem deliberatæ rationis, à qua habet speciem moralis actus. Vnde per subtractionem deliberatæ rationis soluitur species actus, & fit ut actus, qui ex suo genere est mortale peccatum, non sit mortale, sed veniale.

Ad Argumenta.

Ad 1. Negatur consequentia. Ad probationem dicitur, quod non eodem modo distat veniale à mortali, sicut mortale à veniali. Veniale enim differt a mortali, sicut imperfectum a perfecto, ut puer a viro. Mortale autem differt à veniali, ut perfectum ab imperfecto, ut vir à puero. Vnde sicut ex puero potest fieri vir, non autem ex viro puer, sic ex veniali potest fieri mortale, non tamen ex mortali veniale.

Ad 2. Negatur minor. Non enim est possibile, ut quis, diligens creaturam infra Deum, committat aliquid, quod de se sit mortale peccatum. Ad probationem dicitur, quod ille, qui fornicatur ignorans fornicationem esse peccatum, aut talis ignorantia omnino eum excusat, ut patet in furiosis, & tunc non peccat mortaliter, nec venialiter. Si vero ignorantia non sit invincibilis, peccat mortaliter per hoc, quod negligit scire ea, per quæ potest in diuino amore conservari: huiusmodi igitur fornicatio, aut nullum erit peccatum, aut erit mortale.

Ad 3. Negatur antecedens. Sicut enim dicit Augustinus in libro contra mendacium c. 7. Ea, quæ sunt secundum se mala, nullo fine, bona fieri possunt. Ad probationem dicitur, quod homicidium est occisio innocentis, & hoc nullo modo bene fieri potest, sed iudex, qui occidit latronem, & miles, qui occidit hostem re publicæ, non appellantur homicidæ, ut Augustinus dicit lib. 1. de lib. arb. cap. 4. & 5.

QVÆSTIO LXXXIX.

DE PECCATO VENIALI secundum se.

ARTICVLVS I.

Vtrum Peccatum veniale causat maculam in anima.

Pro Affirmativa.

Videtur, quod Peccatum veniale causat maculam in anima.

1. Quod causat detrimentum decoris animæ, est causa maculæ in anima. Sed Peccatum veniale facit detrimentum decoris animæ. Ergo Peccatum veniale causat maculam in anima.

Maiores probatur. quia Nihil aliud est macula, quam detrimentum decoris.

Minor probatur. quia Augustinus dicit in lib. de peccatis. cap. 2. quod peccata venialia si multiplicentur, decorem nostrum ita exterminant, ut à cœlestis sponsi amplexibus nos separant.

2. Peccatum, in quo est deordinatio actus, & affectus, causat maculam in anima. Sed In peccato veniali est quædam deordinatio actus, & affectus. Ergo Peccatum veniale causat maculam in anima.

Maiores probatur. quia Ideo peccatum mortale causat maculam in anima, quia deordinat actum, & affectum peccantis.

3. Peccatum, in quo anima inordinatur amore contingit rem temporalem, causat maculam in anima. Sed In peccato veniali anima tangit inordinatum amore rem temporalem. Ergo Peccatum veniale causat maculam in anima.

Maiores probatur. quia Macula animæ causatur ex contactu rei temporalis, per inordinatum amorem, ut dictum est illi, quæst. 86. art. 1.

Pro Negativa.

Ad Ephe. 5. dicitur. ut exhiberet ipse sibi gloriosam ecclesiam non habentem maculam, neque rugam, id est aliquod peccatum criminale dicitur.

Glosa

Glosa interlinearis. Ergo Proprium peccati mortalitatis esse videtur, quod maculā in anima causet.

Determinatio.

Macula in anima quid importet.

Macula in anima importat detrimentum nitoris animæ, ex aliquo contactu, sicut macula corporis, a qua secundum similitudinem trāsfertur nomen maculæ ad animam importat detrimentum corporalis nitoris, ex aliquo corporali contactu, et diffusè dictum est supra, quærit. 86. art. 1.

Distinctio. In anima duplex est nitor. Vnus quidem habitualis, quasi intrinsecus. Alius autem actualis, quasi exterior fulgor.

Manifestatur ex nitore corporali. In corpore enim duplex potest inueniri nitor. Vnus quidem ex intrinseca dispositione membrorum, & coloris. Alius autē ex exteriori claritate superueniente. Sic & in anima est nitor habitualis, correspondens nitori intrinseco corporis: & nitor, qui est fulgor exterior, correspondens nitori superuenienti corporali.

Conclusio. Peccatum veniale, proprie loquendo, non causat maculam in anima.

Prob. Quod causat maculam in anima, tollit nitorem, non solum actualem, sed etiam habitualem. Sed Peccatum veniale non tollit nitorem habitualem, sed impedit solum actualem. Ergo Peccatū veniale nō causat maculam in aia.

Maior probatur, quia Macula importat aliquid manēs in re maculata. Vnde magis videtur pertinere ad detrimentum habitualis nitoris, quam actualis tantum, & ideo quod non tollit nitorem habitualem, non causat maculam in anima.

Minor probatur, quia Peccatum veniale non excludit, neque diminuit habitum charitatis, & aliarum virtutum, ut patet 2. 2. quæst. 24. ar. 10. sed solum impedit eorum actum.

Si alicubi dicatur peccatum veniale maculam inducere, hoc est secundum quid, in quantum impedit nitorem, qui est ex actibus virtutum.

Ad Argumenta.

Ad 1. Negatur minor. Ad probationem dicitur, quod August. loquitur in eo casu, in quo multa peccata venialia dispositiue inducunt ad mortale. Aliter enim non separarent ab amplexu celestis sponsi.

Ad 2. Dicitur ad maiorem, quod non omnis deordinatio actus, & affectus corruptit habitum virtutis, ut per hoc causet maculam, sed tantum deordinatio ab ultimo fine, quæ est per peccatum mortale.

Ad 3. Dicitur, quod adherere animam rei temporali contingit dupliciter. Vno modo, tanquam ultimo fini. Alio modo, non tanquam ultimo fini. Tunc ad maiorem dicitur, quod peccatum, quo anima adheret bono creato, tanquam ultimo fini, causat maculam in anima, & hoc est verum, quia per hoc tollitur, & impeditur totaliter influxus splendoris gratiæ, qui prouenit in eos, qui Deo adherent, ut ultimo fini per charitatem: sed sic rei temporali adheret anima per peccatum mortale. Si vero maior intelligatur de adhaerentia, non ut ultimo fini, falsa est, & ad minorem dicitur, quod per veniale peccatum anima adheret quidem bono creato, saluo tamen ordine ad Deum tanquam ad ultimum finem, ut dictum est pluries.

ARTICVLVS II.

Vtrum Conuenienter peccata venialia per lignum, fenum, & stipulam designentur.

Pro Negativa.

Videtur, quod Inconuenienter peccata venialia, per lignum, fenum, & stipulam designantur. 1. Quæ sunt præter spirituale ædificium, non possunt conuenienter significari, per lignum, fenum, & stipulam. Sed Peccata venialia sunt præter spirituale ædificium. Ergo Peccata venialia non possunt conuenienter significari per lignum, fenum, & stipulam.

Maior prob. quia Lignum, fenum, & stipula dicuntur superædificari spirituali fundamento. Illa ergo, quæ sunt præter spirituale fundamentum, non conuenienter possunt dici lignum, fenum, & stipulam.

Minor prob. quia Sicut quælibet falsæ opiniones sunt præter scientiam, ita peccata venialia sunt præter spirituale ædificium.

2. Ille, qui ædificat lignum, fenum, & stipulam, sic saluus erit quasi per ignem. Sed Quandoque ille, qui committit peccata venialia, non erit saluus, etiam per ignem, puta cum peccata venialia inueniuntur in eo, qui decedit cū peccato mortali. Ergo Inconuenienter per lignum, fenum, & stipulam peccata venialia designantur.

3. Secundū Apostolum alij sunt, qui ædificant aurum, argentū lapides prætiosos, idest amorem Dei, & proximi, & bona opera, & alij, qui ædificant lignum, fenum, & stipulam. Sed Peccata venialia committit etiam illi, qui diligunt Deum, & proximum, & bona opera faciunt, secundum illud 1. Io. 2. Si dixerimus, quia peccatum nō habemus, nos ipsos seducimus. Ergo Inconuenienter designantur peccata venialia per ista tria.

Cccc 2 4. Multo

4. Multo plures differentia, & gradus sunt peccatorum venialium, quam tres. Ergo inconuenienter sub his tribus comprehenduntur.

Pro Affirmatiua.

Apost. 1. ad Cor. 3. dicit de eo, qui superædificat lignum, fenum, & stipulam, quod saluus erit quasi per ignem, & sic patietur poenam, sed non æternam. Reatus autem poenæ temporalis pertinet ad peccatum veniale, ut dictum est. Ergo Per illa tria significantur peccata venialia.

Determinatio.

Quorundam opinio.

Quidam intellexerunt fundamentum, de quo Apostolus loquitur, super quod aliqui diuerſa ædificant, esse fidem informem, super quam aliqui ædificant bona opera, quæ figurantur per aurum, argentum, & lapides præciosos. Quidam vero superædificant peccata, etiam mortalia, quæ figurantur, secundum eos, per lignum, fenum, & stipulam.

Reprobatio.

Sed hanc expositionem improbat Augustinus in lib. de fide, & operibus, cap. 14. quia ut Apost. dicit ad Galat. 5. Qui opera carnis facit, regnum Dei non consequetur, quod est saluum fieri. Apostolus autem dicit, quod qui superædificat lignum, fenum, & stipulam, saluus erit quasi per ignem. Vnde non potest intelligi, quod per lignum, fenum, & stipulam peccata mortalia designentur.

Quorundam aliorum opinio.

Alij dicunt, quod per lignum, fenum, & stipulam significantur bona opera, quæ superædificantur quidem spiritali ædificio, sed tamen commiscet se eis peccata venialia, sicut cum aliquis habet curam rei familiaris, quod bonum est, commiscet se superfluis amor, vel vxoris, vel filiorum, vel possessionum, sub Deo tamē, ita scilicet, quod pro his homo nihil vellet facere contra Deum.

Reprobatio.

Sed hoc iterum non videtur conuenienter dici. Manifestum est enim, quod omnia opera bona referuntur ad charitatem Dei, & proximi. Vnde bona opera pertinent ad aurum, argentum, & lapides præciosos. Ergo Non pertinent ad lignum, fenum, & stipulam.

Vera Sententia.

Conclusio. Ipsa peccata venialia, quæ admiscet se procurantibus terrena, significantur per lignum, fenum, & stipulam.

Manifestatur. Sicut enim lignum, fenum, & stipula congregantur in domo, & non pertinent ad substantiam ædificij, & possunt comburi ædificio permanente ibi etiam peccata venialia multiplicantur in homine, manente spiritali ædificio, & pro istis patitur ignem, vel temporalis tribulationis in hac vita, vel purgatorij post hanc vitam, & tamen salutem consequuntur æternam.

Ad Argumenta.

Ad 1. Negatur maior. Ad probationem dicitur, quod peccata venialia non dicuntur superædificari spiritali fundamento, quasi directe supra ipsum posita, sed quia ponuntur iuxta ipsum: sicut accipitur ibi super flumina Babylonis, id est iuxta, quia peccata venialia, non destruunt spirituale ædificium ut dictum est.

Ad 2. Dicitur ad maiorem, quod non dicitur de quocunque ædificante lignum, fenum, & stipulam, quod saluus sit quasi per ignem, sed solum de eo, qui ædificat supra fundamentum, quod quidem non est fides informis, ut quidam aestimabant, sed fides formata charitate, secundum illud ad Ephes. 3. In charitate radicari, & fundari. Ad minorem igitur dicitur, quod ille, qui deedit cum peccato mortali, & venialibus, habet quidem lignum, fenum, & stipulam, sed non sunt super ædificata supra fundamentum spirituale, & ideo non erit saluus sic, quasi per ignem.

Ad 3. Dicitur ad minorem, quod illi, qui sunt abstracti a cura temporalium rerum, etsi aliquando venialiter peccent, tamen leuia peccata venialia committunt, & frequentissime per seruorem charitatis purgantur, unde tales non superædificant venialia, quia in eis modicum manent: sed peccata venialia ipsorum, qui circa terrena occurrant diutius manent, quia non ita frequenter recurrere possunt ad huiusmodi peccata venialia delenda per charitatis seruorem.

Ad 4. Dicitur ad antecedens, quod etsi multo plures sint particulares differentia venialium peccatorum, tamen omnes reducuntur ad istas tres. Nam sicut dicit Phil. 1. Coeli rex. 2. Omnia tribus includuntur, scilicet principio, medio, & fine, & secundum hoc, omnes gradus venialium peccatorum, ad tria reducuntur, scilicet lignum, quod diutius manet in igne: ad stipulam,

quæ

quæ citissime expeditur: ad scutum, quod medio modo se habet, secundum quod peccata venialia sunt maioris, vel minoris adhaerentiae, vel gratuitatis, citius, vel tardius per ignem purgatur.

A R T I C V L V S III.

Vtrum Homo in statu innocentiae potuerit peccare venialiter.

Pro Affirmatiua.

Videtur, quod Homo in statu innocentiae potuerit peccare venialiter.

1. Adam existimauit suum peccatum, quod commisit, esse veniale. Ergo Adam in statu innocentiae venialiter peccare potuisset.

Anteq. prob. quia August. 14. de Chr. Dei cap. 11. exponens illa verba Apoc. 1. Tim. 2. Adam non est seductus, dicit, quod Adam in expertus diuinae teneritatis, in eo falli potuit, vt crederet veniale esse commissum.

Consequ. prob. quia Adam hoc non credidisset, nisi venialiter peccare potuisset.

2. In anima primi hominis, antequam deiceretur, praecessit quædam elatio comprimenda, & quædam experiendi cupiditas, & in muliere quædam infidelitatis motus. Sed Hæc non potuerunt esse nisi peccata venialia.

Ergo Homo in statu innocentiae venialiter peccauit.

Maiores prob. quo ad omnes partes. Et quo ad primam, quia August. dicit. 1. super Gen. ad lit. cap. 5. Non est arbitrandum, quod esset hominem deiectionis tentator, nisi praecessisset in anima hominis, quædam elatio comprimenda.

Altera pars probatur. quia Aug. in eodem dicit, quod Virum sollicitauit, quædam experiendi cupiditas, cum mulierem vidisset, sumptis vetito pomo, non esse mortuam.

Tertia pars probatur. Nam ex verbis, quæ ipsa mulier dixit serpenti, scilicet Ne forte moriamur, apparet, quod quendam infidelitatis motum habuit, dubitans de verbis Domini.

Minor prob. quia Homo deiectionis fuit per peccatum mortale, Vnde peccata, quæ præcesserunt deiectionem, non poterunt esse nisi venialia, alioquin non præcessissent hominis deiectionem.

3. Homo potuit peccare mortaliter; non obstante integritate primi status.

Ergo Etiam potuit peccare venialiter.

Consequentia probatur. quia Integritati primi status magis opponitur peccatum mortale, quam veniale.

Pro Negatiua.

Nihil pœnale potuit esse in statu innocentiae, vt Aug. dicit 14. de Ciuit. Dei, cap. 10. Sed Cuilibet peccato debetur aliqua pœna.

Ergo Homo non potuit peccare aliquo peccato, quo non eieceretur ab illo integritatis statu.

Sed Peccatum veniale non mutat statum hominis. Ergo Homo in statu innocentiae non potuit peccare venialiter.

Determinatio.

Conclusio. Communiter ponitur, quod homo in statu innocentiae non potuit peccare venialiter, antequam peccaret mortaliter.

Hæc conclusio potest habere duplicem sensum. Vnus est, quod homo in statu innocentiae non potuit peccare venialiter, quia peccatum quodcumque ab eo commissum fuisset mortale ratione dignitatis suæ personæ. Vnde secundum hunc sensum, primus homo poterat quidem committere peccatum, quod de se esset veniale, puta poterat dicere verbum otiosum, sed huiusmodi veniale peccatum ratione dignitatis suæ personæ fuisset mortale. Vnde primus sensus conclusionis est, quod homo in statu innocentiae poterat quidem committere peccatum, quod secundum se esset veniale, tamen nunquam poterat venialiter peccare, quia omne peccatum siue mortale, siue veniale, fuisset sibi mortale.

Reprobati primi sensus.

Sed quod conclusio in hoc sensu intelligi non possit, ostenditur. Nam circumstantia personæ non mutat speciem peccati, nec potest ipsum ex veniali facere mortale, nisi forte superueniente deformitate inobedientiae, vel voti, vel aliquid huiusmodi. Vnde fornicatio commissæ, siue a magna, siue a vili persona, dum non addit aliquid aliud, est semper eiusdem speciei & similiter verbum otiosum, à quocumque dicatur, siue magno, siue paruo, est veniale. Si igitur primus homo potuisset committere peccatum veniale, venialiter, & non mortaliter peccasset.

Alter igitur sensus conclusionis est, quod homo in statu innocentiae non potuit committere aliquod veniale peccatum, nec venialiter peccare, id est non poterat dicere otiosum verbum, nec habere primos peccatorum motus, & huiusmodi, manente integritate primi status.

Prob. Conclusio. In statu, in quo erat infallibilis ordinis firmitas, vt sæpe inferius in hoc contineretur sub superiori, quædiu summum hois contineretur sub Deo, non poterat homo venialiter peccare, manente integritate talis status. Sed in statu

iano.

innocentia erat infallibilis ordinis firmitas, vt semper inferius in homine contineretur sub superiori. scilicet sensualitas sub ratione, quando summum hominis. scilicet ratio, contineretur sub Deo, vt dictum est p. p. quaest. 95. art. 1. & etiam August. dicit lib. 14. de Ciui. Dei cap. 10. Ergo In statu innocentiae homo non potuit peccare venialiter.

Maiores ostenditur. In nobis enim contingit veniale peccatum propter duo, vel propter imperfectiorem actus, sicut subit motus, in genere peccatorum mortalium, ex eo quod sunt imperfecti, sunt peccata venialia, vel propter inordinationem existentem circa ea, quae sunt ad finem, & haec sunt, quae ex genere sunt venialia, vt dictum est. Vtrumque autem horum contingit propter quendam defectum ordinis, ex eo, quod inferius non continetur firmiter sub superiori. Quod enim in nobis insurgat subitus motus sensualitatis, contingit ex hoc, quod sensualitas non est omnino subdita rationi. Quod vero insurgat subitus motus in ipsa ratione, prouenit in nobis ex hoc, quod ipsa executio actus rationis non subditur deliberationi, quae est ex altiori bono, vt dictum est q. 74. art. 10. Quod vero humanus animus inordinetur circa ea, quae sunt ad finem, seruatur debito ordine ad finem, prouenit ex hoc, quod ea, quae sunt ad finem, non ordinantur infallibiliter sub fine, qui tenet summum locum, quasi principium in appetibilibus. Omne igitur peccatum veniale, siue sit subitus motus sensualitatis, siue sit subitus motus rationis, siue sit inordinatus appetitus boni creati, saluo tamen ordine ad vltimum finem, scilicet ad Deum ipsum, prouenit ex hoc, quod non est firmus ordo, vel sensualitatis ad rationem, vel rationis ad Deum. Vbi ergo erat firmitas huius ordinis, non poterat homo venialiter peccare, manente integritate talis status, & ideo non poterat in homine esse inordinatio aliqua peccati, nisi inciperet ab hoc, quod summum hominis non subderetur Deo, quod fit per mortale peccatum.

Ad Argumenta.

Ad 1. Dicitur ad antecedens, & ad eius probationem, quod veniale non sumitur ibi, pro vt vnde de veniali loquimur, id est ex genere, sed de veniali, pro vt dicitur facile remissibile: exiitimaui. n. Adam, suum peccatum esse veniale, id est facile remissibile.

Ad 2. Negatur minor. scilicet quod illa elatio, & experiendi cupiditas, quae praecessit deiectionem in homine, & motus inidelitatis in muliere, fuerint peccata venialia, fuerunt enim omnia illa peccata mortalia. Ad cuius improbationem dicitur, quod illa dicuntur praecipue deiectionem eius in

exteriorem actus peccati. Ordo igitur peccatorum primorum parum est, vt primo in vtroque praecesserit elatio, & hoc fuit primum vtriusque peccatum mortale: hanc elationem subsecuta est experiendi cupiditas in viro, & dubitatio in muliere, quae ex hoc solo in quandam aliam elationem prorupit, quod praecipi mentionem a serpente audiuit, quasi noller sub praecipto contineri: & tandem secuta est deiectione per actum: exteriorem commissionis vestiti ligni.

Ad 3. Negatur consequens. Ad probationem dicitur, quod peccatum mortale in tantum opponitur integritati primi status, quod ipsum corrumpit. Peccatum autem veniale non potest corrumpere innocentiam primam statum, & cum quaecunque inordinatio non possit esse in primo statu, sequitur, quod impossibile sit, in statu innocentiae peccare venialiter, manente integritate ipsius status.

ARTICVLVS. IV.

Vtrum Angelus bonus, vel malus possit peccare venialiter.

Pro Affirmatiua.

Videtur, quod Angelus bonus, vel malus possit peccare venialiter.

1. Homo secundum superiorem partem animae potest peccare venialiter. Ergo Etiam Angelus potest peccare venialiter.

Consequens prob. quia Homo in superiori parte animae conuenit cum Angelis, iuxta illud Greg. in Homil. ascensionis, Homo intelligit cum Angelis.

2. Qui potest diligere bonum creatum inordinate infra Deum, potest peccare venialiter. Sed Angelus potest diligere bonum creatum inordinate, tamen infra Deum. Ergo Angelus potest peccare venialiter.

Maiores prob. quia Hoc est peccare venialiter, vt ex dictis patet.

Minor prob. Quicumque potest, quod est plus, potest etiam, quod est minus. Sed Angelus potest diligere bonum creatum plusquam Deum, quod & fecit, peccando mortaliter. Ergo Etiam potuit diligere bonum creatum infra Deum.

3. Angeli male videntur facere aliqua, quae ex suo genere sunt venialia peccata, prouocando homines ad risum, & ad alias humilissimas leuitates. Ergo Angelus potest peccare venialiter.

Consequens prob. quia Cum haec sint ex se venialia, & circumstantia personae peccantis non mutet actum de veniali in mortale, vt dictum est q. 88.

art. 5.

art. 5. nisi speciali prohibitionē superueniente, quod in proposito non habet locum, sequitur, quod Angelus malus prouocando ad risum, & ad alia huiusmodi venialiter peccet.

Pro Negatiua.

Homo in primo statu non potuit peccare venialiter. Ergo Multo minus Angelus.

Conseq. prob. quia Maior est perfectio Angelī, quam perfectio hominis in primo statu.

Determinatio.

Concl. Angelus, siue bonus, siue malus, non potest peccare venialiter.

Quae conclusio probatur triplici ratione, quarum prima probat de Angelis in communi, quod non possint peccare venialiter, & est talis.

Illi, quorum mentes non feruntur ad ea, quae sunt ad finem, nisi secundum, quod stant sub ordine finis, non possunt peccare venialiter. Sed Angelorum mentes non feruntur in ea, quae sunt ad finem, nisi pro ut stant sub ordine finis. Ergo Angelus non possunt peccare venialiter.

Maior prob. quia Peccatum veniale committitur per hoc, quod quis deordinate fertur in ea, quae sunt ad finem, vt dictum est. Vnde qui non fertur in ea, quae sunt ad finem, nisi secundum quod stant sub ordine finis, semper ordinate feruntur in ea, quae sunt ad finem: vnde nec venialiter peccant.

Minor prob. Sicut se habet Angelicus intellectus ad principia, & conclusiones in speculabilibus, ita se habet eius appetitus ad finem, & ad ea, quae sunt ad finem in appetibilibus. Sed Intellectus Angelicus non considerat conclusiones, nisi pro ut sunt in principiis, propter quod in eius intellectione non potest esse falsitas. Ergo Nec eius appetitus fertur in ea, quae sunt ad finem, nisi secundum quod stant sub ordine finis.

Maior huius prob. quia In appetibilibus, sicut multoties dictum est, fines sunt sicut principia in speculabilibus, & quae sunt ad finem, sunt sicut conclusiones.

Minor huius probatur. quia vt dictum est p. p. quæst. 58. art. 3. Intellectus Angeli non est discursiuus, vt scilicet procedat à principiis ad conclusiones, sicut vtumque intelligendo, sicut in nobis contingit. Vnde oportet, quod quandoque considerat conclusiones, consideret eas, pro ut sunt in principiis.

Ex quibus patet, quod in Angelis non potest esse deordinatio circa ea, quae sunt ad finem, nisi sit deordinatio circa finem, quae est per peccatum mortale; vnde vel nullo modo, vel mortaliter peccant.

Secunda ratio ostendit specialiter de Angelis bonis, quod non possint venialiter peccare, & est talis. Qui non mouentur ad ea, quae sunt ad finem, nisi in ordine ad debitum finem, qui est Deus, non possunt venialiter peccare. Sed Angeli boni non mouentur ad ea, quae sunt ad finem, nisi in ordine ad debitum finem, qui est Deus. Ergo Angeli boni non possunt peccare venialiter.

Minor prob. quia Omnes actus bonorum Angelorum, sunt actus charitatis.

Tertia ratio probat idem de Angelis malis, quae est huiusmodi. Qui non mouentur nisi in ordine ad finem peccati mortalis, semper mortaliter peccant. Sed Angeli mali in his, quae propria voluntate agunt, semper mouentur ad finem mortalis peccati, scilicet superbie. Ergo Angeli mali nunquam venialiter, sed semper mortaliter peccant.

Maior ex dictis patet, quia appetens aliquid in ordine ad mortale, mortaliter peccat.

Minor probatur, ex differentia, quae est inter appetitum naturalem malorum Angelorum, & appetitum liberum. Appetitu enim naturali fertur & ipsi in bonum, vt p. p. dictum est, scilicet quæst. 64. art. 2. ad 5. & 93. art. 1. ad 3. In omnibus vero quae agunt propria voluntate, quae est ab ultimo fine deordinata, mortaliter peccant semper.

Ad Argumenta.

Ad 1. Negatur conseq. Ad probationem dicitur, quod homo conuenit quidem cum Angelis in mente, siue in intellectu, sed differt in modo intelligendi, vt dictum est p. p. q. 59. art. 1. ad 3. & in corpore huius articuli.

Ad 2. Negatur minor. Non enim Angelus potuit diligere creaturam inordinate, saluo ordine ad Deum, ratione dicta. s. quia Angelus simul fertur in finem, & in his, quae sunt ad finem, vnde non potest ferri deordinate in his, quae sunt ad finem, nisi prius deordinate feratur in finem. Ad probationem dicitur, quod qui potest minus, potest id, quod est plus, ceteris paribus, quod in proposito non est, nam Angelus potuit plus diligere bonum creatum, quam increatum per libertatem suae voluntatis, sed stante ordine recto ad vltimum finem, cum eodem actu feratur in his, quae sunt ad finem impossibile est, quod hoc eodem actu feratur ordinate in finem, & deordinate ad ea, quae sunt ad finem.

Ad 3. Dicitur ad antecedens, quod omnia ea, quae procurantur a demone, quae ex suo genere videntur esse venialia, sunt mortalia, non propter circumstantiam personae, sed quia omnia illa sunt procurata, vt homines ad sui familiaritatem attrahant,

hant, & sic eos deducant ad peccatum mortale: unde in omnibus mortaliter peccant, propter eorum pravam intentionem finis.

ARTICVLVS V.

Vtrum Primi motus sensualitatis in infidelibus sint peccata mortalia.

Pro Affirmatiua.

Videtur, quod Primi motus sensualitatis in infidelibus sint peccata mortalia.

1. Primi motus sensualitatis in his, qui nō sūt in Christo, sunt peccata mortalia. Sed Infideles non sunt in Christo. Ergo Primi motus sensualitatis in infidelibus sunt peccata mortalia.

Maior prob. quia Apost. Rom. 8. dicit, quod nihil est damnationis his, qui sunt in Christo Iesu, qui non secundum carnem ambulant: & loquitur ibi de concupiscentia sensualitatis, vt ex ibi præmissis apparet. Hæc ergo causa est, quod his, qui non secundum carnem ambulant, id est fidelibus, primi motus non sint peccata mortalia, quia sunt in Christo. Igitur in his, qui non sunt in Christo, huiusmodi primi motus erunt peccata mortalia.

2. Peccatum, cui debetur damnatio, est mortale. Sed Primis infidelium motibus debetur damnatio. Ergo Primi infidelium motus sunt peccata mortalia.

Maior prob. quia Damnatio solum mortali peccato debetur.

Minor prob. quia Anselmus dicit in libro de gratia, & libero arb. quod qui nō sunt in Christo, sunt infideles, sentientes carnem. i. primum motum carnis, sequuntur damnationem, etiam si nō secundum carnem ambulent.

3. Qui peccat contra debitum, cum quo factus est homo, mortaliter peccat. Sed Infideles peccāt in primis motibus contra debitum, cum quo factus est homo. Ergo Infideles in primis motibus mortaliter peccant.

Minor prob. quia Anselmus in eodem lib. dicit, quod sic factus est homo, vt concupiscentiam sentire non deberet. Hoc autem debitum. s. non sentiendi carnem, videtur fidelibus per baptismum, & gratiam remissum, quod infideles nō habent. Ergo Infideles in primis peccatorum motibus, etiam si non consentiant, mortaliter peccare videntur.

Pro Negatiua.

Quod vni non imputatur ad damnationē, nec alteri ad damnationem imputari debet. Sed Primi infidelium motus, absque consensu, non imputantur ipsi fideli ad damnationem. Ergo Nec mo-

tus primi infidelium debent eis imputari a Deo ad damnationem.

Maior patet. quia Non est personarum acceptor Deus, vt dicitur Act. 10.

Determinatio.

Concl. Irrationabiliter dicitur, quod primi motus infidelium sint peccata mortalia, si eis non consentiatur.

Prob. dupliciter. Primo. Sensualitas nō potest esse subiectum peccati mortalis, vt dictū est q. 74. art. 4. Sed In infidelibus est eadem natura sensualitatis, cum ea, quæ est in fidelibus. Ergo Motus solus primus sensualitatis in infidelibus non potest esse peccatum mortale.

Secundo prob. Peccatum, quod in fideli est veniale, non potest in infideli esse mortale. Sed Primi sensualitatis motus, absque consensu, in fideli sunt tantum peccatum veniale. Ergo Impossibile est, quod huiusmodi sensualitatis motus, absque consensu, in infideli sit peccatum mortale.

Maior prob. quia Status maior personæ peccatis, non solum non minuit peccatum, sed potius ipsum auget, & aggrauat: & quia fideles in statu altiori sunt, quam infideles, eorum peccata, cæteris paribus, grauiora sunt, quam peccata infidelium, & propter hoc peccata infidelium magis merentur veniam, propter ignorantiam, secundum illud. 1. Timoth. 1. Misericordiam Dei consecutus sum, quia ignorans feci in incredulitate mea. Et peccata fidelium aggrauantur propter gratia sacramenta, secundum illud eiusdem Apostoli Hebr. 10. Quanto magis putatis deteriora mereri supplicia, qui sanguinem testamenti, in quo sanctificatus est, polluium duxerit? Ex quibus manifeste patet, quod peccata venialia, in fideli, non possunt, vt sic, esse mortalia in infideli.

Ad Argumenta.

Ad 1. Negatur maior. Ad probationem dicitur, quod Apost. loquitur de damnatione debita peccato originali, quæ a fidelibus auferretur per gratiam Iesu Christi. Sensus ergo sententiæ Apostoli est, quod fideles, etiam si sensualitatis motus patiantur, non per hoc est signum damnationis eorum, quia sunt venialia tantum peccata. In infidelibus autem, qui per gratiam Christi non sunt ab originali peccato mutati, huiusmodi sensualitatis motus sunt signum damnationis debite illis, ex peccato originali.

Ad 2. Dicitur ad minorem, & ad eius probationem, quod dictum Anselmi eodem modo intelligitur, s. quod motus sensualitatis in infidelibus sunt signa damnationis eorum, quæ eis debetur.

beat^{ur} propter originale peccatum, non autem propter peccatum actuale veniale, quod est ex primis sensualitatis moribus.

Ad 3. Negatur minor. Ad probationem dicitur, quod illud debitum non concupiscendi, erat per iustitiam originale, cum qua factus est homo: unde id, quod opponitur tali debito, non pertinet ad peccatum actuale, sed ad peccatum originale.

ARTICVLVS VI.

Vtrum Peccatum veniale possit esse in aliquo cum solo originali.

Pro Affirmatiua.

Videretur, quod Peccatum veniale, possit esse in aliquo, cum solo originali.

1. In infidelibus antequam peccent mortaliter, inuenitur peccatum veniale. Ergo Peccatum veniale potest esse in aliquo cum solo originali.

Antec. prob. quia Dispositio præcedit habitum in subiecto. Sed Peccatum veniale est dispositio ad mortale. Ergo Antequam aliquis peccet mortaliter, præcedit peccatum veniale. Igitur antequam infidelis peccet mortaliter, necessario in ipso erit peccatum veniale.

Conseq. prob. quia Infidelibus non remittitur peccatum originale. Unde in eis inuenitur cum originali, quandoque peccatum veniale, scilicet antequam peccent mortaliter.

2. Infidelis subiectus originali peccato, potest committere vnum peccatum mortale, non committendo aliud, puta homicidium, & non furtum. Ergo Potest committere peccatum veniale, puta dicere verbum otiosum, & non mortale, scilicet abstinere a furto.

Conseq. prob. quia Minus habet de connexionē, & conuenientia veniale cum mortali, quam mortale cum mortali.

3. Determinari potest tempus, in quo puer primo potest esse actor peccati actualis, ad quod tempus cum peruenerit, potest ad minus per aliquod breue spatium stare, quin peccet mortaliter, quia hoc etiam in maximis sceleratis contingit. Sed In illo spatio quantumcumque breui potest peccare venialiter.

Ergo Peccatum veniale potest esse in aliquo cum originali peccato, absque mortali.

Pro Negatiua.

Non est locus, in quo possit puniri, qui haberet peccatum veniale cum solo originali.

Ergo Peccatum veniale non inuenitur cum solo originali.

Antec. prob. quia Pro peccato originali puniuntur homines in limbo puerorum, ubi non est poena sensus, quæ tamen debetur peccato veniali. Pro peccato uero mortali puniuntur in inferno. Ergo Non esset locus ad puniendum veniale, cum solo originali.

niuntur homines in limbo puerorum, ubi non est poena sensus, quæ tamen debetur peccato veniali. Pro peccato uero mortali puniuntur in inferno. Ergo Non esset locus ad puniendum veniale, cum solo originali.

Determinatio.

Conclusio. Impossibile est, quod peccatum veniale sit in aliquo cum originali peccato, absque mortali.

Prob. Si peccatum veniale potest esse in homine simul cum solo originali, aut hoc esset ante annos discretionis, & vsum rationis, aut post annos discretionis, & vsum rationis. Sed Neque ante annos discretionis, nec postea, potest veniale esse cum solo originali.

Ergo Impossibile est, quod peccatum veniale sit aliquando in homine, cum solo originali.

Minor probatur, quod ad utramque partem. Non ante annos discretionis, quia tunc defectus ætatis, prohibens vsum rationis, excusat eum a peccato mortali. Ergo Multo magis defectus ætatis excusabit eum a peccato veniali, unde tunc, nec mortaliter, & multo minus venialiter peccare poterit.

Non post annos discretionis; quia licet tunc homo non excusetur a culpa venialis, nec mortalis peccati, tamen primum peccatum necesse est, ut sit mortale, quod manifestatur. Nam primum, quod tunc homini cogitandum occurrit, est deliberare de se ipso, & si quidem se ipsum ordinaverit ad debitum finem, consequetur per gratiam remissionem originalis peccati, si uero non ordinet se ipsum ad debitum finem, secunda quod in illa ætate est capax discretionis, peccabit mortaliter, non faciens quod in se est, & ex tunc non erit in eo peccatum veniale sine mortali, nisi postquam fuerit ei totum per gratiam remissum. Ex quibus patet, quod nec ante annos discretionis, nec post annos discretionis, potest veniale inueniri cum solo originali. Non ante, quia excusatur a mortali, & veniali. Non post, quia si conuerstat se ad debitum finem, remittitur originale: si non se conuertat, ex hoc peccat mortaliter, & si postea peccat venialiter, erit veniale, cum mortali, & non cum solo originali.

Ad Argumenta.

Ad 1. Negatur antecedens. Ad probationem dicitur, quod dispositio alicuius habitus est duplex. Quædam, quæ disponit per se, ut calor est per se dispositio requisita ad formam ignis. Alia disponit contingenter, ut labor aliquando disponit ad febrem. Dispositio per se, necessario præcedit habitum in subiecto, non autem dispositio contingenter disponens. Maior probationis

Dddd est

est vera de dispositione per se, non de dispositione non per se. Et ad minorem dicitur, quod peccatum veniale est dispositio solum contingenter disponens ad mortale.

Ad 2. Negatur consequ. Ad probationem dicitur, quod non impeditur peccatum veniale esse simul cum peccato originali propter distantiam eius, vel conuenientiam, sed propter defectum usus rationis, ut dictum est.

Ad 3. Dicitur, quod ab alijs peccatis mortalibus potest puer, incipiens habere usum rationis, per aliquod tempus abstinere, sed a peccato omissionis prædictæ, non liberatur, nisi quam cito potest, se conuertat ad Deum. Primum enim, quod occurrit homini, discretionem habenti, est, quod de se ipso cogitet, ad quem alia ordinet sicut ad finem. Finis enim est prior in intentione, & ideo hoc est tempus, pro quo obligatur, ex Dei præcepto affirmatio, quo Dominus dicit. Conuertimini ad me, & ego conuertar ad vos Zachar. 1.

DE PRINCIPIIS exterioribus humanorum actuum.

Consequenter iuxta diuisionem factam in q. 49. considerandum est de principijs exterioribus humanorum actuum.

Principium exterius ad malum inclinans est diabolus, de cuius tentatione dictum est prima parte, quæst. 114.

Principium exterius mouens ad bonum est Deus, qui & nos instruit per legem, & inuit per gratiam. Vnde dicendum est. Primo de lege a quæst. 90. usque ad 108. inclusive.

Secundo de gratia a quæst. 109. usque ad finem.

Circa legem. Primo oportet considerare de ipsa lege in communi in quæst. 90. 91. 92.

Secundo de partibus eius a quæst. 93. usque ad 108. inclusive.

Circa legem in communi tria occurrunt consideranda.

Primo De essentia ipsius legis, in q. 90.

Secundo De differentia legum, in q. 91.

Tertio De effectibus legis in q. 92.

QVÆSTIO XC. DE ESSENTIA LEGIS. ARTICVLVS I.

• Vtrum lex sit aliquid rationis.

Pro Negatiua.

Videretur, quod lex non sit aliquid rationis.

1. Quod est in membris corporis, non est

rationis. Sed Lex est in membris corporalibus. Ergo Lex non est aliquid rationis.

Maiores probatur. quia Ratio non vitur corporalibus membris.

Minor probatur. quia dicit Apost. Rom. 7. Video aliam legem in membris meis.

2. Si lex est aliquid rationis, aut est potentia, aut habitus, aut actus. Sed Lex non est potentia, ut de se patet, nec est habitus: cum lex non sit virtus intellectualis, quæ solæ sunt habitus rationis: nec actus: cum lex non cesset cessante actu.

Ergo Lex non est aliquid rationis.

Maiores probatur. quia In ratione non sunt nisi illa tria.

3. Quod mouet ad bene agendum, non pertinet ad rationem, sed potius ad voluntatem. Sed Lex mouet eos, qui legi subiunguntur, ad recte agendum. Ergo Lex non est aliquid rationis, sed magis pertinet ad voluntatem.

Maiores probatur. quia Mouere ad agendum, proprie pertinet ad voluntatem.

Et confirmatur hoc argumentum, quia Iurisperitus dicit. Quod placuit Principi, legis habet vigorem. Vnde lex est ex voluntate principis.

Pro Affirmatiua.

Illud, ad quod pertinet præcipere, & prohibere, est aliquid rationis. Sed Ad legem pertinet præcipere, & prohibere. Ergo Lex est aliquid rationis.

Maiores probatur. quia Præcipere, & prohibere est aliquid rationis.

Determinatio.

Conclusio. Lex est aliquid pertinens ad rationem.

Probat. Omnis regula, & mensura humanorum actuum pertinet ad rationem. Sed Lex est quædam regula, & mensura humanorum actuum, secundum quam inducitur aliquis ad agendum, vel ab agendo retrahitur. Ergo Lex est aliquid pertinens ad rationem.

Maiores probatur. Ad primam regulam humanorum actuum pertinent omnes alie eorundem actuum regule. Sed Ratio est prima regula humanorum actuum. Ergo Ad ipsam pertinet quælibet alia humanorum actuum regula.

Maiores huius probatur. quia In vnoquoque genere id, quod est principium, est mensura, & regula omnium, quæ sunt illius generis: sicut unitas in genere numeri, est mensura omnium numerorum, & motus primus in genere motuum, est mensura omnium motuum.

Minor huius probatur. quia Rationis est ordinare ad finem, qui est primum principium in agendis secundum Philosophum.

Minor

Minor principalis probatur. quia Lex dicitur a ligando, quia obligat ad agendum.

Ad Argumenta.

Ad 1. Dicitur, quod cum lex sit regula quædā, & mensura, dupliciter dicitur esse in aliquo. Vno modo sicut in mensurante, & regulante. Alio modo sicut in regulato, & mensurato. Primo modo lex est in sola ratione, quia mensurare, & regulare, est proprium rationis. Secundo vero modo lex est in omnibus, quæ inclinantur in aliquid ex aliqua lege. Ita quod quælibet inclinatio proueniens ex aliqua lege potest dici lex, non essentialiter, sed participatiue, & hoc modo inclinatio membrorum ad concupiscendum, lex membrorum vocatur. Ad formam igitur dicitur ad maiorem, quod illud, quod est in membris corporis, vt in regulante, non est aliquid rationis. Sed tamen, quod est in membris corporis, vt in regulatis, potest esse aliquid rationis. Tunc dicitur ad minorem, quod lex est in membris corporis, non essentialiter, sed participatiue, non vt in regulantibus, sed vt in regulatis. Et ad probationem dicitur, quod Apostolus loquutus est de lege, secundum hunc modum.

Ad 2. Dicitur ad maiorem, quod lex non est potentia, nec habitus, nec actus, sed est aliquid productum per actum rationis, quod tamen a ratione habitualiter potest retineri. Vnde in maiori non enumerantur omnia, quæ sunt in ratione, præter habitum enim, & actum, est aliquid productum per actum rationis, quod a ratione in habitu retinetur. Ad quorum euidentiā est sciendum, quod sicut in actibus exterioribus duo inueniuntur, scilicet operatio ipsa, & operatum per operationem productum: puta in actu edificandi est ipsa operatio, scilicet edificatio, & id, quod per operationem producit, scilicet ædificatum, ita in operibus rationis duo inueniuntur, scilicet ipse rationis actus, qui est intelligere, & ratiocinari, & aliquid productum per ipsum actum rationis, quod quidem in ratione speculatiua primo est distinctio: secundo enunciatio: tertio syllogismus, vel argumentatio: hæc enim tria producantur per actum rationis speculatiuæ. In ratione vero practica, quæ etiam vtitur syllogismo, in operabilibus, vt supra dictum est, quæ sit 1. 3. art. 3. & quæ sit 77. art. 2. ad 4. est inuenire aliquid, quod ita se habet ad operationes, sicut se habet propositio in ratione speculatiua ad conclusiones, & huiusmodi propositiones vniuersales rationis practicæ ordinatæ ad actiones, habet rationem legis, quæ quidem propositiones aliquando actualiter considerantur, aliquando vero habitualiter a ratione tenentur. Ex quibus patet,

quod lex est, non potentia, nec actus, nec habitus, sed propositio vniuersalis in ratione practica ordinata ad operationes.

Ad 3. Dicitur, quod voluntatem mouere ad agendum contingit dupliciter. Vno modo, vt moueat ad agendum simpliciter, taliter, ut eius motus non habeat rationem legis. Sicut si voluntas moueat hominem ad ambulandum, ad studendum, ad laborandum, & ad alia huiusmodi. Alio modo, vt moueat taliter, vt eius motus, & imperium habeat rationem legis. Primo modo, voluntas mouet rationem, vt dictum est, quæ sit 17. art. 1. & ratio habet, ut moueatur ab ipsa voluntate: ex hoc enim, quod aliquis vult finem, ratio imperat de his, quæ sunt ad finem, sed tamen imperium voluntatis, non habet rationem legis, nisi voluntas sit regulata a ratione. Vnde motus voluntatis, licet præcedat motum rationis, tamen, motus voluntatis nunquam habet rationem legis, nisi ipsa voluntas sit regulata in suo motu, a ratione. Vnde ad formam, dicitur ad maiorem, quod mouere ad agendum, communiter loquendo, non est rationis, nisi præsupposito actu voluntatis, tamen motus ad agendum, ita vt motus habeat rationem legis, est a voluntate regulata a ratione. Vnde, lex est aliquid rationis, & non pertinet ad voluntatem, nisi prius reguletur a ratione. Et ad confirmationem dicitur, quod illud, quod placuit principi, legis rationem habet, si tamen Principis voluntas sit a ratione regulata; alioquin voluntas Principis, ne dum non haberet rationem legis, sed potius iniquitas diceretur, vt potè cuius imperium irrationabile esset.

ARTICVLVS II.

Utum lex semper ordinetur ad bonum commune.

Pro Negatiua.

VIdetur, quod lex non ordinetur semper ad bonum commune, vt ad finem.

1. Id, ad quod pertinet præcipere, & prohibere, non ordinatur ad bonum commune. Sed Ad legem pertinet præcipere, & prohibere. Ergo Finis legis non est semper bonum commune.

Maiores probatur. quia Præcepta ordinantur ad quædam singularia bona.

2. Quod ordinatur ad actus humanos dirigendos, non est ordinatum ad bonum commune. Sed Lex ordinatur ad actus humanos dirigendos. Ergo Lex non ordinatur ad bonum commune.

Maiores probatur. quia Actus humani sunt in particularibus.

Dddd 2 Illud,

3. Illud, quod ratione consistit, non solum ordinatur ad bonum commune, sed etiam ad bonum particulare. Sed Lex est, quæ ratione consistit. Ergo Lex ordinatur non solum ad bonum commune, sed etiam ad particulare.

Maiores probatur, quia Ratione consistit, non solum id, quod ordinatur ad bonum vniuersale, sed etiam ad particulare.

Minor probatur, quia Isidorus dicit in libro Ethimol. quod si ratione lex constet, lex erit omne, quod ratione constituitur.

Pro Affirmatiua.

Isidorus dicit in 3. Ethimol. c. 11. quod lex est nullo priuato commodo, sed pro communi utilitate ciuium conscripta.

Determinatio.

1. Conclusio. Lex semper ordinatur ad bonum commune.

Probat dupliciter. Primo. Regula, & mensura, per quam humani actus ordinantur ad vltimum finem, semper ordinatur ad bonum commune. Sed Lex est regula, & mensura, per quam humani actus diriguntur, & ordinantur in vltimum finem. Ergo Lex semper ordinatur ad bonum commune.

Maiores probatur, quia vltimus finis est hominis vltima, & perfecta felicitas, quæ quoddam commune bonum omnium hominum est. Vnde regula respiciens vltimum hominis finem, qui est perfecta hominis beatitudo, ad quam omnes ordinantur, ad bonum commune semper ordinatur.

Minor probatur, quia Vt art. præced. dictum est, lex est aliquid rationis practicæ, quia ipsa ratio practica est principium humanorum actuum. Est autem ratio principium, humanorum actuum per ordinem ad vltimum finem, qui in operabilibus est principium omnium, sicut primum principium in speculabilibus, est principium omnium, quæ cognoscuntur. Vnde sicut lex pertinet ad ipsam practicam rationem, quatenus ipsa est principium humanorum actuum, ita debet pertinere ad vltimum finem, cum sit primum principium omnium actuum rationis practicæ. Lex igitur est regula, per quam ratio regulat omnes operationes humanas ad finem vltimum, qui, ut dictum est, est beatitudo, & felicitas hominis, & commune bonum.

Prob. secundo Conclusio. Quod ordinatur ad bonum perfectæ communis, ordinatur ad bonum commune, quod est felicitas humanæ vitæ. Sed Lex ordinatur ad bonum perfectæ communis.

Ergo Lex ordinatur ad bonum commune.

Maiores probatur, quia Vnus homo est pars communis perfectæ, & ordinatur ad perfectam communitatem, sicut quilibet pars ad suum totum, ut imperfectum ad perfectum.

Minor probatur, quia Phil. 5. Ethic. cap. 1. diffiniens legalia dicit, quod Legalia iusta dicimus factiua, & conseruatiua felicitatis, & particularium ipsius politice communicatione, quæ perfecta communitas est ciuitas, ut dicitur 1. Polit. c. 1.

2. Conclusio. Quodcumque præceptum de particulari opere, non habet vim legis, nisi secundum ordinem ad bonum commune.

Probat. In quolibet genere id, quod maxime dicitur tale, est principium aliorum, & alia dicuntur talia, per ordinem ad ipsum. Sed Lex maxime dicitur, secundum ordinem ad bonum commune, ut dictum est.

Ergo Alia quæcumque præcepta, non habent vim legis, nisi per ordinem ad bonum commune.

Ad Argumenta.

Ad 1. Negatur maior. Ad probationem dicitur, quod aliud est loqui de lege, & aliud est loqui de præcepto legis. Lex enim est regula, & mensura humanorum actuum in ordine ad bonum commune, ut dictum est. Præceptum autem importat applicationem legis, ad ea, quæ ex lege regulantur, & quia ordo ad bonum commune, qui ad legem pertinet, potest applicari ad bonum particulare, propterea quandoque etiam de particularibus bonis præcepta dantur. Illud igitur, ad quod pertinet præcipere, & prohibere, potest ordinari ad bonum commune, & applicari per præceptum ad aliquod particulare bonum.

Ad 2. Negatur maior. Ad probationem dicitur, quod operationes quidem sunt in particularibus, sed illa particularia referri possunt ad bonum commune, non quidem communitate generis, vel speciei, sed communitate causæ finalis, secundum quod bonum commune dicitur finis communis.

Ad 3. Negatur maior de eo, quod ita consistit ratione, ut habeat rationem legis. Sicut enim nihil constat firmiter secundum rationem speculatiuum, nisi per resolutionem ad prima principia indemonstrabilia; ita firmiter nihil constat per rationem practicam, nisi per ordinationem ad vltimum finem, qui est bonum commune. Quod autem hoc modo ratione constat, legis rationem habet.

ARTICVLVS III.

Utrum Ratio cuiuslibet sit factiua legis.

Pro Affirmatiua.

Videtur, quod Cuiuslibet ratio sit factiua legis.

1. Apost. dicit Rom. 2. quod Cum gentes, quæ legem non habent, naturaliter ea, quæ legis sunt, faciunt, ipsi sibi sunt lex, quod communiter de omnibus dicit. Ergo Quilibet potest sibi facere legem.

2. Ratio eius, qui potest inducere hominem ad virtutem, est factiua legis. Sed Quilibet homo potest inducere alium ad virtutem. Ergo Ratio cuiuslibet hominis est factiua legis.

Maiores probatur. Intentio legislatoris est, ut inducat hominem ad virtutem, ut dicitur 2. Ethic. cap. 1.

3. Princeps ciuitatis potest in ciuitate condere legem. Ergo Quilibet Paterfamilias potest in sua domo condere legem.

Consequenter probatur, quia Sicut Princeps ciuitatis est ciuitatis gubernator, ita quilibet Paterfamilias est gubernator suæ domus.

Pro Negatiua.

Isidorus dicit in libro. 5. Ethymol. cap. 10. & habetur in decretis dist. 4. cap. lex. Lex est constitutio populi secundum quam maiores natu simul cum plebibus aliqui sanxerunt. Ergo Non est cuiuslibet facere legem.

Determinatio.

Conclusio. Condere legem, vel pertinet ad totam multitudinem, vel ad personam publicam, quæ totius multitudinis curam habet, & non ad cuiuslibet rationem.

Probat. Ad eum, cuius est ordinare in bonum commune, solum pertinet condere legem. Sed Ad communitatem, vel ad communitatis rectorem solum pertinet ordinare ad bonum commune. Ergo Solum ad communitatem, vel ad communitatis gubernatorem pertinet condere legem, & non ad quamlibet personam, particularem.

Maiores probatur, quia Lex proprie, primo, & principaliter respicit ordinem ad bonum commune, ut dictum est art. præced.

Minor probatur, quia Ordinare ad finem pertinet ad eum, cuius est proprius ille finis, ut in omnibus alijs patet. Sed Bonum commune est finis, vel multitudinis, vel eius, qui habet curam multitudinis. Ergo Ad multitudinem, vel ad gubernatorem multitudinis pertinet ordinare in bonum commune.

Ad Argumenta.

Ad 1. Dicitur ad antecedens, quod est sententia Apostoli, quod in aliquo esse legem, dupliciter potest intelligi. Vno modo, sicut in regulâ. Alio modo, participatiue sicut in regulato. Primo modo, lex est solum in eo, ad quem pertinet ordinare multitudinem in finem. Secundo modo, potest sibi vnusquisque esse lex, & sic lex erat in gentilibus. Vnde ibidem subditur, Ostendunt opus legis scriptum, id est participatum in cordibus suis.

Ad 2. Dicitur, quod Aliquis potest alium inducere ad virtutem dupliciter. Vno modo efficaciter, & coactiue. Alio modo solum persuasiue. Tunc dicitur ad maiorem, quod ratio eius, qui potest inducere hominem ad virtutem efficaciter, & coactiue, habet vim legis, non autem, qui inducit solum persuasiue, & non efficaciter. Erat minorum dicitur, quod persona privata non potest inducere efficaciter ad virtutem. Potest enim solum mouere, sed si sua motio non recipiatur, non habet vim coactiuam, quam debet habere lex ad hoc, quod efficaciter inducat ad virtutem, ut Phil. dicit in. 10. Ethic. c. ult. hanc autem virtutem coactiuam habet multitudo, vel persona publica, ad quam pertinet penas infligere, ut infra dicitur, & ideo solius eius est leges facere.

Ad 3. Neg. consequenter. Ad probandum, quod non est eadem ratio de Patre respectu suæ familiae, & de Principe respectu ciuitatis. Domus enim, siue familia non est communitas perfecta, sed pars communitatis perfectæ, quæ est ciuitas, sicut homo est pars domus, ut dicitur. 1. Politic. ca. 1. & ideo sicut bonum vnius hominis non est vltimus finis, sed ad commune bonum ordinatur, ita etiam bonum vnius domus ordinatur ad bonum vnius ciuitatis, quæ est perfecta communitas. Condere igitur legem, quæ ad bonum commune ordinatur, non pertinet ad rectorem imperfectæ communitatis, qualis est paterfamilias, sed ad rectorem perfectæ communitatis. Potest igitur per familias facere aliqua præcepta, vel statuta, non tamen habebunt rationem legis, quia huiusmodi præcepta ordinantur solum ad bonum imperfectæ communitatis.

ARTICVLVS IV.

Utrum Promulgatio sit de ratione legis.

Pro Negatiua.

Videtur, quod Promulgatio non sit de ratione legis. 1. Lex naturalis non indiget promulgatione. Ergo Non est de ratione legis, ut promulgetur.

Consequenter probatur, quia Lex naturalis maxime habet rationem legis.

2. Lex obligat ad sui impletionem, non solum eos coram quibus sit promulgatio, sed etiam alios. Ergo

Ergo Promulgatio non est de ratione legis.

3. Obligatio legis extenditur etiam in futurū.

Ergo Promulgatio non est de ratione legis.

Antecedens prob. quia Legistæ dicunt, quod leges futuris negotiis necessitatem imponunt.

Conseq. prob. quia Promulgatio fit ad præsentēs.

Pro Affirmativa.

Dicitur in decretis, quarta dist. c. In istis. quod Leges instituuntur, cum promulgantur.

Determinatio.

Conclusio. Promulgatio est necessaria ad hoc, ut lex habeat suam virtutem, & sub alijs uerbis, Promulgatio est de ratione legis.

Prob. Applicatio legis ad eum, qui secundum legem suas actiones mensurare debet, est de ratione legis. Sed Promulgatio est legis applicatio ad hominem, qui secundum eam regulari debet. Ergo Promulgatio est de ratione legis.

Maiores prob. Applicatio mensuræ ei, qui per mensuram mensurari debet, est de ratione mensuræ. Sed Lex imponitur per modum regulæ, & mensuræ. Ergo Applicatio legis eis, quibus datur lex, est de ratione legis.

Minor prob. quia Applicatio legis fit per hoc, quod in notitiam eorum, quibus datur, deducitur ex ipsa promulgatione.

Diffinitio legis.

Ex quatuor articulis præsentis questionis colligitur diffinitio legis, quæ est. Lex est ordinatio rationis, ad bonum commune, ab eo, qui curam communitatis habet, promulgata.

Lex est ordinatio rationis, ex 1. artic.

Ad bonum commune, ex 2. artic.

Ab eo, qui curam communitatis habet, ex 3. articulo.

Promulgata, ex 4. articulo.

Ad Argumenta.

Ad 1. Dicitur ad antecedens, quod Promulgatio legis naturæ est ex hoc ipso, quod Deus eam mentibus hominum inseruit naturaliter cognoscendam.

Ad 2. Dicitur ad antecedens, quod Illi, coram quibus lex non promulgatur, obligantur ad legem observandam, in quantum in eorum notitiam deuenit per alios, vel deuenire potest promulgatione facta.

Ad 3. Dicitur ad consequentiam, quod Promulgatio præsens in futuro extenditur per firmitatem scripturæ, quæ quodammodo semper eam promulgat. Vnde Isidorus dicit in. 1. Ethimolog. c. 10. quod Lex à legendo vocata est, quia scripta est.

QVÆSTIO XCI.

DE DIVERSITATE LEGVM.

ARTICVLVS I.

Vtrum sit aliqua lex æterna.

Pro Negativa.

V Idetur, quod non sit aliqua lex æterna.

1. Non fuit ab æterno aliquis, cui lex posset imponi. Ergo Nulla lex est æterna.

Antec. prob. quia Solus Deus, cui nulla imponitur lex, est æternus.

Consequentia prob. quia Omnis lex aliquibus imponitur.

2. Promulgatio non potuit esse ab æterno. Ergo Nulla lex potest esse æterna.

Antec. prob. quia Non erat ab æterno, cui promulgaretur.

Consequentia probatur, quia Promulgatio est de ratione legis.

3. Quod ordinatur ad finem, non potest esse æternum. Sed Lex importat ordinem ad finem. Ergo Lex non potest esse æterna.

Maiores probatur. quia Solus ultimus finis est æternus.

Pro Affirmativa.

Aug. lib. 1. de libero arbitrio cap. 6. dicit. Lex, quæ summa ratio nominatur, non potest cuiuspiam intelligenti non incommutabilis, æternaque videri.

Determinatio.

Conclusio. Aliqua lex est æterna.

Probat. Ratio gubernationis rerum in Deo, sicut in Principe vniuersitatis existens, est æterna. Sed Ratio gubernationis rerum in Deo, sicut in Principe existens, habet rationem legis. Ergo Aliqua lex est æterna.

Maiores prob. quia Ratio diuina nihil concipit ex tempore, sed habet æternum conceptum, ut dicitur Prouerb. 8.

Minor probatur. Dictamen practicæ rationis in principe, qui gubernat aliquam communitatem perfectam, habet rationem legis. Sed Deus sua providentia vniuersum gubernat, ut probatum est, prima parte, quest. 22. artic. 1. Ergo Ipsa ratio gubernationis rerum in Deo, sicut in principe existens, habet rationem legis.

Ad Argumenta.

Ad 1. Dicitur ad antecedens, & ad eius probationem, quod licet ab æterno res, quibus lex imponitur, non fuerint, tamen apud Deum, qui vocat ea, quæ non sunt, tanquam ea, quæ sunt, ab æterno.

æterno existerunt, in quantum sunt ab ipso cognita, & præordinata. Sic igitur æternus diuinæ legis conceptus habet rationem legis æternæ, secundum quod à Deo ordinatur ad gubernationem rerum ab ipso præcognitarum.

Ad 2. Dicitur, quod Promulgatio legis dupliciter consideratur. Vno modo, ex parte promulgantis. Alio modo, ex parte eius, cui fit promulgatio. Si in antecedente sit sermo de promulgatione ex parte promulgantis, falsum est, nam promulgatio legis æternæ ex parte promulgantis æterna est: promulgatio enim fit verbo, & scripto, & utroque modo lex æterna habet promulgationem ex parte Dei promulgantis, quia verbum diuinum est æternum, & scriptura libri vitæ est æterna. Si vero sit sermo in antecedente de promulgatione ex parte eius, cui fit promulgatio, verum est: ex parte enim creaturæ audientis, & insipientis, non potest esse promulgatio æterna, sed tunc negatur consequentia, & ad probationem dicitur, quod sufficit, ut lex æterna habeat promulgationem ex parte promulgantis ab æterno.

Ad 3. Dicitur, quod aliquid importare ordinem ad finem dupliciter contingit. Vno modo actiue. Alio modo passiue. Et sub alijs verbis. Aliquid potest importare ordinem ad finem, vel quia ordinat ad finem. Vel, quia ordinatur ad finem. Ad maiorem igitur dicitur, quod si intelligatur de eo, quod importat ordinem ad finem passiue, vera est, sed tunc negatur minor. Si vero intelligatur de eo, quod importat ordinem ad finem actiue, est falsa, & probatio valet de eo, quod ordinatur ad finem passiue. Tunc ad minorem dicitur, quod Lex importat ordinem ad finem actiue, in quantum per eam ordinantur aliqua in finem, non autem passiue, ita quod ipsa lex ordinetur in finem, nisi per accidens in gubernante, cuius finis est extra ipsum, ad quem necesse est, ut etiam lex eius ordinetur, quod in lege æterna esse non potest, quia cum finis diuinæ gubernationis non sit aliud ab ipso, nec ipsa lex sit aliud à Deo, sequitur, quod sicut Deus non ordinatur ad finem, sed est ipse finis, nec etiam lex æterna ad finem ordinetur.

ARTICVLVS II.

Vtrum sit in nobis aliqua lex naturalis.

Pro Negatiua.

Videtur, quod non sit in nobis aliqua lex naturalis.

1. Homo sufficienter gubernatur per legem æternam. Ergo Non est aliqua lex homini naturalis.

Antec. prob. quia Aug. dicit. lib. 1. de lib. arb. c. 6. quod Lex æterna est, qua iustum est, ut omnia sint ordinatissima.

Conseq. prob. quia Natura non abundat in superfluis, sicut nec deficit in necessarijs.

2. Ordinatio humanorum actuum in finem non est per naturam, sicut in brutis accidit, quæ solo appetitu naturali agunt propter finem, sed per rationem, & voluntatem, propter finem homino agit.

Ergo Non est aliqua lex homini naturalis.

Conseq. prob. quia Per legem ordinatur homo in suis actibus ad finem, ut supra dictum est, quod præced. artic. 2.

3. Animalia bruta non subduntur legi naturali. Ergo Multo minus homo legi naturali subijcitur.

Conseq. prob. Quanto aliquis est liberior, tanto minus est sub lege. Sed Homo est liberior alijs animalibus, propter liberum arbitrium, quod præ alijs animalibus habet. Ergo Si animalia bruta legi naturali non subducuntur, multo minus homini est aliqua lex naturalis, cui debeat subijci.

Pro Affirmatiua.

Super illud Rom. 2. Cum gentes, quæ legem non habent, naturaliter ea, quæ legis sunt, faciunt, dicit Glofa. quod Si non habent legem scriptam, habent tamen legem naturalem, qua quilibet intelligit, & sibi conscius est, quid sit bonum, & quid malum.

Determinatio.

Conclusio. In creatura rationali est aliqua lex naturalis.

Probat. In creatura, quæ participat intellectualiter, & rationaliter legis æternæ rationem, est aliqua lex naturalis. Sed Creatura rationalis participat intellectualiter, & rationaliter legis æternæ rationem. Ergo In creatura rationali est aliqua lex naturalis.

Minor probatur. quia Participatio legis æternæ, in rationali creatura dicitur lex naturalis. Vnde cum Psal. 4. dixisset. Sacrificate sacrificium iustitiæ, quasi quibusdam querentibus, quæ sunt opera iustitiæ? subiungit. Multi dicunt, quis ostendit nobis bona? Cui questioni respondens, dicit. Signatum est super nos, lumen vultus tui domine, quasi lumen rationis naturalis, quo discernimus, quid sit bonum, & quid malum, quod pertinet ad naturalem legem) nihil aliud sit; quam impressio diuini luminis in nobis. Et sic patet, quod lex naturalis nihil aliud est, nisi participatio legis æternæ in rationali creatura.

Minor

Minor probatur quo ad duo. Primo, quod Creatura rationalis participet legem æternam. Secundo, quod eam participet intellectualiter, & rationaliter. Et quo ad primum sic. Regula, & mensura participatur à regulato, & mensurato. Sed Lex æterna est regula, & mensura omnium creaturarum. Ergo Lex æterna est aequaliter participata ab omni creatura.

Maiores huius manifestatur. quia, ut in precedenti quæst. artic. 1. ad 1. dictum est, Regula, & mensura dupliciter in aliquo esse potest. Vno modo, sicut in regulante, & mensurante. Alio modo, sicut in regulato, & mensurato, quia in tantum aliquid regulatur, & mensuratur, in quantum participat aliquid de regula, & mensura.

Minor huius probatur. Quæ subduntur diuine providentiæ, à lege æterna regulantur, & mensurantur, ut dictum est. Sed Omnia subduntur diuine providentiæ. Ergo Omnia mensurantur, & regulantur per legem æternam, ex cuius impressione habent inclinationes in proprios actus, & fines.

Quo ad secundum probatur minor principalis, quod lex æterna participetur à creatura rationali excellentiori modo, quam participetur à cæteris creaturis, scilicet intellectualiter, & rationaliter.

Probatur. quia Inter cæteras creaturas, rationalis excellentiori quodam modo diuine providentiæ subiacet, in quantum, & ipsa sit providentiæ particeps, sibi ipsi, & alijs providens. Vnde & in ipsa participatur ratio æterna, per quam habet inclinationem ad debitum actum, & finem.

Ad Argumenta.

Ad 1. Negatur consequentia. Ad probationem dicitur, quod supponit unum falsum, scilicet quod lex naturalis sit aliquid diuersum à lege æterna, quo supposito, efficax esset argumentum, sed quia lex naturalis nihil aliud est, quam legis æternæ participatio, ideo nulla est superfluitas in huiusmodi lege.

Ad 2. Dicitur ad antecedens, quod licet non omnis operatio voluntatis, & rationis, quæ actus diriguntur in finem, sit naturalis, ut in brutis, tamen omnis huiusmodi operatio, tum rationis, tum voluntatis, lenitur in nobis ab eo, quod est secundum naturam, ut dictum est quæst. 10. artic. 1. Nam omnis ratiocinatio derivatur à principijs naturaliter notis, & omnis appetitus eorum, quæ sunt ad finem, derivatur à naturali appetitu ultimi finis, & sic etiam oportet ut prima directio nostrorum actuum in finem, fiat per legem naturalem.

Ad 3. Dicitur ad antecedens, quod etiam ani-

malia irrationalia participant rationem æternam suo modo, sicut & rationalis creatura, sed quia rationalis creatura participat eam intellectualiter, & rationaliter, ideo participatio legis æternæ in creatura rationali, proprie lex vocatur: nam lex est aliquid rationis, ut supra dictum est, in creatura autem irrationali non participatur rationaliter, unde non potest dici lex, nisi per similitudinem.

ARTICVLVS III.

Vtrum sit aliqua lex humana.

Pro Negativa.

Videtur, quod non sit aliqua lex humana.

1. Lex naturalis sufficit ad omnia humana ordinanda. Ergo Non est necessarium, ut sit aliqua lex humana.

Antecedens probatur. Per legem æternam omnia sunt ordinatissima, ut Augustinus dicit lib. de lib. arb. cap. 6. Sed Lex naturalis est participatio legis æternæ, ut dictum est. Ergo Per legem naturalem omnia sunt ordinatissima.

2. Ratio humana non est mensura rerum, sed potius est conversio à rebus mensuratur, ut dicitur. 10. Metaph. tex. 3.

Ergo A ratione humana nulla potest lex condici, quæ humana dicatur.

Consequens probatur. Lex habet rationem mensuræ, ut dictum est art. præced.

3. Id, ex quo lex procedit, debet esse certissimum. Sed Dictamen humanæ rationis de rebus gerendis est incertum. Ergo Ex ratione humana nulla lex, quæ humana dicatur, procedere potest.

Maiores probatur. Mensura est certissima. Lex habet rationem mensuræ. Ergo Lex est certissima, & inde non potest procedere ab eo, quod est incertum.

Minor probatur. quia Sapientiæ. 9. dicitur. Cogitationes mortalium timida, & incertæ providentiæ nostræ.

Pro Affirmativa.

Aug. 1. de lib. arb. c. 6. ponit duas leges. Vnam æternam, & Aliam temporalem, quam dicit esse humanam.

Determinatio.

Conclusio. Sunt aliquæ leges humanæ, quæ sunt particulares dispositiones, à ratione inuentæ, ordinatæ ad bonum, à principe promulgatæ.

Prob.

Probatur. In ratione speculatiua ex principijs indemonstrabilibus, naturaliter cognitis, producuntur conclusiones diuersarum scientiarum, quarum cognitio non est nobis naturaliter indita, sed per industriam rationis inuenta. Ergo Etiam ex præceptis legis naturalis, quasi ex quibusdā principijs communibus, & indemonstrabilibus, necesse est, vt ratio humana procedat ad aliqua magis particulariter disponenda, quæ particulares dispositiones adinueniat secundum rationem humanam, dicuntur leges, dummodo sint ordinatæ ad bonum commune, a Principe perfectæ cōmunitatis conditæ, & promulgatæ.

Conseq. prob. quia Cum lex sit quoddam dictamen practicæ rationis, similis processus inuenitur rationis practicæ, & speculatiuæ.

Et confirmatur conclusio, quia Tullius dicit in sua Rhetorica, quod Initium veri est a natura profectum, deinde quædam in consuetudinem, ex utilitate rationis venerunt, postea res a natura profectas, & consuetudine probatas, legum metus & Religio sanxit.

¶ Ad Argumenta.

Ad 1. Negatur antecedens. Ad minorem probationis dicitur, quod ratio humana non potest participare ad plenum dictamen rationis diuinæ, sed suo modo, & imperfecte, & ideo sicut ex parte rationis speculatiuæ, per naturalem participationem diuinæ sapientiæ, inest nobis cognitio quorundam communium principiorum, non autem cuiuslibet veritatis propria cognitio, sicut in diuina sapientia continetur: ita etiam ex parte rationis practicæ naturaliter homo participat legem æternam, secundum quædam communia principia, non autem secundum particulares directiones singulorum, quæ tamen in æterna lege continentur, & ideo necesse est ulterius, quod ratio humana procedat ad particulares quædam legum functiones.

Ad 2. Dicitur ad minorem, quod ratio humana dupliciter considerari potest. Vno modo secundum se. Alio modo, secundum quod habet quædam principia sibi naturaliter indita, quæ sunt regulæ quædam generales, & mensuræ omnium eorum, quæ sunt per hominem agenda. Primo modo, non est mensura, sed secundo modo, non quidem mensura eorum, quæ sunt a natura, de quibus Arist. locutus est 10. Metaph. sed eorum, quæ per hominem aguntur.

Ad 3. Negatur maior. Ratio enim humana practica est circa operabilia, quæ sunt singularia, & contingencia, non autem circa necessaria, vt est ratio speculatiua, & ideo leges humanæ non possunt

illam infallibilitatem habere, quam habent conclusiones demonstratiuæ scientiarum. Vnde ad probationem dicitur ad maiorem, quod non oportet, vt omnis mensura sit omnino infallibilis, & certa, sed secundum quod est possibile in genere suo.

ARTICVLVS IV.

Vtrum fuerit necessarium esse aliquam legem diuinam.

Pro Negatiua.

Videtur, quod non fuerit necessarium esse aliquam legem diuinam.

1. Præter legem, quæ est participatio legis æternæ, nulla alia est homini lex diuina necessaria. Sed Lex naturalis est quædam participatio legis æternæ, vt dictum est. Ergo Præter legem naturalem, & humanas ab ea derivatas, nulla est alia lex diuina necessaria.

Minor probatur. quia Lex æterna est lex diuina.

2. Qui dimissus est in manu consilij sui, non indiget nisi lege humana. Sed Homo dimissus est in manu consilij sui, vt dicitur Eccl. 15. Ergo Homo non indiget nisi lege humana.

Maior probatur. quia Cum consilium sit actus rationis, qui dimissus est in manu consilij sui, dimissus est gubernationi humanæ rationis, cuius dictamen est lex humana. Vnde ei, qui dimissus est in manu consilij sui, sufficit lex humana.

3. Irrationales creaturæ non habent aliquam legem diuinam, præter inclinationem naturalem eis inditam. Ergo Multo minus creatura rationalis debet habere aliquam legem diuinam, præter naturalem.

Conseq. prob. quia Natura humana est sufficientior irrationabilibus creaturis.

Pro Affirmatiua.

Dauid expetit legem a Deo sibi poni, dicens in Psal. 118. Legem pone mihi Domine viam iustificationum tuarum.

Determinatio.

Conclusio. Præter legem naturalem, & humanam, necessarium fuit ad directionem humanæ vitæ, habere legem diuinam, & hoc propter quatuor rationes.

Prima. Ei qui ordinatur in finem excedentem facultatem suæ naturæ, est necessaria aliqua lex diuina.

Eccc

diui-

diuina, præter naturalem, & humanam. Sed Homo ordinatur ad finem beatitudinis æternæ, quæ excedit proportionem naturalis facultatis humanæ, vt dictum est supra, quæst. 5. art. 5. Ergo Homini præter legem naturalem, & humanam a naturali deriuatam, necessaria est lex diuina.

Maiores probatur, quia Per legem dirigitur homo ad actus proprios in ordine ad vltimum finem. Vnde si homo ordinaretur tantum ad vltimum finem, qui non excederet proportionem naturalis facultatis hominis, nõ oporteret, vt haberet aliquid directiuum ex parte rationis supra legem naturalem, & legem humanitatis positiuam, quæ ab ea deriuatur: sed quia homo ordinatur in supernaturalem finem, indiget supernaturali lege, quæ in supernaturalem finem dirigitur.

Secunda. Iudicium humanum, præcipue circa res contingentes, & particulares, est incertissimum. Ergo Vt homo absque dubitatione scire possit, quid ei sit agendum, & quid vitandum, necessarium fuit, vt in actibus propriis dirigeretur per legem diuinitus datam.

Antecedens manifestatur, quia Propter incertitudinem humani iudicii, contingit de actibus humanis, diuerforum esse diuersa iudicia, ex quibus etiam diuersæ, & contrariæ leges procedunt.

Consequens probatur, quia Lex diuina non potest errare, sed est certissima.

Tertia. Homo non potest facere legem, quæ ordinarentur sufficienter, & cohiberetur actus interiores, sed solum potest condere legem ad ordinandos, & cohibendos actus exteriores. Ergo Necessarium fuit, vt superueniret lex diuina, per quam non solum actus exteriores, sed etiam interiores sufficienter ordinarentur, & cohiberentur.

Antecedens probatur. De his potest homo legem facere, de quibus potest iudicare. Sed De actibus interioribus homo non potest iudicare, cum lateant, sed solum de exterioribus. Ergo Homo de actibus interioribus non potest condere legem, sed solum de exterioribus.

Consequens probatur. quia Ad perfectionem virtutis requiritur, vt in vtrisque actibus homo rectus existat.

Quarto. Lex humana non potest omnia, quæ male sunt, punire, vel prohibere, vt Aug. dicit 1. de lib. arb. c. 6. Quia dum auferre vellet omnia mala, multa bona tollerentur, & impediretur utilitas boni communis, quod est necessarium ad humanam conuerfationem. Ergo Vt nullum malum improbitum, & impunitum remaneat, necessarium fuit superuenire legem diuinam, per quam omnia peccata prohiberentur.

Est igitur lex diuina necessaria propter quatuor.

Primo. Vt per ipsam dirigatur homo in vltimum finem supernaturalem.

Secundo. Vt homo certo sciret, quid agendum, & quid vitandum.

Tertio. Vt per ipsam dirigantur etiam interiores actus.

Quarto. Vt nullum malum remaneret improbitum, & impunitum.

Et ista quatuor causæ tanguntur in Psalm. 18. ubi dicitur. Lex Domini immaculata, id est nullam peccati turpitudinem admittens, en quartæ causæ necessitatis diuinæ legis.

Conuertens animas. Quia non solum actus exteriores, sed etiam interiores dirigit, en tertia causæ.

Testimonium Domini fidele. Propter certitudinem veritatis, & rectitudinis, en secunda causæ.

Sapientiam præstans paruulis. In quantum ordinat hominem ad supernaturalem finem, & diuinum, En prima causæ, propter quam lex diuina est necessaria homini.

Ad Argumenta.

Ad 1. dicitur. quod Participatio legis æternæ in homine est duplex. Quædam, quæ non excedit proportionem capacitatis humanæ naturæ. Quædam vero est participatio excedens proportionem humanæ facultatis. Ad formam igitur negatur maior. Præter legem enim, quæ est participatio legis æternæ, non excedens capacitatem humanæ naturæ, est necessaria alia lex, quæ sit participatio diuinæ legis, excedens capacitatem humanæ naturæ, quæ est lex diuina, vt dictum est. Tunc ad minorem dicitur, quod lex naturalis est quidem participatio æternæ legis, sed huiusmodi participatio humanas vires non excedit, & ideo non potest dirigere hominem in vltimum supernaturalem finem, sed ad hoc est necessaria lex diuina, quæ est participatio legis æternæ aliori modo.

Ad 2. Negatur maior. Ad probationem dicitur, quod cõsiliu est quidem actus rationis, sed cum sit quedam inquisitio, oportet, vt procedat ex aliquibus principiis, sed quia non sufficit, vt procedat ex principiis naturaliter inditis, quæ sũt præcepta legis naturæ, quæ quia non sufficient ad dirigendum hominem in vltimum finem, & ad alia, de quibus in corpore dictum est, propterea oportet, vt superaddantur quedam alia principia supernaturalia, quæ sunt præcepta diuinæ legis.

Ad 3. Negatur consequens. Non enim est eadem ratio de creaturis irrationalibus, & homine. Creatura

æ enim irrationales non ordinantur ad altiorẽ finem, quam sit finis proportionatus naturæ ipsorum. Creatura vera rationalis ordinatur in altiorẽ finem, vt dictum est. Et ad probationem dicitur, quod licet natura humana sit sufficientior respectu eorum, ad quæ naturaliter ordinatur, tamen ad supernaturalia non potest pertingere, absque supernaturali auxilio.

ARTICVLVS V.

Vtrum Lex diuina sit vna tantum.

Pro Affirmatiua.

Videtur, quod lex diuina sit vna tantum.

1. Vnius regis in vno regno est tantum vna lex. Sed Ad Deum comparatur totum genus humanum, sicut ad vnum regem: iuxta illud Ps. 46. Rex omnis terræ Deus. Ergo est tantum vna lex diuina.

2. Legislatoris intendentis vnum finem omnibus, quibus legem fert, est tantum vna lex. Sed Deus est legislator intendens omnibus hominibus vnum, & eundem finem. Ergo Dei est tantum vna lex, quæ dicitur diuina.

Maiores probatur. quia Lex omnis ordinatur in finem, quem legislator intendit in eis, quibus legem fert. Vnde si vnus tantum est finis, vna tantum erit lex.

Minor probatur. quia Deus omnes ordinat ad salutem, iuxta illud Apost. 1. Timor. 2. Deus vult omnes homines saluos fieri.

3. Lex naturalis est vna omnium hominum. Ergo Multo magis lex diuina debet esse vna.

Consequenter prob. Lex, quæ est propinquior legi æternæ, videtur esse magis vna. Sed Lex diuina est propinquior legi æternæ, quam lex naturæ, quanto altior est reuelatio gratiæ, quam cognitio naturæ. Ergo Si lex naturalis est vna, multo magis lex diuina.

Aliter. Lex diuina est magis vna, quam lex naturalis. Ergo Lex diuina est tantum vna.

Antequam prob. quia Lex diuina est magis propinqua legi æternæ, quam lex naturalis, quanto est altior reuelatio gratiæ, quam naturæ cognitio.

Pro Negatiua.

Sacerdotium est duplex. scilicet Leviticum, & Christianum. Ergo Duplex est lex. scilicet vetus, & noua.

Consequenter prob. quia Lex consequitur sacerdotium, iuxta illud Hebr. 7. Translato sacerdotio, necesse est, vt & legis translatio fiat.

Determinatio.

Distinctio. Aliqua inueniuntur distingui dupliciter. Vno modo, sicut ea, quæ sunt omnino speciei diuersa: vt equus, & bos. Alio modo, sicut perfectum, & imperfectum in eadem specie: sicut puer, & vir.

Conclusio. Lex diuina non est tantum vna, sed duplex, scilicet Antiqua, & Noua, quæ non distinguuntur, sicut ea, quæ sunt speciei diuersa, sed sicut imperfectum a perfecto.

Prob. auctoritate, & rationibus.

Auctoritas est Apost. ad Gal. 3. comparantis statum veteris legis statui puerili, & statum nouæ legis statui viri perfecti, qui iam non est sub pedagogo.

Ratio autem ostendens, quod lex antiqua distinguitur a noua, sicut imperfectum a perfecto duplex est, secundum tria, quæ pertinent ad legem. scilicet Ordinare ad bonum commune, Dirigere humanos actus secundum ordinem iustitiæ, & Inducere homines ad obseruantiam diuinorum mandatorum.

Prima igitur ratio desumitur ex primo, quod ad legem pertinet. scilicet ordinare ad bonum commune, vt ad finem, præmittendo, quod bonum commune, ad quod homo potest, vt ad finem ordinari, est duplex. scilicet sensibile, seu terrenum, & intelligibile, siue cælestis, tunc formatur.

Prima ratio. Lex ordinans hominem ad bonum sensibile, & terrenum, est imperfecta respectu legis ordinantis ad bonum intelligibile, & cælestis. Sed Lex antiqua ordinabat directe ad bonum sensibile, & terrenum, lex autem noua ordinat ad bonum intelligibile, & cælestis. Ergo lex antiqua distinguitur a noua, vt imperfectum a perfecto.

Maiores probatur. quia Bonum sensibile, & terrenum imperfectum est respectu boni intelligibilis, & cælestis.

Minor quo ad primam partem probatur: quia Exod. 3. in principio legis inuitatur populus ad regnum terrenum Canaanæorum.

Quo ad secundam probatur. quia Christus statim in principio suæ prædicationis ad regnum cælorum inuitauit dicens. Matth. quarto. Penitentiam agite, appropinquabit enim regnum cælorum.

Et confirmatur eadem minor ex Augustino dicente 4. contra Faustum, cap. 2. quod Temporalium rerum promissiones in testamento veteri continentur, & ideo vetus appellatur, sed æternæ vite promissio ad nouum pertinet testamentum.

Secunda ratio, quæ desumitur ex secundo, Ecce 2 quod

quod pertinet ad legem, quod est, dirigere humanos actus secundum ordinem iustitiæ, est hæc. Lex, quæ ordinat secundum ordinem iustitiæ solum actus humanos exteriores, comparatur ut imperfectum ad perfectum ad legem, quæ ordinat etiam actus interiores. Sed Lex antiqua ordinat tantum actus exteriores, lex vero noua ordinat etiam actus interiores.

Ergo Lex vetus distinguitur a noua, ut imperfectum a perfecto.

Minor probatur, quia Matth. 5. dicitur. Nisi abundauerit iustitia vestra plusquam Scribarum, & Phariseorum, non intrabitis in regnum cælorum. Iustitia enim Scribarum, & Phariseorum consistebat in directione actuum exteriorum secundum iustitiam, puta, ut non occiderent. Iustitia vero eorum, qui sunt in lege gratiæ, consistit etiam in actu interiori, ut non irascantur fratri, nec odio ipsum prosequantur.

Et confirmatur eadem minor. Quia dicitur, Lex vetus cohibet manum, i. exteriores actus. Lex vero noua cohibet animum, scilicet actus etiam interiores.

Tertia ratio est, quæ desumitur ex tercio, quod ad legem pertinet, scilicet inducere homines ad obseruantias mandatorum Dei. Lex, quæ inducit homines ad obseruantias diuinorum mandatorum, timore tantum penarum, est imperfecta respectu legis inducentis ad obseruantiam eorundem mandatorum per amorem. Sed Lex antiqua inducebat homines ad obseruantiam diuinorum mandatorum timore penarum, ut de se pater. Lex vero noua hoc facit per amorem, qui in cordibus nostris infunditur per gratiam Christi, quæ in lege noua confertur, & in veteri figurabatur.

Ergo Lex vetus est imperfecta respectu nouæ legis.

Et confirmatur hæc ratio ex Augustino dicente contra Adamantium Manichæum discipulū. c. 17. Breuis differentia est legis, & Euangelij, Timor, & Amor.

Ad Argumenta.

Ad 1. Dicitur ad maiorem, quod non est necesse, ut vnus Regis sit tantum vna lex, si hijs, quibus datur lex, non sint æquo modo dispositi. Vnde sicut Pater familias in domo, alia madata proponit pueris, & alia adultis, ita etiam vnus Rex Deus in suo regno, aliam legem dedit hominibus adhuc imperfectis existentibus, & aliam perfectiorem iam manu ductis per priorem legem ad maiorem capacitatem diuinorum.

Ad 2. Dicitur ad maiorem, quod si legislator intendat inducere ad eundem finem omnes, quibus dat legem, eodem modo, eius est tantum vna lex. Si autem ad eundem finem omnes quidem inducere intendat, sed tamen diuerso modo, necessarium est, ut hoc faciat diuersis legibus. Tunc ad minorem dicitur, quod Deus intendit quidem omnibus eundem finem, scilicet æternam salutem, sed quia ad æternam salutem perfecte non potest homo perducī, nisi per Christum, secundum illud Actor. 4. Non est aliud nomen datum hominibus, in quo oporteat nos saluos fieri, ideo lex perfecte omnes ad salutem inducens dari non potuit nisi post Christi aduentum. Antea vero dare oportuit populo, ex quo Christus erat nasciturus, legem præparatoriam ad Christi susceptionem, in qua quædam rudimenta iustitiæ continentur.

Ad 3. Negatur consequentia. Ad probationem dicitur, quod quamuis lex diuina sit propinquior æternæ legi quam lex naturæ, tamen quia lex naturalis dirigit hominem secundum quædam præcepta communia, in quibus conueniunt tam perfecti, quam imperfecti, ideo est vna omnium. Sed lex diuina dirigit hominem, etiam in particularibus quibusdam, ad quæ non similiter se habent perfecti, & imperfecti, ideo oportuit legem diuinam esse duplicem, sicut iam dictum est.

ARTICVLVS VI.

Vtrum sit aliqua lex fomitis.

Pro Negatiua.

Videatur, quod non sit aliqua lex fomitis.

1. Quod deuiat a ratione, non habet rationem legis. Sed Fomes deuiat a ratione. Ergo Fomes non habet rationem legis.

Maior probatur, quia Ihd. 2. lib. Ethim. c. 3. dicit, quod Lex ratione consistit.

2. Quod habet rationem legis, est obligatorium, ita quod non seruantes efficiuntur transgressores. Sed Fomes non est obligatorius, nec efficiuntur transgressores, qui fomitis inclinationem non sequuntur. Ergo Fomes non habet rationem legis.

Maior probatur. quia Omnis lex est obligatoria, ita ut, qui eam non seruunt, transgressores dicantur.

Minor probatur, quia Qui non sequuntur inclinationem fomitis, non dicuntur transgressores, sed potius transgressores dicuntur, qui fomitis inclinationem sequuntur.

3. Lex ordinatur ad bonum commune, ut dictum est, quæst. 90. art. 2. Sed Fomes non inclinat

ad bonum commune, sed ad bonum priuatum.
Ergo Fomes non habet rationem legis.

Pro Affirmativa.

Apost. Rom. 7. vocat fomitem legem, dum dicit. Video aliam legem in membris meis repugnātem legi mentis meae.

Determinatio.

1. **Distinctio.** Aliquid potest habere rationem legis dupliciter, vt etiam dictum est quæst. 90. artic. 1. Vno modo essentialiter. Alio modo participatiue. Lex essentialiter inuenitur in regulante, & mensurante. Participatiue inuenitur in eo, quod mensuratur, & regulatur. Ita quod omnis inclinatio, vel ordinatio, quæ inuenitur in his, quæ subiecta sunt legi, participatiue dicitur lex, vt ex dictis etiam artic. 2. huius patet.

2. *Distinctio.* In his, quæ legi subduntur, potest inueniri lex participatiue dupliciter. Vno modo directe. Alio modo indirecte. Directe inuenitur lex participatiue in aliquibus, quando legislator directe inclinatur, vel ordinatur sibi subditos in aliquod, secundum quem modum potest dici, quod alia est lex militum, Alia mercatorum, Alia Rusticorum &c. Indirecte vero inuenitur lex participatiue in aliquibus, quando legislator destituit aliqua dignitate sibi subditum, ex qua destitutio sequitur, vt ille destitutus transeat in alium inferioriorem ordinem, & in legem aliam, puta si miles priuatur militis officio, transibit in legem rusticorum, vel mercatorum.

Ex quibus sequitur, quod quælibet inclinatio, cuiusunque rei creata a Deo, sit eius propria lex participatiue directe: & quod inclinatio vnus sit contra legem alterius. Sicut esse furibundum est lex canis, & esse mansuetum est lex ovis, & esse furibundum est contra legem ovis, & esse mansuetum est contra legem canum. Sequitur etiam, quod si quis propria lege sibi naturali destituatur, indirecte possit subiici alteri legi, quæ sit contra propriam legem.

Concl. Fomes non habet rationem legis essentialiter in homine, nec participative directe, sed habet rationem legis participative indirecte.

Probat^{ur}. Quoad singulas partes. Non habet
fomes rationem legis essentialiter, quia fomes nō
est dictamen rationis, in regulante existens, sed
est inclinatio sensualitatis. Non est lex participa-
tue directe, quia propria lex hominis, quā a Deo
directe, & per se participat, est, vt secundū dicta-
men rationis operetur. Quod vero fomes habeat
rationem legis in homine participatue indirecte

ostēditur. quia Ex hoc, quod homo a Deo rece-
sit, in pēnam sui peccati fuit priuatus iustitia origi-
nali, per quam sensualitas fuidicēbatur rati-
oni, & inde homo transiuit ad leges iumentorum,
per hoc, quod sicut iumenta feruntur impetu sē-
sualitatis, sic & homo eodem sensualitatis impe-
tu feratur in suis operibus, iuxta illud Psalmi 48.
Homo cum in honore esset non intellexit, com-
paratus est iumentis insipientibus, & similis fa-
ctus est illis. Fomes igitur habet rationem legis
in homine, indirecte, quia ex hoc, quod est decti-
tus originali iustitia, consecutum est, vt & ipse ho-
mo, sicut bruta, impetu sensualitatis feratur, hoc
diuina iustitia exigente, vt, qui propriam dereli-
quit legem, subiceretur alterius legi, & sic illud,
quod secundum se erat contra naturalem legem
hominis, quod est ferri secundum sensualitatem,
ex diuina iustitia factum est hominis lex, De qua
Apostolus loquens est loco citato in argumento
pro affirmatiua.

Ad Argumenta.

Ad 1. Dicitur, quod fomes in homine potest dupliciter considerari. Vno modo, secundum se, & sic fomes deuiat a ratione, & ad malum inclinatur. Alio modo, in quantum sequitur ex diuina legis iustitia, & sic habet rationem legis, & iusti, ac si diceretur, quod iusta lex esset, vt nobilis propter suam culpam; ad opera sterilia de putaretur, sic iustum est, vt homo, qui cum in honore esset, non intellexit, iumentorum legi subiiciatur ex diuina iustitia. Ad formam igitur dicitur ad minorum, quod fomes deuiat a ratione, secundum se, prout vero ex diuina iustitia homo punitur, ex subiectione ad hanc legem, non deuiat a ratione, sed maxime hoc iustum est.

Ad 2. Dicitur, quod aliquid potest dici lex dupliciter. essentialiter, & participatiue. Lex, quæ habet rationem legis essentialiter, quæ. scilicet regula, & mensura in regulante existens, est obligatiua, & constituit transgressores: Non autem lex, quæ habet rationem legis participatiue, & indirecte. Ad maiorem igitur dicitur, quod est vera de lege essentialiter, non autem de lege participatiua indirecte.

Ad 3. Dicitur, quod inclinatio sensualitatis sit considerari dupliciter. Vno modo, ut est in alijs animalibus. Alio modo, ut est in homine. Si consideretur, ut est in brutis, ordinatur ad bonum cœleste, scilicet ad conseruationem speciei in indiuiduo. In homine autem huiusmodi inclinatio ad huc dupliciter consideratur. Vno modo, ut regulatur a ratione, & sic iterum ordinatur ad bonum commune, scilicet ad conseruationem humanæ speciei. Alio modo, prout exit rationis limites, & regulas, & sic pro-

proprie dicitur fomes. Et tunc adhuc dupliciter consideratur. Vno modo, secundum se, & sic non ordinatur ad bonum commune, sed priuatum, & non habet rationem legis. Alio modo, ut est ex diuina iustitia, & sic habet rationem legis, modo dicto, & ordinatur ad bonum commune, scilicet ad manifestationem diuinæ iustitiæ. Ad formam igitur dicitur ad minorem, quod fomes secundum se non ordinatur ad bonum commune, nec habet rationem legis, sed prout est ex diuina iustitia, habet rationem legis, & ad commune bonum ordinatur.

QVÆSTIO XCII.

DE EFFECTIBVS LEGIS.

ARTICVLVS I.

Vtrum effectus legis sit facere homines bonos.

Pro Negatiua.

Videtur, quod effectus legis non sit facere homines bonos.

1. Illud, quod facit Deus in nobis sine nobis, id est sine opere nostro, non est effectus legis. Sed Homines nunt boni a Deo, sine ipsis hominibus, id est sine opere ipsorum hominum. Ergo Facere homines bonos, non est effectus legis.

Maiores probatur. quia Lex sine opere nostro nullum effectum habet in nobis.

Minor probatur. Virtus est in nobis a Deo sine nobis, ut dictum est, quæst. 55. art. 4. Sed Homines sunt boni per virtutem, est enim virtus, quæ bonum facit habentem, ut dicitur 2. Ethic. cap. 6. Ergo Facere homines bonos, est effectus solius Dei.

2. Quod præexigitur ad obediendum legi, nõ est effectus legis. Sed Bonitas præexigitur ad obediendum legi. Ergo Bonitas non est effectus legis.

Maiores probatur. quia Lex non prodest homini, nisi legi obediat.

Minor probatur. quia Obedire legi, est ex bonitate obedientis.

3. Eius, quod ordinatur ad bonum commune, non est facere homines bonos. Sed Lex ordinatur ad bonum commune, ut dictum est, q. 90. artic. 2. Ergo Legis non est facere homines bonos.

Maiores probatur. quia Quidam bene se habent in his, quæ ad commune pertinent, qui tamen in proprijs non bene se habent, unde per legem boni non fiunt.

4. Leges tyrannicæ non faciunt homines bonos. Sed Quædam leges sunt tyrannicæ. Ergo Quædam leges non faciunt homines bonos.

Maiores probatur. quia Tyrannus non intendit ad bonitatem subditorum, sed solum ad propriam utilitatem, ut Philosophus dicit in sua Polytica lib. 1. cap. 9. & 13.

Pro Affirmatiua.

Philosophus dicit 1. Ethicor. cap. 14. quod Voluntas cuiuslibet legislatoris hæc est, facere homines bonos.

Determinatio.

Conclusio. Proprius effectus legis est facere bonos eos, quibus datur, vel simpliciter, vel secundum quid.

Quæ conclusio probatur quo ad primam partem, & declarat quod ad secundam.

Probatur igitur quo ad priorem partem, quod scilicet, proprius effectus legis sit facere bonos eos, quibus datur. Quod inducit aliquos ad propriam ipsorum virtutem, facit illos bonos. Sed Propriū est legis, inducere subiectos ad propriam ipsorum virtutem. Ergo Proprius effectus legis est facere bonos eos, quibus datur.

Maiores probatur. quia Virtus est, quæ bonum facit habentem.

Minor probatur. Inducens subditos ad hoc, ut bene subdantur ei, a quo gubernantur, inducit eos ad propriam virtutem. Sed Proprium legis est inducere subditos, ut bene subdantur ei, a quo gubernantur: ad hoc enim vnaquæque lex ordinatur, ut obediat ei a subditis. Ergo Proprium legis est inducere homines ad propriam virtutem.

Maiores huius probatur. quia Virtus subditi est, ut bene subdatur ei, a quo gubernatur, sicut virtus irascibilis, & concupiscibilis, in hoc consistit, quod sint bene obediens rationi.

Minor huius probatur. quia Lex nihil aliud est, quā dictamen rationis in præsidente, quo subditi gubernantur.

Manifestatur conclusio quo ad secundam partem. scilicet quod lex faciat bonos subditos simpliciter, vel secundum quid. Intentio enim ferentis legem, potest ferri in duplex bonum. In simpliciter bonum, & verum. Et in non simpliciter bonum. Si intentio ferentis legem tendat in verum bonum, quod est bonum cōe sibi diuinam iustitiam regulatum, sequitur, quod per legem fiant homines boni simpliciter. Si vero intentio legislatoris feratur ad id, quod non est bonum simpliciter, sed vtile, vel delectabile sibi, vel repugnans diuinæ iustitiæ, tunc lex non facit homines bonos simpliciter, sed secundum quid, scilicet in ordine ad tale regimen: sic autem bonum inuenitur etiam in per se malis, sicut aliquis

Tiquis dicitur bonus latro, quia operatur accorde ad suum finem.

Ad Argumenta.

Ad 1. Negatur minor vniuersaliter. Deus nimirum facit nos bonos etiam nobis cooperantibus. Ad probationem dicitur ad maiorem, quod duplex est virtus, scilicet acquisita, & infusa. Ad utramque autem operatur operum assuetudo, sed diuersimode. Nam virtutem acquisitam causat, ad virtutem autem infusam disponit, & eam iam habitam conseruat, & promouet. Et quia lex datur ad hoc, vt dirigat actus humanos, in quantum actus humani operantur ad virtutem, in quantum lex facit homines bonos. Vnde, & Phil. dicit. 2. Polytic. cap. 6. quod legislatores assuefacientes, faciunt bonos. Ad dictum Augustini dicitur, quod virtus est, quam facit Deus in nobis, sine nobis, intelligitur de virtute infusa, (vt loco citato dictum est) quam Deus facit in nobis, sine nobis causantibus, tamen per nostras actiones ad ipsam disponi possumus.

Ad 2. Dicitur ad minorem, & ad eius probationem, quod non semper aliquis obedit legi ex bonitate perfecta virtutis, sed quandoque ex timore pœnæ, quandoque vero ex solo dictamine rationis, quod est quoddam principium virtutis, vt dictum est, q. 63. art. 1. & 2.

Ad 3. Negatur maior. Ad probationem dicitur, quod Bonitas cuiuslibet partis consideratur in proportionem ad suum totum. Vnde, & Aug. dicit in 1. Cōfess. quod Turpis est omnis pars, quæ suo toti non congruit. Cum igitur quilibet homo sit pars ciuitatis, impossibile est, quod aliquis homo sit pars bonus, nisi sit bene proportionatus bono communi: nec totum potest bene existere, nisi ex partibus sibi proportionatis. Vnde impossibile est, quod bonum commune ciuitatis bene se habeat, nisi ciues sint virtuosus, ad minus illi, quibus conuenit principari. Sufficient autem, quantum ad bonum communis, quod alii in quantum sint virtuosus, quod Principum mandatis obediunt, ideo Phil. dicit in 3. Polyt. cap. 13. quod eadem est virtus principis, & boni viri, non autem eadem est virtus cuiuscunque ciuis, & boni viri.

Ad 4. Dicitur dupliciter. Primò ad minorem, quod lex tyrannica, cum non sit secundum rationem, non est simpliciter lex, sed magis est quædã legis peruersitas. Vnde non oportet, vt secundum ipsam fiant homines boni.

Secundo dicitur ad maiorem, quod etiam lex tyrannica in quantum habet aliquid de ratione legis, intendit ad hoc, quod ciues sint boni. Non enim habet de ratione legis, nisi secundum hoc,

quod est dictamen alicuius præsentis in subditis, & ad hoc tendit, vt subditi legi sint bene obediens, quod est eos esse bonos, non simpliciter, sed in ordine ad tale regimen.

ARTICVLVS II.

Vtrum legis actus conuenienter assignentur.

Pro Negatiua.

Videtur quod Actus Legis, qui sunt Imperare, Vtare, Permittere, & Punire non sint conuenienter assignati.

1. Præcipere idem est, quod imperare. Sed Omnis Lex est commune præceptum, vt Legisla dicit in digest. Vet. lib. 1. tit. 3. Ergo Solum præceptum est actus legis, & alii superflue assignantur.

2. Consilium est de meliori bono, quam præceptum. Ergo Magis pertinet ad legem consulere, quam præcipere.

Consequentia probatur. quia Effectus legis est, vt inducat subditos ad bonum, vt dictum est, artic. præced.

3. Homo incitatur ad bonum non solum per pœnas, sed etiam per præmia. Ergo Actus legis est non solum punire, sed etiam præmiare.

4. Cuius intentio est facere homines bonos, non debet habere pro proprio actu punire. Sed Intentio legislatoris est, vt per legem faciat homines bonos, vt dictum est artic. præced. Ergo Actus proprius legis non est punire.

Maiores probatur. quia Ille, qui solo metu pœnarum obedit legi, non est bonus. Nam timore seruili, qui est timor pœnarum, & si aliquis faciat bonum, non tamen bene sit, vt August. dicit in Enchir. cap. 21.

Pro Affirmatiua.

Isidorus 5. Aethymol. cap. 19. dicit. Omnis lex aut permittit aliquid, vt viri fortis præmium petat: aut vetat, vt sacrarum virginum nuptias nulli liceat petere: aut punit, vt qui eadem fecerit, capite plectatur.

Determinatio.

Conclusio. Actus legis, qui sunt Imperare, Vtare, Permittere, & Punire conuenienter assignantur.

Probatur. Cuius est inducere homines ad obediendum præceptis, quæ sunt de actibus humanis, per aliquid, conuenienter assignantur quatuor enumerati actus.

Sed Legis est inducere homines ad obedi-

tiam præceptorum, quæ sunt de actibus humanis, per aliquod aliud. Ergo Legis actus conuenienter hi quatuor assignantur.

Maiores probatur. Nam humanorum actuum tres sunt differentie. Quidam sunt boni ex genere, & hi sunt actus virtutum, Quidam sunt mali ex genere, vt sunt actus vitiosi. Quidam sunt indifferentes ex genere, & tales possunt etiam dici actus parum boni, & parum mali.

Respectu actuum bonorum ponitur præceptum, vt dicitur, 5. Ethic. Respectu malorum, prohibitio. Et respectu indifferentium, permittio. Id autem, per quod quis inducitur ad obediendum his præceptis, est pœna. Vnde Cuius est inducere per aliquod homines ad obediendum præceptis, quæ sunt de actibus humanis, conuenienter assignantur hi quatuor actus, scilicet præcipere, vetare, permittere, & punire.

Minor. Et quod legis sit inducere ad obediendum præceptis, quæ sunt de humanis actibus, probatur, quia Præcepta legis sunt de actibus humanis, in quibus lex dirigit, vt dictum est q. 90. ar. 1. & 91. art. 4.

Quod vero lex intendat inducere homines ad obedientiam horum præceptorum per aliquod aliud. Manifestatur, quia Lex est dictamen rationis per modum præcipiendi, sicut enunciatio est rationis dictamen per modum enunciandi. Proprium autem rationis est, vt ex aliquo ad aliquid inducat. Vnde sicut in demonstratiuis scientiis ratio inducit ad assensum conclusionum per quædam principia, ita per legem inducitur ad obedientiam præceptorum per aliquod, quod est pœnæ timor.

Ad Argumenta.

Ad 1. Dicitur ad minorem, quod Præceptum dupliciter sumitur. Vno modo communiter. Alio modo proprie. Præceptum communiter est, de quocunque habente aliquo modo rationem boni. Præceptum proprie acceptum est solum de bono virtutis. Cessatio a malo habet quodammodo rationem boni, & ideo prohibitio communiter potest dici præceptum, in quantum prohibitio est de hoc bono, tamen præceptum proprie dici non potest, quia non est de bono virtutis, & idem est etiam dicendum de permissione, & punitione. Breuiter igitur dicitur ad minorem, quod omnis lex est præceptum, non proprie, sed communiter sumptum, & ideo alij actus non supersunt.

Ad 2. Negatur consequentia. Ad hoc enim, quod aliquis sit actus proprius legis, non sufficit, vt sit de meliori bono, sed ultra hoc requiritur,

quod pertineat solum ad personam publicam, & quia consilium potest pertinere ad personam priuatam, cuius non est condere legem, vt Apost. 1. Cor. 7. cum consilium daret, dixit, Ego dico, non Dominus. Ideo consilium non ponitur inter legis actus.

Ad 3. Negatur consequentia, & ratio negationis est, quia præmiare, potest ad quemlibet pertinere, punire vero, non pertinet nisi ad legis ministrum, cuius autoritate pœna inferitur, & propterea præmiare non ponitur effectus legis, sed solum punire.

Ad 4. Negatur maior. Nam per hoc, quod aliquis incipit assuefieri ad vitandum mala, & ad implendum bona, propter meritum pœnæ, perducitur quandoque ad hoc, quod delectabiliter, & ex propria voluntate hoc faciat, & secundum hoc, lex puniendo perducit homines ad hoc, quod sint boni.

DE SINGVLIS Legibus.

D Einde considerandum est de singulis legibus, &

Primò, De lege æterna, quasi. 93.

Secundò, De lege naturali, q. 94.

Tertiò, De lege humana, q. 95. 96. 97.

Quartò, De lege veteri, quasi. 98. vsque ad 105. incluse.

Quintò, De lege noua, qua est lex euangelij, quasi. 106. 107. 108.

De sexta lege, qua est lex fomitis, sufficiat, quod, dum de peccato originali tractaretur, quasi. 81. & sequentibus, habitum est.

Q V Æ S T I O XCIII.

DE LEGE ÆTERNA.

A R T I C V L V S I.

Vtrum Lex æterna sit summa ratio in Deo existens.

Pro Negatiua.

*V*ideretur, quod Lex æterna non sit summa ratio in Deo existens.

1. Quod est vnum tantum, non est idem, quod ratio in mente diuina existens. Sed Lex æterna est vna tantum.

Ergo Lex æterna non est idem quod ratio in mente diuina existens.

Minor

Maïor probatur. quia In mente diuina non est vna tantum, sed plures rationes, dicit enim Aug. in li. 8. q. 9. 46. quod Deus singula fecit proprijs rationibus.

2. De cuius ratione est, vt verbo promulgetur, non potest esse idem, quod diuina ratio. Sed De ratione legis est, vt verbo promulgetur, vt dictum est, q. 90. art. 4.

Ergo Lex æterna non videtur esse idem, quod ratio diuina.

Maïor probatur. quia Verbum in diuinis dicitur personaliter, vt prima parte, q. 34. dictum est. Ratio autem dicitur essentialiter.

3. Veritas non est idem quod summa ratio in Deo existens. Sed Lex æterna est idem quod veritas. Ergo Lex æterna non est summa ratio in Deo existens.

Maïor probatur. quia Non est eadem ratio veritatis, & rationis.

Minor probatur. Quod est supra mentem nostram, est idem quod veritas. Sed Lex æterna est supra mentem nostram existens. Ergo Lex æterna est idem quod veritas, & hæc est ratio Aug. libro de vera relig. cap. 30.

Pro Affirmatiua.

Aug. lib. 1. de libero arbitrio cap. 6. dicit, quod lex æterna est summa ratio, cui semper obtemperandum est.

Determinatio.

Conclusio. Lex æterna est summa ratio in Deo existens.

Probatur. Illud, quo diriguntur, & mouentur omnia in debitum finem, est summa ratio in Deo existens. Sed Lex æterna est, qua omnia mouentur, & diriguntur in debitum finem. Ergo Lex æterna est summa ratio in Deo existens.

Ad euidenciam vtriusque præmissæ est considerandum, quod sicut in quolibet artifice, præexistit ratio eorum, quæ sunt per artem, ita in quolibet gubernante oportet, vt præexistat ratio eorum, quæ agenda sunt per eos, qui gubernationi subduntur. Et sicut ratio rerum fiendarum per artem ab artifice, vocatur ars, vel exemplar rerum artificiarum, ita etiam ratio existens in gubernante, qua diriguntur actus subditorum, ratione legis obtinet, seruatis tamen alijs legis conditionibus, quas, in quest. 90. dictum est, pertinere ad legem.

Considerandum est etiã, quod Deus per suam sapientiam est vniuersorum conditor, & ad vniuersa creata comparatur, vt artifex ad artificia, vt dictum est, prima parte, quest. 14. artic. 3. est

etiam Deus gubernator omnium actuum, & motionum, quæ inueniuntur in singulis creaturis, vt etiam habitum est prima parte, quest. 103. art. 5. Vnde sicut ratio diuine sapientiæ, in quantum per eam cuncta sunt creata, habet rationem artis, vel exemplaris, vel Ideæ. Ita ratio eiusdem diuine sapientiæ mouentis omnia ad debitum finem, obtinet rationem legis.

Ex quibus patet primò maïor. Nam sicut ratio rerum artificiarum est in mente artificis, & ratio, qua omnia sunt condita, est in Deo, vt est rerum artifex. Ita illud, quo cuncta ad debitum finem, per diuinam gubernationem mouentur, est in Deo, vt in gubernante omnia.

Patet etiam minor. quia sicut Ars diuina est ratio, qua omnia sunt condita, ita lex æterna est ratio, qua omnia in debitum finem diriguntur. Est ergo lex æterna ratio diuine sapientiæ, secundum quod est directiua omnium actuum, & motionum.

Ad Argumenta.

Ad 1. Negatur maïor. Ad probationem dicitur, quod Aug. loquitur ibi de rationibus idealibus, quæ existunt in Deo, vt est artifex rerum, nõ autem de ratione, quæ est in Deo, vt est rerum gubernator: illæ enim sunt plures, ista vero est vna tantum. Et ratio est, quia rationes ideales, secundum quarum similitudines res sunt productæ, respiciunt naturas singularum rerum, & ideo in eis inuenitur quædam distinctio, & pluralitas secundum diuersos respectus ad res, vt dictum est prima parte, questione 15. articulo secundo, & 3.

Lex autem dicitur directiua actuum in ordine ad bonum commune, vt dictum est supra, quest. 90. art. 2. Ea autem, quæ sunt in seipsis diuersa, considerantur vt vnum, secundum quod ordinantur ad aliquod commune. Et quia lex æterna est ratio huius ordinis rerum ad aliquod commune, propterea lex æterna est tantum vna.

Ad 2. Negatur maïor. Ad probationem conceditur quidem, quod verbum dicatur personaliter, & ratio, quæ est lex æterna, dicatur essentialiter, sed tamen ex hoc non sequitur, quod lex non sit ratio in Deo existens.

Pro quo est sciendũ, quod circa verbum quodcunque, duo possunt considerari, sipsum verbũ, & ea, quæ verbo exprimuntur. Verbum enim vocale est quoddam ab ore hominis prolatum, sed hoc verbo exprimuntur, quæ rebus humanis significantur: & eadem ratio est de verbo hominis mentali, quod nihil aliud est, quam quoddam

FFFf mente

mente conceptum, quo homo exprimit mentaliter ea, de quibus cogitat. Sic igitur in diuinis ipsum verbum, quod est conceptio paterni intellectus personaliter dicitur, sed omnia quæcunque sunt in scientia patris, siue essentialia, siue personalia, siue etiam Dei opera exprimiuntur hoc verbo, ut patet per August. in 15. de Trin. cap. 14. & inter cetera, quæ hoc verbo exprimiuntur, etiam ipsa lex æterna verbo ipso exprimitur. Nec tamē propter hoc sequitur, quod lex æterna personaliter in diuinis dicitur. Appropriatur tamen filio, propter conuenientiam, quam habet ratio ad verbum. Est igitur lex æterna ratio expressa in verbo, vnde est in diuina mente sicut & cetera, quæ verbo exprimiuntur.

Ad 3. Negatur maior. Ad probationem dicitur, quod non est eadem ratio veritatis, & rationis humani intellectus, sicut est de veritate diuini intellectus. Ratio enim diuini intellectus aliter se habet ad res, quā ratio humani intellectus. Intellectus enim humanus est mensuratus a rebus: conceptus enim hominis non est verus propter se ipsum, sed dicitur verus ex hoc, quod consonat rebus. Ex hoc enim quod res est, vel non est, opinio vera, vel falsa est. Intellectus vero diuinus est mensura rerum: quia vnaqueque res in tantum habet de veritate, in quantum imitatur intellectum diuinum, ut in prima parte dictum est, quasi 16. art. 1. & ideo intellectus diuinus est verus secundum se, vnde ratio eius est ipsa veritas.

ARTICVLVS II.

Vtrum Lex æterna sit omnibus nota.

Pro Negatiua.

Videretur, quod Lex æterna non sit omnibus nota.

1. Ratio in mente diuina existens non est omnibus nota. Sed Lex æterna est ratio in mente diuina existens. Ergo Lex æterna non est omnibus nota.

Maior probatur. quia Apost. 1. Corinth. 2. dicit, quod Quæ sunt Dei, nemo nouit, nisi spiritus Dei.

2. Qualiter omnia sint ordinatissima, non omnes cognoscunt. Sed Lex æterna est, qua iustum est, ut omnia sint ordinatissima, ut August. dicit, lib. 1. de libero arbitrio cap. 6. Ergo Lex æterna non est omnibus nota.

3. Illud, de quo homines iudicare non possunt non est omnibus notum. Sed Lex æterna est, de qua homines iudicare non possunt, ut Aug. dicit, libro de vera religione cap. 31.

Ergo Lex æterna non est omnibus nota: Maior prob. quia 1. Ethic. cap. 3. dicitur, quod Vnusquisque bene iudicat, quæ cognoscit.

Pro Affirmatiua.

Aug. lib. 1. de lib. arb. cap. 6. dicit, quod æternæ legis motio omnibus impressa est.

Determinatio.

Distinctio. Dupliciter aliquid potest cognosci. Vno modo in se ipso. Alio modo in suo effectu, in quo aliqua similitudo eius inuenitur. Sicut Qui videt ignem, cognoscit ignem in se ipso, qui vero videt solum lumen, quod est ab igne, cognoscit ignem in suo effectu. Sicut videns radios solis cognoscit solem, non in se ipso secundum suam substantiam, sed in suo effectu.

1. Conclusio. Legem æternam, secundum quod in se ipsa est, nullus potest cognoscere, nisi solus Deus, & beati, qui Deum per essentiam vident.

Hanc probat primum argumentum pro negatiua. Quæ enim sunt Dei, nemo nouit, nisi ipse Deus, & qui diuinam essentiam vident.

2. Conclusio. Omnis creatura rationalis cognoscit legem æternam, secundum aliquam eius irradiationem maiorem, vel minorem.

Probatur. Qui cognoscunt veritatem, cognoscunt legem æternam in suo effectu. Sed Omnes creature rationales cognoscunt veritatem. Ergo Omnes creature rationales cognoscunt legem æternam in suo effectu.

Maior probatur. quia Omnis cognitio veritatis est quadam irradiatio, & participatio legis æternæ, quæ est veritas incommutabilis, ut Aug. dicit in lib. de vera relig. cap. 18.

Minor probatur. quia Omnes aliquater cognoscunt veritatem, ad minus quantum ad principia communia legis naturalis, in alijs vero quidam plus, & quidam minus participant de cognitione veritatis, & secundum hoc etiam; plus, & minus cognoscunt legem æternam.

Ad Argumenta.

Ad 1. Dicitur ad maiorem, & ad eius probationem, quod Ea, quæ sunt Dei, in se ipsis quidē cognosci a nobis non possunt, sed tamen in effectibus suis nobis manifestantur, secundum illud Roman. 1. Inuisibilia Dei per ea, quæ facta sunt, intellecta conspiciuntur.

Ad 2. Dicitur ad maiorem, quod legem æternam, etsi vnusquisque cognoscat pro sua capacitate, secundum modum prædictum, nullus tamē

cam

eā comprehendere potest. Non enim totaliter manifestari potest per suos effectus, & ideo non oportet, quod quicunque cognoscit legem eternā secundum modum prædictum, cognoscit totum ordinem rerum, quo omnia sunt ordinatissima.

Ad 3. Dicitur ad maiorem, quod iudicare de aliquo potest intelligi dupliciter. Vno modo, sicut vis cognitiua diiudicat de proprio obiecto, secundum illud Iob. 21. Nonne auris verba diiudicat, & fauces comedentis saporem? & secundum istum modum iudicii Phil. dicit, quod Vnusquisque bene diiudicat, quæ cognoscit, iudicando an sit verum, quod proponitur. Alio modo, secundum quod superior iudicat de inferiori quodam practico iudicio, an ita debeat esse, vel non ita: & sic nullus potest iudicare de lege æterna.

ARTICVLVS III.

Utum Omnis Lex a Lege æterna deriuetur.

Pro Negatiua.

Videtur, quod non omnis Lex a Lege æterna deriuetur.

1. Lex fomitis non deriuatur a lege æterna. Ergo Non omnis lex a lege æterna deriuatur.

Antecedens prob. quia Ad legem fomitis pertinet prudentia carnis, de qua dicitur Roman. 8. quod legi Dei non potest esse subiecta.

Consequentia probatur. quia Lex fomitis est lex quædam, vt dictum est questione 91. articulo 6.

2. Quæ sunt iniqua, non possunt procedere a lege æterna.

Sed Quædam leges sunt iniquæ.

Ergo Non omnes leges procedunt a lege æterna.

Maiores probatur. quia vt dictum est art. præced. Lex æterna est, secundum quam iustum est, vt omnia ordinatissima sint.

Minor prob. quia dicitur Esaie 10. Vbi qui condunt leges iniquas.

3. Leges, quæ permittunt ea, quæ vindicantur per diuinam prouidentiam, non procedunt a lege æterna.

Sed Lex, quæ populo regendo scribitur, recte multa permittit, quæ per diuinam prouidentiam vindicantur, vt August. dicit lib. 1. de lib. arbit. capit. 5.

Ergo Nec omnis lex recta procedit a lege æterna.

Maiores probatur. quia Ratio diuinæ prouidentie est lex æterna.

Pro Affirmatiua.

A Diuina sapientia omnes leges deriuantur. Sed Lex æterna est ratio diuinæ sapientiæ. Ergo A lege æterna omnes leges deriuantur.

Determinatio.

Conclusio. Omnes leges, in quantum participant de ratione recta, tantum deriuantur a lege æterna.

Probatur. A ratione gubernationis existente in supremo gubernante, necesse est deriuari omnes rationes gubernationis in inferioribus gubernantibus. Sed Lex æterna est ratio gubernationis in supremo gubernante, alie vero leges sunt rationes gubernationis in inferioribus gubernantibus.

Ergo Necesse est, vt a lege æterna deriuentur omnes alie leges, in quantum participant rationem rectam.

Maiores probatur Primo. quia Cum mouens secundum non moueat, nisi in quantum mouetur a primo, necesse est, vt in omnibus mouentibus ordinatis virtus secundi mouentis deriuetur a virtute primi mouentis.

Prob. secundo. quia In omnibus gubernantibus videmus, quod ratio gubernationis a primo gubernante ad secundum deriuatur, sicut ratio eorum, quæ sunt agenda in ciuitate, deriuatur a Rege per præceptum in inferiores administratores: & in artificialibus etiam, ratio artificialium actuum deriuatur ab architectore ad inferiores artifices, qui manu operantur.

Et confirmatur conclusio præcipue quo ad secundam partem, Authoritate August. lib. 1. de lib. arbit. cap. 5. & 6. dicentis, quod In temporali lege nihil est iustum, ac legitimum, quod non ex lege æterna homines sibi deriuauerunt.

Ad Argumenta.

Ad 1: Dicitur, quod fomes consideratur dupliciter. Vno modo, in quantum est pœna consequens diuinam iustitiam, & sic habet rationem legis in homine, & secundum hoc manifestum est, quod deriuatur a lege æterna. Alio modo, in quantum inclinatur ad peccatum, & sic contrariatur legi Dei, & non habet rationem legis, vt patet ex dictis, q. 91. art. 6.

Ad formam igitur argumenti dicitur ad maiorem, quod lex fomitis, vt habet rationem legis, est a lege æterna. Ad probationem dicitur probare, quod fomes in quantum inclinatur ad peccatum non fit a lege æterna, quod est verum, quia sic

non habet rationem legis, sed potius diuinæ legi contrariatur.

Ad 2. Dicitur ad minorem, & ad eius probationem, quod lex humana in tantum habet rationem legis, in quantum est secundum rationem rectam, & secundum hoc, manifestum est, quod a lege æterna deriuatur. In quantum vero a ratione recedit, dicitur lex iniqua, & sic non habet rationem legis, sed magis violentiæ cuiusdam. Et tamen in ipsa lege iniqua, in quantum seruatur aliquid de similitudine legis, propter ordinem potestatis eius, qui legem fecit, secundum hoc etiam deriuatur a lege æterna. Omnis enim potestas a domino Deo est, vt dicitur Rom. 13.

Ad 3. Dicitur ad minorem, quod lex humana dicitur aliqua permittere, non quasi ea approbât, sed quasi ea dirigere non potens: multa enim diriguntur lege diuina, quæ dirigere non possunt humana, plura enim subduntur causæ superiori, quam inferiori. Vnde hoc ipsum, quod lex humana nõ se intromittit de his, quæ dirigere non potest, ex ordine legis æternæ prouenit. Secus autem esset, si approbaret ea, quæ lex æterna reprobât. Vnde ex hoc non habetur, quod lex humana non deriuatur a lege æterna, sed quod non perfecte eam assequi possit.

ARTICVLVS IV.

Vtrum necessaria, & æterna subijciantur legi æternæ.

Pro Affirmatiua.

Videtur, quod Necessaria, & æterna subijciantur legi æternæ.

1. Diuina voluntas subijcitur legi æternæ. Sed Voluntas diuina est aliquid æternum. Ergo Aliquid æternum subijcitur legi æternæ.

Maiores probatur. Quod subijcitur diuinæ rationi, subditur legi æternæ. Sed Diuina voluntas subijcitur diuinæ rationi. Ergo Voluntas diuina subijcitur legi æternæ.

Maiores probatur, quia Lex æterna est ipsa diuina ratio. Vnde quod subijcitur diuinæ rationi, subijcitur æternæ legi.

Minor probatur. quia Voluntas diuina est rationalis, vt potest iusta.

2. Filius Dei subijcitur legi æternæ. Sed Filius Dei est aliquid æternum. Ergo Aliquid æternum subijcitur legi æternæ.

Maiores probatur. quia Quicquid subijcitur Regi, subijcitur legi Regis. Sed Filius Dei subiectus est Regi, scilicet Deo, & Patri, cum tradide-

rit ei regnum, vt dicitur 1. Corinth. 15. Ergo Filius subijcitur legi æternæ.

3. Quæ subduntur diuinæ prouidentiæ, subijciuntur legi æternæ. Sed Multa necessaria subduntur diuinæ prouidentiæ, sicut sunt substantiæ spirituales, & corpora cœlestia. Ergo Necessaria subduntur legi æternæ.

Maiores probatur. quia Lex æterna est ratio diuinæ prouidentiæ.

Pro Negatiua.

Quæ subijciuntur legi, possunt aliter se habere. Sed Ea, quæ sunt necessaria, non possunt aliter se habere. Ergo Necessaria non subijciuntur legi.

Maiores probatur. quia Lex imponitur ei, qui potest aliter se habere, vt homini, qui potest se habere ad malum, & ad bonum, imponitur lex, vt cohibeatur a malo, vt ex dictis patet.

Determinatio.

Conclusio. Legi æternæ subduntur omnia, quæ sunt in rebus a Deo creatis, siue sint contingentia, siue sint necessaria. Ea vero, quæ pertinent ad naturam, & essentiam diuinam, legi æternæ non subduntur, sed sunt realiter ipsa lex diuina.

Probatur. Quæcunque diuinæ gubernationi subduntur, subijciuntur etiam legi æternæ. Quæ vero gubernationi diuinæ non subduntur, neque legi æternæ subduntur. Sed Omnia, quæ sunt in rebus creatis, subduntur diuinæ gubernationi, ea vero, quæ pertinent ad ipsam naturam diuinam, diuinæ gubernationi non subduntur. Ergo Omnia, quæ sunt in rebus creatis, siue necessaria, siue contingentia, subduntur legi æternæ. Quæ vero ad diuinam naturam pertinent, legi æternæ non subijciuntur.

Maiores probatur. quia Sicut art. 1. huius quæstionis est, Lex æterna est ratio diuinæ gubernationis.

Minor manifestatur ex his, quæ circa nos sunt. Humana enim gubernationi subduntur ea, quæ per homines fieri possunt, quæ vero ad naturam hominis pertinent, non subduntur gubernationi humane. Quod enim homo habeat animam, manus, aut pedes, non subditur humane gubernationi. Sic etiam creata omnia diuinæ gubernationi subduntur, perti-

nentia vero ad ipsam naturam diuinam non subijciuntur alicui gubernationi, aut legi.

Ad

Ad Argumenta.

Ad 1. Negatur maior. Ad minorem probationis dicitur, quod de voluntate Dei dupliciter loqui possumus. Vno modo quantum ad ipsam voluntatem, & sic cum voluntas Dei sit ipsa essentia eius, non subditur gubernationi diuinæ, neque legi æternæ, sed idem est, quod lex æternæ. Alio modo possumus loqui de voluntate diuinæ, quantum ad ea, quæ Deus vult circa creaturas, quæ quidē subiecta sunt legi æternæ, in quantum horum voluntas Dei dicitur rationabilis, Alioquin ratione sui ipsius magis est dicenda ipsa ratio.

Ad 2. Negatur maior. Filius enim Dei non est a Deo factus, sed naturaliter ab ipso genitus, & ideo non subditur diuinæ providentiæ, aut legi æternæ, sed magis ipse est lex æterna per quandā appropriationem, ut patet per Aug. in lib. de vera Relig. cap. 3. Ad probationem dicitur, quod filius dicitur esse subiectus patri, ratione humanæ naturæ, secundum quam Pater dicitur esse maior eo.

Ad 3. Conceditur totum, probat enim, quod necessaria creata subdantur legi æternæ, quod verum est, ut patet in corpore.

Ad Argumentum pro Negativa.

Ad argumentum pro negativa dicitur ad maiorem, quod ut dicit Phil. 5. Metaph. tex. 16. Quædam necessaria habent causam suæ necessitatis, unde hoc ipsum, quod impossibile est, ea aliter se habere, habent ab alio, & hoc ipsum est cohibitio quædam efficacissima. Nam quæcumque cohibetur in communi, in tantum cohiberi dicitur, in quantum non possunt aliter facere, quam de eis disponatur.

ARTICVLVS V.

Vtrum Naturalia contingentia
subiunt legi æternæ.

Pro Negativa.

Videtur, quod Naturalia contingentia non subiunt legi æternæ.

1. His, quæ subijciuntur legi, debet promulgari lex. Sed Naturalibus contingentibus non potest promulgari lex. Ergo Naturalia contingentia non subijciuntur alicui legi.

Mayor probatur. quia Promulgatio est de ratione legis, ut dictum est. q. 90. ar. 4.

Minor probatur. quia Promulgatio non po-

test fieri, nisi ad creaturas rationales.

2. Ea, quæ subiunt legi æternæ, participant rationem. Sed Naturalia contingentia non participant rationem. Ergo Contingentia naturalia non subiunt legi æternæ.

Mayor probatur. Quæ obediunt rationi, participant rationem, ut dicitur lib. 1. Ethic. cap. vltimo. Sed Quæ subiunt legi æternæ, obediunt rationi. Est enim lex æterna summa ratio, ut dictum est art. 1. huius. Ergo Quæ subiunt legi æternæ, participant rationem.

Minor principaliter probatur. quia Naturalia contingentia sunt penitus irrationabilia.

3. In his, quæ subiunt legi æternæ, non potest accidere defectus. Sed In contingentibus naturalibus accidit defectus. Ergo Naturalia contingentia non subiunt legi æternæ.

Mayor probatur. quia Lex æterna est efficacissima. Unde in his, quæ ei subduntur, non accidit defectus, sed omnibus per legis efficaciam prouidetur.

Pro Affirmativa.

• Proterb. 8. dicitur. Quando circumdabat mare terminum suum, & legem ponebat aquis, ne transirent fines suos.

Determinatio.

1. Conclusio. Naturalia contingentia, & motus, & actiones totius naturæ subijciuntur legi æternæ.

Probatur. Ea, quibus Deus potest imponere legem, subijciuntur legi æternæ. Sed Naturalibus contingentibus, & toti naturæ Deus potest imponere legem. Ergo Naturalia contingentia, & actiones, & motus totius naturæ subiunt legi æternæ.

Minor manifestatur ex differentia legis, quæ est ab homine, & legis Dei. Lex. n. hominis non se extendit ad irrationabilia, sed ad creaturas rationales, quæ sibi subijciuntur: sicut lex Regis nō se extendit ad irrationabilia, sed solum ad homines de suo regno, qui sibi sunt subiecti. Et rō huius est, quia lex, proprie loquendo, non est directiua actuum priorum ipsius, qui condit legem, sed est directiua actuum eorum, qui subijciuntur gubernationi eis, qui condit legem. Unde nullus, proprie loquendo, suis actib. legē imponit. Quæcumq; aut aguntur circa vsum rerum irrationalium homini subditarum, aguntur per actum ipsius hominis mouentis huiusmodi res. Nā creaturæ irrationales non agunt se ipsas, sed ab alijs aguntur, ut dictum est q. 1. ar. 2. Et ideo rebus irrationalib. homo legem imponere nō pōt, quantumcunq; ei subijciuntur. Rebus autē rationalib. sibi subiectis potest

potest imponere legem, in quantum suo præcepto, vel denunciatione quacunq; imprimi mētī earum, quandam regulam, quæ est principium agendi.

In forma igitur ex dictis probatur, quod homo irrationalibus non possit imponere legem, & quod eam possit imponere rationalibus, & primum ostenditur hoc modo.

Actibus propriis nullus potest, proprie loquendo, imponere legem. Sed Omnes actus, qui sunt circa vsum irrationalium, sunt proprii hominis. Ergo Creaturis irrationalibus homo non potest imponere legem.

Præmissæ patent ex dictis.

Alterum vero, scilicet quod homo hominibus sibi subiectis legem imponere possit, sic ostenditur.

Qui potest menti aliquorum imprimere regulam operandi, potest illis legem imponere. Sed Homo potest hominibus sibi subiectis imprimere regulam eis in suis operationibus. Ergo Homo hominibus sibi subiectis potest legem imponere.

Maiores prob. quia Cum lex sit regula operationum eorum, quibus datur lex, qui potest talē regulam sibi subiectis imprimere, legem imponit. Minor prob. quia Homo, cuius gubernationi alij subijciuntur, potest per denunciationem, vel præceptum, regulā operandi suis subditis imprimere.

Deus autem potest, ad differentiam hominis, imponere legem, non solum rationalibus, sed etiam irrationalibus rebus, quod ostenditur. Qui imprimit toti naturæ principia propriorum actuum, imponit toti naturæ legem. Sed Deus imprimit toti naturæ principia propriorum actuum. Ergo Deus legem ponit toti naturæ.

Maiores prob. quia Sicut homo per hoc dicitur legem ponere hominibus, sibi subiectis, quia potest imprimere menti eorum regulam operandi, ita Deus toti naturæ legem dicitur imponere, quia omnibus rebus imprimi principia propriarum operationum, & per hunc modum dicitur Deus toti naturæ præcipere, iuxta illud Ps. 148. Præceptum posuit, & non præteribit. Et per hanc etiam rationem, omnes motus, & actiones totius naturæ, legi æternæ subduntur.

Potest sub alia forma probari conclusio sic. Ea, quibus Deus potest imprimere principia operationum, subijciuntur legi æternæ. Sed Deus omnibus creaturis, & toti naturæ potest imprimere principia propriarum operationum. Ergo Tota natura legi æternæ est subiecta.

Maiores prob. quia Lex est regula operandi.

Minor prob. ex differentia legis hominis, a lege Dei. Homo enim irrationalibus non potest imponere legem, quia actus, qui aguntur circa vsum

irrationalium, sunt hominis, ut dictum est.

2. Concl. Creaturæ rationales, & irrationales, non eodem modo subijciuntur legi æternæ.

Manifestatur. Nam creaturæ irrationales subduntur legi æternæ, solum in quantum mouentur a diuina providentia. Rationales vero per intellectum diuini præcepti.

Ad Argumenta.

Ad 1. Negatur minor. Ad prob. dicitur, quod rebus naturalibus sit promulgatio æternæ legis, quatenus eis imprimuntur principia propriarum operationum. Hoc. n. modo si habet impressio actiui principij intrinseci, quantum ad res naturales, sicut se habet promulgatio legis, quantum ad homines, quia per legis promulgationem imprimuntur hominibus quoddam directiui principium humanorum actuum, ut dictum est.

Ad 2. Negatur minor. Quamuis. n. creaturæ irrationales non participant ratione humana, nec ei obediant, participat tamen ratione diuina. Nō quidem per modum apprehensionis, quasi cognoscant ipsam diuinam legem, sed per modum obedientię, quia. scilicet diuinæ legi obediunt, & hoc, quia ad plura se extendit virtus rationis diuinæ, quam rationis humanæ. Et sicut membra corporis humani mouentur ad imperium rationis, non tamē participant ratione (quia non habent aliquam apprehensionem ordinatam ad rationem) ita etiam creaturæ irrationales mouentur a Deo, nec tamē propter hoc sunt rationales.

Ad 3. Negatur maior. Ad probationem dicitur quod Defectus, qui accidunt in rebus naturalibus, quamuis sunt præter ordinem causarum particularium, non tamen sunt præter ordinem causarum vniuersalium, & præcipue causæ primæ, quæ Deus est, cuius providentiam nihil subterfugere potest, ut in prima parte dictum est. q. 22. art. 2. Et quia lex æternæ est ratio diuinæ providentiæ (ut dictum est) ideo defectus rerum naturalium. n. legi æternæ subduntur.

ARTICVLVS VI.

Vtrum Omnes res humanæ subijciuntur legi æternæ.

Pro Negatiua.

Videtur, quod non omnes res humanæ subijciuntur legi æternæ.

1. Viri iusti non subijciuntur legi æternæ. Ergo Nō oēs res humanæ subijciuntur legi æternæ.

Anteced. prob. Qui spiritu Dei aguntur, non subijciuntur legi, iuxta illud ad Galat. 5. Si spiritu Dei ducimini, non estis sub lege. Sed Viri iusti,

iusti, quibus filij Dei per adoptionē, spiritu Dei aguntur, secundum illud Rom. 8. Qui spiritu diriguntur, hi filij Dei sunt. Ergo Viri iusti non subiiciuntur legi.

2. Quibus dominatur prudentia carnis, non subiiciuntur legi æternæ. Sed Multis hominibus dominatur prudentia carnis. Ergo Multi homines non subijciuntur legi æternæ, ac per hoc non omnes res humane æternæ legi subiiciuntur.

Major probatur. quia dicitur Rom. 8. Prudentia carnis inimica est Deo, legi enim Dei subiecta non est.

3. Qui subiiciuntur legi æternæ sunt in statu merendi, vel demerendi. Sed Non omnes homines sunt in statu merendi, vel demerendi. Ergo Non omnes homines subduntur legi æternæ.

Major probatur. quia ut August. dicit, lib. 1. de lib. arb. cap. 6. Lex æterna est, qua mali miseriam; boni vitam beatam merentur.

Minor prob. quia Tam beati, quam damnati sunt extra statum merendi.

Pro Affirmativa.

Aug. lib. 19. de Civit. Dei. cap. 22. dicit. Nullo modo aliquid legibus summi creatoris. ordinationeque subtrahitur, a quo pax vniuersitatis administratur.

Determinatio.

Distinctio. Duplex est modus, quo aliquid subditur legi æternæ. Primus est, in quantum participatur lex æterna, per modum actionis, & passionis: per modum actionis inquam, in quantum aliquid participat, ut sit principium propriorum actuum: per modum vero passionis, quatenus patitur aliquid, quod ex diuina, & æterna lege de eo disponitur. Sicut agnus subditur æternæ legi, per modum actionis, quatenus ex æterna lege habet principium actuum suarum operationum naturalium, puta ut quærat, quæ sunt convenientia sibi ad conservandam vitam: per modum vero passionis subditur æternæ legi, quatenus ex æterna lege patitur, ut ex eius carnibus conferuetur vitæ leonis, & sic de alijs: Et secundum hunc modum creaturæ irrationales subduntur æternæ legi, ut artic. præced. dictum est. Alius modus, quo aliquid subditur æternæ legi, est per modum cognitionis, in quantum aliquid ita legem æternam participat, ut eius naturam aliquo modo habeat, ut art. 2. huius dictum est.

1. Conclusio. Creatura rationalis subditur legi æternæ, non solum per modum actionis, & passionis, ut creaturæ irrationales, sed etiam per modum cognitionis.

Prob. Primo. Creatura rationalis habet aliquid commune cum irrationali, & aliquid sibi proprium, ut de se patet. Ergo Creatura rationalis subditur legi æternæ, per modum actionis, & passionis quo ad id, quod est sibi commune cum creatura irrationali, & per modum cognitionis, quo ad id, quod est sibi proprium.

Prob. Secundo. Creatura rationalis aliquo modo habet cognitionem legis æternæ, ut dictum est, art. 2. in corpore, & iterum habet naturalem inclinationem ad id, quod est consonum legi æternæ, scilicet ad virtutem, ad quam habendam sumus natura, ut dicitur 2. Ethicor. c. 1. Et iterum aliquid ex diuina lege patitur, si non operetur secundum legem. Ergo Creatura rationalis utroque modo subditur legi æternæ.

2. Conclusio. Quamvis tam mali, quam boni homines subduntur legi æternæ, non tamen eodem modo ei subduntur, sed mali imperfecte, & boni perfecte.

Manifestatur. Nam in malis, uterque modus subiectionis ad diuinam legem est imperfectus, & quodammodo corruptus, in ipsis enim inclinatio naturalis ad virtutem depravatur per habitum vitiosum, & iterum ipsa naturalis cognitio boni, in ipsis obtenebratur per passiones, & habitus peccatorum. In bonis autem uterque modus inuenitur perfectior, quia, & supra cognitionem naturalem boni, superadditur eis cognitio fidei, & sapientiæ, & supra naturalem inclinationem ad bonum, superadditur eis interiorum motuum gratia, & virtus.

Sic igitur boni perfecte subduntur legi æternæ, tanquam semper secundum legem agentes. Mali autem subduntur quidem legi æternæ imperfecte, pro ut imperfecte cognoscunt, & imperfecte inclinantur ad bonum: sed licet mali imperfecte subduntur legi æternæ, quantum ad actiones ipsorum, eo quod non operentur secundum legem, pro ut imperfecte cognoscunt, & imperfecte inclinantur in bonum, tamen id, quod deficit ex parte actionis ipsorum, ut non perfecte subduntur legi, suppletur ex parte passionis, pro ut scilicet in tantum patitur, quod lex æterna dicitur de eis, quantum deficient facere, quod legi æternæ conuenit, secundum quod alias dictum est, quod peccator prætergreditur ordinem diuinæ legis, sed tamen incidit in alium ordinem, scilicet diuinæ iustitiæ, & quantum deficit ab uno, tantum suppletur ex altero.

Boni igitur subduntur diuinæ legi, quatenus agunt secundum diuinam legem. Mali vero subduntur diuinæ legi, quatenus patiuntur secundum diuinam legem. Vnde August. dicebat libro 1. de lib.

lib. arb. cap. 6. Iustos sub æterna lege agere existimo. Et in libro de catechizandis rudibus c. 18. dicit, quod Deus ex iusta miseria animarum se deserentium, cōuenientissimis legibus inferiores partes creaturæ suæ nouit ordinare.

Ad Argumenta.

Ad 1. Negatur antecedens. Viri enim iusti perfecte subiunguntur legi æternæ, vt dictum est. Ad maiorem probationis dicitur dupliciter, secundū quod verba Apostoli dupliciter intelligi possūt. Primo modo, vt esse sub lege intelligatur ille, qui nolens obligationem legis, subditur legi, quasi cuidam ponderi. Vnde Glosa ibidem dicit, quod ille sub lege est, qui timore supplicij, quod lex minatur, non amore iustitiæ, a malo opere abstinet, & hoc modo spirituales viri, non sunt sub lege, quia per charitatem, quam Spiritus Sanctus cordibus eorum infundit, voluntarie id, quod legibus est, implet, & hoc est perfecte diuinæ legi subijci.

Alio modo verba Apostoli possunt intelligi, quod iusti non sint sub lege, in quantum hominis opera, qui Spiritu sancto agitur, magis dicuntur esse opera spiritus, quam ipsius hominis. Vnde cum Spiritus sanctus non sit sub lege, sicut nec filius, vt dictum est art. 4. ad 2. sequitur, quod huiusmodi opera, in quantum sunt Spiritus sancti, non sint sub lege, & huic attestatur quod Apostolus dicit. 2. Corinth. 3. Vbi spiritus Domini, ibi libertas, cū quibus tamen stat, vt ipse iustus perfecte diuinæ legi subdatur.

Ad 2. Dicitur dupliciter. Primo negando maiorem. Ad probationem dicitur, quod prudentia carnis licet non subiiciatur legi ex parte actionis, quia inclinat ad actiones contrarias legi diuinæ, subiicitur tamen legi Dei ex parte passionis, quia scilicet, cui dominatur prudentia carnis, meretur pati penas secundum legem diuinæ iustitiæ.

Secundo dicitur ad minorem, quod in nullo homine ita prudentia carnis dominatur, vt totum bonum naturæ corruptatur, & ideo remanet in homine inclinatio ad agendum ea, quæ sunt legis æternæ: peccatum enim non tollit totum bonum naturæ, vt supra dictum est, quæst. 85. art. 2. Ille igitur, in quo dominatur prudentia carnis, licet secundum actum non subiiciatur legi, subiicitur tamen secundum inclinationem, quæ semper remanet in homine.

Ad 3. Negatur maior. Ad probationem dicitur, quod Idem est per quod aliquid consecratur in fine, & per quod mouetur ad finem, sicut corpus graue, grauitate quiescit in loco inferiori, per

quam etiam ad locum ipsum mouetur, & sic dicendum est, quod sicut secundum legem æternā, aliqui merentur beatitudinem, vel miseriam, ita per eandem legem in beatitudine, vel miseria cōseruantur, & secundum hoc, tam beati, quam damnati, sub sunt legi æternæ.

QV AESTIO XCIV.

DE LEGE NATVRALI.

ARTICVLVS I.

Vtrum Lex naturalis sit habitus.

Pro Affirmatiua.

Videtur, quod Lex naturalis sit habitus.

1. Quod est in anima, est vel potentia, vel habitus, vel passio. Sed Lex naturalis non est potentia, nec passio, vt patet. Ergo Lex naturalis est habitus.

Maior prob. quia Arist. 2. Ethicor. cap. 5. dicit, quod tria sunt in anima, Potentia, Habitus, & Passio.

2. Synderesis est quidam habitus, vt dictum est prima par. q. 79. art. 12. Sed Lex naturalis est conscientia, siue synderesis. Ergo Lex naturalis est habitus.

Minor prob. quia Basilii dicit, quod Conscientia, siue synderesis est lex intellectus nostri, quod non potest intelligi, nisi de lege naturali.

3. Lex naturalis semper in homine manet, vt infra patebit. Sed Non semper ratio hominis, ad quam lex pertinet, cogitat de naturali lege. Ergo Lex naturalis non est actus, sed habitus.

Pro Negatiua.

Habitus est, quo aliquid agitur, dum opus est, vt Ang. dicit lib. de bono coniug. cap. 21. Sed Lex naturalis non est, qua agitur aliquid, dum opus est. Ergo Lex naturalis non est habitus.

Minor probatur, quia Lex naturalis est in par- uulis, & damnatis, qui agere non possunt.

Determinatio.

Distinctio. Aliquid potest dici habitus dupliciter. Vno modo proprie, & essentialiter, secundum quem modum virtutes intellectuales, & morales habitus dicuntur. Alio modo improprie, & sic dicitur habitus, quod habitu tenetur, sicut dicitur fides id, quod fide tenetur.

1. Conclusio. Lex naturalis non est habitus proprie, & essentialiter.

Probatur. Illud, quod ratio agit, nō est habitus. Sed Lex naturalis est id, quod ratio agit. Ergo Lex naturalis non est habitus.

Maiores prob. quia Habitus est, quo quis agit, & non quod quis agit: non enim est idem id, quod quis agit, & quo quis agit. Id enim quo artifex agit, est ars. Quod vero agit est artificiatum. Quod enim agit grammaticus est oratio cōgrua: quo vero agit, est grammatica. Illud igitur, quod ratio agit, & in esse constituit, non potest esse habitus.

Minor prob. quia Lex naturalis est aliquid per rationem constitutum, ut dictum est, quæst. 90. artic. 1. ad. 1. Sicut etiam propositio est quoddam opus rationis.

2. Conclusio. Lex naturalis potest dici habitus improprie, pro vid, quod habitu tenetur, habitus dici potest.

Manifestatur. Quia enim præcepta legis naturalis, quandoque considerantur in actu, ratione, quandoque autem in ea habitualiter tantum, secundum hunc modum potest dici, quod lex naturalis sit habitus. Sicut etiam principia indemonstrabilia in speculativis non sunt ipsi habitus principiorum, sed sunt principia, quorum est habitus.

Ad Argumenta.

Ad 1. Dicitur negando maiorem. Non solum enim illa tria, sed multa alia in anima esse inveniuntur, ut sunt actus, & cognita, quæ sunt intelligibiles in cognoscente, & proprietates naturales animæ, ut sunt immortalitas, & alia huiusmodi. Ad probationem dicitur, quod Phil. ibi intendit inuestigare genus virtutis, & cum manifestum sit, quod virtus est quoddam principium actus; illa tantum ponit, quæ sunt principia humanorum actuum, quæ sunt potentia, habitus, & passionēs, & ideo illa tantum dixit esse in anima, quæ sunt principium actus.

Ad 2. Dicitur ad minorem, & ad eius probationem, quod synderesis dicitur lex intellectus nostri, in quantum est habitus continens præcepta legis naturalis, quæ sunt prima principia operum humanorum, non autem dicitur lex esse taliter.

Ad 3. Dicitur, quod Ratio illa concludit, quod lex naturalis habitualiter tenetur, & hoc concedimus.

Ad Argumentum pro Negativa.

Ad argumentum pro altera parte dicitur ad minorem, & ad eius probationem, quod eo quod habitualiter inest, quandoque aliquis uti non po-

test propter aliquod impedimentum: sicut homo non potest uti habitu scientiæ propter somnum, & similiter puer non potest uti habitu intellectus principiorum, vel etiam lege naturali, quæ ei habitualiter inest, propter defectum ætatis.

A R T I C V L V S I I .

Virum Lex naturalis contineat plura præcepta, vel vnum tantum.

Quod non contineat plura, sed tantum vnum.

1. Si essent multa præcepta legis naturalis, sequeretur, quod essent multe leges naturales, quod est falsum.

Consequ. prob. quia Lex continetur in genere præcepti, ut dictum est supra q. 90. & 92. artic. 2.

2. Natura humana est vna secundum totum, & multiplex secundum partes. Sed Lex naturalis consequitur humanam naturam. Ergo Lex naturalis, vel habet vnum præceptum tantum propter unitatem totius naturæ, vel habet plura præcepta propter multiplicitatem partium. Sed non potest dici, quod habeat plura præcepta secundum pluralitatem partium. Ergo Lex naturalis habet tantum vnum præceptum.

Subsumptum prob. quia Etiam quæ sunt de inclinatione concupiscibilis, pertinent ad legem naturalem.

3. Ratio in homine est tantum vna. Sed Lex est aliquid ad rationem pertinens, ut dictum est quæst. 90. artic. 1. Ergo Legis naturalis est tantum vnum præceptum.

Quod contineat plura præcepta.

Prima principia indemonstrabilia sunt plura. Ergo Etiam præcepta legis naturæ sunt plura.

Consequentia prob. quia Sic se habent præcepta legis naturalis in homine; quantum ad operabilia, sicut se habent prima principia in demonstrationibus.

Determinatio.

Conclusio. Lex naturalis continet plura præcepta, quæ tamen omnia ordine quodam, tanquam à radice, ab vno dependent, & ad ipsum tanquam ad primum fundamentum reducuntur.

Probatur. Sicut se habent prima principia demonstrationis ad rationem speculatiuam, ita se habent præcepta legis naturæ, ad rationem practicam. Sed Principia demonstrationis sunt plura, quæ tamen omnia fundantur in vno primo, à quo omnia alia, tanquam à radice dependent, & in illo omnia communicant.

Ergo Principia legis naturæ sunt plura in se ipsis, Ggg quæ

que tamen omnia in vno primo fundantur, & ab ipso, vt à radice dependent.

Maiores habitus est superius, quæst. 90. art. 1. ad 2. & quæst. 91. artic. 3. & ratio similitudinis est, quia tam principia demonstrationis, quam principia legis naturæ, sunt per se nota.

Minor probatur, & primo, quod principia demonstrationis sint plura, deinde, quod omnia fundentur ordinate in vno primo.

Quod principia demonstrationis plura sint, ostenditur. Nam cum principia demonstrationis sint per se nota, tot erunt principia, quot sunt propositiones per se notæ. Dicitur autem aliquod per se notum dupliciter. Vno modo secundum se. Alio modo, quo ad nos. Secundum se quidem quelibet propositio, cuius prædicatum est de ratione subiecti, dicitur per se nota: contingit tamen, vt ignorant diffinitionem subiecti, talis propositio non sit per se nota. Sicut ista propositio. Homo est rationalis, est per se nota secundum sui naturam, quia, qui dicit hominem, dicit rationale, tamen ignorant quid sit homo, hæc propositio non est per se nota, & inde est, quod sicut dicit Boetius in libro de hebdomad. quædam sunt dignitates, siue propositiones per se notæ communiter omnibus, & huiusmodi sunt illæ propositiones, quarum termini sunt omnibus noti, vt est, omne totum est maius sua parte: & quæ vni sunt æqualia, sibi inuicem sunt æqualia. Quædam vero sunt propositiones per se notæ sapientibus, qui terminos propositionum intelligunt, quid significant, sicut intelligenti, quod Angelus non est corpus, per se notum est, quod non est circumscriptus in loco, quod non est manifestum rudibus, qui hoc non capiunt, de qua distinctione propositionis per se notæ diffuse dictum est prima parte, quæst. 2. artic. 1.

Ex quibus patet prima pars minoris, scilicet, quod principia demonstrationis sint plura. Aliqua enim sunt per se nota secundum se, & quo ad nos, aliqua vero secundum se tantum, & aliqua sunt per se nota quo ad nos omnes, & quædam tantum apud sapientes.

Quod vero sit vnum primum principium demonstrationis ad quod omnia alia demonstrationis principia reducuntur, ostenditur. Vbi intelligitur, ubi inuenitur aliquod primum, à quo alia pendunt. Sed in his, quæ in apprehensione hominum cadunt, qualia sunt principia demonstrationis, inuenitur ordo. Ergo Inuenitur aliquod primum, ad quod cætera reducuntur.

Minor huius ostenditur. Nam illud, quod cadit primo in apprehensione, est ens, cuius intellectus includitur in omnibus, quæ quis apprehendit,

& ideo primum principium indemonstrabile est, quod non est simul affirmare, & negare, quod fundatur supra rationem entis, & non entis, & super hoc principia omnia alia fundantur, vt dicitur. 4. Metaph. tex. 9. & sequentibus. Sunt igitur principia demonstrationis plura, quæ omnia ad vnum primum reducuntur, & in ipso, tanquam in radice, omnia communicant.

Hoc etiam in præceptis legis naturæ inuenitur. Sicut enim ens est primum, quod cadit in apprehensione simpliciter, ita bonum est primum, quod cadit in apprehensione practica: rationis, quæ ordinatur ad opus. Omne autem agens agit propter finem, qui habet rationem boni, & ideo primum principium in ratione practica est, quod fundatur supra rationem boni, quæ est. Bonum est, quod omnia appetunt. Hoc est ergo primum præceptum legis, quod Bonum est faciendum, & prosequendum, & malum vitandum. Et super hoc fundantur omnia alia præcepta legis naturæ: vt scilicet, Omnia illa faciendâ, vel vitandâ pertineant ad præcepta legis naturæ, quæ ratio practica naturaliter apprehendit esse bona humana.

Quia vero bonum habet rationem finis, malum autem rationem contrarij, inde est, quod omnia illa, ad quæ homo habet naturalem inclinationem, ratio naturaliter apprehendit vt bona, & per consequens vt opere prosequenda, & contraria eorum, vt mala, & vitanda. Secundum igitur ordinem inclinationum naturalium, est ordo præceptorum legis naturæ. Inest enim primo inclinatio homini ad bonum secundum naturam, in qua communicat, cum omnibus substantijs, pro vt quelibet substantia appetit conseruationem suam esse, secundum suam naturam, & secundum hanc inclinationem pertinent ad legem naturalem ea, per quæ vita hominis conseruatur, & contrarium impeditur. Secundo inest homini inclinatio ad aliqua magis specialia, secundum naturam in qua communicat cum cæteris animalibus, & secundum hoc dicuntur esse de lege naturali ea, quæ natura omnia animalia docuit, vt est coniunctio maris, & femina, & educatio liberorum, & similia. Tercio inest homini inclinatio ad bonum, secundum naturam rationis, quæ est sibi propria: sicut homo habet naturalem inclinationem ad hoc, quod veritatem cognoscat de Deo, & ad hoc, quod in societate viuatur, & secundum hoc ad legem naturalem pertinent ea, quæ ad huiusmodi inclinationem spectant: vt potest, quod homo ignorantiam vitet, quod alios non offendat, cum quibus debet cōuersari, & cætera huiusmodi, quæ ad hoc spectant.

Ad Argumenta.

Ad 1. Dicitur ad antecedens, quod Si essent, plura præcepta legis naturæ, quæ ad vnum primum non reducerentur, essent plures leges: sed quia omnia præcepta naturalis legis, ad vnum reducuntur, omnia habent rationem vnius legis.

Ad 2. Dicitur, quod lex naturalis est vna tantum, sicut vna est natura. Ad eius improbationem dicitur, quod inclinationes quarumcunque partium naturæ humanæ, (puta concupiscibilis, & irascibilis) secundum quod regulantur ratione, pertinent ad legem naturalem, & reducuntur ad vnum primum præceptum, vt dictum est, & secundum hoc sunt multa præcepta legis naturæ in se ipsis, quæ tamen communicant in vna radice.

Ad 3. Dicitur ad maiorem, quod ratio, et si in se sit vna, tamen est ordinatiua omnium, quæ ad homines spectant, & secundum hoc sub lege rationis continentur omnia ea, quæ ratione regulari possunt.

ARTICVLVS III.

Vtrum Omnes actus virtutum sint de lege naturæ.

Pro Negatiua.

Videtur, quod non omnes actus virtutum sint de lege naturæ.

1. Actus, qui sunt de lege naturæ, ordinantur ad bonum commune. Sed Quidam actus virtutum non ordinantur ad bonum commune, sed priuatum. Ergo Quidam actus virtutum non sunt de lege naturæ.

Maior prob. Quia De ratione legis est, vt ordinetur ad bonum commune, vt dictum est supra quæst. 90. art. 2.

Minor prob. quia Actus temperantiæ non ordinantur ad bonum commune, sed ad priuatum bonum temperati.

2. Si omnes actus virtutum essent de lege naturæ, sequeretur, quod omnia peccata essent contra naturam. Sed hoc est falsum. Ergo Non omnes actus virtutum sunt de lege naturæ.

Conseq. prob. quia Omnia peccata aliquibus virtutis actibus opponuntur.

Falsitas prob. quia Specialiter dicitur de aliquibus peccatis, quod sunt contra naturam, ac per hoc non omnia peccata sunt contra naturam.

3. In his, quæ sunt secundum naturam, omnes conueniunt. Sed In actibus virtutum non omnes conueniunt. Ergo Actus virtutum non sunt omnes de lege naturæ.

Minor prob. quia Aliquid est virtuosum vni, quod est vitiosum alteri.

Pro Affirmatiua.

Virtutes sunt naturales, vt Damasc. dicit 3. lib. cap. 14. Ergo Et actus virtuosus subiaceret legi naturæ.

Determinatio.

Distinctio. De actibus virtutis dupliciter loqui possumus. Vno modo formaliter, in quantum sunt virtuosus. Alio modo materialiter, in quantum sunt tales actus in sua specie considerati: Sic actus donationis potest considerari, vt est virtuosus, vt, scilicet actus liberalitatis. Alio modo materialiter, vt quidam actus est, in tali specie, ex obiecto, vel ex fine repositus.

Differet autem actus primo modo consideratus, ab actu secundo modo considerato, quia secundum primam considerationem est semper bonus, secundum aliam, vero considerationem, potest esse aliquando, vel alicui malus. Actus enim donationis, vt est actus liberalitatis est semper bonus, sed alicui, puta filio familie, vel aliquando, puta quando quis est extreme egens, potest esse actus malus.

1. Conclusio. Actus virtutum formaliter, in quantum sunt virtuosus, omnes pertinent ad legem naturæ.

Probat. Omne illud, ad quod inclinatur homo secundum suam naturam, pertinet ad legem naturæ, vt dictum est art. præced. Sed Ad omnes actus virtutis, vt virtuosus sunt, inclinatur homo secundum suam naturam. Ergo Omnes actus virtuosus, vt virtuosus sunt, pertinent ad legem naturæ.

Minor probatur. Ad omnem operationem, quæ conuenit homini, secundum suam formam, homo inclinatur secundum suam naturam. Sed Actus virtuosus, vt sunt virtuosus, conueniunt homini secundum suam formam. Ergo Ad actus virtutis, vt virtuosus sunt, homo naturaliter inclinatur.

Maior huius manifestatur. quia Vnum quodque naturaliter inclinatur ad operationem sibi conuenientem secundum suam formam, sicut ignis ad calefaciendum.

Minor huius probatur. quia Cum anima rationalis sit forma hominis, & actus virtuosus sint, operari secundum rationem, sequitur euidenter, quod actus virtuosus conueniant homini secundum suam formam: dicitur enim hoc naturaliter vnicuique propter a ratio, vt virtuose agat.

2. Conclusio. Actus virtuosus materialiter, & secundum se considerati, non omnes sunt de lege naturæ.

Manifestatur, quia Multa secundum virtutem sunt, ad quæ natura non primo inclinat, sed per rationis disquisitionem, ea homines adinuenerunt, quasi vtilia ad bene viuendum, sicut abstinere quotidie à carnibus fit secundum virtutem temperantiæ, sed ad id non primo inclinat lex naturalis.

Ad Argumenta.

Ad 1. Negatur minor. Ad probationem dicitur, quod temperantiæ actus ordinantur ad bonum commune. Nam temperantia est circa concupiscentias naturales cibi, & potus, & veneratorum, quæ quidem ordinantur ad bonum commune naturæ, sicut & alia legalia ordinantur ad bonum commune morale.

Ad 2. Respondetur, quod natura hominis dicitur dupliciter. Primo dicitur natura hominis, illa, quæ est homini propria, quæ est, vt sit rationalis. Alio modo dicitur natura hominis, quæ est communis sibi, & alijs animalibus. Primo modo accepta hominis natura, omnia peccata sunt contra naturam hominis, quia omnia peccata sunt contra rationem, vt patet per Damasc. libro. 2. cap. 80. Si vero natura secundo modo accipitur, non omnia peccata sunt contra naturam, sed solum aliqua specialia, sicut contra commixtionem maris, & feminæ, quæ est communis omnibus animalibus, est concubitus maculorum, quod specialiter dicitur peccatum contra naturam. Ad formam igitur argumenti dicitur, quod si accipitur natura hominis primo modo, conceditur consequentia, & negatur falsitas consequentis. Ad cuius probationem dicitur, quod nullum peccatum specialiter dicitur contra naturam propriam hominis, sed omnia indifferenter sunt contra naturam, sicut contra rationem. Si accipitur hominis natura secundo modo, negatur consequentia. Ad probationem dicitur, quod ex ipsa non sequitur, nisi quod omnia peccata sint contra naturam, secundum primum modum acceptam.

Ad 3. Dicitur, quod actus virtutum dupliciter accipiuntur, vt dictum est in corpore. Vno modo, vt virtuosus sunt. Alio modo, vt tales sunt in propria specie. Si accipiuntur primo modo, negatur minor, omnes enim conueniunt in actibus virtuosis, vt virtuosus sunt. Actus enim liberalitatis, vt liberalitatis est, communis est omnibus operantibus secundum virtutem liberalitatis. Si accipiuntur secundo modo, conceditur ipsa minor, & totum argumentum, lic enim accepti non sunt omnibus communes, nam quod est virtuosum, & bonum vni, potest esse vitium alteri. Abstinere enim à venereis potest vni esse bonum, vt soluto,

vel habenti castitatis votum, & malum alteri, vt vxorato inuita vxore.

ARTICVLVS IV.

Vtrum Lex naturæ sit vna apud omnes.

Pro Negatiua.

Videtur, quod Lex naturæ non sit vna apud omnes.

1. Quæ continentur in Euangelio, non sunt omnibus communia. Sed Lex naturæ est, quæ continetur in Euangelio. Ergo Lex naturæ non est vna apud omnes.

Maiores prob. quia Rom. 10. dicitur. Non omnes obediunt Euangelio.

Minor prob. quia In decretis. d. 1. cap. Humanum dicitur. quod ius naturale est, quod in lege, & in Euangelio continetur.

2. Iustum non est vnum, & idem apud omnes. Sed Quæ secundum legem sunt, iusta esse dicuntur, vt dicitur. 5. Ethic. cap. 2. Ergo Lex naturalis non est vna apud omnes.

Maiores prob. quia 5. Ethic. cap. 7. dicitur, quod Nihil est ita iustum apud omnes, quin apud aliquos diuersificetur.

3. Diuersi homines naturaliter ad diuersa inclinantur. Ergo Non est vna lex naturalis apud omnes.

Antec. prob. quia Alij inclinantur ad concupiscentiam voluptatum, alij ad desideria honorum, alij ad alia.

Conseq. prob. quia Ad legem naturæ pertinet id, ad quod homines secundum suam naturam inclinantur.

Aliter. Illud, ad quod homines naturaliter inclinantur, non est vnum apud omnes. Sed Ad legem naturæ pertinet id, ad quod homines naturaliter inclinantur, vt dictum est artic. 2. huius q. Ergo Lex naturalis non est vna apud omnes.

Maiores prob. quia Diuersi ad diuersa naturaliter inclinantur.

Pro Affirmatiua.

Isidorus dicit libro. 3. Ethymol. cap. 4. quod ius naturale est commune omni nationi.

Determinatio.

1. Distinctio. In lege naturæ duo inveniuntur, scilicet principia communia, & quædam particularia, ex communibus principijs dependentia. Vnde legem naturæ esse vnam apud omnes, potest dupliciter intelligi. Vno modo, quod ad communia. Alio modo, quod ad propria, ex communibus principijs dependentia.

Mani-

Manifestatur hæc distinctio. Ad legem enim nature pertinent ea, ad quæ homo naturaliter inclinatur, ut dictum est artic. 2. huius quæst. Inter alia autem, ad quæ homo naturaliter inclinatur, est, ut secundum rationem operetur. Ad rationem autem pertinet ex communibus ad propria procedere, ut patet 1. Physic. tex. 2. 3. & 4. Et ideo in his, quæ pertinent ad rationem, inveniuntur quædam communia principia, ex quibus ratio procedit ad alia, tanquam ad minus communia, & propria. Et quia Lex est aliquid rationis, ut dictum est, quæst. 90. art. 1. ideo in lege inveniuntur & communia, & propria. Unde quod lex sit una apud omnes, potest intelligi, vel quo ad communia, vel quo ad propria.

2. Distinctio. Legem esse unam apud omnes, sive quo ad communia, sive quo ad propria, potest intelligi dupliciter. Vno modo secundum cognitionem. Alio modo, secundum rectitudinem. Quærere, utrum lex sit una apud omnes, quantum ad cognitionem, est quærere, an communia legis, vel propria, sint omnibus æqualiter nota. Quærere vero, an sit una apud omnes secundum rectitudinem, est, quærere, An communia legis, vel propria sint apud omnes æqualiter recta, & iusta.

Conclusio. Lex naturalis est eadem apud omnes, quo ad communia principia, sed quo ad propria quædam, potest deficere, ut non sit eadem quo ad notitiam, & quo ad rectitudinem, ut in paucioribus.

Manifestatur hæc conclusio, ex convenientia, & differentia, quæ est inter ea, quæ pertinent ad rationem speculatiuam, & ea, quæ pertinent ad rationem practicam.

Sciendum igitur, quod licet, ut dictum est, ratio tam practica, quam speculativa versentur circa ea communia, & propria. Aliter tamen circa hæc se habet ratio speculativa, & aliter practica. Ratio omnia speculativa præcipue versatur circa necessaria, quæ impossibile est aliter se habere, ideo absque aliquo defectu inveniuntur veritas in conclusionibus proprijs, sicut & in principijs communibus. Ratio autem practica negotiatur circa contingentia, in quibus sunt operationes humane, & ideo etiam in communibus sit aliqua necessitas, quanto magis ad propria descenditur, tanto magis inveniuntur defectus. Sic igitur in speculativa est eadem veritas apud omnes, tam in principijs, quam in conclusionibus, licet veritas non apud omnes cognoscatur in conclusionibus, sed solum in principijs, quæ dicuntur communes conclusionibus. In operatijs autem non est eadem

veritas, vel rectitudo practica apud omnes, quantum ad propria, sed solum quantum ad communia, & apud illos, apud quos est eadem rectitudo in proprijs, non est æqualiter omnibus nota. Patet igitur convenientia, & differentia eorum, quæ pertinent ad rationem speculatiuam, & practica. Convenientia enim est, quia tam in ratione practica, quam speculativa, communia sunt eadem apud omnes, & quo ad notitiam, & quo ad veritatem in speculatiuis, & rectitudinem in practicis: hoc est, sicut communia, sunt æqualiter vera, & nota apud omnes, sic communia in practicis sunt æqualiter nota, & recta apud omnes. Differentia autem est, quia propria in speculatiuis sunt æqualiter vera, ut pote necessaria, tamen non æqualiter sunt omnibus nota: apud omnes enim æqualiter verum est, quod triangulus habet tres angulos æquales duobus rectis, non tamen hoc est omnibus notum.

Quantum autem ad proprias conclusiones rationis practice, nec est eadem veritas, & rectitudo apud omnes, nec etiam apud quos est eadem, est æqualiter nota. Apud omnes enim hoc rectum est, & verum, ut secundum rationem agatur, est enim hoc unum commune principium rationis practice, ex quo principio sequitur quasi conclusio propria, quod deposita sint reddenda, & hoc quidem ut in pluribus verum est, sed potest aliquo casu contingere, quod sit damnosum, & per consequens irrationabile, si deposita reddantur, puta si aliquis petat ad impugnandum patriam, & hoc tanto magis inveniuntur deficere, quanto magis ad particularia descenditur, puta si dicatur, quod deposita sunt reddenda, cum tali cautione, vel tali modo, quanto enim plures particulares conditiones apponuntur, tanto pluribus modis poterit deficere ut non sit rectum in reddendo, vel non reddendo.

Ex qua convenientia, & differentia inter ea, quæ pertinent ad rationem practicam, & speculatiuam, aperte sequitur probanda conclusio. Quod lex naturalis, quantum ad prima principia communia, est eadem apud omnes sive in rectitudinem, & sive in notitiam, sed quantum ad quædam propria, quæ sunt quædam conclusiones principiorum communium, est etiam eadem apud omnes, ut in pluribus, & sive in rectitudinem, & sive in notitiam, sed ut in paucioribus potest deficere, quantum ad rectitudinem propter aliqua particularia impedimenta, sicut et natura generabiles, & corruptibiles deficiunt ut in paucioribus, propter impedimenta, & et quantum ad notitiam, & hoc quia aliqui habent depravatam rationem ex passione, seu ex mala consuetudine, sive ex mala habitudine nature, sicut olim apud Germanos latrocinium non

reputabatur iniquum, cum tamen sit expresse contra legem naturæ, ut refert Iulius Cæsar in libro de bello Gallico lib. 6.

Ad Argumenta.

Ad 1. Dicitur ad minorem, & ad eius probationem, quod verbum illud non est sic intelligendum, quasi omnia, quæ in lege, & in Evangelio continentur, sint de lege naturæ, cum multa tradantur ibi supra naturam: sed quia ea, quæ sunt de lege naturæ, plenarie ibi traduntur. Vnde cū dixisset Gratianus, quod Ius naturale est, quod in & in evangelio continetur: statim explicando subiunxit, quo quisque iubetur alij facere, quod sibi vult fieri.

Ad 2. Dicitur ad minorem, & ad eius probationem, quod verbum Philosophi est intelligendum de his, quæ sunt naturaliter iusta, non sicut principia communia, sed sicut quædam conclusiones ex his derivatæ, quæ ut in pluribus habent rectitudinem, & ut in paucioribus deficiunt.

Ad 3. Dicitur ad antecedens, & ad eius probationem, quod ea, ad quæ diuersi homines naturaliter inclinantur, sunt quidem secundum se diuersa, tamen omnes inclinationes naturales in hoc conueniunt, quod sunt ad rectum secundum rationem. Ratio enim est, quæ regit, & gubernat omnes alias potentias, & earum inclinationes.

ARTICVLVS V.

Vtrum lex naturæ mutari possit.

Pro Affirmatiua.

Videretur, quod lex naturæ mutari possit.

1. Illud, quod corrigitur, mutatur. Sed Lex naturæ corrigitur. Ergo Lex naturæ mutatur.

Minor prob. quia Giosâ, super illud Eccles. 17: Addidit ei disciplinam, & legem vitæ, dicit. Legem literæ, quantum ad correctionem legis naturalis scribi voluit.

2. Deus præcepit Occisionem innocentis, adulterium, & furtum. Ergo Deus mutauit legem naturalem.

Antec. prob. quia Genes. 22. Deus præcepit Abraham, ut interficeret filiū. & Exodi. 12. præcepit hebræis, ut mutuata uasa aurea subriperet, & Osee i. præcepit eidem Prophetæ, ut uxorem fornicariam acciperet.

Conseq. prob. quia Hæc sunt contra legem naturalem.

3. Cõmunis omnium rerum possessio est mutata, per leges humanas. Ergo Lex naturalis potest mutari.

Conseq. prob. quia Communis omnium possessio, & vna libertas est de iure naturali, ut Iusd. dicit lib. 5. Ethimol. cap. 4.

Pro Negatiua.

In decretis dist. 5. cap. 12. dicitur. Naturale ius ab exordio rationalis creaturæ nec uariatur tempore, sed immutabile permanet.

Determinatio.

Distinctio. Legem naturalem mutari, dupliciter potest intelligi. Vno modo, per hoc, quod aliquid ei addatur. Alio modo, per modum subtractionis, ut scilicet aliquid definat esse de lege naturæ, quod prius secundum naturam legem fuit.

1. Conclusio. Lex naturæ secundum additionem potest mutari.

Manifestatur. quia Multa supra legem naturalem addita sunt, ad humanam vitam utilia, tã per legem diuinam, quam etiam per leges humanas.

2. Conclusio. Lex naturæ, quantum ad prima principia, per modum subtractionis, est omnino immutabilis.

3. Conclusio. Lex naturalis, quantum ad præcepta secunda, quæ diximus esse quasi quasdam conclusiones præpinqvas primis principijs, est immutabilis per modum subtractionis, nec potest fieri, quin ut in pluribus sit semper rectum, quod lex naturalis habet.

4. Conclusio. Lex naturalis potest mutari in aliquo particulari, & in paucioribus propter aliquas speciales causas impediētes obseruantiam talium præceptorum, ut de redditione depositi in art. præced. dictum est.

Hæc tres conclusiones ex dictis in art. præced. manifestæ relinquuntur.

Et secunda quidem, quia sicut prima principia legis non possunt non esse vera, ita non possunt non esse recta. Tertia, quia sicut illa secunda præcepta, ut in pluribus sunt vera, & recta, ita ut in pluribus immutabilia sunt. Quarta uero, quia sicut in particulari huiusmodi possunt non esse recta propter impedimenta aliqua, ita possunt mutari in particulari.

Ad Argumenta.

Ad 1. Dicitur ad minorem, & ad eius probationem, quod lex scripta dicitur esse data ad correctionem legis naturalis, vel quia per legem scriptam suppletum est, quod legi naturæ deerat: Vel quia lex naturæ in aliquorum cordibus quantum ad aliqua corrupta erat, intantum ut existimarent esse bona ea, quæ naturaliter sunt mala, & talis corruptio correctione indigebat.

Ad 2. Dicitur ad minorem, & ad eius probationem,

tionem, quod naturali morte moriuntur omnes communiter tam nocentes, quam innocentes, quæ quidem naturalis mors, diuina potestate inducitur propter peccatum originale, secundum illud.

1. Regum. 2. Dominus mortificat, & viuificat, & ideo absque aliqua iniustitia secundum mandatum Dei, potest infligi mors, cuiusque homini, vel nocenti, vel innocenti. Similiter etiam adulterium est concubitus cum uxore aliena, quæ quidem est ei deputata secundum legem Dei diuinitus traditam. Vnde ad quamcunque mulierem aliquis accedat ex mandato diuino, non est adulterium, nec fornicatio. Et eadem ratio est de furto, quod est acceptio rei alienæ, quicquid enim accipit aliquis ex mandato Dei, qui est Dominus vniuersorum, non accipit absque voluntate Domini. Nec solum in rebus humanis, quicquid a Deo mandatur, hoc ipso est debitum, sed etiam in rebus naturalibus, quicquid a Deo fit, est naturale quodammodo: vt in prima parte dictum est. q. 105. art. 6. ad 1.

Ad 3. Negatur consequentia. Ad probationem dicitur, quod aliquid esse de iure naturali, potest intelligi dupliciter. Vno modo, quia ad hoc natura inclinat: sicut non esse iniuriam alteri faciendam. Alio modo, quia natura non inducit contrarium: sicut possemus dicere, quod hominem esse nudum, est de iure naturali, quia natura non dedit ei vestitum, sed ars adinuenit. Et hoc modo Communis omnium possessio, & omnium vna libertas dicitur esse de iure naturali, quia distinctio possessionum, & seruitus non sunt inductæ a natura, sed per hominum rationem ad vtilitatem humanam: vitæ, & sic etiam in hoc lex naturæ non est mutata, nisi per additionem.

ARTICVLVS VI.

Vtrum lex naturæ possit a corde hominis aboleri.

Pro Affirmatiua.

Videtur, quod Lex naturæ possit a corde hominis aboleri.

1. Lex iustitiæ potest a corde hominis aboleri. Sed Lex naturæ est lex iustitiæ.

Ergo Lex naturæ potest a corde hominis aboleri.

Maior prob. quia Glosa super illud Rom. 2. Genes, quæ legem non habent, dicit, quod In interiori homine per gratiam innouato, lex iustitiæ inscribitur, quam deleuerat culpa.

2. Lex gratiæ deletur per culpam. Ergo Multo magis lex naturæ potest deleri.

Conseq. prob. quia Lex gratiæ est efficacior, quæ lex naturæ.

3. Multa sunt ab hominibus statuta contra legem naturæ.

Ergo Lex naturæ potest a cordibus hominum deleri.

Conseq. prob. quia Illud, quod lege statuitur, inducitur quasi iustum.

Pro Negatiua.

Lex scripta in cordibus hominum non potest deleri. Sed Lex naturalis scripta est in cordibus hominum. Ergo Lex naturalis non potest deleri.

Maior prob. quia Aug. dicit 1. b. 2. Confess. c. 4. Lex tua scripta est in cordibus hominum, quam nec vlla quidem delet iniquitas.

Determinatio.

Distinctio. Ad legem naturalem, vt dictum est art. 4. pertinent primo quædam præcepta communissima, quæ sunt omnibus nota. Et quædam secundaria præcepta magis propria, quæ sunt quasi conclusiones propinquæ principiis.

1. Conclusio. Lex naturalis, quantum ad illa principia communia, nullo modo potest a cordibus hominum deleri in vniuersali.

2. Conclusio. Lex naturalis potest deleri in particulari operabili.

Prob. quia Ratio impeditur applicare commune principium ad particulare operabile propter concupiscentiam, vel aliquam aliam passionem, vt dictum est, quæst. 77 art. 2.

3. Conclusio. Lex naturalis, quantum ad alia præcepta secundaria, potest deleri a cordibus hominum.

Manifestatur. Potest enim hoc contingere, vel propter malas persuasiones, eo etiam modo, quo in speculatiuis erroribus contingunt circa conclusiones necessarias, vel etiam propter prauas consuetudines, & habitus corruptos, sicut apud quosdam non reputabantur latrocinia peccata, vel etiam vitia contra naturam, vt dicitur Rom. 1.

Ad Argumenta.

Ad 1. Dicitur ad maiorem, quod culpa delet legem iustitiæ, quæ est lex naturæ, non in vniuersali, sed in particulari, nisi forte quantum ad secundaria præcepta, eo modo quo dictum est in corpore.

Ad 2. Negatur consequentia. Ad probationem dicitur, quod gratia etiam sit efficacior, tamen natura

natura essentialior est homini, & ideo est magis permanens.

Ad 3. Dicitur, quod probat legem naturæ, quantum ad secunda præcepta, posse a cordibus aliquorum deleri, ut dictum est in corpore, & ideo contra ipsam aliqui legislatores statuta aliqua iniqua fecerunt.

DE LEGE HUMANA.

Deinde considerandum est de lege humana.

Et Primo de ipsa lege secundum se, quæst. 95.

Secundo de potestate eius, q. 96.

Tertio de eius mutabilitate, q. 97.

QVÆSTIO CXV.

DE LEGE HUMANA SECUNDUM SE.

ARTICVLVS I.

Vtrum fuerit utile aliquas leges poni ab hominibus.

Pro Negatiua.

Videtur, quod non fuerit utile aliquas leges poni ab hominibus.

1. Homines magis inducuntur ad bonum voluntarij per monitiones, quam coacti per leges. Ergo non fuit necessarium leges ponere.

Conseq. prob. quia Intentio cuiuslibet legis est, ut per eam homines fiant boni, ut dictum est, quæst. 92. art. 1.

2. Iustitia animata melior est, quam inanimata. Sed Iudex est iustum animatum, Lex uero iustum inanimatum.

Ergo Melius fuisset, ut executio iustitiæ committeretur arbitrio iudicum, quam quod super hoc lex aliqua conderetur.

Minor prob. quia 1. Ethic. cap. 4. dicitur, quod ad iudicem confugiunt homines, sicut ad iustum animatum.

3. Ea, quæ pertinent ad directionem actuum humanorum, non possunt sufficienter considerari, nisi ab aliquo sapiente, qui inspicat singula.

Ergo Melius fuisset actus humanos dirigari arbitrio sapientum, quam aliqua lege posita. Unde non fuit necessarium leges humanas ponere.

Antec. prob. quia Cum humani actus consistant in singularibus, quæ sunt infinita, sunt infiniti.

Conseq. prob. quia Lex est directiua actuum, humanorum, ut ex dictis, quæst. 90. patet.

Pro Affirmatiua.

Coercere humanam audaciam, tutam reddere innocentiam inter reprobos, & refrenare improborum nocendi facultatem, sunt generi humano maxime necessaria. Sed Leges factæ sunt, ut earum metu humana coerceretur audacia, tutaque sit inter improbos innocentia, & in ipsis improbis, formidato supplicio, refrenetur nocendi facultas, ut Iud. dicit 1. Ethimol. cap. 20.

Ergo Necessarium fuit ponere leges humanas.

Determinatio.

Conclusio. Necessarium fuit aliquas leges ab hominibus poni.

Prob. Disciplinâ, per quam metu pœnæ retrahuntur improbi a malo, & inducuntur ad virtutes, alijsque pax, & quæta vita procuratur, necessarium fuit ab hominibus poni. Sed Legum disciplina est, per quam metu pœnæ retrahuntur improbi a malo, & inducuntur ad virtutem, alijsque pax, & quæta vita procuratur.

Ergo Aliquas leges necesse fuit ab hominibus poni.

Major prob. quia Retrahere improbos a malo, ipsosque inducere ad virtutem, & alijs vitam quietam procurare, est valde necessarium.

Minor prob. ex conuenientia, & differentia bonorum, & improborum per respectum ad virtutem. Pro quo est sciendum, quod ut patet ex dictis, quæst. 63. art. 1. Cuilibet homini naturaliter inest quædam aptitudo ad virtutem, sed virtutis perfectio necesse est, ut adueniat homini per aliquam disciplinam, sicut etiam videmus, quod per aliquam industriam subueniunt homini in suis necessitatibus, puta in cibo, & vestitu, quorum initia quædam habet a natura, scilicet rationem, & manus, non autem ipsum complementum, sicut cætera animalia, quibus natura sufficienter dedit tegumentum, & cibum. Ad hanc autem disciplinam non de facili inuenitur homo sibi sufficiens, ut scilicet quis ex se ipso possit peruenire ad complementum, & perfectionem virtutis, eo quia perfectio virtutis præcipue consistit in retrahendo hominem ab indebitis delectationibus, ad quas præcipue homines sunt proni, & maxime iuuenes, circa quos est efficacior disciplina, et ideo oportet, quod huiusmodi disciplinam, per quam ad virtutem peruenitur, homines ab alio fortituri. In his igitur omnes homines conueniunt, scilicet quod habet naturaliter quandam aptitudinem ad virtutem, sed

sed non habent perfectionem, & completum virtutis naturaliter, sed indigent aliqua disciplina per quam ad perfectionem virtutis perueniant, ad quam disciplinam non de facili inuenitur homo sufficiens sibi ipsis, & maxime iuvenes, & ideo necesse est, ut ab alio ipsam disciplinam, per quam ad perfectionem virtutis peruenire possint, fortuantur. Differunt autem in hoc, quod sunt quidam iuvenes, qui sunt prout ad actus virtutum ex bona dispositione naturæ, vel consuetudine, vel magis diuino munere, & his sufficit disciplina paternam, quæ est per monitiones. Quidam autem sunt proterui, & ad vitia prout, qui verbis de facili moueri non possunt, & hos necessarium fuit, per vim, vel metum cohibere a malo, ut scilicet sic, male facere desisterent, & aliis quietam vitam redderent, & ipsi tandem per huiusmodi assuetudinem ad hoc perducerentur, ut voluntarie facerent, quæ prius metu implebant, & sic efficerentur virtuosus, & hoc fit per disciplinam legum, quæ ab hominibus ponuntur, per quam improbi a malo retrahuntur, ad virtutem inducuntur, & bonis quæta, & pacifica vita procuratur. Vnde Philosophus dicit 1. Polit. cap. 2. quod si quis homo si sit perfectus virtute, est optimum animalium, ita si sit separatus a lege, & iustitia, est pessimum omnium, quia homo habet arma rationis ad expellendas concupiscentias, & seuitias, quæ non habent alia animalia.

Ad Argumenta.

Ad 1. Dicitur ad antecedens, quod homines bene dispositi melius inducuntur ad virtutem monitionibus voluntariis quam coactione, & propter hos non fuerunt necessariae humanæ leges: sed quidam male dispositi non retrahuntur a malo, nec ducuntur ad virtutem, nisi cogantur, & his necessariae sunt leges.

Ad 2. Dicitur ad maiorem, quod sicut Philosophus dicit 1. Rhetor. cap. 2. Melius est ordinari legem, quam dimittere iudicium arbitrio, & hoc propter tria. Primo quidem, quia facilius est inuenire paucos sapientes, qui sufficiant ad rectas leges ponendas, quam multos, qui requirerentur ad recte iudicandum de singulis. Secundo, quia illi, qui leges ponunt, ex multo tempore considerant, quid lege ferendum sit: sed iudicia de singularibus factis fiunt ex casibus subito exortis. Facilius autem ex multis considerans potest homo videre, quid rectum sit, quod solum ex aliquo vno facto. Terrio, quia legislatores iudicant in vniuersali, & de futuris: sed homines iudicij prædictes iudicant de presentibus, ad quæ adhiuntur animo

re, vel odio, aut aliqua cupiditate, & sic eorum deprauatur iudicium. Quia ergo iustitia animata iudicis non inuenitur in multis, & quia flexibilis est, ideo necessarium fuit, in quibuscumque est possibile, legem derogare, quid iudicandum sit, & paucissima arbitrio hominum committere.

Ad 3. Dicitur ad antecedens, quod quædam singularia, quæ non possunt lege comprehendi, necesse est committere iudicibus, ut ibidem Philosophus dicit, puta de eo, quod est factum esse, vel non esse, & de aliis huiusmodi.

ARTICVLVS II.

Vtrum Omnis lex humanitas posita a lege naturali deriuetur.

Pro Negatiua.

Videtur, quod non omnis lex humanitas posita a lege naturali deriuetur.

1. In his, quæ oriuntur a lege naturali, differunt vtrum sic, vel aliter fiant. Sed Ea, quæ sunt legibus humanis statuta in principio, nihil differt, vtrum sic, vel aliter fiant. Ergo Ea, quæ sunt legibus humanis statuta, non omnia deriuantur a lege naturæ.

Minor probatur, quia Philosophus dicit 5. Ethicor. cap. 7. quod iustum legale est, quod principio quidem nihil differt, vtrum sic, vel aliter fiat.

2. Quæ deriuantur a principiis communissimis legis naturæ, pertinent ad legem naturæ. Sed Lex humanitas posita, non pertinet ad legem naturæ, sed contra ipsam diuiditur, ut patet per Isidorum lib. 5. Ethim. cap. 4. & per Philosophum lib. 5. Ethicor. cap. 7. Ergo Ea, quæ sunt de lege humana, non deriuantur a lege naturæ.

Maiores probant, quia Quæ deriuantur a principiis communissimis legis naturæ, sunt quasi conclusiones, & ad legem naturæ pertinent, ut dictum est, quod præart. 3. & 4.

3. Lex, quæ deriuatur a lege naturæ, est eadem apud omnes. Sed Leges humanæ non sunt eadem apud omnes.

Ergo Leges humanæ non deriuantur a lege naturæ.

Minor probatur, quia Philosophus dicit lib. 5. Ethicor. cap. 7. quod Naturale ius est, quod ubique habet eandem potentiam. Si igitur leges humanæ a naturali deriuarentur, etiam ipsæ essent eadem apud omnes.

4. Eorum, quæ a lege naturali deriuantur, potest aliqua ratio assignari. Sed Non videntur, quæ a maiestate

H h h h

statuta sunt lege, ratio reddi potest, vt iurisperitus dicit. Ergo Non omnes leges humanæ a lege naturali deriuantur.

Pro Affirmatiua.

Tullius dicit in Rhet. lib. 2. Res a natura perfectas, & a consuetudine probatas, legum metus, & religio sanxit.

Determinatio.

Conclusio. Omnis lex humanitus posita, in quantum habet rationem legis, a lege naturæ deriuatur.

Prob. Ab eo, a quo lex habet, vt sit iusta, ab eodem deriuatur. Sed Lex humanitus posita habet a lege naturali, vt sit iusta. Ergo Lex humanitus posita, vt habet rationem legis, a lege naturali deriuatur.

Maiores prob. quia Aug. dicit lib. 1. de lib. arbit. cap. 5. quod Non videtur esse lex, quæ iusta non fuerit. Vnde lex in quantum habet de iustitia, in tantum habet de virtute legis. Vnde a quo lex habet, vt sit iusta, ab eodem deriuatur, vt sit lex.

Minor prob. A prima regula rationis hêt omnis lex, vt sit iusta. Sed Lex naturalis est prima regula rationis, vt patet ex dictis, quæst. præced. art. 2. Ergo A lege naturali habet omnis lex humana, vt sit iusta.

Maiores huius prob. quia In rebus humanis dicitur esse aliquid iustum, ex eo, quod est rectum secundum regulam rationis. Vnde a prima regula omnis alia regula habet, vt sit iusta. Omnis igitur lex humanitus posita, in tantum habet de ratione legis, in quantum a lege naturali deriuatur. Si vero in aliquo a lege naturali discordet, iam non erit lex, sed magis corruptio.

Quot modis statuta humanæ legisa lege naturali deriuantur.

Sed sciendum est, quod a lege naturali dupliciter potest aliquid deriuari. Vno modo, sicut conclusiones ex principiis. Alio modo, sicut determinationes quædam aliquorum communium. Primus quidem modus similis est ei, quo in scientiis ex principiis conclusiones demonstratiue produciuntur. Secundo vero modo simile est, quod in artibus formæ communes determinantur ad aliquid speciale: sicut artifex formam communem domus necesse est, quod determinet ad hanc, vel illam domus figuram. Deriuantur ergo quædam a princi-

pijs communibus legis naturæ, per modum conclusionum: sicut hoc, quod est, non esse occidendum, vt conclusio quædam deriuari potest ab eo, quod est, nulli esse faciendum malum. Quædam vero per modum determinationis, sicut lex naturæ habet, quod ille, qui peccat puniatur, sed quod tali pœna, vel tali puniatur, hoc est quædam determinatio legis naturæ. Vtraque igitur inueniuntur in lege humana posita, sed ea, quæ sunt primi modi, continentur in lege humana, non tanquam sint solum lege posita, sed habent etiam aliquid vigoris ex lege naturali: sed ea, quæ sunt secundi modi, ex sola lege humana vigorem habent. Quod non sit occidendum, habet vim ex lege naturæ, a qua dependet hæc prohibitio, vt conclusio ex principio. quod vero occides capite plecti deat, ad legem humanam solum pertinet.

Ad Argumenta.

Ad 1. Dicitur ad minorem, quod est vera de his, quæ oriuntur a lege naturali, per modum conclusionis, in his enim, cum habeant vigorem a lege naturali, vt dictum est, differt, verum sic, vel aliter fiant, non autem est vera de his, quæ procedunt a lege naturali, per modum determinationis: hæc enim in principio non differt, verum sic, vel aliter fiat. Quod enim non sit occidendum, quod est a lege naturæ, vt conclusio, semper differt, an sic, vel aliter fiat: Non enim licet. Sed quod peccans tali, vel tali pœna puniatur, in principio poterat sic, & aliter fieri, & ex lege humana determinatur pœna. Tunc ad minorem dicitur, quod Non est vera nisi de his, quæ sunt statuta a lege humana, per modum determinationis. Et ad probationem dicitur, quod Phil. loquitur de his, quæ sunt humana lege posita per modum determinationis, quæ possunt sic, & aliter fieri in principio, vt dictum est.

Ad 2. Dicitur, quod illa ratio procedit de his, quæ deriuantur a lege naturæ tanquam conclusiones.

Ad 3. Dicitur ad minorem, quod principia communia legis naturæ non eodem modo omnibus applicari possunt, propter multam varietatem rerum humanarum, & ex hoc prouenit diuersitas legis positæ apud diuersos: stat igitur, quod lex naturalis sit vna, & positur variæ.

Ad 4. Dicitur ad minorem, & ad eius probationem, quod verbum iurisperiti intelligendum est in his, quæ introducta sunt a maioribus circa particulares determinationes legis naturalis, ad quas quidem determinationes se habet expertorum, & prudentum iudicium sicut ad quædam principia, in quan-

in quantum. statim vident, quid congruētius sit particulariter determinandum. Vnde Phil. dicit in 6. Ethic. quod in talibus oportet attendere expeditorum, & seniorum, vel prudentum in demonstrabilibus enunciationibus, & opinionibus, non minus quam demonstrationibus.

A R T I C V L V S III.

Vtrum Isidorus conuenienter qualitatem legis posituæ describat.

Pro Negatiua.

V Idetur, quod Isidorus lib. 5. Ethic. c. 3. & 21. inconuenienter qualitatem legis posituæ describat dicens. Erit lex honesta, iusta, possibilis secundum naturam, secundum consuetudinem patriæ, loco, tempore conueniens, necessaria, utilis, manifesta quoque, ne aliquid per ignorantiam in captione contineat, nullo priuato modo, sed pro communi utilitate ciuium scripta.

1. Idem Isidorus supra cap. 3. in tribus conditionibus qualitatem legis explicauerat dicens. Lex erit omne, quod ratione constiterit duntaxat, qd religioni congruat, quod disciplinæ conueniat, qd saluti proficiat. Ergo Superflue postmodum conditiones legis multiplicat.

2. Iustitia est pars honestatis, vt Tullius dicit. 1. de officiis in cap. cuius titulus est, de quatuor virtutibus. Ergo Postquam dixerat honesta, superflue additur iusta.

3. Lex scripta secundum eundem Isidorum li. 2. cap. 10. contra consuetudinem diuiditur. Ergo In diffinitione legis non debet poni, quod sit secundum consuetudinem patriæ.

4. Si lex esset necessaria, aut esset necessaria simpliciter, aut ad finem. Sed Non est necessaria simpliciter, cum tale necessarium sit illud, quod non potest aliter se habere, quod legi non subiicitur. Ergo Est necessaria ad finem. Sed Necessitas ad finem idem est, quod utilitas. Ergo Postquam dictum est necessaria, superflue additur utilis.

Pro Affirmatiua.

Est authoritas Isidori inducta.

Determinatio.

Concl. Descriptio legis posituæ posita ab Isidoro, quam dicit, quod lex posituæ est, quæ Religioni congruit, Disciplinæ conuenit, & Saluti proficit, est conueniens.

Prob. Descriptio continet conditiones, per quas lex posituæ est proportionata legi diuinæ, legi naturæ, & hominum utilitati, est conueniens. Sed Supradi-

cta Isidori descriptio continet conditiones, per quas lex humana est proportionata legi diuinæ, humanæ, & hominum utilitati. Ergo Isidori descriptio posituæ legis est conueniens.

Maiores ostenditur. Nam forma rei, quæ est propter finem, debet esse proportionata fini. Vt forma feræ talis esse debet, vt conueniat sectioni, vt patet. 2. Phys. tex. 83. & iterum quelibet res recta, & mensurata, oportet vt habeat formam proportionatam suæ regulæ, & mensuræ. Lex autem humana vtrumque habet: est enim ordinata in finem, & est regula quædam, & mensura, regulata, & mensurata: est enim regula, & mensura actuum eorum, quibus lex datur, & est regulata, & mensurata a duplici mensura, scilicet lege diuina, & naturali. Tribus igitur debet lex humana esse proportionata, scilicet fini, legi diuinæ, & legi naturali. Descriptio igitur, quæ ostendit legem humanam esse proportionatam diuinæ legis, & naturalis, & fini, id est hominum utilitati, est sufficienter posita, quæ est maior.

Minor manifestatur. Dicit enim, quod Religioni congruat, in quantum est proportionata legi diuinæ. quod Disciplinæ conueniat, in quantum est proportionata legi naturæ. quod Saluti proficiat, in quantum est proportionata utilitati humanæ.

Ad Argumenta.

Ad 1. Dicitur ad consequentiam, quod ad illas tres conditiones, quas posuit in supradicta descriptione, reducuntur omnes alia conditiones, quas postea assignauit. Nā quod dicitur Honestæ, refertur ad hoc, quod Religioni congruat. Quod autem subditur, iusta, possibilis secundum naturam, sive consuetudinem patriæ, loco, tempore conueniens, additur ad hoc, vt conueniat disciplinæ, id est naturali legi. Attenditur. n. humana disciplina, primum quidē quantum ad ordinē rōnis, qui importatur in hoc, quod dicitur iusta. Secundo quantum ad facultatē agentium, debet. n. esse disciplina conueniens unicuique, sive suam possibilitatē, obseruata et possibilitate naturæ, non. n. eadem sunt imposita pueris, quæ imponuntur viris perfectis. Et sive humanam consuetudinem, non. n. potest hō solus in societate viuere, aliorū morem non gerens. Tertio quantum ad debitas circūstantias, dicit loco, tempore, conueniens. Quod vero subditur, Necessaria, utilis, &c. refertur ad hoc, qd expediat salutem. Vt Necessitas referatur ad remotionē malorū, Utilitas ad consecutionē bonorum, Manifestatio vero ad cauendum nocuentum, quod ex ipsa lege posset provenire. Et quia sicut supra dictum est, lex ordinatur ad bonum commune, hoc ipsum in vltima parte determinationis ostenditur.

H h h h 2 Ad

Ad 2. Dicitur, quod Iustum potest dupliciter accipi. Vno modo, vt pars honestatis. Alio modo, vt significat id, quod est conueniens secundum ordinem rationis. Et similiter Honestum dupliciter potest sumi. Vno modo, vt comprehendit iustū. Alio modo, vt significat id, quod congruit religioni. In diffinitione legis ponitur Honestum, ad ostendendum, quod lex debet congruere rationi & iustum, ad denotandum, quod lex debet esse conueniens quantum ad ordinem rationis.

Ad 3. Dicitur, quod Consuetudo dupliciter accipi potest. Vno modo, vt significat conformitatem morum. Alio modo, vt contradistinguitur legi scriptæ. Secundum primum modum possumus dicere, quod est cōsuetudo Christianorum, singulis diebus audire Missam, recitare orationē Dominicam, & similia: quia scilicet hic est communis Christianorum mos. Iuxta secundum modum dicimus, quod solemniter celebrare aliquorum Sanctorum festa, quæ non sunt de præcepto Ecclesie, est ex consuetudine, hoc est, non sunt de præcepto. Tunc dicitur ad antecedens, quod in diffinitione ponitur consuetudo, non prout contradistinguitur legi scriptæ, sed prout significat communitatem morum eorum, quibus datur lex.

4. Dicitur, quod lex est necessaria ad finem. Et ad subsumptum dicitur, quod necessitas ad finem idem est, quod utilitas, quando referuntur ad idem, si autem ad diuersa referantur, non sunt idem. In diffinitione legis, necessitas, & utilitas non reuertuntur ad idem, sed ad diuersa: Necessitas enim refertur ad remotionem malorum, & utilitas ad cōsecutionem bonorum, & sensus est, quod lex debet esse necessaria ad remouendum mala, & utilis ad consequenda bona.

ad ius naturale, & non ad ius humanum pertinet.

Minor prob. quia Ius gentium sic nominatur, quia eo, omnes fere gentes vtiuntur, vt ipsemet Isidorus lib. 5. cap. 6. dicit.

2. Diuisio, cuius membra diuisa differunt solum materialiter, est inconueniens. Sed Membra diuisionis legis posite ab Isidoro differunt solum materialiter.

Ergo Diuisio legis assignata ab Isidoro non est conueniens.

Maiores prob. quia Diuisio materialis, cū possit esse in infinitum, in arte non est curanda.

Minor probatur. Ea, quæ habent eandem vim, non videntur formaliter differre, sed solum materialiter.

Sed Leges, plebiscita, senatus consulta, & huiusmodi aliæ leges, quæ ponuntur membra diuisionis humanæ legis ab Isidoro, habent eandem vim. Ergo Hæc differunt tantum materialiter.

3. Isidorus ponit ius militare, & ius publicū, quod consistit in sacerdotibus, & magistratibus. Ergo Debuerunt poni alia iura ad alia officia ciuitatis pertinentia.

Consequenter prob. quia Sicut in Ciuitate sunt principes, & sacerdotes, & milites, ita etiam sunt alia hominum officia.

4. Secundum ea, quæ sunt per accidens, inconuenienter lex diuiditur. Sed Quod ab hoc, vel ab illo homine lex feratur, accidit legi. Ergo Inconuenienter ponitur diuisio legum humanarum, ex legislatorum nominibus, vt scilicet quædam dicatur Cornelia, quædam Falcidia.

Maiores prob. quia Ea, quæ sunt per accidens, sunt prætermittenda.

ARTICVLVS IV.

Vtrum Isidorus conuenienter ponat diuisionem humanarum legum.

Pro Negativa.

Videretur, quod inconuenienter Isidorus lib. 5. cap. 4. diuisionem legum humanarum, siue humani iuris ponat.

1. Ius quod est commune omnium nationū, non continetur sub iure positiuo, siue humano. Sed Ius gentium est commune omnium nationum. Ergo Ius gentium non continetur sub iure humano, & inde inconuenienter diuiditur ab Isidoro Ius humanum, in Ius gentium, & Ius ciuile.

Maiores prob. quia Ius naturale est commune omnium nationum, vt dicit idem Isidorus lib. 5. cap. 4. Vnde ius commune omnium nationum,

Pro Affirmativa.

In contrarium est autoritas Isid. lib. 5. Ethim;

Determinatio.

Conclusio. Diuisiones legis humanæ ab Isidoro posite sunt conuenientes.

Prob. Diuisiones, quæ fiunt secundum ea, quæ sunt de ratione rei diuise, sunt conuenientes. Sed Diuisiones humanæ legis ab Isidoro assignatæ fiunt secundum ea, quæ sunt de ratione humanæ legis.

Ergo Diuisiones humanæ legis ab Isidoro assignatæ sunt conuenientes;

Maiores probatur. quia Vnumquodque potest per se diuidi secundum id, quod in eius ratione continetur: sicut in ratione animalis continetur anima, quæ est rationalis, vel irrationalis, ideo animal, proprie, & per se, diuiditur secundum rationa-

rationale, & irrationalē; non autem secundum album, & nigrum, quæ sunt terminis præter rationem animalis.

Minor manifestatur. Nam de ratione humanæ legis sunt quatuor, & secundum vnumquodque horum lex humana proprie per se diuiditur.

Est primo de ratione legis humanæ, quod sit derivata a lege naturæ, vt dictum est, art. 2. huius quærit. & secundum hoc diuiditur lex humana, in Ius gentium, & Ius positium. Ad Ius gentiū pertinent ea, quæ derivantur a lege naturæ per modum conclusionum, vt sunt iustæ emptiones, venditiones, & alia huiusmodi, sine quibus homines vivere non possunt, quod est de lege naturæ, cum homo sit animal sociabile, naturaliter, vt probatur. 1. Polit. cap. 2. Ad Ius vero civile pertinent ea, quæ derivantur a lege naturali, per modum particularis determinationis, secundum quod quælibet ciuitas aliquid sibi commodum determinat.

Secundo de ratione legis humanæ est, quod ordinetur ad bonum commune ciuitatis, & secundum hoc, lex humana diuidi potest secundum diuersitatem eorum, qui specialiter dant operā ad bonum commune, sicut sunt Sacerdotes pro populo Deum orantes, & Principes populum gubernantes, & Milites pro salute populi pugnantes, & secundum hoc diuiditur humanum Ius, in Ius publicum, ad quod pertinet honor, & reuerentia Sacerdotum, & Principum, & Ius militare, ad quod pertinet Militum disciplina.

Tercio est de ratione legis humanæ, vt instituat a gubernante communitatem ciuitatis, vt dictum est, quærit. 90. art. 3. & secundum hoc distinguuntur leges humanæ secundum diuersa regimina, quæ regimina sunt Sex, vt dicitur 3. Politic. cap. 4. & à quolibet horum desumitur aliqua lex, vno excepto, vt dicitur.

Primum regimen est regnum, quando scilicet Ciuitas gubernatur ab vno, & ab hoc regimine desumitur Ius, quod constat ex constitutionibus principis.

Secundum regimen est Aristocratia, id est principatus optimorum, vel optimatum, & ab hoc regimine desumitur lex, quæ dicitur senatus consultum, vel responsa prudentum.

Tertium regimen est Oligarchia, id est principatus paucorum diuitem, & potentum, & ab hoc sumitur Ius prætorium, quod etiam honorarium dicitur.

Quartum regimen est regimen populi, quod nominatur democratia, & secundum hoc sumuntur plebiscita.

Quintum regimen est ex istis commixtum, quod est optimum, & secundum hoc sumitur

lex, quam maiores nata simul cum plebibus sanxerunt.

Sextum regimen est Tyrannicum, à quo, quia est omnino corruptum, nulla lex desumitur.

Quarto de ratione legis humanæ est, quod sit directiua humanorum actuum, & secundum hoc, secundum diuersa de quibus leges feruntur, distinguuntur leges, quæ interdum ab authoribus nominantur. Sicut distinguitur lex Iulia de adulterijs, lex Cornelia de sicarijs, & sic de alijs, quæ non sunt leges distinctæ propter authores, sed propter res de quibus in ipsis agitur.

Breuitate igitur, omnes diuisiones legis humanæ colligendo, dicimus, quod lex humana, vt derivatur a lege naturali, diuiditur in Ius gentium, & Ius civile.

Secundum quod ordinatur ad bonum commune, diuiditur in Ius publicum, & Ius militare. Secundum quod est instituta a gubernatoribus, diuiditur in Constitutiones Principum, Senatus consulta, Ius prætorium, Plebis cita, & legem.

Et tandem, vt est directiua actuum humanorum, diuiditur in tot leges, quot sunt materiæ de quibus feruntur leges, vt est lex de adulterijs, de sicarijs.

Quæ vt vnico intuitu patere possint, sic ea disponimus.

Lex Humana.

Secundum quod derivatur a lege naturali diuiditur.

In Ius gentium.

Et Ius Civile.

Secundum quod ordinatur ad bonum commune diuiditur in.

Ius publicum. &

Ius militare.

Secundum quod est a gubernante diuiditur in.

Constitutiones Principum, a Regno.

Senatus consulta, siue responsa prudentum, ab Aristocratia.

Ius prætorium, siue honorarium, ab Oligarchia.

Plebiscita, a Democratia.

Lex, a Commixto.

Prout est directiua humanorum actuum diuiditur in lege.

De Adulterijs.

Sicarijs.

Papiria.

Falcidia.

Singula autem harum diuisionum membra, sic describuntur.

Ius Gentium est sedium occupatio, ædificatio, munitio, bella, captiuitates, seruitutes, postliminia, fœdera, paces, induciæ, legatorum non violandorum religio, connubia inter alienigenas prohibita.

Ius ciuile est, quod quisque populus, vel ciuitas quæque sibi proprium diuina, humanaque causa constituit.

Ius publicum est in sacris, & in sacerdotibus, & in magistratibus.

Ius militare est belli inferendi solemnitas, fœderis faciendi nexus, signo dato egressio in hostes, vel pugna commissio: item signo dato receptio, item flagitij militaris disciplina, si locus desertatur, item stipendiorum modus, dignitatum gradus, præmiorum honor, veluti cum corona, vel torques donantur: item prædæ diuisio, & pro per sonarum qualitatibus, & laboribus iusta diuisio, ac principis portio.

Constitutiones principum sunt, quas Rex, vel Imperator constituit.

Senatusconsultum est, quod tantum senatores, populis consulendo, decernunt.

Responsa prudentium sunt, quæ iurisconsulti responderè dicuntur consulentibus.

Ius prætorium dicitur, quod Prætor ius ciuile corrigens, vel supplens, vel confirmans in ambo ne posita, siue scripta, publice proponebat.

Plebiscita sunt, quæ plebes tantum constituent, & vocantur plebiscita, quod ea plebs sciat, vel quæ sciscitatur, & rogat, ut fiant.

Lex est constitutio populi, qua maiores natu, si mul cum plebibus aliquid sanxerunt.

Iura vero diuidentia legem humanam, ut est directiua actuum humanorum, multiplicantur secundum multiplicatam rerum de quibus dantur, & iuxta qualitatem materiæ diffiniuntur.

Ad Argumenta.

Ad 1. Dicitur ad maiorem, & ad eius probationem, quod ius gentium est quidem aliquo modo naturale homini, secundum quod est rationalis, in quantum derivatur a lege naturali, per modum conclusionis, quæ non est multum remota a principiis, unde de facili in huiusmodi homines conferunt: distinguitur tamen a lege naturali, maxime ab eo, quod est omnibus animalibus commune.

Ad 2. Negatur minor, distinguuntur enim membra diuisionis formaliter, ut in corpore ostensum est. Ad probationem dicitur, quod licet illa habeant eandem vim, tamen formaliter distin-

guantur, quatenus a diuerso regimine procedunt, ut dictum est.

Ad 3. Negatur conseq. huiusmodi enim iura pertinent, non ad omnia officia, sed ad ea tantum quæ pertinent ad commune bonum, ut sunt sacer dotes, & Principes.

Ad 4. Dicitur, quod illæ leges, quamuis nominentur ab auctoribus, tamen distinguuntur per hoc, quod sunt de diuersis rebus, ut dictum est in corpore.

Q V Æ S T I O X C V I.

DE P O T E S T A T E L E G I S

• Humana.

A R T I C V L V S I.

Vtrum Lex humana debeat poni in communi, magis quam in particulari.

Pro Affirmatiua.

V Idetur, quod lex humana non debeat poni in communi, sed magis in particulari.

1. Phil. 5. Ethic. cap. 7. dicit, quod legalia sunt, quæcunque in singularibus legem ponunt, & etiam sententia, quæ etiam sunt singularia, cui sententiæ de singularibus ferantur. Ergo Lex non solum ponitur in communi, sed etiam in singulari.

2. Quod est directiuum humanorum actuum, non debet poni in vniuersali, sed magis in particulari. Sed Lex humana est directiua humanorum actuum, ut dictum est, q. 90. art. 1.

Ergo Lex humana debet in singulari ferri. Minor prob. quia Humani actus in singularibus consistunt.

3. Mensura humanorum actuum debet esse in singularibus. Sed Lex est regula, & mensura humanorum actuum, ut dictum est, quæst. 90. artic. 1. Ergo Lex humana debet in singulari ferri.

Maior prob. Mensura debet esse certissima, ex 10. Metaph. tex. 3. Sed Si mensura humanorum actuum non esset circa singularia, non esset certissima. Ergo Mensura humanorum actuum debet esse in singularibus.

Minor huius prob. quia In actibus humanis non potest esse aliquod vniuersale ita certum, quin in particularibus deficiat.

Pro Affirmatiua.

Iurisperitus dicit, in dig. vet. lib. 1. tit. 3. lege 3. 4. 5. quod Iura constitui oportet in his, quæ sæpius accidunt. Ex his autem, quæ forte vno casu accidere possunt, iura non constituntur.

Deer-

Determinatio.

1. Conclusio. Lex humana in communi, magis quam in particulari, debet poni.

Prob. Quod debet esse proportionatum ad bonum commune, debet magis in communi, quam in singulari ferri. Sed Lex humana debet esse proportionata bono communi. Ergo Lex humana debet ferri magis in communi, quam in singulari.

Maior prob. quia Bonum commune constat ex multis, & ideo oportet quod id, quod respicit commune bonum, sit circa vniuersale, magis quàm circa singulare.

Minor prob. Id, quod est propter finem, debet esse proportionatum fini. Sed Lex humana est ordinata ad bonum commune, tanquam ad finem, et quod Isidorus dicat, quod Nullo priuato modo, sed pro communi utilitate ciuium lex debet esse conscripta. Ergo Lex humana debet esse proportionata bono communi.

1. Conclusio. Oportet, vt lex ad multa respiciat, & secundum personas, & secundum negotia, & secundum tempora.

Manifestatur. quia Communitas ciuitatis constituitur ex multis personis, & eius bonum per multas actiones, & negotia procuratur. Nec ad hoc instituitur, quod aliquo modico tempore duret, sed quod omni tempore perseueret per ciuium successionem, vt Aug. dicit 2. de Ciuitate Dei, cap. 21.

Ad Argumenta.

Ad 1. Dicitur, quod Phil. 5. Ethic. cap. 7. Ponit tres species iuris legalis, quod est Ius positium. Sunt enim quædam, quæ simpliciter in communi ponuntur, & hæc sunt leges communes: & quantum ad huiusmodi dicit, quod legale est, quod ex principio quidem nihil differt, sic, vel aliter, quando autem ponitur, differt: puta quod capiti statuto pretio redimantur. Quædam vero sunt, quæ sunt communia quantum ad aliquid, & singularia quantum ad aliquid, & huiusmodi dicuntur priuilegia, quasi leges priuatae, quia respiciunt singulares personas, & tamen potestas eorum extenditur ad multa negotia: & quantum ad hoc subdit, Adhuc quæcunque in singularibus legem ponunt. Dicuntur etiam quædam legalia, non quia sint leges, sed propter applicationem legum communium ad aliqua particularia facta: sicut sunt sententiæ, quæ pro iure habentur, & quantum ad hoc subdit. Et sententialia.

Ad 2. Dicitur ad maiorem, quod illud, quod est directiuum, oportet esse plurius directiuum,

vt de in 10. Metaph. tex. 4. Phil. dicit, quod omnia, quæ sunt vnius generis, mensurantur aliquo vno, quod est primum in genere illo. Si enim essent tot regulæ, vel mensuræ, quot sunt mensurata, vel regulata, cessaret vtique vtilitas regulæ, vel mensuræ, quæ est, vt ex vno multa possint cognosci: & ita nulla esset vtilitas legis, si non se extenderet, nisi ad vnum singularem actum. Ad singulares enim actus dirigendos dantur singularia præcepta præsidendum, se: lex est præceptum commune, vt sup. dictum est.

Ad 3. Negatur maior. Ad maiorem probationis dicitur, quod non est eadem certitudo querenda in omnibus, vt in 1. Ethic. c. 3. dicitur. Vnde in rebus contingentibus, sicut sunt naturalia, & res humanæ, sufficit talis certitudo, vt aliquid sit verum, vt in pluribus, licet interdum deficiat in paucioribus.

A R T I C V L V S II.

Vtrum ad legem humanam pertineat omnia vitia cohibere.

Pro Affirmatiua.

AIdetur, quod ad legem humanam pertineat omnia vitia cohibere.

1. Ad legem, quæ est facta ad hoc, vt eius metu coerceatur humana audacia, pertinet omnia vitia cohibere. Sed Lex humana est facta, vt eius metu humana coerceatur audacia, vt Isid. dicit lib. 1. Ethym. c. 20. Ergo Ad humanam legem pertinet omnia vitia cohibere.

Maior prob. quia Non sufficienter coercetur humana audacia, nisi quælibet mala cohiberentur per legem.

2. Cuius intentio est facere homines virtuosos, debet omnia vitia cohibere. Sed Intentio legislatoris humanæ legis est facere homines virtuosos. Ergo Lex humana debet omnia vitia cohibere.

Maior prob. quia Non potest esse aliquis virtuosus, nisi ab omnibus vitijs compescatur.

3. Lex, quæ a naturali lege deriuatur, debet omnia vitia cohibere. Sed Lex humana a naturali lege deriuatur, vt dictum est q. 93. art. 3. Ergo Lex humana debet omnia vitia cohibere.

Maior prob. quia Omnia vitia repugnant legi naturæ, vt potè, quæ a lege æterna deriuatur.

Pro Negatiua.

Lex, quæ recte permittit ea, quæ spectant ad diuinam providentiam vindicare, non cohibet omnia vitia. Sed Lex humana permittit recte ea, quæ

quæ pertinent ad diuinam prouidentiam vindicare. Ergo Lex humana non colibet omnia vitia.

Maior prob. quia Diuina prouidentia non vindicat nisi vitia.

Minor prob. quia Aug. dicit li. 1. de lib. arb. c. 5. Videtur mihi, legem istam, quæ populo regendo scribitur, rectè ista permittere, & diuinam prouidentiam vindicare.

Determinatio.

Conclusio. Lege humana non prohibentur omnia vitia.

Prob. Lege, quæ datur etiam imperfectis, non prohibentur omnia vitia. Sed Lex humana datur imperfectis. Ergo Lex humana non prohibentur omnia vitia.

Maior prob. Lex debet esse proportionata his, quibus datur. Sed si lex, quæ datur imperfectis prohiberet omnia vitia, non esset proportionata his, quibus datur. Ergo Lex, quæ datur etiam imperfectis, non debet prohibere omnia vitia.

Maior huius prob. Mensura debet esse homogenea mensurato, vt dicitur 10. Metaph. tex. 3. Sed Lex habet rationem mensuræ humanorum actuum, vt dictum est art. præced. Ergo Lex debet imponi hominibus secundum eorum conditionem.

Et confirmatur. quia Isid. dicit, quod lex debet esse possibilis secundum naturam, & secundum consuetudinem patriæ.

Minor secundi syllogismi. quod si lex, quæ datur etiam imperfectis, prohiberet omnia vitia, non esset proportionata his, quibus datur, probatur. quia Facultas operandi, ex intentione habitus, seu dispositione procedit: non enim idem est possibile ei, qui non habet habitum virtutis, & virtuosus. Sicut etiam, non est idem possibile puero, & viro perfecto: & propter hoc non ponitur eadem lex pueris, & adultis, multa enim pueris permittuntur, quæ in adultis lege puniuntur, vel vituperantur. Et similiter multa sunt permittenda hominibus non perfectis virtute, quæ non essent tolleranda in hominibus virtuosis. Si igitur lex prohiberet omnia vitia, non esset omnibus proportionata, sed solum virtuosis, qui per habitum virtutis omnia vitia canere possunt.

Minor principalis, scilicet quod Lex datur imperfectis, manifestatur. quia Lex humana ponitur in altera leui non nimis, in qua maior pars est imperfectorum, & ideo lege humana non prohibentur omnia vitia, a quibus virtuosus abstinent, sed tantum maior, a quibus possibile est maiorem partem multitudinis abstinere, & præcipue

quæ sunt in nocentum aliorum, sine quorum prohibitione societas humana conseruari non posset, sicut sunt homicidia, furta, & huiusmodi, quæ lege humana prohibentur.

Ad Argumenta.

Ad 1. Negatur maior. Ad probationem dicitur, quod Audacia pertinere videtur ad inuasionem aliorum, Vnde præcipue ad illa peccata pertinet, quibus iniuria proximi irrogatur. Dum igitur lex humana huiusmodi peccata prohibet sufficienter reprimat humanam audaciam.

Ad 2. Dicitur ad minorem, quod lex humana intendit homines inducere ad virtutem, non subire, sed gradatim, & ideo non itatim multitudinè imperfectorum imponit ea, quæ sunt, iam virtuosorum, vt scilicet ab omnibus malis absterneant, alioquin imperfecti huiusmodi præcepta ferre non valentes, in deiora mala prorumperent, sicut dicitur Prouerb. 30. Qui nimis emungit, elicit sanguinem, & Matth. 6. quod si vinum nouum, id est præcepta perfectæ vitæ, mittatur in vres veteres, id est in homines imperfectos, vres rumpuntur, & vinum effunditur, id est præcepta contemnantur, & homines ex contemptu ad peiora mala prorumpunt.

Ad 3. Dicitur ad minorem, quod lex humana deriuatur quidem a lege æterna, & naturali, deficienter tamen, & propterea dicit August. lib. 1. de lib. arb. cap. 5. Lex ista, quæ regendis ciuitatibus fertur, multa concedit, atque impuia relinquit, quæ per diuinam prouidentiam vindicantur: neque enim quia non omnia facit, ideo quæ facit, improbanda sunt. Vnde etiam lex humana non omnia potest prohibere, quæ prohibet lex naturæ.

ARTICVLVS III.

Virum Lex humana præcipiat actus omnium virtutum.

Pro Negatiua.

Videtur, quod lex humana non præcipiat actus omnium virtutum.

1. Lex, quæ præcipit actus omnium virtutum, prohibet omnia vitia. Sed Lex humana non prohibet omnia vitia, vt dictum est art. præced. Ergo Lex humana non præcipit actus omnium virtutum.

Maior prob. quia Actibus virtutum opponuntur actus vitiosi.

2. Quæ procedunt a virtute, non præcipiuntur

a lege. Sed Actus virtutis procedunt a virtute. Ergo Actus virtutum non præcipiuntur a lege.

Maiores prob. quia Virtus est finis legis: unde quod est a virtute, sub præcepto legis cadere non potest, sicut nec finis legis a lege præcipitur.

3. Ea, quæ præcipiuntur a lege, ordinantur ad bonum commune. Sed Quidam actus virtutum non ordinantur ad bonum commune, sed ad bonum priuatum, ut est actus temperantiae.

Ergo Quidam actus virtutum non præcipiuntur a lege.

Maiores prob. quia Lex ipsa ordinatur ad bonum commune.

Pro Affirmatiua.

Phil. 5. Ethic. cap. 1. dicit, quod Præcipit lex, fortis opera facere, & quæ temperati, & quæ mansueti. Similiter autem secundum alias virtutes, & malitias, hæc quidem iubens, hæc autem prohibens.

Determinatio.

Distinctio. Actus virtutum sunt in duplici differentia. Quidam referuntur in bonum commune. Quidam vero referuntur in bonum priuatum.

Manifestatur. Nam omnium virtutum obiecta, (secundum quæ species virtutum distinguuntur, ut dictum est, quest. 54. art. 1.) vel ad bonum priuatum alicuius personæ, vel ad bonum commune multitudinis referri possunt. Sicut ea, quæ sunt fortitudinis, potest aliquis exequi, vel propter conservationem ciuitatis, vel ad conseruandum ius amici sui: & simile est de alijs. Actus igitur virtutum, quibus quis exequitur ea, quæ sunt virtutum propter bonum commune, referuntur ad bonum commune. Actus vero, quo quis exequitur ea, quæ sunt virtutum, propter bonum priuatum, referuntur ad bonum priuatum.

1. Conclusio. Nulla virtus est, de cuius actibus lex humana præcipere non possit.

Prob. De omnibus actibus, qui possunt ordinari ad bonum commune, potest lex præcipere. Sed Nulla est virtus, cuius aliqui actus non possint ordinari ad bonum commune. Ergo Nulla est virtus, de cuius actibus lex præcipere non possit.

Maiores prob. quia Lex ordinatur ad bonum commune, ut dictum est, quest. 90. art. 2.

2. Conclusio. Lex humana non præcipit de omnibus actibus omnium virtutum, sed solum de illis, qui ordinabiles sunt ad bonum commune mediate, vel immediate.

Prob. & declaratur. Prob. quia Lex ordinatur ad bonum commune. Unde de illis tantum acti-

bus præcipit, qui ad bonum commune sunt ordinabiles.

Declaratur quo ad illos terminos, Mediate, vel Immediate. Illi. actus ordinantur immediate ad bonum commune, qui directe propter commune bonum fiunt: ut est actus fortitudinis, quo quis patriæ bonum defendit, & actus iustitiæ, quo quis populum gubernat. Illi autem actus ordinantur ad bonum commune mediate, qui ordinantur a legislatore ad bonum commune, qui ex se ad priuatum bonum ordinantur: sicut si Princeps condatur legem, ut adolescentes debeant literis studere, ut hoc studio ciues informantur, ut commune bonum iustitiæ, & pacis consequantur.

Ad Argumenta.

Ad 1. Dicitur, quod legem aliquam præcipere actus omnium virtutum dupliciter contingit, ut dictum est in corpore. Sicut præcipit oēs actus omnium virtutum: uel aliquos actus cuiuslibet virtutis. Ad maiorem dicitur, quod lex, quæ præcipit omnes actus omnium virtutum, prohibet omnia vitia, non autem illa, quæ præcipit tantum aliquos actus cuiuslibet virtutis, hæc enim prohibet tantum actus vitiorum, qui opponuntur illis virtutum actibus, quos præcipit. Tunc ad minorem dicitur, quod lex humana non prohibet omnes actus vitiosos, prohibet tamen aliquos actus singulorum vitiorum, sicut etiam præcipit quosdam actus singularum virtutum.

Ad 2. Dicitur ad minorem, quod Aliquis actus dicitur esse virtutis dupliciter. Vno modo, ex eo quod homo operatur virtuosus: sicut actus virtutis iustitiæ est facere recta, & actus fortitudinis facere fortia. Et sic lex præcipit aliquos actus virtutum. Alio modo dicitur actus virtutis, quia aliquis operatur virtuosus, eo modo quo virtuosus operatur, & talis actus semper procedit a virtute, nec cadit sub præcepto legis, sed est finis, ad quem legislator ducere intendit.

Ad 3. Dicitur ad minorem, quod non est aliqua virtus, cuius aliqui actus non sint ordinabiles ad bonum commune, ut dictum est, vel mediate, vel immediate.

A R T I C U L U S IV.

Utrum Lex humana imponat homini necessitatem in foro conscientie.

Pro Negatiua.

Videtur, quod Lex humana non imponat homini necessitatem in foro conscientie.

1. Inferior potestas non potest imponere legem in iudicio superioris potestatis. Sed Potestas humana,

liii quæ

quæ fert legem humanam, est infra potestatem diuinam, cuius est iudicium conscientiarum.

Ergo Lex humana nõ potest imponere legem obligantem in conscientia.

2. Lex, per quam euacuatur diuinum mandatum, non obligat in conscientia. Sed Per legem humanam quandoque euacuatur diuina mandata. Ergo Lex humana non obligat in conscientia.

Maior prob. quia Iudicium conscientiarum maxime dependet ex diuinis mandatis.

Minor prob. quia Matth. 15. dicitur. Irritum fecistis mandatum Dei, propter traditiones vestras.

3. Leges, quæ ingerunt calumniam, & iniuriam hominibus, non obligant in foro conscientiarum. Sed Leges humanæ frequenter ingerunt calumniam, & iniuriam hominibus.

Ergo Leges humanæ non obligant in foro conscientiarum.

Maior prob. quia Licitum est unicuique oppressionem, & violentiam euitare.

Minor prob. quia Isaia 10. dicitur. Veh qui cõdunt leges iniquas, & scribentes iniustitias scripserunt, vt opprimerent in iudicio pauperes, & vim facerent cause humilium populi mei.

Pro Affirmatiua.

1. Petri 2. dicitur. Hæc est gratia, si propter conscientiam sustineat quis tristitias, patiens iniuste.

Determinatio.

Distinctio. Leges humanitatis positæ sunt in duplici differentia. Quædam sunt iustæ, & Quædam sunt iniustæ.

Dicuntur leges iustæ ex triplici capite. Primo ex fine, vt quando ordinantur ad bonum commune. Secundo ex auctore, vt quando lex lata non excedit potestatem ferentis. Tertio ex forma, vt quando secundum æqualitatem proportionis imponuntur onera subditis in ordine ad bonum commune.

Iniustæ vero sunt leges humanæ dupliciter. Vno modo per contrarietatem ad bonum humanum. Alio modo per contrarietatem ad bonum diuinum. Per contrarietatem ad bonum humanum lex potest esse iniusta ex tribus, oppositis his ex quibus lex est iusta. Primo ex fine, sicut cū aliquis prædens leges onerosas subditis imponit, non pertinentes ad utilitatem communem, sed potius ad propriam utilitatem, vel gloriam. Secundo ex auctore, sicut cum aliquis legem fert ultra sibi commissam potestatem. Tertio ex forma, puta cum inæqualiter onera multitudini dispensantur, etiam si ordinentur ad bonum commu-

ne, & huiusmodi magis sunt violentiæ, quam leges, quia sicut Aug. dicit in libro 1. de lib. arb. c. 5. Lex esse non videtur, quæ iusta non fuerit.

Per contrarietatem autem ad bonum diuinum dicuntur iniustæ leges, inducentes ad idololatriam, vel ad quodcunque aliud, quod sit contra legem diuinam, vt fuerunt leges tyrannorum, qui persecuti sunt Ecclesiam Dei.

1. Conclusio. Lex humana, si sit iusta, imponit homini necessitatem in foro conscientiarum.

Prob. Lex, quæ derivatur a lege æterna, habet vim obligandi in foro conscientiarum. Sed Leges humanæ iustæ derivantur a lege æterna, secundum illud Prouer. 8. Per me Reges regnant, & legum conditores iustæ decernunt.

Ergo Leges humanæ iustæ habent vim obligandi in foro conscientiarum.

2. Conclusio. Leges humanæ iniustæ non habent vim obligandi in foro conscientiarum, nisi propter scandalum uitandum.

Prob. quia Huiusmodi leges non derivantur a lege diuina, propter quod, nec leges sunt, sed violentiæ, vt dictum est, ex Aug.

Et declaratur secunda pars: quia Ad euitandū scandalum homo etiam iuri suo debet cedere, secundum illud Matth. 5. Qui angariauerit te milite passus, vade cum eo alia duobus, & qui abtulit tibi tunicam, da ei & palliamentum.

3. Conclusio. Leges iniustas per contrarietatem ad bonum diuinum nullo modo licet obseruare.

Prob. quia Actuum 4. dicitur. Obedire oportet magis Deo, quam hominibus.

Ad Argumenta.

Ad 1. Dicitur ad maiorem, quod quamuis potestas humana sit infra potestatem diuinam, tamen quia omnis potestas humana a Deo est, vt dicitur Rom. 13. ideo qui potestati resistit in his, quæ ad potestatem pertinent, Dei ordinationi resistit, & secundum hoc efficitur humanæ legis transgressor, reus in conscientia.

Ad 2. Conceditur totum. Si enim sit aliqua lex humana, per quæ euacuatur Dei mandatum, non obligat in conscientia: ordo enim humanæ potestatis nõ se extendit ad aliquid statuendum contra diuinam legis mandatum. Vnde his legibus non est parendum, & hoc argumentum probat tertiam conclusionem.

Ad 3. Conceditur etiam totum, probat enim secundam conclusionem. Lex enim iniustum grauiam subditis imponens, non est iusta, quia ordo potestatis diuinitus concessus, ad hoc non se extendit. Vnde in talibus homo non obligatur obedire legi, si sine scandalo, vel maiori detrimento resistere possit.

ARTICVLVS V.

Vtrum omnes subijciantur legi.

*Pro Negatiua.***V**idetur, quod non omnes subijciantur legi.

1. Illi soli subijciuntur legi, quibus lex est posita. Sed Non omnibus lex est posita.

Ergo Non omnes subijciuntur legi.

Minor prob. quia Apost. dicit 1. Timoth. 1. qđ iusto non est posita lex.

2. Viri spirituales non subduntur legi humane. Ergo Non omnes legi subduntur.

Antec. prob. quia Verbanus secundus Papa, vt habetur in decreto. 1. qua. 2. cap. Dux sunt, dicit. Qui lege priuata ducitur, nulla ratio exigit, ut publica confrigatur. Lege autem priuata Spiritus Sancti ducuntur omnes viri spirituales, qui sunt filij Dei, secundum illud Rom. 8. Qui spiritui Dei aguntur, hi filij Dei sunt.

3. Qui est solutus a lege, non subditur legi. Sed Princeps est solutus a legibus, vt Iurisperitus dicit. Ergo Princeps non subditur legi, & sic non omnes legi sunt subiecti.

Pro Affirmatiua.

Qui est subditus potestati, subditur legi, quam fert potestas. Sed Omnes subijciuntur potestati. Ergo Omnes legi subijciuntur.

Minor prob. quia Rom 13. dicitur. Omnis anima potestatibus sublimioribus subdita sit.

Determinatio.

1. Distinctio. Lex in sui ratione duo habet. Primum est, quod sit regula humanorum actuum: Alterum est, quod habeat vim coactiuam.

2. Distinctio. Ex quo sequitur, quod dupliciter possit aliquis homo esse legi subiectus. Vno modo, sicut regulatum subijcitur regulæ. Alio modo, sicut coactum cogenti.

1. Conclusio. Omnis, qui subditur alicui potestati, subditur legi, quam fert potestas, sicut regulatum subijcitur regulæ.

Manifestatur. quia Per hoc aliquid subijcitur potestati, quia potestatis regulis dirigitur, & gubernatur.

2. Conclusio. Qui non subijcitur potestati, non subijcitur legi potestatis, ut regulatum regulæ.

Manifestatur. Quod enim aliquis potestati nō subdatur, potest contingere dupliciter. Vno modo, quia est simpliciter absolutus ab eius subiectione. Vnde illi, qui sunt de vna Ciuitate, vel Re-

gno, non subduntur legibus Principis alterius Ciuitatis, vel Regni, sicut nec eius dominio. Alio modo secundum quod regitur superiori lege, puta si aliquis subiectus sit procon sili, regulari debet eius mandato, non tamen in his, in quibus dispensatur ab Imperatore. Quantum enim ad illa, non adstringitur mandato inferioris; cum superioris mandato dirigatur, & secundum hoc contingit, ut aliquis subiectus alicui potestati, & eius legi simpliciter, secundum aliqua non adstringitur a lege inferioris potestatis, cui subiectus est. Sensus ergo secundæ conclusionis est, quod qui non subijcitur potestati, non subijcitur eius legibus, si inquam nullo modo subijciatur potestati, nullo modo subijcitur eius legibus: si subijciatur quidem potestati, sed tamen in aliquibus dirigatur lege superioris, quo ad illa non subijcitur legi potestatis.

Quæ conclusio probata remanet ex ratione primæ conclusionis: Nam hæc conuertibiliter se habent, subijci potestati, & eius legi, vt regula, cum, vt dictum est, subijci potestati, nihil aliud sit, quam eius regula dirigi. Vnde qui non subijcitur potestati, nec regulæ potestatis erit subiectus.

3. Conclusio. Homines uirtuosi, & iusti non subduntur legi, vt coactum subditur cogenti, sicut mali legi sunt subiecti.

Prob. Quorum voluntas consonat legi, non subijciuntur legi, vt coactum cogenti. Sed Bonorum voluntas consonat legi, voluntas vero malorum a lege discordat.

Ergo Legi, boni coacte non subijciuntur, sed solum mali.

Maior prob. quia Quod est coactum, & violentum, est contrarium voluntati.

Ad Argumenta.

Ad 1. Dicitur ad minorem, & ad eius probationem, quod iusto lex non est posita, quia non subditur legi per modum coactionis, vt dictum est, quia iusti ipsi sibi sunt lex, dum ostendunt opus legis scriptum in cordibus suis, vt Apost. dicit Rom. 2. Vnde non habet lex in ipsis vim coactiuam, sicut in iniustis habet.

Ad 2. Dicitur ad antec. quod lex Spiritus Sancti est superior omni lege humanitatis posita: & ideo viri spirituales, secundum hoc, quod lege Spiritus Sancti ducuntur, non subduntur legi, quantum ad ea, quæ repugnant ductioni Spiritus Sancti. Sed tamen hoc ipsum est de dictu Spiritus Sancti, quod homines spirituales legibus humanis subduntur, secundum illud 1. Petri. 2. Subiecti estote omni humane creature propter Deum.

Ad 3. Dicitur ad minorem dupliciter. Primo, Iiii 2 quod

quod Princeps dicitur esse solutus a lege, quantum ad vim coactiuam legis, non autem quantum ad vim directiuam, & utrumque ostenditur. Dicitur solutus Princeps a lege, quantum ad vim coactiuam, quia nullus proprie cogitur a se ipso, lex autem non habet vim coactiuam nisi ex Principis potestate: est igitur Princeps solutus a lege, quia nullus potest in ipsum ferre iudicium condemnationis, si contra legem agat. Vnde Glossa, super illud Psal. 50. Tibi soli peccavi, dicit, quod Rex non habet hominem, qui sua facta diiudicet. Quantum autem ad vim directiuam legis, Princeps subditur legi, propria voluntate, secundum quod dicitur extra de Const. cap. Cum omnes, Quod quisquis iuris in alterum statuit, ipse eodem iure uti debet: & sapientis dicitur auctoritas. Patere legem, quam ipse tuleris. Improperatur etiam his a Domino, qui dicunt, & non faciunt, & qui alij onera grauiam imponunt, & ipsi nec digito volunt ea mouere, ut dicitur Matth. 23. Vnde quantum ad Dei iudicium Princeps non est solutus a lege, quantum ad vim directiuam, eius, sed debet voluntarius, non coactus pœna, legem implere.

Secundo dicitur ad eandem minorem, quod Princeps est supra legem, in quantum si expediens fuerit, potest legem mutare, & in ea dispensare, pro loco, et tempore. Breuiter igitur dicitur, quod Princeps est solutus a lege, quantum ad vim coactiuam, quia non habet, qui pœnis legis eum cogat, sed non est solutus a lege, quo ad vim directiuam, propter inductas auctoritates.

ARTICVLVS VI.

Vtrum Ei, qui subditur legi, liceat præter verba legis agere.

Pro Negatiua.

Videretur, quod non liceat ei, qui subditur legi, præter verba legis agere.

1. Cui licet agere præter verba legis, licet iudicare de lege. Sed Ei, qui subditur legi, non licet iudicare de lege. Ergo Ei, qui subditur legi, non licet agere præter verba legis.

Maior prob. quia Si aliquis prætermittat verba legis, dicens se intentionem legislatoris seruare, videtur iudicare de lege. Ergo Cui licet præter verba legis agere, licet de ea iudicare.

Minor prob. quia Aug. dicit in lib. de vera relig. cap. 31. In temporalibus legibus, quamuis homines iudicent de his, cum eas instituunt, tamen quando sunt institutæ, & firmatæ, non licebit de ipsis iudicare.

2. Ad eum solum pertinet leges interpretari, cuius est condere leges. Sed Nullius subditorum legi est leges condere. Ergo Nullus subditus legi potest agere præter verba legis.

3. Illi, qui condiderunt leges, reputari debent sapientes. Ergo De intentione legislatoris non est iudicandum nisi per verba legis.

Anteq. prob. quia Prouerb. 8. dicitur de sapientia. Per me reges regnant, & legum conditores iusta decernunt.

Conseq. prob. quia Omnis sapiens nouit explicare verbis suam intentionem.

Pro Affirmatiua.

Hilarius dicit 4. de trin. Intelligentia dictorum ex causis est assumenda dicendi, quia non sermone res, sed rei debet esse sermo subiectus. Ergo Magis est attendendum ad causam, quæ mouet legislatorem, quam ad ipsa verba legis.

Determinatio.

1. Conclusio. Ei, qui subditur legi, licet in aliquo casu præter verba legis agere.

Prob. Quotiescunque lex secundum verba est damnosa bono communi, licet præter verba legis agere. Sed Potest accidere casus, in quo lex, quæ ut in pluribus est utilis ad bonum commune, in aliquo casu sit nociua, & aduersetur communi bono. Ergo In tali casu licet præter verba legis agere.

Maior prob. quia ut supra dictum est, quæst. 90. ar. 2. Omnis lex ordinatur ad cõem hominum salutem, & in tantum obinet vim, & rationem legis, in quantum ad bonum commune ordinatur: secundum uero quod ab hoc deficit, vim obigandi non habet: Vnde Iurisperitus dicit, quod nulla ratio iuris, aut equitatis benignitas patitur, ut quæ salubriter pro salute hominum introducuntur, ea nos duriori interpretatione, contra ipsorum commodum perducamus ad seueritatem.

Minor prob. Primo. quia Legislator non potest omnes singulares casus intueri, & ideo proponit legem secundum ea, quæ in pluribus accidunt, ferens intentionem suam ad communem utilitatem. Potest igitur accidere particularis casus, quæ legislator non prauiderit, in quo legis obseruatio esset damnosa. Sicut si in ciuitate obfessa statuitur lex, quod portæ ciuitatis maneant clausæ, hoc esset vtile communi saluti, ut in pluribus; si tamen contingat casus, quod hostes insequantur aliquos ciues, per quos ciuitas cõseruatur, damnosissimum esset ciuitati, nisi eis portæ aperirentur, & ideo in tali casu essent portæ aperiendæ præter verba legis, ut seruaretur utilitas communis, quam legislator intendit.

2. Conclusio. Si casus, in quo non vñ lex seruanda

uanda secundum verba, non habeat subitum periculum, cui oporteat statim occurrere, non pertinet ad quemlibet interpretari, quid sit utile, vel inutile communitati, sed hoc solum pertinet ad principes.

Manifestatur, quia Propter huiusmodi casus Principes habent auctoritatem in legibus dispensandi.

3. Conclusio. Si vero casus habeat subitum periculum, non patiens tantam moram, ut ad superiorem recurri possit, potest unusquisque præter verba legis agere.

Prob. quia Ipsa necessitas dispensationem habet annexam. Necessitas enim non subditur legi.

Ad Argumenta.

Ad 1. Neg. maior. Ad prob. dicitur, quod Ille, qui in casu necessitatis agit præter verba legis, non iudicat iuxta legem, sed iudicat de casu singulari, in quo videt, verba legis obseruanda non esse.

Ad 2. Dicitur ad maiorem, quod Ille, qui sequitur intentionem legislatoris, non interpretatur legem simpliciter, sed in casu in quo manifestum est per euentum documentum, legislatorem aliud intendisse. Si enim dubium sit, debet vel secundum verba legis agere, vel superiorem consulere.

Ad 3. Neg. conseq. Ad prob. dicitur, quod nullius hominis sapientia tanta est, ut possit omnes singulares casus excogitare, & ideo non potest sufficienter per verba sua exprimere ea, quæ conueniunt ad finem intentum: & si posset legislator omnes casus considerare, non oporteret, ut omnes exprimeret, propter confusionem vitandam, sed legem ferre deberet secundum ea, quæ in pluribus accidunt.

QVÆSTIO XCVII.

DE MUTATIONE LEGVM.

ARTICVLVS I.

Utrum lex humana debeat mutari aliquo modo.

Pro Negatiua.

Videtur, quod Lex humana nullo modo debeat mutari.

1. Lex procedens a lege naturali, nullo modo debet mutari. Sed Lex humana derivatur a lege naturali, ut dictum est quæst. 95. Ergo Lex humana nullo modo debet mutari.

Maior probatur, quia Lex naturalis immobilis permanet.

2. Mensura nullo modo debet mutari, sed im-

mobilis permanere. Sed Lex humana est mensura humanorum actuum, ut dictum est quæst. 90. artic. 1. Ergo Lex humana non debet mutari. Maior prob. quia ut dicitur 5. Ethic. c. 5. Mensura maxime debet esse permanens.

3. De cuius ratione est, ut sit rectum, & iustum, non debet mutari. Sed De ratione legis est, ut sit iusta, & recta, ut quæst. 91. artic. 2. ostensum est. Ergo Lex non debet villo modo mutari.

Maior prob. quia Quod est semel rectum, semper est rectum.

Pro Affirmatiua.

Aug. dicit lib. 1. de lib. arb. cap. 6. Lex temporalis, quamuis iusta sit, commutari tamen per tempora iuste potest.

Determinatio.

Conclusio. Lex humana potest aliquo modo mutari.

Prob. Dictamen rationis directiuium humanorum actuum potest aliquo modo mutari. Sed Lex humana est quoddam dictamen rationis, quo diriguntur humani actus, ut dictum est, quæst. 90. artic. 3. & 91. artic. 3. Ergo Lex humana potest aliquo modo mutari.

Maior probatur. Nam dictamen rationis, quod est idem quod lex, potest mutari, tum ex parte rationis cuius est dictamen, tum ex parte humanorum actuum, quos dirigit: Ex parte inquam rationis, quia humana rationis naturale esse videtur, ut gradatim ab imperfecto ad perfectum perueniat. Vnde videmus in scientijs speculatiuis, quod qui primi philosophati sunt, quædam imperfecta inuenerunt, quæ postmodum per posteriores sunt tradita, magis perfecte. Ita etiam in operabilibus. Nam primi, qui intenderunt inuenire aliquid utile communitati hominum, non valentes ex se ipsi omnia considerare, instituerunt quædam imperfecta in multis deficientia, quæ posteriores mutauerunt, instituentes aliqua, quæ in paucioribus deficere possunt a communi utilitate. Ex quo patet, quod opus humanæ rationis, quale est lex, potest de imperfecto in perfectum mutari, cum humanæ rationis sit de imperfecto ad perfectum procedere.

Ex parte vero hominum, quorum actus lege regulantur, mutari potest dictamen rationis dirigens ipsos actus, propter mutationem conditionum hominum, quibus, secundum diuersas eorum conditiones, diuersa expediunt, sicut August. ponit exempla in 1. de libero arb. capitulo 6. quod si populus sit bene moderatus, & grauis, communisque utilitatis diligentissimus custos, recte

fertur

ARTICVLVS II.

fertur lex, qua tali populo liceat creare sibi magistratus, per quos res publica administretur. Porro si paulatim idem populus deprauatus habeat veniale suffragium, & regimen flagitiosis, sceleratissime committat, recte adimitur talis potestas à populo dandi honores, & ad paucorum bonorum redit arbitrium.

Vel aliter explicatur hic articulus.

Distinctio. Cum lex humana sit dictamen rationis, quo humani actus diriguntur, dupliciter considerari potest. Vno modo, vt respicit ipsam rationem. Alio modo, vt respicit ipsos humanos actus, quos dirigit.

Conclusio. Lex humana potest mutari, tum in quantum est à ratione tum in quantum humanos actus respicit.

Prob. & ex parte rationis, quia Ea, quæ sunt ab humana ratione, quæ de imperfecto ad perfectum procedit, mutationi subiacere possunt.

Ex parte vero actuum humanorum, quos humana lex dirigit, est mutabilis, propter mutationem conditionum hominum, quorum actus lege dirigi debeat.

Ad Argumenta.

Ad 1. Negatur maior. Ad probationem dicitur, quod non est eadem ratio de lege naturali, & humana propter duo. Primo, quia lex naturalis est quædam participatio æternæ, & quia æternæ lex immutabilis est, sequitur quod etiam ipsa lex naturalis sit immutabilis: Lex autem humana non est simplex participatio naturalis legis, sed est à ratione, & quia ratio humana mutabilis est; ideo & ipsa potest mutari. Secundo, quia lex naturalis continet tantum quædam vniuersalia præcepta, quæ semper manent; lex vero posita ab homine continet præcepta quædam particularia, secundum diuersos casus, qui emergunt.

Ad 2. Dicitur ad maiorem, quod mensura debet esse permanens quantum est possibile; sed in rebus mutabilibus non potest esse aliqua omnino immutabiliter permanens; & ideo lex humana non potest esse omnino immutabilis.

Ad 3. Dicitur ad maiorem, quod rectum est duplex. Absolutum, & respectiuum, sive ad finem ad aliud. Rectum, quod absolute dicitur, vt rectum in corporalibus, semper manet idem. Secus est autem de recto in bonis, quod dicitur ad finem ad maiorem dicitur, quod rectitudo legis dicitur in ordine ad utilitatem communem, quoniam semper proportionatur vni, eademque res, sicut supra dictum est, & ideo talis rectitudo mutatur.

Vtrum lex humana semper sit mutanda, quando occurrit aliquid melius.

Pro Affirmatiua.

Videtur, quod semper lex humana, quando aliquid melius occurrit, sit mutanda.

1. In alijs artibus id, quod prius tenebatur, mutatur, si aliquid melius occurrit. Ergo Idem est etiam faciendum in legibus humanis.

Conseq. prob. quia Leges humanæ sunt adinuentæ per rationem humanam, sicut etiam aliæ artes.

2. Nisi leges humanæ mutata fuissent, superuenientibus melioribus adinventionibus, multa inconuenientia sequerentur. Ergo Videtur, quod leges humanæ sint mutandæ, quotiescunque aliquid melius occurrit statuendum.

Antec. prob. quia Leges antiquæ inueniuntur multas ruditates continere.

Conseq. prob. quia Ex his, quæ præterita sunt, præuidere possumus de futuris.

3. Leges, quæ circa singulares hominum actus statuuntur, sunt mutandæ, quando melius occurrit. Sed Leges humanæ circa actus singulares hominum statuuntur. Ergo Leges humanæ, quotiescunque melius occurrit, sunt mutandæ.

Maiores prob. quia In singulis personis cognitionem adipsi non possumus, nisi per experientiam, quæ tempore indiget, vt dicitur. 2. Et in primis.

Pro Negatiua.

Dicitur distinctio. 12. cap. Ridiculum. Ridiculum est, & satis abhominabile dedecus, vt traditiones, quas antiquitus à patribus suscepimus, infringi patiamur.

Determinatio.

Conclusio. Lex humana non est mutanda, quotiescunque occurrit aliquid melius, sed solum quando ex eo statuto, aliqua maxima, & cunctissima utilitas, vel necessitas provenit.

Prob. Illud, quod de se est detrimentum communis salutis, non est faciendum, nisi ex aliqua maxima, & cunctissima utilitate, vel necessitate. Sed Legum mutatio, quantum est de se, affert detrimentum communis salutis, & boni. Ergo Lex humana non debet mutari, nisi ex maxima, & cunctissima utilitate, vel necessitate.

Maiores prob. quia Lex humana, in tantum iuste mutatur, in quantum per eius mutationem communi utilitati prouidetur. Vnde quod est in detrimentum boni communis, non est faciendum.

Minor

Minor prob. quia Ad obseruantiam legum plurimum valet consuetudo, in tantum quod ea, quæ contra consuetudinem communem sunt, etiam si sint leuiores de se, grauiora videntur. Vnde quando lex mutatur, diminuitur vis restrictiua legis, in quantum tollitur consuetudo. Et ideo nunquā debet mutari lex humana, nisi ex aliqua parte tantum recompensetur communi salutis, quantum ex ista parte derogatur, quod fit, quando euidentissima utilitas, vel necessitas ex nouo statuto prouenit, ex eo quod lex consueti, aut manifestam iniquitatem contineat, aut eius obseruatio sit plurimum nocua.

Et confirmatur conclusio, quia Iuris peritus dicit, quod in rebus nouis constituendis, euidenter debet esse utilitas, vt recte recedatur ab eo iure, quod diu æquum visum est.

Ad Argumenta.

Ad 1. Negatur consequens. Ad probationem dicitur, quod non est eadem ratio de legibus, & de alijs artibus, quamuis & ipse sint à ratione. Ea enim, quæ sunt artis, habent efficaciam ex sola ratione: & ideo vbicumque melioratio occurrit, est mutandum, quod prius tenebatur. Sed leges habent maximam virtutem ex consuetudine, vt Phil. dicit in 2. Politic. cap. 6. & ideo non sunt de facili mutandæ.

Ad 2. Dicitur, quod Ratio illa concludit, quod leges sunt mutandæ, non tamen pro quacumque melioratione, sed pro magna utilitate, vel necessitate, vt dictum est.

Ad 3. Dicitur eodẽ modo. Probat enim, quod leges humane possint mutari, non pro quocumque meliori bono occurrente, sed solum pro euidenti utilitate, aut necessitate, vt dictum est.

ARTIC. V. L. Y. S. III.

Vtrum Consuetudo possit obtinere vim legis.

Pro Negatiua.

Videtur, quod Consuetudo non possit obtinere vim legis.

1. Consuetudo hominum non potest mutare legem naturæ, nec legem diuinam. Ergo Consuetudo non potest immutare legem humanam.

Consequens prob. quia Lex humana derivatur à lege naturæ, & à lege diuina.

2. Quod fit ex multis malis aggregatis, & multiplicatis, non potest obtinere vim legis. Sed Consuetudo est ex multis, & multiplicatis malis. Ergo Consuetudo non potest obtinere vim legis.

Maiores prob. Ex multis malis non potest fieri unum bonum. Sed Lex est quoddam bonum,

cum sit regula humanorum actuum. Ergo Ex multis malis non potest obtineri vis legis.

Minor prob. quia Ille, qui incipit primo contra legem agere, male fecit. Consuetudo autem est ex multiplicatis actibus contra legem. Ergo Consuetudo est ex pluribus malis.

3. Quod est ex actibus priuatarum personarum, non potest obtinere vim legis. Sed Consuetudo inualefit ex actibus priuatarum personarum. Ergo Consuetudo non potest obtinere vim legis.

Maiores prob. quia Ferre leges, pertinet ad publicas personas, ad quas pertinet regere communitatem, & non ad priuatas personas.

Pro Affirmatiua.

August. dicit in Epist. ad Casulanum. Mos populi Dei, & instituta maiorum pro lege sunt tenenda, & sicut præuicariatores legum diuinarum, ita & contemptores consuetudinum Ecclesiasticarum coercendi sunt.

Determinatio.

Conclusio. Consuetudo habet vim legis, abolet legem, & est legum interpretatrix.

Prob. Illud, per quod manifestatur ratio, & voluntas legislatoris, habet vim legis, abolet legem, & legem interpretatur. Sed Consuetudo est manifestatiua rationis, & voluntatis legislatoris. Ergo Consuetudo, & habet vim legis, & legem abolet, & est legum interpretatrix.

Maiores prob. quia Omnis lex proficiscitur a ratione, & voluntate legislatoris: lex quidem diuina, & naturalis, a rationabili Dei voluntate: lex autem humana ab hominis voluntate ratione regulata. Illud igitur, quod est manifestarium voluntatis rationabilis legislatoris, habet vim legis. Vnde verba legislatoris, manifestantia eius voluntatem in rebus agendis, habent vim legis, mutant, & interpretantur legem.

Minor prob. quia Sicut ratio, & voluntas hominis manifestantur verbo, in rebus agendis, ita etiam manifestantur facto, hoc enim vnusquisque eligere videtur vt bonum, quod opere implet. Vnde sicut verbo humano potest mutari lex, & etiam exponi, in quantum manifestat interiorem motum humane rationis, ita etiam per actus maxime multiplicatos, qui consuetudinem efficiunt, mutari potest lex, & exponi, & etiam aliquid causari, quod legis virtutem obtineat, in quantum per actus exteriores multiplicatos, interior voluntatis motus, & rationis conceptus efficacissime declaratur.

Ad Argumenta.

Ad 1. Negatur conseq. Lex enim naturalis, & diuina procedunt a voluntate diuina, & ideo non potest mutari per consuetudinem procedentem a voluntate hominis, sed solum per auctoritatem diuinam mutari potest, & inde est, quod nulla consuetudo, vim legis obtinere potest contra legem diuinam, vel naturalem. Vnde Isid. dicit in synonymis. Vfus auctoritati cedat, prauum casum, lex, & ratio vincat. Lex autem humana, licet quo ad prima sua principia procedat a lege naturali, & diuina, tamen quo ad ea, quæ sunt a lege naturali, & diuina per modum determinationis, dependet a ratione, & voluntate humana, & ideo per consuetudinem, quæ etiam est rationis humane manifestatiua, mutari potest lex humana.

Ad 2. Negatur minor. Ad probationem dicitur, quod Leges humane in aliquibus casibus deficiunt. Vnde possibile est quandoque præter legem agere, in casu, in quo deficit lex, & tamen actus non erit malus, & cum tales casus multiplicentur propter aliquam mutationem hominum, tunc manifestatur, per consuetudinem, quod lex vltcrius non est vilis, sicut etiam manifestaretur, si lex contraria verbo promulgaretur. Si autem adhuc maneat ratio eadem, propter quam prima lex vilis erat, non consuetudo legem, sed lex consuetudinem vincit, nisi forte propter hoc solum inutilis lex videatur, quia non est possibilis secundum consuetudinem patriæ, quæ erat vna de conditionibus legis: difficile enim est consuetudinem multitudinis remouere.

Ad 3. Dicitur ad vtramque præmissarum, quod multitudo, in qua consuetudo introducit, duplicis conditionis esse potest. Si enim sit libera multitudo, quæ possit sibi legem facere, plus est consensus totius multitudinis ad aliquid obseruandum, quam consuetudo manifestat, quam auctoritas principis, qui non habet potestatem condendi legem, nisi in quantum gerit personam multitudinis. Vnde licet singulæ personæ non possint condere legem, tamen totus populus condere legem potest. Si vero multitudo non habeat liberam potestatem condendi sibi legem, vel legem a superiori potestate positam remouendi, tamen ipsa consuetudo in tali multitudine prævalens, obtinet vim legis, in quantum per eos toleratur, ad quos pertinet multitudini legem imponere: ex hoc enim ipso videntur approbare, quod consuetudo introduxit.

ARTICVLVS IV.

Vtrum Rectores multitudinis possint in legibus humanis dispensare.

Pro Negatiua.

Vldetur, quod Rectores multitudinis non possint in legibus humanis dispensare.

1. In his, quæ sunt pro communi bono instituta, non possunt Rectores multitudinis dispensare. Sed Leges humane sunt institutæ pro communi utilitate, vt Isid. dicit. lib. 5. Ethym. c. 21. Ergo in legibus humanis non possunt rectores dispensare.

Maiores prob. quia Commune bonum non debet intermitti pro priuato commodo alicuius personæ, quia vt dicit Phil. 1. Ethic. cap. 2. Bonum gentis diuinius est, quam bonum vnius hominis.

2. Acceptio personarum est rectoribus communitatis illicita. Sed Dispensare in legibus, est acceptio personarum.

Ergo Dispensare in legibus rectoribus communitatis est illicitum.

Maiores prob. quia Illis, qui super alios constituuntur, præcipitur Deuteron. cap. 1. Ita paruina audietis, vt magnum, nec accipietis cuiusquæ personam, quia Dei iudicium est.

Maiores prob. Concedere alicui, quod omnibus negatur, est acceptio personarum. Sed Dispensare in legibus, est concedere alicui, quod omnibus negatur.

Ergo Dispensare in legibus, est acceptio personarum.

3. In lege naturali, & diuina nullus homo potest dispensare. Ergo Nec etiam in lege humana.

Conseq. prob. quia Lex humana, si sit recta, oportet vt consonet legi naturali, & legi diuinæ, aliter non congrueret religioni, nec conueniret disciplinæ, quod requiritur ad legem, vt Isid. dicit lib. 5. cap. 3.

Pro Affirmatiua.

Apost. dicit. 1. Corint. 9. Dispensatio mihi credata est.

Determinatio.

1. Conclusio. Rector multitudinis habet potestatem dispensandi in lege humana.

Probatur. Ille, ad quem pertinet ordinare, qualiter aliquod commune præceptum humane legis sit a singulis adimplendum, habet potestatem dispensandi in lege humana. Sed Ad rectorem multitudinis pertinet ordinare, qualiter a aliquod commune præceptum humane legis sit a singulis adimplendum.

Ergo

Ergo Rector multitudinis habet auctoritatem dispensandi in lege humana.

Maior prob. quia Dispensare, proprie importat commensurationem alicuius communis ad singula. Vnde etiam gubernator familiæ dicitur dispensator, in quantum unicuique de familia, cum pondere, & mensura distribuit, & operationes, & necessaria vitæ. Sic igitur in vnaquaque multitudine, ex eo dicitur aliquis dispensare, quia ordinat, qualiter commune præceptum sit a singulis adimplendum. Et quia contingit quandoque, vt aliquod præceptum, quod est ad cōmodum multitudinis, vt in pluribus, non sit conueniens huic personæ, vel in hoc casu, quia vel per hoc impediretur aliquod melius, vel etiam induceretur aliquod malum, vt dictum est quæst. 96. art. 6. Ideo ad eum, ad quem pertinet ordinare, quomodo cōmune præceptum sit seruandum, ad eundem pertinet etiam dispensare, vt si præceptum non sit conueniens alicui, vel aliquando, præter legis præceptum fiat.

Minor prob. quia Periculosum esset, vt hoc iudicio cuiuslibet committeretur, nisi forte propter subitum, & euident periculum, vt dictum est, quæst. 96. art. 6.

Et ideo Ille, qui habet regere multitudinem, habet potestatem dispensandi in lege humana, quæ suæ auctoritati innititur, vt scilicet in personis, vel in casibus, in quibus deficit lex, licentiam tribuat, vt præceptum legis non feruetur.

2. Conclusio Rector communis, absque ratione non potest in humana lege dispensare.

Probatur. quia Si Rector absque ratione pro sola voluntate licentiam tribuat, erit infidelis, aut imprudens in dispensatione. Infidelis quidem, si non habet intentionem ad bonum commune. Imprudens autem, si rationem dispensandi ignoret. Propter quod Dominus dicit Lucæ 2. Quis putas est fidelis dispensator, & prudens, quem constituit Dominus super familiam suam?

Ad Argumenta.

Ad 1. Dicitur ad maiorem, & ad eius probationem, quod quando cum aliquo dispensatur, vt legem communem non feruet, non debet fieri in præiudicium boni communis, sed ea intentione, vt ad bonum commune proficiat.

Ad 2. Negatur minor. Et ad probationem dicitur, quod non est acceptio personarum, si non feruentur æqualia in personis inæqualibus. Vnde quando conditio alicuius personæ requirit rationabiliter, vt in ea aliquid specialiter obseruetur, non est personarum acceptio, si sibi aliqua specialis gratia fiat.

Ad 3. Dicitur ad antecedens, quod lex naturalis continet duo præceptorum genera, scilicet præcepta communissima, & quædam alia præcepta, quæ sunt quasi conclusiones illorum communium præceptorum. Commune præceptum legis naturæ est, quod Alienum est restituendum. Præceptum, quod est quasi huius communis præcepti conclusio, est, quod depositum est reddendum. Lex naturalis, quo ad priora præcepta non recipit dispensationem.

Quo ad posteriora vero in aliquo casu recipit dispensationem, puta quod depositum non sit restituendum proditori patriæ, vt contra patriam pugnet. Lex etiam diuina aliquando est dispensabilis, non quidem ab homine, cum quilibet homo se habeat ad diuinam legem, sicut quælibet priuata persona ad legem publicam, cui subijcitur: sed vel a Deo, vel ab eo, cui ipse talem dispensationem committeret.

Quemadmodum igitur lex naturalis in aliquibus casibus, quo ad aliqua præcepta, est dispensabilis: & lex diuina in aliquibus, vel aliquando est dispensabilis a Deo: Sic etiam lex humana est dispensabilis per eum, qui regit communitatem.

DE LEGE VETERI,

Consequenter considerandum est de lege veteri, &

Primo, De ipsa lege, quæst. 98.

Secundo, De præceptis eius, a q. 99. vsq; ad 106.

QVÆSTIO XCVIII.

DE IPSA LEGE VETERI.

ARTICVLVS I.

Vtrum Lex vetus fuerit bona.

Pro Negativa.

Videretur, quod Lex vetus non fuerit bona.

1. Lex, quæ conuenit præcepta non bona, non fuit bona. Sed Lex vetus continebat præcepta non bona. Ergo Lex vetus non fuit bona.

Maior prob. quia Lex non dicitur bona, nisi propter bonitatem præceptorum, quæ continet. Minor prob. quia Ezech. 20. dicitur, Dedi eis præcepta non bona, & iudicia, in quibus non viuunt.

2. Lex, quæ non est salutaris, sed magis mortifera, & nociua, non est bona.

KKKK

Sed

Sed Lex vetus non fuit salutifera, sed magis mortifera, & nociua. Ergo Lex vetus non fuit bona.

Maiores prob. quia Ad bonitatem legis pertinet, ut communi saluti proficiat, ut Isid. dicit. libro 5. capit. 21.

Minor prob. Apost. ad Rom. 7. dicit, Sine lege peccatum non erat, ego autem vivebam sine lege aliquando, sed cum venisset mandatum, peccatum reuixit, ego autem mortuus sum. & Rom. 5. Lex subintravit, ut abundaret delictum.

3. Lex, quæ est bona, est possibilis ad obseruandum, & secundum naturam, & secundum humanam consuetudinem. Sed Lex vetus non fuit possibilis ad obseruandum secundum naturam, nec secundum consuetudinem. Ergo Lex vetus non fuit bona.

Minor prob. quia Actor. 15. dicitur. Quid tentatis imponere iugum super ceruicem discipulorum, quod neque nos, neque patres nostri portare potuimus?

Pro Affirmatiua.

Apost. ad Roman. 7. dicit. Itaque lex quidem sancta est, & mandatum sanctum, iustum, & bonum.

Determinatio.

1. Conclusio. Absque omni dubio lex vetus bona fuit.

Prob. Lex, quæ consonat rationi rectæ, est bona. Sed Lex vetus consonabat rationi rectæ. Ergo Lex vetus erat bona.

Maiores prob. quia Sicut doctrina ostenditur esse vera, ex hoc quod consonat rationi rectæ; ita lex aliqua ostenditur esse bona, quia rationi consonat.

Minor prob. Lex, quæ reprimat concupiscentiam, & prohibet peccata, est consona rectæ rationi. Sed Lex vetus reprimat concupiscentiam: secundum illud Exo. 20. Non concupisces rem proximi tui. Et prohibet peccata. Ergo Lex vetus erat consona rationi.

Maiores huius prob. quia Concupiscentia aduersatur rationi, & peccata sunt contra rationem.

Et confirmatur hæc ratio auctoritate Apost. Rom. 7. dicentis. Cōdelector legi Dei secundum interiorem hominem. Et iterum, Consentio legi, quoniam bona est.

2. Conclusio. Lex vetus bona quidem est, sed imperfecta.

Prob. Lex, quæ operatur quidem aliquid ad hoc, ut perueniatur ad finem, sed tamen non est per se sufficiens inducere in finem, est quidem bona, sed non est perfecta.

Sed Lex vetus operabatur quidem aliquid ad hoc, ut qui erant sub ipsa, ad finem possent peruenire, non tamen poterat ex se perducere eos ad finem.

Ergo Lex vetus erat quidem bona, sed imperfecta.

Maiores prob. ex differentia, quæ est inter bonum perfectum, & imperfectum in his, quæ ordinantur ad finem. Pro quo est sciendum, quod ut Dion. dicit 4. cap. de diuin. nom. Bonum habet diuersos gradus: est enim aliquid bonum perfectum, & aliquid bonum imperfectum. Bonum perfectum in his, quæ ordinantur ad finem, est quando, aliquid est tale, quod per se est sufficiens inducere ad finem. Imperfectum autem bonum est, quod operatur aliquid ad hoc, ut perueniatur ad finem, non tamen est sufficiens ad hoc, ut ad finem perducatur. Sicut medicina perfecte bona est, quæ hominem sanat, imperfecta vero est, quæ hominem adiuvat, sed tamen sanare non potest.

Lex igitur, quæ operatur quidem aliquid ad hoc, ut quis possit ad finem legis peruenire, sed non est sufficiens ad perducendum eum, cuius est lex, in finem, est bona quidem, sed imperfecta, quæ erat maior probanda.

Minor Manifestatur ex differentia, quæ est inter legem humanam, & legem veterem. Pro quo est considerandum, quod alius est finis legis humanæ, & alius legis veteris. Finis enim legis humanæ est temporalis tranquillitas ciuitatis, ad quem finem peruenit sufficienter lex humana, cohibendo exteriores actus, quantum ad illa mala, quæ possunt perturbare pacificum statum ciuitatis. Finis autem veteris legis est perducere hominem ad felicitatem æternam, qui quidem finis impeditur per quodcumque peccatum, & non solum per actus exteriores, sed etiā per actus interiores. Et ideo illud, quod sufficit ad perfectionem legis humanæ, ut scilicet peccata prohibeat, & penam apponat, non sufficit ad perfectionem legis diuinæ, sed oportet ut totaliter faciat hominem idoneum ad participationem felicitatis æternæ, quod quidem fieri non potest, nisi per gratiam Spiritus Sancti, per quam diffunditur charitas in cordibus nostris, quæ legem adimplet. Gratia. n. Dei vita æterna, ut dicitur Rom. 6. Et quia lex vetus hanc gratiam conferre non potuit, (reseruabatur. n. Christo: quia ut dicitur Io. 1. Lex per Moysen data est, gratia, & veritas per Iesum Christum facta est) Inde est, quod lex vetus operabatur quidem aliquid ad consecutionem beatitudinis, sed tamen non sufficienter, necessaria enim fuit gratia, quæ per Iesum Christum facta est, & sic patet minor.

Et in forma breuiter prob. sic ipsa minor.

Lex,

Lex, quæ prohibet peccata, refrenat concupiscentiam, & pœnas imponit, sed non confert gratiam, operatur aliquid ad consecutionem æternæ felicitatis, sed ad ipsam non perducit. Sed Lex vetus prohibet peccata, refrenat concupiscentiâ, & pœnas imponit, sed non confert gratiam.

Ergo Lex vetus operatur quidem aliquid ad consecutionem æternæ felicitatis, sed ad ipsam non perducit.

Maiores prob. quia Peccata non tolluntur, nisi per gratiam, per quam solum homo fit idoneus ad æternam vitam.

Minor prob. quia Collatio gratiæ reservabatur Christo.

Et confirmatur conclusio secunda, quia Hebr. 7. dicitur. Nihil ad perfectum adduxit lex.

Ad Argumenta.

Ad 1. Dicitur ad minorem; & ad eius probationem, quod Dominus loquitur ibi de præceptis cærimonialibus, quæ quidem dicuntur non bona, quia gratiam non conferebant, per quam homines a peccato mundarentur: cum tamen per huiusmodi se peccatores ostenderent, unde signanter dicitur. Et iudicia, in quibus non vivunt, id est per quæ vitam gratiæ obtinere non possunt, & postea subditur. Et pollui eos in muneribus suis, id est pollutos ostendi, cum offerrent omne, quod aperit vulvum propter delicta sua.

Ad 2. Dicitur ad minorem, & ad eius probationem, quod lex dicitur occidisse, non quidē effecit, sed occasionaliter, ex sua imperfectione, in quantum gratiam non conferebat, per quā homines implere possent, quod mandabat, vel vitare, quod vetabat, & occasio ista nō erat data, sed sumpta ab hominibus, unde & Apost. ibidem dicit. Occasione accepta peccatum per mandatum seduxit me, & per illud occidit. Et hac etiam ratione dicitur, quod lex subintravit, vt abundaret delictum. & ly vt, tenetur consecutivè, non casualiter, in quantum homines accipientes occasionem a lege abundantius peccaverunt. Tum quia gravius fuit peccatum post legis prohibitionem. Tum etiam quia concupiscentia crevit, magis enim concupisimus, quod nobis prohibetur.

Ad 3. Dicitur ad minorem, & ad eius probationem, quod iugum legis ferri non poterat sine gratia adiuvante, quam lex non dabat. Dicitur enim Rom. 9. Non est volentis, neque currentis, scilicet velle, & currere in præceptis Dei, sed miserentis Dei. Vnde in Psal. 118. dicitur. Viam mandatorum tuorum cucurri, cum dilatasti cor meum, scilicet per donum gratiæ, & charitatis.

ARTICVLVS II.

Vtrum Lex vetus fuerit a Deo.

Pro Negativa.

V Idetur, quod lex vetus non fuerit a Deo.

1. Lex imperfecta non est a Deo. Sed Lex vetus fuit imperfecta, vt dictum est art. præced. Ergo Lex vetus non fuit a Deo.

Maiores prob. quia Dei perfecta sunt opera, vt dicitur Deuter. 32.

2. Quæ sunt a Deo, perseverant in æternum. Sed Lex vetus non perseveravit in æternum. Ergo Lex vetus non est a Deo.

Maiores prob. quia Eccles. 3. dicitur. Didici, quod omnia opera, quæ fecit Deus, perseverent in æternum.

3. Lex, quæ est occasio peccati, non est a Deo. Sed Lex vetus fuit occasio peccati, vt dictum est art. præced. ad 2.

Ergo Lex vetus non fuit a Deo.

Maiores prob. quia Ad sapientem legislatorem pertinet, non solum mala auferre, sed etiam occasiones malorum.

4. Lex, quæ est a Deo, sufficit ad salutem hominum. Sed Lex vetus non sufficit ad salutem hominum, vt dictum est art. præced.

Ergo Lex vetus non est a Deo.

Maiores prob. quia Deus vult omnes homines salvos fieri, vt dicitur 1. Timot. 2.

Pro Affirmativa.

Lex continens mandata Dei, fuit a Deo. Sed Lex vetus continebat Dei mandata. Ergo Lex vetus fuit a Deo.

Minor probatur, quia Dominus Matth. 15. loquens Iudæis, quibus erat lex vetus data, dicit. Irritum fecistis mandatum Dei propter traditiones vestras, & paulo ante præmittit. Honora patrem tuum, & matrem tuam, quod manifeste in lege veteri continetur.

Determinatio.

Conclusio. Lex vetus a bono Deo data est, qui est Pater Domini nostri Iesu Christi.

Prob. Lex, quæ ordinabat homines ad Christum, fuit a Deo. Sed Lex vetus ordinabat homines ad Christum. Ergo Lex vetus fuit a Deo.

Minor prob. quia Lex vetus ordinabat homines ad Christum dupliciter. Vno modo, testimonium Christo perhibendo. Vnde ipse Dñs dicit Lucæ ultimo. Oportet impleri omnia, quæ scri-

KKKK 2 pta

pra sunt in lege, & in Psalmis, & in Prophetis de me, & Ioan. 5. Si crederetis Moysi, crederetis forsit, & mihi, de me enim ille scripsit. Alio modo ordinabat lex vetus ad Christum, per modum cuiusdam dispositionis, dum retrahens homines a cultu Idololatriæ, concludebat eos sub cultu vnus Dei, a quo saluandum erat genus humanum per Christum. Vnde Apostol. dicit ad Galat. 3. Priusquam veniret fides, sub lege custodiebamur, conclusi in eam fidem, quæ reuelanda erat, ex quibus patet minor.

Et ex hoc secundo modo confirmatur primo conclusio. Ab eo enim, a quo facta est salus hominum per gratiam Christi, ab eo etiam data est lex vetus. Sed A Deo facta est salus hominum per gratiam Christi. Ergo A Deo data est lex vetus.

Maiores prob. quia Eiusdem est perducere ad finem, & ad finem disponere. Ergo Cum lex vetus dispositiue duceret ad Christum, ab eodem est, a quo est salus hominum per Christum.

Confirmatur secundo conclusio. quia Diabolus non misisset legem, per quam homines adducerentur ad Christum, per quem erat eiiciendus, secundum illud Matth. 12. Si satanas satanam eiicit, diuisum est regnum eius. Vnde lex vetus, non a diabolo, sed a Deo lata fuit.

Ad Argumenta.

Ad 1. Dicitur ad minorem, quod lex vetus non erat quidem perfecta simpliciter, erat tamen perfecta secundum conditionem eorum, quibus dabatur, sicut præcepta, quæ dantur pueris, non sunt perfecta simpliciter, sed sunt perfecta secundum tempus, & aetatem eorum, quibus dantur, & talia fuerunt præcepta legis. Vnde Apost. dicit ad Galat. 3. Lex paedagogus noster fuit in Christo.

Ad 2. Dicitur ad maiorem, quod non omnia opera Dei perseverant in æternum, sed solum ea, quæ sic Deus fecit, vt in æternum perseverarēt, & hæc sunt ea, quæ sunt simpliciter perfecta. Lex autem vetus non est facta à Deo, vt perseveraret in æternum, sed tanquam imperfecta, & insufficientis, & inutilis, licet non vt mala, erat reprobanda tempore gratiæ, eo quod nihil ad perfectum adduxerit lex. Vnde Apost. ad Galatas 3. dicit. Vbi venit fides, iam non sumus sub paedago.

Ad 3. Negatur maior, de eo, quod est occasio peccati, non quidem data, sed accepta, sicut lex fuit peccati occasio, vt dictum est art. 1. huius, ad 2. Ad probationem dicitur, quod sicut supra dictum est, quæst. 59. art. 4. Deus aliquando per-

mittit aliquos cadere in peccatum, vt exinde humiliantur, ita etiam voluit talem legem dare, quam suis viribus homines implere non possent; vt sic dum homines præsumentes de se, peccatores se inuenirent, humiliati recurrerent ad auxilium gratiæ.

Ad 4. Dicitur ad minorem, quod quamuis lex vetus non sufficeret ad saluandum homines, tamen aderat aliud auxilium a Deo hominibus simul cum lege, per quam saluari poterant. scilicet Fides mediatoris, per quam iustificati sunt antiqui patres, sicut etiam nos iustificamur, & sic Deus non deficiebat hominibus, quin daret eis salutis auxilium.

A R T I C V L V S. III.

Vtrum Lex vetus data fuerit per Angelos.

Pro Negatiua.

V Idetur, quod lex vetus non fuerit data per Angelos, sed immediate a Deo.

1. Lex data a Domino, non est data per Angelos. Sed Lex vetus data fuit a Domino. Ergo Lex vetus non fuit data per Angelos.

Maiores prob. quia Angelus nuntius dicitur, & sic nomen Angeli ministerium importat, non dominium, secundum illud Ps. 102. Benedicite Domino omnes Angeli eius, ministri eius.

Minor prob. quia Exodi 20. dicitur. Locutus est Dominus sermones hos, & postea subditur, Ego enim sum Dominus Deus tuus.

2. Lex data per Moysen, immediate est data a Deo, & non per Angelos. Sed Lex vetus per Moysen data est, vt dicitur Ioan. 1. Ergo Lex vetus data est a Domino immediate, & non per Angelos.

Maiores prob. quia Moyses immediate accepit legem a Deo. dicitur enim Exodi 33. Loquebatur Dominus ad Moysen facie ad faciem, sicut loqui solet amicus ad amicum suum.

3. Ad solum principem pertinet ferre legem, vt dictum est. Sed Solus Deus est princeps salutis animarum, Angeli vero sunt administratores spiritus, vt dicitur ad Hebr. 1. Ergo Lex vetus non debuit dari per Angelos, cum ordinaretur ad salutem animarum, sed a Deo solum.

Pro Affirmatiua.

Apost. dicit ad Galat. 3. quod Lex data est per Angelos in manu mediatoris, & Actor. 7. dicit Stephanus. Accepistis legem in dispositione Angelorum.

De

Determinatio.

Concl. Lex vetus conuenienter data est Moyſi per Angelos.

Probat per primo Ratione generali Dion. cap. 4. de diu. nomin. quæ eſt. Diuina debent deferri ad homines mediantibus Angelis. Sed Lex vetus fuit lex diuina. Ergo Lex vetus conuenienter data eſt a Deo per Angelos.

Secundo prob. ſpeciali ratione, quæ eſt. Lex imperfecta, quæ ſolum disponebat ad perfectam ſalutem generis humani, quæ futura erat per Chriſtum, conuenienter fuit data a Deo per Angelos. Sed Lex vetus erat imperfecta, quæ non poterat perducere, ſed ſolum disponebat ad perfectam ſalutem generis humani, quæ futura erat per Chriſtum; vt dictum eſt art. 1. Ergo Lex vetus conuenienter data fuit per Angelos.

Maior prob. quia Sic videtur in omnibus artibus, & poteſtibus ſubordinatis, quod Ille, qui eſt ſuperior, principalem, & perfectum actum operatur per ſe ipſum, ea vero, quæ diſponunt ad perfectionem vltimam, operatur per ſuos miniſtros. Sicut nauifactor compaginat nauim per ſe ipſum, ſed materiam præparat per artifices ſubminiſtrantes. Et ideo conueniens fuit, vt lex perfecta daretur immediate per ipſum, Deum hominem factum, lex autem vetus daretur per miniſtros, i. per Angelos, hominibus.

Et confirmatur hæc ratio, quia Apoſt. ad Heb. 1. probat eminentiam nouæ legis ad veterem, quia in nouo teſtamento locutus eſt nobis Deus in Filio ſuo, in veteri autem teſtamento ſermo factus fuit per Angelos.

Ad Argumenta.

Ad 1. Dicitur ad minorem, & ad eius probationem, quod Sicut Gregorius dicit in principio moralium cap. 2. Angelus, qui Mo. ſi apparuiſſe deſcribitur, modo Angelus, modo Dominus memoratur. Angelus videlicet propter hoc, quod exterius loquendo ſeruiebat. Dominus autem dicitur, quia interius præſidens loquendi efficaciam miniſtrabat. Et inde eſt etiam, quod quali ex perſona Domini Angelus loquebatur.

Ad 2. Negatur maior. Ad probationem dicitur, quod ſicut Auguſt. 12. ſuper Genef. ad lit. cap. 27. in Exod. dicitur Locutus eſt Dominus Moyſi facie ad faciem, & paulo poſt ſubditur. Oſtende mihi gloriam tuam, ſentiebat ergo, quod videbat, & quod non videbat deſiderabat, non ergo videbat ipſam Dei eſſentiam, & ita non immediare ab eo inſtruebatur. Quod ergo dicitur, quod loquebatur ei facie ad faciem,

ſecundum opinionem populi loquitur ſcriptura, qui putabat, Moyſen ore ad os loqui cum Deo, cum per ſubiectam creaturam, id eſt per Angelum, & nubem ei loqueretur, & appareret. Vel per viſionem faciei intelligitur quædam eminens contemplatio, & familiaris infra eſſentiam diuinæ viſionem.

Ad 3. Dicitur ad maiorem, quod ſolius Principis eſt ſua autoritate legem inſtituere, ſed quædoque legem inſtitutam per alios promulgar: & ita Deus ſua autoritate inſtituit legem, ſed per Angelos promulgauit.

ARTICVLVS IV.

Vtrum lex vetus debuerit dari ſoli populo Iudaorum.

Pro Negatiua.

Videtur, quod lex vetus non debuerit dari ſoli populo Iudaorum.

1. Lex, quæ diſponebat ad ſalutem, quæ futura erat per Chriſtum, non debuit dari ſoli populo Iudaorum. Sed Lex vetus diſponebat ad ſalutem, quæ futura erat per Chriſtum, vt dictum eſt art. præced. Ergo Lex vetus non debuit dari ſoli populo Iudaorum.

Maior prob. quia Salus illa non erat futura ſolum in Iudæis, ſed in omnibus gentibus, ſecundum illud Eſaiæ 40. Parum eſt, vt ſis mihi ſeruus ad ſciendandis tribus Iacob, & ſecus Iſrael conuertendas, dedi te in lucem gentium, vt ſis ſalus mea viſque ad extremum terræ.

2. Deus non eſt acceptor perſonarum, vt dicitur Act. 10. Ergo Non magis vni populo, quam aliis viam ſalutis debuit aperire.

3. Lex data per Angelos, non debuit dari ſolis Iudæis, ſed omnibus gentibus. Sed Lex vetus eſt data per Angelos, vt dictum eſt art. præced. Ergo Lex vetus non debuit dari ſoli populo Iudaorum.

Maior prob. quia Minifteria Anglorum Deus non ſolum Iudæis, ſed omnibus gentibus ſemper exhibuit. Dicitur enim Eccl. 17. In vnamquamque gentem præpoſui rectorem.

Et iterum, Deus tribuit omnibus gentibus bona temporalia. Ergo Multo magis omnibus gentibus debuit dare legem, quæ eſt quoddam ſpirituale bonum.

4. Conſeq. prob. quia Deo ſunt magis curæ ſpirituales, quam temporalia bona.

Pro Affirmatiua.

Rom. 3. dicitur. Quid ergo amplius Iudeo? Multum

Multum quidem per omnem modum. Primum quidem, quia credita sunt illis eloquia Dei. Et in Psal. 149. dicitur. Non fecit taliter omni nationi, & iudicia sua non manifestauit eis.

Determinatio.

Conclusio. Lex vetus conuenienter data est soli populo iudæorum.

Quorundam ratio.

Quare potius populo iudæorum, quam alijs populis data fuerit lex vetus, posset assignari ratio hæc, quia alijs populis ad idololatriam declinantibus, solus populus iudæorum in cultu veri Dei remansit, & ideo alij populi indigni erant legem recipere, ne sanctum daretur canibus.

Reprobatio.

Sed ista ratio conueniens non videtur, quia populus ille, etiam post legem latam, ad Idololatriam declinauit, quod grauius fuit, vt patet Exo. 33. & Amos. 5. Nunquid hostias, & sacrificium obtulisti mihi in deserto quadraginta annis domus Israel, & portasti tabernaculum Moloch Dei vestri, & imaginem idolorum vestrorum sydus Dei vestri, quæ fecistis vobis? Expresse etiam dicitur Deutero. 9. Scito, quod non propter iustitias tuas dominus Deus tuus dedit tibi terram hæc in possessionem, cum durissimæ ceruicis sis populus.

Vera ratio.

Vera autem ratio, quare soli populo iudæorum data fuerit lex, præmittitur ibi. f. Deutero. 9. quæ est, vt completer verbum suum Dominus, qd sub iuramento pollicitus est patribus tuis Abraham, Isaac, & Iacob. Quæ autem fuerit promissio eis facta, ostendit Apost. ad Galat. 3. dicens. Abraham factæ promissiones, & semini eius, non dicitur & seminibus, quasi in multis, sed quasi in vno, & semini tuo, qui est Christus. Rõ igitur, quare Deus legem, & alia beneficia specialia illi populo exhibuit, fuit, propter promissionem eorum patribus factam, vt ex eis Christus nasceretur.

In forma igitur sic probatur cõclusio. Populo, cuius patr. b. facta fuit promissio de Christo nascituro, conuenienter data fuit lex, & alia specialia beneficia exhibita. Sed Solius populi Iudæorum patr. b. facta fuit promissio de Christo ex eis nascituro, vt Apost. dicit ad Gal. 3.

Ergo Soli populo Iudæorum conuenienter data est lex vetus, & alia impensa sunt beneficia specialia.

Maiores prob. quia Decebat, vt ille populus, ex quo nasciturus erat Christus, quadam speciali sanctificatione polleretur, secundum illud, quod dicitur Leuit. 10. Sancti eritis, quia ego sanctus sum.

Quæsitum,

Quod si quærat, quare soli Abraham factæ sunt promissiones, & alijs patribus Iudaici populi, & non patribus aliorum populorum. Respondetur, quod non fuit propter inarita ipsius Abraham, vt talis promissio ei fieret, vt Christus ex eius semine nasceretur, sed ex gratuita Dei electione, & vocatione. Vnde dicitur Esaiæ 41. Qui suscitauit ab oriente iustum, vocauit eum, vt sequeretur se. Sic Ergo patet, quod ex sola gratuita Dei electione patres promissionem acceperunt, & populus ex eis progenitus legem accepit, secundum illud Deuter. 4. Auditis verba illius de medio ignis, quia dilexit patres, & elegit semen eorum post illos.

Ad Aliud Quæsitum responsio,

Si autem rursus quærat, quare hunc populum elegit, vt ex eo Christus nasceretur, & non alium populum ad hoc elegerit? Conuenient responsio August. super Ioan. tract. 26. dicentis. Quare hunc trahat, & illum non trahat, noli velle iudicare, si non vis errare.

Ad Argumenta.

Ad 1. Neg. maior. Ad probationem dicitur, qd quamuis salus futura per Christum esset omnibus gentibus præparata, tamen oportebat ex vno populo Christum nasci, qui propter hoc præ alijs prærogatiua habuit, secundum illud Rom. 9. Quorum (f. Iudæorum) est adoptio filiorum Dei, & testamentum, & legislatio, quorum patres ex quibus Christus est secundum carnem.

Ad 2. Neg. conseq. & rõ est, quia acceptio personarum locum habet in his, quæ ex debito dantur. In his vero, quæ ex gratuita voluntate conferuntur, acceptio personarum locum non habet, non enim est personarum acceptor, qui ex liberalitate de suo dat vni, & non alteri, sed si esset dispensator bonorum communium, & non distributor æqualiter secundum merita personarum, esset personarum acceptor. Salutaria autem beneficia Deus

Deus humano generi confert ex sua gratia, unde non est personarum acceptor, si quibusdam præ alijs conferat. Vnde Aug. dicit in libro de prædestinatione Sanctorum, cap. 8. Omnes, quos Deus docet, misericordia docet, quos autem non docet, iudicio non docet. Hoc enim venit ex damnatione humani generis pro peccato primi parentis.

Ad 3. Negatur maior. Ad probationem dicitur, quod beneficia gratiæ subtrahuntur homini propter culpam, sed beneficia naturalia non subtrahuntur: & quia ministeria Angelorum sunt inter beneficia naturalia numeranda, quæ naturalium ordo requirit, ut scilicet per media gubernentur infima, & etiam corporalia subsidia ad naturam pertinent, cum ministrentur a Deo non solum hominibus, sed etiam iumentis, secundum illud, Homines, & iumenta saluabis domine.

ARTICVLVS V.

Vtrum Omnes homines obligabantur seruare legem veterem.

Pro Affirmatiua.

Videtur, quod omnes homines obligabantur seruare legem veterem.

1. Legem datam a Deo, omnes homines obseruare tenentur. Sed Lex vetus est data a Deo. Ergo Legem veterem seruare omnes homines obligabantur.

Maiores prob. Quicumque subduntur Regi, leges Regis seruare tenentur. Sed Deo omnes subduntur, qui est Rex omnis terræ, ut dicitur Psal. 46. Ergo Legem a Deo datam omnes seruare tenentur.

2. Si alij homines sine obseruantia legis veteris potuissent saluari, peior fuisset conditio Iudeorum, quam aliorum hominum. Sed Hoc est falsum. Ergo Omnes tenebantur seruare legem veterem, ut saluari possent.

Consequ. prob. quia Iudæi saluari non poterat, nisi legem veterem obseruarent, secundum illud Deuter. 37. Maledictus, qui non permanet in sermionibus legis huius, nec eos opere perficit.

3. Gentiles ad ritum iudaicum, & ad obseruantias legis admittebantur. Ergo Nullus saluari poterat, nisi legem veterem obseruaret.

Antec. prob. quia Exod. 12. dicitur. Si quis peregrinorum in vestram voluerit transire coloniā, & facere phasē domini, circumcidetur prius omne masculinum genus, & tunc rite celebrabit, eritque simul scit indigena terræ.

Consequ. prob. quia Frustra ad obseruantias legales fuissent extranei admissi, ex ordinatione

diuina, si absque legalibus obseruantijs saluari potuissent.

Pro Negatiua.

Multi gentiles per Angelos sunt reducti in Deum, ut Dion. dicit 9. cap. cœl. Hier. Ergo Non omnes tenebantur seruare legem veterem.

Consequ. prob. quia Gentiles legem veterem non obseruabant.

Determinatio.

Distinctio. Lex vetus continebat duplex præceptorum genus. Præcepta legis naturæ, quæ manifestabat. Et quedam propria præcepta, quæ super addebat, ut dicitur. Vnde aliquos teneri ad obseruantiam legis veteris potest dupliciter intelligi. Vel quo ad præcepta legis naturæ. Vel quo ad præcepta, quæ super addebat.

1. Conclusio. Omnes tenebantur legem veterem seruare, quantum ad illa præcepta, quæ continebat de lege naturæ, non quia essent de veteri lege, sed quia erant de lege naturæ.

Prob. Legem naturæ omnes seruare tenentur, ut dictum est. Ergo Legem veterem, quo ad præcepta legis naturæ, omnes seruare tenentur.

2. Conclusio. Quantum ad illa, quæ lex vetus super addebat, non tenebantur omnes ad obseruantiam veteris legis, sed solus populus iudeorum.

Prob. Ea, quæ statuuntur ad specialem aliquorum sanctificationem, non obligant nisi illos, ad quorum sanctificationem sunt instituta. Sed Lex vetus quantum ad ea, quæ super addebat præceptis legis naturæ, data fuit populo iudeorum, ut quandam prerogatiuam sanctitatis obtineret propter reuerentiam Christi, qui ex illo populo nasciturus erat. Ergo. Ad obseruantiam legis veteris, quantum ad quædam specialia, solus populus iudeorum obligabatur.

Maiores manifestatur exemplariter. Nam quia Clerici mancipantur diuino ministerio, ad quædam obligantur, ad quæ non obligantur laici; similiter religiosi ad quædam perfectionis opera obligantur ex sua professione, ad quæ sæculares non obligantur. Ita populus iudeorum, ut mancipatus diuino seruitio, obligabatur ad quædam, ad quæ alij populi non obligabantur. Vnde dicitur Deuter. 18. Perfectus eris, & absque macula coram Domino Deo tuo. Propter quod etiam quadam professione utebantur, ut patet Deut. c. 26. Profiteor hodie coram Domino Deo tuo, &c.

Ad Argumenta.

Ad 1. Negatur maior. Non enim ad omnem legem Dei omnes tenentur. Ad probationem dicitur

citur ad maiorem, quod quicumque subduntur Regi, obligantur ad obseruandum legem, quam omnibus communiter proponit. Sed si instituat aliqua obseruanda a suis familiaribus ministris, ad hæc ceteri non obligantur.

Ad 2. Negatur censq. Ad probationem dicitur, quod quanto magis homo Deo coniungitur, tanto melioris conditionis efficitur: & ideo quanto populus iudeorum erat adstrictus magis ad diuinum cultum, dignior alijs populis erat. Vnde dicitur Deuter. 4. Quæ est alia gens sic inclyta, vt habeat ceremonias, iustaque iudicia, & vniuersam legem? Et similiter etiam quantum ad hoc sunt melioris conditionis clerici, quam laici, & religiosi, quam seculares.

Ad 3. Negatur censq. Ad probationem dicitur, quod non frustra gentiles admittebantur ad legis veteris obseruantias, quia perfectius, & securius saluti, consequentur sub obseruantijs legis, quam sub sola lege naturali, & ideo ad eas admittebantur. Sicut etiam nunc laici transeunt ad clericatum, & seculares ad religionem.

ARTICVLVS VI.

Vtrum Lex vetus conuenienter data fuerit tempore Moyssi.

Pro Negatiua.

Videtur, quod lex vetus non conuenienter data fuerit tempore Moyssi.

1. Lex, quæ disponebat ad salutem, quæ futura erat per Christum, non conuenienter fuit data tempore Moyssi, sed debuit dari statim post peccatum. Sed Lex vetus disponebat ad salutem, quæ futura erat per Christum, vt dictum est art. 2. huius q. Ergo Lex vetus non conuenienter data est tempore Moyssi, sed debuit dari statim post peccatum primi parentis.

Maiores prob. quia Homo statim post peccatum indiguit huiusmodi salutis remedio.

2. Lex, quæ data est propter sanctificationem eorum, ex quibus Christus nasciturus erat, debuit dari tempore Abraham, & non tempore Moyssi. Sed Lex vetus data est propter sanctificationem eorum, ex quibus Christus nasciturus erat. Ergo Statim tempore Abraham debuit dari lex, & non tempore Moyssi.

Maiores prob. quia Abraham incepit fieri promissio de semine, quod est Christus, vt habetur Genes. 12. Ergo statim tempore Abraham debuit dari lex.

3. Sicut Christus non est natus ex alijs descen-

dentibus ex Noe, nisi ex Abraham, cui facta est promissio, ita etiam non est natus ex alijs filiis Abraham, nisi ex David, cui est promissio renouata, secundum illud 2. Regum 23. Dixit vir, cui constitutum est de Christo Dei Iacob. Ergo Lex vetus debuit dari post David, sicut data est post Abraham.

Pro Affirmatiua.

Apost. dicit ad Gal. 3. quod Lex propter transgressionem posita est, donec veniret semen, cui promiserat ordinata per Angelos in manu mediatoris, id est ordinabiliter data, vt dicit Glossa. Ergo Congruum fuit, vt lex vetus illo temporis ordine traderetur.

Determinatio.

Conclusio. Conuenientissime lex vetus data est tempore Moyssi.

Prob. eo tempore, quo magis necessarium erat compescere malorum superbiam, & instruere, & adiuuare bonos ad implendum, quod intendunt, conuenientissime data est lex. Sed Tempore Moyssi magis necessarium erat compescere, & domare malorum superbiam, bonosque instruere, & adiuuare ad implendum, quæ implere intendebant. Ergo Tempore Moyssi conuenientissime data est lex.

Maiores prob. quia Quilibet lex duobus generibus hominum imponitur. scilicet quibusdam duris, & superbis, qui per legem compescuntur: & bonis, qui per legem instructi, adiuuantur ad implendum, quod intendunt. Eo igitur tempore, quo humana malorum superbia magis abundabat, & bonorum ignorantia, & infirmitas magis auxilio indigebat, conuenientissime data est lex.

Minor quo ad priorem partem. scilicet quod tempore Moyssi magis necessarium esset domare malorum superbiam, manifestatur. De duobus enim homo superbiebat de scientia, & de potentia. De scientia quidem, quia arbitrabatur, quod ratio naturalis sibi posset sufficere ad salutem, & ideo vt de hoc eius superbia conuinceretur, permissus est homo regimini suæ rationis, absque adminiculo legis scriptæ, & experimento homo discere potuit, quod patiebat rationis defectum per hoc, quod homines vsque ad idololatriam, & turpissima vitia circa tempora Abraham sunt prolapsi, & ideo post hæc tempora necessarium fuit legē scriptam dari, in remedium humanæ ignorantia, quia per legem est cognitio peccati, vt dicitur Rom. 5. Sed postquam homo est instructus per legem, conuicta est eius superbia de infirmitate, dum implere non poterat, quod cognoscebat. Et ideo sicut Apost. concludit Rom. 8. quod impossi-

possibile erat legi, in qua infirmabatur per carnem, misit Deus filium suum, ut iustificatio legis impleteret in nobis, & sic pater, quod post tempus Abrahæ; quod fuit tempore Moyse, necessarium erat compescere humanam superbiam & ignorantiam quod est prima pars minoris.

Altera pars eiusdem minoris, scilicet quod tunc boni indigerent magis instrui, & adiuvari, manifestatur. Tunc enim divinum auxilium, quod est per legem, populo magis necessarium fuit, quando lex naturalis obsecrari incipiebat; propter exuberantiam peccatorum, quod fuit tempore super adiecto, propter idololatriam.

Et confirmatur conclusio, quia Oportebat huiusmodi auxilium legis, quodam ordine dari, ut per imperfecta ad perfectionem manuducerentur, & ideo inter legem naturæ, & legem gratiæ oportuit legem veterem dari.

Ad Argumenta.

Ad 1. Negatur maior. Ad probationem dicitur, quod licet statim post peccatum indigeret legis auxilio, non competebat tamen tunc legem veterem dari. Tum quia homo nondum recognoscebat se ea indigere, de sua ratione confusus. Tum quia dictamen legis naturæ nondum erat obtenebratum per consuetudinem peccati.

Ad 2. Dicitur ad maiorem, & ad eius probationem, quod lex non debet dari nisi populo, est enim lex præceptum commune, ut dictum est, quæst. 90. art. 2. & ideo tempore Abrahæ data sunt quodam familiaria præcepta, & quasi domestica Dei, ad homines, sed postmodum multiplicatis eius posteris, in tantum quod populus esset, & liberatis eis a servitute, lex convenienter posuit dari, nam servi non sunt pars populi, vel civitatis, cui legem dari competit, ut Philo. dicit in 3. Politic. c. 3.

Ad 3. Dicitur, quod quia legem oportebat aliqui populo dari, non solum illi, ex quibus est Christus natus, legem acceperunt, sed totus populus signatus signaculo circumcisionis, quæ fuit signum promissionis Abrahæ factæ, & ab eo creditæ, ut dicit Apostolus. Rom. 4. & ideo etiam ante David oportuit legem dari tali populo iam collecto.

DE PRÆCEPTIS veteris legis.

Deinde considerandum est de præceptis veteris legis.

Primo de distinctione ipsorum in q. 99.

Secundo de singulis generibus distinctis a q. 100. usque ad 105. inclusive.

QVÆSTIO CXIX.

DE DISTINCTIONE præceptorum veteris legis.

ARTICULVS I.

Vtrum In lege veteri contineatur solum unum præceptum.

Pro Affirmativa.

Videtur, quod lex vetus contineat solum unum præceptum.

1. Lex est quæ una, continet solum unum præceptum. Sed Lex vetus est una. Ergo Lex vetus continet tantum unum præceptum.

Minor prob. quia Lex nihil aliud est, quam præceptum, ut dictum est q. 90. art. 2.

2. Lex, quæ tota impletur in uno mandato, continet tantum unum mandatum. Sed Lex vetus tota impletur in uno mandato. Ergo Lex vetus continet tantum unum mandatum.

Minor prob. quia Apostolus dicit Rom. 13. Si quod Est aliud mandatum in hoc verbo instantatur. Diliges proximum tuum sicut teipsum, quod est unum tantum mandatum.

3. Lex, quæ continetur in lege, & prophetis, habet tantum unum mandatum. Sed Lex vetus continetur in lege, & prophetis. Ergo Lex vetus habet tantum unum præceptum.

Maiores prob. quia Matt. 7. dicitur. Omnia quæcunque vultis, ut faciant vobis homines, & vos facite illis, hæc est enim lex, & prophetæ.

Pro Negativa.

Apostolus dicit ad Ephes. 2. Legem mandatorum decretis evacuans, & loquitur de lege veteri, ut Glofa ibidem dicit. Ergo Lex vetus continet plura mandata.

Determinatio.

Conclusio. Lex vetus continet unum præceptum tantum, ex parte finis, sed continet plura præcepta ex parte eorum, quæ ordinantur ad finem.

Prob. Lex quæ est de diversis rebus ordinatis ad unum finem, continet plura præcepta ex parte rerum ordinatarum in finem, & unum tantum ex parte finis. Sed Lex vetus est de pluribus rebus, & actibus ordinatis ad unum finem. Ergo Lex vetus continet plura mandata ex parte rerum, & unum tantum ex parte finis.

Maiores prob. præmittendo, quod Præceptum legis,

cum sit obligatorium, est de aliquo, quod fieri debet: quod autem aliquid fieri debeat, hoc provenit ex necessitate alicuius finis. Vnde manifestum est, quod de ratione præcepti est, ut importet ordinem ad finem, in quantum scilicet illud præcipitur, quod est necessarium, vel expediens ad finem. Et quia contingit, quod ad vnum finem consequendum, diuersa sint necessaria, vel expeditia, de illis diuersis rebus necessarijs ad finem possunt dari diuersa præcepta ordinata ad consequendum eundem finem. Vnde lex, quæ est de diuersis ordinatis ad eundem finem, continebit multa præcepta ex parte ipsarum rerum necessary ad consecutionem finis, & vnum præceptum, quia vnus est finis.

Minor patet. quia Lex vetus multa præcipiebat, ut per illa disponeretur homo ad salutem consequendam, ut dictum est.

Ad Argumenta.

Ad 1. Dicitur ad minorem, quod lex vetus dicitur esse vna, secundum ordinem ad finem vnum, & tamen continet diuersa præcepta, secundum distinctionem eorum, quæ ordinant ad finem. Sicut etiam ars ædificativa est vna, secundum vnitatem finis, quia tendit ad ædificationem domus, tamen continet diuersa præcepta, secundum diuersos actus ad hoc ordinatos.

Ad 2. Dicitur ad minorem, quod Tota lex impletur in vno hoc mandato. Diliges proximum tuum sicut te ipsum, sicut in quodam fine mandatorum omnium. Finis enim præcepti est charitas, ut dicitur 1. Timoth. 1. Ad hoc enim omnis lex tendit, ut amicitiam constituat, vel hominum ad inuicem, vel hominis ad Deum. In dilectione autem proximi includitur etiam dilectio Dei, quando proximus diligitur propter Deum. Vnde Apostolus hoc vnum præceptum posuit pro duobus, quæ sunt de dilectione Dei, & proximi, de quibus Dominus dicit Matt. 22. In his duobus mandatis pendet vniuersa lex, & Prophetæ.

Ad 3. Negatur maior. Ad eius probationem dicitur, quod hoc, quod dicitur, Omnia quæcumque vultis, ut faciant vobis homines, & vos facite illis, non est præceptum, sed explicatur quædam regula dilectionis proximi, quæ etiam implicite continetur in hoc, quod dicitur. Diliges proximum tuum sicut te ipsum. Vnde est quædam explicatio istius mandati, cum quo stat, ut sint etiam alia mandata in lege contenta, ut dictum est, & dicitur.

ARTICVLVS II.

Vtrum Lex vetus contineat præcepta moralia.

Pro Negativa.

Videtur, quod lex vetus non contineat præcepta moralia.

1. Præcepta pertinentia ad legem naturæ, non continentur in lege veteri. Sed Præcepta moralia pertinent ad legem naturæ. Ergo Præcepta moralia non continentur in lege veteri.

Maior prob. quia Lex vetus distinguitur a lege naturæ, ut dictum est supra quæstio. 91. artic. 4. & 5.

2. Præcepta, ad quæ sufficit humana ratio, non continentur in lege veteri. Sed Ad præcepta moralia sufficit humana ratio. Ergo præcepta moralia non continentur in lege veteri.

Maior prob. quia Ibi subuenire debuit homini lex diuina, ubi deficit ratio humana, ut patet in his, quæ ad fidem pertinent, quæ sunt supra rationem.

3. Lex, quæ dicitur litera occidens, non continet præcepta moralia. Sed Lex vetus dicitur litera occidens, ut patet 2. Cor. 3. Ergo Lex vetus non continet præcepta moralia.

Maior prob. quia Præcepta moralia non occidunt, sed viuificant, secundum illud Psalm. 118. In æternum non obliuiscar iustificationes tuas, quia in ipsis viuificasti me.

Pro Affirmativa.

Lex, quæ continet disciplinam, continet præcepta moralia. Sed Lex vetus continet disciplinam. Ergo Lex vetus continet præcepta moralia.

Maior prob. quia Disciplina pertinet ad mores. Glosa enim dicit Hebr. 12. super illud, Omnis disciplina, &c. Disciplina est eruditio morum per difficultia.

Minor prob. quia Eccles. 17. dicitur. Addidit illis disciplinam, & legem vitæ hereditauit eos.

Determinatio.

Conclusio. Lex vetus continebat præcepta quædam moralia.

Prob. dupliciter. Authoritate, & ratione. Authoritate. quia Exodi 20. dicitur. Non occides, non furtum facies, quæ sunt moralia præcepta.

Ra-

Ratio autem talis est. Lex, cuius intentio principalis est, vt constituat amicitiam hominis ad Deum, continet præcepta moralia. Sed Intentio diuinæ legis est principaliter, vt constituat amicitiam hominis ad Deum, sicut intentio humanæ legis est, vt constituat amicitiam hominum ad invicem. Ergo Lex vetus continet præcepta moralia.

Maiores prob. quia Cum similitudo sit ratio amoris, secundum illud Eccles. Omne animal diligit sibi simile, impossibile est esse amicitiam hominis ad Deum, qui est optimus, nisi homines efficiantur boni. Vnde dicitur Levit. 19. Sancti eritis, quoniam ego sanctus sum. Et quia bonitas hominis est virtus, quæ facit bonum habentem, oportuit præcepta legis veteris etiam de actibus virtutum dari, quæ sunt præcepta moralia.

Ad Argumenta.

Ad 1. Negatur maior. Ad probationem dicitur, quod lex vetus distinguitur a lege naturæ, non tanquam ab ea omnino aliena, sed tanquam ei aliquid superaddens. Sicut enim gratia præsupponit naturam, ita oportet, quod lex diuina præsupponat legem naturalem.

Ad 2. Negatur maior: Legem enim diuinæ conueniens erat, vt non solum provideret homini in his, ad quæ ratio non potest, sed etiam in his, circa quæ contingit rationem hominis impediri. Ratio autem hominis circa præcepta moralia, quantum ad ipsa communissima præcepta legis naturæ non poterat errare in vniuersali, sed tamen propter consuetudinem peccandi obscurabatur in particularibus agendis. Circa alia vero præcepta moralia, quæ sunt quasi conclusiones deductæ ex communibus principiis legis naturæ, multorum ratio oberrabat, ita vt quædam, quæ sunt secundum se mala, ratio multorum licita iudicaret: vnde oportuit contra vtrumque defectum homini subuenire per auctoritatem legis diuinæ. Ad probationem dicitur, quod etiam inter credenda, nobis proponuntur, non solum ea, ad quæ ratio attingere non potest (vt Deum esse trinum) sed etiam ea, ad quæ ratio recta pertingere potest, vt Deum esse vnum ad excludendum rationis humanæ errorem, qui accidebat in multis.

Ad 3. Negatur maior. Ad probationem dicitur, quod sicut August. probat in libro de spiritu & litera, cap. 14. etiam litera legis, quantum ad præcepta moralia occidere dicitur occasionaliter, in quantum præcipit, quod bonum est, non præbens auxilium gratiæ ad implendum.

ARTICVLVS III.

Vtrum Lex vetus contineat præcepta cæremonialia, præter moralia.

Pro Negatiua.

Videtur, quod lex vetus non contineat præcepta cæremonialia, præter moralia.

1. Lex, quæ est directiua humanorum actuum, non continet præcepta cæremonialia, sed solum moralia. Sed Lex vetus est directiua humanorum actuum. Ergo Lex vetus non continet præcepta cæremonialia, sed tantum moralia.

Maiores prob. quia Actus humani morales dicuntur, vt dictum est sup. q. 1. ar. 3.

Minor prob. quia Omnis lex, quæ hominibus datur, est directiua humanorum actuum.

2. Præcepta cæremonialia non distinguuntur a moralibus. Ergo Lex vetus, præter præcepta moralia, non potest continere cæremonialia.

Antec. prob. Præcepta, quæ sunt de actibus virtutum, non distinguuntur a moralibus. Sed Præcepta cæremonialia sunt de actibus virtutum. Ergo Præcepta cæremonialia non distinguuntur a moralibus.

Maiores prob. quia Præcepta moralia sunt de actibus virtutum, vt dictum est art. præced.

Minor prob. Diuinus cultus est actus virtutis, scilicet Religionis, quæ vt dicit Tull. lib. 2. Rhet. Diuinæ naturæ cultum, cæremoniamque affert. Sed Præcepta cæremonialia videntur ad diuinum cultum pertinere. Ergo Præcepta cæremonialia sunt de actibus virtutum.

3. Præcepta, quæ tantum figuratiue aliquid significant, non debent contineri in antiqua lege. Sed Præcepta cæremonialia videntur esse, quæ figuratiue aliquid significant. Ergo Nulla necessitas fuit, vt in lege continerentur præcepta cæremonialia, de aliquibus actibus figuratiuis.

Maiores prob. quia Verba in homines obtinuerunt principatum significandi, vt Aug. dicit lib. 2. de doct. Christ. cap. 1.

Pro Affirmatiua.

Deuter. 14. dicitur. Decem verba, quæ scripsit in duabus tabulis lapideis, mihi quæ iniunxit in illo tempore, vt docerem vos cæremonias, & iudicia, quæ facere debeatis. Sed Decem præcepta legis sunt moralia. Ergo Præter præcepta moralia, sunt etiam alia præcepta cæremonialia.

Determinatio.

Conclusio. Lex vetus præter præcepta moralia continere debuit præcepta caeremonialia.

Prob. Lex, quæ ordinabat homines ad inuicem, secundum quod conueniebat ordini, qui est ad Deum, præter præcepta moralia, debuit continere etiam præcepta caeremonialia. Sed Lex diuina homines ad inuicem ordinauit, secundum quod conueniebat ordini, qui est ad Deum. Ergo Lex diuina præter moralia præcepta debuit continere caeremonialia.

Maiores prob. quia Homo ordinatur in Deum, non solum per interiores actus mentis, qui sunt credere, sperare, & amare, sed etiam per quædam exteriora opera, quibus homo diuinam seruitutem proficitur. Et ista opera, quæ ad cultum Dei pertinent, caeremoniæ vocantur, quasi munia, id est dona cereris, quæ dicebatur Dea frugum, siue ut Valerius Maximus refert lib. 1. cap. 10. Nomen caeremoniæ introductum est ad significandum cultum diuinum apud latinos, à quodam oppido, quod erat iuxta Romam, quod Cere vocabatur, eo quod Roma capta à gallis, illic sacra Romanorum oblata sunt, & reuerendissime habita. Lex igitur, quæ ordinat hominem in Deum, debet continere præcepta pertinentia ad diuinum cultum, per exteriores actus, qui caeremoniæ vocantur.

Minor prob. ex differentia, quæ est inter legem humanam, & diuinam. Humana enim ordinat homines principaliter ad inuicem. Diuina vero principaliter ordinat hominem in Deum, ut dictum est art. præced. & ideo leges humanæ non curauerunt aliquid instituire de cultu diuino, nisi in ordine ad bonum commune hominum, & propter hoc etiam multa confluxerunt circa res diuinas, secundum quod videbatur eis expediens, ad informandos mores hominum, ut patet in ritibus gentilium. Secus autem est de diuina lege, quæ ad Deum homines ordinat.

Ad Argumenta.

Ad 1. Negatur maior. Ad probationem dicitur, quod humani actus se extendunt etiam ad cultum diuinum, & ideo etiam de his continet præcepta lex veteris hominibus data.

Ad 2. Negatur antec. Ad minorem probationis dicitur, quod præcepta caeremonialia non sunt de actibus virtutum, sed sunt determinatiua præceptorum, quæ sunt de actibus virtutum. Pro quo est sciendum, quod sicut dictum est, q. 94. artic. 4. Præcepta legis naturæ cõmunia sunt, & indigent

determinatione. Determinantur autem, & per legem humanam, & per legem diuinam. Et sicut ipsæ determinationes, quæ sunt per legem humanam, non dicuntur esse de lege naturæ, sed de iure positiuo; ita ipsæ determinationes præceptorum legis naturæ, quæ sunt per legem diuinam, distinguuntur à præceptis moralibus, quæ pertinent ad legem naturæ. Colere ergo Deum, cum sit actus virtutis, pertinet ad præceptum morale, sed determinatio huius præcepti (ut si colatur talibus hostijs, & talibus muneribus) pertinet ad præcepta caeremonialia, & ideo præcepta caeremonialia distinguuntur à præceptis moralibus.

Ad 3. Negatur maior. Ad probationem dicitur, quod sicut Dion. dicit. 2. Cael. Hier. Diuina hominibus manifestari non possunt, nisi sub aliquibus similitudinibus sensibilibus, ipsæ autem similitudines magis mouent animum, quando non solū verbo exprimuntur, sed etiam sensui offeruntur, & ideo diuina traduntur in scripturis non solū per similitudines verbo expressas (sicut patet in metaphoris locutionibus) sed etiam per similitudines rerum, quæ visui proponuntur, quod pertinet ad præcepta caeremonialia.

ARTICVLVS IV.

Utrum præter præcepta moralia, & caeremonialia, contineantur in lege veteri præcepta iudicialia.

Pro Negatiua.

Videtur, quod præter præcepta moralia, & caeremonialia, non sint aliqua præcepta iudicialia in lege veteri.

1. In lege, in qua sunt tantummodo præcepta vitæ agendæ, & præcepta vitæ significandæ, præter moralia, & caeremonialia non sunt alia præcepta. Sed in lege veteri sunt tantum præcepta vitæ agendæ, & præcepta vitæ significandæ, ut August. dicit lib. 6. contra faustum. cap. 2. Ergo in lege veteri præter moralia, & caeremonialia, non sunt præcepta iudicialia.

Maiores prob. quia Præcepta vitæ agendæ sunt moralia, & præcepta vitæ significandæ sunt caeremonialia.

2. Lex continens tantum regulam viuendi, non continet præcepta iudicialia. Sed Lex vetus continet solum regulam viuendi. Ergo Lex vetus non continet præcepta iudicialia.

Maiores prob. quia Regula viuendi pertinet ad præcepta moria.

Minor prob. quia dicit Glofa Cassiodori super illud Psal. 118. A iudicijs tuis non declinaui, id est ab his, quæ constituisti regulam viuendi.

3. Præcepta iudicialia includuntur in moralibus. Ergo In lege non continentur præter moralia, iudicialia à moribus distincta.

Antec. prob. Actus iustitiæ pertinet ad præcepta moralia, sicut & actus aliarum virtutum. Sed Iudicium videretur esse actus iustitiæ, secundum illud Psal. 93. Quoad usque iustitia conuertitur in iudicium. Ergo Præcepta iudicialia non distinguuntur à moribus, sed inter ipsa includuntur.

Pro Affirmativa.

Deut. 6. dicitur. Hæc sunt, præcepta & ceteroniamque iudicia. Sed Præcepta autonomastice dicuntur moralia. Ergo Præter præcepta moralia, & ceteroniamalia, sunt etiam iudicialia.

Determinatio.

Conclusio. Lex verus præter præcepta moralia, & ceteroniamalia, continet præcepta iudicialia.

Prob. Lex, ad quam pertinet ordinare homines ad inuicem, & in Deum, continet non solum præcepta moralia, & ceteroniamalia, sed etiam iudicialia. Sed Ad legem veterem pertinebat ordinare homines ad inuicem, & ad Deum, ut dictum est art. 2. & 3. Ergo Lex verus continet non solum præcepta moralia, & ceteroniamalia, sed etiam iudicialia.

Maiores manifestatur. Nam ordinare homines ad inuicem, & ad Deum, pertinet in communi ad dictamen legis naturæ, ad quod referuntur præcepta moralia, sed oportet, ut utrumque determinetur per legem diuinam, vel humanam, ita quod dictamen rationis, secundum quod ordinat homines in Deum, determinatur per præcepta ceteroniamalia, & idem dictamen, prout ordinat homines ad inuicem, determinatur per præcepta iudicialia. Cum igitur lex diuina ordinet homines ad inuicem, & in Deum, debet continere præcepta moralia, quæ sunt de dictamine legis naturæ, ceteroniamalia, quæ sunt determinatiua moralis præcepti de cultu diuino, & iudicialia, quæ sunt de terminations iustitiæ seruandæ inter homines.

Et confirmatur conclusio. Quia cum Apost. Rom. 7. dixisset, quod lex est sancta, subiungit, quod mandatum est iustum, & bonum, & sanctum. Iustum quantum ad iudicialia, Sanctum quantum ad ceteroniamalia, nam sanctum dicitur, quod est Deo dicatum, Bonum quantum ad moralia, id est honestum.

Ad Argumenta.

Ad 1. Negatur maior. Ad prob. dicitur, quod in moralia, quam, iudicialia pertinent ad dire-

ctionem vitæ humanæ, & ideo utraque continetur sub vno membro diuisionis Augustini, & ceteroniamalia pertinent ad aliud membrum s. vitæ significandæ.

Ad 2. Negatur minor. Ad prob. dicitur, quod Præcepta iudicialia communicant in aliquo cum moralibus, & in aliquo cum ceteroniamalibus. Habent enim præcepta iudicialia duo. scilicet quod detinentur à ratione, & in hoc communicant cum moralibus; habent etiam, quod sunt determinatiua communium præceptorum, & in hoc continentur cum ceteroniamalibus, quæ sunt determinatiua communis præcepti de colendo Deo. Unde aliquando nomine Iudicii significantur moralia, & iudicialia, ut patet Deut. 5. Audi Israel ceteroniamas, atque iudicia, sub ly. Iudicia, continentur moralia, & iudicialia, & aliquando sub nomine iudicii continentur iudicialia, & ceteroniamalia. Cum enim dicitur Leuit. 18. Facietis iudicia mea, & præcepta mea seruabitis. Iudicia significant præcepta ceteroniamalia, & iudicialia, & præcepta, significant præcepta moralia. Unde cum dicitur, à iudicijs tuis non declinaui, nomine iudicii, significantur non solum præcepta moralia, quæ sunt regula viuendi, ut Glossa bene exponit, sed significantur etiam præcepta iudicialia, & sensus est, à iudicijs tuis, id est à præceptis moralibus, & iudicialibus, & ceteroniamalibus non declinaui.

Ad 3. Negatur antec. Ad prob. dicitur, quod Actus iustitiæ in generali pertinet ad præcepta moralia, sed determinatio eius in speciali pertinet ad præcepta iudicialia.

ARTICVLVS V.

Utrum aliqua alia præcepta contineantur sub lege veteri, præter moralia, iudicialia, & ceteroniamalia.

Pro Affirmativa.

Videtur, quod aliqua alia præcepta contineantur in lege veteri, præter moralia, iudicialia, & ceteroniamalia.

1. Præter virtutem iustitiæ, ad cuius actum ordinantur præcepta iudicialia, & Religionis, ad cuius actum pertinent præcepta ceteroniamalia, sunt multæ aliæ virtutes, scilicet temperantia, fortitudo, liberalitas, & aliæ plures.

Ergo Præter prædicta præcepta, oportet ut lex vetus alia præcepta contineat, ordinata ad actus aliarum virtutum.

2. Deut.

2. Deuter. 11. dicitur. Ama dominum Deum tuum, & obserua eius præcepta, & cæremonias, & iudicia, atque mandata. Ergo Præter præcepta moralia, quæ nomine præcepti signantur, & cæremonialia, & iudicialia, in lege continebantur mandata.

3. Deuter. 6. dicitur. Custodi præcepta domini Dei tui, idest moralia, & iudicia, & testimonia, & cæremonias. Ergo Præter omnia præcepta, & cæremonias, in lege continentur testimonia.

4. In Psal. 118. dicitur. In æternum non obliuiscar iustificationes tuas. Glosa interl. idest legem. Ergo Præcepta legis veteris non solum sunt moralia, cæremonialia, & iudicialia, sed etiã iustificationes.

Pro Negatiua.

Deut. 6. dicitur. Hæc sunt præcepta, cæremonia, atque iudicia, quæ mandauit dominus vobis. Ergo Omnia præcepta legis, sub his comprehenduntur.

Determinatio.

Conclusio. Omnia legis præcepta sunt vel moralia, vel iudicialia, vel cæremonialia, aut, sub his continentur. Alia vero in lege contenta, non habent rationem præceptorum, sed ordinantur ad præceptorum obseruationem.

Manifestatur, præmittendo, quod in lege ponuntur aliqua tanquam præcepta. Aliqua vero tanquam ad præceptorum impletionem ordinata.

Præcepta sunt ea, quæ dantur de his, quæ sunt agenda. Agenda vero sub præcepto non cadunt, nisi habeant rationem debiti. Debitum autem est duplex. Vnum quidem secundum regulam rationis, puta quod Parentes sint diligendi, & quod Non sit occidendum. Aliud autem est debitum secundum regulam legis determinantis, puta quod Latro debeat suspendi. Vnde Phil. 5. Ethic. cap. 7. distinguit duplex iustum. scilicet Morale, & Legale. Debitum morale est duplex. Primum est quando ratio dicit aliquid faciendum, sine quo non potest esse ordo virtutis. Alterum vero est, quando ratio dicit aliquid esse faciendum tanquam utile ad hoc ut ordo virtutis melius conseruetur. Et secundum hoc, quædam moralium præcepta præcipiuntur, vel prohibentur in lege. Vt Diliges dominum Deum tuum. Non occides. Non furum facies. Et hæc proprie dicuntur præcepta. Quædam vero præcipiuntur, vel prohibentur, non quasi præcepta debita, sed propter melius, & ista possunt dici mandata, quia quandam inductionem habent, & persuasionem, sicut est illud Exod. 22. Si pignus acceperis vestimentum à

proximo tuo, ante solis occasum reddas ei, & alia similia. Vnde Hieron. dicit in prohemio super Marcum, quod In præceptis est iustitia, in mandatis vero charitas. Debitum vero ex determinatione legis, vel est in humanis, vel in rebus diuinis. Primum debitum pertinet ad præcepta iudicialia. Aliud vero ad cæremonialia.

Ea vero, quæ ponuntur in lege, ut inductiua, sunt duo, secundum quod duo sunt ea, per quæ homo ad impletionem præceptorum inducitur, quæ sunt Authoritas præcipientis, & vtilitas, quæ quis consequitur ex præceptorum impletionem, vel fuga alicuius mali. Oportuit igitur in lege veteri poni quædam, quæ autoritatem Dei præcipientis indicarent, sicut illud Deut. 6. Audi Israel, Dominus Deus tuus Deus vnus est: & illud Genes. 1. In principio creauit Deus celum, & terram, & hæc dicuntur testimonia. Oportuit etiam ut in lege proponeretur quædam præmia obseruantibus legem, & pænæ transgredientibus debita, ut Deut. 28. patet. Si audieris vocem domini Dei tui, faciet te excelliorem cunctis gentibus. & hæc dicuntur iustificationes, secundum quod Deus aliquos iuste punit, vel præmiat.

Omnia igitur, quæ in lege veteri continentur, aut sunt præcepta, aut sunt ad præceptorum impletionem ordinata. Si sint præcepta, aut sunt de debito morali, aut de debito legali. Si de debito morali, aut de debito simpliciter, & hæc sunt Præcepta: aut de debito ad bene esse, & hæc sunt Mandata. Si de debito legali, aut sunt de debito legali circa humana, & hæc sunt Iudicialia: aut sunt de debito legali circa diuina, & hæc dicuntur Cæremonialia.

Ea, quæ sunt ordinata ad præceptorum impletionem, aut sunt inducentia ex autoritate præcipientis, & hæc dicuntur Testimonia: aut ex vtilitate impletionis, & hæc dicuntur Iustificationes. Sex igitur sunt ea, quæ in lege veteri continentur, quatuor per modum præcepti, & duo ordinata ad præcepti impletionem.

Per modum præcepti sunt hæc.

De debito morali simpliciter, sunt Præcepta moralia.

De debito morali ad bene esse, sunt Mandata.

De debito legali circa humana, sunt Iudicia.

De debito legali circa diuina, sunt Cæremonie.

Inductiua ad obseruationem sunt duo.

Ex parte præcipientis, Testimonia.

Ex parte vtilitatis, sunt Iustificationes.

Ex

Ex quibus omnibus patet, quod omnia legis præcepta continentur sub moralibus, ceremoniis, & iudicialibus. Et quod præter hæc nullum aliud præceptum continetur in lege veteri. Alia vero in eo contenta, non habent rationem præceptorum, sed ordinantur ad ipsorum impletionem, quæ est intenta conclusio.

Ad Argumenta.

Ad 1. Negatur consequentia. Non enim est eadem ratio de iustitia, & de alijs virtutibus, cum enim præceptum, ut dictum est, non sit nisi de eo, quod habet rationem debiti, & nihil habeat rationem debiti, nisi ad iustitiam pertineat, hinc est, ut de solis actibus iustitiæ sint præcepta. Et ideo moralia in tantum sunt lege determinabilia, in quantum pertinent ad iustitiam, cuius etiam quedam pars est Religio, ut Tullius dicit. Vnde iustitiale non potest esse aliquid præter iudicialia, & ceremonialia præcepta.

Ad 2. Dicitur, quod in lege veteri continentur etiam iustificationes, quæ tamen non sunt præter moralia, sed ad ipsa reducuntur, quia præcepta, & mandata sunt de debito morali. Præcepta quidem de debito morali simpliciter: mandata vero de debito morali propter melius, ut in corpore dictum est.

Vel etiam dicitur, quod præcepta sunt omnia, quæ Deus immediate per se iussit, siue sint moralia, siue iudicialia, siue etiam ceremonialia. Mandata vero dicuntur, quæ per alios mandauit, quæcumque sint. Vnde mandata non sunt alia a prædictis, sed differunt tantum ex immediato præcipiente.

Ad 3. Dicitur, quod in lege continentur quidam testimonia, quæ tamen non habent rationem præcepti, sed potius ordinantur ad præceptorum impletionem ex parte præcipientis, ut dictum est. Quamuis etiam ea, quæ pertinent ad pœnam, vel præmia dici possint testimonia, in quantum sunt quædam protestationes legalis iustitiæ.

Ad 4. Dicitur, quod in lege continentur etiam iustificationes, quæ tamen non sunt præcepta, sed inducuntur ad præceptorum obseruationem, ex parte vtilitatis. Quamuis etiam possint dici, quod omnia præcepta legis iustificationes dici possunt, in quantum sunt quædam executiones

legalis iustitiæ.

Vtrum Lex vetus debuerit inducere ad obseruantiam præceptorum per temporales promissiones, & comminationes.

Pro Negatiua.

Videtur, quod Lex vetus non debuerit inducere ad obseruantiam præceptorum per temporales promissiones, & comminationes.

1. Per illud, quod abducit a Deo, non debuit lex inducere ad obseruantiam præceptorum. Sed Cupiditas rerum temporalium abducit a Deo. Ergo Lex vetus non debuit inducere ad obseruantiam præceptorum, per temporales promissiones, & comminationes.

Maiores probatur. quia Intentio diuinæ legis est, ut hominem Deo subdat per timorem, & amorem, vnde dicitur Deuter. 10. Et nunc Israel, quid Dominus Deus tuus petit a te, nisi ut timeas Dominum Deum tuum, & ambules in viis eius, & diligas eum. Vnde contra intentionem legislatoris esset, si ad timorem Dei, & amorē induceret, per id, quod a Deo abducit.

Minor probatur. quia August. dicit in lib. 83. quæst. quæst. 36. quod Venenum charitatis est cupiditas.

2. Lex, quæ est altior lege humana, non debet inducere ad obseruantiam præceptorum per temporales promissiones, & comminationes. Sed Lex vetus est altior lege humana. Ergo Non debuit inducere ad obseruantiam præceptorum per temporales promissiones, & comminationes.

Maiores probatur. quia Quanto lex est altior, tanto altiora debent esse media inducentia ad præceptorum obseruantiam: Sicut videmus in scientijs, quod quanto aliqua scientia est altior, tanto per altiora media procedit. Sed Lex humana inducit ad obseruantiam suorum præceptorum per temporales promissiones, & comminationes. Ergo Lex vetus per altiora media debet ad suorum præceptorum obseruantiam inducere.

3. Quod æqualiter euenit bonis, & malis, non potest esse præmium iustitiæ, & pœna culpæ. Sed Temporalia bona, vel mala æqualiter eueniunt bonis, & malis, ut dicitur Eccles. 9. Ergo Temporalia bona, vel mala non conuenienter ponuntur, ut præmia, vel pœnæ obseruantie, vel transgressionis diuinæ legis.

Pro Affirmatiua.

Esaia 1. dicitur. Si volueritis, & audieritis me, bona terræ comedetis, quod si nolueritis, & me ad

ad iracundiam prouocaueritis, gladius deuorabit vos.

Determinatio.

Conclusio. Legi veteri conueniebat, vt per temporalia manuduceret homines ad Deum per obseruantiam mandatorum.

Probat. Legi, quæ dabatur imperfectis hominibus conuenit per temporalia præmia, vel penas, inducere ad obseruantiam diuinorum mandatorum. Sed Lex vetus dabatur imperfectis hominibus.

Ergo Lex vetus conuenienter per temporalia præmia, vel penas ad obseruantiam mandatorum diuinorum inducere debuit.

Maiores manifestatur a similibus. Sicut enim in sciētijs speculatiuis inducuntur homines ad assentiendum conclusionibus per media syllogistica, ita etiam in quibuslibet legibus homines inducuntur ad obseruantiam præceptorum per penas, & præmia. Videmus autem in sciētijs speculatiuis, quod media proponuntur auditori secundum eius conditionem. Vnde sicut oportet ordinare in sciētijs, procedere, vt ex notioribus disciplina incipiat, ita etiam oportet eum, qui vult inducere hominem ad obseruantiam præceptorum, vt ex illis eum mouere incipiat, quæ sunt in eius affectu. Sicut pueri prouocantur ad aliquid faciendum, alijs quibus puerilibus munusculis. Ex quibus probatur in forma maior. Per ea, quæ sunt in affectu eorum, quibus datur lex, conuenienter lex mouet eos ad suorum præceptorum obseruationem. Sed Temporalia bona sunt in affectu hominum imperfectorum, in ordine ad Deum, & malorum, vt in eis finem constituent. Sicut perfectorum est contemnere temporalia, & spiritualibus affectu inherere, vt patet per illud, quod Apostolus dicit, ad Philip. 3. Quæ quidem retro sunt obliuiscens, ad ea, quæ priora sunt, me extendo, quicunque ergo perfecti sumus, hoc sentiamus.

Ergo Lex, quæ datur imperfectis, conuenienter per temporalia eos mouet ad obseruantiam præceptorum.

Maiores huius prob. quia Media debent esse secundum conditionem eorum, quibus datur lex, vt in scientiis apparet.

Minor specialis scilicet, quod Lex vetus sit imperfectorum, probatur. quia vt dictum est supra, quæst. 98. art. 1. & sequentibus. Lex vetus disponebat ad Christum, sicut imperfectum ad perfectum, unde populus, cui dabatur, erat adhuc imperfectus in comparatione ad perfectionem, quæ futura erat per Christum, & ideo populus ille comparatur puero sub pedagogo existente, vt patet Galat. 3.

Ad Argumenta.

Ad 1. Dicitur ad maiorem, quod Cupiditas, qua homo constituit finem in temporalibus bonis, est charitatis venenum, sed consecutio temporalium bonorum, quæ homo desiderat in ordine ad Deum, est quedam via inducens imperfectos ad Deum maiorem, secundum illud Psal. Confitebitur tibi, cum benefeceris illi.

Ad 2. Negatur maior. Ad probationem dicitur ad maiorem, quod lex humana inducit homines ex temporalibus premijs, vel penis ad obseruantiam mandatorum, sed per homines inducendis. Lex vero diuina, ex premijs, vel penis exhibetis per Deum, & in hoc lex diuina procedit per media altiora.

Ad 3. Negatur minor. Ad probationem dicitur, quod vt patet hystorias veteris testamenti reuoluenti, communis status populi semper sub lege in prosperitate fuit, quamdiu legem obseruabant, & declinantes a præceptis legis diuinæ, in multas aduersitates incidebant. Alique vero personæ particulares, etiam iustitiam legis obseruantes, in aliquas aduersitates incidebant, vel quia iam erant spirituales effectus, vt per hoc magis ab affectu temporalium abstraherentur, & eorum virtus probata redderetur: Aut quia opera legis exterius implentes, cor totum habebant in temporalibus detinuit, & a Deo elongarunt, secundum quod dicitur Esaie. 29. Populus hic labijs me honorat, cor aurem eorum longe, est a me.

DE PRÆCEPTIS MORALIBUS veteris legis.

Deinde considerandum est de singulis generibus præceptorum veteris legis.

Primo de præceptis moralibus in q. 100.

Secundo de caeremonialibus in q. 101. 102. 103.

Tertio de Iudicialibus, q. 104. 105.

Q V A E S T I O . C.

DE PRÆCEPTIS MORALIBUS veteris legis.

A R T I C V L V S . I .

Vtrum Omnia præcepta moralia pertineant ad legem naturæ.

Pro Negatiua.

Videtur, quod non omnia præcepta moralia pertineant ad legem naturæ.

1. Præcepta, quæ dantur per disciplinam, non pertinent ad legem naturæ. Sed Quædam præcepta moria-

mana indiget instructione diuina, per quam erudimur in diuinis, sicut est illud . Non facies tibi sculpsile, neque omnem similitudinem.

Ex quibus patet, quod omnia *præcepta moralia* in lege veteri contenta, ad naturalem legem pertinent, tamen diuini modè. Quædam enim pertinent ad simplicem legem naturalem. Quædam vero per disciplinam habentur. & Alia, ad quæ est necessaria diuina instructio.

Ad Argumenta.

Ad 1. Negatur maior. Nam vt dictum est in corpore, quædam præcepta pertinent ad legem naturalem, de quibus tamen ratio non potest iudicare, nisi per disciplinam. Ad probationem dicitur, quod quamuis lex naturæ, & disciplina, secundum se differant, tamen de eodem esse possunt, diuersimodè, vt dictum est.

Ad 2. Dicitur ad consequentiam, quod etiam lex diuina addit aliqua pertinentia ad bonos mores supra legem naturæ, quæ tamen etiam ad naturæ legem pertinent, sed ad eorum iudicium ratio nõ poterat sine diuina instructione peruenire.

Ad 3. Negatur maior. Sunt enim quædam *præcepta moralia*, ad quorum rectum iudicium perducitur ratio per instructionem fidei. Ad probationem dicitur, quod licet fides non contineatur sub lege naturæ, & ea, quæ sunt fidei, per se sint supra rationem, tamen per fidem possumus intrui etiam de his, quæ ad legem naturæ pertinent, quæ non possunt ex sola principiorum cognitione iudicari.

A R T I C V L V S II.

Virum Præcepta moralia legis sint de omnibus actibus virtutum.

Pro Negatiua.

Videtur, quod Præcepta moralia legis, nõ sint de omnibus actibus virtutum.

1. Iustificatio non est de omnibus actibus virtutum, sed solius iustitiæ. Sed Observatio præceptorum veteris legis iustificatio nominatur. Ergo Præcepta moralia non sunt nisi de actibus iustitiæ.

Maiores prob. quia Iustificatio est executio iustitiæ.

Minor prob. quia In Psal. 118. dicitur. Iustificationes tuas custodiam.

2. Quod habet rationem debiti, pertinet ad solam iniuriam. Sed Quod cadit sub præcepto, habet rationem debiti. Ergo Præcepta moralia legis sunt solum de actibus iustitiæ.

Maiores prob. quia *Actus solius iustitiæ* proprius, est reddere debitum.

3. Inter virtutes *moralès* sola iustitia respicit bonum commune, vt dicitur. 5. Ethic. cap. 1. Ergo Præcepta moralia sunt solum de actibus iustitiæ.

Conseq. prob. quia Omnis lex ponitur propter bonum commune, vt 1. 2. dicit lib. 5. Ethym. c. 21.

Pro Affirmatiua.

Lex, quam quis potest transgredi per quodlibet peccatum, debet ordinare de actibus omnium virtutum. Sed Legem diuinam quis transgreditur per quodlibet peccatum. Ergo Lex diuina debet ordinare de actibus omnium virtutum.

Maiores prob. quia Peccata contrariantur omnibus actibus virtutum.

Minor prob. quia Amb. lib. de parad. cap. 8. dicit. quod Peccatum est transgressio legis diuinæ, & cælestium inobedientia mandatorum.

Determinatio.

Distinctio. Lex, quæ proponit præcepta moralia, est duplex. Humana, & Diuina. Differunt autem hæ duæ leges ab inuicem in proposito, quia lex humana ordinatur ad communitatem ciuilem, quæ est hominum ad inuicem. Lex vero diuina ordinatur ad communitatem, quæ est hominum ad Deum in presenti, vel in futura vita. Est autò hoc distinctiuum sufficiens, quia cum leges ordinentur ad bonum commune, vt dictum est quæst. 90. art. 2. secundum diuersos modos communitatis differuntur leges ad inuicem. Vnde & Phil. in sua Polyrca libro 3. cap. 5. 6. docet, alias leges oportere itarere in ciuitate, quæ regitur a Rege, & alias in ea, quæ regitur per populum, vel per aliquos potentes de ciuitate. Quia igitur alius modus communitatis est, ad quam ordinatur lex humana, & alius ad quam ordinatur lex diuina, secundum hos diuersos modos communitatis distinguitur lex humana a diuina.

1. Conclusio. Lex humana non proponit præcepta nisi de actibus iustitiæ.

Prob. Lex, quæ ordinatur solum ad communitatem politicam, vel ciuilem, quæ est hominum ad inuicem, non proponit præcepta de actibus aliarum virtutum, sed solius iustitiæ. Sed Lex humana ordinatur solum ad ciuilem communitatem, quæ est hominum ad inuicem.

Ergo Lex humana proponit præcepta de actibus solius iustitiæ.

Maiores prob. quia Homines ordinantur ad inuicem per exteriores actus, quibus homines sibi inuicem communicant, quæ communicatio pertinet ad rationem solius iustitiæ, quæ est proprie directiua communis humanæ, & ideo lex, quæ ordinatur ad hanc ciuilem communitatem, non

pro-

proponit præcepta nisi de actibus iustitiæ, & si præcipiat actus aliarum virtutum, hoc non est, nisi in quantum assumunt rationem iustitiæ, vt patet. s. Ethic. cap. 1.

Minor prob. quia In hoc humana lex a diuina distinguitur, vt dictum est.

2. Conclusio. Lex diuina conuenienter proponit præcepta de actibus omnium virtutum.

Prob. Lex, quæ ordinatur ad communitatem hominum ad Deum, conuenienter proponit præcepta de actibus omnium virtutum. Sed Lex diuina ordinatur ad communitatem, quæ est hominum ad Deum in presenti, vel in futura vita, vt dictum est. Ergo Lex diuina conuenienter proponit præcepta de actibus omnium virtutum.

Major prob. Homo non potest habere communitatem ad Deum, nec ad ipsum conuenienter ordinari, nisi per actus omnium virtutum. Ergo Lex, quæ ordinatur ad communitatem hominum ad Deum, debet proponere præcepta omnium virtutum.

Conseq. hæc patet. quia Omnis lex, quæ ordinatur ad aliquam communitatem, debet proponere præcepta de omnibus necessarijs ad communitatem illam.

Antec. prob. Nam homo coniungitur Deo secundum mentem, secundum quam est Dei imago. Vnde ad hoc, vt homo Deo coniungi possit, oportet, vt sit perfectus secundum rationem, vel mentem. Mens autem hominis non potest bene in Deum ordinari, nisi per actus omnium virtutum. Nam virtutes intellectuales bene ordinant actus rationis in seipsis; virtutes vero morales ordinant actus rationis circa interiores passiones, & exteriores operationes.

Aliter formatur hæc litera ad probandum secundam conclusionem.

Lex diuina ordinat homines in Deum. Ergo Lex diuina debet proponere præcepta de omnibus actibus omnium virtutum.

Antec. prob. quia Lex diuina in hoc distinguitur a lege humana, quia hæc ordinat homines ad se inuicem, lex diuina ordinat homines in Deum.

Conseq. prob. quia Ad bene ordinandum hominem in Deum, necessary sunt actus omnium virtutum. Et hoc prob. quia Cum homo coniungatur Deo secundum mentem, secundum quam est homo Dei imago, & mens non possit esse bene disposita nisi per actus omnium virtutum. Virtutum inquam intellectualium, per quas bene disponitur secundum proprios actus. Virtutum vero moralium, per quas bene disponitur secundum exteriores operationes, & interiores passiones, sequitur, quod ad bene disponendum, & ordinan-

dum homines ad diuinam communitatem, necessary sint actus omnium virtutum.

Quomodo lex diuina diuersimode ad diuersa, quæ per ipsam ordinantur, obliget.

Sed sciendum, quod ea, de quibus lex diuina ordinat, sunt in duplici differentia. Quædam enim sunt, sine quibus ordo virtutis, & rationis seruari non potest: vt vnum Deum esse colendum. &c. Non esse occidendum. Quædam vero sunt, quæ pertinent ad bene esse perfectæ virtutis: vt sunt, Caste viuere. Nihil de proprio habere. Priora cadunt sub obligatione præcepti. Hæc vero sub admonitione consilij.

Ad Argumenta.

Ad 1. Dicitur, quod iustificatio tot modis dicitur, quot modis dicitur iustum. Iustum autem dicitur dupliciter. Vno modo proprie, & iustum, sic acceptum attenditur secundum debitum vnius hominis ad alium. Alio modo dicitur iustum communiter, & sic iustum potest dici, quod homo debet per ordinem ad Deum, vel secundum quod pars inferior in homine debet in ordine ad partem superiorem. Debitum enim est, & iustum, quod homo obedit Deo, & vires inferiores subdantur rationi. Sic etiam aliquid potest dici iustificatio dupliciter, scilicet proprie, & communiter. Ad maiorem igitur dicitur, quod iustificatio proprie dicta non est nisi de actibus iustitiæ. Iustificatio vero communiter accepta, potest se extendere ad actus omnium virtutum. Vnde loquendo de iustificationibus communiter acceptis, negatur maior, & ad probationem dicitur, quod iustificatio proprie accepta est executio iustitiæ, non autem iustificatio communiter. Ad minorem dicitur, quod Observatio præceptorum veteris legis, dicitur iustificatio communiter accepta, quatenus iustum est, vt homo Deo obediatur, & quod ea, quæ sunt hominis, rationi subdantur.

Ad 2. Dicitur, quod debitum dupliciter accipitur. Proprie, & Metaphorice. Proprie dicitur debitum, quod est vnius hominis ad alterum. Metaphorice dicitur debitum, quod est virium inferiorum ad rationem. Vnde Phil. 4. Ethic. 6. vlt. assignat quandam iustitiam metaphorice. Ad maiorem igitur dicitur, quod est vera de debito proprie dicto, non autem de debito metaphorice dicto. Erat probationem dicitur, quod reddere debitum proprie dictum est solius iustitiæ. Reddere autem debitum improprie, conuenit etiam alijs virtutibus.

M m m m 2 Adj.

Ad 3. Dicitur, quod bonum commune est duplex. Vnum quod est communicatio civilis, quod est hominis ad hominem. Aliud quod est communis, quod est hominis ad Deum, ut dictum est. Tunc ad antecedens dicitur, quod inter virtutes morales, sola iustitia respicit bonum commune civilis communitatis: tamen ad bonum communis, quod est hominis ad Deum, omnes virtutes ordinantur.

ARTICULVS III.

Verum omnia praecepta moralia veteris legis reducuntur ad decem praecepta decalogi.

Pro Negativa.

Videtur, quod non omnia praecepta moralia veteris legis reducuntur ad decem praecepta decalogi.

1. Prima, & principalia praecepta legis sunt. Diliges dominum Deum tuum, & Diliges proximum tuum, ut habetur Matth. 22. quae tamen non continentur inter praecepta decalogi. Ergo Non omnia praecepta moralia continentur in praeceptis decalogi.

2. Praecepta moralia non reducuntur ad praecepta ceremonialia, sed potius est conuerso, ceremonialia ad moralia reduci debent. Sed Vnum praeceptorum decalogi est ceremoniale, scilicet Memento ut diem sabbathi sanctifices. Ergo Ad praecepta decalogi non debent reduci praecepta moralia.

3. Inter praecepta decalogi ponuntur sola praecepta pertinentia ad actus iustitiae, ut patet discurrenti per singula. Ergo Praecepta decalogi non continent omnia praecepta moralia.

Consequenter prob. quia Praecepta moralia sunt de omnibus actibus virtutum.

Pro Affirmativa.

Super illud Matth. 5. Beati estis cum maledixerint, &c. dicit Glossa. quod Moyses decem praecepta proponens, postea per partes explicat. Ergo Omnia praecepta legis sunt quaedam partes praeceptorum decalogi.

Determinatio.

Distinctio. Praecepta moralia sunt in triplici differentia. Quaedam sunt prima, & communia, & per se nota: sicut quod Homo nulli debet male facere, & alia huiusmodi, & horum non oportet aliquam editionem esse, sed sunt scripta in naturae ratione. Vnde haec non compunguntur inter praecepta decalogi. Quaedam vero sunt, quae statim ex principiis communibus primis cognosci possunt, modica consideratione, & illa, quae statim ex fide diuinitus infusa innotescunt, & haec sunt tradita a

Deo per se ipsum populo, & huiusmodi sunt praecepta decalogi. Quaedam vero sunt praecepta, quae per diligentem inquisitionem sapientum inueniuntur rationi conuenire, & huiusmodi sunt, quae proueniunt a Deo ad populum, mediante disciplina sapientum.

Cum igitur sint tria genera praeceptorum moralium, vnum tantum horum constituit decalogi: scilicet genus illorum praeceptorum, quae ex cognitione primorum principiorum, modica consideratione, vel per fidem diuinitus traditam innotescunt. Item a vero praecepta, quae sunt naturaliter per se nota, & ea, quae per diligentem sapientum inquisitionem habentur, non computantur inter praecepta decalogi.

Conclusio. Quamuis praecepta moralia per se nota, & illa, quae ex per se notis per diligentem sapientum considerationem innotescunt, non computantur inter praecepta decalogi, tamen utraque horum praeceptorum, aliquo modo in praeceptis decalogi continentur.

Manifestatur. Nam illa praecepta, quae sunt prima, & communia, continentur in eis sicut principia in conclusionibus proximis. Illa vero, quae per sapientes cognoscuntur, continentur in eis, sicut conclusiones in principiis: sunt enim praecepta decalogi quasi conclusiones praeceptorum per se notorum, & sunt principia praeceptorum, quae per sapientes traduntur.

Ad Argumenta.

Ad 1. Dicitur ad antec. quod illa duo praecepta sunt prima, & communia praecepta legis naturae, quae sunt per se nota rationi humanae, vel per naturam, vel per fidem, & ideo omnia praecepta decalogi ad illa duo referuntur, sicut conclusiones ad principia communia.

Ad 2. Dicitur ad maiorem, quod praeceptum de obseruatione sabbati est secundum aliquid morale, in quantum per hoc praecipitur, quod homo aliquo tempore vacet rebus diuinis, secundum illud Psal. 98. Vacate, & videte, quoniam ego sum Deus, & secundum hoc inter praecepta decalogi computatur: non autem quantum ad taxationem temporis, quia secundum hoc est ceremoniale.

Ad 3. Neg. consequ. Ad prob. dicitur, quod licet praecepta moralia sint de omnibus actibus virtutum, tamen quia ratio debiti in alijs virtutibus est magis latens, quam in iustitia, ideo praecepta aliarum virtutum non sunt ita nota populo, sicut praecepta de actibus iustitiae, & propter hoc actus iustitiae, specialiter cadunt sub praeceptis decalogi, quia sunt prima legis elementa, praecepta vero de actibus aliarum virtutum sunt, quae per diligentem sapientum inuestigationem traduntur, & reducuntur ad praecepta decalogi, ut conclusiones ad principia.

ARTICVLVS IV.

Utrum Præcepta decalogi conuenienter distinguantur.

Pro Negatiua.

Videretur quod Inconuenienter præcepta decalogi distinguantur.

1. Præceptum, quod datur de actibus pluriū virtutum, non est vnum, sed plura præcepta. Sed Primum præceptum decalogi respicit actus diuersarum virtutum. Ergo Primum præceptum decalogi non est vnum, sed plura.

Maiores prob. quia Præcepta dantur de actibus virtutum. Unde de actibus diuersarum virtutum diuersa dantur præcepta.

Minor prob. Fides, & Latitia sunt diuersæ virtutes. Sed In primo præcepto decalogi ponitur aliquid pertinens ad fidem, dum dicitur. Non habebis Deos alienos coram me, & aliquid pertinens ad latitiam, dum subditur. Non facies tibi sculptile. Ergo Primum præceptum decalogi respicit actus diuersarum virtutum.

2. Præceptum affirmatiuum, & negatiuum non sunt vnum, sed duo præcepta. Sed In primo præcepto decalogi ponitur vnum præceptum affirmatiuum, dum dicitur. Ego sum Dominus Deus tuus. Et aliud negatiuum, dum subditur. Non habebis Deos alienos coram me. Ergo Primum præceptum decalogi non est vnum, sed duo præcepta.

Maiores prob. quia Præcepta affirmatiua in lege distinguuntur a negatiuis. Vt. Honora patrem, & matrem, & Non occides.

3. Præceptum de non concupiscentia videtur esse tantum vnum. Ergo Inconuenienter in decalogo diuiditur in duo. scilicet. Non concupisces uxorem, & Non concupisces rem alienam.

Antea manifestatur, quia Rom. 7. dicitur. Concupiscentiam nesciebam, nisi lex diceret. Non concupisces, in quibus verbis videtur, quod Apostolus ponat esse vnum concupiscentie præceptum.

Pro Affirmatiua.

Aug. 9. 71. in Exod. ponit tria præcepta pertinentia ad Deum, & septem ad proximum.

Determinatio.

Diuerforum sententiæ.

Præcepta decalogi diuersimode a diuersis distinguuntur.

Esitij sententia.

Esitus enim in Leuit. cap. 26. super illud. Decem mulieres in vno elibano coniungunt panes, dicit. Præ-

ceptum de obseruatione sabbati non esse de decem præceptis, quia non est obseruandum secundum litteram, secundum omne tempus. Distinguit tamen quatuor præcepta pertinentia ad Deum, & sic ordinantur præcepta decalogi secundum Esitium.

Præcepta pertinentia ad Deum.

1. Ego sum Dominus Deus tuus.
2. Non habebis Deos alienos coram me.
3. Non facies tibi sculptile.
4. Non assumes nomen Domini tui in vanum.

Præcepta pertinentia ad proximum.

5. Honora patrem tuum, & matrem tuam.
6. Non occides.
7. Non moechaberis.
8. Non furtum facies.
9. Non dices falsum testimonium.
10. Non concupisces.

Cum Esitio concordat Hieronymus, quo ad hoc, quod diuidit primum præceptum in illa duo prima scilicet. Ego sum Dominus Deus tuus. & Non habebis Deos alienos coram me, ut patet super illud Osee 10. Propter duas iniquitates tuas &c. Unde secundum Hieronymum. sic ordinantur.

Præcepta ordinantia ad Deum.

1. Ego sum Dominus Deus tuus.
2. Non habebis Deos alienos coram me.
3. Non assumes nomen Domini Dei tui in vanum.
4. Memento, ut diem sabbati sanctifices.

Præcepta ordinantia ad proximum.

5. Honora patrem tuum, & matrem tuam.
6. Non occides.
7. Non moechaberis.
8. Non furtum facies.
9. Non dices falsum testimonium.
10. Non concupisces.

Reprobatio sententiæ Esitij.

Sed Esitij positio reprobatur, quantum ad duo. Primo, quantum ad hoc, quod negat præceptum de obser-

obſervatione ſabbati ad decalogum pertinere. Si enim hoc præceptum ad decalogum non pertineret, quorſum interponere illud inter præcepta decalogi?

Secundo reprobatuꝛ quantum ad hoc, quod dicit. Ego ſum Dominus Deus tuus. & Non habebis Deos alienos coram me, eſſe duo præcepta. Nam cum ſcriptũ ſit Mat. 7. Nemo poteſt duobus Dominis ſervire, eiꝿdem rationis eſſe videtur, & ſub eodem præcepto cadere, Ego ſum Dominus Deus tuus, & Non habebis Deos alienos.

Origenis ſententia.

Origenes ponit etiam quatuor præcepta ordinantia in Deum, & ſex in proximum. Sed duo prima præcepta assignata ab Eſtuo ponit pro vno, & addit præceptũ de obſervatione ſabbati, hoc modo.

Præcepta ordinantia ad Deum.

1. Ego ſum Dominus Deus tuus. Non habebis Deos alienos coram me.
2. Non facies ſculptile.
3. Non assumes nomen Domini Dei tui in vanum.
4. Memento, vt diem ſabbati ſanctifices.

Præcepta ordinantia ad proximum.

5. Honora patrem, & matrem.
6. Non occides.
7. Non mœchaberis.
8. Non furtum facies.
9. Non dices falſum teſtimonium.
10. Non concupiſces.

Reprobatio.

Hæc Origenis poſitio reprobatuꝛ quantum ad hoc, quod ponit prohibitionem de non faciendo ſculptile eſſe præceptum ſpeciale contradiftinctum primo præcepto, quod ipſe ponit. Nam facere ſculptile, vel ſimilitudinem non eſt prohibitum, niſi ſecundum hoc, vt nõ colantur pro Dijs. In tabernaculo enim Deus præcepit fieri imaginem Seraphim, vt dicitur Exodi 25.

Auguſtini vera ſententia.

Auguſtinus ponit ſub vno præcepto tria prima præcepta assignata ab Eſtuo. Ego ſum Dominus Deus tuus. Non habebis Deos alienos coram me. & Non facies tibi ſculptile. Præceptum v-

ro de non concupiſcendo diuidit in duo. Non concupiſces vxorem alienam, quod pertinet ad concupiſcentiam carnis. & Non concupiſces rem alienam, pertinet ad concupiſcentiam oculorum. Secundum igitur Auguſtinum ſunt tria præcepta in ordine ad Deum, & ſeptem in ordine ad proximum hoc ordine.

Præcepta decalogi in ordine ad Deum.

1. Ego ſum Dominus Deus tuus, Non habebis Deos alienos coram me, non facies tibi ſculptile.
2. Non assumes nomen Dei tui in vanum.
3. Memento vt diem ſabbati ſanctifices.

Præcepta decalogi in ordine ad proximum.

4. Honora patrem tuum, & matrem tuam.
5. Non occides.
6. Non mœchaberis.
7. Non furtum facies.
8. Non dices falſum teſtimonium.
9. Non concupiſces vxorem alienam.
10. Non concupiſces rem alienam.

Et hæc Auguſtini ſententia eſt cæteris conuenientior.

Ad Argumenta.

Ad 1. Dicitur dupliciter. Primo, quod virtutes ſunt in duplici differentia. Quædam ſunt ſubordinate ad inuicem. & Quædam non ſunt ſubordinate. Tunc ad maiorem dicitur, quod eſt vera de virtutibus non ſubordinatis: præcepta. de actibus diuerſarũ virtutũ, quæ non ſubordinantur, ſunt plura, & non vnum tantum. Si tamen, virtutes ſunt ſubordinate, poteſt idem præceptũ ad actus diuerſarũ virtutum pertinere. Ad maiorem igitur dicitur, quod primum præceptum eſt quidem de actibus diuerſarũ virtutum, ſcilicet dei, & latræ: tamen hæc duæ virtutes ſunt ad inuicem ſubordinate: latræ enim non eſt niſi quædã proteſtatio fidei, vnde non ſunt danda alia præcepta de latræ, & alia de fide.

Dicitur ſecundo, negando maiorem. Primum enim præceptum non eſt de actu fidei, ſed de actu latræ. Ad probationem dicitur, quod de actu fidei non ſunt neceſſe in decalogo dare aliqd præceptum, quia præceptum fidei præſupponitur ad præcepta decalogi, ſicut præceptum dilectionis. Sicut enim prima præcepta communia legis naturæ ſunt, per ſe nota habent rationem naturalem, & promulgatione non indigent, ita etiam hoc,

hoc, quod est, *Credere in Deum*, est primum, & per se notum ei, qui habet fidem. Accedentem. n. ad Deum oportet credere, ut dicitur Hebr. 11. & ideo non indiget alia promulgatione, nisi infusione fidei.

Ad 2. Dicitur, quod Præcepta affirmatiua, & negatiua sunt in duplici differentia. Quædam. n. se inuicem includunt, ut sunt *Honora patrem tuum, & matrem tuam*, & non maledicas patri, vel matri. In hoc enim, quod est honorare parentes, includitur, ne patri, vel matri maledicatur. Quædam vero sunt, quæ non se inuicem includunt, sicut in præcepto de honore parentum, non includitur, Non esse occidendum, mæchandum, furandum, & huiusmodi, nec è contra. Ad maiorem igitur dicitur, quod de his affirmatiuis, & negatiuis, quæ non se inuicem includunt, dantur diuersa præcepta: secus autem est de his, quæ se inuicem includunt. Quia enim in præcepto de honore parentum non includitur, non esse occidendum, dantur duo præcepta de his. Et quia in præcepto de non furando, includitur hoc affirmatiuum, ut res aliena conservetur, & vt alienum restituatur, nõ dantur de his diuersa præcepta. Ad minorem dicitur, quod præceptum de credendo vnum Deum comprehendit, non esse plures Deos colendos, ideo de his solum vnum præceptum datur.

Ad 3. Dicitur antec. & ad eius probationem, quod Quia omnis concupiscentia conuenit in vna communi ratione, ideo Apost. singulariter de mandato concupiscendi loquitur. Quia tamè in speciali diuersæ sunt rationes concupiscendi, ideo Aug. distinguit diuersa præcepta de non concupiscendo: differunt enim specie concupiscentiæ, secundum diuersitatem actionum, vel concupiscibilium, ut Phil. dicit 10. Ethic. c. 5.

A R T I C V L V S V.

Vtrum Præcepta decalogi conuenienter enumerentur.

Pro Negatiua.

Videretur, quod Præcepta decalogi inconuenienter enumerentur.

1. In præceptis decalogi non ponuntur aliqua præcepta ordinantia hominem ad se ipsum, sed solum ordinantia ipsum ad Deum, & ad proximum. Ergo Præcepta decalogi inconuenienter enumerantur.

Conseq. prob. quia Peccatum, quod secundum Ambrosium lib. de parad. cap. 8. est Diuinæ legis transgressio, & coelestium inobedientia mandatorum, distinguitur per hoc, quod homo peccat,

vel in Deum, vel in proximum, vel in seipsum. Cum igitur in decalogo non ponantur præcepta ordinantia hominem ad se ipsum, inconuenienter, & insufficienter enumerantur.

2. In decalogo non ponuntur aliqua præcepta de obseruantia aliarum solemnitatum, & immolatione sacrificiorum, sed solum de obseruatione sabbati.

Ergo Insufficienter enumerantur.

Conseq. prob. quia Sicut ad cultum Dei pertinebat obseruatio sabbati, ita etiam ad eundem cultum pertinebat obseruatio aliarum solemnitatũ, & immolatio sacrificiorum. Vnde sicut datum fuit præceptum de obseruatia sabbati, ita debuit dari præceptum de obseruantia aliarum solemnitatũ.

3. Inter præcepta decalogi ponitur vnũ præceptum prohibens periurium, cum dicitur. Non assumes nomen Domini Dei tui in vanum.

Ergo Inter præcepta decalogi debuit etiam poni aliquod præceptum prohibens blasphemiam, et falsæ doctrinæ peccatum.

Conseq. prob. quia Sicut contra Deum contingit peccare periurando, ita etiam blasphemando, vel etiam alias contra diuinam doctrinam mentiendo.

4. Inter præcepta decalogi ponitur vnũ præceptum pertinens ad parentes, dum dicitur. Honora patrem, & matrem. Ergo Debuit etiam poni aliud præceptum pertinens ad filios, ut scilicet parentes diligant filios, & aliud pertinens ad alios proximos, ut scilicet quilibet diligat proximum.

Prior pars consequentiæ prob. quia Sicut homo naturalem dilectionem habet ad parentes, ita etiam ad filios.

Altera pars ostenditur. Mandatum charitatis ad omnes proximos extenditur. Sed Præcepta decalogi sunt præcepta charitatis: Ordinantur. n. ad charitatem secundum illud 1. Timoth. 1. Finis præcepti est charitas.

Ergo Inter præcepta decalogi debuit poni præceptum pertinens ad omnium dilectionem.

5. Inter præcepta decalogi ponuntur præcepta, quibus seorsum prohibetur peccatum operis, quorundam generum peccatorum, a peccato cordis.

Ergo Idem debuit fieri in alijs.

Antec. manifestatur. Nam in peccatis furti, & adulterij seorsum prohibetur peccatum operis, dum dicitur, non mæchaberis, nõ furtum facies, & seorsum prohibetur peccatum cordis, dum dicitur, non concupisces rem proximi tui, & vxorẽ proximi tui, idem igitur debuit fieri in peccatis homicidij, & falsi testimonij.

Qui.

6. Quibusdam præceptis decalogi prohibetur inordinata concupiscentia, cum dicitur. Non concupisces. Ergo Debuerunt etiam poni in decalogo aliqua præcepta, per quæ prohiberetur inordinatio irascibilis.

Ex quibus omnibus videtur, quod insufficienter decalogi præcepta enumerentur.

Pro Affirmatiua.

Deuteron. 4. dicitur. Ostendit vobis pactum suum, quod præcepit, vt faceretis, & decem verba, quæ scripsit in duabus tabulis lapideis.

Determinatio.

Conclusio. Præcepta decalogi conuenienter denario numero enumerantur.

Prob. Per decem præcepta decalogi sufficienter ordinatur homo ad communitatem, quæ est hominum ad Deum. Ergo Præcepta decalogi conuenienter enumerantur.

Conseq. prob. quia Præcepta legis diuinæ ordinant ad quandam communitatem, seu rem publicam hominum sub Deo: Tot igitur debent esse, quot sufficiant ad ordinandum hominem ad hanc diuinam communitatem.

Antec. manifestatur. Ad hoc enim, vt aliquis in aliqua communitate bene commoretur, duo requiruntur. Primum est, vt homo bene se habeat ad eum, qui præest communitati. Aliud est, vt bene se habeat ad alios communitatis consocios, & conparticipes. Oportet igitur, vt in lege diuina primo ferantur quedam præcepta ordinantia hominem ad Deum, & inde alia quedam præcepta ordinantia hominem ad alios proximos, simul conuenientes sub Deo.

Principi communitatis tria debet homo.

Primo Fidelitatem.

Secundo Reuerentiam.

Tertio Famulatum.

Fidelitas, ad Dominum in hoc consistit, vt honorem principatus ad alium non deferat. Et quantum ad hoc accipitur primum præceptum, cum dicitur. Non habebis Deos alienos.

Reuerentia autem ad Dominum requirit, vt nihil iniuriosum in eo committatur. Et quantum ad hoc accipitur secundum præceptum, quod est. Non assumes nomen Domini Dei tui in vanum.

Famulatus autem debetur Domino in recompensationem beneficiorum, quæ ab ipso percipiunt subditi. Et ad hoc pertinet tertium præceptum de sanctificatione sabbati, in memoriam creationis rerum. Et hæc sunt tria præcepta, quæ ordinant hominem ad principem diuinæ communitatis.

Ad proximos autem aliquis bene se habet Specialiter, vel Generaliter. Specialiter quidem quæ-

tum ad illos, quibus est *debitum* eis reddat debitum. Et quantum ad hoc accipitur præceptum de honoratione parentum.

Generaliter autem quantum ad omnes, homo bene debet se habere, vt nulli nocumentum inferat, neque opere, neque corde, neque ore.

Opere interitur nocumentum alicui tripliciter. Primo in persona propria. Et hoc prohibetur per quintum præceptum, quod est. Non occides.

Secundo In persona coniuncta ad generationem proliis. Et hoc prohibetur per sextum præceptum, quod est. Non mechaberis.

Tertio In rebus, quæ possidentur. Et hoc prohibetur per septimum præceptum, quod est. Non furum facies.

Nocumentum oris prohibetur per octauum præceptum, quod est. Non loquaris contra proximum tuum falsum testimonium.

Nocumentum cordis per nonum, & decimum, quæ sunt. Non concupisces uxorem, nec rem alienam. Et sic patet antecedens.

Breuitur igitur dicitur, quod præcepta sunt decem, vt dictum est. Tria, quæ bene ordinant hominem in Deum, & Septem, quæ ordinant hominem ad proximum.

Præcepta ordinantia hominem in Deum.

1. Ego sum Dominus Deus tuus, non habebis Deos alienos coram me. Propter fidelitatem Deo debitam.

2. Non assumes nomen Domini Dei tui in vanum. Propter reuerentiam.

3. Memento, vt diem sabbati sanctifices. Propter famulatum.

Præcepta ordinantia ad proximum.

1. Honora patrem, & matrem. Propter debitum.

2. Non occides. Ad prohibendum nocumentum operis in persona.

3. Non mechaberis. Ad prohibendum nocumentum operis in persona coniuncta ad generationem proliis.

4. Non furum facies. Ad prohibendum nocumentum operis in rebus, quæ possidentur.

5. Non dices falsum testimonium. Ad prohibendum nocumentum oris.

6. Non concupisces uxorem alienam.

7. Non concupisces rem alienam. Ad prohibendum nocumentum cordis.

Ad Argumenta.

Ad 1. Negatur consequentia. Ad probationem dicitur dupliciter. Primo, quod quamvis cōtingat peccare in Deum, in se ipsum, & in proximum, tamen non fuit necesse dare præceptum dilectionis sui ipsius, sicut fuit necesse ponere præceptum de dilectione Dei, & proximi, per quod hominē se haberet ad Deum, & proximum, & hoc propter duo. Primo, quia quantum ad dilectionem Dei, & proximi lex naturalis erat obscurata, propter peccatum, quantum autem ad dilectionem sui ipsius lex naturalis vigeat. Secundo, quia Dilectio sui ipsius includitur in dilectione Dei, & proximi. In hoc enim homo vere se diligit, quod se ordinat in Deum: & propter hoc in decalogo ponuntur solum præcepta ordinantia in Deum, & proximum.

Secundo, dicitur ad probationem consequentia, quod præceptum ordinans hominem ad se ipsum non pertinet ad decalogum. Præcepta enim decalogi sunt illa, quæ immediate populus recipit a Deo. Vnde dicitur Deuter. 10. Scripsit in tabulis iuxta id, quod prius scripserat verba decem, quæ locutus est ad vos Dominus. Vnde oportet præcepta decalogi talia esse, quæ statim in mente populi cadere possunt. Præceptum autem habet rationem debiti, quod autem homo ex necessitate debeat aliquid Deo, vel proximo, hoc de facili cadit in conceptione hominis, & præcipue fidelis, sed quod aliquid ex necessitate sit debitum homini, de his, quæ pertinent ad se ipsum, & non ad alium, hoc non ita in promptu apparet: videtur enim primo aspectui, quod quilibet sit liber in his, quæ ad ipsum pertinent: & ideo præcepta, quibus prohibentur inordinationes hominis ad se ipsum, perueniunt ad populum mediāte instructione sapientum, vnde non pertinent decalogum.

Ad 2. Negatur consequ. Ad probationem dicitur, quod rationabiliter inter præcepta decalogi ponitur præceptum de observatione Sabbati, & non aliarum solemnitarum, vel sacrificiorū, quia per illud commemorabatur præcipuum, & generale beneficium Dei. creationis, & præfigurabatur aliud præcipuum futurum beneficium, quod est quies mensis in Deum, vel in presenti per gratiam, vel in futuro per gloriam. Aliæ vero solemnitates celebrabantur propter aliqua particularia beneficia, temporaliter transcurrentia: sicut celebratio phase, propter præteritum beneficium liberationis ex Aegypto, & propter futuram passionem Christi, quæ temporaliter pertransiit. Et ideo præceptis omnibus alijs solemnitatibus, & sacrificiis,

de solo sabbato fiebat mentio inter præcepta decalogi.

Ad 3. Neg. consequ. Non enim est eadem ratio de periurio, & de falsa doctrina, vel blasphemia. Nam sicut dicit Apostolus ad Hebr. 6. Homines per maiorem sui iurant, & omnis controversiarum finis ad confirmationem est iuramentum: & ideo quia iuramentum est omnibus comune, propter hoc prohibitio inordinationis circa iuramentum specialiter præcepto decalogi prohibetur. Peccatum vero falsæ doctrinæ non pertinet nisi ad paucos, vnde non oportebat, vt de hoc fieret mentio inter præcepta decalogi, quamvis etiam quantum ad aliquem intellectum, in hoc, quod dicitur, Non assumes nomen Domini tui in vanum, prohiberetur falsitas doctrinæ, vna. n. glossa exponit. Non dices Christum esse creaturam.

Ad 4. Neg. consequ. & ad probationem prioris partis dicitur, quod rationabiliter ponitur præceptum de honore parentum filiis, & non parentibus de amore filiorum. Nam in decalogo non ponitur præceptum de faciendo aliquid pro alio, nisi sit debitum, & hoc statim constat, & quia nulla tergiversatione negari potest, quin filij parentibus sint debitores, propterea merito in decalogo ponitur. Parentes autem nullum debitum habent cum filiis, vt sic, & id non debuit in decalogo præcipi parentibus, vt filios diligerent.

Vel dicendum, quod cum filij sint aliquid parentum, dilectio filiorum pertinet ad dilectionem sui ipsius. Vnde ea ratione, qua præceptum de dilectione sui ipsius, non pertinet ad decalogum, vel non fuit necessarium, eo quod lex vigeat, quo ad hoc, nec amor filiorum erat præcipiendus.

Ad probationem secundæ partis dicitur, quod præcepta decalogi, quæ prohibent nocumentum, communia sunt omnibus, & ad omnes se extendunt, vt in corpore ostensum est. Quod autem omnibus sit faciendum beneficium, non ita omnes cognoscunt, nec natura dicat, & ideo præcepta de impendendo beneficia omnibus non pertinent ad decalogum.

Ad 5. Neg. consequ. Reasonabiliter enim ponuntur præcepta prohibentia non solum opus adulterij, & furti, sed etiam desiderium ipsorum, & non ponuntur præcepta prohibentia homicidium, & falsum testimonium, nisi solū opus. Nam delectatio adulterij, & utilitas diuitiarum sunt propter se ipsa appetibilia, in quantum habent rationem boni delectabilis, vel utilis, & propter hoc oportuit in eis prohiberi non solum opus, sed etiam concupiscentiam. Sed homicidium, & falsitas sunt secundum se ipsa.

Non horri-

horribilia, quia proximus, & veritas naturaliter amantur, & non desiderantur nisi propter aliud, & ideo non oportuit circa peccatum homicidij, & falsi testimonij prohibere peccatum cordis, sed solum operis.

Ad 6. Negatur consequentia, & ratio est, quia cum, ut dictum est quæst. 23. art. 1. Omnes passionibus irascibilis deriuentur a passionibus concupiscibilis, ideo in præceptis decalogi, quæ sunt quæsi prima elementa legis, non erat facienda mentio de passionibus irascibilis, sed solum de passionibus concupiscibilis.

ARTICVLVS VI.

Vtrum Conuenienter ordinentur decem præcepta decalogi.

Pro Negatiua.

VIdetur, quod Inconuenienter ordinentur decem præcepta decalogi.

1. Præcepta, quæ sunt præuia ad dilectionem Dei, debent prius poni, quam præcepta, quæ ordinant ad ipsam Dei dilectionem. Sed Præcepta, quæ ordinant ad dilectionem proximi, sunt præuia ad dilectionem Dei.

Ergo Præcepta, quæ ordinant ad dilectionem proximi, quæ sunt septem posteriora, debent præponi præceptis ordinantibus in Deum, quæ sunt prima tria.

Minor probatur, quia Proximus est nobis, magis notus, quam Deus, secundum illud 1. Ioan. 3. Qui fratrem suum, quem videt, non diligit, Deum, quem non videt, quomodo potest diligere?

2. Præcepta, per quæ prohibentur actus vitiorum, prius debent poni, quam ea, per quæ imperantur actus virtutum. Sed Per præcepta negatiua prohibentur actus vitiorum, & per affirmatiua imperantur actus virtutum.

Ergo Inter præcepta pertinentia ad proximum, præcepta negatiua debent poni ante præcepta affirmatiua.

Maiores probatur, quia Secundum Boetium in comment. predicam. prius sunt extrahenda vitia, quæ inserantur virtutes.

3. Præcepta pertinentia ad actum cordis, debent esse priora his, quæ pertinent ad actum oris, vel operis. Sed Præceptum de non concupiscendo uxorem, vel rem alienam, pertinent ad actum cordis.

Ergo Debuerunt ante omnia poni, & non ultimo loco.

Maiores probatur, quia In actibus hominis,

de quibus præcepta dantur, prior est actus cordis quam oris, vel exterioris operis.

Pro Affirmatiua.

Quæ sunt, a Deo ordinata sunt, ut dicitur Ro. 13. Sed Decem præcepta decalogi sunt immediata a Deo.

Ergo Decem præcepta decalogi conuenienter habent ordinem.

Determinatio.

Concl. Decem præcepta decalogi conuenienter ordinantur.

Prob. Præcepta, quæ sunt de his, quæ magis prompte mens hominis suscipit, conuenienter ordinantur, dum præponuntur his, quæ minus prompte mens suscipit. Sed Præcepta decalogi, quæ prius præponuntur in decalogo, sunt de his, quæ magis prompte mens suscipit, quam ea, quæ posterius ponuntur. Ergo Præcepta decalogi conuenienter ordinantur.

Maiores probatur, quia Præcepta decalogi dantur de his, quæ statim in promptu mens suscipit, ut dictum est art. 2. & 5. huius q.

Minor probatur. Illud, cuius contrarium grauius est, & magis repugnans rationi, magis prompte mens suscipit. Sed Contraria prioribus præceptis enumeratis in decalogo grauiora sunt, & magis repugnantia rationi.

Ergo Præcepta prius enumerata magis prompte mens suscipit.

Minor huius manifestatur. Cum enim ordinationis a fine incipiat, maxime est contra rationem, ut homo inordinate circa finem se habeat. Finis autem humane vite, & societatis est Deus. & ideo primo oportuit per præcepta decalogi ordinare hominem ad Deum, cum eius contrarium sit grauiissimum. Sicut etiam in exercitu (qui ordinatur ad ducem, sicut ad finem) Primum est, quod miles subdatur duci, & huius contrarium est grauiissimum. Secundum vero, ut alijs coordinetur. Et ideo oportuit primo ponere præcepta, quibus homo in Deum ordinatur: deinde ea, quibus ordinatur ad proximum. Inter ea autem quibus in Deum ordinamur. Primo occurrit, ut homo ei fideliter subdatur, nullam participationem cum inimicis habens, & ideo primum præceptum est. Non habebis Deos alienos coram me. Secundo occurrit, quod homo Deo reuerentiam exhibeat, unde in secundo præcepto dicitur. Non assumes nomen Domini Dei tui in vanum. Tercio occurrit, ut homo Deo exhibeat famulatum, unde

Vnde est tertium præceptum. Sabbata sanctifices. Peccare contra primum, grauius est, quam peccare contra secundum; & peccare contra secundum, grauius est, quam peccare contra tertium. Sicut si miles infideliter agens, faciat cum hoste pactum, grauius peccat. Si vero exhibeat duci aliquam irreuerentiam, minus peccat, & si non exhibeat famulatum, adhuc minus peccat. Vnde si miles non exhibeat duci famulatum, male facit, si exhibeat duci irreuerentiam, peius facit, si infideliter agit, habens pactum cum hostibus, pessime facit.

Inter ea autem, quibus homo ad proximum ordinatur. Primo occurrit, ut homo reddat debitum his, quibus magis tenetur, qui sunt parentes, vnde primum præceptum inter hæc, est de honore parentum, & peccare contra hoc, est grauius, quam peccare contra alia sequentia, utpote magis rationi repugnans. Secundo occurrit, ut non inferatur alicui nocumentum, quod quia tripliciter contingere potest, scilicet opere, ore, & corde, & cum maius nocumentum inferatur proximo opere, quam ore, & ore, quam corde: ideo primo ponuntur præcepta prohibentia nocumentum operis. Secundo prohibentia nocumentum oris. Et tertio præcepta prohibentia peccatum cordis.

Nocumentum operis potest esse, vel contra personam proximi, & hoc est grauius, & ideo inter hæc ponitur primo præceptum de prohibitione homicidii. Non occides. vel contra personam coniunctam ad procreationem prolis, vnde secundo proponitur præceptum de prohibitione mœchiar. Non mœchaberis. Vel contra res possessas, & ideo ponitur tertio præceptum de prohibitione furti. Non furtum facies. Furari est graue, mœchiar grauius, Occidere grauius, & ideo conuenienter sunt ordinata hæc præcepta. Ore offenditur proximus dicendo falsum testimonium. Corde concupiscendo uxorem, vel rem possessam, & quia primum est grauius secundo, ideo primo prohibetur desiderium alienæ uxoris, & secundo desiderium rei possessæ. Ex quibus patet, quod conuenienter ordinantur decalogi præcepta, præmittendo semper præcepta prohibentia maius peccatum, deinde ea, quæ minus grauius peccatis contrariantur.

Ad Argumenta.

Ad 1. Negatur maior. Ad probationem dicitur, quod quamvis secundum viam sensus proximus sit magis notus, quam Deus, tamen dilectio Dei, est ratio dilectionis proximi, ut infra patebit, & ideo præcepta ordinantur ad Deum fuerunt præordinanda.

Ad 2. Neg. maior. Ratio enim ordinis præceptorum decalogi, non est prohibitio vitii, vel virtutis imperium, sed est maior, vel minor reatus, quem transgressio præcepti inducit, & quia maiorem reatum inducit transgressio alicuius præcepti affirmatiui, propterea aliqua affirmatiua præcepta negatiuis præponuntur, & conuerso, quia grauius est transgredi aliqua negatiua, puta, Non assumes nomen Domini Dei tui in vanum, quam quædam affirmatiua, puta, Honora patrem, & matrem; ideo aliqua negatiua, aliquibus affirmatiuis præponuntur. Ad probationem dicitur, quod quantum ad executionem operis, prius sunt extirpanda vitia, tamen cognitio virtutum, quæ est per legem præcepta, præcedit extirpationem vitiorum. Cum quibus stat, quod illud sit prius præceptum, cuius transgressio inducit maius reatum, ut in corpore dictum est.

Ad 3. Dicitur ad maiorem, & ad eius probationem, quod etsi peccatum cordis sit prius in executione, tamen eius prohibitio, posterius cadit in ratione.

ARTICULVS VII.

Vtrum Præcepta decalogi conuenienter tradantur.

Pro Negatiua.

Videtur, quod Præcepta decalogi inconuenienter tradantur.

1. Circa quamlibet materiam, virtutes, & vitia opponuntur. Ergo In quolibet materia de qua ordinatur præceptum decalogi, debuit poni præceptum affirmatiuum, & negatiuum. Ergo Inconuenienter ponuntur solum circa aliquam materiam præceptum affirmatiuum, & circa aliam præceptum solum negatiuum.

Consequenter prob. quia Præcepta affirmatiua ordinantur ad actus virtutum, negatiua vero abstrahunt ab actibus vitiorum. Cum igitur virtus, & vitium opponantur circa quamlibet materiam, necessarium videtur, quod circa quamlibet materiam, circa quam decalogi præcepta ordinant, debuerint poni duo præcepta, vnum affirmatiuum, & alterum negatiuum.

2. Præceptorum omnium pertinentium ad legem diuinam debet assignari ratio. Sed Omnia præcepta decalogi pertinent ad legem diuinam. Ergo In omnibus præceptis decalogi debuit ratio assignari, & non solum in primo, & tertio præcepto.

Maiores prob. quia Iisd. dicitur, quod lex ratione constat.

3. Per obseruantiam cuiuslibet præcepti, meretur homo promissa a Deo. Ergo In quolibet præcepto

pro debuit poni promissio, & non solum in primo, & quarto.

Conseq. prob. quia Promissiones diuinæ sunt de præmijs præceptorum.

4. In omnibus præceptis pertinentibus ad legē veterem debuit poni comminatio penę. Sed Omnia præcepta decalogi pertinent ad legem veterem. Ergo In omnibus debuit poni comminatio penę, & non solum in primo, & secundo.

Maiores prob. quia Lex vetus dicitur lex timoris in quantum per comminationes pœnarum inducebatur ad obseruantiam præceptorum.

5. Omnia præcepta Dei sunt in memoria retinenda, secundum illud Prouerb. 3. Describe ea in tabulis cordis tui. Ergo Inconuenienter in solo tertio præcepto fit mentio de memoria, & ex his videntur inconuenienter esse tradita præcepta decalogi.

Pro Affirmatiua.

Sapientię 2. dicitur, quod Deus omnia fecit in numero, pondere, & mensura. Ergo Multo magis in præceptis suę legis congruum modum seruauit.

Determinatio.

Conclusio. Præcepta diuinę legis conuenienti modo sunt tradita.

Prob. Præcepta, in quibus maxima sapientia continetur, conuenienti modo sunt tradita. Sed In præceptis diuinę legis maxima sapientia continetur. Ergo Præcepta diuinę legis conuenienti modo sunt tradita.

Maiores prob. quia Sapientis est omnia debito modo, & ordine disponere.

Minor prob. quia Deuter. 4. dicitur. Hęc est vestra sapientia, & intellectus coram populis.

Ad Argumenta.

Ad 1. Negatur consequentia. Ad probationem dicitur, præmittendo, quod abducere a vitio, & inducere ad virtutem, est commune omnibus præceptis moralibus, siue decalogi, siue extra decalogum. Vnde ex hoc, quod præcepta decalogi inducunt ad virtutem, vel abducunt a vitijs, non potest desumi conuenientia assignationis, & traditionis præceptorum. Vnde aliunde desumenda est, conuenientia assignationis, & traditionis præceptorum decalogi. Sciendum igitur, quod sicut dictum est, prius finis præceptorum decalogi est ordinare hominē, vt bene se habeat ad Deū, q̄ est princeps diuinę communitatis, & ad alios homines, hæc autem recta ordinatio consistit in duobus. Primo, vt nulli inferat iniuriam, & omnibus

reddat debitum, & hæc sunt duo prima moralia principia, natural! lumine rationis nota, ex quibus pendunt præcepta decalogi, vt propria, & immediate conclusiones. Ne homo inferat iniuriam, prohibetur per præcepta negatiua: vt reddat beneficium, per præcepta affirmatiua præcipitur. Iniuriam non debet inferre homo Deo, & proximo, & ideo ponuntur aliqua negatiua præcepta prohibentia, ne homo Deo iniuriam inferat, & alia ne inferat iniuriam homini. Deo iniuriam potest homo inferre in duobus. Primo in hoc, quod attribuit alteri principatum, & ad hoc prohibendum, ponitur primum præceptum, quod est. Nō habebis Deos alienos coram me. Secundo in hoc, quod non reueretur Deum, & ad hoc prohibendum ponitur secundum præceptum. Non assumes nomen Dei tui in vanum.

Proximo vero potest homo inferre iniuriam, vel nocumtum, opere, ore, & corde. Opere, vel in propria persona occidendo, & contra hoc ponitur quartum præceptum. Non occides. Vel contra personam ei coniunctam ad prolis procreationem, & ad hoc inhibendum, ponitur sextum præceptum. Non mœchaberis. Vel in re possessa, & contra hoc dicitur. Non furtum facies.

Ore dicendo falsum testimonium, & ad hoc prohibendum, ponitur octauum præceptum. Non dices falsum testimonium.

Corde, concupiscendo vxorem, vel rem possessionem, contra quæ, ponuntur reliqua duo præcepta.

Debitum autem tenetur homo reddere primo Deo, & ad hoc inducitur per tertium præceptum. Memento vt diem sabbati sanctifices. Secundo tenetur homo reddere debitum parentibus, & ad hoc inducitur per quartum præceptum. Honora patrem, & matrem, & hæc est vera ratio conuenientiæ assignationis præceptorum decalogi.

Ad probationem igitur dicitur, quod actus virtutis, & vitijs circa eadem materiam pertinent ad idem præceptum, siue affirmatiuum, siue negatiuum, eo quod vni aliud includat, puta quod parentes debeant honorari, & quod non debeant iniuriari, pertinent ad vñ præceptum, quod est. Honora patrem, & matrem, quia in hoc includitur negatiuum. scilicet Non spernas parentes, vel non vituperes parentes. Vnde non sunt ponenda duo præcepta circa quamlibet materiam, de qua ordinatur decalogus. scilicet affirmatiuum, & negatiuum, quia inducere ad virtutem, & abducere a vitio pertinent ad idem præceptum, siue sit affirmatiuum, siue negatiuum, ut dictum est.

Et si queratur, quare sint tantum duo affirmatiua, & octo negatiua, cū possent poni omnia negatiua, ut dicendo. Non operaberis in sabbato,

&

& non dehonores patrem, & matrem.

Respondetur, quod Cum præcepta decalogi, vt dictum est, tradita sint ad prohibendum nocu mentum, & iniuriam, & ad reddendum debiti, & in præceptis negatiuis de non inferendo nocu mentum, non includantur affirmatiua, de reddendo debitum, hinc necessarium fuit ponere illa duo affirmatiua, cum soli Deo, & parenti, quis ex dictamine naturæ sit debitor.

Ad 2. Dicitur, q. præcepta decalogi sunt in duplici differentia. Quædã sunt pure moralia. Quædã vero sunt, quib. additur aliquod ceremoniale determinatiuũ cõmunis præcepti moralis, & hæc sunt duo. s. primum, & tertium. In primo. n. additum ceremoniale est. Non facies sculpilæ. In tertio vero determinatur dies, in quo Deo est vacandum. Idies sabbati. Reliqua vero sunt pure moralia. Ad maiorem igitur dicitur, quod si sermo sit de præceptis pure moralib. est falsa. Præcepta. n. moralia habent manifestam rationem, vnde non oportuit, vt in eis aliqua ratio adderetur, & ad probationem dicitur, quod lex ratione cõstat, aliquando quidem manifesta, & tunc non est necesse addere rationem præceptis, aliquando non manifesta, & tunc necessarium ẽ adungere rationẽ præceptis. Si vero sermo sit de præceptis non pure moralib. conceditur. Et quia sola duo præcepta sunt huiusmodi, vt dictum est, ideo, solum ipsis. s. primo, & tertio additur ratio. Quæ sint rationes, quæ adduntur ad hæc præcepta, patet Exod. 20. & Deuter. 5. & rō primi est. Ego. n. sum Dominus Deus tuus, &c. Rō tertij est. Sex enim diebus fecit Deus cœlum, & terram.

Et breuius dicitur ad maiorem, quod non omnium præceptorum decalogi erat assignanda rō, cum pure moralia habeant manifestam rationẽ, sed solum præceptorum, quib. additur aliquid ceremoniale. s. primi, & tertij.

Ad 3. Negatur consequ. Licet. n. per obseruationem omnium mandatorum homo mereatur præmia a Deo, tamen non fuit necessarium apponere diuinam præmij promissionem, nisi in duobus præceptis, primo, & 4. Et in primo quidem dicitur. Ego. n. dominus faciens misericordiã in multa millia, his, qui diligunt me, &c. Et in 4. dicitur. Vt sis longeuus super terram. Rō aut, quare in his duob. tantum apponitur præmium, est, quia homines, vt plurimum actus suos ad aliquam utilitatem ordinant, & ideo in illis præceptis necesse fuit pro missionem præmij apponere, ex quib. videbatur nulla utilitas sequi, vel aliqua utilitas impediri: quia vero parentes iam sunt in recedendo, ab eis non expectatur utilitas, & ideo præcepto de honore parentum additur promissio. Similiter et

in præcepto de prohibitione idololatriæ; quia per hoc videbatur impediri apparens utilitas, quam homines credunt se posse consequi per pactum, cum dæmonibus initum.

Ad 4. Neg. maior. Non. n. fuit necessarium omnib. decalogi præceptis addere comminationem pœnæ, sed solum duob. primis. Et in primo quidẽ dicitur Exo. 20. Deus æmulator visitans iniquitatem patrum in filios, &c. & in secundo. Nec. n. habebit infontem dominus eum, qui assumpserit nomen domini Dei sui frustra, & idem dicitur Deuter. 5. Rō aut, quare solum his duobus præceptis pœnæ apponuntur, est, quia pœnæ præcipue necessariæ sunt, contra illos, qui sunt proni ad malũ, vt dicitur 10. Ethic. c. vlt. respectu quorum, lex dicitur lex timoris, & ideo solis illis præceptis legis additur comminatio pœnarum, in quib. erat pronitas ad malum. Erant aut homines proni ad idololatriam propter generale consuetudinem gentium, & similiter fuit etiã homines proni ad perjurium, propter frequentiam iuramenti, & ideo primis duob. præceptis adiungitur comminatio.

Ad 5. Negatur consequentia. Licet enim omnia Dei præcepta sint memorie retinenda, tamẽ duplici ratione in solo præcepto de sanctificatione sabbati sit mentio de memoria. Primo, quia hoc præceptum ponitur, vt commemoratiuum beneficij, præteriti, & ideo specialiter in eo fit mentio de memoria. Secundo, quia Præceptum de sabbato habet determinationem adiunctam, quæ non est de lege naturæ, sed est cærimonialis, & ideo hoc præceptum specialis admonitione indiguit.

ARTICVLVS VIII.

Vtrum Præcepta decalogi sint dispensabilia.

Pro Affirmatiua.

Videtur, quod Præcepta decalogi sint dispensabilia.

1. Præcepta, quæ sunt de iure naturali, sunt dispensabilia. Sed Præcepta decalogi sunt de iure naturali. Ergo Præcepta decalogi sunt dispensabilia.

Major probatur. quia Ius naturale in aliquibus deficit, & mutabile est, sicut & natura humana, vt Phil. dicit 5. Ethic. c. 7. Et cum defectus legis, in aliquibus particularibus, sit ratio dispensandi, sequitur, quod ea, quæ sunt de naturali iure, sint dispensabilia.

2. Præcepta legis instituta a Deo, sunt dispensabilia a Deo. Sed Præcepta decalogi sunt præcepta legis

legis instituta a Deo. Ergo Præcepta decalogi sunt dispensabilia a Deo. Tunc ultra. Sed Prælati vice Dei funguntur in terris, secundum illud Cor. 2. Nam si quid ego donaui propter vos, donaui in persona Christi. Ergo Etiam prælati possunt dispensare in præceptis decalogi.

Maior prob. Homo potest dispensare in præceptis legis ab homine condita. Ergo Et Deus potest dispensare in præceptis legis a se condita.

Probat hanc consequentia. quia Sicut se habet homo ad legem humanam, ita se habet Deus ad legem diuinam.

3. In præcepto homicidii videtur dispensari per homines. Ergo Præcepta decalogi sunt dispensabilia.

Conseq. prob. quia Inter præcepta decalogi continentur prohibitio homicidii.

Antec. prob. quia Secundum præceptum legis humane homines licite occiduntur, puta malefactorum, vel hostes reipublicæ.

4. In præcepto de obseruantia Sabbati fuit dispensatum. Ergo Præcepta decalogi sunt dispensabilia.

Anteced. prob. quia In 1. Mach. 2. dicitur. Et cogitauerunt in illa die dicentes. Omnis homo quicumque venerit ad nos in die sabbatorum, pugnemus aduersus eum.

Conseq. prob. quia Obseruantia sabbati continetur inter præcepta decalogi.

Pro Negatiua.

Esaïa 24. dicitur. Quidam reprehenduntur de hoc, quod mutauerunt ius, dissipauerunt fœdus sempiternum, quod maxime videtur intelligi de præceptis decalogi. Ergo Præcepta decalogi mutari per dispensationem non possunt.

Determinatio.

¶ Conclusio. Præcepta decalogi sunt omnino indispensabilia.

Probat. Præcepta, quæ continent intentionem legislatoris, sunt omnino indispensabilia. Sed Præcepta decalogi continent intentionem legislatoris. Ergo Præcepta decalogi sunt omnino indispensabilia.

Maior prob. quia Tunc in præceptis legis debet fieri dispensatio, vt dictum est supra quest. 96. art. 6. quando occurrit aliquis particularis casus, in quo si verbum legis obseruaretur, contrariaretur intentioni legislatoris. Ergo Præcepta, quæ continent ipsam intentionem legislatoris, indispensabilia sunt.

Minor probatur. Præcepta, quæ continent ipsam intentionem ad bonum commune, & ordinem

iustitiæ, & virtutis, continent intentionem legislatoris. Sed Præcepta decalogi continent ipsam ordinem ad bonum commune, & ordinem iustitiæ, & virtutis. Ergo Præcepta decalogi continent intentionem legislatoris.

Maior huius manifestatur, quia Intentio cuiuslibet legislatoris ordinatur primo, & principaliter ad bonum commune; secundo autem ad ordinem iustitiæ, & virtutis, secundum quem bonum commune conseruatur, & ad ipsum peruenitur. Si qua ergo præcepta dentur, quæ continent ipsam conseruationem boni communis, vel ipsum ordinem iustitiæ, & virtutis, huiusmodi præcepta continent intentionem legislatoris.

Minor huius prob. si quod præcepta decalogi continent intentionem legislatoris. scilicet Dei. Nam præcepta primæ tabulæ, quæ ordinant ad Deum, continent ipsam ordinem ad bonum commune, & finale, quod est Deus. Præcepta vero secundæ tabulæ continent ordinem iustitiæ obseruandæ inter homines, vt. nulli fiat indebitum, & cuiuslibet reddatur debitum, secundum hanc enim rationem sunt intelligenda præcepta decalogi.

Manifestatur autem hæc ratio adducta ad probandam conclusionem, exemplariter. Si enim poneretur hoc præceptum in aliqua communitate, vt nullus destrueret rempublicam, neque prodere ciuitatem hostibus, siue quod nullus faceret aliquid iniuste, huiusmodi præcepta essent indispensabilia. Sed si aliqua alia præcepta traderentur ordinata ad ista præcepta, quibus determinarentur aliqui speciales modi, in talibus præceptis dispensatio posset fieri, in quantum per omissionem in aliquo præceptorum in aliquibus casibus non fieret præiudicium primis præceptis, quæ continent intentionem legislatoris. Puta si ad conseruationem reipublicæ statueretur in aliqua ciuitate, quod de singulis vicis, aliqui vigilarent ad custodiam ciuitatis obsequi, posset cum aliquibus dispensari propter aliquam maiorem vtilitatem.

Ad Argumētū.

Ad 1. Negatur maior. Ad probationem dicitur, quod Philosophus non loquitur de iusto naturali, quod continet ipsam ordinem iustitiæ; hoc enim nunquam deficit, scilicet iustitiam esse seruandam, sed loquitur quantum ad determinatos modos obseruationis iustitiæ, qui in aliquibus fallunt.

Ad 2. Negatur maior de præceptis, quæ continent ipsam intentionem legislatoris, qualia sunt præcepta decalogi: in his enim Deus dispensare non potest. Et ratio est, quia vt dicitur 2. Timothei 2. Deus fidelis permanens, negare se

ipsum

ipsum non potest, negaret autem se ipsum, si ordinem sue iustitiæ auferret, cum ipse sit ipsa sua iustitia, & ideo Deus dispensare non potest in hoc, quod liceat homini non ordinate se habere ad Deum, quod sit per præcepta primæ tabulæ, vel non subdī ordinis iustitiæ eius, etiam in his, secundum quæ homines ad inuicem ordinantur, quod sit per præcepta secundæ tabulæ. Ad probationem dicitur, quod nec homini licet dispensare in præceptis legis, quæ continent intentionem legislatoris, quæ debet esse conservatio boni communis.

Ad 3. Negatur antecedens. Ad probationem dicitur, quod Occisio hominis prohibetur in decalogo, secundum quod habet rationem indebiti, sic enim præceptum continet ipsam rationem iustitiæ. Lex autem humana, hoc concedere non potest, quod licite homo indebite occidatur. Sed malefactores occidi, vel hostes reipublice, hoc non est indebitum: unde hoc non contrariatur præcepto decalogi, nec talis occisio est homicidium, quod præcepto decalogi prohibetur, ut Aug. dicit in 1. de lib. arbitr. c. 4. Et Similiter si alicui auferatur, quod suum erat, si debitum est, quod ipsum amittat, hoc non est furtum, vel rapina, quæ præcepto decalogi prohibetur. Et ideo quando filij Israël, præcepto Dei, tulerunt ægyptiorum spolia, non fuit furtum, quia hoc eis debebatur ex sententia Dei. Similiter, & Abraham dum consensus occidere filium, non consensus in homicidium, quia debitum erat, cum occidi per mandatum Dei, qui est dominus vitæ, & mortis. Ipse enim est, quæ penam mortis infligit omnibus hominibus iustis, & iniustus pro peccato primi parentis, cuius sententiæ, si homo sit executor auctoritate diuina, non erit homicida, sicut nec Deus. Et similiter dicitur, Osce accedens ad vxorē fornicariam, vel mulierem adulteram, non est mechatus, nec fornicatus, quia accessit ad eam, quæ sua erat secundum mandatum diuinum, qui est actor institutionis matrimonij. Sic igitur præcepta ipsa decalogi quantum ad rationem iustitiæ, quam continent, immutabilia sunt, sed quantum ad aliquam determinationem per applicationem ad singulares actus (ut scilicet hoc, vel illud sit homicidium, furtum, vel adulterium, aut non) hoc quidem est mutabile, quandoque sola auctoritate diuina, in his scilicet quæ a solo Deo sunt instituta, sicut in matrimonio, & in alijs huiusmodi. Quandoque etiam auctoritate humana, sicut in his, quæ sunt commissa hominum iurisdictioni. Quantum enim ad hoc homines gerunt vicem Dei, non autem quantum ad omnia.

Ad 4. Negatur antecedens. Ad probationem dicitur, quod illa excogitatio magis fuit interpretatio

tatio præcepti, quam dispensatio. Non enim intelligitur violare sabbatum, quod est necessarium ad salutem humanam, sicut dominus probat Matth. 12.

ARTICVLVS IX.

Vtrum Modus virtutis cadat sub præcepto.

Pro Affirmatiua.

Videtur, quod Modus virtutis cadat sub præcepto.

1. Deuteronomij 16. dicitur Iuste, quod iustum est exequeris. Ergo Modus virtutis cadit sub præcepto.

Consequentia prob. quia Modus virtutis est, ut aliquis iuste operetur iusta, & fortiter fortia, & similiter de alijs virtutibus.

2. Quod est de intentione legislatoris, maxime cadit sub præcepto. Sed Modus virtutis est de intentione legislatoris. Ergo Modus virtutis cadit sub præcepto.

Minor prob. Intentio legislatoris ad hoc fertur principaliter, ut homines faciat virtuosos, ut dicitur 2. Ethic. c. 1. Ergo Modus virtutis est de intentione legislatoris.

Consequentia hæc probatur, quia virtuosus est, virtuosè viuere.

3. Voluntarie, & delectabiliter operari, cadit sub præcepto. Sed Modus virtutis proprie esse videtur, ut aliquis voluntarie, & delectabiliter operetur. Ergo Modus virtutis cadit sub præcepto.

Maiores prob. quia in Psalmo 99. dicitur, Seruite domino in lætitia, & 2. Corinth. 9. dicitur. Non ex tristitia, aut ex necessitate, hilarem enim datorem diligit Deus, ubi Glossa dicit. Quidquid boni facis, cum hilaritate fac, & tunc bene facis: si autem cum tristitia facis, tunc directe tu non facis.

Pro Negatiua.

Si modus virtutis caderet sub præcepto legis, sequeretur, quod quidquid faceret ille, qui non habet habitum virtutis, mereretur penam. Sed hoc est contra intentionem legis, quæ intendit homines assuefaciēdo ad bona opera inducere ad virtutē. Ergo Modus virtutis non cadit sub præcepto.

Maiores conditionales probatur. Nam nullus potest operari eodem modo, quo operatur virtuosus, nisi habeat habitum virtutis, ut patet in 2. & 5. Ethic. c. 4. Et quia quicumque agit contra præceptum, meretur penam, sequitur eundem, quod si modus caderet sub præcepto, quilibet operans etiam bonū, non per habitum virtutis, mereretur penam.

Deur.

Determinatio.

Distinctio. Actus virtutis à tribus dependet .f. ab Intellectu, à Voluntate, & ab Habitu, & secundum hæc tria, in tribus consistit modus virtutis. Primum est, vt quis operetur sciens. Secundum, quod operetur volens, & eligens. Tertium, quod operetur firmiter, & immobiliter. Primum pertinet ad intellectum. Secundum ad voluntatem. Tertium ad habitum per quem operans habet quasi radicatum operationem.

1. **Conclusio.** Modus virtutis, secundum quod est ex intellectu, cadit sub præcepto, tum diuinæ, tum humanæ legis.

Prob. Illud, quod potest iudicari, & puniri, tum à lege diuina, tum humana, cadit sub præcepto legis, tum diuinæ, tum humanæ. Sed Modus, secundum id, quod est ab intellectu, diiudicatur, & punitur, tum à lege humana, tum diuina. Ergo Modus virtutis, secundum id, quod habet ab intellectu, cadit sub præcepto legis, tum diuinæ, tum humanæ.

Maiores prob. quia Præceptum habet vim coactionem. Illud ergo directe cadit sub præcepto legis, ad quod lex cogit. Coactio autem legis est per metum pœnæ, vt dicitur. 10. Ethic. c. ult. Illud ergo proprie cadit sub præcepto legis, pro quo pœna infligitur. Illud ergo de quo lex humana, & diuina diiudicat, & pœnam decernit, cadit sub præcepto legis humanæ, & diuinæ.

Minor prob. quia ex hoc, quod aliquis facit aliquid scienter, vel ignoranter tam secundum legem diuinam, quam humanam, diiudicatur dignum venia, vel pœna, secundum quod talis ignorantia, vel scientia ex effectu exterius apparuit.

2. **Conclusio.** Modus virtutis, secundum id, quod dependet à voluntate, vt .f. operans operetur voluntarie, & ut eligens, non cadit sub præcepto legis humanæ, sed tantum diuinæ.

Prob. Modus interior non subijcitur iudicio humanæ legis, sed solius diuinæ. Sed Modus virtutis secundum id, quod est ex voluntate, est modus interior .f. velle, & eligere, de quibus dictum est quæst. 8. art. 12. Ergo Modus virtutis, secundum id, quod est à voluntate, non cadit sub præcepto humanæ legis, sed diuinæ tantum.

Maiores prob. ex differentia inter iudicium diuinæ, & humanæ legis. Aliter enim se habet lex diuina, & aliter lex humana ad instituendum penam. Pœna enim legis non infligitur, nisi pro illis, de quibus legislator habet iudicare, quia ex iudicio lex punit. Homo autem, qui est legislator humanæ legis, non habet iudicare nisi de exterioribus actibus, quia homines vident ea, quæ

patent, vt dicitur. 1. Reg. 16. Et solius Dei, qui est lator legis diuinæ, est iudicare de interioribus motibus voluntatis, secundum illud Psalmi 7. Scrutans corda, & renes Deus. Quia igitur velle, & eligere, sunt interiores motus voluntatis, ad diuinam, & non ad humanam legem pertinere possunt.

Et confirmatur conclusio. quia Lex humana non punit eum, qui vult occidere, & non occidit: punit autem lex diuina, secundum illud Matth. 5. Qui irascitur fratri suo, reus erit iudicio.

3. **Conclusio.** Modus virtutis, secundum quod est, ex habitu operari, non cadit sub præcepto legis diuinæ, nec humanæ.

Manifestatur. Illud, quod cadit sub præcepto legis diuinæ, vel humanæ, punitur à lege diuina, vel humana. Sed Quod aliquis ex habitu non operetur, non punitur à lege diuinæ, vel humanæ. Ergo Modus virtutis, qui est ex habitu, non cadit sub præcepto legis humanæ, aut diuinæ.

Maiores ex dictis patet.

Minor prob. quia Neque ab homine, neque à Deo punitur tanquam præcepti transgressor, qui debitum honorem paritibus impendit, quamuis non habet habitum pietatis.

Ad Argumenta.

Ad 1. Dicitur, quod iustum iuste fieri, potest dupliciter intelligi. Vno modo, vt ly iuste, significet ordinem iuris, & legis, & sensus est, faciatis iustum secundum ordinem iuris. Alio modo, vt ly iuste, significet operationem, quæ est ex habitu, & sensus est, iuste, id est ex habitu iustitiæ exequamini iustum. Ad authoritatem igitur scripturæ inductam pro antecedente dicitur, quod sensus illius sententiæ est, quod iustum debeat fieri iuste, id est secundum iuris ordinem, & iste modus cadit sub præcepto legis humanæ, & diuinæ: pertinet enim ad actum iustitiæ, secundum quod respicit intellectum, & de ipso est sermo in prima conclusione, non autem ly iuste significat modum iustitiæ, qui est ex habitu.

Ad formam autem argumenti, supposita vera antecedentis intelligentia. .f. vt ly iuste, dicit ordinem iuris, conceditur totum, hic enim modus cadit sub præcepto. Si autem ly iuste, dicat modum, qui est ex habitu, negatur consequentia, & ad probationem dicitur, quod fit transitus à priori, ad secundum sensum.

Ad 2. Dicitur ad maiorem, quod intentio legislatoris est de duobus. De vno quidem ad quod intendit per præcepta legis inducere, & hoc est ipsa virtus, id est habitus virtutis. Alia est,

ARTICVLVS X.

Vtrum modus Charitatis cadat sub præcepto diuinæ legis.

Pro Affirmatiua.

Videtur, quod modus Charitatis cadat sub præcepto diuinæ legis.

1. Illud, quod est necessarium ad hoc, vt homo ad aternam vitam peruenire possit, cadit sub præcepto. Sed Modus Charitatis est necessarius ad hoc, vt homo ad vitam æternam peruenire possit. Ergo Modus charitatis cadit sub præcepto.

Maiores probatur, quia Dominus dicit Matt. 19. Si vis ad vitam ingredi, serua mandata ex quibus verbis videtur, quod ad perueniendum ad vitam, sufficiat observatio mandatorum. Omne igitur, quod est necessarium ad hoc, vt homo introducat ad vitam, sub præcepto cadere potest.

Maiores probatur, quia Nulla opera bona sufficiunt ad introducendum in vitam, nisi ex charitate fiant: vnde dicitur 1. Corinth. 13. Si distribuero in cibos pauperum omnes facultates meas, & si tradidero corpus meum, ita vt ardeam, charitatē autem non habuero, nihil mihi prodest.

2. Quod omnia fiant propter Deū, cadit sub præcepto. Sed Ad modum charitatis proprie pertinet, vt omnia fiant propter Deum. Ergo Modus charitatis cadit sub præcepto.

Maiores probatur, quia Apostolus dicit 1. Corinth. 10. Omnia in gloriam Dei facite.

3. Si modus charitatis non caderet sub præcepto, sequeretur, quod aliquis posset implere præcepta legis sine gratia. Sed Hoc est pelagiani error, Augustino teste in libro de Hæresibus. Ergo Modus charitatis cadit sub præcepto.

Consequentia probatur. Quod potest fieri sine charitate, potest fieri sine gratia. Sed Si modus charitatis non caderet sub præcepto, quis posset observare præceptum aliquod legis, puta præceptum de honore parentum absque charitate. Ergo Posset etiam observare ipsum sine gratia.

Pro Negatiua.

Si modus charitatis caderet sub præcepto, sequeretur, quod quicumque non haberet charitatem, peccaret mortaliter in omni opere, quod faceret, quantumcumque esset de genere bonorum, quod est inconueniens.

Consequentia probatur, quia Quicumque non seruat præceptū, peccat mortaliter. Si igitur modus charitatis cadat sub præcepto, sequitur, quod quicumque operatur aliquid non ex charitate, peccet mortaliter.

est, de quo intendit præceptum ferre, & hoc est, quod dicit, vel disponit ad habitum virtutis, quod est actus virtutis. Virtus igitur est intenta a legislatore, vt finis. Actus vero est intentus, vt ad finem. Virtus est finis præcepti. Actus vero est, de quo præceptum datur: hæc enim duo non sunt idem, sicut in alijs rebus non est idem finis, & quod est ad finem. Si igitur maior intelligatur de eo, quod intendit legislator vt finis, negatur. Finis enim præcepti intenditur a legislatore, sed tamen non cadit sub præcepto: & ad minorem dicitur, quod quia modus virtutis, secundum quod est firmiter operari, dependet ex habitu virtutis, qui habitus est finis legislatoris, ad quem ducere intendit, propterea non cadit sub præcepto. Si vero maior intelligatur de eo, quod cadit sub intentione legislatoris, vt id, quod est ad finem, conceditur: quod enim hoc modo est intentum a legislatore, cadit sub præcepto; sed tunc negatur minor. Modus enim virtutis, secundum quod est ex habitu, intenditur a legislatore, vt finis. Intendit enim legislator per legem inducere hominem ad operandum secundum habitum virtutis. Et ad probationem dicitur, quod intentio legislatoris est ad hoc, vt homines virtuose viuant, vt finis, non vt id, quod est ad finem, de quo est præceptum.

Ad 3. Dicitur, quod Delectatio operis potest ex tribus provenire. Primo ex ipsa voluntate, quando scilicet voluntas voluntarie operatur, tunc enim delectabiliter operatur, & e contra, quando non voluntarie operatur, non delectatur in opere. Secundo vt delectatio proveniat ex amore Dei, vel proximi: si quis enim diligit Deum, delectabiliter ei inservit, & qui diligit proximum, delectatur pro eo aliquid facere. Tercio, vt delectatio est ex habitu existente in operante. Qui enim habet habitum virtutis, delectabiliter operatur opera virtuosae: est enim delectatio operis signum habitus generati, vt dicitur 2. Ethic. cap. 3. Tunc ad minorem dicitur, quod delectabiliter operari, secundum quod est voluntarie operari, cadit sub præcepto legis diuinæ. Operari delectabiliter, secundum quod est ex amore Dei, vel proximi etiam cadit sub præcepto, sicut & amor Dei, vel proximi. Operari vero delectabiliter, secundum quod delectatio est ex habitu, non cadit sub præcepto. Ad probationem dicitur, quod Ille auctoritates intelligenda sunt de delectatione operis primo, & secundo modo acceptæ, & est sensus, quod debemus seruire Deo, volentes, & ex amore, non inuite.

Diuerſa de hoc quaſito opiniones.

Circa hoc quaſitum fuerunt cōtrariæ opinio-
nes. Quidam dixerunt, abſolute modum charita-
tis eſſe ſub præcepto. Addeutes, quod non eſt im-
poſſibile obſeruare hoc præceptum, de modo cha-
ritatis, his, qui charitatem non habent, quia poſ-
ſunt tales, ſe diſponere ad hoc, vt charitas eis a
Deo infundatur.

Ad Argumentum autem pro negatiua factū,
reſpondent, negando conſequentiam, ex hoc. n.
quod modus charitatis cadit ſub præcepto, non
ſequitur, quo l quando aliquis, non habens cha-
ritatem, facit aliquid de genere bonorum, peccet
mortaliter, quia hoc præceptum de modo chari-
tatis eſt affirmatiuum, vnde non obligat ad ſem-
per, ſed pro tempore illo, quo operans habet cha-
ritatem. Vnde aliquis, non habens charitatem,
honorans parentes, non peccat mortaliter, quia
præceptum de honore parentum cum charitate,
eſt affirmatiuum, & non obligat, ad diligendum
parentes cum charitate, niſi quando actu habe-
tur charitas.

Aliqui vero dixerunt, quod omnino modus
charitatis non cadit ſub præcepto.

Iudicium de his opinionibus, & vera ſententia.

Diſtinctio. Vtrique opinantes aliquid verum
dixerunt. Ad cuius euidentiam eſt ſciendū, quod
actus charitatis dupliciter cōſiderari poteſt. Vno
modo, ſecundum quod eſt quidam actus per ſe.
Alio modo, ſecundum quod eſt modus aliarū vir-
tutum, hoc eſt, ſecundum quod actus aliarū vir-
tutum ordinantur ad charitatem, quæ eſt ſinis
præcepti, vt dicitur 1. Timoth. 2.

1. Concluſio. Actus charitatis, ſecundum
quod eſt quidam actus per ſe, cadit ſub præcepto
diuina legis.

Prob. quia De charitatis actu ſpecialiter in le-
ge diuina datur præceptum ſcilicet Diliges Do-
minum Deum tuum. et diliges proximum tuum.

Et quantum ad hoc primi opinantes verum di-
xerunt, tum quo ad primum, quod dicebāt, ſcilicet
quod actus charitatis cadit ſub præcepto. Tū
quo ad ſecundum, ſcilicet quod hoc præceptum
de actu charitatis non ſit impoſſibile ad obſer-
uandum, quia homo non habens charitatem, po-
teſt ſe diſponere ad charitatem habendam, &
quando eam habuerit, poteſt ea vti.

2. Concluſio. Actus charitatis, vt eſt modus
actuum aliarum virtutum, non cadit ſub præcep-
to diuina legis.

Prob. Finis præcepti non cadit ſub præcepto,
vt dictum eſt art. præcedenti. Sed Actus charita-
tis, vt eſt modus aliarum virtutum, eſt ſinis, ad
quem alia præcepta ordinantur, vt dictum eſt.
Ergo Actus charitatis, vt eſt modus aliarum vir-
tutum, non cadit ſub præcepto.

Et hoc modo verum eſt, quod ſecundi opinan-
tes dixerunt, quod modus charitatis nō cadit ſub
præcepto. Hoc eſt dictū, quod in hoc præcepto,
Honora patrem tuum, & matrem tuam, non in-
cluditur, quod honoretur pater ex charitate, ſed
ſolum quod honoretur pater. Vnde qui honorat
patrem, licet non habeat charitatem, non eſt effec-
tor transgreſſor huius præcepti, vt ſit transgreſſor
præcepti, quod eſt de actu charitatis, propter quā
transgreſſionem increatur pœnam.

Ad Argumenta.

Ad 1. Dicitur ad maiorem, quod aliquid po-
teſt eſſe neceſſarium ad ſalutem dupliciter. Vt a-
ctus, per quem ad vitam æternam quis perueni-
re debet. Vel vt modus ipſius actus. Quod eſt ne-
ceſſarium, ut actus, cadit ſub præcepto. Non au-
tem quod eſt neceſſarium, vt modus, quia ſic per-
tinet ad ſinem, qui nō cadit ſub præcepto. Actus
igitur charitatis, vt actus eſt, cadit ſub præcepto,
& ſine obſeruantia huius præcepti nulla bona
opera ad vitam æternam perducere poſſunt. Vn-
de cum Dominus dixit, non ſerua mandatum,
ſed ſerua mandata, ſcilicet omnia, ſi uis ad vitam
ingredi, neceſſarium eſt, vt ſeruetur etiam præcep-
tum charitatis: cum quo tamen ſtat, quod mo-
dus charitatis non cadat ſub præcepto, vt abſe-
que aliqua præcepti transgreſſione, quis poſſit
diligere patrem, nō ſurari, &c. etiam ſi deſit cha-
ritatis modus.

Ad 2. Dicitur ad maiorem, quod omnia fieri
propter Deum, cadit ſub præcepto, non ratione
modi charitatis, ſed ratione huius præcepti ſcilicet
diliges Dominum Deum tuum ex toto corde
tuo. Ita quod, qui honorat parentes, tenetur eos
honorare propter Deum, non ex vi huius præcep-
ti, Honora patrem, quia hoc præcepto præcipi-
tur ſolum honor parentum, ſed tenetur eos dili-
gere propter Deum, ex vi huius præcepti, quod
eſt, Diliges Dominum Deum tuum, &c. & cum
iſta ſint duo præcepta affirmatiua, ſcilicet Diliges
Dominum, Honora parentes, & præcepta affir-
matiuā non obligant ad ſemper, poſſunt pro di-
uerſis temporibus obligare, & ideo poteſt contin-
gere, vt aliquis implens præceptum de honore pa-
ren-

parentum, non transgrediatur tunc præceptū de omissionē modi charitatis.

Ad 3. Negatur consequentia. Ad prob. negatur minor. Homo enim non potest seruare omnia legis præcepta, sine hoc, quod impleat præceptum charitatis, quod non est sine gratia, & ideo impossibile est, quod Pelagius dixit, hominem posse implere legem sine gratia.

ARTICVLVS XI.

Vtrum Conuenienter distinguantur alia moralia præcepta legis, præter decalogum.

Pro Negatiua.

Videretur, quod Inconuenienter distinguantur alia moralia præcepta legis, præter decalogi præcepta.

1. In duobus præceptis charitatis pendet omnis lex, & propheta, vt Dominus dicit Matt. 22. Ergo Præter præcepta decalogi, non oportet alia præcepta moralia tradere.

Consequentia prob. quia Hæc duo præcepta explicantur per decem præcepta decalogi.

2. Præcepta decalogi sufficienter determinantur per præcepta ceremonialia, & iudicialia, quæ a moralibus sunt distincta. Ergo Præter præcepta decalogi, non sunt ponenda alia præcepta moralia.

Consequentia prob. quia Præcepta moralia, vel in ipso decalogo continentur, vt sunt præcepta moralia communissima, vel ad decalogum reducuntur, vt sunt præcepta non statim ex primis manifesta, de quibus supra dictum est. Vnde quæ superadduntur ad determinandum ipsa moralia præcepta, solum iudicialia, & ceremonialia erūt.

3. In lege ponuntur, præter præcepta decalogi, alia præcepta moralia pertinentia ad latrariam, liberalitatem, misericordiam, & castitatem, vt patet in corpore. Ergo Pari ratione debuerunt superaddi decalogo aliqua præcepta pertinentia ad alias uirtutes, puta ad fortitudinem, sobrietatem, & alia huiusmodi, quod tamen non fit. Ergo Inconuenienter distinguuntur in lege alia præcepta moralia, præter decalogum.

Consequentia prob. quia Præcepta moralia sunt de actibus omnium virtutum, vt dictum est, quæst. præced. art. 2.

Pro Affirmatiua.

Ea, per quæ homo conseruatur, absque macula, conuenienter in diuina lege traduntur. Sed Per alia moralia, præter præcepta decalogi, homo conseruatur absque macula. Ergo Alia præcepta moralia, præter decalogum, conuenienter in lege traduntur.

Maior prob. quia Lex Domini est immaculata conuertens animas, vt dicitur Psalmo 18.

Determinatio.

1. Conclusio. Præter præcepta decalogi conuenienter traduntur in lege alia præcepta moralia.

Manifestatur. Nam præcepta moralia in hoc a ceremonialibus, & iudicialibus distinguuntur, quod ceremonialia, et iudicialia ex sola diuina institutione uim habent, quia antequam institueretur, non videbatur referre, vtrum sic, vel aliter fieret. Præcepta autem moralia ex ipso dictamine rationis naturalis efficaciam habent, etiam si nunquam in lege statuta fuissent.

Sed horum præceptorum moralium triplex est gradus. Quædam enim sunt communissima, & adeo manifesta, quod editione non indigent, & ideo inter præcepta decalogi non ponuntur. Sicut sunt mandata de dilectione Dei, & proximi, & alia huiusmodi, de quibus dictum est supra q. 94. art. 4. quod sunt quasi fines præceptorum. Vnde circa ea nullus potest errare secundum iudicium rationis. Sunt igitur huiusmodi præcepta præambula ad præcepta decalogi. Quædam vero sunt præcepta moralia magis determinata, quorum rationem statim quilibet etiam popularis potest de facili videre, & tamen quia in paucioribus, circa huiusmodi præcepta, contingit iudicium humanum peruertere, indigent hæc præcepta editione, & hæc sunt præcepta decalogi. Quædam tandem sunt præcepta moralia, quorum ratio non est cuiuslibet tam manifesta, sicut ratio præceptorum decalogi, sed solum sapientibus, & ista sunt præcepta moralia, quæ sunt tradita populo a Deo per Moysen.

Cum igitur ex illis primis præceptis communissimis pendeant non solum præcepta decalogi, sed etiam alia præcepta moralia, quamuis non tam manifesta, sicut ex illis pendent præcepta decalogi, propterea conuenienter in lege diuina, a Deo per Moysen tradita sunt alia præcepta moralia.

Remanet etiam hæc conclusio probata per argumentum pro affirmatiua inductum.

2. Conclusio. Præcepta moralia tradita in lege diuina, præter præcepta decalogi, conuenienter reducuntur ad præcepta decalogi per modum cuiusdam additionis.

Prob. & declaratur prob. inquam. Ad præcepta magis manifesta conuenienter reducuntur præcepta minus manifesta. Sed Præcepta decalogi sunt magis manifesta, quam alia moralia præcepta, quæ ex illis communissimis principiis dependent.

Ergo Ad præcepta decalogi conuenienter reducuntur.

huiusmodi præcepta moralia reducuntur, eisque superadduntur.

Maiores prob. quia manifesta sunt principia cognoscendi ea, quæ non sunt manifesta.

Declaratur Conclusio. Nam in primo præcepto decalogi prohibetur cultus alienorum Deorum, & huic præcepto superadduntur sequentia præcepta. Deuter. 18. prohibitiua eorum, quæ ordinantur ad cultum idolorum.

1. Non inueniatur in te, qui lustrat filium suum, aut filiam suam ducens per ignem.
2. Nec sit maleficus, atque incantator.
3. Nec phitones consulat, neque diuinos, & quarat a mortuis veritatem.

Secundum præceptum prohibet periurium, et ei superadduntur duo alia præcepta.

1. Est prohibitio blasphemie, ut patet Leu. 14.
2. Prohibitio falsæ doctrine, ut patet Deut. 13.

Tertio præcepto de sanctificatione. sabbati, superadduntur omnia cærimonialia, de quibus quæst. sequenti erit sermo.

Quarto præcepto de honore parentum superadditur præceptum de honoratione senum, secundum illud Leuit. 19. Coram cano capite consurge, & honora personam senis, & vniuersaliter omnia præcepta inducentia ad reuerentiā exhibendam maioribus, vel ad beneficia exhibenda aequalibus, vel minoribus.

Quinto præcepto, quod est de prohibitione homicidij additur.

1. Prohibitio odij, & cuiuslibet violationis contra proximum, secundum illud Leuit. 19. Nō stabis contra sanguinem proximi tui.
2. Prohibitio odij fratris, secundum illud. Ne oderis fratrem tuum in corde tuo.

Sexto præcepto, quod est de prohibitione adulterij, superadditur.

1. Præceptum de prohibitione meretricij, secundum illud Deuter. 24. Non erit meretrix de filiabus Israel, neque fornicator de filiis Israel.
2. Prohibitio virij contra naturam, ut patet Leuit. 18. Cum masculo nō commisceberis, cum omni pecore non coibis.

Septimo præcepto de prohibitione furti adiungitur.

1. Præceptum de prohibitione vsuræ, secundum illud Deuter. 18. Non speraberis fratri tuo, ad vsuram.
2. Prohibitio fraudis, secundum illud Deuter. 25. Non habebis in sacculo diuersa pondera, & vniuersaliter omnia, quæ ad prohibitionem calumnie, & rapinæ pertinent.

Octauo præcepto, quod est de prohibitione falsi testimonij, additur.

1. Prohibitio falsi iudicij, secundum illud Exodus 23. Nec in iudicio plurius morum acquiesces sententia, ut a veritate demas.

2. Prohibitio mædatorij, sicut ibi subditur. Mædaciū fugies.

3. Prohibitio detractionis, secundum illud Leuit. 19. Nō eris criminator, & iustus in populo.

Alijs autem duobus præceptis. 6. & 10. Nulla alia adiunguntur præcepta, quia per ea vniuersaliter omnia mala concupiscentia prohibetur.

Ex quibus omnibus patet, quam fuerit necessarium, præceptis decalogi adiungere alia præcepta moralia, & quam convenienter ad præcepta decalogi reducantur.

Ad Argumenta.

Ad 1. Negatur cōsequētia. Ad prob. dicitur, quod præcepta, quæ ordinantur ad dilectionem Dei, & proximi, sunt in duplici differentia. Quedam enim ad ipsā ordinantur secundum manifestam rationem, & hæc sunt præcepta decalogi. Quædam vero secundum rationem magis occultam, & hæc superadduntur præceptis decalogi.

Ad 2. Dicitur ad antecedens, quod Præcepta decalogi dupliciter determinari possunt. Primo ex vi naturalis instinctus. Secundo ex vi institutionis. Ex vi diuine institutionis determinantur per præcepta cærimonialia, & iudicialia. Sed ex vi instinctus naturalis rationis, determinantur per præcepta moralia superaddita.

Ad 3. Negatur consequentia. Ad prob. dicitur, quod Virtutes sunt in duplici differentia. Quædam ordinantur ad alium, & ita directe ad commune bonum pertinent, ut sunt iustitia, misericordia, &c. Quædam non ordinantur ad alium, & hæc directe, et principaliter non pertinent ad bonum commune, idcirco in lege ponuntur præcepta principaliter solum de virtutibus ordinantibus directe ad bonum commune, & propter hoc ponuntur præcepta de iustitia, quæ ad Deum pertinent de liberalitate, & misericordia, quæ ordinantur ad proximum, & de castitate, quæ deservit bono communi species. De acutatem fornicationis datur præceptum, propter eam per ducens exhortationem in bello, quod pro bono communi suscipitur, ut patet Deut. 20. ubi mandatur sacerdoti. Nō te tueri, noli te cedere. Similiter et actus fornicationis prohibetur coniugati monitioni paternæ, quæ contraria bono domestico. Vñ Deut. 21. ex persona parentū dicitur. Moxa nostra audire contemnit, compassio, filius vacat, luxuria, atque cogitatio.

**Omniū moralium præcepto-
rum, ordo, & numerus.**

Ex

Ex hoc articulo, & præcedentibus colliguntur omnia præcepta moralia ad legem pertinentia. Sunt igitur præcepta moralia in triplici ordine. Quædam sunt communissima, & notissima, quæ propterea nulla indigent editione, & hæc sunt quatuor.

1. Omnibus reddere debitum.
2. Nulli nocumentum, vel iniuriam inferre.
3. Diligere Deum.
4. Diligere proximum.

Quædam sunt, quæ ex prædictis absque aliqua diligenti inuestigatione sunt manifesta, & hæc sunt decem præcepta decalogi, superius enumerata.

Quædam vero sunt, quæ pendunt ex illis primis notissimis præceptis, mediantibus præceptis decalogi, & sunt omnia enumerata in artic. præfenti.

Quæ omnia moralia præcepta sic se habent, quod præcepta decalogi reducuntur ad illa quatuor communissima, & ad præcepta decalogi omnia alia reducuntur.

Ad 1. Præceptum communissimum reducuntur præcepta decalogi hoc modo.

Omnibus redde idum est debitum.

Deo.

Memento, ut diem sabbati sanctifices.

Parentibus.

Honora patrem, & matrem.

2 Nulli inferenda est iniuria, nec nocumentum.

Non Deo.

Non habebis Deos alienos coram me.

Non assumes nomē domini Dei tui in vanum.

Non proximo.

Non occides.

Non mœchaberis.

Non furtum facies.

Non dices falsum testimonium.

Non concupisces uxorem alienam.

Non concupisces rem alienam.

Ad alia duo præcepta communissima sic reducuntur præcepta decalogi.

Diligendus est Deus.

Non habebis Deos alienos.

Non assumes nomen domini Dei tui in vanum.

Memento, ut diem sabbati sanctifices.

Diligendus est proximus.

Honora Patrem, & matrem.

Non occides.

Non mœchaberis.

Non furtum facies.

Non dices falsum testimonium.

Non concupisces uxorem.

Non concupisces rem alienam.

Cætera vero præcepta moralia reducuntur ad præcepta decalogi hoc ordine.

Ad 1. Non habebis Deos alienos coram me, reducuntur.

1. Nullus lustrat filium suum, aut filiam.

2. Nullus sit maleficus, atque incantator.

3. Nullus consulat phitones, &c.

Ad 2. Non assumes nomen domini Dei tui in vanum, reducuntur.

1. Qui blasphemauerit nomen domini, morte moriatur. Leuit. 24.

2. Et prohibitio falsæ doctrinæ, per totum capitulum 13. Deut.

Ad 3. Memento, ut diem sabbati sanctifices, reducuntur omnia ceremonialia.

Ad 4. Honora patrem, & matrem, reducuntur.

1. Coram cæno capite confurge, &c. Leuit. 19. Et vniuersaliter omnia præcepta inducentia ad reuerentiam.

Ad 5. Non occides reducuntur.

1. Non stabis contra sanguinem proximi tui. Leuit. 19.

2. Non oderis fratrem tuum in corde tuo.

Ad 6. Non mœchaberis, reducuntur.

1. Non erit meretrix de filiabus Israel, &c. Deuter. 24.

2. Cum masculo non cōmischeberis, &c. Leuit. 18.

Ad 7. Non furtum facies, reducuntur.

1. Nō feneraberis fratri tuo ad usuram. Deut. 18.

2. Non habebis in sacculo diuersa pondera. Deuter. 25.

3. Et vniuersaliter omnia, quæ prohibent rapinam, & calumniam.

Ad 8. Non dices falsum testimonium, reducuntur.

1. Nec in iudicio plurimorum acquiesce sententiæ, &c. Exod. 24.

2. Mendacium fugies, ibidem.

Ad 9. Et 10. nullum reducitur morale præceptum.

Omnia

Omnia igitur moralia præcepta legis sunt.

Communissima non ædita.

1. Omnibus reddendum est debitum.
2. Nulli facienda est iniuria.
3. Deus est colendus.
4. Proximus est diligendus.

Decalogi.

1. Non habebis Deos alienos.
2. Non assumes nomen domini Dei tui in vanum.
3. Memento ut diem sabbati sanctifices.
4. Honora patrem, & matrem.
5. Non occides.
6. Non mœchaberis.
7. Non furtum facies.
8. Non dices falsum testimonium.
9. Non concupisces uxorem proximi tui.
10. Non concupisces rem proximi tui.

Super addita.

Primo.

Nullus lustret filium, vel filiam.
Nullus sit maleficus, & incantator.
Nullus consulat phitones.

Secundo.

Nullus blasphemet nomen domini.
Nullus doceat falsam doctrinam.

Terrio.

Servanda sunt ceremonialia.

Quarto.

Honora senes, & similia pertinentia ad reuerentiam.

Quinto.

Non stabis contra sanguinem proximi.
Non oderis fratrem tuum.

Sexto.

Non erit meretrix.
Non cum masculo coeas.

Septimo.

Non fœneraberis ad usuram.
Non habebis diuersa pondera.

Octauo.

Non facies falsum iudicium.
Mendacium fugies.
Non eris criminator.

ARTICVLVS XII.

Vtrum Præcepta moralia veteris legis iustificarent.

Pro Affirmatiua.

Videtur, quod Præcepta moralia veteris legis iustificarent.

1. Factores legis iustificuntur. Sed Qui implent præcepta legis, sunt factores legis. Ergo Qui implent præcepta legis iustificuntur, & sic præcepta legis impleta iustificunt.

Maior prob. quia Rom. 2. dicitur. Non enim auditores legis iusti sunt apud Deum, sed factores legis iustificabuntur.

2. Præcepta, quæ obseruata causant vitam spirituales, iustificunt. Sed Præcepta legis obseruata, causant vitam spiritualem. Ergo Præcepta legis iustificunt.

Maior prob. quia Vita spiritualis hominis est per iustitiam.

Minor prob. quia Leuit. 18. dicitur. Custodire leges meas, atque iudicia, quæ faciens, homo viuet in eis.

3. Lex humana iustificat. Ergo Multo magis præcepta legis diuinæ iustificunt.

Antec. prob. quia Quædam iustitia est in hoc, quod præcepta legis adimplentur.

Conseq. prob. quia Lex diuina efficacior est, quam lex humana.

Pro Negatiua.

Apost. 2. Cor. 3. dicit. Litera occidit, quod secundum Augustinum in lib. de spiritu, & litera, intelligitur etiam de præceptis moralibus. Ergo Præcepta moralia non iustificabant.

Determinatio.

1. Distinctio. Iustificatio dicitur dupliciter. Vno modo primo, & proprie. Alio modo secundario. Iustificatio primo, & proprie, est ipsa factio iustitiæ. Iustificatio secundario, est vel significatio iustitiæ, vel dispositio ad iustitiam.

Manifestatur hæc distinctio à simili in hoc nomine sanum. Sanum enim dicitur proprie, & primo illud, quod habet sanitatem, per posterius autem sanum dicitur, quod significat, vel conseruat sanitatem, videntur vrina, & dieta. Sic hoc nomen iustificatio, est enim quoddam analogum significans primo, & proprie factionem iustitiæ, & secundario, quod significat iustitiam, vel ad ipsam disponit.

2. Distinctio. Iustificatio proprie, dupliciter dicitur. Vno modo, secundum quod homo fit iustus adipiscens habitum iustitiæ. Alio modo, secundum

secundum quod homo operatur opera iustitiæ, vt secundum hoc iustificatio nihil aliud sit, quam iustitiæ executio.

Manifestatur hæc distinctio. quia Iustitia potest accipi, p vt est in habitu, & pro vt est in actu. Aliquis enim est iustus, quia habet habitum iustitiæ. Alius vero est iustus, quia exequitur actus iustitiæ, licet careat habitu.

3. Distinctio. Iustitia, sicut & aliæ virtutes, est duplex. Acquisita, & Infusa. Acquisita causatur ab operibus. Infusa causatur a Deo per gratiam, & hæc est vera iustitia, de qua nunc loquimur, secundum quam aliquis dicitur iustus apud Deum, secundum illud Rom. 4. Si Abraham iustificatus est ex operibus legis, habet gloriam, sed non apud Deum.

1. Conclusio. Omnia præcepta legis, non solum moralia, sed ceremonialia, & iudicialia iustificabant, secundum quod iustificatio dicitur id, quod significat, vel disponit ad iustitiam.

Manifestatur. quia Præcepta omnia legis disponebant homines ad gratiam Christi iustificationem, quam etiam significabant.

Et confirmatur. quia Aug. dicit lib. 2.2. contra faustum, cap. 24. quod etiam vita illius populi prophetica erat, & Christi figurativa.

2. Conclusio. Præcepta moralia legis veteris non poterant iustificare, causando habitum infusum iustitiæ.

Prob. Actus humani non possunt causare habitum infusum virtutis iustitiæ, sed solus Deus. Sed Præcepta moralia sunt de actibus humanis. Ergo Præcepta moralia non poterant iustificare causando habitum infusum iustitiæ.

3. Conclusio. Præcepta ceremonialia non poterant nec ipsa iustificare, causando habitum infusum iustitiæ.

Prob. Præcepta, quæ possunt iustificare, causant gratiam. Sed Præcepta ceremonialia non causabant gratiam. Ergo Non poterant iustificare.

Maiores prob. quia Iustificatio proprie est per gratiam.

Minor prob. quia Sacramenta legis antiquæ, de quibus magis videtur, vt iustificare possent, & causare gratiam, non iustificabant, nec gratiam causabant, ad differentiam sacramentorum nouæ legis, quæ propter hoc, quod gratiam conferunt, iustificare dicuntur.

4. Conclusio. Si accipitur iustificatio pro executione actus iustitiæ, omnia præcepta legis iustificabant, aliter tamen, & aliter.

Prob. Primo. Deinde declaratur. Prob. inquit. Ea, quæ aliquo modo continent iustitiam, iustificabant eos, qui ea exercent, secundum quod diuer-

sime iustitiam continent. Sed Omnia præcepta legis, tum moralia, tum ceremonialia, tum iudicialia continent aliquo modo iustitiam. Ergo Præcepta omnia legis iustificabant, secundum quod diuersimode iustitiam continent.

Maiores prob. & simul declaratur conclusio. Nā præcepta ceremonialia continent secundum se iustitiam in generali, pro vt exhibebantur in cultu Dei. In speciali vero non continebant secundum se iustitiam, nisi ex sola determinatione legis diuinæ. Sicut immolatio agni continebat iustitiam generalem, quatenus immolabatur ad Dei honorem: in speciali vero non continebat iustitiam, nisi ex institutione diuina, quatenus Deus hanc immolationem, ad aliquod iustum ordinauit, & ideo de huiusmodi præceptis dicitur, quod non iustificabant, nisi ex deuotione, & iustitia facientium.

Præcepta vero moralia, & iudicialia continebant id, quod erat secundum se iustum, vel in generali, vel etiam in speciali. Præcepta inquam moralia continebant id, quod est secundum se iustum, secundum iustitiam generalem, quæ est omnis virtus, vt dicitur. 5. Ethic. c. 1. Præcepta vero iudicialia, pertinebant ad iustitiam specialem, quæ consistit circa contractus humanæ vitæ, qui sunt inter homines ad inuicem.

Quæ omnia breuiter colligendo, dicitur.

Primo. Omnia præcepta legis antiquæ iustificabant, secundum quod iustificatio dicitur significatio iustitiæ, vel ordo ad iustitiam: quia omnia significabant iustitiam Christi, & ad eam disponebant.

Secundo. Præcepta legis non iustificabant proprie causando habitum iustitiæ infusum: quia iustitia infusa est solum per gratiam Dei.

Tertio. Omnia præcepta legis iustificabant, secundum quod iustificatio dicitur, exercitiū actus iustitiæ. aliter tamen, & aliter. Quia Omnia legis præcepta iustitiam continent, sed diuersimode, vt dictum est.

Ad Argumenta.

Ad 1. Dicitur ad maiorem, & ad eius prob. quæ est sententia Apostoli, quod Apostolus accipit ibi iustitiam, pro executione iustitiæ, & sensus est, quod factores legis iustificantur, quatenus opera, & præcepta continentia iustitiam exequuntur, non autem quod iustitiam infusam acquirant, ex sola antiquæ legis præceptorum obseruantia.

Ad 2. Negatur minor. Ad prob. dicitur, quod homo faciens præcepta legis, dicitur viuere in eis, quia non incurrebat penam mortis, quam lex transgressores infligebat, in quo sensu inducit hoc Apostolus ad Galat. 3.

Ad 3. Dicitur ad antecedens, quod præcepta legis humanæ iustificanti, iustitia acquisita, de qua non est sermo ad præsens, sed solum de iustitia, quæ est apud Deum.

DE PRÆCEPTIS cæremonialibus.

Consequenter considerandum est de præceptis cæremonialibus. &

Primo. De ipsis secundum se, in q. 101.

Secundo. De causa ipsorum in q. 102.

Tertio. De duratione ipsorum in q. 103.

QVÆSTIO CI.

DE PRÆCEPTIS CÆREMO- nialibus secundum se

ARTICVLVS I.

Vtrum Ratio præceptorum cæremonialium consistat in hoc, quod pertinent ad cultum Dei.

Pro Negativa.

Videtur, quod. Ratio præceptorum cæremonialium non consistat in hoc, quod pertinent ad cultum Dei.

1. In lege traduntur quædam præcepta cæremonialia, quæ non videntur pertinere ad cultum diuinum. Ergo Ratio cæremonialium præceptorum non est, vt pertineant ad cultum diuinum.

Antec. prob. Leuit. 11. datur præceptum de abstinentia à quibusdam cibis. & præceptum, quod datur Leuit. 19. Ne induantur veste, quæ ex duobus texta est. & præceptum, quod datur Num. 15. vt faciant sibi simbras per angulos palliorum. Hæc, inquam præcepta non videntur pertinere ad cultum diuinum, & tamen inter cæremonialia debent computari.

Quod autem hæc præcepta sint cæremonialia ostenditur. quia Omnia præcepta legis, aut sunt Moralia, aut Iudicialia, aut Cæremonialia. Sed Hæc præcepta non sunt moralia, cum non maneant semper. Nec sunt iudicialia, cum non pertineant ad iudicium faciendum inter homines. Ergo Hæc præcepta sunt cæremonialia.

2. Quidam dicunt, quod Præcepta cæremonialia dicuntur illa, quæ pertinent ad solemnitates: quasi dicerentur à cereis, qui in solemnitatibus accenduntur. Sed Multa alia sunt pertinentia ad cultum Dei præter solemnitates. Ergo Videtur, quod legis præcepta cæremonialia non ea ratione dicantur, quia pertinent ad cultum Dei.

3. Secundum quosdam, præcepta cæremonialia dicuntur quasi normæ, id est regulæ salutis. Nam quere in græco, idem est, quod salua. Sed Omnia præcepta legis sunt regulæ salutis, & non solum illa, quæ pertinent ad Dei cultum. Ergo Non solum illa præcepta dicuntur cæremonialia, quæ pertinent ad cultum Dei, sed omnia ad ea.

4. Rabbi Moyses dicit, quod præcepta cæremonialia dicuntur, quorum ratio non est manifestata. Sed Multa pertinentia ad cultum Dei habent rationem manifestam: sicut et sabbati observatio, & celebratio phase, & scenophegie, & multorum aliorum, quorum ratio assignatur in lege. Ergo Cæremonialia non sunt, quæ pertinent ad cultum Dei.

Pro Affirmativa.

Exodi 18. dicitur. Estote populo in his, quæ ad Deum pertinent, ostendatque populo cæremonias, & ritum colendi.

Determinatio.

Conclusio. Præcepta cæremonialia proprie dicuntur, quæ ad Dei cultum pertinent.

Prob. Præcepta, quæ determinant præcepta, moralia in ordine ad Deum, pertinent ad diuinum cultum. Sed Præcepta cæremonialia determinant præcepta moralia, in ordine ad Deum, sicut iudicialia determinant præcepta moralia in ordine ad proximum. Ergo Præcepta cæremonialia pertinent ad cultum diuinum.

Ratio nominis præcepti cæremonialis posita est supra, quæ sit. 99. art. 3. vbi præcepta cæremonialia ab alijs sunt distincta.

Ad Argumenta.

Ad 1. Negatur antecedens. Ad probationem dicitur, quod illa præcepta sunt cæremonialia, quæ licet non pertinent ad cultum Dei immediate, sicut sacrificia, & alia huiusmodi, tamen pertinent ad diuinum cultum dispositiue. Sicut enim in alijs, quæcunque sunt preparatiua ad finem, cadunt sub scientia, quæ est de fine; ita huiusmodi præcepta, quæ dantur de cibis, & vestibus colentium Deum, pertinent ad quandam præparationem ministratum, vt sint idonei ad cultum Dei, ac per hoc ad cultum Dei dispositiue pertinent.

Ad 2. Dicitur dupliciter. Primo ad maiorem, quod illa expositio nominis non videtur esse multum conueniens, præsertim cum non multum inueniatur in lege, quod in solemnitatibus, cerei accenderentur: immo in ipso candelabro, lucernæ cum oleo oliuarum præparabantur, vt patet Leuit. 24.

Secundo

Secundo Nihilominus dicitur ad minorem, quod in solemnitatibus omnia, quæ pertinebant ad cultum Dei diligentius observabantur, & secundum hoc omnia caeremonialia includuntur in observatione solemnitatum.

Ad 3. Dicitur dupliciter. Primò ad maiorem, quod nec etiam illa expositio nominis videtur esse multum conveniens. Nomen enim caeremoniæ, non est græcum, sed latinum.

Secundò, potest dici ad minorem, quod Licet omnia præcepta legis sint præcepta salutis, tamè illa videntur præcipuè esse salutis regulæ, quæ ordinant hominem ad Deum, qualia sunt caeremonialia, quæ ad ipsam Dei cultum pertinent.

Ad 4. Dicitur, quod Ratio illa Rabbi Moysi caeremonialium, non est necessaria, sed quodammodo probabilis. Non enim caeremonialibus, ut sic, convenit habere rationem non manifestam, sed hoc consequitur ad ipsa caeremonialia, ex eo quod sunt figuralia, ut dicitur. Unde & eorum figuralis ratio non est adeo manifesta.

ARTICVLVS II.

Vtrum Præcepta caeremonialia sint figuralia.

Pro Negatiua.

Videtur, quod Præcepta caeremonialia non sint figuralia.

1. Ea, quæ debent esse manifesta, non sunt figuralia. Sed Præcepta diuinæ legis debent esse maxime manifesta.

Ergo Præcepta caeremonialia diuinæ legis non sunt figuralia.

Maior prob. quia Figuralia non sunt manifesta, nisi exponatur, quid figurent. Et cum in lege non exponatur, quid figurent legis præcepta, hæc essent figuralia, non essent manifesta.

Minor prob. quia Pertinet ad officium cuiuslibet doctōris, ut sic pronunciet, ut de facili intelligi possit, ut Aug. dicit lib. 4. de doct. Christ. cap. 4. & hoc maxime videtur esse necessarium in legislatione, quia præcepta legis populo proponuntur. Unde lex debet esse manifesta, ut Isid. dicit lib. 5. cap. 21.

2. Ea, quæ in cultu Dei aguntur, non debent esse figuralia. Sed Præcepta caeremonialia ad cultum Dei ordinantur. Ergo Præcepta caeremonialia non sunt figuralia.

Maior prob. Ea, quæ maxime continent honestatem, & veritatem, non sunt figuralia. Sed Quæ pertinent ad diuinum cultum, debent maxime

habere veritatem, & honestatem.

Ergo Ea, quæ in cultu Dei aguntur, non sunt figuralia.

Maior huius manifestatur. quia Facere aliquid, ad repræsentandum aliquid aliud (quod est esse figurale) videtur esse theatricum, siue poeticum. In theatris enim repræsentantur olim per aliquam, quæ ibi gerebatur, quædam aliorum facta, unde nec honestatem, nec veritatem habebant. Ea igitur, quæ maxime veritatem, & honestatem continent, figuralia esse non possunt.

3. Præcepta, quæ dantur de Fide, Spe, & Charitate, non sunt figuralia. Sed Deus maxime colitur Fide, Spe, & Charitate, ut August. dicit in Hêchir. cap. 3. Ergo Præcepta, quibus Deus colitur, quæ sunt caeremonialia, non sunt figuralia.

4. Præcepta de diuina adoratione non sunt figuralia. Sed Præcepta caeremonialia pertinent ad diuinam adorationem. Ergo Præcepta caeremonialia non sunt figuralia.

Maior prob. quia Deus est adorandus in spiritu, & veritate Ioan. 4. Sed Figura non est ipsa veritas, sed contra eam diuiditur. Ergo Præcepta de diuina adoratione non sunt figuralia.

Pro Affirmatiua.

Apost. ad Coloss. 2. dicit. Nemo indicet vos in cibo, aut in potu, aut in parte diei festi, aut Neomeniæ, aut sabbatorum, quæ sunt vmbra futurorum.

Determinatio.

Concl. Præcepta caeremonialia antiquæ legis sunt figuralia.

Prob. Præcepta pertinentia ad diuinum cultum in statu, in quo nec ipsa diuina veritas ipsi humano intellectui erat manifesta, neque erat propalata via ad hanc perueniendi, sunt figuralia. Sed Præcepta caeremonialia antiquæ legis sunt pertinentia ad diuinum cultum, in statu, in quo nec ipsam diuinam veritatem poterat humanus intellectus intueri, nec erat propalata via ad diuinæ veritatis visionem perueniendi. Ergo Præcepta caeremonialia antiquæ legis erant figuralia.

Vtraque præmissarum simul declaratur, & probatur.

Sciendum igitur, quod cultus Dei, ad quem præcepta caeremonialia ordinantur, est duplex. Interior, & Exterior. Et ratio huius distinctionis est, quia Cum homo sit compositus ex anima, & corpore, vtrunque debet applicari ad colendum Deum, ut Anima colat Deum interiori cultu, & corpus

Pppp exte-

exteriori. Vnde dicitur in Psal. 83. Cor meum, idest anima, & caro mea, idest corpus, exultauerunt in Deum uiuum. Hi duo cultus sic se habent, quod cultus interior ordinatur in Deum, & cultus exterior ordinatur ad cultum interiore.

Consistit autem cultus interior in hoc, quod Anima coniungatur Deo per intellectum, & affectum. Vnde secundum quod diuersimode intellectus, & affectus hominis coniunguntur Deo, diuersimode etiam actus exterioris ad diuinum cultum applicantur. Si igitur intellectus intueatur ipsam diuinam veritatem in se ipsam, & ipsa per affectum fruatur, tunc cultus exterior non poterit esse figuratiuus, quia habita ipsa veritate, nullus remanet figuræ locus. Si vero intellectus non intueatur ipsam diuinam veritatem, actus exteriores ordinati ad cultum diuinum necessario sunt figuratiui.

Status autem humanæ cognitionis, respectu diuinæ veritatis, duplex est, scilicet status præsentis vite, & status futuræ beatitudinis. In statu futuræ beatitudinis humanus intellectus intuebitur diuinam veritatem in se ipsa, & ideo exterior Dei cultus in illo statu, non consistet in aliqua figura, sed solum in laude Dei, quæ præcedit ex interiori cognitione, & affectione, secundum illud Esa. 51. Gaudium, & lætitia inuenietur in ea, gratiarum actio, & vox laudis. In statu autem præsentis vite non possumus diuinam veritatem in se ipsa intueri, sed oportet, ut radius diuinæ veritatis nobis illucescat sub aliquibus sensibilibus figuris, ut Dionysius dicit. cap. 1. cæl. hier. Sed quia status humanæ cognitionis in hac vita, duplex est, scilicet Status antiquæ legis, qui iam est consummatus, & Status legis gratiæ. Ideo diuersimode humanus intellectus, secundum horum statuum diuersitatem, se habet ad cognitionem veritatis. In lege enim veteri, neque ipsa diuina veritas, in se ipsa manifesta erat, neque adhuc propalata erat via ad hoc perueniendi, ut dictum est ad Hebr. 7. & ideo necessarium erat, ut exterior diuinus cultus esset figuratiuus duorum, scilicet ipsius diuinæ veritatis manifestanda in patria, & Iesu Christi, qui est via ducens ad illam veritatem.

In statu autem nouæ legis, hæc via iam reuelata est, unde hanc præfigurari non oportet, sicut futuram, sed commemorari per modum præteriti, vel præsentis: oportet tamen præfigurari gloriæ futuræ veritatem, nondum reuelatam.

Quia igitur status antiquæ legis remotior erat a cognitione diuinæ veritatis in se ipsa, magis erat figuris indigens, quam status nouæ legis, & propterea ad Heb. 10. dicit Apostolus. Vmbra habet lex, scilicet vetus, futurorum bonorum, non

ipsam imaginem rerum, sicut noua. Vmbra enim minus est, quam imago, & vmbra pertinet ad legem veterem, imago vero ad legem nouam.

Breuitur igitur hæc omnia colligendo dicitur, quod triplex est status humanæ cognitionis respectu veritatis diuinæ, scilicet Legis antiquæ, Legis nouæ, & Futuræ gloriæ.

In statu legis antiquæ, nec diuinam veritatem poterat humanus intellectus intueri, nec erat propalata via perueniendi ad visionem diuinæ veritatis: Ideo cultus exterior erat figuratiuus diuinæ veritatis, & eius, per quem propalanda erat via.

In statu legis nouæ non est cognita veritas diuina in se ipsa, sed propalata est via per Christum qua ad ipsam peruenitur: & ideo cultus exterior nouæ legis est figuratiuus veritatis patriæ, & commemoratiuus eius, qui viam propalauit perueniendi ad visionem veritatis, scilicet Christi.

In statu gloriæ diuina veritas videbitur in se ipsa, unde diuinus exterior cultus non erit aliquo modo figuratiuus, sed solum consistet in Dei laude.

Lex antiqua erat vmbra diuinæ veritatis.

Noua est imago, & Gloria est ipsamet diuina veritas.

Ex quibus patet primo termini assumpti in utraque præmissa, ad probandam conclusionem: & etiam habetur probatio vtriusque, Et maioris quidem, quæ erat, quod Præcepta pertinentia ad diuinum cultum, in statu, in quo, nec diuina veritas erat homini nota, nec propalata erat via ad ipsam, sunt figuralia. Patet, quia oportet, ut huiusmodi præcepta in illo statu figurent ipsam veritatem, & enim, qui viam debebat propalare, scilicet Christum.

Minoris etiam probatio patet ex differentia, quæ est inter statum legis antiquæ ex vna parte, & legis nouæ, & gloriæ ex altera. In statu enim gloriæ, nulla erit figura. In lege noua, solius gloriæ. In lege vero veteri necessarium erat, & veritatem diuinam, & propalatorem viæ ad ipsam perueniendi, præfigurare.

Ad Argumenta.

Ad 1. Dicitur, quod Aliqua debere esse manifesta, potest dupliciter intelligi. Vno modo absolute. Alio modo respectiue, scilicet per respectum ad eos, quibus proponuntur, ut sint manifesta iuxta eorum capacitatem. Ad maiorem igitur dicitur, quod ea, quæ sunt manifesta absolute, & simpliciter, perfectio non sunt figuratiua. Ea autem, quæ debent fieri manifesta iuxta capacitatem eorum, quibus proponuntur, possunt esse,

Immo aliquando necessarium est, vt sint figura-
lia, vt mediantibus figuris possit ille, cui præcep-
tum proponitur, ad veritatis capum peruenire.
Tunc ad minorem dicitur, quod præcepta diui-
na non sunt reuelanda hominibus, nisi secundū
eorum capacitatem, alioquin daretur eis præci-
pitij materia, dum contemnerent, quæ capere nō
posset: Et ideo vtilius fuit, vt sub quodam figu-
rarum velamine diuina mysteria rudi populo tra-
derentur, vt saltem ea implicite cognoscerent,
dum illis figuris deseruirent ad honorem Dei.

Ad 2. Negatur maior. Ad cuius probationem
negatur etiam maior, & ad eius prob. dicitur,
quod Representatio est necessaria in poeti-
cis, & theatricis, & etiam in pertinentibus ad di-
uinum cultum in hac vita, & præcipue in veteris
legis statu, sed diuersa ratione.

In theatricis enim, & poeticis est necessaria re-
presentatio propter defectum veritatis. In perti-
nentibus vero ad diuinum cultum est necessaria
representatio propter excellentiā veritatis. Quia
enim poetica non capiuntur a ratione humana
propter defectum veritatis, qui est in eis, opus
est representatione, vt intellectus aliquid de his
capere possit. Et ex altera parte quia veritas di-
uina est tantæ excellentiæ, quod intellectus eam
secundum se ipsam capere non potest, necessariae
sunt representationes, vt his mediantibus intel-
lectus ad attingendam aliquammodo ipsam perueni-
re possit.

Ad 3. Dicitur ad minorem, quod August. lo-
quitur de cultu interiori, ad quem tamen, cul-
tum exteriori ordinari oportet, vt in corpore
dictum est.

Ad 4. Negatur maior. Ad probationem di-
citur, quod Deus adorandus est in spiritu, & ve-
ritate cultu interiori, ad quem per Christum plu-
res homines sunt introducti; cū quo stat, quod
in lege veteri esset necessaria figuræ, vt di-
ctum est.

A R T I C V L V S III.

Vtrum debuerint esse multa cæremonialia
præcepta.

Pro Negatiua.

Videtur, quod non debuerint esse multa cære-
monialia præcepta.

1. Ea, quæ ordinantur ad vnum finem, non
debent multiplicari.

Sed Præcepta cæremonialia ordinantur ad cul-
tum Dei, & in figuram Christi, tanquam ad vñ
finem. Ergo Præcepta cæremonialia non debue-
runt multiplicari.

Et Maior prob. quia Ea, quæ sunt ad finem, de-
bent esse proportionata fini.

Minor prob. Et quod præcepta cæremonialia
ordinantur ad cultum Dei, & in figuram Christi
iam dictum est art. 1. & 2. Quod vero ordinantur
ad hæc, tanquam ad vnum finem probatur. quia
Est vnus Deus, a quo omnia, & vnus Dominus
Iesus Christus per quem omnia, vt dicitur 1. Co-
rinth. 8.

2. Quod contrariatur humanæ salutis, non de-
bet inueniri in diuina lege. Sed Multiplicatio præ-
ceptorum contrariatur humanæ salutis. Ergo
Multiplicatio præceptorum non debet esse in di-
uina lege.

Maior prob. quia Omnis lex debet congruere
saluti hominum, vt Isid. dicit lib. 5. Ethymol. ca-
pit. 3. & 21.

Minor prob. Transgressio diuinorum præce-
ptorum contrariatur humanæ salutis. Sed Mul-
tiplicatio cæremonialium præceptorum est occa-
sio transgressionis: dicit enim Petrus Actor. 15.
Quid tentatis Deum, imponere iugum super cer-
uicem discipulorum, quod neque nos, neque pa-
tres nostri portare potuimus?

Ergo Multiplicatio præceptorum contraria-
tur humanæ salutis.

3. Præcepta, quæ pertinebant ad cultum Dei
exteriorem, non debuerunt in diuina lege multi-
plicari, sed potius minui. Sed Præcepta cære-
monialia pertinebant ad cultum Dei exteriorem.
Ergo Præcepta cæremonialia non debuerunt in
diuina lege multiplicari, sed potius minui.

Maior prob. quia Lex vetus ordinabat ad Chri-
stum, qui docuit homines, Deum colere in spiri-
tu, & veritate, Ioan. 4.

Pro Affirmatiua.

Osee 8. dicitur Scribam eis multiplices leges
intus, & Iob 11. dicitur. Vt ostenderet tibi secreta
sapientiæ, quod multiplex sit lex eius.

Determinatio.

Conclusio. Conuenienter in veteri lege data
fuerunt multa præcepta cæremonialia.

Prob. Præcepta veteris legis necessaria ad reuo-
candum ab Idololatria illos, qui de populo, cui lex
data fuit, ad idolorum cultum erant proueni-
enti, & ad instruendum eos, qui ad bonum erant inclinati,
conuenienter multa sunt tradita. Sed Præcepta
cæremonialia erant necessaria ad reuocandum eos,
qui de populo iudeorum ad Idololatriam proueni-
erant, ab idololatria, & ad instruendum eos, qui
ad bonum erant inclinati. Ergo Conuenienter
in veteri lege multa præcepta cæremonialia sunt
a Deo tradita.

Pppp 2 Maior

Maiores prob. quo ad utramque partem. Et primo, quod præcepta, per quæ retraherentur homines ab idololatria, deberent esse multa, prob. Fuit enim hoc necessarium propter duo. Primo, Quia Idololatriæ multipliciter idololatriæ deferuebant, & ideo oportebat e contrario multa institui ad singula reprimenda. Secundo fuit necessarium imponere multa præcepta his, qui ad idololatriam erant inclinati, ad hoc, ut quasi onerati his, quæ ad cultum Dei impenderent, non vacarent, idololatriæ deferuire.

Altera pars maioris. f. Quod præcepta ceremonialia debuerint esse multa ad instruendum eos, qui ad bonum prout erant, ostenditur. Fuit enim hoc conueniens, & necessarium propter duo. Primo, Quia per hoc diuersimode mens eorum referebatur in Deum, & magis assidue. Secundo, Quia mysterium Christi, quod per huiusmodi ceremonialia figurabatur, multiplices utilitates attulit mundo, & multa circa ipsum consideranda erant, quæ oportuit per diuersa ceremonialia præfigurari.

Minor prob. quia Legis præcepta dantur ad reuocandos a malo eos, qui ad malum prout sunt, & instruendos bonos, qui ad bonum sunt vel ex natura, vel ex assuetudine, vel ex gratia inclinati.

Aliter formatur hic Articulus,

Distinctio. In quolibet populo, cui lex datur, inuenitur duplex hominum genus. Quidam prout sunt ad malum, & hi sunt per præcepta legis coercendi, ut dictum est, quæst. 95. art. 1. Quidam vero sunt inclinati ad bonum, vel ex natura, vel ex consuetudine, vel ex gratia, Et tales sunt per præcepta legis instruendi, & in melius promouendi.

In populo, cui data fuit lex diuina, hoc duplex hominum genus inueniebatur. Erant enim in illo populo aliqui ad idololatriam prout. Aliqui vero prout erant ad bonum diuini cultus. Illos oportebat ab idololatria ad cultum Dei reuocare. Hos vero oportebat instruere, & in melius promouere.

Conclusio. Necessarium fuit, ut in diuina veteri lege traderentur multa præcepta ceremonialia, ad reuocandos ad diuinum cultum eos, qui ad idololatriam prout erant, & ad instruendos, & in melius promouendos eos, qui ad diuinum cultum prout erant.

Prob. Et quo ad priorem partem. Erant enim necessaria multitudo ceremonialium præceptorum, ad reuocandos ad diuinum cultum eos, qui ad idololatriam erant inclinati propter duo. Primo, quia

cum homines multipliciter idololatriæ deferuerent, necesse fuit multa præcepta ceremonialia tradere ad singula contraria reprimenda. Secundo necessarium fuit talibus multa præcepta imponere, ut quasi onerati his, quæ ad cultum Dei impenderent, non vacaret, idololatriæ deferuire.

Altera conclusionis pars prob. Necessaria enim fuit multitudo ceremonialium præceptorum, ex parte eorum, qui ad cultum diuinum erant inclinati, etiam propter duo. Tum quia per hoc mens eorum diuersimode referebatur in Deum, & magis assidue. Tum etiam quia a mysterium Christi, quod per huiusmodi ceremonialia figurabatur, multiplices utilitates attulit mundo, & multa circa ipsum consideranda erant, quæ oportuit per diuersa ceremonialia præfigurari.

Ad Argumenta.

Ad 1. Dicitur, quod ordinata ad finem sunt in duplici differentia: Quædam sic se habent, quod sunt sufficientia ad consequendum finem, ad quæ ordinantur. Quædam uero sunt deficientia. Ad maiorem dicitur, quod quando aliquid ordinatur ad finem, & sufficiens est ad perducendum ad finem, tunc ad unum finem unum sufficit. Si autem non sufficere perducatur ad finem, unum ad unum finem non sufficit, sed plura sunt necessaria. Sicut si una medicina sit efficax, sufficit ad sanitatem inducendam, & tunc non oportet multiplicari medicinam. Si vero non sit sufficiens ad inducendam sanitatem, plura alia adhibentur remedia infirmo. Maior igitur est vera de eo, quod sufficienter conducit ad finem, non autem de eo, quod insufficienter inducit ad finem. Tunc ad maiorem dicitur, Ceremoniarum veteris legis inualide, & imperfecte erant ad representandum Christi mysterium, & est superexcellens, & ad subiugandum menses hominum Deo. Vnde Apost. dicit ad Hebr. 7. Reprobatio fit præcedentis mandati, propter infirmitatem, & inutilitatem, nihil enim ad perfectum addidit lex.

Ad 2. Negatur minor. Ad maiorem probationis dicitur, quod quamuis transgressio mandatorum contrarie humanæ salutis, tamen quia sapientis legislatoris est, minores transgressiones punire, ut maiores caueantur, ideo, ut caueretur transgressio idololatriæ, & superbiæ, quæ in Iudeorum cordibus nasceretur, si omnia præcepta legis implerent, non propter hoc prætermisit Deus multa ceremonialia præcepta tradere, quia de facili sumebant ex hoc transgrediendi occasionem.

Ad 3. Dicitur ad maiorem, & ad eius prob. quod vetus lex in multis diminuit corporalem cultum, præ-

propter quod statuit, quod non in omni loco sacrificia offerrentur, neque a quibuslibet, & multa huiusmodi statuit ad diminutionem exterioris cultus, sicut etiam Rabbi Moyses Aegyptius dicit. Oportebat tamen non ita attenuare corporalem cultum Dei, ut homines ad cultum demonum declinarent.

ARTICVLVS IV.

Virum Cæremoniæ veteris legis conuenienter diuidantur in Sacrificia, Sacramenta, Sacra, & Obseruantias.

Pro Negatiua.

Videtur, quod Cæremoniæ veteris legis inconuenienter diuidantur in Sacrificia, Sacramenta, Sacra, & Obseruantias.

1. Ea, quæ ordinabantur ad figurandū Christum, inconuenienter diuiduntur, in Sacrificia, Sacra, Sacramenta, & Obseruantias. Sed Omnia cæremonialia ordinabantur ad figurandū Christum. Ergo Cæremonialia inconuenienter diuiduntur in quatuor prædicta.

Maiores prob. quia Per sola sacrificia figurabatur sacrificium, quo Christus se obtulit oblationem, & hostiam Deo, ut dicitur ad Eph. 5.

Aliter. Sola sacrificia figurabant Christum. Ergo Sola sacrificia sunt cæremonialia.

Anteced. probatur. quia Per sola sacrificia figurabatur sacrificium, quo Christus se obtulit Deo.

Conseq. prob. quia Cæremonialia veteris legis præfigurabant Christum.

2. In noua lege ipsum sacrificium est ipsum sacramentum altaris. Ergo Nec in veteri lege debuerunt distingui sacramenta contra sacrificia.

Conseq. probatur. quia Vetus lex ordinabatur ad nouam.

3. Omnia cæremonialia erant sacra. Ergo Inconuenienter vna pars cæremonialium sacra nominatur.

Antec. prob. Quod est Deo dicatum, & ad diuinum cultum ordinatum, est sacrum, secundum quem modum tabernaculum, & vasa sanctificari dicebantur. Sed Omnia cæremonialia erant ordinata ad cultum diuinum, ut dictum est. Ergo Omnia cæremonialia erant sacra.

4. Omnia præcepta legis sunt obseruantie. Ergo Inconuenienter obseruantie ponuntur vna pars cæremonialium.

Antec. prob. Omnia præcepta legis sunt obseruantia, ut dicitur. Deut. 8.

Ergo Omnia præcepta legis sunt obseruantie. Conseq. hæc prob. quia Obseruantia ab obseruando dicitur.

5. Diuisio non comprehendens omnia contenta sub diuiso, est inconueniens. Sed Diuisio cæremonialium in quatuor prædicta, non comprehendit omnia cæremonialia.

Ergo Diuisio cæremonialium in quatuor prædicta, non est conueniens.

Minor manifestatur. Solemnitates, Oblationes, & Munera, inter cæremonialia computantur. Solemnitates quidem, quia sunt vmbra futuri, ut dicitur Glos. 2. Oblationes vero, & Munera inter cæremonialia ponuntur ad Heb. 9. Quæ tamē non continentur sub aliquo quatuor membrorum assignatorum. Ergo Diuisio cæremonialium est insufficientis.

Pro Affirmatiua.

In scriptura, hæc quatuor cæremoniæ vocantur. Ergo Conuenienter cæremoniæ per hæc quatuor diuiduntur.

Antec. quo ad singula ostenditur.

Et de sacrificijs, dicitur. Num. 5. Offerat virgulum, & sacrificia eius ad libamenta, ut cæremoniæ eius possint.

De sacramento etiam ordinis, dicitur Levit. 7. Hæc est vntio Aaron, & filiorum eius in cæremoniis.

De sacris, dicitur Exodi 38. Hæc sunt instrumenta tabernaculi testimonij in cæremoniis Levitarum.

De obseruantijs, dicitur 3. Reg. 9. Si auerfi fueritis non sequentes me, nec obseruantes cæremonias, quas proposui vobis.

Determinatio.

Concl. Cæremoniæ veteris legis conuenienter diuiduntur in Sacrificia, Sacra, Sacramenta, & Obseruantias.

Prob. Ea, quæ ordinantur ad diuinum cultum, conuenienter diuiduntur in sacrificia, sacra, sacramenta, & obseruantias. Sed Cæremoniæ antiquæ legis ordinabantur ad cultum Dei, ut dictum est. Ergo Cæremoniæ conuenienter diuiduntur in Sacrificia, Sacra, Sacramenta, & Obseruantias.

Maiores manifestatur. In diuino. n. cultu tria considerantur. Primum, Ipse cultus. Secundum, Instrumenta, quibus cultus Dei exercebatur, & Tertium, Ipsi, qui Deum colebant, qui vel erant ministri in diuino cultu, vel ceteri de populo, & sic in exhibendo Deo debitum cultum.

cultū quatuor concurrunt. Primo Cultus. Secūdo Instrumenta colendi. Tertio Ministri. Quarto Ceteri de populo, qui Deum colebant.

Ipsē diuinus cultus consistit in sacrificijs, quæ in Dei reuerentiam offeruntur. Instrumenta colendi, vt erat tabernaculum, templum, vasa, & huiusmodi dicuntur sacra. Institutio ministrorum, quæ fiebat per quandam consecrationem, pertinet ad sacramenta. Et tandem Singularis conuersatio populi colentis Deum, per quam distinguitur a populo, qui Deum nō colebat, vt sunt ciborum delectus, vestimenta, & alia huiusmodi, pertinent ad obseruantias.

Sacrificia igitur sunt, in quibus ipse diuinus cultus consistit, id est ea, quæ Deo in reuerentiam offeruntur.

Sacra sunt omnia instrumenta, siue loca, in quibus sacrificia Deo offeruntur, vt vasa, tēplum, tabernaculum, &c.

Sacramenta sunt ea, quibus instituuntur ministri in diuino cultu, vt vñctio, &c.

Obseruationes sunt, quibus populus Deum colens, ab alijs populis, qui Deum non colunt, secerantur.

Ex quibus patet, quod conuenienter, quæ ordinantur, & requiruntur ad diuinum cultum, in hæc quatuor diuiduntur, quæ erat maior probanda.

Ad Argumenta.

Ad 1. Dicitur ad priorem formam negando maiorem. Ad probationem dicitur, quod quamuis sola sacrificia figurarent Christum, tamen necessaria erāt instrumenta offerendi, vt templum, & vasa, necessarij erant ministri, & populus, qui Deum coleret, & ideo præter Sacrificia, erant necessaria Sacra, Sacramenta, & Obseruationes, ad cultum diuinum. Et sicut per Sacrificia figurabatur Christus immolandus, ita per Sacra, Sacramenta, & Obseruantias, figurabantur Sacra, Sacramenta, & Obseruantia nouæ legis. In noua. n. lege est sacrificium altaris, quod præfigurabatur per omnia sacrificia veteris legis. Sunt vasa, quibus sacrificium offertur, quæ dicuntur sacra. Sunt sacramenta, quibus vel ministri ad cultum Dei dedicantur, vt sacramentum ordinis, vel populus Deo dicatur, vt baptisumus, & cætera sacramenta.

Et tandem sunt obseruantie Christianæ, vt de lectus ciborum, &c.

Ad aliam formam neg. conseq. Ad probationē dicitur, quod ceremoniæ præfigurabant Christū, & omnia, quæ ad Christum pertinebant, quæ sūt, non solum sacrificium, sed etiam sacramenta, sa-

cræ, & obseruantia, vt in corpore, & in alia responsione ostensum est.

Ad 2. Negatur conseq. Non enim est eadem ratio de sacrificijs, & sacramentis antiquæ legis, & nouæ. Sacrificium enim nouæ legis, quod est sacrificium missæ, est sacramentum, & sacrificiū. Sacramentum, quatenus est rei sacræ signum, immo multarum rerum sacrarum, sanctificantur nos, inter quæ est ipse Christus præfens, qui per suum sanguinem sanctificauit populum suum, vt dicitur Hebr. ultimo. Sacrificium vero quatenus Deo offertur. Sacrificia vero, veteris legis non continebant Christum, sed solum præfigurabant, & ideo non dicuntur sacramenta. Secusum igitur in lege veteri erant Sacramenta, quibus figurabantur ea, quæ erant futura consecrationis.

Ad 3. Negatur conseq. Omnia. n. ceremonialia sunt sacra, tamen sunt quædam sacra, quæ nō sunt sacramenta, nec sacrificia, nec obseruantia, vt dictum est de vasis, &c. & ideo hæc nominantur communi nomine, & dicuntur Sacra.

Ad 4. Dicitur ad maiorem, quod Nomen obseruantie dupliciter sumitur. Vno modo communiter, & sic omnia ceremonialia dicuntur obseruantia, quia erant obseruanda. Alio modo proprie, pro vt significant conuersationem populi Deum colentis, & sic non omnia ceremonialia sunt obseruantia: retinebat enim hæc populi conuersatio nomen commune, quatenus a predictis deficiebat. Non poterant enim hæc obseruantia dici sacra, quia non habebat immediatum respectum ad cultum Dei, sicut tabernaculum, & vasa, sed per quandam consequentiam erant ceremonialia, in quantum pertinebant ad quandam idoneitatem populi colentis Deum, & multo minus poterant dici sacramenta, aut sacrificia.

Ad 5. Negatur minor. Nam solemnitates inter sacra computabantur, erant enim tempus sacrificiorum offerendorum. Oblationes vero, & munera computantur cum sacrificijs, quia Deo offerebantur. Vnde dicitur ad Heb. 5. Omnis pontifex ex hominibus assumptus, pro hominibus constituitur in his, quæ sunt ad Deum, vt offerat dona, & sacrificia pro peccatis.

QVÆSTIO CII.

DE CAUSIS CAEREMONIALIUM præceptorum.

ARTICVLVS I.

Vtrum Ceremonialia præcepta habeant causam.

Plo

Pro Negatiua.

Videtur, quod cæremonialia præcepta non habent causam.

1. Ea, quæ euacuuntur per rationabilia præcepta, non habent aliquam rationem, siue causam. Sed Præcepta cæremonialia veteris legis euacuuntur per rationabilia præcepta nouæ legis. Ergo Præcepta cæremonialia nullam habent rationem, siue causam.

Maiores prob. quia Ea, quæ habent rationem, vel causam, frustra euacuarentur per alia rationabilia præcepta.

Minor prob. quia Super illud ad Ephes. 2. Legem mandatorum decretis euacuans, dicit Glossa interlin. Id est euacuans legem veterem, quantum ad carnales obseruantias, decretis, Id est præceptis euangelicis, quæ ex ratione sunt.

2. In lege naturæ fuit aliquod præceptum, quod nullam rationem habebat, nisi ut hominis obedientia probaretur, sicut Augus. dicit 8. super Genes. ad lit. cap. 6. de prohibitione ligni scientiæ boni, & mali. Ergo Etiam in veteri lege aliqua præcepta danda erant, in quibus hominis obedientia, probaretur quæ de se nullam rationem haberent.

Consequenter prob. quia Lex verus successit legi naturæ.

3. Si præcepta cæremonialia haberent aliquam rationem, non differrent a præceptis moralibus. Ergo Præcepta cæremonialia nullam habent causam.

Antec prob. quia Opera hominis dicuntur moralia, quia sunt a ratione. Vnde si cæremonialia essent a ratione, non differrent a moralibus.

Consequenter prob. quia Ratio præcepti ex aliqua causa sumitur, igitur si cæremonialia non habent rationem, nec causam habere possunt.

Pro Affirmatiua.

Præcepta Dei non sunt sine rationabili causa. Sed Præcepta cæremonialia sunt præcepta Dei. Ergo Præcepta cæremonialia non sunt sine rationabili causa.

Maiores prob. Præcepta lucida, & illuminantia oculos non sunt sine rationabili causa. Sed Præcepta domini sunt lucida, & illuminantia oculos, ut dicitur in Psal. 17. Ergo Præcepta domini non sunt sine rationabili causa.

Determinatio.

Conclusio. Præcepta cæremonialia habent rationabiles causas.

Prob. Ea, quæ sunt ordinata, habent rationa-

biles causas. Sed Præcepta cæremonialia sunt ordinata. Ergo Præcepta cæremonialia habent rationabiles causas.

Maiores manifestantur. Ad hoc enim, ut aliqua sint ordinata, duo requiruntur. Primo, quod ordinentur ad debitum finem, qui est principium totius ordinis in rebus agendis: ea enim, quæ casu eueniunt, præter intentionem finis, vel quæ non scio sunt, dicimus esse inordinata. Secundo, ut id, quod est ad finem, sit proportionatum fini. Et ex hoc sequitur, quod ratio eorum, quæ sunt ad finem, ex fine sumatur: sicut ratio dispositionis feræ, sumitur ex sectione, quæ est finis, ut dicitur 2. Physic. 88.

Minor prob. Ea, quæ sunt ex diuina sapientia, sunt ordinata. Tum quia sapientis est ordinare, ut dicitur 1. Met. cap. 2. Tum quia Apostolus dicit Rom. 13. quæ a Deo sunt, ordinata sunt. Sed Præcepta cæremonialia sunt ex diuina sapientia. Vnde dicitur Deuter. 4. Hæc est sapientia vestra, & intellectus coram populis. Ergo Præcepta cæremonialia sunt ordinata.

Ad Argumenta.

Ad 1. Dicitur. quod Aliquod præceptum potest dici rationabile dupliciter. Vno modo ex natura actus, siue secundum sui naturam, ut sunt præcepta moralia. Alio modo per ordinem ad aliud, sicut quod terra fiat talis formæ, & materiæ, habet rationem solum ex fine. Ad maiorem dicitur, quod ea, quæ euacuuntur per irrationabilia præcepta, non habent causam, siue rationem ex sui natura, possunt tamen habere rationem per ordinem ad aliquem finem. Tunc ad minorem, subfundendum dicitur, quod præcepta cæremonialia secundum se nullam habebant causam, quod enim vestis non conficeretur ex lana, & lino, nullam habebat secundum sui naturam rationem, poterat tamen habere rationem in ordine ad aliud, in quantum vel aliquid per hoc figurabatur, vel aliquid excluderetur. Decreta vero nouæ legis, quæ præcipue consistunt in fide, & dilectione Dei, ex ipsa natura actus rationabilia sunt.

Ad 2. Dicitur ad antec. quod Prohibitio ligni scientiæ boni, & mali, non fuit rationabilis ex sui natura, quasi illud lignum esset malum naturaliter, tamen fuit rationabilis ex ordine ad aliud, in quantum per hoc aliquid figurabatur, & sic etiam moralia præcepta legis habent rationem in ordine ad aliud.

Ad 3. Negatur antec. siue sequela conditionalis. scilicet quod Si præcepta cæremonialia haberent aliquam rationem, non differrent a moralibus. Ad probationem dicitur, quod præcepta moralia habent

bent rationabiles causas ex sui natura . sicut Non occides . Non furum facies , &c . sed præcepta cæremonialia habent rationabiles causas tantum in ordine ad aliud , vt dictum est .

ARTICVLVS II.

Vtrum Præcepta cæremonialia habeant causam literalem , vel figuralem tantum .

Pro Negatiua .

Videtur , quod Præcepta cæremonialia non habeant causam literalem , sed figuralem tantum .

1. Circuncisio , & Immolatio agni paschalis non habebant nisi causam figuralem . Ergo Multo minus alia cæremonialia habebant causam , nisi figuralem .

Conseq. prob. quia Inter cæremonialia præcepta , præcipua erant circuncisio , & immolatio agni Paschalis .

Antec. prob. quia Vtrumq; horum datum est in signum . Et de circuncisione dicitur Gen. 17. Circumcidetis carnem præputij vestri , vt sit signum fœderis inter me , & vos . De celebratione autem Phasæ quando immolabatur agnus , dicitur Exo. 13. Erat quasi signum in manu tua , & quasi monumentum ante oculos tuos .

2. Præcepta figuralia habent solam causam figuralem . Sed Omnia præcepta cæremonialia sunt figuralia , vt dictum est supra . Ergo Præcepta cæremonialia habent causam tantum figuralem .

Maior prob. quia Effectus proportionatur suæ causæ .

3. Illud , quod de se est indifferens vtrum sic , vel non sic fiat , non videtur habere aliquam literalem causam . Sed Quædam sunt in præceptis cæremonialibus , quæ non videntur differre , vtrum sic , vel non sic fiant , sicut est de numero animalium offerendorum , & alijs huiusmodi particularibus circumstantijs . Ergo Præcepta veteris legis non habent omnia rationem literalem .

Pro Affirmatiua .

In historijs veteris testamenti , præter intellectum mysticum . seu figuralem , est etiam sensus literalis . Ergo Etiam præcepta cæremonialia præter causas figurales , habebant etiam causas literales .

Conseq. prob. quia Sicut præcepta cæremonialia figurabant Christum , ita etiam historiæ veteris testamenti , dicitur enim 1. Corinth. 10.

Omnia in figuris continebantur illis .

Determinatio .

Conclusio . Præcepta cæremonialia veteris legis habebant non solum causam literalem , sed etiam figuralem .

Prob. Ea , quæ in veteri lege ordinabantur ad cultum Dei , pro tempore illo , & ad figurandum Christum , habebant non solum causam literalem , sed etiam figuralem . Sed Præcepta cæremonialia veteris legis ordinabantur ad cultum Dei , pro tempore illo , & ad figurandum Christum . Ergo Præcepta cæremonialia veteris legis habebant causam , non solum literalem , sed etiam figuralem .

Maior prob. Nam , vt dictum est art. præced. Ratio eorum , quæ sunt ad finem , oportet , quod a fine sumatur . Vnde ea , quæ ad duplicem finem ordinantur , duplicem habent rationem . Ea igitur , quæ ordinantur ad diuinum cultum , & ad figurandum Christum , habent causam literalem , ex hoc , quod ordinantur ad diuinum cultum , & figuralem ex hoc , quod ordinantur ad figurandum Christum .

Minor vero prob. quia Sicut verba prophetarum sic respiciebant præsens tempus , quod etiam in figuram futuri dicebantur , vt Hierony. super Osee dicit , Ita cæremonia veteris legis , sic respiciebant cultum diuinum pro illo tempore , quod respiciebant etiam Christum .

Quæ , & quot sint rationes literales cæremonialium antiquæ legis .

Ex hoc , quod cæremonia respiciebant diuinum cultum , desumebantur quatuor rationes literales . Cæremonia enim secundum quod ordinantur ad diuinum cultum .

Aut fuerunt ordinatæ ad excludendum cultum idololatriæ .

Aut ad rememoranda aliqua beneficia .

Aut ad insinuandam diuinam excellentiam .

Aut ad designandam dispositionem mentis , quæ tunc requirebatur in colentibus Deum . Et hæc sunt quatuor rationes literales , quæ possunt assignari de præceptis cæremonialibus , vt inferius patebit .

Quodlibet enim præceptum cæremoniale , aut est datum ad excludendam idololatriam , aut ad rememoranda Dei beneficia , aut ad insinuandam Dei excellentiam , aut ad designandam dispositionem mentis Deum colentium .

Quæ

Quot sint rationes figurales cæremonialium præceptorum.

Ex hoc enim, quod cæremoniæ sunt figuratiue Christi, habere possunt tres rationes figurales, siue mysticas.

Aut enim præcepta cæremonialia figurabant Christum, & Ecclesiam; & ex hoc desumitur Allegoria.

Aut figurabant mores populi Christiani; & ex hoc sumitur ratio Moralis.

Aut præfigurabant statum gloriæ, pro ut in eam introducamur per Christum; & ex hoc desumitur ratio Anagogica.

Sunt igitur in vniuersum rationes, siue causæ, moralium præceptorum antiquæ legis septem, quatuor literales, & tres figurales, siue mysticas.

Literales.

1. Vt excluderetur idololatria.
2. Vt insinuaretur diuina excellentia.
3. Vt rememorarentur Dei beneficia.
4. Vt designaretur dispositio mentis eorum, qui Deum colebant.

Figurales.

5. Vt figuraretur Christus, & Ecclesia.
 6. Vt figurarentur mores populi Christiani.
 7. Vt figuraretur status futuræ gloriæ.
- Et de his abunde patebit in sequentibus articulis.

Ad Argumenta.

Ad 1. Negatur antec. Ad prob. dicitur, quod si aut intellectus metaphoricæ locutionis in scripturis est literalis (quia verba ad hoc proferuntur, ut hoc significant) ita etiam significationes cæremoniarum legis, quæ sunt commemoratiue beneficiorum Dei, propter quæ instituta sunt, vel aliorum, quæ ad illum statum pertinebant, non transcendunt ordinem literalium causarum. Vnde, quando assignatur causa celebrationis phasæ, quod est signum liberationis ex Aegypto; & quod Circumcisio est signum pachi, quod Deus habuit cum Abraham, pertinet ad causam literalem, & non ad figuralem.

Ad 2. Dicitur, quod Ratio illa procederet, si cæremonialia essent data tantum ad figurandum tantum, & non ad commendandum Deum præsentialiter. Vnde ad formam dicitur ad maiorem, quod ea, quæ sunt solum figuralia, habent tantum cau-

sam figuralem. Et ad minorem dicitur: remoniam veteris legis non solum sunt... sed futuri, sed ordinabantur ad aliquod præsens, ad colendum nempe Deum.

Ad 3. Dicitur, quod sicut in legibus humanis dictum est, quod in vniuersali habent rationem, non autem quantum ad particulares conditiones, sed hæc sunt ex arbitrio instituentium; ita etiam multæ particulares determinationes in cæremoniis veteris legis non habent aliquam causam literalem, sed solum figuralem: in communi vero habent etiam causam literalem.

A R T I C U L V S III.

Vtrum possit assignari conueniens ratio sacrificiorum cæremoniarum, quæ ad sacrificia pertinent.

Pro Negativa.

Videtur, quod non possit conueniens ratio assignari cæremoniarum, quæ ad sacrificia pertinent, de quibus habetur Leuit. per decem, & septem priora capita.

1. Ea, quæ sunt necessaria ad sustentandam humanam vitam inobuenienter Deo in sacrificium offeruntur. Sed ea, quæ Deo in sacrificium offerebantur, erant necessaria ad sustentandam humanam vitam. Ergo Inconuenienter Deo huiusmodi sacrificia offerebantur.

Mior prob. quia Deus tali sustentamento non indiget, secundum illud Psal. 49. Nunquid manducabo carnes tantorum, aut sanguinem hircorum potabo?

Minor prob. quia In sacrificijs offerebantur quedam animalia, & panes.

2. In sacrificium diuinum non offerebatur nisi de tribus generibus animalium quadrupedum, scilicet de genere Boun, Ouium, & Caprarum, & de avibus quidam Tortur, & Columba. Specialiter autem in emundatione leprosi, fiebat sacrificium de Passeribus. Ergo Inconuenientia erant huiusmodi sacrificia.

Conseq. prob. Omne, quod est melius, & optimum, est Deo exhibendum. Sed Multa erant animalia his nobiliora. Ergo Etiam ex alijs generibus animalium erat Deo sacrificium offerendum.

3. Homo habuit a Deo dominium non solum volatilium, & bestiarum, sed etiam piscium. Ergo Inconuenienter pisces a diuino sacrificio excludantur.

4. Indifferentes offerri mandabantur tortures, & columbe. Ergo Sicut mandabantur offerri pulli columbarum, ita debuerant offerri pulli tur-

5. Deus est actor vitæ non solum hominum, sed etiam animalium, vt patet per id, quod dicitur Genes. 1. Sed Mors opponitur vitæ. Ergo Non debuerunt Deo offerri animalia occisa, sed magis animalia viuientia: præcipue quia etiam Apostolus monet Rom. 12. Vt exhibeamus corpora nostra hostiam viuentem, sanctam, Deo placentem.

6. Si animalia Deo in sacrificiū non offerebantur nisi occisa, nulla videtur esse differentia qualiter occidantur. Ergo Inconuenienter determinatur modus immolationis, præcipue in auiibus, vt patet Leuit. 1.

7. Animalia offerebantur Deo occisa. Ergo Inconueniens fuit prohibere oblationem animalis imperfecti, puta claudi, aut cæci, aut aliter maculosi.

Conseq. prob. quia Omnis defectus animalis via est ad corruptionem, & mortem, vade si mortua mandabantur offerri, non erat prohibenda oblatio animalis imperfecti.

8. Illi, qui offerunt hostias Deo, debent de illis participare, secundum illud Apost. 1. Corint. 10. Nonne, qui edunt hostias, participes sunt altaris? Ergo Inconuenienter quædam partes hostiarum offerentibus subtrahebantur, scilicet Sanguis, & Adeps.

9. Sacrificium holocausti fiebat ex quadrupedibus, & volatilibus, & non offerebatur aliquod animal feminini sexus. Ergo Inconuenienter in hostijs pacificis, & in hostijs pro peccato, offerebantur animalia feminini sexus: & iterum, Inconuenienter in hostijs pacificis non offerebantur aues, quæ tamen offerebantur in hostijs pro peccato.

Conseq. prob. quia Sicut holocausta offerebantur in honorem Dei, ita etiam hostiæ pacificæ, & hostiæ pro peccato. Ergo Sicut in holocaustis offerebantur quadrupedia, & aues, & excludebantur animalia feminini sexus: ita in alijs duobus sacrificijs debuerunt offerri quadrupedia, & aues, & prohiberi femininus sexus.

10. Omnes bestię pacificæ vnius generis esse videntur. Ergo Non debuit poni ista differentia, quod quorundam pacificorum carnes non possent vesci in crastino, quorundam vero possent vesci, vt mandatur Leuit. 7.

11. Omnia peccata in hoc conueniunt, quod a Deo auertunt. Ergo Pro omnibus peccatis in Dei reconciliationem, vnum genus sacrificij debuit offerri.

12. Omnia animalia, quæ offerebantur in sacrificium, vno modo offerebantur, scilicet occisa. Ergo Non videtur conueniens, quod de terra nascentibus diuersimode fieret oblatio. Nunc enim offerebantur Spicæ, nunc Simila, nunc Panis, quandoque quidem coctus in clibano, quandoque in sartagine, quandoque in craticula.

13. Omnia, quæ in vsum nostrum veniunt, a Deo recognoscere debemus. Ergo Inconuenienter præter animalia, solum hæc Deo offerebantur. scilicet Panis, Vinum, Oleum, Thus, & Sal.

14. In interiori sacrificio plus est de dulcedine, quam representat Mel, quam de mordacitate, quam representat Sal. Dicitur. n. Eccl. 24. Spiritus meus super mel dulcis. Ergo Inconuenienter prohibebatur in sacrificio apponi Mel, & Fermentum, quod etiam facit panem lapidum, & præcipiebatur ibi apponi Sal, quod est mordacitium, & Thus, quod habet saporem amarum.

Conseq. prob. quia Sacrificia corporalia expriment interius sacrificium cordis, quo homo spiritum suum offert Deo. Ergo Videtur, quod ea, quæ pertinent ad ceremonias sacrificiorum, non habeant rationabilem causam.

Pro Affirmatiua.

Ea, quæ sunt cum sapientia instituta, habent rationabiles causas. Sed Omnia sacrificia sunt cum sapientia instituta. Ergo Omnia sacrificia habent rationabiles causas.

Minor prob. quia Hęc sacrificia instituta sunt a Deo. Dicitur enim Leuit. 1. Oblata omnia adolebit sacerdos super altare in odorem suauissimi domini, qui neminem diligit, nisi qui cum sapientia inhabitat.

Determinatio.

Distinctio. Ceremoniæ veteris legis duplicem causam habebant. Vnam literalem, secundum quod ordinabantur ad cultum Dei. & Aliam figuralem, siue mythicam, secundum quod ordinabantur ad figurandum Christum, prout dictum est art. præced.

Conclusio. Ceremoniæ, quæ ad sacrificia pertinent, habent conuenientem rationem literalem, & figuralem, communem, & particularem.

Quæ conclusio habet quatuor partes.

Prima, quod Ceremoniæ, quæ ad sacrificia pertinent, habent rationem literalem communem.

Secunda, quod habent rationem figuralem communem.

Tertia, quod habent rationem literalem particularem.

Quarta, quod habent rationem figuralem particularem.

Quarum duæ primæ probantur in corpore, reliquæ

liquæ verò duæ ex responsionibus argumentorum remanent manifestæ.

Prima igitur pars. s. Quod Ceremoniæ ad sacrificia pertinentia habere convenientem literalem rationem communem, manifestatur. Ceremoniæ, per quas repræsentabatur ordinario mētis in Deum, & per quas Dei cultores ab idololatriæ terrahebantur, habent convenientem literalem rationem communem. Sed Sacrificia veteris legis erant ceremoniæ, per quas repræsentabatur ordinario mētis in Deum, ad quam etiam per ipsa sacrificia excitabatur offensens. Ergo Sacrificia habent convenientem literalem rationem communem.

Maiores ostenditur. Nam ratio literalis ceremoniarum desumitur ex hoc, quod ad Dei cultum ordinabantur: & cum directio intentionis in Deum sit ipse Dei cultus, hinc fit, quod illæ ceremoniæ, quæ repræsentabant hanc mentis directionem in Deum, haberent convenientem rationem literalem.

Minor manifestatur, quo ad utramque partem, & primo, quo ad primam. Pro quo est sciendum, quod ad directionem mentis in Deum, duo requiruntur. Primo, ut homo recognoscat a Deo, ut a primo principio, habere omnia, quæ habet, & in ipsum tanquam in ultimum finem omnia ordinet. Secundo, ut ea, quæ habet, a solo Deo recognoscat, & ad solum Deum, tanquam ad ultimum finem ordinet, & non ab alio tanquam a primo primo principio recognoscat, nec ad alterum, tanquam ad ultimum finem ordinet. Quæ duo repræsentabantur per sacrificia, secundum quod homo ex rebus suis, quasi in recognitionem, quod eas habebat a Deo, in honorem Dei offerebat, secundum quod dixit David. 1. Paralip. c. 29. *Tua sūt omnia, & quod de manu tua accepimus, dedimus tibi.* In hoc quod dicit de manu tua accepimus, recognoscit Deum, ut primum principium. In hoc vero quod subdit, dedimus tibi, recognoscit Deum, ut ultimum finem, ad quem omnia essent referenda. Alterum, quod pertinet ad directionem intentionis in Deum in sacrificijs repræsentabatur, quia prohibebantur offerri alteri a Deo. Vnde Exo. 22. dicitur. *Qui immolat Dijs, occidetur, præter domino soli.*

Alter pars minoris. s. quod Per sacrificia retraherentur cultores Dei ab idololatria, ostenditur. Præcepta de sacrificijs non fuerunt data populo iudæorum, nisi postquam declinavit ad idololatriam, adorando vitulum conflatilem, quasi huiusmodi sacrificia sint instituta, ut populus ad sacrificandum promptus, huiusmodi sacrificia, magis Deo, quam idolis offerret. Vnde dicitur Iere.

7. Non sum locutus cum patribus vestris, & non præcepi eis in die, qua eduxi eos de terra Aegypti, de verbo holocaustum, & victimarum.

Ratio igitur literalis sacrificiorum, communis omnibus sacrificijs erat duplex. Prima, ut populus per sacrificia dirigeret mentem in Deum, recognoscendo ab ipso omnia, quæ habebat, tanquam a primo principio, & ordinando omnia in ipsum, tanquam in ultimum finem, & ut a solo Deo omnia recognosceret, ut a primo principio, & ad solum ipsum omnia ordinaret, tanquam in ultimum finem. Altera literalis ratio etiam communis omnibus sacrificijs erat, ut populus a cultura idolorum retraheretur.

Secunda conclusio pars. s. quod sacrificia haberent rationem figuralem communem, ostenditur. Omnia sacrificia antiquæ legis ordinabantur ad figurandum verum Christi sacrificium. Ergo. Ex sacrificio Christi desumitur omnium sacrificiorum ratio.

Anteced. ostenditur. Nam inter omnia dona, quæ Deus humano generi per peccatum lapsu contulit, præcipuum est, quod dedit filium suum. Vnde dicitur Ioan. 3. Sic Deus dilexit mundum, ut filium suum unigenitum daret, ut omnis, qui credit in ipsum, non pereat, sed habeat vitam æternam. Et ideo potissimum sacrificium est, quo Christus se ipsum obtulit Deo in odorem suavitatis, ut dicitur Ephes. 5. Et propter hoc omnia alia sacrificia offerebantur in lege, ut hoc unum singulare, & præcipuum sacrificium figuraretur, tanquam perfectum, per imperfecta. Vnde Apostolus dicit Heb. 10. quod Sacerdos veteris legis eadem sæpe offerebat hostias, quæ nunquam possunt auferte peccata. Christus autem obtulit unum pro nobis sempiternum.

In forma sic prob. antec. Sacrificia imperfecta sunt figura sacrificij perfectissimi. Sed Sacrificia veteris legis erant imperfecta, Christi vero sacrificium est perfectissimum. Ergo Sacrificia veteris legis figurabant sacrificium Christi.

Conseq. vero præcipue rationis ostenditur. quia Ex figurato accipitur ratio figuræ. Cum igitur sacrificia antiquæ legis sint figura sacrificij Christi, ex Christi sacrificio desumenda est ratio figuræ omnium sacrificiorum.

Figuralis igitur communis ratio, quare instituta sunt sacrificia, est, ut essent figura singularissimi, & præcipui sacrificij, quo Christus se ipsum obtulit Deo in odorem suavitatis.

Reliquæ verò duæ conclusionis partes, scilicet, quod sacrificia veteris legis habeant peculiare rationes literales, & figurales, patet bunt, ut dictum

est, in solutionibus argumentorum, in quibus agnabitur propria literalis, & figuralis ratio institutionis singulorum sacrificiorum, & extremorum, quæ ad ipsa pertinent.

Ad Argumenta.

Ad 1. Negatur maior. Ad probationem dicitur, quod Deus volebat huiusmodi sacrificia sibi offerri propter ipsas res, quæ offerebantur, quasi eis indigeret. Vnde dicitur Eſa. 1. Holocauisti arietem, & adipem pinguium, & sanguinem vitulorum, & hircorum, & agnorum uolui. Sed volebat ea sibi offerri, (vt supra dictum est,) tum ad excludendam idololatriam, tum ad significandum debitum ordinem mentis humanæ, in Deum, tum etiam ad figurandum myſterium redemptionis humanæ per Christum.

Ad 2. Negatur conſeq. Ad prob. dicitur, quod Conueniens fuit huiusmodi animalia offerri, ſc. de genere Boum, Ouium, & Caprarum, & de Aui- bus Turtures, & Columbar, duplici ratione, ſcilicet literali, & figurali. Ratio literalis duplex fuit. Prima quia per oblationem horum animalium excludatur Idololatria. Secunda, quia significabatur ordinatio mentis in Deum.

Quod autem per sacrificium horum animalium excluderetur idololatria, manifeſtatur. Nam omnia alia animalia offerebantur idololatræ, dijs ſuis, vel eis ad maleſicia utebantur. Iſta autem animalia, ſc. Bones, Oues, & Capræ, apud Aegyptios, cum quibus conuerſati erant hebrei, abominabilia erant ad occidendum, & Ideo ea non offerebant dijs ſuis, in ſacrificium. Vnde dicitur Exo. 8. Abominations Aegyptiorum immolabimus Deo noſtro. Oues enim colebant. Hircos venerabantur, quia in eorum figura demones apparebant. Boves etiam utebantur ad agriculturam, quam ipſe res ſacras habebant.

Quod vero per oblationem horum animalium ſignificaretur mentis ordinatio in Deum, patet ex duobus. Primo, quia per huiusmodi animalia maxime ſuſtinetur vita humana. & cum hoc, mundiffima ſunt, & mundiffimum habent nutrimentum. Alia vero animalia, vel ſunt ſilueſtria, & non ſunt communiter uſui hominum deputata, vel ſi ſunt domæſtica, immundum habent nutrimentum, vt ſunt porciſci, & gallina, ſolum autem id, quod eſt purum, Deo eſt attributendum. Per hoc igitur, quod offerebantur Deo, ea animalia, quæ ſunt ad ſuſtentamentum humanæ vitæ, & quæ puriffima erant, optime designabatur ordinatio mentis in Deum.

Secundo, per ſacrificia horum animalium ordinabatur mens in Deum, quia per immolationem horum animalium designabatur puritas mentis. Nam

Gloſa Leuit. 1. dicit. Victulum offerimus, cum carnis ſuperbia vincimus. Agnum, cum irrationales motus corrigimus. Hædam, cum laſciuiam ſuperamus. Turturem, dum caſtitatem ſeruamus. Paves azimos, cum in azimis ſinceritatis ambulamus.

In columba ſignificatur caſtitas, & mentis ſimplicitas.

Ratio vero figuralis ſacrificiorum horum animalium erat, quia hæc animalia offerebantur in figuram Chriſti. Vnde Gloſa ubi ſupra dicit, Chriſtus in vitulo offertur propter virtutem crucis. In Agno propter innocentiam. In Arietem propter principatum. In Hircum propter ſimilitudinem carnis peccati. In Turture, & columba durum naturam coniunctio monſtrabatur. In ſmilagine, aſperſio credentium per aquas baptiſmi figurabatur.

Ad 3. Negatur conſeq. Duplici enim ratione piſces non offerebantur in ſacrificijs. Prima, quia Cum piſces in aqua viuunt, magis ſunt alieni ab homine, quam cetera animalia. Secunda, quia piſces ex aqua extracti ſtatim moriuntur, unde non poterant in templo offerri, ſicut alia animalia.

Ad 4. Negatur conſeq. Cum enim omne, quod eſt opimum, Deo ſit offerendum, & cum turtures meliores ſint maiores, quam pulli, & in columbis et conuerſus, meliores ſint pulli, quam maiores. Ideo præceptum eſt, vt offerrentur, turtures, & pulli columbarum.

Ad 5. Dicitur ad conſequentiã, quod animalia occidebantur. Triplici ratione. Prima. & eſt literalis. Quia veniunt in uſum hominis occiſa, ſecundum quod a Deo dantur homini ad eſum, & ideo etiam igni cremabantur, quia per ignem decocta, apta ſunt uſui humano.

Secunda ratio, & eſt etiam literalis, Quia per occiſionem animalium ſignificatur deſtructio peccatorum, & quod homines digni erant occiſione pro peccatis ſuis, ac ſi illa animalia loco eorum occiderentur, ad ſignificandum expiationem peccatorum.

Tertia ratio, quæ eſt figuralis, quia per occiſionem huiusmodi animalium ſignificabatur occiſio Chriſti.

Ad 6. Negatur conſeq. Specialis enim modus occidendi animalia immolata determinabatur in lege, duplici ratione.

Prima eſt literalis, Ad excludendos alios modos quibus idololatræ animalia idolis immolabantur.

Vel Secunda ratio, & eſt etiam literalis, quam Rabby Moyſes aſſignat, Lex elegit genus occiſionis, quo animalia minus affligebantur occiſa, per quod etiam excluſebatur immiſericordia occiderum, & deterioratio animalium occiſorum.

Ad 7.

Ad 7. Negatur conseq. Ad prob. dicitur, quod animalia maculosa, solent haberi contemptui, etiā apud homines, ideo prohibitum est, ne Deo in sacrificium offerrentur, propter quod etiā prohibitum erat, ne mercedem prostibuli, aut prætiū carnis in domum Dei offerrent; & eadem etiā ratione, non offerrebat animalia ante septimum diem, quia talia animalia erant quasi abortiua, nondum plene consentientia propter tenebricitudinē.

Ad 8. Dicitur ad antec. quod triplex erat genus sacrificiorum. Primum dicebatur Holocaustum. Secundum Hostia pro peccato. Tertium Hostia pacifica.

Holocaustum offerebatur Deo specialiter ad reuerentiam maiestatis ipsius, & amorem bonitatis eius.

Hostia pro peccato offerebatur Deo, ex necessitate remissionis peccati.

Hostia pacifica offerebatur Deo, vel pro gratiarum actione, vel pro salute, & prosperitate offerentium ex debito beneficii accipiendi, vel accepti.

Holocaustum totum comburebatur. Vnde dicebatur holocaustum, id est totum incensum.

Hostia pro peccato diuidebatur in duas partes quarum vna comburebatur. Altera vero cedebat in vsum Sacerdotum.

Hostia pacifica diuidebatur in tres partes. Vna pars incendebatur in Dei honorem. Alia pars cedebat in vsum Sacerdotum, quæ erat pectusculum, & armus dexter. Tertia pars, veniebat in vsum offerentium. Et hoc generaliter in omnibus sacrificijs observabatur, quod sanguis, & adeps nō veniebat in vsum sacerdotum, nec offerentium.

Holocaustum conveniebat statui perfectionis in impletionē consiliorum.

Hostia pro peccato conveniebat statui penitentium, in satisfactionē peccatorum.

Hostia pacifica conveniebat statui proficientium, in impletionē mandatorum.

Ratio, quare holocaustum totum comburebatur, erat, vt significaretur, quod sicut totum animal resolutum in vaporem sursum ascendebat; ita etiam totum hominem, & omnia, quæ ipsius sunt, Dei domino esse subiecta, & ei offerenda.

Ratio, quare hostia pro peccato diuidebatur in duas partes, quarum vna comburebatur, & altera cedebat in vsum sacerdotum, erat ad significandum, quod expiatio peccatorum fit a Deo per ministerium Sacerdotum.

Sed sciendum, quod huiusmodi sacrificium aliquando offerebatur pro peccato offerentis, aliquando pro peccatis totius populi, & aliquando specialiter pro peccato Sacerdotis.

Quando offerebatur pro peccato tantum ali-

culus particularis, tunc diuidebatur in duas partes prædictas, quarum vna cedebat in vsum sacerdotum, & altera comburebatur, ratione iam dicta, quia scilicet peccatorum expiatio fit a Deo per sacerdotes.

Quando vero offerebatur pro peccatis totius populi, vel pro peccato sacerdotis, totum comburebatur, & hoc duplici ratione.

Prima est, quia non debebant in vsum sacerdotum venire ea, quæ pro peccato eorum offerebantur, vt nihil peccati in eis remaneret.

Secunda ratio est, quia si pars eorum, quæ vel pro peccato sacerdotum specialiter, vel pro populo, sub quo etiam sacerdotes ipsi comprehendebantur, veniret in vsum eorum, pro quibus offeruntur, idem esse videretur, ac si non offerretur.

Ratio autem, quare hostia pacifica diuidebatur in tres partes, quarum prima comburebatur, altera cedebat in vsum sacerdotum, & altera in vsum offerentium, est, vt significaretur, quod salus hominis procedit a Deo, dirigentibus Dei ministris, cooperantibus ipsis hominibus, qui saluantur.

Ratio, quare de hostijs pacificis in vsum sacerdotis cedebat Pectusculum, & Armus dexter, erat duplex. Prima, ad excludendam quandam diuinationis speciem, quæ vocatur spatulamantia, quia scilicet in spatulis animalium immolatorum diuinabant, & similiter in ossibus peccatoris, & ideo ista offerentibus subtrahabantur.

Secunda, Per hoc etiam significabatur, quod sacerdoti erat necessaria sapientia cordis, ad instruendum populum, quod significabatur per pectus, quod est tegumentum cordis, & etiam fortitudo ad sustentandum defectus, quæ significatur per armum dextrum.

Ratio vero, quare sanguis, & adeps non veniebat in vsum sacerdotum, nec offerentium, sed sanguis effundebatur ad crepidinē altaris, in honore Dei, & adeps adurebat in igne, erat, quæ triplex.

Prima fuit, ad excludendā idololatriā. Idola triē. n. bibebāt de sanguine victimarū, & comede bāt adipēs, sicut illud Deut. 32. De quorū victimis comede bāt adipēs, & bibebant vinum libaminū.

Secunda ratio est, ad informationē humanę vitæ. Prohibebatur. n. eis vſus sanguinis, adhuc vt horrerent humani sanguinis effusionē. Vnde dicitur Genes. 9. Carnem cum sanguine non comedetis. Efus vero adipis prohibebatur eis, ad refrenandam lasciuiam. Vnde dicitur Ezech. 34. Quod crassum era, occidebatis.

Tertia vero ratio est, propter reuerentiam diuinam, quia Sanguis est maxime necessarius. d

vitam, ratione cuius dicitur animam esse in sanguine. Adeps autem abundantiam nutrimenti demonstrat, & ideo, vt ostenderetur, quod a Deo est nobis, & vita, & omnium bonorum sufficientia, ad honorem Dei effundebatur sanguis, & adurebatur adeps. Quarta ratio est, quia per hoc figurabatur effusio sanguinis Christi, & pinguedo charitatis eius, per quam se obrulit Deo pro nobis.

Ad 9. Negatur consequentia. Ad probationem dicitur, quod quamuis omnia sacrificia in Dei honorem oblata essent, tamē in holocausto, non offerebātur nisi animalia masculini generis, & in hostia pro peccato offerebantur aues, non autem in hostia pacifica, duplici ratione. Prima, quia Holocaustum erat perfectissimum inter sacrificia, & ideo non offerebatur nisi masculus, nam femina est animal imperfectum. Oblatio turturum, & columbarum fiebat in holocaustū propter paupertatem offerētium. Holocaustum enim erat necessario offerendum, & quia pauperes maiora animalia offerre non poterant, offerebant turtures, vel columbas: & eadem ratione huiusmodi aues poterāt offerri in hostijs pro peccato, quia scilicet huiusmodi hostiæ erant quandoque necessario offerendæ. Ne igitur grauarentur pauperes, hæc animalia poterant offerri in holocaustum, & in hostia pro peccato. Hostias vero pacificas nullus tenebatur offerre necessario, & ideo pauperes poterāt omittere tales offerre hostias, vnde non offerebantur in hoc sacrificio, nisi animalia quadrupedia.

Secunda ratio est, Quia huiusmodi aues propter altitudinem volatus, congruunt perfectioni holocaustorum. Et quia habent gemitum pro cantu, congruunt hostijs pro peccato.

Ad 10. Dicitur ad antec. quod Quamuis omnes bestię pacificæ sint vnius generis, tamen quia habent ordinem quandam ad inuicem in sanctitate, propterea rationabiliter obseruabatur quedam differentia in conuestione carnum diuersorum sacrificiorum. Inter omnia enim sacrificia Holocaustum erat præcipuum, quia totum cōburebatur in honorem Dei, & nihil ex eo comede-batur. Secundum vero locum in sanctitate tenebat Hostia pro peccato, quæ comede-batur solum in atrio a Sacerdotibus in ipsa die sacrificij. Tertiū vero gradum tenebant Hostiæ pacificæ, pro gratiarum actione, quæ comede-bantur ipsa die, sed vbique in Hierusalem. Quartum vero locum tenebant hostiæ pacificæ ex voto, quarum carnes poterant etiam in crastinum comedi.

Ratio huius ordinis est, quia maxime homo Deo obligatur propter eius maiestatem. Secun-

do propter offensam dimissam. Tertiò, propter beneficia iam suscepta. Quartò, propter beneficia separata.

Ad 11. Dicitur ad antec. quod quamuis omnia peccata conueniant in hoc, quod a Deo auertunt, tamen grauantur ex statu peccantis, vt dictum est, quod est vilissimum animal, offerebatur pro peccato Sacerdotis, & alia pro peccato Principis, vel alterius priuæ personæ, & propterea diuersa animalia pro diuersitate peccatorum diuersarum personarum offerrebantur. Est autem attendendum, vt Rabby Moyses dicit, quod quanto grauius erat peccatum, tanto vilior species animalis offerebatur pro eo. Vnde capra, quod est vilissimum animal, offerebatur pro idololatria, quod est grauissimum peccatum. Pro ignorantia Sacerdotis offerebatur vitulus: & pro negligētia Principis hircus.

Ad 12. Negatur consequentia. Ratio enim, quare animalia omnia offerebantur vno modo, scilicet Occisa, ea vero, quæ ex terra nascebantur, diuersimodo offerebantur, est duplex. Vna literalis. Altera vero figuralis. Literalis fuit, quia lex in sacrificijs providere voluit offerentiū paupertati, vt qui non posset habere animal quadrupes, saltem offerret Auem, quam qui non posset habere, saltem offerret farinam, vel spicas. Causa vero figuralis fuit, quia panis significat Christum, qui est panis viuus, vt dicitur Ioan. 6. Qui quidem erat sicut spica, in statu legis naturæ in fide patrū. Erat sicut simila in doctrina legis prophetarum. Erat sicut panis formatus, post assumptionem humanitatem, coctus igne, id est formatus Spiritu Sancto, in clybano vteri virginis, qui etiam fuit coctus in sarragine, per labores, quos in mundo sustinuit. In cruce vero quasi in craticula fuit adustus.

Ad 13. Negatur conseq. Conuenienter enim præter animala: offerebatur solum illa quinque, scilicet Panis, Vinum, Oleum, Sal, & Thus duplici ratione. Vna est literalis. Altera figuralis. Literalis est, quia ea, quæ de terrâ nascentibus in vsum hominis veniunt, Vel sunt in cibum, & de eis offerebatur panis. Vel in potum, & de his offerebatur vinum. Vel in condimentum, & de his offerebatur, Oleum, & Sal. Vel in medicamentū, & de his offerebatur Thus, quod est aromaticum, & consolidatiuum. Figuralis vero ratio est, quia per panem figurabatur caro Christi, per vinum sanguis eius. oleum eius gratiam, sal scientiam, thus orationem significant.

Ad 14. Negatur conseq. Ad prob. dicitur, quod Quamuis sacrificia corporalia representarent interius sacrificium, quo homo spiritui suum offert

offerit Deo, tamen rationabiliter a diuino sacrificio excluderetur mel, & fermentum, & offerrebat sal, & Thus. Mel excluderetur duplici ratione. Prima, quia Mel consueuerat offerri in sacrificijs idolorum. Secunda, ad significandum, quod a diuino spiritali sacrificio debet excludi omnis carnalis dulcedo. Fermentum etiam excluderetur duplici ratione. Prima, quia forte etiam in sacrificijs idolorum solitum erat offerri. Secunda, ad excludendam corruptionem. Sal offerrebat duplici ratione. Prima, quia impedit corruptionem putredinis, sacrificia autem Dei debent esse incorrupta. Secunda, quia per sal significatur discretio sapientiae, vel etiam mortificatio carnis. Thus offerrebat duplici ratione. Prima, ad designandam deuotionem mentis, quæ est necessaria offerentibus. Secunda ad designandum odorem bonæ famæ. Thus enim est pingue, per quod significatur deuotio, & est odoriferum, per quod significatur bona fama. Vnde in sacrificio zelorum piz, quia nō procedebat ex deuotione, sed magis ex suspiratione, non offerrebat Thus.

A R T I C V L V S IV.

Vtrum Assignari possit certa ratio cæremoniarum, quæ ad sacra pertinent.

Pro Negatiua.

Videtur, quod cæremoniarum veteris legis, quæ ad sacra pertinent, sufficiens ratio assignari non possit.

1. Deus non in manufactis templis habitat. Ergo Inconuenienter ad cultum Dei tabernaculum, vel templum, in veteri lege est institutum.

Antec. prob. quia Actor. 17. dicitur. Deus, qui fecit mundum, & omnia, quæ in eo sunt, Hic cre-
i, & terræ cum sit dominus, non in manufactis templis habitat.

2. Status veteris legis non fuit immutatus nisi per Christum. Sed Tabernaculum designabat statum veteris legis. Ergo Tabernaculum nō debuit mutari per edificationem templi.

3. In lege, quæ debebat inducere homines ad diuinum cultum, debebant esse multa templa, & multa altaria. Sed Diuina lex vetus præcipue debebat inducere homines ad cultum diuinum. Ergo In lege veteri non debuit esse solum vnum templum, & vnum altare, & vnum tabernaculum, sed multa.

Maior prob. quia Ad augmentum diuini cultus pertinet, quod fiant multa altaria, & multa templa, vt patet in lege noua.

4. Illud, quod ordinatur ad Dei cultum, inconuenienter videtur per aliqua interposita esse distinctum in plures partes, seu loca. Sed Tabernaculum, & templum in veteri lege ordinabantur ad diuinum cultum. Ergo Inconuenienter, videtur tabernaculum, & templum fuisse per quædā vela distincta.

Maior prob. quia In Deo oportet præcipue veniri unitatem, & simplicitatem.

5. Quod est institutum ad Dei adorationem, debet esse magis dispositum versus orientem, quā versus occidentem. Sed Tabernaculum fuit institutum ad Dei adorationem. Ergo Tabernaculum debebat esse dispositum, magis versus orientem, quam versus occidentem.

Maior prob. quia Virtus primi mouentis, qui est Deus, primo apparet a parte orientis, a qua parte incipit primus motus.

6 Dominus præcepit Exod. 20. vt non facerent sculptile, neque aliquam similitudinem. Ergo Inconuenienter in tabernaculo, vel in templo fuerunt sculptæ imagines Cherubim. Ac etiam per hoc sine rationabili causa videntur fuisse ibi Arca, Propitiatorium, Candelabrum, Mensa, & duplex Altare.

7. Exod. 20. Dominus præcepit. Altare de terra facietis mihi, & iterum. Non ascendes ad altare meum per gradus. Ergo Inconuenienter mandatur postmodum altare fieri de lignis, auro, vel ære contextis, & tantæ altitudinis, vt ad illud nisi per gradus ascendi non posset. Dicitur enim Exo. 27. Facies altare de lignis Sethim, quod habebit quinque cubitos in longitudine, & totidem in latitudine, & tres cubitos in altitudine, & operies illud cre. Et Exod. 30. dicitur. Facies altare ad adolendum thymiamata de lignis Sethim, vestiesque illud auro purissimo.

8. Vni tabernaculo, vel Domui sufficit vnum operimentum.

Ergo Inconuenienter tabernaculo fuerunt apposta multa tegumenta, scilicet Cortine, Saga cilicina, Pelles arietum rubricatæ, & Pelles hyacinthina.

Conseq. prob. quia In operibus Dei nihil debet esse superfluum, sicut nec in operibus naturæ aliquid superfluum inuenitur.

9. Corpora inanimata inconuenienter consecrantur. Sed Tabernaculum, & eius Vasa erant corpora inanimata. Ergo Tabernaculum, & Vasa inconuenienter consecrabantur.

Maior prob. quia Consecratio exterior, interioris sanctitatem significat, cuius sanctitatis subiectum est anima.

10. Deus semper est laudandus, & non solum
certis

certis diebus. Sed Solemnitates instituuntur ad laudandum Deum.

Ergo Non fuit conueniens, vt instituerentur aliqui certi dies, ad solemnitates peragendas.

Maior prob. quia in Psal. 33. dicitur. Benedicam Domini in omni tempore, semper laus eius in ore meo.

Ex quibus omnibus videtur, quod Cæremoniæ sacrorum, de quibus habetur Exod. 25. 26. 27. 28. conuenientes causas non haberent.

Pro Affirmativa.

Quæ representant imaginem cœlestium, sunt valde rationabilia. Sed Cæremoniæ sacrorum representabant imaginem cœlestium.

Ergo Cæremoniæ sacrorum habent rationabilem causam.

Minor prob. quia Hebr. 8. dicitur, quod illi, qui offerunt secundum legem munera, exemplari, & umbræ deseruiunt cœlestium, sicut responsum est Moyse, dum consumaretur tabernaculū. Vide, inquit, omnia facio secundum exemplar, quod tibi in monte monstratum est.

Determinatio.

Conclusio. Cæremoniæ, quæ ad sacra pertinebant in lege veteri, potest certa ratio assignari.

Manifestatur. Duplex enim causa harum cæremoniæ, quæ ad sacra pertinent, assignari potest. Vna literalis. Altera figuralis. Causa, siue ratio literalis harum cæremoniæ, est, vt homines Deum in reuerentiam habeant. Causa vero figuralis est, quia per huiusmodi sacra figurabatur mysterium Christi.

Quod per huiusmodi cæremoniæ, quæ ad sacra pertinent, inducerentur homines in diuinam reuerentiam, ostenditur. Nam habet hoc humanus affectus, vt ea, quæ communia sunt, & non distincta ab alijs, minus reueretur. Ea vero, quæ habent aliquam excellentiæ distinctionem ab alijs, magis admiretur, & reueretur. Et inde etiam consuetudo inoleuit, vt Reges, & Principes, quos oportet in reuerentia haberi a subditis, & prætorioribus vestibus ornentur, & ampliores, & pulchriores possideant habitationes. Et propter hoc oportuit, vt aliqua specialia tempora, speciale tabernaculum, specialia vasa, & speciales ministri, ad cultum Dei ordinarentur, vt per hoc animi hominum ad maiorem reuerentiam erga Deum adducerentur.

Quod vero ad signrandum mysterium Christi fuerint huiusmodi cæremoniæ, quæ ad sacra pertinent, necessariè, ostenditur. Quia ad figurandum aliquid oportet institui aliquid determinatum, vt sic figuratum representare possit. Ergo Cum mysterium Christi aliquid determinatum sit, ad illud figurandum, aliqua determinata erant instituenda.

Ad Argumenta.

Ad 1. Dicitur, quod Cultus Dei duo respicit, scilicet Deum, qui colitur, & homines colentes. Tunc ad antecedens dicitur, quod ipse Deus, qui colitur, nullo corporali loco clauditur, vnde propter ipsum non oportuit speciale tabernaculum fieri, aut templum. Sed homines ipsum colentes corporales sunt, & propter eos oportuit speciale tabernaculum, vel templum institui ad cultum Dei, propter duo. Primo quidem, vt ad huiusmodi locum conuenientes, cum hac cogitatione, quod deputaretur ad colendum Deum, cum maiori reuerentia accederent. Secundo, vt per dispositionem talis templi, vel tabernaculi significarentur aliqua pertinentia ad excellentiam diuinitatis, vel humanitatis Christi, & hoc est, quod Salomon dicit 3. Reg. 8. Si cælum, & cœli cœlorum te capere non possunt, quanto magis domus hæc, quam ædificavi tibi? & postea subdit. Sint oculi tui aperti super domum hanc, de qua dixisti. Erit nomen meum ibi, vt exaudias deprecationem serui tui, & populi tui Israel. Ex quo patet, quod domus sanctuarij non est instituta ad hoc, quod Deum capiat, quasi localiter inhabitantem, sed ad hoc, quod nomen Dei inhabitet ibi, id est, vt nomen Dei ibi manifestetur per aliqua, quæ ibi fiebant, vel dicebantur: & quod propter reuerentiam loci, orationes fierent ibi magis exaudibiles ex deuotione orantium.

Ad 2. Dicitur ad maiorem, quod Status veteris legis non fuit immutatus ante Christum, quantum ad impletionem legis, quæ facta est per solum Christum, est tamen immutatus, quantum ad conditionem populi, qui erat sub lege. Nam primo populus fuit in deserto non habens certam mansionem. Postmodum autem habuerunt varia bella cum finitimis gentibus. Vltimo autem tempore Dauid regis, & Salomonis populus ille habuit quietissimum statum, & tunc primo ædificatum fuit templum in loco, quem designauerat Abraham ex diuina demonstratio-

nead immolandum. Dicitur enim Gen. 20. quod Dominus mandauit Abrahæ, vt offerret filium suum in holocaustum, super vnum montium, quem monstrauero tibi, & postea dicit, quod appellauit nomen illius loci, Dominus videt, quasi secundum Dei præuisionem esset locus ille electus ad cultum diuinum: propter quod dicitur Deuter. 12. Ad locum, quem elegerit Dominus Deus vester, venietis, & offeretis holocausta, & victimas vestras. Locus autem ille designari non debuit per ædificationem templi ante tempus prædictum, propter tres rationes, quas Rabby Moyses assignat. Prima est, ne gentes appropriarent sibi locum illum. Secunda, Ne gentes ipsum destruerent. Tertia, Ne quælibet tribus vellet habere locum illum in sorte sua, & propter hoc orirentur lites, & iurgia, & ideo non fuit ædificatum templum, donec haberent regem, per quem posset huiusmodi iurgium cõpesci. Antea vero ad cultum Dei erat ordinatum tabernaculum portatile per diuersa loca, quasi nondum existente determinato loco diuini cultus. Et hæc est ratio literalis diuersitatis tabernaculi, & templi.

Ratio autem figuralis esse potest, quia per hæc duo significatur duplex status. Per tabernaculū enim, quod est mutabile, significatur status præsentis vitæ mutabilis. Per templum vero, quod erat fixum, & stans, significatur status futuræ vitæ, qui omnino immutabilis est: & propter hoc in ædificatione templi dicitur, quod non est auditus sonitus mallei, vel securis, ad significandum, quod omnis perturbatio nis tumultus longe erit a futuro statu. Vel per tabernaculum significatur status veteris legis. Per templum autem, a Salomone constructum, status nouæ legis, vnde ad constructionem tabernaculi soli iudæi sunt operati, ad ædificationem vero templi cooperati sunt etiam gentiles. s. Tyrij, & sidonij, vt patet 3. Reg. c. 5. & 7.

Ad 3. Dicitur, quod diuinus cultus duplex est spiritualis, & corporalis. Cultus spiritualis in lege veteri consistebat in doctrina legis, & prophetarum. Cultus vero corporalis consistebat in oblatione sacrificiorum, & alijs cõemonijs ad ea pertinentibus. Quantum ad spirituale cultum in lege veteri erant diuersa loca, quæ synagogæ dicebantur, in quibus populus conueniebat ad laudem Dei: Ad cultum vero corporalem non erat deputatus nisi vnus locus, in quo erat templum.

Ratio autem, quare vnum tantum templum fuit institutum in lege veteri, duplex esse potest. s. Literalis, & Figuralis.

Literalis est multiplex. Prima, Ad exclusionem idololatriæ, quia Gentiles diuersis dijs, diuersa templa constituebant, & ideo, vt firmaretur in

animis hominum fides vnitatis diuinæ, voluit Deus, vt in vno loco tantum sacrificium sibi offerretur. Secunda, vt per hoc ostenderetur, quod ille corporalis cultus non erat propter se, Deo acceptus, & ideo compescerentur ne passim, & vbique sacrificia offerrent. In lege autem noua acceptantur multa templa, & multa altaria, quia cultus nouæ legis, in cuius sacrificio spiritualis gratia continetur, est secundum se Deo acceptus. Et iterum, in lege noua non distinguitur locus doctrinæ a loco sacrificij, quia & Doctrina, & Sacrificium spiritualia sunt. Vnde ecclesia succedit templo, quatenus in ea offertur Deo sacrificium, & Synagogæ quatenus in ea fideles instruuntur.

Ratio Figuralis vnitatis templi in lege veteri fuit, quia per hoc significabatur vnitas ecclesiæ militantis, vel triumphantis.

Ad formam igitur argumenti dicitur ad maiorem, quod In lege, quæ debet inducere homines ad spirituales Dei cultum, debent esse plura templa, altaria &c. hoc verum est de lege inducente ad spirituales cultum, & ad corporalem, qui est Deo, secundum se gratus. Et quia cultus corporalis antiquæ legis non erat secundum se Deo gratus, ideo ad compescendum populum a frequentia talis cultus, vnum solum fuit templū, per quod etiam idololatria excluderetur, & vnitas ecclesiæ figurabatur.

Ad 4. Negatur maior. Ad probationem dñ, q̃ sicut in vnitatem templi, vel tabernaculi, representabatur vnitas Dei, vel vnitas Ecclesiæ, vt in responsione præcedenti dictum est. Ita etiam in distinctione tabernaculi, vel templi representabatur distinctio eorum, quæ Deo sunt subiecta, ex quibus in Dei venerationem confurgimus.

Distinguebatur tabernaculum in duas partes. Vna vocabatur Sancta sanctorum, quæ erat occidentalis. Alia vocabatur Sancta, quæ erat ad orientem. Hæc duæ partes erant distinctæ quodam velo, quod erat ex quatuor coloribus. s. Bisso, Purpura, Hiacinto, & Cocho, Et ante ipsum tabernaculū erat atrium. In Sancta sanctorum introibant solum summi Pontifex semel in anno. In Sancta introibant sacerdotes. In Atrio populus.

Hæc distinctio habet duplicem rationem. Vnam literalem. Aliam figuralem. Sancta sanctorum significabat Sæculum altius, quod est spiritualium creaturarum. Sancta, exprimebat mundum corporalem. Per velum significatur materia quatuor elementorū, quæ sunt media inter seculum altius, & mundum corporalem. Per quatuor veli colores, significantur ipsa quatuor elementa. Per Bissum significatur Terra, quia bissus,

id est linum de terra nascitur. Per Purpuram significatur Aqua, quia purpureus color, sit ex quibusdam conchis, quæ in mari inveniuntur. Per Hyacinthum aer, quia habet æreum colorem. Per Cochum bis tinctum significatur ignis. In sancta sanctorum solum summus sacerdos, & semel in anno introibat, ut designaretur, quod hæc est finalis perfectio hominis, ut ad illud sæculum spirituale introducat.

In tabernaculum, quod dicebatur sancta, introibant sacerdotes quotidie, non autem populus, qui solum ad atrium accedebat, ad significandum, quod ipsa corporalia populus percipere potest, ad interiores autem eorum rationes, soli sapientes, per considerationem attingere possunt.

Ratio vero figuralis est. Per sancta sanctorum significatur, vel cœlestis gloria, vel etiam status spiritualis novæ legis, qui est quædam inchoatio futuræ gloriæ.

Per exterior tabernaculum, quod dicebatur Sancta, significatur status veteris legis, ut dicitur ad Heb. 9.

Velum significabat spiritualium occultationem sacrificiorum, in veteribus sacrificijs.

Quatuor colores, quibus velum exornabatur, quatuor figurabant. Bisus figurabat carnis puritatem. Purpura, Passiones, quas sancti sustineant pro Deo. Cochus bis tinctus, geminam charitatem Dei, & proximi. Hyacinthus Cœlestem meditationem.

Populus non intrabat tabernaculum, sed soli sacerdotes. Ad significandum, quod populus considerabat tantum ipsa corporalia sacrificia, quæ offerebantur in atrio. Sacerdotes vero considerabant rationes sacrificiorum, habentes fidem in qua gis explicitam de mysterijs Christi.

Velum, quod erat inter sancta, & atrium, significabat, quod quædam, non erant revelata populo de mysterijs Christi, quæ sacerdotibus erant nota. Non tamen erant hæc sacerdotibus bene nota, sicut in nova lege, & ideo erat aliud velum distinguens Sancta, a Sancta sanctorum.

Ad 5. Dicitur ad maiorem, & ad eius probum, quod licet in oriente primo Dei virtus appareat, tamen duplici ratione adoratio Dei fuit introducta ad occidentem in veteri lege. Prima, & est literalis. Ad excludendam idololatriam. Nam omnes gentiles in reuerentiam solis adorabant ad orientem. Vnde dicitur Ezech. 8. quod quidam habebant dorsa contra templum Domini, & facies ad orientem, & adorabant ortum solis: vnde ad hoc excludendum tabernaculum habebat Sancta Sanctorum ad occidentem, ut versus occidentem adorarent.

Secunda ratio figuralis potuit esse, quia totus status prioris tabernaculi ordinabatur ad significandum mortem Christi, quæ figuratur per occasum, secundum illud Psal. 67. Qui ascendit super occasum, Dominus nomen illi.

Ad 6. Dicitur, quod conueniens reddi potest ratio eorum, quæ in tabernaculo continebantur, non solum literalis, sed etiam figuralis. Sciendum igitur, quod duplex erat tabernaculum, scilicet pars tabernaculi, scilicet Interior, quod dicebatur Sancta Sanctorum, & Aliud exterior, quod dicebatur Sancta, ut supra dictum est. Per Sancta sanctorum designabatur sæculum altius spiritualium creaturarum: Pars vero exterior, quæ dicebatur Sancta, significabat sæculum corporale, ut etiam dictum est in responsione ad 4.

In Sancta sanctorum tria præcipua continebantur Arca testamenti. Propitiatorium. Et duo Cherubim. Quæ sicerant disposita. Nam arca testamenti erat inter duos Cherubim, qui se mutuis vultibus respiciebant, & super arcam erat quædam tabula, quæ sustentabatur super alas Cherubinorum, quæ tabula dicebatur propitiatorium, ac si imaginaretur, quod illa tabula esset sedes Dei, vnde propitiatorium dicebatur; quasi ex inde Deus populo ad preces summi sacerdotis propitiaretur. Et portabatur a Cherubinis, quasi Deo obsequentibus. Arca vero testamenti erat quasi scabellum sedentis super propitiatorium.

In arca testamenti erant tria. Vna aurea habens manna. Virga Aaron, quæ fronduerat. & Due tabulæ; in quibus erant præcepta legis scripta.

Igitur in Sancta sanctorum erant omnia hæc scilicet.

Arca testamenti.

Propitiatorium.

Duo Cherubim.

In arca erant tria.

Vna aurea cum Manna.

Virga Aaron, quæ fronduerat.

Due tabulæ, in quibus erant scripta præcepta legis.

Dispositio rerum, quæ erant in Sancta sanctorum.

Arca erat in medio tabernaculi, quod dicebatur Sancta sanctorum.

Cherubim erant duo. Vnus ex vna parte arce, & alius ex altera, qui mutuis vultibus se respiciebant.

Tabulæ.

Tabula, quæ dicebatur propitiatorium, erat super arcam, & sustentabatur super alas Cherubimorum.

Et horum omnium assignanda est primo literalis, Deinde figuralis ratio.

Ratio literalis omnium horum est duplex. Primo. Per tria, quæ erant in Sancta sanctorum, significabantur tria, quæ sunt in illo altiori sæculo, significatio per hanc priorem tabernaculi partem. Quæ sunt Deus, Creatura spiritualis, & Rônes omnium rerû, quæ in hoc sæculo inferiori periclitantur. Est primo in illo altiori sæculo Deus, qui significabatur per propitiatorium, quia sicut propitiatorium erat super arcâ, & super Cherubinos, sic Deus est super omnia spiritualia, & corporalia. Et quia Deus est incomprehensibilis, propterea nulla similitudo eius ponebatur ad representandam eius inuisibilitatem. Ponebantur quasi sedes Dei, quæ erat illa tabula, ad significandum, quod creatura Deo subiecta, est comprehensibilis. Secundo in illo altiori sæculo sunt spirituales substantiæ. scilicet Angeli, qui significabantur per cherubinos, qui mutuo se respiciebant, ad ostendendam eorum concordiam ad inuicem, secundum illud Iob 25. Qui facit concordiam in sublimibus. Erant duo, & non vnus tantum, ad denotandam eorum multitudinem, & vt excluderetur cultus eorum, ab his, quibus præcipiebatur, vt solum vñ Deû colerent. Tercio sunt in illo altiori sæculo rationes omnium rerû, quæ in hoc sæculo fiunt, quodammodo clausæ, sicut rationes effectus clauduntur in suis causis, & hæc significabantur per arcâ, & per tria in illa clausa.

In rebus enim humanis, tria præcipua inueniuntur. Vita, Potestas regiminis, & Sapientia.

Vita representabatur per manna.

Potestas regiminis per virgam.

Sapientia per tabulas legis.

Vel per hæc tria representantur tria præcipua Dei attributa. scilicet Sapientia in tabulis. Potentia in virga, & Bonitas in manna, Tum propter dulcedinem. Tum quia fuit ex Dei misericordia populodatum. Vnde & in memoriam diuinæ misericordiae conseruabatur.

Hæc tria fuerunt etiam significata in visione Esaiæ 1. Vidi Dominum (inquit) sedentem super solium excelsum, in propitiatorium. Plena erat omnis terra maiestate eius, En arcâ, & ea, quæ in ipse continebantur. Et Seraphim stabant super illud, en substantiæ spirituales. Et hæc quantum ad ea, quæ continebantur in Sancta sanctorum.

Ea, quæ erant in Sancta.

In exteriori veto tabernaculo, quod diceba-

tur Sancta, erant hæc tria, videlicet.

Altare thymiamatis.

Mensa propositionis, cui erant superpositi duo decim panes.

Candelabrum.

Quæ sic erant disposita.

Altare thymiamatis erat directe contra arcâ.

Mensa erat posita a parte aquilonari altaris.

Candelabrum erat a parte meridionali.

Altare igitur erat in medio. Candelabrum a parte dextera, & Mensa a parte sinistra.

Per quæ tria, significabantur, & representabantur magis explicite ea, quæ representabantur per ea, quæ continebantur in arcâ.

Per Candelabrum enim designabatur, ut in signo visibili Sapientia, per Altare thymiamatis potestas regendi, in eo enim sacerdotes, quorû erat populum regere, offerebant thymiamata boni odoris. Et per Mensam representabatur, Vel Dei bonitas, & misericordia, Vel nutrimentum vitæ.

Igitur Quod representabatur in arcâ per tabulas, representabatur in tabernaculo exteriori per candelabrum. Quod in arcâ representabatur per virgâ, in tabernaculo exteriori representabatur per altare thymiamatis, & tandem quod ibi representabatur per manna, hic representatur per mensam, & panes superpositos.

Conuenienter autem Altare erat in medio.

Candelabrum a parte meridionali, & Mensa a parte septentrionali, quia Sapientia, significata in candelabro, pertinet ad dexteram, sicut & cætera spiritualia bona. Vitæ vero nutrimentum, significatum per mensam, pertinet ad sinistram, vt pote temporale bonum, secundum illud Prover. 3. In sinistra eius diuitiæ, & gloria. Potestas autem sacerdotalis, per altare significata, media est, inter temporalia bona, & spiritualem sapientiam, quia per eam spiritualis sapientia, & temporalia dispensantur.

Et hæc est prima ratio literalis, eorum, quæ erant in vtroque tabernaculo.

Altera ratio omnium horum magis literalis potest assignari, & est, quod Tabulæ legis asseruabantur in arcâ ad tollendam legis obliuionem. Vnde dicitur Exod. 24. Dabo tibi duas tabulas lapideas, & legem, ac mandata, quæ scripsi, vt doceas filios Israël.

Virga Aaron ponebatur ibi ad comprimendam dissensionem populi, de sacerdotio Aaron: Vnde dicitur Num. 17. Refer virgam Aaron in tabernaculum testimonij, vt referuatur in signum rebellium filiorum Israël.

Manna conseruabatur in arcâ ad commemorandum beneficium, quod Dominus præstitit fi-

lijs Israel in deserto. Vnde dicitur Exod. 16. Imple Gomor ex eo, vt custodiatur in futuras generationes, vt norint panes, quibus alui uos in solitudine.

Candelabrum erat institutum ad magnificentiam tabernaculi. Pertinet enim ad magnificentiam domus, vt sit bene luminosa.

Septem calami, quos habebat candelabrum, vt Ioseph dicit lib. 3. antiquitatum, significabant septē planetas, quibus totus mūdus illuminatur.

Candelabrum ponebatur in parte australi, quia ex illa parte est nobis planetarum cursus.

Altare thymiamatis erat institutum, vt in tabernaculo esset iugiter fumus boni odoris, tum propter venerationem tabernaculi, tum etiam in remedium fœtoris, quem oportebat accidere ex occisione animalium, & sanguinis effusione.

Mensa ponebatur ad significandum, quod sacerdotes templo deseruiantes, in templo victum habere debebant. Vnde duodecim panes superpositos mensæ, in memoria duodecim tribuum, solis sacerdotibus edere licitū erat, vt h̄c Mat. 12.

Mensa non ponebatur directe ante propitiatorium, sed in vno latere, ad excludendum idolo latræ ritum. Nam gentiles in sacris lunæ, ponebant mensam coram idolo lunæ. Vnde dicitur Jerem. 7. Mulieres conspergunt adipem, vt faciant placentas reginæ cœli.

In atrio exteriori erat altare holocaustorū, in quo offerebantur Deo sacrificia de his, quæ erant a populo possessa, de quibus dictum est att. præced. & ideo in eo poterat esse populus, qui offerebat Deo per manus sacerdotum ea, quæ erant ab ipso populo possessa.

Erat autem hoc altare extra tabernaculum, in atrio constitutum, ad remouendum cultum idolatriæ. Nam gentiles infra templa altaria constuebant, ad immolandum idolis.

Omniū supradictorū Figurales rationes.

Ratio figuralis omnium horum desumitur ex relatione tabernaculi ad Christum. Sed est considerandum, quod cum figuræ legales fuerint imperfectæ, oportuit multas institui, ad significandū Christum, in quo omnes erant perfectiones.

Primo igitur Christus significabatur per propitiatorium, quia ipse est propitiatio pro peccatis nostris, vt dicitur 1. Ioan. 2.

Propitiatoriū a Cherubim portabatur. Quia de eo scriptum est. Adorent eum omnes Angeli Dei Heb. 1.

Arca etiam significabat Christum, quia Sicut

arca erat de lignis Sethim; ita corpus Christi de purissimis membris constabat.

Arca erat deaurata, quia Christus fuit plenus sapientia, & charitate, quæ per aurum significatur.

In arca erat vrna aurea habens manna, & in Christo erat sancta anima habens omnem plenitudinem sanctitatis, & diuinitatis.

In arca erat virga, id est potestas sacerdotalis, quia Christus est factus sacerdos in æternum.

In arca erant etiam tabulæ legis, ad designandum, quod Christus est legislator.

Candelabrum etiam significabat Christum, quia ipse dixit. Ego sum lux mundi.

Per septem lucernas significabantur septē dona Spiritus sancti, quæ erant in Christo.

Mensa etiam significabat Christum, quia ipse est spiritualis cibus, secundum illud Ioan. 6. Ego sum panis viuus.

Duodecim panes significabant duodecim Apostolos, vel eorum doctrinam.

Vel per mensam, & candelabrum potest significari doctrina Ecclesiæ, quæ illuminat, & reficit.

Vtramque Altare. scilicet Thymiamatis, & sacrificiorum, significabant etiam Christum, quia per ipsum offerimus Deo opera virtutum, illa inquam opera, quibus carnem affligimus, quasi offerimus in altari holocaustorum. Opera vero spiritualia offerimus quasi in altari thymiamatis, secundum illud ad Heb. vlt. Per ipsum offeramus hostiam laudis semper Deo.

Ad formam igitur huius sexti argumenti, dicitur ad antecedens, quod Dominus prohibuit fieri sculptile ad colendum, & ad adorandum, non autem ad aliquid representandum. Vnde Cherubim, non erant in tabernaculo, vt colerentur, sed vt essent in signū ministerij, vt dictum est.

Ad 7. Dicitur, quod de constructione altaris, duplex datum fuit a Deo præceptum. Vnum quidem in principio legis. scilicet Exod. 10. vbi Dominus mandauit tria. Primo, vt facerent altare de terra, vel saltem de lapidibus nō sectis. Secundo, quod non facerent altare excelsum, ad quod oporteret per gradus ascendere. Vnde dicitur, Non ascendes ad altare meum per gradus, ne reueletur turpitudō tua. Tertio, quod non plantarent circa altare arbores. Vnde dicitur Deut. 16. Non plantabis lucum, & omnem arborem iuxta altare Domini Dei tui.

Post constructionem autem tabernaculi præcepit Deus alia duo de altari. Primo, vt fieret de lignis Sethim. Secundo, quod haberet quinque cubitos in latitudine, & quinque in longitudine, & tres in altitudine, ex quo sequebatur, vt non posset ascendere ad altare, nisi per aliquos gradus,

quæ

qui gradus erant lignei, & portatiles, nec erant prope altare nisi tempore sacrificii offerendi, per quos sacerdos ad altare ascendebat.

Horum præceptorum ratio duplex fuit, scilicet literalis, & figuralis.

Ratio literalis, quare præceptum fuit, vt construeretur altare, fuit, ad offerenda sacrificia, & munera in honorem Dei, quæ etiam destruebant ad sustentationem ministrorum, qui tabernaculo destruebant.

Ratio, quare præcepit Deus, vt altare fieret de terra, vel de lapidibus non sectis, & quod non fieret excelsum, sed humile, ita vt non esset necesse ascendere ad altare per aliquos gradus, fuit, ad excludendos ritus gentium, qui faciebant altaria excelsa, & ornata dijs suis. Et eadem ratione dominus prohibuit plantationem luci, & arborum iuxta altare, quia scilicet idololatæ consueuerant sub arboribus sacrificare, propter amenitatem, & vmbrositatem.

Ratio vero figuralis horum, erat, &

Primo, quod Altare erat de terra, figurabat, quod in Christo debemus confiteri veram carnis naturam, quantum ad humanitatem.

Secundo, Non erat ascendendum ad altare per gradus, quia debemus confiteri ipsum esse æqualem patri, quantum ad diuinitatem.

Tertio, Non debent iuxta altare plantari arbores, aut luci, quia non debemus admittre doctrinam gentium, ad lasciuiam prouocantem.

Ratio autem aliorum duorum præceptorum, quæ facta fuerunt, post factum tabernaculum de constructione altaris, scilicet quod esset algum, ita vt esset omnibus conspicuum, & de ære, lignis, & auro, est, quia factio tabernaculo ad honorē Dei, nō erāt timēde huiusmodi occasiones idololatricæ.

Vnde ad formam argumenti negatur consequ. Conuenienter enim post factum tabernaculum potuerūt fieri alia præcepta de altari, vt dictū est.

Ad 8. Dicitur, quod Operaimenta tabernaculi habent etiam suas rationes literales, & figurales, sed antequam assignentur videnda est dispositio operaimentorum tabernaculi.

Sciendum igitur, quod fabrica tabernaculi constabat ex quibusdam tabulis in longū erectis, quæ tabulæ interius tegebantur quibusdam cortinis, ex quatuor coloribus variatis, scilicet de Bisso retorta, Hyacinto, Purpura, Cocoq; bis tincto, sed huiusmodi cortinæ tegebant solum latera tabernaculi.

In tecto tabernaculi erant tria operaimenta.

Primum de pellibus hyacinthinis.

Secundum, quod erat super hoc, de pellibus arietum rubricatis.

Tertium, quod erat de super, de quibusdam sagis cilicinis, quæ non tantum operiebant tectum, sed etiam latera tabernaculi exterius. Vnde latera tabernaculi interius operiebantur cortinis, & exterius sagis cilicinis.

Ratio igitur literalis omnium horum operaimentorum in communi erat ornatus tabernaculi, & protectio eius, vt in reuerentia haberetur.

In speciali vero secundum quosdam, cortinæ significabant cælum sydereum, colores varij, varias stellæ. Saga significabat aquas, quæ super cælum sunt. Pelles rubricatæ cælum empyreum, in quo sunt Angeli. Pelles hyacinthinæ, cælum Sanctissimæ Trinitatis.

Figuralis ratio fuit, quia per tabulas tabernaculi significabantur Christi fideles, ex quibus constituitur Ecclesia.

Cortinæ quadricoloratæ ornantes tabernaculum interius, significant quatuor virtutes, quibus fideles interius ornantur. Nam in bisso retorta, significatur Caro castitate nitens. In hyacinto, Mens superna cupiens. In purpura, Caro passionibus subiacens. In coelo bis tincto, Meus inter passiones, Dei, & proximi dilectione præfulgens.

Per operaimenta tecti designantur prælati, & doctores. In quibus debet renitere celestis conuersatio, quod significatur per pelles hyacinthinas. Promptitudo ad martyriū, quod significatur per pelles rubricatas. Austeritas vitæ, ad toleranda aduersa, quod significatur per saga cilina, quæ erant exposita ventis, & pluuijs.

Negatur igitur ad argumentum consequ. Nam omnia illa operaimenta erant necessaria tabernaculo, propter dictas rationes.

Ad 9. Dicitur, quod etiam cōsecratio vasorum habebat rationem literalem, & figuralem. Literalis erat, quia per consecrationem deputabantur diuino cultui, & habebantur in maiori reuerentia.

Figuralis erat, quia per huiusmodi sanctificationem significatur spiritualis sanctificatio viuētis tabernaculi, scilicet fidelium, ex quibus constituitur Ecclesia Christi.

Ad formam argumenti neg. maior. Ad prob. dicitur, quod consecratio vasorum non fiebat ad significandam sanctitatem interiorem vasorum, sed solum per ipsam deputabantur diuino cultui, vel sanctitatem interiorem viuētis tabernaculi figurabant, vt dictum est.

Ad 10. Dicitur, quod festiuitatū antiquæ legis vna erat continua, & septem erant temporales de quibus habetur Num. 18. & 29.

Festum continuum erat Iugis oblatio agni, qui offerebatur quolibet die mane, & vespere.

Festiuitatū tēporaliū. Prima erat festū sabbati, quod

quod iterabatur qualibet septimana.

Secunda solemnitas iterabatur semel in mense, in noui lunio, scilicet festum Neomenia.

Tertia solemnitas celebrabatur semel in anno, scilicet festum Phase, & celebrabatur mense primo.

Quarta solemnitas erat festum Pêtecotes, post quadraginta dies celebrationis Phase.

Quinta solemnitas, & alie sequentes, celebrabantur mense septimo, & erat festum Tubarum.

Sexta solemnitas erat festum expiationis, quod celebrabatur decima die eiusdem mensis, post festum tubarum.

Septima solemnitas erat festum scenophegia, idest tabernaculorum.

Hæ igitur sunt solemnitates antiquæ legis.

Iuge sacrificium celebrabatur quotidie.

Sabbatum, semel in septimana.

Neomenia, semel in mense in noui lunio.

Phase, semel in anno, mense primo.

Pentecotes, semel in anno 50. dies, post phase.

Festum tubarum, mense septimo.

Festum expiationis, decem dies, post festum tubarum.

Festum Scenophegia, eodem mense. Et post octo dies celebrabatur.

Festum collectæ, in quo colligebantur à populo ea, quæ erant necessaria ad expensas cultus diuini.

Omnes igitur hæ solemnitates habent rationes literales, & etiã figurales.

Rationalis Iugis sacrificij est, quia per ipsum representabatur perpetuitas beatitudinis diuinæ.

Festum sabbati celebrabatur in commemorationem beneficij creationis rerum, vt supra dictum est, quæst. 109. art. 5.

Festum Neomenia celebrabatur ad commemorandum beneficium gubernationis diuinæ, & quia hæc inferiora variantur secundum motum lunæ, ideo celebrabatur in noui lunio, non in plenilunio, ad euitandam occasionem idololatriæ. Et quia hæc duo beneficia erant communia toti humani generi, ideo frequentius iterabantur, quam alia.

Festum Phase celebrabatur ad commemorandum beneficium educationis de Aegypto.

Festum Pentecotes celebrabatur ad commemorandum beneficium legis latæ, quadragesima die, post exitum de Aegypto.

Festum tubarum, in memoriam liberationis Isaac per arietem, quando Abraham voluit ipsum sacrificare.

Festum expiationis celebrabatur in memoriã beneficij, quo Deus propitiatus est peccato popu-

li, de adoratione vituli ad preces Moyfi.

Festum Scenophegia celebrabatur ad commemorandum beneficium diuinæ protectionis, & deductionis per desertum, vbi in tabernaculis habitauerunt. In hoc festo debebant habere fructum arboris pulcherrimæ, idest citrum, & lignum denatum frondium, idest myrtum, quæ sunt odorifera, & spatulas palmarum, & salices de torrente, quæ diu retinent suum virorem, & omnia hæc ad significandum, quod per aridam terram deserti, eos Deus deduxerat in terram delictiosam.

Per collectas significabatur adunatio populi, & pax præstita in terra promissionis.

Et hæc sunt literales rationes omnium festorum antiquæ legis.

Figuralis ratio horum erat, quia per Iuge sacrificium agni figuratur perpetuitas Christi, qui est agnus Dei, secundum illud Hebr. ultimo. Iesus Christus heri, & hodie, ipse, & in secula.

Per sabbatum designatur spiritualis requies nobis data per Christum, vt habetur Heb. 4.

Per neomeniam, quæ est incensio nouæ lunæ, significatur illuminatio spiritualis ecclesiæ per Christum, eo prædicante, & miracula faciente.

Per festum Pentecotes, significatur descensus Spiritus Sancti in Apostolos.

Per festum tubarum, significatur prædicatio Apostolorum.

Per festum expiationis, significatur emundatio à peccatis populi Christiani.

Per festum tabernaculorum, peregrinatio eorum in hoc mundo, in quo ambulant in virtutibus proficiendo.

Per festum cætus, atque collectæ, significatur congregatio fidelium in regno cælorum: idem illud festum dicebatur sanctissimum esse.

Et hæc tria festa erant continua ad inuicem, quia oportet expiatis à vitijs, proficere in virtute, quosque perueniant ad Dei visionem, vt dicitur in Psalmo.

Ad formam argumenti, dicitur ad maiorem, quod quia Deus semper est laudandus, erat in lege iuge sacrificium, in alijs vero festiuitatibus laudabatur pro acceptis beneficijs, magnificentius, vt dictum est.

A R T I C V L V S V.

Vtrum. Sacramentorum veteris legis conueniens causa esse possit.

Pro Negatiua.

V Idetur, quod Sacramentorum veteris legis conueniens causa esse non possit.

1. Ea,

1. Ea, quæ sunt similia his, quæ idololatræ obseruant in cultu Deorum suorum, inconuenienter instituntur in lege ad diuinum cultum. Sed Circumcisio, quæ est vnum sacramentorum veteris legis, est similis his, quæ idololatræ obseruant in cultu Deorum suorum. Ergo Circumcisio inconuenienter fuit in veteri lege instituta ad diuinum cultum.

Maiores probant quia Ea, quæ ad cultum diuinum sunt, non debent esse similia his, quæ idololatræ obseruant. Vnde dicitur Deut. 22. Non facies similitudinem domino Deo tuo, omnes enim abominabiles, quibus aduersatur dominus, fecerunt Dii suis.

Minor probant quia Cultores idolorum in cultu eorum, cultris se incidabant, vsque ad effusionem sanguinis, dicitur enim 3. Reg. 18. quod Incidebant se iuxta ritum suum cultris, & lanceolis, donec perfunderentur sanguine. Propter quod mandauit dominus Deuter. 18. Non vos incidetis, nec facietis caluitium super mortuos, quoniam populus Sanctus es domino Deo tuo, & te elegit, vt sis ei in populum peculiarem de cunctis gentibus. Vnde circumcisio, quæ fiebat per incisionem, videbatur similis his, quæ idololatræ in cultu Deorum suorum obseruant.

2. Ea, quæ in cultum diuinum sunt, debent honestatem, & grauitatem habere, secundum illud Psal. 34. In populo graui laudabo te. Sed Comestio agni paschalis, quæ erat aliud sacramentum veteris legis, non videtur habere grauitatem, & honestatem.

Ergo Comestio agni paschalis non fuit conuenienter in diuinum cultum, in veteri lege instituta.

Minor probant quia ad leuitatem quandam pertinere videtur, quod homines festinanter comedant, & alia faciant, quæ præcipiuntur Exod. 12. circa comestionem agni paschalis.

3. Per Agnum paschalem figurabatur sacramentum Eucharistiæ, secundum illud. 1. Cor. 5. Pascha nostrum immolatus est Christus. Ergo Debuerant esse in antiqua lege etiam alia sacramenta, quæ præfigerent alia sacramenta nouæ legis, sicut Confirmationem, Extremam vñtionem, Matrimonium, & alia nouæ legis sacramenta.

Consequenter probant quia Sacramenta veteris legis fuerunt figura sacramentorum nouæ legis.

4. Ab eo, quod non est immundum, inconuenienter quis purificatur. Sed Nullum corporale apud Deum reputatur immundum.

Ergo Propter contactum corporis mortui, vel alicuius huiusmodi corporalis infectionis, in-

conuenienter aliqui in lege veteri purificabantur, vt habetur Num. 19.

Maiores probant quia Purificatio non potest conuenienter fieri, nisi ab aliquibus immunditijs.

Minor probatur. Nulla creatura Dei est immunda, secundum illud. 1. Tim. 4. Omnis creatura Dei bona est, & nihil ei sciendum, quod cum gratiarum actione percipitur. Sed Omne corpus est creatura Dei.

Ergo Nullum corpus est immundum, ita vt per contactum corporis alicuius efficiatur immundus, & purificari indigeat.

5. Ab immundo non potest aliquis mundari. Iuxta illud Eccl. 34. Ab immundo quis mundabitur? Sed Cinis vitulæ rufæ erat immundus. Ergo Non poterat purificare alicquem, & ita inconuenienter præcipiebatur Num. 19. vt immundi purificarentur per asperersionem cineris vitulæ rufæ.

Minor probant quod reddit immundum, est immundum. Sed Cinis vitulæ rufæ reddebat immundum. Ergo Cinis vitulæ rufæ erat immundus.

Minor huius probatur. quia Num. 19. dicitur, quod sacerdos, qui immolabat eam, commaculatus erat, vsque ad vespertum, similiter, & illi, qui eam comburebant, & ille, qui cineres colligebat.

6. Peccata non sunt aliquod corporale, quod possit deferri de loco ad locum, neque etiam per aliquod immundum potest homo à peccato purificari.

Ergo Inconuenienter ad expiationem peccatorum populi, sacerdos super vnum hircum confitebatur peccata filiorum Israel, vt portaret ea in desertum, per alium autem, quo vtebantur ad purificationes, simul cum vitulo comburentes extra castra, immundi reddebantur, ita vt oporteret eos lauare vestimenta, & carnem aqua, vt habetur Lev. cap. 16.

7. Illud, quod iam est mundatum, non oportet iterum mundari.

Ergo Inconuenienter, mundata lepra hominis, vel etiam eius domus, alia purificatio adhibebatur, de qua habetur Levit. 14.

8. Spiritualis immunditia non potest per corporalem aquam, vel pilorum rasuram emundari. Ergo Irrationabile videtur, quod dominus præcepit Exod. 80. Vt fieret labium æneum cum basi sua, ad lauandum manus, & pedes sacerdotum, qui ingressuri erant tabernaculum, & quod præcipitur Num. 8. quod Leuite abstergerentur aqua lustrationis, & raderent omnes pilos carnis suæ.

9. Quod maius est, non potest sanctificari per illud,

illud, quod minus est. Ergo Inconuenienter per quandam corporalem vnctionem, & corporalia sacrificia, & oblationes corporales, fiebat in lege consecratio maiorum, & minorum Sacerdotum, vt habetur Leuit.8. & Leuitarum, vt habetur Num.8.

10. Sicut dicitur 1. Reg. 16. homines vident ea, quæ patent, Deus autem intuetur cor. Sed Ea, quæ exterius patent in homine, est corporalis dispositio, & indumenta.

Ergo Inconuenienter sacerdotibus maioribus, & minoribus, quædam specialia vestimenta deputabantur, de quibus habetur Exod. 20. & sine ratione videtur, quod prohiberetur aliquis à sacerdotio propter corporales defectus, secundum quod dicitur Leuit. 20. Homo de semine tuo per familias, qui habuerit maculam, non offeret panes Deo suo, si cæcus fuerit, vel claudus, &c. Ergo Videtur, quod sacramenta veteris legis irrationalia fuerint.

Pro Affirmatiua.

Quod fit à Deo, non fit sine ratione, sed cum summa sapientia. Sed Sanctificatio, quæ erat per sacramenta, fiebat in lege veteri à Deo. Ergo Omnia sacramenta veteris legis habent rationabilem causam.

Maiores prob. In Psal. 103. dicitur. Omnia in sapientia fecisti.

Minor prob. quia Leuit. 20. dicitur: Ego sum dominus, qui sanctifico vos.

Determinatio.

Quot essent sacramenta veteris legis.

Sacramenta veteris legis generaliter erant sex. Circumcisio, Consecratio sacerdotum, Eius paschalis, Eius eorum, quæ sacerdotum vñibus erant deputata, Purificationes, & expiationes, Ablutio manuum, pedum, & rasio pilorum.

Manifestatur. Nam sacramenta veteris legis proprie dicebantur illa, quæ adhibebantur Dei cultoribus, ad quandam consecrationem, per quæ deputabantur ad cultum Dei, vt dictum est quæst. præced. artic. 4. Cultus autem Dei pertinebat generali modo ad totum populum, & speciali modo ad ministros diuini cultus, scilicet sacerdotes, & Leuitas.

Ad deputandum populum ad diuinum cultum, tria erant necessaria.

Primum est, vt populus institueretur in statu colendi Deum, & hoc fiebat per sacramentum.

Circumcisionis, sine qua nullus admittebatur ad legalia.

Secundum est, vsus eorum, quæ pertinent ad diuinum cultum, & hoc erat Eius Agni paschalis. ad quem nullus incircuncisus admittebatur, vt patet Exod. 12.

Tertium est remotio eorum, quæ impediabant à diuino cultu, scilicet immunditiarum, & hoc fiebat per Purificationes à quibusdam exterioribus immunditijs, & per expiationes à peccatis.

Ad deputandum vero sacerdotes ad diuinum ministerium, tria etiam requirebantur.

Primum erat, vt instituerentur in statu ministerij, & hoc fiebat per Consecrationem sacerdotum, & aliorum ministrorum diuini cultus.

Secundum erat vsus eorum, quæ pertinebant ad ministerium diuini cultus, & hoc fiebat per Oblationem sacrificiorum, & esum eorum, quæ ex sacrificijs erant eorum vsui deputata, vt erant panes propositionis, & ea, quæ ex hostijs sibi debebantur.

Tertium erat remotio eorum, per quæ ministri Dei impediabantur à diuino ministerio, quæ erant immunditiæ quædam, & ad hoc erant ordinata Ablutio manuum, & pedum, & rasio pilorum.

Ex quibus patet, quod sex erant sacramenta veteris legis, tria pertinebant generaliter ad totum populum, & alia pertinebant ad solos sacerdotes.

Quæ pertinebant ad totum populum communiter, erant. Circumcisio, Eius paschalis conuiuij, Purificationes, & expiationes.

Quæ pertinebant ad solos sacerdotes erant. Consecratio, Eius eorum, quæ erant sacerdotibus deputata, & Ablutio manuum, pedum, & rasio pilorum.

Conclusio. Omnia sacramenta veteris legis habent rationabiles causas, literales, & figurales.

Manifestatur dupliciter, scilicet in communi, & in speciali.

In communi quidem. quia Omnia hæc sacramenta erant ordinata ad cultum, qui Deo pro tempore illo debebatur, & iterum omnia ordinabantur ad figurandum Christum. Ergo Omnia sacramenta habebant literalem causam, quatenus scilicet ordinabantur ad diuinum cultum, & figuralem, quatenus ordinabantur ad figurandum Christum.

Quæ sint speciales rationes, tum literales, tum figurales singulorum sacramentorum, patebit in responsionibus argumentorum.

Ad Argumenta.

Ad 1. Dicitur, quod in circumfione plurafunt confideranda.

Primo Quare fuerit inftituta.

Secundo, Quare fuerit inftituta tempore Abrahæ.

Tertio, Quare fieret in carne.

Quarto, Quare in tali membro carnis.

Quinto, Quare fieret oétauo die. Et omnia hæc habent rationes literales, & figurales.

Inftituta fuit circumfio ad proteftationem fidei vnius veri Dei, quia per ipfam feparabantur cultores veri Dei, a cultoribus idolorum, & infidelibus.

Inftituta fuit tempore Abrahæ. quia Ipfe fuit primus, qui fe ab infidelibus feparauit, exiens de domo fua, & de cognatione fua, & hanc rationem affignat Apoft. Roman. 4. dicens. Signum accepit circumfionis, fignaculum iuftitiæ fidei, quæ eft in præputio, quia fcilicet, in hoc legitur Abrahæ fides reputata ad iuftitiam, quod contra fperam, fcilicet naturæ, in fperam, fignæ credidit, vt fieret pater multarum gentium, cum ipfe effet feneæ, & fara anus.

Fiebat in carne, vt hæc proteftatio, & immutatio fidei Abrahæ firmaretur in cordibus iudeorum, & obliuifci non poffent. Vnde dicitur Gene. 17. Erit pactum meum in carne veftra in fædus æternum.

Fiebat in tali membro, fcilicet quod deputatû eft generationi, duplici ratione. Prima Propter debilitationem concupifcentiæ in membro illo. Secunda Ad deteftationem veneris, & priapi, in quibus membrum illud honorabatur.

Fiebat oétana die, & non ante, nec poftea. Non ante, quia puer eft valde tenellus, & poffet grauius lædi, & reputatur adhuc quafi aliquid nõ folidatum. Vnde nec animalia offerbantur ante oétauum diem. Ideo vero non magis retardabatur, ne propter dolorem, aliqui fignum circumfionis refugerent, & ne parentes, quorum amor increfcat ad filios, poft frequentem conuerfationem, & eorum augmentum, eos circumfioni fubtraherent.

Figuralis autem ratio circumfionis erat. Quia figurabatur Ablatio corruptionis fidei per Chriftum, quæ quia non complebitur nifi in oétaua ætate refurgentium, ideo fiebat oétauo die.

Fiebat in membro generationis, Quia pennis corruptio culpæ, & pænæ prouenit in nos per carnalem originem, ex peccato primi parentis. Vnde Apoft. dicit Col. 2. Circumcifus es in Chri-

fto, circumfione non manufacta, in expoliatione corporis carnis, fed in circumfione Domini noftri Iefu Chrifti.

Ad formam argumenti negatur minor. Circumfio enim non erat fimilis incifioni idololatrantium, nam ipfi non fe incidebant in membro generationis, fed potius illud in facris veneris, & Priapi venerantur, in quorum deteftationem inftituta eft circumfio, vt dictum eft.

Ad 2. Negatur minor. Ad probationem dicitur, quod Eftus Agni, & omnia, quæ ad hoc facramentum pertinent, habent rationes literales, & figurales.

Sciendum igitur, quod in hoc conuiuio multa funt confideranda.

Primum eft eius inftitutio.

Secundum, Ea, quæ comedebantur, quæ erant Agni carnes, affas igni, cuius offa non erant frangenda, & debebât comedi in eadem domo panes azymi, & lactuca agreffes.

Tertium, eft modus comedendi, qui erat vt haberent renes accinctos, calceamenta haberent in pedibus, baculos tenerent in manibus, & comederent feftinâter, & quod ex fanguine Agni linerent fupeliminalia domorum.

Rationes igitur literales horum erant, & Primo Ratio inftitutionis huius conuiuij fuit in commemorationem beneficij, quo Deus eduxit eos de Aegypto. Vnde per huiufmodi conuiuij celebrationem, profitebantur fe ad illum populum pertinere, quem Deus fibi affumpferat ex Aegypto.

Superluminaria domorum linebant ex fanguine Agni, quafi proteftantes fe recedere a ritibus Aegyptiorum, quos aterrem colebant. Vnde & liberati funt per afperfonem fanguinis Agni, a periculo exterminij, quod immincebat Aegyptijs.

Ea, quæ comedebant, & modum comedendi, fignificabât feftinationem, cum qua ex Aegypto exire debebant, quæ neceffaria erat, tum quia Aegyptij eos cohebant ad egrediendum, tû quia his, qui remaneret immineret periculum vitæ ab Aegyptijs.

Comedebant igitur carnes affas igni, quia ciuius parantur.

Non fiangebant offa, quafi non habentes ad hoc temporis copiam.

Comedebant azymos panes, quafi non valentes ipfum fermenare, cogentibus Aegyptijs vt exirent.

Renes accincti, calceamenta in pedibus, baculi in manibus, & feftinans comestio, manifefte oftendunt exiftentes in promptu itineris.

SSff Lactu-

Lactuccæ agrestes, significabant amaritudinem, quam in Aegypto passi erant.

Figurales vero rationes hæ erant.

Per immolationem Agni paschalis, figurabatur immolatio Christi, secundum illud. 1. Corin. 5. Pascha nostrum immolatus est Christus.

Sanguis vero Agni liberans ab exterminatore linitis superluminaribus domorum, significat, fidem passionis Christi in corde, & ore fidelium, per quam liberamur a peccato, & a morte, secundum illud. 1. Petri. 1. Redempti estis præcioso sanguine Agni immaculati.

Comedebantur carnes illæ, ad significandum esum Corporis Christi in sacramento.

Erant asæ igni, ad significandum charitatem, vel passionem Christi.

Comedebantur cum azymis panibus, ad significandum puram conuersationem fidelium, sumendum Corpus Christi, secundum illud 1. Corin. 5. Epulemur in azymis sinceritatis, & veritatis.

Lactuccæ agrestes addebantur in signum penitentiae peccatorum, quæ necessaria est, sumentibus Corpus Christi.

Renes accingendi sunt, cingulo castitatis.

Calceamenta pedum, sunt exempla mortuorum patrum.

Baculi in manibus significant pastorem custodiam.

In una domo Agnus paschalis comedendus præcipitur, id est in Ecclesia catholicorum, non in conuentibus hæreticorum.

Huiusmodi igitur cæremoniæ, quæ seruabantur in conuiuium Agni paschalis, non habebant leuitatem, sed maximam grauitatem, tum propter literales rationes, tum propter grauissima mysteria, quæ figurabant.

Ad 3. Negatur consequentia. Non enim omnia sacramenta nouæ legis debuerunt figurari per sacramenta antiquæ legis, sed solum quatuor.

Baptismus figurabatur per circumcisionem.

Conuiuium Agni paschalis figurabat Eucharistiam.

Sacramentum penitentiae figurabant omnes purificationes antiquæ legis.

Sacramentum ordinis figurabatur per consecrationem Pontificis, & sacerdotum.

Sacramento autem confirmationis, quod est sacramentum plenitudinis gratiæ, non potest respondere in veteri lege aliquod sacramentum, quia nondum aduenerat tempus plenitudinis, eo quod neminem ad perfectum adduxit lex.

Sacramento extremæ vnctionis non respondebat aliquod sacramentum in veteri lege; quia hoc sacramentum est quædam præparatio immediata ad introitum gloriæ, cuius aditus nondum patebat in lege veteri, prætio nondum soluto.

Matri-monium autem fuit quidem in lege veteri, pro ut erat officium nature, non autem prout est sacramentum coniunctionis Christi, & Ecclesiæ, quæ nondum erat facta. Vnde & datur libellus repudij, quod est contra rationem sacramenti.

Ad 4. Antequam respondeatur, ostendendum est, quæ, & quot essent immunditiæ antiquæ legis, & purificationes ab ipsis.

Sciendum igitur, quod immunditiæ, erant quædam impedimenta diuini cultus, ita quod homo maculatus aliqua immunditia, non poterat vacare diuino cultui, & si erat minister, ut sacerdos, & Leuitæ, impeditur per immunditiam a diuino ministerio, & ad hæc impedimenta remouenda ordinabantur purificationes.

Impedimenta siue immunditiæ diuini cultus, erant in duplici differentia. Quædam erant spiritualia, & Quædam corporalia.

Ratio autem huius distinctionis est, quia duplex est cultus diuinus. Spiritualis, & Corporalis. Spiritualis est, qui consistit in deuotione mentis ad Deum. Corporalis vero consistit in sacrificijs, oblationibus, & alijs huiusmodi.

Secundum igitur duplicem diuinum cultum Spiritualem, & Corporalem, erant duplicia impedimenta, quædam impediabant a cultu spirituali, & quædam a cultu corporali. Immunditiæ impediunt a cultu spirituali erant peccata, quibus homines pollui dicebantur, & hæc erant præcipue quatuor. scilicet Idololatria, Homicidium, Adulterium, & Incæstus. Ab his spiritualibus immunditijs, purificabantur homines per aliqua sacrificia, vel communiter oblata, pro tota multitudine, vel pro peccatis singulorum. Non quod sacrificia illa haberent ex se ipsis virtutem expiandi peccatum, sed significabant expiationem peccatorum sciendam per Christum, cuius expiationis Christi, participes erant antiqui, protestantes fidem redemptoris in figuris sacrificiorum.

Immunditiæ corporales, impediunt a corporali cultu, erant in duplici differentia. Quædam erant rerum animatarum, & Quædam rerum inanimatarum. Immunditia rerum animatarum, erat principaliter in ipsis hominibus, & consequenter in aliis animalibus.

Immunditiæ, quæ poterant esse in homine, erant

erant in duplici differentia. Quædam proueniebant ex ipso homine, scilicet ex aliqua corruptione in ipso. Et quædam ex contactu rei immundæ.

Immunitatæ, quæ considerabantur in homine, erant hæc.

Cadaver hominis mortui.

Leprosi.

Mulieres patientes sanguinis fluxum, siue per infirmitatem, siue per naturam, siue tempore menstrui, siue tempore conceptionis.

Viri patientes fluxum feminis, siue propter infirmitatem, siue per pollutionem nocturnam, siue per coitum. Et hæc omnes dicebantur immunditæ, quia ex quadam corruptione procedebant.

Immunitatæ vero ex contactu, proueniebat in homine ex tactu quarumcunque rerum immundarum, quæ immunditia contactus, deriuabatur etiam ad res inanimatas. Vnde quidquid tangebatur immundus, immundum erat, quidquid enim tangebatur leprosus, corpus mortuum, menstruata, patiens fluxum sanguinis, vel feminis, omnia inquam hæc, immunda reputabantur.

Immunitatæ vero rerum inanimatarum poterant esse in tribus. In vestimentis. In domibus. In vasis.

Immunitatæ in domo dicebatur corrosio quædam, quæ accidebat in domibus ex nimia humiditate, vel siccitate, & dicebatur lepra domus.

Immunitatæ vestimentorum erat etiam corrosio, vel alia vestimenti corruptio, ex quadam putredine, & dicebatur lepra vestis, siue laneæ, siue lineæ.

Immunitatæ vasorum erat, quando vas non habebat operculum, & ligaturam, ut dicitur Num. 19. Vas, quod non habebit cooperculum, & ligaturam desuper, immundum erit.

Ab Omnibus immunditijs purificabantur per solam asperisionem aquæ, & quæ maiores erant per aliquod sacrificium ad expiandum peccatū, ex quo tales infirmitates contingebant.

Breuitè igitur colliguntur omnes immunditiæ antiquæ legis.

Immunitatæ duplex, spiritualis, & corporalis.

Immunitatæ spiritualis erat, quæ impediēbat à cultu spirituali Dei.

Immunitatæ corporalis erat, quæ impediēbat à cultu exteriori.

Immunitatæ spirituali, erant immundi.

Idololatæ. Deut. 7.

Adulteri. Num. 5.

Homicidæ. Num. 35.

Incastuosi. Leuit. 18.

Immunditia corporali immunda erant, omnia quæ sequuntur.

Cadaver hominis mortui. Num. 19.

Leprosus. Leuit. 13.

Qui fluxum feminis patiebantur. Leu. 15.

Qui passi erant pollutionem nocturnam. Leuit. 15.

Qui erant polluti per coitum. Leu. 15.

Mulieres patientes fluxum sanguinis, propter infirmitatem. Leuit. 15.

Mulieres patientes eundem sanguinis fluxum per naturam. Leu. 15.

Mulieres patientes idem, tempore menstrui. Leuit. 12.

Mulieres patientes idem, tempore conceptionis. Leuit. 13.

Dormus ex putrefactione corrosa. Leu. 13.

Vestis ex putrefactione corrosa. Leu. 13.

Vas sine operculo, & ligatura. Numeri. 19.

Et generaliter omne, quod tangebatur aliquod immundum, & omne, quod tangebatur ab aliquo immundo.

Ab Omnibus huiusmodi immunditijs purificabantur, vel per sacrificia, & oblationes aliquas, vel per asperisionem aquæ.

Habent omnes supradictæ immunditiæ corporales, rationes literales, & figurales.

Literalis ratio communis omnium immunditiarum, quæ homini accidebat poterat, erat, propter reuerentiā eorum, quæ ad diuinum cultum pertinent. Tum quia homines pretiosas res contingere non solent, cum fuerint immundi. Tum etiam, ut ex raro accessu ad sacra, ea magis venerarentur. Cum enim omnes huiusmodi immunditiæ aliquis raro vitare posset, contingebat, ut homines raro posset accedere ad ea, quæ pertinebant ad diuinum cultum, & quando accedebant, accedebant cum maiori humilitate, & reuerentiā.

Lepra immunditia habebat specialem rationem, quæ erat, quia si leprosi ad ea, quæ sunt diuini cultus, fuissent admissi, multi retracti fuissent a diuino cultu, ut periculum lepræ, quæ est infirmitas contagiosa, euaderent.

Immunditia sanguinis, & feminis habebat etiā suā litteralem rationem peculiarem. Ad vitandam idololatriam. Quia gentilis in ritu suorum sacriſiciorum utebantur quandoque humano sanguine, & semine.

Immunditia lepræ domus, vel vestis, quæ ex quadam corruptione domus, vel vestis proveniebat, habebat rationem literalem, scilicet In detestationem idololatriæ. Idololatræ enim circa huiusmodi corruptions, & corptiones domorum, vel vestium Deos penates venerabantur, & propterea præcepit Dominus, ut huiusmodi domus, sic corrosæ funditus destruerentur, & vestes comburerentur.

Immunditia vasorum sine operculo, & ligatura, erat etiam ad detestandum idololatriam. Credebant enim idololatræ, quod si mures, aut laceratæ, vel aliquid huiusmodi, quæ immolabant idolis, caderent in vasa, vel in aquis, essent dijs gratiora. Adhuc autem aliquæ mulierculæ, vasa dimittunt discooperta, in obsequium nocturnorum numinum, quæ lanas vocant. Et propterea dicebatur vas, absque cooperculo, immundum, quia de facili poterat in eo aliquid immundum cadere.

Immunditia contractus habet peculiarem rationem literalem. Quia lex diuina in hoc voluit attenuare superstitiones gentium: Gentiles enim reputabant aliquem immundum, non solum ex contractu rei immundæ, sed ex collocazione, & ex aspectu. Lex autem diuina restrinxit hanc immunditiam ad solum contractum, & hæc sunt rationes literales omnium immunditiarum, de quibus habetur sermo in antiqua lege. Reliquum est ut assignentur rationes figurales.

Rationes Figurales.

Rationes figurales sunt hæc.

Communitur Omnes exteriores immunditiæ figurabant diuersa peccata. Nam

Per immunditiam cadaueris cuiuscunque significatur immunditia peccati, quod est mors animæ.

Immunditia lepræ significat immunditiam hereticæ doctrinæ. Tum quia heretica doctrina contagiosa est. Tum quia falsis aliqua vera permiscet, sicut lepra inter maculas, etiam colorem veræ carnis relinquit in superficie.

Immunditia mulieris sanguis fluxus designat immunditiam idololatriæ propter cruorem immolantium.

Immunditia viri semisui designat immunditiam vanæ locutionis, eo quod semen sit Verbum Dei.

Immunditia mulieris menstruatæ designat immunditiam mentis per voluptatem emollitæ.

Immunditia coitus, & mulieris parientis des-

ignat immunditiam peccati originalis.

Per immunditiam, quæ erat ex contractu rei immundæ, designatur immunditia consensus in peccatum alterius, de qua dicitur 1. Corinth. 6. Exite de medio eorum, & separamini, & immundum ne tetigeritis.

Per immunditiam rerum inanimatarum, communiter significabatur, quod similiter sunt Deo odio, impius, & impietas eius, ut dicitur Sapient. 14.

In particulari vero per lepram domus significatur immunditia congregationis hæreticorum.

Per lepram in veste significatur peruersitas morum ex amaritudine mentis.

Per lepram vestis laneæ significatur peruersitas adulatorum.

Per lepram in stamine significantur vitia animæ.

Per lepram in subtegmine significantur peccata carnalia, sicut enim stamen est sub tegmine, ita anima in corpore.

Per immunditiam vasis non habentis cooperculum, nec ligaturam significatur homo, qui non habet aliquod velamen taciturnitatis, & qui non contrahitur aliqua censura disciplinæ.

Ad formam igitur argumenti, dicitur ad minorem, quod nullum corporale secundum se est immundum, tamen ex aliqua corruptione, & etiam ex hoc, quod idololatræ in suo cultu utebantur, aliquid reputabatur immundum, & impediabat cultores Dei a diuino cultu, vel ministerio, ut dictum est.

Ad 5. Dicitur, quod ut patere potest ex præcedenti responsione, duplices sunt immunditiæ antiquæ legis. Quædam enim proveniebant ex corruptione mentis, vel corporis. Quædam vero ex solo contractu rei immundæ. Ille erant maiores, & istæ erant minores. Immunditiæ, quæ proveniebant ex corruptione mentis, vel corporis, expiabantur per sacrificia pro peccato, quia omnis corruptio procedit ex peccato, & peccatum significat. Sed secunda immunditia expiabatur per solam aspersionem cuiusdam aquæ, quæ dicebatur aqua expiationis, de qua habetur Numer. 19. ut infra, videlicet. Præcipe filiis israel, ut adducant ad te vaccam rusam, a tatis integram, in qua nulla sit macula, nec portauerit iugum, tradensque eam Eleazaro Sacerdoti, qui eductam extra castra immolabit in conspectu omnium, & tingens digitum in sanguine eius, asperget contra fores tabernaculi septem vicibus, comburetque eam cunctis videntibus, cum pelle, & caribus eius, ac sanguine, & fimo flamma combure-

vis: lignum quoque cedrinum, & hyssopus, coccumque bistrinctum, sacerdos mittet in flammam, quæ vaccam vorat, & tunc demum lotis vestibus, & corpore suo, ingreditur in castra, commaculatusque erit usque ad vespertum. Colliget autem vir immundus cineres vaccæ, & effundet eos extra castra in loco purissimo, ut sint multitudini filiorum israel in custodiam, & in aquam asperfusionis: cumque lauerit, qui portauerat vaccæ cineres uestimenta sua, immundus erit usque ad vespertum, & infra. Ipse quoque qui aspergit aquas, lauat uestimenta sua, & qui tetigerit aquas expiationis immundus erit, usque ad vespertum.

Vniuersæ hæc ceremoniæ, quæ fiebant ad parandamquam expiationis habent rationes literales, & figurales.

Rationes literales erant huiusmodi.

Mandatur accipi uacca rufa, in memoriam peccati, quod commiserunt in adoracione vituli. Et dicitur magis uacca, quam vitulus, quia sic dominus consueuerat vocare synagogam, secundum illud Osée quinto. Sicut uacca lasciuens declinavit israel. Et ideo dominus uaccam synagogam appellat, quia uaccas in morem Aegyptij coluerunt, secundum illud Osée 10. Vacca bethaem coluerunt.

Immolabatur uacca rufa extra castra, sicut etiam omnia sacrificia, quæ pro expiatione multitudinis offerebatur in detestationem idololatriæ.

Aspergebatur sanguis ad detestationem etiam idololatriæ. Idololatriæ enim non effundebant, sed congregabant sanguinem sacrificiorum, & circa ipsum comedebant in honorem idolorum.

Aspergebatur septies contra faciem tabernaculi, ut ostenderetur per hoc sacrificium emundari populum ab inuicestate peccatorum. Numerus enim septenarius inuicestate significat.

Comburebatur in igne, uel quia Deus apparuit Moysi in igne, uel quia lex data fuit in igne.

Comburebatur uacca cum pelle, carnibus, sanguine, & fimo, ut significaretur, quod idololatriæ, & omnia, quæ ad idololatriam pertinent, erant totaliter extirpanda.

Adiungebatur in combustionem uaccæ lignum cedrinum, hyssopus, coccusque bistrinctus, ad significandum, quod sicut ligna cedrina non de facili putrescunt, & coccus bis tinctus non amittit colorem, & hyssopus retinet etiam odorem, postquam fuerit desiccatus, ita hoc sacrificium erat in conseruationem populi, & honestatis, & denotionis ipsius. Vnde dicitur de cineribus uaccæ, ut sint multitudini filio-

rum israel in custodiam.

Et quia hoc sacrificium offerebatur pro peccato idololatriæ, in eius detestationem, & Comburens, & Cineres colligens, & Ille, qui aspergit aquas, immundi reputabantur, ut per hoc ostenderetur, quod quicquid quocunque modo ad idololatriam pertinet, quali immundum est abijciendum.

Ab hac immunditia, quam contrahebant ex tactu cinerum purificabantur per solam uestimentorum abluentionem. Nec indigebant aqua aspergi, propter huiusmodi immunditiam, quia sic esset processus in infinitum. Ille enim, qui aspergebat aquam, immundus fiebat, & sic si ipsum aspergeret, immundus fiebat, si ab alio aspergeretur, aspergens esset immundus, & sic in infinitum.

Figuralis ratio huius sacrificij erat, quia. Per uaccam rufam significatur Christus secundum infirmitatem assumptam, quam femininus sexus designat.

Vaccæ color designat sanguinem eius in passionem effusum.

Debebat esse uacca rufa ætatis integræ, ad designandum quod omnis operatio Christi fuit perfecta.

Nulla debebat esse macula in uacca rufa, quia in Christo nulla fuit macula, nec portauit iugum peccati.

Præcipitur adduci ad Moysen, quia Christo imputabatur transgressio Moysæ legis in uiolatione sabbati.

Præcipitur tradi Eleazaro sacerdoti, quia Christus occidendus, in manus Sacerdotum traditus est.

Immolabatur extra castra, quia Christus extra portam passus est.

Intingit autem sacerdos digitum in sanguine, eius, quia per discretionem, quam digitus significat, mysterium passionis Christi est considerandum, & imitandum.

Aspergitur sanguis contra tabernaculum, per quod synagoga designatur. Vel ad condemnationem iudeorum non credentium, uel ad purificationem iudeorum credentium.

Aspergitur septem uicibus, uel propter septem dona Spiritus sancti, uel propter septem dies, in quibus omne tempus intelligitur.

Comburebatur autem uacca cum pelle, sanguine, & fimo, quia omnia, quæ ad Christi incarnationem pertinent, sunt igne cremanda, id est spiritualiter intelligenda. Nam per pellem, & carnem exterior Christi operatio significatur, per sanguinem, subtilis, & interna uirtus

exte-

exteriora facta verificans, per sinum, fames, sitis, lassitudo, & alia ad eius infirmitatem pertinentia.

Adduntur autem tria simul cum vacca comburenda, scilicet Cedrus, Hyssopus, & Coccus, ad significandum, quod Christo debemus adhærere per altitudinem spei, vel contemplationem, quæ significantur per Cedrum, per humilitatem, vel fidem, quæ significantur per Hyssopum, & per geminam charitatem, quam significat Coccus.

Iste cinis combustionis colligitur a viro mundo, quia reliquæ passionis perueniunt ad gentiles, qui non fuerint culpabiles in Christi morte.

Apponuntur huiusmodi cineres in aqua ad expiandum, quia per passionem Christi baptismus sortitur virtutem emundandi peccatum.

Sacerdos, qui immolabat, & comburebat vaccam, & ille, qui colligebat cineres, immundus erat, & etiam, qui aspergebat aquam, quia Iudæi sunt facti immundi ex occisione Christi, per quam occisionem nostra peccata expiantur.

Et hoc usque ad vesperum, id est usque ad finem mundi, quando reliquæ Israel conuertentur.

Ad formam igitur argumenti negatur minor. Ad probationem dicitur, quod cinis ille reddebat eos, qui eum tangebant, vel tractabant immundos, non propter cineris immunditiam, sed ratione eorum, quæ significabantur per cinerem, scilicet idololatiam, vel Christi mortem, ex qua Hæbrei propter eorum malitiam facti sunt immundi.

Ad 6. Dicitur, quod Omnis immunditia, quæ proueniebat ex corruptione mentis, vel corporis, expiatur per sacrificia pro peccato, ut dictum est supra ad 4. & singuli tenebantur pro suis specialibus peccatis, specialia sacrificia offerre. Sed quia aliqui negligentes erant circa expiationem suorum peccatorum, & immunditiarum, vel propter ignorantiam ab expiatione desitebant, institutum fuit ut semel in anno, decima die septimi mensis fieret sacrificium expiationis pro toto populo, ut hñ Num. 29. Et quia, ut Apol. dicit Heb. 7. Lex constituit homines sacerdotes infirmitate habentes, oportebat ut sacerdos offerret prius sacrificium pro se ipso, deinde pro populo. Offerebat autem pro se ipso vitulum pro peccato, & arietem in holocaustum. Pro populo offerebat duos hircos, quorum vnus immolabatur ad expiandum peccatum multitudinis, & eius sanguis simul cum sanguine vituli inferebatur in sancta sanctorum, & aspergebatur ex eo totum

sanctuarium. Corpus vero hirci, & vituli pro peccato sacerdotis, & populi comburebantur extra castra. Alter vero hircus emittebatur in desertum, cui prius sacerdos imponebat manus super caput, confitens peccata filiorum israel, ac si ille hircus portaret ea in desertum, vbi a bestiis comederetur, vt habetur Levit. 16.

Quæ omnia habebant rationes literales, & figurales.

Literaliter. Sacerdos offerebat vitulum pro peccato, in commemorationem peccati Aaron, quod fecerat in confusione vituli aurei.

Per Arietem oblatum in holocaustum significabatur, quod sacerdotis prelatio, quam aries designat, qui est dux gregis, erat ordinanda ad honorem Dei.

Per Hircum, qui immolabatur pro peccato populi, cum hircus sit animal sordidum, ex cuius pilis sunt vestimenta purgentia, significatur sctor, & immunditia aculei peccatorum.

Illatio sanguinis hirci, & vituli in sanctuarium, & aspersio sanctuarij fiebat, ad significandum, quod tabernaculum emundabatur ab immunditijs filiorum israel.

Combustio corporum vituli, & hirci ostendit consummationem peccatorum.

Non comburebatur in altari, quia in eo non comburebantur totaliter nisi holocausta.

Comburebantur extra castra, in detestationem peccati.

Hoc sacrificium non fiebat nisi pro peccato multitudinis, vel pro aliquo graui peccato.

Alter hircus mittebatur in desertum, non vt offerretur dæmonibus, quos colebant gentiles in desertis, quia eis nihil licebat immolare, sed hoc fiebat, ad significandum effectum illius sacrificij immolari. Ideo enim sacerdos imponebat manus super caput hirci emittendi, confitens peccata filiorum israel, ac si ille hircus deportaret ea in desertum, vbi a bestiis comederetur, quasi portans penam pro peccatis populi.

Figuraliter per vitulum significabatur Christus propter virtutem.

Per Arietem significatur Christus, quia ipse est dux fidelium.

Per hircum significatur Christus propter similitudinem carnis peccati.

Per immolationem horum trium significabatur, quod Christus erat immolandus pro peccatis Sacerdotum, & populi, quia per passionem eius maiores, & minores a peccato emundabatur.

Infertur sanguis vituli, & hirci per pontificem in sancta, quia per sanguinem passionis Christi patet

patet nobis introitus in regnum celorum.

Comburentur corpora eorum extra castra, quia Christus extra portam passus est, ut dicitur Heb. ultimo.

Per Hircum, qui emittebatur, potest significari, vel ipsa diuinitas Christi, quæ in solitudinem abiit, homine Christo patiente, non quidem locum mutans, sed virtutem cohibens. Vel significatur conspicienda mala, quam debemus abijcere a nobis, virtuosos autem motus domino immolare.

Ad formam igitur arguenti dicitur, exponendo consequens, quod hircus, qui mittebatur in desertum, dicebatur portare peccata populi, vel quia in eius emissionem significabatur remissio peccatorum populi, vel quia colligabatur super caput eius aliqua schedula, ubi erant scripta peccata. De immunditia vero, quam contrahebant immolantes, est eadem ratio, quæ est de immunditia, quæ contrahebatur in sacrificio vitulæ rufæ, de quo dictum est in responsione ad 5.

Ad 7. Dicitur, quod per ritum legis leprosus non emundabatur a macula lepræ, sed emundatus ostendebatur, ut patet Levit. 14. ibi enim dicitur. Cum inuenerit lepram esse mundatam. Iam igitur lepra erat mundata. Purificari igitur dicebatur leprosus, in quantum iudicio sacerdotis restituebatur consortio hominum, & cultui diuino. Contingebat tamen quandoque, ut diuino miraculo per ritum legis corporalis mundaretur lepra, quando sacerdos decipiebatur in iudicio.

Fiebat autem huiusmodi purificatio leprosi, dupliciter. Primo enim Indicabatur esse mundus. Secundo. Restituebatur tanquam mundus consortio hominum, & cultui diuino, & hoc fiebat post septem dies, postquam iudicatus fuerat mundus. In prima purificatione offerebatur pro se leprosus mundandus duos passeres viuos, lignum cedrinum, vermiculum, & hyssopum. Hoc modo. Vnus ex passeribus immolabatur in vase fictili super aquas viuentes. Passer vero alter remanebat viuos, & ligabatur simul cum hyssopo in ligno cedrino, cum filo coccineo, ac si fieret aspersorium, cuius manubrium erat lignum cedrinum, & passer, & hyssopus ligata cum filo, intingebantur in sanguine alterius passeris immolati in aquis viuis, & aspergebatur leprosus mundandus septies, & passer viuos dimittebatur, ut in agrum auolaret. In octauo autem die restituebatur consortio hominum, primo tamen rasis pilis totius corporis, & lotis vestimentis. Deinde offerebatur sacrificium, cum caeremonijs, de quibus habetur Levit. 14.

Rationes literales omnium horum erant, &

Primo offerebantur illa quatuor, scilicet passer, hyssopus, lignum cedrinum, & coccus, contra quatuor defectus lepræ. Primus defectus lepræ est putredo, contra quem offerebatur lignum cedrinum, quod est lignum impuribus le. Secundus lepræ defectus est fetor, contra quem offerebatur hyssopus, quæ est herba odorifera. Tertius lepræ defectus est insensibilitas, contra quem offerebatur passer viuos. Quartus lepræ defectus est turpitudine coloris, contra quem offerebatur vermiculus, qui habet vinum colorem.

Passer viuos aduolare ad mittebatur in agrum, quia leprosus restituebatur pristinae libertati.

Radebantur pili, & abluebantur vestimenta, quia lepra pilos corrodit, & vestimenta coinquinat, & strida reddit.

Offerebatur sacrificium pro peccato, quia lepra plerumque inducitur pro peccato.

De sanguine sacrificij tingebatur extremum auriculæ eius, qui erat mundandus, & polices manus dexteræ, & pedis, quia in istis partibus prius lepra dignoscitur, & sentitur.

Adhibebantur etiam huic ritui tres liquores, scilicet Sanguis, oleum, & aqua viua.

Sanguis adhibebatur contra sanguinis corruptionem,

Oleum ad designandam sanationem morbi. Aqua viua ad emundandam spurcitiam.

Figurales rationes erant.

Per duos passeres significantur diuinitas, & humanitas Christi, quorum vnus, scilicet humanitas immolatur in vase fictili super aquas viuentes, quia per passionem Christi, aquæ baptismi consecrantur.

Alius passer, scilicet impassibilis diuinitas, viuos remanebat, quia diuinitas mori non potest, unde, & auolabat, quia passione adstringi non poterat.

Passer viuos simul cum ligno cedrino, cocco, vermiculo, & hyssopo, idest fide, spe, & charitate, ut dictum est art. 4. ad 4. mittitur in aquam ad aspergendum, quia in fide Dei, & hominis baptizamus.

Lauat autem homo per aquam baptismi, & lachrymarum, vestimenta sua, idest opera, & pilos, idest cogitationes.

Tingitur autem extremum auriculæ eius, qui mundatur de sanguine, & de oleo, ut eius auditum muniat contra corruptentia verba.

Polices manus, & pedis dextri tanguntur, ut sit eius actio sancta,

Aliæ vero caeremoniæ quæ ad hanc purificationem lepræ, vel etiam aliarum purificationum pertinent, non habent aliquam specialem rationem,

nem, præter eas, quas habent alia sacrificia pro peccatis, vel pro delictis.

Ad formam igitur argumenti dicitur, quod supponit vnum falsum, scilicet quod per ritum legis mundaretur lepra, hoc enim regulariter non erat verum, sed per ritum legis ostendebatur leprosus mundatus, & addebatur secunda purificatio, ad restituendum, qui fuerat leprosus, consortium hominum, & diuino cultui, vt dictum est. Prima ergo purificatio, quæ fiebat per asperersionem aquæ viuæ, & sanguinis passeris, cum aspersorio composito ex ligno cedrino, passere viuo, vermiculo, & hyssopo, erat ad ostendendum leprosum esse mundatum a lepra. Secunda vero purificatio, quæ fiebat octauo die per rationem pilorum, & abluionem vestimentorum, erat ad restituendum ipsum consortio hominum.

Ad 3. & 9. simul dicitur, quod sicut per circumcissionem vniuersus populus instituebatur ad cultum Dei; ita per aliquam specialem purificationem, & consecrationem aliqui instituebantur mitteri diuini cultus. Vnde & separari ab alijs præcipiuntur, quasi specialiter ad ministerium diuini cultus deputati.

Tres erant ordines ministrorum diuini cultus, scilicet.

Summus Sacerdos.

Minores Sacerdotes.

Leuitæ.

In institutione horum ministrorum tria fiabant.

Primo, Purificabantur.

Secundo, Consecrabantur.

Tertio, Applicabantur ad vsum ministerij.

Purificabantur omnes ministri communiter per tria.

Primo, Per abluionem cum aqua.

Secundo, Per oblationem sacrificiorum.

Tertio, Specialiter Leuitæ, per rationem pilorum carnis eorum.

Sacrificia, quæ offerebantur in consecratione ministrorum erant.

Vitulus pro peccato.

Aries in holocaustum.

Aries consecrationis, qui erat quasi hostia pacifica.

Canistrum panum.

Consecratio Pontificis hoc ordine fiebat.

Primo, postquam fuerat purificatus per abluionem, inducitur quibusdam specialibus vestimentis, de quibus dicitur ad 10.

Secundo, vngebatur oleo vntionis in capite.

Consecratio minorum Sacerdotum, sic fiebat.

Primo, Postquam purificati fuerant per aquam

abluionem, induebantur etiam ipsi quibusdam specialibus vestimentis, de quibus etiam dicitur in sequenti responsione.

Deinde consecrabantur per olei vntionem solo manus.

Tertio, De sanguine animalis immolati tingeretur extremum auriculæ dextræ ipsorum, & polices pedis, & manus dextræ.

Quarto, Eodem sanguine aspergebantur ipsi, & vestimenta.

Leuitarium vero consecratio, fiebat per hoc solum, quod, postquam erant purificati per abluionem aquæ, & rationem pilorum, offerebantur domino a filiis Israel per manus pontificis, qui orabat pro eis.

Applicatio ministerij sacerdotum fiebat per hoc, quod imponebantur super manus eorum ad eptas arctis, & torta panis vnius, & armus dexter.

Leuitæ applicabantur ad ministerium per hoc, quod intrinsecebantur in tabernaculum sacerdotis.

Literales rationes omnium horum erant.

Purificabantur per abluionem aquæ, & oblationem sacrificiorum omnes ministri diuini cultus, vt ostenderetur eos esse specialiter ministerio diuini cultus deputati.

Consecratio eorumdem, & institutio, ad hoc pertinebat, vt ostenderetur, eos habere quādam prerogatiuam puritatis, veritatis, & dignitatis.

Specialia vestimenta pontificis, & sacerdotum, designabant eorum supra ceteros dignitatem.

Vntio capitis Pontificis oleo vntionis designabat, quod ab ipso diffundebatur potestas consecrandi alios, sicut oleum a capite deriuatur ad inferiora, vt habetur Psal. 132. Sicut vnguentum in capite, quod descendit in barbam, barbam Aaron.

Consecratio manuum minorum sacerdotum significabat, quod eorum manus erant applicandæ ad sacrificia.

Tingerentur extremum auriculæ, & polices pedis, & manus dextræ, sanguine animalis immolati, vt essent obediētes legi Dei, in oblatione sacrificiorum, quod significatur in intinctione auris dextræ, & quod essent solliciti, & prompti in executione sacrificiorum, quod significatur in intinctione pedis, & manus dextræ.

Aspergebantur ipsi, & vestimenta eorum sanguine animalis immolati, in memoriam sanguinis agni, per quem fuerunt liberati in Aegypto.

Offerebatur in eorum consecratione vitulus pro peccato, in memoriam remissionis peccati Aaron, circa conflationem vituli.

Aries

Aries in holocaustum in memoriam oblationis Abraham, cuius obedientiam Pontifex imitari debebat.

Aries consecrationis in memoriam liberationis de Aegypto per sanguinem agni.

Canistrum panum offerebatur in memoriam Mannæ præstiti populo.

Adeps atriæ, torta panis, & armus dexter imponebatur manibus sacerdotum, dum ministerio applicabantur, ut ostenderetur, quod accipiebant potestatem, hæc offerendi Domino.

Per hoc, quod Levitæ intromittebantur in tabernaculum, significabatur eorum ministerium circa vasa sanctuarij.

Figuralis veto horum ratio erat, quia illi, qui sunt consecrandi ad spirituale ministerium Christi, debent primo purificari per aquas baptismi, & lachrymarum in fide passionis Christi, quod est expiatum, & purgativum sacrificium.

Et debent radere omnes pilos carnis, id est omnes pravae cogitationes.

Debent ornari virtutibus, tanquam specialibus indumentis.

Debet consecrari oleo Spiritus sancti, & asperzione sanguinis Christi, & sic debent esse intenti ad exequenda spiritalia ministeria.

Ad formam igitur octavi, & noni argumenti dicitur, quod speciales purificationes, & consecrationes ministrorum Dei in lege antiqua, non fiebant, quasi per huiusmodi ablutiones possent spiritalia immundities delere, & per consecrationes fieret aliqua sanctitas in anima, sed solum ut ostenderentur peculiare prerogativa ministro rum divini cultus, de quibus dictum est.

Ad 10. Dicitur, quod ornatus vestium pro sacerdotibus institutus, habet rationem literalem, & figuralem, & utramque habet in communi, & in particulari. Vnde omnium ornamentorum sacerdotum, quatuor rationes assignandæ sunt, scilicet Literalis in communi. Literalis in particulari, Figuralis in communi & Figuralis in particulari.

Ad quorum evidentiam est præmittendum, quod intentio legis erat inducere ad reverentiam divini cultus, hoc autem dupliciter faciebat. Primo excludendo a cultu divino omne id, quod poterat esse contemptibile. Alio modo apponendo ad cultum divinum omne illud, quod videbatur ad honorificentiam pertinere, & sicut hoc observatum fuit in tabernaculo, & vasis eius, & animalibus immolandis, multo magis observandum erat in ipsis ministris.

Ad remouendum igitur contemptum ministrorum, præceptum fuit, ut non haberent ma-

culam, vel defectum corporalem, quia huiusmodi homines solent apud alios contemptui haberi, propter quod etiam institutum fuit, ut non sparsim ex quolibet genere ad Dei ministerium applicarentur, sed ex certa prosapia, secundum generis successionem, ut ex hoc clariores, & probiores haberentur.

Ad hoc autem, ut in reverentiam haberentur, adhibebatur eis specialis ornatus vestium, & specialis consecratio.

Ratio igitur literalis communis, quod sacerdotes deberent esse sine macula, & habere specialia ornamenta, erat, ne contemptui haberentur, & omnes eis reverentiam exhiberent.

Ratio autem figuralis in communi erat, ut significaretur, sacerdotes novæ legis debere esse mundos ab omni macula peccati, & ornatos omni virtute.

Ad sciendum autem rationes, tum literales, tum figurales in particulari, enumerandæ sunt omnes maculae, quæ impediebant, ne quis posset divino ministerio vacare, & singula ornamenta ministrorum eiusdem divini cultus.

Maculae, quæ impediebant a divino ministerio.

Maculae siue defectus corporales, a quibus debent sacerdotes esse immunes, sunt, quæ sequuntur.

1. Si sit cæcus.
2. Si sit claudus.
3. Si sit parvus, grandis, vel torto naso.
4. Si sit fracto pede, vel manu.
5. Si sit gibbus ante, vel retro.
6. Si sit lypsus.
7. Si habeat abuginem in oculo.
8. Si habeat iugem (scabiem).
9. Si habuerit impetiginem.
10. Si sit herniosus, vel ponderosus.

Ornamenta Pontificis.

Ornamenta Pontificis erant octo.

1. Habebat vestem lineam.
2. Tunicam hyacinthinam, in cuius extremitate versus pedes ponebantur per circuitum tintinabula quedam, & mala pumica facta ex hyacintho, purpura, coccoque bisuncto, & bysso retorta.

3. Super humeros habebat duos onichinos, in quibus erant sculpta nomina filiorum Israel.

4. Habebat rationale, ex eadem materia factum, quod erat quadratum, & ponebatur in pectore, & coniungebatur superhumerali: & in hoc rationali erant. Primo duodecim lapides prætiosi, distincti per quatuor ordines, in quibus erant sculpta nomina duodecim filiorum Israel. Secundo, erant in rationali Doctrina, & Veritas, idest scribebantur quedam pertinentia ad Doctrinam, & Veritatem. Iudæi tamen fabulantur, quod in rationali erat lapis, qui secundum diuersos colores mutabatur, secundum diuersa, quæ debebant accidere filiis Israel, & hoc vocant veritatem, & doctrinam.

5. Erat Balthæus, idest cingulus quidam, factus ex prædictis quatuor coloribus.

6. Erat Tiara, idest Mitra quædam de bysso.

7. Erat lamina aurea, pendens in fronte eius, in qua erat scriptum nomen Domini.

8. Erant femoralia linea, ut operiret carnem turpitudinis suæ, quando accederet ad sanctuarium, vel altare.

Ornamenta minorum Sacerdotum.

Ex istis octo ornamentis Pontificis, minores sacerdotes habebant quatuor scilicet.

Tunicam.

Femoralia.

Balthæum.

Tiaram, siue Mitram.

Ratio literalis in particulari defectuum.

Ratio literalis in particulari defectuum, quibus impediabantur ministri à diuino cultu, est, quia per vnamquamque illarum macularum, siue defectuum solent homines contemptui haberi, & ideo ne despicerentur, debebant carere omnibus enumeratis corporalibus defectibus.

Ratio literalis in particulari ornamentorum Pontificis.

Ornamentorum Pontificis quidam rationem literalem assignant, dicentes, quod in istis orna-

mentis designabatur dispositio orbis terrarum, quasi Pontifex protestaretur se esse ministrum Creatoris mundi. Vnde Sapient. 18. dicitur, quod in veste Aaron erat descriptus orbis terrarum.

Femoralia, & vestis linea figurabant terram, ex qua linum nascitur.

Balthæum significabat mare octanum, quod in modum cinguli circumuoluitur terræ.

Tunica hyacinthina significabat suo colore aerem, per cuius tintinnabula significabantur tonitrua, & per mala punica corrufcationes.

Superhumeralis significabat sua varietate cælum sydereum.

Duo Onichini, duo Emisphæria, Vel Solem, & Lunam.

Duodecim gemmæ in pectore, duodecim signa in Zodiaco, quæ dicebantur posita in rationali, quia in cœlestibus sunt rationes terrenorum, secundum illud Iob 38. Nunquid nosti ordinem cœli, & ponis rationem eius in terra?

Cidaris, siue Tiara significabat cælum empyreum.

Lamina aurea, Deum omnibus præsentem.

Rationes figurales in particulari defectuum, qui prohibebant diuinum ministerium.

Figuralis ratio defectuum manifesta est. Nam maculæ, vel defectus corporales à quibus debebant sacerdotes esse immunes, significant diuersa vitia, & peccata, quibus debent carere.

Non debet esse cæcus, idest ignorans.

Non debet esse claudus, idest instabilis, ad diuersa se inclinans.

Non debet esse magno, paruo, vel torto naso, ne per defectum discretionis, vel in plus, vel in minus excedat, aut etiam aliqua praua exerceat, per nasum enim discretio designatur, quia nasus est discretiui odorum.

Non sit manu, vel pede fractus, idest ne amittat virtutem bene operandi, vel procedendi in virtutem.

Non debet esse gibbosus, per superfluum amorem terrenorum.

Non debet esse lypsus, idest non debet habere, quod per carnalem affectum eius ingenium obfuretur. Contingit enim lypplitudo ex fluxu humorum.

Repudiatur, qui habet albuginem in oculo, idest

id est præsumptionem candoris iustitiæ in sua cogitatione.

Repudiatur si habet iugem scabiem, id est peccantiam carnis.

Repudiatur si habuerit impetiginem, quæ sine dolore corpus occupat, & membrorum decorem scdat, per quam avaritia designatur.

Si sit herniosus, vel ponderosus, qui scilicet gestat pondus turpitudinis in corde, licet non exerceat opem.

Rationes figurales in particulari ornamentorum ministrorum Sacerdotum.

Ornamenta designant virtutes ministrorum Dei. Sunt autem quatuor virtutes omnibus necessariæ scilicet.

Castitas, quæ significatur per Femoralia. Puritas vitæ, quæ significatur per Linam tunicam. Moderatio discretionis, quæ significatur per Cingulum. Rectitudo intentionis, quæ significatur per Tiaram.

Ornamenta Pontificum.

Pontifices præ his debent habere quatuor.

1. Iugem Dei memoriam in contemplatione, & hoc significat lamina aurea habens nomen Dei in fronte.

2. Quod supportet infirmitates populi, quod significat superhumeralia.

3. Quod habeant populum in corde, & in visceribus, per sollicitudinem charitatis, quod significatur per rationale.

4. Quod habeant conuersationem celestem, per opera perfectionis, quod significatur per tunica hyacinthinam.

Vnde & tunica hyacinthinæ adiunguntur in extremitate stinabula aurea, per quæ significatur doctrina diuinorum, quæ debet coniungi celesti conuersationi Pontificis. Adiunguntur etiam mala punicæ, per quæ significatur vnitas fidei, & concordia in bonis moribus, quia sic coniuncta debet esse Pontificis doctrina, vt per eam fidei, & pacis vnitas non rumpatur.

Et per hæc patet argumenti responsio.

ARTICVLVS VI.

Vtrum fuerit aliqua rationabilis causa obseruantiarum cærimoniarum.

Pro Negatiua.

Videtur, quod obseruantiarum cærimoniarum nulla fuerit rationabilis causa.

1. Quod est bonum, non est tanquam immundum prohibendum. Sed Omnis creatura Dei bona est, & nihil reijciendum, quod cum gratiarum actione percipitur, vt dicitur. 1. Tim. 4.

Ergo Inconuenienter cultores antiquæ legis prohibiti sunt ab esu quorundam ciborum, tanquam immundorum, vt patet Leuit. 11.

2. Lex non distinxit in herbis aliquas immundas. Ergo Nec de animalibus debuit aliqua prohiberi, vt immunda.

Conseq. prob. quia Sicut animalia dantur in cibum homini, ita & herbe: vnde dicitur Gen. 9. Quasi olera virentia dedi vobis omnem carnem.

Et confirmatur. quia Inter herbas aliquæ sunt maxime nociuæ, & venenosæ.

3. Non prohibentur omnes carnes tanquam immunda.

Ergo Non debuerunt prohiberi sanguis, & adips, vt immunda, vt habetur Leuit. 3.

Conseq. prob. quia Cum id, quod generatur ex materia immunda, immundum sit, & omnes carnes generentur ex sanguine, manifeste sequitur, quod si omnis sanguis esset immundus, omnis caro, vt pote ex sanguine genita, esset immunda.

4. Nullum nocumentum cedit homini post mortem, quid de eius corpore fiat. Ergo Multo minus pertinet ad animal iam occisum, qualiter eius carnes decoquantur.

Ergo Irrationabile videtur esse, quod dicitur Exod. 23. Non coques hædum in lacte matris suæ.

Antec. prob. quia Matt. 10. dicitur, non esse timendos, qui occidunt corpus, quia post mortem non habent, quid faciant, quod non esset verum, si nocumentum cederet homini, quid ex eius corpore fieret.

5. Ea, quæ sunt primitiua in hominibus, & animalibus, tanquam perfectiora præcipiuntur Domino offerri.

Ergo Inconuenienter præcipitur Leuit. 19. qñ ingressi fueritis terram, & plantaueritis in ea ligna pomifera, auferetis præputia eorum, i. prima germina, & immunda erunt vobis, nec edetis ex eis.

6. Vestimentum est extra corpus hominis. Ergo Non debuerunt quedam specialia vestimenta iudeis interdici, puta quod dicitur Leuit. 19. Vestem, quæ ex duobus texta est, non indueris, & Deuter. 22. Non induetur mulier veste virili, & vir non induetur veste feminea, & infra. Non indueris vestimento, quod ex lana, linoque contextum sit.

7. Memória mandatorum Dei non pertinet ad corpus, sed ad Cor. Ergo Inconuenienter præcipitur Deuter. 6. quod ligaret præcepta Dei, quæ si signum in manu sua, & quod scriberentur in limine hostiorum, & quod per angulos palliorum facerent fimbrias, in quibus ponerent vittas hyacinthinas, in memoriam mandatorum Dei, ut habetur Num. 15.

8. Apost. dicit 1. Cor. 6. quod Deo non est cura de bobus, & per consequens nec de alijs animalibus irrationalibus.

Ergo Inconuenienter præcipitur Deuter. 22. Si ambulaueris per viam, & inueneris nidum aui, non tenebis matrem cum filijs, & Deuter. 25. Non alligabis os bouis triturantis, & Leuit. 19. Iumenta tua non facies coire cum alterius generis animalibus.

9. Inter plantas non fiebat discretio mundarum, ab immundis. Ergo Multo minus circa culturam plantarum debuit aliqua discretio adhiberi, ut præcipitur Leuit. 19. Agrum tuum non seres diuerso semine, & Deut. 22. Non seres vineam tuam altero semine, & Non arabis in boue, & asino.

10. Ea, quæ sunt inanimata, maxime videtur hominum potestati esse subiecta. Ergo Inconuenienter arcetur homo ab argento, & auro ex quibus fabricata sunt idola, & ab alijs, quæ in idolorum domibus inueniuntur præcepto, quod habetur Deuter. 7. Ridiculum etiam videtur præceptum, quod habetur Deuter. 23. ut Egredientes humo operirent fidentes in terra.

11. Ad pietatem pertinere videtur, quod aliquis funeribus amicorum intersit, & quod aliquis vxorem accipiat meretricem.

Ergo Inconuenienter hæc duo prohibebantur sacerdotibus Leuit. 21.

Antec. quo ad priorem partem prob. quia De hoc laudatur Tobias.

Quo ad aliam partem, quia Accipiens meretricem in vxorem, eam a peccato liberat.

Conseq. prob. quia Pietas maxime in sacerdotibus requiritur.

Pro Affirmatiua.

Quæ sunt instituta a Deo habent rationabi-

les causas. Sed Cæremoniales obseruantia antiquæ legis fuerunt instituta a Deo, ad quandam specialem prerogatiuam illius populi.

Ergo Cæremoniales obseruantia habent rationabiles causas.

Minor prob. quia Dicitur Deuter. 18. Tu autem a Domino Deo tuo aliter institutus es.

Determinatio.

Conclusio. Obseruantia cæremoniales antiquæ legis habent rationabiles causas, literales, & figurales.

Prob. Quæ ordinantur ad diuinum cultum in veteri lege, habent rationabiles causas literales, & figurales. Sed Obseruantia cæremoniales veteris legis ordinabantur ad diuinum cultum, qui tunc Deo debebatur.

Ergo Obseruantia cæremoniales veteris legis habent rationabiles causas literales, & figurales.

Maiores prob. quia Cæremonia veteris legis ex hoc, quod ordinabantur ad diuinum cultum, habent rationes literales. Ex hoc vero quod diuinus cultus veteris legis figurabat mysterium Christi, secundum quod dicitur 1. Cor. 10. Omnia in figura continebantur illis, habent causas figurales.

Minor prob. Nam populus iudeorum, ut dictum est supra, specialiter erat deputatus ad cultum diuinum, & inter eos specialiter sacerdotes: & sicut alia res, quæ applicantur ad cultum diuinum, aliquam specialitatem debent habere, quæ pertineat ad honorificentiam diuini cultus, ita etiam in conuersatione illius populi, & præcipue sacerdotum, debuerunt esse aliqua specialia, congruentia ad cultum diuinum spirituales, vel corporales.

Quæ autem sint rationes, tum literales, tum figurales patebit in solutionibus argumentorum.

Ad Argumenta.

Ad 1. Dicitur, quod in lege veteri prohibebatur usus.

Carnium quorundam animalium, tum terrestrium, tum volatilium, tum piscium.

Omnis sanguinis.

Omnis adipis.

Nervorum.

Suffocatorum, vel strangulorum.

Animalia, quorum carnes prohibebantur in esum erant.

Quæ habent immundum nutrimentum, & porcus.

Quæ

Quæ immunde conuerfantur, vt murēs, & talpæ.

Quæ habent nimiam terrestreitatem, vt sunt animalia, quæ habent soles, i. vngues integros, non diuisos, vt equi, asini, & muli.

Quæ habent nimiam siccitatem, vt sunt animalia terrestria, quæ habent multas fissuras in pedibus, vt sunt canes, felles, leones, & huiusmodi. Et animalia volatilia rapacia, vt Aquilæ, Corui, & huiusmodi.

Quæ habent nimiam humiditatem, vt sunt quædam volatilia in aquis manentia, vt Cygnus, Arietes, & similia, & pisces non habentes penulas, & squamas, vt sunt Anguillæ, & alia similia.

Quorundam vero animalium concedebatur esus. De terrestribus concedebatur esus animalium, quæ ruminant, & diuidunt vngulas.

De piscibus conceduntur, qui habent penulas, & squamas.

De volatilibus quadrupedibus concedebantur ea, quæ habent posteriora crura longiora, vt salire possint, alia vero prohibebantur.

De avibus, quæ sunt magis temperatæ, vt gallinæ, perdices, & huiusmodi.

Habent autem tam prohibitio, quam cōcessio superadictorum ad esum suas rationes literales, & figurales.

Et quidem prohibitio esus carnium superadictorum animalium habet triplicem literalem rationem.

Prima, quia Animalia, quæ habent immundum nutrimentum, & etiam, quæ immunde conuerfantur, habent quandam immunditiam in se, propter quam merito vt immunda reputantur, & prohibentur. Animalia vero, quæ habent nimiam, vel terrestreitatem, vel siccitatem, vel humiditatem, prohibentur quia non generant bonum nutrimentum in humano corpore.

Altera ratio literalis erat, in detestationem idolatriæ. Nam Gentiles, & Aegyptij, inter quos Hebræi erant nutriti, huiusmodi animalia prohibita idolis immolabant, vel eis ad maleficia utebantur.

Tertia ratio fuit, ad tollendam nimiam diligentiam circa cibaria.

Prohibitio esus sanguinis habet duplicem rationem literalem. Prior est ad detestandam humani sanguinis effusionem, & ad vitandam crudelitatem, vt dictum est art. 3.

Altera fuit, ad vitandum idololatriæ ritum, quia eorum consuetudo erat, vt circa sanguinem congregatum adunarentur, & ad comedendum in honorem idolorum, quibus reputabant sanguinem acceptissimum esse, & ideo dominus man-

dauit, vt sanguis effunderetur, & quod puluere operiretur.

Prohibitio esus adipis habet etiam triplicem rationem literalem.

Prima, quia Idololatræ comedebant illum in honorem Deorum suorum.

Secunda, quia Adeps cremabatur in honorem Dei, vt dicitur. Leuit. 3.

Tertia, quia Adeps non generat bonum nutrimentum.

Causa autem prohibitionis esus neruorum exprimitur Gen. 3. 2. vbi dicitur, quod non comedūt filij Israel neruum, eo quod tetigit neruum sceleris Iacob, & obstupuerit.

Prohibitio suffocatorum habebat duplicem rationem literalem.

Prima, quia sanguis non erat ab animalibus sic mortuis separatus, & ideo ea ratione, qua prohibebatur sanguis, prohibebantur etiam suffocata.

Secunda ratio erat, Quia dominus voluit eos prohibere a crudelitate etiam circa animalia bruta, vt per hoc magis recederent a crudelitate hominis.

Ratio autem literalis concessionis esus carnium superadictorum animalium erat, quia illa sunt temperatæ complexionis, & generant bonum nutrimentum, & etiam quia illa de facili, & in promptu haberi poterant, propter quod remouebatur nimia diligentia in parandis cibariis.

Figuralis autem ratio dictæ prohibitionis erat, quia per omnia huiusmodi animalia prohibita, designantur aliqua peccata, in quorum figuram illa animalia prohibebantur. Vnde August. dicit, lib. 6. contra faustum cap. 7.

Si de porco, & agno requiratur, vtrumque natura mundum est, quia omnis creatura Dei bona est: quadam vero significatione, Agnus mundus, Porcus vero immundus est, tanquam si stultum, & sapientem diceret, vtrumque hoc verbum natura vocis, & literarum, & syllabarum, ex quibus constat mundum est, significatione autem vnum est mundum, & aliud immundum. Animal enim quod ruminat, & vngulam findit, mundum est significatione, quia filio vngulæ significat distinctionem duorum testamentorum, vel patris, & filij, contra Sabellium, vel duarum naturarum in Christo, vel discretionem boni, & mali. Ruminatio autem significat meditationem scripturarum, & sanum intellectum earum. Cuicunque autem horum alterum deest, immundus est.

Similiter etiam in piscibus, Illi, qui habent penulas, & squamas, significatione mundi sunt, quia per pennulas significatur vita subtilis, vel contemplatio, per squamas autem

autem significatur aspera vita, quorum vtrumque necessarium est ad mundiciam spiritualem.

In auiibus autem quedam specialia genera prohibentur, quæ sunt, Aquila Gryphus, Halyetus, Miluus, Vultur, Coruus, Struthio, Nicticorax, Larus, Accipiter, Bubo, Mergulus, Ibis, siue Ciconia, Cygnus, Onocratulus, Porphyrio, Herodius, Caladrius, Vpupa, Vespertilio.

In Aquila, quæ alte volat prohibetur superbia.

In Gryphe, qui equis, & hominibus infestus est, crudelitas potentum prohibetur.

In Halyeto, qui pascitur minutis auiibus, significatur illi, qui sunt pauperibus molesti.

In Miluo autem, qui maxime insidijs vtitur, designantur fraudulentum.

In Vulture, qui sequitur exercitum, expectans comedere cadauera mortuorum, significatur illi, qui mortes, & seditiones hominum affectant, vt inde lucentur.

Per animalia coruini generis, significatur illi, qui sunt voluptatibus denigrati, vel qui sunt expertes bonæ affectionis, quia coruus semel emissus ab arca, non est reuersus.

Per struthionem, qui cum sit auis, volare non potest, sed semper est circa terram, significatur Deo militantes, & se negotijs secularibus implicantes.

Nicticorax, quæ nocte acuti est visus, in die autem non videt, significat eos, qui in temporalibus sunt astuti, & in spiritualibus hebetes.

Larus, qui volat in aere, & natat in aqua, significat eos, qui circuncisionem, & baptismum venerantur. Vel significat eos, qui per contemplationem volare volunt, & tamen viuunt in aquis voluptatum.

Accipiter vero, qui deseruit hominibus ad prædandum, significat eos, qui ministrant potentibus ad deprædandum pauperes.

Per Bubonem, qui in nocte victum quærit, de die autem latet, significatur luxuriosi, qui occultari quærunt nocturnis operibus, quæ agunt.

Mergulus, cuius natura est, vt sub vndis diutius immoretur, significat gulosos, qui in aquis delitiamur se immergunt.

Ibis vero auis est in Africa, habens longum rostrum, quæ serpentibus pascitur, & fortè est idem, quod Ciconia, significat inuidos, q. de malis aliorum quasi serpentibus reficiuntur.

Cygnus autem est coloris candidi, & longum collum habet, qui ex profunditate terre, vel aque cibum trahit, potest significare homines, qui per exteriorem iustitiæ candorem lucra terrena quærunt.

Onocratulus auis est in partibus orientis, lon-

go rostro, quæ in faucibus habet quosdam folliculos, in quibus primo cibum reponit, & post horam in ventrem mittit, & significat auaros, qui immoderate sollicitudine, necessaria vitæ congregant.

Porphyrio autem præter modum aliarum auium habet vnum pedem latum ad natandum, Alium fissum ad ambulandum, quia & in aqua natat, vt anates, & in terra ambulat, vt peredices, solo morsu bibit, omnem cibum aqua tingens, & significat eos, qui nihil ad alterius arbitrium facere volunt, sed solum quod fuerit tinctum aqua propriæ voluntatis.

Per Herodionem, qui vulgariter falco dicitur, significatur illi, quorum pedes veloces sunt ad effundendum sanguinem.

Caladrius, quæ est auis garrula, significat loquaces.

Vpupa, quæ ædificat in stercoribus, & foetenti pascitur fimo, & gemitum in cantu simulat, significat tristitiam sæculi, quæ in hominibus immunis mortem operatur.

Per Vespertilionem, quæ circa terram volitat, significatur illi, qui sæculari scientia præditi, sola terrena sapiunt.

De volatilibus quadrupedibus prohibentur illa, quæ terræ magis ad hærent, quia illi, qui abutuntur doctrina quatuor Euangelistarum, vt pecam in altum non subleuantur, immundi reputantur.

Ratio figuralis prohibitionis adipis, & sanguinis, & nerui est, quia in his prohibetur, Crudelitas, voluptas, & fortitudo ad peccandum. In sanguine inquam prohibetur crudelitas. In adipi voluptas. Et in neruo fortitudo ad peccandum.

Ratio literalis concessionis quorundam animalium, tum terrestrium, tum volatiliu est, quia illa erant temperatæ complexionis, & general bonum nutrimentum.

Figuralis autem iam dicta est ex August. Nam per animal diuidens vngulam significatur, quod duo testamenta distinguit, vel duas personas.

Per animal ruminans significatur, qui scripturas meditat.

Per pisces cum pennulis, & squammis significatur, qui vitæ sublimi intendit, vt dictum est.

Ad formam igitur argumenti dicitur ad minorem dupliciter. Primo ex Aug. quod omnis creatura Dei bona est, & munda, secundum suam naturam, tamen significatione potest dici immunda, quatenus aliquid immundum significat, vt dictum est.

Secundo, quod omnis creatura Dei bona est, quatenus non potest immundiciam spirituales per

per se causare/quamuis per accidens causare eam possit) putā si quis vel nimium comedat, vel non debito tempore, putā tempore ieiuniorum, potest tamen aliquam corporalem immunditiam, vel ex immundo nutrimento, vel ex immunda conuersatione, vel ex nimia humiditate, & siccitate, causare, vt abunde in hac responsione ostensum est.

Ad 2. Negatur conseq. Ad prob. dicitur, quod esus plantarum, & aliorum terræ nascentium; fuit apud homines etiam ante diluuium, sed esus carniū videtur esse post diluuium introductus. Dicitur enim Genes. 8. Quasi olera virentia dedi vobis omnem carnem, & hoc ideo, quia esus terræ nascentium magis pertinet ad quandam simplicitatem vitæ. Esus autem carniū, ad quasdam delicias, & curiositatem viuendi, sponte enim terra herbam germinat, vel cum modico studio huiusmodi terræ nascentia in magna copia procurantur: oportet autem cum magno studio animalia nutrire, & etiam capere, & ideo volens dominus populum suum reducere ad simpliciores victum, multa in genere animalium eis prohibuit, non autem in genere terræ nascentium, vel etiam quia animalia immolabantur idolis, non autem terræ nascentia.

Ad 3. Negatur conseq. Ad prob. dicitur, quod sanguis, & adeps, non erant prohibita quasi immunda, sed rationibus superius dictis, & præcipue ad tollendam occasionem idololatriæ.

Ad 4. Dicitur, quod illud præceptum habet duplicem rationem literalem, & duplicem figuralem.

Prima ratio literalis erat, ad detestationem crudelitatis, ad quandam enim crudelitatem pertinere videbatur, vt lac matris datum ei pro nutrimento, adhibeatur ad consumptionem carnis ipsius.

Secunda erat, ad detestandum ritum gentiliū, & idololatriam. Gentiles enim in solemnitatibus idolorum taliter decoquebant carnes hædi ad immolandum, vel comedendum, & ideo Exod. 23. Postquam prædictum fuerat de solemnitatibus in lege celebrandis, subditur. Nō coquas hædum in lacte matris sue.

Prior figuralis huius præcepti ratio erat, quia figurabatur, quod Christus, qui est hædus, propter similitudinem carnis peccati, non erat a iudeis coquendus, id est occidendus in lacte matris, hæc est in tempore infantie.

Altera figuralis ratio erat, quia per hoc significatur, quod hædus, qui est peccator, non est coquendus in lacte matris, id est non est blanditijs delinendus.

Ad formam igitur argumenti dicitur ad vtrumque consequens, quod quamuis hædus occisus non sentiret qualiter carnes eius coquantur, tamen in animo decoquentis quandam crudelitatem ostendere videbatur, vt dictum est. Vel ratio huius præcepti fuit, ad figurandum, quæ dicta sunt.

Ad 5. Dicitur, quod præceptum de primitijs fructuum potest habere rationem literalem, & figuralem.

Ratio literalis erat, ad detestandos gentiliū ritus. Gentiles enim fructus primitiuos, quos fortunatos reputabant, dijs suis offerebant, vel etiam comburebant eos ad quædam magica facienda, & ideo præceptum est eis, vt fructus trium primorum annorum immundos reputarent. Prohibentur vsque ad tertium annum, quia in tribus annis fere omnes arbores terræ illius fructum producant, quæ scilicet seminantur, inferuntur, & plantantur, fructus quarti anni, tanquam mundi Deo offerebantur, & fructus quinti anni, & deinceps comedebantur.

Ratio prima figuralis erat, quia per hoc figurabatur, quod post tres status legis, quorum vnus est ab Abraham, vsque ad David. Secundus a David vsque ad transmigrationem Babilonis. Tertius vsque ad Christum, erat offerendus Deo fructus legis, qui est Christus.

Altera figuralis ratio erat, vt significaretur, quod primordia operum nostrorum, debent esse nobis suspecta propter imperfectionem.

Ad formam igitur argumenti negatur conseq. Nō enim est eadem ratio de primitijs fructuum, & animalium, priores enim fructus gentiles dijs suis offerebant, non autem primitiua animalium, quæ Deo offerebantur.

Ad 6. Dicitur, quod prohibitio quorundam vestimentorum, & ne mulier in duatur veste virili, & ne vir induatur veste muliebri, habet rationes literales, & figurales.

Et quidem prohibitio, ne vestimentum esset ex duobus contextum, ex lana, & lino, duplicem habet literalem rationem.

Prima est, quod populus ille iudeorum distinguereetur ab alijs populis, non solum signo circuncisionis, quod erat in carne, sed etiam vestimentis.

Altera ratio erat, ad vitandum idololatriæ cultum, huiusmodi enim varijs vestibus ex diuersis contextis, gentiles utebantur in cultu Deorum suorum.

Alia prohibitio. scilicet quod Mulier non vtatur veste virili, nec vir veste muliebri, habuit duas literales rationes.

Prima est, ad declinandā luxuriam, quod enim mulier

mulier induatur veste virili, & vir veste muliebri, in centum est concupiscentiæ, & occasionem libidini præstat.

Altera ratio literalis est, ad vitandum idolatriæ cultum. Nam in cultu martis mulieres utebantur armis virorum, & in cultu veneris viri utebantur vestibus mulierum.

Figuralis ratio prioris prohibitionis est, quia ex vestimento contexto ex lana, & lino, interdicitur coniunctio simplicitatis, & innocentiae, quæ figuratur per lanam, & subtilitatis, & malitiæ, quæ figuratur per linum.

Ratio figuralis alterius prohibitionis est, quia per ipsam prohibetur ne mulier sibi vsurpet doctrinam, vel alia virorum officia, & ne vir declinet ad molliem mulierum.

Ad formam igitur argumenti dicitur ad antecedens, quod licet vestimentum sit extra corpus hominis, tamen vestimentum enunciat de homine, ut dictum est Eccles. 19. & ideo ut ille populus esset ab alijs populis exteriori signo distinctus, prohibitum ei fuit, ne indueretur quibusdam vestimentis, & etiam propter alias rationes, ut dictum est.

Ad 7. Dicitur dupliciter. Primo neg. consequ. Licet enim mandata Dei pertineant ad cor, tamen quia populus ille carnalis erat, & duræ cervicis, oportuit etiam per huiusmodi sensibilia, eos ad legis observantiam excitari.

Secundo dicitur ad consequens, quod præceptum de faciendis fimbrijs, à quibus penderent vitæ hyacinthinæ, habet rationem literalem, quæ est, ut per hæc vestimentorum ornamenta ab alijs populis distinguerentur.

Et habet rationem figuralem, nam in hyacinthinis vitis, quæ pallijs inferebantur, significatur cælestis intentio, quæ omnibus operibus nostris debet adiungi.

Præceptum autem de ligandis præceptis legis in manibus, & de portandis ante oculos. Pharisei male interpretabantur, scribentes in membranis decalogum Moysi, ligabant in fronte quasi coronam, ut ante oculos mouerentur, cum tamen intentio domini mandantis fuerit, ut haberent ea in manu, idest in operatione, & ante oculos, idest ea meditarentur.

Ad 8. Dicitur, quod ista tria præcepta, scilicet Non alligabis os boui trituranti. Non teneas matrem autem cum filijs. Et non facias coire iumentum cum alterius generis animantibus. habent rationes literales, & figurales, & duo quidem priora præcepta habent duas rationes literales.

Prima est. ut dominus populum Iudaicum ad crudelitatem prouum ad misericordiam reuoca-

ret, & disponderet, prohibuit quædam circa animalia fieri, quæ ad quandam crudelitatem pertinere videtur. Et ideo prohibuit, ne coqueretur hedus in lacte matris. Et quod non alligaretur os boui trituranti. Et quod non occideretur Mater cum filijs.

Secunda ratio est. quia hæc prohibita sunt eis ad detestationem idolatriæ. Nam Aegyptij nefarium reputabāt, ut boues triturantes de frugibus comederent. Aliqui etiam malefici utebantur matre anis incubante, & pullis eius simul captis ad fecunditatem, & fortunam circa nutritionem filiorum, & in augurijs reputabant hoc esse fortunatum, quod inueniretur mater incubans filijs.

Præceptum autem de commitione animalium diuerse speciei tres potest habere rationes literales. Prima, ad detestationem idolatriæ Aegyptiorum, qui diuersis commitionibus utebantur in seruitium planetarum, qui secundum diuersas coniunctiones habent diuersos effectus.

Alia Ratio est, ad excludendum concubitum contra naturam.

Tertia Ratio est, ad tollendum vniuersaliter occasionem concupiscentiæ. Animalia enim diuersarum specierum non commiscuntur de facili, ad inuicem, nisi hoc per homines procuretur, & in aspectu coitus animalium, excitatur homini concupiscentiæ motus. Vnde & in traditionibus Iudeorum præceptum inuenitur, ut homines auerterent oculos ab animalibus coeuntibus, ut Rabi Moyses dicit.

Figuralis ratio omnium horum est. quia Boui trituranti, idest Prædicatori deferenti segetes doctrinæ, non sunt necessaria victus subtrahenda, ut Apost. dicit. 1. Corin. 9.

Matrem etiam nō simul debemus tenere cum filijs. Quia in quibusdā retinendi sunt spirituales sensus quasi filij, & dimittenda est literalis obseruantia quasi mater, sicut in omnibus caeremonijs.

Prohibetur etiam ne iumenta, idest populares homines non faciamus coire, idest coniunctionem habere cum alterius generis animantibus, idest cum Gentilibus, vel Iudæis.

Ad Formā igitur argumenti dī, ad antecedēs, qđ affectus hominis est duplex. Vnus quidem sūm rationem. Alius vero sūm passionem. Secundū affectū rationis nō refert, quid homo circa animalia agat, quia omnia sunt subiecta eius potestati à Deo, sūm illud Psal. 8. Omnia subiecisti sub pedibus eius. Et sūm hoc Apost. dicit, quod Deo nō est cura de Bobus, quia Deus nō requirit ab homine, quid circa boues agat, vel circa alia animalia. Quātū vero ad affectū passionis, mouetur affectus hominis circa alia animalia. Vnde ad prohibendum

dum crudelitate, & excitandâ misericordiam, data sunt illa duo præcepta, vt dictum est.

Ad 9. Dicitur, quod illa præcepta, quibus prohibentur commisiones in agricultura habent rationes literales, & figurales.

Prima literalis ratio est, ad detestationem idolatriæ. Aegyptij enim ad venerationē stellarū diuersas commisiones faciebant in seminibus, & in animalibus, & in vestibus, representantes diuersas stellarum coniunctiones.

Secunda ratio est, quia huiusmodi commisiones prohibebantur ad detestationē coitus cōtra naturā.

Habent etiam hæ prohibitiones suas figurales rationes, quod .n. dicitur, Non seres vineā tuam alio semine, est spiritualiter intelligendum, quod in Ecclesia, quæ est spiritualis vinea, non est seminanda aliena doctrina, & similiter Ager, i. Ecclesia, non est seminandus diuerso semine, i. catholica doctrina, & hæretica. Non est simul arandum in boue, & asino: quia satius sapienti in prædicatione nō est sociandus, quia vnus impedit alium.

Ad Formam argumenti negatur consequentia. Non enim est eadem ratio de plantis, & alijs seminibus rationibus dictis.

Ad 10. Dicitur, quod ratio illorum præceptorum in ipso textu assignatur, & Primò quidē dum dicitur Deuter. 7. in fine Sculpilia eorum, igne combures. Non concupisces argentum, & aurum de quibus facta sunt, neque assumes ex eis tibi quicquam, ne offendas propter ea, quia abominatio est Domini Dei tui.

Alterius autem præcepti ratio ibidem redditur, scilicet Deut. 23. dum dicitur dominus Deus tuus ambulat in medio castrorum, vt sint castra tua Sancta, & nihil in eis appareat seditatis.

Figuralis Ratio esse poterat, vt caueamus, quæ ad peccatum pertinent, & quod peccata abscondere debamus ab oculis Domini, per contritionem, confessionem, & penitentiam.

Ad 11. Dicitur, quod prohibitio facta sacerdotibus, vt non interessent funeribus amicorum, vel vt non acciperent meretricem, habet rationes literales, & figurales.

Et quidem literalis ratio quare sacerdotibus prohibebatur, ne interessent funeribus, nisi valde propinquorum, & summo Sacerdoti vt nullus funeris interesset, fuit ad detestationem idolatriæ. Malefici enim, & Sacerdotes idolorum vtebantur in his ritibus ossibus, vel carnibus hominum mortuorum, & ideo ad extirpandum idolatriæ cultum, præcepit Dominus, vt sacerdotes minores, qui per certa tempora ministrabāt sanctuaria, non inquinarentur in mortibus, nisi valde propinquorum, scilicet Patris, & Matris, &

huiusmodi coniunctionum personarum. Pontifex autem semper debebat esse paratus ad ministerium sanctuarij, & ideo totaliter ei prohibitus erat accessus ad mortuos, quantumcunque propinquos.

Præceptum autem sacerdotibus factum, ne ducerent uxorem meretricem, vel repudiatam, ratio literalis fuit; Tum propter reuerentiam sacerdotum, quorum dignitas quodammodo ex tali coniugio diminui videretur. Tum etiam propter filios, quibus esset ad ignominiam turpitudinis matris, quod maxime tunc erat vitandum, quando Sacerdotij dignitas secundum successionem generis conferebatur.

Præceptum etiam erat eis, vt non raderent caput, nec barbam, nec in carnibus suis facerent incisuram, ad remouendum idolatriæ ritum. Nam sacerdotes gentilium radebant caput, & barbā, vnde dicitur Baruch. 6. Sacerdotes sedent, habentes tunicas scissas, & capita, & barbā rasam. Et etiam in cultu idolorum incidebant se cultris, & lanceolis, vt dicitur 3. Reg. 18. Vnde contraria horum præcepta sunt sacerdotibus veteris legis.

Spiritualis autem ratio horum est, quia Sacerdotes omnino debent esse immunes ab operibus mortuis, quæ sunt opera peccati. Et etiam non debent radere caput, id est deponere sapientiam, neque deponere barbā, id est sapientiæ perfectionem. Neque etiam scindere vestimenta, aut incidere carnes, vt scilicet vitium scismatis non incurrant.

Negatur igitur ad formam argumenti Consequentia. Ad cuius probationem dicitur, quod quamuis interesset mortuorum funeribus, & accipere meretricem in uxorem sint quædam pietatis opera tamen, quia per huiusmodi opera, quædam immunditia, & indignitas contraheretur, ideo conuenienter fuerunt Sacerdotibus interdicta.

QVÆSTIO CIII.

DE DVRATIONE PRÆCEPTORVM
Cæremonialium.

ARTICVLVS I.

Vtrum Cæremoniæ legis fuerint ante legem.
Pro Affirmatiua.

Videtur, quod cæremoniæ legis fuerint ante legem.

1. Sacrificia, & Holocausta fuerunt ante legem. Ergo Cæremoniæ legis fuerunt ante legem. Antecedens probatur. quia Genes. 4. dicitur, quod Cain obtulit de frugibus terræ Domino,

Vuuu

Abel

Abel autem obtulit de primogenitis gregis sui, & de adipibus eorum. Et Genes. 10. dicitur, quod Noe obtulit Holocaustum Domino, & Gen. 22. idem dicitur de Abraham.

Consequ. probatur, quia Sacrificia, & Holocausta pertinet ad sacrificia Veteris Legis, ut dictum est quæst. præced. art. 3.

2. Constructio Altaris, & eius Vinctio fuerunt ante legem. Ergo Ceremoniæ Veteris legis fuerunt ante legem.

Antecedens probatur, quia Genes. 12. legitur, quod Abraham edificauit altare Domino; Et de Jacob dicitur, Gen. 28. quod tulit lapidem, & erexit in titulum, fundens oleum desuper.

Consequentia probatur, quia Constructio Altaris, & eius Vinctio pertinent ad Ceremonias Sacramentorum Veteris Legis.

3. Circumcisio, & Sacerdotium fuerunt ante legem. Ergo Ceremoniæ Sacramentorum fuerunt ante legem.

Antecedens probatur, & quo ad priorem partem habetur Genes. 17. ubi dicitur, quod Deus dedit Abrahæ Circumcisionem: Quo vero ad aliam partem habetur Genes. 14. ubi dicitur, quod Melchisedech obtulit panem; & vinum, erat enim Dei sacerdos.

Consequentia probatur, quia Inter sacramenta legalia fuerunt circumcisio, & sacerdotium.

4. Discretio mundorum, & immundorum animalium fuit ante legem. Ergo Ceremoniæ legales fuerunt ante legem.

Antecedens probatur, quia Genes. 7. dicitur. Ex omnibus animalibus mundis tolle septena, & septena, de animantibus vero immundis duo, & duo.

Consequentia probatur, quia Discretio mundorum animalium ab immundis pertinet ad Ceremonias obseruantiarum, ut supra dictum est quæst. 101. Art. 4. & 102. art. 6.

Pro Negativa.

Deuter. 6. dicitur. Hæc sunt præcepta, & Ceremoniæ, quæ mandauit dominus Deus noster, ut docerem vos. Non autem indiguissent super his doceri, si prius prædictæ Ceremoniæ fuissent. Ergo Ceremoniæ legis non fuerunt ante legem.

Determinatio.

Distinctio. Ceremoniæ legis adduo ordinabantur, scilicet ad Cultum Dei, & ad figurandum Christum, ut dictum est quæst. 102. artic. 2.

Conclusio. Ante legem fuerunt aliquæ Ceremoniæ ordinatæ ad Diuinum cultum, & figurantes Christum, non tamen legis Ceremoniæ dici poterant.

Hæc Conclusio tres habet partes. Prima, quod

ante legem fuerint Ceremoniæ ordinatæ ad Diuinum cultum. Secunda, quod huiusmodi Ceremoniæ essent figuratiuæ Christi mysterij. Tertia, quod non possent dici Ceremoniæ legis. Et quo ad singulas partes probatur. Et quo ad Primam sic ostenditur.

Ea, ad quæ pertinet determinatio diuini cultus, fuerunt ante legem. Sed ad Ceremonias pertinet determinatio diuini cultus. Ergo Ceremoniæ fuerunt ante legem, secundum quod ordinantur ad diuinum cultum.

Maiores probatur, quia Quicumque Deum colit, oportet, ut per aliqua determinata eum colat, quæ ad exteriorem cultum pertinent. Et cum ante legem fuerint multi, Deum colentes, sequitur, quod fuerint ea, quæ determinant diuinum cultum.

Minores probatur, quia Sicut determinatio eorum, per quæ ordinantur ad proximum, pertinet ad præcepta iudicialia, ut dictum est quæst. 99. artic. 4. ita determinatio eorum, per quæ ad Deum ordinantur, scilicet diuini cultus, pertinet ad Ceremonias.

Altera Conclusionis pars manifestatur. Quia enim ante legem fuerunt quidam Viri præcipue prophetico spiritu pollentes, credendum est, quod ex instinctu diuino, quasi ex quadam priuata lege inducerentur ad aliquem certum modum colendi Deum, qui & conueniens esset interiori cultui, & etiam congrueret ad significandum Christi mysterium cum hæc significarentur etiam per aliarum gesta, secundum illud 1. Corint. 10. Omnia in figura contingebant illis.

Tertia Conclusionis Pars manifestatur, quia Huiusmodi Ceremoniæ non erant ex autoritate alicuius legis determinatæ, sed solum secundum voluntatem, & deuotionem hominum consentium Deum.

Fuerunt igitur ante legem Ceremoniæ quædam, non tamen erant Ceremoniæ legis, quia non erant per aliquem Legislatorem institutæ.

Ad Argumenta.

Ad 1. Negatur Consequentia. Ad probationem dicitur, quod illa sacrificia, quæ offerebantur ante legem, non pertinent ad Ceremonias Legis: Non enim illa sacrificia, oblationes, & Holocausta offerebantur Deo ante legem, ex aliqua legislatione, quasi essent aliqua lege ordinata, sed ex quadam deuotione propriæ voluntatis, secundum quod eis videbatur conueniens, ut in rebus, quas a Deo acceperant, in reuerentiam diuinam offerrent, & protestarentur recolere Deum, qui est omnium Principium, & finis.

Ad 2. Negatur consequentia. Ad probationem dicitur, quod constructio, seu Vinctio altaris antequam lex daretur, non pertinebat ad ceremonias, aut sacra veteris legis, sed ab illis patribus instituta fuerunt ex voluntate, & deuotione. Videbatur enim eis conueniens, vt in reuerentia diuinam essent aliqua loca ab alijs distincta, diuino cultui mancipata.

Ad 3. Negatur Consequentia. Ad probationem dicitur, quod Circumcisio non est sacramentum Legis, quasi à lege institutum, cum ex diuino præcepto fuerit instituta ante legem tempore Abrahamæ, sed dicitur sacramentum legis, quia in lege fuit obseruatum. Sacerdotium etiam, quod erat ante legem, non pertinebat ad legem: nam sacerdotium legale statutum fuit ex diuina ordinatione, sacerdotium veto, quod erat ante legem apud colentes Deum, fuit secundum humanam determinationem institutum, & primogenitis, tanquam dignitas, collatum.

Ad 4. Dicitur, quod distinctio Mundorum, & immundorum animalium est duplex, scilicet quantum ad esum, & quantum ad oblationem sacrificiorum, quæ scilicet essent munda, vel immunda ad sacrificandum. Tunc ad Antecedens dicitur, quod ante legem fuit discretio mundorum, & immundorum animalium, non quantum ad esum, sed solum quantum ad oblationem sacrificiorum. Vnde dicitur Gen. 9. omne, quod mouetur, & viuit, erit vobis in cibum. Si tamē quantum etiam ad esum esset tunc aliqua animalium discretio, hoc non erat, quia esus illorum reputaretur illicitus, cum nulla lege prohiberetur, sed propter abominationem, vel consuetudinem: sicut & nunc videmus, quod aliqua cibaria in aliquibus terris, sunt abhominabilia, quæ tamen alibi comeduntur.

ARTICVLVS II.

Vtrum Ceremoniæ veteris legis haberent virtutem iustificandi tempore legis.

Pro Affirmatiua.

Videtur, quod Ceremoniæ veteris legis haberent virtutem iustificandi tempore legis.

1. In veteri lege erat consecratio hominis, & expiatio a peccato. Ergo In lege veteri ceremoniæ habebant vim iustificandi.

Antecedens probatur. quia Exodi 29. dicitur, quod per asperisionem sanguinis, & vñctionem olei consecrabantur Sacerdotes, & Vestes eorum. Et Leuit. 16. dicitur, quod Sacerdotes per asperisionem sanguinis vituli expiabant sanctua-

rium ab immunditijs filiorum Israel, & a prauaricationibus eorum, atque peccatis.

Consequentia probatur. quia Expiatio a peccato, & consecratio, ad iustificationem pertinent.

2. Id, per quod homo placet Deo, habet vim iustificandi: secundum illud Psal. 10. Iustus Dominus, & iustitias dilexit. Sed Per ceremonias legis aliqui Deo placebant. Secundum illud Leuit. 10. quomodo potui placere Domino in ceremonijs mente lugubri? Ergo Ceremoniæ veteris legis habebant virtutem iustificandi.

3. Per ceremonias veteris legis mundabatur leprosus, vt dicitur Leuit. 14. Ergo Ceremoniæ veteris legis, multo magis poterant mundare animam iustificando.

Consequentia probatur. quia Ea, quæ erant diuini cultus, quales erant legales ceremoniæ, inagis pertinent ad Animam, quam ad Corpus: iuxta illud psal. 18. Lcx Domini immaculata conuertens animas.

Pro Negatiua.

Si data esset lex, quæ posset iustificare, Christus gratis, id est sine causa mortuus esset, vt dicitur Gal. 2. Sed hoc est inconueniens. Ergo Ceremoniæ veteris legis non iustificabant.

Determinatio.

Distinctio. Cum Immunditia, quæ in lege veteri obseruabatur duplex esset, scilicet spiritualis, quæ erat immunditia culpæ, & corporalis, quæ erat irregularitas quædam, tollens idoneitatem ad cultum diuinum, vt erat leprosus, vel qui tegerat morticinium, vel aliquid aliud immundum dupliciter potest intelligi, Vtrum ceremoniæ veteris legis habuerint, vel non habuerint virtutem iustificandi, vel expiandi. Primò, An habuerint vim expiandi ab immunditia spirituali. Secundò, ab immunditia corporali.

1. Conclusio. Ceremoniæ veteris legis habebant virtutem emundandi ab immunditia Corporali.

Probat. quia Huiusmodi ceremoniæ erant quædam remedia adhibita ex ordinatione legis, ad tollendas has immunditias, & statuto legis inducias.

Et confirmatur. quia Apost. Heb. 9. dicit, quod sanguis hircorū, & taurorū, & cinis vitulæ aspersus inquinatos sanctificat ad emundationem carnis. Et confirmatur secundo. quia Propter hoc Apost. parū supra vocat ceremonias antiquæ le-

Vuuu 2 gis

gis iustitias carnis, inquit enim, iustitijs carnis vs. que ad tempus correctionis impositis.

Sed tamen est sciendum, quod hoc ipsum quod ceteremoniæ expiabant ab immunditia carnis erat in figura expiationis a peccatis, quæ fit p. Christū.

2. Conclusio. Ceteremoniæ veteris legis secundum seipsas, non habebant virtutem expiandi ab immunditia mentis, siue culpæ.

Probatur. Misterium Incarnationis, & Passio- nis Christi tempore legis nondum erat realiter peractum. Ergo Ceteremoniæ veteris legis in se non poterant continere realiter, virtutem pro- fluentem a Christo incarnato, & passio, sicut con- tinent sacramenta nouæ legis, vt a peccato munda- re possent.

Consequentia probatur. quia Expiatio a pecca- to nunquam fieri potuit, nisi per Christum, qui tollit peccata mundi, vt dicitur Ioan. 1.

Et confirmatur primò. quia Apost. dicit heb. 10. Impossibile est sanguine Taurorum, & hircorum auferri peccata.

Et confirmatur secundò. quia Apost. Gal. 4. Vo- cat ceteremonias antiquæ legis ægena, & infirma- elementa. Infirma quidem, quia non possunt a peccato mundare: Sed hæc infirmitas prouenit ex eo, quod sunt ægena, idest, eo quod non conti- nent in se gratiam.

Obiectio.

Sed nonne sacrificia quædam offerebantur pro peccato in Veteri lege? Ergo A peccato munda- re poterant.

Solutio.

Sed dicitur, quod tempore legis poterat mens fidelium, per fidem coniungi Christo incarnato, & passio, & ex fide Christi iustificabantur (cuius fidei erat quædā protestatio huiusmodi cetero- niarum obseruatio) in quantum erāt figura Chri- sti. Sacrificia igitur offerebantur in veteri lege, pro peccato, non quia ipsa sacrificia a peccato mū- darent, sed quia erant quædam protestationes fi- dei. Et hoc etiam ipsa lex innuit, in modo loquē- di, dicitur enim Leuit. 4. & 5. quod in oblatione hostiarum pro peccato orabit pro eo sacerdos, & dimittetur ei, quasi peccatum dimittatur, non ex vi sacrificiorum, sed ex fide, & deuotione offer- rentium. Ex quibus sequitur Conclusio directe responsiua, quæsito.

Conclusio Ceteremoniæ legis veteris in statu le- gis non habebant virtutem iustificandi.

Quæ remanet probata, tum ex Argumentis

pro Negatiua, tum etiam ex ratione secundæ Conclusionis, quæ est, quod non erat adhuc per- actum misterium Incarnationis, & Passio- nis Christi, qui solus tollit peccata mundi.

Ad Argumenta.

Ad 1. Ad Antecedens dicitur, quod illa san- ctificatio sacerdotum, & filiorum, & Vestium ip- sorum, vel quorumcunque aliorum per aspersio- nem sanguinis, nihil aliud erat, quam deputatio ad diuinum cultum, & remotio impedimentorū ad emundationem carnis. & Apost. dicit in præ-figurationem illius sanctificationis, qua Iesus per suum sanguinem sanctificauit populum. Expiatio etiam ad remotionem huiusmodi corporalium, immunditiarum referenda est, non ad remotionem culpæ: vnde etiam sanctuarium expiari dici- tur, quod culpæ subiectum esse non poterat.

Ad 2. Dicitur ad minorem, quod sacerdotes placebāt Deo in ceteremonijs propter obediē- tiam, & deuotionem, & fidem de re præfigura- ta, non aut propter ipsas res secundum se consi- deratas.

Ad 3. Dicitur ad Antecedens, quod cetero- niæ illæ, quæ erant institutæ in emundatione le- prosæ, non ordinabantur ad tollendam immundi- tiam infirmitatis lepræ, quod patet ex hoc, quod non adhibebantur huiusmodi ceteremoniæ, nisi iam emundato, vnde dicitur Leuit. 14. quod sa- cerdos egressus de Castris, cum inuenerit lepram esse mundatam, præcipiet ei, qui purificatur, vt offerat, &c.

Ex quo patet, quod sacerdos constituebatur Iu- dex lepræ emundatæ, non emundandæ. Adhibe- bantur aut huiusmodi ceteremoniæ, ad tollendam immunditiam irregularitatis.

Dicunt tamen, quod quādoque si contingeret Sacerdotem errare in iudicando, miraculosè le- prosus mundabatur a Deo, virtute diuina, non autem virtute sacrificiorum. Sicut etiam miracu- losè mulieris adulteræ computrescebat semur, bi- bitis aquis, in quibus sacerdos maledicta congef- serat, vt habetur Num. 5.

A R T I C V L V S III.

Vtrum Ceteremoniæ veteris legis cessauerint in aduentu Christi.

Pro Negatiua.

V Idetur, Quod Ceteremoniæ veteris legis non cessauerint in aduentu Christi.

1. Quæ

1. Quæ pertinent ad legem æternam, in æternum durant. Sed Cæremoniæ legis veteris pertinent ad legem æternam. Ergo Cæremoniæ legis veteris nunquam cessarunt, sed in æternum sunt duraturæ.

Minor probatur. quia Lex, ad quam pertinent cæremoniæ, est æterna, secundum illud Baruch 5. Hic est liber mandatorum Dei, & lex, quæ est in æternum.

2. In Evangelio præcipitur leproso mundato, ut huiusmodi oblationes offerat. Ergo Cæremoniæ veteris non cessarunt Christo veniente.

Conseq. prob. quia Oblatio mundati leprosi ad cæremonias legis pertinebat.

3. Cæremoniæ veteris legis habebant quasi rationales causas, in quantum ordinabantur ad diuinum cultum, & in figuram Christi. Ergo Cæremoniæ veteris legis non debuerunt cessare.

Conseq. prob. quia Manente causa, debet manere effectus.

Circuncisio erat instituta in signum fidei Abrahamæ, observatio vero sabbati ad recolendum beneficium creationis, & aliæ solemnitates legis ad recolendum alia beneficia Dei. Ergo Ad minus Circuncisio, & solemnitates legis cessare non debuerunt.

Conseq. prob. quia Fides Abrahamæ semper est etiam a nobis imitanda, & beneficium creationis, & alia beneficia semper sunt recolenda.

Pro Affirmatiua.

Apostolus dicit ad Colos. 2. Nemo vos iudicet in cibo, aut in potu, aut in parte diei festi, aut neomeniæ, aut sabbatorum, quæ sunt umbra futurorum. Et ad Heb. 10 dicitur, quod dicen de Noui testamentum, veterascit prius. Quod autem antiquatur, & senescit, prope interitum est.

Determinatio.

Conclusio. Cæremoniæ status veteris legis cessare debuerunt veniente statu nouæ legis.

Probat. Cessante diuino cultu interiori secundum vnum statum, & adueniente diuino cultu interiori secundum alium statum, cessare debuerunt cæremoniæ ordinatæ ad cultum diuinum secundum priorem statum, & aliæ succedere, quæ sint proportionatæ cultui diuino secundum alium statum. Sed in aduentu Christi cessauit diuinus cultus interior secundum statum, quem habebat in veteri lege, & aduenit cultus diuinus interior secundum alium statum. Ergo In aduentu Christi cessare debuerunt cæremoniæ veteris legis, quæ

erant proportionatæ cultui diuino secundum statum, quem habebat in lege veteri, & succedere aliæ cæremoniæ proportionatæ diuino cultui, secundum statum, quem habet in lege noua.

Maior prob. quia Exterior cultus, qui in cæremoniis consistit, debet proportionari interiori cultui, qui consistit in Fide, Spe, & Charitate. Vnde secundum diuersitatem interioris cultus, debuit diuersificari exterior cultus.

Minor prob. Nam interioris cultus potest triplex status distingui. Vnus quidem, in quo habetur fides, & spes, de bonis celestibus, & de his, per quæ ad bona cælestia introducimur, sicut de quibusdam futuris, & talis fuit status fidei, & spei in veteri lege. Alius est status interioris cultus, in quo habetur fides, & spes de bonis celestibus, sicut de quibusdam futuris, de his autem, per quæ in cælestia bona introducimur, habemus fidem, & spem, sicut de præteritis, vel præsentibus, & iste est status nouæ legis. Tertius status est, in quo vtrique habentur, vt præsentia, & nihil creditur, vt absens, vel spectatur vt futurum: & iste est status beatorum, in quo nihil erit figurale ad diuinum cultum pertines, sed solum gratiarum actio, & vox laudis, & ideo dicitur Apocal. 21. Templum non vidi in ea, Dominus enim Deus omnipotens templum illius est: & Agnus. Sicut igitur in Tertio statu cessauit cæremoniæ secundus status, pari ratione cæremoniæ primi status. Siquidem legis, per quas figurabatur secundus, & tertius, veniente secundo statu, cessare debuerunt, & aliæ cæremoniæ induci, quæ conuenirent statui cultus diuini, pro tempore illo, in quo bona cælestia sunt futura, & beneficia Dei, per quæ ad cælestia bona introducimur sunt præsentia, vel præterita.

Ad Argumenta.

Ad 1. Dicitur ad minorē, & ad eius probationē, quod lex vetus dicitur esse in æternum, sicut moralia, quidem simpliciter, & absolute, sicut cæremonialia vero quantum ad veritatem per ea figuratam.

Ad 2. Dicitur ad antec. quod mysterium redemptionis humani generis cõpletum fuit in passione Christi, vnde tunc dñs dixit, Consummatum est, vt habetur Io. 19. & ideo tunc debuerunt cessare legalia totaliter, quasi iam veritate eorum cõsummata. In cuius signum in passione Christi Velut tēpli legitur esse scissum, Mat. 17. Et ideo ante passionē Christi Christo prædicante, & miracula faciente currebant simul lex, & Euangelium, quia iam mysterium Christi erat inchoatum, sed nondum consummatum, & propter hoc mandauit Christus Dominus ante passionem leproso, vt legales Cæremonias obseruaret.

Ad

Ad 3. Dicitur ad antecedens, quod rationes literales cæremoniarum supra assignatæ referuntur ad diuinum cultum, qui quidem cultus erat in fide venturi, & ideo iam veniente eo, qui venturus erat, & cultus ille cessat, & omnes rationes ad hunc cultum ordinate.

Ad 4. Negatur Conseq. Ad Probationem dicitur, quod fides Abraham fuit commendata in hoc, quod credidit diuinæ promissioni de futuro semine, in quo benedicerentur omnes gentes, & ideo quamdiu hoc erat futurum, oportebat protestare fidem Abraham in Circumcisione, sed postquam hoc iam est perfectum oportet idem alio signo declarari. Scilicet baptismo, qui in hoc circumcisioni succedit, secundum illud Apostoli, ad Colos. 2. Circumcisi estis circumcisione non manufacta in expoliatione corporis carnis, sed in circumcisione Domini nostri Iesu Christi, consepulti ei in baptismo. Sabbatum autem, quod significabat primam creationem, mutatur in diem dominicum, in quo commemoratur noua creatura inchoata in resurrectione Christi. Et similiter alijs solemnitatibus veteris legis, nouæ solemnitates succedunt: quia beneficia illi populo exhibita, significant beneficia nobis concessa per Christum. Unde festo pasche, succedit festum passionis Christi, & resurrectionis. Festo Pentecostes, in quo fuit data lex vetus, succedit Festum Pentecostes, in quo fuit data lex hoc spūs vitę. Festo Neomenię succedit festum Beatę Marię Virginis, in qua primo apparuit illuminatio solis. Christi per copiam gratiæ. Festo Tubarum succedunt festa Apostolorum. Festo Expiationis, succedunt festa Martyrum, & Confessorum. Festo Tabernaculorum succedit festum consecrationis Ecclesię. Festo cętus, atque collectę succedit festum Angelorum, vel etiam festum omnium Sanctorum.

ARTICVLVS IV.

Vtrum post Passionem Christi legalia possint seruari sine peccato mortali.

Pro Affirmatiua.

Videtur, quod post Passionem Christi legalia possint seruari sine peccato mortali.

1. Apostoli post Aduentum Spiritus Sancti legalia obseruauerunt. Ergo sine peccato mortali post passionem Christi possunt legalia obseruari.

Antecedens probatur. quia Paulus circumcidit Timotheum, vt dicitur Act. 16. & Paulus, secundum Consilium Iacobi, assumptis Viris puri-

ficatus cum eis intravit in templum, annuntians expiationem dierum purificationis, donec offerretur pro vnoquoque eorum oblatio, vt dicitur Act. 21.

Conseq. probatur. quia Non est credendum, quod Apostoli post acceptum Spiritum Sanctum, mortaliter peccauerint, eius enim plenitudine sunt induti virtute ex alto, vt dicitur Luc. vii.

2. Petrus primus Ecclesię Pastor, post Christi assumptionem vitauit consortia gentilium. Ergo Legales cæremonię post passionē Christi absque peccato obseruari possunt.

Antecedens probatur. quia Galas. 2. dicitur, quod cum venissent Antiochiam quidam, subtrahebant, & segregabat se Petrus a Gentilibus.

Consequentia probatur. quia Vitare consortia Gentilium ad cæremonias legis pertinebat.

3. Ex decreto Apostolorum statutum fuit, quod Gentiles quædam de cæremoniis legis obseruarent.

Ergo Absque peccato, cæremonię legales possunt post Christi passionem obseruari.

Antecedens probatur. quia Act. 15. dicitur, Visum est Spiritui Sancto, & nobis, nihil ultra imponere oneris vobis, quam hæc necessaria, vt abstinatis vos ab immolatis simulachrorum, & sanguine, & suffocato, & fornicatione.

Conseq. prob. quia Pręcepta Apostolorum nõ induxerunt homines ad peccatum.

Pro Negatiua.

Quod excludit fructum Christi, est peccatum mortale. Sed Obseruantia legalium cæremoniarum post passionem Christi excludit fructum Christi. Ergo Obseruantia legalium cæremoniarum post Christi passionem est mortale peccatum.

Mayor prob. quia Nihil excludit fructum Christi, nisi peccatum mortale.

Minor. quia Gal. 5. dicitur, Si circumcidimini Christus nihil vobis proderit.

Determinatio.

Conclusio. Legales cæremonię non possunt, post passionem Christi, sine peccato mortali obseruari.

Probatur. Falsa protestatio fidei, in qua interior diuinus cultus consistit, per aliqua facta, est peccatum mortale. Sed Obseruantia legalium cæremoniarum, post passionem Christi, est falsa protestatio interioris fidei, in qua interior cultus diui-

diuinus consistit. Ergo Obseruantia ceremoniarum legalium est mortale peccatum post Christi passionem.

Maiores probatur. quia Sicut quando quis protestatur falso interiore fidei per verba, peccat mortaliter; Sic peccat mortaliter, quando eam protestatur falso per facta: sicut enim peccaret mortaliter ille, qui diceret Christum non esse natum: etiam peccaret mortaliter ille, qui faceret aliquid, ex quo ostenderet, se credere Christum non esse natum.

Maiores manifestatur. Quamvis enim eadem sit fides, quam habemus de Christo, & quam Antiqui Patres habuerunt, tamen quia ipsi præcesserunt Christum, nos autem sequimur, eadem fides diuersis verbis, & factis significatur a nobis, & ab eis. Nam ab eis dicebatur: Ecce Virgo concipiet, & pariet filium, quæ sunt verba futuri temporis. Nos autem idem representamus per verba præteriti temporis dicentes, quod Virgo concepit, & peperit. Et sicut ceremonie veteris legis significabant Christum nasciturum, & passurum. Nostra sacramenta significant ipsum ut natum, & passum. Unde obseruantia legalium ceremoniarum post passionem Christi, est falsa protestatio interioris fidei, & propterea sicuti nunc peccat mortaliter, qui suam fidem protestando, diceret Christum nasciturum, quod antiqui pie, & veraciter dicebant; ita peccaret mortaliter, qui nunc ceremonias obseruaret, quas antiqui pie, & fideliter obseruabant.

Et confirmatur Conclusio, ex D. Aug. qui lib. contra Faustum cap. 16. dicit. Iam non promittitur nasciturus, passurus, resurrecturus, quod illa sacramenta quodammodo, personabant, sed annuntiat, quod natus sit, passus sit, & resurrect, quod hæc sacramenta, quæ a Christianis aguntur, personant.

Ad Argumenta.

Ad 1. Dicitur, quod circa obseruantiam legalium post passionem Christi, diuersimode sensisse videntur Hieron. & Aug.

Responsio Hieronymi.

Hieronymus enim distinxit duo tempora. Vnum tempus a natiuitate Christi, vsque ad eius passionem. Aliud tempus post eius passionem. In priori tempore legalia non erant mortua, quasi non habentia vim obligatoriam, aut expiatoriam tuo modo, nec erant mortifera, quia non peccabant, a obseruantes. In posteriori vero tempore,

scilicet post Christi passionem inceperunt esse non solum mortua, id est non habentia virtutem, & obligationem, sed etiam mortifera, ita scilicet, quod peccabant mortaliter, qui ea obseruabant. Ad formam igitur Argumenti, secundum Hieronymum, negatur antecedens. Apostoli enim secundum veritatem, nunquam obseruauerunt legalia post Christi passionem, sed solum quadam pia simulatione, ne scilicet scandalizarent Iudeos, & eorum conuersionem impedirent. Quæ quidem simulatio sic intelligenda est, non quidem, quod illos actus secundum rei veritatem non facerent, sed quia illos non faciebant tanquam legis ceremonias obseruantes. Sicut nunc si quis pelliculam virilis membri absunderet, non propter seruandam circumcisionem, sed propter sanitatem. Ad probationem antecedentis dicitur, quod Paulus circumcidit Timotheum, & se purificauit, non ut legalia seruaret, sed hac pia simulatione voluit vitare scandalum eorum, qui ex circumcisione conuertebantur.

Responsio Augustini.

Sed quia indecens videtur, ut Apostoli occultarent, propter scandalum, quæ pertinent ad veritatem vite, & doctrinæ, & quod simulatione vterentur in his, quæ pertinent ad fidelium salutem, ideo conuenientius Aug. aliter respondet. Distinguit enim Aug. tria tempora. Vnum a Natiuitate Domini, vsque ad eius passionem. Aliud post promulgationem Euangelij. & Tertium medium, quod fuit a passione Christi vsque ad promulgationem Euangelij. In priori tempore Legalia non erant mortua, nec mortifera. In secundo erant mortua, & mortifera. In tertio, id est in tempore medio, erant mortua, sed non mortifera. Erant quidem post passionem Christi vsque ad promulgationem Euangelij mortua, quia neque vim aliquam habebant, neque aliquis ea obseruare tenebatur. Non tamen erant mortifera, quia illi, qui conuersi erant ad Christum ex Iudæis, poterant illa legalia licite obseruare, dummodo non sic ponerent spem in eis, quod ea reputarent sibi necessaria ad salutem, quasi sine legalibus fides Christi iustificare non posset.

Ad formam igitur Argumenti dicitur ad Antecedens, quod Apostoli obseruauerunt legalia ante promulgationem Euangelij, tunc enim erat licitum, ut dictum est, non quidem omnibus, sed solum Iudæis conuersis, gentilibus enim conuersis, nulla inerat causa obseruandi legalia, & ideo Paulus circumcidit Timotheum, qui ex Matre Iudæa natus erat. Titum autem, qui ex gentilibus natus

natus erat, circumcidere noluit.

Quæsitum.

Sed posset quis querere, quæ fuerit ratio, ut Gentilibus conuersis statim fuerit prohibitus gentilitatis ritus, Iudæis vero conuersis permiffa fuit per aliquod tempus obseruantia Legalium.

Responsio.

Respondetur, quod ideo noluit Spiritus Sanctus ut statim inhiheretur his, qui ex Iudæis conuertebantur obseruatio Legalium, sicut inhihebatur his, qui ex gentilibus conuertebantur, gentilitatis ritus, ut quædam differentia inter hos ritus ostenderetur. Nam gentilitatis ritus repudiabatur tanquam omnino illicitus, & ideo semper prohibitus. Ritus autem legis cessabat tanquam impletus per Christi passionem, utpote a Deo in figuram Christi institutus.

Responsio Hieronymi ad 2.

Ad 2. Dicitur secundum Hieron. ad Antecedens, & ad eius probationem, quod Petrus simulatorie se a Gentilibus subtrahebat, ut vitaret Iudæorum scandalum, quorum Apostolus erat.

Augustini Responsio.

Sed Aug. hoc improbat. quia Paulus in Canonica scriptura, scilicet Gal. 2. in qua nefas est credere aliquid falsum esse, dicit, quod Petrus reprobabilis erat. Vnde verum est, quod Petrus peccauit, & Paulus vere eum, non simulatorie reprehendit. Non autem peccauit Petrus in hoc, quod Legalia ad tempus obseruauerit, quia hoc sibi hecibat tanquam ex Iudæis conuersus, sed peccabat in hoc, quod circa legalium obseruantiam nimiam diligentiam adhibebat, ne scandalizaret Iudæos, ex quo scandalizabantur gentiles.

Quorundam Responsio ad 3.

Ad 3. Quidam dixerunt ad Antecedens, quod illa prohibitio Apostolorum non est intelligenda ad litteram, sed secundum spirituale intellectum, ut scilicet in prohibitione sanguinis intelligatur prohibitio homicidij. In prohibitione suffocati, intelligatur prohibitio violentiæ, & rapinæ. In prohibitionem immolatorum intelligatur prohibitio idolatriæ. Fornicatio vero prohibetur tanquam

per se malum. Et hanc opinionem accipiunt ex quibusdam Glossis, quæ huiusmodi præcepta mystice exponunt.

Reprobatio.

Sed hæc opinio stare non potest, quia homicidium, & rapina etiam apud Gentiles reputabantur illicita, unde non oportuisset speciale mandatum dari super hoc his, qui erant ex Gentilitate conuersi ad Christum.

Aliorum Responsio.

Alij dicunt, quod ad litteram illa comestibilia fuerunt prohibita ab Apostolis, non propter obseruantiam legalium, sed propter gulam compriendam. Vnde dicit Hieron. super illud Ezech. 44. Omnem morticinum, &c. Condemnat Sacerdotes, qui in cibis, & cæteris huiusmodi, cupiditatem Gulæ non custodiunt.

Reprobatio.

Sed cum multa sint alia cibaria magis ad gulam prouocantia, non apparet ratio, quare ista fuerint magis prohibita, quam alia. Si enim hæc prohibitio sanguinis, suffocatorum, & immolatorum fuit facta ad comprimendam gulam, multo magis delicatissima cibaria debuerunt prohiberi.

Vera Sententia.

Et ideo dicendum est ad Antecedens, quod ad litteram ista sunt prohibita, non ad obseruandum caeremonias legis, sed ad hoc, ut posset coalescere vnio gentilium, & Iudæorum in simul habitantium. Iudæis enim propter antiquam consuetudinem sanguis, & suffocatum erant abominabilia. Comestio autem immolatorum simulacris poterat in Iudæis aggenerare circa gentiles suspicionem reditus ad idolatriam, & ideo ista fuerunt prohibita pro tempore illo, in quo de nouo oportebat conuenire in vnum gentiles, & Iudæos. Procedente autem tempore, cessante causa, cessat effectus, manifestata Euangelicæ doctrinæ veritate, in qua Dominus docet, quod nihil, quod per os intrat, inquinat hominem, ut dicitur Matth. 15. & quod nihil est reiiciendum, quod cum gratiarum actione percipitur, ut dicitur 1. ad Tim. 4.

- Fornicatio autem specialiter prohibetur, quia Gentiles non reputabant eam esse peccatum.

DE PRÆCEPTIS iudicialibus.

Consequenter considerandum est de præceptis Iudicialibus.

Primo Considerandum est de ipsis in communi. q. 104.

Secundo de Rationibus eorum. in q. 105.

QVÆSTIO CIV.

DE PRÆCEPTIS IUDICIALIBUS in communi.

ARTICVLVS I.

Virum Ratio præceptorum iudicialium consistat in hoc, quod sunt ordinantia ad proximum.

Pro Negativa.

Videtur, quod ratio præceptorum iudicialium non consistat in hoc, quod sunt ordinantia ad proximum.

1. Preter ea, quæ pertinent ad ordinem iudiciorum, sunt multa alia, quibus homo ordinatur ad proximum, ut sunt contractus voluntarij emptionis, &c.

Ergo Præcepta iudicialia non dicuntur, quibus homo ad proximum ordinatur.

Consequentia probatur. quia Iudicialia præcepta a iudicio dicuntur.

2. Multa præcepta moralia sunt, quibus homo ordinatur ad proximum, ut sunt præcepta secundæ tabulæ.

Ergo Præcepta iudicialia nō dicuntur ex hoc, quod ad proximum ordinant.

Consequentia probatur. quia Præcepta iudicialia a moralibus distinguuntur, ut dictum est q. 99. Art. 4.

3. Inter Præcepta cæremonialia sunt quædā, quæ pertinent ad seipsum, ut sunt obseruantie ciborum, & vestimentorum. Ergo Præcepta iudicialia non dicuntur ex hoc, quod ordinant hominem ad proximum, sed inter ea debent esse aliqua, quæ ordinant hominem ad seipsum.

Consequentia probatur. quia Sicut se habent præcepta cæremonialia ad Deum, ita se habent præcepta iudicialia ad proximum, ut dictum est quæst. 99. art. 4.

Pro Affirmativa.

Ezech. 18. Inter cætera bona opera viri iusti di-

citur, si iudicium verum fecerit inter virum, & virum. Sed Iudicialia præcepta a iudicio dicuntur. Ergo Præcepta iudicialia videntur dici illa, quæ pertinent ad ordinationem hominum.

Determinatio.

Conclusio. Ratio iudicialium præceptorum consistit in duobus. s. vt pertineant ad ordinationem hominum adinuicem, & ut non habeant vim obligandi ex sola ratione, sed ex institutione.

Manifestatur ex differentia, quæ est inter præcepta moralia, & iudicialia. Sciendum igitur, q. vt superius q. 95. art. 2. & 99. art. 4. dictū est. Præceptorum cuiuscunque legis, quædā habent vim obligandi ex ipso dictamine rationis, quia naturalis ratio dicit, hoc esse debitum fieri, vel vitari, & huiusmodi præcepta dicuntur moralia. Alia vero præcepta sunt, quæ non habent vim obligandi ex ipso dictamine rationis, quia scilicet secundum se considerata, non habent absolute rationē debiti, vel indebiti, sed habent vim obligandi ex aliqua institutione diuina, vel humana, & huiusmodi sunt determinationes moralium præceptorum. Horum autem determinationes sunt in duplici differentia. Aut enim determinantur præcepta moralia ex diuina institutione in his, per quæ ordinatur Homo ad Deum, & hæc dicuntur præcepta cæremonialia. Aut determinantur præcepta moralia in his, per quæ ordinantur homines adinuicem, & hæc dicuntur præcepta iudicialia.

In forma igitur, sic probatur Conclusio. Ratio præceptorum, quæ non habent vim obligandi ex ipso solo dictamine rationis, sed sunt determinationes moralium præceptorum, in his, quæ pertinent ad ordinationem hominum ad inuicem, consistit in his duobus. s. quod sunt ordinantia hominum ad inuicem, & etiam vt non habeant vim obligandi ex solo rationis dictamine. Sed Præcepta iudicialia sunt determinationes moralium præceptorum, in his, quæ pertinent ad ordinationem hominum ad inuicem, & non habent vim obligandi ex solo rationis dictamine. Ergo Ratio iudicialium præceptorum, in his duobus consistit.

Maiores patet. quia Præcepta, quæ habent vim obligandi ex solo rationis dictamine sunt moralia, & quæ habent vim obligandi ex diuina institutione in his, quæ pertinent ad Deum, sunt cæremonialia.

Minor etiam patet ex differentia inter cæremonialia, & iudicialia. Præcepta enim cæremonialia sunt determinationes moralium præceptorum in his, per quæ ordinatur homo in Deum. Iudicialia vero in his, per quæ ordinatur homo ad hominem.

Xxxx

Ad

Ad Argumenta.

Ad 1. Dicitur, quod nomine iudicii duo possumus intelligere. Primo, ordinationem tantummodo eorum, quæ veniunt in litigium. Secundo ordinationem non solum eorum, quæ veniunt in litigium, sed etiam omnium cōtractuū, qui voluntarie fiunt inter homines, & omnium pertinentium ad populi communitatem, & regimen. In proposito, nomine iudicialium præceptorum, non solum intelligimus illa, quæ pertinent ad lites iudiciorum, sed etiam omnia quæcūq; pertinent ad ordinationem Principis, tanquam supremi iudicis.

Ad formam igitur Argumenti, negatur antecedens. Omnia enim, quæ pertinent ad ordinationem hominum adinuicem, ad iudicialia præcepta pertinent, secundum quod nomine præceptorum iudicialium intelligitur omnia, quæ sub sunt Principum ordinationi, quæ sunt omnia pertinentia ad Populi communitatem, & regimen.

Ad 2. Dicitur, quod, ut in corpore dictum est, præcepta, per quæ homo ad homines ordinatur sunt in duplici differentia. Quædam sunt, quæ habent vim obligandi ex solo rationis dictamine, qualia sunt præcepta secundæ Tabulæ, & hæc non sunt iudicialia, sed moralia. Quædam vero sunt, quæ habent vim obligandi ex aliqua diuina, vel humana institutione, & hæc sunt præcepta iudicialia. Dicitur ergo ad Antecedens, quod Præcepta aliqua moralia ordinant quidem hominē ad proximum, sed habent vim obligandi ex dictamine rationis, & ideo distinguuntur a iudicialibus, ut dictum est.

Ad 3. Negatur consequentia. Non enim ex hoc, quod inter præcepta cæremonialia sunt aliqua ordinantia hominem ad seipsum sequitur, quod idem sit de iudicialibus, & ratio est, quia præcepta cæremonialia sunt ea, quibus homo ad Deum ordinatur, & habent vim obligandi, non ex sola ratione fide informata, ut sunt præcepta moralia, quibus homo ad Deum ordinatur, ut est præceptum de colendo Deum; sed ex diuina institutione, ut sunt præcepta de offerendis sacrificijs. Et quia homines ordinantur in Deum sicut in finem, ideo ad Deum non solum pertinent sacrificia oblata, sed etiam idoneitas ministrorum offerentium, & Deum colentium, & propter hoc, inter cæremonialia, non solum computantur sacrificia, quæ Deo offeruntur, sed etiam idoneitas offerentium, ad quam pertinebant abstinentiæ ciborum. Inter præcepta autem iudicialia non sunt aliqua, quæ ordinent hominem ad seipsum, quia homo non ordinatur ad alium

sicut in finem, ideo non oportet, ut disponatur in seipso, sed omnia, quæ disponunt hominem in seipso, præter ea, quæ pertinent ad cæremonialia, sunt moralia: quia ratio, quæ est principium moralium, se habet in homine respectu eorum, quæ ad ipsum pertinent, sicut Princeps, vel Iudex in Ciuitate.

Ad quæsitum responsio.

Sed posset quis quærere, Quare in lege sunt plura præcepta cæremonialia, quam iudicialia?

Respondetur, quod præcepta cæremonialia sunt determinatiua præceptorum decalogi ordinantium hominem in Deum, scilicet præceptorū primæ tabulæ, & Præcepta iudicialia sunt determinatiua præceptorum decalogi, quæ ordinant hominem ad hominem, id est præceptorum secundæ tabulæ. Præcepta autem decalogi, ordinantia hominem in Deum sunt pauciora, quam quæ ordinant hominem ad alium hominem, & hoc, quia ordo hominis in Deum minus subest rationi, quam ordo hominis ad proximum: propter hoc enim ratio potuit adinuicem plura præcepta decalogi ordinantia ad proximum, quam ordinantia ad Deum. Quia igitur præcepta decalogi ordinantia ad Deum sunt pauciora, quam quæ ordinantia multa præcepta cæremonialia ad explicanda, & determinanda præcepta, quibus homo in Deum ordinatur. Quia vero in decalogo sunt plura præcepta ordinantia hominem ad proximum, pauciora præcepta fuerunt necessaria ad eorum determinationem. Necessaria igitur fuerunt multa cæremonialia, quia pauca erant præcepta in decalogo, quæ ordinarent hominem in Deum; & pauciora iudicialia, quia in decalogo ponuntur multa ordinantia hominem ad proximum.

ARTICVLVS II.

Vtrum Præcepta iudicialia aliquid figurent.

Pro Negatiua.

Videtur, quod Præcepta iudicialia non figurent aliquid.

1. Si præcepta iudicialia aliquid figurent, sequeretur quod nulla esset differentia inter moralia, & iudicialia.

Consequentia probatur. quia hoc videtur esse proprium cæremonialium præceptorum, ut sint in figuram alicuius rei instituta.

2. Iudi-

2. Iudicialia præcepta aliorum populorū non figurant aliquid, sed solum ordinant quid fieri debeat.

Ergo Videtur, quod neque præcepta veteris legis aliquid figurent.

Consequentia probatur. quia Sicut populo Iudæorum data sunt aliqua iudicialia præcepta, ita etiam alijs populis Gentilium.

3. Ea, quæ sunt figuralia, excedunt rationem nostram. Sed Præcepta iudicialia non excedunt rationem nostram. Ergo Præcepta iudicialia non sunt figuralia.

Maior probatur. quia Ideo ea, quæ ad cultum diuinum pertinent figuralia sunt, & quibusdam figuris tradi oportuit, quia ea, quæ Dei sunt, excedunt rationem nostram.

Maior probatur. quia Ea, quæ sunt proximum, ad quæ ordinanda, ordinantur præcepta iudicialia, non excedunt rationem nostram.

Pro Affirmatiua.

Exod. 21. Iudicialia præcepta allegorice, & moraliter exponuntur.

Determinatio.

Distinctio. Aliquod præceptum esse figurale, contingit dupliciter. Vno modo, Primo & per se, quia scilicet principaliter est institutum ad aliquid figurandum. Alio modo ex Consequenti.

1. Conclusio. Præcepta iudicialia non sunt figuralia primo, & per se.

Probat. Quia hoc modo præcepta caeremonialia sunt figuralia, quia ad hoc sunt instituta, vt aliquid figurent pertinens ad cultum Dei, & ad mysterium Christi, & in forma probatur Conclusio. Primo Argumento pro negatiua inducto.

2. Conclusio. Præcepta iudicialia sunt figuratiua ex consequenti.

Manifestatur. quia Præcepta iudicialia nō sunt primo & per se instituta ad aliquid figurandum, sed ad ordinandum statum illius populi secundum iustitiam, & æquitatem, sed tamen in quantum totus status illius populi, qui per huiusmodi præcepta disponebatur, figuralis erat, secundum illud 1. Corin. 10. Omnia in figuram continebantur illis, ipsa iudicialia præcepta figuralia ex consequenti dici poterant.

Ad Argumenta.

Ad 1. Negatur consequentia. Ad Probationem

nem dicitur, quod figurare aliquid primo, & per se est proprium caeremonialium, tamen ex consequenti aliquid figurare, potest etiam præceptis iudicialibus convenire, salua distinctione a moralibus.

Ad 2. Negatur consequentia. ad Probationem dicitur, quod non est eadem ratio de populo Iudæorum, & de alijs populis. Populus enim Iudæorum ad hoc electus erat a Deo, quod ex eo Christus nasceretur, & ideo oportuit, totum illius populi statum esse propheticum, & figuralem, vt Aug. dicit lib. 22. cap. 24. Contra faustum, & propter hoc etiam iudicialia illi populo tradita, sicut etiam bella, & gesta illius populi, exponuntur mystice: non autem bella, vel gesta Assyriorum, vel Romanorum, quamuis longe clariora secundum homines fuerint.

Ad 3. Dicitur ad minorem, & ad eius Probationem quod Ordo ad proximum in populo illo, secundum se consideratus peruius erat rōni: sed secundum quod referebatur ad cultum Dei superabat rationem, & ex hac parte erat figuralis.

ARTICVLVS III.

Vtrum Præcepta iudicialia veteris legis perpetuam obligationem habeant.

Pro Affirmatiua.

Videtur, quod præcepta iudicialia veteris legis perpetuam obligationem habeant.

1. Præcepta pertinentia ad virtutem iustitiæ habent perpetuam obligationem. Sed Præcepta iudicialia pertinent ad virtutem iustitiæ.

Ergo Præcepta iudicialia habent perpetuam obligationem.

Maior probatur. quia Iustitia est perpetua, & immortalis, vt dicitur Sap. cap. 1.

Minor probatur. quia Iudicium dicitur iustitiæ executio.

2. Præcepta iudicialia humanarum legum habent perpetuam obligationem.

Ergo Multo magis præcepta iudicialia legis diuinæ.

Consequentia probatur. quia Institutio diuina est stabilior, quam institutio humana.

3. Præcepta, quæ semper sunt vtilia, & efficacia ad id, ad quod ordinantur, habent perpetuam obligationem. Sed Præcepta iudicialia veteris legis semper sunt vtilia, et efficacia ad id, ad quod ordinantur. scilicet ad iustitiam, & ad æquitatem inter homines constituendam.

Xxxx 2 Ergo

Ergo Præcepta iudicialia antiquæ legis non reprobantur, sed adhuc efficaciam habent.

Maiores probatur, quia dicitur Heb. 7., quod reprobatio sit præcedentis mandati propter infirmitatem ipsius, & inutilitatem, quod quidem verum est de mandato cæremoniali, quod non potest perfectum facere iuxta conscientiam seruientem, solummodo in cibis, & in potibus, ut dicitur Heb. 9.

Pro Negativa.

Sacerdotium veteris legis est translatum ab Aaron ad Christum.

Ergo Etiam tota lex translata est.

Consequentia probatur, quia Translato sacerdotio necesse est ut legis translatio fiat, ut Apostolus dicit. Heb. 7.

Determinatio.

Conclusio. Præcepta iudicialia non habuerunt perpetuam obligationem, sed sunt euacuata per aduentum Christi, aliter tamen quam cæremonialia.

Hæc conclusio, quo ad priorem partem scilicet quod præcepta iudicialia non habuerint perpetuam obligationem, sed sint euacuata, reliquitur probata ex Argumento pro negativa inducto.

Quo vero ad secundam partem scilicet quod iudicialia fuerint euacuata aliter quam præcepta cæremonialia, prius declaratur, deinde probatur.

Declaratur inquam. Nam cæremonialia a Deo per aduentum Christi sunt euacuata, ut non solum sint mortua, sed etiam mortifera obseruantibus post Christum, maxime post Euangelium diuulgatum. Præcepta autem iudicialia, sunt quidem mortua, quia non habent vim obligandi, non tamen sunt mortifera. Quia si quis Princeps ordinaret in regno suo, illa iudicialia obseruari, non peccaret. Nisi forte hoc modo obseruaretur, vel obseruari mandarentur, tanquam habentia vim obligatiuam ex institutione veteris legis: talis enim intentio obseruandi esset mortifera.

Differentia igitur inter euacuationem præceptorum moralium, & iudicialium veteris legis faciam per aduentum Christi consistit in istibus.

Primo, Præcepta cæremonialia post publicationem Euangelij non solum non habent vim

aliquam obligandi, sed peccarent mortaliter obseruantes, cuicumque modo seruarentur.

Secundo Præcepta iudicialia post publicationem Euangelij non habent vim obligandi, & peccarent mortaliter obseruantes, si ea obseruarent, quasi habentia vim ex institutione antiquæ legis.

Tertio Præcepta iudicialia secundum se, in quantum ordinantur ad aliquid faciendum, possunt etiam in lege noua sine peccato obseruari.

Quæ sigillatim probantur, & primo sic. Præcepta, quæ primo, & per se, & principaliter fuerunt instituta ad figurandum Christi Mysteria, ut futura, nullo modo sunt obseruanda in lege noua. Sed Præcepta cæremonialia fuerunt primo, per se, & principaliter instituta ad figurandum Christi mysteria, ut futura.

Ergo Præcepta cæremonialia antiquæ legis nullo modo sunt seruanda in lege noua.

Maiores probatur, quia Obseruatio horum Preceptorum præiudicat veritati fidei, secundum quam confitemur illa mysteria iam esse completa.

Secundum habet duas partes. Prior est, quod præcepta iudicialia non habeant vim obligandi in lege noua, & hæc ostenditur, quia Præcepta iudicialia sunt instituta ad disponendum statum illius populi, qui ordinabatur ad Christum, & ideo mutato statu illius populi, Christo iam veniente iudicialia præcepta obligationem amiserunt. Lex enim fuit pedagogus ducens ad Christum, ut dicitur Gal. 3.

Altera pars est, quod obseruantes præcepta iudicialia antiquæ legis, tanquam habentia vim obligandi ex antiqua legis institutione peccarent mortaliter.

Et hæc probatur, quia Talis obseruatio præiudicaret veritati fidei nostræ. Quia per hoc haberetur, quod status prioris populi adhuc duraret, & quod Christus nondum venisset.

Tertium prob. quia Cum præcepta iudicialia non sint primo instituta ad figurandum mysteria Christi, sed ad aliquid faciendum, ipsa eorum obseruatio absolute non præiudicat fidei veritati, & ideo absque peccato seruari possunt, dummodo non seruarentur, quasi habentia aliquam vim ex institutione antiquæ legis: Et propterea si aliquis Princeps ordinaret ea seruanda pro bono regimine suorum subditorum, non peccaret.

Ad Argumenta.

Ad 1. Negatur maior. Ad prob. dicitur, quod iustitia quidem perpetuo est observanda, sed determinatio eorum, quæ sunt iusta secundum institutionem humanam, vel divinam, oportet, quod varietur secundum diversum hominum statum.

Ad 2. Dicitur ad antecedens, quod Præcepta iudicialia ab hominibus instituta habent perpetuam obligationem, manente illo statu regiminis: sed si ciuitas, vel gens ad aliud regimen deueniat oportet leges mutari, non enim eadem leges conueniunt in Democratia, quæ est potestas populi, & in Oligarchia, quæ est potestas diuitum, ut patet per Philos. in sua politica 1. 3. c. 5. Et ideo mutato etiam statu illius populi, oportuit præcepta iudicialia mutari.

Ad 3. Dicitur ad minorem, quod illa Præcepta iudicialia disponebant populum ad iustitiam, & equitatem, secundum quod conueniebat illi statui: sed post Christum, statum illius populi oportuit mutari, ut iam in Christo non esset discretio Gentilis, & Iudei, sicuti antea erat, & propter hoc, oportuit etiam præcepta iudicialia mutari.

ARTICVLVS IV.

Vtrum præcepta iudicialia habeant aliquam certam diuisionem.

Pro Negatiua.

Videtur, quod Præcepta iudicialia non possint habere aliquam certam diuisionem.

1. Præcepta, quæ ordinant homines ad inuicem, nõ habent aliquam diuisionem certam. Sed Præcepta iudicialia ordinant homines ad inuicem. Ergo Præcepta iudicialia non habent aliquam certam diuisionem.

Mayor prob. quia Ea, quæ inter homines ordinari oportet, in vsum eorum venientia, cum sint infinita, non cadunt sub aliqua certa diuisione.

2. Præcepta determinatiua moralium præceptorum non habent aliquam certam diuisionem. Sed Præcepta iudicialia sunt determinationes quædam moralium præceptorum.

Ergo Præcepta iudicialia non habent aliquam certam distinctionem.

Mayor probatur. quia Moralia præcepta non videntur habere aliquam certam diuisionem, nisi secundum quod reducuntur ad præcepta decalogi.

3. Præcepta legis, quæ habent aliquam certam distinctionem, eorum distinctio in lege innuitur. Sed Iudicialium præceptorum nulla diuisio in lege innuitur.

Ergo Iudicialia præcepta non habent aliquam certam diuisionem.

Mayor probatur. nam Præcepta caeremonialia, quia habent certam diuisionem, eorum diuisio innuitur in lege, dum quædam vocantur sacrificia, & quædam obseruantia.

Pro Affirmatiua.

Vbi est ordo, oportet ut sit distinctio. Sed Ad præcepta iudicialia maxime pertinet ratio ordinis. Ergo Præcepta iudicialia maxime debent habere certam distinctionem, & diuisionem.

Minor prob. quia Per præcepta iudicialia populus ille ordinabatur.

Determinatio.

1. Conclusio. Præcepta iudicialia antiquæ legis habent aliquam certam diuisionem.

Prob. In qualibet arte est certa distinctio regularum artis. Sed Lex est quædam ars humanæ vitæ instituendæ, vel ordinandæ: cum regulæ sunt ipsa præcepta.

Ergo Præcepta iudicialia legis habent quandam certam diuisionem.

Et confirmatur. Quia aliter ipsa confusio vtilitatem legis auferret.

2. Conclusio. Præcepta iudicialia antiquæ legis diuiduntur conuenienter in quatuor partes, quarum, Prima pertinet ad Principes Secunda, ad Concives, Tertia ad Domesticos, Quarta ad extraneos.

Prob. Quot sunt ordines, qui in vno aliquo populo inueniri possunt, tot sunt partes iudicialium præceptorum legis, per quæ populus ordinatur. Sed Quatuor sunt ordines, qui in vno aliquo populo inueniri possunt. Ergo Quatuor sunt etiam ordines siue partes iudicialium præceptorum.

Mayor prob. quia Præcepta veteris legis, cum essent, per quæ homines ad inuicem ordinabatur, habent distinctionem secundum distinctionem ordinationis humanæ.

Minor simul cu Conclusionem manifestatur. Pro quo est sciendū, quod quadruplex ordo in aliquo populo inueniri potest. Vnus quidem Principum populi ad subditos. Alius aut subditorum ad inuicem. Tertius aut eorum, qui sunt de populo ad extraneos. Quartus vero ad Domesticos, sicut Patris ad filium, Vxor ad virum, & Dñi ad seruum. Et finis

hos quatuor ordines distingui possunt præcepta iudicialia veteris legis.

Dantur enim quædam præcepta de institutione Principum, & officio eorum, & de reuerentia eis exhibenda. Et hæc est vna pars iudicialium præceptorum.

Dantur, secundo quædam præcepta pertinentia ad concius ad iniucem, puta circa emptiones, & venditiones, & iudicia, & pœnas. Et hæc est secunda pars iudicialium præceptorum.

Dantur etiam quædam præcepta pertinentia ad extraneos, puta de bellis contra hostes, & de susceptione peregrinorum, & aduenarum. Et hæc est tertia pars iudicialium præceptorum.

Dantur tandem in lege quædam præcepta pertinentia ad domesticam conuersationem, sicut de seruis, vxoribus, & filiis. Et hæc est quarta pars iudicialium præceptorum.

Ad Argumenta.

Ad 1. Negatur maior. Ad prob. dicitur, quod ea, quæ pertinent ad ordinationem hominum ad iniucem, licet sint numero infinita, tamen reduci possunt ad aliqua certa, secundum differentiam ordinationis humanæ, vt in corpore dictum est.

Ad 2. Negatur maior. Ad prob. dicitur, quod non est eadem ratio de præceptis moralibus, & iudicialibus. Præcepta enim moralia habent obligationem ex ratione naturali, & quia inter hæc, præcepta decalogi primatum tenet, vt dictum est quæst. 100. art. 3. Ideo cætera moralia ad præcepta decalogi reducuntur, & secundum ea distinctionem habent, vt ibi dictum est. Præcepta vero iudicialia, licet determinationes sint quædam præceptorum moralium, tamen habent obligationem non ex solo dictamine rationis, sed ex institutione diuina, & ideo distinctionis eorum est alia ratio, quæ in corpore est assignata.

Ad 3. Negatur minor. Nam ex ipsis rebus, quæ per præcepta iudicialia ordinantur in lege, innuit lex distinctionem iudicialium præceptorum.

QVÆSTIO CV.

DE RATIONE IUDICIALIUM

Præceptorum.

ARTICVLVS I.

Vtrum Conuenienter lex vetus de principibus ordinauerit.

Pro Negativa.

VIdetur, quod inconuenienter lex vetus de principibus ordinauerit.

1. In lege non inuenitur quomodo debeat institui supremus princeps, sed solum inuenitur in ea de principibus inferioribus. Ergo Lex vetus insufficienter principes populi ordinauit.

Conseq. prob. quia Ordinatio populi præcipue dependet ex maximo principatu.

Antecedens, quo ad priorem partem manifestum est, quoad secundâ vero prob. quia De inferioribus principibus dicitur. Exodi 18. Provide de omni plebe viros sapientes, &c. & Num. 11. Congrega mihi septuaginta viros de senioribus Israël. Et Deut. 1. Date ex vobis viros sapientes, & gnatos, &c.

2. Optima ordinatio ciuitatis, vel populi cuiuscunque est, vt gubernetur per Regem. Ergo Lex debuit Regem populo instituire, & non permittere hoc eorum arbitrio, sicut permittitur Deo.

17. Cum dixeris constituam super me Regem, constitues, &c.

Antec. prob. quia Regem repræsentat maxime diuinum regimen, quo vnus Deus mundum à principio gubernat.

Conseq. prob. quia Optimi est optima adducere, vt Plato dicit.

3. Diuisio regni est destructionis causa. Ergo Debit prohiberi in lege diuisio regni in duos Reges, nec debuit hoc autoritate diuina introduci sicut legitur introductum autoritate Domini per Ahiam syoniticm Prophetam 3. Regum capit. 11.

Antec. prob. Tum autoritate Domini Matth. 12. dicentis omne regnum in seipsum diuisum desolabitur. Tum experimento populi Iudeorum in quo diuisio regni fuit destructionis causa.

Conseq. prob. quia Lex præcipue debet introducere ea, quæ pertinent ad communem salutem Populi.

4. Sacerdotibus, & senitis, qui sunt in lege, deputantur aliqua, ex quibus viuere debeant, sicut decimæ, primitiæ, & multa alia huiusmodi. Ergo Et principibus populi debuerunt aliqua ordinari, vnde sustentarentur, & præcipue cum eis sit inhibita munus acceptio, vt patet Exod. 23. Non accipietis munera, quæ excitant etiam prudentes, & subuertunt verba iustorum.

Conseq. prob. quia Sicut sacerdotes instituuntur ad utilitatem populi in his, quæ ad Deum pertinent, vt patet Hebr. 5. ita Principes instituuntur ad utilitatem populi in rebus humanis.

5. Dominus instituendo Regem, instituit ius tyrannicum.

Ergo Inconuenienter fuit promissum per legem circa principum ordinationem.

Antecedens prob. quia. 1. Reg. 3. dicitur. Hoc

cris

erit ius regis, qui imperaturus est in vobis, filios vestros tollet, &c.

Conseq. prob. quia Sicut Regnum est optimum regimen, ita Tyrannis est pessima corruptio regiminis.

Pro Affirmatiua.

Populus israel de plenitudine ordinationis commendatur. Ergo Per legem populus ille fuit circa principes bene institutus.

Antec. prob. nam Num. 24. dicitur, Quam pulcra sunt tabernacula tua iacob, & tentoria tua israel.

Conseq. prob. quia Pulcritudo ordinationis populi dependet ex principibus bene institutis.

Determinatio.

Conclusio. Ordinatio principum, quam lex instituit, fuit optima.

Prob. Ordinatio principum in aliqua ciuitate, vel regno, in qua vnus præficitur secundum virtutem, qui omnibus præsit, & sub ipso sunt aliqui principantes secundum virtutem, qui ex omnibus de plebe eligi possint, & ad omnes de plebe conueniat eorum electio, est optima. Sed Ordinatio, quam lex vetus in populo Hebreorum instituit, fuit, vt vnus præficeretur secundum virtutem, & sub ipso aliqui principarentur secundum virtutem, qui eligerentur de populo, & quorum electio ad omnes pertineret. Ergo Ordinatio, quam lex vetus de principibus instituit, est optima.

Maiores manifestatur primo, deinde probatur. Sciendum enim, quod circa bonam ordinationem principum in aliqua ciuitate, vel gente, duo sunt attendenda. Quorum vnum est, vt omnes aliquam partem habeant in principatu. Aliud est, vt talis ordinatio sit secundum optimam speciem regiminis. Sunt enim diuersæ species regiminis, vel principatus, vt dicitur 3. Polit. cap. 4. inter quas præcipue est regnum, in quo vnus principatur secundum virtutem, & Aristocratia, idest potestas optimorum, in qua aliqui pauci principantur secundum virtutem. Optima igitur principum ordinatio est, vt vnus præsit omnibus, & sub ipso alij præ sint secundum virtutem cæteris de populo, & quod electio horum pertineat ad populum, & principantes de populo eligantur, est enim hæc Politia bene commixta ex regno, in quantum vnus omnibus præficitur, & ex aristocratia, in quantum sub rege alij principantur secundum virtutem, & ex democratia, idest potestate populi, in quantum ex popularibus possunt eligi principes, & ad populum pertinet eorum electio.

Prob. maior. quia Per hoc conseruatur pax populi, & omnes talem ordinationem amant, & custodiunt vt dicitur 2. Polit.

Minor probatur. quia Moyses, & eius successores gubernabant populum, quasi singulariter omnibus principantes, quod est quædam species regni. Eligebantur autem septuaginta duo seniores secundum virtutem, dicitur enim Deut. 1. Tuli de vestris tribubus viros sapientes, & nobiles, & constitui eos principes, & hoc erat aristocraticum. Isti autem de omni populo eligebantur, dicitur enim Exod. 18. Prouide de omni plebe viros sapientes &c. & populus eos eligebat, Vnde dicitur Deut. 1. Date ex vobis viros sapientes, &c. quod pertinet ad democraticum. Vnde ordinatio circa principes in lege fuit optima.

Ad Argumenta.

Ad 1. Negatur conseq. Et ratio est, quia populus ille sub speciali Dei cura regebatur, vnde dicitur Deut. 7. Te elegit dominus Deus tuus, vt sis ei populus peculiaris, & ideo institutionem summi Principis dominus sibi reuerauit, & hoc est, quod Moyses petiuit Num. 27. Prouideat dominus Deus spirituum omnis carnis hominem, qui sit super multitudinem hanc, & sic ex Dei ordinatione institutus est Iosue in principatu post Moysen, & de singulis iudicibus, qui post Iosue fuerunt, legitur, quod Deus suscitauit populo saluatorem, & quod spiritus Domini fuit in eis, vt pater Iudi. 2. & ideo etiam electionem regis non commisit Dominus populo, sed sibi reseruauit, vt patet Deut. 17.

Ad probationem igitur consequentiæ dicitur, quod ordinatio populi dependet quidem a maximo principatu, de quo Deus ipse iudaico populo prouidebat.

Ad 2. Dicitur dupliciter. Primo ad antecedens, quod Regnum est quidem optimum regimen populi, sed propter magnam potestatem, quæ Regi conceditur, de facili degenerat in Tyrannidem, nisi sit perfecta virtus eius, cui talis potestas conceditur. Quia non est nisi virtuosus, bene ferre bonas fortunas, vt Philo. dicit 10. Ethic. Et quia perfecta virtus in paucis inuenitur, & præcipue in iudeis, qui crudeles erant, & ad auaritiam proni, per quæ vitia, maxime homines in Tyrannidem decidunt, ideo à principio dominus eis regem non instituit cum plena potestate: sed iudicem, & gubernatorem in eorum custodiam. Sed postea regem ad petitionem populi quasi indignatus concessit, vt pater per hoc, quod dicit ad

Samuellem 1. Reg. Cap. 3. Non se abiecerunt sed me, ne regnum super eos.

Dicitur secundo, Concedendo consequentiam, & inde totū argumentum. In lege enim veteri dominus instituit à principio circa regem instituendum. Circa quem quinque determinauit, duo circa electionem, & tria circa ipsum regem electum. Circa modum eligendi duo determinauit, primum, quod in eius electione expectarent iudicium domini, secundum, vt non facerent regem alterius gentis, quia tales reges solent parum affici ad gentem, cui praeficiuntur, & per consequens parum curare de eis. Circa reges iam electos, primo ordinauit qualiter deberent se habere ad seiplos, vt scilicet non multiplicarent curas, & equos, neque uxores, neque immensas diuitias, quia ex horum cupiditate principes in Tyrannidem declinant, & iustitiam derelinquunt. Instituit secundo, qualiter deberent se habere ad Deum, vt scilicet semper legerent, & cogitarent de lege Dei, & semper essent in Dei timore, & obedientia. Instituit tertio qualiter se habere deberent ad subditos suos, vt scilicet non superbe eos contemnerent, aut opprimerent, neque etiam a iustitia declinarent, quae omnia patent Deut. 17.

Ad 3. Dicitur ad consequens, quod diuisio regni, & multitudo regum magis est populo illi data in penam pro multis dissensionibus eorum, quas maxime contra regem Dauid iustum mouerant, quam ad eorum profectum. Vnde dicitur Osee 13. Dabo tibi regem in furore meo. Et Osee 8. Ipsi regnauerunt, & non ex me, principes extiterunt, & non cognoui.

Ad 4. Negatur conseq. Non enim est eadem ratio de sacerdotibus, & regibus: sacerdotibus enim per successionem originis sacris deputabantur, & hoc ideo, vt in maiori reuerentia haberentur, si non quilibet ex populo posset sacerdos fieri, quorum honor debebat in reuerentiam diuini cultus, & ideo oportuit, vt eis spiritualia quaedam deputarentur, tam in decimis, quam in primicijs, etiam etiam in oblationibus, & sacrificijs, ex quibus viverent. Sed principes, sicut dictum est, alimbebantur ex toto populo, & ideo habebant certas possessiones proprias, ex quibus vivere poterant, & praecipue cum dominus prohiberet etiam in lege, ne superabundarent diuitijs, aut magnifico apparatu. Tum quia non erat facile, quin ex his in superbia, & tyrannidem erigerentur. Tum etiam quia si principes non erant multum diuites, & erat laboriosus principatus, & solitudine plenus, non multum affectabatur a popularibus, & sic tollebatur seditionis materia.

Ad 5. Dicitur ad antecedens, quod illud ius non debeatur regi ex institutione diuina, sed magis praenunciatur usurpato regum, qui sibi ius iniquum constituunt, in tyrannidem degenerantes, & subditos depredantes. Et hoc patet, per hoc quod in fine subdit. Vosque eritis ei serui, quod pertinet ad tyrannidem, quia tyranni suis subditis principantur vt seruis. Vnde hoc dicebat Samuel, ad tenendum eos, ne regem peterent, sequitur enim. Noluit autem audire populus vocem Samulis.

Dicitur secundo, negando antecedens, ad Prob. dicitur posse contingere, quod bonus rex absque tyrannide filios tollat, & constituat tribunos, & centuriones, & multa accipiat a subditis suis, propter commune bonum procurandum.

ARTICVLVS II.

Vtrum conuenienter tradita fuerint praecepta iudicialia quantum ad popularium conuictum.

Pro Negatiua.

V. Idetur, quod inconuenienter tradita fuerint praecepta iudicialia quantum ad popularium conuictum.

1. Lex inducens, vt vnus accipiat ea, quae sunt alterius, non conuenienter tradit praecepta pertinentia ad popularium conuictum. Sed Lex vetus inducit, vt vnus accipiat ea, quae sunt alterius. Ergo Lex vetus non conuenienter tradit praecepta pertinentia ad popularium conuictum.

Major prob. quia Non possunt homines pacifice viuere ad inuicem, si vnus accipiat ea, quae sunt alterius.

Minor prob. quia Deut. 23. dicitur, Ingressus vineam proximi tui, comedere viuas quantum tibi placuerit.

2. Lex permittens, vt possessiones ad mulieres perueniant, non conuenienter prouidet saluti populi. Sed Lex vetus introduxit, vt possessiones ad mulieres peruenirent. Ergo Lex vetus non conuenienter prouidet saluti populi.

Major prob. quia Ex hoc maxime multae ciuitates, & regna destruantur, quod possessiones ad mulieres perueniant, vt dicitur 2. Politic. c. 7.

Minor prob. quia Num. 27. Homo cum mortuus fuerit absque filiis, ad filiam eius transibit hereditas.

3. Lex auferens virtutem venditionis, non conuenienter prouidet conseruationi societatis hominum. Sed Lex vetus abstulit virtutem venditionis.

Ergo

Ergo Lex vetus non conuenienter prouidit cōuersioni societatis hominum.

Maior prob. quia Societas hominum maxime conseruatur per hoc, quod homines emendo, & vendendo sibi inuicem res suas commutant, quibus indigent, vt dicitur 1. Polit. c. 7.

Minor prob. quia Lex mandauit, quod possessio vendita reuerteretur ad venditorem in quinquagesimo anno Iubilei, vt patet Leuit. 25.

4. Lex auferens ab hominibus promptitudinem ad mutuum concedendum, inconuenienter prouidit necessitati, & utilitati populi. Sed Lex vetus abstulit promptitudinē ad mutuandū. Ergo Lex vetus nō conuenienter prouidit necessitati populi.

Maior prob. quia Necessitatibus populi maxime expedit, vt homines sint prompti ad mutuum concedendum.

Minor prob. Lex ordinans, vt creditores accepta mutuo non reddant, tollit promptitudinem ad mutuandum. Sed Lex vetus ordinat, vt accepta mutuo, non reddantur. Ergo Lex vetus auferit promptitudinem ad mutuandum.

Maior huius prob. quia Eccl. 29. dicitur, multi non causa nequitie non sunt scelerati, sed fraudari gratis timuerunt.

Minor huius prob. Primo. quia Lex mandauit Deut. 5. Qui debetur aliquid ab amico, vel proximo ac fratre suo repetere non poterit, quia annus remissionis est domini.

Secundo, quia aufertur ei securitas, quæ habetur per pignus. Dicitur. n. Deut. 24. Cum repetes a proximo tuo rem aliquam, quam debet tibi, nō ingredieris domum eius, vt pignus auferas. Et iterum. Non pernoctabit apud te pignus, sed statim reddes ei.

5. Lex, quæ paruam cautelam adhibet, ne deposita defraudetur, inconuenienter prouidet popularium conuictui. Sed Lex vetus paruam cautelam adhibet, ne deposita defraudentur. Ergo Lex vetus inconuenienter prouidet conuictui popularium.

Maior prob. quia Cum ex defraudatione depositi maximum periculum imminet, maxima est circa depositorum conseruationem cautela adhibenda. Vnde 2. Mac. 3. dicitur, quod sacerdotes inuocabant eum de cælo, qui de depositis legem posuit, vt his, qui deposuerant ea, salua custodirent.

Minor prob. quia Exod. 22. dicitur, quod in amissione depositi statim iuramento eius, apud quem fuit depositum.

6. Non est necessarium, vt cōductor domus, vel alicuius huiusmodi alterius rei statim exhibeat locanti prenum. Ergo Nimis duorum fuit, q̄ p̄cipitur

Leuit. 19. Non morabitur opus mercenarij tui a, pud te vsque mane.

Conseq. prob. quia Sicut mercenarius locat operas suas, ita etiam aliqui locant domum, vel aliquid huiusmodi.

7. Accessus ad iudicem debet esse facilis. Ergo Inconuenienter statuit Lex Deut. 17. vt irent ad vnum locum expetiri iudicium de suis dubijs.

Anteced. prob. quia Iudiciorum necessitas frequenter imminet.

8. Possibile est non solum duos, sed etiam tres, vel plures concordare ad mentiendum. Ergo Inconuenienter dicitur Deuter. 19. in ore duorum, vel trium testium stabit omne verbum.

9. Lex, quæ æqualib. delictis statuit inæquales pœnas, & pro paruis delictis graues pœnas iussit, non conuenienter tradit iudicialia præcepta ad popularium cōuictum necessaria. Sed Lex vetus pro æqualib. delictis inæquales statuit pœnas, & pro paruis delictis graues pœnas inseret. Ergo Lex vetus non conuenienter tradit iudicialia præcepta ad popularium conuictum necessaria.

Maior prob. quia pœna debet taxari secundū quantitatem culpæ. Vnde dicitur Deuter. 25. Pro mensura delicti erit & plagarum modus.

Minor prob. quo ad primā partē, quia Exo. 22. dī, quod restituet fur quinque boues pro vno boue, & quatuor oues pro vna oue. Quo ad aliā partē prob. quia Num. 15. Lapidatus est, qui colligebat ligna in sabbato. Filius etiam proterus propter parua delicta, quia. s. comessationibus vacabat, & conuiuijs, mandatur lapidari Deut. 21.

10. Lex vetus nō infligit pro aliquo delicto pœnas exilij, & seruitutis. Ergo Lex vetus insufficienter ordinat de legalibus pœnis.

Conseq. prob. quia Tullius, referente Aug. 21. de Ciui. Dei c. 11. octo genera pœnarum in legibus scribit, quæ sunt Damna, Vincula, Verbera, Tallio, Ignominia, Exiliū, Mors, & Seruitus. Harū pœnarū sex solummodo infert lex vetus. Dānum quidē, cū condēnabatur fur ad quintū, vel ad quadruplū, sicuti Exo. 22. dī, q̄ fur restituet quinque boues pro vno boue. Vincula vero, sicuti Num. 15. mandatur de quodā, quod in carcerē includatur. Verbera vero, sicuti Deut. 25. Si eū, qui peccauit, dignū viderint plagis, prosternēt, & corā se faciēt verberari. Ignominia ē inferebat illi, qui nolebat accipere vxorē fratris sui defuncti, q̄ tollebat calciamētū, & expuebat in faciē illius. Mortē ē inferebat, vt patet Leu. 20. qui maledixerit patri suo, vel matri, morte moriatur. Penā ē tallionis lex induxit, dicēs, oculū pro oculo, dentē pro dente, de alijs autē duob. Exilio, & seruitute nullā facit mentionē, igitur est insufficientis circa inflectionē pœnarū.

Yyyy

11. Lex

11. Lex, quæ infert pœnas brutis animalibus, non conuenienter tradit iudicialia præcepta ad conuictum hominum necessaria. Sed Lex vetus infert pœnas brutis animalibus. Ergo Lex vetus inconuenienter tradit præcepta iudicialia necessaria ad conuictum hominum.

Maiores prob. quia Pœna non infertur nisi pro culpa. Sed Bruta non possunt habere culpam. Ergo Inconuenienter eis infligitur pœna aliqua.

Minor prob. quia Exod. 21. præcipitur, ut bos, qui occiderit virum, aut mulierem, lapidibus obruatur. Et Leuit. 20. dicitur, quod mulier, quæ succubuerit cuilibet iumento, simul interficiatur cum eo.

12. Lex ordinans, ut pro morte hominis bruta interficiantur, non conuenienter tradit iudicialia præcepta ad conuictum necessaria. Sed Lex vetus mandat, ut pro morte hominis bruta interficiantur. Ergo Lex vetus inconuenienter tradit iudicialia præcepta.

Maiores prob. dupliciter. Primo. quia Homicidium morte hominis, qui ipsum commisit, debet puniri, ut mandatur Exod. 21.

Secundo. quia Mors bruti animalis multo minus reputatur, quam occisio hominis.

Minor prob. quia Deut. 21. dicitur, quod quando inuentum fuerit cadaver occisi hominis, & ignorabitur cedis reus, seniores propinquiore civitatis tollent vitulum de armento, quæ non traxit iugum, nec terram scidit vomere, & ducent eam ad vallem asperam, atque saxosam, quæ nunquam arata est, nec sementa recepit, & cadent in ea ceruices vitulæ.

Pro Affirmatiua.

Pro singulari beneficio exhibito a Deo Israelitico populo commemoratur in Psal. 147. Non fecit taliter omni nationi, & iudicia sua non manifestauit eis.

Determinatio.

Conclusio. Lex vetus sufficienter per iudicialia præcepta ordinauit conuictum populi Iudarum.

Prob. Lex, quæ sufficienter ordinat communicationem hominum ad inuicem, quæ fit autoritate principum, & quæ fit propria voluntate priuatarum personarum, sufficienter ordinat populi conuictum. Sed Lex vetus sufficienter ordinauit per iudicialia præcepta communicationem Iudæi populi, quæ erat autoritate principum, & quæ erat propria voluntate priuatarum personarum.

Ergo Lex vetus conuenienter per iudicialia præcepta ordinauit conuictum Iudæi populi.

Maiores prob. præmittendo, quod populus est cæteris multitudinis iuris consensu, & vtilitatis communione sociatus. Vnde ad rationem populi pertinet, ut communicatio hominum ad inuicem iustis præceptis legis ordinetur.

Communicatio autem hominum ad inuicem est duplex. Vna fit autoritate principum. Altera fit propria voluntate priuatarum personarum. Et quia voluntate vniuscuiusque disponi potest id, quod eius subditur potestati, ideo autoritate principum, quibus subiecti sunt homines, oportet, quod iudicia inter homines exercentur, & pœnæ malefactoribus inferantur. Potestati vero priuatarum personarum subduntur res possesse, & ideo propria autoritate in his possunt sibi inuicem communicare, puta vendendo, emendo, donando. Lex igitur, quæ bene disponit de vtraque communicatione, scilicet de ea, quæ fit autoritate principum, & de ea, quæ fit propria voluntate priuatarum personarum, sufficienter ordinat populi conuictum.

Minor habet duas partes. Prior est, quod Lex conuenienter ordinauerit circa communitatem principum autoritate institutam. Altera est, quod conuenienter ordinauerit circa communicationem hominum, quæ fit propria voluntate priuatarum personarum. Et quo ad vtranque prob. & quo ad primam.

Lex, quæ instituit iudices, iustum iudicii ordinem, & aufert occasiones iniusti iudicii, instituit numerum testium, & certas pœnas pro diuersis delictis, sufficienter ordinat communicationem hominum, quæ est ex principum autoritate. Sed Lex vetus statuit iudices. Vnde dicitur Deut. 16. Iudices, & magistros constitues in omnibus civitatibus, ut iudicent populum iusto iudicio.

Instituit iustum iudicii ordinem. Vnde dicitur Deuteronom. 1. Quod iustum est iudicare, siue citis ille sit, siue peregrinus, nulla erit personarum distantia. Sufficienter etiam occasionem iniusti iudicii, acceptionem munerum iudicibus prohibendo, ut patet Exo. 23. & Deut. 16.

Instituit etiam numerum testium duorum, vel trium, ut patet Deut. 17. & 19.

Instituit etiam certas pœnas pro diuersis delictis, ut patebit in solutione ad 10. Argumentum. Ergo Lex vetus sufficienter ordinauit circa communicationem, quæ autoritate principum instituitur.

Quo ad secundam partem probatur eadem minor.

Lex, quæ instituit, ut possessiones singulorum

de

de populo sint distinctæ, & vsus partim sit communis, & partim per voluntatem possessorum communicatur, conuenienter disponit circa voluntariam communicationem populi. Sed Lex vetus constituit, vt possessiones essent diuisæ, vt earum vsus partim esset communis, & partim per voluntatem possidentium communicaretur. Ergo Lex vetus conuenienter ordinauit circa communicationem voluntariam.

Maiores huius prob. Nam Phil. 2. Polit. cap. 3. dicit, illa tria optima esse circa res possessas, ad bene disponendum circa communicationem voluntariam.

Minor prob. quo ad singulas partes. Et quo ad primam, scilicet quod lex instituerit, vt possessiones essent distinctæ, quia dicitur Numer. 34. Ego dedi vobis terram in possessionem, quam forte diuideris vobis. Et quia per irregularitatem, & confusionem possessionum plures ciuitates destruantur, vt Phil. dicit 2. Polit. cap. 7. Ideo circa possessiones regulandas, triplex remedium lex adhibuit. Vnum quidem, vt secundum numerum hominum æqualiter diuiderentur. vnde dicitur Num. 34. Pluribus dabitur latior, & paucioribus angustior. Aliud remedium est, vt possessiones non in perpetuum alienentur, sed certo tempore ad suos possessores reuertantur, vt non confundantur sortes possessionum, vt dicitur.

Tertium remedium est, ad huiusmodi confusionem tollendam, vt proximi succedant morientibus. Primo quidem gradu filius. Secundo filia. Tertio fratres. Quarto patri. Quinto quicumque propinqui. Et ad distinctionem fortium seruandam vltimè lex instituit, vt mulieres, quæ sunt hæredes, nuberent hominibus suæ tribus. Num. 36.

Quo ad secundam partem prob. eadem minor, scilicet quod vsus rerum possessorum esset quo ad aliqua communis ex legis instituto. Instituit enim lex, vt res possessæ essent communes, primo quantum ad custodiam, id est vt tenerentur communiter res custodire. Vnde dicitur Deuter. 20. Non videbis bouem, & ouem fratris tui errantem, & præteritis, sed reduces fratri tuo. Secundo quantum ad fructum. Concedebatur enim communiter quantum ad omnes, vt ingressus vineam amici, licite comedere posset, dum tamen extra non deferret. Specialiter vero quantum ad pauperes ordinabat, vt eis relinquerentur manipuli obliui, & fructus, & racemi remanentes, vt habetur Levit. 19. & Deuter. 24. Et etiam communicabantur ea, quæ nascebantur in 7. anno, vt habetur Exo. 23. & Levit. 25.

Tertia pars minoris eiusdem. f. quod lex insti-

tuit, vt res possessæ essent ex voluntate possidentium partim communes. prob. Nā lex statuit duplicem communicationem faciendam per eos, quæ sunt rerum domini. Vnam quidem pure gratuitam, vnde dicitur Deut. 14. Anno tertio separabis aliam decimam, venientque leuitæ, & peregrinus, & pupillus, & vidua, & comedent, & saturabuntur.

Aliam vero cum recompensatione vtilitatis, scilicet per venditionem, emptionem, locationem, conductionem, per mutuum, & per depositum, de quibus omnibus in lege certæ ordinationes conueniuntur.

Ex quibus omnibus patet principalis minor. f. quod lex conuenienter, & sufficienter ordinauerit, & disposuerit circa communicationem, quæ est ex arbitrio priuatarum personarum, & per consequens quod conuenientissima præcepta iudicialia ad conueniendum necessaria, sunt lege tradita.

Ad Argumenta.

Ad 1. Dicitur, quod aliquem accipere id, quod est alterius, contingit dupliciter. Vno modo, vt accipiat in magna quantitate, & cum graui damno proximi sui. Alio modo in parua quantitate, & absque graui damno. Si maior intelligatur de acceptione in magna quantitate conceditur. Lex enim inducens ad accipiendam rem alienam in magna quantitate, & cum graui damno, non esset conueniens, nec iusta, & esset occasio discordiarum. Sed tunc negatur minor, lex enim tantummodo concedebat, vt accipere posset in parua quantitate, qualis est vna, quæ potest in vinea comediri. Si autem maior intelligatur de acceptione alieni in parua quantitate, est falsa. Ad prob. dicitur, quod per acceptionem rei alienæ in parua quantitate, non solum non turbatur pax, & concordia, imo confirmatur amicitia, per hoc enim assuefiunt homines ad aliquid facile communicandum. Vnde conuenienter lex instituit, vt ingressus quis vineam, posset comedere vnam, vt homines assuefcerent ad facilem suorum bonorum communicationem, prohibuit autem ne foris asportaret, ad prohibendum graue damnum, & discordiarum occasionem.

Ad 2. Dicitur ad maiorem, quod lex permittens vt possessiones ad mulieres perueniant, quando sunt masculi succedentes, ad quos peruenire possint, & debeant, non prouidet conuenienter populi conuiuium, vt concludit probatio. Tamen lex permittens mulieribus vt succedere possint in hæreditate possessionum, quando non sunt masculi, qui possint succedere, conuenienter disponit,

hoc. n. necessarium est, vt successio mulierib. concedatur in consolatione patris, cui graue fuisset, si hæreditas omnino ad alienos transiret. Tunc ad minorem dñ, quod lex non statuit, quod mulieres succederent in bonis patris, nisi ex defectu filiorum masculorum. Adhibuit tamen lex circa hoc cautelam debitam, præcipiens vt mulieres succedentes in hæreditate paterna, nuberent hominib. suæ tribus, ad hoc vt fortes tribuum non confunderentur, vt habetur Num. vlt.

Ad 3. Negatur minor. Ad prob. dicitur, q. sicut Phil. dicit 2. Pol. c. 5. Regulatio possessionum multum confert ad conseruationem ciuitatis, vel gentis. Vnde, sicut ipse dicit, apud quasdam gentium ciuitates statutum fuit, vt nullus possessionem uendere posset, nisi pro manifesto detrimento. Si. n. passim possessiones uendantur, potest contingere, quod omnes possessiones ad paucos deueniant, & ita necesse erit ciuitatem, uel regionem habitatoribus euacuari. Lex igitur uetus duo ordinauit circa possessionum uenditionem.

Primum fuit, ut possessiones uendi posset usque ad certum tempus, ut per hoc necessitatibus hominum subueniretur.

Secundum fuit, ut post certum tempus possessio uendita ad uenditorem rediret, & hoc ordinauit, tum ad remouendum dictum periculum, ne .i. possessiones ad unum deuenire posset, aut ad paucos: tum et ne fortes tribuum confunderentur, sed semper remaneret in eis eadem determinata distinctio, per hoc autem non tollitur firmitas uenditionum, sed promittitur necessitati uenditorum, & renouetur periculum, & tribuum confusio.

Sciendum tamen, quod domus urbana. i. quæ erant in urbe, & alia mobilia, perpetuo uendi poterant, non autem domus, quæ extra ciuitatem erant. Et ratio horum est, quia domus urbana non erant forte distinctæ: ideo lex concessit, q. in perpetuum uendi posset, sicut & alia mobilia bona. Non. n. erat statutus numerus domorum ciuitatis, sicut erat certa mensura possessionis, ad quam non addebatur. Poterat autem aliquid addi ad numerum domorum ciuitatis. Domus autem, quæ non erant in urbe, sed in uilla muros non habentes in perpetuum uendi non poterant, quia huiusmodi domus non construuntur nisi ad cultum, & ad custodiam possessionis, & ideo lex congrue statuit ius circa utrumque.

Ad 4. Neg. min. Lex. n. non solum non abilit promptitudinē ad mutandum, imo facilitatem instituit. Intentio. n. legis erat assuefacere homines suis præceptis ad hoc, ut sibi inuicem de facili necessitatibus subuenirent, quia hoc maxime est amicitie fomentum. Et hanc quidem facilitatem

subueniendi non solum statuit in his, quæ gratis donantur, sed etiam in his, quæ mutuo conceduntur, quia huiusmodi subuentio frequentior est, & pluribus necessaria. Cuius hanc autem facilitatem ad facilem mutuum, lex quatuor instituit.

Primo, ut faciles se præberent ad mutuum exhibendum, nec ab hoc retraherentur anno remissionis appropinquante. Deut. 15.

Secundo. Ne eum, cui mutuum concederent, grauaret uel usuris, uel etiam aliqua pignora omnino uitæ necessaria accipiendo: etsi accepta fuerint, statim restituerentur. Dicitur enim Deuter. 23. Non feneraberis fratri tuo ad usuram, & 24. Non accipies loco pignoris inferiorem, & superiorem molam, quia animam suam apposuit tibi, & Exod. 22. dicitur, Si pignus a proximo tuo acceperis uestimentum, ante solis occasum reddes ei.

Tertio, ut non importune exigerent, unde dicitur Exo. 23. Si pecuniam mutuum dederis populo meo pauperi, qui habitat tecum, non urgebis eum, quasi exactor, & propter hoc etiam mandatur, Deut. 23. Cum repeteris a proximo tuo rem aliquam, quam dedit tibi, non ingredieris in domum eius, ut pignus auferas, sed stabis foris, & ille tibi proferet, quod habuerit, tum quia domus est tutissimum uniufcuiusque receptaculum, unde molestum homini est, ut in domo sua inuadatur. Tum etiam, quia non concedit creditori, ut accipiat pignus, quod uoluerit, sed magis debitori, ut der, quo minus indigeat.

Quarto. Instituit, quod in septimo anno debita penitus remitterentur. Probabile. n. erat, ut illi, qui commode reddere posset ante septimum annum redderent, & gratis mutuantē, non defraudarent. Si autem omnino impotentes essent, eadem ratione eis erat debitum remittendum, ea dilectione, quæ et erat eis de nouo dando propter indigentiam.

Circa animalia uero mutuata hæc lex statuit, ut propter negligentiam eius, cui mutuata sunt, si in ipsius absentia moriantur, uel debilitentur, redere ea compellerat. Si uero eo præsentē, & diligenter custodiēte, mortua fuerint, uel debilitata, non cogeatur restituere, & maxime si erant mercede conductæ, quia ita et posuissent mori, & debilitari apud mutuamentum: ita si conseruationem animalis consequeretur, iam aliquod lucrum reportaret ex mutuo, & non esset gratuitum mutuum. Et maxime hoc obseruandum erat, quia animalia erant mercede conductæ: quia tunc habebat certum pretium pro usu animalium, unde nihil accrescere debebat per restitutionem animalium, nisi propter negligentiam custodientis. Si autem non essent mercede conductæ, hære potuisset aliquam ægritatem, ut salutē tantū restitueret, quāti usus

animalis mortui, vel debilitati conducere potuisset.

Ad prob. igitur minoris, negatur minor. Et ad prob. dicitur, quod Lex ordinabat, ut septimo anno remitterentur debita, quia tunc debitorum impotentes ad reddendum præsumebantur, ut dictum est, & ideo erat eis ex charitate debitum totaliter dimittendum.

Ad 5. Negatur minor, ad prob. dicitur, quod in amissione depositi non semper stabatur iuramento, sed in aliquo casu pro quo est sciendum, quod hæc differentia est inter mutuum, & depositum, quia mutuum traditur in utilitatem eius, cui traditur, sed depositum traditur in utilitatem deponentis, & ideo magis ardebatur aliquis in aliquibus casibus ad restituendum mutuum, quam ad restituendum depositum. Depositum. n. perdit poterat dupliciter. Vno modo, ex causa inevitabili, vel naturali, puta si esset mortuum, vel debilitatum animal depositum, vel extrinseca, puta si esset captum ab hostibus, vel si esset comestum a bestia: in quo tamen casu tenebatur deferre ad dominum animalis id, quod de animali occiso supererat, in alijs autem supradictis casibus nihil reddere tenebatur, sed solum ad expurgandam suspicionem fraudis tenebatur iuramentum præstare. Alio modo poterat perdi ex causa evitabili, puta per furtum, & tunc propter negligentiam custodis reddere tenebatur. Sed sicut dictum est, ille, qui mutuo accipiebat animal, tenebatur reddere, etiam si debilitatum, aut mortuum fuisset in eius absentia: de minori enim negligentia tenebatur, quam depositarius, qui non tenebatur nisi de furto.

Ad 6. Neg. consequ. Ad prob. dicitur, quod non est eadem ratio de operibus mercenarij, & de alijs rebus, quæ locantur. Mercenarij enim, qui locant operas suas, pauperes sunt, de laboribus suis victum querentes quotidianum, ideo lex providit ordinavit, ut itatum eis merces solueretur, ne victus eis decederet. Sed illi, qui locant alias res, divites esse consueverunt, nec ita indigent locationis pretio ad suum victum quotidianum, & ideo non est eadem ratio in vitroque.

Ad 7. Dicitur ad antecedens, & ad prob. quod Iudices ad hoc inter homines constituuntur, ut determinent, quod ambiguum inter homines circa iustitiam esse potest. Dupliciter autem aliquid potest esse ambiguum. Vno modo apud simplices, & ad hoc dubium tollendum, mandatur Deut. 16. ut iudices, & magistri constituerentur per singulas tribus, ut iudicarent populum iusto iudicio. Alio modo contingit aliquid esse dubium, etiam apud peritos, ideo ad hoc dubium tollendum, constituitur lex, ut omnes recurrerent ad locum principalem

a Deo electum, in quo, & summus Sacerdos esset, qui determinaret dubia circa caeremonias divini cultus: & summus iudex populi, qui determinaret, quæ pertinent ad iudicia hominum, sicut etiam nunc per appellationem, vel per consultationem causæ ab inferioribus iudicibus ad superiores deferuntur. Unde dicitur Deut. 17. Si difficile, & ambiguum apud te iudicium proppereris, & iudicium intra portas tuas videris variari, ascende ad locum, quem elegerit Dominus, veniesque ad Sacerdotes Levitici generis, & ad iudicem, qui fuerit in illo tempore. Huiusmodi autem ambigua iudicia non frequenter emergebant, unde ex hoc populus non gravabatur.

Ad 8. Dicitur ad antecedens, quod in negocijs humanis non potest haberi demonstrativa probatio, & infallibilis, sed sufficit aliqua coniecturalis probabilitas, secundum quam rhetor persuadet: & ideo licet sit possibile duos aut tres testes in mendaciis convenire, non tamen est facile, nec probabile, quod conveniant: & ideo accipitur eorum testimonium tanquam verum, & præcipue si in suo testimonio non vacillent, vel alias suspecti non fuerint. Et ad hoc etiam, quod non de facili a veritate testes declinent, instituit lex, ut testes diligentissime examinarentur, & grauius punirentur, qui inuenirentur mendaces, ut habetur Deut. 19. Fuit tamen aliqua ratio huiusmodi numeri determinandi, ad significandum infallibilem veritatem personarum divinarum, quæ quandoque numerantur duæ, quia Spiritus sanctus est nexus duorum: quidamque exprimentur tres, ut Aug. dicit super illud Ioan. 8. In lege vestra scriptum est, quia duorum hominum testimonium verum est.

Ad 9. Negatur maior. Nam grauis pena imponitur pro aliquo delicto, non solum propter gravitatem delicti, sed etiam propter alias causas. Pro quo est sciendum, quod grauis pena potest imponi pro aliquo delicto propter quantitatē. Primo, propter gravitatem, siue quantitatem culpæ secundum suam speciem. Quia enim homicidium secundum suam speciem est grauius furto, cæteris paribus, ideo maior pena debetur homicidio, quam furto. Secundo, propter consuetudinē. Peccatum. n. quod est pp consuetudinē firmatum, non facile homines relinquunt, nisi per graues penas, & ideo, qui ex consuetudine committit aliquod peccatum, actius puniri debet, quam qui idem peccatum non commiserunt ex consuetudine, cæteris paribus. Tertio, propter multam concupiscentiam, vel delectationē in peccato, hæc enim peccata grauius penis puniri debent, quia non facile homines ab his abstrahuntur, nisi propter graues penas.

Quar.

Quartò, propter facilitatem committendi peccatum, & iacendi in ipso, huiusmodi enim peccata quando manifestantur, sunt magis punienda ad aliorum terrorem. Sicut peccatù incidendi segetes grauitèr punitur, quia facile committi potest, vnde ad hoc, vt homines ab his peccatis abstineant, grauius puniuntur. Potest igitur iustè aliqua lex magis punire vnum peccatum, quod secundum suam naturam est leuius, quam aliud, propter aliquam supradictarum causarum. Immo lex iustè potest punire grauius vnum peccatù quam aliud, etiam si sit eiusdem speciei, puta furtum commissum ab vno magis, quam furtum commissum ab alio.

Pro quo est etiam sciendum, quod circa idem factum inuenitur triplex grauitatis gradus. Primus gradus est quando aliquis inuoluntarie peccat. Si enim aliquis peccati actus sit omnino inuoluntarius, totaliter peccans excusatur à pœna. Vnde dicitur Deut. 22. quod puella, quæ opprimitur in agro, non est rea mortis, quia clamauit, & nullus adfuit, qui liberaret eam. Si autem aliquo modo fuit voluntarius, sed tamen ex infirmitate commissus, puta cum quis peccat ex passione, minuitur peccatum, & pœna secundum veritatem iudicij diminui debet, nisi fortè propter communitatem vtilitatem pœna aggrauetur ad abstrahendum homines ab huiusmodi peccatis. Sicut cum quis pacato animo comburit segetes inimici sui, magis puniri debet, quam qui in magna ira easdè segetes comburit, tamen ad terrendum homines ab hoc facinore, potest esse, vt puniatur, qui in ira commisit, sicut qui pacato animo facinus perpetravit.

Secundus gradus est, quando quis per ignorantiam peccauit, & tunc aliquo modo reus reputabatur propter negligentiam ad discendum, sed tamen non puniebatur per iudices, sed expiatur peccatum suum per sacrificia. Vnde Leuit. 4. dicitur. Anima, quæ peccauerit per ignorantiam, &c. Sed hoc est intelligendum de ignorantia facti non de ignorantia iuris, scilicet diuini præcepti, quod omnes scire tenebantur. Vnde si quis accepisset alienum, ignorans esse alienum, excusabatur a peccato furti, non autem si quis alienum rapuisset, ignorans legem contrarium præcipere. Hæc enim ignorantia non excusatur a peccato furti, nec ab eius pœna imminem efficit.

Tertius gradus est, quando aliquis ex superbia peccabat, id est certa electione, vel ex certa malitia, & tunc puniebatur secundum quantitatem delicti.

Quartus gradus erat, quādo quis peccabat per proteruiam, & pertinaciam, & tunc quasi rebel-

lis, & destructor ordinationis legis omnino occidendus erat. Vnde patet, quod etiam in eadem specie peccati grauius puniebatur vnus, quam alius propter diuersitatem gradus peccandi, quæ in eadem specie peccati inuenitur. Vnde maior est falsitas non solum in diuersis peccatorum speciebus, quæ propter causas prædictas, minus peccatum secundum sui naturam grauius punitur, quā peccatum grauius secundum se: sed etiam est falsa in eadem specie peccati, idem enim factum magis punitur in vno quam in altero, secundum diuersitatem prædictorum graduum.

Ad probationem dicitur, quod Mensura delicti non solum considerata est secundum maiorem, vel minorem grauitatem, sed ex alijs causis, vel gradibus, vt dictum est. Vnde plaga debet correspondere grauitati culpæ, cæteris paribus.

Et secundum hoc dicendum est ad minorem, quod ad primam eius partem, & ad eius probationem, quod in pœna furti considerabatur secundum legem id, quod frequenter accidere poterat, & ideo pro furto rerum, quæ de facili custodiri possunt à furibus, non reddebatur nisi duplū. Oues autem non de facili possunt à furibus custodiri, quia pascuntur in agris, & ideo frequentius Quia furtum contingebat. Vnde lex maiorem pœnā apposuit, vt scilicet quatuor oves pro vna oue redderentur. Adhuc autem boues difficilius custodiuntur, quia habentur in agris, & non ita pascuntur gregatim sicut oves, & ideo pro furto bouum maiorem adhuc pœnam apposuit, vt scilicet quinque boues pro vno boue redderentur, nisi forte bos, qui fuerat sublati inueniretur viuus apud furem, tunc enim tenebatur solum reddere duplū, sicut in cæteris furtis, poterat enim tunc præsumptio haberi, quod cogitaret restituere. Lex igitur diuersis furtis imponebat inæquales pœnas. Quia furta aliquarum rerum puta ouium, & bouum facilius poterant committi, cum huiusmodi animalia non possent facile a furibus defendi, & custodiri, & ideo ad terrendum homines a talium furto, grauiores imposuit pœnas. Vel dicitur ad eandem probationem minoris, vt glossa ordin. dicit in princ. capit. 22. Exod. quod Ideo lex instituit, vt, qui furabatur bouem, restitueret quinque; quia bos habet quinque vtilitates.

Prima, Immolatur.

Secunda, Arat.

Tertia, Pascit carnibus.

Quarta, Lac dat.

Quinta, Corium diuersis vñibus ministrat.

Ovis habet quatuor vtilitates.

Prima, Immolatur.

Secun-

Secunda, Pascit carnibus.

Tertia, Dac lac.

Quarta, Dar lanam. Et ideo pro vna Oue quatuor reddebantur.

Alia pars minoris, scilicet quod lex pro parvis delictis magnas infert pœnas negatur. Ad probationem dicitur, quod filius contumax, non quia comedebat, & bibebat, occidebatur, sed propter contumaciam, & rebellionem, quæ semper morte puniebatur, vt dictum est.

Ille vero, qui colligebat ligna in Sabbato, lapidatus fuit tâquam legis violator, quæ sabbatum obseruare præcipiebatur in commemorationem fidei nouitatis mundi, vt dictum est. q. 101. art. 5. Vnde occisus fuit tanquam infidelis, quæ non sunt leuia, sed grauiora peccata.

Potest aliter explicari hæc responsio distinguendo, quod peccatum potest esse grauius, vel æqualiter graue altero dupliciter. Vno modo ex sua specie, secundum quem modum furtum leuius peccatum est, quam adulterium, & furtum est furto æquale. Alio modo ex aliqua alia extrinseca causa, vel circumstantia, puta consuetudine, concupiscentia, vel facilitate, & hoc modo non solum peccata diuersarum specierum possunt esse inæqualia in grauitate, sed etiam peccata eiusdæ speciei, vt dictum est.

Tunc ad maiorem dicitur, quod lex, quæ pro æqualibus delictis, & secundum speciem, & secundum circumstantias infligit inæquales pœnas, non est conueniens, secus autem est, si lex pro æqualibus delictis secundum speciem, inæqualibus autem ex aliqua alia causa, seu circumstantia, inæquales statuat pœnas. Tunc enim inæquales pœnas, inæqualibus peccatis infligit. Ad minorem autem dicitur, negando ipsam. Ad probationem dicitur, quod licet peccatum furti bouum, & aliarum rerum sint secundum speciem æqualia, tamen secundum alias causas vnum grauius est altero, tum quia facile horum furtum poterat committi, tum quia sunt maioris utilitatis, vt dictum est.

Ad 10. Negatur antecedens. Lex enim infligit pœnam mortis in grauioribus criminibus, scilicet in his, quæ contra Deum peccantur, in homicidio, & in furto hominum, & in irreuerentia ad parentes, in adulterio, & incestu.

In furto aliarum rerum imposuit pœnam damni, vt redderetur duplum, vel quadruplum.

In percussione, & mutilationibus adhibuit pœnam talionis, sicut & in peccato falsi testimonij.

In alijs minoribus culpis induxit pœnam flagellationis, vel ignominia.

Pœnam autem seruitutis induxit in ductus caribus. In vno quidem, quando septimo anno remissionis ille, qui erat seruus nolebat beneficio legis vti, vt liber exiret. Vnde pro pœna ei infligebatur, vt in perpetuum seruus remaneret. Secundo infligebatur furi, quando non habebat quod posset restituere, sicut habetur Exo. 22.

Pœna autem exilij vniuersaliter lex nõ statuit, quia in solo illo populo Deus colebatur, omnibus alijs populis per idololatriam corruptis. Vnde si quis vniuersaliter a populo illo exclusus esset, daretur ei occasio idolatriæ, & ideo 1. Reg. 26. dicitur, quod Dauid dixit ad Saul, Maledicti sunt, qui eiecerunt me hodie, vt non habitem in hæreditate Domini, dicentes, vade serui Dijs alienis. Erat tamen aliquod particulare exilium, dicitur enim Deut. 19. Quod qui percusserit proximum suum nesciens, & qui nullum contra ipsum habuisse odium comprobatur, ad vnam vrbum refugij cõfugiebatur, & ibi manebat vsque ad mortem summi Sacerdotis, tunc enim ei licebat ad domum suam redire.

Ad 11. Dicitur ad minorem, quod animalia bruta mandabantur occidi, nõ propter aliquam ipsorum culpam, sed in pœnam dominorum, qui talia animalia non custodierant ab huiusmodi excessibus. Et ideo magis puniebatur Dominus, si bos corrupta fuerat ab heri, & nudius tertius, in quo casu poterat occurri periculo, quã si subito corrupta efficeretur.

Vel secundo dicitur, quod occidebantur animalia in detestationem peccati, & ne ex eorum aspectu hominibus horror aliquis incuteretur.

Ad 12. Dicitur ad minorem, & ad eius probationem, quod illud præceptum, de quo in argumeto, habet duplicem rationem, scilicet litteralem, & mysticam. Ratio literalis fuit, vt Rabbi Moyses dicit, quia frequenter intersector est de ciuitate propinquiore. Vnde occisio vitulæ fiebat ad explorandum homicidium occultum, quod quidem fiebat per tria. Quorum vnum est, quod seniores ciuitatis iutabant, nihil se prætermisisse in custodia viarum. Aliud est, quia ille cuius erat vitula damnificabatur in occasione animalis, et si prius manifestaretur homicidium animal non occideretur. Tertium est, quia locus, in quo occidebatur vitula, remanebat incultus, & ideo ad euitandum vtrumque damnum, homines ciuitatis de facili manifestarent homicidium, si scirent, & raro poterat esse, quando aliqua verba, vel indicia super hoc facta essent: vel hoc fiebat ad terrorem, in detestationem homicidij. Per occisionem enim vitulæ, quæ est animal vtile, & fortitudine plenum, præcipue antequam laboraret sub iugo, signa-

signabatur, quod quicumque homicidium fecisset, quamvis esset utilis, & fortis, occidendus erat, & morte crudeli, quod ceruicis concisio significabat, & quod tanquam vilis, & abiectus a consortio hominum excludendus erat: quod significabatur p hoc, quod uitula occisa in loco aspero, & inculco relinquebatur, in putredinem conuerteretur. Ratio mystica autem erat hæc, quod per uitulam de armento significatur caro Christi, quæ non traxit iugum, quia non fecit peccatum, nec terram scindere uoluit, id est seditionis maculam non admisit. Per hoc enim, quod in ualle inculca occidebatur, significabatur despecta mors Christi, per quam purgantur omnia peccata, & diabolus esse homicidij auctor ostenditur.

A R T I C V L V S III.

Vtrum Iudicialia præcepta sint conuenienter tradita, quantum ad extraneos.

Pro Negatiua.

Videtur, quod Iudicialia præcepta non sint conuenienter tradita quantum ad extraneos.

1. Deus non est acceptor personarum, sed in omni gente, qui eum timet, & operatur iustitiam, acceptus est illi: ut dicitur Act. 10. Ergo Inconuenienter aliqui ex extraneis excluduntur ab Ecclesia, ut sunt Ammonitæ, & Moabitæ, de quibus dicitur, Deut. 23. quod etiam post decimam generationem non intrabunt in Ecclesiam Domini in æternum, & quidam ad ipsam admittuntur, ut sunt Aegyptij, & Idumæi, de quibus ibidem præcipitur. Non abominaberis Idumæum, quia frater tuus est, nec Aegyptium, quia Aduena fuit in terra eius.

Consequenter probatur, quia Qui sunt Deo accepti, non sunt ab Ecclesia Dei excludendi.

2. Ea, quæ non sunt in potestate nostra, non mereantur aliquam penam. Sed Quod homo sit Eunuchus, uel ex scorto natus non est in eius potestate.

Ergo Inconuenienter eis denegatur ingressus Ecclesie Domini.

Deut. 23. Dum dicitur, quod Eunuchus, & ex scorto natus non ingrediatur Ecclesiam Domini.

3. Lex mandans, ut Aduenæ non affligantur inconuenienter permittit, ut ab aduenis, & extraneis possit quis ad usuram mutuari. Sed Lex uetus mandauit, ut aduenæ non affligerentur. Ergo Inconuenienter lex permisit Deut. 23. ut hebrei possent dare extraneis pecuniâ ad usuram.

Minor probatur, quia Exo. 22. dicitur. Aduenæ non contristabis, neque affliges eum. Aduenæ enim, & ipsi fuistis in terra Aegypti, & 23. Peregrino molestus non eris: scitis enim aduenarum animas, quia & ipsi peregrini fuistis in terra Aegypti.

Maiores probatur, quia ad afflictionem alicuius pertinet, quod uisuris opprimatur.

4. Hominibus debemus magis affectum, & effectum dilectionis impendere, quam arboribus. Ergo Inconuenienter mandauit Dominus Deut. 20. quod De ciuitatibus hostium captis, omnes homines interficerent: & tamen arbores fructiferas non succiderent.

Antecedens probatur. His, quæ sunt nobis magis propinqua, magis debemus affectum, & effectum dilectionis impendere. Sed Homines sunt nobis propinquiore, quam arbores. Ergo Hominibus debemus magis affectum, & effectum, dilectionis impendere.

5. Bonum commune, secundum uirtutem, est præferendum bono particulari. Sed In bello, quod committitur contra hostes, queritur bonum commune. Ergo Inconuenienter mandatur Deuter. 20. quod Imminente prælio, aliqui domum remittantur, puta qui edificauit domum nouam, qui plantauit vineam, uel qui despondit uxorem.

6. Ex culpa non debet quis commodum reportare. Sed Quod homo sit formidolosus, & corde pauidus culpabile est. Ergo Inconuenienter a labore prælij excusabantur formidulosi, & corde pauidi.

Pro Affirmatiua.

Sapientia diuina dicit Prou. 8. Recti sunt omnes sermones mei, non est in eis prauum quid, neque peruersum.

Determinatio.

Dist. Cum extraneis potest esse duplex conuersatio. Prima est conuersatio pacifica. Altera est conuersatio hostilis. Iudei igitur poterant duplicem hanc conuersationem cum extraneis habere, scilicet pacificam, & hostilem.

1. Conclusio. Lex uetus conuenientia præcepta dedit quantum ad conuersationem pacificam cum extraneis.

Manifestatur. Tripliciter enim offerebatur, Iudeis occasio, ut cum extraneis pacifice communicarent. Primo quidem, quando extranei per terram eorum transitum faciebant, quasi peregrini.

Alio modo, quando in terram eorum adueniebant ad inhabitandum sicut aduenæ: & quantum ad verumque lex misericordiar præcepta proposuit: Nam Exod. 22. dicitur, Aduenam nõ contristabis, & 23. dicitur, Peregrino molestus non eris. Tertio vero, quando aliqui extranei rotaliter in eorum consortium, & ritum admitti volebant. Et in his quidam ordo attendebatur, non enim statim recipiebantur quasi ciues, sicut etiam apud quosdam Gentilium statutum erat, vt non reputarentur ciues, nisi, qui ex auro, vel atatio ciues existerent, vt Phil. dicit in 3. Politic. cap. 7. & hoc ideo, quia si statim extranei aduenientes reciperentur ad tractandum ea, quæ sunt populi, possent multa pericula contingere, dum extranei nõ habentes adhuc amorem firmatum ad bonum publicum, aliqua contra populum attentarent: & ideo lex statuit, vt de quibusdam gentibus habentibus aliquam affinitatem ad Iudeos, scilicet de Aegyptijs, apud quos nati fuerant, & nutriti, & de Idumæis filijs Esau fratris Jacob, in tertia generatione recipi ceperent in consortium populi.

Quidam vero quia hostiliter se ad eos habuerant, sicut Ammonitæ & Moabitar, nunquam in consortium populi admitterentur. Amalecites autem, qui magis eis fuerant aduersari, & cum eis nullum cognationis habebant consortium, quasi hostes perpetui haberentur. Dicitur enim Exo. 17. Bellum Dei erit contra Amalec a generatione in generationem.

2. Concl. Lex vetus conuenientia præcepta continebat quantum ad hostilem conuersationem cum extraneis.

Manifestatur. Nam primo quidem instituit, vt bellum iuste injiceretur. Mandatur enim Deut. 20. quod quando accederent ad expugnandam ciuitatem, offerrent ei primo pacem. Secundo instituit, vt fortiter bellum inceptum exequerentur, habentes de Deo fiduciam, & ad hoc melius obseruandum instituit, quod imminente periglio, Sacerdos eos confortaret, promittendo auxilium Dei. Tertio mandauit, vt impedimenta prælii remouerentur, remittendo quosdam ad domũ, qui possent impedimenta præstare. Quarto instituit, vt victoria moderate vterentur, parcendo mulieribus, & paruulis, & etiam ligna fructifera regionis non incidendo.

Ad Argumenta.

Ad 1. Negatur consequ. Ad prob. dicitur, quod Nullius gentis homines excludit lex a cultu Dei, ab his, quæ pertinent ad animæ salutem. Dicitur enim Exo. 12. Si quis peregrinorum in ve-

stram voluerit transire coloniam, & facere Phases Domini, circumcidetur prius omne masculinum eius, & tunc rite celebrabit, critque simul sicut indigena terræ. Sed in temporalibus quantum ad ea, quæ pertinebant ad communitatem populi, non statim quilibet admittebatur ratione supradicta: sed quidam in tertia generatione, scilicet Aegyptij, & Idumæi. Alij vero perpetuo excludebantur, in detestationem culpæ præteritæ, sicut Moabitar, & Ammonitar, & Amalecitar. Sicut enim puniuntur vix homo propter peccatum, quod commisit, vt alij videntes timeant, & peccare desistant, ita etiam propter aliquod peccatum gens, vel ciuitas potest puniri, vt alij a simili peccato abstineant. Poterat tamen dispensatiue aliquis in Collegium populi admitti propter aliquem virtutis actum, sicut Iudith. 14. dicitur, quod Achior dux filiorum Ammon appositus est ad populum Israel, & omnis successio generis eius. Et similiter Ruth Moabitis, quæ mulier virtutis erat. Licet possit dici, quod illa prohibitio extendebatur ad viros, non ad mulieres, quibus non competit simpliciter esse ciues.

Ad 2. Dicitur ad maiorem, quod propter ea, quæ sunt in potestate nostra, non meremur aliquam penam spiritualem, quantum scilicet ad ea, quæ ad salutem animæ pertinent. Quo ad temporalia vero non inconuenit, ut quis, etiam pro eo, quod non est in eius potestate, priuetur aliquo temporali bono. Spurijs igitur, & Eunuchi quantum ad ea, quæ ad gratiam Dei pertinebant, non separabantur ab alijs, sicut nec aduenæ, vt dictum est. Dicitur enim Esa. 56. Non dicat filius aduenæ, qui adheret Domino, Separatione diuidet me Dominus a populo suo. Et non dicat Eunuchus, Ecce egolignum aridum. Quo uero ad aliquem temporalem honorem exciuebantur spurij propter vilitatem originis, ab Ecclesia, id est a collegio populi, vsque ad decimam generationem. Et similiter Eunuchi, quibus non poterat competere honor, qui patribus debebatur, & præcipue in populo Iudeorum, in quo Dei cultus conseruabatur per carnis generationem. Cui etiam apud Gentiles, qui multos filios genuerant, aliquo insigni honore donarentur, vt dicitur 2. Politic. 7.

Ad 3. Dicitur. Ad maiorem, & ad eius prob. quod accipere vsuras ab alienis, non erat secundum intentionem legis, sed ex quadam permissione, propter promitatem Iudeorum ad auaritiam, & etiam, vt magis pacifice se haberent ad extraneos, a quibus lucrabantur.

zzzz Ad

Ad 4. Dicitur ad consequentiam, quod licet hominibus magis affectum dilectionis ostendere debeamus, quam arboribus, tamen, ex aliqua speciali causa, & ratione expedit, homines interficere, & arbores intactas relinquere, puta cum homines tales sunt, ut occidi propter eorum culpam mereantur. Hebrei igitur, tanquam executores diuinæ iustitiæ ad puniendas iniquitates Canaanorum, iuste homines interficiebant, & arbores ad vtilitatem eorum referuabant.

Sed sciendum, quod circa ciuitates hostiū quædam distinctio adhibebatur. Quædam enim erant remotæ non de numero illarum urbium, quæ eis erant repromissæ; & in talibus urbibus expugnatis occidebantur masculi, qui pugnaverunt contra populum Dei, mulieribus autem, & infantibus parcebatur. Sed in ciuitatibus vicinis, quæ erant eis repromissæ, omnes mandabantur interfici, propter iniquitates eorum priores, ad quas puniendas Dominus populum Israel diuinæ iustitiæ executorem mittebat. Dicitur enim Deut. 9. Quia illæ egerunt impie, introeunte te, deleatæ sunt. Ligna autem fructifera mandabantur referuari, propter vtilitatem ipsius populi, cuius ditioni ciuitas, & eius territorium, erat subiicienda.

Ad 5. Dicitur exponendo præceptum de remissione eorum, de quibus fit mentio in præcepto, de quo in argumento. Propter duo enim excluderantur a prælio, ædificator nouæ domus, plantator vineæ, & recenter desponsatus. Primo quidem, quia ea, quæ homo de nouo habet, vel statim paratus est ad habendum, magis solet amare, & per consequens eorum amissionem timere, unde probabile erat, quod ex tali amore magis mortem timerent, & sic minus fortes essent ad pugnandum. Secundo, quia sicut Phil. dicit in 2. Phyl. c. 56. Infortunium videtur, quando aliquis appropinquat ad aliquod bonum habendum, si postea impediatur ab illo, & ideo ne propinquius remanentes, magis contristarentur de morte talium, qui bonis sibi paratis potiri non fuerint, & etiam populus considerans hoc horreret, huiusmodi homines, a mortis periculo sunt sequestrati per subtractionem a prælio. Unde hominum exclusio a prælio erat propter bonum commune, prælij procurandum.

Ad 6. Dicitur, quod timidi remittebantur ad domum, non ut ipsi ex hoc consequerentur commodum, sed ne populus ex eorum præsentia incommodum consequeretur, dum per eorum timorem, & fugam, etiam alij ad fugiendum, & timendum prouocarentur. Unde ad maiorem dicitur, quod nullus debet ex culpa commodum reportare per se, per accidens autem non incon-

uenit, scilicet ad euitandum publicum damnum.

A R T I C V L V S I V.

Vtrum Conuenienter lex vetus præcepta ediderit circa domesticas personas.

Pro Negatiua.

Videtur, quod Inconuenienter lex vetus præcepta ediderit circa domesticas personas.

1. Id, quod est alicuius, perpetuo debet esse eius. Sed Sernus id, quod est, Domini est, ut dicitur 1. Polit. c. 3. Ergo Sernus perpetuo debet esse Domini, ac per hoc inconuenienter lex mandauit Exod. 21. quod serui, septimo anno liberi abscederent.

2. Deut. 22. præcipitur, quod si inueniantur animalia errare, restituantur Dominis suis.

Ergo Inconuenienter lex mandat, Deut. 23. Nō tradas seruum Domino suo, qui ad te cōfugerit.

Conseq. prob. quia Sicut animal, puta asinus, aut bos est possessio Domini, ita est seruus.

3. Secundum leges humanas grauius puniuntur, qui nimis aspere affligunt seruos, aut ancillas. Ergo Inconuenienter statuitur Exod. 21. quod qui percusserit seruum suum, vel ancillam virga, si vno die superuixerit, nō subiacet poenæ, quia pecunia illius est.

Conseq. prob. quia Lex diuina debet magis ad misericordiam prouocare, quam lex humana.

4. Post vendere seruum, vel ancillam, pertinet ad principatum Domini ad seruum. Ergo Inconuenienter lex permisit, quod aliquis posset vendere filiam suam in famulam, vel ancillam.

Conseq. prob. quia Alius est principatus Domini ad seruum, & patris ad filiam, ut dicitur 1. Polit. cap. 4.

5. Pater habet filij potestatem. Ergo Inconuenienter mandatur Deut. 21. quod Pater ducat filium suum ad seniores ciuitatis puniendum.

Conseq. prob. quia Eius est punire excessus, qui habet potestatem super peccatorem.

6. Dominus prohibuit Deut. 7. ut cum alienigenis non focierent coniugia, & coniuncta separarent, ut patet 1. Esd. 10.

Ergo Inconuenienter Deuter. 21. conceditur eis, ut ad captiuas alienigenarum ducere possent uxores.

7. Dominus in vxoribus ducendis quosdam consanguinitatis, & affinitatis gradus præcepit esse vitandos, ut patet Leuit. 18.

Ergo Inconuenienter mādatur Deut. 25. quod

si al-

Si aliquis esset mortuus absque liberis, vxorem ipsius frater eius acciperet.

8. Inter virum, & vxorem, sicut est maxima familiaritas, ita debet esse fides firmissima.

Ergo Inconuenienter permittitur Deuter. 24. quod aliquis posset vxorem dimittere scripto libello repudij, & quod etiam eam ulterius recuperare non posset.

Conseq. prob. quia Non potest esse illa firmissima fides inter virum, & vxorem, nisi matrimonium indissolubile fuerit.

9. Ad Inuestigandam iniuriam serui in Dominum, vel filij in patrem, non est institutum in lege aliquod sacrificium.

Ergo Superflue videtur institui sacrificium Zelotypæ ad inuestigandum vxoris adulterium. Num. 5.

Conseq. prob. quia Sicut vxor potest frangere fidem marito, ita seruus Domino, & filius patri.

Ex quibus omnibus videtur inconuenienter esse tradita in lege præcepta Iudicialia circa personas domesticas.

Pro Affirmatiua.

Psal. 18. dicitur. Iudicia Domini vera iustificata in semetipsa.

Determinatio.

Dist. In domestica conuersatione sunt tres combinationes, scilicet Domini ad seruum, viri ad vxorem, Patris ad filium.

Manifestatur. Nam Communio domesticarum personarum ad inuicem, vt dicitur 1. Polit. c. 1. est secundum quotidianos actus, qui ordinantur ad necessitatem vitæ. Vita autem hominis conseruatur dupliciter. Vno modo quantum ad indiuiduum, prout scilicet homo idem numero viuit, & ad talem vitæ conseruationem opulentur homini exteriora bona, ex quibus homo habet victum, & vestitum, & alia huiusmodi necessaria vitæ, in quibus administrandis homo indiget seruis. Alio modo conseruatur uita hominis secundum speciem, per generationem, ad quam indiget homo vxore, vt ex ea generet filios. Et ita sunt tres combinationes. Vna ad conseruationem indiuidui, & alia duæ ad cōseruationem speciei necessaria.

1. Concl. Lex vetus conuenienter tradidit præcepta pertinentia ad Dominum per respectum ad seruos.

Manifestatur. Primo quantum ad seruos in comuni, secundo quantum ad seruos, qui erant ex populo. Quantum ad seruos in comuni ma-

nifestatur, ex duobus. Primo quantum ad labores. Instituit enim lex, vt modeste tractarentur serui quantum ad labores, ne scilicet inmoderatis laboribus affligerentur. Vnde Deut. 5. Dominus mandauit, in die sabbati requiescat seruus, & ancilla tua sicut tu. Secundo quantum ad penas seruis infligendas. Imposuit enim mutilatoribus seruorum, vt dimitterent eos liberos, vt habetur Exod. 21. & simile etiam statuit in ancilla, quam in vxorem aliquis duxerit. Quantum uero ad seruos, qui erat ex populo, statuit lex, vt septimo anno liberi egredierentur, cum omnibus, quæ apportauerant etiam uellimentis, vt habetur Exod. 21. Mandatur insuper Deut. 15. vt detur ei uaticum.

2. Concl. Lex uetus tradidit conuenientia præcepta pertinentia ad virum per respectum ad vxorem.

Manifestatur ex septem. Primo quantum ad vxorem ducendam. Nam lex statuit, vt unusquisque duceret uxorem suam tribus, vt habetur Num. 16. Et hoc ideo, ne tribus confunderentur.

Secundo, vt frater duceret vxorem fratris sui defuncti absque liberis, vt habetur Deut. 25. & hoc ideo, vt ille, qui non potuit habere successores secundum carnis originem, saltem habeat per quandam adoptionem, & sic non totaliter memoria defuncti deleatur.

Tertio, Quia lex prohibuit quasdam personas ne in coniugium ducerent, scilicet alienigenas propter periculum seductionis, & propinquas propter reuerentiam naturalem, quæ eis debetur. Exod. 14.

Quarto, quia statuit quomodo vxores iam ductæ tractari deberent, vt scilicet non leuiter infamarentur, vnde mandatur puniri ille, qui falso crimen imponit vxori, vt habetur Deut. 22.

Quinto, Ordinauit, quod propter odium vxoris, filius non patiarur detrimentum, vt habetur Deut. 21.

Sexto, Vt propter odium non affligerent vxorem, sed potius scripto libello eam dimitteret, vt patet Deut. 24.

Septimo, Ad hoc, vt maior dilectio inter coniuges in principio contrahatur, præcipitur, quod cum aliquis vxorem nuper acceperit, nihil ei publice necessitatis iniungatur, vt libere possit letari cum vxore sua. Deut. 24.

3. Concl. Lex uetus tradidit conuenientia præcepta pertinentia ad patrem per respectum ad filium.

Manifestatur. Primo, quia Lex instituit, vt patres disciplinam filijs adhiberent, instruendo eos in fide. Vnde dicitur Exod. 12. Cum dixerint vo-

his filij vestri, quæ est ista religio? Dicitis eis. Vltima transitus Domini est. Secundo, Vt instruerent eos in moribus, vnde dicitur Deut. 21. Monumenta nostra audire contemnit, commensationibus vacat, & luxuria, atque conuiuijs.

Ad Argumenta.

Ad 1. Dicitur ad minorem, quod seruus est quidem, quod est, Domini, tamē quia filij Israel erant de seruitute liberati, & per hoc diuine seruituti addicti, noluit Dominus, vt in perpetuum serui essent, vnde dicitur, Leuit. 25. Si paupertate compulsus vendiderit se tibi frater tuus, non eū opprimes seruitute famulorum, sed quasi mercenarius, & colonus erit: mei enim sunt serui, & ego eduxi eos de terra Aegypti; vt non veniant conditione seruorum, & ideo quia simpliciter serui non erant, sed secundum quid, finito tempore dimittebantur liberi.

Ad 2. Negatur consequens. Nam mandatum illud de non tradendo seruū Domino suo, intelligitur de seruo, qui quaeritur a Domino ad occidendum, vel ad aliquid peccati ministeriū, quæ in animalibus locum non habent.

Ad 3. Dicitur ad consequens, quod circa lesiones seruorum illatas, lex considerasse videtur, vtrum sit certa, vel incerta: immo lesio certa esset, lex penam adhibuit. Pro mutilatione quidem, amissionem serui, qui mandabatur libertati donandus. Pro morte autem, homicidij penam, cum seruus in manu Domini verberantis moreretur. Si vero lesio non esset certa, sed aliquam apparentiam haberet, lex nullam penam infligebat in proprio seruo: puta cum percussus seruus non statim moriebatur, sed post aliquos dies. Incertum enim erat, vtrum ex percussione mortuus esset, quia si percussisset liberam hominem, ita tamen quod statim non moreretur, sed super baculum suum ambularet, non erat homicidij reus, quia percussisset, etiam si postea moreretur: tenebatur tamen ad impensas soluendas, quas percussus in medicos fecerat. Sed hoc in seruo proprio locum non habebat, quia quicquid seruus habebat, & etiam ipsa persona serui, erat quædam possessio Domini, & ideo pro causa assignatur, quare non subiaceat pænæ pecuniariæ, quia pecunia illius est.

Ad 4. Dicitur Ad consequens, quod Nullus Iudeus poterat possidere Iudæum, quasi simpliciter seruum, sed erat seruus secundum quid, quasi mercenarius vsque ad tempus, & per hunc modum permittebat lex, quod paupertate cogente aliquis filium, vel filiam venderet, & hoc etiam verba ipsius legis ostendunt, dicit enim. Siquis vendi-

derit filiam suam in famulam, non egredietur sicut exire ancillæ consueverunt. Per hunc etiam modum non solum filium suum, sed etiam seipsum aliquis vendere poterat, magis quasi mercenarium, quam quasi seruum secundum illud Leuit. 25. Si paupertate compulsus uendiderit se tibi frater tuus, non eum opprimes seruitute famulorum, sed quasi mercenarius, & colonus erit.

Ad 5. Dicitur ad antecedens, quod sicut Phil. dicit in 10. Ethic. c. ult. Principatus paternus habet solum admonendi potestatem, non autem habet vim coactiuam, per quam rebelles, & contumaces compelli possunt, & ideo in hoc casu lex mandabat, vt filius contumax a principibus ciuitatis puniretur.

Ad 6. Dicitur ad antecedens, quod Dominus alienigenas prohibuit in matrimonium duci propter periculum seductionis, ne haurerentur in idolatriam, & specialiter hoc prohibuit de illis gentibus, quæ in vicino habitabant, de quibus erat magis probabile, quod suos ritus retinerent. Si quæ vero idolatriæ cultum dimittere vellet, & ad legis cultum se transferre, poterat in matrimonium duci, sicut patet de Ruth, quam duxit Booz in uxorem, vnde ipsa dixerat sociui sue, Populus tuus populus meus, Deus tuus Deus meus, vt habetur Ruth. 1. Et ideo captiuam non aliter permittitur, in uxorem duci, nisi prius raso cesarie, & circumcisis vnguibus, & deposita veste, in qua capta est, & steret patrem, & natiuitatem, per quæ significatur idolatriæ perpetua abiectio.

Ad 7. Dicitur ad consequens, quod sicut Christus dicit super Matth. quia inmitigabile malum erat mors apud Iudeos, qui omnia pro presenti vita faciebant, statim sunt, vt defuncto filius nasceretur ex fratre, quod erat quædam mortis mitigatio. Non autem alius, quam frater, vel propinquus iubebatur accipere uxorem defuncti: quia non ita crederetur, qui ex tali coniunctione erat nasciturus, esse eius filius, qui obiit: iterum extraneus non ita habet necessitatem statueri domum eius, qui obierat, sicut frater, cui etiam ex cognatione hoc facere iustum erat. Ex quo patet, quod frater in accipiendo uxorem fratris sui, persona fratris sui defuncti fungebatur.

Ad 8. Dicitur ad consequens, quod lex permittit repudium uxoris, non quia simpliciter iustum esset, sed propter duriciam Iudeorum, vt Dominus dicit Matth. 19. Sed de hoc oportet plenius tractari, cum de matrimonio agitur.

Ad 9. Negatur consequens. Ad probandum, quod non est similis ratio de nullo ad patrem, vel de seruo.

seruo ad dominum, sicut est de vxore ad virum. Vxores enim fidem matrimonij frangunt per adulterium, & de facili propter defectionem, & latehter, quia oculus adulteri obseruat caliginem, vt dicitur Iob. 24. Infidelitas vero seruit, vel filij non procedit ex tali concupiscentia, sed ex malitia, quæ non ita potest lateere.

DE LEGE EVANGELICA, quæ dicitur lex noua.

Consequenter considerandum est de lege Evangelica, quæ dicitur lex noua. Et

- Primo de ipsa secundum se. q. 108.*
Secundo, De ipsa per comparisonem ad legem veterem q. 107.
Tertio, De his, quæ in lege noua continentur. 108.

QVÆSTIO CVI.

DE LEGE NOVA SECUNDVM SE.

ARTICVLVS I.

Vtrum Lex noua sit lex scripta.

Pro Affirmatiua.

Videtur, quod lex noua sit lex scripta.

1. Euangelium est scriptum. Lex noua est ipsum Euangelium. Ergo Lex noua est scripta.

Maior, quia Io. 20. dicitur. Hæc autem scripta sunt, vt credatis.

2. Si Lex Evangelica non esset scripta, sed indita, non differret a lege naturæ, quod tamen est falsum.

Conseq. prob. quia Lex indita est lex naturæ, secundum illud Rom. 2. Naturaliter ea, quæ legis sunt, faciunt, qui habent opus scriptum in frontibus suis.

3. Lex, quæ est propria his, qui sunt in statu noui testamenti, non est indita, sed scripta. Sed Lex Evangelica propria est his, qui sunt in statu noui testamenti. Ergo Lex Evangelica non est indita, sed scripta.

Maior prob. quia Lex indita communis est eis, qui sunt in nouo, & in veteri testamento. Dicitur enim Sap. 7. quod Diuina sapientia per nationes in animas sanctas se transfert, amicos Dei, & prophetas constituit.

Pro Negatiua.

Lex noui testamenti non est scripta, sed indita

cordi. Sed Lex Evangelica est lex noui testamenti. Ergo Lex Evangelica non est scripta, sed indita cordi.

Maior prob. quia Apost. ad Heb. 8. dicit. Iudæis cens authoritatem, quæ habetur Ierem. 31. Ecce dies venient, dicit dominus, & consummabo super domum Israel, & super domum Iudæ testamentum nouum. Et exponens, quod sit testamentum, dicit. Quia hoc est testamentum, quod disponam domui Israel, dabo leges meas in mentes eorum, & in corde eorum super scribam eas. Ergo Lex noui testamenti est indita cordi, & non scripta.

Determinatio.

Dist. Legem nouam esse scriptam dupliciter, potest intelligi. Vno modo, quo ad id, quod potissimum est in ipsa lege, & in quo tota virtus eius consistit. Alio modo, quo ad ea, quæ secundario ad legem pertinent, & hæc sunt dispositiua ad receptionem, vel ad vsum ipsius legis. Illud, quod est potissimum in noua lege, & in quo tota eius virtus consistit, est gratia Spiritus Sancti, quæ datur per fidem Christi fidelibus. Ea vero quæ secundario pertinent ad legem, sunt credenda, & agenda.

1. Concl. Lex noua, quo ad id, quod principaliter ad eam pertinet, non est scripta, sed indita.

Prob. Gratia Spiritus Sancti non est scripta, sed indita cordi. Sed Lex noua, quo ad id, quod principaliter pertinet ad ipsam, est gratia Spiritus Sancti. Ergo Lex noua, quo ad id, quod est potissimum in ipsa, non est scripta, sed indita cordi.

Minor prob. Quod est potissimum in lege, est ipsa lex. Sed Gratia Spiritus Sancti est potissimum in lege noua. Ergo Gratia est ipsa lex noua.

Maior huius prob. quia Vnaqueque res illud videtur esse, quod in ea est potissimum, vt dicit Phil. 9. Ethic. cap. 4.

Minor huius prob. quia Illud, in quo tota virtus nouæ legis consistit, est gratia Spiritus Sancti, vnde gratia Spiritus Sancti est potissimum in lege.

Primo Confirmatur conclusio. Authoritatibus Apost. qui Rom. 3. dicit. Vbi est ergo gloriatio tua? Exclusa est. per quam legem? factorum? non, sed per legem fidei. Ipsam enim fidei gratiam Apost. appellat legem. Et expressius Rom. 8. dicitur. Lex Spiritus vitæ in Christo Iesu liberauit me a lege peccati, & mortis.

Secundo Confirmatur conclusio. Auctoritatibus August. dicentis in libro de Spiritu, & littera cap. 17. & 26. Quod sicut lex factorum, id est vetus, scripta sunt in tabulis lapideis, ita lex fidei scripta est in cordibus fidelium. Et alibi dicit in eodem lib. quæ sunt leges Dei ab ipso Deo scriptæ in cordibus, nisi ipsa præsentia Spiritus Sancti?

2. Concl.

2. Concl. Lex noua, quo ad ea, quæ secundario ad ipsam pertinent, scilicet credenda, & agenda, est scripta.

Manifestatur. Ea, de quibus oportebat instrui Christi fideles, debent esse scripta. Sed De his, quæ secundario ad legem nouam pertinent, necessarium fuit instrui fideles. Ergo Ea, quæ secundario pertinent ad legem nouam sunt scripta.

Minor prob. quia Ad hoc, ut quis gratiam Spiritus Sancti recipere possit, & ea bene uti, debet instrui de credendis, & de agendis, quæ sunt secundario ad legem nouam pertinentia.

Ad Argumenta.

Ad 1. Dicitur, quod probat secundam conclusionem, scilicet quod lex noua sit scripta, quo ad ea, quæ secundario ad ipsam pertinent. Et ad formam dicitur ad minorem, quod lex noua, quo ad ea, quæ secundario ad ipsam pertinent, est ipsum Euangelium, non autem quo ad id, quod est ipsa lex, scilicet gratia Spiritus Sancti. In scriptura enim Euangelij non continentur nisi ea, quæ pertinent ad gratiam Spiritus Sancti, vel sicut dispositiua ad gratiam, vel dispositiua ad usum huius gratiæ. Dispositiua ad gratiam Spiritus Sancti sunt in duplici differentia. Quædam disponunt intellectum, Quædam disponunt affectum. Quæ disponunt intellectum sunt credenda per fidem, & hæc sunt duplicia. Quædam pertinentia ad diuinitatem. Et Quædam ad humanitatem Christi, & hæc continentur abunde in Euangelio. Quæ vero disponunt affectum, sunt ea, quæ pertinent ad contemptum mundi, per quod homo fit capax gratiæ Spiritus Sancti. Mundus enim, id est mundi amatores, non est capax Spiritus Sancti gratiæ, ut dicitur Io. 14. Et hæc etiam in Euangelio continentur, ut patet.

Dispositiua vero ad usum gratiæ Spiritus Sancti sunt opera virtutum, ad quæ multipliciter scriptura noui testamenti homines exortatur. In Euangelio igitur non est scripta gratia Spiritus Sancti, sed solum ea, quæ ad ipsam disponunt, vel ad eius usum.

Ad 2. Negatur conseq. Ad prob. dicitur, quod dupliciter aliquid dicitur esse inditum homini. Vno modo, ut pertinet ad naturam humanam, & sic lex naturalis est lex indita homini. Alio modo est aliquid inditum homini quasi super additum nature per gratiæ donum, & hoc modo lex noua est indita homini, non solum indicans quid sit faciendum, ut lex naturalis, sed etiam adiutuus ad implendum.

Ad 3. Negatur maior. Ad prob. dicitur, quod Nullus unquam habuit gratiam Spiritus Sancti

nisi per fidem Christi explicitam, vel implicitam. Per fidem autem Christi pertinet homo ad nouum testamentum, unde quibuscunque fuit lex gratiæ indita, secundum hoc ad nouum testamentum pertinebant.

ARTICVLVS II.

Vtrum Lex noua iustificet.

Pro Negatiua.

Videtur, quod Lex noua non iustificet.

1. Lex, quæ iustificat, operatur hoc, ut homo Deo obediat. Sed Lex Euangelica non semper hoc facit, ut homo Deo obediat. Ergo Lex Euangelica non iustificat.

Maior prob. quia Nullus iustificatur, nisi legi Dei obediat, secundum illud Heb. 5. Factus est, scilicet Christus, omnibus obtemperantibus sibi, causa salutis æternæ.

Minor prob. quia Rom. 10. dicitur. Non omnes obediunt Euangelio.

2. Lex, quæ addit præuaricationem, non iustificat. Sed Lex noua addit præuaricationem. Ergo Lex noua non iustificat.

Maior prob. quia Apost. probat. Ad Rom. quod Lex vetus non iustificabat, quia ea adueniente, præuaricatio creuit. Dicitur enim Rom. 4. Lex iram operatur, ubi enim non est lex, nec præuaricatio.

Minor prob. quia Maiori pœna dignus est, qui post legem datam adhuc peccat, secundum illud Hebr. 10. Irritam quis faciens legem Moysi, sine ulla miseratione duobus, vel tribus testibus moritur, quanto magis putatis deteriora mereri supplicia, qui filium Dei conculcauerit, &c.

3. Lex vetus non iustificabat. Ergo Nec lex noua iustificat.

Conseq. prob. quia Vtraque lex est à Deo, cuius proprium est iustificare, ut dicitur. Rom. 8. Deus est, qui iustificat.

Pro Affirmatiua.

Lex, quæ est salus omni credenti, iustificat. Lex noua est salus omni credenti. Ergo Lex noua iustificat.

Maior prob. quia Non est salus, nisi iustificatis.

Minor prob. quia Apost. dicit Rom. 1. Non erubesco Euangelium, virtus enim Dei est, in salutem omni credenti.

Determinatio.

Dist. Ad legem Euangelij duo pertinent, ut dictum est artic. præced. Vnum quidem principaliter,

ter, scilicet ipsa gratia Spiritus Sancti interius data. Aliud pertinet ad legem nouam secundario, scilicet documenta fidei, & præcepta ordinantia affectum humanum, & humunos actus.

1. Concl. Lex noua, quantum ad id, quod principaliter ad ipsam pertinet, iustificat.

Prob. quia Aug. dicit in lib. de spir. & lit. cap. 17. Ibi, scilicet in veteri testamento, lex extrinsecus est posita, qua iniusti terrentur: hic, scilicet in nouo testamento, intrinsecus data est, qua iustificarentur.

2. Concl. Lex noua, quantum ad ea, quæ ad ipsam secundario pertinent, non iustificat.

Prob. quia Apost. 2. Cor. 3. dicit, quod litera occidit, Spiritus autem viuificat. Et Aug. exponit in lib. de Spir. & lit. quod per literam intelligitur quælibet scriptura, extra homines existens, etiam moralium præceptorum, qualia continentur in Euangelio. Vnde etiam litera Euangelij occideret, nisi esset interius gratia fidei sanans.

Ad Argumenta.

Ad 1. Dicitur, quod probat secundam conclusionem; scilicet quod lex noua, quo ad id, quod secundario ad ipsam pertinet, non iustificat. Ad formam negatur minor. Ad prob. dicitur, quod habens Spiritus Sancti gratiam, semper obedit Deo. Non tamen hoc facit lex, quo ad ea, quæ secundario ad ipsam pertinent, propter quod dicitur, non omnes Euangelio obedire.

Ad 2. Negatur minor. Lex enim noua non addit præuaricationem, nec iram Dei operatur, sed quantum est de se sufficiens auxilium dat ad non peccandum. Ad prob. dicitur, quod gratia noui testamenti, & si adiuuet hominem ad non peccandum, non tamen ita confirmat in bono, ut homo peccare non possit, hoc enim pertinet ad statum gloriæ, & ideo, si quis post acceptam gratiam noui testamenti peccauerit, maiori pena est dignus, tãquam maioribus beneficijs ingratus, & auxilio sibi dato non vtens.

Ad 3. Negatur consequens. Ad prob. dicitur, quod legem nouam, & veterem vnus Deus dedit, sed aliter, & aliter: nam legem veterem dedit scriptam in tabulis lapideis, legem autem nouam dedit scriptam in tabulis cordis carnalibus. ut Apost. dicit. 2. ad Cor. 3. Proinde sicut Aug. dicit in libro de Spir. & lit. c. 17. Literam istam extra hominem scriptam, & ministrationem mortis, & ministrationem damnationis Apostulus appellat: hanc autem, scilicet noui testamenti legem, & ministrationem Spiritus, & ministrationem iustitiæ dicit, quia per donum Spiritus operamur iustitiam, & a præuaricationis damnatione liberamur.

ARTICVLVS III.

Utrum lex noua debuerit dari a principio mundi.

Pro Affirmatiua.

Videtur, quod lex noua debuerit dari a principio mundi.

1. Omnes homines peccauerunt, & egent gratia Dei, ut dicitur Rom. 3. Ergo Lex Euangelij a principio mundi dari debuit.

Conseq. prob. quia Non est acceptio personarum apud Deum, ut dicitur Ad Rom. 2. Vnde omnibus hominibus dari debuit lex noua ad peccati remedium.

2. Deus, qui vult omnes homines saluos fieri, ut dicitur. 1. Tim. 2. Mandauit Euangelium prædicari in omnibus locis, ut patet Matth. ult. & Marc. ult. Ergo Lex Euangelij debuit etiam adesse omnibus temporibus, ita quod a principio mundi daretur.

Conseq. prob. quia Sicut in diuersis locis sunt diuersi homines, ita etiam in diuersis temporibus. Vnde sicut lex noua data est omnium locorum hominibus, debuit etiam dari hominibus, qui in diuersis temporibus extiterunt.

3. Deus ab initio mundi prouidit homini ea, quæ sunt necessaria ad salutem corporalem, & tradens eius necessaria omnia, quæ erant propter hominem creata, ut patet Genes. 1. Ergo Etiam lex noua, quæ maxime est necessaria ad salutem spirituales, debuit hominibus a principio mundi dari.

Conseq. prob. quia magis est necessaria homini salus spiritualis, quæ est æterna, quam salus corporalis, quæ est temporalis.

Pro Negatiua.

Lex, quæ est maxime spiritualis, non debuit dari in principio mundi. Sed Lex noua est maxime spiritualis. Ergo Lex noua non debuit dari in principio mundi.

Maior prob. quia Apost. dicit. 1. Cor. 15. Non prius, quod spirituale est, sed quod animale.

Determinatio.

Concl. Lex noua non debuit dari a principio mundi.

Prob. Triplici ratione, quarum prima est. Gratia Spiritus Sancti non debuit abundanter dari, antequam impedimentum peccati, ab humano genere tolleretur, consummata redemptione per Christum, quod non fuit a principio mundi. Sed Lex noua principaliter est gratia Spiritus Sancti, ut dictum est. Ergo Lex noua non debuit dari in principio mundi, sed solum post Christi passionem, per quam impedimentum peccati ablatum est.

Maior

Maiores prob. quia Io. 7. dicitur. Nondum Spiritus Sanctus erat datus, quia Iesus nondum erat glorificatus.

Et hanc rationem manifeste assignat Apost. Rom. 8. Vbi postquam præniserat de lege Spiritus vitæ, subiungit; Deus filium suum mittens in similitudinem carnis peccati, de peccato damnauit peccatum in carne, ut iustificatio legis impleatur in nobis.

Secunda ratio potest assignari ex perfectione nouæ legis, & est. Lex perfecta non debuit dari in principio mundi, sed Lex noua est lex perfecta. Ergo Lex noua non debuit dari in principio mundi.

Maiores prob. quia Non adducitur aliquid ad perfectum statim in principio, sed quodam ordine temporalis successionis, sicut aliquis prius fit puer, & postmodum vir. Et hanc rationem assignat Apost. ad Gal. 3. dicens. Lex pedagugus noster fuit in Christo, ut ex fide iustificemur, At ubi venit fides, iam non subius sub pedagogo.

Tertia ratio Lex gratiæ non debuit dari in principio mundi. Sed Lex noua est lex gratiæ. Ergo Lex noua non debuit dari in principio mundi.

Maiores prob. quia Oportuit, quod homo relinqueretur sibi in statu veteris legis, ut in peccatum cadendo, suam infirmitatem cognoscens, recognosceret se gratiæ indigere. Et hanc rationem assignat Apost. Rom. 5. dicens. Lex subintravit, ut abundaret delictum, ubi autem abundauit delictum, superabundauit, & gratia.

Ad Argumenta.

Ad 1. Negatur consequens. Ad prob. dicitur quod Humanum genus propter peccatum primi parentis meruit priuari auxilio gratiæ, & ideo quibuscunque non datur, hoc est ex iustitia: quibuscunque autem datur, hoc est ex gratia, ut Aug. dicit in lib. de perfectione iustitiæ. Unde non est acceptio personarum apud Deum ex hoc, quod non omnibus à principio mundi legem gratiæ proposuit, quæ erat debito ordine prophenda, ut dictum est.

Ad 2. Negatur consequens. Ad prob. dicitur, quod Non est eadem ratio de diuersitate locorum, & temporum. Diuersitas enim locorum non variat diuersum statum humani generis, qui variatur per temporis successionem, & ideo omnibus locis proponitur lex noua, non autem omnibus temporibus, licet omni tempore fuerint aliqui ad nouum testamentum pertinentes, ut supra dictum est.

Ad 3. Neg. consequens. Ad prob. dicitur, quod Non est similis ratio de necessarijs ad salutem corporalem, & spiritualem. Ea enim, quæ pertinet ad salutem corporalem, deferuntur homini quantum ad nām, quæ non tollitur per peccatum. Sed ea, quæ pertinet ad spirituales salutem, ordinatur ad gratiā, quæ amittitur per peccatum.

ARTICVLVS IV.

Utrum Lex noua sit duratura vsque ad finem mundi.

Pro Negatiua.

Videretur, quod lex noua non sit duratura vsque ad finem mundi.

1. Lex, quæ est ex parte, non est duratura vsque ad finem mundi. Sed Lex noua est ex parte. Ergo Lex noua non est duratura vsque ad finem mundi.

Maiores prob. quia Apost. dicit. 1. Cor. 13. Cum venerit, quod perfectum est, euacuabitur, quod ex parte est.

Minor prob. quia Ut Apost. ibidem dicit, ex parte cognouimus, & ex parte prophetamus.

2. Ipse Iesus, qui duraturus est vsque ad finem mundi, Ecclesia debet cognoscere omnem veritatem. Sed in statu noui testamenti Ecclesia non cognoscit omnem veritatem, ut patet à omnibus futuris euentus. Ergo Status nouæ legis non durabit vsque ad finem mundi.

Maiores prob. quia Dominus Io. 19. promissit discipulis suis in aduentu Spiritus Sancti paracleti cognitionem omnis veritatis.

3. Fuit quidam status conueniens personæ patris, scilicet status veteris legis, in quo homines generationi iniecti debent, similiter etiam est alius status conueniens personæ filij, scilicet status nouæ legis, in quo clerici intendentes sapientiam, quæ appropriatur filio, principantur. Ergo Erit status tertius Spiritus Sancti, in quo spirituales viri principabuntur.

Consequens prob. quia Sicut pater est alius à filio, & filius alius à patre, ita Spiritus Sanctus est alius à patre, & filio. Unde sicut fuit status correspondens personæ patris, & status correspondens personæ filij, ita debet esse status correspondens personæ Spiritus Sancti.

4. Dominus dicit Matth. 24. Prædicabitur hoc Euangelium regni in vniuerso orbe, & tunc veniet consummatio. Sed Euangelium Christi iamdiu est prædicatum in vniuerso orbe, nec tamen adhuc venit consummatio. Ergo Euangelium Christi non est Euangelium regni, sed futurum est aliud Euangelium Spiritus Sancti, quasi alia lex.

Pro Affirmatiua.

Dominus dicit. Matth. 24. Dico vobis, quia non prætētibit generatio hæc, donec omnia fiant. Quod Chrysost. exponit de generatione fidelium Christi.

Ergo Status fidelium Christi manebit vsque ad consummationem seculi.

De.

Determinatio.

teris abundantius. vt Gloſ. dicit Roman. 8.

Dist. Status mundi poteſt uariari dupliciter. Vno modo, ſecundum diuerſitatem legis. Alio modo, ſecundum quod homines diuerſimode ſe habent ad eandem legem, uel perfectius, uel minus perfecte.

1. Concluſio. Statui nouæ legis, nullus ſtatus ſucceder in hac uita, ſed durabit uſque ad mundi finem.

Probatuſt Statui, quo nullus alius in hac uita poteſt eſſe perfectior, nullus alius ſtatus in hac uita ſuccedere poteſt.

Sed Statu nouæ legis, nullus alius in hac uita poteſt eſſe perfectior.

Ergo Statui nouæ legis, nullus alius ſtatus in hac uita ſuccedet, ſed ipſe uſque ad finem mundi eſt duraturus.

Maior prob. quia Ideo ſtatui legis ueteris, ſucceſſit ſtatus nouæ legis, quia ſtatus ille erat imperfectus, ut ex dictis patere poteſt, & ideo illi ſucceſſit ſtatus nouæ legis, ut imperfecto perfectus.

Minor prob. Status, quo nullus alius poteſt eſſe propinquior ultimo fini, nullus alius poteſt eſſe perfectior. Sed Statu nouæ legis nullus alius poteſt eſſe propinquior ultimo fini.

Ergo Statu nouæ legis nullus alius poteſt eſſe perfectior.

Maior huius prob. quia Tanto eſt unumquodque perfectius, quanto eſt ultimo fini propinquius.

Minor huius prob. quia Lex noua introduxit in finem ultimum. Secundum illud Heb. 10. Habentes itaque fratres fiduciam in introitu Sanctorum in Sanguine Chriſti, quam initiavit nobis uiam nouam, accedamus ad eum.

2. Concl. Status nouæ legis, ſecundum quod homines, magis uel minus perfecte ſe habent ad obſeruantiam legis, poteſt mutari.

Maniſteſtat. quia Sicut ſtatus ueteris legis frequenter fuit mutatus ſecundum hunc modum, cum quandoque leges optime cuſtodirentur, quandoque autem omnino prætermitterentur, ſic etiam ſtatus nouæ legis diuerſificatur, ſecundum diuerſa loca, tempora, & perſonas, in quantum gratia Spiritus Sancti perfectius, uel minus perfecte ab aliquibus habetur.

3. Concl. Non eſt expectandum, quod ſi aliquis alius ſtatus futurus, in quo perfectius gratia Spiritus Sancti habeatur, quam hæcenus habita fuerit, maxime ab Apoſtoliſ.

Maniſteſtat. quia Apoſtoliſ primitias Spiritus acceperunt, id eſt, & tempore prius, & ca-

Ad Argumenta.

Ad 1. Dicitur, quod ſecundum Dion. cap. 6. Eccl. Hierar. triplex eſt hominum ſtatus. Primus fuit ueteris legis. Secundus nouæ legis. Tertius eſt ſtatus futuræ uitæ, ſcilicet patriæ. Qui tres ſtatus ſic ſe habent, quod primus eſt figuræ ſecundi, & ſecundus tertij, ac per hoc primus eſt imperfectus reſpectu ſecundi, & ſecundus reſpectu tertij; & ſicut adueniente ſtatu Euangelij, euacuatus fuit ſtatus antiquæ legis, ſic adueniente ſtatu patriæ euacuabitur ſtatus legis Euangelicæ, ſecundum illud 1. Cor. 13. Videmus nunc per ſpeculum in enigmate, tunc autem facie ad faciem.

Ad formam argumenti dicitur ad maiorem, quod lex, quæ eſt ex parte, id eſt imperfecta, ita ut in hac uita poſſit eſſe altera lex perfectior, euacuatur: ſi autem non poſſit alia eſſe ea perfectior in hac uita, ſed ſolum in futura, euacuabitur, non in hac uita, ſed ſolum in futura.

Tunc ad minorem dicitur, quod ſi ſermo ſit de imperfectione legis in hac uita, negatur, quod lex noua ſit ex parte, ſcilicet imperfecta, imo eſt perfectiſſima, ita ut nulla alia ea perfectior eſſe poſſit, ut probatum eſt in corpore, ſecundum enim hunc modum uetus lex fuit ex parte, & ideo fuit euacuata.

Si uero ſermo ſit de imperfectione per reſpectum ad ſtatum futuræ uitæ, conceditur totum, ſed per hoc ſolum concluditur, quod lex noua ſit euacuanda, non in præſenti, ſed ſolum in futura uita.

Quorundam falſa reſponſio ad 2.

Ad 2. Dicitur, quod ſicut Auguſtinus dicit contra fauſtum capit 31. Montanus, & Priſcilla poſuerunt, quod promiſſio Domini, de Spiritu Sancto dando, non fuit completa in Apoſtoliſ, ſed in eis, & ſimiliter Manichei poſuerunt, quod fuit completa in Manicheo, quem dicebant eſſe Spiritum paraclitum, & ideo utrique non recipiebant acta Apoſtolorum, in quibus manifeſte oſtenditur, quod illa promiſſio fuit in Apoſtoliſ completa, ſicut Dominus iterato eis promiſit Acto. 1. Baptizabimini in Spiritu Sancto non poteſt multos hos dies, quod impletum legitur Act. 2.

Reprobatio.

Sed iste varietates excluduntur per hoc, quod dicitur Ioan. 7. Nondum erat spiritus datus, quia Iesus nondum erat glorificatus. Ex quo datur intelligi, quod statim Christo glorificato, in resurrectione, & ascensione fuit Spiritus sanctus datus.

Et per hoc etiam excluditur quorumcunque vanitas, qui dicerent, esse expectandum aliud tempus, scilicet Spiritus Sancti.

Vera Responsio.

Dicitur ergo ad minorem argumenti, quod Spiritus Sanctus docuit Apostolos omnem veritatem de his, quæ pertinent ad necessitatem salutis, scilicet de credendis, & de agendis: Non tamen docuit de omnibus futuris eventibus, hoc enim ad eos non pertinebat, secundum illud Act. 1. Non est vestrum nosse tempora, vel momenta, quæ pater posuit in sua potestate.

Ad 3. Dicitur ad antecedens, quod lex vetus non solum fuit Patris, sed etiam filij, quia Christus in veteri lege signabatur. Vnde Dominus dicit Ioan. 5. Si crederetis Moysi, crederetis forsitan & mihi, de me enim ille scripsit. Similiter etiam lex noua, non solum est Christi, sed etiam Spiritus Sancti, secundum illud Rom. 8. Lex Spiritus vitæ in Christo Iesu, &c. Vnde non est expectanda alia lex, quæ sit Spiritus Sancti.

Ad 4. Dicitur ad maiorem, quod cum Christus statim in principio Euangelicæ prædicationis dixerit, Appropinquauit Regnum cælorum, stultissimum est dicere, quod Euangelium Christi non sit Euangelium regni. Sed prædicatione Euangelij Christi potest intelligi dupliciter. Vno modo, quantum ad diuulgationem notitiæ Christi, & sic prædicatum fuit Euangelium in vniuerso orbe, etiam tempore Apostolorum, ut Chrysostomus dicit. Et secundum hoc, quod additur. Et tunc erit consumatio, intelligitur hoc de destructione Ierusalem, de qua tunc ad litteram loquebatur. Alio modo potest intelligi prædicatione Euangelij in vniuerso orbe, cum pleno effectu, ita scilicet quod in qualibet gente fundetur Ecclesia, & ita, sicut dicit Aug. in epist. ad Eusich. epist. 78. nondum est prædicatum Euangelium in vniuerso orbe, sed hoc facto, veniet consummatio mundi.

QVÆSTIO CVII.

DE COMPARATIONE LEGIS
nouæ ad veterem.

ARTICVLVS I.

Vtrum Lex noua sit alia a lege veteri.

Pro Negatiua.

Videtur, quod Lex noua non sit alia a lege veteri.

1. Lex, quæ datur fidem Dei habentibus, non est alia a lege veteri. Sed Lex noua datur fidem Dei habentibus. Ergo Lex noua non est alia a lege veteri.

Maiores prob. quia Eadem est fides antiquorum, quibus data est lex vetus, & modernorum, quibus data est lex noua, ut dicitur in glos. Matt. 23.

Minor prob. quia Sine fide impossibile est placere Deo, ut dicit Apost. ad Heb. 11.

2. Si Lex noua esset alia a lege veteri, aut esset per hoc, quod lex vetus est lex timoris, & lex noua est lex amoris: quam differentiam assignat Augustinus contra Adamantium Manichæi discipulum dicens. Brevis differentia legis, & Euangelij est timor, & amor. Vel per hoc, quod vetus testamentum habuit promissa temporalia, & nouum testamentum habet promissa spiritualia, & æterna: quam etiam differentiam assignat idem Aug. contra faustum.

Sed per neutrum harum differentiarum potest lex noua esse alia a lege veteri.

Ergo Lex noua non est alia a lege veteri.

Minor probatur. quo ad vtrunque partem, & quo ad primam quidem, scilicet quod lex vetus, & noua non possint diuersificari per hoc, quod lex vetus est timoris, & lex noua est amoris. Quia etiam in veteri lege proponuntur præcepta charitatis, Leuit. enim 19. dicitur Diliges proximum tuum, & Deut. 6. Diliges Dominum Deum tuum, Vnde lex vetus, non solum est lex timoris, sed etiam amoris.

Quo ad secundam vero partem probatur, eadem minor, scilicet quod lex vetus, & noua non distinguantur per hoc, quod vetus habet promissa temporalia, & noua spiritualia, & æterna. Quia Etiam in nouo testamento promittuntur aliqua temporalia, secundum illud Marc. 10. Accipiet centes tantum in tempore hoc, domos, & fratres &c. & in veteri testamento sperabantur promissa spiritualia, & æterna. Secundum illud ad Hebr. 11. Nunc autem meliorem patriam appetunt,

perunt, idest celestem, quod dicitur de antiquis patribus, & sic nullo modo lex noua a veteri differre videtur.

3. Si lex noua esset alia a lege veteri, hoc esset per distinctionem, quā Apost. assignat inter vtranque legem Rom. 3. vbi appellat legem veterem, legem factorum, nouam vero appellat legē fidei. Sed Per hanc differentiam non possunt lex vetus, & noua distingui. Ergo Lex noua non est alia a lege veteri.

Minor prob. quia Lex vetus fuit etiam lex fidei, secundum illud ad Hebr. 11. omnes testimonio fidei probati sunt, quod Apost. dicit de patribus veteris testamenti. Similiter etiam lex noua est lex non solum fidei, sed & factorum, dicitur enim Matth. 5. Benefacite his, qui oderunt vos, & Luc. 22. Hoc facite in meam commemorationem.

Pro Affirmatiua.

Sacerdotium noui testamenti est aliud a Sacerdotio veteris testamenti, vt Apost. probat Heb. 7. Ergo Lex noua est alia veteri.

Conseq. prob. quia Translatio sacerdotio, necesse est, vt legis translatio fiat, vt dicitur. Heb. 7.

Determinatio.

Dist. Legem nouam esse aliam a lege veteri, potest intelligi dupliciter. Vno modo, vt sit alia ab ipsa secundum speciem. Alio modo, sicut perfectum est aliud ab imperfecto.

Manifestatur hæc distinctio. Pro quo est sciendum, quod omnis lex ordinat conuersationem humanam, in ordine ad aliquem finem, vt dictum est quæst. 90. artic. 2. Ea autem, quæ ordinantur ad finem, secundum rationem finis, dupliciter diuersificari possunt. Vno modo, quia ordinantur ad diuersos fines, & hæc est diuersitas secundum speciem eorum, quæ ordinantur ad finem, & maxime quando fines, ad quos ordinantur, sunt fines proximi.

Alio modo secundum propinquitatem ad finem, vel distantiam ab ipso. Hi duo distinctionis modi apparent in motibus. Motus enim illi, qui ordinantur ad diuersos terminos, specificè distinguuntur. Motus vero, cuius vna pars est magis propinqua termino, quam alia, est vnus speciei, sed partes distinguuntur sicut perfectior, vel imperfectior.

Sic etiam duæ leges possunt distingui dupliciter. Vno modo, quali omnino diuersæ, vt potest ordinatæ ad diuersos fines. Sicut lex ciuitatis, quæ est ordinata ad hoc, vt populus dominetur, est

differens specie a lege, secundum quam optimates dominantur.

Alio modo, duæ leges distingui possunt, secundum quod vna propinquius ordinat ad finem, & alia remotius. Puta in una, & eadem ciuitate dicitur alia lex, quæ imponitur viris perfectis, qui statim possunt exequi ea, quæ pertinent ad bonum commune: & alia lex datur de disciplina puerorum, qui sunt instruendi qualiter postea opera viro- rum exequantur. Legem igitur nouam a veteri distingui potest his duobus modis intelligi, an scilicet distinguantur specie, vel sicut perfectum ab imperfecto.

1. Concl. Lex noua non est alia a lege veteri secundum primum modum, idest secundum speciem.

Probatur. Leges, quæ ordinant ad eundem finem, non sunt differentes secundum speciem. Sed Lex noua, & vetus ordinant ad eundem finem.

Ergo Lex noua, & vetus non sunt differentes secundum speciem.

Maiores patet ex supraposita distinctione, & eius manifestatione, quia scilicet, quæ ordinantur ad finem, distinctionem speciem habent ex diuersitate finis, sicut motus ex diuersitate terminorum.

Minor probatur. quia Vtriusque legis finis est, ut homines Deo subdantur, qui Deus est vnus noui, & veteris testamenti, secundum illud Rom. 3. vnus Deus est, qui iustificat circuncisionem ex fide, & preputium per fidem.

2. Concl. Lex noua est alia a veteri, sicut perfectum ab imperfecto.

Prob. quia Lex vetus est quasi pedagogus puerorum, vt Apost. dicit Gal. 3. Lex autem noua est perfectionis, quia est charitatis, de qua Apostolus dicit, 1. Cor. 13. quod est vinculum perfectionis.

Ad Argumenta.

Ad 1. Negatur maior. Ad probationem dicitur, quod licet fides antiquorum, & modernorum sit eadem secundum speciem, cum obiectum fidei sit finis ultimus, sicut & cæterarum Theologicarum uirtutum; tamen fides habet alium, & alium statum in veteri, & nouo testamento: Nam quod illi credebant futurum, nos credimus factum.

Argumentum igitur concludit, quod lex noua non sit alia a veteri secundum speciem, cum hoc tamen stat, ut distinguatur ab ea, ut perfectum ab imperfecto.

Aaaaa 2 Ad 2.

Ad 2. Negatur minor, quo ad utranque partem. Omnes enim differentia nouæ, & ueteris legis accipiuntur secundum perfectum, & imperfectum. Vnde dicere, quod lex uetus est timoris, & noua lex amoris, & quod uetus habet promissa temporalia, & noua spiritualia, & quod lex uetus cohibet manum, & lex noua cohibet animum, nil aliud est dicere, nisi quod lex uetus erat imperfecta, noua uero est lex perfecta.

Ad quorum euidentiam est sciendum, quod Præcepta cuiuslibet legis dantur de actibus uirtutum: Ad agenda autem uirtutum opera aliter inclinatur imperfecti, qui nondum habent habitum uirtutis, & aliter illi, qui sunt per habitum uirtutis perfecti. Illi enim qui nondum habent habitum uirtutis inclinatur ad agendum opera uirtutis ex aliqua causa extrinseca, puta ex comminatione pœnarum, uel ex promissione aliquarum remunerationum, puta honoris, uel diuitiarum, uel huiusmodi: Et ideo lex uetus, quæ dabatur imperfectis, id est nondum consecutis gratiâ spiritualem, dicebatur lex timoris, in quantum inducebat ad obseruantiam præceptorum per comminationem quandam pœnarum, & dicitur habere temporalia promissa.

Illi autem, qui habent uirtutem, inclinatur ad agenda opera uirtutis propter amorem uirtutis, & non propter aliquam pœnam, aut remunerationem extrinsecam.

Et ideo lex noua, cuius principalitas consistit in ipsâ spirituali gratiâ indita cordibus, dicitur lex amoris, & dicitur habere promissa spiritualia, & æterna, quæ sunt obiecta uirtutis, præcipue charitatis, & ita per se in ea inclinatur, non quasi in extranea, sed quasi in propria.

Et propter hoc etiam lex uetus dicitur cohibere manum, non animum, quia qui timore pœnæ ab aliquo peccato abstinet, non simpliciter eius uoluntas a peccato recedit, sicut recedit uoluntas eius, qui amore iustitiæ abstinere a peccato, & propter hoc lex noua, quæ est lex amoris dicitur animum cohibere.

Ex quibus manifeste patet, quod ille differentia ab Augustino assignata inter ueterem, & nouam legem accipiuntur secundum perfectum, & imperfectum. Et propter hoc merito fuit negata minor argumenti quo ad utramque partem.

Ad probationem prioris partis dicitur, quod & si lex uetus præcepta charitatis daret, non tamen per eam dabatur Spiritus Sanctus, per quem diffunditur charitas in cordibus nostris, ut dicitur Rom. 5.

Ad prob. Vero secundæ partis dicitur, quod lex noua non promittit temporalia primaria intentione, sed solum quia cum etiam in nouo testamento sint aliqui carnales, nondum pertinentes ad perfectionem nouæ legis, hos oportuit induci ad uirtutis opera per timorem pœnarum, & per aliqua temporalia promissa.

Et e contra, Quia in ueteri testamento erant aliqui habentes charitatem, & gratiam Spiritus Sancti, qui principaliter expectabant promissiones spirituales, & æternas, secundum hoc non ad legem ueterem, sed potius ad nouam pertinebant, de quibus loquitur Apost. loco citato in argumento.

Ad 3. Negatur minor. Ad probationem dicitur, quod lex noua dicitur lex fidei, in quantum eius principalitas consistit in ipsa gratia, quæ interioris datum credentibus, unde dicitur gratia fidei.

Habet autem secundario aliqua facta, & moralia, & Sacramentalia, sed in his non consistit principalitas legis nouæ, sicut principalitas ueteris legis in eis consistebat.

Illi autem, qui in ueteri testamento Deo fuerunt accepti per fidem, secundum hoc ad nouum testamentum pertinebant, non enim iustificabantur nisi per fidem Christi, qui est actor noui testamenti. Vnde & de Moyse dicit Apost. ad Heb. 11. quod maiores diuitias æstimabat thesaurum Aegyptiorum improprium Christi.

ARTICVLVS II.

Vtrum lex noua legem ueterem impleat.

Pro Negatiua.

V Idetur, quod lex noua, legem ueterem non impleat.

1. Lex, quæ euacuat legem ueterem, eam non implet.

Sed Lex noua euacuat ueterem.

Ergo Lex noua non implet ueterem.

Maiores probatur. quia Impletio euacuationi contrariatur.

Minor probatur. quia Lex noua excludit obseruantiam ueteris legis, secundum illud ad Galat. 5. Si circumcidamini, Christus nihil uobis proderit.

2. Lex, quæ proponit præcepta contraria præceptis ueteris legis, non implet ueterem legem. Sed Lex noua proponit præcepta contraria præceptis ueteris legis.

Ergo

Ergo Lex noua non implet ueterem legem.

Maiores probatur. quia Contrarium non est impletum sui contrarij.

Minor probatur. Nam Deuteronom. 24. dicitur. Quicumque dimiserit uxorem suam, det ei libellum repudij. Et Dominus Matth. 5. dicit. Ego autem dico uobis, quicumque dimiserit uxorem suam, facit eam meretricem.

Item Leuitic. 19. dicitur. Non periurabis, reddes autem Domino iuramenta tua. Et Dominus Matth. 5. dicit. Ego autem dico uobis, non iurate omnino.

Item Exod. 21. dicitur. Oculum pro oculo, & dentem pro dente. Dominus autem Matth. 5. dicit. Ego autem dico uobis, si quis percusserit te in dexteram maxillam, præbe ei, & alteram.

Item Leuit. 19. dicitur. Diliges amicum tuum, & Matth. 5. dicitur. Ego autem dico uobis, diligite inimicos uestros.

Item In ueteri lege dantur multa præcepta de discretione ciborum, & Matth. 15. dicitur. Non quod intrat per os coinquinat hominem. Ex quibus apparet, quod lex noua proponit præcepta contraria præceptis ueteris legis.

3. Quicumque agit contra legem, non implet legem. Sed Christus nouæ legis auctor, in aliquibus fecit contra legem. Ergo Christus non impleuit ueterem legem.

Minor prob. quia Christus Matth. 8. tergit leprosum, quod erat contra legem. Similiter videtur Sabbatum pluries violasse, unde de eo dicebant Iudei Ioann. 9. Non est hic homo a Deo, qui Sabbatum non custodit. Ergo Christus nouæ legis auctor, non impleuit ueterem legem, sed contra ipsam fecit.

4. Dominus Matth. 5. ubi quantum ad aliquam legem impleuit, nullam mentionem videtur facere de iudicialibus, & ceremonialibus præceptis. Ergo Videtur, quod Lex noua non sit totaliter ueteris impletua.

Consequenter prob. quia In ueteri lege continebantur præcepta moralia, ceremonialia, & iudicialia, ut dictum est q. 99. 4.

Pro Affirmatiua.

Dominus Matth. 5. Non ueni soluere legem, sed adimplere, & postea subdit. Iota unum, aut unus apex non præteribit a lege, donec omnia fiant.

Determinatio.

Conclusio. Lex noua adimplet ueterem legem, in quantum supplet illud, quod ueteri legi deerat.

Probatur. Omne perfectum adimplet id, quod deest imperfecto. Sed Lex noua est lex perfecta, lex uero uetus est imperfecta. Ergo Lex noua implet ueterem, in quantum supplet id, quod ueteri legi deerat.

Quomodo lex noua ueterem impleuerit.

Dist. In ueteri lege duo possunt considerari, scilicet finis legis, & præcepta contenta in lege. Finis ueteris legis erat iustificatio hominum, sicut etiam finis cuiuslibet legis est, ut homines efficiantur iusti, & uirtuosi, ut dictum est quæst. 92. art. 1. Præcepta uero legis ueteris erant moralia, ceremonialia, & iudicialia, ut superius dictum est.

1. Conclusio. Lex noua implet ueterem quantum ad eius finem.

Manifestatur. Nam lex uetus non poterat efficere hominum iustificationem, quæ erat eius finis, sed figurabat quibusdam ceremonialibus factis, & promittebat uerbis, & quantum ad hoc lex noua implet ueterem iustificando per uirtutem passionis Christi, & hoc est, quod Apostolus dicit Rom. 8. quod Impossibile erat legi, Deus, filium suum mittens in similitudinem carnis peccati, damnauit peccatum in carne, ut iustificatio legis impleteretur in nobis; & quantum ad hoc lex noua exiit, quod uetus promittebat, secundum illud 2. Cor. 1. Quotquot promissiones Dei sunt, in illo id est in Christo.

Et iterum quantum ad hoc complexitiam, quod lex uetus figurabat, unde Colos. 2. dicitur de ceremonialibus, quod erant umbra futurorum, corpus autem Christi, id est ueritas, pertinet ad Christum. Unde lex noua dicitur lex ueritatis, lex autem uetus dicitur lex umbræ, uel figuræ.

Ex quibus patet, quod lex noua implet ueterem respectu finis, quo ad tria.

Primo efficiendo, quod lex uetus efficere non potest.

Secundo exhibendo, quod lex promittebat.

Tertio implendo ea, quæ lex figurabat.

2. Concl.

2. Concl. Lex noua implet veterem, quantum ad præcepta.

Manifestatur, quia Christus auctor nouæ legis adimpleuit legis antiquæ præcepta dupliciter, scilicet opere, & doctrina. Opere quidem, quia circumcidi voluit, & obseruare alia legalia, quæ tempore illo erant seruanda, secundum illud Gal. 4. Factum sub lege.

Sua autem doctrina adimpleuit præcepta legis tripliciter. Primo, verum legis intellectum expri-
mendo, sicut in præceptis homicidij, & adulterij, in quorum prohibitione, scribæ, & pharisæi non intelligebant prohibitum nisi actum exterio-
rem occidendi, & adulterandi, vnde Dominus legem adimpleuit, ostendendo, etiam interiores actus peccatorum cadere sub præcepto prohibitio-
nis, vt patet Matth. 5. vbi dicitur. Audistis, quia dictum est antiquis. Non mœchaberis, Ego autem dico vobis, omnis, qui viderit mulierem ad concupiscendum eam, iam mœchatus est eam in corde suo. Et ibidem dicitur. Audistis, quia dictum est antiquis. Non occides, &c. Ego autem dico vobis, quod omnis, qui irascitur fratri suo, &c.

Secundo, Adimpleuit Dominus præcepta legis, ordinando quomodo tutius obseruaretur, quod lex vetus statuerat. Sicut lex vetus statue-
rat, quod homo non periuraret, & hoc tutius obseruatur, si homo omnino a iuramento abstineat, nisi in causa necessitatis. Vnde Matth. 5. dicitur. Audistis, quia dictum est antiquis. Non periurabis, Ego autem dico vobis, Non iurare omni-
no, &c.

Tertio, Adimpleuit Dominus præcepta legis, superaddendo quædam perfectionis consilia, vt patet Matth. 19. Vbi dicenti se obseruasse præcepta veteris legis, dicit, vnum tibi deest. Si vis perfectus esse, vade, & vende omnia, quæ habes, &c.

Ad Argumenta.

Ad 1. Dicitur, quod In lege veteri erant tria genera præceptorum, scilicet moralium, ceremonialium, & iudicialium. Tunc dicitur ad argumē-
tum, quod si sermo sit in maiori de lege veteri, quo ad ceremonialia, scilicet, quod lex euacuans legē veterem, quo ad ceremonialia, nō implet ipsam, est falsa, immo lex euacuans veterem quo ad ceremonialia, eam implet, & ratio est, quia ceremo-
nialia in figuram futuri. Vnde ex hoc ipso, quod ceremonialia præcepta sunt impleta, per se-
cū his, quæ figurabantur, non sunt ulterius obser-
uanda, quia si obseruantur, adhuc significaretur aliquid, vt futurum, & non impletum. Sicut etiam promissio futuri boni, locum iam non habet,

promissione iam impleta per doni exhibitionem. Et sic ceremonialia, dum tolluntur, implentur. Si vero in maiori sermo sit de alijs legis præceptis, scilicet moralibus, & iudicialibus, est vera ipsa maior Lex. n. euacuans huiusmodi præcepta, non implet ea. Sed tunc negatur minor. Lex. n. noua nō euacuat obseruantiam veteris Legis, nisi quantum ad ceremonialia, vt dictū est sup. q. 103. art. 3. & 4.

Ad 2. Negatur minor. Ad prob. dicitur, quod sicut August. dicit contra faustum lib. 19. cap. 16. Præcepta illa Domini non sunt contraria præceptis veteris legis. Quod enim Dominus præcepit de vxore non dimittenda, non est contrarium ei, quod Lex præcepit: neque enim ait Lex, Qui voluerit, dimittat vxorem, cui esset contrarium, non dimittere: Sed vtique nolebat dimitti vxorem à viro, qui hanc interposuit moram, vt in disidium animus præcepit, Libelli conscriptione refractus abstinere. Vnde Dominus ad hoc confirmandum, vt non faciliè vxor dimittatur, solam causam for-
mationis excepit. Et idem etiam dicendum est in prohibitione iuramenti, sicut dictum est, & idem etiam patet in prohibitione talionis. Taxauit. n. modum vindictæ Lex, vt non procederet ad immoderatam vindictam, à qua Dominus perfectus renouit eum, quem monuit omnino à vin-
dicta abstinere. Circa odium verò inimicorum remouit falsum Phariseorum intellectum, nos monens, vt persona odio non haberetur, sed culpa. Circa discretionem verò ciborum, quæ ceremonialis erat, Dominus non mandauit, vt tunc non obseruantur, sed ostendit, quod nulli cibi secundum suam naturam erant immundi, sed solum secundum figuram, vt supra dictum est. q. 102. art. 6.

Ad 3. Negatur minor. Ad prob. dicitur, quod tactus leprosi erat prohibitus in veteri lege, quia ex hoc incurtebat homo quandam irregularitatis immunditiam, sicut & ex tactu mortui, vt supra dictum est; Sed Dominus, qui erat mundator leprosi, immunditiam incurere non poterat. Per ea autem, quæ fecit in Sabbato, Sabbatum non soluit secundum rei veritatem, sicut ipse Matth. in Euangelio ostendit. Tum quia operabatur miracula virtute diuina, quæ semper operatur in rebus. Tum quia salutis humanæ opera faciebat, cum Pharisci etiam salutem quædam necessitatis discipulos excusauit, in Sabbatho spicas colligentes. Sed videbatur soluere se-
cū his, quæ figurabantur, non sunt ulterius obser-
uanda, quia si obseruantur, adhuc significaretur aliquid, vt futurum, & non impletum. Sicut etiam promissio futuri boni, locum iam non habet, intentionem legis.

Ad

Ad 4. Dicitur ad antecedens, quod cæremonia
lia præcepta legis non commemorantur Matth.
5. quia eorum obseruantia totaliter excluditur
per impletionem, vt dictum est ad 1. Argum. De
iudicialibus vero præceptis commemorauit præ-
ceptum talionis, vt quod de hoc diceretur, de om-
nibus alijs esset intelligendum, in quo quidem
præcepto docuit, legis intentionem non esse ad
hoc, quod pœna talionis quæreretur propter li-
uorē vindictæ, quem ipse excludit monens, quod
homo debet esse paratus etiam maiores iniurias
sufferre, sed solum propter amorē iustitiæ, quod
adhuc in noua lege remanet.

A R T I C V L V S III.

Vtrum Lex noua in lege veteri con-
tineatur.

Pro Negatiua.

Videtur, quod lex noua non contineatur in
lege veteri.

1. Multa credenda traduntur in noua lege,
quæ in veteri non continentur. Ergo Lex noua
non continetur in veteri.

Conseq. prob. quia Lex noua præcipue in fide
consistit. vnde dicitur lex fidei, vt dicitur Rom. 4.

2. Lex, cuius mandata sunt maiora, non con-
tinentur in lege, cuius mandata sunt minora. Sed
Legis nouæ mandata sunt maiora, quam manda-
ta legis veteris. Ergo Lex noua non continetur
in veteri.

Maiores prob. quia Maius non potest contineri
in minori.

Minor prob. quia Quædam Glos. super illud
Matth. 5. Qui soluerit vnum de mandatis istis
minimis, dicit, quod mandata legis sunt minora,
in Euangelio sunt maiora.

3. Si lex noua contineretur in veteri, sequeretur
quod habita veteri lege, haberetur noua, quod est
falsum. Ergo Lex noua non continetur in veteri.

Conseq. prob. quia Quod continetur in altero,
similiter habetur, habito illo.

Falsitas consequens ostenditur. quia Super-
fluum fuisset, habita lege veteri, iterum dari nouam.

Pro Affirmatiua.

Ezech. 1. dicitur. Rota in medio Rotæ, id est
nouum testamentum in veteri, vt Greg. exponit
hom. 1. in Ezech.

Determinatio.

Dist. Aliquid potest contineri in alio duplici-
ter. Vno modo in actu, sicut locatum in loco. Al-
lio modo virtute, sicut effectus in causa, vel com-
plementum in completo: sicut genus continet spe-
cies potestate, & sicut tota arbor continetur in
femine.

Concl. Lex noua continetur in lege veteri vir-
tute, sicut complementum in completo, & sicut
arbor in femine.

Manifestatur, quia Lex noua comparatur ad le-
gem veterem, sicut perfectum ad imperfectum.
Vnde Chrysostomus exponens illud, quod habetur Mar.
4. Vltro terra fructificat, primum herbam, dein-
de spicam, deinde plenum frumentum in spica,
sic dicit. Primo herbam fructificat in lege natu-
ræ, postmodum spicas in lege Moyse, postea ple-
num frumentum in Euangelio. Sic igitur lex noua
est in veteri sicut fructus in spica.

Ad Argumenta.

Ad 1. Dicitur ad antecedens, quod Omnia, quæ
credenda traduntur in nouo testamento explici-
te, & aperte, traduntur credenda in veteri testa-
mento, sed implicite, & sub figura, & secundum
hoc etiam quantum ad credenda, lex noua conti-
netur in lege veteri.

Ad 2. Dicitur dupliciter. Primo negando ma-
iorem. Ad prob. dicitur, quod nihil prohibet ma-
ius in minori, virtute, contineri, sicut arbor conti-
netur in femine.

Secundo, Dicitur ad minorem, & ad eius pro-
bationem, quod Præcepta nouæ legis dicuntur
esse maiora quantum ad explicitam manifestationem,
sed quantum ad ipsam substantiam præce-
ptorum noui testamenti, omnia continentur in ve-
teri testamento. Vnde Aug. dicit contra Faustū,
lib. 19. cap. 28. quod penè omnia, quæ monuit, vel
præcepit Dominus, vbi adiungebat. Ego autem
dico vobis, inueniuntur etiam in illis veteribus li-
bris, sed quia non intelligebant homicidium, nisi
peremptionem corporis humani, aperuit Domi-
nus, omnem iniquum motū, ad nocendum fratri,
in homicidij genere deputari. Et quantum ad hu-
iusmodi manifestationes, præcepta nouæ legis di-
cuntur maiora præceptis veteris legis.

Ad 3. Negatur conseq. Ad prob. dicitur, quod
lex noua virtute continetur in veteri: & ideo
sequitur, quod habita lege veteri habetur noua
virtute, & implicite solum, & quia quod im-
plicitate datum est, oportet explicari, ideo post
datam

datam legem veterem, oportuit etiam nouam legem dari.

est, & onus meū leue. Ergo Lex noua est leuior, quam vetus.

A R T I C V L V S I V.

Vtrum Lex noua sit grauior, quam vetus.

Pro Affirmatiua.

Videtur, quod lex noua sit grauior quam vetus.

1. Lex, cuius mandata sunt difficiliora ad obseruandum, quam mandata veteris legis, est grauior, quam lex vetus. Sed Mandata nouæ legis difficiliora sunt, quam mandata veteris legis. Ergo Lex noua est grauior, quam lex vetus fuit.

Minor prob. quia Super illud Matth. 5. Qui soluerit vnum de mandatis his minimis, dicit Chrys. Mandata Moyſi in actu facilia sunt, vt Non occides, Non adulterabis. Mandata Christi, scilicet Non irascaris, Non concupiscas, in actu difficilia sunt.

2. Lex, cuius obseruantiam consequitur multiplex aduersitas, grauior est, quam illa, cuius obseruantiam consequitur temporalis prosperitas. Sed Obseruantiam nouæ legis consequitur multiplex aduersitas, obseruantiam vero veteris legis conſequatur multiplex prosperitas. Ergo Lex noua est grauior, quam lex vetus.

Maior prob. quia Facilius est terrena prosperitate vri, quam tribulationes perpeti.

Minor quo ad primam partem prob. quia Apostol. 2. Cor. 6. dicit. Exibeamus nosmetipsos sicut Dei ministris, cum multa patientia, in tribulationibus, in necessitatibus, in angustijs, &c.

Quo ad alteram partem habetur Deuter. 28. in principio.

3. Lex, quæ se habet ex additione ad legem veterem, est grauior, quam sit lex vetus. Sed Lex noua se habet ex additione ad legem veterem. Ergo Lex noua est grauior, quam sit lex vetus.

Maior prob. quia quod se habet ex additione ad alterum, videtur esse difficilius.

Minor prob. nam Lex vetus prohibuit pericurius, lex vero noua prohibuit etiam iuramentū. Lex vetus prohibuit disidium vxoris sine libello repudiij, lex noua omnino disidium prohibuit, vt patet Matth. 5.

Pro Negatiua.

Matth. 11. dicitur. Venite ad me omnes, qui laboratis, & onerati estis. quod exponens Hilarius dicit, legis difficultatibus laborantes, & peccatis seculi oneratos ad se aduocat, & postmodum de iugo Euangelij, subdit. Iugum enim meum suauis

Determinatio.

Dist. Circa opera virtutis, de quibus præcepta legis dantur, duplex difficultas attendi potest. Vna quidem ex parte exteriorum operum, quæ ex seipsis quandam difficultatem habent, & grauitatem. Alia est difficultas circa opera virtutum in interioribus actibus, puta vt quis aliquid opus exerceat prompte, & delectabiliter: & circa hoc difficile est virtus, hoc enim non habenti virtutem, est valde difficile, per virtutem autem redditur facile.

1. Concl. Lex vetus respectu actuum exteriorum est multo grauior, quam lex noua.

Prob. Lex quæ obligat ad plures actus exteriores, est grauior respectu actuum exteriorum. Sed Lex vetus obligat ad plures actus exteriores, quæ obliget lex noua. Ergo Lex vetus est multo grauior respectu actuum exteriorum, quam sit lex noua.

Minor prob. quia Lex vetus habebat multiplices ceremonias, vt ex dictis patet. Lex vero noua præter præcepta legis naturæ, paucissima superaddidit in doctrina Christi, & Apostolorum, licet postmodum aliqua sint superaddita ex institutione sanctorum Patrum, in quibus etiam Augustinus dicit epist. 119. ca. 19. esse moderationem attendendam, ne conuersatio fidelium onerosa reddatur, dicit enim ad inquisitiones Ianuarij de quibusdam, quod ipsam religionem nostrā, quā in manifestissimis, & paucissimis celebrationum Sacramentis Dei voluit misericordia esse liberam seruitutibus premunt oneribus, adeo vt tollerabilior sit conditio iudeorum, qui legalibus sacramentis, non humanis præsumptionibus subijciuntur.

2. Concl. Lex noua respectu interiorum actuum grauior est, quam lex vetus.

Manifestatur. quia In lege noua prohibentur interiores motus animi, qui expresse in veteri lege non prohibebantur in omnibus, & si in aliquibus prohiberentur, in quibus tamen prohibendis poena non apponebatur, hoc autem est difficultum, non habenti virtutem, sicut etiam Phil. dicit 5. Ethic. c. 9. quod Operari ea, quæ iustus operatur, facile est, sed operari eo modo, quo iustus operatur, scilicet delectabiliter, & prompte, difficile est, non habenti iustitiam. Et sic etiam dicitur Ioann. quinto. Mandata eius grauiora non sunt, quod exponens Augustinus dicit, quod non sunt grauiora amanti, sed non amanti sunt grauiora.

In forma. Lex, quæ prohibet interiores motus animi, grauior est, quam quæ prohibet solum exteriores motus. Sed Lex noua prohibet interiores motus animi, quod lex vetus non facit. Ergo Lex noua est, quo ad hoc, grauior, quâ fuerit lex vetus.

Ad Argumenta.

Ad 1. Dicitur ad minorē, & ad eius prob. quod authoritas illa loquitur expresse de difficultate, nouæ legis quantum ad prohibitionem interiorum motuum. Vnde argumentum hoc probat secundam conclusionem.

Ad 2. Dicitur ad minorē, & ad eius prob. quod Aduersitates, quas patiuntur obseruatores nouæ legis, non sunt ab ipsa lege impositæ, sed tamen, propter amorem, in quo ipsa lex consistit, facilius tolerantur, quia sicut Aug. dicit in libro de verbis Domini serm. 9. Omnia seua, & immania, facilia, & propè nulla efficit amor.

Ad 3. Dicitur ad minorē, & ad eius prob. quod ille additiones ad præcepta veteris legis ad hoc ordinantur, ut facilius impleatur, quod vetus lex mandabat, sicut Aug. dicit lib. 1. de serm. dom. in Mon. cap. 30. 33. & ideo per hoc non solum non ostenditur, quod lex noua sit grauior, sed potius quod sit facilior.

QVÆSTIO CVIII.

DE HIS, QVÆ CONTINENTVR
in noua lege.

ARTICVLVS I.

Vtrum Lex noua aliquos exteriores actus debeat præcipere, vel prohibere.

Pro Negatiua.

Videtur, quod lex noua nullos exteriores actus debeat præcipere, vel prohibere.

1. Lex, quæ est Euangelium Regni Dei, nullos actus exteriores debet præcipere, aut prohibere. Sed Lex noua est lex Euangelij regni Dei. Ergo Lex noua nullos exteriores actus debet præcipere, aut prohibere.

Maior prob. quia Regnum Dei non consistit in exterioribus actibus, sed solum in interioribus, secundum illud Luc. 17. Regnum Dei intra vos est. & Rom. 14. Non est regnum Dei esca, & potus, sed iustitia, & pax, & gaudium in Spiritu Sancto.

Minor prob. quia Matth. 24. dicitur. Prædicabitur hoc Euangelium regni in uniuerso orbe.

2. Lex spiritus non debet præcipere, aut prohibere aliquos exteriores actus.

Sed Lex noua est lex spiritus, ut dicitur Rom. 8. Ergo Lex noua non debet præcipere, aut prohibere aliquos exteriores actus.

Maior prob. quia Vbi est spiritus, ibi libertas, ut dicitur 2. Cor. 3. Non est autem libertas, vbi homo obligatur ad aliqua opera exteriora faciēda, vel uitanda.

3. Lex, quæ cohibet animum, & non manum, non præcipit, aut prohibet aliquos exteriores actus. Sed Lex noua cohibet animum, & non manum. Ergo Lex noua nō debet præcipere, aut prohibere aliquos exteriores actus.

Maior prob. quia Omnes exteriores actus per tinere intelliguntur ad manus, sicut interiores pertinent ad animum.

Minor prob. quia Hæc ponitur differentia inter nouam, et veterem legem, quia vetus manum, noua vero animum cohibet.

Pro Affirmatiua.

Lex, per quam homines efficiuntur filij lucis, debet præcipere, & prohibere aliquos exteriores actus. Sed Per legem nouam homines efficiuntur filij lucis. Ergo Lex noua debet præcipere, & prohibere aliquos exteriores actus.

Maior prob. quia filios Lucis decet opera lucis facere, & opera tenebrarum abijcere, secundum illud ad Ephe. 5. Eratis aliquando tenebræ, nunc autem lux in Domino, ut filij lucis ambulate.

Minor prob. quia Io. 12. dicitur. Credite in lucem, ut filij lucis sitis.

Determinatio.

1. Concl. Lex noua debet aliquos exteriores actus præcipere, & oppositos his prohibere.

Prob. Actus pertinentes ad gratiam Spiritus Sancti, conuenienter in lege noua præcipiuntur, & oppositi prohibentur. Sed Aliqui actus exteriores pertinent ad gratiam Spiritus Sancti. Ergo Aliquos actus exteriores lex debet præcipere, & oppositos prohibere.

Maior prob. quia Principalitas legis nouæ, ut dictum est q. 105. art. 1. est gratia Spiritus Sancti, quæ manifestatur in fide per dilectionem operante. Vnde actus pertinentes ad gratiam Spiritus Sancti debent in lege præcipi, & oppositi prohiberi.

Minor prob. quia Gratiam Spiritus Sancti consequuntur homines, per filium Dei hominem factum, cuius humanitatem Deus repleuit gratia, & exinde est ad nos deriuata, vnde dicitur Io. 1.

B b b b b Ver.

Verbum caro factum est, & postea subditur. Plenum gratiæ, & veritatis : & infra, De plenitudine eius omnes nos accepimus, & gratiam, pro gratia. Vnde subditur, quod Gratia, & veritas per Iesum Christum facta est, & ideo cōuenit, vt per aliqua signa sensibilia exteriora gratia a verbo incarnato profluens in nos deducatur, & ex gratia interiori, per quā caro Spiritui subditur, exteriora quædam opera sensibilia producantur.

Actus igitur exteriores pertinentes ad gratiam Spiritus Sancti sunt in duplici differētia. Quidam sunt per quos gratia a Christo in nos procedit, & huiusmodi sunt opera sacramentorum, quæ in noua lege sunt instituta, sicut Baptismus, Eucharistia &c. Quidam vero sunt actus, qui ex gratia in nobis existente producantur, vt sunt confessio fidei, opera charitatis, & huiusmodi.

Sed hæc opera, quæ ex instinctu gratiæ producuntur adhuc sunt in duplici differentia. Quædam habent necessariam conuenientiam, vel contrarietatem ad interiorem gratiam : vt sunt confessio fidei, dilectio Dei, & proximi, & huiusmodi. Quædam vero non habent necessariam contrarietatem, vel conuenientiam ad fidem per dilectionem operantem : vt sunt manducare hunc, vel illum cibum, vt sic, induere hunc vel illum habitum, & huiusmodi.

Opera igitur exteriora, per quæ homo Christi gratiam participat, præcipiuntur in noua lege, vt patet de Baptismo, de Eucharistia, penitentia &c.

Opera, quæ ex instinctu gratiæ producantur, si habeant necessariam conuenientiam ad gratiam ipsam in noua lege præcipiuntur, vt patet de actu confessionis fidei, de quo dicitur Matth. 10. Qui me confessus fuerit coram hominibus &c.

Opera vero procedentia quidem ex instinctu gratiæ, non habentia tamen aliquam necessariam connexionem cum gratia, non præcipiuntur, sed relicta sunt a legislatore Christo vnicuique secundum quod aliquis curam gerere debet de aliquibus, & sic vnicuique liberum est circa talia determinare, quid sibi expediat facere, vel vitare, & cuiusque præsentis circa talia ordinare suis subditis, quid sit in talibus faciendum, vel vitandum. Vnde etiam quantum ad hoc dicitur, lex noua, lex libertatis, nam lex vetus multa determinabat, & pauca relinquebat homini libertati determinanda.

Ex quibus patet minor, scilicet quod aliqui actus exteriores pertinent ad gratiam Spiritus Sancti, scilicet per quos gratia in nobis introducit, & quo modo aliqui procedunt ex gratia iam introducta, quorum quidam habent necessariam connexionem cum gratia, & quidam non, vt dictum est.

Ad Argumenta.

Ad 1. Negatur maior. Ad prob. dicitur, quod regnum Dei in interioribus actibus consistit principaliter, sed ex consequenti etiam ad regnū Dei pertinent omnia illa, sine quibus interiores actus esse non possunt. Sicut si regnum Dei est interior iustitia, & pax, & gaudium spirituale, necesse est, quod omnes exteriores actus, qui repugnant iustitiæ, aut paci, aut gaudio spirituali, repugnent etiam regno Dei, & ideo sunt in Euangelio regni prohibendi. Illa vero, quæ indifferenter se habent respectu horū, puta comedere hos, vel illos cibos, in his non est regnū Dei. Vnde Apost. præmittit. Non est regnum Dei esca, & potus.

Ad 2. Negatur maior. Ad prob. dicitur, quod secundum Phil. in 1. Met. cap. 2. Liber est, qui sui causa est. Ille ergo libere aliquid agit, qui ex se ipso agit : quod autem homo agit ex habitu suæ naturæ conuenienti, ex se ipso agit, quia habitus inclinatur in modum nature. Si vero habitus esset naturæ repugnans, homo non ageret, secundum quod est ipse, sed secundum aliquam corruptionem sibi superuenientem. Quia igitur gratia Spiritus Sancti est sicut interior habitus nobis infusus, inclinans nos ad recte operandum, facit nos libere operari ea, quæ conueniunt gratiæ, & vitare ea, quæ gratiæ repugnant. Siquidem lex noua dicitur lex libertatis dupliciter. Vno modo, quia non arctat nos ad faciendū, vel vitandū aliqua, nisi quæ de se sunt, vel necessaria, vel repugnantia salutis, quæ cadunt sub præcepto, vel prohibitionis legis. Secundo quia huiusmodi præcepta, vel prohibitiones facit nos libere implere, in quantum ex interiori instinctu gratiæ ea implemus. Et propter hæc duo, lex noua dicitur lex perfectæ libertatis. Iacob. 1.

Ad 3. Neg. minor. Lex enim noua, non solum cohibet animum, sed etiam manum ab inordinatis actibus, qui sunt effectus interiorum motuum. Ad prob. dicitur, quod differentia inter legem veterem, & nouam est, quia illa prohibebat solam manum, & non animum, vt patet ex dictis, lex autem noua prohibet vtrumque.

ARTICVLVS II.

Vtrum Lex noua sufficienter exteriores actus ordinauerit.

Pro Negatiua.

Videtur, quod lex noua insufficienter exteriores actus ordinauerit.

1. Lex noua explicauit quædam credenda, quæ non erant in veteri lege explicata, sicut de fide trinitatis.

trinitatis. Ergo Etiam debuit superaddere aliqua opera, ad moralia opera, quæ in veteri lege determinantur.

Conseq. prob. quia Cum ad legem nouam pertineat præcipue fides per dilectionem operans, secundum quod dicitur Gal. 5. Ea ratione, quæ explicauit quædam credenda, debuit superaddere aliqua operanda.

2. In noua lege præter sacramenta, nulla sunt instituta a Deo sacra, puta quæ pertineant, vel ad sanctificationem alicuius templi, vel vasorum, vel etiam ad aliquam solemnitatem celebrandam. Ergo Lex noua insufficienter exteriora opera ordinauit.

Conseq. prob. quia In veteri lege non solû sunt instituta sacramenta, sed etiam aliqua sacra, vt supra dictum est.

3. In lege noua videntur esse data quæ obferuantia solis Dei ministris, vt patet. Matth. 10. vbi dicitur Apostolis, Nolite possidere aurum, neque argentum, & cetera, quæ ibi sequuntur, & quæ dicuntur Luc. 9. & 10. Non autem data sunt aliqua obferuantia ad populû fidelem pertinentes. Ergo Lex noua insufficienter tradit exteriora opera.

Conseq. prob. quia In veteri lege, sicut erant aliqua obferuantia pertinentes ad Dei ministros, ita etiam erant quædam obferuantia pertinentes ad populû, vt q. 101. art. 4. & 102. art. 3. dictum est.

4. In lege noua non traduntur aliqua iudicialia præcepta. Ergo Lex noua insufficienter exteriora opera ordinauit.

Conseq. prob. quia In veteri lege præter ceremonialia, & moralia fuerunt quædam præcepta iudicialia.

Pro Affirmatiua.

Sapiens ædificator nihil omittit eorum, quæ sunt necessaria ad ædificium. Sed Matth. 7. dicit Christus. Omnis, qui audit verba mea hæc, & facit ea, assimilabitur viro sapienti, qui ædificauit domum suam supra petram. Ergo In verbis Christi sufficienter sunt omnia posita, quæ pertinent ad salutem humanam.

Determinatio.

Concl. Lex noua sufficienter ordinauit actus exteriores.

Prob. Lex noua sufficienter ordinauit actus per quos ad gratiam introducimur, & actus pertinentes ad bonum vsum gratiæ. Ergo Lex noua sufficienter ordinat actus exteriores.

Antequam probentur antecedens, & consequentia, est præmittendum, quod Actus exteriores pertinentes ad nouam legem sunt in duplici differentia, vt etiam art. præc. dictum est. Quidam sunt, per quos ad gratiam introducimur. Quidam ve-

ro sunt, qui pertinent ad rectum vsum gratiæ iam habitæ. Et hi adhuc sunt in duplici differentia.

Quidam pertinent ad rectum vsum gratiæ ex necessitate. Quidam vero pertinent ad rectum vsum gratiæ non ex necessitate: vnde tria ad summum sunt genera actuum pertinentium ad legem nouam. scilicet, Qui pertinent ad ipsam consecutionem gratiæ. Qui pertinent ad rectum gratiæ vsum ex necessitate. Et Qui pertinent ad gratiæ rectum vsum non ex necessitate.

Actus, per quos ad gratiam introducimur, siue per quos gratiam consequimur, sunt, qui pertinent ad susceptionem sacramentorum nouæ legis.

Actus pertinentes ad bonum vsum gratiæ ex necessitate, sunt opera charitatis, quæ secundum quod sunt de necessitate virtutis, pertinent ad præcepta moralia, quæ et in veteri lege tradebantur.

Actus pertinentes ad vsum gratiæ non ex necessitate, sunt illi, per quos determinatur moralia præcepta, vel in ordine ad diuinum cultum, vel in ordinem ad proximum. Actus determinantes præcepta moralia in ordine ad diuinum cultum pertinebant ad præcepta ceremonialia in lege veteri, & actus determinantes præcepta moralia in ordine ad proximum pertinebant in veteri lege ad præcepta iudicialia.

Et exemplariter singula explanando dicimus. Quod Actus, per quos ad gratiam introducimur sunt, suscipere sacramentum Baptismi, Confirmationis, Eucharistiæ, Penitentiae, Ordinis, &c.

Actus pertinentes ad rectum gratiæ vsum ex necessitate sunt, Diligere Deum super omnia, Parentes, & Proximum &c.

Actus pertinentes ad rectum gratiæ vsum non ex necessitate in ordine ad Deum, in lege veteri erant omnes ceremonie a Deo ordinatæ. In lege vero noua sunt omnes ceremoniæ, & obferuantia ad diuinum cultum pertinentes, vt sunt, quod sacerdos celebraturus indutus sit sacerdotilibus vestibus, quod templû sit consecratum, quod certis diebus a carnibus abstinere debeamus, & his similia.

Actus vero pertinentes ad rectum gratiæ vsum, non ex necessitate per ordinem ad proximum in lege veteri, erant omnes actus pertinentes ad iudicialia præcepta. In lege vero noua sunt omnes actus iudiciales, puta Quod Heretici sunt arcendi a fidelium conuersatione, Quod pertinaces comburantur, quod fures suspendantur, & his similia.

Quia igitur sacramenta sunt necessaria ad consecutionem gratiæ, Christus instituit ipsa per se ipsum, vt potest, per quem solum gratiam consequimur.

Baptismum instituit, quando ipse fuit baptizatus. Matt. 3. & Luc. 3. Io. 3. Matt. ult. & Marc. ult.

B b b b b 2 Eucha-

Eucharistiam instituit in vltima cœna. Mat. 16. Marc. 14. Luc. 22.

Ordinem ministrorum nouæ legis instituit, instituitque Apostolos, & septuaginta duos discipulos. Mat. 10. Marc. 3. Luc. 6. & Luc. 10.

Pœnitentiam instituit. Mat. 3.

Matrimonium indiuisibile instituit. Mat. 5. Confirmationem promisit per Spiritus Sancti missionem. Luc. vlt.

Extremam vñctionem institutâ a Christo fuisse habetur. Marc. 6. vbi legitur Apostolos ex institutione Domini vngendo oleo infirmos sanasse.

Actus autem exteriores necessarij, ad rectum gratiæ vsum, cum vt dictum est, pertineant ad præcepta moralia, quæ traduntur in veteri lege, quæ habent perpetuam obseruantiam, in lege noua huiusmodi præcepta fuerunt melius expolita, & approbata, vt patet. Mat. 5. ferè per totum, & Marc. 9. & Luc. 16. & Luc. 19.

De Actibus autem, qui non pertinent ad introductionem, nec ad vsum gratiæ ex necessitate, siue pertineat ad diuinum cultum, siue ad proximum sint ordinati, non sunt data aliqua præcepta in lege noua, sed relinquuntur humano arbitrio: quædam quidem quantum ad subditos, quæ scilicet pertinent sigillatim ad vnumquemque, quædam vero ad Prælatos spirituales, vel temporales, quæ scilicet pertinent ad communem vtilitatem.

Vnde lex noua nulla alia exteriora opera determinare debuit præcipiendo, vel prohibendo, nisi sacramenta, & moralia præcepta, quæ de se pertinent ad rationem virtutis, puta non esse occidendum, vel furandum &c.

Ex his probatur antecedens, & consequentia. Antecedens quidem, scilicet quod lex noua sufficienter ordinauerit exteriores actus, per quos ad gratiam introducimur, & eos, qui pertinent ad rectum gratiæ vsum, ostenditur. Quia In lege noua instituta fuerunt a Christo sacramenta, per quæ ad gratiam introducimur. Et confirmata fuerunt præcepta moralia, quorum actus pertinent ad rectum gratiæ vsum, vt dictum est.

Conseq. vero prob. quia Lex noua in exterioribus, illa sola præcipere, vel prohibere debuit, per quæ ad gratiam introducimur, vel quæ pertinent ad rectum gratiæ vsum ex necessitate: reliqua autem humano arbitrio determinanda relinquere debuit, vt dictum est.

Ad Argumenta.

Ad 1. Neg. conseq. Non enim est eadem ratio de credendis, & de operandis. Ea enim, quæ sunt fidei, sunt supra rationem humanam, vnde ad ea non possumus peruenire nisi per gratiam, & ideo abundantiori gratia in lege noua superueniente,

necessarium fuit, plura credenda explicari. Sed ad opera virtutum dirigimur per operationem naturalem, quæ est regula quædam humanæ operationis, vt dictum est. q. 19. art. 4. ideo in his non oportuit aliqua præcepta dari, vltra præcepta moralia legis, quæ sunt de dictamine rationis.

Et ex hoc patet, quid dicendum sit ad probationem. Nam & si ad legem nouam pertineat fides, per dilectionem operans, tamen fides est supra humanam rationem, non autem operatio, vt dictum est.

Ad 2. Neg. conseq. Non enim est eadem ratio in lege noua de sacramentis, & sacris. In sacramentis enim nouæ legis datur gratia, quæ non est nisi a Christo: Et ideo oportuit, quod ab ipso institutionem haberent. Sed in sacris non datur aliqua gratia, puta in consecratione templi, vel altaris, vel aliorum huiusmodi, aut etiam in ipsa celebritate solemnitatum: & ideo quia talia si se ipsa non pertinent ad necessitatem interioris gratiæ, Dñs fidelibus institutâ reliquit, pro eorum arbitrio.

Ad 3. Dicitur ad antecedens, Quod illa præcepta Dominus dedit Apostolis, non tanquam cœremoniales obseruantias, sed tanquam moralia instituta, & possunt intelligi dupliciter. Vno modo secundum Aug. lib. 2. c. 3. de consensu Euangelistarum, vt non sint præcepta: sed concessionis: concessit enim eis, vt possent pergere ad prædicationis officium sine pera, & baculo, & alijs huiusmodi, tanquam habentes potestatem necessariam vitæ accipiendi ab illis, quibus prædicabât. Vnde subdit. Dignus est enim operarius cibo suo; non autem peccat, sed supererogat, qui sua portat, ex quibus viuat in prædicationis officio, non accipiens sumptum ab his, quibus Euangelium prædicat, sicut Paulus fecit. Alio modo possunt intelligi secundum aliorum sanctorum expositionem, vt sint quædam statuta temporalia Apostolis data pro illo tempore, quo mittebantur ad prædicandum in Iudæam, ante Christi passionem. Indigebant enim discipuli, quasi adhuc paruuli sub Christi curâ existentes, accipere aliqua specialia instituta a Christo, sicut & subditi a suis prælatibus: præcipue quæ erât paulatim exercitandi, vt temporalium sollicitudinem abdicarent: per quod reddebantur idonei ad hoc, quod Euangelium per vniuersum orbem prædicarent. Nec est mirum si adhuc durante statim veteris legis, & nondum perfectam libertatem Spiritus consecutis, quosdam determinatos modos viuendi instituit, quæ quidem statuta imminente passione remouit tanquam discipulis iam per ea sufficienter exercitatis: vnde Luc. 22. dixit, Quando misi vos sine saculo, & pera, & calcamentis, nunquid de fuit aliquid vobis? at illi dixerunt,

Nihil.

Nihil. Dixit ergo eis, sed nunc, qui habet factum, tollat, similiter & peram. Iam enim imminet tempus perfectæ libertatis, vt totaliter suo dimitterentur arbitrio, in his, quæ secundum se non pertinent ad necessitatem virtutis.

Ad 4. Negatur conseq. Iudicialia enim præcepta secundum se considerata non sunt de necessitate virtutis quantum ad talem determinationem, sed solum quantum ad communem rationem iustitiæ, & ideo iudicialia præcepta reliquit Dominus disponenda his, qui curam aliorum erant habituri, vel spirituales, vel temporales. Sed circa iudicialia præcepta veteris legis quidam explanavit, propter malum intellectum Pharisæorum, vt infra dicitur.

ARTICVLVS III.

Vtrum Lex noua hominem circa interiores actus sufficienter ordinauit. it.

Pro Negatiua.

Videtur, quod lex noua insufficienter hominem circa interiores actus ordinauerit.

1. Dominus legem nouam condens, solum circa tria præcepta decalogi aliquid suppleuit, exponendo verum eorum intellectum.

Ergo Lex noua insufficienter hominem circa interiores actus ordinauit.

Conseq. prob. quia Decem sunt præcepta decalogi ordinantia hominem ad Deum, & proximum. Vnde insufficienter in lege noua, tria tantum ipsorum exponuntur.

Antecedens prob. Nam Matth. 5. vbi Dominus legem nouam condidit, circa tria præcepta decalogi aliquid suppleuit, scilicet circa Prohibitionem homicidij, adulterij, & periurij.

Homicidij quidem, dum dicitur. Audistis, quia dictum est antiquis, non occides. Ego autem dico vobis, quia omnis qui irascitur fratri suo, &c.

Adulterij vero dum dicitur. Audistis, quia dictum est antiquis. Non me habebis. Ego autem dico vobis, quia omnis, qui viderit mulierem ad concupiscendum eam, &c.

Periurij autem dum dicitur. Audistis, quia dictum est antiquis. Non periuurabis, ego autem dico vobis, non iurate omnino.

Sicut igitur ista tria præcepta exponuntur, & suppleuntur, ita etiam alia septem exponi, & suppleri debuerunt.

2. Dñs in Euangelio nihil ordinauit de iudicialibus præceptis, nisi circa repudiū vxoris, circa penā tallionis, & circa persecutionem inimicorū.

Ergo Insufficienter quantum ad hoc vitam hominis ordinauit.

Conseq. prob. quia Multa sunt alia præcepta iudicialia veteris legis, vt dictum est. quæst. 104. art. 4.

Antecedens Manifestatur. Nam Matth. 5. Illa sola tria iudicialia præcepta exponuntur, & suppleuntur. Et quidem de repudio vxoris dicitur. Dictum est autem, Quicumque dimiserit vxorem suam, det ei libellum repudiij, ego autem dico vobis, quia omnis, qui dimiserit uxorem suam, excepta causa fornicationis, eam mechari facit, &c.

De penā vero tallionis dicitur. Audistis quia dictum est, oculus pro oculo, & dente pro dente, ego autem dico vobis, non resistere malo, &c.

De persecutione autem inimicorum dicitur. Audistis, quia dictum est antiquis. Diliges proximum tuum, & odio habebis inimicum tuum, Ego autem &c. Debuerunt igitur etiam alia iudicialia exponi.

3. Dominus Nihil ordinauit circa præcepta ceremonialia. Ergo Insufficienter actus interiores hominis in lege noua ordinari videntur.

Conseq. prob. quia In veteri lege, præter præcepta moralia, & iudicialia, erant præcepta ceremonialia. Vnde sicut Dominus in noua lege aliquid circa moralia, & iudicialia ordinauit, videtur debuisse ordinare aliquid circa ceremonialia.

4. Dominus prohibuit solum ne queramus fauorem humanum, & hoc in tribus solis operibus scilicet in ieiunio, oratione, & eleemosyna. Ergo Insufficienter in lege noua actus interiores ordinantur.

Conseq. prob. quia Ad interiorem bonæ mentis dispositionem pertinet, non solum vt homo non querat fauorem humanum in his operibus, sed etiam, vt nullum aliud temporale bonum in suis operibus querat. Sed Multa alia bona temporalia sunt, præter fauorem humanum, & multa sunt alia bona opera, præter ieiunium, orationem, & eleemosynam. Ergo Inconuenienter Dominus prohibuit solum queratū humanæ gloriæ, & hoc in tribus tantum operibus.

Antecedens prob. quia Matth. 6. Solum de his tribus operibus fit mentio, scilicet eleemosina, oratione, & ieiunio, & solum de non querenda humana gloria.

Et de eleemosyna quidem dicitur. Cum facis eleemosynam, noli tuba canere ante te, sicut hypocritæ faciunt. Te autem faciente eleemosyna, nesciat sinistra tua, &c.

De

De oratione vero dicitur. Et cum oratis, non eritis sicut hypocritæ, &c. Tu autem cum oraveris intra cubiculum tuum, &c.

De Ieiunio autem dicitur. Cum ieiunatis, nolite fieri sicut hypocritæ tristes, &c.

Ex quibus patet. quod Dominus solum prohibet nobis querere humanam gloriam, & hoc solum in tribus operibus prædictis, ac per hoc insufficienter ordinari videtur actus interiores, ad quorum bonam dispositionem pertinet fugere non solum humanæ gloriæ appetitum, sed etiam aliorum bonorum temporalium, & hoc non solum in elemosyna, oratione, & ieiunio, sed etiam in alijs operibus.

5. Naturaliter homini inditum est, ut sollicitetur circa ea, quæ sunt sibi necessaria ad vivendum. Ergo Inconvenienter Dominus Matth. 6. prohibet sollicitudinem victus, & vestitus dicēs. Ne solliciti sitis animæ vestræ, quid manducetis, neque corpori vestro, quid induamini.

Antecedens prob. quia In hac sollicitudine, scilicet querendi necessaria ad victum, alia animalia cum homine conveniunt, Vnde Prouer. 6. dicitur. Vade ad formicam ut piger, & considera viam eius, quæ cum non habeat præceptorem, vel ducem, parat in estate cibum sibi, &c.

Conseq. prob. quia Omne præceptum, quod datur contra inclinationem naturæ, est iniquum, ut pote contra legem naturalem existens.

6. Nullus actus virtutis est prohibendus. Sed Iudicium est actus virtutis. Secundum illud Psal. 93. quousque iustitia conuerterat in iudicium. Ergo Inconvenienter Dominus Matth. 7. videtur prohibuisse iudicium, dum dicit. Nolite iudicare, &c.

Pro Affirmatiua.

Aug. dicit in lib. de sermone Domini in monte in principio. Considerandum est, quia cum dixit. Qui audit verba mea hæc, satis significat sermonem istum Domini omnibus præceptis, quibus Christiana vita formatur, esse perfectum.

Determinatio.

Concl. Lex noua, quam Dominus noster Iesus Christus per se ipsum in sermone, quem habuit in monte, de quo habetur. Matth. 5. 6. & 7. promulgauit, sufficienter hominem circa interiores actus ordinauit.

Prob. Autoritate, & Ratione. Autoritas est Aug. lib. 1. de Sermone Domini in monte in principio dicentis. Sermonem, quem locutus est Do-

minus noster Iesus Christus in monte, sicut in Euangelio secundum Matthæum legimus, si quis pie sobrieque considerare voluerit, puto quod inueniet in eo, quod ad mores optimos pertinet, perfectum vitæ Christianæ modum.

Secundo prob. Ratione. Lex, quæ ordinat hominem circa actus interiores, qui sunt de his, quæ pertinent ad seipsum, & eos, qui sunt de his, quæ pertinent ad proximum, & quæ docet modum adimplendi ea, quæ in lege præcipiuntur, sufficienter ordinat hominem circa interiores actus. Sed Lex noua ordinat hominem circa actus interiores, qui sunt de his, quæ pertinent ad se, & ad proximum, & docet modum adimplendi ea, quæ in ipsa lege præcipiuntur.

Ergo Lex noua sufficienter ordinat hominem circa interiores actus.

Maior prob. quia Omnes actus interiores hominis, vel sunt de his, quæ pertinent ad ipsum hominem, vel sunt circa ea, quæ pertinent ad proximum, vel sunt circa modum obsequiendi præceptis legis.

Minor prob. quo ad omnes partes. Et primo, quod lex noua convenienter ordinet homines circa actus, qui sunt de his, quæ pertinent ad se ipsum.

Sed sciendum, quod actus interior hominis, qui est circa ea, quæ pertinent ad se ipsum, est duplex. Scilicet voluntas de agendis, & Intentio de fine. Dominus igitur in sermone prædicto, post declarationem beatitudinis finē, per hoc quod beatitudines manifestauit dicens. Beati pauperes spiritu. Beati mites. Beati lugentes. Beati esurientes, & sitientes iustitiam. Beati misericordes. Beati mundo corde. Beati pacifici. Beati, qui persecutionem patiuntur propter iustitiam. Et post commendatam Apostolicam dignitatem, per hoc quod dicit. Vos estis sal terræ. Vos estis lux mundi, ordinat primo hominis voluntatem, secundum diuersa præcepta legis, declarando quod homo non solum debet abstinere ab exterioribus operibus, quæ sunt secundum se mala, sed etiam ab interioribus, & ab occasionibus malorum. Vnde Matth. 5. dicitur. Nisi abundauerit iustitia vestra plusquam Scribarum, & Phariseorum, non intrabitis in regnum celorum, quasi dicat. Iustitia Phariseorum est, ut abstinere ab operibus malis exterioribus, vos autem debetis etiam ab interioribus abstinere. Antiquis enim dictum est, non occides. Ego autem dico, ne irascamini fratribus vestris. Antiquis dictum est, non mœchaberis. Ego autem dico, quod qui vide-

xit mulierem ad concupiscendum eam, iam mechatus est in corde suo. Antiquis permittitur dimittere vxorem, dato libello repudij. Ego autem dico vobis, qui dimiserit vxorem, facit eam mechari. Antiquis dictum est, non periurabis. Ego autem dico vobis, nolite iurare omnino. Antiquis dictum est, oculum pro oculo. Ego autem dico vobis, nolite resistere malo, &c.

Antiquis dictum est, diliges amicum tuum. Ego autem dico vobis, diligite inimicos vestros. Ex quibus ordinatur volunras hominis, vt non solum non velit malos actus exteriores, sed nec etiam interiores.

Deinde ordinat Dominus alium interiorem actum, scilicet intentionem finis, & hoc in sermone prædicto. Matth. 6. ostendens quod in bonis, quæ agimus, neque queramus humanam gloriam, neque humanas diuitias. Humanam inquam gloriam prohibet per hoc, quod dicit. Attendite ne iustitiam vestram faciatis coram hominibus, alioquin mercedem non habebitis apud patrem vestrum. Cum ergo facis elemosynam, noli tuba canere, &c. Sed te faciente elemosynam, nesciat sinistra tua, quid faciat dextera. Et cum oratis, non eritis sicut hypocritæ, sed cum oraueris, intra in cubiculum tuum, &c. Et cum Ieiunatis nolite fieri sicut hypocritæ tristes. Sed cum ieiunas, vnge caput tuum, & faciem tuam laua, &c. Humanarum vero diuitiarum quæstum prohibet cum dicit. Nolite thesaurizare vobis thesauros in terra, &c. & infra. Non potestis Deo seruire, & Mammonæ. Ideo ne solliciti sitis animæ vestræ, quid manducetis, &c. Et ex his sufficienter ordinantur actus pertinentes ad seipsum.

Actus autem interiores, qui sunt de his, quæ ad proximum pertinent ordinat Dominus in sermone prædicto. Matth. 7. per hoc, quod prohibet, ne cum temerarie, aut iniuste, aut præsumptuose iudicemus, per hoc quod dicit. Nolite iudicare, & non iudicabimini. Et etiam per hoc, quod prohibet ei dare sacra, si sint indigni. Vnde dicit, nolite sanctum dare canibus, &c. & per hoc patet secunda pars minoris probandæ. Scilicet quod lex noua ordinet actus interiores circa ea, quæ sunt ad proximum.

Tertia pars eiusdem minoris, scilicet quod doceat, quomodo præcepta legis seruanda sint, ostenditur. Nam Matth. 7. docetur modus adimplendi Evangelicam legem, qui est, vt primo impleremus diuinum auxilium, per hoc quod dicit. Petite, & accipietis. Secundo, vt conatum adhi-

beamus ad ingrediendum per angustam portam perfectæ virtutis, dum dicitur. Contendite intrare per angustam portam. Tercio, vt caute incedamus, ne a seductoribus corruptamur, dum dicit. Attendite a falsis prophetis, &c. & Quarto ostendendo, quod ad virtutem non sufficit sola fidei confessio, vel miraculorum operatio, aut solus mandatorum auditus, sed vltius necessaria est obseruatio mandatorum, Vnde dicit. Non omnis, qui dicit mihi Domine Domine, intrabit in regnum cælorum, sed qui fecerit voluntatem patris mei, intrabit in regnum cælorum, Et iterum. Multi dicent mihi in illa die, Domine, non ne in nomine tuo prophetauimus, & demonia eiecimus, & virtutes multas fecimus, &c. & iterum, Omnis, qui audit verba mea, hæc, & facit ea, &c. & ex his remanet probata minor, quo ad omnes suas partes.

Ad Argumenta.

Ad 1. Negatur conseq. Ad prob. dicitur, quod Dominus solum circa illa legis præcepta, adimpletionem apposuit, in quibus Scribæ, & Pharisei non rectum intellectum habebant. Et hoc contingebat præcipue circa tria præcepta decalogi. Nam circa prohibitionem adulterij, & homicidij, extimabant solum exteriorem actum prohiberi, non autem interiorem appetitum, quod magis credebant circa homicidium, & adulterium, quam circa furtum, vel falsum testimonium: quia motus iræ in homicidium tendens, et concupiscentiæ motus tendens in adulterium, videntur aliquo modo nobis a natura inesse, non autem appetitus iurandi, vel falsum testimonium dicendi. Circa periurium vero habebant falsum intellectum, credentes, periurium quidem esse peccatum, iuramentum autem per se esse appetendum, & sequentandum, quia videtur ad Dei reuerentiam pertinere. Et ideo Dominus ostendit iuramentum non esse appetendum tanquam bonum, sed melius esse absque iuramento loqui, nisi necessitas cogat.

Ad 2. Negatur conseq. Ad prob. dicitur, quod licet sint alia præcepta iudicialia præter ea, quæ Dominus in Euangelio declarat, tamen de his solum fit mentio in Euangelio, circa quæ Pharisei errabant. Dupliciter enim Pharisei circa præcepta iudicialia errabant. Primo quidem, quia quædam, quæ in lege Moysi erant tradita tanquam permissiones, attimabant esse per se iusta, scilicet repudium vxoris, & vsuras accipere ab extraneis:

&c

& ideo Dominus prohibuit uxoris repudium Matth. 5. & usurarum acceptionem. Luc. 6. dicens. Date mutuum; nihil inde sperantes. Alio modo errabant credentes quædam, quæ lex vetus instituerat facienda propter iustitiam, esse exequenda ex appetitu vindictæ, vel ex cupiditate temporalium rerum, vel ex odio inimicorum, & hoc in tribus præceptis. Appetitum enim vindictæ credebant esse licitum, propter præceptum datum de pena tallionis, quod quidem fuit datum, ut iustitia seruaretur, non ut homo vindictam quaereret. Et ideo Dominus ad hoc remouendum docet animum hominis sic debere esse præparatum, ut si necesse sit, etiam paratus sit plura sustinere. Motum autem cupiditatis æstimabant esse licitum propter præcepta iudicialia, in quibus mandabatur restitutio rei ablata fieri, etiam cum aliqua additione, ut supra dictum est, quæst. 105. art. 2. & hoc quidem lex mandauit, propter iustitiam obseruandam, non ut daret cupiditati locum. Et ideo Dominus docet, ut ex cupiditate nostra non repetamus, sed simus parati, si necesse fuerit, etiam ampliora dare. Motum vero odij credebant esse licitum, propter præcepta legis data de hostium interfectione, quod quidem lex statuit propter iustitiam implendam, ut supra dictum est. quæst. 105. art. 3. non propter odia exaturanda. Et ideo Dominus docet, ut ad inimicos dilectionem habeamus, & parati simus, si necesse fuerit, etiam benefacere: hæc enim præcepta secundum præparationem animi sunt accipienda, ut Aug. exponit lib. 1. de Sermone Domini.

Ad 3. Dicitur dupliciter. Primo negando consequentiam. Ad prob. dicitur, quod licet in lege veteri essent etiam præcepta ceremonialia, præcepta moralia, & iudicialia, tamen rationabiliter Dominus in Euangelio de ceremonialibus non facit mentionem, sicut de moralibus, & iudicialibus. Moralia enim præcepta omnino in lege noua manere debebant, quia secundum se pertinent ad rationem virtutis. Præcepta vero iudicialia, & si non manerent ex necessitate secundum quod in lege ordinabantur, tamen relinquebantur arbitrio hominum instituenda, & ideo utraque præcepta Dominus exposuit. Ceremonialia autem omnino cessare debebant per rei impletionem, & ideo Dominus circa præcepta ceremonialia in illa communi doctrina, quam in monte tradidit, nihil ordinauit.

Dicitur secundo ad. antecedens, quod Dominus alibi, idest lo. 4. ostendit, quod Totus ille corporalis cultus legis antiquæ erat in spiritua-

lem commutandus. Vnde dixit Samaritana, Venit hora, quando neque in monte hoc, neque in Ierosolymis adorabitis patrem, sed veri adoratores adorabunt patrem in spiritu, & veritate.

Ad 4. Negatur consequ. Ad prob. dicitur, quod omnes res mundanæ ad tria reducuntur, scilicet ad honores, delicias, & diuitias, secundum illud 1. Io. 2. Omne, quod est in mundo, concupiscentia carnis est, quod pertinet ad delicias carnis: & concupiscentia oculorum, quod pertinet ad diuitias; & superbia vitæ, quod pertinet ad ambitum gloriæ, & honoris. Superfluas autem carnis delicias lex non promissit, sed magis prohibuit: repromissit autem celsitudinem honoris, & abundantiam diuitiarum. Dicitur enim Deuter. 18. Si audieris vocem Domini Dei tui, faciet te excellentiorem cunctis gentibus, quantum ad primū: & post pauca subdit. Abundare faciet te omnibus bonis, quantum ad secundum. Quæ quidem promissa sic prae intelligebant Iudæi, ut propterea esset Deo seruandum, sicut propter finem, & ideo Dominus hoc remouit, ostendens primo, quod opera virtutum non sunt facienda propter humanam gloriam: & ponit tria opera, ad quæ omnia alia reducuntur. Nam omnia, quæ aliquis facit ad refrenandum seipsum in suis concupiscentiis, reducutur ad ieiunium. Quæcunque vero fiunt propter dilectionem proximi, reducutur ad elemosinam. Quæcunque vero propter cultum Dei fiunt, reducutur ad orationem. Ponit autem hæc tria specialiter quasi præcipua, & per quæ homines maxime solent gloriam venari. Secundo docuit, quod non debemus finem constituere in diuitijs, cum dixit. Nolite thesaurizare vobis thesauros in terra.

Ad 5. Dicitur, quod sollicitudo hominis ad querendum necessaria est duplex, scilicet ordinata, et inordinata. Dominus non prohibuit sollicitudinem ordinatam, sed inordinatam. Est autem quadruplex inordinatio sollicitudinis vitanda circa temporalia.

Prima quidem, quando quis in temporalibus constituit finem, & Deo seruare omittit propter hanc sollicitudinem. Et hanc excludit Dominus cum dicit. Nolite thesaurizare vobis thesauros in terra, sed in cælo. Et querite primum regnum Dei, &c.

Altera est sollicitudo inordinata, quando quis sollicitatur de temporalibus cum desperatione diuini auxilij: quam excludens Dominus dicit. Scit enim pater vester cælestis, quia his omnibus indigeris.

Tertia sollicitudo inordinata est, quæ quis presumit.

sumit se posse necessaria consequi absque diuino auxilio, quod Dominus remouet per hoc quod nullus potest adijcere ad statutam suam, &c.

Quarta est per hoc, quod homo sollicitudinis tempus præoccupat, quam remouet Dominus cum dicit.

Nolite solliciti esse in crastinum.

Ad formam negatur consequentia.

Ad prob. dicitur, quod prohibitio inordinatæ sollicitudinis non est contra naturam, sed naturæ conformis.

Ad 6. Dicitur ad minorem, quod Dominus non prohibet iudicium iustitiæ, sine quo non possent Sancta subtrahi ab indignis, sed prohibet iudicium inordinatum, vt in corpore dictum est.

Ad minorem igitur dicitur, quod iudicium, quod prohibet Dominus, non est actus virtutis, sed vitiij.

ARTICVLVS.

Quartus.

Vtrum conuenienter in lege noua consilia quædam determinata sint propo-
nata sint propo-
nata sint propo-
nata sint propo-

Pro Negatiua.

Videtur, quod Inconuenienter in lege noua consilia quædam determinata sint propo-
nata.

1. Non eadem omnibus expediunt.

Ergo Non sunt aliqua consilia determinata, omnibus proponenda.

Conseq. prob. quia Consilia dantur de rebus expedientibus ad finem, ut supra dictum est q. 14. art. 2.

2. Non sunt determinati gradus melioris boni.

Ergo Non debent aliqua determinata consilia dari.

Conseq. prob. quia Consilia dantur de meliori bono.

3. De eo, quod pertinet ad perfectionem virtutis, debuit dari consilium.

Sed obedientia pertinet ad perfectionem virtutis.

Ergo De obedientia debuit in Euangelio dari consilium.

Sed in Euangelio non datur aliquod obedientiæ consilium.

Ergo Non sufficienter traduntur in lege noua consilia.

4. Multa ad perfectionem vitæ pertinentia inter præcepta ponuntur, sicut hoc quod dicitur. Matt. 5.

Diligite inimicos vestros, & præcepta, quæ dedit Dominus Matt. 10.

Ergo Consilia non sunt à præceptis distincta, ac per hoc inconuenienter traduntur in noua lege aliqua consilia.

Pro Affirmatiua.

Consilia sapientis amici sunt vtilia, & conuenientia.

Sed Consilia, quæ traduntur in lege noua, sunt consilia sapientis amici, scilicet Christi, qui est maxime sapiens, & amicus.

Ergo Consilia legis Euangelicæ sunt conuenientia.

Maiores prob. quia Prouer. 27. Dicitur. Bonis consilijs amici anima dulcorabitur.

Determinatio.

1. Concl. Conuenienter in lege noua supra præcepta addita sunt consilia.

Prob. In lege libertatis, supra præcepta conuenienter addita sunt consilia.

Sed Lex noua est lex libertatis.

Ergo In lege noua conuenienter supra præcepta addita sunt consilia.

Maiores prob. quia Hæc est differentia inter præceptum, & consilium, quod præceptum importat necessitatem, consilium vero ponitur in optione eius, cui datur: & ideo in lege libertatis, præter præcepta erant proponenda consilia, quæ libere seruarentur.

Minor prob. Ex differentia, quæ est inter legem veterem, & nouam.

Lex enim vetus erat lex seruitutis, & ideo in ea proponebantur solum præcepta, quæ erant necessario seruanda.

Lex autem noua est lex libertatis, & propterea in ea erant proponenda aliqua, quæ libere seruarentur.

Ccccc

Concl.

Concl. Præcepta nouæ legis sunt data de his, quæ sunt necessaria ad consequendum finem æternæ beatitudinis, in quem lex noua immediate introducit. Consilia vero de illis, per quæ melius, & expeditius potest homo consequi finem prædictum.

Manifestatur dupliciter, Primo. Quia hoc ex prima conclusione sequitur. Si enim præcepta sunt necessaria seruanda, & consilia libere, manifestum est etiam; quod præcepta sunt necessaria ad salutem, consilia vero sunt propter melius.

Secundo manifestatur. Nam homo est constitutus inter res huius mundi, & spiritualia bona, in quibus æterna beatitudo consistit, ita quod quanto plus inhæret uni eorum, tanto plus recedit ab altero. Qui igitur totaliter inheret rebus huius mundi, ita ut in eis finem constituit, habet has quasi rationes, & regulas suorum operum, totaliter excidit a spiritualibus bonis, & huiusmodi inordinatio tollitur per præcepta. Sed quod homo totaliter ea, quæ sunt mundi abijciat, non est necessariū ad perueniendum ad finem prædictum, quia potest homo, utens rebus huius mundi, dummodo in eis finem non constituat, ad beatitudinem æternam peruenire: sed expeditius perueniet, totaliter bona huius mundi abdicando, quod fit per consilia.

In forma igitur sic prob. concl. quo ad priorem partem. Ea, per quæ tollitur totalis deordinatio a rebus spiritualibus, sunt de his, quæ sunt necessaria ad salutem. Sed per præcepta tollitur totalis deordinatio a rebus spiritualibus. Ergo Præcepta sunt de necessariis ad salutem.

Maiores prob. quia Homo, qui totaliter est deordinatus a bonis spiritualibus, & in corporalibus finem ponit, non potest consequi salutem: unde id, per quod huiusmodi deordinatio tollitur est necessarium ad salutem.

Minor prob. Ex differentia posita inter præcepta, & consilia, quia scilicet per præcepta tollitur totalis ad corporalia adhesionem, per quam homo deordinatur totaliter ab ultimo fine. Per consilia vero homo totaliter diuellitur a corporalibus, & coniungitur rebus spiritualibus.

Quo ad posteriorem partem etiam in forma prob. concl. Ea, per quæ homo totaliter huiusmodi bona relinquit, & spiritualibus adhæret, non sunt necessaria simpliciter ad salutem, sed solum, ut facilius, & expeditius eam consequatur. Sed Consilia sunt, per quæ homo totaliter ab his corporalibus separatur, & ad cœlestia coniungitur. Ergo Consilia non sunt simpliciter necessaria, sed propter melius ad consequendum finem.

Maiores prob. quia Totaliter relinqueret res hu-

ius mundi, non est simpliciter necessarium, potest enim quis rebus huius mundi uti, & salutem consequi: sed hoc est necessarium ad melius consequendum salutem.

Minor prob. Ex differentia inter præcepta, & consilia posita, quia scilicet illa sunt per quæ tollitur totalis deordinatio, quæ salutem impedit: hæc uero totaliter spiritualibus coniungunt, relictis temporalibus, quod non est simpliciter, sed ad melius necessarium.

3. Conclus. Consilia generalia nouæ legis sunt tria, scilicet Paupertatis, Castitatis, & Obedientie.

Prob. Quor sunt ea, per quæ homo facilius, & expeditius suum ultimum finem consequitur, tot sunt consilia generalia nouæ legis. Sed tria sunt ea, per quæ homo expeditius, & facilius suum ultimum finem consequi potest. Ergo Tria sunt consilia generalia nouæ legis, scilicet Consilium Paupertatis, Castitatis, & Obedientie.

Maiores probatur. quia Consilia sunt de his, per quæ homo expeditius, & facilius ad ultimum finem tendit.

Minor Manifestatur. Nam bona huius mundi, quæ pertinent ad usum humanæ uitæ, in tribus consistunt, scilicet in diuitiis exteriorum bonorum, quæ pertinent ad concupiscentiam oculorum, & in deliciis carnis, quæ pertinent ad concupiscentiam carnis, & in honoribus, quæ pertinent ad superbiam uitæ, ut dicitur 1. Ioan. 2. & hæc tria relinquere totaliter, secundū quod possibile est, pertinet ad consilia Evangelica. Igitur per paupertatem relinquit homo diuitias. Per castitatem delicias carnis, & per obedientiam, honores, qui pertinent ad superbiam uitæ, & in his tribus fundatur omnis religio, quæ statum perfectionis proficitur.

4. Conc. Omnia particularia consilia ad hæc tria generalia reducuntur.

Manifestatur. Nam ea, quæ ad hæc tria consilia pertinent, possunt dupliciter obseruari, uno modo, simpliciter. Alio modo, secundum quid. Simpliciter ea obseruant, qui se astringunt uoto, ad ea seruanda, ut sunt Religiosi. Secundum quid uero ea seruant, qui non se astringunt, ad ea seruanda semper, sed ea seruant in aliquo particulari casu, & hæc dicuntur particularia consilia, quæ ad generalia reducuntur. Puta cum homo dat aliquam elemosinam pauperi, quando dare non tenetur, consilium sequitur, quantum ad factum illud, & hoc consilium reducitur ad consilium paupertatis. Similiter quando aliquo tempore determinato quis a delectationibus carnis abstinet, ut orationibus uacet, consilium sequitur,

quitur, pro tempore illo, quod reducitur ad castitatem. Similiter quando quis non sequitur voluntatem suam in aliquo facto, quod licetè posset facere, puta si bene faciat inimicis, quando non tenetur, uel remittat offensam, cuius iuste posset exigere vindictam, sequitur consilium, quod ad obedientiam reducitur, & sic de alijs.

Ad Argumenta.

Ad 1. Dicitur, quod ea, de quibus sunt consilia nouæ legis, possunt considerari dupliciter. Vno modo, secundum se. Alio modo, quatenus respiciunt dispositionem, vel indispositionem eorum, quibus consilia dantur. Tunc ad anteced. dicitur, quod consilia, quantum est de se, sunt omnibus expedientia, sed ex indispositione aliquorum contingit, quod alicui expedientia non sunt, quia eorum affectus ad hæc non inclinatur. Et ideo Dominus consilia Euangelica proponēs, semper facit mentionem de idoneitate hominum ad obseruantiam consiliorum. Dans enim consilium paupertatis. Matth. 19. præmittit. Si vis perfectus esse, & postea subdit, Vade, & vende omnia, quæ habes. Similiter dans consilium perpetuæ castitatis, cum dixit, Sunt Eunuchi, qui castrauerunt seipso propter regnum celorum, statim subdit, Qui potest capere capiat. Et similiter Apost. 1. ad Cor. 7. præmisso consilio virginittatis dicit. Porro hoc ad utilitatem vestram dico, non ut laqueum vobis iniiciam.

Ad 2. Dicitur ad anteced. quod non sunt determinata meliora bona in particulari, Vnde nec sunt determinata consilia in particulari. In vniuersali uero sunt determinati gradus melioris boni, & ideo possunt dari determinata generalia consilia, ad quæ tamen particularia reducuntur.

Ad 3. Negatur, quod subsumitur, Consilium enim obedientiæ datur in Euangelio. Dedit enim Dominus hoc consilium, cum dixit Luc. 9. & sequatur me. Dominum enim sequimur, non solum imitando opera, sed obediendo mandatis ipsius, secundum illud Io. 10. Oves meæ vocem meam audiunt, & sequuntur me.

Ad 4. Dicitur, quod ea, quæ dicunt de dilectione inimicorum; & similibus in Euangelio Matt. 5. & Luc. 6. possunt referri ad duo, scilicet ad præparationem animi, & ad actualement promptam executionem extra casum necessitatis. Si referantur ad præparationem animi, sunt de necessitate salutis, ut scilicet homo sit paratus benefacere inimicis, & alia huiusmodi facere, cum necessitas hoc requirat, & ideo inter præcepta ponuntur. Sed ut aliquis inimicis hoc exhibeat

prompte in actu, ubi specialis necessitas non occurrat, pertinet ad consilia particularia, ut dictum est, In corp. art. 2. ad 2. arg. Illa autem, quæ ponuntur Matth. 10. & Luc. 9. & 10. fuerunt quædam præcepta disciplinæ pro tempore illo, vel concessionem quædam, ut supra dictum est, & ideo non inducuntur tanquam consilia.

DE ALTERO

principio exteriori humanorum actuū, scilicet de Gratia.

Consequenter, iuxta diuisionem factam in quæst. 100. considerandum est de altero principio humanorum actuū, scilicet de gratia, per quam a Deo adiuvamur ad recte agendum, &

Primo, Considerandum est de ipsa gratia Dei. in q. 109. 110. 111

Secundo, De causa gratia in q. 112.

Tertio, De effectibus gratia, in quæstione 113. & 114.

Prima consideratio erit tripartita, Nam

Primo, Considerabitur de necessitate gratia. in quæst. 109.

Secundo, De ipsa gratia quantum ad eius essentiam. q. 110.

Tertio, De eius diuisione. in q. 111.

QVÆSTIO CIX.

DE NECESSITATE GRATIAE.

ARTICVLVS I.

Virum homo sine gratia aliquod verum cognoscere possit.

Pro Negatiua.

Videtur, quod homo sine gratia nullum verum cognoscere possit.

1. Quod potest cognosci sine gratia, potest cognosci sine Spiritu Sancto. Sed Nullum verum potest homo cognoscere sine Spiritu Sancto, Ergo Nullum verum potest homo cognoscere sine gratia.

Maiores prob. Quia Spiritus sanctus habitat in nobis per gratiam.

Minores probatur. Quia Glo. Amb. super illud. 1. Cor. 12. Nemo potest dicere Dominus Iesus

Ccccc 2 nisi

nisi in Spiritu Sancto, dicit, Omne verum, a quo-
cunque dicatur, a Spiritu Sancto est.

2. Sensus corporis quantumcunque; sit purus, nō
pōt aliquid visibile videre sine solis illustratione.
Ergo Nec humana mens, quantumcunque; sit per-
fecta, potest veritatem cognoscere ratiocinando,
absque illustratione diuina, quæ ad auxilium gra-
tiæ pertinet.

Conseq. prob. quia Sicut se habet illustratio so-
lis ad visum, & ad visibilia, ita se habet illustratio
diuina ad intellectum, & ad ea, quæ per intelle-
ctum cognoscuntur, vt patet per Aug. 1. soliloq.
cap. 6. dicentem, quod Disciplinatum certissima
alia sunt, quæ illa, quæ a Sole illustrantur, vt
videri possint: Deus autem ipse est, qui illustrat,
ratio autem ita est in mentibus, vt in oculis est as-
pectus, mentis autem oculi sunt sensus animæ.

3. Non possumus aliquid cogitare sine auxilio
gratiæ. Ergo Non potest homo veritatem cogno-
scere sine auxilio gratiæ.

Antecedens probatur. quia 2. Corin. 3. dicitur.
Non sumus sufficientes cogitare aliquid a nobis,
quasi ex nobis.

Conseq. prob. quia Non potest humana mens
veritatem intelligere, nisi cogitando, vt patet per
Aug. 14. de trin. c. 6.

Pro Affirmatiua.

Sine eo, per quod homo mundus efficitur, po-
test cognoscere veritatem. Sed Gratia est, per quā
homo mundus efficitur. Ergo Siue gratia potest
homo cognoscere aliquam veritatem.

Maiores probatur. quia Aug. dicit in lib. retract.
cap. 4. Non approbo, quod in oratione dixi, De-
us, qui non nisi mundos verum scire voluisti, Re-
sponderi enim potest, multos, etiam non mundos
multa scire vera.

Minor probatur quia Psal. 50. dicitur, Cor man-
dam crea in me Deus.

Determinatio.

1. Dist. Verum cognoscibile ab humano intel-
lectu est duplex. Quoddam est, ad quod homo
per sensibilia, lumine naturali intellectus per-
tingere potest. Quoddam vero est, ad quod
non potest pertingere per sensibilia, solo lumi-
ne naturali intellectus. Ad primum genus ve-
ri pertinent omnia naturalia. Ad secundum
vero pertinent omnia supernaturalia, vt sunt
Trinitas personarum, Incarnationis: Myte-
rian, &c.

2. Dist. Nomine gratiæ in proposito tria signi-

ficari possunt. Primo potest nomine gratiæ si-
gnificari diuinum auxilium, quo Deus mouet in-
tellectum ad cognitionem veri, siue naturalis, si-
ue supernaturalis. Secundo Nomine gratiæ po-
test intelligi lumen intelligibile naturale, quod
Deus intellectui infundit, vt sit quasi formale
principium intellectionis, & cognitionis veritatis.
Tertio Nomine gratiæ potest intelligi aliquid
supernaturale lumen, superadditum naturali lu-
mini intellectus, puta lumen fidei, aut prophetiæ,
& hoc proprie dicitur lumen gratiæ.

Sensus quæriti.

Est igitur sensus quæriti, Vtrum homo sine
gratiæ, id est sine auxilio diuino mouente intelle-
ctum ad cognitionem veri, vel absque Deo in-
fundente naturalem lumen, vel sine Deo infunden-
te supernaturale lumen, possit cognoscere aliquid
verum, naturale, vel supernaturale.

1. Conclusio. Homo non potest cognoscere a-
liquod verum naturale, nec supernaturale, sine
Deo mouente intellectum ad cognitionem veri,
naturalis, vel supernaturalis.

Prob. Sicut se habent corpora inferiora ad
propriis motus, siue operationes, in ordine ad
motum corporum cœlestium, sic se habet huma-
nus intellectus ad cognitionem veri, in ordine ad
Deum. Sed corpora inferiora non possunt moueri,
nec suas operationes exercere, nisi per mo-
tionem corporis cœlestis, quæ est prima in ordi-
ne corporalium motionum. Ergo Nec intelle-
ctus potest aliquid cognoscere, nisi moueatur a
Deo, qui est primum mouens simpliciter.

Maiores probatur. quia Cognitio veritatis est
quidam motus, large accipiendo motum, se-
cundum quod intelligere, & velle, motus qui-
dam esse dicuntur, vt dicitur tertio de anima.
tex. 28. & hoc etiam manifestatur. Cognosce-
re enim veritatem, est vsus, quidam, vel actus
intellectualis luminis: quia secundum Apost.
ad Ephes. quinto. Omne, quod manifestatur,
lumen est. Vsus autem motum quandam im-
portat, large accipiendo motum, vt dictum est.
Vnde quemadmodum se habent corpora in-
feriora ad suos motus, per respectum ad mo-
tum primum corporis cœlestis, ad quem tanquam
ad primum in ordine corporalium motuum om-
nes corporales motus reducuntur: ita se habet
intellectus humanus, immo omnis creatura
ad ipsum Deum, ad quem omnes motus, & om-
nes operationes omnium creaturarum tanquam

ad primum mouens simpliciter reducitur, ab eoque dependet.

Minor probatur. quia Quantumcunque ignis habeat calorē perfectum, non tamen alteraret, nisi per motionem celestis corporis, & hoc dicendum est de alijs agentibus corporalibus, quorum nulum operari posset cessante motu primi celi. Et hoc idem accidit in operatione creaturarum spiritualium, nulla enim spiritualis creatura intelligere posset, nisi moueretur a Deo, qui est primum mouens simpliciter.

2. Conclusio. Homo non potest cognoscere aliquod verum, sine Deo infundente lumen naturale, quod sit quasi formale principium cognitionis veritatis.

Manifestatur. quia Sicut a Deo, vt a primo mouente est omnis motus, sic ab ipso, vt a primo actu est omnis actus, & formalis perfectio.

Correl. Sic igitur actio intellectus, & cuiuscunque alterius entis creati dependet a Deo quantum ad duo, scilicet in quantum ab ipso habet perfectionem, siue formam: & in quantum ab ipso mouetur ad agendum. Ignis enim habet a Deo calorē, & actionem calefaciendi, & intellectus habet a Deo intellectuale lumen, & motum ad intelligendum verum.

3. Conclusio. Homo per naturale lumen intellectuale sibi a Deo inditum, cum diuino auxilio mouente ipsum ad intelligendum, absque aliquo superaddito lumine supernaturali potest cognoscere verum, quod non excedit naturam humani intellectus, ad quod scilicet potest per sensus manuduci.

Prob. Lumen naturale humani intellectus, secundum suā proprietatem, potest habere actum cognitionis veri naturalis. Ergo Homo cum solo lumine naturali, supposito diuino auxilio, potest naturale verum cognoscere, absque aliquo superaddito supernaturali lumine.

Antecedens prob. quia Vnaqueque forma indita rebus creatis a Deo, habet efficaciam respectu alius actus determinati, in quem potest secundum suam proprietatem. Vnde lumen naturale intellectus, secundum suam proprietatem poterit in actum cognitionis veri naturalis.

4. Conclusio. Homo per solū naturale lumen, non potest cognoscere verum supernaturale, sed indiget aliquo superaddito lumine fidei, vel prophetia; quod dicitur lumen gratia.

Prob. Lumen naturale intellectus, secundum suam proprietatem, non potest nisi in verum naturale. Ergo Ad cognitionem supernaturalem necessarium est lumen superadditum naturali lumen, quod est lumen gratia.

Manifestatur hæc ratio a simili. Nam quia aqua secundum suam naturam potest humectare, aut infrigidare, ad hos actus non indiget aliqua superaddita forma, sed quia aqua secundum suā proprietatem non potest calefacere, aut coquere carnes, vel aliquid simile, propterea adhuc necessaria est aliqua forma superaddita, vt scilicet recipiat calorem ab igne. Ita in proposito, quia intellectus humanus potest in verum, naturaliter cognoscibile, absque aliquo superaddito lumine, naturale verum cognoscere potest. Quia vero naturale lumen intellectus humani non se extendit ad supernaturale verum, propterea indiget supernaturali lumine gratia, sine quo ad cognitionem eius non potest peruenire.

5. Conclusio. Deus quandoque miraculose, per suam gratiam aliquos instruit, etiam de his, quæ per rationem naturalem cognosci possunt.

Manifestatur. quia Deus quandoque miraculose facit aliqua, quæ natura facere potest. Et patet conclusio præcipue in Adam, & Salomone, & alios, quos Deus per gratiam instruxit, etiam de his, quæ ipsi succedū temporis naturaliter scire potuissent.

Breuis ad quæsitum responsio.

Breuitur igitur colligendo prædicta respondetur ad quæsitum duabus conclusionibus.

1. Conclusio. Si nomine gratia intelligatur diuinum auxilium, quo Deus mouet intellectum ad intelligendum, & perfectio siue lumen naturale intellectus, quod homo a Deo, vt a primo lumine recipit, Nullum verum homo absque gratia intelligere, aut cognoscere potest.

Prob. quia Quæcunque actio, non solum intellectus, sed cuiuscunque creaturæ dependet a Deo, quo ad illa duo, scilicet quia Deus dat formam, & mouet ad actionem, ad quam dedit formam.

2. Conclusio. Si nomine gratia intelligatur lumen supernaturale, superadditum naturali lumen (quod propriè lumen gratia dicitur) Homo sine gratia potest cognoscere aliquod verum, scilicet naturale, non autem verum supernaturale.

Manifestatur. quia Lumen naturale secundum suam proprietatem solum in verum naturale potest, non autem potest in verum supernaturale, & ideo illud secundum se, istud vero non nisi per supernaturale lumen gratia cognoscere potest.

Ad Argumenta.

Ad 1. Dicitur, quod aliquid verum posse cognosci, vel non cognosci sine Spiritu Sancto potest dupliciter intelligi. Vno modo absque Spiritu Sancto infundente naturale lumen, & mouente ad intelligendum, & loquendum veritatem. Alio modo absque Spiritu Sancto inhabitante, per gratiam gratum facientem, vel sicut largiente aliquid supernaturale donum, nature superaditum. Ad maiorem dicitur, quod illud, quod potest cognosci sine gratia habituali, potest quidem cognosci sine Spiritu Sancto infundente supernaturale donum, vel inhabitante per gratiam gratum facientem, non tamen sine Spiritu Sancto mouente, & infundente naturale lumen. Et ad minorem dicitur, quod nullum verum potest sciri sine Spiritu Sancto infundente lumen naturale, & mouente ad intelligendum, potest tamen cognosci aliquid verum sine Spiritu Sancto infundente supernaturale lumen gratiæ, & sic intelligenda est sententia Ambrosii. inducta, scilicet quod Omne verum, a quocunque dicatur, a Spiritu Sancto est. a Spiritu Sancto inquam infundente naturale lumen, & mouente ad intelligendum, non autem semper est a Spiritu Sancto infundente aliquid supernaturale donum.

Ad 2. Conceditur totum, sicut etiam oculus corporalis non potest aliquid videre, nisi per solis illustrationem, ita nec intellectus potest aliquid verum cognoscere absque aliqua diuina interiori illustratione, quæ diuina illustratio respectu naturalis veri est ipsum intellectuale lumen naturale, sine quo intellectus nihil omnino cognoscere potest, vt dictum est, respectu autem veri supernaturalis requirit nouam illustrationem, quæ fit per supernaturale lumen, vt etiam dictum est.

Ad 3. Dicitur ad antecedens, quod non possumus aliquid cogitare sine diuino auxilio, quo mouemur ad cogitandum, & ad actualem intellectionem, cum quo tamen stat, vt aliqua cogitare, & cognoscere possimus sine aliquo supernaturali gratiæ habitualis dono, vt ostensum est in corp.

ARTICVLVS II.

Utrum Homo possit velle, & facere bonum absque gratia.

Pro Affirmatiua.

Videtur, quod Homo possit velle, & facere bonum absque gratia.

1. Qui est Dominus suorum actuum, potest velle, & facere bonum sine gratia. Sed Homo est Dominus suorum actuum, & maxime eius, quod est velle, vt dictum est quæstio. 1. artic. 2. & alibi.

Ergo Homo potest velle, & facere bonum absque gratia.

Maior prob. quia Illud est in hominis potestate, cuius ipse est Dominus.

2. Homo per seipsum potest peccare. Ergo Multo magis potest per seipsum velle, & facere bonum.

Conseq. prob. Vnumquodque potest magis in id, quod est sibi secundum naturam, quam in id, quod est præter naturam. Sed Peccare est contra naturam, vt Dam. dicit in 2. lib. cap. 30. Opus vero virtutis est homini secundum naturam, vt dictum est. quæst. 71. artic. 1. Ergo Si potest homo per seipsum peccare, multo magis poterit per seipsum benefacere.

3. Intellectus per se ipsum potest cognoscere verum. Ergo Homo per se ipsum potest velle, & facere bonum.

Conseq. prob. quia Verum est bonum intellectus, vt dicitur 6. Ethic. cap. 2.

Antecedens prob. quia Quælibet res potest per seipsam suam naturalem operationem facere.

Pro Negatiua.

Apostolus dicit ad Rom. 8. Non est volentis, scilicet velle, neque currentis, scilicet currere, sed miserentis Dei, & Augustinus dicit in lib. de corr. & gratia, cap. 2. Sine gratia nullum prorsus, siue cogitando, siue volendo, & amando, siue agendo faciunt homines bonum.

Determinatio.

1. Dist. Natura hominis potest considerari dupliciter. Vno modo in sui integritate, sicut fuit in primo parente ante peccatum. Alio modo secundum quod est corrupta in nobis per peccatum primi Parentis.

2. Dist. Bonum operabile ab homine est duplex. Quoddam est suæ nature proportionatum, quale est bonum virtutis acquisite. Quoddam vero est bonum superexcedens nature facultatem, quale est bonum virtutis infusæ.

1. Conclusio. Natura humana in utroque statu indiget diuino auxilio ad faciendum, & volendum quodcumque bonum, sicut primo mouente.

Hæc Concl. Manifesta est ex ratione primæ conclusionis Artic. præced. Quia scilicet nulla creatura potest aliquid operari, nisi Deo mouente ipsam ad propriam operationem.

2. Con-

2. Conclusio. In statu naturæ integræ poterat homo, quantum ad sufficientiam suæ virtutis, per sua naturalia velle, & operari bonum suæ naturæ proportionatum, scilicet bonum virtutis acquisitæ.

Quæ Conclus. etiam patet ex his, quæ dicta sunt art. præced. in prob. 3. conclusi. Quia scilicet vnaqueque forma, indita rebus creatis a Deo, habet, vt possit producere actum aliquem determinatum, secundum suam proprietatem.

3. Conclusio. Homo in statu naturæ integræ non poterat per sua naturalia velle, & operari bonum superexcedens facultatem naturæ, quod est bonum virtutis infusæ, sine gratia.

Manifestatur per ea, quæ dicta sunt artic. præced. in prob. 4. conclusionis. Forma enim indita rebus creatis, non potest attingere ea, quæ superexcedunt naturam, nisi per aliquam superadditam formam, vt ibidem exemplificatum est de aqua, quæ non potest calefacere, nisi fuerit prius ab igne calefacta.

4. Conclusio. Homo in statu naturæ corruptæ, per virtutem suæ naturæ potest sine speciali auxilio gratiæ operari aliquod particulare bonū suæ naturæ proportionatum, vt sunt ædificare domos, plantare vineas, & alia huiusmodi.

Manifestatur. quia Natura humana per peccatum non est totaliter corrupta, vt scilicet toto naturæ bono priuatur, quod tamen esset, si nulum bonum omnino agere posset.

5. Conclusio. Homo in statu naturæ corruptæ, non potest agere per solam virtutem suæ naturæ omne bonum sibi proportionatum, ita vt in nullo deficiat, sine auxilio gratiæ.

Manifestatur. Nam homo per peccatum effectus est infirmus ad operandum bonum, Vnde si cur homo corporaliter infirmus, quamvis possit habere ex se aliquem motum, non tamen perfecte potest moueri motu hominis sani. Ita homo spiritualiter infirmus per peccatum, & si per virtutem suæ naturæ possit aliquod bonum facere, non tamen potest perfecte facere omne bonum suæ naturæ proportionatum, ita vt in nullo deficiat, nisi prius per gratiam sanetur.

diget, non solum diuino auxilio mouente, sed etiam virtute gratuita superaddita virtuti naturæ quantum ad vnum, scilicet ad volendum, & ad operandum supernaturale bonum.

Tertium. Homo in statu naturæ corruptæ indiget non solum diuino auxilio mouente, sed etiā virtute gratuita superaddita virtuti naturæ quantum ad duo, scilicet vt sanetur, & vterius vt bonum supernaturalis virtutis, quod est meritum, operetur.

Ad Argumenta.

Ad 1. Dicitur, quod aliquem habere dominium sui actus, potest intelligi dupliciter. Vno modo, vt taliter sit sui actus Dominus, quod a nullo indigeat moueri ad operandum. Alio modo, vt habeat quidem dominium sui actus, sed tamen quod non possit operari nisi præsupposita aliteris motione. Ad maiorem igitur dicitur, quod qui habet dominium sui actus primo modo, verum est, quod potest facere bonū absque aliquo superaddito auxilio, non autem qui est Dominus sui actus tantum secundo modo. Tunc ad minorem dicitur, quod homo non habet dominium sui actus primo modo, hoc. n. solius Dei est proprium, sed tantum secundo modo. Homo enim est Dominus suorum actuum, & volendi, & non volendi propter deliberationē rationis, quæ potest flecti ad vnam partem, vel ad aliam, sed quæ deliberet, vel non deliberet, oportet quod sit per deliberationem præcedentem, & cum hoc non procedat in infinitum, oportet vt finaliter deueniatur ad hoc, quod lib. arb. hominis moueatur ab aliquo exteriori principio, quod est supra mentem humanam, scilicet a Deo, vt etiam Phil. probat 7. Mor. eud. cap. 18. Vnde mens hominis etiā sani non ita habet dominium sui actus, quin indigeat moueri a Deo, & multo magis lib. arb. hominis infirmi post peccatum, per quod impeditur a bono per corruptionem naturæ.

Ad 2. Negatur consequ. Non enim est eadem ratio de eo, quod est posse peccare, & posse facere bonum. Peccare enim nihil aliud est, quam deficere a bono. Posse autem deficere a bono conuenit omnibus creaturis secundum eorum naturam: & hoc quia vnaqueque res creata, sicut in se considerata nihil est, & non habet esse nisi ab alio, ita nec bonitatem. Vnde sicut potest secundum se ipsam deficere ab esse, ita potest deficere a bono. Posse autem operari bonum, est a Deo, sicut & esse. Vnde sicut creatura non potest esse sine Dei auxilio, nec potest bonum operari sine eodem Dei auxilio. Ad probationem consequ. dicitur ad minorem, quod peccare non est contra natu-

Breuis ad quæsitum responsio.

Breuitur igitur ad quæsitum dicuntur tria.

Primum. Homo in vtroque statu naturæ, scilicet integræ, & corruptæ indiget diuino auxilio, vt moueatur ad bene agendum.

Secundum. Homo in statu naturæ integræ in-

naturam, idest contra id, quod est a natura, sed dicitur esse contra naturam, quia inclinat contra bonum uirtutis, quod est homini secundum naturam, ut plenius dictum est, quaest. 71. art. 1.

Ad 3. Dicitur dupliciter. Primo, dicitur ad antecedens, quod nec etiam uerum potest cognoscere homo sine Diuino auxilio, ut art. præcedenti probatum est.

Secundò, negatur conseq. Non enim est eadè ratio de cognitione ueri, & de uoluntate boni. Natura enim magis corrupta est per peccatum quantum ad appetitum boni, quam quantum ad cognitionem ueri.

ARTICVLVS III.

Vtrum homo possit diligere Deum super omnia ex solis naturalibus, sine gratia.

Pro Negatiua.

Videtur, quod Homo non possit diligere Deum super omnia, ex solis naturalibus sine gratia.

1. Qui potest diligere Deum super omnia ex solis naturalibus sine gratia, potest per se ipsum habere charitatem. Sed Homo non potest per seipsum habere charitatem. Ergo Homo non potest per seipsum ex puris naturalibus, sine gratia diligere Deum super omnia.

Maiores probatur. quia Diligere Deum super omnia, est proprius, & principalis actus charitatis.

Minor prob. quia Charitas non est in nobis, ex nobismetipsis, sed diffusa est in cordibus nostris per Spiritum Sanctum, qui datus est nobis, ut dicitur Rom. 5.

2. Homo secundum suam naturam non potest supra se ipsum. Ergo Homo ex solis naturalibus non potest diligere Deum super omnia.

Antecedens probatur. quia Nulla natura creata ex solis naturalibus potest aliquid supra se ipsum.

Conseq. prob. quia Diligere Deum plusquam se, est tenere in aliquid supra seipsum.

3. Ad impendendum Deo summum amorè, qui ei a nobis debetur, non sufficit homo, sine gratia. Sed Diligere Deum super omnia, est impendere Deo summum amorè, qui ei, ut summo bono, debetur. Ergo Ad diligendum Deum super omnia, non sufficit homo sine gratia.

Maiores prob. quia Alioquin frustra adderetur gratia.

Pro Affirmatiua.

Primus Homo in solis naturalibus, in quibus

primo constitutus fuit, (vt a quibusdà ponitur) Deum super omnia dilexit. Ergo Homo ex solis naturalibus Deum diligere potest plusquam se, & super omnia.

Antecedens prob. nam Homo in solis naturalibus constitutus, manifestum est, quod aliquantulum Deum diligebat. Sed Non potuit diligere Deum minus quam se ipsum, nec aequaliter, quia tunc peccasset. Ergo Homo in tali statu plus Deum quam se dilexit.

Determinatio.

Dist. Homo potest in duplici statu considerari. scilicet in statu naturæ integræ, & in statu naturæ corruptæ, de qua distinctione abunde dictum est in art. præced.

1. Concl. Homo in statu naturæ integræ poterat diligere Deum super omnia sine auxilio habitualis gratiæ superaddito naturæ, quamuis non sine auxilio Dei mouentis.

Prob. Bonum, quod est homini connaturale, potest ipse homo in statu naturæ integræ virtute suæ naturæ operari, absque superadditione gratuitæ doni, licet non absque auxilio Dei mouentis. Sed Diligere Deum super omnia, est quoddam connaturale homini, & etiam cuilibet creaturæ, non solum rationali, sed etiam irrationali, non solum animatæ, sed etiam inanimatæ secundum modum amoris, qui unicuique creaturæ competere potest.

Ergo Homo in statu naturæ integræ, ex solis naturalibus, absque habitualis gratiæ dono superaddito naturæ, licet non sine auxilio Dei mouentis, potest diligere Deum super omnia.

Maiores probata est art. præced. & est Conclusio secunda in corpore posita.

Minor prob. Illud, quod secundum quod est, Dei est, naturaliter plus diligit bonum Dei, a quo est, quam bonum proprium. Sed Homo secundum quod est, Dei est.

Ergo Homini connaturale est plus Deum, quam seipsum diligere.

Maiores huius prob. Quia unicuique naturale est, quod appetat, & amet aliquid, secundum quod aptum natum est esse. Vnde Phil. dicit 2. Phyl. 68. Sic agitur vnumquodque, sicut natum est esse. Illud igitur, quod secundum quod est, Dei est, naturaliter plus diligit Deum, quam seipsum. Et hac ratione pars plus bonum totius, quam proprium diligit, exponit enim se brachium pro defensione totius corporis, quia pars secundum quod est, totius est. Sic omnes res particulares, naturaliter appetit, & amore, plus bonum totius vniuersi, quam

quod est Deus, quam proprium bonum diligit. Vnde & Dion. dicit 4. Cap. de Diu. Nom. quod Deus conuertit omnia ad amorem sui ipsius. Homo igitur in statu naturæ integræ dilectionē sui ipsius, sicut ad finē, & similiter dilectionē aliarū rerū, referebat ad amorē Dei, & ita Deum plus quam seipsum, & super omnia diligebat.

Hæc rō habetur et p.p. q. 60. art. 5. ad probandum, quod Angelus plus Deum, quā se diligebat.

2. Conclusio. Homo, in statu naturæ corruptæ propter peccatum, deficit a dilectione Dei super omnia, secundum appetitum voluntatis rationalis, nisi sanetur per gratiam.

Manifestatur. quia In statu naturæ corruptæ, propter corruptionem sequitur bonum priuatū, nisi sanetur per gratiam.

Breuitur igitur ad quæsitum dicitur. Primo, quod homo in statu naturæ integræ non indigebat dono gratiæ superadditæ naturalibus bonis ad diligendum Deum super omnia, naturaliter, licet indigeret auxilio Dei ad hoc cum mouentis.

Secundo, Quod in statu naturæ corruptæ homo non indiget ad diligendum Deum super omnia, non solum Diuino auxilio mouente, sed etiam dono, & auxilio gratiæ sanantis naturam.

Ad Argumenta.

Ad 1. Negatur consequentia. Ad prob. dñ, quod diligere Deum super omnia contingit dupliciter. Vno modo, ut est principium, & finis naturalis boni. Alio modo, ut est obiectum beatitudinis, secundum quod homo habet quandam societatem spiritualem cum Deo. Primo modo natura diligit Deum, secundo vero modo, qui est eminentior, diligit Deū Charitas. Actus igitur proprius charitatis non est dilectio Dei tantum sicut primū modum, sed iuxta secundum. Addit etiam charitas super naturalem dilectionem Dei, promptitudinem quandam, & delectationem, sicut quilibet habitus uirtutis addit super actum bonum, qui fit ex sola naturali ratione hominis, uirtutis habitum non habentis.

Ad 2. Dñ ad antecedēs, quod naturā aliquam nō posse supra se ipsam, pōt dupliciter intelligi. Vno mō, ut nō possit supra se ipsam, i. in obiectū, quod est supra ipsam naturam. Alio modo, ut nō possit in actum, qui est supra ipsam naturam operantem. Si intelligatur primo modo, ipsum antecedens est falsum, manifestum est enim, quod intellectus noster naturali cognitione potest aliqua cognoscere, quæ sunt supra seipsum, ut patet in naturali cognitione, qua Deum cognoscit. Si vero ipsum antecedens intelligatur secundo mō, est verū. Nihil. n. naturaliter pōt in actū, qui nō sit naturæ proportionatus. Sed tūc negatur consequē-

tia, diligere. n. Deū super omnia, sicut quod Deus est principium naturalis boni, non est actus excelsus ipsam naturā humanā volūtatis. sed est naturale cuilibet creaturæ, modo dicto in corpore.

Ad 3. Dñ, quod amor, qui a nobis Deo impenditur, potest dupliciter dici summus. Vno modo quantum ad gradū dilectionis, ut. s. plus diligitur Deus, quā quilibet creatura. Alio modo, quantum ad rationem diligendi, & modum dilectionis, & sic amor summus Dei est, ut non solum diligitur plus quam quilibet creatura, sed alia ratione, & alio modo. Primo modo dñ summus amor Dei, ille, quo homo diligit Deū super omnia, ut est principium naturalis esse. Secundo modo dñ summus amor Dei, quo creatura diligit Deū, prout est obiectum beatitudinis supernaturalis. Ad formā igitur dñ ad antec. quod si intelligatur de summo amore, quo ad gradū dilectionis, negatur ipsum antec. Homo. n. sine gratia in statu naturæ integræ, pōt summo gradu amoris diligere Deum super omnia, ut prob. est in Corp. Et ad prob. dñ ne gādo assumptum. s. quod frustra superadderetur gratia. Nam gratia non adiungitur ad diligendū Deum super omnia, in natura integra, sed ad diligendū Deum, ut est beatitudinis supernaturalis obiectum. Si vero in antecedēte sermo sit de summa dilectione quo ad rationem, & modum diligendi, conceditur, sed negatur consequ. Ad prob. dicitur, quod diligere Deum super omnia, ut est obiectū supernaturalis beatitudinis, est summus amor, quantum ad rationem, & modum diligendi, cum quo tamē stat, ut homo possit diligere in statu integro Deum super omnia, ut est obiectum naturalis beatitudinis, absque habituali gratia, ut dictum est.

ARTICVLVS IV.

Vtrum homo sine gratia, per sua naturalia, legis præcepta implere possit.

Pro Affirmatiua

Videretur, quod homo sine gratia, per sua naturalia, possit præcepta legis implere.

1. Illud, quod naturaliter homo facit, per se ipsum potest facere absque gratia. Sed Homo naturaliter potest legis præcepta adimplere. Ergo Homo per se ipsum absque gratia potest legis præcepta implere.

Minor prob. quia Rom. 2. dicitur, quod gentes, quæ legem non habent, naturaliter, quæ legis sunt, faciunt.

2. Quod est homini possibile, potest hō facere per sua naturalia. Sed Obseruatiua præceptorū est homini possibilis. Ergo Homo potest per sua naturalia diuina seruare præcepta.

¶ d d d d

¶ Maior

Maiores prob. Quia impossibile est homini illud, quod per se in se implere non potest.

Minor, quia Hieron. dicit in expositione Catholice fidei ad Damasum. Illos esse maledicendos, qui, Deum præcepisse homini aliquid impossibile, dicunt.

3. Maiores per sua naturalia potest sine gratia implere maximum legis mandatum. Ergo Eodẽ modo potest implere alia legis præcepta.

Antec. prob. quia Homo per sua naturalia potest diligere Deum super omnia, vt dictũ est art. præcedenti, quod est maximum & primum mandatum, vt dicitur. Matt. 22.

Pro Negativa.

Aug. dicit in lib. de Hæresibus c. 88. Hoc pertinere ad Hæresim Pelagianorum, vt credant sine gratia hominem posse facere omnia Divina madata.

Determinatio.

Distinctio. Implere mandata legis cõtingit dupliciter. Vno modo, quantum ad substantiam operum, prout si homo operatur iusta & fortia, & alia virtutis opera. Alio modo, non solum quantum ad substantiam operis, sed etiam quantum ad modum agendi, vt, sex charitate fiant.

1. Conclusio. Homo in statu naturæ integræ poterat implere omnia legis præcepta, sine gratia, quantum ad substantiam operum.

Prob. Si homo in statu naturæ integræ nõ potuisset seruare Divina mandata quantum ad substantiam operis, sequeretur, quod homo in statu naturæ integræ non potuisset non peccare, quod est falsum.

Conseq. prob. quia Peccare nihil aliud est, quã transgredi Divina mandata.

2. Concl. Homo neq; in statu naturæ integræ, neque in statu naturæ corruptæ potest seruare legis mandata, quantum ad modum agendi, sine gratia.

Prob. Ex sententiã Augusti, qui in libro de correctione, & gratia cap. 2. cum dixisset, quod sine gratia nullum prorsus bonum homines faciunt, subdit. Non solum, vt monstrante ipsa, quid faciendum sit, sciant, verum etiam, vt præstante ipsa, faciant cum dilectione, quod sciunt.

3. Concl. Homo indiget in vtroque statu auxilio Dei mouentis ad mandata implenda.

Hæc patet ex dictis in omnibus præcedentibus huius quæst. art. & præcipue art. 1. vbi probatum est, quod sicut hæc inferiora non possunt moueri, nisi vt mouentur a primo mouente cæleste corpus, ita nulla creatura aliquid agere potest, nisi Deo mouente ad operandum.

Ad Argumenta.

Ad 1. Negatur minor. Ad probationem dici-

tur, quod dictum Apostoli potest intelligi dupliciter. Vno modo, vt ly naturaliter, significet naturam præcisẽ, secundum suas vires naturales, & sit sensus, Quod gentes, quæ legem non habent, naturaliter, id est ex solis naturæ viribus, quæ legis sunt faciunt. Alio modo, vt ly naturaliter, significet naturam quidam, non præcisẽ, sed adiutam gratia Spiritus sancti. Non est intelligendum dictum Apostoli in priori sensu, cum homo, nec in statu naturæ integræ, nec corruptæ possit ex solis naturæ viribus seruare diuina præcepta, quantum ad modum, vt dictum est: sed est intelligendum in secundo sensu, loquebatur. n. tunc de gentilibus nouiter conuersis ad fidẽ, qui quamuis legem non accepissent, tñ naturaliter adiunante Spiritus sancti gratia, quæ legis erant, faciebant. Vnde Aug. in lib. de spir. & l. c. 26. dicit. Non moueat, quod naturaliter dixit, eos, quæ legis sunt, facere, hoc. n. agit Spūs gratiæ, vt imaginẽ Dei, in qua naturaliter facti sumus, inflaret in nobis.

Ad 2. Dicitur, quod aliquid esse homini possibile, dupliciter cõtingit. Vno mō, vt sit ei possibile proprijs viribus. Alio mō adiutus alterius auxilio. Et sic et aliquid potest esse alicui impossibile. Vel quia nullo mō potest. Vel quia nõ potest nisi adiuuetur. Ad maiorem igitur dicitur, quod illud, quod est homini possibile, potest facere proprijs viribus, si sit ei possibile, absq; alterius auxilio, si aut aliquid nõ sit alicui possibile, nisi adiuuetur alterius auxilio, nõ potest illud ex solis naturalibus viribus agere. Tũc ad minorẽ dicitur, q̃ obseruatiã madata torum est homini possibilis, quia ea seruare potest Diuino auxilio, quod. n. possumus alterius auxilio, nobis possibile dicitur, sicut illud Philosophi, 3. Ethic. c. 3. quæ per amicos possumus, aliquo aliter nos possumus. Vnde Hieron. ibidem constitetur, sic nostrum liberum esse arbitrium, ut dicamus nos semper indigere Dei auxilio.

Ad 3. Dicitur ad anteced. quod præceptũ de dilectione Dei non potest homo implere ex puris naturalibus, secundum quod ex charitate impletur, vt arg. 3. huius quæst. dictum est.

A R T I C V L V S V.

Vtrum homo possit mereri vitam æternam sine gratia.

Pro Affirmatiua.

Videretur, quod homo possit mereri vitam æternam sine gratia.

1. Illud, quod est constitutum in nostra voluntate, per nos ipsos possumus. Sed Mereri vitam æternam est constitutum in nostra voluntate.

Ergo Mereri vitam æternam per nos ipsos possumus.

Minor prob. Nam Matt. 9. dicitur. Si uis ad vitam

vitam ingredi, serua mandata. Ex quo videtur, quod ingredi ad vitam æternam sit constitutum in hominis voluntate.

2. Premium, quod redditur homini sibi opera eius, potest homo mereri per se ipsum absque gratia. Sed vita æterna est premium, & merces, quæ a Deo redditur homini, secundum opera eius. Ergo vitam æternam potest homo mereri per se ipsum absque gratia.

Maiores prob. quia Hō est Dñs suorum operū.

Minor prob. Matth. 5. dicitur. Merces vestra multa est in Cælis; & Pl. 6. dicitur. Reddes vnicuique secundum opera eius.

3. Quod hō cōsequi potest per sua naturalia, potest mereri absque gratia. Sed Hō potest cōsequi uitā æternam per sua naturalia. Ergo Homo potest mereri vitam æternam absque gratia.

Minor prob. Vltimū finē humanæ vitæ potest hō cōsequi per sua naturalia. Sed Vita æterna est vltimus finis humanæ vitæ. Ergo vitam æternam potest homo naturaliter consequi.

Maiores huius prob. quia Possē consequi propriū finē per sua naturalia conuenit cuiuslibet rei naturali. Ergo Idē & hōi conuenire magis dēt.

Pro Negatiua.

Illud, ad quod nō possumus peruenire, nisi ex Dei miseratione pducamur, nō possumus absque gratia mereri. Sed Ad vitam æternam nō possumus peruenire, nisi per Diuinam misericordiam ad ipsam perducamur. Ergo vitam æternā sine gratia mereri nō possumus.

Minor prob. quia Rom. 6. dicitur. Gratia Dei vita æterna, quod ideo dicitur secundum Glos. vt intelligeremus, Deum ad vitam æternam pro sua miseratione nos perducere.

Determinatio.

Concl. Homo sine gratia non potest mereri vitam æternam.

Prob. Qui potest sine gratia mereri vitā æternā, potest sine gratia producere opera meritoria, proportionata vitæ æternæ. Sed Homo non potest sine gratia producere opera meritoria proportionata vitæ æternæ. Ergo Homo sine gratia nō potest mereri vitam æternam.

Maiores prob. quia Oportet actus perducen- tes ad finem, esse sibi proportionatos.

Minor prob. Vita æterna est finis excedens proportionē naturæ humanæ vt patet ex dictis q. 5. art. 3. Ergo Hō p sua naturalia non potest producere opera meritoria proportionata vitæ æternæ.

Conseq. hæc prob. quia Nullus actus excedit proportionem principij actiui: & ideo videmus in rebus naturalibus, quod nulla res potest producere effectum per suam operationem, qui excedat

virtutem actiuam, sed solū potest producere effectum suū virtuti proportionatū. Ita homo potest quidem sua virtute facere opera perducen- tia ad bonum aliquod homini connaturalē, sicut laborare in agro, bibere, & manducare, habere amicum, & alia huiusmodi, vt Aug. dicit in 3. Respons. cont. Pelag. Non tamen potest propriis viribus producere operationes meritorias vitæ æternæ, quia vita æterna est finis excedens proportionem humanæ naturæ.

Ad Argumenta.

Ad 1. Dicitur ad minorem, quod facere opera meritoria vitæ æternæ est constitutum in voluntate nostra, non quidem secundum solas naturales eius vires, sed præparata a Deo per gratiam, vt Aug. ibidem dicit.

Ad 2. Dicitur, quod opera hominis sunt in duplici differentia. Quedam n. sunt hominis secundum suas præcisas naturales vires, vt plantare vineas, edificare domos, habere amicos, & familia. Quedam vero sunt opera hominis, prout mouetur per gratiā Spiritus sancti. Ad maiorem igitur dicitur, quod præmiū, quod redditur homini, sibi opera eius, prout sunt a solis naturalibus viribus, potest homo mereri absque gratia. Vnde hō plantando vineas, meretur fructus eius. Premium vero, quod redditur operibus eius, prout a Deo adiuuatur, non potest homo mereri absque gratia. Tunc ad minorem dī, quod vita æterna est præmiū quod redditur homini sibi opera eius, vt adiuuatur a Spiritu sancto. Vnde Glos. super illud Rom. 6. Gratia Dei vitā æterna, dicit. Certum est, vitam æternam bonis operibus reddi, sed ipsa opera, quibus redditur, ad Dei gratiā pertinet.

Ad 3. Negatur minor. Ad prob. dicitur ad maiorem, quod finis humanæ vitæ est duplex, scilicet naturalis, & supernaturalis. Est vera maior de fine naturali, non de supernaturali, qualis est vita æterna. Ad cuius etiam prob. dicitur, quod posse consequi naturalem finem propriis viribus est commune omnibus creaturis, & hoc etiam conuenit homini: sed quia homo nobilior est ceteris creaturis, potest ad altiore finem perducī, auxilio gratiæ, ad quem tamen aliqui inferiores creaturæ, nullo modo pertingere possunt, & ex hoc ipso perfectior est. Melius est enim dispositus ad sanitatem, qui aliquibus auxiliis medicinarum potest sanitatem consequi, quam ille, qui nullo modo eā consequi potest. Sic perfectior est humana natura, quæ ad æternam beatitudinem pertingere potest, quamuis non viribus propriis, sed Dei gratia, quam inferiores creaturæ, quæ suum finem naturaliter consequi quidem propriis viribus possunt, supernaturalem vero nullo modo.

A R T I C V L V S VI.

Utrum homo possit seipsum ad gratiam præparare per se ipsum absque exteriori auxilio gratiæ.

Pro Affirmatiua.

Videtur, q̄ homo possit se ipsum ad gratiam præparare sine exteriori auxilio gratiæ.

1. Qui p̄t se, ex se, ad Deū conuertere, potest se, ex se, ad gratiam præparare. Sed Homo p̄t se, ex se, ad Deū conuertere. Ergo Homo potest se, ex se, ad gratiam præparare.

Maior prob. quia Præparare se ad gratiam, nihil aliud est, quam se ad Deum conuertere.

Minor prob. Quod imponitur homini a Deo vt faciat, potest homo ex se facere. Nihil. n. imponitur homini, quod sit ei impossibile vt ar. 4. huius dictum est. Sed Homini imponitur, vt se ad Deum conuertat, fm illud Zach. 1. Cōuertimini ad me, & ego conuertar ad vos. Ergo Homo potest se ex se ad Deū conuertere, sine auxilio gr̄æ.

2. Hō p̄t ex se ipso facere, q̄ in se est. Ergo Homo potest se, ex se, ad gratiam præparare.

Antec. prob. quia Illud in nobis esse dicitur, quod est in nostra potestate.

Conseq. prob. quia Homo præparat se ad gratiam, faciendo quod in se est. Si enim homo faciat quod in se est, Deus non denegat ei gratiam, secundum illud Matth. 7. Deus dat spiritum bonum petentibus se.

3. Si homo indiget gratia ad hoc, vt se ad gratiam præparet, esset processus in infinitum, quod est inconueniens. Ergo Videtur standum in primo, vt scilicet homo sine gratia possit se ad gratiam præparare.

Conseq. prob. Nam si homo indiget gratia ad hoc, vt se ad gratiam præparet, pari ratione indiget gratia ad hoc, vt præparet se ad illam gratiam, & sic in infinitum.

4. Hominis est præparare animam, vt dicitur Prou. 16. Ergo Videtur, quod homo per se ipsum, se possit ad gratiam præparare.

Conseq. prob. quia Illud dicitur esse hominis, quod per se ipsum potest.

Pro Negatiua.

Homo non potest venire ad Deum, nisi a Deo tractus. Ergo Non potest se, ex se, absque gratiæ auxilio, ad gratiam præparare.

Antec. prob. quia dicitur Io. 6. Nemo potest venire ad me, nisi pater meus, qui misit me, trahat eum.

Conseq. prob. quia Si homo posset se, ex se, ad

gratiam præparare, non indigeret trahi a Deo, sed per se ipsum posset ad Deum venire.

Determinatio.

Distinctio. Duplex est præparatio humanæ voluntatis ad bonum. Vna quidem, qua præparatur ad bene operandum, & ad fruendum Deo. Alia est, qua voluntas præparatur ad consequendum ipsum gratiæ habitualis bonum.

1. Conclusio. Præparatio voluntatis ad bene operandum, & ad fruendum Deo, non potest fieri sine habitualis gratiæ dono.

Prob. Præparatio, ad quam exigitur opus meritorium, non fit sine dono habitualis gratiæ. Sed Præparatio voluntatis ad fruendum Deo, non fit sine opere meritorio. Ergo Præparatio voluntatis ad fruendum Deo, non fit sine dono gratiæ habitualis.

Maior prob. quia Donum gratiæ habitualis est principium operis meritorij, vt ar. p̄c. dictum est.

2. Concl. Præparatio voluntatis ad consequendum habitualis gratiæ donum, non præcigit habitualis gratiæ donum.

Prob. quia Sic esset processus in infinitum, vt dictum est in argumento 3. pro affirmatiua.

3. Conclusio. Ad præparationem voluntatis, ad suscipiendum gratiæ habitualis donū, oportet p̄supponi aliquod gratuitū auxilium Dei, interius animam mouens, siue inspirāus bonū propositū.

Prob. Solius primi agentis est præparare ad vltimum finem. Sed Deus est primum agēs, & præparatio voluntatis, ad suscipiendum habitualis gratiæ donum, est præparatio ad vltimum finem. Ergo Solius Dei auxilio p̄t hoīs volūtas præparari ad suscipiendum habitualis gratiæ donum.

Maior prob. Ex differentia, quæ est inter primum agens simpliciter, & alia agentia. Cum. n. omne agens agat propter finem, necesse est, vt omnis causa conuertat suos effectus ad proprium finem: Et cum ordo finium sit secundum ordinē agentium, & mouentium, necesse est, q̄ ad vltimum finem conuertatur homo per motionē primi mouentis: ad finem vero proximum per motionem alicuius inferiorum mouentium. Sicut animus militis conuertitur ad querendum victoriam, quæ est vltimus finis pugne, ex motione duces exercitus, ad sequendum autem vexillum alicuius aciei, ex motione tribuni.

Minor quo ad priorem partem. s. quod Deus sit primum mouens simpliciter, est ex se manifesta. Quo ad secundam vero. s. quod præparare se ad gratiam sit conuerti ad vltimum finem, prob. ex differentia, qua Deus conuertit ad se homines iustos, & alias creaturas. Pro quo est sciendum, quod Deus conuertit ad seipsum omnia secundum

dum communem intentionem boni, per quam vnumquodque intendit Deo assimilari secundum suum modum, vnde Dion. dicit 4. c. de Diu. nom. qd Deus conuerterit omnia ad se ipsum: Homines autem conuertit ad se ipsum, sicut ad specialem finem, quem intendunt, & cui cupiunt adherere, sicut bono proprio, secundum illud Psal. 72. Mihi autem adherere Deo bonum est. Ita autem conuersio ad Deū, vt ad specialem finem, nihil aliud est, quam se ad lumen gratiæ præparare, sicut qui habet oculos auctos a sole, per hoc se præparat ad recipiendum lumen solis, quia conuertit se ad solem. Conuersio igitur ad solem, est se præparare ad recipiendum lumen solis, & conuersio ad Deū est se præparare ad gratiam: sicut igitur non potest homo se conuerrere ad Deum, nisi Deo ipsum conuertente; ita non potest se ad gratiam præparare, nisi Deo ipsum mouente.

Ex quibus manifesta est intenta Conclusio. quod homo non potest se præparare ad lumen gratiæ suscipiendum, nisi per auxilium gratuitum Dei interius mouentis.

Ad Argumenta.

Ad 1. Negatur minor. Ad prob. neg. maior. Ad cuius probationem dicitur, quod nihil imponitur homini, quod non sit ei possibile, vel proprijs viribus, vel cum Diuino auxilio. Præparatio ad gratiā est homini possibilis per proprias vires adiutas Diuino auxilio ipsas mouente. Conuersio enim hominis ad Deum, quidem fit per liberum arbitrium, & secundum hoc homini præcipitur, vt se ad Deum conuertat, vt ex sententia. Zach. inducta patet. Sed quia liberum arbitrium ad Deum conuerti non potest, nisi Deo ad se ipsum conuertente, ideo Ier. 3. dicitur. Conuertere me, & conuertar, quia tu es Dominus Deus meus. & Tren. vlt. Cōuertere nos Dñe ad te, & cōuertemur.

Ad 2. Neg. antec. Homo enim nihil potest facere, nisi a Deo moueatur, secundum illud Io. 15. Sine me nihil potestis facere. Ad prob. dñ, quod facere, quod in se est, est in potestate hominis, secundum quod homo est motus a Deo.

Ad 3. Dicitur, quod obiectio illa procedit de gratia habituali, ad quam requiritur aliqua præparatio, quia omnis forma requirit susceptibile dispositū, sed hoc quod homo moueatur a Deo, non exigit aliquam aliam motionem, cum Deus sit primū mouens. Ad formam igitur neg. consequ. Ad prob. dñ, quod homo indiget gratia habituali ad hoc, vt se præparet, ad Deo fruendum. Ad hoc vero, vt se præparet ad habitalem gratiam, non indiget alia habituali gratia, sed solum Diuino auxilio mouente ipsum, vt dictum est, & hic fit status, & non oportet abire in infinitum.

Ad 4. Dicitur ad Antec. quod hominis est præparare animam, quia hoc facit per liberum arbitrium, sed tamen non potest animam præparare sine auxilio Dei mouentis, & ad se trahentis, vt dictum est.

ARTICVLVS VII.

Vtrum Homo possit resurgere a peccato sine auxilio gratiæ.

Pro Affirmatiua.

Videretur, quod homo possit resurgere a peccato sine auxilio gratiæ.

1. Illud, quod præexigitur ad gratiam, fit sine gratia. Sed Resurgere a peccato, præexigitur ad illuminationem gratiæ. Ergo Resurgere a peccato potest homo sine gratia.

Minor prob. quia dicitur Ephes. 5. Exurge a mortuis, & illuminabit te Christus.

2. Homo per virtutem naturæ potest resurgere ab egnitudine ad sanitatem, sine auxilio exterioris medicini, propter hoc, quod intus manet principium vitæ, a quo procedit operatio naturalis. Ergo A simili videtur, quod homo possit reparare se ipsum, redeundo de statu peccati ad statum iustitiæ absque auxilio exterioris gratiæ.

Cōseq. prob. quia Peccatum, virtuti opponitur, vt morbus sanitati, sicut supra dictū est q. 1. ar. 1.

3. Quælibet res naturalis potest redire ad actū conuenientē suæ naturæ, ex actu contrario, per se ipsam. Ergo Homo potest ab actu peccati ad actū iustitiæ ex se ipso redire.

Antec. prob. quia Aqua calefacta, per se ipsam reddit a calore ad naturalem frigiditatem: & lapis sursum proiectus, per se ipsum redit ad suum locum naturalem.

Censq. prob. quia Peccatum est quidam actus contra naturam, vt Dam. dicit. 2. lib. Actus vero iustitiæ est secundum naturam.

Pro Negatiua.

Si homo posset ex se ipso sine gratia resurgere a peccato, sequeretur, quod Christus gratis, id est sine causa mortuus esset. Sed hoc est incōueniens dicere. Ergo Non potest homo se ipsum per se ipsum iustificare, id est redire de statu culpæ ad statum gratiæ.

Maior conditionalis manifestatur à simili. Apostolus enim ad Galat. 2. dicit. Si data est lex, quæ potest iustificare, Ergo Christus gratis, id est sine causa mortuus est. Pari igitur ratione, Si homo ex viribus suæ naturæ posset se ipsum iustificare, quod est a peccato resurgere, non fuisset necessaria mors Christi ad nostram iustificationē, quod est falsissimum.

Determinatio.

Conclusio. Homo nullo modo potest resurgere a peccato per se ipsum, sed ad hoc, ut a peccato resurgat, requiritur auxilium gratiæ, quantum ad habituale donum, & quantum ad interiorem Dei motionem.

Prob. Homo sine dono gratiæ habitualis, & sine gratuita Dei motione, non potest reparari ad ea, quæ per peccatum amisit. Ergo Homo sine dono habitualis gratiæ, & sine gratuita Dei motione non potest resurgere a peccato.

Conseq. prob. Resurgere a peccato, est non solum cessare ab actu peccati, sed est reparari hominem ad ea, quæ per peccatum amisit, transit enim actus peccati, sed remanet reatus, ut dictum est quæst. 87. art. 6.

Antec. manifestatur. præmittendo, quod homo peccando incurrit triplex detrimentum, ut ex supradictis patet quæst. 85. 86. 87. scilicet Maculam, Corruptionem boni naturalis, & Reatum pænæ. Maculam quidem incurrit, in quantum priuatur decore gratiæ ex deformitate peccati. Bonum naturæ contrahitur, in quantum natura hominis deordinatur, voluntate hominis Deo non subiecta, hoc enim ordine sublato, consequens est, ut tota natura hominis peccatis inordinata remaneat. Reatus vero pænæ est, per quem homo peccando mortaliter meretur damnationem æternam.

Prob. igitur de singulis, quod non possit reparari sine gratia. Et quod non possit reparari Diuinus decor per peccatum amissus.

Prob. Decor gratiæ præuenit ex illustratione diuini luminis. Ergo Talis decor non potest reparari in anima, nisi Deo illustrante denuo, quod lumen est habituale gratiæ donum.

Quod vero ordo naturæ non possit reparari absque gratia. Prob. Voluntas hominis non potest ordinari ad hoc, ut Deo perfecte subiiciatur, nisi Deo voluntatem hominis ad se trahente, mouendo, & sanando ipsam, ut artic. præced. dictum est.

Ergo Homo non potest reparari in naturalibus, absque habitualis gratiæ dono, & gratuita motione.

Quod vero reatum pænæ non possit homo sine gratia euadere. Probat. quia Reatus pænæ æternæ remitti non potest, nisi a Deo, in quem est offensæ commissæ, & qui est hominum iudex. Quod facit sanando animam per gratiam, & mouendo per gratuitum auxilium.

Ad Argumenta.

Ad 1. Dicitur. Quod resurrectio a peccato duplex est, scilicet perfecta, siue totalis, & imper-

fecta, siue partialis, siue inchoatua. Resurrectio perfecta est, quæ fit per actum liberi arbitrii informati gratia gratum faciente. Imperfecta vero est, quæ fit per actum liberi arbitrii adhuc non informati gratia, sed moti a Deo per gratuitum auxilium. Tunc ad minorem dicitur. Quod si sit sermo de imperfecta resurrectione, conceditur. Verum enim est, quod huiusmodi resurrectionis inchoatio præcedit illuminationem gratiæ, unde & fit sine gratia, licet non sine auxilio Dei mouentis ad resurgendum a peccato, concludit igitur argumentum, in hoc sensu exposita minore, quod inchoatio resurrectionis imperfectæ a peccato fiat sine gratia habituali, licet non sine motione diuina, & secundum hoc est verum. Si vero in minori fiat sermo de perfecta resurrectione, negatur: completa enim, & totalis resurrectio a peccato, non solum non præcedit ipsam illuminationem, sed potius sequitur ipsam, sicut effectus causam, perfecta enim resurrectio a peccatis est effectus illuminationis gratiæ diuinæ. Ad probationem dicitur, quod homini indicitur, quod pertinet ad actum liberi arbitrii, qui actus requiritur ad hoc, quod homo a peccato resurgat. Unde cum dicitur, exurge, & illuminabit te Christus, non est intelligendum, quod tota resurrectio a peccato præcedat illuminationem gratiæ, sed quia, cum homo per liberum arbitrium a Deo motus, surgere conatur a peccato, recipit lumen gratiæ iustificantis, per quod perfecte a peccato resurgit.

Ad 2. Negatur conseq. Non enim est eadem ratio de aegritudine corporali, & sanitate ex una parte, & de peccato, & virtute ex altera. Infirmitas enim corporalis potest esse talis, ut relinquat sufficiens principium potens reducere ad sanitatem, & ideo contingit ut natura ex se absque aliqua extrinseca medicina reducat corpus de infirmitate ad sanitatem. Peccatum autem nullum relinquit principium, quo homo possit ex peccato ad iustitiam redire, & ratio est, quia naturalis ratio, & vires non sunt sufficiens principium spiritalis sanitatis, quæ est in homine per gratiam iustificantem, huius enim principium est sola gratia, quæ tollitur per peccatum, & ideo homo non potest seipsum reparare, sed indiget, ut denuo ei lumen gratiæ infundatur. Unde peccatum potius morti, quam aegritudini assimilari debet. Sicut enim corpus mortuum non potest resurgere, nisi denuo ei infundatur anima, ita peccator non potest a peccato resurgere, nisi ei denuo gratia infundatur. Ad probationem dicitur, quod licet aliquo modo peccatum corporali morbo assimiletur, non tamen de utriusque est eadem ratio, ut dictum est. q. 71. art. 1. ad 3.

Ad 3. Dicitur ad Antec. quod quando natura est integra, per seipsam potest reparari ad id, quod est sibi conueniens, & proportionatum. Sed ad id, quod superexcedit suam proportionem, reparari non potest, sine exteriori auxilio. Sic igitur humana natura defluens per actum peccati, quia non manet integra, sed corrumpitur (vt supra dictum est), non potest per se ipsam reparari, neque etiam ad bonum sibi cōnaturale, & multo minus ad bonum supernaturalis iustitiæ.

ARTICVLVS VIII.

Vtrum homo sine gratia possit non peccare.

Pro Affirmatiua.

Videtur, quod homo sine gratia possit non peccare.

1. Si homo existens in peccato mortali non posset vitare peccatum, sequeretur quod peccatum non peccaret, quod est inconueniens.

Conseq. prob. quia Nullus peccat in eo, quod vitare non potest, vt Aug. dicit lib. de duabus ani. c. 10. & 3. de lib. arb. c. 10.

2. Si homo in peccato mortali existens non posset non peccare, frustra ei correctio adhiberetur, quod est inconueniens.

Conseq. prob. quia Ad hoc cortipitur homo, vt non peccet.

3. Homo in peccato existens non definit esse homo. Ergo homo in peccato existens, potest sine gratia non peccare.

Conseq. prob. quia Homo vt sic, secundum se, potest vitare peccatum, secundum illud Eccl. 15. Ante hominem vita, & mors, bonum, & malum, quod placuerit ei, dabitur illi.

Pro Negatiua.

Aug. dicit lib. de perfectione iustitiæ. Quisquis negat nos orare debere, ne intremus in tentationem: negat autem hoc, qui contendit ad non peccandum gratiæ Dei adiutorium non esse homini necessarium, sed sola lege accepta humanam sufficere voluntatem: ab auribus omnium remouendum, & ore omnium esse anathematizandum non dubito.

Determinatio.

Prima distinctio. De homine loqui possumus dupliciter. Vno modo secundum statum naturæ integræ. Alio modo secundum statum naturæ corruptæ.

Secunda distinctio. Homo in statu naturæ corruptæ adhuc in duplici statu inueniri potest. Primo

dum est in statu peccati. Secundo dum est sanatus per habituales gratias, secundum mentem, remanente carnali appetitu nondum totaliter reparato, secundum quem solum modum sanatur natura in hoc statu, secundum quod D. Paulus ex persona hominis reparati in vita presenti aiebat. Rom. 7. Ego ipse, mente seruius legi Dei: carne autem legi peccati.

1. Conclusio. Homo in statu naturæ integræ, etiam sine gratia habituali, potest non peccare nec mortaliter, nec venialiter.

Prob. Homo in statu naturæ integræ poterat non recedere ab eo, quod est secundum naturam, etiam sine habituali gratia. Ergo Homo in statu naturæ integræ, etiam sine gratia habituali, poterat non peccare.

Conseq. prob. quia Peccare nihil aliud est, quam recedere ab eo, quod est secundum naturam.

2. Concl. Homo in statu naturæ integræ, non poterat sine Dei auxilio in bono conseruantis, non peccare.

Prob. quia Subtrahendo Diuino auxilio, etiam ipsa natura in nihilum decideret. Vnde sine auxilio Diuino in nullo statu posset homo conseruari in his, quæ sunt secundum naturam.

3. Concl. Homo in statu naturæ corruptæ, sanatus tamen secundum mentem per habituales gratias, potest vitare omnia peccata mortalia.

Prob. quia Peccatum mortale consistit in ratione, vt dictum est quest. 74. art. 4. Vnde sanata ratione per gratiam, poterit homo abstinere a peccato mortali.

4. Concl. Homo in statu naturæ corruptæ, sanatus etiam per habituales gratias donum, potest vitare singula peccata venialia, non autem omnia.

Manifest. Et quod possit vitare singula ostenditur. quia Si ratio non posset reprimere singulos sensualitatis motus, ex cuius corruptione peccata venialia procedunt, non haberent sensualitatis inordinati motus, rationem voluntarij, nec rationem peccati. Non potest vero omnes reprimere, quia dum vni resistere nititur, fortassis alius consergit. Et etiam, quia ratio non potest esse peruigil ad omnes huiusmodi motus inordinatos sensualitatis vitandos, & reprimendos, vt dictum est.

5. Concl. Homo in statu naturæ corruptæ existens, antequam reparetur ratio, in qua est peccatum mortale, per gratias iustificantes, potest quidem singula peccata mortalia vitare, & secundum aliquod tempus, sed non potest diu absque peccato manere.

Manifestatur quo ad singulas partes, & quod possit vitare singula peccata mortalia probatur. quia Alioquin non haberent hæc peccata rationem

nem voluntarij, & per consequens nec rationem peccati: quod enim vitari non potest, non est voluntarium, nec peccatum.

Quod vero per aliquod tempus possit mortalia vitare, ostenditur. quia Non est necesse, ut humilissimus homo adhuc non sanatus continuo peccet.

Quod tandem non possit diu absque peccato manere, ostenditur auctoritate, & ratione. Auctoritas est Greg. dicentis Hom. 11. sup. Eze. Peccatum, quod mox per penitentiam non deletur, suo pondere ad aliud trahit.

Ratione vero ostenditur dupliciter. Primo, Homo, cuius ratio non est totaliter, & perfecte Deo subiecta, non potest diu manere sine peccato. Sed Hominis non sanati ratio non est totaliter, & perfecte Deo subiecta: subiectio enim perfecta non est sine gratia sanante. Ergo Homo non sanatus per gratiam, non potest diu sine peccato manere.

Maiores probatur dupliciter. Primo à simili. Sicut se habet inferior appetitus ad rationem, sic se habet ratio ad Deum. Sed Si inferior appetitus non sit perfecte subiectus rationi, non potest esse, quin in eo contingant inordinati motus.

Ergo Si ratio hominum non sit totaliter Deo subiecta, constituendo ipsum finem suar voluntatis, non potest diu esse sine inordinato motu peccati.

Maiores huius prob. quia Sicut per finem regulantur omnes actus humani, ita per rationem regulantur inferioris appetitus actus.

Secundo prob. eadem tertia conclusionis pars alia ratione. Homo, qui non habet cor suum firmatum in Deo, ita ut pro nullo bono consequendo, vel malo vitando ab eo separari vellet, non potest diu manere sine peccato. Sed Homo non sanatus per gratiam, non habet cor suum firmatum in Deo: firmitas enim hac fit per gratiam sanantem. Ergo Homo non sanatus per gratiam, non potest diu esse sine peccato.

Maiores ostenditur. Nam homini non sic firmato in Deo occurrunt multa, propter quae consequenda, vel vitanda homo recedit a Deo, cōtemnendo praecepta ipsius, & ita peccat mortaliter: praecipue, quia in repentinis homo operatur secundum finem preconceptum, & secundum habitum praesistentem, ut dicitur 3. Ethic. c. 8. & quamvis ex praemeditatione rationis homo possit aliquid agere praeter ordinem finis preconcepti, & praeter inclinationem habitus, tamen, quia homo non potest semper esse in tali praemeditatione, non potest diu manere, quia operetur secundum consequentiam voluntatis deordinatae a Deo, nisi cito

per gratiam ad debitum ordinem reparetur.

Breviter igitur dicitur ad quaesitum Primo. Quod homo in statu naturae integrae, sine dono gratiae habitualis, licet non sine Diuino gratuito auxilio, potest non peccare.

Secundo. Homo in statu naturae corruptae non sanatae potest vitare quidem singula mortalia, non tamen omnia, neque diu potest sine peccato manere, nisi per gratiam sanetur.

Tertio. Homo in statu naturae corruptae, sanatus tamen per gratiam, potest vitare omnia mortalia, non tamen omnia venialia.

Ad Argumenta.

Ad 1. Neg. conseq. Ad prob. dicitur, quod, quia homo potest vitare singulos actus peccati, licet non omnes, nisi per gratiam, ideo, non vitando singulos, non excusatur a peccato. Et iterum non excusatur a peccato, quamvis omnes vitare non possit; quia ex eius defectu est, quod se ad habendum gratiam non praeparet. Nullus igitur peccat in eo, quod nullo modo vitare potest: si tamen aliquo modo possit vitare, si non vitet, peccat. Et quia homo potest vitare singulos actus peccati, & omnes per gratiam, ideo si non vitet, & non praeparet se ad gratiam; peccat, nec excusatur a peccato.

Ad 2. Neg. conseq. Correctio enim ideo necessaria est, quia voluntas hominis requiritur ad hoc quod a peccato abstinat, non tamen est sufficiens correctio sine Dei auxilio. Vnde dicitur Eccle. 7. Considera opera Dei, quod nemo possit corrigere, quem ille despexerit. Vnde Aug. lib. de correptione, & gratia cap. 6. dicit. Correptio utilis est, ut ex dolore correptionis voluntas regenerationis oriatur, si tamen, qui corripitur, filius est promissionis, ut strepito correptionis foris insecus insonante, aut flagellante, Deus in illo intrinsecus occulta inspiratione operetur, & velle. Correptiones igitur non sunt ad hoc, ut homo ex illis solis peccatum vitet, sed solum ad disponendum voluntatem, ut a peccato resipiscat per Dei gratiam.

Ad 3. Neg. conseq. Ad prob. neg. assumptum de homine existente in statu naturae corruptae, tunc enim peccatum sine gratia vitare non potest, ut dictum est. Ad cuius probationem dicitur. Quod dictum Eccl. secundum Aug. in Hypothesicon lib. 3. intelligitur de homine secundum statum naturae integre, quando nondum erat servus peccati, tunc enim poterat peccare, & non peccare. In statu etiam naturae corruptae habet, ut possit peccare, & non peccare, non quidem ex se, sed auxilio gratiae.

A R T I C V L V S IX.

Vtrum ille, qui iam consequutus est gratiam, per seipsum possit operari bonum, & vitare peccatum, absque auxilio gratiæ.

Pro Affirmativa.

Videtur, quod ille, qui iam consequutus est gratiam, per seipsum possit operari bonum, & vitare peccatum absque alio auxilio gratiæ.

1. Si homo, qui iam consequutus est gratiā, non posset vitare peccatum, & operari bonū absque auxilio gratiæ, sequeretur, quod gratia esset frustra, vel imperfecta, quod est inconueniens.

Prob. confeg. Illud, quod datur ad vitandum peccatum, & ad bene operandum, si per illud non possit vitari peccatum, & bene operari, est frustra, vel imperfectum. Sed Gratia datur homini, vt per ipsam vitet peccatum, & operetur. Ergo Si non sit sufficiens gratia, sine alio auxilio, erit vel frustra data, vel imperfecta.

Maiores probatur. quia Vnumquodque frustra est, aut imperfectum, si non impleat illud, ad quod datur.

2. Illud, per quod ipsemet Spiritus Sanctus in nobis habitat, sufficit ad hoc, vt abstinere possimus a peccato, & bonum operari. Sed per gratiā habitat in nobis ipsemet Spiritus Sanctus. Ergo Gratia sufficit ad hoc, vt bonum operari, & a peccatis abstinere valeamus.

Maiores prob. quia Spiritus Sanctus, cum sit omnipotens, sufficiens est, vt nos inducat ad bene operandum, & vt nos a peccato custodiat.

Minor prob. quia 1. Cor. 3. dicitur. Nescitis, quia templum Dei estis, & Spiritus Dei habitat in vobis?

3. Si Homo consequutus gratiam, adhuc alio auxilio gratiæ indiget ad hoc, quod recte viuatur, & a peccato abstinere, pari ratione & si illud gratiæ auxilium consequutus fuerit, adhuc alio auxilio gratiæ indigebit: procederet ergo in infinitum, quod est inconueniens. Ergo Ille, qui est in gratia, nō indigebit alio auxilio gratiæ ad hoc, quod bene operetur, & a peccato abstinere.

Pro Negatiua.

Homo iustificatus non potest sine alio gratiæ auxilio recte viuere. Ergo Homo iā habens gratiā, indiget alio auxilio gratiæ, ad hoc, vt recte viuatur.

Antec. prob. quia Augustinus dicit, libro de nat. & grat. Quod sicut oculus corporis plenissime finis, nisi candore lucis adiutus, non potest certere, sic & homo perfectissime etiam iustificatus, nisi aeterna luce iustitiæ diuinitus adiungetur, recte viuere non potest.

Confeg. prob. quia iustificatio fit per gratiam

secundum illud Roman. 3. Iustificati gratis, per gratiam ipsius.

Determinatio.

Dist. Homo ad recte viuendum dupliciter auxilio Dei indiget, vt art. 2. huius dictum est. Vno modo quantum ad habituale donum, per quod natura humana corrupta sanetur, & etiam sanata eleuetur ad operanda opera meritoria vite æternæ, quæ excedunt proportionem naturæ. Alio modo indiget homo auxilio gratiæ, vt a Deo moueatur ad agendum.

1. Concl. Homo in gratia existens, non indiget alio auxilio gratiæ, quasi aliquo alio habitu infuso.

Prob. per tertium argumentum pro affirmatiua, quia scilicet esset processus in infinitum.

2. Concl. Homo in gratia existens, indiget auxilio gratiæ, quomoueatur a Deo ad recte agendum.

Prob. dupliciter, primo ratione generali. quia scilicet nulla creatura potest in quemcunque actum exire, nisi virtute motionis Diuinæ.

Secundo prob. ratione speciali. Nam licet natura nostra per gratiā sanetur, quantum ad mentē, remanent tñ in ea duo defectus. Prior est corruptio, & infectio, quantum ad carnem, per quā homo seruit legi peccati, vt dicitur Rom. 7. Secundus est quādam ignorantia obscuritas in intellectu, sūm quam etiam dicitur Rom. 8. Quid oremus, sicut oportet, nescimus. Propter varios. n. rerum euentus, & quia etiam nos ipsos non perfecte cognoscimus, non possumus ad plēnū scire, quid nobis expediat. Secundum illud Sap. 9. Cogitationes mortalium timide (ratione primi defectus) & incertæ prouidentia nostræ (ratione secundi defectus) timida quantum ad debilitatem, & infectio carnis, incertæ, quantum ad defectum cognitionis intellectus nostri. Et ideo necesse est, vt a Deo dirigamur. & protegamur, qui omnia nouit, & omnia potest.

Et confirmatur conclusio. quia Propter hoc renatis in filios Dei cōuenit dicere: Et ne nos inducas in tentationē. Et fiat voluntas tua, sicut in Cælo, & in terra, & cætera, quæ in oratione Dominica continentur ad hoc pertinentia.

Ad Argumenta.

Ad 1. Neg. confeg. Ad prob. dicitur, quod donum gratiæ habitualis non datur nobis adhuc, vt per ipsam solum debeamus operari bonum, ita vt non indignamur auxilio diuino, sed datur ad sanandum naturam, vt dictum est, quæ sanata per Dei auxilium, potest recte viuere. n. in gent. n. quilibet creatura, vt cōseruetur in bono, quod a Deo accepit, & ideo ex hoc, qd homo post acceptū

Eccce gra-

gratia indiget Diuino auxilio, non sequitur, quod gratia sit superflua, vel etiam imperfecta, quia nō solum in hoc statu, in quo gratia imperfecte sanatur, indiget homo vltius diuino auxilio, sed etiam in alia vita, in qua gratia perfecte sanat, erit necessarium, præter gratiam, diuinum auxilium.

Ad 2. Negatur maior. Ad probationem dicitur, quod quamuis Spiritus Sanctus sit omnipotens, tamen diuersi sunt eius effectus. Nam per donum gratie inhabitat animam sanando, per auxilium vero mouet ad bene operandum.

Ad 3. Iam dictum est, quod probat primam conclusionem. Concludit enim, quod homo in gratia existens, non indiget alio habitu gratiæ ad bene operandum: Sed cum hoc fiat, quod indiget diuino auxilio mouente ad bene operandum.

A R T I C V L V S X.

Vtrum homo in gratia constitutus indigeat auxilio gratiæ ad perseuerandum.

Pro Negatiua.

Videtur, quod Homo in gratia constitutus, non indigeat auxilio gratiæ ad perseuerandum.

1. Homo iustificatus per gratiam, non indiget auxilio gratiæ ad habendum virtutes, sed simul cum gratia, etiam virtutes infunduntur. Ergo Multo minus homo indiget auxilio gratiæ ad Perseuerandum.

Conseq. prob. quia Perseuerantia est aliquid minus virtute, sicut & continentia, vt patet 7. Ethic. cap. 7.

2. Omnes virtutes simul infunduntur cum gratia. Sed Perseuerantia ponitur quædam virtus. Ergo Perseuerantia simul cum gratia infunditur, & non est necessarium aliud gratiæ auxilium ad perseuerandum.

3. Adam in statu innocentie, accepit a Deo, vt posset perseuerare. Ergo Multo iragis hoc nobis restituitur per gratiam Christi, & ideo homo non indiget, accepta gratia, alio auxilio ad perseuerandum.

Conseq. prob. quia Plus restitutum est homini per donum Christi, quam amisit per peccatum Adæ. vt dicitur ad Rom. 5.

Pro Affirmatiua.

Quod petitur ab his, qui sunt in gratia constituti, non habetur ab eis sine diuino auxilio. Sed Perseuerantia petitur ab his, qui sunt in gratia

constituti, Dicentes. Satisficetur nomen tuū &c. Ergo Homo in gratia constitutus indiget alio diuino auxilio ad perseuerandum.

Maior prob. quia Aug. in lib. de perseu. dicit. Cur perseuerantia petitur a Deo, si non datur a Deo? An & ista irriforia petitio est, cum id ab eo petitur, quod scitur, non ipsum dare, sed ipso non dante esse in hominis potestate?

Minor est Aug. quam, & confirmat ibidem per verba Cypriani in lib. de perseu. cap. 2.

Determinatio.

Dist. Perseuerantia tripliciter dicitur, quandoque enim significat habitum mentis, per quē homo firmiter stat, ne moueatur ab eo, quod est secundum virtutem per irruentes tristitias, vt sic se habeat perseuerantia ad tristitias, sicut continentia ad delectationes, & concupiscentias. vt dicitur 7. Ethic. cap. 7. Secundo modo potest dici perseuerantia habitus quidam, secundum quem homo habet propositum perseuerandi in bono vsque in finem. Tertio modo dicitur perseuerantia, continuatio quædam boni vsque ad finem vite.

1. Concl. Homo in gratia constitutus, non indiget auxilio gratiæ ad habendum perseuerantiam, iuxta primum, & secundum modum, videlicet secundū quod est habitus, quo homo firmiter stat, ne remoueatur ab eo, quod est secundum virtutem, & quo habet firmum propositum perseuerandi in bono.

Manifestatur. quia Perseuerantia vtroque modo accepta, simul cum gratia infunditur, sicut etiam infunditur continentia, & ceteræ virtutes, vt probant primum, & secundum argumentum pro negatiua.

2. Concl. Homo in gratia constitutus, non indiget aliqua alia gratia habituali ad habendam perseuerantiam, secundum quod significat continuationem boni vsque in finem, sed tamen indiget diuino auxilio ipsum dirigente, & protegente contra tentationum impulsus.

Vtraque huius conclusionis pars probatur ex his, quæ dicta sunt art. præced. Et quidem, quod non indigeat aliqua alia gratia habituali, probatur. quia Alias procederetur in infinitum, vt dictum est.

Quod vero indigeat auxilio diuino, prob. quia Cum homo non totaliter sanetur per gratiā, sed remaneat infectus quantum ad carnem, & obsecratus ex parte intellectus, indiget dirigi, & protegi contra irruentes tentationes: & vltius, cum omnis creatura indigeat cōseruari in bono, quod a Deo accipit, necessarium est auxilium diuinum præter

præter gratiam ad actualem continuationem boni usque in finem vitæ.

3. Conclusio. Postquam aliquis est iustificatus per gratiam, necesse habet petere a Deo prædictum perseverantiæ donum, ut scilicet custodiat a malo usque in finem vitæ.

Manifestatur. quia Multis datur gratia, quibus non datur perseverare in gratia. Vnde, & in oratione dominica dicitur. Sed libera nos a malo.

Ad Argumenta.

Ad 1. Dicitur, quod procedit de perseverantia iuxta primum modum, prout videlicet est habitus, quo homo firmiter stat, ne removeatur ab eo, quod est secundum virtutē, ad hanc enim habendam, non est necessarium aliud auxilium præter habitualis gratiæ donum, cum quo habitus etiam perseverantiæ infunditur, quo homo firmiter stat in bono contra irrumpentes tentationes. Et ad formam dicitur, quod si sermo sit de habitu perseverantiæ, conceditur totum, est enim huiusmodi habitus quid minus virtute. Si vero sermo sit de perseverantia, secundum quod significat actualem continuationem in bono usque ad finem vitæ, negatur consequentia. Et ad probationem negatur assumptum, est enim perseverantia sic accepta quid maius virtute. Philosophus locutus est de perseverantia, quæ est habitus.

Ad 2. Dicitur, quod procedit de perseverantia iuxta secundum modum, datur enim simul cum gratia propositum perseverandi, sed non actualis perseverantia usque in finem. Et ad formam negatur minor. Actualis enim perseverantia est quid maius virtute.

Ad 3. Dicitur ad Antecedens, quod Adam accepit quidem a Deo, ut posset perseverare, sed non ut actu perseveraret, ut rei probavit euentus, non enim actu perseveravit. Per gratiam autem Christi multi accipiunt, non solum gratiæ donum, quo perseverare possunt, sed ulterius recipiunt auxilium, quo actu perseverant.

Vnde donum Christi maius est peccato Adæ. Peccatum enim abstulit solum donum, quo homo poterat perseverare, gratia autem Christi reddit hoc donum, & ulterius præbet auxilium perseverandi actualiter usque in finem.

Verum tamen est, quod homo in statu innocentie cum sola gratia facilius perseverare poterat, quarum homo cum gratia in statu naturæ corrupte, quia tunc nulla erat rebellio carnis ad Spiritum, sicut est in statu præsentis, sed tamen per hoc non sequitur, quod plus abstulerit peccatum Adæ, quam conferat gratia Christi; Reparatio

enim natura, quæ sit per Christi gratiam, non est adhuc completa, sed complebitur in futura vita, quando dabitur perfecte, non solum posse perseverare, & actu perseverare, sed etiam non posse amplius peccare.

QVÆSTIO CX.

DE GRATIA QUANTUM AD
eius essentiam.

ARTICVLVS I.

Utrum Gratia ponat aliquid in anima.

Pro Negativa.

VIdetur, quod gratia non ponat aliquid in anima.

1. Gratia hominis nihil ponit in eo, qui eam habet. Ergo Gratia Dei nihil ponit in anima eius qui divinam gratiam habet.

Antecedens manifestatur. Quia per hoc, quod homo dicitur habere gratiam hominis, nihil ponitur in eo, qui alterius gratiam habet, sed potius aliquid significatur in eo, cuius gratia habetur, scilicet acceptatio quædam. Per hoc enim, quod quis habet gratiam Regis, non ponitur aliquid in eo, qui Regis gratiam habet, sed potius in ipso Rege ponitur quædam acceptatio personæ, quæ regiam habet gratiam.

Consequenter probatur, quia Sicut homo dicitur habere gratiam Dei, ita etiam dicitur habere gratiam hominis. Vnde dicitur Gen. 39. quod Dominus dedit Ioseph gratiam in conspectu Principis carceris.

2. Deus immediate vivificat animam. Ergo Gratia, per quam anima vivificatur a Deo, non ponit aliquid in anima.

Antecedens prob. Anima immediate vivificat corpus. Ergo Deus immediate vivificat animam. Conseq. hæc prob. quia Sicut Anima est vita corporis, ita Deus est vita animæ, secundum illud Dent. 3. Ipse scilicet Deus, est vita tua.

Conseq. prima probatur. quia Si gratia poneret aliquid in anima, illud esset aliquid creatum, quasi medium inter Deum, & animam. Vnde non vivificaret Deus animam immediate.

3. Remissio peccatorum non ponit aliquid in anima, sed solum in Deo non imputante peccatum, secundum illud Psal. 31. Beatus vir, cui non imputavit Dominus peccatum. Sed Gratia est remissio peccatorum. Ergo Gratia non ponit aliquid in anima.

Eccc 2 Minor

Minor prob. quia super illud Rom. 1. Gratia vobis, & pax. dicit Gloss. interli. Gratia, idest remissio peccatorum.

Pro Affirmativa.

Lux animæ ponit aliquid in anima. Sed Gratia est quædam lux animæ. Ergo Gratia ponit aliquid in anima.

Maiores probatur. quia Lux ponit aliquid in illuminato.

Minor probatur. quia Augustinus dicit in libro de Nat. & Grat. capit. 22. Prævaricatore legis digne lux deserit veritatis, qua deserit, uti que fit cæcus.

Determinatio.

1. Dist. Gratia secundum communem modum loquendi tripliciter accipi consuevit. Vno modo pro dilectione alicuius. Sicut consuevimus dicere, iste miles habet gratiam Regis, idest Rex habet eum gratum.

Secundo modo sumitur gratia pro aliquo dono gratis dato. Sicut consuevimus dicere, cum aliquid alicui gratis damus, facio tibi hanc gratiam.

Tertio modo sumitur pro recompensatione beneficii gratis accepti, secundum quod dicimus agere gratias beneficiorum acceptorum.

Horum trium modorum acceptionis gratie, secundus dependet ex primo, & ex secundo dependet tertius. Ex amore enim quo aliquis habet alicui gratum, procedit, ut aliquid ei gratis impendat, & ex beneficiis gratis acceptis, gratiarum actio consurgit.

2. Dist. Gratia secundum primum modum accepta, scilicet ut significat dilectionem, est duplex. Prima est hominis ad Deum, vel ad creaturas. Secunda est Dei ad creaturas.

3. Dist. Dilectio Dei dupliciter consideratur. Vno modo ex parte actus, quo Deus ab æterno creaturam diligit, & de dilectione sic accepta dictum est prima par. quæst. 23. art. 4. in corp. quod præcedit electionem, & prædestinationem, & dicitur hic actus diuine gratia, quatenus Deus gratuito, & non ex meritis aliquos prædestinat, secundum illud ad Eph. 1. Prædestinauit nos in adoptionem filiorum in laudem gloriæ gratiæ suæ. Alio modo consideratur diuina dilectio ex parte effectus, secundum quod terminatur ad creaturam iam actu existentem in seipso. Et sub alijs verbis. Diuina dilectio dupliciter consideratur. Primo ex parte actus diuine voluntatis. Alio modo ex parte boni, quod Deus vult creaturæ, quæ diligit, de qua distinctione dictum est p. par. q. 20. ar. 3. & a simili dictum est p. par. q. 23. art. 2. quod

Prædestinatio sumitur pro ratione ordinis, & pro executione.

4. Dist. Dilectio, qua Deus hominem diligit, ex parte effectus duplex est, scilicet generalis, & specialis. Dilectio generalis est, qua Deus vult homini ipsum esse, & alia ad eius naturam pertinentia. Specialis vero est, qua Deus vult homini speciale bonum, hoc est bonum supernaturale, quod est fructus sui ipsius, & hæc est simpliciter dilectio, & proprie dicitur gratia.

1. Conclusio. Gratia accepta iuxta secundum, & tertium modum primæ distinctionis, hoc est, secundum quod gratia dicitur donum, vel gratiarum actio pro dono accepto, ponit aliquid in eo, qui habet alicuius gratiam.

Manifestatur. quia Gratia secundo modo accepta, ponit in eo, qui habet gratiam, donum, quod gratis accipit, & gratia tertio modo accepta, ponit in eo, doni accepti recognitionem, siue gratiarum actionem.

2. Conclusio. Dilectio Dei, secundum quod significat actum simplicem diuine voluntatis, non ponit aliquid, ut sic, in creatura.

Manifestatur. quia Deus ab æterno omnia dilexit, & tamen creatura ab æterno non fuit in seipso.

3. Conclusio. Dilectio diuina ex parte effectus, secundum quod ad creaturas actu existentes terminatur, ponit aliquid in creatura.

Prob. ex differentia, quæ est inter dilectionem Dei, & dilectionem hominis, quæ est, quod cum bonum creaturæ, ex diuina voluntate pendeat, ex dilectione Dei, profuit in re dilecta bonum, quod ei Deus vult. Voluntas autem hominis non est causa boni voliti, sed mouetur a bono præexistente in re dilecta. Et inde est, quod dilectio hominis non causat bonitatem rei dilectæ, sed ipsam præsupponit in toto, vel in parte. Ex diuina vero dilectione causatur bonum in re dilecta, non quidem coeternum actui diuine dilectionis, sed tpe collatum.

4. Conclusio. Dilectio Dei generalis ponit aliquid in creatura dilecta.

Manifestatur. Nam dilectione generali, de qua dicitur sap. 1. Diligis omnia, quæ sunt, largitur Deus omnibus creaturis esse, & cætera naturalia, ad singulas naturas pertinentia.

5. Conclusio. Dilectio Dei specialis ponit aliquid in anima.

Manifestatur. Nam per hanc dilectionem trahitur creatura rationalis supra conditionem suæ naturæ ad participationem diuini boni, & secundum hanc dilectionem dicitur Deus aliquem simpliciter diligere, quia per ipsam vult ei, quem diligit, bonum simpliciter, quod est ipsemet Deus.

Ex

Ex speciali igitur dilectione diuina, quæ proprie gratia dicitur, tribuitur homini aliquod supernaturale bonum, quod gratia Dei appellatur. Ponit igitur gratia diuina aliquid in anima.

Ad Argumenta.

Ad 1. Dicitur ad antecedens, quod etiam gratia hominis ponit aliquid in eo, qui habet gratiam: ex hoc enim, quod aliquis dicitur habere gratiam hominis, intelligitur in eo esse aliquid, quod sit homini gratum, puta virtutem, pulcritudinem, vel aliquid huiusmodi. Differenter tamen gratia Dei, & gratia hominis significant aliquid in re dilecta. Gratia enim hominis non causat, sed præsupponit, quod in re dilecta diligit. Deus autem causat bonum, quod in re dilecta diligit.

Ad 2. Neg. antec. Deus enim viuificat animam mediante gratia. Ad cuius prob. neg. etiam consequentia, & ad eius probationem dicitur ad assumptum, quod Deus est quidem uita animæ, non tamen eo modo, quo anima est uita corporis. Anima enim est uita corporis formaliter: & quia inter formam, & materiam nihil potest cadere medium, propterea anima immediate corpus viuificat, sicut qualibet alia forma immediate informat materiam. Deus autem viuificat animam effectiue, & quia Agens informat materiam, non per se ipsum, sed per formam, hinc fit, ut Deus, non per alium agentem, sed per formam, idest per gratiam, animam viuificat.

Ad 3. Dicitur ad minorem, & ad eius prob. quod ad gratiam, non solum pertinet remissio peccatorum, sed etiam multa alia includit, puta pacem, sanitatem animæ, & his similia, sine quibus remissio peccatorum non fit. Vnde etiam remissio peccatorum requirit aliquod diuinum donum in anima.

ARTICVLVS II.

Vtrum Gratia sit qualitas animæ.

Pro Negatiua.

Videtur, quod Gratia non sit qualitas animæ.

1. Illud, quod agit in anima, non est qualitas animæ. Sed Gratia agit in anima, ipsam iustificando. Ergo Gratia non est qualitas animæ.

Maiores prob. quia Nulla qualitas agit in suum subiectum: & hoc, quia cum actio qualitatis non sit absque actione subiecti, si qualitas ageret in suum subiectum, sequeretur quod subiectum ageret in seipsum.

2. Quod est nobilius, quam sit natura animæ, non est qualitas animæ. Sed Gratia est nobilior, quam sit natura animæ. Ergo Gratia non est qualitas animæ.

Maiores prob. quia Substantia est nobilior qualitate.

Minor prob. quia Multa possumus per gratiam, ad quæ natura non sufficit, ut dictum est. q. 109. in tribus primis Art.

3. Quod remanet, postquam desinit esse in anima, non est qualitas animæ. Sed Gratia remanet, postquam desinit esse in anima. Ergo Gratia non est qualitas animæ.

Maiores prob. quia Nulla qualitas remanet, postquam desinit esse in subiecto, cuius est qualitas.

Minor prob. quia Si Gratia non remaneret, redigeretur in nihilum, sicut ex nihilo creata fuit. Vnde Gal. ult. dicitur noua creatura.

Pro Affirmatiua.

Nitor animæ est quædam qualitas animæ, sicut etiam pulcritudo corporis, est qualitas corporis. Sed Gratia est nitor animæ.

Ergo Gratia est qualitas animæ.

Minor prob. quia Glossa super illud Psalm. 103. Ut exilaret faciem in oleo, dicit, quod Gratia est nitor animæ, sanctum concilians amorem.

Determinatio.

Dist. Gratia accipitur dupliciter. Primo pro gratuita Dei motione, ad cognoscendum, volendum, & operandum bonum. Secundo pro dono habituali gratuito.

Manifestatur hæc dist. Nam sicut iam dictum est art. 1. huius quæst. In eo, qui dicitur Dei gratiam habere, significatur esse in eo quidam effectus gratuita Dei voluntatis, quo homo à Deo adiuuatur. Quot igitur modis homo ex Dei gratuita voluntate adiuuatur, tot modis accipitur gratia. Et quia homo dupliciter à Deo adiuuatur, ut dictum est. q. 109. art. 1. scilicet secundum quod mouetur ad bonum, & secundum quod infunditur ei supernaturale habituale donum: Ideo gratia accipitur, & pro Diuina Dei gratuita motione ad bonum, & pro habituali dono supernaturali à Deo infuso.

1. Conclusio. Gratia, secundum quod significat gratuitam Dei motionem, qua homo mouetur ad aliquod verum cognoscendum, & ad volendum, vel ad operandum aliquod bonum, non est qualitas animæ, sed quidam animæ motus.

Manis

Manifestatur. quia Actus mouentis non est habitus, in eo quod mouetur, sed motus, vt dicitur. 3. Phys. text. 18.

2. Concl. Gratia, secundum quod significat habituale donum, est qualitas animæ.

Prob. Creaturis, quæ ratione carent, sic Deus prouider, vt non solum moueat eas ad actus naturales, sed etiam largiatur eis formas, & virtutes quasdam, quæ sint principia naturalium actuum, vt secundum se ipsas inclinentur ad huiusmodi motus. Ergo Multo magis Deus illis creaturis, quas mouet ad consequendum supernaturale bonum, infundit aliquas formas, seu qualitates supernaturales, secundum quas suauiter, & promptè ab ipso moueantur ad bonum æternum consequendum, & hoc est gratia donum.

Antecedens prob. quia Per huiusmodi formas, seu qualitates, fiunt creaturis irrationalibus, naturales, & faciles motus, quibus à Deo mouentur ad proprias operationes, & verificatur illud Sap. 8. Deus disponit omnia suauiter.

Conseq. prob. quia Non est conueniens, vt Deus minus prouideat his, quos diligit, ad supernaturale bonum habendum, quam creaturis, quas diligit solum ad naturale bonum habendum.

Ad Argumenta.

Ad 1. Dicitur, quod aliquid agere in aliquo contingit dupliciter. Vno modo effectiue. Alio modo formaliter. Ad maiorem dicitur, quod illud, quod agit in anima effectiue non est in anima. Illud vero, quod agit in anima formaliter, est in anima. Tunc ad minorem dicitur, quod gratia agit in anima per modum causæ formalis, sicut dicimus, quod albedo facit subiectum albi, & ideo gratia est in anima ipsam iustificando.

Ad 2. Dicitur, quod gratia potest considerari dupliciter. Vno modo quantum ad suum esse, vt inquam est quedam expressio diuinæ bonitatis, naturam animæ excedens. Alio modo quantum ad modum essendi, quem habet in anima, in quantum est quedam imperfecta participatio diuinæ bonitatis, ita vt bonitas, quæ est substantia in Deo, sit accidens in anima. Ad maiorem dicitur, quod illud, quod est nobilior anima, quantum ad esse, & quantum ad modum essendi, non est qualitas animæ, sed est substantia perfectior anima. Quod autem est nobilior ipsa anima secundum suum esse, non autem quantum ad modum essendi, potest esse qualitas animæ. Tunc ad minorem dicitur, quod gratia est nobilior, quam sit anima, quantum ad esse; quia gratia est expressio diuinæ bonitatis, quæ est perfectissima

substantia. Non autem est perfectior ipsa anima, quantum ad modum essendi. Gratia enim, secundum quod participatur ab anima habet modum essendi accidentis: Non enim potest gratia esse substantia animæ, cum sit supra naturam animæ, sed est forma accidentalis, ei inherens.

Ad 3. Negatur minor. Ad prob. dicitur, quod sicut dicit Boet. accidentis esse est in esse. Vnde accidens non dicitur esse ens, quasi habeat esse, sed quia eo aliquid est. Vnde magis dicitur esse entis, quam ens. Et quia eius est fieri, vel corrumpi, cuius est esse, vt dicitur. 7. Met. t. 2. Ideo proprie loquendo, nullum accidens sit, neque corrumpitur, sed dicitur fieri, vel corrumpi, secundum quod subiectum incipit, vel desinit esse in actu secundum illud accidens. Et secundum hoc gratia dicitur creari, ex eo quod homines secundum ipsam creantur, id est in nouo esse constituntur ex nihilo, id est non ex meritis, secundum illud ad Ephes. 2. Creati in Christo Iesu, in operibus bonis. Gratia igitur non redigitur in nihilum, sicut nec proprie creatur, sed desinit esse in anima, secundum quod quis ex iusto sit peccator.

A R T I C V L V S III.

Vtrum Gratia sit idem quod virtus.

Pro Affirmatiua.

V Idetur, quod Gratia sit idem quod virtus.

1. Fides, quæ per dilectionem operatur, est idem quod virtus. Sed Gratia est fides, quæ per dilectionem operatur. Ergo Gratia est idem quod virtus.

Minor prob. quia August. dicit in lib. de spir. & lit. c. 13. & 32. quod Gratia operans est fides, quæ per dilectionem operatur.

2. Cui conueniunt distinctiones virtutis, est idem quod virtus. Sed Gratiæ conueniunt distinctiones virtutis datæ à sanctis, & à Philosophis. Ergo Gratia est idem quod virtus.

Maior prob. quia Quicumque conuenit distinctioni, conuenit & diffinitioni.

Minor prob. quia Gratia est bona qualitas mentis, quæ bonum facit habentem, & opus eius bonum reddit, quæ est vna diffinitio virtutis. Et iterum, Gratia est bona qualitas mentis, quæ recte viuatur: quæ est altera diffinitio virtutis.

3. Habitus mentis est idem quod virtus. Sed Gratia est habitus mentis. Ergo Gratia est idem quod virtus.

Maior prob. quia Etiam scientia, quæ est quedam

dam qualitas mentis, est quodammodo virtus, vt dictum est. q. 56. art. 4. & 57. art. 2.

Minor prob. Nā gratia est qualitas quædam, vt dictū est. Nō est autē in quarta speciei qualitatis quæ est forma, vel figura: quia qualitates quartę speciei pertinent ad corpus, gratia autem pertinet ad animam. Nec est in tertia specie, quæ est passio, & passibilis qualitas: quia qualitates tertię speciei sunt in parte sensitiua, vt prob. 7. Phys. text. 14. gratia autem est in mente. Nec est in secunda specie, quæ est naturalis potentia, vel impotentia: Tum quia Gratia est supra naturam. Tum quia Gratia non se habet ad bonum, & ad malum, sed ad bonum tantum, potentia vero naturalis se habet ad bonum, & ad malum. Relinquitur igitur, quod Gratia sit in prima specie qualitatis, quæ est habitus, vnde erit idem quod virtus.

Pro Negativa.

Gratia non potest esse virtus Theologica. Ergo Gratia non est idem quod virtus.

Conseq. prob. quia Si gratia esset virtus, maximè videretur esse aliqua virtutum Theologicarum.

Antecedens prob. quia Gratia non est fides, nec spes: Nam hæc possunt esse sine gratia gratum faciente. Nec potest esse Caritas: quia Gratia præuenit charitatem, vt August. dicit lib. 2. de Præd. 55. c. 2.

Determinatio.

Quorundam opinio.

Quidam posuerunt idem esse gratiam, & virtutem secundum essentiam, sed differre solum secundum rationem: ita vt gratia dicatur, secundum quod facit hominem Deo gratum, vel secundum quod gratis datur. Virtus verò, secundum quod perficit ad bene operandum, & hoc videtur sensisse magister 2. dist. 26.

Reprobatio.

Sed hoc stare non potest, ratione adducenda ad probandam veram sententiam.

Vera sententia.

Concl. Gratia non est idem quod virtus infusa.

Prob. Illud, quod præsupponitur virtutibus infusis, & ad quod virtutes infusæ ordinantur, non est idem quod virtus infusa. Sed Gratia præsupponitur virtutibus infusis, & ad eam virtutes infusæ ordinantur. Ergo Gratia non est idem quod virtus infusa.

Minor. prob. Sicut se habet lumen naturale ad virtutes acquisitas, ita se habet lumen gratiæ ad virtutes infusas. Sed Lumen naturale præsupponitur virtutibus acquisitis. Ergo Lumen gratiæ præsupponitur virtutibus infusis.

Vtraque harum premissarum manifestatur ex ipsa ratione virtutis. Virtus enim, vt dicitur 7. Phys. t. 17. est dispositio perfecti ad optimum, dico autem perfectum, quod est dispositum secundum naturam. Sensus huius distinctionis est, quod Virtus est dispositio eius, quod est perfectum secundum naturam, ad optimum, idest ad operationem. Virtus enim præsupponit in eo, cuius est virtus, naturalem perfectionem, & perficit eundem ad operandum. Sicut Virtus sapientiæ præsupponit in homine naturalem perfectionem, puta naturale lumen intellectus, & disponit ipsum hominem ad optimum, idest ad cognitionem primarum causarum. Vnde virtus acquisita est dispositio perfecti secundum naturam, ad optimum, idest ad rectas operationes. Virtutes autem infusæ disponunt hominem ad supernaturales operationes, & ideo debet præsupponere in ipso homine perfectionem supernaturalem, vt scilicet sit particeps diuinę naturę, q̄ perfectio, & participatio sit per lumen gratiæ, iuxta illud 2. Pet. 1. Maxima, & præiosa nobis promissa donauit, vt per hoc efficiamini diuinæ consortes naturæ.

Ex his igitur patet primo maior secundi syllogismi, sc. quod lumen gratiæ se habeat ad virtutes infusas, sicut lumen naturale ad virtutes acquisitas. Sicut enim lumen naturale perficit secundum naturam, ita supernaturale perficit secundum aliquid, quod est supra naturam. Et sicut lumen naturale perficit in ordine ad naturales operationes: ita lumen super naturale gratiæ est radix supernaturalium operationum, secundum illud ad Ephes. 5. eratis aliquando tenebrę, nunc autem lux in domino, vt filij lucis ambulate.

Patet etiam minor. sc. quod lumen naturale præsupponatur virtutibus acquisitis, ex ipsa ratione virtutis, quæ est, vt sit dispositio perfecti secundum naturam ad optimum, idest ad operationes, quæ ei conueniunt secundum naturam. Disponunt enim virtutes acquisitę hominem naturaliter perfectum, ad operationes sibi cōuenientes

tes secundum suam naturam. Sicut virtutes infusæ disponunt hominem iam supernaturaliter perfectum per lumen gratiæ, ad supernaturales operationes.

Ad Argumenta.

Ad 1. Neg. minor. Ad prob. dicitur, quod Aug. nominat fidem per dilectionem operatam, gratiam, quia Actus fidei per dilectionem operantis est primus actus in quo gratia gratum faciens manifestatur. Vnde fides per dilectionem operans dicitur gratia, non identice, sed causaliter: quia fides per dilectionem operans est primus effectus ostendens gratiæ gratum faciensem.

Ad 2. Negatur minor. Ad prob. dicitur, quod quamvis tam gratia, quam virtutes faciant bonum habentem, tamen non eodem modo. Gratia enim facit bonum habentem, per supernaturalem perfectionem participatam ab habente, idest quatenus homo sit particeps naturæ diuinæ, sicut lumen naturale perficit hominem secundum naturam. Virtutes autem faciunt bonum, quatenus ipsum dirigunt ad operationes conuenientes perfectioni naturæ, secundum quam operans est perfectum, siue naturaliter, siue supernaturaliter. Et breuiter, Gratia facit bonum habentem, quia deificat hominem. Virtutes verò infusæ faciunt bonum habentem, quia ipsum disponunt ad supernaturales operationes, quarum gratia est radix, & origo. Sicut lumen naturale perficit hominem in eo quod homo. Et virtutes acquiritæ disponunt ad operationes ex naturali lumine, vt à radice manantes.

Ad 3. Dicitur ad maiorem, quod non omnis habitus, mētis est idem q̃ virtus, sed ille habitus dī virtus qui, disponit ad operationes, vt dictum est. Vnde Gratia est habitus, & est in prima specie qualitatīs, qui habitus non est virtus, sed dispositio, quæ præsupponitur virtutibus infusis, sicut earum principium, & radix.

A R T I C V L V S IV.

Vtrum Gratia sit in essentia animæ sicut in subiecto.

Pro Negatiua.

VIdetur, quod Gratia non sit in essentia animæ sicut in subiecto, sed in aliqua potētiarū.

1. Quod est in lib. arb. tanquā in subiecto, non est in essentia animæ, sed in potentia. Sed Gratia est in lib. arb. tanquā in subiecto. Ergo Gratia non est in essentia animæ tanquā in subiecto.

Maiores prob. quia Voluntas, siue lib. arb. est quedam animæ potentia, vt dictum est. p. p. q. 3. articulo.

Minor prob. quia Aug. in Hyponosticon lib. 3. dicit, quod Gratia comparatur ad volūtatem, siue ad lib. arb. sicut fessor ad equum.

2. Quod est principium meriti est in potētiā, & non in essentia animæ, sicut in subiecto. Sed Gratia est principium meriti. Ergo Gratia est in potentia animæ, & non in essentia, sicut in subiecto.

Maiores prob. quia Meritum consistit in actu, seu operatione, quæ semper ex aliqua potentia procedit.

Minor prob. quia Ex Gratia incipiunt merita hominis, vt Aug. dicit in lib. de corr. & gra. cap. 6. & alibi.

3. Anima non est capax gratiæ, in quantum habet essentiam. Ergo Gratia non est in essentia animæ tanquā in subiecto.

Antecedens prob. quia Si anima esset capax gratiæ, in quantum habet essentiam, sequeretur, q̃ omnis anima esset capax gratiæ, quod est falsum, vt patet de animabus brutorum, quæ habent suas essentias & tamen non sunt capaces gratiæ.

Consequentia prob. quia Si essentia animæ esset propriū subiectum gratiæ, sequeretur, quod anima esset capax gratiæ, in quantum habet essentiam, vt potē, quæ esset propriū subiectum gratiæ.

4. Si Gratia esset in essentia animæ sicut in subiecto, sequeretur, quod gratia posset intelligi in anima, nulla parte, siue potentia anima intellecta, scilicet neque intellectu, neque voluntate, quod est inconueniens.

Conseq. probatur. Prius potest intelligi sine posteriori. Sed Essentia animæ est prior, quam sint suæ potētiæ. Ergo Quæ pertinet ad essentiam animæ, prius possunt intelligi in anima, quā intelligantur potētiæ. Vnde si gratia esset in essentia animæ, posset intelligi in anima, nulla eius potentia intellecta.

Pro Affirmatiua.

Illud, per quod regeneramur in filios Dei, est in essentia animæ tanquā in subiecto. Sed Per gratiam regeneramur in filios Dei. Ergo Gratia est in essentia animæ tanquā in subiecto.

Maiores prob. quia Generatio prius terminatur ad essentiam, quam ad potentiam.

Determinatio.

Vnde pendeat huius quæstionis solutio.

Quæstionis huius solutio ex dictis art. præcedet. De distinctione. n. gratiæ a virtute, duplex recte.

recitata fuit opinio. Quartū prima erat, gratiam a virtute nequaquam secundum rem distingui. Altera vero, & uerior, erat, uirtutem a gratia realiter esse distinctam, sicut fuit probatum. Iuxta igitur hanc duplicem opinionem, dupliciter dicitur ad quæsitum.

1. Concl. Si Gratia sit idem quod virtus, necesse est dicere, gratiam esse in potentijs animæ sicut in subiecto.

Prob. Virtus est in potentia animæ sicut in proprio subiecto, ut dictum est quæst. 56. art. 1. Sed Gratia, secundum priorem opinionem, est idem quod virtus. Ergo Gratia, secundum hanc sententiam, est in potentia animæ sicut in subiecto.

2. Concl. Si Gratia non sit idem quod virtus, ut verior sententia dicebat, non est in potentia, sed in essentia animæ sicut in subiecto.

Prob. dupliciter. Primò. Quod est in potentijs animæ, habet rationem virtutis. Sed Gratia, iuxta secundam opinionem, non habet rationem virtutis, sed est aliquid prius virtute, ut ostensum est art. præced. Ergo Gratia non est in potentia animæ sicut in subiecto, sed in aliquo, quod sit prius potentijs, quod est essentia animæ.

Maiores prob. quia Omnis perfectio potentia habet rationem virtutis, ut ostensum est. q. 55. & 56.

Secundo prob. concl. Illud, per quod homo participat, secundum quandam similitudinem, naturam diuinam per quādam regenerationem, siue recreationem, est in essentia animæ sicut in subiecto. Sed Per Gratiam homo participat per quandam similitudinem, naturam diuinam secundum quandam regenerationem, siue recreationem. Ergo Gratia est in potentia animæ sicut in subiecto.

Vtraque præmissa prob. quia Sicut per potentiam intellectiuam homo participat cognitionē diuinam per uirtutem fidei, in intellectuā potentia sicut in subiecto existentem, & secundum potentiam voluntatis amorem diuinum, per uirtutem Charitatis, ita etiam per naturam animæ participat secundum quandam similitudinem naturam diuinam secundum quandam regenerationem, quæ fit per gratiam.

Ad Argumenta.

Ad 1. Negatur minor. Gratia enim non est in lib. arb. tanquam in subiecto, sed in essentia animæ, ut in corpore ostensum est. Ad prob. dicitur, quod comparatio fessoris ad equum, non est comparatio accidentis ad subiectum, sed mouentis

ad motum. Vnde dicere, quod gratia se habeat ad lib. arb. ut fessor ad equum, non est dicere, quod gratia sit in lib. arb. ut accidens in subiecto, sed quod est mouens lib. arb. siue voluntatem, & hoc verum est: quia a Gratia effluunt uirtutes, per quas mouetur voluntas ad operandum.

Ad 2. Dicitur, quod aliquid esse principium meriti cōtingit dupliciter. Vno modo immediate. Alio modo mediate. Ad maiorem dicitur, quod est vera de eo, quod est principium meriti immediate, non autē de eo, quod est principium meriti mediate. Tunc ad minorem dicitur, quod gratia est principium meriti, mediate, scilicet mediantibus uirtutibus, sicut essentia animæ est principium operum uitæ, mediantibus suis potentijs.

Ad 3. Negatur Antecedens. Ad prob. negatur consequentia. Anima enim est capax gratiæ, in quantum habet essentiam, non quamcunque, sed eam, per quam constituitur in specie rationalis creaturæ. Et quia anima non constituitur in specie humana per aliquam potentiam (cum potentia sint naturales animæ proprietates, speciem in qua anima reponitur consequentes,) sed per propriam essentiam, Ideo nō sequitur ex hoc, quod essentia animæ rationalis est subiectum gratiæ, quod quælibet essentia cuiuslibet animæ sit subiectum gratiæ: quia hoc conuenit essentia animæ in quantum est talis speciei, scilicet creaturæ rationalis.

Ad 4. Dicitur dupliciter. primo, Negatur consequentia. Ad probationem dicitur, quod quamuis potentia animæ secundum naturam sint posteriores ipsa animæ essentia, tamen quia sunt naturales animæ proprietates, consequentes animæ naturam, non potest anima esse sine ipsis potentijs. Vnde quamuis gratia sit in essentia animæ, non tamen per hoc est prior ipsis potentijs. Secundo respondetur, negando quod sit inconueniens illud, quod sequitur. Nam dato quod anima esset sine potentijs, ad huc diceretur rationalis secundum suam speciem, non quia actū haberet potentia, ex quibus denominatur rationalis, siue intellectualis, sed quia ex essentia talis speciei natæ sunt huiusmodi potentia effluere.

QVÆSTIO CXI.

DE DIVISIONE GRATIÆ.

ARTICVLVS I.

Vtrum Gratia conuenienter diuidatur per gratiam gratum facientem, & gratiam gratam datam.

Pro Negatiua.

Videtur, quod Gratia non conuenienter diuidatur per gratiam gratum facientem, & gratiam gratam datam.

1. Gratia gratum faciens debet facere hominem Deo gratum. Sed Nulla gratia facit hominem Deo gratum.

Ergo Nulla est gratia gratum faciens, quæ possit diuidi contra gratiam gratam datam.

Minor prob. Donum Dei non facit hominem Deo gratum, sed potius supponit hominem iam esse Deo gratum. Sed Omnis gratia est Dei donum, ut dictum est quæst. præced.

Ergo Nulla gratia facit hominem Deo gratum.

Maiores huius prob. Non enim homo est Deo gratus, quia Deus dat sibi donum, sed potius est conuerso, quia Homo est Deo gratus, Deus dat sibi donum. Vnde gratia, quæ est Dei donum, non solum non videtur facere hominem Deo gratum, sed potius uidetur, ut supponat hominem esse Deo gratum, propter quod ei Deus dat gratiæ donum.

2. Differentia, quæ inuenitur extra genus gratiæ, inconuenienter diuidit genus gratiæ. Sed Gratus datum inuenitur extra genus gratiæ.

Ergo Gratus datum inconuenienter ponitur differentia diuidens genus gratiæ.

Minor probatur. Bonum naturæ est extra genus gratiæ. Sed Gratus datum potest etiam dici bonum naturæ.

Ergo Gratus datum inuenitur etiam extra genus gratiæ.

Maiores huius probatur. quia Natura contra gratiam diuiditur.

Minor huius probatur. Quod non datur ex meritis, gratus datur. Sed Bonum naturæ datur sine meritis: merita enim naturam præsupponunt. Ergo Bonum naturæ gratus est datum.

3. Omnis diuisio debet esse per opposita. Sed Diuisio gratiæ in gratiam datam, & gratum facientem non est per opposita.

Ergo Hæc diuisio non est conueniens.

Minor probatur. Quia gratia gratum faciens gratus nobis a Deo conceditur, secundum illud Rom. 3. Iustificati gratis per gratiam ipsius. Vnde gratia gratum faciens est etiam gratus data, & inde inconuenienter contra ipsam diuiditur.

Pro Affirmatiua.

Illud, cui attribuitur gratia facere, & est gratia datum, conuenienter diuiditur in gratum facientem, et gratum datum. Sed Gratia attribuitur gratum facere, & est gratia data.

Ergo Gratia conuenienter diuiditur in gratiam datam, & gratum facientem.

Minor prob. quia Apostolus ad Eph. 1. attribuit gratiam gratum facere, dum dicit, Gratificauit nos in dilecto filio suo. Et Rom. 2. attribuit gratiam gratam datum dicens. Si autem gratia, iam non ex operibus, alioquin gratia iam non est gratus.

Determinatio.

Conclusio. Gratia conuenienter diuiditur in gratiam gratum facientem, & in gratiam gratam datam.

Probat. Illud, per quod homo secundum se ipsum Deo coniungitur, & per quod vnus homo alteri cooperatur, ut in Deum reducat, conuenienter diuiditur in gratiam gratum facientem, & in gratiam gratam datam. Sed Per gratiam homo secundum se ipsum Deo coniungitur, & vnus homo alteri cooperatur, ut in Deum reducat. Ergo Gratia conuenienter diuiditur in gratiam gratum facientem, & gratiam datam.

Maiores probatur. quia Gratia gratum faciens est per quam homo secundum se ipsum Deo coniungitur. Gratia vero gratus data est, per quam vnus homo cooperatur alteri, ut in Deum reducat, quæ quia datur supra meritum, dicitur gratia. Sed quia non datur homini ad hoc, ut ipse homo, cui datur, iustificetur, sed ut ad iustificationem alterius cooperetur, secundum illud 1. Corin. 12. Vnicuique datur manifestatio spiritus ad vtilitatem, scilicet aliorum, dicitur gratus data.

Minor probatur. quia Cum omnia, quæ sunt a Deo, ordinata sint, ut dicitur Rom. 13. & hoc ordinem exposulet, ut quædam per alia in Deum reducantur, ut Dion. dicit 4. c. cæl. Hier. & gratia datur ad hoc, ut homo in Deum reducat, conueniens fuit, ut esset quædam gratia per quam homo secundum se ipsum Deo coniungatur, & alia per quam vnus homo per alium in Deum redu-

reduceretur, vt sic feruaretur diuinus ordo in reductione hominis in Deum.

Ad Argumenta.

Ad 1. Negatur minor. Ad maiorem probationis dicitur, quod homo fit Deo gratus dupliciter, scilicet effectiue, & formaliter. Effectiue homo fit gratus Deo per ipsummet Deum. Per gratie donum, fit Deo gratus formaliter. Probatio huius maioris concludit gratiam non facere hominem Deo gratum effectiue, cum quod stat, vt faciat eum gratum formaliter.

Ad 2. Dicitur, quod illud dicitur gratis dari, quod non datur ex debito: Aliquid autem potest esse debitum dupliciter. Vno modo, quia ille, cui datur, meruit: sicut merces reddita his, qui in vinea laborauerant, non erat gratis data, sed ex debito, quia illi per suum laborem in vinea meruerant premium, & mercedem. Aliquid vero potest dici debitum, non quia ille, cui aliquid datur, illud meruerit, sed quia debetur ei secundum conditionem naturę. Sicut Pater, qui dedit portionem substantię filio suo, non gratis dedit, quia, & si filius non meruit recipere portionem suę substantię, tamen ex eo quod erat filius, debebatur sibi hæreditas, & portio substantię patris. Deus igitur, & si nulli possit esse debitor, tamen aliqua dat ex debito, aliqua vero dat non ex debito. Illa dat ex debito, quę debentur creature secundum suas conditiones, vt est talis naturę. Ex hoc enim, quod Deus vniuersum producere decreuit, ex debito produxit in eo Solem, Lunam, & alia corpora. & ex debito dedit corporibus cœlestibus, vt insuere possent in hæc inferiora generabilia, & corruptibilia: & ex hoc, quod hominem talis naturę condidit, ex debito debebat sibi anima rationalis, intellectus, uoluntas, sensus, corporis membra, & cætera, quę ciconueniunt secundum suam naturam. Hęc enim dantur ex debito, non quidem existente in Deo, quasi obligante Deum, sed existente in creatura, quę debet subijci Deo, vt in ea diuina ordinatio compleatur. Ea vero, quę sunt supra naturam eius, cui dantur, dat Deus ex nullo debito, vt sunt supernaturalia dona, de qua distinctione dictum est etiam: p. p. quart. 21. art. 1.

Ad formam igitur argumenti negatur minor, scilicet quod gratis datum inueniatur extra genus gratiæ.

Ad cuius probationem negatur minor, scilicet quod bonum naturę sit gratis datum. Bonum

enim naturę, & si non datur ex merito, datur tamen ex debito, scilicet ex hoc, quod naturę debetur secundum diuinam ordinationem.

Ad cuius prob. negatur maior, scilicet quod omne illud, quod non datur ex meritis, gratis datur. Ad hoc enim, vt aliquid dicatur gratis dari, requiritur, vt nullo modo sit debitum, & quia bonum naturę, licet non sit debitum ex meritis, est tamen debitum secundum naturę conditiones, propterea non dicitur gratis dari. Dona autem supernaturalia, quia nullo modo sunt debita, propterea gratis dari dicuntur.

Ad 3. Negatur minor. Ad probationem dicitur, quod gratia gratum faciens, est gratis data, & addit supra rationem gratiæ gratis datæ aliquid ad gratiam pertinentem, scilicet quod facit hominem Deo gratum: & ideo gratia gratis data, quę hoc non facit, retinet sibi nomen commune. Et sic opponuntur duę partes diuisionis. Sicut gratum faciens, & non gratum faciens.

A R T I C V L V S II.

Vtrum Gratia conuenienter diuidatur per operantem, & cooperantem.

Pro Negatiua.

Videtur quod gratia inconuenienter diuidatur per operantem, & cooperantem.

1. Quod non potest agere, inconuenienter diuiditur in operans, & cooperans. Sed Gratia non potest agere.

Ergo Gratia inconuenienter diuiditur per operantem, & cooperantem.

Minor prob. Nullum accidens potest agere in suum subiectum.

Sed Gratia est accidens.

Ergo gratia non potest agere.

2. Sola gratia non potest operari in nobis iustificationem nostram.

Ergo Gratia non potest dici operans, ac per hoc inconuenienter diuiditur per operantem, & cooperantem.

Consequentiā prob. quia Si gratia aliquid operetur in nobis, maxime operaretur iustificationem nostram.

Antecedens prob. quia Aug. super illud Io. 14. Opera, quę ego facio, & ipse faciet: Dicit Qui creauit te sine te, non iustificabit te sine te.

3. Principalius agens non debet dici cooperans. Sed Gratia est principalius agens in nobis.

Fffff 2 Ergo

Ergo Gratia non debet dici cooperans.

Maior. quia Cooperari alicui videtur pertinere ad inferius agens.

Minor prob. quia Gratia principalius operatur in nobis, quam liberum arbitrium, secundum illud Rom. 8. Non est currentis, neque uolentis, sed miserentis Dei.

4. Diuisio debet dari per opposita. Sed Operari, & cooperari, non sunt opposita.

Ergo Inconuenienter diuiditur gratia per operantem, & cooperantem.

Minor prob. quia Idem potest operari, & cooperari.

Pro Affirmatiua.

Aug. dicit in lib. de gratia, & lib. arb. cap. 17. Cooperando Deus in nobis, perficit, quod operando, incepit, quia ipse, ut uellimus, operatur incipiens, qui uolentibus cooperatur perficiens.

Ergo Conuenienter gratia diuiditur per operantem, & cooperantem.

Conseq. prob. quia operationes Dei, quibus mouet nos ad bonum, ad gratiam pertinent.

Determinatio.

Dist. Gratia dupliciter accipitur. Vno modo pro diuino auxilio, siue pro diuina motione, qua nos Deus mouet ad bene uolendum, & agendum. Alio modo pro habituali dono nobis diuinitus indito, de qua distinctione pluries dictum est in questionibus 109. & 110.

1. Conclusio. Gratia, accepta pro diuino auxilio, quo Deus nos mouet ad bonum uolendum, & agendum, conuenienter diuiditur per gratiam operantem, & cooperantem.

Prob. Voluntas nostra respectu diuinæ motionis aliquando se habet, ut mota, & non mouens. Aliquando se habet ut mota, & mouens.

Ergo Diuinum auxilium, quo Deus uoluntatem mouet, conuenienter diuiditur per gratiam cooperantem, & operantem.

Conseq. prob. quia Cum operatio alicuius effectus non attribuitur mobili, sed mouenti, In illo effectui, in quo mens nostra est mota, & non mouens, solus autem Deus mouens, operatio Deo attribuitur, & secundum hoc dicitur gratia operans. In illo autem effectui, in quos mens nostra mouet, & mouetur, operatio non solum attribuitur Deo, sed etiam animæ, & secundum hoc dicitur gratia cooperans.

Antecedens manifestatur. In nobis enim est

duplex uoluntatis actus. Primus quidem interior. Alius uero exterior, qui est a uoluntate imperatus, ut dictum est quest. 17. art. 9. Quantum ad actum interiore, præsertim, quo uoluntas incipit bonum uelle, quæ prius malum uolebat, uoluntas se habet ut mota tantum, Deus autem se habet ut mouens, & secundum quod Deus mouet humanam mentem ad hunc actum, dicitur gratia operans. In actu autem exteriori uoluntas se habet ut mouens, quia ipsum imperat, sed quia Deus etiam ad hunc actum adiuuat, & interius confirmando uoluntatem, ut ad actum perueniat, & exterius facultatem operandi præbendo, diuina motio respectu huius actus dicitur gratia cooperans.

Et confirmatur hæc ratio. quia August. post uerba citata in argumento pro affirmatiua subdit. Ut autem uellimus, operatur, (hoc est, in actu interiori uoluntatis, quo bonum incipit uelle, Deus se habet ut operans) ut perficiamus, nobis cooperatur, id est in actu exteriori imperato a uoluntate, Deus se habet ut cooperans. Quia igitur diuinum auxilium aliquando mouet uoluntatem, scilicet in primo actu, & aliquando adiuuat uoluntatem operantem, ut in actu exteriori, propterea conuenienter diuina hæc motio, qua a Deo mouemur ad bonum, diuiditur in gratiam operantem, & cooperantem.

Ratio huius primæ conclusionis breuius potest sic formari.

Illam motio uoluntatis, respectu cuius uoluntas aliquando se habet tantum ut mota, & aliquando se habet non solum ut mota, sed etiam ut mouens conuenienter diuiditur per motionem operantem, & cooperantem.

Sed Respectu motionis, qua Deus nostram uoluntatem mouet ad bonum, uoluntas aliquando se habet tantum ut mota, aliquando uero se habet ut mota, & mouens.

Ergo Gratia, quæ est diuina motio, conuenienter diuiditur in gratiam operantem, & cooperantem.

Maior prob. quia Quando uoluntas est mota tantum, effectus attribuitur non uoluntati, sed auxilio mouentis, & tunc auxilium dicitur operans. Quando uero uoluntas etiam mouet, tunc attribuitur sibi effectus, & auxilio adiuuanti, & sibi cooperanti.

Minor prob. quia Voluntatis nostræ duplex est actus, scilicet elicited, & imperatus, siue interior, & exterior, ut dictum est in alia forma probationis.

2. Conclusio. Gratia, quæ est habituale donum

num Dei, conuenienter diuiditur in gratiam operantem, & cooperantem.

Prob. Illud, quod sanat, iustificat, & gratam facit Deo animam, & ulterius est principium operis meritorij, conuenienter diuiditur in gratiam operantem, & cooperantem.

Sed Gratia, quæ est habituale donum, sanat, iustificat, & facit animam Deo gratam, & ulterius est principium operis meritorij.

Ergo Gratia, quæ est habituale donum, conuenienter diuiditur in gratiam operantem, & cooperantem.

Maior prob. quia Gratia habitualis, in quantum sanat, iustificat, & facit animam Deo gratam, dicitur operans. In quantum est uero principium operis meritorij, quod ex lib. arb. procedit, dicitur cooperans.

Minor prob. quia Effectus gratiæ, sicut & cuiuslibet alterius formæ, est duplex. Quorum primus est esse. Secundus est operatio. Sicut caloris est facere calidum, & esse principium calefactionis exterioris. Primus igitur effectus gratiæ est facere iustum, & Deo gratum. Secundus est esse principium operis meritorij a lib. arb. prouenientis, coadiuuando ipsum, ut dictum est.

Ad Argumenta.

Ad 1. Dicitur ad minorem, quod gratia secundum quod est quædam animæ qualitas, non agit in animam effectiue, sed tamen agit formaliter, sicut albedo dicitur facere albam superficiem.

Ad 2. Dicitur ad antecedens, & ad eius probationem, quod ad iustificationem nostram, simul cum gratia, requiritur etiam motus lib. arb. quo dum iustificamur, Dei iustitiæ consentimus, ratione cuius consensus dicitur, quod Deus nos sine nobis non iustificat: tamen quia ille motus lib. arb. non est causa, sed effectus gratiæ, tota operatio nostræ iustificationis ad gratiam pertinet, & propterea gratia dicitur operans, dum mouet lib. arb. ad bonum uolendum, & operandum: & cooperans, dum ipsum adiuuat ad exterioriorem operationem ab ipso imperatam.

Ad 3. Negatur maior. Ad prob. dicitur, quod cooperari dicitur aliquis alicui, non solum sicut secundarium agens principali agenti, sed sicut adiuuans ad præsuppositum finem. Homo autem per gratiam operantem adiuuatur a Deo, ut bonum uelit, & ideo præsupposito fine consequens est, ut gratia nobis cooperetur. Negatur

igitur absolute assumptum, cooperari enim, potest pertinere etiam ad primum agens.

Ad 4. Dicitur, quod gratia operans, & cooperans est eadem gratia: idem enim est diuinum auxilium mouens uoluntatem ad uolendum bonum, & ad operandum. Et idem est habitus gratiæ, quæ sanat, & quæ est principium operis meritorij, tamen sunt diuersi effectus eiusdem gratiæ: alius enim effectus est mouere uoluntatem, & alius ipsam adiuuare ad operandum, & alius effectus est sanare, & alius causare opus meritorium: Argumentum igitur probat, quod non sint diuersæ gratiæ, sed tamen cum hoc stat, ut sint diuersi effectus gratiæ. Vnde ad formam dicitur negando minorem.

Ad prob. dicitur, quod operari, & cooperari possunt ad idem pertinere, tamen sunt diuersi effectus.

ARTICVLVS III.

Vtrum Gratia conuenienter diuiditur in præuenientem, & subsequentem.

Pro Negatiua.

Videtur, quod Gratia inconuenienter diuidatur in præuenientem, & subsequentem.

1. Effectus diuinæ dilectionis non potest dici subsequens, sed solum præueniens. Sed Gratia est effectus diuinæ dilectionis.

Ergo Gratia non potest dici subsequens, sed solum præueniens.

Maior prob. quia Dilectio Dei semper est præueniens, & nunquam subsequens, secundum illud 1. Jo. 4. Non quasi nos dileximus Deum, sed quia ipse prior dilexit nos.

2. Quod est tantum vnum, non potest diuidi in præueniens, & subsequens. Sed Gratia gratum faciens est tantum vna in homine. Ergo Gratia gratum faciens inconuenienter diuiditur in præuenientem, & subsequentem.

Maior prob. quia Idem non potest esse prius, & posterius.

Minor prob. quia Vna gratia est sufficiens secundum illud 1. Cor. 12. Sufficit tibi gratia mea.

3. Si gratia diuideretur in præuenientem, & subsequentem, tanquam per diuersos específicos effectus, sequeretur, quod infinitæ essent species gratiæ, quod est inconueniens.

Conseq. prob. quia Effectus gratiæ, per quos ipsa

ipsa gratia cognoscitur, quorum vnus alium præcedit, sunt infiniti.

Pro Affirmatiua.

Est misericordia præueniens, & subsequens.

Ergo Etiam gratia conuenienter diuiditur in præuenientem, & subsequentem.

Antec. prob. quia In Psal. 58. dicitur misericordia eius præueniet me. Et Misericordia tua subsequatur me.

Conseq. prob. quia Gratia Dei ex misericordia prouenit.

Determinatio.

Conclusio. Gratia, qualitercunque accipitur, diuiditur conuenienter secundum diuersos effectus in præuenientem, & subsequentem.

Manifestatur. Nam sunt quinq; gradus gratiæ in nobis, quorum.

Primus est, vt anima sanetur.

Secundus, vt bonum velit.

Tertius, vt bonum, quod vult, efficaciter operetur.

Quartus, vt in bono perseueret.

Quintus, vt ad gloriam perueniat.

Gratia igitur, secundum quod causat in nobis primum effectum, vocatur præueniens respectu secundi effectus, & pro vt causat secundum effectum, vocatur subsequens respectu primi effectus, & sic de alijs. Et sicut vnus effectus est posterior alio effectui, ita gratia potest dici præueniens, & subsequens, secundum eundem effectum, respectu tamen diuersorum: Gratiæ enim effectus, quo homo bonum efficaciter operatur, est præueniens respectu perseuerantiæ, & subsequens respectu uolitionis boni.

Et confirmatur. quia Hoc est, quod dicit Aug. in lib. de nat. & grat. c. 32. inquit enim. Præuenit, vt sanemur, Subsequitur, vt sanati, vegetemur, Præuenit, vt vocemur, Subsequitur, vt glorificemur.

Ad Argumenta.

Ad 1. Negatur minor. Ad prob. dicitur, quod licet gratia sit effectus diuinæ dilectionis, non tamen est eadem ratio de utroque. Dilectio enim Dei non nat aliquid æternum, & ideo nunquam potest dici nisi præueniens. Gratia autem signifi-

cat temporalem effectum diuinæ dilectionis, qui potest præcedere aliquid, & aliquid subsequi, & ideo gratia potest dici præueniens, & subsequens.

Ad 2. Dicitur, quod aliquid esse vnum, potest dupliciter intelligi. Vno modo, vt sit idem secundum essentiam, & etiam secundum effectum. Alio modo, quod sit vnum secundum essentiam, sed tamen diuersum secundum effectum. Ad maiorem dicitur, quod illud, quod est vnum secundum essentiam, & etiam secundum effectum, non potest diuidi in plura. Quod vero est vnum tantum secundum essentiam, sed multiplex secundum effectus, potest secundum plura diuidi. Tunc ad minorem dicitur, quod gratia est vna secundum essentiam, & ideo secundum essentiam non diuiditur in plures. Quia vero est multiplex secundum effectus, in plura secundum effectus diuiditur. Gratia enim, secundum quam iustificamur, non est alia, ab ea secundum quam glorificamur. Sicut enim charitas viæ non euacuatur, sed perficitur in patria, ita etiam est dicendum de lumine gratiæ, & hoc quia neutrum in sui ratione imperfectionem importat.

Ad 3. Negatur conseq. Ad prob. dicitur, quod quamuis effectus gratiæ possint esse infiniti numero, sicut infiniti sunt actus humani, tamen omnes reducuntur ad aliqua determinata in specie, & propterea omnes conueniunt in hoc, quod vnus alium præcedit.

ARTICVLVS IV.

Vtrum Gratia gratis data conuenienter ab Apostolo. 1. Cor. 12. diuidatur.

Pro Negatiua.

Videtur, quod Gratia gratis data inconuenienter ab Apost. 1. Cor. 12. distingatur.

1. Infinita non possunt comprehendi sub aliqua certa diuisione. Sed Gratiæ gratis datæ sunt infinitæ.

Ergo Gratiæ gratis datæ non possunt comprehendi sub aliqua certa diuisione.

Minor prob. Dona, quæ nobis a Deo conceduntur, tam corporis quam animæ sunt infinita. Sed Gratiæ gratis datæ dicuntur dona, quæ nobis a Deo dantur.

Ergo Gratiæ gratis datæ sunt infinitæ.

2. Quod pertinet ad gratiam gratum facientem,

tem, inconuenienter ponitur gratia gratis data. Sed Fides pertinet ad gratiam gratum facientem. Ergo Fides inconuenienter ponitur ab Apostolo gratia gratis data.

Maiores prob. quia Gratia gratis data distinguitur contra gratiam gratum facientem.

Minor probatur. Quia per fidem iustificamur.

Et Confirmatur Argumentum. quia Spes, & Charitas non ponuntur sub gratia gratis data. Ergo Nec fides debet poni.

3. Operatio sanctorum, & loqui diuersa genera linguarum, miracula quædam sunt: Interpretatio etiam sermonum ad sapientiam, vel ad scientiam pertinet, secundum illud. Dan. 1. Pueris his dedit Deus scientiam, & disciplinam in omni libro, & sapientia. Ergo Inconuenienter diuiditur gratia sanctorum, & genera linguarum, contra operationem virtutum, & interpretationem sermonum contra sermonem sapientiæ, & scientiæ.

4. Inter gratias gratis datas ab Apost. enumeratas non ponuntur Intellectus, Consilium, Pietas, Fortitudo, & Timor. Ergo Gratia gratis data inconuenienter ab Apost. enumeratur.

Consequenter prob. quia Sicut sapientia, & scientia sunt dona Spiritus Sancti, ita etiam Intellectus, Consilium, Pietas, Fortitudo, & Timor, ut dictum est. q. 8. art. 4. Vnde sicut illa enumerantur inter gratias gratis datas, sic & cætera hæc dona enumerari debuerunt.

Pro Affirmatiua.

1. Apostolus. 1. Cor. 12. dicit. Alij per Spiritum datur Sermo Sapientiæ.
2. Alij Sermo scientiæ secundum eundem spiritum.
3. Alteri Fides in eodem spiritu.
4. Alij Gratia sanctorum.
5. Alij Operatio Virtutum.
6. Alij Prophetia.
7. Alij discretio Spiritum.
8. Alij interpretatio Sermonum.
9. Alij Genera linguarum.

Determinatio.

Concl. Gratia gratis data conuenienter diuiditur ab Apost. 1. Cor. 12.

Prob. Quia sunt necessaria ad hoc ut homo alius in rebus diuinis instruere possit, exterius docendo, vel persuadendo, tot conuenienter assi-

gnantur gratia gratis data.

Sed Nouem, quæ ab Apostolo assignantur, sunt necessaria ad hoc, ut homo alium in rebus diuinis, quæ sunt supra rationem, docendo, & persuadendo instruere possit. Ergo Conuenienter ab Apostolo assignantur gratia gratis data superius enumerata.

Maiores probatur, quia ut art. 1. huius quæst. dictum est. Gratia gratis data ordinatur ad hoc, ut homo alteri cooperetur, ut redigatur in Deum, non quidem interius mouendo, hoc enim solus Dei est; sed solum exterius docendo, vel persuadendo. Vnde gratia gratis data illa continere debet sub se, eibus homo indiget ad hoc, ut alterum instruat in rebus diuinis, quæ sunt supra rationem.

Minor Manifestatur. Tria enim requiruntur ad hoc ut homo alium in rebus diuinis instruere possit.

Primo, Ut homo sit foris plenitudinem cognitionis diuinorum, ut ex hoc instruere alios possit.

Secundo, Ut possit confirmare, vel probare ea, quæ dicit, alias non esset efficax eius doctrina.

Tertio, Ut ea, quæ concipit, possit conuenienter auditoribus proferre.

Quantum igitur ad primum, tria sunt necessaria, sicut etiam apparet in magisterio humano. Oportet enim, quod ille, qui debet alium instruere in aliqua scientia, primo quidem ut principia illius scientiæ sint ei certissima: & quantum ad hoc ponitur fides, quæ est certitudo de rebus inuisibilibus, quæ supponunt principia in catholica doctrina.

Secundo oportet, quod doctor recte se habeat circa principales conclusiones scientiæ, & sic ponitur sermo sapientiæ, quæ est cognitio diuinorum.

Tertio oportet, ut etiam abundet exemplis, & cognitione effectuum, per quos interdum oportet manifestare causas: & quantum ad hoc ponitur sermo scientiæ, quæ est cognitio rerum humanarum, quia inuisibilia Dei per ea, quæ facta sunt, intellecta conspiciuntur.

Confirmatio autem in his, quæ subduntur rationi, est per argumenta. In his autem, quæ sunt supra rationem diuinis reuelata, confirmatio est per ea, quæ sunt diuinæ virtuti propria: & hoc dupliciter. Vno quidem modo, ut doctor Sacre doctrine faciat, quæ solus Deus facere potest in operibus miraculosis. Siue sint ad salutem corporum: & quantum ad hoc, ponitur gratia sanctorum. Siue ordinentur ad solam diuinæ potestatis

tis manifestationem, sicut quod sol stet, aut tenebre scat, quod mare diuidatur : & quantum ad hoc, ponitur operatio virtutum. Secundo, vt possit manifestare ea, quæ solius Dei esse scire, & hæc sunt contingentia futura : & quantum ad hoc ponitur prophetia, & etiam occulta cordium, & quantum ad hoc, ponitur discretio spirituum. Facultas autem pronuntiandi potest esse scire, vel quantum ad Idioma, in quo aliquis possit intelligi, & secundum hoc ponuntur genera linguarum. Vel quantum ad sensum eorum, quæ sunt proferenda : & quantum ad hoc ponitur interpretatio sermonum.

Breuitur igitur colligendo numerum gratiarum gratis datarum dicimus, quod gratiæ gratis datæ dantur ad hoc, vt homo possit alium instruere de diuinis. Ad hoc autem tria sunt necessaria. Primum, vt homo, qui alium docere debet, habeat plenitudinem cognitionis diuinorum. Secundum, vt possit probare, & confirmare ea, quæ docet. Tertium, vt, quæ docere debet, possit conuenienter proferre his, quos instruit. Ad hoc, vt quis habeat plenitudinem cognitionis diuinorum, tria requiruntur. Primum est cognitio eorum, quæ in diuina scientia tanquam principia supponuntur. Secundum est cognitio principalium conclusionum. Tertium est cognitio effectuum diuinorum, ex quibus oportet interitum manifestare causas. Et ideo tres gratiæ gratis datæ sunt necessariae ad plenitudinem notitiæ de diuinis, scilicet Fides, per quam prima principia creduntur. Sapientia, per quam cognoscuntur principales conclusiones, & Scientia, per quam diuini effectus sciuntur. Ad hoc vt homo confirmare possit, quæ docet de diuinis, requiruntur duo. Vnum est, vt faciat, quæ solus Deus facere potest, & hæc sunt opera miraculosa : quæ duplicia sunt. Aut enim sunt ad salutem corporum ordinata. Aut ad solam diuinæ potentiae manifestationem. Sicut quod sol stet, aut tenebre scat, & his similia, & ideo ad hoc, vt qui diuina docet, ea confirmare possit, ponuntur duæ aliæ gratiæ gratis datæ, quæ sunt. Gratia sanitatum, & operatio virtutum. Alterum est, vt possit manifestare ea, quæ solius Dei esse scire, & hæc sunt duo, scilicet futura contingentia, & occulta cordium. Et propterea ponuntur duæ aliæ gratiæ gratis datæ. Ad cognoscenda futura contingentia ponitur prophetia. Ad cognoscenda occulta cordium ponitur discretio spirituum. Ad hoc autem, vt ille, qui diuina docere debet, possit conuenienter illa auditoribus proponere necessaria est facultas pronuntiandi, quæ attenditur, vel quantum ad Idioma, vel quantum ad Sensem

eorum, quæ sunt proferenda. Et propter hæc ponuntur duæ aliæ gratiæ gratis datæ. Propter primum ponitur gratia linguarum diuersarum. Propter secundum ponitur Interpretatio sermonum. Sic igitur ordinantur gratiæ gratis datæ.

Ad plenitudinem scientiæ dantur.

Fides. Propter principia.

Sapientia. Propter principales conclusiones.

Scientia. Propter effectus.

Ad Hoc vt possit confirmare dantur.

Gratia sanitatum propter corporalem salutem.

Operatio virtutum propter diuinæ potentiae ostensionem. Ad hoc, vt faciat, quæ solus Deus facere potest.

Prophetia. Propter futura contingentia.

Discretio spirituum propter cognitionem occultorum cordium. Vt sciat, quæ solus Deus scire potest.

Ad hoc vt possit docenda proponere dantur.

Operatio linguarum propter Idioma.

Interpretatio sermonum propter sensum sententiarum.

Ad Argumenta.

Ad 1. Negatur minor. Ad prob. iterum negatur minor. Non enim omnia beneficia, quæ nobis diuinitus conceduntur, gratiæ gratis datæ dicuntur, sed solum illa, quæ excedunt facultatem naturæ : sicut quod piscator abundet sermone sapientiarum, & scientiarum, & alijs huiusmodi. Et talia ponuntur hic sub gratia gratis datæ.

Ad 2. Negatur minor. Ad prob. dicitur, quod fides dupliciter consideratur. Vno modo, vt est virtus iustificans. Alio modo, vt importat quandam supereminentem certitudinem fidei, ex qua homo sit idoneus ad instruendos alios, de his, quæ ad fidem pertinent. Non enumeratur fides inter gratias gratis datas, vt est virtus, quia iustificatur, sed vt importat supereminentem certitudinem eorum, quæ ad fidem pertinent. Ad confirmationem dicitur, quod spes, & charitas pertinent ad vim appetituum, secundum quod per eam homo secundum se ipsum in Deum ordinatur, & non secundum quod alijs cooperatur.

Ad 3. Dicitur ad antecedens, quod gratia sanitatum distinguitur à generali operatione virtutum, quia habet specialem rationem inducendi ad fidem ad quam aliquis magis promptus redditur per beneficium corporalis sanitatis, quam per fidei virtutem assequitur. Similiter etiam loqui varijs linguis, & interpretari sermones, habent speciales quasdam rationes mouendi

di ad fidem, & ideo ponuntur speciales gratiæ gratis datæ.

Ad 4. Dicitur ad antecedens, quod Sapientia, & scientia nõ computantur inter gratias gratis datas, secũdum quod enumerantur inter dona Spiritus Sancti, prout scilicet mens hominis est bene mobilis per Spiritum Sanctum ad ea, quæ sunt Sapientiæ, & scientiæ: si enim sunt dona Spiritus Sancti, ut supra dictum est. q. 68. artic. 1. & 4. Sed computantur inter gratias gratis datas, secundum quod important quandam abundantiam scientiæ, & sapientiæ, ut homo possit non solum in seipso recte sapere de diuinis, sed etiam alios instruere, & contradicentes reuincere. Et ideo inter gratias gratis datas significanter ponitur sermo sapientiæ, & sermo scientiæ: quia ut August. dicit lib. 13. cap. 1. de 1 rinit. Aliud est scire tantummodo, quid homo credere debeat propter adipiscendam vitam beatam. Aliud est scire, quemadmodum hoc ipsum, & pijs opituletur, & contra impios defendatur.

ARTICVLVS V.

Vtrum Gratia gratis data sit dignior, quam gratia gratum faciens.

Pro Affirmatiua.

Videtur, quod gratia gratis data sit dignior, quam gratia gratum faciens.

1. Quod ordinatur ad bonum commune totius Ecclesiæ, dignius est, quam quod ordinatur ad bonum vnius. Sed Gratia gratis data ordinatur ad bonum commune totius Ecclesiæ: gratia vero gratum faciens ordinatur tantum ad bonum vnius, ut supra dictum est. Ergo Gratia gratis data dignior est, quam gratia gratum faciens.

Maiores prob. quia Bonum gentis, est melius, quam bonum vnius.

2. Illud, quod homo potest operari ad perfectionem aliorum, dignius est, quam illud, per quod homo tantum perficitur in se ipso. Sed Per gratiam gratis datam homo potest cooperari ad perfectionem aliorum: per gratiam vero gratum facientem perficitur tantum in se ipso, ut dictum est. Ergo Gratia gratis data dignior est, quam gratum faciens.

Maiores prob. quia Maioris virtutis est, quod aliquis possit agere in aliud, quam solum in se ipso perficiatur. Sicut maior est claritas corporis, quod potest etiam alia corpora illuminare, quam eius, quod ita in se lucet, ut alia illuminare non possit.

Et confirmatur. quia Propter hoc Phil. 5. Ethic. c. 3. dicit, quod Iustitia est preclarissima virtutum, quia per ipsam homo recte se habet etiam ad alios.

3. Id, quod est proprium meliorum, dignius est, quam illud, quod est commune omnium. Sed Gratia gratum faciens est communis omnibus membris Ecclesiæ: Gratia autem gratis data est proprium donum digniorum membrorum Ecclesiæ. Ergo Gratia gratis data est dignior, quam gratia gratum faciens.

Maiores manifestatur. Nam ratiocinari, quod est proprium hominis, dignius est, quam sentire, quod est commune omnibus animalibus.

Pro Negatiua.

Charitas est dignior gratijs gratis datis. Ergo Gratia gratis data non est dignior, quam gratia gratum faciens.

Antecedens prob. quia Apost. 1. Cor. 12. enumeratis gratijs gratis datis, subdit. Adhuc excellentiorem viam vobis demonstro, & sicut per subsequentia patet, loquitur de charitate.

Conseq. prob. quia Charitas pertinet ad gratiam gratum facientem.

Determinatio.

Concl. Gratia gratum faciens est multo excellentior, quam gratia gratis data.

Prob. Gratia, quæ ordinat hominem immediate ad coniunctionem vltimi finis, excellentior est, quam gratia, quæ ordinat hominem solum ad quædam preparatiua vltimi finis. Sed Gratia gratum faciens ordinat hominem immediate ad coniunctionem vltimi finis. Gratia autem gratis data ordinat hominem ad quædam preparatiua vltimi finis. Ergo Gratia gratum faciens nobilior est, & excellentior, quam gratia gratis data.

Maiores prob. Virtus, quæ ordinat ad maius bonum, est excellentior. Sed Gratia, quæ ordinat hominem ad coniunctionem vltimi finis, ordinat ad maius bonum, quam quæ ordinat solum ad ea, quæ sunt ad finem. Ergo Gratia, quæ ordinat hominem ad coniunctionem vltimi finis, est excellentior, quam quæ ordinat hominem ad quædam preparatiua ad vltimum finem.

Maiores huius prob. quia Vnaquæque virtus tanto excellentior est, quanto ad altius bonum ordinat.

Minor huius prob. quia Finis semper potior est his, quæ sunt ad finem.

Minor principalis quo ad priorem partem, scilicet quod gratia gratum faciens coniungat hominem

Deo,habita est art. 1. huius. Quo ad Secundam, scilicet quod gratia gratis data ordinat ad quardā preparatiua vltimi finis, Manifestatur. Nam per prophetiam, miracula, & alia huiusmodi homines inducuntur ad hoc, vt vltimo fini coniungantur, sed tamen vltimo fini se non possunt coniungere, nisi per gratiam gratum facientem.

Ad Argumenta.

Ad 1. Dicitur, quod bonum multitudinis est duplex, vt Phyl. dicit 12. Met. t. 52. Vnum quidem, quod est in ipsa multitudine: puta ordo, est bonum exercitus. Aliud est, quod est separatim a multitudine, quod est bonum ducis: puta Victoria, & hoc bonum separatim est melius, quam bonum coniunctum. Melior est enim victoria, q̄ ordo exercitus. Et rō est, quia bonū coniunctū, scilicet ordo exercitus, ordinatur ad bonum separatim, scilicet ad Victoriā. Ecclesia habet duplex hoc bonum, scilicet coniunctum, & separatim. Coniunctum est ipse ordo ministrorum Ecclesie. Separatum est ipse Deus, ad quem omnis Ecclesie bonum ordinatur. Gratia gratis data ordinatur ad bonum Ecclesie coniunctum. Gratia vero gratum faciens ordinatur ad bonum Ecclesie separatim, qui est Deus. Ad formā igitur argu. dicitur ad maiorem, quod est vera de eo, quod ordinatur ad bonum communis separatim, non autem de eo, quod ordinatur solum ad bonum coniunctum. Et ad minorem dicitur, quod gratia gratis data ordinatur ad bonum Ecclesie, sed coniunctum. Gratia vero gratum faciens coniungit hominem vltimo separato fini, scilicet Deo, vt dictum est.

Ad 2. Dicitur, quod hominem operari ad perfectionem aliorum per gratiam gratis datam dupliciter potest intelligi. Vno modo, vt homo per gratiam gratis datam operetur ad perfectionem aliorum illud, quod operatur in se ipso per gratiā gratum facientē. Alio modo, vt operetur ad perfectionem aliorum non illud, quod efficit in ipso per gratiā gratum facientem, sed aliquid aliud. Ad maiorem dicitur, quod est vera, quando quis per id, quod habet, operatur in alijs id, quod ipse est consecutus ex perfectione, quam habet: non autem est vera, quādo per id, quod quis habet, non operatur in alijs, quod ipse, ex eo quod habet, est consecutus. Tunc ad minorem dicitur, quod per gratiam gratum facientem homo consequitur hoc, vt Deo coniungatur. Per gratiam vero gratis datam non coniungit homines Deo, sed solum eos disponit ad coniunctionem cum Deo. Vnde plus consequitur homo per gratiam

gratum facientem in se ipso, quam faciat in alijs per gratiam gratis datam.

Et breuius dicitur ad maiorem, quod est vera ceteris paribus. Si enim esset aliquid, per quod homo se ipsum, & alios Deo coniungere posset, profecto excellentius esset, quam illud. per quod tm̄ se ipsum Deo coniungit. Sed si sit aliquid, per q̄ hō se ipsum Deo coniungat, & aliud per quod solum disponat alios ad diuinam cōiunctionem, excellentius est id, per quod ipse homo Deo coniungitur, quam illud, per quod solum alios disponit ad diuinam cōiunctionem.

Ad 3. Negatur maior. Ad prob. dicitur, quod ratiocinari non ideo est perfectius, quam sentire, ex hoc, quia ratiocinari est proprium, & sentire commune; nam dato quod omnia animalia essent rationalia, vel dato quod solus homo haberet sensum, adhuc ratiocinari esset quid nobilius, quam sit sentire. Sed ista excellentia rationis supra sensum est, quia sensitiua cognitio, ad intellectum ordinatur. Illud igitur, ad quod aliud ordinatur est excellentius, quam sit id, quod ad ipsum ordinatur. Et quia gratia gratis data ordinatur ad gratiam gratum facientem, ideo hæc est excellentior illa. Vnde patet, quod est opposito modo, de sensu respectu intellectus, & de gratia gratis data respectu gratie gratum facientis. Nam ibi commune, scilicet sensus, ordinatur ad proprium, id est ad rationem. Hic autem proprium, id est gratia gratis data, quæ non est omnibus communis, ordinatur ad commune, id est ad gratiam gratum facientem, quæ est omnibus fidelibus communis.

Q V A E S T I O CXII.

De Causa Gratie.

ARTICVLVS I.

Vtrum Solus Deus sit causa gratie.

Pro Negativa.

Videtur, quod non solus Deus sit causa gratie.

1. Gratia, & Veritas per Iesum Christum facta est, vt dicitur Io. 1. Ergo Non solus Deus, sed aliqua etiam creatura potest esse causa gratie.

Consequ. prob. Nomine Iesu Christi intelligitur non solum diuina natura assumens, sed etiam natura creata assumpta.

2. Sacramenta noue legis causant gratiam. Ergo Non solum Deus est causa gratie.

Ante-

Antec. prob. quia Ista differentia ponitur inter sacramenta nouæ legis, & veteris, quod sacramenta nouæ legis causant gratiam, quam sacramenta veteris legis significabant.

Conseq. prob. Quia sacramenta nouæ legis sunt quædam visibilia elementa, & inde creaturæ.

3. Angeli superiores purgant, illuminant, & perficiunt Angelos inferiores, & etiam homines, vt Dion. dicit in libro cæl. Hier. Ergo Non solus Deus est causa gratiæ.

Conseq. prob. Quia creatura rationalis purgatur, illuminatur, & perficitur per gratiam.

Pro Affirmatiua.

In Psal. 33. dicitur Gratiam, & Gloriam dabit dominus.

Determinatio.

Conclusio. Solus Deus est causa gratiæ.

Prob. ratione, & a simili.

Ratio est. Illud, quod excedit omnem facultatem nature creatæ, a solo Deo potest produci, & causari. Sed Gratia excedit totam facultatem nature creatæ. Ergo Gratia a solo Deo potest causari.

Maior prob. quia Cum semper oportet, vt causa sit potior suo effectu, nulla res potest agere ultra suam speciem, nec producere ea, quæ sunt supra suam naturam.

Minor prob. quia Gratia nihil aliud est, quam quædam participatio diuinæ naturæ, quæ excedit omnem creaturam.

Secundo prob. a simili. Sicut enim impossibile est, vt aliquid igniat, quod tamen non sit ignis, sic impossibile est, vt aliquid possit deificare communicando consortium diuinæ naturæ per gratiam, quod non sit Deus.

Ad Argumenta.

Ad 1. Dicitur ad antecedens, quod gratiā causari ab aliquo potest intelligi dupliciter. Vno modo, tanquam a causa effectiua principali. Alio modo, tanquam a causa instrumentali. Gratia est facta per Iesum Christum tanquam per causam principalem, secundum diuinitatem: ab humanitate vero eius, tanquam a causa instrumentali. Est enim humanitas Christi sicut quoddam organum diuinitatis eius, vt Dam. dicit lib. 3. cap. 13. Instrumentum autem non agit actionem agentis principalis propria virtute, sed virtute principalis agentis: & ideo humanitas Christi non causat gratiam propria virtute, sed virtute diuinitatis adiunctæ, ex qua actiones humanitatis Christi sunt salutare.

Ad 2. Dicitur ad antecedens, quod Sacramenta nouæ legis sunt causa gratiæ, non quidem sunt causa principalis, sed tantum instrumentaliter: cau-

satur enim gratia per sacramenta virtute Spiritus Sancti in sacramentis operantis, secundum illud Io. 3. Nisi quis renatus fuerit ex aqua, & Spiritu Sancto, &c.

Ad 3. Dicitur ad antecedens, quod Angelus superior purgat inferiorem, non iustificando per gratiam, hoc enim soli Deo conuenit, sed solum infundendo eis aliquid diuinæ scientiæ lumen. Vnde neg. conseq. Ad prob. dicitur, quod nō omnis purgatio creaturæ est per gratiam, sed solum quæ est a peccato, & hæc est a solo Deo.

ARTICVLVS II.

Vtrum requiratur aliqua præparatio, & dispositio ad gratiam ex parte hominis.

Pro Negatiua.

Videtur, quod non requiratur aliqua præparatio, siue dispositio ad gratiam ex parte hominis.

1. Quod tollit rationem gratiæ, non requiritur ad gratiam. Sed Præparatio ex parte hominis tollit rationem gratiæ. Ergo Præparatio ex parte hominis non præexigitur ad gratiam.

Minor prob. Operatio ex parte hominis tollit rationem gratiæ, secundum illud Rom. 4. ei, qui operatur, merces non imputatur secundum gratiam, sed secundum debitum. Sed Præparatio hominis per lib. arb. est per aliquam operationem. Ergo Huiusmodi præparatio tollit rationem gratiæ.

2. Quibusdam in peccato progredientibus data est gratia, sicut patet de Paulo, qui gratiam consecutus est, dum esset spirans minarum, & cedis in discipulos Domini, vt dicitur act. 9.

Ergo Nulla præparatio requiritur ad gratiam consequendam ex parte hominis.

Conseq. prob. quia Ille, qui in peccato progreditur, non præparat se ad habendam gratiam.

3. Agens infinitæ virtutis non requirit dispositionem in materia. Sed Deus, qui solus gratiam causat, est agens infinitæ virtutis. Ergo Deus non requirit in collatione gratiæ aliquam præparationem in homine.

Maior prob. quia Agens infinitæ virtutis, nec ipsam materiam requirit, vt in creatione apparet, cui collatio gratiæ comparatur, quæ dicitur noua creatura Gal. vlt.

Pro Affirmatiua.

Amos. 4. dicitur homini. Præparate in occursum Dei tui. & 1. Reg. 8. dicitur. Præparate corda vestra Domino.

G g g g g 2 De

Determinatio.

Dist. Gratia dicitur dupliciter, ut pluries in tribus præcedentibus quæst. dictum est. Quandoque quidem dicitur gratia, ipsum habituale donum Dei. Quandoque vero auxilium Dei mouens animam ad bonum.

1. Concl. Ad habituale gratiæ donum requiritur in homine aliqua præparatio.

Prob. Nulla forma potest esse nisi in materia disposita. Habitualis gratia est quedam forma in anima. Ergo Habitualis gratia requirit aliquam præparationem ex parte hominis.

2. Concl. Ad Gratiā, secundum quod significat auxilium Dei mouens ad bonum, nulla præparatio requiritur ex parte hominis, quasi præueniens diuinum auxilium.

Manifestatur, quia Quæcumque præparatio in homine esse potest, est ex auxilio Dei mouens animam ad bonum. Motus. n. lib. arb. quo quis præparatur ad donum gratiæ suscipiendum est etiam a Deo, qui mouet lib. arb. ad bonum.

3. Concl. Præparatio ad gratiam habituale, est ipse bonus motus lib. arb. moti a Deo.

Manifestatur, quia Enim huiusmodi actus lib. arb. est a lib. arb. dicitur homo se præparare secundum illud Prouer. 16. Hominis est præparare animam. Et iterum. Quia huiusmodi lib. arb. motus est principium a Deo mouente ipsum, ideo dicitur voluntas hominis a Deo præparari, & a Domino gressus hominis dirigi, ut ibidem dicitur.

Ad Argumenta.

Ad 1. Dicitur, quod præparatio hominis ad gratiam est duplex. Quedam est simul cum infusione gratiæ, & hæc præparatio est perfecta. Alia est præparatio, quæ præcedit infusionem gratiæ, & hæc est imperfecta præparatio, sit enim per actum lib. arb. moti a Deo. Prima præparatio est meritoria, non quidem gratiæ, quæ iam habetur, sed gloriæ, quæ nondum habetur. Præparatio vero imperfecta non sufficit ad meritum, quia cum huiusmodi præparatio præcedat infusionem gratiæ, sine qua nullum est meritum, sequitur, quod non sit meritoria, & per consequens quod non tollat rationem gratiæ infundendæ. Unde ad formam argumenti dicitur ad minorem, quod non omnis præparatio ex parte hominis tollit rationem gratiæ, cum non omnis talis præparatio sit perfecta, sed solum illa, quæ est simul cum infusione gratiæ. Præparatio vero, quæ præcedit ex se infusionem gratiæ, quæ præparatio est solus actus bonus lib. arb. moti a Deo, non est meritoria, nec tollit rationem gratiæ.

Ad maiorem prob. dicitur, quod non omnis operatio ex parte hominis est meritoria, sed solum

illa, quæ sit per lib. arb. informatum gratia gratum faciente.

Ad 2. Neg. Conseq. Ad prob. dicitur, quod cum præparatio ad gratiam sit a Deo mouente lib. arb. ut dictum est in præced. responsione. Deus aliquando mouet hominem ad bonum, non tamen perfectum, & talis præparatio semper præcedit ipsam gratiæ infusionem. Aliquando autem Deus perfecte mouet hominem ad bonum perfectum, & tunc homo subito consequitur gratiam, secundum illud Io. 6. Omnis, qui audit a patre, & didicit, venit ad me. Facile enim est in oculis Dei subito honestare pauperem. ut dicitur Eccl. 11. & hoc contigit Paulo, qui dum esset in progressu peccati, perfecte motum est cor eius a Deo, audiendo, addiscendo, & veniendo, & propterea subito gratiam est consecutus. Ad prob. igitur Conseq. negatur assumptum, ille enim, qui in peccato proficit, si subito perfecte moueatur a Deo, præparatur ad gratiam, & simul eam recipere potest, ut in Paulo apparuit.

Ad 3. Dicitur, quod agens infinitæ virtutis requirere in sua actione materiam, & materiæ dispositionem, potest dupliciter intelligi. Vno modo, ut indigeat materia ab alio facta, & disposita. Alio modo, ut præexigat materiam a se factam, & dispositam secundum exigentiam rei faciendæ. Tunc ad maiorem dicitur, quod agens infinitæ virtutis non præsupponit materiam ab alio factam, aut dispositam, sed tamen præsupponit materiam a seipso factam, & præparatam, ut recipiat debitam formam. Infusio igitur gratiæ præsupponit præparationem, non ab alio quam a Deo infundente gratiam factam: præparatur enim homo ad gratiam per actum lib. arb. moti a Deo in bonum.

Ad prob. autem maioris dicitur, quod agens infinitæ virtutis non requirit materiam ab alio productam, sed secundum conditionem rei faciendæ, requirit materiam ab ipsomet productam, & dispositam ad receptionem debitæ formæ.

ARTICVLVS III.

Vtrum necessario detur gratia, se præparanti ad gratiam, vel facienti quod in se est.

Pro Affirmatiua.

Videtur, quod Necessario detur gratia, se præparanti ad gratiam, vel facienti quod in se est.

1. Impossibile est Deum non recipere eum, qui ad se confugit.

Ergo Necessario datur gratia, facienti quod in se est.

Antec.

Antec. prob. Impossibile est in Deo esse iniquitatem. Ergo Impossibile est Deum non recipere fugientem ad se.

Conseq. hæc prob. quia super illud. Roman. 5. Iustificati ex fide pacem habeamus, Glos. dicit, Deus recipit eum, qui ad se confugit, aliter esset in eo iniquitas.

2. Ista est causa quare Deus non concedit diabolo gratiam, inquit Ansel. in lib. de casu Diab. cap. 3. quia ipse noluit accipere, nec paratus fuit. Ergo ei, qui vult accipere, & se præparauit, necessarium datur gratia.

Consequentia probatur. quia Remota causa impediens gratiæ consecutionem, quæ est nolle, & non se præparare, necessario sequitur effectus gratiæ.

3. Forma naturalis necessario aduenit materiæ dispositæ ad talem formam. Ergo Multo magis gratia datur ex necessitate præparanti se ad gratiam.

Consequentia probatur. quia Cum omne bonum sit communicatum, vt Dionys. dicit 4. c. de diuin. nom. & gratia sit maius bonum, quam bonum naturæ, sequitur, quod sit magis communicatiua sui ipsius, & per consequens si forma naturalis necessario infunditur præparatæ materiæ, multo magis gratia infundatur cordi præparato.

Pro Negatiua.

Lutum non ex necessitate accipit formam a figulo, quantumcunque præparatum. Ergo Neque homo, quantumcunque se præparet, non necessario recipit gratiam a Deo.

Conseq. probatur. quia Homo comparatur ad Deum, vt lutum ad figulum, secundum illud Hierem. 18. Sicut lutum in manu figuli, si vos in manu mea.

Determinatio.

Dist. Præparatio dupliciter considerari potest. Vno modo, secundum quod est a lib. arb. Alio modo, secundum quod est a Deo mouente.

Manifestatur hæc dist. quia Præparatio hominis ad gratiam est a Deo sicut a mouente, & a lib. arb. sicut a moto.

1. Concl. Præparatio ad gratiam, secundum quod est a lib. arb. nullam necessitatem habet ad gratiæ consecutionem.

Prob. quia Donum gratiæ excedit omnem præparationem virtutis humanæ.

2. Concl. Præparatio ad gratiam, secundum quod est a Deo mouente, habet necessitatem ad id, ad quod ordinatur a Deo, non quidem coactionis, sed infallibilitatis.

Prob. quia Intentio Dei deficere non potest: Nam Aug. dicit in lib. de Pred. 55. quod per beneficicia Dei certissime liberantur, quicumque liberantur.

Correl. Si ex intentione Dei mouentis est, quod homo, cuius cor moeretur, gratiam consequatur, infallibiliter ipsam cõsequitur. Dicitur enim Io. 6. Omnis, qui audit a Patre, & didicit, venit ad me.

Ad Argumenta.

Ad 1. Negatur antecedens. Ad prob. negatur Conseq. Ad cuius prob. dicitur dupliciter. Primo, quod glosa illa loquitur de eo, qui confugit ad Deum per actum meritorium, lib. arb. iam per gratiam informati, quem si Deus non recipret, esset contra iustitiam, quam ipse statuit.

Secundo dicitur, quod si Glosa referatur ad motum lib. arb. ante gratiam, loquitur, secundum quod ipsum cõfugium hominis ad Deum est per motionem diuinam, quam iustum est, non deicere ab eo, quod intendit.

Ad 2. Negatur Conseq. Non enim sequitur, quod quia causa non consecutionis gratiæ est nostrum non velle, quod causa consecutionis sit nostrum velle. Quia defectus gratiæ prima causa est ex nobis. Sed prima causa collationis gratiæ est a Deo, secundum illud Os. 13. Perditio tua ex te Israel, tãrummodò in me auxilium tuum. Stat igitur, quod causa quare Diabolus non est consecutus gratiam fuerit eius mala voluntas, & tamẽ quod remota hac causa non necessario sequatur effectus gratiæ, quia gratia non est ex voluntate nostra, sed a Deo.

In argumento verò supponitur, quod sicut voluntas nostra est cã non cõsequendi gratiã, ita bona volũtas nostra sit causa cõsecutionis gratiæ.

Ad 3. Dicitur ad antecedens, quod forma naturalis non ex necessitate sequitur ad materiæ dispositionẽ, nisi ex virtute agentis causantis ipsam materiæ dispositionem.

Sic gratia non necessario datur se præparanti, nisi secundum intentionem Dei causantis dispositionem animæ nostræ.

ARTICVLVS IV.

Vtrum Gratia sit maior in vno quam in alio.

Pro Negatiua.

Videtur, quod Gratia non sit maior in vno, quam in alio.

1. Quod censatur in nobis ex dilectione diuina, non est maior in vno, quam in alio.

Sed

Sed Gratia causatur in nobis ex dilectione diuina, ut dictum est quæst. 110. art. 1. Ergo Gratia non est maior in vno, quam in alio.

Maiores prob. quia Diuina dilectio æqualiter ad omnes se diffundit, secundum illud Sap. 6. Pusillum, & magnum ipse fecit, & æqualiter est illi cura de omnibus.

2. Illud, quod est magis in vno, quam in alio, suscipit magis, & minus. Sed Gratia non suscipit magis, & minus. Ergo Gratia non est maior in vno, quam in alio.

Minor prob. Quod est in summo, non suscipit magis, & minus. Sed Gratia est in summo: coniungit enim vltimo fini.

Ergo Gratia non suscipit magis, & minus.

3. Vita non suscipit magis, & minus. Sed Gratia est animæ vita, ut dictum est quæst. 110. art. 2. Ergo Gratia non suscipit magis & minus.

Pro Affirmatiua.

Quod datur secundum mensuram, non omnibus æqualiter datur. Sed Gratia datur secundum mensuram.

Ergo Gratia non est æqualis in omnibus, sed in vno maior, quam in alio.

Minor prob. Quia ad Ephes. 4. dicitur. Vnicuique nostrum data est gratia secundum mensuram donationis Christi.

Determinatio.

Dist. Habitus duplicem magnitudinem habere potest, ut dictum est supra quæst. 52. art. 1. & 2. Vnam ex parte finis, vel obiecti, secundum quod dicitur vna virtus alia nobilior, in quantum ad maius bonum ordinatur. Aliam vero ex parte subiecti, quod scilicet magis, vel minus participat habitum inherenter.

1. Conclusio. Gratia gratum faciens secundum magnitudinem, quæ est ex parte finis, vel obiecti, non potest esse maior, & minor.

Prob. Quod coniungit hominem summo bono, non potest ex parte obiecti, vel finis esse maius, vel minus. Sed Gratia gratum faciens coniungit hominem summo bono. Ergo Gratia gratum faciens ex parte obiecti non est maior, vel minor.

2. Concl. Gratia secundum magnitudinem, quam habet ex parte subiecti, potest esse maior in vno, quam in alio, prout scilicet vnus perfectius illustratur a lumine gratiæ, quam alius.

Hæc Conclusio duplicem habet rationem. Prima desumitur ex parte preparantis se ad gratiam, & est talis. Qui se magis ad gratiam preparat, plenior gratiam recipit. Sed Vnus magis se, quam alius, ad gratiam preparat. Ergo Gratia potest esse maior in vno, quam in alio.

Iudicium de hac ratione.

Quæ ratio, quâuis vera sit, non tamen est prima, & principalis. Non enim potest sumi prima ratio diuersitatis gradus gratiæ ex parte se preparantis ad gratiam, quia preparatio ad gratiam non est hominis, nisi in quantum lib. arb. eius preparatur a Deo: Vnde prima ratio, & causa huius diuersitatis accipienda est ex parte ipsius Dei.

Primaria ratio ad Conclusionem.

Prima igitur, & radicalis ratio, quare vnus maiorem habet gratiam, quam alius, est ex hoc, quia Deus diuersimode sua dona dispensat, ut ex diuersis gradibus, pulcritudo, & perfectio Ecclesiæ confurgat: sicut etiam diuersos gradus rerum instituit, ut esset vniuersum perfectum. Vnde Apost. ad Ephes. 4. postquam dixerat. Vnicuique data est gratia secundum mensuram donationis Christi, enumeratis diuersis gradibus subiungit. Ad consummationem Sanctorum, in ædificationem corporis Christi.

In forma. Sicut se habent diuersi gradus rerum ad perfectionem vniuersi sic se habent diuersi gradus gratiæ ad perfectionem, & decorem Ecclesiæ. Sed Causa prima diuersitatis gradus rerum est Deus, ut vniuersum sit perfectum. Ergo Causa diuersitatis graduum gratiæ in diuersis membris Ecclesiæ est Deus, ut ex hac diuersitate graduum Ecclesiæ pulcritudo confurgat.

Et Confirmatur autoritate Apost. ad Eph. 4. citata.

Ad Argumenta.

Ad 1. Negatur maior. Ad prob. dicitur, quod diuina dilectio, quæ Deus de omnibus curam habet, potest considerari dupliciter. Vno modo, quantum ad ipsum diuinum actum, qui est simplex, & vniformis. Alio modo, quantum ad ea, quæ in creaturis ex diuina dilectione, & cura proueniunt. Si consideretur primo modo, æqualiter se habet eius dilectio, & cura ad omnes: quia. scilicet Deus vno actu simplici, & maiora, & minora dispensat. Si vero consideretur secundo modo, inuenitur in diuina cura, & dilectione inæqualitas, in quantum. scilicet Deus sua cura quibusdam maiora, & quibusdam minora dona dispensat.

Ad 2. Dicitur, quod probat primam conclusionem, concludit enim, quod gratia ex parte finis, seu obiecti non suscipiat magis, & minus: Non enim potest gratia secundum hoc esse maior,

maior, vel minor, quia ad maius, vel minus bonū ordinat. Sed est maior, vel minor, ex eo quod magis, vel minus ordinat ad idem bonum, magis, vel minus participandum.

Quamvis igitur gratia sit in summo, quatenus summo bono coniungit; tamē potest esse maior, vel minor secundum participationem subiecti, & ipsa gratia, & etiā finalis gloria.

Ad 3. Neg. Conseq. Ad probationem dicitur, quod non est eadem ratio de vita naturali, & de vita gratiæ. Vita enim naturalis pertinet ad substantiam hominis: Et quia substantia non suscipit magis, & minus, ideo vita naturalis non est maior in vno, quam in alio. Gratia autem est vita, quam participat homo accidentaliter, & ideo eam potest magis, vel minus habere.

ARTICVLVS V.

Verum homo possit scire se habere gratiam.

Pro Affirmatiua.

Videtur, quod homo possit scire, se habere gratiam.

1. Illud, quod est in anima per sui essentiam, potest ab eo, in quo est certissime sciri. Sed Gratia est in anima per sui essentiam.

Ergo Gratia potest ab eo, in quo est, certissime cognosci.

Maiores prob. quia Certissima cognitio animæ est eorum, quæ sunt in anima per sui essentiam, vt Aug. dicit 12. super Gen. ad lit. cap. 25.

2. Qui accipit scientiam a Deo, scit se scientiam habere, secundum illud Sap. 7. Dominus dedit mihi horum, quæ sunt, veram scientiam. Ergo Pari ratione, qui accipit gratiam a Deo, scit se gratiam habere.

Conseq. prob. quia Sicut scientia est donum Dei, ita & gratia.

3. Peccatum, quod est spiritualis tenebra, per certitudinem potest sciri ab eo, qui habet peccatum. Ergo Multo magis gratia, quæ est spirituale lumen.

Conseq. prob. quia Lumen est magis cognoscibile, quam tenebra, secundum illud ad Ephes. 5. Omne, quod manifestatur, lumen est.

4. Dona Dei cognoscuntur ab eo, quia ea recipit. Sed Gratia est primum donum Dei. Ergo Homo, qui habet gratiam, potest certo cognoscere, se eam habere.

Maiores prob. quia 1. Cor. 2. dicitur. Nos autē, non spiritum huius mundi accepimus, sed spiri-

tum, qui a Deo est, vt sciamus, quæ a Deo donata sunt nobis.

5. Genes. 22. Ex persona Domini dicitur ad Abraham. Nunc cognoui, quod timeas Dominum, id est cognoscere te feci: loquitur autem ibi de timore casto, qui non est sine gratia.

Ergo Homo potest cognoscere se habere gratiam.

Pro Negatiua.

Nemo potest scire, vtrum sit dignus amore vel odio, vt dicitur Eccles. 9. Sed Gratia gratum faciens facit hominem dignum Dei amore.

Ergo Gratiam gratum facientem nullus potest scire se habere.

Determinatio.

Dist. Tripliciter aliquid cognosci potest. Vno modo, per reuelationem. Alio modo, per se ipsum certitudinaliter. Tertio modo coniecturaliter per aliqua signa. Vnde aliquem scire se habere gratiam, hoc triplici modo potest intelligi, scilicet per reuelationem, per se ipsum certitudinaliter, & per seipsum coniecturaliter.

1. Conclusio. Aliquis potest scire se habere gratiam per reuelationem.

Manifestatur. Deus enim reuelat hoc, aliquibus ex speciali priuilegio, vt securitatis gaudiū, etiam in hac vita in eis incipiat, & confidentius, & fortius magnifica opera prosequantur, & mala presentis vitæ sustineant. Quod priuilegium concessum fuit Paulo, cui dictum est. 2. Cor. 12. sufficit tibi gratia mea.

2. Conclusio. Nullus potest per se ipsum certitudinaliter scire, se habere gratiam.

Prob. Illud, cuius principium est nobis ignotū, non potest a nobis certitudinaliter cognosci. Sed Principium gratiæ est nobis ignotum. Ergo Nullus potest certitudinaliter cognoscere, se habere gratiam.

Maiores probatur. quia Certitudo non potest haberi de aliquo, nisi possit dijudicari per proprium principium. Sic enim habetur certitudo de conclusionibus demonstratis, per indemonstrabilia vniuersalia principia: & nullus posset scire, se habere scientiam alicuius conclusionis, si principium ignoraret.

Minor probatur. quia Principium gratiæ, & obiectum est ipse Deus, qui propter sui excellentiam est nobis ignotus, secundum illud Iob. 36. Ecce Deus magnus vincens scientiam nostram. Et propterea Dei præsentia, & absentia in nobis per certitudinem cognosci non potest, secundum illud

illud Iob. 9. Si venerit ad me, non videbo eum, & si abierit, non intelligam.

Et ideo homo non potest per certitudinem iudicare, se habere gratiam, secundum illud Apost. 1. Corinth. 4. Sed neque meipsum iudico, qui autem me iudicat me, Dominus est.

3. Conclusio. Homo potest coniecturaliter per aliqua signa cognoscere, se habere gratiam.

Manifestatur. quia Quando homo percipit se delectari in Deo, & contemnere res mundanas, & iterum non est sibi conscius alicuius peccati mortalis, potest coniecturare se habere gratiam.

Secundum quem modum potest intelligi illud, quod habetur Apoc. 1. Vincenti dabo manna absconditum, quod nemo novit, nisi qui accipit, quia scilicet ille, qui accipit gratiam, per quam experientiam dulcedinis novit, quam non experitur ille, qui non accipit.

4. Conclusio. Cognitio coniecturalis, quae alicuius sit, se habere gratiam, est imperfecta.

Manifestatur. quia Apost. 1. Corinth. 4. dicit Nihil mihi conscius sum, Sed non in hoc iustificatus sum: & Psal. 18. dicitur, Delicta quis intelligit? ab occultis meis munda me Domine, & ab alienis parce sermo tuo.

Ad Argumenta.

Ad 1. Dicitur, quod aliquid esse in anima per sui essentiam, potest dupliciter intelligi. Vno modo, ut sit in anima in ratione obiecti. Alio modo, ut sit in anima in ratione principij alicuius actus. Lapis enim est in anima in ratione obiecti: Species vero lapidis est in anima in ratione principij actus cognoscendi, similem doctrinam habet sp. p. q. 87. art. 2. ad 2.

Quod igitur est in anima primo modo, certissime cognoscitur ab eo, in quo est. Quod vero est tantum secundo modo, non cognoscitur, nisi per suos actus, quorum est principium: quod si similes actus ab alio principio provenire possint, non poterit quis cognoscere, se habere illum habitum, nisi secundum aliqualem coniecturam.

Tunc ad minorem dicitur, quod gratia est in anima, non in ratione obiecti, sed in ratione habitus, quatenus scilicet est principium bonarum operationum. Et ideo gratia non potest secundum seipsam cognosci, sed per suos actus.

Sed quia similes actus possunt etiam ex naturalibus principijs, puta ex acquisitis virtutibus provenire, propterea ex huiusmodi actibus non potest quis, certo scire, se habere gratiam. Actus

enim faciendi elemosynam, potest esse actus charitatis, & etiam actus liberalitatis: & simile est de actibus aliarum virtutum. Vnde ex huiusmodi actibus non potest quis certo cognoscere, se habere gratiam.

Ad 2. Negatur Consequentia. Ad probationem dicitur, quod non est eadem ratio de scientia, & gratia. De ratione enim scientiae est, quod homo certitudinem habeat de his, quorum scientiam habet, & similiter de ratione fidei est, quod homo sit certus de his, quorum habet fidem, & hoc ideo, quia certitudo pertinet ad perfectionem intellectus, in quo praedicta dona existunt, & ideo quicumque habet scientiam, vel fidem, certus est, se habere illa.

Gratia vero, & charitas perficiunt appetitum, de cuius ratione non est certitudo, & ideo non potest quis certo scire, se habere huiusmodi habitus.

Ad 3. Dicitur ad antecedens, quod licet peccatum sit spiritualis tenebra, tamen habet pro obiecto bonum commutabile, quod est nobis notum. Gratia vero, licet sit spiritualis lux, tamen quia habet pro obiecto bonum incommutabile, quod ratione immensitatis luminis est nobis ignotum, secundum illud. 1. Timoth. vi. Lucem habitat inaccessibilem. Vnde Negatur Consequentia. Ad probationem dicitur, quod tenebra minus cognoscitur, quam lux, ceteris paribus. Quod non est in proposito, nam peccatum est tenebra quidem secundum se, sed eius obiectum est nobis notum. Gratia vero est lux, sed inaccessibilis.

Ad 4. Dicitur dupliciter. Primo, quod dona Dei sunt duplicia, scilicet gratiae, & gloriae. Ad maiorem dicitur, quod est vera de donis gloria, quae nobis dantur in spe, & certissime ea cognoscimus per fidem: non autem est vera de donis gratiae, non enim possumus habere certitudinem, nos habere gratiam, per quam possumus gloriam promereri.

Ad probationem dicitur, quod Apostolus loquitur de donis gloriae, non autem de dono gratiae.

Vel dicitur Secundo ad eandem probationem. Apost. loquitur de notitia, quae est ex privilegio per revelationem, per quam certo cognoscere possumus, nos habere gratiam, ut in concl. prima dictum est. Quod inuens Apost. subdit ibidem. Nobis autem revelavit Deus per Spiritum Sanctum.

Ad 5. Dicitur primo, quod illud verbum Abraham dictum, potest referri ad notitiam experientialem, quae est per exhibitionem operis. In opere enim illo, quod fecerat Abraham, cognoscere potuit experimentaliter se Dei timorem habere.

Vel

Vel potest hoc etiam ad reuelationem referri, vt sit sensus, Nunc te cognoscere feci per meam reuelationem, &c.

DE EFFECTIBVS Gratiæ

DEinde considerandū est de effectibus Gratiæ. Et Primo de Iustificacione impij, quæ est effectus gratiæ Operantis in quæst. 113.

Secundo de merito, quod est effectus gratiæ cooperantis. quæst. 114.

QVÆSTIO CXIII.

DE IUSTIFICATIONE IMPII.

ARTICVLVS I.

Vtrum Iustificatio impij sit remissio peccatorum.

Pro Negatiua.

Videtur, quod iustificatio impij non sit remissio peccatorum.

1. Illud, quod significat motum nō solum ad iustitiam, sed etiam ad omnes alias virtutes, non est iustificatio. Sed Remissio peccatorum est motus quidam non solum ad iustitiam, sed etiam ad omnes alias virtutes.

Ergo Remissio peccatorum non debet dici iustificatio.

Maiores prob. quia Iustificatio significat tantum motum ad iustitiam, Vnde illud, quod significat motum etiam ad alias virtutes, non debet dici iustificatio.

Minor prob. Peccatum opponitur non solum iustitiæ, sed etiam omnibus alijs virtutibus, vt dictum est. q. 71. art. 1.

Ergo Remissio peccatorum non est solum motus ad iustitiam, sed ad omnes alias virtutes.

Conseq. hæc prob. quia Motus est de contrario in contrarium. Vnde remissio peccati, quod erit contra charitatem, erit motus ad charitatē, & remissio peccati imprudentiæ, erit motus ad prudentiam, & sic de alijs. Non igitur omnis peccatorum remissio, iustificatio dici debet.

2. Remissio peccatorum præcipue fit per fidem, & charitatem. Ergo Remissio peccatorum magis debet denominari a fide, & charitate, quā a iustitia.

Antecedens prob. quia Act. 15. dicitur. Fide purificans corda eorum. Et Prou. 10. dicitur. Vniuersa delicta operit charitas.

Conseq. prob. quia Vnumquodque debet nominari ab eo, quod est potissimum in ipso, vt dicitur 2. de Anima. tex. 49.

3. Quod præcedit iustificationem, non est iustificatio. Sed Remissio peccatorum præcedit iustificationem.

Ergo Remissio peccatorum nō est iustificatio. Minor prob. Vocatio præcedit iustificationē. Sed Remissio peccatorū idem esse videtur, quod vocatio.

Ergo Remissio peccatorum præcedit iustificationem.

Maiores huius prob. quia Rom. 8. dicitur. Quos vocauit, hos & iustificauit.

Minor huius prob. Deus enim vocare dicitur eum, qui ab ipso distat per peccatum.

Pro Affirmatiua.

Super illud Rom. 8. Quos vocauit, hos & iustificauit, dicit Glof. interlin. Remissione peccatorum. Ergo Remissio peccatorū est iustificatio.

Determinatio.

Prima Dist. Iustificatio potest accipi dupliciter. Vno modo actiue. Alio modo passiue. Iustificatio actiue significat motū ad iustitiam, sūm quod est a iustificante. Iustificatio passiue accepta significat motu eius, qui iustificatur, qui terminatur ad iustitiam. Sicut calefactio hoc duplici modo accipi potest, scilicet actiue, & sic est motus ad calorem, secundum quod exit a calefaciente, & passiue, & sic significat motum calefactibilis, ut terminatur ad calorem. Hic est sermo de iustificatione passiue accepta, quæ significat motum ad iustitiam.

Secunda Dist. Iustitia cum importet quandā rectitudinem, dupliciter accipi potest. Vno modo proprie. Alio modo metaphoricè. Iustitia proprie accepta est, quæ importat ordinem in ipso actu hominis, & secundum hoc, iustitia est quædam virtus, quæ etiam est duplex: est enim quædam virtus iustitiæ, quæ importat rectitudinem in actu hominis per comparisonem ad alium singularem hominem, & dicitur iustitia particularis. Et est virtus distincta contra alias uirtutes Cardinales. Quædam uero ordinat actus hominis in comparisonem ad bonum commune, & hæc dicitur iustitia legalis, de qua dictum est in quæst. 90. Iustitia uero metaphoricè accepta est, quæ importat rectitudinem quandam ordinis in

H h h h h ipfa

ipsa interiori dispositione hominis, prout scilicet supremum hominis subditur Deo, & inferiores animæ vires subduntur supremæ scilicet rationi, quam dispositionem Phil. 5. Ethic. c. ult. vocat iustitiam metaphoricè.

Breuitè igitur colligendo membra huius dist. dicitur, quod Iustitia tripliciter accipitur.

Primo vt significat rectitudinem actus humani in ordine ad alium singularem hominem: & sic Iustitia est uirtus specialis, una ex quatuor Cardinalibus.

Secundo, ut est directiua actuum humanorum in ordine ad bonum commune: & hæc dicitur iustitia legalis.

Tertio, ut significat rectitudinem dispositionis interioris, scilicet subiectionem rationis ad Deum, & virtutum inferiorum ad rationem, & hanc iustitiam faciebat iustitia originalis in statu innocentie, & eandem facit gratia post peccatum, licet non omnino eodem modo, vt superius dictum est. Quando igitur quæritur, Vtrum Iustificatio impij sit remissio peccatorum, Non est sermo de iustificatione actiue acceptæ, sed passiue, Non secundum quod significat motum ad iustitiam proprie dictam, siue vt est uirtus, siue vt est legalis, cum acquisitio iustitiæ sic acceptæ possit fieri absque aliqua peccatorum remissione, potest enim quis iusto pretio vendere, & reddere vnicuique suum, & etiam seruare legem, ordinando actus suos ad commune bonum, absque aliqua peccatorum remissione. Sed est sermo de iustitia Metaphoricè dicta, & est sensus, An motus ad iustitiam, quæ significat rectam interiorem dispositionem, dicatur remissio peccatorum.

3. Dist. Sed adhuc est sciendum, quod quis potest moueri ad hanc interiorem iustitiam dupliciter. Primo, per modum simplicis generationis.

Alio modo, secundum rationem motus. Ad intelligentiam huius distinctionis est considerandum, quod, vt dicit Phil. 5. Phys. Hæc est differentia inter simplicem mutationem, & motum, quod simplex mutatio est de non subiecto in subiectum, id est de priuatione, ad habitum, motus vero est de contrario in contrarium. Sicut sanatio, quæ significat motum ad sanitatem, potest dupliciter fieri.

Vno modo per modum simplicis mutationis, & sic primus homo, quando fuit creatus a Deo, afflictus est sanitate, non per motum, vt scilicet prius fuerit infirmus, & postea factus sit sanus: sed factus est sanus in sui productione.

Alio modo potest quis moueri ad sanitatem

ex infirmitate, vt communiter videmus in his, qui prius fuerunt infirmi. Sic in proposito quis potest fieri iustus dupliciter.

Vno modo per modum simplicis mutationis: & hoc modo iustitia potest competere etiam ei, qui non fuit in peccato, & sic Adam accepit a Deo originale iustitiam.

Alio modo secundum rationem motus: & sic significat transmutationem quandam de statu iniustitiæ ad statum iustitiæ. In hoc quæsito non est sermo de iustificatione, quæ est secundum rationem simplicis mutationis, hæc enim fieri potest absque aliqua peccatorum remissione, vt patuit in Adam, sed est sermo de iustificatione, quæ significat motum a statu iniustitiæ ad statum iustitiæ, de qua Apost. Rom. 4. dicit. Ei, qui non operatur, credenti autem in eum, qui iustificat impium, &c.

Conclusio. Remissio peccatorum conuenienter iustificatio denominatur.

Prob. Motus, qui est a statu iniustitiæ ad statum iustitiæ, conuenienter dicitur iustificatio. Sed Remissio peccatorum est quidam motus, & transitus a statu iniustitiæ ad statum iustitiæ.

Ergo Remissio peccatorum conuenienter dicitur iustificatio.

Major prob. quia Motus magis denominatur a termino ad quem, quam a termino a quo: cum igitur terminus ad quem proceditur in remissione peccatorum sit iustitia, potius debet denominari a iustitia, quam a peccato.

Ad Argumenta.

Ad 1. Dicitur, quod iustitia duplex est, scilicet proprie dicta, & metaphoricè dicta. Iustitia proprie dicta est particularis uirtus. Iustitia vero metaphoricè dicta non est uirtus, sed recta interior dispositio, vt subdant ratio Deo subdatur, & vires inferiores subdantur rationi, quam rectam dispositionem concomitantur omnes virtutes. Iustificatio igitur non est motus ad iustitiam proprie dictam, nec ad aliquam aliam virtutem, ut sic, sed ad iustitiam, quæ est interior hominis recta dispositio.

Ad formam igitur argumenti negatur minor. Iustificatio enim primo, & per se non est motus ad aliquam particularem virtutem, sed ad rectam interiorem dispositionem.

Ad prob. Negatur consequens. Ad prob. dicitur, quod peccatum considerari potest dupliciter. Vno modo, vt opponitur particulari virtuti. Alio modo, vt opponitur rectæ dispositioni interiori. Puta peccatum intemperantiæ consideratur, vt opponitur

pōnitur virtuti temperantiæ, & vt peruerit ordinem rationis, in hoc quod subtrahit inferiores vires ab ordine rationis. Peccatum igitur non est terminus a quo iustificationis, quatenus est oppositum particulari virtuti, sed solum quatenus aduersatur interiori ordini, secundum quam considerationem peccatum dicitur iniquitas iuxta illud Io. 1. c. 3. Omnis, qui facit peccatum, iniquitatem facit.

Ad 2. Dicitur ad antecedens, quod licet remissio peccatorum fiat per fidem, tanquam per principium, & fundamentum iustificationis, & per charitatem, quatenus coniungitur per ipsam homo secundum affectum Deo; tamen terminus per se iustificationis est rectitudo interioris ordinis: Non enim omnia vitia opponuntur directæ fidei, vel charitati, & tamen omnia opponuntur illi rectæ dispositioni. Vnde simpliciter negatur ipsum antecedens.

Ad prob. dicitur, quod fides, & charitas significant specialem ordinem ad Deum, iustitia vero generalem ordinem dicit, & ideo ab ipsa debet denominari motus, qui est a vitio ad virtutem.

Ad 3. Negatur minor. Ad prob. etiam negatur minor. Ad cuius prob. dicitur, quod vocatio est auxilium Dei interius mouentis, & excitantis mentem ad deferendum peccatum, quæ quidem Dei motio non est ipsa remissio peccati, nec iustificationem, sed causa eius, est enim dispositio ad iustificationem, ut dictum est.

A R T I C V L V S II.

Vtrum ad remissionem culpæ, quæ est iustificatio impii, requiratur gratiæ infusio.

Pro Negatiua.

V Idetur, quod ad remissionem culpæ, quæ est iustificatio impii, non requiratur gratiæ infusio.

1. Motus, qui est inter contraria mediata, potest esse ab vno extremo absque hoc quod perueniat ad aliud extremum. Sed Iustificatio est quidam motus inter duo contraria, scilicet a peccato ad gratiam, quæ sunt contraria mediata. Ergo Potest peccator a peccato recedere, & tamen non peruenire ad gratiæ receptionem.

Minor prob. quia Inter statum peccati, & gratiæ datur status innocentie, in quo homo non habet gratiam, nec peccatum.

2. Illud, ad quod requiratur gratiæ infusio, ponit aliquid in nobis. Sed Remissio peccatorum

non ponit aliquid in nobis. Ergo Ad remissionem peccatorum non requiritur gratiæ infusio.

Maiores prob. quia gratia ponit aliquid in nobis, vt dictum est q. 110. 1.

Minor prob. quia Remissio culpæ consistit in reputatione diuina, iuxta illud Psal. 31. Beatus vir, cui non imputauit Dominus peccatum.

3. Ei, qui ex prodigo fit illiberalis, remittitur peccatum prodigalitatis manente peccato illiberalitatis. Ergo Remissio peccati potest fieri sine gratia.

Antecedens prob. Nullus potest subiici simul duobus contrariis. Sed Peccata prodigalitatis, & illiberalitatis sunt contraria. Ergo Idem non potest utroque peccato subiici. Vnde si ex prodigo factus est illiberalis, dimissum est sibi peccatum prodigalitatis, & tamen non est consecutus gratiam, cum sit sub peccato illiberalitatis.

Pro Affirmatiua.

Rom. 8. dicitur. Iustificati gratis per gratiam ipsius.

Determinatio.

Conclusio. Ad remissionem culpæ, quæ est iustificatio, requiritur gratiæ infusio.

Prob. Ad illud, quod fit per hoc, quod Deus offensus pacatur homini, qui ipsum Deum offendit, requiritur gratiæ infusio. Sed Peccatorum remissio, siue iustificatio fit per hoc, quod Deus offensus pacatur homini offendentem. Ergo Ad remissionem peccatorum, quæ est iustificatio, requiritur gratiæ infusio.

Maiores manifestatur. quia Per hoc, quod Deus homini peccatori pacatur, confertur ipsi homini effectus diuinæ dilectionis, qui per peccatum ablati fuerat. Quamuis enim dilectio diuina, in qua pax cum Deo consistit, ex parte diuini actus sit æterna, & immutabilis; quantum tamen ad effectum, quem in nobis imprimi, quandoque interrumpitur, pro ut ab ipso peccando deficiamus, & quandoque recuperamus. Effectus autem dilectionis, qui a nobis per peccatum excluditur est gratia, & ideo non potest intelligi, ut fiat remissio culpæ, absque infusione gratiæ.

Minor prob. quia Offensa non remittitur alicui, nisi per hoc quod animus offensis pacatur offendentem. Per hoc igitur peccatum nobis remitti dicitur, quod Deus nobis pacatur.

Ad Argumenta.

Ad 1. Negatur minor. Status enim peccati, & gratiæ sunt contraria immediata, ita vt necessarii

H h h h h 2 sit

fit homini, qui iam peccauit, esse in uno, uel in altero, nec potest dari medium.

Ad prob. dicitur, quod plus requiritur ad hoc, ut offendens remittatur offensam, quam ad hoc, quod simpliciter aliquis non offendens, non habeatur odio. Potest enim apud homines contingere, quod unus homo non odiat, nec diligit aliquem alium: sed si eum offendit, quod ei dimittat offensam, non contingit absque speciali beneuolentia. Sic etiam si homo non peccasset, potuisset sine gratia, & sine culpa esse: tunc enim status innocentie fuisset medius. Sed post peccatum non potest esse homo sine culpa, uel si Deus dimittat sibi culpam, per specialem dilectionem hoc fit, quæ specialis Dei beneuolentia per gratiam recuperatur. Et unico verbo dicitur ad prob. quod licet ante peccatum in statu naturæ integræ, potuisset homo esse sine gratia, & sine culpa, post peccatum tamen primi parentis, uel est in statu culpæ, uel in statu gratiæ.

Ad 2. Negatur minor. Ad prob. dicitur, quod sicut dilectio Dei non solum consistit in actu uoluntatis diuinæ, sed etiam importat quandam gratiæ effectum, ut dictum est quaest. 110. art. 1. Ita etiam hoc, quod est Deum non imputare peccatum homini, importat quandam effectum in ipso, cui peccatum non imputatur: quod enim aliqui peccatum non imputetur, procedit ex diuina Dei dilectione, quæ in nobis est gratia.

Ad 3. Negatur maior. Etenim, qui transit ex uno peccato in aliud contrarium peccatum, non remittitur ei primum peccatum, sed manet, non quidem quo ad actum; transit enim quo ad actum, sed remanet secundum reatum: Non enim idem est, desistere a peccato, & non habere peccatum. Ut Aug. dicit lib. 1. de nup. cap. 26. Et propter hoc Spiritus Sanctus monet, ut abstinemus a peccato, dicens. Fili peccasti, non adicias iterum, sed subdit, & de pristinis deprecare, remanet igitur post actum peccati reatus. Ad prob. dicitur, quod nullus potest simul subdi peccatis contrariis secundum actum, potest tamen simul subdi reatibus contrariorum peccatorum, qui reatus, cum conueniant peccato ex parte auersionis, non contrariantur ad inuicem. Qui igitur ex prodigo fit illiberalis, subiicitur reatui prodigalitatis, & actui, & reatui illiberalitatis, & sic nullum peccatum remittitur sine gratia.

ARTICVLVS III.

Vtrum ad iustificationem impii requiratur motus liberi arbitrii.

Pro Negatiua.

Videtur, quod ad iustificationem impii non requiratur motus liberi arbitrii.

1. Per sacramentum baptismi iustificuntur pueri absque motu liberi arbitrii, & interdum adulti. Ergo Deus potest etiam sine sacramentis hominem absque motu liberi arbitrii iustificare.

Antecedens prob. Et de pueris quidem manifestum est: cum enim careant usu liberi arbitrii, baptizati iustificuntur. De Adultis vero: quia Aug. refert in lib. 4. conf. c. 4. quod cum quidam suus amicus laboraret febribus, iacuit diu sine sensu in sudore letali, & dum desperaretur, baptizatus est, nesciens, & renatus est, quod fit per gratiam iustificantem.

Conseq. probatur quia Deus non alligauit suam uirtutem sacramentis, unde quod Deus cum sacramentis facit, potest sine ipsis facere.

2. Homo absque aliquo motu lib. arb. potest consequi a Deo donum sapientiæ.

Ergo Homo absque motu liberi arbitrii pari ratione potest consequi a Deo donum gratiæ iustificantis.

Anteced. prob. quia Salomon in somno, quando usus rationis non habetur, nec motus lib. arb. consecutus est a Deo donum sapientiæ, ut patet 3. Reg. 3. & 2. Paral. 1.

3. Absque motu lib. arb. gratia in hominem conseruatur.

Ergo Absq; motu lib. arb. potest quis gratiam consequi.

Conseq. prob. quia Per eandem causam gratia producit in esse, & conseruatur. Dicit enim Aug. 8. super Gen. ad lit. c. 10. quod Ita se debet homo ad Deum conuertere, ut ab illo semper fiat iustus.

Pro Affirmatiua.

Discere, non est sine motu lib. arbitrii. Sed Ad iustificationem impii necessarium est, ut iustificandus discat, & sic ad Deum ueniat.

Ergo Iustificatio non est sine motu liberi arbitrii.

Maiores probatur quia Ad discens consentit doctenti.

Minor prob. quia Io. 6. dicitur. Omnis qui audit a patre, & didicit uenit ad me.

De-

Determinatio.

Conclusio. Ad iustificationem impij requiritur motus liberi arbitrij, si tamen habeat liberi arbitrij vsum.

Prob. Ad iustificationem eius, qui est secundum suam naturam liberi arbitrij, requiritur motus liberi arbitrij. Sed Homo secundum suam naturam est liberi arbitrij. Ergo Ad iustificationem hominis, habentis rationis vsum, requiritur necessario motus liberi arbitrij.

Maiores prob. Omnis motus creaturæ a Deo est secundum conditionem naturæ motæ. Sed iustificatio est motus, quo Deus mouet hominem ad iustitiam. Ergo iustificatio fit secundum conditionem naturæ eius, qui iustificatur: ita vt, cum, qui iustificatur, secundum suam naturam sit liberi arbitrij, necessario requiritur ad eius iustificationem liberi arbitrij motus.

Maiores huius prob. quia Deus mouet omnia secundum modum vniuscuiusque, sicut in naturalibus videmus. Alter enim moventur grauia, & aliter leuia per diuersam ipsorum naturam.

Minor huius prob. quia Deus est, qui iustificat impium, vt dicitur ad Romij.

Aliter formatur hæc litera. Deus mouet oia secundum modum vniuscuiusque, & secundum quod requirit conditionem naturæ motæ. Sed iustificatio est motus, quo Deus mouet ad iustitiam hominem, qui secundum suam naturam est liberi arbitrij. Ergo Ad iustificationem impij requiritur vsum liberi arbitrij.

Aliter. Homo secundum suam naturam est liberi arbitrij. Ergo Ad iustificationem hominis requiritur motus liberi arbitrij.

Cõseq. prob. quia Cum iustificatio sit quædam diuina motio, qua mouet hominem ad iustitiam; & Deus moueat semper secundum conditionem naturæ motæ; sequitur euidenter, quod natura, quæ est liberi arbitrij, non moueatur a Deo, nisi accedente motu lib. arb. quod est moueri secundum quod conuenit naturæ motæ. Deus igitur in iustificatione, ita mouet hominem ad iustitiam, & infundit donum gratiæ, quod etiam simul cum hoc mouet liberum arbitrium ad donum gratiæ acceptandum in his, qui sunt huius motionis capaces.

Ad Argumenta.

Ad 1. Dicitur ad antecedens, in quo, quia fit mentio de pueris, & de adultis, ideo primo de pueris, non habentibus rationis vsum, dicitur, quod cum carcant vsum liberi arbitrij, non requiritur ad eorum iustificationem motus liberi arbitrij, sed iustificantur a Deo per solam informationem animæ ipsorum, & hoc fit mediante sa-

cramento, quia sicut peccatum originale, a quo iustificantur, & mundantur, non propria voluntate ad eos peruenit, sed per carnalem originem, ita etiam per spiritualem regenerationem a Christo in eos gratia deriuatur.

De Adultis vero dicitur, quod si nunquam habuerunt rationis vsum, vt sunt amentes, & furiosi a natiuitate, de his est eadem ratio, sicut de pueris non habentibus vsum liberi arbitrij, nec ad eorum iustificationem requiritur motus liberi arbitrij, sed iustificantur per simplicem informationem gratiæ.

Si vero aliquando habuerunt vsum liberi arbitrij, sed ipsum postea per infirmitatem, vel per somnum amiserunt, hi non consequuntur gratiam per aliquod sacramentum, nisi prius habuerint sacramentum in proposito, seu voto, quod sine motu liberi arbitrij non potest fieri. Et hoc modo ille, de quo loquitur Aug. renatus est, quia prius, & postea baptismum acceptauit.

Ad 2. Dicitur tripliciter. Primo negatur antecedens. Ad probationem dicitur, quod Salomon non meruit sapientiam dormiendo, nec accepit, sed in somno declaratum est ei, quod propter precedens desiderium infunderetur ei a Deo sapientia. Vnde ex eius persona dicitur sap. 7. Optaui, & datus est mihi sensus &c.

Dicitur secundo, negando etiam antecedens. Ad probationem dicitur, quod ille somnus Salomonis non fuit naturalis, sed somnus prophetiæ, secundum quod dicitur Num. 12. Si quis fuerit inter vos Propheta Domini, per somnum, aut in visione loquar ad eum, in quo casu aliquis vsum lib. arb. habet.

Tertio. Dicitur, negando Consequentiam. Non enim sequitur, quod si haberi possit sapientia sine motu lib. arb. quod possit pati ratione haberi gratia, non enim est eadem vtriusque ratio. Donum enim gratiæ iustificantis præcipue ordinatur hominem ad bonum; bonum autem est obiectum voluntatis; & ideo ad ipsum mouetur homo per motum voluntatis, qui est motus lib. arb. Sapientia autem perficit intellectum, qui præcedit voluntatem. Vnde absque completo motu lib. arb. potest intellectus dono sapientiæ illuminari, sicut etiam videmus, quod in dormiendo aliqua hominibus reuelantur, sicut dicitur Iob. 33. Quando irruit sopor super homines, & dormiunt in lectulo, tunc aperit aures virorum, & erudiens eos; instruit disciplinam.

Ad 3. Negatur Consequentia. Non est enim eadem ratio de infusione, & conseruatione gratiæ. In infusione enim gratiæ iustificantis est quædam humanæ animæ transmutatio, & ideo requiritur

quiritur motus proprius animæ humanæ, vt anima inueatur secundum modum suum. Conseruationem autem gratiæ est absque transmutatione. Vnde non requiritur aliquis motus ex parte animæ, sed sola continuatio diuini influxus.

ARTICVLVS IV.

Vtrum ad iustificationem impij requiratur motus fidei.

Pro Negatiua.

Videtur, quod ad iustificationem impij non requiratur motus fidei.

1. Homo iustificatur non solum per fidem, sed etiam per quadam alia.

Ergo Ad iustificationem non magis requiritur motus fidei, quam aliorum, per quæ homo iustificatur.

Antecedens probatur. Iustificatur enim homo per timorem, secundum illud Ecclesiæ. Timor domini expellit peccatum, nam qui sine timore est, non poterit iustificari. Iustificatur per charitatem, secundum illud Lucæ. 7. Dimissa sunt ei peccata multa, quoniam dilexit multum. Iustificatur per humilitatem, secundum illud Iac. 4. Deus superbis resistit, humilibus autem dat gratiam. Et tandem iustificatur homo per misericordiam, secundum illud Prou. 15. Per misericordiam, & fidem purgatur peccata. Non inagis igitur motus fidei, quam motus harum virtutum requiritur ad iustificationem.

Conseq. prob. quia Ad iustificationem ideo requiritur motus fidei, quia per fidem iustificamur.

2. Homo potest cognoscere Deum, non solum per fidem, sed etiam alijs modis, scilicet per cognitionem naturalem, & per donum sapientiæ. Ergo Ad iustificationem non requiritur necessario actus fidei.

Conseq. prob. quia Actus fidei non requiritur ad iustificationem, nisi in quantum homo per fidem cognoscit Deum.

3. Si ad iustificationem requireretur motus fidei, sequeretur, quod iustificatio non posset fieri nisi post longam temporis moram. Sed Hoc est inconueniens, cum statim fieri possit.

Ergo Ad iustificationem non requiritur motus fidei.

Conseq. prob. quia Cum diuersi sint articuli fidei, oporteret hominem primo iustificandum, cogitare de omnibus fidei articulis, quod requirit longam temporis moram.

Pro Affirmatiua.

Rom. 5. dicitur. Iustificati igitur ex fide, pacem habemus ad Deum.

Determinatio.

Conclusio. Ad iustificationem impij requiritur motus fidei.

Prob. Ad iustificationem impij requiritur motus, quo mens in Deum conuertitur. Ergo Ad iustificationem impij requiritur motus fidei.

Antec. prob. quia Cum ad iustificationem impij requiritur motus lib. arb. vt dictum est artic. præcedenti, secundum quod mens hominis mouetur a Deo; & Deus moueat humanam mentem conuertendo eam ad se, secundum illud Psal. 84. Secundum aliam literam, Deus tu conuertens viuificabis nos. Manifeste sequitur, quod ad iustificationem requiratur motus mentis, quo se in Deum conuertit.

Consequentia probatur. quia Prima conuersio mentis in Deum fit per fidem, secundum illud Heb. 11. Accedentem ad Deum oportet credere, quia est.

Ad Argumenta.

Ad 1. Dicitur ad antecedens, quo ad iustificationem impij requiritur quidem, non solum motus fidei, sed etiam charitatis, timoris, humilitatis, & misericordiæ, sed diuersimode. Nā actus fidei est prior ordine naturæ, quem supradicta omnia præsupponunt, ratione dicta in corpore, quia scilicet prima conuersio mentis in Deum est per fidem. Sed quia motus fidei non est ex se perfectus, ideo ipsum concomitatur charitas informans ipsum, vt sit perfectus. Et quia homo mouetur in Deum per lib. arb. vt ei subiiciatur, ideo sequitur actus filialis timoris, & humilitatis, per quæ mens hominis Deo subiicitur. Actus autem misericordiæ potest præcedere, vel concomitari, vel sequi iustificationem. Si enim accipiatur misericordia, vt operatur per modum satisfactionis, quatenus per opera misericordiæ exhibetur satisfactio pro peccato, Sic Sequitur iustificationem. Si vero sumatur misericordia; secundum quod compatitur aliorum miserijs, & cum affectu subuenit; est præparatoria ad iustificationem; secundum quod misericordes, misericordiam consequuntur. Si tandem consideretur misericordia, secundum quod includit dilectionem Dei, & proximi, concomitatur ipsam iustificationem, & actus prædictarum virtutum. Vnde ad Argumentum neg.

Conseq.

Conseq. Ad cuius prob. dicitur, quod licet ad iustificationem concurrant etiam quædam alia, vt dictum est, tamen omnium horum fundamentū, & radix est fides: cetera autem concomitantur fidei actum, vt dictum est.

Ad 2. Negatur Conseq. Ad prob. dicitur, quod fides requiritur ad iustificationem, vt homo iustificandus Deum cognoscat, non qualitercunque, sed vt est finis supernaturalis, quod fit primo per fidem. Cognitio enim naturalis non potest perungere ad Deum, nisi vt est naturalis finis. Per donum autem sapientiæ cognoscitur quidem Deus, vt est supernaturalis finis, sed tale donum præsupponit actum fidei, vt patet ex dictis q. 68. art. 2. & 4. ad 3.

Ad 3. Negatur Conseq. Ad probationem dicitur, quod licet articuli fidei sint diuersi, tamen ad iustificationem sufficit credere, Deum esse iustificatorem hominum per mysterium Christi, secundum illud Rom. 4. Credenti in eum, qui iustificat impiū, reputabitur fides eius ad iustitiam.

ARTICVLVS V.

Vtrum ad iustificationem impij requiratur motus liberi arbitrij in peccatum.

Pro Negatiua.

Videtur, quod ad iustificationem impij, non requiratur motus liberi arbitrij in peccatū.

1. Sola charitas sufficit ad deletionem peccati: secundum illud Prou. 10. Vniuersa delicta operit charitas.

Ergo Ad iustificationem impij non requiritur motus lib. arb. in peccatum.

Conseq. prob. quia Obiectum charitatis non est peccatum.

2. Qui in anteriora tendit, non debet ad posteriora respicere. Sed Per iustificationem homo tendit ad anteriora, id est ad iustitiam. Ergo Ad iustificationem non est necessarius motus liberi arbitrij in peccatum præteritum, quod est quoddam posterius, scilicet retrorsum, respectu eius, qui iustificatur.

Maiores prob. quia Apost. dicit ad Phil. 3. Quæ quidem retro sunt / id est peccata præterita obliuiscens, ad ea vero, quæ sunt priora (id est ad iustitiam) extendens me ipsum, &c.

3. Si ad iustificationem impij necessarius esset motus lib. arb. detestantis peccatum, sequeretur, quod de omnibus peccatis cogitare deberet, & singula detestari. Sed Hoc est inconueniens. Ergo

Ad iustificationem impij non requiritur motus lib. arb. contra peccatum.

Maiores conditionalis prob. quia Cum non remittatur vnum peccatum sine alio (impius est enim, sperare dimidiam veniam a Deo) si impius debet iustificari, omnia peccata debet detestari.

Minor prob. Tum quia requireretur magnum tempus ad huiusmodi cogitationem. Tum quia peccatorum, quorum homo est oblitus, veniam habere non posset.

Pro Affirmatiua.

Psal. 31. dicitur. Dixi, confitebor a duersum me in iustitiam meam Domino, & tu remisisti impietatem peccati mei.

Determinatio.

Conclusio. In iustificatione impij oportet, quod sit duplex motus lib. arb. Vnus, quo per desiderium tendat in Dei iustitiam. Alius, quo detestetur peccatum.

Prob. Omne, quod mouetur de vno extremo ad aliud, siue de vno termino ad alium terminum, oportet vt se habeat ad vtrumque terminorum, vt scilicet recedat a termino a quo, & accedat ad terminum ad quem: vt in motu corporum apparet. Sed Iustificatio est quidam motus humanæ mētis ab vno termino, scilicet a peccato, ad alium terminum, scilicet ad iustitiam, vt dictum est art. 1. huius quæst.

Ergo Mens humana debet per lib. arb. se habere ad vtrumque horum terminorum, vt scilicet recedat a peccato, tanquam a termino a quo, & accedat ad iustitiam, tanquam ad terminum ad quem.

Sed Accessus, & recessus in motu lib. arb. accipitur secundum detestationem, & desiderium.

Ergo Oportet, vt in iustificatione impij sit hic duplex motus lib. arb. scilicet quo per desiderium tendat in Deum, & quo per detestationem recedat a peccato.

Subsumptum probatur. ex August. dicente super Io. dum exponitur illud, Mercenarius autem fugit. Affectiones nostræ motus animorum sunt, letitia, animi diffusio, timor, animi fuga est: progredieris animo cum appetis, fugis animo, cum metuis.

Ad Argumenta.

Ad 1. Negatur conseq. Ad prob. dicitur, quod quia ad eandem virtutem pertinet profectus qui vnum oppositum, & fugere aliud, ideo ad charitatem, non solum pertinet Deum diligere, sed

sed etiam detestari peccata, per quæ anima à Deo separatur.

Ad 2. Dicitur ad maiorem, quod ad posteriora, id est ad peccata, non debet homo regredi per amorem, sed quantum ad hoc debet eorum obliuisci, iuxta sententiam Apost. vt ad ea non afficiatur: debet tamē eorum recordari per considerationem, vt ea detestetur, sic enim ab eis recedit.

Ad 3. Dicitur ad maiorem, quod homo debet detestari singula peccata, quæ cōmissit, quorum tamen memoriam habet, ex tali enim consideratione, quæ non in instanti iustificationis, sed ante fieri debet, fit in anima quidam motus detestantis vniuersaliter omnia peccata commissa, interque etiam includuntur peccata obliuioni tradita: quia homo in illo statu est ita dispositus, vt etiam de his, quæ non meminit, contereretur, si memoriæ adessent: & iste motus concurrat ad iustificationem. Nec ex hoc sequitur aliquid inconueniens. Non primum quidem, quia iste motus fit ante iustificationem. Non secundum, quia qui vniuersaliter omnia detestatur peccata, detestatur etiam oblita virtualiter.

fectus ad causam. Ergo Remissio peccatorum non debet connumerari alijs, quæ requiruntur iustificationem impij.

Maiores prob. quia Ea, quæ connumerantur quasi ad inuicem condiuisa, sunt simul natura, quod non est de causa, & effectu, qui ad causam sequitur, & est ea posterior.

Minor prob. quia Per fidem, & contritionem remittuntur peccata: Vnde motus in Deum per fidem, & motus in peccatum per contritionem sunt causa remissionis peccatorum.

Pro Affirmatiua.

Finis debet connumerari inter ea, quæ pertinent ad rem. Sed Remissio peccatorum est finis in iustificatione impij. Ergo Remissio peccatorum debet numerari inter ea, quæ requiruntur ad iustificationem.

Maiores prob. quia Finis est potissimum in vno quoque.

Minor prob. quia Esaïæ. 27. dicitur. Iste est omnis fructus, vt auferatur peccatum eius.

Determinatio.

ARTICVLVS VI.

Vtrum Remissio peccatorum debeat numerari inter ea, quæ requiruntur ad iustificationem impij.

Pro Negatiua.

Videtur, quod remissio peccatorum non debeat numerari inter ea, quæ requiruntur ad iustificationem impij.

1. Substantia rei non connumeratur his, quæ ad rem requiruntur. Sed Remissio peccatorum est ipsa iustificationis substantia. Ergo Remissio peccatorum non debet connumerari his, quæ ad iustificationem requiruntur.

Maiores prob. Nam homo non connumeratur animæ, & corpori.

Minor habita est art. 1. huius quæst.

2. Idem non debet connumerari sibi ipsi. Sed Remissio culpæ, & gratiæ infusio sunt idem. Ergo Remissio culpæ non debet connumerari infusioni gratiæ.

Maiores prob. quia Vnum multitudini opponitur.

Minor. quia Illuminatio, & tenebrarum exclusio idem sunt.

3. Effectus non debet connumerari suæ causæ. Sed Remissio peccatorum consequitur ad motum lib. arb. in Deum, & in peccatum, sicut ef-

fectus ad causam. Remissio peccatorum debet numerari inter alia, quæ requiruntur ad iustificationem impij. Quæ sunt, Gratiæ infusio, Motus lib. arb. in Deum per fidem, & motus lib. arb. in peccatum, & tandem ipsa culpæ remissio.

Prob. Consumatio motus debet connumerari his, quæ ad motum requiruntur. Sed Remissio culpæ est consumatio motus iustificationis. Ergo Remissio culpæ debet connumerari alijs requisitis ad iustificationem.

Maiores prob. quia Consumatio motus est terminus motus, vnde debet connumerari alijs pertinentibus ad motum.

Minor Manifestatur. Et quod Iustificatio sit quidam motus, habitum est art. 1. huius quæst. Quod vero remissio culpæ sit consumatio huius motus, qui est Iustificatio, ostenditur. In quolibet enim motu, quo aliquid ab altero mouetur, tria requiruntur. Primo requiritur motus mouentis. Secundo motus mobilis. Tertio consumatio motus, siue peruentio ad finem. Quæ inueniuntur etiam in motu iustificationis. Ex parte enim motionis diuinæ accipiuntur gratiæ infusio. Ex parte lib. arb. moti accipiuntur duo motus ipsius lib. arb. scilicet ille, quo recedit à termino à quo, id est à peccato, & accedit ad terminum ad quem id est ad gratiam. Consumatio vero, siue peruentio ad finem huius motus est remissio culpæ. In-

pæ. In hoc enim iustificatio consumatur. Nam ex hoc, quod gratia infunditur, sequitur secundum naturam remissio peccati: Sicut ex illuminatione sequitur tenebrarum destructio.

Ad Argumenta.

Ad 1. Dicitur, quod aliqua possunt requiri ad rem dupliciter. Vno modo, vt intrinseca rei, vt sunt anima, & corpus in homine: anima enim, & corpus hominis pertinent ad hominis substantiam.

Quædam vero extrinsece: vt ad productionem hominis requiritur coniunctio maris, & femina, quod semen alteretur, & corpus formetur, & quod anima creetur, & corpori infundatur, & his similia.

Tunc dicitur ad maiorem, quod substantia rei non debet connumerari his, quæ pertinent ad substantiam rei, potest tamen numerari, alijs extrinsece requisitis ad rei substantiam: licet enim homo non debeat connumerari animæ, & corpori, potest tamen connumerari alijs requisitis ad hominis productionem.

Et ad minorem dicitur, quod remissio peccatorum, quæ pertinet ad iustificationem impij, eo modo quo est terminus dans speciem motui, dicitur esse ipse motus. Licet enim in iustificatione, quæ fit per modum mutationis simplicis, puta quando fuit iustificatus primus homo in sui productione, vel Angelus, vltimus iustificationis terminus dans speciem motui sit gratia; tamē in iustificatione impij, vltimum est expulsiō peccati, quæ dat speciem iustificationi. Hic igitur terminus iustificationis, qui dat speciem huic motui, connumeratur non ipsi iustificationi, sed alijs extrinsece prærequisitis ad ipsam iustificationem.

Ad 2. Dicitur, quod gratiæ infusio, & culpæ remissio, dupliciter considerari possunt. Vno modo secundum substantiam actus, & hoc modo sunt idem: Eodem enim actu Deus largitur gratiam, & remittit culpam. Alio modo possunt considerari ex parte obiectorum, & sic differunt secundum differentiam culpæ, quæ tollitur, & gratiæ, quæ infunditur: aliud est enim infundere gratiam, & aliud remittere culpam. Sicut in rebus naturalibus, licet idem motus sit corruptio formæ embrionis, & generatio animæ vegetatiuæ, tamen ex parte obiectorum differunt, quia aliud est generare, & aliud est corrumpere.

Ad minorem igitur dicitur, quod infusio gratiæ, & remissio culpæ sunt idem ex parte motus, non autem ex parte obiectorum, & ideo vnum alteri potest connumerari.

Ad 3. Dicitur, quod connumeratio plurimum simul est duplex. Quædam est secundum dinotionem generis in species: Et in tali connumeratione oportet, vt connumerata sint simul. Sicut quādo diuiditur animal per suas species, animal nō connumeratur speciebus, sed species tantum diuidentes genus simul connumerantur. Alia est connumeratio secundum differentiam eorum, quæ requiruntur ad complementum alicuius. Puta in quomo connumerantur simul fundamentum, parietes, tectum, & aliæ partes domus. Et in hac connumeratione vnum connumeratum potest esse altero prius. Ad maiorem igitur dicitur, quod in primo modo enumerationis causa non debet effectui connumerari: secus est autem in secundo. Et ad probationem dicitur, quod est vera de connumeratione, quæ est secundum diuisionem generis in species. Et quia connumeratio præfens est eorum, quæ requiruntur ad iustificationem, ideo vnum enumeratum potest esse altero prius & causa potest suo effectui connumerari.

A R T I C V L V S VII.

Vtrum Iustificatio impij fiat in instanti.

Pro Negatiua.

V Idetur, quod Iustificatio impij non fiat in instanti, sed successiue.

1. Quod exigit deliberationem consilij, non potest fieri in instanti. Sed Iustificatio impij exigit deliberationem consilij. Ergo Iustificatio impij non fit in instanti.

Maior prob. quia Deliberatio discursum quandam importat, qui successione quandam habet.

Minor prob. quia Ad iustificationem requiritur actus lib. arbit. qui est eligere, eligere autē deliberationem consilij præexigit, vt dictum est questio. 13. artic. 1.

2. Quod exigit actuale considerationem multorum, non fit in instanti. Sed Iustificatio impij exigit actuale considerationem multorum. Ergo Iustificatio impij non fit in instanti, sed successiue.

Maior prob. quia Intelligere multa simul in actu, est impossibile, vt dictum est p. par. q. 85. art. 4. Vnde Illud, quod exigit actuale considerationem plurium rerum, non fit in instanti, sed successiue.

Minor probatur. quia Ad iustificationem impij requiritur motus lib. arbit. in Deum, & in peccatum, vt dictum est, qui motus non fit absque actuali consideratione. Vnde cum intellectus non possit simul considerare Deū, &

peccatum, & motus lib. arbit. non fiat nisi in id, quod actu consideratur, sequitur, quod hic motus lib. arbit. in diuersa fiat in tempore.

3. Illud, ad quod requiritur gratia infusio, non fit in instanti. Sed Ad iustificationem requiritur gratia infusio, ut dictum est. Ergo Iustificatio non fit in instanti.

Maiores prob. Infusio formae suscipientis magis, & minus, non fit in instanti, sed successiue. Sed Gratia est forma, quae suscipit magis, & minus, ut dictum est quæst. 112. art. 4. Ergo Infusio gratiae non fit in instanti, sed successiue.

Maiores huius prob. quia Forma suscipiens magis, & minus, successiue recipitur, non subito, ut patet de albedine, & nigredine.

4. Illud, quod exigit motum lib. arbit. meritorium, non potest fieri in instanti, sed fit successiue. Sed Ad iustificationem requiritur motus liberi arbitrij meritorius, ut dicitur quæstione sequenti art. 2.

Ergo Iustificatio non fit in instanti, sed successiue.

Maiores prob. quia Cum quis prius debeat consequi formam, quam possit operari per formam illam: & gratia fit principium meriti, prius debet gratia infundi, deinde meritorie operari. Vnde in iustificatione, prius debet infundi gratia, deinde lib. arbit. gratia adiutum mouetur in Deum, deinde in peccatum, & sic iustificatio fit successiue.

5. Instans, in quo remittitur culpa, est aliud ab instanti, in quo infunditur gratia.

Ergo Iustificatio non fit in instanti, sed successiue.

Anteced. prob. quia Si instans, in quo remittitur culpa, & in quo infunditur gratia, non essent diuersa instantia, sed solum vnum, sequeretur, quod contraria. i. culpa, & gratia in eodem essent simul, quod est impossibile.

Consequ. probatur. quia Inter duo instantia necessarium cadit tempus medium, ut dicitur 6. Physic. tex. 2.

Pro Affirmatiua.

Illud, quod fit per gratiam Spiritus sancti, fit subito. Sed Iustificatio fit per gratiam Spiritus sancti iustificantis.

Ergo Iustificatio fit subito, & non successiue.

Maiores prob. quia Spiritus sanctus subito aduenit mentibus hominum secundum illud Act. 2. Factus est repente de Cælo sonus, tanquam adueniens spiritus vehementis. Vbi dicit Glo-

ssa, quod nescit tarda molimina Spiritus sancti gratia.

Determinatio.

Concl. Iustificatio impij fit a Deo in instanti.

Prob. Infusio gratiae fit in instanti. Sed Iustificatio impij tota consistit originaliter in infusione gratiae, per eam enim lib. arbit. mouetur, & culpa remittitur. Ergo Iustificatio impij fit in instanti.

Maiores probatur. Impressio formae ab agente non requirentem aliam dispositionem in subiecto, cui debet formam imprimere, præter eam, quam ipse facit, & non indigente tempore ad disponendum subiectum, fit in instanti. Sed Infusio gratiae est ab agente, qui non requirit aliam dispositionem in subiecto, cui gratiam imprimit, præter eam, quam ipse facit, & qui potest subito subiectum disponere ad gratiam recipiendam. Ergo Infusio gratiae fit in instanti.

Maiores huius manifestatur. Quod animaliqua forma non subito imprimatur in aliquo subiecto, contingit ex hoc, quod subiectum non est dispositum, & agens iudicat tempore, ad hoc ut subiectum disponat. Et ideo videmus, quod statim cum materia est disposita per alterationem præcedentem, forma substantialis acquiritur materiae. Et eadem ratione, quia diaphanum est secundum se dispositum ad lumen recipiendum, subito illuminatur a corpore lucido in actu. Impressio igitur formae, quae est ab agente, qui potest subito disponere subiectum, potest subito, & in instanti fieri.

Minor huius manifestatur. Et quo ad priorē partem, quae est, quod infusio gratiae est ab agente, qui non requirit in subiecto gratiae aliam dispositionem præter eam, quam ipse facit, manifesta est ex dictis, quæst. præced. artic. 2. ubi dictum est, quod Deus, qui gratiam infundit, non requirit in subiecto aliam dispositionem præter eam, quam ipse facit, quam dispositionem aliquando facit subito, aliquando paulatim, ut eadem quæstione, & artic. ad 2. dictum est.

Quo vero ad aliam partem eiusdem minoris, quae est, quod Deus subito possit subiectum gratiae, scilicet lib. arbit. disponere, ostenditur.

Agens infinitae virtutis potest subito disponere quamcunque materiam ad receptionem cuiuscunque formae, & multo magis lib. arbit. cuius motus secundum naturam potest esse instantaneus. Sed Deus, qui est gratiae auctor, est infinitae virtutis.

Ergo Deus potest quamcunque creaturam materialiam

teriam subito disponere ad receptionem formæ, & multo magis lib. arb. ad receptionem gratiæ.

Maiores huius manifestatur. Quod enim agens naturale non subito possit disponere materiam, contingit ex hoc, quod est aliqua proportio eius, quod in materia resistit virtuti agentis: & propter hoc videmus, quod quanto virtus agentis est fortior, tanto citius materia disponitur. Agens igitur infinitam habens virtutem, subito materiam disponere potest.

Ad Argumenta.

Ad 1. Dicitur, quod aliquem actum requirere præcedentem deliberationem, dupliciter contingit. Vno modo per se, ita ut talis actus non possit fieri sine tali præcedente deliberatione. Alio modo per accidens. Et iterum, ad actum aliquem esse requisitam præcedentem deliberationem, dupliciter potest intelligi. Vno modo, ut requiratur tanquam pertinens ad substantiam actus. Alio modo, tanquam via ad actum.

Ad maiorem igitur dicitur, quod si aliquid requirit præcedentem deliberationem, necessarium, & semper, & quod talis deliberatio pertineat ad substantiam eius, quod fit; talis actus non potest esse in instanti: ratione dicta in arguendo.

Si autem huiusmodi deliberatio non sit necessatio requisita, sed solum per accidens, & non pertineat ad substantiam actus producendi; maior est falsa. Ad introductionem enim formæ substantialis in materia exigitur præcedens dispositio successiva, ut via ad ipsam introductionem formæ, & tamen forma in instanti introducit in materia.

Tunc ad maiorem dicitur, quod ad infusionem gratiæ non requiritur necessario deliberatio præcedens. Motus enim lib. arb. qui ad iustificationem concurrat, est consensus ad detestandum peccatum, & ad accedendum ad Deum, qui consensus subito fit.

Sed quando huiusmodi deliberatio concurrat ad ipsam iustificationem, non pertinet ad substantiam actus iustificationis, sed est via ad iustificationem, sicut motus localis corporis illuminantis est via ad ipsam illuminationem.

Ad 2. Dicitur, quod intelligere, & considerare multa simul, potest dupliciter intelligi. Vno modo, ut considerentur multa simul, ut multa, ita ut vnum ad aliud non ordinetur, vel ut sub vno non contineantur, & sic impossibile est multa simul intelligere, & considerare, ut dictum est p. par. quæst. 85. art. 4. Alio modo, ut intelligantur, & considerentur plura per modum vnius,

quatenus vel sub vno continentur, vel ad inbecem, & ad vnum ordinentur.

Ad maiorem dicitur, quod illud, ad quod requiritur actualis consideratio multorum, ut multa sunt, vera est ipsa maior: non enim possumus multa, ut multa simul intelligere, & considerare. Sed tunc negatur minor. Nam ad iustificationem requiritur quidem motus lib. arb. ad detestandum peccatum, & ad accedendum ad Deum, sed vnum horum ad alterum ordinatur: detestatio enim peccati ordinatur ad accessum ad Deum, propter hoc enim homo detestatur peccatum, quia peccatum est contra Deum, cui vult adherere, & ideo simul lib. arb. detestatur peccatum, & Deo adheret: Sicut corpus simul recedit a termino a quo, & accedit ad terminum ad quem.

Sivero maior intelligatur de actuali consideratione plurium, ut plura sunt; falsa est: & ad probationem iam dictum est, quod non possumus intelligere plura, ut plura, sed tamen intelligere, & considerare plura, ut vnum sunt aliquo modo, non inconuenit.

Ad 3. Negatur maior. Ad probationem negatur etiam maior. Ad cuius prob. negatur assumptum: Suscipere enim magis, & minus, non est ratio, quod forma non simul possit recipi. Nam lumen suscipit magis, & minus, & tamen potest secundum aliquem gradum subito, & in instanti recipi. Sed vera ratio, quare vna forma successive recipiatur, est, quia subiectum non est dispositum, & agens non potest subito disponere, ut in corpore dictum est.

Ad 4. Negatur maior. Ad probationem negatur assumptum, quo ad id, quod dicit, esse necessarium prius recipere formam, deinde operari secundum illam formam. Hoc enim falsum est. In eodem enim instanti, in quo forma acquiritur, incipit res operari secundum formam illam: Sicut ignis statim generatur, statim mouetur: & si eius motus esset instantaneus, in eodem instanti completetur. Et quia motus lib. arb. est instantaneus, ideo non oportet, ut impii iustificatio sit successiva.

Ad 5. Negatur antecedens. Ad probationem dicitur, quod non est dare ultimum instans, in quo homo est sub culpa, sed per totum aliquod tempus est sub culpa, & in ultimo instanti illius temporis est sub gratia.

Pro quo est sciendum, quod successio duorum oppositorum in eodem subiecto, aliter est consideranda in his, quæ subiacent tempori, & aliter in his, quæ sunt supra tempus.

In his enim, quæ subiacent tempori, non est

dare vltimum instans, in quo forma prior subiecto inest. Est autem dare vltimum tempus, in quo materia erat sub priori forma, & primum instans, in quo forma subsequens inest materiæ, vel subiecto.

Cuius ratio est, quia in tempore non potest accipi ante vnum instans aliud instans præcedens immediate, eo quod instantia non consequenter se habeant in tempore, sicut nec puncta in linea, vt probatur in 6. Physic. Sed tempus terminatur ad instans, & ideo in toto tempore præcedenti, quo aliquid mouetur ad vnam formam, subest formæ oppositæ, & vltimo instanti illius temporis, quod est primum instans sequentis temporis, habet formam, quæ est terminus motus.

Sed in his, quæ sunt supra tempus aliter, se habet. Si qua enim successio sit ibi affectuum, vel intellectuum conceptionum, puta in Angelis, talis successio non mensuratur tempore continuo, sed tempore discreto, sicut & ipsa, quæ mensurantur, non sunt continua, vt in p. par. quæstio. 53. artic. 2. & 3. habitum est. Vnde in talibus est dandum vltimum instans, in quo primum fuit, & primum instans, in quo est id, quod sequitur. Nec oportet esse tempus medium, quia non est ibi continuitas temporis, quæ hoc requirebat.

Mens autem humana, quæ iustificatur, secundum se quidem est supra tempus, sed per accidens subditur temporis, in quantum scilicet intelligit cum continuo, & tempore, secundum phantasmatam, in quibus species intelligibiles considerat, vt dictum est p. par. quæstio. 85. artic. 1. & secundo.

Et ideo iudicandum est de eius mutatione secundum conditionem motuum temporalium, vt scilicet dicamus, quod non est dare vltimum instans, in quo culpa infuit, sed vltimum tempus: est autem dare primum instans, in quo gratia inest, in toto autem tempore præcedenti inerat culpa.

ARTICVLVS VIII.

Virum Gratiam infusio sit prima ordine naturæ, inter ea, quæ requiruntur ad iustificationem impij.

Pro Negatiua.

Videtur, quod Gratia infusio non sit prima inter ea, quæ requiruntur ad iustificationem impij.

1. Recedere a malo prius est secundum naturam, quam accedere ad bonum.

Sed Remissio culpæ pertinet ad recessum a malo, infusio vero gratiæ pertinet ad prosecutionem boni.

Ergo Remissio culpæ prior est, quam infusio gratiæ.

Maiores probatur. quia In Psal. 30. dicitur. Declina a malo, & fac bonum.

2. Dispositio naturaliter præcedit formam, ad quam disponit.

Sed Motus lib. arb. est quædam dispositio ad susceptionem gratiæ.

Ergo Motus lib. arb. naturaliter præcedit infusionem gratiæ.

3. Remotio eius, quod impedit motum, & motus ipse, priora sunt, quam id, quod sequitur ex motu. Sed Culpa impedit motum lib. arb. in Deum.

Ergo Remissio culpæ præcedit motum lib. arb. in Deum, & infusionem gratiæ, quæ hunc motum sequitur.

Pro Affirmatiua.

Causa naturaliter prior est suo effectui. Sed Infusio gratiæ est causa omnium aliorum, quæ requiruntur ad iustificationem impij.

Ergo Infusio gratiæ præcedit secundum naturam, omnia, quæ requiruntur ad iustificationem impij.

Minor probatur. Ex his, quæ dicta sunt artic. præced.

Determinatio.

Dist. Infusionem gratiæ esse priorem inter ea, quæ requiruntur ad iustificationem, potest dupliciter intelligi. Vno modo secundum tempus. Alio modo secundum naturam.

1. Conclusio. Infusio gratiæ non est prior, alijs requisitis ad iustificationem, secundum tempus.

Prob. Eorum, quæ requiruntur ad id, quod non est successuum, sed instantaneum, vnum non est prius altero.

Sed Iustificatio non est successiua, sed instantanea, vt art. præced. dictum est.

Ergo Eorum, quæ requiruntur ad iustificationem impij, vnum non est prius altero, sed omnia sunt simul.

2. Conclusio. Eorum, quæ requiruntur ad iustificationem impij, ordine naturæ, vnum est prius altero: Inter quæ primum est gratia infusio. Secundum est motus lib. arb. in Deum.

Ter-

Tertium est motus lib. arb. in detestationem peccati. Quartum est remissio culpæ.

Prob. In quolibet motu primum naturaliter est motio mouens. Secundum est dispositio materię, siue motus mobilis. Vltimum vero est finis, vel terminus motus.

Sed Iustificatio est quidam motus a culpa ad iustitiam, vt dictum est.

Ergo In iustificatione prior est motio Dei mouentis, quæ est gratiæ infusio, deinde est motus mobilis, scilicet motus lib. arb. in Deum, & in peccatum, & vltimo est finis, vel terminus motus, qui est remissio culpæ.

Secundo prob. Specialiter Conclusio, quo ad illam partem, quod motus lib. arb. in Deum sit prior, motu eiusdem lib. arb. in peccatum.

Ille, qui iustificatur, propter hoc detestatur peccatum, quia est contra Deum.

Ergo Motus lib. arb. in Deum præcedit motum lib. arb. in peccatum: cum motus lib. arb. in Deum sit ratio, & causa motus lib. arb. in peccatum.

Aliter. Motus lib. arb. in Deum est causa, & ratio motus lib. arb. in peccatum.

Ergo Motus lib. arb. in Deum est prius, quam motus eiusdem lib. arb. in peccatum.

Prob. Antec. quia Propter hoc ille, qui iustificatur, detestatur peccatum, quia est contra Deum.

Conseq. prob. quia Causa, & ratio alicuius, præcedit id, cuius est ratio, & causa.

Tertio prob. specialiter conclusio, quo ad vltimam partem, scilicet quod Remissio culpæ sit vltima inter hæc quatuor requisita ad iustificationem, hac ratione.

Tota transmutatio, quæ fit in iustificatione, ordinatur ad remissionem culpæ, tanquam ad finem, vt dictum est art. 1. huius quæst.

Ergo Remissio culpæ est vltima inter ea, quæ requiruntur ad iustificationem in ipis.

Ad Argumenta.

Ad 1. Dicitur dupliciter. Primò, ad maiorem, quod recessus a termino, & accessus ad terminum dupliciter considerari possunt. Vno modo, ex parte mobilis, & sic naturaliter recessus a termino a quo, præcedit accessum ad terminum ad quem: Prius enim est in subiecto mobili oppositum, quod abijcitur, quam id, quod per motum, mobile assequitur. In aqua enim, quæ transmutatur de frigido in calidum, prius est frigiditas, quæ abijcitur, quam calor, qui introducit.

Alio modo considerantur recessus, & accessus,

ex parte agentis, & hoc modo e conuerso se habent. Agens enim, per formam, quæ in eo præexistit, agit ad remouendum contrarium. Sicut Sol per suam lucem agit ad remouendam tenebras. Et ideo ex parte Solis, prius est illuminare, quam tenebras remouere. Ex parte vero aeris illuminandi, prius est purgari a tenebris, ordine naturæ, quam consequi lumen: licet vtrumque sit simul tempore.

Igitur ex parte Dei prius est infusio gratiæ, quam remissio culpæ. Ex parte vero hominis prius est liberari a culpa, quam consecutio gratiæ iustificantiis.

Maiores igitur propositio est vera ex parte eius, qui mouetur, non autem ex parte mouentis.

Dicitur Secundo negando minorem. Nam infusio gratiæ non est terminus ad quem iustificationis, sed est causa recessus a culpa, & adeptio nis iustitiæ.

Et quia causa naturaliter præcedit suum effectum, ideo gratiæ infusio præcedit recessum a malo, & accessum ad bonum. Pro quo est sciendum, quod secundum quod iustificatio est motus quidam, habet terminos a quo, & ad quem. Terminus a quo est culpa. Et terminus ad quem est iustitia metaphorice dicta, scilicet dispositio recta interior, secundum quam homo recte disponitur in seipso, vt subdatur Deo secundum sui partem superiorem, & vires inferiores subdantur rationi.

Deus igitur per suam gratiam remouet hominem a culpa, & perducit ipsum ad iustitiam, & ideo gratia præcedit, tum recessum a peccato, tum consecutionem iustitiæ, tanquam causa suos effectus. Et si iustificatio fieret absque motu lib. arb. essent solū tria in iustificatione, s. infusio gratiæ, consecutio iustitiæ, & recessus a culpa: hic enim esset ordo ex parte Dei mouentis. Ex parte vero iustificati, prius esset recessus a culpa, quam consecutio iustitiæ: Et gratia mouens esset prior, recessu a culpa, & accessu ad iustitiam, vt potest quæ est causa.

Sed quia Iustificatio in Adultis non fit sine motu lib. arb. Ideo ordo naturæ ex parte Dei mouentis est. Primò motio diuina per gratiam. Secundò consecutio iustitiæ. Tertio motus lib. arb. in Deum. Quarto motus lib. arb. in peccatum. Et Quintò est remissio culpæ.

Ex parte vero hominis iustificati: Primò, est gratia Dei mouens: hæc. n. semper præcedit. Secundo est remissio culpæ. Tertio, est motus lib. arb. in detestationem peccati. Quarto, est motus lib. arb. in Deum. Et Quintò, est consecutio iustitiæ.

Suppo-

Supponitur igitur in minori vnum falsum, scilicet quod infusio gratiæ sit terminus ad quem iustificationis, quod tamen non est verum. Infusio enim gratiæ non est terminus ad quem iustificationis, sed est causa motiua hominis a statu peccati ad statum iustitiæ. Vnde ad iustificationem requiruntur quinque, scilicet Gratiæ infusio. Cōsecutio iustitiæ. Remissio culpæ. Motus lib. arb. in Deum. Et Motus lib. arb. in peccatum.

Ad 2. Dicitur ad maiorem, quod dispositio subiecti præcedit naturaliter susceptionem forme: prius enim, ordine naturæ subiectum disponitur, quam consequatur formam. Tamen ipsa met subiecti dispositio sequitur actionem agētis disponētis subiectum. Vnde prius est actio agētis disponētis materiam, deinde est dispositio materiæ, & vltimo est cōsecutio forme, ad quam subiectum disponitur. Sic in proposito. Prius est diuina motio, quæ est per gratiam, deinde sequitur motus lib. arb. & tandem est cōsecutio iustitiæ. Dispositio igitur naturaliter præcedit formam, id est cōsecutionem forme, ad quam disponit; tamen dispositio subiecti sequitur actionem disponētis: Sicut in calefactione aquæ potest apparere, quod dicimus. Dispositio enim aquæ ad calorem, præcedit formam caloris intro ducēdi in ipsam aquam, & ad quam disponitur: tamen ipsa dispositio aquæ, est post actionem, & calorem ignis disponētis aquam ad suscipiendum calorem. Sic in proposito motus lib. arb. in Deum, & in peccatum præcedit quidem iustitiam, ad quam lib. arb. disponitur, tamen sequitur gratiæ infusionem, per quam Deus lib. arb. ad iustitiam disponit.

Ad 3. Dicitur ad maiorem, quod est vera in motibus exterioribus, non autem in motibus animi. In motibus enim exterioribus prius oportet remouere impedimenta motus, deinde sequitur motus, & tandem acquiritur terminus motus. In motibus autem interioribus contrarium accidit. Prius enim in intentione est finis, siue terminus motus, deinde est motus ipse: quod si sit aliquod impedimentum, tandem intenditur remotio, licet in executione contrariū fiat. Prius .n. remouetur impedimētū, deinde sequitur motus, & tandem peruenitur ad terminum. Et quia iustificatio est quidam motus interior animi, & lib. arb. propterea, prius mouetur lib. arb. in Deum tanquam in finem, quam ad remouendum impedimentum peccati.

Vtrum Iustificatio impij sit maximum opus Dei.

Pro Negatiua.

V Idetur, quod Iustificatio impij non sit maximum opus Dei.

1. Illud per quod quis consequitur gratiam patriæ, maius est, quam illud, per quod consequitur gratiam viæ. Sed Per glorificationem homo consequitur gratiam patriæ, & per iustificationem consequitur gratiam viæ. Ergo Glorificatio maius quid est, quam iustificatio.

Maior prob. quia Gratiæ patriæ maior est, quam gratia viæ.

2. Illud, quod ordinatur ad bonum vniuersale, maius est, quam illud, quod ordinatur ad bonum particulare. Sed Creatio cæli, & terræ ordinatur ad bonum vniuersale, Iustificatio vero ordinatur solum ad particulare bonum vnius. Ergo Creatio cæli, & terræ maius opus est, quam iustificatio.

Maior prob. quia Bonum vniuersi maius est, quam bonum vnius hominis, vt dicitur 1. Ethicor. c. 2.

Minor prob. quia Creatio cæli, & terræ ordinatur ad bonum totius vniuersi, Iustificatio vero ordinatur solum ad bonum hominis, qui iustificatur.

3. Actio, per quam ex nihilo aliquid fit, & ad quam nihil cooperatur agēti, maior est, quam actio, per quam ex aliquo aliquid fit, & ad quam nullum aliud agens potest cooperari agenti. Sed Creatio est operatio, per quam ex nihilo aliquid fit, & ad quam nullum aliud agens potest cooperari creanti. Iustificatio vero est actio, per quam ex aliquo aliquid fit, scilicet ex impio iustus: & ad quam homo cooperatur per motum lib. arbit. vt ex dictis patet. Ergo Creatio maius opus est, quam iustificatio.

Pro Affirmatiua.

In Psal. 144. dicitur. Miserationes eius super omnia opera eius. In Collecta etiam Dominice 8. post oct. Trinit. dicitur, Deus, qui omnipotentiam tuam parcendo maxime, & miserando manifestas. August. quoque tract. 72. in Ioan. Exponens illud Ioan. 14. Maiora horum faciet, dicit. Maius opus est, vt ex impio iustus fiat, quam creare cælum, & terram.

Deer-

Determinatio.

1. Distinct. Opus aliquod potest dici magnum dupliciter. Vno modo ex parte modi agendi. Alio modo, ex parte rei factæ.

2. Distinct. Aliquod factum potest dici magnum dupliciter. Vno modo absolute. Sicut dicitur Mons magnus. Alio modo secundum proportionem. Sicut granum milij potest dici magnum respectu alicuius minoris grani: & mons potest dici paruus respectu montis maioris.

1. Conclusio. Creatio est maximum Dei opus ex parte modi agendi.

Hanc Conclusionem probat tertium argumentum factum pro negatiua.

2. Conclusio. Iustificatio, ex parte rei factæ, est maius opus, quam creare celum, & terram.

Prob. Actio, quæ terminatur ad bonum æternum, maior est, ex parte eius, quod fit; quam actio, quæ terminatur ad bonum mutabilis naturæ.

Sed Iustificatio impij terminatur ad bonum æternum, quod est bonum participationis diuinæ: Creatio verò terminatur ad bonum, quod est mutabilis naturæ.

Ergo Iustificatio ex parte eius, quod fit, maior est, quam creatio celi, & terræ.

Et confirmatur hæc ratio, & conclusio. quia Cum August. loco citato dixisset. Maius est, quod ex impio iustus fiat, quam creare celum, & terram, subiungit. Celum enim, & terra transibit, Prædestinatorum autem salus permanebit.

3. Conclusio. Opus glorificationis, secundum quantitatem absolutam eius, quod fit, maius opus est, quam iustificatio.

Hanc Conclusionem probat primum argumentum factum pro negatiua. est enim absolute maius bonum gratia patriæ, quam viæ.

4. Conclusio. Iustificationis opus secundum quantitatem proportionalem eius, quod fit, maius opus est, quam sit opus glorificationis.

Manifestatur. quia Plus excedit donum gratiæ, dignitatem impij, qui erat dignus pena, quam donum gloriæ, dignitatem iusti, qui ex hoc ipso, quod est iustificatus, est dignus gloria.

Et confirmatur ratio, & conclusio. quia Au-

gust. eodem loco dicit. Iudicet, qui potest, vtrum maius sit, iustos Angelos creare, quam impios iustificare: certè si æqualis est vtriusque potentia, hoc maioris est misericordiae.

Ad Argumenta.

Ad 1. Iam dictum est, concludere, quod opus glorificationis ex parte facti, secundum quantitatem absolutam, est maius, quam sit opus iustificationis: cum quod stat, vt iustificatio, ex parte facti, secundum proportionem sit maius opus.

Ad 2. Dicitur ad maiorem, quod est vera, quando bonum vniuersale, & particulare sunt eiusdem generis, vel ordinis, puta quod tam vniuersale, quam particulare, sint bona creata, naturalia, vel supernaturalia. Bonum enim naturale vniuersale melius est, quam bonum naturale particulare. Non autem est vera, quando non sunt eiusdem ordinis. Si enim vniuersale bonum sit naturale, particulare vero supernaturale, & diuinum, potius est particulare bonum, quam vniuersale. Tunc ad minorem dicitur, quod bonum, ad quod terminatur creatio, bonum est vniuersale quidem, sed naturale: gratia verò est supernaturale bonum, Et ideo bonum gratiæ vnius, maius est, quam bonum naturæ totius vniuersi.

Ad 3. Iam dictum est, quod probat primam conclusionem: Concludit enim, quod creatio, ex parte modi operandi, sit maximum Dei opus.

A R T I C V L V S X.

Vtrum Iustificatio impij sit miraculosa.

Pro Affirmatiua.

Videtur, quod Iustificatio impij sit opus miraculosum.

1. Quod est maius opus, quam sint opera miraculosa, est opus miraculosum. Sed Iustificatio impij est maius opus, quam opera miraculosa.

Ergo Iustificatio impij est opus miraculosum.

Maior prob. quia Opera miraculosa sunt maiora, non miraculosis. Vnde opus, quod est maius operibus miraculosis, est magis miraculosum.

Minor

Minor prob. Ex autoritate inducta in artic. præced. pro affirmatiua ex August. & etiam in corpore.

2. Motio voluntatis contra propriam eius inclinationem est opus miraculosum. Sed iustificatio est motio voluntatis contra eius inclinationem.

Ergo iustificatio est opus miraculosum.

Maior prob. a simili in naturalibus. Quando enim Deus aliquid operatur in rebus naturalibus contra inclinationem naturæ, est opus miraculosum: vt quando illuminat cæcum, vel suscitatur mortuum. Pari ergo ratione, quando operatur aliquid in voluntate contra eius inclinationem, erit opus miraculosum.

Minor prob. quia Voluntas impij ex se tendit in malum, & per iustificationem mouetur in bonum.

3. Quod aliquis subito, sine studio sapientiæ assequatur a Deo, est opus miraculosum. Ergo Quod aliquis a Deo gratiam consequatur, est miraculosum.

Conseq. prob. quia Sicut Sapientiæ est donum Dei, ita & iustitia. Vnde si miraculosum est, quod Deus infundat sapientiæ, ita miraculosum erit, quod Deus infundat gratiam.

Pro Negatiua.

Opera miraculosa sunt supra potentiam naturalem. Sed iustificatio impij non est supra potentiam naturalem.

Ergo iustificatio impij non est opus miraculosum.

Minor prob. quia August. dicit in lib. de præd. SS. cap. 5. Possit habere fidem, sicut possit habere charitatem, naturæ est hominum, habere autem fidem, quemadmodum habere charitatem, gratiæ est fidelium.

Determinatio.

Distinct. In operibus miraculosis tria inueniri consueverunt. Primum est ex parte potentie agentis. Vt scilicet sola diuina virtute possint fieri, & ideo sunt simpliciter mira, quasi habentia causam occultam; vt dictum est p. p. q. 105. artic. 7. & 8. & q. 110. artic. 4. Secundum est, vt forma inducta sit supra naturalem potentiam talis materie. Sicut suscitatio mortui dicitur opus miraculosum, quia vita est supra naturalem potentiam talis corporis. Tertium est, vt fiat præter solitum, & consuetum ordinem causandi ef-

fectum. Sicut cum aliquis infirmus sanitatem perfectam assequitur subito, præter solitum cursum sanationis, quæ fit a natura, vel arte, est opus miraculosum.

1. Concl. Iustificatio, ex parte potentie agentis, est opus miraculosum.

Prob. Ea, quæ sola virtute diuina possunt fieri, sunt opera miraculosa.

Sed iustificatio impij sola virtute diuina potest fieri.

Ergo iustificatio impij, ex parte agentis, est opus miraculosum. Et secundum hunc modum creatio mundi, & vniuersaliter omne opus, quod a solo Deo fieri potest, miraculosum dicitur.

2. Conclusio. Iustificatio impij, ex parte subiecti, non est opus miraculosum.

Prob. Introductio formæ in subiecto, quod est naturaliter capax formæ, quæ introducitur, non est opus miraculosum ex parte subiecti.

Sed iustificatio est infusio gratiæ in animam, quæ naturaliter est capax gratiæ.

Ergo iustificatio ex hac parte non est opus miraculosum.

Minor prob. quia Anima rationalis, ex hoc ipso quod est facta ad Dei imaginem, est gratiæ capax, vt ex autoritate August. inducta patet.

3. Concl. Iustificatio, ex parte modi, quo fit, aliquando non est miraculosa, & aliquando est miraculosa.

Manifestatur. Communis, & consuetus cursus, quo fit iustificatio, est, vt Deo mouente interius animam, homo conuertatur ad Deum: primo quidem conuersione imperfecta, vt postmodum ad perfectam deveniat, quia Charitas inchoata meretur augeri, vt ita mereatur perfici, vt August. dicit tract. 9. in epist. 10. Quandoque vero tam vehementer Deus animam mouet, vt statim quandam perfectionem iustitiæ assequatur. Si igitur iustificatio fiat secundum consuetum modum, scilicet mouendo de imperfecto ad perfectum paulatim, non est miraculosa ex hac parte. Si vero fiat præter consuetum modum, idest subito sit perfecta, est miraculosa. Et sic facta fuit conuersio D.

Pauli: facta enim fuit subito, adhibita etiam exterius miraculosa prostratione, & ideo Conuersio D. Pauli in Ecclesia celebriter commemoratur

tanquam miraculosa.

Ad

Ad Argumenta.

Ad 1. Dicitur, quod aliquod opus esse altero maius, potest dupliciter intelligi. Vno modo, quia id, quod per tale opus fit, est maius: secundum quod modum suscitatio mortui est minus opus, quam iustificatio. Quia per suscitationem mortui fit vita naturalis corporis, per iustificationem autem fit vita supernaturalis animæ. Alio modo, ex parte modi producendi effectum, quia scilicet effectus vnius producitur secundum consuetum modum, effectus vero alterius præter consuetum modum: & sic potest dici, quod Conuersio Pauli maius quid sit, quam conuersio Iudæorum, & gentilium per prædicationem Apostolorum. Tunc ad formam dicitur ad maiorem, quod opus maius, opere miraculoso, est miraculosum, si tamen sit maius, non solum ex parte rei factæ, sed etiam ex modo faciendi: si autem sit maius, solum ex parte rei factæ, non est necesse, ut sit tam miraculosum, sicut aliud, quod est maius ex parte modi faciendi. Et ad minorem dicitur, quod iustificatio facta secundum consuetum modum (si enim præter consuetum modum fiat, est miraculosa) est maior, quam alia opera miraculosa, pura quam illuminatio cæci nati, ex parte rei factæ, cum per ipsum fiat bonum supernaturale: sed tamen est minor, ex parte modi, quia fit secundum consuetum modum, ut dictum est.

Ad 2. Negatur maior. Ad prob. dicitur, quod non quodcumque res naturalis mouetur contra suam inclinationem, est opus miraculosum, alioquin miraculosum esset, quod aqua caleficeret, & quod lapis sursum projiceretur: sed tunc tale opus est miraculosum, quando fit præter ordinem, & facultatem propriæ causæ, quæ nata est hoc facere. Et quia iustificationem nullus potest facere nisi Deus, ideo iustificatio impij, quantum est ex parte causæ, non est miraculosa, nisi fiat præter consuetum modum, ut in corpore dictum est.

Ad 3. Negatur conseq. Ad prob. dicitur, quod non est eadem ratio de dono scientiæ, & de dono gratiæ. Sapieniam enim, & scientiam homo natus est acquirere a Deo per proprium ingenium, & studium, & ideo quando præter hunc modum homo efficitur sciens, vel sapiens, est miraculosum. Gratiam autem non potest homo acquirere per suam operationem, sed Deo operante, & ideo acquisitio gratiæ a Deo non est miraculosa, nisi fiat præter consuetum modum, ut dictum est.

QVÆSTIO CXIV.

DE MERITO, QVOD EST EFFECTUS gratiæ cooperantis.

ARTICVLVS I.

Vtrum homo possit aliquid mereri a Deo.

Pro Negatiua.

Videtur, quod Homo non possit aliquid mereri a Deo.

1. Qui reddit alicui, quod debet ei, non meretur aliquid ab eo. Sed Homo per bona opera, quæ facit, reddit Deo, quod debet, immo non potest recompensare Deo, quæ debet, quin semper amplius ei debeat, ut Phil. dicit 8. Ethic. cap. ult. & Luc. c. 17. dicitur. Cum omnia, quæ præcepta sunt, feceritis, dicite, serui inutiles sumus, quod debuimus facere fecimus. Ergo Homo non potest aliquid mereri a Deo.

2. Ex eo, quod aliquis sibi proficit, nihil videtur mereri apud eum, cui nihil proficit. Sed Homo bene operando sibi proficit, uel alteri homini, non autem Deo. Ergo Homo non potest aliquid a Deo mereri.

Minor quo ad ultimam partem prob. Ex eo, quod dicitur Iob 35. Si iuste egeris, quid donabis ei, aut quid de manu tua accipiet?

3. Quicunque apud aliquem aliquid meretur, constituit sibi eum debitorem. Sed Homo non constituit sibi per sua opera Deum debitorem. Ergo Homo non potest aliquid a Deo mereri.

Maior prob. quia Debitum est, ut aliquis merenti mercedem rependat.

Minor prob. quia Deus nulli est debitor, secundum illud Rom. 10. Quis prior dedit illi, & retri buetur ei?

Pro Affirmatiua.

Ille, cuius operi est merces a Deo, potest aliquid mereri a Deo. Sed Operi hominis est merces a Deo. Ergo Homo potest aliquid mereri a Deo.

Maior prob. quia Merces dicitur, quod pro merito redditur.

Minor prob. quia Ier. 31. dicitur. Est merces, operi tuo.

Determinatio.

Concl. Homo non potest simpliciter aliquid a Deo mereri, secundum absolutam rationem meriti.

KKKKK Prob.

Prob. Inter eū, qui meretur ab aliquo aliquid, quod habet absolutam rationem meriti, & eum, a quo illud meretur, debet esse æqualitas simpliciter. Sed Inter hominem, & Deū non potest esse æqualitas simpliciter. Ergo Homo non potest aliquid a Deo, secundum absolutam rationem meriti, mereri.

Maior prob. Quod pertinet ad iustitiam simpliciter, debet esse inter æquales. Sed Meritum, secundum absolutam rationem meriti, pertinet ad iustitiam simpliciter. Ergo Inter eum, qui meretur, secundum absolutam rationem meriti, & eum, a quo meretur, debet esse æqualitas simpliciter.

Maior huius prob. quia Iustitia est æqualitas quardam, vt patet per Phil. 5. Ethic. c. 1. 2. 3. 4. & ideo iustitia simpliciter est inter eos, qui sunt æquales. Inter eos autem, inter quos non est simpliciter æqualitas, non est simpliciter iustitia, sed quidam iustitiæ modus. Sicut dicitur esse hoc modo iustitiæ, inter patrem, & filium: Dominum, & seruum. Vnde Phil. in eodem lib. dicit, quod est quoddam ius paternum, & dominatiuum. Ad hoc igitur, quod inter aliquos sit iustitia secundum veram rationem iustitiæ, exigitur, quod sint æquales. Vnde illud, quod pertinet ad iustitiam, debet esse inter æquales.

Minor huius ostenditur. Nam meritum, & merces, siue premium ad idem referuntur. Merces enim dicitur, quæ recompensatur alicui pro labore, siue pro merito: & est præmium, siue merces, quoddam premium operis meritorii. Vnde sicut reddere iustum premium pro recepta ab aliquo, est actus iustitiæ, ita recompensare mercedem operis, vel laboris est actus iustitiæ. Pertinet igitur meritum, sicut & præmium ad iustitiam, quæ erat minor probanda.

Minor principalis, scilicet quod inter Deum, & hominem non sit æqualitas simpliciter, manifestatur. Nam Deus, & homo in infinitum distant.

Vel aliter probatur Conclusio. Inter quos est meritum secundum veram, & propriam rationem meriti, debet inter eos esse iustitia secundum veram rationem iustitiæ. Sed inter Deum, & hominem non potest esse iustitia secundum veram, & propriam rationem iustitiæ.

Ergo Inter Deum, & hominem non potest esse meritum, secundum propriam rationem meriti.

Maior manifestatur. quia Meritum secundum propriam rationem meriti, pertinet ad iustitiam, sicut, & merces, tam enim merces, quam meri-

tum ad iustitiam referuntur: est enim merces quasi premium meriti.

Minor prob. Iustitia, secundum veram, & propriam rationem iustitiæ, est inter æquales: est enim iustitia æqualitas. Sed Deus, & homo non sunt æquales: cum in infinitum distent.

Ergo Inter Deum, & hominem non potest esse propria ratio iustitiæ.

Et adhuc manifestatur hæc minor. quia Iustitia, quæ est inter eos, qui non sunt æquales, non dicitur iustitia simpliciter, sed tantum secundum quendam modum, vt patet per Phil. 5. Ethic. ubi dicit, quod ius paternum, quod scilicet est inter patrem, & filium, & dominatiuum, quod est inter dominum, & seruum, non habet rationem iusti simpliciter, sed solum quodammodo.

2. Conclusio. Homo potest mereri aliquid a Deo, secundum præsuppositionem diuinæ ordinationis.

Manifestatur. Inter Deum, & hominem potest esse iustitia, non quidem secundum æqualitatem simpliciter, sed secundum proportionem quandam, in quantum vterque operatur secundum modum suum. Vnde sicut modus, & mensura humanæ virtutis est homini a Deo, ita conueniens est, vt homo consequatur a Deo per suam operationem, quasi mercedem, id, ad quod ei operandi virtutem deputant. Sicut etiam res naturales hoc consequuntur per proprios motus, & operationes, ad quod a Deo sunt ordinatæ; quamuis differenter hoc contingat, in homine, & in alijs creaturis in fra hominem. Creatura enim se ipsam mouet ad agendum per liberi arb. & ideo sua opera habere possunt rationem meriti, quod non est in alijs animalibus.

Homo igitur meretur aliquid a Deo, quatenus per virtutem sibi datam a Deo operatur, & consequitur id, ad quod Deus ipsum ordinauit.

Ad Argumenta.

Ad 1. Negatur maior. Cum enim actus iustitiæ, quo quis reddit debitum, sit meritorius, quando homo propria voluntate facit illud, quod debet, meretur. Quamuis igitur omnia homo Deo debeat; tamen dum facit, quod debet, meretur aliquid a Deo, non quidem secundum absolutam rationem meriti, sed quia Deus bene operantibus mercedem constituit.

Ad 2. Negatur maior de eo, qui in opere altius, non quærit aliquem profectum, aut vilitatem sibi, sed solum gloriam, in opere eius, qui

ope-

operatur. Tunc ad minorem subsumendam dicitur, quod Deus ex bonis nostris non querit utilitatem, sed gloriam, id est manifestationem suæ bonitatis, quod etiam ipse Deus ex propriis operibus querit. Ex hoc autem, quod cum colimus, nihil ei accrescit, sed potius nobis aliquid accrescit, tamen meremur, in quantum propter eius gloriam operamur.

Ad 3. Dicitur ad maiorem, quod est vera de eo, qui meretur secundum propriam meriti rationem, non autem de eo, qui meretur ex præsupposita liberalitate, & ordinatione eius, apud quem meretur. Et quia actio nostra non habet rationem meriti, nisi ex præsuppositione diuinæ ordinationis, qua decreuit, recte operantibus mercedem dare, non sequitur, quod Deus efficiatur simpliciter debitor nobis, sed sibi ipsi, in quantum debitum est, ut sua ordinatio impleatur.

ARTICVLVS II.

Vtrum Aliquis sine gratia possit mereri vitam æternam.

Pro Affirmatiua.

Videtur, quod aliquis sine gratia possit mereri vitam æternam.

1. Illud, ad quod homo a Deo ordinatur secundum suam naturam, potest mereri absque gratia. Sed Homo ordinatur a Deo ad vitam æternam secundum suam naturam.

Ergo Homo potest mereri vitam æternam sine gratia.

Maior prob. quia Illud homo a Deo meretur, ad quod diuinitus ordinatur, ut dictum est art. præced.

Minor prob. quia Homo naturaliter appetit esse beatus.

2. Homo cum gratia potest aliquo modo mereri vitam æternam.

Ergo Multo magis eam mereri potest sine gratia.

Conseq. prob. Qui facit opus minus debitum, magis meretur, quam qui facit opus magis debitum. Sed Homo sine gratia facit opus minus debitum, quam homo, qui est in gratia. Ergo Si homo cum gratia meretur, multo magis homo sine gratia mereri potest.

Maior prob. quia Idem opus, quanto est minus debitum, tanto est magis meritorium.

Minor prob. Opus eius, qui minora recepit be-

nefitia, est minus debitum. Sed Qui non est in gratia, minora recepit beneficia a Deo, scilicet sola bona naturalia, quam ille, qui est in gratia, qui recepit etiam donum supernaturale.

Ergo Qui non est in gratia, sed per suam naturam operatur, facit opus minus debitum.

3. Vnus homo potest apud alium mereri, etiam si nunquam suam gratiam ante habuerit.

Ergo Multo magis homo absque gratia poterit vitam æternam a Deo mereri.

Conseq. prob. quia Misericordia, & liberalitas Dei in infinitum excedit misericordiam, & liberalitatem humanam.

Pro Negatiua.

Rom. 6. dicitur. Gratia Dei uita æterna.

Determinatio.

Dist. Homo sine gratia in duplici statu considerari potest. In statu naturæ integræ, qualis fuit in Adam ante peccatum. Et in statu naturæ corruptæ, sicut est in nobis ante reparationem gratiæ.

1. Concl. Homo in statu naturæ integræ non potest mereri vitam æternam per suam naturalia absque gratia.

Prob. Actus eius, qui potest mereri vitam æternam, sunt diuinitus ordinati ad vitam æternam. Sed Actus hominis, in puris naturalibus existentis, non sunt diuinitus ordinati ad vitam æternam.

Ergo Homo, in puris naturalibus existens, non potest mereri vitam æternam.

Maior prob. quia Meritum hominis dependet ex præordinatione diuina. Vnde actus, qui ordinantur diuinitus ad merendum æternam vitam, sunt meritorij, qui vero non ordinantur ad ipsam, non sunt meritorij.

Minor prob. Ad illud, quod excedit proportionem humanæ naturæ, etiam in statu integro consideratæ, non ordinantur humani actus diuinitus. Sed Vita æterna est quoddam bonum excedens proportionem cuiuscumque naturæ creatæ, & per consequens, proportionem naturæ humanæ, etiam in sua integritate consideratæ.

Ergo Actus hominis, etiam in statu naturæ integræ, non ordinantur diuinitus ad vitam æternam absque superaddito dono supernaturali gratiæ.

Maior huius prob. quia Nullius rei actus ordinatur diuinitus ad aliquid excedens proportionem suæ virtutis, & hoc, quia est ex institutione

KKKKK 2 ne

ne diuine providentiæ, vt nihil agat vltra suam virtutem.

Minor huius prob. quia Beatitudo æterna excedit etiam cognitionem intellectus creati, secundum illud. 1. Cor. 2. Nec oculus uidit, nec auris audiuit, nec in cor hominis ascendit, &c.

Et breuius prob. Conclusio. Actus hominis, in puris naturalibus existentis, non ordinatur diuinitus, absque gratia, ad merendum uitam æternam.

Ergo Homo, in puris naturalibus existens, nõ potest mereri uitam æternam sine gratia.

Conseq. prob. quia Meritum dependet ex Dei ordinatione, vt dictum est art. præced.

Antec. prob. quia Per diuinam providentiam non ordinatur actus creaturæ ad ea, quæ excedunt proportionem principii ipsorum actuum, qualis est uita æterna, quæ excedit etiam cognitionem creatam, secundum illud Apost. citati.

2. Conclusio. Homo in statu naturæ lapsæ non potest sine gratia mereri uitam æternam.

Prob. Nullus, in statu peccati existens, potest mereri uitam æternam, nisi prius reconcilietur Deo, dimisso peccato.

Ergo Homo in statu naturæ lapsæ non potest mereri uitam æternam sine gratia.

Antec. prob. quia Peccatum est quædam Dei offensa, & ideo non potest quis, a Deo aliquid mereri, nisi dimissa offensa.

Conseq. prob. quia Remissio peccati, & offensæ Dei non fit sine gratia: peccatori enim non debetur uita, sed mors, secundum illud Rom. 6. Infructus peccati mors.

Correl. Homo igitur, in statu naturæ integræ existens, non potest mereri uitam æternam sine gratia, propter vnā rationem, quia eius actus non ordinantur diuinitus ad uitam æternam, cū sit supra suam naturam. Homo vero, in statu naturæ corruptæ, nõ solum propter hanc rationem, non potest sine gratia mereri uitam æternam, sed ulterius non potest mereri, propter impedimentum peccati. Vnde gratia, in homine existente in statu naturæ integræ, vnum tantum facit: eleuat enim hominem ad diuinorum participationem. In homine vero, existente in statu naturæ lapsæ, facit duo: primo sanat, & reconciliat hominem Deo; deinde eleuat eum ad meritorie operandum.

Ad Argumenta.

Ad 1. Dicitur, quod hominem esse ordinatum a Deo secundum suam naturam ad aliquid, potest dupliciter intelligi.

Vno modo, vt illud consequatur secundum propriam virtutem. Alio modo, vt illud non consequatur nisi per superadditam virtutem.

Primo modo, homo ordinatur ad naturalem beatitudinem.

Secundo vero modo, ordinatur ad supernaturalem beatitudinem.

Maiores est vera de eo, ad quod homo ordinatur secundum primum modum, non autem de eo, ad quod ordinatur secundo modo. Vnde ad minorem dicitur, quod homo est quidem ordinatus a Deo ad beatitudinem uitæ æternæ consequendam, non propria uirtute, sed per auxilium gratiæ; & sic eius actus potest esse meritorius uitæ æternæ. Dicitur autem homo naturaliter ordinari a Deo ad uitam æternam; non, quia habeat naturalem inclinationem ad ipsam, ut sic, sed quia talis finis naturaliter homo est capax.

Ad prob. minoris alias dictum est, quod homo naturaliter appetit beatitudinem in communi, non autem beatitudinem supernaturalem in particulari, cum naturaliter eam non possit cognoscere.

Ad 2. Negatur conseq. Ad maiorem probationem dicitur, quod est vera ceteris paribus. Si enim sint duo opera, quorum vtrumque sit meritorium; quod est minus debitum, est magis meritorium. Sed si vnum ipsorum non sit meritorium, etiam si sit minus debitum, nullo modo erit meritorium. Puta seruare virginitatem, est opus magis meritorium, quam honorare parentes, quia cum utrumque opus sit meritorium, & virginitas est minus debita, est opus magis meritorium, virginitatem seruare, quam parentes honorare. Sed si quis faciat vnum opus, quod non habeat rationem meriti, etiam si nullo modo sit debitum, non erit per hoc meritorium. Magis enim meritorium opus est, non occidere, siue honorare parentes, quam procedere ad bellum, & mori in bello, quando non sit pro fide tuenda: quia quamuis ire ad bellum, sit minus debitum, tamen quia ex se non est meritorium, non potest dici magis meritorium, quam opus debitum. Quia igitur opus humanum absque gratia non est meritorium, ideo ex hoc, quod non est debitum, non potest dici magis meritorium. Et per hoc patet responsio ad probationem eiusdem maioris. Idem enim opus non debitum, si tamen sit meritorium, est magis meritorium, quam opus debitum. Secus est autem, si opus nunc debitum non sit ex se meritorium.

Ad

Ad 3. Dicitur dupliciter, secundum duplicem rationem in corpore positam, ad probandas conclusiones. Et iuxta primam rationem, qua dicebatur, quod homo non potest mereri, quia eius actus non ordinatur ad aliquid supra suam naturam absque gratia, negando consequentiā. Non enim est eadem ratio de merito apud homines, & apud Deum. Homo enim non habet virtutem merendi ab alio homine, & ideo homo vnus potest ab alio, absque eo quod habuerit prius eius gratiam mereri: cum gratia illius non sit sibi causa merendi, apud ipsum. Homo autem habet a Deo virtutem merendi, vt dictum est, & cum hęc virtus merendi apud Deum sit per gratiam, non potest homo, etiam in statu naturæ integræ, mereri absque gratia.

Et Ad probationem dicitur, quod quamvis sit maior misericordia Dei, quam hominis; tamen, cum homo non possit mereri absque Deo dante virtutem merendi, sequitur, quod homini merenti apud Deum sit necessaria gratia: & in hoc apparet maior Dei misericordia, & liberalitas, vt nō solum det premium merenti, sed prius dat virtutem merendi.

Secundum vero aliam rationem, loquendo scilicet de homine in statu naturæ lapsæ, dicitur ad antecedens, quod nec vnus homo, qui alium offendit, potest apud offensum mereri, nisi prius recipiat in gratiam eius per condonationem offensæ. Vnde absolute loquendo de homine offendente, est par ratio, de merito apud Deū, & apud homines. Sicut enim homo, qui alium offendit, non meretur nisi per remissionem offensæ, sic nec homo apud Deum: & quia remissio offensæ fit per gratiam, ideo indiget homo peccator gratia sanante, & gratum faciente ad hoc, vt mereri possit vitam æternam a Deo.

ARTICVLVS II.

Vtrum Homo in gratia constitutus possit mereri vitam æternam ex condigno.

Pro Negativa.

Videtur, quod Homo in gratia constitutus nō possit mereri vitam æternam ex condigno.

1. Passiones huius temporis non sunt condignæ ad futuram gloriam, quæ reuelabitur in nobis, vt dicitur Rom. 8. Ergo Per nulla alia opera potest homo mereri vitam æternam ex condigno.

Consequens prob. quia Inter alia opera meritoria maxime videntur esse meritoria sanctorum passionum.

2. Qui perducitur ad vitam æternam, non ex meritis, sed ex sola Dei miseratione, non meretur eam ex condigno. Sed Homo in gratia existens perducitur ad vitam æternam, non ex meritis, sed ex sola Dei miseratione. Ergo Homo in gratia existens non meretur vitam æternam ex condigno.

Minor prob. quia Super illud Rom. 6. Gratia Dei vita æterna, dicit Glossa. Posset recte dicere, Stipendium iustitiæ, vita æterna, sed maluit dicere Gratia Dei vita æterna, vt intelligeremus, Deum ad æternam vitam pro sua misericordia nos producere, non meritis nostris.

3. Actus eius, qui meretur aliquid ex condigno, æquantur vitæ æternæ. Sed Nullus actus hominis, etiam in gratia existentis, in hac vita potest æquari vitæ æternæ. Ergo Homo non potest mereri vitam æternam ex condigno.

Maiores prob. quia Illud meritum videtur esse condignum, quod æquatur mercedi.

Minor prob. quia Vita æterna cognitionem, & desiderium nostrum, charitatem, & dilectionem viat, sicut & naturam excedit:

Pro Affirmativa.

Illud, quod redditur homini secundum iustum iudicium est merces condigna. Sed Vita æterna redditur homini secundum iustum iudicium. Ergo Vita æterna est merces hominis condigna.

Minor prob. quia 2. Tim. 2. dicitur. In reliquo reposita est mihi corona iustitiæ, quam reddet mihi dominus in die illa iustus iudex.

Determinatio.

Distin. Opus meritorium hominis dupliciter considerari potest. Vno modo, secundum quod procedit à libero arbitrio nostro. Alio modo, secundum quod procedit à gratia Spiritus Sancti.

1. Concl. Opus bonum hominis, secundum suam substantiam, & secundum quod procedit ex libero arbitrio hominis, non est meritorium vitæ æternæ ex condigno.

Prob. Opus, quod est maxime inæquale vitæ æternæ, non potest esse meritorium vitæ æternæ ex condigno.

Sed Opus bonum hominis, secundum suam substantiam, & secundum quod procedit à lib. arb. hominis, est maxime inæquale vitæ æternæ.

Ergo Opus hominis, secundum suam substantiam, & secundum quod procedit ex lib. arb. non potest esse meritorium vitæ æternæ ex condigno.

Maiores prob. quia In merito ex condigno, meritum debet æquari mercedi.

2. Concl.

2. Concl. Opus bonum hominis, secundum suam substantiam, & secundum quod est ex eius lib. arb. potest esse meritorium vitæ æternæ de congruo.

Manifestatur. quia Inter opus meritorium hominis, secundum suam substantiam, ut est ex lib. arb. & vitam æternam est quædam æqualitas proportionis; Videtur enim congruum, ut homini operanti secundum suam virtutem, Deus recom-penset secundum excellentiam suæ virtutis.

3. Concl. Opus meritorium hominis, secundum quod procedit ex gratia Spiritus sancti, est meritum vitæ æternæ ex condigno.

Manifest. quia Sic, valor meriti attenditur secundum virtutem Spiritus sancti mouentis in vitam æternam; secundum illud Io. 4. Fiet in eo fons aquæ salientis in vitam æternam. Attēditur etiam præteritum operis secundum dignitatem gratiæ, per quam homo confors factus diuinæ naturæ, adoptatur in filium Dei, cui debetur hæreditas ex ipso iure adoptionis secundum illud Rom. 8. Si filij, & hæredes.

Ad Argumenta.

Ad 1. Dicitur ad Antec. quod Passiones huius temporis dupliciter considerari possunt. Vno modo secundum suam substantiam, secundum quod procedunt a lib. arb. Alio modo, secundum quod sunt à virtute Spiritus sancti. Si considerentur primo modo, non sunt condigne ad futuram gloriam, & sic de eis locutus est Apost. loco cit. in arg. Si vero de eis loquamur secundo modo, sunt meritoria de condigno æternæ vitæ, ut dictum est.

Ad 2. Dicitur, quod Consecutio vitæ æternæ habet duplicem causam, scilicet primam, & subsequentem. Causa prima est Dei misericordia. Causa subsequens est meritum nostrum. Qui igitur perducitur ad vitam æternam ex sola Dei miseratione, absque vlllo suo merito, non meretur eam ex condigno. Sed si perducatur ad vitam æternam, ex Dei miseratione, tanquam ex causa prima, & ex meritis, tanquam ex causa subsequenti, ex condigno eam meretur. Tunc ad formam argumenti negatur minor. Homo enim existens in gratia perducitur ad vitam æternam, ex Dei quidem miseratione, tanquam ex causa prima, sed ex meritis, tanquam ex causa subsequenti.

Ad prob. dicitur, quod Glosa illa intelligitur quantum ad causam primam perueniendi ad vitam æternam: & sensus est, quod, Nos perducimur ad æternam vitam ex Dei miseratione, & non ex meritis, tanquam ex causa principali, cum quo tamen stat, ut etiam ex meritis, tanquam ex

causa subsequenti, & ex condigno, eam, qui est in gratia, consequatur.

Ad 3. Dicitur ad minorem, quod gratia Spiritus sancti, quam in presenti habemus, & si non sit æqualis gloriæ actu, est tamen æqualis in virtute: sicut semen arborum, & si actu sit minus arbore, tamen virtute continet totam arborem. Vnde sicut in semine est virtus, ex qua arbor producitur, sic per gratiam inhabitat in nobis Spiritus sanctus, qui est sufficiens causa vitæ æternæ. Vnde 2. Cor. 1. dicitur. Gratia pignus hæreditatis nostræ.

A R T I C V L V S IV.

Vtrum Gratia sit principium meriti principalius per charitatem, quam per alias virtutes.

Pro Negatiua.

Videtur, quod Gratia non sit principium meriti principalius per charitatem, quam per alias virtutes.

1. Virtutes, quæ sunt principium operis, sunt principium merendi. Sed Quælibet virtus est principium alicuius operis. Ergo Quælibet virtus, & non sola charitas, est principium merendi.

Maior prob. quia Merces debetur operi iuxta illud Matth. 20. Voca operarios, & redde illius mercedem.

Minor prob. quia Virtus est habitus operationis, ut dictum est quæst. 55. art. 2.

2. Virtus, quæ minuit laborem, non est magis principium merendi, quam alia virtus. Sed Charitas minuit laborem. Ergo Charitas non est magis principium merendi, quam sint alie virtutes.

Maior prob. quia 1. Cor. 3. dicitur. Vnusquisque propriam mercedem accipiet, secundum proprium laborem.

Minor prob. quia August. dicit in lib. de verb. Dom. serm. 9. quod omnia sua, & immania, facilia, & quasi nulla facit amor. Vnde videtur, quod charitas potius diminuat meritum, quam quod sit merendi principium.

3. Illa virtus, cuius actus sunt maxime meritorij, videtur maxime esse principium merendi. Sed Actus fidei, & patientiæ, siue fortitudinis sunt maxime meritorij: ut patet de martiribus, qui pro fide patient, & fortiter vsque ad mortem certauerunt. Ergo Virtutes fidei, & patientiæ, siue fortitudinis videntur maxime principium merendi.

Pro Affirmatiua.

Virtus, cui promittitur Dei manifestatio, est maxime principium merendi. Sed Charitati promittitur

mittitur Dei manifestatio. Ergo Charitas est maxime principium merendi.

Maiores prob. quia In manifesta Dei cognitione consistit vita æterna, secundum illud Io. 17. Hæc est vita æterna, ut cognoscant te solum verum Deum, &c.

Minor prob. quia Io. 14. dicitur. Si quis diligit me, (quod fit per charitatem) diligetur a Patre meo, & ego diligam eum, & manifestabo ei me ipsum.

Determinatio.

Dist. Humanus actus habet rationem merendi ex duobus. Primo quidem, & principaliter ex diuina ordinatione, secundum quod actus dicitur esse meritorius illius boni, ad quod homo diuinitus ordinatur. Secundo vero, ex parte lib. arb. in quantum scilicet homo habet præ ceteris creaturis, ut per se agat, quatenus voluntarie agit. Duo igitur requiruntur ad hoc, ut actus sit meritorius. Primo, quod sit a Deo ordinatus ad mercedem æternæ vitæ. Secundò, ut sit voluntarius.

1. Concl. Gratia est principium meriti humani actus, secundum quod est ordinatus a Deo ad æternam vitam principaliter per charitatem, & secundario per alias virtutes.

Prob. Primo quod ad priorem partem sic. Illa virtus, cuius proprius actus est mouere humanam mentem ad fruitionem diuini boni, est principale principium meriti actus humani, secundum quod est a Deo ad vitam æternam præordinatus. Sed Charitatis proprius actus est mouere humanam mentem ad fruitionem diuini boni. Ergo Charitas est principale principium meriti humani actus, quatenus est a Deo ad vitam æternam ordinatus.

Maiores prob. quia Vita æterna in Dei fruitione consistit. Vnde virtus, quæ est principale principium motus humanæ mentis in hanc fruitionem, erit principale principium meriti, secundum quod humanus actus est meritorius ex diuina ordinatione.

Altera pars prob. Virtutes, quarum actus per charitatem ordinantur ad diuinam fruitionem, sunt principium meriti secundario. Sed Aliarum virtutum actus ordinantur ad vltimum finem, & ad æternam vitam per charitatem. Ergo Aliæ virtutes sunt secundarium principium meriti humani actus.

Minor prob. quia Aliarum virtutum actus, quatenus ad Deum ordinantur, imperantur a charitate.

2. Conclusio. Charitas est principale principium meriti actus humani, secundum quod est ex lib. arb. & voluntarius.

Prob. Illud, per quod, quod facimus, maxime voluntarie facimus, est principale principium meriti, secundum quod ad meritum concurret voluntarium. Sed Per charitatem maxime voluntarie facimus illud, quod facimus. Ergo Charitas est principale principium meriti, secundum quod ad rationem meriti concurret voluntarium, siue lib. arb.

Minor prob. quia Quod ex amore facimus, maxime voluntarie facimus.

Quia igitur charitas est, quæ primo mouet mentem humanam in diuinam fruitionem, & etiam facit, ut maxime voluntarie faciamus, quæ facimus; ideo est principale principium meriti. Et quia aliæ virtutes non ordinantur ad diuinam fruitionem, nisi per charitatem; ideo aliæ virtutes sunt secundarium principium meriti.

Ad Argumenta.

Ad 1. Dicitur ad maiorem, quod ad hoc, ut virtus sit principium merendi, non sufficit, ut sit principium cuiuscunque operis, sed operis, quod in Deum ordinetur. Quod si actus virtutis immediate, & principaliter in vltimum finem ordinetur, erit virtus principium principium meriti. Si autem eius actus sit ab actu alterius virtutis in finem ordinatus, erit principium meriti secundario. Tunc ad maiorem dicitur, quod quilibet virtus est quidem principium operis, sed tamen sola charitas, habet actum immediate circa vltimum finem, ut potest cuius obiectum est vltimus finis. Ideo actus charitatis præcipue est meritorius, actus vero aliarum virtutum, ut potest quæ habent pro obiecto ea, quæ sunt ad finem, ut alias dictum est, propterea ordinantur ad vltimum finem per actum charitatis. Vnde charitas principaliter, & aliæ virtutes secundario sunt principium meriti.

Ad 2. Dicitur, quod aliquod opus potest esse laboriosum, & difficile dupliciter. Vno modo, ex magnitudine operis: & sic martirium difficile, & laboriosius opus est, quam dare elemosinam, vel ieiunare. Alio modo, ex defectu operantis: secundum quem modum difficile est alicui discolo abstinere a ludo, vel audire concionem, quam bono Religioso ieiunare, & assidue orare. Magnitudo laboris, quæ est ex magnitudine operis, pertinet ad augmentum meriti, qui enim opera magis difficilia, & laboriosa facit, magis meretur. Labor autem, qui est ex parte operantis, non solum non augmet meritum, sed potius tollit rationem meriti, prouenit enim hic labor, ex eo quod operans, non prompta voluntate operatur. Tunc ad maiorem dicitur, quod est vera de labore, qui est ex magnitudine operis. Quod enim tollit laborem,

rem, qui est ex magnitudine operis, non est principium meriti, quia talis labor est de ratione meriti. Non autem est vera de eo, quod tollit laborem, qui est ex indispositione operantis, talis enim labor meritum tollit. Si quis enim non promptè ieiunet, non tantum meretur, ut ille, qui promptè ieiunat. Et ad minorem dicitur, quod Charitas non tollit laborem, qui est ex magnitudine operis, immo facit aggredi opera maxima: operatur enim magna si est, inquit Greg. in Hom. pent. Sed tollit laborem, qui est ex indispositione operantis, dum ipsum promptum reddit ad bona opera exercenda, quod non tollit meritum, ut dictum est.

Ad 3. Dicitur ad minorem, quod actus fidei, & fortitudinis non sunt meritorij nisi per charitatem: fidei enim actus meritorij sunt, quando fides per dilectionem operatur, ut dicitur ad Gal. 5. Et etiam actus patientie, & fortitudinis non sunt meritorij, nisi sint ex charitate. Vnde Apost. 1. Cor. 13. dicit. Si habuero omnem fidem, & si tradidero corpus meum, ita ut ardeam, charitatem autem non habuero, nihil mihi prodest.

ARTICVLVS V.

Utrum homo possit sibi mereri primam gratiam.

Pro Affirmatiua.

Videtur, quod homo possit sibi mereri primam gratiam.

1. Qui potest sibi mereri iustificationem, potest sibi mereri primam gratiam. Sed Homo potest sibi mereri iustificationem. Ergo Homo potest sibi mereri primam gratiam.

Maiores prob. quia Homo iustificatur per primam gratiam. Vnde qui sibi meretur iustificationem, meretur sibi & primam gratiam.

Minor prob. quia Aug. dicit in præfa. Psal. 31. Fides meretur iustificationem.

2. Deus non dat gratiam nisi dignis. Ergo Aliquis ex condigno potest mereri primam gratiam.

Conseq. prob. quia Non dicitur aliquis dignus aliquo dono, nisi qui ipsum ex condigno promeruerit.

3. Apud homines aliquis potest mereri donum iam acceptum. Ergo Multo magis primam gratiam iam susceptam, potest homo promereri à Deo per subsequenter opera.

Antec. prob. quia Qui equum accepit à Domino, meretur ipsum, bene utendo eo in seruitio Domini.

Conseq. prob. quia Deus liberalior est, quam homo.

Pro Negatiua.

Illud meretur homo, quod imputatur sibi secundum debitum, quasi merces operum. Sed Gratia non potest imputari homini secundum debitum. Ergo Gratiam non potest homo mereri.

Minor prob. quia Ratio gratiæ repugnat mercedi operum, secundum illud Rom. 4. Ei, qui operatur, merces non imputatur secundum gratiam, sed secundum debitum.

Determinatio.

Dist. Gratia potest considerari dupliciter. Vno modo, ut est donum quoddam, quod gratis à Deo homini datur. Alio modo, ut est quædam participatio diuinæ naturæ.

1. Concl. Gratia, secundum quod est donum gratis datum, nullo modo cadit sub merito.

Prob. quia Omne meritum repugnat gratiæ. Vt enim Apost. Rom. 11. dicit. Si gratia, iam non ex operibus.

2. Concl. Gratia, secundum quod est res quædam, nullo modo potest cadere sub merito eius, qui non habet gratiam.

Prob. dupliciter. Primo, Gratia excedit naturam eius, qui non habet gratiam. Ergo Gratia non cadit sub merito eius, qui non habet gratiam.

Prob. secundo. Qui habet impedimentum promerendi gratiam, non potest gratiam mereri. Sed Qui non habet gratiam, habet impedimentum promerendi gratiam, scilicet peccatum. Ergo Qui non habet gratiam, non potest mereri gratiam.

3. Concl. Qui habet gratiam, non potest mereri gratiam, quam iam habet.

Prob. Terminis operis non potest esse eiusdem operis principium. Sed Gratia, quam quis habet, est principium operis meritorij, id autem, quod quis meretur, est terminus operis. Ergo Gratia habita non potest cadere sub merito habentis gratiam.

Correl. Ex quo sequitur, quod si is, qui est in gratia, aliud gratuitum donum mereatur, puta maiorem participationem diuinæ naturæ, virtute præcedentis gratiæ, quod illud non sit prima gratia.

4. Concl. Nullus potest sibi mereri primam gratiam.

Hæc Concl. Sequitur manifeste ex dictis. Nam gratia, secundum quod est gratuitum Dei donum, nullo modo cadit sub merito, ut vero est res quædam, non cadit sub merito non habentis gratiam, sed solum potest cadere sub merito habentis iam gratiam, qui cum non possit mereri gratiam, quam habet, sequitur euidenter, quod prima gratia, neque

que ut est donum, neque ut est res, potest cadere sub merito.

Ad Argumenta.

Ad 1. Negatur minor. Ad probationem dicitur, quod, ut habetur lib. 1. retract. c. 28. Ipse Aug. aliquando in hoc fuit deceptus, quod credidit, initium fidei esse ex nobis, sed consummationem nobis dari ex Deo, quod ipse ibidem retractat. Et ad hunc sensum videtur pertinere id, quod dixit, quod fides iustificat. Sed si supponamus (ut veritas rei habet) quod initium fidei sit in nobis à Deo, iam etiam ipse actus fidei consequitur ipsam gratiam primam, & ideo actus fidei non potest esse meritorius primæ gratiæ. Igitur homo iustificatur per fidem, non quasi fides mereatur iustificationem, sed quia dum iustificatur, credit, eo quod motus fidei requiratur ad iustificationem impij, ut dictum est quæst. præced. art. 4.

Ad 2. Negatur consequentia. Deus enim non dat gratiam nisi dignis, non ita, quod prius digni fuerint; sed quia eos per gratiâ ipse facit dignos, qui solus potest facere mundum de immundo conceptum femine. Ad probationem dicitur, quod qui recipit gratiam est dignus, quia a Deo, qui dat gratiam, sit dignus.

Ad 3. Negatur Conseq. Non enim est eadem ratio de gratia hominis, & Dei. Gratia enim hominis non est causa operum omnium, quæ agit is, qui habet hominis gratiam: & ideo potest vnus homo, qui nōdum habet alterius gratiam, facere aliquid, per quod ipsam mereatur. Gratia autem Dei est principium omnium operum, quæ meritorie operari potest homo, ut ex dictis patet, & ideo impossibile est, ut aliquis mereri possit aliquid a Deo, nisi mediante gratia Dei prius habita: & in hoc apparet maior Dei misericordia, & liberalitas, quod cum nō possimus meritorie operari sine ipso, confert principium operandi, & dat mercedem operis meritori.

ARTICVLVS VI.

Vtrum Homo possit alteri mereri primam gratiam.

Pro Affirmatiua.

Videtur, quod Homo possit alteri mereri primam gratiam.

1. Qui potest alteri mereri interioreni sanationem, potest mereri alteri primam gratiam. Sed Vnus homo potest alteri mereri interioreni sanationem.

Ergo Vnus homo potest alteri mereri primam gratiam.

Maiores prob. quia Interior sanatio hominis est per primam gratiam.

Minor prob. quia super illud Matth. 9. Videns Iesus fidem illorum &c. dicit Glos. Ordin. Quantum valet apud Deum fides propria, apud quem sic valuit aliena, ut iatus, & extra sanaret hominē.

2. Qui potest mereri alteri salutem, potest ei mereri primam gratiam. Sed Vnus homo potest mereri alteri salutem. Ergo Vnus homo potest alteri mereri primam gratiam.

Maiores prob. Quia Salus hominis non potest esse nisi per gratiam.

Minor prob. quia Iacob. vlt. dicitur. Orate pro inuicem, ut saluemini. Ergo Vnus potest mereri alteri salutem.

Conseq. hæc prob. quia Orationes iustorum, non sunt vacuæ, sed efficaces: ut enim ibidem subditur. Multum valet deprecatio iusti assidua.

3. Qui meretur alicui recipi in æterna tabernacula, meretur ei primam gratiam. Sed Quis potest mereri alteri, recipi in æterna tabernacula. Ergo Vnus potest mereri alteri primam gratiam.

Maiores prob. quia Nullus recipitur in æterna tabernacula, nisi per gratiam, per quam solam aliquis meretur vitam æternam.

Minor prob. quia Luc. 16. dicitur. Facite vobis amicos de Mammona iniquitatis, id est date elemosynam, ut cum defeceritis, recipiant vos, scilicet pauperes per suas preces, in æterna tabernacula.

Pro Negatiua.

Ier. 15. dicitur. Si steterit Moyses, & Samuel coram me (qui tamen fuerunt maximi meriti apud Deum) non erit anima mea ad populum istum. Ergo Nullus potest mereri alteri primam gratiam.

Determinatio.

Dist. Opus nostrum habet rationem meriti ex duobus, ut dictum est. Primo quidem, ex vi motionis diuinæ: & sic meretur aliquis ex condigno. Alio modo, secundum quod procedit ex lib. arb. in quantum voluntarie aliquid facimus: & ex hac parte est meritum congrui, quia congruum est, ut dum homo bene vitur sua virtute, Deus secundum superexcellentem suam virtutem superexcellenter operetur.

1. Conclusio. Merito condigni nullus potest alteri mereri primam gratiam, nisi solus Christus.

Hæc Concl. habet duas partes. Prima est, quòd Nullus potest mereri alteri primam gratiam. Altera est, quod Christus potest alteri mereri primam gratiam.

Prob. Primo, quo ad priorem partem. Qui non mouetur à Deo per donum gratiæ, nisi ut ipse ad vitam perueniat, nō potest alteri mereri primam gratiam. Sed Vnusquisque nostrum mouetur à Deo per donum gratiæ, solum ut ipse ad vitam æternam perueniat. Ergo Nullus nostrum potest alteri primam gratiam mereri.

Altera pars probatur. Qui mouetur a Deo per donum gratiæ, non solum ut ipse ad gloriam perueniat, sed etiam ut alios ad vitam æternam perducatur, potest alijs mereri primam gratiam. Sed Christi anima mota est a Deo per gratiam, non solum ut ipse perueniat ad gloriam vitæ æternæ, sed etiam ut alios in eam adduceret, in quantum est caput Ecclesiæ, & auctor salutis humanæ, secundum illud Heb. 2. Qui multos filios in gloriam adduxerat, auctorem salutis &c. Ergo Christus meruit nobis primam gratiam.

2. Concl. Merito congrui potest, qui est constitutus in gratia, mereri alteri primam gratiam.

Manifestatur. Quia enim homo in gratia constitutus implet Dei voluntatem, congruum est secundum amicitie proportionem, ut Deus impleat voluntatem hominis in gratia existentis ad saluationem alterius: & si quandoque non sequatur effectus salutis in eo, cui quis in gratia constitutus salutem petit, est propter impedimentum peccati, quod inuenitur in eo, pro quo petitur salus.

Ad Argumenta.

Ad 1. Dicitur ad minorem, quod vnus homo per fidem potest alteri mereri interiorē sanationem, & per consequens primam gratiam, merito congrui, sed non merito condigni, ut dictum est.

Ad 2. Dicitur ad minorem, quod aliquis potest mereri alteri salutem de congruo, non de condigno.

Ad probationem dicitur, quod impetratio orationis innititur diuinæ misericordiæ, meritum autem condigni innititur iustitiæ, & ideo multa orando impetrat homo ex diuina misericordia, quæ tamen non meretur secundum iustitiam, secundum illud Dan. 9. Neque enim in iustificationibus nostris prosterminimus præces ante faciem tuam, sed in miserationibus tuis multis.

Ad 3. Dicitur ad minorem, & ad eius probationem, quod Pauperes eleemosynas recipientes dicuntur recipere alios in æterna tabernacula,

vel impetrando eis veniam orando. Vel merendo, per alia bona opera de congruo, eis, a quibus recipiunt eleemosynas. Vel tandem quia per ipsa opera misericordiam, quæ quis in pauperes exercet, meretur recipi in æterna tabernacula.

A R T I C V L V S VII.

Vtrum Homo possit sibi mereri reparationem post lapsum.

Pro Affirmatiua.

Videtur, quod Homo possit sibi mereri reparationem post lapsum.

1. Illud, quod iuste a Deo petitur, videtur homo posse mereri. Sed Reparatio post lapsum iuste a Deo petitur.

Ergo Reparationem post lapsum potest homo sibi mereri.

Minor probatur. quia Nihil iustius a Deo petitur, quam reparatio post lapsum, ut Aug. dicit, secundum illud 1^a sal. 70. Cum defecerit virtus mea, ne derelinquas me domine.

2. Homo potest aliquo modo mereri alteri reparationem post lapsum, sicut & primam gratiam. Ergo Multo magis sibi mereri potest, ut reparatur post lapsum.

Conseq. prob. quia Homini multo magis sibi opera sua profunt, quam alteri.

3. Qui sibi mereri potest vitam æternam, potest mereri reparationem post lapsum. Sed Homo, qui aliquando fuit in gratia, meruit sibi per bona opera vitam æternam.

Ergo Homo potest sibi mereri reparationem post lapsum.

Mayor prob. quia Non potest quis ad vitam æternam peruenire, nisi reparatur per gratiam. Si igitur homo, dum esset in gratia, meruit vitam æternam, post lapsum potest sibi mereri reparationem, ut vitam æternam, quam prius meruerat, consequi valeat.

Pro Negatiua.

Homini in peccatum lapso, nihil valebunt præcedentia merita, ad hoc ut resurgat.

Ergo Homo non potest sibi mereri reparationem post lapsum.

Antec. prob. quia Ezech. 18. dicitur. Si auerterit se iustus a iustitia sua, & fecerit iniquitatem, omnes iustitiæ eius, quas fecerat, non recordaminiur.

Determinatio.

Concl. Nullus, etiam in gratia existens, potest sibi mereri reparationem post lapsum futurum, neque merito condigni, neque merito congrui.

Prob. Quo ad utramque partem. Et quo ad primam. Motio diuinæ gratiæ, a qua dependet ratio meriti, interruptitur in homine lapso, per peccatum, in quo labitur.

Ergo Omnia beneficia, quæ postmodum a Deo consequitur, quibus reparatur, non cadunt sub merito, tanquam motione prioris gratiæ, quæ motio ad hæc beneficia non se extendit.

Quo ad secundam prob. Meritum congrui, quo quis alteri primam gratiam meretur, impeditur, ne consequatur effectum, propter impedimentum peccati in eo, cui quis meretur.

Ergo Multo magis impeditur talis meriti effectus per impedimentum, quod est, & in eo, qui meretur, & in eo, cui meretur, hic enim virtumque in vna personam concurrunt. Nullo igitur modo potest sibi quis mereri reparationem post lapsum.

Ad Argumenta.

Ad 1. Dicitur, quod potest dici iustum dupliciter. Vno modo, quia innititur iustitiæ. Alio modo, quia tendit ad iustum. Tunc ad maiorem dicitur, quod id, quod iuste a Deo petitur, quia innititur iustitiæ, potest petens mereri. Si vero iuste petitur solum quia in iustum tendit, non cadit sub merito. Ad minorem igitur dicitur, quod reparationem post lapsum iuste homo a Deo petit, non quod eius petitio, aut oratio innitatur iustitiæ, sed quia ad iustitiam eius petitio ordinatur, & innititur solum huiusmodi petitio, & oratio diuinæ misericordiae.

Ad 2. Negatur conseq. Ad prob. dicitur, quod homini profunt magis opera sua, quam alterius, si non adsit impedimentum. Quando enim aliquis pro alio petit reparationem, potest non esse impedimentum, saltem ex parte petentis, & merentis. Sed quando quis petit propriam reparationem, ex parte vtriusque est impedimentum, quia scilicet is, qui petit, & is pro quo petitur, scilicet idemmet, est in statu peccati.

Ad 3. quorundam responsio.

Ad 3. Quidam dixerunt, quod nullus, in gratia existens, meretur absolute uitam æternam,

nisi per actum finalis gratiæ, scilicet sub conditione, si perseveret. Vnde negabant absolute minorem.

Reprobatio.

Sed Hoc irrationabiliter dicitur, quia quandoque actus vltimæ gratiæ est minus meritorius, quam præcedentes, propter ægritudinis oppressionem: vnde si per præcedentes actus gratiæ non meretur homo vitam æternam, multo minus per illum vltimum actum eam mereri poterit.

Vera Responsio.

Dicitur igitur, concedendo ipsam minorem, quilibet enim actus charitatis meretur absolute uitam æternam. Sed quia per peccatum sequens ponitur impedimentum præcedenti merito, non sequitur effectus eius: sicut causæ naturales non fortiniunt aliquando effectus propter supernientia impedimenta. Negatur igitur absolute maior: potest enim quis mereri sibi vitam æternam, & non reparationem post lapsum, ratione dicta in corpore.

ARTICVLVS VIII.

Vtrum homo possit mereri augmentum gratiæ, vel charitatis.

Pro Negativa.

V Idetur, quod Homo non possit mereri augmentum gratiæ, vel charitatis.

1. Si Homo posset mereri augmentum gratiæ, vel charitatis, sequeretur, quod gratia augmentata non posset vltierus expectare aliud premium. Quod est inconueniens.

Conseq. prob. quia Cum aliquis acceperit premium, quod meruit, non debetur ei alia merces, sicut de quibusdam dicitur Matt. 6. Receperunt mercedem suam. Vnde si quis mereretur augmentum gratiæ, reciperet mercedem, scilicet gratiam maiorem, & sic non deberetur ei premium vitæ æternæ.

2. Principium meriti est gratia, vel charitas, vt dictum est art. 2. & 4.

Ergo Nullus potest maiorem gratiam mereri, quam habeat.

Conseq. prob. quia Nihil agit ultra suam speciem.

3. Si augmentum gratiæ, vel charitatis cadit sub merito, sequeretur, quod per quemlibet actum charitate informatum aliquis mereretur augmentum charitatis: quod tamen est falsum.

Conseq. prob. quia illud, quod cadit sub merito, meretur homo per quemlibet actum a gratia, vel charitate procedentem. Sicut per quemlibet talem actum meretur homo vitam æternam.

Falsitas consequentis ostenditur. Si Homo per quemlibet actum charitate informatum meretur augmentum gratiæ, vel charitatis, sequeretur, quod per quemlibet actum meritorium, gratia, vel charitas augetur; quod etiam est falsum.

Conseq. hæc prob. quia Id, quod homo a Deo meretur, infallibiliter consequitur, nisi impediat per peccatum, sequens. dicitur enim. 2. Tim. 1. Scio cui credidi, & certus sum, quia potens est, depositum meum seruare. Si igitur homo quolibet actu gratia informato meretur; sequitur, quod in quolibet actu gratia augeatur: Quod est falsum.

Falsitas consequentis huius ostenditur. quia. Actus charitatis quandoque non sunt ita seruentes, ut sufficiant ad charitatis augmentum.

Vel aliter formatur hoc argumentum. Si Augmentum charitatis caderet sub merito, sequeretur, quod in quolibet actu charitate informato, homo haberet augmentum gratiæ, vel charitatis, quod tamen est falsum.

Conseq. prob. quia Si augmentum charitatis caderet sub merito, homo ipsum mereretur in quolibet actu charitate informato, sicut in quolibet tali actu vitam æternam meretur. Et cum Deus infallibiliter det homini merenti, quod meretur, ut patet ex 2. Tim. 1. sequitur quod in quolibet actu recipiat homo a Deo augmentum gratiæ.

Falsitas autem consequentis ostenditur. quia. Non quilibet actus, etiam charitate informatus, est tanti seruporis, ut sufficiat ad charitatis augmentum.

Por Affirmatiua.

Charitas meretur augeri, ut aucta mereatur perfici, ut dicit Aug. tract. 5. super. Epist. Ioan.

Ergo Augmentum Charitatis cadit sub merito.

Determinatio.

Concl. Augmentum gratiæ cadit sub merito condigni.

Prob. illud, ad quod motio gratiæ se extendit, cadit sub merito condigni; ut art. 6. & 7. dictum est. Sed Ad augmentum gratiæ, & charitatis, motio gratiæ se extendit.

Ergo Augmentum gratiæ cadit sub merito condigni.

Minor prob. Ad progressum motus charitatis, vel gratiæ se extendit motio gratiæ.

Sed Augmentum gratiæ est progressus motus gratiæ.

Ergo Ad augmentum charitatis se extendit motus gratiæ.

Maiores huius prob. quia Motio mouentis, non solum se extendit ad vltimum terminum motus, sed etiam ad totum progressum in motu.

Minor huius prob. Nam motio gratiæ habet pro vltimo terminum vitam æternam, progressus huius motus est augmentum charitatis, iuxta illud Prou. 4. Iustorum semita, quasi lux splendens, procedit, & crescit (per augmentum charitatis) vsque ad perfectum diem, qui est dies gloriæ.

Ad Argumenta.

Ad 1. Negatur conseq. Ad prob. dicitur, quod cum præmium, sit terminus meriti, sicut est duplex terminus in quolibet motu, scilicet vltimus, qui habet rationem solum termini, & medius, qui potest habere rationem termini respectu præcedentis partis motus, & rationem principij respectu sequentis motus. Ita duplex est præmium in motione gratiæ, scilicet vita æterna, quæ habet rationem vltimi termini, & augmentum gratiæ, quod habet rationem medij: est. n. terminus præcedentis meriti, & principium meriti sequentis, quousque ad vltimum terminum æternæ uitæ perueniatur. Ad auctoritatem autem scripturæ inducitur ex Matt. 6. dicitur, quod Dominus loquitur de his, qui bona opera faciunt propter temporale præmium, constituentes ipsum quasi vltimum finem, tales enim, cum non tendant ad vitam æternam, eam non consequuntur, sed recipiendo temporalem fauorem, recipiunt mercedem suam, quam ut vltimum finem operum intendunt.

Ad 2. Negatur conseq. Ad prob. dicitur, quod augmentum gratiæ non est supra virtutem gratiæ præcedentis, sed solum supra quantitatem. Unde gratia præcedens non agit supra id, quod est supra suam speciem, & virtutem, sed supra id, quod est maius secundum quantitatem, & hoc non est inconueniens, quia semen, quod est minoris quantitatis, quam planta, producit plantam, quæ est in semine secundum virtutem.

Ad 3. Dicitur ad priorem formam, negando falsitatem cōsequentis. Meretur enim homo per quemlibet actum charitate informatum, augmentum charitatis; sicut gratiæ consummatione, quæ est vita æterna.

Ad prob. Negatur conseq. meretur enim homo per quemlibet actum gratuitum augmentum, sed tamen non semper statim tale augmentum recipit, sicut nec statim recipit æternam vitam, sed suo tempore, cum scilicet aliquis fuerit sufficienter dispositus ad gratiæ augmentum.

Ad aliam formam negatur cōseq. Ad prob. dī quod per quēlibet actū charitate formatū meretur augmentum gratiæ, quod tamen non in quolibet actu consequitur, sed quando fuerit sufficienter dispositus. Sicut etiam in quolibet actu charitate formato meretur vitam æternā, quam tamen, non statim recipit, sed tempore debito.

ARTICVLVS IX.

Vtrum Homo possit perseuerantiam mereri.

Pro Affirmativa.

Videtur, quod aliquis possit perseuerantiam mereri.

1. Illud, quod homo obtinet petendo, potest cadere sub merito habentis gratiam. Sed Homo obtinet perseuerantiam petendo. Ergo Homo potest mereri perseuerantiam.

Minor prob. quia Alioquin frustra peteretur a Deo in petitionibus orationis Dominicæ, vt August. exponit in lib. de bono perseuer. c. 2.

2. Homo potest mereri non posse peccare. Ergo multo magis potest mereri non peccare, quod est perseuere in bono.

Antec. prob. quia Homo potest mereri vitam æternam, de cuius ratione est, non posse peccare.

Conseq. prob. quia Non posse peccare maius est, quam non peccare. Si igitur illud cadit sub merito, multo magis hoc sub merito cadere potest.

3. Homo potest mereri augmentum gratiæ, quam habet, vt artic. præced. dictum est. Ergo Multo magis potest mereri perseuerantiam.

Conseq. prob. quia Maius est augmentū gratiæ, quam perseuerantia in gratia, quam quis habet.

Pro Negativa.

Omne, quod quis meretur, a Deo cōsequitur, nisi impediatur per peccatum. Sed Perseuerantiam non consequuntur omnes, qui habent opera meritoria, etiam nullo opposito impedimēto. Ergo Perseuerantia non cadit sub merito.

Quod si negetur minor. Hoc est propter impedimentum peccati.

Dicitur, quod hoc verum non est, quia Hoc ipsum, quod est peccare, opponitur perseuerantia, ita quod si aliquis perseuerantiam mereretur, Deus non permetteret cadere ipsum in peccatum.

Determinatio.

Dist. Dupliciter aliquis potest obtinere a Deo perseuerantiam in bono. Vno modo, per hoc quod lib. arb. determinatur ad bonum per gratiam consumatam: & hæc est perseuerantia, quæ erit in gloria. Alio modo, ex parte motionis diuinæ, quæ hominem inclinat in bonum vsque in finem, & hæc est perseuerantia viæ.

1. Concl. Perseuerantia patriæ cadit sub merito.

Prob. Terminus vltimus diuinæ gratiæ motionis cadit sub merito, vt dictum est artic. præced. Sed Perseuerantia patriæ pertinet ad vltimum terminum diuinæ gratiæ motionis, scilicet eterne beatitudinis. Ergo Perseuerantia patriæ cadit sub merito.

2. Concl. Perseuerantia viæ non cadit sub merito, sed ipsam Deus gratis largitur cuiusq; largitur.

Prob. Quod pertinet ad principium meriti, non cadit sub merito, vt dictum est de prima gratia, quæ, quia est principium omnis meriti, sub merito non cadit. Sed Perseuerantia viæ pertinet ad principium meriti: dependet enim solum ex diuina motione, quæ est principium omnis meriti. Ergo Perseuerantia viæ non cadit sub merito, sed si quis eam a Deo accipit, gratis, & absque vilo merito accipit.

Ad Argumenta.

Ad 1. Negatur maior. Multa enim impetramus orando, quæ tamen non meremur. Nam Deus audit peccatores, veniam petentes, quam tamen non meremur. Vt patet per August. tract. 44. in Ioan. super illud, Scimus, quia peccatores Deus non audit. Alioquin frustra dixisset Publicanus, Deus propitius esto mihi peccatori. Et similiter aliquis orando impetrare potest perseuerantiæ donum sibi, vel alteri, quod tamen non meretur. Non ergo frustra petitur, etiam si non cadat sub merito.

Ad 2. Negatur conseq. Non enim est eadem ratio de eo, quod est nō posse peccare, quod pertinet ad perseuerantiam patriæ, & de eo, quod est non peccare, quod pertinet ad perseuerantiam viæ. Illud enim cadit sub merito, quia comparatur ad gratuitam motionem, & ad motum lib. arb.

arb. meritòrium, vt terminus. Hęc vero comparatur ad eundem motum, vt principium meriti. Et quia terminus meriti cadit sub merito, non autem principium; ideo illa perseverantia cadit sub merito, non autem ista.

Ad prob. dicitur, quod & si non posse peccare maius sit, quam non peccare; tamen non posse peccare pertinet ad terminum meritorie motionis, non peccare verò pertinet ad principium meriti: & ideo primum cadit sub merito, non autem secundum, vt dictum est.

Ad 3. Negatur conseq. Ad prob. dicitur, quod licet gratiæ augmentum maius quid sit, quam perseverantia in gratia, quam quis habet, tamen quia gratiæ augmentum est terminus, licet non ultimus, diuinæ motionis, ideo cadit sub merito, perseverare vero in gratia, quæ habetur, pertinet ad principium meriti, vt dictum est. Et ideo augmentum gratiæ cadit sub merito, non autem perseverare in gratia, quam quis habet in via.

ARTICVLVS. X.

Vtrum Temporalia bona cadant sub merito.

Pro Affirmatua.

Videtur, quod Temporalia bona cadant sub merito.

1. Illud, quod promittitur aliquibus, vt primum iustitiæ, cadit sub merito: Sed Temporalia bona promissa sunt in legē veteri, vt primum iustitiæ, vt patet Deut. 28. Ergo Bona temporalia cadunt sub merito.

2. Illud, quod Deus retribuit alicui, pro seruitio sibi facto, cadit sub merito. Sed Bona temporalia retribuitur a Deo aliquibus, pro seruitio sibi facto. Ergo Bona temporalia cadunt sub merito. Minor probi, quia Exod. 1. dicitur. Et quia tuerunt obliuiteres Deum; Aedificauit illis domos, vbi dicit Glos. Greg. quod Benignitatis eorum merces potuit in æterna retribui: sed culpa mendacii terrenam retributionem accepit. Et Ezech. 29. dicitur. Rex Babylonis seruire fecit exercitum suum seruiture magna aduersus Tyrum, & merces non est redita ei: & postea subdit. Erit merces exercitus illius, & dedit ei terram Aegypti, pro eo quod laborauerit mihi.

3. Propter demeritum peccati aliqui puniuntur a Deo temporalibus penis, sicut patet de Sodomitis Gen. 19.

Ergo Propter meritum aliqui debent temporaliter remunerari.

Conseq. prob. quia Sicut se habet malum ad demeritum, ita se habet bonum ad meritum. Vnde sicut malum temporale cadit sub demerito, ita bonum temporale debet cadere sub merito.

Pro Negatiua.

Ea, quæ similiter se habent ad bonos, & ad malos, non cadunt sub merito. Sed Bona temporalia similiter se habent ad omnes, & bonos, & malos. Ergo Bona temporalia non cadunt sub merito.

Minor prob. quia Eccles. 9. dicitur. Vniuersa quæ eueniunt iusto, & impio, bono, & malo, mundo, & immundo, immolanti victimas, & sacrificia contemnti.

Determinatio.

1. Dist. Aliquid cadere sub merito potest dupliciter intelligi. Vno modo, vt cadat sub merito simpliciter. Alio modo, vt cadat sub merito secundum quid.

Manifestatur hæc dist. Nam quod sub merito cadit est præmium, vel merces, & habet rationem boni. Bonum autem hominis est duplex. Quoddam est bonum hominis simpliciter. Et quoddam est bonum hominis secundum quid. Bonum hominis simpliciter est vltimus finis eius, secundum illud Psal. Mihi autem adhaerere Deo bonum est: & per consequens omnia bona decentia ad hunc finem sunt bona simpliciter hominis. Bonum autem hominis non simpliciter, sed secundum quid, est, quod est ei bonum, vt nunc, vel quod ei est secundum quid bonum. Bonum igitur hominis simpliciter cadit sub merito simpliciter. Bonum vero hominis secundum quid cadit sub merito secundum quid.

2. Dist. Temporalia bona dupliciter considerari possunt. Vno modo, vt sunt vtilia ad opera virtutum, quibus perducimur in vitam æternam. Alio modo considerantur secundum se. Primo modo considerata, pertinent ad bonum hominis simpliciter. Secundo vero modo, pertinent ad bonum hominis secundum quid.

1. Concl. Bona temporalia secundum quod sunt vtilia ad opera virtutum, quibus in gloriam perducimur, cadunt sub merito simpliciter.

Prob. Quæ pertinent ad bonum hominis simpliciter, cadunt directe, & simpliciter sub merito. Sed Bona temporalia, secundum quod sunt vtilia ad opera virtutum, per quæ ad æternam vitam peruenimus, pertinent ad bonum hominis simpliciter: vt sunt augmentum gratiæ, & omnia illa, quibus homo adiuuatur post primam gratiam, ad perueniendum ad beatitudinem.

Ergo

Ergo Bona temporalia, vt deseruiunt operibus virtutum, cadunt simpliciter, & directe sub merito.

Correl. Et propterea Deus tantum dat viris iustis de bonis temporalibus, & etiam de malis, quantum eis expedit ad perueniendum in vitam æternam. Vnde Psal. 33. dicitur. Timentes Dominum non minuentur omni bono, scilicet ad salutem necessario. Et Psal. 36. dicitur. Non vidi iustum derelictum, scilicet in his, quæ sunt sibi ad salutem necessaria.

2. Concl. Bona temporalia, secundum se considerata, non cadunt sub merito simpliciter, sed solum secundum quid.

Prob. Quæ cadit sub merito simpliciter, sunt bona hominis simpliciter, & non tantum secundum quid. Sed Bona temporalia, secundum se considerata, non sunt bona hominis simpliciter, sed tantum secundum quid. Ergo Bona temporalia non cadunt sub merito simpliciter, sed solum secundum quid.

Declaratur secunda pars conclusionis, quomodo scilicet bona temporalia sic considerata, cadunt sub merito secundum quid. Dicuntur enim hæc bona cadere sub merito secundum quid, quatenus homines mouentur a Deo ad aliqua temporaliter agenda, puta ad bellandum, vel ad mercaturas exercendum, in quibus suum intentum, Deo fauente, consequuntur. Vnde sicut vita æterna habet simpliciter rationem mercedis per relationem ad motionem diuinam, qua homo ad æternam vitam mouetur. Sic temporalia bona habent rationem mercedis, quatenus voluntas hominis mouetur ad hæc temporalia bona profequenda. Vnde victoria ludit habuit rationem mercedis, quatenus eius voluntas a Deo mota fuit, ad trucidandum Holofernem. Et victoria Regis Babylonis, & Titi habuerunt rationem mercedis, quatenus a Deo moti fuerunt ad puniendum populum hebreorum, primo de idolatria, & postea de occisione Christi, quamuis ipse in hoc non habuerint hanc rectam intentionem,

Ad Argumenta.

Ad 1. Dicitur ad minorem, quod illa temporalia promissa fuerunt figura spiritualium bonorum, quæ in nobis implentur. Carnalis enim populus promissis præsentis vitæ inhærebat, & illorum non tantum lingua, sed etiam vita proph-

tica fuit. Vt August. dicit lib. 4. contra faust. c. 2.

Ad 2. Dicitur ad minorem, & ad eius prob, quod ille retributiones dicuntur esse diuinitus factæ secundum comparisonem ad diuinam motionem, non autem secundum respectum ad malitiam voluntatis illorum. Præcipue quantum ad Regem Babylonis, qui non impugnauit Tyrum quasi volens Deo seruire, sed potius, vt sibi Dominium usurparet. Tamen quia a Deo mouebatur ad puniendos Tyrios, mercedem dicitur accepisse. Similiter etiam obfetrices, licet habuerint bonam voluntatem, quantum ad liberationem puerorum, non tamen fuit recta voluntas, quantum ad hoc, quod mendacium confinxerunt: Sed quia a Deo ad liberationem puerorum mouebantur, mercedem acceperunt, vt ædificarentur sibi domos.

Ad 3. Dicitur ad antec. quod propter demeritum puniuntur mali temporalibus penis, quatenus per ea non adiuuantur ad consecutionem vitæ æternæ. Vnde huiusmodi punitio, quamuis sit per temporalia mala, pertinet tamen ad spirituale penam. Iusti autem his penis temporalibus adiuuantur ad æternam vitam consequendam: habent enim rationem medicinæ, vt dictum est quæst. 35. art. 7. & 8.

Breuius igitur dicitur ad antec. quod propter demeritum mala puniuntur a Deo penis temporalibus, quatenus ordinantur ad spirituale malum, scilicet ad priuationem vitæ æternæ, quatenus non adiuuantur ad eius consecutionem. Vnde sicut bona temporalia, quatenus ordinantur ad consecutionem æternæ vitæ, cadunt sub merito; ita pænæ temporales, quatenus ad priuationem æternæ vitæ ordinantur, sub demerito cadunt.

AD ARGUMENTVM pro Negatiua.

Ad Argumentum pro Negatiua dicitur, ad minorem, & ad eius probationem, quod omnia temporalia æque eueniunt bonis, & malis, quantum ad substantiam bonorum, vel malorum, non autem quantum ad finem.

Boni enim (non autem mali) per huiusmodi temporalia bona, vel mala, perducuntur ad beatitudinem. Ad quam nos perducere dignetur Dominus noster Iesus Christus, qui eam nobis suo sanguine promeruit.

A M E N.

A D Laudem, gloriamque Sanctissimæ Trinitatis Patris, & Filij, & Spiritus Sancti, & ad Beatissimæ Virginis Mariæ matris D.N. Iesu Christi, & Beati Dominici Patris nostri, & Beati Thomæ Aquinatis Doctoris Angelici, & omnium Sanctorum celestis Curia suntur Formalis Explicatio Prime, Secunda Summa Sac. Theologiæ eiusdem S. Thomæ Aquinatis. die 21. Iunii, Anni 1614. Aetatis Ann. 44. & Mens. 5. In adibus SS. Inquisitionis Admnia.

Omnia à me scripta, & scribenda Sanctæ Mariæ Ecclesiæ Catholica, & Apostolica Romana Matris, & columnæ veritatis, correctionis humiliter submisit.
Ego Fr. Hieron. a Camerino Ord. Prad.

Errata, ac loca quædam sic legenda.

Pag. 11. c. 1. lin. 25. In id, In eo. 56. c. 1. 40. Aliquid perfundens. Aliquis. 85. 1. 27. quod nos requirimus, nequimus. 103. 1. 6. post ly præsupponens actum voluntatis. addatur. Et hunc actum sequitur Vfus, qui est actus voluntatis. & lin. 18. Vnde cum imperium sit de vsu tanquam de obiecto. leg. Vnde cum vsus sit de imperio tanquam de obiecto 105. 2. 45. Apperitur sensitiuus intellectus, qui & c. 1. 46. 2. 39. Pœna habet rationem quidem, non tamen leg. rationem quidem mali, non tamen. 155. 2. 6. irascibilis non sit. irascibilis sit. 185. 2. 13. ab alteri. & alteri. 223. 2. vlt. Delectationi diuina. Dilectioni. 235. 1. 40. amor compatiens. Compatientis. 270. 1. 27. In timentibus in timoribus. 289. 2. 18. quorum actus. quatuor. 295. 2. 53. pro his. per hæc. 321. 1. 50. ad determinationem actus. ad determinatos actus. 327. 1. 6. Peccatum est aliqua virtus. Peccati. 332. 1. 10. superfluum illa verba si vero sermo sit. usque dictum est. 364. 2. 45. in Deo. Ergo. adden Sed Virtutes Cardinales non sunt in Deo. Ergo. 373. 1. 12. Sed virtutes intellectuales possunt. leg. intellectuales, & morales possunt. 376. 1. 18. Sed si consideretur hoc ipsum ad alias circumstantias. leg. hoc ipsum, per comparationem ad alias circumstantias. & 37. superfluit, id est secundum quod oportet. 408. 2. 3. Ergo Timori & c. leg. Ergo Timori debuit aliqua virtus addi: per quam dirigereur 449. 1. 31. Ergo peccata. peccatorum. 463. 1. 8. singulos. omnes. 1. 9. omnes. singulos. 467. 1. 48. super. superior. 633. 2. 10. lex est qua. lex qua est. 710. 1. 29. lex hoc spiritus. lex spiritus.

Si quid aliud occurrerit, corrigat benignus Lector.



R E G E S T V M.

† a b c d. A B C D E F G H I K L M N O P Q R S T V X Y Z.

Aa Bb Cc Dd Ee Ff Gg Hh Ii Kk Ll Mm Nn Oo Pp Qq Rr Ss Tt Vv Xx Yy Zz.

Aaa Bbb Ccc Ddd Eee Fff Ggg Hhh Iii Kkk Lll Mmm Nnn Ooo Ppp Qqq Rrr Sss Ttt Vuu Xxx Yyy Zzz.

Aaaa Bbbb Cccc Dddd Eeee Ffff Gggg Hhhh Iiii Kkkk Llll Mmmm Nnnn Oooo Pppp Qqqq Rrrr Ssss Tttt Vuuu Xxxx Yyyy Zzzz.

Aaaaa Bbbbbb Cccccc Dddddd Eeeee Fffff Ggggg Hhhhh Iiiii Kkkkk Llll.

Omnes sunt Duerniones.

V E N E T I I S. MDCXIII.
Ex Typographia Ambrosij Dei. Ad Signum S. Marci.



